


ପୁସ୍ତକି ମଢ଼େରା



The New Testament in the Kuvi language of India: ପୁସ୍ତକି ମଢ଼େରା

(Bible)

ପୁସ୍ତକ ଶିକ୍ଷା

The New Testament in the Kuvi language of India: ପୁସ୍ତକ ଶିକ୍ଷା (Bible)

copyright © 2020 The Word for the World International

Language: କୁଭି (Kuvi)

Contributor: The Word for the World International

ପୁସ୍ତକ ଶିକ୍ଷା, କୁଭି ପୁସ୍ତକ ଶିକ୍ଷା, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

PDF generated using Haiola and XeLaTeX on 25 Aug 2024 from source files dated 13 Apr 2023
081337bf-dba3-542b-bc85-280acfb14d33

Contents

ମାଡ଼ିୟୁ	1
ମାର୍କ	60
ଲୁକ	97
ଜହନ	158
କାମା	203
ରମିୟ	258
ଝକରନ୍ତ	283
ଓକରନ୍ତ	307
ଗାଲାଡ଼ିୟ	323
ଏପିସି	332
ପିଲିପି	341
କଲସିୟ	347
୨ତେସଲନିକ	353
୧ତିମତି	357
୨ତିମତି	364
ତିତସ	369
ପିଲିମନ	372
ଏବ୍ରୁ	374
ଜାକୁବ	392
୧ପିତର	399
୨ପିତର	407
୧ଜହନ	412
୨ଜହନ	419
୩ଜହନ	421
ଜୀହୁଦା	423
ଝେକସି ବଲୁ	426

ମାତୃତ ଲିଖିତ ସୁସମାଚାର ମାତୃମୂ ରାଚାମାନି ନେହଁ କାବୁ ମୂଲୁ ହାଡ଼ା

ପୁଃନି ମୋରାତି ସାରିଗଟା ନେହଁ କାବୁ ପତିୟାଁ ବିତ୍ରାତି ମାତୃମୂ ରାଚାମାନି ନେହଁ କାବୁ ଜୀସୁ କ୍ରୀସୁ ଜୀସୁତି କାତା ରାସ୍ତି ଆହାମାନେ । ଛ ସାରିଗଟା ପତିୟାଁକ୍ ନେହଁ କାବୁ ଇନେରି । ଏ ପତିୟାଁ ଜୀସୁ ହାଡ଼ି ତାୟୁ ମାତୃମୂ, ମାର୍କ, ଲୁକ ଅଡ଼େ ଜହନ ରାଚାମାନେରି । ମାତୃମୂ ରାଚିତି ନେହଁ କାବୁ ଏଚେଲା ରାସ୍ତି ଆହାମାନେ ଇଞ୍ଜିଁ ବୁଦିଗାଟାରି ପୁଞ୍ଜାହିଲାଆତି ଜିକେଏ, ଇଦି ଜୀସୁ କ୍ରୀସୁ ଜାର୍ନାଆଡ଼ି ୭୦ ବାସା ତାୟୁ ରାସ୍ତି ଆହାମାନେ, ଅଡ଼େ ଆମିନି ଗାୟୁତା ରାସ୍ତି ଆହାମାନେ, ଆମ୍ବାଆରି ପୁଞ୍ଜାହିଲାଅରି, ଛ ନେହଁ କାବୁତି ପତି, ପାଲେସ୍ତାୟିନି ଦେସାତି ଜିରୁସାଲମ ଗାଡ଼ାତା ରାସ୍ତି ଆହାମାନେ ।

ଜୀସୁ ମାତୃମୂକ୍ ତାନି ସୀସୁ ଆହାଲି ହାଡ଼ିତି ନକେଏ ମାତୃମୂ ର ସିସୁ ରୁାହନାସି ମାଚେସି, ଇଞ୍ଜାଁ ତାନି ଅଡ଼େ ର ଦରୁ ଲେବି ମାଚେ, ଏଝାସି ବାରଜାଣା ବିତ୍ରାତି ରଅସି ମାଚେସି, ଏଝାସି ଜୀହୁଦି ଲକୁତାକି ଛ କାବୁ ରାଚାମାନେସି । ଜୀହୁଦିୟାଁ ଜୀସୁକ୍, ଛ ରାଜିତା ସାଲଝି କିନି ରାଜା ଇଞ୍ଜିଁ ଅଣପିମାଚେରି, ସାମା ମାତୃମୂ ଏ ନାମୁତି ବାଦଲି କିହାନା ରାଚାମାନେସି; ଜୀସୁ ଦାରୁତିତି ରାଜି ଆଏ, ସାମା ଲାକପୁରୁ ଜୀସୁତି ରାଜି କାତା ଝେସିହଁ ଜାଗ୍ରାତା କିହାଁ ଝେସାମାନେସି, ମାହାପୁରୁ ଆଚିତି ଗେଲୁପିକିନି ରାଜା, ଆମିନି ଗାଟାଣି ତାକି ପୁଃଞ୍ଜ ମୋରାତି ଦାମ୍ବୁ ପତିତା ମାହାପୁରୁ ବଲୁ ଝେହନାରି ଝେସାମାନେରି, ଇଞ୍ଜିହଁ ପୁଣ୍ଡାସି କିହାଲି ଅଣପିମାଚେସି, ଛ ଆକୁତା ମାହାପୁରୁ ରାଜିତି କାତା ହାଚେକା ଝେସାମାନେସି ।

ମାତୃମୂ ରାଚିତି ନେହଁ କାବୁ ପୁଃନି ମୋରାତି ମୂଲୁ ପତି ଇଞ୍ଜିଁ ତଞ୍ଜା ଆହାମାନେ, ଇତିହଁ ପୁଃଞ୍ଜ ମୋରାତି ମାହାପୁରୁ ବଲୁ ହାଚେକା ରାସ୍ତି ଆହାମାନେ, ଛ ପତି ପୁଃଞ୍ଜ ମୋରା ପୁଃନି ମୋରା ତଲେ ଆଣ୍ଡାମାନେ, ଝେଡ଼ା ହପୁଞ୍ଜାକିତି ସଗୁପୁନାରି ଝେସାମାନେରି, ମାତୃମୂ ତାନି ଆକୁତା ମସାତି ମୋରା ପାରିନାୟି । ହରୁଲେକ ଜୀସୁ ଜାପୁନାୟି ମାତି ୫:୭, ମାହାପୁରୁ ମସାକି ହରୁଲେକ ମୋରା ହୀନାୟି ଝେ ମୋରା ୧୯:୩; ୨୩-୩୩ ।

ପତିତା ମାନାୟି

- ୧. ଜୀସୁ କ୍ରୀସୁତି ଜାର୍ନା ଅଡ଼େ ତାନି ସେବା କାମା । ୧:୧-୪:୨୫
- ୨. ଜୀସୁ କ୍ରୀସୁତି ସେବା ଅଡ଼େ ତାନି ଜାପୁନାୟି । ୫:୧-୨୫:୪୭
- ୩. ଜୀସୁ କ୍ରୀସୁ ହାନାୟି ଅଡ଼େ ଝେଣ୍ଡେ ନିଜିନାୟି । ୨୬:୧-୨୮:୨୦

ଜୀସୁ କ୍ରୀସୁତି ଆକୁ ଆବାୟାଁ
(ଲୁକ ୩:୨୩-୩୮)

- ୧ ଅବ୍ରାହାମ ମୀରୁଏସି ଅଡ଼େ ଦାଝୁଦତି ମୀରୁଏସି ଜୀସୁ କ୍ରୀସୁତି କୃଡ଼ା ।
- ୨ ଅବ୍ରାହାମ ମୀରୁଏସି ଇସାହାକ, ଇସାହାକ ମୀରୁଏସି ଜାକୁବ, ଜାକୁବ ମୀରୁଏସି ଜୀହୁଦା ଇଞ୍ଜାଁ ତାନି ତାୟିୟାଁ,
- ୩ ଜୀହୁଦା ଅଡ଼େ ତାମାର ମୀରୁଏସି ପେରସ ଅଡ଼େ ଜେରହ, ପେରସ ମୀରୁଏସି ହେସ୍ରାଶ, ହେସ୍ରାଶ ମୀରୁଏସି ଅରାମ,
- ୪ ଅରାମ ମୀରୁଏସି ଅମିନାଦାବ, ଅମିନାଦାବ ମୀରୁଏସି ନହସନ, ନହସନ ମୀରୁଏସି ସଲମନ,
- ୫ ସଲମନ ଅଡ଼େ ରାହାବ୍ ମୀରୁଏସି ବୟାଜ, ବୟାଜ ଅଡ଼େ ରୁତ ମୀରୁଏସି ଅବେଦ, ଅବେଦ ମୀରୁଏସି ଜସି ।
- ୬ ଜସି ମୀରୁଏସି ଦାଝୁଦ ରାଜା, ଦାଝୁଦ ଅଡ଼େ ଉରିୟ ଡକ୍ତ୍ରିନି ତାଣାତି ସଲମନ ଜାର୍ନା ଆଡେସି,
- ୭ ସଲମନ ମୀରୁଏସି ରିହବୟାମ, ରିହବୟାମ ମୀରୁଏସି ଅବିୟ, ଅବିୟ ମୀରୁଏସି ଅସା,
- ୮ ଅସା ମୀରୁଏସି ଜିହସାପାଟ୍, ଜିହସାପାଟ୍ ମୀରୁଏସି ଜରାମ, ଜରାମ ମୀରୁଏସି ଉଜିୟ,
- ୯ ଉଜିୟ ମୀରୁଏସି ଜତମ୍, ଜତମ୍ ମୀରୁଏସି ଆହାଜ, ଆହାଜ ମୀରୁଏସି ହିଜକିୟ,
- ୧୦ ହିଜକିୟ ମୀରୁଏସି ମନସି, ମନସି ମୀରୁଏସି ଆମନ, ଆମନ ମୀରୁଏସି ଜସିୟ,

୧୧ ଇସ୍ରାୟେଲଙ୍କ ବାବିଲନ ଦେସାତା ଦସାନା ଅନି ବେଲତା ଜସିୟ ମୀରୁକା ଜିକନିୟ ଇଞ୍ଜା ତାନି ତାୟିୟା ଜାର୍ନା ଆଡେରି ।

୧୨ ବାବିଲନତା ଅଢ଼ିଆଡ଼ି ଜେଚ ଜିକନିୟ ସଲ୍ଲଟିୟେଲ୍ଲ ଜାନ କିତେସି, ସଲ୍ଲଟିୟେଲ୍ଲ ମୀରୁଏସି ଜିରୁବାବେଲ,

୧୩ ଜିରୁବାବେଲ ମୀରୁଏସି ଅବିହୁଦ, ଅବିହୁଦ ମୀରୁଏସି ଏଲିୟାକିମ, ଏଲିୟାକିମ ମୀରୁଏସି ଅସର,

୧୪ ଅସର, ମୀରୁଏସି ସାଦକ, ସାଦକ ମୀରୁଏସି ଆକିମ, ଆକିମ ମୀରୁଏସି ଏଲିହୁଦ,

୧୫ ଏଲିହୁଦ ମୀରୁଏସି ଏଲିୟାଜର, ଏଲିୟାଜର ମୀରୁଏସି ମତାନ, ମତାନ ମୀରୁଏସି ଜାକୁବ,

୧୬ ଜାକୁବ ମୀରୁଏସି ମରିୟମନି ତକ୍ରା ଜସେପ, ଇ ମରିୟମନି ବାଣ୍ଡିଟି ଜୀସୁ ଜାର୍ନା ଆଡେସି, ଏଞ୍ଜାଣାଲ୍ଲ କ୍ରୀସ୍ତ ଇଣ୍ଡି ଆହିମାନେ ।

୧୭ ଇଲେଆହୁ ଅବ୍ରାହାମ ତାଣ୍ଡାଟିଏ ଦାଝୁଦ ପାତେକା ସଦ ଜାଣା ଆକୁୟା, ଅଡେ ଦାଝୁଦ ତାଣ୍ଡାଟିଏ ବାବିଲନ ଅଢ଼ିଆଡ଼ି ପାତେକା ସଦ ମାଣ୍ଡସି, ଇଞ୍ଜା ବାବିଲନ ଅଢ଼ିଆଡ଼ି ତାଣ୍ଡାଟିଏ ଜୀସୁ କ୍ରୀସ୍ତଟି ଜାର୍ନା ପାତେକା ସଦ ମାଣ୍ଡସି ।

ଜୀସୁ କ୍ରୀସ୍ତଟି ଜାର୍ନା ଆନାୟି

(ଲୁକ ୧:୨୭-୩୮; ୨:୧-୭)

୧୮ ଜୀସୁ କ୍ରୀସ୍ତଟି ଜାର୍ନା ଇଲେକ ଆଡେ । ତାନି ଇୟା ମରିୟମ ଅଡେ ଜସେପ ତଲେ ବୀହା ଆହାଲି ରୀସ୍ତି ଆହାମାଟି ଜେଚ, ଏଢ଼ି କାଲ୍ଲୁଢ଼ି ଆଆ ନବେଏ, ଏଦି ସୁଦୁଜୀଝୁ ତଲେ ପୁରାମାସା ଆହାମାନେ ଇଞ୍ଜା ପୁଣ୍ଡି ଆଡେ ।

୧୯ ଏଚେଟିଏ ତାନି ତକ୍ରା ଜସେପ ର ଦାର୍ମ୍ବ ଲକୁ ମାଚାକି, ଇଞ୍ଜା ଏଦାଣି ଲକୁ ନକିତା ଦହ ଗାଚାୟି ଇଞ୍ଜା ତହୁଆପେଏ ଇଞ୍ଜା ଏଦାନି ତକ୍ରାହାନା ପିସାଲି ତାରି କିତେସି ।

୨୦ ସାମା ଏଞ୍ଜାସି ଏଲେଇଞ୍ଜି ତାରିକିତି ତାୟୁ, ମେହଦୁ, ମାହାପୁରୁତି ର ଦୁତୁ ଏଞ୍ଜାଣାଲ୍ଲ ହାପାନାତା ଏଲେଇଚେସି, “ଆଡେ ଦାଝୁଦ କୁଡାତି ଜସେପ, ମରିୟମନି ତକ୍ରା କିହାଲିତାକି ଆଜାଆନି, ଏନାଆଁତାକି ଇଚିହୁ ମାହାପୁରୁତି ସୁଦୁଜୀଝୁ ତଲେ ପୁରାମାସା ଆହାମାନେ ।

୨୧ ଏଦି ର କକାଣାଲ୍ଲ ଜାନ କିନେ, ଅଡେ ମୀରୁ ଏଞ୍ଜାଣି ଦରୁ ଜୀସୁ ଇଞ୍ଜା ଇଗାଦୁ, ଇଚିହୁ ଏଞ୍ଜାସି ତାନି ଲକୁଟି ତାନି ବାରେ ପାପୁଟି ଗେଲ୍ପିନେସି ।”

୨୨ ମାହାପୁରୁ ଅଣ୍ଡପୁଟି ବଲ୍ଲୁ ଝେହ୍ନାରି ତାଣ୍ଡାଟି ପ୍ରବୁତି ଇ କାତା ଏନିକ ପୁରା ଆନେ, ଇଦାଆଁତାକି ଇ ବାରେ ଆଡେ,

୨୩ “ମେହଦୁ ର ତାଆ ମାଞ୍ଜା ପୁରାମାସା ଆହାନା ର କକାଣାଲ୍ଲ ଜାନ କିନେ, ଅଡେ ଲକୁ ଏଞ୍ଜାଣି ଦରୁ ‘ଇମାନୁୟେଲ୍ଲ’ ଇଚିନେରି ।” ଇ ଦରୁତି ଅର୍ତ “ମାହାପୁରୁ ମା ତଲେ ମାନେସି ।”

୨୪ ଏମାଟିଏ ଜସେପ ଇଦାଟି ନିଜାତି ତାୟୁ ପ୍ରବୁତି ଦୁତୁ ଏନିକ ହୁକୁମି ହୀହାମାଚେସି, ଏଲେକିହୁ ଏ କିତେସି, ଏଞ୍ଜାସି ମରିୟମଲ୍ଲ ବୀହା ଆଡେସି;

୨୫ ଏସାମା ଏଦି କକାଣାଲ୍ଲ ଜାନ କିଆ ପାତେକା ଏଦାଣି ତଲେ କୁଡାଆଡେସି, ଅଡେ ଏ କକାଣି ଦରୁ ଜୀସୁ ଇଚିତେରି ।

9

ଝେଡ଼ା ହପୁଞ୍ଜାକିତି ସଗୁପୁନାରି

୧ ହେରଦ ରାଜା ବେଲତା ଜୀହୁଦା ଦେସାତି ବେତଲିହିମ ଗାଡ଼ାତା ଜୀସୁ ଜାର୍ନାଆଡ଼ି ତାୟୁ, ମେହଦୁ, ଝେଡ଼ା ହପୁ ଞ୍ଜାକିଟି ଏଚରଜାଣା ସଗୁପୁନାରି ଜିରୁସାଲମତା ଝାହାନା ଝେଚେରି,

୨ “ଆମିନି କକାସି ଜୀହୁଦିଙ୍ଗା ରାଜା ଆହାଲି ଜାର୍ନା ଆହାମାନାସି, ଏଞ୍ଜାସି ଆମ୍ବିୟା ? ମାମ୍ବୁ ଝେଡ଼ା ହପୁ ଞ୍ଜାକିଟି ତାନି ହୁକା ମେସାନା ଏଞ୍ଜାଣାଲ୍ଲ ଜହରା କିହାଲି ଝାହାମାନି ।”

୩ ଇ କାତା ଝେଞ୍ଜାନା ହେରଦ ରାଜା ଅଡେ ତାନିତଲେ ଜିରୁସାଲମତି ବାରେ ଲକୁ କାବାଆହାନା ଆଜିତେରି ।

୪ ଅଡେ ଏଞ୍ଜାସି ଲକୁଟି କାଜା ପୁଜେରାଙ୍ଗା ଇଞ୍ଜା ମେରା ପୁନାରାଲ୍ଲ କୁଡ଼ି କିହାନା, କ୍ରୀସ୍ତ ଏମ୍ବିୟା ଜାର୍ନା ଆନେସି, ଏଦାଆଁ ଏଞ୍ଜାରି ତାଣ୍ଡାଟି ପୁଞ୍ଜାଲି ଅଣ୍ଡପିତେସି ।

☆ ୧:୧୮ ଲୁକ ୧:୨୭ ☆ ୧:୨୧ ଲୁକ ୧:୩୧ ☆ ୧:୨୫ ଲୁକ ୨:୨୧

୫ ଏଞ୍ଜାରି ଏଞ୍ଜାଣାଇଁ ଏଲେଇରେବି, ଜୀହ୍ୱଦା ଦେସାତି ବେତଲିହିମ ଗାଡ଼ାତା ମାହାପୁରୁ ଅଣ୍ଟପୁତି ବଲୁ
ଝେହ୍ନାରି ତାଣାଟି ଇଲେଇଞ୍ଜିଁ ରାସ୍ତକି ଆହାମାନେ;

୬ “ଏ ଜୀହ୍ୱଦା ଦେସାତି ବେତଲିହିମ,
ଜୀହ୍ୱଦାତି କାଜା ନାସ୍ତକା ବିତ୍ରାଟି ନୀନୁ ଉଣା ଆଏ;
ଇଚିହିଁ ଆମ୍ବାଆସି ନା ଇସ୍ରାୟେଲ ଲକୁଣି ପହି କିନେସି,
ଏଲେତି ର ସାଲଝି କିନାସି ନା ତାଣାଟି ଝାନେସି ।”

୭ ତାୟୁ ହେରଦ ସପ୍ତ ପୁନାରାଇଁ ମୋଶୋଏ ହାଟାନା, ଏ ହୁକା ଏରେଲା ତଞ୍ଜାଆତେ ଏ କାତା ଏଞ୍ଜାରି
ତାଣାଟି ନେହିଁ କିଁ ଝେରେସି ।

୮ ଇଞ୍ଜାଁ ଏଞ୍ଜାସି ଏଞ୍ଜାରାଇଁ ବେତଲିହିମତା ପାଣ୍ଡାନା ଏଲେଇରେସି, “ମୀରୁ ହାଜାନା ଏ କକାଣି କାତା
ନେହିଁ କିଁ ସିନିକିହାନା ନାଙ୍ଗେ ଜିକେଏ ଝେସ୍ତାଦୁ, ଇଚିହିଁ ନୀନୁ ଜିକେଏ ହାଜାନା ଜହରା କିକାଇଁ ।”

୯ ଏରେଟିଏ ଏଞ୍ଜାରି ରାଜା କାତା ଝେଞ୍ଜାନା ହାରେରି; ଅଡ଼େ ମେହ୍ଦୁ, ଏଞ୍ଜାରି ଝେଡ଼ା ହପ୍ତାଞ୍ଜି ଆମିନି
ହୁକା ମେସାମାରେରି, ଏଡ଼ି ଏଞ୍ଜାରି ନକି ନକିତା ହାଜାନା, ଏମିୟା କକାସି ମାତେସି ଏ ଲାକ ହାଜାନା ନିତେ
।

୧୦ ଏ ହୁକା ମେସାନା ଏଞ୍ଜାରି ହାରେକା ରାହାଁତଲେ ରାହାଁ ଆଡ଼େରି ।

୧୧ ଏଞ୍ଜାରି ଇଲୁ ବିତ୍ରା ହଡ଼ାନା ତାମି ଇୟା ମରିୟମ ଇଞ୍ଜାଁ କକାଣି ତାଲୁଇଁ ମେସାନା, ଏଞ୍ଜାଣାଇଁ
ମୋଣ୍ଡାକୁତାନା ଜହରା କିତେରି, ଇଞ୍ଜାଁ ତାମ୍ବୁତାଗାମାଟି ପେଡ଼ାୟାଁଟି ବାଁଗାରା, ଦୁପା ଦୁପଣି ଅଡ଼େ ଗାନ୍ଦା
ନିହୁଁ ବେଟୁ ହାତେରି ।

୧୨ ତାୟୁ ହେରଦ ରାଜା ତାଣା ଝେଣ୍ଡା ହାଲାଆପେରିଝା ଇଞ୍ଜିଁ ମାହାପୁରୁ ଏଞ୍ଜାରାଇଁ ହାପାନାତା ହୁକୁମି
ହାହାଲିଏ, ଏଞ୍ଜାରି ଅର ଜିରୁଟି ତାମି ଦେସାତା ଝେଣ୍ଡାହାରେରି ।

ମିସର ଦେସାତା ହାନାସି

୧୩ ଏଞ୍ଜାରି ହାଟି ତାୟୁ, ମେହ୍ଦୁ, ମାହାପୁରୁତି ଦୂତୁ ଜସେପଇଁ ହାପାନାତା ଏଲେଇରେସି, “ନିଙ୍ଗାମୁ
କକାଣି ତାଲୁଇଁ ଅଡ଼େ ତାମି ଇୟାନି ଅହିଁ ମିସରତା ହାଲାମୁ, ନୀନୁ ମିଙ୍ଗେ ଝେସ୍ତାଆ ପାତେକା ଏମ୍ବାଆଁ
ମାଞ୍ଜୁ, ଇଚିହିଁ କକାଣି ତାଲୁଇଁ ପାୟାଲି ହେରଦ ଅଣ୍ଟପିମାନେସି ।”

୧୪ ଜସେପ ନିଙ୍ଗାମା କକାଣି ତାଲୁ ଇଞ୍ଜାଁ ତାମି ଇୟାନି ଆସାନା ଲାଆଁ ଲାଆଁୟାଁ ମିସର ଦେସାତା ଅହିଁ
ହାରେସି,

୧୫ ହେରଦ ହାନି ପାତେକା ଏମ୍ବାଆଁ ଏଞ୍ଜାରି ତୃୟିତେରି, ଇ ବାରେ ଗଟଝି ଆନାଣି ମାହାପୁରୁ ଅଣ୍ଟପୁତି
ବଲୁ ଝେହ୍ନାରି ତାଣାଟି ଇ ମାହାପୁରୁ ଅଣ୍ଟପୁତି ବଲୁ ପୁରା ଆନେ, “ନା ମୀରଏଣାଇଁ ନୀନୁ ମିସର ଦେସାତି
ହାଟା ତାତେର୍ସ ।”

କକାରି ତାଲୁକାଣି ପାୟିନାସି

୧୬ ଝେଡ଼ା ହପ୍ତା ଦେସାତି ଝାହାମାଟି ସପ୍ତପୁନାରି ଏଞ୍ଜାଣାଇଁ ନାଡ଼ିକିହାନା ହାଜାମାନେରି ଇଞ୍ଜିଁ ପୁଞ୍ଜାନା,
ହେରଦ ହାରେକା କପା ଆଡ଼େସି, ହୁକାତି ଉଜେଡ଼ି ଆମିନି ବେଲାତା ତଞ୍ଜାଆହାମାତେ ସପ୍ତପୁନାରି ତାଣାଟି
ନେହିଁ କିଁ ପୁଞ୍ଜାମାରେସି, ଏଦାଆଁ ପୁଞ୍ଜାନା ବେତଲିହିମ ଆଡ଼େ ତାନି ତାଗେ ମାଟି ନାସ୍ତକାତି ରା
ବାସାଟିଏ ଉଣା କକାରାଇଁ ପାୟାଲି ତାକି ହୁକୁମି ହାତେସି ।

୧୭ ଏଟିବେଲା ମାହାପୁରୁ ଅଣ୍ଟପୁତି ବଲୁ ଝେହ୍ନି ଜିରିମିୟା ଝେସ୍ତା ଇ ବଲୁ ସାତା ଆଡ଼େ,

୧୮ “ରମାତା ହାଡ଼ା ଝେଙ୍ଗିମାନେ,
ଡ଼ାକି ଅଡ଼େ ହାରେକା ଦୁକୁଡ଼ି ଗିୟାଁ
ରାହେଲ ତାନି ମୀରକା ତାକି ଡ଼ାହିମାତେ;
ଅଡ଼େ ଏଞ୍ଜାରି ବାରେ ହାହାହାରେରି ଇଞ୍ଜିଁ,
ଏଡ଼ି ଦୁକୁ ଡ଼କ୍‌ହାଲି ମନ କିହି ହିଲାଆତେ ।”

ମିସରଟି ଝେଣ୍ଡାଞ୍ଜାନାସି

୧୯ ହେରଦ ହାଡ଼ି ତାୟୁ, ମେହ୍ଦୁ, ପ୍ରବୁତି ର ଦୂତୁ ମିସରତା ଜସେପଇଁ ହାପାନାତା ତଞ୍ଜାଆହାନା
ଏଲେଇରେସି,

୨୦ “ନିଙ୍ଗାମୁ, କକାଣାଇଁ ଅଡ଼େ ତାମି ଇୟାନି ତଲେ ଇସ୍ରାୟେଲ ଦେସାତା ହାଲାମୁ, ଇଚିହିଁ ଆମ୍ବାଆରି
କକାଣି ଜାସ୍ତୁ ଅହାଲି ତାକି ଅଣ୍ଟପିମାରେରି ଏଞ୍ଜାରି ହାହାମାନେରି ।”

୨୧ ଏଚେରିଏ ଜସେପ ନିଜ୍ଞାନା କକାଣାଇଁ ଇଞ୍ଜି ତାନି ଇୟାନି ଆସାନା ଇସ୍ରାୟେଲ ଦେସାତା ଖାଡ଼େସି ।
 ୨୨ ସାମା ହେରଦ ଚାୟୁତା ତାନି ମୀରୁଏସି ଆକିଲାଇୟ ଜୀହୁଦାତି ରାଜା ଆହାମାନେସି ଇଞ୍ଜି
 ଖେଞ୍ଜାନା ଏଝାସି ଏମାଆଁ ହାଜାଲି ଆଜିତେସି; ସାମା ହାପାନାତା ହୁକୁମି ବେଟାଆହାନା ଏଝାସି ଗାଲିଲି
 ରାଜି ଖାକି ହାଚେସି,
 ୨୩ ଇଞ୍ଜି ନାଜ୍ଜରିତତି ଗାଡ଼ାତା ହାଜାନା ତୁୟିତେରି, ଏନିକିହୁ ମାହାପୁରୁ ଅଣ୍ଡୁତି ବଲୁ ଖେହ୍ନାରି
 ରାଜିତି କାତା ସାତା ଆନେ, “ଏଝାସି ନାଜ୍ଜରିତତାସି ଇଞ୍ଜି ଖେଜ୍ଜିନେସି ।”

୩

ବାପ୍ତିସ୍ମ* ହାନି ଜହନତି ଖେକ୍ନାୟି
 (ମାଟି ୧:୧-୮; ଲୁକ ୩:୧-୧୮; ଜହ ୧:୧୯-୨୮)

୧ ଏ ବେଲାତା ବାପ୍ତିସ୍ମା* ହାନି ଜହନ ଜୀହୁଦା ଦେସାତି ବାଃଲି ବାଗାଟି ଖାହାନା ବଲୁ ଖେକ୍ନାଲି
 ମାଟ୍‌ହେସି ।

୨ “ପାପୁ ପିସାନା ମନ ଖେଟ୍‌ହା କତାଦୁ, ଇତିହୁଁ ଲାକପୁରୁ ରାଜି ଏଗାଝାହିମାନେ ।”
 ୩ ମାହାପୁରୁ ଅଣ୍ଡୁତି ବଲୁ ଖେହ୍ନି ଜିସାୟ ତାଣାଟି ଇ ହାଡ଼ା ଖେସ୍‌ପି ଆହାମାଚେ,
 ଏଝାସିଏ ଇଝାସି; “ରଅଣି ହାଡ଼ା ଲକୁ ହିଲାଆ ଚାୟୁତା ଖେଜ୍ଜିମାନେ,
 ପୁରୁ ତାକି ଜିରୁ ତିୟି କିଦୁ ।”

୪ ଜହନ ଉଚୁ ବାଣାୟାଁ ତଲେ କେପିତି ହିମ୍ବରିକା ତୁରହିମାଚେସି, ଇଞ୍ଜି ତାନି ଚେତେଲିତା ର ତଲୁତି
 ବୁଡ଼ପା ମାଡ଼ା ଦସା କଡ଼ଝିତେସି, ଗପ୍‌ଏରିକା ଅଡ଼େ ଜାଡ଼ାତି କ୍ରିୟାଁ ଏଝାଣି କାଡ଼ି ମାଚେ ।

୫ ଏତିବେଲାତା ଜିରୁସାଲମ ଗାଡ଼ା ଇଞ୍ଜି ବାରେ ଜୀହୁଦା ଦେସା ଅଡ଼େ ଜର୍ଦନ ଦାରିତି ନାସ୍‌କାତି ବାରେ
 ଲକୁ ତାନି ତାଣା ଖାହାଲି ମାଟ୍‌ହେରି,

୬ ଏଝାରି ଜାହାରା ପାପୁ ଖେସାନା ଜହନ ତାଣାଟି ଜର୍ଦନ କାତାତା ବାପ୍ତିସ୍ମା* ଅଡ଼େରି ।

୭ ସାମା ହାଚେରକା ପାରୁସିୟାଁ ଅଡ଼େ ସାଦୁକିୟାଁ ବାପ୍ତିସ୍ମା* ଅହାଲି ଖାହିମାନାଣି ମେସାନା ଏଝାବାଇଁ
 ଏଲେଇଚେସି, “ଅଡ଼େ ରାସ୍‌କା କୁଡ଼ାତାତେରି ମାହାପୁରୁ ତାଣାଟି ଖାହିମାନି କପାଟି ପିସ୍‌ପି କିହାକତାଲି
 ଆମ୍ବାଆସି ମିଜେ ସେଡନା ହିୟାତେସି

୮ ଇଦାଆଁତାକି ମନ ଖେଟ୍‌ହାମାନାଣି ନେହୁଁ କାମାତା ତହୁଦୁ,

୯ ଅଡ଼େ ଅଗ୍ରାହାମ ମା ଆବା ଇଞ୍ଜି ମୀ ମନ ବିତ୍ରା ଅଣ୍ଡୁଆଦୁ, ଏନାଆଁତାକି ଇତିହୁଁ ନାନୁ ମିଜେ
 ଖେସିମାଞ୍ଜାଇଁ, ମାହାପୁରୁ ଇ ଖାଲକାଟି ଜିକେଏ ଅଗ୍ରାହାମତି ମୀରୁକାଣି ଗାଡ଼ି କିହାଲି ଆଡ଼ିମାନେସି ।

୧୦ ଅଡ଼େ ନାସି ଜିକେଏ ମୀରୁନୁ ତାକିତା କାଃଆଲି ଆଗାମାନେ, ଆମିନି ମୀରୁନୁ ନେହୁଁ ପାଡ଼େୟି
 ଆୟେଏ, ଏଦାନି ଟୁଣାହାନା ହିରୁତା ମେଡ଼ପି ଆନେ ।

୧୧ ନାନୁସାଁ ମିଜେ ପାପୁଟି ପିସ୍‌ପି କିହାଲି ଇଞ୍ଜି ମନ ଖେଟ୍‌ପି କିହାଲି ଏନୁତଲେ ବାପ୍ତିସ୍ମା* ହାହିମାଞ୍ଜାଇଁ,
 ସାମା ନା ତାୟୁ ରଅସି ଖାହିମାନେସି ଏଝାସି ନା ଜିହାଁ ହାଚେରକା ବାଡ଼େୟି ଗାଗାସି, ଏଝାଣି ସେପୁୟାଁ ହୁକ୍‌ହାଲି
 ଜିକେଏ ନାନୁ ପାଡ଼ାଆଅଁ; ଏଝାସି ମିଜେ ସୁଦୁଜୀଝୁ ଇଞ୍ଜି ହିରୁତଲେ ବାପ୍ତିସ୍ମା* ହିୟାନେସି ।

୧୨ ଏଝାସି ତାନି କ୍ଳାନୁତି ନେହୁଁ କି ତାସାହାଁ, ତାନି ଆନାଟି କ୍ଳସାହାଁ ଗାଡ଼େୟିତା ଇଗାଲି ଏଝାଣି
 କେୟୁତା ହେଚି ମାନେ, ସାମା ଗାଡ଼ା ପଡ଼ୁଟି ଏଚେଲା ତୁମ୍ବାଆଗାଟି ହିରୁତା ହୁଡ଼ା ତୁହ୍‌ନେସି ।”

ଜୀସୁ ଏନୁତା ବାପ୍ତିସ୍ମା* ଅନାୟି
 (ମାର୍କ ୧:୯-୧୧; ଲୁକ ୩:୨୧-୨୨)

୧୩ ଏତିବେଲା ଜୀସୁ ଗାଲିଲିଟି ଖାହାନା ବାପ୍ତିସ୍ମା* ଅହାଲି ତାକି ଜର୍ଦନ କାତାତା ଜହନ ତାଣା ଖାଡ଼େସି ।

୧୪ ସାମା ଜହନ ଜୀସୁଇଁ କାହି କିହାଲି ଅଣ୍ଡୁପାନା ଏଲେଇଚେସି, “ନୀ ତାଣାଟି ନାନୁ ବାପ୍ତିସ୍ମା* ଅନାୟି
 ନା ଲଡ଼ାମାନେ, ଇଞ୍ଜି ନାନୁ ନା ତାଣା ଖାହାମାଞ୍ଜି ?”

* ୨:୨୩ ମାର୍କ ୧:୨୪; ଲୁକ ୨:୩୯; ଜହ ୧:୪୫ * ୩: ମୁଞ୍ଜିନାୟି † ୩:୧ ମୁଞ୍ଜିନାୟି * ୩:୨ ମାଟି ୪:୧୭; ମାର୍କ ୧:୧୫ † ୩:୨
 ମୁଞ୍ଜିନାୟି * ୩:୭ ମାଟି ୧୨:୩୪; ୨୩:୩୩ § ୩:୭ ମୁଞ୍ଜିନାୟି * ୩:୯ ଜହ ୮:୩୩ * ୩:୧୦ ମାଟି ୭:୧୯ * ୩:୧୧ ମୁଞ୍ଜିନାୟି
 † ୩:୧୧ ମୁଞ୍ଜିନାୟି † ୩:୧୨ ମୁଞ୍ଜିନାୟି § ୩:୧୩ ମୁଞ୍ଜିନାୟି * ୩:୧୪ ମୁଞ୍ଜିନାୟି

୧୫ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ନା ହାଡ଼ା ଆହମ୍ମୁ, ଏନାଆଁତାକି ଇଚିହିଁ ଇଲେ ତଲେ ମାହାପୁରୁ ଦାମ୍ଭିତି କାମା କିନାୟିମାନେ ।” ଏଚେଟିଏ ଜହନ ମାନୁଞ୍ଜି ଆଚେସି ।

୧୬ ଜୀସୁ ବାପ୍ତିସ୍ମା ଅଡ଼ି ଦେବୁଣିଏ ଏମୁଟି ନିଜା ଖାଚେସି । ଏଚେଟିଏ ହାଗୁ ଦେପିଆଚେତ, ଇଞ୍ଜା ମାହାପୁରୁତି ସୁଦୁଜୀଞ୍ଜୁ ପାରୁଞ୍ଜା ପଗାଲେହେଁ ଜୀସୁ ଲାକ ରେଚା ଖାହିମାଚାଣି ଜହନ ମେସ୍ତେସି ।

୧୭ *ଅଡ଼େ ମେହ୍ମୁ, ହାଗୁଟି ଇ ହାଡ଼ା ଆଚେତ, “ଇଞ୍ଜାସି ନା ଜୀସୁଟି ମୀରୁଏସି ଇଞ୍ଜାଣି ତାଣା ନା ହାଚେକା ରାହାଁ ମାନେ ।”

୪

ଜୀସୁଇଁ ତାୟିପାରି କିନାୟି

(ମାର୍କ ୧:୧୨-୧୩; ଲୁକ ୪:୧-୧୩)

୧ *ଏଚିବେଲା ଜୀସୁ ସୟତାନ ତାଣାଟି ତାୟିପାରି କିଞ୍ଜି ଆହାଲି ସୁଦୁଜୀଞ୍ଜୁ ଲକୁ ହିଲାଆ ଟାମୁତା ଅଡ଼େ

୧୨ ଜୀସୁ ରୀ କଡ଼ି ଦିନା ଲାଆଁୟାଁ ମାଦେନା ଏନାଆଁ ତିନାଆନା ଉପାସା କିହାଁ ହାକି ଆଚେସି ।

୩ ଏଚିବେଲା ସୟତାନ ତାନି ଦାରିତା ଖାହାନା ଏଲେଇଚେ, “ନୀନୁ ମାହାପୁରୁ ମୀରୁଏଶାତି ଇଚିସାରେ ଇ ଖାଲକାଣି ରୁଚି ଆହାଲି ହୁକୁମି ହୀମୁ ।”

୪ ସାମା ଜୀସୁ ଏଲେଇଚେସି, “ଦାମ୍ଭୁ ସାଚେସ୍ତରିତା ରାସ୍କି ଆହାମାନେ ମାଣ୍ଠସି ଖାଚୁଇ ରୁଚି ତିଞ୍ଜାନା ନୀତଅସି, ସାମା ମାହାପୁରୁ ଗୁଚିଟି ହଚିମାନି ବଲୁ ତଲେ ନୀତିନେସି ।”

୫ ତାମୁ ସୟତାନ ଜୀସୁଇଁ ସୁଦୁ ଗାଡ଼ା ଜିରୁସାଲମତା ଅହାନା, ମାହାପୁରୁ ଇଲୁ ତୁଡ଼ିୟା ଲାକ ନିପହାନା,

୬ ଏଲେଇଚେ, “ନୀନୁ ମାହାପୁରୁ ମୀରୁଏଶାତି ଇଚିହିଁ ଇମ୍ମାଟି ଡ଼ଇକା ଗେମ୍ମାମୁ,” ଦାମ୍ଭୁ ସାଚେସ୍ତରିତା ରାସ୍କି ଆହାମାନେ,

ନିଜା ଜାଡ଼ନୁ କିହାଲିତାକି ମାହାପୁରୁ ତାନି ଦୁତୁୟାଁଇଁ ହୁକୁମି ହୀନେସି;

“ନୀ କତାୟାଁ ଏନିକିଁ ଖାଲକାଣା ଆଡ଼ାଉ ଇଞ୍ଜା

ଦୁତୁୟାଁ ନିଜା କେସ୍ତାତଲେ ପେରୁହା ଆସ୍ତାନୁ ।”

୭ ଜୀସୁ ଏଦାନି ଏଲେଇଚେସି, “ଦାମ୍ଭୁ ସାଚେସ୍ତରିତା ରାସ୍କି ଆହାମାନେ, ନୀନୁ ପ୍ରବୁ ନୀ ମାହାପୁରୁଇଁ ତାୟିପାରି କିଆନି ।”

୮ ଅଡ଼େ ଖେଣ୍ଡେ ସୟତାନ ଜୀସୁଇଁ କାଜା ହୁରୁ ଲାକ ଅହାନା ଦାଚ୍ଚିତି ବାରେ ରାଜି ଅଡ଼େ ଏମ୍ମାଟି ବାରେ ଅକୁ ଅଡ଼େ ଜୁପକା ତସାନା ଏଲେଇଚେ,

୯ “ନୀନୁ ନାଜେ ମେଣ୍ଡାକୁତାନା ଜହରା କିୟାଦି ଇଚିହିଁ ନୀନୁ ଇ ବାରେ ନିଜା ହିୟାଇଁ ।”

୧୦ ଏମ୍ମାଟିଏ ଜୀସୁ ଏଲେଇଚେସି, “ଏ ସୟତାନ ନା ତାଣାଟି ହେକ ହାଲାମୁ! ଦାମ୍ଭୁ ସାଚେସ୍ତରିତା ରାସ୍କି ଆହାମାନେ, ‘ଖାଚୁଇ ନୀ ପ୍ରବୁ ମାହାପୁରୁଇଁ ଜହରା କିଦି ଅଡ଼େ ଖାଚୁଇ ତାଜେଏ ସେବା କିଦି ।”

୧୧ ଏ ଦେବୁଣିଏ ସୟତାନ ଜୀସୁଇଁ ପିସାନା ହାଜାତୁସ୍ତେ; ଅଡ଼େ ଦୁତୁୟାଁ ଖାହାନା ଏଞ୍ଜାଣି ସେବା କିତୁ ।

ଜୀସୁ ଗାଲିଲିତା ତାନି କାମା ମାଟ୍ଟନାୟି

(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ *ଜହନଇଁ କାୟିଦି ଇଲୁତା ଇଚିଚେରି ଇଞ୍ଜାଁ ଖେଞ୍ଜାନା ଜୀସୁ ଏମ୍ମାଟିଏ ଗୁଚା ଆହାନା ଗାଲିଲିତା ଖାଚେସି;

୧୩ *ଏଞ୍ଜାସି ନାଜରିତତା ଡ଼ୟାଆଚେସି, ସାମା କପରନାହୁମତା ଡ଼ୟାଲି, ସୁବୁଲୁନ୍ ଅଡ଼େ ନପ୍ରାଲିତା ମାନି ର ଗାଲିଲି ସାମ୍ଭୁରି ଗାଚୁତା ମାନି ଗାଡ଼ାତା ହାଚେସି ।

୧୪ ଏନିକିହିଁ ମାହାପୁରୁ ଅଣପୁତି ବଲୁ ଖେଞ୍ଜିନି ଜିସାୟତି ହାଡ଼ା ସାତା ଆନେ, ଏଞ୍ଜାସି ଏଲେଇଞ୍ଜାମାଚେସି;

୧୫ “ସୁବୁଲୁନ୍ ଦେସା ଅଡ଼େ ନପ୍ରାଲି ଦେସା

ସାମ୍ଭୁରି ତାଗେ ଇଞ୍ଜାଁ ଜର୍ଦନ କାତା ଆତାଲାଞ୍ଜାକିତି, ଜୀହୁଦିଆଆତି ଗାଲିଲି ।

୧୬ ଆନ୍ଦେରିତା ବାସା କିହିମାନି ଲକୁ କାଜା ଉଜେଡ଼ି ମେସ୍ତେରି

ହାକିତି ନାସ୍କା ଅଡ଼େ ସାହ୍ଡାତା ମାନି ଲକୁତାକି

† ୩:୧୨ ମୁଞ୍ଜିନାୟି * ୩:୧୭ ମାତି ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫ * ୪:୧ ଏକ୍ତି ୨:୧୮; ୪:୧୫ * ୪:୧୭ ମାତି ୧୪:୩; ମାର୍କ ୭:୧୭; ଲୁକ ୩:୧୯, ୨୦ * ୪:୧୩ ଜହ ୨:୧୨

ଉଦ୍ଦେଶ୍ୟ ତଞ୍ଜାଆନେ ।”

^{୧୭} ଏବେ ଲାଟିଏ ଜୀମୁ ତାନି କାତା ଖେକହାଲି ମାଟୁହେସି, “ମୀ ପାପୁ ପିସାନା ମନ ଖେକହା କତାପୁ, ଏନାଆଁତାକି ଇଚିହଁ ଲାକପୁରୁ ରାଜି ଏଗାଝାହିମାନେ ।”

ସାରି ଜାଣା ମାଣକା ଆହନାରାଇଁ ଜୀମୁ ହାଡ଼ିନାୟି
(ମାର୍କ ୧:୧୭-୨୦; ଲୁକ ୫:୧-୧୧)

^{୧୮} ଜୀମୁ ଗାଲିଲି ସାମୁଦ୍ରି ଗାଟୁଟି ହାଜିମାଗାଟି ସିମନ ଇନି ପିତର ଅଡ଼େ ତାନି ତାୟି ଆହିୟ, ଇ ତାୟି ରିଆରି ସାମୁଦ୍ରିତା ଜାଲା ମେଡ଼ହି ମାଗାଣି ମେସ୍ତେସି, ଏନାଆଁତାକି ଇଚିହଁ ଏଞ୍ଜାରି ମାଣକା ଆହନାରି ମାଚେରି ।

^{୧୯} ଜୀମୁ ଏଞ୍ଜାରାଇଁ ଏଲେଇଚେସି, “ନା ଜେଚ ଖାଦୁ, ନାନୁ ମିଙ୍ଗ ଲକୁଣି ଆହନାଣି ଜାପୁହାଇଁ ।”

^{୨୦} ଏଚେଟିଏ ଏଞ୍ଜାରି ଦେବୁଣିଏ ଜାଲା ପିସାନା ଏଞ୍ଜାଣି ଜେଚ ହାଚେରି ।

^{୨୧} ଏମାଟିଏ ଜୀମୁ ନକିତା ହାଜାନା ଜେବଦି ମୀରକା ଜାକୁବ ଅଡ଼େ ଏଞ୍ଜାଣି ତାୟି ଜହନ ଦରୁଗାଗାସି ଇଞ୍ଜା ଅଡ଼େ ରିଆରି ତାୟିୟାଁ ତାମି ଆବା ଜେବଦି ତଲେ ତଂଗତା ଜାଲା ମୁଦା କିହିମାଗାଣି ମେସାନା ଏଞ୍ଜାରାଇଁ ଜିକେଏ ହାଡ଼ିଚେସି ।

^{୨୨} ଏଚେଟିଏ ଏଞ୍ଜାରି ଏ ଦେବୁଣିଏ ତଂଗ ଅଡ଼େ ତାମି ଆବାଇଁ ପିସାନା ଜୀମୁ ଜେଚ ହାଚେରି ।

ଜୀମୁ ସେବା କାମା ମାଟୁନାୟି
(ଲୁକ ୬:୧୭-୧୯)

^{୨୩} ତାୟି ଜୀମୁ ଗାଲିଲି ଦେସାତା ରେଜି ରେଜିହଁ ଜୀହୁଦି ଲକୁଟି କୁଟମି ଇଲକାଣା ଜାପୁହାଇଁ, ମାହାପୁରୁ ରାଜିତି ନେହଁ କାରୁ ଖେସିହଁ ରଗଗାଟି ଲକୁଣି ନେହଁ କିହାଲି ମାଟୁହେସି,

^{୨୪} ଅଡ଼େ ଏଞ୍ଜାଣି କାତା ଦେସାତି ସାରିଖାକି ଇଞ୍ଜା ସିରିୟା ଦେସାତା ଜିକେଏ ଖେଜାହାଚେ, ଇଞ୍ଜା ଲକୁ ବୁଡୁୟାଁ ଆଲଗା ମାଗାରାଇଁ, କାଟିଖେତାରାଇଁ, ଇଞ୍ଜା ଟଂ ଖାୟିତାରାଇଁ; ଇଲେଟି ହାଡ଼େକା ରଗଟି କସୁ ଆହିମାନାରାଇଁ ଜୀମୁ ନକିତା ତାଚେରି, ଇଞ୍ଜା ଏଞ୍ଜାସି ଏଞ୍ଜାରାଇଁ ନେହଁ କିଚେସି ।

^{୨୫} ଅଡ଼େ ଗାଲିଲି, ଦସଗଟା ନାସକା,* ଜିରୁସାଲମ, ଜୀହୁଦା ଅଡ଼େ ଜର୍ଦନତି ଏ ଗାଟୁତା ମାନି ନାସକାଟି ହାଡ଼େକା ଲକୁ ଜୀମୁ ଜେଚ ହାଚେରି ।

୫

ହରୁ ଲାକ ଜାପୁନାୟି

^୧ ଜୀମୁ ହାଡ଼େକା ଲକୁଇଁ ମେସାନା ର ହରୁ ଲାକ ହାଜାନା କୁଗିଚେସି, ଇଞ୍ଜା ସାପୁୟାଁ ଏଞ୍ଜାଣି ତାଗେ ଖାଚେରି ।

^୨ ଏମାଟିଏ ଏଞ୍ଜାସି ଗୁତି ଏକହାନା ଜାପୁହାଲି ମାଟୁହେସି ।

ଆମ୍ବାଆରି ନେହାଁରି
(ଲୁକ ୬:୨୦-୨୩)

^୩ ଆମ୍ବାଆରି ଜୀହୁତା ଏନାଆଁ ହିଲାଆ ଗାଟାରାକି ନେହେଁ, ଏନିଇଚିହଁ ଲାକପୁରୁ ରାଜି ଏଞ୍ଜାରି ଖାଜୁଁ ।

^୪ ଆମ୍ବାଆରି ଦୁକୁତା ଡାହିମାନି ଲକୁତାକି ନେହେଁ, ଏନାଆଁତାକି ଇଚିହଁ ମାହାପୁରୁ ଏଞ୍ଜାରି ଦୁକୁ ତୁକନେସି ।

^୫ କପା ହିଲାଆ ଗାଟାରି ନେହେଁ, ଏନାଆଁତାକି ଇଚିହଁ ଦାରତିତା ଏଞ୍ଜାରି ଅଦିକାରା ଆନେରି ।

^୬ ମାହାପୁରୁ ଦାମୁଟି କାମା କିହାଲି ହାକି ଏସ୍କି ଗାଟାରି ଏଞ୍ଜାରାକି ନେହେଁ, ଏନାଆଁତାକି ଇଚିହଁ ମାହାପୁରୁ ଏଞ୍ଜାରାକି ଲଡ଼ାମାନାଣି ବାରେ ହାନେସି ।

^୭ ଏଟକା ଲକୁଣି କାର୍ମା ମେହନେରି, ଏଞ୍ଜାରାକି ନେହେଁ, ଏନିଇଚିହଁ ମାହାପୁରୁ ଏଞ୍ଜାରାଇଁ କାର୍ମା ମେହନେସି,

^୮ ଆମ୍ବାଆରି ସୁଦୁ ହିୟାଁ ଗାଟାରି ଏଞ୍ଜାରାକି ନେହେଁ,

☆ ୪:୧୭ ମାତୃହୁ ୩:୨ ☆ ୪:୨୩ ମାତୃହୁ ୯:୩୫; ମାର୍କ ୧:୩୯ * ୪:୨୫ ଦେକାପଲି

ଏନ୍‌ଇଚିହ^{୯୯} ଏଞ୍ଜାରି ମାହାପୁରୁଇଁ ମେହ୍‌ନେରି ।

୯୯ ହିଡ଼ଡ଼ି ଗାଟି ଲକ୍ଷୁ ନେହେଁ,

ଏନ୍‌ଇଚିହ^{୧୦୦} ଏଞ୍ଜାରି ମାହାପୁରୁତି ମୀରକା ଇଞ୍ଜି^{୧୦୦} ଝେଙ୍ଗିନେରି ।

୧୦୦ *ମାହାପୁରୁ ଦାମ୍ବୁ କାତାତାକି ଦୁକୁ ବେଟାଆନ୍ଦାରି ଏଞ୍ଜାରାକି ନେହେଁ,

ଏନ୍‌ଇଚିହ^{୧୦୧} ଲାକପୁରୁ ରାଜି ଏଞ୍ଜାରିଝାୟି ।

୧୦୧ *ଏଚିବେଲା ଲକ୍ଷୁ ମିଙ୍ଗ ନା ତାକି ନିୟା କି ଲାଜା କିୟାନେରି, ଅଡ଼େ ନା ତାକି ଉଜେ ଉଜେଏ ମୀ କପାଟି ମିତି କାତା ଜଲାନେରି, ଆତିହ^{୧୦୨} ମିଙ୍ଗେ ତାକି ନେହେଁ ।

୧୦୨ *ରାହାଁ ଆହାନା ଏନ୍ଦାଦୁ, ଏନ୍ଦାଆଁତାକି ଇଚିହ^{୧୦୩} ଲାକପୁରୁତା ମୀ ତାକି ହାରେକା ଦାନ୍ଦା ମାନେ; ଏଲେକିହ^{୧୦୪} ଏ, ମୀ ନକିତି ମାହାପୁରୁ ଅଣପୁତି ବଲୁ ଝେହ୍‌ନାରାଇଁ ଜିକେଏ ଇଲେକିହ^{୧୦୫} ନିୟା କିହାମାଚେରି ।

ହାରୁ ଅଡ଼େ ଉଜେଡ଼ି

(ମାର୍କ ୯:୫୦; ଲୁକ ୧:୩୪-୩୫)

୧୦୩ *ମୀରୁ ବାରେ ଦାରୁତିତି ହାରୁ ଲେହେଁ, ସାମା ହାରୁ ମୁଆତିହ^{୧୦୪}, ଅଡ଼େ ଏଦାଆଁ ଏମ୍ବିୟା ଜିକେଏ ଲେମ୍ବୁଲି ଆଏ, ଇଞ୍ଜାଁ ଏଦି ଏନ୍‌କାମାତା ପାଡ଼ା ଆଏ, ଲକ୍ଷୁ ଏଦାଆଁ କଡ଼ାଁ ତୁଇ ଝିସା ହାନେରି ।

୧୦୪ *ମୀରୁ ଦାରୁତିତି ଉଜେଡ଼ି ଡେରି, ଆମିନି ଗାଡ଼ା ହରୁ ଲାକ କେପି ଆହାମାନେ, ଏଦି ଏବେଲା ତୁରୁନା ତୁୟାଲି ଆଡେଏ ।

୧୦୫ *ଅଡ଼େ ଦୀଝି ତୀସାନା ଆମ୍ବାଆରି ମାଣା ପୁକ୍‌ହାନା ଇଟଅରି, ସାମା ଏଦାନି ଦୀଝି ସତ୍ତାତା ଇଚିନେରି, ଆତିହ^{୧୦୬} ଇଲୁତା ଝାନି ବାରେ ଲକ୍ଷୁ ଉଜେଡ଼ି ମେହ୍‌ନେରି ।

୧୦୬ *ଏଲେକିହ^{୧୦୭} ଏ ମୀ ଉଜେଡ଼ି ଲକ୍ଷୁ ନକିତା ନେହ^{୧୦୮} କ^{୧୦୮} ତଞ୍ଜାଆପେ, ଏନ୍‌କି^{୧୦୯} ଏଞ୍ଜାରି ମୀ ନେହ^{୧୧୦} କାମା ମେସାନା ଲାକପୁରୁତି ଆବାତି ଗାଝୁରମି କିନେରି ।

ମେରାତି କାତା ଜାପୁନାୟି

୧୦୭ ନାଙ୍ଗେ ମସାତି ମେରା ଅଡ଼େ ମାହାପୁରୁ ଅଣପୁତି ବଲୁ ଝେହ୍‌ନାରି ମେରାତି ମ୍ବେକ୍‌ହାଲି ଝାହାମାନେସି ଇଞ୍ଜି^{୧୦୮} ଅଣ୍‌ପାଆଦୁ; ନାନୁ ମ୍ବେକ୍‌ହାଲି ଝାହାଲିଅଁ ସାମା ଇ ବାରେ ପୂରା କିହାଲି ଝାହାମାଇଁ ।

୧୦୮ *ଏନ୍ଦାଆଁତାକି ଇଚିହ^{୧୦୯} ନାନୁ ମିଙ୍ଗେ ସାତା ଝେସିମାଞ୍ଜାଇଁ, ହାଗୁପାକା ଅଡ଼େ ଦାରୁତି ମେଣ୍‌ଙ୍ଗାଆ ପାଡେକା ଇଞ୍ଜାଁ ଇ ବାରେ ଆଆପାଡେକା ମସା ମେରାତି ଇଚାୟି ସିନା ଜିକେଏ ମେଣ୍‌ଙ୍ଗେଏ ।

୧୦୯ ଏନ୍ଦାଆଁତାକି ଇଚିହ^{୧୧୦} ଆମ୍ବାଆସି ଇ ହୁକୁମିଚି ର ଉଣା ହୁକୁମି ମାନୁଝି ଆଅସି ଅଡ଼େ ଲକ୍ଷୁଇଁ ଏଲେକିହ^{୧୧୧} ଏ ଜାପୁନେସି, ଏଞ୍ଜାସି ଲାକପୁରୁ ରାଜିତା ଉଣା ଇଞ୍ଜି^{୧୧୨} ଝେଙ୍ଗିନେସି; ସାମା ଆମ୍ବାଆସି ମାନୁଝି ଆନେସି ଅଡ଼େ ଜାପୁନେସି ଏଞ୍ଜାସି ଲାକପୁରୁ କାଜାସି ଇଞ୍ଜି^{୧୧୩} ଝେଙ୍ଗିନେସି ।

୧୧୦ ଏନ୍ଦାଆଁତାକି ଇଚିହ^{୧୧୪} ନାନୁ ମିଙ୍ଗେ ଝେସିମାଞ୍ଜାଇଁ, ମୀ ଦାମ୍ବୁ ମେରା ପୁନାରି ଅଡ଼େ ପାରୁସିୟାଁ ଦାମ୍ବୁ କିହାଁ ମୀ ନାମୁ ହାରେକା ଆଆତିହ^{୧୧୫}, ମୀରୁ ଜିକେଏ ଲାକପୁରୁ ରାଜିତା ହଡ଼ାଲି ଆଡ଼ଅଡେରି ।

କପା ଗାଟାଣି ଜାପୁନାୟି

୧୧୧ *ମୀରୁ ଝେଞ୍ଜାମାଞ୍ଜେରି, ତଲିକାଲୀତି ଲକ୍ଷୁଇଁ ଝେସପିଆହାମାଚେ, ‘ଲକ୍ଷୁଇଁ ପାୟାଆଦୁ, ଆମ୍ବାଆରି ଲକ୍ଷୁଇଁ ପାୟିନେରି, ଏଞ୍ଜାସି ନୀହାଁୟି ପାଙ୍ଗାତା ତଣ୍ଡ ବେଟା ଆନେସି ।’”

୧୧୨ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ଆମ୍ବାଆସି ତାନି ତାୟି ଲାକ କପାଆନେସି, ଏଞ୍ଜାସି ନୀହାଁୟି ପିଣ୍ଡାତା ତଣ୍ଡ ବେଟା ଆନେସି, ଇଞ୍ଜାଁ ଆମ୍ବାଆସି ତାନି ତାୟିଇଁ କାରୁବିଗାଟାତି ଇଞ୍ଜି^{୧୧୩} ଇନେସି, ଏଞ୍ଜାସି ବେରଣିମାଣ୍ଡାତା ତଣ୍ଡ ବେଟା ଆନେସି; ଅଡ଼େ ଆମ୍ବାଆସି ପଲୁଆଗାଟାତି ଇଞ୍ଜି^{୧୧୪} ଇନେସି, ଏଞ୍ଜାସି ହିତୁ ଗାଡ଼ୁୟୁତା ମେଡ଼ପି ଆନେସି ।

୧୧୩ ଅଡ଼େ ମାହାପୁରୁତି ପୂଜା ପିଣ୍ଡାତା ଦାନା ତାଟିମାନାଟି ମୀ ତାୟି କପାଟି ଏନ୍‌ ହାଡ଼ା ମାନେ ଇଞ୍ଜି^{୧୧୫} ଏନ୍ଦାଆଁ ଅଣପୁ ଝାନେ,

୧୧୪ ଆତିହ^{୧୧୬} ଏଦିଏନ୍ଦାଆଁ ପୂଜା ପିଣ୍ଡାତା ମୀ ଦାନା ପିସାନା ହାଜୁ, ଇଞ୍ଜାଁ ମୀ ତାୟିତଲେ ଆଣ୍ଡିତି ଜେଟ ଝେଣ୍ଡା ଝାହାନା ମାହାପୁରୁ ନକିତା ଏ ଦାନା ହେର୍‌ପାଦୁ ।

* ୫:୧୦ ଯିତି ୩:୧୪ * ୫:୧୧ ଯିତି ୪:୧୪ * ୫:୧୨ କାମା ୭:୫୨ * ୫:୧୩ ମାର୍କ ୯:୫୦; ଲୁକ ୧୪:୩୪,୩୫ * ୫:୧୪ ଜହ ୮:୧୨; ୯:୫ * ୫:୧୫ ମାର୍କ ୪:୨୧; ଲୁକ ୮:୧୬; ୧୧:୩୩ * ୫:୧୬ ଯିତି ୨:୧୨ * ୫:୧୮ ଲୁକ ୧୭:୧୭

୨୫ ନାନୁ ଗଡ଼ହା ଆଡ଼ାଣି ତଲେ ନୀହାଁୟି କିନାଣି ତାଣା ହାନିବେଲ୍ଲାତା ଜିରୁତେଏ କାଲୁଖି ଆୟାଲି ଅଣ୍ଡାପାମୁ, ଆଆତ୍ ଏଞ୍ଜାସି ନିଜେ ନୀହାଁୟି କିନାଣି ତାଣା ହେର୍ପାଦେସି, ଅଡ଼େ ନୀହାଁୟି କିନାସି ନିଜେ ଜାମାନାଜା କେୟୁତା ହେର୍ପାଦେସି, ଅଡ଼େ ଏଞ୍ଜାରି କାୟିଦି ଲକ୍ଷ୍ମତା ସୁଣ୍ଠାନେରି ।

୨୬ ନାନୁ ମିଜେ ସାତା ଝେସିମାଞ୍ଜାଇଁ ମୀ ତାକି କିଞ୍ଚିଆହାମାନି ର କାନ୍ତି ଜିକେଏ ହୀଆପାତାକା ଏମ୍ବାଟି ଏନିଜିକେଏ ହଡ଼ାଞ୍ଜାହାଲି ଆଡ଼ଅଡ଼େରି ।

ଦାରିକାମା କିଆଦୁ ଇଞ୍ଜିଁ ଜାପୁନାୟି

୨୭ ମୀରୁ ଝେଞ୍ଜାମାଞ୍ଜେରି, ଇଲେଇଞ୍ଜିଁ ରାସ୍ତକି ଆହାମାନେ, ଦାରିକାମା କିଆଦୁ ।

୨୮ ସାମା ନାନୁ ମିଜେ ଝେସିମାଞ୍ଜାଇଁ, ଆମ୍ବାଆସି ର ଇୟାନି ଲାଗେଏତି ଅଣ୍ଡପୁ ତଲେ ସିନିକିନେସି, ଇଞ୍ଜା ଏଞ୍ଜାସି ଏଦାନିତଲେ ମନ ମନତା ଦାରିକାମା କିତେସିଏ ।

୨୯ *ଅଡ଼େ ମୀ ଚିଃନି କାନୁ ମିଜେ ପାପୁ କିଞ୍ଚିକିୟାନେ ଇଚିହଁ ଏ କାନୁ ଡେଞ୍ଜା କୁତାଦୁ, ଇଚିହଁ ମୀ ବାରେ ଆଜା ନକତା ରିନି କିହାଁ, ଆଜାତି ର ବାଟା ହିଲ୍ଲାଆଗାଟାଇ ନେହେଁ ।

୩୦ *ଇଞ୍ଜା ମୀ ଚିଃନି କେୟୁ ମିଜେ ପାପୁ କିଞ୍ଚିକିୟାନେ ଇଚିହଁ ଏଦାଆଁ ଜାଟାନା କୁତାଦୁ, ଇଚିହଁ ମୀ ବାରେ ଆଜା ନକତା ରିନିବାଟା ଆଜାତି ର କେୟୁ ହିଲ୍ଲାଆଗାଟାୟି ନେହେଁ ।

ତକ୍ତୁନି ପିହ୍ନି କାତା

(ମାତି ୧୯:୯; ମାର୍କ ୧୦:୧୧-୧୨; ଲୁକ ୧୬:୧୮)

୩୧ *ଅଡ଼େ ରାସ୍ତକି ଆହାମାନେ, ଆମ୍ବାଆସି ତାନି ତକ୍ତୁନି ପିହ୍ନିନେସି, ଇଚିହଁ ଏଞ୍ଜାସି ଏଦାନାକି ପିହ୍ନି ଆକୁ ରାଟାନା ହାପେସି ।

୩୨ *ସାମା ନାନୁ ମିଜେ ଝେସିମାଞ୍ଜାଇଁ, ଆମ୍ବାଆସି ତାନି ତକ୍ତୁନି ଦାରି କାମାତି ଦହ ହିଲ୍ଲାଆନା ତକ୍ତୁନି ପିହ୍ନିନେସି, ଏଞ୍ଜାସି ଏଦାନି ଦାରେଣି କିନେସି; ଅଡ଼େ ଆମ୍ବାଆସି ପିସ୍ତି ଇୟାନି ବୀହା ଆନେସି, ଏଞ୍ଜାସି ଜିକେଏ ଦାରେଲା ଆନେସି ।

ପାର୍ମାଣା

୩୩ ଅଡ଼େ ମୀରୁ ଝେଞ୍ଜାମାଞ୍ଜେରି, ତଲିକାଲ୍ଲାତି ଲକୁଣି ଝେସିପି ଆହିମାତେ, ମୀରୁ ମିତି ପାର୍ମାଣା କିଆଦୁ, ସାମା ପାର୍ମାଣା କିହାମାନାଣି ତ୍ରିକଆନି, ମାହାପୁରୁ ନକିତା ପୂରା କିଦୁ ।

୩୪ *ସାମା ନାନୁ ମିଜେ ଝେସିମାଞ୍ଜାଇଁ ପାର୍ମାଣା କିଞ୍ଚୁଏ କିଆଦୁ; ପାର୍ମାଣା କିନି ବେଲା ଲାକପୁରୁତି ଦରୁତଲେ ପାର୍ମାଣା କିଆଦୁ, ଏନାଆଁତାକି ଇଚିହଁ ଏଦି ମାହାପୁରୁତି ସିଂଗାସାଣି;

୩୫ ଅଡ଼େ ଦାର୍ତ୍ତିତି ଦରୁତଲେ ପାର୍ମାଣା କିଆଦୁ, ଏନାଆଁତାକି ଇଚିହଁ ଏଦି ମାହାପୁରୁତି କତାୟାଁ ଇଚିନି ଗାୟା; ଜିରୁସାଲମ ଦରୁତଲେ ପାର୍ମାଣା କିଆଦୁ, ଏଦି ଆହିମାନେ କାଜା ରାଜାତି ଗାଡ଼ା;

୩୬ ଇଞ୍ଜା ମୀ ତାୟଁ ତୁ ପାର୍ମାଣା କିଆଦୁ, ଇଚିହଁ ମୀ ତାୟଁ ତୁ ର ବାଣା କାଡ଼ିୟା ଆଆତ୍ ଦବ୍ଲା କିହାଲିତାକି ମୀ ବାଡ଼ୁୟୁ ହିଲେଏ,

୩୭ ସାମା ମାଦି ହାଅ ଇନି କାତା ହାଅ ଆପେ, ଇଞ୍ଜା ଆଏ ଇନି କାତା ଆଏ ଆପେ; ଇଦାଆଁ ପିସ୍ତେ ଏନାଆଁ ଇତାଣି ଆଗାଡ଼ା କାଲୁହଁ ଏଦି ଲାଗେଏ ତାଣାଟି ଝାନେ ।

ରାକି ଆହ୍ନାୟି (ଲୁକ ୬:୨୯-୩୦)

୩୮ ମୀରୁ ଇ କାତା ଝେଞ୍ଜାମାଞ୍ଜେରି, ରାସ୍ତକି ଆହାମାନେ, କାନୁତି ବାଦୁଲି କାନୁ, ପାଲୁତି ବାଦୁଲି ପାଲୁ ।

୩୯ ସାମା ନାନୁ ମିଜେ ଝେସିମାଞ୍ଜାଇଁ, ମିଜେ ଲାଗେଏ କିୟାନାଣାଇଁ ବାଦୁଲି ଅଆଦୁ, ସାମା ଆମ୍ବାଆସି ନୀ ଚିଃନି ଗେଏଲ୍ଲାତା ସାପୁଡ଼ା ଝେତାନେସି, ଏଞ୍ଜାଣାକି ଅର ଗେଏଲା ଜିକେଏ ତହ୍ନୁ ।

୪୦ ଇଞ୍ଜା ଆମ୍ବାଆସି ନୀହାଁୟି ପାଜାତା ମୀ ସକା ଅହାଲି ମନ କିଚିହଁ ଏଞ୍ଜାଣାକି ମୀ ହିମ୍ବୁରି ଜିକେଏ ହାଦୁ ।

୪୧ ଆମିନି ଦେସା ସାଲୁଖି କିନାସି ମିଜେ ବକୁ ଡେକାନା ତାନିତଲେ ର କିଲମିଟର ହାଜାଲିତାକି ଏଲେଇଞ୍ଜାନେସି, ଏଞ୍ଜାଣିତଲେ ରା କିଲମିଟର ହାଜୁ ।

* ୫:୨୯ ମାତି ୧୮:୯; ମାର୍କ ୯:୫୭ * ୫:୩୦ ମାତି ୧୮:୮; ମାର୍କ ୯:୪୩ * ୫:୩୧ ମାତି ୧୯:୬; ମାର୍କ ୧୦:୪ * ୫:୩୨ ମାତି ୧୯:୯; ମାର୍କ ୧୦:୧୧,୧୨; ଲୁକ ୧୬:୧୮; ୧କର ୭:୧୦,୧୧ * ୫:୩୪ ଲାକୁବ ୫:୧୨; ମାତି ୨୩:୨୨

୪୨ ଆତ୍ମାଆସି ମିଙ୍ଗେ ରାସ୍ତାଦେସି, ଏଝାଣାକି ହୀଦୁ, ଅଡ଼େ ଆତ୍ମାଆସି ମୀ ତାଣାଟି ରାଣା ଅହାଲି ମନ କିନେସି ଏଝାଣାକି ଆଏ ଇନାଆଦୁ ।

ସାତୁୟାଁକି ଜୀଝୁନଦୁ
(ଲୁକ ୭:୨୭-୩୬)

୪୩ ମୀରୁ ଝେଞ୍ଜାମାଞ୍ଜେରି, ରାସ୍ତି ଆହାମାନେ, ମୀ ପାଡ଼ିତାଣାକି ଜୀଝୁନଦୁ ଇଞ୍ଜା ସାତୁୟାଁକି ଅପାଆଦୁ ।

୪୪ ସାମା ନାନ୍ତୁ ମିଙ୍ଗେ ଝେସିମାଞ୍ଜାକି, ମୀ ସାତୁୟାଁକି ଜୀଝୁନଦୁ, ଇଞ୍ଜା ଆତ୍ମାଆସି ମିଙ୍ଗେ ନିନା କିୟାନେରି, ଏଝାରି ତାକି ପ୍ରାଡ଼ାନା କିଦୁ ।

୪୫ ଏନିକି ମୀରୁ ମୀ ଲାକପୁରୁ ଆଡ଼ାତି ମୀରକା ଆଡ଼େରି; ସାମା ମାହାପୁରୁ ନେହାଁରି ଅଡ଼େ ଲାଗେଏ ପଡ଼େଏତି ବାରେ ଲକ୍ଷ୍ମୀକି ଝେଡ଼ା ଉଜେଡ଼ି ହୀନାସି ଅଡ଼େ ଦାମ୍ଭୁଗାଗାରି ଅଡ଼େ ଦାମ୍ଭୁ ହିଲୀଆ ଗାଗାରାକି ଜିକେଏ ପିୟୁ ହୀନେସି ।

୪୬ ଇଞ୍ଜା ଆତ୍ମାଆସି ମିଙ୍ଗେ ଜୀଝୁ ନୟାଁନେରି ଏ ଲକ୍ଷ୍ମୀକିଦେଁ ଜୀଝୁ ନଡ଼ିହୁଁ ଏନାୟି ମେଡ଼ାଆୟାନେ ? ସିସୁ ରୀହନାରି ଜିକେଏ ଏଦାଆଁ କିଅରିକି ?

୪୭ ଅଡ଼େ ମୀରୁ ମୀ ତାୟିୟାଁକି ଜହରା କିଦେରି, ଏମାଟିଏ ଅଡ଼େ ଏନି କାମା କିଦେରି ? ଜାହୁଦିଆଆତାରି ଜିକେଏ ଏଦାଆଁ କିଅରିକି ?

୪୮ ଏଦାଆଁତାକି ମୀ ଲାକପୁରୁତି ଆବା ଏନିକି ବାରେକିହାଁ ନେହାଁସି ମୀରୁ ଜିକେଏ ଏଲେକିଁ ନେହୁଁ ଆଦୁ ।



ଦାନା ହୀନାଣି ଜାପୁନାୟି

୧ ଲକ୍ଷ୍ମୀକି ମେସ୍ତାପେରିଝା ଇଞ୍ଜା ଲକ୍ଷ୍ମୀ ନକିତା ଦାମ୍ଭୁତି କାମା କିଆଦୁ, ଏଦାଆଁତାକି ମୀରୁ ଜାଗ୍ରାତା ଆଦୁ, ଆଆଡ଼ିହୁଁ ମୀ ଲାକପୁରୁତି ଆବା ନକିତା ମିଙ୍ଗେ ଦାନା ହିଲେଏ ।

୨ ଏଦାଆଁତାକି ଦାନା ହୀନାଟି କୁଟୁ ଗାଗାରିଲେହେଁ ଜାହରା ନକିତା ତୀଡ଼ି ଉକାଆଦୁ; ଏଝାରି ଲକ୍ଷ୍ମୀ ତାଣାଟି ମାନି ବେଗାଆହାଲି ଜୀହୁଦି ଲକ୍ଷ୍ମୀକି କୁଟମି ଇଲୁଡା* ଅଡ଼େ ମାଦି ଆଂଗେଣିତା ଏଲେକିନେରି, ନାନ୍ତୁ ମିଙ୍ଗେ ସାତା ଝେସିମାଞ୍ଜାକି ଏଝାରି ତାମି ଦାନା ବେଗାଆହାମାନେରି ।

୩ ସାମା ମୀରୁ ଦାନା ହୀନାଟି ମୀ ଟିଠିନି କେୟୁ ଏନାଆଁ କିହିମାନେ ମୀ ଚେବୁ କେୟୁ ପୁନାଆପେ,

୪ ଏନିକି ମୀ ଦାନା ହୀତାୟି ପୁନାଆରେଟୁ ଆନେ, ମୀ ଲାକପୁରୁତି ଆବା ଜିକେଏ ପୁନାଆରେଟୁ ମେହନାସି, ଏଝାସି ମିଙ୍ଗେ ଦାନା ହିୟାନେସି ।

ପ୍ରାଡ଼ାନା
(ଲୁକ ୧୧:୨-୪)

୫ ପ୍ରାଡ଼ାନା କିନାଟି କୁଟୁ ଗାଗାରିଲେହେଁ ଆଆଦୁ, ଏନାଆଁତାକି ଇଚିହୁଁ ଏଝାରି ଲକ୍ଷ୍ମୀ ତସାଲି ତାକି, ଜୀହୁଦି ଲକ୍ଷ୍ମୀକି କୁଟମି ଇଲୁଡା† ଅଡ଼େ ଡେଡ଼ା ଜିରୁତି କନତା ନିଗାନା ପ୍ରାଡ଼ାନା କିହାଲି ରାହାଁ ଆନେରି; ନାନ୍ତୁ ମିଙ୍ଗେ ସାତା ଝେସିମାଞ୍ଜାକି, ଏଝାରି ତାମି ଦାନା ବେଗାଆହାମାନେରି ।

୬ ସାମା ମୀରୁ ପ୍ରାଡ଼ାନା କିନାଟି ମୀ ଇଲୁ ବିତ୍ରା ହାଲୁ, ଇଞ୍ଜା ଦାରା ସୁଣ୍ଠା କତାଦୁ ଅଡ଼େ ତଞ୍ଜା ଆଆଗାଟି ମୀ ଆବା ମାହାପୁରୁ ତାଣା ପ୍ରାଡ଼ାନା କିଦୁ; ଅଡ଼େ ମୀ ଆବା ଆତ୍ମାଆସି ଡ଼ଗ୍ଲାନା ମେସ୍ତାନେସି ଏଝାସି ମିଙ୍ଗେ ଦାନା ହିୟାନେସି ।

୭ ମୀରୁ ପ୍ରାଡ଼ାନା କିନାଟି ଜୀହୁଦିଆଆତାରି ଲେହେଁ ଉଜେ ଉଜେଏ ପେଡେପେଡେ ଜଲ୍ଲାଆଦୁ, ଏନାଆଁତାକି ଇଚିହୁଁ ଏଝାରି ଅଧିପିନେରି, ହାରେକା ପ୍ରାଡ଼ାନା କିତିସାରେ ମା ପ୍ରାଡ଼ାନା ମାହାପୁରୁ ଝେଞ୍ଜାନେସି ।

୮ ଏଦାଆଁତାକି ଏଝାରିଲେହେଁ ଆଆଦୁ, ଏନାଆଁତାକି ଇଚିହୁଁ ମିଙ୍ଗେ ଏନାୟି ଲଡ଼ାମାନେ, ରାହୁଆ ନକେଏ ଏଦାଆଁ ମୀ ଆବା ମାହାପୁରୁ ବାରେ ପୁଞ୍ଜାମାନେସି ।

୯ ଅଡ଼େ ମୀରୁ ଇଲେକିହୁଁ ପ୍ରାଡ଼ାନା କିଦୁ;

ଏ ମା ଲାକପୁରୁତି ଆବା,

† ୬:୧ ମାତୃହୁ ୨୩:୫ * ୬:୨ ସିନଗରୁ ✨ ୬:୫ ଲୁକ ୧୮:୧୦-୧୪ † ୬:୫ ସିନଗରୁ

ନୀ ଦରୁ ନେହାୟି ଇଞ୍ଜିଁ ମାନୁଞ୍ଜି ଆଫେ;

୧୦ ନୀ ରାଜି ଖାଫେ;

ଲାକପୁରୁତି ଲେହେଁ ଦାର୍ତ୍ତିତା ଜିକେଏ ନୀ କାତେଏ ଆଫେ,

୧୧ ନୀଞ୍ଜୁ ମାଞ୍ଜେ ଲଡ଼ା ଆନି ରାନ୍ଦା ହିୟାମ୍,

୧୨ ମା କପାତଲେ ଦହ କିହାମାନି ଲକୁଣି ମାମ୍ବୁଏନିକିହଁ ଦହ ଆହୁଅମି,

ଏଲେକିହଁ ମା ଦହ ବାରେ ମ୍ବେକ୍‌ହାମ୍ ।

୧୩ ମାଞ୍ଜେ ପାନ୍ଦାତା ମେଡ଼ହାଆନି ଲାଗେଏ ପଲେଏ ତାଣାଟି ପିସ୍‌ପି କିୟାମ୍,

ଏନିଇତିହଁ ରାଜି ବାଡ଼ୁୟୁ କାଜାପାଣା କାଲା କାଲାତାକି ନୀଦିଏ ଆଫେ । ଆମେନ୍ ।

୧୪ *ଇତିହଁ ମୀରୁ ଏଟକା ଲକୁତି ପାପୁ ବାରେ ମ୍ବେକ୍‌ହାସାରେ, ମୀ ଲାକପୁରୁତି ଆବା ମାହାପୁରୁ ଜିକେଏ ମୀ ପାପୁ ମ୍ବେକ୍‌ହାନେସି;

୧୫ ସାମା ମୀରୁ ଲକୁତି ପାପୁ ମ୍ବେକ୍‌ଆସାରେ, ମୀ ଆବା ଜିକେଏ ମୀ ପାପୁ ମ୍ବେକ୍‌ହଅସି ।

ଉପାସା କିନାଣି ଜାପ୍‌ନାୟି

୧୬ ଉପାସା କିନାଟି କୁଟୁ ଗାଟାରିଲେହେଁ ମୀ ମୁମ୍‌ବୁ଼ି ଖାଡ଼ି କିଆଦୁ, ଏନାଆଁତାକି ଇତିହଁ ଏଞ୍ଜାରି ଉପାସା କିହିମାନେରି ଇଞ୍ଜିଁ ଲକୁଣି ତସାଲି ତାମି ମୁମ୍‌ବୁ଼ି କିନେରି; ନାନୁ ମିଙ୍ଗେ ସାତା ଝେସିମାଞ୍ଜାଲ୍ ଏଞ୍ଜାରି ତାମି ଦାନା ବେଟାଆହାମାନେରି ।

୧୭ ସାମା ମୀରୁ ଉପାସା କିନାଟି, ମୀ ତାୟଁତୁ ନିହଁ ଉହ୍‌ଦୁ ଅଡେ ମୁମ୍‌ନୁରହା କତାଦୁ ।

୧୮ ଏନିକଁ ମୀରୁ ଉପାସା କିହିମାନେରି ଇଞ୍ଜିଁ ଲକୁ ନକିତା ତଞ୍ଜା ଆଆନା, ପୁନାଆରେଟୁ ମାନି ମୀ ଲାକପୁରୁତି ଆବା ନକିତା ତଞ୍ଜା ଆଦେରି; ଅଡେ ମୀ ଆବା ପୁନାଆରେଟୁ ମେସାନା ମିଙ୍ଗେ ଦାନା ହିୟାନେସି ।

ଲାକପୁରୁତି ଦନ

(ଲୁକ ୧୨:୩୩-୩୪)

୧୯ “ଏମ୍‌ୟା ସୀରନେ ଇଞ୍ଜା ଲୀମ୍‌ବୁ଼ିନେ ଅଡେ ସରକା କାତି ତୁକ୍‌ହାନା ସରୁ କିହା ଅନେରି, ଇଲେକି ଦାର୍ତ୍ତିତା ମିଙ୍ଗେତାକି ଦନ କୁଡ଼ିକିହଁ ଇଟାଆଦୁ ।

୨୦ ସାମା ଆମ୍‌ୟା ସୀରଏ ଇଞ୍ଜା ଲୀମ୍‌ବୁ଼ିନେଏ ଅଡେ ସରକା କାତି ତୁକ୍‌ହାନା ମାଣ୍ଡାତା ଅଅରି ଇଲେକି ଲାକପୁରୁ ମିଙ୍ଗେତାକି ଦନ କୁଡ଼ି କିଦୁ,

୨୧ ଇତିହଁ ଆମ୍‌ୟା ମୀ ଦନ ଏମ୍‌ଏଏ ମୀ ମନ ଜିକେଏ ମାନେ ।”

ଆଜ୍ଞାତି ଉଜେଡ଼ି

(ଲୁକ ୧୧:୩୪-୩୬)

୨୨ କାନୁ ଆଜ୍ଞାତି ଦୀଞ୍ଜିଁ ଲେହେଁ, ଇତିହଁ ମୀ କାନୁ ନେହଁ ମାନେ, ଆତିହଁ ମୀ ବାରେ ଆଜ୍ଞା ଉଜେଡ଼ି ଆନେ ।

୨୩ ସାମା ମୀ କାନୁ ଲାଗେଏ ମାନେ, ଆତିହଁ ମୀ ବାରେ ଆଜ୍ଞା ଜିକେଏ ଆନ୍ଦେରି ଆନେ । ଏନାଆଁତାକି ଇତିହଁ ମୀ ଆଜ୍ଞାତି ଉଜେଡ଼ି ଆନ୍ଦେରି ଆତିହଁ ଏ ଆନ୍ଦେରି ଏତେକା ଆଜିନାୟି ଆନେ ।

ମାହାପୁରୁ ଅଡେ ଦନ

(ଲୁକ ୧୬:୧୩; ୧୨:୨୨-୩୧)

୨୪ ଆମ୍‌ଆସି ଜିକେଏ ରୀ ସାଞ୍ଜୁକାରି ତାଣା ହଲେଏସି ଆହାଲି ଆଡ଼ଅସି; ଏନାଆଁତାକି ଇତିହଁ ଏଞ୍ଜାରି ରଅଣାଲ୍ ଜୀଞ୍ଜୁ ନନେସି, ଅଡେ ରଅଣାଲ୍ ଅପଅସି, ରଅଣାଲ୍ ମାନି କିନେସି ଅଡେ ରଅଣାଲ୍ ମାନୁଞ୍ଜି ଆଅସି, ମୀରୁ ମାହାପୁରୁ ଅଡେ ଦନତି ହଲିୟାଜ୍ଞା ଆହାଲି ଆଡ଼ଅତେରି ।

୨୫ ଏଦାଆଁତାକି ନାନୁ ମିଙ୍ଗେ ଝେସିମାଞ୍ଜାଲ୍, ଏନାଆଁ ତିନାୟି ଏନାଆଁ ଗହନାୟି, ଏଲେକଁ ମୀ ଜୀଞ୍ଜୁତାକି, ଏନାଆଁ ତୁରନାୟି ଇଲେକଁ ମୀ ଆଜ୍ଞା ତାକି ଅଣାପାଆଦୁ, ରାନ୍ଦାକିହା ଜୀଞ୍ଜୁ, ହିମ୍‌ବିକା କିହଁ ଆଜ୍ଞା କାଜାୟି ଆଏକି ?

୨୬ ପଟାୟାଣି ସିନିକ୍‌ଦୁ, ଏଞ୍ଜି ମାଗାଉ କି ଦାଉ କି ଗାଦେୟିତା କୁଡ଼ିକିହଁ ଇଟାଉ, ଏଲେଆଡ଼ିଞ୍ଜା ଲାକପୁରୁତି ଆବା ଏଞ୍ଜାସିକାକି ତାମି ରାନ୍ଦା ହାହିମାନେସି, ଏଞ୍ଜାସିକା କିହଁ ମୀରୁ କାଜାତେରି ଆଏକି ?

* ୨:୧୪ ମାର୍ଚ୍ଚ ୧୧:୨୫,୨୬

୨୭ ଅତେ ମୀ ବିଭ୍ରାତି ଆମ୍ବାଆସି ତାନି ଗାତି ଅଶ୍ଵୁ ତଲେ ତାନି ଜୀଞ୍ଜୁତି ଆଗାଡ଼ା ପାଡ଼ିକିହାଲି ଆଡ଼ିମାନେସି ?

୨୮ ହିମ୍ବୁରିକା ତାକି ଏନାଆଁତାକି ଅଶ୍ଵପିମାଞ୍ଜେରି ? ଜାଡ଼ାତି ପୂଜାଣି ସିନିକିହାଁ ଅଶ୍ଵପାନା ଜାପାଦୁ, ଏଞ୍ଜି ଏନିକି ପାଡ଼ାଆନୁ; ଏଞ୍ଜି କସ୍ତ କିର କି ଲୁକୁ ଦାଡ଼,

୨୯ ଆଡ଼ିଜିକେଏ ନାନୁ ମିଜେ ଖେସିମାଞ୍ଜାଇ, ରାଜା ସଲମନ ଗାତି ଦାରାତି ହିମ୍ବୁରିକା ହୁଟିମାଟିହୁଁ ଜିକେଏ ଏ ପୂଜା ବିଭ୍ରାତି ର ପୁଣ୍ଡୁ ଲେହେଁ ଅଜା ହିଲିଆତେସି ।

୩୦ ସାମା ଗୁଡ଼ିୟାତା ଡ଼ୟିନି ଗାକି ଜାଡ଼ା ନୀଞ୍ଜୁ ମାନେ ଓଏ ହଲୁଡା ହୁଡ଼କିଆନେ, ଏଦାନାକି ମାହାପୁରୁ ଜତେକା ନେହୁଁ ଅଜୁ ହାତିହୁଁ, ଏ ନାନୁ ହିଲିଆଗାଟାତେରି ମିଜେ ହାରେକା ଗାତି ହିମ୍ବୁରିକା ହିୟଅସିକି ?

୩୧ ଏଦାଆଁତାକି ଏନାଆଁ ତିନି, ଏନାଆଁ ଗହନି, ଏନାଆଁ ପରନି ଏଲେକିହୁଁ ଅଶ୍ଵପାଆଦୁ ।

୩୨ ଇତିହୁଁ ଜୀହୁଦିଆଆତି ଲକୁ ଇ ବାରେ ପାରିନେରି, ଅତେ ଇ ବାରେ ମିଜେ ଲଡ଼ାମାନେ ଇଞ୍ଜୁଁ ମୀ ଲାକପୁରୁତି ଆଡ଼ା ପୁଞ୍ଜାମାନେସି ।

୩୩ ସାମା ମୀରୁ ନବେଏ ମାହାପୁରୁତି ରାଜି ଅତେ ଦାମ୍ବୁତି ପାରାଦୁ, ଆତିହୁଁ ମୀ ଲଡ଼ାମାନି ବାରେ ହାପକିଆନେ ।

୩୪ ଇତିହୁଁ ଓଏତାକି ଅଶ୍ଵପାଆଦୁ, ଏନାଆଁତାକି ଇତିହୁଁ ଓଏତି ଅଶ୍ଵୁ ଓଏ ମୀରୁ ମିଜେତାକି ଅଶ୍ଵପିଦେରି, ଇତିହୁଁ ନୀଞ୍ଜୁତି କସ୍ତ ନୀଞ୍ଜୁତାକି ସାରି ।

୭

ଏବ୍ଵକା ତାରାଇଁ ନୀହାଁୟି କିନାୟି

(ଲୁକ ୬:୩୭-୩୮; ୪:୧-୪୨)

୧ ମୀରୁ ଏନିକିଁ ନୀହାଁୟି କିଓି ଆଅତେରି, ଏଦାଆଁତାକି ମୀରୁ ଆମ୍ବାଆରାଇଁ ନୀହାଁୟି କିଆଦୁ ।

୨ ଇତିହୁଁ ମୀରୁ ଏନିକିଁ ଲକୁଣି ନୀହାଁୟି କିଦେରି, ଏଲେକିହୁଁ ଏ ମୀରୁ ଜିକେଏ ନୀହାଁୟି କିଓିଆଦେରି; ଅତେ ଆନିନି ମାଣାତଲେ ଲାଡ଼ିଦେରି ଏ ମାଣା ତଲେ ମିଜେ ଲାଡ଼ା ହିୟାନେରି ।

୩ ଅତେ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆନିନି କାଜା ଲାଟା ମାନେ, ଏଦାଆଁ ଅଶ୍ଵପି ହିଲଅତି କି ?

୪ ଅତେ ନୀନୁ ଏନିକିଁ ମୀ ତାୟିଇଁ ଏଲେଇଞ୍ଜି ଖାମ୍, ନୀ କାନୁତି ଲାଟା ଡେଞ୍ଜାଇଁ, ଅତେ ମେହ୍ମୁ ନୀ କାନୁତେଏ କାଜା ଲାଟା ମାନେ !

୫ ଆତେ କୁରୁ ଗାଟାତି ତଲିଏ ନୀ କାନୁତି ଲାଟା ଡେଞ୍ଜା କତାମ୍, ଆତିହୁଁ ମୀ ତାୟି କାନୁତି ଲାଟା ଡେଞ୍ଜାଲି ନେହୁଁ କିଁ ମେସାଲି ଆଡ଼ିଦି ।

୬ “ନେହୁଁ ଆସ୍ତୁତି ନେସକାକି ହୀଆଦୁ, ଏଞ୍ଜି ଖେଣ୍ଡେ ତିରୁଞ୍ଜାହାଁ କାଟାନୁ ଇଞ୍ଜା ବାଂଗାରା କିହାଁ ଆଗାଡ଼ା ଦାରାଗାଟି ହୀଞ୍ଜା ପାଜିୟାଁ ନକିତା ମେଡ଼ିଆଦୁ, ଏଞ୍ଜି ଏଦାନି କାଡ଼ତା ତୁଡ଼ବିନୁ ।”

ରାହ୍ମଦୁ, ପାରାଦୁ ଅତେ ଦୁଞ୍ଜେରିତା ଖେଦୁ

(ଲୁକ ୧୧:୯-୧୩)

୭ “ରାହ୍ମଦୁ ଆତିହୁଁ ମିଜେ ହୀପକିଆନେ; ପାରାଦୁ ଆତିହୁଁ ମିଜେ ମେଡ଼ାଆୟାନେ; ଦୁଞ୍ଜେରିତା ଖେଦୁ, ଏତେଟିଏ ମିଜେତାକି ଦୁଞ୍ଜେରି ଦେପିଆନେ ।

୮ ଇତିହୁଁ ଆମ୍ବାଆସି ରାହ୍ମନେସି, ଏଞ୍ଜାସି ବେଟାଆନେସି; ଆମ୍ବାଆସି ପାରିନେସି, ଏଞ୍ଜାସି ମେଡ଼ାଆନେସି; ଅତେ ଆମ୍ବାଆସି ଦୁଞ୍ଜେରିତା ଖେନେସି ଏଞ୍ଜାଣାକି ଦା଼ା ଦେପିଆନେ ।

୯ ଇତିହୁଁ ମୀ ବିଭ୍ରା ଆମ୍ବାଆସି ଇଲେତି ମାଣସି ମାନେସି, ତାନି ମୀରୁଏସି ରୁଟି ରାସ୍ତାସାରେ ଏଞ୍ଜାଣାକି ଖାଲୁକା ହୀନେସି,

୧୦ ଅତେ ମୀନୁ ରାସ୍ତାସାରେ ଏଞ୍ଜାଣାକି ରାଡ଼ୁ ହୀନେସି ?

୧୧ ଏଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡ଼ିଜିକେଏ ମୀ ମୀରୁକା ମାୟକାକି ନେହାଁଣି ହାହିମାଞ୍ଜେରି, ଆତିହୁଁ ମୀ ଲାକପୁରୁତି ଆଡ଼ା ନକିତା ରାହ୍ମନି ଲକୁକି ଏତେକା ନେହା ନେହାଁଣି ହୀଅସି !”

୧୨ *ଏଦାଆଁତାକି ଲକୁ ମିଙ୍ଗେ ତାକି ଏନିକି ଲେମ୍ବାପେରି ଇଞ୍ଜି ମୀରୁ ଅଣପିମାଞ୍ଜେରି, ମୀରୁ ଜିକେଏ ଏଞ୍ଜାରାଇଁ ଏଲେକିହିଁ କିପୁ, ଏନାଆଁତାକି ଇଚିହିଁ ଇଦିଏ ମସାତି ମେରା ଅଡ଼େ ମାହାପୁରୁ ଅଣପୁତି ବଲୁ ଝେହ୍ନି ଦାମ୍ବୁ ପତିତି କାତା ।”

ଜାକଣି ଦୁଝେରି
(ଲୁକ ୧୩:୨)

୧୩ ଜାକଣି ଦୁଝେରିଟି ହାଲୁ, ଏନାଆଁତାକି ଇଚିହିଁ ନକର୍ତା ହାନି ଜିରୁ ଅସାରା ଅଡ଼େ ଉସାସା, ଏ ଜିରୁ ନାସା ଆନିଞ୍ଜାକି ଅନାୟି, ଏ ଜିରୁଟି ହାରେକା ଲକୁ ହାନେରି ।

୧୪ ଅଡ଼େ ଜୀଝୁତା ଅନି ଦୁଝେରି ଜାକଣି ଇଞ୍ଜା ଏମାଆଁ ହାନି ଜିରୁ କସ୍ତଗାଟାୟି ଏ ଜିରୁଟି ହାନି ଲକୁ ହାରେକା ଉଣା ।

ମାରୁନୁ ଅଡ଼େ ତାନି ପାଡ଼େୟି
(ଲୁକ ୬:୪୩-୪୪)

୧୫ “ମାହାପୁରୁ ବଲୁ ଝେହ୍ନନାତମି ଇଞ୍ଜିଁ ଝେସାନା ମିଚି କାତା ଝେହ୍ନନାରି ତାଣାଟି ଜାଗ୍ରାତା; ଏଞ୍ଜାରି ମେଣ୍ଡାୟି ଖାଣା ଆସାନା ମୀ ତାଣା ଖାନ୍ନେରି, ସାମା ଏଞ୍ଜାରି ହିୟିତା କାରୁବି ଆଡ଼ି କୁଞ୍ଜନି !

୧୬ ଏଞ୍ଜାରି କାମା ମେସାନା ମୀରୁ ଏଞ୍ଜାରାଇଁ ପୁଞ୍ଜାଲି ଆଡ଼ିଦେରି, ଲକୁ ହାପୁକା ମାରୁନୁତା ଅଲୁଚି ପାଡ଼େୟି ଆଆତିହିଁ ଅଣଙ୍ଗ ମାରୁନୁତା ତୟା ପାଡ଼େୟି ଏହ୍ନେରି ?

୧୭ ଏଲେକିହିଁ ଏ ନେହିଁ ମାରୁନୁତା ବାରେ ନେହିଁ ପାଡ଼େୟି ଅଡ଼େ ଲାଗେଏତି ମାରୁନୁତା ବାରେ ଲାଗେଏତି ପାଡ଼େୟି ଆୟିନେ ।

୧୮ ନେହିଁ ମାରୁନୁ ଲାଗେଏତି ପାଡ଼େୟି ଆୟାଲି ଆଡ଼େଏ, ଅଡ଼େ ଲାଗେଏତି ମାରୁନୁ ନେହିଁ ପାଡ଼େୟି ଆୟାଲି ଆଡ଼େଏ ।

୧୯ *ଆମିନି ମାରୁନୁ ନେହିଁ ପାଡ଼େୟି ଆୟେଏ, ଏଦାନି ରୁଣ୍ଡି ଆହାନା ହିରୁତା ମେଡ଼ପି ଆନେ ।

୨୦ *ଏଲେକିହିଁ ଏ ମିଚି ମାହାପୁରୁ ବଲୁ ଝେହ୍ନନାତା ତାମା କାମା ତଲେ ପୁଞ୍ଜାଲି ଆଡ଼ିନାୟି ।”

ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜିଅଁ
(ଲୁକ ୧୩:୨୫-୨୬)

୨୧ “ନାଙ୍ଗେ ପ୍ରବୁ, ପ୍ରବୁ ଇଞ୍ଜିଁ ହାଟାନ୍ନେରି, ଏଲେତି ବାରେଜାଣା ଲାକପୁରୁ ରାଜିତା ହାଲଅରି, ସାମା ଆମ୍ବାଆରି ନା ଲାକପୁରୁଟି ଆବା ଝେସ୍ତି କାତା ମାନଞ୍ଜି ଆନେରି, ଏଞ୍ଜାରି ହାଜାଲି ଆଡ଼ିନେରି ।

୨୨ ଏ ଦିନା ହାରେକା ନାଙ୍ଗେ ଏଲେଇଞ୍ଜାନ୍ନେରି, ଏ ପ୍ରବୁ ଏ ପ୍ରବୁ ମାମୁ ନୀ ଦରୁତଲେ ମାହାପୁରୁ ଅଣପୁତି ବଲୁ ଝେହ୍ନଆତମି କି ? ଅଡ଼େ ନୀ ଦରୁତଲେ ବୁଡ଼ୁୟିଇଁ ପିସ୍ପି କିଆତମି କି ? ଅଡ଼େ ନୀ ଦରୁତଲେ ହାରେକା କାବାଆନି କାମା କିଆତମି କି ?

୨୩ ଏଚିବେଲା ନାନୁ ଏଞ୍ଜାରାଇଁ ତୀରେତଲେ ଏଲେଇଇଁ ଏ ଲାଗେଏ ପଲଏ ଗାଟାତେରି, ନା ତାଣାଟି ହେକ ଆଦୁ, ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜିଅଁ ।”

ରୀ ଇଲକା କେପିନାରି
(ଲୁକ ୬:୪୭-୪୯)

୨୪ “ଇଞ୍ଜା ଆମ୍ବାଆସି ଇ ନା ହାଡ଼ା ଝେନେସି ଅଡ଼େ ମାନଞ୍ଜି ଆନେସି, ଏଞ୍ଜାସି ପାକା ଖାଲି ଲାକ ଇଲୁ କିନି ର ବୁଦିଗାଟି ଲକୁ ଲେହେତାସି ।

୨୫ ଗାଡ଼ି ପିୟୁ ରୀତେ ଝାରୁ ଝାଡ଼େ ଅଡ଼େ ଗାଲି ଆଡ଼େ, ଏ ଇଲୁଟି ଗୁପିତେ, ସାମା ଏ ଇଲୁ ରିଆଡ଼େ, ଇଚିହିଁ ଏଦି ପାକାତା କାଦା କାରୁହାନା ପୁନାଦି ଦସାମାଟାୟି ।”

୨୬ ଅଡ଼େ ଆମ୍ବାଆସି ଇ ନା ହାଡ଼ା ଝେଞ୍ଜାନା ମାନଞ୍ଜି ଆସିସି ଏଞ୍ଜାସି ବାଞ୍ଜାଲି ଲାକ ଇଲୁ କେପା ଡ଼ୟିନି ବୁଦି ହିଲାଆଗାଟି ଲକୁ ଲେହେତାସି ।

୨୭ ଗାଡ଼ି ପିୟୁ ରୀତେ, ଝାରୁ ଝାଡ଼େ ଅଡ଼େ ଗାଲି ଆଡ଼େ, ଏ ଇଲୁଟି ଗୁପିତେ ଏମାଟିଏ ଇଲୁ ତରଗାହାଜା ବୁଦିତା ଆଣିତେ ।”

ଜୀସୁତି କାଜାପାଣା
୨୮ *ଜୀସୁ ଇ ବାରେ କାତା ରାପୁହି ଜେତ ତାନି କାତା ଝେଚାରି କାବା ଆଡ଼େରି ।

* ୨:୧୨ ଲୁକ ୬:୩୧ * ୨:୧୯ ମାତ ୩:୧୦; ଲୁକ ୩:୯ * ୨:୨୦ ମାତ ୧୨:୩୩ * ୨:୨୮ ମାର୍କ ୧:୨୨; ଲୁକ ୪:୩୨

୨୯ ଇତିହଂ ଏଞ୍ଜାସି ତାମି ବୁଦି ଗାଟାରିଲେହେଁ ଜାପୁଆନା ଅଦିକାରା ବେଟାଆହାମାନି ମାଣ୍ଡସିଲେହେଁ ଜାପୁହି ମାଚେସି ।

୮

ଜୀସୁ କାଜା ରଗ ଗାଟାଣାଇଁ ନେହଂ କିନାୟି

(ମାର୍କ ୧:୪୦-୪୫; ଲୁକ ୫:୧୨-୧୬)

୧ ଜୀସୁ ହରୁ ଲାକଟି ରେଟା ଖାଡ଼ି ତାୟୁ ମାଦା ଲକୁ ତାନି ଜେଟ ହାଚେରି ।

୨ ଏଚିବେଲା ର କାଜା ରଗ ଗାଟାସି ତାନି ନକିତା ଖାହୁଁ ମେଣ୍ଡାକୁତାନା ଜହରା କିହୁଁ ଏଲେଇଚେସି, “ପ୍ରବୁ ନୀନୁ ମନ କିତିହଂ ନାଜେ ନେହଂ କିହାଲି ଆଡ଼ାଦି ।”

୩ ଏଚେଟିଏ ଜୀସୁ କେୟୁ ଦାସାହୁଁ ତାଜା ତୀଗାନା ଏଲେଇଚେସି, “ନୀନୁ ମନ କିହିମାଇଁ ନୀନୁ ନେହଂ ଆମୁ ।” ଏ ଦେବୁଣିଏ କାଜା ରଗ ଗାଟାସି ନେହଂ ଆଡ଼େସି ।

୪ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଜାଗ୍ରାତା ଆମ୍ବାଆରାଇଁ ଝେହୁଆନି, ସାମା ନୀନୁ କାଜା ପୁଜେରା ତାଣା ହାଜାନା ନିଜା ତସାକତାମୁ, ଅଡ଼େ ମସା ଆମିନି ମେରା ହୀହାମାନେସି ଏଦାଆଁ ଲକୁ ନକିତା ସାକି ହାନିଲେହେଁ ହେଡ଼ପାମୁ ।”

ଜୀସୁ ର ରମିୟ କସ୍‌କା ହଚ୍‌ଲଏଣାଇଁ ନେହଂ କିନାୟି

(ଲୁକ ୭:୧-୧୦)

୫ ଜୀସୁ କପରନାହୁମ ଗାଡ଼ାତା ହାଜାଲିଏ ର ରମିୟ ପାସାକଡ଼ି କସ୍‌କା ମୁହେଁ କାଜାସି ଏଞ୍ଜାଣି ତାଣା ଖାହାନା ବାଡ଼ିମାଲିହଂ ଏଲେଇଚେସି,

୬ “ଏ ପ୍ରବୁ, ନା ହଚ୍‌ଲଏସି ଚଟ୍‌ଝାୟାନା ହାଡ଼େକା କସୁ ଆହଂ ଇଜ କାଚେଲିତା ତୁରାମାନେସି ।”

୭ ଜୀସୁ ଏଞ୍ଜାଣାଇଁ ଏଲେଇଚେସି, “ନୀନୁ ଖାହାନା ଏଞ୍ଜାଣାଇଁ ନେହଂ କିଇଁ ।”

୮ ସାମା ପାସାକଡ଼ି କସ୍‌କା ମୁହେଁ କାଜାସି ଏଲେଇଚେସି, “ଆଏ, ପ୍ରବୁ ନୀନୁ ନା ଇଜ ପାସୁଲି ଇଚିଦି, ଏଲେତି ଜଚେ ଆଏ; ସାମା ନୀନୁ ର ପଦୁ ଝେସା ପାଣ୍ଡାମୁ, ନା ହଚ୍‌ଲଏସି ନେହଂ ଆଡ଼େନସି ।

୯ ଇତିହଂ ନୀନୁ ରଅଣି ତାଣା କାମା କିନି ମାଣ୍ଡସି ଆଡ଼ିହଂ ଜିକେଏ ନା ଅଦିକାରାତା ଅଡ଼େ କସ୍‌କା ମାନେରି; ନୀନୁ ରଅଣାଇଁ ହାଲାମୁ ଇଚିହଂ ଏଞ୍ଜାସି ହାନେସି; ଅଡ଼େ ରଅଣାଇଁ ଖାମୁ ଇଚିହଂ ଖାଡ଼େସି; ଅଡ଼େ ନା ହଚ୍‌ଲଏଣାଇଁ ଇଦାଆଁ କିମୁ ଇଚିହଂ ଏଦାଆଁ କିନେସି ।”

୧୦ ଜୀସୁ ଇ ବାରେ କାତା ଝେଞ୍ଜାନା କାବା ଆଡ଼େସି, ଅଡ଼େ ତାନି ଜେଟ ଖାହିମାଟି ଲକୁଣି ଏଲେଇଚେସି, ନୀନୁ ମିଜେ ସାତା ଝେସିମାଞ୍ଜାଇଁ, ଇସାୟେଲ ବିତ୍ତା ଆମ୍ବାଆରି ତାଣା ଇଚେକା କାଜା ନାମୁ ମେସାହିଲଆଁ ।

୧୧ *ସାମା ନୀନୁ ମିଜା ଝେସିମାଞ୍ଜାଇଁ, ହାଚେକା ଲକୁ ଝେଡ଼ା ହପୁ ଖାକିଟି ଅଡ଼େ ଝେଡ଼ା କୁଡ଼ନି ଖାକିଟି ଖାହାନା ଅବୁହାମ, ଇସାହାକ ଅଡ଼େ ଜାକୁବ ତଲେ ଲାକପୁରୁ ରାଜିତା ଡିଞ୍ଜାଲି କୁରିନେରି ।

୧୨ *ସାମା ରାଜିତି ମୀରକାଣି ପାଙ୍ଗାଟି ଆନ୍ଦେରିତା ମେଡ଼ିଏ ଆଡ଼େନ ଏମ୍ବାଆଁ ଏଞ୍ଜାରି ପାଲକା ଚୀଟି କିହଂ ଡ଼ାନେରି ।

୧୩ ଅଡ଼େ ଜୀସୁ ଏ କାଜାଣାଇଁ ଏଲେଇଚେସି, ଇଜ ହାଲାମୁ, ଏନିକିହଂ ନାମାମାଞ୍ଜି ନିଜେଡ଼ାକି ଏଲେକିହଂ ଆପେ । ଏ ଦେବୁଣିଏ ଏ ହଚ୍‌ଲଏସି ନେହଂ ଆଡ଼େସି ।

ଜୀସୁ ହାଚେକା ଲକୁଣି ନେହଂ କିନାୟି

(ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ତାୟୁ ଜୀସୁ ପିତର ଇଜ ଖାହାନା ପିତରତି ପୟା ନଡ଼େରି ତାକି କାଚେଲିତା ତୁରାମାନାଣି ମେସୁସି ।

୧୫ ଏଚେଟିଏ ଜୀସୁ ତାନି କେୟୁ ତୀଗାଲିଏ ନଡ଼େରି ପିସ୍ତେ, ଅଡ଼େ ନିଜାମା ଏଞ୍ଜାଣି ସେବା କିହାଲି ମାଟୁହେ ।

୧୬ ମିଡ଼ଅଲ୍ଲା ଆହାଲିଏ ଲକୁ ହାଚେକା ବୁଡୁ ଆଲଗାମାଟି ଲକୁଣି ଜୀସୁ ତାଣା ତାଚେରି, ଏଚେଟିଏ ଜୀସୁତି ବ.ବଲୁ ତାକି ବୁଡୁୟାଁ ଏଞ୍ଜାରି ତାଣାଟି ହଚାହାଚୁ, ଅଡ଼େ ହାଚେକା ନଡ଼େରି ଗାଟାରିଲାଇଁ ନେହଂ କିଚେସି ।

* ୮:୧୧ ଲୁକ ୧୩:୨୯ * ୮:୧୨ ମାତୃ ୨୨:୧୩; ୨୫:୩୦; ଲୁକ ୧୩:୨୮

୧୭ ଏନିକିହିଁ ମାହାପୁରୁ ଅଣପୁତ୍ର ବଳୁ ଖେହନି ଜିସାୟତି କାତା ସାତା ଆନେ, “ଏଝାସି ତାନୁଏ ମା ନଫେରି ଦୁକା ଅଡେସି ଅଡେ ମା ରଗତି ଡେକିଡେସି ।”

ଜୀସୁ ସାସୁୟାଁ ଆହାଲି ମନ କିନାୟି
(ଲୁକ ୯:୫୭-୬୨)

୧୮ ଜୀସୁ ତାନି ସାରିଖାକି ଲକୁଣି ମେସାନା, ସାସୁୟାଁଙ୍କ ସାମ୍ବୁରି ଆତାଲା ହାଜାଲି ହୁକୁମି ହୀଡେସି ।

୧୯ ର ମେରା ଜାପନାସି ଖାହାନା ଜୀସୁଙ୍କ ଏଲେଇଡେସି, “ଗୁରୁ, ନୀନୁ ଆସିୟା ହାଜି, ନାନୁ ଜିକେଏ ନୀ ତଲେ ଖାଜ୍ ।”

୨୦ ଏଚେଟିଏ ଜୀସୁ ଏଝାଣାଙ୍କ ଏଲେଇଡେସି, “ନାକାୟାକି ଡିୟିନି ପାଝୁୟାଁ ମାନୁ, ହାଗୁ ଲାକ ଉସିନି ପଟାୟାକି ବାସାଟାୟା ମାନେ, ସାମା ମାଣସି ମାଟ୍‌ଏଣାକି ତାୟାଁ ଚୁନଟ୍‌ହାଲି ବାସାଟାୟା ହିଲେଏ ।”

୨୧ ଇଞ୍ଜାଁ ସାସୁୟାଁ ବିତ୍ରାଟି ଅଡେ ରଅସି ଜୀସୁଙ୍କ ଏଲେଇଡେସି, “ପୁରୁ, ନଢେଏ ହାଜାନା ନା ଆବାଜ୍ ମାହଣିଣା ମୁସାଲି ହେଲ ହିୟାମୁ ।”

୨୨ ସାମା ଜୀସୁ ଏଝାଣାଙ୍କ ଏଲେଇଡେସି, “ନା ଢେତ ଖାମୁ, ହାଡାରାଜ୍ ତାନି ହାଡି ଲକୁଣି ମୁସାଲି ପିହଦୁ ।”

ଜୀସୁ ଗାଲି ପିୟୁ ସାପି କିନାୟି
(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଜୀସୁ ତଂଗତା ହଟାଲିଏ ସାସୁୟାଁ ତାନି ଢେଟ ହାଚେରି ।

୨୪ ଅଡେ ମେହଦୁ ଦେବୁଣିଏ ସାମ୍ବୁରିତା କାଜା ଗାଲି ଆଡେ, ଇଞ୍ଜାଁ ତଂଗ ଏୟୁଟା ମୁଞ୍ଜାଲି ମାଟ୍‌ହେ, ସାମା ଜୀସୁ ତଂଗତା ତୁରାମାଚେସି ।

୨୫ ଏମ୍ବାଟିଏ ଏଝାରି ତାଗେ ଖାହାଁ ନିକ୍‌ହାନା ଏଲେଇଡେରି, “ପୁରୁ, ମାଜା ଗେଲ୍‌ପାମୁ, ଆଆଡିଁ ମାମୁ ହାହିମାନମି ।”

୨୬ ଜୀସୁ ଏଝାରାଜ୍ ଏଲେଇଡେସି, “ଏ ଉଣା ନାମୁ ଗାଟାଚେରି, ଏନାଆଁତାକି ଇଚେକା ଆଜିମାଞ୍ଜେରି ?” ଏମ୍ବାଟିଏ ଜୀସୁ ନିଜ୍‌ମାନା ଗାଲି ଅଡେ ଖାଡିମାଟି ସାମ୍ବୁରିତି ବାକା ହାଡେସି, ଇଞ୍ଜାଁ ଦେବୁଣିଏ ସାପିଆଡେ ।

୨୭ ଏମ୍ବାଟିଏ ଏଝାରି କାବା ଆହାଁ ଏଲେଇଡେରି, “ଇଝାସି ଏନିଲେହେଁତି ମାଣସି ? ଗାଲି ଅଡେ ସାମ୍ବୁରି ଜିକେଏ ଇଝାଣି ହାଡା ମାନୁଝି ଆହିମାନେ ।”

ବୁଡୁ ଆଲ୍‌ଗାମାଟି ରିଆରାଜ୍ ଜୀସୁ ନେହିଁ କିନାୟି
(ମାର୍କ ୫:୧-୨୦; ଲୁକ ୮:୨୬-୩୯)

୨୮ ତାୟୁ ଜୀସୁ ସାମ୍ବୁରି ଆତାଲାଖାକିଟି ଗଦରିୟ ନାସ୍‌କାଣାଁ ଏଗାହାଜାଲିଏ ରୀ ବୁଡୁୟାଁ ଆଲ୍‌ଗା ମାଟାରି ମାଡୁହା ମୁହନି ଟାୟୁଟି ଖାହାନା ଜୀସୁ ବେଟାଆଡେରି, ଏଝାରି ଇଲେଟି ଆଜିହପେଟି ଲକୁ ମାଚେରି, ଏ ଜିରୁଟି ଲକୁ ରେଜାଲି ଆଡିହିଲାଆଡେରି ।

୨୯ ଇଞ୍ଜାଁ ମେହଦୁ ଏଝାରି କିଡ଼ିହିଁ ଏଲେଇଡେରି, “ଏ ମାହାପୁରୁ ମାଟ୍‌ଏଣାଟି ! ନୀ ତଲେ ନାଜେ ଏନାୟି ମାନେ ? ମା ବେଲା ଖାଆନେଏ ମାଜେ କସ୍ ହିୟାଲି ଇମ୍ବାଆଁ ଖାଡିକି ?”

୩୦ ଇଞ୍ଜାଁ ଏଝାରି ତାଣାଟି ହେକ ର ମାନ୍ଦା ପାଜିୟାଁ ମେୟାଁମାତୁ ।

୩୧ ଏ ଲକୁ ବିତ୍ରାଟି ବୁଡୁୟାଁ ଜୀସୁଙ୍କ ବାଡିମାଲିହିଁ ଏଲେଇଡୁ, “ମାଜେ ପେଡ଼ହାଦି ଇଡିହିଁ, ଏ ପାଜିୟାଁ ମାନ୍ଦା ବିତ୍ରା ପାଣ୍ଡାମୁ ।”

୩୨ ଜୀସୁ ଏଝାସିକାଣି ଏଲେଇଡେସି, “ହାଜୁ ।” ବୁଡୁୟାଁ ଏ ଦେବୁଣିଏ ଲକୁଙ୍କ ପିସାନା ପାଜିୟାଁ ମାନ୍ଦା ବିତ୍ରା ହଟୁ; ଏ ପାଜିୟାଁ ହରୁ କାଡ଼ଦିଟି ଦାବଡ଼ି ହଟାନା ଦାରିତି ସାମ୍ବୁରିତା ମେସାନା ହାହାହାତୁ ।

୩୩ ପାଜିୟାଁ ମେଟିମାଟି ଗଡ଼କା ହଟିହିଁ ହାଜାନା ଗାଡ଼ାତା ବାରେ କାତୁ ଇଞ୍ଜାଁ ବୁଡୁୟାଁ ଆଲ୍‌ଗା ମାଟାରି ଏନି ଆଡେରି ଏ ବାରେ ହାଡା ଖେସ୍ପେରି ।

୩୪ ଅଡେ ନାସ୍‌କାଟି ବାରେ ଲକୁ ଜୀସୁଙ୍କ ମେସାଲି ଖାଡେରି, ଇଞ୍ଜାଁ ଜୀସୁଙ୍କ ମେସାନା ତାନି ହାହିଟି ହାଜାଲି ବାଡିମାଲିଡେରି ।



ଜୀସୁ ର ଚଟଝାୟିତି ଲକ୍ଷ୍ମୀ ନେହିଁ କିନାୟି

(ମାର୍କ ୨:୧-୧୨; ଲୁକ ୫:୧୭-୨୭)

୧ ଏମ୍ବାରିଏ ଜୀସୁ ତଂଗତା ହତାନା ସାମଦୁରି ଗାଣ୍ଡାହାଁ ତାନୁ ବାସାଆହାମାନି ଗାଡ଼ାତା ଝାଡ଼େସି ।

୨ ଅଡ଼େ ମେହଦୁ କାଚେଲିତା ତୁରାମାଚି ର ଚଟଝାୟିତି ଲକ୍ଷ୍ମୀ ଡ଼େକାନା ତାନି ତାଣା ତାଡ଼େରି, ଇଞ୍ଜା ଏଝାରି ନାମୁ ମେସାନା ଜୀସୁ ଏ ଚଟ ଝାୟିତାଣାକ୍ ଏଲେଇଚେସି, “ଏ ମୀରୁଏଣା, ସାସା ଆହମୁ ନୀ ପାପୁ ବାରେ ମେଣ୍ଡିକାହାଚେ ।”

୩ ଏଚେକା ମୋରା ଜାପୁନାରି ଇ ହାଡ଼ା ଝେଞ୍ଜାନା ଏଝାରି ଝେସପି ଆଡ଼େରି, “ଇ ମାଣସି ମାହାପୁରୁକ୍ ନିନା କିହିମାନେସି ।”

୪ ଜୀସୁ ଏଝାରି ମନତି ହାଡ଼ା ପୁଞ୍ଜାନା ଏଲେଇଚେସି, “ମୀରୁ ମୀ ମନତା ଏନାଆଁତାକି ଇଚେକା ଲାଗେଏତି ଅଣ୍ଡପୁ ଅଣ୍ଡପିମାଞ୍ଜେରି ?

୫ ଇଚିହଁ ଏନାଆଁ ଇନାୟି ଉସାସା, ନୀ ପାପୁ ମେଣ୍ଡିକାହାଚେ, ଆଆତଁ ନିଜ୍ଞାନା ତାକାମୁ ?

୬ ସାମା ଦାରତିତି ପାପୁ ମେକହାଲି ତାକି ମାଣସି ମୀରୁଏଣାକି ଅଦିକାରା ମାନେ, ଇଦାଆଁ ଏନିକଁ ପୁଞ୍ଜାଲି ଆଡ଼ିନେରି.” ଏଦାଆଁତାକି ଜୀସୁ ଚଟ ଝାୟିତାଣାକ୍ ଏଲେଇଚେସି, “ନିଜ୍ଞାମୁ ନୀ କାଚେଲି ଡ଼େକାନା ଇଜ ହାଲାମୁ ।”

୭ ଏମ୍ବାରିଏ ଏଝାସି ନିଜ୍ଞାନା ତାନି ଇଜ ହାଚେସି ।

୮ ଇଦାଆଁ ମେସାନା ଲକ୍ଷ୍ମୀ ଆଜିଡେରି, ଅଡ଼େ ଆମିନି ମାହାପୁରୁ ମାଣସିୟାକି ଇଲେତି ଅଦିକାରା ହାହାମାନେସି ଇଞ୍ଜିହଁ ଏ ମାହାପୁରୁତି ଗାଝୁରମି କିଡେରି ।

ଜୀସୁ ମାତୃସ୍ତୁକ୍ ହାଡ଼ିନାୟି

(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜୀସୁ ଏମ୍ବାରି ହାଜି ହାଜିହଁ ମାତୃସ୍ତୁ ଦରୁଗାଚି ର ସିସୁ ରୁାହନାସି ତାନି ସିସୁ ରୁାହନି ଟାୟୁତା କୁଗାମାନାଣି ମେସାନା ହାଟାନା ଏଲେଇଚେସି, “ନା ଢେଟ ଝାମୁ ।”

ଏମ୍ବାରିଏ ମାତୃସ୍ତୁ ନିଜ୍ଞାନା ତାନି ଢେଟ ହାଚେସି ।

୧୦ ଇଞ୍ଜା ଜୀସୁ ମାତୃସ୍ତୁ ଇଜ ତାନି ବେଲା ଏଚେକା ସିସୁ ରୁାହନାରି ଅଡ଼େ ପାପୁଗାଚି ଲକ୍ଷ୍ମୀ ତାନି ସାସୁୟାଁ ତଲେ ତିଞ୍ଜାଲି କୁଗିଡେରି ।

୧୧ ପାରୁସିୟାଁ ଇଦାଆଁ ମେସାନା ସାସୁୟାଁକ୍ ଏଲେଇଚେରି, “ମୀ ଗୁରୁ ଏନାଆଁତାକି ସିସୁ ରୁାହନାରି ଅଡ଼େ ପାପୁ ଗାଟାଚି ତଲେ ତିଞ୍ଜି ମାନେସି ।”

୧୨ ସାମା ଜୀସୁ ଏଝାରି ହାଡ଼ା ଝେଞ୍ଜାନା ଏଲେଇଚେସି, “ନେହିଁ ଲକ୍ଷ୍ମୀତାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଟାଚାକି ଲଡ଼ାମାନେ ।

୧୩ ଇଦାଆଁତାକି ମୀରୁ ହାଜାନା ଇଦାନି କାତା ଜାପାପୁ, ସାମା ପୂଜା ହୀନାୟି ଲଡ଼ାଆଏ, ସାମା ଲକ୍ଷ୍ମୀ କାର୍ମାମେହନାୟି ନେହେଁ; ଇଚିହଁ ନାନୁ ଦାମୁ ଗାଟାଚାକି ଆଏ ସାମା ପାପୁ ଗାଟାଚାକି ହାଟାଲି ଝାହାମାକ୍ ।”

ଉପାସା କିନାଣି ଝେନାୟି

(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏଚିବେଲାତା ବାସିସ୍ତୁ* ହାନି ଇହନତି ସାସୁୟାଁ ଜୀସୁକ୍ ଝାହାନା ଝେଚେରି, “ମାମୁ ଅଡ଼େ ପାରୁସିୟାଁ ଉପାସା କିହିମାନମି, ସାମା ମୀ ସାସୁୟାଁ ଏନାଆଁତାକି ଉପାସା କିଅରି ?”

୧୫ ଜୀସୁ ଏଝାଚାକି ଏଲେଇଚେସି, “ବୀହା ହନେଏସି ଡ଼ୟିନି ପାଚେକା ବୀହା ଲକ୍ଷ୍ମୀ ଦୁକୁ ଆଅରି, ସାମା ଦିନା ଝାନେ, ଏଚିବେଲା ବୀହା ହନେଣାକ୍ ଅନେରି, ଏଚିବେଲା ଏଝାରି ଉପାସା କିନେରି ।”

୧୬ “ଆମ୍ବାଆସି ପୁଞ୍ଜାଲି ହିମ୍ବରିତା ପୁଞ୍ଜାଲି ପାସକି ତାଚଅସି, ଏନାଆଁତାକି ଇଚିହଁ ଏ ପାସକି ପୁଞ୍ଜାଲି ହିମ୍ବରିତି ଗେସାଅନେ, ଇଞ୍ଜା ଏଦି ହାଚେକା କାଜାୟି ଆହଁ ଗୋଞ୍ଜିନେ ।

୧୭ ଅଡ଼େ ଲକ୍ଷ୍ମୀ ପୁଞ୍ଜାଲି ଅଜୁରି ରାସା ପୁଞ୍ଜାଲି ଡ଼କାତା† ଇଚଅରି; ଇଚିହଁ ଏ ଡ଼କା ଡାୟାହାନେ ଅଜୁରି ରାସା ବହାହାନେ, ସାମା ପୁଞ୍ଜାଲି ଅଜୁରି ରାସା ପୁଞ୍ଜାଲି ଡ଼କାତା ଇଚିନେରି, ଆତିହଁ ଅଜୁରି ରାସା ଅଡ଼େ ଡ଼କା ନେହିଁ ଡ଼ୟିନେ ।”

* ୯:୧୦ ଲୁକ ୧୫:୧୨ * ୯:୧୩ ମାତୃ ୧୨:୭ * ୯:୧୪ ମୁଞ୍ଜିନାୟି † ୯:୧୭ ତଲୁ ତଲେ କେପିତି ଅଜୁରି ରାସା ଇଚିନି ବାସା ହୁପୁ

ର କାଜାଣି ମାଙ୍ଗା ଅଡ଼େ ର ଇୟା ଜୀସୁ ହିମ୍ବର କୁଜୁ ତୀଗାନା ନେହୁ ଆନାୟି

(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଏରିବେଲା ଇ ବାରେ କାତା ଜୀସୁ ଏଞ୍ଜାରାଇଁ ଝେସିମାଟି ବେଲାତା ର ଜୀହୁଦି କାଜାପାଣା ଗାଗାସି ତାଗେ ଝାହାନା ମେଣ୍ଡାକୁତାନା ଜହରା କିହାଁ ଏଲେଇଚେସି, “ନା ମାଙ୍ଗା ନାଏଁ ହାହାହାଚେ, ସାମା ନାନୁ ଝାହାନା ତାନି ଲାକ କେୟୁ ଇଚିତିହୁଁ ଏଦି ନାତିନେ ।”

୧୯ ଏମ୍ବାଟିଏ ଜୀସୁ ନିଜ୍ଜାନା ତାନି ସାମୁୟାଁ ତଲେ ଏଞ୍ଜାଣି ଜ୍ଞେତ ହାଚେରି ।

୨୦ ଅଡ଼େ ମେହୁଦୁ ବାର ବାସାଁ ପାତେକା ନେତେରି ଝାଜ୍ଜିନି ରଗଗାଟି ର ଇୟା ତାୟୁଝାକିଟି ଝାହାନା ଜୀସୁତି ହିମ୍ବର କୁଜୁ ତୀଗିତେ ।

୨୧ ଇଚିହୁଁ ଏ ଇୟା ମନତା ଅଣ୍ଡପିମାଚେ, “ଝାରଇ ତାନି ହିମ୍ବର ତୀଗିତିହୁଁ ନାନୁ ନେହୁ ଆଜୁଁ ।”

୨୨ ସାମା ଜୀସୁ ଝେଣ୍ଡେ ତାୟୁଝାକି ସିନକିହାନା ଏଲେଇଚେସି, “ମାଙ୍ଗା ସାସା ଆହମ୍ବୁ ନୀ ନାନୁ ନିଜ୍ଜେ ନେହୁଁ କିହାମାଞ୍ଜାନେ” ଏ ଦେବୁଣିଏ ଏ ଇୟା ନେହୁଁ ଆଡ଼େ ।

୨୩ ତାୟୁ ଜୀସୁ ଏ କାଜାପାଣା ଗାଗାରି ଇଜ ହାଚେସି, ଏମ୍ବାଆଁ ପାରୁଡ଼ି ଉକିନାରାଇଁ ଅଡ଼େ ତୀହୁଁ କାଲୁଝି ଆହିମାଟି ଲକୁଣି ମେସାନା ଏଲେଇଚେସି,

୨୪ ବାରେ ଇମ୍ବାଟି ପାଙ୍ଗାତା ହାଜୁ, ପଦା ହାହାହିଲେଏ, ସାମା ତୁରାମାନେ, ଏଚେଟିଏ ତାନି ହାଡ଼ା ଝେଞ୍ଜାନା ଏଞ୍ଜାରି କାକହେରି ।

୨୫ ସାମା ବାରେ ଲକୁ ପାଙ୍ଗାତା ହାଜାଲିଏ, ଜୀସୁ ଇଜ ବିତ୍ତା ହାଜାନା ପଦାନି କେୟୁ ଆସାନା ନିକହେସି ଅଡ଼େ ଏ ଦେବୁଣିଏ ନିଜ୍ଜିତେ ।

୨୬ ଇଞ୍ଜା ଇ କାରୁ ଏ ଦେସାତି ସାରିଝାକି ଝେଜ୍ଜିତେ ।

ଜୀସୁ ରିଆରି କାଣାୟାଁଇଁ ନେହୁଁ କିନାୟି

୨୭ ଜୀସୁ ଏମ୍ବାଟି ହାଜିମାଟି ବେଲାତା ରିଆରି କାଣାୟାଁ କାଜା ଗିୟାଁତଲେ ହାଟିହୁଁ ଏଲେଇଚେରି, “ଏ ଦାବୁଦ ମୀରୁଏଣାଟି ମାଙ୍ଗା କାର୍ମା ମେସ୍ତାମୁ ।”

୨୮ ଇଞ୍ଜା ଜୀସୁ ଇଜୁ ବିତ୍ତା ହତାଲିଏ ଏ କାଣାୟାଁ ଜିକେଏ ଏଞ୍ଜାଣି ତାଗେ ଝାଡ଼େରି, ଇଞ୍ଜା ଜୀସୁ ଏଞ୍ଜାରାଇଁ ଏଲେଇଚେସି, ମାଙ୍ଗେ ନେହୁଁ କିହାଲି ଆଡ଼ାନେସି ଇଞ୍ଜୁଁ ମୀରୁ ନାମିମାଞ୍ଜେରି ?

ଏଞ୍ଜାରି ଏଲେଇଚେରି “ହାଅ ପ୍ରବୁ ।”

୨୯ ଏଚେଟିଏ ଜୀସୁ ଏଞ୍ଜାରି କାଣ୍ଡକା ତୀଗାନା ଏଲେଇଚେସି, “ମୀ ନାମିନି ଲେହେଁ ମିଜ୍ଜେତାକି ଆଢ଼େ ।”

୩୦ ଏଚେଟିଏ ଏଞ୍ଜାରି ମେସାଲି ଆଡ଼ିତେରି, ଅଡ଼େ ଜୀସୁ ଏଞ୍ଜାରାଇଁ ଜାଣ୍ଡେ ହୁକୁମି ହୀହାନା ଏଲେଇଚେସି, “ହେଣ୍ଡୁ ଇ ହାଡ଼ା ଆମ୍ବାଆରି ଜିକେଏ ପୁନଅରି ।”

୩୧ ସାମା ଏଞ୍ଜାରି ପାଙ୍ଗାତା ହାଜାନା ଜୀସୁତି ହାଡ଼ା ଦେସାତି ସାରିଝାକି ଝେସ୍ତେରି ।

ଜୀସୁ ର ଗୁଲାଇଁ ଜଲି କିତେସି

୩୨ ଏଞ୍ଜାରି ହଡ଼ା ହାଜିମାଟାଟି ଲକୁ ର ଜଲାଇଁ ଆଡ଼ାଆଗାଟି ବୁଡୁ ଆଲ୍‌ଗା ମାତାଣାଇଁ ଜୀସୁ ନକ୍ତିତା ତାତେରି ।

୩୩ ଜୀସୁ ବୁଡୁଇଁ ପେରହା ପାଣ୍ଡିତି ଦେବୁଣିଏ ଏଞ୍ଜାସି ଜଲାଇଁ ଆଡ଼ିତେସି, ଏଚେଟିଏ ଲକୁ କାବାଆହାନା ଏଲେଇଚେରି, “ଇସ୍ରାୟେଲ ଦେସାତା ମାମୁ ଇଲେତି କାବାଆନି କାମା ଏଚେଲା ମେସାହିଲାଆତମି ।”

୩୪ ଏରିବେଲା ପାରୁସିୟାଁ ଝେଚେରି. ଏଞ୍ଜାରି ଏଲେଇଚେରି, “ଇଝାସି ବୁଡୁୟାଁ ପିସ୍‌ପି କିହିମାନେସି” ଏନାଆଁତାକି ଇଚିହୁଁ ଏଞ୍ଜାସିକାଣି ସାଲୁଝି କିହିମାନି ବାଲୁପେନୁ ଏଞ୍ଜାଣାକି ବାଡ଼ୁୟୁ ହାହିମାନେ ଲାକା ଆଡ଼ିମାନେସି ।

୩୫ ଏମ୍ବାଟିଏ ଜୀସୁ ଏଞ୍ଜାରି ଜୀହୁଦି ଲକୁତି କୁଟମି ଇଲକାଣା: ଜାପୁହିହୁଁ ମାହାପୁରୁ ରାଜିତି ନେହୁଁ କାରୁ ଝେସିହୁଁ ବାରେଲେହେଁତି ରଡ଼ା ନଡ଼ମରି ଦୁକାଟି ନେହୁଁ କିହିହୁଁ, ବାରେ ଗାଡ଼ାୟାଁ ଇଞ୍ଜା ନାୟାକାଣାଁ ରେଜାଲି ମାଟୁହେସି ।

ଲକୁତାକି ଜୀସୁତି କାର୍ମା

☆ ୯:୩୪ ମାତି ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫ ☆ ୯:୩୫ ମାତି ୪:୨୩; ମାର୍କ ୧:୩୯; ଲୁକ ୪:୪୪ † ୯:୩୫ ସିନଗର

୩୭ *ଅଡ଼େ ବାରେ ଲକ୍ଷ୍ମଣି ମେଘାମା ଏଝାସି କାର୍ମା ଆଡ଼େସି, ଇଚିହ^{୩୭} ଏଝାରି ଗଡ଼ ହିଲାଆ ମେଶ୍ଟାୟାଁ ଲେହେଁ କାକୁଲିଚି ଇତାଲା ଆତାଲା ଆହିମାଚେରି ।

୩୮ *ଏଚିବେଲା ଜୀସୁ ତାମି ସୀସୁୟାଁଇଁ ଏଲେଇଚେସି, “ପାଚି ହାରେକା ସାମା ଦାଃଆନାରି ଉଣା ଜାଣା ।

୩୯ ଏଦାଆଁତାକି ପାଚି ଜାଚାଲି, ଲକ୍ଷ୍ମଣି ପାଶ୍ଟାଲିତାକି ଗୁଡ଼ିୟାତି ସାଝୁକାରିଇଁ ବାତିମାଲାଦୁ ।”

୧୦

ବାରଜାଣା ସୀସୁୟାଁ

(ମାର୍କ ୩:୧୩-୧୯; ଲୁକ ୬:୧୭-୧୭)

୧ ଏମାଚିଏ ଜୀସୁ ତାମି ବାରଜାଣା ସୀସୁୟାଁଇଁ ତାଗେ ହାଟାନା ବୃତୁୟାଁ ପିସପି କିହାଲି, ଇଞ୍ଜା ବାରେ ରଗ କସ୍ତଚି ନେହ^{୧୦} କିହାଲି ଏଝାରାକି ଅଦିକାରା ହାଚେସି ।

୨ ଏ ବାରଜାଣା ପାଶ୍ଟାଆଡ଼ି ସୀସୁୟାଁ ଦରକା ଆଡୁ, ସିମନ, ଆମ୍ବାଆରାଇଁ ପିତର ଇନେରି, ଅଡ଼େ ତାମି ତାୟି ଆହିୟ, ଜେବଦି ମୀର୍ସସି ଜାକୁବ ଅଡ଼େ ତାମି ତାୟି ଜହନ,

୩ ପିଲିପ ଅଡ଼େ ବାର୍ତଲମି, ତମା ଅଡ଼େ ସିସୁ ରାହନି ମାତିୟୁ, ଆଲେପି ମୀର୍ସସି ଜାକୁବ ଅଡ଼େ ତଦିୟ,

୪ ଦେସାତି ଜୀସୁ ନନ୍ଦି ସିମନ ଅଡ଼େ ଇସ୍ତାରିୟତ ଜୀହୁଦା ଆମ୍ବାଆସି ଜୀସୁଇଁ ସାଡୁ କେୟୁତା ହେରପିଚେସି ।

ବାରଜାଣା ସୀସୁୟାଁଇଁ ପାଶ୍ଟିନାୟି

(ମାର୍କ ୬:୭-୧୩; ଲୁକ ୯:୧-୬)

୫ ଜୀସୁ ଇ ବାରଜାଣାଚି ପାଶ୍ଟାନା ହୁକୁମି ହାହାଁ ଏଲେଇଚେସି, ମୀରୁ ଜୀହୁଦିଆଆତି ଲକ୍ଷ୍ମଣାଣା ହାଲାଆଦୁ, ଅଡ଼େ ଆମିନି ସମିରଣି ନାସକାଣାଁ ହଡ଼ୁଆଦୁ,

୬ ସାମା ଜାଜ୍ଞାମାନି ମେଶ୍ଟାୟାଁ ଇଚିହ^{୧୦} ଇସ୍ତାୟେଲ ଲକ୍ଷ୍ମଣାଣା ହାକୁ ।

୭ ଏଝାରିତାଣା ହାକୁ ଅଡ଼େ ଝେକ୍ତୁ ଲାକପୁରୁ ରାଜି ଏଗାଝାହିମାନେ ।

୮ ଅଡ଼େ ନଡ଼େରି ଗାଟାରାଇଁ ନେହ^{୧୦} କିଦୁ, ହାଟାରାଇଁ ନିକ୍ତୁ, କାଜା ରଗ ଗାଟାରାଇଁ ନେହ^{୧୦} କିଦୁ, ବୃତୁୟାଁଇଁ ପେରଦୁ । ମୀରୁ ଉଜେଏ ବେଟା ଆହାମାଞ୍ଜେରି ଏଦାଆଁ ଉଜେଏ ହୀଦୁ ।

୯ ମୀ ତଲେ ବାଂଗାରା ଝେଣ୍ଡି କି ଅଟଡ଼ିତା ଚାକାୟାଁ ଅଆଦୁ,

୧୦ *ଅଡ଼େ ହାନାଚି ଲେତା କଡ଼ିନି ମଣା, ରୀ ଜଡ଼ୁସକାୟାଁ କି ସେପୁୟାଁ କି କୁତା ବାଡ଼ଗା ଜିକେଏ ପାରାଆଦୁ, କାମାକିନାସି ତାନି ରାହା ବେଟା ଆନେସି ।

୧୧ ଅଡ଼େ ମୀରୁ ଆମିନି ନାୟୁଡ଼ା କି ଗାଡ଼ାତା ହାଜେରି ଏମ୍ବାଆଁ ନେହାଁଣାଇଁ ପାରାଦୁ, ଅଡ଼େ ଏମ୍ବାଚି ଝେଣ୍ଡାହାନି ପାଡେକା ଏଝାଣି ଇଜ ଡ଼ୟାଦୁ ।

୧୨ ଅଡ଼େ ଇଜ ହଡ଼ନାଚି ଏଝାରାଇଁ ହିଡ଼ଡ଼ି ଜୀସୁ ମିଜେ ଆୟାପେ ଇଞ୍ଜୁ;

୧୩ ଏଝାରି ଇଜତାରି ନେହାଁରି ଇଚିହ^{୧୦} ଏଝାରିତଲେ ମୀ ହିଡ଼ଡ଼ି ଡ଼ୟାପେ, ସାମା ଏଝାରି ନେହାଁରି ଆଆତ^{୧୦} ମୀ ହିଡ଼ଡ଼ି ମିଜେ ଝେଣ୍ଡା ଝାଡ଼େ ।

୧୪ *ଅଡ଼େ ଆମିନି ଇଲୁତାକି ନାସକାଣାଁ ମିଜ ଲକୁ ଅପଅରି, ମୀ କାତାଚି ଝେନଅରି, ଏ ଇଲୁଚି କି ଏ ଗାଡ଼ାଚି ହଡ଼ାଝାନାଚି ମୀ କତାଚି ଦୁଡ଼ି ହାଣହା କତାନା ଏ ଗାୟୁ ପିହୁଦୁ ।

୧୫ **ନାନ୍ ମିଜେ ସାତା ଝେସିମାଞ୍ଜାଇଁ, ମାହାପୁରୁଚି ନାହାୟି ଦିନାତା ଏ ଗାଡ଼ାଚି ଡ଼ଣ କିହାଁ ସଦମ ଅଡ଼େ ଗମରା ଦେସାତି ଡ଼ଣ ଉଣା କିଝିଆନେ ।

ଝାହିମାନି କସ୍ତ ଅଡ଼େ ନିୟା

(ମାର୍କ ୧୩:୯-୧୩; ଲୁକ ୨୧:୧୭-୧୭)

୧୬ *ହେଣ୍ଡୁ ମେଶ୍ଟାୟାଁଣି କ୍ଷାଣିୟାଁ ବିଡ଼ା ପାଶ୍ଟିନିଲେହେଁ ନାନ୍ ମିଜେ ପାଶ୍ଟିମାଞ୍ଜାଇଁ, ଏଦାଆଁତାକି ମୀରୁ ରାଡୁ ଲେହେଁ ବୁଦି ଗାଟାଚେରି, ଅଡ଼େ ପାଞ୍ଜା ପଟାଲେହେଁ କପା ହିଲାଆ ଗାଟାଚେରି ଆଦୁ ।

* ୯:୩୭ ମାର୍କ ୬:୩୪ * ୯:୩୭ ଲୁକ ୧୦:୨ * ୧୦:୧୦ ଉକର ୯:୧୪; ଉପିମ ୫:୧୮ * ୧୦:୧୪ କାମା ୧୩:୫୧ * ୧୦:୧୫ ମାଚି ୧୧:୨୪ * ୧୦:୧୫ ଲୁକ ୧୦:୪-୧୭ * ୧୦:୧୬ ଲୁକ ୧୦:୩

୧୭ *ସାମା ମାଣସିୟା ତାଣାଟି ଜାଗ୍ରାତା ଆହାନା ତୁୟାଦୁ, ଏନାଆଁତାକି ଇଚିହଁ ଏଞ୍ଜାରି ମିଜେ ଆସାନା ନୀହାଁୟି କିନି ତାଣା ହେରପାନେରି, ଇଞ୍ଜା ଜୀହୁଦି ଲକୁଡି କୁଚମି ଲଲକାଣା* ଏଞ୍ଜାରି ମିଜେ ସାଟୁଣି ତଲେ ଖେତାନେରି,

୧୮ ଅଡେ ମୀରୁ ନା ତାକି ରଜା ଅଡେ ସାଲୁଞ୍ଜି କିନି ଲକୁତାଣା ଅହାନା ନୀହାଁୟି କିଞ୍ଜିଆଦେରି; ଏଦି ଏଞ୍ଜାରାକି ଅଡେ ଜୀହୁଦିଆଆତି ଲକୁକି ମାହାପୁରୁତି ନେହଁ କାରୁ ଖେସାଲି ସାକି ଆନେ ।

୧୯ ସାମା ଏଚିବେଲା ଏଞ୍ଜାରି ମିଜେ ହେରପାନେରି, ମୀରୁ ନୀହାଁୟି ଆନିବେଲା ଏନାଆଁ ଜଲିଦେରି ଅଡେ ଏନିକି ଜଲିଦେରି, ଏ କାତା ଅଣପାଆଦୁ, ଇଚିହଁ ମୀରୁ ଏନାଆଁ ଜଲିଦେରି ଏ ବେଲାତେଏ ମିଜେ ଖେସାଦେସି ।

୨୦ । ଇଚିହଁ ମୀରୁ ଜଲିନାତେରି ଆଏ, ଆବା ମାହାପୁରୁତି ସୁଦୁଜୀଞ୍ଜୁ ମୀ ଗୁତି ହୀହାନା ହାଡା ଜଲିନେ, ଏଦି ଜଲିନାୟି ।

୨୧ *ତାୟି ତାୟିଇଁ ଆବା ମୀରୁଏଣାଇଁ ପାୟାଲି ହେରପିନେସି, ମାସକା, ମୀରକା ଏଞ୍ଜାରି ତାମି ଇୟା ଆବା କପାଟି ହତାନା, ଏଞ୍ଜାରାଇଁ ପାୟିନେରି ।

୨୨ *ଅଡେ ନା ଦରୁ ତାକି ମୀରୁ ବାରେତାଣା ଅପାଆ ଗାଟାତେରି ଆଦେରି, ସାମା ଆମ୍ବାଆସି ରାଦି ପାତେକା ସାସା ତଲେ ମାନେସି ଏଞ୍ଜାସି ଗେଲୁପି ଆନେସି ।

୨୩ ସାମା ଏଞ୍ଜାରି ଏଚିବେଲା ର ଗାଡାତା ମିଜେ ନିୟା କିୟାନେରି, ଏଚିବେଲା ଏଟକା ଗାଡାତା ହାଜୁ, ଇଚିହଁ ନାନୁ ମିଜେ ସାତା ଖେସିମାଞ୍ଜାଇଁ, ମୀରୁ ଇସାୟେଲତି ବାରେ ଗାଡାୟିତା କାମା ରାପୁଆ ନବେଏ ମାଣସି ମୀରୁଏସି ଖାନେସି ।

୨୪ *ସୀସୁ ତାନି ଗୁରୁ କିହାଁ ହଲେଏସି ସାଞ୍ଜୁକାରି କିହାଁ କାଜାସି ଆଏ ।

୨୫ *ସୀସୁ ତାନି ଗୁରୁ ଅଡେ ହଲେଏସି ତାନି ସାଞ୍ଜୁକାରି ଲେହେଁ ଆତିହଁ ଏଞ୍ଜାରାକି ସମାନା ଆନେ, ଏଞ୍ଜାରି ଇଲୁଡି ସାଞ୍ଜୁକାରିଇଁ ବାଲୁଜିବୁଲୁ ଇନେରି ଇଚିହଁ ଏଞ୍ଜାଣି ଇଲୁଡି ଲକୁବକାଆଁ ହାରେକା ପଲୁଆ କାତା ଜଲିନେରି !”

ଆମ୍ବାଆରାଇଁ ଆଜିନାୟି ?
(ଲୁକ ୧୨:୨-୭)

୨୬ *ଏନାଆଁତାକି ଲକୁଇଁ ଆଜାଆଦୁ; ଇଚିହଁ ତୁଗୁମାନାୟି ଏନାୟିଖା ର ଦିନା ତଞ୍ଜାଆନେ, ଏଲେକିଁ ତଞ୍ଜାଆଆନା ତୁଗୁମାନାୟି ଏନାୟିଖା ହିଲେଏ, ଇଞ୍ଜା ପୁଣ୍ଡି କିଞ୍ଜିଆଆଗାଗାୟି ଇଲେକିଁ ଏନାୟି ତୁଗୁା ହିଲେଏ ।

୨୭ ନାନୁ ମିଜ ଏନାଆଁ ଆନେରିତା ଖେସାଇଁ ଏନାଆଁ ଉଜେଡିତା ଖେହୁଦୁ, ଅଡେ ଏନାଆଁ ତୁଗୁାନା ଖେଞ୍ଜେରି ଏନାଆଁ ଇଲୁ ତୁଡିୟା ଲାକ ହତାନା ଖେହୁଦୁ ।

୨୮ ଅଡେ ଆମ୍ବାଆରି ଖାରଇ ଆଜାତି ପାୟିନେରି, ସାମା ଜୀଞ୍ଜୁତି ପାୟାଲି ଆଡଅରି, ଏଞ୍ଜାରାଇଁ ଆଜାଆଦୁ; ସାମା ଆମ୍ବାଆସି ମୀ ଜୀଞ୍ଜୁ ଅଡେ ଆଜା ବାରେଡି ନକିତା ନାସା କିହାଲି ଆଡିମାନେସି ଏଞ୍ଜାଣାଇଁ ଆଜାଦୁ ।

୨୯ ରୀ ଜେତା ପଟାୟିଁ ର କାନି ତାକି ପାରୁପି ଆଉ କି ? ଅଡେ ମୀ ଲାକପୁରୁତି ଆବା ହେଲ ହୀଆତି ଏଞ୍ଜାସିକା ବିଡାଟି ରଣ୍ଡି ଜିକେଏ ତୁଇ ତରଗେଏ ।

୩୦ ସାମା ମୀ ତାୟିଁ ତୁ ବାରେ ବାଣାୟିଁ ଜିକେଏ ଏଜିକିଞ୍ଜି ଆହାମାନୁ ।

୩୧ ଏନାଆଁତାକି ଆଜାଆଦୁ, ମୀରୁ ହାରେକା ଜେତା ପଟାୟିଁ ତାଣାଟି ମୀ ଦାରା ହାରେକା ।”

ଲକୁ ନକିତା ଜୀସୁଇଁ ଖେକନାୟି
(ଲୁକ ୧୨:୫୧-୫୩; ୧୪:୨୬-୨୭)

୩୨ “ଅଡେ ଆମ୍ବାଆସି ଲକୁ ନକିତା ନାଜେ ଆବାନେସି, ଇଞ୍ଜା ନାନୁ ଜିକେଏ ନା ଲାକପୁରୁତି ଆବା ନକିତା ଆବିଇଁ ।

୩୩ *ସାମା ଆମ୍ବାଆସି ଲକୁ ନକିତା ନାଜେ ଆବଅସି, ନାନୁ ଜିକେଏ ନା ଲାକପୁରୁତି ଆବା ନକିତା ଆବଅଁ ।”

* ୧୦:୧୭ ମାର୍କ ୧୩:୧୧; ଲୁକ ୧୨:୧୧,୧୨; ୨୧:୧୨-୧୫ * ୧୦:୧୭ ସିନଗର * ୧୦:୨୧ ମାର୍କ ୧୩:୧୨; ଲୁକ ୨୧:୧୭ * ୧୦:୨୨ ମାତ ୨୪:୯; ମାର୍କ ୧୩:୧୩; ଲୁକ ୨୧:୧୭; ମାତ ୨୪:୧୫; ମାର୍କ ୧୩:୧୩ * ୧୦:୨୪ ଲୁକ ୬:୪୦; ଜହ ୧୩:୧୭; ୧୫:୨୦ * ୧୦:୨୫ ମାତ ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫ * ୧୦:୨୬ ମାର୍କ ୪:୨୨; ଲୁକ ୮:୧୭ * ୧୦:୩୩ ୨ଟିମ ୨:୧୨

ହିଡ଼ଡ଼ି ପିସପେ କାଣ୍ଡା
(ଲୁକ ୧୨:୫୧-୫୩; ୧୪:୨୬-୨୭)

୩୪ “ନାନୁ ଦାରୁଡ଼ିତା ହିଡ଼ଡ଼ି ହାହାଲି ଖାହାମାଲ୍ ଇଞ୍ଜିଁ ମନ କିଆଦୁ; ହିଡ଼ଡ଼ି ହାହାଲି ଖାଆନା, କାଣ୍ଡା ହାହାଲି ଖାହାମାଲ୍ ।

୩୫ ଇଚିହଁ ନାନୁ ଆବା କପାଟି ମାର୍‌ଏଣାଲ୍, ଅଡ଼େ ଇୟାନି କପାଟି ମାଞ୍ଜା ଇଞ୍ଜାଁ ପୟାନି କପାଟି କୁଡ଼ିୟାନି ଗଡ଼ହା କିହାଲି ଖାହାମାଲ୍ ।

୩୬ ଅଡ଼େ ମାଣ୍ଡିତି ତାନି ଇଲୁଡ଼ି ଲକ୍ଷୁଏ ବାରେଜାଣା ତାନି ସାତୁ ଆନେରି ।”

୩୭ “ଆମ୍ବାଆସି ଆବା କି ଇୟାନି ନା, କିହାଁ ହାରେକା ଜୀଝୁ ନନେସି, ଏଝାସି ନା, ସୀସୁ ଆୟାଲି ପାଡ଼ାଆସି, ଅଡ଼େ ଆମ୍ବାଆସି ନିଜେଡ଼ି ମାଞ୍ଜା କି ମାର୍‌ଏଣାଲ୍ ହାରେକା ଜୀଝୁ ନନେସି ଏଝାସି ନା ସୀସୁ ଆୟାଲି ପାଡ଼ାଆସି ।

୩୮ *ଆମ୍ବାଆସି ନିଜେଡ଼ି କୁସ ଡ଼େକାନା ନା ଜେଡ଼ି ଖାଅସି, ଏଝାସି ନା ସୀସୁ ଆୟାଲି ପାଡ଼ାଆସି ।

୩୯ *ଆମ୍ବାଆସି ନିଜେଡ଼ି ଜୀଝୁ ନାଟହା କଡ଼ନେସି ଏଝାସି ହାଡ଼େନସି, ଅଡ଼େ ଆମ୍ବାଆସି ନା ତାକି ନିଜେଡ଼ି ଜୀଝୁ ହାନେସି, ଏଝାସି ନାଡ଼ିନେସି ।”

ଦାନା ପାଣ୍ଡନାୟି
(ମାର୍କ ୯:୪୧)

୪୦ *ଆମ୍ବାଆସି ମିଜେ ଆବାନେସି, ଏଝାସି ନାଜେ ଆବାନେସି; ଆମ୍ବାଆସି ନାଜେ ଆବାନେସି, ଏଝାସି ନାଜେ ପାଣ୍ଡାତାଣାଲ୍ ଆବିନେସି ।

୪୧ ଆମ୍ବାଆସି ମାହାପୁରୁ ଅଣ୍ଡପୁଡ଼ି ବଲୁ ଝେହ୍‌ନାରାଲ୍, ମାହାପୁରୁ ବଲୁ ଝେହ୍‌ନାରି ଇଞ୍ଜିଁ ଆବିନେସି, ଏଝାସି ଏ ବଲୁ ଝେହ୍‌ନାରି ଦାନା ବେଟା ଆଡ଼େନସି, ଅଡ଼େ ଆମ୍ବାଆସି କି ତାରିଗାଟାରାଲ୍, ତାରିଗାଟାସି ଇଞ୍ଜିଁ ଆବିନେସି ଏଝାସି ତାରିଗାଟାରି ଦାନା ବେଟା ଆନେସି ।

୪୨ ଅଡ଼େ ଆମ୍ବାଆସି ନା ସୀସୁୟାଁ ବିଡ଼ାଟି ରଅଣାଲ୍ ନା ସୀସୁ ଇଞ୍ଜିଁ ଗିନାତା ଏୟୁ ଗସାଲି ହାନେସି, ନାନୁ ମିଜେ ସାତା ଝେସିମାଞ୍ଜାଲ୍, ଏଝାସି ତାନି ଦାନାଡ଼ି ଜାକୁଅସି ।”

୧୧

ଜହନଡ଼ି କାବୁ ହାନାରି
(ଲୁକ ୭:୧୮-୩୫)

୧ ଜୀସୁ ତାନି ବାରଜାଣା ସୀସୁୟାଁଲ୍ ଇ ବାରେ ହେଲ ହୀତି ତାୟୁ ଗାଲିଲି ଦାରିତା ମାନି ନାୟକାଣାଁ ହାଜାନା ମାହାପୁରୁଡ଼ି ହାଡ଼ା ଜାପୁହିହଁ ଝେସିହଁ ଏ ଟାୟୁଡ଼ି ହାରେସି ।

୨ ଏଚିବେଲା ବାପ୍ତିସ୍ତ* ହାନି ଜହନ କାୟିଦିତା ମାଞ୍ଜାନା ଜୀସୁଡ଼ି କାମା କିହିମାନାଣି ଝେଞ୍ଜାନା ଏ ବାରେ ପୁଞ୍ଜାଲି ତାନି ସୀସୁୟାଁଣି ଜୀସୁ ତାଣା ପାଣ୍ଡିଡେସି ।

୩ ଏଝାରି ହାଜାନା ଜୀସୁଲ୍ ଝେଚେରି, “ଆମିନି ଲକୁ ଖାନ୍‌ସି ଇଞ୍ଜିଁ ଜହନ ଝେସାମାଚେସି, ନୀନୁ କି ଏଝାଡ଼ି ? କି ଅଡ଼େ, ଆମ୍ବାଆରି ତାକି କାଟାନା ଡ଼ୟିନମି ?”

୪ ଜୀସୁ ଏଝାରାଲ୍ ଏଲେଇଚେସି, “ମୀରୁ ଝେଣ୍ଡା ହାଜାନା ଏନାଆଁ ଝେଞ୍ଜାମାଞ୍ଜେରି ଅଡ଼େ ମେସିମାଞ୍ଜେରି, ଜହନଲ୍ ଝେହ୍‌ଦୁ ।

୫ କାଣାୟାଁ ମେସିମାନେରି, ସଟାୟାଁ ତାକି ମାନେରି, କାଜା ରଗ ଗାଟାରି ନେହଁ ଆହିମାନେରି, ବେରାୟାଁ ଝେଞ୍ଜିମାନେରି, ହାଡ଼ାରି ନିଜିମାନେରି ଅଡ଼େ କାଞ୍ଜାଲା ଗାଟାରି ନେହଁ କାବୁ ଝେଞ୍ଜିମାନେରି;

୬ ନା ତାଣା ଆମ୍ବାଆରି ଆନାମାନା ଆଅରି ଏଝାରି ନେହେଁ ।”

୭ ଜହନଡ଼ି ସୀସୁୟାଁ ଝେଣ୍ଡାହାଜିମାଟି ବେଲା ଜୀସୁ ଲକୁଲ୍ ଜହନଡ଼ି କାତା ଏଲେଇଚେସି, “ମୀରୁ ଲକୁ ହିଲୁଆ ରାଜିତା ଏନାଆଁ ମେସାଲି ହାଜାମାଚେରି ? ଗାଲିତା ଦାଜିନି ତାଣ୍ଡି ଆକୁ ?

୮ ଏନାଆଁ ଆଆଡ଼ିହଁ ଏନାଆଁ ମେସାଲି ହାଜାମାଚେରି ? ନେହଁ ଅଜିଡ଼ି ପାଡ଼ାଡ଼ା ହିମ୍ବୁରି ହୁଟାମାନି ର ଲକୁଲ୍ ? ମେହ୍‌ଦୁ ଅଜିଡ଼ି ହିମ୍ବୁରି ହୁଡ଼ିଡ଼ି ଲକୁ ରାଜା ଗାଡ଼ାତା ଡ଼ୟିନେରି ।

* ୧୦:୩୮ ମାଟି ୧୨:୨୪; ମାର୍କ ୮:୩୫; ଲୁକ ୯:୨୩ * ୧୦:୩୯ ମାଟି ୧୨:୨୫; ମାର୍କ ୮:୩୫; ଲୁକ ୯:୨୪; ୧୭:୩୩; ଜହ ୧୨:୨୫
* ୧୦:୪୦ ଲୁକ ୧୦:୧୨; ଜହ ୧୩:୨୦; ମାର୍କ ୯:୩୭; ଲୁକ ୯:୪୮ * ୧୧:୨ ମୁଞ୍ଜିନାୟି

୯ ଏଦାଆଁ ଆଆତ ଏନାଆଁ ମେସାଲି ହାଜାମାଚେରି ? ଏନାଆଁ ର ମାହାପୁରୁ ଅଣପୁତି ବଲୁ ଖେହନାଣାଇଁ ? ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମାହାପୁରୁ ଅଣପୁତି ବଲୁ ଖେହନାରି କିହାଁ ହାଚେରକା କାଜାଣାଇଁ;

୧୦ ଇଚିହ ଏ ଜହନତି କାତା ରାସ୍ତି ଆହାମାନେ, ମାହାପୁରୁ ଏଲେଇଞ୍ଜି ମାନେସି, ନା ତାକି ଜିରୁ କେପାଲି ନାନୁ ନକେଏ ନା ଦୁତୁଇଁ ପାଣ୍ଡାଇଁ, ଏଞ୍ଜସିଏ ଇ ମାଣସି ।

୧୧ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ନୀଞ୍ଜୁ ପାତେକା ଇ ଦାନ୍ତିତା ଏଚେକା ଜାନୀ ଆହାମାନେରି, ଏ ବାରେଜାଣା କିହାଁ ବାପ୍ପୁସ୍ତାଁ ହାନି ଜହନ କାଜାସି; ଆଡ଼ିଜକେଏ ଲାକପୁରୁ ରାଜିତା ଆମ୍ବାଆସି ବାରେକିହାଁ ଉଣା, ଏଞ୍ଜସି ଜହନ କିହାଁ କାଜାସି ।

୧୨ *ବାପ୍ପୁସ୍ତାଁ ହାନି ଜହନତି କାତା ଖେହନି ଦିନାଟିଏ ନୀଞ୍ଜୁପାତେକା ଲାକପୁରୁ ରାଜି ବାଡ଼ୁୟୁ ତଲେ ପାତାଆହିମାନେ; ଇଞ୍ଜା ବାଡ଼ୁୟୁଟି ଆସାମାନାରି ଏଦାଆଁ ବେଟାଆହାଲି ଅଣପିମାନେରି ।

୧୩ ଇଚିହ ବାରେ ମସାତି ମେରାତା ଅଡ଼େ ମାହାପୁରୁ ଅଣପୁତି ବଲୁ ଖେହନାରି ତାଣା ଜହନତି ଖାନି ଦିନା ପାତେକା ଖେସପି ଆହାମାଚେ ।

୧୪ *ଅଡ଼େ ମୀରୁ ଏଞ୍ଜାରି କାତା ଆସାଲି ମୀ ମନ ମାଚିହ ଆମିନି ଏଲିୟ ଖାନାୟି ମାଚେ ଜହନଏ ଏଞ୍ଜସି ।

୧୫ ଆଦାଆରି କୀର୍କା ମାନୁ ଏଞ୍ଜସି ଖେଣମାସି ।”

୧୬ “ସାମା ନାନୁ ଆଦାରିତଲେ ଇ ଜୁଗୁତି ଲକୁଣି ତୁକଇଁ, ଆମିନି ହାଟା ମାଦି କୁଗାନା କାହି ତୁୟିନି କକାରି ଲେହେଁ, ର ଗଟିତି କକାରି ଅର ଗଟିତି ଏଲେଇନେରି,

୧୭ ମାମ୍ବୁ ମୀ ନକିତା ପୀରୁଡ଼ି ଉକିତମି, ସାମା ମୀରୁ ଏନ୍ଦାଆତେରି; ମାମ୍ବୁ ଜୁକୁତି ପାରୁ ପାଡ଼ିତମି ସାମା ମୀରୁ ତୁଆତେରି, ନୀର୍ବତି ଲକୁ ଏଲେତାରି ।

୧୮ ଇଚିହ ଜହନ ଖାହାନା ରାନ୍ଦା ତିନାଆତେସି ଅଡ଼େ ଲକୁ ଏଞ୍ଜାଣାଇଁ ଏଲେଇଚେରି ବୁତୁ ଆଲଗାମାନାସି ।

୧୯ ସାମା ମାଣସି ମୀର୍ଏସି ଖାହାନା ରାନ୍ଦା ତିଚେସି ଉଚେସି, ଇଞ୍ଜା ଲକୁ ବାରେଜାଣା ଏଲେଇଚେରି, ଇଞ୍ଜାସି ଚିଶିକାସୁ, କାଡ଼ବୁତୁ, ଏଞ୍ଜସି ସିସୁ ରୁାହନାରି ଅଡ଼େ ପାପୁ ଗାଟାରି ତଣେଏସି; ସାମା ମାହାପୁରୁତି ବୁଦି ଏଞ୍ଜାଣି କାମାଟି ସାତା ଇଞ୍ଜା ଖେଜିନେ ।”

ନାମାଆଗାଟି ଗାଡ଼ାୟି
(ଲୁକ ୧୦:୧୩-୧୫)

୨୦ ଏଚିବେଲ୍ଲା ଆମିନି ଗାଡ଼ାତା ହାଚେରକା କାବାଆନି କାମା କିଞ୍ଜି ଆହାମାଚେ, ଏ ଗାଡ଼ାଟି ଲକୁ, ତାମି ପାପୁତି ତାମା ମନ ଖେଟ୍ଟହା ହିଲାଆତେରି, ଇଞ୍ଜା ଜୀସୁ ଏ ଗାଡ଼ାୟିତି ଲକୁଇଁ ଦାକା ହୀହାନା ଏଲେଇଚେସି,

୨୧ ଆୟଡ଼ା ତଣ୍ଡ ପାଣ୍ଡନି କରାଜିନି ଅଡ଼େ ବେଟ୍ଟସାୟିଦା, ଏନାଆଁତାକି ଇଚିହ ମୀ ତାଣା ଆମିନି ବାଡ଼ୁୟୁତି କାମା କିଞ୍ଜିଆହାମାନେ, ଏ ବାରେ ସର ଅଡ଼େ ସିଦନତା କିଞ୍ଜି ଆହାମାଚିହ ମା; ଏସାତି ଲକୁ ଆଜାତା ବାସାୟି ପରହାନା ଦାନ୍ତୁତୁ କୁଗାନା ମନ ଖେଟ୍ଟହାଲି ଅଣପିଚେରିମା

୨୨ ଆଡ଼ିଜକେଏ ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁତି ନୀହାୟି ଦିନାତା ମୀ ତଣ୍ଡ କିହାଁ ସର ଅଡ଼େ ସିଦନତି ତଣ୍ଡ ଅରୁହିନାୟି ଆନେ ।

୨୩ ଏ କପର୍ନାହୁମ, ନାନୁ ଏନାଆଁ ଲାକପୁରୁ ପାତେକା ପାତାଆଦି ? ନାନୁ ହାଡ଼ାରି ମାନି ରାଜିତା ଅଞ୍ଜିଆଦି, ନୀ ତାଣା ଆମିନି ବାଡ଼ୁୟୁତି କାମା କିଞ୍ଜିଆହାମାନେ, ଏଦାଆଁ ସଦମତା କିଞ୍ଜିଆଡ଼ିହ ମା, ଏ ଗାଡ଼ା ନୀଞ୍ଜୁପାତେକା ତୁୟିଚେମା ।

୨୪ *ଆଡ଼ିଜକେଏ ନାନୁ ମିଙ୍ଗେ ଖେସିମାଞ୍ଜାଇଁ “ମାହାପୁରୁତି ନୀହାୟି ଦିନାତା ମୀ ତଣ୍ଡ କିହାଁ ସଦମ ଡେସାତି ତଣ୍ଡ ଅରୁହିନାୟି ଆନେ ।”

ନା ତାଣା ଖାହାନା ଜମାଦୁ
(ଲୁକ ୧୦:୨୧-୨୨)

† ୧୧:୧୧ ମୁଞ୍ଜିନାୟି * ୧୧:୧୨ ଲୁକ ୧୭:୧୭ ‡ ୧୧:୧୨ ମୁଞ୍ଜିନାୟି * ୧୧:୧୪ ମାଟି ୧୭:୧୦-୧୩; ମାର୍କ ୯:୧୧-୧୩ * ୧୧:୨୪ ମାଟି ୧୦:୧୫; ଲୁକ ୧୦:୧୨

୨୫ ଏ ବେଲାତା ଜୀସୁ ପ୍ରାଚୀନା କିହି ଏଲେଇଚେସି; “ଏ ଆବା, ଲାକପୁରୁ ଅଡେ ଦାରତିତି ପ୍ରବୁ, ଈ ବାରେ ହାଡା ନାନୁ ବୁଦି ଅଡେ ପୁନି ଲକ୍ଷ୍ମୀତାଣିତ ଡକ୍ତୁହା ଇଜାନା, ଈ ବାରେ କାତା ପୁନାଆଗାଟି ଲକ୍ଷ୍ମୀତାଣା ତସିମାନାକି ନାନୁ ନିଜା ଜହରା କିହିମାଞ୍ଜାଇ ।

୨୬ ହାଅ ଆବା, ଈଦି ନୀ ନକିତା ରାହାତି କାତା ଆହିମାନେ ।”

୨୭ “ନା ଆବା ନାଜେ ବାରେ ହୀହାମାଞ୍ଜାନେସି, ଆବା ପିସ୍‌ସେ ଆମ୍ବାଆରି ମୀରୁଏଣାଇ ପୁନଅରି ଅଡେ ମୀରୁଏଣା ପିସ୍‌ସେ ଆମ୍ବାଆରି ଆବାଇ ପୁନଅରି, ମୀରୁଏସି ଆମ୍ବାଆରି ତାଣା ତହ୍‌ନେସି ଏଝାସି ପୁନେସି ।”

୨୮ “ଏ ଝାହୁ ରାଡା ଗାଟି ଲକ୍ଷ୍ମୀ, ବାରେ ନା ତାଣା ଝାଦୁ, ନାନୁ ମିଜେ ଜମିକିୟାଇ ।

୨୯ ନା ଜୁଝେଡି ମୀ ବମିତା ଡେକାନା ନା ତାଣାଟି ଜାପାଦୁ, ଈଚିହି ନାନୁ କପା କାରବି ହିଲାଆନା ସୁଦୁ ହିୟା ଗାଗାଡେସି, ଇଞ୍ଜା ମୀରୁ ନା ତାଣାଟି ମୀ ଜୀଝୁତା ଜମିଦେସି;

୩୦ ଈଚିହି ନା ଜୁଝେଡି ଉସାସା ଅଡେ ବଜୁ ଉଣା ମାନେ ।”

୧୨

ଜମିନି ଦିନାତି ମାନ୍ତି

(ମାର୍କ ୨:୨୩-୨୮; ଲୁକ ୬:୧-୫)

୧ ଏଚରଦିନା ତାୟୁ ର ଜମିନି ଦିନାତା ଜୀସୁ ଗହଁ ଗୁଡିୟାଟି ହାଜିମାଚେସି, ଇଞ୍ଜା ତାନି ସାସୁୟା ହାକି ଆହାମାଚାକି ଗହଁ ଜେକା ତାପହାନା ତିଞ୍ଜାଲି ମାଟୁହେରି ।

୨ ସାମା ପାରୁସିୟା ଏଦାଆଁ ମେସାନା ଜୀସୁଇ ଏଲେଇଚେରି, “ମେହ୍‌ମୁ ଜମିନି ଦିନାତା ଏନାଆଁ କିନି ଫେରା ହିଲେଏ, ଏଦାଆଁ ମୀ ସାସୁୟା କିହିମାନେରି ।”

୩ ସାମା ଜୀସୁ ଏଝାରାଇ ଏଲେଇଚେସି, “ର ଦିନା ଦାଝୁଦ ଅଡେ ତାନି ତଣେସିଜା ହାକି ଆହାଲିଏ ଏନାଆଁ କିହିମାଚେରି, ମୀରୁ ସାସ୍ତେରିତା ପଡ଼ଝି ଆହାହିଲଅଡେରି ?”

୪ ଏଝାସି ଏନିକି ମାହାପୁରୁ ଇଲୁତା ହଡାନା ଆମିନି ମାହାପୁରୁକି ହେରପାମାନି ରୁଟି ପୂଜେରାଜା ପିସ୍‌ସେ ଆମ୍ବାଆରି ତିନାଆଗାଟି ଫେରା ମାଚେ, ସାମା ଦାଝୁଦ ଅଡେ ତାନି ତଣେସିଜା ତିନାଆଗାଗାୟି ମାଚେ, ଏଦାଆଁ ଏଝାରି ତିଚେରି ।

୫ ଅଡେ ଜମିନି ଦିନାତା ମାହାପୁରୁ ଇଲୁ ବିତ୍ତା ପୂଜେରାଜା ଫେରା ଉରିତି ଜିକେଏ ଦହ୍‌ଗାଗାରି ଆଅରି, ମୀରୁ ଏନି ଏଦାଆଁ ପଡ଼ଝି ଆହାହିଲଅଡେରି କି ?

୬ ସାମା ନାନୁ ମିଜେ ସାତା ଝେସିମାଞ୍ଜାଇ, ଈ ଟାୟୁତା ମାହାପୁରୁ ଇଲୁ କିହାଁ ହାଚେରକା କାଜାୟି ଇମ୍ବାଆଁ ମାନେ ।

୭ “ସାସ୍ତେରି ଝେସିମାନେ, ସାମା ପୂଜା ହୀନାୟି ଲଡାଆଏ, ସାମା ଲକ୍ଷ୍ମୀ କାର୍ମାମେହ୍‌ନାୟି ନେହେଁ, ଈଦାଣି କାତା ମୀରୁ ପୁଞ୍ଜାମାଟିହି ମା ଈ ଦହ୍‌ ହିଲାଆ ଗାଗାଣାଇ ଦହ୍‌ କିଆଡେରିମା;

୮ ଈଚିହି ମାଣ୍‌ସି ମୀରୁଏସି ଜମିନି ଦିନାତି ପ୍ରବୁ ଆଚେନସି ।”

ଝାୟିତି କେୟୁଗାଗାସି ନେହି ଆନାୟି

(ମାର୍କ ୩:୧-୬; ଲୁକ ୬:୬-୧୧)

୯ ଜୀସୁ ଏମ୍ବାଟି ହାଜାନା ଜୀହୁଦି ଲକ୍ଷ୍ମୀ କୁଟମି ଇଲୁତା* ହାଚେସି ।

୧୦ ଅଡେ ମେହ୍‌ମୁ ଏମ୍ବାଆଁ ରଅସି ମାଚେସି, ଏଝାଣି ର କେୟୁ ଝାୟିହାଜାମାଚେ, ଜୀସୁଇ ଦହ୍‌ ଆସାଲି ଏଚେକା ଲକ୍ଷ୍ମୀ ଏମ୍ବାଆଁ କାଚାମାଚେରି, ଏଝାରି ଜୀସୁଇ ଝେଚେରି, “ଜମିନି ଦିନାତା ନେହି କିନାୟି ଫେରା ମାନେକି ?”

୧୧ “ସାମା ଜୀସୁ ଏଝାରାଇ ଏଲେଇଚେସି, “ମୀ ବିତ୍ତା ରଅଣାକି ର ଫେଣ୍ଡା ମାନେ, ଏମ୍ବାଟିଏ ଜମିନି ଦିନାତା ଏ ଫେଣ୍ଡା ଗାଡ଼ୁୟୁତା ତରଗିନେ, ଇଞ୍ଜା ଆମ୍ବାଆସି ଏଦାନି ନିକଅସି, ଇଲେତି ଲକ୍ଷ୍ମୀ ଆମ୍ବାଆସି ମୀ ବିତ୍ତା ମାନେସି ?

୧୨ ଆତିହି ର ଫେଣ୍ଡାଟି ଦାରା କିହାଁ ମାଣ୍‌ସିତି ଦାରା ହାଚେରକା । ଏଦାଆଁତାକି ଜମିନି ଦିନାତା ନେହି କାମା କିନାୟି ଫେରାତି କାମା ।”

୧୩ ଏତିଚେଲା ଏଝାସି କେୟୁ ଝାୟିତାଣାଇ ଏଲେଇଚେସି, “କେୟୁ ଦାହ୍‌ମୁ ।”

ଈଞ୍ଜା ଏଝାସି ଏ କେୟୁ ଦାସ୍ତେସି ଏମ୍ବାଟିଏ ଏ କେୟୁ ଅର କେୟୁଲେହେଁ ନେହି ଆଡେ ।

* ୧୧:୨୨ ଜହ ୩:୩୫; ଜହ ୧:୧୮; ୧୦:୧୫ ✦ ୧୨:୬ ମାତି ୯:୧୩ * ୧୨:୯ ସିନଗର ✦ ୧୨:୧୧ ଲୁକ ୧୪:୫

୧୪ ସାମା ପାରୁଥିଲୁଁ ପାଖାତା ହାଜାନା ଜୀସୁଙ୍କ ପାୟାଲି ଏଝାଣି କପାଟି ପାରୁ ପାରିତେରି ।

ମାହାପୁରୁ ଆଡ଼ାମାନି ହଲେଏସି

- ୧୫ ଜୀସୁ ଏଦାଆଁ ପୁଞ୍ଜାନା ଏମାଟି ଏବକା ଆହାନା ହରାହାରେସି, ଇଞ୍ଜା ହାରେକା ଲକୁ ତାନି ଦେଟ ହାରେରି, ଅଡେ ଏଝାସି ବାରେଜାଣାତି ରଗଟି ନେହଁ କିତେସି ।
- ୧୬ ଇଞ୍ଜା ତାଜେ ଲକୁଇଁ ଝେକଆଦୁ ଇଞ୍ଜା ହୁକୁମି ହାତେସି ।
- ୧୭ ଏନିକିହଁ ମାହାପୁରୁ ଅଣ୍ଟପୁଟି ବଲୁ ଝେହନି ଜିସାୟତି କାତା ସାତା ଆନେ,
- ୧୮ “ମେହଦୁ ନା ହଲେଏସି, ଆମ୍ବାଆରାଇଁ ନାନୁ ଆଡ଼ାମାଇଁ; ଏଝାସି ନା ଜୀସୁଟି ମୀରଏସି, ଆମ୍ବାଆରିତାଣା ନା ହାରେକା ରାହଁ ମାନେ; ନାନୁ ଏଝାଣିଲାକ ନା ସୁଦୁଜୀସୁ ହାଇଁ, ଅଡେ ଏଝାସି ଜୀହୁଦିଆଆତି ଲକୁତାଣା ନୀହାଁୟିତି କାତା ଝେକନେସି ।
- ୧୯ ଏଝାସି ଗଡ଼ହା କିଅସିକି କାଲୁଝି ଆଅସି, ଇଞ୍ଜା ଆଂଗେଣିତା ଏଝାଣି ହାଡ଼ା ଆମ୍ବାଆରି ଝେନଅରି ।
- ୨୦ ନୀହାଁୟିତା ଜୀଣା ଆଆପାତେକା, ଏଝାସି ଝାୟିତି ତାଣ୍ଡିତି ତିକଅସି ବୟଁ ଆହଁ ତାଞ୍ଜିମାନି ଦୀଝିତି ତୁପଅସି ।
- ୨୧ ଅଡେ ଏଝାଣି ଦରୁତା ଜୀହୁଦିଆଆତି ଲକୁ ବାସୁଁ ଇଟିନେରି ।”

ଜୀସୁ ଅଡେ ବାଲୁଜିବୁଲୁ ବୁଡୁ
(ମାର୍କ ୩:୨୦-୩୦; ଲୁକ ୧୧:୧୪-୨୩)

- ୨୨ ର ଦିନା ଲକୁ ବୁଡୁ ଆଲୁଗାମାଟି ର କାଣାଇଁ ତାତେରି ଏଝାଣାଇଁ ବୁଡୁ ଆଲୁଗା ମାତାକି ଗୁଲା ଆହାମାରେସି । ଜୀସୁ ଏଝାଣାଇଁ ନେହଁ କିତେସି: ଇଞ୍ଜା ଏଝାସି ମେସାଲି ଅଡେ ଜଲ୍ଲାଇଁ ଆଡ଼ିତେସି ।
- ୨୩ ଇଞ୍ଜା ଲକୁ ବାରେ କାବାଆହାନା ଏଲେଇଚେରି, “ଇଝାସି ଏନାଆଁ ଏ ଦାସୁଦ କୁଡ଼ାତାସି ଆଏକି ?”
- ୨୪ ପାରୁଥିଲୁଁ ଇ କାତା ଝେଞ୍ଜାନା ଏଲେଇଚେରି, ଇ ମାଣସି ବୁଡୁୟାଁ କିହାଁ କାଜା ବାଲୁଜିବୁଲୁ ବୁଡୁ ହିଲାଆନା ବୁଡୁୟାଁ ପେରଅସି ।
- ୨୫ ସାମା ଜୀସୁ ପାରୁଥିଲୁଁ ମନତି ଅଣ୍ଟପୁ ପୁଞ୍ଜାନା ଏଝାଣାଇଁ ଏଲେଇଚେସି, “ର ରାଜି ତାନୁ ତାନୁଏ ଆସି ଆହାନା ରୀ ବାଗା ତାନି ବାଗା ଆଡ଼ିସାରେ ଏ ରାଜି ଅଡେ ତାରିତଲେ ମାଞ୍ଜାଲି ଆଡେଏ, ଇଞ୍ଜା ର ଗାଡ଼ା କି ର ଇଲୁ କୁଟି ତାମୁ ତାମୁଏ ଆସି ଆହାନା ବାଗା ଆଡ଼ିସାରେ ତାରିତଲେ ମାଞ୍ଜାଲି ଆଡେଏ ।
- ୨୬ ଇଞ୍ଜା ସୟତାନ ସୟତାନଇଁ ପିସି କିନେ ଆତିହଁ ଏଡ଼ି ବାଗା ଆହାନା ତାନି କପାଟି ନିଜିତେସିଏ, ଆତିହଁ ଏଦାନି ରାଜି ଏନିକି ତାରିଆହାଁ ତୁୟିନେ ?
- ୨୭ ମୀରୁ ଏଲେଇଞ୍ଜିମାଞ୍ଜେରି, ନାନୁ ପଲୁଆ ବୁଡୁୟାଁ ବାଲୁଜିବୁଲୁ ତଲେ ବୁଡୁୟାଁ ପିସି କିହିମାଇଁ, ଆତିହଁ ମୀ ମୀରକା ଆମ୍ବାଆରି ବାଡ଼ୁ ତଲେ ବୁଡୁୟାଁ ପେରନେରି । ଇଦାଆଁତାକି ଏଝାରିଏ ମୀ ନୀହାଁୟି କିୟାନାରି ଆନେରି ।

୨୮ ସାମା ନାନୁ ମାହାପୁରୁ ଜୀସୁଟି ବାଡ଼ୁ ତଲେ ବୁଡୁୟାଁ ପେରହି ମାଇଁ, ଆତିହଁ ମାହାପୁରୁଟି ରାଜି ମୀ ତାଣା ଏଦାତେସିଏ ।”

୨୯ “ଇଞ୍ଜା ଆମ୍ବାଆସି ର ବାଡ଼ୁଗାଟି ଲକୁଇଁ ତଲିଏ ଦହୁଆନା, ଏନିକିହଁ ଏଝାଣି ଇଜ ହତାନା ତାନି ଇଲୁ କାଣ୍ଡା ବାରେ ସରୁ ଅୟାଲି ଆଡ଼ିନେସି ? ଏଝାଣାଇଁ ତଲିଏ ଦସିହଁ ଦେ ଏଝାଣି ଇଲୁ କାଣ୍ଡା ସରୁ ଆହାଲି ଆଡ଼ିନେସି ।”

୩୦ “ଆମ୍ବାଆସି ନା ଝାକିଟି ଆଆଗାଟାସି, ଏଝାସି ନା ସାତୁ, ଇଞ୍ଜା ଆମ୍ବାଆସି ନା ତଲେ କୁଡ଼ି କିଅସି ଏଝାସି ଆଲାବା କିନେସି ।

୩୧ ଇଦାଆଁତାକି ନାନୁ ମିଜେ ଝେସିମାଞ୍ଜାଇଁ, ମାଣସି ଲକୁଟି ବାରେ ପାପୁ ଅଡେ ଲାଗେଏ ପଲେଏଟି ଲକୁଣି ନିୟା କାତା ଜଲ୍ଲାମାନାଣି ମେକହା ତୁସିପିଆନେ, ସାମା ମାହାପୁରୁଟି ସୁଦୁଜୀସୁ ଦରୁତଲେ ଜଲ୍ଲାନାଣା ପାପୁ ମେଣ୍ଡି କିଝିଆଏ ।

୩୨ *ଅଡ଼େ ଆମ୍ବାଆସି ମାଣସି ମୀରୁଏଣା କପାଟି ଜଲିନେସି, ଏଞ୍ଜାଣି ପାପୁ ମେଣଜି କିଞ୍ଜିଆନେ, ସାମା ଆମ୍ବାଆସି ମାହାପୁରୁତି ସୁଦୁଜୀଞ୍ଜୁତି କପାଟି ଜଲିନେସି, ଇ କାଲାତା କି ତାୟୁ କାଲାତା ଜିକେଏ ଏଞ୍ଜାଣି ପାପୁ ମେଣଜି କିଞ୍ଜିଆଏ ।”

ମାରୁନୁ ଅଡ଼େ ତାନି ପାଡ଼େୟି
(ଲୁକ ୬:୪୩-୪୫)

୩୩ *“ମାରୁନୁତି ନେହାୟି ଇଞ୍ଜୁ ଅଡ଼େ ତାନି ପାଡ଼େୟିତି ନେହାୟି ଇଞ୍ଜୁ, ଆଆତୁ ମାରୁନୁତି ଲାଗେଏତାୟି ଇଞ୍ଜୁ ଅଡ଼େ ତାନି ପାଡ଼େୟିତି ଲାଗେଏତାୟି ଇଞ୍ଜୁ, ଇତିହୁ ପାଡ଼େୟି ତଲେ ମାରୁନୁତି ପୁଣକି ଆନେ ।

୩୪ *ଆଡ଼େ ରାସକା କୂଡ଼ାତେରି, ମୀରୁ ପଲୁଆ ଗାଟାତେରି ଆହୁଁ ଏନିକି ମୀରୁ ନେହୁ ହାଡ଼ା ଝେସାଲି ଆଡ଼ିଦେରି ? ଇତିହୁ ହିୟାତା ମାନି କାତା ଗୁତି ଜଲିମାନେ ।

୩୫ ନେହୁ ଲକୁ ନେହୁ ମନ ବିତ୍ତାରି ନେହୁ କାତା ହପୁନେସି, ଇଞ୍ଜା ପଲୁଆ ଗାଟାସି ପଲୁଆ ମନ ବିତ୍ତାରି ପଲୁଆ କାତା ହପୁନେସି ।”

୩୬ “ସାମା ନାନୁ ମିଜେ ସାତା ଝେସିମାଞ୍ଜାଇଁ, ବାରେଜାଣା ତାମୁ ଝେସାମାନି ଉଜେଏତି କାତାତାକି ବିଚାରା କିନି ଦିନାତା ଏମ୍ବାତି କାତା ଜଲିନେରି;

୩୭ ଇଦାଆଁତାକି ମୀ ଗୁତିତି ହାଡ଼ାତଲେ ନାହାଁୟି ଦିନାତା ମୀରୁ ଦହ ଗାଟାତେରି ଅଡ଼େ ଦହ ହିଲୁଆଗାଟାତେରି ଆଦେରି ।”

ସିନା ପାରିନାୟି
(ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ *ଏତିବେଲା ମେରା ପୁନାରି ଅଡ଼େ ପାରୁସିୟାଁ ବିତ୍ତାରି ଏତରଜାଣା ଜୀସୁଇଁ ଏଲେଇଚେରି, “ଗୁରୁ, ମାମୁ ନୁୀ ତାଣାଟି ର କାବାଆନି ସିନା ମେସାଲି ଅଣ୍ଡପିମାନମି ।”

୩୯ *ସାମା ଜୀସୁ ଏଞ୍ଜାରାଇଁ ଏଲେଇଚେସି, “ପଲୁଆ ଗାଟାରି ଅଡ଼େ ମାହାପୁରୁଇଁ ନାମାଆ ଗାଟାରିଦେହେଁ ସିନାୟାଁ ପାରିନେରି, ସାମା ମାହାପୁରୁ ଅଣ୍ଡପୁତି ବଲୁ ଝେହୁନି ଜୁନସତି ସିନା ପିସପେ ଏଞ୍ଜାରାକି ଏନି ସିନା ହାପକି ଆଏ ।

୪୦ ଇତିହୁ ଜୁନସ ଏନିକି ତାନିଦିନା ତାନି ଲାଆଁୟାଁ କାଜା ମୀରୁ ବାଣ୍ଡି ବିତ୍ତା ମାଚେସି, ଏଲେକି ମାଣସି ମୀରୁଏସି ଜିକେଏ ବୁମି ବିତ୍ତା ତାନିଦିନା ତାନି ଲାଆଁୟାଁ ଡ଼ୟିନେସି ।

୪୧ ନାହାଁୟି ଦିନାତା ନିନିବିତି ଲକୁ ଇ କାଲାତି ଲକୁ ନକିତା ନିଗାନା ଏଞ୍ଜାରାଇଁ ଦହ କିନେରି, ଇତିହୁ ଏଞ୍ଜାରି ଜୁନସ ଝେସି କାତା ଆସାନା ପାପୁଟି ମନ ଝେବହା ମାଚେରି, ଅଡ଼େ ମେହଦୁ ଜୁନସକିହାଁ କାଜାସି ଇମ୍ବାଆଁ ମାନେସି ।

୪୨ ନାହାଁୟି ଦିନାତା ସିବା ଦେସାତି ରାଣି ଇ କାଲାତି ଲକୁ ନକିତା ନିଗାନା ଏଞ୍ଜାରାଇଁ ଦହ କିନେ, ଇତିହୁ ସଲମନତି ବୁଦିତିକାତା ଝେଞ୍ଜାଲି ଦାବ୍ତିତି ହେକ ଦେସାଟି ଝାହାମାଚେ, ଇଞ୍ଜା ମେହଦୁ ସଲମନକିହାଁ କାଜା କାତା ଇମ୍ବାଆଁ ମାନେ ।”

ଲାଗେଏ ପଲେଏତି ବୁଡୁ ଝେଣ୍ଡାଞ୍ଜାନାୟି
(ଲୁକ ୧୧:୨୪-୨୬)

୪୩ “ର ପଲୁଆ ବୁଡୁ ର ମାଣସି ତାଣାଟି ହଡ଼ା ହାଜାନା ଏୟୁ ହିଲୁଆ ଚାୟୁ ବାରେ ରେଜିହୁ ଜମାଲି ଚାୟୁ ପାରାତେ, ଇଞ୍ଜା ଏଦାଆଁ ପୁଞ୍ଜାଆତେ,

୪୪ ଏଚେଟିଏ ଏଡ଼ି ଏଲେଇନେ, ନାନୁ ଆମିନି ଇଲୁଚି ହଡ଼ା ଝାହାମାଇଁ, ନା ଏ ଇଲୁତା ଝେଣ୍ଡେ ହାଇଁ; ଇଞ୍ଜା ଝେଣ୍ଡା ଝାହାନା ଝାଡ଼ାଆଣି ଇଞ୍ଜା ଅଜିତାଣି ମେହନେ ।

୪୫ ଏତିବେଲା ଏଡ଼ି ହାଜାନା ତାନିକିହାଁ ଆଗାଡ଼ା ପଲୁଆଗାଟି ସାଡ଼ାଗଟା ଜୀଞ୍ଜୁୟାଁ ଆସାନା ଝାନେ, ଇଞ୍ଜା ଏଞ୍ଜି ବାରେ ଏମ୍ବାଆଁ ହଡ଼ାନା ବାସା କିନୁ, ଅଡ଼େ ଏ ଲକୁତି ତଲିତି କସୁ କିହାଁ ତାୟୁତି କସୁ ହାରେକା ଆନେ, ଇ କାଲାତି ପଲୁଆ ଗାଟାରାକି ଜିକେଏ ଏଲେଆହୁଁ ଏ ଆନେ ।”

* ୧୨:୩୨ ଲୁକ ୧୨:୧୦ * ୧୨:୩୩ ମାତୃ ୭:୨୦; ଲୁକ ୬:୪୫ * ୧୨:୩୪ ମାତୃ ୩:୨; ୨୩:୩୩; ଲୁକ ୩:୬; ମାତୃ ୧୫:୧୮; ଲୁକ ୬:୪୫
* ୧୨:୩୮ ମାତୃ ୧୭:୧; ମାର୍କ ୮:୧୧; ଲୁକ ୧୧:୧୭ * ୧୨:୩୯ ମାତୃ ୧୭:୪; ମାର୍କ ୮:୧୨

ଜୀସୁତି ଇୟା ଅଡ଼େ ତାୟିୟା
(ମାର୍କ ୩:୩୧-୩୫; ଲୁକ ୮:୧୯-୨୧)

୪୭ ଜୀସୁ ବାରେ ଲକୁଇଁ ହାଡ଼ା ଆହିମାଗାଟି ତାନି ଇୟା ଅଡ଼େ ତାୟିୟା ପାଙ୍ଗାତା ନିଗନା ହାଡ଼ା ଆହାଲି ମନ କିହିମାତୁ ।

୪୮ ଏଚେଟିଏ ରଅସି ଖାହାନା ଜୀସୁଇଁ ଏଲେଇଚେସି, “ମେହ୍ନୁ ମା ଇୟା ଅଡ଼େ ନୀ ତାୟିୟା ପାଙ୍ଗାତା ନିଗନା ହାଡ଼ା ଆହାଲି ମନ କିହିମାଦେରି ।”

୪୯ ସାମା ଇ କାତା ଖେସ୍ତାଣାଇଁ ଜୀସୁ ଏଲେଇଚେସି, “ଆମ୍ବାଆୟି ମା ଇୟା ଇଞ୍ଜା ଆମ୍ବାଆରି ନା ତାୟିୟା ?”

୫୦ ଅଡ଼େ ସାସୁୟା ଖାକି କେୟୁ ଦାସାନା ଏଲେଇଚେସି, “ମେହ୍ନୁ ମାୟା ଇଞ୍ଜା ମା ତାୟିୟା,

୫୦ ଇଚିହ୍ ଆମ୍ବାଆୟି ଜିକେଏ ନା ଲାକପୁରୁତି ଆଡ଼ା କାତା ଆହ୍ନେସି ଏଞ୍ଜାସି ନା ତାୟି ଏଡ଼ି ନା ତାଜି ଅଡ଼େ ମା ଇୟା ।”

୧୩

ବିଚା ମାଟିନାଣି ପୁଣ୍ଡିକିନି କାତା
(ମାର୍କ ୪:୧-୯; ଲୁକ ୮:୪-୮)

୧ ଏ ଦିନା ଜୀସୁ ଇଲୁଚି ହଟା ହାଜାନା ସାମ୍ବୁରି ତାକିତା ଲକୁଇଁ ଜାପୁହାଲି କୁରିଚେସି ।

୨ ଏଚେଟିଏ ହାରେକା ଲକୁ କୁଡ଼ା ଆହାଲିଏ, ଏଞ୍ଜାସି ହାଜାନା ର ତଂଗତା କୁରିଚେସି, ଇଞ୍ଜା ଲକୁ ବାରେ ସାମ୍ବୁରି ଗାଟୁତା ନିଗମାଚେରି ।

୩ ଅଡ଼େ ଜୀସୁ ପୁଣ୍ଡିକିନି କାତା ହାରେକା ଖେସ୍ତେସି, ଏଞ୍ଜାସି ଏଲେଇଚେସି । “ମେହ୍ନୁ ର ବିଚା ମାଟିନାସି ମାଗାଲି ହଡ଼େସି ।

୪ ଏଞ୍ଜାସି ବିଚା ମାଟିନି ବେଲା କଚେକା ବିଚା ଜିରୁତା ରାତେ ଇଞ୍ଜା ପଗାୟା ଖାହାନା ଏ ପାଡ଼େୟି ପେରହା ତିରୁ ।

୫ ଅଡ଼େ କଚେକା ବିଚା ଖାଲକାତି ପାଡ଼ାଡ଼ା ବୁମିତା ରାତେ, ଇଞ୍ଜା ଇରଥା ଗାତି ହିଲାଆତାକି ପାଡ଼େୟି ତବେ ଗଜା ଆଡ଼େ ।

୬ ସାମା ଖେଡ଼ା ହଗାଲିଏ, ଗଜା ଆହାମାଗାୟି ଖେହା ହାଚେ, ଇଞ୍ଜା ତାନି ହାରୁ ଗାତି ତୁଇକା ହାଲାଆତାକି ଖାୟାହାଚେ ।

୭ ଅଡ଼େ କଚେକା ବିଚା ହାପକା ବୁଟା ତୁଇ ରାତେ, ଇଞ୍ଜା ହାପକା ବୁଟାୟା ବାରେ ପାଡ଼ାଆହାନା ଆନା ତାକିତି ପୁକ୍‌ହାତୁସ୍ତେ ।

୮ ଅଡ଼େ କଚେକା ବିଚା ନେହ୍ ବୁମିତା ରାତେ, ଇଞ୍ଜା କାମ୍ବାନା ର ପାଡ଼େୟିଟିଏ ପାସାକଡ଼ି, ତାନିକଡ଼ି ଇଞ୍ଜା କଡ଼େଦସ ପାଡ଼େୟିକା କାମ୍ବିରୁ ।”

୯ “ଆମ୍ବାଆରାକି କାର୍କା ମାନୁ ଏଞ୍ଜାସି ଖେଣ୍ଡାସି ।”

ପୁସ୍‌ପନି ପୁଣ୍ଡିକିନାସି
(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଏମ୍ବାଟିଏ ସାସୁୟା ଜୀସୁ ତାଣା ଖାହାନା ଖେଚେରି, “ଲକୁଣି ଜାପୁନାଟି ନୀନୁ ଏନାଆଁତାକି ପୁଣ୍ଡିକିନି କାତାୟା ଖେସିହ୍ ଜାପୁହିମାଞ୍ଜି ?”

୧୧ ଜୀସୁ ଏଲେଇଚେସି, “ଏନାଆଁତାକି ଇଚିହ୍ ଲାକପୁରୁ ରାକିତି ବାରେ ତୁଗୁମାନି ହାଡ଼ା ପୁଞ୍ଜାଲି ମିଙ୍ଗେ ବାଡ଼ୁରୁ ହାପକି ଆହାମାଞ୍ଜାନେ, ସାମା ଏଞ୍ଜାରାକି ହାପକି ଆହା ହିଲେଏ ।

୧୨ ଇଞ୍ଜା ଏମ୍ବାଆରାକି ମାନେ, ଏଞ୍ଜାରାକି ହାପକିଆନେ ଅଡ଼େ ଏଞ୍ଜାଣାକି ଗାଡ଼ିଆନେ; ସାମା ଆମ୍ବାଆରାକି ହିଲେଏ ତାନିତାଣା ଏନାୟି ମାନେ, ଏନାଆଁ ଜିକେଏ ଅଞ୍ଜିଆନେ ।”

୧୩ ଏଞ୍ଜାରି ମେସି ମେସିହ୍ ମେସାଲି ଆଡ଼ଅରି, ଅଡ଼େ ଖେଞ୍ଜିଖେଞ୍ଜି ଖେନଅରି କି ପୁନଅରି; ଏନାଆଁତାକି ନାନୁ ଏଞ୍ଜାରାଇଁ ପୁଣ୍ଡିକିନି କାତାତଲେ ଖେସିମାଇଁ ।

୧୪ ଅଡ଼େ ମାହାପୁରୁ ବଲୁ ଖେହ୍ନି ଜିସାୟିତି ଇ କାତା ଏଞ୍ଜାରାକି ସାତା ଆନେ ।

ଇ ଲକୁ ଖେଞ୍ଜିଖେଞ୍ଜିହ୍ ଖେନେରି, ଏନାଆଁ ତେଲୁହଅରି,

ମେସି ମେସିହ୍ ମେହ୍ନେରି ସାମା ଏନାଆଁ ପୁନଅରି;

୫ ୧୩:୨ ଲୁକ ୫:୧-୩ ୫ ୧୩:୧୨ ମାଟି ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭

୧୫ ଇତିହାସ ଲକ୍ଷ୍ମୀ ହିଁ ଅଣପାଲି ଆଡ଼ାଆ ଗାଟାୟି,
 ଏଞ୍ଜାରି କସ୍ତୁରି କୀର୍ଣ୍ଣା ତଲେ ଖେତେରି,
 ଇଞ୍ଜା ତାମି କାଣକା ପଟିତେରି,
 ଏନିକା ଏଞ୍ଜାରି କାଣକା ତଲେ ମେହୁଅରି,
 ଅଡ଼େ କୀର୍ଣ୍ଣା ତଲେ ଖେନଅରି,
 ଅଡ଼େ ହିଁ ତଲେ ତେଲହଅରି
 ଇଞ୍ଜା ଏଞ୍ଜାରି ନା ତାଣା ଖେଣ୍ଡା ଖାଅରି,
 ଅଡ଼େ ନାନୁ ଏଞ୍ଜାରାଇଁ ନେହଁ କିଅଁ ।

୧୬*“ସାମା ନେହେଁ ମୀ କାଣକା ଇତିହାସ ଏଞ୍ଜି ମେସି ମାନୁ, ନେହେଁ ମୀ କୀର୍ଣ୍ଣା ଇତିହାସ ଏଞ୍ଜି ଖେଞ୍ଜିମାନୁ

୧୭ ଇତିହାସ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି, ଏ ବାରେ ହାରେକା ମାହାପୁରୁ ଅଣପୁତି ବଲୁ ଖେହନାରି ଇଞ୍ଜା ତୀରିଗାଟାରି ମେସାଲି ମନ କିତେରି, ସାମା ମେସାଲି ଆଡ଼ାଆତେରି; ଅଡ଼େ ମୀରୁ ଏନା ଏନାଆଁ ଖେଞ୍ଜିମାଞ୍ଜେରି, ଏ ବାରେ ଏଞ୍ଜାରି ଖେଞ୍ଜାଲି ମନ କିତେରି, ସାମା ଖେଞ୍ଜାଲି ଆଡ଼ାଆତେରି ।”

ଜୀମୁ ବିଚା ମାଟିନି କାତା ପୁଣ୍ଡିକିନାୟି
 (ମାର୍କ ୪:୧୩-୨୦; ଲୁକ ୮:୧୧-୧୫)

୧୮ ଆତିହାସ ମୀରୁ ବିଚା ମାଟିନି ପୁଣ୍ଡିକିନି କାତା ଖେଞ୍ଜୁ ।

୧୯ ଆମ୍ବାଆସି ମାହାପୁରୁ ରାକ୍ତିକି କାତା ଖେଞ୍ଜାନା ପୁନାଆ ଗାଟାସି, ଏଞ୍ଜାଣି ହିଁୟାତା ଖେସାମାନି ମାହାପୁରୁ ବଲୁ ସୟତାନ ଖାହାନା ମୀଞ୍ଜା ଅନେସି, ଏଞ୍ଜାସି ଜିରୁ ଦାରି ମାଟାମାନି ବିଚା ଲେହେଁତାସି ।

୨୦ ଅଡ଼େ ଆମ୍ବାଆସି ଖାଲକା ବୁମିତା ମାଟିତି ବିଚା ଏଞ୍ଜାସି ଇଲେତାସି, ଆମ୍ବାଆସି ମାହାପୁରୁତି କାତା ଖେଞ୍ଜାନା ରାହଁତଲେ ନାନିନେସି,

୨୧ ସାମା ଏଞ୍ଜାଣି ତାଣା ହୀରୁ ଜୀଆତାକି ଗାଡ଼େକେଏ ତୀରିଆହାନା ମାନେସି, ତାୟୁ ମାହାପୁରୁ କାତାତାକି ବାଦା ଅଡ଼େ ନିନ୍ଦା ବେଟାଆଡ଼ିସାରେ ଏ ବାରେ ପିସାତୁହନେସି, ଏଞ୍ଜାସି ଖାଲକା ବୁମିତା ରିତି ବିଚା ଲେହେଁତାସି ।

୨୨ ଆମ୍ବାଆସି ମାହାପୁରୁତି କାତା ଖେନେସି, ଇଞ୍ଜା ଦାବ୍ତିତି ଅଣ୍ଡପୁ ଦନତି ଜୁପକା ଏଞ୍ଜାସି ଖେଞ୍ଜାମାନି କାତାତି ପୁକହା ତୁସାଲିଏ, ତାନି ଜୀଞ୍ଜୁତା ପାଡ଼େୟି କାମ୍ବାଆତେ, ଏଞ୍ଜାସି ହାପକା ବୁଟା ଡଲ ରିତି ବିଚା ଲେହେଁତାସି ।

୨୩ ସାମା ଆମିନିଗାଟାସି କାତାତି ଖେନେସି ଇଞ୍ଜା ନେହଁକା ପୁନେସି, ଅଡ଼େ ନେହଁ ପାଡ଼େୟି କାମ୍ବିନେସି, ଆମ୍ବାଆସି ପାସାକଡ଼ି, ଆମ୍ବାଆସି ତାନିକଡ଼ି, ଆମ୍ବାଆସି କଡ଼େଦସ ପାଡ଼େୟିକା, ଏଞ୍ଜାସି ନେହଁ ବୁମିତା ରିତି ବିଚା ଲେହେଁତାସି ।

ଚଲି ଜାଡ଼ାତି ପୁଣ୍ଡିକିନି କାତା

୨୪ ଜୀମୁ ଏଞ୍ଜାରାଇଁ ଅଡ଼େ ର ପୁଣ୍ଡିକିନି କାତା ଖେସେସି, ଲାକପୁରୁ ରାକ୍ତି ରଅସି ତାନି ଗୁତିୟାତା ନେହଁ ବିଚା ମାଟାମାନି ମାଣସିଲେହେଁ;

୨୫ ସାମା ଲକ୍ଷ୍ମୀ ତୁରାମାନାତି ତାନି ସାତୁ ଖାହାନା ଏ ଗହଁୟାଁ ବିଚା ଚଲି ଜାଡ଼ାତି ବିଚା ମାଟାମାନା ହାତେସି ।

୨୬ ଏତିବେଲା ଗହଁୟାଁ ପାତାଆହାନା ଜେକା ଆନିବେଲା ଚଲି ଜାଡ଼ା ଜିକେଏ ତଞ୍ଜାଆଡ଼େ ।

୨୭ ଏତେଟିଏ ସାଞ୍ଜୁକାରିତି ହଲିୟାଙ୍ଗା ତାନି ତାଣା ଖାହାନା ଏଲେଇଚେରି, ବାବୁ, ନୀରୁ ଏନାଆଁ ନୀ ଗୁତିୟାତା ନେହଁ ବିଚା ମାଟା ହିଲାଆତି ? ସାମା ଇ ଚଲି ଜାଡ଼ା ବାରେ ଏମ୍ବିଟି ଖାଡ଼େ ?

୨୮ ଏଞ୍ଜାସି ଏଞ୍ଜାରାଇଁ ଏଲେଇଚେସି, ର ସାତୁ ଇଦାଆଁ କହାମାନେସି । ଅଡ଼େ ହଲିୟାଙ୍ଗା ଏଞ୍ଜାଣାଇଁ ଏଲେଇଚେରି, ନୀ ମନ ଏନାୟି, ମାମ୍ବୁ ହୁଜାନା ଚଲି ରେଜାନା କୁଡ଼ି କନମି,

୨୯ ସାମା ଏଞ୍ଜାସି ଏଲେଇଚେସି, ଆଏ ଏଡ଼େତା ମୀରୁ ଚଲି ଜାଡ଼ା ରେଜି ରେଜିହଁ ଗହଁୟାଁ ଜିକେଏ ରେଜେରି ।

୩୦ ଗହଁ ଦାଞ୍ଜି ପାତେକା ଗହଁ ଅଡ଼େ ଚଲି ଜାଡ଼ା ରହେଁଏ ପାତାଆପୁ, ଅଡ଼େ ଆନାଁ ଦାଞ୍ଜି ବେଲାତା ଦାଞ୍ଜିଆନାରାଇଁ ନାନୁ ଏଲେଇଇଁ, ତଲିଏ ଚଲି ଜାଡ଼ା ଦାଟାନା ହୁଡାଲିତାକି ପେଣ୍ଡାୟାଁ ଏଟକା କିଦୁ, ସାମା ଗହଁୟାଁ କୁଡ଼ି କହାନା ନା ଗାଡ଼େୟିତା ଇଟାପୁ ।

* ୧୩:୧୬ ଲୁକ ୧୦:୨୩,୨୪

ହାର୍ସୁ ପାଡ଼େୟିତି ପୁଣ୍ଡିକିନାୟି

(ମାର୍କ ୪:୩୦-୩୨; ଲୁକ ୧୩:୧୮-୧୯)

୩୧ ଜୀସୁ ଏଞ୍ଜରାଇଲ୍ ଅଡ଼େ ର ପୁଣ୍ଡିକିନି କାତା ଖେସ୍ତେସି, ଲାକପୁରୁ ରାଜି ର ହାର୍ସୁ ପାଡ଼େୟି ଲେହେତାୟି, ଏଦାଆଁ ଅହାନା ରଅସି ତାନି ବାଡ଼ାତା ମାଟିତେସି ।

୩୨ ଏ ପାଡ଼େୟି ବାରେ ପାଡ଼େୟିକା କିହାଁ ଉଣା, ସାମା ଏଦି ପାତା ଆଡ଼ିସାରେ ବାରେ କୁଡ଼ା କିହାଁ କାଜାୟି ଆହାଁ ଇଲେତି ମାରୁନୁ ଆନେ, ଇଞ୍ଜା ହାଗୁଡ଼ା ଉଦ୍‌ମାନି ପଚାୟାଁ ଖାହାନା ଏଦାନି କମାତା ବଣ କିହାନା ବାସା କିନୁ ।

ପୁଲା ଏୟୁତି ପୁଣ୍ଡିକିନାୟି

(ମାର୍କ ୧୩:୨୦-୨୧)

୩୩ ଜୀସୁ ଏଞ୍ଜରାଇଲ୍ ଅଡ଼େ ର ପୁଣ୍ଡିକିନି କାତା ଖେସ୍ତେସି, ଲାକପୁରୁ ରାଜି ର ପୁଲା ଏୟୁଲେହେତାୟି; ର ଇୟା ଗହ୍‌ୟାଁ ଗୁଣ୍ଡାତା ପୁଲାଏୟୁ କାଲହାନା ଇତିତେ, ଏଚେଟିଏ ଏ ଗୁଣ୍ଡା ପଢ଼ମାନା ବାରେ ପୁଲା ଆଡ଼େ ।

ଜୀସୁ ପୁଣ୍ଡିକିନି କାତାତି ଅର୍ଡ଼ ଖେହ୍‌ନାୟି

(ମାର୍କ ୪:୩୩-୩୪)

୩୪ ଇ ବାରେ ପୁଣ୍ଡିକିନି କାତାତଲେ ଜୀସୁ ଲକୁଣି ଖେସ୍ତେସି, ଇଞ୍ଜା ପୁଣ୍ଡିକିନି କାତା ଆଡ଼ଆନା ଏନାଆଁଞ୍ଜା ଲକୁଣି ଖେସି ହିଲାଆତେସି,

୩୫ ଏନିକିଁ ମାହାପୁରୁ ଅଣ୍‌ପୁତି ବଲୁ ଖେହ୍‌ନାଣି ତାଣାଟି ଇ କାତା ସାତା ଆନେ,

“ନାନୁ ନା ଗୁଡ଼ି ଏକ୍‌ହାନା ପୁଣ୍ଡିକିନି କାତାତଲେ ଖେହ୍‌ଇ; ”

ଦାରୁତି ଗାଡ଼ି ଆଡ଼ି ଦିନାଟିଏ ଡ଼ଗୁମାନି କାତା ବାରେ ଖେହ୍‌ଇ ।”

ଜୀସୁ ଟଲି ଜାଡ଼ାତି ପୁଣ୍ଡିକିନି କାତାତି ଅର୍ଡ଼ ଖେହ୍‌ନାୟି

୩୬ ତାୟୁ ଜୀସୁ ମାହା ଲକୁଣି ପିସାନା ଇଲୁ ବିଡ଼ା ହାତେସି, ଇଞ୍ଜା ତାନି ସାୟୁୟାଁ ତାଗେ ଖାହାନା ଏଲେଇଚେରି, “ଗୁଡ଼ିୟାତି ଟଲି ଜାଡ଼ାତି ପୁଣ୍ଡି କିନି କାତା ମାଜେ ନେହ୍‌କିଁ ଖେସ୍‌ପାୟୁ ।”

୩୭ ଜୀସୁ ଏଲେଇଚେସି, “ନେହ୍‌ ବିଚା ମାଟିନାସି ଏଞ୍ଜାସି ମାଣ୍‌ସି ମୀରୁଏସି;

୩୮ ଇ ଦାରୁତି ଆହିମାନେ ଗୁଡ଼ିୟା, ନେହ୍‌ ବିଚା ମାହାପୁରୁ ରାଜିତି ମୀରୁକା ମାସ୍‌କା; ଟଲି ଜାଡ଼ା ସୟତାନତି ମୀରୁକା ମାସ୍‌କା;

୩୯ ଆନିନି ସାତୁ ଏଦାଆଁ ମାଟିତେସି ଏଞ୍ଜାସି ସୟତାନ; ଆନାଁ ଦାଃନି ଦିନା ଇଚିହ୍‌ ଜୁଗୁ ରାଜି ଦିନା, ଇଞ୍ଜା ଆନାଁ ଦାଃଆନାରି ମାହାପୁରୁତି ଦୁତୁୟାଁ ।

୪୦ ଇଚିହ୍‌ ଟଲି ଜାଡ଼ାତି ଏନିକିଁ ର ତାଣା କୁଡ଼ି କିହାନା ହିରୁଡ଼ା ହୁଡ଼ିନାୟି, ଜୁଗୁ ରାଜି ଦିନାତା ଜିକେଏ ଏଲେକିହ୍‌ ଆନେ ।

୪୧ ମାଣ୍‌ସି ମୀରୁଏସି ତାନି ଦୁତୁୟାଁଣି ପାଣ୍ଡିନେସି, ଇଞ୍ଜା ଏଞ୍ଜାରି ତାନି ରାଜିତି ବାରେ ଲାଗେଏ ପଲେଏତାରାଇଲ୍ ଅଡ଼େ ପାପୁ ଗାଟାରାଇଲ୍ ରୁଣ୍ଡା କିନେରି ।

୪୨ ଅଡ଼େ ଏଞ୍ଜରାଇଲ୍ ହିଚୁ ଗାଡ଼ୁୟୁଡ଼ା ମେଡ଼ନେରି, ଏଦାଆଁ ଏଞ୍ଜାରି ଡ଼ାହ୍‌ ପାଲକା ଟାଟି କିନେରି ।

୪୩ ଏଚିବେଲା ତୀରିଗାଟାରି ତାନି ଆବା ରାଜିତା ଖେଡ଼ାଲେହେ ଡ଼ାଞ୍ଜିହ୍‌ ଡ଼ଞ୍ଜାଆନେରି । ଆୟାଆରାକି କାର୍କା ମାନୁ ଏଞ୍ଜାରି ଖେଣ୍‌ସାରି ।”

ଡ଼ଗୁମାନି ଦନ୍ ପୁଣ୍ଡିକିନି କାତା

୪୪ “ଲାକପୁରୁ ରାଜି ଗୁଡ଼ିୟାତା ଡ଼ଗୁମାନି ଦନ୍ ଲେହେତାୟି, ରଅସି ଏଦାଆଁ ମେସାନା ଡ଼କୁହା ଇଚିତେସି, ଅଡ଼େ ରାହ୍‌ାଟି ହାଜାନା ତାନି ଇସିତାସି ଆସ୍ତି ପାର୍‌ଚାନା ଖେଣ୍ଡେ ହାଜାନା ଏ ଗୁଡ଼ିୟାତି କଡ଼ିତେସି ।”

ଦାରାଗାଟି ଅପ୍‌ନି ଖାଲିତି ପୁଣ୍ଡିକିନି କାତା

୪୫ “ଅଡ଼େ ଲାକପୁରୁ ରାଜି ନେହ୍‌ ଅପ୍‌ନି ଖାଲି ପାରିମାନି ର ବେବାରା କିନାଣିଲେହେଁ ।

୪୬ ର ଦାରାଗାଟି ଅପ୍‌ନି ଖାଲି ମେସାନା ଏଞ୍ଜାସି ହାଜାନା ତାନି ଇସିତାସି ଆସ୍ତି ପାର୍‌ଚାନା ଏ ଅପ୍‌ନି ଖାଲିତି କଡ଼ିତେସି ।”

ମୀଣକା ଆହୁନି ଜାଲାତି ପୁଣ୍ୟକିନି କାତା

୪୭ “ଅଡ଼େ ଜିକେଏ ଲାକପୁରୁ ରାଜି ସାମଦୁରିତା ବାରେ କୁଡ଼ାତି ମୀଣକା ଆସାଲି ମେଡ଼ନି ଜାଲା ଲେହେଁତାୟି ।

୪୮ ଏ ଜାଲା ନେଞ୍ଜାଲିଏ ମୀଣକା ଆହୁନାରି ଏଦାଆଁ ସାମଦୁରି ଗାରୁତା ରେଜା ତାନେରି, ଇଞ୍ଜା କୁଗାନା ନେହାଁଆଁ ବାରେ ରୁଣ୍ଡା କିହାନା ତିରିତା ଇଚିନେରି, ସାମା ଲାଗେଏ ପଲେଏ ଗାଟାଆଁ ବାରେ କୁଡ଼ା ତୁହନେରି ।

୪୯ ଜୁଗୁ ରାଜି ଦିନାତା ଏଲେକିହଁ ଆନେ; ଦୁତୁୟାଁ ହଦାଝାହାନା ତାରିଗାଗାରି ତାଣାଟିଏ ଲାଗେଏ ପଲେଏତାରାଇଁ ଏଟକା କିନେରି ।

୫୦ ଅଡ଼େ ଏଝାରାଇଁ ହିତୁ ଗାଡ଼ୁୟତା ମେଡ଼ହା ତୁହନେରି, ଏମାଆଁ ତୃନାୟି ଅଡ଼େ ପାଲୁକା ଗୀଟି କିନାୟି ଆନେ ।”

ପୁଃଆଣି ଅଡ଼େ ପୁଃନାଣି ଜାପୁନାୟି

୫୧ ଜୀସୁ ସାସୁୟାଁଇଁ ଖେଚେସି, “ମୀରୁ ଇ ବାରେ କାତା ପୁଚେରି ?”

ଏଝାରି ଏଲେଇଚେରି, “ହାଅ ପ୍ରବୁ ।”

୫୨ ଏଚେଟିଏ ଜୀସୁ ଏଝାରାଇଁ ଏଲେଇଚେସି, “ଆତିହଁ ଆମିନି ଇଲୁଗାଗାସି ତାନି ଇଲୁଟି ପୁଃନାଣି ପୁଃଆଣି ହପ୍ନେସି, ଲାକପୁରୁ ରାଜିତି ସାସୁ ଆହାମାନି ବାରେ ମେରା ପୁନାରି ଏଝାଣି ଲେହେଁତାରି ।”

ଜୀସୁଇଁ ନାକ୍ତରିତତା ଅପାଆଗାଗାୟି

(ମାର୍କ ୭:୧-୬; ଲୁକ ୪:୧୬-୩୦)

୫୩ ଜୀସୁ ଇ ବାରେ ପୁଣ୍ୟକିନି କାତା ଖେସାଲି ଆଡ଼ାଲିଏ, ତାୟୁ ଏମାଟିଏ ହାଚେସି ।

୫୪ ଇଞ୍ଜା ଏଝାସି ତାନୁ ପାତାଆଡ଼ି ନାୟୁତା ଝାହାନା ଲକୁଣି ତାନି ଜୀହୁଦି ଲକୁଟି କୁଟିନି ଇଲୁତା* ଇଲେକିହଁ ଜାପୁହେସି, ଇଞ୍ଜା ଏଝାରି କାବାଆହାନା ଏଲେଇଚେରି, “ଇଝାଣାକ ଇଲେଟି ବୁଦି ଇଞ୍ଜା ଇଲେଟି କାବାଆନି କାମା କିହାଲି ଆମ୍ବିଟି ବାଡ଼ୁୟୁ ବେଗାଆଡ଼େସି ?

୫୫ ଇଝାସି ଏ ବାଡ଼ିୟାତି ମାର୍ବସି ଆଏକି ? ଇଝାଣି ଇୟା ମରିୟମ ଆଏ ? ଅଡ଼େ ଇଝାଣି ତାୟିୟାଁ ଦରକା ଜାକୁବ, ଜସେପ, ସିମନ ଇଞ୍ଜା ଜୀହୁଦା ଆଏ ?

୫୬ ଅଡ଼େ ଇଝାଣି ତାଜିୟା ମା ତଲେ ହିଲାର ? ଇଞ୍ଜାହାଁ ଇଝାସି ଏ ବାରେ ଆମ୍ବିଟି ମେଡ଼ାଆଡ଼େସି ?”

୫୭ ଇଞ୍ଜା ଏଝାରି ଜୀସୁଇଁ ଅପାଆଡ଼େରି । ସାମା ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ଅଣ୍ଟପୁଟି ବଲୁ ଖେହୁନାରି ନିଜେତି ନାୟୁତା ଇଞ୍ଜା ନିଜେତି ଇଲୁ କୁଟିନିତା ମାନି ପୁଃଆରି ।”

୫୮ ଅଡ଼େ ଏଝାରି ନାମାଆତାକି ଏଝାସି ଏମାଆଁ ହାଡ଼େରକା କାବାଆନି କାମା କିଆଡ଼େସି ।

୧୪

ବାପ୍ତିସ୍ତା* ହାନି ଜହନ ହାନାୟି

(ମାର୍କ ୭:୧୪-୨୯; ଲୁକ ୯:୭-୯)

୧ ଏଚିବେଲାତା ଗାଲିଲିତି ସାଲୁଝି କିନି ରାଜା ହେରଦ ଜୀସୁତି କାବୁ ଖେଚେସି,

୨ ଅଡ଼େ ତାନି ହଲିୟାଙ୍ଗାଣି ଏଲେଇଚେସି, “ଇଝାସି ବାପ୍ତିସ୍ତା* ହାନି ଜହନ ଏଝାସି ହାଡ଼ାରି ତାଣାଟି ନିଙ୍ଗାମାନେସି, ଏଦାଆଁତାକି ଇ ବାରେ ବାଡ଼ୁୟୁ ଏଝାଣି ତାଣା କାମା କିହମାନେ ।”

୩ ଇଚିହଁ ତଲି ହେରଦ ତାନି ତାୟି ପିଲିପ ତକି ହେରଦିୟାନି ତାକି ଜହନଇଁ ଦସ୍ପା ତାତାନା କାୟିଦି ଇଲୁତା ଇମାମାଚେସି ।

୪ ଇଚିହଁ ଜହନ ତାଙ୍ଗ ଏଲେଇଞ୍ଜିମାଚେସି, ହେରଦିୟାନି ଇଚିନାୟି ନୀ ମେରା ହିଲେଏ ।

୫ ଅଡ଼େ ହେରଦ ଏଝାଣାଇଁ ପାୟାଲି ମନ କିତି ଜିକେଏ ଲକୁଣି ଆଜିମାଚେସି, ଏଦାଆଁତାକି ଇଚିହଁ ଏଝାଣାଇଁ ର ମାହାପୁରୁ ଅଣ୍ଟପୁଟି ବଲୁ ଖେହୁନାସି ଇଞ୍ଜା ମାନି କିହମାଚେରି ।

୬ ସାମା ହେରଦତି ଜାନାଁ ଦିନା ଝାହାଲିଏ, ହେରଦିୟାତି ମାଙ୍ଗା ରୁଣ୍ଡା ଆହାମାଟି ଲକୁ ନକିତା ଏଦାନା ହେରଦଇଁ ରାହାଁ କିଝିକିଚେ ।

୭ ଏଚେଟିଏ ଏଝାସି ପାଡ଼ମାଣା କିହାନା ଆଞ୍ଜିଚେସି, ନୀନୁ ନାଙ୍ଗେ ଏନାଆଁ ରାସ୍ତାତିହଁ ଏଦି ନିଙ୍ଗ ହାପକିଆନେ ।

* ୧୩:୫୪ ସିନଗର ✨ ୧୩:୫୭ ଜହ ୪:୪୪ * ୧୪: ମୁଞ୍ଜିନାୟି † ୧୪:୨ ମୁଞ୍ଜିନାୟି ✨ ୧୪:୩ ଲୁକ ୩:୧୯,୨୦

୮ ଇଞ୍ଜା ଏହି ତାମି ଇୟାନି କାତା ଆସାହାଁ ଏଲେଇଚେ, “ବାପ୍ତିସ୍ତାଁ ହାନି ଜହନତି ତାୟ୍ ଲୁର୍ବ ଇମ୍ବାଆଁ ର ସାଡ଼ଝାତା ନାଜେ ହିୟାମ୍ ।”

୯ ଇଦାଆଁ ଖେଞ୍ଜାନା ରାଜା ଦୁକୁ ଆଡ଼ିହ୍ ଜିକେଏ ତାନ୍ ପାରମାଣା କିହାଁ ଆଞ୍ଜାମାଚାକି ଅଡ଼େ ତାନିତଲେ ବଜିତା କୁଗାମାଚାରି ନକିତା ଆଞ୍ଜାମାଚାକି ଏଦାନି ମନଲେହେଁ ହାହାଲି ହୁକୁମି ହାଚେସି ।

୧୦ ଇଞ୍ଜା ଲକୁଣି ପାଣ୍ଡାଣା କାୟିଦି ଲକୁତା ଜହନତି ତାୟ୍ ଦ୍ଵାପିକିତେସି,

୧୧ ଅଡ଼େ ଏଞ୍ଜାଣି ତାୟ୍ ରୁ ସାଡ଼ଝାତା ତାଚାନା ଏ ପଦାକି ହାଚେରି, ଇଞ୍ଜା ଏହି ଅହାନା ତାମି ଇୟାନି ତାଣା ଅଡ଼େ ।

୧୨ ଏଚେଟିଏ ଜହନତି ସାୟୁୟାଁ ଖାହାନା ମାଡ଼ହା ଅହାନା ମୁସ୍ତେରି, ଅଡ଼େ ହାଜାନା ଜୀସୁଇଁ ଖେସ୍ତେରି ।

ଜୀସୁ ପାସାମାଣା ଲକୁକି ତିଞ୍ଜାଲି ହାନାୟି

(ମାର୍କ ୬:୩୦-୪୪; ଲୁକ ୯:୧୦-୧୭)

୧୩ ଜହନ ହାଡ଼ି କାକୁ ଖେଞ୍ଜାନା, ଜୀସୁ ର ତଂଗତା କୁଗାନା ଲକୁ ହିଲାଆ ଟାୟୁତା ହାଚେସି, ଲକୁ ଇ କାତା ଖେଞ୍ଜାନା ଗାଡ଼ାୟିଟି ଖାହାନା ତାକି ତାକିହ୍ ଏଞ୍ଜାଣି ଜେତ ହାଚେରି;

୧୪ ଅଡ଼େ ଏଞ୍ଜାସି ତଂଗଟି ରେଚାନା ମାନ୍ଦା ଲକୁଣି ମେସାନା କାର୍ମା ଆହାନା ଏଞ୍ଜାରି ରଚା ଗାଟାରାଇଁ ନେହ୍ କିତେସି ।

୧୫ ଖେଡ଼ା ହାଜାଲିଏ ତାନି ସାୟୁୟାଁ ତାନି ତାଣା ଖାହାନା ଏଲେଇଚେରି, “ଇ ଟାୟୁ ଲକୁ ହିଲାଆ ଟାୟୁ ଇଞ୍ଜା ଆନ୍ଦେରି ଜିକେଏ ଆହିମାନେ; ଏଦାଆଁତାକି ବାରେ ଲକୁ ଏନିକ୍ ନାୟ୍କାଣାଁ ହାଜାନା ତାମିଜେ ତାକି ଲହଡ଼ି ପାରିନେରି, ଏଦାଆଁତାକି ଏଞ୍ଜାରାଇଁ ହାଜାଲି ହେଲ ହାମ୍ ।”

୧୬ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ଏଞ୍ଜାରି ହାନି ଲଡ଼ା ଆଏ ରୁଟି ଏଞ୍ଜାରାକି ତିଞ୍ଜାଲି ହାମ୍ ।”

୧୭ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ମାଜେ ଇମ୍ବାଆଁ ପାସାଗଟା ରୁଟି ଇଞ୍ଜା ରୀ ମୀଣକା ମାନ୍ ।”

୧୮ ଜୀସୁ ଏଞ୍ଜାରାଇଁ ଏଲେଇଚେସି, “ଏଞ୍ଜାଆଁ ଇମ୍ବାଆଁ ନା ତାଣା ତାମ୍ ।”

୧୯ ଅଡ଼େ ଏଞ୍ଜାସି ଲକୁଣି ଗାକି ଜାତା ଲାକ କୁଗାଲି ହୁକୁମି ହାଚେସି, ଅଡ଼େ ଏ ପାସାଗଟା ରୁଟି ଇଞ୍ଜା ରୀ ମୀଣକାଣି ଅହାନା ଲାକପୁର ଡାକି ସିନିକିହାନା ମାହାପୁରୁଇଁ ଜହରା କିତେସି, ଇଞ୍ଜା ରୁଟି ଡିକିହାନା ତାମି ସାୟୁୟାଁକି ହାଚେସି, ଏଚେଟିଏ ସାୟୁୟାଁ ବାରେ ଲକୁକି ହାଚେରି ।

୨୦ ଏଚେଟିଏ ବାରେଜାଣା ତିଞ୍ଜାନା ପାଞ୍ଜିତେରି, ଇଞ୍ଜା ସାୟୁୟାଁ ହାରାମାଟି ରୁଟି ଗାଣ୍ଡାୟାଁ କୃଡ଼ି କିହାନା ବାରଗଟା ତାଲିତା ନେଞ୍ଜିକିତେରି ।

୨୧ ରାନ୍ଦା ତିଟି ଲକୁ ଇୟାସିକା ଇଞ୍ଜା କକାରି ପଦାଁଣି ପିସାନା ବାରେ ପାସାମାଣା ଆବାୟାଁ ମାଚେରି ।

ଜୀସୁ ଏୟୁ ଲାକ ତାକିନାୟି

(ମାର୍କ ୬:୪୫-୫୨; ଜହ ୬:୧୫-୨୧)

୨୨ ଏ ଦେବୁଣିଏ ଜୀସୁ ତାନି ସାୟୁୟାଁଣି ତଂଗତା ଏକ୍ଠହାନା ସାମଦୁରି ଆତାଲାଞ୍ଜାକି ତାନି ନକିତା ହାଜାଲି ଏଲେଇଚେସି, ଏଚେଟିଏ ବାରେ ଲକୁଣି ହାଜାଲି ହେଲ ହାଚେସି ।

୨୩ ଜୀସୁ ଲକୁଣି ହେଲ ହାଟି ତାୟୁ ପ୍ରାତାନା କିହାଲି ହରୁ ଲାକ ହାଚେସି, ଇଞ୍ଜା ମିଡ଼ଅଲ ଆହାଲିଏ ଏଞ୍ଜାସି ଏମ୍ବାଆଁ ରଅସିଏ ମାଚେସି ।

୨୪ ସାମା ଏଟିବେଲା ତଂଗ ସାମଦୁରି ଗାଟୁଟିଏ ହାଚେରକା ହେକ ମାଚେ, ଇଞ୍ଜା ସାମଦୁରିତା ଗାଲି ଖେଚାଲିଏ ଏ ତଂଗ ଖାଡ଼ିମାଚେ ।

୨୫ ସାମା ଖେୟା ନେକେରି ଜୀସୁ ଏୟୁ ଲାକ ତାକି ତାକିହ୍ ସାୟୁୟାଁ ତାଗେ ହାଚେସି ।

୨୬ ଅଡ଼େ ସାୟୁୟାଁ ଏଞ୍ଜାଣାଇଁ ଏୟୁ ଲାକ ତାକି ମାନାଣି ମେସାନା ଆଜାହାଚେରି, ଇଞ୍ଜା ଏଲେଇଚେରି, “ଇଦି ର ବୁଡୁ !” ଇଞ୍ଜା ଆଜିତାକି କିରଡ଼ିତେରି ।

୨୭ ସାମା ଜୀସୁ ଦେବୁଣିଏ ଏଞ୍ଜାରାଇଁ ଏଲେଇଚେସି, “ସାସା ଆହ୍‌ଦୁ ଆଜାଆଦୁ ନାନ୍ ଜୀସୁତେଏଁ !”

୨୮ ଏଚେଟିଏ ପିତର ଏଲେଇଚେସି, “ଏ ପ୍ରବୁ ସାତେଏ ନୀନ୍ ଇଟିହ୍ ଏୟୁଲାକଟି ତାକିହ୍ ନାପ ଖାହାଲି ହୁକୁମି ହିୟାମ୍ ।”

୨୯ ଜୀସୁ ଏଲେଇଚେସି “ଖାମ୍ !” ଏଚେଟିଏ ପିତର ତଂଗଟି ରେଚାନା ଜୀସୁ ତାଣା ଏୟୁଲାକଟି ତାକିହ୍ ହାଚେସି ।

୩୦ ସାମା ଗାଳି ମେସାନା ଆଜିତେସି, ଇଞ୍ଜା ଏୟୁଣ୍ଟା ପୁଞ୍ଜିହ ଏଲେଇଚେସି, “ଏ ପ୍ରବୁ ନାଙ୍ଗେ ଗେଲ୍‌ପାମୁ ।”

୩୧ ଏ ଦେବୁଣିଏ ଜୀସୁ କେୟୁ ଦାସାନା ପିତରଇଁ ଆସାନା ଏଲେଇଚେସି, “ଏ ଉଣା ନାମୁ ଗାଟାଟି ! ଏନାଆଁ ତାକି ଆନାମାନା ଆଡ଼ି ?”

୩୨ ଅଡେଡ଼ ଏଞ୍ଜାରି ତଂଗତା ହଡ଼ାଲିଏ ଗାଳି ତୁଞ୍ଜିତେ ।

୩୩ ଏଚେଟିଏ ତଂଗତା ମାଟି ସୀସୁୟାଁ ଜୀସୁଇଁ ଜହରା କିହାନା ଏଲେଇଚେରି, “ନୀନୁ ସାତେଏ ମାହାପୁରୁ ମାର୍‌ଏଣାଟି ।”

ଗେନେସର ରାଜିତା ଜୀସୁ ରଗ ଗାଟାରାଇଁ ନେହଁ କିନାୟି

(ମାର୍କ ୭:୫୩-୫୬)

୩୪ ଏଞ୍ଜାରି ସାମ୍‌ଦୁରି ଗାଣ୍ଡାଗାନା ଗେନେସର ରାଜିତା ଏତେରି ।

୩୫ ଅଡେଡ଼ ଏମ୍‌ପାଟି ଲକୁ ଜୀସୁଇଁ ପୁଞ୍ଜାନା ସାରିଞ୍ଜାକି ମାନି ବାରେ ରାଜିତା କାକୁ ପାଣ୍ଡିତେରି, ଇଞ୍ଜା ଲକୁ ବାରେ ରଗ ଗାଟାରାଇଁ ଜୀସୁ ତାଣ୍ଡା ତାତେରି;

୩୬ ଅଡେଡ଼ ରଗ ଗାଟାରି ଜୀସୁଟି ହିମ୍‌ରି କୁଞ୍ଜୁ ତାରିନେରି, ଏଦାଆଁତାକି ଜୀସୁଇଁ ବାଟିମାଲିତେରି, ଇଞ୍ଜା ଏଚେକା ଲକୁ ତାରିତେରି ବାରେ ନେହଁ ଆଡେଚି ।

୧୫

ଆକୁ ଆବାୟାଁ ମେରା ଜାପ୍‌ନାୟି

(ମାର୍କ ୭:୧-୧୩)

୧ ଏଚିବେଲ୍‌ତା ଜିରୁସାଲମିଟି ପାରୁସିୟାଁ ଇଞ୍ଜା ମେରାପୁନାରି ଜୀସୁ ତାଣ୍ଡା ଖାହାନା ଏଲେଇଚେରି,

୨ “ନା ସୀସୁୟାଁ ଏନାଆଁତାକି ତଲିତି ଆକୁ ଆବାୟାଁ ଜାପ୍‌ହି ମେରା ମାନି କିହିଲଅରି ? ଇଚିହଁ ରାନ୍ଦା ତିନାଟି କେସ୍ତା ନବଅରି ।”

୩ ଜୀସୁ ଏଞ୍ଜାରାଇଁ ଏଲେଇଚେସି, “ଏନାଆଁତାକି ମୀରୁ ଜିକେଏ ମୀ ପାଣ୍ଡାପାରୁ ମେରାତାକି ମାହାପୁରୁଟି ହୁକୁମି ମାନଞ୍ଜି ଆହି ହିଲଅଚେରି ?”

୪ ମାହାପୁରୁ ଏଲେଇଞ୍ଜା ମାନେସି ଇୟା ଆବାଇଁ ମାନି କିଦୁ, ଇଞ୍ଜା ଆମ୍‌ଆସି ଇୟା କି ଆବାଇଁ ବାକା ଇଚିନେସି ଏଞ୍ଜାସି ହାନ୍ତି ତଣ୍ଡ ବେଟା ଆନେସି ।

୫ ସାମା ମୀରୁ ଏଲେଇଞ୍ଜିମାଞ୍ଜେରି, ଆମ୍‌ଆସି ଆପେସି ତାମି ଇୟା କି ଆବାଇଁ ଏଲେଇନେସି, ନା ତାଣ୍ଡାଟି ମିଙ୍ଗେ ଏନାଆଁ ହିୟାତିହଁ ନେହେଁ ଆଡେମା, ଏ ବାରେ ମାହାପୁରୁଟି ହେବସି ଆହାମାନେ,

୬ ଏଞ୍ଜାସି ସାତେଏ ତାମି ଇୟା ଆବାଇଁ ମାନି କିଅସି । ଇଲେକିହଁ ମୀରୁ ମୀ ପାଣ୍ଡାପାରୁ ମେରା ତଲେ ମାହାପୁରୁ କାତା ଉଜେଏ କିହିମାଞ୍ଜେରି ।

୭ ଆଡେଡ଼ କୁଟୁ ଗାଟାଚେରି, ମାହାପୁରୁ ଅଣ୍ଡପୁଟି ବଲୁ ଖେହନି ଜିସାୟ ମିଙ୍ଗେତାକି ନେହଁ କଁ ଇ କାତା ଖେସାମାନେସି ।

୮ ଇ କୁଡ଼ାତାରି ଖାରଇ ଗୁଟି ତଲେ ସେବା କିୟାନେରି,

ସାମା ଏଞ୍ଜାରି ହିୟାଁ ନା ତାଣ୍ଡାଟି ହେକ ତୁୟିନେ ।

୯ ଏଞ୍ଜାରି ମାଣସି କେପିତି ପାଣ୍ଡା ପାରୁଟି ଦାମ୍‌ପୁଟି ନେହଁ କାତା ଇଞ୍ଜାଁ ଜାପ୍‌ହାନା,

ଉଜେଏ ନାଙ୍ଗେ ସେବା କିହିମାଞ୍ଜାନେରି ।

ମାଣସିଇଁ ଲାଗେଏ କିନାୟି

(ମାର୍କ ୭:୧୪-୨୩)

୧୦ ଅଡେଡ଼ ଜୀସୁ ଲକୁଣି ତାଗେ ହାଟାନା ଏଞ୍ଜାରାଇଁ ଏଲେଇଚେସି, “ଞ୍ଜେଞ୍ଜୁ ଇଞ୍ଜାଁ ପୁଞ୍ଜୁ ।”

୧୧ ମାଣସି ଗୁଟି ବିତ୍ତା ଏନାୟି ହଡ଼ନେ ଏଡ଼ି ଏଞ୍ଜାଣାଇଁ ଲାଗେଏ କିଏ, ସାମା ଗୁଟି ବିତ୍ତାଟି ଏନାୟି ହଡ଼ନେ ଏଡ଼ି ମାଣସିଇଁ ଲାଗେଏ କିନେ ।

୧୨ ଏଚିବେଲ୍‌ ସୀସୁୟାଁ ଜୀସୁ ତାଣ୍ଡା ଖାହାନା ଏଲେଇଚେରି, ପାରୁସିୟାଁ ଇ କାତା ଖେଞ୍ଜାନା କସୁ ବେଟାଆହି ମାନେରି ଇଦାଆଁ ନୀନୁ ପୁଞ୍ଜା ମାଞ୍ଜିକି ?

୧୩ ସାମା ଜୀସୁ ଏଲେଇଚେସି, “ନା ଲାକପୁରୁଟି ଆବା ଆମିନି ମାରୁନୁ ଉହା ହିଲଅସି ଏ ବାରେ ରେଞ୍ଜି ଆନୁ ।”

୧୪ *ପାରୁଥିୟାଁ କାତା ଖେନାଆତୁ, ଏଝାରି କାଣାୟାଁ ଆହାନା କାଣାୟାଁଇଁ ଜିରୁ ତହୁନେରି, ଇଞ୍ଜାଁ କାଣା ଅରୁ କାଣାଇଁ ଜିରୁ ତସ୍ତୁହଁ ରିଆରି ଜିକେଏ ଗାଡୁୟୁତା ତରୁଗିନେରି ।

୧୫ ପିତର ଏଲେଇରେସି, “ଏ ପୁଣ୍ଡିକିନି କାତା ମାଜେ ଖେସ୍ତାମୁ ।”

୧୬ ଜୀସୁ ଏଲେଇରେସି, “ମୀରୁ ଜିକେଏ ନୀଏଁ ପାତେକା ପୁନାଆ ଗାଟାତେରି ?”

୧୭ ଏନାୟି ଗୁଡିଟି ହଡୁନେ ଏଡି ବାଣ୍ଡିତା ହାଜାନା ଏଡି ବାଣ୍ଡିହାନିଲେହେଁ ହଡା ହାନେ, ଇଦାଆଁ ପୁଞ୍ଜି ହିଲଅତେରି ?

୧୮ *ସାମା ଗୁଡିଟି ଏନାୟି ହଡିମାନେ ଏଡି ହିୟାଟି ହଡିମାନେ ଏଡିଏ ମାଣସିଇଁ ଲାଗେଏ କିହିମାନେ ।

୧୯ ଇଚିହଁ ହିୟାଟି ଲାଗେଏତି ଅଣପୁ ହନେ, ଇଚିହଁ ଲକୁଣି ପାୟିନାୟି, ଦାରି କାମା କିୟାଲି, ଲାଗେଏ ପରେଏ କାମା କିହାଲି, ସରୁ କାମା କିହାଲି, ମିଟି ସାକି ହୀହାଲି ଇଞ୍ଜାଁ ନିୟା କାତା ଜଲ୍ଲାଇ;

୨୦ ଈ ବାରେ କାମା ମାଣସିଇଁ ଲାଗେଏ କିନେ, ସାମା କେୟୁ ନରୁଆନା ତିନାୟି ମାଣସିଇଁ ଲାଗେଏ କିଏ ।

ର ଇୟାନି ନାମୁ
(ମାର୍କ ୭:୨୪-୩୦)

୨୧ ଜୀସୁ ଏ ଗାୟୁ ପିସାନା ସର ଅଡେ ସିଦନ ରାଜିତା ହାଚେସି ।

୨୨ ଅଡେ ମେହଡୁ ଏ ହାକିଟି କିଶାନ ଦେସାତି ର ଇୟା ଖାହାନା କାଜା ଗିୟାତଲେ ଏଲେଇଚେ, “ଏ ପ୍ରବୁ ଦାସୁଦ ମୀରୁଏଣାତି ନାଜେ କାର୍ମା ମେସ୍ତାମୁ ଇଚିହଁ ନା ମାଜ୍ଜାନି ହାରେକା ଆଜିହପେତି ବୁଡୁ ଆସାନା କସ୍ତୁ ଆହିମାନେ ।”

୨୩ ସାମା ଜୀସୁ ଏଦାନି ର ପଦୁ ଜିକେଏ ଜଲ୍ଲାଆଚେସି । ଇଞ୍ଜାଁ ତାନି ସୀସୁୟାଁ ଖାହାନା ଏଝାଣାଇଁ ଏଲେଇଚେରି, “ଇଦାନି ହେଲ ହୀହାନା ପାଣ୍ଡାତୁହମୁ, ଏନାଆଁତାକି ଇଚିହଁ ଇଦି ମା ଜେଟ କାଲୁଝି ଆହିମାନେ !”

୨୪ ସାମା ଜୀସୁ ଏଲେଇଚେସି, “ନାନୁ ଇସାୟେଲ କୁଡାତା ଜାଜ୍ଜାମାନି ମେଣ୍ଡାୟାଁ ପିସପେ ଅଡେ ଆମାଆରି ତାଣା ପାଣ୍ଡୁଝି ଆହାହିଲଅଁ ।”

୨୫ ଏ ଇୟା ଖାହାନା ଜହରା କିହାନା ଏଲେଇଚେ, “ଏ ପ୍ରବୁ ନାଜେ କାର୍ମା ମେସ୍ତାମୁ ।”

୨୬ ସାମା ଜୀସୁ ଏଲେଇଚେସି, “ମୀରୁକା ମାସ୍ତକା କାଦି ଅହାନା ନେସ୍ତକା ତାଗେ ମେଡୁନାୟି ନେହେଁ ଆଏ ।”

୨୭ ଏ ଇୟା ଏଲେଇଚେ, “ହାଅ ପ୍ରବୁ ଇଚିହଁ ନେସ୍ତକା ତାମି ସାସୁକାରିୟାଁ ତାଣାଟି ତରୁଗାମାନି ଜୁଟା ରାଦା ପେରୁହା ତିନୁ ।”

୨୮ ଏଚେଟିଏ ଜୀସୁ ଏ ଇୟାନି ଏଲେଇଚେସି, “ଏ ଇୟା ନୀଦି ହାରେକା କାଜା ନାମୁ ନୀମନ ଲେହେଁଏ ନିଜ୍ଜା ଆୟାପେ ।” ଏ ଦେବୁଣିଏ ତାନି ମାଜ୍ଜା ନେହେଁ ଆଚେ ।

ଜୀସୁ ହାରେକା ଲକୁଣି ନେହଁ କିନାୟି

୨୯ ଜୀସୁ ଏମାଟିଏ ହାଜାନା ଗାଲିଲି ସାମାଦୁରି ତାଗେ ଖାଚେସି, ଅଡେ ହରୁ ଲାକ ହାଜାନା କୁଗିଚେସି ।

୩୦ ଅଡେ ହାରେକା ଲକୁ ସଗାୟାଁ, ବୁଡୁଝାୟାଁ, କାଣାୟାଁ, ଗୁଲ୍ଲାୟାଁ, ହାରେକା ଲକୁଇଁ ତାମିତଲେ ତାତାନା ଜୀସୁ କଡ଼ା ଡୁଇ ଇଚିଚେରି, ଅଡେ ଏଝାସି ଏଝାରାଇଁ ନେହଁ କିଚେସି ।

୩୧ ଇଲେକିହଁ ନେବଡ଼ାୟାଁ ଜଲ୍ଲିମାନେରି, ବୁଡୁଝାୟାଁ ନେହଁ ଆହିମାନେରି, ସଗାୟାଁ ତାକି ମାନେରି ଅଡେ କାଣାୟାଁ ମେସିମାନେରି; ଈ ବାରେ ମେସାନା ଲକୁ କାବା ଆଚେରି, ଇଞ୍ଜାଁ ଇସାୟେଲଟି ମାହାପୁରୁଇଁ ଜହରା କିଚେରି ।

ଜୀସୁ ସାରି ମାଣା ଲକୁଣି ତାସ୍ତେସି
(ମାର୍କ ୮:୧-୧୦)

୩୨ ଅଡେ ଜୀସୁ ତାନି ସୀସୁୟାଁଇଁ ତାଗେ ହାଟାନା ଏଲେଇଚେସି, “ଈ ବାରେ ଲକୁତାକି ନାଜେ କାର୍ମା ହଡିମାଞ୍ଜାନେ, ଏନାଆଁତାକି ଇଚିହଁ ଈଝାରି ତାନିଦିନା ଆଚେରିଏ ନା ତଲେ ମାଞ୍ଜାମାନେରି, ଅଡେ ଈଝାରି ତାଣା ଏନାୟିଝା ତିଞ୍ଜାଲି ହିଲେଏ; ଈଝାରି ହାନାଟି ଜୀସୁ ହଡା ହାଡିଲେହେଁ ଜିରୁତା ତରୁଗିନେରି, ଏନାଆଁତାକି ହାକିଟି ପାଣ୍ଡାଲି ନା ମନ ହିଲେଏ ।”

୩୩ ସୀସୁୟାଁ ଏଞ୍ଜେଲ୍ ଏଲେଇରେରି, “ଇଚେକା ଲକୁଡାକି ବାଣ୍ଡି ପାଞ୍ଜିକିହାଲି ଇ ଏନାଆଁ ହିଲାଆ ଚାମୁତା ଏମ୍ବିଟି ରୁଟି ପାଣ୍ଡାନାୟି ।”

୩୪ ଜୀସୁ ଏଞ୍ଜେରାଲ୍ ଖେରେସି, “ମୀ ତାଣ୍ଡା ଏଚରଗଟା ରୁଟି ମାନୁ ?”

ଏଞ୍ଜେରି ଏଲେଇରେରି, “ସାତାଗଟା ଇଞ୍ଜାଁ ଏଚରଗଟା ଉଣା ମୀଣକା ମାନୁ ।”

୩୫ ଏଚେଟିଏ ଜୀସୁ ଲକୁଣି ବୁମିତା କୁଗାଲି ହୁକୁମି ହୀତେସି,

୩୬ ଅଡେ ଜୀସୁ ଏ ସାତାଗଟା ରୁଟି ଇଞ୍ଜାଁ ମୀଣକାଣି ମାହାପୁରୁ ତାଣ୍ଡା ଜହରା କିହାନା ସୀସୁୟାଁକି ହୀତେସି; ଏଞ୍ଜେରି ଲକୁଡାକି ହୀତେସି ।

୩୭ ଅଡେ ଲକୁ ତିଞ୍ଜାନା ପାଞ୍ଜିତ ତାମୁ, ଡାଗିତି ରୁଟି ସାତା ତାଲି ହାରିତାଣି କୃଡ଼ି କିତେରି ।

୩୮ ରୁଟି ତିତି ଲକୁ ଇୟାସିକା ଅଡେ ଉଣା କକାରି ପଦାଁଣି ପିସାନା ସାଡ଼ି ମାଣ୍ଡା ଆଦାୟାଁ ମାତେରି ।

୩୯ ଏଚେଟିଏ ଏଞ୍ଜେରି ଲକୁଣି ହେଲ ହୀହାନା ଡଂଗଟା ହଚାନା ମଗଦାନ ହାନ୍ଦିତା ଖାଡେସି ।

୧୭

କାବାଆନ୍ଦି କାମା ତସାଲି ଏଲେଇନାୟି

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧*ଏଚେକା ପାରୁସି ଅଡେ ସାଦୁକିୟାଁ ଜୀସୁ ତାଣ୍ଡା ଖାହାନା ତାୟିପାରି କିହାଲି, ମାଜେ ହାଗୁ ଲାକଟି ର ସିନା ତସ୍ତାମୁ ଇଞ୍ଜାଁ ବାତିମାଲିତେରି ।

୨ ସାମା ଜୀସୁ ଏଞ୍ଜେରାଲ୍ ଏଲେଇରେସି, “ମିଡ଼ଅଲ୍ଲା ବେଲା ଏଲେଇଞ୍ଜେରି, ଝିଏ କାରା ଆନେ, ଇଚିହୁଁ ହାଗୁ ଗାଦ୍‌ଗା ଆହାମାନେ ।”

୩ ଅଡେ ଲାକ ବେଲା ଏଲେଇଞ୍ଜେରି, ନୀଞ୍ଜୁ ପିୟୁ ଆନେ, ଇଚିହୁଁ ହାଗୁ ଗାଦ୍‌ଗା ଅଡେ ଦୁହା ମୁଗାମାନେ । ମୀରୁ ହାଗୁଡି ପାଗା ମେସାନା ନକଟି କାତା ପୁଞ୍ଜାଲି ଆଡ଼ି ମାଞ୍ଜେରି, ସାମା ନାଏଁତି କାତା ଅଡେ ସିନାୟାଁ ପୁଞ୍ଜି ହିଲଅତେରି ।

୪*ପଲ୍ଲଆ ଗାଟାରି ଇଞ୍ଜାଁ ମାହାପୁରୁଲ୍ ଅଣ୍ଡପାଆଗାଟି କୁଡ଼ାତାରି ସିନାୟାଁ ପାରିନେରି, ସାମା ଜୁନସତି ସିନା ପିସପେ ଅଡେ ଏବ୍‌କାଟି ସିନା ଏଞ୍ଜେରାଲ୍ ହୀପକି ଆଏ, ଇଞ୍ଜାଁ ଏଞ୍ଜେରି ଏଞ୍ଜେରାଲ୍ ପିସାନା ହାଚେସି ।

ପାରୁସିୟାଁ ଅଡେ ସାଦୁକିୟାଁ ତାଣ୍ଡାଟି ଜାଗ୍ରାତା

(ମାର୍କ ୮:୧୪-୨୧)

୫ ସୀସୁୟାଁ ସାମାଦୁରି ଆତାଲା ହାଜାନା ସିନିକିତେରି, ଏଞ୍ଜେରି ରୁଟି ଅହାଲି ବାଣ୍ଡା ଆହା ହାଜାମାନେରି ।

୬*ଜୀସୁ ଏଞ୍ଜେରାଲ୍ ଏଲେଇରେସି, “ଜାଗ୍ରାତା ଆଦୁ, ପାରୁସିୟାଁ ଅଡେ ସାଦୁକିୟାଁ ପୁଲା ଏମୁଟି ଜାଗ୍ରାତା ଆହାଁ ମାଞ୍ଜୁ ।”

୭ ଏମ୍ବାଟିଏ ଏଞ୍ଜେରି ତାମୁ ତ୍ତାମ୍ବୁ ଜଲ୍ଲକି ଆହାଲି ମାଡ଼ହେରି, “ମୀରୁ ରୁଟି ତାତା ହିଲାଆୟି ଇଞ୍ଜାଁ ଏଞ୍ଜେରି ଏଲେଇଞ୍ଜିମାଞ୍ଜାନେସି ।”

୮ ସାମା ଜୀସୁ ଏଦାଆଁ ପୁଞ୍ଜାନା ଏଲେଇରେସି, “ଆଡେ ଉଣା ନାମୁ ଗାଟାତେରି, ମୀ ବିତ୍ରା ରୁଟି ହିଲେଏ ଇଞ୍ଜାଁ ଏନାଆଁତାକି ଝେସପି ଆହିମାଞ୍ଜେରି ?

୯*ମୀରୁ ନୀଏଁ ପାତେକା ପୁଞ୍ଜି ହିଲଅତେରି ? ଏ ପାସାମାଣ୍ଡା ଲକୁଡି ପାସାଗଟା ରୁଟି ଡିକହାନା ହୀହା ମାଚେସି, ଇଞ୍ଜାଁ ମୀରୁ ଏଚର ତାଲି ହାରିତାଣି କୃଡ଼ି କିତେରି,

୧୦*ଇଞ୍ଜାଁ ଏ ସାଡ଼ି ମାଣ୍ଡା ଲକୁଡି ସାତା ଗଟା ରୁଟି, ଇଞ୍ଜାଁ ଏଚର ତାଲି ହାରିତାଣି କୃଡ଼ି କିତେରି, ଏ ବାରେ ମିଜେ ଅଣ୍ଡପୁ ହିଲେଏ ?

୧୧ ନାନୁ ମିଜେ ରୁଟି କାତା ଝେସାମାଞ୍ଜାଆତେସି, ଇଦାଆଁ ଏନ୍ଦିକିଁ ପୁଞ୍ଜି ହିଲଅତେରି ? ସାମା ପାରୁସିୟାଁ ଅଡେ ସାଦୁକିୟାଁ ପୁଲା ଏମୁଟି ଜାଗ୍ରାତା ଆହାନା ମାଞ୍ଜୁ ।”

୧୨ ଏଞ୍ଜେରି ରୁଟି ତାକି ଲଡ଼ାମାନି ପୁଲା ଏମୁଡାକି ଜାଗ୍ରାତା ଆହାନା ମାଞ୍ଜାଲି ଝେହ୍‌ସାନା, ପାରୁସିୟାଁ ଅଡେ ସାଦୁକିୟାଁ ଜାପ୍‌ନି ତାଣ୍ଡାଟି ଜାଗ୍ରାତା ଆହାଁ ମାଞ୍ଜାଲି ଏଞ୍ଜେରାଲ୍ ଝେସାମାଚେସି, ଏଦାଆଁ ଏଞ୍ଜେରି ଏଚିବେଲା ପୁଚେରି ।

* ୧୭:୧ ମାତି ୧୨:୩୮; ଲୁକ ୧୧:୧୭ * ୧୭:୪ ମାତି ୧୨:୩୯; ଲୁକ ୧୧:୨୯ * ୧୭:୬ ଲୁକ ୧୨:୧ * ୧୭:୯ ମାତି ୧୪:୧୭-୧୯
* ୧୭:୧୦ ମାତି ୧୫:୩୪-୩୮

ଜୀବୁଇଁ ପିତର ସାତା ଇଞ୍ଜିଲ୍ ଝେହ୍ନାୟି

(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ ତାୟୁ ଜୀବୁ କାୟିସରିୟା ପିଲିପି ରାଜିତା ଖାହାନା ତାନି ସୀସୁୟାଁଇଁ ଝେରେସି, “ମାଣସି ମାର୍ବସସି ଆମ୍ବାଆସି ଇଞ୍ଜିଲ୍ କୁ ଝେସିମାନେରି ?”

୧୪ ଏବେଟିଏ ଏଞ୍ଜାରି ଏଲେଇଚେରି, “ଆମ୍ବା ଆମ୍ବାଆରି ବାପ୍ତିସ୍ମ* ହାନି ଜହନ, ଆମ୍ବା ଆମ୍ବାଆରି ଏଲିୟ, ଅଡେ ଆମ୍ବା ଆମ୍ବାଆରି ଜିରିମିୟ ଆଆଡେ ମାହାପୁରୁ ଅଣପୁତି ବଲୁ ଝେହ୍ନାରି ତାଣାଟି ରଅସି ।”

୧୫ ଜୀବୁ ଏଞ୍ଜାରାଇଁ ଝେରେସି, “ସାମା ନାନୁ ଆମ୍ବାଆଡେଏଁ ଇଞ୍ଜିଲ୍ ମୀରୁ ଝେସିମାଞ୍ଜେରି ?”

୧୬ ଏସିମନ ପିତର ଏଲେଇଚେସି, “ନୀନୁ କ୍ରୀସ୍ତ, ଜୀଞ୍ଜୁଗାଟି ମାହାପୁରୁ ମୀରୁଏଣାତି ।”

୧୭ ଏବେଟିଏ ଜୀବୁ ଏଞ୍ଜାଣାଇଁ ଏଲେଇଚେସି, “ଏ ଜୁନସ ମୀରୁଏଣାତି ସିମନ, ନୀନୁ ନେହେଁ, ଇତିହଁ ମାଣସି ନୀ ତାଣାଟି ଇଦାଆଁ ଝେକହାମାଞ୍ଜଅସି, ସାମା ନା ଲାକପୁରୁତି ଆବା ଝେକହାମାଞ୍ଜାନେସି ।

୧୮ ଅଡେ ନାନୁ ଜିକେଏ ନିଜେ ଝେସିମାଞ୍ଜାଇଁ, ନୀନୁ ପିତରତି, ଇଞ୍ଜାଁ ଇ ଖାଲି ଲାକ ନାନୁ ନା ଲୁଲମିତି କେପିଇଁ, ଅଡେ ହାକିତି ବାଡୁୟୁ ଏଦାଆଁ ମେକହାଲି ଆଡେଏ ।

୧୯ ନାନୁ ନିଜ ଲାକପୁରୁତି କୁଟିକାଡି ହିୟାଇଁ, ଅଡେ ନୀନୁ ଦାରୁତିତା ଏନାଆଁ ସୁଣ୍ଡି, ଏଦି ଲାକପୁରୁ ରାଜି ଜିକେଏ ସୁଣ୍ଡି ଆନେ, ଅଡେ ଦାରୁତିତା ଏନାଆଁ ଦେଏଦି ଏଦି ଲାକପୁରୁ ଜିକେଏ ଦେପି ଆନେ ।”

୨୦ ଏଟିବେଲା ଏଞ୍ଜାସିଏ କ୍ରୀସ୍ତ ଇଞ୍ଜିଲ୍ ଆମ୍ବାଆରାଇଁ ଝେହ୍ନାଆୁ ଇଞ୍ଜିଲ୍ ଏଞ୍ଜାସି ତାନି ସୀସୁୟାଁଣି ଜାଣେ କିହଁ ହୁକୁମି ହାଡେସି ।

ଜୀବୁ ତାନି ଦୁକୁ ବେଟାଆନାଣି ଅଡେ ହାନାଣି ଝେହ୍ନାୟି

(ମାର୍କ ୮:୩୧; ୯:୧; ଲୁକ ୯:୨୨-୨୭)

୨୧ ଏଟିବେଲାଟିଏ ଜୀବୁ ତାନି ସୀସୁୟାଁଣି ଝେସାଲି ମାଟୁହେସି, ନାନୁ ଜିରୁସାଲମତା ହାନାୟିମାନେ, ଇଞ୍ଜାଁ ପ୍ରାତିନାଞ୍ଜା, କାଜା ପୁଜେରାଞ୍ଜା ଅଡେ ମେରାପୁନାରି ତାଣାଟି ହାରେକା ଦୁକୁ ବେଟାଆହାନା ହାନାୟି ମାନେ, ଇଞ୍ଜାଁ ତାନି ଦିନାଟିଏ ଝେଣ୍ଡେ ନିଜିନାୟି ମାନେ ।

୨୨ ଏବେଟିଏ ପିତର ଏଞ୍ଜାଣାଇଁ ଅରଞ୍ଜାକି ଅହାନା ଲାଗାନା ଏଲେଇଚେସି, “ଏ ପୁରୁ, ମାହାପୁରୁ ନିଜ କାର୍ଣା ଆୟାପେସି, ଇଲେତାୟି ନିଜେ ଏଡେଲାଞ୍ଜା ଆୟାଆପେ ।”

୨୩ ସାମା ଜୀବୁ ତାୟୁଞ୍ଜାକି ସିନିକିହାନା ପିତରଇଁ ଏଲେଇଚେସି, “ଏ ସୟତାନ ନା ତାଣାଟି ହେକ ଆପୁ, ନୀନୁ ନା ସାଡୁ ଲେହେଁ, ଇତିହଁ ନୀନୁ ମାହାପୁରୁ କାତା ଅଣପାଆନା ମାଣସିତି କାତା ଅଣପିମାଞ୍ଜି ।”

୨୪ ଏଟିବେଲା ଜୀବୁ ତାନି ସୀସୁୟାଁଣି ଏଲେଇଚେସି, “ଆମ୍ବାଆସି ନା ଜେତ ତାକାଲି ମନ କିତିହଁ, ଏଞ୍ଜାସି ତାନୁଏ ତାଜେ ଅପାକତାଆନା ତାନି କ୍ରସ ଡେକାନାହାଁ ନା ଜେତ ତାକାପେସି ।

୨୫ ଇତିହଁ ଆମ୍ବାଆସି ତାନି ଜୀଞ୍ଜୁ ନୀଟୁହା କତାଲି ମନ କିନେସି, ଏଞ୍ଜାସି ହାଞ୍ଜି କିନେସି; ସାମା ଆମ୍ବାଆସି ନା ତାକି ତାନି ଜୀଞ୍ଜୁ ହାନେସି ଏଞ୍ଜାସି ନୀଟୁହା କଡିନେସି ।

୨୬ ଅଡେ ମାଣସି ଇ ଦାରୁତିତା ମାନାଣି ବାରେ ମେଡି କିହାନା ତାନି ଜୀଞ୍ଜୁତି ହାଞ୍ଜି କିନେସି, ଆତିହଁ ଏଞ୍ଜାଣାକି ଏନି ଲାବା, ଇଞ୍ଜାଁ ମାଣସି ତାନି ଜୀଞ୍ଜୁତି ବାଦୁଲି ଏନାଆଁ ହାନେସି ?

୨୭ ଇଞ୍ଜାଁ ମାଣସି ମାର୍ବସସି ତାନି ଆବାତି ଗାଞ୍ଜୁରମିତି ତାନି ଦୁଡୁୟାଁ ତଲେ ଖାନେସି, ଏଟିବେଲା ଏଞ୍ଜାସି ବାରେ ଲକୁକି ତାନି କାମାତି ଲେକା ତଲେ ପାଡେୟି ହାନେସି ।

୨୮ ନାନୁ ମିଜେ ସାତା ଝେସିମାଞ୍ଜାଇଁ, ମାଣସି ମାର୍ବସସି ତାନି ରାଜିତା ରାଜାଆହାଁ ଖାନାଣି ମେହ୍ନାଆ ପାଡେକା ଇଦାଆଁ ମାନି ଲକୁ ବିତ୍ରାଟି ଏବରଜାଣା ହାଅରି ।”



ଜୀବୁ ଅର ଖାଣା ଆନାୟି

(ମାର୍କ ୯:୨-୧୩; ଲୁକ ୯:୨୮-୩୬)

୧ ଜୀବୁ ସ ଦିନା ତାୟୁ ପିତର, ଜାକୁବ, ଅଡେ ତାନି ତାୟି ଜହନଇଁ ଏଟ୍ଟା କିହାନା ଏଞ୍ଜାରାଇଁ ର ପାତାଆଡି ହରୁ ଲାକ ଅଡେସି ।

* ୧୭:୧୪ ମାତି ୧୪:୧,୨; ମାର୍କ ୬:୧୪,୧୫; ଲୁକ ୯:୭,୮ * ୧୭:୧୪ ମୁଞ୍ଜିନାୟି * ୧୭:୧୭ ଜହ ୬:୮,୭୯ † ୧୭:୧୮ ପିତର ଇତିହଁ ଖାଲି * ୧୭:୧୯ ମାତି ୧୮:୧୮; ଜହ ୨୦:୨୩ * ୧୭:୨୪ ମାତି ୧୦:୩୮; ଲୁକ ୧୪:୨୭ * ୧୭:୨୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫ * ୧୭:୨୭ ମାତି ୨୫:୩୧; ରମି ୨:୭

୨ ଅତେ ଏଝାସି ଏଝାରି ନକିତା ତାନି ଖାଣା ବାଦଲଝି ଆହାନା ତାନି ମୁମ୍ବୁ ଚୁଝଡ଼ାଲେହେଁ ଉଜେଡ଼ି ଇଞ୍ଜା ତାନି ହିମ୍ବୁରି ଉଜେଡ଼ି ଲେହେଁ ଦବଲା ଆଡେ ।

୩ ଇଞ୍ଜା ମେହ୍ବୁ ମସା ଅତେ ଏଲିୟ ଜୀସୁତଲେ କାତା ଆହିମାଗାଣି ମେସ୍ତେରି ।

୪ ଏମ୍ବାଟିଏ ପିତର ଜୀସୁଇଁ ଏଲେଇଚେସି, “ଏ ପ୍ରଭୁ ମାର ଇ ଟାୟୁତା ମାନାୟି ନେହେଁ; ନୀ ମନ ଆତିହୁଁ ନାନୁ ଇମ୍ବାଆଁ ତାନିଗଟା ଗୁଡ଼ାୟାଁ କେପିଇଁ, ନିଜେତାକି ରଣ୍ଡାଆଁ ମସାକି ରଣ୍ଡାଆଁ ଇଞ୍ଜା ଏଲିୟକି ରଣ୍ଡାଆଁ ।”

୫ **ଇ କାତା ୱେସପନିଏ ମେହ୍ବୁ ଇଚାୟି ହାଗୁ ଖାହାନା ଏଝାରାଇଁ ପୁକ୍ତହେ, ଇଞ୍ଜା ଏ ହାଗୁଟି ଇ ହାତା ୱେଜିଚେ, “ଇଝାସି ନା ଜୀସୁଟି ମୀରୁଏସି ଇଝାଣି ତାଟେଣଏ ନା ରାହାଁ ମାନେ, ଇଝାଣି ବଲୁ ୱେଷ୍ଟୁ ।”

୬ ଇ ହାତା ୱେଷ୍ଟାହାଁ ସାସୁୟାଁ ମୁନୁ କୁତିହୁଁ ରାତେରି ଇଞ୍ଜା ହାଟେରକା ଆଜିଚେରି ।

୭ ଏମ୍ବାଟିଏ ଜୀସୁ ଖାହାନା ଏଝାରାଇଁ ତୀଗାନା ଏଲେଇଚେସି, “ନିଜମ୍ବୁ ମୀରୁ ଆଜାଆଦୁ ।”

୮ ଇଞ୍ଜା ଏଝାରି ଲାକ ସିନିକିହାଲିଏ ଜୀସୁ ପିସପେ ଆମ୍ବାଆରାଇଁ ମେହ୍ବୁଆତେରି ।

୯ ଏଝାରି ହରୁ ଲାକଟି ରେଟା ଖାହିମାଗାଟି ଜୀସୁ ଏଝାରାଇଁ ହୁକୁମି ହାହାନା ଏଲେଇଚେସି, “ମାଣସି ମୀରୁଏସି ହାତାରି ତାଣାଟି ନିଜମ୍ବୁଆ ପାତେକା ଇ ମେସାମାନି କାତା ଆମ୍ବାଆରାଇଁ ୱେହ୍ବୁଆତେରି ।”

୧୦ ଏଦାଆଁତାକି ସାସୁୟାଁ ଏଝାଣାଇଁ ୱେଚେରି, “ଆତିହୁଁ ନଚେଏ ଏଲିୟ ଖାନାୟି ମାନେ ଇଞ୍ଜା ମେରାପୁନାରି ଏନାଆଁତାକି ୱେସିମାନେରି ?”

୧୧ ଏଝାସି ଏଲେଇଚେସି, “ଏଲିୟ ଖାହାନା ବାରେ ଅତେ ୱେଶ୍ଟେ ଇଟିନାୟି ସାତା”

୧୨ *ସାମା ନାନୁ ମିଜେ ୱେସିମାଞ୍ଜାଇଁ, “ଏଲିୟ ଖାହା ରାତେସିଏ, ସାମା ଲକୁ ଏଝାଣାଇଁ ପୁନାଆନା ଏନିକିହାଲି ମନ ଏଲେକିଚେରି । ଏଲେକିହୁଁଏ ମାଣସି ମୀରୁଏସି ଜିକେଏ ଏଝାରି କେୟୁତା ବୁକୁ ବେଟାଆହାଲି ହାଜିମାନେସି ।”

୧୩ ଏଟିବେଲା ଏଝାରାଇଁ ବାପିସ୍ତ* ହାନି ଜହନତି କାତା ୱେସିମାନେସି, ଏଟିବେଲା ସାସୁୟାଁ ପୁଚେରି ।

ଜୀସୁ ବୃତୁ ଆଲଗାମାଟି କକାଣାଇଁ ନେହୁଁ କିନାୟି

(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ତାୟୁ ଏଝାରି ଲକୁତାଣା ଖାହାଲିଏ, ରଅସି ଜୀସୁ ତାଣା ଖାହାଁ ମେଣ୍ଡାକୁତାନା ଏଲେଇଚେସି,

୧୫ “ପ୍ରଭୁ ନା କକାଣାଇଁ କାର୍ମା ମେହ୍ବୁ, ଇଚିହୁଁ ଏଝାସି କାଟିଝେନି ନମ୍ବେରି ତାକି ହାଟେରକା କସ୍ତ ଆହିମାନେସି, ଏଝାସି ଏଚର ପାଲି ହିରୁତା ଅତେ ଏୟୁଣାଁ ତରୁଗା ହାଜିମାନେସି ।

୧୬ ନାନୁ ମୀ ସାସୁୟାଁ ତାଣା ଏଝାଣାଇଁ ତାଚାମାଚେସି, ସାମା ଏଝାରି ଏଝାଣାଇଁ ନେହୁଁ କିହାଲି ଆଡ଼ାଆତେରି ।”

୧୭ ଜୀସୁ ଏଲେଇଚେସି, “ଆତେ ନାମାଆଗାଟି ଲାଗେଏ ପଲେଏ କାମା କିନି କୃତାତାତେରି, ଏଚର କାଲା ପାତେକା ନାନୁ ମୀ ତଲେ ଡୟିଇଁ ? ଏଚର କାଲା ମୀ ଲେମ୍ବାନାଣି ଅରୁହିଇଁ ? କକାଣାଇଁ ଇମ୍ବାଆଁ ନା ତାଣା ତାଦୁ ।”

୧୮ ଅତେ ଜୀସୁ ବୃତୁଇଁ ଦାକା ହାହାଲିଏ, ବୃତୁ ଏଝାଣାଇଁ ପିସା ହାତୁସ୍ତେ, ଏ ଦେବୁଣିଏ କକାସି ନେହୁଁ ଆଡେସି ।

୧୯ ଏଚେଟିଏ ସାସୁୟାଁ ମେଣେଏ ଜୀସୁ ତାଣା ଖାହାନା ଏଲେଇଚେରି, “ମାମ୍ବୁ ଏନାଆଁତାକି ଏ ବୃତୁ ପିସପି କିହାଲି ଆଡ଼ାଆତମି ?”

୨୦ *ଏଝାସି ଏଝାରାଇଁ ଏଲେଇଚେସି, “ମୀ ଉଣା ନାମ୍ବୁ ତାକି, ଇଚିହୁଁ ନାନୁ ମିଜେ ସାତା ୱେସିମାଞ୍ଜାଇଁ, ର ହାସୁଁ ପାଟେଡୟି ସମାନା ମୀ ନାମ୍ବୁ ମାଟିହୁଁ, ଇ ହରୁଟି ଇମ୍ବାଟି ଏମ୍ବାଆଁ ଗୁଚାଆଦୁ ଇଚିହୁଁ, ଏଦି ଗୁଚାଆନେ, ଅତେ ଏନାୟି ଜିକେଏ ଆଆଗାଗାୟି ହିଲେଏ ।

୨୧ ସାମା ପ୍ରାଚାନା ଅତେ ଉପାସା ପିସପେ ଅତେ ଏନି ଉପେୟିଟି ଇଲେଟି ବୃତୁ ହଟା ହାଲେଏ ।”

ଜୀସୁ ତାନି ହାନି କାତାଟି ଅତେ ୱେଶ୍ଟେ ୱେହ୍ବୁନାୟି

(ମାର୍କ ୯:୩୦-୩୧; ଲୁକ ୯:୪୩-୪୫)

୨୨ ଅତେ ଏଝାରି ଗାଲିଲିତା ରୁଣ୍ଡା ଆଡ଼ି ବେଲାତା ଜୀସୁ ଏଝାରାଇଁ ୱେସ୍ତେସି, “ମାଣସି ମୀରୁଏସି ମାଣସିୟାଁ କେୟୁତା ହେରପି ଆହାଲି ହାଜିମାନେସି,

* ୧୭:୫ ମାଟି ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨ * ୧୭:୫ ୨ପିତ ୧:୧୭,୧୮ * ୧୭:୧୨ ମାଟି ୧୧:୧୪ * ୧୭:୧୩ ମୁଞ୍ଜିନାୟି * ୧୭:୨୦ ମାଟି ୨୧:୨୧; ମାର୍କ ୧୧:୨୩; ୧କର ୧୩:୨

୨୩ ଇଞ୍ଜା ଏଞ୍ଜାରି ଏଞ୍ଜାଣାକ୍ ପାୟିନେରି; ଅଡ଼େ ତାନି ଦିନାଟିଏ ଏଞ୍ଜାସି ଝେଣ୍ଡେ ନିଜ୍ଜିନେସି ।”
ଏଚେଟିଏ ଏଞ୍ଜାରି ହାଚେରକା ଦୁକୁ ଆଡ଼େରି ।

ମାହାପୁରୁ ଇଲୁତାକି ସିସୁ ହୁନାୟି

୨୪ ଏମାଟିଏ ଏଞ୍ଜାରି କପରନାହୁମତା ଝାହାଲିଏ ମାହାପୁରୁ ଇଲୁତି ସିସୁ ରୁାହନାରି ପିତରକ୍ ଝାହାନା
ଝେଚେରି, “ମୀ ଗୁରୁ ମାହାପୁରୁ ଇଲୁତାକି ସିସୁ ହୁଅସିକି ?”

୨୫ ପିତର ଏଲେଇଚେସି, “ହାଅ ହାନେସି ।”

ଅଡ଼େ ଏଞ୍ଜାସି ଇଜ ଝାହାଲିଏ ଜୀସୁ ନକେଏ ଏଞ୍ଜାଣାକ୍ ଏଲେଇଚେସି, “ସିମନ ନୀ ଅଣ୍ଡୁ ଏନାୟି,
ଦାରୁଡ଼ିତି ରାଜାୟି ଆମ୍ବାଆରି ତାଣାଟି ସିସୁ ରୁାହନେରି, ଏଞ୍ଜାରି ମୀରକା ତାଣାଟି କି ଏଚକା ଦେସାତି ଲକୁ
ତାଣାଟି ?”

୨୬ ଏଞ୍ଜାସି ଏଚକା ଦେସାତି ଲକୁ ତାଣାଟି ଏଲେଇଞ୍ଜାଲିଏ, ଜୀସୁ ଏଞ୍ଜାଣାକ୍ ଏଲେଇଚେସି, “ଆତିହ୍
ମୀରକା ହିୟାଲି ଲଡ଼ାଆଏ ।”

୨୭ ସାମା ମାର ଏନିକ୍ ଏଞ୍ଜାରାକି ବାଦା ହାନାତାୟି ଆଆୟି, ଏଦାଆଁତାକି ସାମଦୁରିତା ହାଜାନା କାଟା
ମେଡ଼ମ୍, ଇଞ୍ଜା ତଲିଏ ଆମିନି ମୀନୁ ଆହ୍, ଏଦାଣି ଆସାନା ତାନି ଗୁତି ଏକ୍‌ହିସାରେ ର ଝେଣ୍ଡେ ଚାକା
ବେଟାଆଡ଼ି; ଏଦାଆଁ ଅହାନା ନାଜେ ଅଡ଼େ ନିଜେତାକି ଏଞ୍ଜାରାକି ହାମ୍ ।

୧୮

ଲାକପୁରୁ ରାଜିତା ଆମ୍ବାଆସି କାଜାସି

(ମାର୍କ ୯:୩୩-୩୭; ଲୁକ ୯:୪୭-୪୮)

୧ *ଏଚିଚେଲା ସାସୁୟା ଜୀସୁ ତାଣା ଝାହାନା ଝେଚେରି, “ଆତିହ୍ ଲାକପୁରୁ ରାଜିତା ଆମ୍ବାଆସି
କାଜାସି ?”

୨ ଏଞ୍ଜାସି ର ଉଣା କକାଣାକ୍ ତାଗେ ହାଟାହାଁ ନିପୁହାନା ଏଲେଇଚେସି,

୩* “ନୀନୁ ମିଜେ ସାତା ଝେସିମାଞ୍ଜାକ୍, ମୀରୁ ଝେଣ୍ଡେ ର ଉଣା କକାଣି ଲେହେଁ ଆଆତିହ୍, ଏନିଜିକେଏ
ଲାକପୁରୁ ରାଜିତା ହଡ଼ାଲି ଆଡ଼ଅଚେରି ।

୪ ଇଦାଆଁତାକି ଆମ୍ବାଆସି ଇ ଉଣା କକାଣି ଲେହେଁ ତାଜେତାକି ଉଣା କିହାକତିନେସି, ଏଞ୍ଜାସି ଲାକପୁରୁ
ରାଜିତା କାଜାସି ।

୫ ଅଡ଼େ ଆମ୍ବାଆସି ଜିକେଏ ନା ଦରୁଟି ଇ ଉଣା କକାଣାକ୍ ଆବିନେସି, ଏଞ୍ଜାସି ନାଜେ ଆବାନେସି ।”

ପାପୁ କିହାଲି ତାୟିପାରି କିନାୟି

(ମାର୍କ ୯:୪୨-୪୮; ଲୁକ ୧୭:୧-୨)

୬ “ସାମା ଆମ୍ବାଆସି ଜିକେଏ ନା ତାଣା ନାମାମାନି ଇ ଉଣାୟା ବିଡ଼ାଟି ରଅଣାକ୍ ତାୟିପାରି କିହାଲି ପାପୁ
କିଞ୍ଜି କିନେସି, ଏଞ୍ଜାଣି ହେଚକିତା ର କାଜା ଜେତାଞ୍ଜାଲି ଦସାନା ସାମଦୁରିତି କୁଡ଼ନି ଏୟୁଣାଁ ମେଡ଼ହ୍
ଏଞ୍ଜାଣାକି ନେହେଁ ଆଡ଼େମା ।

୭ ଆୟଡ଼ା, ଦାରୁଡ଼ିତି ଲାଗେଏ କିନାକି ତଣ୍ଡ ବେଟା ଆନାତେରି; ଲାଗେଏ ଆନାୟି ସାତେଏ ଆନେ,
ଆୟଡ଼ା ଆମିନି ଲକୁ ତାଣାଟି ଲାଗେଏ ଆନେ ଏଞ୍ଜାସି ତଣ୍ଡ ବେଟା ଆନେସି !”

୮* “ମୀ କେୟୁ କି କଡ଼ା ମିଜେ ପାପୁ କିଞ୍ଜିକିୟାନେ, ଇତିହ୍ ଏଦାଆଁ ରାଡ଼ହାନା କୁତାଦୁ, ରୀ କେୟା
ଅଡ଼େ ରୀ କଡ଼ାୟା ଆସାନା କାଲ୍‌କାଲ୍‌ ଡ଼ାଞ୍ଜିମାନି ହିଚୁତା ହଡ଼ନି କିହାଁ କଲ୍‌ ଅଡ଼େ ସଟା ଆହାନା
କାଲେଏତି ଜୀଞ୍ଜୁ ବେଟାଆହାନା ମାହାପୁରୁ ରାଜିତା ହାନାୟି ମିଜେତାକି ନେହେଁ ।

୯* ଅଡ଼େ ମୀ କାନୁ ମିଜେ ଲାଗେଏ କିଞ୍ଜିକିୟାତିହ୍, ଏଦାଆଁ ଡ଼େଞ୍ଜା କୁତାଦୁ; ରୀ କାଣକା ଆସାନା
କାଲେଏ ଡ଼ାଞ୍ଜିମାନି ହିଚୁ ଗାଡ଼ୟୁତା ମେଦିନି କିହାଁ ର କାନୁ ତଲେ କାଲେଏତି ଜୀଞ୍ଜୁ ବେଟାଆହାନା
ମାହାପୁରୁ ରାଜିତା ହାନାୟି ମିଜେତାକି ନେହେଁ ।”

ଜାକ୍ତିତି ମେଣ୍ଡାତି ପୁଣ୍ଡିକିନାୟି

(ଲୁକ ୧୫:୩-୭)

* ୧୮:୧ ଲୁକ ୨୨:୨୪ * ୧୮:୩ ମାର୍କ ୧୦:୧୫; ଲୁକ ୧୮:୧୭ * ୧୮:୮ ମାତୃହୁ ୫:୩୦ * ୧୮:୯ ମାତୃହୁ ୫:୨୯

୧୦ *“ହେଣ୍ଡ ଇ ଉଣା କକାରି ବିଦ୍ରାତି ରଅଣାକ୍ ଜିକେଏ ହାଣି ମେହୁଆପୁ, ଇତିହ୍ ନାନୁ ମିଙ୍ଗେ ସାତା ଝେସିମାଞ୍ଜାକ୍, ଲାକପୁରୁ ମାନି ଏଞ୍ଜାରି ଦୁରୁୟା ବାରେଦିନା ଲାକପୁରୁତି ମା ଆଡାତି ମୁସ୍ ଫେସେ ମାନୁ ।

୧୧ ଇତିହ୍ ଏନାୟି ଜାଙ୍ଗାମାନେ ଏଦାଆଁ ପାରାନା ଗେଲପାଲି ମାଣସି ମୀରୁଏସି ଖାହାମାନେସି ।”

୧୨ “ମୀରୁ ଏନାଆଁ ଅଣ୍ଡିମାଞ୍ଜେରି ? ରଅଣାକି ପାସାକଡ଼ି ମେଣ୍ଡାୟାଁ ମାତିହ୍, ଏଞ୍ଜାସିକା ବିଦ୍ରାତି ରଣ୍ଡି ଜାଙ୍ଗାହାନେ, ଇଞ୍ଜା ରଣ୍ଡି ଉଣା ପାସାକଡ଼ି ମେଣ୍ଡାୟାଁ ହରୁତା ପିସାନା ଏଞ୍ଜାସି ହାଜାନା ଏ ଜାଙ୍ଗାମାନି ମେଣ୍ଡାତି ପାରଅସି ?

୧୩ ଅଡ଼େ ଏଞ୍ଜାସି ଏଦାଆଁ ବେଟା ଆନେସି, ଇଞ୍ଜା ନାନୁ ମିଙ୍ଗେ ସାତା ଝେସିମାଞ୍ଜାକ୍, ଜାଙ୍ଗା ହିଲାଆଗାତି ରଣ୍ଡି ଉଣା ପାସାକଡ଼ି ମେଣ୍ଡାୟାଁ କିହାଁ ଜାଙ୍ଗାମାତି ର ମେଣ୍ଡା ତାକି ହାଡ଼େକା ରାହାଁ କିନେସି ।

୧୪ ଏଲେକିହ୍ ଏ ଇ ଉଣାୟାଁ ବିଦ୍ରାତି ରଣ୍ଡି ଜିକେଏ ନସ୍ ଆଆପେ ଇଞ୍ଜାଁ ମୀ ଲାକପୁରୁତି ଆଡାତି ମନ ।”

ପାପୁ କିତି ର ତାୟି

୧୫ *“ନୀ ତାୟି ପାପୁ କିତିହ୍, ନାନୁ ଏଞ୍ଜାଣାକ୍ ମେଣ୍ଡେଏ ଏଲେକିଆନି ଇଞ୍ଜାଁ ଝେସାନା ତାନି ପାପୁ ତହ୍ମୁ; ଏଞ୍ଜାସି ନୀ କାତା ଆସିହ୍ ନାନୁ ଏଞ୍ଜାଣାକ୍ ନୀ ତାୟିଲେହେଁ ଝେଣ୍ଡେ ବେଟାଆଡ଼ି ।

୧୬ ସାମା ଏଞ୍ଜାସି ନୀ କାତା ଝେନଆତିହ୍, ନୀ ତଲେ ରଅଣାକ୍ କି ରିଆରାକ୍ ଅହିହ୍ ହାଲାମୁ, ଏନିକିହ୍ ରିଆରି କି ତାନି ଜାଣା ସାକିୟାଁ ନକିତା ବାରେ କାତା ତାରି ଆନେ ।

୧୭ ଏଞ୍ଜାସି ଏଞ୍ଜାରି କାତା ଜିକେଏ ଆହୁଆତିହ୍ କୁଲମିତି ଝେହ୍ମୁ, ଅଡ଼େ ଜିକେଏ କୁଲମି କାତା ଝେନଅସି, ଆତିହ୍ ଏଞ୍ଜାସି ମୀ କାନୁତା ଜାହୁଦିଆଆଡାରି କି ସିସ୍ତୁ ରୁୀହନାରି ଲେହେଁ ଆଡ଼ପସି ।”

ଅଦିକାରା ହାନାୟି

୧୮ *“ନାନୁ ମିଙ୍ଗେ ସାତା ଝେସିମାଞ୍ଜାକ୍, ମୀରୁ ଦାରତିତା ଏନାଆଁ ସୁଣ୍ଡିଦେରି, ଲାକପୁରୁ ଜିକେଏ ସୁଣ୍ଡିକିଆନେ, ଅଡ଼େ ଦାରତିତା ଏନାଆଁ ହେଲ ହୀଦେରି, ଲାକପୁରୁ ଜିକେଏ ହେଲ ହୀପକି ଆନେ ।”

୧୯ “ଅଡ଼େ ମିଙ୍ଗେ ସାତା ଝେସିମାଞ୍ଜାକ୍, ଦାରତିତା ମୀ ବିଦ୍ରାତି ରିଆରି ରଣ୍ଡିଏ ମନ ଆହାନା ଏନାଆଁ ଜିକେଏ ରାସିହ୍ ଏଦି ଲାକପୁରୁତି ଆବା ତାଣାଟି ଏଞ୍ଜାରାକି ହୀପକିଆନେ ।

୨୦ ଇତିହ୍ ଏନିୟା ରିଆରି କି ତାନି ଜାଣା ନା ଦରୁତଲେ ରୁଣ୍ଡା ଆନେରି ଏମ୍ପାଆଁ ନାନୁ ଏଞ୍ଜାରିତଲେ ମାକ୍ ।”

କାର୍ମୀ ମେହୁଆ ହଲେଏଣି କାତା ପୁଣ୍ଡିକିନାୟି

୨୧ *ଏରିବେଲ୍ ପିତର ଜୀସୁ ତାଗେ ଖାହାନା ଝେରେସି, “ଏ ପ୍ରୁ ନା ତାୟି ଏଚର ପାଲି ନା କପାଟି ପାପୁ କିତିସାରେ ନାନୁ ଏଞ୍ଜାଣି ପାପୁ ମ୍ପେକ୍କ୍ ?”

୨୨ ସାଡ଼ା ଦେବା ପାତେକା କି ? ଜୀସୁ ଏଞ୍ଜାଣାକ୍ ଏଲେଇଚେସି, ଖାର୍ଜ ସାଡ଼ା ଦେବା ପାତେକା ଆଏ, ସାଡ଼ା ଗୁଣ୍ଡି ତାନିକଡ଼ି ଦସ ଦେବା ପାତେକା ମ୍ପେକ୍ନାୟି ମାନେ ।

୨୩ ଇତିହ୍ ଲାକପୁରୁ ରାକି ତାନି ହଲିୟାଙ୍ଗା ତଲେ ରୀଣା ଲେକା କିନି ର ରାଜା ଲେହେଁତାୟି ।

୨୪ ଏଞ୍ଜାସି ଲେକା କିହାଲି ମାଟ୍ହାଲିଏ, ତାନି ଗାରହା ଦସ ମାଣା ଟାକାୟାଁ ରୀଣା ଆହାମାନି ର ହଲେଏଣାକ୍ ଏଞ୍ଜାଣାକ୍ ତାଣା ତାତେରି ।

୨୫ ସାମା ଏ ବାରେ ଡିକହାଲି ଏଞ୍ଜାଣି ତାଣା ଏନାୟି ହିଲାଆତାକି ଏ ସାଞ୍ଜୁକାରି ଏଞ୍ଜାଣାକ୍ ଅଡ଼େ ତାନି ତକ୍ତିନି ଇଞ୍ଜାଁ ତାନି କକାରି ପଦାଁଣି ଇଞ୍ଜାଁ ତାନି ଇଲୁତି ଆସି ପାର୍ଚାନା ରୀଣା ଡିକହାଲି ହୁକୁମି ହୀଡେସି ।

୨୬ ଏଚେଟିଏ ଏ ହଲେଏସି ମେଣ୍ଡାକୁତାନା ଜହରା କିହାନା ଏଲେଇଚେସି, ନୀନୁ କାର୍ମୀମେସାନା କାଡ଼ାମୁ, ନାନୁ ନିଙ୍ଗେ ବାରେ ଡିକହା ତୁସାକ୍ ।

୨୭ ଏଚେଟିଏ ସାଞ୍ଜୁକାରି ଏ ହଲେଏଣାକ୍ କାର୍ମୀମେସାନା ତାନି ରୀଣା ପିସ୍ପି କିଞ୍ଜିଆଡ଼େ ଇଞ୍ଜାଁ ତାନି ରୀଣା ମେଣ୍ଡାହାଡ଼େ ।

୨୮ ସାମା ଏ ହଲେଏସି ଏମ୍ପାଟି ପାଙ୍ଗାତା ହାଜାନା ତାନିତାଣାଟି ରୀ କଡ଼ି ଦସଟାକା ରୀଣା ଅହାମାନି ତାନି ତଲେତି ର ହଲେଏଣାକ୍ ମେସାନା ଏଞ୍ଜାଣି ହେରକିତା ଆସାନା ଏଲେଇଚେସି, ନୀନୁ ଅହାମାନି ରୀଣା ଡିକହା ତୁସାମୁ ।

୨୯ ଏଚେଟିଏ ତାନି ତଲେତି ହଲେଏସି ମେଣ୍ଡାକୁତାନା ଜହରା କିହ୍ ଏଲେଇଚେସି, ନୀନୁ ନାଙ୍ଗେ କାର୍ମୀମେସାନା କାଡ଼ାମୁ ନାନୁ ନିଙ୍ଗେ ବାରେ ଡିକହାକ୍

* ୧୮:୧୦ ଲୁକ ୧୯:୧୦ * ୧୮:୧୫ ଲୁକ ୧୭:୩ * ୧୮:୧୮ ମାତି ୧୭:୧୯; ଜହ ୨୦:୨୩ * ୧୮:୨୧ ଲୁକ ୧୭:୩,୪

୩୦ ସାମା ଏଝାସି ରାଜି ଆଥାତେସି, ଇଞ୍ଜା ରାଣା ଡିକ୍‌ଆ ପାତେକା ଏଝାଣାଇଁ କାୟିଦି ଇଲୁତା ସୁଣିତେସି ।

୩୧ ଇଞ୍ଜା ତାନି ତଲେତି ହଲିୟାଙ୍ଗା ଏଦାଆଁ ମେସାନା ହାରେକା ଦୁକୁ କିତେରି ଅଡ଼େ ହାଜାନା ସାସୁକାରିଇଁ ବାରେ କାତା ଝେସ୍ତେରି ।

୩୨ ଏମ୍ବାଟିଏ ସାସୁକାରି ଏଝାଣାଇଁ ତାଗେ ହାଡାନା ଏଲେଇଚେସି, ଆଡ଼େ କାମାତା ଝାଆଗାଟି ହଲେଏଣାତି ନୀନୁ ନାଙ୍ଗେ ବାତିମାଲାଇଲିଏ ନାନୁ ନୀ ବାରେ ରାଣା ପିସ୍ତାତେସି;

୩୩ ନାନୁ ଏନିକି ନିଙ୍ଗେ କାମା ଆୟାତେସି, ଏଲେକିହିଁଏ ନୀନୁ ଜିକେଏ ନୀ ତଲେତି ହଲେଏଣାଇଁ କାମାମେହନାୟି ମାଚେ ।

୩୪ ଅଡ଼େ ତାନି ପ୍ରବୁ ହାରେକା କପା ଆହାନା ବାରେ ରାଣା ଡିକ୍‌ଆ ପାତେକା ଏ ହଲେଏଣାଇଁ କସ୍ତ ହାନି ଲକୁ କେୟୁତା ହେରପିତେସି ।

୩୫ ମୀରୁ ବାରେତେରି ମୀ ବାରେ ହିୟାଟି ମୀ ତାୟିଇଁ ତାନି ପାପୁ ମେକ୍‌ଆତିହିଁ ଲାକପୁରୁତି ମୀ ଆଡ଼ା ଜିକେଏ ମିଙ୍ଗେ ଏଲେ କିୟାନେସି ।

୧୯

ଜୀସୁ ତକ୍ତିନି ପିହନାଣି ଜାପ୍‌ନାୟି

(ମାର୍ଚ୍ଚ ୧୦:୧-୧୨)

୧ ଜୀସୁ ଇ ବାରେ କାତା ଝେସାଲି ରାପୁହି ତାୟୁ ଗାଲିଲି ରାଜି ପିସାନା ଜର୍ଦନ କାତା ଆତାଲାତି ଜୀହୁଦା ରାଜିତି ହାନ୍ଦିତା ଏତେସି ।

୨ ଇଞ୍ଜା ହାରେକା ଲକୁ ତାନି ଜେତ ହାଚେରି, ଅଡ଼େ ଏଝାସି ଏମ୍ବାଆଁ ଏଝାରି ରଗ୍‌ଗି ନେହିଁ କିତେସି ।

୩ ଏମ୍ବାଟିଏ ପାରୁସିୟାଁ ଏଝାଣି ତାଣା ଝାହାନା ଏଝାଣାଇଁ ତାୟିପାରିକିହିଁ ଝେଚେରି, “ରଥସି ଜାହାରା ତକ୍ତିନି ଏନି କାତାତାକି ଜିକେଏ ପିସାଲି ମେରା ମାନେକି ?”

୪ ଜୀସୁ ଏଲେଇଚେସି, “ମୀରୁ ପଡ଼ୁଝି ଆହାହିଲଅଚେରି ? ଗାଡ଼ି କିନାସି ନଟକଏଟିଏ ଏଝାରାଇଁ ଇୟା ଅଡ଼େ ଆଡ଼ା କିହିଁ ଗାଡ଼ିକିତେସି,

୫ ଅଡ଼େ ଏଦାଆଁତାକି ତକ୍ତା ତାଲି ତାଞ୍ଜଇଁ ପିସାନା ତାନି ତକ୍ତି ତଲେ ଆଣିନେସି, ଅଡ଼େ ଏଝାରି ରଣିଏ ଆଙ୍ଗା ଆନେରି,

୬ ଏଦାଆଁତାକି ଏଝାରି ରିଆରି ଆଏ, ସାମା ରଣିଏ ଆଙ୍ଗା ଆନେରି । ଇଞ୍ଜା ମାହାପୁରୁ ଏଦାଆଁ ଆଣୁଝି କିହାମାନେସି, ମାଣସି ଏଦାଆଁ ଏଟକା କିଆପେସି ।”

୭ “ପାରୁସିୟାଁ ଏଝାଣାଇଁ ଝେଚେରି, “ଆତିହିଁ ମସା ଏଦାଆଁତାକି ପିହନି ଆକୁ ରାଡାନା ତକ୍ତିନି ପିସାଲି ହେଲ ହାହାମାନେସି ?”

୮ ଜୀସୁ ଏଝାରାଇଁ ଏଲେଇଚେସି, “ଇତିହିଁ ମୀ ଆଟୁଝା ହିୟାତି ମେସାନା ମସା ମିଙ୍ଗେ ମୀ ତକ୍ତିସିକାଣି ପିସାଲି ହେଲ ହିୟାତେସି, ସାମା ଗାଡ଼ିକିତି ଦିନାଟିଏ ଏଲେକିହିଁ ହିଲଆତେ ।

୯ “ସାମା ନାନୁ ମିଙ୍ଗେ ଝେସିମାଞ୍ଜାଇଁ, ଆମ୍ବାଆସି ତାନି ତକ୍ତିନି ଦାରି ଦହ ହିଲଆନା ଏନି କାତାତାକି ପିସାନା ଅରୁ ତକ୍ତିନି ତାଡ଼ିହିଁ, ଏଝାସି ଦାରିକାମା କିନେସି ।”

୧୦ ସାମୁୟାଁ ଏଝାଣାଇଁ ଏଲେଇଚେରି, “ତକ୍ତିନି ତଲେ ମାଣସିକି ଇଲେତାୟି ମାଚିହିଁ, ଏଝାସି ବାହା ଆଆତିହିଁ ନେହେଁ ଆଟଡମା ।”

୧୧ ଜୀସୁ ଏଝାରାଇଁ ଏଲେଇଚେସି, “ବାରେଜାଣା ଇ କାତାତି ଆସାଲି ଆଡ଼ଅରି, ଇତିହିଁ ଆମ୍ବାଆରାକି ମାହାପୁରୁ ବାଡ଼ୁୟୁ ହାହାମାନେସି, ଝାଡ଼ଇ ଏଝାରିଦେହେଁ ଆସାଲି ଆଡ଼ିନେରି ।

୧୨ ଇତିହିଁ ଆମ୍ବା ଆମ୍ବାଆରି ଇୟାନି ବାଣିଟିଏ ବାହା ଆହାଲି ଆଡ଼ାଆରେଟୁ ଜାର୍ନା ଆହାମାନେରି; ଇଞ୍ଜା ଆମ୍ବା ଆମ୍ବାଆରି ଲକୁ ତାଣାଟି ଏଲେକିଝି ଆହାମାନେରି, ଅଡ଼େ ଆମ୍ବା ଆମ୍ବାଆରି ଲାକପୁରୁ ରାଜିତାକି ତାମ୍ବୁ ତ୍ରାମ୍ବୁ ଏଲେ ଆହାମାନେରି, ଆମ୍ବାଆସି ଏ କାତାତି ଆସାଲି ଆଡ଼ିନାସି ଆସପାସି ।”

ଜୀସୁ କକାରି ପଦାଁକି ବର ହାନାୟି

(ମାର୍ଚ୍ଚ ୧୦:୧୩-୧୬; ଲୁକ ୧୮:୧୫-୧୭)

୧୩ ଏରିବେଲା ଜୀସୁ କକାରି ପଦାୟାଁ ମୁହେଁ କେୟୁ ଇଟାନା ପ୍ରାଡାନା କିନେସି, ଏଦାଆଁତାକି ଲକୁ ଏଝାରାଇଁ ତାନି ତାଣା ତାଚେରି, ସାମା ସାମୁୟାଁ ତାଟିମାଟି ଲକୁଣି ଦାକା ହାଚେରି ।

୧୪ ସାମା ଜୀସୁ ଏଲେଇରେସି, “କକାରି ପଦ୍ମାଣି ନା, ତାଣା ଖାହାଲି ହୀବୁ, ଏଝାରାଇଁ ଆଂଗାଆଦୁ, ଏନାଆଁତାକି ଇଚିହ୍ମ ଲାକପୁରୁ ରାଜି ଏଲେତାରିଝାୟି ।”

୧୫ ଅଡେଡ଼ ଏଝାସି ଏଝାରି ଲାକ କେୟୁ ଇଗାନା ଏମ୍ବାଟି ହାରେସି ।

ର ଦନଗାଟି ଦାଂଗଣେସସି

(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ଅଡେଡ଼ ମେହ୍ଦୁ ରଅସି ଜୀସୁ ତାଣା ଖାହାନା ଖେରେସି, “ଏ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଆନିନି ନେହ୍ମ କାମା କିଇଁ ?”

୧୭ ଜୀସୁ ଏଝାଣାଇଁ ଏଲେଇରେସି, “ନେହାୟି ଇନି କାତାତି ନାଜେ ଏନାଆଁତାକି ଖେଞ୍ଜିମାଞ୍ଜାତି ? ଖାଉଇ ରଅସିଏ ନେହ୍ମାସି; ସାମା ନାନୁ ଜୀସୁ ବେଟାଆହାଲି ମନ କିଚିହ୍ମ, ବାରେ ହୁକୁମି ମାନଝି ଆମ୍ବୁ ।”

୧୮ ଏଝାସି ଜୀସୁଇଁ ଏଲେଇରେସି, “ଏନିଲେହେଁତି ହୁକୁମି ?”

ଜୀସୁ ଏଲେଇରେସି, “ଲକୁଣି ପାୟାଆନି, ଦାରିକାମା କିଆନି, ସରୁ କିଆନି, ମିଟି ସାକି ହୀଆନି,

୧୯ ତାଲି ତାଞ୍ଜି କାତା ଆହ୍ମ୍ବୁ, ନୀ ପାଡ଼ିତି ଲକୁଣି ନୀ ଜୀସୁ ଲେହେଁ ଜୀସୁ ନମ୍ବୁ ।”

୨୦ ଏ ଦାଂଗଣେସସି ଜୀସୁଇଁ ଏଲେଇରେସି, “ନାନୁ ଇ ବାରେ ମାନଝି ଆହାମାଇଁ, ନାଜେ ଅଡେଡ଼ ଏନଝା ଡ଼ଣା ମାନେ ?”

୨୧ ଜୀସୁ ଏଝାଣାଇଁ ଏଲେଇରେସି, “ନାନୁ ନେହ୍ମାଟି ଆହାଲି ମନ କିଚିହ୍ମ, ହାଜାନାହ୍ମା ନୀ ବାରେ ଦନ ପାବରାନାହ୍ମା ହିଲାଆ ଗାଗାରାକି ଦାନା ହାମ୍ବୁ, ଇଞ୍ଜା ନା ଜେଟ ଖାମ୍ବୁ, ଏରେଟିଏ ଲାକପୁରୁ ନାନୁ ଦନ ବେଟାଆଡ଼ି ।”

୨୨ ଇ କାତା ଖେଞ୍ଜାନା ଦାଂଗଣେସସି ଦୁକୁ ଆହାନା ହାରେସି, ଇଚିହ୍ମ ଏଝାଣାକି ହାରେକା ଦନ ମାରେ ।

୨୩ ଏରେଟିଏ ଜୀସୁ ତାନି ସୀସୁୟାଁଇଁ ଏଲେଇରେସି, “ନାନୁ ମିଜେ ସାତା ଖେସିମାଞ୍ଜାଇଁ, ଦନ ଗାଗାରି ଲାକପୁରୁ ରାଜିତା ହଡ଼ାଲି ହାରେକା କସ୍ତୁ ଆନେ ।

୨୪ ଅଡେଡ଼ ଖେଣ୍ଡେ ନାନୁ ମିଜେ ଖେସିମାଞ୍ଜାଇଁ, ମାହାପୁରୁତି ରାଜିତା ଦନଗାଗାରି ହାନି କିହ୍ମା ଡ଼ରୁ ସୁଜା କାଣିଟି ହଡ଼ା ହାନାୟି ଡ଼ସାସା ଆନେ ।”

୨୫ ସୀସୁୟାଁ ଇ କାତା ଖେଞ୍ଜାନା କାବାଆହାନା ଏଲେଇରେସି, “ଆତିହ୍ମ ଆମ୍ବାଆସି ଗେଲ୍‌ସି ଆହାଲି ଆଡ଼ିନେସି ?”

୨୬ ଜୀସୁ ଏଝାରାଇଁ ସିନିକିହାନା ଏଲେଇରେସି, “ଇଦି ମାଣ୍ଡିତାକି ଆଆଗାଗାୟି, ସାମା ମାହାପୁରୁ ତାକି ବାରେ ଆନେ ।”

୨୭ ଏରେଟିଏ ପିତର ଏଲେଇରେସି, “ମେହ୍ମ୍ବୁ ମାମ୍ବୁ ବାରେ ପିସାନା ନୀ ଜେଟ ଖାହାମାନମି; ଆତିହ୍ମ ମାମ୍ବୁ ଧୁନାଆଁ ବେଟାଆନମି ?”

୨୮ ଜୀସୁ ଏଝାରାଇଁ ଏଲେଇରେସି, ନାନୁ ମିଜେ ସାତା ଖେସିମାଞ୍ଜାଇଁ, ପୁଃନି ଜୁବୁ ଆନାଟି ଏରେତା ମାଣ୍ଡିସି ମୀରୁଏସି ତାନି ଗାଝୁରମିତି କାଜାପାଣା ତଲେ ସିଂଗାସାଣିତା କୁଗିନି ଦିନା ନା ଜେଟ ଖାହାମାନାତେରି ମୀରୁ, ମୀରୁ ଜିକେଏ ବାର ଗଟା ସିଂଗାସାଣିତା କୁଗାନା, ଇସାୟେଲତି ବାର କୁଡ଼ାତି ସାଲଝି କିଦେରି ।

୨୯ ଇଞ୍ଜା ଆମ୍ବାଆସି ନା ଦରୁ ତାକି ଇଲୁ କାଣ୍ଡା, କି ତାୟି ତାଜିସ୍ତା, ତାଲି ତାଞ୍ଜି, କକାରି ପଦାୟା, ଇଞ୍ଜା ବୁମି ବାଡ଼ା ପିସାମାନେସି, ଏଝାସି ଏ ବାରେକିହ୍ମା ହାରେକା ଗାତି ବେଟା ଆନେସି, ଇଞ୍ଜା କାଲାକାଲାତି ଜୀସୁଟି ବେଟା ଆନେସି ।

୩୦ ସାମା ନକିତା ମାନି ହାରେକା ଲକୁ ତାୟୁ ଆନେରି, ଇଞ୍ଜା ତାୟୁତା ମାନି ହାରେକା ଲକୁ ନକିତା ଆନେରି ।

୨୦

ଅଲୁରି ବାଡ଼ାତା କାମାକିନାରି

୧ ଇଚିହ୍ମ ଲାକପୁରୁ ରାଜି ଇଲେତି ର ସାଝୁକାରି ଲେହେଁତାୟି, ଲାଲ ଖେୟାଲିଏ ତାନି ଅଲୁରି ବାଡ଼ାତା କୂଲି କାମା କିଝିକିହାଲି ହାରେସି ।

☆ ୧୯:୨୮ ମାତୃ ୨୫:୩୧; ଲୁକ ୨୨:୩୦ ☆ ୧୯:୩୦ ମାତୃ ୨୦:୧୨; ଲୁକ ୧୩:୩୦

୨ ଅଡ଼େ ଏଝାସି କୁଲି ଗାଟାରାଇଁ ଦିନାତାକି ର ଝେଣ୍ଡି ଟାକା ହିୟାଇଁ ଇଞ୍ଜି ଏଝାରାଇଁ ତାନି ଅଢୁରି ବାଡ଼ାତା ପାଣ୍ଡିତେସି ।

୩ ଅଡ଼େ ନ ଗଂଟା ବେଲାତା ଏଝାସି ପାଞ୍ଜାତା ହାଜାନା ଏଟକାତାରି କାମା ପୁଃଆନା ନିଚାମାଚାଣି ମେସାନା ଏଝାରାଇଁ ଜିକେଏ ଏଲେଇଚେସି,

୪ ମୀରୁ ଜିକେଏ ଅଢୁରି ବାଡ଼ାତା ହାଜାନା କାମା କିଦୁ, ଇଞ୍ଜା ଏନିକି ତୀରି ଆହାମାନେ, ଏଲେକିହିଁ ମିଙ୍ଗେ ହିୟାଇଁ: ଇଞ୍ଜା ଏଝାରି ହାଚେରି ।

୫ ଅଡ଼େ ମାଦେନା ବାର ଗଂଟା ଇଞ୍ଜା ତାନି ଗଂଟା ବେଲାତା ପାଞ୍ଜାତା ହାଜାନା ଏଲେକିତେସି ।

୬ ଇଞ୍ଜା ମିଡ଼ଅଲ୍ଲା ପାସା ଗଂଟା ବେଲାତା ପାଞ୍ଜାତା ହାଜାନା ଏଚରଜାଣା ନିଚାମାଚାଣି ମେସାନା ଝେଚେସି, ମୀରୁ ଏନାଆଁତାକି ମାଦେନା ଝେଡ଼ାତୁମ୍ବେ କାମା କିଆନା ଉଜେଏ ନିଚାମାଞ୍ଜେରି ?

୭ ଏଝାରି ଏଝାଣାଇଁ ଏଲେଇଚେରି, ଆମ୍ବାଆରି ମାଙ୍ଗେ କାମା ହେରପା ମାଞ୍ଜଅରି । ଏଝାସି ଏଝାରାଇଁ ଏଲେଇଚେସି ମୀରୁ ଜିକେଏ ଅଢୁରି ବାଡ଼ାତା ହାଜୁ ।

୮ ତାୟୁ ମିଡ଼ଅଲ୍ଲା ଆହାଲିଏ, ଅଢୁରି ବାଡ଼ାତି ସାଝୁକାରି ତାନି ଗୁମ୍ବୁୟାଇଁ ଏଲେଇଚେସି, କୁଲି ଗାଟାରାଇଁ ହାଟାନା ତାୟୁ ଝାଡ଼ି ଲକୁ ତାଣାଟିଏ ମାଟ୍‌ହାନା ନକିତା ଝାଡ଼ି ଲକୁ ପାତେକା କୁଲି ହାମ୍ବୁ ।

୯ ଏଚେଟିଏ ଆମିନି ଗାଟାରି ପାସା ଗଂଟା ବେଲାତା କାମାତା ପାଣ୍ଡି ଆହାମାଚେରି, ଏଝାରି ଝାହାନା ର ଝେଣ୍ଡି ଟାକା ଲାକା ବେଟାଆଚେରି ।

୧୦ ଇଞ୍ଜା ନକେଏ କାମାତା ପାଣ୍ଡି ଆହାମାନାରି ଝାହାନା ଗାଡ଼ି ବେଟାଆନେରି ଇଞ୍ଜି ଅଣ୍ଡିଚେରି; ସାମା ଏଝାରି ଜିକେଏ ଏ ର ଝେଣ୍ଡି ଟାକା ଲାକା ବେଟାଆଚେରି ।

୧୧ ସାମା ଏଲେକିହିଁ ବେଟାଆହାନା ଏଝାରି ସାଝୁକାରିକି କପା ଆହାନା ଲାଗିତେରି ।

୧୨ ଇ ତାୟୁତି ଲକୁ ଝାରଇ ର ଗଂଟା କାମା କିତେରି, ଇଞ୍ଜା ମାୟୁ ଝେଡ଼ା ତୁମ୍ବେ ଝାହୁ ଆହୁଁ କାରା ଝେହୁଁ କାମା କିତିହିଁ ଜିକେଏ ନୀନୁ ଏଝାରାକି ମା ସମାନା କିତି ।

୧୩ ଏଝାରି ବିତ୍ରାଟି ରଅଣାଇଁ ସାଝୁକାରି ଏଲେଇଚେସି ଏ ତଣେ, ଝେନାମୁ, ନାନୁ ନିଙ୍ଗେ ନାଡ଼ି କିହିମାଞ୍ଜିଅଁ; ନୀନୁ ନା ତଲେ ର ଝେଣ୍ଡି ଟାକା ତାକି ରାକି ଆହାହିଲ୍ଲାଆତି କି ?

୧୪ ନୀନୁ ଏଚେକା ପାଣ୍ଡିନାୟି ମାନେ ଏଚେକା ଆସାନା ହାଜାତୁହମ୍ବୁ, ସାମା ଇ ତାୟୁତି ଲକୁ ଜିକେଏ ନୀ ଲେହେକି ହିୟାଲି ନା ମନ ।

୧୫ ନା ଦନଡ଼ି ନା ମନ ଲେହେଁ ଲେୟାଲି ନା ଅଦିକାରା ହିଲେଏ କି ? ନାନୁ କାର୍ମାମେସାନା ହିୟାଲିଏ ନୀନୁ ଏନାଆଁତାକି ତାହାରା ଆହିମାଞ୍ଜାଦି ।

୧୬ ଏଲେକିହିଁ ଏ ତାୟୁ ମାନି ଲକୁ ନକିତା ଆନେରି, ଇଞ୍ଜା ନକିତା ମାନି ଲକୁ ତାୟୁ ଆନେରି ।

ତାନି ହାକିତି କାତା ଜୀସୁ ତାନି ପାଲି ଝେହ୍‌ନାୟି
(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଜୀସୁ ଜିରୁସାଲମତା ହାଜିମାଚାଟି ବାରଜାଣାତି ସାୟୁୟାଇଁ ଏଟକା କିହାନା, ଜିରୁତା ଏଝାରାଇଁ ଏଲେଇଚେସି,

୧୮ ମେହଦୁ ମାର ଜିରୁସାଲମତା ହାଜିମାନାୟି, ମାଣସି ମୀରଏସି କାଜା ପୂଜେରାଞ୍ଜା ଅଡ଼େ ମେରାପୁନାରି କେୟୁତା ହେରପିଆନେସି,

୧୯ ଅଡ଼େ ଏଝାରି ଏଝାଣାଇଁ ହାନ୍ତି ତଣ୍ଡ ହୀହାନା ଏଟକା କୃତାତାରି କେୟୁତା ହେରପିନେରି, ଏଚେଟିଏ ଏଝାରି ଏଝାଣାଇଁ କିଜଝି କିନେରି, ସାଟ୍‌ଟି ତ୍ପରିତଲେ ଝେନେରି, ଅଡ଼େ ପାସି ମୁଣ୍ଡାତା ଏକ୍‌ହାନା ପାୟିନେରି, ଇଞ୍ଜା ତାନି ଦିନାଟିଏ ହାକିତି ଝେଣ୍ଡେ ନିଙ୍ଗିନେସି ।

ର ଇୟାନି ବାତିମାଲିନାୟି
(ମାର୍କ ୧୦:୩୫-୪୫)

୨୦ ଏଚିବେଲା ଜେବଦି ତକ୍ତି ତାନି ରୀ ମୀରକା ତଲେ ଜୀସୁ ତାଣା ଝାହାନା ଜହରା କିହାନା ଏଝାଣି ତାଣା ବାତିମାଲିହିଁ ଏଲେଇଚେ ।

୨୧ ଏଚେଟିଏ ଜୀସୁ ଏଦାନି ଝେଚେସି, “ନୀନୁ ଏନାଆଁ ମନ କିହିମାଞ୍ଜି ?”

ଏଦି ଏଲେଇଚେ, “ନୀ ରାଜିତା ନା ରୀ ମୀରକା ବିତ୍ରାଟି ରଅସି ନୀ ଚିଃନିଝାକି ଅଡ଼େ ରଅସି ନୀ ଚେଟ୍‌ଝାକି କୁରିନେରି ଇଞ୍ଜା ହୁକୁମି ହାମ୍ବୁ ।”

* ୨୦:୧୭ ମାଟି ୧୯:୩୦; ମାର୍କ ୧୦:୩୧; ଲୁକ ୧୩:୩୦

୨୨ ଯାମା ଜୀୟୁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏନାଆଁ ପୁଞ୍ଜିହିଲଅତେରି । ନାନୁ ଆମିନି ସଲ୍ଲତା ଗସାଲି ହାଜିମାଜ୍, ଏନାଆଁ ମୀରୁ ଗସାଲି ଆଡ଼ିଦେରି ?”

ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଆଡ଼ିନମି ।”

୨୩ ଜୀୟୁ ଏଞ୍ଜାଣାଇଁ ଏଲେଇଚେସି, “ମୀରୁ ନା ସଲ୍ଲତା ଗହ୍‌ଦେରି ସାତା, ଯାମା ନା ଟିଝନି କି ଚେବୁଞ୍ଜାକି କୁଗାଲି ହାନି ନା ଅଦିକାରାତି କାତା ଆଏ, ଇଚିହିଁ ଆମିନି ଗାଗରାକି ନା ଆଡ଼ା ତାଣାଟି ଚୀରୁ କିଞ୍ଜିଆହାମାନେ ଏଞ୍ଜାରି କୁଗିନେରି ।”

୨୪ ଏଚକାତି ଦସ ଜାଣା ଈ କାତା ଖେଞ୍ଜାନା ଏ ତାୟି ରିଆରାଇଁ କପା ଆଚେତି ।

୨୫ ଯାମା ଜୀୟୁ ଏଞ୍ଜାଣାଇଁ ତାଗେ ହାଟାନା ଏଲେଇଚେସି, “ଏଚକା କୁଡ଼ାତାରି ସାଲ୍‌ଖି କିନାରି କାଜା ବାଡ଼ୁହୁ ତଲେ ତାମି କାଜାପାଣା ତହୁନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି ।

୨୬ ମୀ ବିତ୍ରା ଏଲେକିହିଁ ଆଏ, ଯାମା ମୀ ବିତ୍ରା ଆମ୍ବାଆସି କାଜାସି ଆହାଲି ଅଣ୍‌ପିନେସି, ଏଞ୍ଜାସି ମୀ ସେବା କିନାସି ଆଚେସି;

୨୭ ଅଡେ ଆମ୍ବାଆସି କାଜାପାଣା ବେଟାଆହାଲି ମନ କିନାସି ଏଞ୍ଜାସି ମୀ ହଲେଏସି ଆଚେସି,

୨୮ ଏନିକିଁ ମାଣସି ମୀରୁଏସି ଜିକେଏ ସେବା ବେଟାଆହାଲି ଖାହାହିଲଅସି, ଯାମା ସେବା କିହାଲି ଅଡେ ହାଚେରକା ଲକୁଣି ଗେଲ୍‌ପାଲି ଜୀୟୁ ହାହାଲି ଖାହାମାନେସି ।”

ରୀ କାଣାୟିଣି ମେସାଲି ହୀନାୟି
(ମାର୍କ ୧୦:୪୭-୫୨; ଲୁକ ୧୮:୩୫-୪୩)

୨୯ ଜୀୟୁ ଅଡେ ତାନି ସୀୟୁୟି ଜିରିହଚି ହାଜିମାଗାଟି ହାଚେରକା ମାୟା ଲକୁ ତାନି ଜେତ ହାଚେରି ।

୩୦ ଅଡେ ଜିରୁ ଦାରିତା ରିଆରି କାଣାୟି ଜୀୟୁ ଏ ଜିରୁଟି ହାଜିମାନେସି ଇଞ୍ଜିଁ ଖେଞ୍ଜାନା, କାଜା ଗିୟିତଲେ ଏଲେଇଚେରି, “ଏ ପ୍ରବୁ ଦାଧୁଦ ମୀରୁଏଶାତି ! ମାଜେ କାର୍ମା ମେସ୍ତାମୁ !”

୩୧ ଯାମା ଲକୁ ଏଞ୍ଜାଣାଇଁ ପାଲେଏ ଆହାଲି ଦାକା ହାଚେରି, ଯାମା ଏଞ୍ଜାରି ଅଡେ କାଜା ଗିୟିତଲେ ଏଲେଇଚେରି, “ଏ ପ୍ରବୁ ଦାଧୁଦ ମୀରୁଏଶାତି ! ମାଜେ କାର୍ମା ମେସ୍ତାମୁ !”

୩୨ ଏମ୍ବାଟିଏ ଜୀୟୁ ନିତାନା ଏଞ୍ଜାଣାଇଁ ହାଟାନା ଖେଚେସି, “ନାନୁ ମିଜେତାକି ଏନାଆଁ କିଇଁ ଇଞ୍ଜିଁ ମୀରୁ ଅଣ୍‌ପିମାଞ୍ଜେରି ?”

୩୩ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଏ ପ୍ରବୁ ଏନିକିଁ ମା କାଣକା ଦେସି ଆନୁ ।”

୩୪ ଅଡେ ଜୀୟୁ କାର୍ମା ଆହାନା ଏଞ୍ଜାରି କାଣକା ତାଗିଚେସି, ଇଞ୍ଜା ଏ ଦେବୁଣିଏ ଏଞ୍ଜାରି ମେସ୍ତେରି ଇଞ୍ଜାଁ ଏଞ୍ଜାଣି ଜେତ ହାଚେରି ।

୨୧

ଜିରୁସାଲମତା ଜୀୟୁ ରାହାଟି ହଡ଼ନାୟି
(ମାର୍କ ୧୧:୧-୧୧; ଲୁକ ୧୯:୨୮-୪୦)

୧ ଏଚିବେଲ୍ଲା ଜୀୟୁ ଅଡେ ତାନି ସୀୟୁୟି ଜିରୁସାଲମ ତାଗେ ଆହାନା ଜୀତ ଇନି ହରୁ ଦାରିତି ବେଡ଼ପାରି ଏଜାଲିଏ ଏଚିବେଲ୍ଲା ଜୀୟୁ ତାନି ରୀ ସୀୟୁୟିଣି ଏଲେଇଞ୍ଜା ପାଣ୍ଡିଚେସି ।

୨ “ମୀରୁ ନକିତା ମାନି ନାୟିତା ହାଜୁ, ଇଞ୍ଜାଁ ହାଲ୍‌ଖନିଏ ଦସାମାନି ର ଗାଡ଼ଦେ ଇଞ୍ଜାଁ ତାଲୁ ମେହ୍‌ଦେରି; ଏଞ୍ଜାଆଁ ହୁକହାନା ନା ତାଣା ତାଦୁ ।

୩ ଅଡେ ଆମ୍ବାଆରି ଏନାଆଁ ଇଞ୍ଜାତିହିଁ, ଖେହ୍‌ଦୁ, ଇଞ୍ଜାସିକା ତାଣା ମା ପ୍ରବୁକି ଲଡ଼ାମାନେ, ଏ ଦେବୁଣିଏ ଏଞ୍ଜାସିକାଣି ପାଣ୍ଡାନେସି ।”

୪ ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି କାତା ଏନିକିଁ ସାତା ଆନେ, ଏନାଆଁତାକି ଇ ବାରେ ଆଚେ;

୫ “ସିୟନତି ଗାଡ଼ାଇଁ ଖେହ୍‌ଦୁ ମେହ୍‌ମୁ ନୀ ରାଜା ନୀ ତାଣା ଖାହିମାନେସି !

ଏଞ୍ଜାସି ସୁଦୁଗାଟାସି ଇଞ୍ଜାଁ ଗାଡ଼ଦେ ଲାକ କୁଗାମାନେସି ଇଚିହିଁ ଗାଡ଼ଦେ ତାଲୁ ଲାକ କୁଗାମାନେସି ।”

୬ ଏମ୍ବାଟିଏ ସୀୟୁୟି ହାଜାନା ଜୀୟୁ ଖେସ୍ତିଲେହେଁ କାମା କିଚେରି,

* ୨୦:୨୫ ଲୁକ ୨୨:୨୫,୨୬ * ୨୦:୨୭ ମାତ ୨୩:୧୧; ମାର୍କ ୯:୩୫; ଲୁକ ୨୨:୨୭

୭ ଅଡ଼େ ଗାଡ଼ଦେ ଇଞ୍ଜା ତାଲୁତି ତାଗାନା ଏଝାସିକା ଲାକ ହିମ୍ବରିକା ପାଢ଼ସ୍ତରି, ଇଞ୍ଜା ଜୀସୁଇଁ କୁଗିକିତେରି ।

୮ ଅଡ଼େ ହାରେକା ଲକୁ ତାମି ହିମ୍ବରିକା ଜିରୁତା ପାଢ଼ସ୍ତରି, ଅଡ଼େ ଏଚେକା ଲକୁ ମାରୁକାତି ଗରାୟାଁ ତାଗାନା ଜିରୁତା ପାଢ଼ସ୍ତରି ।

୯ ଅଡ଼େ ଜୀସୁତି ତାୟୁତା ନକିତା ହାଜିମାତି ଲକୁ ବାରେ କାଜା ଗିୟାଁତଲେ ଏଲେଇଚେରି, “ହସାନା ଦାଝୁଦ ମୀର୍ଏସି ! ମାହାପୁରୁ ଦରୁଚି ଝାହିମାନେସି ନେହାସି ! ମାହାପୁରୁ ଏଝାଣାଇଁ ବର ହାପାସି, ଲାକପୁରୁ ହସାନା !”

୧୦ ଅଡ଼େ ଏଝାସି ଜିରୁସାଲମତା ହଡ଼ାଲିଏ, ଗାଡ଼ାତାରି ବାରେଜାଣା “ଇଝାସି ଆମ୍ବାଆସି ?” ଇଞ୍ଜାଁ କାବାଆହାନା ଏଲେଇଚେରି ।

୧୧ ଏଚେଚିଏ ବାରେ ଲକୁ ଏଲେଇଚେରି, “ଇଝାସି ଗାଲିଲି ଦେସାତା ମାନି ନାଜରିତତି ମାହାପୁରୁ ଅଣପୁତି ବଲୁ ଖେହୁନି ଜୀସୁ ।”

ମାହାପୁରୁ ଇଲୁତା ଜୀସୁ ହାନାୟି
(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜହ ୨:୧୩-୨୨)

୧୨ ତାୟୁ ଜୀସୁ ମାହାପୁରୁ ଇଲୁତା ହଡ଼ାନା ଏ ଗାୟୁତା ଏମ୍ବାଆଁ ଆସି ମାସ୍କି ମାଗାରାଇଁ ବାରେତି ପାଙ୍ଗାତା ପେର୍ହା ପାଣ୍ଡିତେସି, ଇଞ୍ଜାଁ ଟାକାୟାଁ ବେବାରା ଗାଟାରି କୁଚିୟାଁ ଅଡ଼େ ପାରୁଝା ପଟାୟାଁ ବେବାରା ଗାଟାରି ଜମ୍ବାୟାଁ ତିରିମ୍ବୁପହେସି,

୧୩ ଅଡ଼େ ଏଝାସି ଏଝାରାଇଁ ଏଲେଇଚେସି, ମାହାପୁରୁ ଦାମ୍ବୁପତିତା ରାସ୍କି ଆହାମାନେ, “ନା ଲକୁ ପ୍ରାତାନା ଇଲୁ ଇଞ୍ଜାଁ ଖେଜିନେ, ସାମା ମୀରୁ ଏଦାଆଁ ତଂଗାୟାଁ ପାଝୁ ମ୍ବୁପହା ମାଖେରି ।”

୧୪ ଇଞ୍ଜାଁ ମାହାପୁରୁ ଇଲୁତା କାଣାୟାଁ, ସଟାୟାଁ ତାନି ତାଣା ଝାଡ଼େରି ଇଞ୍ଜାଁ ଏଝାରାଇଁ ନେହାଁ କିତେସି ।

୧୫ ସାମା କାଜା ପୂଜେରାଙ୍ଗ ଅଡ଼େ ମେରାପୁନାରି ତାନୁ କିହିମାନି କାବାଆନି କାମା ମେସାନା ଅଡ଼େ “ମାହାପୁରୁ ଇଲୁତା ହସାନା ଦାଝୁଦ ମୀର୍ଏସି” ଇଞ୍ଜାଁ କାଜା ଗିୟାଁତଲେ କକାରି ଜଲିମାନାଣି ଖେଞ୍ଜାନା କପା ଆଡ଼େରି ।

୧୬ ଏଝାରି ଜୀସୁଇଁ ଖେଚେରି, “ଇଝାରି ଏଦାଆଁ ଇଞ୍ଜାଁ ମାନେରି, ନୀନୁ ଏଦାଆଁ ଖେଞ୍ଜିମାଞ୍ଜି ?” ଜୀସୁ ଏଝାରାଇଁ ଏଲେଇଚେସି, “ହାଅ, ଖେଞ୍ଜିମାଇଁ, ମୀରୁ କକାରି ଇଞ୍ଜାଁ ପାଲୁ ଗହନରାଇଁ ନିଜ ଜହରା ପାରୁ ପାଟାଲି ଜାପହାମାଞ୍ଜି, ଦାମ୍ବୁ ପତିତି ଇ କାତାତି ମୀରୁ ଏଚେଲା ପଡ଼ୁଝି ଆହାହିଲଅତେରି ?”

୧୭ ଅଡ଼େ ଏଝାସି ଏଝାରାଇଁ ପିସାନା ଗାଡ଼ାତି ହଡ଼ାନା ବେତନିୟାଁତା ହାଜାନା ଏମ୍ବାଆଁ ଲାଆଁୟାଁ ଡ଼ୟିତେସି ।

ଜୀସୁ ତୟା ମାରୁନୁଇଁ ବାକା ଇଚିନାୟି
(ମାର୍କ ୧୧:୧୨-୧୪, ୨୦-୨୪)

୧୮ ଜୀସୁ ଗାଡ଼ାତା ଖେଣ୍ଡା ହାଜିମାଟାଟି ହାକି ଆଡ଼େସି,
୧୯ ଅଡ଼େ ଜିରୁ ଦାରିତା ର ତୟା ମାରୁନୁ ମେସାନା ଦାରିତା ହାଚେସି, ଇଞ୍ଜାଁ ଝାଡ଼ଇ ଆକା ପିସପେ ଏମ୍ବାଆଁ ଏଦାଆଁ ମେହୁଆତେସି ଇଞ୍ଜାଁ ଏଦାନି ବାକା ଇଗାନା ଏଲେଇଚେସି, “ନୀ ତାଣା ଏଚେଲା ପାଡ଼େସି ଆୟାଆପେ” ଇଞ୍ଜାଁ ଏ ଦେବୁଣିଏ ଏ ତୟା ମାରୁନୁ ଝାୟାହାଚେ ।

୨୦ ସୀସୁୟାଁ ଏଦାଆଁ ମେସାନା କାବାଆହାନା ଏଲେଇଚେରି, “ତୟା ମାରୁନୁ ଏନିକିଁ ଏ ଦେବୁଣିଏ ଝାୟା ହାଚେ ।”

୨୧ ଜୀସୁ ଏଝାରାଇଁ ଏଲେଇଚେସି, “ନାନୁ ମିଜେ ସାତା ଖେସିମାଞ୍ଜାଇଁ, ମୀ ନାନୁ ମାଟିହୁଁ, ଅଡ଼େ ମୀରୁ ଆନାମାନା ଆଆନା, ଇ ତୟା ମାରୁନୁତି ଏନି କିଝିଆହାମାନେ, ଏଲେକିହୁଁଏ କିଦେରି ଏଡ଼ି ଆଏ, ସାମା ଇ ହରୁଚି ଜିକେଏ ନୀନୁ ନିଜାନା ସାମଦୁରିତା ତରୁଗାମୁଁ ଇଞ୍ଜେରି, ଆତିହୁଁ ଏଡ଼ି ଆନେ ।

୨୨ ଇଞ୍ଜାଁ ନାନୁତଲେ ପ୍ରାତାନାତା ଏଦାଆଁ ରାହୁଦେରି ଏ ବାରେ ମିଜେ ମେଡ଼ାଆୟାନେ ।”

ଜୀସୁତି ଅଦିକାର
(ମାର୍କ ୧୧:୨୭-୩୩; ଲୁକ ୨୦:୧-୮)

☆ ୨୧:୨୧ ମାଟି ୧୭:୨୦; ୧କର ୧୩:୨

୨୩ ତାହୁଁ ଜୀମ୍ବୁ ମାହାପୁରୁ ଇଲୁତା ହତାନା ଜାପୁହି ମାଚାଟି, କାଜା ପୂଜେରାଜା ଅଡ଼େ ଲକ୍ଷ୍ମି କାଜାରି ଏଞ୍ଜାଣି ତାଣା ଖାହାନା ଖେତେରି, “ନାନୁ ଆମିନି ଅଦିକାରା ତଲେ ଛ ବାରେ କାମା କିହିମାଞ୍ଜି ? ନିଜେ ଏ ଅଦିକାରା ଆମ୍ବାଆସି ହିୟାତେସି ?”

୨୪ ଜୀମ୍ବୁ ଏଞ୍ଜାରାଇଁ ଏଲେଇତେସି, “ନାନୁ ଜିକେଏ ନିଜେ ର କାତା ଖେଞ୍ଜାଇଁ, ମୀରୁ ଏଦାଆଁ ଖେଣ୍ଡେ ଖେସ୍ତାତିହୁଁ”, ନାନୁ ଆମିନି ଅଦିକାରା ତଲେ ଛ ବାରେ କାମା କିହିମାଇଁ, ନାନୁ ଜିକେଏ ନିଜେ ଖେସ୍ତାଇଁ ।

୨୫ ଜହନ ବାପୁସ୍ତୁ* ହାହାଲି ଆମ୍ବାଆରି ତାଣାଟି ବେଟା ଆହାମାତେସି, ଲାକପୁରୁଟି କି ଲକ୍ଷ୍ମି ତାଣାଟି ?” ଏଚେଟିଏ ଏଞ୍ଜାରି ତାମ୍ବୁ ତାମ୍ବୁ ଜଲ୍ଲକି ଆତେରି, “ମାହାପୁରୁ ତାଣାଟି ଇଞ୍ଜିଁ ଖେସ୍ତାହିଁ”, ଏଞ୍ଜାସି ମାଜେ ଏଲେଇଞ୍ଜାନେସି, ‘ମୀରୁ ଏଦାଆଁତାକି ଏଞ୍ଜାଣାଇଁ ନାମାଆତେରି ?’

୨୬ ସାମା ମାଣସିୟାଁ ତାଣାଟି ଇନାୟି, ଲକ୍ଷ୍ମିତାକି ଆଜି, ଇତିହୁଁ ବାରେ ଲକ୍ଷ୍ମି ଜହନଇଁ ମାହାପୁରୁ ଅଣପୁଟି ବଲ୍ଲୁ ଖେହନାସି ଇଞ୍ଜିହୁଁ ମାନୁଞ୍ଜି ଆହିମାନେରି ।”

୨୭ ଏଦାଆଁତାକି ଏଞ୍ଜାରି ଜୀମ୍ବୁଇଁ ଏଲେଇଚେରି, “ମାନୁ ପୁଞ୍ଜାହିଲଅମି ।”

ଏଞ୍ଜାସି ଜିକେଏ ଏଞ୍ଜାରାଇଁ ଏଲେଇଚେରି, “ଆତିହୁଁ ନାନୁ ଜିକେଏ ଆମିନି ଅଦିକାରା ତଲେ ଛ ବାରେ କିହିମାଇଁ, ଏଦାଆଁ ନାନୁ ଜିକେଏ ନିଜେ ଖେସ୍ତାହିଁ ।”

ରୀ ମୀରୁକାତି ପୁଣିକିନି କାତା

୨୮ ମୀରୁ ଏନାଆଁ ଅଣପିମାଞ୍ଜେରି ? ରଅଣାକି ରୀ ମୀରୁକା ମାଚେରି, ଏଞ୍ଜାସି କାଜା ମୀରୁଏଣି ତାଣା ଖାହାନା ଏଲେଇଚେରି, “ମୀରୁଏଣା ନୀଞ୍ଜୁ ଅଜ୍ଞୁରି ବାଡ଼ାତା ହାଜାନା କାମା କିମ୍ବୁ ।”

୨୯ ଏଞ୍ଜାସି ଏଲେଇଚେରି, “ନାଜେ କାମା କିହାଲି ମନ ହିଲେଏ” ସାମା ତାହୁଁ ଏଞ୍ଜାସି ଅଣପାମା କାମା କିହାଲି ହାତେସି ।

୩୦ ଇଞ୍ଜା ଉଣା ମୀରୁଏଣା ତାଣା ଖାହାନା ଏଲେଇଞ୍ଜି ଖେସ୍ତେସି, ଏଞ୍ଜାସି ଏଲେଇଚେରି, “ହାଅ ଆବା ନାନୁ ହାଜିମାଇଁ, ସାମା ଏଞ୍ଜାସି ହାଲାଆତେସି ।

୩୧ ଛ ରିଆରି ବିତ୍ତାଟି ଆମ୍ବାଆସି ଆବା ମନ ଲେହେଁ କିତେସି ?”

ଏଞ୍ଜାରି ଏଲେଇଚେରି “କାଜାସି ।”

ଜୀମ୍ବୁ ଏଞ୍ଜାରାଇଁ ଏଲେଇଚେରି, ନାନୁ ମିଜେ ସାତା ଖେସିମାଞ୍ଜାଇଁ, ସିସୁ ରୁଆହନାରି ଇଞ୍ଜାଁ ଦାଢ଼େଣିସିକା ମୀ ନକେଏ ମାହାପୁରୁ ରାଜିତା ହତୁନୁ ।

୩୨ *ବାପୁସ୍ତୁ† ହାନି ଜହନ ଖାହାନା ମୀ ତାଣା ଦାମ୍ବୁଟି ଜିରୁ ତସ୍ତାତେସି, ଅଡ଼େ ମୀରୁ ଏଞ୍ଜାଣାଇଁ ନାମାଆତେରି, ସାମା ସିସୁ ରୁଆହନାରି ଇଞ୍ଜାଁ ଦାଢ଼େଣିସିକା ଏଞ୍ଜାଣାଇଁ ନାମିତୁ, ସାମା ମୀରୁ ଏନିକିଁ ନାମିଦେରି, ଏଦାଆଁତାକି ଏନାଆଁ ମେସାନା ଜିକେଏ ହିୟାଁ ବାଦଲି କିଆତେରି ।

ଅଜ୍ଞୁରି ବାଡ଼ାତା କାମାକିନାରି ପୁଣିକିନି କାତା

(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ ଅଡ଼େ ର ପୁଣିକିନି କାତା ଖେଞ୍ଜୁ, ର ବୁମି ଗାଟାସି ମାଚେସି, ଏଞ୍ଜାସି ର ଅଜ୍ଞୁରି ବାଡ଼ା କିହାନା ସାରିଞ୍ଜାକି ବେୟିଁ ଗୁରତେସି, ଇଞ୍ଜାଁ ଅଜ୍ଞୁରି ପାଡ଼େୟି ପୀତାଲି ର ଗାଡ଼େୟି କାରୁହାନା ର ଗାଣା ହଲୁଲେହେଁ କିତେସି, ଇଞ୍ଜାଁ କାଞ୍ଚିଆନି ଇଲୁ କେପାନା କାମା କିନାରାକି ଏ ବାଡ଼ାତି ବାଟା ହାହାନା ହେକ ଦେସାତା ହାତେସି ।

୩୪ ତାହୁଁ ପାଡ଼େୟି କାମ୍ବି ବେଲା ଆୟାଲିଏ, ଏଞ୍ଜାସି ତାନି ପାଡ଼େୟି ବାଟା ବେଟାଆହାଲି, ବାଡ଼ାତା କାମାକିନାରି ତାଣା, ତାନି ହଲିୟାଜାଣି ପାଣ୍ଡିତେସି ।

୩୫ ସାମା କାମାକିନାରି ତାନି ହଲିୟାଜାଣି ଆସାନା ରଅଣାଇଁ ଖେତେରି ଇଞ୍ଜାଁ ଅର ରଅଣାଇଁ ପାୟିତେରି, ଅଡ଼େ ରଅଣାଇଁ ଖାଲୁକା ଖେଟାନା ପାୟାଁ କୁତାତୁସ୍ତେରି ।

୩୬ ଅଡ଼େ ଏଞ୍ଜାସି ତଲିତି କିହାଁ ହାଠେରକା ଜାଣା ହଲିୟାଜାଣି ପାଣ୍ଡିତେସି, ଅଡ଼େ ଏଞ୍ଜାରି ଏଞ୍ଜାରାଇଁ ଜିକେଏ ଏଲେକିତେରି ।

୩୭ ସାମା ନା ମୀରୁଏଣାଇଁ ଏଞ୍ଜାରି ମାନି କିନେରି ଇଞ୍ଜିଁ ଅଣପାମା, ଏଞ୍ଜାସି ତାହୁଁ ତାନି ମୀରୁଏଣାଇଁ ଏଞ୍ଜାରିତାଣା ପାଣ୍ଡିତେସି ।

୩୮ ସାମା ଏ କାମାକିନାରି ମୀରୁଏଣାଇଁ ମେସାନା ତାମ୍ବୁ ତାମ୍ବୁସ୍ତୁ ଖେସ୍ତା ଆତେରି, ଇଞ୍ଜାସିତ ବାଡ଼ାତି ଅଦିକାରା ଗାଟାସି; ଖାତୁ ଇଞ୍ଜାଣାଇଁ ପାୟାନା ଅଜ୍ଞୁରି ବାଡ଼ାତି ଅଦିକାରା କିହାକତିନ ।

* ୨୧:୨୫ ମୁଞ୍ଜିନାୟି † ୨୧:୩୨ ଲୁକ ୩:୧୨; ୭:୨୯,୩୦ ‡ ୨୧:୩୨ ମୁଞ୍ଜିନାୟି

୩୯ ଇଞ୍ଜା ଏଞ୍ଜାରି ଏଞ୍ଜାଣାଇଁ ଅଙ୍ଗୁରି ବାଡ଼ା ଆତାଲା ମେଡ଼ହାନା ପାୟିତେରି ।

୪୦ ଜୀମ୍ବୁ ଏଞ୍ଜାରାଇଁ ଝେରେସି, “ଇଚିହିଁ ଏରିବେଲା ଏ ଅଙ୍ଗୁରି ବାଡ଼ାତି ସାଞ୍ଜୁକାରି ଖାନ୍ନେସି, ଏଚିବେଲା ଏ କାମା କିନାରାଇଁ ଏନାଆଁ କିନେସି ।”

୪୧ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଏ ଲାଗେଏ ପଚେଲଏତି କାମା କିନାରାଇଁ କସ୍ତୁ ହୀହିଁ ପାୟିନେସି, ଇଞ୍ଜା ଏଞ୍ଜାଣାଇଁ କାମ୍ବିନିସାରି ବାଟା ହୀନି ଏଚକାତି କାମା କିନାରାଇଁ ଅଙ୍ଗୁରି ବାଡ଼ାତି ହେରପିନେସି ।”

୪୨ ଜୀମ୍ବୁ ଏଞ୍ଜାରାଇଁ ଏଲେଇଚେସି, “ମୀରୁ ଦାମ୍ବୁ ପତିତି ଈ କାତା ଏଚେଲାଖା ପଡ଼ୁଞ୍ଜି ଆହାହିଲଅଚେରି କି ?”

ଇଲୁ ଦହନାରି ଆମିନି ଖାଲିତି ମିଶଏ ଇଞ୍ଜୁଁ କୂଚେରି,

ଏଦିଏ ଇଲୁ କନତି ମୂଲୁ ଖାଲି ଆଚେ;

ମାହାପୁରୁ ତାଣାଚି ଇଦି ଆଚେ,

ଇଞ୍ଜା ଏଦି ମା କାନୁତାକି କାବା ଆନାୟି ।

୪୩ “ଏଦାଆଁତାକି ନାନୁ ମିଜେ ଝେସିମାଞ୍ଜାଇଁ, ମାହାପୁରୁତି ରାଜି ମୀ ତାଣାଚି ମୀଞ୍ଜା ଅଞ୍ଜିଆନେ, ଇଞ୍ଜା ଆମିନି ଜାଡ଼ିତି ଲକୁ ନେହିଁ ପାଚେଡ଼ୟି କାମ୍ବି କିନେରି ଏଞ୍ଜାରାଇଁ ହୀନେସି ।

୪୪ ଅଚେଡ଼ ଆମ୍ବାଆସି ଈ ଖାଲି ଲାକ ରିନେସି ଏଞ୍ଜାସି କାଣ୍ଡାମୁକା ଆନେସି, ଇଞ୍ଜା ଈ ଖାଲି ଆମ୍ବାଆରି ଲାକ ରିନେ ଏଦି ଏଞ୍ଜାଣାଇଁ ନାସାକିନେ ।”

୪୫ କାଜା ପୁଜେରାଞ୍ଜା ଅଚେଡ଼ ପାରୁସିୟାଁ ଈଞ୍ଜାଣି ଈ ବାରେ ପୁଣ୍ଡିକିନି କାତା ଝେଞ୍ଜାନା, ଏଞ୍ଜାସି ଏଞ୍ଜାରି କାତା ଝେସିମାନେସି ଇଞ୍ଜୁଁ ପୁଚେରି,

୪୬ ଇଞ୍ଜା ଏଞ୍ଜାରି ଏଞ୍ଜାଣାଇଁ ଆସାଲି ଅଣପିମାଚେରି, ସାମା ଲକୁଇଁ ଆଜିତେରି, ଏନାଆଁତାକି ଇଚିହିଁ ଏଞ୍ଜାଣାଇଁ ର ମାହାପୁରୁ ଅଣପୁତି ବଲୁ ଝେହନାସି ଇଞ୍ଜୁଁ ମାନି କିହିମାଚେରି ।

୨୨

ବୀହା ବଜିତି ପୁଣ୍ଡିକିନି କାତା (ଲୁକ ୧୪:୧୫-୨୪)

୧ ଅଚେଡ଼ ଝେଣ୍ଡେ ଜୀମ୍ବୁ ପୁଣ୍ଡିକିନି କାତାତଲେ ଏଲେଇଚେସି,

୨ ଲାକପୁରୁତି ରାଜି ଇଲେତାୟି, ର ରାଜା ଲେହେଁ, ଏଞ୍ଜାସି ତାନି ମୀରୁଏଣା ବୀହା ବଜି କିଚେସି,

୩ ଇଞ୍ଜା ଏ ବୀହା ବଜିତା ହାଟାମାନି ଲକୁଣି ବଜିତା ଖାପେରିଞ୍ଜା ଇଞ୍ଜୁଁ ତାନି ହଲିୟାଞ୍ଜାଣି ପାଣ୍ଡିଚେସି, ସାମା ଏଞ୍ଜାରି ଖାହାଲି ମନ କିଆଚେରି ।

୪ ଅଚେଡ଼ ଝେଣ୍ଡେ ଏଚକାତି ହଲିୟାଞ୍ଜାଣି ପାଣ୍ଡାନା ଏଲେଇଚେସି, ହାଡ଼ି କିହାମାନି ଲକୁଣି ଝେହ୍ନୁ, ମେହ୍ନୁ ନାନୁ ନା ବଜି ଖାଜା ମାଇଁ, ଆଞ୍ଜା ଆଡ଼ି କଡ଼ିୟାଁ ପାୟୁଞ୍ଜି ଆହାମାନୁ, ବାରେ ରାନ୍ଦା ଆଚେୟିଏ, ମୀରୁ ବୀହା ବଜିତା ଖାତୁ ।

୫ ସାମା ଏଞ୍ଜାରି ଏଦାଆଁ ଅଣପାଆନା ଆମ୍ବାଆରି ତାନି ତାସା କାମାତା ହାଚେରି, ଇଞ୍ଜା ଆମ୍ବା ଆମ୍ବାଆରି ତାନି ବେବାରା କିୟାଲି ହାଚେରି,

୬ ଅଚେଡ଼ ଏଚରଜାଣା ଲକୁ ତାନି ହଲିୟାଞ୍ଜାଣି ଆସାନା ପାୟିତେରି ।

୭ ସାମା ରାଜା କପା ଆହାନା ତାନି କସକାଣି ପାଣ୍ଡାନା ଏ ପାୟିତାରାଇଁ ପାୟି କିଚେସି ଇଞ୍ଜା ଏଞ୍ଜାରି ନାମୁକା ମେକହା ତୁସ୍ତେରି ।

୮ ଏମ୍ବାଚିଏ ଏଞ୍ଜାସି ତାନି ହଲିୟାଞ୍ଜାଣି ଏଲେଇଚେସି, ବୀହା ବଜି ଆହାମାନେ, ସାମା ହାଚୁକି ଆହାମାନି ଲକୁ ପାଡ଼ା ଆଆତାରି,

୯ ଏଦାଆଁତାକି ନାଏଁ ମୀରୁ ଗାଡ଼ାତି କାଜା ତାଣ୍ଡେଣାଁ ହାଜାନା, ଏଚରଜାଣାଚି ମେହ୍ନେଦେରି, ଏଞ୍ଜାରାଇଁ ବୀହା ବଜିତା ହାଟା ତାପୁ ।

୧୦ ଏମ୍ବାଚିଏ ଏ ହଲିୟାଞ୍ଜା କାଜା ତାଣ୍ଡେଣାଁ ହାଜାନା ଲାଗେଏ ପଚେଲଏତାରାଇଁ ଇଞ୍ଜା ଏଚେକା ନେହାଁରାଇଁ ମେସ୍ତେରି, ଏ ବାରେଚି ରୁଣ୍ଡି କିହାନା ବୀହା ଇଲୁତା ତାଚେରି, ଇଞ୍ଜା ଖାହାମାନି ଲକୁ ବୀହା ଇଲୁତା ନେଞ୍ଜିଚେରି ।

୧୧ ସାମା ରାଜା ବୀହା ବଜିତା ଖାହାମାନି ଲକୁଣି ସିନିକିହାଲି ବିତ୍ରା ଖାହାନା ଏମ୍ବାଆଁ ବୀହା ହିମ୍ବୁରି ହୁଚାଆନା କୁଗାମାନି ରଅଣାଇଁ ମେସାନା ଏଞ୍ଜାଣାଇଁ ଏଲେଇଚେସି,

୧୭ ଏ ତଢେଣ, ନୀନୁ ବୀହା ହିମ୍ବର ହୁତାଆନା ଏନିକିଁ ଇମ୍ବାଆଁ ଖାଡ଼ି ? ସାମା ଏଝାସି ଏନି ହାଡ଼ା ଆଆନା ଡ଼ୟିତେସି ।

୧୮ ଏମ୍ବାଟିଏ ରାଜା ଏମ୍ବାଆଁ ହଲିୟାଙ୍ଗାଲ୍ ଏଲେଇତେସି, ଇଝାଣି କେସ୍ତା କତାୟାଁ ଦସାନା ପାଙ୍ଗାତି ଆନେରିତା ମେଡ଼ହା ତୁହଦୁ, ଏମ୍ବାଆଁ ଡ଼ାହଁ ପାଲକା ଟାଟି କିନେସି ।

୧୯ ଇତିହଁ ହାଟ୍ଟକି ଆଡ଼ି ଲକୁ ହାଟ୍ଟେକା ଜାଣା ସାମା ଆଡ଼ିତି ଲକୁ ହାଟ୍ଟେକା ଉଣା ଜାଣା ।

ସିସୁ ହୁନାଣି ଝେନାୟି

(ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୯ ଏତିଚେଲା ପାରୁସିୟାଁ ହାଜାନା ଜୀସୁଇଁ ତାନି ଝେସି କାତାଟି ଦହ ଦସାଲି ପାରୁ ପାରାତେରି ।

୧୭ ଇଞ୍ଜା ଏଝାରି ହେରଦ ଗତି ବିତ୍ରାଟି ଏଚେକା ଲକୁତଲେ ତାନି ସାସୁୟାଁଇଁ ଜୀସୁ ତାଣା ଝେସା ପାଣ୍ଡିତେରି, “ଏ ଗୁରୁ ମାମ୍ବୁ ପୁଞ୍ଜାନାମି ନୀନୁ ସାତା ଝେହନାତି ଇଞ୍ଜା ସାତା କିହଁ ମାହାପୁରୁତି ଜିରୁ ଜାପନାତି, ଇଞ୍ଜା ଆମ୍ବାଆରାଇଁ ଆଜଅତି ଅଡ଼େ ଆମ୍ବାଆରି ପାରୁଡ଼ା ବାଟିକିହଁ ଜଲିନାତି ଆସ ।

୧୭ ଇଦାଆଁତାକି ନୀନୁ ମାଙ୍ଗେ ଝେସ୍ତାମ୍ବୁ, ନୀ ଅଣ୍ଟପୁତା ଏନାୟି ମାନେ ? କାୟିସରକି ସିସୁ ହୁନାୟି ମେରା କି ଆସ ?”

୧୮ ସାମା ଜୀସୁ ଏଝାରି କାରୁବି ପୁଞ୍ଜାନା ଏଲେଇତେସି, “ଆଡ଼େ କୁଟୁ ଗାଟାତେରି ନାଙ୍ଗେ ଏନାଆଁତାକି ତାୟିପାରି କିହମାଞ୍ଜାଦେରି ?

୧୯ ଏ ସିସୁ ହୁନା ଟାକା ନାଙ୍ଗେ ହିୟାଦୁ ।” ଏମ୍ବାଟିଏ ଏଝାଣି ତାଣା ର ଟାକା ଆଦଲି ହୀତେରି ।

୨୦ ଜୀସୁ ଏଝାରାଇଁ ଝେଡେସି, “ଇ ଆଦଲି ଲାକ ଆମ୍ବାଆରି ଦରୁ ଅଡ଼େ ତାୟାଁ ରୁମା ମାନେ ?”

୨୧ ଏଝାରି ଏଲେଇତେରି, “କାୟିସରଝାୟି ।”

ଜୀସୁ ଏଝାରାଇଁ ଏଲେଇତେସି, “ଆଡ଼ିହଁ ଆମିନାୟି କାୟିସରଝାୟି ଏଦାଆଁ କାୟିସରକି ହୀଦୁ, ଅଡ଼େ ଆମିନାୟି ମାହାପୁରୁଝାୟି ଏଦାଆଁ ମାହାପୁରୁକି ହୀଦୁ ।”

୨୨ ଏଝାରି ଏଦାଆଁ ଝେଞ୍ଜାନା କାବାଆହାନା ଏଝାଣାଇଁ ପିସାଁ ହାଜାତୁସ୍ତେରି ।

ହାକିଟି ଝେଣ୍ଡେ ନିଜିନି କାତା

(ମାର୍କ ୧୨:୧୮-୨୭; ଲୁକ ୨୦:୨୭-୪୦)

୨୩ ହାକିଟି ଝେଣ୍ଡେ ନିଜିନାୟି ହିଲେଏ ଇଞ୍ଜିମାନି ଏଚରଜାଣା ସାଦୁକିୟାଁ ଏ ଦିନା ଜୀସୁ ତାଣା ଝାହାନା ଝେଚେରି ।

୨୪ “ଏ ଗୁରୁ ମସା ଝେସାମାଞ୍ଜାନେସି, ରଅସି ପଦି ପଦା ଆଆନା ହାଡ଼ିହଁ ତାନି ତାୟି ତାନି ତକ୍ତନି ଇଟାନା ଏ ହାଡ଼ାଣି କୁଡ଼ା ଏପାକିନେସି ।

୨୫ ମେହ୍ମୁ ମା ତାଣା ସାତା ଜାଣା ତାୟିୟାଁ ମାଚେରି; ତଲି ମୂଲୁ ତାସି ବୀହା ଆହାନା ହାହାହାଚେସି, ଇଞ୍ଜା କକାରି ପଦାୟାଁ ହିଲଆତାକି ଏଝାସି ତାନି ତକ୍ତନି ତାନି ତାୟିକି ପିସାହାଚେସି;

୨୬ ଏଝାଣି ଜେଟତାସି ଅଡ଼େ ଏଝାଣି ଜେଟତାସି ଏଲେକିହଁ ସାତା ଜାଣା ଜିକେଏ ହାଟେତି ।

୨୭ ବାରେଡି ତାୟାଁ ଏ ଇୟାଟି ଜିକେଏ ହାଟେତି ।

୨୮ ଆଡ଼ିହଁ ଝେଣ୍ଡେ ନିଜିନାଟି ଏ ସାତା ଜାଣା ବିତ୍ରା ଆମ୍ବାଆରି ତକ୍ତ ଆନେ ? ଇତିହଁ ବାରେଜାଣା ଏଦାନି ବୀହା ଆହାମାଚେରି ।”

୨୯ ଜୀସୁ ଏଝାରାଇଁ ଏଲେଇତେସି, “ମୀରୁ ଦାମ୍ବୁ ସାସ୍ତେରି ଅଡ଼େ ମାହାପୁରୁତି ବାଡ଼ୁୟୁ ପୁନାଆନା ନାଡ଼ି ଆହିମାଞ୍ଜେରି ।

୩୦ ଇତିହଁ ହାହାନା ଝେଣ୍ଡେ ନିଜିସାରେ ଲକୁ ବୀହା ଆଅରି, କି ବୀହା ହୀଅରି, ସାମା ଲାକପୁରୁତି ଦୁଡ଼ୁୟାଁଲେହେଁ ଆନେରି ।

୩୧ ସାମା ହାଡ଼ାରି ଝେଣ୍ଡେ ନିଜିନି କାତା ମାହାପୁରୁ ମିଙ୍ଗେ ଏନାଆଁ ଝେସାମାଞ୍ଜାନେସି ଏଦାଆଁ ମୀରୁ ପଡ଼଼ି ଅହାହିଲଅତେରି ?

୩୨ ନାନୁ ଅବ୍ରାହାମି ମାହାପୁରୁ, ଇସାହାକି ମାହାପୁରୁ, ଅଡ଼େ ଜାକୁବତି ମାହାପୁରୁତେସି, ଏଝାସି ହାଡ଼ି ଲକୁତି ମାହାପୁରୁ ଆସ ସାମା ଜୀସୁଗାଟାରି ମାହାପୁରୁ ।”

୩୩ ଲକୁ ବାରେ ଏଝାଣି ଜାପନାଣି ଝେଞ୍ଜାନା କାବା ଆହାହାଚେରି ।

କାଜା ହୁକୁମି

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୫ ଜାମୁଇଁ ସାତୁକିୟାଁ ଖେଣ୍ଡେ ଖେସାଲି ଆଡ଼ି ହିଲଅରି ଇଞ୍ଜିଁ ପୁଞ୍ଜାନା ପାରୁସିୟାଁ ବିଦ୍ରାଟି ରୁଣ୍ଡା ଆଡେରି,

୩୫ ଅଡ଼େ ଏଞ୍ଜାରି ବିଦ୍ରାଟି ମେରା ପୁନାସି ରଅସି ଜାମୁଇଁ ତାୟିପାରିକିହିଁ ଖେରେସି,

୩୬ “ଗୁରୁ ବାରେ ହୁକୁମିକା ବିଦ୍ରାଟି ଆମିନି ହୁକୁମି କାଜାୟି ?”

୩୭ ଜାମୁ ଏଞ୍ଜାଣାଇଁ ଏଲେଇରେସି, ନାନୁ ନୀ ବାରେ ହିୟାଁ, ନୀ ବାରେ ଜାମୁ ବାରେ ଅଣ୍ଡୁ ତଲେ ପ୍ରବୁ ନୀ ମାହାପୁରୁଇଁ ଜାମୁ ନମୁ ।

୩୮ ଇଦିଏ ବାରେ ହୁକୁମିକା କିହାଁ କାଜାୟି ଇଞ୍ଜାଁ ତଲିତି ହୁକୁମି ।

୩୯ ଏଦାଣି ଜେଚତି ହୁକୁମି ଜିକେଏ ଏଲେକିହିଁଏ, ନାନୁ ନୀ ପାଡ଼ିତି ଲକୁଣି ନୀ ଜାମୁତି ଜାମୁ ନହାଁ କତିନି ଲେହେଁ ଜାମୁ ନମୁ ।

୪୦ *ଇ ରୀ ହୁକୁମିତା ମସାତି ବାରେ ମେରା, ଅଡ଼େ ମାହାପୁରୁ ଅଣ୍ଡୁତି ବଲୁ ଖେହନାରି କାତା ମାଞ୍ଜାମାନେ ।

କ୍ରୀସ୍ତ ଆମ୍ବାଆସି

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ପାରୁସିୟାଁ ରୁଣ୍ଡା ଆହାମାଗାଟି ଜାମୁ ଏଞ୍ଜାଣାଇଁ ଖେରେସି,

୪୨ “କ୍ରୀସ୍ତଇଁ ମୀରୁ ଆମ୍ବାଆସି ଇଞ୍ଜିଁ ମୀରୁ ଅଣ୍ଡପିମାଞ୍ଜେରି ? ଏଞ୍ଜାସି ଆମ୍ବାଆରି ମୀରୁଏସି ?” ଏଞ୍ଜାରି ଏଞ୍ଜାଣାଇଁ ଏଲେଇରେସି “ଦାମୁଦ ମୀରୁଏସି ।”

୪୩ ଜାମୁ ଏଞ୍ଜାଣାଇଁ ଏଲେଇରେସି, “ଆତିହିଁ ଦାମୁଦ ଏନିକିଁ ସୁଦୁଜାମୁ ତଲେ ଏଞ୍ଜାଣାଇଁ ପ୍ରବୁ ଇଞ୍ଜିଁ ମାରେସି ?” ଦାମୁଦ ଏଲେଇରେସି,

୪୪ “ପ୍ରବୁ ନା ପ୍ରବୁଇଁ ଖେସେସି,

ନାନୁ ନୀ ସାତୁୟାଁଣି ନୀ କତାୟାଁ ଡ଼ଲ ଇଟାଆ ପାତେକା

ନା ଚିଃନି ଚଟତା କୁଗାମାନାମୁ ।

୪୫ ଇତିହିଁ ଦାମୁଦ ତାନୁଏ ଏଞ୍ଜାଣାଇଁ ପ୍ରବୁ ଇତିହିଁ, କ୍ରୀସ୍ତ ଏନିକିଁ ଦାମୁଦ ମୀରୁଏସି ଆନେସି ?”

୪୬ ଏମାଟି ଆମ୍ବାଆସି ଜିକେଏ ଏଞ୍ଜାଣାଇଁ ଖେଣ୍ଡେ ଖେସାଲି ଆଡାଆଡେସି, ଅଡ଼େ ଏ ନେଚୁଟିଏ ଆମ୍ବାଆସି ଜିକେଏ ଜାମୁଇଁ ଏନି କାତା ଖେଞ୍ଜାଲି ସାସା କିଆଡେରି ।

୨୩

ମେରାପୁନାରି ଇଞ୍ଜାଁ ପାରୁସିୟାଁ ତାଣ୍ଡାଟି ଜାଗ୍ରାତା ଆନାୟି

(ମାର୍କ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

୧ ଏତିବେଲ୍ଲାତା ଜାମୁ ବାରେ ଲକୁଇଁ ଇଞ୍ଜାଁ ତାନି ସାମୁୟାଁଇଁ ଏଲେଇରେସି,

୨ ମେରାପୁନାରି ଅଡ଼େ ପାରୁସିୟାଁ ମସାତି ମେରା ଜାପୁହାଲି ପାଣା ବେଟାଆହାମାନେରି ।

୩ ଏଦାଆଁତାକି ଏଞ୍ଜାରି ମିଜେ ଏନାଆଁ ଖେସ୍ତାତିହିଁ ଏଦାଆଁ ମାନୁଞ୍ଜି ଆଦୁ, ଅଡ଼େ ଏଞ୍ଜାରି ଖେସ୍ତିଲେହେଁ କିଦୁ, ସାମା ଏଞ୍ଜାରି କାମା କିନିଲେହେଁ କାମା କିଆଦୁ, ଇତିହିଁ ଏଞ୍ଜାରି ଏନାଆଁ କିନାୟିମାନେ ଇଞ୍ଜିଁ ଖେହନେରି ସାମା ଏଞ୍ଜାରି କିଅରି ।

୪ ଏଞ୍ଜାରି ବଜୁଗାଟି କାମ୍ବକା ଦସାନା ଲକୁ ବମିତା ଏକନେରି ସାମା ତାମୁ ତୁମି ରି ଖାଞ୍ଜୁ ତଲେ ଜିକେଏ ପେରୁହାଲି ମନ୍ କିଅରି ।

୫ *ଏଞ୍ଜାରି ଲକୁଣି ତସାଲି ତାମି କିନି କାମା ବାରେ କିନେରି, ଇତିହିଁ ଏଞ୍ଜାରି ପାଟାୟାଁଣା ଦାମୁଁ ପତିତି କାତା ରାଟାନା ମପା ଅଡ଼େ ମୁଞ୍ଜୁତା ଦସା କତିନେରି, ଇଞ୍ଜାଁ ତାମି ହିମ୍ବୁରିକାତି ପୁରଡ଼େୟାଁ କାଜା କାଜାଆଁ କିନେରି,

୬ ଅଡ଼େ ବଜିତା ନେହିଁ ଗାମୁ ଇଞ୍ଜାଁ ଜାହୁଦି ଲକୁତି କୁଟମି ଇଲୁତା* ନେହିଁ କାଜା ଗାମୁ ପାରିନେରି,

୭ ଇଞ୍ଜାଁ ହାଟା ବାଜାରାତା ଜହରା ବେଟାଆହାଲି ଅଡ଼େ ଲକୁ ତାଣ୍ଡାଟି ଗୁରୁ ଇଞ୍ଜିଁ ମାନି ବେଟାଆହାଲି ନେହାୟି ଇଞ୍ଜିଁ ଅଣ୍ଡପିନେରି ।

* ୨୨:୪୦ ଲୁକ ୧୦:୨୫-୨୮ * ୨୩:୫ ମାତୃ ୬:୧ * ୨୩:୭ ସିନଗରୁ

୮ ସାମା ମୀରୁ ଗୁରୁ ଇଞ୍ଚି ମାନି ବେଟାଆହାଲି ଅଣ୍ଟାପାଆଦୁ, ଇଚିହିଁ ମୀ ଗୁରୁ ରଅଧି ମାନେସି, ଇଞ୍ଚି ମୀରୁ ବାରେତାୟି ତାୟିୟାଁତେରି ।

୯ ଅଡେ ଦାବ୍‌ତତା ଆମ୍ବାଆରାଇଁ ଜିକେଏ ଆବା ଇଞ୍ଚି ମାନି କିଆଦୁ, ଇଚିହିଁ ମୀ ଆବା ରଅଧିଏ ଲାକପୁରୁ ମାନେସି ।

୧୦ ଅଡେ ମୀରୁ ସାଲୁଫି କିନାତମି ଇଞ୍ଚି ମାନି ପୁଃଆଦୁ, ଇଚିହିଁ ମିଙ୍ଗେ ସାଲୁଫି କିୟାନାସି ରଅଧିଏ ଏଝାସି କ୍ରୀସ ।

୧୧ ଯାମା ମୀ ବିତ୍ରା ଆମ୍ବାଆସି କାଜାସି ଏଝାସି ମୀ ସେବା କିନାସି ଆନେସି ।

୧୨ ଅଡେ ଆମ୍ବାଆସି ତାଙ୍ଗେ କାଜାତେଏଁ ଇଞ୍ଚି ଇଞ୍ଚି କଡିନେସି, ଏଝାଣାଇଁ ଉଣା କିଫିଆନେ, ଇଞ୍ଚି ଆମ୍ବାଆସି ତାଙ୍ଗେ ଉଣା କିହାକଡିନେସି, ଏଝାଣାଇଁ କାଜାସି କିଫିଆନେ ।

ପାରୁସିୟାଁ ଅଡେ ମେରା ପୁନାରାଇଁ ଦହ ଦହନାୟି
(ମାର୍କ ୧୨:୪୦; ଲୁକ ୧୧:୩୯-୪୨, ୪୪, ୫୨; ୨୦:୪୭)

୧୩ ଆୟଡା ତଣ୍ଡ ପାଣ୍ଡିନି କୁଚୁଗାଟି ପାରୁସିୟାଁ ଅଡେ ମେରା ପୁନାତେରି, ଇଚିହିଁ ମୀରୁ ଲକ୍ଷ୍ମତାକି ଲାକପୁରୁ ରାକିତି ଦାବା ସୁଣ୍ଡିଦେରି; ମୀରୁ ମୀରୁଏ ଏମ୍ବାଆଁ ହଡ଼ି ହିଲଅତେରି, ଇଞ୍ଚି ହଡ଼ାଲି ମନ ଗାଟି ଲକ୍ଷ୍ମଣି ଜିକେଏ ହଡ଼ାଲି ହାହି ହିଲଅତେରି ।

୧୪ ଆୟଡା ତଣ୍ଡ ପାଣ୍ଡିନି କୁଚୁଗାଟି ମେରା ପୁନାତେରି ଅଡେ ପାରୁସିୟାଁତେରି, ଇଚିହିଁ ମୀରୁ ଉଜେ ଉଜେଏ ଲାମ୍ବା ପ୍ରାତାନା କିହାନା ରାଘେଣିସିକା ଇଲକା ସେନିନାତେରି; ଏଦାଆଁତାକି ମୀରୁ ହାରେକା ତଣ୍ଡ ବେଟାଆଡେରି ।

୧୫ ଆୟଡା ତଣ୍ଡ ପାଣ୍ଡିନି କୁଚୁଗାଟି ପାରୁସିୟାଁ ଅଡେ ମେରା ପୁନାତେରି, ଇଚିହିଁ ମୀରୁ ରଅଣାଇଁ ଜାହୁଦି ଦାମ୍ବୁତା ଆଡ଼ହାଲି ସାମ୍ବୁଦୁରି ଆତାଲା ଗାଣ୍ଡଗାନା ଦେସା ରେଜେରି, ଇଞ୍ଚି ଏଟିବେଲା ଏଝାସି ଆଣ୍ଡାନେସି, ଏଟିବେଲାତା ମୀରୁ ଏଝାଣାଇଁ ମୀ କିହାଁ ହାରେକା ଆଗାଡ଼ା ନକତା ମେଡ଼ପି ଆନାସି କିହାନା ଲାଗେଏ କିଦେରି ।

୧୬ ଆୟଡା ତଣ୍ଡ ବେଟା ଆନାତେରି କାଣ୍ଡାୟାଁଇଁ ଜିରୁ ତହନାତେରି, ମୀରୁ ଏଲେଇଞ୍ଚିମାଞ୍ଜେରି, ଆମ୍ବାଆସି ମାହାପୁରୁ ଇଲୁଡି ପାର୍‌ମାଣା କିଚିହିଁ ଏନାୟି ହିଲେଏ, ସାମା ଆମ୍ବାଆସି ଇଲୁଡି ବାଂଗାରାତି ପାର୍‌ମାଣା କିଚିହିଁ ଏଝାସି ପାର୍‌ମାଣା କିଚିଲେହେଁ ତାପାଆନା କାମା କିନାୟିମାନେ ।

୧୭ ଆଡେ କାଣ୍ଡାୟାଁ ଅଡେ ବୁଦି ହିଲଆଗାଟାତେରି ବାଂଗାରା କି ଏ ବାଂଗାରାତି ସୁଦୁ କିହାମାନି ଦେଝୁଡ଼ି, ଇ ରୀ ବିତ୍ରାଟି ଆମିନାୟି କାଜାୟି ?

୧୮ ଅଡେ ମୀରୁ ଏଲେଇଞ୍ଚିମାଞ୍ଜେରି, ଆମ୍ବାଆସି ମାହାପୁରୁ ଇଲୁ ପିଣ୍ଡାତି ପାର୍‌ମାଣା କିଚିହିଁ ଏନାୟି ଆଏ, ସାମା ଆମ୍ବାଆସି ପୂଜାପିଣ୍ଡା ଲାକ ମାନି ଦାନାତି ପାର୍‌ମାଣା କିଚିହିଁ, ପାର୍‌ମାଣା କିଚିଲେହେଁ ତାପାଆନା କାମା କିନାୟିମାନେ ।

୧୯ ଆଡେ କାଣ୍ଡାୟାଁତେରି, ଦାନା କି ଏ ଦାନାତି ସୁଦୁ କିହାମାନି ମାହାପୁରୁ ଇଲୁଡି ପୂଜାପିଣ୍ଡା, ଇ ରୀ ବିତ୍ରାଟି ଆମିନାୟି କାଜାୟି ?

୨୦ ଏଦାଆଁତାକି ଆମ୍ବାଆସି ଦାନାହାନି ପିଣ୍ଡାତି ପାର୍‌ମାଣା କିନେସି, ଏଝାସି ଏ ପିଣ୍ଡା ଅଡେ ପିଣ୍ଡାତା ମାନି ଦାନାତି ପାର୍‌ମାଣା କିହମାନେସି;

୨୧ ଅଡେ ଆମ୍ବାଆସି ମାହାପୁରୁ ଇଲୁଡି ପାର୍‌ମାଣା କିନେସି, ଏଝାସି ମାହାପୁରୁ ଇଲୁ ଇଞ୍ଚି ଏମ୍ବାଆଁ ବାସାଆହାମାନି ମାହାପୁରୁଇଁ ପାର୍‌ମାଣା କିନେସି;

୨୨ ଅଡେ ଆମ୍ବାଆସି ଲାକପୁରୁତି ପାର୍‌ମାଣା କିନେସି, ଏଝାସି ମାହାପୁରୁତି ସିଂଗାସାଣି ଇଞ୍ଚି ଏମ୍ବାଆଁ କୁଗାମାନି ମାହାପୁରୁଇଁ ପାର୍‌ମାଣା କିନେସି ।

୨୩ ଆୟଡା ତଣ୍ଡ ପାଣ୍ଡିନି କୁଚୁଗାଟି ମେରା ପୁନାତେରି ଇଞ୍ଚି ପାରୁସିୟାଁ, ଇଚିହିଁ ମୀରୁ କୁମ୍ବୁରୁ କୁଚା, ରାୟି, ଜିରା ଇନି ଉଣା ତାସା ବିତ୍ରାଟି ଜିକେଏ ଦସ ବାଗାଟି ର ବାଗା ହାହିମାଞ୍ଜେରି, ଅଡେ ମସା ମେରାତି କାଜା କାତାୟାଁ ଇଚିହିଁ ସାତା ନାହାଁୟି କିନାୟି, କାର୍‌ମା ତହନାୟି, ଇଞ୍ଚି ନାମ୍, ଇ ବାରେ ପିସାମାଞ୍ଜେରି; ସାମା ଇ ବାରେ ମାନୁଫି ଆହାନା ଅଡେ ଏ ବାରେ ପିହୁଆୟି ମାନେ ।

୨୪ ଆଡେ କାଣ୍ଡାୟାଁ ଜିରୁ ତହନାତେରି, ମୀରୁ ଝାହାଁତି ହାଣି କିଦେରି ସାମା ଉଚୁଇଁ ଗୁହଦେରି ।

☆ ୨୩:୧୧ ମାତି ୨୦:୨୬,୨୭; ମାର୍କ ୯:୩୫; ୧୦:୪୩,୪୪; ଲୁକ ୨୨:୨୭ ☆ ୨୩:୧୨ ଲୁକ ୧୪:୧୧; ୧୮:୧୪ ☆ ୨୩:୨୨ ମାତି ୫:୩୪

୨୫ “ଆୟତ୍ତା ତଣ୍ଡ ପାଣ୍ଡନି କୁଟୁଗାଟି ମୋରା ପୁନାତେରି ଇଞ୍ଜା ପାରୁସିୟାଁତେରି, ଇଚିହଁ ମୀରୁ ଗିନା ଅଡ଼େ ସାଡ଼଼଼ାତି ପାଙ୍ଗାତା ନରୁହି ମାଞ୍ଜେରି, ସାମା ଏ ବିତ୍ରା ଜୁପକା ଆହାଁ ସରୁ କିତି ଆସ୍ତି ବାରେ ନେଞ୍ଜି କିହାମାଞ୍ଜେରି ।

୨୬ ଆଡ଼େ କାଣକା ମେହୁଆଗାଟି ପାରୁସିୟାଁ, ନକେଏ ଗିନାଟି ବିତ୍ରାତାଣି ନରୁଦୁ, ଏନିକଁ ପାଙ୍ଗାତା ଜିକେଏ ନରୁଝି ଆନେ ।”

୨୭ ଅଆୟତ୍ତା ତଣ୍ଡ ପାଣ୍ଡନି କୁଟୁଗାଟି ମୋରା ପୁନାତେରି ଇଞ୍ଜା ପାରୁସିୟାଁ, ଏନାଆଁତାକି ଇଚିହଁ ମୀରୁ ହୁନୁ ଉସପିତି ମାଡ଼ହା ମୁହନି ଟାୟଲେହେଁ ତାତେରି । ଏଦି ପାଙ୍ଗାତା ଅଜିକଁ ତଞ୍ଜାଆନେ, ସାମା ବିତ୍ରା ହାଡ଼ାରି ପେଣକା ଇଞ୍ଜା ସୀରୁତାୟି ନେଞ୍ଜାମାନେ;

୨୮ ଏଲେକିହଁ ଏ ମୀରୁ ଜିକେଏ ପାଙ୍ଗାଟି ଲକୁ ନକିତା ଦାମ୍ବୁଗାଟାତେରି ଲେହେଁ ତଞ୍ଜା ଆଡ଼େରି, ସାମା ମୀ ହିୟାଁ ବିତ୍ରା କୁଟୁ ଅଡ଼େ ପାପୁ ନେଞ୍ଜାମାନେ ।

ଜୀସୁ ଏଞ୍ଜାରାଇଁ ତଣ୍ଡ ପାଣ୍ଡନି କାତା ଝେହନାୟି
(ଲୁକ ୧୧:୪୭-୫୧)

୨୯ ଆୟତ୍ତା ତଣ୍ଡ ପାଣ୍ଡନି କୁଟୁଗାଟି ମୋରା ପୁନାତେରି ଇଞ୍ଜା ପାରୁସିୟାଁ, ଇଚିହଁ ମୀରୁ ମାହାପୁରୁ ଅଣପୁତି ବଲୁ ଝେହନାରି ମାଡ଼ହା ମୁହନି ଟାୟ କେପାନା, ଦାମ୍ବୁଗାଟାରି ମାଡ଼ହା ମୁହନି ଟାୟୁତି ମୁଣ୍ଡା ଅଜିକଁ କିହାନା ଏଲେଇଞ୍ଜିମାଞ୍ଜେରି;

୩୦ ମାମ୍ବୁମ୍ବା ଆକୁ ଆବାୟାଁ ବେଲାତା ମାଟିହଁ ମା, ମାହାପୁରୁ ଅଣପୁତି ବଲୁ ଝେହନାରାଇଁ ପାୟାଲି ଆଣ୍ଡାଆତମିମା ।

୩୧ ଏଦାଆଁତାକି ମୀରୁଏ ମାହାପୁରୁ ଅଣପୁତି ବଲୁ ଝେହନାରାଇଁ ପାୟାମାନି ଲକୁତି ମୀରକାତେରି, ଏ କାତାତାକି ମୀରୁଏ ମିଙ୍ଗେ ସାକି ହାହା କଡ଼ିମାଞ୍ଜେରି ।

୩୨ ମୀରୁ ହାଜାନା ମୀ ଆକୁ ଆବାୟାଁ କିତି କାମା ରାପୁଦୁ ।

୩୩ ଅଡ଼େ ରାସକାତେରି, ଇଞ୍ଜା ବାସା ଗାଟି ରାସକା କୁଡ଼ାତି ମୀରକାତେରି, ମୀରୁ ବିଚାରା ଦିନାତା ଏନିକଁ ହିରୁ ଗୁଦ଼଼ାତି ତଣ୍ଡଟି ପିସପି ଆଡ଼େରି ?

୩୪ ଏଦାଆଁତାକି ମେହୁଦୁ ନାନୁ ମୀ ତାଣା ମାହାପୁରୁ ଅଣପୁତି ବଲୁ ଝେହନାରାଇଁ, ବୁଦି ଗାଟାରାଇଁ, ଇଞ୍ଜା ଜାପୁନି ଗୁରକାଇଁ ପାଣ୍ଡିମାଞ୍ଜାଇଁ; ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରାଇଁ ପାୟିଦେରି, ପାସି ମୁଣ୍ଡାତା ଏକହାନା ପାୟିଦେରି, ଅଡ଼େ ଆମ୍ବା ଆମ୍ବାଆରାଇଁ ଜୀହୁଦି ଲକୁତି କୁଟମି ଇଲୁତାଁ ସାଡ଼଼଼ାଟି ତ୍ରିଡିତଲେ ଝେଦେରି, ଇଞ୍ଜା ଗାଡ଼ାତାକି ଗାଡ଼ା ଗଡ଼ହା ନିନ୍ଦା କିଦେରି ।

୩୫ ଏନିକଁ ଦାମ୍ବୁଗାଟି ହେବଇଁ ପାୟିତି ଦିନାଟିଏ, ମାହାପୁରୁ ଇଲୁ ପିଣ୍ଡା ଦାରିତା ବେରିକିୟ ମୀରୁଏସି ଜିକିରିୟଇଁ ପାୟିତି ପାଡେକା, ଦାରୁଡିତା ଏଡେକା ନେହାଁରାଇଁ ପାୟାମାଞ୍ଜେରି, ଏ ବାରେ କାମାତି ତଣ୍ଡ ମୀ ମୁହେଁ ଝାନେ ।

୩୬ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଇ କାଲାତି ଲକୁ ମୁହେଁ ଇ ବାରେ ତଣ୍ଡ ରିନେ ।

ଜିରୁସାଲମତି ଜୀସୁ ଜୀଞ୍ଜୁନନାୟି
(ଲୁକ ୧୩:୩୪-୩୫)

୩୭ ଏ ଜିରୁସାଲମ, ଏ ଜିରୁସାଲମ ! ମାହାପୁରୁ ଅଣପୁତି ବଲୁ ଝେହନାରାଇଁ ପାୟିନାତି ନୀ ତାଣା ପାଣ୍ଡିଆ ଡ଼ାଡ଼ାରାଇଁ ଝାଲକାତଲେ ଝେନାଟି, କୟୁ ଏନିକଁ ତାନି ହୀପାୟାଁଣି କୁଡ଼ି କିହାନା ମାରାୟାଁ ତୁଇ ପୁକହାନା ଜଞ୍ଜିନେ, ନାନୁ ନୀ ଲକୁଇଁ ଏତର ପାଲି ଏଲେକଁ କୁଡ଼ିକିହାଲି ମନ କିଡେସଁ, ସାମା ଏଞ୍ଜାରି ମନ ହୀଆତେରି ।

୩୮ ଅଡ଼େ ମେହୁଦୁ ମୀ ମାହାପୁରୁ ଇଲୁ ମୀ କେୟୁତା ହୀପୁକି ଆହାମାଞ୍ଜାନେ ।

୩୯ ଇଚିହଁ ନାନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁ ଦରୁଟି ଆମ୍ବାଆସି ଝାହୁମାନେସି, ଏଞ୍ଜାସି ନେହାଁସି, ମୀରୁ ଏ କାତା ଜଲ୍ଲାଆ ପାଡେକା ନୀଞ୍ଜୁଟିଏ ନାଙ୍ଗେ ଅଡ଼େ ମେସୁଅତେରି ।

୨୪

ମାହାପୁରୁ ଇଲୁ ନସୁ ଆନି କାତା
(ମାର୍କ ୧୩:୧-୨; ଲୁକ ୨୧:୫-୬)

☆ ୨୩:୨୭ କାମା ୨୩:୩୩ ☆ ୨୩:୩୩ ମାତି ୩:୭; ୧୨:୩୪; ଲୁକ ୩:୭ † ୨୩:୩୪ ସିନଗର

୧ ଜୀମ୍ବୁ ମାହାପୁରୁ ଇଲୁତି ହଡ଼ା ହାଜିମାଗାଟି ତାନି ସୀସୁୟାଁ ମାହାପୁରୁ ଇଲୁତି ବାରେ ଇଲୁକାଣି ତସାଲି ତାନି ତାଣା ଖାଡ଼ତେରି,

୨ ସାମା ଜୀମ୍ବୁ ଏଞ୍ଜାରାଇଁ ଏଲେଇଚେସି, “ମୀରୁ ଈ ବାରେ ମେସି ହିଲଅତେରି ? ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଇମ୍ପାଆଁ ମାନି ର ଖାଲି ଅର୍ ଖାଲି ଲାକ ତୁୟେଏ, ଈ ବାରେଏ ମେଣ୍ଟଙ୍ଗାହାନୁ ।”

କସ୍ତ୍ର ଅଡ଼େ ନିନ୍ଦା ଖାନ୍ତି କାତା
(ମାର୍କ ୧୩:୩-୧୩; ଲୁକ ୨୧:୭-୧୯)

୩ ତାୟୁ ଜୀମ୍ବୁ ଜାତ ହରୁ ଲାକ କୁଗାଲିଏ, ତାନି ସୀସୁୟାଁ ମେଣେଏ ଖାହାନା ଖେଚେରି, “ଇ ବାରେ ଏଚେଲ୍ଲା ଆନେ, ଅଡ଼େ ନାନୁ ଖାନାୟି ଇଞ୍ଜା କୁଗୁ ରାନି ଦିନାତି ସିନା ଏନାୟି ଏଦାଆଁ ମାଙ୍ଗେ ଖେସ୍ତାମୁ ।”

୪ ଏମ୍ପାଟିଏ ଜୀମ୍ବୁ ଏଞ୍ଜାରାଇଁ ଏଲେଇଚେସି, “ଜାଗ୍ରାତା ଏନିକ୍ ଆମ୍ପାଆରି ମିଙ୍ଗେ ନାଡ଼ି କିୟଅରି ।

୫ ଇଚିହଁ ହାରେକା ନା ଦରୁତି ଖାହାନା ନାନୁ କ୍ରୀସ୍ତତେଏଁ ଇଞ୍ଜାଁ ଖେସାମା ହାରେକା ଲକୁଇଁ ନାଡ଼ି କିନେରି ।

୬ ଅଡ଼େ ମୀରୁ କୁକୁତି କାତା ଇଞ୍ଜାଁ କୁକୁତା କାଲୁଞ୍ଜି ଆହିମାନି ଲକୁତି ହାଡ଼ା ଖେଞ୍ଜେରି; ଜାଗ୍ରାତା କିଲିବିଲି ଆଆଡୁ । ଏନାଆଁତାକି ଇଚିହଁ ଈ ବାରେ ଆନାୟି ମାନେ, ସାମା ଏ କାଲୁ କୁଗୁ ରାନାୟି ଆଏ ।

୭ ଇଚିହଁ ଦେସା କପାଟି ଦେସା, ଅଡ଼େ ରାଜି କପାଟି ରାଜି ଗଡ଼ହା ନିଜିନେ, ଇଞ୍ଜାଁ ଆସି ଆମ୍ପାୟା କାରୁଞ୍ଜୁ ଆନେ, ଅଡ଼େ ବୁମି ଖାଡ଼ିନେ ।

୮ ସାମା ଈ ବାରେ କକାରି ପଦାୟାଁ ବେଟାଆନାଟି ତଲିଏ ଲୁଞ୍ଜିନି ବୀସାଲେହେତାୟି ।”

୯ *ଏଚିବେଲ୍ଲାତା ଲକୁ ମିଙ୍ଗେ କସ୍ତ୍ର ହିୟାଲି ହେରପାନେରି, ଇଞ୍ଜାଁ ମିଙ୍ଗେ ପାୟାନେରି, ଇଞ୍ଜାଁ ନା ଦରୁ ତାକି ମୀରୁ ବାରେ କୁଡ଼ାତି ଲକୁ ତାଣା ଅପାଆ ଗାଗାତେରି ଆଦେରି ।

୧୦ ଏଚିବେଲା ହାରେକା ଲକୁ ତାନି ନାମୁତି ପିହନେରି, ଅଡ଼େ ରଅସି ରଅଣାଇଁ ଆସପି କିଞ୍ଜି କିନେରି, ଅଡ଼େ ରଅସି ରଅଣାଇଁ ଅପ୍ଞି ଆଅରି,

୧୧ ଅଡ଼େ ହାରେକା ମାହାପୁରୁତି ମିତି ବଲୁ ଖେହନାରି ନିଙ୍ଗାନା ହାରେକା ଲକୁଇଁ ନାଡ଼ି କିନେରି,

୧୨ ଅଡ଼େ ଲାଗେଏ ପଲେଏ କାମା ଗାଡ଼ି ଆଡ଼ିସାରେ, ହାରେକା ଲକୁତି ତାନି ଜୀମ୍ବୁନାୟି ଉଣା ଆନେ ।

୧୩ *ସାମା ଆମ୍ପାଆସି ରାନି ପାତେକା ସାସା ଆସାନା ତୁୟିନେସି ଏଞ୍ଜାସି ଗେଲୁପି ଆନେସି ।

୧୪ ଅଡ଼େ ବାରେ ଲକୁ ନକିତା ସାକି ଆହାଲିତାକି, ମାହାପୁରୁ ରାଜିତି ଈ ନେହଁ କାବୁ ବାରେ ଦାର୍ତତିତା ଖେପ୍ଞକିଆନେ, ତାୟୁ କୁଗୁ ରାନେ ।”

ନାସାକିନି ଅପାଆଗାଟି କାତା
(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ “ଏଦାଆଁତାକି ମୀରୁ ଏଚିବେଲା ମାହାପୁରୁ ଅଣ୍ଟପୁତି ବଲୁ ଖେହନି ଦାନିୟେଲ ଖେସ୍ତି କାତାଲେହେଁ ନାସାକିନି ଅପାଆଗାଟି ଆସ୍ତିତି ସୁଦୁ ଟାୟୁତା ଇଟାମାନାଣି ମେହ୍ଦେରି” ପଡ଼ୁଞ୍ଜି ଆନାସି ଜାଗ୍ରାତା ଆହାନା ପୁଣ୍ଡମେସି

୧୬ ଏଚିବେଲା ଆମ୍ପାଆରି ଜୀହୁଦା ରାଜିତା ମାନେରି, ଏଞ୍ଜାରି ହରୁକା ଲାକ ହଣପାରି;

୧୭ *ଆମ୍ପାଆସି ଇଲୁ ଲାକ ମାନେସି, ଏଞ୍ଜାସି ତାନି ଇଲୁ ବିଡ଼ା ଆସ୍ତି ତାକାହାଜାଲି ରେଟା ଖାଆପେସି;

୧୮ ଅଡ଼େ ଆମ୍ପାଆସି ଗୁଡ଼ିୟାତା ମାନେସି, ଏଞ୍ଜାସି ତାନି ହିମ୍ପରି ଅହାଲି ଖେଣ୍ଡେ ହାଲାଆପେସି ।

୧୯ ଏଚିବେଲାତା ପୁରାମାସା ଆହାମାନାଇଁ ଇଞ୍ଜାଁ ପାଲୁ ଉତ୍ତହିମାନାଇଁ ଆୟଡ଼ା ଏଞ୍ଜି ଉଣେଏ କସ୍ତ୍ର ପାଣ୍ଡୁ,

୨୦ ସାମା ମୀ ହଣନାୟି ପେନି ବେଲାତା କି ଜମିନି ଦିନାତା ଆଆପେ, ଏଦାଆଁତାକି ପ୍ରାତାନା କିଦୁ ।

୨୧ *ଇଚିହଁ ଏଚିବେଲାତା ଇଲେତି କସ୍ତ୍ର ଆନେ, ମାହାପୁରୁ ଦାର୍ତତିତି ଗାଡ଼ିକିତି ଦିନାଟିଏ ନାଞ୍ଜୁପାତେକା ଏଲେକ୍ ଆହା ହିଲେଏ, ଇଞ୍ଜାଁ ଏଲେକ୍ ଏଚେଲ୍ଲାଖା ଆଏ ।

୨୨ ଅଡ଼େ ମାହାପୁରୁ ଏ ବେଲାତି ଉଣା କିହା ହିଲାଆତିହଁ ମା; ଦାର୍ତତିତା ଆମ୍ପାଆସି ଜିକେଏ ଗେଲୁପି ଆଆତେସିମା, ସାମା ତାନି ଆଡ଼ିତି ଲକୁତାକି ଏ କସ୍ତ୍ର ଉଣା କିନେସି ।

୨୩ “ଏଚିବେଲା, ‘ମେହ୍ଦୁ କ୍ରୀସ୍ତ ଇମ୍ପାଆଁ ମାନେସି ଆଆତ’ ଏମ୍ପାଆଁ ମାନେସି’ ଇଞ୍ଜାଁ ଆମ୍ପାଆସି ମିଙ୍ଗେ ଏଲେକିହଁ ଖେସ୍ତାନେସି ଇଚିହଁ ଏଦାଆଁ ନାମାଆଡୁ ।

୨୪ ଇତିହାସ ନାଟକିନି କ୍ରୀୟାୟା ଅତେ ମାହାପୁରୁ ବଲୁ ମିତି ଶ୍ରେୟନାରି ନିଜ୍ଞାନା ହାରେକା କାଜା ସିନା ଅତେ କାବାଆନି କାମାୟା ତହୁନେରି, ଆଡ଼ିତିହା ଆଡ଼ିଆଡ଼ି ଲକ୍ଷଣି ଜିକେଏ ନାଡ଼ି କିନେରି ।

୨୫ ମେହଦୁ ନାନୁ ମିଜେ ତଲିଏ ଶ୍ରେୟମାଞ୍ଜାଇ ।”

୨୬ “ଇଦାଆଁତାକି ‘ମେହଦୁ ଏଝାସି ବାଗାତା ମାନେସି’ ଇଞ୍ଜି ଲକ୍ଷଣି ଶ୍ରେୟାଡ଼ିହା ହାଲିଆଦୁ; ‘ମେହଦୁ ବିତ୍ତା ବାକାତା ମାନେସି’ ଇଞ୍ଜି ଶ୍ରେୟାଡ଼ିହା ଏଦାଆଁ ନାମାଆଦୁ ।

୨୭ ଇତିହାସ ହାଗୁ ମିହୁନି ବେଲାତି ଉଜେଡ଼ି ଏନିକି ଶ୍ରେଡ଼ା ହପୁ ଖାକିଟି ହଡ଼ାନା ଶ୍ରେଡ଼ା କୃଡ଼ନି ପାତେକା ତଞ୍ଜାଆନେ, ଏଲେଆହୁ ଏ ମାଣସି ମୀରୁଏସି ଖାନେସି ।”

୨୮ ଏସମିୟା ମାଡ଼ହା ରିହାମାନେ ଏମାଆଁ ରାମ୍‌ଶାୟା ରୁଣ୍ଡା ଆନୁ ।

ମାଣସି ମୀରୁଏସି ଖାନାୟି

(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ “ସାମା ଏଚିବେଲାତି କସ୍ ତାୟୁ ଦେବୁଣିଏ ଶ୍ରେଡ଼ା ଆନ୍ଦେରି ଆନେ, ଅତେ ଲେଞ୍ଜୁ ଉଜେଡ଼ି ହାଏ, ଅତେ ହାଗୁଟି ହୁକାୟା ତରରିନୁ, ଇଞ୍ଜା ହାଗୁ ଲାକତି ବାଡ଼ୁଲୁ ବାରେ ଖାତିନେ ।

୩୦ ଏଚିବେଲା ହାଗୁ ଲାକତି ମାଣସି ମୀରୁଏସି ସିନା ତଞ୍ଜାଆନେ, ଇଞ୍ଜା ମାଣସି ମୀରୁଏଶାଇଁ କାଜା ବାଡ଼ୁୟୁ ଅତେ ଗାଝୁରମିଗାଟି ଉଜେଡ଼ି ତଲେ ହାଗୁଟି ଦୁନ୍ଦାଟି ଖାନାଣି ମେସାନା ଦାରୁତି ବାରେ କୃଡ଼ାତି ଲକ୍ଷଣି ହାରେକା ଦୁକୁ ତଲେ ଡ଼ାନେରି ।

୩୧ ଅତେ ଏଝାସି ତାଡ଼ି ମହୁରି ହାଡ଼ାତଲେ ତାନି ଦୁଡ଼ୁୟାଣି ପାଣିନେସି ଇଞ୍ଜା ଏଝାରି ଦାରୁତି ମୁଟପେଡ଼ି ହାନ୍ଦିଟିଏ ହାଗୁଲାକତି ମୁଟପେ ହାନ୍ଦି ପାତେକା ସାରିଖାକିଟି ତାନି ଆଡ଼ାମାନି ଲକ୍ଷଣି ରୁଣ୍ଡା କିନେରି ।”

ତୟା ମାରୁନୁତି କାତା

(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ତୟା ମାରୁନୁ ପୁଣ୍ଡାସି କିନି କାତାଟି ଜାପାଦୁ; ଏଚିବେଲା କମାତା ଆକା ଗାଲୁନାଣି ମେସିହା କାରାୟା ଶ୍ରେଡ଼ା ଖାତେ ଇଞ୍ଜି ପୁଞ୍ଜେରି ।

୩୩ ଏଲେକିହା ଏ ମୀରୁ ଜିକେଏ ଇ ବାରେ ମେସିସାରେ ଏଝାସି ଦୁଞ୍ଜେରି ତାଗେ ମାନେସି ଇଞ୍ଜି ପୁଞ୍ଜେରି ।

୩୪ ନାନୁ ମିଜେ ସାତା ଶ୍ରେସିମାଞ୍ଜାଇଁ, ଇ ବାରେ ଗଟଞ୍ଜି ଆଆପାତେକା ଇ କାଲାତି ଲକ୍ଷଣି ଏନିଜିକେଏ ମେଶଜିଅରି ।

୩୫ ହାଗୁପାକା ଦାରୁତି ବାରେ ମେଶଜିନେ, ସାମା ନା ବଲୁ ଏତେଲାଖା ମେଶଜେଏ ।”

ଖାନି ଦିନା ଅତେ ତଣ୍ଡି ଆମାଆସି ପୁନଅସି

(ମାର୍କ ୧୩:୩୨-୩୬; ଲୁକ ୧୭:୨୭-୩୦, ୩୪-୩୬)

୩୬ ସାମା ଏ ଦିନା ତଣ୍ଡି କାତା ଆମାଆସି ପୁନଅସି, ଲାକପୁରୁତି ଦୁଡ଼ୁୟା କି ମୀରୁଏସି ଜିକେଏ ପୁନଅସି, ଖାରୁଇ ଆବାଦେ ପୁନେସି ।

୩୭ ଅତେ ନହ ବେଲାତା ଏନିକି ଆହାମାଗେ, ମାଣସି ମୀରୁଏସି ଖାନି ବେଲାତା ଏଲେକି ଆନେ ।

୩୮ ଇତିହାସ ଖାରୁ କୁପିନି ନଚକଏ, ନହ ତଂଗତା ହଡ଼ନି ଦିନା ପାତେକା ଲକ୍ଷଣି ଏନିକି ତଞ୍ଜି ଉଣ୍ଡିହା, ବାହା କିୟାଲି ବାହା ହିୟାଲି ହେରାମାତେରି,

୩୯ ଇଞ୍ଜା କାଜା ପିୟୁତଲେ ଖାରୁ ଖାହାନା କୁପୁହା ଅନି ପାତେକା ଏନିକି ଏଝାରି ପୁଞ୍ଜାହିଲାଆତେରି, ମାଣସି ମୀରୁଏଶା ଖାନାୟି ଜିକେଏ ଏଲେଆହୁ ଏ ଆନେ ।

୪୦ ଏଚିବେଲାତା ରିଆରି ଗୁଡ଼ିୟାତା ମାନେରି, ରଅସି ଅଞ୍ଜିଆନେସି ରଅସି ଏମାଆଁ ଡ଼ୟିନେସି ।

୪୧ ରା ଇୟାସିକା ଜେତାତା ନୂୟି ମାନୁ ରଣ୍ଡି ଅଞ୍ଜିଆନେ ଅତେ ରଣ୍ଡି ଏମାଆଁ ଡ଼ୟିନେ ।

୪୨ ଇଦାଆଁତାକି ଜାଗ୍ରାତା ଆହାନା ମାଞ୍ଜୁ, ଏନାଆଁତାକି ଇତିହାସ ମୀ ପ୍ରଭୁ ଆମିନି ଦିନା ଖାନେସି, ଏଦାଆଁ ମୀରୁ ପୁଞ୍ଜାହିଲଅତେରି ।

୪୩ ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ନେକେରିତା ସରୁ ଖାନେସି, ଏଦାଆଁ ସାଝୁକାରି ପୁଞ୍ଜାମାଟିହା ମା, ଜାଗ୍ରାତା ଆହାନା ତାନି ଇଲୁତି କାତି ତୁଡ଼ହାଲି ହାଆତେସିମା ।

☆ ୨୪:୨୭ ଲୁକ ୧୭:୨୩, ୨୪ ☆ ୨୪:୨୮ ଲୁକ ୧୭:୩୭ ☆ ୨୪:୨୯ ଶ୍ରେ ବଲୁ ୬:୧୨; ଶ୍ରେ ବଲୁ ୬:୧୩ ☆ ୨୪:୩୦ ଶ୍ରେ ବଲୁ ୧:୭ ☆ ୨୪:୪୩ ଲୁକ ୧୨:୩୯, ୪୦

୪୪ ଏଦାଆଁତାକି ମୀରୁ ଜିକେଏ କାଡ଼ାନା ମାଞ୍ଜୁ, ଇଚିହଁ ଆମିନି ବେଲ୍ଲାତା ମୀରୁ ଅଣ୍ଡା ହିଲଅତେରି, ଏ ବେଲ୍ଲାତା ମାଣ୍ଡିସି ମୀରୁଏସି ଖାନ୍ଦେସି ।

ଟିକାଣା ଗାଟାସି ଅଡ଼େ ଟିକାଣା ହିଲଆଗାଟି ହଲେଏସି
(ଲୁକ ୧୨:୪୧-୪୮)

୪୫ ସାଞ୍ଜୁକାରି, ତାନି ଇଲୁତି ଲକୁତାକି, ରାନ୍ଦା କାଟୁତା ରାନ୍ଦା ହାହାଲି, ତାନି ଗୁମୁସ୍ତା ପାଣା ଆମ୍ବାଆରାକି ହାହାମାନେସି, ଇଲେତି ନାମ୍ବୁ ଅଡ଼େ ବୁଦିଗାଟି ଗୁମୁସ୍ତା ଆମ୍ବାଆସି,

୪୬ ପ୍ରବୁ ଖାହାନା ତାନି ଆମିନି ହଲେଏଣାଲ୍ ଏଲେକିହଁ ମାନାଣାଲ୍ ମେହ୍ନେସି, ଏଝାସି ନେହଁସି !

୪୭ ନାନୁ ମିଜେ ସାତା ଝେସିମାଞ୍ଜାଲ୍, ଏଝାସି ଏଝାଣାଲ୍ ତାନି ବାରେ ଦନତି ମୁହେଁ ଗୁମୁସ୍ତା କିନେସି ।

୪୮ ସାମା ଏ ହଲେଏସି ଲାଗେଏ ପଲେଏତାସି ଆହାନା, ନା ସାଞ୍ଜୁକାରି ଖାନ୍ଦାସି ମାନେୟିଏ ଇଞ୍ଜୁଁ ତାନି ମନତା ଅଣ୍ଡାପାନା,

୪୯ ଏଝାସି ତାନି ତଲେତି ହଲିୟାଙ୍ଗାଣି ଝେଟିହଁ, କାଡ଼ୁ ଗୁହନାରି ତଲେ ତିଞ୍ଜିହଁ ରସିହଁ ମାନେସି,

୫୦ ଆତିହଁ ଆମିନି ନେରୁ ହଲେଏସି କାଡ଼ାହିଲଅସି ଅଡ଼େ ଏମିନି ବେଲ୍ଲା ପୁଞ୍ଜାହିଲଅସି ଏ ଦିନା ଏ ବେଲ୍ଲାତା ତାନି ପ୍ରବୁ ଖାନ୍ଦେସି ।

୫୧ ଇଞ୍ଜା ଏଝାଣାଲ୍ ରୀ ବାଗା କିହଁ ଦାଡ଼ାନା କୁରୁ ଗାଟାରି ତଲେ ତାନି ବାଗା କିନେସି; ଏମ୍ବାଆଁ ତାନାସି ଅଡ଼େ ପାଲ୍ଲକା ଟାଟି କିନାସିମାନେ ।

୨୫

ଦସ ଜାଣା ଡ଼ାଆ ପଦାୟାଁତି ପୁଣ୍ଡିକିନି କାତା

୧*ଏଚିବେଲ୍ଲା ଲାକପୁରୁତି ରାଜି ଦସ ଜାଣା ଡ଼ାଆ ପଦାୟାଁ ଲେହେଁ ଆନ୍ଦେ; ଏଝି ତାନି ଦୀଝିୟାଁ ଆସାନା ବାହା ହନେଏଣାଲ୍ ବେଟାଆହାଲି ହାରୁ ।

୨ ଏଝାସିକା ବିଡ଼ା ପାସା ଜାଣା ବୁଦି ହିଲଆଗାଟାଲ ଇଞ୍ଜା ପାସା ଜାଣା ବୁଦି ଗାଟାଲ ମାରୁ ।

୩ ବୁଦି ହିଲଆଗାଟାଲ ତାନି ଦୀଝିୟାଁ ଅଡ଼େ ସାମା ଏଟୁକା ନିୟୁଁ ଅଆରୁ,

୪ ସାମା ବୁଦି ଗାଟାଲ ତାନି ଦୀଝିୟାଁ ତଲେ ଗାଲୁତା ନିୟୁଁ ଅହଁ ହାରୁ ।

୫ ବାହା ହନେଏସି ଖାନ୍ଦାସି ଝେଡ଼ା ଆୟାଲିଏ, ବାରେଜାଣା କଟଣି ହଚିହଁ ତୁରାତୁସୁ ।

୬ ସାମା ମାଦି ଲାଆଁୟାଁ ମେହ୍ନୁ ବାହା ଦାଂଗଣେଏସି ଖାହିମାନେସି, ବେଟାଆହାଲି ଖାଦୁ ଇଞ୍ଜୁଁ ର କାଜା ହାଡ଼ା ଆଡ଼େ !

୭ ଏମ୍ବାଟିଏ ଡ଼ାଆସିକା ନିଙ୍ଗାନା ତାନି ଦୀଝିୟାଁ ପ୍ରଡ଼ହୁ ।

୮ ସାମା ବୁଦି ହିଲଆଗାଟାଲ ବୁଦିଗାଟି ଡ଼ାଆସିକାଣି ଏଲେଇରୁ, ମୀ ନିୟୁଁ ଇଟାଣି ଲାକା ମାଜେ ହିୟାଦୁ, ଇଚିହଁ ମା ଦୀଝିୟାଁ ତୁମ୍ବାହାଜିମାନୁ ।

୯ ସାମା ବୁଦିଗାଟାସି ଏଲେଇରୁ, ଆଏ ମିଜେ ଅଡ଼େ ମାଜେତାକି ନିୟୁଁ ଏଦେଏ, ବାଜାରାତା ହାଜାନା ମିଜେତାକି ନିୟୁଁ କତା ତାଦୁ ।

୧୦ ସାମା ଏଝି ନିୟୁଁ କତାଲି ହାଜିମାଟାଟି ହନେଏସି ଖାଡ଼େସି; ଇଞ୍ଜା ଆମିନି ଗାଟାଲ ତିୟାରା ଆହାନା କାଡ଼ାମାରୁ, ଏଝି ହନେଏଣି ତଲେ ବାହା ବଜି ଇଲୁତା ହରୁ, ଅଡ଼େ ଦାରା ସୁଣିତେସି ।

୧୧*ଏଚେଟିଏ ଡ଼ାୟୁ ଅର ଡ଼ାଆ ପଦାୟାଁ ଜିକେଏ ଖାହାନା ଏଲେଇରୁ, ଏ ପ୍ରବୁ ଏ ପ୍ରବୁ ମାଜେତାକି ଦାରା ଦେତାମୁ ଇଞ୍ଜୁଁ ହାଟିତୁ ।

୧୨ ଏଚେଟିଏ ବାହା ହନେଏସି ଏଲେଇତେସି, “ନାନୁ ମିଜେ ସାତା ଝେସିମାଞ୍ଜାଲ୍, ନାନୁ ମିଜ ପୁଞ୍ଜାମାଞ୍ଜୁଅଁ ।”

୧୩ ଇଦାଆଁତାକି ଜାଗ୍ରାତା ମାଞ୍ଜୁ ଏ ଦିନା କି ଏ ତଣ୍ଡା ଆମ୍ବାଆରି ପୁନଅରି ।

ତାନି ଜାଣା ହଲିୟାଙ୍ଗାଟି ପୁଣ୍ଡିକିନି କାତା
(ଲୁକ ୧୯:୧୧-୨୭)

୧୪*ଲାକପୁରୁ ରାଜି ଇଲେତାସି, ଇଚିହଁ ହେକ ରାଜି ହାଜିମାନି ର ମାଣ୍ଡିସି, ଏଝାସି ତାନି ହଲିୟାଙ୍ଗାଣି ହାଡ଼ାନା ତାନି ଦନତି ହେରୁପିତେସି ।

☆ ୨୫:୧ ଲୁକ ୧୨:୩୫ ☆ ୨୫:୧୧ ଲୁକ ୧୩:୨୫ ☆ ୨୫:୧୪ ଲୁକ ୧୯:୧୧-୨୭

୧୫ ଏଞ୍ଜି ସି ରଥଣାକି ପାସାମାଣା, ଅଡ଼େ ରଥଣାକି ରା ମାଣା, ଇଞ୍ଜି ଅଡ଼େ ରଥଣାକି ର ମାଣା ଇଲେକିହୁ ବାରେଡାକି ତାନି ଆଡ଼ିନି ବାଡ଼ୁରୁ ତଲେ ହାହାନା ହେକ ରାଜିତା ହାରେସି ।

୧୬ ଆମିନିଗାଗାସି ପାସାମାଣା ବେଟା ଆହାମାରେସି, ଏଞ୍ଜିସି ଏଞ୍ଜିଆଁ ଅହାନା ବେବାରା କିହାନା ଅଡ଼େ ପାସାମାଣା ଲାଡ଼ା କିଡେସି ।

୧୭ ଏଲେକିହୁ ଏ ଆମିନିଗାଗାସି ରା ମାଣା ବେଟା ଆହାମାଗାସି ଏଞ୍ଜିସି ଜିକେଏ, ଅଡ଼େ ରା ମାଣା ଲାଡ଼ା କିଡେସି ।

୧୮ ସାମା ଆମିନିଗାଗାସି ର ମାଣା ବେଟା ଆହାମାରେସି, ଏଞ୍ଜିସି ହାଜାନା ବୁମି କାରୁହାନା ତାନି ସାଞ୍ଜୁକାରି ଚାକାର୍ଯ୍ୟି ମୁସାନା ଡ଼କୁହା ଇଡିଡେସି ।

୧୯ ହାରେକା ଦିନା ହାଡି ତାମୁ ଏ ହଲିୟାଙ୍ଗାଡି ସାଞ୍ଜୁକାରି ଖାହାନା, ଏଞ୍ଜିରିତଲେ ଲେକା କିଡେସି ।

୨୦ ଅଡ଼େ ଆମିନିଗାଗାସି ପାସାମାଣା ବେଟା ଆହାମାରେସି, ଏଞ୍ଜିସି ଅଡ଼େ ପାସାମାଣା ତାଗନା ଏଲେକିଡେସି, ପ୍ରୁ ନୀନୁ ନାଙ୍ଗେ ପାସାମାଣା ହାହାମାଞ୍ଜାଡି; ମେହୁମୁ ନୀନୁ ଅଡ଼େ ପାସାମାଣା ଲାଡ଼ା କିହାମାଲ ।

୨୧ ତାନି ସାଞ୍ଜୁକାରି ତାଙ୍ଗେ ଏଲେକିଡେସି, ଆୟିଲେତା ନେହୁ ଟିକାଣାଗାଡି ହଲେଏଣାଡି, ନୀନୁ ଉଣା କାମାତା ନାମୁ ଗାଗାଡି ଆହାମାଞ୍ଜି, ନୀନୁ ନିଙ୍ଗ ହାରେକା କାଜା କାମାତା ହେଡ଼ପାଇ, ନୀନୁ ନା ତଲେ ରାହୁଁ କିହାଲି ଖାମୁ ।

୨୨ ଅଡ଼େ ଆମିନିଗାଗାସି ରା ମାଣା ବେଟା ଆହାମାରେସି, ଏଞ୍ଜିସି ଜିକେଏ ଖାହାନା ଏଲେକିଡେସି, ଏ ପ୍ରୁ ନୀନୁ ନାଙ୍ଗେ ରା ମାଣା ହାହାମାଞ୍ଜାଡି; ମେହୁମୁ ନୀନୁ ଅଡ଼େ ରା ମାଣା ଲାଡ଼ା କିହାମାଲ ।

୨୩ ତାନି ସାଞ୍ଜୁକାରି ଏଞ୍ଜାଣାଇ ଜିକେଏ ଏଲେକିଡେସି, ଆୟିଲେତା ନେହୁ ଇଞ୍ଜି ଟିକାଣାଗାଡି ହଲେଏଣାଡି, ନୀନୁ ଉଣା କାମାତା ନାମୁ ଗାଗାଡି ଆହାମାଞ୍ଜି, ନୀନୁ ନିଙ୍ଗ ହାରେକା କାଜା କାମାତା ହେଡ଼ପାଇ, ନୀନୁ ନା ତଲେ ରାହୁଁ କିହାଲି ଖାମୁ ।

୨୪ ତାମୁ ର ମାଣା ଚାକାର୍ଯ୍ୟି ଅହାମାଡି ହଲେଏସି ଏଲେକିଡେସି, ସାଞ୍ଜୁକାରି, ନୀନୁ ପୁଞ୍ଜାମାଲ, ନୀନୁ ର ଆଡ଼ୁଞ୍ଜା ହିୟି ଗାଗାଡି । ମାଗାଆଡି ବୁମିତା ନୀନୁ ଦାଃଆନାଡି । ବିଟା ମାଗାଆନା ଆନା କୁଡି କିନାଡି ।

୨୫ ଏଦାଆଁତାକି ଆଜାହାଁ ନୀନୁ ନୀ ଚାକାର୍ଯ୍ୟି ବୁମିତା ମୁସାନା ଡ଼କୁହା ଇଡିଡେସି; ମେହୁମୁ ନୀ ଦନ ନୀନୁ ବେଟାଆଡି ।

୨୬ ସାମା ତାନି ସାଞ୍ଜୁକାରି ଏଞ୍ଜାଣାଇ ଏଲେକିଡେସି, ଆଡ଼େ ଲାଗେଏ ଅଡ଼େ ନିସୁଗାଡି ହଲେଏଣାଡି, ନୀନୁ ଆମିୟା ମାଗା ହିଲଅଁ ଏଦାଆଁ ଦାଃଆନାଡେସି, ଇଞ୍ଜି ଆମିୟା ଆନା ଉପହା ହିଲଅଁ ଏଦାଆଁ କୁଡି କିନାଡେସି, ଇଦାଆଁ ନୀନୁ ପୁଞ୍ଜାମାଡି ?

୨୭ ଆଡିହୁ ବେବାରା କିନାରି ତାଣା ନା ଚାକାର୍ଯ୍ୟି ନୀନୁ ଇଡିନାୟି ମାଡେ; ଆଡିହୁ ନୀନୁ ଖାହାନା ଅଡିଡଲେ ନା ଦନ ନୀନୁ ବେଟାଆଡେସିମା ।

୨୮ ଇଦାଆଁତାକି ଇଞ୍ଜାଣି ତାଣାଡି ଇ ଚାକାର୍ଯ୍ୟି ଅହାନା ଆମିନି ଗାଗାଣାକି ଦସ ମାଣା ମାମୁ ଏଞ୍ଜାଣାକି ହୀମୁ ।

୨୯ ଇଡିହୁ ଆଦାଆରାକି ମାମୁ, ଏଞ୍ଜାଣାକି ହୀପକିଆନେ, ଇଞ୍ଜି ଏଞ୍ଜାଣିଞ୍ଜାୟି ହାରେକା ଗାଡିଆନେ; ସାମା ଆଦାଆରି ତାଣା ହିଲେଏ, ଏଞ୍ଜାଣି ତାଣା ଏନାୟି ମାନେ, ଏଦାଆଁ ଜିକେଏ ଏଞ୍ଜାଣି ତାଣାଡି ଅଞ୍ଜିଆନେ ।

୩୦ ଅଡ଼େ ମୀରୁ ଇ କାମା କିଆଗାଡି ହଲେଏଣାଇ ପାଙ୍ଗାଡି ଆନେରିତା ମେଡ଼ହା ତୁହୁ, ଏଦାଆଁ ଡ଼ାହୁ ପାଲକା ଚାଡି କିନେସି ।

ରାନି ବେଲାଡି ନାହାୟି

୩୧ ମାଣସି ମୀରଏସି ଏଡିବେଲା ବାରେ ଦୁଡ଼ୁୟି ତଲେ ତାନି କାଜାପାଣାଡି ଖାନେସି, ଏଡିବେଲା ଏଞ୍ଜିସି ତାନି ଗାଞ୍ଜୁରମିଗାଡି ସିଂଗାସାଣିତା କୁରିନେସି,

୩୨ ଇଞ୍ଜି ତାନି ନକିତା ବାରେ କୁଡ଼ାଡି ଲକୁଣି କୁଡି କିଞ୍ଜିଆନେ, ଇଞ୍ଜି ମେଣ୍ଡାୟି ଗଡ଼ୁ ନୁନିକି ଗରିୟି ତାଣାଡି ମେଣ୍ଡାୟି ଏଡ଼କା କିନେସି, ଏଲେକିହୁ ଏଞ୍ଜିସି ଏଞ୍ଜାରାଇ ଏଡ଼କା କିହାନା,

୩୩ ମେଣ୍ଡାୟି ତାନି ଚିଃନି ଚଟତା ଇଞ୍ଜି ଗରିୟି ତାନି ବେଡ଼ି ଚଟତା ଇଡିନେସି ।

୩୪ ଏଡିବେଲା ରାଜା ତାନି ଚିଃନି ଚଟତା ଲକୁଣି ଏଲେକିନେସି, ଖାମୁ ନା ଆବାଡି ବର ବେଟା ଆନାଡେରି, ମିଙ୍ଗେଡାକି ଦାରଡି ଗାଡ଼ି ଆଡ଼ି ଦିନାଟିଏ ଆମିନି ରାଜି ଗାଡ଼ି କିଞ୍ଜିଆହାମାନେ ଏଦାଡି ଅଦିକାରା ଆଦୁ ।

୩୫ ଇତିହାସ ନାନୁ ହାକିଟି ମାତେଏ, ମୀରୁ ନାଜେ ତିଞ୍ଜାଲି ହିୟାତେରି; ଏସ୍‌କିଟି ମାତେଏ, ନାଜେ ଗସାଲି ଏୟୁ ହିୟାତେରି; ଏଟ୍‌କା ମାତେଏ ନାଜେ ଆଟ୍‌ହାତେରି;

୩୬ ନାଗ୍‌ତାଟି ମାତେଏ ନାଜେ ହିମ୍‌ବି ହୁଟି କିୟାତେରି; ନଟ୍‌ମେରି ମାତେଏ ନାଜେ କେଟ୍‌ହାତେରି; କାୟିଦିତା ମାତେଏ ନାଜେ ଟ୍ରେଟି ଖାଟେରି ।

୩୭ ଏମ୍‌ବିଟିଏ ଦାମ୍‌ଗାଟାରି ଏଞ୍ଜାଣାଲ୍ ଏଲେଇନେରି, ଏ ପ୍ରବୁ ଏତେଲା ହାକିଟି ମାନାଣି ମେସାନା ନିଜେ ତିଞ୍ଜାଲି ହିୟାଆତମି ? ଏତେଲା ଏସ୍‌କି ଆଡାଣି ମେସାନା ଏୟୁ ହିୟାଆତମି ?

୩୮ ଅଡେ ଏତେଲା ଏଟ୍‌କା ମାତାଣି ମେସାନା ଆଟ୍‌ହାତମି ? ଏତେଲା ନାଗ୍‌ତା ମେସାନା ହିମ୍‌ବି ହୁଟି କିୟାଆତମି ?

୩୯ ଅଡେ ଏତେଲା ନଟ୍‌ମେରିତା ଇଞ୍ଜା କାୟିଦି ମାନାଣି ମେସାନା ନୀ ତାଣା ଖାଟମି ?

୪୦ ଇଞ୍ଜା ରାଜା ଏଞ୍ଜାଣାଲ୍ ଏଲେଇନେସି, ନାନୁ ମିଜେ ସାତା ଝେସିମାଞ୍ଜାଲ୍, ମୀରୁ ନା ଇ ଉଣା ତାୟିୟାଲ୍ ରଅଣାଲ୍ ଏନାଆଁ କିହାମାଞ୍ଜେରି ଏ ବାରେ ନାଜେତାକି କିହାମାଞ୍ଜାଦେରି ।

୪୧ ଏମ୍‌ବିଟିଏ ତାନି ଟ୍ରେଟି ଦାରିତ ଲକୁଣି ଜିକେଏ ଏଲେଇନେସି, ଆଡେ ମାହାପୁରୁ ତାଣାଟି ବାକା ବେଟା ଆନାତେରି, ନା ନକ୍‌ଟି ହେକ ଆହାନା ସୟତାନ ଇଞ୍ଜା ତାନି ଦୁଡୁୟାକି କିହାମାନି କାଲାକାଲା ଡାଞ୍ଜିମାନି ହିରୁ ଗାଡୁୟୁତା ହାଜୁ ।

୪୨ ଇତିହାସ ନାନୁ ହାକିଟି ମାତେଏ ନାଜେ ତିଞ୍ଜାଲି ହିୟାଆତେରି; ଏସ୍‌କିଟି ମାତେଏ ନାଜେ ଗସାଲି ଏୟୁ ହିୟାଆତେରି;

୪୩ ଏଟ୍‌କା ମାତାଟି ନାଜେ ଆଟ୍‌ହାଆତେରି; ନାଗ୍‌ତା ମାତାଟି ନାଜେ ହିମ୍‌ବି ହୁଟି କିୟାଆତେରି; ନଟ୍‌ମେରି ଇଞ୍ଜା କାୟିଦିତା ମାତାଟି ନାଜେ କେଟ୍‌ହାଆତେରି ।

୪୪ ଏମ୍‌ବିଟିଏ ଏଞ୍ଜାରି ଜିକେଏ ଏଲେଇନେରି, ଏ ପ୍ରବୁ ଏତେଲା ମାମ୍‌ନିଜେ ହାକି କି ଏସ୍‌କି, ଏଟ୍‌କା କି ନାଗ୍‌ତା, ନଟ୍‌ମେରି କି କାୟିଦିତା ମାନାଣି ମେସାନା ନିଜେ ସେବା କିୟାଆତମି ?

୪୫ ଏତେଟିଏ ରାଜା ଏଞ୍ଜାଣାଲ୍ ଏଲେଇନେସି, “ନାନୁ ମିଜେ ସାତା ଝେସିମାଞ୍ଜାଲ୍, ନା ଇ ଉଣା ଲକୁ ବିଡାଟି ରଅଣାଲ୍ କିହାହିଲାଆକି ନାଜେ କିହାମାଞ୍ଜାଆତେରି ।

୪୬ ଅଡେ ଇଞ୍ଜାରି କାଲାକାଲାଟି ସାସ୍ତି ବେଟାଆନେରି, ସାମା ତାରିଗାଟାରି କାଲାକାଲାଟି ଜୀଞ୍ଜୁ ବେଟାଆନେରି ।”

୨୨

ଜୀସୁ କପାଟି ପାରୁ ପାରିନାୟି

(ମାର୍କ ୧୪:୧-୨; ଲୁକ ୨୨:୧-୨; ଜହ ୧୧:୪୫-୫୩)

୧ ଜୀସୁ ଇ ବାରେ କାତା ରାପ୍‌ହାନା ତାନି ସୀସୁୟାଲ୍ ଏଲେଇଚେସି,

୨ “ରାଜନି ଜେଟ ପିସ୍‌ପିଆନି ପାରୁ ଆନେ, ଇଦାଆଁ ମୀରୁ ପୁଞ୍ଜାମାଞ୍ଜେରି, ଇଞ୍ଜା ମାଣସି ମୀରୁଏସି ପାସି ମୁଣ୍ଡାତା ହାୟାଲି ହେଟ୍‌ପିଆନେସି ।”

୩ ଏତିବେଲାତା କାଜା ପୂଜେରାଜା ଅଡେ ଲକୁଟି କାଜାରି କୟାପା ଦରୁଗାଟି କାଜା ପୂଜେରା ଆଂଗେଣିତା ରୁଣ୍ଡା ଆଡେରି,

୪ ଅଡେ ଜୀସୁଲ୍ ଆସାନା ପାୟାଲି ପାରୁ ପାରିତେରି;

୫ ସାମା ଏଞ୍ଜାରି ଏଲେଇଚେସି, “ପାରୁ ବେଲାତା ଆଏ ଇତିହାସ ଏଡେତା ଲକୁ ଗଡ୍‌ହା କିନେରି ।”

ବେତନିୟାତା ଜୀସୁ ତାୟି ତୁ ନିୟୁଁ ଖାକ୍‌ନାୟି

(ମାର୍କ ୧୪:୩-୯; ଜହ ୧୨:୧୮)

୬ ଜୀସୁ ବେତନିୟାତା କାଜା ରଗ୍‌ଗାଟି ସିମନ ଇଜ ତିଞ୍ଜାଲି କୁଗାମାତାଟି,

୭ “ଏତେ ଇୟା ର ଗାଜୁତା ହାରେକା ଦାରାଗାଟି ଗାୟା ନିୟୁଁ ତାଗାନା ଜୀସୁ ତାୟି ତୁ ଖାକ୍‌ହେ ।

୮ ସାମା ଏଦାଆଁ ମେସାନା ସୀସୁୟା କପା ଆହାନା ଏଲେଇଚେରି, “ଇଚେକା ଉଜେଏ ଏନାଆଁତାକି କାରୁ ?

୯ ଇଦାଆଁ ହାରେକା ଟାକାୟାତାକି ପାର୍‌ପି ଆହାନା କାକୁଲି ଗାଟାରାକି ହିୟାଲି ଆଡେମା ।”

୧୦ ଜୀସୁ ଏଦାଆଁ ପୁଞ୍ଜାନା ଏଞ୍ଜାଣାଲ୍ ଏଲେଇଚେସି, “ଇ ଇୟାନି ଏନାଆଁତାକି କସ୍ତ ହାହିମାଞ୍ଜେରି ? ଏଡି ନାଜେତାକି ହାରେକା ନେହଁ କାମା କିହାମାନେ ।

☆ ୨୨:୨ ଲୁକ ୭:୩୭,୩୮

୧୧ କାକୁଲି ଗାଗରି କାଲେଏ ମୀ ତାଣା ମାନେରି, ସାମା ନାନୁ କାଲେଏ ମୀ ତାଣା ମାନଅଁ ।

୧୨ ଇଞ୍ଜା ଏଦି ନା ଆଜ୍ଞାତା ନକେଏ ନିୟୁଁ ଖାକ୍‌ହାନା ମୁସାଲି ତାକି ନକେଏ ତିୟାରା କିହିମାନେ ।

୧୩ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ବାରେ ଦାରୁତିତା ଆମିନି ଚାୟୁତା ଈ ନେହଁ କାତୁ ଝେପକି ଆନେ, ଏମାଆଁ ଏ ଇୟାନି ଅଣପାଲି ଏଦାନି ଈ କାମା ଜିକେଏ ଝେସପି ଆନେ ।”

ଜାହୁଦା ଜାସୁଇଁ ଆସପି କିହାଲି ରାଜି ଆନାୟି
(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏଚିବେଲା ବାରଜାଣା ବିଦ୍ରାଟି ଇୟାରିୟତ ଜାହୁଦା ଦରୁଗାଟାସି କାଜା ପୂଜେରାଜା ତାଣା ହାଜାନା ଏଲେଇଚେସି,

୧୫ “ନାଜେ ଏନାଆଁ ହିୟାଦେରି ଝେସ୍ତାଦୁ ? ନାନୁ ଜାସୁଇଁ ଆସପି କିୟାଇଁ ।” ଏମାଟିଏ ଏଞ୍ଜାରି ଏଞ୍ଜାଣାକି କଡେଦସ ଗଟା ଝେଣ୍ଡି ଚାକାୟାଁ ଏଜିକିହାନା ହୀତେରି ।

୧୬ ଅଡେ ଏ ଦିନାଟିଏ ଏଞ୍ଜାସି ଜାସୁଇଁ ଏଞ୍ଜାରିତାଣା ହେରପାଲି ତାକି ପାରୁ ପାରାଲି ମାଟୁହେସି ।

ଜାସୁ ଅଡେ ସାସୁୟାଁ ପିସପିଆନି ପାରୁ କିନାୟି

୧୭ ତାୟୁ ପୁଲାଏୟୁ ଆଣ୍ଡାଆତି ରୁଚି ତିନି ପାରୁତି ତଲିତି ଦିନାତା ସାସୁୟାଁ ଜାସୁ ତାଣା ଖାହାନା ଝେଚେରି, “ମାମୁ ଆମିନି ଚାୟୁତା ନିଙ୍ଗେତାକି ପିସପିଆନି ପାରୁତି ବକ୍ତି କିନମି ଇଞ୍ଜାଁ ନାନୁ ଅଣ୍ଡାପିମାଞ୍ଜି ?”

୧୮ ଜାସୁ ଏଲେଇଚେସି, “ମୀରୁ ଗାଡାତା ପାଲାଣା ଗାଗାଣି ତାଣା ହାଜାନା ଏଲେଇଞ୍ଜୁ, ମା ଗୁରୁ ଏଲେଇଞ୍ଜି ଝେସା ପାଣ୍ଡାତେସି, ନା କାଟୁ ଏଦାତେୟିଏ, ନାନୁ ନା ସାସୁୟାଁ ତଲେ ମୀ ଇଜ ପିସପିଆନି ପାରୁତି ବକ୍ତି କିନମି ।”

୧୯ ଏମାଟିଏ ସାସୁୟାଁ ଜାସୁତି ହୁକୁମି ତଲେ କାମା କିହାନା ପିସପିଆନି ପାରୁତି ବକ୍ତି କିତେରି ।

୨୦ ତାୟୁ ମିଡୁଅଲା ଆୟାଲିଏ ଜାସୁ ବାରଜାଣା ସାସୁୟାଁ ତଲେ ବକ୍ତିତା କୁଗିତେସି ।

୨୧ ଏଞ୍ଜାରି ତିଞ୍ଜିମାଟି ବେଲାତା ଜାସୁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀ ବିଦ୍ରାଟି ରଅସି ନାଜେ ସାତୁୟାଁ କେୟୁତା ହେରପାନେସି ।”

୨୨ ଏମାଟିଏ ଏଞ୍ଜାରି ହାଡେରକା ଦୁକୁ ଆହାନା ରଅ ରଅସି ଜାସୁଇଁ ଝେଚେରି, “ଏ ପ୍ରବୁ ଏଞ୍ଜାତେସଁ ନାନୁ କି ?”

୨୩ ଜାସୁ ଏଲେଇଚେସି, “ନା ତଲେ ଆମାଆସି ସାଡ଼ଞ୍ଜାତା କେୟୁ ପାରୁକି ମାନେସି, ଏଞ୍ଜାସି ନାଜେ ସାତୁୟାଁ କେୟୁତା ହେରପାନେସି ।

୨୪ ମାଣସି ମୀରୁଏଣି କାତା ଏନିକଁ ରାସ୍‌କି ଆହାମାନେ ଏଲେକଁ କିହିମାନେସି ସାତା; ସାମା ଆମିନି ଲକୁ ତାଣାଟି ସାତୁ କେୟୁତା ହେରପି ଆହିମାନେସି, ଆୟତା ଏଚେକା ତଣ୍ଡ ବେଟା ଆନେସି; ଏଞ୍ଜାସି ଜାନ୍‌ନି ଆହାହିଲାଆତିହଁ ଏଞ୍ଜାଣାକି ନେହେଁ ଆଡେମା ।”

୨୫ ଏଚେଟିଏ ଆମିନି ଜାହୁଦା, ସାତୁୟାଁ କେୟୁତା ହେରପିତେସି, ଏଞ୍ଜାସି ଏଲେଇଞ୍ଜି ଇଚେସି, “ଏ ଗୁରୁ ଏଞ୍ଜାତେସଁ ନାନୁ କି ?”

ଜାସୁ ଏଞ୍ଜାଣାଇଁ ଏଲେଇଚେସି, “ନାନୁତ ଏଲେ ଇଞ୍ଜିମାଞ୍ଜି ।”

ପ୍ରବୁତି ବକ୍ତି

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧କର ୧୧:୨୩-୨୫)

୨୬ ଅଡେ ଏଞ୍ଜାରି ତିଞ୍ଜିମାଟି ବେଲାତା, ଜାସୁ ରୁଚି ଅହାନା ମାହାପୁରୁଇଁ ଜହରା କିତେସି, ଇଞ୍ଜା ରୁଚି ଡିକିହାନା ସାସୁୟାଁକି ହୀହାନା ଏଲେଇଚେସି, “ଇଦାଆଁ ଅଦୁ ଇଞ୍ଜା ତିଞ୍ଜୁ ଇଦି ନା ଆଜ୍ଞା ।”

୨୭ ଅଡେ ଏଞ୍ଜାସି ଗହ୍‌ନି ସଲା ଆସାନା ମାହାପୁରୁଇଁ ଜହରା କିତେସି ଇଞ୍ଜା ସାସୁୟାଁକି ହୀହାନା ଏଲେଇଚେସି; “ଇଦାଆଁ ବାରେତେରି ଗହଦୁ”

୨୮ “ଇଚିହଁ ଆମିନି ନେତେରିଚି ରାଜିମାନା ହାଡେରକା ଲକୁତାକି ପାପୁତି ମ୍ଲେକହାଲି ଖାକ୍‌ହାମାନି ଇଦି ଏ ନା ନେତେରି ।

୨୯ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ଆମିନି ଦିନା ନା ଆବାତି ରାଜିତା ମୀ ତଲେ ପୁଃନି ଅଜ୍ଞୁରି ରାସା ଗହଆ ପାତେକା ନୀଞ୍ଜୁଟିଏ ଏଚେଲାଞ୍ଜା ଅଜ୍ଞୁରି ରାସା ଗହଅଁ ।”

୩୦ ଅଡେ ଏଞ୍ଜାରି ଜହରା ପାରୁ ପାଚିତି ତାୟୁ ଜୀତ ହରୁତା ହଟା ହାଚେରି ।

ପିତର ଜୀମୁଇଁ ପୁଞ୍ଜାହିଲଅଁ ଇନି କାତା ତଲିଏ ଝେହନାୟି

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜହ ୧୩:୩୬-୩୮)

୩୧ ଏରିବେଲା ଜୀମୁ ଏଞ୍ଜରାଇଁ ଏଲେଇଚେସି, “ନୀଞ୍ଜୁ ଲାଆଁୟାଁ ମୀରୁ ବାରେତେରି ନାଜେ ପିସାନା ହାଜାଦେରି, ଇଚିହଁ ରାସ୍ତି ଆହାମାନେ, ନାନୁ ମେଣ୍ଡାୟାଁ ଗଡ଼ୁଁ ଝେଇଁ ଅଡ଼େ ମାନ୍ଦାତି ମେଣ୍ଡାୟାଁ ଆଲାବା ଆହାହାନୁ ।

୩୨ ଏସାମା ନାନୁ ହାହାନା ନିଜିତି ତାୟୁ ମୀ ନକିତା ଗାଲିଲିତା ହାଇଁ ।”

୩୩ ସାମା ପିତର ଜୀମୁଇଁ ଏଲେଇଚେସି, “ବାରେଜାଣା ନିଜେ ପିସାତିହଁ ଜିକେଏ, ନାନୁ କଡ଼େ ନିଜେ ଏବେଲାଞ୍ଜା ପିସୁଅଁ ।”

୩୪ ଜୀମୁ ପିତରଇଁ ଏଲେଇଚେସି, “ନାନୁ ନିଜେ ସାତା ଝେସିମାଞ୍ଜାଇଁ, ନୀଞ୍ଜୁ ଲାଆଁୟାଁ କୟୁ କେଣ୍ଡାଆ ନକେଏ ନୀନୁ ନାଜେ ତାନିପାଲି ନାନୁ ପୁଞ୍ଜାହିଲଅଁ ଇଞ୍ଜିଁ ଝେହ୍ନି ।”

୩୫ ପିତର ଏଞ୍ଜାଣାଇଁ ଏଲେଇଚେସି, “ନାନୁ ନୀ ତଲେ ହାହାଲି ଆଡ଼ି ଜିକେଏ ନାନୁ ନିଜେ ଏବେଲା ପୁଞ୍ଜାହିଲଅଁ ଇଞ୍ଜିଁ ଇନଅଁ !” ଇଞ୍ଜାଁ ବାରେ ସୀମୁୟାଁ ଜିକେଏ ଏଲେଇଚେରି ।

ଗେଡ଼ସିମନିତା ଜୀମୁତି ପ୍ରାତାନା

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ଏଚେଟିଏ ଜୀମୁ ତାନି ସୀମୁୟାଁ ତଲେ ଗେଡ଼ସିମନି ଇନି ର ଗାୟୁତା ହାଜାନା ଏଞ୍ଜରାଇଁ ଏଲେଇଚେସି, “ନାନୁ ଏମ୍ପାଆଁ ହାଜାନା ପ୍ରାତାନା କିନି ପାତେକା ମୀରୁ ଇମ୍ପାଆଁ କୁଗା ମାଞ୍ଜୁ ।”

୩୭ ଅଡ଼େ ଏଞ୍ଜାସି ପିତର ଇଞ୍ଜାଁ ଜେବଦିତି ରୀ ମୀରକାଣି ଅହାନା ହିୟାଁତା କିଲିବିଲି ଆଡ଼େସି,

୩୮ ଇଞ୍ଜାଁ ଏରିବେଲା ଏଞ୍ଜରାଇଁ ଏଲେଇଚେସି, “ନା ଜୀମୁ ହାନିଲେହେଁ ହାରେକା କିଲିବିଲି ହଡ଼ି ମାଞ୍ଜାନେ, ମୀରୁ ଇମ୍ପାଆଁ ତୟାନା ନା ତଲେ କାଚିହଁ ମାଞ୍ଜୁ ।”

୩୯ ଇଞ୍ଜାଁ ଏଞ୍ଜାସି ହିରେ ହେକ ହାଜାନା ମୁନୁ କୁତାନା ପ୍ରାତାନା କିହିହଁ ଏଲେଇଚେସି, “ଏ ନା ଆବା ଆଡିହଁ ଇ ନା ଦୁକୁ କସ୍ତଗାଟି ସଲାତି ହେକ କିମ୍ପୁ; ସାମା ନା ମନ କଡ଼େ ଆଏ ନୀ କାତେଏ ଆପେ ।”

୪୦ ଅଡ଼େ ଏଞ୍ଜାସି ସୀମୁୟାଁତାଣା ଝାହାନା ଏଞ୍ଜରାଇଁ ଇଦା କିତାଣି ମେସ୍ତେସି ଇଞ୍ଜାଁ ପିତରଇଁ ଏଲେଇଚେସି, “ମୀରୁ ନା ତଲେ ଗାଡ଼େକା ଜିକେଏ କାଚାଲି ଆଡାଆତେରି ?

୪୧ ପାନ୍ଦାତା ଏନିକଁ ହେରଅତେରି, ଏଦାଆଁତାକି କାଚାହାଁ ପ୍ରାତାନା କିହେମାଞ୍ଜୁ; ଇଚିହଁ ମନ ମାନେ ସାମା ଆଜ୍ଞାତା ବାଡ଼ୁୟୁ ହିଲେଏ ।”

୪୨ ଅଡ଼େ ର ପାଲି ହାଜାନା ପ୍ରାତାନା କିହିହଁ ଏଲେଇଚେସି, “ଏ ନା ଆବା ଇ ନା ଦୁକୁ କସ୍ତଗାଟି ସଲା ନା ତାଣାଟି ହେକ ଆହାଲି ଆଡାଆତି, ନାନୁ ଏଦାଆଁ ଗହଇଁ ନା ମନ କଡ଼େ ଆଏ ନୀ କାତେଏ ଆପେ ।”

୪୩ ଅଡ଼େ ଏଞ୍ଜାସି ଝାହାନା ଏଞ୍ଜରାଇଁ ଇଦା କିହାମାନାଣି ମେସ୍ତେସି; ଇଚିହଁ ଏଞ୍ଜାରି କଟଣି ହଡ଼ି ମାଚେରି ।

୪୪ ଏମ୍ପାଟିଏ ଏଞ୍ଜାସି ଏଞ୍ଜରାଇଁ ପିସାନା ଅଡ଼େ ଝେଣ୍ଡେ ହାଜାନା ଅଡ଼େ ଏ ପ୍ରାତାନା ତାନିପାଲି ତାକି କିଚେସି ।

୪୫ ତାୟୁ ସୀମୁୟାଁ ତାଣା ଝାହାନା ଏଲେଇଚେସି, “ଗାଡ଼େକା ତୁରାନା ଜମାଦୁ, ଇଚିହଁ ମାଣ୍ଡସି ମୀରୁଏସି ପାପୁ ଗାଟାରି ତାଣା ହେରପି ଆନିବେଲା ଏଦାତେସିଏ ।

୪୬ ନିଜାଦୁ ମାର ହାନ, ଇଞ୍ଜାଁ ମେହଦୁ ଆମ୍ପାଆସି ନାଜେ ସାତୁୟାଁ କେୟୁତା ହେରପାନେସି, ଏଞ୍ଜାସି ତାଣେ ଝାଡ଼େସିଏ !”

ଜୀମୁଇଁ ସାତୁୟାଁ କେୟୁତା ହେରପିନାୟି

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଜହ ୧୮:୩-୧୨)

୪୭ ଜୀମୁ ଇ କାତା ଝେସିମାଟି ବେଲାତା, ମେହଦୁ, ବାରଜାଣା ସୀମୁୟାଁ ବିତାଟି ଜୀହୁଦା ଦରୁଗାଟାସି ରଅସି ଇଞ୍ଜାଁ ଏଞ୍ଜାଣିତଲେ କାଜା ପୁଜେରାଞ୍ଜା ଅଡ଼େ ଲକୁତି କାଜାରି ତାଣାଟି ପାଣ୍ଡୁଆହାମାନି ହାରେକା ଲକୁ କାଣ୍ଡାୟାଁ ଅଡ଼େ ବାଡ଼ଗାୟାଁ ଆସାନା ଝାଡ଼େରି ।

୪୮ ଜୀମୁଇଁ ସାତୁୟାଁ କେୟୁତା ହେରପିନାୟି ଏଞ୍ଜରାଇଁ ଇ ସିନା ଝେସାମାଚେସି, “ନାନୁ ଆମ୍ପାଆରାଇଁ ନଣ୍ଡିଇଁ ଏଞ୍ଜାସିଏ ଏଞ୍ଜାସି, ଏଞ୍ଜାଣାଇଁ ଆହ୍‌ଦେରି ।”

* ୨୭:୩୨ ମାତୃ ୨୮:୧୭

୪୯ ଇଞ୍ଜି ଏଞ୍ଜାସି ଏ ଦେବୁଣିଏ ଜୀସୁ ତାଣା ଖାହାନା, “ଏ ଗୁରୁ ଜହରା ଇରେସି” ଅଡ଼େ ଏଞ୍ଜାଣାଇଁ ହାରେକା ନଶ୍ୱିତେସି ।

୫୦ ସାମା ଜୀସୁ ଏଞ୍ଜାଣାଇଁ ଏଲେଇରେସି, “ଏ ତଣେ ଏନାଆଁ କିହାଲି ଖାହାମାଞ୍ଜି ଏଦାଆଁ କିମ୍ପୁ ।” ଏମ୍ବାଟିଏ ଏଞ୍ଜାରି ତାଗେ ଖାହାନା ଜୀସୁଇଁ ଆସ୍ତେରି ।

୫୧ ଅଡ଼େ ମେହ୍ଦୁ, ଜୀସୁତଲେ ମାତାରି ବିତ୍ରାତି ରଥସି କାଣ୍ଡା ହପ୍ତହେସି ଇଞ୍ଜା କାଜା ପୂଜେରା ହଲେଏଣାଇଁ କିୟ୍ ରାଡ଼ହେସି ।

୫୨ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇରେସି, “ନୀ କାଣ୍ଡା ଖେଣ୍ଡେ ନୀ ପାଡ଼କାତା ଇଟାମ୍ପୁ, ଇତିହ୍ ଆମ୍ବାଆରି କାଣ୍ଡା ଆହ୍ନେନେରି ଏଞ୍ଜାରି କାଣ୍ଡା ତଲେଏ ହାନ୍ଦେନେରି ।

୫୩ ନୀନୁ ଏନାଆଁ ଅଣ୍ଡପିମାଞ୍ଜି, ନୀନୁ ନା ଆବାଇଁ ବାତିମାଲିତିହ୍ ଇ ଦେବୁଣିଏ ବାର ଗତି ରିଜାରି କମ୍ପାକି ହାରେକା ଦୁତୁୟାଁଇଁ ପାଣ୍ଡଅସି ?”

୫୪ ଇତିହ୍ ଇଲେକ୍ ସାତେଏ ଆନେ ଇଞ୍ଜାମାନି ଦାମ୍ପୁ ପତିତି କାତା ଏନିକ୍ ସାତା ଆନେ ?

୫୫ ଏରେଟିଏ ଜୀସୁ ମାମା ଲକ୍ଷୁଣି ଏଲେଇରେସି, ତଂଗା ଗାଗାରଇଁ ଆହ୍ନିଲେହେଁ କାଣ୍ଡାୟାଁ ଅଡ଼େ ଟେଙ୍ଗାୟାଁ ଆସାନା ମୀରୁ ନାଜେ ଆସାଲି ଖାହାମାଞ୍ଜେରି ? ନୀନୁ ବାରେଦିନା ମାହାପୁରୁ ଇଲ୍ଲୁତା କୁଗାନା ଜାପୁହ୍ ମାଚେଏ, ସାମା ମୀରୁ ନାଜେ ଆସାଆତେରି !

୫୬ ସାମା ମାହାପୁରୁ ଅଣ୍ଡପୁତି ବଲ୍ଲୁ ଖେହ୍ନାରି ରାଡ଼ିତି ସାସ୍ତେରି କାତା ଏନିକ୍ ସାତା ଆନେ, ଏଦାଆଁତାକି ଇ ବାରେ ଆହିମାନେ । ଏତିବେଲା ବାରେଜାଣା ସାସୁୟାଁ ଏଞ୍ଜାଣାଇଁ ପିସାନା ହଟାଡୁସ୍ତେରି ।

ବେରଣିମାଣ୍ଡାତା ଜୀସୁତି ନାହାଁୟି
(ମାର୍କ ୧୪:୫୩-୬୫; ଲୁକ ୨୨:୫୪, ୫୫, ୬୩-୬୯; ଜହ ୧୮:୧୩-୧୪, ୧୯-୨୪)

୫୭ ତାମ୍ପୁ ଏମିନିଗାଗାରି ଜୀସୁଇଁ ଆସାମାଚେରି, ଏଞ୍ଜାରି ଜୀସୁଇଁ କୟାପା ଇନି କାଜା ପୂଜେରା ନକିତା ଅଡ଼େରି; ଏ ଟାୟୁତା ମେରାପୁନାରି ଅଡ଼େ ଲକ୍ଷୁତି କାଜାରି ରୁଣ୍ଡା ଆହାମାଚେରି ।

୫୮ ସାମା ପିତର ହେକ ଡ଼ୟାନା କାଜା ପୂଜେରା ଆଂଗେଣି ପାତେକା ଏଞ୍ଜାରି ଜେତ ହାଚେସି, ଇଞ୍ଜା ତାମ୍ପୁ ଏନି ଆନେ, ଏଦାଆଁ ସିନିକିହାଲି ଏଞ୍ଜାସି ବିତ୍ରା ହାଜାନା ଜାମାନାଜା ତଲେ କୁଗାମାଚେସି ।

୫୯ ଏମ୍ବାଟିଏ କାଜା ପୂଜେରାଜା ଅଡ଼େ ବାରେ ବେରଣି ମାଣ୍ଡାତାରି ଜୀସୁଇଁ ପାୟାଲି ଏଞ୍ଜାଣି କପାଟି ମିତି ସାକିୟାଁ ପାଗାଚେରି,

୬୦ ଇଞ୍ଜା ହାରେକା ସାକିୟାଁ ଖେସ୍ତି ଜିକେଏ, ଏଞ୍ଜାଣି ଏନି ଦହ ପୁଞ୍ଜାଆତେରି । ଇଞ୍ଜା ତାମ୍ପୁ ରିଆରି ନିତାନା ଖେସ୍ତେରି,

୬୧ ଇଞ୍ଜାସି ଏଲେଇଞ୍ଜାମାଚେସି, “ନୀନୁ ମାହାପୁରୁତି ଇଲ୍ଲୁ ତିକହାନା ତାନି ଦିନାଟିଏ କେପାଲି ଆଡ଼ିଇଁ ।”

୬୨ ଏମ୍ବାଟିଏ କାଜା ପୂଜେରା ନିଜ୍ଜାନା ଏଲେଇରେସି, “ନୀ କପାଟି ଜଲ୍ଲିମାନାରାକି ଖେଣ୍ଡେ ଖେସାଲି ନୀ ଏନି କାତା ହିଲେଏ କି ?”

୬୩ ସାମା ଜୀସୁ ପାଲେଏ ଆହାନା ଡ଼ୟିତେସି । ଏମ୍ବାଟିଏ କାଜା ପୂଜେରା ଜୀସୁଇଁ ଏଲେଇରେସି, “ନୀନୁ ଜୀସୁତି ମାହାପୁରୁ ଦରୁତଲେ ପାରମାଣା କିଞ୍ଜି କିହାନା ଖେଞ୍ଜିମାଞ୍ଜାଇଁ, ନାଜେ ଖେସ୍ତାମ୍ପୁ, ନୀନୁ ସାତେଏ ମାହାପୁରୁ ମୀରୁଏଣାତି କ୍ରୀସୁତିକି ?”

୬୪ ଜୀସୁ ଏଞ୍ଜାଣାଇଁ ଏଲେଇରେସି, “ନୀନୁତ ଖେସିମାଞ୍ଜି; ଅଡ଼େ ନୀନୁ ନିଜେ ଖେସିମାଞ୍ଜାଇଁ, ନୀଜୁଟିଏ ମୀରୁ ମାଣ୍ଡସି ମୀରୁଏଣାଇଁ ବାଡ଼ୁୟୁଗାତି ମାହାପୁରୁ ଚିଝନିଞ୍ଜାକି ନିଚାମାନାଣି ଅଡ଼େ ହାଗୁ ଦୁୟାତି ଖାନାଣି ମେହ୍ଦେରି !”

୬୫ ଏମ୍ବାଟିଏ କାଜା ପୂଜେରା ତାନି ହିମ୍ପୁରି ଗେସାନା ଏଲେଇରେସି, “ଇଞ୍ଜାସି ମାହାପୁରୁ ନିନ୍ଦା କିହିମାନେସି, ଇଞ୍ଜା ମାଜେ ଅଡ଼େ ଏନି ସାକିୟାଁ ଲଡ଼ାମାନେ ? ମେହ୍ଦୁ ନୀଏଁ ଜିକେଏ ମାହାପୁରୁ ନିନ୍ଦା କିତାଣି ଖେଚେରି,

୬୬ ମୀ ଅଣ୍ଡପୁତା ଏନାୟି ମାନେ ?” ଏମ୍ବାଟିଏ ଏଞ୍ଜାରି ଏଲେଇରେସି ଏଞ୍ଜାସି ହାନି ତଣ୍ଡ ପାଣ୍ଡନାୟି ମାନେ !

୬୭ ଏତିବେଲା ଏଞ୍ଜାରି ଏଞ୍ଜାଣି ମ୍ପୁଡ଼ା ହୁପିତେରି, ବିଦା ଖେଚେରି; ଇଞ୍ଜା ଆମ୍ବା ଆମ୍ବାଆରି ସାପୁଡ଼ା ଖେଚାନା ଏଲେଇରେସି,

☆ ୨୭:୫୫ ଲୁକ ୧୯:୪୭; ୨୧:୩୭ ☆ ୨୭:୬୧ ଜହ ୨:୧୯

୬୮ “ଏ କ୍ରୀସ୍ତ ନୀନୁଆଁ ମାହାପୁରୁ ଅଣ୍ଟପୁତି ବଲୁ ଝେହ୍ନାତି, ମାଜେ ଝେସ୍ତାମ୍ ନିଜା ଆମ୍ବାଆସି ଝେତାତେସି ।”

ପିତର ଜୀମୁଇଁ ପୁଞ୍ଜାହିଲଅଁ ଇଞ୍ଜିଁ ଇନାୟି

(ମାର୍କ ୧୪:୬୭-୭୨; ଲୁକ ୨୨:୫୬-୬୨; ଜହ ୧୮:୧୫-୧୮, ୨୫-୨୭)

୬୯ ଏମ୍ବାଟିଏ ପିତର ପାଙ୍ଗାତି ଆଂଗେଣିତା କୁଗାମାଚେସି, ଇଞ୍ଜାଁ ର ହେଲେଣି ପିତର ତାଗେ ଖାହାନା ଏଲେଇଚେ, “ନୀନୁ ଜିକେଏ ଗାଲିଲିତି ଜୀମୁତଲେ ମାତି ।”

୭୦ ସାମା ଏଝାସି ବାରେତି ନକିତା “ନୀନୁ ଏଝାଣାଇଁ ପୁଞ୍ଜାହିଲଅଁ ନୀନୁ ଏନାଆଁ ଝେସିମାଞ୍ଜି ନୀନୁ ପୁଞ୍ଜାହିଲଅଁ ।”

୭୧ ଅଡେ ପିତର ଆଂଗେଣି ଦୁଝେରିତା ହାଜାଲିଏ ଅଡେ ର ହେଲେଣି ଏଝାଣାଇଁ ମେସାନା ଏ ଗାମୁତି ଲକୁଣି ଏଲେଇଚେ, “ଇଝାସି ନାକ୍ରିତ ଜୀମୁତଲେ ମାଚେସି ।”

୭୨ ପିତର ପାରମାଣା କିହାନା ଅଡେ ଏଲେଇଚେସି, “ନୀନୁ ଏଝାଣାଇଁ ପୁଞ୍ଜାହିଲଅଁ ।”

୭୩ ଅଡେ ର ଗାଡେକା ହାଜାଲିଏ ଦାରିତା ନିତାମାଚାରି ପିତର ତାଗେ ଖାହାନା ଏଝାଣାଇଁ ଏଲେଇଚେରି, “ନୀନୁ ଜିକେଏ ସାତେଏ ଏଝାରି ବିଡ୍ରାଟି ରଅତି, ଇଚିହଁ ନୀ ହାଡ୍ରାଟି ପୁଣ୍ଡାମ୍ ଆହିମାନେ ।”

୭୪ ଏମ୍ବାଟିଏ ପିତର ପାରମାଣା ଅଡେ ବାକା ଇଚିହଁ ଏଲେଇଚେସି, “ନୀନୁ ଏଝାଣାଇଁ ପୁଞ୍ଜାହିଲଅଁ ।” ଏ ଦେବୁଣିଏ କମ୍ପୁ କେଶତେ ।

୭୫ ଏଚେଟିଏ “କମ୍ପୁ କେଶଆ ନକେଏ ନାଜେ ତାନି ପାଲି ପୁଞ୍ଜାହିଲଅଁ ଇଞ୍ଜାଦି” ଇଞ୍ଜିଁ ଜୀମୁ ଝେସ୍ତି ଇ କାତା ପିତର ଅଣ୍ଟପୁତା ଖାଡେ, ଇଞ୍ଜାଁ ଏଝାସି ପାଙ୍ଗାତା ହାଜାନା ହାରେକା କିଲିବିଲି ଦୁକୁଆହଁ ତୀତେସି ।

୨୭

ପିଲାତ ନକିତା ଜୀମୁ

(ମାର୍କ ୧୫:୧; ଲୁକ ୨୩:୧-୨; ଜହ ୧୮:୨୮-୩୨)

୧ ଲାଇଁ ଝେୟାଲିଏ ବାରେ କାଜା ପୂଜେରାଙ୍ଗା, ଇଞ୍ଜାଁ ଲକୁତି କାଜାରି ଜୀମୁଇଁ ପାୟାଲି ଏଝାଣି କପାଟି କାତା ଆଡେରି,

୨ ଇଞ୍ଜାଁ ଏଝାରି ଏଝାଣାଇଁ ଦସା ଅହାନା ପିଲାତ ଇନି ସାଲୁଝି କିନାଣି ତାଣା ହେର୍ପିତେରି ।

ଇସ୍ତାରିୟତ ଜୀହୁଦା ହାନାୟି

(କାମା ୧:୧୮-୧୯)

୩ ଏଚିବେଲା ଜୀମୁଇଁ ସାତୁ କେୟୁତା ହେର୍ପିତି ଜୀହୁଦା, ଜୀମୁ ହାନି ତଣ୍ଡ ବେଟା ଆହାମାନେସି ଇଞ୍ଜିଁ ପୁଞ୍ଜାନା, ଜୀହୁତା ଅଣ୍ଟପାନା କାଜା ପୂଜେରାଙ୍ଗା ଅଡେ ଲକୁତି କାଜାରି ତାଣା ଏ କଡେଦସ ଟାକା ଝେଣ୍ଡେ ତାଚାନା ଏଲେଇଚେସି,

୪ “ନୀନୁ ଦହ୍ ହିଲାଆଗାଟାଣି ନେତେରି ହେର୍ପିତା ପାପୁ କିହାମାଇଁ ।”

ସାମା ଏଝାରି ଏଲେଇଚେରି, “ମାଡି ଏମ୍ବାଆଁ ଏନାୟି ମାନେ ? ଏଦାଆଁ ନୀନୁ ଅଣ୍ଟପାମ୍ ।”

୫ ଏମ୍ବାଟିଏ ଏଝାସି ଟାକାୟାଁ ମାହାପୁରୁ ଇଲୁ ବିତ୍ରା କୁତାତୁସାନା ହାଚେସି, ଇଞ୍ଜାଁ ହାଜାନା ହେର୍କି ଲେଜା ହାଚେସି ।

୬ ସାମା କାଜା ପୂଜେରାଙ୍ଗା ଏ ଟାକାୟାଁ ଅହାନା ଏଲେଇଚେରି, “ଇଝାଆଁ ମାହାପୁରୁ ଇଲୁତି ଦନ୍ ତଲେ ଇଚିନାୟି ମୋରା ହିଲେଏ, ଇଚିହଁ ଇଝି ନେତେରିତି ଟାକାୟାଁ ।”

୭ ଇଞ୍ଜାଁ ଏଝାରି କାତା ଆହାନା ଏଟକା ଦେସାତି ଲକୁତି ମାଡହା ମୁହ୍ନି ଟାମୁ ଡାକି ଏ ଟାକାୟାଁ ହାହାନା ର କୁମ୍ପେ ଏଣା ବୁମି କଡିତେରି ।

୮ ଏଦାଆଁଡାକି ନୀଞ୍ଜୁପାତେକା ଏଦାନି “ନେତେରି ବୁମି” ଇଞ୍ଜିଁ ଇନେରି ।

୯ ଏମ୍ବାଟିଏ ମାହାପୁରୁ ଅଣ୍ଟପୁତି ବଲୁ ଝେହ୍ନି ଜିରିମିୟ ତାଣାଟି ରାଡିତି ଇ କାତା ସାତା ଆଡେ, ଇସ୍ତାୟେଲ ମାରକା ଆମ୍ବାଆରି ଡାକି ଏଚେକା ଲେକା ହାନାୟି ମାନେ, ଏଝାଣି ଲେକାତଲେ ଏ କଡେଦସ ଟାକା ଅହାନା,

୧୦ ନା ଡାକି ମାହାପୁରୁତି ହୁକୁମି ଲେହେଁ କୁମ୍ପେ ଏଣା ବୁମି ଡାକି ହାଚେରି ।

☆ ୨୭:୩ କାମା ୧:୧୮, ୧୯

ପିଲାତ ଜୀମୁଇଁ ଝେନାୟି

(ମାର୍କ ୧୫:୨-୫; ଲୁକ ୨୩:୩-୫; ଜହ ୧୮:୩୩-୩୮)

୧୧ ଏମ୍ବାଟିଏ ସାଲୁଝି କିନାଣି ନକିତା ଜୀମୁଇଁ ନିପୁହେରି, ଇଞ୍ଜା ସାଲୁଝି କିନାସି ଏଝାଣାଇଁ ଝେରେସି, “ନାନୁ ଜୀହୁଦି ଲକ୍ଷୁତି ରାଜାତି ?”

ଜୀମୁ ଏଲେଇରେସି, “ନାନୁତ ଏଲେ ଇଞ୍ଜିମାଞ୍ଜି ।”

୧୨ ସାମା କାଜା ପୂଜେରାଜା ଇଞ୍ଜା ଲକ୍ଷୁତି କାଜାରି ଏଝାଣି କପାଟି ଝେସାଲିଏ, ଜୀମୁ ଏନାଆଁ ଇନାଆତେସି ।

୧୩ ଏରେଟିଏ ପିଲାତ ଏଝାଣାଇଁ ଏଲେଇରେସି, “ଇଝାରି ନୀ କପାଟି ହାରେକା କାତା ଝେସିମାନେରି, ଏଦାଆଁ ଝେଞ୍ଜି ହିଲଅତି କି ?”

୧୪ ସାମା ଏଝାସି ର କାତା ଜିକେଏ ଏଝାଣାଇଁ ଜଲ୍ଲାଆତେସି, ଏମ୍ବାଟିଏ ସାଲୁଝି କିନାସି ହାରେକା କାବା ଆଡେସି ।

ଜୀମୁତି ହାନି ତଣ୍ଡ

(ମାର୍କ ୧୫:୬-୧୫; ଲୁକ ୨୩:୧୩-୨୫; ଜହ ୧୮:୩୯; ୧୯:୧୬)

୧୫ ପିସପିଆନି ପାରୁଁ ବେଲାତା ଲକ୍ଷୁ, ଆମିନି କାୟିଦତା ଇଟାମାନାରାଇଁ ରାସିମାତେରି ଏଝାଣାଇଁ ପିସାଲି ସାଲୁଝି କିନାଣି ମୋରା ମାରେ ।

୧୬ ଏରିବେଲା ଏଝାରି ଜୀମୁ-ବାରବା ଦରୁଗାଟି ର କାଜା ଝେଞ୍ଜିତି କାୟିଦି ଗାଟାସି ମାରେସି ।

୧୭ ଏଦାଆଁତାକି ଏଝାରି ରୁଣ୍ଡା ଆହାମାନି ବେଲାତା ପିଲାତ ଏଝାଣାଇଁ ଝେରେସି, ନାନୁ ମିଙ୍ଗେତାକି ଆମ୍ବାଆରାଇଁ ପିସାହିୟାଇଁ ଇଞ୍ଜି ମୀରୁ ମନ କିହିମାଞ୍ଜେରି ? ବାରବାଇଁ କି ଆମ୍ବାଆରାଇଁ କ୍ରୀସ୍ତ ଇଞ୍ଜି ମାଞ୍ଜେରି ଏ ଜୀମୁଇଁ ?

୧୮ ଇତିହୁଁ ଏଝାରି ଏଝାଣାଇଁ କପାଟି ହେରପା ମାନେରି ଇଞ୍ଜି ପିଲାତ ପୁଞ୍ଜାମାରେସି ।

୧୯ ଇଞ୍ଜା ପିଲାତ ନୀହାୟି କିନି ଟାୟୁତା କୁଗାମାଗାଟି ତାନି ତକି ତାନି ତାଣା ଝେସା ପାଣ୍ଡିତେ, “ଏ ଦାମ୍ବୁଗାଟି ମାଣସିଇଁ ଏନାଆଁ କିଆନି, ଇତିହୁଁ ଏଝାଣି ତାକି ନୀଞ୍ଜୁ ଲାଆଁୟାଁ ହାପାନାତା ହାରେକା କସ୍ତ ଆହାମାଇଁ ।”

୨୦ ସାମା କାଜା ପୂଜେରାଜା ଅଡେ ଲକ୍ଷୁତି କାଜାରି, ବାରବାଇଁ ରାସାଲି ଇଞ୍ଜା ଜୀମୁଇଁ ନାସା କିହାଲି ଲକ୍ଷୁଣି ଜାପୁହେରି ।

୨୧ ସାମା ପିଲାତ ଏଝାଣାଇଁ ଏଲେଇରେସି, “ନାନୁ ଇ ରିଆରି ବିଭ୍ରାଟି ଆମ୍ବାଆରାଇଁ ପିସାହିୟାଇଁ ଇଞ୍ଜି ମୀରୁ ମନ କିହିମାଞ୍ଜେରି ?”

ଏଝାରି ଏଲେଇରେସି, “ବାରବାଇଁ ।”

୨୨ ପିଲାତ ଏଝାଣାଇଁ ଝେରେସି, ଆତିହୁଁ ଆମ୍ବାଆରାଇଁ କ୍ରୀସ୍ତ ଇନେରି ଏ ଜୀମୁଇଁ ନାନୁ ଏନାଆଁ କିଇଁ ?

ଏଝାରି ବାରେକାଣା ଏଲେଇରେସି, “ଏଝାଣାଇଁ ପାସି ମୁଣ୍ଡାତା ଏକଦୁ ।”

୨୩ ସାମା ପିଲାତ ଝେରେସି, “ଏନାଆଁତାକି, ଏଝାସି ଏନି ଦହ କିହାମାନେସି ?”

ସାମା ଏଝାରି ହାରେକା କାଲୁଝି ଆହୁଁ ଏଲେଇରେସି, “ଏଝାଣାଇଁ ପାସି ମୁଣ୍ଡାତା ଏକଦୁ ।”

୨୪ ଏରିବେଲା ପିଲାତ ଏନାଆଁ କିହାଲି ଆଡ଼ିହିଲଅସି, ଇଞ୍ଜା ହାରେକା ଗଡ଼ହା ଆହିମାନାଣି ମେସାନା, ଏରିବେଲା ଲକ୍ଷୁ ନକିତା ଏରୁ ଅହାନା କେସ୍ତା ନରୁହାଁ ଏଲେଇରେସି, “ଇଝାଣି ପାୟିନି ତାଣା ନା ଦହ ହିଲେଏ, ମୀରୁ ଏଦାଆଁ ପୁଞ୍ଜୁ ।”

୨୫ ଏମ୍ବାଟିଏ ବାରେ ଲକ୍ଷୁ ଏଲେଇରେସି, “ଏଝାଣି ନେତେରିତି ତଣ୍ଡ ମା ଲାକ ଇଞ୍ଜା ମା ମୀରକା ମୁହେଁ ଝାପେ ।”

୨୬ ଏମ୍ବାଟିଏ ପିଲାତ ଏଝାଣାଇଁ ବାରବାଇଁ ପିସା ହାତେସି, ଇଞ୍ଜା ଜୀମୁଇଁ ସାଟୁଣି ଝେଚାନା ପାସି ମୁଣ୍ଡାତା ଏକହାଲି ହେରପିତେସି ।

କସ୍ତା ଜୀମୁଇଁ ନିହାକିହୁଁ କାକନାୟି

(ମାର୍କ ୧୫:୧୬-୨୦; ଜହ ୧୯:୨-୩)

୨୭ ଏମ୍ବାଟିଏ ସାଲୁଝି କିନାଣି କସ୍ତା ଜୀମୁଇଁ ମୋଡା ଇଲୁ ବିଭ୍ରା ଅହାନା ବାରେ କସ୍ତା ଏଝାଣି ନକିତା କୁଡା ଆଡେସି ।

୨୮ ଇଞ୍ଜା ଏଝାରି ଏଝାଣି ହିମ୍ବରି ହୁକହାନା ଏଝାଣାଇଁ ହେୟାଁ ଝାଣାଗାଟି ହିମ୍ବରି ହୁଟିକିତେରି,

୨୯ ଇଞ୍ଜି ହାପୁକା ଗପେରି ଆଲାନା ଏଞ୍ଜାଣି ତାୟ୍ ତୁ ଇଚିତେରି ଅଡ଼େ ଏଞ୍ଜାଣି ଚିଃନି କେୟ୍ତା ର ବାଡ଼ଗା ଆସପି କିତେରି, ଇଞ୍ଜି ଏଞ୍ଜାଣି ନକିତା ମେଣ୍ଡା କୁତିହିଁ “ଏ ଜାହୁଦି ଲକୁତି ରାଜା ଜହରା” ଇଞ୍ଜି ଲାଜାକିହିଁ କାକ୍‌ହେରି ।

୩୦ ଅଡ଼େ ଏଞ୍ଜାଣିଲାକ ହୁପିତେରି, ଅଡ଼େ ଏ ବାଡ଼ଗା ଆସାନା ଏଞ୍ଜାଣି ତାୟ୍ ତୁ ଖେତେରି ।

୩୧ ଅଡ଼େ ଏଞ୍ଜାରି ଏଞ୍ଜାଣାଇଁ ଲାଜାକିହିଁ କାକ୍‌ହି ତାୟ୍, ଏ ହିମ୍ବୁରି ହୁକହା ଅହାନା ତାନି ହିମ୍ବୁରି ହୁଚିକିତେରି, ଇଞ୍ଜି ଏଞ୍ଜାଣାଇଁ ପାସି ମୁଣ୍ଡାତା ଏକ୍‌ହାଲି ଅଡ଼େରି ।

ଜାସୁତି ପାସି ମୁଣ୍ଡାତା

(ମାର୍କ ୧୫:୨୧-୩୨; ଲୁକ ୨୩:୨୬-୪୩; ଜହ ୧୯:୧୭-୨୭)

୩୨ ଏଞ୍ଜାରି ହାଜିମାଗାଟି ସିମନ ଦରୁଗାଟି ର କୁରିଣି ଦେସାତି ଲକୁଇଁ ମେସାନା ଜାସୁତି ପାସିମୁଣ୍ଡା ଡେକାଲି ଏଞ୍ଜାଣାଇଁ ବାଲାମାତପି କିତେରି ।

୩୩ ଇଞ୍ଜି ଏଞ୍ଜାରି ଗଲ୍‌ଗତା ଜନି ଚାୟ୍‌ତା ଇଚିହିଁ ଏମିନାଣି ତାୟ୍ ତୁଁ ଗନେରି ଏମ୍‌ଆଁ ଅଡ଼େରି ।

୩୪ ଏମ୍‌ଆଁ ଏଞ୍ଜାରି ଏଞ୍ଜାଣାକି କାମେଲି ଏୟ୍ ଆବ୍‌ହି ଅକୁରି ରାସା ଗସାଲି ହାତେରି, ସାମା ଏଞ୍ଜାସି ଏଞ୍ଜାଆଁ ଖାଣ୍ଡାନା ଗସାଲି ମନ୍ କିଆତେସି ।

୩୫ ତାୟ୍ ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାତା ଏକ୍‌ହାନା ତାନି ହିମ୍ବୁରିକା ପାଦି କିହାନା ତାନି ବିତ୍ରା ବାଟି କିହା ଅଡ଼େରି,

୩୬ ଇଞ୍ଜି ଏମ୍‌ଆଁ କୁଗାନା ଏଞ୍ଜାଣାଇଁ କାଟିମାତେରି ।

୩୭ ଇଞ୍ଜି ଏଞ୍ଜାରି ଏଞ୍ଜାଣି ତାୟ୍ ଲୁକାକି ଇଲେଇଞ୍ଜିଁ ରାଟାନା ଲେତେରି, “ଈଞ୍ଜାସି ଜାହୁଦି ଲକୁତି ରାଜା ଜାସୁ ।”

୩୮ ଏଡ଼ିବେଲା ତାନି ଚିଃନିଞ୍ଜାକି ରଅସି ଇଞ୍ଜି ତାନି ଚେବିଞ୍ଜାକି ରଅସି ଇଲେକିହିଁ ରୀ ସର୍‌କାଣି ତାନିତଲେ ପାସି ମୁଣ୍ଡାତା ଏକ୍‌ହେରି ।

୩୯ ଇଞ୍ଜି ଏ ଜିରୁଚି ହାଜିମାନି ଲକୁ ତାନି ତାକା ଗୁଡ଼କିକିହିଁ ଏଞ୍ଜାଣାଇଁ ନିନ୍‌କିହିଁ ଏଲେଇତେରି,

୪୦ “ଆଡ଼େ ମାହାପୁରୁ ଇଲୁ ଡିକନାତି ଇଞ୍ଜି ତାନି ଦିନାଟିଏ ଏଦାଆଁ ଖେଣ୍ଡେ କେପିନାତି, ନୀନୁ ମାହାପୁରୁ ମାର୍‌ଏଣାତି ଇଚିହିଁ, ନୀନୁ ନିଙ୍ଗେ ଗେଲ୍‌ପା କତାନା ପାସି ମୁଣ୍ଡାଟି ରେତା ଖାପୁ ।”

୪୧ କାଜା ପୁଜେରାଜା ଜିକେଏ ଏଲେକିହିଁ ଏ ମେରାପୁନାରି ଇଞ୍ଜି ଲକୁତି କାଜାରି ତଲେ କିଜଞ୍ଜିକିହିଁ କାକ୍‌ହିହିଁ ଏଲେଇତେରି,

୪୨ “ଏଞ୍ଜାସି ଏଟ୍‌କା ଲକୁଣି ପିସପି କିତେସି ତାଜେ ଗେଲ୍‌ପାଲି ଆଡ଼ିହିଲଅସି । ଏଞ୍ଜାସିତ ଇସାୟେଲତି ରାଜା, ଏଞ୍ଜାସି ଦେବୁଣିଏ ପାସି ମୁଣ୍ଡାଟି ରେତା ଖାପେସି, ଆତିହିଁ ମାର୍ ଏଞ୍ଜାଣି ତାଣା ନାମିନ ।

୪୩ ଏଞ୍ଜାସି ମାହାପୁରୁ ତାଣା ନାମା ମାନେସି; ମାହାପୁରୁ ଏଞ୍ଜାଣାଇଁ ଜୀଞ୍ଜୁ ନହାଁ ମାନେସି, ଆତିହିଁ ଏ ଦେବୁଣିଏ ଏଞ୍ଜାଣାଇଁ ଗେଲ୍‌ପାପେସି, ଏଞ୍ଜାସି ଖେସାମାତେସି ନାନୁ ମାହାପୁରୁ ମାର୍‌ଏଣାତେସି ।”

୪୪ ଇଞ୍ଜି ଆମିନି ସର୍‌କା ତାନିତଲେ ପାସି ମୁଣ୍ଡାତା ଏକ୍‌ହା ମାତେରି, ଏଞ୍ଜାରି ଜିକେଏ ଏଲେକିହିଁ ନିନ୍‌କିହିଁ କିହାଲି ମାଟ୍‌ହେରି ।

ଜାସୁତି ହାନାସି

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଜହ ୧୯:୨୮-୩୦)

୪୫ ତାୟ୍ ବାର୍ ଗଂଗାଟିଏ ତାନି ଗଂଗା ପାତେକା ଦେସା ବାରେ ଆନ୍ଦେରି ଆହାହାତେ ।

୪୬ ମିଡ଼ଅଲା ତାନି ଗଂଗା ବେଲାତା ଜାସୁ କାଜା ଗିୟାତଲେ ହାଟାନା ଏଲେଇତେସି, “ଏଲି, ଏଲି, ଲାମା ସାବକ୍‌ତାନି ?” ଇଚିହିଁ “ଏ ନା ମାହାପୁରୁ ଏ ନା ମାହାପୁରୁ ନାନୁ ନାଙ୍ଗେ ଏନାଆଁତାକି ପିସ୍‌ପାତି ?”

୪୭ ଈ ହାଡ଼ା ଖେଞ୍ଜାନା ଦାରିତା ନିଗାମାତି ଲକୁ ଏଲେଇତେରି, “ଈଞ୍ଜାସି ଏଲିୟଇଁ ହାଟି ମାନେସି ।”

୪୮ ଅଡ଼େ ଏ ଦେବୁଣିଏ ରଅସି ଏଞ୍ଜାରି ବିତ୍ରାଟି ହଚିହିଁ ହାଜାନା ର ଡ୍ରାଃଆଲି ପୁଲା ଅକୁରି ରାସାତା ମୁସାନା ଏଦାଆଁ ର ବାଡ଼ଗାତା ଦସାନା ଜାସୁକି ଗସାଲି ହାତେସି ।

୪୯ ସାମା ଏଚେକା ଲକୁ ଏଲେଇତେରି, “ହେଣ୍ଡୁ, ଏଲିୟ ଈଞ୍ଜାଣାଇଁ ଗେଲ୍‌ପାଲି ଖାହିମାନେସି କି ଆଏ ସିନିକିନ ।”

୫୦ ସାମା ଜାସୁ ଅଡ଼େ ଖେଣ୍ଡେ କାଜା ଗିୟାତଲେ ହାଟାନା ହାଡ଼େସି ।

☆ ୨୭:୪୦ ମାତୃ ୨୭:୨୧; ଜହ ୨:୧୯

୫୧ ଇଞ୍ଜା ମେହଦୁ ମାହାପୁରୁ ଇଲୁତା ଲେଟାମାନି ହିମ୍ବରି ଲାକଟିଏ ଡଳ ପାତେକା ଗେଞ୍ଜାନା ରା ବାଘା ଆଡେ, ଇଞ୍ଜା ବୁମି ବାରେ ଖାତିତେ ଅଡେ ଖାଲକା ଅୟାହାରୁ,

୫୨ ଇଞ୍ଜା ମାଡ଼ହା ମୁହନି ଚାମ୍ପା ବାରେ ଦେପିଆଡୁ, ଅଡେ ହାହାମାତି ହାରେକା ସୁଦୁ ଲକ୍ଷ୍ମି ଆଙ୍ଗା ମାଡ଼ହା ମୁହନି ଚାମ୍ପୁଟି ନିଜାନା ଖାଡେରି,

୫୩ ଇଞ୍ଜା ଜାସୁ ଖେଣ୍ଡେ ନିଜିତି ତାୟୁ ଏଝାରି ମାଡ଼ହା ମୁହନି ଚାମ୍ପୁଟି ହତାନା ସୁଦୁ ଗାଡ଼ାତା ହାଜାନା ହାରେକା ଜାଣାତି ତଞ୍ଜାଆଡେରି ।

୫୪ ପାସାକଡ଼ି କସକା ମୁହେଁ କାଜାସି ଇଞ୍ଜା ତାନିତଲେ ଜାସୁଇଁ କାଡ଼ାମାଗାରି, ଏଝାରି ବୁମି ଖାତିତାଣି ଅଡେ ଏମ୍ପାଆଁ ଗଟଝି ଆଡ଼ାଣି ମେସାନା ହାରେକା ଆଜାନା ଏଲେଇଚେରି, “ସାତେଏ ଇଝାସି ମାହାପୁରୁ ମାତୁଏସି ମାରେସି !”

୫୫ ଅଡେ ହାରେକା ଇୟାସିକା ଜିକେଏ ଏମ୍ପାଆଁ ମାଞ୍ଜାନା ହେକଟି ସିନିକିହିମାତୁ; ଏଝି ଜାସୁତି ସେବା କିହିଁ ଗାଲିଲିଟି ଏଝାଣିତଲେ ଖାହାମାତୁ;

୫୬ ଏଝାସିକା ବିଭାଟି ମଗଦଲିନି ମରିୟମ, ଜାକୁବ ଅଡେ ଜସେପ ତାମି ଇୟା ମରିୟମ, ଅଡେ ଜେବଦି ତାମି ଇୟା ମାତୁ ।

ଜାସୁଇଁ ମୁହନାୟି

(ମାର୍କ ୧୫:୩୩-୪୧; ଲୁକ ୨୩:୫୦-୫୬; ଜହ ୧୯:୨୮-୪୨)

୫୭ ଖେଡ଼ା ହାଜିମାଗାଟି ହାରାମାତିୟା ଜସେପ ଦରୁଗାଟି ହାରାମାତିୟାତି ର ଦନ ଗାଟାସି ଖାଡେସି, ଏଝାସି ଜିକେଏ ଜାସୁତି ର ସାସୁ ଆହାମାଚେସି ।

୫୮ ଏଝାସି ପିଲାତ ତାଣା ହାଜାନା ଜାସୁତି ଆଙ୍ଗା ରାସ୍ତେସି, ପିଲାତ ଜାସୁତି ମାଡ଼ହା ଏଝାଣାକି ହେରପାଲି ହୁକୁମି ହାତେସି ।

୫୯ ଜସେପ ମାଡ଼ହା ଆଙ୍ଗାତି ଅହାନା ନେହିଁ ପୁଃନି ପାଡ଼ାଡ଼ା ଦବଲା ହିମ୍ବରି ରୁପିତେସି,

୬୦ ଇଞ୍ଜା ତାନ୍ ତାଙ୍ଗେତାକି ହରୁତା କାର୍ଝି କିହାମାନି ମାଡ଼ହା ମୁହନି ପୁଃନି ଚାମ୍ପୁତା ମାଡ଼ହାତି ଚିତେସି, ଇଞ୍ଜା ମାଡ଼ହାତି ମୁହନି ଚାମ୍ପୁଟି ଦୁଝେରିତା ର କାଜା ଖାଲି ସୁକହାନା ହାଜାତୁସେସି ।

୬୧ ମଗଦଲିନି ମରିୟମ ଅଡେ ଏଟକାତି ମରିୟମ ଏ ମାଡ଼ହା ମୁହନି ଚାମ୍ପୁତା କୁଟା ଡ଼ୟିତୁ ।

ମାହଣି ମାଣ୍ଡାତା କସକା

୬୨ ତାନି ଅର ଦିନା, ଇତିହିଁ ତିୟାରା ଆନି ଦିନାତି ତାୟୁତି ଦିନା କାଜା ପୂଜେରାଙ୍ଗା ଅଡେ ପାରୁସିୟାଁ ପିଲାତ ତାଣା ରୁଣ୍ଡା ଆହାନା ଏଲେଇଚେରି,

୬୩ “ବାବୁ, ଏ ନାଡ଼ି କିନାସି ଜାସୁତା ମାଗାଟି, ‘ନାନ୍ ତାନି ଦିନାଟିଏ ଖେଣ୍ଡେ ନିଜିଇଁ’ ଇଞ୍ଜିଁ ଖେସାମାଗାଣି ନାଏଁ ମାମ୍ପୁ ଅଣ୍ଡପିମାନମି ।

୬୪ ଏଡ଼ାଆଁତାକି ତାନିଦିନା ପାତେକା ଏ ମାଡ଼ହା ମୁହନି ଚାମ୍ପୁତା କାଡ଼ାଲି ତାକି ହୁକୁମି ହାମ୍ପୁ, ଆଆତୁଁ ତାମି ସାସୁୟାଁ ଖାହାନା ମାଡ଼ହାତି ତଂଗା ଆହାଁ ଏଝାସି ହାକିଟି ନିଜାମାନେସି ଇଞ୍ଜିଁ ଲକ୍ଷ୍ମି ଖେହ୍ନେନେରି; ଆତିହିଁ ତଲି ନାଡ଼ି କିତାଣି କିହିଁ ତାୟୁତି ନାଡ଼ିକିନାୟି ହାରେକା ଆଗାଡ଼ା ଆନେ ।”

୬୫ ପିଲାତ ଏଝାରାଇଁ ଏଲେଇଚେସି, “ମୀ କାଃଆନାରି ମାନେରି, ମୀରୁ ହାଜାନା ଆଡ଼ିନି ପାତେକା କାଃଆତୁ ।”

୬୬ ଏଡ଼ାଆଁତାକି ଏଝାରି ହାଜାନା କାଃଆନାରି ତଲେ ଏ ଖାଲି ଗୁଟା ଆଆପେଝା ଇଞ୍ଜିଁ ଖାଲିତି ଜାଣି କିହିଁ ସାଲି ଖେଚାନା ମାଡ଼ହା ମୁହନି ଚାମ୍ପୁତା କାଃନାରାଇଁ କାପି କିତେରି ।

୨୮

ଜାସୁ ଖେଣ୍ଡେ ନିଜିନାୟି

(ମାର୍କ ୧୬:୧-୧୦; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାଡ଼ି ତାୟୁ ଖାରାତି ତଲିତି ଦିନାତା ଲାକ୍ଷ୍ମିଏ ମଗଦଲିନି ମରିୟମ ଅଡେ ଏଟକାତି ମରିୟମ ମାଡ଼ହା ମୁହନି ଚାମ୍ପୁଟି ସିନିକିହାଲି ହାତୁ ।

୫ ୨୭:୨୩ ମାତି ୧୬:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩

୨ ଅତେ ମେହଦୁ ଏ ଦେବୁଣିଏ ବୁମି ଖୀତିତେ, ଇତିହୁଁ ମାହାପୁରୁଟି ର ଦୁତୁ ଲାକପୁରୁଟି ରେଚାଖାହାନା ଏ ଖାଲିତ ବୃତି କିହାନା ଏଦାଣି ଲାକ କୁରିତେସି ।

୩ ତାନି ଖାଣା ମିଣସିମାନି ହାଗୁଲେହେଁ ମାଚେ ଅତେ ତାନି ହିମ୍ବରି ପେଣ୍ଡିଲେହେଁ ଦବଲା ମାଚେ ।

୪ ଇଞ୍ଜା କାଃଆନାରି ଆଜିତାକି ତୀରୁଣିହୁଁ ହାଡ଼ିଲେହେଁ ଆଡେରି ।

୫ ସାମା ଦୁତୁ ଇୟାସିକାଣି ଏଲେଇଚେସି, “ମୀରୁ ଆଜାଆଦୁ, ଇତିହୁଁ ମୀରୁ ପାସି ମୁଣ୍ଡାତା ହାଡ଼ି ଜୀସୁଇଁ ପାରିମାଞ୍ଜେରି, ଏଦାଆଁ ନାନୁ ପୁଞ୍ଜିମାଇଁ ।”

୬ ଏଝାସି ଇମ୍ବାଆଁ ହିଲଅସି; ଇତିହୁଁ ଏଝାସି ଏନିକିଁ ଝେସାମାଚେସି, ଏଲେକିହୁଁ ଏ ନିଙ୍ଗାମାନେସି, ଝାଦୁ ଏଝାସି ଆମିନି ଚାନ୍ଦୁତା ତୁରାମାଚେସି ଏ ଚାନ୍ଦୁତି ସିନିକିଦୁ ।

୭ ଅତେ ମୀରୁ ତବେ ହାଜାନା ତାନି ସୀସୁୟାଣି ଝେହଦୁ, ଏଝାସି ହାଡ଼ାରି ତାଣ୍ଡାଟି ନିଙ୍ଗାମାନେସି, ଅତେ ମେହଦୁ ଏଝାସି ମୀ ନକି ନକିତା ଗାଲିଲିତା ହାଜିମାନେସି, ଏମ୍ବାଆଁ ମୀରୁ ଏଝାଣାଇଁ ମେହଦେରି; ନାନୁ ଝେସ୍ତାତାଣି ଅଣ୍ଡପାଦୁ ।

୮ ଏମ୍ବାଟିଏ ଆଜି ଅତେ ରାହାଟି ମାହଣି ମାଣ୍ଡାଟି ତବେ ହାଜାନା ତାନି ସୀସୁୟାଣି ଝେସାଲି ଦାବଡ଼ି ହଦୁ ।

୯ ଅତେ ମେହଦୁ ଜୀସୁ ଏଝାସିକାଣି ବେଟାଆହାନା ଏଲେଇଚେସି, “ମିଙ୍ଗେ ହିଡ଼ଡ଼ି ଆୟାପେ” ଏମ୍ବାଟିଏ ଏଝି ତାଗେ ଖାହାନା ଏଝାଣି କଡାୟାଁ ଆସାନା ଏଝାଣାଇଁ ଜହରା କିତୁ ।

୧୦ ଏଚେଟିଏ ଜୀସୁ ଏଝାସିକାଣି ଏଲେଇଚେସି, “ଆଜାଆଦୁ, ମୀରୁ ହାଜାନା ନା ତାୟାୟାଁଇଁ ଝେହଦୁ, ଏଝାରି ଗାଲିଲିତା ହାଲାପେରି; ଏମ୍ବାଆଁ ଏଝାରି ନାଙ୍ଗେ ମେସ୍ତାନେରି ।”

ମାହଣି ମାଣ୍ଡା କାଃଆନାରି

୧୧ ଆୟାସିକା ହାଜିମାଚାଟି, କାପୁ କାଚାମାଟି କସକା ବିତ୍ରାଟି ଏଚରଜାଣା ଗାଡ଼ାତା ହାଜାନା ଏ ବାରେ ଗଟଝି ଆଡ଼ାଣି କାଜା ପୁଜେରାଞ୍ଜାଣି ଝେସ୍ତେରି ।

୧୨ ଏଝାରି ଲକୁଡ଼ି କାଜାରି ତଲେ ରୁଣ୍ଡା ଆହାନା ଅଣ୍ଡିସିହୁଁ କାତା ତୀରିକିତି ତାୟା, ଏ କସକାକି ହାଚେକା ଚାକାୟାଁ ହାହାନା ଏଲେଇଚେରି,

୧୩ “ମୀରୁ ଏଲେଇଞ୍ଜୁ, ମାମ୍ବୁ ତୁରାମାଟି ଚେଲାତା ତାନି ସୀସୁୟାଁ ଲାଆଁୟାଁ ଖାହାନା ଏଝାଣାଇଁ ସରୁ ଆହାନା ଅଡେରି ।

୧୪ ଅତେ ଇ କାତା ସାଲୁଝି କିନାଣି କିୟାଁ ତୁା ହାଡିହୁଁ, ମାମ୍ବୁ ଏଝାଣାଇଁ ନେହୁଁ କିଁ ଝେସାନା ମୀ ଅଣ୍ଡପୁଟି ପିସପି କିୟାନମି ।”

୧୫ ଏଝାରି ଚାକାୟାଁ ଅହାନା ଏନିକିଁ ହୁକୁମି ବେଟାଆହା ମାଚେରି, ଏଲେକିହୁଁ କିତେରି । ଏଦାଆଁତାକି ଇ କାତା ଜୀହୁଦି ଲକୁଡ଼ାଣା ଝେଙ୍ଗା ହାଜାନା ନୀସିଁ ପାତେକା ମାନେ ।

ଜୀସୁ ତାନି ସୀସୁୟାଁଇଁ ତଞ୍ଜା ଆନାୟି

(ମାର୍କ ୧୪:୩-୯; ଜହ ୧୨:୧-୮)

୧୬ *ସାମା ଏଗାର ଜାଣା ସୀସୁୟାଁ ଗାଲିଲିତା ହାଜାନା, ଜୀସୁ ଆମିନି ହରୁ କାତା ଏଝାରିଆଁ ଝେସାମାଚେସି, ଏ ହରୁତା ହାଚେରି ।

୧୭ ଅତେ ଏଝାରି ଏଝାଣାଇଁ ମେସାନା ଜହରା କିତେରି, ସାମା ଆମ୍ବା ଆମ୍ବାଆରି ନାମାଆଚେରି ।

୧୮ ଇଞ୍ଜା ଜୀସୁ ଏଝାରି ତାଗେ ଖାହାନା ଏଲେଇଚେସି, “ଲାକପୁରୁ ଅତେ ଦାବଡ଼ିଟି ଅଦିକାରା ନାଙ୍ଗେ ମେଡ଼ା ଆହାମାଞ୍ଜାନେ ।

୧୯ *ଏଦାଆଁତାକି ମୀରୁ ହାଜାନା ବାରେ କୁଡ଼ାଟି ଲକୁଣି ଆବା, ମୀରୁଏସି ଅତେ ସୁଦୁଜୀଝୁ ଦରୁଟି ବାପ୍ତିସ୍ମ* ହାହାନା,

୨୦ ନାନୁ ମିଙ୍ଗେ ହାହାମାଞ୍ଜାନି ହୁକୁମି ବାରେ ମାନୁଝି ଆହାଲି ଜାପୁହାନା ଏଝାରିଆଁ ନା ସୀସୁୟାଁ କିଦୁ; ମେହଦୁ ଜୁଗୁ ରାନ୍ଦି ପାତେକା ନାନୁ ବାରେବେଲା ମୀ ତଲେ ମାଞ୍ଜେ ମାଞ୍ଜାଇଁ ।”

* ୨୮:୧୭ ମାତୃ ୨୭:୩୨; ମାର୍କ ୧୪:୨୮ * ୨୮:୧୯ କାମା ୧:୮ * ୨୮:୧୯ ମୁଞ୍ଜିନାୟି

ମାର୍ଚ୍ଚ ଲିଖିତ ସୁସମାଚାର ମାର୍ଚ୍ଚ ରାଚାମାନି ନେହଁ କାବୁ ମୂଲୁ ହାଡ଼ା

ଜୀସୁ କ୍ରୀସ୍ତତି ଜୀଝୁ ଅଡ଼େ ଈ ଦାବୁଡିତା ମାତି ତାନି କାତା ମାର୍ଚ୍ଚ ରାଚାମାନି ନେହଁ କାବୁ; ପୁଃନି ଫେରାତି ସାରିଗଟା ନେହଁ କାବୁ ପତିୟାଁ ବିତ୍ରାତି ଈଦି ଆହିମାନେ ର ପତି । ଏ ବାରେ ନେହଁ କାବୁ ଇନେରି । ଏ ପତିୟାଁ ଜୀସୁ କ୍ରୀସ୍ତ ହାଡ଼ି ତାୟୁ ମାତିୟୁ, ମାର୍ଚ୍ଚ, ଲୁକ ଅଡ଼େ ଜହନ ରାଚାମାତେରି । ମାର୍ଚ୍ଚ ରାଚାମାନି ନେହଁ କାବୁ ସାରିଗଟା ନେହଁ କାବୁ ବିତ୍ରାତି ବାରେଡି କିହାଁ ସଚୁ କାବୁ । ଈ ନେହଁ କାବୁ ବାରେ କିହାଁ ନଚେଏ ଇତିହଁ ଜୀସୁ ଜାର୍ନାଆଡି ତାୟୁ ୬୫-୭୦ ବାସା ବିତ୍ରା ରାସ୍ତି ଆହାମାନେ ଇଞ୍ଜି ବାଇବଲ ପୁତି ବୁଦିଗାଟାରି ଏଲେଇଞ୍ଜିମାନେରି । ରମ୍ ଗାଡ଼ାତା ମାତି କ୍ରୀସ୍ତାନା ଲକୁଣି ରାହାଁ କିହାଲିତାକି ଈ ପତି ରମ୍ ଗାଡ଼ାତା ରାଚାମାତେସି ।

ମାର୍ଚ୍ଚ ଅର ଦରୁ ଜହନ ମାର୍ଚ୍ଚ, ଏଞ୍ଜାସି ପାଝୁଲ ଅଡ଼େ ବର୍ନବା ତଟେ ମାତେସି । ସାମା ଏଞ୍ଜାସି ସେବା କାମାତାକି ହାଲାଆଲିଏ ଏଞ୍ଜାଣି ମନ ଉଣା ଆହାମାତେ କାମା ୧୩:୧୩ । ମାର୍ଚ୍ଚ ଅଡ଼େ ଝେଣ୍ଡେ ବର୍ନବା ତଲେ ସେବା କାମାତା ହାତେସି କାମା ୧୫:୩୭-୩୯ । ମାର୍ଚ୍ଚ ପିତରତି ନେହଁ କାବୁ ମାତେସି ୧ପିତ ୫:୧୩ । ମାର୍ଚ୍ଚ ଜୀସୁ କ୍ରୀସ୍ତତି ଜୀଝୁତି କାତା କି ସେବା କାମାତି ମେସା ହିଲାଆତେସି, ବୁଦିଗାଟାରି ନାମିମାନେରି ମାର୍ଚ୍ଚ ରାଚାମାନି ନେହଁ କାବୁତା ପିତରତି କାତା ହାରେକା ରାଚାମାନେସି । ମାର୍ଚ୍ଚ ସାୟୁୟାଁତି କାମା ଇଞ୍ଜା ଜୀସୁ ରାନ୍ତି ଦିନାତି କାତା ଜାପୁନାଣି ରାଚାମାନେସି ।

ପତିତା ମାନାସି

- ୧. ମାର୍ଚ୍ଚ ପତିତି ମୂଲୁ ହାଡ଼ା । ୧:୧-୧୩
- ୨. ଗାଲିଲିତା ଜୀସୁ କ୍ରୀସ୍ତତି ସେବା କାମା । ୧:୧୪-୮:୨୧
- ୩. ଜୀସୁ କ୍ରୀସ୍ତ ଜିରୁସାଲମତା ହାନାସି । ୮:୨୨-୧୦:୫୨
- ୪. ଜିରୁସାଲମତି କାତା, ଜୀସୁ କ୍ରୀସ୍ତ ହାଡ଼ି କାତା ଅଡ଼େ ଝେଣ୍ଡେ ନିଜିନି କାତା ରାଚାନା ରାପୁନାସି । ୧୧:୧-୧୬:୨୦

ବାପ୍ତିସ୍ମ* ହାନି ଜହନ ଝେକ୍ନାସି
(ମାତି ୩:୧-୧୨; ଲୁକ ୩:୧-୧୮; ଜହ ୧:୧୯-୨୮)

୧ ମାହାପୁରୁ ମୀରୁଏସି ଜୀସୁ କ୍ରୀସ୍ତତି ନେହଁ କାବୁ ଇଲେକଁ ଆଡ଼େ,

୨ ମାହାପୁରୁ ଅଣପୁତି ବଲୁ ଝେହ୍ନି ଜିସାୟ ସାସ୍ତେରିତା ଏନିକଁ ରାସ୍ତିକି ଆହାମାନେ;

“ମାହାପୁରୁ ଏଲେଇଞ୍ଜି ମାନେସି, ମେହମ୍ ନାମୁ ନା କାବୁ ଝେହ୍ନାଣାଈଈଁ ନା ନକିତା ପାଣ୍ଡିମାଞ୍ଜାଇଁ, ଏଞ୍ଜାସି ନିଜେତାକି ଜିରୁ ତିୟାରା କିନେସି;

୩ ଲକୁ ହିଲାଆ ଚାୟୁତା ରଅଣି ହାଡ଼ା ଝେକ୍ନାମାନେ,
ପ୍ରବୁତି ଜିରୁ ତିୟାରା କିପୁ,
ଏଞ୍ଜାସି ତାକାଲି ତାକି ଜିରୁ ତିୟି କିପୁ ।”

୪ ଏମ୍ବାଟିଏ ବାପ୍ତିସ୍ମ† ହାନି ଜହନ ଲକୁ ହିଲାଆ ଚାୟୁତା ଝାହାନା ବଲୁ ଝେକ୍ନେସି, ଅଡ଼େ ବାପ୍ତିସ୍ମ‡ ହାହାନା ଏଲେଇଚେସି, “ଜାହାରା ପାପୁଡି ପିସ୍ପି ଆୟାଲିତାକି ମନ ଝେହ୍ନାଣା ବାପ୍ତିସ୍ମ§ ଅଦୁ. ଆତିହଁ ମାହାପୁରୁ ମୀ ପାପୁ ମ୍ବେକ୍ନାହାନେସି ।”

୫ ଏମ୍ବାଟିଏ ଜୀହୁଦା ଦେସା ଇଞ୍ଜା ଜିରୁସାଲମ ଗାଡ଼ାତି ବାରେ ଲକୁ ତାନି ତାଣା ଝାହାଲି ମାଟ୍‌ହେରି, ଇଞ୍ଜା ତାମୁଜାନି କିତି ପାପୁଡି ଝେସାନା ଏଞ୍ଜାଣି ତାଣାଟି ଜର୍ଦନ କାତାତା ବାପ୍ତିସ୍ମ* ଅଡ଼େରି ।

୬ ଜହନ ଉଚୁ ବାଣାୟାଁ ତଲେ କେପିତି ହିମ୍ବିକା ତୁରୁହିମାତେସି, ଅଡ଼େ ଟେଡେଲିତା ର ତଲୁଡି ବୁଡ଼ପା ମାଡ଼ା କିହାଁ ଦସା କଡ଼ିତେସି, ଗପ୍‌ଏରିକା ଅଡ଼େ ଜାଡ଼ାତି କ୍ରିୟାଁ ଏଞ୍ଜାଣି କାଡ଼ି ମାତେ ।

* ୧: ମୁଞ୍ଜିନାସି † ୧:୪ ମୁଞ୍ଜିନାସି ‡ ୧:୪ ମୁଞ୍ଜିନାସି § ୧:୪ ମୁଞ୍ଜିନାସି * ୧:୫ ମୁଞ୍ଜିନାସି

୭ ଜହନ ଏଲେଇଞ୍ଜି ଝେକହାଲି ମାଟ୍‌ହେସି, “ଆମ୍ବାଆସି ନା କିହ୍ନି ହାରେକା ବାତୁରୁ ଗାଗାସି ଏଞ୍ଜାସି ନା, ତାମୁ ଝାହିମାନେସି; ନାନୁ ମେଶ୍ଟାକୃତାନା ଏଞ୍ଜାଣି ସେପୁୟାତି ତୁକା ଜିକେଏ ହୁକହାଲି ପାଡ଼ାଆଅଁ ।
 ୮ ନାନୁ ମିଙ୍ଗେ ଏୟତଲେ ବାପ୍ତିସ୍ତା ହାହିମାଞ୍ଜାଇ, ସାମା ଏଞ୍ଜାସି ମିଙ୍ଗେ ସୁଦୁଜାଞ୍ଜୁ ତଲେ ବାପ୍ତିସ୍ତା ହିୟାନେସି ।”

ଜୀସୁ ବାପ୍ତିସ୍ତା ଅନାୟି ଇଞ୍ଜା ତାୟିପାରି କିଞ୍ଚି ଆନାୟି
 (ମାତି ୩:୧୩; ୪:୧-୧୧; ଲୁକ ୩:୨୧-୨୨; ୪:୧-୧୩)

୯ ଏରିବେଲାତା ଜୀସୁ ଗାଲିଲିତି ନାଜରିତତି ଝାହାନା ଜର୍ଦନ କାତାତା ଜହନ ତାଣାଟି ବାପ୍ତିସ୍ତା* ଅଡେସି

୧୦ ଜୀସୁ ଏୟୁଟି ନିଙ୍ଗା ଝାହିମାଗାଟି ଦେବୁଣିଏ ଲାକପୁରୁ ଦେପି ଆଡେ ଇଞ୍ଜା ସୁଦୁଜାଞ୍ଜୁ ପାର୍‌ଝା ପଗାଲେହେଁ ତାନି ଲାକ ରେଟା ଝାହିମାଗାଣି ମେସ୍ତେସି ।

୧୧ ଅଡେ ଲାକପୁରୁଟି ଇ ହାଡ଼ା ଆଡେ, “ନାନୁ ନା ଜୀଞ୍ଜୁତି ମୀରଏଣାତି, ନୀ ତାଣେଏ ନା ହାରେକା ରାହାଁ ମାନେ ।”

୧୨ ଏ ଦେବୁଣିଏ ସୁଦୁଜାଞ୍ଜୁ ଏଞ୍ଜାଣାଇଁ ଲକୁ ହିଲାଆ ଟାୟୁତା ଅଡେ.

୧୩ ଜୀସୁ ଲକୁ ହିଲାଆ ଟାୟୁତା ରୀ କଡ଼ି ଦିନା ପାଡେକା ତୁୟାନା ସୟତାନ ତାଣାଟି ତାୟିପାରି କିଞ୍ଚିଆଡେସି; ଏଞ୍ଜାସି ଜାଡ଼ାତି ଜନ୍ତ ତଲେ ତୁୟିତେସି, ଇଞ୍ଜା ଲାକପୁରୁଟି ଦୁତୁୟାଁ ଝାହାନା ଏଞ୍ଜାଣି ସେବା କିହିମାରୁ ।

ଜୀସୁ ସାରି ଜାଣା ମୀଣକା ଆହନରାଇଁ ହାଟିନାୟି
 (ମାତି ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଜହନଇଁ କାୟିଦି ଇଲୁତା ଇଟାଲିଏ ଜୀସୁ ଗାଲିଲିତା ଝାଡେସି ଇଞ୍ଜା ମାହାପୁରୁଟି ନେହଁ କାତୁ ଝେକହେସି ।

୧୫ “କାଲା ଏଜିମାଞ୍ଜାନେ, ଲାକପୁରୁ ରାଜି ଏଗାଝାହିମାନେ, ପାପୁତି ପିସାନା ମନ ଝେବୁ ଇଞ୍ଜା ମାହାପୁରୁଟି ନେହଁ କାତୁତି ନାମାଦୁ ।”

୧୬ ଜୀସୁ ଗାଲିଲି ସାମଦୁରି ଗାଟୁଟି ହାଜିମାଗାଟି ସିମନ ଅଡେ ତାନି ତାୟି ଆହିୟଇଁ ସାମଦୁରିତା ମୀଣକା ଜାଲା ମେତୁହି ମାଗାଣି ମେସ୍ତେସି, ଇତିହଁ ଏଞ୍ଜାରି ମୀଣକା ଆହନାରି ମାତେରି ।

୧୭ ଜୀସୁ ଏଞ୍ଜାରାଇଁ ହାଟାନା ଏଲେଇଡେସି, “ନା ଜେତ ଝାଦୁ ନାନୁ ମିଙ୍ଗେ ଲକୁଣି ଆହନାଣି ଜାପୁହାଇଁ ।”

୧୮ ଏଞ୍ଜାରି ଦେବୁଣିଏ ଜାଲାୟାଁ ପିସାନା ଜୀସୁଟି ଜେତ ହାତେରି ।

୧୯ ଏତେଟିଏ ଜୀସୁ ହିରେ ହେକ ହାଜାଲିଏ ଜେବଦି ମୀରକା ଜାକୁବ ଇଞ୍ଜା ତାନି ତାୟି ଜହନଇଁ ତଂଗତା ଜାଲା ମୁଦା କିହିମାଗାଣି ମେସ୍ତେସି ।

୨୦ ମେସ୍‌ପନିଏ ଜୀସୁ ଏଞ୍ଜାରାଇଁ ହାଟିତେସି, ଇଞ୍ଜା ଏଞ୍ଜାରି ତାନି ଆବା ଜେବଦିଇଁ ହଲିୟାଙ୍ଗା ତଲେ ତଂଗତା ପିସାନା ଜୀସୁ ଜେତ ହାତେରି ।

ବୁଡୁ ଆଲ୍‌ଗା ମାଗାସି
 (ଲୁକ ୪:୩୧-୩୭)

୨୧ ଜୀସୁ ଅଡେ ତାନି ସୀସୁୟାଁ କପରନାହୁମ ଗାଡ଼ାତା ଝାଡେତରି, ଇଞ୍ଜା ଅର ନେତୁ ଜନିନି ଦିନା ମାଗାକି ଜୀସୁ ଜୀହୁଦି ଲକୁତି କୁଟମି ଇଲୁତାଁ ହାଜାନା ଜାପୁହାଲି ମାଟ୍‌ହେସି ।

୨୨ ଲକୁ ତାନି ଜାପୁନାଣି ଝେଞ୍ଜାନା କାବା ଆହାହାତେରି; ଇତିହଁ ଏଞ୍ଜାସି ସାସ୍ତେରି ଝେହନାରି ଲେହେଁ ଜାପୁଆନା ଅଦିକାରା ବେଟାଆହାମାନି ଲେହେଁ ଜାପୁହି ମାତେସି ।

୨୩ ଜୀସୁ ଜାପୁହି ମାଟିବେଲାତା ଜୀହୁଦି ଲକୁତି କୁଟମି ଇଲୁଟିଃ ବୁଡୁ ଆଲ୍‌ଗା ମାଗାସି କାଲ୍‌ଞ୍ଚି ଆହଁ ଏଲେଇଡେସି,

୨୪ “ଏ ନାଜରିତତି ଜୀସୁ ନୀ ତଲେ ମାଙ୍ଗେ ଏନି କାମା ମାନେ, ନାନୁ କି ମାଙ୍ଗେ ନାସା କିହାଲି ଇମ୍ବାଆଁ ଝାହାମାଞ୍ଜି ? ନାନୁ ଆମ୍ବାଆତି ନାନୁ ପୁଞ୍ଜାମାଇଁ; ନାନୁ ମାହାପୁରୁ ତାଣାଟି ଝାହାମାନି ଏ ସୁଦୁ ମାଣସିତି ।”

୨୫ ଜୀସୁ ଏଦାନି ଦାକା ହାହାନା ଏଲେଇଡେସି, “ପାଲେଏ ଆମ୍ବୁ ଇଞ୍ଜା ଇଞ୍ଜାଣି ତାଣାଟି ହଡ଼ାହାଲାମୁ ।”

† ୧:୮ ମୁଞ୍ଜିନାୟି ‡ ୧:୮ ମୁଞ୍ଜିନାୟି § ୧:୮ ମୁଞ୍ଜିନାୟି * ୧:୧୧ ମୁଞ୍ଜିନାୟି ☆ ୧:୧୧ ମାତି ୩:୧୭; ୧୨:୧୮; ପାର୍ଶ୍ୱ ୯:୭; ଲୁକ ୩:୨୨ ☆ ୧:୧୫ ମାତି ୩:୨ † ୧:୨୧ ସିନଗର ☆ ୧:୨୨ ମାତି ୭:୨୮, ୨୯ ‡ ୧:୨୩ ସିନଗର

୨୬ ଏଚେଟିଏ ଏ ପଲ୍ଲୀ ବୁଢ଼ୁ ଏଝାଣାଇଁ ମୁତୁମୁତା କିହାନା, କାଜା ଗିୟାଁତଲେ କିରୁଡ଼ିହିଁ ଏଝାଣି ତାଣ୍ଡାଟି ହତାହାଚେ ।

୨୭ ଏମ୍ବାଟିଏ ବାରେଜାଣା ହାରେକା କାବା ଆଡ଼େଟି, ଇଞ୍ଜା ଇଲେକଁ ଜଲ୍ଲକି ଆଡ଼େଟି, “ଇଦି ଏନିଲେହେତାୟି ? ଇଦି ଅଦିକାରା ବେଟାଆହାମାନି ଲେହେଟି ପୁଝନି ଜାମ୍ବାନାୟି, ଏଝାସି ପଲ୍ଲୀ ବୁଢ଼ୁୟାଁଇଁ ଜିକେଏ ହୁକୁମି ହାହିମାନେସି, ଅଡ଼େ ଏଝି ଏଝାଣି କାତା ଆସିମାମୁ ।”

୨୮ ଏମ୍ବାଟିଏ ଏଝାସି କିତି କାମାତି କାବୁ ଏ ରେରୁଏ ଗାଲିଲି ରାଜିତି ସାରିଝାକିତି ନାୟକାଣାଁ ଝେଙ୍ଗାହାଚେ ।

ଜାସୁ ହାରେକା ଲକୁଣି ନେହଁକିନାୟି
(ମାତି ୮:୧୪-୧୭; ଲୁକ ୪:୩୮-୪୧)

୨୯ ଏମ୍ବାଟିଏ ଏଝାରି ଜାହୁଦି ଲକୁତି କୁଟମି ଇଲ୍ଲୁଟିଁ ହତାନା ଜାକୁବ ଅଡ଼େ ଜହନ ତଲେ ଏ ଦେବୁଣିଏ ସିମନ ଇଞ୍ଜା ଆନ୍ଦିୟ ଇଜ ହାଚେରି ।

୩୦ ସିମନ ପୟା ନମେରି ତାକି ତୁରାମାଚେ, ଅଡ଼େ ଏଝାରି ଏଦାଣି କାତା ରେରୁଏ ଜାସୁଇଁ ଝେସ୍ତେରି ।

୩୧ ଏମ୍ବାଟିଏ ଏଝାସି ତାଗେ ହାଜାନା ତାନି କେୟୁ ଆସାନା ଏଦାନି ନିକହେସି, ଅଡ଼େ ଏଦାନି ନମେରି ପିସ୍ତେ, ଇଞ୍ଜା ଏଦି ଏଝାରି ସେବା କିଚେ ।

୩୨ ମିଡ଼ଅଲ୍ଲା ବେଲ୍ଲା ଝେଡ଼ା କୁଡ଼ହାଲିଏ ଲକୁ ରଗ ଗାଗାରାଇଁ ଇଞ୍ଜା ବୁଢ଼ୁୟାଁ ଆଲ୍ଗା ମାଗାରାଇଁ ଜାସୁ ତାଣ୍ଡା ତାଚେରି,

୩୩ ଇଞ୍ଜା ଗାଡ଼ାତାରି ବାରେ ଜାସୁ ମାତି ଇଲ୍ଲୁ ଦୁଝେରିତା ରୁଣ୍ଡା ଆଡ଼େଟି ।

୩୪ ଏମ୍ବାଟିଏ ଜାସୁ ବାରେଲେହେଟି ରଗ ଗାଗାରାଇଁ ନେହଁ କିଚେସି, ଇଞ୍ଜା ହାରେକା ବୁଢ଼ୁଣି ପିସ୍ତପି କିଚେସି, ଇଞ୍ଜା ଏଝାସି ବୁଢ଼ୁୟାଁଣି ଜଲ୍ଲାଲି ହାଆଡେସି, ଇଚିହିଁ ଏଝି ଏଝାଣାଇଁ ପୁଞ୍ଜିମାତୁ ।

ଜାସୁ ଗାଲିଲିତା ମାହାପୁରୁ କାତା ଝେକ୍ନାୟି
(ଲୁକ ୪:୪୨-୪୪)

୩୫ ଝେୟାଆ ମାଗାଟିଏ ଆନ୍ଦେରି ମାଞ୍ଜା ମାଞ୍ଜାନା ଏଝାସି ନିଙ୍ଗା ହତା ହାଜାନା ର ଲକୁ ହିଲ୍ଲାଆ ଟାୟୁତା ହାଜାନା ପ୍ରାଡ଼ାନା କିହିମାଚେସି ।

୩୬ ସିମନ ଇଞ୍ଜା ତାନି ଆବ୍‌ହିତାରି ଏଝାଣାଇଁ ପାରାଲି ମାଟ୍‌ହେରି,

୩୭ ଏଝାଣାଇଁ ବେଟାଆହାନା ଏଲେଇଚେରି, “ବାରେଜାଣା ନିଙ୍ଗେ ପାରିମାଞ୍ଜାନେରି ।”

୩୮ ଏମ୍ବାଟିଏ ଜାସୁ ଏଝାଣାଇଁ ଏଲେଇଚେସି, “ଝାଦୁ ମାଟ୍ ଏବ୍‌କା ଗାଡ଼ାତା, ଇଚିହିଁ ଦାରିମାରି ନାୟକାଣାଁ ହାନ; ଏମ୍ବାଆଁ ଜିକେଏ ନାନୁ ମାହାପୁରୁଟି ବଲ୍ଲୁ ଝେକ୍‌ଇଁ, ଇଚିହିଁ ଏଦାଆଁତାକି ନାନୁ ଝାହାମାଇଁ ।”

୩୯ *ଇଞ୍ଜା ଜାସୁ ବାରେ ଗାଲିଲି ନାୟକାଣାଁ ରେଜି ରେଜିହିଁ ଏଝାରି ବାରେ ଜାହୁଦି ଲକୁତି କୁଟମି ଇଲ୍ଲକାଣା* ମାହାପୁରୁ ବଲ୍ଲୁ ଝେକ୍‌ହେସି ଇଞ୍ଜା ବୁଢ଼ୁୟାଁଣି ପିସ୍ତପି କିଚେସି ।

କାଜା ରଗ ଗାଗାଣାଇଁ ଜାସୁ ନେହଁକିନାୟି
(ମାତି ୮:୧-୪; ଲୁକ ୫:୧୨-୧୭)

୪୦ ଏମ୍ବାଟିଏ ର କାଜା ରଗ ଗାଗାସି ଜାସୁ ତାଣ୍ଡା ଝାହାନା ମେଣ୍ଡାକୁତାନା ବାତିମାଲିହିଁ ଜାସୁଇଁ ଏଲେଇଚେସି, “ନାନୁ ମନ କିତିହିଁ ନାଙ୍ଗେ ନେହଁ କିହାଲି ଆଡ଼ାଦି ।”

୪୧ ଏମ୍ବାଟିଏ ଜାସୁ ଏଝାଣାଇଁ କାର୍ମା ମେସ୍ତେସି, ଇଞ୍ଜା କେୟୁ ଦାସାନା ଏଝାଣାଇଁ ତାଗାନା ଏଲେଇଚେସି, “ନାନୁ ମନ କିହିମାଇଁ ନାନୁ ନେହଁଆମୁ ।”

୪୨ ଏ ଦେବୁଣିଏ ଏଝାଣି ତାଣ୍ଡାଟି କାଜା ରଗ ଗୁଚାଆଡ଼େ, ଇଞ୍ଜା ଏଝାସି ନେହଁଆଡେସି ।

୪୩ ଇଞ୍ଜା ଏଝାସି ଏଝାଣାଇଁ ଜାଣ୍ଡେ ହୁକୁମି ହାହାନା ଝେସା ପାଣ୍ଡିଚେସି,

୪୪ “ଜାଗ୍ରାତା ଆମ୍ବାଆରାଇଁ ଏନାଆଁ ଝେହ୍‌ଆନି, ସାମା ହାଲ୍ଲାମୁ ଇଞ୍ଜା ପୁଜେରା ତାଣ୍ଡା ହାଜାନା ନିଙ୍ଗ ତସାକତାମୁ, ଇଞ୍ଜା ମସା ଆମିନି ମେରା ହାହାମାନେସି ଏଦାଆଁ ଲକୁ ନକିତା ନେହଁ ଆଡ଼ାକି ସାକି ହାନିଲେହେଁ ହେର୍‌ପାମୁ ।”

§ ୧:୨୯ ସିନଗଗ ☆ ୧:୩୯ ମାତି ୪:୨୩; ୯:୩୫ * ୧:୩୯ ସିନଗଗ

୪୫ ଯାମା ଏଝାସି ପାଞ୍ଜାତା ହାଜାନା ତାନୁ ନେହୁଁ ଆଡ଼ି କାତାତି ସାରିଝାକି ଝେକହାଲି ମାଟୁହେସି, ଇଞ୍ଜା ଜୀସୁ ଆମିନି ଗାଡ଼ାତା ପୁଣ୍ଡେ ହଡ଼ାଲି ଆଡ଼ାଆତେସି, ଯାମା ପାଞ୍ଜାତା ଲକୁ ହିଲାଆ ଟାମ୍ବାଣା ଡ଼ୟିତେସି; ଅଡ଼େ ସାରି ଝାକିଟି ଲକୁ ଜୀସୁ ତାଣା ଝାହାଲି ମାଟୁହେରି ।

୨

ଜୀସୁ ଟଟ ଝାୟିତାଣାଇଁ ନେହୁଁକିନାୟି
(ମାତି ୯:୧-୮; ଲୁକ ୫:୧୭-୨୬)

୧ ଏଚେଦିନା ଆୟାଲିଏ ଜୀସୁ କପଡ଼ନାହୁମତା ଝେଣ୍ଡେ ହାଚେସି, ଇଞ୍ଜା ଏଝାସି ଇଜ ମାନେସି ଇଞ୍ଜୁଁ ସାରିଝାକି ଝେଞ୍ଜାହାଚେ ।

୨ ଏମ୍ବାଆଁ ଇଚେକା ଲକୁ ରୁଣ୍ଡା ଆଡ଼େରି ଇଞ୍ଜା ଦୁଝେରିତା ଜିକେଏ ଟାମ୍ବୁ ହିଲାଆତେ, ଇଞ୍ଜା ଏଝାସି ଏଝାରାଇଁ ମାହାପୁରୁ କାତା ଝେକହେସି ।

୩ ଏମ୍ବାଟିଏ ସାରି ଜାଣା ର ଟଟ ଝାୟିତାଣାଇଁ କାଚେଲିତା ଜୀସୁ ତାଣା ଡ଼େକା ତାତେରି ।

୪ ଯାମା ହାଚେକା ଲକୁ ମାଚାକି ଏଝାଣି ତାଣା ତାଚାଲି ଆଡ଼ାଆତେରି, ଇଞ୍ଜା ଆମିନି ଟାମ୍ବୁତା ଜୀସୁ ମାଚେସି, ଏମ୍ବାଆଁ ଇଲୁତି ଡ଼େପରି ରିକହେରି, ଇଞ୍ଜା ଏ ଟଟ ଝାୟିତାଣାଇଁ କାଚେଲି ଝେଣ୍ଡେଏ ଇଲୁ ବିତ୍ତା ରେପୁହେରି ।

୫ ଜୀସୁ ଏଝାରି ନାମୁ ମେସାନା, ଏ ଟଟ ଝାୟିତାଣାଇଁ ଏଲେଇଚେସି, “ଏ ମୀରୁଏଣା ନୀ ପାପୁ ବାରେ ମେଣ୍ଡାଞ୍ଜାହାଚେ ।”

୬ ଯାମା ଏମ୍ବାଆଁ ମାଟି ଏଚେକା ମେରା ଜାପୁନାରି କୁଗାନା ତାମି ମନତା ଅଣପିହୁଁ କାତାବାର୍ତ୍ତା ଆହିମାଚେରି,

୭ “ଇଝାସି ଏନାଆଁତାକି ଏଲେଇଞ୍ଜି ମାନେସି ? ଇଝାସି ମାହାପୁରୁଇଁ ନିନ୍ଦା କିହିମାନେସି; ମାହାପୁରୁ ପିସ୍ତେ ଆମ୍ବାଆସି ପାପୁ ମ୍ବେକହାଲି ଆଡ଼ିନେସି ?”

୮ ଏଝାରି ମନତା ଇଲେକ ଅଣପିମାନାଣି ଜୀସୁ ଦେବୁଣିଏ ଜୀଝୁତା ପୁଞ୍ଜାନା ଏଝାରାଇଁ ଏଲେଇଚେସି, “ମୀରୁ ମୀ ମନ ବିତ୍ତା ଏନାଆଁତାକି ଇଲେକ ଅଣପିମାଞ୍ଜେରି ?

୯ ଏନାଆଁ ଇନାୟି ଉସାସା ? ଏ କାଜା ରଗ ଗାଟାଣାଇଁ ‘ନୀ ପାପୁ ମେଣ୍ଡାଞ୍ଜେ ଇନାୟି କି ନିଞ୍ଜାମୁ ନୀ କାଚେଲି ଡ଼େକାନା ତାକାମୁ ଇନାୟି ଉସାସା ?”

୧୦ ଯାମା ଦାଚ୍ଚିତା ପାପୁ ମ୍ବେକହାଲି ମାଣସି ମୀରୁଏଣା ଅଦିକାରା ମାନେ, ଏଦାଆଁ ନୀଏଁ ମୀରୁ ପୁଞ୍ଜାଲି ଆଡ଼ିଦେରି ।” ଏଦାଆଁତାକି ଏ ଟଟ ଝାୟିତାଣାଇଁ ଏଲେଇଚେସି,

୧୧ “ନାନୁ ନିଞ୍ଜେ ଝେସିମାଞ୍ଜାଇଁ ନିଞ୍ଜାନା ନୀ କାଚେଲି ଡ଼େକାନା ନୀ ଇଜ ହାଲାନୁ ।”

୧୨ ଏଚେଟିଏ ଏଝାସି ଦେବୁଣିଏ ନିଞ୍ଜାନା କାଚେଲି ଡ଼େକାନା ବାରେଜାଣା ନକିଟି ହଚାହାଚେସି; ଏଚେଟିଏ ବାରେଜାଣା କାବାଆହାନା ମାହାପୁରୁତି ଜହରା କିହୁଁ ଏଲେଇଚେରି, “ମାମୁ ଇଲେକି କାବାଆନି କାମା ଏଚେଲା ଜିକେଏ ମେସାହିଲାଆତମି ।”

ଜୀସୁ ଲେବିଇଁ (ମାତିୟୁ) ହାଡ଼ିନାୟି
(ମାତି ୯:୯-୧୩; ଲୁକ ୫:୨୭-୩୨)

୧୩ ଜୀସୁ ଅଡ଼େ ଝେଣ୍ଡେ ସାମୁଦ୍ରି ଗାଟୁତା ହାଚେସି, ଇଞ୍ଜା ଲକୁ ଏଝାଣି ତାଣା ଝାହାଲିଏ, ଏଝାରାଇଁ ଜାପୁହାଲି ମାଟୁହେସି ।

୧୪ ଅଡ଼େ ଜିରୁଟି ହାଜି ହାଜିହୁଁ ଜୀସୁ ଆଲେପି ମୀରୁଏସି ଲେବିଇଁ* ସିସୁ ରୁାହୁନି ତାଣା କୁଗାମାନାଣି ମେସ୍ତେସି, ଇଞ୍ଜା ଏଝାଣାଇଁ ଏଲେଇଚେସି, “ନା ଢେଚ ଝାମୁ” ଏଚେଟିଏ ଲେବି ନିଞ୍ଜାନା ଏଝାଣି ଢେଚ ହାଚେସି ।

୧୫ ଅଡ଼େ ଜୀସୁ ଲେବି ଇଜ ରାନ୍ଦା ତିଞ୍ଜାଲି କୁଗାମାଚାଟି ହାଚେକା ସିସୁ ରୁାହୁନାରି ଇଞ୍ଜା ପାପୁ ଗାଟାରି ତାମି ସୀସୁୟାଁ ତଲେ କୁଗିତେରି; ଇଚିହୁଁ ଏଝାରି ହାଚେକା ମାଚେରି ଇଞ୍ଜା ଏଝାଣି ଢେଚ ହାଜିମାଚେରି ।

୧୬ ଜୀସୁ ପାପୁ ଗାଟାରି ଇଞ୍ଜା ସିସୁ ରୁାହୁନାରି ତଲେ ତିଞ୍ଜି ମାନେସି, ଇଦାଆଁ ମେସାନା ପାରୁସି ଗଟିତି ମେରାପୁନାରି ତାନି ସୀସୁୟାଁଏ ଏଲେଇଚେରି, “ଏଝାସି ଏନାଆଁତାକି ପାପୁ ଗାଟାରି ଅଡ଼େ ସିସୁ ରୁାହୁନାରି ତଲେ ରାନ୍ଦା ତିଞ୍ଜି ମାନେସି ?”

* ୨:୧୪ ମାତିୟୁ

୧୭ ଜୀସୁ ଇ କାତା ୱେଞ୍ଜାନା ଏଞ୍ଜାରାଇଁ ଏଲେଇଚେସି, “ନେହୁଁ ଲକୁତାକି ଅସଗୁରୁ ଲଡ଼ା ହିଲେଏ, ସାମା ରଡ଼ା ଗାଟାରାକି ଲଡ଼ାମାନେ; ନାନୁ ଦାମ୍ବୁ ଲକୁତାକି ୱାହାହିଲଅଁ ସାମା ପାପୁ ଗାଟାରାକି ୱାହାମାଇଁ ।”

ଉପାସା କିନାଣି ୱେହନାୟି
(ମାତି ୯:୧୪-୧୭; ଲୁକ ୫:୩୩-୩୯)

୧୮ ଜହନତି ସାସୁୟାଁ ଇଞ୍ଜାଁ ପାରୁସିୟାଁ ଉପାସା କିହିମାଟାଟି, ଏଚେକା ଲକୁ ଜୀସୁ ତାଣା ୱାହାନା ଏଲେଇଚେରି, “ଜହନତି ସାସୁୟାଁ ଇଞ୍ଜାଁ ପାରୁସିୟାଁତି ସାସୁୟାଁ ଉପାସା କିନେରି, ସାମା ନୀ ସାସୁୟାଁ ଏନାଆଁତାକି ଉପାସା କିଅରି ?”

୧୯ ଜୀସୁ ଏଞ୍ଜାରାଇଁ ଏଲେଇଚେସି, “ବୀହା ଲକୁତଲେ ବୀହା ହନେଏସି ମାନି ପାଚେକା ବୀହା ଲକୁ ହାକି ମାଞ୍ଜାଲି ଆଡ଼ିନେରିକି ? ବୀହା ହନେଏସି ଏଞ୍ଜାରିତଲେ ମାନି ପାଚେକା ଏଞ୍ଜାରି ଉପାସା କିଅରି ।

୨୦ ସାମା ଦିନା ୱାନେ ଏଡିବେଲା ଏଞ୍ଜାରି ତାଣାଟି ବୀହା ହନେଏଶାଇଁ ହପୁହା ଅଡ଼ିସାରେ ଏଡିବେଲା ଏଞ୍ଜାରି ଉପାସା କିନେରି ।”

୨୧ “ଆମ୍ବାଆସି ପୁଞ୍ଜଇ ହିମ୍ବରିତା ପୁଞ୍ଜି ପାସକି ତାଟଅସି; ତାଟିସାରେ ପୁଞ୍ଜଇ ହିମ୍ବରିତି ପୁଞ୍ଜି ପାସକି ମୁଦା ଆହାଁ ଗାଡ଼ି ଗେଞ୍ଜିକିନେ ।

୨୨ ଆମ୍ବାଆସି ପୁଞ୍ଜି ଅଙ୍ଗୁରି ରାସା ପୁଞ୍ଜଇ ଡ଼କାତାଠି ଇଟଅସି; ଇଡିସାରେ ଡ଼କା ଡ଼ାୟାହାନେ, ଇଞ୍ଜାଁ ଅଙ୍ଗୁରି ରାସା ଅଡ଼େ ଡ଼କା ରିଣ୍ଡିଞା ନସୁ ଆନୁ, ଏଦାଆଁତାକି ପୁଞ୍ଜି ଅଙ୍ଗୁରି ରାସା ପୁଞ୍ଜି ଡ଼କାତା ଇଡିନାୟି ମାନେ ।”

ଜମିନି ଦିନାତି କାତା ୱେହନାୟି
(ମାତି ୧୨:୧-୮; ଲୁକ ୬:୧-୫)

୨୩ ର ପାଲି ଜୀସୁ ଜମିନି ଦିନା ତାନି ସାସୁୟାଁ ତଲେ ଗହଁ ଗୁଡିୟାଡ଼ି ହାଜିମାଚେସି, ତାନି ସାସୁୟାଁ ହାଜି ହାଜିହୁଁ ଗହଁୟାଁ ଜେକା ତାପୁହାଲି ମାଟୁହେରି ।

୨୪ ଏମ୍ବାଟିଏ ପାରୁସିୟାଁ ଜୀସୁଇଁ ଏଲେଇଚେରି, “ମେହମୁ ଜମିନି ଦିନାତା ଏନାଆଁ କିନାୟି ମେରା ହିଲେଏ, ନୀ ସାସୁୟାଁ ଏନାଆଁତାକି କିହିମାନେରି ?”

୨୫ ଜୀସୁ ଏଞ୍ଜାରାଇଁ ଏଲେଇଚେସି, “ଦାଞ୍ଜୁଦ ଅଡ଼େ ତାନି ତଡ଼େସିଙ୍ଗା ହାକି ଆହାମାଟାଟି ଏଞ୍ଜାରି ଏନାଆଁ କିହାମାଚେରି, ଏଦାଆଁ ମୀରୁ ଏଚେଲା ପଡ଼ୁଞ୍ଜି ଆହାହିଲଅଚେରି,

୨୬ ଅବିୟତର କାଜା ପୁଜେରା ମାଟିବେଲାତା ଏଞ୍ଜାସି ଏନିକିଁ ମାହାପୁରୁ ଲକୁତା ହଡ଼ାନା ଆମିନି ମାହାପୁରୁକି ହେପିତି ରୁଟି କାଜା ପୁଜେରାଙ୍ଗା ପିସପେ ଆମ୍ବାଆରି ତିନାଆଗାଟି ମେରା ମାଚେ, ସାମା ଏଦାଆଁ ଦାଞ୍ଜୁଦ ତିଞ୍ଜା ମାଚେସି ଇଞ୍ଜାଁ ତାନି ଆବୁହି ତାରାକି ଜିକେଏ ତିଞ୍ଜାଲି ହାହାମାଚେସି ।”

୨୭ ତାମୁ ଜୀସୁ ଏଞ୍ଜାରାଇଁ ଏଲେଇଚେସି, “ଜମିନି ଦିନା ମାଣସିତାକି ଆହାମାନେ; ସାମା ମାଣସି ଜମିନି ଦିନାତାକି ଆହାହିଲଅସି ।”

୨୮ ଏଦାଆଁତାକି ମାଣସି ମୀରୁଏସି ଜମିନି ଦିନାତି ପ୍ରବୁ ଆନେସି ।

୩

ଞ୍ଜାୟିତି କେୟୁଗାଟାସି ନେହୁଁ ଆନାୟି
(ମାତି ୧୨:୯-୧୪; ଲୁକ ୬:୬-୧୧)

୧ ଜୀସୁ ଅଡ଼େ ୱେଣ୍ଡେ ଜୀହୁଦି ଲକୁତି କୁଟନି ଇଲୁତା* ହାଚେସି, ଏମ୍ବାଆଁ ରଅସି ମାଚେସି, ଏଞ୍ଜାଣି ର କେୟୁ ଞ୍ଜାୟାହାଜାମାଚେ ।

୨ ଜୀସୁ ଏଞ୍ଜାଣାଇଁ ଜମିନି ଦିନାତା ନେହୁଁ କିନେସିକି ଆଏ, ଏଞ୍ଜାଣି କପାଟି ଦହ ଦସାଲିତାକି ଗୁଡ଼ି କିହାନା ସିନିକିହିମାଚେରି ।

୩ ଏମ୍ବାଟିଏ ଜୀସୁ ଆମିନି ଲକୁତି କେୟୁ ଞ୍ଜାୟାହାଜାମାଚେ, ଏଞ୍ଜାଣାଇଁ ଜୀସୁ ଏଲେଇଚେସି, “ଞ୍ଜାମୁ ମାଦି ନିମୁ ।”

୪ ଇଞ୍ଜାଁ ଜୀସୁ ଏଞ୍ଜାରାଇଁ ଏଲେଇଚେସି, “ଜମିନି ଦିନାତା ଏନାଆଁ କିନାୟି ମେରା ମାନେ ? ନେହୁଁ କିନାୟି କି ଲାଗେଏ କିନାୟି ? ଜୀଞ୍ଜୁତି ଗେଲୁପିନାୟି କି ନାସା କିନାୟି ?” ସାମା ଏଞ୍ଜାରି ୱେଣ୍ଡେ ହାଡ଼ା ଆୟାଲି ଆଡ଼ାଆଚେରି ।

† ୨:୨୨ ତଲୁ ତଲେ କେପିତି ଅଙ୍ଗୁରି ରାସା ଇଡିନି ବାସୁ ଟୁପୁ * ୩:୧ ସିନଗଗ

୫ ଏମ୍ବାରିଏ ଜୀମ୍ବୁ ଏଞ୍ଜାରି ଆଡ଼଼ା ହିୟାଁତି ମେସାନା ବୁକୁ ଆଡେସି, ଇଞ୍ଜା କପାଟି ସାରିଞ୍ଜାକି ଏଞ୍ଜାରାଇଁ ସିନିକିହାନା ଏଲେଇଚେସି, “କେୟୁ ଲାକ ଦାହୁମୁ” ଏଞ୍ଜାସି ତାନି କେୟୁ ଦାସ୍ପନିଏ ଏଡ଼ି ନେହୁଁ ଆହାହାଚେ ।

୬ ଏଚେଟିଏ ପାରୁସିୟାଁ ହଡ଼ା ହାଜାନା ଜୀମ୍ବୁଇଁ ପାୟାଲି ତାକି ହେରଦ ଗଟିଟି ଲକୁତଲେ କାଲ୍‌ହାନା କାତା ଆଡେଟରି ।

ସାମ୍ବୁରି ଗାଟୁତା ମାନ୍ଦା ଲକୁ
(ମାତି ୪:୨୫; ମାର୍କ ୪:୧; ଲୁକ ୫:୧-୩)

୭ ଜୀମ୍ବୁ ଅଡେ ତାନି ସାମ୍ବୁୟାଁ ଗାଲିଲି ସାମ୍ବୁରି ଗାଟୁତା ହାଚେଟି, ଇଞ୍ଜା ହାରେକା ଲକୁ ଏଞ୍ଜାଣି ଢେଟ ହାଚେଟି; ଏଞ୍ଜାରି ଜୀହୁଦା,

୮ ଗାଲିଲି, ଜିରୁସାଲମ, ଇଦମ, ଜର୍ଦନ ଅରଞ୍ଜାକି, ସର ଅଡେ ସିଦନ ଗାଡ଼ା ଞ୍ଜାକିଟି ଲକୁ ତାନି ବାରେ କିଟି କାମାତି କାତା ଖେଞ୍ଜାନା ତାନି ତାଣା ଞ୍ଜାଚେଟି ।

୯ ଏମ୍ବାଆଁ ଇଚେକା ମାନ୍ଦା ଲକୁ ଆଡେଟିଏ ମାନ୍ଦା ଏନିକିଁ ଏଞ୍ଜାଣିଲାକ ଓହ୍‌ଅରି, ଏଦାଆଁତାକି ଏଞ୍ଜାସି ତାନି ସାମ୍ବୁୟାଁଣି ତାଜେତାକି ର ଉଣା ତଂଗ ପାରା ଇଟାଲି ଖେସ୍ତେସି;

୧୦ ଏଞ୍ଜାସି ହାରେକା ଲକୁଣି ନେହୁଁ କିହାମାତାକି ରଗ ଗାଟାରି ବାରେ ଏଞ୍ଜାଣାଇଁ ତୀଗାଲି ଏଞ୍ଜାଣି ମୁହେଁ ମୁହେଁ ଆହିମାଚେଟି ।

୧୧ ଇଞ୍ଜା ପଲ୍‌ଆ ବୁଡୁୟାଁ ଆସାମାନାରି ଏଞ୍ଜାଣାଇଁ ମେସ୍ପନିଏ, ଏଞ୍ଜାଣି ନକିତା ରିହାନା କାଲ୍‌ଓ ଆହୁଁ ଏଲେଇଞ୍ଜି ମାଡୁ, “ନୀନୁଏ ମାହାପୁରୁ ମୀର୍‌ଏଣାତି ।”

୧୨ ଏଞ୍ଜାସି ଆମ୍ବାଆସି ଇ କାତା ଆମ୍ବାଆରାଇଁ ଖେହୁଆଦୁ ଇଞ୍ଜୁଁ ଜୀମ୍ବୁ ପଲ୍‌ଆ ବୁଡୁୟାଁଇଁ ଦାକା ହାହାନା ହୁକୁମି ହାଚେସି ।

ଜୀମ୍ବୁ ବାରଜାଣା ସାମ୍ବୁୟାଁଣି ଆଡ଼ିନାସି
(ମାତି ୧୦:୧-୪; ଲୁକ ୬:୧୨-୧୬)

୧୩ ଜୀମ୍ବୁ ହରୁ ଲାକ ହାଜାନା ଆମିନି ଗାଟାରାଇଁ ମନ କିଚେସି ଏଞ୍ଜାରାଇଁ ତାଗେ ହାଟିଚେସି, ଇଞ୍ଜା ଏଞ୍ଜାରି ତାଗେ ଞ୍ଜାଚେଟି ।

୧୪ ଇଞ୍ଜା ଏଞ୍ଜାସି ବାରଜାଣାତି ଆଚାନା ପାଣ୍ଡୁଓ ଆଡାରି ଇଞ୍ଜାନା, ଏଞ୍ଜାରାଇଁ ଏଲେଇଚେସି, “ନା ତଲେ ତୟାଲି ନାନୁ ମିଜେ ଆଚାମାଞ୍ଜାଇ, ଇଞ୍ଜା ଖେକହାଲି ପାଣ୍ଡାଇ ।

୧୫ ଇଞ୍ଜା ମୀରୁ ବୁଡୁୟାଁ ପେର୍‌ହାଲି ଜିକେଏ ଅଦିକାରା ବେଟାଆଡେଟି ।”

୧୬ ଜୀମ୍ବୁ ଇ ବାରଜାଣାତି ଆଡ଼ିଚେସି, ଏଞ୍ଜାରି ଆଡେଟି ସିମନ ଆମ୍ବାଆରାଇଁ ଜୀମ୍ବୁ ପିଚର ଇଞ୍ଜୁଁ ଇଚିଚେସି;

୧୭ ଜେବଦି ରୀ ମୀର୍‌କା ଜାକୁବ ଅଡେ ତାନି ତାସି ଜହନ ଆମ୍ବାଆରାଇଁ ବିନେରିଗସ୍ ଇଚିହୁଁ ଗୁଣ୍‌ହିମାନି ହାଗୁତି ମୀର୍‌କା ଇଞ୍ଜୁହୁଁ ଦରୁ ଇଚିଚେସି;

୧୮ ଆନ୍ଦିୟ, ପିଲପ, ବାର୍‌ଲମି, ମାତିୟୁ, ତମା, ଆଲେପି ମୀର୍‌ଏସି ଜାକୁବ, ତଦିୟ, ଦେସାତି ଜୀଞ୍ଜୁ ନନି ସିମନ,

୧୯ ଅଡେ ଇସ୍‌ବାରିୟତ ଜୀହୁଦା, ଆମ୍ବାଆସି ଜୀମ୍ବୁଇଁ ସାଡୁୟାଁ କେୟୁତା ହେର୍‌ପିଚେସି ।

ଜୀମ୍ବୁ ଅଡେ ବାଲ୍‌ଜିବୁଲ୍
(ମାତି ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ତାୟୁ ଜୀମ୍ବୁ ଇଜ ଞ୍ଜାଚେସି; ଅଡେ ଖେଶ୍‌ ଇଚେକା ଲକୁ ରୁଣ୍ଡା ଆଡେଟି ଜୀମ୍ବୁ ଇଞ୍ଜା ତାନି ସାମ୍ବୁୟାଁକି ତିଞ୍ଜାଲି ଜିକେଏ ଆଆଚେ ।

୨୧ “ଜୀମ୍ବୁ ବାୟା ଆଡେସି” ଇଞ୍ଜୁଁ ଲକୁ ଏଲେଇନାଣି ଖେଞ୍ଜାନା ତାନି କୁଟମି ଜୀମ୍ବୁଇଁ ଅହାଲି ଞ୍ଜାଚେଟି ।

୨୨ ଅଡେ ଜିରୁସାଲମଟି ଖାହାମାନି ମେରାପୁନାରି ଏଲେଇଚେଟି, “ଇଞ୍ଜାଣାଇଁ ବାଲ୍‌ଜିବୁଲ୍ ବୁଡୁ ଆଲ୍‌ଗାମାନେ, ଲାକା ଇଞ୍ଜାସି ବୁଡୁୟାଁଣି ପିସ୍‌ପି କିହିମାନେସି ।”

୨୩ ଏମ୍ବାରିଏ ଜୀମ୍ବୁ ଏଞ୍ଜାରାଇଁ ତାଗେ ହାଟାନା ପୁଣ୍‌ମ୍‌କିନି କାତାତଲେ ଖେସ୍ତେସି, “ସୟତାନ ଏନିକିଁ ସୟତାନଇଁ ପେର୍‌ହାଲି ଆଡ଼ିନେ ?

୫ ୩:୧ ମାର୍କ ୪:୧; ଲୁକ ୫:୧-୩

୨୪ ର ରାଜି ବାଗା ଆହ୍ୱାନା ତାନି କପାଟି ନିଜ୍ଞନେ, ଇଚିହଁ ଏ ରାଜି ଅଡ଼େ ତାରିତଲେ ଡ଼ୟାଲି ଆଡ଼େଏ ।

୨୫ ଇଞ୍ଜା ର ଇଲୁ କୁଟମିତାରି ବାଗା ଆହ୍ୱାନା ତାମ୍ବୁତାମି କପାଟି ନିଜ୍ଞନେରି ଇଚିହଁ ଏ ଇଲୁତାରି ତାରିତଲେ ଡ଼ୟାଲି ଆଡ଼ଅରି ।

୨୬ ଏଲେକିହଁ ଏ ସୟତାନ ବାଗା ଆହ୍ୱାନା ତାନି କପାଟି ନିଜ୍ଞାମାନେ, ଆଡ଼ିହଁ ଏଡ଼ି ଅଡ଼େ ତାରିତଲେ ଡ଼ୟାଲି ଆଡ଼େଏ, ସାମା ଏଦାନି ବାରେ ନସା ଆହ୍ୱାମାନେ ।”

୨୭ “ସାମା ଆମ୍ବାଆସି ନକେଏ ବାଡ଼ୁୟୁ ଗାଟାଣାଇଁ ଦହୁଆଡ଼ିହଁ ତାନି ଇଜ ହଡ଼ାନା ତାନି ଇଜତି ଆସ୍ତି ସରୁ କିହାଲି ଆଡ଼ଅସି; ଏଝାଣାଇଁ ତଲିଏ ଦସିହଁ ଦେ ଏଝାସି ଏଝାଣି ଇଜତାଣି ସରୁ କିନେସି ।”

୨୮ “ନାନୁ ମିଜା ସାତା ଝେସିମାଞ୍ଜାଇଁ, ଲକୁତି ବାରେ ପାପୁ ଇଞ୍ଜା ଏଝାରି ଏଚେକା ନିନ୍ଦା କାତାତଲେ ମାହାପୁରୁ ନିନ୍ଦା କିନେରି ଏ ବାରେ ପାପୁ ମେଣ୍ଡିନେ ।

୨୯ *ସାମା ଆମ୍ବାଆସି ସୁତୁଜୀଝୁ କପାଟି ନିନ୍ଦା କାତା ଜଲିନେସି, ଏଝାଣି ଆମିନି କାଲାତା ଜିକେଏ ଦହୁ ମେଣ୍ଡିଜେଏ, ସାମା ଏଝାସି କାଲାକାଲାତି ପାପୁତି ଦହୁଗାଟାସି ଆନେସି ।”

୩୦ ଜୀସୁଇଁ ବୁଡୁ ଆଲ୍‌ଗାମାନେ ଇଞ୍ଜା ଏଚେକା ଲକୁ ଏଲେଇଞ୍ଜାଲିଏ ଜୀସୁ ଇ କାତା ଝେସେସି ।

ଜୀସୁତି ଇୟା ଅଡ଼େ ତାୟିୟାଁ
(ମାତି ୧୨:୪୭-୫୦; ଲୁକ ୮:୧୯-୨୧)

- ୩୧ ଏଚିବେଲା ଜୀସୁତି ଇୟା ଅଡ଼େ ତାୟିୟାଁ ଝାହାନା ଇଲୁ ପାଞ୍ଜାତା ନିତାନା ଜୀସୁଇଁ ହାଟି କିତେରି ।
- ୩୨ ଏମ୍ବାଟିଏ ସାରିଝାକି କୁଗାମାଟି ଲକୁ ଏଲେଇଚେରି, “ମେହ୍‌ଦୁ ମୀ ଇୟା, ତାୟିୟାଁ ଅଡ଼େ ତାଜିୟା ପାଞ୍ଜାତା ନିତାନା ନିଜ୍ଞେ ପାରିମାଞ୍ଜାନେରି ।”
- ୩୩ ଜୀସୁ ଏଝାରାଇଁ ଏଲେଇଚେସି, “ନା ଇୟା ଇଞ୍ଜା ନା ତାୟି ତାଜିୟା ଆମ୍ବାଆୟି ?”
- ୩୪ ଇଞ୍ଜା ଏଝାସି ତାନି ସାରିଝାକି କୁଗାମାନି ଲକୁଣି ସିନିକିହାନା ଏଲେଇଚେସି, “ମେହ୍‌ଦୁ ନା ଇୟା ଅଡ଼େ ନା ତାୟି ତାଜିୟା ।
- ୩୫ ଆମ୍ବାଆସି ମାହାପୁରୁତି କାତା ଆହ୍ୱନେସି ଏଝାସିଦେଁ ନା ତାୟି, ତାଜି ଅଡ଼େ ନା ଇୟା ।”

୪

ବିଚା ମାଟିନାଣି ପୁଣ୍ଡିକିନି କାତା
(ମାତି ୧୩:୧-୯; ଲୁକ ୮:୪-୮)

- ୧* ଜୀସୁ ଗାଲିଲି ସାମ୍ବୁରି ଗାଟୁତା ଅଡ଼େ ଝେଣ୍ଡେ ଜାପୁହାଲି ମାଟୁହେସି, ଅଡ଼େ ହାଚେକା ଲକୁ ଏଝାଣି ତାଣା ରୁଣ୍ଡା ଆଚେରି ଇଞ୍ଜା ଜୀସୁ ସାମ୍ବୁରିତା ମାନି ର ଡ଼ଂଗତା ହାଜାନା କୁରିଚେସି ଇଞ୍ଜା ଲକୁ ସାମ୍ବୁରି ଗାଟୁତା ନିଚାମାଚେରି ।
- ୨ ଏମ୍ବାଟିଏ ଜୀସୁ ଏଝାରାଇଁ ହାଚେକା ପୁଣ୍ଡିକିନି କାତା ଜାପୁହୁହଁ ଏଲେଇଚେସି ।
- ୩ “ଝେଞ୍ଜୁ, ମେହ୍‌ଦୁ ର ବିଚା ମାଟିନାସି ବିଚା ମାଟାଲି ହଡ଼େସି ।
- ୪ ଇଞ୍ଜା ଏଝାସି ମାଟିମାଟାଟି କଚେକା ବିଚା ଜିରୁତା ରୀତେ, ଇଞ୍ଜା ପଟାୟାଁ ଝାହାନା ଏ ପାଡ଼େୟି ପେରୁହା ଚିରୁ ।
- ୫ ଅଡ଼େ କଚେକା ବିଚା ଇଚାୟି ଇରୁଆ ମାନି ଝାଲୁକା ଲାକ ରୀତେ, ଇଞ୍ଜା ଡ଼ଣା ଇରୁଆ ମାଟାକି ଗାଡ଼େକେଏ ନେୟିତେ,
- ୬ ସାମା ଝେଡ଼ା ଆଡ଼ାଲିଏ ନେୟାଁ ମାଟାୟି ଝେହା ହାଚେ ଇଞ୍ଜା ହୀରୁ ଜୀଆତାକି ଝାୟାନା ହାହାହାଚେ ।
- ୭ ଅଡ଼େ କଚେକା ବିଚା ହାପୁକା ବୃଟାତା ରୀତେ, ଇଞ୍ଜା ହାପୁକା ବୃଟା ପାତାଆହାନା ଆନାଁ ତାକିତି ପୁକହାଡ଼ୁସେ ଇଞ୍ଜା ପାଡ଼େୟି ଆୟାଆଚେ ।
- ୮ ଅଡ଼େ କଚେକା ବିଚା ନେହଁ ବୃମିତା ରୀତେ, ଏଡ଼ି ନେୟାହାଁ ପାତାଆହାନା, କଡ଼େଦସ, ତାନିକଡ଼ି, ପାସାକଡ଼ି ପାଡ଼େୟି କାମିତେ ।”
- ୯ ଅଡ଼େ ଏଝାସି ଏଲେଇଚେସି, “ଝେଞ୍ଜାଲି ଆମ୍ବାଆରାକି କୀର୍କା ମାନୁ ଏଝାସି ଝେଣ୍ଡାସି ।”

ପୁଣ୍ଡିକିନି କାତାଟି ଝେହ୍‌ନାୟି
(ମାତି ୧୩:୧୦-୧୭; ଲୁକ ୮:୯-୧୦)

* ୩:୯ ଲୁକ ୧୨:୧୦ * ୪:୧ ଲୁକ ୫:୧୩

୧୦ ଜୀମ୍ବୁ ରଅସିଏ ମାଗାଟି ତାନି ତଲେତି ଏଚରଜାଣା ଇଞ୍ଜା ବାରଜାଣା ସାୟୁୟା ତଲେ ଏ ପୁଣ୍ଠିକିନି କାତା ଏନାୟି ଇଞ୍ଜା ଖେତେରି ।

୧୧ ଏମ୍ବାଟିଏ ଏଞ୍ଜାସି ଏଞ୍ଜାରାଇଁ ଏଲେଇଚେସି, ମାହାପୁରୁ ରାଜିତି ତ୍ତୁମାମାନାଣି ପୁଞ୍ଜାଲି ମିଙ୍ଗେ ବାଡ଼ୁଲୁ ହାପୁକି ଆହାମାନେ, ସାମା ପାଞ୍ଜାତି ବାରେ ଲକ୍ଷୁତାକି ଇ ପୁଣ୍ଠିକିନି କାତାତଲେ ଖେସ୍ପି ଆହାମାନେ,

୧୨ ଏନିକ୍, “ଏଞ୍ଜାରି ମେସି ମେସିହିଁ, ମେହୁଅରି; ଇଞ୍ଜା ଖେଞ୍ଜିଖେଞ୍ଜିହିଁ, ତେଲୁହୁଅରି,

ଏଞ୍ଜାରି ମାହାପୁରୁ ତାଣା ଖେଣ୍ଡା ଖାଡ଼ିହିଁ ମା, ପାପୁଟି ପିସ୍ପି ଆଚେରିମା ।”

ବିଚା ମାଟିନି କାତା ପୁଣ୍ଠିକିନାୟି
(ମାତି ୧୩:୧୮-୨୩; ଲୁକ ୮:୧୧-୧୫)

୧୩ ଜୀମ୍ବୁ ଅଡ଼େ ଖେଣ୍ଡେ ଏଞ୍ଜାରାଇଁ ଏଲେଇଚେସି, “ମୀରୁ ଇ ପୁଣ୍ଠି କିନାଣି ପୁଞ୍ଜି ହିଲଅତେରି ? ଆତିହିଁ ନା ପୁଣ୍ଠିକିନି କାତା ଏନିକ୍ ପୁଞ୍ଜେରି ?

୧୪ ଆମ୍ବାଆସି ମାହାପୁରୁ ବଲୁ ଖେହୁନାସି ଏଞ୍ଜାସି ବିଚା ମାଟିନାସି ।

୧୫ ଆମିନି ଗାଟାରି ଖେନେରି, ଇଞ୍ଜା ଖେତି ଦେବୁଣିଏ ସୟତାନ ଖାହାନା ଏଞ୍ଜାରିତାଣା ଖେଣ୍ଡି ଆହାମାନି ବଲୁ ମୀଞ୍ଜାଅନେ, ଏଞ୍ଜାରି ଜିରୁ ଦାରିତା ରିତି ବିଚାଲେହେତାରି ।

୧୬ ଏଲେକିହିଁ ଏ ଖାଲି ଲାକ ରିହାମାନି ବିଚାଲେହେତାରି, ଏ ବଲୁ ଖେଣ୍ଡିମିଏ ରାହୁଁଟି ନାମିନେରି,

୧୭ ସାମା ଏଞ୍ଜାରିତାଣା ହୀରୁ ଜୀଆତାକି ଗାଡ଼େକା ତାକି ତାରି ମାନେରି, ତାୟୁ ମାହାପୁରୁ ବଲୁ ତାକି କସ୍ତ ବାଦା ଖାଡ଼ିସାରେ ଦେବୁଣିଏ ପିହେନେରି, ଏଞ୍ଜାରି ଉଣା ଇରୁଆ ମାନି ଖାଲକା ଲାକତି ବିଚାଲେହେତାରି ।

୧୮ ହାପୁକା ବୁଟାତା ମାଟିତି ବିଚା ଏଞ୍ଜାରି, ଆମ୍ବାଆରି ବଲୁତି ଖେନେରି,

୧୯ ଦାର୍ତତି ଅଣପୁ ଦନତି ବାରେ ଜୁପକା ହତାନା ଏଞ୍ଜାରାଇଁ ପୁକ୍‌ହାହୁହେନେ, ଇଞ୍ଜା ଏଦି ପାଡ଼େୟି ଆୟାଲି ଆଚେଏ ।

୨୦ ଅଡ଼େ ଆମିନି ଗାଟାରି କାତା ଖେନେରି, ଇଞ୍ଜା ନାମିନେରି, ଅଡ଼େ କଡ଼େଦସ, ତାନିକଡ଼ି, ଇଞ୍ଜା ପାସାକଡ଼ି ପାଡ଼େୟି କାମ୍ବିନେରି, ଏଞ୍ଜାରି ନେହିଁ ବୁମିତା ମାଟିତି ବିଚାଲେହେତାରି ।”

ମାଣା ପୁକ୍‌ହି ଦୀଞ୍
(ଲୁକ ୮:୧୬-୧୮)

୨୧ ଜୀମ୍ବୁ ଅଡ଼େ ଖେଣ୍ଡେ ଏଞ୍ଜାରାଇଁ ଏଲେଇଚେସି, “ଆମ୍ବାଆସି ଦୀଞ୍ ତୀସାନା ମାଣା ପୁକ୍‌ହାନା କି କାଟେଲି ତୁଇ ଇଚିନେସି ? ଏଦାଆଁ ଏନାଆଁ ଦୀଞ୍ ସଡ଼ାତା ଇଟଅସି ?

୨୨ ଇଚିହିଁ ତଞ୍ଜା ଆଆଗାଟାୟି ଏନାୟି ଜିକେଏ ତ୍ତୁମାନା ତ୍ତୟେଏ; ଏନାୟି ତ୍ତୁମାନା ଆହାମାନେ, ଏଦି ତଞ୍ଜାଆହାଲି ତ୍ତୁମାମାନେ ।

୨୩ ଇଚିହିଁ ଆମ୍ବାଆରାକି ଖେଞ୍ଜାଲି କାର୍କା ମାନୁ ଏଞ୍ଜାସି ଖେଣ୍ଡାସି ।”

୨୪ ଜୀମ୍ବୁ ଅଡ଼େ ଏଲେଇଚେସି, “ଏନାଆଁ ଖେଞ୍ଜି ମାଞ୍ଜେରି ଏ କାତାତା ଜାଗ୍ରାତା, ଆମିନି ମାଣା ତଲେ ଲାଡ଼ିଦେରି, ଏ ମାଣା ତଲେ ମିଙ୍ଗେ ଲାଡ଼ା ହିୟାନେରି, ଅଡ଼େ ମୀରୁ ହାଚେରକା ବେଟାଆଚେରି ।

୨୫ ଇଚିହିଁ ଆମ୍ବାଆରାକି ମାନେ ଏଞ୍ଜାଣାକି ହୀପୁକି ଆନେ; ଅଡ଼େ ଆମ୍ବାଆରାକି ହିଲେଏ, ଏଞ୍ଜାଣି ତାଣା ଏନାୟି ମାନେ, ଏଦାଆଁ ଜିକେଏ ଏଞ୍ଜାଣି ତାଣାଟି ଅଞ୍ଜାଆନେ ।”

ପାତାଆନି ବିଚାତି ପୁଣ୍ଠିକିନାୟି

୨୬ ଜୀମ୍ବୁ ଅଡ଼େ ଏଲେଇଚେସି, “ମାହାପୁରୁ ରାଜି ଲଲେତାୟି, ଏନିକ୍ ର ମାଣସି ବୁମିତା ବିଚା ମାଟିନେସି;

୨୭ ଇଞ୍ଜା ଲାଆୟାଁ ଇଦା କିନେସି ଅଡ଼େ ମାଦେନା ତେଃଏଲିନେସି, ଅଡ଼େ ବିଚା ଏନିଆହିଁ ଗଜା ଆହାଁ ପାତାଆନେ ଏଦାଆଁ ଏଞ୍ଜାସି ପୁନଅସି ।

✠ ୪:୨୧ ମାତି ୫:୧୫; ଲୁକ ୧୧:୩୩ ✠ ୪:୨୨ ମାତି ୧୦:୨୭; ଲୁକ ୧୨:୨ ✠ ୪:୨୪ ମାତି ୭:୨; ଲୁକ ୬:୩୮ ✠ ୪:୨୫ ମାତି ୧୩:୧୨; ୨୫:୨୯; ଲୁକ ୧୯:୨୭

୨୮ ଗଛ ବୃଦ୍ଧି ତାହା ନେଇ ନେ, ତଳିଏ ଆକୁ ଆନେ ତାହୁଁ ଜେକୁ ଅଡ଼େ ତାହୁଁ ଜେକୁତି ପାଡ଼େଯି ଆନେ ।

୨୯ ସାମା ଆନା କାମ୍ବିସାରେ ମାଟିତାସି ଏ ଆନାତି କଡ଼ାତଖେଲି ତଲେ ଦାଃଆନେସି ।”

ରାୟି ପାଡ଼େଯି କାତା
(ମାତି ୧୩:୩୧-୩୨; ଲୁକ ୧୩:୧୮-୧୯)

୩୦ ଅଡ଼େ ଜାସୁ ଏଲେଇଚେସି, “ମାର ମାହାପୁରୁ ରାଜି ଏନାଆଁତଲେ ତୁକନାୟି ? ଇଞ୍ଜା ଏନିଲେହେଁତି ପୁଣ୍ଡିକିନି କାତାତଲେ ଖେହନାୟି ?

୩୧ ଏଡ଼ି ର ହାସୁ ପାଡ଼େଯି ଲେହେଁ; ବୃଦ୍ଧିତା ମାଟିନି ବେଲାତା ଏଡ଼ି ବାଡ଼ିତି ବାରେ ପାଡ଼େଯି କିହାଁ ଉଣା,

୩୨ ସାମା ମାଟିତି ଜେଟ ପାତାଆହାନା ବାରେ କୁଟା କିହାଁ କାଜାୟି ଆନେ, ଇଞ୍ଜା ଏଦାନି କମାୟାଁ ଇଲେକ କାଜାଇ ଆନୁ, ଇଞ୍ଜା ହାଗୁ ଲାକ ଉଦ୍ଦିନି ପଟାୟାଁ ଖାହାନା ଏଦାନି କମାଣାଁ ବଣ ଦସାଁ ବାସାଆନୁ ।”

୩୩ ଜାସୁ ଇଲେକିହଁ ହାଡ଼େକା ପୁଣ୍ଡିକିନି କାତା ଖେସିହଁ ଏଞ୍ଜାରି ପୁନିଲେହେକିହଁ ମାହାପୁରୁ କାତା ଖେସିମାଚେସି,

୩୪ ଅଡ଼େ ପୁଣ୍ଡିକିନି କାତା ଆବୁଆନା ଜାସୁ ଏନାଆଁଖା ଖେସି ହିଲାଆଚେସି, ସାମା ଲକୁ ହିଲାଆ ବେଲାତା ତାମି ସାସୁୟାଁଣି ବାରେ ପୁଣ୍ଡି କିହିମାଚେସି ।

ଜାସୁ କାଜା ଗାଲିତି ସାପି କିନାୟି
(ମାତି ୮:୨୩-୨୭; ଲୁକ ୮:୨୨-୨୫)

୩୫ ଏ ଦିନା ନିଡ଼ଅଲା ବେଲା ଜାସୁ ତାମି ସାସୁୟାଁଇଁ ଏଲେଇଚେସି, “ଞ୍ଜାତୁ ମାର ସାମୁବୁରି ଆତାଲା ହାନ ।”

୩୬ ଏମ୍ବାଟିଏ ଏଞ୍ଜାରି ଲକୁଣି ପିସାନା ଏଞ୍ଜାସି ଏନିକଁ ତଂଗତା ମାଚେସି ଏଲେକିହଁ ଏ ଅଡ଼େରି, ଇଞ୍ଜା ଏମ୍ବାଆଁ ଏଚରଗଟା ତଂଗାୟାଁ ଜିକେଏ ମାରୁ ।

୩୭ ଇଞ୍ଜା ଦେବୁଣିଏ ହାଡ଼େକା କାଜା ଗାଲି ଆଡ଼େ, ଇଞ୍ଜା ତଂଗ ସାମୁବୁରିତି ଗାଲିତାକି ମୁଞ୍ଜାଲି ମାଡ଼ହେ ।

୩୮ ଏଚିବେଲା ଜାସୁ ତଂଗତି ତାହୁଁଖାକି ର ମୁଲାତା ତାବୁଆଁଗାନା ଇଦା କିହାମାଚେସି; ଇଞ୍ଜା ସାସୁୟାଁ ଏଞ୍ଜାଣାଇଁ ନିକହାନା ଏଲେଇଚେରି, “ଏ ଗୁରୁ ମାର ହାନାୟିଦେଁ ନିଜେ ଅଣପୁ ହିଲେଏ କି ?”

୩୯ ଏମ୍ବାଟିଏ ଜାସୁ ନିଜାନା ଗାଲିତି ଦାକା ହାହାନା ଏଲେଇଚେସି, “ତୁଜାମୁ” ଇଞ୍ଜା ସାମୁବୁରିତି ଏଲେଇଚେସି, “ସାପି ଆମୁ” ଏମ୍ବାଟିଏ ଗାଲି ପାଲେଏ ଆଡ଼େ ଇଞ୍ଜା ବାରେ ସୁସି ଆଡ଼େ ।

୪୦ ଇଞ୍ଜା ଜାସୁ ଏଞ୍ଜାଣାଇଁ ଏଲେଇଚେସି, “ମୀରୁ ଏନାଆଁତାକି ଇଚେକା ଆଜିମାଖେରି ? ମୀ ନାମୁ ହିଲେଏ କି ?”

୪୧ ଏମ୍ବାଟିଏ ଏଞ୍ଜାରି ହାଡ଼େକା ଆଜାନା ତାମୁତାମୁସୁ କାତା ଆଡ଼େରି, “ଈଞ୍ଜାସି ଆମ୍ବାଆସି ? ଗାଲି ଅଡ଼େ ସାମୁବୁରି ଜିକେଏ ଈଞ୍ଜାଣି ହାଡ଼ା ମାନଞ୍ଜି ଆହିମାନୁ ।”

୫

ଜାସୁ ବୃତ୍ତୟାଁ ଆଲ୍ଲଗିତାଣାଇଁ ନେହଁକିନାୟି
(ମାତି ୮:୨୮-୩୪; ଲୁକ ୮:୨୬-୩୯)

୧ ତାହୁଁ ଜାସୁ ଅଡ଼େ ସାସୁୟାଁ ଗାଲିଲି ଆତାଲାତି ଗରାସିୟ* ରାଜିତା ଏଗାହାଚେରି ।

୨ ଜାସୁ ତଂଗତି ଚେପନିଏ ର ବୃତ୍ତ ଆଲ୍ଲଗା ମାତାସି ମାଡ଼ହା ମୁହନି ଟାୟୁଟି ହଡ଼ାଞ୍ଜାହାନା ଜାସୁଇଁ ବେଟାଆଡ଼େସି ।

୩ ଏଞ୍ଜାସି ମାଡ଼ହା ମୁହନି ଟାୟୁତା ବାସା କିହିମାଚେସି, ଇଞ୍ଜା ଆମ୍ବାଆସି ଜିକେଏ ଏଞ୍ଜାଣାଇଁ ହିକ୍ଣିୟାଁ ତଲେ ଦସାଲି ଆଡ଼ିହିଲାଆଚେରି;

୪ ଇଚିହଁ ଏଞ୍ଜାଣାଇଁ ହାଡ଼େକା ଦେବା ହିକ୍ଣିୟାଁ ତଲେ ଦସାମାଚେରି, ସାମା ଏ ହିକ୍ଣିୟାଁ ତାପୁହାନା କୁଟୁକୁଟା କିଚେସି, ଇଞ୍ଜା ଏଞ୍ଜାଣାଇଁ ଦସା ଇଟାଲି ଆମ୍ବାଆରାକି ଜିକେଏ ବାଡ଼ୁ ହିଲାଆଚେ ।

୫ ଏଞ୍ଜାସି ଲାଆଁୟାଁ ମାଦେନା ବାରେବେଲା ମାଡ଼ହା ମୁହନି ଟାୟୁତା ଅଡ଼େ ହରୁତା ଡ଼ୟାନା କିଚିଡ଼ି ମାଚେସି, ଇଞ୍ଜା ଖାଲ୍ଲକାତଲେ କଡ଼ହା କଡ଼ିହଁ ରାଣାରାକା କିହା କଡ଼ିମାଚେସି ।

* ୫:୧ କଚେକା ସାପ୍ତେରିତା ଗଦରିୟ ରାସ୍ତକି ଆହାମାନେ

୭ ଏଝାସି ହେକଟିଏ ଜୀସୁଇଁ ମେସାନା ହଟି ହଟିହିଁ ଖାହାନା ଏଝାଣି କତାଣା ରିହାଁ ଜହରା କିତେସି,

୯ ଅଡେ କାଜା ଗିୟାଁତଲେ କିରଡ଼ିହିଁ ଏଲେଇଚେସି, “ଏ ବାଡ଼ୁୟୁଗାଟି ମାହାପୁରୁ ମୀରୁଏଣାତି ଜୀସୁ ନୀ ତଲେ ନାଜେ ଏନାୟି ମାଚେ ? ନିଜେ ମାହାପୁରୁ ଦରୁତଲେ ପାରମାଣା କିହିମାଞ୍ଜାଇଁ, ନାଜେ କସୁ ହିୟାଆନି ।”

୮ ଏନାଆଁତାକି ଇଚିହିଁ ଜୀସୁ ଏଝାଣାଇଁ ଏନାଆଁ ଇଞ୍ଜାଲି ହାଜିମାଚେସି, “ଏ ପଲ୍‌ଆ ବୁଡୁଟି ଇଝାଣି ତାଣାଟି ହଚାହାଲାମୁ ।”

୯ ଜୀସୁ ଏଝାଣାଇଁ ଝେଚେସି, “ନୀ ଦରୁ ଏନାୟି ?” ଏଝାସି ଏଲେଇଚେସି, “ନା ଦରୁ ‘ମାନ୍ଦା’ ଇଚିହିଁ ମାମୁ ହୁାରେକା ଜାଣାତମି ।”

୧୦ ଇଞ୍ଜା ଜୀସୁ ଏନିକଁ ଏ ପଲ୍‌ଆ ବୁଡୁୟାଣି ଏ ରାଜିଟି ଅର ରାଜିତା ପାଣ୍ଡୁଅସି, ଏନାଆଁତାକି ଏଝି ଜୀସୁଇଁ ହାରେକା ବାତିମାଲିତୁ ।

୧୧ ଏନାଆଁ ହରୁ ଦାରିତା ର ମାନ୍ଦା ପାଜିୟାଁ ମେୟଁ ମାଚୁ ।

୧୨ ଅଡେ ଏ ବୁଡୁୟାଁ ବାତିମାଲିହିଁ ଏଲେଇଚୁ, “ମାଜେ ଏ ପାଜିୟାଁ ମାନ୍ଦାତା ହଡ଼ାଲି ପାଣ୍ଡାମୁ ।”

୧୩ ଏଝାସି ଏଝାଣାଇଁ ହୁକୁମି ହୀହାଲିଏ, ଏ ପଲ୍‌ଆ ବୁଡୁୟାଁ ଏଝାଣି ତାଣାଟି ହଚାନା ପାଜିୟାଁ ମାନ୍ଦା ବିଡ୍ରା ହଚୁ; ଏମ୍ବାଟିଏ ମାନ୍ଦା ପାଜିୟାଁ ତବେ ହଚାନା ତାଗେ ମାଟି ସାମ୍‌ଦୁରିତା ମେଦାନା ହାହାହାଚୁ, ବାରେ ରୀ ମାଣା ପାଜିୟାଁ ମାଚୁ ।

୧୪ ଏ ପାଜିୟାଁ ମେଟିମାଟି ଗଡ଼କା ଗାଡ଼ାତା ଅଡେ ନାୟକାଣାଁ ଏ କାତା ଝେସକା ହାଚେରି; ଏମ୍ବାଟିଏ ଲକୁ ଏନାଆଁ ଆହାମାନେ ଇଞ୍ଜାଁ ସିନିକିହାଲି ଝାଚେରି ।

୧୫ ଅଡେ ଏଝାରି ଜୀସୁ ତାଗେ ଖାହାନା, ଏ ବୁଡୁ ଆଲ୍‌ଗା ମାଚାଣାଇଁ ଇଚିହିଁ ଆମ୍ବାଆରାକି ନଚେଏ ମାନ୍ଦା ବୁଡୁୟାଁ ଆସାମାଚୁ, ଏଝାଣାଇଁ ହିମ୍ବାରି ହୁଚାନା ନେହିଁ ମନତଲେ କୁଗାମାଚାଣି ମେସାନା ଆଜିତେରି ।

୧୬ ଆମ୍ବାଆରି ମେସାମାଚେରି, ବୁଡୁ ଆଲ୍‌ଗା ମାଚାସି ଏନିକଁ ନେହିଁ ଆଡେସି, ଅଡେ ପାଜିୟାଁ ଏନିକଁ ନାସା ଆଚୁ ଏ ବାରେ ଝେସୁରି ।

୧୭ ଏମ୍ବାଟିଏ ଏଝାରି ଜୀସୁଇଁ ତାମି ହାନ୍ଦିଟି ହାଜାଲି ବାତିମାଲିତେରି ।

୧୮ ତାୟୁ ଜୀସୁ ତଂଗତା ହଟିମାଚାଟି ଆମିନି ଗାଟାଣାକି ବୁଡୁ ଆଲ୍‌ଗାମାଚେ, ଏଝାସି ତାମିତଲେ ଡୟାଲି ତାକି ବାତିମାଲିତେସି ।

୧୯ ସାମା ଜୀସୁ ହେଲ ହୀଆନା ଏଝାଣାଇଁ ଏଲେଇଚେସି, “ନୀ ଇଜ ନୀ ଲକୁତାଣା ହାଲାମୁ, ଇଞ୍ଜାଁ ପ୍ରବୁ ନିଜେତାକି ଏନି କାମା ଅଡେ ନିଜେତାକି ଏନିନି କାର୍ମା କିହାମାଞ୍ଜାନେସି, ଏ ବାରେ ଏଝାଣାଇଁ ଝେହମୁ ।”

୨୦ ଏମ୍ବାଟିଏ ଏଝାସି ହାଜାନା, ଜୀସୁ ଏଝାଣାକି ଏନି କାମା କିହାମାଚେସି, ଏଝାସି ଦେକାପଲିତାଠି ଝେକହାଲି ମାଟୁହେସି; ଏମ୍ବାଟିଏ ବାରେଜାଣା କାବା ଆଡେରି ।

ଜାୟିରସ ମାଜ୍‌ମାନି ଜୀସୁ ଇଞ୍ଜାଁ ନେତେରି ଝାଜିମାଟି ଇୟା ନେହିଁ ଆନାୟି

(ମାଟି ୯:୧୮-୨୬; ଲୁକ ୮:୪୦-୫୬)

୨୧ ଜୀସୁ ତଂଗଟି ଗାଣ୍ଡରାନା ଅରଝାକି ଝେଶ୍ଵେ ଝାଚେସି, ମାନ୍ଦା ଲକୁ ଏଝାଣି ତାଣା ରୁଣ୍ଡା ଆଡେରି; ଇଞ୍ଜାଁ ଏଝାସି ସାମ୍‌ଦୁରି ଗାଟୁତା ଡୟିତେସି ।

୨୨ ଏଚିବେଲା ଜୀହୁଦି ଲକୁଟି କୁଟମି ଇଲୁଡିଃ କାଜାରି ବିଡ୍ରାଟି ଜାୟିରସ ଦରୁଗାଟାସି ରଅସି ଜୀସୁଇଁ ମେସାନା ଏଝାଣି କତାଣା ରାଚେସି,

୨୩ ଇଞ୍ଜାଁ ହାରେକା ବାତିମାଲିହିଁ ଏଲେଇଚେସି, “ନା ମାଜ୍‌ମା ହାନିହଚେ ଆହାମାନେ; ଏଦି ଏନିକଁ ନେହିଁ ଆହାନା ନାତିନେ, ଏନାଆଁତାକି ନୀନୁ ଖାହାନା ଏନାନି ଲାକ କେୟୁ ଇଚାମୁ ।”

୨୪ ଏମ୍ବାଟିଏ ଜୀସୁ ଏଝାଣିତଲେ ହାଚେସି, ଇଞ୍ଜାଁ ହାରେକା ଲକୁ ଏଝାଣିତଲେ ହାଜାଲି ମାଟୁହେରି, ଇଞ୍ଜାଁ ଏଝାଣି ମୁହେଁ ମୁହେଁ ଝିସପି ଆହିମାଚେରି ।

୨୫ ଏଚିବେଲାତା ର ଇୟା ବାର ବାର୍ଯା ପାଚେକା ନେତେରି ଝାଜିନି ରଗତା ନେତେରି ତୁଙ୍ଗାଆନା ନେହିଁ ଆହି ହିଲାଆଚେ,

୨୬ ଇଞ୍ଜାଁ ଅସଗୁରୁ ତାଣା ହାଜାନା ଜିକେଏ ହାରେକା ଟାକାୟାଁ କାରୁଁ କିହାମାଚେ, ଅଡେ ଜିକେଏ ନେହିଁ ଆହାହିଲାଆଚେ, ସାମା ହାରେକା କସୁ ବେଟାଆହି ମାଚେ ।

† ୫:୨୦ ଦସଗଟା ନାୟକା ‡ ୫:୨୨ ସିନଗଟା

୨୭ ଏହି ଜୀବୁତି କାତା ଖେଞ୍ଜାନା ଲକ୍ଷ୍ମୀ ମାନ୍ଦାତା ଖାହାନା ତାମ୍ଭୁ ଖାକିତି ଏଞ୍ଜାଣି ହିମ୍ବରୀ ତାଗିତେ;

୨୮ ଇତିହଂ ଏହି ଏଲେ ଇଞ୍ଜାମାତେ, “ଏଞ୍ଜାଣି ହିମ୍ବରୀ ତାଗିତିହଂ ନେହଂ ଆକୁଂ ।”

୨୯ ଏ ଦେବୁଣିଏ ଏଦାଣି ନେତେରି ବନାୟି ତୁଞ୍ଜିତେ, ଇଞ୍ଜା ଏହି ରଗଟି ନେହଂ ଆହାମାନେ ଏଦାଆଁ ତାନି ଆଞ୍ଜାତା ପୁଞ୍ଜା କଡିତେ ।

୩୦ ଦେବୁଣିଏ ଜୀବୁ ତାନି ଆଞ୍ଜାଟି ବାଡୁୟୁ ହାଚାଣି ହିୟାତା ପୁଞ୍ଜାନା, ଲକ୍ଷ୍ମୀ ମାନ୍ଦାତା ଖେଣ୍ଡେ ସିନିକିହାନା ଏଲେଇଚେସି, “ଏଦାଆୟି ନା ହିମ୍ବରୀ ତାଗାତେ ?”

୩୧ ଏଦାଗିଏ ତାନି ସୀୟୁୟାଁ ଏଲେଇଚେରି, “ନୀନୁତ ମେସିମାଞ୍ଜି ଲକ୍ଷ୍ମୀ ଏନିକଂ ନୀ ମୁହେଁ ଆହିମାନେରି, ଅଡେ ଏଲେ ଇଞ୍ଜାମାଞ୍ଜି ଆଦାଆୟି ନାଞ୍ଜେ ତାଗାତେ ?”

୩୨ ସାମା ଏଦାଆୟି ତାଞ୍ଜେ ତାଗିତେ ଏଦାଆଁ ମେସାଲି ଜୀବୁ ସାରିସୁରୁ ସିନିକିତେସି ।

୩୩ ଏଦାଗିଏ ଏ ଇୟା ଖାହାନା ତାଞ୍ଜେତାକି ଏନାୟି ଆହାମାନେ ଏଦାଆଁ ପୁଞ୍ଜା ଆଜିତାକି ତୀରୁଗିହଂ ଖାହାଁ ତାନି କତାଣା ରିହାନା ବାରେ ସାତା କାତା ଏଞ୍ଜାଣାଞ୍ଜି ଖେସ୍ତେ ।

୩୪ ଏଦାଗିଏ ଜୀବୁ ଏ ଇୟାନି ଏଲେଇଚେସି, “ଆଲ ମାଞ୍ଜା ନୀ ନାମୁ ନିଞ୍ଜେ ନେହଂ କିହାମାଞ୍ଜାନେ; ହିଡ଼ିତ ତଲେ ହାଲ୍ୟାମୁ ଇଞ୍ଜାଁ ନୀ ରଗଟି ନେହଂ ଆମୁ ।”

୩୫ ଜୀବୁ ଇ କାତା ଖେସିମାଚାଟି, ଜୀହୁଦି ଲକ୍ଷ୍ମୀ କୁଟମି ଇଲୁତି କାଜାଣା ଇଜତି ରଥସି ଖାହାନା ଏଲେଇଚେସି, “ନୀ ମାଞ୍ଜା ହାଡେୟିଏ ଗୁରୁଇଁ ଅଡେ ଏନାଆଁତାକି କସ୍ତ ହାହିମାଞ୍ଜି ?”

୩୬ ସାମା ଜୀବୁ ଏ କାତା ଖେଞ୍ଜାନା ଖେନାଆତିଲେହେଁ ଆହାନା ଜାୟିରସଇଁ ଏଲେଇଚେସି, “ଆଜାଆନି ସାମା ନାମାମୁ ।”

୩୭ ଅଡେ ଏଞ୍ଜାସି ପିତର, ଜାକୁବ, ଅଡେ ତାନି ତାୟି ଜହନ ପିସପେ ଆଦାଆରାଇଁ ତାନିତଲେ ଅଥାତେସି ।

୩୮ ଏଞ୍ଜାରି ଜାୟିରସ ଇଜ ଏଜାଲିଏ, ଏଦାଆଁ ହାରେକା କାଲୁଞ୍ଜି ଆହଂ ଡାହିମାନାଣି ମେସ୍ତେସି,

୩୯ ଇଞ୍ଜାଁ ବିତ୍ତା ହାଜାନା ଏଞ୍ଜାସିକାଣି ଏଲେଇଚେସି, “ଏନାଆଁତାକି କାଲୁଞ୍ଜି ଆହଂ ଡାହି ମାଞ୍ଜେରି, ଇ ପଦା ହାହାହିଲେଏ ସାମା ଇଦା କିହାମାନେ” ଏଦାଗିଏ ଏଞ୍ଜାରି ଏଞ୍ଜାଣାଞ୍ଜି କାକହେରି ।

୪୦ ଏଞ୍ଜାରି ଏଞ୍ଜାଣାଞ୍ଜି ଲାଜା କିହାନା କାକହେରି, ସାମା ଏଞ୍ଜାସି ବାରେତି ପାଞ୍ଜାତା ପାଣ୍ଡାନା ପଦାନି ଇୟା ଆବା ଅଡେ ତାନି ତାନି ଜାଣା ସୀୟୁୟାଁ ତଲେ ଏ ପଦା ମାଟି ତାଣା ହାଚେରି,

୪୧ ଇଞ୍ଜାଁ ଏ ପଦାନି କେୟୁ ଆସାନା ଏଦାନି ଏଲେଇଚେସି, “ଟଲିତା କୁମଂ ଇତିହଂ “ଆଲ ମାଞ୍ଜା ନାମୁ ନିଞ୍ଜେ ଖେସିମାଞ୍ଜାଞ୍ଜି ନିଞ୍ଜାମୁ ।”

୪୨ ଏ ଦେବୁଣିଏ ପଦା ନିଞ୍ଜାନା ତାକିତେ (ଇତିହଂ ଏହି ବାର ବାର୍ଯ୍ୟା ଆହାମାତେ) ଏଦାଗିଏ ଏଞ୍ଜାରି ହାରେକା କାବା ଆଡେରି ।

୪୩ ଇଞ୍ଜାଁ ଇ କାତା ଏନିକଂ ଆଦାଆରି ପୁନଅରି, ଏଦାଆଁତାକି ଏଞ୍ଜାସି ଏଞ୍ଜାରାଇଁ ଜାଣ୍ଡେ ହୁକୁମି ହାତେସି, ଇଞ୍ଜାଁ “ପଦାନାକି ଏନାଆଁ ତିଞ୍ଜାଲି ହାଦୁ” ଇଚେସି ।



ଜୀବୁଇଁ ନାଜିରିତତା ଅପାଆଗାଚାୟି
(ମାତି ୧୩:୫୩-୫୮; ଲୁକ ୪:୧୭-୩୦)

୧ ଜୀବୁ ଏ ଗାୟୁ ପିସାନା ତାନୁ ପାତାଆଡି ନାୟୁତା ହାଚେସି ଇଞ୍ଜାଁ ତାନି ସୀୟୁୟାଁ ତାନି ଜେତ ହାଚେରି ।

୨ ଜମିନି ଦିନା ଖାହାଲିଏ, ଏଞ୍ଜାସି ଜୀହୁଦି ଲକ୍ଷ୍ମୀ କୁଟମି ଇଲୁତା* ଜାପୁହାଲି ମାଟୁହେସି; ଇଞ୍ଜାଁ ହାରେକା ତାନି କାତା ଖେଞ୍ଜାନା କାବା ଆହାଁ ଏଲେଇଚେରି, “ଇଞ୍ଜାଣାକି ଇ ବାରେ ଏମିଟି ଆତେ ? ଇଞ୍ଜାସି ଇଲେତି ବୁଦି ଏନିକଂ ପୁଚେସି ? ଇଞ୍ଜାଁ ଇଲେତି କାବାଆନି କାମା ଏହି ବାଡୁୟୁ ତଲେ କିହିମାନେସି ?”

୩ ଇଞ୍ଜାସି ଏ ବାଡିୟାତି ମୀର୍ଏସି ଆଏକି ? ଇଞ୍ଜାସି ମରିୟମିନି ମୀର୍ଏସି ଇଞ୍ଜାଁ ଜାକୁବ, ଜସି, ଜୀହୁଦା ଇଞ୍ଜାଁ ସିମନତି ତାୟି ଆଏକି ? ଇଞ୍ଜାଁ ତାନି ତାଞ୍ଜିୟା ଇଦାଆଁ ମା ତଲେ ହିଲାର କି ? ଅଡେ ଏଞ୍ଜାରି ଏଞ୍ଜାଣାଞ୍ଜି ଅପାଆତେରି ।

୪ ଏଦାଗିଏ ଜୀବୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ଅଣପୁତି ବଲୁ ଖେହନାରି ଏଟକା ଲକ୍ଷ୍ମୀ ତାଣାଟି ମାନ୍ଦି ବେଗାଆନେରି ସାମା ତାନି ନାୟୁତି ଲକ୍ଷ୍ମୀ ତାନି ଇଲୁ କୁଟମିତି ଲକ୍ଷ୍ମୀ ଏଞ୍ଜାଣାଞ୍ଜି ମାନ୍ଦି କିଅରି ।”

* ୨:୨ ସିନଗରୁ ✦ ୬:୪ ଇହ ୪:୪୪

୫ ଇଞ୍ଜି ଏତରଜାଣା ରତ୍ତ ଗାଟାରାଇଁ କେମ୍ବୁ ଇଟାନା ନେହଁ କିନାଣି ପିସପେ ଏ ଚାମୁତା ଏନି ବାଡ଼ୁମୁତି କାମା କିହାଲି ଆଡ଼ାଆତେସି ।

୬ ଇଞ୍ଜି ଏଞ୍ଜାରି ନାମାଆତାକି ଜୀସୁ ହାଟ୍ରେକା କାବା ଆଡେସି ଏମ୍ବାଟି ବାରେ ନାମ୍ବକାଣି ହାଜାନା ଜାପୁହେସି ।

ଜୀସୁ ବାଟଜାଣା ସୀୟୁୟି ପାଣ୍ଡିନାୟି
(ମାତି ୧୦:୫-୧୫; ଲୁକ ୯:୧-୬)

୭ ତାମ୍ବୁ ଏଞ୍ଜାସି ନାମ୍ବକା ନାମ୍ବକାଣି ରେଜି ରେଜିହଁ ଜାପୁହାଲି ମାଟୁହେସି, ଏମ୍ବାଟିଏ ବାଟଜାଣାତି ତାଗେ ହାଟାନା ଏଞ୍ଜାରାଇଁ ରିଆରି ଲାକା କିହାନା ପାଣ୍ଡାଲି ମାଟୁହେସି ଇଞ୍ଜି ଲାଗେଏ ପଲେଏତି ଜୀସୁୟି ଲାକ ଏଞ୍ଜାରାଇଁ ଅଦିକାରା ହାଟେସି,

୮ ଅଡେ ହାଜାଲିତାକି ବାଡ଼ଗା ପିସପେ, ଲହଡ଼ି କି ମଣା କି ଅଟଡ଼ିତା ଟାକାୟି ଅଥାଦୁ ଇଞ୍ଜି ହୁକୁମି ହାତେସି;

୯ ସାମା ଏଞ୍ଜାରାଇଁ କତାତା ସେପୁୟି ତୁରହାଲି ଏଲେଇଚେସି, ଇଞ୍ଜି ରୀ ସକାୟି ତୁରହାଲି କାହିଁ କିଚେସି ।

୧୦ ଇଞ୍ଜି ଜୀସୁ ଏଞ୍ଜାରାଇଁ ଏଲେଇଚେସି, “ମିଙ୍ଗ ଆମିନି ଇଲୁତା ହାଟାନେରି, ଏମ୍ବାଟି ଖେଣ୍ଡା ଖାଆ ପାତେକା ଏମ୍ବାଆଁ ତୁୟାଦୁ ।

୧୧ ସାମା ଆମିନି ଚାମୁତି ଲକୁ ମିଙ୍ଗ ଆବଅରି, କି ମୀ କାତା ଖେନଅରି, ଏମ୍ବାଟି ଖେଣ୍ଡା ଖାନାଟି ଏଞ୍ଜାରି ନକିତା ସାକି ହାହାଲି ତାକି ମୀ କତାତି ଦୂଡ଼ି ହାଣ୍ଡୁ ।”

୧୨ ଏମ୍ବାଟିଏ ଏଞ୍ଜାରି ରେଜି ରେଜିହଁ ପାପୁ ପିସାନା ମନ ଖେଟ୍ଟିନି କାତା ଖେକ୍‌ହେରି,

୧୩ ଇଞ୍ଜି ହାଟ୍ରେକା ବୁଡୁଣି ପିସପି କିଚେରି, ଇଞ୍ଜି ହାଟ୍ରେକା ରତ୍ତ ଗାଟାରାଇଁ ନିୟୁଁ ରୁବାନା ନେହଁ କିଚେରି ।

ବାପ୍ତିସ୍ମା ହାନି ଜହନତି ହାନାୟି
(ମାତି ୧୪:୧-୧୨; ଲୁକ ୯:୭-୯)

୧୪ ଏମ୍ବାଟିଏ ଜୀସୁ ଦରୁ ସାରି ଖାକି ଖେଙ୍ଗା ହାଜାଲିଏ ହେରଦ ରାଜା ଏଞ୍ଜାଣି କାତା ଖେଚେସି, ଇଞ୍ଜି ଲକୁ ଏଲେଇଞ୍ଜିମାଚେରି, “ବାପ୍ତିସ୍ମା ହାନି ଜହନ ହାଡ଼ାରି ତାଣାଟି ନିଙ୍ଗାମାନେସି, ଏଦାଆଁତାକି ଇ ବାରେ କାବାଆନି ବାଡ଼ୁମୁତି କାମା ଏଞ୍ଜାଣି ତାଣା ଆହିମାନେ ।”

୧୫ ସାମା ଏଟକାତାରି ଏଲେଇଞ୍ଜିମାଚେରି, “ଇଞ୍ଜାସି ଏଲିୟ ।”

ଇଞ୍ଜି ଅଡେ ଏତରଜାଣା ଏଲେଇଞ୍ଜିମାଚେରି, “ମାହାପୁରୁ ଅଣ୍ଡପୁତି ବଲୁ ଖେହନାରି ଲେହେଁ ଇଞ୍ଜାସି ଜିକେଏ ମାହାପୁରୁ ଅଣ୍ଡପୁତି ବଲୁ ଖେହନାସି ।”

୧୬ ସାମା ହେରଦ ଇଦାଆଁ ଖେଞ୍ଜାନା ଏଲେଇଚେସି, “ଆମିନି ଜହନତି ତାୟି ନୁାନୁ ଦାପି କିହାମାଇଁ, ଏଞ୍ଜାସି ନିଙ୍ଗାମାନେସି !”

୧୭ ଇଚିହଁ ହେରଦ ତାନି ତାୟି ପିଲିପ ତକ୍ତି ହେରଦିୟାନି ବାହା ଆହାମାଟାକି, ଏଦାନି ତାକି ତାନୁ ଲକୁଣି ପାଣ୍ଡାନା ଜହନଇଁ ଦସପା ତାଟାନା କାୟିଦିତା ଇଟାମାଚେସି ।

୧୮ ଇଚିହଁ ଜହନ ହେରଦଇଁ ଏଲେଇଞ୍ଜାମାଚେସି, “ନୀ ତାୟି ତକ୍ତିନି ଇଟିନାୟି ନୀ ମେରା ହିଲାଆତେ ।”

୧୯ ଏମ୍ବାଟିଏ ହେରଦିୟା କାର୍‌ବି ଆହାନା ଜହନଇଁ ପାୟାଲି ମନ କିହିମାଚେ ସାମା ଏଡ଼ି ଏନାଆଁ କିହାଲି ଆଡ଼ିହିଲାଆତେ ।

୨୦ ଇଚିହଁ ହେରଦ ଜହନଇଁ ର ଦାମ୍‌ଗାଟାସି ଅଡେ ସୁଦୁଗାଟାସି ଇଞ୍ଜି ଆଜିମାଚେସି, ଇଞ୍ଜି ଏଞ୍ଜାଣାଇଁ ଗେଲପାଲି ଅଣ୍ଡପିମାଚେସି, ଏଞ୍ଜାଣି କାତା ଖେଞ୍ଜାନା ଆଜିତିହଁ ଜିକେଏ ଏଞ୍ଜାଣି କାତା ଖେଞ୍ଜାଲି ମନ କିହିମାଚେସି ।

୨୧ ତାମ୍ବୁ ହେରଦିୟାକି ର ପାରୁ ମେଡ଼ାଆତେ, ହେରଦ ତାନି ଜାନୀ ଦିନାତା କାଜା କାଜା ମନ୍ତ୍ରିୟାଣି ଇଞ୍ଜି ଗାଲିଲିତି କାଜା କାଜାରାଇଁ ଲାଆଁ ବେଲାତା ର ବକିତା ହାଡ଼ିଚେସି;

୫ ୭:୧୧ କାମା ୧୩:୫୧ ୬ ୭:୧୧ ଲୁକ ୧୦:୪-୧୧ ୭ ୭:୧୩ ଜାକୁବ ୫:୧୪ † ୭:୧୩ ମୁଞ୍ଜିନାୟି ୮ ୭:୧୪ ମାତି ୧୭:୧୪; ମାର୍କ ୮:୨୮; ଲୁକ ୯:୧୯ ୯ ୭:୧୪ ମୁଞ୍ଜିନାୟି ୧୦ ୭:୧୭ ଲୁକ ୩:୧୯, ୨୦

୨୨ ଇଞ୍ଜି ହେଉଦିୟାନି ମାଙ୍ଗା ବିଦ୍ରା ହାଜାନା ଏନାହାଁ ହେଉଦ ଇଞ୍ଜି ତାନିତଲେ ବକ୍ତିତା କୁଗାମାଚି ଲକୁଣି ରାହାଁ କିଞ୍ଜକିତେ, ଏମ୍ବାଟିଏ ରାଜା ଏ ପଦାନି ଏଲେଇଚେସି, “ଏନାଆଁ ମନୁ କିହିମାଞ୍ଜି ରାସ୍ତାମୁ ନାନୁ ଏଦାଆଁ ନିଜେ ହିୟାଇଁ ।”

୨୩ ଇଞ୍ଜି ଏଞ୍ଜାସି ପଦା ନକିତା ପାରମାଣା କିତେସି, “ନାନୁ ନାଜେ ଏନାଆଁ ରାସ୍ତାଦି, ରାକ୍ତିତି ଆଦା ଜିକେଏ ନାନୁ ନିଜେ ହିୟାଇଁ !”

୨୪ ଏମ୍ବାଟିଏ ଏ ପଦା ହାଜାନା ତାନି ଇୟାନି ଖେଚେ, “ନାନୁ ଏନାଆଁ ରାହୁଇଁ ?”

ଏମ୍ବାଟିଏ ଏଦି ଏଲେଇଚେ, “ବାପ୍ତିସ୍ତୁଁ ହୀନି ଜହନତି ତାୟୁଁ ।”

୨୫ ଏ ଦେବୁଣିଏ ରାଜା ତାଣା ତବେ ଖାହାନା ଏଲେଇଞ୍ଜି ରାସ୍ତେ, “ନାଜେ ନାନୁ ବାପ୍ତିସ୍ତୁଁ* ହୀନି ଜହନତି ତାୟୁଁ ରୁ ସାଡ଼ଝାତା ନାଏଁ ନାଜେ ହିୟାମୁ ।”

୨୬ ଏମ୍ବାଟିଏ ରାଜା ହାରେକା ଦୁକୁ ଆଡ଼ିହିଁ ଜିକେଏ, ତାନୁ କିତି ପାରମାଣା ଅଡ଼େ ବକ୍ତିତା କୁଗାମାଚାରି ତାକି ଆଏ ଇଞ୍ଜାଲି ଆଡ଼ାଆଚେସି ।

୨୭ ଏଦାଆଁତାକି ରାଜା ଦେବୁଣିଏ ର କହୁଏଁଣାଇଁ ପାଣ୍ଡାନା ତାନି ତାୟୁଁ ତାଚାଲି ହୁକୁମି ହୀତେସି, ଏମ୍ବାଟିଏ ଏଞ୍ଜାସି ହାଜାନା କାୟିଦି ଇଲୁତା ତାନି ତାୟୁଁ ଦ୍ଵାଡ଼େସି;

୨୮ ଅଡ଼େ ଏଦାଆଁ ର ସାଡ଼ଝାତା ତାଚାନା ପଦାନାକି ହୀତେସି, ଇଞ୍ଜି ପଦା ଏନାଆଁ ଅହାନା ତାନି ଇୟାନାକି ହୀତେ ।

୨୯ ଇଞ୍ଜି ଜହନତି ସାସୁୟାଁ ଏ କାତା ଖେଞ୍ଜାନା ଖାଡ଼େରି, ଇଞ୍ଜି ତାନି ମାଡ଼ହାଡ଼ି ଅହାନା ମାଡ଼ହା ଇଚିନି ଚାୟୁତା ଇଚିତେରି ।

ଜୀସୁ ପାସାମାଣା ଲକୁତାକି ତୀହନାୟି
(ମାତି ୧୪:୧୩-୨୧; ଲୁକ ୯:୧୦-୧୭; ଜହ ୬:୧-୧୪)

୩୦ ତାୟୁ ପାଣ୍ଡା ଆହାମାଚାରି ଜୀସୁ ତାଣା ଖାଡ଼େରି, ଇଞ୍ଜି ଏଞ୍ଜାରି ଏନା ଏନାଆଁ କିହାମାଚେରି, ଇଞ୍ଜି ଏନା ଏନାଆଁ ଜାପୁହା ମାଚେରି, ଏ ବାରେ ଏଞ୍ଜାଣାଇଁ ଖେସ୍ତେରି ।

୩୧ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ମାର ଇମ୍ବାଟି ଲକୁ ହିଲାଆ ଚାୟୁତା ହାନ, ଏନାଆଁ ମାରୁ ଗାଡ଼େକା ଜମାଦୁ ।” ଇଚିହିଁ ହାରେକା ଲକୁ ହାଜି ଖାହିଁ ଆହିମାଚାକି ଏଞ୍ଜାରାକି ତିଞ୍ଜାଲି ଜିକେଏ ମୁଆତେ ।

୩୨ ଏମ୍ବାଟିଏ ଏଞ୍ଜାରି ଏଟକା ଆହାନା ର ତଂଗତା ହଚାନା ଲକୁ ହିଲାଆ ଚାୟୁତା ହାଚେରି ।

୩୩ ସାମା ହାରେକା ଲକୁ ଏଞ୍ଜାରି ହଚା ହାଚାଣି ମେସ୍ତେରି ଅଡ଼େ ପୁଚେରି, ଇଞ୍ଜି ଲକୁ ବାରେ ଗାଡ଼ାୟିଚି ତାକିହିଁ ହାଜାନା ଏଞ୍ଜାରି ନକିତା ଏଗାହାଚେରି ।

୩୪ ଏଞ୍ଜାସି ତଂଗତି ରେଚାନା ହାରେକା ଲକୁଣି ମେସାନା ଏଞ୍ଜାରାଇଁ କାମା ଆଡ଼େସି, ଇଚିହିଁ ଏଞ୍ଜାରି ଗଡ଼ ହିଲାଆ ମେସ୍ତାୟାଁ ଲେହେଁ ମାଚେରି; ଇଞ୍ଜି ଏଞ୍ଜାସି ଏଞ୍ଜାରାଇଁ ହାଡ଼େକା କାତା ଜାପୁହେସି ।

୩୫ ଗାତି ଖେଡ଼ାଆୟାଲିଏ ତାନି ସାସୁୟାଁ ତାନି ତାଣା ଖାହାନା ଏଲେଇଚେରି, “ଇ ଚାୟୁ ଲକୁ ହିଲାଆ ଚାୟୁ ଇଞ୍ଜି ଆହେରି ଜିକେଏ ଆହିମାନେ;

୩୬ ଲକୁ ଏନିକିଁ ସାରିଖାକି ମାନି ଖାଲିହାଖାଡ଼ି ଅଡ଼େ ଗାଡ଼ାତା ହାଜାନା ତାମ୍‌ଜେ ତାକି ତିଞ୍ଜାଲି ରାଦା କତାପେରିଖା, ଏଦାଆଁତାକି ଏଞ୍ଜାରାଇଁ ହେଲି ହୀହାନା ପାଣ୍ଡାମୁ ।”

୩୭ ସାମା ଜୀସୁ ତାନି ସାସୁୟାଁଇଁ ଏଲେଇଚେସି, “ମାରୁ ଏଞ୍ଜାରାକି ତିଞ୍ଜାଲି ହୀଦୁ ।”

ଏଞ୍ଜାରି ଏଲେଇଚେରି, “ମାର ରୀ ଖାଞ୍ଜା ଖେଣ୍ଡି ଚାକାୟିତି† ରୁଚି ତାଚାନା ଇଞ୍ଜାରାକି ତିଞ୍ଜାଲି ହୀନାୟି କି ?”

୩୮ ଜୀସୁ ଏଞ୍ଜାରାଇଁ ଏଲେଇଚେସି, “ମୀ ତାଣା ଏଚରଗଟା ରୁଚି ମାନୁ ? ହାଜାନା ସିନିକିଦୁ ।”

ଏଞ୍ଜାରି ଖେଞ୍ଜା ଖାହାନା ଜୀସୁଇଁ ଏଲେଇଚେରି, “ପାସାଗଟା ରୁଚି ଇଞ୍ଜି ରୀ ମୀଣକା ମାନୁ ।”

୩୯ ଇଞ୍ଜି ଜୀସୁ ତାନି ସାସୁୟାଁଇଁ ଏଲେଇଚେସି, ବାରେ ଲକୁଇଁ ଗତି ଗତି କିହିଁ କୁଚି ଜାଡ଼ା ଲାକ କୁଚିକିହାଲି ଖେସ୍ତେସି ।

୪୦ ଏଚେଚିଏ ଏଞ୍ଜାରି ପାସାକଡ଼ି ଜାଣା ରୀ କଡ଼ି ଦସ ଜାଣା ଲାକା ମାନ୍ଦା ମାନ୍ଦା ଆହିଁ କୁଚିତେରି ।

§ ୨:୨୪ ମୁଞ୍ଜନାୟି * ୨:୨୫ ମୁଞ୍ଜନାୟି ☆ ୨:୩୪ ମାତି ୯:୩୭ † ୨:୩୭ ର ଦିନାଚି ବୁଚି ର ଖେଣ୍ଡି ଚାକା

୪୧ ତାମ୍ବୁ ଜୀମୁ ଏ ଯାସାଗଟା ରୁଟି ଇଞ୍ଜା ରୀ ମୀଣକା ଅହାନା ଲାକପୁରୁ ଖାକି ସିନକିହାଁ ମାହାପୁରୁଇଁ ଜହରା କିତେସି, ଅଡ଼େ ରୁଟି ଡ଼ିକହାନା ଲକ୍ଷ୍ମତାକି ବାଟି କିହା ହୀହାଲି ତାନି ସୀୟୁୟାଁକି ହୀତେସି, ଇଞ୍ଜା ରୀ ମୀଣକା ଜିକେଏ ଏଲେକିହଁଏ ବାଗା କିହାନା ହୀତେସି ।

୪୨ ଏମ୍ବାଆଁ ବାରେଜାଣା ତିଞ୍ଜାନା ପାଞ୍ଜିତେରି,

୪୩ ଇଞ୍ଜା ଏଞ୍ଜାରି ହାରାମାଟି ରୁଟି ଅଡ଼େ ମୀଣକା କୃଡ଼ି କିହାନା ବାରଗଟା ତାଲିତା ନେଞ୍ଜିକିତେରି ।

୪୪ ରୁଟି ତିଟି ଲକ୍ଷ୍ମ ପାସାମାଣା ଖାରଇ ଆବାୟାଁ ମାତେରି ।

ଜୀମୁ ଏୟୁ ଲାକ ତାକିନାୟି

(ମାତି ୧୪:୨୨-୩୩; ଜହ ୨:୧୫-୨୧)

୪୫ ଏ ଦେବୁଣିଏ ଏଞ୍ଜାସି ତାନି ସୀୟୁୟାଁଣି ତଂଗତା ହତାନା ଆତାଲାଞ୍ଜାକି ମାନି ବେତ୍ସାୟିଦା ଗାଡ଼ାତା ହାଜାଲି ତାନି ନକେଏ ପାଣ୍ଡିତେସି, ଏମ୍ବାଟିଏ ବାରେ ଲକ୍ଷ୍ମଣି ହାଜାଲିତାକି ହେଲ ହୀହାଁ ପାଣ୍ଡିତେସି ।

୪୬ ଏଞ୍ଜାରି ତାଣାଟି ହେଲ ଅଡ଼ି ତାମ୍ବୁ ଏଞ୍ଜାସି ପ୍ରାଡ଼ାନା କିହାଲି ହରୁତା ହାତେସି ।

୪୭ ମିଡ଼ଅଲା ଆହାଲିଏ ତଂଗ ସାମଦୁରି ମାଦିଏ ମାତେ, ଇଞ୍ଜା ଜୀମୁ ସାମଦୁରି ଗାରୁତା ରଅସିଏ ମାତେସି ।

୪୮ ଏମ୍ବାଟିଏ ହାଡ଼େକା ଗାଲି ଏଞ୍ଜାରି ଖାକି ଖେଟିମାତାକି ତଂଗ ତାକି କିହାଲି କସୁ ଆହିମାତାଣି ମେସାନା ଏଞ୍ଜାସି ଖେୟା ନେକେରି ସାମଦୁରି ଏୟୁ ଲାକ ତାକିହଁଏ ଏଞ୍ଜାରି ତାଗେ ଖାଡ଼େସି, ଇଞ୍ଜା ଏଞ୍ଜାରି ତାଗେଟି ଆଗାଡ଼ା ହାଜାଲି ଅଣ୍ପାମାତେସି,

୪୯ ସାମା ଏଞ୍ଜାରି ଏଞ୍ଜାଣାଇଁ ସାମଦୁରି ଲାକ ତାକି ମାନାଣି ମେସାନା ବୃତ୍ତ ଇଞ୍ଜାଁ ଅଣ୍ପାମା କାଲ୍ଲୁଞ୍ଜି ଆଡ଼େରି ।

୫୦ ଇଚିହଁ ବାରେଜାଣା ଏଞ୍ଜାଣାଇଁ ମେସାନା ଆଜାହାଜା ମାତେରି ।

ସାମା ଜୀମୁ ଦେବୁଣିଏ ଏଞ୍ଜାରିତଲେ କାତା ଆହାନା ଏଞ୍ଜାରାଇଁ ଏଲେଇରେସି, “ସାସା ଆହଦୁ ନାନୁଏ ଏଞ୍ଜାତେସି, ଆଜାଆଦୁ ।”

୫୧ ଇଞ୍ଜା ଏଞ୍ଜାସି ଏଞ୍ଜାରିତାଣା ହାଜାନା ତଂଗତା କୁଗିତେସି, ଇଞ୍ଜା ଗାଲି ତୁଞ୍ଜିତେ, ଏମ୍ବାଟିଏ ଏଞ୍ଜାରି ମନ ମନତା ହାଡ଼େକା କାବା ଆଡ଼େରି ।

୫୨ ଇଚିହଁ ଏଞ୍ଜାରି ରୁଟିୟାଁ କାତା ପୁଣ୍ଡାସୁ ପୁଞ୍ଜାହିଲାଆତେରି, ଏନାଆଁତାକି ଇଚିହଁ ଏଞ୍ଜାରି ହିୟାଁ ଆବୁଞ୍ଜା ଆହାମାତେ ।

ଗେନେସର ରଗ ଗାଟାରାଇଁ ନେହଁକିନାୟି

(ମାତି ୧୪:୩୪-୩୬)

୫୩ ଏଞ୍ଜାରି ସାମଦୁରି ଗାଣ୍ଡାତାନା ଗେନେସର ରାଜିତା ଏଜାନା କାତା ଗାରୁତା ତଂଗତି ଦସ୍ତେରି ।

୫୪ ଅଡ଼େ ଏଞ୍ଜାରି ତଂଗଟି ରେତାଲିଏ, ଦେବୁଣିଏ ଲକ୍ଷ୍ମ ଏଞ୍ଜାଣାଇଁ ପୁଞ୍ଜାନା,

୫୫ ଏ ରାଜିତି ସାରିଖାକି ହାତେରି, ଏଞ୍ଜାରି ଆମିନି ଟାୟୁତା ମାନେରି ଇଞ୍ଜାଁ ଖେତେରି, ଅଡ଼େ ଜୀମୁ ମାନି ଟାୟୁତା ରଗ ଗାଟାରାଇଁ କାଟେଲିତା ଡ଼େକା ତାତାଲି ମାଟୁହେରି ।

୫୬ ଇଞ୍ଜା ଏଞ୍ଜାସି ଆମିନି ନାୟକା, ଅଡ଼େ ଗାଡ଼ାତା ହାତେସି, ଲକ୍ଷ୍ମ ଏ ବାରେ ଟାୟୁଟି ହାଟା ବାଜାରାଟି ରଗ ଗାଟାରାଇଁ ଏଞ୍ଜାଣି ନକିତା ଏଞ୍ଜାରାଇଁ ଇଟିତେରି, ଏଞ୍ଜାରି ଏନିକଁଏ ଏଞ୍ଜାଣି ହିମ୍ବୁରି କୁକୁ ଡାଗିନେରି, ଏଦାଆଁତାକି ଏଞ୍ଜାଣାଇଁ ବାଟିମାଲିତେରି; ଇଞ୍ଜା ଏତେକା ଲକ୍ଷ୍ମ ଏଞ୍ଜାଣାଇଁ ଡାଗିତେରି ଏଞ୍ଜାରି ବାରେ ନେହଁ ଆଡ଼େରି ।



ଆକୁ ଆବାୟାଁତି ପାଣାପାରୁ

(ମାତି ୧୫:୧-୯)

୧ ତାମ୍ବୁ ପାରୁସିୟାଁ ଅଡ଼େ ଜିରୁସାଲମଟି ଖାହାମାନି ଏତରଜାଣା ମେରାପୁନାରି ଜୀମୁ ତାଣା ରୁଣ୍ଡା ଆଡ଼େରି ।

୨ ଏଞ୍ଜାରି ସୀୟୁୟାଁ ବିଡ଼ାଟି ଏତରଜାଣାଟି କେୟା ନରଆନା ତିଞ୍ଜି ମାତାଣି ମେସ୍ତେରି ।

୩ ପାରୁସିୟାଁ ଅଡ଼େ ବାରେ ଜୀହୁଦି ଲକ୍ଷ୍ମ ଆକୁ ଆବାୟାଁ ଇଟାମାନି ମେରାଟି ମାନ୍ତୁଞ୍ଜି ଆହାନା ନେହଁକଁ କେୟୁ ନରଆସାରେ ତିଞ୍ଜି ହିଲାଆତେରି,

୪ ଇଞ୍ଜା ହାଟା ବାଜାରଟି ଖାହାନା ତାମି ଲାକ ଏମ୍ମୁ ଡାଞ୍ଜା କଥାଆନା ତିଞ୍ଜି ହିଲାଆତେରି; ଅଡ଼େ ଗିନା ମୁତା ଇଞ୍ଜା ପିତାଡ଼ା ଡ଼କାୟା, ପାସ୍‌ପନି ନରନାୟି, ଇଲେତି ହାଟେକା ମେରା ମାନଞ୍ଜି ଆହାଲି ହୁକୁମି ବେଟା ଆହାମାନେରି ।

୫ ଏଦାଆଁତାକି ପାରୁସିୟାଁ ଅଡ଼େ ମେରାପୁନାରି ଜୀସୁଇଁ ଖେଚେରି, “ନୀ ସୀସୁୟାଁ ତଲିତି ଆକୁ ଆବାୟାଁ ମେରା ତଲେ ତାକାଆନା ଏନାଆଁତାକି କେସ୍ତା ନରଆନା ତିନେରି ?”

୬ ଜୀସୁ ଏଞ୍ଜାରାଇଁ ଏଲେଇଚେସି, “ଆଡ଼େ କୁଟୁ ଗାଟାତେରି, ମାହାପୁରୁ ଅଣ୍ଟପୁତି ବଲୁ ଖେହ୍ନି ଜିସାୟ ନେହଁ କିଁ ଇ କାତା ଖେସାମାନେସି, ଏନିକିଁ ରାସ୍‌କି ଆହାମାନେ;

ଇ କୁଡ଼ାତାରି ଖାରଇ ଗୁଡ଼ି ତଲେ ନାଜେ ସେବା କିୟାନେରି,
ସାମା ଏଞ୍ଜାରି ହିୟାଁ ନା ତାଣାଟିଏ ହାଟେକା ହେକ ଡ଼ୟିନେ ।

୭ ଏଞ୍ଜାରି ମାଣସିୟାଁ କେପିତି ମେରାତି ଦାମୁଡ଼ି ନେହଁ କାତା ଇଞ୍ଜିଁ ଜାପୁହାନା, ଉଜେଏ ନା ସେବା କିୟାନେରି ।

୮ ମୀରୁ ମାହାପୁରୁତି ହୁକୁମି ପିସାନା ମାଣସିୟାଁ ମେରାତି ଆସାମାଞ୍ଜେରି ।”

୯ ଅଡ଼େ ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁତି ହୁକୁମି ପିସାନା ମୀ ଜାପୁହାମାଞ୍ଜନାଣି ଆସାଲି ତାକି ମୀରୁ ହୁକୁମି ମାନି କିହିଲିଅତେରି ।

୧୦ ଇତିହଁ ମସା ଏଲେଇଞ୍ଜା ମାନେସି, ‘ତାଲି ତାଞ୍ଜିଇଁ ଜୀସୁନପୁ, ଇଞ୍ଜା ଆମ୍ବାଆସି ତାଲି କି ତାଞ୍ଜିଇଁ ବାକା ଇତିନେସି, ଏଞ୍ଜାସି ହାନି ତଣ୍ଡ ବେଟା ଆନେସି ।’

୧୧ ମୀରୁ ଜାପୁହି ମାଞ୍ଜେରି, ‘ଆମ୍ବାଆସି ତାଲି କି ତାଞ୍ଜିଇଁ ଏଲେଇଚେସି, ନା ତାଣାଟି ଏନାଆଁ ହିୟାତିହଁ ନିଜେ ନେହେଁ ଆଡ଼େମା, ଏଡ଼ି କରାନ ଇତିହଁ ମାହାପୁରୁ ତାକି ହେରପି ଆହାମାନାୟି ।

୧୨ ଇଞ୍ଜା ମୀରୁ ଏଲେକିହଁ ତାମି ଇୟା କି ଆବଇଁ ଏଡ଼ି ସାୟେମି କିହାଲି ହାହି ହିଲଅତେରି;
୧୩ ଏଲେକିହଁ ଏ ମୀରୁ ମୀ ତାଣା ମାନି ମେରା ତଲେ ମାହାପୁରୁତି ବଲୁ ଉଜେଏ କିହିମାଞ୍ଜେରି, ଇଞ୍ଜା ଏଲେକିହଁ ହାଟେକା କାମା କିହିମାଞ୍ଜେରି ।”

ମାଣସିଇଁ ଲାଗେଏ କିନାୟି
(ମାତି ୧୫:୧୦-୨୦)

୧୪ ଜୀସୁ ଅଡ଼େ ଖେଣ୍ଡେ ଲକୁଣି ତାଗେ ହାଟାନା ଏଞ୍ଜାରାଇଁ ଏଲେଇଚେସି, “ମୀରୁ ବାରେ ନା କାତା ଖେଞ୍ଜୁ ଅଡ଼େ ତେଲିହାପୁ ।

୧୫ ମାଣସିତି ପାଞ୍ଜାତା ଇଲେତି ଏନାୟି ହିଲେଏ, ଏଡ଼ି ମାଣସି ବିତ୍ରା ହଡ଼ାନା ଏଞ୍ଜାଣାଇଁ ଲାଗେଏ କିହାଲି ଆଡ଼ିନେ, ସାମା ଏନା ଏନାୟି ମାଣସି ତାଣାଟି ହଡ଼ିମାନେ, ଏ ବାରେ ଏଞ୍ଜାଣାଇଁ ଲାଗେଏ କିହିମାନେ ।”*

୧୬ ଖେଞ୍ଜାଲି କାର୍‌କା ମାନାସି ଖେଣ୍ଡାମାସି ।

୧୭ ଅଡ଼େ ଏଞ୍ଜାସି ଲକୁ ତାଣାଟି ଲକୁ ବିତ୍ରା ଖାହାଲିଏ ତାନି ସୀସୁୟାଁ ଏଞ୍ଜାଣାଇଁ ପୁଣ୍ଡିକିନି କାତାତି ଅର୍ତ ଖେଚେରି ।

୧୮ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଜିକେଏ ଏଲେକିହଁ ଏ ପୁନାଆ ଗାଟାତେରି ? ଏନାୟି ପାଞ୍ଜାଟି ମାଣସି ବିତ୍ରା ହଡ଼ିହଁ ଏଡ଼ି ଏଞ୍ଜାଣାଇଁ ଲାଗେଏ କିହାଲି ଆଡ଼େଏ,

୧୯ ଇତିହଁ ଏଡ଼ି ଏଞ୍ଜାଣି ହିୟାଁତା ହଡ଼ିଆନା ବାଣ୍ଡିତା ହଡ଼ିନେ ଇଞ୍ଜା ବାଣ୍ଡିହାନିଲେହେଁ ହଡ଼ାହାନେ ଇଲେଆହଁ ବାରେ ରାନ୍ଦା ଅଟ୍‌ହି ଆହିମାନେ, ଇଦାଆଁ ପୁଞ୍ଜି ହିଲଅତେରି ?”

୨୦ ଅଡ଼େ ଏଞ୍ଜାସି ଏଲେଇଚେସି, “ଏନାୟି ମାଣସି ତାଣାଟି ହଡ଼ିମାନେ ଏଡ଼ି ଏଞ୍ଜାଣାଇଁ ଲାଗେଏ କିହିମାନେ ।

୨୧ ଇତିହଁ ମାଣସି ହିୟାଁ ବିତ୍ରାଟି ଲାଗେଏତି ଅଣ୍ଟପୁ ହଡ଼ିନେ, ଦାରି କିୟାଲି, ସରୁ କିୟାଲି, ଲକୁଣି ପାୟିନାୟି,

୨୨ କୁପକା, ଲାଗେଏ ପଲେଏ କାମା, ନାଡ଼ିକିନାୟି, ତାହାରା, ନିନ୍ଦା କିନାୟି, ତାହାରା ଆନାୟି, କାର୍‌ବି ଆନାୟି;

୨୩ ଏଲେତି ଲାଗେଏତାୟି ବିତ୍ରାଟି ହଡ଼ାଖାହାନା ମାଣସିଇଁ ଲାଗେଏ କିହିମାନେ ।”

ର ଇୟାନି ନାମୁ
(ମାତି ୧୫:୨୧-୨୮)

* ୨:୧୫ ଏଚେକା ସାପ୍ତେରିତା ୧୫ ପଦ ଡ଼େକ ଡ଼ଇକା ମାନି ବଲୁତି ୧୭ ପଦୁତା ରାସ୍‌କି ଆହାମାନେ;

୨୪ ଏମ୍ବ୍ରାରିଏ ଜୀମୁ ଏ ଚାମୁ ପିସାନା ସରତି ହାନ୍ଦି ଖାକି ହାଚେସି, ଇଞ୍ଜା ର ଇଲୁତା ହଡ଼ାନା ଏନ୍ଦିକି ଆମ୍ବାଆରି ପୁନଅରି ଇଞ୍ଜି ଅଣପିମାଚେସି, ସାମା ଏଞ୍ଜାସି ଡୁଗୁନା ଡୁୟାଲି ଆଡ଼ାଆଚେସି ।

୨୫ ଏ ଦେବୁଣିଏ ର ଇୟା, ଆମ୍ବାଆରି ମାଜ୍ଜାନି ବୁତୁ ଆଲ୍ଗାମାଚେ, ଏଦି ଜୀମୁ କାତା ଖେଞ୍ଜାନା ଖାହୁଁ ଏଞ୍ଜାଣି କଡ଼ାଣା ରାଚେ ।

୨୬ ଏ ଇୟା ସୁରପୟନିକି ଜାଡ଼ିତି ର ଗ୍ରିକ ଇୟା ମାଚେ, ତାନି ମାଜ୍ଜାନି ତାଣାଟି ବୁତୁ ପିସପି କିହାଲି ଏଦି ଜୀମୁଇଁ ବାଡ଼ିମାଲିଚେ ।

୨୭ ଏମ୍ବ୍ରାରିଏ ଜୀମୁ ଏଦାନି ଏଲେଇଚେସି, “ତଲିଏ କକାରି ପଦାଁଣି ପାଞ୍ଜି କିଦୁ, ଇଚିହୁଁ କକାରି ପଦାୟାଁ ରାନ୍ଦା ଅହାନା ନେସକା ନକିତା ମେଡ଼ନାୟି ନେହେଁ ଆଏ ।”

୨୮ ସାମା ଏଦି ଏଞ୍ଜାଣାଇଁ ଏଲେଇଚେ, “ହାଅ ପ୍ରବୁ ନେସକା ଜିକେଏ କକାରି ପଦାୟାଁ ବ୍ରୁକହାମାନି ଲିତାତି ପେରହା ତିନୁ ।”

୨୯ ଏମ୍ବ୍ରାରିଏ ଜୀମୁ ଏଲେଇଚେସି, “ଇ କାତାତାକି ନୀ ମାଜ୍ଜାନି ତାଣାଟି ବୁତୁ ହଡ଼ା ହାଚେସିଏ, ହାଲାମୁ ।”

୩୦ ଇଞ୍ଜା ଏଦି ଇଜ ହାଜାନା ତାନି ମାଜ୍ଜା ପାସ୍ପନିତା ହୁଞ୍ଜାମାନାଣି ଇଞ୍ଜା ବୁତୁ ହଡ଼ା ହାଜା ମାନାଣି ମେସ୍ତେ ।

ର ବେରା ଅଡ଼େ ଗୁଲାଇଁ ଜୀମୁ ନେହୁଁ କିନାୟି

୩୧ ଅଡ଼େ ଖେଣ୍ଡେ ଏଞ୍ଜାସି ସର ହାନ୍ଦିଟି ହାଜାନା ସିଦନ ଅଡ଼େ ଦସଗଟା ନାସ୍କା† ହାନ୍ଦି ହାହାନା ଗାଲିଲି ସାମଦୁରି ତାଗେ ଖାଡ଼ତସି ।

୩୨ ଇଞ୍ଜା ଲକୁ ର ବେରା ଅଡ଼େ ଗୁଲାଇଁ ଏଞ୍ଜାଣି ନକିତା ତାଚାନା ଏଞ୍ଜାଣିଲକ କେୟୁ ଇଗାଲି ବାଡ଼ିମାଲିଚେରି ।

୩୩ ଜୀମୁ ଲକୁ ତାଣାଟି ରଅଣାଇଁଏ ଏଟକା କିହା ଅହାନା ଏଞ୍ଜାଣି ରୀ କାର୍ଜାଣା ତାନି ଖାସକା ଇଚିଚେସି ଅଡ଼େ ହୁପାନା ଏଞ୍ଜାଣି ଖେନ୍ଦରି ତାଗିଚେସି,

୩୪ ଅଡ଼େ ଲକପୁରୁ ଖାକି ସିନକିହାନା ଗାଡ଼ିକିହୁଁ ନେଞ୍ଜାନା ଏଞ୍ଜାଣାଇଁ ଏଲେଇଚେସି, “ଇପପତ” ଇଚିହୁଁ “ଦେପି ଆମୁ ।”

୩୫ ଏମ୍ବ୍ରାରିଏ ଏଞ୍ଜାଣି କାର୍ଜା ଦେପିଆଡୁ, ଇଞ୍ଜା ଖେନ୍ଦରିଚି ଜାଲା ଏ ଦେବୁଣିଏ ଗୁଚାଆଡ଼େ, ଇଞ୍ଜା ଏଞ୍ଜାସି ନେହୁଁକି ଜଲ୍ଲାଲି ଆଡ଼ିଚେସି ।

୩୬ ଇଞ୍ଜା ଏ କାତା ଆମ୍ବାଆରାଇଁ ଖେହୁଆଦୁ ଇଞ୍ଜି ଏଞ୍ଜାରାଇଁ ଗାଡ଼ିକିହୁଁ ହୁକୁମି ହାଚେସି; ସାମା ଏଞ୍ଜାସି ଏଞ୍ଜାରାଇଁ ଏଚେକା କାହି କିଚେସି, ଏଞ୍ଜାରି ଏଚେକା ଗାଡ଼ି ଖେକହେରି ।

୩୭ ଅଡ଼େ ଲକୁ କାବାଆହାନା ଏଲେଇଚେରି, “ଏଞ୍ଜାସି ବାରେ କାମା ନେହୁଁକି କିହିମାନେସି; ଏଞ୍ଜାସି ବେରାୟାଁଇଁ ଖେଞ୍ଜାଲି ଗୁଲାୟାଁଇଁ ଜଲ୍ଲିନି ବାଡ଼ୁୟୁ ଜିକେଏ ହାହିମାନେସି ।”



ଜୀମୁ ସାରି ମାଣା ଲକୁକି ତିଞ୍ଜାଲି ହାନାୟି

(ମାଡ଼ି ୧୫:୩୨-୩୯)

୧ ଏରିବେଲା ହାରେକା ମାନ୍ଦା ଲକୁ ରୁଣ୍ଡା ଆଚେରି, ଅଡ଼େ ଏଞ୍ଜାରିତାଣା ତିନାୟି ଉନାୟି ଏନାୟି ହିଲ୍ଲାଆତାକି ଜୀମୁ ସାମୁୟାଁଣି ତାଗେ ହାଡ଼ାନା ଏଞ୍ଜାରାଇଁ ଏଲେଇଚେସି,

୨ “ଲକୁତାକି ନାଜେ କାର୍ଜା ହଡ଼ିମାଞ୍ଜାନେ, ଇଚିହୁଁ ଇଞ୍ଜାରି ତାନିଦିନା ଆଚେରିଏ ନା ତଲେ ମାଞ୍ଜାମାନେରି, ଅଡ଼େ ଇଞ୍ଜାରି ତାଣା ଏନାୟି ତିନାୟି ହିଲେଏ ।

୩ ଏଞ୍ଜାରାଇଁ ତାହୁଆନାଁ ପାଣ୍ଡିସାରେ, ଖେଣ୍ଡାହାନାଟି ଏଞ୍ଜାରି ହାହା ଜିକେଏ ହାନେରି । ଏଞ୍ଜାରି ବିତ୍ରାଟି ଏଚରଜାଣା ହେକଟି ଖାହାମାନେରି ।”

୪ ସାମୁୟାଁ ଏଞ୍ଜାଣାଇଁ ଏଲେଇଚେରି, “ଇମ୍ବାଆଁ ଲକୁ ହିଲ୍ଲାଆ ଗାୟୁତା ଆମ୍ବାଆସି ଆମ୍ବିଟି ରୁଚି ତାଚାନା ଇଞ୍ଜାରାଇଁ ପାଞ୍ଜି କିନେସି ?”

୫ ଜୀମୁ ଏଞ୍ଜାରାଇଁ ଖେଚେସି, “ମୀ ତାଣା ଏଚରଗଟା ରୁଚି ମାନୁ ?”

ଏଞ୍ଜାରି ଏଲେଇଚେରି, “ସାଡ଼ାଗଟା ।”

† ୭:୩୧ ଦେକାପଲି

୭ ଏମାଟିଏ ଜୀସୁ ଲକ୍ଷ୍ମଣ ବୁଦ୍ଧିତା କୁଗାଲି ହୁକୁମି ହୀତେସି; ଅଡ଼େ ଏଝାସି ସାତାଗାଟା ରୁଟି ଅହାନା ଜହରା କିହାନା ଏ ବାରେ ଡିକହାନା ବାଟି କିହାଲି ତାନି ସୀସୁୟାକି ହୀତେସି, ଅଡ଼େ ଏଝାରି ଲକ୍ଷ୍ମଣକି ବାଟି କିହା ହୀତେରି ।

୯ ଇଞ୍ଜା ଏଝାରିତାଣା ଏଚରଗଟା ଉଣା ମୀଣକା ମାତୁ; ଏ ବାରେତି ଜିକେଏ ଜୀସୁ ମାହାପୁରୁ ତାଣା ଜହରା କିହାନା ବାଟି କିହା ହୀହାଲି ସୀସୁୟାକି ଏଲେଇଚେସି ।

୮ ଏମାଟିଏ ଏଝାରି ତିଞ୍ଜାନା ପାଞ୍ଜିତେରି ଇଞ୍ଜା ହାରିତାଣି ସାତା ତାଲି କୁଡ଼ି କିତେରି ।

୯ ଏଝାରି ବାରେ ସାରି ମାଣା ଲକ୍ଷ୍ମଣ ମାରେରି । ଏଚେଟିଏ ତାମ୍ଭୁ ଏଝାରାଇଁ ହେଲ ହୀତେସି,

୧୦ ଇଞ୍ଜା ଦେବୁଣିଏ ତାନି ସୀସୁୟାକି ତଲେ ତଂଗତା ହଟାନା ଦଲ୍‌ମନୁ ଗାଡ଼ାତା ହାଚେରି ।

ପାରୁସିୟା ସିନା ରୀହନାସି
(ମାତି ୧୭:୧-୪)

୧୧ *ତାମ୍ଭୁ ପାରୁସିୟା ଖାହାନା ଜୀସୁତଲେ ବାଦିବାଦା କିହାଲି ମାଟୁହେରି ଇଞ୍ଜା ଏଝାଣାଇଁ ତାୟିପାରି କିହାଲିତାକି ହାଗୁ ଲାକଟି ର ସିନା ରୀସ୍ତେରି ।

୧୨ *ଜୀସୁ ଜୀଝୁତା କିଲିବିଲି ଆହାନା ଗାଡ଼ି ନେଞ୍ଜାନା ଝେସ୍ତେସି, “ଇ ଜୁଗୁତି ଲକ୍ଷ୍ମଣ ଏନୀଆଁତାକି ସିନା ପାରିମାନେରି ? ନାନୁ ମିଜେ ସାତା ଝେସିମାଞ୍ଜାଇଁ, ନୀଏଁତି ମାଣସିକ ଏନି ସିନା ହୀପକି ଆଏ ।”

୧୩ ଅଡ଼େ ଏଝାସି ଏଝାରାଇଁ ପିସାନା ଅଡ଼େ ଝେଣ୍ଡେ ତଂଗତା ହଟାନା ଆତାଲାଝାକି ହାଚେସି ।

ହେରଦ ଅଡ଼େ ପାରୁସିୟା ପୂଲାଗୁଣ୍ଡା
(ମାତି ୧୭:୫-୧୨)

୧୪ ଏଚିବେଲ୍‌ତା ସୀସୁୟା ରୁଟି ଅହାଲି ବାଣୀଆଚେରି; ତଂଗତା ଏଝାରିତାଣା ରଣ୍ଡିଏ ରୁଟି ମାଚେ ।

୧୫ *ତାମ୍ଭୁ ଜୀସୁ ଏଝାରାଇଁ ଜାଣେ ହୁକୁମି ହୀତେସି, “ଜାଗ୍ରାତା ଆନୁ, ପାରୁସିୟା ଅଡ଼େ ହେରଦତି ପୂଲାଗୁଣ୍ଡାଟି ଜାଗ୍ରାତା ଆହାନା ମାଞ୍ଜୁ ।”

୧୬ ଏଚେଟିଏ ଏଝାରି ତାମ୍ଭୁ ତାମ୍ଭୁ ଝେସ୍‌ପିଆହୁଁ ଏଲେଇଞ୍ଜାଲି ମାଟୁହେରି, “ମା ତାଣା ରୁଟି ହିଲେଏ ଇଞ୍ଜା ଏଝାସି ମାଜେ ଏଲେଇଞ୍ଜିମାଞ୍ଜାନେସି ।”

୧୭ ଜୀସୁ ଏଦାଆଁ ପୁଞ୍ଜାନା ଏଝାରାଇଁ ଏଲେଇଚେସି, “ମୀ ତାଣା ରୁଟି ହିଲେଏ ଇଞ୍ଜା ଏନୀଆଁତାକି ମୀରୁ ମୀରୁ ଝେସ୍‌ପି ଆହିମାଞ୍ଜେରି ? ମୀରୁ ନୀଏଁ ପାଚେକା ପୁଞ୍ଜି ହିଲଅଚେରି କି ତେଲ୍‌ହି ହିଲଅଚେରି ?

୧୮ *କାଣକା ମାଞ୍ଜାନା ମେସି ହିଲଅଚେରି ? ଅଡ଼େ, କୀକା ମାଞ୍ଜାନା ଝେଞ୍ଜି ହିଲଅଚେରି ? ମୀରୁ ଇଦାଣି ଅଣ୍ଡିପି ହିଲଅଚେରି ?

୧୯ ଏ ପାସାମାଣା ଲକ୍ଷ୍ମଣ ବିତ୍ରା ନାନୁ ଏଚିବେଲ୍‌ତା ପାସାଗଟା ରୁଟି ଡିକହା ମାଚେଏଁ, ଏଚିବେଲ୍‌ତା ମୀରୁ ଏଚର ତାଲି ହାରିତାଣି କୁଡ଼ି କିତେରି, ଏଦି ମୀ ଅଣ୍ଡିପିତା ହିଲେଏ କି ?” ଏଝାରି ଏଝାଣାଇଁ ଏଲେଇଚେରି, “ବାଟ୍ ତାଲି ।”

୨୦ “ଅଡ଼େ ଏ ସାରି ମାଣା ଲକ୍ଷ୍ମଣ ବିତ୍ରା ନାନୁ ଏଚିବେଲ୍‌ତା ସାତାଗଟା ରୁଟି ଡିକହା ମାଚେଏଁ, ଏଚିବେଲ୍‌ତା ମୀରୁ ଏଚର ତାଲି କୁଡ଼ି କିହାମାଚେରି ?” ଏଝାରି ଏଲେଇଚେରି, “ସାତା ତାଲି ।”

୨୧ ଏଚିବେଲ୍‌ତା ଜୀସୁ ଏଝାରାଇଁ ଏଲେଇଚେସି, “ମୀରୁ ଏନୀଆଁ ନୀଏଁ ପାଚେକା ତେଲ୍‌ହାଲି ଆଡ଼ିହିଲଅଚେରି ?”

ବେଡ଼ସାୟିଦାତା ର କାଣାଇଁ ମେସ୍‌ପିକିନାସି

୨୨ ତାମ୍ଭୁ ଏଝାରି ବେଡ଼ସାୟିଦାତା ଝାଡ଼େରି, ଅଡ଼େ, ଲକ୍ଷ୍ମଣ ର କାଣାଇଁ ଏଝାଣି ତାଣା ତାଚାନା ଏଝାଣାଇଁ ତାଗାଲି ତାକି ଜୀସୁକି ବାତିମାଲିଚେରି ।

୨୩ ଏଦାଆଁତାକି ଜୀସୁ କାଣାଟି କେମ୍ଭୁ ଆସାନା ଏଝାଣାଇଁ ନାୟୁଁ ପାଜାତା ଅଚେସି, ଇଞ୍ଜା ଏଝାଣି କାଣକାଣା ହୁପକା ରୁବାନା ଅଡ଼େ ଏଝାଣିଲାକ କେମ୍ଭୁ ଇଟାନା ଏଝାଣାଇଁ ଝେଚେସି, “ନୀନୁ ଏନୀଆଁ ମେସାଲି ଆଡ଼ିମାଞ୍ଜି କି ?”

୨୪ ଏଝାସି ସିନିକିହାନା ଏଲେଇଚେସି, “ନାନୁ ମାଣସିୟାକି ମେସିମାଇଁ, ଇଚିହୁଁ ନାନୁ ମୀରୁକା ଲେହେଁ ଏନାଜ ତାକି ମାନାଣି ମେସିମାଇଁ ।”

* ୮:୧୧ ମାତି ୧୭:୩୮; ଲୁକ ୧୧:୧୭ * ୮:୧୨ ମାତି ୧୭:୩୯; ଲୁକ ୧୧:୨୯ * ୮:୧୫ ଲୁକ ୧୨:୧ * ୮:୧୮ ମାର୍କ ୪:୧୨

୨୫ ତାମ୍ଭୁ ଜୀମୁ ଅଡ଼େ ଖେଣ୍ଡେ ଏଝାଣି କାଣକାଣାଁ କେନ୍ଦୁ ଇଚିତେସି; ଏମ୍ବାଟିଏ ଏଝାସି ନେହୁଁ କିଁ ମେସାଲି ଆଡ଼ିତେସି, ନେହୁଁ ଆହାନା ବାରେ ତାରିତଲେ ସିନିକିହାଲି ମାଟୁହେସି ।

୨୬ ତାମ୍ଭୁ ଜୀମୁ ଏଝାଣାଇଁ ତାନି ଇଜ ପାଣ୍ଡାନା ଏଲେଇଚେସି, “ଏ ନାହୁଁ ବିତ୍ରା ଜିକେଏ ଖେଣ୍ଡେ ହାଲାଆନି ।”

ପିତର ଜୀମୁଇଁ କ୍ରୀସ୍ତ ଇଞ୍ଜିଁ ଖେକନାୟି
(ମାତି ୧୭:୧୩-୨୦; ଲୁକ ୯:୧୮-୨୧)

୨୭ ଏଚେଟିଏ ଜୀମୁ ଅଡ଼େ ତାନି ସୀସୁୟାଁ କାୟିସରିୟା ପିଲିପି ରାଜିତି ନାମ୍ବକାଝାକି ହାଚେରି, ଅଡ଼େ ଜିରୁତା ଏଝାସି ତାନି ସୀସୁୟାଁଇଁ ଖେଚେସି, “ନାନୁ ଆମ୍ବାଆତେଏଁ ଇଞ୍ଜିଁ ଲକୁ ଏଲେଇଞ୍ଜି ମାଞ୍ଜାନେରି ?”

୨୮ ଏମ୍ବାଟିଏ ଏଝାରି ଏଝାଣାଇଁ ଏଲେଇଚେରି, “ବାପ୍ତିସ୍ତା* ହାନି ଜହନ, ଅଡ଼େ ଆମ୍ବା ଆମ୍ବାଆରି ଏଲିୟ, ସାମା ଆମ୍ବା ଆମ୍ବାଆରି ଏଲେଇଞ୍ଜି ମାଞ୍ଜାନେରି ମାହାପୁରୁ ଅଣ୍ଡପୁତି ବଲୁ ଖେହନାରି ବିତ୍ରାଟି ରଅସି ।”

୨୯ ଏଝାସି ଏଝାରାଇଁ ଖେଚେସି, “ସାମା ନାନୁ ଆମ୍ବାଆତେଏଁ ଇଞ୍ଜିଁ ମୀରୁ ଏଲେଇଞ୍ଜି ମାଞ୍ଜାଦେରି ?” ପିତର ଏଝାଣାଇଁ ଏଲେଇଚେସି, “ନାନୁ କ୍ରୀସ୍ତତି ।”

୩୦ ଏମ୍ବାଟିଏ ଜୀମୁ ଏଝାରାଇଁ ତାନି କାତାତି ଆମ୍ବାଆରାଇଁ ଏନାଆଁ ଖେହଆଦୁ ଇଞ୍ଜିଁ ଜାଣେ କିହୁଁ ହୁକୁମି ହୀତେସି ।

ଜୀମୁ ତାନି ଦୁକୁ ଇଞ୍ଜାଁ ତଣ୍ଡ ପାଣ୍ଡନି କାତା ଖେହନାୟି
(ମାତି ୧୭:୨୧-୨୮; ଲୁକ ୯:୨୨-୨୭)

୩୧ ଅଡ଼େ, ଜୀମୁ ଏଝାରାଇଁ ଜାପୁହାଲି ମାଟୁହେସି, “ଇଚିହୁଁ ମାଣସି ମୀରୁଏସି ହାରେକା ଦୁକୁ କସ୍ତ ବେଟାଆନାୟି ମାନେ ଇଞ୍ଜାଁ ପ୍ରାତିନାଙ୍ଗା, କାଜା ପୁଜେରାଙ୍ଗା, ଇଞ୍ଜାଁ ମେରୋପୁନାରି ତାଣାଟି ଅପାଆଗାଟାସି ଆହାନା ପାୟୁଝି ଆନାୟି ମାନେ, ଅଡ଼େ ତାନିଦିନା ଜେଚ ଖେଣ୍ଡେ ନିଜିନାୟି ମାନେ ।”

୩୨ ଇ କାତା ଏଝାସି ତୀରୁପୁତଲେ ଖେସ୍ତେସି । ଏମ୍ବାଟିଏ ପିତର ଏଝାଣାଇଁ ଅରଝାକି ଆହାନା ଦାକା ହୀହାନା ଲାଗାଲି ମାଟୁହେସି ।

୩୩ ସାମା ଏଝାସି ତାମ୍ଭୁଝାକି ତିରଝାହାଁ ତାନି ସୀସୁୟାଁଣି ସିନିକିହାନା ପିତରଇଁ ଦାକା ହୀହାନା ଏଲେଇଚେସି, “ସୟତାନ, ନା ନକିଟି ହେକ ହାଲାମୁ, ଇଚିହୁଁ ନାନୁ ମାହାପୁରୁ କାତା ଅଣ୍ଡପାଆନା ମାଣସିୟାଁ କାତା ଅଣ୍ଡପିମାଞ୍ଜି ।”

୩୪ ଏମ୍ବାଟିଏ ଜୀମୁ ତାନି ସୀସୁୟାଁ ତଲେ ଲକୁଣି ହାଟାନା ଏଲେଇଚେସି, “ଆମ୍ବାଆସି ନା ଜେଚ ଝାହାଲି ମନ କିନେସି, ଆଡିହୁଁ ଏଝାସି ଜାହାରାଇଁ ପିସ୍ତେସି, ଇଞ୍ଜାଁ ଏଝାସି ତାନି କୁସ ଡେକାନା ନା ଜେଚ ଝାଟେସି ।”

୩୫ ଇଚିହୁଁ ଆମ୍ବାଆସି ତାନି ଜୀଝୁ ଗେଲପାଲି ମନ କିନେସି, ଏଝାସି ଏଦାଆଁ ହାଝି କିନେସି; ସାମା ଆମ୍ବାଆସି ନା ତାକି ଇଞ୍ଜାଁ ନେହୁଁ କାଟୁତାକି ତାନି ଜୀଝୁ ହୀନେସି, ଏଝାସି ଏଦାଆଁ ନୀଟନେସି ।

୩୬ ଅଡ଼େ, ମାଣସି ଇ ଦାରୁଡିତା ମାନାଣି ବାରେ ମେଡ଼ି କିହାନା ତାନି ଜୀଝୁଟି ହାଝି କିନେସି, ଆଡିହୁଁ ଏଝାଣାକି ଏନି ଲାବା ?

୩୭ ଅଡ଼େ, ମାଣସି ତାନି ଜୀଝୁଟି ବାଦୁଲି ଏନାଆଁ ହୀହାଲି ଆଡିନେସି ?

୩୮ ଏଦାଆଁତାକି ଆମ୍ବାଆସି ଇ କାଲାତି ଦାରି କିନାରି ଅଡ଼େ ପାପୁଗାଟି ଲକୁ ବିତ୍ରା ନାଙ୍ଗେ ଅଡ଼େ ନା ବଲୁ ତାକି ଲାଜା ଆନେସି, ମାଣସି ମୀରୁଏସି ଏଚିବେଲା ସୁଦୁ ଦୁଡୁୟାଁ ତଲେ ତାନି ଆବାଡି ଗାଝୁରମି ତଲେ ଝାଡନେସି, ଏଚିବେଲା ଏଝାସି ଜିକେଏ ଏଝାଣି କାତାତାକି ଲାଜା ଆନେସି ।”

୯

୧ ଅଡ଼େ ଜୀମୁ ତାନି ସୀସୁଣି ଏଲେଇଚେସି, “ନାନୁ ନିଙ୍ଗେ ସାତା ଖେସିମାଞ୍ଜାଇଁ, ଇମ୍ବାଆଁ ଏଚରଜାଣା ମାନେରି ମାହାପୁରୁଟି ରାଜି ବାଡ଼ୁଲୁ ତଲେ ଝାନାଣି ମେହୁଆ ପାତେକା ହାଅରି ।”

ଜୀମୁ ଅର ଝାଣା ଆନାୟି
(ମାତି ୧୭:୧-୧୩; ଲୁକ ୯:୨୮-୩୨)

* ୮:୨୮ ମାର୍କ ୬:୧୪,୧୫; ଲୁକ ୯:୨୮ * ୮:୨୮ ମୁଞ୍ଜିନାୟି * ୮:୨୯ ଜହ ୬:୨୮,୨୯ * ୮:୩୪ ମାତି ୧୦:୩୮; ଲୁକ ୧୪:୨୭ * ୮:୩୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫

୨ *ଏ ଦିନା ତାହୁଁ ଜୀସୁ ଖାବୁର ଘିତର, ଜାକୁବ ଅଡ଼େ ଜହନଇଁ ତାନିତଲେ ଏବ୍‌କା କିହାନା ଏଝାରାଇଁ ର ଯାତାଆଡ଼ି ହରୁତା ଅଡ଼େସି । ।

୩ ଅଡ଼େ ଏଝାସି ଏଝାରି ନକିତା ଅର ଖାଣା ଆଡ଼େସି, ଏଝାଣି ହିମ୍ବରି ଇଲେକିଁ ଉଜେଡ଼ି ଆହାନା ହାରେକା ଦବଲା ଆଡ଼େ, ଇ ଦାବ୍‌ତିତା ଆମ୍ବାଆସି ଏଲେତି ଦବଲା କିହାଲି ଆଡ଼ଅସି ।

୪ ମସା ଅଡ଼େ ଏଲିୟ ଜୀସୁତଲେ ହାଡ଼ାକାତା ଆହିମାଗାଣି ତାନି ଜାଣା ସାସୁୟାଁ ମେସ୍ତେରି ।

୫ ଏମ୍ବାଟିଏ ପିତର ଜୀସୁଇଁ ଏଲେକରେସି, “ଏ ଗୁରୁ ମାର ଇ ଚାୟୁତା ମାନାୟି ହାରେକା ନେହାୟି; ମାର ତାନିଗଗା ଗୁଡ଼ାୟାଁ କେପିନ, ନିଜେତାକି ରଣ୍ଡାଆଁ, ମସାକି ରଣ୍ଡାଆଁ ଅଡ଼େ ଏଲିୟକି ରଣ୍ଡାଆଁ ।”

୬ ପିତର ଏନାଆଁ ଜଲ୍ଲାଲି ଆନେ ଇଞ୍ଜିଁ ପୁଞ୍ଜା ହିଲାଆଡେସି, ଏନାଆଁତାକି ଇଚିହିଁ ଏଝାରି ହାରେକା ଆଜାନାରେରି ।

୭ ଇଞ୍ଜା, ଇଚାୟି ଦୁହା ଖାହାନା ଏଝାରାଇଁ ପିକ୍‌ହେ, ଅଡ଼େ ଏ ଦୁହାଟି ଇ ହାଡ଼ା ଖାଡ଼େ, “ଇଝାସି ନା, ଜୀସୁତି ମୀରଏସି, ଇଝାଣି ବଲୁ ଝେଞ୍ଜୁ ।”

୮ ଦେବୁଣିଏ ଏଝାରି ସାରିଝାକି ସିନିକିତେରି, ତାନିତଲେ ଜୀସୁଇଁ ପିସ୍‌ପେ ଆମ୍ବାଆରାଇଁ ମେହ୍‌ଆଡେରି ।

୯ ଏଝାରି ହରୁତି ରେଟା ଖାହି ମାଗାଟି ଜୀସୁ ଏଝାରାଇଁ ଜାଣେ ହୁକୁମି ହାହାନା ଏଲେକରେସି, “ମାରୁ ଏନାଆଁ ମେସାମାଞ୍ଜେରି, ଏ ବାରେ ହାଡ଼ାରି ବିତ୍ରାଟି ମାଣସି ମାରଏସି ଝେଣ୍ଡେ ନିଜାଆ ପାଡେକା ଆମ୍ବାଆରାଇଁ ଝେହ୍‌ଆଦୁ ।”

୧୦ ଏମ୍ବାଟିଏ ଏଝାରି ଏ କାତା ଆସାନା “ହାଡ଼ାରି ବିତ୍ରାଟି ଝେଣ୍ଡେ ନିଜାମାୟି ଏନାୟି ?” ଏ କାତାତି ତାନି ବିତ୍ରା ଝେସ୍‌ପି ଆଡ଼େରି ।

୧୧ *ଅଡ଼େ ଏଝାରି ଜୀସୁଇଁ ଝେରେରି, “ନଚକଏ ଏଲିୟ ଖାନାୟି ଆନେ, ମେରାପୁନାରି ଏନିକିଁ ଇ କାତା ଝେହ୍‌ନେରି ?”

୧୨ ଏମ୍ବାଟିଏ ଜୀସୁ ଏଝାରାଇଁ ଏଲେକରେସି, “ଏଲିୟ ନଚକଏ ଖାହାନା ବାରେ ମେରା ଅଡ଼େ ଝେଣ୍ଡେ ଇଚିନାୟି ସାତା, ସାମା ମାଣସି ମାରଏସି ହାରେକା ଦୁକୁ ବେଟାଆହାନା ଅପାଆଗାଗସି ଆନେସି, ଇଦି ଏନିକିଁ ଏଝାଣି କାତା ରାସ୍‌କି ଆହାମାନେ ?

୧୩ ସାମା ନାନୁ ମିଜେ ଝେସିମାଞ୍ଜାଇଁ, ଏଲିୟ ଖାଡ଼େସିଏ, ଅଡ଼େ ଏଝାଣି କାତା ଏନିକିଁ ରାସ୍‌କି ଆହାମାନେ, ଏଲେକିହିଁ ଏଝାରି ଏଝାଣାଇଁ ଜିକେଏ ଏନାଆଁ ମନ ଏଦାଆଁ କିହାମାନେରି ।”

ବୁଡୁ ଆଲ୍‌ଗାମାଟି କକାଣାଇଁ ନେହିଁ କିନାୟି
(ମାତି ୧୭:୧୪-୨୧; ଲୁକ ୯:୩୭-୪୩)

୧୪ ତାହୁଁ ଏଝାରି ସାସୁୟାଁ ତାଣା ଖାହାନା ମେସ୍ତେରି, ଏଝାରି ସାରିଝାକି ହାରେକା ମାନ୍ଦା ଲକୁ ଅଡ଼େ ମେରାପୁନାରି ଏଝାରିତଲେ ବାଦିବାଦା ଆହିମାନେରି ।

୧୫ ଲକୁ ବାରେ ଏଝାଣାଇଁ ମେସ୍‌ପନିଏ ହାରେକା କାବାଆହାନା ଅଡ଼େ ଦାବ୍‌ଡ଼ି ଖାହାନା ଜହରା କିତେରି ।

୧୬ ଏମ୍ବାଟିଏ ଜୀସୁ ଏଝାରାଇଁ ଝେରେସି, “ମାରୁ ଏଝାରିତଲେ ଏନାଆଁତାକି ବାଦିବାଦା ଆହିମାଞ୍ଜେରି ?”

୧୭ ଲକୁ ବିତ୍ରାଟି ରଅସି ଏଝାଣାଇଁ ଏଲେକରେସି, “ଏ ଗୁରୁ, ନାନୁ ନା ମାରଏଣାଇଁ ନୀ ତାଣା ତାମାମାଡେସି; ଏଝାଣାଇଁ ର ଗୁଲା ବୁଡୁ ଆଲ୍‌ଗାମାନେ ।

୧୮ ଏମିନି ଗାୟୁତା ଏଦି ଏଝାଣାଇଁ ଆହନେ, ଏଝାଣାଇଁ ଡ଼ଇ ଡ଼କନେ, ଇଞ୍ଜା ଏଝାଣି ଗୁଡ଼ିତି ପମ୍ବଲି ହନେ, ଅଡ଼େ ଏଦି ପାଲ୍‌କା ଗାଟି କିନେ, ଇଞ୍ଜା ଏଝାସି ଖାୟାହାଜି ମାନେସି; ଏଝାଣାଇଁ ପିସ୍‌ପି କିହାଲି ନାନୁ ନୀ ସାସୁୟାଁଇଁ ଏଲେକରେସି, ସାମା ଏଝାରି ଆଡ଼ାଆଡେରି ।”

୧୯ ଜୀସୁ ଏଝାରାଇଁ ଏଲେକରେସି, “ଆଡ଼େ ନାମାଆଗାଟି କୁଡ଼ାତାଡେରି, ଏଚରଦିନା ନାନୁ ମୀ ତଲେ ଡ଼ୟିଇଁ ? ଏଚରଦିନା ମୀ ଲେମ୍‌ମାନାଣି ଅର୍‌ହିଇଁ ? କକାଣାଇଁ ନା ତାଣା ତାଦୁ ।”

୨୦ ଏମ୍ବାଟିଏ ଏଝାଣାଇଁ ଜୀସୁ ତାଣା ତାଡେରି । ଅଡ଼େ, ଜୀସୁଇଁ ମେସ୍‌ପନିଏ ଏ ବୁଡୁ ଏଝାଣାଇଁ ହାରେକା ତିରଞ୍ଜି କିତେ ଇଞ୍ଜା ବୁମିତା ତରଗାନା ଗୁଡ଼ିତି ପମ୍ବଲି ହପ୍‌ହାନା ଉସାଲି ମାଟ୍‌ହେସି ।

୨୧ ଏଚିବେଲା ଜୀସୁ ତାନି ଆବାଇଁ ଝେରେସି, “ଏଚରଦିନା ଆଡ଼େ ଇଝାଣାଇଁ ଇଲେ କିହିମାନେ ?” ଏଝାସି ଏଲେକରେସି, “ଉଣା ଝେଡ଼ାଟିଏ

୨୨ ଏହି ଏଞ୍ଜାଣାଇଁ ହାଞ୍ଜି କିହାଲି ଏବେ ଏବେତା ହିରୁତା ଅଡ଼େ ଏମୁଣାଁ ମେଡ଼ହାମାନେ; ସାମା ନାନୁ ଏନାଆଁ କିହାଲି ଆଡ଼ିତେ, ମାଜେ କାର୍ମା ଆହାନା ମା ସାୟେମି ଆୟାମୁ ।”

୨୩ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଏନାଆଁ ଇତି ? ଇତିହେଁ କିହାଲି ଆଡ଼ିତେ ! ଆମ୍ବାଆସି ନାନିନେସି ଏଞ୍ଜାଣାଇଁ ବାରେଏ ଆନେ ।”

୨୪ ଏ ଦେବୁଣିଏ କକାଣି ତାମି ଆବା କାଜା ଗିୟାତଲେ ଏଲେଇଚେସି, “ନାନୁ ନାନିମାଇଁ ନା ନାମାଆଗାଗାଣି ଗୁଚି କିହାଲି ସାୟେମି କିୟାମୁ ।”

୨୫ ତାୟୁ ମାୟା ଲକୁ ରହେଁଏ ହଚିହେଁ ୱାହି ମାଗାଣି ମେସାନା, ଜୀସୁ ଏ ପଲଆ ବୁଡୁତି ଦାକା ହାହାନା ଏଲେଇଚେସି, “ଆଡ଼େ ଗୁଲ୍ଲା ଅଡ଼େ ବେରା ବୁଡୁତି, ନାନୁ ନିଜେ ହୁକୁମି ହାହିମାଞ୍ଜାଇଁ, ଇଞ୍ଜାଣି ତାଣାଟି ହଡ଼ାହାଲାମୁ, ଇଞ୍ଜାଁ ଏବେଲା ଜିକେଏ ଇଞ୍ଜାଣି ତାଣା ହଡ଼ୁଆନି ।”

୨୬ ଏମ୍ବାଟିଏ ଏହି ହାଡ଼େକା କିଡ଼ିହେଁ କକାଣାଇଁ ତିରୁଞ୍ଜି କିହାନା ବୁମିତା ତୁକହାନା ହଡ଼ାହାଚେ, ଅଡ଼େ କକାସି ହାଡ଼ିଲେହେଁ ଆଡ଼େସି, ଇଲେକିହେଁ ହାଡ଼େକା ଲକୁ ଏଲେଇଞ୍ଜିମାଚେରି, “କକାସି ହାଡ଼େସି ।”

୨୭ ସାମା ଜୀସୁ ଏଞ୍ଜାଣି କେୟୁ ଆସାନା ନିକହେସି, ଇଞ୍ଜାଁ ଏଞ୍ଜାସି ନିଚେସି ।

୨୮ ଇଞ୍ଜାଁ ଜୀସୁ ଇଜ ଖାହାଲିଏ ତାନି ସୀସୁୟାଁ ମେଶୋଏ ଖେଚେରି, “ମାମୁ ଏନାଆଁତାକି ଏଞ୍ଜାଣାଇଁ ପିସ୍ପି କିହାଲି ଆଡ଼ାଆତମି ?”

୨୯ ଜୀସୁ ଏଞ୍ଜାଣାଇଁ ଏଲେଇଚେସି, “ପ୍ରାଡ଼ାନା* କିଆନା ଅଡ଼େ ଏନିକେଁ ଜିକେଏ ଇଲେତି ବୁଡୁ ପେରହାଲି ଆଡ଼ାଆସି ।”

ତାନି ହାକିତି କାବୁ ଅଡ଼େ ଖେଣ୍ଡେ ଖେହନାୟି

(ମାତି ୧୭:୨୨-୨୩; ଲୁକ ୯:୪୩-୪୫)

୩୦ ଏଞ୍ଜାରି ଏ ଟାୟୁଟି ହାଜାନା ଗାଲିଲି ମାଦିତି ହାଚେରି, ଇଞ୍ଜାଁ ଆମ୍ବାଆସି ପୁନାଆପେସି ଇଞ୍ଜାଁ ଏଞ୍ଜାଣି ମନ ହିଲାଆଡ଼େ;

୩୧ ଇତିହେଁ ଜୀସୁ ତାନି ସୀସୁୟାଁ ଈ କାତା ଖେସିହେଁ ଜାପୁହି ମାଚେସି, “ମାଣସି ମୀରୁଏସି ମାଣସିୟାଁ କେୟୁତା ହେରୁପିଆନେସି, ଅଡ଼େ ଏଞ୍ଜାରି ଏଞ୍ଜାଣାଇଁ ପାୟିନେରି, ଇଞ୍ଜାଁ ଏଞ୍ଜାସି ହାଡ଼ି ତାୟୁ ତାନିଦିନା ଜେଚ ଖେଣ୍ଡେ ନିଜିନେସି ।”

୩୨ ସାମା ଏଞ୍ଜାରି ଏ କାତାତି ତେଲହାଆଡ଼େରି, ସାମା ଏଞ୍ଜାଣାଇଁ ଖେଞ୍ଜାଲି ଆଜିମାଚେରି ।

ଆମ୍ବାଆସି କାଜାସି

(ମାତି ୧୮:୧-୫; ଲୁକ ୯:୪୬-୪୮)

୩୩ ତାୟୁ ଏଞ୍ଜାରି କପରନାହୁମତା ଖାଡ଼େରି । ଜୀସୁ ଇଜ ଏଜାନା ସୀସୁୟାଁ ଖେଚେସି, “ମୀରୁ ଜିରୁତା ଏନାଆଁ କାତା ଆହିମାଚେରି ?”

୩୪ ଏସାମା ଏଞ୍ଜାରି ହାଡ଼ା ଆଆନା ପାଲେଏ ଡ଼ୟିଚେରି, ଇତିହେଁ ଆମ୍ବାଆସି କାଜାସି ଇ କାତା ଆସାନା ଜିରୁତା କାତା ଆହିମାଚେରି ।

୩୫ ଏମ୍ବାଟିଏ ଜୀସୁ କୁଗାନା ବାର ଜାଣାଇଁ ହାଡ଼ିଚେସି ଇଞ୍ଜାଁ ଏଞ୍ଜାଣାଇଁ ଏଲେଇଚେସି, “ଇତିହେଁ ଆମ୍ବାଆସି କାଜାସି ଆହାଲି ମନ କିନେସି, ଆତିହେଁ ଏଞ୍ଜାସି ବାରେତି କିହାଁ ଉଣା ଅଡ଼େ ବାରେତି ସେବା କିନାସି ଆପେସି ।”

୩୬ ଅଡ଼େ ଏଞ୍ଜାସି ର ଉଣା କକାଣାଇଁ ଅହାନା ଏଞ୍ଜାରି ମାଦି ନିପହେସି ଇଞ୍ଜାଁ ଏଞ୍ଜାଣାଇଁ ପମାନା ଏଞ୍ଜାଣାଇଁ ଏଲେଇଚେସି,

୩୭ ଏଆମ୍ବାଆସି ନା ଦରୁ ତାକି ଇଲେତି ଉଣା କକାରି ବିତ୍ରାଟି ରଥାଣାଇଁ ଆବିନେସି, ଏଞ୍ଜାସି ନାଜେ ଆବାନେସି; ଅଡ଼େ ଆମ୍ବାଆସି ନାଜେ ଆବାନେସି, ଏଞ୍ଜାସି ଖାରୁଇ ନାଜେ ଆବଅସି, ସାମା ନାଜେ ପାଣ୍ଡାତାଣାଇଁ ଜିକେଏ ଆବିନେସି ।”

ମା କପାଟି ନିଜାଆ ଗାଗାସି ମା ତଲେତାସି

(ଲୁକ ୯:୪୯-୫୦)

୩୮ ଜହନ ଏଞ୍ଜାଣାଇଁ ଏଲେଇଚେସି, “ଏ ଗୁରୁ ମା ଗଚିତା ହିଲାଆଗାଗାସି ରଅସି ନୀ ଦରୁତଲେ ବୁଡୁଣି ପେରୁହି ମାଗାଣି ମେସୁମି, ଇଞ୍ଜାଁ ଏଞ୍ଜାସି ମା ଗଚିତା ହିଲାଆତାକି ଏଞ୍ଜାଣାଇଁ କାହିକିତମି ।”

* ୯:୨୯ ଏବେକା ସାପ୍ତେରିତା ପ୍ରାଡ଼ାନା ଇଞ୍ଜାଁ ରପାସା ରାସ୍ତିକି ଆହାମାନେ । * ୯:୩୫ ଲୁକ ୨୨:୨୪ * ୯:୩୫ ମାତି ୨୦:୨୭,୨୭: ୨୩:୧୧; ମାର୍କ ୧୦:୪୩,୪୪; ଲୁକ ୨୨:୨୭ * ୯:୩୭ ମାତି ୧୦:୪୦; ଲୁକ ୧୦:୧୨; ଜହ ୧୩:୬୦

୩୯ ସାମା ଜୀସୁ ଏଲେଇଚେସି, “ଏଞ୍ଜାଣାଇଁ କାହିଁକିଆଦୁ; ଇଚିହିଁ ନା ଦରୁତଲେ କାବାଆନି କାମା କିହାନା ଖେଣ୍ଡେ ନାଜେ ନିୟା କିୟାନେସି, ଇଲେତି ଲକୁ ଆମ୍ବାଆସି ହିଲଅସି;

୪୦ *ଇଚିହିଁ ଆମ୍ବାଆସି ମା କପାତି ନିଜାଆ ଗାଗାସି ଏଞ୍ଜାସି ମା ତଲେତାସି ।

୪୧ *ନାନୁ ମିଜେ ସାତା ଖେସିମାଞ୍ଜାଇଁ, ମୀରୁ କ୍ରୀସ୍ତତି ଲକୁ ଇଞ୍ଜୁଁ ଆମ୍ବାଆସି ଜିକେଏ ମିଜେ ଜାଡେକା ଏୟୁ ଗସାଲି ହିୟାନେସି, ଏଞ୍ଜାସି ଏନିଜିକେଏ ତାନି ଦାନାତି ଜାକ୍ଅସି ।”

ନାମୁତା ପାପୁ କିଞ୍ଚି କିନାଣି ତଣ୍ଡ
(ମାତି ୧୮:୬-୯; ଲୁକ ୧୭:୧-୨)

୪୨ ଅଡେ ଆମ୍ବାଆସି ନାମାମାନି ଇ ଉଣାୟା ବିତ୍ତାଟି ରଅଣାଇଁ ପାପୁ କିଞ୍ଚି କିନେସି, ଏଞ୍ଜାଣି ହେରକିତା କାଜା ଜେତାଞ୍ଜାଲି ଦସାନା ଏଞ୍ଜାଣାଇଁ ସାମ୍ବୁରତା ମେଡ଼ହିହିଁ ନେହେଁ ଆଡେମା ।

୪୩ *ମୀ କେୟୁ ମିଜେ ପାପୁ କିଞ୍ଚିକିୟାନେ, ଇଚିହିଁ ଏଦାଆଁ ଜାଡାନା କୁତାଦୁ; ରୀ କେସ୍ତା ମାଞ୍ଜାନା ନର୍କ ଇଚିହିଁ ତୁମ୍ବାଆଗାଟି ହିଚୁ ଗାଡ଼ୟୁତା ମେଡ଼ପି ଆନି ବାଡ଼ା କଲା ଆହାନା ଜୀଞ୍ଜୁତା ହଡ଼ନାୟି ମିଜେ ତାକି ନେହେଁ ।

୪୪ ଇଚିହିଁ ନର୍କତା ଏମ୍ବାତି ପିଡ଼କା ଏଚେଲା ହାର, ଅଡେ ହିଚୁ ଏଚେଲା ତୁମ୍ବେଏ ।†

୪୫ ଅଡେ ମୀ କତା ମିଜେ ପାପୁ କିଞ୍ଚିକିୟାନେ, ଏଦାଣି ରାଡ଼ହା କୁତାଦୁ, ରୀ କତାୟାଁ ନେହେଁ ମାଞ୍ଜାନା ନର୍କତା ମେଡ଼ପି ଆନି ବାଡ଼ା ସଗା ଆହାନା ଜୀଞ୍ଜୁତା ହଡ଼ନାୟି ମିଜେ ତାକି ନେହେଁ ।

୪୬ ଇଚିହିଁ ନର୍କତା ଏମ୍ବାତି ପିଡ଼କା ଏଚେଲା ହାର, ଅଡେ ହିଚୁ ଏଚେଲା ତୁମ୍ବେଏ ।‡

୪୭ *ଇଞ୍ଜାଁ ମୀ କାନୁ ମିଜେ ପାପୁ କିଞ୍ଚିକିୟାନେ ଇଚିହିଁ ଏଦାନି ଡେଞ୍ଜା କୁତାଦୁ, ରୀ କାଣ୍ଡକା ନେହେଁ ମାଞ୍ଜାନା ନର୍କତା ମେଡ଼ପି ଆନି କିହାଁ ର କାନୁ ତଲେ ମାହାପୁରୁ ରାଜିତା ହଡ଼ନାୟି ମିଜେ ତାକି ନେହେଁ ।

୪୮ ଇଚିହିଁ ନର୍କତା ଏମ୍ବାତି ପିଡ଼କା ଏଚେଲା ହାର, ଅଡେ ହିଚୁ ଏଚେଲା ତୁମ୍ବେଏ ।

୪୯ “ହାରୁ ତଲେ ଏନିକିଁ ପୂଜା ହାନାୟି ସୁଦୁ ଆନେ, ଏଲେକିହିଁ ଏ ହିଚୁତଲେ ବାରେ ସୁଦୁ କିଞ୍ଚିଆନେ ।”

୫୦ *ହାରୁ ନେହାୟି, ସାମା ହାରୁ ମୁଆସାରେ ଆତିହିଁ ଏନିକିଁ ମୁସି କିନାୟି ଆନେ ? ମୀରୁ ମୀ ତାଣା ହାରୁ ଲେହେଁ ଆଦୁ, ଅଡେ ରଅଡେରି ରଅଣାକି ହିଡ଼ଡ଼ି ଜୀଞ୍ଜୁତଲେ ନେହିଁ ଆହିଁ ଡୟାଦୁ ।”

୧୦

ତକ୍ତି ତକ୍ତା ପିସ୍ପିଆନି କାତା ଜୀସୁ ଜାପ୍ନାୟି
(ମାତି ୧୯:୧-୧୨; ଲୁକ ୧୨:୧୮)

୧ ଏ ଚାୟୁଟି ଜୀସୁ ହାଜାନା ଜୀହୁଦା ରାଜିତି ହାସି ଅଡେ ଜର୍ଦନ କାତା ଆତାଲାଞ୍ଜାକି ଖାଡେସି; ଇଞ୍ଜାଁ ଲକୁ ଅଡେ ଖେଣ୍ଡେ ଏଞ୍ଜାଣି ତାଣା ରୁଣ୍ଡା ଆହାଲିଏ, ଏଞ୍ଜାସି ତାନି ମେରା ଲେହେଁ ଏଞ୍ଜାରାଇଁ ଅଡେ ଜାପ୍ନାଲି ମାଟ୍ତହେସି ।

୨ ଏମ୍ବାଟିଏ ପାରୁସିୟାଁ ଏଞ୍ଜାଣି ତାଣା ଖାହାନା ଏଞ୍ଜାଣାଇଁ ତାୟିପାରିକିହିଁ ଖେଚେରି, “ଜାହାରା ତକ୍ତିନି ପିସାଲି ଆବାୟାକି ମେରା କି ?”

୩ ଜୀସୁ ଏଞ୍ଜାରାଇଁ ଏଲେଇଚେସି, “ମସା ମିଜେ ଏନି ହୁକୁମି ହାହାମାଞ୍ଜାନେସି ?”

୪ *ଏଞ୍ଜାରି ଏଲେଇଚେରି, “ପିହିନି ଆକୁ ରାଡାନା ତକ୍ତିନି ପିସାଲି ମସା ହେଲ ହାହାମାଞ୍ଜାନେସି ।”

୫ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ମୀ ଆଡ଼ଞ୍ଜା ହିୟାଁତି ମେସାନା ଏଞ୍ଜାସି ମିଜେତାକି ଇ ହୁକୁମି ରାଡ଼ାମାନେସି ।

୬ ସାମା ମାଣସି ଗାଡ଼ି ଆଡ଼ି ବେଲାଟିଏ ଏଞ୍ଜାସି ଏଞ୍ଜାରାଇଁ ଇୟା ଅଡେ ଆବା କିହିଁ ମାହାପୁରୁ ଗାଡ଼ିକିଡେସି ।

୭ ଏଦାଆଁତାକି ଆବା ତାଲି ତାଞ୍ଜିଇଁ ପିହିନେସି, ଇଞ୍ଜାଁ ତାନି ତକ୍ତି ତଲେ ଆଣ୍ଡିନେସି,

୮ ଇଞ୍ଜାଁ ଏଞ୍ଜାରି ରିଆରି ଆଏ, ସାମା ରଣ୍ଡିଏ ଆଜ୍ଞା ଆନେରି ।

୯ ଇଞ୍ଜାଁ ମାହାପୁରୁ ଏଦାଆଁ ଆଣ୍ଡି କିହାମାନେସି, ମାଣସି ଏଦାଆଁ ଏବ୍‌କା କିଆପେସି ।”

୧୦ ତାୟୁ ସାପୁୟାଁ ଇଜ ଇ କାତାତି ଜୀସୁଇଁ ଅଡେ ଖେଣ୍ଡେ ଖେଚେରି ।

* ୯:୪୦ ମାତି ୧୨:୩୦; ଲୁକ ୧୧:୨୩ † ୯:୪୧ ମାତି ୧୦:୪୨ ‡ ୯:୪୩ ମାତି ୫:୩୦ † ୯:୪୪ କଚେକା ସାପ୍ରେରିତା ଇ କାତା ରାମ୍ବକି ଆହାହିଲେଏ । ‡ ୯:୪୬ କଚେକା ସାପ୍ରେରିତା ଇ କାତା ରାମ୍ବକି ଆହାହିଲେଏ । * ୯:୪୭ ମାତି ୫:୨୯ † ୯:୫୦ ମାତି ୫:୧୩; ଲୁକ ୧୪:୩୪,୩୫ † ୧୦:୪ ମାତି ୫:୩୧

୧୧ *ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଆମ୍ବାଆସି ତାନି ତକ୍ରିନି ପିସାନା ଏବ୍‌କାତାଣି ବୀହା ଆନେସି, ଏଞ୍ଜାସି ତଲିତି ତକ୍ରିନି କପାଟି ଦାରିକାମା କିନେସି ।

୧୨ ଅଡ଼େ ତକ୍ରି ତାନି ତକ୍ରିଇଁ ପିସାନା ଏବ୍‌କାତାଣାଇଁ ବୀହା ଆନେ, ଆତିହ୍ ଏଡ଼ି ଦାରିକାମା କିନେ ।”

କକାରି ପଦାଁଣି ଜୀସୁ ବର ହାନାୟି
(ମାତି ୧୯:୧୩-୧୫; ଲୁକ ୧୮:୧୫-୧୭)

୧୩ ଏଞ୍ଜାସି ଏନିକ୍ କକାରି ପଦାଁଣି ତାରିନେସି, ଏଦାଆଁତାକି ଲକ୍ଷୁ ଏଞ୍ଜାରାଇଁ ଜୀସୁ ତାଣା ତାଚାଲି ମାଟ୍‌ହେରି; ସାମା ସୀସୁୟାଁ ଏଞ୍ଜାରାଇଁ ଦାକା ହୀତେରି ।

୧୪ ଜୀସୁ ଏଦାଆଁ ମେସାଁ କାର୍‌ବି ଆହାନା ଏଞ୍ଜାରାଇଁ ଏଲେଇଚେସି, “କକାରି ପଦାଁଣି ନା ତାଣା ଖାହାଲି ହୀସୁ, ଏଞ୍ଜାରାଇଁ ଆଂଗାଆଦୁ; ଇତିହ୍ ମାହାପୁରୁତି ରାଜି ଇଲେତି ଲକ୍ଷୁତାୟି ।

୧୫ *ନାନୁ ମିଜା ସାତା ଝେସିମାଞ୍ଜାଇଁ, ଆମ୍ବାଆସି କକାରି ପଦାୟାଁ ଲେହେଁ ମାହାପୁରୁତି ରାଜି ଆବଅସି, ଏଞ୍ଜାସି ଏନିକ୍‌କେଏ ଏମ୍ବାଆଁ ହଡ଼ାଲି ଆଡ଼ଅସି ।”

୧୬ ଇଞ୍ଜା ଏଞ୍ଜାସି ଏଞ୍ଜାରାଇଁ କତାଣା ଜଙ୍ଗାମା ଏଞ୍ଜାରି ଲାକ କେୟୁ ଇତାନା ବର ହୀତେସି ।

ର ଦନ ଗାଟି ଦାଂଗଣେଏସି
(ମାତି ୧୯:୧୭-୩୦; ଲୁକ ୧୮:୧୮-୩୦)

୧୭ ଜୀସୁ ଅଡ଼େ ଝେଣ୍ଡେ ହାଜିମାଚାଟି ରଅସି ଦାବଡ଼ି ଖାହାନା ଏଞ୍ଜାଣି ନକିତା ମେଣ୍ଡାକୁତାନା ଏଞ୍ଜାଣାଇଁ ଝେଚେସି, “ଏ ନେହ୍ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଏନାଆଁ କିଇଁ ?”

୧୮ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନାଙ୍ଗେ ନେହାଁତି ଇଞ୍ଜା ଏନାଆଁତାକି ଏଲେଇଞ୍ଜି ମାଞ୍ଜାଦି ? ରଅଣି ପିସପେ ଇତିହ୍ ମାହାପୁରୁ ପିସପେ ଅଡ଼େ ଆମ୍ବାଆସି ନେହାଁସି ହିଲଅସି ।

୧୯ ନାନୁ ସାସ୍ତେରିତି ବାରେ ହୁକୁମିକା ପୁଞ୍ଜାମାଞ୍ଜି, ଲକ୍ଷୁଣି ପାୟାଆଦୁ, ଦାରିକାମା କିଆଦୁ, ସରୁ କିଆଦୁ, ମିତି ସାକି ଜଲାଆଦୁ, ଲକ୍ଷୁଣି ନାଡ଼ି କିଆଦୁ, ଇଞ୍ଜା ତାଲି ତାଞ୍ଜିଇଁ ଜୀସୁନଦୁ ।”

୨୦ ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ଏ ଗୁରୁ ଇ ବାରେ ନାନୁ ଉଣା ଝେଡ଼ାଟିଏ ମାନୁଞ୍ଜି ଆହିମାଇଁ ।”

୨୧ ଜୀସୁ ଏଞ୍ଜାଣାଇଁ ତୀରେ ସିନିକିହାଁ ଜୀସୁ ନଡ଼େସି ଇଞ୍ଜା ଏଲେଇଚେସି, “ନାନୁ ର କାମାତା ଉଣା ମାଞ୍ଜି, ନାନୁ ହାଜାନା ନୀ ଦନ ବାରେ ପାର୍‌ଚାନାହାଁ ହିଲଆ ଗାଟାରାକି ଦାନା ହୀସୁ, ଅଡ଼େ ନା ଜେତ ଝାମ୍ବୁ, ଇଞ୍ଜା ନାନୁ ଲାକପୁରୁ ଦନ ବେଟାଆଦି ।”

୨୨ ସାମା ଇ କାତାତା ଏଞ୍ଜାଣି ମୁମ୍ ହୁପାଲି ଆହାହାଚେ, ଇଞ୍ଜା ଏଞ୍ଜାସି ଦୁକୁ ଆହାନା ହାଚେସି, ଇତିହ୍ ଏଞ୍ଜାଣାଇଁ ହାଚେକା ଦନ ମାଚେ ।

୨୩ ଏମ୍ବାଟିଏ ଜୀସୁ ସାରିଞ୍ଜାକି ସିନିକିହାନା ତାନି ସୀସୁୟାଁଣି ଏଲେଇଚେସି, “ଦନ ଗାଟାରି ହାଚେକା କସ୍ତଲେ ମାହାପୁରୁ ରାଜିତା ହଡ଼ନେରି ।”

୨୪ ଏଞ୍ଜାଣି କାତା ଝେଞ୍ଜାନା ସୀସୁୟାଁ କାବା ଆଚେରି, ସାମା ଜୀସୁ ଅଡ଼େ ଝେଣ୍ଡେ ଏଞ୍ଜାରାଇଁ ଏଲେଇଚେସି, “ଆଡ଼େ କକାଚେରି ମାହାପୁରୁ ରାଜିତା ହଡ଼ନାୟି ହାଚେକା କସ୍ତ ।

୨୫ ମାହାପୁରୁତି ରାଜିତା ଦନ ଗାଟାରି ହଡ଼ନି କିହାଁ ସୁଜା କାଣିଟି ଉଡ଼ୁ ହଡ଼ନାୟି ଉସାସା ।”

୨୬ ଏମ୍ବାଟିଏ ଏଞ୍ଜାରି ହାଚେକା କାବାଆହାନା ତାମ୍ବୁତାମ୍ବୁସୁ କାତା ଆଚେରି, “ଆତିହ୍ ଆମ୍ବାଆସି ଗେଲ୍‌ପି ଆହାଲି ଆଡ଼ିନେସି ?”

୨୭ ଜୀସୁ ଏଞ୍ଜାରାଇଁ ତାରିତଲେ ସିନିକିହାନା ଏଲେଇଚେସି, “ଇଦି ମାଣସିକି ଆଡ଼ାଆଗାଟାୟି, ସାମା ମାହାପୁରୁକି ଆସ୍; ଇତିହ୍ ମାହାପୁରୁ ବାରେ କିହାଲି ଆଡ଼ିନେସି ।”

୨୮ ପିତର ଏଞ୍ଜାଣାଇଁ ଏଲେଇଚେସି, “ମେହ୍‌ମୁ ମାମ୍ବୁ ବାରେ ପିସାନା ନୀ ଜେତ ଝାହାମାନମି ।”

୨୯ ଜୀସୁ ଏଲେଇଚେସି, “ନାନୁ ମିଜେ ସାତା ଝେସିମାଞ୍ଜାଇଁ, ଆମିନି ଲକ୍ଷୁ ନା ନେହ୍ କାବୁତାକି ଇଲ୍ଲୁ କି ତାୟିକି ତାଞ୍ଜି କି ତାଲି, ତାଞ୍ଜି, କକାରି ପଦାଁଣି କି ବୁମି ବାଡ଼ା ପିସାମାନେରି,

୩୦ ଅଡ଼େ ଇ କାଲାତା କସ୍ତ ବେଟାଆହ୍, ଝାଞ୍ଜା ଗୁଣୁତି ଇଲ୍ଲୁକା, ତାୟି, ତାଞ୍ଜି, ତାଲି ତାଞ୍ଜି, କକାରି ପଦାୟାଁ ଅଡ଼େ ବୁମି ବାଡ଼ା, ଇଞ୍ଜା ଖାନ୍ତି ଜୁଗୁତା କାଲାକାଲାତି ଜୀସୁ ବେଟାଆଅସି, ଇଲେତି ଲକ୍ଷୁ ଆମ୍ବାଆସି ହିଲଅସି ।

୩୧ *ସାମା ନକିତା ମାନି ହାଚେକା ଲକ୍ଷୁ ତାୟୁ ଆନେରି, ଇଞ୍ଜା ତାୟୁ ମାନି ହାଚେକା ଲକ୍ଷୁ ନକିନେରି ।”

* ୧୦:୧୧ ମାତି ୫:୩୨; ୧କର ୭:୧୦,୧୧ * ୧୦:୧୫ ମାତି ୧୮:୩ * ୧୦:୩୧ ମାତି ୨୦:୧୭; ଲୁକ ୧୩:୩୦

ଜୀସୁ ତାନି ପାଲି ତାନି ହାନି କାତା ଖେହ୍ନାୟି

(ମାତି ୨୦:୧୭-୧୯; ଲୁକ ୧୮:୩୧-୩୪)

୩୨ ଏଞ୍ଜାରି ଜିରୁସାଲମତା ହାଜିମାତାଟି ଜିରୁତା ମାଚେରି ଇଞ୍ଜା ଜୀସୁ ଏଞ୍ଜାରି ନକି ନକିତା ହାଜିମାଚେସି, ଅଡ଼େ ଏଞ୍ଜାରି କାବାଆହାନା ତାୟୁ ଖାହିମାନି ଲକୁ ଆଜାମାଚେରି, ଇଞ୍ଜା ଏଞ୍ଜାସି ଖେଣ୍ଡେ ବାଟଜାଣାତି ଏଟକା କିହାନା ତାଜେତାକି ଏନା ଏନାୟି ଆହାଲି ହାଜିମାନେ, ଏ ବାରେ ଏଞ୍ଜାରାଇଁ ଖେସାଲି ମାଟ୍‌ହେସି ।

୩୩ ଜୀସୁ ଏଲେଇଚେସି, “ମେହ୍‌ଦୁ ମାରୁ ଜିରୁସାଲମତା ହାଜିମାନାୟି; ମାଣ୍‌ସି ମୀର୍‌ଏସି କାଜା ପୂଜେରାଜା ଅଡ଼େ ମୋରାପୁନାରି କେୟୁତା ହେରପିଆଚେନସି, ଅଡ଼େ ଏଞ୍ଜାରି ଏଞ୍ଜାଣାଇଁ ହାନି ତଣ୍ଡ ହାହାନା ଏଟକା କୁଡ଼ାତାରି କେୟୁତା ହେରପିଚେନି,

୩୪ ଇଞ୍ଜା ଏଞ୍ଜାରି ଏଞ୍ଜାଣାଇଁ କିଜୁଞ୍ଜି କିନେରି, ଏଞ୍ଜାଣିଲାକ ହୁପିନେରି, ଏଞ୍ଜାଣାଇଁ ସାଟ୍‌ଣି ତଲେ ଖେନେରି, ଇଞ୍ଜା ପାୟିନେରି, ଅଡ଼େ ତାନି ଦିନାଟିଏ ଖେଣ୍ଡେ ନିଜିନେସି ।”

ଜାକୁବ ଅଡ଼େ ଜହନ ବାତିମାଲିନାୟି

(ମାତି ୨୦:୨୦-୨୮)

୩୫ ତାୟୁ ଜେବଦି ମୀର୍‌କା ଜାକୁବ ଅଡ଼େ ଜହନ ଜୀସୁ ତାଣା ଖାହାନା ଏଲେଇଚେରି, “ଏ ଗୁରୁ ମା ଅଣପୁ ମାମୁ ନୁୀ ତାଣାଟି ଏନାଆଁ ରାହନମି ଏନାଆଁ ମା ତାକି ନୀନୁ କିମୁ ।”

୩୬ ଇଞ୍ଜା ଜୀସୁ ଏଞ୍ଜାରାଇଁ ଖେଚେସି, “ନୀନୁ ମୀ ତାକି ଏନାଆଁ କିଇଁ ଇଞ୍ଜା ମୀରୁ ଅଣ୍‌ପିମାଖେରି ?”

୩୭ ଏଞ୍ଜାରି ଏଞ୍ଜାରାଇଁ ଏଲେଇଚେରି, “ନୀନୁ ଗାଞ୍ଜୁରମିଗାଟି ରାଜିତା କୁଗିସାରେ ଏନିକି ମା ବିତ୍ରାଟି ରଅତମି ନୀ ଚିନି ଚଟ ଅଡ଼େ ରଅତମି ନୀ ଚେଟି ଚଟ କୁଗିନମି ଇ ବର ମାଜେ ହିୟାମୁ ।”

୩୮ ଏସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଏନାଆଁ ରାସିମାଖେରି ଏନାଆଁ ପୁଞ୍ଜାହିଲଅଡେରି । ନୀନୁ ଆମିନି ସଲ୍ଲାତା ଗସିମାଇଁ, ଏସାଆଁ ମୀରୁ ଗସାଲି ଆଡ଼ିଦେରି ? ଇଞ୍ଜା ନୀନୁ ଆମିନି ବାପ୍ତିସ୍ତା* ବାପ୍ତିସ୍ତା* ଅହିମାଇଁ ଏସାଆଁ ମୀରୁ ବାପ୍ତିସ୍ତା* ଆହାଲି ଆଡ଼ିଦେରି ?”

୩୯ ଏଞ୍ଜାରି ଏଲେଇଚେରି, “ଆଡ଼ିନମି ।”

ଜୀସୁ ଏଞ୍ଜାରାଇଁ ଏଲେଇଚେସି, “ନୀନୁ ଆମିନି ସଲ୍ଲାତା ଗସିମାଇଁ ଏସାଆଁ ଗସାଲି ଆଡ଼ିଦେରି, ଇଞ୍ଜା ନୀନୁ ଆମିନି ବାପ୍ତିସ୍ତା* ବାପ୍ତିସ୍ତା* ଆହିମାଇଁ ମୀରୁ ଏସାଆଁ ବାପ୍ତିସ୍ତା* ଆଡ଼େରି;

୪୦ ସାମା ନା ଚିନି ଅଡ଼େ ଚେଟିଖାକି କୁଗାଲି ହାହାଲି ନା ଅଦିକାରାତି କାତା ଆଏ, ଆସାଆରାକି ମାହାପୁରୁ ତାୟୁ କେପାମାନେସି ଏଞ୍ଜାରି କୁଗିନେରି ।”

୪୧ ଏଟକାତି ଦସ ଜାଣା ଇଦାଆଁ ଖେଞ୍ଜାନା ଜାକୁବ ଅଡ଼େ ଜହନଇଁ କାରବି ଆହାଲି ମାଟ୍‌ହେରି ।

୪୨ ଏସାଟିଏ ଜୀସୁ ଏଞ୍ଜାରାଇଁ ତାଗେ ହାଟାନା ଏଲେଇଚେସି, “ଆମିନି ଗାଟାରି ଏଟକା କୁଡ଼ାତି ସାଲ୍‌ଖି କିନାରି ଲେହେଁ ଆହାମାନେରି, ଏଞ୍ଜାରି ଲାକ ସାଲ୍‌ଖି କିନେରି, ଅଡ଼େ ଏଞ୍ଜାରି କାଜାପାଣା ଗାଟାରି ଏଞ୍ଜାରି ମୁହେଁ ସାଲ୍‌ଖି କିନେରି, ଇଦାଆଁ ମୀରୁ ପୁଞ୍ଜୁ ।

୪୩ ଏସାମା ମୀ ବିତ୍ରା ଏଲେଇଚେଁ ଆଏ; ସାମା ମୀ ବିତ୍ରା ଆସାଆସି କାଜାସି ଆହାଲି ମନ କିନେସି, ଏଞ୍ଜାସି ମୀ ସେବା କିପେସି,

୪୪ ଅଡ଼େ ମୀ ବିତ୍ରା ଆସାଆସି କାଜାସି ଆହାଲି ମନ କିନେସି, ଏଞ୍ଜାସି ବାରେତି ହଲେଏସି ଆଡେପି ।

୪୫ ଇଚିହଁ ମାଣ୍‌ସି ମୀର୍‌ଏସି ଜିକେଏ ସେବା ବେଟାଆହାଲି ଖାହାହିଲଅସି, ସାମା ସେବା କିହାଲି ଇଞ୍ଜା ହାରେକା ଲକୁଣି ପାପୁଟି ପିସିପି କିହାଲିତାକି ତାନି ଜୀଞ୍ଜୁ ହାହାଲି ଖାହାମାନେସି ।”

ଜୀସୁ ବାଟି ମୟ କାଣାଇଁ ନେହଁ କିନାୟି

(ମାତି ୨୦:୨୯-୩୪; ଲୁକ ୧୮:୩୫-୪୩)

୪୬ ତାୟୁ ଏଞ୍ଜାରି ଜିରିହତା ଏଗାଚେରି, ଅଡ଼େ ଏଞ୍ଜାସି ତାନି ସୀସୁୟାଁ ଇଞ୍ଜା ମାନ୍ଦା ଲକୁତଲେ ଜିରିହତି ହାଜିମାନି ବେଲାତା ଚିମାୟ ମୀର୍‌ଏସି ବାଟି ମୟ ଦରୁଗାଟି ର କାଣା, ରାସପାଲି ଜିରୁ ଦାରିତା କୁଗାମାଚେସି ।

୪୭ ଏଞ୍ଜାସି ନାଜୁରିତତି ଜୀସୁ, ଇମ୍‌ପାଟି ହାଜିମାନେସି ଇଞ୍ଜା ଖେଞ୍ଜାନା ଏଞ୍ଜାସି କାଜା ଗିୟାତଲେ ଏଲେଇଚେସି, “ଏ ଦାଞ୍ଜୁଦ ମୀର୍‌ଏଶାତି ଜୀସୁ ନାଜେ କାର୍ମା ମେସାମୁ ।”

* ୧୦:୩୮ ଲୁକ ୧୭:୫୦ * ୧୦:୩୮ ମୁଞ୍ଜିନାୟି † ୧୦:୩୮ ମୁଞ୍ଜିନାୟି ‡ ୧୦:୩୮ ମୁଞ୍ଜିନାୟି § ୧୦:୩୯ ମୁଞ୍ଜିନାୟି * ୧୦:୩୯ ମୁଞ୍ଜିନାୟି † ୧୦:୩୯ ମୁଞ୍ଜିନାୟି * ୧୦:୪୨ ଲୁକ ୨୨:୨୫,୨୬ * ୧୦:୪୩ ମାତି ୨୩:୧୧; ମାର୍ଚ୍ଚ ୯:୩୫; ଲୁକ ୨୨:୨୭

୪୮ ଏମ୍ବାରିଏ ହାରେକା ଲକ୍ଷ୍ମ ଏଞ୍ଜାଣାକ୍ ପାଲେଏ ଆହାଲି ଦାକା ହୀତେରି, ସାମା ଏଞ୍ଜାସି ଅଡ଼େ କାଜା ହାଡ଼ାତଲେ ଏଲେଇଚେସି, “ଏ ଦାଞ୍ଜୁଦ ମୀରଏଣାତି ଜୀସୁ ନାଜେ କାର୍ମା ମେସ୍ତାମ୍ ।”

୪୯ ଏମ୍ବାରିଏ ଜୀସୁ ନିଚାନା ଏଲେଇଚେସି, “ଏଞ୍ଜାଣାକ୍ ହାଡ଼ାଦୁ ।” ଏଞ୍ଜାରି ଏ କାଣାକ୍ ହାଡ଼ାନା ଏଲେଇଚେରି, “ସାସା ଆହାନା ନିଜାମ୍, ଏଞ୍ଜାସି ନିଜେ ହାଡ଼ିମାଞ୍ଜାନେସି ।”

୫୦ ଏମ୍ବାରିଏ ଏଞ୍ଜାସି ନିଜାମା ତାନି ହିମ୍ବରି କୁତାନା ଜୀସୁ ତାଣା ଖାଡ଼େସି ।

୫୧ ଜୀସୁ ଏଞ୍ଜାଣାକ୍ ଏଲେଇଚେସି, “ନାନୁ ନିଜେତାକି ଏନାଆଁ କିଇଁ ଇଞ୍ଜୁଁ ନୀନୁ ଆଣ୍ଡିମାଞ୍ଜି ?” ଏ କାଣା ଏଞ୍ଜାଣାକ୍ ଏଲେଇଚେସି, “ଏ ଗୁରୁ ନାନୁ ଏନିକ୍ ମେସାଲି ଆଡ଼ିଇଁ ।”

୫୨ ଜୀସୁ ଏଞ୍ଜାଣାକ୍ ଏଲେଇଚେସି, “ହାଲୀମ୍ ନୀ ନାମୁ ନିଜେ ନେହଁ କିୟାତେ ।” ଏ ଦେବୁଣିଏ ଏଞ୍ଜାସି ମେସାଲି ଆଡ଼ିଚେସି, ଇଞ୍ଜା ଏଞ୍ଜାରି ଢେଡ଼ ଢେଡ଼ ହାଡ଼େସି ।

୧୧

ଜୀସୁ ଜିରୁସାଲମତା ହଡ଼ନାୟି

(ମାତି ୨୧:୧-୧୧; ଲୁକ ୧୯:୨୮-୪୦; ଜହ ୧୨:୧୨-୧୯)

୧ ଏଚିରେଲା ଏଞ୍ଜାରି ଜିରୁସାଲମ ତାଗେ ଆହାନା ଜୀତ ହରୁ ତାଗେ ବେଡ଼ପାରି ଇଞ୍ଜା ବେଡ଼ନିୟାଁ ତାଗେ ଖାଡ଼େରି, ଏଚିରେଲା ଏଞ୍ଜାସି ତାନି ସୀସୁୟାଁ ବିତ୍ରାଟି ରିଆରାକ୍ ଇ କାତା ଖେସା ପାଣ୍ଡିଚେସି,

୨ “ମୀ ନକିତା ମାନି ଏ ନାୟୁତା ହାଜୁ; ଏ ନାୟୁତା ହଡ଼ଞ୍ଜିଏ ଆମିନି ଲାକ ଆମ୍ବାଆରି ଏଚେଲା ହଡ଼ା ହିଲଅରି ଇଲେତି ର ଗାଡ଼ଦେ ତାଲୁତି ଦସାମାନାଣି ମେହଦେରି; ଏଦାନି ହୁକହାନା ତାଦୁ ।

୩ ଅଡ଼େ ଆମ୍ବାଆସି ଏନାଆଁ କିହିମାଞ୍ଜେରି ଇଞ୍ଜୁଁ ମିଜେ ଖେଞ୍ଜାନେସି, ଆତିହଁ ଏଲେଇଞ୍ଜୁ, ଇଦାଣି ତାଣା ମା ପ୍ରବୁକି ଲଡ଼ାମାନେ, ଅଡ଼େ ଖେଣ୍ଡେ ଇଦାଣି ଖେଡ଼ାକିଆନା ପାଣ୍ଡାନେସି ।”

୪ ଏଞ୍ଜାରି ହାଜାନା ଦୁଖେରିଦାରି ଆଂଗେଣିତା ର ଗାଡ଼ଦେ ତାଲୁତି ଦସାମାନାଣି ମେସାମା ଏଦାଣି ହୁକହେରି,

୫ ଏମ୍ବାରିଏ ଏମ୍ବାଆଁ ନିଚାମାଟି ଲକ୍ଷ୍ମ ବିତ୍ରାଟି ଏଚରଜାଣା ଖେଚେରି, “ଗାଡ଼ଦେ ତାଲୁତି ପିସାନା ଏନାଆଁ କିହିମାଞ୍ଜେରି ?”

୬ ଜୀସୁ ଏନିକ୍ ଖେସାମାଚେସି, ଏଞ୍ଜାରି ଏଲେକ୍ ଏଞ୍ଜାରାକ୍ ଏଲେଇଚେରି; ଏମ୍ବାରିଏ ଏଞ୍ଜାରି ଏଞ୍ଜାରାକ୍ ହେଲ ହାଡ଼େରି ।

୭ ଜୀସୁ ନକିତା ଗାଡ଼ଦେ ତାଲୁତି ତାଚାନା ଏଞ୍ଜାରି ଏଦାଣି ଲାକ ତାନି ହିମ୍ବରିକା ପାସ୍ତେରି, ଅଡ଼େ ଜୀସୁ ଏଦାନିଲେକ କୁରିଚେସି ।

୮ ଅଡ଼େ ହାଡ଼ରକା ଜିରୁତା ତାନି ହିମ୍ବରିକା ପାସ୍ତେରି ଅଡ଼େ ଏଚକାତାରି ଜାଡ଼ାତି ଗଟାୟାଁ ଚୁଣ୍ଡା ତାଚାନା ପାସ୍ତେରି ।

୯ ଇଞ୍ଜା ନକିତା ତାୟୁଖାକି ହାଜିମାନି ଲକ୍ଷ୍ମ କାଜା ହାଡ଼ାତଲେ ଏଲେଇଚେରି, “ହସାନା ମାହାପୁରୁ ଦରୁତି ଆମ୍ବାଆସି ଖାହିମାନେସି, ଏଞ୍ଜାସି ନେହାଁସି ।

୧୦ ମା ଆକୁ ଦାଞ୍ଜୁଦତି ଆମିନି ରାଜି ଖାହିମାନେ, ଏଡ଼ି ଜହରା, ଲାକପୁରୁତି ହସାନା ।”

୧୧ ତାୟୁ ଜୀସୁ ଜିରୁସାଲମତା ଖାହାନା ମାହାପୁରୁ ଇଲୁତା ହାଡ଼େସି, ଇଞ୍ଜା ସାରିଖାକି ମାନାଣି ବାରେ ସିନିକିହାନା ମିଡ଼ଅଲା ଆହାଲିଏ ବାରଜାଣା ସୀସୁୟାଁ ତଲେ ବେଡ଼ନିୟାଁତା ହାଡ଼େସି ।

ଜୀସୁ ତୟା ମାରୁନୁତି ବାକା ଇଚିନାୟି

(ମାତି ୨୧:୧୮-୧୯)

୧୨ ତାନି ଅର ଦିନା ବେଡ଼ନିୟାଁଟି ଖାହିମାଚାଟି ଜୀସୁ ହାକି ଆଡ଼େସି;

୧୩ ଇଞ୍ଜା ହେକଟି ଆକା ମାନି ର ତୟା ମାରୁନୁତି ଆକା ମେସାମା ଏମ୍ବାଆଁ ପାଡ଼େୟି ବେଗାଆନି ଆସା ତଲେ ତାଗେ ହାଡ଼େସି । ସାମା ତାଗେ ଖାହାନା ଏଞ୍ଜାସି ଆକା ପିସ୍ତେ ଅଡ଼େ ଏନାଆଁ ପ୍ଲାଞ୍ଜାଆଚେସି, ଇଚିହଁ ଏଡ଼ି ତୟା ଆୟିନି ଖେଡ଼ା ହିଲାଆଡ଼େ ।

୧୪ ଏମ୍ବାରିଏ ଜୀସୁ ଏଦାଣି ଏଲେଇଚେସି, “ନୀ ପାଡ଼େୟି ଲକ୍ଷ୍ମ ଏଚେଲା ତିନାଆପେରି ।” ଏଞ୍ଜାଣି କାତା ତାନି ସୀସୁୟାଁ ଖେଞ୍ଜାମାଚେରି ।

ଜୀସୁ ମାହାପୁରୁ ଇଲୁତା ହାନାୟି

(ମାତି ୨୧:୧୨-୧୭; ଲୁକ ୧୯:୪୫-୪୮; ଜହ ୨:୧୩-୨୨)

୧୫ ତାମ୍ଭୁ ଏଞ୍ଜାରି ଜିରୁସାଲମତା ଖାତେରି, ଅଡ଼େ ଜୀସୁ ମାହାପୁରୁ ଇଲୁତା ହଡ଼ାନା ଏ ଚାମୁତା ବେବାରା କିହିମାଟି ଲକୁଣି ପାଙ୍ଗାତା ପେଡ଼ହାଲି ମାଟ୍‌ହେସି, ଇଞ୍ଜା ଟାକାୟାଁ ବେବାରା ଗାଗାରି କୁଚର୍‌ୟାଁ ଅଡ଼େ ପଟାୟାଁ ବେବାରା କୁଚର୍‌ୟାଁ ତିରିମ୍ବିପ୍‌ହେସି ।

୧୬ ଇଞ୍ଜା ପ୍ରାଡ଼ାନା ଇଲୁ ବିଦ୍ରାଟି ଆମ୍ବାଆରାକି ଏନାଆଁ ଅହାଲି ତାଚାଲି ହେଲ ହାଆତେସି,

୧୭ ତାମ୍ଭୁ ଜୀସୁ ଏଞ୍ଜାରାଇଁ ଜାପୁହିର୍‌ ଏଲେଇଚେସି, “ଦାମ୍ବୁ ପତିତା ରାସ୍‌କି ଆହାମାନେ, ନା ଇଲୁ ବାରେ କୁଡ଼ାତି ଲକୁଡାକି ପ୍ରାଡ଼ାନା ଇଲୁ ଇଞ୍ଜାଁ ଝେଙ୍ଗିନେ ? ସାମା ମାରୁ ଏଦାଆଁ ତଂଗାୟାଁ ପାଞ୍ଜୁ କିହାମାଞ୍ଜେରି ।”

୧୮ ଇ କାତା ଝେଞ୍ଜାନା କାଜା ପୁଜେରାଙ୍ଗା ଅଡ଼େ ମୋରାପୁନାରି ଏଞ୍ଜାଣାଇଁ ଏନିକ୍‌ ନାସା କିହାଲି ଆଡ଼ିନେରି, ଏଦାଆଁ ପାରୁ ପାରାଲି ମାଟ୍‌ହେରି: ଇତିହର୍‌ ଲକୁ ଏଞ୍ଜାଣି ଜାପୁନି ତାଣା କାବା ଆହିମାଟାକି ଏଞ୍ଜାରି ଏଞ୍ଜାଣାଇଁ ଆଜିମାଚେରି ।

୧୯ ଏ ଦିନା ମିଡ଼ଅଲ୍‌ ବେଲା ଜୀସୁ ଅଡ଼େ ସୀସୁୟାଁ ଗାଡ଼ାଟି ହାଚେରି ।

ଖାୟିତି ତୟା ମାରୁନୁତି ଜାପିନାୟି

(ମାତି ୨୧:୨୦-୨୨)

୨୦ ଅର ଦିନା ଲାଲ୍‌ଏ ଏ ଜିରୁତି ହାଜିମାଟାଟି ଏଞ୍ଜାରି ତୟା ମାରୁନୁ ତାକିଟିଏ ଖାୟିତାଣି ମେସ୍ତେରି ।

୨୧ ଏମାଟିଏ ପିତର ତଲିତି କାତା ଅଣ୍ଡପାନା ଏଲେଇଚେସି, “ଏ ଗୁରୁ ମେହମୁ ନୀନୁ ଆମିନି ତୟା ମାରୁନୁତି ବାକା ହାହାମାଟି ଏଦି ଖାୟାହାଚେୟିଏ ।”

୨୨ ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ତାଣା ନାମାଦୁ ।

୨୩ *ନୀନୁ ମିଙ୍ଗେ ସାତା ଝେସିମାଞ୍ଜାଇଁ, ଆମ୍ବାଆସି ଇ ହରୁତି ନୀନୁ ନିଙ୍ଗାନା ସାମ୍‌ଡୁରିତା ତରଗାମୁ ଇନେସି, ଇଞ୍ଜା ତାନି ହିୟାତା ଆନାମାନା ଆଆନା, ଏନାଆଁ ଜଲିମାଇଁ ଏଦି ଆନେ ଇଞ୍ଜାଁ ନାମିନେସି, ଏଞ୍ଜାଣାକି ଏଦି ଆନେ ।

୨୪ ଏଦାଆଁତାକି ନୀନୁ ମିଙ୍ଗେ ଝେସିମାଞ୍ଜାଇଁ, ମାରୁ ଏନାଆଁ ପ୍ରାଡ଼ାନା କିଦେରି ଅଡ଼େ ରାହ୍‌ଦେରି, ଏ ବାରେ ମିଙ୍ଗେ ମେଡ଼ା ଆୟାତେ ଇଞ୍ଜାଁ ନାମାଦୁ, ଏଚେଟିଏ ଏ ବାରେ ସାତେଏ ବେଟାଆଦେରି ।

୨୫ *ଇଞ୍ଜାଁ ମାରୁ ଆମିନି ବେଲାତା ପ୍ରାଡ଼ାନା କିହାଲି ନିଦେରି, ଇଞ୍ଜାଁ ଆମ୍ବାଆରି କପାଟି ଏଦି କାତା ମାଟିହର୍‌, ଏଞ୍ଜାଣି ପାପୁ ମେକ୍‌କଦୁ, ଏନିକ୍‌ ମୀ ଲାକପୁରୁତି ଆବା ଜିକେଏ ମୀ ପାପୁତି ମେକ୍‌ହାନ୍‌ନେସି ।

୨୬ ସାମା ମାରୁ ଏଞ୍ଜାଣି ପାପୁ ମେକ୍‌ଅଚେରି, ଆତିହର୍‌ ମୀ ଲାକପୁରୁତି ଆବା ଜିକେଏ ମୀ ବାରେ ପାପୁତି ମେକ୍‌ହଅସି ।”*

ଜୀସୁତି ଅଦିକାରା

(ମାତି ୨୧:୨୩-୨୬; ଲୁକ ୨୦:୧-୮)

୨୭ ତାମ୍ଭୁ ଏଞ୍ଜାରି ଅଡ଼େ ଝେଣ୍ଡେ ଜିରୁସାଲମତା ଖାତେରି; ଇଞ୍ଜାଁ ଏଞ୍ଜାସି ପ୍ରାଡ଼ାନା ଇଲୁତା ହଡ଼ିମାଟି ବେଲାତା କାଜା ପୁଜେରାଙ୍ଗା ମୋରାପୁନାରି ଇଞ୍ଜାଁ ପ୍ରାଟିନାଙ୍ଗା ଏଞ୍ଜାଣି ତାଣା ଖାହାନା ଝେଚେରି,

୨୮ “ନୀନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି ? ଇଞ୍ଜାଁ ଇ ବାରେ କିହାଲି ଆମ୍ବାଆସି ଇ ଅଦିକାରା ହିୟାଚେସି ?”

୨୯ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ନୀନୁ ମିଙ୍ଗେ ର କାତା ଝେଞ୍ଜାଇଁ, ନାଙ୍ଗେ ଝେସ୍ତାଦୁ, ଆତିହର୍‌ ନୀନୁ ଆମିନି ଅଦିକାରା ତଲେ କିହିମାଇଁ, ଏଦାଆଁ ମିଙ୍ଗେ ଝେସ୍ତାୟାଁ ।

୩୦ ଜହନତି ବାପ୍ତିସ୍ତାଁ ଲାକପୁରୁତି କି ମାଣ୍‌ସିୟାଁ ତାଣାଟି ଆହାମାଚେ ? ଏଦାଆଁ ନାଙ୍ଗେ ଝେସ୍ତାଦୁ ।”

୩୧ ଏଚେଟିଏ ଏଞ୍ଜାରି ତାମ୍ଭୁ ତ୍ତାମ୍ଭୁସୁ କାତା ଆହାଲି ମାଟ୍‌ହେରି, “ଲାକପୁରୁତି ଇନାୟି, ଆତିହର୍‌ ଏଞ୍ଜାସି ଏଲେଇଞ୍ଜାନେସି ମାରୁ ଏନାଆଁତାକି ଏଞ୍ଜାଣାଇଁ ନାମାଆଚେରି ?

୩୨ ଅଡ଼େ ମାଣ୍‌ସି ତାଣାଟି ଇନାୟି, ଏଞ୍ଜାରି ଲକୁଣି ଆଜିମାଚେରି; ଇତିହର୍‌ ବାରେଜାଣା ଜହନ ସାତା ମାହାପୁରୁ ଅଣ୍ଡପୁତି ବଲୁ ଝେହ୍‌ନାସି ଇଞ୍ଜାଁ ମାନଞ୍ଜି ଆହିମାଚେରି ।”

୩୩ ଏଦାଆଁତାକି ଜୀସୁଇଁ ଏଞ୍ଜାରି ଏଲେଇଚେସି, “ମାମୁ ପୁଞ୍ଜାହିଲଅମି ।” ଜୀସୁ ଏଞ୍ଜାରାଇଁ ଏଲେଇଚେସି, “ନୀନୁ ଆମିନି ଅଦିକାରା ତଲେ କିହିମାଇଁ ଏଦାଆଁ ନୀନୁ ଜିକେଏ ମିଙ୍ଗେ ଝେସ୍ତାୟାଁ ।”

* ୧୧:୨୩ ମାତି ୧୭:୨୦; ୧କର ୧୩:୨ * ୧୧:୨୫ ମାତି ୬:୧୪, ୧୫ * ୧୧:୨୬ କଚେକା ସାପ୍ତେରିତା ଇ କାତା ରାସ୍‌କି ଆହାହିଲେଏ । † ୧୧:୩୦ ମୁଞ୍ଜିନାୟି

୧୨

ଅଙ୍ଗୁରି ବାଡ଼ାତା ଲାଗେଏତି ବାଗା କାମାକିନାରି

(ମାତି ୨୧:୩୩-୪୬; ଲୁକ ୨୦:୯-୧୯)

୧ ଏମ୍ବାଟିଏ ଏଝାସି ଏଝାରାଇଁ ପୁଣ୍ଡିକିନି କାତାତଲେ ଝେସାଲି ମାଟ୍‌ହେସି, “ରଅସି ର ଅଙ୍ଗୁରି ବାଡ଼ା କିହାନା ବାଡ଼ା ସାରିଝାକି ବେୟ୍ ଗୁରତେସି, ଇଞ୍ଜା ଅଙ୍ଗୁରି ପାଡ଼େୟି ପାଗାଲି ର ଗାଡ଼ୁୟୁ କାରହାନା ଏମ୍ବାଆଁ କାଃଆନାରାକି କାଃଆନି ଇଲୁ କେପିତେସି, ଇଞ୍ଜା କାମା କିନାରାକି ଏ ବାଡ଼ା ବାଗା ହୀହାନା ହେକ ବାକି ହାଚେସି ।

୨ ତାୟୁ କାମାକିନାରି ତାଣାଟି ଅଙ୍ଗୁରି ବାଡ଼ାତି ପାଡ଼େୟି ବାଗା ବେଟାଆହାଲି ଏଝାସି ର ହଲେଏଶାଇଁ ପାଡ଼େୟି କାମ୍ବିନିଝେଡ଼ା ଏଝାରିତାଣା ପାଣ୍ଡିତେସି ।

୩ ସାମା ଏଝାସି ଏଝାଶାଇଁ ଆସାନା ଝେତେରି ଇଞ୍ଜା ଝାରଇ କେୟୁଟି ପାଣ୍ଡିତେରି ।

୪ ଏଝାସି ଅଡ଼େ ଏଝାରିତାଣା ଅଡ଼େ ର ହଲେଏଶାଇଁ ପାଣ୍ଡିତେସି; ଏଝାରି ଏଝାଶାଇଁ ଜିକେଏ ତାୟୁ ତାୟେ ଝେଚାନା ହାଣି କିତେରି ।

୫ ଏଝାସି ଅଡ଼େ ରଅଶାଇଁ ପାଣ୍ଡିତେସି; ଏଝାରି ଏଝାଶାଇଁ ଜିକେଏ ପାୟିତେରି, ଏମ୍ବାଟିଏ ଏଝାସି ଅଡ଼େ ହାଚେକା ଜାଣାତି ପାଣ୍ଡିତେସି; ଏଝାରି ବିତ୍ରାତି ଏଚରଜାଣାତି ଝେତେରି ଇଞ୍ଜା ଏଚରଜାଣାତି ପାୟିତେରି ।

୬ ତାନି ତାଣା ରଅସିଏ ଡ଼ୟିତେସି, ଏଝାସି ତାନି ଜୀଝୁତି ମୀରଏସି, ତାୟୁ ଅଣ୍ଡିପିତେସି ଏଝାରି ନା ମୀରଏଶାଇଁ ମାନି କିନେରି’ ଇଞ୍ଜା ଏଝାସି ଏଝାଶାଇଁ ପାଣ୍ଡିତେସି ।

୭ ସାମା ଏ କାମାକିନାରି ତାୟୁ ତାୟୁ କ୍ରାତା ଆଡ଼େରି, ‘ଇଝାସିତ ଅଦିକାରା ଗାଗାସି, ଝାଦୁ ଇଝାଶାଇଁ ପାୟିନ; ଆତିହ୍ ବାଡ଼ାତି ଅଦିକାରା ମାଦି ଆନେ ।’

୮ ଏମ୍ବାଟିଏ ଏଝାରି ଏଝାଶାଇଁ ଆସାନା ପାୟିତେରି ଇଞ୍ଜା ଅଙ୍ଗୁରି ବାଡ଼ାତି ପାଞ୍ଜାତା ମେଡ଼ହାଡ଼ୁସ୍ତେରି ।”

୯ ଜୀସୁ ଏଝାରାଇଁ ଝେଚେସି, “ଝେସ୍ତାଦୁ, ଇଦାଆଁ ତାୟୁ ଏ ଅଙ୍ଗୁରି ବାଡ଼ାତି ସାଝୁକାରି ଏନାଆଁ କିନେସି ? ଏଝାସି ଝାହାନା କାମା କିନାରାଇଁ ନାସା କିନେସି ଇଞ୍ଜା ଏଚକାତି କାମା କିନାରାକି ଏ ଅଙ୍ଗୁରି ବାଡ଼ା ହୀନେସି ।

୧୦ ମୀରୁ ଦାମ୍ବୁ ପତିତା ଇ କାତା ପଡ଼ଝି ଆହାହିଲଅତେରି ?

ଇଲୁ କେପିନାରି ଆମିନି ଝାଲିତି ମିଶ୍‌ଏ ଇଞ୍ଜା ଅପାଆତେରି,

ଏଦିଏ ଇଲୁଟି ମୁଲୁ ଝାଲି ଆଡ଼େ ।

୧୧ ମାହାପୁରୁ ତାଣାଟି ଇଦି ଆଡ଼େ,

ଇଞ୍ଜା ଏଦି ମା କାନୁତାକି ର କାବା ଆନାୟି ।”

୧୨ ଏଚେଟିଏ ଜୀହୁଦି ଲକୁତି କାଜାରି ଏଝାଶାଇଁ ଆସାଲି ଅଣ୍ଡିପିମାଚେରି, ସାମା ଏଝାରି ଲକୁଣି ଆଜିତେରି; ଇଚିହ୍ ଏ ପୁଣ୍ଡିକିନି କାତା ଏଝାରାଇଁ ସିନିକିହାନା ଝେସିମାଚେସି ଇଞ୍ଜା ପୁଚେରି, ଇଞ୍ଜା ଏଝାରି ଏଝାଶାଇଁ ପିସାନା ହାଜାଡ଼ୁସ୍ତେରି ।

ସିସୁ ହୁାନାଣି ଝେନାୟି

(ମାତି ୨୨:୧୫-୨୨; ଲୁକ ୨୦:୨୦-୨୬)

୧୩ ତାୟୁ ଜୀସୁ କାତାତି ଦହ୍‌ଆସାଲି ତାକି ଏଝାରି ପାୟି ଅଡ଼େ ହେରଦ ଗିତିଏ ଚେକା ଲକୁଣି ଏଝାଣି ତାଣା ପାଣ୍ଡିତେରି ।

୧୪ ଏଝାରି ଝାହାନା ଏଝାଶାଇଁ ଏଲେଇଚେରି, “ଏ ଗୁରୁ ମାମ୍ବୁ ଗୁଞ୍ଜାମାନମି, ନୀନୁ ସାତା କାତା ଝେହନାତି ଅଡ଼େ ଆମ୍ବାଆରାଇଁ ଆଜାଆ ଗାଗାଟି; ଇଚିହ୍ ନୀନୁ ମାଣସିତି ମୁମ୍ବୁ ଚେସାନା ଜଲ୍‌ଆ ଗାଗାତି ଇଞ୍ଜା ସାତା ତଲେ ମାହାପୁରୁତି ଜିରୁ ଜାପ୍‌ନାତି, କାୟିସରକି ସିସୁ ହୁାନାୟି ମେରା କି ଆଏ, ମାମ୍ବୁ ହୁାନମି କି ଆଏ ?”

୧୫ ସାମା ଏଝାସି ଏଝାରି କାରବିତି ପୁଞ୍ଜାନା ଏଝାରାଇଁ ଏଲେଇଚେସି, “ଏନାଆଁତାକି ନାଜେ ତାୟିପାରି କିହିମାଞ୍ଜାଦେରି ? ର ଝେଣ୍ଡି ଚାକା ନା ତାଣା ତାଦୁ ନାନ୍ତୁ ଏଦାଆଁ ସିନିକିଲ୍ ।”

୧୬ ଏଚେଟିଏ ଏଝାରି ଏଦାଆଁ ତାତେରି, ଏଝାସି ଏଝାରାଇଁ ଝେଚେସି, “ଇ ବମା ଅଡ଼େ ଦରୁ ଆମ୍ବାଆରାଝାୟି ?” ଏଝାରି ଏଝାଶାଇଁ ଏଲେଇଚେରି, “କାୟିସରଝାୟି ।”

୧୭ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “କାୟିସରଝାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜା ମାହାପୁରୁଝାୟି ଏନାୟି ଏଦାଆଁ ମାହାପୁରୁକି ହୀଦୁ ।” ଏଚେଟିଏ ଏଝାରି ଏଝାଣି କାତାତାକି କାବା ଆଡ଼େରି ।

ସାଦୁକିୟାଁ ହାକିଚି ଖେଣ୍ଡେ ନିଜିନି କାତା ଖେନାୟି

(ମାତି ୨୨:୨୩-୩୩; ଲୁକ ୨୦:୨୭-୪୦)

୧୮ *ଏମାଟିଏ ହାକିଚି ଖେଣ୍ଡେ ନିଜିନାୟି ହିଲେଏ ଇଞ୍ଜିମାନି ସାଦୁକି ଲକୁ ଜୀସୁ ତାଣା ଖାହାନା ଖେଚେରି,

୧୯ “ଏ ଗୁରୁ ମସା ମାଙ୍ଗେତାକି ରାତାମାନେସି, ଇଚିହଁ ଆମ୍ବାଆରି ତାୟି ହାନ୍ଦେସି ଇଞ୍ଜାଁ ତାନି ତକ୍ତି ନୀତାମାନେ ଇଞ୍ଜାଁ ଏଦାନି ଏନି କକାରି ପଦାୟାଁ ହିଲାର ଆତିହଁ ତାନି ତାୟି ତାନି ତକ୍ତିନି ଇଟାନା ତାନି ତାୟିକ କୂଡ଼ା ଏପାକିନେସି ।

୨୦ ମେହମୁ ସାଡ଼ା ଜାଣା ତାୟିୟାଁ ମାଚେରି; କାଜାସି ର ଆୟାନି ବୀହା ଆଡ଼େସି, ଇଞ୍ଜାଁ କକାରି ପଦାଁ ଆଆନା ହାଡ଼େସି;

୨୧ ଏଝାଣି ଜେଚତାସି ଏ ଇୟାନି ଇଚିତେସି ଇଞ୍ଜାଁ କକାରି ପଦାଁ ଆଆନା ହାଡ଼େସି; ଅଡ଼େ ଜେଚତାସି ଏଲେକିତେସି,

୨୨ ଇଞ୍ଜାଁ ସାଡ଼ା ଜାଣା ଜିକେଏ କକାରି ପଦାଁ ଆଆନା ହାଡ଼େସି; ବାରେତି ତାୟୁ ଏ ଇୟା ଜିକେଏ ହାଡ଼େ ।

୨୩ ଖେଣ୍ଡେ ନିଜିନି ବେଲୀତା ଏଚିବେଲୀ ଏଝାରି ନିଜିନେରି, ଏଚିବେଲୀ ଏଝାରି ବିତ୍ରାଟି ଆମ୍ବାଆରି ତକ୍ତି ଆନେ ? ସାଡ଼ା ଜାଣା ଜିକେଏ ଇଟାମାଚେରି ।”

୨୪ ଜୀସୁ ଏଝାରାଇଁ ଏଲେକଚେସି, “ମିଙ୍ଗେ ହାରେକା ନାଡ଼ିକିନି ଅଣପୁ ମାନେ । ଦାମ୍ବୁ ସାସ୍ତେରି, ଇଞ୍ଜାଁ ମାହାପୁରୁତି ବାଡ଼ୁଡ଼ି କାତା ପୁଞ୍ଜାହିଲଅତେରି ।

୨୫ ଏନାଆଁତାକି ଇଚିହଁ ହାଡ଼ାରି ନିଜିତି ତାୟୁ ଲକୁ ବୀହା ଆଅରି କି ବୀହା ହାଅରି, ସାମା ଲାକପୁରୁତି ଦୂଡ଼ୁୟାଁଲେହେଁ ଡ଼ୟିନେରି ।

୨୬ ଇଞ୍ଜାଁ ହାଡ଼ାରି ନିଜିନେରି ଏ କାତାତି ମୀରୁ ମସା ରାଡ଼ିତି ପତିତା ଖେହିମାନି ବୃଗାତି କାକୁ ପଡ଼ଝି ଆହାହିଲଅତେରି କି ? ମାହାପୁରୁ ଏନିକଁ ଏଲେଇଞ୍ଜା ମାନେସି, ‘ନାନୁ ଅବ୍ରାହାମତି ମାହାପୁରୁ, ଇସାହାକତି ମାହାପୁରୁ, ଅଡ଼େ ଜାକୁବତି ମାହାପୁରୁତେଏଁ ।’

୨୭ ଏଝାସି ହାଡ଼ାରି ମାହାପୁରୁ ଆଏ, ସାମା ଜୀଝୁଗାଗାରି ମାହାପୁରୁ ମୀରୁ ହାରେକା ନାଡ଼ିକିଝି ଆହାମାଞ୍ଜରି ।”

କାଜା ହୁକୁମି

(ମାତି ୨୨:୩୪-୪୦; ଲୁକ ୧୦:୨୫-୨୮)

୨୮ ଏଚିବେଲୀ ର ମୋରା ଜାପୁନାସି ତାଗେ ଖାହାନା ଏଝାରି ବାଡ଼ିବାଡ଼ା ଆହିମାଚାଣି ଖେଞ୍ଜାନା ଅଡ଼େ ଜୀସୁ ସାଦୁକି ଲକୁଇଁ ସମାନା କାତା ଖେଣ୍ଡେ ଖେସିମାଚାଣି ଖେଞ୍ଜାନା ଜୀସୁଇଁ ଖେଚେସି, “ଆମିନି ହୁକୁମି ଦାମ୍ବୁପତିତା ବାରେକିହାଁ କାଜାୟି ?”

୨୯ ଜୀସୁ ଏଲେକଚେସି, “କାଜା ହୁକୁମି ଇଦି ଏ ଇସ୍ରାୟେଲ ଖେଞ୍ଜୁ; ପୁରୁ ମା ମାହାପୁରୁ ରଣ୍ଡିଏ ପୁରୁ ମାନେସି;

୩୦ ଅଡ଼େ ନୀନୁ ନୀ ବାରେ ହିୟାଁ ବାରେ ଜୀଝୁ ମନ ହାହାନା ଅଡ଼େ ବାରେ ବାଡ଼ୁଡ଼ୁ ତଲେ ପୁରୁ ନୀ ମାହାପୁରୁଇଁ ଜୀଝୁ ନମୁ ।”

୩୧ ଅଡ଼େ ରଣ୍ଡି ଇଦି ନୀନୁ ନୀ ପାଡ଼ିତାଣାଇଁ ନୀ ଜାହାରାଲେହେଁ ଜୀଝୁ ନମୁ । ଇ ହୁକୁମିକା ପିସପେ ଅଡ଼େ ଆମିନି କାଜା ହୁକୁମି ହିଲେଏ ।

୩୨ ଏମାଟିଏ ଏ ମୋରା ପୁନାସି ଜୀସୁଇଁ ଏଲେକଚେସି, “ଏ ଗୁରୁ ଏଦି ସାତା ମାହାପୁରୁ ରଅସିଏ ଇଞ୍ଜାଁ ଏଝାଣି ପିସପେ ଅଡ଼େ ଆମ୍ବାଆସି ହିଲଅସି, ଏଦାଆଁ ନୀନୁ ନେହଁ କଁ ଖେସ୍ତାତି;

୩୩ ଇଞ୍ଜାଁ ବାରେ ହିୟାଁ, ବାରେ ବୁଦି, ବାରେ ବାଡ଼ୁଡ଼ୁ ହାହାନା ଏଝାଣାଇଁ ଜୀଝୁନନାୟି ଇଞ୍ଜାଁ ପାଡ଼ିତାଣାଇଁ ମା ଜାହାରାଲେହେଁ ଜୀଝୁନନାୟି ବାରେ ଜନ୍ତତି ପୂଜା ହାନି* କିହାଁ କାଜାୟି ।”

୩୪ *ଏଝାସି ବୁଦିତଲେ ଜଲ୍ଲାମାଞ୍ଜାନେସି ଇଞ୍ଜାଁ ମେସାନା ଜୀସୁ ଏଝାଣାଇଁ ଏଲେକଚେସି, “ମାହାପୁରୁତି ରାଜିତି ନୀନୁ ହେକ ହିଲଅତି । ଏଚେଟିଏ ଆମ୍ବାଆସି ଜୀସୁଇଁ ଏଦାଆଁ ଖେଞ୍ଜାଲି ସାସା କିଆତେସି ।”

ଜୀସୁ ଆମ୍ବାଆରି ମୀରୁଏସି

(ମାତି ୨୨:୪୧-୪୬; ଲୁକ ୨୦:୪୧-୪୪)

* ୧୨:୧୮ କାମା ୨୩:୮ * ୧୨:୩୩ ହେବପିନାୟି * ୧୨:୩୪ ଲୁକ ୧୦:୨୫-୨୮

୩୫ ସାମା ଜୀସୁ ପ୍ରାଚୀନା ଇଲୁତା ଜାପୁହି ମାଟିବେଲ୍ଲତା ଏଲେଇଚେସି, “କ୍ରୀସ୍ତ ଦାଝୁଦ ମାର୍ଚ୍ଚସସି, ଇଦାଆଁ ମେରାପୁନାରି ଏନିକ୍ ଏଲେଇନେରି ?

୩୬ ତାନୁଏ ଦାଝୁଦ ମାହାପୁରୁତି ସୁଦୁଜୀଝୁ ବେଟାଆହାନା ଝେସାମାଚେସି, ‘ପ୍ରବୁ ନା ପ୍ରବୁଇଁ ଏଲେଇଚେସି,

ନାନୁ ଏଚେ ପାତେକା ନୀ ସାତୁୟାଁଇଁ ନୀ କତାଁ ତୁଇ କିହାହିଲଅଁ,

ଏଚେ ପାତେକା ନା ଟିଃନିଝାକି କୁଗାମାନାମୁ ।’

୩୭ ଦାଝୁଦ ତାନୁଏ ଏଝାଣାଇଁ ପ୍ରବୁ ଇଞ୍ଜିମାନେସି; ଆତିହ୍ ଏଝାସି ଏନିକ୍ ଦାଝୁଦ ମାର୍ଚ୍ଚସସି ।” ।

ମେରାପୁନାରି ତାଣାଟି ଜାଗ୍ରାତା କିନାୟି

(ମାତି ୨୩:୧-୩୬; ଲୁକ ୨୦:୪୫-୪୭)

୩୮ ମାନ୍ଦା ଲକ୍ଷୁ ରାହାଁଟି ତାନି କାତା ଝେଞ୍ଜିମାଚେରି, ଅଡେ ଝେଶ୍ଟେ ଏଝାସି ତାନି ଜାପୁହି ମାଟି କାତାତା ଏଲେଇଚେସି, “ମେରାପୁନାରି ତାଣାଟି ଜାଗ୍ରାତା, ଏଝାରି ଲାମ୍ବା ହିମ୍ବୁରିକା ହୁଟାନା ରେଜାଲି ଇଞ୍ଜା ହାଟା ବାଜାରାତା ଜହରା ବେଟାଆହାଲି ରାହାଁ ଆନେରି,

୩୯ ଜୀହୁଦି ଲକ୍ଷୁଟି କୁଟମି ଇଲୁତାଁ କାଜା କୁଟ, ବଜିତା ନେହ୍ ଟାୟୁତା କୁଗାଲି ପାରିନେରି;

୪୦ ଏଝାରି ରାଶ୍ଟେଣିସିକା ଇଲୁକା ସେଦିନେରି, ଲକ୍ଷୁଣି ତସାଲି ଲାମ୍ବା ପ୍ରାଚୀନା କିନେରି; ଏଝାରି ହାରେକା ତଣ୍ଡ ବେଟାଆନେରି ।”

ରାଶ୍ଟେଣି ଇୟାନି ଦାନା

(ଲୁକ ୨୧:୧-୪)

୪୧ ତାୟୁ ଜୀସୁ ମାହାପୁରୁ ଇଲୁତି ଦାନା ପେଡା ତାଗେ କୁଗାନା ଲକ୍ଷୁ ଏମ୍ବାଆଁ ଏନିକ୍ ଦାନା ହାହିମାନେରି, ଏଦାଆଁ ସିନିକିହିମାଚେସି । ଏଟିବେଲ୍ଲତା ହାରେକା ଦନ ଗାଟାରି ଗାତି ମେଡୁହେରି;

୪୨ ଅଡେ ର ହାକି କାକୁଲିଗାଟି ରାଶ୍ଟେଣି ଇୟା ଝାହାନା ରୀ ଉଣା ତାମ୍ବାତି ଆଦଲିଃ ଏ ପେଡାତା ମେଡୁହେ ।

୪୩ ଏଚେଟିଏ ଜୀସୁ ତାନି ସୀସୁଣି ତାଗେ ହାଟାନା ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଦାନା ପେଡାତା ଟାକାୟାଁ ମେଡୁହିମାନି ବାରେ ଲକ୍ଷୁ କିହାଁ ଇ ହାକି କାକୁଲିଗାଟି ରାଶ୍ଟେଣି ଇୟା ଗାତି ମେଡୁହାମାନେ;

୪୪ ଇତିହ୍ ବାରେଜାଣା ତାମି ହାରେକା ଦନଟି ଇତାଣି ମେଡୁହା ମାନେରି, ସାମା ଇଦି ତାନି ହିଲ୍ଲାଆବେଲ୍ଲତା ତାଙ୍ଗେ ନୀତାଲି ତାଙ୍ଗେ ଏନାୟି ମାଚେ, ଏ ବାରେ ମେଡୁହାମାନେ ।”

୧୩

ପ୍ରାଚୀନା ଇଲୁ ନସ୍ତ ଆନାଣି ଜୀସୁ ଝେହ୍ନାୟି

(ମାତି ୨୪:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଟି ହାଜିମାଟାଟି ତାନି ସୀସୁୟାଁ ବିଡ୍ରାଟି ରଅସି ଏଝାଣାଇଁ ଏଲେଇଚେସି, “ଏ ଗୁରୁ ମେହ୍ମୁ ଏନିଲେହେଟି ଅଜିତି ଝାଲୁକା ଅଡେ ଏନିଲେହେଟି ଅଜିତି ମେଡା ଇଲୁକା ।”

୨ ଏଚେଟିଏ ଜୀସୁ ଏଝାଣାଇଁ ଏଲେଇଚେସି, “ନୀନୁ ଏନାଆଁ ଇ କାଜା ମେଡା ମେସିମାଞ୍ଜି ? ର ଝାଲି ଅର ଝାଲି ଲାକ ତୁୟେଏ, ବାରେ ମେଣ୍ଟାହାନୁ ।”

କସ୍ତ ଅଡେ ସାସ୍ତି କାତା ଝେହ୍ନାୟି

(ମାତି ୨୪:୩-୧୪; ଲୁକ ୨୧:୭-୧୯)

୩ ତାୟୁ ପ୍ରାଚୀନା ଇଲୁ ନକିତା ମାନି ଜୀତ ହରୁ ଲାକ କୁଗାଲିଏ ପିତର, ଜାକୁବ, ଜହନ, ଅଡେ ଆନ୍ଦ୍ରିୟ ତାନି ତାଣା ମେଣେଏ ଝାହାନା ଝେଚେରି, “ଇ ବାରେ ଏଚେଲ୍ଲା ଆନେ,

୪ ଅଡେ ଆମିନି ବେଲ୍ଲତା ଇ ବାରେ ଗଟଞ୍ଜି ଆନେ ଏ ବେଲ୍ଲତି ସିନା ଏନାୟି, ଏଦାଆଁ ମାଙ୍ଗେ ଝେସ୍ତାମୁ ।”

୫ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ଜାଗ୍ରାତା, ଆମ୍ବାଆସି ଏନିକ୍ ମିଙ୍ଗେ ନାଡ଼ି କିୟଅସି ।

୬ ହାରେକା ନା ଦରୁତଲେ ଝାହାନା, ‘ନାନୁ ଏଝାଡେଏଁ ଇଞ୍ଜି ହାରେକା ଲକ୍ଷୁଣି ନାଡ଼ି କିନେରି ।

† ୧୨:୩୯ ସିନଗର ‡ ୧୨:୪୨ ରା ଉଣା ଚାମ୍ବାତି ଆଦଲି, ରା ଆଟାଅଣା ର ଚାକାତି କାଜା ଆଦଲି ସମାନ, ଏଦି ଗ୍ରିକ ତଲେ ଉଣା ଆଦଲିତି “ଲେପଟସ୍” କାଜା ଆଦଲିତି “କତ୍ରାନ୍ଟସ୍” ଇନେରି ।

୭ ଯାମା ମୀରୁ ଏଚିବେଲ୍ଲା ଜୁକୁତି କାତା ଅଡ଼େ ଗଡ଼ହାତି ହାଡ଼ା ଖେଞ୍ଜେରି, ଏଚିବେଲ୍ଲା କିଲିବିଲି ଆଆଦୁ; ଏ ବାରେ ଆନାୟି ମାନେ, ଯାମା ଏ କାଲ୍ଲା ଜିକେଏ ଜୁଗୁ ରାନାୟି ଆଏ ।

୮ ଇଚିହଁ ଦେସା କପାଟି ଦେସା, ରାଜି କପାଟି ରାଜି ନିଜିନେ, ବାରେଖାକି ବୁମି ଖୀତିନେ ଅଡ଼େ କାଡ଼ାରା ଆନେ; ଈ ବାରେ କକାରି ପଦାୟି ଆନାଟି ଲୁଞ୍ଜିନି ବସା ଲେହେଁ ।”

୯ ଯାମା ମୀରୁ ମିଙ୍ଗେ ତାକି ଜାଗ୍ରାତା ଆହାମାଞ୍ଜୁ; ଲକୁ ମିଙ୍ଗେ ନୀହାୟି କିନି ତାଣା ଦସାନା ଅୟାନେରି, ଅଡ଼େ ମିଙ୍ଗେ ଜୀହୁଡ଼ି ଲକୁତି କୁଟମି ଇଲ୍ଲକାଣା* ଖେଡ଼ାନେରି, ଇଞ୍ଜା ନା.ତାକି ସାଲ୍ଲୁଞ୍ଜି କିନାରି ତାଣା ରାଜାୟି ନକିତା ନିଦେରି, ଏଞ୍ଜାରି ନକିତା ସାକି ଆଦେରି ।

୧୦ ଇଞ୍ଜା ବାରେ କୂଡ଼ା ନକିତା ନେହଁ କାରୁ ନକେଏ ଖେସ୍ପି ଆନେ ।

୧୧ ଇଞ୍ଜା ଏଚିବେଲ୍ଲା ଲକୁ ମିଙ୍ଗେ ଅହାନା ହେରପାନେରି, ଏଚିବେଲ୍ଲା ମୀରୁ ଏନାଆଁ ଜଲ୍ଲିଦେରି, ଏ କାତା ନକେଏ ଅଣପାଆଦୁ, ଯାମା ଏ ବେଲ୍ଲାତା ମିଙ୍ଗେ ଏନାଆଁ ଜଲ୍ଲାଲି ହାପକିଆନେ ଏନାଆଁ ଖେହ୍ଦୁ; ଇଚିହଁ ମୀରୁ ଜଲ୍ଲିନାତେରି ଆଏ ଯାମା ସୁଦୁଜୀଞ୍ଜୁ ଜଲ୍ଲିନାୟି ।

୧୨ ତାୟି ତାୟିଞ୍ଜ ଅଡ଼େ ତାଞ୍ଜି ମୀରୁଏଣାଈଁ ହାହାଲି ତାକି ହେରପିନେରି; ଇଞ୍ଜା ମୀରୁକା ତାଲି ତାଞ୍ଜି କପାଟି ନିଜାନା ଏଞ୍ଜାରାଈଁ ପାୟିନେରି;

୧୩ ଅଡ଼େ ନାଙ୍ଗେତାକି ବାରେ ଲକୁ ମିଙ୍ଗେ ଅପଅରି; ଯାମା ଆମ୍ବାଆସି ରାଜି ପାତେକା ସାସା ଆସାନା ଡ଼ୟିନେସି ଏଞ୍ଜାସି ଗେଲ୍ପି ଆନେସି ।

ନାସା ଆନି କାଲ୍ଲମି
(ମାତି ୨୪:୧୫-୨୮; ଲୁକ ୨୧:୨୦-୨୪)

୧୪ ମୀରୁ ଏଚିବେଲ୍ଲା ଏ ନାସାକିନି ଅପାଆଗାଟି ଆସ୍ତି ଆମିନି ତାଣା ଡ଼ୟିନି କାତା ହିଲେଏ, ଏମ୍ବାଆଁ ଡ଼ୟାମାନାଣି ମେହ୍ଦେରି (ପଡ଼ୁଞ୍ଜି ଆନାରି ତେଲ୍ଲହାପେରି) ଏଚିବେଲ୍ଲା ଆମ୍ବାଆରି ଜୀହୁଦା ଦେସାତା ମାନେରି, ଏଞ୍ଜାରି ହରୁକାଣା ହଣ୍ଡପେରି;

୧୫ ଆମ୍ବାଆସି ଇଲ୍ଲୁ ଲାକ ମାନେସି, ଏଞ୍ଜାସି ଇଲ୍ଲୁ ବିତ୍ରା ଖାହାନା ଏନି ଦିଶ୍ପୁ ଅହାଲି ରେତା ଖାଆପେସି କି ବିତ୍ରା ହାଲ୍ଲାଆପେସି;

୧୬ ଇଞ୍ଜା ଆମ୍ବାଆସି ବାଡ଼ାତା ମାନେସି, ଏଞ୍ଜାସି ତାନି ହିମ୍ପରି ଅହାଲି ଖେଣ୍ଡେ ଖାଆପେସି ।

୧୭ ଏ ବେଲ୍ଲାତା ଆମିନି ଗାଟାଈ ପୁରାମାସା ଆହାମାନୁ ଇଞ୍ଜା ପାଲୁ ଉବ୍‌ହିମାନୁ, ଏ ଦିନା ଆୟତା ଏଞ୍ଜି ଏଚେକା କସ୍ତ ବେଟାଆନୁ ।

୧୮ ଯାମା ଏଦି ଏନିକଁ ପେନି ବେଲ୍ଲାତା ଆଏ ଏନାଆଁତାକି ପ୍ରାଡ଼ାନା କିଦୁ ।

୧୯ ଇଚିହଁ ଏ କାଲ୍ଲାତା ଇଲ୍ଲେତି କସ୍ତ ଖାନ୍ଦେ, ମାହାପୁରୁ ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକଁ ଆହା ହିଲେଏ, ଇଞ୍ଜା ଏଲେକଁ ଏଚେଲ୍ଲାଖା ଆଏ ।

୨୦ ଯାମା ପୁରୁ ଏ ଲ୍ଲାଗେଏତି କାଲ୍ଲାଈଁ ଉଣା କିହାମାନେସି । ଏଲେ କିହାହିଲ୍ଲାଆତଁ ମା, ଏଦି ଏମ୍ବାଟି ଆମ୍ବାଆରି ଗେଲ୍ପି ଆଆଡେରିମା । ତାନି ଆଡ଼ୁଞ୍ଜିଆଡ଼ି ଲକୁତାକି ଏ କାଲ୍ଲା ଉଣା କିହାମାନେସି ।

୨୧ “ଏଚିବେଲ୍ଲା ମେହ୍ଦୁ କ୍ରାସ୍ତ ଇମ୍ବାଆଁ ଅଡ଼େ ଏମ୍ବାଆଁ ଇଞ୍ଜା ଲକୁ ମିଙ୍ଗେ ଖେସ୍ପାନେରି, ଆଡ଼ିହଁ ମୀରୁ ଏନାଆଁ ନାମାଆଦୁ ।

୨୨ ନାଡ଼ିକିନି କ୍ରାସ୍ତ ଅଡ଼େ ମାହାପୁରୁ ବଲ୍ଲୁ ମିଚି ଖେହ୍ନାରି ନିଜାନା ଇଲ୍ଲେତି ସିନା ଅଡ଼େ କାବାଆନି କାମାୟାଁ ତହ୍ନେରି, ଆଡ଼ିତିହଁ, ଆଡ଼ୁଞ୍ଜିଆଡ଼ି ଲକୁଣି ଜିକେଏ ନାଡ଼ି କିନେରି ।

୨୩ ଯାମା ମୀରୁ ଜାଗ୍ରାତା ଆହାମାଞ୍ଜୁ; ନାନୁ ମିଙ୍ଗେ ତଲିଏ ବାରେ ଖେସିମାଞ୍ଜାଈଁ ।

ମାଣସି ମୀରୁଏସି ଖେଣ୍ଡେ ଖାନାୟି
(ମାତି ୨୪:୨୯-୩୧; ଲୁକ ୨୧:୨୫-୨୮)

୨୪ ଯାମା ଏ ବେଲ୍ଲାତି ଏ କସ୍ତ ତାୟୁ ଖେଡ଼ା ଆନେରି ଆନେ ଅଡ଼େ ଲେଞ୍ଜୁ ଉଜେଡ଼ି ହୀଏ,

୨୫ ହୁକାୟାଁ ହାଗୁଡ଼ି ତରଗାଲି ମାଟ୍‌ନୁ ଅଡ଼େ ହାଗୁ ଲାକତି ବାଡ଼ୁଲୁ ବାରେ କିଲିବିଲି ଆନେ ।

୨୬ ଏଚିବେଲ୍ଲା ଲକୁ ମାଣସି ମୀରୁଏଣାଈଁ କାଜା ବାଡ଼ୁଡ଼ିଟି କାଜାପାଣା ତଲେ ହାଗୁ ଲାକତି ଖାନାୟି ମେହ୍ନେରି ।

* ୧୩:୯ ମାତି ୧୦:୧୭-୨୦; ଲୁକ ୧୨:୧୧,୧୨ * ୧୩:୯ ସିନଗ୍ଗ * ୧୩:୧୩ ମାତି ୧୦:୨୨ * ୧୩:୧୫ ଲୁକ ୧୭:୩୧ * ୧୩:୧୯ ଖେ ବଲ୍ଲୁ ୭:୧୪ * ୧୩:୨୫ ଖେ ବଲ୍ଲୁ ୭:୧୨ * ୧୩:୨୫ ଖେ ବଲ୍ଲୁ ୭:୧୩ * ୧୩:୨୭ ଖେ ବଲ୍ଲୁ ୧:୭

୨୭ ଏତିବେଲା ଏଝାସି ଦୁତୁୟାଣି ପାଣ୍ଡାନା ଦାବ୍‌ତି ମୁଟ୍‌ପେତି ସାରିଖାକିତି ତାନି ଆଡ଼ାମାନି ଲକୁଣି ରୁଣ୍ଡା କିନେସି ।

ତୟା ମାର୍‌ନୁଟି ଜାପିନାୟି
(ମାତି ୨୪:୩୨-୩୫; ଲୁକ ୨୧:୨୯-୩୩)

୨୮ ତୟା ମାର୍‌ନୁ ପୁଣ୍ଡସି କିନି କାତାଟି ଜାପାଦୁ । ଏତିବେଲାତା ଏ ମାର୍‌ନୁତା କଡ଼ୁଗି କମାୟା ଅଡ଼େ ଗଞ୍ଜେଡ଼ି ଗାଲୁନୁ, କାରା କାଲମି ଝାଡ଼େ ଇଞ୍ଜୁ ପୁଞ୍ଜେରି ।

୨୯ ଏଲେକିହ ଏ ମାର୍‌ନୁ ଜିକେଏ ଇ ବାରେ ମେସ୍‌ସିସାରେ ଏଝାସି ଦୁଞ୍ଜେରି ତାଗେ ମାନେସି ଇଞ୍ଜୁ ପୁଞ୍ଜେରି ।

୩୦ ନାନୁ ମିଙ୍ଗେ ସାତା ଝେସିମାଞ୍ଜାଇଁ ଇ ବାରେ ଆଆପାତେକା ଇ କାଲାତି ଲକୁ ଏନିଜିକେଏ ମେଶଙ୍ଗଅରି ।

୩୧ ହାଗୁପାକା ଦାବ୍‌ତି ବାରେ ମେଶଙ୍ଗାନେ, ସାମା ନା ବଲୁ ଏରେଲାଝା ମେଶଙ୍ଗେଏ ।”

ଆମ୍ବାଆସି ଇ ଦିନା ଅଡ଼େ ବେଲାତି ପୁନଅସି
(ମାତି ୨୪:୩୬-୪୪)

୩୨ *ସାମା ଏ ଦିନା କି କାଲାତି କାତା ଆମ୍ବାଆରି ପୁନଅରି, ଲାକପୁରୁତି ଦୁତୁୟାଁ କି ମାର୍‌ଏସି ଜିକେଏ ପୁନଅସି, ଝାବ୍‌ଇ ଆବାଦେଁ ପୁନେସି ।

୩୩ ମାର୍‌ନୁ ଜାଗ୍ରାତା ଆହାନା ମାଞ୍ଜୁ, କାଡ଼ାନା ମାଞ୍ଜୁ; ଇତିହ ଏ ବେଲା ଏରେଲା ଆନେ ଏଦାଆଁ ମାର୍‌ନୁ ପୁନଅଡେରି ।

୩୪ *ଏଦି ଇଲେକିହ, ର ମାଣସି ତାନି ଇଲୁ ପିସାନା ହେକ ରାଜିତା ହାନେସି, ଅଡ଼େ ତାନି ହଲିୟାକାଣି ବାରେ କାମାତି ଅଦିକାରା ହୀଡ଼େସି ଇଞ୍ଜା ଦୁଞ୍ଜେରିତା କାଡ଼ାଲି ଜିକେଏ ହୁକୁମି ହୀଡ଼େସି ।

୩୫ ଏଦାଆଁତାକି କାଡ଼ାନା ଡ଼ୟାମୁ; ଇତିହ ନାନୁ ପୁଞ୍ଜାହିଲଅତି ଇଲୁତି ସାଞ୍ଜୁକାରି ଏରେଲା ଝାଡ଼େସି, ମିଡ଼ଅଲା କି ମାଦି ଲାଆୟା, ଝେୟାଆ ନକେଏ କି ଝେଡ଼ା ହନି ବେଲାତା ଏଝାସି ଝାଡ଼େସି ।

୩୬ ଏଝାସି ଦେବୁଣିଏ ଝାଡ଼ିସାରେ ମାର୍‌ନୁ ହୁଞ୍ଜାମାନାଣି ମେସ୍‌ସାଆପେସି ।

୩୭ ନାନୁ ମିଙ୍ଗେ ଏନାଆଁ ଝେସିମାଞ୍ଜାଇଁ, ଏଦାଆଁ ବାରେତି ଝେସିମାଇଁ, ଜାଗ୍ରାତା ମାଞ୍ଜୁ ।

୧୪

ଜୀସୁଇଁ ଆସାଲି ପାରୁ ପାରିନାୟି
(ମାତି ୨୭:୨-୫; ଲୁକ ୨୨:୧-୨; ଜହ ୧୧:୪୫-୫୩)

୧ ପିସ୍‌ପିଆନି ପାରୁଁ ଇଞ୍ଜା ପୁଲାଏୟୁ ଆଣ୍ଡାଆତି ରୁଟି ତିନି ପାରୁଁ ଆହାଲି ରୀ ଦିନା ମାତେ । ଏତିବେଲାତା କାଜା ପୁଜେରକା ଇଞ୍ଜା ମେରା ପୁନାରି ଏନିକ ଏଝାଣାଇଁ ନାଡ଼ିକିହାଁ ଆସାନା ପାୟିନେରି ଏଦାଆଁତାକି ପାରୁ ପାରିମାତେରି ।

୨ ଇତିହ ଏଝାରି ଏଲେଇଚେରି, “ପାରୁଁ ବେଲାତା ଆଏ ଏଡ଼େତା ଲକୁ ଗଡ଼ହା କିନେରି ।”

ବେତନିୟାତା ଜୀସୁ ତାୟୁଁ ତୁ ନିୟୁଁ ଝାକ୍‌ନାୟି
(ମାତି ୨୭:୬-୧୩; ଜହ ୧୨:୧-୮)

୩ ଜୀସୁ ବେତନିୟାତା କାଜା ରଗ୍ରାଗିଟି ସିମନ ଇଜ ଡିଞ୍ଜାଲି କୁଗାମାଗାଟି ର ଇୟା ର ଗାଜୁତା ହାଡ଼େକା ଦାରାତି ଗାୟା ନିୟୁଁ ତାଗାନା ଗାଜୁତି ଦେଗାନା ଜୀସୁ ତାୟୁଁ ତୁ ଝାକ୍‌ହାଲି ମାଟ୍‌ହେ ।

୪ ସାମା ଏଚେକା ଲକୁ କାବ୍‌ବି ଆହାନା, ତାମ୍‌ଡ଼ାମ୍‌ସୁ ଝେସ୍‌ପି ଆଡ଼େତି, “ନିୟୁଁ ଏଦାଆଁତାକି ନସ୍‌ ଆଡ଼େ ?

୫ ଇ ନିୟୁଁ ସାଡ଼ାକଡ଼ି ଦସଠାକା କିହାଁ ଆଗାଡ଼ା ପାର୍‌ସି ଆହାନା ହାକି ଗାଗାରାକି ହୀପ୍‌କି ଆହାଲି ଆଡ଼ିତେମି” ଏଦାଆଁତାକି ଏଝାରି ଏ ଇୟାନି ଲାଗାଲି ମାଟ୍‌ହେରି ।

୬ ସାମା ଜୀସୁ ଏଲେଇଚେସି, “ଏଦାନି ପିହଦୁ; ଏଦାଆଁତାକି କସ୍‌ ହାସିମାଞ୍ଜେରି ? ଏଦି ନାଙ୍ଗେତାକି ନେହୁଁ କିହୁମାନେ ।

୭ ଇତିହ ହାକି ଗାଗାରି କାଲେଏ ମୀ ତାଣା ମାନେରି, ଅଡ଼େ ମିଙ୍ଗେ ଏଡ଼େତା ମନ୍ ଏଡ଼େତା ଏଝାରି ସାୟେମି କିହାଲି ଆଡ଼ିଦେରି; ସାମା ନାନୁ କାଲେଏ ମୀ ତାଣା ଡ଼ୟାଅଁ ।

* ୧୩:୩୨ ମାତି ୨୪:୩୬ * ୧୩:୩୪ ଲୁକ ୧୨:୩୬-୩୮

୮ ଏହି ଏକାଥାଁ ଆଡ଼ିନାୟି ମାନେ ଏକାଥାଁ କିହାମାନେ; ଏହି ନା ଆଜ୍ଞାତି ମୁସାଲି ତାକି ତଲିଏ ନିହୁଁ ଖାକୁହାନା ତିୟାରା କିହାମାନେ ।

୯ ନାନୁ ମିଙ୍ଗେ ସାତା ଝେସିମାଞ୍ଜାଲ୍, ବାରେ ଦାବ୍‌ତିତା ଆମ୍ବିୟା ଜିକେଏ ନେହୁଁ କାବୁ ଝେକ୍‌ନେରି, ଏ ଚାମୁତା ଇ ଇୟାନି ଅଣ୍‌ପାଲିତାକି ଏଦାନି ଇ କାମାତି କାତା ଜିକେଏ ଝେସ୍‌ପି ଆଢେନ ।”

ଜାହୁଦା ଜୀସୁ ଆସ୍‌ପି କିହାଲି ରାଜି ଆନାୟି
(ମାତି ୨୬:୧୪-୧୬; ଲୁକ ୨୨:୩-୬)

୧୦ ଏମ୍ବାଟିଏ ବାରଜାଣା ବିତ୍ରାତି ଇସ୍‌ସାରିୟତ ଜାହୁଦା ଦରୁଗାଗାସି ରଅସି ଜୀସୁଇଁ କାଜା ପୂଜେରାଜା କେମୁତା ହେର୍‌ପାଲି ଏଞ୍ଜାରିତାଣା ହାଚେସି ।

୧୧ ଏଞ୍ଜାରି ଏକାଥାଁ ଝେଞ୍ଜାନା ରାହୁଁ ଆଡେରି, ଇଞ୍ଜାଁ ଏଞ୍ଜାଣାକି ଚାକାୟାଁ ହୀହାଲି ଆଞ୍ଜିତେରି, ଏମ୍ବାଟିଏ ଏଞ୍ଜାସି ଏଞ୍ଜାଣାଇଁ ଆସ୍‌ପି କିହାଲି ନେହୁଁ ପାରୁ ପାରିତେସି ।

ତାନି ସୀସୁୟାଁ ତଲେ ପିସ୍‌ପିଆନି ପାର୍ବୁତି ବଜି
(ମାତି ୨୬:୧୭-୨୮; ଲୁକ ୨୨:୭-୧୪, ୨୧-୨୩; ଜହ ୧୩:୨୧-୩୦)

୧୨ ତାମୁ ପୁଲ୍‌ଗୁଣ୍ଡା ଆଣ୍ଡାଆତି ରୁତି ତିନି ପାର୍ବୁତି ମୁଲୁ ଦିନାତା ଆମିନି ନେହୁଁ ପିସ୍‌ପିଆନି ପାର୍ବୁତି ମେଣ୍ଡା ତାଲୁତି ହେର୍‌ପିଆନେ, ଏ ଦିନା ତାନି ସୀସୁୟାଁ ଏଞ୍ଜାଣାଇଁ ଝେଚେରି, “ମାମୁ ହାଜାନା ଆମିନି ଚାମୁତା ନିଙ୍ଗେତାକି ପିସ୍‌ପିଆନି ପାର୍ବୁତି ବଜି କିନମି ଇଞ୍ଜୁଁ ନାନୁ ଅଣ୍‌ପିମାଞ୍ଜି ?”

୧୩ ଏମ୍ବାଟିଏ ଏଞ୍ଜାସି ତାନି ସୀସୁୟାଁ ବିତ୍ରାତି ରିଆରାଇଁ ଏଲେଇଞ୍ଜା ପାଣ୍ଡିତେସି, “ମାରୁ ଗାଡ଼ାତା ହାଲୁ ଇଞ୍ଜାଁ ଏମୁ ଡକା ଅହିମାନି ରଅସି ମିଙ୍ଗେ ବେଟାଆୟାନେସି; ଏଞ୍ଜାଣି ଜେତ ଜେତ ହାଲୁ;

୧୪ ଏଞ୍ଜାସି ଆମିନି ଇଜ ହଡ଼ନେସି, ଏ ଇଲୁ ଗାଟାଣାଇଁ ଝେଞ୍ଜୁ, ‘ଗୁରୁ ଝେଞ୍ଜିମାଞ୍ଜାନେସି, ନାନୁ ନା ସୀସୁୟାଁ ତଲେ ଆମିନି ଚାମୁତା ପିସ୍‌ପିଆନି ପାର୍ବୁତି ବଜି କିହାଲି ଆଢେନ ଏ ବାକ୍ତା ଆମିନାୟି ?”

୧୫ ଏଚେଟିଏ ଏଞ୍ଜାସି ମିଙ୍ଗେ ନେହୁଁ କି ତିୟାରା ଆହାମାନି ଲାକନି ପାରୁତି ର କାଜା ବାକ୍ତା ତସ୍ତାନେସି; ଏମ୍ବାଆଁ ମାଙ୍ଗେତାକି ରାନ୍ଦା ଖାଜାଦୁ ।”

୧୬ ଏମ୍ବାଟିଏ ସୀସୁୟାଁ ହାଜାନା ଗାଡ଼ାତା ହଡ଼ଚେରି, ଇଞ୍ଜାଁ ଏଞ୍ଜାସି ଏଞ୍ଜାରାଇଁ ଏନିକିଁ ଝେସାମାଚେସି, ଏଲେକିଁ ମେସାନା ପିସ୍‌ପିଆନି ପାର୍ବୁତି ବଜି ଖାଜିତେରି ।

୧୭ ମିଡ଼ଅଲ୍‌ଆ ହାହାଲିଏ ଜୀସୁ ବାରଜାଣା ସୀସୁୟାଁ ତଲେ ଖାଚେସି ।

୧୮ ଏଞ୍ଜାରି କୁଗାନା ରାନ୍ଦା ତିଞ୍ଜି ମାଚାଟି ଜୀସୁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଲ୍, ମୀ ବିତ୍ରାତି ରଅଚେରି ନାଙ୍ଗେ ସାତୁ କେମୁତା ହେର୍‌ପାଦେରି ।”

୧୯ ଏମ୍ବାଟିଏ ଏଞ୍ଜାରି ଦୁକୁ ଅହାନା ରଅ ରଅରି ଏଞ୍ଜାଣାଇଁ ଝେଞ୍ଜାଲି ମାଚ୍‌ହେରି, “ନାନୁ ଏଞ୍ଜାଚେର୍‌ କି ?”

୨୦ ଜୀସୁ ଏଞ୍ଜାରିଇଁ ଏଲେଇଚେସି, “ବାରଜାଣା ବିତ୍ରାତି ରଅସି, ଆମ୍ବାଆସି ନା ତଲେ ସାଡ଼ଞ୍ଜାତା କେମୁ ମେଡ଼ହି ମାନେସି ।

୨୧ ମାଣ୍‌ସି ମୀର୍‌ଏଣା କାତା ଏନିକିଁ ରାସ୍‌କି ଆହାମାନେ, ଏଲେକିହୁଁ ଏ ହାଚେନସି ସାତା, ସାମା ଆମିନି ଲକୁ ତାଣାଟି ମାଣ୍‌ସି ମୀର୍‌ଏସି ସାତୁ କେମୁତା ହେର୍‌ପିଆନେସି, ଆୟତା ଏଞ୍ଜାଣି ତଣ୍ଡ ! ଏ ଲକୁତି ଜାନି ଆହାହିଲ୍‌ଆତିହୁଁ ଏଞ୍ଜାଣାକି ନେହେଁ ଆଡେତମା ।”

ପୁବୁତି ବଜି
(ମାତି ୨୬:୨୬-୩୦; ଲୁକ ୨୨:୧୪-୨୦; ୧କର ୧୧:୨୩-୨୫)

୨୨ ଏଞ୍ଜାରି ତିଞ୍ଜି ମାଚାଟି ଜୀସୁ ରୁଟି ଅହାନା ମାହାପୁରୁଇଁ ଜହରା କିହାନା ଏକାଥାଁ ଡିକ୍‌ହା ହୀହାନା ଏଲେଇଚେସି, “ଅଦୁ ତିଞ୍ଜୁ, ଇଦି ନା ଆଜ୍ଞା ।”

୨୩ ଇଞ୍ଜାଁ ଏଞ୍ଜାସି ଗହ୍‌ନି ସଲ୍‌ଆସାନା ମାହାପୁରୁଇଁ ଜହରା କିହାଁ ଏଞ୍ଜାରାକି ହୀଚେସି, ଇଞ୍ଜାଁ ବାରେଜାଣା ଏକାଥାଁ ଗସ୍ତେରି ।

୨୪ ଇଞ୍ଜାଁ ଜୀସୁ ଏଞ୍ଜାରାଇଁ ଏଲେଇଚେସି, “ଆମିନି ରାଜିମାନ୍ଦା ନେଚେରି ହାଚେରା ଲକୁତାକି ଖାକ୍ତାମାନେ, ଇଦି ଏ ନା ନେଚେରି ।

୨୫ ନାନୁ ମିଙ୍ଗେ ସାତା ଝେସିମାଞ୍ଜାଲ୍, ଆମିନି ଦିନା ମାହାପୁରୁତି ରାଜିତା ପୁଞ୍ଜି କିହୁଁ ଅକ୍ତୁରି ପାଡ଼େୟିତି ରାସା ଗହ୍‌ଇଁ ଏ ଦିନା ପାଚେକା ଇଦାଆଁ ଅଡ଼େ ନାନୁ ଏଚେଲା ଗହ୍‌ଅଁ ।”

୨୬ ଇଞ୍ଜାଁ ଏଞ୍ଜାରି ଜହରା ପାରୁ ପାରିତି ତାମୁ ଜୀବ ହରୁତା ହଡ଼ା ହାଚେରି ।

ପିତର ଜୀସୁଙ୍କ ପୁଞ୍ଜାହିଲଅଁ ଇନି କାତା

(ମାତି ୨୭:୩୧-୩୫; ଲୁକ ୨୨:୩୧-୩୪; ଜହ ୧୩:୩୬-୩୮)

୨୭ ଏଚିବେଲା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ବାରେ ପିସା ହାଜାଦେରି, ଇଚିହଁ ରାସ୍‌କି ଆହାମାନେ, ନାନୁ ମେଣ୍ଡା ଗଡ଼ୁକୁ ପାୟିଲି ଇଞ୍ଜା ମେଣ୍ଡାୟା ଆଲାରା ଆହାହାନୁ ।

୨୮ “ସାମା ନାନୁ ହାହାନା ଖେଣ୍ଡେ ନିଜିତି ତାୟୁ ମୀ ନକିତା ଗାଲିଲିତା ହାଲି ।”

୨୯ ଏମ୍ବାଟିଏ ପିତର ଏଲେଇଚେସି, “ବାରେଜାଣା ପିସା ହାଜାନେରି ନାନୁ କଡ଼େ ନିଜେ ଏଚେଲା ପିସୁଅଁ ।”

୩୦ ଜୀସୁ ପିତରଙ୍କ ଏଲେଇଚେସି, “ନାନୁ ନିଜେ ସାତା ଝେସିମାଞ୍ଜାଇଁ, ନୀଞ୍ଜୁ ଇ ଲାଆଁୟାଁ କୟୁ ରୀ ଦେବା କେଣ୍ଡାଆ ମାନାଟିଏ, ନାନୁ ଏଞ୍ଜାଣାଇଁ ପୁଞ୍ଜାହିଲଅଁ ଇଞ୍ଜୁଁ ତାନିପାଲି ଏଲେଇଞ୍ଜି ।”

୩୧ ସାମା ପିତର ଆଡ଼ିଏ ତଲେ ଏଲେଇଚେସି, “ନାଜେ ନୀ ତଲେ ହାହାଲି ଆଡ଼ି ଜିକେଏ ନାନୁ ନିଜେ ଏଚେଲା ପୁଞ୍ଜାହିଲଅଁ ଇଞ୍ଜୁଅଁ ।” ଇଞ୍ଜା ବାରେଜାଣା ଜିକେଏ ଏଲେଇଚେରି ।

ଜୀସୁ ଗେଡ଼ସିମନିତା ପ୍ରାତାନା କିନାୟି

(ମାତି ୨୭:୩୬-୪୨; ଲୁକ ୨୨:୩୯-୪୬)

୩୬ ତାୟୁ ଏଞ୍ଜାରି ଗେଡ଼ସିମନି ଇନି ର ଗାୟୁତା ଝାଡ଼େରି, ଇଞ୍ଜା ଜୀସୁ ତାନି ସୀସୁୟାଁଙ୍କ ଏଲେଇଚେସି, “ନାନୁ ପ୍ରାତାନା କିହିମାନି ପାତେକା ଇମ୍ବାଆଁ କୁଗାନା ମାଞ୍ଜୁ ।”

୩୭ ଇଞ୍ଜା ଏଞ୍ଜାସି ପିତର, ଜାକୁବ ଅଡ଼େ ଜହନଇଁ ତାନିତଲେ ଅଡ଼େସି । ଏଞ୍ଜାସି ହାଚେକା ଦୁକୁତି କସୁ ତାକି କିଲିବିଲି ଆଡ଼େସି ।

୩୮ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ନା ଜୀସୁ ହାନିଲେହେଁ ହାଚେକା କିଲିବିଲି ହଡ଼ିମାଞ୍ଜାନେ; ମୀରୁ ଇମ୍ବାଆଁ ତେଝଏଲାନା କାଟାମାଞ୍ଜୁ ।”

୩୯ ଜୀସୁ ନକିତା ହାଜାନା ବୁମିତା ମୁନୁ କୁଚିତେସି, ଅଡ଼େ ଆହାଲି ଆଡ଼ିଚିହଁ, ଏ ଦୁକୁ ଏଞ୍ଜାଣି ତାଣାଟି ଏନିକଁ ହେକ ଆନେ, ଏଦାଆଁତାକି ପ୍ରାତାନା କିତେସି ।

୪୦ ଇଞ୍ଜା ଜୀସୁ ଏଲେଇଚେସି, “ଆବା, ନୀନୁ ବାରେଏ କିହାଲି ଆଡ଼ିଦି; ଇ କସୁ ବାଦା ନା ତାଣାଟି ହେକ କିମ୍ବୁ; ଆଡ଼ିଜିକେଏ ନା କାତା ଆଏ ନୀ କାତେଏ ଆପେ ।”

୪୧ ଇଞ୍ଜା ଏଞ୍ଜାସି ଝାହାନା ସୀସୁୟାଁ ଇଦା କିତାଣି ମେସ୍ତେସି, ଇଞ୍ଜା ପିତରଙ୍କ ଏଲେଇଚେସି, “ସିମନ ନୀନୁ ତୁରିଚିକି ? ଗାଡ଼େକା ଜିକେଏ କାତାଲି ଆଡ଼ାଆଚେରି ?

୪୨ ଏଦାଆଁତାକି କାଟାନା ପ୍ରାତାନା କିଦୁ; ଏନିକଁ ମୀରୁ ପାନ୍ଦାତା ହେର୍ଅଚେରି, ମନ ମାନେ ସାତା, ଆଜ୍ଞାତା ବାଡ଼ୁୟୁ ହିଲେଏ ।”

୪୩ ଏଞ୍ଜାସି ଅଡ଼େ ଝେଣ୍ଡେ ହାଜାନା ତଲିତିଲେହେଁ ପ୍ରାତାନା କିତେସି ।

୪୪ ଅଡ଼େ ଝେଣ୍ଡେ ଝାହାନା ଏଞ୍ଜାସି ଏଞ୍ଜାରାଇଁ ଇଦା କିହାମାନାଣି ମେସ୍ତେସି, ଇଚିହଁ ଏଞ୍ଜାରି କାଣ୍ଡକା ପଜୁଝି ଆହିମାରୁ, ଇଞ୍ଜା ଏଞ୍ଜାରି ଏଞ୍ଜାଣାଇଁ ଏନାଆଁ ଜଲିନେରି ପୁଞ୍ଜାଲି ଆଡ଼ାଆଚେରି ।

୪୫ ଜୀସୁ ତାନି ଦେବା ଝାହାନା ସୀସୁୟାଁଙ୍କ ଏଲେଇଚେସି, “ମୀରୁ ଗାଡ଼େକା ତୁରାନା ଜମାଦୁ; ହାଚେକା ବେଲା ଆଡ଼େୟିଏ, ଏ ବେଲା ଏଗାଞ୍ଜାହାମାନେ; ମେହଦୁ ମାଣସି ମୀନ୍‌ସସି ସୀତୁୟାଁ କେୟୁତା ହେର୍ପି ଆହିମାନେସି ।

୪୬ ନିଜାମୁ, ମାର ହାନ, ମେହଦୁ ଆମ୍ବାଆସି ନାଜେ ସାତୁୟାଁ କେୟୁତା ହେର୍ପାନେସି ଏଞ୍ଜାସି ଏଗାଞ୍ଜାଚେସିଏ ।”

ଜୀସୁ ସାତୁ କେୟୁତା ହେର୍ପି ଆନାୟି

(ମାତି ୨୭:୪୭-୫୨; ଲୁକ ୨୨:୪୭-୫୩; ଜହ ୧୮:୩-୧୨)

୪୭ ଏ ଦେବୁଣିଏ ଜୀସୁ ଝେସିମାନି ବେଲାତା, ବାରଜାଣା ବିତ୍ରାତି ଜୀହୁଦା ଦରୁଗାଟାସି ରଅସି ଇଞ୍ଜା ତାନିତଲେ କାଜା ପୂଜେରାଜା, ମେରା ପୁନାରି ଇଞ୍ଜା ଲକୁଚି କାଜାରି ତାଣାଟି କାଣ୍ଡା ଟେଜା ଆସାନା ଝାଡ଼େରି ।

୪୮ ଜୀସୁଙ୍କ ସାତୁୟାଁ କେୟୁତା ହେର୍ପିନାସି ଏଞ୍ଜାରାଇଁ ଇ ସିନା ଝେସାମାଚେସି, “ନାନୁ ଆମ୍ବାଆରାଇଁ ନଶ୍ଟିଇଁ ଏଞ୍ଜାସିଏ ଏଞ୍ଜାସି । ଏଞ୍ଜାଣାଇଁ ଦସାନା ଜାଗ୍ରାତା ତଲେ ଅଦୁ ।”

୪୯ ଇଞ୍ଜା ଏଞ୍ଜାସି ଏ ଦେବୁଣିଏ ଏଞ୍ଜାଣି ତାଗେ ହାଜାନା, “ଏ ଗୁରୁ” ଇଞ୍ଜାନା ଏଞ୍ଜାଣାଇଁ ନଶ୍ଟିଚେସି ।

* ୧୪:୨୮ ମାତି ୨୮:୧୭

୪୬ ଏମ୍ବାଟିଏ ଏଝାରି ଏଝାଣାଇଁ ଆସାନା ଦସା ଅଡେରି ।

୪୭ ସାମା ତାଗେ ନିଚାମାଟି ଲକୁ ବିତ୍ତାଟି ରଅସି କାଣ୍ଡା ହପ୍‌ହେସି ଇଞ୍ଜାଁ କାଜା ପୂଜେରା ହଲେଏଣା କିୟ୍‌ ଦାଡେସି ।

୪୮ ଜୀସୁ ଏଝାରାଇଁ ଏଲେଇଚେସି, “ସରୁଇଁ ଆସାଲି ହାନିଲେହେଁ କାଣ୍ଡା ଅଡେ ଟେଙ୍ଗା ଆସାନା ମୀରୁ ନାଜେ ଆସାଲି ଖାଡେରି ?

୪୯ ନାନୁ ବାରେଦିନା ମୀ ତଲେ ପ୍ରାଡାନା ଇଲୁଡା ମାଞ୍ଜାନା ଜାପୁହି ମାଞ୍ଜାଡେସି, ସାମା ମୀରୁ ନାଜେ ଆସୁଆଡେରି; ସାମା ଦାମ୍‌ ପତିତି ରାସ୍‌କି ଆଡି ବଲୁ ଏନିକିଁ ସାତା ଆନେ, ଏଦାଆଁତାକି ଇ ବାରେ ଆହିମାନେ ।”

୫୦ ଏଚିବେଲା ବାରେଜାଣା ସୀସୁୟାଁ ଏଝାଣାଇଁ ପିସାନା ହାଚେରି ।

୫୧ ର ଦାଂଗଣା କକାସି ର ହିମ୍ବୁରି ପିଡ଼ାଗାହାଁ ଜୀସୁ ଜେଚ ଜେଚ ହାଜିମାଚେସି; ଏଝାରି ଏଝାଣାଇଁ ଆସାଲି ହାଜାଲିଏ,

୫୨ ଏଝାସି ଏ ପାଡ଼ାଡ଼ା ହିମ୍ବୁରି ପିସାନା ଖାରୁଇ ଆଜାଟି ହଟାଡୁସ୍ତେସି ।

ଜୀସୁଇଁ ବେରଣିମାଣ୍ଡାତା ନାହାଁୟି କିନାୟି

(ମାଟି ୨୬:୫୭-୬୮; ଲୁକ ୨୨:୫୪-୫୫, ୬୩-୬୯; ଜହ ୧୮:୧୩-୧୪, ୧୯-୨୪)

୫୩ ତାୟୁ ଏଝାରି ଜୀସୁଇଁ କାଜା ପୂଜେରା ନକିତା ଅଡେରି, ଇଞ୍ଜାଁ କାଜା ପୂଜେରା, ଲକୁତି କାଜାରି ଅଡେ ମେରା ପୁନାରି ବାରେ ଖାହାନା ରୁଣ୍ଡା ଆଡେରି ।

୫୪ ପିତର ହେକ ମାଞ୍ଜାନା ଏଝାଣି ଜେଚ ଜେଚ କାଜା ପୂଜେରା ଆଂଗେଣି ବିତ୍ତା ହାଚେସି ଇଞ୍ଜାଁ ଜାମାନାଜା ତଲେ କୁଗାନା ହିରୁ କେରୁଞ୍ଜି ମାଚେସି ।

୫୫ ଏମ୍ବାଟିଏ କାଜା ପୂଜେରାଞ୍ଜା ଇଞ୍ଜାଁ ବେରଣି ମାଣ୍ଡାଟି ବାରେଜାଣା ଜୀସୁଇଁ ପାୟାଲି ଏଝାଣି କପାଟି ସାକିୟାଁ ପାରିଚେରି, ସାମା ଏନି ଦହ ବେଟାଆଆଡେରି;

୫୬ ଇଚିହଁ ହାଡେକା ଏଝାଣି କପାଟି ମିଚି ସାକିୟାଁ ହାଟି ଜିକେଏ ଏଝାରି ହାଟି ସାକି ଆଣ୍ଡାଆଡେ ।

୫୭ ତାୟୁ ଏଚରଜାଣା ହଟାନା ଏଝାଣି କପାଟି ମିଚି ସାକି ହାହାନା ଏଲେଇଚେରି,

୫୮ “ମାମ୍‌ ଇଝାଣାଇଁ ଇ କାତା ଝେସିମାଚାଣି ଝେଞ୍ଜାମାନମି, ନାନୁ ଇ କେୟୁଟି କେପିତି ପ୍ରାଡାନା ଇଲୁଡି ଡିକହାନା ତାନିଦିନା ବିତ୍ତା ଅଡେ ମାଣସି କେପାଆତି ପ୍ରାଡାନା ଇଲୁ କେପିଲି ।

୫୯ ସାମା ଏମ୍ବାଆଁ ଜିକେଏ ସାକି ଆଣ୍ଡାଆଡେ ।”

୬୦ ଏଚେଟିଏ କାଜା ପୂଜେରା ମାଦିଏ ନିଚାନା ଜୀସୁଇଁ ଝେଚେସି, “ନୀ କପାଟି ଇଝାରି ଆମିନି ସାକି ହାହିମାନେରି, ଝେଣ୍ଡେ ଜଲାଇଁ ଏନି କାତା ହିଲେଏ କି ?”

୬୧ ସାମା ଏଝାସି ପାଲେଏ ଆହାନା ଏନି କାତା ଜଲାଇଆଡେସି, କାଜା ପୂଜେରା ଅଡେ ଝେଣ୍ଡେ ଏଝାଣାଇଁ ଝେଚେସି, “ନୀନୁ କି ମାନ୍‌ଗାଟି ମାହାପୁରୁ ମୀରୁଏଣାଟି କ୍ରୀସୁ ?”

୬୨ ଜୀସୁ ଏଲେଇଚେସି, “ନାନୁ ଏଝାଡେସି, ମୀରୁ ମାଣସି ମୀରୁଏଣାଇଁ ବାଡ଼ୁୟୁଗାଟି ଚିଃନିଝାକି କୁଗାମାନାଣି ମେହ୍‌ଦେରି ଇଞ୍ଜାଁ ହାପୁ ଦୁୟାଟି ଝେଣ୍ଡେ ଖାନାଣି ମେହ୍‌ଦେରି ।”

୬୩ ଏଚେଟିଏ କାଜା ପୂଜେରା ତାନି ହିମ୍ବୁରି ଗେସାନା ଏଲେଇଚେସି, “ମାଜେ ଅଡେ ଏନି ସାକିୟାଁ ଲଡ଼ା ହିଲେଏ ।

୬୪ ମୀରୁ ମାହାପୁରୁ ନିନ୍ଦା ଝେଚେରି; ମୀ ଅଣ୍ଡାପୁ ଏନାୟି ?”

ଏମ୍ବାଟିଏ ବାରେଜାଣା ଏଝାସି ହାନ୍‌ ତଣ୍ଡ ବେଟାଆପେସି ଇଞ୍ଜାଁ ଏଲେଇଚେରି ।

୬୫ ଇଞ୍ଜାଁ ଆମ୍ବା ଆମ୍ବାଆରି ଏଝାଣିଲାଇଁ ହୁପିଚେରି ଇଞ୍ଜାଁ ଏଝାଣି କାଣକା ପଜାନା ଏଝାଣାଇଁ ଝେଚାନା ଝେଚେରି, “ମାହାପୁରୁ ଅଣ୍ଡାପୁଟି ବଲୁ ଝେହ୍‌ନାଟି ଆମ୍ବାଆସି ନିଜେ ଝେଡାଡେସି, ଝେସ୍ତାମ୍‌ !” ଜାମାନାଜା ଜିକେଏ ଆସାନା ସାପୁଡ଼ା ଝେଚିହଁ ଅଡେରି ।

ପିତର ଜୀସୁଇଁ ପୁଞ୍ଜାହିଲଅଁ ଇନାୟି

(ମାଟି ୨୬:୬୯-୭୫; ଲୁକ ୨୨:୫୬-୬୨; ଜହ ୧୮:୧୫-୧୮, ୨୫-୨୭)

୬୬ ଏମ୍ବାଟିଏ ପିତର ଆଂଗେଣିତା ମାଟିବେଲାତା କାଜା ପୂଜେରା ହଲେଣି ଖାହାନା ପିତର ହିରୁ କେରୁଞ୍ଜି ମାଚାଣି ମେସ୍ତେ,

୬୭ ଇଞ୍ଜାଁ ପିତରଇଁ ସିନିକିହାନା ଏଲେଇଚେ, “ନୀନୁ ଜିକେଏ ନାଜ୍‌ରିଚ ଜୀସୁତଲେ ମାଟି ।”

☆ ୧୪:୪୯ ଲୁକ ୧୯:୪୭; ୨୧:୩୭

୨୮ ସାମା ଏଝାସି, ନାନୁ ଏଝାଣାଇଁ ପୁଞ୍ଜାହିଲଅଁ, ନାନୁ ଏନାଆଁ ଝେସିମାଞ୍ଜି ନାନୁ ପୁଞ୍ଜିହିଲଅଁ, ତାୟୁ ଏଝାସି ଆଂଗେଣି ଦୁଝେରିତା ହାରେସି, ରେଟୁଏ କୟୁ କେଶତେ ।

୨୯ ଇଞ୍ଜା ଏ ହେଲଣି ଏଝାଣାଇଁ ମେସାନା ଦାରିତା ନିଚାମାନି ଲକୁଣି ଅଡ଼େ ଝେଣ୍ଡେ ଝେସାଲି ମାଟ୍‌ହେ, “ଇଝାସି ଏଝାରି ବିତ୍ତାଟି ରଅସି ।”

୩୦ ସାମା ଏଝାସି ଅଡ଼େ ଝେଣ୍ଡେ ପୁଞ୍ଜାହିଲଅଁ ଇରେସି, ଅଡ଼େ ଗାଡ଼େକା ଆହାଲିଏ ଦାରିତା ମାଟି ଲକୁ ପିତରଇଁ ଏଲେଇରେରି, “ନାନୁ ସାତେଏ ଏଝାରି ବିତ୍ତାଟି ରଅତି, ଇଟିହିଁ ନାନୁ ର ଗାଲିଲି ଲକୁଟି ।”

୩୧ ସାମା ଏଝାସି ପାର୍‌ମାଣା ଇଞ୍ଜା ବାକା ଇଚାନା ଏଲେଇରେସି, ମୀରୁ ଆମିନି ଲକୁଟି କାତା ଝେସିମାଞ୍ଜେରି, ନାନୁ ଏଝାଣାଇଁ ପୁଞ୍ଜାହିଲଅଁ ।

୩୨ ଏ ଦେବୁଣିଏ କୟୁ ରୀ ଦେବା କେଶତେ । ଏମ୍ବାଟିଏ କୟୁ ରୀ ଦେବା କେଶଆ ନକେଏ ନାନୁ ନାଜେ ତାନି ଦେବା ନାନୁ ପୁଞ୍ଜାହିଲଅଁ ଇଞ୍ଜାଦି, ଆମିନି କାତା ଜାୟୁ ପିତରଇଁ ଏଲେଇଞ୍ଜାମାରେସି, ଏଦି ଏଝାଣି ମନତା ଝାଡେ, ଇଞ୍ଜା ଏଝାସି ଏ କାତା ଅଣ୍ଡିହିଁ ହାରେକା ଡ଼ାହାଲି ମାଟ୍‌ହେସି ।

୧୫

ପିଲାତ ନକିତା ଜୀସୁ

(ମାତି ୨୭:୧-୨, ୧୧-୧୪; ଲୁକ ୨୩:୧-୫; ଜହ ୧୮:୨୮-୩୮)

୧ ଲାଇଁ ଝେୟାଲିଏ ବେରଣି ମାଣ୍ଡାତାରି, ଇଟିହିଁ ଲକୁଟି କାଜାରି ଇଞ୍ଜା ମେରା ପୁନାରି ତଲେ କାଜା ପୂଜେରାଞ୍ଜା ବେରଣି କିହାନା କାତା ଆଡେରି । ଜୀସୁଇଁ ଦସ୍‌ପା ଅହାନା ପିଲାତ କେୟୁତା ହେର୍‌ପିତେରି ।

୨ ପିଲାତ ଏଝାଣାଇଁ ଝେରେସି, “ନାନୁ କି ଜୀହୁଦି ଲକୁଟି ରାଜା ?”

ଜୀସୁ ଏଝାଣାଇଁ ଏଲେଇରେସି, “ନାନୁଏ ଏଲେ ଇଞ୍ଜିମାଞ୍ଜି ।”

୩ ଇଞ୍ଜା କାଜା ପୂଜେରାଞ୍ଜା ଜୀସୁ କପାଟି ହାରେକା କାତାୟାଁ ଝେସ୍ତେରି ।

୪ ଏମ୍ବାଟିଏ ପିଲାତ ଅଡ଼େ ଝେଣ୍ଡେ ଏଝାଣାଇଁ ଝେରେସି, “ନାନୁ ଏନାଆଁତାକି ଝେସିମାଞ୍ଜିଅତି ? ମେହ୍‌ଦୁ ଇଝାରି ନୀ କପାଟି ହାରେକା କାତା ଜଲିମାନେରି ।”

୫ ସାମା ଜୀସୁ ଏନି ହାଡ଼ା ଜଲ୍‌ଆତେସି, ଏରେଟିଏ ପିଲାତ କାବା ଆଡେସି ।

ଜୀସୁ ହାନି ତଣ୍ଡ

(ମାତି ୨୭:୧୫-୨୬; ଲୁକ ୨୩:୧୩-୨୫; ଜହ ୧୮:୩୯; ୧୯:୧୬)

୬ ସାମା ପାରୁଁ ବେଲାତା ଲକୁ ଆମିନି କାୟିଦିତା ମାଚାଣାଇଁ ରାସିମାରେରି, ଏଝାଣାଇଁ ପିଲାତ ଏଝାରି ତାକି ପିସିମାରେସି ।

୭ ଆମିନି ଗଡ଼ହା ଗାଟାରି ଗଡ଼ହା ବେଲାତା ଲକୁଣି ପାୟାମାରେରି, ଏଝାରିତଲେ ବାରବା ଦରୁଗାଟାସି କାୟିଦିତା ମାରେସି ।

୮ ଏନାଆଁତାକି ତାନି ମେରା ଲେହେଁ କିହାଲି ପିଲାତଇଁ ବାତିମାଲିତେରି ।

୯ ଏମ୍ବାଟିଏ ପିଲାତ ଏଝାରାଇଁ ଏଲେଇରେସି, “ମୀରୁ ଏନାଆଁ ଅଣ୍ଡିମାଞ୍ଜେରି ? ନାନୁ ମିଜେତାକି ଜୀହୁଦି ଲକୁଟି ରାଜାଇଁ ପିସାହିୟାଇଁ ?”

୧୦ ଇଟିହିଁ କାଜା ପୂଜେରାଞ୍ଜା ଏଝାଣାଇଁ ତାହାରା ତଲେ ହେର୍‌ପାମାରେରି, ଏନାଆଁ ଏଝାସି ପୁରେସି ।

୧୧ ସାମା ଏଝାସି ଏନିକିଁ ଏଝାରି ତାକି ବାରବାଇଁ ପିହ୍‌ନେସି, ଏନାଆଁତାକି କାଜା ପୂଜେରାଞ୍ଜା ଲକୁଣି ଝେସ୍ତେରି ।

୧୨ ସାମା ପିଲାତ ଝେଣ୍ଡେ ଏଝାରାଇଁ ଏଲେଇରେସି, “ଆତିହିଁ ଆମ୍ବାଆରାଇଁ ଜୀହୁଦି ଲକୁଟି ରାଜା ଇଞ୍ଜି ମାଞ୍ଜେରି, ଜୀସୁଇଁ ନାନୁ ଏନାଆଁ କିଇଁ ?”

୧୩ ଲକୁ ବାରେ କାଲୁଝି ଆହାନା ଏଲେଇରେରି, “ଏଝାଣାଇଁ ପାସି ଏକଦୁ ।”

୧୪ ଏମ୍ବାଟିଏ ପିଲାତ ଏଝାରାଇଁ ଝେରେସି, “ଏନାଆଁତାକି ଏଝାସି ଏନି ଦହ୍ କିହାନାମେସି ?”

ସାମା ଏଝାରି ଗାତି କାଲୁଝି ଆହାନା ଏଲେଇରେରି, “ଏଝାଣାଇଁ ପାସି ଏକଦୁ ।”

୧୫ ଏରେଟିଏ ପିଲାତ ଲକୁଣି ରାହାଁ କିହାଲି ମନ୍ କିହାନା ଏଝାରି ତାକି ବାରବାଇଁ ପିସ୍ତେସି, ଇଞ୍ଜା ଜୀସୁଇଁ ସାଟ୍‌ଣି ତଲେ ଝେପି କିହାନା ପାସି ମୁଣ୍ଡାତା ଏକହାଲି ହେର୍‌ପିତେସି ।

କସ୍ତକା ଜୀମୁଈଁ ନିନ୍ଦାକିହିଁ କାକନାୟି

(ମାତି ୨୭:୨୭-୩୧; ଜହ ୧୯:୨-୩)

୧୭ ଏମ୍ବାଟିଏ କସ୍ତକା ଜୀମୁଈଁ ଆଂଗେଣିଟି ମେଡ଼ା ଇଲୁ ବିତ୍ରା ଅହାନା ବାରେ କସ୍ତକାଣି ହାଡ଼ାନା ରୁଣ୍ଡା କିତେରି ।

୧୭ ଏଞ୍ଜାରି ଏଞ୍ଜାଣାଇଁ ହେୟାଁ ଖାଣା ହିମ୍ବୁରି ହୁଟିକିତେରି ଇଞ୍ଜାଁ ହାଦ୍‌କା ଚଢ଼େରି ଆଲାନା ଏଞ୍ଜାଣି ତାୟଁ ତୁା ତୁରଞ୍ଜି କିତେରି:

୧୮ ଅଡ଼େ “ଏ ଜୀମୁଦି ଲକୁତି ରାଜା ଜହରା” ଇଞ୍ଜାଁ ଏଞ୍ଜାଣାଇଁ ନିନ୍ଦାକିତେରି ।

୧୯ ଇଞ୍ଜାଁ ଏଞ୍ଜାରି ର ବାଡ଼ଗା ଆସାନା ଏଞ୍ଜାଣି ତାୟଁ ତୁା ଖେତେରି ଇଞ୍ଜାଁ ମେଣ୍ଡାକୁତାନା ଜହରା କିତେରି ।

୨୦ ଏଞ୍ଜାରି ଏଞ୍ଜାଣାଇଁ ଲାଜାକିହିଁ କାକହିଁ ତାୟୁ, ଏ ହେୟାଁ ଖାଣାଗାଟି ହିମ୍ବୁରି ହୁକ୍‌ହା ଅହାନା ତାନି ହିମ୍ବୁରି ହୁଟିକିତେରି । ଇଞ୍ଜାଁ ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାତା ଏକହାଲି ପାଙ୍ଗାତା ଅଡ଼େରି ।

ଜୀମୁଈଁ ପାସି ଏକନାୟି

(ମାତି ୨୭:୩୨-୪୪; ଲୁକ ୨୩:୨୭-୪୩; ଜହ ୧୯:୧୭-୨୭)

୨୧ ଏଚିବେଲା ଆଲେକ୍‌ଜାଣ୍ଡର ଇଞ୍ଜାଁ ରୁପତାମି ଆବା ସିମନ ଦରୁଗାଟି ର କୁରିଣିୟ ଲକୁ ନାୟଁଟି ଖାହାନା ଏ ଜିରୁଟି ହାଜିମାରେସି; ଏଞ୍ଜାରି ଏଞ୍ଜାଣାଇଁ ଜୀମୁଟି ପାସିମୁଣ୍ଡା ଡେକାଲି ବାଲାମାତମି କିତେରି ।

୨୨ ଇଞ୍ଜାଁ ଏଞ୍ଜାରି ଏଞ୍ଜାଣାଇଁ ଗଲ୍‌ଗତା ଇଚିହିଁ “ତାୟଁ ରୁପା” ଇନି ଗାୟୁତା ତାତେରି ।

୨୩ ଇଞ୍ଜାଁ ଏଞ୍ଜାରି ଏଞ୍ଜାଣାଇଁ ପୁଲା ଆଣ୍ଡିଟି ଅଞ୍ଜୁରି ରାସା ଗସାଲି ହାତେରି, ସାମା ଏଞ୍ଜାସି ଏଞ୍ଜାଆଁ ଗହଆଡେସି ।

୨୪ ଏଚେଟିଏ ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାତା ଏକହେରି, ଇଞ୍ଜାଁ ଆମ୍ବାଆସି ଏନାଆଁ ବେଟା ଆନେସି, ଏଦାଆଁ ପାଦି କିହାନା ତାନି ହିମ୍ବୁରିକା ତାମ୍ବୁ ତୁାମ୍ବୁ ହାଟି କିହାନା ଅଡ଼େରି ।

୨୫ ଦିନା ନ ଗଂଗା ବେଲାତା ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାତା ଏକହେରି ।

୨୬ ଇଞ୍ଜାଁ ଏଞ୍ଜାଣିଲାଇଁ ଇଲେଇଞ୍ଜାଁ ରାୟ୍‌କି ଆହାମାରେ, “ଇଞ୍ଜାସି ଜୀମୁଦି ଲକୁତି ରାଜା ।”

୨୭ ଇଞ୍ଜାଁ ଏଞ୍ଜାଣି ଚିଃନିଞ୍ଜାକି ରଅଣାଇଁ ଅଡ଼େ ଚେଟ୍‌ଟିଞ୍ଜାକି ରଅଣାଇଁ, ଇଲେକିହିଁ ରୀ ସର୍କାଣି ଏଞ୍ଜାରି ଏଞ୍ଜାଣିତଲେ ପାସି ମୁଣ୍ଡାତା ଏକହେରି ।

୨୮ ଏଚେଟିଏ ଦାମ୍ବୁ ପତିତି କାତା ସାତା ଆଡ଼େ, ଏଞ୍ଜାସି ପାପୁ ଗାଟାରି ତଲେ ଲେକା କିଞ୍ଜିଆଡେସି ।*

୨୯ ଏକ୍‌ଜିରୁଟି ହାଜିମାନି ଲକୁ ତାମି ଡାକ୍‌କା ଗୁଟ୍‌କିକିହିଁ ଏଞ୍ଜାଣାଇଁ ନିନ୍ଦାକିହିଁ ଏଲେଇଚେରି, “ଆବା, ମାହାପୁରୁ ଇଲୁଟି ତିକ୍‌ନାଟି ଇଞ୍ଜାଁ ତାନି ଦିନାଟିଏ ଏଦାଆଁ କେପିନାଟି,

୩୦ ପାସି ମୁଣ୍ଡାଟି ରେଗାଖାହାନା ନିଜେ ଗେଲ୍‌ପା କତାମୁ ।”

୩୧ କାଜା ପୁଜେରାଜା ଜିକେଏ ଏଲେକ୍‌ ମେରାପୁନାରି ତଲେ ତାମ୍ବୁ ତାମ୍ବୁ ଏଞ୍ଜାଣାଇଁ ନିନ୍ଦାକିହିଁ ଏଲେଇଚେରି, “ଏଞ୍ଜାସି ଅର ଲକୁଟି ଗେଲ୍‌ପିଡେସି, ସାମା ତାଜେ ଗେଲ୍‌ପାଲି ଆଡ଼ିହିଲଅସି ।

୩୨ ଇସ୍ରାୟେଲିଟି ରାଜା କ୍ରାସ୍‌ପିଟି ଇଚିହିଁ ଦେବୁଣିଏ ପାସି ମୁଣ୍ଡାଟି ରେଗା ଖାମୁ, ଏନିକ୍‌ ମାମ୍ବୁ ଏଦାଆଁ ମେସାନା ନାମାନମି ।”

ଇଞ୍ଜାଁ ଆମିନି ଗାଟାଗାଇଁ ଜୀମୁତଲେ ପାସି ମୁଣ୍ଡାତା ଏକହା ମାଚେରି, ଏଞ୍ଜାରି ଜିକେଏ ଏଞ୍ଜାଣାଇଁ ନିନ୍ଦାକିତେରି ।

ଜୀମୁ ହାନାୟି

(ମାତି ୨୭:୪୫-୫୭; ଲୁକ ୨୩:୪୪-୪୯; ଜହ ୧୯:୨୮-୩୦)

୩୩ ବାର ଗଂଗା ବେଲା ଏ ଦେସା ଆନ୍ଦେରି ଆହାନା ତାନି ଗଂଗା ପାତେକା ଡ଼ୟିଡେ ।

୩୪ ତାନି ଗଂଗା ବେଲାତା ଜୀମୁ କାଜା ହାଡ଼ାତଲେ ହାଡ଼ାନା ଏଲେଇଚେରି, “ଏଲହି ଏଲହି ଲାମା ସାବକତାନି ?” ଇଚିହିଁ “ଏ ନା ମାହାପୁରୁ ଏ ନା ମାହାପୁରୁ ନୀନୁ ନାଜେ ଏନାଆଁତାକି ପିସ୍‌ସାଟି ?”

୩୫ ଇ ହାଡ଼ା ଖେଞ୍ଜାନା ଦାରିତା ନିଚାମାନି ଲକୁ ଆମ୍ବା ଆମ୍ବାଆରି ଏଲେଇଚେରି, “ମେହ୍‌ଦୁ ଏଞ୍ଜାସି ଏଲିୟର୍‌ ହାଟି ମାନେସି ।”

* ୧୫:୨୧ ରମି ୧୭:୧୩ * ୧୫:୨୮ ଜିସାୟ ୫୩:୧୨ କଚେକା ସାସ୍‌ପୁରିତା ଇ କାତା ରାୟ୍‌କି ଆହାହିଲେଏ । ☆ ୧୫:୨୯ ମାର୍ଚ୍ଚ ୧୪:୫୮; ଜହ ୨:୧୯

୩୬ ଇଞ୍ଜା ରଅସି ହଚିହୁଁ ହାଜାନା ର ଗ୍ରାହଣାଲି ପୁଲା ଅଙ୍ଗୁରି ରାସାତା ମେହୁହାନା ଏଦାଆଁ ର ବାଡ଼ଗାତା ରୁପାନା ଏଝାଣାକି ଗସାଲି ହାହାନା ଏଲେଇଚେସି, “ହେଣୁ ଏଲିୟ ଇଝାଣାକି ଗେଲୁପାଲି ଝାହିମାନେସି କି ଆଏ ସିନକିନ ।”

୩୭ ସାମା ଜୀସୁ କାଜା ଗିୟାତଲେ ଜଲାନା ହାଡ଼େସି ।

୩୮ ଇଞ୍ଜା ମାହାପୁରୁ ଇଲୁତା ଲେଟାମାନି ହିମ୍ବୁରି ଲାକଟିଏ ଡ଼ଇ ପାତେକା ଗେଞ୍ଜାନା ରୀ ବାଗା ଆଡ଼େ ।

୩୯ ଏଝାଣି ନକିତା ନିଟାମାନି ପାସାକଡ଼ି କସ୍‌କା ମୁହେଁ କାଜାସି ଏଝାଣି ଇଲେତି ହାଡ଼ାଣି ମେସାନା ଏଲେଇଚେସି, “ସାତେଏ, ଇଝାସି ମାହାପୁରୁତି ମୀରଏସି ମାଚେସି ।”

୪୦ ଏଚେକା ଇୟାସିକା ଜିକେଏ ହେକଟି ସିନକିହିମାରୁ; ଏଝାସିକା ବିତ୍ରାଟି ମଗଦଲିନି ମରିୟମ, ଓଣା ଜାକୁବ ଇଞ୍ଜା ଜସିତି ଇୟା ମରିୟମ, ଅଡ଼େ ସାଲମି ମାରୁ;

୪୧ ଏଝାସି ଗାଲିଲିତା ମାଗାଟି ଏଢ଼ି ଏଝାଣି ଜେଡ ହାଜାନା ଏଝାଣି ସେବା କିହିମାରୁ; ଏଝାସିକା ତଲେ ଜିରୁସାଲମତା ଝାହାମାନି ହାରେକା ଇୟାସିକା ସିନକିହିମାରୁ ।

ଜୀସୁକି ମାହଣି ମାଣ୍ଡାତା ମୁହନାୟି

(ମାତି ୨୭:୫୭-୬୧; ଲୁକ ୨୩:୫୦-୫୬; ଜହ ୧୯:୩୮-୪୨)

୪୨ ଝେଡ଼ା ହାଜିମାଗାଟି, ଏ ଦିନା ତିୟାରା ଆନି ଦିନା ଇତିହୁଁ ଜମିନି ଦିନାତି ନକିତି ଦିନା ମାଗାକି,

୪୩ ହାରାମାଡ଼ିୟାତି ଜସେପ ଦରୁଗାଟି କାଜା ବେରଣିମାଣ୍ଡାତି ମାନି ଗାଟାସି ମାଚେସି, ଇଞ୍ଜା ଆମିନିଗାଟାସି ତାନୁଏ ମାହାପୁରୁତି ରାଜି କାଟିମାଚେସି, ଏଝାସି ସାସାତଲେ ପିଲାତ ତାଣା ହାଜାନା ଜୀସୁତି ଆଜା ରାସେସି ।

୪୪ ସାମା ଏଝାସି ହାଡ଼େସିଏ ଇ କାତା ପିଲାତ ଝେଞ୍ଜାନା କାବା ଆଡ଼େସି, ଇଞ୍ଜା ପାସାକଡ଼ି କସ୍‌କା ମୁହେଁ କାଜାଣାକି ତାଗେ ହାଡ଼ାନା ଝେଚେସି, “ଏଝାସି ହାହାନା ହାରେକା ବେଲା ଆଡ଼େୟିଏ ?”

୪୫ ପାସାକଡ଼ି କସ୍‌କା ମୁହେଁ କାଜାଣି ତାଣାଟି ଏ କାତା ପୁଞ୍ଜାନା ଆଜାତି ଅହାଲି ଜସେପକି ହେଲ ହାଡ଼େସି ।

୪୬ ଏଝାସି ର ପାଡ଼ାଡ଼ା ହିମ୍ବୁରି କତାନା ଏଝାଣାକି ରେପହା ତାଗାନା ଏ ହିମ୍ବୁରି ରୁପିତେସି ଇଞ୍ଜା ହରୁତା କାରୁହାମାନି ମାଡ଼ହା ମୁହନି ଟାୟୁତା ଏଝାଣାକି ଇଟାନା ଦୁଝେରିତା ର କାଜା ଝାଲି ଉସି କିଚେରି ।

୪୭ ଏଝାଣାକି ଆମିନି ଟାୟୁତା ଇଟକି ଆହାମାନେ, ଏଦାଆଁ ମଗଦଲିନି ମରିୟମ ଇଞ୍ଜା ଜସି ତାମି ଇୟା ମରିୟମ ମେସାମାରୁ ।



ଜୀସୁ ଝେଣ୍ଡେ ନିଜିନାୟି

(ମାତି ୨୮:୧-୮; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାୟାଲିଏ ମଗଦଲିନି ମରିୟମ, ଜାକୁବ ତାମି ଇୟା ମରିୟମ, ଇଞ୍ଜା ସାଲମି ଗାଦାଗାଟି ନିହୁଁ କଡ଼ିରୁ, ଏନିକି ଏଢ଼ି ହାଜାନା ଜୀସୁ ଆଜାତା ରୁବାଲି ଆଡ଼ିନୁ ।

୨ ଏଢ଼ି ଝାରାତି ମୁଲୁ ଦିନା ଲାଜୁ ଝେଡ଼ା ହନି ବେଲାତା ମାହଣି ମାଣ୍ଡାତା ହାରୁ ।

୩ ଏଢ଼ି ତାମ୍ବୁ ଡୁଗ୍‌ଡୁ ଝେସିପି ଆହିମାରୁ, “ଆମ୍ବାଆସି ମାଜେଟାକି ମାହଣି ମାଣ୍ଡା ଦୁଝେରିତି ଝାଲି ଉସିକିହା ହିୟାନେସି ?” ଏନାଆଁତାକି ଇତିହୁଁ ଏ ଝାଲି ହାରେକା କାଜାୟି ମାଚେ ।

୪ ସାମା ଏଢ଼ି ଏମ୍ବାଆଁ ସିନକିନି ବେଲାତା, ଝାଲି ଉସିକିଢ଼ି ଆହାମାଚେ ।

୫ ଏଢ଼ି ମାହଣି ମାଣ୍ଡାତା ହଡ଼ାନା ଦବଲା ହିମ୍ବୁରି ହୁଟାମାନି ର ଦାଂଗଣେଏଣାକି ଟିଝନିଝାକି କୁଗାମାନାଣି ମେସାନା ହାରେକା କାବାଆଡ଼ୁ ।

୬ ଏମ୍ବାଟିଏ ଏଝାସି ଏଝାସିକାଣି ଏଲେଇଚେସି, “ଆଜାଆଦୁ; ମୀରୁ ପାସି ମୁଣ୍ଡାତା ହାହାମାନି ନାଜିତିତ ଜୀସୁକି ପାରିମାଞ୍ଜେରି; ଏଝାସି ନିଜାମାନେସି, ଏଝାସି ଇମ୍ବାଆଁ ହିଲଅସି, ସିନକିଦୁ ଇମ୍ବାଆଁ ଏଝାଣାକି ଇଟାମାଚେରି ।

୭ ଏସାମା ମୀରୁ ହାଜାନା ତାମି ସୀସୁୟାଁ ଇଞ୍ଜା ପିତରକି ଝେହୁ, ଏଝାସି ମୀ ନକି ନକିତା ଗାଲିଲିତା ହାଜିମାନେସି; ଏଝାସି ମିଜେ ଏନିକିଁ ଝେସାମାଞ୍ଜାତେସି, ଏଲେକିହୁଁ ଏ ମୀରୁ ଏଝାଣାକି ଏମ୍ବାଆଁ ମେହୁଦେରି ।”

☆ ୧୫:୪୦ ଲୁକ ୮:୨୩ ☆ ୧୭:୭ ମାତି ୨୭:୩୨; ମାର୍କ ୧୪:୨୮

୮ ଏମ୍ବାରିଏ ଏଫ୍ରି ମାହଣି ମାଣ୍ଡାଟି ହରୁ, ଇଚିହ୍ମ ଏଫ୍ରି କାବା ଆହ୍ନାନା ଆଜିତାକି ତୀରୁମିମାରୁ, ଇଞ୍ଜା ଆମ୍ବାଆରାଇଁ ଏନାଆଁ ଖେହୁଆତୁ* ।

ଜୀସୁ ମଗ୍ଦଲିନି ମରିୟମଇଁ ତଞ୍ଜା ଆନାୟି
(ମାତି ୨୮:୯-୧୦; ଜହ ୨୦:୧୧-୧୮)

୯ ଖାରାତି ମୂଲୁତି ଦିନା ଲାଇସିଏ ଏଫ୍ରିଏ ଖେଣ୍ଡେ ନିଜାନା, ଆମିନିଗାଟାଣି ସାଡାଗଟା ବୃତୁୟାଁ ପିସ୍ପି କିହାମାରେସି, ଏ ମଗ୍ଦଲିନି ମରିୟମନି ତଲିଏ ତଞ୍ଜାଆଡେସି ।

୧୦ ଏଦି ହାଜାନା ଆମିନି ଗାଟାରି ତାମିତଲେ ମାଚେରି, ଏଫ୍ରିରାଇଁ ଖେସ୍ତେ; ଇଚିହ୍ମ ଏଫ୍ରିରି ଦୁକୁଟି ତାହି ମାଚେରି ।

୧୧ ଜୀସୁ ନୀତାମାନେସି, ଇଞ୍ଜା ଏଦାନି ତଞ୍ଜା ଆହ୍ନାନାମେସି, ଇଦାଆଁ ଖେଞ୍ଜାନା ଏଫ୍ରିରି ନାମାଆଡେରି ।

ଜୀସୁ ରୀ ସୀସୁୟାଁଣି ତଞ୍ଜା ଆନାୟି
(ଲୁକ ୨୪:୧୩-୩୫)

୧୨ ଏଚେଟିଏ ଇ ବାରେ ଆଡି ତାୟୁ ଏଫ୍ରିରି ବିତ୍ରାଟି ରୀ ସୀସୁୟାଁ ର ନାୟୁଁତା ହାଜିମାଟାଟି ଏଫ୍ରିସି ଅର୍ ଖାଣା ତଲେ ଏଫ୍ରିରାଇଁ ତଞ୍ଜାଆଡେସି,

୧୩ ଇଞ୍ଜା ଏଫ୍ରିରି ହାଜାନା ଏଡ଼କା ତାରାଇଁ ଖେସ୍ତେରି; ସାମା ଏଫ୍ରିରି କାତା ଜିକେଏ ଏଫ୍ରିରି ନାମାଆଡେରି ।

ଜୀସୁ ଏଗାର ଜାଣା ସୀସୁୟାଁଇଁ ତଞ୍ଜା ଆନାୟି
(ମାତି ୨୮:୧୭-୨୦; ଲୁକ ୨୪:୩୭-୪୯; ଜହ ୨୦:୧୯-୨୩; କାମା ୧:୭-୮)

୧୪ ଏମ୍ବାରିଏ ଏଗାର ଜାଣା ସୀସୁୟାଁ ତିଞ୍ଜାଲି କୁଗାମାଟାଟି ଜୀସୁ ଏଫ୍ରିରାଇଁ ତଞ୍ଜାଆଡେସି ଇଞ୍ଜା ଏଫ୍ରିରି ନାମିହିଲାଆତାକି ଇଞ୍ଜା ହିୟାଁତି ଆଡ଼ଝାତାକି ଏଫ୍ରିରାଇଁ ଦାକା ହାଡେସି, ଇଚିହ୍ମ ଆମିନି ଗାଟାରି ଏଫ୍ରିଣି ଖେଣ୍ଡେ ନିଜିତାଣି ମେସାମାଚେରି, ଏଫ୍ରିରି କାତା ଏଫ୍ରିରି ନାମା ହିଲାଆଡେରି ।

୧୫ ଇଞ୍ଜା ଜୀସୁ ଏଫ୍ରିରାଇଁ ଏଲେଇଚେସି, “ମୀରୁ ବାରେ ଦାର୍ତତିତା ହାଜାନା ବାରେ କୃତାତି ଲକୁତାଣା ନେହ୍ମ କାବୁ ଖେହ୍ମୁ ।

୧୬ ଆମ୍ବାଆସି ନାମାନା ବାପ୍ତିସ୍ମା ଓନେସି ଏଫ୍ରିସି ଗେଲ୍ପି ଆନେସି; ସାମା ଆମ୍ବାଆସି ନାମଅସି ଏଫ୍ରିସି ତଣ୍ଡ ବେଟାଆନେସି ।

୧୭ ଇଞ୍ଜା ନାମିନାରାକି ଇ ସିନାୟାଁ ଆନୁ, ଏଫ୍ରିରି ନା ଦରୁତଲେ ବୃତୁୟାଁ ପିସ୍ପି କିନେରି, ପୁଃନି ପୁଃନି ହାଡାତଲେ ଜଲିନେରି,

୧୮ କେସ୍ତାତଲେ ରାସ୍ତକା ଆହ୍ନେନେରି, ଇଞ୍ଜା ହାନି ଅସ ଗସ୍ତିହ୍ମ ଜିକେଏ ଏଫ୍ରିରି ଏନାଆଁ ଆଅରି; ଏଫ୍ରିରି ନେନେରି ଦୁକା ଗାଟାରି ଲାକ କେୟୁ ଇଚିତିହ୍ମ ଏଫ୍ରିରି ନେହ୍ମ ଆନେରି ।”

ଜୀସୁ ଲାକପୁରୁ ଅଫ୍ରିଆନାୟି
(ଲୁକ ୨୪:୫୦-୫୩; କାମା ୧:୯-୧୧)

୧୯ *ଇଲେକିହ୍ମ ଏଫ୍ରିରାଇଁ ବାରେ କାତା ଖେସ୍ତି ତାୟୁ ଜୀସୁ ଲାକପୁରୁ ଅଫ୍ରିଆହ୍ନାନା ମାହାପୁରୁତି ଚିଃନିଝାକି କୁରିତେସି ।

୨୦ ସାମା ଏଫ୍ରିରି ହାଜାନା ବାରେଝାକି କାବୁ ଖେସ୍ତେରି, ଇଞ୍ଜା ପୁରୁ ଜୀସୁ ଏଫ୍ରିରିତଲେ କାମା କିହାନା ତାନି ବାରେ ସିନାୟାଁ ତଲେ ଏଫ୍ରିରି ଖେକହାମାନାଣି ସାତା ଇଞ୍ଜା ତସ୍ତେସି ।

* ୧୭:୮ ଏଫ୍ରି ପିତର ତଲେ ମାତି ବାରେ ଲକୁତାଣା ଏ କାତା ଖେସ୍ତୁ । ୧୭:୨୦ ଇଦାଆଁ ତାୟୁ, ଜୀସୁ ତାୟୁ ଜିକେଏ ଏଫ୍ରିସିକା ତଲେ ସୁଅଡେ କାକାକାଲିଟି ଗେଲ୍ପି ଆନାଣି ଖେକହାଲି ତାକି ଖେଡା ହପୁ ଖାକିଟି ଖେଡା ହାନି ଝାକି ପାଣ୍ଡିତେସି । † ୧୭:୧୭ ମୁଞ୍ଜିନାୟି
* ୧୭:୧୯ କାମା ୧:୯-୧୧

ଲୁକ ଲିଖିତ ସୁସମାଚାର ଲୁକ ରାଜାମାନି ନେହଁ କାବୁ ମୂଲୁ ହାଡ଼ା

ଲୁକ ରାଜାମାନି ନେହଁ କାବୁତା ଜୀସୁ କ୍ରୀସ୍ତ ଜୀଝୁତି କାତା ରାସ୍ତି ଆହାମାନେ । ପୁଃନି ମେରାତି ସାରିଗଟା ନେହଁ କାବୁ ପତିୟା ବିତ୍ରାଟି ଇଦି ରଣି “ନେହଁ କାବୁ” ଇନେରି । ଇ ବାରେ ପ୍ରବୁ ଜୀସୁ ହାଡ଼ି ତାମୁ ମାତିମୁ, ମାର୍କ, ଲୁକ ଅଡେ ଜହନ ରାଜାମାନେରି । ଲୁକ ଜୀସୁ ମାହାପୁରୁଖାଣି ଏନାଆଁ ଗଟ଼ି ଆହାମାନେ ଅଡେ ଜୀସୁ ହାହାନା ଖେଣ୍ଡେ ନିଜିତି ତାମୁ ଲାକପୁରୁ ହାଚାଣି ଇଞ୍ଜା ତାମି ସୀସୁୟାଁ ଏନିକଁ କାମା କିତେରି ଏ ବାରେ ରାଜାମାନେସି । ଏ ପତିଇଁ “ପାଣ୍ଡୁ଼ି ଆହାମାନାରି କାମା” ଇଞ୍ଜା ଇନେରି । ଇ ପତି ଏଡେତା ରାସ୍ତି ଆହାମାନେ, ଅଡେ ଆନିନି ଚାମୁତା ରାସ୍ତି ଆହାମାନେ, ଏ କାତା ଆମାଆସି ନେହଁ କଁ ପୁଞ୍ଜାହିଲଅସି, ଇ ପତି ଜୀସୁ କ୍ରୀସ୍ତ ଜାର୍ନା ଆଡ଼ି ୭୨ ବାର୍ଯା ତାମୁ ରାସ୍ତି ଆହାମାନେ ।

ଇ ପତିତା ଜୀସୁ ଇସ୍ରାୟେଲତି ଗେଲ୍ପିନାସି ଅଡେ ବାରେ କୁଡ଼ାତି ଲକୁଣି ଗେଲ୍ପିନାସି ଇଞ୍ଜା ଲୁକ ତାନି ନେହଁ କାବୁତା ରାଜାନା ତସାମାନେସି । ହିଲାଆ ଗାଟାରି ତାଣା ନେହଁ କାବୁ ଝେକ୍‌ହାଲି, ମାହାପୁରୁତି ସୁଦୁଜୀଝୁ ଜୀସୁଇଁ ଆଚାମାଚେ, ଇଞ୍ଜା ଜୀସୁ ଏନିକଁ ହାରେକା ଦେବା ଦୁକୁ କସ୍ତ ଗାଟାଗାଈଁ ଅଡେ ହିଲାଆଗାଟାଗାଈଁ ସାୟେମି କିହାମାଚେସି ଲୁକ ରାଜାମାନେସି ।

ଜୀସୁ ଜାର୍ନାଆଡ଼ି ବେଲାତା ଦୁଡୁୟାଁ ପାଚୁ ପାଡ଼ିନାସି ଅଡେ ମେଣ୍ଡା ଗଡ଼କା ଜୀସୁଇଁ ବେଟି ହାନାସି, ଜୀସୁ ବାଚ ବାର୍ଯା ଆହାମାଚାଟି ମାହାପୁରୁ ଇଲୁତା ହାନାସି, ଇଞ୍ଜା ନେହଁ ସମିରଣି ଅଡେ ଜାଜିତି ମୀରୁଏଣି ପୁଣ୍ଡିକିନି କାତା ଇ ବାରେ ସାରିଗଟା ନେହଁ କାବୁ ରାଜାମାନାରି ବିତ୍ରା ଲୁକ ନେହଁ କଁ ରାଜାନା ତସାମାନେସି । ଅଡେ ମାହାପୁରୁ ତାଣା ପ୍ରାଚାନା କିନାଣି ଜିକେଏ ଲୁକ ହାରେକା ରାଜାନା ତସାମାନେସି ୩:୨୧; ୬:୧୬; ୬:୧୨; ୧୧:୧-୧୨ । ସୁଦୁଜୀଝୁ ବେଟାଆନି କାତା, ଜୀସୁଇଁ ସେବାକିନି ଇୟାସିକା କାତା ଇଞ୍ଜା ମାହାପୁରୁ ଲକୁଇଁ ତାମି ପାପୁ ମେକ୍‌ନି କାତା ଇ ବାରେ କାତା ଲୁକ ହାରେଏ ନେହଁ କଁ ରାଜାନା ଝେସାମାନେସି ୩:୩; ୧୧:୪; ୧୭:୩-୪; ୨୩:୩୪; ୨୪:୪୭ ।

ପତିତା ମାନାସି

- ୧. ଲୁକ ଝେକ୍‌ନାସି ଅଡେ ଏନାଆଁତାକି ରାଜାମାନାଣି ଝେହ୍‌ନାସି । ୧:୧-୪
- ୨. ଜୀସୁ କ୍ରୀସ୍ତ ଜାର୍ନା ଅଡେ ସେବା କାମା ମାଚ୍‌ନାସି । ୧:୫-୪:୧୩
- ୩. ଜୀସୁ କ୍ରୀସ୍ତତି କାବାଆନି କାମାୟାଁ ଅଡେ ଜାପ୍‌ନାସି । ୪:୧୪-୨୧:୩୮
- ୪. ଜୀସୁ କ୍ରୀସ୍ତ ହାନାସି, ମାହ୍‌ଣିଣା ମୁହ୍‌ନାସି ଅଡେ ଝେଣ୍ଡେ ନିଜିନାସି । ୨୨:୧-୨୪

ମାଚ୍‌ନି କାତା

୧ ମୂଲୁଟିଏ ଆମାଆରି ତୀରେ ମେସ୍ତାରି ଇଞ୍ଜା ବଲୁ ଝେକ୍‌ନାରି, ଏଞ୍ଜାରି ମାଜେ ହେରପା ମାଞ୍ଜାନି ଲେହେଁ,

- ୨ ମା ବିତ୍ରା ଆହାମାନି କାମା ବାରେ ହାରେକା ନେହଁ କଁ ରାଚାଲି ଜାଗ୍ରାତା ଆହାମାନେରି ।
- ୩ ଜୀଝୁତି ତିୟିଲ, ମୂଲୁଟିଏ ବାରେ କାତା ନେହଁ କଁ ସିନିକିହାନା ଏମାଆଁ ଏନାସି ମାନେ ଏଦାଆଁ ନିଜେତାକି ରାଚାଲି ନାନୁ ଜିକେଏ ନେହେଁ ଇଞ୍ଜା ଅଣ୍ପିତେଏଁ ।
- ୪ ଏନିକଁ ନୀନୁ ଏ ବାରେ କାତା ଜାପାମାଞ୍ଜି, ଏଡ଼ି ସାତା ଇଞ୍ଜା ପୁଞ୍ଜାଲି ଆଡ଼ିଦି ।

ବାପ୍ତିସ୍ତା* ହାନି ଜହନତି ଜାର୍ନାତି କାବୁ

* ଜୀହୁଦା ଦେସାତି ରାଜା ହେରଦ ବେଲାତା ଅବିୟ କୁଡ଼ାତି ଜିକରିୟ ଦରୁଗାଟି ର ପୂଜେରା ମାଚେସି; ତାନି ତକ୍ତି ହାରଣ କୁଡ଼ାତି ମାଜା, ଏଦାନି ଦରୁ ଏଲିସାବେତ ।

୨ ଜିକରିୟ ଅଡେ ଏଲିସାବେତ ମାହାପୁରୁତି ହୁକୁମି ଇଞ୍ଜା ମେରା ତଲେ ଦହ୍ ହିଲାଆଗାଟାଗାଈଁ ଆହାନା ମାହାପୁରୁ ନକିତା ଦାମ୍‌ ଗାଟାଗା ମାଚୁ ।

* ୧:୪ ମୁଞ୍ଜିନାସି

୭ ଯାମା ଏଞ୍ଜରାକି କକାରି ପଦାୟାଁ ହିଲୁଆତୁ, ଇଚିହୁଁ ଏଲିସାବେତ ବାଟେଜି ମାରେ, ଅଡ଼େ ତକ୍ତି ତକ୍ତା ରିଆରି ଜିକେଏ ଗାଡି ବୁଡ଼ହି ବୁଡ଼ହା ଆହାମାରେରି ।

୮ ର ଦିନା ଜିକରିୟ ତାମି ଗଟିତି ପାଲି ଏଜାଲିଏ ମାହାପୁରୁ ନକିତା ପୂଜେରା କାମା କିନି ବେଲ୍ଲାତା,

୯ ପୂଜେରା କାମାତି ଫେରା ତଲେ ଆଡ଼଼ି ଆହାନା ଏଞ୍ଜାଣାକି ମାହାପୁରୁ ଇଲୁତା ହତାନା ଦୁପୁଣି ହାହାଲି ଆଡେ,

୧୦ ଇଞ୍ଜା ଦୁପୁଣି ହାନି ବେଲ୍ଲାତା ବାରେ ଲକୁ ପାଙ୍ଗାତା ପ୍ରାତାନା କିହିମାରେରି ।

୧୧ ଏଚିବେଲ୍ଲା ମାହାପୁରୁତି ର ଦୁତୁ ଦୁପୁଣି ପିଣ୍ଡା ଚିଃନିଞ୍ଜାକି ନିଚାନା ଏଞ୍ଜାଣାକି ତଞ୍ଜାଆଡେ ।

୧୨ ଜିକରିୟ ଏଡାଣି ମେସାନା କାବାଆହାନା ଆଜିତେସି ।

୧୩ ଯାମା ଦୁତୁ ଏଞ୍ଜାଣାକି ଏଲେଇଚେ, “ଜିକରିୟ, ଆଜାଆନି, ଇଚିହୁଁ ମୀ ଗହାରା ଝେଣ୍ଡି ମାହାମାନେ, ଇଞ୍ଜା ନୀ ତକ୍ତି ଏଲିସାବେତ ନିଙ୍ଗେତାକି ର କକାଣାକି ଜାନି କିନେ, ଇଞ୍ଜା ଏଞ୍ଜାଣି ଦରୁ ଜହନ ଇଞ୍ଜୁଁ ହାଦେରି ।

୧୪ ଇଚିହୁଁ ଏଞ୍ଜାସି ମୀ ରାହାଁତି ରାହାଁ ଆନେସି, ଇଞ୍ଜା ହାରେକା ଏଞ୍ଜାଣି ଜାନୀତା ରାହାଁ କିନେରି ।

୧୫ ଇଞ୍ଜା ଏଞ୍ଜାସି ମାହାପୁରୁ ନକିତା କାଜାସି ଆନେସି; ଏଞ୍ଜାସି ଅଲ୍ଲୁରି ରାସା କି କାଡ଼ୁ ଏଚେଲ୍ଲାଞ୍ଜା ଗହଅସି, ଇଞ୍ଜା ତାଲିନି ବାଣ୍ଡିଚିଏ ସୁଦୁଜାଞ୍ଜୁତା ବେଟାଆନେସି,

୧୬ ଏଞ୍ଜାସି ଇସ୍ରାୟେଲ ମୀରକା ବିଦ୍ରାଟି ହାରେକା ଲକୁଇଁ ମାହାପୁରୁ ଞ୍ଜାକି ଝେଟହା ତାନେସି ।

୧୭ ତାଞ୍ଜିୟାଁ ହିୟାଁ ମୀରକା ଞ୍ଜାକି ଇଞ୍ଜା କାତା ମାନଞ୍ଜି ଆଆଗାତାରାଇଁ ତୀରିଗାଟି ବୁଦିତା ତାକାଲି ଝେଟହା ତାରାଲି ଇଞ୍ଜା ମାହାପୁରୁ ତାକି ତିୟାରା ଆହାମାନି ର ଲକୁତି ଲୁଲି ଜାଗ୍ରାତା କିହାଲି ବାପିସୁଁଁ ହାନି ଜହନ ଏଲିୟତି ଜାଞ୍ଜୁ ଅଡ଼େ ବାଡ଼ୁୟୁ ତଲେ ପ୍ରବୁତି ନକିତା ତାକିନେସି ।”

୧୮ ଏଚେଟିଏ ଜିକରିୟ ଦୁତୁଇଁ ଏଲେଇଚେସି, “ନାନୁ ଆମିନି ସିନା ତଲେ ପୁଇଁ ? ଇଚିହୁଁ ନାନୁ ବୁଡ଼ହାଚେସି, ଇଞ୍ଜା ନୀ ତକ୍ତିନି ବାସାଁ ଗାଡି ଆଡେସିଏ ।”

୧୯ ଦୁତୁ ଏଞ୍ଜାଣାକି ଏଲେଇଚେ, “ନାନୁ ଗାବ୍ରିୟେଲ, ନାନୁ ମାହାପୁରୁ ନକିତା ନିଚା ତୁୟିନାଚେସି, ଇଞ୍ଜା ନିଙ୍ଗେ ଝେସାଲି ଅଡ଼େ ଇ ନେହୁଁ କାଡ଼ୁ ପୁଣ୍ଡି କିହାଲି ନାନୁ ପାଣ୍ଡି ଆହାମାଇଁ ।

୨୦ ମେହ୍ନୁ ଇ ବାରେ ଆଆପାଚେକା ନାନୁ ବେବଡ଼ା ଆହାନା ତୁୟିଦି, ଇଚିହୁଁ ନା ଆମିନି କାତା ସାତା ଆନେ ଏ ବାରେ ନାନୁ ନାମାଆତି ।”

୨୧ ଏମ୍ବାଟିଏ ଲକୁ ଜିକରିୟକି କାଟିମାରେରି, ଇଞ୍ଜା ମାହାପୁରୁ ଇଲୁତା ଇଚେକା ଝେଡ଼ା ଆଡ଼ାକି କାବା ଆହିମାରେରି ।

୨୨ ଯାମା ଏଞ୍ଜାସି ପାଙ୍ଗାତା ଞ୍ଜାହାନା ଏଞ୍ଜରାକି କାତା ଆହାଲି ଆଡ଼ାଆଡେସି; ଏମ୍ବାଟିଏ ଏଞ୍ଜାସି ମାହାପୁରୁ ଇଲୁତା ଏନାଆଁ ମେସାମାନେସି ଇଞ୍ଜୁଁ ଏଞ୍ଜାସି ପୁଚେରି, ଇଞ୍ଜା ଏଞ୍ଜାସି ଏଞ୍ଜରାକି କେୟୁ ହୁଟିହୁଁ ତସାଲି ମାଟ୍‌ହେସି ଇଞ୍ଜା ବେବଡ଼ା ଆହାନା ତୁୟିତେସି ।

୨୩ ତାୟୁ ମାହାପୁରୁ ଇଲୁତି ସେବା କାମା ରାୟାଲିଏ, ଏଞ୍ଜାସି ତାମି ଇଜ ହାଚେସି ।

୨୪ ଏଚରଦିନା ହାତି ତାୟୁ ତାନି ତକ୍ତି ଏଲିସାବେତ ପୁରାମାସା ଆଡେ ଅଡ଼େ ଏଡ଼ି ପାସା ଲେଞ୍ଜୁ ପାଚେକା ଲକୁଣି ତଞ୍ଜା ଆଆଡେ ।

୨୫ ଏଡ଼ି ଏଲେଇଚେ, “ନାଏଁ ନାଙ୍ଗେ ପ୍ରବୁ କାର୍ମାମେସାନା ଲକୁ ନାଙ୍ଗେ ଲାଜା କିହିମାଞ୍ଜାତାଣି ପିସ୍‌ପି କିହାଲି ନାଙ୍ଗେ ଇଲେକିଁ କିହାମାଞ୍ଜାନେସି !”

ଜାସୁ ଜାନୀତି କାଡ଼ୁ

୨୬ ଏଲିସାବେତ ପୁରାମାସା ଆହାନା ସ ଲେଞ୍ଜୁ ଆହାଲିଏ ଗାବ୍ରିୟେଲ ଦୁତୁ ମାହାପୁରୁ ତାଣ୍ଡାଟି ଗାଲିଲିତି ନାଜରିତ ଗାଡ଼ାତି ର ଡ୍ରାଆ ପଦାନି ତାଣ୍ଡା ପାଣ୍ଡିଆଡେ;

୨୭ ଏଡ଼ି ଡ୍ରାଆ ପଦାନି ଦାଞ୍ଜୁଦ କୁଡ଼ାତି ଜସେପ ଇନାଣାକି ରାସା ମାରେରି; ଏ ଡ୍ରାଆ ପଦା ଦରୁ ମରିୟମ ।

୨୮ ଦୁତୁ ପଦା ତାଣ୍ଡା ଞ୍ଜାହାନା ଏଲେଇଚେ, “ଆଲ ମାହାପୁରୁତି କାର୍ମା ମେହ୍ନାତି ନିଙ୍ଗେ ହିଡ଼ି ଆୟାପେ !”

୨୯ ମରିୟମ ଏ ହାଡ଼ା ଝେଞ୍ଜାନା ଇଦି ଏନିଲେହେଁତି କାତା ଇଞ୍ଜୁଁ ଆଜାନା ମଦତା ଅଣ୍ଡିପେ ।

୩୦ ଏମ୍ବାଟିଏ ଦୁତୁ ଏଲେଇଚେ, “ଆଲ ମରିୟମ ଆଜାଆନି; ନିଙ୍ଗେ ମାହାପୁରୁ କାର୍ମା ମେସାମାଞ୍ଜାନେସି ।

୩୯ ନାନୁ ପୁରାମାୟା ଆହ୍ୱାନା ର ମୀର-ଏଣାଇଁ ବେଟାଆଦି ଏଝାଣି ଦରୁ ଜୀସୁ ଇଞ୍ଜିଁ ଇତିଦେରି ।

୩୭ ଏଝାସି କାଜାସି ଆନେସି ଇଞ୍ଜିଁ ମାହାପୁରୁ ମୀର-ଏସି ଇଞ୍ଜିଁ ୱେଜିନେସି; ପ୍ରବୁ ମାହାପୁରୁ ଏଝାଣାକି ତାମି ଆକୁ ଦାଝୁଦତି ସିଂଗାସାଣି ହୀନେସି,

୩୮ ଏଝାସି ଜାକୁବ କୁଡ଼ାତା ଜୁଗୁ ଜୁଗୁତାକି ରାଜି କିନେସି, ଇଞ୍ଜିଁ ଏଝାଣି ରାଜି ଏଚେଲାଝା ରାଏ !”

୩୯ ସାମା ମରିୟମ ଦୂତୁଇଁ ଏଲେଇଚେ, “ଇଦି ଏନିକିଁ ଆନେ ? ନାନୁ ତକାଇଁ ଜିକେଏ ପୁଞ୍ଜାହିଲଅଁ !”

୩୯ ଦୂତୁ ଏଲେଇଚେ, “ସୁଦୁଜୀଝୁ ନୀ ଲାକି ରେଟାଝାନେ ଅଡେ ମାହାପୁରୁତି ବାଡ଼ୁୟୁ ଝାନେ, ଏଦାଆଁତାକି ନୀ ତାଣାତି ଜାନାଁ ଆନେସି, ଏଝାସି ମାହାପୁରୁତି ମୀର-ଏସି ଇଞ୍ଜିଁ ୱେଜିନେସି ।

୩୭ ଅଡେ ମେହମୁ ନୀ କୁଡ଼ାତି ଏଲିସାବେତ ଜିକେଏ ବୁଡ଼ୁହି ବେଲାତା ପୁରାମାୟା ଆହ୍ୱାନେ । ଆମିନି ଇୟା ବାଟେଣି ଇଞ୍ଜିଁ ୱେଜାମାନେ, ଏଦି ନାଏଁ ସ ଲେଞ୍ଜୁ ଆହ୍ୱାନେ;

୩୭ ଇତିହଁ ମାହାପୁରୁତି ବଲୁ ବାଡ଼ୁୟୁ ହିଲାଆଗାଟାୟି ଆଏ ।”

୩୮ ଏମ୍ବାଟିଏ ମରିୟମ ଏଲେଇଚେ, “ନାନୁତ ପ୍ରବୁତି ହଲେଣିତେଏ; ନୀ କାତେଏ ନାଜେତାକି ଆୟାପେ ।” ଏମ୍ବାଟିଏ ଦୂତୁ ଏଦାନି ତାଣାଟିଏ ହାଚେ ।

ମରିୟମ ଏଲିସାବେତ ଇଜ ହାନାୟି

୩୯ ଏମ୍ବାଟିଏ ମରିୟମ ନିଜାମା ଜୀହୁଦା ଦେସାତି ହରକା ରାଜିତି ର ଗାଡ଼ାତା ତବେ ହାଚେ,

୪୦ ଅଡେ ଜିକରିୟ ଇଜ ହାଜାନା ଏଲିସାବେତନି ଜହରା କିଚେ ।

୪୧ ଅଡେ ଏଲିସାବେତ ମରିୟମନି ଜହରା ୱେଣ୍ଡମିନଏ ତାନି ବାଣ୍ଡିତି ମୀଲା ଝାତିଚେ, ଇଞ୍ଜିଁ ଏଲିସାବେତ ସୁଦୁଜୀଝୁଟି,

୪୨ କାଜା ଗିୟାତଲେ ଏଲେଇଚେ, “ଇୟାସିକା ବିତ୍ରାତି ନାନୁ ହାଡେକା ନେହାଁତି, ଇଞ୍ଜିଁ ନୀ ବାଣ୍ଡିତି ମୀଲା ଜିକେଏ ନେହାୟି !

୪୩ ଅଡେ ନା ପ୍ରବୁତି ଇୟା ନା ତାଣା ଝାନେ ଇ କାର୍ମା ନାଜେ ଏମ୍ବିତି ଝାଚେ ?

୪୪ ଇତିହଁ ନୀ ଜହରା ହାଡ଼ା ନା କିୟଁ ୱେଣ୍ଡମିନଏ ନା ବାଣ୍ଡିତି ମୀଲା ରାହାଁତି ଝାତିଚେ

୪୫ ଆମିନି ଗାଟାୟି ନାମିତେ ଏଦାନାକି ନେହେଁ, ଇତିହଁ ପ୍ରବୁ ତାଣାଟି ଏଦାନାକି ଏଦାଆଁ ୱେସ୍ପି ଆହ୍ୱାନେ ଏ ବାରେ ପୁରା ଆନେ !”

ମରିୟମତି ଜହରା ପାରୁ

୪୬ ଏଚେଟିଏ ମରିୟମ ଏଲେଇଚେ,

“ନା ଜୀଝୁ ପ୍ରବୁତି ଜହରା କିହମାନେ;

୪୭ ଅଡେ ନା ଜୀଝୁ ନାଜେ ଗେଲପାନି ମାହାପୁରୁ ତାଣା ରାହାଁ ଆହିମାନେ,

୪୮ ଇତିହଁ ଏଝାସି ତାନି ହଲେଣିନି କାର୍ମା କାକୁଲି ମେସାମାନେସି ।

ଏନିଇତିହଁ ନୀଞ୍ଜୁଟିଏ ବାରେ ଲକୁ ନାଜେ ନେହାୟି ଇଞ୍ଜିଁ ଜଲାନେରି,

୪୯ ଇତିହଁ ଆମ୍ବାଆସି ବାରେକିହାଁ ବାଡ଼ୁୟୁଗାଟି ମାହାପୁରୁ ଏଝାସି ନା ତାକି କାଜା କାମା କିହାମାନେସି,

ଏଝାଣି ଦରୁ ସୁଦୁ;

୫୦ ଇଞ୍ଜିଁ ତାଜେ ଆଜିନାରାକି ପାରୁ ପାରୁ ତାକି ତାନି କାର୍ମାମେହନାୟି ତୃୟିନେ ।

୫୧ ଏଝାସି ତାନି ବାଡ଼ୁୟୁଗାଟି କେୟୁଟି କାଜା କାମା କିହାମାନେସି,

ତାହାରା ଗାଟାରାଇଁ ଏଝାରି ହିୟାଁତି ଅଣପୁତା ମାନାଣି ଗୁଟି କିହାମାନେସି;

୫୨ ଏଝାସି ସାଲୁଝି କିନାରାଇଁ ତାମି ରାଜା ଗାଦି ପିସ୍ପି କିହାମାନେସି,

କାକୁଲି ଗାଟାରାଇଁ ନିକିହାମାନେସି,

୫୩ ଏଝାସି ହାକି ଗାଟାରାଇଁ ନେହଁ ଆସି ହୀହାନା ପାଞ୍ଜି କିହାମାନେସି,

ଇଞ୍ଜିଁ ଦନ ଗାଟାରାଇଁ ଝାଡ଼ଇ କେୟୁଟି ପାଣ୍ଡାମାନେସି ।

୫୪ କାଲ୍ମାକାଲ୍ମା ତାକି ଅଣପାଲି ତାନି ହଲେଏସି ଇସାୟେଲତି କାର୍ମା ଆହ୍ୱାନେସି ।

୫୫ କାଲ୍ମାକାଲ୍ମା ତାକି ଅତ୍ରାହାମ ଅଡେ ତାନି ବାରେ କୁଡ଼ାତାରାଇଁ କାର୍ମାମେହନାଣି ବାଣ୍ଡା ଆହାହିଲଅସି ।”

୫୬ ଅଡେ ମରିୟମ ତାନି ଲେଞ୍ଜୁ ଏଲିସାବେତ ତଲେ ତୃୟାନା ତାମି ଇଜ ଝାଚେ ।

ବାପ୍ତିସ୍ମା ହାନି ଜହନତି ଜାର୍ନା

୫୭ ତାମ୍ଭୁ ଏଲିସାବେତ ପୁରାମାସା ଏଜାଲିଏ ର କକାସି ଜାର୍ନା ଆଡେସି,

୫୮ ଅଡେ ମାହାପୁରୁ ଏଦାନି ହାରେକା କାର୍ମା ମେସାମାନାଣି ଝେଜାନା ତାନି କୁଡାତାରି ଇଞ୍ଜି ଅଡେ ଆଡୁହତାରି ଏଦାନିତଲେ ହାରେକା ରାହ୍ନି କିତେରି ।

୫୯ କକାସି ଝାରେକା ଆହାଲିଏ, ଏଝାରି ତଲୁ ଦାଡାଲି ଝାହାନା ତାନି ଆଡା ଦରୁଲେହେଁ ତାନି ଦରୁ ଜିକରିୟ ଇଟାଲି ମନ୍ କିତେରି ।

୬୦ ସାମା ତାନି ଇୟା ଏଲେଇଚେ, “ଆଏ ! ଏଝାଣି ଦରୁ ଜହନ ଆନ୍ଦେ ।”

୬୧ ଏଝାରି ଏଲେଇଚେରି, “ମୀ କୁଡାତା ଆମ୍ବାଆରାକି ଏଲେତି ଦରୁ ହିଲେଏ !”

୬୨ ଏମ୍ବାଟିଏ ଏଝାରି ତାଞ୍ଜିଗାଟାଣାଲ୍ କେୟୁ ହୁଟାନା କକାଣାଲ୍ ଏନ୍ ଦରୁ ଇଟିନାୟି ଇଞ୍ଜି ଝେଚେରି ।

୬୩ ଜିକରିୟ ର ରାଟିନି ପାଟା ରାସାନା ଏଝାଣି ଦରୁ ଜହନ ଇଞ୍ଜି ରାଟିତେସି, ଏଦାଆଁ ମେସାନା ବାରେଜାଣା କାବା ଆଡେରି !

୬୪ ଅଡେ ଏ ଦେବୁଣିଏ ଏଝାଣି ଗୁତି ଅଡେ ଝେନ୍ଦରି ପିସ୍ପି ଆଡେ ଅଡେ ଏଝାସି ଜଲିହ୍ ମାହାପୁରୁତି ଜହରା କିତେସି ।

୬୫ ଏମ୍ବାଟିଏ ତାନି ଲକୁ ବାରେ ଆଜାହାଚେରି, ଅଡେ ଈ କାତା ଜୀହୁଦା ଦେସାତି ହୁକା ରାଜିତା ବାରେଝାକି ଝେଜିତେ,

୬୬ ଇଞ୍ଜି ଝେନି ବାରେ ଲକୁ ଏ କାତା ତାନି ମନ୍ତା ଇଟାନା ଏଲେଇଚେରି, “ଆତିହ୍ ଈ କକାସି ଏନ୍ଲେହେଁତାସି ଆନ୍ଦେସି ?” ଏନ୍ଇତିହ୍ ପ୍ରବୁ ଇଝାଣି ତଲେ ମାନ୍ଦେସି ଇଞ୍ଜି ପୁଚେରି ।

ଜିକରିୟତି ତାମ୍ଭୁ ଆନ୍ କାତା ଝେକନାୟି

୬୭ ଅଡେ ଜିକରିୟ ସୁଦଜୀସୁ ତଲେ ଈ ତାମ୍ଭୁ ଆନ୍ କାତା ଏଲେଇଚେସି,

୬୮ ଇସ୍ରାୟେଲତି ମାହାପୁରୁ ଜହରା !

ଏନ୍ଇତିହ୍ ଏଝାସି ତାନି ଲକୁଣି କାର୍ମାମେସାନା ଗେଲ୍ପି କିହାମାନେସି;

୬୯ ଏଝାସି ତାନି ହଲେଏସି ଦାସୁଦ କୁଡାଟି ମା ତାକି ର ଗେଲ୍ପିନାଣାଲ୍ ହାହାମାଞ୍ଜାନେସି ।

୭୦ ତଲି କାଲ୍ଲାଟିଏ ତାନି ନେହ୍ ମାହାପୁରୁ ଅଣ୍ପୁତି ବଲୁ ଝେହ୍ନାରି ଗୁତି ତଲେ ଏନ୍କି ଜଲ୍ଲା ମାଚେରି,

୭୧ ଏଲେକିହ୍ ଏ ମାଜେ ମା ସାତୁୟାଁ ତାଣାଟି ଅଡେ ମାଜେ ଅପାଆଗାଟାରି ତାଣାଟି ଗେଲ୍ପି କିହାମାଞ୍ଜାନେସି,

୭୨ ଏଝାସି ଏଲେ ଇଞ୍ଜାମାନେସି, ଏଝାସି ମା ଆକୁୟାଁଣି କାର୍ମା ମେସାମାଲ୍ ଅଡେ ତାନି ସୁଦୁଗାଟି ରାଜିମାନାତି ଅଣ୍ପିନେସି ।

୭୩ ମା ଆଡା ଅବାହାମ ତାଣା ଏନିମି ପାରମାଣା କିହାଁ ଆଞ୍ଜାମାନାଣି ଅଣ୍ପାପାନା ପୁରା କିହାମାନେସି,

୭୪ ଅଡେ ମା ସାତୁୟାଁ ତାଣାଟି ଗେଲ୍ପି ଆହାନା, ଆଜାଆନା ବାଲେଏ ତାଜେ ସେବା କିହାଲି ଆଡିନାୟି,

୭୫ ତାନି ନକିତା ମାର ନାଡାମାନି ପାତେକା ସୁଦୁ ଅଡେ ଦାମ୍ବୁ ଗାଟାତାୟି ଆହାନା ତୁୟିନାୟି ।

୭୬ ଏ ନା ମାରଏଣାତି ନୀନୁ ବାରେତି କିହାଁ ବାଡୁୟାଣାଟି ମାହାପୁରୁ ଅଣ୍ପୁତି ବଲୁ ଝେହ୍ନାତି ଇଞ୍ଜି ଝେଜିଦି;

୭୭ ପାପୁ ମ୍ଲେପ୍ କି ଆହାନା ଏଝାରି ଗେଲ୍ପି ଆନାଣି ବେଟାଆନ୍ଦେରି, ଏ କାତା ପୁଣ୍ଡି କିହାଲି ତାକି ତାନି ଲକୁତାଣା ହାଜି ।

୭୮ ଇଞ୍ଜି ମାଜେ ହିଡଡି ଜିରୁତା ତାଟାଲି ମା ମାହାପୁରୁତି ଜୀସୁନନ୍ କାର୍ମାତଲେ ଲାକପୁରୁଟି ମାଜେତାକି ଝେଡା ହଡିମାନି ଲେହେଁ ଆନ୍ଦେ,

୭୯ ଆମ୍ବାଆରି ହାନ୍ଦିଲେହେଁତି ତାଣା ବାସା କିନେରି, ହିଡଡି ଜିରୁତା ଅହାଲି ତାକି ଏଝାସି ବାରେତି ଲାକ ଲାକପୁରୁଟି ଉଜେଡି ହାନ୍ଦେସି ।

୮୦ ଇଞ୍ଜି ଏ କକାସି ଆଜ୍ଞାତା ଜୀସୁତା ପାତାଆହାନା ଇସ୍ରାୟେଲ ଲକୁତାଣା ଝେଜାଆ ପାତେକା ଲକୁ ହିଲାଆ ଚାୟୁତା ତୁୟିତେସି ।

୨

ଜୀସୁତି ଜାର୍ନା
(ମାତି ୧:୧୮-୨୫)

‡ ୧:୫୭ ମୁଞ୍ଜନାୟି

୧୧ ଏବେଲେତା ରମ୍ଭ ଦେସାତି ବାରେ ଲକ୍ଷ୍ମ ଦରୁ ରାଡ଼ି କିହାଲି କାୟିୟର ଅଗସ୍ତ୍ୟ ତାଣାଟି ହୁକୁମି ଆଡେ

୧୨ ସିରିୟାତି ସାଲ୍ଲୁଡ଼ି କିନାସି କୁରିଣିୟ ବେଲୋତା ତଲି ମ୍ଲୁଲ୍ ଦରୁ ରାସ୍ତକି ଆହାମାତେ ।

୧୩ ଏଦାଆଁତାକି ବାରେକାଣା ଦରୁ ରାଡ଼ି କିହାଲି ନାୟୁଟିଏ ଜାହାରା ଗାଡ଼ାତା ହାଚେରି ।

୧୪ ଜସେପ ଜିକେଏ ଦରୁ ରାଡ଼ି କିହାଲି ମରିୟମନି ତଲେ ଗାଲିଲିତ ନାଜ୍ଜରିତ ଗାଡ଼ାଟି ଜାହୁଦା ରାକ୍ତିତ ବେତଲିହିମ ଇନି ଦାସ୍ତୁଦ ଗାଡ଼ାତା ହାଚେସି, ଇତିହୁଁ ଏଝାସି ଦାସ୍ତୁଦ କୁଡ଼ା ଇଞ୍ଜାହାଁ ଏଗତିସି ମାଚେସି;

୧୫ ଏଝାସି ଦରୁ ରାଡ଼ି କିୟାଲି ମରିୟମନି ତଲେ ହାଚେସି, ଏଡ଼ି ଏଝାଣାକି ବାହା ଆହାଲି ରାସ୍ତକି ଆହାମାତେ ଅଡ଼େ ଏଡ଼ି ପୁରାମାସା ଆହାମାତେ ।

୧୬ ଅଡ଼େ ଏ ଲକ୍ଷ୍ମ ବେତଲିହିମତା ମାନିବେଲା, ଏଦାନାକି ଜାନି କିନି କାଚୁ ଏଗାଝାଡେ,

୧୭ ଇଞ୍ଜାଁ ଏଡ଼ି ତାନି ପାଣ୍ଡାଝା ମୀରୁଏଣାଲ୍ ଜାନି କିଚେ ଇଞ୍ଜାଁ ହିମ୍ବରି ପୁକ୍ତହାନା କଡ଼ିୟାଁ ଗହ୍ନି ତଂଗତା ତ୍ରିପ୍ତହେ, ଇତିହୁଁ ଏ ଲକ୍ଷ୍ମତାକି ବାସାଗାୟୁ ହିଲାଆତେ ।

ମେଣ୍ଡା ଗଡ଼କା ଅଡ଼େ ଦୂଡୁୟାଁ

୧୮ ଏ ଦାରିମାନି ନାସ୍ତାଣାଁ ମେଣ୍ଡା ଗଡ଼କା ଲାଆଁୟାଁ ପାଙ୍ଗାତା ତ୍ରିୟାନା ମେଣ୍ଡାୟାଁ କାଡ଼ିମାଚେରି ।

୧୯ ପ୍ରବୁତି ର ଦୂଡୁ ଏଝାରିତାଣା ଝାଡେ ଇଞ୍ଜାଁ ପ୍ରବୁତି ଗାଝୁରମିତି ଉଜେଡ଼ି ଏଝାରି ସାରିଝାକି ତଞ୍ଜାଆଡେ, ଅଡ଼େ ଏଝାରି ହାରେକା ଆଜିଚେରି ।

୨୦ ଏମ୍ବାଟିଏ ଦୂଡୁ ଏଝାରାଲ୍ ଏଲେଇଚେ, “ମୀରୁ ଆଜାଆଦୁ ! ନାନୁ ମୀ ବାରେ ଲକ୍ଷ୍ମତାକି ହାରେକା ରାହାଁତି କାଚୁ ମିଙ୍ଗେ ଝେସିମାଞ୍ଜାଲ୍,

୨୧ ଇତିହୁଁ ନାଞ୍ଜୁ ଦାସ୍ତୁଦ ଗାଡ଼ାତା ମିଙ୍ଗେ ଗେଲ୍ପାମାସି ଜାର୍ନା ଆହାମାନେସି, ଏଝାସି କ୍ରୀସ୍ତ ପ୍ରବୁ ।

୨୨ ଅଡ଼େ ଇଦି ମିଙ୍ଗେତାକି ସିନାଲେହେଁ ଆନେ, ମୀରୁ ର କକାଣାଲ୍ ହିମ୍ବରି ପୁକ୍ତହାନା କଡ଼ିୟାଁ ଗହ୍ନି ତଂଗତା ତୁରାମାନାଣି ମେହ୍ଦେରି ।”

୨୩ ଦେବୁଣିଏ ଏ ଦୂଡୁ ତଲେ ଲାକପୁରୁତି ହାରେକା ଦୂଡୁୟାଁ ଝାହାନା ମାହାପୁରୁଲ୍ ଜହରା ପାଚୁ ପାଡ଼ିତୁ,

୨୪ “ଲାକପୁରୁ ମାହାପୁରୁତି ଗାଝୁରମି, ଅଡ଼େ ଦାବ୍ତିତା ଏଝାଣି ରାହାଁ ଇଞ୍ଜାଁ ମାଣ୍ଡିୟାଁ ବିତ୍ତା ହିଡ଼ଡ଼ି ।”

୨୫ ଦୂଡୁୟାଁ ଏମ୍ବାଟି ଲାକପୁରୁ ହାଜାଲିଏ ମେଣ୍ଡା ଗଡ଼କା ତାମ୍ବୁତାମ୍ବୁ କୁଡ଼ା ଆଡେତି, “ମୀର ବେତଲିହିମ ପାଚେକା ହାଜାନା ପ୍ରବୁ ମାଙ୍ଗେ ଆମିନି କାତା ଝେସାମାଞ୍ଜାନେସି ଏଦାଆଁ ସିନି କିକାନ ।”

୨୬ ଏମ୍ବାଟିଏ ତବେ ହାଜାନା ପାରାନା ମରିୟମ ଅଡ଼େ ଜସେପ ଇଞ୍ଜାଁ କଡ଼ିୟାଁ ଗହ୍ନି ତଂଗତା ପୁଃନି ଜାର୍ନାଆଡ଼ି କକାଣାଲ୍ ତୁରାମାନାଣି ମେସ୍ତେରି ।

୨୭ ଏଝାରି ଇ ବାରେ ମେସାନା ଏ କକାଣି କାତା ଏଦାଆଁ ଇଣ୍ଡି ଆହାମାତେ ଏଦାଆଁ ଝେକ୍‌ହେରି ।

୨୮ ଅଡ଼େ ଏଚେକା ଲକ୍ଷ୍ମ ମେଣ୍ଡା ଗଡ଼କା ତାଣାଟି ଏ ବାରେ କାତା ଝେଚେରି, ଏଝାରି ବାରେ ଏ କାତାତାକି କାବା ଆଡେତି ।

୨୯ ସାମା ମରିୟମ ଇ ବାରେ କାତା ହିୟାଁତା ଇଟାନା ହାରେକା ଅଣ୍ଡାପାଲି ମାଡ଼ହେ ।

୩୦ ଅଡ଼େ ମେଣ୍ଡା ଗଡ଼କାକି ଏନିକିଁ ଝେସ୍ତପି ଆହାମାତେ, ଏଲେକିହୁଁ ଏ ଏଝାରି ଏନା ଏନାଆଁ ଝେଚେରି ଇଞ୍ଜାଁ ମେସ୍ତେରି ଏ ବାରେତାକି ମାହାପୁରୁତି ଗାଝୁରମି ଅଡ଼େ ଜହରା କିହୁଁ ଝେଣ୍ଡା ହାଚେରି ।

ଜୀସୁଲ୍ ଦରୁ ଇତିନାୟି

୩୧ ଏଝାଣାକି ଆଡ଼ାଦିନା ଆଡେ ଅଡ଼େ ତଲ୍ଲୁ ଦାଃନି ଦିନା ଝାଡେ ଇଞ୍ଜାଁ ଏଝାଣି ଦରୁ ଜୀସୁ ଇଞ୍ଜୁଁ ଇତିଚେରି; ଇ ଦରୁ ତାନି ପୁରାମାସା ଆନି ନକେଏ ଦୂଡୁ ତାଣାଟି ଝେସ୍ତପି ଆହାମାତେ ।

ମାହାପୁରୁ ଇଲୁତା ଜୀସୁ

୩୨ ଅଡ଼େ ଏଡ଼େତା ମସାତି ମେରା ତଲେ ଏଝାରି ଅର୍ହା କଡ଼ିନି ଦିନା ଏଗାଝାଡେ, ଏଚେଟିଏ ଜସେପ ଅଡ଼େ ମରିୟମ ଜୀସୁଲ୍ ମାହାପୁରୁ ନକିତା ଜିରୁସାଲମତା ଅହୁଁ ହାଚେରି ।

୩୩ ଏନିକିଁ ମାହାପୁରୁତି ସାସ୍ତେରିତା ରାସ୍ତକି ଆହାମାନେ, “ବାରେ ପାଣ୍ଡାଝା ମୀରୁକା ପ୍ରବୁ ତାକି ସୁଦୁଗାଗାରି ଇଞ୍ଜୁଁ ଝେଜିନେରି ।”

୩୪ ଅଡ଼େ ମେରାତା ରାସ୍ତକି ଆହାମାନି ଇ ମେରା ତଲେ ରୀ କୁଗୁରି ପଗାୟାଁ ଆଆଡେଁ ରୀ ପାରୁଝା ପଗାୟାଁ ମାହାପୁରୁ ନକିତା ପୂଜା କିହାଲି ଏଝାଣାଲ୍ ଜିରୁସାଲମତା ଅଡେତି ।

☆ ୨:୨୧ ଲୁକ ୧:୩୧

୨୫ ଏତିବେଳା ଜିରୁସାଲମତା ସିମିୟନ ଦରୁଗାଟି ର ମାଣସି ମାତେସି; ଏଝାସି ର ଦାମ୍ଭିଗାଟାସି ଅଡ଼େ ମାହାପୁରୁଇଁ ଆଜିନାସି ମାତେସି, ଅଡ଼େ ଇସ୍ରାୟେଲ ଲକୁ ବାସୁଁ ବେଟାଆନାଣି କାଟିମାତେସି, ଇଞ୍ଜିଁ ସୁଦୁଜୀଝୁ ଏଝାଣି ତାଣା ମାତେ ।

୨୬ ମାହାପୁରୁ ପାଣ୍ଠାନି କ୍ରୀସୁଇଁ ମେହୁଆ ପାତେକା ଏଝାସି ହାଅସି ଇଞ୍ଜିଁ ସୁଦୁଜୀଝୁ ତଲିଏ ଝେସାମାତେ ।

୨୭ ସିମିୟନ ସୁଦୁଜୀଝୁଟି ମାହାପୁରୁ ଇଲୁତା ଝାଡ଼େସି; ଅଡ଼େ ତାଲି ତାଞ୍ଜି ମସାତି ମେରାଲେହେଁ କିହାଲି ଜୀସୁଇଁ ବିତ୍ରା ତାରୁ ।

୨୮ ଏତିବେଳା ସିମିୟନ କକାଣାଇଁ ପମାନା ମାହାପୁରୁଇଁ ଜହରା କିତେସି;

୨୯ “ଏ ପୁରୁ ନୀର୍ଦ୍ଦୀନୀକୁ ଝେସୁଲେହେଁ ନୀ ହଟେଲଏଣା ଜୀଝୁ ହିଡ଼ଡ଼ିତଲେ ଅମୁ;

୩୦ ନା କାନୁ ନୀ ଗେଲୁପିନାଣାଇଁ ମେସାମାନେ ।

୩୧ ଏନିଇତିହୁଁ ବାରେ ଲକୁତାକି କେପାମାନି

୩୨ ଜୀହୁଦିଆଆତାରାକି ସାତା ତହୁନି ର ଉଜେଡ଼ି ଆନେସି, ଅଡ଼େ ନୀ ଇସ୍ରାୟେଲ ଲକୁଟି ଗାଝୁରମି ଲେହେଁ କିହାମାଞ୍ଜି ।”

୩୩ ଇଞ୍ଜିଁ ତାମି ଇୟା ଅଡ଼େ ଆବା ଏଝାଣି ତାକି ଝେସୁପି ଆହିମାନି ବାରେ କାତାତାକି କାବା ଆହିମାତେରି ।

୩୪ ଏତେଟିଏ ସିମିୟନ କକାଣାଇଁ ବର ହାହାନା ତାମି ଇୟା ମରିୟମନି ଏଲେଇତେସି, “ମେହୁମୁ ଇଝାସି ଇସ୍ରାୟେଲତି ହାରେକା ଲକୁଣି ନାସା କିହାଲି ଅଡ଼େ ଗେଲୁପାଲି ଆଡ଼ୁଝି ଆହାମାନେସି, ଆମ୍ବାଆରି କପାଟି ହାରେକା ଜଲିନେରି । ଏଝାସି ମାହାପୁରୁ ତାଣାଟି ର ସିନାଲେହେଁ ଆନେସି ।

୩୫ ଆଆତେଁ ନୀ ଜୀଝୁତା ଜିକେଏ କାଣ୍ଡାତଲେ ଗୁକ୍‌ହିସାରେ ହଡ଼ାହାନି ଲେହେଁ, ଏ କ୍ରମୁ ନୀ ହିୟାତା ଆୟାନେ ।”

୩୬ ଅଡ଼େ ହାନା ଦରୁଗାଟି ର ମାହାପୁରୁ ଅଣପୁତି ବଲୁ ଝେହୁନାୟି ମାତେ; ଏଦି ଆସେର କୁଡ଼ାତି ପନୁଏଲ ମାଜା । ଏଦାନାକି ହାଡ଼େକା ବାସୀ ଆହାମାତେ; ଏଦି ତାଆ ଆଡ଼ି ଜେତ ସାତା ବାସୀ ତକ୍ରାତଲେ ବାସା କିହାମାତେ, ଅଡ଼େ ସାରିକଡ଼ି ସାରି ବାସୀ ରାଡ଼େଣି ଆହାନା ନୀତାମାତେ ।

୩୭ ଏଦି ମାହାପୁରୁ ଇଲୁ ପିହୁଆନା ବାତିମାଲିହୁଁ ଲାଆଁ ମାଦେନା ରାଢ଼ା ତିନାଆନା ପ୍ରାତାନା କିହିମାତେ ।

୩୮ ଏ ଦେବୁଣିଏ ଏଦି ଝାହାନା ମାହାପୁରୁଟି ଜହରା କିହୁଁ ଜିରୁସାଲମତି ଗେଲୁପିନାଣାଇଁ କାଟି ମାନାରାଇଁ ଏଝାଣି କାତା ଝେସାଲି ମାଡ଼ହେ ।

ନାଜରିତତା ଝେଣ୍ଡା ଝାନାୟି

୩୯ ଡ଼ାୟୁ ଜସେପ ଅଡ଼େ ମରିୟମ ମାହାପୁରୁଟି ମେରା ତଲେ ବାରେ କାମା ରାପୁହାନା ଗାଲିଲିତି ତାମି ଗାଡ଼ା ନାଜରିତତା ଝେଣ୍ଡା ଝାଡ଼େରି

୪୦ ଅଡ଼େ ଜୀସୁ ଆଜାତା ବୁଦିତା ଅଡ଼େ ବାଡ଼ୁୟୁତା ପାତା ଆଡେସି, ଅଡ଼େ ମାହାପୁରୁଟି କାର୍ନୀ ଏଝାଣିଲକ ମାତେ ।

ଜୀସୁ ମାହାପୁରୁ ଇଲୁତା

୪୧ ତାମି ଇୟା ଆବା ବାରେ ବାସୀ ପିସପିଆନି ପାର୍ବୁତାକି ଜିରୁସାଲମତା ହାଜିମାତେରି ।

୪୨ ଜୀସୁ ବାର ବାସୀ ଆହାଲିଏ ଏଝାରି ପାର୍ବୁତି ମେରାଲେହେଁ ଜିରୁସାଲମତା ହାତେରି ।

୪୩ ଅଡ଼େ ପାର୍ବୁତି ଦିନା ରାପୁହାନା ଏତେତା ଏଝାରି ଝେଣ୍ଡା ଝାହିମାତେରି, ଏତିବେଲାତା ଡ଼ାଣା କକାସି ଜୀସୁ ଜିରୁସାଲମତା ଡ଼ୟାହାତେସି, ସାମା ତାମି ଇୟା ଆବା ପୁଞ୍ଜାହିଲାଆତେରି;

୪୪ ସାମା ଏଝାରି ତାମିତଲେ ଝାହାମାଟି ଲକୁତଲେ ମାନେସି ଇଞ୍ଜିଁ ଅଣପାନା ର ଦିନାତି ଜିରୁ ହାତେରି, ଅଡ଼େ ତାମି ଲକୁ ଇଞ୍ଜିଁ ପୁଡ଼ି ଲକୁତାଣା ପାରାଲି ମାଡ଼ହେରି,

୪୫ ଇଞ୍ଜିଁ ଏଝାଣାଇଁ ମେଡ଼ା ଆଆନା ପାରି ପାରି ଜିରୁସାଲମତା ଝେଣ୍ଡା ହାତେରି ।

୪୬ ତାନିଦିନା ଡ଼ାୟୁ ଏଝାରି ଏଝାଣାଇଁ ମାହାପୁରୁ ଇଲୁତା ବେଟାଆଡ଼େରି; ଏଝାସି ମେରାପୁନାରି କାତା ଝେଞ୍ଜିହୁଁ ଏଝାରାଇଁ ଝେଣ୍ଡେ କାତା ଝେଞ୍ଜିମାତେସି,

୪୭ ଅଡ଼େ ଏତେକା ଲକୁ ଏଝାଣି କାତା ଝେଞ୍ଜିମାତେରି, ବାରେଜାଣା ଏଝାଣି ବୁଦିତା ଅଡ଼େ ଝେହୁନି କାତାତା କାବା ଆହିମାତେରି ।

☆ ୨:୩୯ ମାଟି ୨:୨୩

୪୮ ଏତିବେଲା ତାମି ଇୟା ଆବା କକାଣାଇଁ ମେସାନା କାବାଆଡୁ ଇଞ୍ଜାଁ ତାମି ଇୟା ଏଞ୍ଜାଣାଇଁ ଏଲେଇରେ, “ମୀରୁଏଣା ମାଜେ ଏନାଆଁତାକି ଇଚେକା ଦୁକୁ ହିୟାତି ? ମେହ୍ମୁ ନାନୁ ଅଡେ ମୀ ଆବା ଏଚେକା ଦୁକୁଆହ୍ ନିଜେ ପାରିମାଞ୍ଜାନମି ।”

୪୯ ଏମ୍ବାଟିଏ ଜୀସୁ ଏଲେଇରେସି, “ମୀରୁ ନାଜେ ଏନାଆଁତାକି ପାରିମାଞ୍ଜାଦେରି ? ନା ଆବା ଇଜ ନାନୁ ମାନାଣି ମୀରୁ ପୁଞ୍ଜାହଲଅଚେରି ?”

୫୦ ସାମା ଏଞ୍ଜାସି ଆମିନି କାତା ଜଲିତେସି, ତାମି ଇୟା ଆବା ପୁଞ୍ଜାଲି ଆଥାଆଚେରି ।

୫୧ ତାୟୁ ଜୀସୁ ତାମି ଇୟା ଆବା ତଲେ ଝେଶେ ନାଜରିତତା ଝାଡେସି, ଇଞ୍ଜାଁ ଏଞ୍ଜାରି କାତା ମାନଞ୍ଜି ଆହାନା ଡିୟିତେସି, ଅଡେ ତାମି ଇୟା ଇ ବାରେ କାତା ଜାଗ୍ରାତା ତଲେ ମନତା ଇଟାମାଚେ ।

୫୨ ଅଡେ ଜୀସୁ ଆଜ୍ଞାତା, ବୁଦିତା ଇଞ୍ଜାଁ ମାହାପୁରୁ ଅଡେ ମାଣ୍ଡସିୟାଁ କାର୍ମାଟି ପାତା ଆଡେସି ।

୩

ବାପ୍ତିସ୍ମା* ହାନି ଜହନ ଝେକ୍ନାୟି

(ମାତି ୩:୧-୧୨; ମାର୍କ ୧:୧-୮; ଜହ ୧:୧୯-୨୮)

୧ ତିବରିୟା କାୟିସରତି ସାଲଞ୍ଜି କିନି ପନ୍ଦର ବାର୍ଯା ଆୟାଲିଏ, ଏତିବେଲା ପନ୍ତ୍ରୟ ପିଲାତ ଜୀହୁଦା ରାଜିତି ସାଲଞ୍ଜି କିନାସି ଅଡେ ହେରଦ ଗାଲିଲି ରାଜିତି ରାଜା ମାଚେସି, ଅଡେ ତାମି ତାୟି ପିଲପ ଇଡୁରିୟା ଅଡେ ଡ୍ରାକନିତି ରାଜି ଅଡେ ଲୁସାନିୟା ଅବିଲିନିତି ରାଜା ମାଚେସି ।

୨ ହାନାନ ଅଡେ କୟାପା କାଜା ପୁଜେରା ମାଚେରି, ଏତିବେଲାତା ମାହାପୁରୁତି ବଲୁ ଲକୁ ହିଲାଆ ଚାୟୁତା ଜିକରିୟ ମୀରୁଏସି ଜହନ ତାଣା ଝାଡେ ।

୩ ଏମ୍ବାଟିଏ ବାପ୍ତିସ୍ମା† ହାନି ଜହନ ଜର୍ଦନ ଦାରିତି ବାରେ ନାୟକାଞ୍ଜାକି ହାଜାନା ପାପୁ ମ୍ଫେପକି ଆହାଲି ମନ ଝେବହାନା ବାପ୍ତିସ୍ମା‡ ଅନି କାତା ଝେକହାଲି ମାଟହେସି,

୪ ଏନିଇଟିହ୍~ ମାହାପୁରୁ ଅଣପୁତି ବଲୁ ଝେହ୍ନି ଜିସାୟ ପତିତା ରାୟକି ଆହାମାନେ,

“ଲକୁ ହିଲାଆ ଚାୟୁତା ରଅଣି ହାଡା ଝେଜିମାନେ;

ପ୍ରବୁତି ଜିରୁ ନେହ୍~ କେପାଦୁ;

ଅଡେ ଏଞ୍ଜାଣି କାଜା ଆଂଗେଣି ତିୟି କିଦୁ !

୫ ବାରେ ଗାଡ଼ଙ୍ଗା ନେଞ୍ଜି କିଞ୍ଜିଆନୁ,

ବାରେ ହରକା ମେଟାୟାଁ ଉଣା କିଞ୍ଜିଆନୁ,

ତଂଗିତି ଜିରୁ ତିୟି କିଞ୍ଜିଆନେ,

କାଡ଼ଦି ତେପା ବୁନିତି ବାରେ ସମାନା କିଞ୍ଜିଆନେ ।

୬ ବାରେ ଦାନ୍ତତି ଲକୁ ମାହାପୁରୁତି ଗେଲପିନାଣି ମେହ୍ନେରି ।”

୭ ଏଲେକିହ୍~ ଜହନ ତାଣାଟି ବାପ୍ତିସ୍ମା§ ଅହାଲି ଝାହ୍ମାନି ଲକୁଣି ମେସାନା ଏଞ୍ଜାରାଇଁ ଏଲେଇରେସି, “ଆଡେ ରାୟକି କଡ଼ାତାଚେରି ମାହାପୁରୁ ପାଣ୍ଡାମାଞ୍ଜାନି କପାଟି ପିସ୍ପି ଆହାଲି ମାଜେ ଆମ୍ବାଆସି ସେଡନା ହିୟାଚେସି ?

୮ ଏଦାଆଁତାକି ମନ ଝେବହାକତିତି ନେହ୍~ କାମା ତହ୍ମଦୁ; ଅଡେ ଅବ୍ରାହାମ ମା ଆବା ଇଞ୍ଜିହ୍~ ଅଣପାଆଦୁ, ନାନୁ ମିଜ ଝେସିମାଞ୍ଜାଇଁ, ମାହାପୁରୁ ଇ ଝାଲକାଟି ଜିକେଏ ଅବ୍ରାହାମତି ମୀରକାଣି ଗାଡ଼ି କିହାଲି ଆଡିମାନେସି !

୯ ଏଡେ ନାର୍ବି ଜିକେଏ ମାରୁନୁ ତାକିତା କାଃଆଲି ଆଟାମାନେ; ଆମିନି ମାରୁନୁ ନେହ୍~ ପାଡେସି ଆୟେଏ ଏଦାନି ଟୁଣ୍ଡାନା ହିଡୁତା ମେଡପି ଆନେ ।”

୧୦ ଏମ୍ବାଟିଏ ଲକୁ ଏଞ୍ଜାଣାଇଁ ଝେଚେରି, “ଆଡିହ୍~ ମାମ୍ବୁ ଏନାଆଁ କିନମି ?”

୧୧ ଏଞ୍ଜାସି ଏଲେଇରେସି, “ଆମ୍ବାଆରାକି ଜଡେକା ସକାୟାଁ ମାମ୍ବୁ, ଏଞ୍ଜାସି ଆମ୍ବାଆରାକି ହିଲାଡ ଏଞ୍ଜାଣାକି ରଣ୍ଡାଆଁ ହାପେସି; ଇଞ୍ଜାଁ ଆମ୍ବାଆରାକି କାଦି ମାନେ ଏଞ୍ଜାସି ଜିକେଏ ଏଲେକିପାସି ।”

୧୨ ଏସିପୁ ରାହ୍ନାନାରି ଜିକେଏ ବାପ୍ତିସ୍ମା* ଅହାଲି ଝାହାନା ଏଲେଇରେରି, “ଏ ଗୁରୁ ମାମ୍ବୁ ଏନାଆଁ କିନମି ?”

* ୩: ମୁଞ୍ଜିନାୟି † ୩:୩ ମୁଞ୍ଜିନାୟି ‡ ୩:୩ ମୁଞ୍ଜିନାୟି § ୩:୭ ମାତି ୧୨:୩୪; ୨୩:୩୩ S ୩:୭ ମୁଞ୍ଜିନାୟି ☆ ୩:୮ ଜହ ୮:୩୩ ☆ ୩:୯ ମାତି ୭:୧୯ ☆ ୩:୧୨ ଲୁକ ୭:୨୯ * ୩:୧୨ ମୁଞ୍ଜିନାୟି

୧୩ ଏଞ୍ଜେଲ୍ ଏଞ୍ଜେଲ୍ ଏଲେଇରେସି, “ମିଙ୍ଗେତାକି ଏଚେକା ଫେରା ମାନେ ଏଚେକାଟିଏ ଆଗାଡ଼ା ରାହୁଆଡୁ ।”

୧୪ ଏଚରଜାଣା ରିଜାରି କସ୍ତକା ଖାହାନା ଏଲେଇରେସି, “ମାମୁ ଧୁନାଆଁ କିନମି ?”

ଏଞ୍ଜେଲ୍ ଏଞ୍ଜେଲ୍ ଏଲେଇରେସି, “ବାଡ଼ୁଟି କି ନାଡ଼ିକିହାନା ଆମ୍ବାଆରି ଦନ ମାଞ୍ଜା ଅଆଡୁ, ଅଡ଼େ ମୀରୁ ଏଚେକା ବେଟାଆଦେରି ଏଚେକା ତଲେଏ ନୀତାଡୁ ।”

୧୫ ଲକୁ ମସିହାଇଁ କାଟିମାଚେରି, ଇଞ୍ଜା ଜହନଏ କ୍ରୀସ୍ତ ହାବୁଲାଇ ଇଞ୍ଜା ଅଶ୍ଵାପାନା ବାରେଜାଣା ତାମି ମନଡ଼ା କାତା ଆହିମାଗାକି,

୧୬ ଜହନ ଏଞ୍ଜେଲ୍ ଏଲେଇରେସି, “ନାନୁଆଁ ଏୟୁତଲେ ବାପ୍ତିସ୍ତା ହାହିମାଞ୍ଜାଇଁ, ସାମା ନା କିହାଁ ଆମ୍ବାଆସି ବାଡ଼ୁଟୁ ଗାଗାସି ଏଞ୍ଜେଲ୍ ଖାହିମାନେସି, ଏଞ୍ଜେଲ୍ ସେପୁୟାତି ଡ଼କା ଜିକେଏ ହୁକହାଲି ନାନୁ ପାଡ଼ାଆଅଁ; ଏଞ୍ଜେଲ୍ ମିଙ୍ଗେ ସୁଦୁଜୀସ୍ତୁ ଅଡ଼େ ହିରୁତଲେ ବାପ୍ତିସ୍ତା ହିୟାନେସି ।

୧୭ ତାନି କ୍ଷାନ୍ତୁତି ତାସାଲି ଅଡ଼େ ତାନି ଆନାତି କୁସାହାଁ କୁଡ଼ି କିହାନା ଗାଦେୟିତା ଇଗାଲି ଏଞ୍ଜେଲ୍ କେୟୁତା ହେତି ମାନେ, ଇଞ୍ଜା ଚାଟା ପଡ଼ୁ ଏଚେଲାଇ ଦୁମ୍ବାଆଗାଟି ହିରୁତା ହୁଡ଼ା ରୁହନେସି ।”

୧୮ ଏଞ୍ଜେଲ୍ ଇଲେଟି ହାରେକା କାତା ଖେସିହାଁ ଅଡ଼େ ରାହାଁତି କାତା ଜଲିହାଁ ଲକୁତାଣା ନେହାଁ କାବୁ ଖେକ୍‌ହି ମାଚେସି;

୧୯ ଯାମା ରାଜା ହେରଦ ତାମି ତାୟି ଡ଼କି ହେରଦିୟାନି କାତା ଅଡ଼େ ତାନୁ କିହାମାନି ବାରେ ଲାଗେଏତି କାମାତାକି ଜହନ ତାଣାଟି ଲାଗି ବେଟା ଆହାମାତାକି,

୨୦ ହେରଦ ଜହନଇଁ ଦସ୍‌ପାନା କାୟିଦିତା ଇଗାନା ହାରେକା ଲାଗେଏତି କାମା କିତେସି ।

ଜୀବୁତି ବାପ୍ତିସ୍ତା

(ମାତି ୩:୧୩-୧୭; ମାର୍କ ୧:୯-୧୧)

୨୧ ବାରେ ଲକୁ ବାପ୍ତିସ୍ତା* ଅଡ଼ି ତାୟୁ ଜୀସୁ ଜିକେଏ ବାପ୍ତିସ୍ତା ଅହାନା ପ୍ରାତାନା କିହିମାଗାଟି ହାଗୁ ଦେପିଆଡେତ,

୨୨ ଅଡ଼େ ସୁଦୁଜୀସ୍ତୁ ପାର୍‌ଖା ପଗାଲେହେଁ ଏଞ୍ଜେଲ୍‌ଲାଇ ବେଟାଖାଡେତ; ଇଞ୍ଜା ହାଗୁଟି ଇ ହାଡ଼ା ଆଡେତ, “ନାନୁ ନା ଜୀବୁତି ମାର୍‌ସ୍‌ଗାଟି ନୀ ତାଣା ନା ରାହାଁ ମାନେ ।”

ଜୀବୁତି ଆକୁ ଆବାୟାଁ

(ମାତି ୧:୧-୧୭)

୨୩ ଜୀସୁ ସେବା କାମା ମାର୍‌ହି ବେଲାଇତା ଏଞ୍ଜେଲ୍‌କି କଡ଼େଦସ ବାସା ଆହାମାଚେ; ଲକୁତି କାତାତଲେ ଏଞ୍ଜେଲ୍ ଜସେପ ମାର୍‌ସ୍‌ସି; ଜସେପ ଏଲି ମାର୍‌ସ୍‌ସି,

୨୪ ଏଲି ମତାତ ମାର୍‌ସ୍‌ସି, ମତାତ ଲେବି ମାର୍‌ସ୍‌ସି, ଲେବି ମଲ୍‌କି ମାର୍‌ସ୍‌ସି, ମଲ୍‌କି ଜନୟ ମାର୍‌ସ୍‌ସି, ଜନୟ ଜସେପ ମାର୍‌ସ୍‌ସି,

୨୫ ଜସେପ ମତିତିୟା ମାର୍‌ସ୍‌ସି, ମତିତିୟା ଆମସ ମାର୍‌ସ୍‌ସି, ଆମସ ନାହୁମ ମାର୍‌ସ୍‌ସି, ନାହୁମ ହେସଲି ମାର୍‌ସ୍‌ସି, ହେସଲି ନଗୟ ମାର୍‌ସ୍‌ସି,

୨୬ ନଗୟ ମହତ ମାର୍‌ସ୍‌ସି, ମହତ ମତିତିୟସ୍ ମାର୍‌ସ୍‌ସି, ମତିତିୟସ୍ ସିମିୟ ମାର୍‌ସ୍‌ସି, ସିମିୟ ଜସେକ ମାର୍‌ସ୍‌ସି, ଜସେକ ଜଦା ମାର୍‌ସ୍‌ସି,

୨୭ ଜଦା ଜହନ ମାର୍‌ସ୍‌ସି, ଜହନ ରେସା ମାର୍‌ସ୍‌ସି, ରେସା ଜିରୁବାବେଲ ମାର୍‌ସ୍‌ସି, ଜିରୁବାବିଲ ସଲ୍‌ଟିୟେଲ୍ ମାର୍‌ସ୍‌ସି, ସଲ୍‌ଟିୟେଲ୍ ନେରି ମାର୍‌ସ୍‌ସି,

୨୮ ନେରି ମଲ୍‌କି ମାର୍‌ସ୍‌ସି, ମଲ୍‌କି ଅଦ୍‌ଦି ମାର୍‌ସ୍‌ସି, ଅଦ୍‌ଦି କସାମ ମାର୍‌ସ୍‌ସି, କସାମ ଏଲ୍‌ଦାନ ମାର୍‌ସ୍‌ସି, ଏଲ୍‌ଦାନ ଏର ମାର୍‌ସ୍‌ସି,

୨୯ ଏର ଜିହସୁୟ ମାର୍‌ସ୍‌ସି, ଜିହସୁୟ ଏଲିୟାଜର ମାର୍‌ସ୍‌ସି, ଏଲିୟାଜର ଜରିମ ମାର୍‌ସ୍‌ସି, ଜରିମ ମତାତ ମାର୍‌ସ୍‌ସି, ମତାତ ଲେବି ମାର୍‌ସ୍‌ସି,

୩୦ ଲେବି ସିମିୟନ ମାର୍‌ସ୍‌ସି, ସିମିୟନ ଜୀହୁଦା ମାର୍‌ସ୍‌ସି, ଜୀହୁଦା ଜସେପ ମାର୍‌ସ୍‌ସି, ଜସେପ ଜନାମ ମାର୍‌ସ୍‌ସି, ଜନାମ ଏଲିୟାକିମ ମାର୍‌ସ୍‌ସି,

† ୩:୧୭ ମୁଞ୍ଜିନାୟ ‡ ୩:୧୭ ମୁଞ୍ଜିନାୟ ✧ ୩:୧୯ ମାତି ୧୪:୩,୪; ମାର୍କ ୬:୧୭,୧୮ S ୩:୨୦ ମୁଞ୍ଜିନାୟ * ୩:୨୧ ମୁଞ୍ଜିନାୟ
† ୩:୨୧ ମୁଞ୍ଜିନାୟ ✧ ୩:୨୨ ମାତି ୩:୧୭; ମାର୍କ ୧:୧୧; ଲୁକ ୯:୩୫

୩୧ ଏଲିୟାକିମା ମଲାହ ମାର୍‌ସସି, ମଲାହ ମନ୍ନା ମାର୍‌ସସି, ମନ୍ନା ମତତା ମାର୍‌ସସି, ମତତା ନାତନ ମାର୍‌ସସି, ନାତନ ଦାଫୁଦ ମାର୍‌ସସି,
 ୩୨ ଦାଫୁଦ ଜିସି ମାର୍‌ସସି, ଜିସି ଅବେଦ ମାର୍‌ସସି, ଅବେଦ ବୟାଜ ମାର୍‌ସସି, ବୟାଜ ସେଲହ ମାର୍‌ସସି, ସେଲହ ନହସନ ମାର୍‌ସସି,
 ୩୩ ନହସନ ଅମିନାଦାବ ମାର୍‌ସସି, ଅମିନାଦାବ ଅଦମିନି ମାର୍‌ସସି, ଅଦମିନି ଅରୁନି ମାର୍‌ସସି, ଅରୁନି ହେସ୍ରାଣ ମାର୍‌ସସି, ହେସ୍ରାଣ ପେରସ ମାର୍‌ସସି, ପେରସ ଜାହୁଦା ମାର୍‌ସସି,
 ୩୪ ଜାହୁଦା ଜାକୁବ ମାର୍‌ସସି, ଜାକୁବ ଇସାହାକ ମାର୍‌ସସି, ଇସାହାକ ଅଗ୍ରାହାମ ମାର୍‌ସସି, ଅଗ୍ରାହାମ ତେରହ ମାର୍‌ସସି, ତେରହ ନାହର ମାର୍‌ସସି,
 ୩୫ ନାହର ସରୁଗ ମାର୍‌ସସି, ସରୁଗ ରଗୁ ମାର୍‌ସସି, ରଗୁ ପେଲଗ ମାର୍‌ସସି, ପେଲଗ ଏବର ମାର୍‌ସସି, ଏବର ସେଲହ ମାର୍‌ସସି,
 ୩୬ ସେଲହ କେନାନ ମାର୍‌ସସି, କେନାନ ଅର୍ପକ୍ୟଦ ମାର୍‌ସସି, ଅର୍ପକ୍ୟଦ ସେମ ମାର୍‌ସସି, ସେମ ନହ ମାର୍‌ସସି, ନହ ଲେମକ ମାର୍‌ସସି,
 ୩୭ ଲେମକ ମତୁସେଲହ ମାର୍‌ସସି, ମତୁସେଲହ ହନକ ମାର୍‌ସସି, ହନକ ଜେରଦ ମାର୍‌ସସି, ଜେରଦ ମହଲଲେଲ ମାର୍‌ସସି, ମହଲଲେଲ କେନାନ ମାର୍‌ସସି,
 ୩୮ କେନାନ ଏନସ ମାର୍‌ସସି, ଏନସ ସେତ ମାର୍‌ସସି, ସେତ ଆଦମ ମାର୍‌ସସି, ଆଦମ ମାହାପୁରୁ ମାର୍‌ସସି ।

୪

ଜୀସୁଙ୍କ ଚାନ୍ଦିପାରି କିନାନ୍ଦି
(ମାତି ୪:୧-୧୧; ମାର୍କ ୧:୧୨-୧୩)

୧ ଜୀସୁ ସୁଦୁଜୀଝୁ ବେଟାଆହାନା ଜର୍ଦନ କାତାଟି ଖେଣ୍ଡାଖାଡ଼ତସି ଇଞ୍ଜା ରୀ କଡ଼ି ଦିନା ପାତେକା ସୁଦୁଜୀଝୁ ତଲେ ଲକୁ ହିଲାଆ ଚାୟୁତା ହାଚେସି ।
 ୨ ଏମ୍ବାଆଁ ଏଝାସି ସୟତାନ ତାଣାଟି ଚାନ୍ଦିପାରି କିଝିଆଡେସି । ଇ ରୀ କଡ଼ି ଦିନା ଏଝାସି ଏନାଆଁ ତିନାଆଡେସି, ଅଡେ ଏ ରୀ କଡ଼ି ଦିନା ରାହାଲିଏ ଏଝାସି ହାକି ଆଡେସି ।
 ୩ ଏମ୍ବାଟିଏ ସୟତାନ ଏଝାଣାଙ୍କ ଏଲେଇଚେ, “ନୀନୁ ମାହାପୁରୁ ମାର୍‌ସଶାତି ଇଚିହଁ ଇ ଖାଲକାଣି ରୁଟି ଆହାଲି ହୁକୁମି ହୀମୁ ।”
 ୪ ସାମା ଜୀସୁ ଏଲେଇଚେସି, “ଦାମ୍ବୁ ସାସ୍ତେରିତା ରାସ୍‌କି ଆହାମାନେ, ମାଣସି ଖାର୍‌ଇ ରୁଟି ତିଞ୍ଜାନା ନାତଅସି ।”
 ୫ ଅଡେ ସୟତାନ କାଜା ହରୁ ଲାକ ଅହାନା ଗାଡ଼େକା ତାକି ଦାର୍‌ତିତି ବାରେ ରାଜି ଏଝାଣାଙ୍କ ତସ୍ତେ ।
 ୬ ଇଞ୍ଜା ସୟତାନ ଏଝାଣାଙ୍କ ଏଲେଇଚେ, “ନୀନୁ ନିଙ୍ଗେ ଇ ବାରେ ଦନତି ଅଦିକାରା କିୟାଙ୍କ, ଏନାଆଁତାକି ଇଚିହଁ ବାରେ ନାଙ୍ଗେ ହେରପି ଆହାମାଞ୍ଜାନେ, ଅଡେ ନୀନୁ ଆମ୍ବାଆରାକି ମନ ଏଝାଣାକ ହୀଙ୍କ ।
 ୭ ଇଦାଆଁତାକି ନୀନୁ ନା ନକିତା ମେଣ୍ଡାକୁତାନା ଜହରା କିୟାଦି, ଇଚିହଁ ଇ ବାରେ ନୀଦି ଆନେ ।”
 ୮ ଜୀସୁ ଏଲେଇଚେସି, “ରାସ୍‌କି ଆହାମାନେ, ‘ନୀନୁ ନୀ ମାହାପୁରୁଙ୍କ ଜହରା କିଦି, ଅଡେ ଖାର୍‌ଇ ଏଝାଣି ସୋବା କିଦି ।”
 ୯ ଅଡେ ସୟତାନ ଏଝାଣାଙ୍କ ଜିରୁସାଲମତା ଅହାନା ମାହାପୁରୁ ଇଲୁ ତୁଡ଼ିୟା ଲାକ ନିପହାନା ଏଲେଇଚେ, “ନୀନୁ ମାହାପୁରୁତି ମାର୍‌ସଶାତି ଇଚିହଁ ଇମ୍ବାଟି ତୁକକା ଗେମ୍ବାମ୍ବୁ;
 ୧୦ ଇଚିହଁ ରାସ୍‌କି ଆହାମାନେ, ‘ନିଙ୍ଗେ ଗେଲ୍‌ପାଲିତାକି ମାହାପୁରୁ ତାନି ଦୁଡୁୟାଙ୍କ ହୁକୁମି ହୀନେସି ।’
 ୧୧ ଅଡେ ରାସ୍‌କି ଆହାମାନେ, ‘ନୀ କତାୟାଁ ଏନିକିଁ ଖାଲକାଣା ଆଡାଉ ଏଦାଆଁତାକି ଏଝି ନିଙ୍ଗେ କେସ୍‌ତାଲେ ପେରହା ଆପ୍ତାନୁ ।’
 ୧୨ ସାମା ଜୀସୁ ଏଦାନି ଏଲେଇଚେସି, “ଦାମ୍ବୁ ସାସ୍ତେରିତା ରାସ୍‌କି ଆହାମାନେ, ନୀନୁ ପ୍ରବୁ ନୀ ମାହାପୁରୁଙ୍କ ଚାନ୍ଦିପାରି କିଆନି ।”
 ୧୩ ସୟତାନ ଜୀସୁଙ୍କ ବାରେ ଚାନ୍ଦିପାରି କିନାଣି ରାପୁହାନା ଗାଡ଼େକା ତାକି ଏଝାଣାଙ୍କ ପିସାନା ହାଚେ ।

ଜୀସୁ ଗାଲିଲିତା ସେବା କାମା ମାତ୍‌ନାୟି

(ମାତି ୪:୧୨-୧୭; ମାର୍କ ୧:୧୪-୧୫)

୧୪ ଏ ତାହୁଁ ଜୀସୁ ସୁଦୁଜୀବୁତି ବାଡ଼ୁୟୁ ତଲେ ଗାଲିଲିତା ଖାଡ଼େସି, ଅଡ଼େ ସାରିଖାକି ଏଝାଣି କାତା ଖେଜିଡ଼େ ।

୧୫ ଅଡ଼େ ଏଝାସି ଏଝାରି ଜୀହୁଦି ଲକ୍ଷୁତି କୁଟମି ଇଲ୍‌କାଣା* ଜାପୁହିହୁଁ ବାରେ ଲକ୍ଷୁ ତାଣାଟି ଗାଝୁରମି ବେଟାଆଡ଼େସି ।

ଜୀସୁଇଁ ନାଜରିତତା ଅପାଆଡ଼େରି

(ମାତି ୧୩:୫୩-୫୮; ମାର୍କ ୬:୧-୬)

୧୬ ଅଡ଼େ ଏଝାସି ଆମିନି ନାଜରିତତା ପହିପାଡ଼ି ଆହାମାରେସି, ଏବେତା ଏ ଗାୟୁତା ହାରେସି ଅଡ଼େ ତାମି ମେରାଲେହେଁ ଜମିନି ଦିନାତା ଜୀହୁଦି ଲକ୍ଷୁତି କୁଟମି ଇଲ୍‌କାଁ ହାରେସି ଇଞ୍ଜା ପଡ଼ୁଝି ଆହାଲି ନିଡେସି,

୧୭ ଏମାଟିଏ ମାହାପୁରୁ ଅଣପୁତି ବଲୁ ଖେହ୍ନି ଜିସାୟତି ପତି ହାଡେରି, ଜୀସୁ ଏଦାଆଁ ଏକହାନା ଏମିନିତାଣା ଇ କାତା ରାସ୍‌କି ଆହାମାନେ ଏ କାତା ବେଟାଆଡ଼େସି;

୧୮ “ପ୍ରକୃତି ଜୀସୁ ନା ତାଣା ମାନେ,

ଏନିଇତିହୁଁ ହିଲାଆ ଗାଟାରି ତାଣା ନେହୁଁ କାବୁ ଖେକହାଲି ଏଝାସି ନାଜେ ଆତାମାଞ୍ଜାନେସି; କାୟିଦିତା ମାନାରାଇଁ ପିସ୍‌ପି ଆନାଣି ଖେକହାଲି,

କାଣ୍‌କା ମେହୁଆଗାଟାରାଇଁ ମେସ୍‌ପି କହାଲି,

ଦୁକୁ ବେଟାଆଡ଼ି ମାନାରାଇଁ ଗେଲ୍‌ପାଲି,

୧୯ ଇଞ୍ଜା ମାହାପୁରୁ କାର୍ମା ମେସ୍‌ପାନି ବେଲାତି କାତା ଖେକହାଲି

ପ୍ରବୁ ନାଜେ ପାଣ୍ଡାମାଞ୍ଜାନେସି ।”

୨୦ ଏମାଟିଏ ଜୀସୁ ପତିତି ମୁଦା କିହାନା ସେବା କିନାଣି କେୟୁତା ହାହାନା କୁଗିଡେସି । ଅଡ଼େ ଜୀହୁଦି ଲକ୍ଷୁତି କୁଟମି ଇଲ୍‌କାଁ କୁଗାମାନି ବାରେ ଲକ୍ଷୁ ଜୀସୁ ଖାକି ସିନିକିଡେରି ।

୨୧ ଇଞ୍ଜା ଜୀସୁ ଏଝାରାଇଁ ଏଲେଇରେସି, “ନୀଞ୍ଜୁଟିଏ ଦାମ୍‌ ପତିତି ଇ କାତା ମୀରୁ ଖେଣ୍‌ମୁନିଏ ପୂରା ଆଡ଼େ ।”

୨୨ ଅଡ଼େ ବାରେଜାଣା ତାନି କାତାତାକି ସାକି ହାଡେରି, ଅଡ଼େ ତାନି ଗୁଟିତି ହଡ଼ିମାନି କାର୍ମାତି ବଲୁତା କାବା ଆଡ଼େରି ଇଞ୍ଜା ଏଲେଇରେରି, “ଇଝାସି ଏଦାଆଁ ଜସେପ ମୀରୁଏସି ଆଏକି ?”

୨୩ ଏମାଟିଏ ଏଝାସି ଏଝାରାଇଁ ଏଲେଇରେସି, “ମୀରୁ ସାଡେଏ ନାଜେ ଏଲେ ଇଞ୍ଜାଦେରି, ଏ ଅସଗୁରୁ ନୀନୁଏ ନିଜେ ନେହୁଁ କିହାକତାମୁ: କପରୁନାହୁମତା ଏନା ଏଦାଆଁ କିହାମାଞ୍ଜି ଇଞ୍ଜୁଁ ମାମୁ ଚୁଝେଞ୍ଜାମାନମି ଏଲେକିଁ ମୀ ଆକୁ ଆବାର୍‌ୟାଁ ନାୟୁତା ଜିକେଏ କିମୁ ।”

୨୪ ଅଡ଼େ ଏଝାସି ଏଲେଇରେସି, “ନାନୁ ମିଜେ ସାତା ଖେସିମାଞ୍ଜାଇଁ, ମାହାପୁରୁ ଅଣପୁତି ବଲୁ ଖେହ୍ନାରି ତାନୁ ପାତାଆଡ଼ି ନାୟୁତି ଲକ୍ଷୁ ଅପଅରି ।

୨୫ ସାମା ନାନୁ ମିଜେ ସାତା ଖେସିମାଞ୍ଜାଇଁ, ଏଲିୟ ବେଲାତା ଏନିକିଁ ତାନି ବାର୍‌ସା ସଲେଞ୍ଜୁ ପାଡେକା ହାଗୁଟି ପିୟୁ ରିଆତାକି ବାରେ ଦେସା କାରୁଝୁ ଆହାମାରେ, ଏତିବେଲାତା ଇସାୟେଲତା ହାଡେରକା ରାଣ୍ଡେଣିସିକା ମାଟିହୁଁ ଜିକେଏ;

୨୬ ଏଲିୟ ଏଝାସିକା ତାଣା ପାଣ୍ଡୁଝି ଆୟାନା ସିଦନ ଦେସାତି ସାରିପଡ଼ି ନାୟୁତି ର ରାଣ୍ଡେଣିସି ତାଣା ପାଣ୍ଡୁଝି ଆଡ଼େସି ।

୨୭ ଅଡ଼େ ମାହାପୁରୁ ଅଣପୁତି ବଲୁ ଖେହ୍ନି ଏଲିସାୟ ମାଟାଟି ଇସାୟେଲ ବିତ୍ରା ହାଡେରକା କାଜା ରଗା ଗାଟାରି ମାରେରି; ଆଡ଼ିଜିକେଏ ଏଝାରି ବିତ୍ରାଟି ରଅସି ଜିକେଏ ନେହୁଁ ଆଆଡେସି, ସାମା ସିରିୟା ଦେସାତି ନାମାନ ନେହୁଁ କିଝିଆଡ଼େସି ।”

୨୮ ଜୀହୁଦି ଲକ୍ଷୁତି କୁଟମି ଇଲ୍‌କାଁ ଇ ବାରେ କାତା ଖେଞ୍ଜାନା ବାରେଜାଣା କାରୁବି ଆଡ଼େରି,

୨୯ ଅଡ଼େ ଏଝାରି ନିଜାମନା ଏଝାଣାଇଁ ଗାଡ଼ାଟି ପାଜାତା ପେରୁହେରି ଇଞ୍ଜା ଏଝାରି ଏମିନି ଗାଡ଼ା ହୁରୁଲେକ ଦସାମାରେରି ଏ ହୁରୁ ଲାକଟି ଡ଼ଇକା ମେଡ଼ହାଲି ଏଝାଣାଇଁ ଅଡ଼େରି;

୩୦ ସାମା ଏଝାସି ଏଝାରି ମାଦିଟି ହଡ଼ାହାଡେସି ।

* ୪:୧୫ ସିନଗର † ୪:୧୭ ସିନଗର ‡ ୪:୨୦ ସିନଗର ✧ ୪:୨୪ ଜହ ୪:୪୪ § ୪:୨୮ ସିନଗର

ଜୀସୁ ବୃତ୍ତ ଆଲଗା ମାତାଣାଇଁ ନେହଁ କିନାୟି

(ମାର୍କ ୧:୨୧-୨୮)

୩୧ ଜୀସୁ କପରନାହୁମ ଦରୁଗାଟି ଗାଲିଲିତି ର ଗାଡ଼ାତା ଖାତେସି, ଇଞ୍ଜା ଜମିନ ଦିନା ଲକୁଣି ଜାପୁହି ମାରେସି,

୩୨ ଅଡେ ଏଝାରି ଏଝାଣି ଜାପୁନି ତାଣା କାବା ଆଡେରି, ଏନାଆଁତାକି ଇଚିହଁ ଏଝାଣି ଜଲିନାୟି ଅଦିକାରା ଗାଟାୟି ଲେହେଁ ମାଚେ ।

୩୩ ର ଦିନା ଜୀହୁଦି ଲକୁତି କୁଚମି ଇଲୁତା* ର ପଲଆ ବୃତ୍ତ ଆଲଗାମାଟି ଲକୁ ମାରେସି; ଏଝାସି କିର୍ଡ଼ିହଁ ଏଲେଇଚେସି,

୩୪ ଏ ନାଜରିତତି ଜୀସୁ ନୀ ତଲେ ମାଜେ ଏନାୟି ମାନେ ? ନୀନୁ ମାଜେ ନାସା କିହାଲି ଖାହାମାଞ୍ଜି କି ? ନୀନୁ ଆମ୍ବାଆତି ନାନୁ ପୁଞ୍ଜାମାଇଁ; ନୀନୁ ମାହାପୁରୁତି ସୁଦୁ ମାଣସିତି ।”

୩୫ ଜୀସୁ ଏଦାନି ଦାକା ହାହାନା ଏଲେଇଚେସି, “ପାଲେଏ ଆମ୍ବ ଇଞ୍ଜା ଇଝାଣି ତାଣାଟି ହଚାହାଲାମୁ ।” ଏମ୍ବାଟିଏ ଏ ବୃତ୍ତ ଏଝାଣାଇଁ ମାଦିଏ ତ୍ରକହାନା ଏଝାଣାଇଁ ଏନାଆଁ କିଆନା ହଚାହାଚେ ।

୩୬ ଏମ୍ବାଟିଏ ବାରେଜାଣା କାବାଆହାନା ଏଲେଇଶମ୍ବି ଆଡେରି, “ଇଦି ଏନିଲେହେଁତି କାତା ? ଏଝାସି ବୃତ୍ତୟାଁ ଅଦିକାରା ଅଡେ ବାଡ଼ୁଚି ହୁକୁମି ହାହିମାନେସି ଇଞ୍ଜା ଏଝି ହଚା ହାଜିମାନୁ !”

୩୭ ଏମ୍ବାଟିଏ ଏଝାଣି ହାଡ଼ାତି କାବୁ ଦେସାତି ସାରିଝାକି ଝେଙ୍ଗାହାଚେ ।

ଜୀସୁ ହାଡ଼େକା ଲକୁଇଁ ନେହଁ କିନାୟି

(ମାତି ୮:୧୪-୧୭; ମାର୍କ ୧:୧୯-୩୪)

୩୮ ଏମ୍ବାଟିଏ ଜୀସୁ ଜୀହୁଦି ଲକୁତି କୁଚମି ଇଲୁଚି† ହଚାନା ସିମନ ଇଜ ହାଚେସି । ସିମନ ପୟା ଗାତି ନଚେରି ଆହାମାଚେ, ଅଡେ ଏଝାରି ଇ କାତା ଜୀସୁଇଁ ଏଲେଇଚେରି ।

୩୯ ଏମ୍ବାଟିଏ ଏଝାସି ଏଦାନି ତାଗେ ନିଚାନା ନଚେରିତି ଦାକା ହାଚେସି, ଇଞ୍ଜା ଏଦାନାକି ନଚେରି ପିସ୍ତେ, ଏଡି ଏ ଦେବୁଣିଏ ନିଜାନା ଏଝାରି ସେବା କିଚେ ।

୪୦ ଝେଡ଼ା କୁଡ଼ିହଁ ମାଟାଟି ଆମ୍ବାଆରି ତାଣା ଏନିଲେହେଁତି ରଗ ମାଚେ, ଏଲେତି ରଗ ଲକୁଣି ଜୀସୁ ତାଣା ତାଚେରି, ଇଞ୍ଜା ତାନି ତାକାଣା କେୟୁ ଇଚାନା ବାରେତି ନେହଁ କିଚେସି ।

୪୧ ଅଡେ ବୃତ୍ତୟାଁ ଜିକେଏ କିର୍ଡ଼ିହଁ ହାଡ଼େକା ଲକୁ ତାଣାଟି ଏଲେଇଞ୍ଜି ହଚାହାଚୁ, “ନୀନୁ ମାହାପୁରୁ ମାର୍‌ଏଣାତି ।”

ଅଡେ ଜୀସୁ ଏ ବାରେତି କାତା ଆହାଲି ହାଆନା ଦାକା ହାଚେସି, ଇଚିହଁ ଏଝାସି କ୍ରୀସୁ ଇଦାଆଁ ଏଝି ପୁଞ୍ଜାମାଚୁ ।

ଜୀସୁ ଜୀହୁଦି ଲକୁତି କୁଚମି ଇଲୁତା ଝେକ୍‌ନାୟି

(ମାର୍କ ୧:୩୫-୩୯)

୪୨ ଲାଲ ଝେୟାଲିଏ ଏଝାସି ହଚାନା ଲକୁ ହିଲାଆ ଚାୟୁତା ହାଚେସି; ଅଡେ ଲକୁ ଏଝାଣାଇଁ ପାରିହଁ ଏଝାଣି ତାଣା ଖାତେରି, ଅଡେ ଏଝାସି ଏନିକଁ ଏଝାରି ତାଣାଟି ହାଲଅସି, ଏଦାଆଁତାକି ଏଝାଣାଇଁ ମାଞ୍ଜାଲି ବାଡ଼ିମାଲିଚେରି ।

୪୩ ସାମା ଏଝାସି ଏଝାରାଇଁ ଏଲେଇଚେସି, “ଏଚକା ଗାଡ଼ାତା ଜିକେଏ ନାନୁ ମାହାପୁରୁ ରାଜିତି ନେହଁ କାବୁ ଝେକ୍‌ନାୟି ମାନେ, ଇଚିହଁ ଏଦାଆଁତାକି ନାନୁ ପାଣ୍ଡୁଝି ଆହାମାଇଁ ।”

୪୪ ଇଞ୍ଜା ଏଝାସି ଜୀହୁଦା ଦେସାତି ଜୀହୁଦି ଲକୁତି କୁଚମି ଇଲୁକାଣା‡ ହାଜାନା ନେହଁ କାବୁ ଝେକ୍‌ହେସି ।

୫

ଜୀସୁ ମୀଣକା ଆହନାରାଇଁ ହାଚିନାୟି

(ମାତି ୪:୧୮-୨୨; ମାର୍କ ୧:୧୭-୨୦)

୧* ର ଦିନା ଜୀସୁ ଗେନେସର ବାନ୍ଦା ଗାଡ଼ାତା ନିଚାମାଟାଟି ହାଡ଼େକା ଲକୁ ମାହାପୁରୁତି କାତା ଝେଞ୍ଜାଲି ଏଝାଣି ସାରିସୁଚୁ ରୁଣ୍ଡା ଆଡେରି ।

* ୪:୩୨ ମାତି ୭:୨୮, ୨୯ * ୪:୩୩ ସିନଗର † ୪:୩୮ ସିନଗର ‡ ୪:୪୪ ସିନଗର * ୫:୧ ମାତି ୧୩:୧, ୨; ମାର୍କ ୩:୯, ୧୦; ୪:୧

୨ ଇଞ୍ଜି ଏଝାସି ବାନ୍ଦା ଗାଟୁତା ରା ତଂଗାଁୟାଁ ମାନାଣି ମେସ୍ତେସି; ଏମ୍ବାଟି ମୀଣ୍ଡକା ଆହ୍ନାରି ଏମ୍ବାଟି ରେଟାନା ତାମି ଜାଲ୍ଲାୟାଁ ନର୍ତ୍ତ୍ତ ହି ମାଚେରି ।

୩ ଏ ତଂଗ ବିତ୍ତାଟି ଏମିନାୟି ସିମନଝାୟି ମାଚେ, ଏ ତଂଗତା କୁଗାନା ଗାଟୁଟିଏ ହିରେ ହେକ ହାଜାଲି ବାଟିମାଲିତେସି; ଇଞ୍ଜି ଏଝାସି କୁଗାନା ଲକୁଣି ଜାପୁହେସି ।

୪ ଏଝାସି ତାନି କାତା ରାପୁହାଲିଏ ସିମନଇଁ ଏଲେଇଚେସି, “ମୀଣ୍ଡକା ଆସାଲି କୁଡୁନି ଏୟୁଝାକି ହାଜାନା ମୀ ଜାଲ୍ଲାୟାଁ ମେଡୁଡୁ ।”

୫ ଏମ୍ବାଟିଏ ସିମନ ଏଲେଇଚେସି, “ଏ ଗୁରୁ ମାମ୍ବୁ ଲାଆଁ ଖେୟେ କସ୍ତ କିତିଝା ର ମୀନୁ ଜିକେଏ ବେଟାଆଆତମି; ସାମା ନୀ କାତା ଆସାନା ଜାଲ୍ଲା ମେଡୁଇଁ ।”

୬ ଇଞ୍ଜି ଏଝାରି ଜାଲ୍ଲା ମେଡୁହାଲିଏ ଏମ୍ବାଆଁ ଜାଲ୍ଲା ନେଞ୍ଜେ ମୀଣ୍ଡକା ହଟୁ, ଇଞ୍ଜି ଏଝାରି ଜାଲ୍ଲା ତାମ୍ବାଲି ମାଟୁହେ ।

୭ ଏମ୍ବାଟିଏ ଏଝାରି ଆମିନି ତଡୁଗୁଟାରି ଅର ତଂଗତା ମାଚେରି, ଏଝାରି ଏନିକିଁ ଝାହାନା ସାୟେମି କିନେରି, ଏଦାଆଁତାକି ଏଝାରି ଏଝାରାଇଁ କେୟୁ ଜୀଞ୍ଜିତେରି, ଏମ୍ବାଟିଏ ଏଝାରି ଝାହାନା ରା ତଂଗଣା ମୀଣ୍ଡକା ନେଞ୍ଜି କିୟାଲିଏ ଏ ତଂଗାଁୟାଁ ମୁଞ୍ଜିମାଟୁ ।

୮ ସାମା ସିମନ ପିତର ଏଦାଆଁ ମେସାନା ଜୀସୁ କତାଣା ରିହାନା ଏଲେଇଚେସି, “ଏ ପ୍ରବୁ ନା ତାଣାଟି ହାଜାଟୁହମ୍ବୁ ଏନାଆଁତାକି ଇତିହଁ ନାନ୍ତୁ ପାପୁଗାଟି ମାଣସିତେସିଁ !”

୯ ଇତିହଁ ଏଝାରି ହାରେକା ମୀଣ୍ଡକା ଆସାମାଟାକି ତାନ୍ତୁ ଅଡେ ତାନିତଲେ ମାଟାରି କାବା ଆହାହାଚେରି;

୧୦ ଜେବଦିତି ରୀ ମୀରକା ଜାକୁବ ଅଡେ ଜହନ, ଆମ୍ବାଆରି ସିମନ ଆଟୁହିତାରି ମାଚେରି, ଏଝାରି ଜିକେଏ କାବା ଆହାହାଚେରି । ଅଡେ ଜୀସୁ ସିମନଇଁ ଏଲେଇଚେସି, “ଆଜାଆନି ନାଞ୍ଜୁଟିଏ ନୀନୁ ଲକୁଣି ଆହ୍ନି ।”

୧୧ ଏଚେଟିଏ ଏଝାରି ତଂଗାଁୟାଁ ଗାଟୁତା ତାଚାନା ଏମ୍ବାଆଁ ବାରେ ପିସାନା ଜୀସୁ ଜେଟ ହାଚେରି ।

କାଜା ରଗ ଗାଟାଣାଇଁ ନେହଁ କିନାୟି
(ମାତି ୮:୧-୪; ମାର୍କ ୧:୪୦-୪୫)

୧୨ ଜୀସୁ ର ଗାଟାତା ମାଟାଟି ମେହୁଡୁ ଏମ୍ବାଆଁ ଗୁଡା ଆଜା କାଜା ରଗ ଗାଟାସି ମାଚେସି; ଏଝାସି ଜୀସୁଇଁ ମେସାନା ମୁନୁ କୁତାନା ଏଝାଣାଇଁ ଏଲେଇଚେସି, “ଏ ପ୍ରବୁ ନୀନୁ ମନ କିତିହଁ ନାଜେ ନେହଁ କିହାଲି ଆଡାଦି ।”

୧୩ ଏଚେଟିଏ ଏଝାସି କେୟୁ ଦାସାହାଁ ତୀଗାନା ଏଲେଇଚେସି, “ନୀନୁ ମନ କିହିମାଇଁ ନୀନୁ ନେହଁ ଆମ୍ବୁ ।” ଏ ଦେବୁଣିଏ କାଜା ରଗଟି ଏଝାସି ନେହଁ ଆଡେସି ।

୧୪ ଜୀସୁ ଏଝାଣାଇଁ ହୁକୁମି ହାହାନା ଏଲେଇଚେସି, “ଆମ୍ବାଆରାଇଁ ଖେହ୍‌ଆନି, ସାମା ହାଜାନା ପୁଜେରାଜାଣି ତହ୍ମମ୍ବୁ, ଅଡେ ମସାତି ମେରାଲେହେଁ ନୀନୁ ନେହଁ ଆଡାଣି ସାକି ହାହାଲି ପୂଜା ହାମ୍ବୁ ।”

୧୫ ସାମା ଏଝାଣି କାତା ହାରେକା ଝେଙ୍ଗାହାଚେ, ଅଡେ ହାରେକା ଲକୁ ଝେଞ୍ଜାଲିତାକି ଅଡେ ରଗଟି ନେହଁ ଆହାଲିତାକି ରୁଣ୍ଡା ଆଡେରି ।

୧୬ ସାମା ଜୀସୁ ଲକୁ ହିଲୀଆ ଟାୟୁତା ହାଜାନା ପ୍ରାତାନା କିହିମାଚେସି ।

ଜୀସୁ ର ଟଟ ଝାୟିତାଣାଇଁ ନେହଁ କିନାୟି
(ମାତି ୯:୧-୮; ମାର୍କ ୨:୧-୧୨)

୧୭ ର ଦିନା ଜାପୁହି ମାଟାଟି, ଗାଲିଲି ଦେସାତି ବାରେ ନାସ୍କାଟି, ଜୀହୁଦା ଦେସା ଇଞ୍ଜି ଜିରୁସାଲମଟି ଝାହାମାନି ପାରୁସିୟାଁ ଅଡେ ମୋରାପୁନାରି ଜୀସୁ ତାଣା କୁଗାମାଚେରି, ଇଞ୍ଜି ଏଝାସି ଏନିକିଁ ନେହଁ କିନେସି ଇଦାଆଁତାକି ପ୍ରବୁତି ନେହଁ କିନି ବାଡୁୟୁ ଜୀସୁ ତାଣା ମାଚେ ।

୧୮ ଏଚେଟାଣା ଲକୁ ର ଟଟ ଝାୟିତାଣାଇଁ କାଚେଲିତା ଡେକା ତାଚାନା ଜୀସୁ ନକିତା ବିତ୍ତା ଅହାଲି ଅଣାପିଚେରି ।

୧୯ ସାମା ଏମ୍ବାଆଁ ହାରେକା ଲକୁ ମାଟାକି ଜିରୁ ବେଟାଆଆଚେରି, ଇଞ୍ଜି ଏଝାରି ଇଲୁ ଡେପରିତା ଡେକା ଅହାନା ତୁଡିୟାତି ଟାୟିଲି ହୁକ୍‌ହାନା କାଚେଲି ତଲେ ଜୀସୁ ନକିତା ରେପୁହେରି ।

୨୦ ଜୀସୁ ଏଝାରି ନାମ୍ନୁ ମେସାନା ଚଟ ଝାୟିତାଣାଇଁ ଏଲେଇଚେସି, “ତଢ଼ଣ ନୀ ପାପୁ ବାରେ ମେଣ୍ଟାମାନେ ।”

୨୧ ଏଚେଟିଏ ମେରା ଜୀପ୍ନାରି ଅଢ଼େ ପାରୁସିୟାଁ କାତା ଆହୁଁ ଏଲେଇଶମ୍ବି ଆଢ଼େଚରି, “ଇଝାସି ମାହାପୁରୁ ନିନ୍ଦା କିହିମାନେସି, ଇଝାସି ଆମ୍ବାଆସି ! ମାହାପୁରୁ ପିସ୍‌ପେ ଅଢ଼େ ଆମ୍ବାଆସି ପାପୁ ମେକ୍‌ହାଲି ଆଡ଼ିମାନେସି !”

୨୨ ସାମା ଜୀସୁ ଏଝାରି କାତାବାର୍ତ୍ତା ଆହିମାନାଣି ପୁଞ୍ଜାନା ଏଝାରାଇଁ ଏଲେଇଚେସି, “ମୀରୁ ମୀ ମନ୍‌ତା ଏନାଆଁତାକି ଏଲେକିଁ ଅଣ୍ଡିମାଞ୍ଜେରି ?

୨୩ ଏନାଆଁ ଇନାୟି ଉସାସା ‘ନୀ ପାପୁ ବାରେ ମେଣ୍ଟାକ୍ଷେତେ ଇନାୟି କି ନିଜ୍ଜାନା ତାକାମ୍ ଇନାୟି ?’

୨୪ ଦାବୁତିତା ପାପୁ ମେକ୍‌ହାଲି ମାଣସି ମୀରୁଏଣାକି ଅଦିକାରା ମାନେ, ଇଦାଆଁ ମୀରୁ ଏନ୍‌କିଁ ପୁଞ୍ଜାଲି ଆଡ଼ିଦେରି” ଇଦାଆଁତାକି ଚଟ ଝାୟିତାଣାଇଁ ଏଲେଇଚେସି, “ନାନୁ ନିଙ୍ଗେ ଝେସିମାଞ୍ଜାଇଁ, ନିଜ୍ଜାନା ନୀ କାଚେଲି ଢେକାନା ନୀ ଇଜ ହାଲ୍‌ମାମ୍ !”

୨୫ ଏଚେଟିଏ ଏଝାସି ଏ ଦେବୁଣିଏ ଏଝାରି ନକ୍ତିତା ନିଜ୍ଜାନା ଆମିନି କାଚେଲିତା ତୁରାମାଚେସି, ଏଦାଆଁ ଢେକାନା ମାହାପୁରୁଇଁ ଜହରା କିହୁଁ ତାମି ଇଜ ହାଚେସି ।

୨୬ ଏଚେଟିଏ ବାରେଜାଣା କାବାଆହାନା ମାହାପୁରୁଇଁ ଜହରା କିଚେଚରି, ଅଢ଼େ ଆଜିତଲେ ଏଲେଇଚେଚରି, “ନୀଞ୍ଜୁ ମାମ୍‌ମ୍ କୁବାଆହି କାମା ମେସୁମି ।”

ଜୀସୁ ଲେବିଇଁ ହାଟିନାୟି

(ମାତି ୯:୯-୧୩; ମାର୍କ ୨:୧୩-୧୭)

୨୭ ଏମ୍ବାଟିଏ ଜୀସୁ ପାଞ୍ଜାତା ହାଜାନା ଲେବି* ଦରୁଗାଟି ର ସିସ୍ତୁରୀହନାସି ସିସ୍ତୁରୀହନି ଟାୟୁତା କୁଗାମାନାଣି ମେସାନା ଏଝାଣାଇଁ ଏଲେଇଚେସି, “ନୀ ଜେଚ ଝାପୁ ।”

୨୮ ଏମ୍ବାଟିଏ ଏଝାସି ବାରେ ପିସାନା ନିଜ୍ଜାନା ଏଝାଣି ଜେଚ ହାଚେସି ।

୨୯ ଅଢ଼େ ଲେବି ତାମି ଇଜ ର କାଜା ବକ୍ତି କିଚେସି, ଇଞ୍ଜାଁ ହାଚେରକା ସିସ୍ତୁରୀହନାରି ଅଢ଼େ ଏଚ୍‌କାଟି ଲକୁ ବାରେ ଏଝାରିତଲେ ତିଞ୍ଜାଲି କୁଗିଚେଚରି ।

୩୦ ଏଚେଟିଏ ପାରୁସିୟାଁ ଅଢ଼େ ଏଝାରି ଗତିତି ମେରାପୁନାରି ତାମି ସୀସୁୟାଁଇଁ ଏଲେଇଚେଚରି, “ମୀରୁ ଏନାଆଁତାକି ସିସ୍ତୁରୀହନାରି ଅଢ଼େ ପାପୁ ଗାଟାରି ତଲେ ତିଞ୍ଜି ଉଣ୍ଡି ମାଞ୍ଜେରି ?”

୩୧ ଜୀସୁ ଏଝାରାଇଁ ଏଲେଇଚେସି, “ନେହୁଁ ମାନାରାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଟାରାକି ଲଡ଼ାମାନେ ।

୩୨ ନାନୁ ତାରିଗାଟାରାଇଁ ହାଟାଲି ଝାହାହିଲଅଁ, ସାମା ମନ୍ ଝେଚ୍‌ପି କିହାଲି ପାପୁ ଗାଟାରାଇଁ ହାଟାଲି ଝାହାମାଇଁ ।”

ଉପାସା କିନି କାତା ଝେନାୟି

(ମାତି ୯:୧୪-୧୭; ମାର୍କ ୨:୧୮-୨୨)

୩୩ ଏଚେକା ଲକୁ ଜୀସୁଇଁ ଝେଚେଚରି, “ଜହନତି ସୀସୁୟାଁ ଅଢ଼େ ପାରୁସିୟାଁତି ସୀସୁୟାଁ ଅଲେ ଅଲେ ଉପାସା ଅଢ଼େ ପ୍ରାତାନା କିହିମାନେଚି, ସାମା ନୀ ସୀସୁୟାଁ ତିଞ୍ଜି ଉଣ୍ଡି ମାନେଚି ।”

୩୪ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ବୀହା ଲକୁତଲେ ହନେଏସି ମାନି ପାଚେକା ବୀହା ଲକୁ ଉପାସା ମାଞ୍ଜାଲି ଆଡ଼ିନେଚି ?

୩୫ ସାମା ର ଦିନା ଝାନେ: ଏଝାରି ତାଣ୍ଡାଟି ହନେଏସି ହାନେସି, ଏଚେଟିଏ ଏଝାରି ଉପାସା କିନେଚି ।”

୩୬ ଇଞ୍ଜାଁ ଏଝାସି ର ପୁଣ୍ଡିକିନି କାତା ଜିକେଏ ଝେସୁସି, “ଆମ୍ବାଆସି ପୁଞ୍ଜଇ ହିମ୍ବୁରିତା ପୁଞ୍ଜି ପାସ୍‌କି ତାଚଅସି; ତାଡ଼ିତିଝା ଏ ପୁଞ୍ଜି ପାସ୍‌କି ଗେହନେ ଇଞ୍ଜାଁ ପୁଞ୍ଜି ପାସ୍‌କି ପୁଞ୍ଜଇ ପାସ୍‌କି ତଲେ ଆଣ୍ଡେଏ ।

୩୭ ଅଢ଼େ ଆମ୍ବାଆସି ପୁଞ୍ଜି ଅଞ୍ଜୁରି ରାସା ପୁଞ୍ଜଇ ଢକାତାଁ ଇଚଅସି; ଇଚିତିହୁଁ ଅଞ୍ଜୁରି ରାସା ଢକାଟି ଅୟି କିହାନା ବହାହାନେ ଅଢ଼େ ଢକା ଜିକେଏ ନସୁ ଆନେ,

୩୮ ସାମା ପୁଞ୍ଜି ଅଞ୍ଜୁରି ରାସା ପୁଞ୍ଜି ଢକାତା ଇଚିନାୟି ମାନେ ।

୩୯ ଆମ୍ବାଆସି ପୁଞ୍ଜଇ ଅଞ୍ଜୁରି ରାସା ଗସ୍ତି ତାୟୁ ପୁଞ୍ଜି ଅଞ୍ଜୁରି ରାସା ଗହୁଅଚେଚି । ପୁଞ୍ଜିଆୟି ନେହେଁ ଇଞ୍ଜେଚି ।”

* ୫:୨୨ ମାତିରୁ ✧ ୫:୩୦ ଲୁକ ୧୫:୧,୨ † ୫:୩୭ ତଲେ କେପିତି ଅଞ୍ଜୁରି ରାସା ଇଚିନି ବାସ୍ତା ତୁପୁ



ଜମିନି ଦିନାତି ପୁତ୍ର

(ମାତି ୧୨:୧-୮; ମାର୍କ ୨:୨୩-୨୮)

୧ ରଜମିନି ଦିନା ଜୀସୁ ତାନି ସାସୁୟାଁ ତଲେ ଗହଁ ଗୁଡ଼ିୟାଟି ହାଜିମାଗାଟି ସାସୁୟାଁ ଗହଁ କେକା ତାପହାନା କେୟୁତଲେ ରାକହା ତିଞ୍ଜିମାଚେରି ।

୨ ସାମା ପାରୁସିୟାଁ ବିତ୍ରାଟି ଏଚରଜାଣା ଏଲେଇଚେରି, “ଜମିନି ଦିନାତା ଏଦାଆଁ କିନାୟି ମେରା ହିଲେଏ ମୀରୁ ଏନାଆଁତାକି କିହିମାଞ୍ଜେରି ।”

୩ ଜୀସୁ ଏଞ୍ଜାରାଇଁ ଏଲେଇଚେସି, “ଦାସୁଦ ଅଡ଼େ ତାନି ତଢେସିଜ୍ଞା ହାକି ମାଗାଟି ଏନାଆଁ କିହାମାଚେରି, ଏଦାଆଁ ମୀରୁ ଏଚେଲା ପଡ଼ୁଞ୍ଚି ଆହାହିଲଅଚେରି ?

୪ ଏଞ୍ଜାସି ମାହାପୁରୁ ଇଲୁତା ହଡ଼ାନା ଆମିନି ହେରପିଆହାମାନି ରୁଟି ପୁଜେରାଜ୍ଞା ପିସ୍ତେପେ ଆମ୍ବାଆରି ତିନି ମେରା ହିଲାଆତେ ଏଦାଆଁ ତିଚେସି ଇଞ୍ଜାଁ ତାନି ତଢେସିଜ୍ଞାକି ଜିକେଏ ହୀତେସି ।”

୫ ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମାଣସି ମୀରୁଏସି ଜମିନି ଦିନାତି ପୁତ୍ର ଆନେସି ।”

ଞ୍ଜାୟିତି କେୟୁ ଗାଗାଣାଇଁ ନେହଁ କିନାୟି

(ମାତି ୧୨:୯-୧୪; ମାର୍କ ୩:୧-୬)

୬ ଏଞ୍ଜାସି ର ଜମିନି ଦିନାତା ଜୀହୁଦି ଲକୁଡ଼ି କୁଟମି ଇଲୁତା* ହାଜାନା ଜାପୁହି ମାଚେସି; ଏନାଆଁ ରଅସି ମାଚେସି ଏଞ୍ଜାଣି ଟିଠନି କେୟୁ ଞ୍ଜାୟାହାଜାମାଚେ ।

୭ ଅଡ଼େ ଏଞ୍ଜାସି ଜମିନି ଦିନାତା ନେହଁ କିନେସିକି ଆଏ ଏଦାଆଁ ସିନିକିହାଲି ମେରାପୁନାରି ଅଡ଼େ ପାରୁସିୟାଁ କୁଗାନା ସିନିକିହାମାଚେରି, ଏନିକି ଏଞ୍ଜାଣାଇଁ ଦହ ଆସାଲି ପାରୁ ବେଟାଆନେରି ।

୮ ସାମା ଏଞ୍ଜାସି ଏଞ୍ଜାରି ହିୟାଁତି ଅଣ୍ଡୁ ପୁଞ୍ଜାନା ଆମିନି ଲକୁଡ଼ି କେୟୁ ଞ୍ଜାୟାହାଜାମାଚେ ଏଞ୍ଜାଣାଇଁ ଏଲେଇଚେସି, “ନିଜାମୁ ମାଦି ନିମୁ !” ଏଚେଟିଏ ଏଞ୍ଜାସି ନିଚେସି ।

୯ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ମିଜେ ଖେଞ୍ଜିମାଞ୍ଜାଇଁ ଜମିନି ଦିନାତା ଏନାଆଁ କିନାୟି ମେରା ମାନେ ? ନେହଁ କିନାୟି କି ଲାଗେଏ କିନାୟି ? ଜୀସୁତି ଗେଲୁପିନାୟି କି ନାସା କିନାୟି ?”

୧୦ ଅଡ଼େ ଏଞ୍ଜାସି ସାରିଞ୍ଜାକି ଲକୁଣି ସିନିକିହାନା ଏଞ୍ଜାଣାଇଁ ଏଲେଇଚେସି, “ନୀ କେୟୁ ଦାହୁମୁ ।” ଏମ୍ବାଟିଏ ଦାସୁସି, ଇଞ୍ଜାଁ ଏଞ୍ଜାଣି କେୟୁ ନେହଁ ଆହାହାଚେ ।

୧୧ ଏଦାଆଁ ମେସାନା ଏଞ୍ଜାରି କାର୍ବି ଆହାହାଚେରି ଅଡ଼େ ଜୀସୁଇଁ ଏନିକିହାଲି ଆନେ ଇଞ୍ଜାଁ ତାମ୍ବୁ ତାମ୍ବୁ କାତା ଆଡ଼େରି ।

ଜୀସୁ ବାଚଜାଣା ସାସୁୟାଁଇଁ ଆଡ଼ିନାୟି

(ମାତି ୧୦:୧-୪; ମାର୍କ ୩:୧୩-୧୯)

୧୨ ଏଚିବେଲାତା ଏ ଦିନା ପ୍ରାତାନା କିହାଲି ହରୁ ଲାକ ହାଚେସି ଇଞ୍ଜାଁ ଲାଆଁ ଖେୟେ ମାହାପୁରୁ ତାଣା ପ୍ରାତାନା କିଚେସି ।

୧୩ ଲାଲ ଖେୟାଲିଏ ଏଞ୍ଜାସି ତାନି ସାସୁୟାଁ ତାଗେ ହାଡ଼ାନା ଏଞ୍ଜାରି ବିତ୍ରାଟି ବାଚଜାଣାଟି ଆଡ଼ିଚେସି; ଇଞ୍ଜାଁ ଏଞ୍ଜାରାଇଁ ପାଣ୍ଡୁଞ୍ଚି ଆଡ଼ାରି ଇଞ୍ଜାଁ ଦରୁ ଇଚିଚେସି,

୧୪ ଏଞ୍ଜାରି ଆଡ଼େରି ସିମନ ଆମ୍ବାଆରାଇଁ ଏଞ୍ଜାସି ପିତର ଦରୁ ହୀତେସି, ଅଡ଼େ ତାନି ତାୟି ଆୟିୟ, ଜାକୁବ ଅଡ଼େ ଜହନ, ପିଲିପ, ବାର୍ତଲମି,

୧୫ ମାତିରୁ ଅଡ଼େ ତମା, ଆଲେପି ମୀରୁଏସି ଜାକୁବ ଅଡ଼େ ସିମନ, ଆମିନି ଗାଗାଣାଇଁ ତାନି ଦେସାତି ଜୀସୁ ନନାସି ଇନେରି,

୧୬ ଜାକୁବ ମୀରୁଏସି ଜୀହୁଦା ଅଡ଼େ ଇସ୍ତାରିୟତ ଜୀହୁଦା, ଆମ୍ବାଆସି ଜୀସୁଇଁ ସାତୁ କେୟୁତା ହେରପିଚେସି ।

ଜୀସୁତି ଜାପୁନାୟି ଅଡ଼େ ରଗଟି ନେହଁ କିନାୟି

(ମାତି ୪:୨୩-୨୫)

* ୭:୭ ସିନଗଗ

୧୭ ଅତ୍ତେ ଏଞ୍ଜାସି ଏଞ୍ଜାରିତଲେ ରେଗାଞ୍ଜାହାନା ନିମା ଗାଟି ଚାୟୁତା ନିତେସି, ଇଞ୍ଜା ତାନି ହାରେକା ସାୟୁୟା ଅତ୍ତେ ବାରେ ଜାହୁଦା ଦେସା ଜିରୁସାଲମ ଇଞ୍ଜା ସର ଅତ୍ତେ ସିଦନ ଦାରିଟି ହାରେକା ଖାତେରି ।

୧୮ ଏଞ୍ଜାରି ଜାସୁତି କାତା ଖେଞ୍ଜାଲି ଅତ୍ତେ ତାନି ରଗାଟି ନେହୁ ଆହାଲି ଖାହାମାଚେରି, ଅତ୍ତେ ଆମିନି ଗାଟାରି ବୁତୁୟା ତାଣାଟି କସୁ ବେଟାଆହି ମାଚେରି, ଏଞ୍ଜାରି ଜିକେଏ ନେହୁ ଆଚେରି;

୧୯ ବାରେଜାଣା ଏଞ୍ଜାଣାଇଁ ତାଗାଲି ମନ କିହିମାଚେରି, ଇଚିହୁ ଏଞ୍ଜାଣି ତାଣାଟି ବାତୁୟୁ ହଚାନା ବାରେଜାଣାଟି ନେହୁ କିହିମାଚେ ।

ଆମ୍ବାଆରି ନେହେଁ

(ମାତି ୫:୧-୧୨)

୨୦ ଏଚିବେଲାତା ଜାସୁ ତାନି ସାୟୁୟାଣି ସିନକିହାନା ଏଲେଇଚେସି,

“ହିଲାଆଗାଟାଚେରି ମୀରୁ; ମିଙ୍ଗେ ନେହେଁ,

ଇଚିହୁ ମାହାପୁରୁ ରାଜି ମାଦିଏ ।

୨୧ ନୀଏଁ ହାକି ଗାଟାଚେରି ମୀରୁ; ମିଙ୍ଗେ ନେହେଁ,

ଇଚିହୁ ମୀରୁ ତାୟୁ ପାଞ୍ଜିଦେରି ।

ନୀଏଁ ତାହିମାନାଚେରି ମୀରୁ; ମିଙ୍ଗେ ନେହେଁ,

ଇଚିହୁ ମୀରୁ ତାୟୁ କାକ୍ଦେରି ।”

୨୨ ଏଚେତା ଲକୁ ମିଙ୍ଗେ ଅପଅରି ଅତ୍ତେ ମାଣସି ମୀରୁଏଣା ତାକି ଏଚ୍ଚକା କିୟାନେରି, ଅତ୍ତେ ନିୟା କିୟାନେରି ଇଞ୍ଜା ମୀ ଦରୁଡି ଲାଗେଏତାୟି ଇଞ୍ଜୁ ଅପଅରି, ଆତିହୁ ମୀରୁ ନେହେଁ ।

୨୩ ଏଚେଲାତା ରାହାତଲେ ଏନ୍ଦାବୁ, ଏନିଇଚିହୁ ଲାକପୁରୁ ମିଙ୍ଗେତାକି ହାରେକା ଦାନା ମାନେ; ଅତ୍ତେ ଏଲେକିହୁ ଏ ଏଞ୍ଜାରି ଆକୁ ଆବାୟା ମାହାପୁରୁ ଅଣପୁତି ବଲୁ ଖେହନାରାଇଁ କିହିମାଚେରି ।”

୨୪ “ସାମା ଆୟତା ତଣ୍ଡ ବେଟାଆନି ଦନ ଗାଟାଚେରି ମୀରୁ;

ମୀରୁ ମୀ ଅଣପିମାଟି ସୁକୁ ବେଟା ଆହାମାଞ୍ଜେରି !

୨୫ ଆୟତା ତଣ୍ଡ ବେଟାଆନାଚେରି ନୀଏଁ ପାଞ୍ଜାମାନାଚେରି ମୀରୁ;

ଇଚିହୁ ତାୟୁ ମୀରୁ ହାକି ଆଚେରି ।

ଆୟତା ନୀଏଁ କାକ୍ହି ମାନାଚେରି ମୀରୁ;

ଇଚିହୁ ତାୟୁ ମୀରୁ ଦୁକୁ ଆହାନା ତୀଦେରି ।”

୨୬ “ଏଚିବେଲା ବାରେ ଲକୁ ମିଙ୍ଗେ ନେହୁଁଚେରି ଇଞ୍ଜାନେରି, ଏଚିବେଲା ଆୟତା ତଣ୍ଡ ବେଟା ଆନାଚେରି; ଏଲେକିହୁ ଏ ଏଞ୍ଜାରି ଆକୁ ଆବାୟା ମିତି ବଲୁ ଖେହନାରାଇଁ କିହିମାଚେରି ।”

ସାତୁୟାଈଁ ଜୀଞ୍ଜୁନନାୟି

(ମାତି ୫:୩୮-୪୮; ୭:୧୨)

୨୭ ସାମା ମୀରୁ ଖେଞ୍ଜିମାଞ୍ଜେରି, ନାନୁ ମିଙ୍ଗେ ଖେସିମାଞ୍ଜାଇଁ, ମୀ ସାତୁୟାଈଁ ଜୀଞ୍ଜୁନନୁ; ଆମ୍ବାଆରି ମିଙ୍ଗ ଅପଅରି ଏଞ୍ଜାରି ନେହୁ କିଦୁ;

୨୮ ଆମ୍ବାଆରି ମିଙ୍ଗ ବାକା ଇଟାନେରି, ଏଞ୍ଜାରାଇଁ ବର ହାଦୁ; ଆମ୍ବାଆରି ମିଙ୍ଗେ ଲାଗେଏ କିହୁ ଲେମ୍ବାନେରି ଏଞ୍ଜାରି କସିମି ପ୍ରାତାନା କିଦୁ ।

୨୯ ଆମ୍ବାଆସି ମିଙ୍ଗେ ରିଗେଏଲାତା ସାପୁଡା ଖେତାନେସି, ଏଞ୍ଜାଣାକି ଅର ଗେଏଲା ଜିକେଏ ଅଗାହାଦୁ; ଇଞ୍ଜା ଆମ୍ବାଆସି ମୀ ହିମ୍ବରି ଅନେସି ଏଞ୍ଜାଣାଇଁ ମୀ ସକା ଜିକେଏ ଅହାଲି କାହିକିଆଦୁ ।

୩୦ ଆମ୍ବାଆସି ମିଙ୍ଗେ ରାସ୍ତାନେସି, ଏଞ୍ଜାଣାକି ହାଦୁ; ଇଞ୍ଜା ଆମ୍ବାଆସି ଦନ ଅନେସି, ଏଞ୍ଜାଣାଇଁ ଖେଣ୍ଡେ ରାହୁଆଦୁ ।

୩୧ ଲକୁ ମିଙ୍ଗେ ଏନିକି ଲେମ୍ବାପେରି ଇଞ୍ଜୁ ଅଣପିମାଞ୍ଜେରି, ମୀରୁ ଜିକେଏ ଏଞ୍ଜାରାଇଁ ଏଲେକିହୁ ଲେମ୍ବାଦୁ ।

୩୨ ଇଞ୍ଜା ଆମ୍ବାଆରି ମିଙ୍ଗେ ଜୀଞ୍ଜୁ ନୟାନେରି, ଏଞ୍ଜାରାଇଁ ଜୀଞ୍ଜୁ ନଚିହୁ ଏନି ବର ବେଟାଆଚେରି ? ଇଚିହୁ ପାପୁ ଗାଟାରି ଜିକେଏ ତାମ୍ଗେ ଜୀଞ୍ଜୁ ନନାରାଇଁ ଜୀଞ୍ଜୁ ନନେରି ।

୩୩ ଅତେ ଆମ୍ବାଆରି ମିଙ୍ଗେତାକି ନେହଁ କିୟାନେରି, ମୀରୁ ଏଞ୍ଜାରି ନେହଁ କିଦେରି, ଆତିହଁ ମୀରୁ ଏନ୍ନି ବର ବେଟାଆଡେରି ? ଇତିହଁ ପାପୁ ଗାଟାରି ଜିକେଏ ଏଲେକିନେରି ।

୩୪ ଇଞ୍ଜା ଆମ୍ବାଆରି ତାଣାଟି ବେଟାଆହାଲି ଆସା ମାନେ, ଏଞ୍ଜାରାକି ରୀଣା ହାତିସାରେ ମୀରୁ ଏନ୍ନି ବର ବେଟାଆଡେରି ? ପାପୁ ଗାଟାରି ଜିକେଏ ସମାନା ଲେକାତଲେ ବେଟାଆହାଲି ପାପୁ ଗାଟାରାକି ରୀଣା ହାନେରି ।

୩୫ ସାମା ମୀ ସାତୁୟାଣି ଜୀଞ୍ଜନଦୁ ଇଞ୍ଜା ଏଞ୍ଜାରି ନେହଁ କିଦୁ, ଖେଣ୍ଡେ ବେଟାଆହାଲି ଆସା କିଆନା ଉଦାରା ହୀଦୁ; ଆତିହଁ ମିଙ୍ଗେତାକି କାଜା ଦାନା ମାନେ, ଇଞ୍ଜା ମୀରୁ କାଜା ମାହାପୁରୁତି ମୀରକା ଆଡେରି, ଇତିହଁ ଏଞ୍ଜାରି ଜୀଞ୍ଜ ନଆଗାଟାରାଇଁ ଅତେ ପାପୁ ଗାଟାରାଇଁ ଜିକେଏ ଜୀଞ୍ଜ ନନାସି ।

୩୬ ମୀ ଲାକପୁରୁତି ଆବା ଏନ୍ନିକଁ କାର୍ମା ମେହନାସି ମୀରୁ ଜିକେଏ ଏଲେକିହଁଏ କାର୍ମା ମେହନାତେରି ଆଦୁ ।

ଏଟକା ତାରାଇଁ ନୀହାଁୟି କିଆଦୁ

(ମାତି ୭:୧-୫)

୩୭ “ଅତେ ନୀହାଁୟି କିଆଦୁ, ଆତିହଁ ମୀରୁ ମାହାପୁରୁ ତାଣା ନୀହାଁୟି କିଞ୍ଚି ଆଅଡେରି; ଦହ୍ ଦହ୍ ଆଦୁ, ଆତିହଁ ମୀରୁ ମାହାପୁରୁ ତାଣା ଦହ୍ ଗାଟାତେରି ଆଅଡେରି; ଦହ୍ ମ୍ଲେକଦୁ, ଆତିହଁ ମାହାପୁରୁ ମୀ ଦହ୍ ଜିକେଏ ମ୍ଲେକହାନେସି;

୩୮ ହୀଦୁ ଆତିହଁ ମିଙ୍ଗେ ଜିକେଏ ହୀପକିଆନେ; ଲକ୍ଷୁ ମାଣାତି ନେଞ୍ଜିକିହାନା ଏଦାନି ନାବଗାନା ଦାକ୍ଷହାନା ତେଲି କିହାନା ମୀ ଅଟଡିତା ହିୟାନେରି; ଇତିହଁ ଆମିନି ମାଣାତଲେ ଲାଡିଦେରି, ମିଙ୍ଗେ ଜିକେଏ ଏ ମାଣା ତଲେଏ ଲାଡା ହିୟାନେରି ।”

୩୯ *ଏଞ୍ଜାରି ଏଞ୍ଜାରାଇଁ ର ପୁଣ୍ଡାକିନି କାତା ଜିକେଏ ଏଲେକତେସି, “ର କାଣା ଅର କାଣାଇଁ ଜିରୁ ତସାଲି ଆଡିନେସିକି ? ଏଞ୍ଜାରି ରିଆରି ଜିକେଏ ରହେଁଏ ଗାଡୁଡୁତା ତରଗଅରି କି ?

୪୦ *ସୀସୁ ତାନି ଗୁରୁ କିହାଁ କାଜାସି ଆଏ; ସାମା ବାରେଜାଣା ସୀସୁୟା ନେହଁ କଁ ଜାପାଲି ଆଡିସାରେ ତାନି ଗୁରୁ ସମାନା ଆନେରି ।”

୪୧ ଅତେ ଏନାଆଁତାକି ମୀ ତାୟି କାନୁତି ଲାଟା ସିନକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନାଣି ଏନାଆଁତାକି ଅଣସି ହିଲଅତି ?

୪୨ ନୀନୁ ନୀ କାନୁତା ମାନି କାଜା ଲାଟାଟି ଅଣପାଆନା, ଏନ୍ନିକଁ ନୀ ତାୟିକଁ ଏଲେଇଞ୍ଜାଲି ଆଡିଦି, ତାୟି ଖାପୁ ନୀ କାନୁତା ମାନି ଲାଟା ଡେଞ୍ଜାଇଁ, ଆତେ କୁଟୁ ଗାଟାଟି ତଲିଏ ନୀ କାନୁତି କାଜା ଲାଟା ଡେଞ୍ଜା କତାମୁ, ତାୟି ମୀ ତାୟି କାନୁତି ଲାଟା ନେହଁ କଁ ମେସାଲି ଆଡିଦି ।

ମାରୁନୁ ଅତେ ତାନି ପାଡେଡି

(ମାତି ୭:୧୭-୨୦; ୧୨:୩୩-୩୫)

୪୩ “ଇତିହଁ ଇଲେତି ଏନ୍ନି ର ନେହଁ ମାରୁନୁ ହିଲେଏ, ଏମିନାୟି ଲାଗେଏତି ପାଡେଡି ଆୟିନେ, ଅରଞ୍ଜାକି ଇଲେତି ଏନ୍ନି ମାରୁନୁ ହିଲେଏ ଏମିନାୟି ନେହଁ ପାଡେଡି ଆୟିନେ ।

୪୪ *ଇତିହଁ ବାରେ ମାରକାଣି ତାନି ପାଡେଡି ତଲେ ପୁନାୟି; ହାପକା ମାରୁନୁଟି ଲକ୍ଷୁ ତୟା ପାଡେଡି ଏହଅରି, ଇଞ୍ଜା ହାପକା ବୁଟାଟି ଅଞ୍ଜୁରି ପାଡେଡି ଏହଅରି ।

୪୫ *ନେହଁ ଲକ୍ଷୁ ନେହଁ ମନ ବିତ୍ରାଟି ନେହଁ କାତା ହପନେସି, ଇଞ୍ଜା ପଲ୍ଲଆ ଗାଟାସି ପଲ୍ଲଆ ମନ ବିତ୍ରାଟି ପଲ୍ଲଆ କାତା ହପନେସି; ଇତିହଁ ହିୟା ବିତ୍ରା ମାନାଣି ଗୁଡିଟି ଜଲିନେସି ।

ରୀ ଲକ୍ଷକା କେପିନାରି

(ମାତି ୭:୨୪-୨୭)

୪୬ ଅତେ ମୀରୁ ଏନାଆଁତାକି ନାଙ୍ଗେ ପ୍ରବୁ ପ୍ରବୁ ଇଞ୍ଜା ମାଞ୍ଜାଦେରି, ସାମା ନା କାତା ମାନଞ୍ଜି ଆହି ହିଲଅତେରି ?

୪୭ ଆମ୍ବାଆସି ନା ତାଣା ଖାହାନା ନା କାତା ଖେଞ୍ଜାନା ବାରେ ମାନଞ୍ଜି ଆନେସି, ଏଞ୍ଜାସି ଏନ୍ନିଲେହେଁତାସି, ନାନୁ ମିଙ୍ଗେ ଖେପ୍ପାଇଁ ।

* ୭:୩୯ ମାତି ୧୫:୧୪ * ୭:୪୦ ମାତି ୧୦:୨୪,୨୫; ଜହ ୧୩:୧୭; ୧୫:୨୦ * ୭:୪୪ ମାତି ୧୨:୩୩ * ୭:୪୫ ମାତି ୧୨:୩୪

୪୮ ଏଝାସି ଇଲେତି ର ଇଲୁ ଦହନିଲେହେତି ଲକୁ, ଏମିନିଗାଟାସି ଗାଡ଼ି ଗାଡ଼ୁଲୁ କାରହାନା ପୁନାଦି ଝାଲକାତଲେ କାତି ନିପନେସି; କାଜା କାତା ଝାହାନା ଏ ଇଲୁତି ଗୁପିତେ, ଝାଲକାତଲେ ଇଲୁ ଦସାମାଚାକି କାତା ଇଲୁତି ଦାକହାଲି ଆଡ଼ାଆତେ ।

୪୯ ସାମା ଆମାଆସି ଝେଞ୍ଜାନା ମାନଝି ଆଅସି ଏଝାସି ଗାଡ଼ୁଲୁଟିଏ ପୁନାଦି କିଆନା ଲାକ ଲାକ ଇରୁଆ ଲାକ ଇଲୁ କିହାମାନି ଲକୁ ଲେହେଁତାସି; କାଜା କାତା ଝାହାନା ଇଲୁତି ଗୁପାଲିଏ ଦେବୁଣିଏ ଇଲୁ ରିହା ହାଚେ ଇଞ୍ଜା କୁଡ଼ପୁନାସା ଆହାହାଚେ ।”



ଜୀସୁ ର ରମିୟ ହଢ଼ଲଏଣାଇଁ ନେହୁଁ କିନାୟି
(ମାତି ୮:୫-୧୩)

୧ ଜୀସୁ ଲକୁ ନକିତା ବାରେ କାତା ଝେସାଲି ରାପହାଲିଏ କପରନାହୁମ ଗାଡ଼ାତା ହାଚେସି ।

୨ ଏତିବେଲାତା ରଅସି ପାସାକଡ଼ି କସକା ମୁହେଁ କାଜାଣା ହଢ଼ଲଏସି ହାନିଲେହେଁ ନଢ଼ମରି ଆହାମାଚେସି; ଏ ହଢ଼ଲଏଣାଇଁ ଏଝାସି ହାଚେରକା ଜୀସୁ ନହୁଁ ମାଚେସି ।

୩ ଏଝାସି ଜୀସୁ କାତା ଝେଞ୍ଜାନା, ଏଝାସି ଏନିକିଁ ଝାହାନା ତାନି ହଢ଼ଲଏଣାଇଁ ନେହୁଁ କିନେସି, ଇଦାଆଁତାକି ଜୀହୁଦି ଲକୁତି କାଜାରି ବିତ୍ରାତି ଏଚରଜାଣାତି ଏଝାଣି ତାଣା ପାଣ୍ଡାମା ବାତିମାଲିଚେସି ।

୪ ଏଝାରି ଜୀସୁ ତାଣା ଝାହାନା ହାଚେରକା ବାତିମାଲିହୁଁ ଝେସ୍ତେରି, “ଏଝାସି ନୀ ତାଣାଟି ହାଚେରକା ସାଢ଼ୟମି ବେଟାଆହାଲି ପାଡ଼ା ଆନାସି;

୫ ଇଚିହୁଁ ଏଝାସି ମା ଜୀହୁଦି ଲକୁଣି ଜୀସୁ ନଢ଼ନସି ଅଡ଼େ ତାନୁଏ ମାଝେଟାକି ଜୀହୁଦି ଲକୁତି କୁଟମି ଇଲୁଁ* କିହାମାନେସି ।”

୬ ଏମାଟିଏ ଜୀସୁ ଏଝାରିତଲେ ହାଚେସି, ଏଝାସି କାଜାଣି ଇଲୁଟିଏ ହିରେ ହେକ ମାଚାଟିଏ ତାନି ତଢ଼ଣସିଙ୍ଗାଣି ଝେସା ପାଣ୍ଡିଚେସି, “ଏ ପ୍ରବୁ ନାନୁ ଅଡ଼େ କସ୍ତ ପୁଝାଆନିଦେ; ଇଚିହୁଁ ନାନୁ ନା ଇଜ ପାଝୁଲି ଇଚିଦି ଇଲେକିଁ ପାଡ଼ାଆଆତାଚେସି;

୭ ଇଦାଆଁତାକି ନାନୁ ନୀ ତାଣା ଝାହାଲି ପାଡ଼ାଆଅଁ ଇଞ୍ଜୁଁ ଅଣ୍ଡପିଚେସି; ସାମା ନାନୁ ର ପଦୁ ଝେସା ପାଣ୍ଡାମୁ ନା ହଢ଼ଲଏସି ନେହୁଁ ଆନେସି ।

୮ ଇଚିହୁଁ ନାନୁ ରଅଣି ତାଣା କାମା କିନି ମାଣ୍ଡସି ଆଡ଼ିହୁଁ ଜିକେଏ ନା ଅଦିକାରାତା ଅଡ଼େ କସକା ମାନେରି; ଅଡ଼େ ନାନୁ ରଅଣାଇଁ ହାଲମୁ ଇଚିହୁଁ ହାନେସି; ରଅଣାଇଁ ଝାମୁ ଇଚିହୁଁ ଝାନେସି; ଇଞ୍ଜା ନା ହଢ଼ଲଏଣାଇଁ ଇଦାଆଁ କିମୁ ଇଚିହୁଁ ଏଝାସି କିନେସି ।”

୯ ଜୀସୁ ଇ ବାରେ କାତା ଝେଞ୍ଜାନା କାବା ଆଚେସି, ଅଡ଼େ ଜ୍ଞେଚ ଝାହିମାନି ଲକୁଝାକି ସିନିକିହାନା ଏଲେଇଚେସି, “ନାନୁ ମିଙ୍ଗେ ଝେସିମାଞ୍ଜାଇଁ ଇସାୟେଲ ଲକୁ ବିତ୍ରା ଜିକେଏ ନାନୁ ଇଲେତି ନାମୁ ମେସାହିଲଅଁ ।”

୧୦ ଅଡ଼େ ପାଣ୍ଡି ଆହାମାଟି ଲକୁ ଇଜ ଝାହାନା ହଢ଼ଲଏସି ନେହୁଁ ଆହାମାନାଣି ମେସ୍ତେରି ।

ରାଢ଼େଣି ଇୟାନି ମୀରଏଣାଇଁ ଜୀସୁ ହାନାୟି

୧୧ ଏମାଟିଏ ନାଜନ ଦରୁଗାଟି ଗାଡ଼ାତା ହାଚେସି, ତାନି ସୀସୁୟାଁ ଇଞ୍ଜା ହାଚେରକା ଲକୁ ଏଝାଣିତଲେ ହାଜିମାଚେରି ।

୧୨ ଏଝାସି ଗାଡ଼ାତି ଗଲିମୁଟାତା ଏଜାଲିଏ ଲକୁ ର ମାଡ଼ହାତି ପାଙ୍ଗାତା ଡ଼େକା ତାଟି ମାଚେରି, ଏଝାସି ତାନି ଇୟାନି ରଣ୍ଡିଏ ମୀରଏସି ମାଚେସି, ଇଞ୍ଜା ଏ ଇୟା ରାଢ଼େଣି ମାଚେ; ଅଡ଼େ ଗାଡ଼ାତି ହାଚେରକା ଲକୁ ଏଦାନିତଲେ ମାଚେରି ।

୧୩ ଏଦାନି ମେସାମା ଜୀସୁ ହାଚେରକା କାର୍ମୀ ଅଣ୍ଡପାନା ଏଦାନି ଏଲେଇଚେସି, “ତୁଆନି ।”

୧୪ ଅଡ଼େ ଏଝାସି ତାଚେ ହାଜାନା ଡ଼େକାମାଟି ଚେଚେଣିତି ତାଗିଚେସି, ଇଞ୍ଜା ଡ଼େକା ଅହିମାଟି ଲକୁ ନିଚାଲିଏ ଜୀସୁ ଏଲେଇଚେସି, “ଆଡ଼େ ଦାଂଗଣେଣାଟି ! ନାନୁ ଏଲେଇଞ୍ଜିମାଞ୍ଜାଇଁ ନିଜାମୁ !”

୧୫ ଏଚେଟିଏ ହାହାମାଟି ଦାଂଗଣେଏସି ନିଜାମା କୁଗିଚେସି ଇଞ୍ଜା ଜଳିଚେସି, ଇଞ୍ଜା ଏଝାସି ତାନି ଇୟାନି କେୟୁତା ହେରୁପିଚେସି ।

* ୭:୫ ସିନଗର

୧୬ ଏବେଟିଏ ବାରେଜାଣା ଆଜିତାକି ମାହାପୁରୁଙ୍କ ଜହରା କିହଁ ଏଲେଇଚେରି; “ମା ବିତ୍ତା ର ମାହାପୁରୁ ଅଣ୍ଟପୁତି ବଲୁ ଖେହନାସି ହଡ଼ାମାନେସି, ଇତିହଁ ମାହାପୁରୁ ତାନି ଲକୁଣି କାର୍ମା ମେସାମାନେସି !”

୧୭ ଇଞ୍ଜା ଜୀସୁ କିତି ଇ କାତା ବାରେ ଜୀହୁଦା ଦେସାତା ଅଡ଼େ ସାରିସୁଟୁ ମାନି ରାଜିତା ଖେଙ୍ଗାହାଚେ ।

ବାପ୍ତିସ୍ତା* ହାନି ଜହନତି କାବୁ ଖେହନାରି

(ମାତି ୧୧:୨-୧୯)

୧୮ ତାୟୁ ବାପ୍ତିସ୍ତା* ହାନି ଜହନତି ସୀସୁୟାଁ ଇ ବାରେ କାତା ଏଞ୍ଜାଣାଙ୍କ ଖେସ୍ତେରି ।

୧୯ ଏବେଟିଏ ଜହନ ତାନି ରୀ ସୀସୁୟାଁଙ୍କ ତାଗେ ହାଟାନା ପ୍ରବୁ ତାଣା ଏଲେଇଞ୍ଜା ପାଣ୍ଡିତେସି, “ଆମ୍ବାଆସି ଖାନାୟି ମାଚେ, ନୀନୁଏ ଏଞ୍ଜାତିକି, ଆଆତ ୱାମ୍ବୁ ଅର ରଅଣାଙ୍କ କାଃଆନମି ?”

୨୦ ଏଞ୍ଜାରି ଜୀସୁ ତାଣା ଖାହାନା ଏଲେଇଚେରି, “ବାପ୍ତିସ୍ତା* ହାନି ଜହନ ମାଙ୍ଗେ ଏଲେଇଞ୍ଜା ପାଣ୍ଡିତେସି, ଆମ୍ବାଆସି ଖାନାୟି ମାଚେ ଏଞ୍ଜାତି ନୀନୁଏ କି ଆଆତ ୱାମ୍ବୁ ଅର ରଅଣାଙ୍କ କାଃଆନମି ?”

୨୧ ଏତିବେଲା ଏଞ୍ଜାସି ହାଡ଼େକା ରଗ, କସୁ ଅଡ଼େ ପଲୁଆ ବୁଡୁୟାଁ ତାଣାଟି ହାରେକା ଲକୁଣି ନେହଁ କିତେସି, ଇଞ୍ଜା ହାଡ଼େକା କାଣକା ମେହୁଆଗାଟାରାଙ୍କ ମେହୁନି ବାଡ଼ୁଡୁ ହାଚେସି ।

୨୨ ଏଞ୍ଜାସି ଏଞ୍ଜାରାଙ୍କ ଏଲେଇଚେସି, “ମୀରୁ ହାଜାନା ଏନା ଏନାଆଁ ମେସାମାଙ୍ଗେରି ଅଡ଼େ ଖେଞ୍ଜାମାଙ୍ଗେରି, ଏ ବାରେ ଜହନଙ୍କ ଖେହଦୁ; କାଣକା ମେହୁଆଗାଟାରି ମେସାଲି ଆଡ଼ିମାନେରି, ସତାୟାଁ ତାକାଲି ଆଡ଼ିମାନେରି, କାଜା ରଗ ଗାଟାରି ନେହଁ ଆହିମାନେରି, ବେରାୟାଁ ଖେଞ୍ଜିମାନେରି, ହାଡ଼ାରି ନୀତିମାନେରି, ଅଡ଼େ ହିଲୁଆ ଗାଟାରି ନେହଁ କାବୁ ଖେଞ୍ଜିମାନେରି;

୨୩ ନା ତାଣା ଆମ୍ବାଆରି ଆନାମାନା ଆଆନା ନାମାନେରି, ତାମଙ୍ଗେଏ ନେହେଁ ।”

୨୪ ଜହନ ସୀସୁୟାଁ ହାଜାଲିଏ, ଜୀସୁ ଲକୁଣି ଜହନତି କାତା ଏଲେଇଚେସି, “ଏତିବେଲା ବାଃଲି ବାଟାତା ମୀରୁ ହାଜାମାଚେରି, ଏମ୍ବାଆଁ ଏନାଆଁ ମେସାଲି କାଟାମାଚେରି ? ଏନାଆଁ ଗାଲି ତଲେ ଖାଲିମାନି ତାଣ୍ଡିତି ?

୨୫ ଏନାଆଁ ଆଆତିହଁ ଏନାଆଁ ମେସାଲି ହାଜାମାଚେରି ? ନେହଁ ଅଜ୍ଜିତି ପାଡ଼ାଡ଼ା ହିମ୍ବୁ ହୁତାମାନି ର ମାଣ୍ଡିୟିଙ୍କ ? ମେହୁଦୁ ଆମ୍ବାଆରି ନେହଁ ନେହଁ ହିମ୍ବୁରିକା ହୁତାନା ସୁକୁ ତଲେ ତୁୟିନାରି ଏଞ୍ଜାରି ରାଜା ଗାଡ଼ାତା ତୁୟିନେରି !

୨୬ ଏନାଆଁ ଆଆତ ୱାମ୍ବୁ ଏନାଆଁ ମେସାଲି ହାଜାମାଚେରି ? ଏନାଆଁ ର ମାହାପୁରୁ ଅଣ୍ଟପୁତି ବଲୁ ଖେହନାଣାଙ୍କ ? ନାନୁ ମିଙ୍ଗେ ସାତା ଖେସିମାଞ୍ଜାଙ୍କ, ମାହାପୁରୁ ବଲୁ ଖେହନାରି କିହଁ କାଜାଣାଙ୍କ ।

୨୭ ଆମ୍ବାଆରି କାତା ରାସ୍ତିକି ଆହାମାନେ, ‘ହେଣୁ ନାନୁ ନା କାବୁ ଖେହନାଣାଙ୍କ ନୀ ନକିତା ପାଣ୍ଡିମାଞ୍ଜାଙ୍କ, ଏଞ୍ଜାସି ନୀ ନକିତା ଜିରୁ ତିୟାରା କିନେସି, ଏଞ୍ଜାସି ଏ ମାଣ୍ଡିସି ।’

୨୮ ନାନୁ ମିଙ୍ଗେ ସାତା ଖେସିମାଞ୍ଜାଙ୍କ ଇୟାନି ବାଣ୍ଡିତି ଜାର୍ମା ଆହାମାନାରି ବିତ୍ତା ଜହନ ବାରେକିହଁ କାଜାସି; ଆଡ଼ିକିନେଏ ମାହାପୁରୁ ରାଜିତା ଆମ୍ବାଆସି ଉଣା ଏଞ୍ଜାସି ଏଞ୍ଜାଣି କିହଁ କାଜାସି ।”

୨୯ *ବାରେଜାଣା ଇ କାତା ଖେଞ୍ଜାନା, ସିସୁ ରୀହନାରି ଜିକେଏ ଜହନ ତାଣାଟି ବାପ୍ତିସ୍ତା* ଅହାମାତାକି ମାହାପୁରୁଙ୍କ ସାତା ଇଞ୍ଜା ଇଚେରି;

୩୦ ସାମା ପାରୁସିୟାଁ ଅଡ଼େ ମେରାପୁନାରି ଏଞ୍ଜାଣି ତାଣାଟି ବାପ୍ତିସ୍ତା* ପୁଃଆନାହଁ ତାମଙ୍ଗେ ତାକି ମାହାପୁରୁ ଅଣ୍ଟପିମାଚାଣି କୁଚେରି ।

୩୧ “ଇ କାଲାତି ଲକୁଣି ଆମ୍ବାଆରି ତଲେ ତୁକଇଁ, ଇଞ୍ଜା ଏଞ୍ଜାରି ଆମ୍ବାଆରି ଲେହେଁ ?

୩୨ ଏମିନି କକାରି ହାଟା ବାଜାରାତା କୁଗାନା ତାମ୍ବୁ ଏଲେଇଣ୍ଡି ଆନେରି, ‘ମାମ୍ବୁ ମିଙ୍ଗତାକି ପୀରୁଡ଼ି ଉକିତମି, ମୀରୁ ଏନାଆଚେରି; ମାମ୍ବୁ ତୁକୁ ତଲେ ଡୀତମି ମୀରୁ ଡୀଆଚେରି !’ ଏଞ୍ଜାରି ଇଲେତାରି ଇଞ୍ଜା ଜୀସୁ ଖେସ୍ତେସି ।

୩୩ ଇତିହଁ ବାପ୍ତିସ୍ତା* ହାନି ଜହନ ଖାହାନା ରାନ୍ଦା ତିନାଆଚେସି କି ଅଙ୍ଗୁରି ରାସା ଗହୁଆଚେସି, ଅଡ଼େ ମୀରୁ ଏଲେଇଚେରି, ‘ଏଞ୍ଜାଣାଙ୍କ ବୁଡୁ ଆଲୁଗାମାଚେ ।’

୩୪ ମାଣ୍ଡିସି ମୀରୁଏସି ଖାହାନା ରାନ୍ଦା ତିଚେସି ଉଚେସି, ଅଡ଼େ ମୀରୁ ଏଲେ ଇଞ୍ଜିମାଙ୍ଗେରି, ‘ମେହୁଦୁ ଇଞ୍ଜାସି ଚିଣ୍ଡିକାସୁ, କାଡ଼ବୁଡୁ, ସିସୁ ରୀହନାରି ଅଡ଼େ ପାପୁ ଗାଟାରି ତଣେଏସି ।’

୩୫ ମାହାପୁରୁତି ବୁଦି ତାନି ବାରେ ମୀରୁକା ତାଣାଟି ସାତା ଇଞ୍ଜା* ତଞ୍ଜାଆନେ ।”

† ୭:୧୨ ମୁଞ୍ଜିନାୟି ‡ ୭:୧୮ ମୁଞ୍ଜିନାୟି § ୭:୨୦ ମୁଞ୍ଜିନାୟି * ୭:୨୯ ମାତି ୨୧:୩୨; ଲୁକ ୩:୧୨ * ୭:୨୯ ମୁଞ୍ଜିନାୟି
† ୭:୩୦ ମୁଞ୍ଜିନାୟି ‡ ୭:୩୩ ମୁଞ୍ଜିନାୟି

ପାରୁସି ସିମନ ଇଜ ଜୀସୁ ହାନାସି

୩୭ ଅତେ ପାରୁସିୟାଁ ବିତ୍ତାଟି ରଥସି ଜୀସୁଇଁ ତାନି ଇଜ ତିଞ୍ଜାଲି ଏଲେଇଚେସି, ଏମ୍ବାଟିଏ ଜୀସୁ ଏ ପାରୁସି ଇଜ ହତାନା ରାନ୍ଦା ତିଞ୍ଜାଲି କୁଗିଚେସି ।

୩୮ ଫେହ୍‌ଦୁ ଏ ଗାଡ଼ାତା ପାପୁଗାଟି ର ଇୟା ମାଚେ; ଜୀସୁ ପାରୁସିୟାଁ ଇଜ ତିଞ୍ଜାଲି କୁଗାମାନେସି ଇଞ୍ଜି ପୁଞ୍ଜାନା ଏଡି ର ଗାଜୁତା ଗାନ୍ଦାଗାଟି ନିୟୁଁ ତାଚାନା,

୩୯ ତାୟୁଞ୍ଜାକି ଜୀସୁ କତାୟାଦାରି ନିଚାନା ହାହି ହାହି କାଶ୍ଟୁ ବକ୍‌ହାନା ଏଞ୍ଜାଣି ପାଃଆନାୟାଁ ଉଦି କିହାନା ତାନି ତାୟୁଁ ହାଣାୟାଁ ତଲେ ଜୀସୁ ପାଃଆନାୟାଁ ଜେଜିହ୍ ଏଞ୍ଜାଣି ପାଃଆନାୟାଁ ନଶ୍ଚିତେ ଅତେ ଗାନ୍ଦା ନିୟୁଁ ରୁବିଚେ ।

୪୦ ଏଦାଆଁ ମେସାନା ଆମିନି ପାରୁସି ହାଟାମାଚେସି, ଏଞ୍ଜାସି ମନ ମନତା ଅଣପିଚେସି, “ଇଞ୍ଜାସି ମାହାପୁରୁ ଅଣପୁତି ବଲୁ ଜେହ୍‌ନାସି ଆହାମାଟିହ୍ ମା, ତାଙ୍ଗେ ତାମିମାନି ଇୟାଟି ଏନିଲେହେତାୟି ପୁଚେସିମା, ଇଚିହ୍ ଏଡି ପାପୁ ଗାଟାୟି ।”

୪୧ ଜୀସୁ ଏଞ୍ଜାଣାଇଁ ଏଲେଇଚେସି, “ଆତେ ସିମନ ନାନୁ ନିଙ୍ଗେ ର କାତା ଖେସ୍ତାନାୟିମାନେ ।”

ଏଞ୍ଜାସି ଏଲେଇଚେସି, “ହାଅ ପ୍ରବୁ ଖେସ୍ତାମୁ ।”

୪୨ “ର ସାଧୁକାରି ତାଣା ରିଆରି ରୀଣାଗାଟାରି ମାଚେରି; ରଥସି ପାସାଞ୍ଜା ଅତେ ରଥସି ରୀ କଡି ଦସଟାକା ରୀଣା ଗାଟାସି ।

୪୩ ଏଞ୍ଜାରି ରୀଣା ତିକହାଲି ଆଡାଆଲିଏ, ଏଞ୍ଜାରି ସାଧୁକାରି ରିଆରି ରୀଣାଟି ଜିକେଏ ପିସାତୁସ୍ତେସି । ଇଞ୍ଜା ଏଞ୍ଜାରି ବିତ୍ତାଟି ଆମ୍ବାଆସି ଏଞ୍ଜାଣାଇଁ ହାଚେକା ଜୀସୁ ନନେସି ?”

୪୪ ସିମନ ଏଲେଇଚେସି, “ନା ଅଣପୁତା ଆମ୍ବାଆରାକି ଗାଡି ରୀଣା ପିସପିଆଚେ ଏଞ୍ଜାସି ।”

ଜୀସୁ ଏଲେଇଚେସି, “ନାନୁ ନେହ୍ ଅଣପାମାଞ୍ଜି ।”

୪୫ ଅତେ ଏଞ୍ଜାସି ଏ ଇୟାନିଞ୍ଜାକି ସିନିକହାନା ସିମନଇଁ ଏଲେଇଚେସି, “ଇ ଇୟାନି ମେସିମାଞ୍ଜି ? ନାନୁ ମୀ ଇଜ ଖାଚେସି, ନା କତାୟାଁ ତାକି ଏୟୁ ହିୟାଆତି, ସାମା କାଶ୍ଟୁ ତୁଲେ ନା ପାଃଆନାୟାଁ ଉଦି କିହାନା ତାନି ତାୟୁଁ ହାଣାୟାଁ ତଲେ ଜେଜାଚେ ।

୪୬ ନାନୁ ନାଙ୍ଗେ ନଶ୍ଚାଆତି ? ସାମା ନାନୁ ବିତ୍ତା ଖାଞ୍ଜିଏ ନା ପାଃଆନାୟାଁ ନଶ୍ଚାଲି ପିସିମାଞ୍ଜେଏ ।

୪୭ ନାନୁ ନା ତାୟୁଁ ତୁ ନିୟୁଁ ରୁବାଆତି ? ସାମା ଇଦି ନା ପାଃଆନାୟାଁ ଗାନ୍ଦା ନିୟୁଁ ରୁବାଚେ ।

୪୮ ଇଦାଆଁତାକି ନାନୁ ନିଙ୍ଗେ ଖେସିମାଞ୍ଜାଇଁ, ଇଦାନି ହାଚେକା ପାପୁ ମେଣ୍ଡାମାନେ ଏଦାଣିତାକି ଏଡି ହାଚେକା ଜୀସୁନହ୍ ମାଞ୍ଜାନେ; ସାମା ଆମ୍ବାଆରାକି ଉଣା ପାପୁ ମେଣ୍ଡାକିନେ ଏଞ୍ଜାସି ଉଣା ଜୀସୁ ନନେସି ।”

୪୯ ଅତେ ଜୀସୁ ଏ ଇୟାନି ଏଲେଇଚେସି, “ନୀ ପାପୁ ବାରେ ମେଣ୍ଡାମାନେ ।”

୫୦ ଏମ୍ବାଟିଏ ଏଞ୍ଜାଣିତଲେ ତିଞ୍ଜାଲି କୁଗାମାଚାରି ମନ ମନତା ଏଲେଇଚେରି, “ପାପୁ ଜିକେଏ ମେଣ୍ଡାକି କିହିମାନେସି ଇଞ୍ଜାସି ଆମ୍ବାଆସି ?”

୫୧ ସାମା ଜୀସୁ ଏ ଇୟାନି ଏଲେଇଚେସି, “ନୀ ନାନୁ ନିଙ୍ଗେ ଗେଲ୍‌ପାମାଞ୍ଜାନେ; ହିଡ଼ି ତଲେ ହାଲ୍‌ମୁ ।”



ଜୀସୁତଲେ ଡିୟିନି ଇୟାସିକା

୧ ଏଚରଦିନା ତାୟୁଁ ଜୀସୁ ଗାଡ଼ାତାକି ଗାଡ଼ା ନାୟୁଁ ତାକି ନାୟୁଁ ଜେଜିହ୍ ମାହାପୁରୁ ରାଜିତି ନେହ୍ କାବୁ ଖେକ୍‌ହେସି, ଅତେ ବାଚଜାଣା ସୀସୁୟାଁ ଏଞ୍ଜାଣିତଲେ ମାଚେରି,

୨ ଅତେ ଏମିନିଗାଟି ଇୟାସିକା ପଲ୍‌ଆ ବୁଡୁୟାଁ ତାଣାଟି ରଗଟି ନେହ୍ କିଞ୍ଜି ଆହାମାଚୁ, ଇଚିହ୍ ମଗଦଲିନି ମରିୟମ, ଆମ୍ବାଆରି ତାଣାଟି ସାଡ଼ାଗାଟା ବୁଡୁୟାଁ ହଟାହାଜାମାଚୁ,

୩ ହେରଦ ଇଜତି ଗୁମ୍‌ସ୍ତା କୁଜା ଅତେ ତାନି ତକ୍ତି ଜହାନା, ସସାନା ଅତେ ହାଚେକା ଇୟାସିକା ଏଞ୍ଜାଣିତଲେ ମାଞ୍ଜାନା ତାମି ଦନ ହାହାନା ଏଞ୍ଜାରି ସେବା କିହିମାଚୁ ।

ବିଚା ମାଟିନି ପୁଣ୍ଡିକିନି କାତା
(ମାତି ୧୩:୧-୧୯; ମାର୍କ ୪:୧-୯)

୫ ୭:୩୭ ମାତି ୨୭:୭; ମାର୍କ ୧୪:୩; ଜହ ୧୨:୩

୪ ଲକ୍ଷ୍ମୀ ବାରେ ଗାଡ଼ାୟାଁଟି ଖାନ୍ତିମାତାକି ହାତେରକା ଲକ୍ଷ୍ମୀ ଏଝାଣି ତାଣା ରୁଣ୍ଡା ଆଡେରି ଇଞ୍ଜା ଏଝାସି ଏଝାରାଇ ପୁଣ୍ଡିକିନି କାତାତଲେ ଖେସ୍ତେସି ।

୫ “ରଥସି ବିଚା ମାଟିନାସି ବିଚା ମାଟାଲି ହତେସି । ଏଝାସି ମାଟି ମାଟିହଁ କଚେକା ବିଚା ଜିରୁତା ରାତେ ଏଦାଆଁ ଲକ୍ଷ୍ମୀ ଝିସାତୁସ୍ତେରି, ଅଡେ ହାଗୁ ଲାକ ଉମ୍ବିନି ପଟା କାଟି ପେଡ଼ହା ତିରୁ ।

୬ ଅଡେ କଚେକା ଖାଲକା ଲାକ ରାତେ, ଇଞ୍ଜା ନେୟାଁନା ବୁମି ଅଲୁ ହିଲାଆତାକି ଖାୟାହାଚେ ।

୭ ଅଡେ କଚେକା ହାପକା ବୁଟାତା ରାତେ, ଇଞ୍ଜା ହାପକା ବୁଟା ପାତାଆହାନା ଆନାଁ ତାକିତି ପୁକ୍ତହାତୁସ୍ତେ

୮ “ଅଡେ କଚେକା ବିଚା ନେହଁ ବୁମିତା ରାତେ, ଇଞ୍ଜା ପାତାଆହାନା ପାସାକଡ଼ି ପାଡେୟି ଆୟିତେ ।” ଏଚେଟିଏ ଜୀସୁ କାଜା ଗିୟାଁତଲେ ଏଲେଇଚେସି, “ଆମ୍ବାଆରାକି ଖେଞ୍ଜାଲି କୀକାଁ ମାଦୁ ଏଝାରି ଖେଣ୍ଡାମ୍ବାରି ।”

ପୁଣ୍ଡିକିନି କାତାତି ଅଣପୁ
(ମାତି ୧୩:୧୦-୧୭; ମାର୍କ ୪:୧୦-୧୨)

୯ ତାମି ସାମୁୟାଁ ଇ ପୁଣ୍ଡିକିନି କାତାତି ଅର୍ତ୍ତ ଏନାୟି ଇଞ୍ଜାଁ ଖେଚେରି,

୧୦ ଏଝାସି ଏଲେଇଚେସି, “ମାହାପୁରୁ ରାକିତି କାତା ପୁଞ୍ଜାଲି ମିଜେ ବାଡ଼ୁୟୁ ହାପକି ଆହାମାନେ, ସାମା ଏବକା ତାରାଇଁ ପୁଣ୍ଡିକିନି କାତାତଲେ ଖେସ୍ତପିଆନେ, ଇତିହଁ ଏଝାରି ମେସି ମେସିହଁ ମେହ୍ଅରି ଅଡେ ଖେଞ୍ଜାଖେଞ୍ଜା ତେଲହଅରି ।”

ଜୀସୁ ବିଚା ମାଟିନି କାତାତି ପୁଣ୍ଡିକିନାୟି
(ମାତି ୧୩:୧୮-୨୩; ମାର୍କ ୪:୧୩-୨୦)

୧୧ ପୁଣ୍ଡିକିନି କାତା ଅର୍ତ୍ତ ଇଦି, ବିଚା ମାହାପୁରୁ ବଲୁ,

୧୨ ଜିରୁ ଦାରିତି ପାଡେୟି ଇଲେତାରି, ଏଝାରି ମାହାପୁରୁ କାତା ଖେନେରି; ତାୟୁ ସୟତାନା ଖାହାନା ଏଝାରି ଏନିକଁ ନାମାଆପେରିଖା ଅଡେ ଗେଲୁପି ଆଆପେରିଖା ଇଞ୍ଜାଁ ଏଝାରି ହିୟାଁତା ଖେଞ୍ଜାମାନାଣି ମୀଞ୍ଜାଆନେ ।

୧୩ ଖାଲକା ବୁମିତା ରିତି ଲକ୍ଷ୍ମୀ ଇଲେତାରି, ଏଝାରି କାତା ଖେଞ୍ଜାନା ରାହାଁଟି ଆହନେରି; ଏଝାରିତାଣା ହୀରୁ ଜୀଆତାକି ଗାଡେକା ତାକି ନାମିନେରି, ଅଡେ ତାୟିପାରି କିନାୟି ଖାଡ଼ିସାରେ ମାହାପୁରୁଇଁ ପିସା ତୁହନେରି ।

୧୪ ଅଡେ ହାପକା ବୁଟାତା ରିତି ଲକ୍ଷ୍ମୀ ଇଲେତାରି ଆମିନି ଗାଟାରି ମାହାପୁରୁ କାତା ଖେଞ୍ଜାନା ଦାଡ଼ିତି ଦୁକୁ କାକୁଲି, ଦନତି ଜୁପକା ଅଡେ ଦାଡ଼ିତି ରାହାଁ ଏଝାରାଇଁ ପୁକ୍ତହାତୁସାମାନାକି ନେହଁ କଁ କାମ୍ବାଲି ଆଡ଼ଅରି ।

୧୫ ନେହଁ ବୁମିତା ରିତି ପାଡେୟି ଇଲେତାରି, ଏମିନିଗାଟାରି ନେହଁ ସୁଦୁଜୀସୁ ହିୟାଁଟି କାତା ଖେଞ୍ଜାନା ଆହନେରି, ଅଡେ ବାରେ ଅଡ଼ହାନା କାମା କିହାନା ପାଡେୟି ଆୟିନେରି ।

ମାଣା ପୁକ୍ତହ ଦୀଞ୍ଜି
(ମାର୍କ ୪:୨୧-୨୫)

୧୬ *ଦୀଞ୍ଜି ତୁମାସାନା ଆମ୍ବାଆରି ମାଣା ପୁକ୍ତହାନା କି କାଚେଲି ତୁଇକା ଇଟଅରି, ସାମା ଦୀଞ୍ଜି ସଡ଼ାତା ଇଟିନେରି, ଏନିକଁ ଇଜଝାନି ଲକ୍ଷ୍ମୀ ଉଜେଡ଼ି ମେହନେରି ।

୧୭ *ତୁଗ୍ଗାମାନାୟି ଏନାୟିଖା ହିଲେଏ, ଏନାୟି ତଞ୍ଜା ଆଏ ଇଲେକଁ ଏନାୟି ଜିକେଏ ହିଲେଏ, ଖେସ୍ତପି ଆହାନା ତଞ୍ଜା ଆଏ ଇଲେତି ତୁଗ୍ଗାମାନାୟି ଏନାୟି ହିଲେଏ ।

୧୮ ଏନିକଁ ଖେଞ୍ଜାମାଞ୍ଜେରି ଏଦାଆଁତାକି ଜାଗ୍ରାତା; ଇତିହଁ ଆମ୍ବାଆରାଖାୟି ମାନେ ଏଝାଣାକି ହାପକିଆନେ, ଅଡେ ଆମ୍ବାଆରାଖାୟି ହିଲେଏ ଏଝାସି ନାଦି ମାନେ ଇଞ୍ଜାଁ ଅଣପିମାନେସି, ଏଦାଆଁ ଜିକେଏ ଅଞ୍ଜିଆନେ ।

ଜୀସୁତି ଇୟା ଅଡେ ତାୟିୟାଁ
(ମାତି ୧୨:୪୬-୫୦; ମାର୍କ ୩:୩୧-୩୫)

* ୮:୧୭ ମାତି ୫:୧୫; ଲୁକ ୧୧:୩୩ * ୮:୧୭ ମାତି ୧୦:୨୬; ଲୁକ ୧୨:୨

୧୯ ଜୀସୁଟି ଇୟା ଅଡ଼େ ତାନି ତାୟିୟାଁ ଏଞ୍ଜାଣି ତାଣା ଖାଡ଼େତରି, ସାମା ଲକ୍ଷୁ ମାନ୍ଦା ମାଚାକି ଏଞ୍ଜାଣି ତାଣା ହାଜାଲି ଆଡ଼ାଆତେରି ।

୨୦ ଏମ୍ବାଟିଏ ଜୀସୁଇଁ ଖେସ୍ତେରି, “ମୀ ଇୟା ଅଡ଼େ ମୀ ତାୟିୟାଁ ନିଜେ ମେସାଲି ପାଜାତା ନିଚାମାନେରି ।”

୨୧ ସାମା ଏଞ୍ଜାସି ବାରେତି ଏଲେଇଚେସି, “ମାୟା ଅଡ଼େ ମା ତାୟିୟାଁ ଏଞ୍ଜାରି, ଆମ୍ବାଆରି ମାହାପୁରୁତି କାତା ଖେନେରି ଅଡ଼େ ମାନୁଞ୍ଜି ଆନେରି ।”

ଜୀସୁ କାଜା ଗାଲିତି ସାପି କିନାୟି

(ମାତି ୮:୨୩-୨୭; ମାର୍କ ୪:୩୫-୪୧)

୨୨ ର ଦିନା ଜୀସୁ ଅଡ଼େ ତାନି ସୀସୁୟାଁ ତଂଗତା କୁଗିତେରି, ଇଞ୍ଜାଁ ଜୀସୁ ଏଞ୍ଜାରାଇଁ ଏଲେଇଚେସି, “ଞ୍ଜାଦୁ ମାରୁ ସାମଦୁରି ଆତାଲା ହାନ ।” ଏମ୍ବାଟିଏ ଏଞ୍ଜାରି ତଂଗତି ହାଚେରି ।

୨୩ ସାମା ଏଞ୍ଜାରି ତଂଗତା ହାଜିମାନି ବେଲାତା ଜୀସୁ ତୁରାତେସି । ଏତିବେଲା ସାମଦୁରିତା କାଜା ଗାଲି ଆଡ଼େ, ଅଡ଼େ ଏୟୁ ତଂଗତା ହଡ଼ିମାଚାକି ଏଞ୍ଜାରି ହାଚେରକା କସ୍ତୁ ଆଡ଼େତି ଇଞ୍ଜାଁ ଆଜିତେରି ।

୨୪ ଏଚେଟିଏ ସୀସୁୟାଁ ତାଗେ ଖାହାନା ନିକହଁ ଏଲେଇଚେରି, “ଏ ଗୁରୁ ଏ ଗୁରୁ ମାରୁ ହାହିମାନାୟି !”

ଏମ୍ବାଟିଏ ଏଞ୍ଜାସି ନିଜମାନା କାଜା ଗାଲିତି ଦାକା ହୀତେସି, ଇଞ୍ଜାଁ ଏ ବାରେ ସାପି ଆହାନା ସୂସ୍ତି ଆଡ଼େ ।

୨୫ ଇଞ୍ଜାଁ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ନାମୁ ଆମ୍ବିୟା ?” ସାମା ଏଞ୍ଜାରି ଆଜି ଅଡ଼େ କାବାଆହାନା ତାମ୍ବୁ ଏଲେଇଶମ୍ବି ଆଡ଼େରି, “ଇଞ୍ଜାସି ଏନିଲେହେଟାସି ଇଚିହଁ” ଗାଲି ଅଡ଼େ ଖାଜିମାନି ଏୟୁଣି ଜିକେଏ ହୁକୁମି ହାହିମାନେସି ।”

ବୁତୁୟାଁ ଆଲଗା ମାଚାଣାଇଁ ଜୀସୁ ନେହଁ କିନାୟି

(ମାତି ୮:୨୮-୩୪; ମାର୍କ ୫:୧-୨୦)

୨୬ ତାୟୁ ଏଞ୍ଜାରି ଗାଲିଲି ନକିତି ଆତାଲାଞ୍ଜାକି ଗରାସିୟ ଡେସାତା ଏଚେରି ।

୨୭ ଜୀସୁ ତଂଗତି ରେତାନା ଗାଡୁତା ଖାହାଲିଏ, ଏ ଗାଡ଼ାତି ର ବୁତୁ ଆଲଗା ମାଚାସି ଖାହାନା ଏଞ୍ଜାଣାଇଁ ବେଆଆଡ଼େସି; ଏଞ୍ଜାସି ଗାଡୁ ଦିନାଟିଏ ହିମ୍ବରିକା ହୁଚାଆନା ଅଡ଼େ ଇଜ ମାନାଆନା ମାଡ଼ହା ମୁହନି ଟାୟୁତା ତୁୟିମାଚେସି ।

୨୮ ଏଞ୍ଜାସି କିରୁଡ଼ିହଁ ଜୀସୁ କତାଣା ରିହାନା କାଜା ଗିୟାତଲେ ଏଲେଇଚେସି, “ଏ ବାଡ଼ୁୟୁଗାଟି ମାହାପୁରୁ ମାରୁଏଶାତି ଜୀସୁ ନୀ ତଲେ ନାଜେ ଏନାୟି ମାନେ ? ନାନ୍ତୁ ବାଡ଼ିମାଲିମାଞ୍ଜାଇଁ ନାଜେ ଅଡ଼େ କସ୍ତୁ ହିୟାଆନି ।”

୨୯ ଇଚିହଁ ଜୀସୁ ଏ ପଲ୍ଲଆ ବୁତୁତି ଏ ମାଣସି ତାଣାଟି ହଚା ହାଜାଲି ହୁକୁମି ହାହାଲି ହାଜିମାଚେସି । ଏ ପଲ୍ଲଆ ବୁତୁ ହାଚେରକା ପାଲି ଏଞ୍ଜାଣାଇଁ ଆଲଗାମାଚେ, ଇଞ୍ଜାଁ ଲକ୍ଷୁ ଏଞ୍ଜାଣାଇଁ କେସ୍ତା କତାଣା ହିକଣିୟାଁ ତଲେ ଦସ୍ତାପା ଇଚିମାଚେରି, ସାମା ଏ ଦସ୍ତାପା ମାଚାଣି ତାପ୍‌ହାନା ବୁତୁ ତଲେ ବାୟା ଆହାନା ଲକ୍ଷୁ ହିଲାଆ ଟାୟୁତା ହଚିମାଚେସି ।

୩୦ ଜୀସୁ ଏଞ୍ଜାଣାଇଁ ଏଲେଇଚେସି, “ନୀ ଦରୁ ଏନାୟି ?”

“ନୀ ଦରୁ ମାନ୍ଦା” ଇଞ୍ଜାଁ ଇଚେସି, ଏନାଆଁତାକି ଇଚିହଁ ହାଚେରକା ବୁତୁୟାଁ ଆଲଗାମାଚୁ ।

୩୧ ଇଞ୍ଜାଁ ଜୀସୁ ଏଞ୍ଜାସିକାଣି ତାଡ଼େପୁରୁ ପାଣ୍ଡାଲି ହୁକୁମି ହୀଅସି, ଇଦାଆଁତାକି ଏଞ୍ଜାଣାଇଁ ବାଡ଼ିମାଲିତୁ ।

୩୨ ଏମ୍ବାଆଁ ହରୁ ଦାରିତା ର ମାନ୍ଦା ପାଜିୟାଁ ମେୟଁ ମାରୁ, ଇଞ୍ଜାଁ ଜୀସୁଇଁ ଏ ବୁତୁୟାଁ ପାଜିୟାଁ ମାନ୍ଦା ବିତ୍ତା ହାଜାଲି ହେଲ ରାସୁ ।

୩୩ ଏଞ୍ଜାସି ହେଲ ହାହାଲିଏ, ବୁତୁୟାଁ ଏ ମାଣସି ତାଣାଟି ହଚା ହାଜାନା ପାଜିୟାଁ ବିତ୍ତା ହଚୁ; ଏଚେଟିଏ ଏ ପାଜିୟାଁ ଏ ହରୁଟି ଦାବଡ଼ି ହାଜାନା ଦାରିତା ମାତି ସାମଦୁରିତା ମେଦା ହାହାହାଚୁ ।

୩୪ ଏ ପାଜିୟାଁ ମାନ୍ଦା ମେଚିମାତି ଗଡ଼କା ଏଦାଆଁ ମେସାନା ହଚେରି ଇଞ୍ଜାଁ ଗାଡ଼ା ଅଡ଼େ ନାୟକାଣାଁ ଏ କାତା ଖେସ୍ତେରି ।

୩୫ ଏନାୟି ଆହାମାନେ ଏଦାଆଁ ମେସାଲି ଲକ୍ଷୁ ହଚାଖାଡ଼େରି; ଇଞ୍ଜାଁ ଏଞ୍ଜାରି ଜୀସୁ ତାଗେ ଖାହାନା, ଆମିନି ମାଣସି ତାଣାଟି ବୁତୁୟାଁ ହଚା ହାଜାମାଚୁ, ଏଞ୍ଜାଣାଇଁ ନେହଁ ହିମ୍ବରିକା ହୁଚାନା ନେହଁ ମନତଲେ ଜୀସୁ କତାଁ ତୁଇ କୁଗାମାଚାଣି ମେସାନା ଆଜିତେରି ।

୩୬ ଅଡ଼େ ଆମିନି ଗାଟାରି ମେସାମାଚେରି ଏଞ୍ଜାରି ଏ ବୁତୁ ଆଲଗା ମାଚାସି ଏନିକଁ ନେହଁ ଆଡ଼େସି, ଏଦାଆଁ ଏଞ୍ଜାରାଇଁ ଖେସ୍ତେରି ।

୩୭ ଏମ୍ବାରିଏ ଗରାୟିୟ ବାରେ ନାୟକାତି ସାରିଝାକି ବାରେ ଲକୁ ଜୀସୁଇଁ ତାମି ଦେସାତି ହାଜାଲି ବାତିମାଲିତେରି, ଇତିହ ଏଝାରି ହାରେକା ଆଜିମାଚେରି । ଇଞ୍ଜା ଏଝାସି ର ଡ଼ଗତା ହଦାନା ଝେଣ୍ଡାହାଚେସି ।

୩୮ ସାମା ଏମିନିଗାଟାଣି ତାଣାଟି ବୃତୁୟାଁ ହଡ଼ା ହାଜାମାଚୁ, “ନାଜେ ନୀ ତଲେ ହାଜଲି ହେଲ ହିୟାମୁ” ଇଞ୍ଜ ବାତିମାଲିତେସି;

୩୯ ସାମା ଜୀସୁ ଏଝାଣାଇଁ ହେଲ ହୀହାନା, “ମୀ ଇଜ ଝେଣ୍ଡା ହାଲମୁ, ଇଞ୍ଜା ମାହାପୁରୁ ନିଜେତାକି ଆମିନି କାମା କିହାମାଞ୍ଜାନେସି ଏ କାତା ଝେକ୍ମୁ ।” ଏଚେଟିଏ ଏଝାସି ହାଜାନା ଜୀସୁ ତାଜେତାକି ଆମିନି କାମା କିହାମାଚେସି, ଏ ବାରେ ଗାଡ଼ାତା ଝେକ୍ହେସି ।

ଜାୟିରସତି ମାଜ୍ ଅଡ଼େ ଜୀସୁତି ହିମ୍ବରି କୁକୁ ଡାଗିତି ଇୟା

(ମାତି ୯:୧୮-୨୭; ମାର୍କ ୫:୨୧-୪୩)

୪୦ ଜୀସୁ ଝେଣ୍ଡା ଝାଣାଲିଏ ମାୟା ଲକୁ ଏଝାଣାଇଁ ରାହାତଲେ ବେଟାଆଡ଼େରି, ଇତିହ ଏଝାରି ବାରେଜାଣା ଏଝାଣାଇଁ କାଡ଼ିମାଚେରି ।

୪୧ ଏମ୍ବାରିଏ ଜାୟିରସ ଦରୁଗାଗାସି ଝାଡ଼େତସି; ଏଝାସି ଜୀହୁଦି ଲକୁତି କୁଟମି ଇଲୁତି* କାଜାସି ମାଚେସି । ଏଝାସି ଜୀସୁ କତାଣା ରିହାନା ତାମି ଇଜ ହାଜାଲି ବାତିମାଲିତେସି,

୪୨ ଇତିହ ଏଝାଣାକି ବାର ବାସାତି ରଣିଏ ମାଜ୍ ମାଚେ, ଏଦି ହାଜିଲେହେଁ ନଫେରି ଆହାମାଚେ । ସାମା ଏଝାସି ହାଜିମାଚାଟି ଲକୁ ଏଝାଣି ମୁହେଁ ମୁହେଁ ଆହିମାଚେରି ।

୪୩ ଏଡ଼ିବେଲାତା ବାର ବାସା ପାଡ଼େକା ନେତେରି ଝାଜ୍ଜିନି ରଡ଼ଗାଟି ର ଇୟା, ଏମିନି ଗାଗାୟି ଆମ୍ବାଆରି ତାଣାଟି ଜିକେଏ ନେହ ଆହାଲି ଆଡ଼ିହିଲାଆଡ଼େ,

୪୪ ଏଦି ତାୟୁ ଝାକିଟି ଝାହାନା ଜୀସୁତି ହିମ୍ବରି କୁକୁ ଡାଗିତେ, ଏ ଦେବୁଣିଏ ଏଦାନି ନେତେରି ବଦାୟି ପିସ୍ତେ ।

୪୫ ଏମ୍ବାରିଏ “ନାଜେ ଆମ୍ବାଆୟି ତୀଗାତେ” ଇଞ୍ଜ ଜୀସୁ ଝେଚେସି ?

ସାମା ବାରେଜାଣା ଆଏ ଇଞ୍ଜାଲିଏ, ପିତର ଏଲେଇଚେସି, “ଏ ଗୁରୁ ଲକୁ ବାରେ ମୁହେଁ ମୁହେଁ ଆହିମାନେରି ।”

୪୬ ସାମା ଜୀସୁ ଏଲେଇଚେସି, “ନାଜେ ଆମ୍ବାଆୟିମା ତୀଗାତେ, ଇତିହ ନା ତାଣାଟି ର ବାଡ଼ୟୁ ହଡ଼ାକି ନାମୁ ପୁଚେସି ।”

୪୭ ଏମ୍ବାରିଏ ଏ ଇୟା ଝାହାନା ଅଣପିତେ ନାମୁ ଅଡ଼େ ତୁଗାନା ମାଞ୍ଜାଲି ଆଡ଼ୁଅଁ ଇଞ୍ଜ ଅଣପାନା ଆଜିତାକି ତାରା ତାରା ଆହୁଁ ଜୀସୁ କତାଣା ରିହାନା, ଏନାଆତାକି ଡାଗିତେ ଇଞ୍ଜା ଦେବୁଣିଏ ଏନିକ ନେହ ଆଡ଼େ, ବାରେ ଲକୁ ନକିତା ଝେସ୍ତେ ।

୪୮ ଏମ୍ବାରିଏ ଜୀସୁ ଏଦାନି ଏଲେଇଚେସି, “ମାଜ୍ ନୀ ନାମୁ ନିଜେ ନେହ କିହାମାଞ୍ଜାନେ, ହିଡ଼ିଡ଼ି ହାଲମୁ ।”

୪୯ ଜୀସୁ ଇ କାତା ଝେସିମାଟି ବେଲାତା ଜୀହୁଦି ଲକୁତି କୁଟମି ଇଲୁତି† କାଜାଣା ଇଜଟି ରଅସି ଝାହାନା ଜାୟିରସଇଁ ଏଲେଇଚେସି, “ନୀ ମାଜ୍ ହାହାହାଚେୟିଏ ଗୁରୁଇଁ ଅଡ଼େ କସ୍ତ ହୀଆନିଦେହେଁ ।”

୫୦ ସାମା ଜୀସୁ ଏ କାତା ଝେଞ୍ଜାନା ଏଝାଣାଇଁ ଏଲେଇଚେସି, “ଆଜାଆନି ନାମାମୁ ଏଦି ନୀଡିନେ ।”

୫୧ ଅଡ଼େ ଜୀସୁ ଇଜ ଝାହାନା ପିତର, ଜହନ ଅଡ଼େ ଜାକୁବ ଇଞ୍ଜା ପଦାନି ତାମି ଆବା ଇୟାନି ପିସ୍ତେ ଆମ୍ବାଆରାଇଁ ବିତ୍ତା ହାଜାଲି ହୀଆଡ଼େସି ।

୫୨ ସାମା ବାରେଜାଣା ଡ଼ାହି ଡ଼ାହିଁ ବକତା ଝେଟା କଡ଼ିମାଚୁ । ଏମ୍ବାରିଏ ଜୀସୁ ଏଲେଇଚେସି, “ଡ଼ାଆଦୁ; ଏଦି ହାହାହିଲେଏ, ସାମା ତୁରାମାନେ ।”

୫୩ ସାମା ପଦା ହାହାମାନାଣି ପୁଞ୍ଜାନା ଏଝି ଏଝାଣାଇଁ କାକ୍ତୁ ।

୫୪ ସାମା ଜୀସୁ ପଦାନି କେୟୁ ଆସାନା ହାଗାହାଁ ଏଲେଇଚେସି, “ଆକେ ପଦା, ନିଜାମୁ ।”

୫୫ ଏମ୍ବାରିଏ ପଦାନି ଜୀସୁ ଝେଣ୍ଡା ଝାଡ଼େ ଅଡ଼େ ଏ ଦେବୁଣିଏ ନିଜିତେ, ଇଞ୍ଜା ଇଚାଣି ତିଞ୍ଜାଲି ହୀଦୁ ଇଚେସି ।

୫୬ ଏମ୍ବାରିଏ ତାମି ତାଲି ତାଞ୍ଜି କାବାଆଡ଼ୁ; ସାମା ଇ ପଦା ନେହ ଆଡ଼ାଣି ଆମ୍ବାଆରାଇଁ ଝେହଆଦୁ ଇଞ୍ଜ ଏଝାସିକାଣି ହୁକୁମି ହୀଚେସି ।

* ୮:୪୧ ସିନଗର † ୮:୪୯ ସିନଗର



ଜୀସୁ ବାରଜାଣା ସାମୁୟାଁଙ୍କ ପାଣ୍ଡିନାୟି

(ମାତି ୧୦:୫-୧୫; ମାର୍କ ୬:୭-୧୩)

୧ ଏତେଟିଏ ଜୀସୁ ବାରଜାଣାତି ହାଟାନା ରୁଣ୍ଡା କିହାନା ଏଝାରାଇଁ ବାରେ ବୃତୁୟାଁ ଲାକ ଅଡ଼େ ରଚିଟି ନେହଁ କିହାଲି ବାଡ଼ୁୟୁ ଅଡ଼େ ଅଦିକାରା ହାତେସି ।

୨ ଅଡ଼େ ଏଝାସି ଏଝାରାଇଁ ମାହାପୁରୁଟି ରାଜିତି କାତା ଝେକହାଲି ଅଡ଼େ ରଚା ଗାଟାରାଇଁ ନେହଁ କିହାଲି ପାଣ୍ଡିତେସି

୩ ଇଞ୍ଜା ଏଝାରାଇଁ ଏଲେଇଚେସି, “ମୀରୁ ହାଜାଲିତାକି କୁତା ବାଡ଼ଗା କି ମଣା କି ରୁଟି କି ଏନି ଟାକାରାୟି ଜିକେଏ ଅଥାଦୁ, ଅଡ଼େ ଜଡ଼େକା ସକାରାୟି ଜିକେଏ ଅଥାଦୁ ।

୪ ଅଡ଼େ ମୀରୁ ଆମିନି ଇଜ ହାଜେରି, ଏମ୍ବାଟି ଝେଣ୍ଡାହାନି ପାତେକା ଏମ୍ବାଆଁ ତୁୟାଦୁ;

୫ ଅଡ଼େ ଏଚେକା ଲକୁ ମିଜେ ଆବଅରି ଏଝାରି କପାଟି ସାକି ହାହାଲି ଏ ଗାଡ଼ାଟି ହଚା ଝାନାଟି ମୀ କତାଟି ଦୁଡ଼ି ହାଣ୍ଡାନା ଝାଦୁ ।”

୬ ଏମ୍ବାଟିଏ ଏଝାରି ହାଜାନା ସାରିଝାକି ନେହଁ କାବୁ ଝେକହିହଁ ରଚା ଗାଟାରାଇଁ ନେହଁ କିହିହଁ ନାୟୁଁ ନାୟୁଁତା ରେଚେରି ।

ହେରଦ ରାଜା ବିଲକି ଆନାୟି

(ମାତି ୧୪:୧-୧୨; ମାର୍କ ୬:୧୪-୨୯)

୭ ଏମ୍ବାଟିଏ ଏ ଦେସାତି ରାଜା ହେରଦ ଇ ବାରେ କାତା ଝେଞ୍ଜାନା କାବା ଆଡ଼େସି, ଇଚିହଁ ବାପ୍ତିସ୍ତା* ହାନି ଜହନ ହାଡ଼ାରି ତାଣ୍ଡାଟି ନିଜାମାନେସି ଇଞ୍ଜା ଆମ୍ବା ଆମ୍ବାଆରି ଏଲେଇଞ୍ଜିମାଚେରି;

୮ ଅଡ଼େ ଆମ୍ବା ଆମ୍ବାଆରି ଏଲିୟ ତଞ୍ଜା ଆହାମାନେସି ଇଞ୍ଜା ଏଚକାତାରି ତଲିକାଲାଟି ମାହାପୁରୁ ଅଣ୍ଡପୁଟି ବଲୁ ଝେହନାରି ବିତ୍ରାଟି ରଅସି ନିଜାମାନେସି ଇଞ୍ଜା ଝେସିମାନେରି ।

୯ ସାମା ହେରଦ ଏଲେଇଚେସି, “ଜହନତି ତାୟୁଁ ମୁାରୁତ ଦାଡ଼ା ମାନାୟି, ସାମା ଆମ୍ବାଆରି କାତା ମାରୁ ଝେଞ୍ଜିମାନାୟି ଏଝାସି ଆମ୍ବାଆସି ?” ଅଡ଼େ ଏଝାସି ଏଝାଣାଇଁ ମେସାଲି ମନ କିହିମାଚେସି ।

ଜୀସୁ ପାସାମାଣା ଲକୁଣି ତାହନାୟି

(ମାତି ୧୪:୧୩-୨୧; ମାର୍କ ୬:୩୦-୪୪; ଜହ ୬:୧-୧୪)

୧୦ ତାୟୁଁ ପାଣ୍ଡି ଆହାମାଚାରି ଝାହାନା ଏନା ଏନାଆଁ କିହାମାଚେରି, ଏ ବାରେ ଏଝାଣାଇଁ ଝେସ୍ତେରି । ଅଡ଼େ ଏଝାସି ଏଝାରିତଲେ ଏଚକା ଆହାନା ବେଡ଼ସାୟିଦା ଦରୁଗାଟି ଗାଡ଼ାତା ହାଚେରି ।

୧୧ ସାମା ଲକୁ ଏନାଆଁ ପୁଞ୍ଜାନା ଏଝାଣି ଜେଚ ଜେଚ ହାଚେରି; ଇଞ୍ଜା ଏଝାସି ଏଝାରାଇଁ କାର୍ମା ଆହାଁ ଆବାନା ମାହାପୁରୁ ରାଜିତି କାତା ଝେସ୍ତେସି, ଅଡ଼େ ଏମିନିଗାଟାରି ରଚିଟି ନେହଁ ଆନାୟି ମାଚେ, ଏଝାରାଇଁ ନେହଁ କିଚେସି ।

୧୨ ଏଚେଡ଼ା ମିଡ଼ଅଲ୍ଲା ଆହାଲି ମାରୁହେ; ଏଚେଟିଏ ବାରଜାଣା ସାମୁୟାଁ ତାନି ତାଣ୍ଡା ଝାହାନା ଏଲେଇଚେରି, “ଲକୁ ଏନିକଁ ନାୟକା ଅଡ଼େ ଗାଡ଼ାତା ହାଜାନା ବାସାଟାୟୁ ଅଡ଼େ ତିଞ୍ଜାଲି କାଡ଼ି ପାରିନେରି, ଏନାଆଁତାକି ଏଝାରାଇଁ ହେଲ ହାମୁ ଇଚିହଁ ମାରୁ ଲକୁ ହିଲ୍ଲାଆ ଟାୟୁତା ମାନାୟି ।”

୧୩ ସାମା ଏଝାସି ଏଝାରାଇଁ ଏଲେଇଚେସି, “ମୀରୁ ଏଝାରାକି ତିଞ୍ଜାଲି ହାଦୁ ।”

ଏଝାରି ଏଲେଇଚେରି, “ମା ତାଣ୍ଡା ପାସାଗଟା ରୁଟି ଇଞ୍ଜା ରୀ ମୀଣକା ପିସପେ ଆଗାଡ଼ା ହିଲ୍ଲାତ; ଏନାଆଁ ମାରୁ ହାଜାନା ଇ ବାରେତାକି କାଡ଼ି କଡ଼ିନାୟି ?”

୧୪ ଇଚିହଁ ଏଝାରି ପାସାମାଣା ଆବାୟାଁ ମାଚେରି ।

ଇଞ୍ଜା ଏଝାସି ତାନି ସାମୁଣି ଏଲେଇଚେସି, “କଡ଼େଦସ ଜାଣା ଲାକା କୁଗିକିଦୁ ।”

୧୫ ଏଚେଟିଏ ଏଝାରି ଏଲେକିହଁଏ ବାରେଚି କୁଗିକିଚେରି ।

୧୬ ଅଡ଼େ ଏଝାସି ପାସାଗଟା ରୁଟି ଅଡ଼େ ରୀ ମୀଣକାଣି ଆସାନା ଲାକପୁରୁ ଝାକି ସିନିକିହାନା ବର ହାଚେସି, ଇଞ୍ଜା ରୁଟି ତିକିହାନା ଲକୁକି ହାସପାଲି ସାମୁୟାଁକି ହାଚେସି ।

୧୭ ଏଚେଟିଏ ବାରେଜାଣା ତିଞ୍ଜା ପାଞ୍ଜିଚେରି, ଅଡ଼େ ହାରିତାଣି ବାର ତାଲି ରୁଟି କୁଡ଼ି କିଚେରି ।

* ୯:୫ କାମା ୧୩:୫୧ ✧ ୯:୫ ଲୁକ ୧୦:୪-୧୧ ✧ ୯:୭ ମାତି ୧୭:୧୪; ମାର୍କ ୮:୨୮; ଲୁକ ୯:୧୯ * ୯:୭ ମୁଞ୍ଜିନାୟି

ଜୀସୁଙ୍କ ପିତର କ୍ରୀସ ଇଞ୍ଜିଂ ୱେକ୍‌ନାୟି

(ମାତି ୧୭:୧୩-୧୯; ମାର୍କ ୮:୨୭-୨୯)

୧୮ ର ଦିନା ଜୀସୁ ରଅସିଏ ପ୍ରାତାନା କିନି ବେଲାତା ସୀସୁୟାଁ ଏଞ୍ଜାରିତଲେ ମାଚେରି, ଅଡ଼େ ଏଞ୍ଜାସି ଏଞ୍ଜାରାଇଁ ୱେଚେସି, “ନାନୁ ଆମ୍ବାଆତେଏଁ ଇଞ୍ଜିଂ ଲକୁ ଏଲେଇଞ୍ଜିମାନେରି ?”

୧୯ *ଏଚେଟିଏ ଏଞ୍ଜାରି ଏଲେଇଚେରି, “ଆମ୍ବାଆରି ବାପ୍ତିସ୍ତାଁ ହାନି ଜହନ, ଆମ୍ବାଆରି ଏଲିୟ, ଅଡ଼େ ଆମ୍ବାଆରି ତଲିକାଲାତି ମାହାପୁରୁ ଅଣପୁତି ବଲୁ ୱେହ୍‌ନାରି ବିତ୍ରାଟି ରଅସି ନିଙ୍ଗାମାନେସି ।”

୨୦ *ଏଞ୍ଜାସି ଏଞ୍ଜାରାଇଁ ଏଲେଇଚେସି, “ନାନୁ ଆମ୍ବାଆତେଏଁ ମୀରୁ ଏନାଆଁ ଇଞ୍ଜିଂ ମାଞ୍ଜେରି ?”
ପିତର ଏଲେଇଚେସି, “ନାନୁ ମାହାପୁରୁତି କ୍ରୀସ ।”

ଜୀସୁ ତାନି ଦୁକୁ ଅଡ଼େ ହାକିତି କାତା ୱେହ୍‌ନାୟି

(ମାତି ୧୭:୨୦-୨୮; ମାର୍କ ୮:୩୦-୯:୧)

୨୧ ଏଚେଟିଏ ଏଞ୍ଜାସି ଏଞ୍ଜାରାଇଁ ଆମ୍ବାଆରାଇଁ ୱେହ୍‌ଆଦୁ ଇଞ୍ଜିଂ ଜାଞ୍ଜେ କିହ୍ଁ ହୁକୁମି ହୀତେସି,

୨୨ “ମାଣସି ମୀରୁଏସି ହାରେକା ଦୁକୁ ପାଣ୍ଡନାୟି ମାନେ ଇଞ୍ଜିଂ ଲକୁତି କାଜାରି, କାଜା ପୁଜେରାଙ୍ଗ ଇଞ୍ଜିଂ ଫେରାପୁନାରି ତାଣାଟି ଅପାଆନା ଏଞ୍ଜାଣାଇଁ ପାୟିନେରି, ଇଞ୍ଜିଂ ତାନି ଦିନାଟିଏ ନିଙ୍ଗିନେସି ।”

୨୩ *ଏଚେଟିଏ ଏଞ୍ଜାସି ବାରେତି ଏଲେଇଚେସି, “ଆମ୍ବାଆସି ନା ଜେଚ ତାକାଲି ମନ କିନେସି, ଏଞ୍ଜାସି ତାଙ୍ଗେ ଅପାଆନା ବାରେଦିନା ତାନି କ୍ରସ ଡେକାନାହାଁ ନା ଜେଚ ତାକାପେସି ।

୨୪ *ଇଚିହ୍ଁ ଆମ୍ବାଆସି ଜାହାରା ଜୀସୁ ଗେଲ୍‌ପାଲି ମନ କିନେସି ଏଞ୍ଜାସି ନାସା କିନେସି; ସାମା ଆମ୍ବାଆସି ନା ତାକି ନିଜେତି ଜୀସୁ ନାସା କିନେସି ଏଞ୍ଜାସି ଗେଲ୍‌ପି କିହାକିନେସି ।

୨୫ ଅଡ଼େ ମାଣସି ଇ ବାଡ଼ତିତା ମାନାଣି ବାରେ ମେଡ଼ି କିହାନା ତାନି ଜୀସୁତି ନାସା କିନେସି, ଇଚିହ୍ଁ ଏଞ୍ଜାଣାକି ଏନି ଲାବା ?

୨୬ ଇଚିହ୍ଁ ଆମ୍ବାଆସି ନାଙ୍ଗେତାକି ଅଡ଼େ ନା କାତାତାକି ଲାଜା ଆନେସି, ମାଣସି ମୀରୁଏସି ତାନି କାଜାପାଣା ତଲେ ଇଞ୍ଜାହାଁ ମାହାପୁରୁ ଆବା ଅଡ଼େ ତାନି ସୁଦୁଗାଟି ଦୁଡୁୟାଁ ତଲେ କାଜାପାଣାଟି ୱାନେସି ଏଚିବେଲା ଏଞ୍ଜାସି ଜିକେଏ ଏଞ୍ଜାଣି ତାକି ଲାଜା ଆନେସି ।

୨୭ ସାମା ନାନୁ ମିଙ୍ଗେ ସାତା ୱେସିମାଞ୍ଜାଇଁ, ମାହାପୁରୁତି ରାଜି ମେହ୍‌ଆ ପାଡେକା ଇମ୍ବାଆଁ ନିଚାମାନାରି ଏଚରଜାଣା ହାଅରି ।”

ଜୀସୁ ଅର ୱାଣା ଆନାୟି

(ମାତି ୧୭:୧-୮; ମାର୍କ ୯:୨-୮)

୨୮ ଇ କାତା ୱେସାନା ଆଡ଼ାଦିନା ହାଜାଲିଏ ପିତର, ଜହନ ଅଡ଼େ ଜାକୁବଇଁ ଅହ୍ଁ ହାଜାନା ପ୍ରାତାନା କିହାଲି ହରୁତା ହାଚେସି ।

୨୯ ଅଡ଼େ ଏଞ୍ଜାସି ପ୍ରାତାନା କିହିମାଚାଟି ତାନି ମୁମୁଡୁ ୱାଣା ତିରିମୁହେ ଇଞ୍ଜିଂ ତାନି ହିମ୍ବୁରି ଦବଲା ଆହ୍‌ନା ହାରେକା ଉଜେଡ଼ି ଆଡେ ।

୩୦ ମସା ଅଡ଼େ ଏଲିୟ ଏଞ୍ଜାଣିତଲେ କାତା ଆହିମାଚେରି;

୩୧ ଏଞ୍ଜାରି ଗାସୁରମିଟି ତଞ୍ଜାଆହ୍‌ନା ଜୀସୁ ଜିରୁସାଲମତା ହାନିକାତା ଜଲ୍‌କି ଆହିମାଚେରି ।

୩୨ ଏଚିବେଲା ପିତର ଅଡ଼େ ତାନି ତଣେସିଙ୍ଗାକି ଗାତି ଇଦାକାଣାକା ହଡ଼ିମାଡୁ; ସାମା ଏଞ୍ଜାରି ଇଦାଚି ନିଙ୍ଗାଲିଏ ତାନି ଗାସୁରମି ଇଞ୍ଜିଂ ଏଞ୍ଜାଣିତଲେ ରିଆରି ନିଚାମାନାଣି ମେସ୍ତେରି ।

୩୩ ଇଞ୍ଜିଂ ଏଞ୍ଜାରି ତାଣାଟି ହାଜିମାଚାଟି ପିତର ଜୀସୁଙ୍କି ଏଲେଇଚେସି, “ଗୁରୁ ମାମୁ ଇମ୍ବାଆଁ ମାନାୟି ନେହେଁ; ମାମୁ ଇମ୍ବାଆଁ ତାନିଗଟା ଗୁଡ଼ାୟାଁ କେପିନମି, ନିଙ୍ଗେତାକି ରଣ୍ଡାଆଁ, ମସାକି ରଣ୍ଡାଆଁ ଅଡ଼େ ଏଲିୟକି ରଣ୍ଡାଆଁ ।” ସାମା ତାନୁ ଏନାଆଁ ଇଞ୍ଜିମାଚେସି ତାନୁଏ ପୁଞ୍ଜି ହିଲାଆଚେସି ।

୩୪ ଏଞ୍ଜାସି ଏଲେଇଞ୍ଜି ମାଚାଟି ଇଚାୟି ହାଗୁ ଦୁହା ୱାହାନା ଏଞ୍ଜାରାଇଁ ପୁକ୍‌ହେ, ଇଞ୍ଜିଂ ଏଞ୍ଜାରି ଦୁହାତା ହଡ଼ି ମାଚାଟି ଆଜିଚେରି ।

୩୫ *ଈଞ୍ଜିଂ ଏ ଦୁହାଟି ଇ ହାଡ଼ା ୱାଡେ, “ଇଞ୍ଜାସି ନା ମୀରୁଏସି, ନାନୁ ଆଡ଼ିତାସି, ଇଞ୍ଜାଣି ବଲୁ ୱେଞ୍ଜୁ ।”

* ୯:୧୯ ମାତି ୧୪:୧୨; ମାର୍କ ୭:୧୪, ୧୫; ଲୁକ ୯:୭, ୮ † ୯:୧୯ ମୁଞ୍ଜିନାୟି * ୯:୨୦ ଜହ ୭:୨୮, ୨୯ * ୯:୨୩ ମାତି ୧୦:୩୮; ଲୁକ ୧୪:୨୭ * ୯:୨୪ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫ * ୯:୩୫ ମାତି ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨ * ୯:୩୫ ୨ପିତ ୧:୧୭, ୧୮

୩୬ ଏଲେଇଜି ଖେପ୍ରି ତାମ୍ଭୁ ଜୀସୁ ରଥସିଏ ତଞ୍ଜାଆଡେତସି । ଏଞ୍ଜାରି ଇ କାତାତାକି ପାଲେଏ ମାଞ୍ଜାନା, ଏନା ଏନାଆଁ ମେସାମାଚେରି ଏ ବେଲାତା ଆମ୍ବାଆରାଇଁ ଜିକେଏ ଖେହ୍‌ଆଡେରି ।

ଜୀସୁ ବୁଡୁ ଆଲ୍‌ଗାମାଟି କକାଣାଇଁ ନେହଁ କିନାୟି
(ମାତି ୧୭:୧୪-୧୮; ମାର୍କ ୯:୧୪-୨୭)

୩୭ ଅଡେ ର ଦେନୁ ହରୁଟି ରେଡା ଖାହାଲିଏ ହାରେକା ଲକୁ ଏଞ୍ଜାଣାଇଁ ବେଟା ଆୟ୍‌ଲି ଖାଡେରି ।

୩୮ ଅଡେ ଏ ମାଦା ଲକୁ ବିଡ୍ରାଟି କାଜା ରିୟାତଲେ ହାଡ଼ାନା ଏଲେଇଚେସି, “ଏ ଗୁରୁ ନାନୁ ବାତିମାଲିମାଞ୍ଜାଇଁ ନା ମୀରୁଏଣାଇଁ କାର୍ମା ଆମ୍ଭୁ ଇଚିହଁ ଏଞ୍ଜାସି ନା ରଣ୍ଡିଏ ମୀରୁଏସି;

୩୯ ଏଞ୍ଜାଣାଇଁ ର ବୁଡୁ ଆଲ୍‌ଗାମାଦେ, ଇଞ୍ଜା ଏଞ୍ଜାସି ପେଦରାହାଁ ଦେବୁଣିଏ କିରୁଡ଼ି ମାନେସି, ଇଞ୍ଜା ଏଞ୍ଜାଣାଇଁ ଇଲେକିଁ ବୁମିତା ତ୍ରକହାନା ଗୁଡିଟି ପମ୍‌ଲି ହପ୍‌ହି ମାନେ, ଇଞ୍ଜା ଏଞ୍ଜାଣାଇଁ ଗାଡି ବାଡ଼ା କିହାନା ଏଞ୍ଜାଣି ତାଣାଟି କାକୁଲିଟି ହଚାହାନେ ।

୪୦ ନାନୁ ବୁଡୁଟି ପିସପି କିହାଲି ନୀ ସୀସୁୟାଁ ବାତିମାଲିଚେଏଁ, ସାମା ଏଞ୍ଜାସି ପିସପି କିହାଲି ଆଡ଼ାଆଡେରି ।”

୪୧ ଜୀସୁ ଏଲେଇଚେସି, “ଆଡେ ନାମାଆଗାଟି ଏବୁକା ଜିରୁ ଆହ୍‌ନି କୁଡ଼ା, ନାନୁ ଅଡେ ଏଚେକା ମୀ ତଲେ ମାଞ୍ଜାନା ମୀ କାତା ଅରୁହାଇଁ ? ନୀ ମୀରୁଏଣାଇଁ ଇମ୍‌ଆଁ ତାମ୍ଭୁ ।”

୪୨ ବୁଡୁ ଆଲ୍‌ଗାମାଟି କକାସି ଖାହିମାଚାଟି ବୁଡୁ ଏ କକାଣାଇଁ ବୁମିତା ତାଡ଼ି କିହାନା ଡ୍ରେପହାବୁସ୍ତେ, ସାମା ଜୀସୁ ଏ ପଲ୍‌ଆ ବୁଡୁଟି ଦାକା ହାତେସି ଇଞ୍ଜା କକାଣାଇଁ ନେହଁ କିହାନା ତାମି ଆବା କେୟୁତା ହେରୁପିଚେସି ।

୪୩ ଏଚେଟିଏ ବାରେ ଲକୁ ମାହାପୁରୁଟି ବାଡୁୟୁ ମେସାନା ଜାଗଲା ଆଡେରି । ସାମା ଏଞ୍ଜାସି କିହାମାନି ବାରେ କାମାତାକି ଜାଗଲା ଆହିମାଚାକି ଜୀସୁ ତାନି ସୀସୁୟାଁଇଁ ଏଲେଇଚେସି ।

ଜୀସୁ ତାନି ହାକିତି କାତା ଅଡେ ଖେଣ୍ଡେ ଖେହ୍‌ନାୟି
(ମାତି ୧୭:୨୨,୨୩; ମାର୍କ ୯:୩୦-୩୨)

୪୪ “ଇ ବାରେ କାତା ମୀ କାର୍କା ଅତାନା ଖେଞ୍ଜୁ; ଇଚିହଁ ମାଣସି ମୀରୁଏସି ସାଡୁୟାଁ କେୟୁତା ହେରୁପିଆନେସି ।”

୪୫ ସାମା ଏଞ୍ଜାରି ଏ କାତା ଡେଲହାଆଡେରି, ଏଞ୍ଜାରି ଡେଲହାଲି ଆଡ଼ାଆରେରୁ ଏଞ୍ଜାରି ତାଣାଟି ତରୁମାଚେ, ଇଞ୍ଜା ଏଞ୍ଜାରି ଏ କାତା ଜିକେଏ ଜୀସୁଇଁ ଖେଞ୍ଜାଲି ଆଜିମାଚେରି ।

ବାରେକିହାଁ କାଜାସି ଆମ୍ବାଆସି
(ମାତି ୧୮:୧-୫; ମାର୍କ ୯:୩୩-୩୭)

୪୬ ଏଞ୍ଜାରି ବିଡ୍ରାଟି ଆମ୍ବାଆସି କାଜାସି, ଇ କାତାତାକି ଏଞ୍ଜାରି ବିଡ୍ରା ବାଡ଼ିବାଡ଼ା ଆଡେରି ।

୪୭ ସାମା ଜୀସୁ ଏଞ୍ଜାରି ବିଡ୍ରା ବାଡ଼ିବାଡ଼ା ଆହିମାନାଣି ପୁଞ୍ଜାନା, ର ଉଣା କକାଣାଇଁ ତାନି ନକିତା ନିପୁହାନା ଏଞ୍ଜାରାଇଁ ଏଲେଇଚେସି,

୪୮ “ଆମ୍ବାଆସି ନା ଦରୁଟି ଇ ଉଣା କକାଣାଇଁ ଆବିନେସି, ଏଞ୍ଜାସି ନାଞ୍ଜେ ଆବାନେସି, ଅଡେ ଏଞ୍ଜାସି ନାଞ୍ଜେ ପାଣ୍ଡାତାଣାଇଁ ଆବିନେସି; ଇଚିହଁ ମୀ ବିଡ୍ରାଟି ଆମ୍ବାଆସି ବାରେକିହାଁ ଉଣା ଏଞ୍ଜାସି କାଜାସି ।”

ମୀ କପାଟି ନିଜାଆ ଗାଗାସି ମୀ ତଲେତାସି
(ମାର୍କ ୯:୩୮-୪୦)

୪୯ ଏଚେଟିଏ ଜହନ ଏଲେଇଚେସି, “ଗୁରୁ, ମାମ୍ଭୁ ନୁୀ ଦରୁଟି ବୁଡୁୟାଁ ପେରୁହି ମାଚାଣି ମେସୁମି ଇଞ୍ଜା ଏଞ୍ଜାସି ମା ତଲେ ନୀ ଡେଡ଼ ଖାଆଲିଏ କାହିକିତମି ।”

୫୦ ସାମା ଜୀସୁ ଏଞ୍ଜାରାଇଁ ଏଲେଇଚେସି, “କାହିକିଆଡୁ, ଇଚିହଁ ଆମ୍ବାଆସି ମୀ କପାଟି ନିଜା ହିଲଅସି ଏଞ୍ଜାସି ମୀ ତଲେତାସି ।”

ସମିରଣି ନାସ୍‌କାଣାଁ ଜୀସୁଇଁ ଆବାଆତାସି

୫୧ ଏଚିବେଲା ଜୀସୁ ଲାକପୁରୁ ହାନି ବେଲା ଏଗାଖାହିମାଚାକି ଏଚିବେଲା ଜୀସୁ ଜିରୁସାଲମତା ହାଜାଲି ମନଡି ତୀରି କିଚେସି ।

* ୯:୪୬ ଲୁକ ୨୨:୨୪ * ୯:୪୮ ମାତି ୧୦:୪୦; ଲୁକ ୧୦:୧୭; ଜହ ୧୩:୨୦

୫୨ ଅତ୍ତେ ତାନି ନଚେଏ କସ୍‌କାଣି ପାଣ୍ଡିତେସି, ଏଞ୍ଜାରି ହାଜାନା ର ସମିରଣ ନାୟୁଁତା ଜୀସୁ ଖାନ୍ଦେସି ଇଞ୍ଜୁଁ ଜାଗ୍ରାତା କିହାନା କାଟେରି;

୫୩ ସାମା ଏଞ୍ଜାସି ଜିରୁସାଲମତା ହାଜାଲି ମନ କିହାମାନେସି ଇଞ୍ଜୁଁ ପୁଞ୍ଜାନା ଏଞ୍ଜାଣାଇଁ ଆବାଆତେରି ।

୫୪ ଇଦାଆଁ ମେସାନା ଜାକୁବ ଅତ୍ତେ ଜହନ ଇ ରୀ ସୀସୁୟାଁ ଏଲେଇଚେରି, “ଏ ପ୍ରବୁ ଏଲିୟ ଏନିକିଁ ଏଲେଇଞ୍ଜାମାଚେସି, ଏଲେକିହଁ ଏ ହାକୁଲକଟି ହିଚୁ ରିହାନା ଏଞ୍ଜାରାଇଁ ନାସା କିପେ, ଏଲେଇଞ୍ଜାଲି ନୀ ମନ ମାନେକି ?”

୫୫ ସାମା ଏଞ୍ଜାସି ଝେଣ୍ଡେ ସିନିକିହାନା ଏଞ୍ଜାରାଇଁ ଲାଗ୍ରାନା ଏଲେଇଚେସି, “ମୀରୁ ଏନିଲେହେଁତି ଜୀସୁ ଗାଟାଚେରି, ମୀରୁ ପୁଞ୍ଜାହିଲଅଚେରି ମାଣ୍ଡିସି ମୀରୁଏସି ମାଣ୍ଡିସିୟାଁତି ଜୀସୁ ନାସା କିହାଲି ଖାଆନା ଗେଲପାଲି ଖାହାମାନେସି ।

୫୬ ଏଚେଟିଏ ଏଞ୍ଜାରି ଅଚ ନାୟୁଁତା ହାଚେରି ।”

ଜୀସୁତି ସୀସୁ ଆହାଲି ପାଡ଼ା ଆନାୟି
(ମାତି ୭:୧୯-୨୨)

୫୭ ଏଞ୍ଜାରି ଜିରୁତା ହାଜିମାଚାଟି ରଅସି ଖାହାନା ଜୀସୁଇଁ ଏଲେଇଚେସି, “ନୀନୁ ଆମ୍ବିୟା ହାଜି, ନୀନୁ ଜିକେଏ ନୀ ତଲେ ଖାଉଁ ।”

୫୮ ଜୀସୁ ଏଞ୍ଜାଣାଇଁ ଏଲେଇଚେସି, “ନାକାୟାଁକି ତୁୟିନି ପାଞ୍ଜୁୟାଁ ମାନୁ, ହାଗୁ ଲାକ ଉସିନି ପଟାୟାଁକି ବାସାଟାୟୁ ମାନେ, ସାମା ମାଣ୍ଡିସି ମୀରୁଏଶାକି ତାୟୁଁ ୟୁନଟ୍‌ହାଲି ଟାୟୁ ହିଲେଏ ।”

୫୯ ଇଞ୍ଜାଁ ଏଞ୍ଜାସି ଅତ୍ତେ ରଅଣାଇଁ ଏଲେଇଚେସି, “ନା ଜେଚ ଖାମୁ ।” ସାମା ଏଞ୍ଜାସି ଏଲେଇଚେସି, “ପ୍ରବୁ ନଚେଏ ହାଜାନା ନା ଆଦାଇଁ ମାହଣିଶା ମୁସାଲି ହେଲ ହିୟାମୁ ।”

୬୦ ଜୀସୁ ଏଲେଇଚେସି, “ହାଡ଼ାରାଇଁ ତାନି ହାଡ଼ି ଲକୁଣି ମୁସାଲି ପିହ୍‌ଦୁ, ସାମା ମୀରୁ ହାଜାନା ମାହାପୁରୁ ରାଜିତି କାତା ଝେହ୍‌ଦୁ ।”

୬୧ ଅତ୍ତେ ରଅସି ଖାହାନା ଏଲେଇଚେସି, “ପ୍ରବୁ ନୀନୁ ଜେଚ ଖାଉଁ ସାମା ନଚେଏ ଇଜତି ଲକୁ ତାଣାଟି ହେଲ ଅହାଲି ହିୟାମୁ ।”

୬୨ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ଆମ୍ବାଆସି ନାଟ୍‌ଜେଲି କେୟୁତା ଆସାନା ତାୟୁଖାକି ସିନିକିନେସି ଏଞ୍ଜାସି ମାହାପୁରୁ ରାଜିତା ପାଡ଼ା ଆଅସି ।”

୧୦

ଜୀସୁ ତାନିକଡ଼ି ବାରଜାଣାଟି ପାଣ୍ଡିନାୟି

୧ ଏମ୍ବାଟିଏ ପ୍ରବୁ ଅତ୍ତେ ତାନିକଡ଼ି ବାରଜାଣାଟି ଆଚାନା ତାନୁ ଆମିନି ଗାଡ଼ା ଅତ୍ତେ ନାୟୁକାଣାଁ ହାଜାଲି ମନ କିହାମାଚେସି, ଏ ନାୟୁକା ଅତ୍ତେ ଗାଡ଼ାୟାଁଣା ରିଆରି ଲାକା କିହାଁ ପାଣ୍ଡିତେସି ।

୨ ଇଞ୍ଜାଁ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ପାଡ଼ି ହାଚେକା ସାମା ଦାଃଆନାରି ଉଣା ଜାଣା; ଇଦାଆଁତାକି ଗୁଡ଼ିୟାତା କାମା କିନାରାଇଁ ପାଣ୍ଡାଲିତାକି ଗୁଡ଼ିୟାତି ସାଞ୍ଜୁକାରିଇଁ ବାତିମାଲାନୁ ।

୩ ମୀରୁ ହାଜୁ; ନୀନୁ ମିଙ୍ଗ କ୍ଷୀୟାଁ ବିତ୍ରା ମେଣ୍ଡା ତାଲୁକା ଲେହେଁ ମିଙ୍ଗେ ପାଣ୍ଡିମାଞ୍ଜାଇଁ ।

୪ ତାକୁୟାଁ, ମଣା କି ସେପୁୟାଁ ଜିକେଏ ଅଥାବୁ, ଅତ୍ତେ ଜିରୁତା ଆମ୍ବାଆରାଇଁ ଜହରା କିଆବୁ ।

୫ ଅତ୍ତେ ମୀରୁ ଆମିନି ଲକୁତା ହଡ଼ଦେରି ନଚେଏ ଇ ଲକୁତାକି ହିଡ଼ଡ଼ି ଆପେ ଇଞ୍ଜୁ ।

୬ ଅତ୍ତେ ଏ ଇଜ ହିଡ଼ଡ଼ିତି ମାଣ୍ଡିସି ରଅସି ମାତିହଁ ମୀ ହିଡ଼ଡ଼ି ଏଞ୍ଜାଣାକି ଆପେ; ଅତ୍ତେ ହିଲୀଆତିହଁ ମୀ ହିଡ଼ଡ଼ି ମିଙ୍ଗେ ଝେଣ୍ଡେ ଖାନ୍ଦେ ।

୭ ଇଞ୍ଜାଁ ଏଞ୍ଜାରିତାଣା ଏନାୟି ମାନେ ଏଦାଆଁ ତିଞ୍ଜା ଉଣାନା ଏ ଇଜ ମାଞ୍ଜୁ, ଇଚିହଁ କାମାକିନାସି ତାନି କାମାତି ବୁତି ମେଡ଼ା ଆନାୟି ମାନେ । ଏ ଇଜ ପିସାନା ଅଚ ଇଜ ହାଲୀଆବୁ ।

୮ ଅତ୍ତେ ଆମିନି ଗାଡ଼ାତା ହାଜେରି ଅତ୍ତେ ଲକୁ ମିଙ୍ଗେ ଅପାନେରି ଅତ୍ତେ ଏମ୍ବାଆଁ ଏନାଆଁ ତିଞ୍ଜାଲି ହିୟାନେରି ଏଦାଆଁ ତିଞ୍ଜୁ ।

୯ ଏମ୍ବାଆଁ ମାନି ରଡ଼ା ଗାଟାରାଇଁ ନେହଁ କିଦୁ, ଅତ୍ତେ ଏଞ୍ଜାରାଇଁ ଏଲେଇଞ୍ଜୁ ମାହାପୁରୁତି ରାଜି ମୀ ତାଣା ଏଦାଚେୟିଏ ।

୧୦ ଏସାମା ମୀରୁ ଆମିନି ଗାଡ଼ାତା ହାଜେରି ଇଞ୍ଜାଁ ଲକୁ ମିଙ୍ଗେ ଅପଅରି, ଏମ୍ବାତି ଆଂଗେଣିକାଟି ପାଞ୍ଜାତା

୫ ୧୦:୨ ମାତି ୯:୩୭,୩୮ ୫ ୧୦:୩ ମାତି ୧୦:୧୬ ୫ ୧୦:୬ ଦେକ ୧:୧୪; ୧ତିମ ୫:୧୮ ୫ ୧୦:୧୦ କାମା ୧୩:୫୧

ହାଜାନା ଏଲେଇଞ୍ଜୁ,

୧୧ *ମୀ ଗାଡ଼ାଡ଼ି ଆମିନି ଦୁଡ଼ି ମା ଜଡ଼ାୟାଣା ଆଗାମାରେ, ଏଦାଆଁ ଜିକେଏ ମିଜେ ତାକି ହାଣ୍ଡି ମାନମି; ସାମା ମାହାପୁରୁତି ରାଜି ଏଗାଝାହିମାନେ ଛଦାଆଁ ପୁଞ୍ଜୁ ।

୧୨ *ନାନୁ ମିଜେ ଝେସିମାଞ୍ଜାଇଁ, ନୀହାଁୟି ଦିନାତା ଏ ଗାଡ଼ାଡ଼ି ତଣ୍ଡ କିହାଁ ସଦମତି ଗାଡ଼ାଡ଼ି ତଣ୍ଡ ଉଣା କିଞ୍ଜିଆନେ ।

ନାମାଆଗାଟି ନାସ୍ତକା

(ମାତି ୧୧:୨୦-୨୪)

୧୩ ଆୟତା ତଣ୍ଡ ପାଣ୍ଡିନି କରାଜିନ୍ ଅଡ଼େ ବେଡ଼ସାୟିଦା ଇତିହୁଁ ମୀ ତାଣା ଆମି ଆମିନି କାବାଆନି କାମାୟାଁ କିଞ୍ଜିଆହାମାନୁ, ଏ ବାରେ ସର ଅଡ଼େ ସିଦନତା କିଞ୍ଜି ଆହାମାତିହୁଁମା, ଏଝାରି ହାଡ଼ରକା ଦିନା ନଡ଼କଏ ବାସ୍ତାୟାଁ ପରହାଁ ଦାରମୁଡ଼ା କୁଗାନା ମନ ଝେଟ୍‌ହେରିମା ।

୧୪ ଆଡ଼ିଜିକେଏ ନୀହାଁୟି ଦିନାତା ସର ଅଡ଼େ ସିଦନତି ତଣ୍ଡ ଉଣା କିଞ୍ଜିଆନେ ।

୧୫ ଏ କପରନାହୁମ ନୀନୁ ଲାକପୁରୁ ପାତେକା ପାଡ଼ାଆଦି ? ହାଡ଼ାରି ମାନି ରାଜିତା ମେଡ଼ପି ଆଦି ।”

୧୬ *ଜୀସୁ ଏଲେଇଚେସି “ଆମ୍ବାଆସି ମୀ କାତା ଝେନେସି, ଏଝାସି ନା କାତା ଝେନେସି, ଇଞ୍ଜାଁ ଆମ୍ବାଆସି ମିଜେ ଅପଅସି ଏଝାସି ନାଜେ ଅପଅସି, ଅଡ଼େ ଆମ୍ବାଆସି ନାଜେ ଅପଅସି ଏଝାସି ନାଜେ ପାଣ୍ଡାତାଣାଇଁ ଅପଅସି ।”

ତାନିକଡ଼ି ବାରଜାଣା ଝେଣ୍ଡା ଝାନାୟି

୧୭ ଏମାଟିଏ ତାନିକଡ଼ି ବାରଜାଣା ଝେଣ୍ଡା ଝାହାନା ରାହାଁଟି ଏଲେଇଚେରି, “ପୁରୁ ବୁଡ଼ୁୟାଁ ଜିକେଏ ନୀ ଦରୁଡ଼ି ମା ଡ଼ଇକା ହେଡ଼ପି ଆହିମାନୁ ।”

୧୮ ସାମା ଜୀସୁ ଏଝାରାଇଁ ଏଲେଇଚେସି, “ହାଗୁ ମୁହନିଲେହେଁ ଲାକଟି ସୟତାନ ରିହିମାନାଣି ମେସ୍ତେସୁଁ ।

୧୯ ମେହଦୁ ନାନୁ ମିଜେ ରାସ୍ତାକା, କାଚାକୁପିୟାଁ ମୁହେଁ ତାକାଲି ଅଡ଼େ ସାଡୁଡ଼ି ବାରେ ବାଡ଼ୁରୁ ମୁହେଁ ଜିକେଏ ଅଦିକାରା ହାହିମାଞ୍ଜାଇଁ, ଅଡ଼େ ଏନାୟି ଜିକେଏ ମିଜେ ନସ୍ତୁ କିହାଲି ଆଡ଼େଏ ।

୨୦ ସାମା ପଲ୍ଲଆ ବୁଡ଼ୁୟାଁ ବାଡ଼ୁରୁ ମୀ ଡ଼ଇକା ମାନେ ଇଞ୍ଜାଁ ରାହାଁ ଆଆଦୁ, ସାମା ମୀ ଦରୁ ଲାକପୁରୁ ରାସ୍ତକି ଆହାମାନେ ଏଦାଆଁତାକି ରାହାଁ କିଦୁ ।”

ଜୀସୁତି ରାହାଁ

(ମାତି ୧୧:୨୫-୨୭; ୧୩:୧୬, ୧୭)

୨୧ ଏତିବେଲା ଜୀସୁ ସୁନୁଜୀସୁ ତଲେ ରାହାଁ ଆହାନା ଏଲେଇଚେସି, “ଆବା ଲାକପୁରୁ ଅଡ଼େ ଦାରୁଡ଼ିତି ପୁରୁ, ନୀନୁ ବୁଦିଗାଟି ଲକୁଡ଼ାଣା ଇ ବାରେ କାତା ଡ଼କୁହାନା ଉଣା କକାରି ତାଣା ତସାମାଞ୍ଜି, ଛଦାଆଁତାକି ନିଜେ ଜହରା କିହିମାଞ୍ଜାଇଁ; ଏ ଆବା ଇଦିଏ ନୀ ନକିତା ନେହାୟି ଆଡ଼େ ।”

୨୨ *ନା ଆବାତି ବାରେ ଅଦିକାରା ନାଜେ ହେଡ଼ପି ଆହାମାନେ; ଅଡ଼େ ମୀରୁଏସି ଆମ୍ବାଆସି, ଛଦାଆଁ ଆବା ପିସ୍ତେ ଆମ୍ବାଆସି ପୁନଅସି, ଅଡ଼େ ଆବା ଆମ୍ବାଆସି ଛଦାଆଁ ମୀରୁଏଣା ପିସ୍ତେ ଆମ୍ବାଆସି ପୁନଅସି, ଇଞ୍ଜାଁ ମୀରୁଏସି ଆମ୍ବାଆସି ତାଣା ଏଝାଣାଇଁ ତସାଲି ମନ କିନେସି, ଏଝାସିଦେଁ ପୁନେସି ।”

୨୩ ଅଡ଼େ ଜୀସୁ ଡାୟୁ ସିନିକିହାନା ତାମି ସୀସୁୟାଁଇ ଏଡ଼କେଏ ଏଲେଇଚେସି, “ହାଡ଼ରକା ନେହେଁ ଏ କାଣକା ଏମିନିଗାଟାଣି ମେସିମାନୁ, ଏନାଆଁ ମୀରୁ ମେସିମାଞ୍ଜେରି ।

୨୪ ଇତିହୁଁ ନାନୁ ମିଜେ ଝେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି ଏ ବାରେ ହାଡ଼ରକା ମାହାପୁରୁ ଅଣପୁଡ଼ି ବଲ୍ଲୁ ଝେହନାରି ଅଡ଼େ ରାଜାୟାଁ ମେସାଲି ମନ କିହାମାଚେରି, ସାମା ମେସାଲି ଆଡ଼ାଆତେରି; ଅଡ଼େ ମୀରୁ ଏନା ଏନାଆଁ ଝେଞ୍ଜିମାଞ୍ଜେରି, ଏ ବାରେ ଏଝାରି ଝେଞ୍ଜାଲି ମନ କିତେରି ସାମା ଝେଞ୍ଜାଲି ଆଡ଼ାଆତେରି ।”

ନେହୁଁ ସମିରଣତି ପୁଣ୍ଡିକିନି କାତା

୨୫ *ମେହଦୁ ର ମସାତି ମେରା ଜାପୁନାସି ଝାହାନା ଜୀସୁଇଁ ତାୟିପାରିକିହୁଁ ଝେଚେସି, “ଏ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଏନାଆଁ କିଇଁ ?”

* ୧୦:୧୧ ମାତି ୧୦:୭-୧୪; ମାର୍କ ୬:୮-୧୧; ଲୁକ ୯:୩-୫ * ୧୦:୧୨ ମାତି ୧୧:୨୪ମାତି ୧୦:୧୫ * ୧୦:୧୬ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ଜହ ୧୩:୨୦ * ୧୦:୨୨ ଜହ ୩:୩୫; ଜହ ୧୦:୧୫ * ୧୦:୨୫ ମାତି ୨୨:୩୫-୪୦; ମାର୍କ ୧୨:୨୮-୩୪

୨୨ ଏଚେଟିଏ ଜୀସୁ ଏଲେଇଚେସି, “ମସାତି ନେରାତା ଏନାଆଁ ରାସ୍‌କି ଆହାମାନେ, ନୀନୁ ଏନିକ୍ ପଡ଼ୁଞ୍ଚି ଆହିମାଞ୍ଜି ?”

୨୩ ଏଝାସି ଏଲେଇଚେସି, “ନୀନୁ ନୀ ବାରେ ହିୟାଁ, ବାରେ ଜୀସୁ, ବାରେ ବାଡ଼ୁୟୁ ଅଡ଼େ ବାରେ ମନ ହାହାନା ପ୍ରବୁ ନୀ ମାହାପୁରୁଇଁ ଜୀସୁନମ୍; ଅଡ଼େ ପାଡ଼ିତି ଲକୁଣି ନୀ ଜୀସୁ ଲେହେଁ ଜୀସୁ ନମ୍ ।”

୨୪ ଏଚେଟିଏ ଜୀସୁ ଏଝାଣାଇଁ ଏଲେଇଚେସି, “ନୀନୁ ନେହଁକ୍ ଝେସାମାଞ୍ଜି; ଏଲେଏ କିମ୍ ଆତିହଁ ଏ ଜୀସୁ ନେଡ଼ା ଆଦି ।”

୨୫ ସାମା ଏଝାସି ତାଙ୍ଗେ ତୀରିତାସି କିହାକତାଲି ମନ କିହାନା ଜୀସୁଇଁ ଝେଚେସି, “ଆତିହଁ ନା ପାଡ଼ିତାସି ଆମ୍ବାଆରି ?”

୨୬ ଜୀସୁ ଏ କାତା ଆସାନା ଏଲେଇଚେସି, “ର ଲକୁ ଜିରୁସାଲମଟିଏ ଜିରିହତା ହାଜିମାଗାଟି ସରକା ତାଣ୍ଡା ହେରହେସି । ଏଝାରି ଏଝାଣି ହିମ୍ବୁରିଦୁକି ମାଞ୍ଜାନା ହାନିଲେହେଁ ମାଡ଼ା ଝେଚାନା ପିସା ହାଚେରି ।

୨୭ ଏଚିବେଲ୍ଲାତା ର ପୁଜେରା ଏ ଜିରୁଟି ହାଜିମାଚେସି, ଇଞ୍ଜା ଏଝାସି ଏଝାଣାଇଁ ନେସାନା ଜିରୁ ପିସାନା ଅର ଜିରୁଟି ହାଚେସି ।

୨୮ ଏଲେକିହଁଏ ର ଲେବି କୁଡ଼ାତାସି ଜିକେଏ ଏ ଜିରୁଟି ଝାହାନା ଏଝାଣାଇଁ ନେସାନା ଅର ଜିରୁ ହାହାନା ହାଚେସି ।

୨୯ ସାମା ର ସମିରଣ ଲକୁ ଏ ଜିରୁଟି ହାଜିମାଚେସି, ଇଞ୍ଜା ଏଝାଣାଇଁ ନେସାନା ହାଚେରକା କାର୍ମା ଆଡ଼େସି,

୩୦ ଅଡ଼େ ତାଗେ ହାଜାନା ଏଝାଣି ଗାହାଁୟାଁ ବାରେ ନିୟୁଁ ଅଡ଼େ ଅଙ୍ଗୁରି ରାସା ରୁବାନା ଗାହାଁୟାଁଣା ଦସ୍‌ପାନା ଏଝାଣାଇଁ ର ଗାଡ଼ଦେ ଲାକ କୁରିକିହାନା ର ସେବାକିନି ଇଲୁତା ଅହାନା ଏଝାଣି ସେବା କିଚେସି ।

୩୧ ଅର ଦିନା ସେବାକିନି ଇଲୁ ଗାଟାଣାକି ରୀ କାନି ହାହାନା ଏଲେଇଚେସି, ‘ଇଝାଣି ସେବା କିମ୍ ଅଡ଼େ ଏଚେକା ଗାତି କାରୁଁ ଆନୁ, ଝେଣ୍ଡା ଝାନାଟି ବାରେ ହିୟାଇଁ ।”

୩୨ ଜୀସୁ ଏଲେଇଚେସି, “ଇ ତାନି ଜାଣାଟି ବିତ୍ରା ଆମ୍ବାଆସି ସରକାତାଣା ହେରହା ମାତାଣି ପାଡ଼ିତାସି ଇଞ୍ଜା ଅଣ୍ଡିପିମାଞ୍ଜେରି ?”

୩୩ ଏ ନେରା ଜାପୁନାସି ଏଲେଇଚେସି, “ଆମ୍ବାଆସି ଏଝାଣାଇଁ କାର୍ମା ଆଡ଼େସି ଏଝାସି ।”
ଜୀସୁ ଏଲେଇଚେସି, “ହାଲ୍ଲୀମ୍ ନୀନୁ ଜିକେଏ ଏଲେଏ କିମ୍ ।”

ଜୀସୁ ମାର୍ତ୍ତୀ ଅଡ଼େ ମରିୟମନି ଇଜ

୩୪ ଏଝାରି ହାଜିମାନି ବେଲ୍ଲାତା ର ନାୟୁଁତା ହାଚେରି, ଇଞ୍ଜା ମାର୍ତ୍ତୀ ଦରୁଗାଟି ର ଇୟା ଜୀସୁଇଁ ତାନି ଇଜ ହାଡ଼ିଚେ ।

୩୫ ଏଦାନାକି ର ତାଙ୍ଗି ମାଚେ ଏଦାନି ଦରୁ ମରିୟମ, ଏଦି ପ୍ରବୁତି କଡ଼ା ଡ଼କ କୁଗାନା ଏଝାଣି କାତା ଝେଞ୍ଜିମାଚେ ।

୩୬ ସାମା ମାର୍ତ୍ତୀ ରାନ୍ଦା ଝାଜାଲି ହାଚେରକା କିଲିବିଲି ଆହିମାଚେ; ଇଦାଆଁତାକି ଜୀସୁ ତାଣ୍ଡା ଝାହାନା ଏଲେଇଚେ, “ଏ ପ୍ରବୁ ନା ତାଙ୍ଗି ଝାଜିନି କାମା ବାରେ ନା ଲାକ ହେରଦା ମାଞ୍ଜାନେ ଇଦାଆଁ ଅଣ୍ଡିପି ହିଲଅତି କି ? ଇଦାଆଁତାକି ନାଙ୍ଗେ ସାୟେମି କିହାଲି ଏଲେଇନାମ୍ ।”

୩୭ ସାମା ପ୍ରବୁ ଏଲେଇଚେସି, “ମାର୍ତ୍ତୀ, ମାର୍ତ୍ତୀ ନୀନୁ ହାଚେରକା କାମାତା ଅଣ୍ଡିପି ହିଲିବିଲି ଆହିମାଞ୍ଜି,

୩୮ ସାମା ଝାଚରଇ ର କାତା ଲଡ଼ାମାନେ । ମରିୟମ ଏ ନେହଁକ୍ କାତା ବାଟି କିହାମାନେ; ଏଦାଆଁ ଏଦାନି ତାଣ୍ଡାଟି ଅଢ଼ି ଆଏ ।”

୧୧

ଜୀସୁ ଜାପୁହାମାନି ପ୍ରାତାନା

(ମାଟି ୬:୯-୧୩; ମାଟି ୭:୭-୧୧)

୧ ର ଦିନା ଜୀସୁ ର ଟାୟୁତା ପ୍ରାତାନା କିହିମାଚେସି; ଏଝାସି ପ୍ରାତାନା କିହାଲି ରାପୁହାଲିଏ, ତାନି ସୀସୁୟାଁ ବିତ୍ରାଟି ରଅସି ଏଲେଇଚେସି, “ଏ ପ୍ରବୁ, ଜହନ ଏନିକ୍ ତାନି ସୀସୁୟାଁଇଁ ପ୍ରାତାନା କିହାଲି ଜାପୁହି ମାଚେସି, ନୀନୁ ଜିକେଏ ମାଙ୍ଗେ ଏଲେକିହଁଏ ପ୍ରାତାନା କିହାଲି ଜାପୁହାମ୍ ।”

୨ ଏଚେଟିଏ ଜୀସୁ ଏଝାଚାଇଁ ଏଲେଇଚେସି, “ଏଚିବେଲ୍ଲା ମୀରୁ ଏଲେଇଞ୍ଜି ପ୍ରାତାନା କିଦୁ; ଏ ଆଡ଼ା

ନୀ ଦରୁ ନେହାୟି ଇଞ୍ଜିମ୍ ଫାନୁଖି ଆଡ଼ପ;
 ନୀ ରାଜି ଖାଡ଼ପ ।
 ୩ ବାରେଦିନା ମାଜେ ଲଡ଼ା ଆନି ରାନ୍ଦା ହିୟାମୁ ।
 ୪ ମା ଦହୁ ବାରେ ଚେଲୁହାମୁ,
 ଇଚିହିମ୍ ମାମୁ ଜିକେଏ ମା ଦହୁ କିତାରାଇଁ ଚେଲୁକନମି ।

ମାଜେ ପାନ୍ଦାତା ମେଡ଼ହାଆନି ।”

୫ ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ତାଣା ଆମ୍ବାଆସି ଇଲେତି ତଡ଼େଏସି ମାନେସି, ଆମ୍ବାଆରି ତାଣା ମାଦି ଲାଆଁୟାଁ ହାଜାନା ଏଲେଇନେସି, ଏ ତଡ଼େ ନାଜେ ତାନିଗଟା ରୁଚି ହିୟାମୁ,

୬ ଇଚିହିମ୍ ନା ଗତାଗାଟି ତଡ଼େଏସି ନା ତାଣା ଖାହାମାନେସି, ଏଞ୍ଜାଣାକି ତିଞ୍ଜାଲି ହାହାଲି ନା ତାଣା ଏନାୟିଖା ହିଲେଏ !”

୭ ଅଡ଼େ ବିତ୍ରାଟି ଏଲେଇନେସି, ‘ନାଜେ କସୁ ହିୟାଆନି; ଦାରା ସୁଖିକି ଆଡ଼େୟିଏ, ଇଞ୍ଜା ନା ମୀରୁକା ନା ତଲେ ତୁରା ମାନେରି; ନାନୁ ନିଜ୍ଜାନା ହାହାଲି ଆତୁଅଁ ।”

୮ ନାନୁ ମିଜେ ଝେସିମାଞ୍ଜାଇଁ, ଏଞ୍ଜାସି ତାନି ତଡ଼େଏସି ଆହାମାନାକି ଲାଜା ପିସାନା ଅଲେ ଅଲେ ରାସ୍ତାକି ଏଞ୍ଜାସି ନିଜ୍ଜାନା ଏଞ୍ଜାଣି ଲଡ଼ାମାନି ପାତେକା ଏଞ୍ଜାସି ଏଞ୍ଜାଣାକି ହାନେସି ।”

୯ ନାନୁ ଜିକେଏ ମିଜେ ଝେସିମାଞ୍ଜାଇଁ, ରାହୁଦୁ ଆତିହିମ୍ ମିଜେ ହାପକିଆନେ; ପାରାଦୁ ଆତିହିମ୍ ମେଡ଼ା ଆନେସି; ଦୁଝେରିତା ଝେଦୁ ଆତିହିମ୍ ମିଜେତାକି ଦାରା ଦେପି ଆନେ ।

୧୦ ଇଚିହିମ୍ ଆମ୍ବାଆସି ରାହୁନେସି ଏଞ୍ଜାସି ବେଗାଆନେସି; ଆମ୍ବାଆସି ପାରିନେସି ଏଞ୍ଜାସି ମେଡ଼ାଆନେସି; ଅଡ଼େ ଆମ୍ବାଆସି ଦୁଝେରିତା ଝେନେସି ଏଞ୍ଜାଣି ତାକି ଦାରା ଦେପିଆନେ ।

୧୧ “ଅଡ଼େ ମୀ ତାଣା ଇଲେତି ଆନିନି ଆବା ମାନେସି, ତାନି ମୀରୁଏସି ମୀନୁ ରାସ୍ତାସାରେ ଏଞ୍ଜାସି ମୀନୁତି ବାଦୁଲି ରାଦୁ ହାନେସି ?

୧୨ ଅଡ଼େ ଗୁଡୁ ରାସ୍ତାସାରେ ଏଞ୍ଜାଣାକି କାଚାକୁପି ହାନେସି ?

୧୩ ଇଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡ଼ିଜିକେଏ ମୀ ମୀରୁକା ମାସ୍କାକି ନେହାଁଣି ହାହିମାଞ୍ଜେରି, ଆତିହିମ୍ ଆନିନି ଆବା ଲାକପୁରୁଟି ହାହିମାଞ୍ଜାନେସି, ଏଞ୍ଜାସି ତାନି ତାଣା ରାହୁନି ଲକୁକି ଏତେ ହାଡ଼େକା ସୁଦୁଜୀଝୁ ହାଅସି !”

ଜାସୁ ଅଡ଼େ ପଲୁଆ ବୃତୁ

(ମାତି ୧୨:୨୨-୩୦; ମାର୍କ ୩:୨୦-୨୭)

୧୪ ଜାସୁ ର ପାଲି ବୃତୁ ପେରୁହି ମାଚେସି ଏ ବୃତୁ ଗୁଲା । ବୃତୁ ଏଞ୍ଜାଣି ତାଣାଟି ହଟା ହାଜାଲିଏ ଏ ଗୁଲା ଜଲିଚେସି; ଏମ୍ବାଟିଏ ଲକୁ ବାରେ କାବା ଆଡ଼େରି ।

୧୫ *ସାମା ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ଏଲେଇଚେରି, “ଏଞ୍ଜାସି ପଲୁଆ ବୃତୁୟାଁ କାଜା ପେନୁ ବାଲୁଜିବୁଲୁ ବୃତୁ ତଲେ ବୃତୁୟାଁ ପିସପି କିହିମାନେସି ।”

୧୬ *ଇଞ୍ଜା ଏଡ଼କାତାରି ଏଞ୍ଜାଣାଇଁ ତାୟିପାରି କିହାଲିତାକି ଏଞ୍ଜାଣି ତାଣାଟି ହାଗୁଟି ର ସିନା ରୀସ୍ତେରି ।

୧୭ ସାମା ଏଞ୍ଜାସି ଏଞ୍ଜାରି ମନତି ଏଣପୁ ପୁଞ୍ଜାନା ଏଞ୍ଜାରାଇଁ ଏଲେଇଚେସି, ଆନିନି ରାଜି ବାଗା ଆହାନା ତାନି କପାଟି ନିଜ୍ଜାନେ ଏଡ଼ି ନାସା ଆହାହାନେ ଇଞ୍ଜା ଇଲୁ ଲାକ ବାରେ ରିହାହାନେ ।

୧୮ ଇଞ୍ଜା ସୟତାନ ବାଗା ଆହାନା ଜାହାରା କପାଟି ନିଜ୍ଜାନେ, ଇଚିହିମ୍ ତାନି ରାଜି ଏନିକିଁ ତାରିଆହାନା ଡ଼ୟିନେ ? ନାନୁ ପଲୁଆ ବୃତୁୟାଁ ବାଲୁଜିବୁଲୁ ତଲେ ବୃତୁୟାଁ ପିସପି କିହିମାଇଁ ଇଞ୍ଜିମାଞ୍ଜେରି ।

୧୯ ସାମା ନାନୁ ପଲୁଆ ବୃତୁୟାଁ ବାଲୁଜିବୁଲୁ ତଲେ ବୃତୁୟାଁ ପିସପି କିହିମାଇଁ, ଆତିହିମ୍ ମୀ ମୀରୁକା ଆମ୍ବାଆରି ବାଡ଼ୟୁ ତଲେ ପିସପି କିନେରି ? ଇଞ୍ଜା ଏଞ୍ଜିଏ ମିଜେ ନୀହାଁୟି କିୟାମୁ ।

୨୦ ସାମା ନାନୁ ମାହାପୁରୁ ବାଡ଼ୟୁ ତଲେ ବୃତୁୟାଁ ପିସପି କିହିମାଇଁ ଇଚିହିମ୍ ମାହାପୁରୁଟି ରାଜି ମୀ ତାଣା ଏଗାଞ୍ଜାଡ଼େୟିଏ ।

୨୧ ବାଡ଼ୟୁଗାଟି ଲକୁ ଏଡ଼େପାତେକା ଆସ୍ତି ଆସାନା ତାନି ଗାଡ଼ାଟି ଗେଲୁପିନେସି, ଏଟିବେଲା ପାତେକା ତାନି ଦନ ଗେଲୁପିଆହାନା ଡ଼ୟିନେ;

* ୧୧:୧୫ ମାତି ୯:୩୪; ୧୦:୨୫ * ୧୧:୧୭ ମାତି ୧୨:୩୮; ୧୭:୧; ମାର୍କ ୮:୧୧

୨୨ ସାମା ଏଚିବେଲା ଏଞ୍ଜାଲି କିହ୍ନାଁ ହାରେକା ବାଡ଼ମୁଗାଟି ଲକ୍ଷ୍ମ ଏଞ୍ଜାଲିତଲେ ଲୁକ୍ଷୁ କିହାନା ଜୀଣା ଆନେସି, ଏଚିବେଲା ଏଞ୍ଜାସି ଆମିନି ଆସ୍ତିତି ବାସ୍ତୁ କିହାମାରେସି, ଏ ବାରେ ଏଞ୍ଜାସି ମୀଞ୍ଜା ଅନେସି, ଇଞ୍ଜାଁ ମୀଞ୍ଜା ଅହାମାନି ଦନ ବାଟିକିହା ଅନେରି ।

୨୩ *ଆମ୍ବାଆସି ନା ଖାକିତି ଆଆଗାଗାସି ଏଞ୍ଜାସି ନା ସାତୁ; ଇଞ୍ଜାଁ ଆମ୍ବାଆସି ନା ତଲେ କୁଡ଼ି କିଅସି ଏଞ୍ଜାସି ଆଲାବା କିନାସି ।

ପଲୁଆ ବୁଡୁ ଖେଣ୍ଡା ଖାନାୟି
(ମାତି ୧୨:୪୩-୪୫)

୨୪ “ର ପଲୁଆ ବୁଡୁ ର ମାଣସି ତାଣାଟି ହଡ଼ା ହାଜାନା ଏମୁ ହିଲାଆ ଖାୟିତି ଟାମୁଡା ଜମାଲି ପାରିନେ, ଇଞ୍ଜାଁ ମେଡ଼ି କିଆନା ଏଲେଇନେ, ‘ନାନୁ ଆମିନି ଇଲୁଟି ହଡ଼ା ଖାହାମାରେସି, ଏ ଇଲୁଡା ଖେଣ୍ଡା ହାଇଁ ।’

୨୫ ଇଞ୍ଜାଁ ଏଡ଼ି ଖେଣ୍ଡା ଖାହାନା ଏଦାଆଁ ଅଜିହ୍ନି ନେହ୍ନି ଆହାମାନାଣି ମେହ୍ନେ ।

୨୬ ଏଚିବେଲା ଏଡ଼ି ହାଜାନା ତାନିକିହ୍ନାଁ ହାରେକା ପଲୁଆଗାଟି ସାଡ଼ାଗଟା ବୁଡୁୟାଁ ଆସାନା ଖାନେ, ଅଡ଼େ ବାରେଇଣା ଏମ୍ବାଆଁ ହଡ଼ାନା ବାସା କିନୁ, ଇଞ୍ଜାଁ ଏ ମାଣସିତି ତଲିତି କସ୍ତୁ କିହ୍ନାଁ ତାୟୁତି କସ୍ତୁ ହାରେକା ଆନେ ।”

ଆସୁଲି ରାହ୍ନାଁ

୨୭ ଜୀମୁ ଇ ବାରେ କାତା ଖେସିମାଟାଟି ଲକ୍ଷୁ ମାନ୍ଦା ବିଡ଼ାଟି ର ଇୟା କାଜା ଗିୟାଁତଲେ ଏଲେଇଚେ, “ଆମିନିଗାଟି ଇୟା ନିଙ୍ଗେ ଜାନିଁ କିହାନା ପାଲୁ ଉବହାତେ ଏ ଇୟା ହାରେକା ନେହ୍ନି ।”

୨୮ ସାମା ଜୀମୁ ଏଲେଇଚେସି, “ଆମ୍ବାଆରି ମାହାପୁରୁତି ବଲୁ ଖେନେରି ଅଡ଼େ ମାନଞ୍ଜି ଆନେରି ଏଞ୍ଜାରାକିଦେହେଁ ନେହେଁ ।”

ସିନା ପାରିନାୟି
(ମାତି ୧୨:୩୮-୪୨)

୨୯ *ଲକ୍ଷୁ ମାନ୍ଦା ମାନ୍ଦା ଆହାନା ଏଞ୍ଜାଲି ତାଣା ରୁଣ୍ଡା ଆହାଲିଏ ଜୀମୁ ଏଞ୍ଜାରାଇଁ ଖେସ୍ତେସି, “ଇ କାଲାତି ଲକ୍ଷୁ ହାରେକା ଲାଗେଏତାରି; ଇଞ୍ଜାରି ବାରେ ସିନାୟାଁ ପାରିନେରି, ସାମା ଏଞ୍ଜାରାକି ଜୁନସତି ସିନା ପିସପେ ଏନି ସିନା ହାପୁକିଆଏ ।

୩୦ ଇଚିହ୍ନିଁ ଜୁନସ ଏନିକିଁ ନିନିବି ଲକ୍ଷୁତାକି ର ସିନାଲେହେଁ, ମାଣସି ମୀରୁଏସି ଜିକେଏ ଏଲେକିହ୍ନିଁ ଏ ଇ ଜୁଗୁତି ଲକ୍ଷୁତାକି ଆନେ ।

୩୧ ନୀହାୟି ଦିନାତା ସିବା ଦେସାତି ରାଣି ଇ କାଲାତି ଲକ୍ଷୁ ନକିତା ନିଚାନା ଏଞ୍ଜାରି କପାଟି ସାକିହାନେ, ଇଚିହ୍ନିଁ ଏଡ଼ି ସଲମନତି ବୁଦିତିକାତା ଖେଞ୍ଜାଲି ଦାରୁତିତି ହେକ ଦେସାଟି ଖାହାମାରେ; ମେହ୍ନୁ ସଲମନକିହ୍ନାଁ କାଜାସି ଇମ୍ବାଆଁ ମାନେସି ।

୩୨ ନୀହାୟି ଦିନାତା ନିନିବି ଗାଡ଼ାଟି ଲକ୍ଷୁ ନିଚାନା ଏଞ୍ଜାରି କପାଟି ସାକି ହାନେରି, ଇଚିହ୍ନିଁ ଏଞ୍ଜାରି ଜୁନସ ଖେସ୍ତି କାତା ଖେଞ୍ଜାନା ଅଣ୍ଡା କତାନା ମନ ଖେଚ୍ଚହେରି; ମେହ୍ନୁ ଜୁନସକିହ୍ନାଁ ହାରେକା କାଜାସି ଇମ୍ବାଆଁ ମାନେସି ।”

ଆଜ୍ଞାତି ଉଜେଡ଼ି
(ମାତି ୫:୧୫; ୬:୨୨, ୨୩)

୩୩ *ଆମ୍ବାଆସି ଦୀଞ୍ଜିଁ ଡାସାନା ତୁକୁନି ଟାମୁଡା କି ମାଣା ପୁକହାନା ଇଟଅରି, ସାମା ଦୀଞ୍ଜିଁ ସଡ଼ାତା ଇଚିନେରି, ଏନିକିଁ ଇଲୁ ବିଡ଼ା ଖାନି ଲକ୍ଷୁ ଉଜେଡ଼ି ମେହ୍ନେରି ।

୩୪ ମୀ କାଣ୍ଡା ଆଜ୍ଞାତି ଦୀଞ୍ଜିଁ ଏଡ଼େତା ମୀ କାଣ୍ଡା ନେହ୍ନିଁ ମାନୁ ଏଚିବେଲା ପାଡେକା ମୀ ଆଜ୍ଞା ବାରେ ଉଜେଡ଼ି ଆନେ; ସାମା ଏଡ଼େତା ନୀ କାଣ୍ଡା ନେହ୍ନିଁ ହିଲାଉ ଇଚିହ୍ନିଁ ଏଡ଼େତା ମୀ ଗୁଡ଼ା ଆଜ୍ଞା ଜିକେଏ ଆନ୍ଦେରି ଆନେ ।

୩୫ ଇଦାଆଁତାକି ଜାଗ୍ରାତା ଏନିକିଁ ମୀ ହିୟାଁତା ମାନି ଉଜେଡ଼ି ଆନ୍ଦେରି ଆଏ ।

୩୬ ଏନାଆଁତାକି ଇଚିହ୍ନିଁ ମୀ ଗୁଡ଼ା ଆଜ୍ଞା ବାରେ ଉଜେଡ଼ି ଆନେ ଇଞ୍ଜାଁ ଏମ୍ବାଆଁ ଏନି ଆନ୍ଦେରି ତୁୟେଏ, ଆତିହ୍ନିଁ ଦୀଞ୍ଜିଁ ଏନିକିଁ ମିଙ୍ଗେ ତାହାଣା ଉଜେଡ଼ିତା ଉଜେଡ଼ି କିୟାନେ, ଏଲେକିହ୍ନିଁ ଏ ମୀ ଗୁଡ଼ା ଆଜ୍ଞା ଉଜେଡ଼ି ଆନେ ।”

* ୧୧:୨୩ ମାର୍କ ୯:୨୦ * ୧୧:୨୯ ମାତି ୧୭:୪; ମାର୍କ ୮:୧୨ * ୧୧:୩୩ ମାତି ୫:୧୫; ମାର୍କ ୪:୨୧; ଲୁକ ୮:୧୭

ଜୀସୁ ପାରୁସି ଅଡ଼େ ମେରା ଜାପୁନାରାଇଁ ଦହୁ ଦହୁନାୟି

(ମାତି ୧୩:୧-୩୬; ମାର୍କ ୧୨:୩୮-୪୦)

୩୭ ଜୀସୁ ଈ କାତା ଖେସ୍ତି ତାୟୁ ର ପାରୁସି ଏଝାଣାଇଁ ତାନି ଇଜ ତିଞ୍ଜାଲି ଏଲେଇଚେସି; ଇଞ୍ଜା ଏଝାସି ଇଜ ହାଜାନା ତିଞ୍ଜାଲି କୁରିତେସି ।

୩୮ ସାମା ତିଞ୍ଜାଲି କୁରିନି ନଚେଏ ଏଝାସି କେସ୍ତା କତାୟାଁ ନରହା ହିଲାଆତେସି, ଇଦାଆଁ ମେସାନା ଏ ପାରୁସି କାବା ଆଡ଼େସି ।

୩୯ ଏଚେଟିଏ ପୁବୁ ଏଝାଣାଇଁ ଏଲେଇଚେସି, “ମୀ ପାରୁସିୟାଁତେରି ଗିନାୟାଁ ଅଡ଼େ ସାଡ଼ଝାୟାଁ ପାଞ୍ଜାତା ନରହି ମାଞ୍ଜେରି, ସାମା ମୀ ବିତ୍ତା ଜୁପୁକା ଅଡ଼େ ଲାଗେଏତାୟି ନେଞ୍ଜାମାନେ ।

୪୦ ଆଡ଼େ ବୁଦି ହିଲାଆଗାଟାତେରି, ଆମ୍ବାଆସି ପାଞ୍ଜାତାଣି ଗାଡ଼ିକିତେସି, ଏଝାସି ବିତ୍ତାତାଣି ଜିକେଏ ଗାଡ଼ି କିହାହିଲଅସି କି ?

୪୧ ସାମା ମୀ ସାଡ଼ଝାୟାଁ ଅଡ଼େ ଗିନାୟାଁଣା ମାନାଣି ହିଲାଆ ଗାଗାରାକି ହାଡ଼ିହୁଁ ମିଙ୍ଗେତାକି ବାରେଏ ଅଡ଼ହାୟି ଆଠେନ ।”

୪୨ ସାମା ଆୟଡ଼ା ତଣ୍ଡ ପାଣ୍ଡନି ପାରୁସିୟାଁତେରି, ଇଚିହୁଁ ମୀରୁ ହାସ୍ତୁ, ରାୟି ଇଞ୍ଜା ବାରେ କୁଚାତି ଦସ ବାଗାଟି ର ବାଗା ହାହିମାଞ୍ଜେରି, ସାମା ନାହାୟିତା ଅଡ଼େ ମାହାପୁରୁତି ଜୀସୁ ନଡ଼ି ତାଣା ଅଣ୍ଡିପି ହିଲଅତେରି; ସାମା ଈ ବାରେ ମାନୁଡ଼ି ଆହାନା ଏଚକାତାଣି ହେଲା ଆନାୟି ହିଲେଏ ।

୪୩ “ଆୟଡ଼ା ତଣ୍ଡ ପାଣ୍ଡନି ପାରୁସିୟାଁତେରି, ଇଚିହୁଁ ମୀରୁ ମାହାପୁରୁ ଇଲୁତା କାଜା ଚାୟୁ ଇଞ୍ଜା ହାଡ଼ା ବାଜାରାତା ଜହରା ବେଟାଆହାଲି ନେହେଁ ଅଣ୍ଡିପିଦେରି ।

୪୪ ଆୟଡ଼ା ମୀରୁ ତଣ୍ଡ ବେଟା ଆନାତେରି, ଇଚିହୁଁ ମୀରୁ ତଞ୍ଜା ଆଆଗାଟି ମାଡ଼ହା ମୁହନି ଚାୟୁଲେହେଁ ତାତେରି; ଇଚିହୁଁ ପୁନାଆନା ଲକୁ ଲାକ ତାକି ମାନେରି ।”

୪୫ ଏଚେଟିଏ ମସାତି ମେରାପୁନାରି ବିତ୍ତାଟି ରଅସି ଏଲେଇଚେସି, “ଏ ଗୁରୁ ନୀନୁ ଏଲେଇଞ୍ଜା ମାଞ୍ଜେ ଲାଜା କିହିମାଞ୍ଜାଦି ।”

୪୬ ଜୀସୁ ଏଲେଇଚେସି, ଆୟଡ଼ା ମସାତି ମେରା ପୁନାତେରି ମୀରୁ, ମୀରୁ ଜିକେଏ ତଣ୍ଡ ବେଟାଆଠେରି, ଇଚିହୁଁ ମୀରୁ ମାଣସିୟାଁ ଲାକ ବଜୁଗାଟି କାସ୍ତାକା ଏକହି ମାଞ୍ଜେରି ଅଡ଼େ ଏ ବଜୁତି ମୀରୁ ର ଝାଞ୍ଜୁ ତଲେ ଜିକେଏ ତାଗଅତେରି ।

୪୭ ଆୟଡ଼ା ତଣ୍ଡ ବେଟା ଆନାତେରି ମୀରୁ ମାହାପୁରୁ ଅଣ୍ଡିପୁତି ବଲୁ ଖେହନାରାଇଁ ପାୟାନା ଏଝାରି ମାଡ଼ହା ମୁହନି ଚାୟୁ ତୟାରା କିହିମାଞ୍ଜେରି ।

୪୮ ଇଚିହୁଁ ମୀରୁ ମୀ ଆକୁ ଆବାୟାଁ କାମାତା ସାକି ତସି ମାଞ୍ଜେରି ଇଞ୍ଜା ଏଝାରିଲେହେଁ ଆହିମାଞ୍ଜେରି; ଇଚିହୁଁ ଏଝାରିୟାଁ ଏଝାରାଇଁ ପାୟାମାଚେରି, ସାମା ମୀରୁ ଏଝାରି ମୁହନି ଚାୟୁତି କାତିୟାଁ ନିପହି ମାଞ୍ଜେରି ।

୪୯ ଇଦାଆଁତାକି ମାହାପୁରୁ ଜିକେଏ ତାନି ବୁଦିତଲେ ଏଲେଇଞ୍ଜା ମାନେସି, ନାନୁ ଏଝାରି ନକିତା ମାହାପୁରୁ ଅଣ୍ଡିପୁତି ବଲୁ ଖେହନାରାଇଁ ଅଡ଼େ ପାଣ୍ଡି ଆହାମାନାରାଇଁ ପାଣ୍ଡିଇଁ; ଏଝାରି ବିତ୍ତାଟି ଆମ୍ବା ଆମ୍ବାଆରାଇଁ ପାୟିନେରି ଇଞ୍ଜା ନିନ୍ଦା କିନେରି,

୫୦ ଈ ଜୁଗୁତି ଲକୁ ଦାଡ଼ି ଗାଡ଼ି ଆଡ଼ି ନଚେଏଟିଏ ବାରେ ମାହାପୁରୁ ଅଣ୍ଡିପୁତି ବଲୁ ଖେହନାରି ପାୟିତାକି ତଣ୍ଡ ବେଟାଆଠେରି,

୫୧ ଏନିକିଁ ହେବଲଇଁ ପାୟିତି ଦିନାଟିଏ ଜିକରିୟ ପାତେକା ଆମ୍ବାଆରାଇଁ ମାହାପୁରୁ ଇଲୁତି ଡାକିନି ପିଣ୍ଡା ଅଡ଼େ ସୁଦୁ ବାଜା ମାଦିଏ ପାୟିଡ଼ି ଆହାମାଚେ । ହାଅ, ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଏଦାନି ବାଦୁଲି ଈ ଜୁଗୁତି ଲକୁ ଏ ବାରେତାକି ତଣ୍ଡ ବେଟାଆଠେରି ।

୫୨ ଆୟଡ଼ା ତଣ୍ଡ ପାଣ୍ଡନି ମେରା ପୁନାତେରି ମୀରୁ, ଇଚିହୁଁ ବୁଦି ଦେନି କୁଚିତି ଅହାମାଞ୍ଜେରି; ମୀରୁତ ହଡ଼ି ହିଲଅତେରି ସାମା ହଡ଼ାଲି ଅଣ୍ଡିପି ମାନାରାଇଁ ଆଂଗିମାଞ୍ଜେରି ।

୫୩ ଜୀସୁ ଏ ଇଜତି ହାଜାଲିଏ ପାରୁସିୟାଁ ଅଡ଼େ ମେରାପୁନାରି ହାଠେରକା ତାହାରା ଆହାନା ।

୫୪ ଏଝାଣି ଜଲ୍ଲିନି ହାଡ଼ାତା ଦହୁ ଆସାଲି ଏଝାଣାଇଁ ହାଠେରକା କାତା ଖେଚେରି ।



କୁବୁ ଗାଗାରି ତାଣାଟି ଜାଗ୍ରାତା
(ମାତି ୧୦:୨୭,୨୮)

୧ *ଏତିବେଳାତା ମାଣା ମାଣା ଲକ୍ଷ୍ମୀ ରୁଣ୍ଡା ଆହାନୀ ଓପି ଆହିମାଚେରି; ଏତିବେଳା ଏଝାସି ନବେଏ ତାନି ସାମୁୟାଁଇଁ ଏଲେଇଚେସି, ପାରୁସିୟାଁ ଲାଗେଏତି କୁଟୁଗାଟି ତାଣାଟି ଜାଗ୍ରାତା ଆହାନୀ ମାଣ୍ଡୁ ।

୨ *ସାମା ଏନାୟି ତଞ୍ଜା ଆଏ, ଇଲେକ୍ସି ବିପକ୍ଷି ଆହା ହିଲେଏ, ଅଡେ ଏନାୟି ପୁନାଆଚେରୁଁ ଇଲେକ୍ସି ତୁଗୁମାନାୟି ଏନାୟି ହିଲେଏ ।

୩ ଇତିହଁ ମାରୁ ଏନା ଏନାଆଁ ଆନ୍ଦେରିତା ଝେସାମାଞ୍ଜେରି, ଏ ବାରେ ଉଜେଡିତା ଝେଶ୍ମିଆନ୍ଦେ, ଏନା ଏନାଆଁ ପୁନାଆ ଚେରୁଁ ଇଲୁ ବିତ୍ତା ତୁଗୁମାନା ଝେସାମାଞ୍ଜେରି, ଏନାଆଁ ଇଲୁ ତୁଡିୟାତା ଝେପକ୍ ଆନ୍ଦେ ।

ଆମ୍ବାଆରାଇଁ ଆଜିନାୟି
(ମାତି ୧୦:୨୮-୩୧)

୪ ଇତିହଁ ନା ଚଣେସିଙ୍ଗାଚେରି ମାରୁ, ନାନୁ ମିଙ୍ଗେ ଝେସିମାଞ୍ଜାଇଁ, “ଆମ୍ବାଆରି ଆଙ୍ଗାତି ପାୟିନେରି ସାମା ତାୟୁ ଏନାଆଁ କିହାଲି ଆଡ଼ଅରି, ଏଝାରାଇଁ ଆଜାଆଦୁ ।

୫ ସାମା ଆମ୍ବାଆରାଇଁ ଆଜିଦେରି ଏନାଆଁ ମିଙ୍ଗେ ଝେସାୟାଁ; ପାୟିତି ଜେବ ହିଚୁ ଗାଡ଼ୁୟୁତା ମେଡ଼ହାଲି ଆମ୍ବାଆରି ଅଦିକାରା ମାନେ, ଏଝାଣାଇଁ ଆଜାଦୁ; ହାଅ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଝାଣାଇଁ ଆଜାଦୁ ।”

୬ ପାସାଗଟା ଜେତା ପଟାୟାଁ ରୀ କାନି ତାକି ପାରୁପି ଆଡ଼ କି ? ଆଡ଼ିକିକେଏ ଏଝାସିକା ବିତ୍ତାଟି ରଣ୍ଡାଣି ଜିକେଏ ମାହାପୁରୁ ବାଣା ଆଅସି ।

୭ ସାମା ମୀ ତାୟୁଁ ବାରେ ବାଣାୟାଁ ଜିକେଏ ଏଜିକିଓ ଆହାମାନୁ । ଆଜା ଆଦୁ; ଏନାଆଁତାକି ଇତିହଁ ମାରୁ ଜେତା ପଟାୟାଁ କିହାଁ ହାଚେରକା ଦାରା ଗାଟାଚେରି ।

ଲକ୍ଷ୍ମୀ ନକିତା ଜାସୁଇଁ ଝେକ୍ନାୟି
(ମାତି ୧୦:୩୨, ୩୩; ୧୨:୩୨; ୧୦:୧୯-୨୦)

୮ “ଅଡେ, ନାନୁ ମିଙ୍ଗେ ଝେସିମାଞ୍ଜାଇଁ, ଆମ୍ବାଆସି ଲକ୍ଷ୍ମୀ ନକିତା ନାଙ୍ଗେ ଝେକ୍ନାହାନେସି, ମାଣ୍ଡସି ମାରୁଏସି ଜିକେଏ ମାହାପୁରୁତି ଦୁତୁୟାଁ ନକିତା ଝେକ୍ନେସି ।

୯ ସାମା ଆମ୍ବାଆସି ଲକ୍ଷ୍ମୀ ନକିତା ନାଙ୍ଗେ ଝେକ୍ନାହଅସି, ଏଝାଣାଇଁ ଜିକେଏ ମାହାପୁରୁ ଦୁତୁୟାଁ ନକିତା ଝେକ୍ନାହଅସି ।

୧୦ *ଇଞ୍ଜା ଆମ୍ବାଆସି ମାଣ୍ଡସି ମାରୁଏଣା କପାଟି ଜଲିନେସି, ଏଝାଣି ପାପୁ ମେଣ୍ଡାଜିନେ; ସାମା ଆମ୍ବାଆସି ସୁଦୁଜାସୁ କପାଟି ନିନ୍ଦା କାତା ଜଲିନେସି, ଏଝାଣି ପାପୁ ମେଣ୍ଡାଜେଏ ।

୧୧ *ଏତିବେଳା ଏଝାରି ମିଙ୍ଗେ ଜାହୁଦି ଲକ୍ଷ୍ମୀ କୁଟି ଇଲୁକାଣା*, ସାଲ୍ଡି କିନାରି ତାଣା ଇଞ୍ଜା ଅଦିକାରା ବେଟା ଆହାମାନାରି ତାଣା ଅହାନୀ ନିପ୍ତାହାନେରି ଏତିବେଳା ନା ଝାକିଟି ଆହାନୀ ଏନା ଏନାଆଁ ଜଲିନି ଇଞ୍ଜା ଅଣ୍ଡାପାଆଦୁ;

୧୨ ଇତିହଁ ଏନାଆଁ ଜଲିନାୟି ମାନେ, ଏଦାଣି ଏତିବେଳାଚେଏ ସୁଦୁଜାସୁ ମିଙ୍ଗେ ଜାପ୍ତାହାନେସି ।”

ବୁଦି ହିଲାଆ ଦନ ଗାଟାସି

୧୩ ଲକ୍ଷ୍ମୀ ମାନ୍ଦା ବିତ୍ତାଟି ରଅସି ଜାସୁଇଁ ଏଲେଇଚେସି, ଏ ଗୁରୁ ନା ତାୟିଇଁ ମା ଆବାତି ଦନ ବାଟି କିହାଲି ଏଲେଇଞ୍ଜା ହିୟାମୁ ।

୧୪ ସାମା ଜାସୁ ଏଲେଇଚେସି, ଏ ତାୟି ଆମ୍ବାଆସି ନାଙ୍ଗେ ମୀ ମୁହେଁ ନାହାଁୟି କିହାଲି ମାଦି କିହାନା ଆତାମାଞ୍ଜାନେସି ?

୧୫ ଇଞ୍ଜା ଏଝାସି ଏଝାରାଇଁ ଏଲେଇଚେସି, ଜାଗ୍ରାତା, ବାରେଝାକିତି ଜୁପକାଟି ମିଙ୍ଗେ ଗେଲ୍ପିକିହା କତାଦୁ, ଇତିହଁ ର ମାଣ୍ଡସିତି ଜାସୁ ତାନି ଦନତି ବାସୁଁ କିନେ ।

୧୬ ଜାସୁ ଏଝାରାଇଁ ଇ ପୁଣ୍ଡାମିକିନି କାତା ଝେସୁସି, “ର ସାସୁକାରିକି ବୁମିତା ଗାତି ତାସା କାମ୍ପିତେ ।

୧୭ ଏମ୍ପାଟିଏ ଏଝାସି ମନ ମନତା ଅଣ୍ଡାପାନା ଏଲେଇଚେସି, ‘ନାନୁ ନୀଏଁ ଏନାଆଁ କିଇଁ ? ନା ଆନାଁ କୁଡ଼ି କିହାନା ଇଟାଲି ଟାୟୁ ହିଲେଏ ।’

୧୮ ଅଡେ ଏଲେଇଚେସି; ‘ନୀଏଁ ଇଲେ କିଇଁ ମାନି ଗାଡ଼େୟିକା ରିକ୍ତାହାନା କାଜାଆଁ କିହାନା ଏମ୍ପାଆଁ ଗହଁୟାଁ ଇଞ୍ଜା ଏନି ଏନି ଆନାଁ କୁଡ଼ି କିହାନା ଇଟିଇଁ,

* ୧୨:୧ ମାତି ୧୭:୬; ମାର୍କ ୮:୧୫ ✪ ୧୨:୨ ମାର୍କ ୪:୨୨; ଲୁକ ୮:୧୭ ✪ ୧୨:୧୦ ମାତି ୧୨:୩୨; ମାର୍କ ୩:୨୯ ✪ ୧୨:୧୧ ମାତି ୧୦:୧୯,୨୦; ମାର୍କ ୧୩:୧୧; ଲୁକ ୨୧:୧୪,୧୫ * ୧୨:୧୧ ସିନଗର

୧୯ ଅତେ ନା ଜୀବୁତି ଏଲେଇଇ, ଏ ଜୀବୁ, ହାରେକା ବାସୀ ତାକି ନିଜେ ତାକି ଗାଡି ଆର୍ନା କୁଡି କିଞ୍ଚିଆହାମାନେ, ନୀଏଟି ଜମାନା ମନକିତି ଲେହେଁ ତିଞ୍ଜା ଉଣ୍ଡାନା ରାହାଁ କିମୁ ।

୨୦ ସାମା ମାହାପୁରୁ ଏଞ୍ଜାଣାଇ ଏଲେଇଚେସି, ଆଡେ ବୁଦି ହିଲ୍ଲୀଆଗାଟାତି, ନୀଞ୍ଜୁ ଲାଆଁୟାଁ ନୀ ଜୀବୁ ନୀ ତାଣାଟି ଅଞ୍ଚିଆନେ; ଏଚେଟିଏ ନୀନୁ କୁଡିକିହା ଇଟାମାନି ବାରେ ଦନ ଆମ୍ବାଆରାଞ୍ଜାୟି ଆନେ ।”

୨୧ ଜୀବୁ ଏଲେଇଚେସି, “ଆମ୍ବାଆସି ତାଜେତାକି ଦନ କୁଡି କିନେସି, ସାମା ମାହାପୁରୁ ତାଣା ଦନଗାଟାସି ଆଅସି, ଏଞ୍ଜାସି ଇଞ୍ଜାଣି ଲେହେଁତାସି ।”

ଅଣପାଆଦୁ
(ମାତି ୭:୨୫-୩୪)

୨୨ ଜୀବୁ ତାନି ସାମୁୟାଣି ଏଲେଇଚେସି, ଇଦାଆଁତାକି ମିଜେ ଝେସିମାଞ୍ଜାଇ, ଏନାଆଁ ତିନାୟି, ଇଲେକ~ ମୀ ଜୀବୁତାକି, ଏନାଆଁ ତୁରନାୟି ଇଲେକ~ ମୀ ଆଜା ତାକି ଜିକେଏ ମୀରୁ ଅଣପାଆଦୁ ।

୨୩ ଇଚିହ~ ରାନ୍ଦା କିହାଁ ଜୀବୁ କାଜାୟି ଅତେ ହିମ୍ବୁରିକା କିହାଁ ଆଜା କାଜାୟି ।

୨୪ ପଗାୟାଁଣି ସିନିକିପୁ, ଏଞ୍ଜି ମାଗାର କି ଦାଡ, ଇଞ୍ଜାଁ ଏଞ୍ଜାସିକା ଗାଡେଦୟିକା ହିଲାର, ଅତେ ମାହାପୁରୁ ଏଞ୍ଜାସିକାକି ତିନି କାଡି ହାନେସି; ମୀରୁ ପଗାୟାଁ କିହାଁ ଏଚେକା କାଜାତେରି !

୨୫ ଅତେ ମୀ ବିଭାଟି ଆମ୍ବାଆତେରି ଅଣପି ଅଣପିହ~ ମୀ ଜୀବୁତି ଆଗାଡା ପାଡିକିହାଲି ଆଡିଦେରି ?

୨୬ ମୀରୁ ରେ ଉଣା କାମାଟି କିହାଲି ଆଡିହଲଅତେରି, ଆତିହ~ ଏଟକାତି କାତା ଏନାଆଁତାକି ଗାଡି ଅଣପିମାଞ୍ଜେରି ?

୨୭ ଜାଡାଡି ପୂଜାଣି ସିନିକିହାଁ ଅଣପାଦୁ, ଏଞ୍ଜି ଏନି କାମା କିର; ଆଡିଜିକେଏ ନାନୁ ମିଜେ ଝେସିମାଞ୍ଜାଇ, ସଲମନକି ବାରେ ଅଡିତାୟି ମାଚିହ~ ଜିକେଏ ଏଞ୍ଜାଣାକି ଇ ପୂଜା ଏଚେକା ଅଡିତି ହିମ୍ବୁରିକା ହିଲାଆଡୁ ।

୨୮ ଆମିନି ଜାଡା ନୀଞ୍ଜୁ ମାନେ, ଓଏ ଝାୟା ହାନେ ଅତେ ହଲୁତା ହୁଡକିଆନେ, ମାହାପୁରୁ ଏ ଜାଡାଡି ଇଲେଟି ଝାଣା ହାନେସି, ଏନାଆଁ ଏଞ୍ଜାସି ମିଜେ ହିମ୍ବୁରିକା ପରୁଞ୍ଜି କିୟଅସି ? ମୀ ନାମୁ ଏଚେକା ଉଣା !

୨୯ ଏଦାଆଁତାକି ଏନାଆଁ ତିନାୟି ଏନାଆଁ ଗହନାୟି, ଏଦାଆଁ ମୀରୁ ପାରିହ~ ରେଆଦୁ କି ଅଣପାଆଦୁ,

୩୦ ଇଚିହ~ ଦାରୁଡିତି ଜୀହୁଦିଆଆତାରି ଏ ବାରେ ପାରିହ~ ରେନେରି; ସାମା ଇ ବାରେ ମୀ ଲଡାମାନେ ଏଦାଆଁ ମୀ ଲାକପୁରୁତି ଆବା ପୁଞ୍ଜାମାନେସି ।

୩୧ ମୀରୁ ମାହାପୁରୁତି ରାଜି ପାରାଦୁ, ଆତିହ~ ଇ ବାରେ ମିଜେ ହୀପକିଆନେ ।

ଲାକପୁରୁତି ଦନ
(ମାତି ୭:୧୯-୨୧)

୩୨ ଏ ଉଣା ମେଣ୍ଡା ମାନ୍ଦାତେରି ଆଜାଆଦୁ, ଇଚିହ~ ମିଜେ ଏ ରାଜିତି ହୀହାଲି ମୀ ଲାକପୁରୁତି ଆବାକି ଏଚେକା ରାହାଁ ।

୩୩ ମୀରୁ ମୀ ଦନତି ପାରଗାନା ହିଲାଆ ଗାଟାରାକି ହୀଦୁ; ମୀରୁ ମିଜେତାକି ଇଲେଟି ବଟ୍ଝା କେପାଦୁ; ଇଚିହ~ ଏମ୍ବିୟା ସରୁ ଝାଅସି ଅତେ ଲାମ୍ବୁ ତ୍ରିନେଏ ଇଲେଟି ଲାକପୁରୁ ଦନ କୁଡି କିପୁ,

୩୪ ଇଚିହ~ ଆମ୍ବିୟା ଦନ ଏମ୍ବେଏ ଜିକେଏ ମୀ ମନ ମାଞ୍ଜେମାନେ ।

ଜାଗ୍ରାତା ହଠଲଏସି

୩୫ *~ମୀ ଟେଡେଲି ଦସା କତାନା ମାଞ୍ଜୁ ଅତେ ମୀ ଦୀଞ୍ଜିୟାଁ ତାଞ୍ଜିହ~ ମାଣ୍ଡୁ;

୩୬ *~ଅତେ ପ୍ରବୁ ବୀହା ଇଜ ହାଜାନା ଝେଣ୍ଡା ଝାନ୍ତାଟି ଏଞ୍ଜାଣାଇ ଦାବା ଦେନମିଞ୍ଜା ଇଞ୍ଜ~ କାଟାମାନାରି, ମୀରୁ ଜିକେଏ ଏଞ୍ଜାରିଲେହେଁ କାଟାହାଁ ମାଞ୍ଜୁ ।

୩୭ ପ୍ରବୁ ଝାହାନା ଆମିନି ହଲ୍ଲିୟାଜାଣି ଜାଗ୍ରାତା ମାନାଣି ମେହନେସି, ଏଞ୍ଜାରି ନେହେଁ; ନାନୁ ମିଜେ ସାତା ଝେସିମାଞ୍ଜାଇ, ଏଞ୍ଜାସି ତାନି ଟେଡେଲି ରୁପାନା ଏଞ୍ଜାରାଇଁ ତିଞ୍ଜାଲି କୁରି କିହାଁ ତାଗେ ହାଜାନା ସେବା କିନେସି ।

୩୮ ଅତେ ଏଞ୍ଜାସି ମାଦି ଲାଆଁୟାଁ କି ଝେୟା ନେକେରିତା ଜିକେଏ ଝାହାନା ଏଞ୍ଜାରାଇଁ ଏଲେକ~ କାଟାମାନାଣି ମେହନେସି ଏ ହଲ୍ଲିୟାଜା ନେହେଁ ।

* ୧୨:୩୫ ମାତି ୨୫:୧-୧୩ * ୧୨:୩୬ ମାର୍କ ୧୩:୩୪-୩୭

୩୯ ଯାମା ଇଦାଆଁ ପୁଞ୍ଜାମାଞ୍ଜୁ, ଆମିନି ବେଲାତା ସରୁ ଖାନ୍ଦେସି, ଇଦାଆଁ ଇଲୁଗାଗାସି ପୁଚିହୁଁ ଏଝାସି ତାନି କୁଡୁ ତୁଡ଼ହାଲି ହାଆଥେତସିମା ।

୪୦ ମୀରୁ ଜିକେଏ ଜାଗ୍ରାତା ଆହାନା ମାଞ୍ଜୁ, ଇଚିହୁଁ ମୀରୁ ଆମିନି ବେଲାତା ଅଣ୍ଡା ସିଲଅତେରି, ଏଚିବେଲାତା ମାଣସି ମୀରୁଏସି ଖାନ୍ଦେସି ।”

ଟିକାଣା ହିଲାଆଗାଚି ହଢେଲଏସି
(ମାତି ୨୪:୪୫-୫୧)

୪୧ ଏଚେଚିଏ ପିତର ଏଲେଇଚେସି, “ଏ ପ୍ରବୁ ନୀନୁ ପୁଣ୍ଡିକିନି କାତା ମାଜେ କି ବାରେତାକି ଝେସିମାଞ୍ଜୁ ?”

୪୨ ପ୍ରବୁ ଏଲେଇଚେସି, “ସାଝୁକାରି ତାନି ଇଲୁତି ଲକୁତାକି ତାନି ରାନ୍ଦା କାରୁତା ରାନ୍ଦା ହାହାଲି ତାନି ଗୁମୁସ୍ତା ପାଣା ହେବ୍‌ପିନେସି, ଇଲେତି ଟିକାଣାଗାଚି ଅଡେ ବୁଦିଗାଚି ହଢେଲଏସି ଆମ୍ବାଆସି ?”

୪୩ ପ୍ରବୁ ଖାହାନା ତାନି ଆମିନି ହଢେଲଏଣାଇଁ ଏଲେ କିହିମାନାଣି ମେହ୍‌ନେସି ଏଝାସି ନେହେଁ ।

୪୪ ନୀନୁ ମିଜେ ସାତା ଝେସିମାଞ୍ଜାଇଁ, ଏଝାସି ଏଝାଣାଇଁ ତାନି ବାରେ ଦନ୍‌ତି ମୁହେଁ ଗୁମୁସ୍ତା କିହା ଇଚିନେସି ।

୪୫ ସାମା ଏ ହଢେଲଏସି ନା ସାଝୁକାରି ଖାନାୟି ମାନେୟିଏ ଇଞ୍ଜୁଁ ମନ୍‌ତା ଅଣ୍ଡାପାନା ହଲିୟାଜା ହଢେଲଣିସିକାଣି ଝେଚାଲି ଇଞ୍ଜାଁ ତିଞ୍ଜି ଉଣ୍ଡିହୁଁ କାଡୁ ହୁଚାଲି ମାଟ୍‌ନେସି,

୪୬ ଆଚିହୁଁ ଏମିନି ଦିନା ହଢେଲଏସି କାଚାହିଲଅସି ଇଞ୍ଜାଁ ଏମିନି ବେଲା ଏଝାସି ପୁଞ୍ଜାହିଲଅସି, ଏ ଦିନା ଏ ବେଲାତା ତାନି ପ୍ରବୁ ଖାନ୍ଦେସି, ଇଞ୍ଜାଁ ଏଝାସି ଏଝାଣାଇଁ ରୀ ବାଗା କିହାନା ନାମୁ ହିଲାଆଗାଗାଚି ତଲେ ଏଝାଣାଇଁ କାଲ୍‌ନେସି ।

୪୭ ଅଡେ ଆମିନି ହଢେଲଏସି ତାନି ସାଝୁକାରିତି ମନ୍ ଅଣ୍ଡାପାନା ଜାଗ୍ରାତା ଆଅସି କି ଏଝାଣି ମନ୍‌ତଲେ କାମା କିଅସି, ଏଝାସି ଗାତି ମାଡା ବେଗା ଆନେସି;

୪୮ ସାମା ଆମ୍ବାଆସି ପୁନାଆନା ମାଡା ପାଣ୍ଡିନି କାମା କିନେସି, ଏଝାସି ଉଣା ମାଡା ବେଗା ଆନେସି । ଆମ୍ବାଆରାକି ଗାତି ହୀପକି ଆହାମାନେ, ଏଝାଣି ତାଣାଚି ହାଚେରକା ରାହ୍‌ନାୟି ମାନେ; ଇଞ୍ଜାଁ ଲକୁ ଆମ୍ବାଆରାକି ଗାତି ହାହାମାନେରି ଏଝାଣି ତାଣାଚି ହାଚେରକା ଆଗାଡା ରାହ୍‌ନେରି ।

ଜୀସୁ ଲକୁଣି ବାଗା କିଞ୍ଚିନାୟି
(ମାତି ୧୦:୩୪-୩୬)

୪୯ “ନୀନୁ ଇ ଦାଚ୍‌ତିତା ହିତୁ ପ୍ରଡ଼ହାଲି ଖାହାମାଇଁ, ଇଦି ନୀଏଁ ଗୁଡୁ ଗୁଡୁ ଆହିମାନେ ଆଚିହୁଁ ନାଜେ ଏନ୍‌ି ଅଣ୍ଡାପୁ ?

୫୦ ଯାମା ନୀନୁ ର ବାପୁସ୍ତାଁ ପାଣ୍ଡନାୟି ମାନେ, ଅଡେ ଏଦି ରାଆ ପାତେକା ନାଜେ ଏଚେକା କସ୍ତ ହଚି ମାଞ୍ଜାନେ ।

୫୧ ନୀନୁ ଦାଚ୍‌ତିତା ହିତୁଡ଼ି ହାହାଲି ଖାହାମାଇଁ ଇଞ୍ଜୁଁ ମୀରୁ ଅଣ୍ଡାପାଞ୍ଜେରି ? ନୀନୁ ମିଜେ ଝେସିମାଞ୍ଜାଇଁ, ଆଏ, ବାଗା କିହାଲି ଖାହାମାଇଁ ।

୫୨ ଇଚିହୁଁ ର ଇଜ ପାସାଜାଣା ମାନେରି, ରିଆରି କପାଚି ତାନିଜାଣା ଅଡେ ତାନିଜାଣା କପାଚି ରିଆରି ଏଚ୍‌କା ଆନେରି ।

୫୩ ମୀରୁଏଣା କପାଚି ତାଞ୍ଜି, ତାଞ୍ଜି କପାଚି ମୀରୁଏସି, ମାଜା କପାଚି ତାଲି, ତାଲି କପାଚି ମାଜା, କୁଡ଼ିୟାନି କପାଚି ପୟା, ଅଡେ ପୟା କପାଚି କୁଡ଼ିୟା ଏଚ୍‌କା ଆନୁ ।”

କାଲ୍‌ତି ପୁନାୟି
(ମାତି ୧୬:୨,୩)

୫୪ ଇଞ୍ଜାଁ ଏଝାସି ଲକୁଣି ଜିକେଏ ଏଲେଇଚେସି, “ଝେଡ଼ା କୁଡ଼ିନିଝାକି ହାଗୁ ନିଜି ମାନାଣି ମେସିସାରେ ଦେବୁଣିଏ ଏଲେଇଞ୍ଜେରି ପିୟୁ ଖାନ୍ଦେ, ଅଡେ ଏଲେକିହୁଁଏ ଆନେ;

୫୫ ଅଡେ ଚିଷିନି ଝାକିଚି ଗାଲି ଝେନାଣି ମେସିସାରେ ମୀରୁ ଏଲେଇଞ୍ଜେରି, ଗାତି କାବା ଆନେ, ଅଡେ ଏଲେଏ ଆନେ ।

୫୬ ଆଡେ କୁଡୁ ଗାଗାତେରି, ମୀରୁ ଦାଚ୍‌ତି ଅଡେ ହାଗୁଚି ସିନାୟି ପୁଞ୍ଜିମାଞ୍ଜେରି, ସାମା ଇ କାଲ୍‌ତି ସିନାୟି ଏନ୍‌ିଲେହେଁତାଇ ପୁଞ୍ଜି ହିଲଅତେରି ?”

☆ ୧୨:୩୯ ମାତି ୨୪:୪୩,୪୪ ☆ ୧୨:୫୦ ମାର୍କ ୧୦:୩୮ † ୧୨:୫୦ ପୁଞ୍ଜିନାୟି

ଗଡ଼ହା ଆଡ଼ାଣି ତଳେ ଆଣ୍ଠିନାହିଁ
(ମାତି ୫:୨୫, ୨୬)

୫୭ ଏନାଆଁ କିନାହିଁମାନେ ଇଞ୍ଜିମୀରୁ ଏନାଆଁତାକି ମୀ ବିଦ୍ରା ନାହାଁନ୍ତି କିହିଲିଅତେରି ?

୫୮ ଇଚିହିମୀ ଗଡ଼ହା ଆଡ଼ାଣି ତଳେ ନାହାଁନ୍ତି କିନାଣି ତାଣା ହାନିବେଲାତା ଜିରୁତେଏ କାଲୁଞ୍ଜିଆନ୍ତି ଉପେୟି ଅଣପାମ୍, ଏଲାଆଡ଼ିହି ଏଞ୍ଜାସି ନିଙ୍ଗେ ଅଡ଼େ ଖେଣ୍ଡେ ନାହାଁନ୍ତି କିନାଣି ତାଣା ରେଜା ଅୟାନେସି, ଅଡ଼େ ନାହାଁନ୍ତି କିନାସି କସ୍ତା କେୟୁତା ହେରପାନେସି, ଅଡ଼େ କସ୍ତା ନିଙ୍ଗେ କାୟିଦି ଇଲୁତା ଇଟାନେରି ।

୫୯ ନାନୁ ମିଙ୍ଗେ ଖେସିମାଞ୍ଜାଇ, “ମୀରୁ ର କାନି ଜିକେଏ ପିହିଆନାହା ହାତିହିଦେଁ ଏମ୍ବାଟି ହଟା ଖାହାଲି ଆଡ଼ିଦେରି ।”

୧୩

ମନ ଖେଟ୍‌ଆଡ଼ିହି ନାସା ଆନାହିଁ

୧ ଏଚିବେଲାତା ଏଚେକା ଲକ୍ଷ୍ମ ଖାହାନା, ପିଲାତ ଏମିନି ଗାଲିଲି ଲକ୍ଷ୍ମି ନେତେରି ଏଞ୍ଜାରି ପୂଜା ତଳେ ଆଟ୍‌ହାମାଚେସି, ଏ କାତା ଜୀସୁଇଁ ଖେସ୍ତେରି ।

୨ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏ ଗାଲିଲିତାରି ତଣ୍ଡ ବେଟାଆହାଲିଏ ଏଞ୍ଜାରି ଅର ଗାଲିଲିତାରି କିହିଁ ହାଚେକା ପାପୁ ଗାଟାରି ଇଞ୍ଜିମୀରୁ ଅଣପିମାଞ୍ଜେରି ?

୩ ନାନୁ ମିଙ୍ଗେ ଖେସିମାଞ୍ଜାଇ, ଏଲେକିଆଏ, ସାମା ମୀରୁ ମନ ଖେଟ୍‌ଆଡ଼ିହି ବାରେଜାଣା ତେରି ଏଞ୍ଜାରିଲେହେଁ ହାଦେରି ।

୪ ସିଲହତା ଆମିନି ଅଚର ଜାଣାତି ଲାକ ପାତାଆଡ଼ି କଟା ଇଲୁ ରିହାନା ହାଚେରି, ଏଞ୍ଜାରି ବାରେଜାଣା ଜିରୁସାଲମତି ଲକ୍ଷ୍ମ କିହିଁ ହାଚେକା ପାପୁ ଗାଟାରି ଇଞ୍ଜିମୀରୁ ଅଣପିମାଞ୍ଜେରି ?

୫ ନାନୁ ମିଙ୍ଗେ ଖେସିମାଞ୍ଜାଇ, ଏଲେକିଆଏ, ମୀରୁ ମନ ଖେଟ୍‌ଆଡ଼ିହି ବାରେଜାଣା ତେରି ଏଲେକିହିଏ ନାସା ଆଦେରି ।”

ପାଡ଼େୟି ଆୟାଆଗାଟି ତୟା ମାର୍‌ନୁ

୬ ଜୀସୁ ଇ ପୁଣ୍ଡିକିନି କାତା ଖେସ୍ତେସି, ରଅଣି ଅଙ୍ଗୁରି ବାଡ଼ାତା ର ତୟା ମାର୍‌ନୁ ଉହି ଆହାମାଚେ । ଏଞ୍ଜାସି ଖାହାନା ପାଡ଼େୟି ପାରୀତେସି ସାମା ମେଡ଼ାଆଆତେସି ।

୭ ଇଞ୍ଜା ଏଞ୍ଜାସି କାମା କିନାଣାଇଁ ଏଲେଇଚେସି, “ମେହ୍‌ମୁ ନାନୁ ତାନି ବାସୀ ଆଡେୟିଏ ଇ ତୟା ମାର୍‌ନୁତା ଖାହାନା ପାଡ଼େୟି ପାରିମାଇଁ, ସାମା ମେଡ଼ା ଆହିଁ ହିଲଅଁ; ଏଦାଣି ଚୁଣ୍ଡା ହୁହ୍‌ମୁ, ଇଦି ଏନାଆଁତାକି ବୁମିତି ପାଡ଼ିୟା କିନେ ?”

୮ ସାମା କାମାକିନାସି ଏଲେଇଚେସି, “ପ୍ରବୁ ଇଦି ଇୟନା ତାକି ମାଣ୍‌ମେ, ନାନୁ ଇଦାଣି ସାରିସ୍ତୁ କାର୍‌ହାନା ଗାତା ହାଇଁ,

୯ ଅଡ଼େ ତାୟୁ ପାଡ଼େୟି ଆୟିତିହି ନେହେଁ ଆୟାଆଡ଼ିହି ଏଦାଣି ଚୁଣ୍ଡା ହୁହ୍‌ମୁ ।”

ଜୀସୁ ଜମିନି ଦିନା ର ଚୁଡ଼ୁଞ୍ଜା ଇୟାନି ନେହିଁ କିନାହିଁ

୧୦ ର ଦିନା ଜୀସୁ ଜମିନି ଦିନା ର ଜୀହୁଦି ଲକ୍ଷ୍ମି କୁଟମି ଇଲୁତା* ଜାପୁହି ମାଚେସି ।

୧୧ ଏମ୍ବାଆଁ ର ଇୟା ମାଚେ, ଏଦି ଅଚର ବାସୀ ପାଡେକା ପଲ୍‌ଆ ବୁଡୁ ତଳେ କସ୍ତ ଆହିମାଚେ, ଏଦି ଚୁଡ଼ୁଞ୍ଜା ଆହାନା ସଲ୍‌କେ ଆହିଁ ତାକାଲି ଆଡ଼ିହିଲାଆତେ ।

୧୨ ଜୀସୁ ଏଦାନି ମେସାନା ତାଗେ ହାଟାନା ଏଲେଇଚେସି, “ଏ ଇୟା ନାନୁ ନୀ ଆଡ଼ାଆ କସ୍ତରି ନେହିଁ ଆଡ଼ି ।”

୧୩ ଅଡ଼େ ଏଞ୍ଜାସି ଏଦାନିଲେକ କେୟୁ ଇଚିତେସି, ଏମ୍ବାଟିଏ ଏଦି ଏ ଦେବୁଣିଏ ସଲ୍‌କେ ଆହାନା ମାହାପୁରୁତି ଜହରା କିତେ ।

୧୪ ସାମା ଜୀସୁ ଜମିନି ଦିନାତା ନେହିଁ କିହିମାଚାକି ଜୀହୁଦି ଲକ୍ଷ୍ମି କୁଟମି ଇଲୁତା* କାଜାସି କାରୁଦି ଆହାନା ଲକ୍ଷ୍ମି ଏଲେଇଚେସି, “କାମା କିହାଲି ସ ଦିନା ମିଙ୍ଗେ ମାନେ; ଏଦାଣିତାକି ସ ଦିନା ନେହିଁ ଆହାଲି ଖାଦୁ, ଜମିନି ଦିନାତା ଖାଆଦୁ ।”

* ୧୩:୧୦ ସିନଗର୍ † ୧୩:୧୪ ସିନଗର୍

୧୫ ସାମା ପ୍ରବୁ ଏଞ୍ଜାଣାଇଁ ଏଲେଇରେସି, “ଆଡ଼େ କୁଟୁ ଗାଟାଡେରି, ମୀରୁ ବାରେଜାଣା ତେରି ଜମିନି ଦିନାତା ମୀ କଡ଼ି କି ଗାଡ଼ଦେତି ହାଃଅଲ୍ଲାଟି ଅହାନା ଏମୁ ଉତ୍ତହି ହିଲ୍ଲଆଡେରି କି ?

୧୬ ଅଗର ବାର୍ସା ପାଡେକା ସୟତାନ ତାଣ୍ଡାଟି ଦସପି ଆହାମାନି ଅଗ୍ରାହାମ କୁଡ଼ାତି ଈ ଇୟାନି ଜମିନି ଦିନାତା ନେହୁଁ କିନାୟି ହିଲ୍ଲଆଡେ କି ?”

୧୭ ଏଞ୍ଜାସି ଈ ବାରେ କାତା ଝେସାଲିଏ, ତାନି ସାଡୁୟାଁ ବାରେ ଲାଜା ବେଟାଆଡେରି, ସାମା ଜୀସୁ କିହାମାନି କାମା ମେସାନା ଲକୁ ରାହାଁ ଆଡେରି ।

ହାର୍ସୁ ପାଡେୟି

(ମାତି ୧୩:୩୧, ୩୨; ମାର୍କ ୪:୩୦-୩୨)

୧୮ ଜୀସୁ ଏଲେଇରେସି, “ମାହାପୁରୁ ରାଜି ଏନିଲେହେଁତାୟି ? ଆମ୍ବାରିତଲେ ଏଦାନି ତୁକ୍‌ଇଁ ?

୧୯ ଏଦି ଇଲେତି ର ହାର୍ସୁ ପାଡେୟି ଲେହେଁ, ଏଦାଆଁ ଅହାନା ରଅସି ତାନି ବାଡ଼ାତା ମାଟିଡେସି, ଅଡ଼େ ଏଦି ପାତାଆହାନା ର ମାରୁନୁ ଆଡେ, ଅଡ଼େ ହାଗୁ ଲାକ ଉମିନି ପଗାୟାଁ ଝାହାନା ଏ କମାତା ବାସା କିତୁ ।”

ପୁଲ୍ଲାଏମୁ

(ମାତି ୧୩:୩୩)

୨୦ ଜୀସୁ ଅଡ଼େ ଏଲେଇରେସି, “ନାନୁ ଆମ୍ବାରିତଲେ ମାହାପୁରୁତି ରାଜି ତୁକ୍‌ଇଁ ?

୨୧ ଏଦି ପୁଲ୍ଲା ଏମୁଲେହେଁତାୟି, ର ଇୟା ତାନିମାଣା ଗୁଣ୍ଡାତା କାଲ୍‌ହା ଇତିଡେ, ତାମୁ ବାରେ ଗୁଣ୍ଡା ପୁଲ୍ଲା ଆଡେ ।”

ଜାକ୍‌ଣି ଦୁଝେରି

(ମାତି ୭:୧୩, ୧୪, ୨୧-୨୩)

୨୨ ତାମୁ ଜୀସୁ ଗାଡ଼ାତାକି ଗାଡ଼ା ନାୟୁଁ ତାକି ନାୟୁଁ ରେଜିହୁଁ ଜାପୁହିହୁଁ ଜିରୁସାଲମ ଝାକି ହାଜିମାରେସି ।

୨୩ ରଅସି ଏଞ୍ଜାଣାଇଁ ଝେରେସି, “ପ୍ରବୁ ଗେଲ୍‌ପି ଆନାରି ଝାବ୍‌ଇ ଇଚରା ଜାଣାକି ?”

ଜୀସୁ ଏଞ୍ଜାରାଇଁ ଏଲେଇରେସି,

୨୪ “ଜୀଝୁ ତୁସାନା ଜାକ୍‌ଣି ଦୁଝେରିଟି ହାନ୍ତୁ: ଇତିହୁଁ ନାନୁ ମିଜେ ଝେସିମାଞ୍ଜାଇଁ, ହାରେକା ହଡ଼ାଲି ଅଣ୍‌ପିନେରି, ସାମା ହଡ଼ାଲି ଆଡ଼ଅରି ।

୨୫ ଇଲୁଗାଟାସି ନିଜ୍ଜାନା ଦାରା ସୁଣ୍ଡିତି ତାମୁ ଏଡେତା ମୀରୁ ପାଙ୍ଗାତା ନିତାନା ଦାରା ତୀ ତୀ ଝେଡିହୁଁ ଏ ପ୍ରବୁ ମାଜେତାକି ଦାରା ଦେତାମୁ ଇଞ୍ଜୁଁ ହାଡ଼ିଦେରି, ଏଡେତା ଏଞ୍ଜାସି ମିଜେ ଏଲେଇଞ୍ଜାନେସି, ‘ମୀରୁ ଏମିତାଡେରି ନାନୁ ପୁଞ୍ଜାମାଞ୍ଜଅଁ ।’

୨୬ ଏଚିବେଲା ମୀରୁ ଏଲେଇଞ୍ଜେରି, ‘ଏ ପ୍ରବୁ ମାମୁ ନୀ ତଲେ ତିତା ଉଗାତମି, ଅଡ଼େ ନାନୁ ମା ଆଂଗେଣିକାଣା ଜାପୁହିମାଞ୍ଜାତି ।’

୨୭ ଅଡ଼େ ଏଞ୍ଜାସି ମିଜେ ଏଲେଇଞ୍ଜାନେସି, ‘ମୀରୁ ଆମିନି ଚାୟୁତି ଲକୁଡେରି ନାନୁ ପୁଞ୍ଜାମାଞ୍ଜଅଁ; ଏ ଲାଗେଏ ପଲ୍‌ଲେଏ ତାଡେରି ନା ତାଣ୍ଡାଟି ହେକ ଆଦୁ ।’

୨୮ *ଏଚିବେଲା ମୀରୁ ଅଗ୍ରାହାମ, ଇସାହାକ, ଜାକୁବ ଇଞ୍ଜାଁ ବାରେ ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନାରାଇଁ ମାହାପୁରୁ ରାଜିତା ମାନାଣି ଅଡ଼େ ମିଜେ ପାଙ୍ଗାତା କୁତା ମାଞ୍ଜାନାଣି ଅଣ୍‌ପାନା ପାଲ୍‌କା ଟାଟି କିହୁଁ ଡ଼ୀଦେରି ।

୨୯ ଅଡ଼େ ହାରେକା ଲକୁ ଝେଡ଼ା ହପୁ ଝାକିଟି ଅଡ଼େ ଝେଡ଼ା କୁଡ଼ନି ଝାକିଟି, ଚିଃନି ଝାକିଟି ଚେଟୁ ଝାକିଟି ଝାହାନା ମାହାପୁରୁତି ରାଜିତି ବଜିତା କୁଗିନେରି ।

୩୦ *ଅଡ଼େ ମେହ୍‌ଦୁ ତାୟୁତା ମାନି କଚେକା ନକିତା ଆନେରି ଅଡ଼େ ନକିତା ମାନି କଚେକା ତାୟୁତା ଆନେରି ।”

ଜୀସୁ ଜିରୁସାଲମତି ଜୀଝୁନନାୟି

(ମାତି ୨୩:୩୭-୩୯)

୩୧ ଏଚିବେଲାଡେଏ ଏଚରଜାଣା ପାରୁସିୟାଁ ଝାହାନା ଜୀସୁଇଁ ଝେସୁସି, “ନୀନୁ ଈ ଚାୟୁ ପିସାନା ହାଜାଡ଼ହମୁ ଏନାଆଁତାକି ଇତିହୁଁ ହେରଦ ନିଜେ ପାୟାଲି ଅଣ୍‌ପିମାନେସି ।”

* ୧୩:୨୮ ମାତି ୨୨:୧୩; ୨୫:୩୦ * ୧୩:୨୮ ମାତି ୮:୧୧,୧୨ * ୧୩:୩୦ ମାତି ୧୯:୩୦; ୨୦:୧୭; ମାର୍କ ୧୦:୩୧

୩୨ ଜୀସୁ ଏଝାରାଇଁ ଏଲେଇରେସି, “ମୀରୁ ହାଜାନା ଏ ନାକାଇଁ ଝେହ୍ନୁ, ‘ମେହ୍ନୁ ନାନୁ ନୀଞ୍ଜୁ ଅଡ଼େ ଓଏ ବୁଡ଼ୁୟା ପିସପି କିହିମାଇଁ ଅଡ଼େ ନେହ୍ କିହିମାଇଁ ଇଞ୍ଜା ତାନି ଦିନାଟିଏ ନା କାମା ରାପୁଇଁ ।’

୩୩ ଏନିଜିକେଏ ନୀଞ୍ଜୁ ଓଏ ଅଡ଼େ ମାଏଁ ନାଜେ ଡାକିହ୍ ହାଜାଲି ଆନେ, ଇଚିହ୍ ମାହାପୁରୁ ଅଣପୁତି ବଲୁ ଝେହ୍ନାସି ଜିରୁସାଲମ ପିସପେ ପାଙ୍ଗାତା ହାନାୟି ନେହେଁ ଆଏ ।”

୩୪ “ଏ ଜିରୁସାଲମ, ଏ ଜିରୁସାଲମ ମାହାପୁରୁ ଅଣପୁତି ବଲୁ ଝେହ୍ନାରେଇଁ ପାୟିନାତି ଅଡ଼େ ନୀ ତାଣା ପାଣ୍ଡୁଓ ଆହାମାନାରାଇଁ ଝାଲୁକାତଲେ ଝେନାତି, ତାଲି କରୁ ଏନିକ୍ ତାନି ହୀପାୟିଣି ତାନି ମାରାୟି ଡ଼ଇ ଜଙ୍ଗନେ, ଏଲେକ୍ ଏଚର ଦେବା ନୀ ପଦି ପଦାତି ପୁକ୍‌ହାନା ଇଚିଇଁ ଇଞ୍ଜୁ ଅଣ୍ଡିମାଚେଏଁ ସାମା ମୀରୁ ଏଲେକିହାଲି ହିୟାଆଡେରି ।

୩୫ ମେହ୍ନୁ ମୀ ଇଲୁ ମୀ କେରୁତା ହୀପୁକି ଆହିମାଞ୍ଜାନେ; ଅଡ଼େ ନାନୁ ମିଙ୍ଗେ ଏଲେଇଞ୍ଜିମାଞ୍ଜାଇଁ ମାହାପୁରୁ ଦରୁଚି ଆମ୍ବାଆସି ଝାହିମାନେସି ଏଝାସି ନେହାଁସି ଇଞ୍ଜୁ ଏମିନି ନେରୁ ଇ କାତା ଏଲେଇଞ୍ଜେରି ଏ ଦିନା ଝାଆ ପାତେକା ମୀରୁ ଅଡ଼େ ନାଜେ ମେସୁଅଡେରି ।”

୧୪

ଜୀସୁ ରଚା ଗାଟାଣାଇଁ ନେହ୍ କିନାୟି

୧ ଜୀସୁ ର ଜମିନି ଦିନା ରାନ୍ଦା ତିଞ୍ଜାଲି ପାରୁସିୟାଁ ବିତ୍ରାଟି ର କାଜାଣି ଇଜ ହଡାଲିଏ ଏଝାରି ଏଝାଣାଇଁ ଦହ୍ ଦସାଲି ପରୁହି ମାଚେରି ।

୨ ଅଡ଼େ ମେହ୍ନୁ ଏଝାଣି ନକିତା କେସ୍ତା କତାୟାଁ ପଂଗିତାସି ରଅସି ମାଚେସି ।

୩ ଏମ୍ବାଟିଏ ଜୀସୁ ମସାତି ମେରାପୁନାରି ଅଡ଼େ ପାରୁସିୟାଁଇଁ ଏଲେଇରେସି, “ଜମିନି ଦିନାତା ରଅଣାଇଁ ନେହ୍ କିନି ମେରା ମାନେକି ଆଏ ?”

୪ ଏମ୍ବାଟିଏ ବାରେଜାଣା ପାଲେଏ ଅଡ଼େରି । ଇଞ୍ଜା ଜୀସୁ ଏଝାଣାଇଁ ତୀଗାହାଁ ନେହ୍ କିହାନା ମୀ ଇଜ ହାଲାମୁ ଇଞ୍ଜୁ ହେଲ ହୀଡେସି ।

୫ ଇଞ୍ଜା ଏଝାସି ଏଝାରାଇଁ ଏଲେଇରେସି, “ମୀ ବିତ୍ରାଟି ଆମ୍ବାଆସି ମୀରୁଏସି କି କଡ଼ି ଜମିନି ଦିନାତା କୁହିତା ରିଚିହ୍ ଏ ଦେବୁଣିଏ ଡ଼େଝା କଡ଼ଅସି କି ?”

୬ ଅଡ଼େ ଏଝାରି ଇ ବାରେ କାତା ଝେଞ୍ଜାନା ଏନାଆଁ ଜଲ୍ଲାଲି ଆଡ଼ାଆଡେରି ।

ସେବା କିନାୟି ଅଡ଼େ ତାମ୍‌ଜେ ଉଣା କିହା କଡିନାୟି

୭ ବଜିତା ହାଟୁକି ଆହାମାଚାରି ନେହ୍ ନେହ୍ ଟାୟୁତା କୁଗାଲି ବାଚି କିହିମାଚାଣି ମେସାନା, ଏଝାରାଇଁ ର ପୁଣ୍ଡିକିନି କାତା ଝେସେସି,

୮ “ଏଚିବେଲ୍ଲା ରଅସି ମିଙ୍ଗେ ବାହା ବଜିତା ହାଟାନେସି, ଏମ୍ବାଆଁ ନେହ୍ ଟାୟୁତା କୁଗାଆଦୁ, ଇଚିହ୍ ଏମ୍ବାଆଁ ନୀ କିହାଁ କାଜାସି ଜିକେଏ ହାଟୁକି ଆହାଡ଼ୟିନେସି,

୯ ଏଡ଼େତା ନିଙ୍ଗେ ଅଡ଼େ ଏଝାଣାଇଁ ହାଟା ମାନାସି, ଏଝାସି ଝାହାନା ଇଝାଣାକି ଇ ଟାୟୁ ପିସାହୀମୁ ଇଞ୍ଜାନେସି, ଏଡ଼େତା ନୀନୁ ଲାଜାତଲେ ଉଣା ଟାୟୁତା କୁଚିଦି ।

୧୦ ସାମା ଏଚିବେଲ୍ଲା ନୀନୁ ହାଟୁକି ଆହାମାନି ତାଣା ହାଜାନା ଡ଼ଇଚି ଟାୟୁତା କୁଗାମୁ, ଏଚେଟିଏ ନିଙ୍ଗେ ହାଟି କିହାମାଞ୍ଜାନାସି, ଏ ଡ଼େଣେ ନୀନୁ ଇ ନେହ୍ ଟାୟୁତା କୁଗାମୁ ଇଞ୍ଜୁ ହାଟାସାରେ ଏଚିବେଲ୍ଲା କୁଡ଼ା ଆହାମାନି ଲକୁ ନକିତା ଗାତି ମାନ୍ଦି ବେଟାଆଡ଼ି ।

୧୧ ଇଚିହ୍ ଆମ୍ବାଆସି ନାନୁ କାଜାତେଏଁ ଇଞ୍ଜୁ ଇଞ୍ଜା କଡିନାଣାଇଁ ଉଣା କିଓଆନେ, ଅଡ଼େ ଆମ୍ବାଆସି ତାଙ୍ଗେ ଉଣା କିହାକଡିନେସି ଏଝାଣାଇଁ କାଜାସି କିଓଆନେ ।”

୧୨ ଇଞ୍ଜା ଜୀସୁ ତାଙ୍ଗେ ହାଟି କିହା ମାଚାଣାଇଁ ଜିକେଏ ଏଲେଇରେସି, “ନୀନୁ ବଜି ହୀନାଟି ନୀ ଡ଼େଣିଏଙ୍ଗାଣି, ଡାୟିୟାଁ, ସାମନ୍ଦିୟାଁ କି ନୀ ନାୟୁତା ମାନି ଦନ ଗାଟାରାଇଁ ହାଟାଆନି, ଇଚିହ୍ ଏଝାରି ଜିକେଏ ନିଙ୍ଗେ ହାଟାଲି ଆଡ଼ାନେରି ଅଡ଼େ ନୀନୁ ଝେଣ୍ଡେ ବେଟାଆଡ଼ି ।

୧୩ ସାମା ବଜି କିତିସାରେ ହିଲାଆ ଗାଟାରି, କଲାୟାଁ, ସଟାୟାଁ, କାଣାୟାଁଣି ହାଟାମୁ; ଆତିହ୍ ନୀନୁ ନେହାଁତି ଆଡ଼ି,

୧୪ ଆତିହ୍ ନିଙ୍ଗେତାକି ନେହେଁ, ଇଚିହ୍ ନିଙ୍ଗେ ଝେଣ୍ଡେ ହାହାଲି ଏଝାରିତାଣା ଏନାୟି ହିଲେଏ; ଇଞ୍ଜା ତାରିଗାଟାରି ଝେଣ୍ଡେ ନିଙ୍ଗନାଟି ମାହାପୁରୁ ନିଙ୍ଗେ ଝେଣ୍ଡେ ହିୟାନେସି ।”

☆ ୧୪:୫ ମାଟି ୧୨:୧୧ ☆ ୧୪:୧୧ ମାଟି ୨୩:୧୨; ଲୁକ ୧୮:୧୪

କାଜା ବଢ଼ିତ ପୁଣ୍ୟକିନାୟି

(ମାତି ୨୨:୧-୧୦)

୧୫ ଇ କାତା ୱେଞ୍ଜାନା ଏଝାଣିତଲେ ତିଞ୍ଜାଲି କୁଗାମାଚାରି ବିତ୍ରାଟି ରଥସି ଜୀସୁଇଁ ଏଲେଇଚେସି, “ଆମିନିଗାଗାସି ମାହାପୁରୁ ରାଜିତା ବଢ଼ି ତିନାସି ଏଝାସି ନେହାସି ।”

୧୬ ସାମା ଜୀସୁ ଏଝାଣାଇଁ ଏଲେଇଚେସି, “ରଥସି ର କାଜା ବଢ଼ି ଲକୁକି ହାଇଁ ଇଞ୍ଜିଁ ଅଣ୍ଟାପାନା ହାରେକା ଲକୁଇଁ ହାଟିଚେସି;

୧୭ ଅଡ଼େ ତିନି କାଟୁ ଆୟାଲିଏ, ଏଝାସି ହାଟାମାନି ଲକୁତାଣା ତାନି ହଲେଏଣାଇଁ ପାଣ୍ଡାନା ଏଲେଇଚେସି, ‘ବାରେ ଆଡ଼େୟିଏ ନୀଏଟି ମୀରୁ ତିଞ୍ଜାଲି ୱାଦୁ ।’

୧୮ ସାମା ବାରେକାଣା ଏଝାଣାଇଁ ରଣ୍ଡିଏ କାତା ଏଲେଇଚେସି, ରଥସି ୱେସ୍ତେସି, ‘ନାନୁ ଇଚାଣି ବୃମି କତାମାଇଁ ଏଦାଆଁ ସିନକିହାଲି ହାନାୟିମାନେ; ଏଦାଆଁତାକି ନାଜେ କାର୍ମା ଅଣ୍ଟାପାନୁ ନାନୁ ୱାହାଲି ଆଡ଼ଅଁ ।’

୧୯ ଅଡ଼େ ରଥସି ଏଲେଇଚେସି, ‘ନାନୁ ପାସା ହେରୁ କଡ଼ିୟାଁ କତାମାଇଁ, ନାନୁ ଏଝାସିକାଣି ମାଡ଼ନାୟି ମାନେ ଏଦାଆଁତାକି ନାଜେ କାର୍ମା ଅଣ୍ଟାପାନୁ ନାନୁ ୱାହାଲି ଆଡ଼ଅଁ ।’

୨୦ ଅଡ଼େ ରଥସି ଏଲେଇଚେସି, ‘ନାନୁ ନୀଞ୍ଜୁ ବୀହା ଆହାମାଇଁ ଏଦାଆଁତାକି ନାନୁ ୱାହାଲି ଆଡ଼ଅଁ ।’

୨୧ ଇଞ୍ଜିଁ ଏ ହଲେଏସି ୱାହାନା ବାରେ ତାନି ସାଞ୍ଜୁକାରିଇଁ ୱେସ୍ତେସି । ଏଚେଟିଏ ଏ କାତା ୱେଞ୍ଜାନା ଏଝାସି କାରବି ଆହାନା ତାନି ହଲେଏଣାଇଁ ଏଲେଇଚେସି, ନାନୁ ତବେ ଗାଡ଼ାଡ଼ି ସାହଡ଼ାୟାଁ ଅଡ଼େ ଡାଣ୍ଡେଣାଁ ହାଜାନା ହିଲିଆଗାଗାରାଇଁ, କଲ୍ୟାୟାଇଁ, ସଚାୟାଇଁ ଇଞ୍ଜିଁ କାଣ୍ଡାୟାଇଁ ଇନ୍ଦାଆଁ ହାଟାପାନୁ ।

୨୨ ଡାୟୁ ଏ ହଲେଏସି ଏଲେଇଚେସି, ‘ଏ ପ୍ରଭୁ ନୀ କାତାତଲେ ବାରେ କିତମି ସାମା ଇଲୁ ନେଞ୍ଜା ହିଲେଏ ।’

୨୩ ଏମ୍ବାଟିଏ ସାଞ୍ଜୁକାରି ହଲେଏଣାଇଁ ଚାଣ୍ଡିଚେସି, ‘କାଜା ଆଂଗେଣି ଅଡ଼େ ମାରୁନୁ ଡ଼ଇ ହାଜାନା ନା ଇଲୁ ଏନିକିଁ ନେଞ୍ଜିନେ ଏଦାଆଁତାକି ଲକୁଣି ୱାହାଲି ଏଲେଇନାମୁ ।

୨୪ ନାନୁ ୱେସିମାଞ୍ଜାଇଁ ତଲି ହାଟାମାଚାରି ବିତ୍ରାଟି ରଥସି ଜିକେଏ ନା ବଢ଼ି ୱାଣ୍ଡାଲି ବେଟାଆଥସି ।”

ଏନିଲେହେଁତାସି ଜୀସୁଡ଼ି ସୀସୁ ଆନେସି

(ମାତି ୧୦:୩୭,୩୮)

୨୫ ମାନ୍ଦା ଲକୁ ଜୀସୁତଲେ ହାଜିମାଚେରି, ଏଝାସି ଡାୟୁଝାକି ସିନକିହାନା ଏଝାଚାଇଁ ଏଲେଇଚେସି,

୨୬ “ଆମ୍ବାଆସି ନା ଡାଣା ୱାହାନା ତାନି ତାଲି, ତାଞ୍ଜି, ତକ୍ତି, ମୀରକା, ମାସକା, ତାୟି ତାଜିସ୍ତାଣି ଅଡ଼େ ତାନି ଜୀସୁଡ଼ି ଜିକେଏ ଅପଥସି ଏଝାସି ନା ସୀସୁ ଆୟାଲି ଆଡ଼ଅସି ।

୨୭ “ଆମ୍ବାଆସି ତାନି କୁସ ଡେକାନା ନା ଢେଡ ଢେଡ ୱାଅସି, ଏଝାସି ନା ସୀସୁ ଆୟାଲି ଆଡ଼ଅସି ।

୨୮ ମୀ ବିତ୍ରାଟି ଆମ୍ବାଆସି ପାଡିକିହିଁ କଟା ଇଲୁ ଦସାଲି ଅଣ୍ଟିନେସି, ଦହନି କାମା ରାପୁହାଲି ଟାକାୟାଁ ଏନୁ କି ଏଡ଼ ଇଞ୍ଜିହିଁ ଏମ୍ବାଟି ଲେକା କିଅସିକି ?

୨୯ ଏଚେଡା ଏଝାସି ପୁନାଦି ନିପହାନା ରାପୁହାଲି ଆଡ଼ାଆସାରେ, ଏଚେକା ଲକୁ ଏଦାଆଁ ମେହନେରି, ବାରେକାଣା ଏଝାଣାଇଁ କାକନେରି,

୩୦ ଲକୁ ଏଝାଣାଇଁ ଲାଜାକିହିଁ ଏଲେଇନେରି, ଇଝାସି ଇଲୁ ଦସାଲି ମାଟୁହେସି ରାପୁହାଲି ଆଡ଼ାଆଚେସି ।

୩୧ ର ରାଜା ଅର ରାଜା କପାଟି ଡୁକୁ କିହାଲି ହାଜିମାନାଟି ଦସ ମାଣା କସକା ଏଝାଣି କଡେ ମାଣା କସକା କପାଟି ଡୁକୁ କିହାଲି ଆଡ଼ିନେରିକି ଆଏ ଇଞ୍ଜିଁ ଅଣ୍ଟାପସିକି ?

୩୨ ଆଡ଼ାଆଲେହେଁ ଇଚିହିଁ ଏ ରାଜା ହେକ ମାନାଟିଏ ଏଝାସି ରାଜିମାନା ଆୟାଲି କସକାଣି ହିଡ଼ଡ଼ି ତାକି ଏଲେଇଞ୍ଜା ପାଣ୍ଡିନେସି ।

୩୩ ଏଲେକିହିଁ ଏ ମୀ ବିତ୍ରାଟି ଜିକେଏ ଆମ୍ବାଆସି ତାନି ବାରେ ପିହୁଆଡ଼ିହିଁ ଏଝାସି ନା ସୀସୁ ଆୟାଲି ଆଡ଼ଅସି ।”

ମୂଆ ହାରୁ

(ମାତି ୫:୧୩; ମାର୍କ ୯:୫୦)

☆ ୧୪:୨୨ ମାତି ୧୦:୩୭ ☆ ୧୪:୨୨ ମାତି ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩

୩୪ “ହାରୁତ ନେହାୟି; ଯାମା ହାରୁ ମୁଆସାରେ ଏଦାଆଁ ଏନିକିଁ ଅଡେ ଏନାଆଁତଲେ ହାରୁ ଲେହେଁ ମୁଦି କିନାୟି ?

୩୫ ଏଦି ବୁମିତା କି ଗାତା କରୁତା କୁଚୁସାଲି ଜିକେଏ ଜଡେ ଆଏ । ଲକୁ ଏଦାନି ପାଜାତା କୁତା ତୁହନେରି । ଆମ୍ବାଆରି ଖେଞ୍ଜାଲି କାର୍କା ମାତିହଁ, ଖେଞ୍ଜୁ ।”

୧୫

ଜାକ୍ୱିତି ମେଣ୍ଡା (ମାତି ୧୮:୧୭-୧୪)

୧* ର ଦିନା ସିସୁ ରାହନାରି ଅଡେ ପାପୁ ଗାଟାରି ବାରେଜାଣା ତାନି କାତା ଖେଞ୍ଜାଲି ଖାହିମାତେରି ।

୨ ଏଚେଟିଏ ପାରୁସିୟାଁ ଅଡେ ମେରାପୁନାରି ଜୀସୁଇଁ ଗୁରୁମୁରୁ ଆହଁ ଏଲେଇଚେରି, “ଇଝାସି ପାପୁ ଗାଟାରାଇଁ ଆବିମାନେସି, ଇଞ୍ଜାଁ ଏଝାରିତଲେ ତିଞ୍ଜି ରଣ୍ଡି ମାନେସି !”

୩ ଏମ୍ବାଟିଏ ଜୀସୁ ଏଝାରାଇଁ ଇ ପୁଣ୍ଡିକିନି କାତା ଖେସ୍ତେସି ।

୪ “ମା ବିତ୍ରାଟି ଆମ୍ବାଆତେରି ଇଲେତି ଲକୁ ମାଞ୍ଜେରି, ଏଝାଣାକି ପାସାକଡ଼ି ମେଣ୍ଡାୟାଁ ମାତିହଁ, ଏଝାସିକା ବିତ୍ରାଟି ରଣ୍ଡି ଜାକ୍ୱିତିହଁ ଏଝାସି ଏନାଆଁ କିନେସି, ରଣ୍ଡି ଉଣା ପାସାକଡ଼ି ମେଣ୍ଡାୟାଁ ବାଗାତା ପିସାନା ଜାକ୍ୱାମାନି ମେଣ୍ଡା ପାଣ୍ଡି ପାତେକା ପାରଅସି କି ?

୫ ଇଞ୍ଜାଁ ବେଟାଆଡ଼ିସାରେ ରାହାଁତଲେ ଡେକାନା ଇଜ ତାନେସି,

୬ ଇଞ୍ଜାଁ ତାନି ତଣେସିକାଣି ଅଡେ ନାୟୁଁତାରାଇଁ ହାଟାନା ଏଲେଇନେସି, ମୀରୁ ନା ତଲେ ରାହାଁ କିପୁ, ଏନାଆଁତାକି ଇଚିହଁ ଜାକ୍ୱାମାଟି ନା ମେଣ୍ଡା ବେଟାଆଡେଏଁ ।

୭ ନାନୁ ମିଙ୍ଗେ ଖେସିମାଞ୍ଜାଇଁ, ଏଲେକିହଁ ଏ ମନ ଖେଟହାଲି ଲଡ଼ା ଆଆଗାଟି ରଅସି ଉଣା ପାସାକଡ଼ି ତାରିଗାଟାରି କିହାଁ ପାପୁ ଗାଟାସି ରଅସି ତାନି ମନ ଖେଟହା କତିତିହଁ, ଏଝାଣି କସମି ଲାକପୁରୁ ହାଟେରକା ରାହାଁ ଆଡେ ।”

ଜାକ୍ୱିତି ଟାକା

୮ “ଅଡେ ଇଲେତି ଆମିନି ଇୟା ମାନେ, ଏ ଇୟାନାକି ଦସଗଟା ଖେଣ୍ଡି ଟାକା ମାତିହଁ ରଣ୍ଡାଆଁ ଜାକ୍ୱିତିହଁ ଏଦି ଏନାଆଁ କିନେ, ଦୀଝଁ ତୁସାନା ଇଲୁ ହେପାନା ଏ ଜାକ୍ୱିତି ଟାକା ପାଣ୍ଡି ପାତେକା ଜାଡ଼ୁ ତଲେ ପାଡେଏକି ?

୯ ଇଞ୍ଜାହାଁ ଏ ଟାକା ବେଟାଆଡ଼ିସାରେ ଏଦି ତାନି ତଡ଼ୁ ଲକୁଣି ଇଞ୍ଜାଁ ନାସକାଟି ଲକୁଣି ରୁଣ୍ଡି କିହାନା ଏଲେଇନେ ନା ତଲେ ରାହାଁ କିପୁ, ଏନାଆଁତାକି ଇଚିହଁ ଜାକ୍ୱାମାଟି ଟାକା ବେଟାଆଡେଏଁ ।

୧୦ ନାନୁ ମିଙ୍ଗେ ଖେସିମାଞ୍ଜାଇଁ, ଏଲେକିହଁ ଆମ୍ବାଆସି ମନ ଖେଟନେସି, ଇଲେତି ପାପୁ ଗାଟାରାକି ମାହାପୁରୁତି ଦୁତୁୟାଁ ନକିତା ରାହାଁ ଆଡେ ।”

ଜାକ୍ୱିତି ମୀରୁଏସି

୧୧ ଜୀସୁ ଅଡେ ଏଲେଇଚେସି, ରଅଣାକି ରିଆରି ମୀରୁକା ମାତେରି ।

୧୨ ଏଝାରି ବିତ୍ରାଟି ଉଣା ମୀରୁଏସି ଆବାଇଁ ଏଲେଇଚେସି, ଆବା ଇଲୁତି ଦନ ବାଟି କିହାନା ନାଙ୍ଗେ ଆୟାନି ବାଟା ହିୟାମୁ । ଏଚେଟିଏ ତାମି ଆବା ତାନି ଦନ ବାଟି କିହାନା ରୀ ମୀରୁକାକି ହାଟେସି ।

୧୩ ଏମ୍ବାଟିଏ ଏଚରଦିନା ହାଜାଲିଏ ଇତି ମୀରୁଏସି ଇଲୁ ବାଟା ହୀହାମାଟାଣି ପାରାହାଁ ଟାକାୟାଁ ଆସାହାଁ ହେକରାଜି ହାଜାତୁସ୍ତେସି, ଇଞ୍ଜାଁ ଲେନିପନିଏ ତାୟୁ ଏସକି ଅଣପାଆନା ଲାଗେଏତି କାମାତା ତାନି ଦନ ରାପୁହେସି ।

୧୪ ଯାମା ବାରେ ଦନ ରାପୁହି ଜେଟ ଏ ଦେସାତା କାରୁଝୁ କାଡ଼ାରା ଆହାଲିଏ ଏଝାସି କାକୁଲି ଆଡେସି ।

୧୫ ଏଚେଟିଏ ଏଝାସି ହାଜାନା ଏ ଦେସାତି ର ଯାଝୁକାରି ତାଣା ଗତି ଡ଼ୟିତେସି, ଏଝାସି ଏଝାଣାକି ପାଜିୟାଁ ମେଗାଲି ଗୁଡ଼ିୟାତା ପାଣ୍ଡିତେସି;

୧୬ ଇଞ୍ଜାଁ ପାଜିୟାଁ ଆମିନି କାକ୍ୱା ସାଲିୟାଁ ତିଞ୍ଜି ମୀରୁ, ଏଝାଆଁ ତିଞ୍ଜାଲି ମନ କିତେସି, ଯାମା ଆମ୍ବାଆରି ଏଝାଣାକି ତିଞ୍ଜାଲି ହୀହି ହିଲାଆତେରି ।

୧୭ ର ଦିନା ତୀରୁପୁ ଆହାନା ଅଣପିତେସି, ମା ଆବା ତାଣାଟି ଗତି ବୁତି ତିନି ରାଡ଼େଏ ହାରା ହାଜିମାନେ, ଯାମା ନାନୁ ଇମ୍ବାଆଁ ହାକି ତାକି ହାହିମାଇଁ ।

* ୧୫:୧ ଲୁକ ୫:୨୯, ୩୦

୧୮ ନାନୁ ନିଜ୍ଞାନା ମା ଆବା ତାଣା ହାଇଁ ଇଞ୍ଜା ଏଞ୍ଜାଣାଇଁ ଖେହ୍‌ଇଁ, “ଲାଇପୁରୁତି ଆବା କପାଟି ଅଡେ ନୀ ନକିତା ନାନୁ ପାପୁ କିତେଏଁ;

୧୯ ନୀ ମୀରୁଏଣାତେଏଁ ଇଞ୍ଜା ନାନୁ ଅଡେ ପାଡା ଆଅଁ; ନାଜେ ର ହେଲଏଣା ଲେହେଁ ଇଟାମୁ ।” ଏମ୍ବାଟିଏ ଏଞ୍ଜାସି ନିଜ୍ଞାନା ତାମି ଆବା ଖାକି ହାରେସି ।

୨୦ ସାମା ଆବା ତାନି ମୀରୁଏଣା ଖାହିମାନାଣି ହେକଟିଏ ମେସାନା କାର୍ମା ଆହାନା ହଟି ହଟିହଁ ହାଜାନା ପମାହଁ ନଶ୍ଚିତେସି ।

୨୧ ଏମ୍ବାଟିଏ ମୀରୁଏ ଗାଟାସି ଏଲେଇରେସି, “ଲାଇପୁରୁ ଆବା କପାଟି ଅଡେ ନୀ ନକିତା ନାନୁ ପାପୁ କିତେଏଁ, ନୀ ମୀରୁଏଣାତେଏଁ ଆୟାଲି ପାଡା ଆଅଁ ।”

୨୨ ସାମା ଆବା ତାନି ହଲିୟାଜାଣି ଏଲେଇରେସି, “ଅଜ୍ଜିତି ହିମ୍ବିରି ତବେ ତାତାନା ଇଞ୍ଜାଣାଇଁ ହୁଟି କିପୁ, ଇଞ୍ଜାଣି କେମ୍ବୁତା ମୁଦି ଅଡେ କତାୟାଣା ସେପୁୟାଁ ତୁରୁଞ୍ଜି କିପୁ,

୨୩ ଇଞ୍ଜାହଁ ଆଜା ଆଡି କଡି ତାଲୁ ତାକା ହାଜାନା ପାୟାଦୁ; ମାର ତିଞ୍ଜା ଉଣ୍ଡାନା ରାହଁ କିନ,

୨୪ ଇତିହଁ ନା ମୀରୁଏସି ହାହା ହାଜାମାରେସି, ଖେଣ୍ଡେ ନୀତାମାନେସି; ଜାଜା ହାଜାମାରେସି ଅଡେ ମେଡା ଆୟାତେସି ।” ଏମ୍ବାଟିଏ ଏଞ୍ଜାସି ରାହଁ କିହିମାରେଟି ।

୨୫ ଏଟିରେଲାତା କାଜା ମୀରୁଏସି ଗୁଡିୟାତା ମାରେସି, ଏଞ୍ଜାସି କାମା କିହଁ ଇଲୁ ତାଗେ ଖାୟାଲିଏ, ତାମି ଇଜ ବାଜାଗାଜା ଅଡେ ରାହଁ କିହିମାନି ହାଲି ଖେଞ୍ଜାନା,

୨୬ ର ହେଲଏଣାଇଁ ହାଟାମା ଖେରେସି, “ମାଜ ଏନାଆଁ କିହିମାନେଟି ।”

୨୭ ଏଞ୍ଜାସି ଏଞ୍ଜାଣାଇଁ ଏଲେଇରେସି, “ନୀ ଉଣା ତାୟି ଖେଣ୍ଡା ଖାହାମାନେସି, ଅଡେ ଏଞ୍ଜାସି ନେହଁ ଆଜା ତଲେ ଖେଣ୍ଡା ଖାଡାଣି ମେସାନା ମୀ ଆବା ଆଜା ଆଡି କଡି ପାୟାମାନେସି ।”

୨୮ ଏମ୍ବାଟିଏ କାଜା ତାୟି କାରୁବି ଆହାନା ଇଜ ହାଲାଆତେସି; ସାମା ତାମି ଆବା ପାଜାତା ଖାହାନା ଏଞ୍ଜାଣାଇଁ କାହିବା କପା ଆଆନି ଇଜ ଖାମୁ ଇଞ୍ଜା ବାଟିମାଲିତେସି ।

୨୯ ଇଞ୍ଜା ଏଞ୍ଜାସି ତାମି ଆବାଇଁ ଏଲେଇରେସି, “ମେହ୍‌ମୁ ନାନୁ ଇଚର ବାସା ଆଡେ ନୀ ହେଲଏଣା ଲେହେଁ କାମା କିହିମାଇଁ, ଏରେଲା ଜିକେଏ ନୀ ହୁକୁମି ଉରାହିଲଅଁ, ଆଡିଜିକେଏ ନା ତରେସିଜା ତଲେ ବଡି କିହାଲି ନାନୁ ନାଜେ ର ଗରି ତାଲୁ ଜିକେଏ ହାହାମାଞ୍ଜଅତି;

୩୦ ସାମା ଇ ନୀ ମୀରୁଏସି ଇଲୁତି ବାରେ ଦନ ଅହାନା ସାନେଣିୟାତଲେ ମାଞ୍ଜାନା ବାରେ ରାପୁହେସି, ଏରେତା ଇଞ୍ଜାସି ଖେଣ୍ଡାଖାଡେସି, ଏରେତା ଏଞ୍ଜାଣାକି ଆଜା ଆଡି କଡି ପାୟାମାଞ୍ଜି ।”

୩୧ ଏରେଟିଏ ତାଞ୍ଜି ଗାଟାସି ଏଲେଇରେସି, “ମୀରୁଏଣା ନୀନୁତ କାରେଲଏ ନା ତଲେ ମାଞ୍ଜାମାଞ୍ଜି, ଅଡେ ଏନା ଏନାୟି ନାଡି ଏ ବାରେତ ନୀଦି;

୩୨ ସାମା ଇ ନୀ ତାୟି ହାହା ହାଜାମାରେସି, ଖେଣ୍ଡେ ନୀତାମାନେସି, ଜାଜା ହାଜାମାରେସି, ମେଡା ଆୟାତେସି, ଏଦାଆଁତାକି ରାହଁ କିନାୟି ମାରେ ।”

୧୭

ଲାଗେଏତି ଗୁମୁସା

୧ ଜୀପୁ ତାନି ସାପୁୟାଁଇଁ ଏଲେଇରେସି, “ର ଦନଗାଟାସି ମାରେସି; ଏଞ୍ଜାଣାକି ର ଗୁମୁସା ମାରେସି, ଏଞ୍ଜାସି ତାନି ଦନତି ଆଲାବା କିହାମାନାଣି ପୁଞ୍ଜାନା,

୨ ଏଞ୍ଜାସି ଏଞ୍ଜାଣାଇଁ ହାଟାମା ଏଲେଇରେସି, ‘ନାନୁ ନୀ କାତା ଖେରେଏଁ ନାନୁ ନୀ ଗୁମୁସା କାମା ଏନି କିହିମାଞ୍ଜି ଲେକା ତସ୍ତାମୁ, ଇତିହଁ ନାନୁ ଅଡେ ଗୁମୁସା ଆହା ମାଞ୍ଜାଲି ଆଡଅତି ।’

୩ ଏମ୍ବାଟିଏ ଏ ଗୁମୁସା ଅଣ୍ଡା କଡିତେସି, ‘ନା ସାଞ୍ଜୁକାରି ନା ଗୁମୁସା କାମା ପିସ୍‌ପି କିହିମାଞ୍ଜାନେସି, ନାନୁ ଏନାଆଁ କିଇଁ ? ଇରୁଆ କାରୁହାଲି ନାଜେ ବପୁ ହିଲେଏ, ଅଡେ ରାସ୍‌ପା ତିଞ୍ଜାଲି ଲାଜା ହଡି ମାଞ୍ଜାନେ ।

୪ ନୀଏଁ ପୁରେଏଁ, ନାଜେ ଗୁମୁସା ପାଣାଟି ପିସ୍‌ପି କିୟାତି ତାୟୁ ଲଜୁ ନାଜେ ତାମି ଇଲକାଣା ଆବାନିଲେହେଁ କିଇଁ ।’

୫ ଇଞ୍ଜା ଏଞ୍ଜାସି ତାମି ସାଞ୍ଜୁକାରି ତାଣାଟି ରୀଣା ଅହାମାଚାରାଇଁ ହାଟାମାହଁ ତଲିତାଣାଇଁ ଖେରେସି, ‘ନା, ସାଞ୍ଜୁକାରି ତାଣା ନୀ ରୀଣା ଏରେକା ମାନେ ?’

୬ ଏଞ୍ଜାସି ଏଲେଇରେସି, ‘ପାସାକଡି ତାବା ନିୟୁଁ ଗୁମୁସା ଏଞ୍ଜାଣାଇଁ ଏଲେଇରେସି, ‘ନୀନୁ ତବେ ଇମ୍ବାଆଁ କୁଗାନା ରୀ କଡି ଦସ ଇଞ୍ଜା ରାଟାମୁ ।’

୭ ତାହୁଁ ଅଡ଼େ ରଥଣାଙ୍କୁ ଖେଚେସି, ‘ନୀନୁ ଏଚେକା ରୀଣା ଅହାମାଞ୍ଜି ?’ ଏଝାସି ଏଲେଇଚେସି, ‘ର ମାଣା ବାସ୍ତା ଗହଁୟାଁ ଗୁମୁସ୍ତା ଏଝାଣାଙ୍କୁ ଏଲେଇଚେସି, ‘ନୀନୁ ତବେ ଇମ୍ବାଆଁ କୁଗାନା ଆଟା ଝାଞ୍ଜା ଇଞ୍ଜିଁ ରାଟାମୁ ।’

୮ ଏ ଲାଗେଏତି ଗୁମୁସ୍ତା ବୁଦିତଲେ କାମା କିହାମାନାକି ସାଝୁକାରି ଏଝାଣାଙ୍କୁ ନୀନୁ ନେହଁ କାମା କିହାମାଞ୍ଜି ଇଚେସି; ଏନାଆଁତାକି ଇଚିହଁ ଉଜେଡ଼ିତି ମୀରକା କିହଁ ଇ ଦାଋତିତାରି ତାମି କାମାତା ହାଋେକା ବୁଦିଗାଟାରି ।”

୯ ନାନୁ ଜିକେଏ ମିଜେ ଖେସିମାଞ୍ଜାଙ୍କୁ, “ମୀରୁ ଦାଋତିତି ଲାଗେଏତି ଦନ ତଲେ ତଠେ ଦହ୍ମୁ. ଏଦି ରାଡ଼ିସାରେ ମିଜେ କାଲାକାଲାତି ବାସା ଟାମୁତା ମିଜେ ଆବାନେରି ।

୧୦ ଆମ୍ବାଆସି ଉଣା କାମାତା ନାମୁଗାଟାସି ଆନେସି ଏଝାସି କାଜା କାମାତା ଜିକେଏ ନାମୁଗାଟାସି ଆନେସି, ଇଞ୍ଜା ଆମ୍ବାଆସି ଉଣା କାମାତା ନାମୁଗାଟାସି ଆଆସାରେ ଏଝାସି କାଜା କାମାତା ଜିକେଏ ନାମୁଗାଟାସି ଆସି ।

୧୧ ଲାଗେଏତି ଦନତା ନାମୁ ଗାଟାଟେରି ଆହାହିଲଅତେରି, ଆତିହଁ ଆମ୍ବାଆସି ମିଜେ ନାମାହାଁ ସାତା ଦନ ମୀ କେମୁତା ହେଋପାନେସି ?

୧୨ ମୀରୁ ଏଋକାତାଣା ଦନତି ନାମୁତଲେ ଲେମ୍ବା ହିଲାଆସାରେ ମିଜେ ମୀ ଲଡ଼ାମାନାଣି ଆମ୍ବାଆସି ହିୟାନେସି ?”

୧୩* “ର ହଠେଏସି ରୀ ସାଝୁକାରି ତାଣା ହଠେଏସି ଆହାଲି ଆଡ଼ଅସି; ଇଚିହଁ ରଅଣାଙ୍କୁ ଜୀଝୁ ନନେସି ରଅଣାଙ୍କୁ ଜୀଝୁ ନନେସି, ଆଆତଁ ରଅଣାଙ୍କୁ ମାନଝି ଆନେସି ରଅଣାଙ୍କୁ ଅପଅସି । ମୀରୁ ମାହାପୁରୁ ଅଡ଼େ ଦନତି ହଲିୟାଙ୍ଗା ଆହାଲି ଆଡ଼ଅତେରି ।”

ଜୀମୁ ଖେସି କାତାୟାଁ

(ମାତି ୧୧:୧୨,୧୩; ୫:୩୧,୩୨; ମାର୍କ ୧୦:୧୧,୧୨)

୧୪ ଇ ବାରେ କାତା ଖେଞ୍ଜାନା ଦନ ଜୁପକା ପାରୁସିୟାଁ ଜୀମୁଙ୍କୁ କାକହେରି ।

୧୫ ଏଚେଟିଏ ଜୀମୁ ଏଝାରାଙ୍କୁ ଏଲେଇଚେସି, “ଆମ୍ବାଆରି ମାଣସି ନକିତା ତୀରିଗାଟାରି ଇଞ୍ଜିଁ ତସା କଡ଼ିମାନେରି, ମୀରୁ ଏଲେତି ଲକ୍ଷ୍. ସାମା ମାହାପୁରୁ ମୀ ହିୟାଁତି ପୁନାସି ଇଚିହଁ ଏନାସି ମାଣସି ଅଣପୁତା କାଜାୟି ଲେହେଁ ତଞ୍ଜା ଆନେ, ଏଦି ମାହାପୁରୁ ନକିତା ଅପାଆଗାଟାୟି ।”

୧୬* “ମସାତି ମେରା ଅଡ଼େ ମାହାପୁରୁ ଅଣପୁତି ବଲୁ ଖେହନାରି ରାଡ଼ିତି ପତି ଜହନ ପାତେକା ସାଲଝି ଆହିମାଟୁ; ଏଚିବେଲାଟିଏ ମାହାପୁରୁ ରାଜିତି ନେହଁ କାଟୁ ଖେକହି ମାନେରି ଇଞ୍ଜା ବାରେଜାଣା ତାମି ବାଡ଼ୁତୁ ତଲେ ମାହାପୁରୁ ରାଜିତା ହଡ଼ିମାନେରି ।

୧୭* ହାଗୁପାକା ଅଡ଼େ ଦାଋତି ବାରେ ମେଣଜିନେ ସାମା ମେରାତି ଇଚାୟି ସିନା ଜିକେଏ ମେଣଜେଏ ।”

୧୮* “ଆମ୍ବାଆସି ତାନି ତକ୍ତୁନି ପିସାନା ଏଋକାତାଣି ବାହା ଆନେସି, ଏଝାସି ଦାରି କିନେସି; ଇଞ୍ଜା ଆମ୍ବାଆସି ପିସି ତକ୍ତୁନି ବାହା ଆନେସି, ଏଝାସି ଦାଋେଲା ଆନେସି ।”

ଦନ ଗାଟାସି ଅଡ଼େ ଲାଜର

୧୯ “ର ଦନ ଗାଟାସି ମାଚେସି, ଏଝାସି ହାଋେକା ଅଜିତି ହିମ୍ବୁରିପୁକି ହୁଚାନା ନେହଁ ରାହା ତିଞ୍ଜିହଁ ହାଋେକା ରାହାତଲେ ଡ଼ୟିମାଚେସି ।

୨୦ ସାମା ଏଝାଣି ଦୁଝେରି ଦାରିତା ଲାଜର ଦରୁଗାଟି ରୀସପା ତିନାସି ଡ଼ୟାମାଚେସି,

୨୧ ଗୁଡ଼ା ଆଞ୍ଜା ଗାହଁୟାଁ ଆହାମାଚେସି; ଏ ଦନ ଗାଟାଣି ଜୁଟା ଲିତା ତିଞ୍ଜାନା ତାନି ବାଣି ପାଞ୍ଜିକିହାଲି ଆସା କିହିମାଚେସି; ଇଞ୍ଜା ନେସକା ଝାହି ତାନି ଗାହଁୟାଁ ନାକିମାଟୁ ।

୨୨ ର ଦିନା କାମାଗାଟି ଲାଜର ହାହାହାଚେସି ଇଞ୍ଜା ଲାକପୁରୁତି ଦୁଠୁୟାଁ ତଲେ ଅବୁହାମ ମାଚିତାଣା ଅଝିଆଡ଼େସି; ତାହୁଁ ଏ ଦନ ଗାଟାସି ଜିକେଏ ହାହାହାଚେସି ଇଞ୍ଜା ମାହାଣି ମାଣ୍ଡାତା ମୁସପି ଆଡ଼େସି,

୨୩ ଅଡ଼େ ଏଝାସି ହାଡ଼ାରି ମାନି ରାଜିତି କସ୍ତଲେ କିଲିବିଲି ଆହଁ ଲାକ ସିନକିହାଲିଏ ହେକତି ଅବୁହାମ ଅଡ଼େ ତାନିତଲେ ଲାଜରଙ୍କ ମେସେସି ।

* ୧୭:୧୩ ମାତି ୬:୨୪ * ୧୭:୧୩ ମାତି ୧୧:୧୨,୧୩ * ୧୭:୧୭ ମାତି ୫:୧୮ * ୧୭:୧୮ ମାତି ୫:୩୨; ୧କର ୭:୧୦,୧୧

୨୪ ଏଚେଟିଏ ଏଝାସି ହାଡ଼ିତେସି, ‘ଏ ଆବା ଅବ୍ରାହାମ, ନାଢ଼ୋ କାର୍ମା ଅଣପାନା ଲାଜରଇଁ ନା ତାଣା ପାଣ୍ଡାମ୍, ଏଝାସି ତାନି ଖାଞ୍ଜୁତା ଏମ୍ମ ବନ୍ଦା ତାଚାନା ନା ଝେନ୍ଦରିତି ହିଡ଼ଡ଼ି କିୟାପେସି, ଇଚିହିଁ ନାନୁ ଇ ହିଡ଼ୁତା କିଲିବିଲି ଆହିମାଇ ।’

୨୫ ସାମା ଅବ୍ରାହାମ ଏଲେଇଚେସି, ‘ମୀର୍ଏଣା ନୀନୁ ନୀତାମାଚି ବେଲାତା ନୀ ନେହାଣି ବେଟାଆଡ଼ି, ଇଞ୍ଜା ଲାଜର ଏଲେକିହିଁ ଏ ପଲ୍ଲଆ ଗାଟାଣି ବେଟାଆଡ଼େସି, ଇଦାଆଁ ଅଣପାମ୍; ସାମା ନୀଏଁ ଏଝାସି ଇମ୍ମାଆଁ ସୁକୁ ବେଟାଆହି ମାନେସି, ଅଡ଼େ ନୀନୁ କିଲିବିଲି ଆହିମାଞ୍ଜି ।

୨୬ ଅଡ଼େ ର କାତା ମୀ ମାଚି ମା ମାଚି ର କାଜା ଗାଡ଼ୁମ୍ମୁ ମାନେ, ଆମ୍ମାଆରି ଇ ଚାମ୍ମୁଚି ମୀ ତାଣା ହାଜାଲି ମନ୍ କିନେରି, ଏଝାରି ହାଜାଲି ଆଡ଼ଅରି ଆଆତ ଏ ଚାମ୍ମୁଚି ଇ ଚାମ୍ମୁତା ଗାଣ୍ଡାଚାନା ଝାୟାଲି ଆଡ଼ଅରି ।’

୨୭ ଏମ୍ମାଚିଏ ଦନ୍ ଗାଟାସି ଏଲେଇଚେସି, ‘ଏ ଆବା, ଆତିହିଁ ନାନୁ ନିଜେ ବାତିମାଲିମାଞ୍ଜାଇ, ଲାଜରଇଁ ମା ଆବା ଇଜ ପାଣ୍ଡାମ୍, ।

୨୮ ଇଚିହିଁ ନା ପାୟାଜାଣା ତାୟିୟାଁ ମାନେରି; ଏଝାରି ଜିକେଏ ଏନିକ ଏଇ କସ୍ତାଚି ଚାମ୍ମୁତା ଝାଅରି, ଏଦାଆଁତାକି ଏଝାସି ଏଝାରିତାଣା ସାକି ହାନେସି ।’

୨୯ ସାମା ଅବ୍ରାହାମ ଏଲେଇଚେସି, ‘ଏଝାରିତାଣା ମସା ଅଡ଼େ ମାହାପୁରୁ ଅଣପୁତି ବଲୁ ଝେହ୍ନାରି ପତିୟାଁ ମାନୁ, ଏଝାରି ଏ କାତାଚି ଝେଣମ୍ମାରି ।’

୩୦ ଏମ୍ମାଚିଏ ଦନ୍ ଗାଟାସି ଏଲେଇଚେସି, ‘ଏ ଆବା ଅବ୍ରାହାମ, ଏଚେକେଏ ସାରି ଆଏ, ସାମା ହାଡ଼ାରି ବିଡ଼ାଚି ରଅସି ଏଝାରିତାଣା ହାନେସି ଆତିହିଁ ଏଝାରି ମନ୍ ଝେବ୍ନେରି ।’

୩୧ ସାମା ଅବ୍ରାହାମ ଏଲେଇଚେସି, ଏଝାରି ମସା ଅଡ଼େ ମାହାପୁରୁ ଅଣପୁତି ବଲୁ ଝେହ୍ନାରି କାତା ଝେନଅରି, ଆତିହିଁ ହାଡ଼ାରି ବିଡ଼ାଚି ଝେଣ୍ଡେ ନିଜିତ ଏଇକେଏ ଏଝାଣି କାତା ନାମଅରି ।”

୧୭

ପାପୁ

(ମାତି ୧୮:୭,୭,୨୧,୨୨; ମାର୍କ ୯:୪୨)

୧ ଜାମ୍ପୁ ତାନି ସାମ୍ପୁୟାଁ ଏଲେଇଚେସି, “ଏନିନି ତାୟିପାରି କିନି ତାଣାଚି ଲକୁ ପାପୁତା ହେବ୍ନେରି, ଏ ବାରେ ପିଟଞ୍ଜି ଆଏ, ସାମା ତାୟିପାରି କିଞ୍ଜି କିନାସି ଆୟତା ଏଝାସି ଗାତି ଡ଼ଣ୍ଡ ବେଟାଆନେସି;

୨ ଡ଼ଣା କକାରି ବିଡ଼ାଚି ରଅଣାଇଁ ତାୟିପାରି କିନିବାଟା ତାନି ହେବ୍ନକିତା କାଜା ଜେତାଝାଲି ଦସାନା ସାମ୍ପୁରିତା ମେଡ଼ହିହିଁ ଏଝାଣାକି ନେହେଁ ଆଡ଼େମା ।

୩ ଏମ୍ମାରୁ ମୀ ତାକି ଜାଗ୍ରାତା ଆହାମାଞ୍ଜୁ ।” “ନୀ ତାୟି ପାପୁ କିନେସି, ଆତିହିଁ ଏଝାଣାଇଁ ଲାଗାମ୍; ଏଝାସି ନାନୁ ପାପୁ କିତେଏଁ ଇଞ୍ଜାଁ ମନ୍ ଝେବ୍ନହିହିଁ, ଏଝାଣି ପାପୁ ମ୍ମେକ୍‌ହା ତୁହମ୍ ।

୪ ଅଡ଼େ ଏଝାସି ସାତା ପାଲି ନୀ କପାଚି ପାପୁ କିନେସି ଅଡ଼େ ସାତା ପାଲି ନୀ ତାଣା ଝେଣ୍ଡା ଝାହାନା ନାନୁ ମନ୍ ଝେବ୍ନହିମାଇଁ ଇଞ୍ଜାଁ ଇଞ୍ଜାନେସି ଆତିହିଁ ଏଝାଣି ପାପୁ ମ୍ମେକ୍‌ହା ତୁହମ୍ ।”

ନାମ୍

୫ ଏଚେଟିଏ ପାଣ୍ଡୁଞ୍ଜି ଆହାମାନାରି ପ୍ରବୁଇଁ ଏଲେଇଚେରି, “ମା ନାମ୍ପୁତି ପାତି କିୟାମ୍ ।”

୬ ପ୍ରବୁ ଏଲେଇଚେସି, “ର ହାସ୍ତ୍ ପାଡ଼େୟି ଏଚେକା ମୀ ନାମ୍ ମାଚିହିଁ ମା, ଇ ତୁଡ଼ୁକଲି ମାର୍‌ନୁତି ହାରୁଡ଼ଲେ ମେଗାହାଜାନା ସାମ୍ପୁରିତା ଉହି ଆମ୍ ଇଚିହିଁ ଏଦି ମୀ କାତା ମାନଞ୍ଜି ଆନେ ।”

ର ହଲେଏସି କିନି କାମା

୭ “ସାମା ମୀ ବିଡ଼ାଚି ଇଲେତାସି ଆମ୍ମାଆସି ମାନେସି, ତାନି ହଲେଏସି ହେରୁ ତୁହାନା କି କଡ଼ିୟାଁ ମେଚାନା ଝାଡ଼ିସାରେ ଏଝାସି ଏଝାଣାଇଁ ଜୁରୁୟାଁ ଗହ୍‌ମ୍‌ଦେଁ ଇନେସି ?

୮ ନାଢ଼ୋ ତିଞ୍ଜାଲି ହିୟାମ୍, ନାନୁ ତିଞ୍ଜାଲି ଆଡ଼ାଆ ପାତେକା ଚେଡେଲି ହିମ୍ପରି ରୁପାନା ନା ସେବା କିୟାମ୍, ଇଞ୍ଜାଁ ତାମ୍ ନୀନୁ ତିନାମ୍ ଇଞ୍ଜାଁ ଏଝାଣାଇଁ ଏଲେଇନଅସି ?

୯ ର ହଲେଏସି ସାଞ୍ଜୁକାରି କାତା ମାନଞ୍ଜି ଆହାନା କାମା କିନାକି ଏଝାଣାଇଁ ଜହରା କିନେସିକି ?

୧୦ ଏଲେକିହିଁ ଏ ମୀରୁ ଜିକେଏ ହୁକୁମି ତଲେ କାମା କିତି ତାମ୍ ‘ମାମ୍ ପାପୁତା ଆଡ଼ା ହଲିୟାଞ୍ଜାତନି; ଏନାୟି ମାମ୍ ଜିନାୟି ମାଚେ ଏଦାଆଁ କିହାମାନି’ ଇଞ୍ଜେରି ।”

ଜାମ୍ପୁ ଦସଜାଣା କାଜା ରଡ଼ା ଗାଟାଚାଇଁ ନେହିଁ କିନାୟି

* ୧୭:୩ ମାତି ୧୮:୧୫

୧୧ ଜୀସୁ ଜିରୁସାଲମତା ହାଜିମାଗାଟି ଗାଲିଲି ଅଡ଼େ ସମିରଣି ଦେସା ମାଦିଟି ହାଜିମାରେସି ।

୧୨ ଏମ୍ବାଟିଏ ଏଝାସି ର ନାୟୁତା ଏଗାହାଜାଲିଏ ଦସଜାଣା କାଜା ରଗ ଗାଗାରି ଏଝାଣାଜ୍ଜ ବେଗାଆଡ଼େରି;

୧୩ ଏଝାରି ହେକ ନିଗାନା କାଜା ଗିୟାତଲେ ଏଲେଇରେରି, “ଏ ଜୀସୁ ଗୁରୁ ମାଜେ କାର୍ମା ମେସ୍ତାମୁ !”

୧୪ ଜୀସୁ ଏଝାରାଜ୍ଜ ମେସାନା ଏଲେଇରେସି, “ମୀରୁ ହାଜାନା ପୁଜେରାଜା ତାଣା ତଞ୍ଜା ଆକାଦୁ ।” ଅଡ଼େ ଏଝାରି ହାଜି ହାଜିହେ ନେହେ ଆଡେତେରି ।

୧୫ ସାମା ଏଝାରି ବିତ୍ତାଟି ରଥସି ତାନୁ ନେହେ ଆଡାଣି ମେସାନା କାଜା ଗିୟାତଲେ ମାହାପୁରୁତି ଜହରା କିହେ କିହେ ଖେଣ୍ଡା ଖାହାନା,

୧୬ ଜୀସୁତି କତାୟା ଡ଼ଇ ମୁନୁ କୁତାନା ଜହରା କିଡେସି; ଏଝାସି ସମିରଣି ଲକୁ ମାରେସି ।

୧୭ ଏଚେଟିଏ ଜୀସୁ ଏଲେଇରେସି, “ଦସଜାଣା ନେହେ ଆଆଡେରିକି ? ଅଡ଼େ ନ ଜାଣା ଏମ୍ବିୟା ମାନେରି ?

୧୮ ମାହାପୁରୁଜ୍ଜ ଜହରା କିହାଲି ଇ ଜୀହୁଦିଆଆତି ଲକୁ ପିସପେ ଆମ୍ବାଆସି ଖେଣ୍ଡା ଖାଆଡେସି ?”

୧୯ ଇଞ୍ଜା ଜୀସୁ ଏଝାଣାଜ୍ଜ ଏଲେଇରେସି, “ନିଜ୍ଜାନା ହାଲାମୁ ନୀ ନାମୁ ନିଜେ ନେହେ କିହାମାଞ୍ଜାନେ ।”

ମାହାପୁରୁ ରାଜି ଖାନାୟି

(ମାତି ୨୪:୨୩-୨୮, ୩୭-୪୧)

୨୦ ମାହାପୁରୁତି ରାଜି ଏରେଲା ଖାହିମାନେ, ଇ କାତା ପାରୁସିୟା ଖେଞ୍ଜାଲିଏ ଏଝାସି ଏଝାରାଜ୍ଜ ଏଲେଇରେସି, “ମାହାପୁରୁତି ରାଜି ତଞ୍ଜା ଆହେ ଖାଏ;

୨୧ ଇମ୍ବାଆ ମାନେକି ଏମ୍ବାଆ ମାନେ ଇଞ୍ଜା ଲକୁ ଖେସ୍ତଅରି; ଇତିହେ ମାହାପୁରୁତି ରାଜି ମୀ ବିଡ୍ରେଏ ମାନେ ।”

୨୨ ଇଞ୍ଜା ଜୀସୁ ତାନି ସାମୁୟାଜ୍ଜ ଏଲେଇରେସି, “ଇଲେତି ବେଲା ଖାନେ, ଏତିବେଲା ମାଣସି ମୀରୁଏଣାତି ର ଦିନା ମେସାଲି ମନ କିତିହେ ଜିକେଏ ମେହୁଅଡେରି ।

୨୩ ଏତିବେଲା ଲକୁ ମିଜେ ଖେସ୍ତାନେରି, ଏଝାସି ଇମ୍ବାଆ ମାନେସି ଏମ୍ବାଆ ମାନେସି; ସାମା ଏଝାରି କାତା ଆହୁଆକୁ କି ଏଝାରିତଲେ ତାକାଆଦୁ ।

୨୪ ଏନିଇତିହେ ହାପୁ ମୁହନାଟି ର କନଟି ଅର କନଝାକି ଉଜେଡ଼ି ଆନେ, ଏଲେକିହେ ଏ ମାଣସି ମୀରୁଏଣା ଦିନାତା ଆନେ ।

୨୫ ସାମା ଏଝାସି ଗାତି କସ୍ତ ପାଣ୍ଡନାୟି ମାନେ, ଇଞ୍ଜା ଇ କାଲାତି ଲକୁ ଏଝାଣାଜ୍ଜ ଅପଅରି ।

୨୬ ଅଡ଼େ ନହେ ବେଲାତା ଏନିକେ ଆହାମାଚେ, ମାଣସି ମୀରୁଏସି ଖାନ୍ଦି ଦିନାତା ଜିକେଏ ଏଲେକିହେ ଏ ଆନେ;

୨୭ ନହେ ଜାଜାତା ହଡ଼ୁନି ଦିନା ପାଡେକା ଲକୁ ତିଞ୍ଜି ଉଣ୍ଡିହେ ବୀହା କିୟାଲି ବୀହା ହିୟାଲି ହେରାମାଚେରି, ଏତିବେଲା କାଜା ପିମୁ ଖାଡେ ଇଞ୍ଜା ବାରେଡ଼ି କୁପହାଡୁସ୍ତେ ।

୨୮ ଲଟ ବେଲାତା ଜିକେଏ ଏଲେଏ ଆଡେ, ଲକୁ ତିଞ୍ଜି ଉଣ୍ଡି ମାଚେରି, କତି ମାଚେରି, ପାରୁତି ମାଚେରି, ମୀରୁକା ଉହି ମାଚେରି ଅଡ଼େ ଇଲ୍ଲକା କିହାଲି ହେରାମାଚେରି,

୨୯ ସାମା ଲଟ ସଦମ ଗାଡ଼ାଟି ହତା ହାଲ୍‌ଖନିଏ, ଲାକପୁରୁତି ହିକୁ ଅଡ଼େ ଗାନ୍ଧାଗୁଣ୍ଡା ଖାହାନା ବାରେଡ଼ି ନାସା କିଡେ ।

୩୦ ମାଣସି ମୀରୁଏସି ଖାନ୍ଦି ଦିନାତା ଜିକେଏ ଏଲେଆହେ ଏ ଆନେ ।”

୩୧ “ଏ ଦିନା ଆମ୍ବାଆସି ଇଲୁ ଲାକ ମାନେସି, ଏଝାସି ଇଲୁ ବିତ୍ତାମାନି ତାନି ଆସି ଅହାଲି ରେଡା ଖାଆପେସି; ଏଲେକିହେ ଏ ଆମ୍ବାଆସି ନେଷଏଲାତା ମାନାସି ଇଜ ଖେଣ୍ଡା ଖାଆପେସି ।

୩୨ ଲଟ ତକ୍ତୁନି କାତା ଅଣ୍ଡାଦୁ !

୩୩ “ଆମ୍ବାଆସି ତାନି ଜୀଝୁତି ନୀହୁହାଲି ମନ କିନାସି, ଏଝାସି ନାସା ଆନେସି, ଅଡ଼େ ଆମ୍ବାଆସି ତାନି ଜୀଝୁତି ଆସା କିଆଗାଗାସି ଏଝାସି ନୀଡିନେସି ।

୩୪ ନାନୁ ମିଜେ ଖେସିମାଞ୍ଜାଜ୍ଜ, ଏ ଲାଆୟା ରିଆରି କାଚେଲିତା ତୁରା ଡ଼ୟିନେରି, ରଅସି ଅଝିଆନେସି ଅଡ଼େ ରଅସି ଏମ୍ବାଆ ଡ଼ୟିନେସି ।

୩୫ ରୀ ଇୟାସିକା ରଣ୍ଡିଏ ତାଣା ନୁୟି ମାନୁ, ରଣ୍ଡି ଅଝିଆନେ ରଣ୍ଡି ଏମ୍ବାଆ ଡ଼ୟିନେସି ।

୩୬ ରିଆରି ନେଷଏଲାତା ମାନେରି, ରଅସି ଅଝିଆନେସି, ରଅସି ଏମ୍ବାଆ ଡ଼ୟିନେସି ।”

☆ ୧୭:୩୧ ମାତି ୨୪:୧୭,୧୮; ମାର୍କ ୧୩:୧୫,୧୬ ☆ ୧୭:୩୩ ମାତି ୧୦:୩୯; ୧୨:୨୫; ମାର୍କ ୮:୩୫; ଲୁକ ୯:୨୪; ଜହ ୧୨:୨୫

୩୭ ଏବେଟିଏ ସାମୁୟାଁ ଏଲେଇଚେରି, “ଏ ପ୍ରବୁ ଏମ୍ବିୟା ?” ଜୀସୁ ଏଲେଇଚେରି, “ମାଡ଼ହା ଏମ୍ବିୟାମାନେ ଏମ୍ବାଆଁ ରାମ୍‌ଶାୟାଁ ରୁଣ୍ଡା ଆନୁ ।”

୧୮

ରାଣ୍ଡେଣି ଇୟାନି ନାହାଁୟି

୧ ଖାହାଆନା ଅଲେ ଅଲେ ପ୍ରାତାନା କିନାୟିମାନେ, ଈ କାତାତି ଜୀସୁ ସାମୁୟାଁଙ୍କ ପୁଣ୍ଡିକିନି କାତାତଲେ ଖେସ୍ତେସି

୨ “ର ଗାଡ଼ାତା ର ନୀହାଁୟି କିନାସି ମାଚେସି, ଏଞ୍ଜାସି ମାହାପୁରୁଙ୍କ ଆଜି ହିଲ୍ଲାଆତେସି କି ମାଣ୍ଡସିୟାଁଙ୍କ ଜିକେଏ ଅଣ୍ଡପି ହିଲ୍ଲାଆତେସି ।

୩ ଏ ଗାଡ଼ାତା ର ରାଣ୍ଡେଣି ମାଚେ, ଏଦି ନୀହାଁୟି କିନାଣି ତାଣା ଅଲେ ଅଲେ ହାଜିହୁଁ ନୀନୁ ନେହୁଁ ନୀହାଁୟି କିହୁଁ ନା କପାଟି ନିଜାମାଞ୍ଜାନାଣା ତାଣାଟି ଗେଲ୍‌କପାମୁ ଇଞ୍ଜୁଁ ବାଟିମାଲିମାଚେ ।

୪ ଅଡ଼େ ଏଞ୍ଜାସି ଏଡାନି କାତା ଖେଞ୍ଜି ହିଲ୍ଲାଆତେସି; ତାମୁ ଏଞ୍ଜାସି ମନ ମନତା ଅଣ୍ଡପିତେସି, ନାନୁ ମାହାପୁରୁଙ୍କ ଆଜିହଲଅଁ କି ମାଣ୍ଡସିୟାଁଙ୍କ ଅଣ୍ଡପି ହଲଅଁ,

୫ ଆଡ଼ିଜିକେଏ ଈ ରାଣ୍ଡେଣି ନାଞ୍ଜେ କସ୍ତ ହାହିମାଞ୍ଜାନାକି ନାନୁ ତାନି କପାଟି ନିଜାମାନି ନୀହାଁୟି ଡିକହାଡ଼ୁହୁଙ୍କ, ଆଆତା ଏଦି ନାଞ୍ଜେ ବାରେଡେଲ୍ଲା ଗିଜିଗିଜା କିହେମାଞ୍ଜାନେ ।”

୬ ଏମ୍ବାଟିଏ ପ୍ରବୁ ଏଲେଇଚେରି, “ଇ ଲାଗେଏତି ନୀହାଁୟି କିନାଣି କାତା ଅଣ୍ଡପାଦୁ ।

୭ ଆତିହୁଁ ମାହାପୁରୁ ଆଡ଼ିତି ଲକୁ ଲାଆଁ ମାଦେନା ଏଞ୍ଜାଣାଙ୍କ ହାଟିହୁଁ ତୁୟିନେରି, ଏଞ୍ଜାସି କି ଏଞ୍ଜାରି ନୀହାଁୟି କିଅସି ? ଆଡ଼ିଜିକେଏ ଏଞ୍ଜାସି ଏଞ୍ଜାରି ସାଡ଼ୁୟାଁକି ହାରେକା ଅରୁହିନାସି ଆନେସି କି ?

୮ ନାନୁ ମିଞ୍ଜେ ଖେସିମାଞ୍ଜାଙ୍କ, ଏଞ୍ଜାସି ତବେ ଏଞ୍ଜାରି ତାକି କିଞ୍ଜି ଆହାମାନି ପଲୁଆ କାମାଟି ନୀହାଁୟି କିନେସି, ଆଡ଼ିଜିକେଏ ମାଣ୍ଡସି ମାଡ଼ଏସି ଦାଡ଼ିତା ଖାହାନା ନାମୁତି ମେହୁନେସିକି ?”

ପାରୁସି ଅଡ଼େ ସିସୁ ରୁାହନାଣି ପୁଣ୍ଡିକିନି କାତା

୯ ତାମଞ୍ଜେ ତାରିଗାଟାତମି ଇଞ୍ଜୁଁ ଅଣ୍ଡପାନା ଏଡ଼କା ତାରାଙ୍କ ହାଣି କିନି ଲକୁଣି ଜୀସୁ ଈ ପୁଣ୍ଡିକିନି କାତା ଖେସ୍ତେସି,

୧୦ ରିଆରି ପ୍ରାତାନା କିହାଲି ର ପ୍ରାତାନା ଇଲୁତା ହାଚେରି, ରଅସି ପାରୁସି ଅଡ଼େ ରଅସି ସିସୁ ରୁାହନାସି ।

୧୧ ପାରୁସି ନିଚାନା ଇଲେକିହୁଁ ପ୍ରାତାନା କିତେସି, “ଏ ମାହାପୁରୁ ନାନୁ ନିଞ୍ଜେ ଜହରା କିହିମାଞ୍ଜାଙ୍କ, ନାନୁ ଏଡ଼କା ଲକୁ ଲେହେଁ ଦାମ୍ବୁ ହିଲ୍ଲାଆ ଗାଟାତେଏଁ ଆଏ, ସରୁ, ଦାରି ଗାଟାତେଏଁ ଆଏ କି ଈ ସିସୁ ରୁାହନାଣି ଲେହେଁ ଜିକେଏ ଆଏ;

୧୨ ନାନୁ ଖାଡ଼ା ତାକି ରୀ ଦେବା ଉପାସା କିହିମାଙ୍କ, ଅଡ଼େ ନାନୁ ବେଟାଆହି ମାନାଣି ବାରେ ଦସ ବାଟାଟି ର ବାଟା ହାହିମାଙ୍କ ।”

୧୩ ସାମା ସିସୁ ରୁାହନାସି ହେକ ନିଚାନା ତାନି କାନୁ ଲାକପୁରୁ ଖାକି ଜିକେଏ ପେରହାଁ ସିନିକିହାଲି ସାସା କିଆତେସି, ସାମା ତାନି ବକତା ଖେଟା କତାନା ଏଲେଇଚେସି, “ଏ ମାହାପୁରୁ ନାନୁ ପାପୁ ଗାଟାତେଏଁ ନାଞ୍ଜେ କାର୍ମା ମେସ୍ତାମୁ ।”

୧୪ “ନାନୁ ମିଞ୍ଜେ ଖେସିମାଞ୍ଜାଙ୍କ, ଏଞ୍ଜାସି ଆଏ ସାମା ସିସୁ ରୁାହନାସି ତାରିଗାଟାସି ଆହାନା ତାନି ଇଜ ହାଚେସି; ଏନିଇଟିହୁଁ ଆମ୍ବାଆସି ନାନୁ କାଜାତେଏଁ ଇଞ୍ଜା କଡ଼ିନେସି, ଏଞ୍ଜାଣାଙ୍କ ଉଣା କିଞ୍ଜିଆନେ, ସାମା ଆମ୍ବାଆସି ନାନୁ ଉଣାତେଏଁ ଇନେସି, ଏଞ୍ଜାଣାଙ୍କ କାଜାସି କିଞ୍ଜିଆନେ ।”

ଜୀସୁ ଉଣା ପଡ଼ି ପଦାୟାଁଣି ବର ହାନାୟି

(ମାଟି ୧୯:୧୩-୧୫; ମାର୍କ ୧୦:୧୩-୧୬)

୧୫ ଏଞ୍ଜାସି ଏନିକୁଁ କକାରି ପଦାଁଣି ତାରିନେସି, ଏଦାଆଁତାକି ଲକୁ ଏଞ୍ଜାରାଙ୍କ ଜୀସୁ ତାଣା ତାତାଲି ମାଡ଼ହେରି; ସାମା ସାମୁୟାଁ ଏଦାଆଁ ମେସାନା ଏଞ୍ଜାରାଙ୍କ ଦାକା ହାତେରି ।

୧୬ ସାମା ଜୀସୁ କକାରି ପଦାଁଣି ତାଗେ ହାଟାନା ଏଲେଇଚେସି, “କକାରି ପଦାଁଣି ନା ତାଗେ ଖାହାଲି ହୀଦୁ, ଏଞ୍ଜାରାଙ୍କ କାହିକିଆଦୁ; ଏନିଇଟିହୁଁ ମାହାପୁରୁଟି ରାଜି ଇଲେତାରାଖାୟି ।

☆ ୧୮:୧୪ ମାଟି ୨୩:୧୨; ଲୁକ ୧୪:୧୧

୧୭ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମ୍ବାଆସି ଉଣା କକାରି ପଦାୟାଁ ଲେହେଁ ମାହାପୁରୁ ରାଜି ଆହୁଅସି ଏଞ୍ଜାସି ଏନିକିଁ ଜିକେଏ ଏମ୍ବାଆଁ ହଡ଼ାଲି ଆଡ଼ଅସି ।”

ର ଦନ ଗାଟାସି

(ମାତି ୧୯:୧୭-୩୦; ମାର୍କ ୧୦:୧୭-୩୧)

୧୮ ଜୀହୁଦି ଲକ୍ଷୁ ବିତ୍ତାଟି କାଜାସି ଜୀସୁଇଁ ଝେରେସି, “ଏ ନେହୁଁ ଗୁରୁ କାଲାକାଲାତି ଜୀଝୁ ବେଟାଆହାଲି ନାନୁ ଏନାଆଁ କିଇଁ ?”

୧୯ ଜୀସୁ ଏଞ୍ଜାଣାଇଁ ଏଲେଇରେସି, “ନାଜେ ନେହୁଁତି ଇଞ୍ଜୁଁ ଏନାଆଁତାକି ଏଲେଇଞ୍ଜିମାଞ୍ଜି ? ଇତିହୁଁ ମାହାପୁରୁ ରଅସିଏ ନେହୁଁସି ମାନେସି ଏଞ୍ଜାଣି ପିସପେ ଆମ୍ବାଆସି ନେହୁଁସି ହିଲଅସି ।

୨୦ ହୁକୁମିକା ପୁଞ୍ଜାମାଞ୍ଜି, ‘ଦାରି କିଆନି, ଲକ୍ଷୁଣି ପାୟାଆନି, ସରୁ କିଆନି, ମିଟିସାକି ହାଆନି, ତାଲି ତାଞ୍ଜି କାତା ମାନି କିମୁ ।”

୨୧ ଦନଗାଟାସି ଏଲେଇରେସି, “ନାନୁ ଈ ବାରେ ଉଣାଝେଡ଼ାଟିଏ କିହିମାଇଁ ।”

୨୨ ଜୀସୁ ଈ କାତା ଝେଞ୍ଜାନା ଏଞ୍ଜାଣାଇଁ ଏଲେଇରେସି, “ନାନୁ ର କାମା କିନାୟିମାନେ; ନାନୁ ନୀ ତାଣା ମାନି ବାରେ ଦନବିତି ପାଠଟାନାହାଁ ହିଲାଆ ଗାଟାରାକି ଦାନା ହୀମୁ, ଇଞ୍ଜାଁ ତାୟୁ ନାନୁ ଲାକପୁରୁତା ଦନ ବେଟାଆଡ଼ି; ଏଚେଟିଏ ନା ଜେଚ ଜେଚ ଝାମୁ ।”

୨୩ ସାମା ଏଞ୍ଜାସି ଈ ବାରେ କାତା ଝେଞ୍ଜାନା ହାରେକା ଦୁକୁ ଆଡେସି, ଇତିହୁଁ ଏଞ୍ଜାସି ବାଡ଼କୁ ଗାଟାସି ମାରେସି ।

୨୪ ଏଚେଟିଏ ଜୀସୁ ଏଞ୍ଜାଣାଇଁ ମେସାନା ଏଲେଇରେସି, “ଆମ୍ବାଆରି ଦନ ମାନେ, ଏଞ୍ଜାରି ହାରେକା କସ୍ତଲେ ମାହାପୁରୁତି ରାଜିତା ହଡ଼ନେରି !

୨୫ ଇତିହୁଁ ମାହାପୁରୁତି ରାଜିତା ଦନଗାଟାସି ହଡ଼ନି କିହାଁ ଉରୁ ସୁଜା କାଣିଟି ହଚାହାନାୟି ଉସାସା ।”

୨୬ ଏ କାତା ଝେଞ୍ଜିମାଟାରି ଏଲେଇରେସି, “ଆତିହୁଁ ଆମ୍ବାଆସି ଗେଲ୍ପି ଆହାଲି ଆଡ଼ିନେସି ?”

୨୭ ଜୀସୁ ଏଲେଇରେସି, “ଏନାଆଁ ଲକ୍ଷୁ କିୟାଲି ଆଡ଼ାଆଗାଟାଣି ମାହାପୁରୁ କିହାଲି ଆଡ଼ିମାନେସି ।”

୨୮ ଏଚେତା ପିତର ଜୀସୁଇଁ ଝେରେସି, “ମେହୁମୁ ମାମୁ ରାରେ ପିସାନା ନୀ ଜେଚ ଝାହିମାନନି ।”

୨୯ ଜୀସୁ ଏଞ୍ଜାଣାଇଁ ଝେସେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆନିନି ଗାଟାରି ମାହାପୁରୁ ରାଜିତାକି ଇଲୁକାଣ୍ଡା, ତକ୍ତନି, ତାୟି, ତାଲି ତାଞ୍ଜି, ଅଡେ ମୀରକା ମାସ୍କାଣି ପିସାମାନେରି,

୩୦ ଏଞ୍ଜାରି ଈ ଜୁଗୁତା ହାରେକା ଆଗାଡ଼ା ବେଟାଆହାନା, ଝାନି ଜୁଗୁତା କାଲାକାଲାତି ଜୀଝୁ ବେଟା ଆନେସି ।”

ଜୀସୁ ତାନି ଦେବା ତାନି ହାକିତି ଝେହନାୟି

(ମାତି ୨୦:୧୭-୧୯; ମାର୍କ ୧୦:୩୨-୩୪)

୩୧ ଜୀସୁ ତାନି ବାରଜାଣା ସୀସୁୟାଁଇଁ ହାଟାନା ଝେସେସି, “ମେହୁମୁ ମାରୁ ଜିରୁସାଲମତା ହାଜିମାନାୟି, ଏମ୍ବାଆଁ ମାଣସି ମାରୁଏଣି ତାକି ମାହାପୁରୁ ଅଣ୍ଡପୁତି ବଲୁ ଝେହନାରି ଏନା ଏନାଆଁ ରାଟାମାନେରି, ଏ ବାରେ ମାଣସି ମାରୁଏଣା ତାଣା ସାତା ଆନେ;

୩୨ ଇତିହୁଁ ଏଞ୍ଜାଣାଇଁ ଏଟକା କୁଡ଼ାତାରି କେୟୁତା ହେରପିଆନେସି, ଇଞ୍ଜାଁ ଏଞ୍ଜାରି ଏଞ୍ଜାଣାଇଁ କାକନେରି, ଏଞ୍ଜାଣାଇଁ ହୀଣି କିହାନା ହୁପିନେରି,

୩୩ ଏଞ୍ଜାଣାଇଁ ସାଟୁଣି ଡରିତଲେ ଝେଟାନା ପାୟିନେରି, ଇଞ୍ଜାଁ ତାନି ଦିନାଟିଏ ନିଜିନେସି ।”

୩୪ ସାମା ସୀସୁୟାଁ ଈ ବାରେ କାତା ପୁଞ୍ଜାଲି ଆଡ଼ାଆଚେରି; ଈ କାତା ଏଞ୍ଜାରିତାଣା ଡଗୁନା ମାଚେ, ଏନାଆଁ ଝେସପି ଆହିମାଚେ ଏ ବାରେ ପୁଞ୍ଜିହିଲାଆଚେରି ।

ରୀସପାତିନି କାଣାଇଁ ଜୀସୁ ନେହୁଁ କିନାୟି

(ମାତି ୨୦:୨୪-୩୪; ମାର୍କ ୧୦:୪୬-୫୨)

୩୫ ଜୀସୁ ଜିରିହ ଗାଡ଼ାତା ଏଜିମାଟାଟି ର କାଣା ଜିରୁତା କୁଗାନା ରୀସପିମାଚେସି ।

୩୬ ଏଞ୍ଜାସି ଲକ୍ଷୁତି ହାଜିମାନି ହାଡ଼ା ଝେଞ୍ଜାନା, “ଇଦି ଏନାୟି ଆହିମାନେ ଇଞ୍ଜୁଁ ଝେରେସି ।”

୩୭ “ନାଜରିତତି ଜୀସୁ ଇମ୍ବାଟି ହାଜିମାନେସି” ଇଞ୍ଜୁଁ ଝେସେରି ।

୩୮ ଏଚେଟିଏ କାଣା କାଜା ଗିୟାଁତଲେ ଏଲେଇଞ୍ଜି ଇଚେସି, “ଏ ଜୀସୁ ଦାଝୁଦ ମାରୁଏଣାଟି ନାଜେ କାର୍ମା ମେସ୍ତାମୁ ।”

୩୯ ସାମା ନକିତା ହାଜିମାଗାରି ଏଞ୍ଜାଣାକ୍ ପାଲେଏ ମାଞ୍ଜାଲି ଦାକା ହୀତେରି, ସାମା ଏଞ୍ଜାସି ଅଡ଼େ କାଜା ଗିୟାତଲେ ଏଲେଇଚେସି, “ଏ ଜୀସୁ ଦାଞ୍ଜୁଦ ମୀରଏଣାତି ନାଜେ କାର୍ମା ମେସ୍ତାମୁ ।”

୪୦ ଏଚେଟିଏ ଜୀସୁ ଏମ୍ବାଆଁ ନିଗନା କାଣାକ୍ ତାନି ଦାରିତା ତାଗାଲି ଟାଣ୍ଡିତେସି; ଏଚେତା କାଣା ତାଗେ ଖାଡ଼େସି ଇଞ୍ଜା ଜୀସୁ ଏଞ୍ଜାଣାକ୍ ଖେଚେସି,

୪୧ “ନାନୁ ନିଜେତାକି ଏନାଆଁ କିକ୍ ଇଞ୍ଜୁଁ ମନ କିହିମାଞ୍ଜି ?”

କାଣା ଏଲେଇଚେସି, “ଏ ପ୍ରବୁ ନାନୁ ଏନିକ୍ ମେସାଲି ଆଡ଼ିକ୍ ।”

୪୨ ଜୀସୁ ଖେସେସି, “ନାନୁ ମେହ୍ମୁ, ନୀ ନାମୁ ନିଜେ ନେହଁ କିୟାତେ ।”

୪୩ ଏ ଦେବୁଣିଏ ଏଞ୍ଜାସି ମେସାଲି ଆଡ଼ିତେସି ଇଞ୍ଜା ମାହାପୁରୁତି ଜହରା କିହଁ କିହଁ ଜୀସୁ ଜେଡ ହାଚେସି, ଅଡ଼େ ଲକୁ ଏଦାଆଁ ମେସାନା ମାହାପୁରୁକ୍ ଜହରା କିଚେରି ।

୧୯

ଜୀସୁ ଅଡ଼େ ଜକିୟ

୧ ଜୀସୁ ଜିରିହତା ହଡ଼ାନା ଗାଡ଼ା ମାଦିଟି ହାଜିମାଚେସି ।

୨ ଏମ୍ବାଆଁ ଜକିୟ ଦରୁଗାଗାସି ରଅସି ମାଚେସି, ଏଞ୍ଜାସି ସିସୁ ରୁମ୍ବନାରି ବିତ୍ରାଟି କାଜାସି ଅଡ଼େ ଏଞ୍ଜାଣାକି ହାରେକା ଦନ ମାଚେ ।

୩ ଜୀସୁ ଏନିଲେହେଁତାସି ଇଞ୍ଜୁଁ ଏଞ୍ଜାଣାକ୍ ମେସାଲି ହାରେକା ମନ ମାଚେ, ସାମା ହାରେକା ଲକୁ ମାଚାକି ମେସାଲି ଆଡ଼ିହିଲାଆଚେସି, ଏନାଆଁତାକି ଇଚିହଁ ଏଞ୍ଜାସି କୁଜା ମାଚେସି ।

୪ ଏମ୍ବାଟିଏ ଏଞ୍ଜାସି ନକିତା ହଟି ହଟି ହାଜାନା ଜୀସୁ ହାନି ଜିରୁତା ଏଞ୍ଜାଣାକ୍ ମେସାଲି ର ତୟା ମାରୁନୁତା ହଡ଼େସି, ଇଚିହଁ ଜୀସୁ ଏ ଜିରୁଟି ହାନାୟି ମାଚେ ।

୫ ଜୀସୁ ଏମ୍ବାଆଁ ଏଜାନା ଲାକ ସିନିକିହାନା ହାଟିଚେସି, “ଆଡ଼େ ଜକିୟ ତବେ ଚେଟାଞ୍ଜାମୁ ଇଚିହଁ ନୀଞ୍ଜୁ ନାନୁ ମୀ ଇଜ ଗତା ଖାନାୟି ମାନେ ।”

୬ ଏଞ୍ଜାସି ତବେ ଚେଟାଞ୍ଜାହାନା ଏଞ୍ଜାଣାକ୍ ରାହୁଟି ତାନି ଇଜ ହାଟିଚେସି ।

୭ ଇଦାଆଁ ମେସାନା ବାରେ ଲକୁ ମୁରୁ ମୁରୁ ଆହଁ କାତା ଆଚେରି, “ଇଞ୍ଜାସି ର ପାପୁ ଗାଗାରି ଇଜ ଗତା ହାଜିମାଚେସି ।”

୮ ସାମା ଜକିୟ ନିଗନା ପ୍ରବୁକ୍ ଏଲେଇଚେସି, “ଏ ପ୍ରବୁ ନାନୁ ନା ଦନତି ର ବାଗା ହିଲାଆ ଗାଟାରାକି ହାକ୍, ଅଡ଼େ ନାନୁ ଆମ୍ବାଆରି ତାଣାଟି ଏନାଆଁ ତାଗାମାଚିହଁ ସାରି ବାଗା ଆଗାଡ଼ା ଖେଟ୍ଟକ୍ ।”

୯ ଏମ୍ବାଟିଏ ଜୀସୁ ଏଲେଇଚେସି, “ନୀଞ୍ଜୁ ଇ ଇଜତି ଲକୁତାକି ଗେଲ୍ପିନାୟି ଖାହାମାନେ, ଇଚିହଁ ଇଞ୍ଜାସି ଜିକେଏ ଅଗ୍ରାହାମତି କୁଡ଼ାତାସି ।

୧୦ *ଇଚିହଁ ଏନାୟି ଜାଜା ହାଜାମାନେ ଏଦାଆଁ ପାରାନା ଗେଲ୍ପାଲି ମାଣସି ମୀରଏସି ଖାହାମାନେସି ।”

ବାଂଗାରା ଟାକା

(ମାତି ୨୫:୧୪-୩୦)

୧୧ ଲକୁ ଇ କାତା ଖେଞ୍ଜି ମାଗାଟି ଏଞ୍ଜାସି ଅଡ଼େ ର ପୁଣ୍ଡିକିନି କାତା ଖେସେସି, ଇଚିହଁ ଏଞ୍ଜାସି ଜିରୁସାଲମ ତାଗେ ଆହାମାଚେସି, ଇଚିହଁ ମାହାପୁରୁ ରାଜି ତବେ ତଞ୍ଜାଆନେ ଇଞ୍ଜୁଁ ଅଣପିମାଚେରି ।

୧୨ ଏଞ୍ଜାସି ଏଲେଇଚେସି, “ର କାଜା କୁଡ଼ାତାସି ରାଜା ପାଣା ବେଟାଆହଁ ଖେଣ୍ଡା ଖାକ୍ଞା ଇଞ୍ଜୁଁ ର ହେକ ରାଜି ହାଚେସି ।

୧୩ ଏଞ୍ଜାସି ତାନି ଦସଜାଣା ହଲିୟାଜାଣି ହାଗାନା ଏଞ୍ଜାରାକି ଦସଗଟା ଖେଣ୍ଡି ଟାକା ଲାକା ହୀହାନା ଏଲେଇଚେସି, “ନାନୁ ଖେଣ୍ଡା ଖାନ୍ତି ପାତେକା ମୀରୁ ଇ ଟାକା ତଲେ ବେବାରା କିଦୁ ।”

୧୪ ସାମା ତାନି ଦେସାତାରି ଏଞ୍ଜାଣାକ୍ ଅପିହିଲାଆଚେରି, ‘ଇଞ୍ଜାସି ମାଜେତାକି ରାଜା ଆୟାଆପେସି’ ଇଞ୍ଜୁଁ ତାନି ଜେଟଏ କସ୍ତାଣି କାବୁ ଖେସା ପାଣ୍ଡିଚେରି ।”

୧୫ ତାୟୁ ଏଞ୍ଜାସି ରାଜା ପାଣା ବେଟାଆହାନା ତାନି ରାଜିତା ଖେଣ୍ଡାଖାଡ଼େସି, ଇଞ୍ଜା ତାନୁ ଟାକାୟା ହାହାମାଚି ହଲିୟାଜା ବେବାରା କିହଁ ଏଚେକା ଲାବା କିହାମାନେରି ଏଦାଆଁ ପୁଞ୍ଜାଲି ଏଞ୍ଜାରାକ୍ ହାଟିକିଚେସି, ଇଞ୍ଜା ଖେଚେସି ।

* ୧୯:୧୦ ମାତି ୧୮:୧୧

୧୭ ତଲିତାସି ଖାହାନା ଏଲେଇରେସି, “ବାବୁ ନାନୁ ହାହାମାଞ୍ଜାତି ର ଟାକା ତଲେ ବେବାରା କିହାନା ଦସଗାକା ଲାବା କିହାମାଞ୍ଜା ।”

୧୭ ଏଝାସି ଏଝାଣାଞ୍ଜି ଏଲେଇରେସି, “ନେହୁଁ ଟିକାଣାଗାଟି ନାମୁଡି ହଲେଏଣାଟି, ନାନୁ ଉଣା କାମାତାକି ନେହୁଁ କାମା କିହାମାନାକି ନାନୁ ନିଙ୍ଗେ ଦସଗଟା ଗାଡ଼ାୟି ସାଲୁଝି କିନି ଅଦିକାରା କିମୁ ।”

୧୮ ଅଡ଼େ ରଅସି ଖାହାନା ଏଲେଇରେସି, “ବାବୁ ନାନୁ ହାହାମାଞ୍ଜାତି ଟାକା ତଲେ ପାସାଗଟା ଲାବା କିହାମାଞ୍ଜା ।”

୧୯ ଏଝାସି ଏଝାଣାଞ୍ଜି ଜିକେଏ ଏଲେଇରେସି, “ନାନୁ ଜିକେଏ ପାସାଗଟା ଗାଡ଼ାୟି ମୁହେଁ ଅଦିକାରା ଆମୁ ।”

୨୦ ଅଡ଼େ ରଅସି ଖାହାନା ଏଲେଇରେସି, “ପ୍ରବୁ ମେହମୁ ଇଦି ନାନୁ ହାହାମାଞ୍ଜାତି ଟାକା; ଇଦାଆଁ ନାନୁ ତ୍ରାଝଆଲିତା ରୁପାନା ଇଟାମାଚେର୍ସ ।

୨୧ ଇଚିହୁଁ ନାନୁ ନିଙ୍ଗେ ଆଜାତେର୍ସ, ନାନୁ ର ଗିରିଗିରା ଗାଟାଟି, ଇଟା ହିଲିଆଗାଟାଣି ପାରିନାଟି, ମାଟା ହିଲିଆତାଣା ଦାଝଆନାଟି ।”

୨୨ ଏଝାସି ଏଝାଣାଞ୍ଜି ଏଲେଇରେସି, ଆଡ଼େ ପଲୁଆଗାଟି ହଲେଏଣାଟି, ନୀ ଗୁଡିତି ହାଡ଼ାତଲେ ନୀ ନାହାୟି କିୟାଞ୍ଜି, ନାନୁ ଗିରିଗିରା ଗାଟାଚେର୍ସ, ଇଟାହିଲିଆ ତାଣା ପାରିନାଚେର୍ସ ମାଟାଆତି ତାଣା ଦାଝଆନାଚେର୍ସ ଇଦାଆଁ ପୁଞ୍ଜାମାଟି ?

୨୩ ଆତିହୁଁ ଏନାଆଁତାକି ନା ଟାକାଟି ରାଣା ଅନାରାକି ହାଆତି, ନାନୁ ଖାହାନା ଅତିତଲେ ବେଟାଆଡ଼େର୍ସମା ।

୨୪ ଇଞ୍ଜା ଦାରିତା ନିଟାମାଟାରାଞ୍ଜି ଝେସ୍ତେସି, “ଇଝାଣି ତାଣାଟି ଏ ଟାକା ମୀଞ୍ଜା ଅହାନା ଆମ୍ବାଆରିକି ଦସଗାକା ମାନୁ ଏଝାଣାକି ହୀଦୁ ।”

୨୫ ଏଚେଟିଏ ଏଝାରି ଝେସ୍ତେସି, “ପ୍ରବୁ ଏଝାଣାକି ଦସଗାକା ମାନୁ ।”

୨୬ *ନାନୁ ମିଙ୍ଗେ ଝେସିମାଞ୍ଜାଞ୍ଜି, “ଆମିନିଗାଟାଣାକି ମାନେ, ଏଝାଣାକି ଗାତି ହୀପୁକିଆନେ । ସାମା ଆମ୍ବାଆରାଝାୟି ହିଲେଏ ଏଝାଣି ତାଣା ଏନାୟି ମାନେ ଏଦାଆଁ ଜିକେଏ ଏଝାଣି ତାଣାଟି ଅଝିଆନେ ।

୨୭ *ସାମା ନାଙ୍ଗେ ତାମି ରାଜା ଆହାଲି କୁହାମାଞ୍ଜାନି ସାତୁୟିଞ୍ଜି ଇମ୍ବାଆଁ ତାକା ହାଜାନା ଏଝାରାଞ୍ଜି ନା ନକିତା ଗୁଣ୍ଡାହାତୁହଦୁ ।”

**ଜୀସୁ ଜିରୁସାଲମତା ରାହାଁଟି ହାନାୟି
(ମାତି ୨୧:୧-୧୧; ମାର୍କ ୧୧:୧-୧୧; ଜହ ୧୨:୧୨-୧୯)**

୨୮ ଇ ବାରେ କାତା ଝେସ୍ତି ତାୟୁ ଜୀସୁ ଜିରୁସାଲମ ଝାକି ହାଚେସି ।

୨୯ ଏଝାସି ଜୀତ ହରୁ ଦାରିତା ମାନି ବେତନିୟାଁ ଅଡ଼େ ବେଡ଼ପାଗି ନାୟକାଣାଁ ଏଜାନା ତାନି ସୀସୁୟାଁ ବିତ୍ତାଟି ରିଆରାଞ୍ଜି ଇ କାତା ଝେସା ପାଣ୍ଡିତେସି ।

୩୦ “ମୀରୁ ହାଜାନା ମୀ ନକିତି ନାୟୁଁତା ହଡ଼ଦୁ ଇଞ୍ଜା ଲକୁ ଏଚେଲା ହଟା ହିଲଅରି; ଇଲେଟି ର ଗାଡ଼ଦେ ତାଲୁଡି ଦସାମାନାଣି ମେହଦେରି; ଏଦାଆଁ ଦାଝାଁ ହୁକହା ନା ତାଣା ତାଟିହୁଁ ଝାଦୁ ।

୩୧ ଆମ୍ବାଆସି ଏନାଆଁତାକି ହୁକହିମାଞ୍ଜେରି ଇଞ୍ଜୁଁ ଝେଞ୍ଜାତିହୁଁ, ଇଦାନି ମା ପ୍ରବୁକି ଲଡ଼ାମାନେ ଇଞ୍ଜୁଁ ଝେହଦୁ ।”

୩୨ ଏମାଟି ଜୀସୁ ପାଣ୍ଡାମାଟାରି ଏଝାସି ଏନିକୁଁ ଝେସାମାଚେସି, ଏଲେହେଁ ମେସ୍ତେସି ।

୩୩ ଇଞ୍ଜା ଏଝାରି ଗାଡ଼ଦେ ତାଲୁଡି ଦାଝାଁ ହୁକହିମାଟାଟି ଗାଡ଼ଦେ ସାଝୁକାରିୟାଁ “ଏନାଆଁତାକି ହୁକହିମାଞ୍ଜେରି ଇଞ୍ଜୁଁ ଝେଚେରି ?”

୩୪ ଏଝାରି ଏଲେଇଚେରି, “ଇଦାନି ମା ପ୍ରବୁକି ଲଡ଼ାମାନେ ।”

୩୫ ଏମାଟିଏ ଗାଡ଼ଦେ ଜୀସୁ ତାଣା ତାଗାନା ଏଦାନିଲେକ ହିମ୍ବିରାକା ପାସାନା ଜୀସୁଞ୍ଜି ଲାକ କୁଟିକିଚେରି ।

୩୬ ଅଡ଼େ ଏଝାସି ନକିତା ହାଜିମାଟାଟି ଲକୁ ଜିରୁତା ତାମି ହିମ୍ବିରାକା ପାସ୍ତେସି ।

୩୭ ଇଞ୍ଜା ଏଝାସି ଜିରୁସାଲମ ତାଗେ ମାନି ଜୀତ ହରୁଟି ଝାନି ବେଲାତା ଏଝାସି ଇଞ୍ଜାଁ ତାମି ସୀସୁୟାଁ ଜୀସୁ କିତି ବାଡ଼ୁଡ଼ି କାମାତାକି ମାହାପୁରୁଞ୍ଜି ଜହରା କିହିହୁଁ ରାହାଁଟି ପାରୁ ପାଟିଚେରି ।

୩୮ “ପ୍ରବୁଡି ଦରୁଟି ଆମିନି ରାଜା ଝାହୁମାନେସି ଏଝାଣାକି ନେହେଁ । ଲାକପୁରୁ ହିଡ଼ଡ଼ି ଅଡ଼େ ଲାକପୁରୁଟି ମାହାପୁରୁଞ୍ଜି ଗାଝୁରମି ଆଡ଼େ ।”

* ୧୯:୨୨ ମାତି ୧୩:୧୨; ମାର୍କ ୪:୨୫; ଲୁକ ୮:୧୮ * ୧୯:୨୨ ମାତି ୨୫:୧୪-୩୦

୩୯ ଏଚେଟିଏ ଲକ୍ଷ୍ମୀ ମାନ୍ଦାଟି ଏଚରଜାଣା ପାରୁସିୟା ଜାସୁଇଁ ଏଲେଇଚେରି, “ଏ ଗୁରୁ ନୀ ସୀସୁୟାକ୍ ଲାଗାମୁ ।”

୪୦ ନାନୁ ମିଙ୍ଗେ ଖେସିମାଞ୍ଜାଇଁ, “ଇଝାରି ପାଲେଏ ଆଡିସାରେ, ଖାଲକା ହାଲେହେଁ କାଜା ଗିୟାଁତଲେ ଜଲିତୁମା ।”

ଜୀସୁ ଜିରୁସାଲମ ତାକି ତୀନାୟି

୪୧ ଅଡେ ଏଚେତା ଗାଡ଼ା ତାଗେ ଖାଡେସି, ଏଚିବେଲ୍ଲା ଗାଡ଼ାତି ମେସାନା ତୀହିହେଁ ଏଲେଇଚେସି,

୪୨ “ନାନୁ ହାଅ, ନାନୁ ନୀଞ୍ଜୁ ହିଡ଼ି ଜିରୁ ପୁଚିହେଁ ଅଜିତେମା ! ସାମା ଏଡି ନୀ ତାଣାଟି ତୁଗ୍ଲାମାନେ !

୪୩ ଏଚିବେଲ୍ଲା ମାହାପୁରୁ ନିଙ୍ଗେ ଗେଲ୍ପାଲି ଅଣପାମାଞ୍ଜାଚେସି ଏଦାଆଁ ପୁନାଆତାକି ଏଚିବେଲ୍ଲାତା ନୀ ସାତୁୟାଁ ନୀ ସାରିସୁଟୁ କାଜା କଟା ଦସାନା ମୁଚାନେରି,

୪୪ ଇଞ୍ଜାଁ ନିଙ୍ଗେ ଅଡେ ନୀ ତାଣା ମାନି ନୀ ମୀରକାଣି କୁଡ଼ପୁନାସା କିୟାନେରି, ଅଡେ ର ଖାଲିତି ଅର ଖାଲି ଲାକ ତୀରି ଆହାଲି ହିୟଅରି, ଇଲେତି ଦିନା ଖାହିମାନେ ।”

ମାହାପୁରୁ ଇଲୁତା ଜୀସୁ ହଡ଼ନାୟି

(ମାତି ୨୧:୧୨-୧୭; ମାର୍କ ୧୧:୧୫-୧୯; ଜହ ୨:୧୩-୨୨)

୪୫ ଏମ୍ବାଟିଏ ଜୀସୁ ମାହାପୁରୁ ଇଲୁତା ହଡ଼ନାହାଁ ବେବାରା କିନାରାଇଁ ଏମ୍ବାଟି ହାସା ପେରହାତୁସ୍ତେସି,

୪୬ ଦାମ୍ବୁପତିତା ରାସ୍ତି ଆହାମାନେ, “ନା ଇଲୁ ପ୍ରାତାନା ଇଲୁ ଆନେ, ସାମା ମୀରୁ ଏଦାଆଁ ତଂଗାଁୟାଁ ପାଞ୍ଜୁ ମିପୁହାତୁସ୍ତେରି ।”

୪୭ ଅଡେ ଜୀସୁ ଦିନାତାକି ଦିନା ପ୍ରାତାନା ଇଲୁତା ଜାପୁହି ମାଚେସି, ସାମା କାଜା ପୁଜେରାଞ୍ଜା ଅଡେ ମେରାପୁନାରି ଲକ୍ଷ୍ମୀ କାଜାରି ତଲେ ଜୀସୁଇଁ ପାୟାଲି ଅଣପିମାଚେରି,

୪୮ ସାମା ଲକ୍ଷ୍ମୀ ରାହାଟି ଏଝାଣି ଜାପୁନାଣି ଖେଞ୍ଜିମାଚାକି ଏଝାରି ଏନିକିହାଲି ଆନେ ପାରୁ ବେଟାଆହି ହିଲ୍ଲାଆଚେରି ।

୨୦

ଜୀସୁତି ଅଦିକାରା

୧ ର ଦିନା ଜୀସୁ ମାହାପୁରୁ ଇଲୁତା ଲକ୍ଷ୍ମୀ ଜାପୁହି ମାଚେସି, ଅଡେ ନେହେଁ କାବୁ ଖେକିହି ମାଚେସି, ଏଚିବେଲ୍ଲା କାଜା ପୁଜେରାଞ୍ଜା ଅଡେ ମେରାପୁନାରି ପ୍ରାଟିନାଞ୍ଜା ତଲେ ଖାହାନା ଖେଚେରି,

୨ “ନାନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି, ଏଲେକିହାଲି ଆମ୍ବାଆସି ଅଦିକାରା ହାହାମାଞ୍ଜାନେସି, ମାଙ୍ଗେ ଖେସ୍ତାମୁ ।”

୩ ସାମା ଜୀସୁ ଏଝାରାଇଁ ଏଲେଇଚେସି, “ନାନୁ ଜିକେଏ ର କାତା ଖେଞ୍ଜାଇଁ, ନାଙ୍ଗେ ଖେସ୍ତାମୁ

୪ ଜହନଇଁ ବାପ୍ତିସ୍ତା* ହୀମୁ ଇଞ୍ଜାଁ ଆମ୍ବାଆସି ଚାଣ୍ଡିଚେସି, ଲାକପୁରୁଟି କି ମାଣସି ତାଣାଟି ?”

୫ ଏଚେଟିଏ ଏଝାରି ତାମ୍ବୁ ତାମ୍ବୁ ଜଲ୍ଲକି ଆଡେରି, “ଲାକପୁରୁଟି ଇନାୟି, ଆଡିହେଁ ଏଝାସି ଏଲେଇଞ୍ଜାନେସି ଏନାଆଁତାକି ଏଝାଣାଇଁ ନାମାଆଚେରି ?

୬ ସାମା ମାଣସି ତାଣାଟି ଇନାୟି, ଇଞ୍ଜାଁ ଲକ୍ଷ୍ମୀ ମାଙ୍ଗେ ଖାଲକାତଲେ ପାୟାନେରି, ଇଚିହେଁ ଜହନଇଁ ମାହାପୁରୁ ଅଣପୁତି ବଲୁ ଖେହନାରି ତାଣାଟି ରଅସି ଇଞ୍ଜାଁ ହାଡେରକା ନାମାମାନେରି ।”

୭ ଏଝାରି ଏଲେଇଚେରି, “ମାମ୍ବୁ ପୁଞ୍ଜାହିଲଅମି ଏଡି ଏମ୍ବିଟି ଆହାମାନେ ।”

୮ ଜୀସୁ ଏଝାରାଇଁ ଏଲେଇଚେସି, “ଆଡିହେଁ ନାନୁ ଆମିନି ଅଦିକାରା ତଲେ କିହିମାଇଁ ନାନୁ ଜିକେଏ ଖେସ୍ତାଁ ।”

ଅଞ୍ଜୁରି ବାଡ଼ାତା ବାଗା କାମାକିନାରି ପୁଣ୍ଡିକିନି କାତା

(ମାତି ୨୧:୩୩-୪୬; ମାର୍କ ୧୨:୧-୧୨)

୯ ଏମ୍ବାଟିଏ ଜୀସୁ ଇ ପୁଣ୍ଡିକିନି କାତା ଖେସ୍ତେସି, “ରଅସି ର ଅଞ୍ଜୁରି ବାଡ଼ା କିହାନା କାମା କିନାରାକି ବାଗା ହାହାନା ହାଡେରକା ଦିନାତାକି ଅର ଦେସାତା ହାଚେସି ।

୧୦ ଅଞ୍ଜୁରି ପାଡେୟି କାମ୍ବି ବେଲ୍ଲା ଏଝାସି ତାନି ବାଗା ବେଟାଆହାଲି ର ହଡେଲଏଣାଇଁ ପାଣ୍ଡିଚେସି, ସାମା ଅଞ୍ଜୁରି ବାଡ଼ାତା କାମାକିନାରି ଏଝାଣାଇଁ ମାଡ଼ା ଖେଚାନା ଖାଡ଼ଇ କେୟୁଟି ପେରହାତୁସ୍ତେରି ।

* ୧୯:୪୭ ଲୁକ ୨୧:୩୭ * ୨୦:୪ ମୁଞ୍ଜିନାୟି

୧୧ ଏଝାସି ଅଡ଼େ ର ହେଲେଏଣାଇଁ ପାଣ୍ଡିତେସି; ଏଝାରି ଏଝାଣାଇଁ ଜିକେଏ ଝେଟାନା ନିନ୍ଦା କିହାଁ ଝାରୁଇ କେୟୁଟି ପେରୁହା ପାଣ୍ଡିତେରି;

୧୨ ତାୟୁ ଅଡ଼େ ରଅଣାଇଁ ପାଣ୍ଡିତେସି, ସାମା ଏଝାଣାଇଁ ଜିକେଏ ରାଣାରାକା କିହାନା ବାଡ଼ାତି ପାଙ୍ଗାତା ମେଡ଼ହାଡ଼ୁସ୍ତେରି ।

୧୩ ଏମ୍ବାଟିଏ ଅଙ୍ଗୁରି ବାଡ଼ାତି ସାଝୁକାରି ନାଏଟି ଏନାଆଁ କିଇଁ ଇଞ୍ଜି ଅଣ୍ଡାପାନା, ନା ଜାଝୁତି ମାରିଏଣାଇଁ ପାଣ୍ଡିଇଁ ଆତିହୁଁ ଏଝାଣାଇଁ ମାନ୍ତି କିନେରି ।

୧୪ ସାମା କାମାକିନାରି ଏଝାଣାଇଁ ମେସାନା ତାମ୍ବୁ ତୁମ୍ବୁ ଏଲେଇଣ୍ଡି ଆଡ଼େରି ‘ଇଝାସି ଅଦିକାରା ଗାଟସି, ଇଝାଣାଇଁ ପାୟାଡ଼ୁହନ, ଆତିହୁଁ ଇ ଅଙ୍ଗୁରି ବାଡ଼ା ମାଙ୍ଗେ ଆୟାନେ ।’

୧୫ ଅଡ଼େ ଏଝାଣାଇଁ ଅଙ୍ଗୁରି ବାଡ଼ା ପାଙ୍ଗାତା ମେଡ଼ହାନା ପାୟିତେରି ।”

“ଆତିହୁଁ ଅଙ୍ଗୁରି ବାଡ଼ାତି ସାଝୁକାରି ଏଝାରାଇଁ ଏନାଆଁ କିନେସି ?

୧୬ ଏଝାସି ଝାହାନା ଇ କାମା କିନାରାଇଁ ପାୟାଡ଼ୁହନେସି, ଅଡ଼େ ଏଟକାତାରାକି ଏ ଅଙ୍ଗୁରି ବାଡ଼ା ହୀନେସି ।”

ଲୁକ ଇ କାତା ଝେଞ୍ଜାନା ଏଲେଇଚେରି, “ଏଲେକିହୁଁ ଆଝୁଏ ଆଆପେ ।”

୧୭ ସାମା ଜାୟୁ ଏଝାରାଇଁ ଝେସ୍ତେସି, “ଆତିହୁଁ ରାଟାମାନି ଇ ବଲୁ ଏନାୟି ?

ଇଲୁ କେପିନାରି ଆମିନି ଝାଲିତି କୁଚେରି,

ଏଦି ଇଲୁ କନତି ମୁଲୁ ଝାଲି ଆଡ଼େ ।

୧୮ ଆମ୍ବାଆସି ଏ ଝାଲି ଲାକ ତରୁନିନେସି, ଏଝାସି କାଣ୍ଡାମୁକା ଆନେସି; ଇଞ୍ଜା ଏ ଝାଲି ଆମ୍ବାଆରି ମୁହେଁ ତରୁନିନେ ଏଝାଣାଇଁ ଗୁଣ୍ଡୁଗୁଣ୍ଡା କିନେ ।”

ସିସୁ ହୁାନି କାତା

(ମାତି ୨୨:୧୫-୨୨; ମାର୍କ ୧୨:୧୩-୧୭)

୧୯ ଏଚେଟିଏ ମେରାପୁନାରି ଅଡ଼େ କାଜା ପୂଜେରାଙ୍ଗା ଦେବୁଣିଏ ଜାୟୁଇଁ ଆସାଲି ଅଣ୍ଡାପିତେରି, ସାମା ଲୁକ୍ ମାନ୍ଦାତି ଆଜିତେରି, ଇତିହୁଁ ଏଝାସି ଏ ପୁଣ୍ଡାମିକିନି କାତା ଏଝାରାଇଁ ସିନିକହାନା ଝେସାମାଚେସି ଇଞ୍ଜି ଏଝାରି ପୁଚେରି ।

୨୦ ଏମ୍ବାଟିଏ ଏଝାରି ଜାୟୁଇଁ ପାଣ୍ଡା ଅଡ଼େ ବାଡ଼ୁୟୁଗାଟି ସାଲୁଝି କିନାରି କେୟୁତା ଏଝାଣାଇଁ ହେରପାଲି ପାରୁ ପାରାତେରି, ଇଞ୍ଜା ଏଚରଜାଣା ତାମ୍ବୁ ତାମଙ୍ଗେ ଦାମ୍ବୁଗାଟାରି ଇଞ୍ଜି ତସା କଡିନି ନାଡ଼ିକିନାରି ଜାୟୁଇଁ ତାନି ଝେହୁନି କାତାତା ଦହ ଦସାଲି ଏଝାଣି ତାଣା ପାଣ୍ଡିତେରି ।

୨୧ ଏଝାରି ଜାୟୁଇଁ ଝେଚେରି, “ଗୁରୁ, ମାମ୍ବୁ ପୁଞ୍ଜାମାନମି, ନାନୁ ଏନାଆଁ ଝେସାମାଞ୍ଜି ଅଡ଼େ ଜାପୁହାମାଞ୍ଜି ଏଦି ସାତା, ଅଡ଼େ ଆମ୍ବାଆରାଇଁ ପାରୁଡ଼ା ବାଟି କିଅତି, ସାମା ସାତା ମାହାପୁରୁତି ଜିରୁତି କାତା ଜାପୁଦି ।

୨୨ ଆତିହୁଁ କାୟିସରକି ସିସୁ ହୁାନାୟି ମେରା ମାନେକି ଆଏ ।”

୨୩ ସାମା ଜାୟୁ ଏଝାରି ନାଡ଼ିକିନି ଅଣ୍ଡାପୁତି ପୁଞ୍ଜାନା ଏଝାରାଇଁ ଝେସ୍ତେସି, “ନାଙ୍ଗେ ର ଝେଣ୍ଡି ଟାକା ହିୟାଦୁ ।”

୨୪ ଏ ଝେଣ୍ଡି ଟାକାତା ଆମ୍ବାଆରି ବମା ଅଡ଼େ ଦରୁ ମାନେ, ଏଝାରି ଝେସ୍ତେରି, “କାୟିସରଝାୟି ।”

୨୫ ଏଚେଟିଏ ଜାୟୁ ଏଝାରାଇଁ ଝେସ୍ତେସି, “ଆତିହୁଁ କାୟିସରଝାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜା ମାହାପୁରୁଝାୟି ଏନାୟି ଏଦାଆଁ ମାହାପୁରୁକି ହୀଦୁ ।”

୨୬ ଏଚେଟିଏ ଏଝାରି ଲୁକ୍ ନକିତା ଏଝାଣାଇଁ ଏନି ଦହ ଦସାଲି ଆଡ଼ାଆତେରି, ଇଞ୍ଜା ଏଝାରି ଜାୟୁ ଝେସି କାତାତାକି ଆଡାଜାକା ଆହାନା ପାଲେଏ ମାଚେରି ।

ହାଡ଼ାରି ଝେଣ୍ଡେ ନିଜିନି କାତା

(ମାତି ୨୨:୨୩-୩୩; ମାର୍କ ୧୨:୧୮-୨୭)

୨୭ ଏମ୍ବାଟିଏ ହାଡ଼ାରି ଝେଣ୍ଡେ ନିଜିନାଣି ନାମିହିଲଆଗାଟି ଏଚରଜାଣା ସାଦୁକିୟାଁ ଜାୟୁତାଣା ଝାହାନା ଝେଚେରି,

୨୮ “ଏ ଗୁରୁ ମସା ମାଙ୍ଗେତାକି ରାଟାମାନେସି, ରଅସି ବୀହା ଆହାଁ କକାରି ପଦାଁ ଆଆନା ହାଡ଼ିହୁଁ, ଏଝାଣି ଚାୟି ତାନି ତକ୍ତିନି ଇଟାନା ଏଝାଣି କୁଡ଼ା ଏପିକିୟାଲି ଆନେ ।

୨୯ ସାତା ଜାଣା ତାୟିୟାଁ ମାଚେରି; କାଜାସି ବୀହା ଆହାନା କକାରି ପଦାଁ ଆଆନା ହାଡ଼େସି;

☆ ୨୦:୨୨ କାମା ୨୩:୮

୩୦ ତାମ୍ଭୁ ଏଝାଣି ଜେରତାସି ଇଚିତେସି, ଅଡ଼େ ଏଝାଣି ଜେରତାସି ଇଚିତେସି;

୩୧ ଏଲେକିହିଁ ଏ ସାଡ଼ା ଜାଣା ଜିକେଏ କକାରି ପଢ଼ା ଆଆନା ହାଡ଼ତରି ।

୩୨ ତାମ୍ଭୁ ଏ ଇୟା ଜିକେଏ ହାଡ଼ତ ।

୩୩ ଆତିହିଁ ଖେଣ୍ଡେ ନିଜିନି ଦିନା ଏଝାରି ବିତ୍ରାଟି ଏ ଇୟା ଆମ୍ବାଆରି ତକ୍ତି ଆନେନ ? ଇଚିହିଁ ସାଡ଼ା ଜାଣା ଜିକେଏ ଏଦାନି ଇଟାମାଚେରି ।”

୩୪ ଜୀସୁ ଏଝାରାଇଁ ଏଲେଇଚେସି, “ଇ ଦାବ୍‌ତିତି ଲକୁ ବାହା କିନେରି ଅଡ଼େ ଆନେନି,

୩୫ ସାମା ଝାନ୍ତି ଜୁଗୁତାକି ଇଞ୍ଜା ହାକ୍‌ଟି ନିଜାଲିତାକି ପାଡ଼ା ଆନାରି ବାହା ଆଆରି କି ବାହା ହାଆରି;

୩୬ ଇଚିହିଁ ଏଝାରି ଦୁତୁୟାଲେହେଁ ଆହାନା ଏଚେଲାଝା ହାଆରି, ଇଞ୍ଜା ହାକ୍‌ଟି ନିଜାମାନାକି ଏଝାରି ମାହାପୁରୁତି ମୀରକା ଆନେନି ।

୩୭ ସାମା ହାଡ଼ାରି ସାତେଏ ନିଜିନେନି ଇଞ୍ଜାଁ ମସାଇଁ ଜିକେଏ ଝେହିମାନି ବୃଟାତି କାବୁତଲେ ନେହିଁ କି ତସାମାଚେସି, ଇଚିହିଁ ଏଝାସି ପ୍ରବୁଇଁ ଅବାହାମତି ମାହାପୁରୁ, ଇସାହାକତି ମାହାପୁରୁ ଅଡ଼େ ଜାକୁବତି ମାହାପୁରୁ ଇଞ୍ଜାମାଚେସି ।

୩୮ ଏଝାସି ହାଡ଼ାରି ମାହାପୁରୁ ଆଏ ସାମା ଜୀସୁଗାଗାରି ମାହାପୁରୁ; ଇଚିହିଁ ମାହାପୁରୁ ନକିତା ବାରେଜାଣା ନାତାମାନେରି ।”

୩୯ ଏମ୍ବାଟିଏ ମେରାପୁନାରି ବିତ୍ରାଟି ଏଚରଜାଣା ଏଲେଇଚେରି, “ହାଅ, ଗୁରୁ ନୀନୁ ଅଜେ ଝେସ୍ତାତି ।”

୪୦ ଇଚିହିଁ ଏଝାଣାଇଁ ଅଡ଼େ ଏନାଆଁ ଝେଞ୍ଜାଲି ଏଝାରାକି ସାସା ହିଲାଆତେ ।

କ୍ରୀସ୍ତୁ ଆମ୍ବାଆସି

(ମାତି ୨୨:୪୧-୪୬; ମାର୍କ ୧୨:୩୫-୩୭)

୪୧ ଏମ୍ବାଟିଏ ଜୀସୁ ଏଝାରାଇଁ ଝେଚେସି, କ୍ରୀସ୍ତୁ ଦାସୁଦ ମୀରସସି, ଲକୁ ଏନିକିଁ ଏଲେଇଚେନି ?

୪୨ ଇଚିହିଁ ଦାସୁଦ ତାନୁଏ ପାରୁ ପତିତା ଏଲେଇଞ୍ଜି ମାନେସି,

ପ୍ରବୁ ନା ପ୍ରବୁଇଁ ଝେସ୍ତେସି,

୪୩ ନାନୁ ନୀ ସାତୁୟାଣି ନୀ କତାୟାଁ ତଇ ଇଟାଆ ପାତେକା,

ନାନୁ ନା ଚିଃନିଝାକି କୁଗାମାନାମୁ ।

୪୪ ଦାସୁଦ ତାନୁଏ ଏଝାଣାଇଁ ପ୍ରବୁ ଇଞ୍ଜାଁ ମାନେସି; ଆତିହିଁ କ୍ରୀସ୍ତୁ ଏନିକିଁ ଏଝାଣି ମୀରସସି ?

ମେରାପୁନାରି ତାଣ୍ଡାଟି ଜାଗ୍ରାତା

(ମାତି ୨୩:୧-୩୬; ମାର୍କ ୧୨:୩୮-୪୦)

୪୫ ତାମ୍ଭୁ ବାରେ ଲକୁ ନକିତା ସାସୁୟାଁଇଁ ଝେସ୍ତେସି,

୪୬ “ମେରା ଜାପୁନାରି ତାଣ୍ଡାଟି ଜାଗ୍ରାତା ! ଇଚିହିଁ ଏଝାରି ଲାମ୍ବା ଲାମ୍ବା ହିମ୍ବରିକା ହୁଟାନା ତିରୁଝିହିଁ ରେଜାଲି, ଅଡ଼େ ହାଟା ବାଜାରାତା ଜହରା ବେଟାଆହାଲି, ପ୍ରାଡ଼ାନା ଇଲକାଣା ନେହିଁ ନେହିଁ କୁଚିଁୟାଁ ଅଡ଼େ ବକ୍ତିତା ନେହିଁ ଚାମ୍ଭୁ ବେଟାଆହାଲି ଅଣ୍ଡିନେନି;

୪୭ ଏଝାରି ରାଣ୍ଡେଣିସିକା ଇଲୁ ସେନିନେନି ଅଡ଼େ ଉଜେ ଉଜେଏ ଲାମ୍ବା ଲାମ୍ବା ପ୍ରାଡ଼ାନା କିନେନି; ଏଝାରି ହାରେକା ତଣ୍ଡ ବେଟାଆନେନି ।”

୨୧

ରାଣ୍ଡେଣିନି ଦାନା

(ମାତି ୧୨:୪୧-୪୪)

୧ ଏଚିବେଲା ଦନଗାଗାରି ଦାନା ପେଡ଼ାତା ତାନି ଦାନା ମେଡ଼ୁହି ମାଗାଣି ଜୀସୁ ସିନିକିହିମାଚେସି,

୨ ଅଡ଼େ ର କାର୍ନାଗାଟି ରାଣ୍ଡେଣି ଝାହାନା ଏମ୍ବାଆଁ ରୀ ଉଣା ତାମ୍ବାତି ଆଦଲି ମେଡ଼ୁହାଣି ମେସାନା ଏଲେଇଚେସି,

୩ “ନାନୁ ମିଜା ସାତା ଝେସିମାଞ୍ଜାଇଁ ଇ କାର୍ନାଗାଟି ରାଣ୍ଡେଣି ଗାତି ଦାନା ହାହାମାନେ,

୪ ଇଚିହିଁ ଦନ ଗାଗାରି ତାନି ଗାତି ଦନଟି ଇଟାଣି ତାଟାନା ବେଚୁ ହାହାମାନେନି, ସାମା କାର୍ନାଗାଟି ରାଣ୍ଡେଣି ତାନି ହିଲାଆବେଲାତା ତାଙ୍ଗେ ନୀତାଲିତାକି ଏନାୟି ମାଚେ ଏ ବାରେ ହାହାମାନେ ।”

ମାହାପୁରୁ ଇଲୁ ନସ୍ତୁ ଆନି କାତା

(ମାତି ୧୪:୩-୧୪; ମାର୍କ ୧୩:୩-୧୩)

୫ ଅତେ ଆମ୍ବା ଆମ୍ବାଆରି ମାହାପୁରୁ ଇଲୁ ଅକ୍ତି ଅକ୍ତିତ୍ତି ଖାଲକା ଅତେ ଦାନା ହୀନାଣି ତଲେ ଅକ୍ତିକ୍ ଆଜାମାନେ ଇଞ୍ଜି ଇଞ୍ଜାଲିଏ ଜୀସୁ ଏଲେଇଚେସି,

୬ “ମୀରୁ ନୀର୍ଏ ଏନା ଏନାଆଁ ମେସିମାଞ୍ଜେରି, ଦିନା ଖାନ୍ନେ, ଏଚିବେଲା ର ଖାଲି ଅର ଖାଲି ଲାକ ତ୍ତୟେଏ, ଇ ବାରେ ମେଶ୍ଟାହାନ୍ନେ ।”

କସ୍ତ୍ର ଅତେ ନିନ୍ଦା ଖାନ୍ତି କାତା
(ମାତି ୨୪:୩-୧୪; ମାର୍କ ୧୩:୩-୧୩)

୭ ଏଚିବେଲା ଏଞ୍ଜାରି ଏଞ୍ଜାଣାଇଁ ଖେଚେରି, “ଏ ଗୁରୁ ଆତିହ୍ ଇ ବାରେ ଏଚେଲା ଆନ୍ନେ ? ଇଞ୍ଜା ଇ ବାରେ ଆମିନି ବେଲାତା ଆନ୍ନେ, ଏ ବେଲାତି ସିନା ଏନାୟି ?”

୮ ଜୀସୁ ଏଲେଇଚେସି, “ଜାଗ୍ରାତା ମୀରୁ ଏନିକ୍ ଆନ୍ଦା ଆଅତେରି; ଇଚିହ୍ ହାରେକା ନା ଦରୁଚି ଖାହାନା ନାନୁ ଏଞ୍ଜାଚେଏ ଅତେ ଏ ଦିନା ଏଦାତେୟିଏ ଇଞ୍ଜି ଇଞ୍ଜାନେରି; ଏଞ୍ଜାରି ଜେଡ ହାଲାଆଦୁ ।

୯ ଇଞ୍ଜା ମୀରୁ ଏଚେତା ଜୁଜୁ ଇଞ୍ଜା ମେଲି ଆହିମାନାଣି ଖେଚିସାରେ ଆଜାଆଦୁ; ଏନିଇଚିହ୍ ଇ ବାରେ ନକେଏ ଆୟାଲି ଆନ୍ନେ, ଆଡିଜିକେଏ ଏଚିବେଲା ଜୁଗୁ ରାଏ ।”

୧୦ ତାୟୁ ଏଞ୍ଜାରାଇଁ ଏଲେଇଚେସି, “ଦେସା କପାଟି ଦେସା, ରାକ୍ତି କପାଟି ରାକ୍ତି ମେଲି ନିଜିନେ,

୧୧ ଇଞ୍ଜା ଇମ୍ବାଆଁ ଏମ୍ବାଆଁ ବୁନି ଖାତିନେ, ହାରେକା ଚାୟୁତା ମର୍ଡ଼ି ଇଞ୍ଜା କାର୍ଡୁ ଖାନ୍ନେ, ଅତେ ହାଗୁ ପାକାତା ଆଜିହ୍ପେତି ସିନାୟା ତଞ୍ଜା ଆନୁ ।

୧୨ ସାମା ଇ ବାରେ ଆଆ ନକେଏ ଲକ୍ତ ମିଙ୍ଗେ ଆସାନା ନା ଦରୁ ତାକି ନିନ୍ଦା କିହାନା ଜୀହୁଦି ଲକ୍ତୁଚି କୁଚମି ଇଲକାଣା*, କାୟିଦି ଇଲକାଣା, ରାଜା ଇଞ୍ଜା ନାହାୟି କିନାରି ତାଣା ହେର୍ପାନ୍ନେରି;

୧୩ ଇଦି ମିଙ୍ଗେତାକି ସାକି ଆନ୍ନେ ।

୧୪ ଇଞ୍ଜା ଏନାଆଁ ଜଲିଇଁ ଏନାଆଁ ଖେହ୍ ଇଞ୍ଜି ତଲିଏ ମନତା ଅଣପାଆଦୁ;

୧୫ ଏନାଆଁତାକି ଇଚିହ୍ ମୀ ସାତୁୟାଁ ମିଙ୍ଗେ ଖେଣ୍ଡେ ଜଲ୍ଲାଲି କି ଖେସାଲି ଆଡାଆପେରିଖା ଇଞ୍ଜି ନାନୁ ମିଙ୍ଗେ ଏଚିବେଲାତା ନେହ୍ ବୁଦି ଅତେ ସୁଞ୍ଜା ହିୟାଇଁ ।

୧୬ ସାମା ମୀ ତାଲି ତାଞ୍ଜି ତାୟିୟାଁ ସାମ୍ପାୟିୟାଁ ଇଞ୍ଜା ମୀ ତଣ୍ଡେସିଙ୍ଗା ଜିକେଏ ମିଙ୍ଗେ ହେର୍ପାନ୍ନେରି, ଅତେ ମୀ ବିତ୍ତାଟି ଆମ୍ବା ଆମ୍ବାଆରାଇଁ ଇରହାନା ପାୟିନେରି,

୧୭ ଇଞ୍ଜା ନା ଦରୁ ତାକି ବାରେ ଲକ୍ତୁତାଣା ଲାଜା ବେଟାଆନ୍ନେରି ଅତେ ଅପଅରି ।

୧୮ ସାମା ମୀ ତାୟୁଁ ତୁ ର ବାଣା ଜିକେଏ ନସ୍ତ୍ର ଆଏ;

୧୯ ଅର୍ହନି ତାଣାଟି ମୀରୁ ମୀ ଜାବୁଚି ଗେଲ୍ପିକିହା କଡିଦେରି ।”

ଜିରୁସାଲମ ନାସା ଆନି କାତା
(ମାତି ୨୪:୧୫-୨୧; ମାର୍କ ୧୩:୧୪-୧୯)

୨୦ “ସାମା ମୀରୁ ଏଚିବେଲା ସାତୁୟାଁ ଜିରୁସାଲମ ଗାଡାତା ମୁଚାମାନାଣି ମେହ୍ଦେରି, ଏଚିବେଲା ଏଦି ନାସା ଆନି କାଲ୍ଲା ଏଦାତେ ଇଞ୍ଜି ପୁଞ୍ଜୁ ।

୨୧ ଏଚିବେଲା ଏମିନିଗାଟାରି ଜୀହୁଦା ଦେସାତା ମାନେରି, ଏଞ୍ଜାରି ହର୍କାଣା ହଣପାରି; ଇଞ୍ଜା ଏମିନିଗାଟାରି ଗାଡା ବିତ୍ତା ମାନେରି, ଏଞ୍ଜାରି ହଡା ହାଲ୍ବେରି; ଏମିନିଗାଟାରି ନାସ୍କାଣାଁ ମାନେରି, ଏଞ୍ଜାରି ଗାଡାତା ହଡୁଆପେରି;

୨୨ ଏନିଇଚିହ୍ ମାହାପୁରୁ ପତିତା ରାସ୍ତି ଆହାମାନି ବାରେ କାତାଲେହେଁ ଆୟାଲିତାକି ଏଦି ତଣ୍ଡ ହାନି କାଲ୍ଲା ।

୨୩ ଆୟତା ଏଚିବେଲା ପୂରାମାସା ଆହାମାନୁ କି ପାଲୁ ଉର୍ହମାନୁ ଏଞ୍ଜି ଉଣେଏ କସ୍ତ୍ର ପାଣ୍ଡୁକି ! ଏନିଇଚିହ୍ ଏଚିବେଲା ଇ ଦାଉଚିତା କାଜା ତଣ୍ଡ ଅତେ ଇ ଲକ୍ତୁତାକି ମାହାପୁରୁଚି କପା ଆନ୍ନେ,

୨୪ ଏଚରଜାଣା କାଣ୍ଡାତଲେ ଚୁଣ୍ଡି ଆନ୍ନେରି, ଇଞ୍ଜା ଏଚର ଜାଣାଇଁ ଦସ୍ପି କିହାଁ ଏଚକା କୁଡାଟି ଲକ୍ତୁତାଣା ଅନ୍ନେରି, ଇଞ୍ଜା ଏଚକା ଜାଡିତି ଲକ୍ତୁଚି କଲ୍ଲା ଏଆ ପାତେକା ଏଞ୍ଜାରି କତାୟାଁ ତ୍ତୁ ଇରୁସାଲମ ଗାଡା ଖିସ୍ପିଆହ୍ ତ୍ତୟିନେ ।”

ମାଣସି ମୀରୁଏସି ଖେଣ୍ଡା ଖାନ୍ନାୟି
(ମାତି ୨୪:୨୯-୩୧; ମାର୍କ ୧୩:୨୪-୨୭)

* ୨୧:୧୨ ସିନଗର ✧ ୨୧:୧୪ ଲୁକ ୧୨:୧୧,୧୨

୨୫ *ଏମାରିଏ ଝେଡ଼ା ଲେଖୁ ଅଡ଼େ ହୁକାୟାଁ ବିତ୍ରାଟି ଏନ୍ଦି ଏନ୍ଦି ସିନାୟାଁ ତଞ୍ଜାଆନେ, ସାମ୍ବୁରୁରି ଗାଜି ନାଣି ଇଞ୍ଜା ଏୟୁ ନିଜିନାଣି ମେସାନା ଦାରୁତିତି ବାରେ ଦେସାତି ଲକୁ ଆତାଜାକା ଆନେରି,

୨୬ ଇଞ୍ଜା ଦାରୁତିତି ଏନା ଏନାୟି ଗଟ୍ଟି ଆହିମାନେ ଇଞ୍ଜି କାଚାନା ଲକୁ ଆଜିତାକି ଜୀଝୁ ପିସ୍ତିଲେହେଁ ଆନେରି, ଏନ୍ଦିଇତିହିଁ ହାଗୁ ପାକାତି ବାଡ଼ୁୟୁ ବାରେ ଖାଡ଼ିନେ ।

୨୭ *ଏରିବେଲା ମାଣସି ମୀରୁଏସି କାଜା ବାଡ଼ୁୟୁ ଅଡ଼େ ଗାଝୁରମି ତଲେ ହାଗୁ ଲାକତି ଦୁହାଟି ଖାନାଣି ମେହ୍‌ଦେରି ।

୨୮ ସାମା ଇ ବାରେ ଗଟ୍ଟି ଆୟାଲି ମାଟ୍‌ହିସାରେ ମୀରୁ ଲାକ ସିନକିଦୁ ଏନ୍ଦିଇତିହିଁ ମିଙ୍ଗେ ଗେଲ୍‌ପିନି କାତା ଏଜିମାଞ୍ଜାନେ ।”

ତୟା ମାରୁନୁଟି ଜାପିନାୟି

(ମାତି ୨୪:୩୨-୩୫; ମାର୍କି ୧୩:୨୮-୩୧)

୨୯ ଅଡ଼େ ଜୀସୁ ଏଝାରାଇଁ ର ପୁଣ୍ଡାମିକିନି କାତା ଝେସ୍ତେସି, “ତୟା ମାରୁନୁ ଅଡ଼େ ବାରେ ମାରୁକାଣି ସିନକିଦୁ;

୩୦ ଏରିବେଲା ଏଝି ଗଝେଡ଼ି ଗାଲୁନୁ, ଏ ଗଝେଡ଼ି ଗାଲୁନାଣି ମେସାନା କାରା ଝେଡ଼ା ଝାଡ଼େ ଇଞ୍ଜି ମୀରୁ ପୁଞ୍ଜେରି;

୩୧ ଏଲେକିହିଁ ଏ ମୀରୁ ଇ ବାରେ ମେସାନା ମାହାପୁରୁତି ରାଜି ଏଜିମାଞ୍ଜାନେ ଇଞ୍ଜି ପୁଞ୍ଜେରି ।”

୩୨ “ନାନୁ ମିଙ୍ଗ ସାତା ଝେସିମାଞ୍ଜାଇଁ, ଇ ବାରେ ଆଆପାତେକା ଇ କାଲାତି ଲକୁ ଏନ୍ଦିଜିକେଏ ମେଣ୍‌ଜାଅରି ।

୩୩ ହାଗୁପାକା ଦାରୁତି ବାରେ ମେଣ୍‌ଜାନେ, ସାମା ନା ବଲୁ ଏବେଲାଝା ମେଣ୍‌ଜାଅ ।”

କାଡ଼ିହିଁ ମାନାୟି

(ମାତି ୨୪:୩୬-୪୪; ମାର୍କି ୧୩:୩୨-୩୭)

୩୪ “ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ, ଆଆତିହିଁ ତିନାଣି ଭନାଣି ଅଡ଼େ ବାଡ଼କିନି ଅଣ୍‌ପୁ ମୀ ହିୟାଁତା ନେଞ୍ଜେନେ ଅଡ଼େ ଏ ଦିନା ଦେବୁଣିଏ ପାନ୍ଦାଲେହେଁ ମୀ ମୁହେଁ ଝାନେ;

୩୫ ଏନ୍ଦିଇତିହିଁ ଏଦି ପାନ୍ଦା ଲେହେଁ ଦାରୁତିତି ବାରେ ଜାଡ଼ିତି ଲକୁ ମୁହେଁ ଝାନେ ।

୩୬ ସାମା ମୀରୁ ଏନ୍ଦିକିଁ ଇ ବାରେ ଝାହିମାନି ତଣ୍ଡିଟି ଗେଲ୍‌ପି ଆହାଲି ଅଡ଼େ ମାଣସି ମୀରୁଏଣି ନକିତା ନିରାଲି ଆଡ଼ିଦେରି, ଏଦାଆଁତାକି ବାରେବେଲା କାଚାନା ପ୍ରାଚାନା କିହେମାଞ୍ଜୁ ।”

୩୭ *ଜୀସୁ ଏରିବେଲା ପ୍ରାଚାନା ଇଲୁତା ଜାପୁହିଁ ମାଚେସି, ଇଞ୍ଜା ଲାଆଁୟାଁ ଗାଡ଼ାଟି ହଡ଼ା ହାଜାନା ଜାତ ଇନି ହରୁତା ମାଣ୍‌ମିତେସି ।

୩୮ ଅଡ଼େ ବାରେ ଲକୁ ପ୍ରାଚାନା ଇଲୁତା ଜୀସୁ କାତା ଝେଞ୍ଜାଲି ଲାଭ ଲାଭସିଏ ରୁଣ୍ଡା ଆହିମାଚେରି ।

୨୨

ଜୀସୁଇଁ ପାୟାଲି ପାରୁ ପାରିନାୟି

(ମାତି ୨୪:୧-୫; ମାର୍କି ୧୪:୧,୨; ଜହ ୧୧:୪୫-୫୩)

୧ ପିସ୍‌ପିଆନ୍ଦି ପାର୍ବୁ ଦରୁଗାଟି ପୁଲାଏୟୁ ଆଣ୍ଡାଆତି ରୁଟି ତିନି ପାର୍ବୁ ତାଗେ ଆହିମାଚେ ।

୨ ଇଞ୍ଜା କାଜା ପୁଜେରା ଅଡ଼େ ମେରାପୁନାରି, ଜୀସୁଇଁ ଏନ୍ଦିକିଁ ପାୟାଲି ଆଡ଼ିନେରି, ଏଦାଆଁତାକି ପାରୁ ପାରିମାଚେରି, ସାମା ଏଝାରି ଲକୁଣି ଆଜିମାଚେରି ।

ଜୀହୁଦା ଜୀସୁଇଁ ଆସ୍‌ପି କିହାଲି ରାଜି ଆନାୟି

(ମାତି ୨୬:୧୨-୨୬; ମାର୍କି ୧୪:୧୦, ୧୧)

୩ ଏରିବେଲା ବାରଜାଣା ସୀସୁୟାଁ ବିତ୍ରାମାନି ଇସ୍‌ପାରିୟତ ଦରୁଗାଟି ଜୀହୁଦା ହିୟାଁତା ସୟତାନ ହଟେ;

୪ ଅଡ଼େ ଜୀହୁଦା ହାଜାନା ଏନ୍ଦିକିଁ କାଜା ପୁଜେରାଞ୍ଜା ଅଡ଼େ ମାହାପୁରୁ ଇଲୁ କାପୁଗାଟି କାଜାରି କେୟୁତା ଆସ୍‌ପି କିନେସି, ଏଦାଆଁତାକି ଏଝାରିତଲେ କାତାବାର୍ତ୍ତା ଆଡ଼େସି ।

୫ ଏମାରିଏ ଏଝାରି ରାହାଁ ଆହାନା ଏଝାଣାକି ଚାକାୟାଁ ହାହାଲି ଆଞ୍ଜିତେରି ।

୬ ଅତେ ଜୀହ୍ୱାଦା ରାଜି ଆହାନା ଲକ୍ଷୁ ହିଲାଆବେଲାତା ଜୀହ୍ୱୁଇଁ ଏଞ୍ଜାରି କେୟୁତା ହେର୍ପାଲି ପାରୁ ପାରାତେସି ।

ପିସ୍‌ପିଆନ୍ତି ପାର୍ବୁତି ବକ୍ତି ତିୟାରା କିନାୟି

(ମାତି ୨୬:୧୭-୨୫; ମାର୍କ ୧୪:୧୨-୨୧; ଜହ ୧୩:୨୧-୩୦)

୭ ତାୟୁ ଆମିନି ଦିନା ପୁଲାଏୟୁ ଆଣ୍ଡାଆତି ରୁତି ତିନି ପିସ୍‌ପିଆନ୍ତି ପାର୍ବୁତାକି ମେଣ୍ଡା ତାଲୁକାଣି ପୂଜା କିନି ଦିନା ଏତେ;

୮ ଏଚେଟିଏ ଜୀସୁ ପିତର ଅତେ ଜହନଇଁ ଈ କାତା ଝେସା ପାଣ୍ଡିତେସି, “ମୀରୁ ହାଜାନା ମାଜେତାକି ପିସ୍‌ପିଆନ୍ତି ପାର୍ବୁତାକି ରାନ୍ଦା ଖାଜାଦୁ ମାର୍ ତିନିଖା ।”

୯ ଏମ୍ବାଟିଏ ଏଞ୍ଜାରି ଜୀସୁଇଁ ଝେଚେରି, “ମୀମ୍ବୁ ଆମ୍ବିୟା ହାଜାନା ରାନ୍ଦା ଖାଜିହାଲାପାରି ଇଞ୍ଜୁଁ ନୀନୁ ଅଣ୍ଡପିମାଞ୍ଜି ?”

୧୦ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁ ଗାଡ଼ା ହଟିସାରେ ତୁକାତା ଏୟୁ ଅହିମାନାଣାଇଁ ମେହ୍‌ଦେରି; ଏଞ୍ଜାଣି ଜେତ ଜେତ ହାଜାନା ଏଞ୍ଜାସି ଆମିନି ଇଜ ହଡ଼ନେସି ଇଲୁ ଗାଟାଣାଇଁ ଝେହ୍‌ଦୁ,

୧୧ ଗୁରୁ ନିଙ୍ଗ ଇଲେଇଞ୍ଜୁଁ ଝେସା ପାଣ୍ଡାମାଞ୍ଜାନେସି, ନାନୁ ନା ସୀସୁୟାଁ ତଲେ ପିସ୍‌ପିଆନ୍ତି ପାର୍ବୁତି ବକ୍ତି ଏମିନି ଇଲୁତା ତିଇଁ ଏ ବାକ୍ତା ଆମିନାୟି ତସ୍ତାମ୍ବୁ ?

୧୨ ଏମ୍ବାଟିଏ ଏଞ୍ଜାସି ନେହ୍ଁ ତିୟାରା ଆହାମାନି ଲାକନି ପାରୁତି ର କାଜା ବାକ୍ତା ତସ୍ତାନେସି; ଏମ୍ବାଆଁ ମାଜେତାକି ରାନ୍ଦା ଖାଜାଦୁ ।”

୧୩ ଏଞ୍ଜାରି ହାଜାନା ଜୀସୁ ଏଞ୍ଜାରାଇଁ ଏନିକ୍ଁ ଝେସାମାଚେସି, ଏଲେକ୍ଁ ମେସାନା ପିସ୍‌ପିଆନ୍ତି ପାର୍ବୁତି ରାନ୍ଦା ଖାଜିତେରି ।

ପ୍ରବୁତି ବକ୍ତି

(ମାତି ୨୬:୨୬-୩୦; ମାର୍କ ୧୪:୨୬-୨୭; ଲକର ୧୧:୨୩-୨୫)

୧୪ ପିସ୍‌ପିଆନ୍ତି ପାର୍ବୁତି ବେଲା ଆୟାଲିଏ, ଜୀସୁ ଅତେ ତାନି ପାଣ୍ଡୁଡ଼ି ଆଡ଼ି ସୀସୁୟାଁ ତଲେ ତିଞ୍ଜାଲି କୁଗିତେରି ।

୧୫ ଅତେ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ନାନୁ ଦୁକୁ କସ୍ତ ପ୍ଲାଞ୍ଜା ନଟକଏ ମୀ ତଲେ ଇ ପିସ୍‌ପିଆନ୍ତି ପାର୍ବୁତି ବକ୍ତି ତିଞ୍ଜାଲି ହାଡ଼ରକା ଅଣ୍ଡପାମାଚେଏଁ !

୧୬ ଏନିଇତିହ୍ଁ ନାନୁ ମିଜେ ଝେସିମାଞ୍ଜାଇଁ, ମାହାପୁରୁ ରାଜିତା ଈ କାତା ବାରେ ପୁରା ଆଆପାତେକା ନାନୁ ଅତେ ଏଚେଲାଖା ଏଦାଆଁ ତିନିଆଁ ।”

୧୭ ଇଞ୍ଜାଁ ଏଞ୍ଜାସି ର ସଲା ଆସାନା ମାହାପୁରୁଇଁ ଜହରା କିହାନା ଏଲେଇଚେସି, “ମୀରୁ ଇଦାଆଁ ଅହାନା ମୀ ବିତ୍ରା ବାଟିକିଦୁ ।

୧୮ ଇତିହ୍ଁ ନାନୁ ମିଜେ ଝେସିମାଞ୍ଜାଇଁ, ମାହାପୁରୁ ରାଜି ଖାଆ ପାତେକା ନାନୁ ନୀଞ୍ଜୁଟିଏ ଅଞ୍ଜୁରି ରାସା ଏଚେଲାଖା ଗହ୍‌ଆଁ ।”

୧୯ ଅତେ ଏଞ୍ଜାସି ରୁତି ଅହାନା ମାହାପୁରୁଇଁ ଜହରା କିହାଁ ତ୍ରିକହାନା ହାହାଁ ଏଲେଇଚେସି, “ମିଜେତାକି ହାପକି ଆହାମାନି ନା ଆଜା ଇଦି; ନାଜେ ଅଣ୍ଡପାଲି ଇଦାଆଁ କିଦୁ ।”

୨୦ ଏଲେକିହ୍ଁଏ ତିତି ତାୟୁ ଏଞ୍ଜାସି ଗହ୍‌ନି ସଲା ଆସାନା ଏଲେଇଚେସି, “ଇ ସଲାତା ମିଜେତାକି ଖାକ୍‌ହମାନି ନା ନେତେରିତି ପୁଞ୍ଜି ରାଜିମାନା ।”

୨୧ “ସାମା ମେହ୍‌ଦୁ ଆମ୍ବାଆସି ନାଜେ ସାତୁ କେୟୁତା ହେର୍ପିମାଞ୍ଜାନେସି, ଏଞ୍ଜାସି ନା ତଲେ ବକ୍ତିତା କୁଗାମାନେସି ।

୨୨ ଏନିଇତିହ୍ଁ ମାହାପୁରୁ ତୀରି କିହାମାଟି ଲେହେଁ ମାଣ୍ଡସି ମୀବ୍‌ସି ହାନ୍‌ନେସି, ସାମା ଏଞ୍ଜାଣାଇଁ ସାତୁ ତାଣା ହେର୍ପିନେସି ଆୟାତା ଏଞ୍ଜାସି ଉଣେଏ ତଣ୍ଡ ବେଟା ଆନେସି ।”

୨୩ ଏମ୍ବାଟିଏ ଏଞ୍ଜାରି ମା ବିତ୍ରାଟି ଆମ୍ବାଆସି ଇଲେତି କାମା କିନେସି ଇଞ୍ଜୁଁ ତାମ୍ବୁ ତାମ୍ବୁସୁ ଜଲ୍‌କି ଆଡ଼େତିରି ।

ଆମ୍ବାଆସି କାଜାସି ଇଞ୍ଜୁଁ ବାଦିବାଦା

୨୪ ଇଞ୍ଜାଁ ଏଞ୍ଜାରି ବିତ୍ରାଟି ଆମ୍ବାଆସି କାଜାସି ଆନ୍‌ନେସି ଇଞ୍ଜୁଁ ସୀସୁୟାଁ ବିତ୍ରା ଆସ୍‌ପି ଆଡ଼େତିରି ।

☆ ୨୨:୨୪ ମାତି ୧୮:୧; ମାର୍କ ୯:୩୪; ଲୁକ ୯:୪୭

୨୫ ଏମ୍ବାରିଏ ଜୀସୁ ଏଞ୍ଜରାଜ୍ ଏଲେଇରେସି, “ଏଟକା କୁଡ଼ାତି ରାଜାୟାଁ ଏଞ୍ଜରି ମୁହେଁ ସାଲ୍ଲୁଓ କିନେରି, ଅଡ଼େ ଆମିନି ଗାଟାରି ଏଞ୍ଜରାଜ୍ ସାଲ୍ଲୁଓ କିନେରି, ଏଞ୍ଜାରି ଲକୁଡ଼ାଣା ନେହାଁରି ଇଞ୍ଜୁଁ ଝେଞ୍ଜାଲି ଅଣ୍ଡିନେରି ।

୨୬ ✠ସାମା ମୀ ବିତ୍ତା ଏଲେଆଆନୁ ଇଚିହୁଁ ମୀ ବିତ୍ତା ଆମ୍ବାଆସି କାଜାସି ଏଞ୍ଜାସି ଉଣା ଆଠେସି, ଇଞ୍ଜାଁ ଆମ୍ବାଆସି ସାଲ୍ଲୁଓ କିନାସି ଏଞ୍ଜାସି ସେବା କିନାସି ଆଠେସି ।

୨୭ ✠ଆମ୍ବାଆସି କାଜାସି ? ତିଞ୍ଜାଲି କୁଗିନାସି କାଜାସି କି ସେବା କିନାସି କାଜାସି ? ତିଞ୍ଜାଲି କୁଗିନାସି କାଜାସି ଅଏକି ? ସାମା ନାନୁ ମୀ ବିତ୍ତା ସେବା କିନାତେଏଁଲେହେଁ ଆହାମାଇଁ ।”

୨୮ “ସାମା ମୀରୁ ନା ବାରେ କସ୍ତା ନା ତଲେ ମାଞ୍ଜାମାଞ୍ଜେରି;

୨୯ ଇଞ୍ଜାଁ ନା, ଆବା ଏନିକଁ ନାଞେ ସାଲ୍ଲୁଓ କିହାଲି ପାଣା ହାହାମାଞ୍ଜାନେସି, ନାନୁ ଜିକେଏ ଏଲେକିହୁଁଏ ମିଞେ ହିୟାଇଁ,

୩୦ ✠ଏନିକଁ ମୀରୁ ନା ରାଜିତା ନା ତଲେ କୁଗାନା ତିଞ୍ଜେରି, ଇଞ୍ଜାଁ ସିଂଗାସାଣିତା କୁଗାନା ଇସ୍ତାୟେଲତି ବାରି କୁଡ଼ାତି ସାଲ୍ଲୁଓ କିଦେରି ।”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜୁଁ ଝେହୁନି କାତା

(ମାତି ୨୬:୩୧-୩୫; ମାର୍କ ୧୪:୨୭-୩୧; ଜହ ୧୩:୩୬-୩୮)

୩୧ “ସିମନ, ସିମନ ମେହମୁ ସୟତାନ ଗହଁ ହାଣିକିନିଲେହେଁ ସୟତାନ ମାହାପୁରୁ ତାଣାଟି ହେଲ ବେଟାଆହାମାନେ;

୩୨ ସାମା ନୀ ନାମୁ ଏନିକଁ ମେଣ୍ଡାଞେଏ, ଇଦାଆଁତାକି ନାନୁ ନୀ ତାକି ପ୍ରାଡ଼ାନା କିତେଏଁ; ଇଞ୍ଜାଁ ନାନୁ ନେହୁଁ ଆହାନା ଝେଣ୍ଡାସାରେ ନୀ ତାୟିୟାଣି ତାରପୁକିମୁ ।”

୩୩ ସାମା ପିତର ଏଲେଇରେସି, “ଏ ପ୍ରବୁ ନାନୁ ନୀ ତଲେ କାୟିଦିତା ହାଜାଲି ଅଡ଼େ ହାହାଲି ଜିକେଏ ଆଣ୍ଡାଇଁ ।”

୩୪ ସାମା ଜୀସୁ ଏଲେଇରେସି, “ଏ ପିତର ନାନୁ ଏଲେଇଞ୍ଜିମାଞ୍ଜାଇଁ, ନୀଞ୍ଜୁ କୟୁ କେଣ୍ଡାଆ ନକେଏ ନାନୁ ନାଞେ ତାନିପାଲି ପୁଞ୍ଜାହିଲଅଁ ଇଞ୍ଜୁଁ ଝେହୁଦି ।”

ଟାକାୟାଁ ମଣା ଅଡ଼େ କାଣ୍ଡା

୩୫ ✠ଜୀସୁ ଏଞ୍ଜରାଜ୍ ଏଲେଇରେସି, “ଏଚିବେଲା ନାନୁ ମିଞେ ତାବୁୟାଁ ମଣା ଇଞ୍ଜାଁ ସେପୁୟାଁ ଅଆନା ହାନୁ ଇଞ୍ଜୁଁ ପାଣ୍ଡା ମାଞ୍ଜାତେଏଁ ଏ ବେଲା ମିଞେ ଏନାୟି ଉଣା ଆୟାତେକି ?” ଏଞ୍ଜାରି ଏଲେଇରେରି, “ଏନାୟି ଆଏ ।”

୩୬ ଏମ୍ବାରିଏ ଜୀସୁ ଏଲେଇରେସି, “ସାମା ନୀଏଁ ଆମ୍ବାଆରାକି ତାବୁୟାଁ ମାନୁ ଏଞ୍ଜାସି ଏଞ୍ଜାଆଁ ଅଠେସି, ଏଲେକିହୁଁଏ ମଣା ଜିକେଏ ଅଠେସି, ଅଡ଼େ ଆମ୍ବାଆରାକି କାଣ୍ଡା ହିଲେଏ ଏଞ୍ଜାସି ତାନି ହିମ୍ବରି ପାର୍ଡ଼ାନା କତାପେସି ।

୩୭ ଇଚିହୁଁ ନାନୁ ମିଞ୍ଜା ଝେସିମାଞ୍ଜାଇଁ, ମାହାପୁରୁ ପତିତା ରାସ୍ତିକି ଆହାମାନାୟି ସାତେଏ ନାଞେତାକି ଆନାୟି ମାନେ, ଏଞ୍ଜାସି ପାପୁ ଗାଟାରି ତଲେ ଲେକା ଆନେସି, ଏଲେଆହୁଁଏ ଏ ବାରେ ନାଞେ ଏଜାତାରିମାନେ ।”

୩୮ ଏମ୍ବାରିଏ ଏଞ୍ଜାରି ଏଲେଇରେରି, “ଏ ପ୍ରବୁ ଇମ୍ବାଆଁ ରୀ କାଣ୍ଡା ମାନୁ ।” ଇଞ୍ଜାଁ ଏଞ୍ଜାସି ଏଲେଇରେସି, “ହାଅ, ଏଞ୍ଜିଏ ସାରି ଆନୁ ଇଚେସି ।”

ଜୀସୁ ଜୀତ ହରୁତା ପ୍ରାଡ଼ାନା କିନାୟି

(ମାତି ୨୬:୩୬-୪୬; ମାର୍କ ୧୪:୩୨-୪୨)

୩୯ ଏଞ୍ଜାସି ଗାଡ଼ାଟି ହଡ଼ା ହାଜାନା ତାନୁ ହାଲ୍ଲୁଡ଼ିତଲେହେଁ ଜୀତ ହରୁତା ହାଚେସି, ଅଡ଼େ ସୀସୁୟାଁ ଜିକେଏ ଏଞ୍ଜାଣି ଜେଟ ହାଚେରି ।

୪୦ ଏମ୍ବାଆଁ ଏଜାନା ଏଞ୍ଜାସି ତାନି ସୀସୁୟାଁଇଁ ଝେସ୍ତେସି, “ମୀରୁ ଏନିକଁ ପାନ୍ଦାତା ହେରୁଓଁ ଆଅତେରି, ଇଦାଆଁତାକି ପ୍ରାଡ଼ାନା କିମୁ ।”

୪୧ ଅଡ଼େ ଏଞ୍ଜାସି ଏଞ୍ଜାରି ତାଣାଟି ହିରେ ହେକ ହାଜାନା ମେଣ୍ଡାକୁତାନା ପ୍ରାଡ଼ାନା କିହୁଁ ଝେସ୍ତେସି,

✠ ୨୨:୨୬ ମାତି ୨୩:୧୧; ମାର୍କ ୯:୩୫ ✠ ୨୨:୨୭ ମାତି ୨୦:୨୫-୨୭; ମାର୍କ ୧୦:୪୨-୪୪ ✠ ୨୨:୨୭ ଜହ ୧୩:୧୨-୧୫ ✠ ୨୨:୩୦ ମାତି ୧୯:୨୮ ✠ ୨୨:୩୫ ମାତି ୧୦:୧;୧୦; ମାର୍କ ୬:୮,୯; ଲୁକ ୯:୩; ୧୦:୪

୪୨ “ଏ ଆବା ନାନୁ ମନ କିତିହଁ ଇ ଦୁକୁ କସ୍ତ ନା ତାଣାଟି ଗୁଟି କିମ୍ପୁ; ଯାମା ନା ମନ କଡେ ଆଏ ନା କାତେଏ ଆପେ ।”

୪୩ ଅଡେ ଲାକପୁରୁତି ର ଦୁଡୁ ତଞ୍ଜାଆହାନା ଏଞ୍ଜାଣାକି ବାଡ଼ୁୟୁ ହୀତେ ।

୪୪ ଏତେଟିଏ ଏଞ୍ଜାସି ହାରେକା ଦୁକୁ ତଲେ ଅଡେ ଗାଡିକିହଁ ପ୍ରାତାନା କିତେସି, ଇଞ୍ଜା ଏଞ୍ଜାଣି ଗାମା ନେତେରିଲେହେଁ ବୁମିତା ତରରିମାତେ ।

୪୫ ଅଡେ ଏଞ୍ଜାସି ପ୍ରାତାନାଟି ନିଜା ଖାହାନା ତାନି ସୀୟୁୟାଣି ଦୁକୁ ତଲେ ଇଦା କିତାଣି ମେସ୍ତେସି;

୪୬ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇତେସି, “ଏନାଆଁତାକି ତୁରାମାଞ୍ଜେରି ? ପାନ୍ନାତା ଏନିକଁ ହେରଞ୍ଜଅତେରି ଏନାଆଁତାକି ନିଜାନା ପ୍ରାତାନା କିଦୁ ।”

ଜୀୟୁଇଁ ଦହନି କାତା

(ମାତି ୨୨:୪୭-୫୬; ମାର୍କ ୧୪:୪୩-୫୦; ଜହ ୧୮:୩-୧୧)

୪୭ ଏଞ୍ଜାସି ଜଳିମାଗାଟି ର ମାନ୍ଦା ଲକୁ ଏମ୍ପାଆଁଏଗା ଖାଡେରି, ଅଡେ ବାରଜାଣା ସୀୟୁୟା ବିତ୍ରାଟି ଜୀହୁଦା ଦରୁଗାଗାସି ଏଞ୍ଜାରି ନକିତା ଖାହାନା ଜୀୟୁଇଁ ନଶ୍ତାଲି ତାନି ତାଣା ହାରେସି ।

୪୮ ଯାମା ଜୀୟୁ ଏଞ୍ଜାଣାଇଁ ଏଲେଇତେସି, “ଏ ଜୀହୁଦା ନଶ୍ତାନା ମାଣସି ମୀରଏଣାଇଁ ସାତୁୟାଁ କେୟୁତା ହେରପିମାଞ୍ଜି ?”

୪୯ ଏମ୍ପାଟିଏ ଜୀୟୁତଲେ ମାଗାରି ଇଦି ଏନାସି ଇଞ୍ଜଁ ପୁଞ୍ଜାନା ଜୀୟୁଇଁ ଏଲେଇତେରି, “ଏ ପ୍ରବୁ ମାମ୍ପୁ ଇଞ୍ଜାରାଇଁ କାଣ୍ଡାତଲେ ପାୟିନମି କି ?”

୫୦ ଅଡେ ଏଞ୍ଜାରି ରଅସି କାଜା ପୂଜେରା ହଲଏଣାଇଁ ଇର୍ହାନା ତାନି ଚିଃନି କିୟଁ ଦୁଡାତୁସ୍ତେସି ।

୫୧ ଯାମା ଜୀୟୁ ଏଲେଇତେସି, “ଇଚେକେଏ ଆଡେ” ଇଞ୍ଜାନା ଏଞ୍ଜାଣି କିୟଁ ଦୁଗାଗାନା ନେହଁ କିତେସି ।

୫୨ ଅଡେ ଜୀୟୁ ତାଜେ ଆସାଲି ଖାହାମାଟି କାଜା ପୂଜେରା, ମାହାପୁରୁ ଇଲୁଟି କାପୁଗାଗାରି ଅଡେ ଲକୁଟି କାଜାରାଇଁ ଏଲେଇତେସି, “ମୀରୁ ସରୁଇଁ ଆହନିଲେହେଁ ଇଟା କାଣ୍ଡା ଅଡେ ଚେଙ୍ଗାୟାଁ ଆସାନା ଖାହାମାଞ୍ଜେରି ?

୫୩ ନାନୁ କାଲେଏ ମୀ ତଲେ ମାହାପୁରୁ ଇଲୁତା ମାଚେଏଁ, ଏଚିବେଲା ମୀରୁ ନାଜେ ଆସ୍ତାଆତେରି; ଯାମା ଇ ଦିନା ମୀଦିଏ ଅଡେ ଆନ୍ଦେରିତି ବାଡ଼ୁୟୁ ରାଜିକିନି ଦିନା ।”

ପିତର ଜୀୟୁଇଁ ପୁଞ୍ଜାହିଲଅଁ ଇଞ୍ଜଁ ଇନାସି

(ମାତି ୨୨:୫୭,୫୮,୬୯-୭୫; ମାର୍କ ୧୪:୫୩,୫୪,୬୬-୭୨; ଜହ ୧୮:୧୨-୧୮,୨୫-୨୭)

୫୪ ତାୟୁ ଏଞ୍ଜାରି ଏଞ୍ଜାଣାଇଁ ଅହାନା କାଜା ପୂଜେରା ଇଜ ତାତେରି; ଯାମା ପିତର ହେକ ମାଞ୍ଜାନା ଜେତ ଜେତ ହାରେସି ।

୫୫ ଅଡେ ଏଞ୍ଜାରି ଆଗେଣିତା ହିରୁ ତାସାନା ହିରୁ ସାରିସୁରୁ କୁଗିତେରି, ଇଞ୍ଜା ପିତର ଜିକେଏ ଏଞ୍ଜାରିତଲେ କୁଗିତେସି ।

୫୬ ଏମ୍ପାଟିଏ ର ହଲେଣି ପିତର ହିରୁ ମାଣ୍ଡାତା କୁଗାମାନାଣି ମେସାନା, ଏଞ୍ଜାଣାଇଁ ସିନିକିହାନା ଏଲେଇତେ, “ଇଞ୍ଜାସି ଜିକେଏ ଏଞ୍ଜାଣିତଲେ ମାଗାସି ।”

୫୭ ଯାମା ପିତର ଏଲେଇତେସି, “ଆଏକା ନାନୁ କଡେ ଏଞ୍ଜାଣାଇଁ ପୁଣମ୍ପୁ ପୁଞ୍ଜାହିଲଅଁ ।”

୫୮ ଅଡେ ଗାଡେକା ହାଜାଲିଏ ଅଡେ ରଅସି ଏଲେଇତେସି, “ନାନୁ ଜିକେଏ ଏଞ୍ଜାରି ବିତ୍ରାଟି ରଅତି ।” ଯାମା ପିତର ଏଲେଇତେସି, “ଆଏ ତାୟି ନାନୁ କଡେ ଆଏ ।”

୫୯ ଅଡେ ର ଗଂଟା ହାଜାଲିଏ ଅର ରଅସି ଏଲେଇତେସି, “ସାତେଏ ଇଞ୍ଜାସି ଏଞ୍ଜାରିତଲେ ମାଗାସି, ଏନିକିତିହଁ ଇଞ୍ଜାସି ଗାଲିଲି ଦେସାତାସି ।”

୬୦ ଯାମା ପିତର ଏଲେଇତେସି, “ନାନୁ ଏନାଆଁ ଇଞ୍ଜିମାଞ୍ଜି ତାୟି ନାନୁ ଏନାଆଁ ପୁଞ୍ଜାହିଲଅଁ ।”

ଏ ଦେବୁଣିଏ କୟୁ କେଣିତେ;

୬୧ ଏମ୍ପାଟିଏ ପ୍ରବୁ ମ୍ପମ୍ପୁ ଡୁପରହାନା ପିତରଇଁ ସିନିକିତେସି; ଏମ୍ପାଟିଏ ନୀଞ୍ଜୁ କୟୁ କେଣିଆ ନଚେଏ ନାନୁ ପୁଞ୍ଜାହିଲଅଁ ଇଞ୍ଜାସି, ପ୍ରବୁ ଖେସ୍ତ୍ର ଇ କାତା ତାନି ମନତା ଖାଡେ,

୬୨ ଇଞ୍ଜା ଏଞ୍ଜାସି ପାଞ୍ଜାତା ହାଜାନା ଗାତି ଦୁକୁ ଆହାନା ଡୀତେସି ।

☆ ୨୨:୫୩ ଲୁକ ୧୯:୪୭; ୨୧:୩୭

ଜୀସୁଙ୍କ ନିନ୍ଦାକିହିଁ କାକନାୟି ଅଡ଼େ ଖେନାୟି

(ମାତି ୨୭:୨୭,୨୮; ମାର୍କ ୧୪:୬୫)

୨୩ ଅଡ଼େ ଆମିନିଗାଟାରି ଜୀସୁଙ୍କ ଆସା ଇଟାମାଚେରି, ଏଝାରି ଏଝାଣାଙ୍କ ଝେଟି ଝେଟିହିଁ କାକହେରି,

୨୪ ଅଡ଼େ ଏଝାଣି ମୁମୁତ୍ତା ହିମ୍ବିରି ପ୍ରିକ୍ସନା ଝେଚେରି, “ନାନୁୟାଁ ମାହାପୁରୁ ଅଣ୍ଟପୁଟି ବଲୁ ଝେହ୍ନାତି ! ଝେସ୍ତାମୁ ନିଜେ ଆମ୍ବାଆସି ଝେଡାତେସି ?”

୨୫ ଅଡ଼େ ଏଝାରି ହାଡ଼େକା କାତା ଏଝାଣି କପାଟି ଜଲ୍ଲାନା ଏଝାଣି ନିନ୍ଦାକିତେରି ।

ବେରଣିମାଣ୍ଡା ନକିତା ଜୀସୁ

(ମାତି ୨୭:୫୯-୬୬; ମାର୍କ ୧୪:୫୫-୬୪; ଜହ ୧୮:୧୯-୨୪)

୨୬ ଲାଜୁ ଝେୟାଲିଏ ଲକ୍ଷୁତି କାଜାରି, କାଜା ପୂଜେରାଜା ଅଡ଼େ ମେରାପୁନାରି ରୁଣ୍ଡା ଆହ୍ନାନା ତାମି ବେରଣିମାଣ୍ଡାତା ଜୀସୁଙ୍କ ଅହ୍ନାନା ଝେଚେରି,

୨୭ “ନାନୁ କ୍ରୀସ୍ତତିକି ମାଜେ ଝେସ୍ତାମୁ ।” ସାମା ଏଝାସି ଏଝାରାଙ୍କ ଏଲେଇଚେସି, “ନାନୁ ମିଜେ ଝେସ୍ତାସାରେ ମୀରୁ ନାମଅତେରି;

୨୮ ଅଡ଼େ ନାନୁ ଝେଞ୍ଜାତିହିଁ ମୀରୁ ଝେସାଲି ଆଡ଼ଅତେରି ।

୨୯ ସାମା ନାଏଟିଏ ମାଣସି ମୀରୁଏସି ବାଡ଼ୁଗାଟି ମାହାପୁରୁ ଚିଝିନ ଚଟତା କୁଗିନେସି ।”

୩୦ ଏମ୍ବାଟିଏ ବାରେଜାଣା ଝେଚେରି, “ଆତିହିଁ ନାନୁ ମାହାପୁରୁ ମୀରୁଏଶାତିକି ?”

ଏଝାସି ଏଝାରାଙ୍କ ଏଲେଇଚେସି, “ମୀରୁତ ଝେସିମାଞ୍ଜାଦେରି, ନାନୁ ଏଝାତେଏଁ ।”

୩୧ ଏଚେଟିଏ ଏଝାରି ଏଲେଇଚେରି, “ମାଜେ ଅଡ଼େ ଏନ୍ଦି ସାକି ଲଡ଼ା, ମୀରୁତ ଇ କାତା ତାନି ଗୁଡିଟିଏ ଝେଚାୟି ।”

୨୩

ପିଲାତ ନକିତା ଜୀସୁ

(ମାତି ୨୭:୧,୨; ୨୭:୧୧-୧୪; ମାର୍କ ୧୫:୧-୫; ଜହ ୧୮:୨୮-୩୮)

୧ ଏଚେଟିଏ ତାମୁ ବାରେଜାଣା ନିଜ୍ଞାନା ଜୀସୁଙ୍କ ପିଲାତ ନକିତା ଅତେରି ।

୨ ଇଞ୍ଜାଁ ଏଝାରି ଜୀସୁ କପାଟି ଦହ ଦସାନା ଏଲେଇଚେରି, “ମାମୁ ପୁଟମି ଇଝାସି ମା କୁଡାତି ଲକ୍ଷୁଣି ପଲ୍ଲଆ ଜାପୁହିମାନେସି, ଇଚିହିଁ ଇଝାସି କାୟିସରକି ସିସୁ ହୁଆସୁ, ତାନୁ ନାନୁଏ କ୍ରୀସ୍ତ ଅଡ଼େ ରାଜାତେଏଁ ଇଞ୍ଜାଁ ଝେସା କଡିମାନେସି ।”

୩ ଏଚେଟିଏ ପିଲାତ ଜୀସୁଙ୍କ ଝେଚେସି, “ନାନୁ କି ଜୀହୁଦି ଲକ୍ଷୁତି ରାଜାତି ?”

ଜୀସୁ ଝେସ୍ତେସି, “ନାନୁତ ଝେସିମାଞ୍ଜି ।”

୪ ଏଚେଟିଏ ପିଲାତ କାଜା ପୂଜେରା ଅଡ଼େ ବାରେ ଲକ୍ଷୁଣି ଏଲେଇଚେସି, “ନାନୁ ଇଝାଣି ତାଣା ଏନ୍ଦି ଦହ ପୁଞ୍ଜାତେଏଁ ।”

୫ ସାମା ଏଝାରି ଗାଡିକିହିଁ ଜଲିତେରି, “ଇଝାସି ଗାଲିଲିଟିଏ ମାଟ୍‌ହାନା ଇସ୍ତା ପାତେକା ବାରେ ଜୀହୁଦା ଦେସାତି ଲକ୍ଷୁଣି ଜାପୁହାନା ଲାଗେଏ କିହିମାନେସି ।”

ହେରଦ ନକିତା ଜୀସୁ

୬ ସାମା ପିଲାତ ଇ କାତା ଝେଞ୍ଜାନା ଝେଚେସି, “ଇଝାସି ଗାଲିଲିତାସିକି ?”

୭ ଇଞ୍ଜାଁ ଏଝାସି ହେରଦ ରାଜା ରାଜି ତାସି ଇଞ୍ଜାଁ ପୁଞ୍ଜାନା ଏଝାଣାଙ୍କ ହେରଦ ତାଣା ପାଣ୍ଡିତେସି, ଏନ୍ଦିଇଚିହିଁ ଏଚିବେଲା ହେରଦ ଜିରୁସାଲମତା ମାଚେସି ।

୮ ହେରଦ ଜୀସୁଙ୍କ ମେସାନା ହାଡ଼େକା ରାହାଁ ଆଡ଼େସି, ଏନ୍ଦିଇଚିହିଁ ଏଝାସି ଏଝାଣି କାତା ଝେଞ୍ଜା ମାତାକି ଏଝାଣାଙ୍କ ହାରେକା ଦିନାଟିଏ ମେସାଲି ମନ କିହିମାଚେସି, ଇଞ୍ଜାଁ ଏଝାଣି ତାଣାଟି ଏନ୍ଦି କାବାଆନ୍ଦି କାମାକିନାଣି ମେହ୍‌ଙ୍କ ଇଞ୍ଜାଁ ଆସା କିହିମାଚେସି ।

୯ ହେରଦ ଜୀସୁଙ୍କ ଏନ୍ଦି ଏନ୍ଦି କାତାୟାଁ ଝେଚେସି, ସାମା ଜୀସୁ ଏଝାଣାଙ୍କ ଏନ୍ଦି କାତାଝା ଝେଣ୍ଡେ ଝେହ୍‌ଆତେସି ।

୧୦ ସାମା କାଜା ପୂଜେରାଜା ଅଡ଼େ ମେରାପୁନାରି ନିତାନା ଏଝାଣି କପାଟି ଆଜିହ୍‌ପେତି କାତାୟାଁ ଜଲିମାଚେରି ।

୧୧ ଏବେଟିଏ ହେଉଦ ତାନି କସ୍ତକା ତଲେ ଏଝାଣାଛ କାକହି କାକହିହିଁ ନିନ୍ଦାକିତେରି ଏବେଟିଏ ର ପାଟୁ ହିମ୍ବୁରି ଏଝାଣାଛ ହୁଟି କିହାନା ପିଲାତ ତାଣା ଖେଣ୍ଡେ ପାଣ୍ଡିତେରି ।

୧୨ ଏ ଦିନାଟିଏ ପିଲାତ ଅଡ଼େ ହେଉଦ ତଟେ ଆଡ଼େରି; ଏଝାରି ନକେଏ ସାତୁୟାଲେହେଁ ମେସ୍‌ପି ଆଝିତେରି ।

ଜୀସୁକି ହାନି ତଣ୍ଡ

(ମାତି ୨୭:୧୫-୨୬; ମାର୍କ ୧୫:୬-୧୫; ଜହ ୧୮:୩୯; ୧୯:୧୬)

୩୩ ଏମ୍ବାଟିଏ ପିଲାତ କାଜା ପୁଜେରା ଜୀହୁଦି ଲକ୍ଷୁତି କାଜାରି ଅଡ଼େ ବାରେ ଲକ୍ଷୁଛଁ ହାଟି କିହାନା ଏଝାରାଇଁ ଏଲେଇଚେସି,

୧୪ “ଇଝାସି ଲକ୍ଷୁଣି ପଲୁଆ ଜାପୁହିମାନେସି ଇଞ୍ଜିଁ ମୀରୁ ନା ତାଣା ତାତେରି; ସାମା ନାନୁ ଏଝାଣାଛଁ ମୀ ନକିତା ତାୟିପାରି କିତେଏଁ ଇଞ୍ଜିଁ ମୀରୁ ଖେସାମାଞ୍ଜାତି ଏନି ଦହ୍ ଏଝାଣି ତାଣା ପୁଞ୍ଜାତେଏଁ, ଇଞ୍ଜିଁ ହେଉଦ ଜିକେଏ ପୁଞ୍ଜାତେସି,

୧୫ ଏନିଇଚିହିଁ ହେଉଦ ଅଡ଼େ ଖେଣ୍ଡେ ନା ତାଣା ପାଣ୍ଡାତେସି; ଇଞ୍ଜିଁ ମେହଦୁ ଇଝାସି ହାନି ତଣ୍ଡ ପାଣ୍ଡିନି ଏନି ଦହ୍‌ଝା କିହାହିଲଅସି;

୧୬ ଏଦାଆଁତାକି ନାନୁ ଇଝାଣାଛଁ ସାଟୁଣି ତଲେ ଖେଚାନା ପିହୁଇଁ ।”

୧୭ ପିସ୍‌ପିଆନି ପାରୁ ବେଲା କାୟିଦି ମାନାରି ବିଦ୍ରାଟି ରଅଣାଛଁ ଏଝାରାକି ପିସାଲି ମେରା ମାଚେ ।

୧୮ ସାମା ଏଝାରି ରହେଏ ଗତିକିହିଁ ଏଲେଇଚେରି, “ଇଝାଣାଛଁ ପାୟାଦୁ ବାରବାଇଁ ମାଜେ ପିସାହିୟାମୁ !”

୧୯ ଇ ବାରବାଇଁ ଗାଡ଼ାଟି ଗଡ଼ହା ତାକି ଇଞ୍ଜିଁ ରଅଣାଛଁ ପାୟାମାତାକି କାୟିଦି ଇଗାମାଚେରି ।

୨୦ ସାମା ପିଲାତ ଜୀସୁଛଁ ପିସାଲି ଅଣ୍ଡାପାନା ଲକ୍ଷୁ ମାନ୍ଦାତି ଅଡ଼େ ପୁଣ୍ଡି କିହାଲି ଖେସ୍‌ସେସି ।

୨୧ ସାମା ଏଝାରି କାଜା ହାଡ଼ାତଲେ ଏଲେଇଚେରି, “ଏଝାଣାଛଁ ପାସି ମୁଣ୍ଡାତା ଏକଦୁ ପାସି ମୁଣ୍ଡାତା ଏକଦୁ ଇଞ୍ଜିଁ ଇଚେରି ।”

୨୨ ଇଞ୍ଜିଁ ଏଝାସି ଅଡ଼େ ତାନି ପାଲି ଖେସ୍‌ସେସି, “ଏଦାଆଁତାକି, ଏଝାସି ଏନି ଦହ୍ କିହାମାନେସି ? ନାନୁ ଏଝାଣି ତାଣା ଏନି ହାନିହଗେଟି ଦହ୍ ପୁଞ୍ଜାତେଏଁ; ଏଦାଆଁତାକି ନାନୁ ଏଝାଣାଛଁ ସାସି ହାହାନା ପିହୁଇଁ ।”

୨୩ ସାମା ଏଝାରି କାଜା ଗିୟାତଲେ ଏଝାଣାଛଁ ପାସି ମୁଣ୍ଡାତା ଏକହାଲି ଖେସ୍‌ସେରି, ତାୟି ଏଝାରି ଖେସ୍‌ସାୟିଏ ଆଡ଼େ ।

୨୪ ଇଞ୍ଜିଁ ଏଝାସି ଖେସ୍‌ସିଲେହେଏ କିୟାଲି ପିଲାତ ହୁକୁମି ହୀତେସି;

୨୫ ସାମା ଆମିନିଗାଟାସି ଗଡ଼ହା ଅଡ଼େ ଲକ୍ଷୁଣି ପାୟାଲିଏ କାୟିଦିତା ଇଗାମାଚାଣାଛଁ ରୀସା ମାଚେରି ପିସ୍‌ସେସି, ଅଡ଼େ ଜୀସୁଛଁ ଏଝାସି ଏଝାରି ଅଣ୍ଡିପିତି ଲେହେଁ କିୟାଲି ଏଝାରିତାଣା ହେଉପିତେସି ।

ଜୀସୁଛଁ ପାସି ଏକନାୟି

(ମାତି ୨୭:୩୨-୪୪; ମାର୍କ ୧୫:୨୧-୩୨; ଜହ ୧୯:୧୭-୨୭)

୨୬ ଏଝାରି ଜୀସୁଛଁ ଅହିମାଚାଟି ସିମନ ଦରୁଗାଟି କୁରିଣି ଦେସାଟି ର ନାୟୁଟି ଖାହିମାଚେସି, ଏଝାରି ଏଝାଣାଛଁ ପାସିମୁଣ୍ଡା ତେକି କିହାନା ଜୀସୁ ଜେଚ ଜେଚ ଅତେରି ।

୨୭ ମାନ୍ଦା ଲକ୍ଷୁ ଜୀସୁ ଜେଚ ହାଜିମାଚେରି ଅଡ଼େ ତାନି ତାକି ବକତା ଖେଚା କତିହିଁ ଡ଼ାହି ଡ଼ାହିଁ ଏଚରଜାଣା ଇୟାସିକା ଜିକେଏ ଏଝାଣି ଜେଚ ହାଜିମାଚୁ ।

୨୮ ସାମା ଜୀସୁ ଏଝାସିକାଝାକି ସିନିକିହାନା ଏଲେଇଚେସି, “ଆଲ, ଜିରୁସାଲମତି ମାସ୍‌କାତେରି ନା ତାକି ଡ଼ାଆଦୁ ସାମା ମୀ ତାକି ଅଡ଼େ ମୀ କକାରି ପର୍ଦ୍ଦା ତାକି ଡ଼ାଦୁ;

୨୯ ହେଣ୍ଡୁ ଇଲେଟି ଦିନା ଝାହିମାନେ, ଆମ୍ବାଆୟି ବାଞ୍ଜେଣିସିକା, ଆମ୍ବାଆୟି ଏବେଲା ପୁରାମାସା ଆହାହିଲାର ଅଡ଼େ ପାଲୁ ଉଡ଼ହା ହିଲାର ଲକ୍ଷୁ ଏଝାସିକାଣି ମିଜେଏ ନେହେଁ ଇଞ୍ଜାନେରି ।

୩୦ ଏରିବେଲା ଲକ୍ଷୁ ହରକାଣି ଏଲେଇଚେରି ମା ଲାକ ତରଗାଦୁ ଅଡ଼େ ଉଣା ହରକାଣି ଏଲେଇଚେରି ମାଜେ ପୁକିହାନା ଡ଼ଳୁହାଦୁ ।

୩୧ ଏନିଇଚିହିଁ ଲକ୍ଷୁ ହିଇଲି ମାରୁନୁତି ଏଲେକିତିହିଁ, ଏଦି ଝାୟିସାରେ ଏଦାଆଁ କିହାଁ ଆଗାଡ଼ା କିଅରିକି ?”

୩୨ ଦହ୍‌ଗାଟାରି ରିଆରି ଜିକେଏ ପାସି ଏକହାଲି ଜୀସୁତଲେ ଅଝିଆଡ଼େରି ।

☆ ୨୩:୩୦ ଖେ ବଲୁ ୬:୧୨

୩୩ ଏମ୍ବ୍ରାସିଏ ଏଝାରି ତାୟ୍ ର୍ଭିର୍ଯା ଇନି ଚାୟ୍ତା ଏଜାନା ଏମ୍ବ୍ରାଆଁ ଜୀୟୁଇଁ ପାସି ମୁଣ୍ଡାତା ଏକହାନା ଏ ରା ଦହଗାଗାରି ବିତ୍ରାଟି ରଅଣାଇଁ ଏଝାଣି ଚିଝନିଝାକି ଅଡ଼େ ରଅଣାଇଁ ଏଝାଣି ଚେରୁଝାକି ପାସି ଏକହେରି ।

୩୪ ଏଚିବେଲ୍ଲା ଜୀୟୁ ଏଲେଇଚେସି, “ଏ ଆବା ଏଝାରି ଦହ ଆହୁଆନି, ଇଚିହ୍ ଏଝାରି ଏମ୍ବ୍ରାଆଁ କିହିମାନେରି ଏମ୍ବ୍ରାଆଁ ପୁଞ୍ଜାହିଲଅରି ।”

ଅଡ଼େ ଏଝାରି ଏଝାଣି ହିମ୍ବୁରି ବାଟିକିହାଲି ପାଦି କିତେରି ।

୩୫ ଇଞ୍ଜାଁ ଲକ୍ଷ୍ମୀ ଲକ୍ଷ୍ମୀ ବାରେ ନିଚାନା ସିନିକିହିମାଚେରି, ଏଝାରି ବିତ୍ରାଟି କାଜାରି ଜିକେଏ ନିନ୍ଦାକିହିଁ ଏଲେଇଚେରି, “ଏଝାସି ଏଟକା ଲକ୍ଷ୍ମୀ ଗେଲ୍ପିତେସି; ଏଝାସି ମାହାପୁରୁ ଆଚିତି କ୍ରୀସ୍ତ ଇଚିହ୍ ତାନୁଏ ତାଙ୍ଗେ ଗେଲ୍ପିକିହା କଡାପେସି ।”

୩୬ କସ୍ତକା ଜିକେଏ ଏଝାଣି ତାଗେ ହାଜାନା ପୁଲ୍ୟାୟ୍ତୁ ଗସାଲି ହାହାଁ ଏଝାଣାଇଁ କାକିହିଁ ଏଲେଇଚେରି,

୩୭ “ନୀନୁ ଜୀହୁଦି ଲକ୍ଷ୍ମୀ ରାଜାତି ଇଚିହ୍ ନୀନୁଏ ନିଙ୍ଗେ ପିସ୍ପି କିହାକତାମୁ ।”

୩୮ ଇଞ୍ଜାଁ ଏଝାଣି ପାସିମୁଣ୍ଡା ଲାକ ଇଲେଇଞ୍ଜାଁ ରାସ୍ତକି ଆହାମାଚେ, “ଈଝାସି ଜୀହୁଦି ଲକ୍ଷ୍ମୀ ରାଜା ।”

୩୯ ଅଡ଼େ ପାସି ମୁଣ୍ଡାତା ପାସି ଏକହାମାଚି ଦହଗାଗାରି ବିତ୍ରାଟି ଜିକେଏ ରଅସି ଏଝାଣାଇଁ ନିନ୍ଦାକିହିଁ ଏଲେଇଚେସି, “ନୀନୁ କ୍ରୀସ୍ତତି ଆଏକି ? ନିଙ୍ଗେ ଅଡ଼େ ମାଙ୍ଗେ ପିସ୍ପି କିୟାମୁ ।”

୪୦ ସାମା ଅଡ଼େ ରଅସି ଏଝାଣାଇଁ ଦାକା ହାହାନା ଏଲେଇଚେସି, “ନୀନୁ ଏଝାଣିଲେହେଁ ତଣ୍ଡ ବେଗାଆହ୍ ଜିକେଏ ନିଙ୍ଗେ ମାହାପୁରୁଇଁ ଆଜି ହିଲେଏ ?

୪୧ ଅଡ଼େ ମାରସା ନାହାୟି ତଲେ ତଣ୍ଡ ବେଗାଆହି ମାନାୟି, ଇଚିହ୍ ମା କିତି କାମାତି ପାଡ଼େୟି ବେଗାଆହି ମାନାୟି; ସାମା ଈଝାସି ଏନି ଦହ କିହାହିଲଅସି ।”

୪୨ ଇଞ୍ଜାଁ ଏଝାସି ଜୀୟୁଇଁ ଏଲେଇଚେସି, “ଏ ଜୀୟୁ ନୀନୁ ନୀ ରାଜିତା ହାଚିସାରେ ନାଙ୍ଗେ ଅଣ୍ପାମୁ ।”

୪୩ ଏମ୍ବ୍ରାସିଏ ଜୀୟୁ ଏଝାଣାଇଁ ଏଲେଇଚେସି, “ନୀନୁ ନିଙ୍ଗେ ସାତା ଝେସିମାଞ୍ଜାଇଁ, ନୀଞ୍ଜୁ ନୀନୁ ଲାକପୁରୁତା ନା ତଲେ ମାଞ୍ଜି ।”

ଜୀୟୁତି ହାକି

(ମାତି ୨୭:୪୫-୪୬; ମାର୍କ ୧୫:୩୩-୪୧; ଜହ ୧୯:୨୮-୩୦)

୪୪ ଏଚିବେଲ୍ଲା ସମାନା ବାରଗଟା ଆହାମାଚେ, ଅଡ଼େ ଝେଡ଼ା ଉଜେଡ଼ି ହାଆତାକି ତାନି ଗଟା ପାତେକା ଦେସା ବାରେ ଆନ୍ଦେରି ଆହାମାଚେ,

୪୫ ଇଞ୍ଜାଁ ମାହାପୁରୁ ଇଲ୍ଲୁତା ଲେଚାମାନି ହିମ୍ବୁରି ରୀ ବାଗା ଆହ୍ ଗେଞ୍ଜା ହାଚେ ।

୪୬ ଅଡ଼େ ଜୀୟୁ କାଜା ଗିୟାତଲେ ହାଚିହ୍ ଏଲେଇଚେସି, “ଏ ଆବା ନୀ କେୟୁତା ନା ଜୀୟୁତି ହେରପିମାଞ୍ଜାଇଁ !” ଏଲେଇଞ୍ଜାଁ ଜଲ୍ଲାନା ତାନି ଜୀୟୁ ହାଚେ ।

୪୭ ଏମ୍ବ୍ରାଆଁ ମେସାନା ପାସାକଡ଼ି କସ୍ତକା ମୁହେଁ କାଜାସି ମାହାପୁରୁଇଁ ଜହରା କିହିଁ ଏଲେଇଚେସି, “ଈଝାସି ସାତେଏ ତାରିଗାଟାସି ମାଚେସି ।”

୪୮ ଇଞ୍ଜାଁ ଏଝାଣାଇଁ ମେସାଲି ରୁଣ୍ଡା ଆହାମାଚି ବାରେ ଲକ୍ଷ୍ମୀ ଇ ବାରେ ମେସାନା ବକତା ଝେଟା କଡ଼ିହ୍ ଝେଣ୍ଡା ହାଚେରି ।

୪୯ ସାମା ଜୀୟୁଇଁ ପୁଞ୍ଜାମାଚି ବାରେ ଲକ୍ଷ୍ମୀ ଗାଲିଲିଚି ରହେଏ ଏଆଣା ତାନି ଜେତ ଜେତ ଝାହାମାଚି ଇୟାସିକା ହେକ ନିଚାନା ଏ ବାରେ ସିନିକିହିମାଚୁ ।

ଜୀୟୁଇଁ ମୁହନାୟି

(ମାତି ୨୭:୫୭-୬୧; ମାର୍କ ୧୫:୪୨-୪୬; ଜହ ୧୯:୩୮-୪୨)

୫୦ ଇଞ୍ଜାଁ ଜୀହୁଦି ଦେସାତି ହାରାମାତିୟା ଇନି ଗାଡ଼ାତି ଜସେପ ଇନାସି ଜୀହୁଦି ଲକ୍ଷ୍ମୀ କାଜା କୁଲମିତି ରଅସି ମାଚେସି; ଏଝାସି ନେହାସି ଇଞ୍ଜାଁ ତାରିଗାଟାସି ମାଚେସି ।

୫୧ ଜୀହୁଦାତି ହାରାମାତିୟା ଇନି ନାୟୁତି ଜସେପ ଇନାସି ର ମାଣସି ମାଚେସି । ଏଝାସି ଦାମ୍ବୁଗାଟାସି ଇଞ୍ଜାଁ ମାନି ଗାଟାସି ମାଚେସି ଅଡ଼େ ମାହାପୁରୁତି ରାଜି ଝାନ୍ଦାଣି କାଚିମାଚେସି । କାଜା ବେରଣିତି ମାଣସି ମାଚିହ୍ ଜିକେଏ, ଏଝାସି ଏଝାରି କାତା ଅଡ଼େ କାମାତା ଆଣ୍ଡିହିଲଆତେସି ।

୫୨ ଏଝାସି ପିଲାତ ତାଣା ହାଜାନା ଜୀୟୁ ମାଡ଼ହାତି ରାସ୍ତେସି,

୫୩ ଇଞ୍ଜାଁ ମାଡ଼ହାତି ରେପହାନା ନେହ୍ ପାଡ଼ାଡ଼ା ହିମ୍ବୁରି ରୁପାନା ଏମ୍ବ୍ରାଆଁ ହରୁତା କାରୁହାମାଚି ଏଚେଲ୍ଲା ଆମ୍ବାଆରି ମୁସାହିଲଆ ମାଡ଼ହା ମୁହନି ଚାୟ୍ତା ଏଝାଣାଇଁ ମୁସ୍ତେରି ।

୫୪ ଏ ଦିନା ତିୟାରା ଆନି ଦିନା ମାତେ ଅଡ଼େ ଜଫିନି ଦିନା ଏଗା ଖାହିମାତେ ।

୫୫ ଅଡ଼େ ଗାଲିଲିଚି ଖାହାମାନି ଇୟାସିକା ଜେଡ଼ ଜେଡ଼ ହାଜାନା ମାହଣି ମାଣ୍ଡା ଅଡ଼େ ତାନି ମାଡ଼ହା ଏନିକି ମୁସାମାଗାଣି ମେସୁ ।

୫୬ ଇଞ୍ଜା ଏଡ଼ି ଖେଣ୍ଡା ହାଜାନା ଗାନ୍ଦା ନିମୁଁ ଇଞ୍ଜା ଗାନ୍ଦାଗାଟି ଆସ୍ତି ତିୟାରା କିତୁ । ଇଞ୍ଜା ଜଫିନି ଦିନାତା ତାନି ମେରାଲେହେଁ ଜଫିତୁ ।

୨୪

ଜୀସୁ ହାହାନା ଖେଣ୍ଡେ ନିଜିନାୟି

(ମାତି ୨୮:୧-୧୦; ମାର୍କ ୧୬:୧-୮; ଜହ ୨୦:୧-୧୦)

୧ ଅଡ଼େ ଜଫିନି ଦିନାତି ମେରା ତଲେ ଜଫିତୁ, ସାମା ଖାରାତି ତଲିତି ଦିନାତା ଜୁଜୁପୁଲୁ ଖେୟାଲିଏ ଏଡ଼ି ତାମ୍ନୁ କ୍ରିହାମାଟି ଗାନ୍ଦାନିମୁଁ ଆସାନା ମାହଣି ମାଣ୍ଡାତା ହାତୁ ।

୨ ଇଞ୍ଜା ମାହଣି ମାଣ୍ଡାତା ପୁକହାମାଟି ଖାଲି ଗୁଡ଼ା ଆହାମାନାଣି ମେସୁ ।

୩ ସାମା ଏଡ଼ି ବିତ୍ତା ହାଜାନା ପ୍ରବୁ ଜୀସୁତି ମାଡ଼ହା ଏମ୍ପାଆଁ ମେହୁଆତୁ ।

୪ ଏଡ଼ି ଏମ୍ପାଆଁତାକି ବିଲକି ଆହିମାଟି ଦେବୁଣିଏ ମୁହ୍ନି ହିମ୍ବରି ହୁଡ଼ାମାଟି ରିଆରି ଏଝାସିକା ନକିତା ନିତାମାନେରି ।

୫ ଏମ୍ପାଟିଏ ଏଡ଼ି ଆତାଜାକା ଆହାନା ବୁମିତା ତାର୍କା ଲେସୁ ଇଞ୍ଜା ଏଝାରି ଏଝାସିକାଣି ଏଲେଇଚେରି, “ମୀରୁ ଏମ୍ପାଆଁତାକି ହାଡ଼ାରି ବିତ୍ତାଟି ନୀତାମାନାରାଇଁ ପାରିମାଖେରି ?

୬ *ଏଝାସି ଇମ୍ପାଆଁ ହିଲଅସି, ଏଝାସି ନିଜାମାନେସି, ଏଝାସି ଗାଲିଲିତା ମାଗାଟି ଖେସାମାଞ୍ଜାତାଣି ଅଣ୍ଡପାଦୁ ।

୭ ମାଣ୍ଡସି ମୀରଏସି ପାସି ମୁଣ୍ଡାତା ହାୟାଲି ପାପୁ ଗାଗାରି ତାଣା ହେରପି ଆନାୟି ମାନେ ଇଞ୍ଜା ତାନି ଦିନାଟିଏ ହାକିଟି ଖେଣ୍ଡେ ନିଜିନେସି ।”

୮ ଏମ୍ପାଟିଏ ଏଡ଼ି ଏଝାଣି ଖେସି କାତା ଅଣ୍ଡପିତୁ,

୯ ଇଞ୍ଜା ଏଡ଼ି ମାହଣି ମାଣ୍ଡାଟି ଖେଣ୍ଡା ହାଜାନା ଏଗାର ଜାଣା ସାମୁୟାଁ ଅଡ଼େ ଏଟକା ତାରାଇଁ ଇ ବାରେ କାତା ଖେସୁ ।

୧୦ ଏଡ଼ି ମଗଦଲିନି ମରିୟମ, ଜହାନା, ଜାକୁବ ତାନି ଇୟା ମରିୟମ ଅଡ଼େ ଏଝାସିକାତଲେ ମାଟି ଏଟକାଟି ଇୟାସିକା; ଇଡ଼ି ପାଣ୍ଡୁଡ଼ି ଆହାମାନାରାଇଁ ଇ ବାରେ କାତା ଖେସୁ ।

୧୧ ସାମା ଇ ବାରେ କାତା ଏଝାରି ନକିତା ମନତା ଗାଡ଼ିକିଟି ର ପୁସ୍ତପନି ଲେହେଁ ଆଡେ, ଅଡ଼େ ଏଝାରି ଏଝାସିକାଣି ନାମାଆଡେରି ।

୧୨ ସାମା ପିତର ନିଜାମା ମାଡ଼ହା ମୁହ୍ନି ଟାମୁଡ଼ା ହଟି ହଟିହୁଁ ହାଚେସି, ଇଞ୍ଜା କାପାନା ସିନିକିତେସି ଏମ୍ପାଆଁ ପାଡ଼ାତା ହିମ୍ବରିକା ମେସେସି, ଇଞ୍ଜା ଇଦି ଏନି ଆଡେ ଇଞ୍ଜାଁ କାବାଆହାନା ତାନି ଇଜ ହାଚେସି ।

ଇମାୟୁତା ହାନାୟି

(ମାତି ୧୬:୧୨, ୧୩)

୧୩ ଏ ନେରୁ ଏଝାରି ବିତ୍ତାଟି ରିଆରି ଜିରୁସାଲମଟିଏ ଏଗାର କିଲମିଟରଲେହେଁ ହେକ ମାଟି ଇମାୟୁ ଇନି ନାମୁଁତା ହାଜିମାଚେରି ।

୧୪ ଅଡ଼େ ହାଜି ହାଜିହୁଁ ଇ ବାରେ କାତା ଜଲୁକି ଆହିମାଚେରି ।

୧୫ ଏଲେକିଁ ଖେସ୍ପି ଆହୁଁ ତାମ୍ନୁ ତାମ୍ନୁସୁ ଜଲୁକି ଆହିମାଗାଟି ଜୀସୁ ତାମ୍ନୁଏ ଏଝାରିତାଣା ଖାହାନା ଏଝାରିତଲେ ହାଚେସି;

୧୬ ସାମା ଏଝାରି ଏଝାଣାଇଁ ମେସି ଜିକେଏ ପୁଞ୍ଜାଲି ଆଡ଼ାଆଡେରି ।

୧୭ ଜୀସୁ ଏଝାରାଇଁ ଖେଚେସି, “ମୀରୁ ହାଜି ହାଜିହୁଁ ଏନା ଏନାଆଁ ଜଲୁକି ଆହିମାଖେରି ?” ଏମ୍ପାଟିଏ ଏଝାରି ମୁମ୍ପୁଡ଼ାଡ଼ି କିହାନା ନିଚେରି ।

୧୮ ଅଡ଼େ ଏଝାରି ବିତ୍ତାଟି କ୍ଲେୟାପା ଇନାସି ରଅସି ଏଝାଣାଇଁ ଖେସେସି, “ଇ ଖାରା ବିତ୍ତା ଜିରୁସାଲମତା ଏନା ଏନାୟି ଆଡେ ଏମ୍ପାଆଁ ମାନାରି ବିତ୍ତାଟି ନୀନୁ ରଅଟିଏ ପୁଞ୍ଜାହଲଅଟିକି ?”

୧୯ ଏଝାସି ଏଝାରାଇଁ ଖେଚେସି, “ଏନା ଏନାୟି ଆଡେ ?”

* ୨୪:୬ ମାତି ୧୬:୨୧; ୧୭:୨୨, ୨୩; ୨୦:୧୮, ୧୯; ମାର୍କ ୮:୩୧; ୯:୩୧; ୧୦:୩୩, ୩୪; ଲୁକ ୯:୨୨; ୧୮:୩୧-୩୩

ଏଞ୍ଜରୀ ଏଞ୍ଜାଣାଇଁ ଖେପ୍ସେରି, “ନାଜରିତ ଜୀସୁତି କାତା; ମାହାପୁରୁ ନକ୍ରିତା ଅଡେ ବାରେ ଲକୁ ନକ୍ରିତା ଏ ଜୀସୁ କାମାତା ଅଡେ କାତାତା ର ବାଡ଼ୁଗାଟି ମାହାପୁରୁ ଅଣପୁତି ବଲୁ ଖେହନାସି ମାଚେସି,

୨୦ ଅଡେ ମା କାଜା ପୁଜେରାଜା ଅଡେ ସାଲୁଝି କିନାରି ଏଞ୍ଜାଣାଇଁ ହାକି ତଣ୍ଡ ହାହାଲି ହେରପାନା ଏଞ୍ଜାଣାଇଁ ପାସି ମୁଣ୍ଡାତା ଏକହାନା ପାୟିତି କାତା ।

୨୧ ସାମା ଏଞ୍ଜାସି ଇସ୍ରାୟେଲ ଲକୁଣି ପିସ୍ପି କିନାସି ଇଞ୍ଜୁ ମାମୁ ଥାସା କିହାମାଚମି; ସାମା ଇ ବାରେ ଆହାନା ନାଞ୍ଜୁଟିଏ ତାନିଦିନା ଆହିମାନେ ।

୨୨ ଅଡେ ଜିକେଏ ମା ବିତ୍ରାଟି ଏଚରଜାଣା ଇୟାସିକା ମାଜେ ଆତାଜାକା କିହାମାଞ୍ଜାନୁ; ଏଝି ଲାଇସିଏ ମାଡ଼ହା ମୁହନି ଚାୟୁତା ହାଜାମାଡ଼ୁ,

୨୩ ଏମାଆଁ ଏଝି ଏଞ୍ଜାଣି ମାଡ଼ହା ମେହଥାନା ଖାହାନା ଖେସ୍ତାତୁ, ଇଞ୍ଜା ଦୁଡୁୟାଁ ତଞ୍ଜାଆହାନା ଖେସ୍ତାତେରି, ଏଞ୍ଜାସି ନୀତାମାନେସି ।

୨୪ ଅଡେ ମା ବିତ୍ରାଟି ଏଚରଜାଣା ମାଡ଼ହା ମୁହନି ଚାୟୁତା ହାଜାନା ଇୟାସିକା ଖେସ୍ତିଲେହେଁଏ ମେସ୍ତେରି ସାମା ଏଞ୍ଜାଣାଇଁ ମେହଥାତେରି ।”

୨୫ ଏମାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଆଡେ ବୁଦି ହିଲଆଗାଟାଚେରି, ଅଡେ ମାହାପୁରୁ ଅଣପୁତି ବଲୁ ଖେହନାରି ବାରେ କାତାତି ନାମାଲି ଆଡ଼ାଆଲେହେଁତି ହିୟାଁ ଗାଟାଚେରି,

୨୬ କ୍ରୀସୁ ଇ ବାରେ କସ୍ତ ବେଗାଆହାନା ତାନି ଗାଧୁରମିତା ହଡ଼ନାୟି ହିଲଆତେ କି ?”

୨୭ ମସା ଇଞ୍ଜାଁ ବାରେଜାଣା ମାହାପୁରୁ ଅଣପୁତି ବଲୁ ଖେହନାରି ତାଣାଟି ମାଡ଼ହାନା ଦାମୁଁ ସାସ୍ତେରିତା ତାନି ତାକି ରାସ୍ତିକି ଆହାମାନି ବାରେ କାତା ଏଞ୍ଜାସି ଏଞ୍ଜାରାଇଁ ପୁଣ୍ଡସି କିତେସି ।

୨୮ ଏଞ୍ଜାରି ହାଜିମାଟି ନାୟୁଁ ତାଗେ ଏଜାଲିଏ ଜୀସୁ ଅଡେ ନକ୍ରିତା ହାନି ଅଣପୁ ତସ୍ତେସି ।

୨୯ ସାମା ଏଞ୍ଜାରି ଏଞ୍ଜାଣାଇଁ ଆଂରିହଁ ଏଲେଇଚେରି, “ମା ତଲେ ଡ଼ୟାହାଲାମୁ ଏନିଇଚିହଁ ଆନ୍ଦେରି ଆହିମାନେ, ଖେଡ଼ାହାଚେୟିଏ ।” ଏମାଟିଏ ଏଞ୍ଜାସି ଏଞ୍ଜାରିତଲେ ଡ଼ୟାଲି ଇଲୁ ବିତ୍ରା ହାଚେସି ।

୩୦ ଅଡେ ଏଞ୍ଜାରିତଲେ ରାନ୍ଦା ତିଞ୍ଜାଲି କୁଗିତି ତାୟୁ ଏଞ୍ଜାସି ରୁଟି ଆସାଁ ମାହାପୁରୁଇଁ ଜହରା କିତେସି, ଇଞ୍ଜା ଡ଼ିକହାନା ଏଞ୍ଜାରାକି ହାଚେସି ।

୩୧ ଏମାଟିଏ ଏଞ୍ଜାରି କାଣକା ଦେପିଆତୁ ଇଞ୍ଜାଁ ଏଞ୍ଜାରି ଏଞ୍ଜାଣାଇଁ ପୁଚେରି; ଅଡେ ଏ ଦେବୁଣିଏ ଏଞ୍ଜାସି ଏଞ୍ଜାରି କାଣକାତା ତଞ୍ଜା ଆଥାଚେସି ।

୩୨ ଏଚେଚିଏ ଏଞ୍ଜାରି ତାମୁ ତାମୁସୁ ଏଲେଇଚେରି, “ଏଚିବେଲା ଜିରୁତା ଏଞ୍ଜାସି ମାଜେ ଜିରୁତା କାତାବାଟାଁ ଆହିମାଚେସି ଅଡେ ମାଜେ ଦାମୁଁ ସାସ୍ତେରି ତେଲୁହି କିହିମାଞ୍ଜାଚେସି, ଏଚିବେଲା ମା ହିୟାଁ କାଡ଼ି ମାଞ୍ଜାଆତେ କି ?”

୩୩ ଅଡେ ଏଞ୍ଜାରି ଦେବୁଣିଏ ନିଜ୍ଞାନା ଜିରୁସାଲମତା ଖେଶ୍ତା ହାଜାନା କୁଡ଼ା ଆହାମାଇଁ ଏଗାର ଜାଣା ସାୟୁୟାଁ ଅଡେ ଏଞ୍ଜାରି ଆଡ଼ହିତାରାଇଁ ମେସ୍ତେରି;

୩୪ ଏଞ୍ଜାରି ଏଲେଇଞ୍ଜାମାଚେରି, “ପ୍ରବୁ ସାତେଏ ନିଜ୍ଞାନାଚେସି ଅଡେ ସିମନଇଁ ତଞ୍ଜାଆଚେସି ।”

୩୫ ଅଡେ ଏଞ୍ଜାରି ଜିକେଏ ଜିରୁତି ବାରେ କାତା ଅଡେ ରୁଟି ଡ଼ିକହାଟିଏ ଏଞ୍ଜାରି ପୁଞ୍ଜାଲି ଆଡ଼ିତମି ଇଞ୍ଜୁ ଏଞ୍ଜାରି ଖେସ୍ତେରି ।

ଜୀସୁ ତାନି ସାୟୁୟାଁଇଁ ତଞ୍ଜା ଆନାୟି

(ମାଟି ୨୮:୧୬-୨୦; ମାର୍କ ୧୬:୧୪-୧୮; ଜହ ୨୦:୧୯-୨୩; କାମା ୧:୬-୮)

୩୬ ସାମା ଏଞ୍ଜାରି ଇ ବାରେ କାତା ଜଲୁକି ଆହିମାଚାଟି ଜୀସୁ ଏଞ୍ଜାରି ମାଦି ନିଚାନା ଏଲେଇଚେସି, “ମିଜେ ହିଡ଼ଡ଼ି ଆୟାପେ ।”

୩୭ ଏମାଟିଏ ଏଞ୍ଜାରି ବୁଡ଼ୁ ମେସ୍ତମି ଇଞ୍ଜୁଁ ଅଣପାନା ଆତାଜାକା ଆଡେରି ।

୩୮ ଏଚେଚିଏ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ହିୟାଁତା ଏନାଆଁତାକି ଆଜିମାଞ୍ଜେରି, ଇଞ୍ଜାଁ ମୀ ହିୟାଁ ଏନାଆଁତାକି ଆନାମାନା ଆହିମାନେ ?

୩୯ ନାନୁଏ ଏଞ୍ଜାଚେସିଁ ନା କେସ୍ତା କତାୟାଁ ମେହଦୁ, ନାଜେ ତୀଗାଦୁ ମୀରୁ ନାଜେ ଉଜା ପେଣକା ମାନାଣି ମେସ୍ତିଲେହେଁ ବୁଡ଼ୁକି ହିଲାର ।”

୪୦ ଅଡେ ଏଞ୍ଜାସି ଏଲେଇଞ୍ଜାନା ଏଞ୍ଜାରାଇଁ ତାନି କେସ୍ତା କତାୟାଁ ତସ୍ତେସି ।

୪୧ ଏଲେଇକେଏ ଏଞ୍ଜାରି ରାହାଁତାକି ନାମାଲି ଆଡ଼ାଆନା ଆନାମାନା ଆହାଁ କାବା ଆହିମାଚାକି ଜୀସୁ ଏଲେଇଚେସି, “ମିଜେ ଇମାଆଁ ଏନି ରାନ୍ଦା ମାନେକି ?”

୪୨ ଏମ୍ବାରିଏ ଏଞ୍ଜାରି ଏଞ୍ଜାଣାକି ର ୱାସ୍ତି ମୀନୁ ହୀତେରି,

୫୩ ଅଡ଼େ ଏଞ୍ଜାସି ଏଦାଆଁ ଆସାନା ଏଞ୍ଜାରି ନକିତା ତିରେସି ।

୪୪ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇରେସି, “ମସାତି ମେରା ପତିତା ଇଞ୍ଜା ମାହାପୁରୁ ଅଣ୍ଟପୁତି ବଲୁ ଖେହନାରି ପତିତା ଅଡ଼େ ପାରୁ ପତିତା ନାଞ୍ଜେତାକି ଏନାୟି ରାସ୍ତି ଆହାମାନେ, ଏ ବାରେ ସାତା ଆନାୟି ମାନେ, ନାନୁ ମୀ ତଲେ ମାଟାଟି ଇ ବାରେ ଖେସାମାଞ୍ଜାତେସି ।”

୪୫ ଏରେଟିଏ ଏଞ୍ଜାରି ଏନିକ୍ ଦାମ୍ବୁ ସାସ୍ତେରି ତେଲହାଲି ଆଡ଼ିନେରି, ଏଦାଆଁତାକି ଏଞ୍ଜାରି ହିୟାତି ଦାରା ଦେତେସି;

୪୬ ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇରେସି, “ଏଲେଆହୁଁ ରାସ୍ତି ଆହାମାନେ, ଜୀସୁ ଦୁକୁ କସ୍ତ ବେଟା ଆନେସି ଅଡ଼େ ତାନି ଦିନାଟିଏ ହାଡ଼ାରି ତାଣାଟି ଖେଣ୍ଡେ ନିଜିନେସି,

୪୭ ଇଞ୍ଜା ଜିରୁସାଲମଟିଏ ମାଟ୍‌ହାନା ବାରେ କୃତା ତାଣା ଏଞ୍ଜାଣି ଦରୁଟି ପାପୁ ମ୍ବେସ୍ତି ଆୟାଲି ମନ ଖେବ୍‌ନି କାତା ଖେକ୍‌ନାୟି ମାନେ ।

୪୮ ମୀରୁ ଇ ବାରେତାକି ସାକି ଆନେରି ।

୪୯ ଅଡ଼େ ହେଣ୍ଡୁ ଆବା ଏନାଆଁ ଆଞ୍ଜାମାନେସି ଏଦାଆଁ ନାନୁ ମୀ ତାଣା ପାଣ୍ଡିମାଞ୍ଜାଇଁ, ସାମା ଲାକପୁରୁଟି ବାଡ଼ୁୟୁ ପ୍ଲାଞ୍ଜିଆ ପାତେକା ମୀରୁ ଇ ଗାଡ଼ାତେଏ ମାଞ୍ଜୁ ।”

ଜୀସୁ ଲାକପୁରୁ ଅଞ୍ଜିଆନାୟି

(ମାର୍କ ୧୬:୧୯, ୨୦; କାମା ୧:୯-୧୧)

୫୦ ଏମ୍ବାରିଏ ଜୀସୁ ଏଞ୍ଜାରାଇଁ ବେତନିୟାଁ ପାତେକା ଅଡ଼େସି ଇଞ୍ଜା ତାନି କେସ୍ତା ପେରହାନା ଏଞ୍ଜାରାଇଁ ବର ହୀତେସି ।

୫୧ ଇଞ୍ଜା ଏଞ୍ଜାରାଇଁ ବର ହାହି ହାହିଁ ଏଞ୍ଜାସି ଏଞ୍ଜାରି ତାଣାଟି ଏଟ୍‌କା ଆହାନା ଲାକପୁରୁ ଅଞ୍ଜିଆତେସି ।

୫୨ ଏରେଟିଏ ଏଞ୍ଜାରି ଏଞ୍ଜାରାଇଁ ଜହରା କିହାନା ହାରେକା ରାହାଁତଲେ ଜିରୁସାଲମତା ଖେଣ୍ଡା ହାରେରି,

୫୩ ଇଞ୍ଜା ଏ ଦିନାଟିଏ କାଟ୍‌ଲେଏ ମାହାପୁରୁ ଇଲୁତା ମାଞ୍ଜାନା ମାହାପୁରୁଇଁ ଜହରା କିହେମାତେରି ।

ଯୋହନ ଲିଖିତ ସୁସମାଚାର ଜହନ ରାତାମାନି ନେହଁ କାବୁ ମୂଲୁ ହାଡ଼ା

ଜାସୁ କ୍ରୀସ୍ତି ଜୀଝୁ ଅଡେ ଇ ଦାର୍ତତା ମାତି କାତା ଜହନ ରାତାମାନି ନେହଁ କାବୁ; ପୁଃନି ମୋରାତି ସାରିଗଟା ନେହଁ କାବୁ ପତିୟାଁ ବିତ୍ରାଟି ଇଦି ଆହିମାନେ ର ପତି । ଏ ବାରେ ପତିୟାଁଇ ନେହଁ କାବୁ ଇନେରି । ଏ ପତିୟାଁ ଜାସୁ କ୍ରୀସ୍ତ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡେ ଜହନ ରାତାମାଚେରି । ପାଣ୍ଡୁଆଡ଼ି ଜହନ ଜାସୁ କ୍ରୀସ୍ତ ଜାର୍ନାଆଡ଼ି ୯୦ ବାସା ତାୟୁ ଜହନ ରାତାମାନି ନେହଁ କାବୁ ରାତାମାଚେସି । ଇ ପତିତା ଜହନ ରାଟିତି କାତା ଖେସା ହିଲାଆତି ଜିକେଏ; ୧ଜହ୨ଜହ ଇଞ୍ଜା ଶଜହ ଆକୁ ସମାନା ମାନ୍ । ଜହନ ଏପିସୟ ଗାତାତା ମାଚାକି ଇ ପତି ଏପିସତା ରାସ୍ତକି ଆହାମାନେ ଇଞ୍ଜିହଁ ଇନେରି ।

ଜାସୁଇଁ କ୍ରୀସ୍ତ ଜୀଝୁତି ମାହାପୁରୁ ମାବୁଏସି ଇଞ୍ଜିହଁ ଲକୁ ଏନିକିଁ ନାମିନେରି, ଏଦାଆଁତାକି ଜହନ ଇ ପତି ରାତାମାଚେସି ୨୦:୩୧ । ଇଦାଆଁ ନାମାହାଁ ଏଞ୍ଜାଣି ଦରୁତଲେ ମାରୁ ଜୀଝୁ ବେଟାଆନାୟି । ଇ ପତି ଜୀହୁଦି ଅଡେ ଜାହୁଦିଆଆତି ଲକୁତାକି ରାସ୍ତକି ଆହାମାଚେ । ଜହନ ରାତାମାନି ନେହଁ କାବୁ ଏ ତାନିଗଟା ନେହଁ କାବୁ କିହାଁ ରଲେ ମାନେ । ଜହନ ଜୀସୁ କିତି କାବାଆନି କାମାୟାଁ ହାରେକା ରାତାମାନେସି ସାମା ପୁଣ୍ଡିକିନି ପୁସ୍ତପନିକା ହାରେକା ରାତାହିଲଅସି । ଏଟକା ପତିୟାଁଣା ଜାସୁ ବାପ୍ତିସ୍ତୁ ଅନାଣି ଅଡେ ଲକୁ ହିଲାଆ ଟାୟୁତା ତାୟିପାରି ଆତାଣି ରାସ୍ତକି ଆହାମାନେ ଏଦାଆଁ ଇ ପତିତା ରାସ୍ତକି ଆହା ହିଲେଏ ।

ପତିତା ମାନାୟି;

- ୧. ତଲିତି ହାଡ଼ା । ୧:୧-୧୮
- ୨. ବାପ୍ତିସ୍ତୁ ହାନି ଜହନ ଅଡେ ଜୀସୁତି ମୂଲୁ ସୀସୁୟାଁ । ୧:୧୯-୫୧
- ୩. ଜାସୁ ସେବା କାମା ମାଟୁନାୟି । ୨:୧-୧୨:୫୦
- ୪. ଜିରୁସାଲମ ଅଡେ ଦାରିମାରି ଜୀସୁତି କାମା । ୧୩:୧-୧୯:୪୨
- ୫. ଜାସୁ ହାକିଟି ଖେଣ୍ଡେ ନିଜନାୟି ଅଡେ ସୀସୁୟାଁଇଁ ତଞ୍ଜା ଆନାୟି । ୨୦:୧-୩୧
- ୬. ଗାଲିଲିତା ଖେଣ୍ଡେ ତଞ୍ଜା ଆନାୟି । ୨୧:୧-୨୫

ଜୀଝୁତି ବଲୁ

- ୧ ମୂଲୁଏ ବଲୁ ମାଚେ, ବଲୁ ମାହାପୁରୁ ତଲେ ମାଚେ, ଏ ବଲୁଏ ମାହାପୁରୁ ମାଚେସି ।
- ୨ ମୂଲୁଏ ଏ ବଲୁ ମାହାପୁରୁ ତଲେ ମାଚେ ।
- ୩ ଏ ବଲୁ ତଲେ ମାହାପୁରୁ ବାରେ ଗାଡ଼ିକିଡେସି; ଅଡେ ଏନାୟି ବାରେ ଗାଡ଼ି ଆହାମାନେ, ଏ ବିତ୍ରାଟି ରଣ୍ଡି ଜିକେଏ ଏ ବଲୁ ପିସ୍ତପେ ରାଟି ଆହା ହିଲେଏ ।
- ୪ ଏ ବଲୁତା ଜୀଝୁ ମାଚେ ଅଡେ ଏ ଜୀଝୁ ମାଣସିୟାଁତି ଉଜେଡ଼ି ।
- ୫ ଏ ଉଜେଡ଼ି ଆନେରିତା ତଞ୍ଜିହଁ ଖାହିମାନେ, ଇଞ୍ଜା ଆନେରି ଏଦାଆଁ ଏଚେଲା ଜିକେଏ ଅପାହିଲେଏ ।
- ୬ *ମାହାପୁରୁ ତାଣାଟି ତାନି କାବୁ ଖେହନାଣାଇଁ ପାଣ୍ଡାଚେସି; ଏଞ୍ଜାଣି ଦରୁ ଜହନ ।
- ୭ ଏଞ୍ଜାସି ଉଜେଡ଼ିତି କାତା ଲକୁଇଁ ଖେସାଲି ଖାଚେସି, ଅଡେ ଏନିକିହଁ ବାରେଜାଣା ଏଞ୍ଜାଣି ତାଣାଟି ନାମିନେରି, ଏଦାଆଁତାକି ଏଞ୍ଜାସି ସାକି ହାହାଲି ଖାଚେସି ।
- ୮ ଏଞ୍ଜାସିଏ ତାନୁଏ ଉଜେଡ଼ି ହିଲାଆଚେସି; ସାମା ଏଞ୍ଜାସି ଏ ଉଜେଡ଼ିତି କାତା ଖେସାଲି ଖାଚେସି ।
- ୯ ଏମିନି ସାତା ଉଜେଡ଼ି ବାରେ ଲକୁକି ଉଜେଡ଼ି ହାନେ, ଏଞ୍ଜାସି ଦାର୍ତତା ଖାଚେସି ।
- ୧୦ ଏଞ୍ଜାସି ଦାର୍ତତା ମାଚେସି ଅଡେ ଏଞ୍ଜାଣି ତାଣାଟି ଦାର୍ତତି ବାରେ ରାଟି ଆଡେ, ଆଡ଼ିଜିକେଏ ଇ ଦାର୍ତତି ଏଞ୍ଜାଣାଇଁ ପୁଞ୍ଜାଲି ଆଡାଆଚେ ।
- ୧୧ ଏଞ୍ଜାସି ତାନି ରାଜିତା ଖାଚେସି, ଆଡ଼ିଜିକେଏ ତାନି ଜାହାରା ଲକୁ ଏଞ୍ଜାଣାଇଁ ଆବାଆଚେରି ।

* ୧:୨ ମାତି ୩:୧; ମାର୍କ ୧:୪; ଲୁକ ୩:୧,୨

୧୨ ଆମ୍ବାଆରି ଏଞ୍ଜାଣାଇଁ ଆଦିତେରି ଇଞ୍ଜାଁ ଏଞ୍ଜାଣି ତାଣା ନାମିତେରି; ଏଞ୍ଜାସି ଏଞ୍ଜାରାଇଁ ମାହାପୁରୁତି ମାରୁକା ମାସୁକା ଆହାଲି ଅଦିକାରା ହୀତେସି ।

୧୩ ମାଣସିତି ତାଞ୍ଜାୟାଁ ତାଣାଟି ଜାର୍ନା ଆତାକି ଏଞ୍ଜାରି ମାହାପୁରୁତି ମାରୁକା ଆହାହିଲଅରି, ମାହାପୁରୁ ତାନୁଏ ଏଞ୍ଜାରି ତାଞ୍ଜି ଆତେସି ।

୧୪ ଅଡେ, ଏ ବଲୁ ମାଣସି ଖାଣା ଆଡେ, ମାହାପୁରୁତି କାର୍ନା ଇଞ୍ଜାଁ ସାତା ତଲେ ମା ତାଣା ବାସା କିତେସି, ଅଡେ ଆବା ତାଣାଟି ଖାହାମାନି ରଣ୍ଡିଏ ମାରୁଏଣାଟି ଗାଞ୍ଜୁରମି ଲେହେଁ ମାରୁ ଏଞ୍ଜାଣି ଗାଞ୍ଜୁରମି ମେସାୟି ।

୧୫ ଜହନ ଏଞ୍ଜାଣି କାତାତି ସାକି ହାହାନା କାଜା ଗିୟାତଲେ ଏଲେଇଚେସି, “ଆମ୍ବାଆସି ନା ତାନ୍ତୁ ଖାହିମାନେସି, ଏଞ୍ଜାସି ନା କିହାଁ କାଜାସି, ଏନାଆଁତାକି ଇଚିହଁ ଏଞ୍ଜାସି ନାନ୍ତୁ ଜାର୍ନାଆଡ଼ି ନକେଏ ମାଚେସି, ଇଞ୍ଜାଁ ଏଞ୍ଜାଣି କାତା ନାନ୍ତୁ ତଲିଏ ଏଲେଇଞ୍ଜି ଖେସାମାଞ୍ଜାତେସି, ଏଞ୍ଜାସିଏ ଇଞ୍ଜାସି ।”

୧୬ ଏନାଆଁତାକି ତାନ୍ତୁ ପୁରା କିନି ତାଣାଟି ମାରୁ ବାରେ ଜାଣାତାୟି ବାରେ ବେଟାଆହାନା, କାର୍ନା ମୁହେଁ କାର୍ନାମେହନାଣି ବେଟାଆହାମାନାୟି ।

୧୭ ମାହାପୁରୁ ମସା ତାଣାଟି ମେରା ହିୟାତେସି, ସାମା ଜୀସୁ କ୍ରୀସ୍ତ ତାଣାଟି କାର୍ନାମେହନାୟି ଅଡେ ସାତା ଖାଡେ ।

୧୮ ଆମ୍ବାଆସି ଏଚେଲା ମାହାପୁରୁଇଁ ମେସାହିଲଅସି, ତାନିତଲେ ମାନି ରଣ୍ଡିଏ ମାରୁଏସି ଏଞ୍ଜାସି ମାହାପୁରୁ ଆବାଇଁ ପୁଣ୍ଡାସି କିହାମାଞ୍ଜାନେସି ।

ବାପ୍ତିସ୍ମ* ହାନି ଜହନତି କାନ୍ତୁ
(ମାତି ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ନାନ୍ତୁ ଆମ୍ବାଆତି ଇଞ୍ଜାଁ ଜହନଇଁ ଖେଞ୍ଜାଲି ଜାହୁଦିୟାଁ ଏଚିବେଲା ଜିରୁସାଲମଟି କାଜା ପୂଜେରାଞ୍ଜା ଇଞ୍ଜାଁ ଲେବିୟଜାଣି ଜହନ ତାଣା ପାଣ୍ଡିତେରି, ଏଞ୍ଜାସି ଇ କାତା ଖେସେସି ।

୨୦ ଜହନ ସାତା କାତା ଖେସେସି, ଆଏ ଇଞ୍ଜାଁ ଇନାଆଡେସି, ତୀରୁପୁତଲେ ଖେସେସି, “ନାନ୍ତୁ ମସିହା ଥାଏ ।”

୨୧ ଏଞ୍ଜାରି ଏଞ୍ଜାଣାଇଁ ଖେଚେରି, ଆତିହଁ “ନାନ୍ତୁ ଆମ୍ବାଆତି ? ନାନ୍ତୁ ଏନାଆଁ ଏଲିୟତି କି ?”
ଜହନ ଏଲେଇଚେସି, “ନାନ୍ତୁ ଏଲିୟତେସି ଥାଏ ।”

ଏଞ୍ଜାରି ଖେଚେରି, “ନାନ୍ତୁ ଏନାଆଁ ମାହାପୁରୁ ଅଣ୍ଡପୁତି ବଲୁ ଖେହନାତି କି ?” ଏଞ୍ଜାସି ଏଲେଇଚେସି, “ନାନ୍ତୁ ଥାଏ ।”

୨୨ ଏମାଟିଏ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ମାଜେ ଖେସାମ୍, ମାମ୍ ମାଜେ ପାଣ୍ଡା ମାଞ୍ଜାନାରାଇଁ ଏନି କାତା ଖେହନମି । ନାନ୍ତୁ ଆମ୍ବାଆଡେସି ଇଞ୍ଜାଁ ଖେସାକତିମାଞ୍ଜି ?”

୨୩ ଜହନ ଏଲେଇଚେସି, “ମାହାପୁରୁ ଅଣ୍ଡପୁତି ବଲୁ ଖେହନି ଜିସାୟ ଏନିକଁ ଜଲ୍ଲାମାଚେସି, ‘ନାନ୍ତୁ ଲକୁ ହିଲାଆ ଚାୟୁତା କାଜା ଗିୟାତଲେ କାଲ୍ଡି ଆହିମାନି ରଅଣି ହାଡାଲେହେଁ ତାତେସି, ପ୍ରବୁତି ଜିରୁ ସଲୁକେ କିଦୁ ।’”

୨୪ ଅଡେ, ପାରୁସିୟାଁ ବିଡ୍ରାଟି ଏଚରଜାଣା ପାଣ୍ଡି ଆହାମାଚେରି,

୨୫ ଏଞ୍ଜାରି ଜହନଇଁ ଖେଚେରି, “ନାନ୍ତୁ କ୍ରୀସ୍ତ କି ଏଲିୟ କି ମାହାପୁରୁ ଅଣ୍ଡପୁତି ବଲୁ ଖେହନାତି ଥାଏ, ଆତିହଁ ନାନ୍ତୁ ଏନାଆଁତାକି ବାପ୍ତିସ୍ମ‡ ହାହିମାଞ୍ଜି ?”

୨୬ ଜହନ ଏଞ୍ଜାରାଇଁ ଏଲେଇଚେସି, “ନାନ୍ତୁ ଏୟୁତା ବାପ୍ତିସ୍ମ‡ ହାହିମାଇଁ; ଆମ୍ବାଆରାଇଁ ମୀରୁ ପୁଞ୍ଜାହିଲଅଚେରି, ଏଞ୍ଜାସି ମୀ ବିଡ୍ରା ମାନେସି ।

୨୭ ଏଞ୍ଜାସି ନା ତାନ୍ତୁ ଖାହିମାନେସି, ନାନ୍ତୁ ଏଞ୍ଜାଣି ସେପୁୟାଁତି ଡୁକା ଜିକେଏ ହୁକହାଲି ଜଗେ ଥାଏ ।”

୨୮ ଏମିନି ଜର୍ଦନ କାତାତି ଖେଡ଼ା ହପୁଞ୍ଜାକିତି ବେତନିୟାଁତା ଜହନ ବାପ୍ତିସ୍ମ‡ ହାହିମାଚେସି, ଏ ଚାୟୁତା ଇ ବାରେ ଆହାମାଚେ ।

ମାହାପୁରୁତି ମେଣ୍ଡା ତାଲୁ

୨୯ ଏ ଅର ନେରୁ ଜହନ ଜୀସୁଇଁ ତାନି ଖାକି ଖାହିମାନାଣି ମେସାମା ଏଲେଇଚେସି, “ସିନିକିଦୁ ମାହାପୁରୁତି ମେଣ୍ଡା ତାଲୁ, ଆମିନିଗାଟାସି ଇ ଦାରୁତିତି ପାପୁ ବାରେ ଡେକା ଅନେସି ।

* ୧:୧୮ ମୁଞ୍ଜନାୟି † ୧:୨୫ ମୁଞ୍ଜନାୟି ‡ ୧:୨୭ ମୁଞ୍ଜନାୟି § ୧:୨୮ ମୁଞ୍ଜନାୟି

୩୦ ଇସ୍ରାୟିଏ ଏସ୍ରାୟି, ଆମ୍ବାଆରି କାତା ନାନୁ ଝେସାମାଞ୍ଜାତେଏ, “ର ମାଣସି ନା ତାୟୁ ଝାହିମାନେସି, ସାମା ଏସ୍ରାୟି ନା କିହାଁ କାଜାସି, ଇଞ୍ଜା ଏସ୍ରାୟି ନାନୁ ଜାର୍ନାଆଡ଼ି ନକେଏ ମାରେସି ।”

୩୧ ନାନୁ ଜିକେଏ ଏସ୍ରାଣାଇଁ ପୁଞ୍ଜା ହିଲ୍ଲାଆତେଏ, ସାମା ଏସ୍ରାୟି ଏନିକିହେଁ ଇସ୍ରାୟେଲ ଲକୁ ନକିତା ତଞ୍ଜାଆନେସି, ଇଦାଆଁତାକି ନାନୁ ଏୟୁତା ବାପ୍ତିସ୍ମ* ହାହାଲି ଝାହାମାଇଁ ।”

୩୨ ଅଡ଼େ ଜହନ ସାକି ହାହାନା ଝେସ୍ତେସି, “ନାନୁ ସୁଦୁଜୀଝୁ ପାର୍ଝା ପଟାଲେହେଁ ଲାକପୁରୁଟି ରେଟା ଝାହିମାନାଣି ମେସ୍ତେଏ, ଇଞ୍ଜା ଏଦି ଏସ୍ରାଣିଲାଇ କୁରିତେ ।

୩୩ ନାନୁ ଜିକେଏ ଏସ୍ରାଣାଇଁ ପୁଞ୍ଜା ହିଲ୍ଲାଆତେଏ, ସାମା ଆମ୍ବାଆସି ନାଜେ ଏୟୁତା ବାପ୍ତିସ୍ମ† ହାହାଲି ପାଣ୍ଡାମାଞ୍ଜାନେସି, ଏସ୍ରାୟି ନାଜେ ଝେସ୍ତାତେସି, “ଆମିନିଗାଟାଣି ଲାକ ସୁଦୁଜୀଝୁ ରେଟା ଝାନାଣି ଅଡ଼େ କୁରିନାଣି ମେହ୍ଦି, ଆମ୍ବାଆସି ସୁଦୁଜୀଝୁ ତଲେ ବାପ୍ତିସ୍ମ‡ ହାନେସି, ଏସ୍ରାୟି ଏ ମାଣସି ।”

୩୪ ଜହନ ଏଲେଇରେସି, “ନାନୁ ଏଦାଆଁ ମେସାମାଇଁ, ଏଦାଆଁତାକି ନାନୁ ମିଞ୍ଜା ଝେସିମାଞ୍ଜାଇଁ, ଏସ୍ରାୟି ମାହାପୁରୁ ମାରଏସି ।”

ଜୀସୁତି ମୂଲୁ ସୀସୁ

୩୫ ତାନି ଅର ନେରୁ ଜହନ ତାନି ରା ସୀସୁୟାଁ ତଲେ ନିଚାମାରେସି;

୩୬ ଏସ୍ରାୟି ଜୀସୁଇଁ ଏ ଜିରୁଟି ହାଜିମାନାଣି ମେସାମା ଏଲେଇରେସି, “ସିନିକିଦୁ ମାହାପୁରୁତି ମେଣ୍ଡା ତାଲୁ !”

୩୭ ଏ ରା ସୀସୁୟାଁ ଏସ୍ରାଣି ହାଡ଼ା ଝେଞ୍ଜାନା ଜୀସୁ ଜେଚ ଜେଚ ହାଚେରି ।

୩୮ ଜୀସୁ ଝେଣ୍ଡେ ତିରଝାନା ଏସ୍ରାରାଇଁ ତାନି ଜେଚ ଜେଚ ହାଜିମାନାଣି ମେସାମା ଝେରେସି, “ମୀରୁ ଏନାଆଁ ପାରିମାଞ୍ଜେରି ?” ଏସ୍ରାରି ଝେରେରି, “ରାବି§ ନୀନୁ ଆମ୍ବିୟା ତୁୟିମାଞ୍ଜି ?”

୩୯ ଜୀସୁ ଏସ୍ରାରାଇଁ ଏଲେଇରେସି, ଝାଦୁ, ମେହ୍ଦେଦେରି । ଏମ୍ବାଟିଏ ଏସ୍ରାରି ହାଜାନା ତାନି ତୁୟିନି ଟାୟୁ ମେସ୍ତେରି, ଇଞ୍ଜା, ଏ ଦିନା ଏସ୍ରାଣିତଲେ ତୁୟିତେରି; ଏନାଆଁତାକି ଇଚିହେଁ ଏଚିବେଲା ଲାକତି ଦସ ଗଂଟା ଆହାମାଚେ ।

୪୦ ଜହନତି କାତା ଝେଞ୍ଜାନା ଆମିନି ରିଆରି ଜୀସୁ ଜେଚ ଜେଚ ହାଜାମାଚେରି, ଏସ୍ରାରି ବିଡ଼ା ରଅସି ସିମନ ପିତରତି ତାୟି ଆନ୍ଦ୍ରିୟ ମାରେସି ।

୪୧ ଏସ୍ରାୟି ତଲିଏ ତାନି ତାୟି ସିମନଇଁ ମେସାମା ଏଲେଇରେସି, “ମାମ୍ବୁ ମୁସିହାଇଁ* ମେସ୍ତମି ।”

୪୨ ଆନ୍ଦ୍ରିୟ ସିମନଇଁ ଜୀସୁ ତାଣା ତାଚେସି । ଜୀସୁ ଏସ୍ରାଣାଇଁ ଆଚେ ସିନିକିହାନା ଏଲେଇରେସି, “ନାନୁ ଜହନ ମାରଏଣା ସିମନତି । ନୀନୁ କେପା† ଦରୁଟି ଝେଜିଦି ।”

ଜୀସୁ ପିଲିପ ଅଡ଼େ ନିତନିୟେଲଇଁ ହାଡ଼ିନାୟି

୪୩ ଅର ନେରୁ ଜୀସୁ ଗାଲିଲିତା ହାଜାଲି ଅଣ୍ଡପିଚେସି, ଏସ୍ରାୟି ପିଲିପଇଁ ମେସାମା ଏଲେଇରେସି, “ନା ଜେଚ ଝାମ୍ବୁ !”

୪୪ ପିଲିପ ବେଡ଼ସାୟିଦା ଗାଡ଼ାତାସି ମାରେସି, ଏଦି ଆନ୍ଦ୍ରିୟ ଇଞ୍ଜା ପିତରତି ଗାଡ଼ା ମାଚେ ।

୪୫ ପିଲିପ ନିତନିୟେଲଇଁ ମେସାମା ଏସ୍ରାଣାଇଁ ଏଲେଇରେସି, “ଆମ୍ବାଆରି କାତା ମସାତି ମେରାତା ରାଡ଼ାମାନେରି, ଅଡ଼େ, ମାହାପୁରୁ ଅଣ୍ଡପୁତି ବଲୁ ଝେହ୍ନନାରି ଜିକେଏ ରାଡ଼ାମାନେରି, ମାମ୍ବୁ ଏସ୍ରାଣାଇଁ ବେଟାଆହାମାନମି । ଏସ୍ରାୟି ଜସେପ ମାରଏସି ନାଜୁରିତତି ଜୀସୁ ।”

୪୬ ନିତନିୟେଲ ଏସ୍ରାଣାଇଁ ଝେରେସି, “ନାଜୁରିତତା କି ଏନି ନେହେଁ କାମା ଆହିମାନେ ?”

ପିଲିପ ଏଲେଇରେସି, “ଝାହାନା ସିନିକିମୁ ।”

୪୭ ଜୀସୁ ନିତନିୟେଲଇଁ ତାନି ତାଣା ଝାହିମାନାଣି ମେସାମା ଜୀସୁ ଏସ୍ରାଣି କାତା ଝେସ୍ତେସି, “ମେହ୍ଦୁ ଇସ୍ରାୟି ସାତା ତଲେ ଇସ୍ରାୟେଲତି ଲକୁ: ଇସ୍ରାଣି ତାଣା ଏନାୟି ନାଡ଼ିକିନି ରୁଦି ହିଲେଏ !”

୪୮ ନିତନିୟେଲ ଜୀସୁଇଁ ଝେରେସି, “ନାନୁ ନାଜେ ଏନିକିହେଁ ପୁଞ୍ଜାତି ?”

ଜୀସୁ ଏଲେଇରେସି, “ପିଲିପ ନିଜେ ହାଡ଼ାତି ନକେଏ ନୀନୁ ତୟା ମାରୁନୁ ତୁଇ ମାତି, ଏଚେତା ନାନୁ ନିଜା ମେସାମାଞ୍ଜାତେଏ ।”

୪୯ ନିତନିୟେଲ ଏଲେଇରେସି, “ଏ ଗୁରୁ ନୀନୁ ମାହାପୁରୁ ମାରଏଣାତି ! ନୀନୁଏ ଇସ୍ରାୟେଲ ରାଜାତି ।”

* ୧:୩୧ ମୁଞ୍ଜିନାୟି † ୧:୩୩ ମୁଞ୍ଜିନାୟି ‡ ୧:୩୩ ମୁଞ୍ଜିନାୟି § ୧:୩୮ ଗୁରୁ * ୧:୪୧ ମସିହାତି ଇଚିହେଁ କ୍ରୀସ୍ତ † ୧:୪୨ କେପା ଇଚିହେଁ ପିଚର

୫୦ ଜୀସୁ ଏଲେଇରେସି, “ନାନୁ ନିଙ୍ଗେ ତୟା ମାରୁନୁ ତୁଇ ମେସ୍ତାତେଏଁ ଇଞ୍ଜିଁ ୱେସାଲିଏ ନୀନୁ ନାନିମାଞ୍ଜି ?” ନୀନୁ ଇଦାଆଁ କିହାଁ ହାରେକା କାଜା କାମାୟାଁ ମେହୁଦି ।

୫୧ ଜୀସୁ ନିତନିୟେଲଇଁ ଏଲେଇରେସି, “ନାନୁ ନିଙ୍ଗେ ସାତା ୱେସିମାଞ୍ଜାଇଁ ନୀନୁ ଲାକପୁରୁ ଦେପିଆହାମାନାଣି ଇଞ୍ଜାଁ ମାଣସି ମୀରୁଏଣା ତାଣା ମାହାପୁରୁତି ବୁତୁୟାଁ ଲାକ ହାଜିମାନାଣି ଅଡେତ ତୁଇ ୱାହିମାନାଣି ମେହୁଦି ।”

୨

କାନା ଗାଡ଼ାତି ବାହା ବଜିତା ଜୀସୁ

୧ ତାନି ଦିନା ଜେତ ଗାଲିଲିତି କାନା ଗାଡ଼ାତା ର ବାହା ମାଚେ, ଜୀସୁ ତାନି ଇୟା ମରିୟମ ଜିକେଏ ଏମ୍ବାଆଁ ମାଚେ;

୨ ଜୀସୁ ଜିକେଏ ତାନି ସୀସୁୟାଁ ତଲେ ବାହାତା ହାଜାଲି ହାଟୁକି ଆହାମାଚେସି ।

୩ ଏତିବେଲା ଅଙ୍ଗୁରି ରାସା ରାହାହାରୁ, ଜୀସୁଇଁ ତାନି ଇୟା ଏଲେଇଚେ, “ଏଞ୍ଜାରି ଅଙ୍ଗୁରି ରାସା ରାହାହାରୁ ।”

୪ ଏମ୍ବାଟିଏ ଜୀସୁ ତାନି ଇୟାନି ଏଲେଇଚେସି, “ଇୟା, ନୀନୁ ନାଜେ ଏନାଆଁ କିନାୟିମାନେ ଏନାଆଁକି ୱେସିମାଞ୍ଜାଦି ? ନା କାଲା ନୀଏଁ ପାତେକା ୱାହାହିଲେଏ ।”

୫ ଜୀସୁ ତାନି ଇୟା କାମା କିନାରାଇଁ ଏଲେଇଚେ, “ଏଞ୍ଜାସି ମିଙ୍ଗେ ଏନାଆଁ ୱେସ୍ତାନେସି ଏଲେକିହଁଏ କିଦୁ ।”

୬ ଅଡେତ, ଏମ୍ବାଆଁ ଜୀହୁଦିୟାଁ ସୁଦୁ କିହାଲି ନରୁନି ମେରାତାକି ସ ଗଟା କାଜା ୱାଲକାତି ଏୟୁ ଗୁନାୟାଁ ମାରୁ ।

୭ ଜୀସୁ ହଲିୟାଙ୍ଗାଣି ଏଲେଇଚେସି, “ଇ ଗୁନାୟାଁଣା ଏୟୁ ନେଞ୍ଜିକିଦୁ ।” ଏଞ୍ଜାରି ଏମ୍ବାଆଁ ନେଞ୍ଜିକିତେରି

୮ ଜୀସୁ ଏଞ୍ଜାରାଇଁ ଏଲେଇଚେସି, “ଇମ୍ବାଟି ଇଚରା ଅହାନା ବଜିତି ଗୁମୁସାକି ହୀଦୁ ।” ଏମ୍ବାଟିଏ ଏଞ୍ଜାରି ଅଡେତରି ।

୯ ବଜିତି ଗୁମୁସା ଅଙ୍ଗୁରି ରାସା ଆହାମାନି ଏ ଏୟୁତି ୱାଣ୍ଡାହାଁ ଏଞ୍ଜି ଏମ୍ବାଟି ତାପିଆରୁ, ପୁଞ୍ଜା ହିଲାଆତେସି । ସାମା ଏ ହଲିୟାଙ୍ଗା ଏୟୁ ୱାକହା ମାଚାରି ପୁଞ୍ଜାମାଚେରି ଏଦାଆଁତାକି ହନେଏଣାଇଁ ହାଟାହାଁ ଏଲେଇଚେସି ।

୧୦ ବାରେଜାଣା ତଲିଏ ନେହଁ ଅଙ୍ଗୁରି ରାସା ହାନେରି ଅଡେତ ଏମ୍ବାଆଁ ୱାହାଡ଼ୟିନି ଲକୁ ହଟିସାରେ ତାୟୁ ଲାଗେଏତି ଅଙ୍ଗୁରି ରାସା ହାନେରି; ସାମା ମୀରୁ ବାରେ ନେହଁ ଅଙ୍ଗୁରି ରାସା ନୀଏଁ ପାତେକା ଇଟାମାଞ୍ଜେରି ।

୧୧ ଜୀସୁ ଇଲେକିଁ ଗାଲିଲିତି କାନା ଗାଡ଼ାତା କାବାଆନି କାମା ମାଚୁହାନା ତାନି ଗାଞ୍ଜୁରମି ତଡେସି, ଅଡେତ ସୀସୁୟାଁ ଏଞ୍ଜାଣି ତାଣା ନାନିତେରି ।

୧୨ ଏଦାଆଁ ତାୟୁ ଜୀସୁ ତାନି ଇୟା, ତାୟିୟାଁ ଅଡେତ ସୀସୁୟାଁ ତଲେ କପରନାହୁମତା ହାଚେରି; ଇଞ୍ଜାଁ ଏମ୍ବାଆଁ ହାରେକା ଦିନା ତୁୟାଆତେରି ।

ଜୀସୁ ଜିରୁସାଲମତା ହାନାସି

(ମାତି ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୬)

୧୩ ଏତିବେଲାତା ଜୀହୁଦିଙ୍ଗା ପିସପିଆନି ପାର୍ବୁ ତାଗେ ଆହାମାଚେ, ଅଡେତ ଜୀସୁ ଜିରୁସାଲମତା ହାଚେସି

୧୪ ଏମ୍ବାଆଁ ଜୀସୁ ମେସ୍ତେସି, ମାହାପୁରୁ ଇଲୁ ବିତ୍ରା ଲକୁ କଡ଼ିୟାଁ ମେଣ୍ଡାୟାଁ ଅଡେତ ପଟାୟାଁ ବେବାରା କିନାରି ଅଡେତ ତାୟୁୟାଁ ବେବାରା କିନାରି କୁଗାମାଚେରି;

୧୫ ଏମ୍ବାଟିଏ ଜୀସୁ ତୁରିତି ସାଟୁଣି କେପାନା କଡ଼ିୟାଁ, ମେଣ୍ଡାୟାଁ ମାହାପୁରୁ ଇଲୁଟି ପାଙ୍ଗାତା ପେରୁହା ପାଣ୍ଡାନା ଟାକାୟାଁ ବେବାରା ଗାଟାରି କୁଟିୟାଁ ତିରିମ୍ବୁପହାନା ଟାକାୟାଁ ବାରେ ତାଞ୍ଜିତେସି ।

୧୬ ପଟାୟାଁ ବେବାରା ଗାଟାଗାଇଁ ଏଲେଇଚେସି, “ଇ ବାରେତି ଇମ୍ବାଟି ଅହାଡ଼ହୁଦୁ, ନା ଆବା ଇଲୁଟି ବେବାରା ଇଲୁ କିଆଦୁ ।”

୧୭ ଇଦାଆଁ ମେସାନା ସାପ୍ତେରିତା ରାସୁକି ଆହାମାନି ର କାତା ସୀସୁୟାଁ ମନତା ୱାଡେ, “ନୀ ଇଲୁତାକି ନା ରାହାଁ ନାଜେ ହାରେକା ନାସା କିୟାନେ ।”

☆ ୨:୧୭ ମାତି ୪:୧୩

୧୮ ଜାହୁଦିୟାଁ ଜୀସୁଇଁ ଖେଚେରି, “ନୀନୁ ଈ ବାରେ କାମା କିହାଲିତାକି ଅଦିକାରା ବେଟାଆହାମାଞ୍ଜି, ଏମ୍ବାତି ସିନା ମାଲେ ଏନାଆଁ ତସିମାଞ୍ଜାଦି ?”

୧୯ *ଜୀସୁ ଏଲେଇଚେସି, “ଇ ଦେଝୁଡ଼ିତି ନାସା କିଦୁ, ଅଡ଼େ ତାନି ଦିନାଟିଏ ନାନୁ ଏଦାଆଁ ଖେଣ୍ଡେ କେପିଇଁ ।”

୨୦ ଏଚେଟିଏ ଜାହୁଦି ଲକ୍ଷୁ ଏଲେଇଚେରି, “ଏନାଆଁ ତାନିଦିନା ବିତ୍ତା ନୀନୁ ଈଦାଆଁ କ୍ରେପାଲି ଆଡ଼ିଦି ? ଈ ଦେଝୁଡ଼ି କିହାଲିତାକି ରୀ କଡ଼ି ସ ବାର୍ଯ୍ୟା ଆହାମାନେ ।”

୨୧ ସାମା ଜୀସୁ ଜାହାରା ଆଜ୍ଞା ଲେହେଟି ଦେଝୁଡ଼ିତି ତସାନା ଈଦାଆଁ ଖେସାମାଚେସି ।

୨୨ ଈଦାଆଁତାକି ଜୀସୁ ହାହାନା ନିଜାଲିଏ ତାନି ସୀସୁୟାଁ ଜୀସୁ ଈ କାତା ଖେସାମାଚେସି ଇଞ୍ଜି ଅଣ୍ଡିଚେରି; ଅଡ଼େ ଦାମ୍ବୁ ସାଘେରି ଅଡ଼େ ଜୀସୁ ଖେସାମାଚି କାତାଟି ନାମିଚେରି ।

ଜୀସୁ ଲକ୍ଷୁଡ଼ି ଗୁଣ୍ଡା ପୁନାସି

୨୩ ପିସ୍ପିଆନି ପାର୍ବୁ ଆହିମାଟି ବେଲାତା ଜିରୁସାଲମତା ଜୀସୁ ମାଚାଟି ହାଠେରକା ତାନି କାବାଆନି କାମା ମେସାନା ତାନି ଦରୁତା ହାଠେରକା ଜାଣା ନାମିଚେରି ।

୨୪ ସାମା ଜୀସୁ ଏ ଲକ୍ଷୁଣି ନାମାଆନା ଏଝାରି ତାଣାଟି ଏଟ୍ଟକା ଡ଼ୟିଚେସି, ଏନାଆଁତାକି ଇଚିହଁ ଏଝାରାଇଁ ନେହଁକଁ ପୁଞ୍ଜାମାଚେସି ।

୨୫ ଅଡ଼େ ଆମ୍ବାଆସି ମାଣ୍ଡସି କାତା ସାକି ହୀନେସି, ଈଦି ଏଝାଣାକି ଲଡ଼ା ହିଲାଆତେ, ଇଚିହଁ ମାଣ୍ଡସି ବିତ୍ତା ଏନାୟି ମାନେ ଏଝାସି ତାନୁଏ ପୁଞ୍ଜାଲି ଆଡ଼ିମାଚେସି ।

୩

ଜୀସୁ ଅଡ଼େ ନିକଦିମ

୧ ପାରୁସିୟାଁ ଗଟିଟି ନିକଦିମ ଇଞ୍ଜି ର ମାଣ୍ଡସି ମାଚେସି, ଏଝାସି ଜୀହୁଦି ଲକ୍ଷୁଣି ସାଲଖି କିନାସି ମାଚେସି ।

୨ ଏଝାସି ଲାଆଁ ବେଲାତା ଜୀସୁ ତାଣା ଖାହାନା ଏଲେଇଚେସି, “ଏ ରାବି,* ମାମ୍ବୁ ପୁଞ୍ଜାମାନମି ନୀନୁ ମାହାପୁରୁ ପାଣ୍ଡାମାଞ୍ଜାନି ଗୁରୁ । ନୀନୁ ଆମିନି ବାରେ କାବାଆନି କାମା କିହମାଞ୍ଜି, ମାହାପୁରୁ ସାଘେନି ହିଲାଆସାରେ ଏଦାଆଁ ଆମ୍ବାଆରି କିହାଲି ଆଡ଼ଅରି ।”

୩ ଜୀସୁ ଏଝାଣାଇଁ ଏଲେଇଚେସି, ସାତା ସାତା ନାନୁ ନିଜ ଖେସିମାଞ୍ଜାଇଁ, ଅଡ଼େ ଖେଣ୍ଡେ ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜି ମେସାଲି ଆଡ଼ଅସି ।

୪ ନିକଦିମ ଏଝାଣାଇଁ ଖେଚେସି, “ବୁଡ଼ହା ଆଡ଼ିସାରେ ମାଣ୍ଡସି ଅଡ଼େ ଖେଣ୍ଡେ ଏନିକଁ ଜାର୍ନା ଆହାଲି ଆଡ଼ିନେସି ? ତାଲିନି ବାଣ୍ଡିତା ହତାନା ଏଝାସି ଖେଣ୍ଡେ ଜାର୍ନା ଆହାଲି ଆଡ଼ିନେସି ?”

୫ ଜୀସୁ ଏଲେଇଚେସି; “ସାତା ସାତା ନାନୁ ନିଜ ଖେସିମାଞ୍ଜାଇଁ” ଏୟୁ ଅଡ଼େ ସୁଦୁଜୀଝୁଟି ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜିତା ହଡ଼ାଲି ଆଡ଼ଅସି ।

୬ ଆଜ୍ଞାଟି ଏନାୟି ଜାର୍ନା, ଏଦି ଆଜ୍ଞା; ଅଡ଼େ ସୁଦୁଜୀଝୁଟି ଏନାୟି ଜାର୍ନା ଆନେ, ଏଦି ସୁଦୁଜୀଝୁ ।

୭ ନିଜେ ଖେଣ୍ଡେ ଜାର୍ନା ଆନାୟି ଲଡ଼ାମାନେ ଇଞ୍ଜି ନାନୁ ନିଜେ ଖେସାଚେଏଁ, ଏଦାଆଁତାକି କାବା ଆଆନି ।

୮ ଗାଲି ଆମ୍ବିୟାଞ୍ଜାକି ମନ କିନେ, ଏତାଲା ଞ୍ଜାକି ହାନେ, ଅଡ଼େ ନୀନୁ ଞ୍ଜାରଇ ଏଦାନି ହାଡ଼ା ଖେଞ୍ଜାଲି ଆଡ଼ିଦି, ସାମା ଏଦି ଏମିନି ତାଣାଟି ଞ୍ଜାନେ ଅଡ଼େ, ଏମ୍ବିୟା ହାନେ, ଏଦାଆଁ ପୁନଅତି; ସୁଦୁଜୀଝୁଟି ଜାର୍ନା ଆହାମାନି ବାରେଜାଣା ଏଲେକିହଁଏ ।

୯ ନିକଦିମ ଏଝାଣାଇଁ ଏଲେଇଚେସି, “ଏଦି ଏନିକଁ ଆହାଲି ଆଡ଼ିନେ ?”

୧୦ ଜୀସୁ ଏଝାଣାଇଁ ଏଲେଇଚେସି; “ନୀନୁ ଇସ୍ତାୟେଲତି ଗୁରୁ ଆହାନା ଜିକେଏ, ଈ ବାରେ ତେଲ୍‌ହି ହିଲଅତି କି ?

୧୧ ନାନୁ ନିଜେ ସାତା ଖେସିମାଞ୍ଜାଇଁ, ନାନୁ ଏନାଆଁ ପୁଞ୍ଜାମାଇଁ, ଏଦାନି କାତା ଖେସିମାଞ୍ଜାଇଁ, ଏନାଆଁ ମେସାମାଇଁ, ଅଡ଼େ ନୀନୁ ନା କାତା ନାମିହିଲଅତି ।

୧୨ ନାନୁ ନାରଡ଼ି କାତାଟି ଖେସାସାରେ ନୀନୁ ନାମଅତି, ଆତିହଁ ଲାକପୁରୁଟି ହାଡ଼ା ଖେସାସାରେ ଏନିକଁ ନାମିଦି ?

* ୨:୧୯ ମାତି ୨୭:୨୯; ୨୭:୪୦; ମାର୍କ ୧୪:୫୮; ୧୫:୨୯ * ୩:୨ ଗୁରୁ

୧୩ ଆମିନି ମାଣ୍ଡସି ମୀରୁଏସି ଲାକପୁରୁଟି ରେତା ଖାତେସି, ଏଞ୍ଜାଣି ପିସ୍‌ପେ ଅଡ଼େ ଆମ୍ବାଆସି ଲାକପୁରୁ ହାଜାହିଲଅସି ।”

୧୪ ଅଡ଼େ, ମସା ଏନିକ୍‌ ଲକୁ ହିଲ୍‌ଆ ଟାୟୁତା ପିତାଡ଼ା ରାଚୁତି ଲାକ ପେରୁହା ମାତେସି, ମାଣ୍ଡସି ମୀରୁଏସି ଜିକେଏ ଏଲେକିହ୍‌ ଏ ଲାକ ପେରୁଝି ଆନେସି ।

୧୫ ଏନିକ୍‌ରହି ଆମ୍ବାଆସି ତାନି ତାଣା ନାମିନେସି, ଏଞ୍ଜାସି କାଲ୍‌କାଲ୍‌କାତି ଜୀଝୁ ବେଟା ଆନେସି ।

୧୬ ଇଚିହ୍‌ ମାହାପୁରୁ ଦାରୁତିତି ଏଚେକା ଜୀଝୁ ନଡେସି, ଏଞ୍ଜାସି ତାନି ରଣ୍ଡିଏ ମୀରୁଏଶାଲ୍‌ ଦାନା ହାତେସି, ଏନିକ୍‌ରହି ଏଞ୍ଜାଣି ତାଣା ନାମିନାସି ନାସା ଆଆନା କାଲ୍‌କାଲ୍‌କାତି ଜୀଝୁ ବେଟା ଆନେସି ।

୧୭ ଇଚିହ୍‌ ଦାରୁତିତା ନାହାୟି କିହାଲିତାକି ମାହାପୁରୁ ତାନି ମୀରୁଏଶାଲ୍‌ ଦାରୁତିତା ପାଣ୍ଡାଆନା, ଦାରୁତି ଏନିକ୍‌ ତାନିତାଣାଟି ଗେଲ୍‌ପିଆନେ, ଏଦାଆଁତାକି ତାନି ମୀରୁଏଶାଲ୍‌ ପାଣ୍ଡାତେସି ।

୧୮ ଆମ୍ବାଆସି ତାନି ତାଣା ନାମିନେସି, ଏଞ୍ଜାସି ନାହାୟି କିଞ୍ଚି ଆଅସି ଆମ୍ବାଆସି ନାମଅସି, ଏଞ୍ଜାସି ନାହାୟି କିଞ୍ଚି ଖାତେସିଏ, ଏନାଆଁତାକି ଇଚିହ୍‌ ମାହାପୁରୁଟି ରଣ୍ଡିଏ ମୀରୁଏଶା ଦରୁତି ନାମାହିଲଅସି ।

୧୯ ଅଡ଼େ ଏ ନାହାୟି ଇଦି, ଇ ଦାରୁତିତା ଉଜେଡ଼ି ତଞ୍ଜା ଆହାମାନେ, ଅଡ଼େ ଲକୁ ଉଜେଡ଼ି ପିସାନା ଆନେରିତି ଜୀଝୁ ନଡେସି, ଏଦାଆଁତାକି ଏଞ୍ଜାରି ବାରେ କାମା ଲାଗେଏତାୟି ।

୨୦ ଇଚିହ୍‌ ଆମ୍ବାଆସି ଲାଗେଏତି କାମାକିନାରି, ଉଜେଡ଼ିତି ଅପଅରି, ଅଡ଼େ ଏଡେତା ତାନି ପାପୁ କାମା ତଞ୍ଜାଆନେ, ଏଦାଆଁତାକି ଉଜେଡ଼ିତା ଖାଅରି ।

୨୧ ସାମା ଆମ୍ବାଆସି ସାତା କାମା କିନେରି, ଏଞ୍ଜାରି ଉଜେଡ଼ିତା ଖାନ୍‌ନେରି, ଏନିକ୍‌ ତାନି କାମା ବାରେ ମାହାପୁରୁ ତାଣାଟି ତୀରି ଆଡାୟି ଇଞ୍ଜି ତଞ୍ଜାଆନେ ।

ଜୀଝୁ ଅଡ଼େ ଜହନ

୨୨ ଇଦାଆଁ ତାୟୁ ଜୀଝୁ ଅଡ଼େ ତାନି ସୀସୁୟାଁ ଜୀହୁଦା ରାଜିତା ହାଚେରି, ଅଡ଼େ ଏଞ୍ଜାସି ଏ ଟାୟୁତା ତୟାନା ବାପ୍ତିସ୍ମାଁ ହାହାଲି ମାଟୁହେସି ।

୨୩ ଜହନ ଜିକେଏ ସାଲମତି ତାଗେ ଏନନ୍‌ତା ବାପ୍ତିସ୍ମାଁ ହାହିମାଚେସି, ଇଚିହ୍‌ ଏମ୍ବାଆଁ ଗାତି ଏନୁ ମାରୁ, ଅଡ଼େ ଲକୁ ଖାହାନା ବାପ୍ତିସ୍ମାଁ ଅହିମାଚେରି ।

୨୪ ଏଚିବେଲ୍‌ମା ପାତେକା ଜହନ କାୟିଦିତା ହାଜାହିଲ୍‌ଆତେସି ।

୨୫ ଏମ୍ବାଟିଏ ଜହନତି ଏଚରଜାଣା ସୀସୁୟାଁ ର ଜୀହୁଦି ତଲେ ମେରାତାକି ନନ୍‌ନି କାତାତାକି ବାଦିବାଡ଼ା ଆଟେରି ।

୨୬ ଏଞ୍ଜାରି ଜହନଲ୍‌ ଏଲେଇଚେରି, “ଗୁରୁ ଆମ୍ବାଆସି ଜର୍ଦନ କାତାତି ଅରୁଞ୍ଜାକି ନୀ ତଲେ ମାଚେସି, ଆମ୍ବାଆସି କାତା ନୀନୁ ସାକି ହାହାମାଞ୍ଜାତି, ମେହ୍‌ମୁ ଏଞ୍ଜାସି ବାପ୍ତିସ୍ମାଁ ହାହିମାନେସି ଅଡ଼େ ବାରେଜାଣା ଏଞ୍ଜାଣି ତାଣା ହାଜିମାନେରି ।”

୨୭ ଜହନ ଏଲେଇଚେସି, “ଲାକପୁରୁଟି ମାହାପୁରୁ ହାଆସାରେ ମାଣ୍ଡସି ଏନାଆଁ ମେଡ଼ାଆହାଲି ଆଡ଼ଅସି ।

୨୮ *ନାନୁ କ୍ରୀସ୍ତତେଏଁ ଆଏ, ସାମା ଏଞ୍ଜାଣି ନକିତା ପାଣ୍ଡ଼ି ଆହାମାଲ୍‌, ଇ କାତା ନାନୁ ମିଜେ ଝେସାମାଞ୍ଜାତେଏଁ ଇଞ୍ଜି ମାରୁ ନା ସାକି ।

୨୯ ମାକ୍‌ନାମି ଅନାସି, ଏଞ୍ଜାସି ହନେଏସି, ସାମା ହନେଏଣି ଏମିନି ତଡୁ ନିତାନା ତାନି ହାଡ଼ା ଝେନେସି, ଏଞ୍ଜାସି ହନେଏଣି ହାଡ଼ା ଝେଞ୍ଜାନା ହାଚେକା ରାହାଁ ଆନେସି । ଏଲେକିହ୍‌ ଏ ନା ରାହାଁ ଜିକେଏ ପୁରା ଆଡେ ।

୩୦ ସାତେଏ ଏଞ୍ଜାସି କାଜାସି ଆନାୟି ମାନେ, ଅଡ଼େ ନାଜେ ଉଣା ଆନାୟି ମାନେ ।”

ଲାକପୁରୁଟି ଖାନାସି

୩୧ ଆମ୍ବାଆସି ଲାକପୁରୁଟି ଖାନେସି, ଏଞ୍ଜାସି ବାରେକିହାଁ କାଜାସି, ଆମ୍ବାଆସି ଦାରୁତିତି ଜାର୍‌ନା ଆନେସି, ଏଞ୍ଜାସି ଦାରୁତିତି କାତା ଝେହ୍‌ନେସି; ଆମ୍ବାଆସି ଲାକପୁରୁଟି ଖାନେସି ଏଞ୍ଜାସି ବାରେଜାଣା କିହାଁ କାଜାସି ।

୩୨ ଏଞ୍ଜାସି ଏନାଆଁ ମେସାମାନେସି ଅଡ଼େ ଏନାଆଁ ଝେଞ୍ଜାମାନେସି, ଏଦାଆଁ ଏଞ୍ଜାସି ସାକି ହାହିମାନେସି, ସାମା ଆମ୍ବାଆସି ତାନି ହାଡ଼ାତି ଅପଅସି ।

୩୩ ଇଞ୍ଜା ଆମ୍ବାଆସି ତାନି କାତାତି ଅପିନେସି, ଏଞ୍ଜାସି ମାହାପୁରୁ ସାତା ଇଞ୍ଜି ଏ କାତାତି ଆବା ମାନେସି ।

† ୩:୨୨ ମୁଞ୍ଜିନାୟି ‡ ୩:୨୩ ମୁଞ୍ଜିନାୟି § ୩:୨୬ ମୁଞ୍ଜିନାୟି ☆ ୩:୨୮ ଜହ ୧:୨୦

୩୪ ଯାମା ମାହାପୁରୁ ଆମ୍ବାଆରାଇଁ ପାଣ୍ଡାମାଞ୍ଜାନେସି, ଏଝାସି ମାହାପୁରୁ ବଲୁ ଝେହ୍ନେନେସି, ଏଝାଣାକି ମାହାପୁରୁ ସୁଦୁଜୀଝୁ ହାନେସି ।

୩୫ ଆବା ମୀରୁଏଣାଇଁ ଜୀଝୁ ନଡେନସି, ଅଡେ ବାରେ ତାନି କେୟୁଡା ହେରୁପା ମାନେସି ।

୩୬ ଆମ୍ବାଆସି ମୀରୁଏଣାଇଁ ନାନିନେସି, ଏଝାସି କାଲାକାଲାତି ଜୀଝୁ ବେଟାଆହାମାନେସି, ଯାମା ଆମ୍ବାଆସି ମୀରୁଏଣାଇଁ ଅପଅସି, ଏଝାସି ଜୀଝୁ ଜିକେଏ ମେହଅସି, ଯାମା ଏଝାସି ମାହାପୁରୁତି ତଣ୍ଡତା ଡୟିନେସି ।

୪

ଜୀସୁ ଅଡେ ସମିରଣ ଇୟା

୧ ପାରୁସିୟାଁ ଝେରେରି, ଜୀସୁ ଜହନ କିହାଁ ଗାତି ସୀସୁୟାଁ କିହିମାନେସି ଅଡେ ବାପ୍ତିସ୍ମ* ହାହିମାନେସି ।

୨ ଜୀସୁ ତାନୁ ବାପ୍ତିସ୍ମ‡ ହାହିହିଲାଆଡେସି, ଯାମା ତାନି ସୀସୁୟାଁ ବାପ୍ତିସ୍ମ‡ ହାହିମାରେରି, ଈ କାତା ପାରୁସିୟାଁ ଝେଞ୍ଜାମାନେରି ଇଞ୍ଜିଁ ପୁରୁ ଏଡେତା ପୁରେସି,

୩ ଏଡେତା ଜୀହୁଦା ଦେସା ପିସାନା ଅଡେ ଝେଣ୍ଡେ ଗାଲିଲିତା ହାରେରି ।

୪ ଯାମା ତାଜେ ସମିରଣ ଜିରୁଟି ହାଜାଲି ଲାଗିଡେ ।

୫ ଅଡେ ଏଝାସି ହାଜାନା ଜାକୁବ ତାନି ମୀରୁଏସି ଜସେପକି ଏମିନି ରୁମି ହାହାମାରେସି ଏ ତାଗେ ସମିରଣତି ସୁକାର ଦରୁଗାଟି ର ନାୟୁତା ଏଗାହାରେସି ।

୬ ଏ ଗାୟୁତା ଜାକୁବତି କୁହି ମାରେ, ଇଞ୍ଜାଁ ଜୀସୁ ଝାହାହାଜାମାତାକି ଏ କୁହି ତାଗେ କୁଗିଡେସି । ଏଡେତା ମାଦେନା ଆହାମାରେ ।

୭ ଅଡେ ର ସମିରଣ ଇୟା ଏୟୁ ଅହାଲି ଝାଡେ । ଜୀସୁ ଏଦାନି ଏଲେଇରେସି “ନାଜେ ଏୟୁ ଗସାଲି ହିୟାମୁ ।”

୮ ତାନି ସୀସୁୟାଁ କାଡି କଡାଲି ଗାଡାତା ହାଜାମାରେରି ।

୯ ଏମ୍ବାଟିଏ ସମିରଣ ଇୟା ଜୀସୁଇଁ ଏଲେଇରେ, “ନୀନୁ ର ଜୀହୁଦି ଲକୁ ଆହୁଁ, ନୀନୁ ସମିରଣ ଆୟାଡେଏଁ, ଏନିକିଁ ନା କେୟୁଟି ଏୟୁ ଗସାଲି ରାସି ମାଞ୍ଜାଡି ?” ଏନିଇଚିହଁ ଜୀହୁଦିୟାଁ ତଲେ ସମିରଣ ଲକୁଡି ଲେମ୍ବିନାୟି ହିଲେଏ ।

୧୦ ଜୀସୁ ଏଦାନି ଏଲେଇରେସି, “ମାହାପୁରୁତି ଦାନା ଅଡେ ନାଜେ ଗସାଲି ହିୟାମୁ ଇଞ୍ଜିଁ ଆମ୍ବାଆସି ନିଜେ ଏଲେଇଞ୍ଜିମାଞ୍ଜାନେସି, ଏଝାସି ଆମ୍ବାଆସି, ଇଦାଆଁ ନୀନୁ ପୁଚିହଁମା, ନୀନୁ ଏଝାଣାଇଁ ରାସିମା, ଅଡେ ଏଝାସି ନିଜେ ଜୀଝୁଡି ଏୟୁ ହିୟାଡେସିମା ।”

୧୧ ଏ ଆୟାଟି ଏଲେଇରେ, “ଗୁରୁ ନୀ ତାଣା ଏୟୁ କଡାଲି ତାକି ନକି ହିଲେଏ, ଅଡେ ଈ କୁହି କୁଡ଼ହାମାନେ; ଆତିହଁ ନୀନୁ ଏମ୍ବିଟି ଏ ଜୀଝୁଗାଟି ଏୟୁ ବେଟାଆହାମାଞ୍ଜି ?

୧୨ ମା ଆକୁୟାଁତି ଆବା ଜାକୁବ ଈ କୁହି ମାଜେ ହାହାମାଞ୍ଜାଡେସି, ଅଡେ, ତାନି ମୀରୁକା ଅଡେ ତାନି କଡି ଗରି ଇମ୍ବାତି ଏୟୁ ଗସିମାୟୁ, ଏଝାଣି କିହାଁ ନୀନୁ କି କାଜାତି ?”

୧୩ ଜୀସୁ ଏଲେଇରେସି, “ଆମ୍ବାଆସି ଈ ଏୟୁ ଗହ୍ନେସି, ଅଡେ ଝେଣ୍ଡେ ଏସ୍କି ଆନେସି;

୧୪ ଯାମା ନୀନୁ ଏମିନି ଏୟୁ ହିୟାଇଁ, ଏଝାଆଁ ଆମ୍ବାଆସି ଗହ୍ନେସି, ଏଝାସି ଏରେଲାଝା ଏସ୍କି ଆଅସି, ଇଚିହଁ ନୀନୁ ଏମିନି ଏୟୁ ହାଈଁ, ଏଡି କାଲାକାଲାତି ଜୀଝୁଡି ଉସା ଲେହେଁ ଏଝାଣି ତାଣାଟି ଡେଲାବୟା ହାନ୍ତୁ ।”

୧୫ ଆୟାଟି ଏଲେଇରେ, “ଗୁରୁ, ନାଜେ ଏନିକିଁ ଏସ୍କି ଆୟେଏ, ଅଡେ ଏୟୁତାକି ଇଚେକା ହେକ ଈ କୁହିତା ଝାୟାଲି ଆଏ, ଏଦାଆଁତାକି ଏ ଏୟୁ ନାଜେ ହିୟାମୁ ।”

୧୬ ଜୀସୁ ଏଦାନି ଏଲେଇରେସି, “ହାଲାମୁ, ନୀ ତକ୍ରାଇଁ ହାଟାତାମୁ ।”

୧୭ ଏ ଆୟାଟି ଏଲେଇରେ, “ନା ତକ୍ରା ହିଲଅସି ।” ଜୀସୁ ଏଦାନି ଏଲେଇରେସି “ନୀ ତକ୍ରା ହିଲଅସି ଇଞ୍ଜିଁ ସାତା ଝେସାମାଞ୍ଜି ।

୧୮ ନିଜେ ପାସାଜାଣା ତକ୍ରାୟାଁ ମାରେରି, ଅଡେ ନୀଏଁ ନୀ ତଲେ ଆମ୍ବାଆସି ମାନେସି ଏଝାସି ନୀ ତକ୍ରା ଆଏ ଇଦାଆଁ ସାତା ଝେସାମାଞ୍ଜି ।”

୧୯ ଆୟାଟି ଏଲେଇରେ, “ଗୁରୁ, ନୀନୁ ପୁଞ୍ଜିମାଇଁ ନୀନୁ ର ମାହାପୁରୁ ଅଣପୁଡି ବଲୁ ଝେହ୍ନାତି, ଇଦାଆଁ ନୀନୁ ପୁଞ୍ଜିମାଇଁ ।

* ୪:୧ ମୁଞ୍ଜିନାୟି † ୪:୨ ମୁଞ୍ଜିନାୟି ‡ ୪:୨ ମୁଞ୍ଜିନାୟି

୨୦ ମା ଆକୁ ଆବାୟାଁ ଈ ହୁରୁ ଲାକ ପ୍ରାତାନା କିହିମାଚେରି; ଅଡ଼େ ମୀ ଜୀହୁଦି ଲକୁ ଏଲେଇନେରି, ପ୍ରାତାନା କିନି ଚାୟା ଆହିମାନେ ଜିରୁସାଲମ ।”

୨୧ ଜୀସୁ ଏଦାନି ଏଲେଇଚେସି, “ଇୟା ନା ହାଡ଼ାଡ଼ି ନାମାମୁ, ଏମିନି ବେଲାତା ମୀରୁ ଈ ହୁଡ଼ା କି ଜିରୁସାଲମତା ଆବା ତାଣା ପ୍ରାତାନା କିଅଚେରି ଇଲେତି କାଲମି ଖାନ୍ନେ ।

୨୨ ଆମ୍ବାଆରାଇଁ ମୀରୁ ପୁଞ୍ଜାହିଲଅଚେରି, ଏଞ୍ଜାଣାଇଁ ପ୍ରାତାନା କିହିମାଖେରି; ଆମ୍ବାଆରାଇଁ ମୀରୁ ପୁଞ୍ଜାମାନାୟି, ଏଞ୍ଜାଣାଇଁ ପ୍ରାତାନା କିହିମାନାୟି, ଇଚିହଁ ଗେଲ୍ଲପିନାୟି ଜୀହୁଦି ଲକୁ ତାଣାଟି ଖାନ୍ନେ ।

୨୩ ସାମା ଏମିନି କାଲମିତା ସାତା ତଲେ ପ୍ରାତାନା କିନି ଲକୁ ଜୀହୁତଲେ ଅଡ଼େ ସାତା ତଲେ ଆବାଇଁ ପ୍ରାତାନା କିନେରି, ଇଲେତି କାଲମି ଖାହିମାନେ; ଅଡ଼େ, ନୀର୍ବି ଜିକେଏ ମାନେ; ଇଚିହଁ ଆବା ଇଲେତି ପ୍ରାତାନା କିନାରାଇଁ ପାରିମାନେସି ।

୨୪ ମାହାପୁରୁ ସୁଦୁଜୀସୁ ଗାଗାସି, ଅଡ଼େ ଆମ୍ବାଆରି ତାନି ପ୍ରାତାନା କିନେରି, ଏଞ୍ଜାରି ଜୀସୁ ଇଞ୍ଜାଁ ସାତା ତଲେ ତାନି ପ୍ରାତାନା କିନାୟିମାନେ ।”

୨୫ ଏ ଆୟାଟି ଜୀସୁଇଁ ଏଲେଇଚେ, “ନାନୁ ପୁଞ୍ଜାମାଲ୍, ମସିହା, ଆମ୍ବାଆରାଇଁ କ୍ରୀସୁ ଇନେରି, ଏଞ୍ଜାସି ଖାନ୍ନେସି; ଏଚେତା ଏଞ୍ଜାସି ଖାନ୍ନେସି ମାଜେ ବାରେ କାତା ପୁଣ୍ଡାସି କିୟାନେସି ।”

୨୬ ଜୀସୁ ଏଦାନି ଏଲେଇଚେସି, “ନୀର୍ବି ନୀ ତଲେ ହାଡ଼ା ଆହିମାନାଚେର୍ବି ନାନୁ, ନାନୁ ଏଞ୍ଜାଚେର୍ବି ।”

୨୭ ଏଚିବେଲାତା ତାନି ସୀସୁୟାଁ ଖାହାନା ତାନୁ ର ଆୟାଟି ତଲେ ହାଡ଼ା ଆହିମାନାଣି ମେସାନା କାବା ଆଚେରି, ଆଡ଼ିଜିକେଏ ନୀନୁ ଏନାଆଁ ମନ କିହିମାଞ୍ଜି, ଆଆତଁ ଏନାଆଁତାକି ଏଦାନିତଲେ ହାଡ଼ା ଆହିମାଞ୍ଜି ଇଞ୍ଜାଁ ? ଆମ୍ବାଆରି ଖେନଆଚେରି ।

୨୮ ଏମ୍ବାଟିଏ ଆୟାଟି ଏମ୍ବାଆଁ ତାନି ଏୟୁ ଡ଼କା ପିସାନା ଗାଡ଼ାତା ହାଜାନା ଲକୁଣି ଖେସ୍ତେ, “ଞ୍ଜାଦୁ, ରଅଣାଇଁ ମେହ୍ଦେରି,

୨୯ ନାନୁ ଏନା ଏନାଆଁ ନା ଜୀହୁତା କିହାମାଲ୍, ଏଞ୍ଜାସି ନାଜେ ବାରେ ଖେସ୍ତାଚେସି; ଏଞ୍ଜାସି ମସିହା ଆହାଡ଼ୟିନେସି ?”

୩୦ ଏମ୍ବାଟିଏ ଏମ୍ବାଟି ଲକୁ ଗାଡ଼ାଟି ହଚାନା ଜୀସୁ ତାଣା ହାଚେରି ।

୩୧ ଏଚିବେଲାତା ସୀସୁୟାଁ ବାଟିମାଲିହଁ ଏଲେଇଚେରି, “ଏ ଗୁରୁ, ତିନାମୁ ।”

୩୨ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ତିଞ୍ଜାଲି ତାକି ଏମିନି କାଡ଼ି ନା ତାଣା ମାନେ, ମୀରୁ ଏ କାଡ଼ିତି କାତା ପୁଞ୍ଜାହିଲଅଚେରି ।”

୩୩ ସୀସୁୟାଁ ତାମ୍ବୁଡ଼ାମୁ ହାଡ଼ାକାତା ଆଚେରି, “ଆମ୍ବାଆୟି ତାଜେତାକି କାଡ଼ି ତାତା ହୀହାମାନେ ହାବୁଲା ?”

୩୪ ଜୀସୁ ଏଞ୍ଜାରାଇଁ ଏଲେଇଚେସି, “ନାଜେ ପାଣ୍ଡାମାଞ୍ଜାନାଣା ଅଣ୍ଡୁ ଅଡ଼େ ତାନି କାମା ରାପ୍ନାୟି ଏଦିଏ ନା କାଡ଼ି ।

୩୫ ଆନା ଦାଚାଲି ଅଡ଼େ ସାରି ଲେଞ୍ଜୁ ମାନେ, ଈ କାତା ମୀରୁ ଖେସିହିଲଅଚେରି ସାମା ନାନୁ ମିଜେ ଖେସିମାଞ୍ଜାଇଁ, ଗୁଡ଼ିୟାକା ବାରେ ସିନିକିଦୁ ଏ ବାରେ ଦାଚାଲି ତାକି କାମ୍ବାହାଚେୟିଏ ।

୩୬ ନୀର୍ବି ଜିକେଏ ଦାଃଆନାରାକି କୁଲି ହୀପ୍ତିକି ଆହିମାନେ ଅଡ଼େ କାଲ୍ଲାକାଲ୍ଲାତି ଜୀହୁତାକି ପାଡ଼େୟି କୁଡ଼ି କିହିମାନେରି, ଏନିକିହଁ ଦାଃଆନାସି ଅଡ଼େ କୁଡ଼ିକିନାସି ରହେଏ ରାହାଁ କିନେରି ।

୩୭ ଏନାଆଁତାକି ଇଚିହଁ ରଅସି ମାଟିନେସି ଅଡ଼େ ଅର ରଅସି ଦାଃଆନେସି ଈ କାତା ସାତା ।

୩୮ ମୀରୁ ଏନାଆଁତାକି କାମା କିହାହିଲଅଚେରି, ଏନାଆଁ ଦାଚାଲି ତାକି ନାନୁ ପାଣ୍ଡାଚେର୍ବି; ଏଚକାତାରି କାମା କିହାମାନେରି, ଅଡ଼େ ମୀରୁ ଏଞ୍ଜାରି କାମାଟି ଲାବା ବେଟାଆହିମାଖେରି ।”

୩୯ “ନାନୁ ଏନା ଏନାଆଁ କିହାମାଲ୍, ଏ କାତା ଏଞ୍ଜାସି ନାଜେ ବାରେ ଖେସ୍ତାଚେସି” ଇଞ୍ଜାଁ ଏମିନି ଆୟାଟି ସାକି ହୀହାମାନେ, ଏଦାନି କାତାତାକି ଏ ଗାଡ଼ାଟି ସମିରଣ ଲକୁ ବିଭ୍ରାଟି ହାଚେରକା ଜୀସୁଇଁ ନାମିଚେରି ।

୪୦ ଅଡ଼େ ସମିରଣ ଲକୁ ଜୀସୁ ତାଣା ଖାହାନା ତାମିତଲେ ଡ଼ୟାଲି ତାକି ତାଜେ ବାଟିମାଲିଚେରି ଜୀସୁ ଏଞ୍ଜାରିତଲେ ଅଡ଼େ ରୀ ଦିନା ଡ଼ୟିଚେସି ।

୪୧ ଜୀସୁଡ଼ି ବଲୁ ଖେଞ୍ଜାନା ହାଚେରକା ଲକୁ ନାମିଚେରି ।

୪୨ ଏଞ୍ଜାରି ଏ ଆୟାଟିଇଁ ଏଲେଇଚେରି, “ଞ୍ଜାଚୁଇ ନୀନୁ ଏଲେଇଞ୍ଜାତାକି ମାମ୍ବୁ ନାମାହିଲଅମି, ସାମା ମାମ୍ବୁ ଚୁଞ୍ଜାମାନମି, ଅଡ଼େ, ଈଞ୍ଜାସି ସାଚେଏ ଦାଚିତି ଗେଲ୍ଲପିନାୟି, ଇଦାଆଁ ମାମ୍ବୁ ପୁଞ୍ଜାମାନମି ।”

ଜୀସୁ ସାଲୁଖି କିନାଣି ମୀରୁଏଶାଈଁ ନେହଁକିନାୟି

୪୩ ରୀ ଦିନା ତାୟୁ ଜୀସୁ ଏମ୍ବାଟି ହଚାନା ଗାଲିଲିତା ହାଚେସି ।

୪୪ ଇଚ୍ଛା ହେଁ ଜୀସୁ ତାଜେତାକି ସାକି ହାହେଁ ଏଲେଇଚେସି, “ମାହାପୁରୁ ଅଣ୍ଟାପୁତି ବଲୁ ଖେଜନାରି ଜାହାରା ଦେସାତା ମାନି ବେଗାଆଅରି ।”

୪୫ ଅଡ଼େ ଏଝାସି ଗାଲିଲିତା ଏଜାଲିଏ ଏ ଗାଲିଲିତାରି ଏଝାଣାଇଁ ଆବିତେରି, ଇଚ୍ଛା ହେଁ ପିସ୍ପିଆନ୍ତି ପାର୍ବୁ ବେଲାତା ଜୀସୁ ଜିରୁସାଲମତା ଏନା ଏନାଆଁ କିହାମାଚେସି ବାରେ ମେସାମାଚେରି ଏଝାରି ଜିକେଏ ପାର୍ବୁତା ହାଜାମାଚେରି ।

୪୬ ଏମ୍ବାଟିଏ ଜୀସୁ ଗାଲିଲିତି କାନା ଗାଡ଼ାତା ଖେଣ୍ଡେ ହାଚେସି, ଏମ୍ବିୟା ଜୀସୁ ଏୟୁଣି ଅଜ୍ଜୁରି ରାସା କିହାମାଚେସି, ଏମ୍ବାଆଁ ପାସାକଡ଼ି କସ୍କା ମୁହେଁ କାଜାସି ରଅସି ମାଚେସି, ତାନି ମୀରୁଏସି କପରନାହୁମତା ଆଡ଼ିହିଲାଆଚେସି ।

୪୭ ଜୀସୁ ଜୀହୁଦା ଗାଡ଼ାଟି ଗାଲିଲିତା ଖାହାମାନେସି ଇଞ୍ଜିଁ ଖେଜାନା, ତାନି ତାଣା ହାଜାନା ଏଝାସି ଖାହାନା ଏନିକେଁ ତାନି ମୀରୁଏଣାଇଁ ନେହେଁ କିନେସି ଏଦାଆଁତାକି ବାତିମାଲିତେସି, ଇଚ୍ଛା ହେଁ ଏଝାସି ହାନ୍ତିହଚେ ଆହାମାଚେସି

୪୮ ଜୀସୁ ଏଝାଣାଇଁ ଏଲେଇଚେସି, “ସିନା ଅଡ଼େ କାବାଆନ୍ତି କାମାୟାଁ ମେହୁଆତିହେଁ ମୀରୁ ଏନିଜିକେଏ ନାମଅଚେରି ।”

୪୯ ଏ ସାଲୁଡ଼ି କିନାସି ଏଲେଇଚେସି, “ଏ ପ୍ରବୁ, ନା ମୀରୁଏସି ହାନ୍ତି ନଚେଏ ନା ତଲେ ଖାମୁ ।”

୫୦ ଜୀସୁ ଏଝାଣାଇଁ ଏଲେଇଚେସି, “ହାଲାମୁ, ନୀ ମୀରୁଏସି ନାତିନେସି ।” ଏ ମାଣସିଇଁ ଜୀସୁ ଏମିନି ହାଡ଼ା ଖେସ୍ତେସି, ଏଝାସି ଏଦାଆଁ ନାମାନା ହାଚେସି ।

୫୧ ଅଡ଼େ, ଏଝାସି ହାଲୁଡ଼ିଏସି ତାନି ହଲିୟାଜା ଜିରୁତେଏ ନୀ ମୀରୁଏସି ନାତିତେସି ଇଞ୍ଜିଁ ଖେସ୍ତେରି ।

୫୨ ଏଚିବେଲାତା କକାସି ନେହେଁ ଆଚେସି, ଏଦାଆଁ ଏଝାସି ଖେଚେସି । ଏମ୍ବାଟିଏ ଏଝାରି ଏଲେଇଚେରି, “ରେଝଏନି ସାଡ଼ା ଗଂଗା ବେଲାତା ନମେରି ପିସ୍ତେ ।”

୫୩ ଏମ୍ବାଟି ତାନି ଆବା ପୁଚେସି ଜୀସୁ ଆମିନି ବେଲାତା “ନୀ ମୀରୁଏସି ନାତିତେସି” ଇଞ୍ଜିଁ ଖେସାମାଚେସି, ଏଚିବେଲାତେଏ ଏଡ଼ି ଗଟି ଆଚେ । ଏମ୍ବାଟିଏ, ଏଝାସି ଅଡ଼େ ତାନି ଇଜତି ବାରେ ଇଜୁ କୁଚମି ଜୀସୁ ତାଣା ନାମିଚେରି ।

୫୪ ଜୀହୁଦାଟିଏ ଗାଲିଲିତା ଖେଣ୍ଡା ଖାହାଁ, ଜୀସୁ ରା ପାଲି ତାକି ଇ କାବାଆନ୍ତି କାମା କିଚେସି ।

୫

ଜୀସୁ କଡ଼େ ଅଚର ବାସୀ ତାଣାଇଁ ନେହେଁ କିନାସି

୧ ଛଦାଣି ତାୟୁ ଜୀହୁଦି ଲକୁଚି ର ପାର୍ବୁ ଆଚେ, ଅଡ଼େ ଜୀସୁ ଜିରୁସାଲମତା ହାଚେସି ।

୨ ଜିରୁସାଲମତି ମେଣ୍ଡାୟାଁ ଦୁଝେରି ତାଗେ ର ବାନ୍ଦା ମାନେ; ଏତ୍ରି ହାଡ଼ାତଲେ ବେତ୍ସାୟିଦା ଇନେରି, ଏ ବାନ୍ଦାତା ପାସାଗଟା ପିଣ୍ଡାୟାଁ ମାନୁ ।

୩ ଏମ୍ବାଆଁ କାଣାୟାଁ, ସଗାୟାଁ ଅଡ଼େ ଆଜା ଖାୟିତି ରଗ ଗାଟାରି ହାଚେକା ଜାଣା ନେହେଁ ଆୟାଲି କାଡ଼ାହାଁ ମାଣ୍ଡିଚେରି;

୪ ଇଚ୍ଛା ହେଁ ଏଚିବେଲାତା ପ୍ରବୁତି ର ଦୁଚୁ ବାନ୍ଦାତା ରେଚାନା ଏୟୁ ଖାଟିହସାରେ, ଅଡ଼େ ଏୟୁ ଖାତିତି ତାୟୁ ଆମ୍ବାଆସି ତଲିଏ ହଡ଼ନେସି, ଏଝାଣାକି ଏନି ରଗ ଆହାମାତି ଜିକେଏ ନେହେଁ ଆହୁମାଚେସି* ।

୫ କଡ଼େ ଅଚର ବାସୀ ପାଚେକା ରଗ ଗାଟାସି ରଅସି ଏମ୍ବାଆଁ ମାଚେସି ।

୬ ଜୀସୁ ଏଝାଣାଇଁ ତୁୟାମାନାଣି ମେସାନା ଗାଡ଼ୁ ଦିନାତି ରଗ ଗାଟାସି ଇଞ୍ଜିଁ ପୁଞ୍ଜାହାଁ ଏଝାଣାଇଁ ଖେଚେସି, “ନୀନୁ ଏନାଆଁ ନେହେଁ ଆହାଲି ମନ କିହମାଞ୍ଜି ?”

୭ ରଗ ଗାଟାସି ଏଝାଣାଇଁ ଏଲେଇଚେସି, “ବାବୁ, ଏୟୁ ଖାତିନାଟି ନାଜେ ବାନ୍ଦାତା ଅହାଲି ତାକି ଆମ୍ବାଆସି ହିଲଅସି; ଅଡ଼େ, ନୀନୁ ହାନିବେଲାତା ଅଡ଼େ ରଅସି ନା ନଚେଏ ହଡ଼ାହାନେସି ।”

୮ ଜୀସୁ ଏଝାଣାଇଁ ଏଲେଇଚେସି, “ନିଜାମୁ, ନୀ ପାସ୍ପଦି ତେକାହାଁ ତାକାମୁ ।”

୯ ଏ ଦେବୁଣିଏ ଏଝାସି ନେହେଁ ଆଚେସି ଅଡ଼େ ତାନି ପାସ୍ପଦି ତେକାନା ତାକାଲି ମାଟ୍‌ହେସି । ଏ ଦିନା ଜମିନି ଦିନା ମାଚେ ।

୧୦ ଛଦାଆଁତାକି, ଜୀହୁଦିୟାଁ ନେହେଁ ଆହାମାନି ମାଣ୍ଡିଇଁ ଏଲେଇଚେରି, “ନୀଞ୍ଜୁ ଜମିନି ଦିନା, ପାସ୍ପଦି ତେକା ଅହାଲି ନିଜେତାକି ମୋରା ଆଏ ।”

* ୪:୪୪ ମାତି ୧୩:୫୭; ମାର୍କ ୭:୪; ଲୁକ ୪:୨୪ ✧ ୪:୪୫ ଜହ ୨:୨୩ ✧ ୪:୪୬ ଜହ ୨:୧-୧୧ * ୫:୪ ଛ କାତା ପୁଞ୍ଜଇ ପତିତା ହିଲେଏ ।

୧୧ ସାମା, ଏଝାସି ଏଝାରାଇଁ ଏଲେଇରେସି, “ଆମ୍ବାଆସି ନାଜେ ନେହୁଁ କିୟାତେସି, ଏଝାସି ନାଜେ ଏଲେଇଜାତେସି, ନୀ ପାସ୍ପନି ଡେକାନା ତାକାମୁ ।”

୧୨ ଏଝାରି ଏଝାଣାଇଁ ଝେରେରି, “ନୀ ପାସ୍ପନି ଡେକାନା ତାକାମୁ ଇଞ୍ଜୁଁ ଏଲେଇଜାତାସି, ଏଝାସି ଆମ୍ବାଆସି ?”

୧୩ ସାମା ଏଝାସି ଆମ୍ବାଆସି, ଏ ନେହୁଁ ଆଡାସି ପୁଞ୍ଜା ହିଲାଆତେସି, ଇଚିହୁଁ ଏମ୍ବାଆଁ ଲକୁ ମାନ୍ଦା ମାତାକି ଜୀସୁ ମେହୁଆରେରୁ ହାଜାମାତେସି ।

୧୪ ଇଦାଆଁ ତାୟୁ ଜୀସୁ ମାହାପୁରୁ ଇଲୁଡା ଏଝାଣାଇଁ ମେସାନା ଏଲେଇତେସି, “ମେହୁମୁ, ନୀନୁ ନେହୁଁ ଆହାମାଞ୍ଜି, ଅଡେ ପାପୁ କିଆନି, ଏନିକିଁ ନିଜେତାକି ଗାଡି କସୁ ଝାଏ ।”

୧୫ ଏ ମାଣସି ଝେଣ୍ଡା ହାଜାନା, ଆମ୍ବାଆସି ତାଜେ ନେହୁଁ କିହାମାତେସି, ଏଝାସି ଜୀସୁ ଇଞ୍ଜୁଁ ଜୀହୁଦିଙ୍ଗାଣି ଝେସ୍ତେସି ।

୧୬ ଇଦାଆଁତାକି ଜୀସୁ ଜମିନି ଦିନାତା ଇଦାଆଁ କିହିମାତାକି ଜୀହୁଦିଙ୍ଗା ଏଝାଣାଇଁ ନିନ୍ଦା କିହାଲି ମାଟୁହେରି ।

୧୭ ସାମା ଜୀସୁ ଏଝାରାଇଁ ଏଲେଇତେସି, “ନା ଆବା ନୀଏଁ ପାଡେତକା କାମା କିହିମାନେସି, ଅଡେ ନାନୁ ଜିକେଏ କାମା କିହିମାଇଁ ।”

୧୮ ଇ ହାଡା ତାକି ଜୀହୁଦିଙ୍ଗା ଜୀସୁଇଁ ପାୟାଲି ତାକି ଅଡେ ଗାଡି ଅଣ୍ଡିପେତେରି, ଏଝାସି ଜମିନି ଦିନାତି ମେରାଡି ଉରିତେସି ଝାରୁଇ ଏନି ଆଏ, ସାମା ମାହାପୁରୁଇଁ ନା ଆବା ଇଞ୍ଜୁଁ ଝେସାନା ତାଜେ ମାହାପୁରୁ ତଲେ ସମାନା କିହିମାତେସି ।

ମୀରୁଏଣି ଅଦିକାର

୧୯ ଜୀସୁ ଏଝାରାଇଁ ଏଲେଇତେସି, “ସାତା ସାତା ନାନୁ ମିଜେ ଝେସିମାଞ୍ଜାଇଁ, ମୀରୁଏସି ଆବାଇଁ ଏନାଆଁ କିହିମାନାଣି ମେହୁନେସି, ଏଦାଆଁ ପସ୍ପେ ଏଝାସି ତାନୁଏ ଏନାଆଁ କିହାଲି ଆଡଅସି । ଇଚିହୁଁ ଆବା ଏନା ଏନାଆଁ କିନେସି, ମୀରୁଏସି ଜିକେଏ ଏଦାଆଁ ବାରେ ଏଲେକିହୁଁଏ କିନେସି ।

୨୦ ଇଚିହୁଁ ଆବା ମୀରୁଏଣାଇଁ ଜୀସୁ ନନେସି, ଅଡେ ଏଝାସି ତାନୁ ଏନା ଏନାଆଁ କିନେସି, ଏଦାଆଁ ବାରେ ମୀରୁଏଣାଇଁ ତହୁନେସି, ଅଡେ ମୀରୁଏନିକିଁ କାବା ଆଦେରି, ଏଦାଆଁତାକି ଏଝାସି ଏଝାଣି ତାଣାଟି ଇଦାନି କିହାଁ ଆଡେ କାଜା କାଜା କାମା ତହୁନେସି ।

୨୧ ଆବା ଏନିକିଁ ହାଡି ଲକୁଣି ନିକହାନା ଜୀସୁ ହାନେସି, ଏଲେକିହୁଁଏ ମୀରୁଏସି ଜିକେଏ ଆମ୍ବା ଆମ୍ବାଆରାଇଁ ମନ କିନେସି ଏଝାରାଇଁ ଜୀସୁ ହାନେସି ।

୨୨ ଆବା ତାନୁଏ ଆମ୍ବାଆରାଇଁ ନୀହାଁୟି କିଅସି, ସାମା ବାରେଜାଣା ଏନିକିଁ ଆବାଇଁ ମାନି କିହିମାନେରି, ଏଲେକିହୁଁଏ ମୀରୁଏଣାଇଁ ଜିକେଏ ମାନି କିନେରି, ଏଦାଆଁତାକି ମୀରୁଏଣାଇଁ ବାରେ ନୀହାଁୟି କିହାଲି ଅଦିକାରା ହାହାମାନେସି ।

୨୩ ଆମ୍ବାଆସି ମୀରୁଏଣାଇଁ ମାନି କିଅସି, ଏଝାସି ତାଜେ ପାଣ୍ଡାଡି ଆବାଇଁ ଜିକେଏ ମାନି କିଅସି ।”

୨୪ “ନାନୁ ମିଜେ ସାତା ଝେସିମାଞ୍ଜାଇଁ, ଆମ୍ବାଆସି ନା ବଲୁ ଝେଞ୍ଜାନା ନାଜେ ପାଣ୍ଡାତାଣାଇଁ ନାମିନାସି, ଏଝାସି କାଲ୍ଲକାଲ୍ଲାଡି ଜୀସୁ ବେଟା ଆହାମାନେସି, ଅଡେ, ଏଝାସି ନୀହାଁୟି କିଞ୍ଜିଆଆନା ହାକିଡି ଜୀଣାଆହାନା ରାଆଗାଡି ଜୀସୁତା ହଡାମାନେସି ।

୨୫ ନାନୁ ମିଜେ ସାତା ଝେସିମାଞ୍ଜାଇଁ, ର ଦିନା ଝାନେ ନୀଏଁ ଜିକେଏ ଏଦାତେୟିଏ, ଏମିନି ଦିନାତା ହାଡାରି ମାହାପୁରୁ ମୀରୁଏଣି ହାଡାଡି ଝେନେରି ଅଡେ ଆମ୍ବାଆରି ଝେନାରି ଏଝାରି ନାଡିନେରି ।

୨୬ ଇଚିହୁଁ ଆବା ଏନିକିଁ ତାନୁଏ ଜୀସୁ ଗାଟାସି, ଏଲେକିହୁଁଏ ଏଝାସି ମୀରୁଏଣାଇଁ ଜିକେଏ ଜୀସୁ ଗାଟାସି ଆହାଲି ହାହାମାନେସି ।

୨୭ ଅଡେ, ଏଝାସି ମାଣସି ମୀରୁଏସି ଆହାମାନାକି ଏଝାସି ଏଝାଣାକି ନୀହାଁୟି କିନି ଅଦିକାରା ହାତେସି ।

୨୮ ଇଦାଆଁତାକି କାବା ଆମ୍ବାୟୁ, ଇଚିହୁଁ ଏରିବେଲା ହାଡି ଲକୁ ମାହଣି ମାଣ୍ଡାଡି ତାନି ଗିୟାଁ ଝେନେରି ଅଡେ ଆମ୍ବାଆରି ସାତା କାମା କିହାମାନେରି,

୨୯ ଏଝାରି ଜୀସୁତା ଝେଣ୍ଡେ ନୀତାଲିତାକି ଅଡେ ଆମ୍ବାଆରି ଲାଗେଏଡି କାମା କିହାମାନେରି, ଏଝାରି ନୀହାଁୟିଡି ତଣ୍ଡ ତାକି ଝେଣ୍ଡେ ନିଙ୍ଗା ଝାନେରି, ଇଲେଡି ଦିନା ଝାହିମାନେ ।”

ଜୀସୁ ଝାକିଡି ସାକି

୩୦ “ନାନୁ ନା ତାଣାଟି ଏନାଆଁ କିହାଲି ଆଡ଼ଥାଁ; ନାନୁ ଏନିକିଁ ଝେଜ୍, ଏଲେକିହିଁ ଏ ନୀହାଁୟି କିଜ୍, ଅଡ଼େ ନା ନୀହାଁୟି ଟିକଣାତାୟି, ଇତିହିଁ ନାନୁ ନା ମନତଲେ କିହାଲି ଅଣପାଆନା, ନାଜେ ପାଣ୍ଡାତାଣା ମନ ଲେହେଁ କିହାଲି ଅଣପିମାଜ୍ ।”

୩୧ “ନାନୁ ନାଜେତାକି ସାକି ହୀଇଁ, ଆଡ଼ିଜିକେଏ ନା ସାକି ସାତା ଆଏ ।

୩୨ ନା କାତାତି ଆମ୍ବାଆସି ସାକି ହୀନେସି, ଏଝାସି ଅର ରଅସି; ଅଡ଼େ, ନା କାତାତାକି ଏଝାଣି ସାକି ସାତା, ଏଦାଆଁ ନାନୁ ପୁଞ୍ଜାମାଜ୍ ।

୩୩ *ମୀରୁ ଜହନ ତାଣା ଲକୁଣି ପାଣ୍ଡାମାଞ୍ଜେରି ଅଡ଼େ ଏଝାସି ସାତା ତାକି ସାକି ହୀହାମାନେସି ।

୩୪ ସାମା ନାଜେ ମାଣ୍ଡସି ତାଣାଟି ସାକି ଲଡ଼ା ଆଏ, ସାମା ମୀରୁ ଏନିକିଁ ଗେଲ୍‌ପି ଆଦେଦରି, ଏଦାଆଁତାକି ଲ ବାରେ ଝେସିମାଞ୍ଜାଲି ।

୩୫ ଜହନ ତାଞ୍ଜିତି ମିଣ୍ଡସିମାନି ଦୀଝ୍ ମାତେସି, ଇଞ୍ଜା ମୀରୁ ଏଝାଣି ଉଜେଡ଼ିତା ଗାଡ଼େକା ତାକିଏ ରାହାଁ ଆହାଁ ମାଞ୍ଜାଲି ମନ କିହାମାତେରି ।

୩୬ ସାମା ଜହନତି ସାକି କିହାଁ ନା ତାଣା ହାରେକା କାଜା ସାକି ମାନେ, ଏନାଆଁତାକି ଇତିହିଁ ଆବା ନାଜେ ଏନି ଏନି କାମା ରାପୁହାଲି ହାହାମାଞ୍ଜାନେସି, ନାନୁ ଏନିନି କାମା କିହିମାଜ୍, ଆବା ନାଜେ ପାଣ୍ଡାମାଞ୍ଜାନେସି ଇଞ୍ଜା ଏ ବାରେ ନା ଝାକିଟି ସାକି ହୀହିମାନେସି ।

୩୭ ଅଡ଼େ ଏନିନି ଆବା ନାଜେ ପାଣ୍ଡାତେସି, ଏଝାସି ନା ତାକି ସାକି ହୀହାମାନେସି । ମୀରୁ ଏତେଲା ଏଝାଣି ହାଡ଼ା ଝେଞ୍ଜା ହିଲଅତେରି କି ତାନି ମୁମ୍ ଚୁମସା ହିଲଅତେରି ।

୩୮ ଅଡ଼େ ଏଝାଣି ବଲୁ ମୀ ହିୟାଁତା ଇଟାହିଲଅତେରି, ଇତିହିଁ ଏଝାସି ଆମ୍ବାଆରାଜ୍ ପାଣ୍ଡାତେସି ମୀରୁ ଏଝାଣାଜ୍ ନାନିହିଲଅତେରି ।

୩୯ ମୀରୁ ଦାମ୍ବୁ ପତିତି କାତା ପାରିମାଞ୍ଜେରି, ଇତିହିଁ ଏମ୍ବାଆଁ କାଲାକାଲାତି ଜୀଝୁ ବେଟାଆହାମାନିନି ଇଞ୍ଜା ଅଣପିମାଞ୍ଜେରି ଅଡ଼େ ଏ ଦାମ୍ବୁ ପତି ନା ଝାକିଟି ସାକି ହୀହିମାନେ ।

୪୦ ସାମା ମୀରୁ ଜୀଝୁ ବେଟାଆହାଲି ତାକି ନା ତାଣା ଝାହାଲି ମନ କିହିଲଅତେରି ।”

୪୧ “ନାନୁ ମାଣ୍ଡସିୟାଁ ତାଣାଟି ଗାଝୁରମି ପାରିହିଲଅଁ ।

୪୨ ସାମା ନାନୁ ମିଜେ ପୁଞ୍ଜାମାଞ୍ଜାଲି, ମୀ ହିୟାଁତା ମାହାପୁରୁତି ଜୀଝୁନଦାୟି ହିଲେଏ ।

୪୩ ନାନୁ ନା ଆବା ଦରୁଟି ଝାହାମାଜ୍, ଅଡ଼େ ମୀରୁ ନାଜେ ଅପିମାଞ୍ଜଅତେରି; ଅର ରଅସି ତାନି ଦରୁଟି ଝାଡ଼ିହିଁ, ମୀରୁ ଏଝାଣାଜ୍ ଅପିଦେରି ।

୪୪ ମୀରୁ ଏନିକିଁ ନାନିମାଞ୍ଜେରି ? ମୀରୁ ମୀ ତାଣାଟି ଗାଝୁରମି ବେଟାଆହି ମାଞ୍ଜେରି, ଅଡ଼େ ଏନିନି ରଣ୍ଡିଏ ମାହାପୁରୁ ତାଣାଟି ଗାଝୁରମି ଏଦାଆଁ ବେଟାଆହାଲି ମନ କିହିଲଅତେରି

୪୫ ନାନୁ ଆବା ନକିତା ମୀ କପାଟି ଦହ ଦସାଜ୍, ଏଲେଇଞ୍ଜି ଅଣପାଆଦୁ; ଆମିନି ମସା ତାଣା ମୀରୁ ବାସ୍ତୁ ଇଟାମାଞ୍ଜେରି, ଏଝାସିଏ ମୀ କପାଟି ଦହ ଦସି ମାଞ୍ଜାନେସି ।

୪୬ ଇତିହିଁ ମୀରୁ ମସାଜ୍ ନାମା ମାଟିହିଁ, ନାଜେ ଜିକେଏ ନାମାତେରିମା, ଇତିହିଁ ଏଝାସି ନା କାତେଏ ରାଡ଼ାମାନେସି ।

୪୭ ସାମା ମୀରୁ ଏଝାଣି ରାଡ଼ାମାନି କାତା ନାମା ହିଲଅତେରି, ଆଡ଼ିହିଁ ନା କାତା ଏନିକିଁ ନାନିଦେରି ?”



ଜୀସୁ ପାସାମାଣା ଲକୁଣି ଚାହନାୟି

(ମାତି ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

୧ ଇଦାଆଁ ତାହୁ ଜୀସୁ ଗାଲିଲି ସାମ୍ବୁର, ଇତିହିଁ ଡିବିରିୟା ସାମ୍ବୁର ଆତାଲାଝାକି ହାଚେସି ।

୨ ଅଡ଼େ ଏଝାସି ରଗା ଗାଟାରାଜ୍ ଏନି ଏନି କାବାଆନି କାମା କିହାମାତେସି, ଏ ବାରେ ମେସାନା ହାରେକା ଲକୁ ଏଝାଣି ଜେଚ ଜେଚ ହାଚେରି ।

୩ ଏମ୍ବାଟିଏ ଜୀସୁ ସାସ୍ତୁୟାଁ ତଲେ ର ହରୁ ଲାକ ହାଜାନା କୁରିତେସି ।

୪ ଏତିବେଲା ଜୀହୁଦି ଲକୁଟି ପିସ୍‌ପିଆନି ପାର୍ବୁ ତାଗେ ଆହାମାତେ ।

୫ ହାରେକା ଲକୁ ତାନି ତାଣା ଝାହିମାନାଣି ମେସାନା, ଜୀସୁ, ପିଲିପଜ୍ ଏଲେଇଚେସି, “ଇଝାରାକି ଡିଞ୍ଜାଲି ମାର ଆମ୍ବିଟି ରାନ୍ଧା କଡ଼ିନାୟି ?”

* ୫:୩୩ ଜହ ୧:୧୯-୨୭; ୩:୨୭-୩୦

୭ ସାମା ଏଝାସି ପିଲିପଇଁ ତାୟିପାରି କିୟାଲି ଏଲେଇରେସି, ଇଚିହିଁ ଏଝାସି ଏନାଆଁ କିନାୟିମାନେ, ଏଦାଆଁ ତାନୁଏ ପୁଞ୍ଜାମାରେସି ।

୮ ପିଲିପ ଏଝାଣାଇଁ ଏଲେଇରେସି, “ବାରେ ଲକୁଡାକି ଇଚା ଇଚାଣି ତିଞ୍ଜାଲି ରୀ ଝାଞ୍ଜାଟିଏ ଆଗାଡ଼ା ଖେଣ୍ଡି ଟାକାୟାଁତି* ରୁଟି ଜିକେଏ ହାଲାର ।”

୯ ତାନି ସୀସୁୟାଁ ବିଦ୍ରାଟି, ସିମନ ପିତର ତାୟି ଆୟିୟ ଦରୁଗାଟାସି ଜୀସୁଇଁ ଏଲେଇରେସି,

୧୦ “ଇମ୍ମାଆଁ ର କକାସି ମାନେସି, ତାନିତାଣା ପାସାଗଟା ରୁଟି ଇଞ୍ଜା ଝାଜିତି ମୀଣକା ରିଣ୍ଡି ମାନୁ, ସାମା ଇଚେକା ଲକୁଡାକି ଏଝି ହାଲିନୁ କି ?”

୧୧ ଜୀସୁ ଏଲେଇରେସି, “ଲକୁଣି କୁପକି କିଦୁ ।” ଏ ଟାୟୁତା ହାଚେରକା ଗାକି ଜାଡ଼ା ମାଚେ । ଏମ୍ମାଆଁ ପାସାମାଣା ଆଦାୟାଁ କୁଗିଚେରି ।

୧୨ ଏମ୍ମାଟିଏ ଜୀସୁ ରୁଟି ଆସାନା ମାହାପୁରୁଇଁ ଜହରା ହୀହାନା ଏମ୍ମାଆଁ କୁଗାମାନାରାକି ଏଦାଆଁ ବାଟିକିହାଁ ହୀଚେରି, ମୀଣକା ଜିକେଏ ଏଲେକିହିଁ ଏ ବାଟିକିଚେରି, ଏଚେକା ମନ କିଚେରି ଏଝାରାକି ଏଚେକା ହୀଚେରି ।

୧୩ ଅଡ଼େ ଏଝାରି ବାରେ ପାଞ୍ଜିତି ତାୟୁ, ଜୀସୁ ତାନି ସୀସୁୟାଁଇଁ ଏଲେଇରେସି, “ଏଚେକା ହାରାମାନେ, ଏଦାଆଁ ବାରେ କୁଡ଼ି କିଦୁ ଏନିକିଁ ଇଚାୟି ଜିକେଏ ନସୁ ଆଏ ।”

୧୪ ଏଚେଟିଏ ଲକୁ ଚିତ ତାୟୁ ପାସାଗଟା ରୁଟି ବିଦ୍ରାଟି ହାରାମାଟି ମୁକାୟାଁ ବାର ତାଲି କୁଡ଼ି କିଚେରି ।

୧୫ ଜୀସୁତି ଇ କାବାଆନି କାମା ମେସାନା ଲକୁ ଏଲେଇଚେରି, “ଆମିନି ମାହାପୁରୁ ଅଣ୍ଡପୁଟି ବଲୁ ଝେକନାସି ଦାରୁଡିତା ଝାନାୟି ମାଚେ, ଏଝାସି ସାଚେଏ ଇଝାସି ।”

୧୬ ଏଦାଆଁତାକି ଏଝାରି ଝାହାନା ରାଜା କିୟାଲି ବାଲୁମିଟି ଆସା ଅୟାନେରି ଇଞ୍ଜି ପୁଞ୍ଜାନା ଜୀସୁ ଏଚକା ଆହାନା ରଅସିଏ ଦାରିତା ମାଟି ହରୁ ଲାକ ହଚାହାଚେସି ।

ଜୀସୁ ଏୟୁ ଲାକ ତାକିନାୟି

(ମାଟି ୧୪:୨୨-୩୩; ମାର୍କ ୬:୪୫-୫୨)

୧୭ ମିଡ଼ଅଲା ଆହାଲିଏ ତାନି ସୀସୁୟାଁ ସାମ୍ବୁରି ଗାରୁତା ହାଚେରି ।

୧୮ ଅଡ଼େ ସାମ୍ବୁରି ଆତାଲା ମାନି କପରନାହୁମ ଝାକି ହାଜାଲି ତଂଗତା ହଚେରି । ଆନ୍ଦେରି ଆହାହାଚେ, ଅଡ଼େ, ଜୀସୁ ଏଚିବେଲା ପାଚେକା ଏଝାରିତାଣା ଝାହା ହିଲାଆଚେସି ।

୧୯ ଇଞ୍ଜା କାଜା ଗାଲି ଝେଟିମାଚାକି ସାମ୍ବୁରିତା ଆଜିହପେତି ଏୟୁ ଉଣ୍ଡାୟାଁ ନିଜିମାଚୁ ।

୨୦ ଏଚିବେଲା ଏଝାରି ସ କିଲମିଟର ହେକ ହାଜାଲିଏ ଜୀସୁ ସାମ୍ବୁରିତା ତାକିହିଁ ତଂଗ ଝାକି ଝାହିମାନାଣି ମେସାନା ଆଜିଚେରି ।

୨୧ ସାମା ଜୀସୁ ଏଝାରାଇଁ ଏଲେଇରେସି, “ଆଜାଆଦୁ ଇଝାଚେଏଁ ନାନୁ ।”

୨୨ ଏମ୍ମାଟିଏ ଏଝାରି ଏଝାଣାଇଁ ତଂଗତା ଅହାଲି ମନ କିଚେରି, ଅଡ଼େ, ଏମିନି ସାମ୍ବୁରି ଗାରୁତା ହାଜିମାଚେରି, ଦେବୁଣିଏ ଏ ଟାୟୁତା ତଂଗ ଏଚେ ।

ଜୀସୁଇଁ ଲକୁ ପାରିନାୟି

୨୩ ଏ ଟାୟୁତା ର ତଂଗ ପିସପେ ଏଚକାଟି ତଂଗୟାଁ ହିଲାଆଚୁ, ଅଡ଼େ ଏମ୍ମାଆଁ ଜୀସୁ ତାନି ସୀସୁୟାଁ ତଲେ ହାଜାହିଲାଆଚେସି, ସାମା ଝାଚରଇ ସୀସୁୟାଁ ହାଜାମାଚେରି, ଇଦାଆଁ ଆମିନି ଲକୁ ତାନି ଅର ନେଚୁ ସାମ୍ବୁରି ଆତାଲା ନିଚାମାଚେରି ଏଝାରି ମେସାମାଚେରି ।

୨୪ ଆମିନି ତାଣା ଜୀସୁ ଜହରା କିହାନା ଲକୁଣି ରୁଟି ତିଞ୍ଜାଲି ହୀହାମାଚେସି, ତିବିରିୟାଟି ଅଡ଼େ ଏଚରଗଟା ତଂଗାୟାଁ ଏ ଟାୟୁତା ଝାଚୁ ।

୨୫ ଇଞ୍ଜା ଜୀସୁ ତାନି ସୀସୁୟାଁ ଏମ୍ମାଆଁ ହିଲାଆଚେରି, ଇଦାଆଁ ମେସାନା ବାରେ ଲକୁ ଇ ତଂଗତା ହଚାନା ଜୀସୁଇଁ ପାରି ପାରିହିଁ କପରନାହୁମତା ଝାଚେରି ।

ଜୀସୁ ଜୀଝୁତି ରାଦା

୨୬ ଏଝାରି ସାମ୍ବୁରି ଆତାଲା ଜୀସୁଇଁ ବେଟାଆହାନା ଝେଚେରି, ଏ “ଗୁରୁ, ନୀନୁ ଏଚିବେଲା ଇମ୍ମାଆଁ ଝାଡ଼ି ?”

* ୨:୭ ଖେଣ୍ଡି ଟାକା ର ରୁପାଟାକା ର ଦିନାତି କୁଲି ମାଟି ୨୦:୨

୨୭ ଜୀସୁ ଏଞ୍ଜରାଜ୍ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ନା କାବାଆନି କାମା ମେସ୍ତାକି ନାଙ୍ଗେ ପାରିମାଞ୍ଜାଦେରି ଏଦି ଆଏ, ସାମା ରୁଚି ତିଞ୍ଜା ପାଞ୍ଜିତାକି ମୀରୁ ନାଙ୍ଗେ ପାରିମାଞ୍ଜାଦେରି ।

୨୮ ସୀରୁନି ରାନ୍ଦା ତାକି କାମା କିଆନା, କାଲାକାଲାତି ଜୀଝୁତାକି ତୁୟିନି ରାନ୍ଦା ତାକି କାମା କିପୁ, ଏ ରାନ୍ଦା ମାଣ୍ଡସି ମୀରୁଏସି ମିଙ୍ଗେ ହିୟାନେସି, ଇଚିହ୍ଁ ତାନି ଆବା ମାହାପୁରୁ ଏଞ୍ଜାଣାକି ଅଦିକାରା ହାହାମାନେସି ।”

୨୯ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଝେଚେରି, “ମାହାପୁରୁଚି ବାରେ କାମା କିହାଲିତାକି ମାଙ୍ଗେ ଏନାଆଁ କିହାଲି ଆନେ ?”

୩୦ ଜୀସୁ ଏଞ୍ଜରାଜ୍ ଏଲେଇଚେସି, “ମାହାପୁରୁ ଆମ୍ବାଆରାଇଁ ପାଣ୍ଡାମାଞ୍ଜାନେସି, ଏଞ୍ଜାଣି ତାଣା ନାମିନାୟି ମାହାପୁରୁଚି କାମା ।”

୩୧ ଏଚେଚିଏ ଏଞ୍ଜାରି ଏଞ୍ଜାଣାଇଁ ଝେଚେରି, “ଆତିହ୍ଁ ନାନୁ ସିନାଲେହେଁ ଏନାଆଁ କିହିମାଞ୍ଜି, ଏନାଆଁ ମେସାନା ମାମ୍ବୁ ନିଙ୍ଗେ ନାମାନମି ?

୩୨ ମା ଆକୁ ଆବାୟାଁ ଲକୁ ତୁୟାଆ ଟାମୁତା ‘ମାନା’^୧ ତିଞ୍ଜା ମାଚେରି, ଦାମ୍ବୁପତିତା ରାସ୍ତିକି ଆହାମାନେ, ତିଞ୍ଜାଲି ଏଞ୍ଜାସି ଏଞ୍ଜରାକି ଲାକପୁରୁଚି ରାନ୍ଦା ହାତେସି ।”

୩୩ ଏଚେଚିଏ ଜୀସୁ ଏଞ୍ଜରାଜ୍ ଏଲେଇଚେସି, “ସାତା ସାତା ନାନୁ ମିଙ୍ଗେ ଝେସିମାଞ୍ଜାଇଁ, ମସା ମିଙ୍ଗେ ଲାକପୁରୁଚି ରାନ୍ଦା ହାହାମାଞ୍ଜାଅସି, ସାମା ନା ଆବା ମିଙ୍ଗେ ଲାକପୁରୁଚି ସାତା ରାନ୍ଦା ହିୟାନେସି;

୩୪ ଇଚିହ୍ଁ ଆମିନି ରାନ୍ଦା ଲାକପୁରୁଚି ଖାହାନା ଦାଚ୍ଚିତି ଲକୁଣି ଜୀଝୁ ହାନେ, ଏଦି ମାହାପୁରୁ ହିୟାତି ରାନ୍ଦା ।”

୩୫ ଏଞ୍ଜାରି ଜୀସୁଇଁ ଏଲେଇଚେଚି, “ପୁରୁ, ମାଙ୍ଗେ ବାରେଦିନା ଏ ରାନ୍ଦା ହିୟାମୁ ।”

୩୬ ଏମ୍ବାଟିଏ ଜୀସୁ ଏଞ୍ଜରାଜ୍ ଏଲେଇଚେସି, “ନାନୁଏ ଜୀଝୁଚି ରାନ୍ଦାତେଏଁ; ଆମ୍ବାଆସି ନା ତାଣା ଖାନେସି, ଏଞ୍ଜାସି ଏଚେଲା ହାକି ଆଅସି, ଅଡେ ନା ତାଣା ନାମିନାୟି, ଏଚେଲା ଏସ୍ତି ଆଅସି ।

୩୭ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ମୀରୁ ନାଙ୍ଗେ ମେସ୍ତାକି ଜିକେଏ ନାମିମାଞ୍ଜାଅଚେରି ।

୩୮ ଆବା ନାଙ୍ଗେ ଆମ୍ବାଆରାଇଁ ହିୟାନେସି, ଏଞ୍ଜାରି ବାରେଜାଣା ନା ତାଣା ଖାନେରି; ଅଡେ ନା ତାଣା ଖାନାଣାଇଁ, ନାନୁ ଏଚେଲାଞ୍ଜା ପାଙ୍ଗାତା ପିହଅଁ ।

୩୯ ଇଚିହ୍ଁ ନାନୁ ଅଣ୍ଡପିନି ଲେହେଁ କିହାଲି ଖାହାହିଲଅଁ, ସାମା ନାଙ୍ଗେ ପାଣ୍ଡାତାଣା ଅଣ୍ଡପୁ ତଲେ କିହାଲି ଲାକପୁରୁଚି ଖାହାମାଇଁ ।

୪୦ ଅଡେ ନାଙ୍ଗେ ପାଣ୍ଡାମାଞ୍ଜାନାସି ଆମିନି ଗାଟାରାଇଁ ନାଙ୍ଗେ ହିୟାନେସି, ଏଞ୍ଜାରି ବିତ୍ତାଟି ଆମ୍ବାଆରାଇଁ ଜିକେଏ ଏନିକିଁ ନାନୁ ଜାକ୍ଅଁ, ସାମା ରାନ୍ଦି ଦିନାତା ଏଞ୍ଜରାଜ୍ ହାଡାରି ତାଣାଟି ନିକ୍ଇଁ, ଇଦି ଏଞ୍ଜାଣି ଅଣ୍ଡପୁ ।

୪୧ ଇଚିହ୍ଁ ଆମ୍ବାଆସି ମୀରୁଏଶାଇଁ ମେସାନା ଏଞ୍ଜାଣି ତାଣା ନାମିନେସି, ଏଞ୍ଜାସି ଏନିକିଁ କାଲାକାଲାତି ଜୀଝୁ ବେଟା ଆନେସି, ଇଦି ନା ଆବାଟି ଅଣ୍ଡପୁ, ଅଡେ ନାନୁ ଏଞ୍ଜାଣାଇଁ ରାନ୍ଦି ଦିନାତା ହାଡାରି ତାଣାଟି ନିକ୍ଇଁ ।”

୪୨ ନାନୁ ଲାକପୁରୁଚି ରେଟା ଖାହାମାନି ରାନ୍ଦାତେଏଁ ଇଞ୍ଜିଁ ଏଞ୍ଜାସି ଏଲେଇଞ୍ଜାଲିଏ ଜୀହୁଦିୟାଁ ଏଞ୍ଜାଣି କପାଟି ଏଲେଇଞ୍ଜି ଜଲ୍ଲକି ଆଡେଚି ।

୪୩ “ଈଞ୍ଜାସି ଜସେପ ମୀରୁଏସି ଜୀସୁ ଆଏକି, ଅଡେ ମୀରୁ ଈଞ୍ଜାଣି ଇୟା ଆବାଟି ପୁଞ୍ଜାହିଲାଆୟି କି ? ଆତିହ୍ଁ ନାନୁ ଲାକପୁରୁଚି ରେଟା ଖାହାମାଇଁ ଇଞ୍ଜିଁ ଏଞ୍ଜାସି ନୀଏଁ ଏନିକିଁ ଝେସିମାନେସି ?”

୪୪ ଜୀସୁ ଏଞ୍ଜରାଜ୍ ଏଲେଇଚେସି, “ମୀରୁ ମୀରୁ ମୁରୁମୁର ଜଲ୍ଲକି ଆଆଦୁ ।”

୪୫ ନାଙ୍ଗେ ପାଣ୍ଡାମାଞ୍ଜାନି ଆବା ଆମ୍ବାଆରାଇଁ ରେଜା କଡିନେସି, ଏଞ୍ଜାସିଦେଁ ନା ତାଣା ଖାହାଲି ଆଡିନେସି, ଅଡେ ନାନୁ ରାନ୍ଦି ଦିନାତା ଏଞ୍ଜାଣାଇଁ ହାଡାରି ତାଣାଟି ନିକ୍ଇଁ ।

୪୬ ମାହାପୁରୁ ଅଣ୍ଡପୁଚି ବଲୁ ଝେହନାରି ଦାମ୍ବୁପତିତା ରାସ୍ତିକି ଆହାମାନେ, “ବାରେଜାଣା ମାହାପୁରୁ ତାଣାଟି ଜାପିନେରି । ଆମ୍ବାଆସି ଆବାଟି କାତା ଝେଞ୍ଜାନା ଜାପାମାନେସି, ଏଞ୍ଜାସି ନା ତାଣା ଖାନେସି ।

୪୭ ଆମ୍ବାଆସି ଆବାଟି ମେସାହିଲଅସି, ଆମ୍ବାଆସି ମାହାପୁରୁ ତାଣାଟି ଖାହାମାନାସି, ଖାବଇ ଏଞ୍ଜାସି ମେସାମାନେସି ।

୪୮ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମ୍ବାଆସି ନାମିନେସି, ଏଞ୍ଜାସି କାଲାକାଲାତି ଜୀଝୁ ବେଟା ଆହାମାନେସି ।

୪୯ ନାନୁ ଜୀଝୁଚି ରାନ୍ଦାତେଏଁ ।

୧ ୨:୩୧ ମାନା ଇଚିସାରେ ଇସ୍ରାୟେଲ ଲକୁକି ମାହାପୁରୁ ହାହାମାଟି କାଡ଼ିଚି ଦରୁ

୪୯ ମୀ ଆକୁ ଆବାୟାଁ ଲକୁ ଡୟାଆ ଚାୟୁତା ମାନା ତିଜ୍ଞାନା, ହାଡେରି ।

୫୦ ଆମ୍ବାଆରି ଏନିକିଁ ରାନ୍ଦା ତିଜ୍ଞାନା ହାଅରି, ଏଦାଆଁତାକି ଲାକପୁରୁଟି ଖାନ୍ତି ରାନ୍ଦା ଇଦି ।

୫୧ ନାନୁ ଲାକପୁରୁଟି ଖାହାମାନି ଏ ଜୀଝୁଗାଟି ରାନ୍ଦାତେଏଁ; ଆମ୍ବାଆସି ଏ ରାନ୍ଦା ତିନେସି, କାଲାକାଲା ତାକି ନାଡିନେସି; ହାଅ, ନାନୁ ଏମିନି ରାନ୍ଦା ହାଈ, ଏଝି ନା ଉଜ୍ଞା, ନାନୁ ଏଝାଆଁ ଦାବୁଡିତି ଜୀଝୁତାକି ହାଈ ।”

୫୨ ଈ ହାଡା ଖେଜ୍ଞାନା ଜୀହୁଦିୟାଁ କାରୁରି ଆହାନା ଏଲେଇଗ୍ସି ଆଡେରି, “ଇଝାସି ଏନିକିଁ ମାଜେ ତାନି ଉଜ୍ଞା ତିଜ୍ଞାଲି ହିୟାଲି ଆଡାନେସି ?”

୫୩ ଜୀସୁ ଏଝାରାଇଁ ଏଲେଇଚେସି, “ନାନୁ ସାତା ଖେସିମାଞ୍ଜାଇଁ, ମାଣସି ମୀରୁଏଣି ଉଜ୍ଞା ତିନାଆସାରେ ଅଡେ ତାନି ନେତେରି ଗହୁଆସାରେ, ମୀ ତାଣା ଜୀଝୁ ହିଲେଏ ।

୫୪ ଆମ୍ବାଆସି ନା ଉଜ୍ଞା ତିନେସି ଅଡେ ନା ନେତେରି ଗହୁନେସି, କାଲାକାଲାତି ଜୀଝୁ ବେଟା ଆନେସି, ଅଡେ ନାନୁ ଏଝାଣାଇଁ ରାନ୍ତି ଦିନାତା ହାଡାରି ତାଣାଟି ନିକିଇଁ ।

୫୫ ଇଚିହଁ ନା ଉଜ୍ଞା ସାତା ରାନ୍ଦା ଅଡେ ନା ନେତେରି ସାତା ଗହୁନାୟି ।

୫୬ ଆମ୍ବାଆସି ନା ଉଜ୍ଞା ତିନେସି ଅଡେ ନା ନେତେରି ଗହୁନେସି, ଏଝାସି ନା ତାଣା ଡୟିନେସି ଅଡେ ନାନୁ ଏଝାଣି ତାଣା ଡୟିଇଁ ।

୫୭ ଜୀଝୁତି ଆବା ନାଜେ ଏନିକିଁ ପାଣ୍ଡାମାଞ୍ଜାନେସି ଅଡେ ନାନୁ ତାନିତାଣାଟି ନୀତାମାଇଁ, ଏଲେକିହଁ ଏ ଆମ୍ବାଆସି ନାଜେ ତିଜ୍ଞାନେସି, ଏଝାସି ଜିକେଏ ନା ତାଣାଟି ନୀଡିନେସି ।

୫୮ ଆମିନି ରାନ୍ଦା ଲାକପୁରୁଟି ଖାହାମାନେ, ଏଡି ଇଦି: ମୀ ଆକୁ ଆବାୟାଁ ଏନିକିଁ ତିଜ୍ଞାନା ହାଡେରି, ଇଦି ଏଲେତାୟି ଆଏ, ଆମ୍ବାଆସି ଈ ରାନ୍ଦା ତିନାସି ଏଝାସି କାଲାକାଲା ତାକି ଜୀଝୁତେଲେ ଡୟିନେସି ।”

୫୯ ଜୀସୁ କପରନାହୁମତି ର ଜୀହୁଦି ଲକ୍ଷୁତି କୁଟମି ଇଲୁତାଃ ମାହାପୁରୁ ବଲୁ ଖେସିମାଗାଟି ଈ ବାରେ କାତା ଖେସେସି ।

କାଲାକାଲା ଜୀଝୁତି ବଲୁ

୬୦ ଜୀସୁତି ସୀସୁୟାଁ ବିତ୍ରାଟି ହାଡେରକା ଈ ବାରେ କାତା ଖେଜ୍ଞାନା ଏଲେଇଚେରି, “ଇଦି ଅପାଆଗାଟି କାତା, ଆମ୍ବାଆସି ଇଦାଆଁ ଖେଜ୍ଞାଲି ଆଡିନେସି ?”

୬୧ ଏଝାରି ଈ କାତାତାକି ଖେସସି ଆହିମାନେରି ଇଞ୍ଜିଁ ଜୀସୁ ପୁଞ୍ଜାନା ସୀସୁୟାଁଇଁ ଏଲେଇଚେସି, “ଈ କାତା ମିଜେ ଅପାଆଗାଟାୟି ଆହିମାନେ କି ?

୬୨ ଆଡିହଁ ମାଣସି ମୀରୁଏସି ତଲିଏ ମାଟି ଚାୟୁତା, ଖେଶ୍ଵେ ହାନାଣି ମେସ୍ତ୍ରହଁ, ଏନାଆଁ ଇଞ୍ଜେରି ?

୬୩ ମାହାପୁରୁତି ଜୀଝୁ ନୀତାଲି ହାନାୟି: ମାଣସିତି ଆଜ୍ଞା ଏନାଆଁ କିୟାଲି ଆଡେଏ; ନାନୁ ମିଜେ ଖେସ୍ତାତି ବଲୁ ବାରେ, ସୁଦୁଜୀଝୁ ଅଡେ ନୀଡିନି ବଲୁ ।

୬୪ ସାମା ମୀ ବିତ୍ରାଟି ଏଚରଜାଣା ନାମିହିଲଅରି” ଇଚିହଁ ଆମ୍ବାଆରି ନାମି ହିଲାଆଡେରି ଅଡେ ଆମ୍ବାଆସି ଏଝାଣାଇଁ ସାତୁ କେୟୁତା ହେରପିନେସି ଏଦାଆଁ ଜୀସୁ ତଲିଏ ପୁଞ୍ଜାମାଚେସି ।

୬୫ ଅଡେ ଏଝାସି ଏଲେଇଚେସି, “ଏଦାଆଁତାକି ନାନୁ ମିଜେ ଖେସିମାଞ୍ଜାଇଁ, ଆବା ହେଲ ହାଆଡିହଁ ଆମ୍ବାଆସି ନା ତାଣା ଖାୟାଲି ଆଡଅସି ।”

୬୬ ଏ ଦିନାଟିଏ ତାନି ସୀସୁୟାଁ ବିତ୍ରାଟି ହାଡେରକା ଜାଣା ଅପାଆନାହାଁ ହାଜାଡୁସ୍ତେରି, ଇଞ୍ଜାଁ, ଏଝାଣିତଲେ ଅଡେ ହାଲାଆଡେରି ।

୬୭ ଏମ୍ବାଟିଏ ଜୀସୁ ବାରଜାଣା ସୀସୁୟାଁଣି ଖେଚେସି, “ମୀରୁ ଜିକେଏ ହାଜାଲି ମନ କିହିମାଞ୍ଜେରି କି ?”

୬୮ ସିମନ ପିତର ଏଝାଣାଇଁ ଏଲେଇଚେସି, “ପ୍ରବୁ ଆମ୍ବାଆରି ତାଣା ହାନମି ? କାଲାକାଲାତି ଜୀଝୁତି ବଲୁ ନୀ ତାଣା ମାନେ ।

୬୯ ନାନୁ, ମାହାପୁରୁ ତାଣାଟି ଖାହାମାନି ଏ ସୁଦୁ ମାଣସିତି ଇଦାଆଁ ମାମ୍ବୁ ନୁମା ମାନମି ଅଡେ ପୁଞ୍ଜାମାନମି ।”

୭୦ ଜୀସୁ ଏଝାରାଇଁ ଏଲେଇଚେସି, “ନାନୁ ଏନାଆଁ ମୀ ବାରଜାଣାଡେରି ମିଜେ ଆଚାମାଞ୍ଜାଁ କି ? ଅଡେ ମୀ ବିତ୍ରାଟି ରଅସି ସୟତାନ ।”

୭୧ ଏଝାସି ଇସ୍ତାରିୟତ ସିମନ ମୀରୁଏସି ଜୀହୁଦାଇଁ ସିନିକିହାନା ଏଲେଇଚେସି, ଇଚିହଁ ଏଝାସି ବାରଜାଣା ସୀସୁୟାଁ ବିତ୍ରାଟି ରଅସି, ଅଡେ ଏଝାସି ଜୀସୁଇଁ ସାତୁ କେୟୁତା ହେରପାଲି ହାଜିମାଚେସି ।



ଜୀବୁ ଅଡ଼େ ତାନି ତାୟିୟାଁ

- ୧ ଇଦାଆଁ ତାୟୁ ଜୀବୁ ଗାଲିଲିତା ରେଜିମାଚେସି, ଇଚିହଁ ଜୀହୁଦିୟାଁ ଏଞ୍ଜାଣାଇଁ ପାୟାଲି ଅଣ୍ଡି ମାତାକି ଏଞ୍ଜାସି ଜୀହୁଦା ରାଜିତା ରେଜାଲି ମନ କିହି ହିଲାଆତେସି ।
- ୨ ସାମା ଜୀହୁଦି ଲକ୍ଷୁତି “ଗରାୟାଁ ଗୁଡ଼ାତା ବାସାଆନ୍ତି” ପାରୁଁ ତାଗେ ଖାହିମାତାକି ।
- ୩ ଜୀବୁତି ତାୟିୟାଁ ଏଞ୍ଜାଣାଇଁ ଏଲେଇଚେରି, “ନୀନୁ କିହିମାନି କାମାୟାଁ, ନୀ ସୀସୁୟାଁ ଜିକେଏ ମେହ୍ନେରି ଇଦାଆଁତାକି ନୀନୁ ଇମ୍ବାଟି ହଟା ହାଜାନା ଜୀହୁଦା ରାଜିତା ହାଲାମୁ ।
- ୪ ଇଚିହଁ ଲକ୍ଷୁତାଣା ଖେଜାଲି ମନ କିନାସି ତାନି କାମା ତୁଗୁଆଁ କିଅସି । ନୀନୁ ଇ ବାରେ କାମା କିହିମାଞ୍ଜି, ଆତିହଁ ନୀନୁ ଦାରୁତି ନକିତା ତସାକତାମୁ ।”
- ୫ ଇଚିହଁ ତାନି ତାୟିୟାଁ ଜିକେଏ ତାଜେ ନାମି ହିଲାଆତେରି ।
- ୬ ଏମ୍ବାଟିଏ ଜୀବୁ ଏଞ୍ଜାଣାଇଁ ଏଲେଇଚେସି, “ନୀଏଁ ପାତେକା ନା ଦିନା ଏଜାମାଖେଏ, ସାମା ମୀ ଦିନା କାଲେଏ ମାନେ ।”
- ୭ ଦାରୁତିତାରି ମିଜେ ଅପାନେରି ସାମା ନାଜେ ଅପଅରି ଏନାଆଁତାକି ଇଚିହଁ ତାନି କାମା ବାରେ ଲାଗେଏତାୟି ଇଞ୍ଜୁଁ ନାନୁ ସାକି ହୀହାନା ତସିମାଇଁ ।
- ୮ ମୀରୁ ଇ ପାରୁତା ହାଜୁ, ନାନୁ ନୀଏଁ ଇ ପାରୁତା ହାଜିହିଲଅଁ, ଇଚିହଁ ନା ଦିନା ଖାହାହିଲେଏ ।
- ୯ ଏଞ୍ଜାସି ଏଞ୍ଜାଣାଇଁ ଇ ବାରେ କାତା ଖେସାନା ଗାଲିଲିତା ତୁୟିତେସି ।

ଗରାୟାଁ ଗୁଡ଼ାତା ବାସାଆନ୍ତି ପାରୁତା ଜୀବୁ

- ୧୦ ଜୀବୁତି ତାୟିୟାଁ ଏ ପାରୁତା ହାତି ତାୟୁ, ଜୀବୁ ଜିକେଏ ହାଚେସି ସାମା ଲକ୍ଷୁ ମେହ୍ନାଚେଚୁ ମେଶେଏ ହାଚେସି ।
- ୧୧ ପାରୁଁ ବେଲାତା ଜୀହୁଦି ଲକ୍ଷୁ ଏଞ୍ଜାଣାଇଁ ପାରି ପାରିହଁ, “ଏଞ୍ଜାସି ଏମ୍ବିୟା ମାନେସି ଇଞ୍ଜୁଁ ଖେଚେରି ?”
- ୧୨ ବାରେ ଲକ୍ଷୁ ଏଞ୍ଜାଣି ତାକି କିଲିବିଲି ଆହିମାଚେରି, ଏଚରଜାଣା “ଏଞ୍ଜାସି ନେହଁ ମାଣ୍ଡସି” ଇଚେରି; ଅଡ଼େ ଏଚରଜାଣା “ଆଏ, ଏଞ୍ଜାସି ଲକ୍ଷୁଣି ନାଡ଼ି କିହିମାନେସି” ଇଞ୍ଜୁଁ ଇଚେରି ।
- ୧୩ ସାମା ଜୀହୁଦିୟାଁ ଆଜିତାକି ଆମ୍ବାଆରି ତାନି କାତା ପାଜାଖେଜେ ଖେସି ହିଲାଆତେରି ।
- ୧୪ ସାମା ପାରୁତି ମାଦି ପାତେକା ରାହାଲିଏ, ଜୀବୁ ମାହାପୁରୁ ଇଲୁତା ହାଜାନା ଜାପୁହାଲି ମାଟୁହେସି ।
- ୧୫ ଏମ୍ବାଟିଏ ଜୀହୁଦିୟାଁ କାବାଆହାନା ଏଲେଇଚେରି, “ଇଞ୍ଜାସି ପାଟା ଜାପାଆନାହାଁ ଏନିକଁ ଇଚେକା ବୁଦି ପୁଚେସି ?”
- ୧୬ ଜୀବୁ ଏଞ୍ଜାଣାଇଁ ଏଲେଇଚେସି, “ନୀନୁ ଜାପୁହିମାନାୟି ନା ତାଣାଟି ଆଏ, ସାମା ନାଜେ ପାଣ୍ଡାତାଣାଖାୟି ।
- ୧୭ ଆମ୍ବାଆସି ତାନି ଅଣ୍ଡୁ ତଲେ କିହାଲି ଅଣ୍ଡିଚେସି, ଆଡ଼ିସାରେ ଇ ଜାପୁନାୟି ମାହାପୁରୁ ତାଣାଟି ଖାହାମାନେ, କି ନା ତାଣାଟି ଖେସିମାଇଁ, ଏଦାଣି ଏଞ୍ଜାସି ପୁଚେସି ।
- ୧୮ ଆମ୍ବାଆସି ନାଦିଏ ଇନେସି, ଏଞ୍ଜାସି ତାନି ଗାଞ୍ଜୁରିମି ପାରିନେସି, ସାମା ଆମ୍ବାଆସି ତାଜେ ପାଣ୍ଡାମାଞ୍ଜାନାଣା ଗାଞ୍ଜୁରିମି ପାରିନେସି, ଏଞ୍ଜାସି ସାତା, ଅଡ଼େ ଏଞ୍ଜାଣି ତାଣା ଏନାୟି ଲାଗେଏ କିନାୟି ହିଲେଏ ।
- ୧୯ ମସା ମିଜେ ମେରା ହାହାମାଞ୍ଜାଅସି କି ? ଆଡ଼ିଜିକେଏ ମୀ ବିତ୍ରାଟି ଆମ୍ବାଆତେରି ମେରାଟି ମାନଞ୍ଜି ଆହି ହିଲଅତେରି, ମୀରୁ ଏନାଆଁତାକି ନାଜେ ପାୟାଲି ଅଣ୍ଡିମାଞ୍ଜାଦେରି ?”
- ୨୦ ଲକ୍ଷୁ ବାରେ ଏଲେଇଚେରି, “ନିଜେ ବୁଡୁ ଆଲ୍‌ଗାମାଞ୍ଜାନେ, ନିଜେ ଆମ୍ବାଆସି ପାୟାଲି ଅଣ୍ଡି ମାଞ୍ଜାନେସି ?”
- ୨୧ ଜୀବୁ ଏଞ୍ଜାଣାଇଁ ଏଲେଇଚେସି, “ନୀନୁ ର କାବାଆନ୍ତି କାମା କିଚେଏଁ, ଅଡ଼େ ମୀରୁ ବାରେ କାବା ଆତେରି ।
- ୨୨ ଇଦାଆଁତାକି ମସା ମିଜେ ତଲୁ ଦାପି କିନି ମେରା ହାହାମାଞ୍ଜାନେସି, ଇ ମେରା ମସା ତାଣାଟି ଆହାମାନେ, ଏଡ଼ି ଆଏ, ସାମା ଆକୁ ଆବାୟାଁ ତାଣାଟି, ଇଞ୍ଜାଁ ମୀରୁ ଜମିନି ଦିନାତା ଜିକେଏ କକାରି ତଲୁ ଦାପି କିହିମାଞ୍ଜେରି ?

୨୩ *ଜମ୍ବିନି ଦିନାତା ର କକାଣି ତଳୁ ଦାପି କିନାଣିତାକି ମସାତି ମୋରା ଉରିହିଲଅତେରି, ଆତିହ~ ନାନୁ ଜମ୍ବିନି ଦିନାତା ର ମାଣସିତି ଗୁଡ଼ା ଆଜ୍ଞା ନେହ~ କିୟାଲିଏ ମୀରୁ ନାଜେ ଏନାଆଁତାକି କପା ଆହିମାଞ୍ଜାଦେରି ?

୨୪ ୱାଉଇ ଲାକ ଲାକ କାତା ମେସାନା ନୀହାଁୟି କିଆଦୁ ସାତା ତଲେ ନୀହାଁୟି କିଦୁ ।”

ଇଝାସି ଏନାଆଁ ମସିହା ?

୨୫ ଏଚେଟିଏ ଜିରୁସାଲମତା ମାନାରି ବିଦ୍ରାଟି ଏଚରଜାଣା ଝେସପି ଆଡେତରି, “ଆମ୍ବାଆରାଇଁ ଇଝାସି ପାୟାଲି ଅଣ୍ଡାମାନେରି ଇଝାସି ଏଝାସି ଆଏକି ?

୨୬ ଅଡେ ମେହ୍ନୁ, ଏଝାସି ଲକୁ ପୁଣ୍ଡେ କାତା ଝେସିମାନେସି, ଇଞ୍ଜା ଏଝାଣାଇଁ ସାଲୁଞ୍ଜି କିନାରି ଏନାଆଁ କିହିହିଲଅରି । ଏଝାସି କ୍ରୀସ୍ତ ଇଞ୍ଜା ଏଝାରି ଏନାଆଁ ସାତା ତଲେ ପୁଚେରି କି ?

୨୭ ଆତିହ~ ଏଝାସି, ଆମ୍ବିଟି ୱାହାମାନେସି, ଇଦାଆଁ ମାରୁ ପୁଞ୍ଜାମାନାୟି, ସାମା କ୍ରୀସ୍ତ ଏଚିବେଲା ୱାନେସି, ଏଚିବେଲାତା ଆମ୍ବାଆସି ପୁନଅସି, ଇଚିହ~ ଏଝାସି ଆମ୍ବିଟି ୱାହାମାନେସି ।”

୨୮ ଜୀସୁ ମାହାପୁରୁ ଇକୁତା ମାହାପୁରୁ କାତା ଝେସି ଝେସିହ~ କାଜା ଗିୟାଁତଲେ ଏଲେଇଚେସି, “ମୀରୁ ସାତେଏ ନାଜେ ପୁଞ୍ଜାମାଞ୍ଜାଦେରି ଅଡେ ନାନୁ ଏମ୍ବିଟି ୱାହାମାଇଁ ଏନାଆଁ ସାତେଏ ପୁଞ୍ଜାମାଞ୍ଜେରି; ନାନୁ ନା ଅଣ୍ଡୁ ତଲେ ୱାହାହିଲଅଁ, ସାମା ନାଜେ ପାଣ୍ଡାତାସି ଏଝାସି ସାତା, ମୀରୁ ଏଝାଣାଇଁ ପୁଞ୍ଜାହିଲଅତେରି ।

୨୯ ନାନୁ ଏଝାଣାଇଁ ପୁଞ୍ଜାମାଇଁ, ଇଚିହ~ ନାନୁ ଏଝାଣି ତାଣାଟି ୱାହାମାଇଁ, ଅଡେ ଏଝାସି ନାଜେ ପାଣ୍ଡାତେସି ।”

୩୦ ଏମ୍ବାଟିଏ ଜୀସୁଇଁ ଆସାଲି ତାକି ଅଣ୍ଡାପିଚେରି; ସାମା ଆମ୍ବାଆରି କେୟୁ ଏଝାଣି ମୁହେଁ ଏଆତେ, ଇଚିହ~ ଏଝାଣାଇଁ ଆହ୍ନି କାରୁ ଏଚେତା ଏଜାହିଲାଆତେ ।

୩୧ ସାମା ଲକୁ ବିଦ୍ରାଟି ହାରେକା ଏଝାଣି ତାଣା ନାମାନା ଏଲେଇଚେରି, “ଇଝାସି ଏନ୍ଦି ଏନ୍ଦି କାବାଆନ୍ଦି କାମା ବାରେ କିହିମାନେସି, କ୍ରୀସ୍ତ ୱାହାନା ଇଝାଣି କିହାଁ ଏନାଆଁ ଆଗାଡ଼ା କିନେସି ?”

ଜୀସୁଇଁ ଦସାଲି କସକାଣି ପାଣ୍ଡିନାୟି

୩୨ ଲକୁ ଜୀସୁ କାତା ତାମି ବିଦ୍ରା ଝେସପି ଆହିମାତାଣି ପାରୁସିୟାଁ ଝେଚେରି ଅଡେ ପାରୁସିୟାଁ ଅଡେ କାଜା ପୂଜେରଇମା ଜୀସୁଇଁ ଦସାଲି ଜାମାନାଜାଣି ପାଣ୍ଡିଚେରି ।

୩୩ ଏମ୍ବାଟିଏ ଜୀସୁ ଏଲେଇଚେସି, “ନାନୁ ମୀ ତଲେ ଗାଡେକା ତାକି ତ୍ଵୟାହାଁ ନାଜେ ପାଣ୍ଡାତାଣା ତାଣା ହାଇଁ ।

୩୪ ମୀରୁ ନାଜେ ପାରାଦେରି, ସାମା ମେଡାଆୟଅତେରି; ଅଡେ, ନାନୁ ଏମ୍ବିୟା ମାଇଁ, ମୀରୁ ଏମ୍ବାଆଁ ୱାହାଲି ଆଡଅତେରି ।”

୩୫ ଜୀହୁଦିୟାଁ ତାମ୍ବୁ, ତାମ୍ବୁସୁ ଝେସପି ଆଡେତରି, “ଇଝାସି ଆମ୍ବିୟା ହାଜିମାନେସି, ମାରୁ ଏଝାଣାଇଁ ବେଟାଆହାଲି ଆଡାଆୟି ଏନାଆଁ ଇଝାସି ଇତାଲା ଆତାଲା ଜାଜାହାଜାମାନି ଗ୍ରିକ୍ ଲକୁଇଁ ଜାପୁହାଲି ହାଜିମାନେସି କି ?”

୩୬ “ମୀରୁ ନାଜେ ପାରାଦେରି, ସାମା ବେଟାଆୟଅତେରି, ଅଡେ ନାନୁ ଏମ୍ବିୟା ମାଇଁ, ମୀରୁ ଏମ୍ବାଆଁ ୱାହାଲି ଆଡଅତେରି, ଇଞ୍ଜା ଏଝାସି ଝେସ୍ତାଟି ଇ କାତା ଏନାୟି ଇଞ୍ଜା ଝେସପି ଆଡେରି ?”

ଜୀସୁହାନି ଜାର୍ଣା ଏୟୁ

୩୭ ରାନ୍ଦି ଦିନା, ଇଚିସାରେ ପାର୍ବୁଟି କାଜା ଦିନା, ଜୀସୁ ନିଗାନା କାଜା ଗିୟାଁତଲେ ଏଲେଇଚେସି, ଆମ୍ବାଆସି ଏସକି ଆତିହ~, ଏଝାସି ନା ତାଗେ ୱାହାନା ଗସପେସି ।

୩୮ ଅଡେ ଆମ୍ବାଆସି ନା ତାଣା ନାମିନେସି, “ଦାମ୍ବୁ ପତିତା ରାସକି ଆହାମାନି ଲେହେଁ, ଏଝାଣି ହିୟାଁଟି ଜୀସୁଟି ଜାର୍ଣା ଏୟୁ ହନ୍ନୁ* ।”

୩୯ ଜୀସୁ ସୁଦୁଜୀସୁଟି କାତା ଝେସିମାନେସି, ଆମିନି ଗାଟାରି ଜୀସୁ ତାଣା ନାମି ମାଚେରି, ଏଝାରି ସୁଦୁଜୀସୁ ବେଟାଆନାୟି ମାଚେ, ଜୀସୁ ଗାସୁରମି ବେଟାଆହା ହିଲାଆତାକି ଏଝାରାକି ଏଚେତା ସୁଦୁଜୀସୁ ହାପକି ଆହାହିଲାଆତେ ।

ଲକୁ ବିଦ୍ରା ବାଗା ଆନାୟି

* ୭:୨୩ ଜହ ୫:୯ * ୭:୩୮ ଇ କାତା ପୁଞ୍ଜ ପତିତା ହିଲେଏ

୪୦ ଏଚେତା, ଲକ୍ଷ୍ମୀ ଏ କାତା ଖେଚେରି, ଏଞ୍ଜାରି ବିଦ୍ରାଠି ଏଚରଜାଣା ଏଲେଇଚେରି, “ଇଞ୍ଜାସି ସାତେଏ ମାହାପୁରୁ ଅଣ୍ଟପୁତି ବଲୁ ଖେହ୍ନାସି ।”

୪୧ ଏଚକାତାରି ଏଲେଇଚେରି, “ଏଞ୍ଜାସି ମସିହା !”† ସାମା ଆମ୍ବା ଆମ୍ବାଆରି ଏଲେଇଚେରି, “ମସିହା !‡ ଏନାଆଁ ଗାଲିଲିଟି ଖାନ୍ଦେସି କି ?

୪୨ ଦାମ୍ବୁ ସାପ୍ତେରିତା ରାମ୍ବୁକି ଆହାମାନେ, କ୍ରୀସ୍ତ ଦାଞ୍ଜୁଦ ରାଜା କୁଡ଼ାଟି ଇଞ୍ଜା ଦାଞ୍ଜୁଦ ଏମିନି ଚାୟୁତା ବାସା ଆହାମାଚେସି, ଏ ବେତଲିହ୍ନେମ ନାୟୁଟି ଖାନ୍ଦେସି ।”

୪୩ ଇଦାଆଁତାକି ଲକ୍ଷ୍ମୀ ତାମି ବିଦ୍ରାଠି ଏଞ୍ଜାଣି ତାକି ବାଗା ଆଚେରି;

୪୪ ଅଡ଼େ, ତାମି ବିଦ୍ରାଠି ଆମ୍ବା ଆମ୍ବାଆରି ଏଞ୍ଜାଣାକ୍ ଆସାଲି ଅଣ୍ଟି ମାଚେରି, ସାମା ଆମ୍ବା ଆମ୍ବାଆରି ତାମି ଲାକ କେୟୁ ଇଗାଲି ଆଡ଼ାଆଚେରି ।

ସାଲୁକି କିନି ଜୀହୁଦିୟାଁ ନାମାଆ ଗାଗାୟି

୪୫ ଏଚେଟିଏ ଜାମାନାଜା କାଜା ପୂଜେର ଅଡ଼େ ପାରୁସିୟାଁ ତାଣା ଖେଣ୍ଡା ହାଚେରି, ଅଡ଼େ ଏଞ୍ଜାରି ଏଞ୍ଜାରାକ୍ ଖେଚେରି, “ଏଞ୍ଜାଣାକ୍ ଏନାଆଁତାକି ଆସା ତାଆଚେରି ?”

୪୬ ଜାମାନାଜା ଏଞ୍ଜାରାକ୍ ଏଲେଇଚେରି, “ଇ ମାଣସି ଏନିକ୍ ହାଡ଼ା ଖେହ୍ନାସି, ଏଲେକିହିଁ ଏମିନି ମାଣସି ଏଚେଲା ଖେସାହିଲଅସି ।”

୪୭ ପାରୁସିୟାଁ ଏଞ୍ଜାରାକ୍ ଏଲେଇଚେରି, “ଏନାଆଁ ମୀରୁ ଜିକେଏ ନାଡ଼ିକିଞ୍ଜି ଆଡ଼େରି ?

୪୮ ପାରୁସିୟାଁ ବିଦ୍ରାଠି କି ସାଲୁକି କିନାରି ବିଦ୍ରାଠି ଆମ୍ବାଆରି ଏଞ୍ଜାଣି ତାଣା ନାମାମାନେରି କି ?

୪୯ ସାମା ଇ ଏମିନି ଲକ୍ଷ୍ମୀ ମସାତି ଫେରା ପୁଞ୍ଜାହିଲଅସି, ଏଦାଆଁତାକି ଇଞ୍ଜାରି ବାକା ଗାଟି ଲକ୍ଷ୍ମୀ ।”

୫୦ *ଏମିନି ନିକଦିମା ଇଦାଆଁ ନଚେଏ ଜୀସୁକ୍ ମେସାଲି ତାକି ଖାହାମାଚେସି ଇଞ୍ଜା ଏଞ୍ଜାସି ଏଞ୍ଜାରି ବିଦ୍ରାଠି ପାରୁସି ମାଚେସି, ଏଞ୍ଜାସି ଏଞ୍ଜାରାକ୍ ଖେଚେସି,

୫୧ “ରଅଣି ତାଣାଟି ନଚେଏ ଖେନାଆନା ଇଞ୍ଜା ତାମି ମାଣକି ପୁନାଆନା ମା ମସାତି ଫେରା ଏନାଆଁ ଏଞ୍ଜାଣାକ୍ ଦହ୍ କିନେ ?”

୫୨ ଏଞ୍ଜାରି ଏଞ୍ଜାଣାକ୍ ଏଲେଇଚେରି, “ନୀନୁ ଜିକେଏ ଏନାଆଁ ଗାଲିଲି ଲକ୍ଷ୍ମୀ କି ? ଗାଲିଲିଟି ଏନି ମାହାପୁରୁ ଅଣ୍ଟପୁତି ବଲୁ ଖେହ୍ନାରି ଏଚେଲା ଖାହାଲି ଆଡ଼ଅରି, ଇଦାଆଁ ସାପ୍ତେରିତା ସିନିକମ୍ ।”

୫୩ ଅଡ଼େ ଏଞ୍ଜାରି ବାରେଜାଣା ଜାହାରା ଇଜ ହାଚେରି ।



ମାଟ୍ଟେରି ଆୟାତି

୧ ସାମା ଜୀସୁ ଜୀତ ହରୁତା ହାଚେସି ।

୨ ଅର ଦିନା ଲାକ୍ଷ୍ମୀ ଏଞ୍ଜାସି ମାହାପୁରୁ ଇଲୁତା ଖେଣ୍ଡା ଖାଡ଼େସି, ଅଡ଼େ, ବାରେ ଲକ୍ଷ୍ମୀ ଏଞ୍ଜାଣି ତାଣା ଖାହାଲିଏ, ଏଞ୍ଜାସି କୁଗାନା ଜାପୁହାଲି ମାଟ୍ଟହେସି ।

୩ ଫେରା ଜାପୁନାରି ଅଡ଼େ ପାରୁସିୟାଁ ଦାରି କାମାତା ଆସ୍ତି ଆହାମାନି ର ଇୟାନି ତାଚେରି, ବାରେଜାଣା ନକିତା ନିପୁହାନା ଜୀସୁକ୍ ଏଲେଇଚେରି ।

୪ “ଗୁରୁ, ଇ ଇୟା ଦାରିକାମା କିହମାଚାଟି ଆସ୍ତି ଆଡ଼େ ।

୫ ଇଲେଟି ଇୟାସିକାଣି ଖାଲୁକା କୁତାନା ଖେଚାଲିତାକି ମସା ମା ଫେରାତା ହୁକୁମି ହୀହାମାଞ୍ଜାନ୍ଦେସି; ଆତିହିଁ ନୀନୁ ଏନାଆଁ ଖେସିମାଞ୍ଜାତି ?”

୬ ଏଞ୍ଜାରି ଜୀସୁକ୍ ଏନିକ୍ ପାଦାତା ମେଡ଼ହାଲି ଆଡ଼ିନେରି, ଇଦାଆଁତାକି ଏଞ୍ଜାରି ଏଞ୍ଜାଣାକ୍ ତାୟିପାରି କିହାଲି ଖେଚେରି, ସାମା ଜୀସୁ ମୁନୁକାପାନା ଖାଞ୍ଜୁ ତଲେ ବୁମିତା ରାଡ଼ାଲି ମାଟ୍ଟହେସି ।

୭ ଏଞ୍ଜାରି ଏମ୍ବାଆଁ ନିଚାନା ଖେଣ୍ଡେ ଖେଞ୍ଜାଲିଏ, ଜୀସୁ ତାୟି ହୁପୁରହାନା ଏଞ୍ଜାରାକ୍ ଏଲେଇଚେସି, “ମୀ ବିଦ୍ରାଠି ଆମ୍ବାଆସି ଏଚେଲା ଏନି ପାପୁ କିହାହିଲଅସି, ଏଞ୍ଜାସି ମୁଲୁ ଖାଲି କୁତାପେସି ।”

୮ ଅଡ଼େ ଖେଣ୍ଡେ ଜୀସୁ ମୁନୁକାପାନା ବୁମିତା ରାଡ଼ାଲି ମାଟ୍ଟହେସି ।

୯ ଜୀସୁତି ହାଡ଼ା ଖେଞ୍ଜାନା ଏଞ୍ଜାରି କାଜାରିଟିଏ ମାଟ୍ଟହାଁ ରଅଣି କେଚ ରଅସି ହାଜାଲି ମାଟ୍ଟହେରି, ଏମ୍ବାଆଁ ଖାଡ଼ଇ ଜୀସୁ ଅଡ଼େ ମାଦି ମାନି ଏ ଇୟା ଡ଼ୟିଚେ ।

† ୭:୪୧ କ୍ରୀସ୍ତ ‡ ୭:୪୧ କ୍ରୀସ୍ତ * ୭:୫୦ ଜହ୩:୧,୨

୧୦ ଜୀସୁ ତାୟଁଁ ଚୁପରହାନା ଏଦାନି ଏଲେଇଚେସି, “ଏ ଲୟା ଏଞ୍ଜାରି ଏମ୍ବିୟା ? ଆମ୍ବାଆରି ନିଜେ ତଣ୍ଡ ହୀହାଲି ହିଲଅରି କି ?”

୧୧ ଏଦି ଏଲେଇଚେ, “ଆଏ, ପ୍ରବୁ, ଆମ୍ବାଆରି ହିଲଅରି ।”

ଏମ୍ବାଟିଏ ଜୀସୁ ଏଦାନି ଏଲେଇଚେସି, “ନାନୁ ଜିକେଏ ନିଜେ ତଣ୍ଡ ହିୟଅଁ; ହାଲାମୁ, ସାମା ଅଡେ ପାପୁ କିଆନି* ।”

ଜୀସୁ ଦାର୍ତତି ଉଜେଡ଼ି

୧୨ ଜୀସୁ ଖେଣ୍ଡେ ପାରୁସିୟାଁଁ ଏଲେଇଚେସି, “ନାନୁ ଦାର୍ତତି ଉଜେଡ଼ି, ଆମ୍ବାଆସି ନା ଜେତ ଖାନ୍ଦେସି, ଏଞ୍ଜାସି ଜୀସୁତି ଉଜେଡ଼ି ବେଟା ଆନ୍ଦେସି ଅଡେ ଏଚେଲା ଜିକେଏ ଆନ୍ଦେରିତା ତାକଅସି ।”

୧୩ ପାରୁସିୟାଁଁ ଏଞ୍ଜାଣାଇଁ ଏଲେଇଚେରି, “ନାଏଁ ନାନୁ ନିଜେତାକି ସାକି ହୀହିମାଞ୍ଜି, ନାନୁ ଏନାଆଁ ଏଲେ ଇଞ୍ଜିମାଞ୍ଜି ଏଦି ସାତା ପାର୍ମାଣା ହିଲାଆଗାଗାୟି ।”

୧୪ ଜୀସୁ ଏଞ୍ଜାରାଇଁ ଏଲେଇଚେସି, “ଆଏ ନାନୁ ନା ତାକି ସାକି ହୀତି ଜିକେଏ, ନାନୁ ଏନାଆଁ ଖେସିମାଞ୍ଜାଇଁ ଏଦି ସାତା, ଇଚିହଁଁ ନାନୁ ଆମ୍ବିତି ଖାହାମାଇଁ ଅଡେ ଏମ୍ବିୟା ହାଜିମାଇଁ ଏଦାଆଁ ପୁଞ୍ଜାମାଇଁ, ମୀରୁ ପୁଞ୍ଜାହିଲଅତେରି ଏମ୍ବାଟି ଖାଇଁ ଅଡେ ଏମ୍ବିୟା ହାଇଁ ।

୧୫ ମୀରୁ ଖାଉଲ ମାଣସିୟାଁଁ ଲେନ୍ଦେଁ ବିଚାରା କିହିମାଞ୍ଜେରି, ନାନୁ ଆମ୍ବାଆରି ବିଚାରା କିଆଁ ।

୧୬ ସାମା ନାନୁ ବିଚାରା କିଇଁ, ଆଡ଼ିଜିକେଏ ନା ବିଚାରା ସାତା; ଇଚିହଁଁଁ ନାନୁ ରଅତେଏଁ ଆଏ ସାମା ଏନିନି ଆବା ନାଜେ ପାଣ୍ଡାମାଞ୍ଜାନାସି ନା ତଲେ ମାନେସି ।

୧୭ ମୀ ମସାତି ମେରାତା ରାସ୍ତକି ଆହାମାନେ, ରିଆରି ସାକି ହାଡ଼ା ରଲେଏ ଆଡ଼ିସାରେ, ଏଞ୍ଜାରି ଏନାଆଁ ଇନେରି ଏଦି ସାତା ।

୧୮ ନାନୁ ନାଜେତାକି ସାକି ହୀହିମାଇଁ, ଅଡେ, ନାଜେ ପାଣ୍ଡାମାଞ୍ଜାନି ଆବା ଜିକେଏ ନା ଖାକିଟି ସାକି ହୀହିମାନେସି ।”

୧୯ ଏଞ୍ଜାଣାଇଁ ଏଞ୍ଜାରି ଖେଚେରି, “ନୀ ଆବା ଏମ୍ବିୟା ?” ଜୀସୁ ଏଲେଇଚେସି, “ନାଜେ କି ନା ଆବାଇଁ ମୀରୁ ପୁଞ୍ଜାହିଲଅତେରି; ନାଜେ ପୁଞ୍ଜାତିହଁଁଁ ମା, ନା ଆବାଇଁ ଜିକେଏ ପୁଚେରିମା ।”

୨୦ ମାହାପୁରୁ ଇଲୁତି ଦାନା ଇଚିନି ବାକ୍ରାତା ଜୀସୁ ଏ ବାରେ କାତା ଜୀସୁହିମାଚେସି, ସାମା ଆମ୍ବାଆରି ଜିକେଏ ଏଞ୍ଜାଣାଇଁ ଆହୁଆଚେରି ଏନାଆଁତାକି ଇଚିହଁଁଁଁ ତାନି ବେଲା ଖାହା ହିଲାଆତେ ।

ନାନୁ ହାନି ତାଣା ମୀରୁ ହାଜାଲି ଆଡ଼ଅତେରି

୨୧ ଜୀସୁ ଅଡେ ଖେଣ୍ଡେ ଏଞ୍ଜାରାଇଁ ଏଲେଇଚେସି, “ନାନୁ ହାଜିମାଇଁ, ମୀରୁ ନାଜେ ପାରାଦେରି, ଅଡେ ମୀରୁ ମୀ ପାପୁତା ହାଦେରି । ନାନୁ ଏମ୍ବିୟା ହାଜିମାଇଁ, ଏମ୍ବାଆଁ ମୀରୁ ହାଜାଲି ଆଡ଼ଅତେରି ।”

୨୨ ଇଞ୍ଜା ଜୀହୁଦିୟାଁଁ ଏଲେଇଚେରି, “ଇଞ୍ଜାସି ଏନାଆଁ ହାହାଲି ଏଲେଇଞ୍ଜି ମାନେସି, ନାନୁ ଏମ୍ବିୟା ହାଇଁ ମୀରୁ ଏମ୍ବାଆଁ ହାଜାଲି ଆଡ଼ଅତେରି ?”

୨୩ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଇ ଡ଼ଇପୁରୁଟି ଜାର୍ନା ଆହାମାଞ୍ଜେରି, ସାମା ନାନୁ ଲାକଟି ଖାହାମାଇଁ । ମୀରୁ ଇ ଦାର୍ତତି, ନାନୁ ଇ ଦାର୍ତତି ଆଏ ।

୨୪ ଏଦାଆଁତାକି ନାନୁ ଖେସିମାଞ୍ଜାଇଁ, ମୀରୁ ମୀ ପାପୁ ତଲେ ହାଦେରି । ନାନୁ ଏଞ୍ଜାତେଏଁ ଇଞ୍ଜାଁ ଖେସ୍ତାସାରେ ମୀରୁ ନାମାଆସାରେ, ମୀ ପାପୁତା ହାଦେରି ।”

୨୫ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଖେଚେରି, “ନାନୁ ଆମ୍ବାଆତି ?”

ଜୀସୁ ଏଞ୍ଜାରାଇଁ ଏଲେଇଚେସି, “ଇ ହାଡ଼ା ନାନୁ ମୂଲୁଟିଏ ଖେସାମାଞ୍ଜାଇଁ ।

୨୬ ନିଜେତାକି କାତା ଜଲାଲି ଅଡେ ବିଚାରା କିହାଲି ନା ତାଣା ହାରେକା କାତା ମାନେ; ସାମା ନାଜେ ପାଣ୍ଡାମାଞ୍ଜାନାସି, ଏଞ୍ଜାସି ସାତା, ଅଡେ ନାନୁ ଏନାଆଁ ଖେଞ୍ଜାମାଇଁ; ଏ ବାରେ ଦାର୍ତତି ଖେସିମାଇଁ ।”

୨୭ ଏଞ୍ଜାସି ମାହାପୁରୁ ଆବା କାତା ଖେସିମାଚେସି, ଏଞ୍ଜାରି ତେଲହାଲି ଆଡ଼ାଆତେରି ।

୨୮ ଏଦାଆଁତାକି ଜୀସୁ ଏଲେଇଚେସି; “ଏଡେତା ମୀରୁ ମାଣସି ମୀରୁଏଣାଇଁ ଗାଞ୍ଜୁରମି ହୀଦେରି, ଏଡେତା ନାନୁ ଏ ମାଣସିତେଏଁ ଅଡେ ନାନୁ ଜାହାରାଞ୍ଜାଣି ଏନାଆଁ କିଆନା, ଆବା ନାଜେ ଏନିକଁଁଁ ଜୀସୁହା ମାଞ୍ଜାନେସି, ଏଲେକଁଁଁ ଇ ବାରେ କାତା ଖେସିମାଞ୍ଜାଇଁ ଇଦାଆଁ ମୀରୁ ପୁଞ୍ଜାଲି ଆଡ଼ିଦେରି ।

୨୯ ଆମ୍ବାଆସି ନାଜେ ପାଣ୍ଡାମାଞ୍ଜାନାସି ଏଞ୍ଜାସି ନା ତଲେ ମାନେସି, ଏଞ୍ଜାସି ନାଜେ ରଅତେଏଁ କିହଁଁଁଁ ପିସାମାଞ୍ଜଅସି, ଇଚିହଁଁଁଁ ନାନୁ ତାନି ରାହଁଁଁଁ ଆନି କାମା କିଇଁ ।”

* ୮:୧୧ ଇ ବାରେ କାତା ବାରେ ପଚିଣାଁଁ ହିଲେଏ ✪ ୮:୧୨ ମାତି ୫:୧୪; ଜହ ୯:୫ ✪ ୮:୧୩ ଜହ ୫:୩୧

୩୦ ଜୀସୁ ଇ ବାରେ ହାତା ଖେଞ୍ଜାନା ହାରେକା ଜାଣା ତାନି ତାଣା ନାନିତେରି ।

ପିସ୍‌ପିଆଡ଼ି ଲକ୍ଷୁ ଅଡ଼େ କଡ଼ିତି ହଲ୍ଲିୟାଙ୍ଗା

୩୧ ଏମ୍ବାଟିଏ ଜୀସୁ ତାନି ତାଣା ନାନିତି ଜୀହୁଦିଙ୍ଗାଣି ଏଲେଇଚେସି, “ନା ବଲ୍ଲୁତା ତାରିଆହାଁ ତୁୟିଦେରି, ଆଡ଼ିହୁଁ ମୀରୁ ସାତେଏ ନା ସାସୁୟାତେରି ।

୩୨ ମୀରୁ ସାତାତି ପୁଞ୍ଜେରି ଅଡ଼େ ଏ ସାତା ମିଙ୍ଗେ ଗେଲ୍‌ପାନେ ।”

୩୩ ଏସ୍‌ଝାରି ଏସ୍‌ଝାଣାଇଁ ଏଲେଇଚେରି, “ମାମ୍ବୁ ଅବ୍ରାହାମତି କୁଡ଼ାତମି, ଅଡ଼େ ଏଚେଲା ଆମ୍ବାଆରି ହଲ୍ଲିୟା ଆହାହିଲଅମି, ଆଡ଼ିହୁଁ ମୀରୁ ମୁକ୍‌ଲଞ୍ଜି ଆଦେରି ଇଞ୍ଜି ଏନିକିଁ ଖେସିମାଞ୍ଜାଡ଼ି ?”

୩୪ ଜୀସୁ ଏସ୍‌ଝାଣାଇଁ ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମିନିଗାଗାସି ପାପୁ କିନେସି, ଏସ୍‌ଝାସି ପାପୁଡ଼ି ହଲେଏସି ।

୩୫ ହଲେଏସି କାଲେଏ ତାକି ଇଲ୍ଲୁ କୁଟମିତା ତୁୟିଅସି, ମୀରୁଏସି ଇଲ୍ଲୁ କୁଟମିତା କାଲେଏ ତାକି ତୁୟିନେସି ।

୩୬ ମୀରୁଏସି ମିଙ୍ଗେ ମୁକ୍‌ଲଞ୍ଜି କିୟାନେସି, ମୀରୁ ସାତେଏ ମୁକ୍‌ଲଞ୍ଜି ଆଦେରି ।

୩୭ ମୀରୁ ଅବ୍ରାହାମତି କୁଡ଼ାତାତେରି ନାନୁ ପୁଞ୍ଜାମାଇଁ; ସାମା ନା ବଲ୍ଲୁ ମୀ ହିୟାଁତି ଚାୟୁତା ହିଲାଆକି ମୀରୁ ନାଙ୍ଗେ ପାୟାଲି ଅଣପିମାଞ୍ଜେରି ।

୩୮ ନା ଆବା ତାଣା ନାନୁ ଏନାଆଁମେସାମାଇଁ, ଏ ବାରେ ନାନୁ ଖେସିମାଞ୍ଜାଇଁ । ଏଦାଆଁତାକି ମୀରୁ ଜିକେଏ ମୀ ଆବା ତାଣାଟି ଏନାଆଁ ଖେଞ୍ଜାମାଞ୍ଜେରି ଏ ବାରେ କିତୁ ।”

୩୯ ଏସ୍‌ଝାରି ଏସ୍‌ଝାଣାଇଁ ଏଲେଇଚେରି, “ଅବ୍ରାହାମ ମା ଆବା ।” ଜୀସୁ ଏସ୍‌ଝାଣାଇଁ ଏଲେଇଚେସି, “ମୀରୁ ଅବ୍ରାହାମତି ମୀରୁକା ମାସୁକାତେରି, ଆଡ଼ିହୁଁ ଅବ୍ରାହାମ କିହାମାଟି କାମା କିତୁ;

୪୦ ମାହାପୁରୁ ତାଣାଟି ଖେଞ୍ଜାମାନି ସାତାତି ମିଙ୍ଗେ ଖେସିମାଞ୍ଜାଇଁ, ନାନୁ ଇଲେତି ଲକ୍ଷୁ, ମୀରୁ ନାଙ୍ଗେ ପାୟାଲି ତାକି ଅଣପିମାଞ୍ଜାଦେରି; ଅବ୍ରାହାମ ଇଲେତି କାମା କିଆତେସି ।

୪୧ ମୀରୁ ମୀ ଆବାତି ବାରେ କାମା କିହିମାଞ୍ଜେରି ।”

ଏସ୍‌ଝାରି ଜୀସୁଇଁ ଏଲେଇଚେରି; “ମାମ୍ବୁ ଦୁରିକାମାଟି ଜାର୍ନା ଆହାହିଲଅମି; ମା ରଣ୍ଡିଏ ଆବା, ଏସ୍‌ଝାସି ମାହାପୁରୁ ।”

୪୨ ଜୀସୁ ଏସ୍‌ଝାଣାଇଁ ଏଲେଇଚେସି, “ମାହାପୁରୁ ସାତେଏ ମୀ ଆବା ଆଡ଼ିହୁଁ ମା, ମୀରୁ ନାଙ୍ଗେ ଜୀସୁ ନୟାତେରିମା, ଇଡ଼ିହୁଁ ନାନୁ ମାହାପୁରୁ ତାଣାଟି ସାହାମାଇଁ; ନାନୁ ନା ତାଣାଟି ସାହାହିଲଅଁ, ସାମା ଏସ୍‌ଝାସି ନାଙ୍ଗେ ପାଣ୍ଡାତେସି ।

୪୩ ନାନୁ ଏନାଆଁ ଖେସିମାଞ୍ଜାଇଁ, ମୀରୁ ଏନାଆଁତାକି ନା ହାତାତି ତେଲ୍‌ହାଲି ଆଡ଼ିହିଲଅତେରି ? ଇଦାନି କାତା ଆହିମାନେ ମୀରୁ ନା ବଲ୍ଲୁଡ଼ି ଖେଞ୍ଜାଲି ଆଡ଼ିହିଲଅତେରି ।

୪୪ ମୀରୁ ମୀ ଆବା ସୟତାନତି ମୀରୁକା ମାସୁକାତେରି, ଅଡ଼େ ମୀରୁ ମୀ ଆବାତି କାମା କିହାଲି ମୀ ଅଣ୍ଡାପୁ । ଏସ୍‌ଝାସି ମୁଲ୍ଲୁଟିଏ ଲକ୍ଷୁଣି ପାୟିନାସି, ଅଡ଼େ ଏସ୍‌ଝାସି ସାତାତା ତୁୟିଅସି, ଇଡ଼ିହୁଁ ଏସ୍‌ଝାଣି ତାଣା ସାତା ହିଲେଏ । ଏଚିବେଲା ଏସ୍‌ଝାସି ମିଟି ଜଲ୍ଲିନେସି, ଏଚେତା ତାନିତାଣାଟି ଜଲ୍ଲିନେସି; ଇଡ଼ିହୁଁ ଏସ୍‌ଝାସି ମିଟି ଗାଗାସି ଇଞ୍ଜା ମିଟିତି ତାଞ୍ଜି ।

୪୫ ସାମା ନାନୁ ସାତା ଜଲ୍ଲିମାନାକି, ମୀରୁ ନାଙ୍ଗେ ନାନିମାଞ୍ଜଅତେରି ।

୪୬ ନାନୁ ପାପୁ ଗାଗାତେଏଁ ଇଞ୍ଜିଁ ମୀ ବିତ୍ତାଟି ଆମ୍ବାଆତେରି ପାର୍‌ମାଣା କିହାଲି ଆଡ଼ିଦେରି ? ନାନୁ ସାତା ଖେସ୍‌ସାସାରେ, ନାଙ୍ଗେ ମୀରୁ ଏନାଆଁତାକି ନାନିମାଞ୍ଜଅତେରି ?

୪୭ ଆମ୍ବାଆସି ମାହାପୁରୁ ତାଣାଟି ସାହାମାନେସି, ଏସ୍‌ଝାସି ମାହାପୁରୁଡ଼ି ବଲ୍ଲୁ ଖେନେସି; ମୀରୁ ମାହାପୁରୁ ତାଣାଟି ସାହାହିଲଅତେରି, ଏଦାଆଁତାକି ଇ ବଲ୍ଲୁ ଖେଞ୍ଜିହିଲଅତେରି ।”

ଜୀସୁ ଅଡ଼େ ଅବ୍ରାହାମ

୪୮ ଜୀହୁଦିୟାଁ ଜୀସୁଇଁ ଏଲେଇଚେରି, “ନାନୁ ସମିରଣତି ଇଞ୍ଜା ନିଙ୍ଗେ ବୁତୁ ଆଲ୍‌ଗାମାଞ୍ଜାନେ, ଏଦାଆଁ ମାମ୍ବୁ ସାତା ଖେସି ହିଲଅମି କି ?”

୪୯ ଜୀସୁ ଏସ୍‌ଝାଣାଇଁ ଏଲେଇଚେସି, “ନାଙ୍ଗେ ବୁତୁ ଆଲ୍‌ଗା ମାଞ୍ଜେଏ, ନାନୁ ନା ଆବାଇଁ ମାନି କିହିମାଇଁ, ସାମା ମୀରୁ ନାଙ୍ଗେ ଲାଜା କିହିମାଞ୍ଜାଦେରି ।

୫୦ ନାନୁ ନା ଗାଝୁରମି କିହାଲି ଅଣ୍ଡାସି ହିଲଅଁ; ରଅସି ଅଣ୍ଡାପିମାନେସି ଏସ୍‌ଝାସି ନା ସାକିଟି ବିଚାରା କିନେସି ।

୮:୩୩ ମାତି ୩:୯; ଲୁକ ୩:୮

୫୧ ନାନୁ ସାତା ଝେସିମାଞ୍ଜାଇଁ, ଆମ୍ବାଆସି ନା ବଲୁଡ଼ି ମାନୁଞ୍ଜି ଆନେସି, ଏଝାସି ଏଚେଲା ହାଅସି ।”

୫୨ ଜାହୁଦିୟାଁ ଏଝାଣାଇଁ ଏଲେଇଚେରି, “ନୀର୍ବ୍ୟ ମାମ୍ବୁ ପୁଚ୍ଚି, ନିଜେ ବୁଡୁ ଆଲଗାମାଞ୍ଜାନେ, ଅବାହାମ ଅଡ଼େ ମାହାପୁରୁ ଅଣ୍ଟପୁଡ଼ି ବଲୁ ଝେହ୍ନାରି ବାରେଜାଣା ହାଡ଼େରି, ଅଡ଼େ ନାନୁ ଝେସିମାଞ୍ଜି, ଆମ୍ବାଆସି ନା ବଲୁ ମାନୁଞ୍ଜି ଆନେସି, ଏଝାସି ଏଚେଲା ଜିକେଏ ହାଅସି ।

୫୩ ମା ଆକୁ ଅବାହାମ ହାଡ଼େସି, ନାନୁ ଏନାଆଁ ଅବାହାମ କିହାଁ କାଜାତି ଇଞ୍ଜି ଅଣ୍ଟପିମାଞ୍ଜି ? ମାହାପୁରୁ ଅଣ୍ଟପୁଡ଼ି ବଲୁ ଝେହ୍ନାରି ଜିକେଏ ହାଡ଼େରି; ନାନୁ ଆମ୍ବାଆତି ଇଞ୍ଜି ଝେସିମାଞ୍ଜି ?”

୫୪ ଜାସୁ ଏଲେଇଚେସି, “ନାନୁ ନା ଗାଝୁରମି କିହିମାଇଁ, ଆତିହଁ ନା ଗାଝୁରମି ଏନାୟି ଆଏ; ଆମ୍ବାଆସି ନାଜେ ଗାଝୁରମି କିୟାନେସି ଏଝାସି ନା ଆବା ଆମ୍ବାଆରାଇଁ ମାରୁ ମୀ ମାହାପୁରୁ ଇଞ୍ଜି ଏଲେ ଇଞ୍ଜିମାଞ୍ଜେରି;

୫୫ ମାରୁ ଏଝାଣାଇଁ ଏଚେଲା ପୁଞ୍ଜାହିଲଅଚେରି, ସାମା ନାନୁ ଏଝାଣାଇଁ ପୁଞ୍ଜାମାଇଁ । ଏଝାଣାଇଁ ପୁଞ୍ଜାହିଲଅଁ ଇଞ୍ଜି ନାନୁ ଝେସିହଁ, ମୀ ଲେହେଁ ନାନୁ ଜିକେଏ ମିତି ଗାଟାଚେଏଁ ଆକ୍, ସାମା ନାନୁ ଏଝାଣାଇଁ ପୁଞ୍ଜାମାଇଁ ଅଡ଼େ ତାନି ବଲୁଡ଼ି ମାନୁଞ୍ଜି ଆକ୍ ।

୫୬ ମୀ ଆବା ଅବାହାମ ନା ଦିନା ମେସାଲି ତାକି ଆସା କିହାନା ରାହାଁ କିଚେସି, ଅଡ଼େ ଏଦାଆଁ ମେସାନା ଏଝାସି ରାହାଁ ଆଡ଼େସି ।”

୫୭ ଜାହୁଦିୟାଁ ଏଝାଣାଇଁ ଏଲେଇଚେରି, “ନିଜେ ରୀ କଡ଼ି ଦସ ବାସା ଆହାମାଞ୍ଜେଏ, ନାନୁ ଏନାଆଁ ଅବାହାମଇଁ ମେସାମାଞ୍ଜି ?”

୫୮ ଜାସୁ ଏଝାରାଇଁ ଏଲେଇଚେସି, “ନାନୁ ମିଜେ ସାତା ଝେସିମାଞ୍ଜାଇଁ, ଅବାହାମତି ଜାର୍ନା ନକେଏ ନାନୁ ମାଇଁ ।”

୫୯ ଏଝାରି ଏଝାଣାଇଁ ଝେଟାଲିତାକି ଝାଲକା ପେରହା କଡ଼ିଚେରି, ସାମା ଜାସୁ ମାହାପୁରୁ ଇଲୁଡ଼ି ମେହଆରେଚୁ ହଡ଼ାହାଚେସି ।

୯

ଜାସୁ ଜାର୍ନାଟିଏ କାଣାଇଁ ନେହଁ କିନାୟି

୧ ଜାସୁ ହାଜିମାଟାଟି ର ଜାର୍ନାଟିଏ କାଣାଇଁ ବେଟାଆଡ଼େସି ।

୨ ତାନି ସାସୁୟାଁ ଝେଚେରି, “ଗୁରୁ, ଆମ୍ବାଆସି ପାପୁ କିହାଲିଏ ଇଝାସି କାଣା ଆହାନା ଜାର୍ନା ଆଡ଼େସି, ତାନୁ କି ତାନି ଇୟା ଆବା ପାପୁ କିତାକି ?”

୩ ଜାସୁ ଏଲେଇଚେସି, “ଇଝାସି କି ତାନି ଇୟା ଆବା ପାପୁ କିତାକି ଆଏ, ସାମା ମାହାପୁରୁତି କାମା ଏନିକି ଇଝାଣି ତାଣାଟି ତସ୍ପିଆନେ, ଏଦାଆଁତାକି ଇଦି ଆହାମାନେ ।

୪ ଦିନା ମାଞ୍ଜା ମାଞ୍ଜାନା, ନାଜେ ପାଣ୍ଡାମାଞ୍ଜାନାଣି କାମା କିନାୟିମାନେ; ଏମିନି ବେଲତା ଆମ୍ବାଆସି କାମା କିହାଲି ଆଡ଼ଅସି, ଇଲେଡି ଲାଆଁ ଝାହିମାନେ ।

୫ ନାନୁ ଏଚେପାଚେକା ଦାର୍ଡିତା ମାଇଁ, ଏଚେପାଚେକା ନାନୁ ଦାର୍ଡିତି ଉଜେଡ଼ିଚେଏଁ ।”

୬ ଇ କାତା ଏଲେଇଞ୍ଜାନା, ଜାସୁ ଇରୁଆତା ହୁପାନା ହୁପକା ତଲେ କାଦ କିଚେସି; ଅଡ଼େ ତାନି ରୀ କାଣକାଣାଁ ରୁବିଚେସି ଅଡ଼େ ଏଝାଣାଇଁ ଏଲେଇଚେସି,

୭ ହାଲମ୍ବୁ “ସିଲହ* ବାଦାତା ମୁମ୍ବୁ ନୁରହା ଝାମୁ ।” ଏମ୍ବାଟିଏ ଏଝାସି ହାଜାନା ନରହା କତାନା ଝେଞ୍ଜା ଝାହିମାଟାଟି ମେସାଲି ଆଡ଼ିଚେସି ।

୮ ତାନି ପାଡ଼ିତାରି, ଅଡ଼େ ଏମିନିଗାଟାରି ଏଝାଣାଇଁ ନକେଏ ରାସ୍ପି ମାଟାଣି ମେସାମାଚେରି, ଏଝାରି ଝେଚେରି, “ଇଝାସି ଏନାଆଁ କୁଗାନା ରାସ୍ପି ମାଚେସି ଏଝାସି ଆଏକି ?”

୯ ଏଚରଜାଣା ଏଲେଇଚେରି, “ଇଝାସିଏ ଏଝାସି;” ଅଡ଼େ ଏଚରଜାଣା ଏଲେଇଚେରି, “ଆଏ, ଏଝାଣିଲେହେଁ ତାସି ।” ଏଝାସି ଏଲେଇଚେସି, “ନାନୁଏ ଏଝାଚେଏଁ ।”

୧୦ ଲକୁ ଏଝାଣାଇଁ ଝେଚେରି, “ଆତିହଁ, ନାନୁ ନୀର୍ବ୍ୟ ଏନିକି ମେସାଲି ଆଡ଼ିମାଞ୍ଜି ?”

୧୧ ଏଝାସି ଏଲେଇଚେସି, “ଆମ୍ବାଆରାଇଁ ଜାସୁ ଇନେରି, ଏଝାସି ଇରୁଆତି କାଦ କିହାନା ନା କାଣକାଣାଁ ରୁବାଚେସି ଅଡ଼େ ସିଲହତା ହାଜାହାଁ ମୁମ୍ବୁ ନୁରହା କତାମୁ ଏଲେଇଞ୍ଜାଚେସି; ଏଚେଟିଏ ନାନୁ ହାଜାନା ମୁମ୍ବୁ ନରହାଲିଏ ମେସାଲି ଆଡ଼ିଚେଏଁ ।”

* ୯:୫ ମାଟି ୫:୧୪; ଜହ ୮:୧୨ * ୯:୭ ସିଲହ ଇତିସାରେ ପାଣ୍ଡି ଆହାମାନାୟି

୧୨ “ଏଝାସି ଆମ୍ବିୟା ?” ଇଞ୍ଜି ଏଝାଣାଇଁ ଝେରେରି, ଏଝାସି ଏଲେଇରେସି, “ନାନୁ, ପୁଞ୍ଜାହିଲଅଁ ।”

ପାରୁସିୟାଁ ଇ କାମାତି ତାୟିପାରି କିନାୟି

୧୩ ଆମ୍ବାଆସି ନଚେଏ କାଣା ମାରେସି, ଏଝାଣାଇଁ ପାରୁସିୟାଁ ତାଣା ତାତେରି ।

୧୪ ଜୀମ୍ବୁ ଏମିନି ଦିନା କାଦ୍ କିହାନା ତାନି କାଣକା ନେହଁ କିହାମାରେସି, ଏ ଦିନା ଜମିନି ଦିନା ମାରେ

୧୫ ପାରୁସିୟାଁ ଏଝାଣାଇଁ ଝେରେରି, ଏନିକିଁ ଏଝାସି ମେସାଲି ଆଡ଼ିତେସି ? ଏଝାସି ଏଲେଇରେସି, “ନା କାଣକାଣାଁ ଏଝାସି ଇଚାଣି କାଦ୍ ରୁବାତେସି, ନାନୁ ହାଜାନା ମୁମ୍ବୁ ନୁହାନା ଝାଡ଼େଏଁ ଅଡ଼େ ମେସାଲି ଆଡ଼ିମାଇଁ ।”

୧୬ ପାରୁସିୟାଁ ତାନି ବିତ୍ତାଟି ଏଚରଜାଣା ଏଲେଇରେରି, “ଏଝାସି ମାହାପୁରୁ ତାଣାଟି ଝାହାହିଲଅସି, ଇଚିହଁ ଏଝାସି ଜମିନି ଦିନାଟି ମାନୁଝି ଆହିହିଲଅସି ।” ଅଡ଼େ ଏଚରଜାଣା ଏଲେଇରେରି, “ପାପୁ ଲକୁ ଆହାନା ଇଲେଚି କାବାଆନି କାମା ଏନିକିଁ କିହାଲି ଆଡ଼ିନେସି ?” ଇଲେଆହଁ ଏଝାରି ତାନି ବିତ୍ତା ବାଗା ଆଡ଼େ ?

୧୭ ପାରୁସିୟାଁ ଅଡ଼େ ଝେଣ୍ଡେ ଏ କାଣାଇଁ ଝେରେରି, “ଏଝାସି ନୀ କାଣକା ନେହଁ କିୟାତେସି, ଏଝାଣି କାତା ନାନୁ ଏଦାଆଁ ଇଞ୍ଜିମାଞ୍ଜି ?” ଏଝାସି ଏଲେଇରେସି “ଏଝାସି ର ମାହାପୁରୁ ଅଣ୍ଡପୁଟି ବଲୁ ଝେହନାସି ।”

୧୮ ଏଝାସି ଜାର୍ନାଟିଏ କାଣା ମାରେସି ଅଡ଼େ ନୀଏଁ, ଇ ହାଡ଼ା ତାନି ଇୟା ଆବାତି ଝେନାଆ ପାତେକା, ଜାହୁଦିୟାଁ ନାମାଆତେରି ।

୧୯ ଏଝାରି ତାନି ଇୟା ଆବାତି ଝେରେରି, “ମୀ ଆମିନି ମୀରୁଏସି କାଣା ଆହାନା ଜାର୍ନା ଆହାମାରେସି ଇଞ୍ଜି ଏଲେଇଞ୍ଜିତେରି ଇଝାସି ଏନାଆଁ ଏ ମୀ ମୀରୁଏସି ? ଆଚିହଁ ଏଝାସି ନୀଏଁ ଏନିକିଁ ମେସାଲି ଆଡ଼ିମାନେସି ?”

୨୦ ଏଦାଟିଏ ତାନି ଇୟା ଆବା ଏଲେଇରୁ, “ହାଅ, ଏଝାସି ମା ମୀରୁଏସି, ଏଝାସି କାଣା ଆହାନା ଜାର୍ନା ଆହାମାରେସି ଏଦାଆଁ ମାମ୍ବୁ ପୁଞ୍ଜାମାନନି;

୨୧ ସାମା ଏଝାସି ନୀଏଁ ଏନିକିଁ ମେସାଲି ଆଡ଼ିମାନେସି, ଏଦାଆଁ ମାମ୍ବୁ ପୁଞ୍ଜାହିଲଅସି, ଅଡ଼େ ଆମ୍ବାଆସି ଏଝାଣାଇଁ ମେସାସି କିହାମାନେସି, ମାମ୍ବୁ ଏଦାଆଁ ଜିକେଏ ପୁଞ୍ଜାହିଲଅସି; ଏଝାଣାଇଁ ଝେଞ୍ଜୁ, ଏଝାସି କାଜାସି ଆଡ଼େସିଏ, ଏଝାସି ତାନି କାତା ତାନୁଏ ଝେସାଲି ଆଡ଼ିନେସି ।”

୨୨ ଏଝାଣି ତାନି ଇୟା ଆବା ଜାହୁଦି ଲକୁଚି କାଜାରାଇଁ ଆଜିମାଟାକି ଇ ବାରେ କାତା ଝେସୁଁ ଏନାଆଁତାକି ଇଚିହଁ ଆମ୍ବାଆସି ଜୀସୁଇଁ କ୍ରୀସୁ ଇଞ୍ଜି ଇନେସି, ଏଝାଣାଇଁ ଜୀହୁଦି ଲକୁଚି କୁଚି ଇଲୁଚିଂ ପେଡ଼ି ଆନେ ଇଞ୍ଜି ଜୀହୁଦି ଲକୁ ଏ ନଚେଏ କାତା ଆହାମାରେରି ।

୨୩ ଏଦାଆଁତାକି ତାନି ଇୟା ଆବା ଏଲେଇରୁ, “ଏଝାସି କାଜାସି ଆଡ଼େସିଏ, ଏଝାଣାଇଁ ଝେଞ୍ଜୁ ।”

୨୪ ପାରୁସିୟାଁ ଏ ଜାର୍ନାଟିଏ କାଣାଇଁ ଅଡ଼େ ଝେଣ୍ଡେ ହାଗାନା ଏଲେଇରେରି, “ମାହାପୁରୁଇଁ ଗାଧୁରମି କିହାନା ଏଲେଇନାମ୍ବୁ, ଆମ୍ବାଆସି ନିଜେ ନେହଁ କିହାମାଞ୍ଜାନେସି, ଏଝାସି ର ପାପୁ ଗାଗାସି ଇ କାତା ମାମ୍ବୁ ପୁଞ୍ଜାମାନନି ।”

୨୫ ଏଝାସି ଏଲେଇରେସି, “ଏଝାସି ପାପୁ ଗାଗାସି କି ଆଏ, ନାନୁ ପୁଞ୍ଜାହିଲଅଁ; ନାନୁ ର କାତା ପୁଞ୍ଜାମାଇଁ; ନାନୁ କାଣା ମାରେଏ, ନୀଏଁ ମେସାଲି ଆଡ଼ିମାଇଁ ।”

୨୬ ଏଝାରି ଏଝାଣାଇଁ ଏଲେଇରେରି, “ଏଝାସି ନିଜେ ଏନାଆଁ କିୟାତେସି ? ଏନିକିଁ ଏଝାସି ନୀ କାଣକା ଦେପି କିୟାତେସି ?”

୨୭ ଏଝାସି ଏଲେଇରେସି, “ନଚେଏ ଝେସା ରାହାମାଞ୍ଜାଇଁ, ଅଡ଼େ ମୀରୁ ଝେନାଆତେରି; ଅଡ଼େ ଝେଣ୍ଡେ ଏନାଆଁତାକି ଝେଞ୍ଜାଲି ଅଣ୍ଡପିମାଞ୍ଜେରି ? ମୀରୁ ଜିକେଏ ଏନାଆଁ ତାନି ସୀସୁ ଆହାଲି ଅଣ୍ଡପିମାଞ୍ଜେରି ।”

୨୮ ଏଝାରି ଏଝାଣାଇଁ ଲାଗାନା ଏଲେଇରେରି, “ନାନୁ ତାନି ସୀସୁଚି, ସାମା ମାମ୍ବୁ ମୁସାସି ସୀସୁୟାଁତନି ।

୨୯ ମାମ୍ବୁ ପୁଞ୍ଜାମାନନି, ମାହାପୁରୁ ମସାଇଁ କାତା ଆହାମାରେସି, ସାମା ଇ ମାଣସି ଆମ୍ବିଟି ଝାହାମାନେସି, ଏଦାଆଁ ମାମ୍ବୁ ପୁଞ୍ଜାହିଲଅସି ।”

୩୦ ଏଝାସି ଏଝାଣାଇଁ ଏଲେଇରେସି, “ଇଦି ରଣ୍ଡି କାବାଆନି କାତା ଏଝାସି ଏମ୍ବିଟି ଝାହାମାନେସି, ମୀରୁ ପୁଞ୍ଜାହିଲଅତେରି, ସାମା ଏଝାସି ନାଜେ କାଣକା ଦେପି କିୟାତେସି ।

୩୧ ମାମୁ ପୁଞ୍ଜାମାନମି, ମାହାପୁରୁ ପାପୁଗାଟି ଲକ୍ଷ୍ମଣ ହାତା ଖେନଅସି, ଆମିନି ଗାଟାରି ମାହାପୁରୁଇଁ ମାନ୍ତି କିନେରି ଅଡ଼େ ତାନି ଅଣ୍ଡାପୁ ତଲେ କାମା କିନେରି, ଏଞ୍ଜାରି ହାତାତି ଏଞ୍ଜାସି ଖେନେସି ।

୩୨ ତଲି କାଲାଟିଏ ଆମ୍ବାଆସି ଜାନ୍ କାଣ୍ଡାଇଁ ମେସପିକିତି କାତା ଏଚେଲା ଖେଣ୍ଡାମି ଆହାହିଲାଆତେ ।

୩୩ ଇଞ୍ଜାସି ମାହାପୁରୁ ତାଣ୍ଡାଟି ଖାହା ହିଲାଆତେ, ଏନାଆଁ କିହାଲି ଆଡାଆତେସିମା ।”

୩୪ ଏଞ୍ଜାରି ଏଞ୍ଜାଣାଇଁ ଏଲେଇଚେସି, “ପାପୁ ତଲେ ନୀନୁ ଜାନ୍ ଆହାନା ପାପୁ ତଲେ ପାତାଆଡ଼ି, ନୀନୁ ମାଜେ ଜାପୁହି ମାଞ୍ଜାଦି ?” ଏଦାଆଁତାକି ଏଞ୍ଜାରି ଏଞ୍ଜାଣାଇଁ ଜୀହୁଦି ଲକ୍ଷ୍ମଣ କୁଟମି ଇଲୁଟିଃ ଯେହାତୁସେସି ।

ସୁଦୁଗାଟି ମାଣକି ମେହୁଆ ଗାଟାୟି

୩୫ ଏଞ୍ଜାରି ଏଞ୍ଜାଣାଇଁ ଯେହା ମାନେରି, ଇଞ୍ଜା ଜୀସୁ ଇ କାତା ଖେଞ୍ଜାନା, ଏଞ୍ଜାଣାଇଁ ମେସାନା ଏଲେଇଚେସି, “ନୀନୁ ଏନାଆଁ ମାଣସି ମୀରୁଏଣି ତାଣା ନାମିମାଞ୍ଜି ?”

୩୬ ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ପ୍ରବୁ, ଖେସ୍ତାମୁ ଏଞ୍ଜାସି ଆମ୍ବାଆସି, ଆତିହୁଁ ନୀନୁ ଏଞ୍ଜାଣାଇଁ ନାମିଇଁ ।”

୩୭ ଜୀସୁ ଏଞ୍ଜାଣାଇଁ ଏଲେଇଚେସି, “ନୀନୁ ଏଞ୍ଜାଣାଇଁ ମେସାମାଞ୍ଜି, ନୀ ତଲେ ଆମ୍ବାଆସି ନୀଏଁ କାତା ଆହିମାନେସି, ଏଞ୍ଜାସିଏ ।”

୩୮ ଏମ୍ବାଟିଏ ଏଞ୍ଜାସି ଏଲେଇଚେସି, “ନୀନୁ ନାମିମାଞ୍ଜି, ପ୍ରବୁ !” ଇଞ୍ଜା ଜୀସୁ ନକିତା ମେଣ୍ଡାକୁତାନା ଜହରା କିତେସି ।

୩୯ ଜୀସୁ ଏଲେଇଚେସି, “ମେହୁଆଗାଟି ଲକ୍ଷ୍ମଣ ଏନିକିଁ ମେହୁନେରି ଇଞ୍ଜା ମେହୁନି ଲକ୍ଷ୍ମଣ ଏନିକିଁ କାଣା ଆନେରି, ଇ ବିଚାରା କିହାଲି ନୀନୁ ଦାରୁତିତା ଖାହାମାଞ୍ଜି ।”

୪୦ ଏମ୍ବାଆଁ ମାଟି ଏଚରଜାଣା ପାରୁସିୟାଁ ଇ କାତା ଖେଞ୍ଜାନା, ଏଞ୍ଜାଣାଇଁ ଏଲେଇଚେସି, “ମାମୁ ଲିକେଏ ଏନାଆଁ କାଣାୟାତମି ?”

୪୧ ଜୀସୁ ଏଞ୍ଜାଣାଇଁ ଏଲେଇଚେସି, “କାଣାୟାଁ ଆହାମାଟିହୁଁ ମୀରୁ ଦହ ହିଲାଆଗାଟାତେରି ଆଡେରିମା, ସାମା ମେସାଲି ଆଡ଼ିମାନମି ଇଞ୍ଜିମାନାକି ମୀରୁ ହାରେକା ପାପୁତା ମାଞ୍ଜେରି ।”

୧୦

ମେଣ୍ଡାୟାଁ ଅଡ଼େ ଗଡୁ

୧ ଜୀସୁ ଏଲେଇଚେସି, “ନୀନୁ ମିଜେ ସାତା ଖେସିମାଞ୍ଜାଇଁ, ଆମ୍ବାଆସି ଦାରା ଖାକିଟି ମେଣ୍ଡାୟାଁ ମାନ୍ଦାତା ହଡୁଅସି, ସାମା ଅର ଖାକିଟି ଡେଞ୍ଜାଁନା ହଡୁନେସି, ଏଞ୍ଜାସି ସରୁ ଇଞ୍ଜା ତଂଗେଏସି;

୨ ସାମା ଆମ୍ବାଆସି ଦାରା ଖାକିଟି ହଡୁନେସି, ଏଞ୍ଜାସି ମେଣ୍ଡା ଗଡୁ ।

୩ ଦାରାତା କାଞ୍ଚାଆସି ଏଞ୍ଜାଣାକି ଦାରା ଦେତା ହାନେସି, ଅଡ଼େ, ଏଞ୍ଜାସି ତାନି ମେଣ୍ଡାୟାଁ ଦରୁ ଆସାନା ହାଡ଼ିନେସି, ଏଞ୍ଜା ତାନି ହାଡ଼ିନାଣି ଖେନୁ ଅଡ଼େ ଏଞ୍ଜାସି ଏ ମାନ୍ଦାତି ପାଞ୍ଜାତା ଜିରୁ ନକି କିହାନା ଅନେସି ।

୪ ମେଣ୍ଡାୟାଁଣି ପାଞ୍ଜାତା ଅନାଟି ମେଣ୍ଡାୟାଁ ଗଡୁ ନକି ନକିତା ତାକିନେସି, ଅଡ଼େ ମେଣ୍ଡାୟାଁ ତାନି ଜେଚ ଜେଚ ତାକିନୁ, ଇତିହୁଁ ଏଞ୍ଜି ଏଞ୍ଜାଣି ଗିୟାଁ ତେଲହାତ ।

୫ ସାମା ଏଞ୍ଜି ପୁନାଆତି ଲକ୍ଷ୍ମଣ ଜେଚ ଏଚେଲା ଜିକେଏ ତାକାତ, ସାମା ଏଞ୍ଜାଣି ଦାରି ଦାରିଟି ହଟାତୁହନୁ, ଇତିହୁଁ ଏଞ୍ଜି ପୁନାଆତାରି ଗିୟାଁ ତେଲହୁନୁ ।”

୬ ଜୀସୁ ଏଞ୍ଜାଣାଇଁ ଇ ପୁଣ୍ଡାମିକିନି କାତା ଖେସାନା ଏଲେଇଚେସି, ସାମା ଏଞ୍ଜାସି ଏନା ଏନାଆଁ ଖେସିମାଚେସି, ଏ ବାରେ ଏନାୟି ଇଞ୍ଜା ଏଞ୍ଜାରି ପୁନାଆତେରି ।

ଜୀସୁ ନେହୁଁ ମେଣ୍ଡାୟାଁ ଗଡୁ

୭ ଜୀସୁ ଅଡ଼େ ଖେଣ୍ଡେ ଏଲେଇଚେସି, “ସାତା ସାତା ନୀନୁ ମିଜେ ଖେସିମାଞ୍ଜାଇଁ, ନୀନୁ ମେଣ୍ଡାୟାଁ ଦୁଖେରିଚେସି ।

୮ ଏଚରଜାଣା ନା ନକିତା ଖାହାମାନେରି, ଏଞ୍ଜାରି ବାରେ ସରକା ଅଡ଼େ ତଂଗାୟାଁ, ସାମା ମେଣ୍ଡାୟାଁ ଏଞ୍ଜାରି କାତା ଖେନାଆଡୁ ।

୯ ନୀନୁ ଆହିମାଞ୍ଜି ଦାରା । ଆମ୍ବାଆସି ନା ତାଣ୍ଡାଟି ହଡୁନେସି, ଏଞ୍ଜାସି ଗେଲୁସି ଆନେସି ଇଞ୍ଜା ବିତ୍ତା ଖାହାନା ଅଡ଼େ ପାଞ୍ଜାତା ହାଜାନା ହାଡ଼ା ବେଟାଆନେସି ।

‡ ୯:୩୪ ସିନଗରୁ

୧୦ ସରୁ ଖାଉଁଇ ସରୁ କିହାଲି, ପାୟାଲି ଅଡ଼େ ନାସା କିହାଲି ଖାଉଁନେସି; ଏଝାରି ଏନିକିଁ ଜୀଝୁ ବେଟାଆଉଁନେରି ଅଡ଼େ ହାଉଁରକା ବେଟାଆଉଁନେରି ଏଦାଆଁତାକି ନାନୁ ଖାହାମାଲି ।”

୧୧ “ନାନୁ ନେହଁ ଫେଣ୍ଡାୟାଁ ଗଡ଼ୁଚୁଏ; ନେହଁ ଫେଣ୍ଡାୟାଁ ଗଡ଼ୁ ଫେଣ୍ଡାୟାଁ ତାକି ତାନି ଜୀଝୁ ହାନେସି ।

୧୨ ଆମ୍ବାଆସି ଫେଣ୍ଡାୟାଁ ଗଡ଼ୁ ଅଏ, ଗତି ଦାଂଗଣେଏସି, ଜାହାରା ଫେଣ୍ଡାୟାଁ ହିଲାଉ ଏଝାସି କ୍ଷୁଠନି ଖାନାଣି ଫେସାନା ଫେଣ୍ଡାୟାଁ ପିସା ହଣ୍ଡନେସି ଅଡ଼େ କ୍ଷୁଠନି ଖାହାନା ଏ ବାରେଡି ସିନାସାତ୍ରା କିନେ,

୧୩ ଇତିହଁ ଏଝାସି ଗତି ଦାଂଗଣେଏସି, ଇଞ୍ଜାଁ ଫେଣ୍ଡାୟାଁକି ଅଣ୍ଡପୁ ହିଲେଏ,

୧୪ *ନାନୁ ନେହଁ ଫେଣ୍ଡାୟାଁ ଗଡ଼ୁ । ଆବା ଏନିକିଁ ନାଜେ ପୁଞ୍ଜାମାଞ୍ଜାନେସି ଅଡ଼େ ନାନୁ ଆବାଇଁ ପୁଞ୍ଜାମାଲି,

୧୫ ଏନିକିଁ ଆବା ନାଜେ ପୁଞ୍ଜାମାଞ୍ଜାନେସି, ଅଡ଼େ ନାନୁ ଆବାଇଁ ପୁଞ୍ଜାମାଲି, ଏଲେକିହଁ ଏ ନାନୁ ନା ଫେଣ୍ଡାୟାଁଇଁ ପୁଇଁ, ଅଡ଼େ ନା ଫେଣ୍ଡାୟାଁ ଜିକେଏ ନାଜେ ପୁଞ୍ଜାନୁ, ଅଡ଼େ ଫେଣ୍ଡାୟାଁ ତାକି ନାନୁ ନା ଜୀଝୁ ହାଇଁ ।

୧୬ ଏନିକିଁ ଫେଣ୍ଡାୟାଁ ଇ ମାଦାତାଲ ଆଏ, ନା ଇଲେଡି ଫେଣ୍ଡାୟାଁ ମାନୁ, ଏଝାଆଁ ଜିକେଏ ନାଜେ ତାନାସି ଆନେ, ଅଡ଼େ ଏଝି ନା ହାଡ଼ା ତେଲୁହିନୁ; ଏମ୍ବାଟିଏ ରଣ୍ଡିଏ ମାଦା ଅଡ଼େ ରଣ୍ଡିଏ ଗଡ଼ୁ ଆନେସି ।”

୧୭ “ନାନୁ ନା ଜୀଝୁ ହାନାକି ଆବା ନାଜେ ଜୀଝୁ ନୟାଁନେସି, ଅଡ଼େ ନାନୁ ନା ଜୀଝୁ ଝେଣ୍ଡେ ଅହାକତାଲି ନାନୁ ଏଦାଆଁ ହାଇଁ ।

୧୮ ନା ଜୀଝୁ ଏବକାତାରି ଆମ୍ବାଆରି ଅହାଲି ଆଡ଼ଅରି, ଏଦାଆଁ ନାନୁ ନା ଅଣ୍ଡପୁ ତଲେ ହାଇଁ, ନା ଜୀଝୁ ହାହାଲିତାକି ଅଡ଼େ ଏଦାଆଁ ଝେଣ୍ଡେ ଅହାକତାଲି ତାକି ନା ଅଦିକାରା ମାନେ । ଇଦାଆଁ କିହାଲି ଆବା ମାହାପୁରୁ ନାଜେ ହୁକୁମି ହାହାମାଞ୍ଜାନେସି ।”

୧୯ ଜୀଝୁତି ଇ ବାରେ କାତାତାକି ଜୀଝୁଦି ଲକୁଡାଣା ଗଡ଼ୁହା ହଡ଼େ ।

୨୦ ଏଝାରି ବିଡ୍ରାଟି ଏଚରଜାଣା ଏଲେଇଚେରି, “ଏଝାଣାଇଁ ବୃତୁ ଆଲ୍‌ଗାମାନେ, ଏଝାସି ବାୟା ଆହାମାନେସି, ଏନାଆଁତାକି ଏଝାଣି କାତା ଝେଞ୍ଜିମାଞ୍ଜେରି ?”

୨୧ ଏବକାତାରି ଏଲେଇଚେରି, “ଇ ବାରେ କାତା ବୃତୁ ଆଲ୍‌ଗାମାନାରି କାତା ଆଏ; ବୃତୁ ଏନାଆଁ କାଣାତି କାଣକା ମେସପି କିହାଲି ଆଡ଼ିନେ ।”

ଜୀଝୁଇଁ ଅପାଆଗାଗାସି

୨୨ ଏଚିବେଲା ଜିରୁସାଲମତା ମାହାପୁରୁ ଇଲୁଡି ମାହାପୁରୁ ଦରୁଡି ହେବୁପିନି ପାରୁଁ ଆଡ଼େ; ଏଦି ପେନିବେଲା ମାଚେ,

୨୩ ଜୀଝୁ ମାହାପୁରୁ ଇଲୁଡି ସଲମନ ପିଣ୍ଡାତା ରେଜିମାଚେସି ।

୨୪ ଏମ୍ବାଟିଏ ଜୀଝୁଦି ଲକୁ ସାରିଝାକି ମୁଗାନା ଝେଞ୍ଜାଲି ମାଟୁହେରି, “ଏଚରଦିନା ପାତେକା ମା ମନତା ଆନାମାନା କିୟାଦି ? ନାନୁ ଜୀଝୁତି ଇତିହଁ ମାଜେ ନେହଁ କିଁ ଝେସ୍ତାମୁ ।”

୨୫ ଜୀଝୁ ଏଝାଠାଇଁ ଏଲେଇଚେସି, “ନାନୁ ମିଜେ ଝେସାମାଞ୍ଜାଇଁ, ସାମା ମୀରୁ ନାମିହିଲଅତେରି; ନା ଆବା ଦରୁଡି ନାନୁ ଏନିନି ବାରେ କାମା କିହିମାଇଁ, ଏ ବାରେ ନା ଝାକିଟି ସାକି ହାହିମାନେ;

୨୬ ଆଡ଼ିଜିକେଏ ମୀରୁ ନାମିହିଲଅତେରି, ଇତିହଁ ମୀରୁ ନା ଫେଣ୍ଡାୟାଁତେରି ଆଏ ।

୨୭ ନା ଫେଣ୍ଡାୟାଁ ନା ହାଡ଼ା ଝେନୁ ଅଡ଼େ ନାନୁ ଏଝାଆଁ ପୁଇଁ, ଅଡ଼େ ଏଝି ନା ଜେଟ ଜେଟ ତାକିନୁ,

୨୮ ଅଡ଼େ ନାନୁ ଏଝାସିକାକି କାଲାକାଲାଡି ଜୀଝୁ ହାଇଁ, ଅଡ଼େ ଏଝି ଏଚେଲା ଜିକେଏ ନାସା ଆରୁ, ଆମ୍ବାଆସି ନା କେୟୁଟି ଏଝାଆଁ ମାଞ୍ଜା ଅୟସି ।

୨୯ ନା ଆବା ନାଜେ ଏନାଆଁ ହାହାମାଞ୍ଜାନେସି, ଏଦି ବାରେକିହଁ ଦାଗାଗାଗାସି,* ଇଞ୍ଜାଁ ଆବା ତାଣାଟି ଆମ୍ବାଆସି ମାଞ୍ଜାଲି ଆଡ଼ଅସି ।

୩୦ ଆବା ଅଡ଼େ ନାନୁ ରଅତମିଏ ।”

୩୧ ଜୀଝୁଦି ଲକୁ ଏଝାଣାଇଁ ଝେଚାଲି ଅଡ଼େ ଝେଣ୍ଡେ ଝାଲୁକା ତାତିହଁ ଝାଡ଼େରି ।

୩୨ ଜୀଝୁ ଏଝାଠାଇଁ ଏଲେଇଚେସି, “ନାନୁ ଆବା ତାଣାଟି ହାଉଁରକା ନେହଁ କାମାୟାଁ ମିଜେ ତସାମାଞ୍ଜାଇଁ; ଏ ବାରେ କାମାୟାଁ ବିଡ୍ରାଟି ଏନିନି କାମାତାକି ନାଜେ ଝାଲୁକା ଝେଡି ମାଞ୍ଜାଦେରି ?”

* ୧୦:୧୪ ମାଟି ୧୧:୨୭; ଲୁକ ୧୦:୨୨ * ୧୦:୨୯ ଆବା ନାଜେ ଏନାଆଁ ହାହାମାଞ୍ଜାନେସି, ଏଦି ବାରେକିହଁ ଦାଗାଗାଗାସି, ଇଦାଣି ଅର୍ଥ ଆନିନି ଆବା ନାଜେ ଇ ଲକୁଇଁ ହାହାମାଞ୍ଜାନେସି, ଏଝାସି ଏଝାରି କିହଁ କାଜାସି ।

୩୩ ଜୀହୁଦିୟାଁ ଏଞ୍ଜାଣାଇଁ ଏଲେଇଚେରି, “ନେହଁ କାମାତାକି ନିଙ୍ଗେ ଖାଲୁକା ଖେଟିମାଞ୍ଜଅମି, ସାମା ମାହାପୁରୁ ନିନ୍ଦା କିହିମାନାକି, ନାନୁ ମାଣସି ଆହାନା ମାହାପୁରୁତେଏଁ ଇଞ୍ଜିମାନାକି ।”

୩୪ ଜୀସୁ ଏଞ୍ଜାରାଇଁ ଏଲେଇଚେସି, “ମୀ ମସା ମେରାତା ରାସକି ଆହାହିଲେଏ, ନାନୁ ଏଲେଇଞ୍ଜାତେଏଁ ‘ମୀରୁ ମାହାପୁରୁୟାଁତେରି ।’

୩୫ ଆମ୍ବାଆରି ତାଣା ମାହାପୁରୁତି ବଲୁ ତଞ୍ଜାଆଡେ, ଏଞ୍ଜାରି ମାହାପୁରୁୟାଁ ଇଚିହଁ ଦାମ୍ବୁ ସାସ୍ତେରି ଉଜେଏ କିହାଲି ଆଡ଼ଅସି,

୩୬ ଆବା ମାହାପୁରୁ ନାଙ୍ଗେ ସୁଦୁ କିହାନା ଦାରୁତିତା ପାଣ୍ଡାମାଞ୍ଜାନେସି । ଇଞ୍ଜାଁ ନାନୁ ନାଙ୍ଗେ ମାହାପୁରୁ ମୀରୁଏଣାତେଏଁ ଇଞ୍ଜିମାନାକି ମାହାପୁରୁ ନିନ୍ଦା କିହିମାଞ୍ଜି ଇଞ୍ଜଁ ଏନିକଁ ଏଲେଇଞ୍ଜି ମାଞ୍ଜାଦେରି ?

୩୭ ନାନୁ ନା ଆବାତି ବାରେ କାମା କିହା ହିଲୁଆତିହଁ ନାଙ୍ଗେ ନାମାଆଦୁ;

୩୮ ସାମା ନାନୁ କିହିମାଇଁ, ଆତିହଁ ମୀରୁ ନାଙ୍ଗେ ନାମି ମାଞ୍ଜଅତେରି, ଆଡ଼ିଜିକେଏ ଆବା ନା ତାଣା ମାନେସି ଅଡେ ନାନୁ ଆବା ତାଣା ମାଇଁ, ଇଦାଆଁ ମୀରୁ ଏନିକଁ ପୁଞ୍ଜେରି ଅଡେ ତେଲୁହିଦେରି, ଇଦାଆଁତାକି ବାରେ କାମାତି ନାମାଦୁ ।”

୩୯ ଏମ୍ବାଟିଏ ଏଞ୍ଜାରି ଜୀସୁଇଁ ଆସାଲି ଅଣ୍ଡପିତେରି, ସାମା ଏଞ୍ଜାସି ଏଞ୍ଜାରି କେୟୁତା ହେରୁପି ଆଆନା ଏମ୍ବାଟି ହତାହାଚେସି ।

୪୦ *ଏମ୍ବାଟି ଏଞ୍ଜାସି ଅଡେ ଖେଣ୍ଡେ ଜର୍ଦନ ଆତାଲା ହାଜାନା, ତଲି ଜହନ ଏମିନି ଟାୟୁତା ବାପ୍ତିସ୍ମାଁ ହାହିମାଚେସି, ଏ ଟାୟୁତା ଖାହାନା ତୁୟିତେସି ।

୪୧ ଅଡେ ହାରେକା ଲକୁ ଏଞ୍ଜାଣି ତାଣା ଖାହାନା ଏଲେଇଚେରି, “ଜହନ ଏନି କାବାଆନି କାମା କିଆତେସି, ସାମା ଇ ମାଣସି କାତା ଜହନ ଏନା ଏନାଆଁ ଖେସାମାଚେସି, ଏ ବାରେ ସାତା ।”

୪୨ ଏମ୍ବାଆଁ ହାରେକା ଲକୁ ଏଞ୍ଜାଣି ତାଣା ନାମିତେରି ।

୧୧

ଲାଜର ହାନାୟି

୧ *ବେତନିୟାଁତି ଲାଜର ଦରୁଗାଟାସି ରଅସି ନଟେରି ଆହାମାଚେସି; ତାମି ତାଙ୍ଗିସ୍ତା ମରିୟମ ଅଡେ ମାର୍ତୀ ଏ ନାୟୁଁତା ତୁୟିମାରୁ ।

୨ *ଏମିନି ଇୟା ପ୍ରବୁଇଁ ନିୟୁଁ ଖାକୁହାନା ତାନି ତାୟୁଁ ବାଣାୟାଁ ତଲେ ଏଞ୍ଜାଣି ପାଞ୍ଚଆନାୟାଁ ଜେଜା ମାଚେ, ଇଦି ଏ ମରିୟମ; ତାମି ତାୟି ଲାଜର ନଟେରି ଆହାମାଚେସି ।

୩ ଏଦାଆଁତାକି ଏ ତାଙ୍ଗିସ୍ତା ଜୀସୁ ତାଣା କାବୁ ପାଣ୍ଡିରୁ, “ପ୍ରବୁ, ନାନୁ ଆମ୍ବାଆରାଇଁ ଜୀସୁ ନହଁ ମାଞ୍ଜି ଏଞ୍ଜାସି ନଟେରି ଆହାମାନେସି ।”

୪ ସାମା ଜୀସୁ ଇ କାତା ଖେଞ୍ଜାନା ଏଲେଇଚେସି, “ଇ ନଟେରି ହାହାଲି ତାକି ଆଏ, ସାମା ମାହାପୁରୁତି ଗାଧୁରମି ତାକି, ଏନିକଁ ଏମ୍ବାଟି ମାହାପୁରୁତି ମୀରୁଏସି ଗାଧୁରମି ବେଟା ଆନେସି ।”

୫ ଜୀସୁ ମାର୍ତୀ, ତାନି ତାଙ୍ଗି ମରିୟମଇଁ ଅଡେ ଲାଜରଇଁ ଜୀସୁ ନହଁ ମାଚେସି ।

୬ ଏଡେତା ଏଞ୍ଜାସି ନଟେରି ଆହାମାନେସି ଇଞ୍ଜଁ ଖେଚେସି, ଏଡେତା ଏଞ୍ଜାସି ଏମିନିତାଣା ମାଚେସି, ଏ ଟାୟୁତା ରୀ ଦିନା ତୁୟିତେସି ।

୭ ଏଚେଟିଏ ଏଞ୍ଜାସି ସୀସୁୟାଁଇଁ ଏଲେଇଚେସି, “ଜୀସୁ ମାର ଖେଣ୍ଡେ ଜୀହୁଦା ରାଜିତା ହାନ ।”

୮ ସୀସୁୟାଁ ଏଞ୍ଜାଣାଇଁ ଏଲେଇଚେରି, “ଏ ଗୁରୁ ଜୀହୁଦିୟାଁ ନୀଏଁ ନିଙ୍ଗେ ଖାଲୁକାତଲେ ଖେଟାଲି ଅଣ୍ଡି ମାଞ୍ଜାତେରି, ଅଡେ ଖେଣ୍ଡେ ନାନୁ ଏମ୍ବାଆଁ ହାଜିମାଞ୍ଜି ?”

୯ ଜୀସୁ ଏଲେଇଚେସି, “ଦିନାତାକି ବାର ଗଂଟା ହିଲେଏ ? ଆମ୍ବାଆସି ମାଦେନା ତାକିସାରେ ପୁଟିକିଅସି, ଇଚିହଁ ଏଞ୍ଜାସି ଦାରୁତିତି ଉଜେଡ଼ି;

୧୦ ସାମା ଲାଆୟାଁ ତାକିସାରେ ଏଞ୍ଜାସି ପୁଟିକିନେସି, ଇଚିହଁ ଏଞ୍ଜାଣି ହିୟାଁତା ଉଜେଡ଼ି ହିଲେଏ ।”

୧୧ ଇ ବାରେ କାତା ଖେସ୍ତି ତାୟୁ ଏଞ୍ଜାରାଇଁ ଅଡେ ଏଲେଇଚେସି, “ମା ତଡ଼େ ଲାଜର ଇଦା କିହାମାନେସି, ସାମା ଏଞ୍ଜାଣାଇଁ ଇଦାଟି ନିକହାଲି ନାନୁ ହାଜିମାଇଁ ।”

୧୨ ଏମ୍ବାଟିଏ ସୀସୁୟାଁ ଏଞ୍ଜାଣାଇଁ ଏଲେଇଚେସି, “ପ୍ରବୁ ଏଞ୍ଜାସି ତୁରାନା ଇଦା କିହାମାଚିହଁ ନେହଁ ଆନେସି ।”

୧୩ ଜୀସୁ ଲାଜର ହାହାମାନାକି ଏ କାତା ଏଲେଇରେସି, ସାମା ଏଝାଣି ଇଦା କିହାମାନି କାତା ଝେସ୍ତାତେସି ଇଞ୍ଜି ଅଣପିମାରେରି ।

୧୪ ଏଚିରେଲା ଜୀସୁ ତୀରେତଲେ ଏଲେଇରେସି, “ଲାଜର ହାହାମାନେସି;

୧୫ ଅଡେ ନାନୁ ଏମ୍ବାଆଁ ହିଲାଆଡେଏଁ, ଏଦାଆଁତାକି ମୀ ତାକି ରାହ୍ନାଁ କିହିମାଇଁ, ଏନିକିଁ ମୀରୁ ନାମିଦେରି; ସାମା ଜାଦୁ ମାର ଏଝାଣି ତାଣ୍ଡା ହାନ ।”

୧୬ ଏମ୍ବାଟିଏ ତମା, ଆମ୍ବାଆରାଇଁ ଦିଦୁମ ଇଞ୍ଜିଁ ଇନେରି, ଏଝାସି ତାମି ତଢେ ସୀସୁୟାଁଇଁ ଏଲେଇରେସି, “ଜାଦୁ, ମାର ଜିକେଏ ହାଜାନା ଏଝାଣିତଲେ ହାନ ।”

ଜୀସୁଏ ଝେଣ୍ଡେ ନିଜିନାସି ଅଡେ ଜୀସୁ

୧୭ ଜୀସୁ ବେତନିୟାଁତା ଏଜାନା ଝେରେସି, ଏଝାସି ସାରି ଦିନା ଆଡେସି ମାହ୍ଣି ମାଣ୍ଡାତା ଇଟାମାନେରି

୧୮ ବେତନିୟାଁ ଜିରୁସାଲମଟି ରୀ କିଲମିଟର ହେକ ମାଟେ,

୧୯ ଅଡେ ଜୀହୁଦିୟାଁ ବିତ୍ରାଟି ହାରେକା ମାର୍ତ୍ତା ଇଞ୍ଜାଁ ମରିୟମଇଁ ତାମି ତାୟିତି ଦୁକୁ ତୁକହାଲି ଏମ୍ବାଆଁ ଝାହାମାରେରି ।

୨୦ ଜୀସୁ ଝାହ୍ମାନେସି ଇଞ୍ଜିଁ ଏଡେତା ମାର୍ତ୍ତା ଝେରେ, ଏଡେତା ମାର୍ତ୍ତା ଏଝାଣାଇଁ ବେଟାଆୟାଲି ହାରେ, ସାମା ମରିୟମ ଇକ କୁଗାନା ତୁୟିତେ ।

୨୧ ମାର୍ତ୍ତା ଜୀସୁଇଁ ଏଲେଇରେ, “ପ୍ରବୁ ନାନୁ ଇମ୍ବାଆଁ ମାଚିହିଁମା, ନା ତାୟି ହାଆଡେସିମା,

୨୨ ସାମା ନାନୁ ମାହାପୁରୁଇଁ ଏନାଆଁ ରାହ୍ନି, ମାହାପୁରୁ ନିଜେ ଏଦାଆଁ ହିୟାନେସି, ଏଦାଆଁ ନାଏଁ ଜିକେଏ ପୁଞ୍ଜାମାଇଁ ।”

୨୩ ଜୀସୁ ଏଦାନି ଏଲେଇରେସି, “ନୀ ତାୟି ଅଡେ ଝେଣ୍ଡେ ନିଜିନେସି ।”

୨୪ “ମାର୍ତ୍ତା ଜୀସୁଇଁ ଏଲେଇରେ, ଏଝାସି ତାୟୁ ଝେଣ୍ଡେ ନିଜିନି ଦିନାତା ନିଜିନେସି, ଇଦାଆଁ ନାନୁ ପୁଞ୍ଜାମାଇଁ ।”

୨୫ ଜୀସୁ ଏଦାନି ଏଲେଇରେସି, “ନାନୁ ଝେଣ୍ଡେ ନିଜିନାଡେଏଁ ଅଡେ ଜୀସୁଡେଏଁ; ଆମ୍ବାଆସି ନାଜେ ନାମାନେସି, ଏଝାସି ହାଡି ଜିକେଏ ନାତିନେସି,

୨୬ ଆମ୍ବାଆସି ନାତିନେସି ଅଡେ ନାମିନେସି, ଏଝାସି ଏରେଲା ଜିକେଏ ହାଆସି; ଇ କାତା ନାମିମାଞ୍ଜି ?”

୨୭ ମାର୍ତ୍ତା ଏଲେଇରେ, “ଏ ପ୍ରବୁ ଆମ୍ବାଆସି ଦାଉଡିତା ଝାନାୟି ମାଟେ, ନୀନୁ ଏ କ୍ରୀସୁ ମାହାପୁରୁ ମୀରୁଏଣାତି, ଇ କାତା ନାମିମାଇଁ ।”

ଜୀସୁ ତାତେସି

୨୮ ଇ କାତା ଝେସାନା ମାର୍ତ୍ତା ହାଜାନା ତାମି ତାଜି ମରିୟମଇଁ ଏଟକା ହାଟାନା ଏଲେଇରେ, “ଗୁରୁ ଝାଡେସିଏ ନିଜେ ପାରିମାଞ୍ଜାନେସି ।”

୨୯ ମରିୟମ ଇ କାତା ଝେଞ୍ଜାନା ଦାପେ ନିଜମାନା ଏଝାଣି ତାଣ୍ଡା ହାଟେ ।

୩୦ ଏଚିରେଲା ଜୀସୁ ନାୟୁଁ ବିତ୍ରା ଝାହାହିଲଆଡେସି, ସାମା ମାର୍ତ୍ତା ଏଝାଣାଇଁ ଏମିନି ଟାୟୁତା ବେଟାଆହାମାରେ, ଏଡେପାଡେକା ଏ ଟାୟୁଡେଏ ମାରେସି ।

୩୧ ଏମିନି ଜୀହୁଦିୟାଁ ଏଦାନିତଲେ ଏ ଇଲୁତା ଦୁକୁ ତୁକହିମାରେରି, ଏଝାରି ମରିୟମ ଦାପେ ନିଜମାନା ଦାଜମତା ହାଚାଣି ମେସାନା, ଏଦି ମାହ୍ଣି ମାଣ୍ଡାତା ତାହାଲି ହାଜିମାନେ, ଇ କାତା ଅଣପାନା ଏଦାନି ଜେଡ ଜେଡ ହାରେରି ।

୩୨ ଏମ୍ବାଟିଏ ଜୀସୁ ଏମିନି ଟାୟୁତା ମାରେସି, ମରିୟମ ଏ ଟାୟୁତା ହାଜାନା ଏଝାଣାଇଁ ମେସାନା ଏଝାଣି କତାୟାଁ ତୁକ ବିହାନା ଏଲେଇରେ, “ପ୍ରବୁ ନାନୁ ଇମ୍ବାଆଁ ମାଚିହିଁମା ନା ତାୟି ହାଆଡେସିମା ।”

୩୩ ଜୀସୁ ମରିୟମ ଅଡେ ତାନିତଲେ ଝାହାମାନି ଜୀହୁଦି ଲକୁ ତାହିମାନାଣି ମେସାନା ଜୀସୁତା ହାରେକା ଦୁକୁ ଆହ୍ମାନା ଝେରେସି,

୩୪ “ଏଝାଣାଇଁ ଆମ୍ବିୟା ଇଟାମାଞ୍ଜେରି ?” ଏଝାରି ଏଲେଇରେରି, “ପ୍ରବୁ, ଝାହାନା ସିନିକିମୁ ?”

୩୫ ଜୀସୁ ତାତେସି ।

୩୬ ଏରେଟିଏ ଜୀହୁଦି ଲକୁ ଏଲେଇଣସି ଆଡେରି, “ଏଝାସି ଏଝାଣାଇଁ ଏରେକା ଜୀସୁ ନହିଁମାରେସି ।”

୩୭ ଯାମା ଏଞ୍ଜାରି ବିଭ୍ରାତି ଏଚରଜାଣା ଏଲେଇଚେରି, “ଇ ମାଣ୍ଡିଏ ଏ କାଣାଈଁ ମେସ୍‌ପି କିହାମାଚେସି, ଏଞ୍ଜାସି ଇଞ୍ଜାଣାଈଁ ହାକିତି ଗେଲ୍‌ପାଲି ଆଡ଼ିଚେସିମା ?”

ହାଡ଼ି ଲାଜରଇଁ ଜୀଝୁ ହୀନାୟି

୩୮ ଏମ୍ବାରିଏ ଜୀସୁ ଦୁକୁ ଆହାନା ମାହଣି ମାଣ୍ଡା ତାଗେ ଖାଡେସି; ଏଦି ର ପାଝୁ ମାଚେ, ଇଞ୍ଜା ପାଝୁ ଦୁଝେରିତା ର କାଜା ଖାଲି ମାଚେ ।

୩୯ ଜୀସୁ ଏଲେଇଚେସି, “ଇ ଖାଲି ଗୁଟି କିଦୁ ।” ହାଡ଼ାଣି ତାଈଁ ମାର୍ତ୍ତା ଏଲେଇଚେ, “ପ୍ରବୁ, ଏଞ୍ଜାସି ଗାନ୍ଦା ଆହାହାଚେସିଏ, ଇଚିହଁ ହାହାନା ସାରି ଦିନା ଆଡେଚସିଏ ।”

୪୦ ଜୀସୁ ଏଦାନି ଏଲେଇଚେସି, “ନୀନୁ ନାମିଦି, ଆଡିହଁ ମାହାପୁରୁତି ଗାଝୁରମି ମେହ୍‌ଦି, ଇ କାତା ନୀନୁ ନିଙ୍ଗେ ଝେସାମାଞ୍ଜାଆଚେସି ?”

୪୧ ଅଡେ ଏଞ୍ଜାରି ଖାଲି ଗୁଟି କିଚେରି । ଅଡେ ଜୀସୁ ଲାକଖାକି ସିନିକିହାନା ଏଲେଇଚେସି, “ଆବା ନା ପ୍ରାଡାନା ଝେଟି ଇଞ୍ଜାଁ ନୀନୁ ନିଙ୍ଗେ ଜହରା କିହିମାଞ୍ଜାଇଁ ।

୪୨ ନୀନୁ କାଚେଲଏ ନା ପ୍ରାଡାନା ଝେଞ୍ଜାମାଞ୍ଜା, ଇ କାତା ନୀନୁ ପୁଞ୍ଜାମାଇଁ; ସାମା ଏମିନି ଲକୁ ସାରିସୁଚୁ ନିଚାମାନେରି, ନୀନୁ ନାଙ୍ଗେ ପାଞ୍ଜାମାଞ୍ଜାଦି ଇଞ୍ଜାଁ ଏଞ୍ଜାରି ଏନିକି ନାମିନେରି, ଏଦାଆଁତାକି ଏଞ୍ଜାରି ତାକି ନୀନୁ ଏଲେଇଚେସି ।”

୪୩ ଏଞ୍ଜାସି ଏଲେଇଞ୍ଜାନା କାଜା ଗିୟାଁତଲେ ଏଲେଇଚେସି, “ଲାଜର ପାଞ୍ଜାତା ହଡ଼ା ଝାମୁ ।”

୪୪ ଦେବୁଣିଏ ଲାଜର ପାଞ୍ଜାତା ହଡ଼ାଞ୍ଜାଚେସି; ତାନି କେସ୍‌ମା କଡାଣା ମାହଣି ମାଣ୍ଡାତି ହିମ୍ବରିକା ତଲେ ରୁପି ଆହାମାରୁ, ଇଞ୍ଜାଁ ତାନି ମୁମ୍‌ତୁ ଇଚାୟି ପାସକି ପିଡ଼ଗିଞ୍ଜି ଆହାମାଚେ । ଜୀସୁ ଏଞ୍ଜାରାଇଁ ଏଲେଇଚେସି, “ହିମ୍ବରିକା ହୁକଦୁ ଏଞ୍ଜାସି ତାକାପେସି ।”

ଜୀସୁଇଁ ପାୟାଲି ପାରୁ ପାରିନାୟି

(ମାତି ୨୭:୧-୫; ମାର୍କ ୧୪:୧,୨; ଲୁକ ୨୨:୧,୨)

୪୫ ହାଚେରକା ଜୀହୁଦି ଲକୁ, ଇଚିହଁ ଆମ୍ବାଆରି ମରିୟମ ତାଣା ଖାହାମାଚେରି ଅଡେ ଜୀସୁତି କାମା ମେସାମାଚେରି, ଏଞ୍ଜାରି ଏଞ୍ଜାଣାଈଁ ନାମିଚେରି ।

୪୬ ଅଡେ ଏଞ୍ଜାରି ବିଭ୍ରାତି ଆମ୍ବା ଆମ୍ବାଆରି ପାରୁସିୟାଁ ତାଣା ହାଜାନା ଜୀସୁ ଏନା ଏନାଆଁ କିହାମାଚେସି ଏ ବାରେ ଏଞ୍ଜାରାଇଁ ଝେସ୍ତେରି ।

୪୭ ଇ କାତା ଝେଞ୍ଜାନା ପାରୁସିୟାଁ ଅଡେ କାଜା ପୂଜେରାଞ୍ଜା କାଜା ବେରଣିମାଣ୍ଡାତା ଏଲେଇଚେରି, “ମାର ଏନି କିନାୟି ଇ ମାଣ୍ଡିଏ ହାରେକା କାବାଆନି କାମାୟାଁ କିହିମାନେସି ।

୪୮ ମାର ଏଞ୍ଜାଣାଈଁ ଏଲେକିହଁ ପିସିହଁ ବାରେ ଲକୁ ଏଞ୍ଜାଣି ତାଣା ନାମିନେରି, ଅଡେ ରମିୟ ଲକୁ ଖାହାନା ଇ ଟାୟୁ କୁଡ଼ା ବାରେଡି ନାସା କିନେରି ।”

୪୯ ସାମା ଏଞ୍ଜାରି ବିଭ୍ରାତି ର କାଜା ପୂଜେରା, ଇଚିହଁ କୟାପା ଏ ବାର୍ସାତି କାଜା ପୂଜେରା ଏଞ୍ଜାରାଇଁ ଏଲେଇଚେସି, “ମୀରୁ ଏନାଆଁ ପୁଞ୍ଜାହିଲଅଚେରି ?

୫୦ ବାରେ କୁଡ଼ାତାରି ନାସା ଆନି କିହାଁ ବାରେ ଲକୁ ତାକି ରଅସି ହାନାୟି ମିଙ୍ଗେ ତାକି ନେହେଁ, ଇଦାଆଁ ମୀରୁ ଅଣପି ହିଲଅଚେରି ।”

୫୧ ଏଞ୍ଜାସି ତାନିତାଣାଟି ଏଲେଇଞ୍ଜା ହିଲଆଚେସି, ସାମା ଏଞ୍ଜାସି ଏ ବାର୍ସାତି କାଜା ପୂଜେରା ମାଚାକି ଇ ଟାୟୁ ଆନି କାତା ତାନି ଗୁଟିଟି ହଡ଼ାମାଚେ, ଜୀସୁ ଏ କୁଡ଼ାତି ଲକୁ ତାକି,

୫୨ ଅଡେ ଖାରଇ ଏ କୁଡ଼ା ତାକି ଆଏ, ସାମା ମାହାପୁରୁତି ଇତାଲା ଆତାଲା ଆହାମାନି ମାର୍କାଣି ଜିକେଏ କୁଡ଼ି କିହାନା ରଣ୍ଡିଏ କିହାଲିତାକି ହାହାଲି ହାଜିମାନେସି, ଇଦାଆଁତାକି ଇ କାତା ଝେକହେସି ।

୫୩ ଇଞ୍ଜାଁ ଏ ଦିନାଟିଏ ଏଞ୍ଜାଣାଈଁ ପାୟାଲି ତାକି ପାରୁ ପାରିଚେରି ।

୫୪ ଏଦାଆଁତାକି ଜୀସୁ ଜୀହୁଦି ଲକୁ ବିଭ୍ରା ପାଞ୍ଜାଞ୍ଜେଙ୍ଗେ ରେଆଚେସି, ସାମା ଏଞ୍ଜାସି ଏ ଟାୟୁଟି ହଡ଼ା ହାଜାନା ଲକୁ ହିଲଆ ଟାୟୁ ଦାରି ମାନି ଏପ୍ରିୟମ ଦରୁଗାଟି ର ଗାଡ଼ାତା ହାଚେସି, ଅଡେ ସୀସୁୟାଁ ତଲେ ଏମ୍ବାଆଁ ଡ଼ୟିଚେସି ।

୫୫ ଏଚିବେଲା ଜୀହୁଦି ଲକୁତି ପିସ୍‌ପିଆନି ପାରୁଁ ତାଗେ ମାଚେ, ଅଡେ ନାସ୍କାଟି ହାଚେରକା ଲକୁ ଜାହାରାଇଁ ଅବହା କତାଲି ପିସ୍‌ପିଆନି ପାରୁଁ ନଟକଏ ଜିରୁସାଲମତା ହାଚେରି ।

୫୭ ଏମ୍ବାଟିଏ ଏଞ୍ଜାରି ଜୀସୁଇଁ ପାରି ପାରିହୁଁ ମାହାପୁରୁ ଇଲୁତା ନିତାମାଗାଟି ତାମ୍ବୁ ତାମ୍ବୁ ଏଲେଇଣ୍ଡି ଆଡେତରି, “ମୀରୁ ଏନାଆଁ ଅଣପିମାଞ୍ଜେରି ? ଏଞ୍ଜାସି କି ପାର୍ବୁତା ଖାଅସି ?”

୫୮ କାଜା ପୁଜେରାଜା ଅଡେ ପାରୁସିୟାଁ ଏଞ୍ଜାଣାଇଁ ଆସାଲି ତାକି, ଏଞ୍ଜାସି ଏମ୍ବିୟା ମାନେସି, ଈ କାତା ଆମ୍ବାଆସି ପୁଞ୍ଜାମାନେସି, ଏ କାତା ଖେସାଲି ତାକି ହୁକୁମି ହାହାମାଚେରି ।

୧୨

ଜୀସୁଇଁ ନିୟୁଁ ରୁବିନାସି

(ମାତି ୨୬:୬-୧୩; ମାର୍କ ୧୪:୩-୯)

୧ ଏମ୍ବାଟିଏ ଜୀସୁ ପିସପିଆନି ପାର୍ବୁତି ସ ଦିନା ନକେଏ ବେତନିୟାଁତା ଖାଡେତସି; ଏମିନି ଲାଜରଇଁ ହାଡାରି ତାଣାଟି ନିକହା ମାଚେସି, ଏଞ୍ଜାସି ଏ ଚାୟୁତା ମାଚେସି ।

୨ ଏଦାଆଁତାକି ଏଞ୍ଜାରି ଏଞ୍ଜାଣାକି ଏ ଚାୟୁତା ଲାଆଁୟାଁ ର ବଜି କିଚେତରି; ମାର୍ତା ବାଟି କିହିମାଚେ, ଅଡେ ଆମିନି ଗାଟାରି ଏଞ୍ଜାଣିତଲେ ତିଞ୍ଜାଲି କୁଗାମାଚେରି, ଲାଜର ଏଞ୍ଜାରି ବିତ୍ରାଟି ରଅସି ମାଚେସି ।

୩ ଏଚିବେଲା ମରିୟମ ଆଦା ଗାଜୁ ଗାନ୍ଦା ନିୟୁଁ ତାଚାନା ଜୀସୁ କତାଣା ରୁବାନା ତାନି ତାୟୁଁ ତୁଣାୟାଁ ତଲେ ତାନି କର୍ତାଣି ଜେଡେ, ଅଡେ ବାରେ ଇଲୁତା ନିୟୁଁ ଗାନ୍ଦା ଆଡେ ।

୪ ସାମା ତାନି ସୀସୁୟାଁ ବିତ୍ରାଟି ଇସ୍ପାରିୟତ ଜୀହୁଦା ଆମିନି ସୀସୁ ଜୀସୁଇଁ ସାଡୁୟାଁ କେୟୁତା ହେରପାଲି ହାଜିମାଚେସି, ଏଞ୍ଜାସି ଏଲେଇଚେସି,

୫ “ଇ ନିୟୁଁ ତାନି ଖାଞ୍ଜା ଚାକାୟାଁ ତାକି ପାର୍ବି ଆହାନା ଏନାଆଁତାକି କାକୁଲି ଗାଟାରାକି ହାପକି ଆଆଡେ ?”

୬ ଏଞ୍ଜାସି କାକୁଲି ଗାଟାରାଇଁ ଅଣପିମାଚେସି ଇଞ୍ଜୁଁ ଏଲେଇଚେସି, ଏଦି ଆଏ, ସାମା ଏଞ୍ଜାସି ର ସରୁ ଅଡେ ଏଞ୍ଜାଣି ତାଣା ଚାକାୟାଁ ମଣା ମାଚାକି, ଏମ୍ବାଆଁ ଏନା ଏନାଆଁ ଇଚ୍ଚି ଆହିମାଚେ, ଏଦାଆଁ ସରୁ କିହିମାଚେସି ।

୭ ସାମା ଜୀସୁ ଏଲେଇଚେସି, “ଇଦାଆଁ ପିହୁଦୁ, ଏନିକଁ ନା ମାଡହା ମୁହନି ଦିନାତାକି ଏଦି ଏଦାଆଁ ଇଟାଲି ଆଡିନେ ।

୮ କାକୁଲି ଗାଟାରି ବାରେଦିନା ମୀ ତାଣା ମାନେରି, ସାମା ନାନୁ ବାରେବେଲା ମୀ ତଲେ ମାନଅଁ ।”

ଲାଜର କପାଟି ପାରୁ ପାରିନାସି

୯ ଏଚେଟିଏ ହାଡେକା ଜୀହୁଦି ଲକୁ ଏଞ୍ଜାସି ଏମ୍ବାଆଁ ମାନେସି ଇଞ୍ଜୁଁ ପୁଞ୍ଜାନା ଖାଚଇ ଜୀସୁ ତାକି ଆଏ, ସାମା ଏମିନି ଲାଜରଇଁ ଏଞ୍ଜାସି ହାକିଟି ନିକହା ମାଚେସି, ଏଞ୍ଜାଣାଇଁ ମେସାଲି ଖାଡେତରି ।

୧୦ ସାମା ଲାଜରଇଁ ଜିକେଏ ପାୟାଲି କାଜା ପୁଜେରାଜା ପାରୁ ପାରିଚେରି,

୧୧ ଇଚିହୁଁ ଏଞ୍ଜାଣି ତାକି ଜୀହୁଦିୟାଁ ବିତ୍ରାଟି ହାଡେକା ହାଜାନା ଜୀସୁ ତାଣା ନାମି ମାଚେରି ।

ଜୀସୁ ଜିରୁସାଲମତା ରାହାଁଟି ହଡନାସି

(ମାତି ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ତାନି ଅଚ୍ଚ ଦିନା ପାର୍ବୁତା ଖାହାମାନି ହାଡେକା ଲକୁ ଜୀସୁ ଜିରୁସାଲମତା ଖାହାମାନେସି ଇଞ୍ଜୁଁ ଖେଚେରି

୧୩ ଇଞ୍ଜା କାଜୁରି ମାଗାୟାଁ ଆସାନା ଜୀସୁଇଁ ବେଟାଆହାଲି ଖାଡେତରି ଅଡେ କାଜା ଗିୟାଁତଲେ ଏଲେଇଚେରି, “ହସାନା । ପ୍ରବୁତି ଦରୁତଲେ ଆମ୍ବାଆସି ଖାହିମାନେସି, ଏଞ୍ଜାସି ନେହେଁ, ଇସ୍ପାୟେଲତି ରାଜାଇଁ ମାହାପୁରୁ ବଚ୍ଚ ହାପାସି ।”

୧୪ ଜୀସୁ ର ଗାଡ଼ଦେ ତାଲୁ ଲାକ କୁଗାନା ଖାହିମାଚେସି, ଏନିକଁ ରାସ୍ଚି ଆହାମାନେ,

୧୫ “ଆକେ ସିୟନତି ମାସ୍କା, ଆଜାଆଦୁ

ମେହଦୁ ମୀ ରାଜା ଖାହିମାନେସି,

ଏଞ୍ଜାସି ଗାଡ଼ଦେ ତାଲୁ ଲାକ କୁଗାନା ଖାହିମାନେସି ।”

୧୬ ଏଚିବେଲା ସୀସୁୟାଁ ଏଦାନି କାତା ପୁଞ୍ଜାଲି ଆଡାଆଡେଚି, ସାମା ଜୀସୁ ଗାଧୁରମିଟି ଖେଣ୍ଡେ ନିଜାଲିଏ ଏଞ୍ଜାରି ଅଣପୁତା ଖାଡେ, ଈ ବାରେ କାତା ସାବ୍ସରିତା ରାସ୍ଚି ଆହାମାନେ, ଇଚିହୁଁ ଏଲେକିହୁଁ ଏ ଏଞ୍ଜାରି କାମା କିହାମାଚେରି ।

* ୧୨:୩ ଲୁକ ୭:୩୭,୩୮

୧୭ ଜୀବୁ ହାଡ଼ି ଲାଜରଇଁ ମାହଣି ମାଣ୍ଡାଟି ହାଟାନା ନିକହାମାଟି ବେଲାତା ଏନିନିଗାଟାରି ଏଞ୍ଜାଣିତଲେ ମାଟେରି, ଏଞ୍ଜାରି ଛ ବାରେ କାତା ସାରିଞ୍ଜାକି ଝେକହା ମାଟେରି ।

୧୮ ଛଦାଆଁତାକି ଲକୁ ବାରେ ଏଞ୍ଜାଣାଇଁ ବେଟାଆହାଲି ହାଜାମାଟେରି, ଅଡ଼େ ଏଞ୍ଜାସି ଛ କାବାଆନି କାମା କିହାମାଟେସି ଇଞ୍ଜୁଁ ଝେଞ୍ଜାମାଟେରି ।

୧୯ ଛଦାଆଁ ମେସାନା ପାରୁସିୟାଁ ତାନି ବିତ୍ତା କାତା ଆଡେରି, “ମେସିମାଞ୍ଜେରି ମାରୁ ଏନାଆଁ କିହାଲି ଆଡ଼ିହିଲାଆୟି; ଦାରୁଡିତି ବାରେ ଲକୁ ଏଞ୍ଜାଣି ଜେତ ହାଜିମାନେରି ।”

ଏଡେକା ଗ୍ରିକ୍ ଲକୁ ଜୀବୁଇଁ ପାରିନାୟି

୨୦ ପାରୁଁ ବେଲାତା ପ୍ରାତାନା କିହାଲି ଜିରୁସାଲମତା ଖାହାମାନି ଲକୁ ବିତ୍ତା ଏଡେକା ଗ୍ରିକ୍ ଲକୁ ମାଟେରି ।

୨୧ ଏଞ୍ଜାରି ଗାଲିଲିତି ବେଡ଼ସାୟିଦାତି ପିଲିପ ତାଣା ଖାହାନା ବାତିମାଲିହୁଁ ଏଲେଇଚେରି, “ବାବୁ, ମାମୁ ଜୀବୁଇଁ ମେସାଲି ଅଣ୍ଡିପାନମି ।”

୨୨ ପିଲିପ ହାଜାନା ଆନ୍ଦ୍ରିୟଇଁ କାରୁ ହାଟେସି ଅଡ଼େ ରିଆରି ହାଜାନା ଜୀବୁଇଁ ଝେସ୍ତେରି ।

୨୩ ଜୀବୁ ଏଞ୍ଜାରାଇଁ ଏଲେଇଚେସି, “ମାଣସି ମାରୁଏସି ଗାଞ୍ଜୁରମି ଆନି ବେଲା ଖାହାମାନେ ।

୨୪ ନାନୁ ମିଙ୍ଗେ ସାତା ଝେସିମାଞ୍ଜାଇଁ ଗହୁଁ ପାଡ଼େୟି ବୁନିତା ରିହାନା ହାନି ପାଡେକା ଏଡ଼ି ରଣ୍ଡିଏ ପାଡ଼େୟି ଆହାନା ତୁୟିନେ, ସାମା ଏଡ଼ି ହାଡ଼ିସାରେ ଏମାଟି ହାରେକା ପାଡ଼େୟିକା ଆନୁ ।

୨୫ *ଆମ୍ବାଆସି ଜାହାରା ଜୀବୁତି ଜୀବୁ ନନେସି, ଏଞ୍ଜାସି ଏଦାଆଁ ହାରୁଡ଼ି କିନେସି, ଆମ୍ବାଆସି ଜାହାରା ଜୀବୁତି ଛ ଦାରୁଡିତା ଅପଥସି, ଏଞ୍ଜାସି ଏଦାଆଁ କାଲକାଲା ତାକି ଗେଲପିନେସି ।

୨୬ ଆମ୍ବାଆସି ନା ସେବା କାମାକିନାସି ଆନେସି, ଆଡିହୁଁ ଏଞ୍ଜାସି ନା ଜେତ ଖାଡ଼େସି; ଅଡ଼େ ନାନୁ ଆମ୍ବିୟା ତୁୟିଇଁ, ନା ସେବା କାମାକିନାସି ଜିକେଏ ଏମାଆଁ ତୁୟିନେସି; ଆମ୍ବାଆସି ନା ସେବା କିନେସି, ଆଡିହୁଁ ଆଡ଼ା ଏଞ୍ଜାଣାଇଁ ମାନି କିନେସି ।

ଜୀବୁ ତାନି ହାକିତି କାତା ଏଲେଇନାୟି

୨୭ ନାଏଁ ନା ଜୀବୁ କିଲିଚିଲି ଆହିମାନେ, ଇଞ୍ଜାଁ ନାନୁ ଏନାଆଁ ଇଞ୍ଜାଇଁ ? ଆଡ଼ା ଛ ଲାଗେଏ ତାଣାଟି ଗେଲପାମୁ, ସାମା ଏଦାଆଁତାକି ନାନୁ ଛ ଚାୟୁତା ଖାହାମାଇଁ ।

୨୮ ଆଡ଼ା ନୀ ଦରୁ ଗାଞ୍ଜୁରମି ଆଡେ ।”

ଏଡିବେଲାତା ହାଗୁ ଲାକଟି ଛ ହାଡ଼ା ଆଡେ ନାନୁ ଏଞ୍ଜାଣାଇଁ ଗାଞ୍ଜୁରମି କିହାମାଇଁ ଅଡ଼େ ଗାଞ୍ଜୁରମି କିଞ୍ଜୁଁ ।

୨୯ ଇଞ୍ଜାଁ ଏଦାଆଁ ଦାରି ନିଚାମାଟି ଲକୁ ବାରେ ଛ ହାଡ଼ା ଝେଞ୍ଜାନା ଏଲେଇଚେରି, “ଈଦି ହାଗୁ ଗୁଣ୍ଡିହାମାନେ ।” ଅଡ଼େ ଏଟକାଟାରି ଏଲେଇଚେରି, “ଲାକପୁରୁତି ଦୁତୁ ଏଞ୍ଜାଣିତଲେ କାତା ଆହିମାନେ ।”

୩୦ ଜୀବୁ ଏଲେଇଚେସି, “ଛ ହାଡ଼ା ନାଙ୍ଗେତାକି ଆହା ହିଲେଏ, ସାମା ଛ ହାଡ଼ା ମିଙ୍ଗେତାକି ଆହାମାନେ ।

୩୧ ନାଏଁ ଛ ଦାରୁଡି ବିଚାରା କିନି ଦିନା; ନାଏଁ ଛ ଦାରୁଡିତି ସାଲୁଡ଼ି କିନାଇ ତୁଇ ମେଡ଼ପିଆନୁ ।

୩୨ ନାନୁ ଏଡିବେଲା ଦାରୁଡିତି ଲାକପୁରୁ ଅଞ୍ଜିଆଇଁ, ଏଡିବେଲା ବାରେତି ନା ତାଣା ରେଜା ଅଇଁ ।”

୩୩ ଏଞ୍ଜାସି ଏନିକ୍ ହାହାଲି ହାଜିମାନେସି, ଏଞ୍ଜାସି ଛ କାତାତା ଏଲେଇଚେସି ।

୩୪ ଲକୁ ଏଞ୍ଜାଣାଇଁ ଏଲେଇଚେରି, “ମସିହା କାଟିଲେଏ ତୁୟିନେସି ଇଞ୍ଜୁଁ ମାମୁ ମାସାତି ମୋରାତା ଝେଞ୍ଜାମାନମି, ଆଡିହୁଁ ମାଣସି ମାରୁଏସି ଲାକ ପେରୁଡ଼ି ଆନେସି ଇଞ୍ଜୁଁ ନାନୁ ଏନିକ୍ ଏଲେ ଇଞ୍ଜିମାଞ୍ଜି ? ଏ ମାଣସି ମାରୁଏସି ଆମ୍ବାଆସି ?”

୩୫ ଜୀବୁ ଏଞ୍ଜାରାଇଁ ଏଲେଇଚେସି, “ଅଡ଼େ ଗାଡ଼େକା ତାକି ଉଜେଡ଼ି ମୀ ତାଣା ମାନେ । ଆନ୍ଦେରି ମିଙ୍ଗେ ଏନିକ୍ ଗୁସ୍ତେଏ, ଏଦାଆଁତାକି ମୀ ତାଣା ଉଜେଡ଼ି ମାଞ୍ଜା ମାଞ୍ଜାନା ତାକାଦୁ; ଆମ୍ବାଆସି ଆନ୍ଦେରିତା ତାକିନେସି, ଏଞ୍ଜାସି ଆମ୍ବିୟା ହାଜିମାନେସି ପୁଞ୍ଜାଲି ଆଡ଼ଥସି ।

୩୬ ମାରୁ ଏନିକ୍ ଉଜେଡ଼ିତା ମାରକା ମାସ୍କା ଆଡେରି, ଏଦାଆଁତାକି ଉଜେଡ଼ି ମୀ ତାଣା ମାଞ୍ଜା ମାଞ୍ଜାନା ଉଜେଡ଼ିତା ନାମାଦୁ ।” ଜୀବୁ ଛ ବାରେ କାତା ଝେସାନା ହାଟେସି ଇଞ୍ଜାଁ ଏଞ୍ଜାରି ତାଣାଟି ତୁଗୁନା ତୁୟିତେସି ।

ଲକୁ ନାମାଆ ଗାଟାୟି

* ୧୨:୨୫ ମାତି ୧୦:୩୯; ୧୨:୨୫; ମାର୍କ ୮:୩୫; ଲୁକ ୯:୨୪; ୧୭:୩୩

୩୭ ଏଞ୍ଜେଲ ନକିତା ଏତେକା କାବାଆନି କାମାୟାଁ କିହାମାଚେସି, ଆଡ଼ିଜିକେଏ ଏଞ୍ଜେରି ଏଞ୍ଜାଣି ତାଣା ନାମା ହିଲାଆତେରି,

୩୮ ଏନିକ~ ମାହାପୁରୁ ଅଣ୍ଟପୁତି ବଲୁ ଝେହ୍ନି ଜିସାୟ ତାଣାଟି ରାଡ଼ାମାନି କାତା ପୁରା ଆଚେ, “ପ୍ରବୁ ମା ହାଡ଼ା ଝେଞ୍ଜାନା ଆମ୍ବାଆସି ନାମା ମାନେସି ?

ଆମ୍ବାଆରି ତାଣା ପ୍ରବୁ ତାନି ବାଡ଼ୁୟୁ ତସାମାନେସି ?”

୩୯ ଇଦାଆଁତାକି ଏଞ୍ଜେରି ନାମାଲି ଆଡ଼ିହିଲାଆତେରି, ଇଞ୍ଜାଁ ଜିସାୟ ଏଲେଇଞ୍ଜାମାଚେସି,

୪୦ ସାତେଏ ମାହାପୁରୁ ଏଞ୍ଜେରି କାଣକା କାଣା କିହାମାନେସି ।

ଏଦାଆଁତାକି ଏଞ୍ଜେରି ହିୟାଁତା ଏନାଆଁ ମେସାଲି ଆଡ଼ଅରି, ଇଞ୍ଜାଁ ହିୟାଁତା ଏନାଆଁ ତେଲହାଲି ଆଡ଼ଅରି

ମାହାପୁରୁ ଏଲେଇଞ୍ଜା ମାନେସି,

“ନେହ~ ଆହାଲିତାକି ଏଞ୍ଜେରି ନା ତାଣା ଝେଣ୍ଡା ଖାହିହିଲଅରି ।”

୪୧ ଜିସାୟ ଜୀସୁ କ୍ରୀସ୍ତତି ଗାଞ୍ଜୁରମି ମେସେସି ଏଦାଆଁତାକି ଏଞ୍ଜାସି ଏଞ୍ଜାଣି କାତା ଝେସେସି ।

୪୨ ଆଡ଼ିଜିକେଏ ଜୀହୁଦି ଲକ୍ଷ୍ମି କାଜାରି ହାଡ଼େକା ଏଞ୍ଜାଣି ତାଣା ନାମିତେରି, ସାମା ଏଡ଼େତା ଜୀହୁଦି କୁଲମିଟି ପେରୁହାନେରି ଇଞ୍ଜ~ ପାରୁସିୟାଁ ଆଜିତାକି ବାରେଜାଣା ଏ କାତାବାଟା ଆହି ହିଲାଆତେରି,

୪୩ ଇଚିହ~ ଏଞ୍ଜେରି ମାହାପୁରୁ ତାଣାଟି ଗାଞ୍ଜୁରମି କିହାଁ ମାଣ୍ଡସିୟାଁ ତାଣାଟି ଗାଞ୍ଜୁରମି ଜୀସୁ ନହିମାଚେରି ।

ମାଣ୍ଡସିୟାଁ ତାଣାଟି ଜୀସୁତି କାତା ବିଚାରା କିନାୟି

୪୪ ଜୀସୁ କାଜା ରିୟାଁତଲେ ଏଲେଇଚେସି, “ଆମ୍ବାଆସି ନା ତାଣା ନାମିନେସି, ଏଞ୍ଜାସି ନା ତାଣା ନାମଅସି, ସାମା ନାଜେ ପାଣ୍ଡାତାଣାଲ୍ ନାମିନେସି;

୪୫ ଆମ୍ବାଆସି ନାଜେ ମେସ୍ତାନେସି, ଏଞ୍ଜାସି ନାଜେ ପାଣ୍ଡାତାଣାଲ୍ ମେହ୍ନେସି ।

୪୬ ଆମ୍ବାଆସି ନା ତାଣା ନାମିନେସି, ଏଞ୍ଜାସି ଏନିକ~ ଆନ୍ଦେରିତା ବାସା କିଅସି, ଏଦାଆଁତାକି ନାନୁ ଦାରୁଡ଼ିତା ଉଜେଡ଼ି ଆହାନା ଖାହାମାଲ୍ ।

୪୭ ଆମ୍ବାଆସି ନା ବଲୁ ଝେଞ୍ଜାନା ମାନୁଝି ଆଅସି, ଆଡ଼ିହ~ ନାନୁ ଏଞ୍ଜାଣି ବିଚାରା କିଅଁ; ଇଚିହ~ ନାନୁ ଦାରୁଡ଼ିତା ବିଚାରା କିହାଲି ଖାଆନା ଦାରୁଡ଼ିତା ଚେଲପାଲି ଖାହାମାଲ୍ ।

୪୮ ଆମ୍ବାଆସି ନାଜେ ଅପଅସି ଅଡ଼େ ନା ବଲୁଡ଼ି ଆବଅସି, ନାନୁ ଏନିନି ବଲୁ ଜଲ୍ଲମାଲ୍, ନା ଗୁଡ଼ିଡ଼ି ବଲୁ ତାୟୁଡ଼ି ଦିନାତା ଏଞ୍ଜାଣି ବିଚାରା କିନେ;

୪୯ ଇଚିହ~ ନାନୁ ନା ତାଣାଟି ଜଲ୍ଲା ହିଲଅଁ, ସାମା ନାନୁ ଏନାଆଁ ଜଲ୍ଲିଲ୍ ଅଡ଼େ ଏନାଆଁ ଝେକ୍ଲ୍, ଏଦାଆଁ ନାଜେ ପାଣ୍ଡାମାଞ୍ଜାନି ଆବା ହୁକୁମି ହାହାମାଞ୍ଜାନେସି

୫୦ ଇଞ୍ଜାଁ ନାନୁ ପୁଞ୍ଜାମାଲ୍ ତାନି ହୁକୁମି କାଲ୍ଲକାଲ୍ଲାତି ଜୀସୁ ହାନେ । ନା ଆବା ନାଜେ ଏନାଆଁ ଜଲ୍ଲାଲି ହୁକୁମି ହାହାମାଞ୍ଜାନେସି, ଖାରୁଇ ଏଲେକିହ~ଏ ଝେହ୍ଲ୍ ।”

୧୩

ଜୀସୁ ସାସୁୟାଁ କତାୟାଁ ନରନାୟି

୧ ପିସିପିଆନି ପାର୍ସୁ ନକେଏ ଜୀସୁ ଇ ଦାରୁଡ଼ିଟି ଆବା ତାଣା ହାନି କାଗୁ ଆହାଲିଏ, ଦାରୁଡ଼ିତା ମାନି ତାନି ଲକୁଣି ଏଞ୍ଜାସି ଜୀସୁ ନହ~ ମାଚେସି, ଏଞ୍ଜାରାଲ୍ ହାଡ଼େକା ଜୀସୁ ନନାଣି ତସାମାଚେସି ।

୨ ଜୀସୁ ତାନି ସାସୁୟାଁ ତଲେ ଲାଆଁୟାଁ ତିନି ବେଲ୍ଲାତା ସୟତାନ ସିମନ ମୀର୍ଦ୍ଦାସି ଇସ୍ତାରିୟତ ଜୀହୁଦା ହିୟାଁତା ଜୀସୁଲ୍ ସାଡ଼ୁ କେୟୁତା ହେରୁପାଲି ଅଣ୍ଟି କିହାମାଚେ ।

୩ ଏଟିବେଲ୍ଲା ଆବା ତାନି କେୟୁତା ବାରେ ହେରୁପା ମାନେସି ଅଡ଼େ ଏଞ୍ଜାସି ମାହାପୁରୁ ତାଣାଟି ଖାହାମାନେସି, ଅଡ଼େ ମାହାପୁରୁ ତାଣା ହାଜିମାନେସି,

୪ ଇଦାଆଁ ପୁଞ୍ଜାନା ରାନ୍ଦା ତିନି ତାଣାଟି ନିଜ୍ଜାନା, ତାନି ହିମ୍ବୁରି ଇଚିତେସି ଇଞ୍ଜାଁ ର ତୁଞ୍ଜାଲା ତାନି ଟେଡେଲିତା ରୁପା କଡ଼ିତେସି ।

୫ ତାୟୁ ଏଞ୍ଜାସି ମୁତାତା ଏୟୁ କଡ଼ିତେସି, ଅଡ଼େ ସାସୁୟାଁତି କତାୟାଁ ନରହାନା ତାନି ଟେଡେଲିତା ମାନି ତୁଞ୍ଜାଲା ତଲେ ଜେଜାଲି ମାଟୁହେସି ।

୬ ଏଟିବେଲ୍ଲା ଜୀସୁ ସିମନ ପିତର ଦାରିତା ଖାଡ଼େସି; ଏଞ୍ଜାସି ଏଞ୍ଜାଣାଲ୍ ଏଲେଇଚେସି, “ପ୍ରବୁ ନୀନୁ ନା କତାୟାଁ ନରୁହି ମାଞ୍ଜାଦି ?”

୭ ଜୀବୁ ଏଞ୍ଜାଣାଇଁ ଏଲେଇରେସି, “ନାନୁ ଏନାଆଁ କିହିମାଇଁ ନାନୁ ନାଏଁ ଏନାଆଁ ପୁଞ୍ଜାଲି ଆଡ଼ଅତି, ତାୟୁ ପୁଞ୍ଜି ।”

୮ ପିତର ଏଲେଇରେସି, “ଆଏ, ନା କତାୟିଁ ଏରେଲାଞ୍ଜା ନରୁହଅତି ।” ସାମା ଜୀବୁ ଏଲେଇରେସି, “ନାନୁ ନା କତାୟିଁ ନରୁହଅତିହିଁ ନାନୁ ଅଡ଼େ ନା ସୀସୁ ଆୟାଲି ଆଡ଼ଅତି ।”

୯ ସିମନ ପିତର ଏଲେଇରେସି, “ପ୍ରବୁ, ଆତିହିଁ କତାୟିଁ ଏନାଆଁକି, ନା କେସା ଅଡ଼େ ତାୟୁଁ ଜିକେଏ ନରୁହାମୁ ।”

୧୦ ଜୀବୁ ଏଞ୍ଜାଣାଇଁ ଏଲେଇରେସି, “ଆମ୍ବାଆସି ଏୟୁ ମୀହାମାନେସି, ଏଞ୍ଜାଣି କତାୟିଁ ନରୁନି କିହାଁ ଏନାୟି ଲଡ଼ା ହିଲେଏ, ମୀରୁ ଅଡ଼ଞ୍ଜି ଆହାମାଞ୍ଜେରି; ସାମା ବାରେଜାଣା ଆଏ ।”

୧୧ ଇଚିହିଁ ଆମ୍ବାଆସି ଏଞ୍ଜାଣାଇଁ ସାତୁୟିଁ କେୟୁତା ହେରପିନେସି ଜୀବୁ ତଲିଏ ଏଞ୍ଜାଣାଇଁ ପୁଞ୍ଜାମାରେସି; ଏଦାଆଁତାକି ଏଞ୍ଜାସି ଏଲେଇରେସି, “ମୀରୁ ବାରେଜାଣା ଅଡ଼ଞ୍ଜି ଆହାହିଲଅରି ।”

୧୨ ତାୟୁ ଜୀବୁ ଏଞ୍ଜାରି କତାୟିଁ ନରୁହାନା ତାନି ହିମ୍ବରି ପରୁହାନା ଖେଣ୍ଡେ ତିଞ୍ଜାଲି କୁରିତେସି ଇଞ୍ଜା ଖେରେସି, “ନାନୁ ମିଙ୍ଗେ ତାକି ଏନାଆଁ କିହାମାଇଁ ମୀରୁ ପୁଞ୍ଜାଲି ଆଡ଼ିତେରି କି ?

୧୩ ମୀରୁ ନାଙ୍ଗେ ଗୁରୁ ଇଞ୍ଜୁଁ ହାଟିମାଞ୍ଜାଦେରି, ଏଡ଼ି ସାତା; ଇଚିହିଁ ନାନୁ ଏଞ୍ଜାତେଏଁ ।

୧୪ ମୀ ଗୁରୁ ଅଡ଼େ ପ୍ରବୁତେଏଁ ନାନୁ, ନାନୁ ମୀ କତାୟିଁ ନରୁହାମାଞ୍ଜାଇଁ ଆତିହିଁ ମୀରୁ ଜିକେଏ ରଅତେରି ରଅଣି କତାୟିଁ ନରୁନାୟି ମାନେ ।

୧୫ ଇଚିହିଁ ନାନୁ ମିଙ୍ଗେତାକି ଏନିକଁ କିହାମାଇଁ ମୀରୁ ଜିକେଏ ଏଲେକିହିଁ କିଦୁ, ଇଦାଆଁତାକି ଇଦାଆଁ ତସାମାଞ୍ଜାଇଁ ।

୧୬ ସାତା ସାତା ନାନୁ ମିଙ୍ଗେ ଖେସିମାଞ୍ଜାଇଁ, ହଲେଏସି ତାନି ସାଞ୍ଜୁକାରି କିହାଁ କାଜାସି ଆଏ, ଅଡ଼େ ପାଣ୍ଡୁଞ୍ଜି ଆଡ଼ାସି ତାନି ପାଣ୍ଡୁତାଣା କିହାଁ କାଜାସି ଆଏ ।

୧୭ ମୀରୁ ଇ ବାରେ ପୁଞ୍ଜାନା ଏଲେକଁ କିଦେରି ଇଚିହିଁ ମୀରୁ ନେହାଁତେରି ।”

୧୮ “ନାନୁ ମୀ କାତା ଖେସିହିଲଅଁ; ଏନିଲେହେଁଟି ଲକୁଣି ନାନୁ ଆଡ଼ାମାଇଁ, ଏ କାତା ନାନୁ ପୁଞ୍ଜାମାଇଁ; ସାମା ଦାମ୍ବୁ ପତିତି ଇ ବଲୁ ଏନିକଁ ପୁରା ଆନେ, ଇଦାଆଁତାକି ଇ ବାରେ ଆହିମାନେ, ଆମ୍ବାଆସି ନା କାଡ଼ି ତିନେସି ଏଞ୍ଜାସି ନା କପାଟି ନିଙ୍ଗିତେସି ।”

୧୯ ଏଡ଼ି ଗଟଞ୍ଜି ଆନାଟି ନାନୁ ଏଞ୍ଜାତେଏଁ ଇଞ୍ଜୁଁ ମୀରୁ ନାମିଦେରି, ଏଦାଆଁତାକି ଗଟଞ୍ଜି ଆନି ନକେଏ ନାନୁ ମିଙ୍ଗେ ଖେସିମାଞ୍ଜାଇଁ ।

୨୦ ସାତା ସାତା ନାନୁ ମିଙ୍ଗେ ଖେସିମାଞ୍ଜାଇଁ, ଆମ୍ବାଆସି ନା ତାଣାଟି ପାଣ୍ଡୁଞ୍ଜି ଆଡ଼ାଣାଇଁ ଆବିନେସି, ଏଞ୍ଜାସି ନାଙ୍ଗେ ଆବାନେସି, ଅଡ଼େ ଆମ୍ବାଆସି ନାଙ୍ଗେ ଆବାନେସି ଏଞ୍ଜାସି ନାଙ୍ଗେ ପାଣ୍ଡୁତାଣାଇଁ ଆବିନେସି ।”

ସାତୁୟିଁ କେୟୁତା ହେରପିନି କାତା ଖେହ୍ନାୟି

(ମାତି ୨୭:୨୦-୨୫; ମାର୍କ ୧୪:୧୭-୨୧; ଲୁକ ୨୨:୧୧-୨୩)

୨୧ ଜୀବୁ ଇ ବାରେ କାତା ଖେସ୍ତି ତାୟୁ ଜୀବୁତା ହାରେକା ଦୁକୁ ଆହାନା ବାରେତି ନକିତା ଖେକହେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ ମୀ ବିତ୍ରାଟି ରଅସି ନାଙ୍ଗେ ସାତୁୟିଁ କେୟୁତା ହେରପାନେସି ।”

୨୨ ଏଞ୍ଜାସି ଆମ୍ବାଆରି କାତା ଏଲେଇରେସି, ପୁନାଆନା କାବାଆହାନା ସୀସୁୟିଁ ତାମ୍ବୁତାମ୍ବୁ ସିନିକିଞ୍ଜି ଆଡ଼େରି ।

୨୩ ଏଞ୍ଜାରି ବିତ୍ରାଟି ଏମିନି ସୀସୁଇଁ ଜୀବୁ ହାରେକା ଜୀବୁ ନହିଁମାରେସି, ଏଞ୍ଜାସି ଜୀସୁତି ଚିଃନିଞ୍ଜାକି କୁଗାନା ତିଞ୍ଜିମାରେସି ।

୨୪ ସିମନ ପିତର ଏଞ୍ଜାଣାଇଁ କେୟୁତଲେ ଏଲେଇରେସି, “ଏଞ୍ଜାସି ଆମ୍ବାଆରି କାତା ଏଲେଇଞ୍ଜି ମାନେସି, ଏଦାଆଁ ଖେଞ୍ଜୁ ।”

୨୫ ଏ ସୀସୁ ଅଡ଼େ ତାଗେ ଆହାନା ଜୀସୁଇଁ ଖେରେସି, “ଏଞ୍ଜାସି ଆମ୍ବାଆସି ପ୍ରବୁ ।”

୨୬ ଜୀବୁ ଏଲେଇରେସି, “ଇ ରୁଟି ଗିନାତା କୁଟି କିହାନା ହାଇଁ ଏଞ୍ଜାସି ।” ଏଲେଇଞ୍ଜାନା ଜୀବୁ ରୁଟି ଗିନାତା କୁଟି କିହାନା ସିମନ ମୀରୁଏସି ଇୟାରିୟତ ଜୀହୁଦାକି ହାଡ଼େସି ।

୨୭ ରୁଟି ରୀସାଲିଏ ସୟତାନା ଏଞ୍ଜାଣି ହିୟାଁତା ହଚେ । ଏଚେଟିଏ ଜୀବୁ ଏଲେଇରେସି, “ଏନାଆଁ କିନାୟିମାନେ ତବେ କିମୁ ।”

* ୧୩:୧୭ ଲୁକ ୨୨:୨୭ * ୧୩:୧୭ ମାତି ୧୦:୨୪; ଲୁକ ୬:୪୦; ଜହ ୧୫:୨୦ * ୧୩:୨୦ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭

୨୮ ଜୀବୁ ଏଝାଣାଇଁ ଈ କାତା ଏନାଆଁତାକି ଏଲେଇରେସି ଏବ୍‌କାତାରି ଆମ୍ବାଆରି ପୁଞ୍ଜାଲି ଆଡ଼ାଆତେରି ।

୨୯ ଜୀବୁଦା କେୟୁତା ଚାକାୟାଁ ମଣା ମାଚାକି, ପାର୍ବୁତାକି ଏନା ଏନାଆଁ ଲଡ଼ାମାନେ, ଏଦାଆଁ କତାଲି ଆଆତ କାକୁଲି ଗାଗାରାକି ହୀହାଲିତାକି ଜୀବୁ ଏଝାଣାଇଁ ଏଲେଇରେସି ଇଞ୍ଜି ଆମ୍ବା ଆମ୍ବାଆରି ଅଣପିତେରି ।

୩୦ ରୁତି ତିଞ୍ଜାନା ଜୀବୁଦା ଏ ଦେବୁଣିଏ ପାଙ୍ଗାତା ହାଚେସି, ଏଚେତା ଲାଆଁୟାଁ ଆହାମାଚେ ।

ପୁଃନି ମେର

୩୧ ଜୀବୁଦା ପାଙ୍ଗାତା ହାଜାଲିଏ ଜୀବୁ ଏଲେଇରେସି, “ନୀଏଁ ମାଣ୍ଡିଏ ମୀରଏସି ଗାଞ୍ଜୁରମି ଆନ୍ତି ବେଲା ଝାହାମାନେ; ଅଡେ ତାନିତାଣାଟି ମାହାପୁରୁ ଗାଞ୍ଜୁରମି ଆନେସି ।

୩୨ ମାହାପୁରୁ ମାଣ୍ଡିଏ ମୀରଏଣା ତାଣାଟି ଗାଞ୍ଜୁରମି ଆଡ଼ିହ, ମାହାପୁରୁ ତାନୁଏ ଗାଞ୍ଜୁରମିଟି ମାଣ୍ଡିଏ ମୀରଏଣାଇଁ ଗାଞ୍ଜୁରମି କିନେସି । ତବେ ଏଝାଣାଇଁ ଗାଞ୍ଜୁରମି କିହାଲି ହାଜିମାନେସି ।

୩୩ *କକାଚେରି ନାନୁ ଅଡେ ଗାତି ଦିନା ତ୍ତୟଅଁ, ମୀରୁ ନାଙ୍ଗେ ପାରାଦେରି, ସାମା ନାନୁ ଆମ୍ବିୟା ହାଜିମାଇଁ ମୀରୁ ଏମ୍ବାଆଁ ହାଜାଲି ଆଡ଼ଅଚେରି, ଈ କାତା ଜୀବୁଦି ଲକ୍ଷୁତି କାଜାରାଇଁ ଏଲେଇଞ୍ଜା ମାଚେଏଁ ଏଲେକିହଁ ମିଙ୍ଗେ ଜିକେଏ ଝେସିମାଞ୍ଜାଇଁ ।

୩୪ *ମୀରୁ ରଅତେରି ରଅଣାଇଁ ଜୀବୁନପୁ, ଈ ପୁଃନି ମେରା ମିଙ୍ଗେ ହୀହିମାଞ୍ଜାଇଁ; ନାନୁ ଏନ୍ତିକଁ ମିଙ୍ଗେ ଜୀବୁନହାଁମାଞ୍ଜାଇଁ, ମୀରୁ ଜିକେଏ ଏଲେକିହଁଏ ରଅତେରି ରଅଣାଇଁ ଜୀବୁନପୁ ।

୩୫ ମୀ ତାଣା ରଅସି ରଅଣାଇଁ ଜୀବୁନନାୟି ମାନେ, ଆଡିହଁ ମୀରୁ ନା ସାସୁୟାଁତେରି, ଈ କାତା ବାରେଜାଣା ପୁନେସି ।”

ପିତର ପୁଞ୍ଜାହିଲଅଁ ଇନି କାତା ତଲିଏ ଝେହନାୟି

(ମାତି ୨୬:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ସିମନ ପିତର ଏଝାଣାଇଁ ଝେଚେସି, “ପ୍ରବୁ ନୀନୁ ଆମ୍ବିୟା ହାଜିମାଞ୍ଜି ?”

ଜୀବୁ ଏଲେଇରେସି, “ନାନୁ ଆମ୍ବିୟା ହାଜିମାଇଁ, ନୀନୁ ନୀଏଁ ନା ଜେତ ଜେତ ହାଜାଲି ଆଡ଼ଅତି, ସାମା ତାୟୁ ହାଜି ।”

୩୭ ପିତର ଏଝାଣାଇଁ ଏଲେଇରେସି, “ପ୍ରବୁ ନୀଏଁ ନାନୁ ଏନାଆଁକି ହାଜାଲି ଆଡ଼ଅଁ ? ନାନୁ ନୀ ତାକି ନା, ଜୀବୁ ଜିକେଏ ହାଇଁ ।”

୩୮ ଜୀବୁ ଏଲେଇରେସି, “ଏନାଆଁ ନୀନୁ ନା ତାକି ନୀ ଜୀବୁ ହାଦି ? ନାନୁ ନିଙ୍ଗେ ସାତା ଝେସିମାଞ୍ଜାଇଁ, କୟୁ କେଣ୍ଡା ନକେଏ ନୀନୁ ନାଙ୍ଗେ ତାନିପାଲି ପୁଞ୍ଜାହିଲଅଁ ଇଞ୍ଜି ଇଞ୍ଜାଦି ।”

୧୪

ଜୀବୁ ଜିରୁ, ସାତା ଅଡେ ଜୀବୁ

୧ “ମୀ ହିୟାଁ ଆତାଜାକା ଆଆପେ; ମୀରୁ ମାହାପୁରୁ ତାଣା ନାମାଦୁ, ଅଡେ ନା ତାଣା ଜିକେଏ ନାମାଦୁ ।

୨ ନା ଆବାତି ଇଜ ହାରେକା ବାସାଗାୟୁ ମାନେ; ବାସାଗାୟୁ ହିଲଆଡିହଁ ମା ନାନୁ ମିଙ୍ଗେ ଝେସ୍ତାଆତେଏଁମା, ନାନୁ ମିଙ୍ଗେତାକି ଚାୟୁ ତିୟାରା କିହାଲି ହାଜିମାଇଁ;

୩ ଅଡେ ନାନୁ ହାଜାନା ମିଙ୍ଗେତାକି ଚାୟୁ କେପିତି ତାୟୁ, ଝେଣ୍ଡେ ଝାଇଁ, ଅଡେ ନାନୁ ଆମ୍ବିୟା ମାଇଁ, ମୀରୁ ଜିକେଏ ଏନ୍ତିକଁଏ ଚାୟୁତା ତ୍ତୟଦେରି, ଏଦାଆଁତାକି ମିଙ୍ଗେ ଏ ଚାୟୁତା ଅହଁ ହାଜାଇଁ ।

୪ ନାନୁ ଆମ୍ବିୟା ହାଜିମାଇଁଏ ଜିରୁ ପୁଞ୍ଜାମାଞ୍ଜେରି ।”

୫ ତମା ଏଲେଇରେସି, “ପ୍ରବୁ, ନୀନୁ ଆମ୍ବିୟା ହାଜିମାଞ୍ଜି, ମାମୁ ମୁଞ୍ଜାହିଲଅଁ, ଏମ୍ବିୟା ହାଜି ଏ ଜିରୁତି ଏନ୍ତିକଁ ପୁନମି ?”

୬ ଜୀବୁ ଏଲେଇରେସି, “ନାନୁ ଜିରୁ, ସାତା ଅଡେ ଜୀବୁଚେଏଁ; ନା ତାଣାଟି ତକାଆସାରେ ଆମ୍ବାଆସି ଆବା ତାଣା ହାଜାଲି ଆଡ଼ଅସି ।

୭ ମୀରୁ ନାଙ୍ଗେ ପୁଞ୍ଜାଡିହଁ ମା, ନା ଆବାଇଁ ଜିକେଏ ପୁଚେରିମା; ନୀଏଁ ଜିକେଏ ଏଝାଣାଇଁ ପୁଞ୍ଜାମାଞ୍ଜେରି ଅଡେ ଏଝାଣାଇଁ ମେସାମାଞ୍ଜେରି ।”

୮ ପିଲିପ ଏଝାଣାଇଁ ଏଲେଇରେସି, “ପ୍ରବୁ, ମାଙ୍ଗେ ଆବାଇଁ ତସ୍ତାମୁ, ଏଚେକେଏ ମାଙ୍ଗେତାକି ସାରି ।”

* ୧୩:୩୩ ଜହ ୭:୩୪ * ୧୩:୩୪ ଜହ ୧୫:୧୨,୧୭; ୧ଜହ ୩:୨୩; ୨ଜହ ୧:୫

୯ ଜୀସୁ ଏଲେଇରେସି, “ପିଲିପ ଇଚର ଦିନା ନାନୁ ମୀ ତଲେ ଡୟାମାଈ, ମୀରୁ ଏନାଆଁ ନାଜେ ପୁଞ୍ଜାଆତେରି ? ଆମ୍ବାଆସି ନାଜେ ମେସାମାଞ୍ଜାନେସି ଏଞ୍ଜାସି ଆବାଇଁ ମେସାମାନେସି; ମାଜେ ଆବାଇଁ ତସ୍ତାମୁ ଇଞ୍ଜୁ ଏନିକ୍ ଏଲେ ଇଞ୍ଜିମାଞ୍ଜି ?

୧୦ ନାନୁ ଆବା ତାଣା ଅଡେ ଆବା ନା ତାଣା ମାନେସି, ଈ କାତା ଏନାଆଁ ମୀରୁ ନାମିହିଲଅତେରି ? ନାନୁ ମିଜେ ଏନିନି କାତା ଝେସିମାଞ୍ଜାଇଁ, ଏ ବାରେ ନା ତାଣାଟି ଝେସିମାଞ୍ଜାଅଁ, ସାମା ଆବା ନା ତାଣା ମାଞ୍ଜାନା ତାନି କାମା କିହିମାନେସି ।

୧୧ ନାନୁ ଆବା ତାଣା ମାଇଁ ଅଡେ ଆବା ନା ତାଣା ମାନେସି ଈ କାତା ନାମାଦୁ, ଆଆତ୍ କାମାଟି ମେସାନା ନାମାଦୁ ।

୧୨ ନାନୁ ମିଜେ ସାତା ଝେସିମାଞ୍ଜାଇଁ, ଆମ୍ବାଆସି ନା ତାଣା ନାମିନେସି, ନାନୁ ଏନି ଏନି କାମା କିହିମାଇଁ, ଏଞ୍ଜାସି ଜିକେଏ ଏ ବାରେ କିନେସି, ଅଡେ ଏ ବାରେକିହାଁ ହାରେକା କାଜା କାମା କିନେସି, ଇଚିହଁ ନାନୁ ଆବା ତାଣା ହାଜିମାଇଁ ।

୧୩ ଆବା ଏନିକ୍ ମୀରୁଏଣା ତାଣା ଗାଞ୍ଜୁରମି ଆନେସି, ଏଦାଆଁତାକି ମୀରୁ ନା ଦରୁଚି ଏନାଆଁ ରାହଦେରି, ଏ ବାରେ ନାନୁ ହିୟାଇଁ ।

୧୪ ମୀରୁ ନା ଦରୁଚି ଏନାଆଁ ନାଜେ ରାସ୍ତାଦେରି, ନାନୁ ମିଜେ ଏ ବାରେ ହିୟାଇଁ ।”

ସୁଦୁଜୀଞ୍ଜୁତି ହାହାଲି ଆଞ୍ଜିନାୟି

୧୫ “ମୀରୁ ନାଜେ ଜୀଞ୍ଜୁନହଁ ମାଞ୍ଜାଦେରି, ଆତିହଁ ନା ହୁକୁମି ମାନଞ୍ଜି ଆଦୁ ।

୧୬ ଅଡେ ନାନୁ ନା ଆବାଇଁ ବାତିମାଲିଇଁ, ଅଡେ ମୀ ତଲେ କାରେଲଏ ଡୟାଲି ତାକି ଏଞ୍ଜାସି ମିଜେ ଅଡେ ର ସାୟେମି କିନାଣାଇଁ,

୧୭ ଇଚିହଁ ଏ ସାତା ଜୀଞ୍ଜୁତି ହିୟାନେସି । ଦାରୁଚି ଏଦାଣି ଆବାଲି ଆଡେଏ, ଇଚିହଁ ଦାରୁଚି ଏଦାଣି ମେସା ହିଲେଏ କି ପୁଞ୍ଜା ହିଲେଏ; ମୀରୁ ଏଦାଣି ପୁଞ୍ଜାମାଞ୍ଜେରି, ଇଚିହଁ ଏଦି ମୀ ତଲେ ମାନେ, ଅଡେ ଏଦି ମୀ ହିୟାତା ଡୟିନେ ।”

୧୮ “ନାନୁ ମିଜେ କାର୍ମା କିହା ହାଜଅଁ, ନାନୁ ମୀ ତାଣା ଝେଣ୍ଡା ଖାଇଁ ।

୧୯ ଗାଡେକା ଜେଚ ଦାରୁଚି ଅଡେ ନାଜେ ମେସାଲି ଆଡେଏ; ସାମା ମୀରୁ ନାଜେ ମେସାଦେରି, ଇଚିହଁ ନାନୁ ନାତାମାଇଁ, ଅଡେ ମୀରୁ ଜିକେଏ ନାତାନା ଡୟିଦେରି ।

୨୦ ନାନୁ ନା ଆବା ତାଣା ଅଡେ ମୀରୁ ନା ତାଣା ଅଡେ ନାନୁ ମୀ ତାଣା ଡୟିଇଁ, ଇଦାଆଁ ଏ ଦିନା ମୀରୁ ପୁଞ୍ଜେରି ।”

୨୧ “ଆମ୍ବାଆସି ନା ହୁକୁମି ଆବାହାଁ ମାନଞ୍ଜି ଆନେସି, ଏଞ୍ଜାସି ନାଜେ ଜୀଞ୍ଜୁ ନୟାଁନେସି, ଅଡେ ଆମ୍ବାଆସି ନାଜେ ଜୀଞ୍ଜୁ ନୟାଁନେସି, ନା ଆବା ଏଞ୍ଜାଣାଇଁ ଜୀଞ୍ଜୁ ନନେସି, ଅଡେ ନାନୁ ଏଞ୍ଜାଣାଇଁ ଜୀଞ୍ଜୁ ନଇଁ ଅଡେ ଏଞ୍ଜାଣି ତାଣା ତସାକତିଇଁ ।”

୨୨ ଜୀହୁଦା* ଏଞ୍ଜାଣାଇଁ ଏଲେଇରେସି, “ଏ ପ୍ରବୁ, ଏନାଆଁ ଆଡେ, ନାନୁ ଦାରୁଚିତା ନିଜେ ତସା କତାଆନା ମା ତାଣା ତସିମାଞ୍ଜାଦି ?”

୨୩ ଜୀସୁ ଏଞ୍ଜାଣାଇଁ ଏଲେଇରେସି, “ଆମ୍ବାଆସି ନାଜେ ଜୀଞ୍ଜୁ ନୟାଁନେସି ଆତିହଁ ଏଞ୍ଜାସି ନା ବକୁତି ମାନଞ୍ଜି ଆନେସି, ଅଡେ ନା ଆବା ଏଞ୍ଜାଣାଇଁ ଜୀଞ୍ଜୁ ନନେସି, ଅଡେ ନାନୁ ଏଞ୍ଜାଣି ତାଣା ଖାହାନା ଏଞ୍ଜାଣିତଲେ ବାସା କିଇଁ ।

୨୪ ଆମ୍ବାଆସି ନାଜେ ଜୀଞ୍ଜୁ ନୟାଁଅସି, ଏଞ୍ଜାସି ନା ବକୁତି ମାନଞ୍ଜି ଆଅସି, ଅଡେ ମୀରୁ ଏନିନି ବକୁ ଝେଞ୍ଜାମାଞ୍ଜେରି, ଏଦି ନାଦି ଆଏ, ସାମା ନାଜେ ପାଣ୍ଡାମାଞ୍ଜାନି ଆବା ମାହାପୁରୁଞ୍ଜାୟି ।”

୨୫ “ନାନୁ ମୀ ତାଣା ମାଞ୍ଜା ମାଞ୍ଜାନା ମିଜେ ଈ କାତା ଝେସାତେଏଁ ।

୨୬ ସାମା ଏ ସାୟେମି କିନାୟି, ଇଚିହଁ ଏନିନି ସୁଦୁଜୀଞ୍ଜୁ ଆବା ନା ଦରୁଚି ହିୟାନେସି, ଏଦି ମିଜେ ବାରେ ଜାପୁହାନେ, ଅଡେ ନାନୁ ମିଜେ ଏନା ଏନାଆଁ ଝେସାମାଞ୍ଜାଇଁ, ଏ ବାରେ ମିଜେ ଅଣପି କିୟାନେ ।”

୨୭ “ନାନୁ ମିଜେ ହିଡ଼ଡ଼ି ହାହାନା ହାଜିମାଇଁ, ନା ହିଡ଼ଡ଼ି ମିଜେ ଦାନା କିହିମାଞ୍ଜାଇଁ; ଦାରୁଚି ଏନିକ୍ ଦାନା କିନେ ନାନୁ ମିଜେ ଏଲେକ୍ ଦାନା କିହିହିଲଅଁ, ମୀ ହିୟାଁ କିଲିବିଲି ଅଡେ ଆଜି ଗାଗାୟି ଆଆପେ ।

* ୧୪:୨୨ ଇସ୍ତାରିୟତ ଜୀହୁଦା ଆଏ

୨୮ ନାନୁ ହାଜିମାଙ୍କ ଅଡ଼େ ମୀ ତାଣା ଖେଣ୍ଡା ଖାଇଁ, ଇ ନା କାତା ଖେଞ୍ଜାମାଞ୍ଜେରି । ମୀରୁ ନାଙ୍ଗେ ଜୀଝୁ ନୟାତିହଁ ମା, ନାନୁ ନା ଆବା ତାଣା ହାଜିମାଙ୍କ ଇଞ୍ଜଁ ରାହଁ କିତେରିମା, ଇତିହଁ ଆବା ନା କିହଁ କାଜାସି ।

୨୯ ଏନାୟି ବାରେ ଗଟଞ୍ଜି ଆନାୟି ମାନେ, ଏ ନକେଏ ନାନୁ ମିଙ୍ଗେ ଖେସ୍ତାତେଏଁ । ଏ ବାରେ ଗଟଞ୍ଜି ଆଡ଼ିସାରେ ମୀରୁ ନାଙ୍ଗେ ନାମାଦେରି ।

୩୦ ନାନୁ ମୀ ତଲେ ହାରେକା କାତା ଆୟଅଁ, ଇତିହଁ ଦାଡ଼ତି ସାଲଞ୍ଜି କିନାୟି ଖାହିମାନେ; ଅଡ଼େ ନା ତାଣା ତାନିଖାୟି ଏନାୟି ହିଲେଏ;

୩୧ ସାମା ଆବା ନାଙ୍ଗେ ଏନିକଁ ହୁକୁମି ହୀହାମାଞ୍ଜାନେସି, ଏଲେକିହଁ ନାନୁ କାମା କିଇଁ । ଆତିହଁ ନାନୁ ଆବାଙ୍କ ଜୀଝୁ ନହଁ ମାଙ୍କ ଇଞ୍ଜଁ ଦାଡ଼ତି ପୁନେ ।”

“ଖାତୁ ମାର, ଇମ୍ବାଟି ହାନ ।”

୧୫

ଜୀସୁ ସାତା ଅଙ୍ଗୁରି ମାଡ଼ା

୧ “ନାନୁ ସାତା ଅଙ୍ଗୁରି ମାଡ଼ା, ଅଡ଼େ ନା ଆବା କାମାକିନାସି ।

୨ ନା ତାଣା ମାନି ଏମିନି କମା ପାଡ଼େୟି ଆୟେଏ, ଏଦାନି ଏଞ୍ଜାସି ଟୁଣ୍ଡାତୁହନେସି; ଅଡ଼େ ଏମିନି କମା ପାଡ଼େୟି ଆୟିନେ, ଗାଡ଼ି ପାଡ଼େୟି ଆୟାଲି ତାକି ଜାଡ଼ନୁ କିନେସି ।

୩ ନାନୁ ମିଙ୍ଗେ ଏମିନି ବଲୁ ଖେସାମାଞ୍ଜାଇଁ, ଏଦାଆଁତାକି ଜାଡ଼ନୁ ଆହାମାଞ୍ଜେରି ।

୪ ନା ତାଣା ତୁୟାତୁ ଆତିହଁ ନାନୁ ମୀ ତାଣା ତୁୟିଇଁ । କମା ଏନିକଁ ଅଙ୍ଗୁରି ମାଡ଼ାତା ତୁୟାଆସାରେ ତାନିତାଣାଟି ପାଡ଼େୟି ଆୟାଲି ଆଡେଏ, ଏଲେକିହଁ ଏ ମୀରୁ ଜିକେଏ ନା ତାଣା ତୁୟାଆସାରେ ପାଡ଼େୟି ଆୟାଲି ଆଡ଼ଅଡେରି ।”

୫ “ନାନୁ ଅଙ୍ଗୁରି ମାଡ଼ା ମୀରୁ କମାୟଁ, ଆମ୍ବାଆସି ନା ତାଣା ତୁୟିନେସି ଅଡ଼େ ନାନୁ ଆମ୍ବାଆରି ତାଣା ତୁୟିଇଁ, ଏଞ୍ଜାସି ହାରେକା ପାଡ଼େୟି ଆୟିନେସି; ଇତିହଁ ନା ପିସପେ ମୀରୁ ଏନାଆଁ କିହାଲି ଆଡ଼ଅଡେରି ।

୬ ଆମ୍ବାଆସି ନା ତାଣା ତୁୟଅସି, ଆତିହଁ ଏଞ୍ଜାସି କମା ଲେହେଁ ପାଙ୍ଗାମା ମେଡ଼ପି ଆନେସି ଅଡ଼େ ଖାୟା ହାନେସି, ଇଞ୍ଜା ଲକୁ ଏଞ୍ଜାଆଁ କୁଡ଼ି କିହାନା ହିଚୁତା ମେଡ଼ନେରି ଅଡ଼େ ଏଞ୍ଜି ବାରେ ଖେହାହାନୁ ।

୭ ମୀରୁ ନା ତାଣା ତୁୟିଦେରି, ଅଡ଼େ ନା ବଲୁ ମୀ ତାଣା ତୁୟିନେ, ଆତିହଁ ମୀରୁ ଏନାଆଁ ମନ୍ କିଦେରି, ଏଦାଆଁ ରାହ୍‌ତୁ, ଆତିହଁ ଏଦି ମିଙ୍ଗେତାକି କିଞ୍ଜିଆନେ ।

୮ ମୀରୁ ହାରେକା ପାଡ଼େୟି ଆୟିସାରେ ନା ଆବା ଗାଝୁରମି ଆନେସି, ଅଡ଼େ ମୀରୁ ନା ସାତା ସାସୁ ଆଦେରି ।

୯ ଏନିକଁ ଆବା ନାଙ୍ଗେ ଜୀଝୁ ନହଁମାଞ୍ଜାନେସି, ନାନୁ ଜିକେଏ ଏଲେକିହଁ ଏ ମିଙ୍ଗେ ଜୀଝୁନହଁମାଞ୍ଜାଇଁ; ନା ଜୀଝୁ ନହ୍‌ତା ତାରିଆହାନା ତୁୟାତୁ ।

୧୦ ନାନୁ ଏନିକଁ ନା ଆବାତି ହୁକୁମି ମାନଞ୍ଜି ଆହାନା ତାନି ଜୀଝୁ ନହ୍‌ତା ତାରିଆହାନା ତୁୟିମାଙ୍କ, ଏଲେକିହଁ ଏ ମୀରୁ ଜିକେଏ ନା କାତା ମାନଞ୍ଜି ଆଦେରି, ଆତିହଁ ନା ଜୀଝୁ ନହ୍‌ତା ତାରିଆହାନା ତୁୟିଦେରି ।”

୧୧ “ଏନିକଁ ନା ରାହଁ ମୀ ତାଣା ତୁୟିନେ, ଅଡ଼େ ମୀ ରାହଁ ଏନିକଁ ପୁରାଆନେ, ଏଦାଆଁତାକି ଇ ବାରେ ମିଙ୍ଗେ ଖେସ୍ତାତେଏଁ ।

୧୨ ନାନୁ ଏନିକଁ ମିଙ୍ଗେ ଜୀଝୁନହଁମାଞ୍ଜାଇଁ, ମୀରୁ ଜିକେଏ ଏଲେକିହଁ ଏ ରଅଡେରି ରଅଣାଙ୍କ ଜୀଝୁନତୁ, ଇଦି ନା ହୁକୁମି ।

୧୩ ଜାହାରା ତଣେସିଙ୍ଗା ତାକି ଜୀଝୁହାନି କିହଁ ଅଡ଼େ କାଜା ଜୀଝୁନନାୟି ହିଲେଏ ।

୧୪ ନାନୁ ମିଙ୍ଗେ ଆମିନି ହୁକୁମି ହୀହାମାଞ୍ଜାଇଁ, ଏଦାଆଁ ମୀରୁ ମାନଞ୍ଜି ଆଦେରି ଆତିହଁ ମୀରୁ ନା ତଣେସିଙ୍ଗା ।

୧୫ ନାନୁ ମିଙ୍ଗେ ଅଡ଼େ ହଲେଏସି ଇଞ୍ଜଁ ମାଞ୍ଜଅଁ, ଇତିହଁ ସାଝୁକାରି ଏନାଆଁ କିନେସି, ହଲେଏସି ଏଦାଆଁ ପୁନଅସି, ସାମା ନାନୁ ମିଙ୍ଗେ ତଣେ ଇଞ୍ଜିମାଞ୍ଜାଇଁ, ଇତିହଁ ନାନୁ ନା ଆବା ତାଣାଟି ଏନା ଏନାଆଁ ଖେଞ୍ଜାମାଙ୍କ, ଏ ବାରେ ମିଙ୍ଗେ ଖେସାମାଞ୍ଜାଇଁ ।

୧୭ ମୀରୁ ନାଜେ ଆବା ମାଞ୍ଜଅତେରି, ଯାମା ନାନୁ ମିଜେ ଆବାମାଞ୍ଜାଇଁ, ଅଡେ ମୀରୁ ଏନିକିଁ ପାଡେଡିୟି ଆୟାଲି ଆଡିଦେରି ଅଡେ ମୀ ପାଡେଡିୟି ତୀରିଆହାନା ତୁୟିନେ, ଏଦାଆଁତାକି ମିଜେ ଆବାମାଞ୍ଜାଇଁ । ଏତେଟିଏ ମୀରୁ ନା ଦରୁତଲେ ଆବାଇଁ ଏନାଆଁ ରାହୁଦେରି ଏଝାସି ମିଜେ ହିୟାନେସି ।

୧୮ ମୀରୁ ଏନିକିଁ ରଅତେରି ରଅଣାଇଁ ଜୀଝୁ ନଡେରି, ଏଦାଆଁତାକି ନାନୁ ଈ ବାରେ ହୁକୁମି ହାହିମାଞ୍ଜାଇଁ ।”

ଦାରୁତି ଅପାଆଗାୟି

୧୯ “ଦାରୁତି ମିଜେ ଅପେଏ, ଆତିହୁଁ ମିଜେ ଅପାଆ ନଡକେଏ ନାଜେ ଅପାମାଞ୍ଜେଏ, ଇଦାଆଁ ପୁଞ୍ଜାମାଞ୍ଜୁ ।

୨୦ ମୀରୁ ଦାରୁତିତାତେରି ଆହାମାଟିହୁଁମା, ଦାରୁତି ମିଜେ ନା ଲକୁ ଇଞ୍ଜୁଁ ପୁଞ୍ଜାନା ଜୀଝୁ ନୟାତେମା; ମୀରୁ ଦାରୁତିଟି ଖାହା ହିଲଅତେରି, ଯାମା ନାନୁ ମିଜେ ଦାରୁତିଟି ଆବାମାଞ୍ଜାଇଁ, ଏଦାଆଁତାକି ଦାରୁତି ମିଜେ ଅପେଏ ।

୨୧ ହଡେଲଏସି ସାଝୁକାରି କିହାଁ କାଜାସି ଆଏ, ନାନୁ ମିଜେ ଏନିନି ବଲୁ ଝେସାମାଞ୍ଜାଇଁ, ଏଦାଆଁ ଅଣପାପୁ । ଏଝାରି ନାଜେ ସାସ୍ତି ହୀହାମାଞ୍ଜାନେରି, ଆତିହୁଁ ମିଜେ ଜିକେଏ ସାସ୍ତି ହିୟାନେରି; ଅଡେ ଏଝାରି ନା ବଲୁତି ମାନୁଝି ଆହାମାନେରି, ଆତିହୁଁ ମୀ ବଲୁ ଜିକେଏ ମାନୁଝି ଆନେରି ।

୨୨ ସାମା ଏଝାରି ନାଜେ ପାଣ୍ଡାତାଣାଇଁ ପୁଞ୍ଜାହିଲଆକି, ନା ଦରୁ ତାକି ମିଜେ ଈ ବାରେ ଆନେ ।

୨୩ ନାନୁ ଖାହାନା ଏଝାରାଇଁ ଝେହୁଆତିହୁଁ, ଏଝାରି ପାପୁ ଗାଗାରି ଆଆତେରିମା; ସାମା ନୀଏଁ ଈ ପାପୁ ତାକି ଏନି ମିଟି କାତା ଝେସାଲି ଆଡଅରି

୨୪ ଆମ୍ବାଆସି ନାଜେ ଅପଅସି, ଏଝାସି ନା ଆବାଇଁ ଜିକେଏ ଅପଅସି ।

୨୫ ନାନୁ ଏଝାରିତାଣା ଏନି କାବାଆନି କାମା କିହାହିଲଆତୁଁ, ଏଝାରି ପାପୁ ଗାଗାରି ଇଞ୍ଜୁଁ ଏଜିକିଝି ଆଆତେରିମା । ସାମା ନା ବାରେ କାମା ମେସାନା ଜିକେଏ ଏଝାରି ନାଜେ ଅଡେ ନା ଆବାଇଁ ଅପାହିଲଅରି ।

୨୬ ସାମା ଏଝାରି ନାଜେ ଉଜେଏ ଅପାମାଞ୍ଜଅରି, ମସା ମେରାତା ରାସ୍ତି ଆହାମାନାୟି ଏନିକିଁ ପୁରା ଆନେ ଇଦାଆଁତାକି ଈ ବାରେ ଆହିମାନେ ।”

୨୭ “ଆବା ତାଣାଟି ନାନୁ ମୀ ତାଣା ଏନିନି ସାଝେମି କିନାଣି ପାଣ୍ଡାଇଁ, ଆବା ତାଣାଟି ଖାନି ଏ ସାତା ଜୀଝୁ ଖାଡିହୁଁ ନା କାତା ସାକି ହିୟାନେ;

୨୮ ମୀରୁ ଜିକେଏ ନା କାତାତାକି ସାକି ହୀଦେରି, ଇତିହୁଁ ମୁଲୁଟିଏ ମୀରୁ ବାରେ ନା ତଲେ ମାତେରି ।”

୧୭

୧ “ମୀ ନାମୁତି ଏନିକିଁ ପିହୁଅତେରି, ଇଦାଆଁତାକି ଈ ବାରେ କାତା ଝେସାମାଞ୍ଜାଇଁ ।

୨ ଏଝାରି ମିଜେ କୁଲମଟି ହପୁହାନେରି, ଇଲେତି ଦିନା ଖାହିମାନେ, ଏଡେତା ଆମ୍ବାଆସି ମିଜେ ପାୟାନେସି, ଏଝାସି ମାହାପୁରୁ ତାକି ଜହରାତି ପୁଜା କିହିମାଇଁ ଇଞ୍ଜୁଁ ଅଣପିନେସି ।

୩ ଲକୁ ଈ ବାରେ କିୟାନେରି, ଇତିହୁଁ ଏଝାରି ଆବା ଆଆତୁଁ ନାଜେ ପୁଞ୍ଜାମାଞ୍ଜଅରି ।

୪ ଈ ବାରେ ଗଡ଼ଝି ଆଡିସାରେ, ନାନୁ ମିଜେ ଝେସାମାଞ୍ଜାତେଏଁ ଈ କାତା ମୀରୁ ଏନିକିଁ ଅଣପିଦେରି, ଇଦାଆଁତାକି ଈ ବାରେ କାତା ମିଜେ ଝେସାମାଞ୍ଜାଇଁ । ନାନୁ ମୀ ତଲେ ମାଟାକି ମୁଲୁଟିଏ ଈ ବାରେ କାତା ମିଜେ ଝେସାମାଞ୍ଜଅଁ ।”

ସୁଦୁଜୀଝୁତି କାମା

୫ “ସାମା ନାନୁ ନୀଏଁ ନା ପାଣ୍ଡାତାଣା ତାଣା ହାଜିମାଇଁ, ଅଡେ ମୀରୁ ଆମ୍ବିୟା ହାଜିମାଞ୍ଜି ଇଞ୍ଜୁଁ ମୀ ବିତ୍ରାତି ଆମ୍ବାଆତେରି ନାଜେ ଝେଞ୍ଜି ମାଞ୍ଜଅତେରି ।

୬ ସାମା ନାନୁ ଈ ବାରେ କାତା ଝେସାମାଞ୍ଜାନାକି ମୀ ହିୟାଁ ହାରେକା ବୁକୁ ଆହିମାନେ ।

୭ ସାମା ନାନୁ ମିଜେ ସାତା ଝେସିମାଞ୍ଜାଇଁ, ନାନୁ ହାନାୟି ମିଜେତାକି ନେହେଁ, ଇତିହୁଁ ନାନୁ ହାଲାଆସାରେ ଏ ସାଝେମି କିନାୟି ମୀ ତାଣା ଖାଏ, ସାମା ନାନୁ ହାତିସାରେ ଏଦାଣି ମୀ ତାଣା ପାଣ୍ଡାଇଁ ।

୮ ଏନି ଖାହାନା ପାପୁ, ଦାମ୍ବୁ ଅଡେ ମାହାପୁରୁଟି ବିଚାରାତି କାତା ଈ ଦାରୁତିଟି ଲକୁଣି ଝେହୁନେ;

୯ ପାପୁତି କାତା, ଇତିହୁଁ ଏଝାରି ନା ତାଣା ନାମା ହିଲଅରି;

୧୫:୨୦ ମାତି ୧୦:୨୪; ଲୁକ ୭:୪୦; ଜହ ୧୩:୧୭

୧୦ ଦାମ୍ଭିକ କାତା, ଇଚିହଁ ନାନୁ ଆବା ତାଣା ହାଜିମାଲ୍ ମୀରୁ ଅଡେ ନାଜେ ମେସ୍ତଅତେରି;

୧୧ ବିଚାରାତି କାତା, ଇଚିହଁ ଇ ଦାରତି ସାଲୁଖି କିନାରି ବିଚାରା କିଞ୍ଚି ଆହାମାନେରି ।”

୧୨ “ମିଜେ ନାନୁ ଅଡେ ହାଡେରକା କାତା ଖେସ୍ତାନାୟିମାନେ, ସାମା ନୀର୍ବ ମୀରୁ ଏ ବାରେ ଅରହାଲି ଆଡୁଅତେରି

୧୩ ସାମା ସାତାତି ଜୀଝୁ ଖାଡ଼ିସାରେ, ଏଦି ବାରେ ସାତାତି ତେଲହାଲି ବାଡ଼ୁୟୁ ହିୟାନେ, ଏଦି ମିଜେ ଜିରୁ ତସାନା ତାନିତାଣାଟି ଏନାଆଁ ଖେହ୍‌ଏ, ମାହାପୁରୁ ତାଣାଟି ଏନା ଏନାଆଁ ଖେଞ୍ଜାମାନେ ଖାଉଇ ଏଚେକେଏ ଖେହ୍‌ନେ, ଅଡେ ଏନାୟି ଆହାଲି ହାଜିମାନେ ଏଦାଆଁ ଏଦି ଖେସ୍ତାନେ ।

୧୪ ଏଝାସି ନାଜେ ଗାଝୁରମି କିୟାନେସି, ଇଚିହଁ ନା ତାଣାଟି ବାରେ କାତା ପୁଞ୍ଜାନା ଏଦି ଏଦାଆଁ ମୀ ତାଣା ଖେସ୍ତାନେ ।

୧୫ ଏନା ଏନାୟି ଆବାଝାୟି, ଏ ବାରେ ନାଦି; ଇଦାଆଁତାକି ନାନୁ ଏଲେଇଞ୍ଜାତେସ୍, ଏଝାସି ନା କାତା ଅହାନା ମିଜେ ଖେସ୍ତାନେସି ।”

ଦୁକୁ ଅଡେ ରାହଁ

୧୬ “ଗାଡେକା ଜେଚ ମୀରୁ ଅଡେ ନାଜେ ମେସ୍ତଅତେରି, ସାମା ଏଚରଦିନା ଜେଚ ମେସ୍ତାଦେରି ।”

୧୭ ଏଚେଟିଏ ତାନି ସୀସୁୟାଁ ବିତ୍ରାଟି ଆମ୍ବା ଆମ୍ବାଆରି ଏଲେଇଚେରି, “ଗାଡେକା ଜେଚ ନାଜେ ମେସ୍ତଅତେରି, ଅଡେ ଏଚରଦିନା ହାଟି ତାୟୁ ନାଜେ ମେସ୍ତାଦେରି, ନାନୁ ଆବା ତାଣା ହାଜିମାଲ୍, ଏଝାସି ଏମିନି କାତା ମାଜେ ଖେସ୍ତାତେସି, ଇଦି ଏନାୟି ?”

୧୮ ଏଝାସି ଏଲେଇଚେରି, “ଗାଡେକା ଇଞ୍ଜିଁ ଏନାଆଁ ଏଲେଇଞ୍ଜି ମାନେସି ? ଏଝାସି ଏନାଆଁ ଏଲେଇଞ୍ଜି ମାନେସି ମାମ୍ବୁ ଚୁତଲହାଲି ଆଡ଼ିହିଲଅମି ।”

୧୯ ସୀସୁୟାଁ ତାଜା ଖେଞ୍ଜାଲି ଅଣ୍ଡିପିମାନେରି ଇଞ୍ଜିଁ ପୁଞ୍ଜାନା ଜୀସୁ ଏଝାରାଇଁ ଏଲେଇଚେସି, “ଗାଡେକା ଜେଚ ନାଜେ ମେସ୍ତଅତେରି, ଅଡେ ଏଚରଦିନା ହାଟି ତାୟୁ ନାଜେ ମେସ୍ତାଦେରି, ନାନୁ ଇ ଏମିନି କାତା ମିଜେ ଖେସ୍ତାତେସ୍, ଏ କାତାତାକି ଏନାଆଁତାକି ମୀରୁ ବାଦିବାଦା ଆହିମାଞ୍ଜେରି ?

୨୦ ନାନୁ ମିଜେ ସାତା ଖେସିମାଞ୍ଜାଇଁ, ମୀରୁ ଦୁକୁଆହଁ ଡାଦେରି, ସାମା ଦାରତି ରାହଁ କିନେ; ମୀରୁ ଦୁକୁ ଆଡେରି, ସାମା ମୀ ଦୁକୁ ରାହଁତା ଡିରି ମୀଣ୍ଡନେ ।

୨୧ ଜାନ କିନି ବେଲା ଖାଡ଼ିସାରେ ଇୟା ଦୁକୁ ବେଟାଆନେ; ସାମା ଏଦି କକାଣାଇଁ ଜାନ କିତି ତାୟୁ ଦାରତିତା ର ମାଣ୍ଡସି ଜାର୍ନା ଆହାମାନେସି, ଇ ରାହଁତାକି କସ୍ତି ଅଣ୍ଡପେଏଦେ ।

୨୨ ଏଲେଇହଁ ଏ ମୀରୁ ନୀର୍ବ ଦୁକୁ ବେଟାଆହିମାଞ୍ଜେରି, ସାମା ନାନୁ ଅଡେ ଖେଣ୍ଡେ ମିଜେ ତଞ୍ଜା ଆୟାଇଁ, ଅଡେ ମୀ ହିୟାଁ ରାହଁ ଆନେ ଅଡେ ଆମ୍ବାଆସି ମୀ ତାଣାଟି ମୀ ରାହଁ ମୀଞ୍ଜା ଅୟସି ।”

୨୩ “ଏ ଦିନା ମୀରୁ ନାଜେ ଏନାଆଁ ଖେଞ୍ଜଅତେରି । ନାନୁ ମିଜେ ସାତା ଖେସିମାଞ୍ଜାଇଁ, ମୀରୁ ଆବାଇଁ ଏନାଆଁ ରାହ୍‌ଦେରି, ଏଝାସି ନା ଦରୁତଲେ ମିଜେ ହିୟାନେସି ।

୨୪ ନୀର୍ବ ପାତେକା ନା ଦରୁତଲେ ଏନାଆଁ ରାସା ହିଲଅତେରି; ରାହ୍‌ଦୁ, ଏନିକଁ ମୀ ରାହଁ ଗାତି ଆନେ, ଏଦାଆଁତାକି ମୀରୁ ଏଦାଆଁ ବେଟାଆଡେରି ।”

ଦାରତିତା ଜାଣା ଆନାୟି

୨୫ “ନାନୁ ମିଜେ ପୁଣ୍ଡିକିନି କାତାତଲେ ଇ ବାରେ ଖେସାମାଞ୍ଜାଇଁ; ଦିନା ଖାହିମାନେ, ଏଚିବେଲା ନାନୁ ଅଡେ ପୁଣ୍ଡିକିନି କାତାତଲେ ମିଜେ ଖେସ୍ତାସ୍, ଆବାତି କାତା ତାରେତଲେ ଖେସ୍ତାଇଁ ।

୨୬ ଏ ଦିନା ମୀରୁ ନା ଦରୁତଲେ ରାହ୍‌ଦେରି; ଅଡେ ନାନୁ ମୀ ଖାକିତି ଆବାଇଁ ବାତିମାଲିଇଁ, ଇ କାତା ନାନୁ ମିଜେ ଖେସିମାଞ୍ଜାଅସି;

୨୭ ଇଚିହଁ ଆବା ତାନୁଏ ମିଜେ ଜୀଝୁ ନହଁମାଞ୍ଜାନେସି, ମୀରୁ ନାଜେ ଜୀଝୁନହଁ ମାଞ୍ଜାଦେରି ଅଡେ ନାନୁ ମାହାପୁରୁ ତାଣାଟି ଖାହାମାଇଁ, ଏଦାଆଁ ମୀରୁ ନାମାମାଞ୍ଜେରି ।

୨୮ ନାନୁ ଆବା ତାଣାଟି ଦାରତିତା ଖାହାମାଇଁ; ଦାରତି ପିସାନା ଖେଣ୍ଡେ ଆବା ତାଣା ହାଜିମାଲ୍ ।”

୨୯ ଇ ହାଡ଼ା ଖେଞ୍ଜାନା ସୀସୁୟାଁ ଏଝାଣାଇଁ ଏଲେଇଚେରି, “ନୀର୍ବ ନାନୁ ପୁଣ୍ଡିକିନି କାତା ଲେମ୍ବାଆନା ତାରେତଲେ ଖେସିମାଞ୍ଜି ।

୩୦ ନାନୁ ବାରେ କାତା ପୁଞ୍ଜାମାଞ୍ଜି, ଆମ୍ବାଆସି ମିଜେ ଖେଞ୍ଜାନାୟି ଲଡ଼ା ହିଲେଏ, ଏଦାଆଁ ନୀର୍ବ ମାମ୍ବୁ ପୁଚିମି; ମାହାପୁରୁ ତାଣାଟି ଖାହାମାଞ୍ଜି ଇଞ୍ଜିଁ ମାମ୍ବୁ ଇ କାତା ନାମି ମାନମି ।”

୩୧ ଜୀସୁ ଏଝାରାଇଁ ଏଲେଇଚେସି, “ମୀରୁ ଏନାଆଁ ନୀର୍ବ ନାମିମାଞ୍ଜେରି ?

୩୬ ମୋହୁ ଦିନା ଖାହିମାନେ, ଏ ବେଲା ଖାତେୟିଏ, ଏତିବେଲା ମୀରୁ ଇତାଲା ଆତାଲା ଆହାନା ବାରେଜାଣା ଜାହାରା ଇଜ ହାଜେରି, ଅଡ଼େ ନାଜେ ରଅତେଏଁ କିୟାଦେରି; ଆଡ଼ିଜିକେଏ ନାନୁ ରଅତେଏଁ ଆଏ, ଇଚିହଁ ଆବା ନା ତଲେ ମାନେସି ।

୩୭ ମୀରୁ ଏନିକଁ ନା ତାଣାଟି ହିଡ଼ଡ଼ି ବେଟାଆଦେରି, ଏଦାଆଁତାକି ନାନୁ ମିଜେ ଇ ବାରେ କାତା ଝେସାମାଞ୍ଜାଇଁ । ଦାର୍ତତିତା ମିଜେତାକି ହାଡ଼େକା ସାସ୍ତି ମାନେ, ସାମା ସାସ୍ତି ଆହୁଡ଼ୁ; ଇଚିହଁ ନାନୁ ଦାର୍ତତି ଜୀଣା ଆହାମାଇଁ ।”

୧୭

ଜୀସୁ ତାନି ସାସୁୟାଁକି ପ୍ରାତାନା କିନାୟି

୧ ଜୀସୁ ଇ ବାରେ କାତା ଏଲେଇଞ୍ଜାଁ ଲାକପୁରୁ ଖାକି ସିନିକିହାନା ଏଲେଇଚେସି, “ଆବା, ବେଲା ଆଡ଼େୟିଏ; ନୀ ମୀରୁଏଣାଇଁ ଗାଝୁରମି କିମୁ, ଏନିକଁ ମୀରୁଏସି ନିଜେ ଗାଝୁରମି କିୟାନେସି ।

୨ ନୀରୁ ଏଝାଣାଇଁ ବାରେ ମାଣସି କୁଡ଼ାତି ମୁହେଁ ଅଦିକାରା ହାହାମାଞ୍ଜି । ଅଡ଼େ ଆଦାଆରାଇଁ ଏଝାଣି କେୟୁତା କାଲାକାଲାତି ଜୀଝୁ ହାହାଲିତାକି ହେରପାମାଞ୍ଜି ଏଝାଣାକି ବାଡ଼ୁୟୁ ହାହାମାଞ୍ଜି ।

୩ ଅଡ଼େ ରଣିଏ ସାତା ମାହାପୁରୁତି ନୀରୁ, ନିଜେ ଅଡ଼େ ନୀ ତାଣାଟି ପାଣ୍ଡୁଆହାମାନି ଜୀସୁ କ୍ରୀସ୍ତାଇଁ ପୁନାୟି ଆହିମାନେ କାଲାକାଲାତି ଜୀଝୁ ।

୪ ନୀରୁ ନାଜେ ଏନିନି କାମା କିହାଲି ହାହାମାଞ୍ଜାଦି, ଏଦାଆଁ ନାନୁ ରାପୁହାନା ଦାର୍ତତିତା ନିଜେ ଗାଝୁରମି କିହାମାଞ୍ଜାଇଁ ।

୫ ଏ ଆବା ଦାର୍ତତି ଗାଡ଼ି ଆଆ ନକେଏ ନୀ ତଲେ ନା ଏନିନି ଗାଝୁରମି ମାରେ, ଏମ୍ବାଟି ନୀରୁ ନାଜେ ନୀ ତଲେ ଗାଝୁରମି କିୟାମୁ ।”

୬ “ନୀରୁ ନାଜେ ଦାର୍ତତି ବିତ୍ରାଟି ଏନିନି ଲକୁଣି ନାଜେ ହାହାମାଞ୍ଜାଦି, ନାନୁ ନୀ ଦରୁ ଏଝାରି ନକିତା ତସାମାଇଁ; ଏଝାରି ନୀ ଲକୁ ମାରେରି ଅଡ଼େ ନୀରୁ ଏଝାରାଇଁ ନାଜେ ହାହାମାଞ୍ଜାଦି, ଏଝାରି ନୀ ବଲୁତି ମାନୁଝି ଆହାମାନେରି ।

୭ ନୀରୁ ନାଜେ ଏନା ଏନାଆଁ ହାହାମାଞ୍ଜାଦି, ଏ ବାରେ ନୀ ତାଣାଟି ଖାହାମାନେ, ଇଦାଆଁ ନୀଏଁ ଏଝାରି ପୁଞ୍ଜାମାନେରି ।

୮ “ଇଚିହଁ ନୀରୁ ନାଜେ ହାହାମାଞ୍ଜାନି ବଲୁ ନାନୁ ଏଝାରାକି ହାହାମାଇଁ, ଅଡ଼େ ଏଝାରି ଆବା ମାନେରି ଇଞ୍ଜାଁ ନାନୁ ନୀ ତାଣାଟି ଖାହାମାଇଁ, ଏଦାଆଁ ସାତା ତଲେ ପୁଞ୍ଜାମାନେରି, ଅଡ଼େ ନୀରୁ ନାଜେ ପାଣ୍ଡୁଆଞ୍ଜାଦି ଇଞ୍ଜାଁ ଏଝାରି ନାମାମାନେରି ।”

୯ “ନାନୁ ଏଝାରି ତାକି ପ୍ରାତାନା କିହିମାଇଁ; ଦାର୍ତତି ତାକି ପ୍ରାତାନା କିହିହିଲଅଁ, ସାମା ନୀରୁ ନାଜେ ଏନିନି ଗାଟାରାଇଁ ହାହାମାଞ୍ଜାଦି, ଏଝାରି ତାକି ପ୍ରାତାନା କିହିମାଇଁ, ଇଚିହଁ ଏଝାରି ନୀ ଲକୁ;

୧୦ ଏନା ଏନାୟି ନାଦି ମାନେ ଏ ବାରେ ନାଦି, ଅଡ଼େ ଏନା ଏନାୟି ନାଦି ମାନେ, ଏ ବାରେ ନାଦି ଅଡ଼େ ଏଝାରି ତାଣାଟି ନାନୁ ଗାଝୁରମି ଆହିମାଇଁ ।

୧୧ ନାନୁ ଅଡ଼େ ଇ ଦାର୍ତତିତା ଡ଼ୟିହିଲଅଁ, ସାମା ଇଝାରି ଦାର୍ତତିତା ଡ଼ୟିମାନେରି, ଇଞ୍ଜାଁ ନାନୁ ନୀ ତାଣା ଖାହିମାଇଁ; ସୁଦୁଗାଟି ଆବା ଆନିନି ଗାଟାରାଇଁ ନୀ ଦରୁତି ବାଡ଼ୁୟୁ ତଲେ ନାଜେ ହେରପା ମାଞ୍ଜାଦି ଏଝାରାଇଁ ଗେଲୁପାମୁ,* ନୀରୁ ଅଡ଼େ ନାନୁ ଏନିକଁ ରଣିଏ ଆହାମାନାୟି ଏଲେକିହଁ ଏ ଏଝାରାଇଁ ଜିକେଏ ରଣିଏ କିହାଲି ସାଢ଼ୟମି କିମୁ ।

୧୨ ଏଝାରିତଲେ ମାଟିବେଲାତା ନାନୁ ଏଝାରାଇଁ ନୀ ଦରୁତଲେ ଗେଲୁପାମାଇଁ, ଆନିନି ଦରୁ ନୀରୁ ନାଜେ ହାହାମାଞ୍ଜାଦି, ଅଡ଼େ ନାନୁ ଏଝାରାଇଁ ଜାଗ୍ରାତା ତଲେ ଗେଲୁପାମାଇଁ,† ଦାମୁଁ ପତି ଏନିକଁ ପୁରା ଆଜେ, ଏଦାଆଁତାକି ଏଝାରି ନାସା ଆନାୟି ମାଟି ଜିକେଏ, ରଅସି ଜିକେଏ ନାସା ଆହାହିଲଅସି ।

୧୩ ସାମା ନୀଏଁ ନାନୁ ନୀ ତାଣା ଖାହିମାଇଁ, ଅଡ଼େ ଦାର୍ତତିତା ମାଞ୍ଜା ମାଞ୍ଜାନା ନା ରାହାଁତା ଏଝାରି ହିୟାଁ ଏନିକଁ ରାହାଁ ଆଜେ, ଏଦାଆଁତାକି ନାନୁ ଇ ବାରେ କାତା ଝେସିମାଞ୍ଜାଇଁ ।

୧୪ ନାନୁ ଏଝାରାକି ନୀ ବଲୁ ହାହାମାଇଁ, ଏଦାଆଁତାକି ଦାର୍ତତି ଏଝାରାଇଁ ଅପିହିଲେଏ, ନାନୁ ଏନିକଁ ଦାର୍ତତିଟି ଖାହାହିଲଅଁ ଏଝାରି ଜିକେଏ ଇ ଦାର୍ତତିତାରି ଆଏ ।

* ୧୭:୧୧ ଇ କାତା ପୁଞ୍ଜ ପତିତା ହିଲେଏ । † ୧୭:୧୨ ଜହ ୧୩:୧୮ ‡ ୧୭:୧୨ ଇ କାତା ପୁଞ୍ଜ ପତିତା ହିଲେଏ ।

୧୫ ନାନୁ ଏଞ୍ଜରାଇଲ୍ ଇ ଦାର୍ତ୍ତି ଅହ ହାଲାନୁ ଇଞ୍ଜ ବାତିମାଲି ମାଞ୍ଜିଅଁ, ଯାମା ଏଞ୍ଜରାଇଲ୍ ଲାଗେଏତି ପାନ୍ଦାଟି ଗେଲ୍ ପାମୁ ଇଞ୍ଜ ବାତିମାଲି ମାଞ୍ଜାଇ ।

୧୬ ନାନୁ ଏନିକ୍ ଦାର୍ତ୍ତି ଖାହାହିଲଅଁ, ଏଞ୍ଜରି ଏଲେକ୍ ଦାର୍ତ୍ତି ଖାହାହିଲଅରି ।

୧୭ ଯାତା ତଲେ ଏଞ୍ଜରାଇଲ୍ ସୁଦୁ କିମ୍, ଇତିହ୍ ନୀ ବଲୁଏ ଯାତା ।

୧୮ ନାନୁ ଏନିକ୍ ନାଜେ ଦାର୍ତ୍ତିତା ପାଣ୍ଡାମାଞ୍ଜାଦି, ନାନୁ ଜିକେଏ ଏଞ୍ଜରାଇଲ୍ ଦାର୍ତ୍ତିତା ପାଣ୍ଡାମାଇ ।

୧୯ ଅଡେ ଏଞ୍ଜରି ଜିକେଏ ଏନିକ୍ ଯାତା ତଲେ ସୁଦୁ ଆନେରି, ଏଦାଆଁତାକି ନାନୁ ଏଞ୍ଜରି ତାକି ନାଜେ ସୁଦୁ କିହିମାଇ ।”

୨୦ “ନାନୁ ଖାରଇ ଏଞ୍ଜରି ତାକି ପ୍ରାତାନା କିହିହିଲଅଁ, ଏଞ୍ଜରି ବଲୁ ଖେଞ୍ଜାନା ଆମ୍ବାଆସି ନା ତାଣା ନାମିନେସି, ଏଞ୍ଜରି ତାକି ଜିକେଏ ପ୍ରାତାନା କିହିମାଇ ।

୨୧ ଏନିକ୍ ଏଞ୍ଜରି ବାରେ ରଣ୍ଡିଏ ଆନେରି: ଏ, ଆବା ନାନୁ ଏନିକ୍ ନା ତାଣା ମାଞ୍ଜି ଅଡେ ନାନୁ ନୀ ତାଣା ମାଇ, ଏଞ୍ଜରି ଜିକେଏ ଏଲେକିହ୍ ଏ ମା ତାଣା ଡୟାପେରି, ଏନିକ୍ ନାନୁ ନାଜେ ପାଣ୍ଡାଟି ଇଞ୍ଜ ଦାର୍ତ୍ତି ନାମିନେ ।

୨୨ ଅଡେ ନାନୁ ନାଜେ ଏମିନି ଗାଞ୍ଜୁରମି ହାହାମାଞ୍ଜାଦି, ନାନୁ ଏଦାଆଁ ଏଞ୍ଜରାଇଲ୍ ହାହାମାଇ, ମାର୍ ଏନିକ୍ ରଣ୍ଡିଏ ଏଞ୍ଜରି ଏଲେକ୍ ରଣ୍ଡିଏ ଆନେରି;

୨୩ ନାନୁ ଏନିକ୍ ନା ତାଣା ନାନୁ ଏଲେକିହ୍ ଏଞ୍ଜରିତାଣା ଡୟିଇଁ । ଏନିକ୍ ଏଞ୍ଜରି ମାନ୍ତି ତଲେ ରଣ୍ଡିଏ ଆନେରି, ଇଞ୍ଜା ଦାର୍ତ୍ତି ପୁନେ କି ନାନୁ ନାଜେ ପାଣ୍ଡାମାଞ୍ଜାଦି, ନାଜେ ଏନିକ୍ ଜାଞ୍ଜୁ ନହ୍ ମାଞ୍ଜାଦି ଏଞ୍ଜରାଇଲ୍ ଜିକେଏ ଏଲେକିହ୍ ଏ ଜାଞ୍ଜୁ ନହ୍ ମାଞ୍ଜି ।”

୨୪ “ଏ ଆବା ! ନାନୁ ଏଞ୍ଜରାଇଲ୍ ନା କେୟୁତା ହାହାମାଞ୍ଜାଦି । ନାନୁ ଆମ୍ବିୟା ଡୟିଇଁ, ଏଞ୍ଜରି ଜିକେଏ ଏନିକ୍ ଏମ୍ବାଆଁ ଡୟିନେରି ଅଡେ ଦାର୍ତ୍ତି ଗାଡ଼ି ଆଆ ନକେଏ ନାନୁ ନାଜେ ଜାଞ୍ଜୁ ନହ୍ ମାଞ୍ଜାନାକି ନାଜେ ଏମିନି ଗାଞ୍ଜୁରମି ହାହାମାଞ୍ଜାଦି, ନା ଏ ଗାଞ୍ଜୁରମି ଏନିକ୍ ଏଞ୍ଜରି ମେସାଲି ଆଡ଼ିନେରି ଇଦି ନା ଅଣ୍ଡୁ ।

୨୫ ଏ ଦାମ୍ବାଟି ଆବା, ଦାର୍ତ୍ତି ନିଜେ ପୁଞ୍ଜାମାଞ୍ଜେଏ, ଯାମା ନାନୁ ନିଜେ ପୁଞ୍ଜାମାଞ୍ଜାଇ; ଅଡେ ନାନୁ ନାଜେ ପାଣ୍ଡାମାଞ୍ଜାଦି, ଏଦାଆଁ ଇଞ୍ଜାରି ପୁଞ୍ଜାମାଞ୍ଜାନେରି;

୨୬ ନାନୁ ନାଜେ ଏମିନି ଜାଞ୍ଜୁ ନହ୍ ଡି ଜାଞ୍ଜୁ ନହ୍ ମାଞ୍ଜାଦି, ଏଡ଼ି ଏନିକ୍ ଏଞ୍ଜରିତାଣା ଡୟିନେ ଅଡେ ନାନୁ ଏଞ୍ଜରିତାଣା ଡୟିଇଁ, ଏଦାଆଁତାକି ନାନୁ ଏଞ୍ଜରାଇଲ୍ ଖେସାମାଇ ଅଡେ ଖେହ୍ଇ ।”

୧୮

ଜାସୁ ସାତୁୟାଁ କେୟୁତା ହେରପି ଆନାସି

(ମାତି ୨୭:୪୭-୫୭; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜାସୁ ଇ ପ୍ରାତାନା ରାପ୍ତ୍ ହି ତାୟୁ ତାନି ସାସୁୟାଁ ତଲେ କିଦୁଣ କାତା ଆତାଲା ହାଚେରି, ଏମ୍ବାଆଁ ର ବାଡ଼ା ମାଚେ, ଇଞ୍ଜା ଏଞ୍ଜାସି ତାନି ସାସୁୟାଁ ତଲେ ଏମ୍ବାଆଁ ହଚେରି ।

୨ ଏମିନି ଜାହୁଦା ଏଞ୍ଜାଣାଇଁ ସାତୁୟାଁ କେୟୁତା ହେରପିତେସି, ଏଞ୍ଜାସି ଜିକେଏ ଏ ଗାୟୁତି ପୁଞ୍ଜାମାଚେସି, ଇତିହ୍ ଜାସୁ ହାଚେରକା ପାଲି ସାସୁୟାଁ ତଲେ ଏ ଗାୟୁତା ହାଜାମାଚେସି ।

୩ ଏଦାଆଁତାକି ଜାହୁଦା ଜାମାନାଜା ଇଞ୍ଜା କାଜା ପୁଜେରା ଅଡେ ପାରୁସିୟାଁ ତାଣାଟି ମାହାପୁରୁ ଇଲୁତି ଜାମାନାଜା ଲକୁ ଦୀଞ୍, ହିରୁ ବନ୍ଦାୟାଁ ଅଡେ ଚେଜା ବାଲାଇଁ ଆସାନା ଏମ୍ବାଆଁ ଖାଚେରି ।

୪ ଏମ୍ବାଟିଏ ଜାସୁ ତାଜେତାକି ଏନା ଏନାଆଁ ଆହାଲି ହାଜିମାନେ ଏ ବାରେ ପୁଞ୍ଜାନା, ନକିତା ହାଜାନା ଏଞ୍ଜରାଇଲ୍ ଖେଚେସି, “ମାରୁ ଆମ୍ବାଆରାଇଁ ପାରିମାଞ୍ଜେରି ?”

୫ ଏଞ୍ଜାରି ଏଲେଇଚେରି, “ନାଜ୍ଜରିତତି ଜାସୁ ।”

ଜାସୁ ଏଞ୍ଜରାଇଲ୍ ଏଲେଇଚେସି, “ନାନୁ ଏଞ୍ଜାଚେସି ?”

ଏମିନି ଜାହୁଦା ଏଞ୍ଜାଣାଇଁ ସାତୁୟାଁ କେୟୁତା ହେରପିତେସି, ଏଞ୍ଜାସି ଜିକେଏ ଏଞ୍ଜାରିତଲେ ଏମ୍ବାଆଁ ନିରାମାଚେସି ।

୬ ଜାସୁ ଏଚିବେଲା ଏଞ୍ଜରାଇଲ୍ ଏଲେଇଚେସି, “ନାନୁ ଏଞ୍ଜାଚେସି” ଏଚିବେଲା ଏଞ୍ଜାରି ତାୟୁଞ୍ଜାକି ଗୁଚା ଆହାନା ବୁମିତା ତରଗା ହାଚେରି ।

୭ ଜାସୁ ଖେଶ୍ଟେ ଖେଚେସି, “ମାରୁ ଆମ୍ବାଆରାଇଁ ପାରିମାଞ୍ଜେରି ?” ଏଞ୍ଜାରି ଏଲେଇଚେରି, “ନାଜ୍ଜରିତତି ଜାସୁଇଁ ।”

୮ ଜୀସୁ ଏଲେଇରେସି, “ନାନୁ ଝେସାମାଞ୍ଜାଇଁ, ନାନୁ ଏଝାତେଏ । ମୀରୁ ନାଙ୍ଗେ ପାରିମାଞ୍ଜାଦେରି ଇଚିହିଁ ଇଝାରାଇଁ ପିହୁଦୁ ।

୯ ଆମ୍ବାଆରାଇଁ ନାଙ୍ଗେ ହୀହାମାଞ୍ଜାଦି, ଏଝାରି ବିତ୍ରାଟି ରଥଣାଇଁ ଜିକେଏ ଜାକ୍‌ହା ହିଲଅଁ ।” ଏନ୍‌କିଁ ଦାମ୍ବୁ ପତିତି କାତା ସାତା ଆନେ ଏନାଆଁତାକି ଏଲେ ଇଚେସି ।

୧୦ ସିମନ ପିତର ତାନି ତାଣା କାଣ୍ଡା ମାତାକି ଏଝାସି କାଜା ପୂଜେରା ହଲେଏଣା ଚିନି କିୟଁ ହାଡେସି, ଏଝାଣି ଦରୁ ମାଲକସି ।

୧୧ ଏଚେଟିଏ ଜୀସୁ ପିତରଇଁ ଏଲେଇଚେସି, “କାଣ୍ଡା, କାଣ୍ଡା ଇଚିନି ଟାୟୁତା ଇଟାମୁ; ନୀନୁ ଏନାଆଁ ଅଣ୍‌ପିମାଞ୍ଜି, ଆବା ମାହାପୁରୁ ନାଙ୍ଗେ ହୀହାମାଞ୍ଜାନି ଦୁକ୍‌କୃତି ସଲ୍ଲୀତା ଗସାଲି ଆଡ଼ଅଁ କି ?”

ହାନାନ ନକିତା ଜୀସୁ

୧୨ ଏମ୍ବାଟିଏ ରମିୟ କସକା, ଇଞ୍ଜା ରିଜାରି କସକା ମୁହେଁ କାଜାସି, ଅଡେ ଜୀହୁଦି ଲକ୍‌କୃତି କସକା ଜୀସୁଇଁ ଆସାନା ଦସ୍‌ପିଚେରି ।

୧୩ ଏଝାଣାଇଁ ଦସ୍‌ପାନା ମୁଲୁଏ ହାନାନ ତାଣା ଅଡେରି, ଇଚିହିଁ ଏଝାସି ଏ ବାସୀତି କାଜା ପୂଜେରା କୟାପାତି ପଡ଼ଲେଏସି ମାଚେସି ।

୧୪ ଏ କୟାପା ବାରେ ଲକ୍‌କୃ ତାକି ରଥସି ହାନାୟି ମିଙ୍ଗେ ତାକି ନେହେଁ ଇଞ୍ଜାଁ ଜୀହୁଦି ଲକ୍‌କୃଣି ଝେସାମାଚେସି ।

ପିତର ଜୀସୁଇଁ ପୁଞ୍ଜାହିଲଅଁ ଇନାୟି

(ମାତି ୨୬:୨୯-୩୦; ମାର୍କ ୧୪:୨୭-୨୮; ଲୁକ ୨୨:୫୫-୫୯)

୧୫ ସିମନ ପିତର ଅଡେ ର ସୀସୁ ଜୀସୁତି ଜେଚ ଜେଚ ହାଜିମାଚେରି । ଏ ସୀସୁ କାଜା ପୂଜେରା ତଲେ ପୁଣ୍ଡି ଆହାମାଚେରି ଅଡେ ଜୀସୁତଲେ କାଜା ପୂଜେରା ଆଗେଣିତା ହାଚେସି;

୧୬ ସାମା ପିତର ପାଙ୍ଗାତି ଦୁଝେରି ଦାରିତା ନିଚାନା ଡୁୟିଚେସି । ସାମା ଏମିନି ସୀସୁ କାଜା ପୂଜେରା ତଲେ ପୁଣ୍ଡି ଆହାମାଚେରି, ଏଝାସି ପାଙ୍ଗାତା ହାଜାନା ଦୁଝେରିତା କାଞ୍ଚିଆନାଣାଇଁ ଏଲେଇଞ୍ଜାନା ପିତରଇଁ ବିତ୍ରା ଅଚେସି ।

୧୭ ଏମ୍ବାଟିଏ ଦୁଝେରିତା କାଞ୍ଚିଆନାଣି ହଲେଣି ପିତରଇଁ ଏଲେଇଚେ, “ନୀନୁ ଜିକେଏ ଏନାଆଁ ଇ ଲକ୍‌କୃତି ସୀସୁୟାଁ ବିତ୍ରାଟି ରଥତି ଆଏକି ?”

ପିତର ଏଲେଇଚେସି, “ନାନୁ ଏଝାତେଏଁ ଆଏ ।”

୧୮ ଏଚିଚେଲାତା ପେନି ଆହିମାଚାକି ହଲିୟାଙ୍ଗା ଅଡେ କାଞ୍ଚିଆନାରି ହିଦୁ ତାସାନା ସାରିଝାକି ନିଚାନା କେରଞ୍ଜି ମାଚେରି; ପିତର ଜିକେଏ ଏଝାରିତଲେ ନିଚାନା ହିଦୁ କେରଞ୍ଜି ମାଚେସି ।

କାଜା ପୂଜେରା ଜୀସୁଇଁ ଝେନାୟି

(ମାତି ୨୬:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୭-୭୧)

୧୯ କାଜା ପୂଜେରା ଜୀସୁଇଁ ତାନି ଜାପୁନାଣି ଇଞ୍ଜା ସୀସୁୟାଁତି କାତା ଝେଚେସି ।

୨୦ ଜୀସୁ ଏଲେଇଚେସି, “ନାନୁ ବାରେ ଦାରତିତି ନକିତା ତସାନା ଜାପୁହାମାଇଁ, ଆମ୍ବିୟା ବାରେ ଜୀହୁଦି ଲକ୍‌କୃ କୃତା ଆନେରି, ମାହାପୁରୁ ଇଲୁତା ଅଡେ ଜୀହୁଦି ଲକ୍‌କୃତି କୁଟିନି ଇଲକାଣା*, ଲକ୍‌କୃ କୃତା ଆହାମାନି ଚେଲାତା ନାନୁ ଜାପୁହାମାଇଁ, ଡକ୍‌କୃହାନା ଏନାଆଁ କିହାହିଲଅଁ ।

୨୧ ନାଙ୍ଗେ ଏନାଆଁତାକି ଝେଞ୍ଜିମାଞ୍ଜାଦି ? ନାନୁ ଏଝାରାଇଁ ଏନାଆଁ ଏଲେଇଞ୍ଜାମାଇଁ, ଆମ୍ବାଆରି ଝେଞ୍ଜାମାନେରି ଏଝାରାଇଁ ଝେନାମୁ; ନାନୁ ଏନା ଏନାଆଁ ଏଲେଇଞ୍ଜାମାଇଁ, ଏଝାରି ବାରେ ପୁଞ୍ଜାମାନେରି ।”

୨୨ ଜୀସୁ ଏଲେ ଇଞ୍ଜିମାନାଣି ଝେଞ୍ଜାନା ଦାରିତା ନିଚାମାତି ମାହାପୁରୁ ଇଲୁ ଜାମାନାଙ୍ଗା ବିତ୍ରାଟି ରଥସି ଏଝାଣାଇଁ ସାପୁଡ଼ା ଝେଚାନା ଏଲେଇଚେସି, “ନିଙ୍ଗେ ଇଚେକା ସାସା କାଜା ପୂଜେରାଇଁ ଏଲେ ଇଞ୍ଜିମାଞ୍ଜି ?”

୨୩ ଜୀସୁ ଏଝାଣାଇଁ ଏଲେଇଚେସି, “ନାନୁ ଲାଗେଏ ଜଲ୍‌ମାଚିହିଁ, ଏ ଲାଗେଏତି ପାର୍‌ମାଣା ହିୟାଦୁ; ନେହିଁ ଜଲ୍‌ମାଚାଇଁ ଇଚିହିଁ ଏନାଆଁତାକି ନାଙ୍ଗେ ଝେଚିମାଞ୍ଜାଦି ?”

* ୧୮:୧୧ ମାତି ୨୬:୩୯; ମାର୍କ ୧୪:୩୬; ଲୁକ ୨୨:୪୨ * ୧୮:୧୪ ଜହ ୧୧:୪୯, ୫୦ * ୧୮:୨୦ ସିନଗର

୨୪ ଏମ୍ବ୍ରାଟିଏ ହାନାନ ଜାମୁଇଁ ଏଲେକିହିଁ ଏ ଦସ୍‌ପି ଆହ୍‌ମାନାଣାଇଁ କାଜା ପୂଜେରା କୟାପା ତାଣ୍ଡା ପାଣ୍ଡିତେସି ।

ପିତର ଜାମୁଇଁ ଅଡ଼େ ଝେଣ୍ଡେ ପୁଞ୍ଜାହିଲଅଁ ଇନାୟି
(ମାତି ୨୭:୭୧-୭୫; ମାର୍କ ୧୪:୨୯-୩୧; ଲୁକ ୨୨:୫୮-୬୨)

୨୫ ସିମନ ପିତର ହିତୁ ତାଗେ ନିତାନା ହିତୁ କେରଞ୍ଜି ମାଚେସି, ଏମ୍ବ୍ରାଟିଏ ଏଞ୍ଜାରି ଏଞ୍ଜାଣାଇଁ ଝେରେରି, “ନାନୁ ଜିକେଏ ଏଞ୍ଜାଣି ସାମୁୟିଁ ବିତ୍ରାଟି ରଅତି ଆଏକି ?”

ପିତର ଏଲେଇଚେସି, “ନାନୁ ଆଏ ।”

୨୬ ପିତର, ଏମିନି କାଜା ପୂଜେରା ହଲିୟାଙ୍ଗା ବିତ୍ରାଟି ରଅଣି କିୟିଁ ଦୁାଡ଼ା ମାଚେସି, ଏଞ୍ଜାଣି କୁଟମିତାସି ଏଲେଇଚେସି, “ନାନୁ ନିଜେ ବାଡ଼ାତା ଏଞ୍ଜାଣିତଲେ ମାଚାଣି ମେସାମାଞ୍ଜାଆତେଏଁ କି ?”

୨୭ ପିତର ଅଡ଼େ ଝେଣ୍ଡେ ଏଲେଇଚେସି, “ଆଏ ପୁଞ୍ଜାହିଲଅଁ ।” ଏତିରେଲାତା କୟୁ କେଣ୍ଡେ ।

ପିଲାତ ତାଣ୍ଡା ଜାମୁ
(ମାତି ୨୭:୧, ୨, ୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ତାନି ଅର ନେହୁ ଲାକ୍ ଏଞ୍ଜାରି ଜାମୁଇଁ କୟାପା ଇଲୁଟି ଅହାନା ରମିୟ ରାଜି ସାଲ୍‌ଝି କିନାଣି ମେଡ଼ା ଇଲୁତା ଏତେରି, ଜାହୁଦି ଲକୁ ମେଡ଼ା ଇଲୁ ବିତ୍ରା ହାଲାଆତେରି, ଇରିହିଁ ଏଦାଆଁ ତଲେ ପିସ୍‌ପିଆଡ଼ି ପାର୍ବୁତି ବଜି ତାକି ତାମ୍‌ଜେ ଲାଗେଏ କିହାକତାଲି ଅଣ୍ଡିପି ହିଲାଆତେରି ।

୨୯ ଏଦାଆଁତାକି ସାଲ୍‌ଝି କିନି ପିଲାତ ଏଞ୍ଜାରିତାଣ୍ଡା ପାଙ୍ଗାତା ଝାହାନା ଝେରେସି, “ଇ ମାଣ୍‌ସି କପାଟି ମୀ ଏନିଲେହେଟି ଦାଞ୍ଜା ମାନେ ?”

୩୦ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଇ ମାଣ୍‌ସି ଲାଗେଏତି କାମା କିହା ହିଲାଆତିହିଁ ମା, ମାମୁ ଏଞ୍ଜାଣାଇଁ ନୀ ତାଣ୍ଡା ତାଆତିମମା ।”

୩୧ ପିଲାତ ଏଞ୍ଜାଣାଇଁ ଏଲେଇଚେସି, “ଆତିହିଁ ଇଞ୍ଜାଣାଇଁ ଅହାନା ମୀ ମେରା ତଲେ ନୀହାୟି କିଦୁ ।” ଜାହୁଦିୟାଁ ଏଞ୍ଜାଣାଇଁ ଏଲେଇଚେରି, “ଆମ୍ବାଆରାଇଁ ହାନି ତଣ୍ଡ ହାହାଲି ମା ଅଦିକାରା ହିଲେଏ ।”

୩୨ ଜାମୁ ଏନିକିଁ ହାହାଲି ହାଜିମାନେସି, ଏ କାତା ଜାମୁ ଏନାଆଁ ଏଲେଇଞ୍ଜାମାଚେସି, ଏଦି ଏନିକିଁ ପୁରା ଆନେ, ଏଦାଆଁତାକି ଏଞ୍ଜାରି ଏଲେଇଚେରି ।

୩୩ ପିଲାତ ଝେଣ୍ଡା ମେଡ଼ା ଇଲୁ ବିତ୍ରା ହାଜାନା ଜାମୁଇଁ ଝେରେସି, “ଏନାଆଁ ନାନୁ ଜାହୁଦି ଲକୁତି ରାଜାତି ?”

୩୪ ଜାମୁ ଏଲେଇଚେସି, “ଇ କାତା ନୀ ମନଟି ଝେଞ୍ଜିମାଞ୍ଜାଦି କି ଏଟକାତାରି ନା କାତାତି ନିଜେ ଏନାଆଁ ଏଲେଇଞ୍ଜା ମାଞ୍ଜାନେରି ?”

୩୫ ପିଲାତ ଏଲେଇଚେସି, “ନାନୁ ଏନାଆଁ ଅଣ୍ଡପାମାଞ୍ଜି, ନାନୁ ର ଜାହୁଦିତେଏଁ ? ନୀ କୁଡ଼ାତି ଲକୁ ଇଞ୍ଜା କାଜା ପୂଜେରାଙ୍ଗା ନିଜେ ତାଚାନା ନା କେୟୁତା ହେରୁପା ମାଞ୍ଜାନେରି । ଝେପ୍ପାମୁ ନାନୁ ଏନାଆଁ କିହାମାଞ୍ଜି ?”

୩୬ ଜାମୁ ଏଲେଇଚେସି, ନା ରାଜି ଇ ଦାର୍‌ତିତାୟି ଆଏ; ନା ରାଜି ଦାର୍‌ତିତାୟି ଆଡ଼ିହିଁ ମା, ନାନୁ ଜାହୁଦି ଲକୁତାଣ୍ଡା ହେରୁପି ଆଆରେରୁଁ ନାଜେ ସେବା କିୟାନାରି ନା ତାକି ଲୁକୁ କିତେରିମା, ସାମା ନା ରାଜି ସାତେଏ ଇ ଦାର୍‌ତିତାୟି ଆଏ ।

୩୭ ପିଲାତ ଏଞ୍ଜାଣାଇଁ ଝେରେସି, “ଆତିହିଁ ନାନୁ ଜାହୁଦି ଲକୁତି ରାଜାତି ?”

ଜାମୁ ଏଲେଇଚେସି, “ନାନୁ ଏଲେ ଇଞ୍ଜିମାଞ୍ଜି ନାନୁ ର ରାଜାତେଏଁ । ନାନୁ ସାତା ଝାକିଟି ସାକି ହାହାଲି ଜାନାଁ ଆହ୍‌ମାଇଁ ଅଡ଼େ ଦାର୍‌ତିତା ଝାହାନାଇଁ । ଆମ୍ବାଆସି ସାତାତି ମାର୍‌ଏସି ଏଞ୍ଜାସି ନା କାତା ଝେନେସି ।”

ଜାମୁଇଁ ହାନି ତଣ୍ଡ ହାନାୟି
(ମାତି ୨୭:୧୫-୩୧; ମାର୍କ ୧୫:୬-୨୦; ଲୁକ ୨୩:୧୩-୨୫)

୩୮ ପିଲାତ ଝେରେସି, “ସାତା ଏନାୟି ?”

ପିଲାତ ପାଙ୍ଗାତା ହାଜାନା ଜାହୁଦି ଲକୁଣି ଏଲେଇଚେସି, “ନାନୁ ଇଞ୍ଜାଣି ତାଣ୍ଡା ଏନି ଦହ ବେଟାଆହି ହିଲଅଁ ।

୩୯ ସାମା ନାନୁ ପିସ୍‌ପିଆନି ପାର୍ବୁ ବେଲତା ମିଙ୍ଗେତାକି କାୟିଦିତା ମାନାରାଇଁ ରଥଣାଇଁ ପିସାଲି ତାକି ମୀ ମେରା ମାନେ, ଏଦାଆଁତାକି ଜୀହୁଦି ଲକୁଡି ରାଜାଇଁ ମାଙ୍ଗେତାକି ପିସା ହିୟାପେସି ଇଞ୍ଜିଁ ମୀ ମନ ମାନେକି ?”

୪୦ ଏମ୍ବାଟିଏ ଏଞ୍ଜାରି କାଲୁଓ ଆହୁଁ ଏଲେଇଚେରି, “ଇଞ୍ଜାଣାଇଁ ଆଏ, ସାମା ବାରବାଇଁ ଠିପିସାହିୟାମୁ ।”

୧୯

୧ ତାମୁ ପିଲାତ ଜୀସୁଇଁ ଅହାନା ସାଟୁଣି ମାଡ଼ା କିଓି କିତେସି ।

୨ ଅଡେ ରିଜାରି କସ୍‌କା ହାପ୍‌କା ଟପେରି ଆଲାନା ଜୀସୁ ତାୟଁ ତୁା ଇଚିତେରି, ଅଡେ ଏଞ୍ଜାଣାଇଁ ହେୟଁ ଖାଣା ହିମ୍ବରି ହୁଚିକିତେରି:

୩ ଏଞ୍ଜାରି ଏଞ୍ଜାଣି ତାଣା ଖାହାନା ଏଲେଇଚେରି, “ଏ ଜୀହୁଦିୟଁ ରାଜା ଜହରା;” ଇଞ୍ଜାଁ ଏଞ୍ଜାରି ଏଞ୍ଜାଣାଇଁ ସାପୁଡ଼ା ଖେତେରି ।

୪ ପିଲାତ ଖେଣ୍ଡେ ପାଙ୍ଗାତା ହାଜାନା ଏଲେଇଚେସି, “ନାନୁ ଏଞ୍ଜାଣି ତାଣା ଏନି ଦହ ବେଟାଆହି ହିଲଅଁ, ଇଦାଆଁ ଏନିକିଁ ମୀରୁ ପୁଞ୍ଜେରି, ଇଦାଆଁତାକି ନାନୁ ଏଞ୍ଜାଣାଇଁ ମୀ ତାଣା ତାଟିମାଇଁ ।”

୫ ଏମ୍ବାଟିଏ ଜୀସୁ ଏ ହାପ୍‌କା ଟପେରି ଅଡେ ହେୟଁ ଖାଣା ହିମ୍ବରି ପରହାନା ପାଙ୍ଗାତା ଖାଡେସି, ପିଲାତ ଏଞ୍ଜାରାଇଁ ଏଲେଇଚେସି, “ମେହଦୁ ଇଞ୍ଜାସି ଏ ମାଣସି ।”

୬ ଏମ୍ବାଟିଏ କାଜା ପୁଜେରାଙ୍ଗା ଅଡେ ମାହାପୁରୁ ଇଲୁ କାଃଆନି ଜାମାନାଙ୍ଗା ଏଞ୍ଜାଣାଇଁ ମେସାନା କାଲୁଓ ଆହୁଁ ଏଲେଇଚେରି, “ଏଞ୍ଜାଣାଇଁ ପାସି ଏକଦୁ ପାସି ଏକଦୁ ।” ପିଲାତ ଏଞ୍ଜାରାଇଁ ଏଲେଇଚେସି, “ମୀରୁ ଏଞ୍ଜାଣାଇଁ ଅହାନା ପାସି ଏକଦୁ, ଇଚିହୁଁ ନାନୁ ଏଞ୍ଜାଣି ତାଣା ଏନି ଦହ ବେଟାଆହି ହିଲଅଁ ।”

୭ ଜୀହୁଦି ଲକୁ ଏଞ୍ଜାଣାଇଁ ଏଲେଇଚେରି, “ଇଚିହୁଁ ମାଙ୍ଗେ ରଣ୍ଡିଏ ମେରା ମାନେ, ଏ ମେରାଲେହେଁଏ ଏଞ୍ଜାସି ହାନି ତଣ୍ଡ ବେଟାଆନାୟି ମାନେ, ଇଚିହୁଁ ଏଞ୍ଜାସି ତାଙ୍ଗେ ମାହାପୁରୁଚି ମୀରୁଏସି ଇଞ୍ଜିଁ ଖେସାମାନେସି ।”

୮ ଏମ୍ବାଟିଏ ପିଲାତ ଇ କାତା ଖେଞ୍ଜାନା ଗାଡ଼ି ଆଜିତେସି ।

୯ ଖେଣ୍ଡେ ମେଡ଼ା ଇଲୁତା ହାଜାନା, ଜୀସୁଇଁ ଖେତେସି, “ନାନୁ ଆମ୍ବିଟି ଖାହାମାଞ୍ଜି ?” ସାମା ଜୀସୁ ସାପି ଆହାନା ଡ଼ୟିତେସି ।

୧୦ ପିଲାତ ଏଲେଇଚେସି, “ନାଙ୍ଗେ ଜଲିମାଞ୍ଜଅତି ? ନିଙ୍ଗ ଗେଲପାଲି ନା ଅଦିକାରା ମାନେ ଅଡେ ପାସିତା ଏକହାଲି ନା ଅଦିକାରା ମାନେ ଇ କାତା ନାନୁ ପୁଞ୍ଜାହିଲଅତି ?”

୧୧ ଜୀସୁ ଏଲେଇଚେସି, “ମାହାପୁରୁ ତାଣାଟି ନିଙ୍ଗେ ଅଦିକାରା ହାଆତିହୁଁ, ନା ଲାକ ନୀ ଏନି ଅଦିକାରା ହିଲାଆତେମା; ଇଞ୍ଜାଁ ଆମ୍ବାଆସି ନାଙ୍ଗେ ନୀ କେୟୁତା ହେରୁପା ମାଞ୍ଜାନେସି ଏଞ୍ଜାଣି ପାପୁ ହାରେକା ।”

୧୨ ଇ କାତା ଖେଞ୍ଜାନା ପିଲାତ ଜୀସୁଇଁ ପିସାଲି ତାକି ଅଣପିତେସି, ସାମା ଜୀହୁଦି ଲକୁ କାଲୁଓ ଆହୁଁ ଏଲେଇଚେରି, “ନାନୁ ଇଞ୍ଜାଣାଇଁ ପିହୁଦି ଆତିହୁଁ ନାନୁ କାୟିସରତି ତଣ୍ଡେଟି ଆଏ; ଆମ୍ବାଆସି ଜାହାରାଇଁ ରାଜା ଇନେସି ଏଞ୍ଜାସି କାୟିସର କପାଟି କାତା ଜଲିମାନେସି ।”

୧୩ ପିଲାତ ଇ କାତା ଖେଞ୍ଜାନା ଜୀସୁଇଁ ପାଙ୍ଗାତା ଖାଲକାତି ବେରଣିମାଣ୍ଡା ତାତେରି । ଏମିନାଣି ଏଡ଼ି ହାଡ଼ାତଲେ “ଗବ୍‌ବତା” ଇଞ୍ଜିଁ ଇନେରି, ଏ ଟାୟୁଟି ବିଚାରା କିନି ଟାୟୁତା କୁଗିତେସି ।

୧୪ ଏ ଦିନା ପିସ୍‌ପିଆନି ପାର୍ବୁତି ତଲିତି ଦିନା ମାଚେ, ଏଚିବେଲା ଲାଲ୍‌ ସ.ଗଂଟା ଆହାମାଚେ । ଇଞ୍ଜାଁ ଏଞ୍ଜାସି ଜୀହୁଦି ଲକୁଣି ଏଲେଇଚେସି, “ଇଞ୍ଜାସି ମେହଦୁ ମୀ ରାଜା ।”

୧୫ ଏମ୍ବାଟିଏ ଏଞ୍ଜାରି ଏଲେଇଚେରି, “ଏଞ୍ଜାଣାଇଁ ପାୟାଦୁ, ପାୟାଦୁ, ପାସି ଏକଦୁ ।” ପିଲାତ ଏଞ୍ଜାରାଇଁ ଏଲେଇଚେସି, “ନାନୁ ମୀ ରାଜାଇଁ ପାସିତା ଏକଇଁ ?” କାଜା ପୁଜେରାଙ୍ଗା ଏଲେଇଚେରି, “କାୟିସର ପିସ୍‌ପେ ମା ରାଜା ଆମ୍ବାଆସି ହିଲଅସି ।”

୧୬ ତାମୁ ପିଲାତ ଜୀସୁଇଁ ପାସି ମୁଣ୍ଡାତା ଏକହାଲି ତାକି ଏଞ୍ଜାରି କେୟୁତା ହେରୁପିତେସି, ଇଞ୍ଜାଁ ତାମୁ ଏଞ୍ଜାରି ଜୀସୁଇଁ ଅହୁଁ ହାଚେରି ।

ଜୀସୁତି ପାସି ଆନାୟି
(ମାଡ଼ି ୨୭.୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୭-୪୩)

† ୧୮:୪୦ ଇ ବାରବା ର.ଟ.ଗେଏସି ମାଚେସି

୧୭ ଏବେଟିଏ ଏଞ୍ଜାରି ଜୀସୁଙ୍କ ଅଡ଼େରି; ଅଡ଼େ ଜୀସୁ ଜାହାରା ପାସିମୁଣ୍ଡା ଡେକାନା “ତାୟ୍ ରୁପା” ଇନି ଗାୟ୍ତା, ଇଚିହ୍ ଏମିନାଣି ଏବି ହାଡ଼ାତଲେ “ଗଲଗତା” ଇଞ୍ଜିଁ ଇନେରି ଏମ୍ବାଆଁ ହାଚେସି ।

୧୮ ଏମ୍ବାଆଁ ଏଞ୍ଜାରି ଜୀସୁଙ୍କ ପାସି ମୁଣ୍ଡାତା ଏକହେରି, ଏଞ୍ଜାଣିତଲେ ଅଡ଼େ ରିଆରାଙ୍କ ପାସି ମୁଣ୍ଡାତା ଏକହେରି, ରିକଞ୍ଜାକି ରିଆରି ଅଡ଼େ ମାଦିଏ ଜୀସୁ ।

୧୯ ଅଡ଼େ ପିଲାତ ର ଆକୃତା ରାଚାନା ପାସିମୁଣ୍ଡା ଲାକ ଆଟିକିତେସି, ଏମ୍ବାଆଁ ରାସ୍କି ଆହାମାଚେ, “ନାଜ୍ଜରିତତି ଜୀସୁ ଜୀହୁଦିୟାଁ ରାଜା ।”

୨୦ ଜୀହୁଦିୟାଁ ବିତ୍ତାରି ହାଚେରକା ଏ ଆକୃତି ପଡ଼ଞ୍ଜି ଆଡେରି, ଇଚିହ୍ ଜୀସୁଙ୍କ ଏମିନିତାଣା ପାସି ଏପକି ଆହାମାଚେ, ଏଡ଼ି ଗାଡ଼ା ତାଗେ ମାଚେ; ଇଞ୍ଜିଁ ଏ ଆକୁ ଏବି, ଲାରିନ୍ ଅଡ଼େ ଗ୍ରିକ୍ ହାଡ଼ାତଲେ ରାସ୍କି ଆହାମାଚେ ।

୨୧ ଜୀହୁଦି ଲକୃତି କାଜା ପୂଜେରାଜା ପିଲାତଇଁ ଏଲେଇଚେରି, “ଜୀହୁଦିୟାଁ ରାଜା ଇଞ୍ଜିଁ ରାଡ଼ାଆନା, ନାନୁ ଜୀହୁଦି ଲକୃତି ରାଜା ଇଞ୍ଜିମାଚେସି ଇଞ୍ଜିଁ ରାଡ଼ାମୁ ।”

୨୨ ସାମା ପିଲାତ ଏଲେଇଚେସି, “ନାନୁ ଏନାଆଁ ରାଡ଼ାମାଙ୍କ ଏଲେକିହ୍ ଏ ଡ଼ୟିନେ ।”

୨୩ ରିଜାରି କସ୍କା ଜୀସୁଙ୍କ ପାସିତା ଏକହି ଜେଚ ଏଞ୍ଜାଣି ହିମ୍ବୁରିକା ଅହାନା ସାରି ବାଗା କିତେରି, ର ର କହ୍‌ଏଣାକି ରଣ୍ଡାଲାକା, ଅଡ଼େ ଏଞ୍ଜାଣି ଲାମ୍ବା ସକା ଜିକେଏ ଅଡ଼େରି । ଏ ଲାମ୍ବା ସକା ତାଚାନା ହେରକି ଟିଏ ପାଃଆନା କତାୟାଁ ପାଚେକା କିଞ୍ଜି ଆହାମାଚେ ।

୨୪ ଏଡ଼ାଆଁତାକି ଏଞ୍ଜାରି ଏଲେଇଚେରି, “ଇଦାଆଁ ଗେହ୍‌ଆପ, ସାମା ଇଦି ଆମ୍ବାଆରାଞ୍ଜାୟି ଆନେ, ଏଡ଼ାଆଁତାକି ପାଦି କିନ ।” ଏନିକ୍ ଦାମ୍ବୁ ପତିତି କାତା ପୁରା ଆନେ,

“ଏଞ୍ଜାରି ତାମି ବିତ୍ତା ନା ହିମ୍ବୁରିକା ବାଗା କିତେରି, ଅଡ଼େ ନା ଲାମ୍ବା ସକାତାକି ପାଦି କିତେରି ।” ରିଜାରି କସ୍କା ସମାନା ଏଲେକିହ୍ ଏ କିତେରି ।

୨୫ ସାମା ଜୀସୁତି ପାସିମୁଣ୍ଡା ତାଗେ ତାମି ଇୟା, ତାମି ଇୟାନି ତାଜି, ଲୁପାତି ଡକ୍ରି ମରିୟମ ଅଡ଼େ ମଗବଲିନି ମରିୟମ ନିଚାମାଚୁ ।

୨୬ ଜୀସୁ ତାମି ଇୟା ଅଡ଼େ ଏମିନି ସୀସୁଙ୍କ ଜୀଞ୍ଜୁ ନହ୍ ମାଚେସି, ଏଞ୍ଜାସି ତାଗେ ନିଚାମାନାଣି ମେସାନା ଏଲେଇଚେସି, “ଏ ଇୟା ମେହ୍‌ମୁ ନୀ ମୀର୍‌ଏସି !”

୨୭ ତାୟ୍ ଜୀସୁ ଏ ସୀସୁଙ୍କ ଏଲେଇଚେସି, “ଇଦି ମୀ ଇୟା ।” ଏ ଦିନାଟିଏ ଏ ସୀସୁ ଜୀସୁତି ଇୟାନି ତାମି ଇଜ ଅଡ଼େସି ।

ଜୀସୁ ହାକି

(ମାତି ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ତାୟ୍ ଜୀସୁ ଦାମ୍ବୁ ପତିତି ବଲୁ ଏନିକ୍ ପୁରା ଆନେ, ଏଡ଼ାଆଁତାକି ବାରେ ରାହାମାନେ ଇଞ୍ଜିଁ ପୁଞ୍ଜାନା ଏଲେଇଚେସି, “ନାଜେ ଏସ୍କି ହଡ଼ିମାଞ୍ଜାନେ ।”

୨୯ ଏମ୍ବାଆଁ ପୁଲାଏୟ୍ ନେଞ୍ଜାମାନି ର ଡ଼କା ମାଚେ; ଏଞ୍ଜାରି ଏମ୍ବାଆଁ ର ଡ୍ରାଃଆଲି ମୁସାନା ବାଲାତି ମୁନୁତା ରୁପାନା ଜୀସୁତି ଗୃତିତା ହାଚେରି ।

୩୦ ଏବେଟିଏ ଜୀସୁ ଏ ପୁଲାଏୟ୍ ଗସାନା ଏଲେଇଚେସି, “ରାହାହାଚେ” ଏଲେଇଞ୍ଜାନା ତାୟ୍ ଲେସାନା ହାଚେସି ।

ଜୀସୁ ପାଡ଼କା ଟଟତା ବାଲା ତଲେ ଉହ୍‌ନାୟି

୩୧ ପାସି ଏପକି ଆହାମାନାରି କତାୟାଁ ଡିକ୍‌ହାନା ଏଞ୍ଜାରି ହାଡ଼ି ମାଡ଼ହାଡ଼ି ପାସି ମୁଣ୍ଡାଟି ରେପୁହା ତାଗାଲି ଜୀହୁଦି ଲକୃତ୍ କାଜାରି ପିଲାତଇଁ ବାଟିମାଲିତେରି, ଇଚିହ୍ ଏ ଦିନା ସୁକ୍ରି ତାନି ଅର୍ ଦିନା ସୁକ୍ରି ଜମିନି ଦିନାତା ହାଡ଼ି ମାଡ଼ହା ପାସିମୁଣ୍ଡା ଲାକ ପିସାଲି ଏଞ୍ଜାରି ମନ କିହ୍‌ହଲାଆଚେରି ।

୩୨ ଇଞ୍ଜିଁ ରିଜାରି କସ୍କା ଖାହାନା ଜୀସୁତଲେ ପାସି ମୁଣ୍ଡାତା ଏକହାମାତି ରିଆରି କତାୟାଁ ଡିକ୍‌ହେରି ।

୩୩ ସାମା ଏଞ୍ଜାରି ଜୀସୁ ତାଣା ଖାହାନା ଏଞ୍ଜାସି ହାହାମାନାଣି ମେସୁେରି, ଏଡ଼ାଆଁତାକି ଏଞ୍ଜାରି ଏଞ୍ଜାଣି କତାୟାଁ ଡିକ୍‌ଆଚେରି ।

୩୪ ଆଡ଼ିଜିକେଏ କସ୍କା ବିତ୍ତାରି ରଅସି ଜୀସୁତି ପାଡ଼କା ଟଟତା ବାଲା ତଲେ ଗୁକ୍‌ହେସି ଇଞ୍ଜିଁ ଦେବୁଣିଏ ଏମ୍ବାଟି ଏୟ୍ ଅଡ଼େ ନେତେରି ହଡ଼େ ।

୩୫ ଆମ୍ବାଆସି ମେସାମାନେସି, ଏଞ୍ଜାସି ସାକି ହାହାମାନେସି, ଏନିକ୍ ମୀରୁ ଜିକେଏ ନାମିଦେରି; ଇଞ୍ଜିଁ ଏଞ୍ଜାଣି ସାକି ସାତା, ଏଞ୍ଜାସି ସାତା ଖେସାମାନେସି ଇ କାତା ଏଞ୍ଜାସି ପୁଞ୍ଜାମାନେସି ।

୩୭ ଇତିହାସ ଦୀର୍ଘ ପତ୍ତି କାତା ପୂରା ଆହାଲିତାକି ଇ ବାରେ ଆଡେ, “ଏଝାଣି ର ତୁମ୍ଭ ଜିକେଏ ଡିକ୍‌ଅରି ।”

୩୮ *ଦୀର୍ଘ ପତ୍ତି ଅର କାତା ଇଦି, “ଏଝାରି ଆମ୍ବାଆରାଇଁ ବାଲା ତଲେ ଗ୍ଲୁକ୍‌ହା ମାତାରି ଜିକେଏ ଏଝାଣାଇଁ ସିନିକିନେରି ।”

ଜୀମ୍ଭୁଇଁ ମୁହନାୟି

(ମାତି ୨୭:୫୭-୬୧; ମାର୍କ ୧୫:୪୨-୪୬; ଲୁକ ୨୩:୫୦-୫୬)

୩୯ ଇଦାଆଁ ତାମ୍ଭୁ ହାରାମାତିୟାତି ଜସେପ ଇନାସି ପିଲାତ ତାଣା ହାଜାନା ଜୀମ୍ଭୁତି ଆଙ୍ଗା ଅହାଲି ବାତିମାଲିତେସି । ଇ ଜସେପ ଜୀମ୍ଭୁତି ର ସୀମ୍ଭୁ ମାଚେସି, ସାମା ଜୀମ୍ଭୁଦି ଲକ୍ଷ୍ମି କାଜାରି ଆଜିତାକି ତୁନାନା ମାଚେସି, ପିଲାତ ଏଝାଣାଇଁ ହେଲ ହାହାଲିଏ ଏଝାସି ଜୀମ୍ଭୁତି ଆଙ୍ଗା ମୁସାଲି ଅଚେସି ।

୪୦ *ଏଝାଣିତଲେ ନିକଦିମ ମାଚେସି । ଇ ନିକଦିମ ର ଦିନା ଲାଆଁୟାଁ ଜୀମ୍ଭୁତଲେ କାତା ଆହାଲି ଖାହାମାଚେସି, ଏ ନିକଦିମ କଡେଦସ କେଜି ଗାନ୍ଦା ନିୟୁଁ ତାଚିହଁ ଖାହାମାଚେସି ।

୪୧ ଏଝାରି ଜୀମ୍ଭୁତି ଆଙ୍ଗା ଅହାନା ଜୀମ୍ଭୁଦି ଲକ୍ଷ୍ମି ମୁହନି ମେରା ତଲେ ଏଦାଆଁ ଗାନ୍ଦା ନିୟୁଁତଲେ ପାଡାଡା ହିମ୍ଭୁରି ରୁପିତେରି ।

୪୨ ଜୀମ୍ଭୁ ଏନିନି ଚାୟୁତା ପାସି ମୁଣ୍ଡାତା ଏପକି ଆହାମାଚେସି ଏ ଦାରିତା ର ବାଡା ମାଚେ, ଏ ବିତ୍ରା ର ପୁଝନି ମାହୁଣି ମାଣ୍ଡା ମାଚେ, ଏମ୍ବାଆଁ ନକେଏ ଆମ୍ବାଆରାଇଁ ଇଚ୍ଚି ଆହାହିଲାଆଚେ ।

୪୩ ଏ ଦିନା ଜୀମ୍ଭୁଦି ଲକ୍ଷ୍ମି ଜମିନି ଦାନାତି ନକିତି ଦିନା ମାଚାକି, ଗାତି ହେକ ହାଲାଆନା ଏଝାରି ଜୀମ୍ଭୁତି ଆଙ୍ଗା ଅହାନା ମାହୁଣି ମାଣ୍ଡାତା ଇଚିତେରି ।

୨୦

ଝାଉଇ ମାହୁଣି ମାଣ୍ଡା

(ମାତି ୨୮:୧-୮; ମାର୍କ ୧୬:୧-୮; ଲୁକ ୨୪:୧-୧୨)

୧ ଝାଉତି ମୁଲୁ ଦିନା ଲାଲ ଲାଲ ଆନ୍ଦେରି ମାଞ୍ଜା ମାଞ୍ଜାନା ମଗ୍‌ଦଲିନି ମରିୟମ ମାହୁଣି ମାଣ୍ଡା ଦାରିତା ଖାହାନା ଏମ୍ବାତି ଝାଲି ଗୁତା ଆହାମାନାଣି ମେସ୍ତେ ।

୨ ଇଞ୍ଜା ଏଦି ହଚି ହଚି ହାଜାନା ସିମନ ପିତର ଆମ୍ବାଆରାଇଁ ଜୀମ୍ଭୁ ଜୀମ୍ଭୁ ନହଁ ମାଚେସି, ଏ ସୀମ୍ଭୁୟାଁଇଁ ଏଲେଇଚେ, “ଆମ୍ବାଆରି ପ୍ରବୁଇଁ ମାହୁଣି ମାଣ୍ଡାଟି ଅହାମାନେରି, ଇଞ୍ଜା ଆମ୍ବିୟା ଇଚାମାନେରି ଏଦାଆଁ ମାମ୍ଭୁ ପୁଞ୍ଜାହିଲଅମି ।”

୩ ଇ କାତା ଝେଞ୍ଜାନା ପିତର ଅଡେ ଅର ସୀମ୍ଭୁ ମାହୁଣି ମାଣ୍ଡା ଝାକି ହଚେରି ।

୪ ଏଝାରି ରିଆରି ରହେଁଏ ହଚେରି, ଅର ସୀମ୍ଭୁ ପିତରଇଁ ତାମ୍ଭୁ ପିସାନା ତଲିଏ ମାହୁଣି ମାଣ୍ଡା ଏଚେସି ।

୫ ଏଝାସି ବଙ୍ଗାହାଁ ଏନିନି ପାଡାଡା ହିମ୍ଭୁରି ଆଙ୍ଗାତା ରୁପା ମାଚେରି ଏମ୍ବାଆଁ ରିହାମାତାଣି ମେସ୍ତେସି, ସାମା ବିତ୍ରା ହାଲାଆଚେସି ।

୬ ତାମ୍ଭୁ ସିମନ ପିତର ଜିକେଏ ଝାଡେସି ଇଞ୍ଜା ମାହୁଣି ମାଣ୍ଡା ବିତ୍ରା ହଡାନା ସିନିକିତେସି ଏମ୍ବାଆଁ ପାଡାଡା ହିମ୍ଭୁରିକା ମାମ୍ଭୁ,

୭ ଇଞ୍ଜା ତାନି ତାୟୁଁ ତୁ ଦସାମାତି ଏ ପାଡାଡା ହିମ୍ଭୁରିକା ତଲେ ହିଲାଆଚେ ଏଦି ଏଚ୍‌କା ମାଚେ ।

୮ ଏଚିବେଲା ଏନିନି ସୀମ୍ଭୁ ତଲିଏ ମାହୁଣି ମାଣ୍ଡା ତାଚେ ଝାହାମାଚେସି, ଏଝାସି ଜିକେଏ ବିତ୍ରା ହଡାନା ମେସ୍ତେସି ଅଡେ ନାମିଚେସି;

୯ ଇଚିହଁ ହାଡାରି ବିତ୍ରାଟି ଏଝାଣାକି ନିଙ୍ଗାଲି ଆନ୍ଦେ, ଦୀର୍ଘ ପତ୍ତି ଇ ବଲୁ ଏଚେ ପାଡେକା ତେଲୁହା ହିଲାଆଚେରି ।

୧୦ ତାମ୍ଭୁ ସୀମ୍ଭୁୟାଁ ଝେଣ୍ଡେ ଇଜ ହାଚେରି ।

ଜୀମ୍ଭୁ ମଗ୍‌ଦଲିନି ମରିୟମଇଁ ତଞ୍ଜା ଆନାୟି

(ମାତି ୨୮:୯, ୧୦; ମାର୍କ ୧୬:୯-୧୧)

୧୧ ସାମା ମରିୟମ ତ୍ରାହି ତ୍ରାହି ପାଙ୍ଗାତା ନିଚା ତୁୟିତେ; ଇଞ୍ଜା ତ୍ରାହି ତ୍ରାହି ବଙ୍ଗାହାଁ ମାହୁଣି ମାଣ୍ଡା ବିତ୍ରା ସିନିକିତେ,

* ୧୯:୩୭ ଝେ ବଲୁ ୧:୭ * ୧୯:୩୯ ଜହ ୩:୧,୨

୧୨ ଜୀବୁତି ଆଜ୍ଞା ଏମିନି ଚାୟୁତା ଇବ୍‌କି ଆହାମାତେ, ଏମ୍‌ଆଁ ତାୟୁଁ ୱାକି ରଥସି ଅଡ଼େ କତାୟାଁ ୱାକି ରଥସି ଦବ୍‌ଲା ହିମ୍‌ବିକା ପବ୍‌ହାନା ରିଆରି ଦୁତୁୟାଁ କୁଗାମାନାଣି ମେସ୍ତେ ।

୧୩ ଏଞ୍ଜାରି ଏଦାନି ଏଲେଇଚେରି, “ଏ ଇୟା ଏନାଆଁତାକି ତାହିମାଞ୍ଜି ?” ଏଦି ଏଞ୍ଜାରାଇଁ ଏଲେଇଚେ, “ଆମ୍‌ଆରି ନା ପ୍ରବୁଇଁ ଅହାମାନେରି, ଅଡ଼େ ଏଞ୍ଜାଣାଇଁ ଆମ୍‌ୟା ଇଟାମାନେରି ପୁଞ୍ଜାହିଲଅଁ ।”

୧୪ ଏଦି ଏଲେଇଞ୍ଜାନା ତାୟୁଁ ୱାକି ସିନିକିହାନା ଜାୟୁଇଁ ମେସ୍ତେ, ସାମା ଏଞ୍ଜାସି ଜାୟୁ ପୁଞ୍ଜାଲି ଆଡ଼ାଆତେ ।

୧୫ ଜୀୟୁ ଏଦାନି ଏଲେଇଚେସି, “ଏ ଇୟା ଏନାଆଁତାକି ତାହିମାଞ୍ଜି ? ଆମ୍‌ଆରାଇଁ ପାରିମାଞ୍ଜି ?” ଏଦି ଏଞ୍ଜାଣାଇଁ ବାଡ଼ା ଗାଗାସି ଇଞ୍ଜୁଁ ଅଣ୍‌ପାନା ଏଲେଇଚେ, “ବାବୁ ନୀନୁ ଏଞ୍ଜାଣାଇଁ ଅହାମାଞ୍ଜି ଇଚିହଁ ଆମ୍‌ୟା ଇଟାମାଞ୍ଜି, ନାଜେ ଖେସ୍ତାମୁ ନାନୁ ଅଇଁ ।”

୧୬ ଜୀୟୁ ଏଦାନି ଏଲେଇଚେସି, “ମରିୟମ !” ମରିୟମ ଏଞ୍ଜାଣି ୱାକି ସିନିକିହାନା ଏବ୍ରି ହାଡ଼ାତଲେ ଏଲେଇଚେ, “ରାବ୍‌ବୁନି” ଇଚିହଁ ଏ ଗୁରୁ ।

୧୭ ଜୀୟୁ ଏଦାନି ଏଲେଇଚେସି, “ନାଜେ ଆସା ଇଟାଲି ଅଣ୍‌ପାଆନି, ଇଚିହଁ ନାନୁ ନାଏଁ ପାତେକା ଆବା ତାଣା ହାଜାହିଲଅଁ; ସାମା ନା ତାୟୁୟାଁ ତାଣା ହାଜାନା କାବୁ ହାମୁ, ନାନୁ ନା ଆବା ମୀ ଆବା ନା ମାହାପୁରୁ ମୀ ମାହାପୁରୁ ତାଣା ହାଜିମାଇଁ ।”

୧୮ ମଗ୍‌ଦଲିନି ମରିୟମ ହାଜାନା, ନାନୁ ପ୍ରବୁଇଁ ମେସାମାଇଁ ଏଞ୍ଜାସି ନାଜେ ଇ ବାରେ କାତା ଖେସାମାଞ୍ଜାନେସି ଇଞ୍ଜୁଁ ସାୟୁୟାଁଇଁ କାବୁ ହାତେ ।

ଜୀୟୁ ସାୟୁୟାଁଇଁ ତଞ୍ଜା ଆନାୟି

(ମାତି ୨୮:୧୭-୨୦; ମାର୍କ ୧୬:୧୪-୧୮; ଲୁକ ୨୪:୩୬-୪୯)

୧୯ ଏ ଦିନା ଇଚିହଁ ୱାଡ଼ାତି ତଲିତି ଦିନା ମିଡ଼ଅଲା ବେଲା ଏଡ଼େତା ସାୟୁୟାଁ ଏମିନି ଇଲୁତା ଜୀବୁତି ଲକ୍ଷ୍ମି ଆଜିତାକି ଦାରାୟାଁ ସୁଣ୍ଠାମାଚେରି, ଏଚିବେଲା ଜୀୟୁ ୱାହାନା ମାଦିଏ ନିଚାନା ଏଲେଇଚେସି, “ମିଜେ ହିଡ଼ଡ଼ି ଆୟାପେ ।”

୨୦ ଏଞ୍ଜାସି ଏଲେଇଞ୍ଜାନା ତାନି କେସ୍ତା, ପାଡ଼କା ତୁଇକା ତଡ଼େସି, ଏମ୍‌ଗାଟିଏ ସାୟୁୟାଁ ପ୍ରବୁଇଁ ମେସାନା ରାହାଁ ଆଡ଼େରି ।

୨୧ ଜୀୟୁ ଖେଶ୍ତେ ଏଲେଇଚେସି, “ମିଜେ ହିଡ଼ଡ଼ି ଆୟାପେ ଆବା ଏନିକଁ ନାଜେ ପାଣ୍ଡାମାଞ୍ଜାନେସି, ନାନୁ ଜିକେଏ ମିଜେ ଏଲେଇହଁ ଏ ପାଣ୍ଡାମାଞ୍ଜାଇଁ ।”

୨୨ ଏଲେଇଞ୍ଜାନା ଏଞ୍ଜାରି ଲାକ ନେଞ୍ଜାନା ଏଲେଇଚେସି, “ସୁତୁଜୀଞ୍ଜୁଇଁ ଆବାକତାଦୁ,

୨୩ *ମୀରୁ ମାଣସିୟାଁ ପାପୁ ମ୍ଲେକ୍‌ହିସାରେ, ମାହାପୁରୁ ଜିକେଏ ଏଞ୍ଜାରି ପାପୁ ମ୍ଲେକ୍‌ନେସି; ଇଞ୍ଜା ଆମ୍‌ଆରି ପାପୁ ମ୍ଲେକ୍‌ଅଡ଼େରି, ଇଚିହଁ ଏଞ୍ଜାଣି ପାପୁ ମେଣ୍‌ଜେଏ ।”

ଜୀୟୁ ଅଡ଼େ ତମା

୨୪ ସାମା ଜୀୟୁ ଏଚିବେଲା ୱାହାମାଚେସି, ଏଚିବେଲାତା ବାରଜାଣା ବିତ୍ରା ତମା ଆମ୍‌ଆରାଇଁ ଦିଦୁମ ଇନେରି, ଏଞ୍ଜାସି ଏଞ୍ଜାରିତଲେ ହିଲାଆତେସି ।

୨୫ ଏବ୍‌କାତି ସାୟୁୟାଁ ଏଲେଇଚେରି, “ମାମୁ ଜୀୟୁଇଁ ମେସ୍ତମି ।” ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଏଞ୍ଜାଣି କେୟୁତି କୁଟିୟାଁ ସିନା ମେହ୍‌ଆତିହଁ ଅଡ଼େ ଏ ବାରେ ତାଣା ନା ୱାଞ୍ଜୁ ଉହ୍‌ଆନା ଇଞ୍ଜା ଏଞ୍ଜାଣି ପାଡ଼କା ତୁଇକା ତାଗାଆନା ନାନୁ ଏବେଲା ଜିକେଏ ନାମଅଁ ।”

୨୬ ଆଡ଼ାଦିନା ଜେତ ତାନି ସାୟୁୟାଁ ଏ ଇଲୁତେଏ ମାଚେରି, ଅଡ଼େ ତମା ଜିକେଏ ଏଞ୍ଜାରିତଲେ ମାଚେସି, ଦାରାୟାଁ ସୁଣ୍ଠି ଆହାମାଚୁ, ସାମା ଜୀୟୁ ୱାହାନା ଏଞ୍ଜାରି ମାଦି ନିଚାନା ଏଲେଇଚେସି, “ମିଜେ ହିଡ଼ଡ଼ି ଆୟାପେ ।”

୨୭ ତାୟୁ ଏଞ୍ଜାସି ତମାଇଁ ଏଲେଇଚେସି, “ଇମ୍‌ଆଁ ନୀ ୱାଞ୍ଜୁ ଉସାନା ସିନିକିମୁ, କେୟୁ ଦାସାନା ନା ପାଡ଼କା ତୁଇକା ତାଗାମୁ; ଆନାମାନା ଆଆନା ନାମାମୁ ।”

୨୮ ତମା ଜୀୟୁଇଁ ଏଲେଇଚେସି, “ନା ପ୍ରବୁ ନା ମାହାପୁରୁ ।”

୨୯ ଜୀୟୁ ଏଞ୍ଜାଣାଇଁ ଏଲେଇଚେସି, “ନୀନୁ ନାଜେ ମେସାନା ନାମିମାଞ୍ଜାଦି, ଆମ୍‌ଆରି ମେହ୍‌ଆନା ନାମିନେରି ଏଞ୍ଜାରି ନେହେଁ ।”

ଇ ପତି ଏନାଆଁତାକି ରାୟୁକି ଆହାମାନେ

* ୨୦:୨୩ ମାତି ୧୭:୧୯; ୧୮:୧୮

୩୦ ଜୀମ୍ବୁ ସୀମୁୟା ନକିତା ହାରେକା କାବାଆନି କାମାୟା କିହାମାରେସି, ଏଓ୍ଵି ବାରେ ଇ ପତିତା ରାସ୍ତକି ଆହାହିଲାତ;

୩୧ ସାମା ମୀରୁ ଏନିକି ନାମିଦେରି, ଜୀମ୍ବୁ ମାହାପୁରୁ ମୀରୁଏସି ମସିହା,* ଇ କାତା ନାମାହାଁ ଏନିକି ମୀରୁ ଏଞ୍ଜାଣି ଦରୁଟି ଜୀଞ୍ଜୁ ବେଟାଆଦେରି, ଏଦାଆଁତାକି ଇ ବାରେ ରାସ୍ତକି ଆହାମାରେ ।

୨୧

ସାତା ଜାଣା ସୀମୁୟାଙ୍କ ଜୀମ୍ବୁ ତଞ୍ଜା ଆନାୟି

୧ ଇଦାଆଁ ତାୟୁ ଜୀମ୍ବୁ ତିବିରିୟା ସାମୁଦୁରି ଗାଟୁତା ସୀମୁୟାଙ୍କ ଖେଣ୍ଡେ ତଞ୍ଜାଆଡେସି;

୨ ଏମ୍ବାଆଁ ସିମନ ପିତର ତମା ଆମ୍ବାଆରାଙ୍କ ଦିଦୁମ ଇନେରି, ଗାଲିଲିତି କାନା ଗାଡ଼ାତି ନିତନିୟେଲ, ଜେବଦିତି ମୀରକା ଅଡେ ତାନି ସୀମୁୟା ବିଦ୍ରାଟି ରିଆରି କୃତା ଆହାମାରେରି ।

୩ ସିମନ ପିତର ଏଞ୍ଜାରାଙ୍କ ଏଲେଇରେସି, “ନାନୁ ମୀଣକା ଆସାଲି ହାଜିମାଙ୍କ ।” ଏଞ୍ଜାରି ଏଞ୍ଜାଣାଙ୍କ ଏଲେଇରେରି, “ମାଦୁ ଜୁକେଏ ନୀ ତଲେ ଖାନମି ।” ଏଞ୍ଜାରି ହାଜାନା ତଂଗତା ହଡେତି, ଏ ଲାଆଁୟାଁ ଏଞ୍ଜାରି ଏନାଆଁ ଜିକେଏ ବେଟାଆଆଡେରି ।

୪ ସାମା ଜୁଲୁପୁଲୁ ଆହାଲିଏ ଜୀମ୍ବୁ ଗାଟୁତା ନିତେସି; ଆଡ଼ିଜିକେଏ ଏଞ୍ଜାସି ଜୀମ୍ବୁ ଇଞ୍ଜିଁ ସୀମୁୟା ପୁନାଆଡେରି ।

୫ ଜୀମ୍ବୁ ଏଞ୍ଜାରାଙ୍କ ଏଲେଇରେସି, “ଏ କକାତେରି ମୀ ତାଣା ଏନାଆଁ ମୀଣକା ମାନୁ କି ?” ଏଞ୍ଜାରି “ଆଏ” ଇତେରି ।

୬ ଏଞ୍ଜାସି ଏଞ୍ଜାରାଙ୍କ ଏଲେଇରେସି, “ତଂଗତି ଚିଃନିଞ୍ଜାକି ଜାଲା ମେଡୁଦୁ, ଆଡିହିଁ ମୀରୁ ବେଟାଆଦେରି ।” ଏମ୍ବାଟିଏ ଏଞ୍ଜାରି ଜାଲା ମେଡୁହେରି, ଏମ୍ବାଆଁ ଇଚେକା ମୀଣକା ଖାତୁ ଏଞ୍ଜାରି ଏଦାଆଁ ରେଜାଲି ଆଡାଆଡେରି ।

୭ ଏମ୍ବାଟିଏ ଜୀମ୍ବୁ ଏନିନି ସୀମୁଙ୍କ ଜୀଞ୍ଜୁ ନହୁଁ ମାରେସି, ଏ ପିତରଙ୍କ ଏଲେଇରେରି, “ଇଞ୍ଜାସିତ ପ୍ରୁ ।” ସିମନ ପିତର ଇ କାତା ଖେଞ୍ଜାନା ତୁମ୍ବା ମାଟାକି ତାନି ସକା ତୁରହାନା ସାମୁଦୁରିତା ଡେଞ୍ଜିତେସି;

୮ ସାମା ଏଟକାତି ସୀମୁୟା ନେଞ୍ଜାମାନି ମୀଣକା ଜାଲାତି ରେଜି ରେଜି ତଂଗତି ଗାଟୁତା ତାଡେରି, ଇଡିହିଁ ଏଞ୍ଜାରି ଗାଟୁଟିଏ ହାରେକା ହେକ ହାଜା ହିଲାଆଡେରି ।

୯ ଏଞ୍ଜାରି ସାମୁଦୁରି ଗାଟୁତା ଚେଟାନା, ଏମ୍ବାଆଁ ରାଜାୟାଁତି ହିରୁ ଇଞ୍ଜା ହିରୁ ଲାକ ମୀଣକା ଅଡେ ରୁଟି ଇଚାମାନାଣି ମେସ୍ତେରି ।

୧୦ ଜୀମ୍ବୁ ଏଞ୍ଜାରାଙ୍କ ଏଲେଇରେସି, “ମୀରୁ ନୀଏଁ ଏନିନି ମୀଣକା ଆସାମାଞ୍ଜେରି ଏମ୍ବାଟି ଇଚରା ତାଡିହିଁ ଖାଦୁ ।”

୧୧ ସିମନ ପିତର ହାଜାନା ସାତାକଡ଼ି ଡେରଗଟା ମୀଣକା ମାତି ଜାଲାତି ଗାଟୁତା ରେଜା ତାଡେସି; ଇଚେକା ମୀଣକା ତାକି ଜିକେଏ ଜାଲା ତାମ୍ବାଆଡେ ।

୧୨ ଜୀମ୍ବୁ ଏଞ୍ଜାରାଙ୍କ ଏଲେଇରେସି, “ଖାଦୁ ତିଞ୍ଜୁ ।” ସୀମୁୟା ବିଦ୍ରାଟି ଆମ୍ବାଆରି ଏଞ୍ଜାଣାଙ୍କ ନାନୁ ଆମ୍ବାଆତି ଇଞ୍ଜିଁ ଖେଞ୍ଜାଲି ସାସା କିଆଡେରି, ଇଡିହିଁ ଏଞ୍ଜାସି ପ୍ରୁ ଇ କାତା ଏଞ୍ଜାରି ପୁଞ୍ଜାମାରେରି ।

୧୩ ଜୀମ୍ବୁ ଖାହାନା ରୁଟି ଅହାନା ହୀତେସି, ଇଞ୍ଜା ମୀଣକା ଜିକେଏ ଏଲେକିହିଁ ଏ ହୀତେସି ।

୧୪ ଜୀମ୍ବୁ ହାକିଟି ନିଜିତି ତାୟୁ ଇଦି ତାନି ପାଲି ତାକି ସୀମୁୟାଙ୍କ ତଞ୍ଜାଆଡେସି ।

ଜୀମ୍ବୁ ଅଡେ ପିତର

୧୫ ଏଞ୍ଜାରି ତିଞ୍ଜାଲି ଆଡ଼ିତି ଜେତ ଜୀମ୍ବୁ ସିମନ ପିତରଙ୍କ ଖେରେସି, “ଏ ଜହନତି ମୀରୁଏଣା ସିମନ ଏନାଆଁ ନାନୁ ନାଜେ ଇଞ୍ଜାରି କିହା ହାରେକା ଜୀଞ୍ଜୁ ନହୁଁ ମାଞ୍ଜାଦି ?” ଏଞ୍ଜାସି ଏଲେଇରେସି, “ଏ ପ୍ରୁ ନାନୁ ନିଜେ ଜୀଞ୍ଜୁନହୁଁ ମାଞ୍ଜାଙ୍କ ନାନୁ ଏଦାଆଁ ପୁଞ୍ଜାମାଞ୍ଜି ।” ଜୀମ୍ବୁ ଏଞ୍ଜାଣାଙ୍କ ଏଲେଇରେସି, “ନା ମେଣ୍ଡା ତାଲିକାଣି ତାହମୁ ।”

୧୬ ଜୀମ୍ବୁ ଖେଣ୍ଡେ ରୀ ପାଲି ତାକି ଖେରେସି, “ଏ ଜହନତି ମୀରୁଏଣା ସିମନ ଏନାଆଁ ନାନୁ ନାଜେ ଜୀଞ୍ଜୁ ନହୁଁ ମାଞ୍ଜାଦି ?” ଏଞ୍ଜାସି ଏଲେଇରେସି, “ଏ ପ୍ରୁ ନାନୁ ନିଜେ ଜୀଞ୍ଜୁନହୁଁ ମାଞ୍ଜାଙ୍କ ନାନୁ ଏଦାଆଁ ପୁଞ୍ଜାମାଞ୍ଜି ।” ଏଞ୍ଜାସି ଏଞ୍ଜାଣାଙ୍କ ଏଲେଇରେସି, “ନା ମେଣ୍ଡାୟାଁଣି ପହିକିମୁ ।”

* ୨୦:୩୧ କ୍ରୀପୁ ☆ ୨୧:୩ ଲୁକ ୫:୫ ☆ ୨୧:୭ ଲୁକ ୫:୭

୧୭ ଜୀସୁ ଅଡ଼େ ତାନି ପାଲି ତାକି ଖେରେସି, “ଏ ଜହନତି ମୀରୁଏଣା ସିମନ ଏନାଆଁ ନୀନୁ ନାଲେ ଜୀସୁ ନହୁଁ ମାଞ୍ଜାଦି ?” ଏଲେଇଞ୍ଜି ତାନି ପାଲି ଖେଞ୍ଜାଲିଏ ଏଝାସି ଦୁକୁ ଆହାନା ଏଲେଇରେସି, “ଏ ପ୍ରବୁ ନୀନୁ ବାରେ ପୁଞ୍ଜାମାଞ୍ଜି; ନୀନୁ ନିଜେ ଜୀସୁନହୁଁ ମାଞ୍ଜାଲ, ଏଦାଆଁ ନୀନୁ ପୁଞ୍ଜାମାଞ୍ଜି ।” ଜୀସୁ ଏଝାଣାଲ ଏଲେଇରେସି, “ନା ମେଣ୍ଟାୟାଣି ଜାଡ଼ନୁ ଅମୁ ।”

୧୮ ନୀନୁ ନିଜେ ସାତା ଖେସିମାଞ୍ଜାଲ, ନୀନୁ ଦାଂଗୁଣା ମାନି ବେଲୀତା ନୀ ଚେତେଲି ରୁପା କତାନା ଆମ୍ବିୟାଝାକି ନୀ ମନ ଏନିକା ରେଜିମାଟି, ସାମା ବୁଡ଼ହା ଆଡ଼ିହୁଁ ନୀନୁ ନୀ କେସ୍ତା ଦାହୁଦି ଇଞ୍ଜା ଅର୍ ରଅସି ନୀ ଚେତେଲିତା ଦସାନା ଆମ୍ବିୟା ନୀ ମନ ହିଲେଏ ଏନିକା ରେଜା ଅୟାନେସି ।

୧୯ ପିତର ଏନିଲେହେଟି ହାକି ତଲେ ମାହାପୁରୁଇଁ ଗାଝୁରମି କିନେସି, ଏଦାଆଁ ପୁଣ୍ଡସି କିହାଲି ଏଲେଇଞ୍ଜାମାରେସି । ଏଲେଇଚି ତାୟୁ ଏଝାସି ଏଝାଣାଲ ଏଲେଇରେସି, “ନା ଜେଚ ଝାମୁ ।”

ଜୀସୁ ତାନି ଜୀସୁତି ସାସୁ

୨୦ ଜୀସୁ ଏମିନି ସାସୁଇଁ ଜୀସୁ ନହୁଁ ମାରେସି, ଅଡ଼େ ଲାଆଁୟାଁ ବଜି ବେଲୀତା ତାନି ବକତା ଲାବାନା ପ୍ରବୁ ନିଜେ ଆମ୍ବାଆସି ସାତୁୟାଁ କେୟୁତା ହେରପାନେସି ଇଞ୍ଜି ଖେଞ୍ଜାମାରେସି, ଏ ସାସୁ ଜେଚ ଝାହିମାନାଣି ପିତର ଖେଶ୍ଟେ ତିରଝାନା ମେସ୍ତେସି ।

୨୧ ପିତର ଏଝାଣାଲ ମେସାନା ଜୀସୁଇଁ ଖେରେସି, “ପ୍ରବୁ ଇଝାଣି କାତା ଏନାଆଁ ଇଞ୍ଜିମାଞ୍ଜି ?”

୨୨ ଜୀସୁ ଏଝାଣାଲ ଏଲେଇରେସି, “ନା ଝାନି ଦିନା ପାତେକା ତୟାପେସି ଇଞ୍ଜି ନୀନୁ ମନ କିଇଁ, ଆଡ଼ିହୁଁ ଏଦାଆଁ ନୀଦି ଏନାୟି ମାନେ ? ନୀନୁ ନା ଜେଚ ଝାମୁ ।”

୨୩ ଏମ୍ବାଟିଏ ଏ ସାସୁ ହାଅସି, ଇ କାତା ତାୟାୟାଁ ବିତ୍ରା ଖେଜାହାଚେ, ସାମା ଏଝାସି ହାଅସି ଇଞ୍ଜି ଜୀସୁ ଏଝାଣାଲ ଏଲେଇଞ୍ଜା ହିଲାଆଚେସି, ସାମା ନା ଝାନି ଦିନା ପାତେକା ଏଝାସି ତୟାପେସି ଇଞ୍ଜି ନୀନୁ ମନ କିଇଁ, ଆଡ଼ିହୁଁ ଏଦାଆଁ ମୀ ଏନାୟି ମାନେ ଇଞ୍ଜି ଖେସାମାରେସି ।

୨୪ ଆମ୍ବାଆସି ଇ ବାରେ ସାକି ହାହିମାନେସି, ଅଡ଼େ ଇ ବାରେ ରାଡ଼ାମାନେସି, ଏଝାସି ଏ ସାସୁ; ଅଡ଼େ ଏଝାଣି ସାକି ସାତା ଇଦାଆଁ ମାମୁ ପୁଞ୍ଜାମାନମି ।

ରାନି ହାଡ଼ା

୨୫ ଜୀସୁ ହାଡ଼େ ହାରେକା କାମାୟାଁ କିହାମାରେସି; ଏ ବାରେ ରଣ୍ଡା ରଣ୍ଡାଆଁ କିହୁଁ ରାଡ଼ିତିହୁଁ ମା, ଇଚେକା ପତିୟାଁ ରାସ୍ତି ଆତୁମା, ଇଚିହୁଁ ନା ଅଣ୍ଡାପୁତା ବାରେ ଦାର୍ତତିତା ଜିକେଏ ଏ ବାରେ ଇଟାଲି ଚାୟୁ ଆଆଡେମା ।

ପ୍ରେରିତ ମାନଙ୍କ କାର୍ଯ୍ୟ ପାଣ୍ଡୁ ଆହ୍ୱାନାର କାମା ମୂଲ୍ୟ ହାତୀ

ପାଣ୍ଡୁ ଆହ୍ୱାନ କାମାଟି ପତି କୁଲମିକା ମାଟୁହି କାତା ଅଡେ ଜୀସୁ ଲାକପୁରୁ ହାନି ନକେଏ ତାନି ସୀସୁୟାଣି ଝେସାମାଟି ଲେହେ, ଏନିକି ଜିରୁସାଲମଟିଏ ଜୀହୁଦା, ସମିରଣ, ଅଡେ ସାରିଖାକି ଏତେ, ଏ କାତାଟି ପୁସପନି ୧:୮ ଇ ପତି ଲୁକ ରାତାମାରେସି, ଆମ୍ବାଆସି ଲୁକ ରାତାମାନି ନେହୁ କାବୁ ରାତାମାରେସି । ଏଝାସି ତାଙ୍କାଦର ମାରେସି ଇଞ୍ଜା ବାରେ କାତା ଜାଡୁ ତଲେ ରାତାମାରେସି । ଏଝାସି ତାନି ଲୁକ ନେହୁ କାବୁ ପାଣ୍ଡୁ ଆହ୍ୱାନାର କାମା ଇ ରୀ ପତିତା ଜିକେଏ ତିୟପିଲ ଇଞ୍ଜୁ ଝେସାମାନେସି, ଏଝାସି ଗ୍ରିକ୍ ଲକୁ ମାରେସି, ସାମା ଗ୍ରିକ୍ ଅଡେ ଜୀହୁଦି ଲକୁଣି ଆଟୁହି କ୍ରୀସ୍ତାନା ଲକୁକି ଜିକେଏ ଇ ପତି ରାସ୍ତକି ଆହ୍ୱାନାରେ ୧:୧ ।

କ୍ରୀସ୍ତ ଜାର୍ନାଆଡ଼ି ତାୟୁ ୬୦-୬୪ ବାର୍ଯା ବିତ୍ତା ପାଣ୍ଡୁଆଡ଼ି ପତି ରାସ୍ତକି ଆହ୍ୱାନାଣ୍ଡିନେ, ଏନାଆଁତାକି ଇଚିହୁ ପାଞ୍ଜୁଲ କାୟିଦିଟି ପିସପିଆଡ଼ି ନକେଏ ପତି ରାଚାଲି ରାହ୍ୱାନାରେ । ଲୁକ ଜିକେଏ ପାଣ୍ଡୁଆଡ଼ି ପାଞ୍ଜୁଲ ତଲେ ରେଜିମାରେସି ଅଡେ ଆକ୍ରିୟକତି ଗାଡ଼ାତା ଇ ପାଣ୍ଡୁ ଆହ୍ୱାନାର କାମା ପତି ରାତାମାରେସି । ପାଣ୍ଡୁ ଆହ୍ୱାନ କାମା ପତି “ଲୁକ ରାତାମାନି ନେହୁ କାବୁ” ରାଟିଡି ଜେଡ ଜେଡ ଜୀସୁ ଲାକପୁରୁ ହାଜାଲିଏ ରାଚାଲି ମାଟୁହା ମାରେସି । ଲୁକ ତାନି ନେହୁ କାବୁ ଏନାଆଁତାକି ରାତାମାରେସି, ଏଲେକିହୁଏ ଇ ପାଣ୍ଡୁ ଆହ୍ୱାନାର କାମା ପତି ରାତାମାରେସି । ଏଝାସି ତିୟପିଲ ଅଡେ ଗାଡ଼ି ଜାନା ଆହିମାନି କ୍ରୀସ୍ତାନା ଲକୁଇଁ ଏନାଆଁ ଜାପୁଝି ଆହ୍ୱାନାରେ, ଏନାଆଁ ତୀରି ଆହ୍ୱାଲି ଅଣପିମାରେସି, ଏନାଆଁତାକି ଜୀସୁଟି ବାରେ କାତା ଅଡେ କ୍ରୀସ୍ତାନା ଲକୁ ବାରେଖାକି ଆହିମାନି କାତା ରାତାମାନେସି ।

ପାଣ୍ଡୁ ଆହ୍ୱାନାର କାମା ପତି ମୂଲ୍ୟ ଆଡ଼ି କୁଲମିକାଟି କାତା ଅଡେ ଜୀସୁ ତାଣା ନାମୁତଲେ ନାତିନାୟି ଏନିଆହୁଁ ତଞ୍ଜା ଆନାୟି ଏନାଆଁ ମାଜେ ଝେସ୍ତାନେ । ସୁଦୁଜାଞ୍ଜୁଟି ବାଡ଼ୁ ତଲେ ଏନିକିହୁଁ ଏଟକା ଲକୁତାଣା ନେହୁ କାବୁ ଏପନାୟି ପାଣ୍ଡୁ ଆହ୍ୱାନ କାତା ଝେସ୍ତାନେ ।

ପତିତା ମାନାୟି

- ୧. ମୂଲ୍ୟ ସୀସୁୟାଁ ଲାକ ସୁଦୁଜାଞ୍ଜୁ ଝାନାୟି ଅଡେ କୁଲମି ପାତାଆନାୟି । ୧:୧-୮:୧
- ୨. କୁଲମି ସାସି ବେଟାଆନାୟି ଅଡେ ଜିରୁସାଲମ ସାରିଖାକି ଏନାୟି । ୮:୨-୧୨:୨୩
- ୩. ପାଞ୍ଜୁଲ ମୂଲ୍ୟ ତାନି ସେବା କାମାତାକି ହାନାୟି । ୧୨:୨୪-୧୪:୨୮
- ୪. ଜିରୁସାଲମତା କୁଟନି କୁଗିନାୟି । ୧୫:୧-୩୫
- ୫. ପାଞ୍ଜୁଲ ରୀ ପାଲି ତାନି ସେବା କାମାତା ହାନାୟି । ୧୫:୩୬-୧୮:୨୨
- ୬. ପାଞ୍ଜୁଲ ତାନି ପାଲି ତାନି ସେବା କାମାତା ହାନାୟି । ୧୮:୨୩-୨୦:୩୮
- ୭. ପାଞ୍ଜୁଲ ଜିରୁସାଲମତା ଦସପି ଆନାୟି । ୨୧-୨୬
- ୮. ରମ୍ପତା ପାଞ୍ଜୁଲ ପାଣ୍ଡିନାୟି । ୨୭-୨୮

ସୁଦୁଜାଞ୍ଜୁ ତାକି ଆଞ୍ଜିନାୟି

୧* ଜୀଞ୍ଜୁଟି ତିୟପିଲ, ନା ମୂଲ୍ୟ ପତିତା ଇ ବାରେ କାତା ରାତାମାଈଁ, ଜୀସୁ ଏନିନି କାମା ମାଟୁହେସି ଅଡେ ଜାପୁହେସି,

୨ ଏ ଦିନା ପାତେକା ଏଝାସି ପାଣ୍ଡୁ ଆହ୍ୱାନାଈଁ ଆହ୍ୱାନାରେସି, ସୁଦୁଜାଞ୍ଜୁ ତଲେ ହୁକୁମି ହୀହାନା ଲାକପୁରୁ ଅଝି ଆହ୍ୱାନାରେସି ।

୩ ଏଚେଟିଏ ଜୀସୁ ତାନି ଦୁକୁ ବେଟାଆଡ଼ି ତାୟୁ ହାରେକା ଦିନା ଏଝାସି ଜୀଞ୍ଜୁତଲେ ମାରେସି ଇଦାଆଁ ପାଣ୍ଡୁ ଆହ୍ୱାନାର ତାଣା ପାଟ୍ମାଣା କିଡେସି, ଇଞ୍ଜା ରୀ କଡ଼ି ଦିନା ପାତେକା ହାରେକା ଦେବା ତଞ୍ଜାଆହ୍ୱାନା ମାହାପୁରୁ ରାଜିତି କାତା ଜାପୁହେସି ।

* ୧:୧ ଲୁକ ୧:୧-୪

୪ ର ଦିନା ଏଞ୍ଜାରି ରଣ୍ଡିଏ ତାଣା ତିଞ୍ଜାଲି କୁଡ଼ା ଆହାମାତି ବେଲତା ଜୀସୁ ଏଞ୍ଜାରାକି ଇ ହୁକୁମି ହାତେସି; “ମୀରୁ ଜିରୁସାଲମ ପିସାଁ ଆମ୍ବିୟା ହାଲାଆଡୁ, ସାମା ମୀରୁ ମାହାପୁରୁ ଆବାତି ଆଞ୍ଜାମାନାଣି ନା ତାଣାଟି ଖେଞ୍ଜା ମାଞ୍ଜେରି, ଏଦାଆଁ ପାଣ୍ଡିନି ପାତେକା କାଚାନା ତୟାଦୁ;

୫ ଇଚିହଁ ଜହନ ଏୟୁତା ବାପ୍ତିସ୍ମା* ହାତେସି ସାତା, ସାମା ମୀରୁ ଏଚରଦିନା ଜେତ ସୁଦୁଜୀଞ୍ଜୁ ତଲେ ବାପ୍ତିସ୍ମା ବେଟାଆଡେରି ।”

ଜୀସୁ ଲାକପୁରୁ ହାନାୟି

(ମାର୍କ ୧୬:୧୯-୨୦; ଲୁକ ୨୪:୫୦-୫୩)

୬ ର ଦିନା ପାଣ୍ଡି ଆଡ଼ାରି ରୁଣ୍ଡା ଆହାମାତି ବେଲା ଜୀସୁଇଁ ଖେଚେରି, “ପୁରୁ, ନୀନୁ ଏନାଆଁ ନୀଏଁ ଇସ୍ତାୟେଲ କେୟୁତା ଅଡେ ଖେଣ୍ଡେ ଇ ରାଜିତି ହେବପିଦି ?”

୭ ଜୀସୁ ଏଞ୍ଜାରାଇଁ ଏଲେଇଚେସି, “ଆମିନି ଦିନା ଅଡେ କାଲା ନା ଆବା ତାନି ଅଦିକାରତା ଇଟାମାନେସି, ଏ ବାରେ ମିଜେ ପୁଞ୍ଜାଲି ଲଡ଼ା ଆଏ ।

୮ *ସାମା ସୁଦୁଜୀଞ୍ଜୁ ମୀ ତାଣା ଖାତିସାରେ, ମୀରୁ ବାଡ଼ୁୟୁ ବେଟାଆଡେରି, ଇଞ୍ଜା ଜିରୁସାଲମ ବାରେ ଜୀହୁଦା ଦେସା ଇଞ୍ଜା ସମିରଣତା ଅଡେ ବୁମି ମୁବପେ ତାକି ନା ସାକି ଆଦେରି ।”

୯ *ଏଞ୍ଜାସି ଇ ବାରେ କାତା ଖେସି ତାୟୁ ଏଞ୍ଜାରି ମେସପନିଏ ଜୀସୁ ଲାକପୁରୁ ହାଚେସି, ଅଡେ ଇଚାୟି ଦୁୟା ଏଞ୍ଜାଣାଇଁ ଏଞ୍ଜାରି ତାଣାଟି ଅହଁ ହାଚେ, ଏଞ୍ଜାରି ଅଡେ ଏଞ୍ଜାଣାଇଁ ମେହୁଆଚେରି ।

୧୦ ଏଞ୍ଜାସି ଲାକପୁରୁ ହାଜାଲିଏ ଜିକେଏ ଏଞ୍ଜାରି ହାଗୁଞ୍ଜାକି ମୁମ୍ବୁ କିହାନା ସିନିକିହି ମାନେରି; ଏଚିବେଲା ଦବଲା ହିମ୍ବିରକା ହୁଟାମାନି ରିଆରି ଦେବୁଣିଏ ଏଞ୍ଜାରି ନକିତା ନିଚେରି,

୧୧ ଇଞ୍ଜା ଏଞ୍ଜାରି ଏଲେଇଚେରି “ଏ ଗାଲିଲିତି ଲକୁଚେରି, ଏନାଆଁତାକି ହାଗୁଞ୍ଜାକି ମୁମ୍ବୁ କିହାନା ନିଟାମାଞ୍ଜେରି ? ଇ ଆମିନି ଜୀସୁ ମୀ ତାଣାଟି ଲାକପୁରୁ ଅଞ୍ଜିଆଡେସି, ଏଞ୍ଜାଣାଇଁ ଏନିକଁ ଲାକପୁରୁ ହାଚାଣି ମୀରୁ ମେସ୍ତେରି, ଅଡେ ଏଲେକିହଁଏ ଖେଣ୍ଡେ ଖାନାଣି ମେହଦେରି ।”

ଜୀହୁଦା ଗାୟୁତା ମାତିୟୁଇଁ ଆଚିନାୟି

୧୨ ଏମ୍ବାଟିଏ ତାୟୁ ଏଞ୍ଜାରି ଜୀତ ଇନି ହରୁ ଲାକଟି ଜିରୁସାଲମତା ଖେଣ୍ଡାଖାଚେରି, ଏ ଜୀତ ହରୁଟିଏ ଜିରୁସାଲମ ର କିଲମିଟର ହେକ ମାଚେ ।

୧୩ *ଇଞ୍ଜା ଏଞ୍ଜାରି ପିଚର, ଜହନ, ଜାକୁବ, ଆନ୍ଦିୟ, ପିଲିପ, ତମ୍ବା, ବାର୍ତଲମି, ମାତିୟୁ, ଆଲେପି ମୀରୁଏସି ଜାକୁବ, ଦେସାତି ଜୀଞ୍ଜୁ ନନି ସିମନ ଅଡେ ଜାକୁବ ମୀରୁଏସି ଜୀହୁଦା, ଗାଡ଼ାତା ଏଜାନା, ଏମିନି ଲାକନି ଇଲୁତା ବାସା ଆହାମାଚେରି, ଏମ୍ବାଆଁ ହାଚେରି ।

୧୪ ଏଞ୍ଜାରି ବାରେଜାଣା ଇୟାସିକା ତଲେ ଇଞ୍ଜା ଜୀସୁତି ଇୟା ମରିୟମ ଅଡେ ତାନି ତାୟିୟାଁ ତଲେ ରଣ୍ଡିଏ ଅଣପୁ ତଲେ ପ୍ରାଚାନା କିହଁ ରୁଣ୍ଡା ଆହାମାଚେରି ।

୧୫ ଏଚରଦିନା ତାୟୁ ନାନିତାରି କୁଡ଼ା ଆହାମାଚେରି, ଏମ୍ବାଆଁ ସ କଡ଼ି ଜାଣା ଲକୁ କୁଡ଼ା ଆହାମାଚେରି, ପିଚର ତାୟିୟାଁ ବିଡ଼ାଟି ନିଚାନା ଏଲେଇଚେସି,

୧୬ “ଜୀଞ୍ଜୁତି ତାୟିୟାଁ ଅଡେ ତାଜିସ୍ତା, ଆମିନି ଇସ୍ତାରିୟତ ଜୀହୁଦା ଜୀସୁଇଁ ସାଡୁୟାଁ କେୟୁତା ଆସ୍ତି କିହାଲିତାକି ଜିରୁ ତସାମାଚେସି, ଏଞ୍ଜାଣି ତାକି ସୁଦୁଜୀଞ୍ଜୁ ନକେଏ ଦାଞ୍ଜୁଦ ଗୁଟିଟି ଏନାଆଁ ଖେସାମାଚେସି, ଏ ଦାମ୍ବୁ ସାସ୍ତେରି ପୁରା ଆନାୟି ମାଚେ;

୧୭ ଇଚିହଁ ଏଞ୍ଜାସି ମା ବିଡ଼ାଟି ରଅସି ଇଞ୍ଜା ଏଜିକିଞ୍ଜି ଆହିମାଚେସି, ଅଡେ ଇ ସେବା କାମାତା ପାଣା ବେଟାଆହା ମାଚେସି ।”

୧୮ *ଇ ଇସ୍ତାରିୟତ ଜୀହୁଦା ଲାଗେଏ କାମା କିତି ତାୟୁୟାଁ ତଲେ ରଚାଣି ବୁମି କଡ଼ି ଆହାମାଚେ, ଅଡେ ଏଞ୍ଜାସି ହାତି ତାଣା ତାୟୁଁ ତୁଇ କିହଁ ତରଗାଲିଏ ତାନି ବାଣ୍ଡି ତାୟାହାଚେ ଇଞ୍ଜା ଖାହିୟାଁ ହଡ଼ାହାକୁ ।

୧୯ ଅଡେ, ଇଦାଆଁ ଜିରୁସାଲମ ଗାଡ଼ାତା ବାସା କିହିମାନି ଲକୁ ବାରେ ପୁଞ୍ଜାଲିଏ ଏ ବୁମିତି ଏଞ୍ଜାରି ହାଡ଼ାତଲେ “ହକଲୁଦାମା” ଇଚିହଁ “ନେଚେରି ବୁମି” ଇଞ୍ଜାଁ ଖେଜିଚେ ।

୨୦ ଅଡେ ପାରୁ ପତିତା ରାସ୍ତକି ଆହାମାନେ,

* ୧:୪ ଲୁକ ୨୪:୪୯ * ୧:୫ ମାତି ୩:୧୧; ମାର୍କ ୧:୮; ଲୁକ ୩:୧୬; ଜହ ୧:୩୩ * ୧:୫ ମୁଞ୍ଜିନାୟି † ୧:୫ ମୁଞ୍ଜିନାୟି * ୧:୮ ମାତି ୨:୧୯; ମାର୍କ ୧୬:୧୫; ଲୁକ ୨୪:୪୭,୪୮ * ୧:୯ ମାର୍କ ୧୬:୧୯; ଲୁକ ୨୪:୫୦,୫୧ * ୧:୧୩ ମାତି ୧୦:୨-୯; ମାର୍କ ୩:୧୬-୧୯; ଲୁକ ୬:୧୪-୧୬ * ୧:୧୮ ମାତି ୨୭:୩-୮

“ଏଞ୍ଜାଣି ବାସାଗାମୁ ଖାରୁଆୟି ଆପେ;
 ଏମ୍ବାଆଁ ଆମ୍ବାଆରି ବାସା କିଆପେରି ।”
 ଅଡ଼େ ଜିକେଏ ରାୟକି ଆହାମାନେ;
 “ଏଞ୍ଜାଣି କାମାତି ପାଣା ଅର ରଥସି ବେଟା ଆପେସି ।”

୨୧ *ଏଦାଆଁତାକି, ପ୍ରବୁ ଜୀସୁ ଖେଣ୍ଡେ ନିଜିତି କାତା ସାକି ଆହାଲି ଅର ରଥସି ମା ତଲେ ଆଣ୍ଡାନାୟି ମାନେ ।

୨୨ ଜୀସୁ ଜହନ ତାଣାଟି ବାପ୍ତିସ୍ମାଃ ଅଡ଼ି ବେଲାଟିଏ ଲାକପୁରୁ ହାନି ପାତେକା ପ୍ରବୁ ଜୀସୁ ମା ତଲେ ନୀତାମାଟି ବେଲାତା, ଆମିନି ଲକୁ ମା ଗରିତା ମାଚେରି, ଏଞ୍ଜାରି ତାଣାଟି ରଥସି ଖେଣ୍ଡେ ନିଜିନି ସାକି ଆନାୟି ମାନେ ।”

୨୩ ଏଚେଟିଏ ଏଞ୍ଜାରି ରିଆରାଇଁ ଇଟିହୁଁ ଜସେପଇଁ, ଆମ୍ବାଆରାଇଁ ବର୍ସବା ଇନେରି ଅଡ଼େ ଆମ୍ବାଆରି ହାଟା ଦରୁ ଜୁସୁ ଏଞ୍ଜାଣାଇଁ ଇଞ୍ଜାଁ ମତିୟଇଁ ବାଟି କିହାନା,

୨୪ ଇ ପ୍ରାତାନା କିତେରି, “ପ୍ରବୁ ନୀନୁ ବାରେତି ହିୟାଁତି ଅଣପୁ ପୁନାତି, ଜୀହୁଦା ଏମିନି ଟାୟୁତା ଡ଼ୟିନାୟି ମାନେ ଏଞ୍ଜାସି ହାଲାଲିଏ, ଏଞ୍ଜାଣି ଟାୟୁତା ଇ ରିଆରି ବିତ୍ତାଟି ନୀ ତାଣାଟି ଆଡ଼ିତାସି ଆମ୍ବାଆସି,

୨୫ ଏ ପାଣ୍ଡୁ଼ି ଆହାମାନାରି ସେବା କାମା କିହାଲି ଆମ୍ବାଆରାଇଁ ଜୀହୁଦା ପାଣାତା ବାଟି କିହାମାଞ୍ଜି ତସ୍ତାମ୍ବୁ ।”

୨୬ ଅଡ଼େ ଏଞ୍ଜାରି ଏ ରିଆରି ତାକି ପାଦି କିହାଲିଏ ମତିୟ ଦରୁତଲେ ଆଡ଼େ; ଅଡ଼େ ଏଞ୍ଜାସି ଏଗାର ଜାଣା ପାଣ୍ଡୁ଼ି ଆହାମାନାରି ଗରିତା ଆଣ୍ଡିତେସି ।

୨

ସୁଦୁଜୀସୁ ରେଟା ଖାନାୟି

୧ ପେଡ୍ରିକସ୍* ଦିନାତା କ୍ରୀସ୍ତଇଁ ନାମିତି ବାରେଜାଣା ର ଟାୟୁତା ରୁଣ୍ଡା ଆହାମାଚେରି ।

୨ ଏ ଦେବୁଣିଏ କାଜା ଗାଲି ଖାହିମାନି ଲେହେଁ ର ହାଡ଼ା ଲାକପୁରୁଟି ଖାହାଁ, ଆମିନି ଇଲୁତା ଏଞ୍ଜାରି କୁଗାମାଚେରି, ଏ ଇଲୁତି ବାରେଞ୍ଜାକି ଖେଜିତେ ।

୩ ଇଞ୍ଜାଁ ହିବୁ ଗୁଦ୍‌ଞ୍ଜା ଲେହେଁ ତଞ୍ଜାଆହାନା ଏଞ୍ଜାରି ନକିତା ରଣ୍ଡି ରଣ୍ଡି ଆହୁଁ ଏ ବାରେଜାଣାଟି ଲାକ ରେଟାଖାଡ଼େ ।

୪ ଏମ୍ବାଟିଏ ଏଞ୍ଜାରି ବାରେଜାଣା ସୁଦୁଜୀସୁ ବେଟାଆହାନା ଏ ଜୀସୁ ଏନିକିଁ ଜଲ୍ଲାଲି ବାଡ଼ୁହୁଁ ହୀତେ, ଏଲେକିଁ ଏଞ୍ଜାରି ଏଟକା ଏଟକା ହାଡ଼ାତଲେ ଜଲ୍ଲାଲି ମାଟୁହେରି ।

୫ ଏରିବେଲାତା ପେଡ୍ରିକସ୍ ପାର୍ବୁତାକି ହାଗୁ ଡ଼ଇତି ଏଟକା ଏଟକା ଦେସାଟି ଖାହାମାଟି ଜୀହୁଦି ଲକୁ ଜିରୁସାଲମତା ଡ଼ୟା ମାଚେରି;

୬ ଅଡ଼େ, ଏ ହାଡ଼ା ଖେଞ୍ଜାଲିଏ, ହାରେକା ଲକୁ କୃଡ଼ା ଆହାନା ବାରେଜାଣା ଜାହା ଜାହାରା ହାଡ଼ାତଲେ ଏଞ୍ଜାରି ଜଲିମାନାଣି ଖେଞ୍ଜାନା କାବା ଆହାହାଚେରି ।

୭ ଇଞ୍ଜାଁ ଏଞ୍ଜାରି ଆତାଜାକା ଅଡ଼େ କାବାଆହାନା ଏଲେଇଚେରି, “ମେହ୍‌ଦୁ ଇ ଆମିନି ଲକୁ ହାଡ଼ା ଜଲିମାନେରି, ଏଞ୍ଜାରି ବାରେ ଗାଲିଲିତାରି ଆଏକି ?

୮ ଆତିହୁଁ, ମାର ଏନିକିଁ ବାରେଜାଣା ଜାହା ଜାହାରା ଜାଣି ଟାୟୁତି ହାଡ଼ାତଲେ ଜଲିମାନାଣି ଖେଞ୍ଜିମାନାୟି ?

୯ ପାତର୍‌ୟ, ମାଦିୟ, ଏଲାମିୟ, ଅଡ଼େ ମେସପଟାମିୟାଁ, ଜୀହୁଦା ଦେସା, କାପାଦକିୟା; ପତ୍ର ଅଡ଼େ ଆସିୟା,

୧୦ ପୁଗର୍‌ୟ, ପଂପୁଲିୟା, ମିସର ଇଞ୍ଜାଁ କୁରିଣି ଦାରିତା ଡ଼ଇନି ଲିବିୟା ନାୟକାଣାଁ ବାସା କିନାରି, ଇଞ୍ଜାଁ ରମ୍ପଟି ଖାହାମାନି ଜୀହୁଦି,

୧୧ ଅଡ଼େ ଏଟକା କୃଡ଼ାତି ଲକୁ ଜୀହୁଦି ଦାମ୍ପୁତି ନାମାହାଁ ଡ଼ୟାମାନାରି; ଅଡ଼େ କ୍ରିତି ଇଞ୍ଜାଁ ଆରବିୟ ଦେସାଟି ଲକୁତାୟି ମାର, ମାର ଜାହା ଜାହାରା ହାଡ଼ାତଲେ ମାହାପୁରୁତି କାଜା କାଜା କାମାଟି କାତା ଜଲିମାନାଣି ଖେଞ୍ଜିମାନାୟି ।”

୧୨ ଅଡ଼େ ବାରେଜାଣା ଆତାଜାକା ଅଡ଼େ କାବାଆହାନା ତାମ୍ବୁ ତାମ୍ବୁ ହାଡ଼ାକାତା ଆଡ଼େରି, “ଇଦାଣି ଅର୍ତ୍ତ ଏନାୟି ?”

* ୧:୨୧ ମାଟି ୩:୧୬; ମାର୍କ ୧:୯; ଲୁକ ୩:୨୧; ମାର୍କ ୧୬:୧୯; ଲୁକ ୨୪:୫୧ † ୧:୨୨ ମୁଞ୍ଜିନାୟି * ୨:୧ ପିସ୍‌ପିଆଡ଼ି ପାର୍ବୁତି ରା କଡ଼ି ବସ ଦିନା

୧୩ ସାମା ଏବଂକାତାରି ଲାଜାକିହଁ ଏଲେଇଚେରି, “ଇଝାରି ପୁଃନି ଡାକ୍‌ହି ଅଜୁରି ରାସା ଗସାନା ହଡ଼ା ହାଜାମାନେରି ।”

ପିତର କାବୁ ଝେକନାୟି

୧୪ ସାମା ପିତର ଏଗାର ଜାଣା ସାସୁୟାଁ ତଲେ ନିଗନା କାଜା ଗିୟାଁତଲେ ଏଲେଇଚେସି, “ଜୀହୁଦି ତାୟିୟାଁ ଅଡେ ଜିରୁସାଲମତା ବାସା କିହିମାନାତେରି, ମୀରୁ ନା କାତାତି ଝେଞ୍ଜାବୁ ଅଡେ ଇଦାଆଁ ପୁଞ୍ଜୁ ।

୧୫ ଇଚିହଁ ମୀରୁ ଏନିକଁ ଅଣପିମାଞ୍ଜେରି, ଇଝାରି ଏଲେକିହଁ ଅଜୁରି ରାସା ଗସାହାଁ ହଡ଼ା ହିଲଅରି; ଇଦି ଆଡେ ଲାଜାତି ନ ଗଂଟା ଆହାମାନେ ।

୧୬ ସାମା ମାହାପୁରୁ ଅଣପୁତି ବଲୁ ଝେହ୍‌ନି ଆମିନି ଜୟେଲ ତାଣାଟି ରାସ୍‌କି ଆହାମାନେ ଇଦି ଆହିମାନେ ଏଦି;

୧୭ ମାହାପୁରୁ ଝେସିମାନେସି ରାନ୍‌ଦି ଦିନାତା ଇ ବାରେ ଗଟ଼ି ଆନେ,
ନାନୁ ବାରେ ଲକ୍‌ତାକି ନା ଜୀଝୁ ପାଣ୍ଡାଲ,
ଏଚେଟିଏ ମୀ ମୀରକା ମାସ୍‌କା ମାହାପୁରୁ ଅଣପୁତି ବଲୁ ଝେହ୍‌ନେରି,
ମୀ ଦାଂଗଣାୟାଁ କାବା ଆନାଣି ମେହ୍‌ନେରି,
ଅଡେ ମୀ ବୁଡ଼ହାୟାଁ ହାପାନା ହେଣ୍‌ନେରି ।

୧୮ ହାଅ, ଏ କାଲାତା ନା ହଲିୟାଙ୍ଗା ଇଞ୍ଜାଁ ହଲେଣିସିକା ଲାକ,
ନାନୁ ନା ଜୀଝୁତି ଏଝାରି ଲାକ ଝାକ୍‌କ୍‌କ୍‌କ୍‌,
ଏଚେଟିଏ ଏଝାରି ମାହାପୁରୁ ଅଣପୁତି ବଲୁ ଝେହ୍‌ନେରି ।

୧୯ ନାନୁ ହାଗୁ ଲାକ କାବାଆନ୍‌ କାମା;
ଅଡେ ଡ଼ଇ ଦାରତିତା କାବାଆନ୍‌ ସିନାୟାଁ,
ଏଦାଆଁ ନେଡେରି, ହିରୁ ଇଞ୍ଜାଁ ହାରେକା ବୟଁ ତହ୍‌କ୍‌କ୍‌;
୨୦ ପ୍ରବୁତି କାଜା ଗାଝୁରମି ଦିନା ଝାନ୍‌ ନକେଏ,
ଝେଡ଼ା ଆନେରି ଆନେ,
ଅଡେ ଲେଞ୍ଜୁ ନେଡେରିଲେହେଁ ଆନେ ।

୨୧ ଅଡେ ଇଲେକିହଁ ଆନେ, ଆଦାଆସି ପ୍ରବୁ ଦରୁ ଆସାନା ପ୍ରାଡାନା କିନେସି, ଏଝାସି ଗେଲପି ଆନେସି ।”

୨୨ “ଇସ୍ରାୟେଲ ଲକ୍‌ତେରି, ଇ ବାରେ କାତା ଝେଞ୍ଜୁ ! ନାଜରିତ ଜୀସୁ ହାରେକା ବାଡ଼ୁୟିତି କାମା, କାବାଆନ୍‌ କାମା ଇଞ୍ଜାଁ ସିନାୟାଁ ତଲେ ମୀ ନକିତା ମାହାପୁରୁତି ପାଣ୍ଡି ଆଡ଼ାସି ଇଞ୍ଜୁଁ ପାରୁମାଣା ଆହାମାନେସି, ଏଝାଣି ତାଣାଟି ମାହାପୁରୁ ମୀ ତାଣା ଇ ବାରେ କାମା କିହାମାନେସି, ଇଦାଆଁ ମୀରୁ ପୁଞ୍ଜାମାଞ୍ଜେରି ।

୨୩ ଏ ଜୀସୁ ମାହାପୁରୁ କିହାମାନି ଅଣପୁ ଅଡେ ତଲିତି କାତାତଲେ ହେରପି ଆହାଲିଏ, ମୀରୁ ଏଝାଣାଲ ପାପୁ ଗାଟାରି କେୟିତି ପାସି ମୁଣ୍ଡାତା ଏକହାନା ପାୟାମାଚେରି ।

୨୪ ସାମା ମାହାପୁରୁ ଏଝାଣାଲ ହାକିତି ବାଡ଼ୁୟିତି ଗେଲପାନା ନୀଡ଼ହା ମାଚେସି, ଇଚିହଁ ଏଝାସି ହାକିତା ଦସପି ଆହା ଡ଼ୟିନେସି ଏଦି ଆହାଲି ଆଡେଏ ।”

୨୫ ଦାଝୁଦ ଏ କାତାତି ଝେସାମାନେସି,
“ନାନୁ ବାରେଡେଲା ନା ନକିତା ପ୍ରବୁଇଁ ମେସିମାଚେସି;
ଇଚିହଁ ନାନୁ ଏନିକଁ କିଲିବିଲି ଆଅଁ, ଏଦାଆଁତାକି ଏଝାସି ନା ଚିଃନି ଚଟତା ମାନେସି ।

୨୬ ଏଦାଆଁତାକି ନା ହିୟାଁ ରାହାଁ
ଅଡେ ନା ଝେହ୍‌ନି ରାହାଁ ଆଡେ,
ଅଡେ ନା ଆଙ୍ଗା ଜିକେଏ ବାସୁଁ ତଲେ ବାସା କିନେ,

୨୭ ଇଚିହଁ ନାନୁ ନା ଜୀଝୁତି ହାକିପୁରୁତା ପିହ୍‌ଅତି;
ଅଡେ ନୀ ନାମୁ ଅଡେ ସୁରୁ ଗାଟାଣାଲ ମାହ୍‌ଣି ମାଣ୍ଡାତା ସୀରହାଲି ହୀଅତି ।

୨୮ ନାନୁ ନାଜେ ଜୀଝୁତି ଜିରୁ ତସାମାଞ୍ଜାଦି,
ଅଡେ ନାନୁ ନାଜେ ନୀ ନକିତା ରାହାଁତା ନେଞ୍ଜିକିୟାଦି ।”

୨୯ “ଇସ୍ରାୟେଲତି ତାୟିୟାଁ ଅଡ଼େ ତାଜିୟାତେରି, ମା ଆକୁ ଦାଫୁଦତି କାତା ନାନୁ ମିଙ୍ଗେ କାଜା ହାଡ଼ାତଲେ ଝେସାଲି ଆଡ଼ାଲ୍, ଇତିହ୍ ଏଝାସି ହାଡ଼େସି ଇଞ୍ଜା ମୁସପି ଆଡ଼େସି, ଇଞ୍ଜା ଏଝାଣି ମାହୁଣି ମାଣ୍ଡା ନାଏଁ ପାତେକା ଇମ୍ମାଆଁ ମା ବିତ୍ରା ମାନେ ।

୩୦ ରାଜା ଦାଫୁଦ ର ମାହାପୁରୁ ଅଣପୁତି ବଲୁ ଝେହନାସି ଲେହେଁ, ତାନି ନେତେରି ତଲେ ଜାନ ଆଡ଼ାଣାଲ୍ ମାହାପୁରୁ ତାନି ସିଂଗାସାଣିତା କୁଗିକହାଲି ତାନି ତାଣା ଆଞ୍ଜାମାତେସି ଇଞ୍ଜା ପୁଞ୍ଜାମାତେସି ।

୩୧ ଦାଫୁଦ ଇଦାଆଁ ପୁଞ୍ଜାମାତାକି, କ୍ରୀସୁତି ଝେଶ୍ରେ ନିଜିନି କାତା ଝେସାମାତେସି ।”

“ଇତିହ୍ ଏଝାସି ହାଡ଼ାରି ତାଣା ତୟାଆତେସି;

ଇଞ୍ଜା ଏଝାଣି ଆଜା ମାହୁଣି ମାଣ୍ଡାତା ସୀର୍ଆତେ ।”

୩୨ ମାହାପୁରୁ ଇ ଜୀସୁଲ୍ ଅଡ଼େ ଝେଶ୍ରେ ହାକିଟି ନିକହାମାନେସି ଇଦାଣି ତାକି ମାମୁ ହାରେ ସାକି ।

୩୩ ଏଦାଆଁତାକି ଆବା ମାହାପୁରୁ ଜୀସୁଲ୍ କାଜାସି କିହାନା ତାନି ଚିଃନିଝାକି କୁଗିକହାନା ତାନିତଲେ ସାଲୁଝି କିହାଲି ହାତେସି, ଇଞ୍ଜା ଏଝାସି ମାଙ୍ଗେ ଆଞ୍ଜାମାତି ସୁଦୁଜୀଝୁ ହିୟାତେସି, ଇଦି ମୀରୁ ବାରେ ଆମିନିଗାଟାଣି ମେସିମାଞ୍ଜେରି ଇଞ୍ଜା ଝେଞ୍ଜିମାଞ୍ଜେରି ।

୩୪ ଇତିହ୍ ଦାଫୁଦ ଲାକପୁରୁ ହାଜାହିଲଆତେସି; ଏଝାସି ତାନୁଏ ଝେସାମାତେସି,

“ପ୍ରବୁ ନା ପ୍ରବୁଲ୍ ଏଲେଇତେସି;

୩୫ ନାନୁ ନୀ ସାତୁୟାଣି ନୀ କତାୟାଁ ତୁଇ ଇଟାଆ ପାତେକା,

ନୀନୁ ନା ଚିଃନିଝାକି କୁଗାମାନାମୁ ।”

୩୬ “ଇଦାଆଁତାକି ବାରେ ଇସ୍ରାୟେଲତି ଲକୁ ସାତେଏ ପୁନାପେରି, ଇତିହ୍ ଆମିନି ଜୀସୁଲ୍ କୁସତା ପାୟିତେରି, ସାତେଏ ଏଝାଣାଲ୍ ମାହାପୁରୁ, ପ୍ରବୁ ଅଡ଼େ ମସିହା ପାଣା ହାତେସି ।”

୩୭ ଇ କାତା ଝେଞ୍ଜାନା ଲକୁତି ହିୟାଁ ତାହାହାତେ, ଇଞ୍ଜା ଏଝାରି ପିତର ଅଡ଼େ ଏମ୍ମାଆଁ ମାତି ପାଣୁଝି ଆଡ଼ାରାଲ୍ ଏଲେଇତେରି, “ତାୟିୟାଁ ମାମୁ ଏଦାଆଁ କିନମି ?”

୩୮ ପିତର ଏଝାରାଲ୍ ଏଲେଇତେସି, “ମୀରୁ ମୀ ହିୟାଁ ଝେଟ୍ଟହା କତାବୁ, ଅଡ଼େ ଜାହାରା ପାପୁତି ମ୍ବେକହାଲି ବାରେଜାଣା ଜୀସୁ କ୍ରୀସୁ ଦରୁତଲେ ବାପ୍ତିସ୍ମାଁ ଅଦୁ; ଆତିହ୍ ଦେଁ ମୀରୁ ସୁଦୁଜୀଝୁତି ଦାନା ବେଟାଆଡ଼େରି ।

୩୯ ଇତିହ୍ ମାହାପୁରୁ ଆଞ୍ଜାମାନାୟି ମିଙ୍ଗେତାକି, ଇଞ୍ଜା ମୀ ମୀରୁକା ମାସ୍କା ତାକି, ଅଡ଼େ ହେକତି ଏତେକା ଲକୁ ମା ପ୍ରବୁ ମାହାପୁରୁ ତାନି ତାଣା ହାଡ଼ିନେସି, ଏ ବାରେ ଲକୁତାକି ଆନେ ।”

୪୦ ଅଡ଼େ ପିତର ଏଝାରାଲ୍ ହାରେକା କାତାତଲେ ବାତିମାଲିହ୍ ଅଡ଼େ ଏଝାରାଲ୍ ଜାପୁନି ହାଡ଼ା ଝେସିହ୍ ସାକି ହାତେସି, “ଇ କୁଗୁଗାଟି କୁଡ଼ାତି ଲକୁଟିଏ ମୀରୁ ଗେଲ୍ପି ଆଦୁ ।”

୪୧ ହାରେକା ଲକୁ ଏଝାଣି ହାଡ଼ା ନାମିତେରି ଇଞ୍ଜା ବାପ୍ତିସ୍ମାଁ ଅଡ଼େରି, ଅଡ଼େ ଏ ଦିନା ବାରେ ତାନି ମାଣା ଲକୁ କୁଲମି ତଲେ ଆଣ୍ଡିତେରି ।

୪୨ ଏ ଦିନାଟିଏ ଏଝାରି ପାଣୁଝି ଆଡ଼ାରି ଜାପୁନି ତାଣା, ଏଝାରିତଲେ ଆଣ୍ଡାନା ରୁଟି ଡିକହାଲି, ପ୍ରାଡ଼ାନା କିହାଲି ଆଣ୍ଡି ଆହାଁ ତୟିତେରି ।

ନାମୁଗାଟାରି ମାଣ୍ଡକି

୪୩ ପାଣୁଝି ଆଡ଼ାରି ତାଣାଟି ହାରେ ହାରେକା କାବାଆନି କାମା ଇଞ୍ଜା ସିନାୟାଁ ତଞ୍ଜାଆହାଲି ମାଟ୍ଟହେ; ଅଡ଼େ, ଲକୁ ବାରେ ଆଜାଲି ମାଟ୍ଟହେରି ।

୪୪ ଯାମା ବାରେ ନାମିତାରି, ଏଝାରି ବାରେଜାଣା ରଣ୍ଡିଏ ତାଣା ତୟାନା ବାରେ ଦନଡ଼ି ବାରେତାୟି ଇଞ୍ଜା ଅଣ୍ଡପିତେରି,

୪୫ ଅଡ଼େ ଏଝାରି ଜାହାରା ଦନଡ଼ି ଆସ୍ତି ମାଟାଣି ପାରୁଟାନା, ଆମ୍ମାଆରାକି ଏନାୟି ଲଡ଼ାମାନେ, ଏଲେକିହ୍ ବାରେତାକି ବାଡ଼ିକିହାଁ ହାହାଲି ମାଟ୍ଟହେରି ।

୪୬ ଅଡ଼େ, ଏଝାରି ରଣ୍ଡିଏ ହିୟାଁ ଆହାଁ ବାରେଦିନା ପ୍ରାଡ଼ାନା ଇଲୁତା ରୁଣ୍ଡା ଆହାନା ତୟିମାତେରି, ଇଞ୍ଜା ଇଲୁତାକି ଇଲୁ ରୁଟି ଡିକହ୍ ରାହାଁ ଅଡ଼େ ହିଡ଼ଡ଼ି ହିୟାଁ ତଲେ ତଞ୍ଜି ଉଣ୍ଡିହ୍,

୪୭ ମାହାପୁରୁତି ଜହରା କିହମାତେରି ଇଞ୍ଜା ବାରେ ଲକୁତି ଜୀଝୁ ନନାରି ଆହିମାତେରି । ଅଡ଼େ ପ୍ରବୁ ତାଣା ଗେଲ୍ପି ଆହିମାନି ଲକୁଣି ବାରେଦିନା କୁଲମି ତଲେ କାଲହାଲି ମାଟ୍ଟହେରି ।

† ୨:୩୮ ମୁଞ୍ଜିନାୟି ‡ ୨:୪୧ ମୁଞ୍ଜିନାୟି ✧ ୨:୪୪ କାମା ୪:୩୨-୩୫

୩

ପିତର ସତ୍ୟର ନେତୃତ୍ୱ ନିର୍ଦ୍ଦେଶ

୧ ପିତର ଅତ୍ୟନ୍ତ ଜହନ ର ଦିନା ପ୍ରାତଃକାଳ କିନି କାରୁତା ଇତିହାସ ତାରି ଗଂଗା ବେଲଗାତା ପ୍ରାତଃକାଳ ଇଲୁତା ହାଜିମାରେରି ।

୨ ଏତିବେଲଗାତା ଜାର୍ନାଟିଏ ସତ୍ୟ ରଅସି ଡେକି କିଓ ଆହୁଁ “ଅକ୍ରିତି” ଦରୁଗାଟି ଦୁଃଖେରିତା ଇବ୍ଓ ଆହୁମାରେସି; ଇଞ୍ଜି ଏଞ୍ଜିସି ପ୍ରାତଃକାଳ ଇଲୁତା ଖାନ୍ତି ଲକ୍ଷ୍ମଣି ରାସିମାରେସି ।

୩ ଅତ୍ତେ ଏଞ୍ଜିସି ପିତର ଇଞ୍ଜି ଜହନର ପ୍ରାତଃକାଳ ଇଲୁ ବିତ୍ରା ହାଜିମାନାଣି ମେସାନା ଏଞ୍ଜିରାଇଁ ରାସାଲି ମାଟ୍ତହେସି ।

୪ ପିତର ଅତ୍ୟନ୍ତ ଜହନ ଏଞ୍ଜିଶାଇଁ ଆରେ ସିନିକିତେରି, ଇଞ୍ଜି ପିତର ଏଲେଇରେସି “ମା ଖାକି ସିନିକିୟାମ୍ ।”

୫ ଏମ୍ପାଟିଏ ଏଞ୍ଜିସି ଏଞ୍ଜିରି ତାଣାଟି ଇତାଣି ବେଟାଆହାଲି ଏଞ୍ଜିରି ଖାକି ସିନିକିତେସି ।

୬ ସାମା ପିତର ଏଲେଇରେସି, “ନା ତାଣା ବାଂଗାରା କି ଖେଣ୍ଡି ହିଲେଏ, ସାମା ନା ତାଣା ଏନାୟି ମାନେ ଏଦାଆଁ ହାହିମାଞ୍ଜାଇଁ; ନାଜ୍ଝିରିତ ଜୀମ୍ପୁ ଜୀମ୍ପୁ ଦରୁତଲେ ହୁକୁମି ହାହିମାଞ୍ଜାଇଁ ନିଜ୍ଝାନା ତାକାମ୍ !”

୭ ଅତ୍ତେ, ଏଞ୍ଜିସି ଏଞ୍ଜିଣି ଚିଃନି କେୟୁ ଆସାନା ଏଞ୍ଜିଶାଇଁ ନିକ୍ତହେସି, ଏବେଟିଏ ଏ ଦେବୁଣିଏ ଏଞ୍ଜିଣି କତାୟିତି ହାନ୍ତୁଲିକା ବାତ୍ତୁୟୁ ଆତ୍ତୁ;

୮ ଏଞ୍ଜିସି ଡେଓଁ ଡେଓଁ ତାନି କତାତଲେ ନିତେସି, ଅତ୍ତେ ତାକାଲି ମାଟ୍ତହେସି । ଏବେଟିଏ ଏଞ୍ଜିସି ଏଞ୍ଜିରିତଲେ ପ୍ରାତଃକାଳ ଇଲୁତା ତାକ୍ତହୁଁ ଅତ୍ତେ ଡେଓଁହୁଁ ଇଞ୍ଜି ମାହାପୁରୁଇଁ ଗାଓ୍ଵରମି କିହୁଁ ହାରେସି ।

୯ ଏମ୍ପାଆଁ ମାନି ଲକ୍ଷ୍ମଣ ବାରେ ଏଞ୍ଜିଣି ତାକିନାଣି ଅତ୍ତେ ମାହାପୁରୁତି ଗାଓ୍ଵରମି କିହିମାନାଣି ମେସ୍ତେରି;

୧୦ ଅତ୍ତେ ଆମିନିଗାଟାସି ପ୍ରାତଃକାଳ ଇଲୁତି ଅକ୍ରିତି ଦୁଃଖେରିତା କୁଗାନା ରାସିମାରେସି, ଏଞ୍ଜିସିଏ ଇଞ୍ଜିସି ଇଞ୍ଜି ପୁରେରି, ଏଞ୍ଜିଶାକି ଏନାଆଁ କିଓ ଆହାମାରେ ଏଦାଆଁ ମେସାନା ଆତାଜାକା ଆହାନା କାବା ଆତେରି ।

ପ୍ରାତଃକାଳ ଇଲୁତା ପିତର ଖେଦନାୟି

୧୧ ଏଞ୍ଜିସି ପିତର ଇଞ୍ଜି ଜହନ ତଲେ ସଲମନତି ପିଣ୍ଡାତା ମାନାଣି ମେସାନା, ବାରେ ଲକ୍ଷ୍ମଣ ଆତାଜାକା ଆହାନା ଏଞ୍ଜିରି ତାରେ ହଟାତେରି ।

୧୨ ପିତର ଏଞ୍ଜିରାଇଁ ମେସାନା ଏଲେଇରେସି, “ଇସ୍ରାୟେଲ ଲକ୍ଷ୍ମଣେରି, ମୀରୁ ଏନାଆଁତାକି ଆତାଜାକା ଆହିମାଞ୍ଜେରି ? ମାମ୍ପୁ ମା ବାତ୍ତୁୟୁ କି ମାହାପୁରୁ ଆଜିତଲେ ଇଞ୍ଜିଶାକି ତାକାଲି ବାତ୍ତୁୟୁ ହାହାମାନମି, ଏଦାଆଁ ଅଣ୍ଡାମାନା ମାଞ୍ଜେ ରଣ୍ଡିଏ ଅଣ୍ଡାପୁ ତଲେ ଏନାଆଁତାକି ସିନିକିହିମାଞ୍ଜାଦେରି ?

୧୩ ଅବାହାମ, ଇସ୍ରାୟେଲ ଅତ୍ତେ ଜାକ୍ଵବତି ମାହାପୁରୁ, ମା ଆକ୍ଵୁ ଆବାୟିତି ମାହାପୁରୁ, ତାନି ହଲେଏସି ଜୀମ୍ପୁଇଁ ମାହାପୁରୁତି ଗାଓ୍ଵରମି ହାହାମାନେସି । ସାମା ଜୀମ୍ପୁଇଁ ମୀରୁଏ ସାଲ୍ଓ କିନାରି କେୟୁତା ହେରପିତେରି, ଏତିବେଲ ପିଲାତ ଜୀମ୍ପୁଇଁ ପିସାଲି ଅଣ୍ଡାପା ମାଟିହୁଁ ଜିକେଏ, ଏଞ୍ଜିଶାଇଁ ମୀରୁ ପିଲାତ ନକିତା ଅପାଆତେରି ।

୧୪ ଏଞ୍ଜିସି ସୁଦୁ ଅତ୍ତେ ଦାର୍ଢ଼ିଗାଟାସି ମାରେସି, ସାମା ମୀରୁ ଏଞ୍ଜିଶାଇଁ ଅପାଆତେରି, ଅତ୍ତେ ଏଞ୍ଜିଣି ଚାୟୁତା ର ଲକ୍ଷ୍ମଣି ପାୟିନାଣାଇଁ ପିସାଲି ପିଲାତଇଁ ବାତିମାଲିତେରି,

୧୫ ଆମ୍ପାଆସି ଜୀମ୍ପୁତି ଜିରୁ ତହନାସି ଏଞ୍ଜିଶାଇଁ ମୀରୁ ପାୟିତେରି; ଏଞ୍ଜିଶାଇଁ ମାହାପୁରୁ ହାଡାରି ତାଣାଟି ନିକ୍ତହାମାନେସି, ମାମ୍ପୁ ଇଦାଣି ସାକି ।

୧୬ ଏଞ୍ଜିଣି ଦରୁତି ବାତ୍ତୁୟୁ ଇ ସତ୍ୟର ନେତୃତ୍ୱ କିହାମାନେ, ମୀରୁ ଏନାଆଁ ମେସାନା ସାତା ଇଞ୍ଜି ପୁଞ୍ଜାମାଞ୍ଜେରି, ଏଞ୍ଜିଣି ଦରୁତଲେ ନାମିତାକି ଆହାମାନେ । ଜୀମ୍ପୁଇଁ ନାମିତାକି ଏଞ୍ଜିସି ନେତୃତ୍ୱ ଆହାମାନେସି ଇଦାଆଁ ମୀରୁ ମେସାମାଞ୍ଜେରି ।”

୧୭ “ଅତ୍ତେ ନୀଏଁ ଇସ୍ରାୟେଲତି ତାୟିୟାଁ ଅତ୍ତେ ତାଜିସ୍ତାତେରି, ମୀ କାଜାରି ଏନିକ୍, ମୀରୁ ଜିକେଏ ଏଲେକ୍ ବୁଦି ହିଲାଆକି ଇଦାଆଁ କିହାମାନେରି ଇଞ୍ଜି ନାମ୍ପୁ ପୁଞ୍ଜାମାଞ୍ଜ ।

୧୮ ତଲି କାଲ୍ଝାଟିଏ ମାହାପୁରୁ ଅଣ୍ଡାପୁତି ବଲ୍ଵୁ ଖେଦନାରି ତାଣାଟି ମାହାପୁରୁ ଖେସାମାରେସି ମସିହାତି ଦୁକୁ ପାଣିନାୟି ମାନେ; ଏ ବାରେ ଏଞ୍ଜିସି ଇଲେକ୍ ପୂରା କିହାମାନେସି ।

* ୩:୧୪ ମାଟି ୨୭:୧୫-୨୩; ମାର୍କି ୧୫:୬-୧୪; ଲୁକ ୨୩:୧୩-୨୩; ଜହ ୧୯:୧୨-୧୫

୧୯ ଇତିହାସ, ଏନିକିଫି ମୀ ପାପୁ ମେଣ୍ଟକନେ, ଏଦାଆଁତାକି ମନ ଖେବହାନା ମାହାପୁରୁ ତାଣା ଖେଣ୍ଡା ଖାଦୁ,

୨୦ ପୁରୁ ତାଣାଟି ମୀରୁ ଜୀଝୁତି ବାଡ଼ୁରୁ ବେଟାଆଦେରି, ମାହାପୁରୁ ମିଙ୍ଗେତାକି ତଲିଏ ଆଡ଼ାମାନି ମସିହା ଜୀସୁଇଁ ପାଣ୍ଡନେସି ।

୨୧ ବାରେ କାତାତି ଖେଣ୍ଡେ କିନାଣି ଆମିନି ବେଲାତି କାତା ତଲି କାଲୁଟିଏ ମାହାପୁରୁ ତାନି ସୁଦୁ ମାହାପୁରୁ ଅଣପୁତି ବଲୁ ଖେବହାନାରି ତାଣାଟି ଖେବହା ମାରେସି, ଏ କାଲୁ ଖାଆ ପାତେକା ଏଞ୍ଜାଣାକି ସାତେଏ ଲାକପୁରୁ ହାଜାଲି ଆନେ ।

୨୨ ମସା ଖେସାମାରେସି, ପୁରୁ ମାହାପୁରୁ ମୀ ତାୟିୟାଁ ବିତ୍ରାଟି ମିଙ୍ଗେତାକି ନା ଲେହେଁକି ର ମାହାପୁରୁ ଅଣପୁତି ବଲୁ ଖେବହାନାଣାଇଁ ନିକନେସି; ଏନା ଏନାଆଁ ମିଙ୍ଗେ ଖେସାମାନେସି, ଏ ବାରେ ମୀରୁ ଏଞ୍ଜାଣି କାତା ଖେଖେରି ।

୨୩ ଆମିନିଗାଗସି ମାହାପୁରୁ ଅଣପୁତି ବଲୁ ଖେବହାନାରି କାତା ନାମଅରି ଏଞ୍ଜାରି ମାହାପୁରୁତି ଲକୁ ତାଣାଟି ଏଟକା କିଞ୍ଚିଆନେରି ଅଡ଼େ ନାସା କିଞ୍ଚିଆନେରି ।

୨୪ ସାମୁୟେଲ ଇଞ୍ଜାଁ ତାନି ତାୟୁତି ଏଚରଜାଣା ମାହାପୁରୁ ଅଣପୁତି ବଲୁ ଖେବହାନାରି ଖେସାମାନେରି, ଏଞ୍ଜାରି ବାରେ ଇ କାଲୁତା ଆହିମାନି କାତା ଖେସାମାନେରି ।

୨୫ ମାହାପୁରୁତି ଆଞ୍ଜାମାନି ମାହାପୁରୁ ଅଣପୁତି ବଲୁ ଖେବହାନାରି ତାଣାଟି ମିଙ୍ଗେତାକି ନେହେଁ, ମାହାପୁରୁ ମୀ ଆକୁ ଆବାୟାଁ ତଲେ କିତି ରାଜିମାନା ମୀରୁ କିହିମାଖେରି । ଏନିକିଫି ଏଞ୍ଜାସି ଅତ୍ରାହାମଇଁ ଏଲେଇଚେସି, 'ନାନୁ ମୀ କୁଡ଼ାଟି ବାରେ ଦାରୁତି ଲକୁକି ବରୁ ହାଁଇଁ ।'

୨୬ ମାହାପୁରୁ ତଲିଏ ତାନି ହଲେଏଣାଇଁ ମିଙ୍ଗେତାକି ବାଟି କିହାନା ପାଣ୍ଡାତେସି, ଏନିକିଫି ଏଞ୍ଜାସି ମୀ ବାରେଜାଣା ତେରି ମିଙ୍ଗେ ଲାଗେଏ ଜିରୁଟି ଖେବହାନା ବରୁ ହିୟାନେସି ।"

୪

ପିତର ଅଡ଼େ ଜହନ ବେରଣିମାଣ୍ଡାତା

୧ ପିତର ଅଡ଼େ ଜହନ ଲକୁ ନକିତା ଖେସିମାଟି ବେଲାତା ପୂଜେରାଜା, ମାହାପୁରୁ ଇଲୁତି କାଜାରି ଇଞ୍ଜାଁ ସାଦୁକିୟାଁ ଏଞ୍ଜାରି ନକିତା ଖାଡ଼େରି ।

୨ ଏଞ୍ଜାରି କପା ଆହିମାରେରି, ଇତିହାସ ପାଣ୍ଡି ଆହାମାନାରି ଲକୁଣି ଜାପୁହି ମାରେରି, ଇଞ୍ଜାଁ ଜୀସୁତି କାତା ଆସାନା ହାଡ଼ାରି ବିତ୍ରାଟି ଖେଣ୍ଡେ ନିଜିତି କାତା ଖେବହା ମାରେରି ।

୩ ଏତିବେଲା ମିଡ଼ଅଲା ଆହିମାରେ, ଏଦାଆଁତାକି ଏଞ୍ଜାରି ସାୟୁୟାଁଣି ଦସପାନା ଅର ନେରୁ ପାତେକା କାୟିଦି ଇଲୁତା ଇଟିଚେରି ।

୪ ସାମା ଏଚେକା ଲକୁ ବଲୁ ଖେଚାରି ନାମିଚେରି, ଇଞ୍ଜାଁ ଖାରଇ ଆବାୟାଁ ପାସାମାଣା ଆଡ଼େରି ।

୫ ତାନି ଅର ଦିନା ଜୀହୁଦିଜାତି କାଜାରି, ଇଞ୍ଜାଁ ପ୍ରାତିନାଜା, ଜାପୁନାରି ଅଡ଼େ ମୋରାପୁନାରି ଜିରୁସାଲମତା କୁଡ଼ା ଆଡ଼େରି ।

୬ ଏମ୍ବାଆଁ କାଜା ପୂଜେରା ହାନାନ, କୟାପା, ଜହନ, ଆଲେକଜାଣ୍ଡରତି କାଜା ପୂଜେରାଜା କୁଡ଼ାଟି ବାରେ ଲକୁ କୁଡ଼ା ଆଡ଼େରି ।

୭ ଏଞ୍ଜାରି ପାଣ୍ଡି ଆଡ଼ାରାଇଁ ମାଦିଏ ନିପହାନା ଖେଚେରି, "ଏନିକିଫି କିଚେରି ? ଏନି ବାଡ଼ୁରୁ ଇଞ୍ଜାଁ ଆମ୍ବାଆରି ଦରୁତଲେ ମୀରୁ ଇ ବାରେ କାମା କିହିମାଖେରି ?"

୮ ଏମ୍ବାଟିଏ ପିତର ସୁଦୁଜୀଝୁତା ନେଞ୍ଜାନା ଏଞ୍ଜାରାଇଁ ଏଲେଇଚେସି, "ଲକୁତି କାଜାଚେରି ଇଞ୍ଜାଁ ପ୍ରାତିନାଜାଚେରି,

୯ ନୀଞ୍ଜୁ ମାମ୍ବୁ ଯୁଗାକି କିହାମାନି ନେହେଁ କାମାତାକି ମୀରୁ ଖେଞ୍ଜି ମାଞ୍ଜାଦେରି, ଏଞ୍ଜାସି ଏନିକିଫି ନେହେଁ ଆଡ଼େସି ଇଞ୍ଜାଁ ପୁଞ୍ଜାଲି ଅଣପିମାଖେରି,

୧୦ ଆତିହାସ ମୀରୁ ବାରେଜାଣା ତେରି ପୁନିକାତା, ଇସ୍ରାୟେଲତି ବାରେ ଲକୁ ପୁନାୟିମାନେ, ଆମିନି ନାଜରତି ଜୀସୁ କ୍ରୀସ୍ତଇଁ ମୀରୁ କ୍ରସତା ପାୟିଚେରି, ଆମ୍ବାଆରାଇଁ ମାହାପୁରୁ ହାକିଟି ନିକହାମାନେସି ଏ ଜୀସୁ ଦରୁଟି ଇ ମାଣସି ନେହେଁ ଆହାନା ମୀ ନକିତା ନିଚାମାନେସି ।"

୧୧ ଜୀସୁ ରଅସିଏ, ଦାମ୍ବୁ ସାଡ଼ସୁରି ଖେସିମାଞ୍ଜାନେ, "ଇକୁ କେପିନାଚେରି ମୀରୁ, ମୀ ତାଣାଟି ଆମିନି ଖାଲି ଲାଗେଏତାୟି ଆହାମାରେ, ସାମା ଆମିନାୟି କନତି କାଜା ଖାଲି ଆଡ଼େ, ଏଞ୍ଜାସି ଏ ଖାଲି ।"

୧୭ ଏଞ୍ଜାଣି ପିସପେ ଅଡ଼େ ଆମ୍ବାଆରି ତାଣା ଗେଲ୍‌ପିନାୟି ହିଲେଏ; ଇଚିହିଁ ଆମ୍ବାଆରି ତାଣାଟି ମାର୍ ଗେଲ୍‌ପି ଆନାୟି ଆନେ, ହାମ୍ବୁ ଡ଼ଇ ମାଣସିୟାଁ ବିତ୍ତା ଏନ୍ ଦରୁ ହାପୁକି ଆହା ହିଲେଏ ।

୧୮ ଏଞ୍ଜାରି ପିତର ଅଡ଼େ ଜହନତି ସାମା ମେସାନା ଇଞ୍ଜାଁ ଏଞ୍ଜାରି ଏନାଆଁ ପୁନାଆତାରି ଅଡ଼େ ବୁଦି ହିଲାଆ ଲକୁ, ଇଦାଆଁ ପୁଞ୍ଜାନା ଆତାଜାକା ଆହାହାଚେରି, ଇଞ୍ଜାଁ ଏଞ୍ଜାରି ଜାସୁତଲେ ମାଚେରି ଇଞ୍ଜାଁ ପୁଚେରି,

୧୯ ସାମା ଏ ନେହିଁ ଆହାମାତାସି ଜହନ ଇଞ୍ଜାଁ ପିତର ତଲେ ନିଚାମାତାଣି ମେସାନା ଏଞ୍ଜାରି କପାଟି ଏନାଆଁ ଜଲ୍‌ଲି ଆଡ଼ାଆଚେରି ।

୨୦ ତାମ୍ବୁ ଏଞ୍ଜାରାଇଁ ବେରଣି ମାଣ୍ଡାଟି ହଡ଼ା ହାଜାଲି ହୁକୁମି ହାହାନା ଏଞ୍ଜାରି ତାମ୍ବୁ ତାମ୍ବୁସୁ ଖେସପି ଆଚେରି

୨୧ “ଇ ଲକୁଣି ଏନାଆଁ କିନାୟି ?” ଏଞ୍ଜାରି ଏଲେଇଚେରି, “ଇଚିହିଁ ଇଞ୍ଜାରି ତାଣାଟି କାବାଆନି କାମା କିଞ୍ଚିଆହାମାନେ, ଇଦି ଜିରୁସାଲମତି ବାରେଜାଣା ନକିତା ତଞ୍ଜା ଆହାମାନେ, ଇଞ୍ଜାଁ ମାର୍ ଏଦାଆଁ ଆଏ ଇଞ୍ଜାଲି ଆଡ଼ାଆୟି;

୨୨ ସାମା ଇ କାତା ଲକୁତାଣା ଏନ୍‌କିଁ ଗାଡ଼ି ଖେଜେଏ, ଏଦାଆଁତାକି ଏଞ୍ଜାରାଇଁ ଜାସୁ ଦରୁ ଏଚେଲା ଆମ୍ବାଆରି ନକିତା ଆସାଲି ଏଞ୍ଜାରାଇଁ କାହିକିନାୟି ମାନେ ।”

୨୩ ତାମ୍ବୁ ଏଞ୍ଜାରି ଜହନ ଅଡ଼େ ପିତରଇଁ ହାଡ଼ାନା ଜାସୁତି ଦରୁ ଖେହୁଆଦୁ କି ଜାପୁଆଦୁ ଇଞ୍ଜାଁ ହୁକୁମି ହାଚେରି ।

୨୪ ସାମା ପିତର ଅଡ଼େ ଜହନ ଏଞ୍ଜାରାଇଁ ଏଲେଇଚେରି, “ମାହାପୁରୁ କାତା ଖେନିକିହାଁ ମୀ କାତା ଖେନାୟି ମାହାପୁରୁ ନକିତା ନେହେଁ କି ଆଏ, ଏଦାଆଁ ମୀରୁ ଅଣ୍ଡାପା କତାଦୁ ।

୨୫ ଇଚିହିଁ ମାମ୍ବୁ ଏନାଆଁ ମେସାମାନି ଇଞ୍ଜାଁ ଖେଜାମାନି, ଏ ବାରେ ଖେହୁଆନା ତୁୟାଲି ଆଡ଼ାଅମି ।”

୨୬ ସାମା ଏ ବେରଣି ମାଣ୍ଡାତାରି ଏଞ୍ଜାରାଇଁ ଅଡ଼େ ହାରେକା ଆଜି କିହାନା ପିପ୍ରେରି, ଏଞ୍ଜାରାଇଁ ତଣ୍ଡୁ ହାହାଲି ଆଏ ଇଞ୍ଜାଁ ଏଞ୍ଜାରି ପୁଚେରି, ଏନାଆଁତାକି ଇଚିହିଁ ଏ କାମାତାକି ଲକୁ ବାରେ ମାହାପୁରୁଇଁ ଜହରା କିଚେରି ।

୨୭ ଇଚିହିଁ ଆମିନିଗାଟାଣି ତାଣା କାବାଆନି ନେହିଁ କାମା କିଞ୍ଚି ଆହାମାଚେ, ଏଞ୍ଜାସି ରୀ କଡ଼ି ବାର୍ଯ୍ୟତିଏ ଲାକ ମାଚେସି ।

ପାଗୁଞ୍ଚି ଆହାମାନାରି ବାଡ଼ୁମ୍ବୁ ତାକି ପ୍ରାଡ଼ାନା

୨୮ ପିତର ଅଡ଼େ ଜହନ ପିସପିଆଡ଼ି ଦେବୁଣିଏ ତାମି ତଣେସିଙ୍ଗା ତାଣା ହାଚେରି ଇଞ୍ଜାଁ କାଜା ପୁଜେରାଙ୍ଗା ଅଡ଼େ ପ୍ରାଡ଼ିନାଙ୍ଗା ଏନାଆଁ ଖେସାମାଚେରି, ଏ ବାରେ ଏଞ୍ଜାରାଇଁ ଖେସ୍ତେରି ।

୨୯ ଏଞ୍ଜାରି ଏଦାଆଁ ଖେଜାନା ରଣ୍ଡିଏ ହିୟାଁ ତଲେ ମାହାପୁରୁ ନକିତା କାଜା ହାଡ଼ାତଲେ ପ୍ରାଡ଼ାନା କିହିଁ ଏଲେଇଚେରି, “ପ୍ରବୁ ନୀମ୍ବୁ ହାଗୁ, ଦାରୁତି, ସାମ୍‌ଦୁରି ଇଞ୍ଜାଁ ଏ ବାରେ ତାଣା ମାନାଣି ବାରେ ଗାଡ଼ି କିହାମାଞ୍ଜି !

୩୦ ସୁଦୁଜାସୁ ତଲେ ନୀମ୍ବୁ ମା ଆକୁ ଦାସୁଦ ନୀ ହଢ଼େଏଣା ଗୁଡ଼ିତି, ଇ କାତା ଖେସାମାଟି; ‘ଜାହୁଦିଆଆତାରି ଏନାଆଁତାକି କାରବି ଆଚେରି;

ଇଞ୍ଜାଁ ଲକୁ ଏନାଆଁତାକି ଉଜେଏତାଣି ଅଣ୍‌ପିଚେରି ?

୩୧ ପ୍ରବୁ ଅଡ଼େ ତାନି ବରୁ ବେଟାଆହାମାନି ମସିହା କପାଟି, ଦାରୁତିତି ରାଜାୟାଁ ନିଜାଚେରି,

ଇଞ୍ଜାଁ ସାଲ୍‌ଞ୍ଚି କିନାରି କୁଡ଼ା ଆଚେରି ।”

୩୨ ଇଚିହିଁ ନୀ ସୁଦୁଗାଟି ହଢ଼େଲଏସି ଜାସୁଇଁ ବରୁ ହାଟି, ସାଚେଏ ଏଞ୍ଜାଣି କପାଟି ହେରଦ ଅଡ଼େ ପକ୍ତିୟ ପିଲାତ ଇ ରିଆରି ଜାହୁଦିଆଆତାରି ଅଡ଼େ ଇସ୍ରାୟେଲ ଲକୁତଲେ ଇ ଗାଡ଼ାତା ପାରୁ ପାରିଚେରି,

୩୩ ମୀ ଅଣ୍‌ପୁ ତଲେ ଏନାୟି ବାରେ ଗଟିଞ୍ଚି ଆନେ ଇଞ୍ଜାଁ ତଲିଟିଏ କିଞ୍ଚି ଆହାମାଚେ, ଏଦାଆଁ କିହାଲି କୁଡ଼ା ଆଚେରି ।

୩୪ ଅଡ଼େ ନାଏଁ, ଏ ପ୍ରବୁ, ଏଞ୍ଜାରି ମାଜେ ଆଜି କିହିମାଞ୍ଜାନାଣି ସିନକିୟାମ୍ବୁ; ଅଡ଼େ ନୀ ହଲିୟାଙ୍ଗାଣି ହାରେକା ସାପାତଲେ ନୀ ବଲୁ ଖେସାଲି ବାଡ଼ୁମ୍ବୁ ହାମ୍ବୁ,

୩୫ ଇଞ୍ଜାଁ ଏଦାଆଁ ତଲେ ନୀ ସୁଦୁ ହଢ଼େଲଏସି ଜାସୁତି ଦରୁତଲେ ନେହିଁ କିହାଲି ଅଡ଼େ ସିନାୟାଁ ଇଞ୍ଜାଁ କାବାଆନି କାମାୟାଁ କିହାଲିତାକି ନୀ କେମ୍ବୁ ଦାସା ତୁୟାମ୍ବୁ ।

୩୬ ଏଞ୍ଜାରି ପ୍ରାଡ଼ାନା ରାପୁହି ତାମ୍ବୁ, ଆମିନି ଟାମ୍ବୁତା ରୁଣ୍ଡା ଆହାମାଚେରି, ଏଦି ଖାଡ଼ିଚେ । ଇଞ୍ଜାଁ ବାରେଜାଣା ସୁଦୁଜାସୁ ତଲେ ନେଜାନା ବାଡ଼ୁମ୍ବୁ ତଲେ ମାହାପୁରୁତି ବଲୁ ଖେକ୍‌ହାଲି ମାଟ୍‌ହେରି ।

ନାମୁଗାଗାରି ଦନତି ସମାନା ବାଗା ବେଟାଆଡେତି

୩୭ ନାମୁଗାଟି ଲକ୍ଷ୍ମ ରଣ୍ଡିଏ ହିୟାଁ ରଣ୍ଡିଏ ମନତଲେ ମାଚେରି; ଏଝାରି ବିଦ୍ରାଟି ଆମ୍ବାଆରି ଜିକେଏ ତାନି ଦନତି ମାଦି ଇଞ୍ଜି ଅଣପି ହିଲାଆଡେତି, ସାମା ଏଝାରିଝାୟି ବାରେ ସମାନା ଇଞ୍ଜି ଅଣପିମାଚେରି ।

୩୮ ପାଣ୍ଡୁଝି ଆହାମାନାରି ଗାତି ବାଡ଼ୁୟୁ ତଲେ ପ୍ରବୁ ଜାସୁତି ଝେଣ୍ଡେ ନିଜିତି କାତା ଝେସାଲି ମାଟୁହେରି, ଇଞ୍ଜା ବାରେତି ଲାକ ମାହାପୁରୁତି ହାରେକା କାମା ମାଚେ ।

୩୯ ଇତିହ ଏଝାରି ବିଦ୍ରା ଆମ୍ବାଆରାକି ଏନାୟି ଉଣା ଆହି ହିଲାଆଡେ, ଇତିହ ଏଚେକା ଲକ୍ଷୁତି ବୁମି ଇଞ୍ଜା ଇଲକା ମାଟୁ ପାରତି ମାଚେରି

୩୯ ଅଡେ ପାଣ୍ଡୁଝି ଆଡାରି କଡ଼ାଁ ଡ଼ଇକା ଏ ଡାବୁୟାଁ ହାହିମାଚେରି, ଅଡେ ବାରେ ଲକ୍ଷୁଡାକି ତାନି ଲଡ଼ାମାନି ଲେହେଁ ଏ ଡାବୁୟାଁ ବାଟିକିଝି ଆହିମାଚେ ।

୩୯ କୁପ୍ର ଇନି ଚାୟୁଡା ଜାନା ଆହାମାଟି ଲେବି କୁଡ଼ାତି ଜସେପ, ଆନିନାଣାଇଁ ପାଣ୍ଡୁଝି ଆଡାରି ବର୍ନବା ଇଞ୍ଜି ମାଚେରି, ଇ ଦରୁ ଅର୍ଡ “ବାର୍ସୁ ହାନାସି.”

୩୯ ଏଝାଣିଝାୟି ଇଗାୟି ବୁମି ମାଚେ, ଏଝାସି ଏଦାଆଁ ପାରୁଚାନା ଏମ୍ବାତି ଚାକାୟାଁ ତାଚାନା ପାଣ୍ଡୁଝି ଆଡାରି କଡାୟାଁ ଡ଼ଇ ଇତିତେସି ।

୫

ହନନିୟ ଅଡେ ସପିରା

୧ ହନନିୟ ଦରୁଗାଟାସି ରଅସି ମାଚେସି, ଏଝାସି ତାନି ତକ୍ତି ସପିରା ତଲେ ଇଗାଣି ବୁମି ପାରୁତେସି ।

୨ ହନନିୟ ତାନି ତକ୍ତି ତଲେ ଏ ଚାକାୟାଁ ବିଦ୍ରାଟି କଚେକା ଡ଼କୁହା ଇଗାନା କଚେକା ତାଚାନା ପାଣ୍ଡୁଝି ଆଡାରିକି ହାଚେସି ।

୩ ପିତର ଏଝାଣାଇଁ ଏଲେଇଚେସି, “ହନନିୟ, ସୁଦୁଜାସୁ ନକିତା ମିଚି ଜଲାଇ ଇଞ୍ଜା ବୁମି ପାରୁଚାନା କଚେକା ଡ଼କୁହା ଇଗାଲି ସୟତାନ ଏନାଆଁତାକି ମୀ ହିୟାଁତି ଲକ୍ଷୁହାମାନେ ?

୪ ପାରୁନି ନଚେଏ ଏଦି ନୀ ଅଦିକାରାତା ହିଲାଆଡେ କି ? ପାରୁତି ଡାୟୁ ଜିକେଏ ଏମ୍ବାତି ଚାକାୟାଁ ଜିକେଏ ନୀଝି ଆହାହିଲାଆଡୁ କି ? ଆତିହ ଏନୀନୁ ଏନିକ ଏନୀ ହିୟାଁତା ଇ ଅଣପୁ ଅଣପିତି ? ଏଦାଆଁ ନୀନୁ ମାଣସି ନକିତା ମିଚି ଜଲିମାଞ୍ଜି ଏଦି ଆଏ, ସାମା ମାହାପୁରୁ ନକିତା ମିଚି ଜଲିମାଞ୍ଜି !”

୫ ହନନିୟ ଇ ହାଡ଼ା ଝେଣ୍ଡମ୍ବିନିଏ ଡ଼ଇ ତରୁଗାନା ହାହାହାଚେସି; ଏମ୍ବାଆଁ ଏଚେକା ଲକ୍ଷୁ ଇ କାତା ଝେଚେରି, ଏଝାରି ବାରେ ହାରେକା ଆଜିତେରି ।

୬ ଅଡେ, ଦାଂଗଣାୟାଁ ବିଦ୍ରା ଝାହାନା ହିମ୍ବୁରି ପ୍ଲାକ୍‌ହେରି ଇଞ୍ଜା ପାଞ୍ଜାତା ଅହାନା ମାହ୍‌ସି ମାଣ୍ଡାତା ମୁସ୍ତେରି

୭ ତାନି ଗଟା ଡାୟୁ ତାନି ତକ୍ତି ଝାଚେ, ସାମା ଏନାଆଁ ଆହାମାନେ, ଏଦାଆଁ ଏଦି ପୁଞ୍ଜା ହିଲାଆଡେ ।

୮ ପିତର ଏଦାନି ଝେଚେସି, “ନୀନୁ ଅଡେ ନୀ ତକ୍ତା ଇଚେକା ଚାକାୟାଁତାକି କି ମୀ ବୁମି ପାରୁତେରି ?” ଏଦି ଏଲେଇଚେ, “ହାଅ ଏଚେକା ତାକିଏ ।”

୯ ପିତର ଏଦାନି ଏଲେଇଚେସି, “ପ୍ରବୁତି ଜାସୁତି ତାୟିପାରି କିହାଲି ମୀରୁ ଏନାଆଁତାକି ରଣ୍ଡିଏ କାତା ଆଡେରି ? ମେହ୍‌ମୁ ଆମିନି ଗାଟାରି ନୀ ତକ୍ତାଇଁ ମୁସାମା ଝାହିମାନେରି, ଏଝାରି ଦୁଝେରିତା ଝାଚେରିଏ, ଇଞ୍ଜା ଏଝାରି ନିଜେ ପାଞ୍ଜାତା ଡେକା ଅୟାନେରି ।”

୧୦ ଏ କାତା ଝେଣ୍ଡମ୍ବିନିଏ ଏଦି ପିତର କଡ଼ାଁ ଡ଼ଇ ତରୁଗାନା ହାହାହାଚେ, ଇଞ୍ଜା ଦାଂଗଣାୟାଁ ବିଦ୍ରା ଝାହାନା ହାହାମାନାଣି ମେସ୍ତେରି ଇଞ୍ଜା ପାଞ୍ଜାତା ଡେକା ଅହାନା ତାନି ତକ୍ତା ଗଟାତା ମୁସ୍ତେରି ।

୧୧ ଏମ୍ବାଟିଏ ବାରେ କୁଲମି ଇଞ୍ଜା ଏଚେକା ଲକ୍ଷୁ ଇ ବାରେ କାତା ଝେଚେରି, ଏଝାରି ବାରେ ହାରେକା ଆଜିତେରି ।

କାବାଆନି ସିନାୟାଁ

୧୨ ପାଣ୍ଡୁଝି ଆଡାରି ତାଣାଟି ହାରେକା କାବାଆନି କାମାୟାଁ ଅଡେ ସିନାୟାଁ ଆହାଲି ମାଟୁହେ, ଇଞ୍ଜା ବାରେ ନାମିତାରି ରଣ୍ଡିଏ ଅଣପୁ ତଲେ ସଲମନତି ପିଣ୍ଡାତା କୁଡ଼ା ଆହିମାଚେରି,

୧୩ ସାମା ଏଚକାତି ଲକ୍ଷୁ ଆମ୍ବାଆରି ଏଝାରିତଲେ କୁଡ଼ାଲି ସାସା କିହିହିଲାଆଡେରି; ଆଡିଜିକେଏ ଲକ୍ଷୁ ଏଝାରି ଗାସୁରମି କିହିମାଚେରି,

୧୪ ଇଞ୍ଜା, ହାଚେ ହାରେକା ଇୟାସିକା ଅଡେ ଆବାୟାଁ ନାମାହାଁ ପ୍ରବୁ ତାଣା କୁଡ଼ାଲି ଆଣ୍ଡିତେରି,

୪:୩୭ କାମା ୨:୪୪,୪୫

୧୫ ପାଶୁଓଁ ଆଡ଼ାରି କାମା ଦିନାତାକି ଦିନା ପାତାଆଡ଼େ, ଇଲାଆହୁଁ, କି ପିତର ଝାନ୍ତି ବେଲାତା ଏନ୍ତିକଁ ତାନି ସାୟଁଁ ରଗ ଗାଟାରି ଲାକ ଆଡ଼ିନେ, ଏଦାଆଁତାକି ରଗ ଗାଟାରାଇଁ ଆଂଗେଣିତା ଡ଼େକା ତାତାନା କାଟେଲି ଇଞ୍ଜାଁ ପାସ୍ପଦିତା ଇଟିମାଟେରି ।

୧୬ ଜିରୁସାଲମତି ସାରିସୁରୁ ଗାଡ଼ାୟଁତି ହାରେକା ଲକୁ ରଗ ଗାଟାରାଇଁ ଅଡ଼େ ବୃତୁୟଁ ଆଲ୍‌ଗିତାରାଇଁ ତାରିହଁ ଝାଡ଼େରି, ଅଡ଼େ ଏଝାରି ବାରେଜାଣା ନେହଁ ଆଡ଼େରି ।

ପାଶୁଓଁ ଆଡ଼ାରାଇଁ ସାସ୍ତି

୧୭ ଏଟେରିଏ କାଜା ପୂଜେରାଜା ଅଡ଼େ ଏଝାଣି ବାରେ ତଡ଼ ଲକୁ, ନାୟଁତି ସାଦୁକିୟଁ ଗଟିତାରି ପାଶୁଓଁ ଆଡ଼ାରାଇଁ ତାହାରା ଆହାନା ଏଝାରି କପାଟି ନିଜିତେରି ।

୧୮ ଏଝାରି ପାଶୁଓଁ ଆହାମାନାରାଇଁ ଆସାନା କାୟିଦି ଇଲୁତା ଇଟିତେରି ।

୧୯ ସାମା ଲାଆଁୟଁ ବେଲାତା ପ୍ରବୃତି ର ଦୃତୁ କାୟିଦି ଇଲୁତି ଦାରାୟଁ ବାରେ ଦେଟାତୁସ୍ତେ, ଇଞ୍ଜାଁ ଏଝାରାଇଁ ପାଞ୍ଜାତା ତାତାନା ଏଲେଇଟେ,

୨୦ “ହାଲୁ, ଇଞ୍ଜାଁ ମାହାପୁରୁ ଇଲୁତା ନିତାନା ଲକୁଣି ଇ ଜାଝୁତି ବାରେ କାତା ଝେହ୍‌ଦୁ ।”

୨୧ ଇ କାତା ଝେଞ୍ଜାନା ଏଝାରି ଲାଜଅଲି ମାହାପୁରୁ ଇଲୁତା ହଡ଼ାନା ଜାପୁହାଲି ମାଟୁହେରି ।

ଏମାଟିଏ କାଜା ପୂଜେରାଜା ଅଡ଼େ ତାମି ତଣେସିଜା ଝାହାନା କୁଟମିତି କାଜାରାଇଁ ଅଡ଼େ ଇସ୍ରାୟେଲ ଲକୁତି ପ୍ରାତିନାଞ୍ଜାଣି ହାଟାନା କୃଡ଼ି କିତେରି; ଇଞ୍ଜାଁ ପାଶୁଓଁ ଆଡ଼ାରାଇଁ ତାଗାଲି କାୟିଦି ଇଲୁତା ଲକୁଣି ପାଶୁଓଁତେରି ।

୨୨ ସାମା କାମାକିନାରି ହାଜାନା କାୟିଦି ଇଲୁତା ପାଶୁଓଁ ଆଡ଼ାରାଇଁ ବେଟାଆଆନା ଝେଣ୍ଡା ଝାହାନା ବେରେଣି ମାଣ୍ଡାତାରାଇଁ ଝେସୁରି,

୨୩ “ମାମୁ କାୟିଦି ଇଜ ହାଜାନା ସିନିକିତମି, କାୟିଦି ଇଲୁ ବାରା ଆଟୁଝା ତଲେ ସୁଶୁଓଁଆହାମାଟେ; ଇଞ୍ଜାଁ ଦୁଝେରିକାଣା କାଟାମାଟି କସ୍କା ନିତାମାଟେରି, ସାମା ବାରା ଦେତାଲିଏ ବିତ୍ରା ଆମ୍ବାଆରାଇଁ ଜିକେଏ ବେଟାଆଆତମି !”

୨୪ ଇ ହାଡ଼ା ଝେଞ୍ଜାନା କାଜା ପୂଜେରାଜା ଅଡ଼େ ମାହାପୁରୁ ଇଲୁତି କସ୍କା ମୁହେଁ କାଜାସି ପାଶୁଓଁ ଆଡ଼ାରାଇଁ ଏନାଆଁ ଆଡ଼େ ଅଣ୍ଡପାନା ଏଝାରି କାତାତା ଆତାଜାକା ଆହାହାଟେରି ।

୨୫ ଏଟିବେଲା ରଅସି ଝାହାନା ଏଝାରାଇଁ ଏଲେଇଟେସି, “ମେହ୍‌ଦୁ ମୀରୁ ଆମିନି ଗାଟାରାଇଁ କାୟିଦି ଇଲୁତା ଇଟାମାଟେରି, ଏଝାରି ମାହାପୁରୁ ଇଲୁତା ଜାପୁହାମାନେରି ।”

୨୬ ଏଟେରିଏ କସ୍କା ମୁହେଁ କାଜାସି, କାମାକିନାରି ତଲେ ହାଜାନା ପାଶୁଓଁ ଆଡ଼ାରାଇଁ ଝେଣ୍ଡେ ହାଟା ତାଟେରି, ସାମା ବାଡ଼ୟୁ ତଲେ ଆଏ, ଇଟିହଁ ଲକୁ ଝାଲକାତଲେ ଝେଡାନେରି ଜିକେଏ ଇଞ୍ଜାଁ ଆଜିମାଟେରି ।

୨୭ ଏଝାରି ଏଝାରାଇଁ ତାତାନା କୁଲମି ପାଞ୍ଜାତା ନିପୁହେରି, ଏମାଟିଏ କାଜା ପୂଜେରା ଏଝାରାଇଁ ଝେଟେସି ।

୨୮ *ଇ ମାଣ୍ଡସି ଦରୁତଲେ ଆମ୍ବାଆରାଇଁ ଜିକେଏ ଝେହ୍‌ଆଦୁ ଇଞ୍ଜାଁ ମାମୁ ଜାଣ୍ଡେ ହୁକୁମି ହାହାମାଞ୍ଜାତମି, ସାମା ସିନିକିଦୁ, ମୀରୁ ଏନାଆଁ କିହାମାଞ୍ଜେରି ! ଜିରୁସାଲମତି ସାରିଝାକି ମୀରୁ ଏ କାତା ଜାପୁହା ମାଞ୍ଜେରି ଇଞ୍ଜାଁ ଏଝାଣାଇଁ ନେତେରିତି ଦହ୍‌ମା ମୁହେଁ ଏକହାଲି ଅଣ୍ଡପମାଞ୍ଜେରି ।”

୨୯ ସାମା ପିତର ଇଞ୍ଜାଁ ଏଟକାତି ପାଶୁଓଁ ଆହାମାନାରି ଏଲେଇଟେରି, “ମାଣ୍ଡସିୟଁତି ହୁକୁମି ମାନି କିନି କିହାଁ ମାହାପୁରୁତି ହୁକୁମି ମାନି କିନାୟିମାନେ ।

୩୦ ଆମିନି ଜାସୁଲି ମୀରୁ ପାସି ମୁଣ୍ଡାତା ଏକହାନା ପାୟାମାଟେରି, ମା ଆକୁ ଆବାୟଁତି ମାହାପୁରୁ ଏଝାଣାଇଁ ଝେଣ୍ଡେ ନିକହାମାନେସି ।

୩୧ ଇଞ୍ଜାଁ ଏଝାସି ଏନ୍ତିକଁ ଇସ୍ରାୟେଲତି ମନ୍ ଝେଟ୍‌ପି କିହାଁ ପାପୁ ମେଣ୍ଡାଜି କିନେସି, ଏଦାଆଁତାକି ମାହାପୁରୁ ତାନି ଚିଝିନି କେୟୁତଲେ ଏଝାଣାଇଁ କାଜାପାଣା ଇଞ୍ଜାଁ ଗେଲ୍‌ପିନାଣା ଲେହେଁ କାଜାସି କିହାମାନେସି ।

୩୨ ଅଡ଼େ, ମାମୁ ଛୁ ବାରେତି ସାକି, ଇଞ୍ଜାଁ ଆମିନି ସୁଦୁଜାଝୁଇଁ ମାହାପୁରୁ ତାନି ହୁକୁମି ମାନିଓଁ ଆନାରାକି ହାହାମାଞ୍ଜାନେସି, ଏଡ଼ି ଜିକେଏ ସାକି ।”

୩୩ ଇ କାତା ଝେଞ୍ଜାନା କୁଟମିତି କାଜାରି ହାରେକା କାର୍‌ବି ଆହାହାଟେରି, ଇଞ୍ଜାଁ ଏଝାରାଇଁ ପାୟାଲି ତାକି କାତା ଆଡ଼େରି ।

* ୫:୨୮ ମାଟି ୨୭:୨୫

୩୪ ସାମା ଗମଲିୟେଲ ଦରୁଗାଟି ର ମାନ୍ନିଗାଟି ପାରୁସି, ଆମିନିଗାଟାସି ସମାତି ମେରା ଜାପୁନାସି ମାଚେସି, ଏଝାସି ବେରଣିମାଣ୍ଡାତା ନିଚାନା ପାଣ୍ଡୁଝି ଆହାମାନାରାଇଁ ଗାଡ଼େକା ତାକି ପାଙ୍ଗାତା ପାଣ୍ଡାଲି ହୁକୁମି ହୀତେସି ।

୩୫ ଇଞ୍ଜା ଏଝାସି ଏଝାରାଇଁ ଏଲେଇତେସି “ଏ ଇସ୍ତାୟେଲ ଲକୁତେରି, ଇଝାରି ତାକି ମୀରୁ ଏନାଆଁ କିହାଲି ଅଣ୍ଡପିମାଞ୍ଜେରି, ଏ କାତାତା ଜାଗ୍ରାତା ଆହାମାଞ୍ଜୁ ।

୩୬ ଇଚିହଁ ଇଦାଆଁ ନକେଏ ତିଝୁଦା ଇନାସି ହଚାନା ତାନୁ ର କାଜା ମାଣସି କିହା କତିତେସି, ଇଞ୍ଜା ସାରି ଖାଞ୍ଜା ଲକୁ ଏଝାଣିତଲେ ଆଣ୍ଡିତେରି; ଏଝାସି ପାୟୁଝି ଆଡେସି, ଇଞ୍ଜା ଏଚେକା ଲକୁ ଏଝାଣି ତାଣା ବାସୁଁ କିହାମାଚେରି, ଏଝାରି ବାରେ ଇତାଲା ଆତାଲା ଆହୁଁ ଏନ୍ଦି କାମାତା ହୀଆତେରି ।

୩୭ ଏ ଲକୁତି ଜେଚ ଲକୁଣି ଏଜିକିନି ବେଲାତା ଗାଲିଲିତି ଜୀହୁଦା ଇନାସି ହଚାନା ଲକୁଣି ତାନି ଖାକି ରେଜା ଅହାନା ତାନି ସାସୁୟାଁ କିତେସି; ଏଝାସି ଜିକେଏ ପାୟୁଝି ଆଡେସି, ଇଞ୍ଜା ଏଚେକା ଲକୁ ଏଝାଣି ଜେଚ ଆଣ୍ଡାମାଚେରି, ଏଝାରି ବାରେ ଇତାଲା ଆତାଲା ଆହାହାଚେରି ।

୩୮ ଇଞ୍ଜା ନୀର୍ବ ନାନୁ ମିଜେ ଝେସିମାଞ୍ଜାଇଁ, ମୀରୁ ଇ ଲକୁଣି ଏନାଆଁ କିଆନା ଏଝାରାଇଁ ପିସାତୁହୁଦୁ, ଇଚିହଁ ଇ କାତା କି କାମା ମାଣସି ତାଣ୍ଡାଟି ଆହାମାନେ, ଇଚିହଁ ଏନ୍ଦି ଉଜେଏ ଆନେ;

୩୯ ସାମା ଏନ୍ଦି ମାହାପୁରୁ ତାଣ୍ଡାଟି ଆହାମାନେ, ଇଚିହଁ ମୀରୁ ଏଝାରାଇଁ ଜୀଣା ଆନ୍ଦି ସାସା ହିଲେଏ, ଇଚିହଁ ମୀରୁ ମାହାପୁରୁ କପାଟି ଜୁଜୁ କିହମାଞ୍ଜେରି ଇଞ୍ଜା ତଞ୍ଜା ଆଡେରି !” ଏ ବାରେ କୁଟମି ଗମଲିୟେଲ କାତାଟି ଝେଚେରି ।

୪୦ ଇଞ୍ଜା ପାଣ୍ଡୁଝି ଆଡାରାଇଁ ବିତ୍ରା ହାଚାନା ସାଟୁଣି ମାଡା ଝେଚାନା ଜୀସୁ ଦରୁତି କାତା ଝେହୁଆଦୁ ଇଞ୍ଜା ହୁକୁମି ହୀହାନା ପିସ୍ତେରି ।

୪୧ ମାହାପୁରୁ ନକିତା ଏଝାରି ଜୀସୁ ଦରୁ ତାକି ଲାଜା ବେଟାଆହାଲି ଜଗେ ଇଞ୍ଜା ଅଣ୍ଡପାମାଚେରି, ଏଦାଆଁତାକି ଏଝାରି ରାହୁଁ କିହଁ କୁଟମି ବିତ୍ରାଟି ହଚାଝାଚେରି;

୪୨ ଅଡେ, ଏଝାରି ଦିନାତାକି ଦିନା ମାହାପୁରୁ ଇଲୁତା ଇଞ୍ଜା ଇଲୁତାକି ଇଲୁ ଜାପୁହାଲି ଇଞ୍ଜା ଜୀସୁଏ ମସିହା, ଇ ନେହଁ କାବୁ ଝେକହାଲି ଉଣା ଆଆତେରି ।



ସାତା ଜାଣାଟି କାମା ହେରପିନାୟି

୧ ଏମ୍ବାଟିଏ ସାସୁୟାଁ ହାରେ ହାରେକା ଜାଣା ଆହାଲି ମାଟୁହେରି, ଗ୍ରିକ ଜଲିନି ଜୀହୁଦି ଲକୁ ଏନ୍ଦି ଜଲିନି ନାମିତି ଲକୁଣି ଲାଜା କିହାଲି ମାଟୁହେରି, ଏନାଆଁତାକି ଇଚିହଁ ଦିନାତାକି ଦିନା କାଡ଼ିକଣ୍ଡା ବାଟିକିନି ବେଲାତା ରାଣ୍ଡେଣିସିକାକି ହୀହି ହିଲାଆତେରି ।

୨ ଏମ୍ବାଟିଏ ବାରଜାଣା ସାସୁୟାଁ ବାରେ ନାମିତି ଲକୁଇଁ ର ତାଣା କୁଡ଼ି କିହାନା ଏଲେଇତେରି, “ମାହାପୁରୁତି ବଲୁ ଝେକହାଲି ପିସାହାଁ ବାଟି କିହାଲି ହିକିତିହଁ ନେହେଁ ଆଏ ।

୩ ଇଦାଆଁତାକି ଏ ତାୟିୟାଁ ଅଡେ ତାଜିସ୍ତା, ମୀ ବିତ୍ରାଟି ନେହାଁରି ଇଞ୍ଜା ଝେଜିତି ସୁଦୁଜୀଝୁ ତଲେ ନେଞ୍ଜାମାନି ବୁଦିଗାଟି ସାତା ଜାଣାଇଁ ଆଚାଦୁ, ଏଝାରାଇଁ ଇ ବାଟିକିନି କାମା ହେରପାଦୁ ।

୪ ଆତିହଁ ମାମ୍ବ ପ୍ରାତାନାତା ଇଞ୍ଜା ବଲୁ ଝେହୁନି ସେବା କାମାତା ରଣ୍ଡିଏ ଅଣ୍ଡପୁ ତଲେ ତୁୟିନମି ।”

୫ ଇ କାତା ବାରେ ଲକୁତି କାମୁତା ନେହଁ ତଞ୍ଜାଆଡେ, ଇଞ୍ଜା ଏଝାରି ନାମ୍ବ ଅଡେ ସୁଦୁଜୀଝୁତା ନେଞ୍ଜାମାନି ସ୍ତ୍ରୀପାନ ଦରୁ ଗାଟାଣାଇଁ ଇଞ୍ଜା ପିଲିପ, ପ୍ରକର, ନିକାନର, ତିମନ, ପାର୍ମନା, ଅଡେ ଆଡ୍ରିୟକିୟାତି ତଲି ଜୀହୁଦି ଦାମ୍ବୁତା ଆଣ୍ଡାମାଟି ନିକଲାୟଇଁ ଆଟିତେରି,

୬ ଏଝାରି ଏଝାରାଇଁ ପାଣ୍ଡୁଝି ଆଡାରି ତାଣା ତାତେରି, ଇଞ୍ଜା ଏଝାରି ଲାକ କେସ୍ତା ଇଚାନା ପ୍ରାତାନା କିଚେରି ।

୭ ଏଚେଟିଏ ମାହାପୁରୁତି ବଲୁ ହାରେକା ଝେଜିତେ, ଇଞ୍ଜା ଜିରୁସାଲମତା ସାସୁୟାଁ ହାରେକା ପାତାଆହାଲି ମାଟୁହେରି; ଅଡେ ପୂଜେରାଙ୍ଗା ବିତ୍ରାଟି ହାରେକା ଜାଣା କ୍ରୀସ୍ତଇଁ ନାମାଲି ମାଟୁହେରି ।

ବେରଣିମାଣ୍ଡାତା ସ୍ତ୍ରୀପାନ

୮ ସ୍ତ୍ରୀପାନ ମାହାପୁରୁତି କାର୍ମା ଇଞ୍ଜା ବାଡ଼ୁୟୁ ବେଟାଆହାନା ଲକୁ ବିତ୍ରା କାଜା କାଜା କାବାଆନ୍ଦି କାମା ଅଡେ ସିନାୟାଁ କିହାଲି ମାଟୁହେସି ।

୯ ଯାମା ଲିବର୍ତ୍ତନ, କୁରିଣି ଅଡ଼େ ଆଲେକ୍‌ଜାଣ୍ଡ୍ରିୟା ଗାଡ଼ାୟାଣା ବାସା କିହାମାନି ଦରୁତା ଝେଙ୍ଗାମାନି ଜୀହୁଦି ଲକ୍ଷ୍ମି ପ୍ରାଡ଼ାନା ଇଲୁତି ଏବେକା ଲକ୍ଷ୍ମି ଅଡ଼େ କିଲିକିୟା ଇଞ୍ଜା ଆସିୟା ଦେସାତି ଏବ୍‌କା ଜୀହୁଦିକା ନିଜ୍ଜାନା ସ୍ତ୍ରୀପାନ ତଲେ ବାଦିବାଦା ଆଡ଼େରି ।

୧୦ ଯାମା ଏଝାସି ଆମିନି ସୁଦୁଜୀଝୁ ଅଡ଼େ ବୁଦିତଲେ ଜଲ୍ଲିମାରେସି, ଏଝାରି ଏ କାତାତି ଝେଣ୍ଡେ ଜଲ୍ଲାଲି ସାସା କିହିହିଲ୍‌ଆଡେରି ।

୧୧ ଏବେଟିଏ ଏଝାରି ଏବରଜାଣାତି ମାଡ଼ୁଡ଼ି କିହାନା ଏଲେଇଞ୍ଜି ଝେସାଲି ଜାପୁହେରି, “ମାମ୍ବୁ ଛୁଝାଣି ତାଣାଟି ମସା ଅଡ଼େ ମାହାପୁରୁ ନିନ୍ଦା କାତା ଜଲ୍ଲିମାଟାଣି ଝେଞ୍ଜାମାନମି ।”

୧୨ ଅଡ଼େ, ଏଝାରି ବାରେ ଲକ୍ଷ୍ମି, ଇଞ୍ଜା ପ୍ରାଟିନାଜାଣି ଅଡ଼େ ମୋରା ପୁନାରାଇଁ କାର୍‌ବି କିହାନା ଏଝାଣାଇଁ ବାଡ଼ୁଡ଼ି ତଲେ ଆସାନା ବେରଣିମାଣ୍ଡାତା ତାଡେରି,

୧୩ ଇଞ୍ଜା ମିତି ସାକି ହାନାରାଇଁ ନିପୁହାନା; ଏଝାରାଇଁ ଏଲେଇଚେରି, “ଇଝାସି ଇ ସୁଦୁ ପ୍ରାଡ଼ାନା ଇଲୁ ଇଞ୍ଜା ମସା ମୋରାତି କପାଟି ଜଲ୍ଲାଲି ଉଣା ଆହିହିଲଅସି,

୧୪ ଇତିହିଁ ନାଜ୍‌ରିତ ଜୀସୁ ମାହାପୁରୁ ଇଲୁତି ମ୍ବେକ୍‌ନେସି, ଇଞ୍ଜା ମସା ମାଜେ ଆମିନି ମୋରା ହାହାମାଞ୍ଜାନେସି, ଏ ବାରେ ତିରିମ୍ବିପନେସି ଇଞ୍ଜିଁ ଝେସିମାଟାଣି ମାମ୍ବୁ ଝୁଝାମାନମି ।”

୧୫ ଏଟିବେଲା ବେରଣିମାଣ୍ଡାତା କୁଗାମାଟି ବାରେ ଲକ୍ଷ୍ମି ସ୍ତ୍ରୀପାନଇଁ ଆଟେ ସିନିକିଡେରି, ଏଝାଣି ମ୍ବୁଦୁ ଦୁଡୁତି ମ୍ବୁମ୍ବୁ ଝୁଲେହେଁ ଉଜେଡ଼ି ତଞ୍ଜାଆଡେ ।



ସ୍ତ୍ରୀପାନ ଝେହ୍‌ନାସି

୯ ଏବେଟିଏ କାଜା ପୁଜେରା ସ୍ତ୍ରୀପାନଇଁ ଝେଚେସି, “ଇ ବାରେ କାତା ସାତା କି ?”

୧୦ ସ୍ତ୍ରୀପାନ ଏଲେଇଚେସି, “ତାୟିୟାଁ ଅଡ଼େ ଆବାୟାଁତେରି ଝେଞ୍ଜୁ ! ମା ଆବା ଅଗ୍ରାହାମ ହାରଣତା ବାସାଆନି ନକେଏ ଏଟିବେଲା ଏଝାସି ମେସପଟାମିୟାଁ ଦେସାତା ମାଟେସି, ଏଟିବେଲା ଗାଝୁରମିଗାଟି ମାହାପୁରୁ ଏଝାଣାଇଁ ତଞ୍ଜାଆଡେସି,

୧୧ ଅଡ଼େ ଏଲେଇଚେସି ‘ନାନୁ ମୀ ଇଲୁ କୁଟମି ଇଞ୍ଜା ମୀ ଦେସାଟି ହଡ଼ା ଝାମ୍ବୁ, ଇଞ୍ଜା ନାନୁ ଆମିନି ଦେସା ତସାଇଁ ଏ ଦେସାତା ହାଲାମ୍ବୁ ।’

୧୨ ଏବେଟିଏ ତାନି କଲ୍‌ଦିୟାଁ ଦେସାଟି ହଡ଼ାଝାହାନା ହାରଣତା ବାସା କିଡେସି, ଇଞ୍ଜା ଅଗ୍ରାହାମତି ଆବା ହାଡ଼ି ତାମ୍ବୁ ଏମାଟିଏ ମୀରୁ ନୀଏଁ ଆମିନି ଦେସାତା ବାସା କିହାମାଞ୍ଜେରି, ମାହାପୁରୁ ଏ ଦେସାତା ଏଝାଣାଇଁ ତାଟିହିଁ ଝାଡେସି,

୧୩ ଅଡ଼େ, ମାହାପୁରୁ ଅଗ୍ରାହାମକି ଏମାଆଁ ଏନି ଅଦିକାରା ହାଆଡେସି, ଅଡ଼େ ର ପାଝୁଲି ଝିହ୍‌ନି ବୁମିଗାରି ଜିକେଏ ହାଆଡେସି, ଇଞ୍ଜା ଏଟିବେଲା ଏଝାଣାକି ପଦି ପଦା ହିଲାଆତି ଜିକେଏ ଏଝାସି ଏଝାଣାଇଁ ଇଞ୍ଜା ତାନି ଝାହିମାନି କୃତାତାରିକି ଏଦାଆଁ ଅଦିକାରା କିହାଲିତାକି ହାଇଁ ଇଞ୍ଜିଁ ଆଞ୍ଜିଡେସି ।

୧୪ ଇଞ୍ଜା ମାହାପୁରୁ ଇଲେଇଞ୍ଜିଁ ଝେସେସି, ‘ତାନି କୃତାତାରି ଏବ୍‌କା ଦେସାତା ବାସା କିନେରି ଇଞ୍ଜା ଏ ଗାମ୍ବୁତି ଲକ୍ଷ୍ମି ଏଝାରାଇଁ ସାରି ଝାଞ୍ଜା ବାସା ପାଡେକା ହଲ୍‌ୟାକା କିହାଁ ଏଝାରାଇଁ ଝେଟି କାମା କିଝି କିହାନା ସାସି ହାନେରି ।’

୧୫ ଅଡ଼େ ମାହାପୁରୁ ଏଲେଇଚେସି, ନାନୁ ଏଝାରାଇଁ ହଲ୍‌ୟା କାମା କିଝିକିନାରାଇଁ ବିଚାରା କିଇଁ; ଅଡ଼େ ତାମ୍ବୁ ମୀ କୃତାତାରି ଏ ଦେସାଟି ହଡ଼ା ଝାନ୍‌ନେରି ଅଡ଼େ ଇ ଗାମ୍ବୁତା ନାଜେ ପ୍ରାଡ଼ାନା କିୟାନେରି ।

୧୬ ଅଡ଼େ ମାହାପୁରୁ ଅଗ୍ରାହାମକି ତଲୁ ଦାଝିନି ରାଜିମାନା ସିନାତି ହାଡେସି, ଇଞ୍ଜା ଏଲେକିହିଁ ଏ ଅଗ୍ରାହାମ ଇସାହାକଇଁ ଜାନିଁ କିହାନା ଆଟାଦିନା ଆହାଲିଏ ଏଝାଣି ତଲୁ ଦାଡେସି; ଇସାହାକ ଜାକୁବଇଁ, ଅଡ଼େ ଜାକୁବ ବାରଜାଣା ଝେଞ୍ଜିତି ଆକୁ ଆବାୟାଁଣି ଜାନିଁ କିହାନା ତଲୁ ଦାପିକିଡେସି ।”

୧୭ “ଜାକୁବ ମୀରୁଏସି ଜସେପଇଁ ତାନି ତାୟିୟାଁ ତାହାନା ଆହାନା ମିସର ଦେସାତା ଅଝିଆୟାଲି ଏଝାଣାଇଁ ପାରୁଡେରି; ସାମା ମାହାପୁରୁ ଏଝାଣିତଲେ ମାଟେସି,

୧୮ ଅଡ଼େ ବାରେ କସ୍‌ପି ଜସେପଇଁ ଗେଲ୍‌ପାହାଁ ମିସରତି ପାର ରାଜା ନକିଡା ମାହାପୁରୁ କାର୍‌ମା ତସାହାଁ ବୁଦି ହାଡେସି; ଏମାଟିଏ ପାର ଜସେପଇଁ ମିସର ଦେସା ଇଞ୍ଜା ତାନି ଇଲୁତି ସାଲ୍‌ଝି କିହାଲି ଅଦିକାରା ହାଡେସି ।

୧୯ ତାମ୍ବୁ ମିସର ଇଞ୍ଜା କିଶାନ ଦେସାତା କାରୁଝୁ କାଡ଼ାରା ଆଡେ, ଲକ୍ଷ୍ମି ହାରେକା କସ୍‌ପା ଉଡେରି, ମା ଆକୁ ଆବାୟାଁ ତିଞ୍ଜାଲି କାଡ଼ିକଣ୍ଡା ବେଟାଆଆଡେରି,

୧୨ ସାମା ମିସର ଦେସାତା ଆର୍ନା ମାନେ ଇଞ୍ଜିଁ ଖେଞ୍ଜାନା, ଜାକୁବ ତାନି ମୀର୍କା ଇରିହଁ ମା ଆକୁ ଆବାୟାଣି ତଲିଏ ପାଣ୍ଡିତେସି ।

୧୩ ଏଞ୍ଜାରି ଅର ଦେବା ହାଜାଲିଏ ଜସେପ ତାନି ତାୟିୟାଁ ତାଣା ପୁଣ୍ଡାମ୍ବି କିହା କଡିତେସି, ଇଞ୍ଜାଁ ମିସରତି ରାଜା ପାର ଜସେପ କୃତାତାରି ଇଞ୍ଜିଁ ପୁତେସି ।

୧୪ ଏମ୍ବାଟିଏ ଜସେପ ତାନି ଆବା ଜାକୁବ ଇଞ୍ଜାଁ ତାନିକଡ଼ି ପନ୍ଦର ଜାଣା ତାନି କୁଟମିତି ହାଟାଲି ପାଣ୍ଡିତେସି,

୧୫ ଏମ୍ବାଟିଏ ଜାକୁବ ମିସର ଦେସାତା ହାରେସି; ଇଞ୍ଜାଁ ଏଞ୍ଜାସି ଅଡେ ତାନି ମୀର୍କା ଏମ୍ବାଆଁ ହାଡେରି ।

୧୬ ଇଞ୍ଜାଁ ଏଞ୍ଜାରି ମାଡହା ସିକିମତା ଅଢ଼ିଆଡେ, ଇଞ୍ଜାଁ ଅରାହାମ ଏମ୍ବାଆଁ ହମର ମୀର୍କା ତାଣାଟି ଆମିନି ମାହୁଣି ମାଣ୍ଡା ଟାକାୟାଁ ହାହାଁ କତାମାରେସି, ଏମ୍ବାଆଁ ମୁସ୍ତି ଆଡେରି ।”

୧୭ “ସାମା, ମାହାପୁରୁ ଅରାହାମ ନକିତା ଆଞ୍ଜାମାଟି ଲେହେଁ, ଏ ଆଞ୍ଜାମାନାୟି ପୁରା ଆନି କାଲା ଖାହାଲିଏ ମା ଲକୁ ମିସର ଦେସାତା ହାରେକା ଗାଡି ପାତା ଆଡେରି ।

୧୮ ତାୟୁ ମିସର ଦେସାତା ଅଡେ ର ରାଜା ଆଡେସି, ଏଞ୍ଜାସି ଜସେପଇଁ ପୁଞ୍ଜା ହିଲିଆଡେସି ।

୧୯ ଏଞ୍ଜାସି ମା ଆକୁ ଆବାଣି ଖେପିକିତେସି ଅଡେ ସାସ୍ତି ହାଡେସି, ତାନି କକାରି ହାପାରିଞ୍ଜା ଇଞ୍ଜିଁ ଇଲୁଟି ପାଙ୍ଗାତା କୁତୁସାଲି ହୁକୁମି ହାଡେସି ।

୨୦ ଏଟିବେଲାତା ମସା ଜାର୍ନା ଆଡେସି, ଏଞ୍ଜାସି ମାହାପୁରୁ ନକିତା ହାରେକା ଅଡିତାସି ଇଞ୍ଜାଁ ତାନି ଲେଞ୍ଜୁ ପାଡେକା ତାନି ଆବା ଇଜ ପହିକିଞ୍ଜି ଆଡେସି ।

୨୧ ତାୟୁ ଏଟିବେଲା ଏଞ୍ଜାସି ପାଙ୍ଗାତା ମେଡ଼ପି ଆଡେସି, ଏଟିବେଲା ପାର ରାଜା ମାଙ୍ଗା ଏଞ୍ଜାଣାଇଁ ଅହାନା ତାନି ମୀର୍କାଣା ଲେହେଁ ପହିକିଡେ ।

୨୨ ଅଡେ ମସା ମିସର ଲକୁତି ବାରେ ବୁଦି ଜାପାନା କାତାତା ଅଡେ କାମାତା ଖେଞ୍ଜିତେସି ।”

୨୩ “ମସାକି ରୀ କଡ଼ି ବାସା ଆୟାଲିଏ ତାନି ତାୟିୟାଁ ଇରିହଁ ଇସ୍ରାୟେଲ ଲକୁତି ମାସ୍କା ମୀର୍କାଣା ଏନିକିହଁ ଲେମ୍ବୁଞ୍ଜି ଆହିମାନେ ଇଞ୍ଜିଁ ପୁଞ୍ଜାଲି ଅଣ୍ଡିପିତେସି ।

୨୪ ଏଞ୍ଜାସି ରଅଣାଇଁ ମିସରତାସି ଗଡ଼ହା କିହିମାତାଣି ମେସ୍ତେସି, ଏଞ୍ଜାଣାଇଁ ସାଫେୟି କିହାଲି ହାରେସି ଅଡେ ବାଡୁଲି ଅହାନା ଏଞ୍ଜାଣାଇଁ ପାୟିତେସି ।

୨୫ ଏଞ୍ଜାଣି କେୟୁଟି ମାହାପୁରୁ ତାନି ତାୟିୟାଁଣି ଗେଲ୍ପି ମାନେସି, ଇଦାଆଁ ଏଞ୍ଜାରି ପୁଞ୍ଜାଲି ଆଡିନେରି ଇଞ୍ଜିଁ ଅଣ୍ଡିପିମାରେସି, ସାମା ଏଞ୍ଜାରି ପୁଞ୍ଜାଲି ଆଡାଆଡେରି ।

୨୬ ତାନି ଅର ଦିନା ଇସ୍ରାୟେଲ ଲକୁ ରିଆରି ମାଡା ଆହିମାତାଣି ମେସ୍ତେସି, ଇଞ୍ଜାଁ ଏଞ୍ଜାଣାଇଁ ଆଣ୍ଡି କିହାଲି ମାଦି ଆହାଁ ଏଲେଇତେସି, ‘ଆଡେ, ମୀରୁଡ ଇସ୍ରାୟେଲ ତାୟିୟାଁତେରି; ଏନାଆଁତାକି ଇଲେଆହଁ ଗଡ଼ହା ଆହିମାଞ୍ଜେରି ?’

୨୭ ସାମା ଆମିନିଗାଗାସି ପାଡ଼ିତାଣାଇଁ ଲାଗେଏ କିହିମାତେସି, ଏଞ୍ଜାସି ମସାଈ ମେତାନା ଏଲେଇତେସି, ‘ଆମ୍ବାଆସି ନିଙ୍ଗେ ମା ଲାକ ସାଲ୍ଡି କିହାଲି ଅଡେ ନାହାଁୟି କିହାଲି ହିୟାତେସି ?’

୨୮ ‘ରେ୪ଏନି ଏନିକିଁ ମିସର ତାଣାଇଁ ପାୟାମାଟି, ଏଲେକିହଁ କି ନୀନୁ ନାଙ୍ଗେ ପାୟାଲି ଅଣ୍ଡିପିମାଞ୍ଜାଦି ?’

୨୯ ଇ କାତା ଖେଞ୍ଜାନା ମସା ମିଦିୟନ ଦେସାତା ହାଜାନା ବାସା କିତେସି; ଇଞ୍ଜାଁ ଏମ୍ବାଆଁ ରୀ ମୀର୍କା ଜାର୍ନା ଆଡେରି ।”

୩୦ ତାୟୁ ରୀ କଡ଼ି ବାସା ଆୟାଲିଏ, ସିନୟ ହରୁ ତାଗେଟି ଜାଡାତା ର ଦୂତୁ ର ବୁଟାତା ହିତୁ ଡ଼ାଞ୍ଜାନା ତଞ୍ଜାଆଡେସି ।

୩୧ ମସା ଏଦାଆଁ ମେସାନା ଆଡାଜାକା ଆଡେସି, ଇଞ୍ଜାଁ ନେହଁକିଁ ସିନିକିହାଲି ତାଗେ ହାଜିମାଟି ବେଲାତା ପ୍ରବୁତି ଇ ହାଡା ଖେଡେସି,

୩୨ “ନୀନୁ ମୀ ଆକୁ ଆବାୟାଁ ମାହାପୁରୁ, ଅରାହାମତି, ଇସ୍ରାହାକ ଅଡେ ଜାକୁବତି ମାହାପୁରୁ” ଏତେଟିଏ ମସା ଆଜିତାକି ନେହଁକିଁ ସିନିକିହାଲି ସାସା କିଆଡେସି ।

୩୩ ପ୍ରବୁ ଏଞ୍ଜାଣାଇଁ ଏଲେଇତେସି, “ନୀ କଡାଡି ସେପୁୟାଁ ହୁକୁମି, ଇରିହଁ ନୀନୁ ଆମିନି ଟାୟୁତା ନିତାମାଞ୍ଜି ଏଦି ସୁଦୁଗାଟି ଟାୟୁ ।

୩୪ ମିସରତା ନା ଆମିନି ଲକୁ ମାନେରି, ନୀନୁ ଏଞ୍ଜାରି କସ୍ତୁ ମେସାମାଇଁ, ଅଡେ ଏଞ୍ଜାରି ଡ଼ାହିମାନାଣି ଖେଞ୍ଜାମାଇଁ, ଇଞ୍ଜାଁ ଏଞ୍ଜାଣାଇଁ ଗେଲ୍ପାଲି ରେଟା ଖାହାମାଇଁ; ଇଞ୍ଜାଁ ନୀଏଁ ଖାମୁ ନୀନୁ ନିଙ୍ଗେ ମିସର ଦେସାତା ପାଣ୍ଡାଇଁ ।”

୩୫ “ମସାଇଁ ଇସ୍ରାୟେଲତି ଲକ୍ଷ୍ମୀ ଅପାଆତେରି । ଏଝାରି ଏଝାଣାଇଁ ଏଲେଇତେରି, ‘ମାଙ୍ଗେ ସାଲ୍‌ଖି କିହାଲି ଅଡେ ନୀହାଁୟି କିହାଲି ଆମ୍ବିତି ଅଦିକାରା ବେଟାଆଡି ? ଏଝାଣାଇଁ ମାହାପୁରୁ ଲକ୍ଷ୍ମଣି ସାଲ୍‌ଖି କିହାଲି ଅଡେ ମୁକଲଖି କିହାଲି ଦୁତୁତି ସାୟେମି ତଲେ ହିରୁ ଡ଼ାଞ୍ଜିମାନି ବୁଟାତା ତଞ୍ଜାଆହାନା ପାଣ୍ଡାତେସି ।

୩୬ ଏଝାସି ଲକ୍ଷ୍ମଣି ମିସର ଦେସାଟି, ସୁପ ସାମ୍‌ବୁରି, ଇଞ୍ଜାଁ ରୀ କଡ଼ି ବାସୀ ପାତେକା ବାଟାତା ହାରେକା କାବାଆନି କାମା ଅଡେ ସିନାୟାଁ ତସାହାଁ ଏଝାରାଇଁ ହପ୍‌ହା ତାତେସି ।

୩୭ ଏ ମସା ତାନୁଏ ଇସ୍ରାୟେଲ ମୀରକାଣି ଏଲେଇତେସି, ମାହାପୁରୁ ମୀ ତାୟାୟାଁ ବିଦ୍ରାତି ମିଙ୍ଗେତାକି ନା ଲେହେକି ର ମାହାପୁରୁ ଅଣ୍‌ପୁତି ବଲୁ ଝେହନାଣାଇଁ ହିୟାନେସି ।’

୩୮ ଏ ମସା ବାଃଲି ବାଟାତା କୃଡ଼ା ଆହାମାନି ଇସ୍ରାୟେଲ ଲକ୍ଷ୍ମଣତଲେ ମାତେସି । ସିନୟ ହରୁତା ତାନିତଲେ କାତା ଆହିମାତି ଦୁତୁ ଇଞ୍ଜାଁ ମା ଆକୁ ଆବାୟାଁ ବିଦ୍ରା ମାଦିତାସି ମାତେସି; ଏଝାସି ମିଙ୍ଗେ ହାହାଲିତାକି ମାହାପୁରୁ ତାଣାଟି ଜୀଞ୍ଜୁତି ବଲୁ ବେଟାଆଡେସି ।’

୩୯ “ସାମା ମା ଆକୁ ଆବାୟାଁ ଏଝାଣି କାତା ଆହାମାନା ଏଝାଣାଇଁ ଅପାଆତେରି, ଅଡେ ମିସର ଦେସାତା ଝେଣ୍ଡା ହାଜାଲି ମନ୍ କିତେରି,

୪୦ ଏଦାଆଁତାକି ଏଝାରି ହାରଣାଇଁ ଏଲେଇତେରି । ‘ମା ନକି ନକିତା ହାଜାଲି ମାଙ୍ଗେତାକି ପେଣ୍ଡାକାଣି କେପାମ୍, ଇତିହୁଁ ମାଙ୍ଗେ ମିସର ଦେସାଟି ହପ୍‌ହା ତାତାଟି ମସାକି ଏନାଆଁ ଆଡେ ମାମୁ ପୁଞ୍ଜାହଲଅମି ।’

୪୧ ଅଡେ, ଏତିବେଲାତା ଏଝାରି ର କଡ଼ି ତାଲୁତି ବମା କେପାନା ଏ ବମା ତାକି ପୂଜା ହାହାନା ତାନି କେୟୁତି କେପିତି ଆସ୍ତି ତାକି ରାହାଁ କିତେରି ।

୪୨ ସାମା ମାହାପୁରୁ ଏଝାରି ତାଣାଟି ଏବକା ଆହାନା ଏଝାରାଇଁ ହାଗୁଲକତି ହୁକାୟାଁଣି ସେବା କିୟାଲି ପିସ୍ତେସି, ଏନିକଁ ମାହାପୁରୁ ଅଣ୍‌ପୁତି ବଲୁ ଝେହନାରି ପତିତା ରାୟକି ଆହାମାନେ;

ଏ ଇସ୍ରାୟେଲ କୃଡ଼ାତେରି,
ବାଟାତା ରୀ କଡ଼ି ବାସୀ ପାତେକା ମୀରୁ ନାଙ୍ଗେତାକି କଡ଼ି ଗରି ପୂଜା କିହାହିଲାଆତେରି ।

୪୩ ମୀରୁ ପୂଜା କିହାଲି ଆମିନି ବମାୟାଁ କେପାମାତେରି,
ଏ ମଲକ ପେନୁତି ତୁମ୍ ଅଡେ ରମପାନ୍ ପେନୁତି ହୁକାତି ମୀରୁ ଆସାନା ସେବା କିତେରି,
ଏଦାଆଁତାକି ନାନୁ ମିଙ୍ଗେ ବାବିଲନ ଆତାଲା ବାସା ଆୟାଲି ପାଣ୍ଡାକି ।’”

୪୪ “ନାନୁ ଏନିକଁ ମେସାମାଞ୍ଜି, ଏଲେକିହୁଁ ଏ ସାକି ହାନି ତୁମ୍ ଇଲୁ କେପାମ୍ ଇଞ୍ଜୁଁ ମସାକି ଆମ୍ବାଆସି ଝେସାମାତେସି, ଏଝାଣି ହୁକ୍‌ମି ତଲେ ମା ଆକୁୟାଁ ବାଟାତା ସାକି ହାନି ତୁମ୍ ଇଲେ କେପାମାତେରି ।

୪୫ ତାୟା ମା ଆକୁ ଆବାୟାଁ ଏଦାଆଁ ତାନି ଆବାୟାଁ ତାଣାଟି ବେଟାଆଡେରି ଇଞ୍ଜାଁ ଜିହସୁୟ ତଲେ ତାକିମାଟିବେଲା ଏଝାରି ଏଦାଆଁ ତେକା ଅଡେରି, ଏମାଟିଏ ମାହାପୁରୁ ଏଝାରି ନକିତା ମାଟି ବାରେ କୃଡ଼ାତି ଲକ୍ଷ୍ମଣି ପେରହା ତୁସାଲିଏ, ଇସ୍ରାୟେଲ ଲକ୍ଷ୍ମଣି ଦେସା ଜୀଣାଆହାନା ଇ କୃଡ଼ାଆନି ତୁମ୍ ଇଲୁ ଏଦାଆଁ ତାଟାନା ଇତିତେରି, ଇଞ୍ଜାଁ ଏନି ଦାଞ୍ଜୁଦ ରାଜା ପାତେକା ଏଦାଆଁ ତୁୟିତେ ।

୪୬ ଦାଞ୍ଜୁଦ ମାହାପୁରୁ ନକିତା କାର୍ମା ବେଟାଆହାନା, ଜାକୁବତି ମାହାପୁରୁକି ର ବାସାଗାୟୁ କିହାଲି ପ୍ରାତାନା କିତେସି ।

୪୭ ସାମା ସଲମନ ମାହାପୁରୁକି ଏ ଇଲୁ କେପିତେସି ।”

୪୮ “ସାମା ବାଡ଼ୁୟ ଗାଟି ମାହାପୁରୁ ମାଣସି କେୟୁତଲେ କେପିତି ଇଲୁତା ବାସା କିଅସି; ଏନିକଁ ମାହାପୁରୁ ଅଣ୍‌ପୁତି ବଲୁ ଝେହନାରି ଝେସାମାନେରି ।”

୪୯ ପ୍ରବୁ ଏଲେଇଞ୍ଜା ମାନେସି, “ଲାକପୁରୁ ନା ସିଂଗାସାଣି,
ଦାରୁତି ନା କଡ଼ା ଇତିନି ଟାୟୁ,

ମୀରୁ ନା ତାକି ଏନିଲେହେଁତି ଇଲୁ କେପିଦେରି ?

ଇଞ୍ଜାଁ ନା ଜମିନି ଟାୟୁ ଏମ୍‌ୟାମାନେ ?

୫୦ ନା କେୟୁ ଇ ବାରେ ଗାଡ଼ି କିହାହିଲେଏ କି ?”

୫୧ ପ୍ରିପାନ ଏଲେଇତେସି, “ମୀରୁ ଏଚେକା ମୁଣ୍ଡି ଗାଟାତେରି, ଇଞ୍ଜାଁ ଅବହା କଡ଼ାଆତି ହିୟାଁ ଗାଟାତେରି ଅଡେ ମାହାପୁରୁତି ବଲୁ ତାକି କାର୍ମା ଝେନାଆ ଗାଟାତେରି, ମୀରୁ କାଟେଲଏ ସୁଦୁଜୀଞ୍ଜୁତି କସ୍ତ ହାହିମାଞ୍ଜେରି; ମୀ ଆକୁ ଆବାୟାଁ ଏନିକଁ ମୀରୁ ଜିକେଏ ଏଲେତାତେରି ।

୫୨ ମାହାପୁରୁ ଅଣ୍ଟାପୁଡ଼ି ବଳୁ ଝେନ୍ଦନାରାଜ୍ ଆମ୍ବାଆରାଜ୍ ଜିକେଏ ମୀ ଆକୁ ଆବାୟା ନିନ୍ଦା କିହାହିଲାଆତେରି ? ଆମିନି ଗାଟାରି ଏ ଦାମ୍ବିଗାଟାସି ଖାନ୍ତି କାତା ନକେଏ ଝେସାମାତେରି, ଏଞ୍ଜାରାଜ୍ ଏଞ୍ଜାରି ପାୟିତେରି; ନୀଏ ମୀରୁ ଏଞ୍ଜାଣାଜ୍ ସାତୁୟା କେୟୁତା ହେରପାନା ପାୟିତେରି ।

୫୩ ମୀରୁ ମାହାପୁରୁତି ମେରା ବେଟାଆହା ମାତେରି, ଏ ମେରା ଦୁରୁୟା ତାଣାଟି ହୀପୁକି ଆହାମାତେ, ଆଡ଼ିଜିକେଏ ମୀରୁ ଏଦାଆ ନାମାଆତେରି ।”

ଝାଲକାତଲେ ସ୍ତ୍ରୀପାନଇଁ ପାୟିନାୟି

୫୪ ସ୍ତ୍ରୀପାନ ବେରଣିମାଣ୍ଡାତା କୁଗାମାଟି ଲକୁଇଁ ଛ ବାରେ କାତା ଝେସେସି, ଏମ୍ବାଆଁ ମାଟି ପାରୁସି ଇଞ୍ଜା ବାରେ କୃତା ଆହାମାଟାରି କାରୁବି ଆହାଁ ପାଲୁକା ଟାଟି କିହାଲି ମାଟୁହେରି ।

୫୫ ସାମା ସ୍ତ୍ରୀପାନ ସୁଦୁଜୀପୁ ତଲେ ନେଞ୍ଜାନା ଲାକପୁରୁ ଝାକି ସିନିକିତେସି, ଇଞ୍ଜା ମାହାପୁରୁତି ଗାଞ୍ଜୁରିନି ଅଡ଼େ ଜୀସୁଇଁ ମାହାପୁରୁତି ଚିଝନିଝାକି ନିଚାମାନାଣି ମେସାନା ଏଲେଇଚେସି ।

୫୬ “ମେହଦୁ ନାନୁ ଲାକପୁରୁ ଦେପିଆହାମାନାଣି ଅଡ଼େ ମାଣ୍ଡିସି ମୀରୁଏସି ମାହାପୁରୁତି ଚିଝନିଝାକି ନିଚାମାନାଣି ମେସିମାଜ୍ !”

୫୭ ଏ କାତା ଝେନାଆପ ଇଞ୍ଜା କାଲୁଝି ଆହୁଁ ବେରଣି ମାଣ୍ଡାତାରି କୀକୀ ମୁଚାକତିତେରି । ତାୟୁ ବାରେଜାଣା ରୁଣ୍ଡା ଆହାନା ଏଞ୍ଜାଣାଜ୍ ମୁଚିତେରି ।

୫୮ ଅଡ଼େ ଏଞ୍ଜାରି ଏଞ୍ଜାଣାଜ୍ ଗାଡ଼ାଟିଏ ପାଞ୍ଜାତା ରେଜା ଅହାନା ଏଞ୍ଜାଣାଜ୍ ଝାଲକାତଲେ ଝେଟାଲି ମାଟୁହେରି; ଅଡ଼େ ସାକିୟାଁ ବିଭାଟି ସାଞ୍ଜୁଲ କତାୟାଁ ତୁଇ ହିମ୍ବିକା କାଟିମାଚେସି ।

୫୯ ଏଟିବେଲା ଏଞ୍ଜାରି ସ୍ତ୍ରୀପାନଇଁ ଝାଲକା ଝେଟି ମାତେରି, ଏଟିବେଲା ଏଞ୍ଜାସି ମାହାପୁରୁ ତାଣା ପ୍ରାତାନା କିହାନା ଏଲେଇଚେସି, “ପ୍ରବୁ ଜୀସୁ, ନା ଜୀସୁତି ଅହାକତାମ୍ !”

୬୦ ଇଞ୍ଜା ଏଞ୍ଜାସି ମେଣ୍ଡାକୁତାନା କାଜା ଗିୟାଁତଲେ ଏଲେଇଚେସି, “ପ୍ରବୁ ! ଇ ପାପୁ ଇଞ୍ଜାରି ତାଣା ଲେକା କିଆନି” ଏଲେଇଞ୍ଜାହାଁ ହାଡ଼େସି ।

୮

ସାଞ୍ଜୁଲ କ୍ରୀସ୍ତାନା କୁଲମିତି ସାସ୍ତି ହାନାୟି

୧ ସ୍ତ୍ରୀପାନଇଁ ପାୟିତାୟି ନେହେଁ ଅଡ଼େ ଇଞ୍ଜା ସାଞ୍ଜୁଲ ଅଣ୍ଟାପିମାଚେସି । ଏ ଦିନାଟିଏ ଜିରୁସାଲମତା ମାନି କୁଲମିକାକି ହାରେକା ନିନ୍ଦା ସାସ୍ତି ଝାଡ଼େ; ଏମ୍ବାଟିଏ ପାଣ୍ଡୁଝି ଆହାମାନାରି ପିସପେ ବାରେ ନାମିତାରି, ଜାହୁଦା ଦେସା ଇଞ୍ଜା ସମିରଣ ନାୟକା ସାରିସୁଟୁ ଇତାଲା ଆତାଲା ଆଡ଼େରି ।

୨ ଆଡ଼ିଜିକେଏ ଏଚେକା ନାମୁଗାଟି ଲକୁ ସ୍ତ୍ରୀପାନଇଁ ମୁସ୍ତେରି ଇଞ୍ଜା ହାରେକା ଦୁକୁ ତଲେ ଡାତେରି ।

୩ *ସାମା ସାଞ୍ଜୁଲ କୁଲମିତା ହାଜିହୁଁ ଇଲୁତାକି ଇଲୁ ହଡ଼ିହୁଁ ନାମିତି ଆୟାସିକା, ଆବାଣି ରେଜା ତାତାନା କାୟିଦି ଇଲୁତା ହେରପିହୁଁ କୁଲମିତି ନାସା କିହାଲି ମାଟୁହେସି ।

ସମିରଣତା ନେହୁଁ କାବୁ ଝେକନାୟି

୪ ଏମ୍ବାଟିଏ ଆମିନି ଗାଟାରି ଇତାଲା ଆତାଲା ଆହାମାତେରି, ଏଞ୍ଜାରି ସାରିସୁଟୁ ରେଜି ରେଜି ନେହୁଁ କାବୁ ଝେକହେସି ।

୫ ଇଞ୍ଜା ପିଲିପ ସମିରଣତି କାଜା ଗାଡ଼ାତା ହାଜାନା ଲକୁ ନକିତା ମସିହାତି କାତା ଝେକହେସି ।

୬ ଅଡ଼େ, ଲକୁ ବାରେ ପିଲିପ ହାଡ଼ା ଝେଚେରି ଇଞ୍ଜା ଏଞ୍ଜାସି କିହାମାନି କାବାଆନି କାମା ମେସାନା ରଣ୍ଡିଏ ହିୟାଁ ତଲେ ଏଞ୍ଜାଣି କାତାଟି ଝେଞ୍ଜିମାତେରି ।

୭ ଇତିହୁଁ ଆଲଗାମାଟି ପଲୁଆ ବୁଟୁ ହାରେକା ଲକୁ ତାଣାଟି କାଜା ଗିୟାଁତଲେ କିରଡ଼ିହୁଁ ହଡ଼ାହାଟୁ, ଇଞ୍ଜା ଟଟ ଝାୟିତାରି ଅଡ଼େ ସଟାୟାଁ ହାରେକା ଜାଣା ନେହୁଁ ଅଡ଼େରି ।

୮ ଏଦାଆଁତାକି ଏ ଗାଡ଼ାତା ହାରେକା କାଜା ରାହାଁ ଆଡ଼େ ।

୯ ସାମା ସିମନ ଦରୁଗାଟାସି ରଅସି ଇ ନକେଏ ଏ ଗାଡ଼ାତା ଗାରୁଡ଼ି କିହୁଁ ନାନୁ କାଜାତେଏଁ ଇଞ୍ଜା ଝେସା କତିହୁଁ ସମିରଣତି ଲକୁଣି କାବା କିହିମାଚେସି ।

୧୦ ମାହାପୁରୁତି ଆମିନି ବାଡ଼ୁଡ଼ୁତି କାଜାୟି ଇଞ୍ଜା ଇଣ୍ଡି ଆନେ, ଡ଼ଣାଟିଏ କାଜାରି ପାତେକା ବାରେଜାଣା ଇଞ୍ଜାସିଏ ଏଞ୍ଜାସି ଇଞ୍ଜା ଏଞ୍ଜାଣାଜ୍ ମାନି କିହିମାଚେରି ।

* ୮:୩ କାମା ୨୨:୪,୫; ୨୬:୯-୧୧

୧୧ ଏଞ୍ଜର ଏଞ୍ଜାଣାଇଁ ମାନି କିହିମାନାୟି ଆଡେ, ହାରେକା ଦିନାଟିଏ ତାନି ଗାରୁଡ଼ି କାମା ତଲେ ଏଞ୍ଜରାଇଁ କାବା କିହିମାରେସି ।

୧୨ ସାମା ପିଲପ ମାହାପୁରୁତି ରାଜି ଇଞ୍ଜା ଜୀସୁ କ୍ରୀସୁ ଦରୁତି ନେହଁ କାବୁ ଝେକ୍‌ହାଲିଏ ଏଞ୍ଜରି ଏତିବେଲା ଏଞ୍ଜାଣି କାତାତା ନାମିତେରି, ଇଞ୍ଜା ଆୟାସିକା ଅଡେ ଆବାୟାଁ ବାପ୍ତିସ୍ତା* ଅହାଲି ମାଟ୍‌ହେରି ।

୧୩ ଅଡେ ସିମନ ତାନୁଏ ନାମିତେସି ଇଞ୍ଜା ବାପ୍ତିସ୍ତା† ଅଡେସି, ଇଞ୍ଜା ପିଲପ ତଲେ ଡୟିତେସି, ଅଡେ ହାରେକା ସିନାୟାଁ ଇଞ୍ଜା ହାରେକା ବାଡ଼ୟୁତି କାବାଆନି କାମାୟାଁ ମେସାନା କାବା ଆହାହାରେସି ।

୧୪ ସମିରଣତି ଲକୁ ଜିକେଏ ମାହାପୁରୁ ବଲୁତି ନାମିମାନେରି, ଇଞ୍ଜା ଜିରୁସାଲମତା ମାନି ପାଣ୍ଡୁଝି ଆଡ଼ାରି ଝେରେରି, ଏମ୍ବାଟିଏ ଏଞ୍ଜାରି ପିତର ଅଡେ ଜହନଇଁ ଏଞ୍ଜାରିତାଣା ପାଣ୍ଡୁତେରି ।

୧୫ ଏଞ୍ଜାରି ଏଗାହାଜାନା, ଏଞ୍ଜାରି ଏନିକଁ ସୁଦୁଜୀସୁ ବେଗାଆନେରି, ଏଦାଆଁତାକି ଏଞ୍ଜାରି ତାକି ପ୍ରାତାନା କିତେରି ।

୧୬ ଇତିହଁ ନୀଏଁ ପାତେକା ଏଞ୍ଜାରିତାଣା ଆମ୍ବାଆରି ଲାକ ସୁଦୁଜୀସୁ ରେତା ହିଲାଆତେ, ଇତିହଁ ଏଞ୍ଜାରି ଖାରଇ ପ୍ରବୁ ଜୀସୁ ଦରୁତଲେ ବାପ୍ତିସ୍ତା‡ ଅହାମାରେରି ।

୧୭ ପିତର ଅଡେ ଜହନ ଏଞ୍ଜାରି ଲାକ କେୟୁ ଇତିତେରି ଇଞ୍ଜା ଏଞ୍ଜାରି ସୁଦୁଜୀସୁ ବେଗାଆଡେରି ।

୧୮ ପାଣ୍ଡୁଝି ଆଡ଼ାରି କେୟୁ ଇତିସାରେ ସୁଦୁଜୀସୁ ଖାହିମାନାଣି ମେସାନା, ସିମନ ଏଞ୍ଜାରିକି ଟାକାୟାଁ ହାହାନା ଏଲେଇରେସି,

୧୯ “ନାଜେ ଜିକେଏ ଇ ବାଡ଼ୟୁ ହିୟାଦୁ, ଏନିକଁ ନାନୁ ଆନିନିଗାଟାଣି ଲାକ କେୟୁ ଇତିଇଁ ଏଞ୍ଜାରି ସୁଦୁଜୀସୁ ବେଗାଆନେସି ।”

୨୦ ସାମା ପିତର ଏଞ୍ଜାଣାଇଁ ଏଲେଇରେସି “ନୀ ଟାକାୟାଁ ନୀ ତଲେ ନସୁ ଆପୁ, ଇତିହଁ ନୀନୁ ଟାକାୟାଁ ହାହାନା ମାହାପୁରୁତି ଦାନା କତାଲି ଅଣ୍‌ପିତି ।

୨୧ ଇ କାମାତା ନାଦି ଏନି ବାଗା କି ଅଦିକାରା ହିଲେଏ, ଇତିହଁ ମାହାପୁରୁ ତାଣା ନୀ ହିୟାଁ ଟିକାଣା ହିଲେଏ ।

୨୨ ଇଦାଆଁତାକି ନୀ ଲାଗେଏତି ଅଣ୍‌ପୁଟି ମନ ଝେଟ୍‌ହାଁ ପ୍ରବୁ ତାଣା ପ୍ରାତାନା କିମ୍ବୁ, ଏନିଆଡ଼ିହଁ ନୀ ହିୟାଁତା ମାନି ଲାଗେଏତି ଅଣ୍‌ପୁ ମ୍ଲେକ୍‌ନେସି;

୨୩ ଇତିହଁ ନାନୁ ମେସିମାଞ୍ଜାଇଁ ନୀ ହିୟାଁ ବିତ୍ରା ତାହାରା ଆନାୟି ମାନେ, ନୀନୁ ଲାଗେଏତି ପାନ୍ତାତା ଦସପି ଆହାମାଞ୍ଜି ।”

୨୪ ଏଚେଟିଏ ସିମନ, ପିତର ଅଡେ ଜହନଇଁ ଏଲେଇରେସି, “ମୀରୁ କାର୍ମା ଅଣ୍‌ପାମା ନା ତାକି ପ୍ରବୁ ତାଣା ପ୍ରାତାନା କିମ୍ବୁ, ମୀରୁ ଏନାଆଁ ଜଲିତେରି ଏ ବାରେ ଏନିକଁ ନାଜେତାକି ଏଲେଆହଁ ଆଏ ।”

୨୫ ଇଲେକିହଁ ପିତର ଅଡେ ଜହନ ସାକି ହାହଁ ପ୍ରବୁତି ବଲୁ ଝେସିହଁ, ହାରେକା ସମିରଣ ନାସ୍‌କାଣାଁ ନେହଁ କାବୁ ଝେସି ଝେସିହଁ ଜିରୁସାଲମତା ଝେଣ୍ଡା ହାରେରି ।

ପିଲପ ଅଡେ ଇତିୟପିୟାତି କାମାକିନାସି

୨୬ ତାୟୁ ପ୍ରବୁତି ର ଦୁଡୁ ପିଲପଇଁ ଏଲେଇରେସି, “ନିଜାମୁ ଇଞ୍ଜା ଟିଃନି ଖାକିତି ଆନିନି ଜିରୁ ଜିରୁସାଲମଟିଏ ଗଜା ଖାକି ମାନେ ଏ ଜିରୁତା ହାଲାମୁ ।” ଏ ଜିରୁତି ଅଡେ ଲକୁ ଡାକିହିଲଅରି§ ।

୨୭ ଏମ୍ବାଟିଏ ଏଞ୍ଜାସି ନିଜାମା ହାରେସି, ଇତିୟପିୟା ଦେସାତି କାଣ୍ଡାକି ଦରୁଗାଟି ରାଣିନି ଡ଼ଇ ର କାଜାପାଣା ବେଗାଆହାମାନି ପେକୁ ଆନିନିଗାଟାସି ଇତିୟପିୟା ରାଣିନି ବାରେ ଦନତି ଗୁମୁସା ମାରେସି, ଏଞ୍ଜାସି ମାହାପୁରୁ ତାଣା ପ୍ରାତାନା କିହାଲି ଜିରୁସାଲମତା ଖାହାମାରେସି;

୨୮ ଏଞ୍ଜାସି ମାହାପୁରୁ ଅଣ୍‌ପୁଟି ବଲୁ ଝେହ୍‌ନି ଜିସାୟତି ପତି କାଜା ଗିୟାଁତଲେ ପଡ଼ଝି ଆହଁ ରାତାତା କୁଗାନା ଝେଣ୍ଡା ହାଜିମାରେସି ।

୨୯ ଏତିବେଲା ସୁଦୁଜୀସୁ ପିଲପଇଁ ଏଲେଇରେ, “ନକିତା ହାଜାନା ରାତାତା ହାଜିମାନାଣି ତାଣା ହାଲାମୁ:”

୩୦ ଏଚେଟିଏ ପିଲପ ହଟି ହଟି ହାଜାନା ଜିସାୟତି ପତି କାଜା ଗିୟାଁତଲେ ମାହାପୁରୁ ଅଣ୍‌ପୁଟି ବଲୁ ପଡ଼ଝି ଆହିମାନାଣି ଝେଞ୍ଜାନା ଝେରେସି, “ନୀନୁ ଆନିନିଗାଟାଣି ପଡ଼ଝି ଆହିମାଞ୍ଜି ଏଦାଆଁ ପୁଞ୍ଜାଲି ଆଡ଼ିମାଞ୍ଜି କି ?”

* ୮:୧୨ ମୁଞ୍ଜିନାୟି † ୮:୧୩ ମୁଞ୍ଜିନାୟି ‡ ୮:୧୭ ମୁଞ୍ଜିନାୟି § ୮:୨୨ ଲକୁ ହିଲାଆ ଟାୟୁ

୩୧ ପେଜୁ ଏଲେଇଚେସି, “ଆମ୍ବାଆସି ନାଙ୍ଗେ ଖେସ୍ତାଆସାରେ ନାନୁ ଏନିକି ପୁଇଁ ?” ଇଞ୍ଜା ଏଝାସି ପିଲିପଇଁ ରାତାତା ହଡ଼ାନା ତାନିତଲେ କୁଗାଲି ଏଲେଇଚେସି ।

୩୨ ଏଝାସି ଦାମ୍ବୁ ପତିତା ପଡ଼ଢ଼ି ଆହିମାଟି କାତା ଇଦି;
“ଏଝାସି ପାୟିଞ୍ଜିଆନି ଫେଣ୍ଡା ତାଲୁ ଲେହେଁ ଅଞ୍ଜିଆଚେସି,
ଇଞ୍ଜା ଫେଣ୍ଡା ତାଲୁ ବାଣାୟାଁ ଦାହୁନି ବେଲାତା ଫେଣ୍ଡା ତାଲୁ ଏନିକି ତୁଆନା ପାଲେଏ ଡ଼ୟିନେ,
ଏଲେକିହିଁଏ ଏଝାସି ତାନି ଗୁଡ଼ି ଏକ୍ଖାଚେସି ।

୩୩ ଏଝାଣାଇଁ ଉଣା କିହାଁ ନାହାଁୟି କିଆଚେରି,
ଏଝାଣି କୁଡ଼ାତି କାତା ଆମ୍ବାଆସି ହେସାଲି ଆଡ଼ଅସି,
ଇଚିହିଁ ତାନି ଜୀଝୁ ଦାଚ୍ଚିତା ରାଚେ ।”

୩୪ ଏପେଜୁ ପିଲିପଇଁ ଏଲେଇଚେସି, “ନାଙ୍ଗେ ଖେସ୍ତାମ୍ବୁ, ମାହାପୁରୁ ଅଣ୍ଟାପୁଡ଼ି ବଲୁ ଖେହ୍ନାସି ଆମ୍ବାଆରି କାତା ହେସିମାନେସି ? ତାନି କାତା କି ଅର ରଅଣି କାତା ?”

୩୫ ଏମ୍ବାଟିଏ ପିଲିପ ଗୁଡ଼ି ଦେଚାନା ଦାମ୍ବୁ ସାଫ୍ତେରିଟିଏ ମାଟ୍ତହାନା ଏଝାଣି ତାଣା ଜୀସୁଡ଼ି ନେହିଁ କାବୁ ଖେସ୍ତେସି ।

୩୬ ଏଝାରି ଜିରୁତା ହାଜିମାଟାଟି ଏମୁ ମାନି ର ଟାୟୁତା ଏଗାହାଚେରି; ଏଚେଟିଏ ପେଜୁ ଏଲେଇଚେସି,

୩୭ “ଇମ୍ବାଆଁ ଏମୁ ମାନୁ, ଏନାଆଁ ନାନୁ ବାପ୍ପିସ୍ତୁ* ଅହାଲି ଆଡ଼ିଇଁ ?”

୩୮ ଇଞ୍ଜା ଏଝାସି ରାତା ନିପହାଲି ହୁକୁମି ହାଚେସି, ଇଞ୍ଜା ପିଲିପ ଅଡ଼େ ପେଜୁ ଏମୁଣାଁ ରେଚେରି, ଇଞ୍ଜା ପିଲିପ ଏଝାଣାଇଁ ବାପ୍ପିସ୍ତୁ † ହାଚେସି ।

୩୯ ଏଝାରି ଏମୁଟି ହଡ଼ା ଖାଡ଼ି ଡାୟୁ, ପ୍ରବୁଡ଼ି ସୁବୁଜୀଝୁ ପିଲିପଇଁ ଅହିଁ ହାଚେ, ଇଞ୍ଜା ପେଜୁ ଅଡ଼େ ଏଝାଣାଇଁ ମେହ୍ଆଚେସି; ଆଡ଼ିଜିକେଏ ରାହାଁ କିହିଁ ତାନି ଜିରୁତା ହାଚେସି ।

୪୦ ସାମା ପିଲିପ ଅସଦଦ ଗାଡ଼ାତା ତଞ୍ଜାଆଚେସି; ଇଞ୍ଜା ଏଝାସି ଗାଡ଼ାତାକି ଗାଡ଼ାତା ହାଜାହାଁ ନେହିଁ କାବୁ ଖେସ୍ତେସି ଇଞ୍ଜା କାୟିସରିୟାତା ଏଗାହାଚେସି ।



ସାଝୁଲ ମନ ଖେଚ୍ଚନାୟି
(କାମା ୨୨:୬-୧୭; ୨୬:୧୨-୧୮)

୧ ସାମା ସାଝୁଲ ନୀର୍ବ୍ୟ ପାଚେକା ପ୍ରବୁଡ଼ି ସାସୁୟାଁ କପାଟି ଆଜି ତସାନା ଅଡ଼େ ଜୀଝୁ ନାସାକିନି କାତାୟାଁ ଜଲିହିଁ କାଜା ପୁଜେରାଙ୍ଗା ତାଣା ହାଚେସି ।

୨ ଅଡ଼େ ପ୍ରବୁ ଜିରୁଟି ତାକିମାନି ଆମିନି ଇୟାସିକା ଆବାୟାଁଣି ମେସ୍ତ୍ରୁହିଁ, ବାରେଜାଣାତି ଦସପାନା ଜିରୁସାଲମତା ତାରାଲି ଆଡ଼ିମାନେସି, ଏଦାଆଁତାକି ଏଝାସି କାଜା ପୁଜେରାଙ୍ଗା ତାଣା ହାଜାନା ଦମେସକତା ମାନି ଜୀହୁଦି ଲକୁଡ଼ି କୁଟମି ଇଲକାଣା* ହିୟାଲି ଏଝାରି ତାଣାଟି ଆକୁ ରାସ୍ତେସି ।

୩ ସାଝୁଲ ଦମେସକ ତାଗେ ଖାହିମାଟାଟି ଦେବୁଣିଏ ର ଉଜେଡ଼ି ହାଲୁଲାକଟି ତାନି ସାରିଝାକି ମିସ୍ତେ ।

୪ ଏମ୍ବାଟିଏ ଏଝାସି ବୁମିତା ତରଗା ହାଚେସି ଇଞ୍ଜା ତାଙ୍ଗେତାକି ଇ ହାଡ଼ା ଖେଚେସି, “ଏ ସାଝୁଲ, ଏ ସାଝୁଲ ! ନାନୁ ଏନାଆଁତାକି ନାଙ୍ଗେ ନିନ୍ଦା କିହିମାଞ୍ଜାଦି ?”

୫ ଏଝାସି ଏଲେଇଚେସି, “ପ୍ରବୁ, ନାନୁ ଆମ୍ବାଆତି ?” ଏଝାସି ଏଲେଇଚେସି, “ନାନୁ ଆମ୍ବାଆରାଇଁ ନିନ୍ଦା କିହିମାଞ୍ଜି ଏ ଜୀସୁଚେର୍ବିଁ ନାନୁ ।

୬ ସାମା ନିଙ୍ଗାମ୍ବୁ ଇଞ୍ଜା ଗାଡ଼ାତା ହାଲାମ୍ବୁ, ଏନାଆଁ କିହାଲି ଆନେ, ଏମ୍ବାଆଁ ନିଙ୍ଗେ ଖେସ୍ତି ଆୟାନେ ।”

୭ ଏଝାଣିତଲେ ଆମିନି ଲକୁ ହାଜିମାଟାଟି, ଏଝାରି ଏ ହାଡ଼ା ଖେଞ୍ଜାନା ଆମ୍ବାଆରାଇଁ ମେହ୍ଆଚେରି, ଇଞ୍ଜା ଆତାଜାକା ଆହାହାଚେରି ।

୮ ଅଡ଼େ ସାଝୁଲ ବୁମିଟି ନିଙ୍ଗାନା ତାନି କାଣକା ଦେଚେସି, ସାମା ଏଝାସି ଏନାଆଁ ମେସାଲି ଆଡ଼ାଆଚେସି । ଇଞ୍ଜା ଏଝାରି ତାନି କେୟୁ ଆସାନା ଦମେସକତା ଅଡ଼େଚି ।

୯ ଅଡ଼େ ତାନିଦିନା ପାଚେକା ଏଝାସି ଏନାଆଁ ମେସାଲି ଆଡ଼ାଆଚେସି, ଅଡ଼େ ଏନାଆଁ ତିନାଆଚେସି ଏନାଆଁ ଗହ୍ଆଚେସି ।

* ୮:୩୭ ମୁଞ୍ଜିନାୟି † ୮:୩୭ ପିଲିପ ଏଲେଇଚେସି, “ନାନୁ ବାରେ ହିୟାଁ ତଲେ ନାମିସାରେ ଅହାଲି ଆଡ଼ିକି” ଏମ୍ବାଟିଏ ଏଝାସି ଏଲେଇଚେସି, “କାସ୍ତ୍ରୁ କ୍ରୀସ୍ତ ମାହାପୁରୁଡ଼ି ମାଟ୍ତଏସି ଇଦାଆଁ ନାନୁ ନାମିମାଇଁ ।” ‡ ୮:୩୮ ମୁଞ୍ଜିନାୟି * ୯:୨ ସିନଗ୍ଗ

୧୦ ଦମେସକତା ହନନିୟ ଦରୁଗାଟାସି ର ସୀସୁ ମାରେସି: ପ୍ରବୁ ଏଞ୍ଜାଣାଇଁ ତଞ୍ଜାଆହାଁ ଏଲେଇରେସି, “ଏ ହନନିୟ !” ଏଞ୍ଜାସି ଏଲେଇରେସି, “ଏ ପ୍ରବୁ ନାଜେ ଖେସ୍ତାମୁ ।”

୧୧ ଏଚେଟିଏ ପ୍ରବୁ ଏଞ୍ଜାଣାଇଁ ଏଲେଇରେସି, “ତିୟାରା ଆହାନା ‘ସଲକ’ ଦରୁଗାଟି ଜିରୁ ଆସାଁ ଜୀହୁଦା ଇଲୁତା ତାର୍ଯ ଗାଡାଡି ସାଞ୍ଜୁଲ ଇନାଣାଇଁ ପାରାମ୍ବୁ: ଇଚିହଁ ଏଞ୍ଜାସି ପ୍ରାତାନା କିହିମାନେସି;

୧୨ ଅଡେ, ଏଞ୍ଜାସି ସେୟାଣା ହାପାନା ମେସାମାନେସି, ହନନିୟ ଇନାସି ର ମାଣସି ଖାହାନା ତାନି ଲାକ କେୟୁ ଇଟିମାନେସି, ଏନିକଁ ଏଞ୍ଜାସି ମେସାଲି ଆଡ଼ିମାନେସି ।”

୧୩ ହନନିୟ ଏଲେଇରେସି, “ପ୍ରବୁ, ଜିରୁସାଲମତା ମାହାପୁରୁ ଲକୁଇଁ ଇଞ୍ଜାସି ଏଚେକା ନିନ୍ଦା କିହାମାନେସି ଇଞ୍ଜଁ ନାନୁ ହାରେକା ଲକୁ ତାଣାଟି ଇ ଲକୁଡି କାତା ଖେଞ୍ଜାମାଇଁ ।

୧୪ ଅଡେ ଇ ଟାୟୁତା ନୀ ଦରୁଟି ପ୍ରାତାନା କିହିମାନାରାଇଁ ବାରେଜାଣାଟି ଦସା ଅୟାଲି ଏଞ୍ଜାସି କାଜା ପୂଜେରାଜା ତାଣାଟି ଅଦିକାରା ଆକୁ ବେଟାଆହାମାନେସି ।”

୧୫ ସାମା ପ୍ରବୁ ଏଞ୍ଜାଣାଇଁ ଏଲେଇରେସି, “ହାଲାମ୍ବୁ: ଇଚିହଁ ଏଞ୍ଜାସି ଏବ୍‌କା କୁଡାଡି ରାଜାୟାଁ ଅଡେ ଇସ୍ତାୟେଲ ଲକୁଡି ମାସ୍କା ମୀରକା ନକିତା ନା ଦରୁ ଖେକହାଲି ନାନୁ ଏଞ୍ଜାଣାଇଁ ନା ସେବା କିନାସି କିହାନା ଆଡ଼ାମାଇଁ;

୧୬ ଅଡେ ନା ଦରୁ ତାକି ଏଞ୍ଜାସି ଏଚେକା ଦୁକୁ ବେଟାଆନେସି, ଏଦାଆଁ ନାନୁ ଏଞ୍ଜାଣାଇଁ ଖେହୁଇଁ ।”

୧୭ ଏଚେଟିଏ ହନନିୟ ହାଜାନା, ଏ ଇଲୁତା ହଚେସି, ଇଞ୍ଜାଁ ତାନି ଲାକ କେୟୁ ଇଗାନା ଏଲେଇରେସି, “ତାୟି ସାଞ୍ଜୁଲ, ଇମ୍ବାଆଁ ଖାନି ଜିରୁତା ଆମିନି ପ୍ରବୁ ଜୀସୁ ନିଜେ ତଞ୍ଜା ଆୟାତେସି, ଏଞ୍ଜାସି ନାଜେ ପାଣ୍ଡାମାଞ୍ଜାନେସି, ନାନୁ ଏନିକଁ ଖେଶ୍ତେ ମେହ୍‌ମୁ ଇଞ୍ଜାଁ ସୁଦୁଜୀସୁ ବେଟାଆମୁ ।”

୧୮ ଏ ଦେବୁଣିଏ ଏଞ୍ଜାଣି କାଣ୍ଡକାଟି ମୀନୁ ହିପି ଲେହେତାୟି ତୁଲିଡେ, ଇଞ୍ଜାଁ ଏଞ୍ଜାସି ଖେଶ୍ତେ ମେସାଲି ଆଡ଼ିଡେସି, ଅଡେ ନିଜ୍ଜାନା ବାପ୍ତିସ୍ତାଁ ଅଡେସି,

୧୯ ଅଡେ ଏଞ୍ଜାସି ତିଞ୍ଜା ଇଣ୍ଡାନା ବାଡ଼ୟୁ ବେଟାଆଡେସି, ଏଚେଟିଏ ସାଞ୍ଜୁଲ ଏଚରଦିନା ସୀସୁୟାଁ ତଲେ ଦମେସକତା ଡ଼ୟିଡେସି ।

ଦମେସକତା ସାଞ୍ଜୁଲ ଖେକନାୟି /

୨୦ ଅଡେ, ଜୀସୁ ମାହାପୁରୁଟି ମୀରଏସି ଇଞ୍ଜଁ ଆବ୍‌ଖା ତଲେ ଜୀହୁଦି ଲକୁଡି କୁଟନି ଇଲକାଣାଃ ଖେସାଲି ମାଟୁହେସି ।

୨୧ ଅଡେ, ଆମିନି ଗାଟାରି ତାନି ହାଡା ଖେଚେରି, ଏଞ୍ଜାରି କାବାଆହାନା ଏଲେଇଚେରି, “ଜୀସୁ ଦରୁ ଆସାନା ପ୍ରାତାନା କିନି ଲକୁଣି ଆମ୍ବାଆସି ଜିରୁସାଲମତା ପାୟି କିହିମାନେସି, ଅଡେ ଏଞ୍ଜାରାଇଁ ଦସ୍‌ପାହାଁ କାଜା ପୂଜେରାଜା ତାଣା ଅହାଲି ତାକି ଇମ୍ବାଆଁ ଖାହାମାନେସି, ଏଞ୍ଜାସି କି ଇଞ୍ଜାସି ଆଏ ?”

୨୨ ସାମା, ସାଞ୍ଜୁଲଡି ଖେକନାୟି ହାରେକା ବାଡ଼ୟୁ ଗାଟାୟି ମାଚେ, ଅଡେ ଏଞ୍ଜାସି ପାର୍‌ମାଣା କିହାଁ ଖେସ୍ତେସି ଜୀସୁ ଏ ମସିହା, ଇଦାଣି ଦମେସକତା ବାସା କିହାମାନି ଜୀହୁଦି ଲକୁଣି ଖେଶ୍ତେ ଖେସାଲି ଆଡ଼ାଆଚେରି ।

୨୩ ଏଚରଦିନା ହାଟି ତାୟୁ ଜୀହୁଦିୟାଁ ରୁଣ୍ଡା ଆହାନା ଏଞ୍ଜାଣାଇଁ ପାୟାଲି କାତା ଆଡେରି;

୨୪ ସାମା ଏଞ୍ଜାରି କାତା ଆହିମାଚାଣି ସାଞ୍ଜୁଲ କିୟଁ ତୁା ହାଚେ, ଅଡେ ଏଞ୍ଜାରି ଏନିକଁ ସାଞ୍ଜୁଲଇଁ ପାୟାଲି ଆଡ଼ିନେରି, ଏଦାଆଁତାକି ଲାଆଁ ମାଚେନା ଗାଡାଡି ଦୁଖେରିକାଣା କାଟିହଁ ଡ଼ୟିଡେରି ।

୨୫ ସାମା ସାଞ୍ଜୁଲଡି ସୀସୁୟାଁ ଲାଆଁୟାଁ ବେଲାତା ଏଞ୍ଜାଣାଇଁ ର ତାଲିତା ରସାହାଁ କଟା କାଟିଟି ଡ଼ଇ ଚେପହେରି ।

ଜିରୁସାଲମତା ସାଞ୍ଜୁଲ

୨୬ ତାୟୁ ଏଞ୍ଜାସି ଜିରୁସାଲମତା ହାଜାନା ସୀସୁୟାଁ ତଲେ ଆଣ୍ଡାଲି ଅଣ୍ଡାପିମାନେସି; ସାମା ଏଞ୍ଜାସି ର ସୀସୁ ଇଞ୍ଜଁ ଏଞ୍ଜାରି ଇଚାଣି ନାମାଆନା, ବାରେଜାଣା ଏଞ୍ଜାଣାଇଁ ଆଜିମାନେସି ।

୨୭ ସାମା ବର୍ନବା ଏଞ୍ଜାଣାଇଁ ଆସାନା ପାଣ୍ଡୁଞ୍ଜି ଆଡାରି ତାଣା ତାଚେସି, ଇଞ୍ଜାଁ ଜିରୁତା ଏଞ୍ଜାସି ଏନିକଁ ପ୍ରବୁଇଁ ମେସ୍ତେସି ଇଞ୍ଜାଁ ପ୍ରବୁ ଏନାଆଁତାଜେ ହାଡା ଆଡେସି, ଦମେସକତା ଜୀସୁ ଦରୁଟି ସାସାତଲେ ସାଞ୍ଜୁଲ ଏନିକଁ ଖେସାମାନେସି, ଇ ବାରେ କାତା ଏଞ୍ଜାରି ନକିତା ଖେସ୍ତେସି ।

† ୯:୧୮ ମୁଞ୍ଜିନାୟି ‡ ୯:୨୦ ସିନଗଗ ✧ ୯:୨୩ ୨କର ୧୧:୩୨,୩୩

୨୮ ଅଡ଼େ ସାଧୁଲ ଏଞ୍ଜାରିତଲେ ଡ଼ୟିତେସି ଅଡ଼େ ଜିରୁସାଲମତି ବାରେଞ୍ଜାକି ହାଜାନା ସାସାତଲେ ପ୍ରବୁତି ଦରୁ ଝେକ୍‌ହେସି ।

୨୯ ଇଞ୍ଜା ଏଞ୍ଜାସି ଗ୍ରିକ୍ ଜଲିନି ଜୀହୁଦି ଲକୂତଲେ ବାଦିବାଦା କିହିମାରେସି, ସାମା ଏଞ୍ଜାରି ଏଞ୍ଜାଶାଈ ପାୟାଲି ପାରୁ ପାରିମାରେରି ।

୩୦ ନାମିତି ତାୟିୟାଁ ଏଦାଆଁ ପୁଞ୍ଜାଲିଏ, ସାଧୁଲଇଁ କାୟିସରିୟାତା ଅହାନା ଏମ୍ବାଟି ଏଞ୍ଜାଶାଈ ତାର୍ପତା ପାଣ୍ଡିତେରି ।

୩୧ ଇଲେଅହୁଁ ଏ ବାରେ ଜୀହୁଦା ରାଜି, ଗାଲିଲି ଅଡ଼େ ସମିରଣତି କୁଲମି ବାର୍ସୁ ଆହାନା ପ୍ରବୁଇଁ ଆଜାନା ହିଡ଼ଡ଼ି ଜୀହୁତଲେ ମାରେରି, ଇଞ୍ଜା ସୁଦୁଜୀହୁତି ସାୟେମି ତଲେ ପାତାଆହାଲି ମାଡ଼୍‌ହେରି ।

ଲୁଦ ଅଡ଼େ ଜାପତା ପିତର

୩୨ ଏରେଟିଏ ପିତର ବାରେ ରାଜିତା ରେଜି ରେଜିହୁଁ ଲୁଦତା ଡ଼ୟିନି ମାହାପୁରୁ ଲକୂଣି ଆଣ୍ଡାଲି ହାତେସି ।

୩୩ ଏମ୍ବାଆଁ ଏଞ୍ଜାସି ଏନିୟ ଦରୁଗାଟି ରଅଣାଇଁ ବେଟାଆଡ଼େସି, ଏଞ୍ଜାସି ଆଡ଼ା ବାର୍ସା ପାତେକା ଟଟ ଖାୟିତି ରଗ ଆହାନା କାଟେଲିଟି ନିଜାଲି ଆଡ଼ିହୁଲିଆତେସି ।

୩୪ ପିତର ଏଞ୍ଜାଶାଈ ଏଲେଇରେସି, “ଏନିୟ, ଜୀସୁ କ୍ରୀସ୍ତ ନିଜେ ନେହୁଁ କିହାମାଞ୍ଜାନେସି; ନିଜାମୁ ନା ପାୟପନି ମୁଦା କିମୁ” ଏରେଟିଏ ଏଞ୍ଜାସି ଏ ଦେବୁଣିଏ ନିଜିତେସି ।

୩୫ ଏରେଟିଏ ଲୁଦ ଇଞ୍ଜା ସାରଣତା ବାସା କିହାମାନି ଲକୂ ଏଞ୍ଜାଶାଈ ମେସାନା, ପ୍ରବୁ ତାଣା ହିୟାଁ ଝେଡ଼୍‌ହେରି ।

ଦର୍କା ଝେଣ୍ଡେ ନୀତିନାୟି

୩୬ ଜାପତା ଟାବିତା ଦରୁଗାଟି ମାହାପୁରୁଇଁ ନାମିତି ର ଇୟା ମାରେ, ଗ୍ରିକ୍ ତଲେ ଦର୍କା ଇଟିସାରେ ତାନି ଦରୁ “ର କୁହୁଁ ।” ଏଡ଼ି ବାରେବେଲା ନେହୁଁ କାମା କିହୁଁ, ହିଲିଆ ଗାଟାରାକି ସାୟେମି କିହିମାରେ ।

୩୭ ଏଟିବେଲାତା ଏଡ଼ି ନଡ଼େରି ଆହାନା ହାହାହାରେ, ଲକୂ ଏଦାନି ଏୟୁ ମୀଡ଼୍‌ହାନା ଲାକନି ପାରୁଟି ର ବାକ୍ରାତା ତ୍ରିପହୁ ।

୩୮ ଇଞ୍ଜା ଲୁଦ ଜାପ ତାଗେ ମାଟାକି ସାୟୁୟାଁ ପିତର ଜାପତା ମାନେସି ଇଞ୍ଜୁଁ ଝେଞ୍ଜାନା, ରୀ ଲକୂଣି ଏଞ୍ଜାଣି ତାଣା ପାଣ୍ଡାନା ଇ କାତା ବାଡିମାଲିତେରି, “ମା ତାଣା ଖାହାଲି ଝେଡ଼ା କିଆନି ।”

୩୯ ପିତର ନିଜାମା ଏଞ୍ଜାରିତଲେ ହାତେସି, ଏମ୍ବାଆଁ ଏଞ୍ଜାସି ଖାହାଲିଏ ଏଞ୍ଜାଶାଈ ଲାକନି ପାରୁଟି ବାକ୍ରାତା ଅଡ଼େରି, ଅଡ଼େ ରାଣ୍ଡେଣିସିକା ସାରିସୁଟୁ ମୁଗାନା ଡ଼ାହି ଡ଼ାହୁଁ ଦର୍କା ନୀତାମାଟି ବେଲାତା କେପାମାଟି ହିମ୍ବୁରିକା ବାରେ ଏଞ୍ଜାଶାଈ ତସୁ ।

୪୦ ସାମା ପିତର ବାରେଜାଣାଟି ପାଜାତା ପାଣ୍ଡାନା ମେଣ୍ଡାକୂତାନା ପ୍ରାଡ଼ାନା କିତେସି; ଇଞ୍ଜା ମାଡ଼୍‌ହା ଖାକି ତିରୁଖାନା ଏଲେଇରେସି, “ଟାବିତା, ନିଜାମୁ” ଏରେଟିଏ ଏଡ଼ି କାଣ୍ଡାକା ଦେତାନା ପିତରଇଁ ମେସ୍ତେ ଇଞ୍ଜା ନିଜାମା କୁଗିତେ ।

୪୧ ଇଞ୍ଜା ପିତର କେୟୁ ଦାସାନା ଦର୍କାଈଁ ନିକ୍‌ହେସି, ଇଞ୍ଜା ମାହାପୁରୁ ଲକୂ ଅଡ଼େ ରାଣ୍ଡେଣିସିକାଣି ହାଟାନା ଏଦାନି ନୀତାମାନାଣି ତସ୍ତେସି ।

୪୨ ଇ କାତା ଜାପତି ସାରିସୁଟୁ ଝେଙ୍ଗାହାରେ ଅଡ଼େ ହାରେକା ଲକୂ ପ୍ରବୁଇଁ ନାମିତେରି ।

୪୩ ଅଡ଼େ, ପିତର ହାରେକା ଦିନା ପାତେକା ଜାପତି ସିମନ ଦରୁଗାଟି ତଲ୍ଲକା କାମାକିନାଣି ଇଜ ଡ଼ୟିତେସି ।

୧୦

ପିତର ଅଡ଼େ କର୍ନଲିୟ

୧ କାୟିସରିୟା ଗାଡ଼ାତା କର୍ନଲିୟ ଦରୁଗାଟାସି ର ଲକୂ ମାରେସି, ଏଞ୍ଜାସି ଇତାଲିକ ଦରୁଗାଟି ରମିୟ ରିଜାରି କସ୍‌କାତି ପାସାକଡ଼ି କସ୍‌କା ମୁହେଁ କାଜାସି ମାରେସି ।

୨ ଏଞ୍ଜାସି ର ଦାମ୍ବୁ ଲକୂ ମାରେସି; ତାନି ଇଲୁ କୁଟମି ତଲେ ମାହାପୁରୁଇଁ ଆଜିମାରେସି, ଏଞ୍ଜାସି କାକୁଲି ଲକୂତାକି ଦାନା ହାହିମାରେସି, ଅଡ଼େ ମାହାପୁରୁ ତାଣା କାଟେଲଏ ପ୍ରାଡ଼ାନା କିହିମାରେସି ।

୩ ର ଦିନା ମିଡ଼ଅଲ୍ଲା ତାନି ଗଟା ବେଲାତା ଏଞ୍ଜାସି ସେୟାଣା ହାପାନାତା ତାଡ଼ପୁତଲେ ମେସ୍ତେସି, ର ମାହାପୁରୁଟି ଦୂତୁ ଖାହାନା ଏଞ୍ଜାଶାଈଁ ଝେସ୍ତେସି “କର୍ନଲିୟ !”

୪ ଏଝାସି ଆଜିତଲେ ଦୁତୁ ଝାକି ସିନିକିତେସି ଅଡ଼େ ଝେରେସି, “ଇଦି ଏନାୟି ପୁବୁ ?” ଦୁତୁ ଏଝାଣାଇଁ ଏଲେଇଚେ, “ନୀ ପ୍ରାତାନା ଅଡ଼େ ଦାନା ହାନାୟି ଲାକ ମାହାପୁରୁ ନକିତା ଏଜାମାନେ ।

୫ ନୀର୍ବ ନୀନୁ ଜାପତା ଲକୁଣି ପାଣ୍ଡାନା ସିମନ ପିତର ଦରୁଗାଟି ଲକୁଇଁ ହାଟାତାମ୍, ଏଝାଣି ହାଟା ଦରୁ ପିତର ଇନେରି;

୬ ଏଝାସି ସିମନ ଦରୁଗାଟି ର ତଲ୍ଲକା କାମାକିନାଣି ଇଜ ଗତାଗାଟାସି ଆହାମାନେସି, ଏଝାଣି ଇଲୁ ସାମ୍ବୁରି ଗାଟୁତା ।”

୭ ତାନିତଲେ କାତା ଆହିମାଟି ଦୁତୁ ହାଜାଲିଏ, ଏଝାସି ତାନି ଇଜ କାମା କିନି ରୀ ହଲିୟାଜାଣି ଇଞ୍ଜା ତାଜେ ସେବାକିନି ରିଜାରି କସ୍କା ବିତ୍ରାଟି ର ଦାମ୍ପତି କହୁଏଣାଇଁ ହାଟିତେସି,

୮ ଅଡ଼େ ଏଝାସି ଏଝାରାଇଁ ଏମ୍ବାଆଁ ଆହାମାଟି ବାରେ କାତା ଝେସାନା ଜାପତା ପାଣ୍ଡିତେସି ।

ପିତର ସେୟାଣା ହାପାନା ହେଶ୍ଟନାୟି

୯ ଅର ଦିନା ଏଝାରି ହାଜି ହାଜିହୁଁ ଏ ଗାଡ଼ାତି ତାଗେ ଆଡ଼େରି, ଏଟିବେଲା ପିତର ମାଦେନା ବାଟ୍ ଗଠା ବେଲାତା ପ୍ରାତାନା କିହାଲି ଇଲୁ ଲାକ ହାଟେସି,

୧୦ ଏଝାସି ହାକି ଆଡେସି ଅଡ଼େ ଏନାଆଁ ତିଞ୍ଜାଲି ମନ କିତେସି; ସାମା ଏଝାରି ରାନ୍ଦା ଝାଜିମାଟି ବେଲାତା, ଏଝାସି ସେୟାଣା ହାପାନା ମେସ୍ତେସି,

୧୧ ଲାକପୁରୁ ଦେପିଆହାମାନେ, ଇଞ୍ଜା ଏନିକ୍ ର ହିମ୍ବରିତି ସାରି କନତା ଆସପି ଆହାନା ଦାଟି ଲାକ ରେଟା ଝାହିମାନେ;

୧୨ ଏମ୍ବାଆଁ ଦାଟିତି ବାରେ କୃତାତି ସାରିଗଟା କତା ଗାଟି ଜନ୍ତ ଜିଝେଡ଼ିକା, ରାସ୍କା ତ୍ତରିୟାଁ ଅଡ଼େ ହାଗୁତି ପଟାୟାଁ ମାନ୍ ।

୧୩ ଇଞ୍ଜା ଏଝାଣାକି ଇ ହାଡା ଆଡେ, “ପିତର; ନିଜାମ୍, ପାୟାନା ତିନାମ୍ !”

୧୪ ସାମା ପିତର ଏଲେଇଚେସି, “ଆଏ ପୁବୁ, ନାନୁ ଏଚେଲାଝା ଏନି ଲାଗେଏ ପଲେଏତି ଦିଶସୁ ତିଞ୍ଜାହିଲଅଁ ।”

୧୫ ଅଡ଼େ ର ପାଲି ଇ ହାଡା ଆଡେ, “ମାହାପୁରୁ ଏନାଆଁ ସୁବୁ କିହାମାନେସି, ଏଦାଆଁ ନୀନୁ ଲାଗେଏତାୟି ଇନାଆନି ।”

୧୬ ଇଲେକିହୁଁ ତାନି ପାଲି ଆଡେ, ତାୟୁ ଏ ହିମ୍ବରି ଲାକପୁରୁ ଅଝିଆଡେ ।

୧୭ ପିତର ଏନାଆଁ ସେୟାଣା ହାପାନା ହେଶ୍ଟନାୟି, ଏଦି ଏନାୟି, ଇଞ୍ଜା ଅଣ୍ଡପିହୁଁ ଆତାଜାକା ଆହାମାନି ବେଲାତା, କର୍ନଲିୟ ତାଣାଟି ପାଣ୍ଡୁଝି ଆହାମାନାରି ସିମନ ଇଲୁ ପାରିହୁଁ ଦୁଝେରିତା ନିକା ଝାଡେରି,

୧୮ ଇଞ୍ଜା ଏଝାରି ଝେରେରି, “ସିମନ ଇନି ପିତର ଦରୁଗାଟାସି ରଅସି ଇମ୍ବାଆଁ ଗଡେଏସି ମାନେସି କି ?”

୧୯ ପିତର ଏ ସେୟାଣା ହାପାନା ହେଶ୍ଟନାୟି ଅଣ୍ଡପିମାଟି ବେଲାତା ଜାଝୁ ଏଝାଣାଇଁ ଏଲେଇଚେ, “ମେହ୍ମ୍ ! ତାନି ଜାଣା ଲକୁ ନିଜେ ପାରିମାଞ୍ଜାନେରି ।

୨୦ ଏଦାଆଁତାକି ତିୟାରା ଆମ୍ ଅଡ଼େ ତୁଜ ହାଲାମ୍, ଅଡ଼େ ଆନାମାନା ଆଆନା ଏଝାରିତଲେ ହାଲାମ୍, ଏନାଆଁତାକି ଇତିହୁଁ ନାନୁ ଏଝାରାଇଁ ପାଣ୍ଡାମାଞ୍ଜାଇଁ ।”

୨୧ ଏଚେରିଏ ପିତର ଏ ଲକୁତାଣା ରେଟାଝାହାନା ଏଲେଇଚେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି, ନାନୁ ଏଝାଡେଏଁ । ମୀରୁ ଏନାଆଁତାକି ଝାହାମାଞ୍ଜେରି ?”

୨୨ ଏଝାରି ଏଲେଇଚେରି, “କର୍ନଲିୟ ଦରୁଗାଟି ପାସାକଡ଼ି କସ୍କା ମୁହେଁ କାଜାସି ମାଜେ ପାଣ୍ଡାମାଞ୍ଜାନେସି, ଏଝାସି ର ସୁଦୁ, ଦାମ୍ବୁଗାଟାସି ଇଞ୍ଜା ମାହାପୁରୁଇଁ ଆଜିନାସି, ଅଡ଼େ ବାରେ ଜାହୁଦି କୃତାତା ଝେଜିତାସି, ଏଝାସି ନିଜେ ତାନି ଇଜ ହାଟାନା ନୀ ଜାପାନାଣି ଝେଞ୍ଜାଲିତାକି ମାହାପୁରୁତି ଦୁତୁ ତାଣାଟି ହୁକୁମି ବେଟା ଆହାମାନେସି ।”

୨୩ ପିତର ବିତ୍ରା ହାଟା ଅହାନା ଏଝାରାଇଁ ସେବା କିତେସି । ଅର ନେରୁ ନିଜାମା ତିୟାରା ଆହାନା ଏଝାରିତଲେ ହାଟେସି; ଜାପତି ଏଚରଜାଣା ନାମିତି ତାୟିୟାଁ ଏଝାରିତଲେ ହାଟେରି ।

୨୪ ଅର ନେରୁ ଏଝାରି କାୟିସରିୟାତା ଏଡେରି, ଏମ୍ବାଆଁ କର୍ନଲିୟ ତାନି କୁଟିନି ଇଞ୍ଜା ଅଡ଼େ ଜାଗୁତି ତଣ୍ଡେସିଜାଣି ହାଟାହାଁ କୃଡ଼ି କିହାନା ଏଝାରାଇଁ କାଟିମାଚେରି ।

୨୫ ପିତର ବିତ୍ରା ହାଜାଲିଏ କର୍ନଲିୟ ଏଝାଣି କର୍ତ୍ତା ତୁଜ ମୁନୁ କୁତାନା ଜହରା କିତେସି ।

୨୬ ସାମା ପିତର ତାଜେ ନିକ୍‌ହାନା ଏଲେଇଚେସି, “ନିଜାମ୍, ନାନୁ ଜିକେଏ ର ମାଣ୍ଡିତେଏଁ ।”

୨୭ ଏବେଟିଏ ପିତର କର୍ନଲିୟ ତଲେ କାତା ଆହୁଁ ଆହୁଁ ଇଲୁ ବିତ୍ରା ହାଜାନା ଏମ୍ପାଆଁ ହାରେକା ଲକୁ ରୁଣ୍ଡା ଆହାମାନାଣି ମେସ୍ତେସି ।

୨୮ ଅଡ଼େ ଏଝାସି ଏଝାଗାଈଁ ଏଲେଇଚେସି, “ଏଟକା କୁଡ଼ାତି ଏନି ଲକୁତଲେ ଆଣ୍ଡିନାୟି କି ଏ ଲକୁ ତାଗେ ହାନାୟି ଜାହୁଦି ଲକୁତାକି ଏନିକିହୁଁ ମୋରା ହିଲେଏ, ଏଦାଆଁ ମୀରୁ ନେହୁଁକି ପୁଞ୍ଜାମାଞ୍ଜେରି ଆଡ଼ିଜିକେଏ ଆମିନି ଲକୁଇଁ ସୁଦୁ ହିଲାଆ ଗାଟାରି କି ଲାଗେଏତାରି ଇଞ୍ଜିହୁଁ ଇନାଆନି ଇଞ୍ଜି ମାହାପୁର ନାଞ୍ଜେ ତସାମାଞ୍ଜାନେସି ।

୨୯ ଏଦାଆଁତାକି ହାଟନିଏ ନାନୁ ଏନାଆଁ ଅଣ୍ପାଆନା ଝାଡେଏଁ । ଇଦାଆଁତାକି ନାନୁ ଝେଞ୍ଜିମାଞ୍ଜାଇଁ, ଏନାଆଁ କିହାଲି ମୀରୁ ନାଞ୍ଜେ ହାଟାଚେରି ?”

୩୦ କର୍ନଲିୟ ଏଲେଇଚେସି, “ତାନିଦିନା ନକେଏ ଇ ବେଲାତା ମିଡ଼ଅଲା ତାନି ଗଂଟା ବେଲା ନାନୁ ନା ଇଜ ପ୍ରାତାନା କିହିମାଚେଏଁ; ମେହମୁ ଏମ୍ପାଆଁ ଉଜେଡ଼ିଗାଟି ଦବଲା ହିମ୍ପରିକା ତୁରହାମାନି ର ଲକୁ ନା ନକିତା ନିଚେସି,

୩୧ ଅଡ଼େ ଏଝାସି ଏଲେଇଞ୍ଜାଚେସି, ‘କର୍ନଲିୟ ! ମାହାପୁରୁ ନୀ ପ୍ରାତାନା ଝେଞ୍ଜାମାନେସି; ଇଞ୍ଜା ହିଲାଆ ଗାଟାରିକି ନୀ ଦାନା ହାନାୟି ବାରେ ମାହାପୁରୁ ନକିତା ନେହୁଁ ତଞ୍ଜା ଆହାମାନେ ।

୩୨ ଇଦାଆଁତାକି ସିମନ ଦରୁଗାଟି ପିତରଇଁ ହାଟା ତାଗାଲି ଜାପତା ଲକୁଇଁ ପାଣ୍ଡାମୁ, ଏଝାସି ସାମ୍ପଦୁରି ଗାଟୁତା ତୁୟିନି ତଲୁକା କାମା କିନି ସିମନ ଇଜ ଗତାଗାଟାସି ଆହାମାନେସି ।’

୩୩ ଏଦାଆଁତାକି ଝେଡ଼ାକିଆନା ନାନୁ ନୀ ତାଣା ଲକୁ ପାଣ୍ଡାଚେଏଁ, ଅଡ଼େ ନାନୁ ଝାହାମାଞ୍ଜି ନେହୁଁ କିହାମାଞ୍ଜି, ଇଚିହୁଁ ପ୍ରବୁ ନିଞ୍ଜେ ଏନାଆଁ ହୁକୁମି ହାହାମାଞ୍ଜାନେସି, ଏଦାଆଁ ଝେଞ୍ଜାଲିତାକି ମାମ୍ପୁ ବାରେ ମାହାପୁରୁ ନକିତା କୁଡ଼ା ଆହାମାନମି ।”

ପିତର ଜାପୁନାୟି

୩୪ ଏବେଟିଏ ପିତର ଗୁଡ଼ି ଏକ୍‌ହାନା ଏଲେଇଚେସି, “ମାହାପୁରୁ ସାଚେଏ ବାରେ ଲକୁଣି ପାଡ଼ଡ଼ା ବାଟି କିଅସି,

୩୫ ଆମିନି ଲକୁ ଏଝାଣାଇଁ ଆଜିନେରି ଅଡ଼େ ଏଝାସି ଅପିନି ଲେହେଁ ନେହୁଁ କାମା କିନେରି ଏଝାରି ଆମିନି କୁଡ଼ାତାରି ଇଚିହୁଁ ଜିକେଏ, ଏଝାସି ଆବିନେସି ।

୩୬ ଏଝାସି ଜାସୁ କ୍ରୀସ୍ତ ତାଣାଟି ହିଡ଼ଡ଼ିଚି ନେହୁଁ କାବୁ ଝେସାନା ଇସ୍ତାୟେଲ ମୀରକା ନକିତା ଇ ବଲୁ ପାଣ୍ଡିଚେସି; ଏ ଜାସୁ କ୍ରୀସ୍ତ ବାରେଚି ପ୍ରବୁ ।

୩୭ ମୀରୁ ପୁଞ୍ଜାମାଞ୍ଜେରି ଜହନ ବାପ୍ତିସ୍ତା* କାତା ଝେକ୍‌ହି ତାଣାଟିଏ ଏ ନେହୁଁ କାବୁ ଗାଲିଲିଟିଏ ମାଟ୍‌ହାନା ବାରେ ଜୀହୁଦା ରାଜିତି ଲକୁତାଣା ଝେଞ୍ଜାମାନେ,

୩୮ ଇଚିହୁଁ ନାଜିରିଚି ଜୀସୁତି କାତା ପୁଞ୍ଜାମାଞ୍ଜେରି, ଏନିକି ମାହାପୁରୁ ଏଝାଣାକି ସୁଦୁଜୀଝୁ ଇଞ୍ଜା ବାଡ଼ମୁ ହାହାନା ବରୁ ହାଚେସି, ଇଞ୍ଜା ନେହୁଁ କାମା କିହୁଁ ସୟତାନ ପାନ୍ଦାତା ଦସପି ଆହାମାନି ଲକୁଣି ନେହୁଁ କିହୁଁ ବାରେଝାକି ରେଚେସି, ଇଚିହୁଁ ମାହାପୁରୁ ଏଝାଣିତଲେ ମାଚେସି ।

୩୯ ଏଝାସି ଜାହୁଦି ଲକୁତି ଦେସାତା ଅଡ଼େ ଜିରୁସାଲମତା ଏନା ଏନାଆଁ କିଚେସି, ମାମ୍ପୁ ଏ ବାରେଚି ସାକି; ଏଝାରି ଏଝାଣାଇଁ ପାସି ମୁଣ୍ଡାତା ଏକ୍‌ହାନା ପାୟିଚେରି ।

୪୦ ସାମା ମାହାପୁରୁ ଏଝାଣାଇଁ ତାନି ଦିନାତା ନିକ୍‌ହେସି ଅଡ଼େ ତଞ୍ଜାଆଝୁ କିଚେସି;

୪୧ ବାରେଜାଣା ତାକି ଆଏ, ଝାଉଇ ମାହାପୁରୁ ଆଡ଼ିଚି ସାକି, ଇଚିହୁଁ ମା ନକିତା ତଞ୍ଜାଆଡ଼େସି । ମାହାପୁରୁ ଏଝାଣାଇଁ ହାକିଟି ନିକ୍‌ହି ଜେଟ ମାମ୍ପୁ ଏଝାଣିତଲେ ତିଚମି ଉଚମି ।

୪୨ ଅଡ଼େ ଲକୁ ନକିତା ଇ ନେହୁଁ କାବୁ ଝେକ୍‌ହାଲି, ଇଞ୍ଜା ହାଟାରି ଅଡ଼େ ଜୀଝୁତା ନୀତାମାନାରି ନାହାଁୟି କିନାସି ଆହାଲି ମାହାପୁରୁ ଏଝାଣାଇଁ ଆତାମାନେସି ଇଞ୍ଜୁଁ ସାକି ହାହାଲି ଏଝାସି ମାଞ୍ଜେ ହୁକୁମି ହିୟାଚେସି ।

୪୩ ଆମ୍ପାଆସି ଏଝାଣି ତାଣା ନାମିନେସି, ଏଝାସି ଏଝାଣି ଦରୁତଲେ ପାପୁ ମ୍ପେମ୍‌କ ଆନେସି, ଇଦାଆଁ ବାରେ ମାହାପୁରୁ ଅଣ୍ପାପୁତି ବଲୁ ଝେହନାରି ଏଝାଣି କାତାଟି ସାକି ହାହାମାନେରି ।”

ଜାହୁଦିଆଆତି ଲକୁ ସୁଦୁଜୀଝୁ ବେଟାଆନାୟି

୪୪ ପିତର ଇ ବାରେ କାତା ଝେସିମାଟି ବେଲାତା ଆମିନି ଗାଟାରି ତାନି ବଲୁ ଝେଞ୍ଜିମାଚେରି, ଏ ବାରେଜାଣାଟି ମୁହେଁ ସୁଦୁଜୀଝୁ ରେଟାଝାଡ଼େ ।

* ୧୦:୩୭ ମୁଞ୍ଜନାୟି

୪୫ ଜୀହ୍ୱଦିଆଆତି ଲକ୍ଷ୍ମତାଣା ଜିକେଏ ସୁଦୁଜୀଝୁ ରେଚା ଖାଡ଼ାଣି ମେସାନା ପିତର ତଲେ ଜାପତି ଖାହାମାତି ତଲୁ ଦାପି ଆଡ଼ି ନାମିତି ଜୀହ୍ୱଦିୟା, ଏଝାରି ବାରେଜାଣା କାବା ଆଡ଼େରି ।

୪୬ ଇଚିହିଁ ଏଝାରି ଏବ୍‌କା ଏବ୍‌କା ହାଡ଼ାତଲେ କାତା ଆହିମାଚାଣି ଇଞ୍ଜା ମାହାପୁରୁତି ଜହରା କିହିମାନାଣି ଖେଚେରି । ଏଚିବେଲା ପିତର ଏଲେଇଚେସି ।

୪୭ “ଇଝାରି ଆମିନି ଲକୁ ମା, ଲେହେଁ ସୁଦୁଜୀଝୁ ବେଟାଆହାମାନେରି, ଇଝାରି ଏୟୁତଲେ ବାପ୍ତିସ୍ତାଁ ବେଟାଆହାଲି ଆମ୍ବାଆସି କାହି କିୟାଲି ଆଡ଼ିମାନେସି ?”

୪୮ ଇଞ୍ଜା, ଏଝାସି ଏଝାରାଇଁ ଜୀସୁ କ୍ରୀସ୍ତ ଦରୁତଲେ ବାପ୍ତିସ୍ତାଁ ହୀହାଲି ହୁକୁମି ହୀତେସି, ତାୟୁ ଏଝାରି ଏଚରଦିନା ତୁୟାଲି ଏଝାଣାଇଁ ବାଡ଼ିମାଲିତେରି ।

୧୧

ପିତର କାମାତି କାତା ଜିରୁସାଲମ କୁଲମିତା ଖେହ୍‌ନାୟି

୧ ଜୀହ୍ୱଦିଆଆତାରି ଜିକେଏ ମାହାପୁରୁତି ବଲୁ ନାମିତେରି, ଇ କାତା ପାଣ୍ଡୁଝି ଆଡ଼ାରି ଇଞ୍ଜା ଜୀହ୍ୱଦା ରାଜିତା ମାନି ତାୟିୟାଁ ଖେଚେରି ।

୨ ପିତର ଏଚିବେଲା ଜିରୁସାଲମତା ଖାଡ଼େସି, ଏଚିବେଲା ତଲୁ ଦାପି ଆଡ଼ି ସୀସୁୟାଁ ପିତର ତଲେ ବାଡ଼ିବାଦା ଆଡ଼େରି,

୩ “ନୀନୁ ଜୀହ୍ୱଦିଆଆତି ଲକୁ ଲଲକାଣା ହାଜାନା ଏଝାରିତଲେ ତିଞ୍ଜାମାଞ୍ଜି !”

୪ ସାମା ପିତର ଇ ବାରେ କାତାତି ମୁଲୁଟିଏ ଖେସାଲି ମାଟ୍‌ହାନା ଏଲେଇଚେସି ।

୫ “ନୀନୁ ଜାପ ଗାଡ଼ାତା ପ୍ରାଡ଼ାନା କିହିମାଚେଏଁ, ଇଞ୍ଜା ସେୟାଁଣା ହାପାନାତା ମେସ୍ତେଏଁ, ଏନିକିଁ ର କାଜା ହିମ୍ବିରିତି ସାରି କନତା ଆସାହାଁ ଲାକପୁରୁଚି ତୁଇ ରେଚା ଖାହିମାଚେ, ଅଡ଼େ ଏଡ଼ି ନା ପାତେକା ଖାଡ଼େ;

୬ ନୀନୁ ଏମ୍ବାଆଁ ସିନିକିହାନା ଅଣପାଲି ମାଟ୍‌ହେଏଁ, ଏମ୍ବାଆଁ ଦାରୁତିତି ସାରିଗଟା କତାୟାଁ ତଲେ ତାକିନି ନାସ୍‌କାତି ଜନ୍ତ ଇଞ୍ଜା ଜାଡ଼ାତି ଜନ୍ତ ତ୍ରିରିୟାଁ ରାସ୍‌କା ଅଡ଼େ ହାଗୁତି ପଟାୟାଁ ମେସ୍ତେଏଁ,

୭ ଅଡ଼େ ନାଜେ ଖେସାମାଞ୍ଜାନି ଇ ହାଡ଼ା ଜିକେଏ ଖେଚେଏଁ, ‘ପିତର; ନିଜାମ୍, ପାୟାନା ତିନାମ୍ !’

୮ ସାମା ନୀନୁ ଏଲେଇଚେଏଁ, ‘ଆଏ ପ୍ରବୁ ! ତୀଗାଆଗାଟି ଲାଗେଏ ପଲେଏତି କାଡ଼ି ନୀନୁ ଏଚେଲାଝା ନା ଗୁଡ଼ିତା ଅହାହିଲଅଁ ।’

୯ ସାମା ଅର ଦେବା ଲାକପୁରୁଚି ଇ ହାଡ଼ା ଖେସ୍ତାଚେ, ‘ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନୀନୁ ଲାଗେଏତାୟି ଇନାଆନି ।’

୧୦ ଇଲଆହୁଁ ତାନି ପାଲି ଆଡ଼େ, ଅଡ଼େ ତାୟୁ ଏ ବାରେ ଖେଶ୍ତେ ଲାକପୁରୁ ଅଝିଆଡ଼େ ।

୧୧ ଅଡ଼େ ମେହ୍‌ଦୁ, ଦେବୁଣିଏ ତାନି ଜାଣା ଲକୁ ମାମ୍ବା ଆମିନି ଇଲୁତା ମାଚମି ଏମ୍ବାଆଁ ଖାହାନା ନିତେରି, ଏଝାରି କାୟିସରିୟାଟିଏ ନା ତାଣା ପାଣ୍ଡୁଝି ଆହାମାଚେରି ।

୧୨ ଇଞ୍ଜା ଆନାମାନା ଆଆନା ଏଝାରିତଲେ ହାଜାଲି ଜୀଝୁ ନାଜେ ଖେସ୍ତାଚେ, ଅଡ଼େ ଇ ସ ଜାଣା ତାୟିୟାଁ ଜିକେଏ ନା ତଲେ ଜାପତି କାୟିସରିୟାତା ଖାଡ଼େରି, ଇଞ୍ଜା ମାମ୍ବାଏଁ କର୍ନିଲିୟ ଇଜ ହାଚମି ।

୧୩ ଏଝାସି ଏନିକିଁ ର ଦୁତୁଇଁ ସେୟାଁଣା ହାପାନାତା ମେସାମାଚେସି, ଏଦାଆଁ ମାଜେ ଖେସ୍ତାଚେସି, ଏ ଦୁତୁ ଏନିକିଁ ଏଝାଣି ଇଜ ନିଚାନା ଖେସ୍ତେ, ଜାପତା ଲକୁଣି ପାଣ୍ଡାନା ପିତର ଇନି ସିମନଇଁ ହାଟାତାମ୍;

୧୪ ଏଝାସି ମିଜେ ଖେସ୍ତାନି କାତାତଲେ ‘ମୀରୁ ଅଡ଼େ ମୀ ବାରେ କୁଚମି ଗେଲୁପି ଆଡ଼େରି ।’

୧୫ ତାୟୁ ନୀନୁ ଜଲାଲି ମାଟ୍‌ହାଲିଏ ସୁଦୁଜୀଝୁ ମା ଲାକ ଏନିକିଁ ରେଚାଖାଡ଼େ, ଏଲେକିଁ ଏଝାରି ଲାକ ଜିକେଏ ରେଚାଖାଡ଼େ ।

୧୬ ଏଚିବେଲା ପ୍ରବୁ ଖେସି ଇ ହାଡ଼ା ନା ଅଣପୁତା ଖାଡ଼େ; ‘ଜହନ ଏୟୁତଲେ ବାପ୍ତିସ୍ତାଁ* ହୀତେସି ସାତା, ସାମା ମୀରୁ ସୁଦୁଜୀଝୁ ତଲେ ବାପ୍ତିସ୍ତାଁ ଆଦେରି ।’

୧୭ ଇଚିହିଁ ମୀରୁ ପ୍ରବୁ ଜୀସୁ କ୍ରୀସ୍ତ ତାଣା ନାମିତି ବେଲାତା ମାହାପୁରୁ ଏନିକିଁ ମାଜେ ଆମିନି ଦାନା ହୀହାମାଞ୍ଜାଚେସି, ଏଲେକିହିଁ ଏ ଏଝାରାକି ଜିକେଏ ସମାନା ଦାନା ହୀତେସି; ନୀନୁ ଆମ୍ବାଆଚେଏଁ ମାହାପୁରୁଇଁ କାହି କିହାଲି ଆଡ଼ିଇଁ !”

† ୧୦:୪୭ ମୁଞ୍ଜିନାୟି ‡ ୧୦:୪୮ ମୁଞ୍ଜିନାୟି ☆ ୧୧:୧୭ କାମା ୧:୫ * ୧୧:୧୭ ମୁଞ୍ଜିନାୟି † ୧୧:୧୭ ମୁଞ୍ଜିନାୟି

୧୮ ଏଞ୍ଜର ଇ ବାରେ କାତା ଖେଞ୍ଜାଲିଏ ଏଞ୍ଜର ପାଲେଏ ଆଡେତି, ଇଞ୍ଜା ମାହାପୁରୁଇଁ ଜହରା କିହିଁ ଏଲେଇଚେରି, “ଆତିହିଁ ମାହାପୁରୁ ଜୀହୁଦିଆଆତି ଲକୁକି ଜିକେଏ ହିୟାଁ ଖେଟ୍‌ହାଲି ଅଡେ ନୀତାଲି ପାରୁ ହାହାମାନେସି ।”

ଆନ୍ତ୍ରିୟକିୟା କୁଲମି

୧୯ ✧ ଏଚେଟିଏ ପ୍ରିପାନ ହାଡି ତାୟୁ, ଏଚେକା ନାମୁଗାଟାରି କସ୍ତ ନିନା ଆଡାକି ଆଲାବା ଆହାମାଚାରି ବିତ୍ରାଟି, ପୟିନକିୟା, କୁପ୍ତ ଅଡେ ଆନ୍ତ୍ରିୟକିୟା ପାତେକା ରେଜାନା ଖାରଇ ଜୀହୁଦି ଲକୁ ପିସ୍‌ପେ ଅଡେ ଆମ୍ବାଆରି ତାଣା ନେହିଁ କାତୁ ଖେସିହିଲାଆଡେତି ।

୨୦ ସାମା ଏଞ୍ଜର ବିତ୍ରାଟି ଏଚରଜାଣା କୁପ୍ତ ଅଡେ କୁରିଣିୟ ଲକୁ ଆନ୍ତ୍ରିୟକିୟା ଖାହାନା ଗ୍ରିକ୍ ଲକୁତାଣା ଜିକେଏ କାତା ଖେସିହିଁ ପ୍ରୁ ଜୀସ୍‌ପୁତି ନେହିଁ କାତୁ ଖେକ୍‌ହେରି ।

୨୧ ଅଡେ, ଏଞ୍ଜାରିତଲେ ପ୍ରୁପୁତି ବାଡୁୟୁ ମାଚେ, ଅଡେ ହାରେ ହାରେକା ଲକୁ ନାମାହାଁ ପ୍ରୁ ଖାକି ଖେଣ୍ଡାଖାଡେତି ।

୨୨ ଏଞ୍ଜର ହାଡା ଜିରୁସାଲମତି କୁଲମିତା ଏଗାହାଚେ, ଏମ୍ବାଟିଏ ଏଞ୍ଜର ଆନ୍ତ୍ରିୟକିୟା ପାତେକା ବର୍ନବାଇଁ ପାଣ୍ଡାଡେତି ।

୨୩ ଏଞ୍ଜାସି ଏମ୍ବାଆଁ ଏଜାନା ମାହାପୁରୁତି କାର୍ନାମେସାନା ରାହାଁ ଆଡେସି, ଇଞ୍ଜା ଏଞ୍ଜର ଏନିକିଁ ହିୟାଁତା ରଣ୍ଡିଏ ରାହାଁତଲେ ପ୍ରୁ ତାଣା ମାନାପେରି ଇଞ୍ଜାଁ ଏଞ୍ଜରାକି ବାସୁଁ ହାଡେସି ।

୨୪ ବର୍ନବା ର ନେହିଁ ଲକୁ, ନାମୁତା ଇଞ୍ଜାଁ ସୁତୁଜୀସୁ ବେଟାଆହାମାନାସି ମାଚେସି, ଇଞ୍ଜାଁ ଇଲେତି ବଲୁ ଖେକ୍‌ନି ତାଣା ହାରେକା ଲକୁ ପ୍ରୁ ତାଣା ଆଣ୍ଡିଡେତି ।

୨୫ ତାୟୁ ବର୍ନବା ସାସୁଲଇଁ ପାରାଲି ତାର୍ସି ଗାଡାତା ହାଚେସି,

୨୬ ଇଞ୍ଜାଁ, ଏଞ୍ଜାସି ଏଞ୍ଜାଣାଇଁ ବେଟାଆହାନା ଆନ୍ତ୍ରିୟକିୟାତା ତାରିହିଁ ଖାଡେସି, ଏଞ୍ଜର ର ବାର୍ସା ପାତେକା କୁଲମି ତଲେ ମାଞ୍ଜାନା ହାରେକା ଲକୁଣି ଜାପୁହେରି, ଅଡେ ଆନ୍ତ୍ରିୟକିୟାତି ସାସୁୟାଁ ତଲିଏ କ୍ରାସ୍ତାନା ଇଞ୍ଜାଁ ଖେଜିଡେତି ।

୨୭ ଏଚିବେଲାତା ଏଚରଜାଣା ମାହାପୁରୁ ଅଣ୍ଡପୁତି ବଲୁ ଖେହ୍‌ନାରି ଜିରୁସାଲମତି ଆନ୍ତ୍ରିୟକିୟାତା ଖାଡେତି ।

୨୮ ✧ ଏଞ୍ଜର ବିତ୍ରାଟି ଆଗାବ ଦରୁଗାଟି ର ଲକୁ ନିଜମାନା ବାରେ ଦାର୍‌ଡିତା କାଜା କାଡାରା ଆନେ ଇଞ୍ଜାଁ ଜୀସୁତି ବାଡୁୟୁ ତଲେ ଖେସେସି; ଏଦି କ୍ଲୁସୁଦିୟା ସାଲୁଞ୍ଜି କିନାଣି ବେଲାତା ଆଡେ ।

୨୯ ଏମ୍ବାଟିଏ ସାସୁୟାଁ ତାମ୍ବୁତାମି ଆଡିନି ଲେହେଁ ଜୀହୁଦା ରାଜିତା ମାନି ନାମିତି ତାୟିୟାଁକି ସାୟେମି କିୟାଲି ତାରି କିଡେତି,

୩୦ ଅଡେ, ଏଞ୍ଜର ଜିକେଏ ଟାକାୟାଁ କୃଡି କିହାନା ଏ କୁଲମିତି ପ୍ରାଟିନାଜା କେୟୁତା ହାହାଲି ବର୍ନବା ଅଡେ, ସାସୁଲ କେୟୁତା ଟାକାୟାଁ ପାଣ୍ଡିଡେତି ।

୧୨

ହାରେକା ସାସୁ ପାଣ୍ଡନାସି

୧ ଏଚିବେଲାତା ରାଜା ହେରଦ କୁଲମିତି ଏଚର ଜାଣାଇଁ ସାସୁ ହାହାଲି ମାଟ୍‌ହେସି ।

୨ ଏଞ୍ଜାସି ଜହନତି ତାୟି ଜାକୁବଇଁ କାଣ୍ଡାତଲେ ପାୟି କିଡେସି ।

୩ ଅଡେ, ଜୀହୁଦି ଲକୁ ଏଞ୍ଜାଣି ତାକି ରାହାଁ ଆହାମାନାଣି ମେସାନା ଏଞ୍ଜାସି ପିତରଇଁ ଜିକେଏ ଆସେସି, ଏଚିବେଲାତା ପୁଲା ଆଣ୍ଡାଆତି ରୁଟି ତିନି ପାରୁ ମାଚେ ।

୪ ଏଚେଟିଏ ଏଞ୍ଜାସି ପିତରଇଁ ଦସ୍‌ପାନା କାୟିଦି ଇଲୁତା ଇଟିଡେସି, ଇଞ୍ଜାଁ ପିସ୍‌ପିଆନି ପାରୁ ରାଡି ତାୟୁ ଏଞ୍ଜାଣାଇଁ ବାରେ ଲକୁ ନକିତା ତାତାଲି ଅଣ୍ଡପାନା ଏଞ୍ଜାଣାଇଁ କାତାଲି ସାରି ଜାଣା ଲାକା ସାରି ଗତି କସ୍‌କା କେୟୁତା ହେରୁପିଡେସି ।

୫ ପିତରଇଁ କାୟିଦିତା ସୁଣ୍ଡିଡେତି, ସାମା ଏଞ୍ଜାଣି ତାକି କୁଲମି ରଣ୍ଡିଏ ହିୟାଁ ତଲେ ମାହାପୁରୁ ତାଣା ପ୍ରାଡାନା କିହିମାଚେରି ।

ପିତର କାୟିଦି ଇଲୁଟି ଗେଲ୍‌ପି ଆନାୟି

୭ ତାମ୍ଭ ହେରଦ ଆମିନି ଦିନା ପିତରଇଁ ହପ୍ତହାଲି ଅଣପାମାରେସି, ଏ ନେତୁ ଲାଆଁୟାଁ ପିତର ରା ହିକଣିୟାଁ ତଲେ ଦସ୍ତି ଆହାନା ରା କସ୍ତା ମାଦି ତୁରାମାରେସି, ଅଡ଼େ କାଃଆନାରି କାୟିଦି ଇଲୁ ଦୁଖେରିତା କାଟାମାରେରି ।

୮ ଅଡ଼େ ମେହ୍ତୁ, ଦେବୁଣିଏ ପ୍ରବୁତି ର ଦୁତୁ ଏମ୍ପାଆଁ ତଞ୍ଜାଆଡ଼େ, ଇଞ୍ଜା ଇଲୁ ବିତ୍ରା ରଜେଡ଼ି ଆହାହାରେ, ଅଡ଼େ ପିତରଇଁ ବମିତା ତୀଗାହାଁ ନିକହାନା ଏଲେଇରେ, “ତବେ ନିଜାମୁ,” ଏମ୍ପାଟିଏ ଏଞ୍ଜାଣି କେୟାତି ହିକଣିୟାଁ ହୁଜାହାତୁ ।

୯ ଏରେଟିଏ ଦୁତୁ ଏଞ୍ଜାଣାଇଁ ଏଲେଇରେ, “ରେଡେଲି ରୁପା କତାମୁ ଇଞ୍ଜା ସେପୁୟାଁ ତୁରମୁ” ଇଞ୍ଜା ପିତର ଏଲେକିଡେସି, ଅଡ଼େ ଦୁତୁ ଏଲେଇରେ, “ନୀ ହିମ୍ପରି ପରହାନା ନା ଜେଟ ଜେଟ ଖାମୁ ।”

୧୦ ପିତର ହଟାନା ଏଞ୍ଜାଣି ଜେଟ ଜେଟ ହାଚେସି; ସାମା ଦୁତୁ ତାଣାଟି ଏମ୍ପାଆଁ କିଞ୍ଜିଆଡ଼େ, ଏଦି ସାଡେଏ ଏମ୍ପାଆଁ ପୁନାଆନା ଏଞ୍ଜାସି ହାପାନା ହେଣ୍ଡିମାଇଁ ଇଞ୍ଜା ଅଣପିମାରେସି ।

୧୧ ଏରିବେଲାତା ଏଞ୍ଜାରି ନକିତି ଅଡ଼େ ଏଦାଣି ତାମ୍ଭ କାଟାମାଚାରାଇଁ ଗାଣ୍ଡତାନା ଆମିନି ଲହ ଦୁଖେରି ହାହାନା ଗାଡ଼ତା ହଡ଼ାଲି ଆନେ, ଏମ୍ପାଆଁ ତାଗେ ଖାହାଲିଏ, ଏରେତା ଏ ଦୁଖେରି ତାମ୍ଭ ତାମ୍ଭ ଏଞ୍ଜାରାକି ଦେପି ଆହାହାରେ, ଅଡ଼େ ଏଞ୍ଜାରି ହଟା ହାଜାନା ର ଆଁଗେଣି ମୁଟହାମାନି ପାତେକା ହାଚେରି, ଇଞ୍ଜା ଦେବୁଣିଏ ଏ ଦୁତୁ ଏଞ୍ଜାଣାଇଁ ପିସା ହାଚେ ।

୧୨ ଏରେଟିଏ ପିତର ସେଡନା ଆହାନା ଏଲେଇରେସି, “ପ୍ରବୁ ତାନି ଦୁତୁଇଁ ପାଣ୍ଡାନା ହେରଦ କେମୁଟି ଅଡ଼େ ବାରେ ଜୀହୁଦି ଲକୁ ଅଣପିମାଟି ତାଣାଟି ପିସ୍ତି କିହଁ ମାଞ୍ଜାନେସି, ଇଦାଆଁ ନୀଁ ନୀନୁ ସାଡେଏ ପୁରେସି ।”

୧୩ ଏଞ୍ଜାସି ଇ କାତା ଅଣପିହଁ ମାର୍କ ଦରୁଗାଟି ଜହନ ତାମି ଇୟା ମରିୟମିନି ଇଜ ହାଚେସି; ଏମ୍ପାଆଁ ହାରେକା ଲକୁ ରୁଣ୍ଡା ଆହାନା ପ୍ରାତାନା କିହିମାଚେରି ।

୧୪ ପିତର ପାଞ୍ଜାଟି ଦୁଖେରିତା ଖେଚାଲିଏ, ରଦା ଦରୁଗାଟି ର ହଡ଼େଣି ଆମ୍ପାଆତେରି ଇଞ୍ଜା ଖେଞ୍ଜାଲି ହାଚେ ।

୧୫ ଏଦି ପିତରତି ହାଡ଼ା ଖେଞ୍ଜାନା ରାହଁତାକି ଦାରା ଦେଃଆନା ବିତ୍ରା ଦାବଡ଼ି ହାଜାନା ଦାରା ତାକିତା ପିତର ନିଚାମାନେସି ଇଞ୍ଜା ଖେସ୍ତେ ।

୧୬ ଏଞ୍ଜାରି ଏଦାନି ଏଲେଇରେରି, “ନୀନୁ ବାୟା ଆଡ଼ିକି ଇଞ୍ଜା ଇଚେରି,” ସାମା ଏଦି ଏମ୍ପାଆଁ ସାତା ଇଞ୍ଜା ଗାଡ଼ିକିହଁ ଖେସ୍ତେ, ଇଞ୍ଜା ଏଞ୍ଜାରି ଏଲେଇଚେରି, “ଏଦି ଏଞ୍ଜାଣି ଦୁତୁ ।”

୧୭ ସାମା ପିତର ଦାରାତା ଅଲେ ଅଲେ ଖେଚିମାଚାକି, ଏଞ୍ଜାରି ଦାରା ଦେଚାନା ଏଞ୍ଜାଣାଇଁ ମେସାନା କାବା ଆଡ଼େରି ।

୧୮ ସାମା ଏଞ୍ଜାସି ଏଞ୍ଜାରାଇଁ ପାଲେଏ ମାଞ୍ଜାଲି କେମୁ ଜାଞ୍ଜିଡେସି, ଇଞ୍ଜା ପ୍ରବୁ ଏଞ୍ଜାଣାଇଁ ଏନିକଁ କାୟିଦି ଇଲୁଟି ହପ୍ତହା ତାଡେସି ଏଞ୍ଜାରାଇଁ ଖେସ୍ତେସି, ଅଡ଼େ ଏଞ୍ଜାସି ଏଲେଇରେସି “ଇ ବାରେ କାତା ଜାକୁବ ଅଡ଼େ ବାରେ ନାମିତି ତାୟିୟାଁଇଁ ଖେହ୍ତୁ,” ଇଞ୍ଜା ଏଞ୍ଜାସି ତାକିହଁ ଅର୍ ଗାମୁତା ହାଜାତୁସ୍ତେସି ।

୧୯ ଲାଲୁ ଖେୟାଲିଏ ପିତର ଆମ୍ପିୟା ହାଚେସି ଇଞ୍ଜା କାପୁ କାଃଆନି କସ୍ତା କାବାଆହାନା ହାରେକା ବିଲୁକି ଆଡ଼େରି ?

୨୦ ଅଡ଼େ, ହେରଦ ଏଞ୍ଜାଣାଇଁ ପାରି କିହାନା ପ୍ଲାଃଆଲିଏ, କାପୁ କାଃନାରାଇଁ ଖେଚି ତାମ୍ଭ, ଏଞ୍ଜାରାଇଁ ପାୟାଲି ହୁକୁମି ହାଚେସି । ଏମ୍ପାଆଁ ତାମ୍ଭ ହେରଦ ଜୀହୁଦା ରାଜିଟି କାୟିସରିୟାତା ହାଜାନା ଏମ୍ପାଆଁ ତୁୟିଡେସି ।

ହେରଦ ହାନାୟି

୨୦ ଏରିବେଲା ହେରଦ ସର ଅଡ଼େ ସିଦନତି ଲକୁତାକି ଆଜିହପେତି କପା ଆହାମାରେସି, ଅଡ଼େ ଏଞ୍ଜାରି ରଣ୍ଡିଏ କାତା ଆହାନା ଏଞ୍ଜାଣି ତାଣା ଖାଚେରି, ଇଞ୍ଜା ରାଜା ଇଲୁତି ନ୍ଲାସ୍ତସ ଇନି ସାଲୁଞ୍ଜି କିନାଣାଇଁ ତାମି ଖାକି କିହାନା, ରାଜାଇଁ ହିଡ଼ଡ଼ି ତାକି ବାଡିମାଲିଚେରି, ଇଚିହଁ ହେରଦ ରାଜା ଦେସାଟି ସର ଅଡ଼େ ସିଦନ ଦେସାତା ଆନାଁ ହାଜିମାଚେ ।

୨୧ ଏରେଟିଏ ହେରଦ ତୀରିକିତି ଦିନାତା ରାଜା ହୁଚିନି ହିମ୍ପରିକା ହୁଚାନା ସିଂଗାସାଣିତା କୁଗାନା ଲକୁ ନକିତା ର କାତା ଖେସ୍ତେସି;

୨୨ ଏରେଟିଏ ଲକୁ କାଲୁଞ୍ଜି ଆହଁ ଏଲେଇଚେରି, “ଇଦି ମାହାପୁରୁତି ଗିୟାଁ, ମାଣସିତି ଗିୟାଁ ଆଏ !”

୨୩ ଏ ଦେବୁଣିଏ ପ୍ରବୃତ୍ତି ର ଦୁତୁ ହେଉଦଇଁ ତାଗିତେ, ଇଚିହିଁ ଏଝାସି ମାହାପୁରୁଇଁ ଜହରା କିଆତେସି, ଇଞ୍ଜା ଏଝାଣାଇଁ ପିତୁଲୁଲି ତିଞ୍ଜାଲିଏ ଏଝାସି ହାତେସି ।

୨୪ ସାମା ମାହାପୁରୁତି ବଲୁ ପାତାଆହାନା ହାରେକା ଝେଞ୍ଜିତେ ।

୨୫ ତାୟୁ ବର୍ନବା ଅଡେ ସାଝୁଲ ତାମି ସେବା କାମା ରାପୁହାନା ଜହନ ଇନି ମାର୍କଇଁ ତତୁ କିହାନା ଜିରୁସାଲମଟି ଝେଣ୍ଡା ହାତେରି ।

୧୩

ବର୍ନବା ଅଡେ ସାଝୁଲଇଁ ଆତାନା ପାଣ୍ଡିନାୟି

୧ ଏଚିବେଲା ଆନ୍ତିୟକିୟାତି କୁଲମିତା ବର୍ନବା, ସିମିୟନ କାଡ଼ିୟା ଇନାସି, କୁରିଣି ଦେସାତି ଲୁକିୟ, ହେଉଦ ରାଜା ତାୟିଲେହେଁ ପାତାଆଡ଼ି ମନହେମ ଅଡେ ସାଝୁଲ, ଆନ୍ତିୟକିୟାତା ମାଟି କୁଲମିତା ମାହାପୁରୁ ଅଣପୁତି ବଲୁ ଝେହନାରି ଅଡେ ଜାମ୍ପନାରି ମାତେରି ।

୨ ଏଝାରି ପ୍ରବୃତ୍ତି ସେବା ଅଡେ ଉପାସା କିହିମାଚାଟି, ସୁଦୁଜୀଝୁ ଏଝାରାଇଁ ଏଲେଇଚେ, “ନାନୁ ଆମିନି କାମାତାକି ବର୍ନବା ଅଡେ ସାଝୁଲଇଁ ହାଟାମାଇଁ, ଏ କାମାତାକି ଏଝାରାଇଁ ଏବକା କିଦୁ ।”

୩ ଏଚେଟିଏ ଏଝାରି ଉପାସା ଅଡେ ପ୍ରାତାନା କିତି ତାୟୁ ଏଝାରି ତାକାଣା କେସ୍ତା ଇଟାନା ଏଝାରାଇଁ ହେରପାନା ପାଣ୍ଡିତେରି ।

କୁପ୍ରତା କାମା

୪ ଇଲେଆହିଁ ବର୍ନବା ଅଡେ ସାଝୁଲ ସୁଦୁଜୀଝୁ ତଲେ ପାଣ୍ଡି ଆହାନା ସେଲୁକିୟାତା ହାତେରି; ଇଞ୍ଜା ର ସାମ୍ପୁରି ଜାଜାତା ହଟାନା କୁପ୍ରତା ହାତେରି ।

୫ ଏଝାରି ସାଲମି ଗାଡ଼ାତା ଏଗାହାଜାଲିଏ ଜୀହୁଦି ଲକୃତି ବାରେ ଜୀହୁଦି ଲକୃତି କୁଟମି ଇଲୁକାଣା* ମାହାପୁରୁତି ବଲୁ ଝେକହାଲି ମାଟୁହେରି; ଅଡେ, ଜହନ ମାର୍କ ଜିକେଏ ସାୟେମି କିୟାଲି ଏଝାରିତଲେ ମାତେସି ।

୬ ଇଞ୍ଜା ଏଝାରି ଏ ଦେସା ମାଦିଚି ରେଜିହିଁ ପାପସ ଗାଡ଼ାତା ହାତେରି; ଏମ୍ପାଆଁ ଏଝାରି ବାଟ୍-ଜୀସୁ, ଦରୁଗାଟି ର ଜୀହୁଦି ଗାଟାଣାଇଁ ବେଟାଆଡେରି, ଏଝାସି ମିତି ମାହାପୁରୁ ବଲୁ ଝେହନାସି ।

୭ ଏ ଦେସା ସାଲୁଝି କିନି ସେଗିୟ ପାଝୁଲ ତଲେ ମାତେସି, ଏ ସାଲୁଝି କିନାସି ର ରୁଦିଗାଟାସି, ଏଝାସି ସାଝୁଲ ଅଡେ ବର୍ନବାଇଁ ହାଟି କିହାନା ମାହାପୁରୁତି କାତା ଝେଞ୍ଜାଲି ଅଣପିମାତେସି ।

୮ ସାମା ଏ ଗାଟିଗାଟି “ଏଲିମା” ଇଦି ଗ୍ରିକ୍ ଦରୁ ଏ ସାଲୁଝି କିନାଣାଇଁ ନାମୁଟି ପିସପିକିନି ଅଣପୁ ତଲେ ଏଝାରାଇଁ ବାଦା ହାତେସି ।

୯ ସାମା ସାଝୁଲ ଆମ୍ପାଆରାଇଁ ପାଝୁଲ ଜିକେଏ ଇନେରି, ସୁଦୁଜୀଝୁଟି ନେଞ୍ଜାନା; ଏଲିମାଇଁ ସିନିକିତେସି,

୧୦ ଅଡେ ଏଲେଇଚେସି, “ଆଡେ ସୟତାନ ମୀରୁଏଣାଟି, ବାରେଲେହେଁଟି ନାଡ଼ିକିନି ଲାଗେଏତି ଅଣପୁତା ନେଞ୍ଜାମାନାଟି, ଅଡେ ବାରେ ନେହିଁ କାମାଟି ସାତୁ, ନୀନୁ ପ୍ରବୃତ୍ତି ସଲକ ଜିରୁତି ଲାଗେଏ କିହାଲି ପିହିଅତି କି ?

୧୧ ଅଡେ ନୀର୍ବି ମେହମୁ ପ୍ରବୃତ୍ତି କେୟୁ ନୀ ଲାକ ମାନେ; ଇଞ୍ଜା ନୀନୁ କାଣା ଆହାନା ଗାଡ଼େକା ତାକି ଝେଡ଼ାତି ଉଜେଡ଼ି ମେହିଅତି ।” ଏ ଦେବୁଣିଏ ଏଲିମା କାଣକାତା ଦୁୟା ପଜିତ ଲେହେଁ ଆଡେ ଇଞ୍ଜା ତାନି କେୟୁ ଆର୍ସା ଜିରୁ ତସାଲି ରଅଣାଇଁ ପାରୀତେସି ।

୧୨ ଇଦାଆଁ ମେସାନା ସାଲୁଝି କିନାସି ପ୍ରବୃତ୍ତି ଜାମ୍ପନାଣି ଝେଞ୍ଜାନା କାବାଆହାନା ନାମିତେସି ।

ପିସିଦିୟାତି ଆନ୍ତିୟକିୟାତା କାମା

୧୩ ତାୟୁ ପାଝୁଲ ଅଡେ ତାନି ତଣେସିଞ୍ଜା ପାପସପିଏ ସାମ୍ପୁରି ଜିରୁଟି ହାଜାନା ପଂପୁଲିୟା ଗାଡ଼ାତି ପଗିତା ଝାଡେରି; ସାମା ଜହନ ମାର୍କ ଏଝାରାଇଁ ପିସାନା ଜିରୁସାଲମତା ଝେଣ୍ଡାହାତେସି ।

୧୪ ଏଝାରି ପଗିଟି ହାଜାନା ପିସିଦିୟାତି ଆନ୍ତିୟକିୟାତା ଏଗାହାତେରି, ଅଡେ ଜମିନି ଦିନା ଜୀହୁଦି ଲକୃତି କୁଟମି ଇଲୁକାଁ ହାଜାନା କୁଗିତେରି ।

* ୧୩:୫ ସିନଗର୍ ଠି ୧୩:୧୪ ସିନଗର୍

୧୫ ଅଡ଼େ, ମସା ରାଚିତି ମେରା ଇଞ୍ଜା ମାହାପୁରୁ ଅଣପୁତି ବଲୁ ଖେହ୍ନାରି ପତି ପଡ଼ୁଞ୍ଚି ଆଡ଼ି ତାୟୁ, ପ୍ରାତାନା ଲକୁଡ଼ି କାଜାରି ଏଞ୍ଜାରିତାଣା ଏଲେଇଞ୍ଜି ଖେସା ପାଣ୍ଡିତେରି; “ତାୟିୟାଁ, ଲକୁଡାକି ବାସୁଁ ହାନି କାତା ମାଚିହୁଁ ଖେହ୍ନୁ ।”

୧୬ ଏଚେଟିଏ ପାଞ୍ଜୁଲ ନିତାନା ଲକୁଣି କେୟୁ ତସିହୁଁ ଏଲେଇଚେସି; “ଇସ୍ରାୟେଲ ଲକୁଡେରି ଇଞ୍ଜାଁ ଜୀହୁଦିଆଆତି ଲକୁଡେରି ଅଡ଼େ ମାହାପୁରୁଇ ଆଜିନେରି ନା କାତା ଖେଞ୍ଜୁ ।”

୧୭ ଇ ଇସ୍ରାୟେଲ କୃତାତି ମାହାପୁରୁ ମା ଆକୁ ଆବାୟାଣି ଆଚିତେସି, ଅଡ଼େ ଏଞ୍ଜାରି ମିସର ଦେସାତା ବାସା କିହାମାନି ବେଲାତା, ଏଞ୍ଜାରାଇଁ ପାତି କିତେସି, ଇଞ୍ଜାଁ ବାଡ଼ୟୁ ଗାଚି କେୟୁତଲେ ଏଞ୍ଜାରାଇଁ ହପୁହା ତାତେସି,

୧୮ ତାୟୁ ରୀ କଡ଼ି ବାସାଁ ପାତେକା ବାଠଲି ବାଗାତା ଏଞ୍ଜାସି ଏଞ୍ଜାରି ଲେମ୍ବିନାଣି ଅରୁହିତେସି ।

୧୯ ଏଞ୍ଜାସି କିଶାନ ଦେସାତି ସାଡ଼ାଗଟା କୃତାତି ଲକୁଣି ନାସା କିହାନା ତାନି ଆଡ଼ାମାନି ଲକୁକି ଏ ଦେସାତି ଅଦିକାରା ହାତେସି ।

୨୦ ସାରି ଖାଞ୍ଜା ରୀ କଡ଼ି ଦସ ବାସାଁ ବିତ୍ରା ଇ ବାରେ ଆଡ଼େ । ଏଚେଟିଏ ମାହାପୁରୁ ଅଣପୁତି ବଲୁ ଖେହ୍ନି ସାମୁୟେଲ ପାତେକା ବିଚାରା କିନାରାଇଁ ଆଚିତେସି ।

୨୧ ଏମାଚିଏ ଏଞ୍ଜାରି ର ରାଜାଇଁ ହିୟାମୁ ଇଞ୍ଜୁଁ ରୀସାଲିଏ ମାହାପୁରୁ ରୀ କଡ଼ି ବାସାଁ ପାତେକା ବିନାମାନି କୃତାତି କିଏ ମାରୁଏସି ସାଞ୍ଜୁଲଇଁ ରାଜା ଆହାଲି ହାତେସି ।

୨୨ ତାୟୁ ମାହାପୁରୁ ଏଞ୍ଜାଣାଇଁ ରାଜା ପାଣା ପିସପି କିହାନା, ଏଞ୍ଜାରି ରାଜା ଆହାଲିତାକି ବାଞ୍ଜୁଦଇଁ ଆଚିତେସି, ମାହାପୁରୁ ଜିବକଏ ଏଞ୍ଜାଣି କାତା ସାକି ହାହାନା ଏଲେଇଚେସି; “ନାନୁ ଜିସି ମାରୁଏସି ବାଞ୍ଜୁଦଇଁ ବେଗାଆହାମାଇଁ, ଏଞ୍ଜାସି ନା ହିୟାଁତି ଅଣପୁ ଲେହେଁତାସି, ଏଞ୍ଜାସି ବାରେ କାତାତା ନା କାତା ମାନୁଞ୍ଚି ଆନେସି ।”

୨୩ ଏଞ୍ଜାଣି କୃତାତି ମାହାପୁରୁ ଆଞ୍ଜାମାଚି ଲେହେଁ ଇସ୍ରାୟେଲ ଲକୁଡାକି ର ଗେଲୁପିନାଣାଇଁ ଇଚିହୁଁ ଜୀୟୁଇଁ ଜାନି କିହାମାନେସି ।

୨୪ ଜୀୟୁ ତାନି କାମା ମାଚୁନି ନକଏ, ଜହନ ଇସ୍ରାୟେଲତି ବାରେ ଲକୁ ନକିତା ପାପୁଚି ଖେଣ୍ଡିନି କାତା ଅଡ଼େ ବାପୁସ୍ତାଁ ଅନି କାତା ଖେକହା ମାଚେସି ।

୨୫ ଅଡ଼େ ଜହନ ତାନି କାମା ରାପୁହିମାଚି ବେଲାତା ଲକୁଣି ଏଲେଇଚେସି, “ନାଜେ ମୀରୁ ଆଦାଆସି ଇଞ୍ଜୁଁ ଅଣପିମାଞ୍ଜାଦେରି ନାନୁ ଏଞ୍ଜାତେଏଁ ଆଏ, ସାମା ମେହୁଦୁ ନା ତାୟୁ ରଅସି ଖାହିମାନେସି, ଏଞ୍ଜାଣି କତାତି ସେପୁୟାଁ ହୁକହାଲି ନାନୁ ଜଗେ ଆଅଁ ।”

୨୬ ଏ ତାୟି ତାଜିସା, ଅବ୍ରାହାମ କୃତାତି ମାରୁକା ମାସକାତେରି, ଅଡ଼େ ମୀ ତାଣାଚି ମାହାପୁରୁଇଁ ଆଜିମାନି ଜୀହୁଦିଆଆତି ଲକୁଡେରି; ମା ତାଣା ଇ ଗେଲୁପିଆନି ବଲୁ ପାଣ୍ଡିଞ୍ଚି ଆହାମାଞ୍ଜାନେ ।

୨୭ ସାମା ଏଞ୍ଜାସି ଗେଲୁପିନାସି, ଜିରୁସାଲମତା ମାନାରି ଅଡ଼େ ତାନି ବାରେ କାଜାରି ଏଦାଆଁ ପୁଞ୍ଜାହିଲାଆତେରି, ଅଡ଼େ ବାରେ ଜମିନି ଦିନା ପଡ଼ୁଞ୍ଚି ଆହିମାନି ମାହାପୁରୁ ଅଣପୁତି ବଲୁ ଖେହ୍ନାରି କାତା ପୁଞ୍ଜିହିଲାଆତେରି, ଆଡ଼ିଜିକଏ ଜୀୟୁଇଁ ଦହୁ କିହାନା ମାହାପୁରୁ ବଲୁ ଖେହ୍ନାରି କାତା ପୁରା କିତେରି ।

୨୮ ଅଡ଼େ ଏଞ୍ଜାଣାକି ହାନି ତଣ୍ଡିତି ଏନି ଦହୁ ପୁଞ୍ଜିଆତି ଜିକଏ ଏଞ୍ଜାଣାଇଁ ପାୟାଲି ପିଲାତଇଁ ବାତିମାଲିତେରି ।

୨୯ ଏଞ୍ଜାଣି ତାକି ଦାମ୍ବୁଁ ସାପ୍ରେରିତା ବାରେ କାତା ରାସ୍ତି ଆହାମାନେ, ଏଲେଆହୁଁ ବାରେ ଗଟିଞ୍ଚି ଆଡ଼ି ଜେଟ ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାଚି ରେପୁହା ତାଗାନା, ମାଡ଼ହା ଇଚିନି ଗାୟୁତା ଇଚିତେରି ।

୩୦ ସାମା ମାହାପୁରୁ ଏଞ୍ଜାଣାଇଁ ହାଡ଼ାରି ତାଣାଚି ନିକହେସି,

୩୧ ଅଡ଼େ ଆମିନି ଗାଗାରି ଗାଲିଲିତି ଜିରୁସାଲମତା ତାନିତଲେ ଖାହାମାଚେରି, ଏଞ୍ଜାରି ହାରେକା ଦିନା ପାତେକା ଏଞ୍ଜାଣାଇଁ ମେସ୍ତେରି; ଏଞ୍ଜାରି ଇସ୍ରାୟେଲ ଲକୁଡାଣା ନୀଏଁ ଏଞ୍ଜାରି ସାକି ।

୩୨ ଅଡ଼େ ଆକୁ ଆବାୟାଁ ନକିତା ମାହାପୁରୁ ଆଞ୍ଜାମାନାଣି ମାମୁ ମିଜେ ଇ ନେହୁଁ କାବୁ ଖେସିମାଞ୍ଜାନମି;

୩୩ ଜୀୟୁଇଁ ମାହାପୁରୁ ନିକହାନା ଏଞ୍ଜାରି ମାରୁକାତାସି ମାରୁ, ମାଜେତାକି ଏ ଆଞ୍ଜାମାନାଣି ପୁରା କିହାମାନେସି, ଏନିକିଁ ରୀ ଲମ୍ବର ପାଚୁ ପତିତା ରାସ୍ତି ଆହାମାନ,

☆ ୧୩:୨୪ ମାର୍କ ୧:୪; ଲୁକ ୩:୩ † ୧୩:୨୪ ମୁଞ୍ଜିନାୟି ✨ ୧୩:୨୫ ଜହ ୧:୨୦; ମାତି ୩:୧୧; ମାର୍କ ୧:୭; ଲୁକ ୩:୧୭; ଜହ ୧:୨୭
☆ ୧୩:୨୮ ମାତି ୨୭:୨୨, ୨୩; ମାର୍କ ୧୫:୧୩, ୧୪; ଲୁକ ୨୩:୨୧-୨୩; ଜହ ୧୯:୧୫ ✨ ୧୩:୨୯ ମାତି ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬; ଜହ ୧୯:୩୮-୪୨

“ନାନୁ ନା ମୀରୁଏଣାତି;

ନୀଞ୍ଜୁଟିଏ ନାନୁ ନୀ ଆବାତେଏଁ ।”

୩୪ ଏଝାସି ହାଡ଼ାରି ତାଣାଟି ଝେଣ୍ଡେ ନିକହାମାନେସି, ଏଝାସି ସୀରୁନି ତାଣା ହାଲଅସି ଇଞ୍ଜିଁ ମାହାପୁରୁ ଝେସାମାନେସି;

“ନାନୁ ଦାଝୁଦ ନକିତା ଆଞ୍ଜାମାନି ସୁଦୁ,

ଇଞ୍ଜାଁ ତାରି ଆନି ବର ମିଙ୍ଗେ ସାତେଏ ହିୟାଇଁ ।”

୩୫ ଇଞ୍ଜାଁ ଏଝାସି ଅଡ଼େ ର ପତିତା ଏଲେଇଞ୍ଜା ମାନେସି,

“ନାନୁ ନୀ ତାରି ଗାଟାଣାଇଁ ସୀରୁହାଲି ହାଅତି ।”

୩୬ ଦାଝୁଦ ତାନୁ ରାଜି କିହିମାତି ବେଲାତା ଲକୁ ବିତ୍ତା ମାହାପୁରୁ ଅଣ୍ଡପୁ ତଲେ ସେବା କାମା କିତି ତାରୁ ହାତେସି, ଇଞ୍ଜାଁ ତାରି ଆକୁ ଆବାୟାଁ ଚଟତା ମୁସପି ଆହାନା ସୀରୁହେସି ।

୩୭ ସାମା ମାହାପୁରୁ ଆମ୍ବାଆରାଇଁ ହାକିଟି ନିକହାମାନେସି ଏଝାସି ସୀରୁହା ହିଲଅସି ।

୩୮ ଇଦାଆଁତାକି ଏ ତାୟିୟାଁ ଇଦାଆଁ ପୁଞ୍ଜୁ, ଇ ଜୀସୁ ତାଣାଟି ମୀ ନକିତା ପାପୁତି ମ୍ଲେକ୍ନି କାତା ଝେସପି ଆହାମାନେ;

୩୯ ଅଡ଼େ ମସାତି ଆମିନି ମେରାତି ବାରେ ତାଣାଟି ମୀରୁ ପିସପି ଆହାଁ ଦାମ୍ବୁଗାଟାତେରି ଆହାଲି ଆଡ଼ାଆତେରି, ଇଞ୍ଜାଁ ନାମିମାନି ବାରେ ଲକୁ ଏଝାଣି ତାଣାଟି ଏ ବାରେ ତାଣାଟି ପିସପି ଆହାନା ଦାମ୍ବୁଗାଟାରି ଆନେରି ।

୪୦ ଏଦାଆଁତାକି ଜାଗ୍ରାତା, ମାହାପୁରୁ ଅଣ୍ଡପୁତି ବଲୁ ଝେହନାରି ସାସ୍ତେରିତା ଏନାୟି ଝେସପି ଆହାମାନେ, ଏଦି ଏନିକ୍ ମିଙ୍ଗେତାକି ଆୟେଏ;

୪୧ “ମାହାପୁରୁଇଁ ଅପାଆ ଗାଟାତେରି ମୀରୁ ମେସାନା, କାବା ଆହାଁ, ନାସା ଆଦୁ;

ଇତିହଁ ମୀ ବେଲାତା ମାମ୍ବୁ ରୁ କାମା କିହିମାନମି,

ଅଡ଼େ ଏ କାମାତି ଆମ୍ବାଆସି ମୀ ନକିତା ଝେସ୍ତାନେସି,

ଏଦାଆଁ ମୀରୁ ଏନିଜିକେଏ ନାମଅତେରି ।”

୪୨ ପାଝୁଲ ଅଡ଼େ ବର୍ନବା ଜୀହୁଦି ଲକୁତି କୁଟମି ଇଲୁଟିଁ ହଟାହାନି ବେଲାତା ଝାନ୍ତି ଜମିନି ଦିନାତା ମାଙ୍ଗେ ଇ ବାରେ କାତା ଅଡ଼େ ଝେସ୍ତାଦୁ ଇଞ୍ଜିଁ ଲକୁ ଏଝାରାଇଁ ବାତିମାଲିତେରି ।

୪୩ ବେରଣି ରାତି ତାୟୁ ଏଚେକା ଜୀହୁଦି ଅଡ଼େ, ଜୀହୁଦି ଦାମ୍ବୁ ନାମିତି ଏଚକା କୁଡ଼ାତି ଲକୁ ବିତ୍ତାଟି ହାରେକା ପାଝୁଲ ଅଡ଼େ ବର୍ନବା ଜେଡ ହାଚେରି; ପାଣ୍ଡୁଝି ଆଡ଼ାରି ଏଝାରିତଲେ କାତାବାଟା ଆହଁ ମାହାପୁରୁ କାମାତା ତାୟୁ ଆହଁ ମାଞ୍ଜାଲି ଏଝାରାଇଁ ଝେସ୍ତେରି ।

୪୪ ଇଞ୍ଜାଁ ଅର ଜମିନି ଦିନାତା ଗାଡ଼ାତି ବାରେ ଲକୁ ମାହାପୁରୁ ବଲୁ ଝେଞ୍ଜାଲି ରୁଣ୍ଡା ଆଡ଼େରି ।

୪୫ ସାମା ଜୀହୁଦିୟାଁ ଲକୁ ମାବାତି ମେସାନା ତାହାରା ଆଡ଼େରି, ଇଞ୍ଜାଁ ପାଝୁଲ କାତା କପାଟି ନିଦାକିହଁ ବାଦିବାଦା ଆଡ଼େରି ।

୪୬ ଏଚେଟିଏ ପାଝୁଲ ଅଡ଼େ ବର୍ନବା ସାସା ଆସାନା ଝେସ୍ତେରି, “ତଲିଏ ମୀ ତାଣା ମାହାପୁରୁତି ବଲୁ ଝେସ୍ତାନାୟି ମାଚେ, ମୀରୁ ଏଦାଆଁ ଅପାଆନା ମୀରୁ ମୀରୁଏ କାଲେଏତି ଜୀଝୁ ବେଟାଆହାଲି ପାଡ଼ା ଆଅମି ଇଞ୍ଜିଁ ଅଣ୍ଡପି ମାନାକି ମେହଦୁ ମାମ୍ବୁ ମିଙ୍ଗେ ପିସାନା ଜୀହୁଦିଆଆତି ଲକୁତାଣା ହାଜିମାନମି ।

୪୭ ଇତିହଁ ପ୍ରବୁ ମାଙ୍ଗେ ଇ ହୁକୁମି ହାହାମାଞ୍ଜାନେସି;

‘ନାନୁ ମିଙ୍ଗେ ଜୀହୁଦିଆଆତି ଲକୁତାକି ଉଜେଡି ଲେହେଁ କିହାମାଞ୍ଜାଇଁ,

ଆତିହଁ ବାରେ ଦାରତି ଗେଲପିଆନେ ।”

୪୮ ଜୀହୁଦିଆଆତାରି ଇ ହାଡ଼ା ଝେଞ୍ଜାନା ରାହାଁ ଆଡ଼େରି; ଅଡ଼େ ମାହାପୁରୁତି ବଲୁତି ଗାଝୁରମି କିହାଲି ମାଟୁହେରି, ଅଡ଼େ ଏଚେକା ଲକୁ କାଲକାଲାତି ଜୀଝୁତାକି ଆଚ୍ଝି ଆହାମାଚେରି, ଏଝାରି ନାମିତେରି ।

୪୯ ଇଞ୍ଜାଁ ପ୍ରବୁତି ବଲୁ ଏ ରାଜିତା ବାରେଝାକି ଏଜାହାଚେ ।

୫୦ ସାମା ଜୀହୁଦି ଲକୁ ଗାଡ଼ାତି ଆବାୟାଁଣି ଅଡ଼େ ମାହାପୁରୁଇଁ ମାନି କିହିମାନି ପାଙ୍ଗାଝେଙ୍ଗେତି ଆୟାସିକାଣି ରୁଣ୍ଡି କିହାନା ପାଝୁଲ ଅଡ଼େ ବର୍ନବାଇଁ ସାସି ହାହାନା ତାମି ରାଜିତି ପେଡ଼ହାଟୁସ୍ତେରି ।

୫୧ ଏଚେଟିଏ ପାଣ୍ଡୁଝିଆଡ଼ାରି ଜାହାରା କତାୟାଁତି ଦୁଡ଼ି ଏଝାରି କପାଟି ହାଣିହାଁନା ଇକନିୟତା ହାଚେରି

୫୨ ଅତ୍ତେ ଆକ୍ରିୟକିୟାତି ସୀୟୁୟାଁ ସୁଦୁଜୀଞ୍ଜୁ ବେଗାଆହାନା ରାହାଁତଲେ ଡ଼ୟିତେରି ।

୧୪

ଇକନିୟତା ସେବା କାମା

୯ ଇକନିୟତା ଜିକେଏ ଏଲେଆହୁଁ ଏ ଆଡ଼େ; ପାଞ୍ଜୁଲ ଅତ୍ତେ ବର୍ନବା ଜୀହୁଦି ଲକୁଡି ଜୀହୁଦି ଲକୁଡି କୁଚି ଇଲୁଡା* ହାଜାନା ଇଲେକ୍ ସେସ୍ତେରି, ଇଞ୍ଜା ଜୀହୁଦି ଅତ୍ତେ ଜୀହୁଦିଆଆତି ଲକୁ ବିତ୍ରାତି ହାରେକା ନାନିତେରି ।

୧୦ ସାମା ଆମିନି ଜୀହୁଦିଜୀ ନାମାଆତେରି, ଜୀହୁଦିଆଆତି ଲକୁଡି ମନତି କିଲିବିଲି କିହାନା, ଏଞ୍ଜାରାଇଁ ନାନିତି ତାୟିୟାଁ କପାଟି ଲାଗେଏତି ଅଣ୍ଡପୁ ଅଣ୍ଡପି କିତେରି ।

୧୧ ପାଞ୍ଜୁଲ ଅତ୍ତେ ବର୍ନବା ହାରେକା ଦିନା ପାତେକା ଏ ଚାୟୁତା ଡ଼ୟାନା ପ୍ରବୁ ତାଣା ବାସୁଁ ଇଗାନା ସାସାତଲେ ପ୍ରବୁତି କାତା ଖେସ୍ତେରି; ଇଞ୍ଜା ଏଞ୍ଜାରି ତାଣାଟି ହାରେକା ସିନାୟାଁ ଅତ୍ତେ କାବାଆନି କାମାୟାଁ କିହାନା ତାନି କାର୍ମାତି ବଲୁ ଯାତା ଇଞ୍ଜୁଁ ସାକି ହାତେରି ।

୧୨ ସାମା ଗାଡ଼ାତି ଲକୁ ରୀ ବାଗା ଆଡ଼େରି ର ବାଗା ଜୀହୁଦି ଲକୁ ଖାକି ଅତ୍ତେ ର ବାଗା ପାଣ୍ଡୁଞ୍ଜି ଆହାମାନାରି ଖାକି ଆଡ଼େରି ।

୧୩ ଏତିବେଲା ଜୀହୁଦିଆଆତି ଲକୁ ଅତ୍ତେ ଜୀହୁଦି ଲକୁ ତାମି କାଜାରି ତଲେ ଆଣ୍ଡାନା, ପାଣ୍ଡୁଞ୍ଜି ଆହାମାନାରାଇଁ ଲାଗେଏ କିୟାଲି ଅତ୍ତେ ଖାଲୁକାତଲେ ଇଡ଼ହାଲି ଅଣ୍ଡପିତେରି,

୧୪ ଏତିବେଲା ପାଞ୍ଜୁଲ ଅତ୍ତେ ବର୍ନବା ଏଦାଆଁ ପୁଞ୍ଜାନା ଲୁକାୟନିୟା ଦେସାତି ଲୁଗୁଆ ଅତ୍ତେ ଦବ ଗାଡ଼ା ଅତ୍ତେ ସାରିଖାକିତି ନାସ୍କାଣାଁ ହଚେରି,

୧୫ ଅତ୍ତେ ଏଞ୍ଜାରି ଏମାଆଁ ନେହୁଁ କାବୁ ଖେକହାଲି ମାଟ୍ତହେରି ।

ଲୁଗୁଆ ଅତ୍ତେ ଦବ ଗାଡ଼ା ସେବା କାମା

୧୬ ଲୁଗୁଆତା ର ଲକୁ ମାଚେସି, ଏଞ୍ଜାସି ସଗା ମାଚେସି, ଏଞ୍ଜାସି ଜାର୍ନାଟିଏ ସଗା, ଏଞ୍ଜାସି ଏଚେଲାଖା ତାକା ହିଲାଆଡେସି ।

୧୭ ଏଞ୍ଜାସି ପାଞ୍ଜୁଲ ଖେହୁନି କାତା ଖେଞ୍ଜିମାଚେସି, ଏଞ୍ଜାସି ହିୟାଁତା ନାମା ମାନେସି ଇଞ୍ଜା ଏଞ୍ଜାସି ନେହୁଁ ଆହାଲି ଆଡ଼ିମାନେସି ଇଞ୍ଜୁଁ ପୁଞ୍ଜାନା ଆଚେ ସିନିକିତେସି,

୧୮ ଏଞ୍ଜାଣାଇଁ କାଜା ଗିୟାଁତଲେ ଏଲେଇଚେସି, “ନୀ କତାତି ବାଡ଼ୁୟୁ ହାହାନା ସଲକେ ନିମୁଁ” ଏଚେଟିଏ ଏଞ୍ଜାସି ଡେଞ୍ଜିହୁଁ ତାକାଲି ମାଟ୍ତହେସି ।

୧୯ ପାଞ୍ଜୁଲ ଏନାଆଁ କିହାମାନେସି, ଲକୁ ବାରେ ଏଦାଆଁ ମେସାନା ଲୁକାୟନିୟା କାଜା ହାଡ଼ାତଲେ ଏଲେଇଞ୍ଜାଲି ମାଟ୍ତହେରି, “ମାହାପୁରୁୟାଁ ମା ତାଣା ଚେଟା ଖାହାମାନୁ ।”

୨୦ ଏଞ୍ଜାରି ବର୍ନବାଇଁ ବୁହସପତି ଇଞ୍ଜୁଁ ଇଚେରି, ଅତ୍ତେ ପାଞ୍ଜୁଲ ଗାତି କାତା ଖେହୁନାସି ମାଚାକି ଏଞ୍ଜାଣାଇଁ ବୁଦ ଇଞ୍ଜୁଁ ଇଚେରି ।

୨୧ ଗାଡ଼ା ତାଚେ ମାନି ବୁହସପତି ଦେଞ୍ଜୁଡ଼ିତି ପୂଜେରାଜା ଏଚେକା ଡ଼କୁ କିଡ଼ିୟାଁ ଇଞ୍ଜା ପୂଜା ପେତାୟାଁ ଗାଡ଼ା ଦୁଖେରିତା ତାଚାହାଁ ଏଞ୍ଜାସି ବାରେ ଲକୁଡିଲେ ଆଣ୍ଡାନା ପାଣ୍ଡୁଞ୍ଜି ଆଡ଼ାରି ନକିତା ପୂଜା ହାହାଲି ଅଣ୍ଡପିମାଚେସି ।

୨୨ “ସାମା ପାଣ୍ଡୁଞ୍ଜିଆହାମାନି ବର୍ନବା ଅତ୍ତେ ପାଞ୍ଜୁଲ, ଇଦାଆଁ ଖେଞ୍ଜାନା ତାମି ହିମ୍ବୁରିକା ଗେସାନା ଲକୁ ମାଦିତି ହଟି ହଟି ହାଜାନା କାଜା ଗିୟାଁତଲେ ଏଲେଇଚେରି,

୨୩ ଏ ମାନିଗାଟି ଲକୁଡେରି, ଏନାଆଁତାକି ଇ ବାରେ କିହିମାଖେରି, ମାମୁଲିକେଏ ମୀ ଲେହେଁତି ମାଣ୍ଡିୟାଁତମି, ମୀ ତାଣା ଇ ନେହୁଁ କାବୁ ଖେସିମାଞ୍ଜାନମି, ଏନିକ୍ ମୀରୁ ଇ ବାରେ ଉଜେଏତି ପେଣ୍ଡକା ବମାୟାଁ ହେକ ଆହାନା ଜୀଞ୍ଜୁଗାଟି ମାହାପୁରୁ ତାଣା ଖେଣ୍ଡା ଖାଦେରି, ଏଞ୍ଜାସି ହାଗୁପାକା ଦାରୁତି, ସାମଦୁରି ଅତ୍ତେ ଏମାଆଁ ମାନି ବାରେତି ରାଡ଼ି କିହାମାନେସି;

୨୪ ମାହାପୁରୁ ତଲିଏ ବାରେ ଲକୁଣି ତାମି ମନତଲେ ଡ଼ୟାଲି ପିସାମାଚେସି ।

୨୫ ସାମା ଏଞ୍ଜାସି ବାରେ ନେହୁଁ କାମାଟି ଏଞ୍ଜାସି କାଲେଏ ତାନି ଗୁଣ୍ଡୁତି ତସାମାନେସି; ଏଞ୍ଜାସି ହାଗୁଚି ପିୟୁ ଅତ୍ତେ ସମାନା ବେଲାତା ଆନାଁ ହିୟାନାସି, କାଦି ଅତ୍ତେ ମୀ ହିୟାଁତା ରାହାଁ ହିୟାନାସି ।”

* ୧୪:୧ ସିନଗ

୧୮ ଈ ବାରେ କାତା ଖେସାନା ପାଣ୍ଡୁଞ୍ଚି ଆହାମାନାରି ଲକୁ ମାନ୍ଦାତି ହାରେକା କସ୍ତତଲେ ତାମଙ୍ଗେ ତାକି ପୁଜା କିହାଲି କାହି କିହାଲି ଆଡ଼ିତେରି ।

୧୯ ସାମା ପିସିଦିୟାତି ଆନ୍ତ୍ରିୟକିୟା ଅଡ଼େ ଇକନିୟତି ଏଚେକା ଜୀହୁଦି ଏମ୍ପାଆଁ ଖାଡ଼େତି, ଏଞ୍ଜାରି ଲକୁ ମାନ୍ଦାତି ତାମି ଖାକି କିହାନା ପାଞ୍ଜୁଲଇଁ ଖାଲକାତଲେ ଇରହାନା ଏଞ୍ଜାସି ହାହାହାଚେସି ଇଞ୍ଜି ଅଣପାନା ଗାଡ଼ାତି ପାଞ୍ଜାତା ରେଜା ଅଡ଼େରି ।

୨୦ ସାମା ନାମିତି ସାସୁୟାଁ ସାରି ଖାକିତି ନିଚାମାଚାକି ଏଞ୍ଜାସି ନିଜାନା ଗାଡ଼ା ବିତ୍ରା ହାଚେସି, ଅର ନେଚୁ ବର୍ନବା ତଲେ ଦବିତା ହାଚେସି ।

ସିରିୟାତି ଆନ୍ତ୍ରିୟକିୟାତା ଖେଣ୍ଡାଖାନାୟି

୨୧ ପାଞ୍ଜୁଲ ଅଡ଼େ ବର୍ନବା ଦବିତା ନେହିଁ କାବୁ ଖେସାହାଁ ହାରେକା ସାସୁୟାଁ କିତି ତାୟୁ ଏଞ୍ଜାରି ଲୁସ୍ତା, ଇକନିୟ ଅଡ଼େ ପିସିଦିୟାତି ଆନ୍ତ୍ରିୟକିୟାତା ଖେଣ୍ଡାହାଚେରି ।

୨୨ ଅଡ଼େ, ଏ ଗାୟୁତି ନାମିତି ସାସୁୟାଁ ମନତି ସୁସ୍ତି କିହାନା ନାମୁତା ଗାତିକିହିଁ ଆବଞ୍ଜା ତଲେ ତୁୟାଲି ବାସୁଁ ହାହାନା ଏଲେଇଚେରି, “ମାହାପୁରୁ ରାଜିତା ହଡ଼ାଲି ତାକି ହାରେକା କସ୍ତ ପାଣ୍ଡନାୟି ମାନେ ।”

୨୩ ଅଡ଼େ, ବାରେ କୁଲମିତା ଏଞ୍ଜାରି ପ୍ରାଚିନାଜାଣି ଆଚାନା ଉପାସା ତଲେ ପ୍ରାଚାନା କିତେରି, ଅଡ଼େ ଆମିନି ପ୍ରବୁ ତାଣା ନାମା ମାଚେରି, ଏଞ୍ଜାଣି କେୟୁତା ଏଞ୍ଜାରାଇଁ ହେରପିତେରି ।

୨୪ ତାୟୁ ଏଞ୍ଜାରି ପିସିଦିୟା ନାସ୍ତକାଟି ପଂପୁଲିୟାତା ଖାଡ଼େତି,

୨୫ ଅଡ଼େ ପଗିତା ନେହିଁ କାବୁ ଖେସାନା ଆତାଲିୟାତା ହାଚେରି ।

୨୬ ଏମ୍ପାଟି ଏଞ୍ଜାରି ଜାଜାତା ହଡ଼ାନା ଆନ୍ତ୍ରିୟକିୟାତା ହାଚେରି; ଏଞ୍ଜାରି ଆମିନି କାମା କିହାମାଚେରି, ଏଦାଆଁ କିହାଲି ମାହାପୁରୁତି କାର୍ମାତା ହେରପି ଆହାନା ଏମ୍ପାଟି ହାଚେରି ।

୨୭ ଏଚିବେଲା ଏଞ୍ଜାରି ଆନ୍ତ୍ରିୟକିୟାତା ଏଗାହାଜାନା କୁଲମିତି ଲକୁଣି କୃଡ଼ି କିତେରି; ଅଡ଼େ ମାହାପୁରୁ ଏଞ୍ଜାରିତଲେ ମାଞ୍ଜାନା କିହାମାଟି କାମାତାକି, ଅଡ଼େ ଜୀହୁଦିଆଆତି ଲକୁ ନାମାଲି ଦୁଖେରି ଦେବାମାଚାଣି ବାରେ ଏଞ୍ଜାରାଇଁ ଖେସୁେରି ।

୨୮ ଅଡ଼େ ଏଞ୍ଜାରି ନାମିତି ସାସୁୟାଁ ତଲେ ହାରେକା ଦିନା ତୁୟିତେରି ।

୧୫

ଜିରୁସାଲମତା ନାମିତାରି ବେରଣି କିନାୟି

୧ ଏମ୍ପାଟିଏ ଏଚରଜାଣା ଲକୁ ଜୀହୁଦା ରାଜିତି ଆନ୍ତ୍ରିୟକିୟାତା ଖାହାନା ନାମିତି ତାୟିୟାଁଣି ଈ କାତା ଖେସିହିଁ ଜାମୁହେରି, “ମସାତି ମେରା ଲେହେଁ ମୀ ତଲୁ ଦାପି ଆଆତିହିଁ ମୀରୁ ଗେଲପିଆୟାଲି ଆଡ଼ଅଡ଼େରି ।”

୨ ଏମ୍ପାଟିଏ ପାଞ୍ଜୁଲ ବର୍ନବା ତଲେ ହାରେକା ଆସପି ଆହାନା ବାଦିବାଦା ଆୟାଲିଏ ପାଞ୍ଜୁଲ, ବର୍ନବା ଅଡ଼େ ଆନ୍ତ୍ରିୟକିୟାତି ଏଚରଜାଣା ତାୟିୟାଁ ଈ କାତା ଆସାନା ଜିରୁସାଲମତା ମାନି ପାଣ୍ଡୁଞ୍ଚି ଆଡ଼ାରି ଇଞ୍ଜା କୁଲମିତି ପ୍ରାଚିନାଜା ତାଣା ହାଲବେରି ଇଞ୍ଜି ତାୟିୟାଁ ତାରି କିତେରି ।

୩ ଏଚେଟିଏ କୁଲମି ଏଞ୍ଜାରାଇଁ ପାଣ୍ଡୁଲି ଜିରୁ ତସ୍ତି ଜେଚ, ଏଞ୍ଜାରି ପୟିନିକିୟା ଅଡ଼େ ସମିରଣ ଖାକି ହାଜି ହାଜିହିଁ ଜୀହୁଦିଆଆତି ଲକୁ ହିୟାଁ ଖେଟହାମାଟି କାତା ଖେସିହିଁ ବାରେ ତାୟିୟାଁ ଈ ହାରେକା ରାହାଁ କିତେରି ।

୪ ତାୟୁ ଏଞ୍ଜାରି ଜିରୁସାଲମତା ଏଗାହାଜାଲିଏ, କୁଲମି ଇଞ୍ଜା, ପାଣ୍ଡୁଞ୍ଚି ଆଡ଼ାରି ଅଡ଼େ ପ୍ରାଚିନାଜା ଏଞ୍ଜାରାଇଁ ଆବିତେରି, ଅଡ଼େ ମାହାପୁରୁ ଏଞ୍ଜାରିତଲେ ମାଞ୍ଜାନା ଆମିନି କାମା କିହାମାଚେସି, ଏ ବାରେ କାତା ଏଞ୍ଜାରାଇଁ ଖେସୁେରି ।

୫ ସାମା ପାରୁସିୟାଁ ଗଚିଟି ଏଚେକା ନାମୁଗାଟାରି ନିଚାନା ଏଲେଇଚେରି, “ନାମାମାନି ଜୀହୁଦିଆଆଡ଼ାରି ତଲୁ ଦାପି କିନାୟିମାନେ, ଅଡ଼େ ମସାତି ମେରା ମାନ୍ଦୁଞ୍ଚି ଆୟାଲି ଏଞ୍ଜାରାଇଁ ହୁକୁମି ହାନାୟି ମାନେ ।”

୬ ତାୟୁ ଈ କାତା, କାତା ଆହାଲିତାକି ପାଣ୍ଡୁଞ୍ଚି ଆଡ଼ାରି ଅଡ଼େ ପ୍ରାଚିନାଜା ରୁଣ୍ଡା ଆଡ଼େରି ।

୭ ହାଚେରକା ଜଲୁକି ଆଡ଼ି ତାୟୁ ପିତର ନିଜାନା ଏଞ୍ଜାରାଇଁ ଏଲେଇଚେସି, “ତାୟିୟାଁ ଅଡ଼େ ତାଜିସ୍ତା ମୀରୁ ପୁଞ୍ଜାମାଞ୍ଜେରି, ନା ଗୁଚିଟି ଜୀହୁଦିଆଆଡ଼ାରି ନେହିଁ କାବୁ ଖେଞ୍ଜାନା ନାମାପେରିଖା ଇଞ୍ଜି ହାରେକା ଦିନା ନଚକଏ ମାହାପୁରୁ ନାଙ୍ଗେ ଆଡ଼ାମାଞ୍ଜାଚେସି ।

* ୧୫:୭ କାମା ୧୦:୧-୪୩

୮* ବାରେ ଲକ୍ଷ୍ମୀ ହିଁ ପୁନି ମାହାପୁରୁ ମାଛେ ଏନିକି ସୁଦୁଜୀଞ୍ଜ ହାହାମାଞ୍ଜନେସି, ଜୀହୁଦିଆଆତି ଲକ୍ଷ୍ମୀ ଜିକେଏ ଏଲେକିହ ହାହାନା ଏଞ୍ଜାରି ତାକି ସାକି ହାହାମାନେସି ।

୯ ଅଡେ ଏଞ୍ଜାସି, ମା ରିତ୍ରା ଅଡେ ଏଞ୍ଜାରି ବିତ୍ରା ଏନି ପାରଡ଼ା ବାଟି କିହାମାଞ୍ଜଅସି; ଇଞ୍ଜା ନାମୁତଲେ ଏଞ୍ଜାସି ଏଞ୍ଜାରି ହିଁ ସୁଦୁ କିହାମାନେସି ।

୧୦ ଇଦାଆତାକି ଆନିନି ଜୁଞ୍ଜେଡି ମା ଆକୁ ଆବାୟା ଅଡେ ମାରୁ ଡେକାଲି ଆଡାଆତାୟି, ଏ ଜୁଞ୍ଜେଡି ସୀସୁୟା ବନିତା ଏକହାନା ମାରୁ ଏନାଆତାକି ମାହାପୁରୁଇଁ ତାୟିପାରି କିହାମାଞ୍ଜେରି ?

୧୧ ଇଦି ନେହେଁ ଆସ, ସାମା ଏଞ୍ଜାରି ଏନିକିହ ନାମାହାଁ ଗେଲ୍ପି ଆହାମାନେରି ମାରୁ ଜିକେଏ ଏଲେକିହ ଏ ନାମାହାଁ ପ୍ରୁ ଜୀସୁତି କାର୍ମାମେହନାଣି ତଲେ ଗେଲ୍ପି ଆହାମାନାୟି ।”

୧୨ ଏଚେଟିଏ ଏମ୍ବାଆଁ ରୁଣ୍ଡା ଆହାମାଚାରି ବାରେ ଲକ୍ଷ୍ମୀ ପାଲେଏ ଆଡେଟରି, ଇଞ୍ଜା ପାଞ୍ଜୁଲ ଅଡେ ବର୍ନବା ତାଣାଟି ଜୀହୁଦିଆଆତି ଲକ୍ଷ୍ମୀତାଣା ମାହାପୁରୁ ତାଣାଟି ଆହିମାନି ସିନାୟାଁ ଅଡେ କାବାଆନି କାମାୟାଁ କିହାଁ ମାଚେସି ଏଞ୍ଜାଆଁ ଏଞ୍ଜାରି ତାଣାଟି ଶ୍ରେଞ୍ଜାଲି ମାଟୁହେରି ।

୧୩ ଏଞ୍ଜାରି କାତା ରାଡି ତାୟୁ ଜାକୁବ ନିଜାନା ଏଲେକଚେସି; “ତାୟିୟାଁ ଅଡେ ତାଜିସ୍ତା, ନା କାତା ଶ୍ରେଞ୍ଜୁ,

୧୪ ମାହାପୁରୁ ତଲିଏ ତାନି ଦରୁ ତାକି ଜୀହୁଦିଆଆତି ଲକ୍ଷ୍ମୀ ବିତ୍ରାଟି ତାନି ଲକ୍ଷ୍ମୀ କିୟାଲି ଏଞ୍ଜାରାଲି କାର୍ମାମେସାନା ଆଡାମାନେସି ଇଞ୍ଜୁଁ ସିମନ ଶ୍ରେସାମାଞ୍ଜାନେସି ।

୧୫ ଅଡେ, ମାହାପୁରୁ ଅଣ୍ଡପୁତି ବଲୁ ଶ୍ରେହନାରି କାତାତଲେ ଆଣ୍ଡିମାନେ, ଏନିକି ଦାମ୍ବୁ ସାସ୍ତେରିତା ରାସ୍ତକି ଆହାମାନେ ।”

୧୬ ପ୍ରୁ ଏଲେକଞ୍ଜା ମାନେସି,

“ତାୟୁ ନାନୁ ଶ୍ରେଣ୍ଡା ଖାହାନା, ଦାଞ୍ଜୁଦ ବାସାତାୟୁ ଶ୍ରେଣ୍ଡେ ଗେଲ୍ପିଇଁ,

ଇଞ୍ଜା ଏମ୍ବାତି ବିଡ଼ହାମାନି କାତିୟାଁ ବାରେ ଶ୍ରେଣ୍ଡେ କେପାନା ଆଡ଼ଞ୍ଜା କିଇଁ,

୧୭ ଏନିକି ତୟାମାଟି କୃତାତି ଲକ୍ଷ୍ମୀ ଅଡେ ଏଚେକା ଜୀହୁଦିଆଆତାରି ନା ଦରୁଟି ଶ୍ରେଞ୍ଜାମାନେରି,

ଏଞ୍ଜାରି ବାରେ ପ୍ରୁଇଁ ପାରିନେରି, ବାରେ ଗାଡ଼ିକିତି ପ୍ରୁ ଏଲେ ଇଞ୍ଜାମାନେସି ।

୧୮ ପ୍ରୁ ଇ କାତା ଏଲେକଞ୍ଜା ମାନେସି, ଆମ୍ବାଆସି ତଲି କାଲ୍ଲାଟିଏ ଇ କାତା ତସାମାନେସି ।”

୧୯ ଜାକୁବ ଅଡେ ଜିକେଏ ଏଲେକଚେସି, “ନା ଅଣ୍ଡପୁ ଇଦି, ଜୀହୁଦିଆଆତି ଲକ୍ଷ୍ମୀ ବିତ୍ରାଟି ଆମ୍ବାଆରି ମାହାପୁରୁ ଖାକି ଶ୍ରେଣ୍ଡା ଖାଚେରି, ଏଞ୍ଜାରାକି ମାରୁ ବଜୁ ହାଆପ;

୨୦ ସାମା ଏଞ୍ଜାରାକି ଇଲେକି ଆକୁ ରାଡାନା ଶ୍ରେହନ, ପେଣକା ବମାୟାଁ ତାକି ପୂଜା କିହାମାନି ଲାଗେଏତାଣି ତିନାଆଦୁ; ଦାରିକାମାଟି ଏଟକା ଆଦୁ; ହେରୁକି ଦାଆନା ପାୟିତି ଜନ୍ତୁତି ଉଞ୍ଜା ଅଡେ ନେଚେରି ତିନାଆଦୁ ।

୨୧ ଏନାଆତାକି ଇଚିହଁ ତଲି କାଲ୍ଲାଟିଏ ବାରେ ଗାଡ଼ାଣା ମସା ମେରାତି କାତା ଶ୍ରେକନାରି ମାନେରି, ଇଞ୍ଜା ବାରେ ଜନିନି ଦିନାତା ଜୀହୁଦି ଲକ୍ଷ୍ମୀ କୁଟି ଇଲ୍ଲକାଣା* ଏଞ୍ଜାଣି ମେରାତି କାତା ପଡ଼ଞ୍ଜି ଆହିମାନେ ।”

ଜୀହୁଦିଆଆତି ନାମିତି ଲକ୍ଷ୍ମୀତାକି ଆକୁ

୨୨ ଏଚିଚେଲ୍ଲା ପାଣ୍ଡଞ୍ଜି ଆହାମାନାରି ଅଡେ ପ୍ରାତିନାଜା ବାରେ କୁଲ୍ଲିନି ତଲେ ତାନି ବିତ୍ରାଟି ଲକ୍ଷ୍ମୀଇଁ, ଇଚିହଁ ତାୟିୟାଁ ବିତ୍ରାଟି ମାନିଗାଟି ବର୍ସବା, ଦରୁଗାଟି ଜୀହୁଦା ଇଞ୍ଜା ସିଲାଇଁ ଆଡାନା ପାଞ୍ଜୁଲ ଅଡେ ବର୍ନବା ତଲେ, ଆନ୍ତ୍ରିୟକିୟାତା ପାଣ୍ଡାଲି ତାରି କିଚେରି ।

୨୩ ନାମିତାରି ତାଣାଟି ରାସ୍ତକି ଆହାମାନି ଆକୁ ଏ ରିଆରି କେୟୁତା ପାଣ୍ଡିଚେରି

“ମାମ୍ବୁ ପାଣ୍ଡଞ୍ଜି ଆଡାତନି ଅଡେ ପ୍ରାତିନାଜା, ମୀ ତାୟିୟାଁତନି ମା ବାରେ ଜୀହୁଦିଆଆତି ତାୟିୟାଁ ଆନିନି ଗାଟାରି ଆନ୍ତ୍ରିୟକିୟା, ସିରିୟା ଅଡେ କିଲିକିୟାତା ମାନେରି ଏଞ୍ଜାରାକି ଜହରା ।

୨୪ ମାମ୍ବୁ ଚୁଞ୍ଜାମାନି, ମାମ୍ବୁ ଆନିନି ଲକ୍ଷ୍ମୀ ଏନି ହୁକୁମି ହାହାହିଲଅନି, ମା ତାଣାଟି ଏଲେତି ଏଚେକା ଲକ୍ଷ୍ମୀ ମୀ ତାଣା ଖାହାନା ତାନି କାତାତଲେ ମୀ ମନତି ଏଟକା କିହାନା କିଲିବିଲି କିହାମାଞ୍ଜାନେରି;

୨୫ ଅଡେ ମାମ୍ବୁ ଚାରେକାଣା ରୁଣ୍ଡା ଆହାନା ରଣ୍ଡିଏ ହିଁ ତଲେ ଏଚରକାଣାଟି ଆଡାନା ମୀ ତାଣା ପାଣ୍ଡାଲି ତାରି କିହାମାନି, ଏଞ୍ଜାରି ମା ଜୀଞ୍ଜୁତି ତଣେ ବର୍ନବା ଅଡେ ପାଞ୍ଜୁଲ ତଲେ ହାନେରି ।

୨୬ ଏଞ୍ଜାରି ଇଲେତି ମାଣ୍ଡିୟାଁ ମା ପ୍ରୁ ଜୀସୁ ଜୀସୁ ଦରୁ ତାକି ଜୀଞ୍ଜୁ ତୁସାନା କାମା କିହାମାନେରି ।

* ୧୫:୮ କାମା ୧୦:୪୪; ୨:୪ * ୧୫:୨୧ ସିନଗଲ୍

୨୭ ଏଦାଆଁତାକି ମାମ୍ବୁ ଜୀହୁଦା ଅଡ଼େ ସିଲାକ୍ ମୀ ତାଣା ପାଣ୍ଡିମାଞ୍ଜାନମି । ମାମ୍ବୁ ଏନାଆଁ ରାଡ଼ାମାନମି, ଏଞ୍ଜାରି ମିଙ୍ଗେ ଖେସ୍ତାନେରି ।

୨୮ ଏଚରଗଟା ଲଡ଼ାମାନି ମେରା ପିସପେ ମୀ ଲାକ ଅଡ଼େ ଏନି ବଜୁ ହେରପାଲି ମାମ୍ବୁ ସୁଦୁଜୀଞ୍ଜୁଟି ହୁକୁମି ବେଟାଆହାମାନମି ।

୨୯ ଏ ମେରାୟା ଆହିମାନ୍ତୁ, ମେଣକା ବମାୟାକି ହେରପିଆହାମାନି ରାନ୍ଦା ତିନାଆଦୁ, ନେତେରି ତିନାଆଦୁ, ହେରକି ଦାଆନା ପାୟାହି ଆହାମାନି ଜଡ଼ଡି ଉଞ୍ଜା ତିନାଆଦୁ, ଦାରି କିଆଦୁ, ଇ ବାରେ କାମାଟି ହେକ ଆହାଲି ଜାଗ୍ରାତା ମାଟିହଁ ମିଙ୍ଗେ ନେହେଁ ଆନେ । ନେହଁ କଁ ମାଞ୍ଜୁ ।”

୩୦ ଏଚେଟିଏ କାତୁ ଅନାରାଇଁ ପାଣ୍ଡାଲିଏ ଆନ୍ତ୍ରିୟକିୟାତା ହାଚେରି, ଇଞ୍ଜା ବାରେ ନାମିତାରାଇଁ ରୁଣ୍ଡି କିହାନା ଏ ଆକୁ ହାଚେରି ।

୩୧ ଏ ଲକୁ ବାରେ ଏଦାଆଁ ପଡ଼଼ି ଆହାନା ବାସୁଁ ବେଟାଆହାନା ରାହଁ ଆଡ଼େରି ।

୩୨ ଜୀହୁଦା ଅଡ଼େ ସିଲା ତାମ୍ବୁ ଜିକେଏ ମାହାପୁରୁ ଅଣପୁତି ବଜୁ ଖେହନାରି ମାତାକି ହାଡ଼େରକା କାତାଚଲେ ତାୟାୟାକ୍ ବାସୁଁ ହାହାନା ସୁସ୍ତି କିତେରି ।

୩୩ ଅଡ଼େ, ଏଞ୍ଜାରି ଏମ୍ବାଆଁ ଏଚରଦିନା ମାଟି ତାୟା ଏଞ୍ଜାରାଇଁ ପାଣ୍ଡାମାଟି ଲକୁତାଣା ଖେଣ୍ଡାହାଜାଲି ତାୟାୟା ତାଣାଟି ହେଲ ବେଟାଆହାନା ହିଡ଼ଡି ଜୀଞ୍ଜୁତଲେ ଖେଣ୍ଡା ହାଚେରି ।

୩୪ ସାମା ସିଲା ଏମ୍ବାଆଁ ତୁୟାଲି ତାରି କିହାମାଚେସି ।

୩୫ ପାଞ୍ଜୁଲ ଅଡ଼େ ବର୍ନବା ଆନ୍ତ୍ରିୟକିୟାତା ମାଞ୍ଜାନା ଏଚକାତି ଏଚେକା ଲକୁତାଣା ଜିକେଏ ପ୍ରବୁତି ନେହଁ ବଜୁ ଜାପୁହାନା ଖେକହାଲି ମାଟୁହେରି ।

ପାଞ୍ଜୁଲ ଅଡ଼େ ବର୍ନବା ଏଚକା ଆନାୟି

୩୬ ଏଚରଦିନା ହାଜାଲିଏ ପାଞ୍ଜୁଲ ବର୍ନବାକ୍ ଏଲେଇଚେସି, “ଞ୍ଜାମ୍ବୁ, ମାର ପ୍ରବୁତି ବଜୁ ଖେକହାମାନି ବାରେ ଗାଡ଼ାୟାଣା ଖେଣ୍ଡା ହାଜାନା, ତାୟାୟା ନାଏଁ ଏନିଆହଁ ମାନେରି ଇଞ୍ଜା ବେଟିହାନ ।”

୩୭ ଏଚେଟିଏ ଜହନ ଇନି ମାର୍କଇଁ ଜିକେଏ ତାମିତଲେ ଅୟାଲି ବର୍ନବା ଅଣପିମାଚେସି ।

୩୮ ସାମା ଏଞ୍ଜାସି ଏଞ୍ଜାରାଇଁ ପିସାନା ପଂପୁଲିୟାଟି ଖେଣ୍ଡାହାଚାସି ଅଡ଼େ କାମା ରାନ୍ଦି ପାଚେକା ଏଞ୍ଜାରିଚଲେ ମାନାଆତାକି ତାମିତଲେ ଅୟାଲି ପାଞ୍ଜୁଲ କୁଚେସି ।

୩୯ ଏମ୍ବାଟିଏ ଏଞ୍ଜାରି ହାଡ଼େରକା ବାଦିବାଦା ଆୟାଲିଏ ତାମ୍ବୁ ଏଚକା ଆଡ଼େରି, ଇଞ୍ଜା ବର୍ନବା ଜହନ ମାର୍କଇଁ ତାନିତଲେ ଅହଁ ଜାଜାତା ହରାନା କୁପୁତା ହାଚେରି,

୪୦ ସାମା ପାଞ୍ଜୁଲ ସିଲାକ୍ ଆଡ଼ାନା ତାୟାୟା ତାଣାଟି ପ୍ରବୁତି କାର୍ମାତଲେ ହେରପି ଆହାନା ହାଚେରି,

୪୧ ଅଡ଼େ ଏଞ୍ଜାସି ସିରିୟା ଅଡ଼େ କିଲିକିୟାଟି ହାଜାହାଁ ବାରେ କୁଲମିକାଣି ନାମୁତା ଆଡ଼ଞ୍ଜା କିଚେସି ।



ପାଞ୍ଜୁଲ ଅଡ଼େ ସିଲା ତଲେ ତିମତି ହାନାୟି

୧ ତାୟା ପାଞ୍ଜୁଲ ଦବଁ ଅଡ଼େ ଲୁଣ୍ଡାତା ହାଚେସି, ଏମ୍ବାଆଁ ତିମତି ଦରୁଗାଗାସି ର ସାୟା ମାଚେସି, ଏଞ୍ଜାସି ର ନାମିତି ଜୀହୁଦି କ୍ରାସ୍ତାନା ଇୟାନି ମାର୍ବଏସି ମାଚେସି, ସାମା ତାମି ଆବା ର ଗ୍ରିକ୍ ଲକୁ ।

୨ ଲୁଣ୍ଡା ଅଡ଼େ ଇକନିୟତା ମାନି ବାରେ ନାମିତି ତାୟାୟା ଏଞ୍ଜାଣାକ୍ ନେହାଁସି ଇଞ୍ଜା ଏଲେଇଚେରି ।

୩ ପାଞ୍ଜୁଲ ତାନିତଲେ ତିମତିକ୍ ଅହାଲି ଅଣପିଚେସି, ଅଡ଼େ ଏ ନାସ୍ତାଣାଁ ମାନି ଜୀହୁଦି ଲକୁତାକି ଏଞ୍ଜାଣି ତଲୁ ଦାପିକିଚେସି; ଇଚିହଁ ତାମି ଆବା ଗ୍ରିକ୍ ଲକୁ ଇଞ୍ଜା ବାରେ ପୁଞ୍ଜାମାଚେରି ।

୪ ଇଞ୍ଜା ଏଞ୍ଜାରି ଗାଡ଼ାୟାଟି ହାଜି ହାଜିହଁ ଜିରୁସାଲମତି ପାଣ୍ଡୁଣି ଆଡ଼ାରି ଅଡ଼େ ପ୍ରାଚିନାଞ୍ଜା ତାଣାଟି କିଞ୍ଜି ଆହାମାନି ମେରା ମାନୁଣି ଆହାଲି ଏଞ୍ଜାରିତାଣା ହେରପି ମାଚେସି ।

୫ ଏଲେକିହଁ କୁଲମିକା ବାରେ ନାମୁତା ଆଡ଼ଞ୍ଜା ଆହାନା ଦିନାତାକି ଦିନା ପାତା ଆଡୁ ।

ତୁୟାତା ପାଞ୍ଜୁଲ ହାପାନା ହେଣ୍ଡାନାୟି

୬ ଏଞ୍ଜାରି ଆସିୟାତା ମାହାପୁରୁ କାତା ଖେସାଲି ସୁଦୁଜୀଞ୍ଜୁ କାହି କିୟାଲିଏ, ଏଞ୍ଜାରି ପୁର୍ଗିୟା ଅଡ଼େ ଗାଲାତିୟ ରାଜି ମାଦିଟି ରେଜିହଁ ହାଚେରି ।

୭ ଅଡ଼େ, ଏଞ୍ଜାରି ମୁସିଆ ରାଜି ତାଗେ ଏଗାହାଜାନା ବେତନିୟାତା ହାଜାଲିତାକି ଅଣ୍ଠପିତେରି, ସାମା ଜାମୁତି ଜାସୁ ଏଞ୍ଜାରାଇଁ ହାଜାଲି ହେଲ ହାଆତେ ।

୮ ଏଞ୍ଜାରି ମୁସିଆ ମାଦିଟି ହାଜାନା ବ୍ରୟାତା ଖାଟେରି ।

୯ ଅଡ଼େ ଲାଆଁ ବେଲାତା ପାସୁଲ ର ସେୟାଣା ହାପାନା ହେଟେସି, ମାକିଦନିୟାତି ର ଲକୁ ନିଗାନା ଏଞ୍ଜାଣାଇଁ ବାଡିମାଲିହୁଁ ଏଲେଇଟେସି, “ମାଜେ ସାୟେନି କିୟାଲି ମାକିଦନିୟାତା ଗାଣ୍ଡା ଖାମୁ ।”

୧୦ ଏଞ୍ଜାସି ସେୟାଣା ହାପାନାତା ମେସାଲିଏ ମାମୁ ଦେବୁଣିଏ ମାକିଦନିୟାତା ହାଜାଲି ତିୟାତା ଆଡ଼ମି, ଇଟିହୁଁ ଏଞ୍ଜାରିତାଣା ନେହୁଁ କାଟୁ ଖେସାଲି ତାକି ମାହାପୁରୁ ମାଜେ ହାଟାମାଞ୍ଜାନେସି ଇଞ୍ଜୁଁ ମାମୁ ପୁଚମି ।

ଲୁଦିୟା ମନ ଖେଟନାୟି

୧୧ ଏଟେଟିଏ ମାମୁ ବ୍ରୟାତି ଜାଜାତା ହରାନା ତିୟିତି ଜିରୁଟି ହାଜାନା ସାମାତ୍ରାକିତା ଅଡ଼େ ଅର ନେରୁ ନୟାପଲିତା ଏଗାହାଟମି ।

୧୨ ଏମାଟିଏ ପିଲିପିତା ହାଟମି, ଇଦି ମାକିଦନିୟା ଜିଲାତି ର କାଜା ଗାଡ଼ା, ଇଞ୍ଜା ରମ୍ ଦେସାତାରି ତୁୟିନି ଗାମୁ ମାଟେ; ଏ ଗାଡ଼ାତା ମାମୁ ଏଟରଦିନା ମାଟମି ।

୧୩ ଜମିନି ଦିନତା ମାମୁ ଗାଡ଼ାଟି ହରାନା କାତା ତାଗେ ହାଟମି, ଏମାଆଁ ପ୍ରାତାନା କିନି ଗାମୁ ମାନେ ଇଞ୍ଜୁଁ ଅଣ୍ଠପାମାଟମି, ଅଡ଼େ ମାମୁ ଜୁଗାନା ରୁଣ୍ଡା ଆହାମାଟି ଇୟାସିକା ତଲେ କାତା ଆଡ଼ମି ।

୧୪ ଅଡ଼େ, ତୁୟାତିରା ଗାଡ଼ାଟି ହେୟାଁ ଖାଣା ହିମ୍ବୁରିକା ପାରୁନି ଲୁଦିୟା ଦରୁଗାଟି ର ଇୟା ମା କାତା ଖେଞ୍ଜିମାଟେ, ଏଦି ମାହାପୁରୁ ସେବା କିନାୟି, ଏଦି ଏନିକିଁ ପାସୁଲତି କାତାଟି ମନ ହାନେ ଏଦାଆଁତାକି ପ୍ରୁ ଏଦାନି ହିୟା ଦେଟାମାଟେସି ।

୧୫ ଅଡ଼େ ଏଦି ଇଞ୍ଜାଁ ତାମି କୁଟମି ବାପ୍ପିସୁ* ଅଡ଼ି ତାମୁ ମାଜେ ବାଡିମାଲିହୁଁ ଏଲେଇଞ୍ଜାଟେ, “ମୀରୁ ନାଜେ ପ୍ରୁ ତାଣା ନାମୁଗାଟାୟି ଇଞ୍ଜୁଁ ଅଣ୍ଠପମାଟିହୁଁ, ନା ଇଜ ଖାହାନା ବାସା ଆଦୁ,” ଇଞ୍ଜୁଁ ବାଲାମାଟମି କିହାଁ ହାଟା ଅୟାତେ ।

ପିଲିପିତି କାୟିଦି ଇଲୁତା ପାସୁଲ ଅଡ଼େ ସିଲା

୧୬ ର ଦିନା ମାମୁ ପ୍ରାତାନା ଗାମୁତା ହାନିବେଲାତା ର ହଲେଣି ପଦାଇଁ ବେଟାଆଡ଼ମି ଏଦି ପଲୁଆ ପେନୁ ଆଲଗାନା ତାମୁ ଆନି କାତାୟାଁ ଖେସାଲି ଆଡ଼ିମାଟେ । ତାମୁ ଆନି କାତାୟାଁ ଖେସାନା ତାନି ସାସୁକାରିକି ହାରେକା ତାବୁୟାଁ କୁଡ଼ି କିହିମାଟେ ।

୧୭ ଏଦି ପାସୁଲ ଅଡ଼େ ମା ଜେଟ ଜେଟ ଖାହାନା କିରଡ଼ିହୁଁ ଏଲେଇଞ୍ଜାଲି ମାଟୁହେ, “ଇ ଲକୁ ବାରେକିହାଁ କାଜା ମାହାପୁରୁତି ହଲିୟାଜା, ଏଞ୍ଜାରି ମିଜେ ଗେଲପିଆନି ଜିରୁତି ଖେକହି ମାଞ୍ଜାନେରି ।”

୧୮ ଏଦି ହାରେକା ଦିନା ପାଟେକା ଏଲେକିୟାଟେ, ସାମା ପାସୁଲ କପା ଆହାନା ଖେଣ୍ଡେ ସିନିକିହାନା ଏ ବୁଡୁଇଁ ଏଲେଇଟେସି, “ଏଦାନି ତାଣାଟି ହଟା ହାଜାଲି ନାମୁ ନିଜେ ଜାସୁ କ୍ରାସ ଦରୁତଲେ ହୁକୁମି ହାହିମାଞ୍ଜାଇଁ,” ଏ ଦେବୁଣିଏ ଏଦି ହଟାହାଟେ ।

୧୯ ସାମା ଏଦାନି ସାସୁକାରିୟାଁ ତାମି ଲାବ୍ ପାଣ୍ଡିନି ଆସା ହାଟେ, ଇଞ୍ଜୁଁ ପୁଞ୍ଜାନା ପାସୁଲ ଅଡ଼େ ସିଲାଇଁ ଦସାନା ବେରଣିମାଣ୍ଡାତା ସାଲୁଞ୍ଜି କିନାରି ତାଣା ରେଜା ଅଡ଼େରି ।

୨୦ ଅଡ଼େ, ଏଞ୍ଜାରି ରମିୟ ସାଲୁଞ୍ଜି କିନାରି ତାଣା ତାଚାନା ଏଲେଇଟେରି, “ଇଞ୍ଜାରି ଜାହୁଦି ଲକୁ ମା ଗାଡ଼ାତା ଗଡ଼ହା କିହିମାନେରି ।

୨୧ ମାର ରମିୟ ଲକୁତି ଫେରା ପାଣାପାଟୁ ଆବାଲି କି ମାନୁଞ୍ଜି ଆହାଲି ଫେରା ହିଲେଏ, ଏଦାଆଁ ଇଞ୍ଜାରି ଖେସିମାନେରି ।”

୨୨ ଏମାଟିଏ ବାରେ ଲକୁ ପାସୁଲ ଅଡ଼େ ସିଲା କପାଟି ନିଜିତେରି । ଅଡ଼େ ନୀହାଁୟି କିନାରି ପାସୁଲ ଅଡ଼େ ସିଲା ହିମ୍ବୁରିକା ହୁକହାନା ଏଞ୍ଜାରାଇଁ ବାଡ଼ଗା ତଲେ ଖେଟାଲି ହୁକୁମି ହୀଟେରି ।

୨୩ ଏଞ୍ଜାରି ଏଞ୍ଜାରାଇଁ ହାଟେକା ଖେଟି ତାମୁ କାୟିଦି ଇଲୁତା ଇଟିତେରି, ଇଞ୍ଜାଁ ଏଞ୍ଜାରାଇଁ ଜାଗାତା କିହୁଁ କାପୁ କାଟାଲି କାୟିଦି ଇଲୁତି କାଃଆନାଣାଇଁ ହୁକୁମି ହୀଟେରି ।

୨୪ କାୟିଦି କାଃଆନାସି ଇଲେତି ହୁକୁମି ବେଟାଆହାନା ଏଞ୍ଜାରାଇଁ କାୟିଦି ଇଲୁତି ବାରେକିହାଁ ବିତ୍ରାତି ବାକ୍ରାତା ମେଡ଼ହାନା ଏଞ୍ଜାରି କତାଣା ବଲୁଗାଟି ମାରୁନୁ କୁଡୁଲିକା ଦସା ପିସେସି ।

* ୧୬:୧୫ ମୁଞ୍ଜନାୟି

୨୫ ସାମା ମାଦି ଲାଆଁୟାଁ ପାଞ୍ଜୁଲ ଅଡ଼େ ସିଲା ମାହାପୁରୁ ତାଣା ପ୍ରାଚୀନା ଅଡ଼େ ଜହରା ପାଚୁ ପାଚିମାରେରି, ଇଞ୍ଜାଁ ଏଞ୍ଜାରିତଲେ କାୟିଦି ଇଲୁତା ମାଚାରି ବାରେ ଖେଞ୍ଜିମାରେରି ।

୨୬ ଏଚିବେଲତା ଦେବୁଣିଏ ବୁମି ଖାଡ଼ିତେ, ଇଞ୍ଜାଁ କାୟିଦି ଇଲୁତି ପୁନାଦି ଜିକେଏ ଖୀତାଲିଏ ବାରେ ଦୁଝେରିକା ଦେଦି ଆହାହାଚୁ, ଇଞ୍ଜାଁ ବାରେଜାଣାତି ଦସାମାଚି ହିକଣିୟାଁ ଦୁଞ୍ଜାହାଚୁ ।

୨୭ ଏଚେଟିଏ କାୟିଦି ଇଲୁ କାଞ୍ଚିଆନାସି ଇଦାଚି ନିଜ୍ଞାନା, ଦାରାୟାଁ ଦେଦିଆହାମାନାଣି ମେସାନା, କାୟିଦିତାରି ହଣ୍ଡି ଆଡ଼େରି ଇଞ୍ଜାଁ ଅଣ୍ଡପାନା, କାଣ୍ଡା ହପୁହାନା ଗୁକହା କଡ଼ିମାଚେସି ।

୨୮ ସାମା ପାଞ୍ଜୁଲ କାଜା ଗିୟାତଲେ ହାଚାନା ଏଲେଇଚେସି, “ନୀନୁ ନିଜେ ନାସା କିହା କଡ଼ାଆନି, ଏନାଆଁତାକି ଇଚିହଁ ମାମୁ ରୁମରେତମି ଇମ୍ପାଆଁ ମାନମି ।”

୨୯ କାୟିଦି ଇଲୁ କାଞ୍ଚିଆନାସି ଦୀଞ୍ଜି ତାଚାଲି ଏଲେଇଚେସି, ତବେ ବିଦ୍ରା ହାଚେସି ଇଞ୍ଜାଁ ତୀରୁଗି ତୀରୁଗିହଁ ପାଞ୍ଜୁଲ ଅଡ଼େ ସିଲା କଡ଼ାୟାଁ ଡ଼ଇ ରାଚେସି ।

୩୦ ଅଡ଼େ ଏଞ୍ଜାରିଇଁ ପାଞ୍ଜାତା ତାଚାନା ଏଲେଇଚେସି, “ବାବୁୟାଁ ଗେଲପିଆୟାଲି ନାନୁ ଏନାଆଁ କିଇଁ?”

୩୧ ଏଞ୍ଜାରି ଏଲେଇଚେରି, “ପ୍ରବୁ ଜୀସୁ ତାଣା ନାମାଦୁ, ଆତିହଁ ନୀନୁ ଅଡ଼େ ନୀ ଇଲୁ କୁଟମି ବାରେ ଗେଲପି ଆଦେରି ।”

୩୨ ତାୟୁ ଏଞ୍ଜାରି ଏଞ୍ଜାଣାଇଁ ଅଡ଼େ ଏଞ୍ଜାଣି ଇଜ ମାଚି ବାରେ ଲକୁଣି ମାହାପୁରୁତି ବଲୁ ଖେସ୍ତେରି ।

୩୩ ଅଡ଼େ, ଏ କାୟିଦି ଇଲୁ କାଞ୍ଚିଆନାସି ଏଞ୍ଜାରିଇଁ ଏ ଲାଆଁୟାଁ ବେଲତା ଅହାନା ଏଞ୍ଜାରି ଗାହାଁୟାଁ ନରୁହେସି, ଇଞ୍ଜାଁ ଏଞ୍ଜାସି ଅଡ଼େ ଏଞ୍ଜାଣି ଇଲୁ କୁଟମି ବାରେ ଏ ଦେବୁଣିଏ ବାପ୍ରିସ୍ତାଁ ଅଡ଼େରି ।

୩୪ ଏଚେଟିଏ ଏଞ୍ଜାସି ଏଞ୍ଜାରିଇଁ ତାମି ଇଜ ଅହାନା ତିଞ୍ଜାଲି ରାନ୍ଦା ବାଟିକିହାଁ ହାଚେସି, ଅଡ଼େ ବାରେ କୁଟମି ମାହାପୁରୁ ତାଣା ନାମାନା ହାଚେକା ରାହାଁ ଆଡ଼େରି ।

୩୫ ଲାଈ ଖେୟାଲିଏ ରମିୟ ଲକୁତି କାଜାରି ରିଜାରି କସକାଣି ଇଲେଇଞ୍ଜାଁ ଖେସା ପାଣ୍ଡିଚେରି, “ଏ ଲକୁଣି ପିସାଚୁହପୁ ।”

୩୬ ଏଚେଟିଏ କାୟିଦି ଇଲୁ କାଞ୍ଚିଆନାସି ପାଞ୍ଜୁଲଇଁ ଈ କାତା ଖେସ୍ତେସି, “ନୀହାଁୟି କିନାରି ନିଜେ ଅଡ଼େ ସିଲାଇଁ ପିସାଲି କାଚୁ ପାଣ୍ଡା ମାଞ୍ଜାନେରି, ଇଞ୍ଜାଁ ନୀଏଁ ହଡ଼ାଞ୍ଜାହାନା ହିଡ଼ଡ଼ି ତଲେ ହାଜୁ ।”

୩୭ ସାମା ପାଞ୍ଜୁଲ କସକାଣି ଏଲେଇଚେସି, “ମାମୁ ରୁମିୟ ଦେସାତି ଲକୁତମି, ମାଜେ ନୀହାଁୟି କିଆନା ଖେଡ଼ାତି ତାୟୁ କାୟିଦି ଇଲୁତା ସୁଣ୍ଡାଚେରି, ଅଡ଼େ ନୀଏଁ ଡ଼କୁହାନା ପିସିମାଞ୍ଜାନେରି, ଏଦି ମିଣ୍ଡଏ, ସାମା ଏଞ୍ଜାରି ତାମ୍ପୁ ଖାହାନା ମାଜେ ପାଞ୍ଜାତା ଅୟାପେରି ।”

୩୮ ଏଚେଟିଏ କସକା ହାଜାନା ନୀହାଁୟି କିନାରାଇଁ ବାରେ କାତା ଖେସ୍ତେରି, ଇଞ୍ଜାଁ ଇଞ୍ଜାରି ରମିୟ ଲକୁ ଇଞ୍ଜାଁ ପୁଞ୍ଜାନା ଆଜିଚେରି,

୩୯ ଏମ୍ପାଚିଏ ଏଞ୍ଜାରି ଖାହାନା ମାମୁ ପୁନାଆନା ଏଲେକିତମି ଇଞ୍ଜାଁ ବାତିମାଲିହଁ ଏଞ୍ଜାରିଇଁ ପାଞ୍ଜାତା ହପୁହା ତାଚାନା, ଗାଡ଼ା ପିସାନା ହାଜାଲି ବାତିମାଲିଚେରି ।

୪୦ ଏଚେଟିଏ ପାଞ୍ଜୁଲ ଅଡ଼େ ସିଲା କାୟିଦି ଇଲୁତି ହଡ଼ାନା ଲୁଦିୟା ଇଜ ହାଚେରି, ଅଡ଼େ ତାୟିୟାଁ ତଲେ ଆଣ୍ଡାନା ଏଞ୍ଜାରିଇଁ ବାସୁଁ ହାହାନା ହାଜାଚୁସ୍ତେରି ।

୧୭

ତେସଲନିକିତା କାମା

୧ ତାୟୁ ଏଞ୍ଜାରି ଆପିପଲି ଅଡ଼େ ଆପଲନିୟା ହାହାନା ତେସଲନିକିତା ଖାଚେରି; ଏମ୍ପାଆଁ ଜୀହୁଦି ଲକୁତି ର ଜୀହୁଦି ଲକୁତି କୁଟମି ଇଲୁ* ମାଚେ ।

୨ ଅଡ଼େ, ପାଞ୍ଜୁଲ ତାନି ମେରା ଲେହେଁ ଜୀହୁଦି ଲକୁତି କୁଟମି ଇଲୁତା† ହାଚେସି, ଇଞ୍ଜାଁ ତାନିଗଟା ଜମିନି ଦିନା ପାଚେକା ଦାମ୍ପୁ ପତିତି କାତା ଆସାନା ଲକୁତଲେ ଜଲୁକି ଆଡ଼େସି,

୩ ଦାମ୍ପୁ ସାସ୍ତେରି ତେଲହି କିହାନା ଏ କାତା ଇଦି ଇଞ୍ଜାଁ ଇଚେସି, ମସିହା ସାସି ପାଣ୍ଡାନାୟି ଅଡ଼େ ହାକିଟି ନିଜ୍ଞାନାୟି ଲଡ଼ାମାନେ । ପାଞ୍ଜୁଲ ଏଲେଇଚେସି, “ଆମିନି ଜୀସୁତି କାତା ଖେସିମାଞ୍ଜାଇଁ, ଏଞ୍ଜାସି ଏ ମସିହା ।”

† ୧୭:୩୩ ମୁଞ୍ଜିନାୟି * ୧୭:୧ ସିନଗର † ୧୭:୨ ସିନଗର

୪ ଏମ୍ବାଟିଏ ଏଞ୍ଜାରି ବିତ୍ରାଟି ଏଚରଜାଣା ନାମାହାଁ ପାଞ୍ଜୁଲ ଅଡ଼େ ସିଲା କାତାତା ଆଣ୍ଡିତେରି; ଅଡ଼େ, ଜାହୁଦି ଦାମ୍ବୁ ନାମାମାନି ଗ୍ରିକ୍ ଲକ୍ଷ୍ମ ବିତ୍ରାଟି ହାରେକା ଲକ୍ଷ୍ମ ଅଡ଼େ ମାନିଗାଟି ହାରେକା ଇୟାସିକା ବିତ୍ରାଟି ଏଞ୍ଜାରିତଲେ ମାହାପୁରୁ ସେବାତା ଆଣ୍ଡିତୁ ।

୫ ସାମା ଜାହୁଦିୟା ତାହାରା ଆହାନା ଏଚେକା ଲାଗେଏତାରାଇଁ ପାଡ଼ହରିତା କୁଡ଼ି କିତେରି, ଇଞ୍ଜାଁ ଲକ୍ଷ୍ମି ମାନ୍ଦା କିହାନା ଗାଡ଼ାତା ଗଡ଼ହା ହପ୍ତହେରି, ଇଞ୍ଜାଁ ପାଞ୍ଜୁଲ ଅଡ଼େ ସିଲାଲ୍ ସାଲ୍‌ଝି କିନାରି ନକ୍ତିତା ହପ୍ତହାତାଗଲି ଏଞ୍ଜାରି ହାଜାନା ଜାସନ ଇଲୁଡି ମୁଗାନା ପାରିତେରି ।

୬ ସାମା ଏଞ୍ଜାରାଇଁ ବେଟାଆଆଲିଏ ଏଞ୍ଜାରି ଜାସନ ଅଡ଼େ ଏଚେକା ତାୟିୟାଲ୍ ଗାଡ଼ାତି ସାଲ୍‌ଝି କିନାରି ନକ୍ତିତା ରେଜା ତାଗାନା କାଜା ଗିୟାତଲେ କାଲ୍‌ଝି ଆହୁଁ ଏଲେଇଚେରି, “ଆମିନି ଲକ୍ଷ୍ମ ଦାବ୍‌ତିତି ଇତାଲା ଆତାଲା କିହିମାନେରି, ଏଞ୍ଜାରି ଇମ୍ବାଆଁ ଜିକେଏ ଝାହାମାନେରି;

୭ ଜାସନ ଏଞ୍ଜାରାଇଁ ଆବାମାନେସି, ଜାସୁ ଦରୁଗାଟି ଅଡ଼େ ର ରାଜା ମାନେସି ଇଞ୍ଜାଁ ଝେସାନା ଇଞ୍ଜାରି ବାରେଜାଣା କାୟିସରତି ହୁକୁମିତି ମାନିଝି କିହିଲଅରି ।”

୮ ଈ କାତା ଆସାନା ଲକ୍ଷ୍ମ ଅଡ଼େ ସାଲ୍‌ଝି କିନାରି ବିତ୍ରା ହାରେକା କାର୍‌ବି ଆଡ଼େରି ଅଡ଼େ ଗଡ଼ହା ଆଡ଼େ ।

୯ ତାୟୁ ସାଲ୍‌ଝି କିନାରି ଜାସନ ଅଡ଼େ ଏଚକା ଲକ୍ଷ୍ମି ତାବୁୟାଁ ରାସାନା ଜାମ୍‌ଲି ତଲେ ଏଞ୍ଜାରାଇଁ ପିସ୍ତେରି ।

ବେରିୟାତା କାମା

୧୦ ଅଡ଼େ, ତାୟିୟା ଝେଡ଼ାକିଆନା ପାଞ୍ଜୁଲ ଅଡ଼େ ସିଲାଲ୍ ଲାଆଁ ବେଲାତା ବେରିୟାତା ପାଣ୍ଡିତେରି; ଏଞ୍ଜାରି ଏମ୍ବାଆଁ ଏଜାନା ଜାହୁଦି ଲକ୍ଷ୍ମତି ଜାହୁଦି ଲକ୍ଷ୍ମତି କୁଟମି ଇଲୁଡାଃ ହାଚେରି ।

୧୧ ତେସଲନିକିତା ମାନି ଜାହୁଦି ଲକ୍ଷ୍ମ କିହାଁ ଇଞ୍ଜାରି ସାତାପାଣା ଗାଗାରି ମାଚେରି, ଇଞ୍ଜାରି ହାରେକା ରାହାଁତଲେ ମାହାପୁରୁ କାତା ଝେଚେରି, ଅଡ଼େ ପାଞ୍ଜୁଲ ଝେସ୍ତ୍ରି କାତା ସାତା କି ଆଏ ଏଦାଆଁ ପୁଞ୍ଜାଲି ବାରେଦିନା ଦାମ୍ବୁ ପତି ପଡ଼ଝି ଆହିମାଚେରି ।

୧୨ ଇଦାଆଁତାକି ଏଞ୍ଜାରି ବିତ୍ରାଟି ହାରେକା ଲକ୍ଷ୍ମ ନାମିତେରି ଅଡ଼େ ଗ୍ରିକ୍ ଲକ୍ଷ୍ମତି କାଜାରି ବିତ୍ରାଟି ହାରେକା ଇୟାସିକା ଅଡ଼େ ଆବାର୍‌ୟା ଜିକେଏ ନାମିତେରି ।

୧୩ ସାମା ଏଚିବେଲା ତେସଲନିକିତି ଜାହୁଦିଜା ପୁଚେରି, କି ବେରିୟାତା ଜିକେଏ ପାଞ୍ଜୁଲ ତାଣାଟି ମାହାପୁରୁତି ବଲ୍‌ଝି ଝେସପି ଆହିମାନେ, ଏଚିବେଲା ଏଞ୍ଜାରି ଏମ୍ବାଆଁ ଜିକେଏ ଝାହାନା ଲକ୍ଷ୍ମ ମାନ୍ଦାତି ନିକହାନା ଗଡ଼ହା କିଞ୍ଜିକେଚେରି ।

୧୪ ଏଚେଚିଏ ତାୟିୟା ଝେଡ଼ାକିଆନା ପାଞ୍ଜୁଲାଇଁ ସାମ୍‌ପୁରି ଝାକି ହାଜାଲି ପାଣ୍ଡିତେରି; ଇଞ୍ଜାଁ ସିଲା ଅଡ଼େ ତିମତି ବେରିୟାତା ତୁୟିତେରି ।

୧୫ ସାମା ଆମ୍ବାଆରି ପାଞ୍ଜୁଲାଇଁ ଇଚିହାଚାରି ଏଞ୍ଜାରି ଆତିନି ପାଚେକା ହାଚେରି, ଇଞ୍ଜାଁ ସିଲା ଅଡ଼େ ତିମତି ତବେ ନା ତାଣା ଝାଡ଼ପରି ଇଞ୍ଜାଁ ପାଞ୍ଜୁଲ ତାଣାଟି ହୁକୁମି ବେଟାଆହାନା ଏଞ୍ଜାରି ବେରିୟାତା ଝେଶ୍ଟେ ଝାଡ଼େରି ।

ଆତିନିତା ପାଞ୍ଜୁଲତି ସେବା କାମା

୧୬ ଆତିନିତା ପାଞ୍ଜୁଲ, ସିଲା ଅଡ଼େ ତିମତିଲ୍ କାଟିମାଚେସି, ଏଞ୍ଜାସି ଏ ଗାଡ଼ାତା ହାରେକା ଘେଶ୍ଟକା ବମାୟାଁ ମାନାଣି ମେସାନା ତାନି ଜାସୁ ହାରେକା ଝାଡ଼ିଚେ ।

୧୭ ଏଦାଆଁତାକି ଏଞ୍ଜାସି ଜାହୁଦି ଲକ୍ଷ୍ମତି କୁଟମି ଇଲୁଡାଃ ଜାହୁଦି ଲକ୍ଷ୍ମତିଲେ ମାହାପୁରୁଲ୍ ନାମାମାନି ଜାହୁଦିଆଆତି ଲକ୍ଷ୍ମତିଲେ ଈ କାତା ବାରେଦିନା ଝେକ୍‌ହେସି । ଗାଡ଼ାତି ଜିରୁ ଗାଡ଼ାତା ହାକି ଝାହିମାନି ଲକ୍ଷ୍ମତିଲେ ଏ କାତାତି ଝେସ୍ତ୍ରିସି ।

୧୮ ଏଚରଜାଣା ଏପିକୁରିୟା ଇଞ୍ଜାଁ ସୁୟିକ୍ ଜାମ୍‌ନି ଗୁରକା ତଲେ ଏଞ୍ଜାରି ରୁଜୁବାଡ଼ି ଆଡ଼େ । ଏଞ୍ଜାରି ବିତ୍ରାଟି ଏଚରଜାଣା ଏଲେଇଚେରି, “ଇ ବୁଦି ହିଲାଆ ହାଡ଼ାକାଣ୍ଡୁ ଏନାଆଁ ଝେସାଲି ଅଣପିମାନେସି?” ଅଡ଼େ ଏଚରଜାଣା ଏଲେଇଚେରି, “ଏଞ୍ଜାସି ପୁନାଆତି ଘେଶ୍ଟକାତି କାତା ଝେହ୍‌ନିଲେହେଁ ଝେସିମାନେସି;” ଇଚିହୁଁ ଏଞ୍ଜାସି ଜାସୁ ଅଡ଼େ ତାନି ଝେଶ୍ଟେ ନିଜିତି କାତାତି ନେହୁଁ କାବୁ ଝେକ୍‌ହି ମାଚେସି ।

୧୯ ଏଦାଆଁତାକି ଏଞ୍ଜାରି ପାଞ୍ଜୁଲାଇଁ ଆରିୟପାଗ ଗାଡ଼ାତି ବେରଣି ନକ୍ତିତା ତାଚେରି, “ନାନୁ ଆମିନି ପୁଞ୍ଜନି କାତା ଜାପ୍‌ହିମାଞ୍ଜି ଏଦି ଏଦାୟି ଇଞ୍ଜାଁ ମାମ୍‌ପୁ ପୁଞ୍ଜାଲି ଆତିନି କି ?

୨୦ ଇଚିହଁ ନାନୁ ଏତେକା କାବାଆନି କାତା ମାଞ୍ଜେ ଶ୍ରେଣ୍ଡି କିହିମାଞ୍ଜାଦି; ଈ ବାରେ କାତା ଏନ୍ଦାୟି ଏଦାଆଁ ମାନ୍ନୁ ପୁଞ୍ଜାଲି ଅଣପିମାନମି ।”

୨୧ ଆତିନି ଗାଡ଼ାତି ଲକୁ ଅଡ଼େ ଏମ୍ପାଆଁ ବାସାଆହାମାନି ଏଟକା ଦେସାତି ଲକୁ ପୁଠନି କାତା ଶ୍ରେସାଲି ଇଞ୍ଜା ଶ୍ରେଞ୍ଜାଲି ରାହାଁ ଆହିମାଚେରି । ଏମ୍ପାଆଁ ଏଞ୍ଜାରି ଦିନା ରାପୁହି ମାଚେରି ।

୨୨ ଏତେଟିଏ ପାଞ୍ଜୁଲ ଆରିୟପାଗତି ବେରଣି ମାଦିଏ ନିତାନା ଏଲେଇଚେସି, “ଏ ଆତିନିତି ଲକୁ, ମୀରୁ ବାରେ ଗାତି ଦାମ୍ବୁଗାଟାଚେରି, ଇଞ୍ଜା ହାଚେରକା ପେଣ୍ଟକାଣି ସେବା କିନାଚେରି, ଏଦାଆଁ ନାନୁ ମେସିମାଇଁ ।

୨୩ ଇଚିହଁ ନାନୁ ମୀ ଗାଡ଼ାଟି ହାଜିମାଚେର୍ସ, ଅଡ଼େ ମୀରୁ ପୂଜା କିନି ଟାୟୁତା ସିନିକିଚେର୍ସ, ନାନୁ ପୂଜା ପିଣ୍ଡାତା ମେସେର୍ସ ଏମ୍ପାଆଁ ରାସ୍ତିକି ଆହାମାନେ, ‘ପୁନାଆତି ମାହାପୁରୁ ।’ ଆନିନିଗାଟାଣି ମୀରୁ ପୂଜା କିହିମାଞ୍ଜେରି, ଏଦାଆଁ ମୀରୁ ପୁଞ୍ଜାହିଲାଆତିହଁ ଜିକେଏ, ଏଦେଏ ନାନୁ ମିଞ୍ଜେ ଶ୍ରେସିମାଞ୍ଜାଇଁ ।

୨୪ *ଆନିନି ମାହାପୁରୁ ଦାବୁତି ଅଡ଼େ ଏମ୍ପାଆଁ ମାନି ବାରେ ରାତି କିହାମାନେସି, ଏଞ୍ଜାସି ଲାକପୁରୁ ଅଡ଼େ ଦାବୁତିତି ପ୍ରବୁ ଆହାମାନାକି ମାଣସି କେୟୁଟି କେପିତି ଦେସୁଡ଼ିତା ବାସା କିଅସି ।

୨୫ ଇଚିହଁ ଏଞ୍ଜାଣାକି ଏନ୍ଦାୟି ଲଡ଼ା ମାନାୟି ହିଲାଆକି ମାଣସି କେୟୁଟି ସେବା ଆଅସି, ଇଚିହଁ ଏଞ୍ଜାସି ତାନୁଏ ବାରେତାକି ଜୀସୁ, ନେଞ୍ଜାଲି ଇଞ୍ଜା ବାରେ ଲଡ଼ାମାନାଣି ଇନେସି ।

୨୬ ର ମାଣସି ତାଣାଟି ଏଞ୍ଜାସି ବାରେ ଲକୁ ବାକାଇଁ ରାତି କିହାମାନେସି; ଇଞ୍ଜା ଏଞ୍ଜାଣି ହୁକୁମି ତଲେ ଏଞ୍ଜାରି ଦାବୁତିତି ବାରେଞ୍ଜାକି ବାସା କିହାମାନେରି । ଆନିନି ବେଲାତା, ଆମ୍ପାଆସି ଆନିନି ତାଣା ବାସା କିନେସି, ମାହାପୁରୁ ମୁଲୁଟିଏ ଏଦାଆଁ ତୀରି କିହାମାନେସି ।

୨୭ ମାହାପୁରୁତି ଅଣ୍ଡପୁ ମାଚେ, ବାରେଜାଣା ଏନିକିହଁ ଏଞ୍ଜାଣାଇଁ ପାରାମା ବେଟାଆନେରି । ସାମା ମାହାପୁରୁ ଆମ୍ପାଆରି ତାଣାଟି ହେକ ହିଲଅସି ।”

୨୮ ଏନିଈଚିହଁ ରଅସି ଶ୍ରେସାମାନେସି, “ଏଞ୍ଜାଣି ତାଣା ମାର ନୀତିନାୟି, ତାକିନାୟି ଅଡ଼େ ଡ଼ୟିନାୟି ।

ଇଞ୍ଜା ମୀ ବିତ୍ତାଟି ଜିକେଏ ଏଚରଜାଣା ଶ୍ରେସାମାନେରି, ମାର ଜିକେଏ ଏଞ୍ଜାଣି ମୀରୁକା ମାସ୍କା ।”

୨୯ “ଇଚିହଁ ମାର ମାହାପୁରୁତି ମୀରୁକା ମାସ୍କା ଆତାକି ଈ ମାହାପୁରୁ ଲେହେଁ ମାଣସି ବୁଦି ଅଡ଼େ ଅଣ୍ଡପୁ ତଲେ କେପିତି ବାଂଗାରା, ଶ୍ରେଣ୍ଡି କି ଖାଲକାତି ବମା ଲେହେଁ ଅଣ୍ଡପିନାୟି ଆଏ ।

୩୦ ଲକୁ ମାହାପୁରୁଇଁ ପୁଞ୍ଜା ହିଲାଆ ବେଲାତା ଏଞ୍ଜାସି ଦହ ଆସା ହିଲାଆତେସି, ସାମା ନୀର୍ସ ଏଞ୍ଜାସି ବାରେଜାଣାଟି ବାରେଞ୍ଜାକି ତାନି ପାପୁ ଜିରୁଟି ଶ୍ରେଣ୍ଡା ଖାହାଲି ଶ୍ରେସିମାନେସି ।

୩୧ ଇଚିହଁ ଆନିନି ଦିନା ତାନୁ ଆଡ଼ିତି ମାଣସି ତାଣାଟି ଦାମ୍ବୁତଲେ ଦାବୁତିତି ନୀହାୟି କିନେସି, ଇଲେତି ର ଦିନା ତୀରି କିହାମାନେସି, ଇଞ୍ଜା ଈ ବାରେ ସାତା ଇଞ୍ଜା ତସାଲି ଏଞ୍ଜାସି ଏଞ୍ଜାଣାଇଁ ହାଡ଼ାରି ତାଣାଟି ନିକିହାମାନେସି ।”

୩୨ ପାଞ୍ଜୁଲ ତାଣାଟି ହାଡ଼ାରି ଶ୍ରେଣ୍ଡେ ନିଜିନି କାତା ଶ୍ରେଞ୍ଜାନା ଏଚରଜାଣା ଲାଜା କିଚେରି, ଅଡ଼େ ଏଚରଜାଣା ଏଲେଇଚେରି, “ମାଞ୍ଜେ ଅଡ଼େ ଶ୍ରେଣ୍ଡେ ଶ୍ରେସାମ୍ପୁ, ନୀ ତାଣାଟି ଈ କାତା ଶ୍ରେନମି ।”

୩୩ ଏତେଟିଏ ପାଞ୍ଜୁଲ ବେରଣିଟି ହଡ଼ାହାଚେସି ।

୩୪ ଏରିୟପାଗିୟ ଦିୟନୁସିୟ ଗଚିତି ଦାମାରି ଇନି ର ଇୟା ଇଞ୍ଜା ଅଡ଼େ ଏତେକା ଲକୁ ନାନିଚେରି ଇଞ୍ଜା ଏଞ୍ଜାଣିତଲେ ଆଣ୍ଡିଚେରି ।

୧୮

କରନ୍ତ୍ରିତା ପାଞ୍ଜୁଲତି କାମା

୧ ଏମ୍ପାଟିଏ ପାଞ୍ଜୁଲ ଆତିନି ଗାଡ଼ା ପିସାନା କରନ୍ତ୍ରିତା ହାଚେସି ।

୨ ଇଞ୍ଜା ଏଞ୍ଜାସି ଆକଞ୍ଜିଲା ଦରୁଗାଟି ର ଜୀହୁଦି ଲକୁଇଁ ବେଟାଆତେସି, ପତ୍ର ଏଞ୍ଜାଣି ଜାର୍ନା ଟାୟୁ; ଏଚରଦିନା ନକେଏ ଏଞ୍ଜାସି ତାନି ତକ୍ତ୍ର ପ୍ରିସିଲା ତଲେ ଇଟାଲିଟି ଖାହାମାଚେସି, ଇଚିହଁ କ୍ଲାସୁଦିୟା ବାରେ ଜୀହୁଦି ଲକୁଇଁ ରମ୍ପ ପିସା ହାଜାଲି ହୁକୁମି ହୀହାମାଚେସି, ପାଞ୍ଜୁଲ ଏଞ୍ଜାସିକାଣି ବେତି ହାଚେସି,

୩ ଅଡ଼େ ଏଞ୍ଜାରି ଏଞ୍ଜାଣିଲେହେଁ ତୁମ୍ବୁ ବେବାରା କିନାରି ମାଟାକି ଏଞ୍ଜାରିତଲେ ଡ଼ୟିଚେସି, ଅଡ଼େ ଏଞ୍ଜାରି କାମା କିହାଲି ମାଟୁହେରି, ଏନାଆଁତାକି ଇଚିହଁ ବେବାରାତା ଏଞ୍ଜାରି ତୁମ୍ବୁ କିନାରି ମାଚେରି ।

୪ ଅଡ଼େ ବାରେ ଜମ୍ପିନି ଦିନାତା ଏଞ୍ଜାସି ଜୀହୁଦି ଲକୁତି କୁଟମି ଇଲୁତା* ଜଲ୍ଲକି ଆହଁ ଜାପୁହେସି,

☆ ୧୭:୨୪ କାମା ୨:୪୮ * ୧୮:୪ ସିନଗର

ଜୀହୁଦି ଅଡ଼େ ଗ୍ରୀକ ଲକ୍ଷ୍ମଣୀ ନାମି କିଞ୍ଚିକିହାଲି ଅଣ୍ଡାପମାଚେସି ।

୫ ଏତିବେଲା ସିଲା ଅଡ଼େ ତିମତି ମାକିଦନିୟାତି ଖାଡ଼ତରି, ଏତିବେଲା ପାଞ୍ଜଲ ନେହଁ ବଲ୍ଲୁ ଝେକ୍‌କିନି କାମା ଜମାଆନା କିହିମାଚେସି, ଅଡ଼େ ଜାସୁଇଁ ମସିହା ଇଞ୍ଜିଁ ଜୀହୁଦି ଲକ୍ଷ୍ମଣୀ ସାକି ହାହିମାଚେସି ।

୬ ସାମା ଏଞ୍ଜାରି ଅପାଆନା ନିନ୍ଦା କିହାଲିଏ ଏଞ୍ଜାସି ତାନି ହିମ୍ବର ହାଣ୍ଡିନା ଏଲେଇଚେସି, “ମୀରୁ ନାସା ଆତିହଁ ଏଦାଆଁତାକି ମୀରୁ ଦାୟି ଆଦେରି । ଏଦାଆଁତାକି ନାନୁ ଦାୟି ଆଏ, ନୀର୍ବ ନାନୁ ଜୀହୁଦିଆଆତି ଲକ୍ଷ୍ମଣୀ ହାଜିମାଇଁ ।”

୭ ଏମ୍ବାଟିଏ ଏଞ୍ଜାସି ଏ ଚାୟୁଟି ହଡ଼ା ହାଜାନା ତିତସ ଜୁସୁ ଇନି ଜୀହୁଦିଆଆତି ମାହାପୁରୁ ସେବା କିନାସି ଏଞ୍ଜାଣି ଇଜ ହାଚେସି, ଏଞ୍ଜାଣି ଇଲୁ ଜୀହୁଦି ଲକ୍ଷ୍ମଣୀ କୁଟମି ଇଲୁଁ ତାଗେ ମାଚେ ।

୮ ସାମା ଜୀହୁଦି ଲକ୍ଷ୍ମଣୀ କୁଟମି ଇଲୁଟି* କାଜାସି କ୍ରିସପ ବାରେ ଇଲୁ କୁଟମି ତଲେ ପ୍ରବୁ ତାଣା ନାମିଚେରି, ଅଡ଼େ କରନ୍ତି ଗାଡ଼ାତି ଲକ୍ଷ୍ମଣୀ ବିତ୍ରାଟି ହାରେକା ପାଞ୍ଜଲତି କାତା ଝେଞ୍ଜାନା ନାମିଚେରି ଅଡ଼େ ବାପ୍ରିସ୍ଟି ଅଡ଼େରି ।

୯ ଅଡ଼େ ପ୍ରବୁ ଲାଆଁୟାଁ ବେଲାତା ସେୟାଁଣା ହାପାନାତା ପାଞ୍ଜଲଇଁ ଏଲେଇଚେସି, “ଆଜାଆନି, ସାପି ତ୍ଵୟାଆନା ଜଲ୍ଲାମୁ,

୧୦ ଇତିହଁ ନାନୁ ନୀ ତଲେ ମାଇଁ, ଆନିନି ଲକ୍ଷ୍ମଣୀ ଜିକେଏ ନୀ କପାଟି ନିଜ୍ଞାନା ନିଜେ ନାସା କିହାଲି ଆଡ଼ଅସି, ଇତିହଁ ଇ ଗାଡ଼ାତା ହାରେକା ନା ଲକ୍ଷ୍ମଣୀ ମାନେରି ।”

୧୧ ଇଞ୍ଜା ପାଞ୍ଜଲ ଏଞ୍ଜାରିତାଣା ମାହାପୁରୁତି କାତା ଜାପୁହିହଁ ର ବାସା ସି ଲେଞ୍ଜୁ ତ୍ଵୟିଚେସି ।

୧୨ ସାମା ଗାଲିୟ ଆକାୟାତି ରମିୟ ସାଲୁଞ୍ଜି କିନାସି ମାଟିବେଲାତା, ଜୀହୁଦି ଲକ୍ଷ୍ମଣୀ ପାଞ୍ଜଲ କପାଟି ନିଜ୍ଞାନା ଏଞ୍ଜାଣାଇଁ ନୀହାଁୟି କିନାରି ତାଣା ଦସା ଅହାନା ଏଲେଇଚେରି,

୧୩ “ଇଞ୍ଜାସି ମସାତି ଫେରା କପାଟି ଅର୍ ରଲେକଁ ମାହାପୁରୁତି ସେବା କିହାଲି ଲକ୍ଷ୍ମଣୀ ଜାପୁହିମାନେସି ।”

୧୪ ସାମା ପାଞ୍ଜଲ ଗୁତି ଏକହାନା ଜଲ୍ଲାଲି ମାଟୁହି ମାଗାଟି, ଗାଲିୟନ ଜୀହୁଦି ଲକ୍ଷ୍ମଣୀ ଏଲେଇଚେସି, “ଆଡ଼େ ଜୀହୁଦି ଲକ୍ଷ୍ମଣୀଚେରି ଏନିଲେହେତି ଦହ କି ଲାଗେଏତି କାମା ଆଡ଼ିହଁ ମା ସୁପ୍ରି ତଲେ ମୀ କାତା ଝେନାୟି ନାଜେତାକି ନେହେଁ ଆଡ଼େମା,

୧୫ ସାମା ଇଦି ଖାବୁଇ ବଲ୍ଲୁ ଅଡ଼େ ଦରୁ ଅଡ଼େ ମୀ ଫେରାତି କାତା ମୀରୁଏ ଇଦାଆଁ ସୁପ୍ରି କିମୁ । ଇଲେତି କାତାତି ନାନୁ ନୀହାଁୟି କିଅଁ !”

୧୬ ଏଲେଇଞ୍ଜାନା ଏଞ୍ଜାସି ଏଞ୍ଜାରିଇଁ ନୀହାଁୟି କିନି ତାଣାଟି ପେର୍‌ହା ତୁସ୍ତେସି ।

୧୭ ଏଚେଟିଏ ବାରେଜାଣା ସସ୍ତାନ ଇନି ଜୀହୁଦି ଲକ୍ଷ୍ମଣୀ କୁଟମି ଇଲୁଟି* କାଜାଣାଇଁ ଆସାନା ନୀହାଁୟି ପାଜ୍ଞମା ଝେଚେରି; ସାମା ଗାଲିୟନ ଏ ବାରେ କାତାତା ମନ ହାଆଚେସି ।

ପାଞ୍ଜଲ ଆନ୍ତ୍ରିୟକିୟାତା ଝେଣ୍ଡାଞ୍ଜାନାୟି

୧୮ ପାଞ୍ଜଲ କରନ୍ତିତା ନାମିତି ତାୟି ତାଜିମ୍ପା ତଲେ ହାରେକା ଦିନା ତ୍ଵୟାନା ତାୟିୟାଁ ତାଣାଟି ହେଲ ବେଗାଆହାନା ଏମୁ ଜାଜାଟି ସିରିୟାତା ହାଚେସି, ପ୍ରିସ୍ମିଲା ଅଡ଼େ ଆକ୍‌ଞ୍ଜିଲା ତାନିତଲେ ହାଚେରି, ତାନି ଆଞ୍ଜିତାୟି ମାଚାକି ଏଞ୍ଜାସି କେକେୟାତା ତାନି ତାୟିଁ ହୁଣ୍ଡିହେସି ।

୧୯ ତାୟି ଏଞ୍ଜାରି ଏପିସିୟତା ଖାଡ଼ତରି, ଅଡ଼େ ଏଞ୍ଜାସି ଏ ଚାୟୁତା ଆକ୍‌ଞ୍ଜିଲା ଅଡ଼େ ପ୍ରିସ୍ମିଲାଇଁ ହେଲ ହାହାନା ପାଞ୍ଜଲ ରଅସିଏ ଜୀହୁଦି ଲକ୍ଷ୍ମଣୀ କୁଟମି ଇଲୁଟାଁ ହଡ଼ାନା ଜୀହୁଦିୟାଁ ତଲେ ହାଡ଼ାକାତା ଆଡ଼େରି ।

୨୦ ଇଞ୍ଜା ଏଞ୍ଜାରି ଏଞ୍ଜାଣାଇଁ ହାରେକା ଦିନା ତ୍ଵୟାଲି ବାତିମାଲିତିହଁ ଖା ଏଞ୍ଜାସି ତ୍ଵୟାଲି କୁଚେସି ।

୨୧ ସାମା ଏଞ୍ଜାରି ତାଣାଟି ହେଲ ଅହାନା ଏଲେଇଚେସି, “ମାହାପୁରୁତି ମନ ଆତିହଁ ଅଡ଼େ ର ଦେବା ମୀ ତାଣା ଝେଣ୍ଡା ଖାଇଁ,” ଇଞ୍ଜା ଏଞ୍ଜାସି ଏପିସିୟଟି ହାଚେସି ।

୨୨ କାୟିସରିୟାତା ଏଗାହାଜାନା ଏମ୍ବାଟି ଜିରୁସାଲମତା ହାଚେସି, ଅଡ଼େ କୁଲମିତି ଜହରା କିହାନା ଏମ୍ବାଟିଏ ଆନ୍ତ୍ରିୟକିୟାତା ହାଚେସି ।

୨୩ ଏମ୍ବାଆଁ ଏଚରଦିନା ତ୍ଵୟିତି ତାୟି, ଏଞ୍ଜାସି ଅଡ଼େ ଝେଣ୍ଡେ ହାଜାନା ଗାଲାତିୟ ଇଞ୍ଜା ପୁଗାଁୟା ନାସ୍‌କା ହାହାନା ହାଚେସି, ଅଡ଼େ ଜିରୁତା ସାୟୁୟାଣି ତାନି ନାମୁତା ଆର୍‌ଞ୍ଜା ତଲେ ତ୍ଵୟାଲି ରାହାଁ ହାଚେସି ।

ଏପିସିୟ ଅଡ଼େ କରନ୍ତିତା ଆପଲ

† ୧୮:୨ ସିନଗର୍ ‡ ୧୮:୮ ସିନଗର୍ § ୧୮:୮ ମୁଞ୍ଜିନାୟି * ୧୮:୧୭ ସିନଗର୍ † ୧୮:୧୯ ସିନଗର୍

୨୪ ଏମ୍ବାଟିଏ ଆପଲ ଦରୁଗାଟି ର ଜୀହୁଦି ଏପିସିୟତା ଖାଡ଼େସି, ଏଝାସି ଆଲେକଜାଣ୍ଟି ଯାତା ଜାନ୍ନା ଆହାମାରେସି, ଏଝାସି ନେହୁ କିଁ ଝେସାଲି ଆଡ଼ିନାସି ଅଡ଼େ ଦାମ୍ନୁ ପତିତି କାତା ଗାତି ପୁନାସି ମାରେସି ।

୨୫ ଇଝାସି ପ୍ରବୁ ଜିରୁତି କାତା ନେହୁ କିଁ ଜାପାମାରେସି, ଇଞ୍ଜା ଜୀଝୁତଲେ ବାଡ଼ୁୟୁ ବେଟାଆହାନା ଜୀସୁତି କାତା ନେହୁ କିଁ ଜାପୁହି ମାରେସି, ଏଝାସି ଖାରଇ ଜହନତି ବାପ୍ତିସ୍ତା କାତା ପୁଞ୍ଜାମାରେସି ।

୨୬ ଏଝାସି ସାସାତଲେ ଜୀହୁଦି ଲକ୍ଷୁତି କୁଟମି ଇଲୁତାଽ ଜଲଲି ମାଟୁହେସି, ସାମା ଆକ୍ଝିଲା ଅଡ଼େ ପ୍ରିସ୍ତିଲା ଏଝାଣି କାତା ଝେଞ୍ଜାନା ଏଝାଣାଇଁ ତାମି ଇଜ ଅହାନା ଏମ୍ବାଆଁ ହାରେକା ନେହେଁ ମାହାପୁରୁ ଜିରୁତି କାତା ପୁଣ୍ଠିକିତୁ ।

୨୭ ତାୟୁ ଆପଲ ଆକାୟା ଦେସାତା ହାଜାଲି ମନ କିହାଲିଏ ଏପିସିୟତି ନାମିତି ତାୟିୟାଁ ଏଝାଣାଇଁ ସାୟେମି କିତେରି, ଇଞ୍ଜା ଏଝାଣାଇଁ ରାହାତଲେ ଆବାଲି ଆକାୟାତା ମାନି ସୀସୁୟାକି ର ଆକୁ ରାଟିତେରି, ଏଝାସି ଏମ୍ବାଆଁ ଏଗାହାଜାନା ମାହାପୁରୁ କାମାଟି ନାମା ମାନାରାକି ହାରେକା ସାୟେମି କିତେସି ।

୨୮ ଇତିହୁଁ ଜୀସୁଏ ମସିହା ଇଞ୍ଜୁଁ ଦାମ୍ନୁ ପତିତି ନେହୁ କିଁ ତସାହାଁ ଏଝାସି ବାରେଜାଣା ନକିତା ତାନିତଲେ ଆସ୍ପି ଆହିମାନି ଜୀହୁଦି ଲକ୍ଷୁଣି ହାରେକି କିତେସି ।

୧୯

ଏପିସିୟତା ପାଝୁଲ

୧ ଆପଲ କରନ୍ତିତା ମାଟିବେଲତା ପାଝୁଲ ଝେଡ଼ା ହପୁଝାକିତି ରାଜି ରେଜାନା ଏପିସିୟ ଗାଡ଼ାତା ଏଗାଝାଡ଼େସି । ଏମ୍ବାଆଁ ଏଚରଜାଣା ସୀସୁୟାଣି ବେଟାଆଡ଼େସି,

୨ ଏଝାସି ଏଝାରାଇଁ ଝେରେସି, “ମୀରୁ ନାମିତି ରେଟୁଏ ସୁଦୁଜୀଝୁ ବେଟାଆହା ମାରେରି କି ?” ଏଝାରି ଏଲେଇଚେରି, “ଆଏ ସୁଦୁଜୀଝୁ ମାନେ ଇଞ୍ଜୁଁ ମାମ୍ନୁ ଝେଞ୍ଜା ଜିକେଏ ହିଲଅମି ।”

୩ ପାଝୁଲ ଏଝାରାଇଁ ଝେରେସି, “ଆତିହୁଁ ମୀରୁ ଏନିଲେହେଁତି ବାପ୍ତିସ୍ତାଁ ବେଟାଆହା ମାରେରି ।” ଏଝାରି ଏଲେଇଚେରି, “ମାମ୍ନୁ ଜହନତି ବାପ୍ତିସ୍ତାଁ ଅହାମାଟମି ।”

୪ ଏମ୍ବାଟିଏ ପାଝୁଲ ଏଲେଇଚେସି, “ଜହନତି ବାପ୍ତିସ୍ତାଁ ହିୟାଁ ଝେଟପି କିଝିକିନି ବାପ୍ତିସ୍ତାଁ ଜହନ ଇସାୟେଲ ଲକ୍ଷୁଣି ବାପ୍ତିସ୍ତାଁ ହୀହାନା ଏଲେଇଚେସି, ନା ଡ଼େଜ ଆମ୍ବାଆସି ଝାହିମାନେସି, ଏଝାଣାଇଁ ଇତିହୁଁ ଜୀସୁଇ ନାମାଦୁ ଇଞ୍ଜୁଁ ଝେସିମାରେସି ।”

୫ ଇଦାଆଁ ଝେଞ୍ଜାନା ଏଝାରି ପ୍ରବୁ ଜୀସୁ ଦରୁତଲେ ବାପ୍ତିସ୍ତାଁ ଅଡ଼େରି ।

୬ ଅଡ଼େ ପାଝୁଲ ଏଝାରି ଲାକ କେସା ଇଟାଲିଏ ସୁଦୁଜୀଝୁ ଏଝାରି ଲାକ ରେଟାଝାଡ଼େ, ଇଞ୍ଜା ଏଝାରି ଏଟକା ଏଟକା ହାଡ଼ାତଲେ କାତା ଜଲାନା ମାହାପୁରୁତି ତାୟୁ ଆନି କାତା ଜିକେଏ ଝେକ୍ଝେରି ।

୭ ଏଝାରି ବାରେ ବାରଜାଣା ଆବାୟାଁ ମାରେରି ।

୮ ତାୟୁ ପାଝୁଲ ଜୀହୁଦି ଲକ୍ଷୁତି ଜୀହୁଦି ଲକ୍ଷୁତି କୁଟମି ଇଲୁତାଽ ହାଜାନା ତାନି ଲେଞ୍ଜୁ ପାତେକା ସାସାତଲେ ମାହାପୁରୁ ରାଜିତି କାତା ଝେକ୍ଝିହୁଁ ଲକ୍ଷୁତି ମନତି ନାମି କିହାଲି ଅଣପିତେସି ।

୯ ସାମା ଏଟିବେଲା ଏଚେକା ଲକ୍ଷୁ ଆଟ୍ଝା ହିୟାଁ ଅଡ଼େ ପୁଣି ଆହାନା ଲକ୍ଷୁ ନକିତା ପ୍ରବୁ ଜିରୁ କପାଟି ନିଜାନା ନିୟା କାତା ଝେସ୍ପେରି, ଏଟିବେଲା ପାଝୁଲ ଏଝାରାଇଁ ପିସାନା ସୀସୁୟାଈଁ ଏଟକା କିତେସି, ଇଞ୍ଜା ତୁରାନନ୍ ଇନି ଜାପୁନି ଇଲୁତା ବାରେଦିନା ଜାପୁହି ମାରେସି ।

୧୦ ଇଲେଆହୁଁ ରୀ ବାୟାଁ ପାତେକା ଆଡ଼େ; ଏଚେଟିଏ ଆସିୟା ଦେସାତା ବାସାଆହାମାନି ହାରେକା ଜୀହୁଦି ଅଡ଼େ ଜୀହୁଦିଆଆତି ଲକ୍ଷୁ ବାରେଜାଣା ପ୍ରବୁତି କାତା ଝେଚେରି ।

ସ୍ତେବା ମୀରକା

୧୧ ଅଡ଼େ, ମାହାପୁରୁ ପାଝୁଲ ତାଣାଟି ହାରେକା ବାଡ଼ୁୟୁତି କାମାୟାଁ କିହିମାରେସି ।

୧୨ ଇଲାଆହୁଁ ପାଝୁଲ ଲେମ୍ବିମାନି ପାଞ୍ଜାତା ତୁରନି ସକା କି ତୁଝାଲା ରଗ ଗାଟାରି ତାଣା ତାତିସାରେ ଏଝାରି ତାଣାଟି ରଗ ପିସିମାରେ ଅଡ଼େ ବୁଡ଼ୁୟାଁ ହଡ଼ା ହାଜିମାତୁ ।

‡ ୧୮:୨୫ ମୁଞ୍ଜିନାୟି § ୧୮:୨୬ ସିନଗର * ୧୯:୩ ମୁଞ୍ଜିନାୟି † ୧୯:୩ ମୁଞ୍ଜିନାୟି ☆ ୧୯:୪ ମାଟି ୩:୧୧; ମାର୍କ ୧:୪୭.୮; ଲୁକ ୩:୪.୧୭; ଜହ ୧:୨୭.୨୭ ‡ ୧୯:୪ ମୁଞ୍ଜିନାୟି § ୧୯:୪ ମୁଞ୍ଜିନାୟି * ୧୯:୪ ମୁଞ୍ଜିନାୟି † ୧୯:୫ ମୁଞ୍ଜିନାୟି ‡ ୧୯:୮ ସିନଗର

୧୩ ସାମା ରେଜି ରେଜିହିଁ ବୁଡୁୟାଁ ପେରୁନି ଜୀହୁଦିୟାଁ ବିଦ୍ରାତି ଏଚରଜାଣା ପଲୁଆ ବୁଡୁୟାଁ ଆସାମାନାରି ଲାକ ପ୍ରବୁ ଜୀସୁ ଦରୁ ଆସାନା ପେରହାଲି ଅଣପାନା ଏଲେଇଚେରି, “ପାଞ୍ଜୁଲ ଆମିନି ଜୀସୁଇଁ ଖେକହି ମାନେସି ନାନୁ ଏଞ୍ଜାଣି ଦରୁଚି ନିଜେ ହୁକୁମି ହୀହିମାଞ୍ଜାଇଁ ।”

୧୪ ସେବା ଦରୁଗାଟି ର ଜୀହୁଦି କାଜା ପୂଜେରାତି ସାଡ଼ା ଜାଣା ମୀରକା ଏଲେ କିହିମାଚେରି ।

୧୫ ସାମା ପଲୁଆ ବୁଡୁୟାଁ ଏଞ୍ଜାଣାଇଁ ଏଲେଇଚୁ, “ନାନୁ ଜୀସୁଇଁ ପୁଞ୍ଜାମାଇଁ ଅଡ଼େ ପାଞ୍ଜୁଲଇଁ ପୁଞ୍ଜାମାଇଁ; ସାମା ମୀରୁ ଆମ୍ବାଆଚେରି ?”

୧୬ ଏଚେଟିଏ ଏ ପଲୁଆ ବୁଡୁ ଆଲୁଗା ମାଗସି ଏଞ୍ଜାରି ଲାକ ଡେଞ୍ଜାଁନା ଏଞ୍ଜାଣାଇଁ ଇରହାଲିଏ ଏଞ୍ଜାରି ନାଗୁଡ଼ା ଉଗୁଡ଼ା ରାଣାରାକା ଆହାନା ଏ ଇଲୁଟି ହଚେରି ।

୧୭ ଈ କାତା ଏପିସିୟତା ମାନି ଜୀହୁଦି ଅଡ଼େ ଜୀହୁଦିଆଆତି ଲକୁ ବାରେଜାଣା ପୁଚେରି, ଇଞ୍ଜାଁ ବାରେଜାଣା ଆଜିଚେରି, ଅଡ଼େ ଏମ୍ବାଆଁ ପ୍ରବୁ ଜୀସୁଚି ଦରୁ ହାରେକା ଗାଞ୍ଜୁରମି କିଚେରି ।

୧୮ ଅଡ଼େ ନାମୁଗାଟାରି ବିଦ୍ରାତି ହାରେକା ଖାହାନା ତାମ୍ବୁ କୁହାମାନି ପଲୁଆ କାମାତି ଖେସ୍ପେରି ।

୧୯ ଅଡ଼େ ଗାରୁଡ଼ି କାମା କିହିମାଚି ହାରେକା ଜାଣା ତାମ୍ବୁ ତାମି ପତିୟାଁ ତାଚିହିଁ ରୁଣ୍ଡା କିହାନା ବାରେଜାଣା ନକିତା ହୁଡିଚେରି; ଏଞ୍ଜାରି ଏ ଡାରେତି ଲେକା କିହାଲିଏ ରୀ କଡ଼ି ଦସ ମାଣା ଖେଣ୍ଡି ଟାକାୟାଁତି ପତିୟାଁ ମାରୁ ।

୨୦ ଇଲେଆହିଁ ପ୍ରବୁଚି ବଲୁ ବାଡ଼ୁୟୁ ତଲେ ପାତାଆଡ଼େ ସାରିସୁଟୁ ଖେଜିଚେ ।

ଏପିସିୟ ଗାଡ଼ାତା ଗଡ଼ହା

୨୧ ଈ ବାରେ କାତା ରାଡ଼ି ତାୟୁ ପାଞ୍ଜୁଲ ମାକିଦନିୟା ଅଡ଼େ ଆକାୟା ମାଦିଟି ଜିରୁସାଲମତା ହାଜାଲି ମନତା ତାରି କିଚେସି । ଏଞ୍ଜାସି ଏଲେଇଚେସି, “ଏମ୍ବାଆଁ ହାଚି ତାୟୁ ନାନୁ ରମ୍ପତା ଜିକେଏ ହାନାୟିମାନେ ।”

୨୨ ଅଡ଼େ ଆମ୍ବାଆରି ଏଞ୍ଜାଣି ସେବା କିହିମାଚେରି, ଏଞ୍ଜାରି ବିଦ୍ରାତି ତିମତି ଅଡ଼େ ଏରାସ୍ତ ଈ ରିଆରାଇଁ ମାକିଦନିୟାତା ପାଣ୍ଡାନା ଏଞ୍ଜାସି ଏଚରଦିନା ପାଚେକା ଆସିୟାତା ତୁୟିଚେସି ।

୨୩ ଏଚିବେଲାତା ପ୍ରବୁ ତସାମାନି ଜିରୁଚି କାତା ଅହାନା ଏପିସିୟତା ହାରେକା ଗଡ଼ହା ଆଡ଼େ ।

୨୪ ଦିନିତ୍ରିୟ ଦରୁଗାଟି ର ଖେଣ୍ଡି କାମାକିନାସି ଆଚେନି ପେନୁଚି ର ଖେଣ୍ଡିଚି ଡେଞ୍ଜୁଡ଼ି କିହିମାଚେସି, ଇଞ୍ଜାଁ ଏଞ୍ଜାଣି ଈ ବେବାରା କାମା କିନାରାକି ହାରେକା ଲାଡ଼ା ଆହିମାଚେ ।

୨୫ ଏମ୍ବାଟିଏ ଏଞ୍ଜାସି ଇଞ୍ଜାଁ ଏଞ୍ଜାରିଲେହେଁ କାମା କିନାରାଇଁ ହାଡ଼ାନା ଏଲେଇଚେସି, “ବାବୁୟାଁ ଈ କାମାଚି ମାରୁ ଦନ ବେଟାଆହିଁ ମାନାୟି ଇଞ୍ଜାଁ ମୀରୁ ବାରେ ପୁଞ୍ଜାମାଞ୍ଜେରି;

୨୬ ଅଡ଼େ, କେସ୍ତାତଲେ କେପିତି ପେଣକା ମାହାପୁରୁ ଆଏ ଇଞ୍ଜାଁ ଖେସାନା ପାଞ୍ଜୁଲ ଖାରୁଇ ଏପିସିୟତା ଆଏ, ସାମା ବାରେ ଆସିୟାତା ଜିକେଏ ହାରେକା ଲକୁଣି ଜାପୁହାନା ଏମ୍ବାଟି ମାଡ଼ୁଞ୍ଜି କିହିମାନେସି, ଇଦାଆଁ ମୀରୁ ମେସାମାଞ୍ଜେରି ଅଡ଼େ ଖେଞ୍ଜାମାଞ୍ଜେରି ।

୨୭ ଇମ୍ବାଆଁ ଖାରୁଇ ମା ବେବାରା କାମା ଲାଗେଏ ଆନେ, ଏଡ଼ି ଆଏ, ସାମା ଆମିନି କାଜା ପେନୁ ଆଚେନିଇଁ ବାରେ ଆସିୟା ଅଡ଼େ ଦାରୁଚିତି ଲକୁ ପୂଜା କିହିମାନେରି, ଏଦାନି ଡେଞ୍ଜୁଡ଼ିଚି ଜିକେଏ ଲକୁ ମାନି କିଅରି, ଇଞ୍ଜାଁ ଆଚେନି ପେନୁଚି ଦରୁ କାଜା ଦରୁ ଇଞ୍ଜାଁ ଖେଜେଏ ।”

୨୮ ଈ କାତା ଖେଞ୍ଜାନା ବାରେଜାଣା କାରୁବି ଆହାନା କାଜା ଗିୟାଁତଲେ ଏଲେଇଚେରି, “ଏପିସିୟ ଲକୁଚି ଆଚେନିଏ କାଜା ପେନୁ ।”

୨୯ ଏଚେଟିଏ ଗାଡ଼ା ବାରେ ଗଡ଼ହା ଆଡ଼େ, ଇଞ୍ଜାଁ ଲକୁ ବାରେ କାଲୁଞ୍ଜି ଆହାନା ପାଞ୍ଜୁଲ ତଲେ ହାଜିମାଚି ମାକିଦନିୟାଚି ଗାୟୁ ଅଡ଼େ ଆରିସ୍ତାକିଇଁ ଦସାନା କାହିନି ବାଟାତା ହଚେରି ।

୩୦ ଏମ୍ବାଟିଏ ପାଞ୍ଜୁଲ ଲକୁ ମାଦା ବିଦ୍ରା ହାଜାଲି ଅଣପିଚେସି, ସାମା ସୀସୁୟାଁ ଏଞ୍ଜାଣାଇଁ ହାଜାଲି ହୀଆଚେରି ।

୩୧ ଅଡ଼େ ଆସିୟାଚି ସାଲୁଞ୍ଜି କିନାରି ବିଦ୍ରାଚି ଜିକେଏ ଏଞ୍ଜାରି ତଡ଼ୁ ଗ୍ରାଟାରି ମାଗାକି କାହିନି ବାଟା ମାଦି ହାଲୁଆପେସି ଇଞ୍ଜାଁ ଲକୁଣି ଖେସା ପାଣ୍ଡାନା ଏଞ୍ଜାଣାଇଁ ବାଟିମାଲିଚେରି ।

୩୨ ଏଚିବେଲା ହାରେକା ଗଡ଼ହା ଆହିମାଚେ, ଇଞ୍ଜାଁ ଲକୁ ମାଦା ମାଦା ଆହିଁ ଏଚରଜାଣା ଈ କାତା ଅଡ଼େ ଏଚରଜାଣା ଏ କାତା ଇଞ୍ଜାଁ କାଲୁଞ୍ଜି ଆହିମାଚେରି, ଅଡ଼େ ଏଞ୍ଜାରି ଏନାଆଁତାକି ରୁଣ୍ଡା ଆହାମାନେରି ହାରେକା ଲକୁ ପୁଞ୍ଜାହିଲାଆଚେରି ।

୩୩ ଲକ୍ଷ୍ମ ବିଭାବି ଏଚରଜାଣା ଏଲେଇଚେରି, ଆଲେକଜାଣ୍ଡର ଇଦାଆଁତାକି ଦାୟି, ଇଚିହଁ ଜୀହୁଦି ଲକ୍ଷ୍ମ ଏଞ୍ଜାଣାଇଁ ନକିତା ନିପହା ମାଚେରି, ଆଲେକଜାଣ୍ଡର କେୟୁ ପେରହାନା ଲକ୍ଷ୍ମି ପାଲେଏ ଆହାଲି କେୟୁ ଜୀଞ୍ଜିତେସି, ଅଡ଼େ ନାମୁଗାଗାରି ଝାକିଟି ଝେସାଲି ଅଣ୍ଡପିତେସି ।

୩୪ ସାମା ଏଞ୍ଜାସି ର ଜୀହୁଦି ଇଞ୍ଜିଁ ଏଚିବେଲ୍ଲା ଏଞ୍ଜାରି ପୁଚେରି; ଏଚିବେଲ୍ଲା ବାରେଜାଣା କାଜା ଚିୟାତଲେ ରୀ ଗଂଟା ପାତେକା କାଲ୍ଲିଞ୍ଜି ଆହାନା ଏଲେଇଚେରି, “ଆଚେନିଏ ଏପିସିୟ ଲକ୍ଷ୍ମି କାଜା ପେନୁ ।”

୩୫ ତାୟୁ ଗାଡ଼ାତି କାଜାସି ଲକ୍ଷ୍ମି ସୁସି କିହାଲି ଝେସେସି, “ଏ ଏପିସିୟତା ମାନି ତାୟିୟାତେରି ବାରେଜାଣା ପୁଞ୍ଜାମାନେରି ଏପିସିୟ ଗାଡ଼ାତି କାଜା ପେନୁ ଆଚେନିତି ଦେଝୁଡ଼ି ଇଞ୍ଜାଁ ହାଗୁଲ୍ଲାକିଟି ରେଟା ଝାହାନା ସୁଦୁଡ଼ି ବମା ଗେଲ୍ପିକିଞ୍ଜି ଆହାମାନେ ।

୩୬ ଆମ୍ବାସାସି ଇଦାଆଁ ଆଏ ଇଞ୍ଜାଲି ଆଡ଼ଅସି, ଏଦାଆଁତାକି ମାରୁ ବାରେ ସୁସି ଆଦୁ, ଏନି ବୁଡ଼ି ହିଲ୍ଲାଆ କାମା କିଆଦୁ ।

୩୭ ଇଚିହଁ ଇଆନିନି ଲକ୍ଷ୍ମି ମାରୁ ଦସା ତାଚାମାଞ୍ଜେରି, ଇଞ୍ଜାରି ଦେଝୁଡ଼ିତି ସରୁ କିହାହିଲଅରି, ଇଞ୍ଜାଁ ମା ପେଣ୍ଡାକା କପାଟି ଏନି ନିନ୍ଦା କାତା ଜଲ୍ଲା ହିଲଅରି ।

୩୮ ଏଦାଆଁତାକି ଦିନିତ୍ରିୟ ଅଡ଼େ ଏଞ୍ଜାଣିତଲେ କାମାକିନାରି ଆମ୍ବାଆରି କପାଟି ଏନି କାତା ମାଚିହଁ, ନାହାୟି କିହାଲି ନାହାୟି ଇଲ୍ଲୁ ଦେପିଆହାମାନେ, ଇଞ୍ଜାଁ ନାହାୟି କିନାରି ମାନେରି, ଏଞ୍ଜାରି ନକିତା ତାମ୍ବୁ ତାମି ଦାଞ୍ଜା କିପେରି ।

୩୯ ଇଦାଣିକିହାଁ ଆଗାଡ଼ା ଅଣ୍ଡପିମାଚିହଁ, ଲକ୍ଷ୍ମ ତାଣାଟି ମେରା କିଞ୍ଜି ଆହାମାନି ନାହାୟି କିନି ତାଣା ଏଦାଆଁ ଡିକନାୟି ଆନେ ।

୪୦ ଇଚିହଁ ସାତେଏ ନୀଞ୍ଜୁତି ଗଡ଼ହା ତାକି ମା କପାଟି ଦାଞ୍ଜା ଆନାୟି ମାନେ; ଏନି ଇଚିହଁ ଏ ଗଡ଼ହା ଏନାଆଁତାକି ହଡ଼େ ଏଦାଆଁ ମାରୁ ଏନି କାତାତଲେ ତସାଲି ଆଡ଼ାଆୟି ।”

୪୧ ଇ ବାରେ କାତା ଝେସାନା ଲକ୍ଷ୍ମି ସୁସି କିହାନା ନାହାୟି ତୁକହେସି ।

୨୦

ମାକିଦନିୟା ଅଡ଼େ ଆକାୟାତା ହାନାୟି

୧ ଏ ଗଡ଼ହା ତୁଞ୍ଜିତି ତାୟୁ ପାଞ୍ଜୁଲ ସାସୁୟାଣି କୁଡ଼ି କିହାନା ଏଞ୍ଜାରାଇଁ ବାସୁଡ଼ି କାତା ଝେସେସି, ଏଞ୍ଜାରି ତାଣାଟି ହେଲ ଅହାନା ମାକିଦନିୟାତା ହାଚେସି ।

୨ ଏଞ୍ଜାସି ବାରେ ନାସ୍‌କାଟି ହାଜିହଁ, ହାରେକା ସାସୁୟାଣି ବାସୁଁ ହାହାନା ଗ୍ରିସ୍ ଦେସାତା ହାଚେସି ।

୩ ଏମ୍ବାଟିଏ ଏଞ୍ଜାସି ଏମ୍ବାଆଁ ତାନି ଲେଞ୍ଜୁ ତୁୟିତେସି, ଏଞ୍ଜାସି ସିରିୟାତା ହାଜାଲି ତିୟାରା ଆହିମାଟି ବେଲ୍ଲାତା, ଜୀହୁଦି ଲକ୍ଷ୍ମ ଏଞ୍ଜାଣାଇଁ ପାୟାଲି ତାରି କିହାମାନେରି ଇଞ୍ଜିଁ କାବୁ ପୁଞ୍ଜାମା ମାକିଦନିୟା ଝାକିଟି ଝେଣ୍ଡେ ହାଜାଲି ତାରି କିତେସି ।

୪ ଅଡ଼େ ବେରିୟା ତାସି ପୁରତି ମାରୁଏସି ସପାତର, ଅଡ଼େ ତେସଲନିକି ଗାଡ଼ାତି ଆରିସ୍‌କାର୍କ, ସେକ୍ସନ୍, ଦବ ଚି ଗାୟ, ତିମତି ଅଡ଼େ ଆସିୟାତି ଲକ୍ଷ୍ମ ବିଭାବି ତୁକିକ ଅଡ଼େ ତ୍ରପିମ ଏଞ୍ଜାଣିତଲେ ହାଚେରି ।

୫ ଏଞ୍ଜାରି ବାରେଜାଣା ନଡ଼କଏ ହାଜାନା ତ୍ରୟାତା ମାଞ୍ଜେ କାଟିମାଞ୍ଜାତେରି ।

୬ ଅଡ଼େ ପୁଲ୍ଲା ଗୁଣ୍ଡା ଆଣ୍ଡାଆତି ରୁଟି ତିନି ପାର୍ଟୁ ତାୟୁ ମାମ୍ବୁ ପୁଲିପିଟି ଏୟୁ ଜାଜାଟି ହାଚମି, ଇଞ୍ଜାଁ ପାସା ଦିନା ତାୟୁ ତ୍ରୟାତା ଏଞ୍ଜାରାଇଁ ବେଟାଆହାନା; ଏମ୍ବାଆଁ ର ଝାଞ୍ଜା ତୁୟିତେସି ।

ତ୍ରୟାତା ପାଞ୍ଜୁଲ ତାୟୁ ପାଲି ହାନାୟି

୭ ଝାଞ୍ଜାଟି ମୁଲ୍ଲୁ ଦିନାଟି ମିଡ଼ଅଲ୍ଲା ରାନ୍ଦା ତିଞ୍ଜାଲି ରୁଣ୍ଡା ଆହାମାଚମି, ପାଞ୍ଜୁଲ ଅର ନେଚୁ ହାନାୟି ମାଚାକି ଏଞ୍ଜାସି ଲକ୍ଷ୍ମି ମାଦି ନେକେରି ପାତେକା ନେହଁ କାତା ଝେସିମାଚେସି ।

୮ ମାମ୍ବୁ କୁଡ଼ା ଆହାମାନି ଲାକନି ପାରୁଡ଼ି ଇଲ୍ଲୁତା ଏମ୍ବାଆଁ ହାରେକା ଦୀଞ୍ଜିୟାଁ ତାଞ୍ଜିମାରୁ ।

୯ ଅଡ଼େ ଇଞ୍ଜୁଡୁକ ଇନି ର ଦାଂଗଣେଏସି କିଡ଼କି ଲାକ କୁଗାମାଚେସି, ଏଞ୍ଜାଣାକି ହାରେକା ଇଦା ଝାହିମାଚେ; ଇଞ୍ଜାଁ ପାଞ୍ଜୁଲ କାତା ହାରେକା ଲାମ୍ବା କିହଁ ଝେସିମାଚାକି ଇଞ୍ଜୁଡୁକ ତାନି ପାରୁ ଗାଟି ଇଲ୍ଲୁ ଲାକିଟି ତୁକ ରାତେସି, ଏଚିବେଲ୍ଲା ଏଞ୍ଜାରି ଇଞ୍ଜୁଡୁକଇଁ ନିକହେରି, ଏଞ୍ଜାସି ହାହାମାଚେସି ।

୧୦ ସାମା ପାଞ୍ଜୁଲ ତୁକ ରେଟାଝାହାନା ଏଞ୍ଜାଣି ମୁହେଁ ମାରୁହାନା ଏଞ୍ଜାଣାଇଁ ପମାନା ଏଲେଇଚେସି, “ଆଜାଆଦୁ ଇଚିହଁ ଇଞ୍ଜାଣି ତାଣା ଜୀଞ୍ଜୁ ମାନେ ।”

୧୯ ତାହୁଁ ଲାଜ ହାଜାନା ରୁଚି ବାଟିକିହାଁ ତିଚେରି, ଇଞ୍ଜା ଲାଈ ଝେୟିନି ପାତେକା ହାଡ଼ାକାତା ଆହାନା ପାଞ୍ଜୁଲ ହାଚେସି ।

୧୯ ଅଡ଼େ ଲକ୍ଷୁ ଏ ଦାଂଗଣା କକାଣାଇଁ ଜୀଞ୍ଜୁତଲେ ଇଜ ଅହୁଁ ହାଚେରି ଇଞ୍ଜା ଏଞ୍ଜାରି ହାଚେରକା ବାସୁଁ ବେଟାଆଡ଼େରି ।

ତ୍ରୟାଟିଏ ମିଲିତତା ହାନାୟି

୧୩ ସାମା ମାମୁ ନକେଏ ଜାଜାତା ହଚାନା ଆସସତା ହାଚନି, ଏମ୍ବାଟିଏ ମାମୁ ପାଞ୍ଜୁଲଇଁ ଅହାଲି ଅଣ୍ଡାପାଚନି, ଇଚିହୁଁ ଏଞ୍ଜାସି ତାନୁଏ ତାକିହୁଁ ହାଜାଲି ତାରି କିହାମାଚେସି ।

୧୪ ଏଚିବେଲାଇ ଏଞ୍ଜାସି ଆସସତା ମାଜେ ବେଟା ଆୟାଲିଏ, ମାମୁ ଜାଜାତା ଏଞ୍ଜାଣାଇଁ ମିତିଲିନିତା ତାଚିହୁଁ ଖାତନି,

୧୫ ଅଡ଼େ ଏମ୍ବାଟି ହାଜାନା ଏ ଅର ନେରୁ କିଅସତା ଏଗାହାଚନି, ଅଡ଼େ ର ଦିନାତି ଜେଚ ସାମସତା ଏଜାହାଁ, ତାନି ଅର ନେରୁ ମିଲିତତା ଏଗାହାଚନି ।

୧୬ ଇଚିହୁଁ ପାଞ୍ଜୁଲ ଆସିୟା ରାଜିତା ହାଚେରକା ଦିନା ତ୍ରୟାଆନା, ଇଦାଆଁତାକି ଏଞ୍ଜାସି ଏପିସିୟ ପିସାନା ହାଜାଲି ତାରି କିହାମାଚେସି, ଆଡ଼ିସାରେ ପେଟ୍ଟିକସ୍ତ ଦିନା ଜିରୁସାଲମତା ଏଗାହାଜାଲି ଦାଗା ଆହିମାଚେସି ।

ଏପିସିୟ କୁଲମିତି କାଜାରାଇଁ ପାଞ୍ଜୁଲ ଝେହନାୟି

୧୭ ମିଲିତଟିଏ ପାଞ୍ଜୁଲ ଏପିସିୟ କୁଲମିତି କାଜା ଲକ୍ଷୁଣି କାବୁ ପାଣ୍ଡାନା ହାଟିକିତେସି ।

୧୮ ଏଞ୍ଜାରି ତାନି ତାଣା ଖାୟାଲିଏ, ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଆସିୟାତା ନାନୁ ଏଦାତି ଦିନାଟିଏ ମୀ ତଲେ ଏନିକିହୁଁ ମାଚେସି ମୀରୁ ପୁଞ୍ଜାମାଞ୍ଜେରି,

୧୯ ପ୍ରବୁତି ହଲେଏଣା ଆହାନା ଜାହାରାଇଁ ଉଣା କିହାଁ ଅଡ଼େ କାଣ୍ଡୁ ନକହାଁ ନାଜେ ସାସ୍ତି ଖାତାଟି ନାନୁ ପ୍ରବୁତି ସେବା କିଚେସି, ଏନାଆଁତାକି ଇଚିହୁଁ ଏଚରଜାଣା ଜୀହୁଦି ଲକ୍ଷୁତି ପାରୁ ପାରିମାଚାକି ।

୨୦ ମୀରୁ ପୁଞ୍ଜାମାଞ୍ଜେରି, ନାନୁ ପାଞ୍ଜାଞ୍ଜେଲେ ଲକ୍ଷୁତାଣା ଝେହନାଟି ଅଡ଼େ ମିଜେତାକି ଇଲୁତା ଝେସ୍ତାନି ବେଲତା ମୀ ନେହେଁ ଆନିଲେହେଁତି ଏନାଆଁ ଜିକେଏ ତୁଲୁହା ହିଲାଆଚେସି,

୨୧ ଜୀହୁଦି ଅଡ଼େ ଜୀହୁଦିଆଆତି ଲକ୍ଷୁ ନକିତା ଜାଗ୍ରାତା କିହୁଁ ସାକି ହାହାନା ଝେସାମାଚେସି, ଏଞ୍ଜାରି ପାପୁଟି ଏଚକା ଆହାନା ମାହାପୁରୁ ଖାକି ମନ ଝେଚହା କତାନା ମା ପ୍ରବୁ ଜୀସୁଇଁ ନାମିନେରି ।

୨୨ ନୀସି ମେହଦୁ, ନାନୁ ସୁଦୁଜୀଞ୍ଜୁଇଁ ମାନଞ୍ଜି ଆହାନା ଜିରୁସାଲମତା ହାଜିମାଇଁ, ଏମ୍ବାଆଁ ନାଜେତାକି ଏନାଆଁ ଏନେ ନାନୁ ପୁଞ୍ଜାହିଲଅଁ;

୨୩ ସୁଦୁଜୀଞ୍ଜୁ ନାଜେ ଜାଗ୍ରାତା କିହାଁ ସାକି ହାହିମାଞ୍ଜାନେ, ଗାଡ଼ାତାକି ଗାଡ଼ା କାୟିଦି ଆହାନା କସ୍ତ ବେଟାଆଇଁ ।

୨୪ ସାମା ନାନୁ ଏନିକିହୁଁ ନା ତାରିଆହାମାନି ଚାୟୁ ପାତେକା ହଗାଲି ଆଡ଼ିଇଁ, ଅଡ଼େ ମାହାପୁରୁତି କାର୍ମାଟି ନେହୁଁ କାବୁତାକି ସାକି ହାହାଲିତାକି ଜୀସୁ ତାଣାଟିଏ ଏମିନି ସେବା କାମା ବେଟାଆହାମାଇଁ, ଏଦାଆଁ ଏନିକିହୁଁ ରାପୁହାଲି ଆଡ଼ିଇଁ, ଏଦାଆଁତାକି ନା ଜୀଞ୍ଜୁତି କାଜାୟି ଇଞ୍ଜା ଅଣପି ହିଲଅଁ ।”

୨୫ “ଅଡ଼େ ନୀସି ନାନୁ ପୁଞ୍ଜାମାଇଁ ମୀରୁ ଅଡ଼େ ନାଜେ ଝେଣ୍ଡେ ମେସ୍ତଅତେରି । ନାନୁ ମୀ ବାରେ ତାଣା ମାହାପୁରୁ ରାଜିତି କାତା ରେଜିହୁଁ ଝେସାମାଞ୍ଜାଇଁ ।

୨୬ ଏଦାଆଁତାକି ନାନୁ ନୀଞ୍ଜୁତି ଇ ପାରୁତାକି ଆଚଞ୍ଜା ତଲେ ଝେସିମାଇଁ, ମୀ ବିତ୍ରାଟି ଆମ୍ବାଆସି ନାସା ଆଚିହୁଁ ଏମ୍ବାତି ଦାୟି ନାନୁ ଆଏ

୨୭ ଇଚିହୁଁ ମାହାପୁରୁ ଅଣ୍ଡାପାଚନାଣି ବାରେ ମିଜେ ଝେସାଲି ନାନୁ ପିସା ହିଲଅଁ ।

୨୮ ମୀରୁ ମିଜେ ଜାହାରା କାତା ଅଡ଼େ ଆମିନି କୁଲମିତି ମାହାପୁରୁ ତାନି ନେତେରି ତଲେ କତାମାନେସି, ତାନି ଏ କୁଲମିତି ପହି ପାଡ଼ିକିହାଲିତାକି ସୁଦୁଜୀଞ୍ଜୁ ବାରେ ମାଦା ବିତ୍ରାଟି ଗୁମୁସା କିହାଁ ମିଜ ଆଚାମାଞ୍ଜାନେସି, ଏଞ୍ଜାରାଇଁ ଜାଗ୍ରାତା କିପୁ ।

୨୯ ନାନୁ ହାଚି ତାୟୁ ଆଜିହପେତି ଗାଡ଼ଦେ କ୍ଷାୟନୁଁ ଖାନୁ, ଅଡ଼େ ମେଣ୍ଡାୟାଁ ମାଦାତି ରାଣାରାକା କିଆନା ପିହୁର,

୩୦ ଦିନା ଖାନ୍ଦେ, ଏଚିବେଲାଇ ମୀ ଗଚିତି ଏଚେକା ସାସୁୟାଁ ନିଜାମା ନାମୁ ଗାଟାରାଇଁ ମିତି କାତା ଝେସାନା ଏଚକା ଜିରୁତା ଅନେରି,

୩୧ ଏଚିବେଲା ଜାଗ୍ରାତା ତୟାପୁ, ନାନୁ ଲାଆଁ ମାଦେନା କାଣ୍ଡୁ ଖୁକୁହିହିଁ ତାନି ବାସୀ ପାତେକା ବାରେତେରି ମିଙ୍ଗେ ଜାପୁହା ମାଞ୍ଜାଇ, ଛ କାତା ଅଣପୁତା ଇଟାପୁ ।”

୩୨ ନାଏଁ ନାନୁ ମିଙ୍ଗେ ମାହାପୁରୁ ଇଞ୍ଜାଁ ତାନି କାର୍ମାମେହନି ବଲୁ ନକିତା ହେରପିମାଞ୍ଜାଇ, ଛ କାର୍ମାତି କାତା ମିଙ୍ଗେ ବାଡ଼ୁତୁ ତଲେ ପାତିକିହାଲିତାକି ଅଡ଼େ ସୁତୁ ଆହାମାନି ବାରେ ଲକୁ ବିତ୍ରା ଅଦିକାରା ହାହାଲି ଆଡ଼ାନେସି ।

୩୩ ନାନୁ ଆମ୍ବାଆରି ବାଂଗାରା, ଝେଣ୍ଡି କି ହିମ୍ବିରିକା ଜୁପକା ଆହାହିଲାଆତେସି ।

୩୪ ମାରୁ ପୁଞ୍ଜାମାଞ୍ଜେରି ଛ ନା ରା କେସ୍ମାତଲେ କାମା କିହାନା ନାଙ୍ଗେ ଅଡ଼େ ନା ତଡ଼ ଲୁକୁତି ବାରେ ଲଡ଼ାମାନାଣି ବେଟାଆହାମାଇଁ ।

୩୫ ଇଲେକିହିଁ କସ୍ପ କିହାନା ଆଡ଼ାଆ ଗାଗାରି ସାୟେମି କିନାୟି, “ଇଚିହିଁ ରାହନି କିହାଁ ହାନାୟି ହାରେକା ନେହାୟି” ପ୍ରବୁ ଜୀସୁ ତାନୁଏ ଛ କାତା ଝେସାମାଞ୍ଜାନେସି, ଛ କାତା ମାରୁ ଅଣପିନାୟି ମାନେ, ଛ ବାରେ କାତାତଲେ ମିଙ୍ଗେ ପୁଣ୍ଡି କିହିମାଞ୍ଜାଇଁ ।

୩୬ ଛ ବାରେ କାତା ଝେସାଲି ରାପୁହି ତାୟୁ ପାଞ୍ଜୁଲ ମେଣ୍ଡାକୁତାନା ବାରେଜାଣା ତଲେ ପ୍ରାତାନା କିତେସି ।

୩୭ ଅଡ଼େ, ଏଞ୍ଜାରି ବାରେଜାଣା ଡ଼ାହି ଡ଼ାହିଁ ପାଞ୍ଜୁଲଇଁ ପମାହାଁ ନଣ୍ଡିତେରି ।

୩୮ ଏଞ୍ଜାରି ଅଡ଼େ ତାନି ମୁମ୍ବୁ ଝେଣ୍ଡେ ମେସାଲି ଆଡ଼ଅରି, ଏଞ୍ଜାସି ଝେସାମାଟି କାତାତାକି ହାରେକା ଦୁକୁ କିତେରି, ତାୟୁ ଏଞ୍ଜାରି ଏଞ୍ଜାଣାଇଁ ଏୟୁ ଜାଜା ପାତେକା ଇଚି ହାଚେରି ।

୨୧

ପାଞ୍ଜୁଲ ଜିରୁସାଲମତା ହାନାୟି

୧ ଏଞ୍ଜାରି ତାଣ୍ଡାଟି ହେଲ ବେଟାଆହାନା ମାମ୍ବୁ ଏୟୁ ଜାଜାତା ହଟାହାଁ ସଲକେ ଜିରୁଟି କସ୍ତା ଖାଡ଼ମି, ତାନି ଅର ନେଚୁ ରଦାତା, ଇଞ୍ଜାଁ ଏମ୍ବାଟିଏ ପାତାରାତା ଖାଡ଼ମି ।

୨ ଏମ୍ବାଟିଏ ପୟିନିକିୟା ହାନି ଏୟୁ ଜାଜା ବେଟାଆହାନା ଏମ୍ବାଆଁ ହଟାହାଁ ହାଚମି ।

୩ ତାୟୁ କୁପ୍ର ତଞ୍ଜା ଆହାଲିଏ ତାନି ଚେଟ୍ଟିଞ୍ଜାକି ପିସାନା ମାମ୍ବୁ ହିରିୟାତା ହାଜାନା ସରତା ଏଗାତମି, ମାମ୍ବୁ ଚାୟରତା ଜାଜାଟି ରେତମି, ଇଚିହିଁ ଏମ୍ବାଆଁ ଜାଜାଟି ଆସି ରେପନାୟି ମାଚେ ।

୪ ଏମ୍ବାଆଁ ନାନିତି ସାୟୁୟାଣି ପାରାନା ଏଞ୍ଜାରାଇଁ ବେଟାଆହାନା ଏମ୍ବାଆଁ ସାତା ଦିନା ତୁୟିତମି; ଇଞ୍ଜାଁ ପାଞ୍ଜୁଲ ଏନିକିଁ ଜିରୁସାଲମତା ହାଲଅସି ଏଡ଼ାଆତାକି ଏଞ୍ଜାରି ସୁଦୁଜୀଞ୍ଜୁ ତଲେ ବାତିମାଲିତେରି ।

୫ ମାମ୍ବୁ ସାତା ଦିନା ତୁୟିତି ତାୟୁ, ଏଞ୍ଜାରାଇଁ ପିସାନା ଜାହାରା ଜିରୁତା ହାଚମି, ଅଡ଼େ ମାଙ୍ଗେ ହେଲ ହିୟାଲି ଏଞ୍ଜାରି ବାରେଜାଣା ଇୟସିକା କକାରି ପଦାୟାଁ ତଲେ ଗାଡ଼ାତି ପାଙ୍ଗାତା ମାନି ସାମ୍ବୁଦିରି ଗାଟୁ ପାତେକା ଇଚି ଖାଡ଼େରି, ଏମ୍ବାଆଁ ମେଣ୍ଡାକୁତାନା ମାମ୍ବୁ ହାରେତମି ପ୍ରାତାନା କିତମି,

୬ ତାୟୁ ମାମ୍ବୁ ହାରେଜାଣାଟି ହେଲ ହାହାନା; ଜାଜାତା ହଟମି, ଇଞ୍ଜାଁ ଏଞ୍ଜାରି ତାନି ଇଜ ଝେଣ୍ଡା ହାଚେରି ।

୭ ମାମ୍ବୁ ସୁର ଗାଡ଼ାଟି ପତଲମାୟିତା ଏଗାହାଚମି, ଇଞ୍ଜାଁ ଏମ୍ବାଆଁ ତାୟିୟାଣି ଜହରା କିହାନା ଏମ୍ବାଆଁ ର ଦିନା ଏଞ୍ଜାରିତଲେ ତୁୟିତମି ।

୮ ଅଡ଼େ ଅର ନେଚୁ ହାଜାନା କାୟିସରିୟାତା ଏଗାହାଚମି, ଏମ୍ବାଆଁ ମାମ୍ବୁ ଚୁନହିଁ ବଲୁ ଝେକ୍‌କିନି ପିଲିପ ଇଜ ହାଜାନା ତୁୟିତମି, ଜିରୁସାଲମତା ସେବା କାମା କିହାଲି ଆଡ଼ାମାନି ସାତା ଜାଣା ବିତ୍ରାଟି ଏଞ୍ଜାସି ଚଅସି ମାଚେସି ।

୯ ଏଞ୍ଜାଣାକି ସାରି ଜାଣା ଡ଼ାଆ ମାସ୍କା ମାରୁ, ଏଞ୍ଜି ବାରେ ମାହାପୁରୁ ଅଣପୁତି ବଲୁ ଝେହନାଇ ମାରୁ ।

୧୦ ଏମ୍ବାଆଁ ହାରେକା ଦିନା ତୁୟିତି ତାୟୁ ଆଗାବ ଦରୁଗାଟି ର ମାହାପୁରୁ ଅଣପୁତି ବଲୁ ଝେହନାସି ଜାହୁଦା ଦେସାଟି ଖାଡ଼େସି ।

୧୧ ଏଞ୍ଜାସି ମା ତାଣ୍ଡା ଖାହାନା ପାଞ୍ଜୁଲତି ଜାଟି ତୁରି ଅହାନା ତାନି କେସ୍ମା କଡ଼ାଣା ଦସା କଡ଼ାନା ଏଲେଇଚେସି, “ସୁଦୁଜୀଞ୍ଜୁ ଏଲେଇଞ୍ଜି ଝେସିମାଞ୍ଜାନେ, ଇଦାଆଁ ଦସା କଡ଼ିନି ଜାଟି ତୁରି ଗାଟାଣାଇଁ ଜିରୁସାଲମତି ଜାହୁଦି ଲକୁ ଇଲେକିଁ ଦସାନା ଜାହୁଦିଆଆତି ଲକୁତି କେୟୁତା ହେରପିନେରି ।”

୧୨ ଛ ବାରେ କାତା ଝେଞ୍ଜାନା ଜିରୁସାଲମତା ହାଲଆନି ଇଞ୍ଜାଁ ମାମ୍ବୁ ଅଡ଼େ ଏମ୍ବାଟି ଲକୁ ବାତିମାଲିତମି ।

୧୩ ସାମା ପାଞ୍ଚୁଲ ଏଲେଇଚେସି, “ମୀରୁ ତାହି ତାହି ଏନାଆଁତାକି ନା ହିୟାଁତି କାଡ଼ି କିହିମାଞ୍ଜେରି, ଏନିଜଚିହଁ ନାନୁ ପ୍ରବୁ ଜୀସୁ ତାକି ଜିରୁସାଲମତା ଦସପି ଆହାଲି ଆଏ ସାମା ହାହାଲି ଜିକେଏ ଅଣପିମାଜ୍, ଇଞ୍ଜିଁ ଇଚେସି ।”

୧୪ ଏଞ୍ଜାସି ମା କାତା ମାନୁଞ୍ଜି ଆଆତାକି ମାମୁ ନାରେ ପାଲେଏ ଆଡ଼ମି, ଇଞ୍ଜିଁ “ପ୍ରବୁତି କାଚେଏ ଆଠେ” ଇଞ୍ଜିଁ ଇଚମି ।

୧୫ ଏମ୍ବାଆଁ ଏଚରଦିନା ମାଟି ତାୟୁ ମାମୁ ମା ଆସି ଆସାନା ଜିରୁସାଲମତା ହାଚମି ।

୧୬ ଅଡ଼େ କୁପୁତି ମନାସନ ଦରୁଗାଟି ର ମାମୁଗାଟାସି ଅଡ଼େ କାୟିସରିୟାଟି ଏଚରଜାଣା ସାସୁୟାଁ ମା ତଲେ ହାଚେରି; ମନାସନ ଇଜ ମାମୁ ତୁୟିନାୟି ମାଚେ ।

ଜାକୁବ ତଲେ ପାଞ୍ଚୁଲ ବେଟାଆନାୟି

୧୭ ମାମୁ ଜିରୁସାଲମତା ଏଗାହାଜାଲିଏ ନାମିତି ତାୟିୟାଁ ମାଜେ ରାହାଁଟି ହାଟା ଅୟାଚେରି ।

୧୮ ଏ ଅର ନେହୁ ପାଞ୍ଚୁଲ ମା ତଲେ ଜାକୁବ ଇଜ ହାଚେସି; ଅଡ଼େ ବାରେ ପ୍ରାଟିନାଜା ଏମ୍ବାଆଁ କୁଡ଼ା ଆଡ଼ଚେରି ।

୧୯ ପାଞ୍ଚୁଲ ଏଞ୍ଜାରାଇଁ ଜହରା କିତି ତାୟୁ, ମାହାପୁରୁ ତାନି ସେବା କାମାତା ଜୀହୁଦିଆଆତି ଲକୁତାଣା ଏନି ଏନି କାମା କିହାମାନେସି ଏ ବାରେ ଝେସେସି ।

୨୦ ଏଞ୍ଜାରି ଏମ୍ବାଆଁ ଝେଞ୍ଜାନା ମାହାପୁରୁତି ଜହରା କିଚେରି, ଅଡ଼େ ଏଞ୍ଜାଣାଇଁ ଏଲେଇଚେରି, “ଏ ତାୟି, ପାଞ୍ଚୁଲ ନାଏଁ ମେସିମାଞ୍ଜି ଜୀହୁଦିୟାଁ ବିଦ୍ରାଟି ମାଣା ମାଣା ଲକୁ ନାମିମାନେରି, ଏଞ୍ଜାରି ବାରେଜାଣା ମୋରାତି ମାନୁଞ୍ଜି ଆହିମାନେରି ।

୨୧ ଏଞ୍ଜାରି କାରୁ ବେଟାଆହା ମାନେରି, ନାନୁ ଏଟକା କୁଡ଼ାତାରି ତାଣା ବାସା ଆହାମାନି ବାରେ ଜୀହୁଦି ଲକୁଣି ମସାତି ମୋରା ପିସାଲି, ଏଞ୍ଜାରି କକାରି ତଲୁ ଦାଦୁ, ଅଡ଼େ ଜୀହୁଦି ଲକୁତି ପାଣାପାଟୁ ମାନୁଞ୍ଜି ଆଆଦୁ ଇଞ୍ଜିଁ ଜାପୁହିମାଞ୍ଜି ।

୨୨ ନାନୁ ଇମ୍ବାଆଁ ଝାହାମାନି କାରୁ ସାଚେଏ ଏଞ୍ଜାରି ଝେନେରି, ଆତିହଁ ଏନି କିନାୟି ?

୨୩ ଏମ୍ବାଆଁତାକି ମାମୁ ନିଜେ ଏମ୍ବାଆଁ ଝେସିମାଞ୍ଜାନମି ଏମ୍ବାଆଁ କିମୁ, ମା ତାଣା ସାରି ଜାଣା ମାନେରି, ଏଞ୍ଜାରି ପାରମାଣା କିହାମାନେରି;

୨୪ ଏଞ୍ଜାରିତଲେ ହାଲାନୁ ଇଞ୍ଜିଁ ଏଞ୍ଜାରିତଲେ ଆଣ୍ଡାନା ନିଜେ ଅଟହା କତାମୁ, ଇଞ୍ଜିଁ ଏଞ୍ଜାରି ତାର୍ଜା ହିଶନି କାରୁଁ ହୀମୁ, ଆତିହଁ ବାରେ ଲକୁ ମେସାନା ଏଞ୍ଜାରି ନୀ କପାଟି ଝେସାମାନି କାତା ଏନି ସାତା ହିଲେଏ, ସାମା ନାନୁ ଜିକେଏ ମସା ମୋରା ମାନୁଞ୍ଜି ଆହିମାଞ୍ଜି ଇଞ୍ଜିଁ ପୁଞ୍ଜାମାନେରି ।

୨୫ ଏସାମା ଆମିନି ଏଟକା କୁଡ଼ାତାରି ନାମାମାନେରି, ଏଞ୍ଜାରି ପେଣକା ବମାୟାଁକି ପୂଜା ହୀହାମାନି ବଗୁ, ନେଚେରି ଇଞ୍ଜିଁ ହେଚକି ତିଶତାନା ପାୟିତି ଜଡ଼ିତି ଉଜା ତିନାଆଦୁ, ଇଞ୍ଜିଁ ଦାରିକାମାଟି ଏଟକା ଆଦୁ, ଇଞ୍ଜିଁ ମାମୁ ତୁଆରିକିହାଁ ଏଞ୍ଜାରାକି ର ଆକୁ ରାଟାମାନମି ।”

୨୬ ଏମ୍ବାଟିଏ ପାଞ୍ଚୁଲ ଅର ଦିନା ଏଞ୍ଜାରିତଲେ ହାଜାନା ଅଟହା କଡ଼ିନି ମୋରା ମାନୁଞ୍ଜି ଆଡ଼େସି, ଇଞ୍ଜିଁ ମାହାପୁରୁ ଇଲୁତା ହାଜାନା ତାମି ଅଟହା କଡ଼ିନି ଦିନାୟାଁ ଏଚେଲା ରାଚେ ଅଡ଼େ ବାରେଜାଣା ତାକି ଏନି ଏନି ପୂଜା କିନାୟିମାନେ ଏ ବାରେ ଝେସେସି ।

ମାହାପୁରୁ ଇଲୁତା ପାଞ୍ଚୁଲ ଦସପି ଆନାୟି

୨୭ ଏ ସାତା ଦିନା ପୂରା ଆହିମାଗାଟି ଆସିୟା ଡେସାଟି ଏଚେକା ଜୀହୁଦି ଲକୁ ମାହାପୁରୁ ଇଲୁତା ପାଞ୍ଚୁଲଇଁ ମେସାନା ଏଞ୍ଜାରି ଏମ୍ବାଆଁ କୁଡ଼ା ଆହାମାନି ମାନ୍ଦା ଲକୁଣି ମାଡ଼ିଞ୍ଜି କିଚେରି, ଅଡ଼େ ଏଞ୍ଜାଣାଇଁ ଆସାନା କାଲୁଞ୍ଜି ଆହଁ ଏଲେଇଚେରି ।

୨୮ “ଏ ଇସ୍ରାୟେଲତି ଲକୁ ସାୟେମି କିୟାଦୁ; ଇଞ୍ଜାସି ସାରିଞ୍ଜାକି ହାଜାନା ଇସ୍ରାୟେଲ ଲକୁତି କପାଟି ଅଡ଼େ ମସା ହାଟି ମୋରା ଇଞ୍ଜିଁ ଇ ମାହାପୁରୁ ଇଲୁ କପାଟି ଜାପୁହିମାନେସି । ଇଞ୍ଜିଁ ନାଏଁ ଏଚରଜାଣା ଜୀହୁଦିଆଆତି ଲକୁଣି ମାହାପୁରୁ ଇଲୁତା ତାଚାନା ସୁଦୁ ଗାୟୁତି ପଲୁଆ କିହିମାନେସି ।”

୨୯ ଏଜଚିହଁ ଏଞ୍ଜାରି ଗାଡ଼ାତା ଏପିସିୟତି ତ୍ରପିମଇଁ ପାଞ୍ଚୁଲ ତଲେ ମେସାମାଚେରି, ଅଡ଼େ ଏଞ୍ଜାଣାଇଁ ମାହାପୁରୁ ଇଲୁତା ତାଚାନାମେସି ଇଞ୍ଜିଁ ଅଣପିମାଚେରି ।

୩୦ ଏମ୍ବାଟିଏ ବାରେ ଗାଡ଼ା କିଲିବିଲି ଆଡ଼େ, ଇଞ୍ଜିଁ ଲକୁ ମାନ୍ଦା ମାନ୍ଦା ଆହଁ ହଚାନା ପାଞ୍ଚୁଲଇଁ ଆସାନା ମାହାପୁରୁ ଇଲୁତି ରେଜା ତାଚେରି; ଇଞ୍ଜିଁ ଏ ଦେବୁଣିଏ ମାହାପୁରୁ ଇଲୁତି ଦାରାୟାଁ ସୁଣ୍ଡିଚେରି ।

୩୧ ଅଡ଼େ ଏଝାରି ପାଞ୍ଜୁଲଇଁ ପାୟାଲି ଅଣପିତେରି, ଇଞ୍ଜା ଜିରୁସାଲମତା କାଜା ଗଡ଼ହା ଆହାମାନେ ଇଞ୍ଜା ରିଜାରି କସକାତି କାଜାଣି ତାଣା କାବୁ ହାତେରି ।

୩୨ ଏମ୍ବାଟିଏ ଏଝାସି ଦେବୁଣିଏ ରିଜାରି କସକା ଇଞ୍ଜା ପାସାକଡ଼ି କସକା ମୁହେଁ କାଜାରାଇଁ ଆସାନା ଏଝାରିତାଣା ଦାବଡ଼ି ହାରେସି, ଲକୁ ରିଜାରି କସକା ଅଡ଼େ କସକା ମୁହେଁ କାଜାରାଇଁ ମେସାନା ଏଝାରି ପାଞ୍ଜୁଲଇଁ ଝେଚାଲି ପିସ୍ତେରି ।

୩୩ ଏମ୍ବାଟିଏ କସକା ମୁହେଁ କାଜାସି ପାଞ୍ଜୁଲ ତାଗେ ହାଜାନା ଏଝାଣାଇଁ ଆସାନା ରୀ ହିକ୍‌ଣିୟା ତଲେ ଦସାଲି ହୁକୁମି ହାତେସି, ଅଡ଼େ “ଇଝାସି ଆମ୍ବାଆସି ? ଏନାଆଁ କିହାମାନେସି ଇଞ୍ଜା ଝେଚେସି ?”

୩୪ ଏତେଟିଏ ଲକୁ ବାରେ ଆମ୍ବାଆରି ଈ କାତା ଆମ୍ବାଆରି ଏ କାତା ଇଞ୍ଜା କାଲୁଝି ଆଡ଼ତେରି, ଇଞ୍ଜା ଏନାଆଁ ଆହାମାନେ ଇଞ୍ଜା ତୀରପୁତି କାତା ପୁନାଆନା ପାଞ୍ଜୁଲଇଁ କଟା ଇଲୁତା ଅହାଲି କସକାଣି ହୁକୁମି ହାତେସି ।

୩୫ ଏତିବେଲା ଏଝାସି ପାଞ୍ଜୁଲ ପିଣ୍ଡାଣା ଏଗାହାଜାଲିଏ, ଲକୁତି ମାନ୍ଦା କାବୁବିଟି କାଲୁଝି ଆୟାଲିଏ କସକା ପାଞ୍ଜୁଲଇଁ ଇଲୁ ବିତ୍ରା ତେକା ଅଡ଼ତେରି ।

୩୬ ଇତିହୁଁ ମାନ୍ଦା ମାନ୍ଦା ଲକୁ ଜେଡ଼ ଝାହିହୁଁ “ଏଝାଣାଇଁ ପାୟାବୁ” ଇଞ୍ଜା କାଲୁଝି ଆହିମାତେରି ।

ପାଞ୍ଜୁଲ ତାନୁଏ ତାଜେତାକି ଝେହୁନାୟି

୩୭ ଏଝାରି ପାଞ୍ଜୁଲଇଁ କଟା ଇଲୁ ବିତ୍ରା ଅହିମାତାଟି ଏଝାସି କସକା ମୁହେଁ କାଜାଣାଇଁ ଏଲେଇଚେସି, “ନାନୁ ନିଜେ ର କାତା ଝେସାଲି ଆଡ଼ାଇଁ କି ?” ଏମ୍ବାଟିଏ କାଜାସି ଏଲେଇଚେସି “ନାନୁ ଗ୍ରିକ୍ ହାଡ଼ା ପୁଞ୍ଜି କି ?”

୩୮ ଆତିହୁଁ ଇଦାଆଁ ନକେଏ ଏମିନି ମିସରତି ଲକୁ ଗଡ଼ହା ହପୁହାନା ସାରି ମାଣା କାଗଂରାଣି ଲକୁ ହିଲାଆ ଟାୟୁତା ଅହାମାତାଟି ନାନୁ ଏଝାତି ଆଏ କି ?”

୩୯ ଏମ୍ବାଟିଏ ପାଞ୍ଜୁଲ ଏଲେଇଚେସି “ନାନୁତ ର ଜୀହୁଦି କିଲିକିୟା ଦେସାତି ତାଏଁ ଇଞ୍ଜାହୁଁ ଝେଜିତି ଗାଡ଼ାତା ଜାର୍ନୀ ଆଡ଼ାତେଏଁ; ଈ ଲକୁଣି କାତା ଝେସାଲି ନାଜେ ହେଲ ହିୟାମୁ ।”

୪୦ ଏ କାଜାସି ହେଲ ହିୟାଲିଏ, ପାଞ୍ଜୁଲ ପାଞ୍ଜୁଜିକାଣା ନିଚାନା ଲକୁଣି କେମ୍ବୁତଲେ ସାପି କିତେସି; ଇଞ୍ଜା ବାରେଜାଣା ସାପି ଆହାଲିଏ ଏଝାସି ଏବି ହାଡ଼ାତଲେ ଏଝାରାଇଁ ଏଲେଇଚେସି ।

୨୨

୧ “ଏ ତାୟିୟାଁ ଅଡ଼େ ତାଞ୍ଜିୟାଁତେରି, ନାନୁ ନୀଏଁ ମୀ ନକିତା ନା ଝାକିଟି କାତା ଝେସିମାଞ୍ଜାଇଁ, ଝେଞ୍ଜାବୁ !”

୨ ପାଞ୍ଜୁଲ ଏଝାରି ନକିତା ଏବି ହାଡ଼ାତଲେ ଜଲିମାନାଣି ଝେଞ୍ଜାନା; ଏଝାରି ହାଡ଼ା ଆଆନା ପାଲେଏ ଆଡ଼ତେରି, ଅଡ଼େ ପାଞ୍ଜୁଲ ଜଲଲି ମାଟୁହେସି ।

୩ ଏମ୍ବାଟିଏ ଏଝାସି ଏଲେଇଚେସି, “ନାନୁ ର ଜୀହୁଦି ଲକୁତେଏଁ, କିଲିକିୟାତି ତାଏତା ନା ଜାର୍ନୀ, ସାମା ନାନୁ ଈ ଜିରୁସାଲମ ଗାଡ଼ାତା ପହିପାତି ଆହାମାଇଁ, ଗମଲିୟେଲ ତାଣା କୁଗାନା ଜାପାମାଇଁ, ମା ଆକୁ ଆବାୟାତି ମେରାତି ନେହୁଁକଁ ଜାପାମାଇଁ; ମୀରୁ ଏନିକଁ ମାହାପୁରୁତି ସେବା କିହିମାଞ୍ଜେରି ନାନୁ ଜିକେଏ ଏଲେଇହୁଁ ମାନୁଝି ଆନାତେଏଁ ମାଚେଏଁ;

୪ ନାନୁ ଈ ଜିରୁତା ତାକିମାନି ଇୟାସିକା ଆବାୟାଣି ହାନି ପାତେକା ସାସ୍ତି କିହିମାଚେଏଁ, ଅଡ଼େ ଦସପାନା କାୟିଦି ଇଲକାଣା ହେରପିମାଚେଏଁ ।

୫ ନା ଈ କାତା ସାତା, କାଜା ପୂଜେରାଞ୍ଜା ଅଡ଼େ କାଜା ବେରଣି ମାଣ୍ଡାତାରି ନା ସାକି; ନାନୁ ଏଝାରି ତାଣାଟି ତାୟିୟାକି ଆକୁ ରୀସାନା ଲକୁଣି ହିକ୍‌ଣିୟାଁ ତଲେ ଦସପାନା ଜିରୁସାଲମତା ତାଚାଲି ତାକି ନାନୁ ଦମେସକତା ମାନି ଜୀହୁଦି ଲକୁତାଣା ହାଜାମାଚେଏଁ ।”

ପାଞ୍ଜୁଲ ତାନି ମନ ଝେଟୁହାଣି ଝେହୁନାୟି

(କାମା ୯:୧-୧୯; ୨୭:୧୨-୧୮)

୬ “ନାନୁ ଦମେସକ ତାଗେ ଏଜିମାତାଟି ମାଦେନା ବେଲାତା ଦେବୁଣିଏ ନା ସାରିଝାକି ହାଗୁଲାକିଟି ର ତାହାଣା ଉଜେଡ଼ି ତାଞ୍ଜିତି ।

୭ ଏମ୍ବାଟିଏ ନାନୁ ବୁମିତା ତରୁରିତେଏଁ, ଇଞ୍ଜା ନାଜେ ତାକି ଝେସିମାଟି ଈ ହାଡ଼ା ଝେଚେଏଁ, ‘ସାଞ୍ଜୁଲ, ସାଞ୍ଜୁଲ ଏନାଆଁତାକି ନାଜେ ସାସ୍ତି ହାହିମାଞ୍ଜାଦି ?’

☆ ୨୨:୩ କାମା ୫:୩୪-୩୯ ☆ ୨୨:୪ କାମା ୮:୩; ୨୭:୯-୧୧

୮ ନାନୁ ଏଲେଇଚେଏଁ, 'ପ୍ରବୁ ନାନୁ ଆମ୍ବାଆତି ?' ଏମ୍ବାଟିଏ ଏଞ୍ଜାସି ନାଜେ ଏଲେଇଞ୍ଜାତେସି, 'ନାନୁ ଆମ୍ବାଆରାଇଁ ସାସ୍ତି ହାହ୍ମାଞ୍ଜି ନାଜରିତତି ଜାସ୍ତେଏଁ ନାନୁ ।'

୯ ନା ତଲେ ମାତି ଲକୁ ଏ ଉଜେଡ଼ି ମେସ୍ତେରି ସାତା, ସାମା ନାଜେ ଝେସ୍ତାତି ହାଡ଼ା ଝେନାଆତେରି ।

୧୦ ଏଚେଟିଏ ନାନୁ ଏଲେଇଚେଏଁ, 'ପ୍ରବୁ ନାନୁ ଏନାଆଁ କିଇଁ ?' ଏଚେଟିଏ ପ୍ରବୁ ନାଜେ ଝେସ୍ତାତେସି, 'ନିଜାନା ଦମେସକତା ହାଲାମୁ, ଅଡ଼େ ନିଜେ ଏନାଆଁ କିହାଲି ଆଡ଼େ ଏନାଆଁ ଏମ୍ବାଆଁ ଝେସ୍ତାଇଁ ।'

୧୧ ଏ ଉଜେଡ଼ି ମିଶ୍‌ସି ମାତାକି ନାନୁ କାଣା ଆହାହାଚେଏ, ଇଞ୍ଜା ନା ତଲେ ଝାହ୍ମାମାଚାରି ନାଜେ କେୟୁ ଆସାନା ଦମେସକତା ଅୟାତେରି ।'

୧୨ 'ଏ ଗାଡ଼ାତା ହନନିୟ ଇଞ୍ଜିହଁ ର ଦାମ୍ବୁଗାଚାସି ମାଚେସି, ଏଞ୍ଜାସି ମା ମୋରାତି ମାନୁଞ୍ଜି ଆନାସି, ଇଞ୍ଜା ଦମେସକତି ଜାହୁଦି ଲକୁତାଣା ମାନି ଗାଚାସି ଅଡ଼େ ଝେଜିତାସି ମାଚେସି ।

୧୩ ଏଞ୍ଜାସି ନା ତାଣା ଝାହ୍ମାନା ଦାରିତା ନିଚାନା ନାଜେ ଏଲେଇଞ୍ଜାତେସି, 'ଏ ସାଞ୍ଜୁଲ ତାୟି ମେହ୍‌ମୁ' ଏ ଦେବୁଣିଏ ନା କାଣକା ଦେପିଆତୁ ଇଞ୍ଜା ନାନୁ ଏଞ୍ଜାଣାଇଁ ମେସାଲି ଆଡ଼ିତେଏଁ ।

୧୪ ଏଞ୍ଜାସି ଏଲେଇଞ୍ଜାତେସି, 'ମା ଆକୁ ଆଦାୟିତି ମାହାପୁରୁ ତାନି କାତା ପୁଞ୍ଜାଲି ଅଡ଼େ ଏ ଚାରି ଗାଟାଣାଇଁ ମେସାଲି, ଅଡ଼େ ତାନି ଗୁଡ଼ିତି ହଡ଼ିମାନି ହାଡ଼ା ଝେଞ୍ଜାଲି ଆଡ଼ାମାଞ୍ଜାତେସି ।

୧୫ ଇତିହଁ ନାନୁ ଏନାଆଁ ମେସାମାଞ୍ଜି ଇଞ୍ଜା ଝେଞ୍ଜାମାଞ୍ଜି, ଏ ବାରେତାକି ବାରେ ଲକୁତାଣା ଝେସାଲି ନାନୁ ସାକି ଆଡ଼ି ।

୧୬ ଅଡ଼େ ନାଏଁ ଏନାଆଁତାକି ଝେଡ଼ା କିହିମାଞ୍ଜି, ନିଜାମୁ ବାପ୍ତିସ୍ତ* ଆହାନା ତାନି ତାଣା ପ୍ରାଡ଼ାନା କିହାନା ନୀ ପାପୁ ବାରେ ନରୁଞ୍ଜି କିହାକତାମୁ ।'

ପାଞ୍ଜୁଲ ଜାହୁଦିଆଆତି ଲକୁତାଣା ପାଣ୍ଡି ଆନାୟି

୧୭ 'ଏମ୍ବାଟିଏ ନାନୁ ଜିରୁସାଲମତା ଝେଣ୍ଡା ଝାହ୍ମାନା ମାହାପୁରୁ ଇଲୁତା ପ୍ରାଡ଼ାନା କିହିମାଚାଟି, ସେୟିଣା ହାପାନାତା ମେସ୍ତେଏଁ,

୧୮ ନାନୁ ସେୟିଣା ହାପାନାତା ପ୍ରବୁଇଁ ମେସ୍ତେଏଁ, ଏଞ୍ଜାସି ନାଜେ ଏଲେଇଞ୍ଜାତେସି, 'ତବେ ଜିରୁସାଲମ ପିହ୍‌ମୁ, ଇତିହଁ ଇମ୍ବାତି ଲକୁ ନା ସାକି ହାନାଟି ନୀ କାତା ଆହ୍‌ଅରି ।'

୧୯ ଏମ୍ବାଟିଏ ନାନୁ ଏଲେଇଚେଏଁ 'ପ୍ରବୁ ନାନୁ ଜାହୁଦି ଲକୁଡ଼ି କୁଡ଼ି ଲକୁକାଣା† ହାଜାନା ନିଜେ ନାମାନାରାଇଁ ଝେଚାନା କାୟିଦି ଇଲୁତା ସୁଣ୍ଡିମାଚାଣି ଏଞ୍ଜାରି ନେହଁ କଁ ପୁଞ୍ଜାମାନେରି;

୨୦ ଅଡ଼େ ଏଚିବେଲା ନୀ ସାକି ସ୍ତିପାନଇଁ ପାୟିତେରି, ନାନୁଏ ଏମ୍ବାଆଁ ମାଚେଏଁ; ଇଞ୍ଜା ବେଲେଏ ହାପେସି ଇଞ୍ଜି ଅଣପିମାଚେଏଁ, ଅଡ଼େ ପାୟିମାଚାରି ହିମ୍ବୁରିକା କାଚିମାଚେଏଁ ।'

୨୧ ସାମା ପ୍ରବୁ ନାଜେ ଏଲେଇଞ୍ଜାତେସି, 'ହାଲାମୁ ଇତିହଁ ନାନୁ ନିଜେ ହେକ ଦେସାତି ଜାହୁଦିଆଆତି ଲକୁତାଣା ପାଣ୍ଡାଇଁ ।'

୨୨ ପାଞ୍ଜୁଲ ଏଲେଇଞ୍ଜି ଝେହ୍‌ନି ପାଚେକା ଲକୁ ଝେଞ୍ଜିମାଚେରି, ସାମା ଏ ଦେବୁଣିଏ ଏଞ୍ଜାରି କାଜା ଗିୟିତଲେ କାଲୁଞ୍ଜି ଆହାନା ଏଲେଇଚେରି, 'ଏଞ୍ଜାଣାଇଁ ପାଞ୍ଜାତା ତାଚାହଁ ପାୟାନା ଦାଚ୍‌ଡ଼ିଟି ମେକ୍‌ହା ତୁହ୍‌ଦୁ, ଏଞ୍ଜାସି ନୀତାଲି ପାଡ଼ାଆଅସି ।'

୨୩ ଅଡ଼େ ଏଚିବେଲା ଏଞ୍ଜାରି କିଲଡ଼ି କିହଁ ତାନି ହିମ୍ବୁରିକା କୁଡ଼ିହଁ ଲାକଞ୍ଜାକି ଦୁଡ଼ି ଡ଼ାଞ୍ଜିତେରି,

୨୪ ଏଚିବେଲା ପାସାକଡ଼ି କସ୍‌କା ମୁହେଁ କାଜାସି ପାଞ୍ଜୁଲଇଁ କଟା ଇଲୁ ବିତ୍ତା ଅହାଲି ହୁକୁମି ହାତେସି, ଅଡ଼େ ଜାହୁଦି ଲକୁ ଏନାଆଁତାକି ଏଞ୍ଜାଣି କପାଟି ଗଡ଼ହା କିହିମାନେରି, ଏନାଆଁ ପୁଞ୍ଜାଲି ପାଞ୍ଜୁଲଇଁ ସାଚ୍‌ଣି ତଲେ ଝେଚାନା ଝେଞ୍ଜୁ ଇଞ୍ଜି ହୁକୁମି ହାତେସି ।

୨୫ ସାମା ଏଞ୍ଜାରି ଏଞ୍ଜାଣାଇଁ ସାଚ୍‌ଣି ତଲେ ଝେଚାଲି ତ୍ବରିତଲେ ଦସାଲିଏ, ପାଞ୍ଜୁଲ ଦାରିତା ମାତି ପାସାକଡ଼ି କସ୍‌କା ମୁହେଁ କାଜାଣାଇଁ ଏଲେଇଚେସି, 'ଏମିନି ଦହ୍‌ତା ନାହାଁୟି କିଞ୍ଜି ଆହାହିଲାଆ ର ରମ୍ ଦେସା ତାଣାଇଁ ସାଚ୍‌ଣି ତଲେ ଝେଚାଲି ଏଡ଼ି ମୋରା ମାନେ କି ?'

୨୬ ଇଦାଆଁ ଝେଞ୍ଜାନା କହ୍‌ଏସି ପାସାକଡ଼ି କସ୍‌କା ମୁହେଁ କାଜାଣା ତାଣା ହାଜାନା ଏଲେଇଚେସି, 'ନାନୁ ଏନାଆଁ କିହାଲି ହାଜିମାଞ୍ଜି, ଇତିହଁ ଇଞ୍ଜାସି ରମିୟ ଲକୁ ।'

୨୭ ଏମ୍ବାଟିଏ ପାସାକଡ଼ି କସ୍‌କା ମୁହେଁ କାଜାସି ଝାହ୍ମାନା ପାଞ୍ଜୁଲଇଁ ଝେଚେସି, 'ନାନୁ ନାଜେ ଝେସ୍ତାମୁ ନାନୁ ରମ୍ ଦେସାତାତି କି ?' ପାଞ୍ଜୁଲ ଏଲେଇଚେସି 'ହାଅ ।'

* ୨୨:୧୬ ମୁଞ୍ଜିନାୟି † ୨୨:୧୯ ସିନଗରୁ ☆ ୨୨:୨୦ କାମା ୭:୫୮

୨୮ ଏମ୍ବାଟିଏ ପାସାକଡ଼ି କସ୍କା ମୁହେଁ କାଜାସି ଏଲେଇଚେସି, “ନାନୁ ହାରେକା ଚାକାୟାଁ ହୀହାନା ରମ୍ବ ଦେସାତାତେଏଁ ଆହାମାଈଁ ।” ସାମା ପାସୁଲ ଏଲେଇଚେସି, “ନାନୁତ ଜାନାଟିଏ ।”

୨୯ ଏମ୍ବାଟିଏ ଆମ୍ବାଆରି ପାସୁଲଇଁ ଖେଞ୍ଜାଲି ତିୟାରା ଆହାମାଚେରି, ଦେବୁଣିଏ ଗୁଡା ଆହାହାଚେରି, ଇଚିହଁ ପାସୁଲ ରମ୍ବ ଦେସାତାସି ଇଞ୍ଜୁଁ ପୁଞ୍ଜାନା ର ମାଣା କସ୍କା ମୁହେଁ କାଜାସି ଏଞ୍ଜାଣାଇଁ ହିକଣିୟାଁ ତଲେ ଦସପି କିହାମାଚାକି ତାନୁଏ ଆଜିଚେସି ।

କାଜା ବେରଣିମାଣ୍ଡା ନକିତା ପାସୁଲ

୩୦ ଜୀହୁଦି ଲକୁ ପାସୁଲ କପାଟି ଏନି ଦାଞ୍ଜା କିହାମାନେରି, ଏଦାଆଁ ସାତା ତଲେ ପୁଞ୍ଜାଲିତାକି ର ମାଣା କସ୍କା ମୁହେଁ କାଜାସି ତାନି ଅର ନେରୁ ପାସୁଲତି ହିକଣିୟାଁ ହୁକହାନା କାଜା ବେରଣିମାଣ୍ଡାତି ବାରେଜାଣାତି କୃତିକିହାଲି ପୂଜେରାଈଣି ହୁକୁମି ହୀଚେସି । ତାମୁ ପାସୁଲଇଁ ଏଞ୍ଜାରି ନକିତା ନିପୁହେସି ।

୨୩

୧ ପାସୁଲ ଜୀହୁଦି ଲକୁତି କାଜା ବେରଣିମାଣ୍ଡାତା କୁଗାମାନି ଲକୁଣି ଆଚେ ସିନିକିହାନା ଏଲେଇଚେସି, “ଏ ଇସାୟେଲ ତାୟିୟାଁତେରି ନାନୁ ନୀଞ୍ଜୁପାତେକା ମାହାପୁରୁ ନକିତା ନେହଁ ଅଣ୍ଡପୁ ତଲେ ନୀତାମାଇଁ, ଏଦାଆଁତାକି ନା ହିୟାଁ ହାରେକା ଅତିତାୟି ।”

୨ ଇ କାତା ଖେଞ୍ଜାନା କାଜା ପୂଜେରା ହାନାନ ପାସୁଲ ଦାରିତା ନିତାମାନି ଲକୁଇଁ ତାନି ଗୁଡିତା ଖେଦୁ ଇଞ୍ଜୁଁ ହୁକୁମି ହୀଚେସି ।

୩ *ପାସୁଲ ଏଞ୍ଜାଣାଇଁ ଏଲେଇଚେସି, “ଏ ହୁନୁ ଉସପିତି ଦବଲା କାତି ମାହାପୁରୁ ନିଜେ ଖେତାନେସି, ନାନୁ ମସାତି ମେରା ଲେହେଁ ନାଜେ ନାହାଁୟି କିହାଲି କୁଗାମାଟି ଜିକେଏ, ନାନୁ ନାଜେ ଖେଚାଲି ହୁକୁମି ହୀହାନା ନାନୁଏ ମସାତି ମେରା ଉରିମାଞ୍ଜି !”

୪ ଏଚେଟିଏ ଦାରିତା ନିତାମାଟି ଲକୁ ପାସୁଲଇଁ ଏଲେଇଚେରି, “ନାନୁ ମାହାପୁରୁତି କାଜା ପୂଜେରାଇଁ ଲାଜା କିହିମାଞ୍ଜି ।”

୫ ପାସୁଲ ଏଲେଇଚେସି, “ଏ ଇସାୟେଲ ତାୟିୟାଁତେରି ଏଞ୍ଜାଣାଇଁ ନାନୁ କାଜା ପୂଜେରା ଇଞ୍ଜୁଁ ପୁଞ୍ଜା ହିଲାଆଚେଏଁ; ଇଚିହଁ ଦାମ୍ବୁପତିତା ରାସ୍କି ଆହାମାନେ, ‘ମୀରୁ ମୀ ସାଲୁଓ କିନାରାଇଁ ବାକା ଇଟାଆଦୁ ।’”

୬ *ସାମା ପାସୁଲ ର ବାଗା ସାଦୁକିୟାଁ ଅଡେ ର ବାଗା ପାରୁସିୟାଁ ମାନେରି ଇଞ୍ଜୁଁ ପୁଞ୍ଜାନା, କାଜା ବେରଣିମାଣ୍ଡାତା କାଜା ଗିୟାଁତଲେ ଏଲେଇଚେସି, “ଏ ଇସାୟେଲ ତାୟିୟାଁତେରି ନାନୁ ର ପାରୁସିଚେଏଁ ଇଞ୍ଜାଁ ପାରୁସି ମୀରୁଏଣାଚେଏଁ; ଇଞ୍ଜାଁ ହାଡାରି ଖେଶ୍ଟେ ନିଜିନେରି ଇଞ୍ଜୁଁ ଆସା କିହିମାନାକି ମୀରୁ ନାଜେ ନାହାଁୟି କିହିମାଞ୍ଜାଦେରି ।”

୭ ଏଞ୍ଜାସି ଇ କାତା ଏଲେଇଶମ୍ବନିଏ ପାରୁସି ଅଡେ ସାଦୁକି ଲକୁ ବିତ୍ରା ଗଡ଼ହା ହଡେ, ଇଞ୍ଜାଁ କାଜା ବେରଣି ମାଣ୍ଡାତାରି ଗଟି ଗଟି ଆହାଁ ରୀ ବାଗା ଆଡେରି ।

୮ *ଇଚିହଁ ସାଦୁକିୟାଁ ଖେଶ୍ଟେ ନିଜିନାୟି ହିଲେଏ, ଦୁରୁୟାଁ ଅଡେ ଜୀହୁୟାଁ ହିଲାତ ଇନେରି, ସାମା ପାରୁସିୟାଁ ଏ ବାରେତି ନାମିନେରି ।

୯ ଏମ୍ବାଟିଏ କାଜା ଗଡ଼ହା ଆଡେ, ଅଡେ ପାରୁସିୟାଁ ବିତ୍ରାଟି ଏଚେରଜାଣା ମେରାପୁନାରି ନିଜ୍ଞାନା ଏଲେଇଚେରି; “ମାମୁ ଇଞ୍ଜାଣି ତାଣାଟି ଏନି ଦହ ବେଟାଆଆତମି, ସାତେଏ ଏଞ୍ଜାଣି ତାଣାଟି ର ଜୀହୁ ଆଆଡେଁ ଲାକପୁରୁତି ଦୁହୁ କାତା ଖେସାମାନେ ।”

୧୦ ଇଲେଆହଁ କାଜା ଗଡ଼ହା ଆହାଲିଏ, ପାସୁଲଇଁ ଏଞ୍ଜାରି କାଣ୍ଡାମୁକା କିନେରି ଇଞ୍ଜୁଁ ଆଜିତାକି ର ମାଣା କସ୍କା ମୁହେଁ କାଜାସି ପାସୁଲଇଁ ଏଞ୍ଜାରି ତାଣାଟି ଗେଲ୍ପାମା ବାଲ୍ପିଟି କଟା ଇଲୁ ବିତ୍ରା ଅହାଲି କସ୍କାଣି ହୁକୁମି ହୀଚେସି ।

୧୧ ଏ ନେରୁ ଲାଆଁୟାଁ ପ୍ରୁ ପାସୁଲଇଁ ଏଲେଇଚେସି, “ଆଜାଆନି, ସାସା ଆହମ୍ବୁ ଇଚିହଁ ନାନୁ ଜିରୁସାଲମତା ଏନିକଁ ନା ସାକି ହୀତି, ରମ୍ବ ଗାଡ଼ାତା ଜିକେଏ ଏଲେକିହଁ ନା ସାକି ହୀନାୟି ମାନେ ।”

ପାସୁଲଇଁ ପାୟାଲି ଅଣ୍ଡପିନାୟି

* ୨୩:୩ ମାଟି ୨୩:୨୮, ୨୯ * ୨୩:୬ କାମା ୨୬:୫; ପିଲିପି ୩:୫ * ୨୩:୮ ମାଟି ୨୨:୨୩; ମାର୍କ ୧୨:୧୮; ଲୁକ ୨୦:୨୭

୧୨ ଅର ଦିନା ଲାଜ, ଜୀହ୍ୱଦିୟାଁ ଜାଗୁ ଆହାନା ପାଞ୍ଚୁଲଇଁ ପାୟାଆ ପାତେକା ଏନି ରାନ୍ଦା କି ଏୟୁ ତୀଗାଆପ ଇଞ୍ଜିଁ ତାମ୍ନୁ ତାମ୍ନୁସୁ ପାରମାଣା କିହାମାଚେରି ।

୧୩ ଏଲେଇଞ୍ଜି ଅଣପି ମାଚାରି ରୀ କଡ଼ି ଜାଣାଟିଏ ଆଗାଡ଼ା ମାଚେରି ।

୧୪ ଏଞ୍ଜାରି କାଜା ପୂଜେରାଜା ଅଡ଼େ ପ୍ରାଚିନାଜା ତାଣା ଖାହାଁ ଏଲେଇଚେରି, “ମାମ୍ନୁ ପାଞ୍ଚୁଲଇଁ ପାୟାଲି ଆଡ଼ାଆ ପାତେକା ଏନାଆଁ ତିନଅନି କି ତୀଗଅନି ଇଞ୍ଜିଁ ମାମ୍ନୁ ମାଜେତାକି ପାରମାଣା କିହାମାନନି ।

୧୫ ଏଦାଆଁତାକି କାଜା ବେରଣିମାଣ୍ଡାତି କାଜାରି ହାଜାନା, ର ମାଣା କସ୍ତକା ମୁହେଁ କାଜାଣାଇଁ ନାଡ଼ି କିହଁ ଏଲେଇଞ୍ଜି, ମାମ୍ନୁ ପାଞ୍ଚୁଲ ଏନାଆଁ କିହାମାନାଣି ନେହଁ କଁ ଖେନମି ଇଞ୍ଜିହଁ ମୀ ତାଣା ହାଡ଼ିକିଦୁ, ଏଚେଟିଏ ଏଞ୍ଜାସି ମୀ ତାଣା ଏଗାଞ୍ଜାଆ ନକେଏ ପାୟାଲି ଜାଗ୍ରାତା ଅହା ଡ଼ୟିନମି ।”

୧୬ ସାମା ପାଞ୍ଚୁଲ ତାମି ବାଣଞ୍ଜା କସ୍ତକା ଜଲ୍ଲକି ଆହିମାଚି କାତା ଡ଼ଗୁନା ଖେଚେସି; ଇଞ୍ଜାଁ କଟା ଇଲୁ ବିତ୍ରା ଖାହାନା ପାଞ୍ଚୁଲଇଁ ଇ ବାରେ କାତା ଖେସ୍ତେସି ।

୧୭ ଏଚେଟିଏ ପାଞ୍ଚୁଲ ର ରମିୟ କହୁଁଣାଣାଇଁ ହାଟାନା ଏଲେଇଚେସି, “ଇ ଦାଁଗଣେଣାଣାଇଁ ର ମାଣା କସ୍ତକା ମୁହେଁ କାଜାଣି ତାଣା ଅମ୍ନୁ, ଇଚିହଁ ଇଞ୍ଜାସି ର କାତା ଏଞ୍ଜାଣାଇଁ ଖେହନାୟି ମାନେ ।”

୧୮ ଏଚେଟିଏ ଏଞ୍ଜାସି ର ମାଣା କସ୍ତକା ମୁହେଁ କାଜାଣି ତାଣା ଅହାନା ଏଲେଇଚେସି, “କାୟିଦିତା ମାନି ପାଞ୍ଚୁଲ ନାଜେ ହାଟାନା ନୀ ତାଣା ଇ ଦାଁଗଣେଣାଣାଇଁ ତାଚାଲି ବାତିମାଲାତେସି, ନିଜେ ଖେସାଲି ଇଞ୍ଜାଣାକି ର କାତା ମାନେ ।”

୧୯ ର ମାଣା କସ୍ତକା ମୁହେଁ କାଜାସି ଏଞ୍ଜାଣି କେୟୁ ଆସାନା ଲକୁ ହିଲାଆ ତାଣା ଅହାନା ଖେଚେସି, “ନାଜେ ନାନୁ ଏନାଆଁ ଖେସ୍ତାନାୟିମାନେ ଖେସ୍ତାମୁ ।”

୨୦ ଏଞ୍ଜାସି ଏଲେଇଚେସି, “ପାଞ୍ଚୁଲ ଏନାଆଁ କିହାମାନେସି ଏଦାଆଁ ନେହଁ କଁ ପୁଞ୍ଜାଲି ଏଞ୍ଜାଣାଇଁ ଓଏ କାଜା ବେରଣିମାଣ୍ଡାତା ମା ତାଣା ତାମ୍ନୁ ଇଞ୍ଜିଁ ଜୀହ୍ୱଦି ଲକୁଡ଼ି କାଜାରି ନାଡ଼ିକିହାନା ନିଜେ ବାତିମାଲାଚେରି,

୨୧ ସାମା ନାନୁ ଏଞ୍ଜାରି କାତା ମାନଓ ଆଆନି, ଇଚିହଁ ଏଞ୍ଜାଣାଇଁ ପାୟାଲି ଆଡ଼ାଆ ପାତେକା ରାନ୍ଦା ଡିଚିହଁ କି ତାରିଡିହଁ ମାଜେ ବାକା ଆଟାପେ ଇଞ୍ଜିଁ ମାନି କିହାନା ରୀ କଡ଼ିଟିଏ ଆଗାଡ଼ା ଲକୁ ଡ଼ଗୁହାଁ କାଟାମାନେରି, ନୀଏଁ ଏଞ୍ଜାରି ନୀ ତାଣାଟି ହେଲ ବେଟାଆହାଲି କାଡ଼ିମାନେରି ।”

୨୨ ଏଚେଟିଏ ର ମାଣା କସ୍ତକା ମୁହେଁ କାଜାସି ଏଲେଇଚେସି, “ନାନୁ ନାଜେ ଖେସ୍ତାତି କାତା ଆମ୍ବାଆରାଇଁ ଖେହୁଆନି” ଇଞ୍ଜିଁ ଖେସାନା ଏ ଦାଁଗଣେଣାଣାଇଁ ପାଣ୍ଡିତେସି ।

ପେଲିକସ୍ ତାଣା ପାଞ୍ଚୁଲଇଁ ପାଣ୍ଡିନାୟି

୨୩ ର ମାଣା କସ୍ତକା ମୁହେଁ କାଜାସି ତାନି ଡ଼ଇ କାମା କିନି ପାସାକଡ଼ି କସ୍ତକା ମୁହେଁ କାଜାରାଇଁ ରିଆରାଇଁ ହାଟାନା ଏଲେଇଚେସି, “ନୀଞ୍ଜୁ ଲାଆଁୟାଁ ନ ଗଂଟା ବେଲାତା କାୟିସରିୟାତା ହାଜାଲିତାକି ତାନିକଡ଼ି ଦସ ଜାଣା ଗଡ଼ାତା ହାନାରି ଅଡ଼େ ରୀ ଖାଞ୍ଜା ବାଲାଁ ଗାଗାରି ତଲେ ରୀ ଖାଞ୍ଜା କସ୍ତକାଣି ତିୟାରା କିଦୁ ।

୨୪ ଅଡ଼େ ଏଞ୍ଜାରି ଏନିକଁ ପାଞ୍ଚୁଲଇଁ ଗଡ଼ା ଲାକ କୁରିକିହାନା ସାଲଓ କିନି ପେଲିକସ୍ ତାଣା ଜାଗ୍ରାତା ତଲେ ଅନେରି, ଏଦାଆଁତାକି ବାରେ କିହାଲି ହୁକୁମି ହାତେସି ।”

୨୫ ର ମାଣା କସ୍ତକା ମୁହେଁ କାଜାସି ଇଲେଇଞ୍ଜିଁ ର ଆକୁ ରାଚିତେସି;

୨୬ “ଏ ମାନିଗାଟି ଦେସା ସାଲଓ କିନି ପେଲିକସ୍ କ୍ଳାଞ୍ଜୁଦିୟା ଲୁୟିୟାତି ଜହରା ।

୨୭ ଜୀହ୍ୱଦିୟାଁ ଇ ଲକୁଇଁ ଆସାନା ପାୟାଲି ଅଣପିମାଚି ବେଲାତା, ଏଞ୍ଜାସି ର ରମିୟ ଲକୁ ଇଞ୍ଜିଁ ପୁଞ୍ଜାନା, ନାନୁ କସ୍ତକା ତଲେ ହାଜାନା ଏଞ୍ଜାଣାଇଁ ପିସପି କିଚେସଁ ।

୨୮ ଏଞ୍ଜାସି ଏଞ୍ଜାରି କପାଟି ଏନି ଦହ କିହାମାନେସି ପୁଞ୍ଜାଲି ନାନୁ ଏଞ୍ଜାଣାଇଁ ତାନି କାଜା ବେରଣିମାଣ୍ଡାତା ଅହାମାଚେସଁ ।

୨୯ ସାମା ଏଞ୍ଜାସି ହାନି ଖୁବ୍ କି କାୟିଦି ତଞ୍ଜ ବେଟାଆନି ଲେହେଁତି ଏନି ଦହ କିହାହିଲଅସି ଇଞ୍ଜିଁ ନାନୁ ପୁଚେସଁ, ତାନି କପାଟି ଖାବୁଇ ତାନି ମୋରାତି କାତାତାକି ଏଞ୍ଜାଣାଇଁ ଦହ ଦସାମାନେରି ।

୩୦ ଏଞ୍ଜାରି ନାଡ଼ିକିହାଁ ଏଞ୍ଜାଣାଇଁ ପାୟାଲି ଅଣପିମାନେରି ଇଞ୍ଜିଁ ନାଜେ କାବୁ ହିୟାଲିଏ ନାନୁ ଇଞ୍ଜାଣାଇଁ ଖେଡ଼ାକିଆନା ନୀ ତାଣା ପାଣ୍ଡାତେସଁ; ଏଞ୍ଜାଣାଇଁ ଦହ ଦସାମାନାରାଇଁ ଜିକେଏ ନୀ ନକିତା ଏଞ୍ଜାଣି କପାଟି ସାକି ହାହାଲି ଖେସା ପାଣ୍ଡାତେସଁ ।”

୩୧ ଏମ୍ବାଟିଏ କସ୍ତକା ହୁକୁମି ବେଟାଆହାନା ପାଞ୍ଚୁଲଇଁ ଅହାନା ଲାଆଁୟାଁ ବେଲାତା ଏଞ୍ଜାଣାଇଁ ଆନ୍ତିପାଡ଼ିତା ତାତେରି ।

୩୨ ଅର ଦିନା ଗଡ଼ାୟାଁ ଗାଗରାଇଁ ଏଞ୍ଜାଣିତଲେ ହାଜାଲି ପିସାନା, କସ୍‌କା କଟା ଇଲୁତା ଖେଣ୍ଡା ଖାଡ଼େରି ।
 ୩୩ ଗଡ଼ାୟାଁ ଗାଗରି କାୟିସରିୟାତା ଖାହାନା, ସାଲୁଝି କିନି ପେଲିକସ୍‌କି ଆକୁ ହୀହାନା ପାଞ୍ଜୁଲଇଁ ଏଞ୍ଜାଣି ତାଣା ହେରପିତେରି ।
 ୩୪ ଏଞ୍ଜାସି ଏ ଆକୁ ପଡ଼ଝି ଆଡି ତାୟୁ ନୀନୁ ଏମିନି ରାଜିତାତି ଇଞ୍ଜୁଁ ଖେରେସି; ଅଡ଼େ ଏଞ୍ଜାସି କିଲିକୟାତି ଲକୁ ଇଞ୍ଜୁଁ ପୁରେସି,
 ୩୫ ଇଞ୍ଜାଁ ଏଞ୍ଜାସି ଏଲେଇରେସି, “ନିଙ୍ଗେ ଦହ ଦସାମାଞ୍ଜାନାରି ଇମ୍ପାଆଁ ଖାଡ଼ିସାରେ ନାନୁ ନୀ କାତା ଖେଞ୍ଜାଇଁ” ଅଡ଼େ ଏଞ୍ଜାସି ପାଞ୍ଜୁଲଇଁ ହେରଦତି ଇଜ ଇଗାଲି ହୁକୁମି ହାଡେସି ।

୨୪

ଜୀହୁଦି ଲକୁ ପାଞ୍ଜୁଲ କପାଟି ଦାଞ୍ଜା କିନାୟି

୧ ପାସା ଦିନା ତାୟୁ କାଜା ପୁଜେରା ହାନାନ, ଏଚେକା ପ୍ରାତିନାଞ୍ଜା ଅଡ଼େ ତରତୁଲ ଦରୁଗାଟି ଅକିଲା ତଲେ କାୟିସରିୟାତା ଖାଡ଼େରି, ଅଡ଼େ ଏଞ୍ଜାରି ପାଞ୍ଜୁଲ କପାଟି ସାଲୁଝି କିନି ପେଲିକସ୍‌ ତାଣା ଦାଞ୍ଜା କିତେରି ।
 ୨ ପାଞ୍ଜୁଲଇଁ ଏମ୍ପାଆଁ ତାଗାଲିଏ, ତରତୁଲ ଏଞ୍ଜାଣି କପାଟି ଏଲେଇରେସି, “ଏ ମାନିଗାଟି ପେଲିକସ୍‌ ନୀ ତାଣାଟି ମାମ୍ପୁ ହାରେକା ଦିନାଟିଏ ହିଡ଼ଡ଼ି ବେଟାଆହି ମାନମି, ଇଞ୍ଜାଁ ନାନୁ ମା ଦେସାତାକି କିହାମାନି କାମା ବାରେ ଇ କୁଡ଼ା ତାରାକି ହାରେକା ନେହେଁ ଆହାମାନେ ।
 ୩ ଇଦାଆଁ ମାମ୍ପୁ ହାରେକାଣା ତଲେ ବାରେ ତାଣା ହାରେକା ମାନିତଲେ ପେଲିକସ୍‌ ମାନୁଝି ଆହିମାନମି ।
 ୪ ସାମା ନାନୁ ନିଙ୍ଗେ ଏନିକ୍‌ ହାରେକା ବିଡିବିତା କିୟଅଁ, ଇଦାଆଁତାକି ନାନୁ ନାଙ୍ଗେ କାର୍ମାମେସାନା ମା ଏତରଗଟା କାତା ଖେଞ୍ଜାଲିତାକି ନିଙ୍ଗେ ବାଡିମାଲିମାଞ୍ଜାଇଁ ।
 ୫ ଇଚିହଁ ଇ ମାଣସି ଆଜିହପେତି ଗଡ଼ହା ଗାଗସି, ଏଞ୍ଜାସି ଦାରୁତିତି ବାରେଞ୍ଜାକି ମାନି ଜୀହୁଦିୟାଁ ତାଣା ଗଡ଼ହା ହପୁନାସି, ଅଡ଼େ ନାଜୁରିତ ଗତିତି ର କାଜାସି ଇଞ୍ଜୁଁ ମାମ୍ପୁ ପୁଞ୍ଜାମାନମି;
 ୬ ଅଡ଼େ ଜିକେଏ ମାହାପୁରୁ ଇଲୁତି ଲାଗେଏ କିହାଲି ଅଣପାମାରେସି, ଏଚିବେଲା ମାମ୍ପୁ ଇଞ୍ଜାଣାଇଁ ଆସୁମି, ଅଡ଼େ ମା ମେରାତି ଲେହେଁ ଇଞ୍ଜାଣାଇଁ ନାହାୟି କିୟାଲି ଅଣପାମାତମି ।
 ୭ ସାମା ର ମାଣା କସ୍‌କା ମୁହେଁ କାଜାସି ଲୁସିୟା ଖାହାନା ଏଞ୍ଜାଣାଇଁ ମା ତାଣାଟି ବାଡ଼ୁଲୁ ତଲେ ମାଞ୍ଜା ଅୟାଡେସି,
 ୮ ଅଡ଼େ ଇଞ୍ଜାଣାଇଁ ଦହ ଦସିମାନାରାଇଁ ନୀ ତାଣା ଖାହାଲି ହୁକୁମି ହାଡେସି, ଇ ବାରେ କାତାତାକି ନାନୁ ଇଞ୍ଜାଣାଇଁ ଖେଚିହଁ ମାମ୍ପୁ ଏଞ୍ଜାଣି କପାଟି ଦାଞ୍ଜା କିହାମାନାଣି ପୁଞ୍ଜାଲି ଆଡିଦି ।”
 ୯ କୁଡ଼ା ଆହାମାଟି ଜୀହୁଦିୟାଁ ଜିକେଏ ଦାଞ୍ଜା କିହାମାନାରି ତଲେ ଆଣ୍ଡାନା ଇ ବାରେ କାତା ସାତା ଇଞ୍ଜୁଁ ଇଚେରି ।

ତାନି ଖାକିଟି ପାଞ୍ଜୁଲ ପେଲିକସ୍‌ ନକିତା ଖେହ୍‌ନାୟି

୧୦ ଏଚେଟିଏ ସାଲୁଝି କିନାସି ଖାଞ୍ଜୁ ହୁଟାନା ପାଞ୍ଜୁଲଇଁ ଜଲ୍‌ଲାଲି ହେଲ ହାଡେସି, ଇଞ୍ଜାଁ ପାଞ୍ଜୁଲ ଏଲେଇରେସି, “ନାନୁ ହାରେକା ବାର୍ଯ୍ୟା ଆଡେ ଇ କୁଡ଼ାତାରାଇଁ ନାହାୟି କିନାଟି ଆହାମାଞ୍ଜି ଇଞ୍ଜୁଁ ପୁଞ୍ଜାନା, ନାନୁ ସାସାତଲେ ନା ଖାକିଟି ଖେସିମାଞ୍ଜାଇଁ ।
 ୧୧ ବାର ଦିନାଟିଏ ଆଗାଡ଼ା ଆଏ, ନାନୁ ମାହାପୁରୁତି ସେବା କିହାଲି ଜିରୁସାଲମତା ହାଜାମାଚେଏଁ, ଇଦାଆଁ ନାନୁ ଖେଞ୍ଜାନା ପୁଞ୍ଜାଲି ଆଡିଦି ।
 ୧୨ ଅଡ଼େ ଇଞ୍ଜାରି ମାହାପୁରୁ ଇଲୁତାକି ଜୀହୁଦି ଲକୁଡି କୁଟମି ଇଲୁତା* କି ଗାଡ଼ାତି ଆମିନି ଟାୟୁତା ଆମ୍ପାଆରି ତଲେ ବାଡିବଦା କିତାଣି କି ଗଡ଼ହା ହପୁହାଣି ଇଞ୍ଜାଁ ଜୀହୁଦିୟାଁ ମାଡ଼ଝି କିହିମାଗାଣି ଇଞ୍ଜାରି ମେସାମାଞ୍ଜାଅରି,
 ୧୩ ଇଞ୍ଜାଁ ନୀଏଁ ନା କପାଟି ତାଗାମାନି ଦହ ତାକି, ଏଞ୍ଜାରି ନୀ ନକିତା ଏନି ପାରମାଣା ତସାଲି ଆଡ଼ଅରି ।
 ୧୪ ସାମା ନାନୁ ନିଙ୍ଗେ ଇଦାଆଁ ଖେସିମାଞ୍ଜାଇଁ; ଇଞ୍ଜାରି ଏମିନି ଜିରୁତି ମିତି ଇଞ୍ଜାମାନେରି, ଏ ଜିରୁ ତାକାନା ନାନୁ ମା ଆକୁ ଆବାର୍ଯ୍ୟାଟି ମାହାପୁରୁଇଁ ଜହରା କିହିମାଇଁ, ସାମା ନାନୁ ଜିକେଏ ମସାତି ମେରା ଅଡ଼େ ମାହାପୁରୁ ଅଣପୁତି ବଲୁ ଖେହ୍‌ନାରି ପତିତା ଏନାୟି ରାସ୍‌କି ଆହାମାନେ ଏ ବାରେ ନାମିମାଇଁ;

* ୨୪:୧୨ ସିନଗଗ

୧୫ ଇସ୍ତାରି ଲେହେଁ ମାହାପୁରୁ ତାଣା ନା ଏ ରଣ୍ଡିଏ ଆସା ମାନେ ଦାମ୍ବୁଗାଟାରି ଅଡ଼େ ଦାମ୍ବୁ ହିଲିଆ ଗାଟାରି ବାରେ ଲକୁ ହାତାରି ତାଣାଟି ଖେଣ୍ଡେ ନିଜ୍ଜିନେରି ଇଞ୍ଜି ନୀ ନକିତା ଖେସିମାଞ୍ଜାଇ ।

୧୬ ଏଦାଆଁତାକି ନାନୁ ଜିକେଏ ମାହାପୁରୁ ଅଡ଼େ ଲକୁ ନକିତା ବାରେଦିନା ନେହେଁ ଅଣପୁ ତଲେ ତୁୟାଲି ଅଣପିମାଇ ।”

୧୭ “ହାରେକା ବାସୀ ଜେତ ନାନୁ ମା ଲକୁତାଣା ଦାନା ତାଗାଲି ଅଡ଼େ ମାହାପୁରୁ ତାଣା ପୂଜା କିୟାଲି ଜିରୁସାଲମତା ଖାହାମାରେଏ ।

୧୮ ଏଚିବେଲାତା ନାନୁ ମାହାପୁରୁ ଲକୁତା ଅବହା କଡିନି ମୋରା ରାପୁହିମାଟି ବେଲାତା ଇସ୍ତାରି ନାଜେ ମାହାପୁରୁ ଇକୁତା ମେସ୍ତାତେରି; ଏଚିବେଲା ନା ତଲେ ମାଦା ଲକୁ ହିଲିଆତେରି କି ଏମ୍ବାଆଁ ଏନି ଗଡ଼ହା ହିଲିଆତେ,

୧୯ ସାମା ଆସିୟାତି ଏଚରଜାଣା ଜୀହୁଦିୟାଁ ଏମ୍ବାଆଁ ମାଚେରି; ନା କପାଟି ଏସ୍ତାରି ଏନି କାତା ମାଟିହେଁ ଏସ୍ତାରି ନୀ ନକିତା ଖାହାନା ଦାଖା କିତିହେଁ ନେହେଁ ଆଡ଼େମା ।

୨୦ ନାନୁ କାଜା ବେରଣିମାଣ୍ଡା ନକିତା ନିଗାମାଟି ବେଲାତା ଏନି ଦହ ମେସାମାଟିହେଁ ଇମ୍ବାଆଁ ମାନି ଇ ଲକୁ ନାଜେ ଖେସ୍ତାପେରି,

୨୧ *ନାନୁ ରଣ୍ଡିଏ କାତା ଖେସାମାଚେଏଁ ଏସ୍ତାରି ନକିତା ନିଗାମାଟି ବେଲାତା ନାନୁ ଆବଂଖାତଲେ ଏଲେଇଞ୍ଜା ମାଚେଏଁ, ‘ହାତାରି ଖେଣ୍ଡେ ନିଜ୍ଜିନେରି ଇଞ୍ଜି ନାନୁ ନାମାମାନାକି ନୀଞ୍ଜୁ ମୀ ତାଣାଟି ନୀହାଁୟି କିଞ୍ଜି ଆହିମାଇ ।”

୨୨ ସାମା ପେଲିକସ୍ ଏ ଜିରୁତି କାତା ପୁଞ୍ଜାମାଟାକି ନୀହାଁୟି କିହାଲି ବାୟିଦା କିହାନା ଏଲେଇଚେସି, “ର ମାଣା କସ୍ତା ମୁହେଁ କାଜାସି ଲୁସିୟା ଖାଡ଼ିଦେହେଁ ନାନୁ ମୀ ନୀହାଁୟି ତିକହାଲି,” ଇଞ୍ଜି ଖେସା ପାଣ୍ଡିତେସି ।

୨୩ ଏସ୍ତାସି ପାସାକଡ଼ି କସ୍ତା ମୁହେଁ କାଜାଣାଇଁ ଏଲେଇଚେସି, ତାନି ଲକୁ ଅଡ଼େ ତଡ଼େସିଜା ତାନି ସେବା କିହାଲି କାହି କିଆନି, ଅଡ଼େ ତାନି କାୟିଦିତା ମାନାସି ଇଞ୍ଜି ଗେଲ୍ପାନା ଏସ୍ତାଣାଇଁ ହିଡ଼ଡ଼ ତଲେ ଲେମ୍ବାଲି ଏଲେଇଚେସି ।

ପେଲିକସ୍ ଅଡ଼େ ଦୁସିଲା ନକିତା ପାଞ୍ଜୁଲ

୨୪ ଏଚରଦିନା ତାୟୁ ପେଲିକସ୍ ଦୁସିଲା ଦରୁଗାଟି ଜୀହୁଦି ତାନି ତକ୍ତି ତଲେ ଖାଡ଼େସି, ଏସ୍ତାସି ପାଞ୍ଜୁଲଇଁ ହାଟି କିହାନା କ୍ରାସ୍ତ ଜୀସୁ ତାଣା ନାମିନି କାତା ଏସ୍ତାଣି ତାଣାଟି ଖେଚେସି ।

୨୫ ସାମା ପାଞ୍ଜୁଲ ଦାମ୍ବୁତି କାତା, ତୀରପୁ ହିୟାଁ ଅଡ଼େ ଖାହିମାନି ନୀହାଁୟି ଦିନାଟି କାତା ଖେସିମାଟାକି, ପେଲିକସ୍ ଆଜାନା ଏଲେଇଚେସି, “ନୀଏଁ ନାନୁ ହାଲାମୁ ବେଲା ସିନିକିହାନା ଅଡ଼େ ର ଦିନା ହାଟି କିୟାଇଁ ।”

୨୬ ପାଞ୍ଜୁଲ ନାଜେ ଟାକାୟାଁ ହିୟାନେସି ଇଞ୍ଜି ଏସ୍ତାସି ଆସା କିହାମାଚେସି, ଏଦାଆଁତାକି ଏସ୍ତାସି ଅଲେ ଅଲେ ଏସ୍ତାଣାଇଁ ହାଟି କିହାନା ଏସ୍ତାଣିତଲେ କାତା ଆଡ଼ିଚେସି ।

୨୭ ଏଲେକିହେଁ ରୀ ବାସୀ ଆଡ଼ି ତାୟୁ ପକ୍ସ ପେସ୍ତସ୍, ପେଲିକସ୍ ଟାୟୁତା ସାଲ୍ଡି କିନାସି ଆଡ଼େସି, ଅଡ଼େ ପେଲିକସ୍ ଜୀହୁଦିୟାଁ ନେହାଁସି ଇଞ୍ଜି ଇଞ୍ଜାପେରିଖା ଇଞ୍ଜି ଅଣପାନା ପାଞ୍ଜୁଲଇଁ କାୟିଦିତା ଇଗାନା ହାଚେସି ।

୨୫

ସାଲ୍ଡି କିନାଣି ତାଣା ପାଞ୍ଜୁଲ ଗହାରା କିନାୟି

୧ ଏମ୍ବାଟିଏ ପେସ୍ତସ୍ ଇ ରାଜିତା ଖାହାନା ତାନିଦିନା ଆୟାଲିଏ କାୟିସରିୟାଟି ଜିରୁସାଲମତା ହାଚେସି,

୨ ଅଡ଼େ ଏମ୍ବାଆଁ କାଜା ପୂଜେରଜା ଇଞ୍ଜା ଜୀହୁଦି ଲକୁତି କାଜାରି ପାଞ୍ଜୁଲ କପାଟି ପେସ୍ତସ୍ ତାଣା ଖେଣ୍ଡେ ଦାଖା କିଚେରି,

୩ ଅଡ଼େ ଏସ୍ତାସି ଏନିକେଁ ପାଞ୍ଜୁଲଇଁ ଜିରୁସାଲମତା ହାଟା ପାଣ୍ଡାନ୍ଦେସି, ଏଦାଆଁତାକି ଗହାରା କିହାନା ଏସ୍ତାଣି କପାଟି କାର୍ନାଆନି ଲେହେଁ ପେସ୍ତସ୍ ବାଟିମାଲିଚେରି; ଇଞ୍ଜା ଏସ୍ତାସି ଜିରୁତା ତୁଗାହାଁ ପାୟାଲି ଅଣପିମାଚେରି ।

୪ ପେସ୍ତସ୍ ଏଲେଇଚେସି, “ପାଞ୍ଜୁଲ କାୟିସରିୟାତା କାୟିଦିତା ମାନେସି, ଇଞ୍ଜା ନାନୁ ଜିକେଏ ତବେ ଏମ୍ବାଆଁ ଖେଣ୍ଡା ହାଜିମାଇଁ,

* ୨୪:୨୧ କାମା ୨୩:୨

୫ ଏଞ୍ଜେଲ୍ ଏବଂ ଦହ କିହାମାନେସି, ଆତିହ୍ମ୍ ଫୀ କାଜାରି ନା ତଲେ କାୟିସରତା ହାଲାପେରି ଅଡ଼େ ଏଞ୍ଜେଲି କପାଟି ତାମି ଦାଞ୍ଜା କିପାରି ।”

୬ ପେସ୍ତସ୍ ଏମ୍ବାଆଁ ଆଟା କି ଦସ୍ ଦିନା ଏଞ୍ଜେରିତଲେ ତୁୟାହାଁ କାୟିସରିୟାତା ଖେଣ୍ଡେ ହାଚେସି, ଏ ଅର ନେଚୁ ନାହାଁୟି କିନି ଟାୟୁତା କୁଗାନା ପାଞ୍ଜୁଲଇଁ ତାଚାଲି ହୁକୁମି ହାଚେସି ।

୭ ପାଞ୍ଜୁଲ ଖାହାଲିଏ ଜିରୁସାଲମାଟି ଖାହାମାନି ଜୀହୁଦିୟାଁ ତାନି ସାରିସୁଚୁ ନିତାନା ଏଞ୍ଜେଲି କପାଟି ହାରେକା ଦହ ଦସାଲି ମାଟୁହେରି, ସାମା ଏଞ୍ଜେରି ଏ ବାରେଚି ପାରମାଣା କିହାଲି ଆଡ଼ାଆଡେରି ।

୮ ଏବେଚିଏ ପାଞ୍ଜୁଲ ତାନି ଖାକିଟି ଖେସାକତାନା ଏଲେଇଚେସି, “ଜୀହୁଦିୟାଁ ମୋରା କପାଟି ଆଆତ୍ମ୍ ମାହାପୁରୁ ଇଲୁ କପାଟି କି କାୟିସର କପାଟି ଜିକେଏ ନାନୁ ଏନି ଦହ କିହାହିଲଅଁ ।”

୯ ସାମା ପେସ୍ତସ୍, ଜୀହୁଦି ଲକୁ ନକିତା ନେହାଁସି ଆୟାଲି ପାଞ୍ଜୁଲଇଁ ଖେଚେସି, “ନାନୁ ଜିରୁସାଲମାତା ହାଜାନା ଏମ୍ବାଆଁ ନା ନକିତା ଇ ବାରେତାକି ନାହାଁୟି ଆୟାଲି ମନ କିହାମାଞ୍ଜି କି ?”

୧୦ ସାମା ପାଞ୍ଜୁଲ ଏଲେଇଚେସି, “ନାନୁ କାୟିସର ନକିତା ନାହାଁୟି କିନି ଟାୟୁତା ନିତାମାଞ୍ଜି, ଏମ୍ବାଆଁ ନା ନାହାଁୟି ଆନାୟି ମାନେ, ନାନୁ ଜୀହୁଦିୟାଁ କପାଟି ଏନି ଲାଗେଏ କାମା କିହାହିଲଅଁ, ଏଦାଆଁ ନାନୁ ଜିକେଏ ନେହ୍ କି ପୁଞ୍ଜାମାଞ୍ଜି ।

୧୧ ମୋରା ମାନି କିଆନା ଲାଗେଏଚି କାମା କିହାମାଟିହ୍, ନାନୁ ହାହାଲି ଆଜିହିଲଅଁ; ସାମା ଇଞ୍ଜେରି ନା କପାଟି ଆମିନି ବାରେ ଦାଞ୍ଜା କିହାମାନେରି, ଏ ବାରେ ବିତ୍ତାଟି ଆମିନି ର ପଦୁ ଜିକେଏ ସାତା ଆଆତିହ୍, ଆମ୍ବାଆସି ଏଞ୍ଜେରି କେୟୁତା ନାଞ୍ଜେ ହେରପାଲି ଆଡ଼ଅସି, ନାନୁ କାୟିସର ନକିତା ନାହାଁୟି କିଞ୍ଜିଆୟାଲି ଗହାରା କିହାମାଞ୍ଜି ।”

୧୨ ଏମ୍ବାଟିଏ ପେସ୍ତସ୍ ତାନି ନାହାଁୟିଚି କାଜାରି ତଲେ ଜଲୁକି ଆହାନା ଏଲେଇଚେସି, “ନାନୁ କାୟିସର ନକିତା ନାହାଁୟି କିଞ୍ଜିଆୟାଲି ରାସିମାଞ୍ଜି, ଆତିହ୍ ନାନୁ କାୟିସର ତାଣେଏ ହାଜି ।”

ଆଗ୍ରିପା ଅଡ଼େ ବନିକି ନକିତା ପାଞ୍ଜୁଲ

୧୩ ଏଚରଦିନା ତାୟୁ ରାଜା ଆଗ୍ରିପା ଅଡ଼େ ବନିକି କାୟିସରିୟାତା ଖାହାନା ପେସ୍ତସ୍ ଆଶ୍ବାଲି ହାଚେରି ।

୧୪ ଏଞ୍ଜେରି ଏମ୍ବାଆଁ ଏଚରଦିନା ତୁୟିଚି ତାୟୁ, ପେସ୍ତସ୍ ରାଜା ନକିତା ପାଞ୍ଜୁଲ କାତା ଖେସ୍ତେସି, “ପେଲିକସ୍ କାୟିଦିତା ଇଟାମାନାସି ରଅସି ଇମ୍ବାଆଁ ମାନେସି;

୧୫ ନାନୁ ଏଚିବେଲା ଜିରୁସାଲମାତା ହାଜାମାଚେଏଁ ଏଚିବେଲାତା ଜୀହୁଦି ଲକୁଚି କାଜା ପୂଜେରାଞ୍ଜା ଅଡ଼େ ପ୍ରାଚିନାଞ୍ଜା ଏଞ୍ଜେଲି କପାଟି ଖେସାନା ଏଞ୍ଜେଲାଇଁ ତଣ୍ଡ ହାହାଲି ନାଞ୍ଜେ ବାଟିମାଲି ମାଞ୍ଜାଚେରି ।

୧୬ ସାମା ନାନୁ ଏଞ୍ଜେରାଇଁ ଏଲେଇଚେଏଁ, ଦହଗାଟାସି ତାନି ଦହ ଦସାମାନାରା ନକିତା ନିଆ ପାତେକା ଇଞ୍ଜା ତାଞ୍ଜେ ତାନି ଖାକିଟି ଜଲୁଲି ହାଆ ପାତେକା ଏଞ୍ଜେଲାଇଁ ତଣ୍ଡ ହାହାଲି ମା ରମ୍ ଲକୁଚି ମୋରା ହିଲେଏ ।

୧୭ ଏଞ୍ଜେରି ନା ତଲେ ଇମ୍ବାଆଁ ଖାୟାଲିଏ, ନାନୁ ଖେଡ଼ାକିଆନା ତାନି ଅର ନେଚୁ ନାହାଁୟି କିନି ତାଣା କୁଗାନା, ଏଞ୍ଜେଲାଇଁ ତାଚାଲି ହୁକୁମି ହାଚେଏଁ ।

୧୮ ଏଞ୍ଜେଲାଇଁ ଦହ ଦସାମାନାରି ଖାହାନା ନିଚେରି, ସାମା ଏଞ୍ଜେରି ଏନିଲେହେଟି ଦାଞ୍ଜା କିନେରି ଇଞ୍ଜୁ ନାନୁ ଅଶ୍ଚିମାଚେଏଁ, ଏଞ୍ଜେରି ଏନି ଦହ ଏଞ୍ଜେଲି କପାଟି ଖେସ୍ତାଆଡେରି ।

୧୯ ଏଞ୍ଜେରି ଖାରଇ ତାମି ଦାମୁଟି କାତା ଇଞ୍ଜା ଜୀସୁ ଦରୁଗାଟି ଏମିନି ହାଡ଼ାଣାଇଁ ପାଞ୍ଜୁଲ ନାତାମାନେସି ଇଞ୍ଜୁ ଖେସିମାନେସି, ତାନି କାତାତାକି ଆସ୍ତସି ଆଡେରି ।

୨୦ ଇ ବାରେ କାତା ନେହ୍ କି ପୁଞ୍ଜାଲିତାକି ଏନାଆଁ କିହାଲି ଆନେ, ଏନାଆଁ ତୀରି କିହାଲି ଆଡ଼ାଆନା ଇ ଦାଞ୍ଜା ତାକି ନାହାଁୟି ଆହାଲିତାକି ପାଞ୍ଜୁଲ ଜିରୁସାଲମାତା ହାନେସି କି ଆଏ ଏଦାଆଁ ନାନୁ ଖେଚେଏଁ ।

୨୧ ସାମା ପାଞ୍ଜୁଲ ସାଲୁକି କିନି କାୟିସର ନକିତା ନାହାଁୟି କିଞ୍ଜିଆୟାଲି ନାନୁ ହାଇଁ ଇଞ୍ଜୁ ଖେସିମାଚାକି, ନାନୁ ଏଞ୍ଜେଲାଇଁ କାୟିସର ତାଣା ପାଣ୍ଡିନି ପାତେକା କାୟିଦିତା ଇଟାଲି ହୁକୁମି ହାଚେଏଁ ।”

୨୨ ଆଗ୍ରିପା ପେସ୍ତସ୍ ଏଲେଇଚେସି, “ନାନୁ ଜିକେଏ ଇଞ୍ଜେଲି କାତା ଖେଞ୍ଜାଲି ମନ କିହାମାଞ୍ଜି । ହାଅ ଖିଏ ନାନୁ ଏଞ୍ଜେଲି କାତା ଖେଞ୍ଜି” ଇଞ୍ଜୁ ପେସ୍ତସ୍ ଏଲେଇଚେସି ।

୨୩ ତାନି ଅର ଦିନା ଆଗ୍ରିପା ଇଞ୍ଜା ବନିକି କାଜାପାଣା ଅଡ଼େ ଗାଞ୍ଜୁରମିଗାଟି କସ୍ କାଞ୍ଜା ଗାଡ଼ାଚି କାଜାରି ତଲେ ହାଜାନା ନାହାଁୟି କିନି ଟାୟୁତା ଖାଡ଼େସି, ଏମ୍ବାଟିଏ ପେସ୍ତସ୍ ହୁକୁମି ତଲେ ପାଞ୍ଜୁଲ ଏମ୍ବାଆଁ ତାପିଆଡ଼େସି ।

୨୪ ଏମ୍ବାଟିଏ ପେସ୍‌ସ୍ ଏଲେଇଚେସି, “ଏ ରାଜା ଆଗ୍ରିପା ଅଡ଼େ ଇମ୍ପାଆଁ ମାନି ମାନିଗାଟି କାଜାଚେରି, ମୀରୁ ବାରେ ଈଫାଣାଇଁ ମେସିମାଞ୍ଜେରି; ଈଫାଣି କପାଟି ଜିରୁସାଲମ ଇଞ୍ଜାଁ ଇମ୍ପାଆଁ ମାନି ଜୀହୁଦି ଲକୁ ନା ତାଣା ଦାଫା କିହାମାନେରି, ଈଫାସି ନୀତାମାନାୟି ଲଡ଼ା ହିଲେଏ ଇଞ୍ଜାଁ ବାରେଜାଣା କାଲୁଫି ଆଡ଼େଟି ।

୨୫ ସାମା ଈଫାସି ହାନିଲେହେଟି ଏନ୍ଦି ଦହ୍ କିହାମାନାଣି ନାନୁ ମେସାହିଲଅଁ ଇଞ୍ଜାଁ ଏଫାସି ତାନୁଏ କାୟିସର ତାଣା ନୀହାୟି କିଫିଆୟାଲି ବାଟିମାଲ୍ଲାତାକି ନାନୁ ଏଫାଣାଇଁ ଏମ୍ପାଆଁ ପାଣ୍ଡାଲି ତାକି ତାରି କିଡେସଁ ।

୨୬ ସାମା ରାଜା କାୟିସର ତାଣା ଏଫାଣି ତାକି ରାଡ଼ାଲି ନାଜେ ଏନ୍ଦି କାତା ହିଲେଏ, ଏଦାଆଁତାକି ନାନୁ ଏଫାଣାଇଁ, ବାରେକିହାଁ ରାଜା ଆଗ୍ରିପା ନୀ ତାଣା ଏଫାଣାଇଁ ତାଚାମାଇଁ, ଏନ୍ଦିକଁ ଏଫାଣି କାତା ଷେଞ୍ଜାନା, ପୁଟିତାୟୁ ନାନୁ ଏଫାଣାଇଁ ଇଚାଣି ରାଡ଼ାଲି ଆଡ଼ିଲି ।

୨୭ ଇଚିହଁ ର କାୟିଦି ଗାଟାଣାଇଁ ପାଣ୍ଡିନି ବେଲ୍ଲାତା ତାନି କପାଟି କିହାମାନି ଦାଫା ନେହଁକଁ ତହୁଆନା ପାଣ୍ଡାଲି ନେହେଁ ଆଏ ଇଞ୍ଜାଁ ନାନୁ ଅଣ୍ପିମାଇଁ ।”

୨୨

ରାଜା ଆଗ୍ରିପା ନକିତା ପାଞ୍ଚୁଲ ତାଜେତାକି ଷେହ୍‌ନାୟି

୧ ଆଗ୍ରିପା ପାଞ୍ଚୁଲଇଁ ଏଲେଇଚେସି, “ନିଜେ ନୀ ଖାକିଟି କାତା ଜଲ୍ଲାଲି ହେଲ ହୀପ୍‌କିଆଡ଼େ” ଏମ୍ବାଟିଏ ପାଞ୍ଚୁଲ କେୟୁ ଦାସାନା ତାନି ଖାକିଟି ଏଲେଇଚେସି ।

୨ “ରାଜା ଆଗ୍ରିପା, ଜୀହୁଦିୟାଁ ନା କପାଟି ଏନ୍ଦି ଦହ୍ ଦସାମାଞ୍ଜାନେରି, ଏଦାଆଁ ନୀଞ୍ଜୁ ନୀ ନକିତା ଷେସାଲି ନାନୁ ହେଲ ବେଟାଆହାମାନାକି ନାନୁ ନାଜେ କପଲ ଗାଟାଚେସଁ ଇଞ୍ଜାଁ ଅଣ୍ପାଦା କଡ଼ିମାଇଁ,

୩ ଏନାଆଁତାକି ଇଚିହଁ, ନାନୁ ଜୀହୁଦିୟାଁ ପାଣ୍ଡାପାଟୁ ଅଡ଼େ କାତା ନେହଁକଁ ପୁଞ୍ଜାମାଞ୍ଜି; ଏଦାଆଁତାକି ନା କାତା ସାସାତଚେଲ ଷେଞ୍ଜାଲି ନିଜେ ବାଟିମାଲ୍ଲିମାଞ୍ଜାଇଁ ।”

୪ “ନା ଦାଂଗଣା ଷେଡ଼ାଟିଏ ନୀର୍ଯ୍ୟ ପାଡେକା ନାନୁ ତଲି ମା କୁଡ଼ାତାରି ତଚେଲ ଅଡ଼େ ଜିରୁସାଲମତା ଏନ୍ଦିଆହଁ ନୀତା ମାଚେସଁ ଏଦାଆଁ ଜୀହୁଦିୟାଁ ବାରେ ନେହଁକଁ ପୁଞ୍ଜାମାନେରି;

୫ *ନାନୁ ମା ମାହାପୁରୁତି ମୋରା ହାଡ଼େକା ନେହଁକଁ ମାନୁଫି ଆହିମାନି ପାରୁସିୟାଁ ଗଟିତା ମାଚେସଁ, ଏଫାରି ନାଜେ ତଲିଟିଏ ପୁଞ୍ଜାମାଞ୍ଜାନେରି, ଏଫାରି ମନ କିଚିହଁ ସାକି ହୀହାଲି ଆଡ଼ିନେରି ।

୬ ମାହାପୁରୁ ମା ଆକୁ ଆବାୟାଁଣି ଏମିନି କାତା ଆଞ୍ଜାମାଚେସି, ଏ କାତା ହୀହାମାନାଣି ବାସୁଁ କିହାମାନାକି ନୀଞ୍ଜୁ ନାନୁ ଇମ୍ପାଆଁ ନୀହାୟି କିଫିଆୟାଲି ନିଚାମାଇଁ

୭ ମା ଲକୁଟି ବାର କୁଡ଼ାତାରି ଲାଆଁ ମାଦେନା ମାହାପୁରୁତି ସେବା କିହାନା ଏ ରଣ୍ଡିଏ କାତା ବେଟାଆହାଲି ତାକି ଆସା କିନେରି, ଏ ରାଜା, ନା ଏ ବାସୁଁ ତାକି ଜୀହୁଦିୟାଁ ନାଜେ ଦହ୍ କିହାମାଞ୍ଜାନେରି ।

୮ ମାହାପୁରୁ ହାଡ଼ାଚାଲି ନିକନେସି, ଇଦାଆଁ ନାମାଲି ଆଡ଼ାଆ ଗାଟାୟି ଇଞ୍ଜାଁ ମୀରୁ ଏନାଆଁତାକି ଅଣ୍ପିମାଞ୍ଜେରି ?”

୯* “ନାକରିତ ଜୀସୁ ଦରୁ କପାଟି ନାଜେ ହାଡ଼େକା କାମା କିନାୟିମାନେ ଇଞ୍ଜାଁ ନାନୁ ଅଣ୍ପିମାଚେସଁ ।

୧୦ ଜିରୁସାଲମତା ନାନୁ ଏଲେଜିକେଏ କିଡେସଁ । କାଜା ପୁଜେରାଜା ତାଣାଟି ଅଦିକାରା ଆକୁ ବେଟାଆହାନା, ମାହାପୁରୁ ଲକୁ ତାଣାଟି ହାଡ଼େକା ଜାଣାଇଁ କାୟିଦିତା ପୁଣ୍ଡିକିହାମାଚେସଁ ଇଞ୍ଜାଁ ଏଫାଚାଲି ପାୟିନାଟି ନାନୁ ଜିକେଏ ଆଣ୍ଡିମାଚେସଁ ।

୧୧ ହାଡ଼େକା ଦେବା ଜୀହୁଦି ଲକୁଟି କୁଟାମି ଇଲ୍‌କାଣା* ନାନୁ ଏଫାଚାଲି ଲାଜାକିହଁ ତଣ୍ଡି ହୀହିମାଚେସଁ ଇଞ୍ଜାଁ ଏଫାରି ନାମୁତି ଏଟ୍‌କା କିହାଲି ଅଣ୍ପାଦାମାଚେସଁ, ନାନୁ ଏଫାରି କପାଟି ହାଡ଼େକା କାର୍‌ବି ଆହାମାଚେସଁ, ଏଫାଚାଲି ସାସୁଁ ହୀହାଲି ଏଟ୍‌କା ଦେସାତା ଜିକେଏ ହାଜାମାଚେସଁ ।”

ପାଞ୍ଚୁଲ ତାନି ମନ ଷେଡ଼ି କାତା ଷେହ୍‌ନାୟି

(କାମା ୯:୧-୧୯; ୨୨:୬-୧୬)

୧୨ ଇଦାଆଁତାକି କାଜା ପୁଜେରାଜା ତାଣାଟି ଅଦିକାରା ଆକୁ ଅଡ଼େ ହୁକୁମି ବେଟାଆହାନା ନାନୁ ଦମେକହ ହାଜାମାଚେସଁ ।

୧୩ ଏ ରାଜା ଆଗ୍ରିପା, ର ଦିନା ମାଦେନା ବେଲ୍ଲା ଜିରୁତା ହାଗୁଲ୍‌କାଟି ଷେଡ଼ାକିହାଁ ହାଡ଼େକା ଉଜେଡ଼ି ମେସେସଁ, ଏ ଉଜେଡ଼ି ନାଜେ ଅଡ଼େ ନା ତଚେଲ ହାଜିମାଚାରି ସାଡ଼ିଫାକି ତଞ୍ଜାଆଡ଼େ ।

* ୨୨:୫ କାମା ୨୩:୬; ପିଲିପି ୩:୫ * ୨୨:୯ କାମା ୮:୩; ୨୨:୪,୫ * ୨୨:୧୧ ପିନଗ୍ର

୧୪ ମାମୁ ବାରେଜାଣା ବୁଢ଼ିତା ତରୁଗାଲିଏ, ଏବୁଁ ହାତାତଲେ ନାଙ୍ଗୋତାକି ଛ ହାତା ଝେତେଏ, “ଆଡ଼େ ସାଝୁଲ ଆଡ଼େ ସାଝୁଲ ଏନାଆଁତାକି ନାଙ୍ଗୋ ସାସ୍ତି ହାହିମାଞ୍ଜାଦି ? ଏନିକି ତୁକୁ କଡ଼ି ହେରୁ ତୁମାଣି ହୁଡ଼ ବାଡ଼ଗାତା ଦୟିନେ ଏଲେକିହ” ନୀନୁ ତାୟୁଝାକି ଦୟାହାଁ ଜାହାରା କତାତା ଗାଣ୍ଡାକି ମାଞ୍ଜି ।”

୧୫ ଏମାଟିଏ ନାନୁ ଝେରେଏ, “ପ୍ରବୁ ନୀନୁ ଆମ୍ବାଆତି ?” ଏଚେଟିଏ ପ୍ରବୁ ଏଲେଇଞ୍ଜାତେସି “ନୀନୁ ଆମ୍ବାଆରାଇଁ ସାସ୍ତି ହାହିମାଞ୍ଜି ନାନୁ ଏ ଜୀସୁତେଏ ।

୧୬ ସାମା ନିଙ୍ଗାମୁ କତାତା ବାଡ଼ୟୁ ହାହାନା ନିମୁ, ଇତିହ” ନାନୁ ନିଙ୍ଗେ ନା ସେବା କାମା କିହାଲିତାକି ତଞ୍ଜା ଆହାମାଞ୍ଜାଇ, ନୀଞ୍ଜୁ ନୀନୁ ଏନାଆଁ ମେସାମାଞ୍ଜି ତାୟୁ ନାନୁ ନିଙ୍ଗେ ଏନାଆଁ ତସାଇଁ ଏ କାତା ଏଚକା ତାରାଇଁ ସାକି ହାଦି ।

୧୭ ଜୀହୁଦି ଅଡ଼େ ଜୀହୁଦିଆଆତି ଲକୁତାଣା ନାନୁ ନିଙ୍ଗେ ପାଣ୍ଡାଇଁ, ଏଞ୍ଜାରି ତାଣାଟି ନାନୁ ନିଙ୍ଗେ ଗେଲୁପାଇ ।

୧୮ ନିଙ୍ଗେ ଏଞ୍ଜାରି କାଣକା ଦେଗାଲି ଆନେ, ଅଡ଼େ ଏଞ୍ଜାରାଇଁ ଆନେରିଟି ଉଜେଡ଼ିତା ଅଡ଼େ ସୟତାନ ପାନ୍ଦାଟି ମାହାପୁରୁ ତାଣା ଝେଚହା ତାନାୟି ଆନେ, ଏନିକି ନା ତାଣା ନାମିନି ତାଣାଟି ସୁଦୁ କିଞ୍ଚି ଆହାନା ଏଞ୍ଜାରି ପାପୁ ମେଶ୍ଟାକିନେ ଅଡ଼େ ମାହାପୁରୁ ଆଡ଼ିତି ଲକୁ ବିଦ୍ରା ଏଞ୍ଜାରି ଚାୟୁ ବେଟାଆନେରି ।”

ପାଝୁଲ ତାନି କାମାଟି ଝେହନାୟି

୧୯ “ରାଜା ଆଗ୍ରିପା, ଏ ଲାକପୁରୁଟି ମେସାଣି ନାନୁ ଉରାଆତେଏ,

୨୦ ତଲିଏ ଦମେସକତା ଇଞ୍ଜା ଜିରୁସାଲମତି ଲକୁତାଣା ତାୟୁ ଜୀହୁଦା ରାକ୍ତିତି ବାରେ ନାୟକାଣାଁ, ଅଡ଼େ ଜୀହୁଦିଆଆତି ଲକୁତାଣା ଜିକେଏ ଝେକହେଏ, ଏନିକି ଏଞ୍ଜାରି ମନ ଝେଚହାନା ମାହାପୁରୁ ତାଣା ଝାନେରି, ଇଞ୍ଜାଁ ଏଞ୍ଜାରି ମନ ଝେଚହା କତାମାନେରି, ଏନାଆଁ କାମାତା ତହୁନେରି ।

୨୧ ଏନାଆଁତାକି ନାନୁ ମାହାପୁରୁ ଇକୁତା ମାଗାଟି ଜୀହୁଦିୟାଁ ନାଙ୍ଗେ ଆସାନା ପାୟାଲି ଅଣ୍ଡିପି ମାଞ୍ଜାତେରି ।

୨୨ ସାମା ନୀଞ୍ଜୁପାତେକା ମାହାପୁରୁ ନାଙ୍ଗେ ସାୟେମି କିହାମାଞ୍ଜାନେସି, ଏନାଆଁତାକି ନୀଞ୍ଜୁ ନାନୁ ଉଣା କାଜାରି ବାରେତି ନକ୍ତିତା ସାକି ହାହାଲି ନିଚାମାଇଁ । ମାହାପୁରୁ ଅଣ୍ଡିପୁତି ବଲୁ ଝେହନାରି ଅଡ଼େ ମସା ଏନାଆଁ ଆନେ ଇଞ୍ଜାଁ ଝେସାମାନେସି ନାନୁ ଏ କାତା ଝେସିମାଇଁ,

୨୩ ଇତିହ” ମସିହା ସାତେଏ ଦୁକୁ ବେଟାଆହାନା ହାଡ଼ାରି ବିଦ୍ରାଟି ତଲିଏ ନିଙ୍ଗାନା ଜୀହୁଦି ଲକୁ ଇଞ୍ଜାଁ ଜୀହୁଦିଆଆତି ଲକୁ ନକ୍ତିତା ଗେଲପିନି ଉଜେଡ଼ି ତହୁନେସି ।”

୨୪ ପାଝୁଲ ଇଲେକିହ” ତାନି ଝାକିଟି ଜଲିମାଗାଟି ପେସ୍ତସ୍ କାଜା ଗିୟାତଲେ ଏଲେଇଚେସି, “ପାଝୁଲ ନାନୁ ବାୟା ଆଡ଼ି; ଗାଡ଼ି ଜାଡ଼ିତାକି ନାନୁ ବାୟା ଆହାମାଞ୍ଜି ।”

୨୫ ସାମା ପାଝୁଲ ଏଲେଇଚେସି, “ଏ ମାନିଗାଟି ପେସ୍ତସ୍ ନାନୁ ବାୟା ଆହାହିଲଅଁ; ସାମା ନାନୁ ଏନାଆଁ ଜଲିମାଇଁ ଏଡ଼ି ସାତା, ତୀରି ବୁଦିତଲେ ଝେସିମାଇଁ ।

୨୬ ରାଜା ଆଗ୍ରିପା ନୀନୁ ଛ ବାରେ ପୁଞ୍ଜାମାନାକି, ନାନୁ ନୀ ନକ୍ତିତା ସାସାତଲେ କାତା ଜଲିମାଇଁ, ନାନୁ ସାତେଏ ନାମିମାଇଁ, ଛ ବାରେ ନୀନୁ ପୁନାଆରେଚୁ ଆହା ହିଲେଏ; ଅଡ଼େ ଛ ବାରେ କାତା ତୁଗୁନା ମେଶେଏ ଆହାହିଲେଏ ।

୨୭ ଏ ରାଜା ଆଗ୍ରିପା, ନାନୁ ମାହାପୁରୁ ଅଣ୍ଡିପୁତି ବଲୁ ଝେହନାରି କାତା ନାମିମାଞ୍ଜି କି ? ହାଅ ନୀନୁ ନାମିମାଞ୍ଜି ଇଞ୍ଜାଁ ନାନୁ ପୁଞ୍ଜାମାଇଁ ।”

୨୮ ଆଗ୍ରିପା ପାଝୁଲଇଁ ଏଲେଇଚେସି, “ନୀନୁ ନାଙ୍ଗେ ଗାଡ଼େକେଏ କ୍ରୀସ୍ତାନା କିଇଁ ଇଞ୍ଜାଁ ଅଣ୍ଡିପିମାଞ୍ଜାଦି ?”

୨୯ ପାଝୁଲ ଏଲେଇଚେସି, “ଗାଡ଼େକା ତାକି ଆପେ କି ଗାଡ଼ିତାକି ଆପେ ମାହାପୁରୁ ତାଣା ଇଚେକେଏ ନା ପ୍ରାତାନା, ନୀନୁ, ଅଡ଼େ ଏଚରଜାଣା ନୀଞ୍ଜୁ ନା କାତା ଝେଞ୍ଜିମାନେରି, ବାରେଜାଣା ନାଲେହେଁ ଆପେରି ସାମା ନାଲେହେଁ ହିକ୍ସିୟାଁ ତଲେ ଦସ୍ପି ଆପେରି ଇଞ୍ଜାଁ ନାନୁ ଝେସିମାଞ୍ଜଅଁ ।”

- ୩୦ ଏଚେଟିଏ ରାଜା, ସାଲଞ୍ଜି କିନାସି ଅଡ଼େ ବନିକି ଇଞ୍ଜାଁ ଏଚକାତାରି ବାରେ ହାଜାଲି ନିଙ୍ଗିତେରି,
- ୩୧ ଏଞ୍ଜାରି ହାନିବେଲାତା ତାମୁ ତ୍ରାମ୍ବୁଏ ଜଲୁକି ଆଡେରି, “ଛ ମାଣ୍ଡସି ଇଲେଡି ଏନି କାମା କିହାହିଲଅସି ଏନାଆଁତାକି ଏଞ୍ଜାସି ଦସ୍ପି ଆନେସି କି ପାୟୁଞ୍ଜି ଆନେସି ।”
- ୩୨ ଅଡ଼େ ଆଗ୍ରିପା ପେସ୍ତସ୍ ଇଲେଇଚେସି, “ଛ ମାଣ୍ଡସି କାୟସର ତାଣା ନାହାଁୟି କିଞ୍ଚିଆୟାଲି ବାଡ଼ିମାଲୁଆତିହ” ମା ମାମୁ ଏଞ୍ଜାଣାଇଁ ପିସାଲି ଆଡ଼ିତମିମା ।”

☆ ୨୭:୨୩ ଚକର ୧୫:୨୦

୨୭

ପାଞ୍ଚୁଲ ସାମଦୁରିତି ରମତା ହାନାୟି

୧୧ ମାମୁ ଲୁଗାଲି ଦେସାତା ଏୟୁ ଜାଜା ତଲେ ହାଜାଲି ତାରି କିଞ୍ଚିଆଡ଼ି ତାୟୁ ପାଞ୍ଚୁଲ ଅଡ଼େ ଏଚରଜାଣା କାୟିଦିତା ମାଚାରାଇଁ, ରାଜାତି କସକା ଜୁଲିୟସ୍ ଦରୁଗାଟି ପାସାକଡ଼ି କସକା ମୁହେଁ କାଜାଣି କେୟୁତା ହେରପିତେରି ।

୧୨ ଏମ୍ବାଟିଏ ମାମୁ ଆସିୟା ଦେସାତି ଏଚକା ଏଚକା ଚାୟୁତା ହାନି ଏୟୁ ଜାଜା ନିନି ଚାୟୁଟି ଆଦାମୁତିୟ ଜାଜାତା ହଡ଼ମି; ଇଞ୍ଜା ମାକିଦନିୟା ଦେସାତି ତେସଲନିକି ଗାଡ଼ାତି ଆରିସ୍ତାକି ମା ତଲେ ମାଚେସି ।

୧୩ ତାନି ଅର ନେଚୁ ମାମୁ ସୁଦନତା ଏଗାତମି, ଅଡ଼େ ଜୁଲିୟସ୍ ପାଞ୍ଚୁଲଇଁ କାର୍ମା ଆହାନା ତାନି ତଣେସିଙ୍ଗା ତାଣା ହାଜାନା ଲଡ଼ାମାନାଣି ସେବା ବେଟାଆହାଲି ହେଲ ହାତେସି ।

୧୪ ଏମ୍ବାଟି ଜାଜାତା ହଡ଼ାମାଚାଟି ମା ଝାକି ଗାଲି ଝେଗାଲିଏ ମାମୁ ଲୁପ୍ତ ଦାରି ଦାରିଚି ହାଚମି,

୧୫ କଲିକିୟା ଅଡ଼େ ପଂପୁଲିୟା ନକିତା ମାନି ସାମଦୁରି ଗାଣଗାନା ଜୁକିୟାତି ମୂରାତା ଝାଡ଼ମି ।

୧୬ ଏମ୍ବାଆଁ ପାସାକଡ଼ି କସକା ମୁହେଁ କାଜାସି, ଇଚାଲିତା ହାଜିମାନି ର ଆଲେକଜାଣ୍ଡ୍ରିୟା ଏୟୁ ଜାଜା ବେଟାଆହାନା ମାଙ୍ଗେ କୁଚି କିୟାତେସି ।

୧୭ ତାୟୁ ହାରେକା ଦିନାତାକି ଦୀରେ ଦୀରେ ହାଜାନା କସ୍ତଲେ କ୍ରିଦ ଗାଡ଼ା ତାଗେ ହାଚମି । ନକିତି ଗାଲି ମାଙ୍ଗେ ନକିତା ହାଜାଲି ହିୟାଆଲିଏ ସାଲ୍‌ମନିତି ଅରଝାକି କ୍ରିତି ଦାରି ଦାରିଚି ହାଚମି ।

୧୮ ଅଡ଼େ କସ୍ତଲେ ଗାଚୁ ଗାଚୁଟି ହାଜାନା “ଅଜିତି ବାଦା” ଇନି ଚାୟୁତା ହାଚମି, ଏଡ଼ି ଲାସାୟା ଗାଡ଼ାତି ତାଗେ ମାଚେ ।

୧୯ ଇଲାଆହ୍ ହାରେକା ଦିନା ଆହାହାଚେ, ଇଞ୍ଜା ସାମଦୁରିତି ହାନାୟି କସ୍ତ ଆହାହାଚେ, ଇଚିହ୍ ଏଚିବେଲା ଉପାସା ପାର୍ବୁ ରାହାମାଚେ, ଏଦାଆଁତାକି ପାଞ୍ଚୁଲ ଜାଗ୍ରାତା କିହାନା ଏଲେଇଚେସି ।

୨୦ “ବାଚୁୟାତେରି ଇ ସାମଦୁରିତି ହାନାଟି ଜାଜାତି ଆସ୍ତି ଅଡ଼େ ଏୟୁ ଜାଜା ନସ୍ତ ଆନେ ଏଡ଼ି ଆଏ, ସାମା ଜାଜାତା ହାଜିମାନାରି ଜାସୁ ଜିକେଏ ନସ୍ତ ଆନେ ନାନ୍ତୁ ପୁଞ୍ଜିମାଇଁ ।”

୨୧ ସାମା ପାସାକଡ଼ି କସକା ମୁହେଁ କାଜାସି, ପାଞ୍ଚୁଲତି କାତା କିହାଁ ଜାଜାତି ସାଲ୍‌ଝି କିନାଣାଇଁ ଇଞ୍ଜା ସାଞ୍ଜକାରି କାତାତି ହାରେକା ନାମିତେସି ।

୨୨ ଇ ବାଦାତା ପେନିଝେଡ଼ା ତୃୟାଲି ନେହେଁ ହିଲାଆଚେ, ଇଦାଆଁତାକି ଜାଜାତା ହାଜିମାଚାରି ହାରେକା ସାମଦୁରିତି ହାଜାନା ପିନିକସ୍ତା ପେନିବେଲା ରାୟୁହାଲି ଅଣପିମାଚେରି, ଏ ପିନିକସ୍ କ୍ରିତିତି ର ଜାଜାୟା ନିନି କାଜା ଚାୟୁ ମାଚେ, ଏଡ଼ି ଝେଡ଼ା କୃଡ଼ନି ଚିଃନିଝାକି ଅଡ଼େ, ଝେଡ଼ା କୃଡ଼ନି ଚେଡ଼ିଝାକି ମୁମ୍ବୁ ଲିହାମାଚେ ।

ସାମଦୁରିତା ଗାଲି ପିୟୁ

୨୩ ଏଚିବେଲା ଚିଃନି ଝାକିତି ଗାଲି ଦୀରେ ଦୀରେ ଝାଡ଼େ, ହାଜିମାଚାରି ନୀଏଟି ମା ଅଣପିମାଚି ଲେହେଁ ଆଡ଼େ ଇଞ୍ଜା ଅଣପିତେରି, ଜାଜା ନିପହାମାଚି କାଜା ଲହତି ରେଜାନା କ୍ରିତିତି ଗାଚୁ ଗାଚୁଟି ହାଜାଲି ମାଚୁହେରି,

୨୪ ସାମା ଗାଡ଼େକା ହାଜାଲିଏ ଇୟୁରକ୍‌ଝିଲ୍ ଇନି ଆଜିହପେତି କାଜା ଗାଲି ଝେଡ଼ା ହନି ଚେବୁ ଝାକିଚି ହଡ଼ାନା ଜାଜା ମାଚିଝାକି ଝାଡ଼େ ।

୨୫ ଗାଲି ଜାଜାତି ଝେଗାଲିଏ, ଜାଜାତି ଗାଲିଝାକି ଅୟାଲି ଆଡ଼ାଆନା ଜାଜାତି ଗାଲି ତଲେ ଅଝିଆୟାଲି ପିସ୍ତମି ।

୨୬ ସାମୁ ଲୁଞ୍ଜୁଦାତି ସାମଦୁରି ମାଦି ମାନି ଉଣା ବୁମିତି ଜମିନି ଚାୟୁ ବେଟାଆଡ଼ମି । ଏମ୍ବାଟି ହାରେକା କସ୍ତଟି ଏୟୁ ଜାଜାତି ଉଣା ତଂଗ ତଲେ ଗେଲ୍‌ପି ଆଡ଼ମି ।

୨୭ ଜାଜା ସାଲ୍‌ଝି କିନାରି ଏଦାଆଁ ଜାଜା ଲାକ ଅଡ଼ି ତାୟୁ ତୁର୍କା ତଲେ ଜାଜା ସାରିସ୍ତୁ ଦସ୍ତେରି, ଇଞ୍ଜା ଜାଜା ଲିବିୟାତି ସୁରତି ଇନି ବାଃଲି ତିବାତା ଗୁପିନେ ଇଞ୍ଜା ଆଜିତାକି ଜାଜା ସାଲ୍‌ଝି କିନାରି ଜାଜାତା ଗଞ୍ଜାମାଚି ହିମ୍ବୁରିକା ହୁକହାନା ଜାଜାତି ଗାଲି ତଲେ ସାମଦୁରି ବିତ୍ତା ତୃୟାଲି ପିସ୍ତେରି ।

୨୮ କାଜା ଗାଲି ପିୟୁ ତାକି ହାରେକା କସ୍ତ ଆହାଲିଏ ତାନି ଅର ନେଚୁ ଜାଜାତି ସାଲ୍‌ଝି କିନାରି ଜାଜାତା ମାଚି ଆସ୍ତିତି ସାମଦୁରିତା ମେଡ଼ହାଲି ମାଚୁହେରି,

୨୯ ଅଡ଼େ ତାନିଦିନା ନେଚୁ ଏଝାରି ତାମି ଜାଜାତି କଚେକା କାଣ୍ଡା ମୁଣ୍ଡା ଏୟୁଣାଁ ମେଡ଼ହେରି ।

୩୦ ହାରେକା ଦିନା ପାତେକା ଝେଡ଼ା କି ହୁକାୟାଁ ମେସାଲି ଆଡ଼ାଆଡ଼ମି, ଅଡ଼େ ହାରେକା ଗାଲି ପିୟୁ ପିହାଆଲିଏ ମାମୁ ଲୁମ୍ବାଟି ଗେଲ୍‌ପିଆନି ଆସା ପିସାତୁସ୍ତମି ।

୨୧ ବାରେଜାଣା ହାରେକା ଦିନା ପାତେକା ରାନ୍ଦା ତିନାଆନା ଡ଼ୟିତ ତାମ୍ଭୁ, ପାଞ୍ଚୁଲ ଏଞ୍ଜାରି ବିତ୍ତା ନିଚାନା ଏଲେଇଚେସି, “ବାବୁୟା ନା କାତା ଆସାନା କ୍ରିତିତି ସାମ୍ଭୁରି ଜାଜା ହୁକ୍‌ହା ହିଲୀଆତିହୁଁ ମାଦି ଏନାୟିଞ୍ଜା ନସ୍ତୁ ଆଆଡେମା ।

୨୨ ସାମା ନାଏଁ ନାନ୍ତୁ ମିଙ୍ଗେ ଝେସିମାଞ୍ଜାଇଁ, ସାସା ଆହୁଦୁ, ଇତିହୁଁ ମୀ ବିତ୍ତା ଆମ୍ବାଆରି ଜାଞ୍ଜୁ ଜିକେଏ ନାସା ଆଏ; ଖାରୁଇ ଜାଜାଦେ ନସ୍ତୁ ଆନେ ।

୨୩ ଇତିହୁଁ ନାନ୍ତୁ ଏମିନି ମାହାପୁରୁତି ସେବା କିହିମାଇଁ, ନୀଞ୍ଜୁ ଲାଆଁୟାଁ ଏଞ୍ଜାରି ର ଲାକପୁରୁତି ଦୂତୁ ନା ଡାଗେ ଖାହାନା ଏଲେଇଞ୍ଜାଡେ,

୨୪ ଏ ପାଞ୍ଚୁଲ ‘ଆଜାଆନି; ନୀନ୍ତୁ ସାଲୁଞ୍ଜି କିନି କାୟିସର ନକିତା ନିନାୟି ମାନେ, ମାହାପୁରୁ ନିଙ୍ଗେ କାର୍ମା ଆହାମାଞ୍ଜାନାକି ନୀ ତଲେ ଖାହିମାନି ବାରେତି ଜାଞ୍ଜୁ ଏଞ୍ଜାସି ଗେଲ୍‌ପିନେସି ।’

୨୫ ଏଦାଆଁତାକି ଏ ବାବୁୟାଡେତି ସାସା ଆହୁଦୁ ଇତିହୁଁ ନାନ୍ତୁ ମାହାପୁରୁ ତାଣା ନା ନାମୁ ମାନେ, ନାଙ୍ଗେ ଏନିକିଁ ଝେସପି ଆହାମାନେ, ଏଲେଆହୁଁ ଏ ଆନେ ।

୨୬ ସାମା ମାଙ୍ଗେ ର ସାମ୍ଭୁରି ମାଦିଏ ମାନି ଦେସାତା ଏଗାହାନାୟି ମାନେ ।”

୨୭ ଇଲେକିହୁଁ ମାମ୍ବୁ ଆଦୁଆ ସାମ୍ଭୁରି ଇତାଲା ଆତାଲା ଆହୁଁ ରୀ ଖାରା ଆୟାଲିଏ, ମାଦି ଲାଆଁୟାଁ ଜାଜା ସାଲୁଞ୍ଜି କିନାରି ର ବୁମି ଦାରିତା ଏଜିମାନାୟି ଇଞ୍ଜୁ ଅଣପିମାଚେରି ।

୨୮ ଏମ୍ବାଟିଏ ଏଞ୍ଜାରି ଏୟୁଣି ଲାଗାଲିଏ ପନ୍ଦର ହାଡ଼ା ଏୟୁ କୁଡ଼ହା ମାରୁ, ଇଞ୍ଜା ଅଡେ ନକିତା ହାଜାନା ଝେଶ୍ଟେ ଲାଗାଲିଏ ଏଗାର ହାଡ଼ା ଏୟୁ କୁଡ଼ହା ମାରୁ ।

୨୯ ମାର ହାଜାନା ଜାଜା ଖାଲୁକା ବୁମିତା ଗୁପିକିନାୟି ଇଞ୍ଜୁ ଅଣପାନା ଆଜିତାକି ଏଞ୍ଜାରି ଜାଜାତି ତାୟୁଞ୍ଜାକି ସାରିଗଟା ବଜୁ ଗାଟି ଲହ ମୁଣ୍ଡାୟାଁ ରେପହାନା ଏଚେଲା ଝେୟିନେ ଇଞ୍ଜୁ ପ୍ରାଡାନା କିହିମାଚେରି ।

୩୦ ଇଞ୍ଜା ଜାଜାତି ସାଲୁଞ୍ଜି କିନାରି ଜାଜାଟି ରେଚାନା ହଗାଡ଼ୁସାଲି ଅଣପାନା ନାଡ଼ିକିହୁଁ ଜାଜାତି ନକିଞ୍ଜାକି ଲହ ମୁଣ୍ଡାୟାଁ ରେପନି ଲେହେଁ ଡ଼ଣା ତଂଗତି ସାମ୍ଭୁରିତା ରେପହେରି ।

୩୧ ସାମା ପାଞ୍ଚୁଲ ପାସାକଡ଼ି କସ୍‌କା ମୁହେଁ କାଜାଣାଇଁ ଇଞ୍ଜା କସ୍‌କାଣି ଏଲେଇଚେସି, “ଜାଜା ସାଲୁଞ୍ଜି କିନାରି ଜାଜାତା ମାନାଆତିହୁଁ ମୀରୁ ଗେଲ୍‌ପିଆନି ଆସା ହିଲେଏ ।”

୩୨ ଏମ୍ବାଟିଏ ଜାମାନାଙ୍ଗା ଡ଼ଣା ତଂଗତି ଡ଼ର୍କା ଦାଚାନା ସାମ୍ଭୁରିତା ପିସ୍ତେରି ।

୩୩ ଲାଜୁ ଜୁଲୁପୁଲୁ ଝେୟି ମାଗାଟି ପାଞ୍ଚୁଲ ଏଞ୍ଜାରାଇଁ ଏନି ରାନ୍ଦା ମାଟିହୁଁ ତିଞ୍ଜାଲି ବାସୁଁ ହାହାନା ଏଲେଇଚେସି, “ନୀଞ୍ଜୁଟିଏ ରୀ ଖାରା ଆଡେ ମୀରୁ ଏନାଆଁ ତିନାଆନାହାଁ ହାକିଟିଏ ମାଞ୍ଜାମାଞ୍ଜେରି ।

୩୪ ବାତିମାଲିମାଞ୍ଜାଇଁ, ନୀଏଁ ଇଚାଣି ତିଞ୍ଜୁ, ମୀ ଜୀଞ୍ଜୁ ଗେଲ୍‌ପାଲିତାକି ତିନାୟିମାନେ, ଆଜାଆଦୁ, ମୀ ଡାକାତି ର ବାଣା ଜିକେଏ ନାସା ଆଏ ।”

୩୫ ପାଞ୍ଚୁଲ ଇ ବାରେ କାତା ଜଲାନା ରୁଟି ଆସାନା ବାରେଜାଣା ନକିତା ମାହାପୁରୁଇଁ ଜହରା କିହାନା ରୁଟି ଡ଼ିକହାନା ତିଞ୍ଜାଲି ମାଟ୍‌ହେସି ।

୩୬ ଏମ୍ବାଟିଏ ଏଞ୍ଜାରି ବାରେଜାଣା ବାସୁଁ ବେଟାଆହାନା ବାରେଜାଣା କାଡ଼ି ତିଚେରି ।

୩୭ ମାମ୍ବୁ ଜ୍ଞାଜାତା ରୀ ଖାଞ୍ଜା ତାନିକଡ଼ି ସଡ଼ ଜାଣାତମି ମାଚମି ।

୩୮ ଏଞ୍ଜାରି ପାଞ୍ଜେ ତିତି ତାୟୁ ଜାଜାତି ବଜୁ ଡ଼ଣା ଆଡେଖା ଇଞ୍ଜୁ ଜାଜାତି ବାରେ ଗହୁଁୟାଁ ସାମ୍ଭୁରିତା ମେଡ଼ହେରି ।

ଜାଜା ତାନାୟି

୩୯ ଅର ନେତୁ ଲାଜୁ ଝେୟାଲିଏ ଏଞ୍ଜାରି ଏମିନି ଦେସାତି ଚାୟୁତା ଖାଡେତି ପୁଞ୍ଜାଲି ଆତାଆଡେରି, ସାମା ଏଞ୍ଜାରି ଗାଟୁ ଦାରି ର ବାଞ୍ଜାଲି ଚାୟୁ ମେସାନା ଏନିକିଁ ଜିକେଏ ଏମ୍ବାଆଁ ଜାଜାତି ନିପହାଲି ଅଣପିଚେରି ।

୪୦ ଏଦାଆଁତାକି ଏଞ୍ଜାରି ଲହ ମୁଣ୍ଡାୟାଁତି ଡ଼ର୍କା ଦାଚାନା ସାମ୍ଭୁରିତା ମୁଞ୍ଜାଲି ପିସ୍ତେରି, ଇଞ୍ଜା ଦେବୁଣିଏ ଏୟୁ ଜାଜାତି ହାଚେଖା ବାଡ଼ଗାୟାଁତି ଡ଼ର୍କା ବାରେ ହୁକ୍‌ହାନା ଜାଜା ନକିତା ଗାଲିଞ୍ଜାକି ହିମ୍ବୁରିକା ଗଞ୍ଜାନା ଗାଟୁଞ୍ଜାକି ହାଜାଲି ଅଣପିଚେରି ।

୪୧ ସାମା ଏଞ୍ଜାରି ରୀ ସାମ୍ଭୁରିକା କାଲୁଞ୍ଜି ଆହିମାନି ଚାୟୁତା ଏଜାଲିଏ ଜାଜା ସାମ୍ଭୁରି ଗାଟୁତି ର ବାଞ୍ଜାଲି ତିବାତା ଗୁପିଚେ, ଜାଜାତି ନକି ଖାକିତାୟି ଜାଣାନା ଡ଼ୟାହାଚେ, ସାମା ତାୟୁତାୟି ସାମ୍ଭୁରିତି ଏୟୁ ଡ଼ଣାୟାଁ ଗୁପାଲିଏ ତାହାଲି ମାଟ୍‌ହେ ।

୪୨ କାୟିଦି ଗାଗାରି ସାମଦୁରି ଗାଟୁଟି ପରୁହଁ ପରୁହଁ ହଣନେରି ଇଞ୍ଜି ଅଣ୍ଠପାନା କସ୍କା ଏଞ୍ଜାରାଇଁ ପାୟାଲି ଅଣ୍ଠପିତେରି ।

୪୩ ସାମା ପାସାକଡ଼ି କସ୍କା ମୁହେଁ କାଜାସି ପାଞ୍ଜୁଲଇଁ ଗେଲପାଲି ମନ କିହାନା, ଏଞ୍ଜାରି ଅଣ୍ଠପୁତି କାହି କିହାନା ଏଲେଇଞ୍ଜି ହୁକୁମି ହୀତେସି, ଆମ୍ବାଆସି ପରୁହାଲି ପୁନାସି ଏଞ୍ଜାସି ସାମଦୁରିତା ଡେଞ୍ଜାନା ତଲିଏ ଗାଟୁତା ହାଲାପେରି;

୪୪ ଡୟାମାନାରି ଜାଜାତି ମାରୁକା ପାଟାୟାଁ ଇଞ୍ଜାଁ ଏନ୍ଦି ଏନ୍ଦି ତୀତି ମୁକାୟାଁ ଆସାନା ହାଲାପେରି ଇଞ୍ଜାଲିଏ, ଇଲେକିହିଁ ବାରେଜାଣା ନେହଁ ଆହଁ ଗାଟୁତା ଏତେରି ।

୨୮

ମେଲିତି ଦେସାତା ପାଞ୍ଜୁଲ

୧ ମାମୁ ଧୁମ୍ବୀତି ଗେଲପିଆଡ଼ି ତାୟୁ ସାମଦୁରି ମାଦି ମାନି ଟାୟୁ ମେଲିତି ଇଞ୍ଜିହଁ ପୁତମି ।

୨ ଏମ୍ବାଆଁ ବାସାଆହାମାନି ପାଙ୍ଗାତି ଲକୁ ମାଙ୍ଗେ ତଣ୍ଡେସିଙ୍ଗା ଲେହେଁ କାର୍ମା ଆୟାତେରି, ଇତିହିଁ ପିୟୁ ଇଞ୍ଜାଁ ପେନି ଆହିମାତାକି ଏଞ୍ଜାରି ମାଙ୍ଗେ ହିରୁ ତାସାନା କେରଞ୍ଜାଲି ହିୟାତେରି ।

୩ ସାମା ପାଞ୍ଜୁଲ ର ପେଣ୍ଡା ଝେସକା ହିରୁତା କୁମ୍ବାଲିଏ, ଉସିନି ତାକି ର ରାଟୁ ହଟାନା ପାଞ୍ଜୁଲ କେୟୁତା କାଟାହାଁ ଆଟା ତୟିତେ ।

୪ ଏମ୍ବାଆଁ ବାସା ଆହାମାତି ପାଙ୍ଗାତି ଲକୁ ପାଞ୍ଜୁଲ କେୟୁତା ଏ ରାଟୁ ଲେଜା ମାନାଣି ମେସାନା ତାମୁ ତାମୁ ଝେସସି ଆଡେରି, “ଇ ମାଣସି ସାତେଏ ଲକୁଣି ପାୟିନାସି, ସାମଦୁରିଟି ଗେଲହାଲିଏ ଜିକେଏ ଦାମୁ ନୀତାଲି ହାହି ହିଲେଏ ।”

୫ ସାମା ପାଞ୍ଜୁଲ ଏ ରାଟୁଟି ହିରୁତା ହାଣ୍ଡାହାଁନା ମେଡ଼ହା ତୁସ୍ତେସି, ଇଞ୍ଜାଁ ଏଞ୍ଜାଣାକି ଏନ୍ଦି ନସ୍ତୁ ଆଆତେ ।

୬ ଏଞ୍ଜାଣି ଆଙ୍ଗା ପଙ୍ଗା ହାନେ ଆଆତେଁ ଦେବୁଣିଏ ହାନେସି ଇଞ୍ଜାଁ କାଟିମାଚେରି; ସାମା ହାରେକା ବେଲା ଆଡ଼ି ତାୟୁ ଏଞ୍ଜାଣାକି ଏନ୍ଦି ନସ୍ତୁ ଆଆତାଣି ମେସାନା ଏଞ୍ଜାରି ତାନି ହିୟାଁ ଝେବହାନା ଏଲେଇତେରି, “ଇଞ୍ଜାସି ର ମାହାପୁରୁ ।”

୭ ଏ ଟାୟୁ ତାଗେ ପୁଲ୍ଲିୟ ଦରୁଗାତି ଏ ଟାୟୁଟି କାଜାଣି ଇଲୁ ଅଡେ ବୁମି ମାଚେ; ଏଞ୍ଜାସି ମାଙ୍ଗେ ହାଟା ଅହାନା ତାନିଦିନା ପାତେକା କାର୍ମା ଆହାନା ରାହୁଁଟି ସେବା କିୟାତେସି ।

୮ ଏତିବେଲାତା ପୁଲ୍ଲିୟ ତାନି ଆବା ନଫେରି ଇଞ୍ଜାଁ ନେତେରି ବାଣ୍ଡି ତାକି ପାସ୍ତପନିତା ତୁରାମାଚେସି, ଇଞ୍ଜାଁ ପାଞ୍ଜୁଲ ତାନି ବାକ୍ରାତା ହାଜାନା ପ୍ରାତାନା କିହାନା ତାନି ଲାକ କେୟୁ ଇଟାନା ନେହଁ କିତେସି ।

୯ ଇଦି ଆଡ଼ି ତାୟୁ ଏମ୍ବାଆଁ ମାନି ରଗ ଗାଗାରି ବାରେ ପାଞ୍ଜୁଲ ତାଣା ଝାହାନା ନେହଁ ଆଡେରି;

୧୦ ଏଞ୍ଜାରି ମାଙ୍ଗେ ଜିକେଏ ହାରେକା ମାନି ତଲେ ଜାଞ୍ଜୁ ନୟାଁତେରି, ଅଡେ ମାମୁ ହାଜିମାଟାଟି ମା ଲଡ଼ାମାନାଣି ହୀହାନା ପାଣ୍ଡାତେରି ।

ମେଲିତିଟିଏ ରମ୍ବତା ପାଞ୍ଜୁଲ ହାନାୟି

୧୧ ତାନି ଲେଞ୍ଜୁ ଜେତ ମାମୁ ର ଆଲେକଜାଣ୍ଡିୟାତି ଏୟୁ ଜାଜାତା ହଟାନା ହାଟମି, ଏୟୁ ଜାଜା ପେନିବେଲା ହାଲଞ୍ଜେ ଏ ଟାୟୁତା ଡୟାମାଚେ, ଏଦାନି ଦରୁ “ଜାଣ୍ଡାଞ୍ଜା ପେଣ୍ଡକା,” ଇଞ୍ଜିମାଚେରି ।

୧୨ ସୁରାକ୍ରୁସା ଗାଡ଼ାତା ଏଜାନା ଏମ୍ବାଆଁ ମାମୁ ତୁନିଦିନା ମାଚମି ।

୧୩ ଅଡେ ଏମ୍ବାଟି ଏୟୁ ଜାଜା ତଲେ ହାଜାନା ରେଗିୟା ଗାଡ଼ାତା ଏତମି, ତାନି ଅର ଦିନା ଟିଷନି ଝାକିତି ଗାଲି ଝେଟାଲିଏ ଅଡେ ରା ଦିନା ତାୟୁ ପୁଡେଅଲି ଗାଡ଼ାତା ଏତମି;

୧୪ ଏମ୍ବାଆଁ ମାମୁ ଧୁବେକା କ୍ରୀସ୍ତାନା ତାୟିୟାଁ ଅଡେ ତାଙ୍ଗିସ୍ତାଣି ବେଟାଆଡମି, ଏଞ୍ଜାରିତଲେ ର ଝାଡ଼ା ଡୟାଲି ମାଙ୍ଗେ ବାଡିମାଲାତେରି; ଇଲାଆହଁ ମାମୁ ରୁମ୍ବତା ଏଗାତମି ।

୧୫ ରମ୍ବତା ମାନି ତାୟିୟାଁ ଅଡେ ତାଙ୍ଗିସ୍ତା ମା କାଟୁ ପୁଞ୍ଜାନା ଏମ୍ବାଟିଏ ଅପିୟତି ହାଟା ଇଞ୍ଜାଁ ତାନିଗଟା ବାଡ଼ା ଇଲକା ପାତେକା ମାଙ୍ଗେ ମେସାଲି ଝାଡେରି, ଇଞ୍ଜାଁ ପାଞ୍ଜୁଲ ଏଞ୍ଜାରାଇଁ ମେସାନା ମାହାପୁରୁଇଁ ଜହରା କିହାନା ବାସୁଁ ବେଟାଆଡେସି ।

ରମ୍ବ ଗାଡ଼ାତା ପାଞ୍ଜୁଲ

୧୬ ମାମୁ ରମ୍ବ ଏଜାଲିଏ, ପାଞ୍ଜୁଲଇଁ କାଞ୍ଜିଆନି କସ୍କା ତଲେ ତାନି ମନତଲେ ବାସା ଆୟାଲି ହେଲ ହାପକିଆଡେ ।

୧୭ ତାନିଦିନା ତାମ୍ଭୁ ପାଞ୍ଚୁଲ ଜାହୁଦିୟାତି କାଜାରାଇଁ ହାଟାନା କୁଡ଼ି କିତେସି, ଅଡ଼େ ଏଞ୍ଜାରି ରୁଣ୍ଡା ଆୟାଲିଏ, ପାଞ୍ଚୁଲ ଏଞ୍ଜାରାଇଁ ଏଲେଇଚେସି, “ଏ ଇସ୍ରାୟେଲ ତାୟିୟାତେରି ନାନୁ ମା ଲକୁ କପାଟି କି ମା ଆକୁ ଆବାୟାତି ପାଣାପାଟୁ କପାଟି ଏନାଆଁ କିହା ହିଲାଆତି ଜିକେଏ ଜିରୁସାଲମତା ଦସପି ଆହାନା ରମ୍ ଦେସାତି ଲକୁତାଣା ହେରୁପି ଆହାମାଇଁ ।

୧୮ ଏଞ୍ଜାରି ନାଜେ ନାହାୟି କିହାନା ନା ତାଣାଟି ହାନି ତଣ୍ଡ ପାଣ୍ଡନି ଏନ୍ଦି ଦହ ବେଟାଆଆଲିଏ ନାଜେ ପିସାଲି ଅଣ୍ଡପାମାଚେରି:

୧୯ *ସାମା ଜାହୁଦିଙ୍ଗା ଏଦାଣି କପାଟି ଖେସାଲିଏ ନାନୁ କାୟିସର ନକିତା ନୀହାୟି କିୟାବୁ ଇଞ୍ଜି ବାଡ଼ିମାଲିଚେସି: ଏଲେଆଡ଼ି ଜିକେଏ ନାଜେ ମା ଲକୁ କପାଟି ଏନ୍ଦି କାତା ଖେସାଲି ହିଲାଆଚେ, ଏନ୍ଦି ଆଏ ।

୨୦ ଏଦାଆଁତାକି ନାନୁ ମିଙ୍ଗେ ନା ତଲେ ବେଟାଆହାନା ଜଲୁକି ଆହାଲି ବାଡ଼ିମାଲିଚେସି, ଏନାଆଁତାକି ଇଚିହୁ ଆମ୍ବାଆରି ଲାକ ଇସ୍ରାୟେଲ ଲକୁ ବାସୁ କିହାମାନେରି, ଏଞ୍ଜାରି ତାକି ନାନୁ ନୀଞ୍ଜୁ ଇ ହିକଣିୟା ତଲେ ଦସପି ଆହାମାଇଁ ।”

୨୧ ଏଞ୍ଜାରି ଏଲେଇଚେରି, “ମାମ୍ଭୁ ଜାହୁଦା ଦେସାତି ନୀ କପାଟି ଏନ୍ଦି ଆକୁ ବେଟାଆହା ହିଲଅମି, ଅଡ଼େ ନୀ କାବୁ ଆସାନା କି ନୀ କପାଟି ଦହ ଦସାନା ଖେସାଲି ମା ତାୟିୟା ବିତ୍ରାଟି ଆମ୍ବାଆରି ଇମ୍ବାଆଁ ଖାହାହିଲଅରି ।

୨୨ ସାମା ନୀ ଅଣ୍ଡପୁ ଏନାୟି ଏଦାଆଁ ମାମ୍ଭୁ ନୀ ତାଣାଟି ଖେଞ୍ଜାଲି ମନ୍ଦ କିହିମାନମି, ଇଚିହୁ ବାରେଖକିତି ଲକୁ ଇ ରଚି କପାଟି କାତା ଖେସିମାନେରି ଇଞ୍ଜି ମାମ୍ଭୁ ପୁଞ୍ଜିମାନମି ।”

୨୩ ଏଚେଟିଏ ଏଞ୍ଜାରି ର ଦିନା ତୀରି କିହାନା ହାରେକା ଲକୁ ପାଞ୍ଚୁଲ ମାଟି ଇଲୁତା ଖାଡ଼େରି, ଅଡ଼େ ଏଞ୍ଜାରି ଲାକଚିଏ ଲାଆଁ ପାତେକା ଏଞ୍ଜାରି ନକିତା ମାହାପୁରୁତି ରାକିତି କାତାତାକି ସାକି ହାତେସି, ଅଡ଼େ ମସାତି ମେରା ଇଞ୍ଜା ମାହାପୁରୁ ଅଣ୍ଡପୁତି ବଲୁ ଖେହନାରି କାତା ଆସାନା ଏଞ୍ଜାରି ଜାସୁଇଁ ନାମି କିଞ୍ଜି କିୟାଲି ଅଣ୍ଡପିଚେସି ।

୨୪ ଏମ୍ବାଟିଏ ଆମ୍ବା ଆମ୍ବାଆରି ତାନି ଖେସି କାତାତି ନାମିଚେରି ଇଞ୍ଜା ଆମ୍ବା ଆମ୍ବାଆରି ନାମାଆଚେରି ।

୨୫ ଏ କାତାତାକି ଏଞ୍ଜାରି ତାନି ବିତ୍ରା ରଣ୍ଡିଏ କାତା ଆଆଲିଏ ହେଲ ଅଚେରି: ଏଞ୍ଜାରି ହାନି ନକେଏ ପାଞ୍ଚୁଲ ର କାତା ଖେସିଏ, “ସୁଦୁଜାସୁ ମୀ ଆକୁ ଆବାୟାଣି ମାହାପୁରୁ ଅଣ୍ଡପୁତି ବଲୁ ଖେହନି ଜିସାୟ ତାଣାଟି ଖେସାମାଚେସି ।”

୨୬ ଏଞ୍ଜାରି ଏଲେଇଞ୍ଜି ମାନେସି, “ଇ ଲକୁତାଣା ହାଜାନା ଖେହମ୍ଭୁ ମାରୁ ଖେଞ୍ଜିଖେଞ୍ଜି ଖେଞ୍ଜେରି, ସାମା ଏନାଆଁ ତେଲହଅ ଚେରି,

ଇଞ୍ଜା ମାରୁ ମେସି ମେସି ମେହଦେରି, ସାମା ଏନାଆଁ ପୁଞ୍ଜାଲି ଆଡ଼ଅଚେରି,

୨୭ ଇଚିହୁ ଇ ଲକୁ ହିୟାତା ଉଣା ବୁଦିଗାଟାରି,
ଏଞ୍ଜାରି ଜାହା ଜାହାରା କୀକା କାଣ୍ଡକା ମୁତା କତାମାନେରି,
ଏଲେଆହାଁ ହିଲାଆତିହୁଁ ମା,

ଏଞ୍ଜାରି କାଣ୍ଡକା ଦେତାନା ମେସାଲି ଆଡ଼ିଚେରିମା,
ଅଡ଼େ କୀକା ତଲେ ଖେଞ୍ଜାଲି ଆଡ଼ିଚେରିମା ।
ଏଞ୍ଜାରି ହିୟାତା ତେଲହାଲି ଆଡ଼ିନି ବାଡ଼ୁ ଡ଼ୟିଚେମା;

ଏଞ୍ଜାରି ମାହାପୁରୁ ଖାକି ଖେଣ୍ଡା ଖାଡ଼େରିମା,
ଅଡ଼େ ନାନୁ ଏଞ୍ଜାରାଇଁ ନେହୁଁ କିତେସିମା ।”

୨୮ ତାମ୍ଭୁ ପାଞ୍ଚୁଲ ଏଲେଇଚେସି, “ଏଦାଆଁତାକି ମାହାପୁରୁତି ଇ ଗେଲୁପିନାଣି ଏଟ୍‌କା କୁଡ଼ାତି ଲକୁତାଣା ପାଣ୍ଡୁ ଆହାମାନେ, ଇଦାଆଁ ମାରୁ ପୁଞ୍ଜି; ଏଞ୍ଜାରି ଜିକେଏ ଖେନେରି ।”

୨୯ ପାଞ୍ଚୁଲ ଇ ବାରେ କାତା ଖେସାଲିଏ, ଜାହୁଦିୟା ତାମ୍ଭୁ ତାନି ବିତ୍ରା ବାଦିବାଦା ଆହୁଁ ହାଚେରି* ।

୩୦ ପାଞ୍ଚୁଲ ରୀ ବାସା ପାତେକା ତାନି ବାଡ଼ା ଇଲୁତା ଡ଼ୟିଚେସି, ଅଡ଼େ ଏଚେକା ଲକୁ ଏଞ୍ଜାଣି ତାଣା ଖାହିମାଚେରି, ବାରେତି ଇଜ ହାଟା ଅହିମାଚେସି ।

୩୧ ଇଞ୍ଜା ସାସାତଲେ ନୀରାସା ଆଆନା ମାହାପୁରୁ ରାକିତି କାତା ଖେସିମାଚେସି, ଇଞ୍ଜା ପ୍ରବୁ ଜୀସୁ କ୍ରୀସ୍ତତି କାତା ଜାପୁହି ମାଚେସି ।

* ୨୮:୧୯ କାମା ୨୫:୧୧ * ୨୮:୨୯ ଇ କାତା ପୁଞ୍ଜଇ ପତିତା ହିଲେଏ ।

ରମିୟ ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପତ୍ର ରମିୟ କୁଲମିକି ପାସ୍କଲ ରାଟାମାନି ଆକୁ ମୂଳ ହାତୀ

ଜୀସୁ କ୍ରୀସ୍ତ ଜାର୍ନାଆଡି ତାୟ ରମିୟ ପତି ୫୪ ଟିଏ ୫୮ ବାର୍ଯା ବିତ୍ତା ପାଣ୍ଡିଆଡି ପାସ୍କଲ ରାଟାମାରେସି ଇଞ୍ଜି ଇନେରି । ପାସ୍କଲ ରମ୍ପତା ହାନି ନକେଏ ଜୀହୁଦି ଅଡେ ଜୀହୁଦିଆଆଡି କ୍ରୀସ୍ତାନା ଲକ୍ଷୁଣି ଜାପୁହାଲି ଇ ଆକୁ ରାଟାମାରେସି । ବାରେ କୁଡାଡି ଲକ୍ଷୁ ଏନିକି ଜୀସୁ କ୍ରୀସ୍ତଇଁ ନାମିନେରି ଇଞ୍ଜି ମାନି କିନେରି ୧୭:୨୭ ଏନାଆଁତାକି ପାସ୍କଲ କରେଡି ଗାଡାତା ମାଟାଡି ରମ୍ପତା ମାନି କ୍ରୀସ୍ତାନା ଲକ୍ଷୁଣି ଜାପୁହାଲି ଇ ଆକୁ ରାଟାମାରେସି ।

ବାରେ ଟାୟୁଡି ବାରେ ବେଲାଡି କ୍ରୀସ୍ତାନା ଲକ୍ଷୁଡାକି ରମିୟ ର ଲଡାମାନି ପତି, ଏନାଆଁତାକି ଇଡିହୁଁ ମାର ଏନିକି ଜୀସୁ କ୍ରୀସ୍ତ ତାଣାଡି ଗେଲପି ଆହାଲି ଆଡିନାୟି, ପାସ୍କଲ ଅନିକିହୁଁ ରଚାଣି ପିହୁଆନାହୁଁ ତେଲୁହି କିହାମାନେସି । ପାସ୍କଲ ପୁଃଈ ମେରାଡି ଜୀସୁ କ୍ରୀସ୍ତଡି ନେହୁଁ ବଲୁ ତଲେ ଆଡହାମାନେସି । ଇ ପତିଡି ୧-୧୭ ପଦୁଡି ହାରେକା ବୁଦିଗାଟାରି ନେହୁଁକି ଅଣପାନା ଝେସାମାନେରି, ଇ ବଲୁ ମାଦିତାୟି । ଇମ୍ପାଆଁ ଝେସପି ଆହାମାନେ, “ନାନୁ ନେହୁଁ ବଲୁ ଝେକହାଲି ଲାଜା ଆଆଁ ଏନାଆଁତାକି ଇଡିହୁଁ ଆମିନି ଗାଟାରି ନାମିନେରି ବାରେଜାଣା ତାକି ଇଦି ମାହାପୁରୁଡି ବାଡୁୟୁ । ନକେଏ ଜୀହୁଦି ଲକ୍ଷୁକି ତାୟୁ ଜୀହୁଦିଆଆଡି ଲକ୍ଷୁଡାକି ଜିକେଏ ।”

ମୂଳୁ ବାଗା ୧-୧୨ ହାରେକା ମାହାପୁରୁଡି କାତା ଅଡେ ଅର ବାଗା ୧୩-୧୫ କ୍ରୀସ୍ତାନା ଜୀସୁତା ଲଡାମାନି କାତା ଜାପିନାୟି ମାନେ ।

ପତିତା ମାନାୟି

- ୧. ପାସ୍କଲ ତାନି କାତା ପୁଣ୍ଡି କିହାନା, ଆମ୍ପାଆରାକି ଆକୁ ରାଡିମାରେସି ଏଡାଆଁ ଝେସାନା ଆକୁ ରାଡିନାୟି । ୧:୧-୧୫
- ୨. ମାଣସି କୁଡାଡି ରାଡି ଅଡେ ଜୀସୁ କ୍ରୀସ୍ତ ତାଣାଡି ଗେଲପି ଆନାୟି । ୧:୧୭-୧୧:୩୭
- ୩. କ୍ରୀସ୍ତାନା ଲକ୍ଷୁ ଏନିକି ନାଡିନାୟି ଏ କାତା ହାରେକା ଜାପୁହାମାନେସି । ୧୨:୧-୧୫:୧୩
- ୪. ରମ୍ପତା ମାନି କୁଲମିକାଣି ଜହରା କିହାନା ରାପୁନାୟି । ୧୭

ପାସ୍କଲଡି ଜହରା ଝେହୁନି କାତା

୧ କ୍ରୀସ୍ତ ଜୀସୁଡି ହଲେଏସି ଅଡେ ମାହାପୁରୁ ହାହାମାନି ନେହୁଁ ବଲୁ ଝେକହାଲି ପାଣ୍ଡିଆହୁଁ ଆଟାନା ହାଡକି ଆହାମାନି ସୀସୁ ପାସ୍କଲଡି ଆକୁ ।

୨ ଦାମ୍ପି ସାଢେସିରତା ରାସକି ଆହାମାନି ଲେହେଁ ଇ ନେହୁଁ କାବୁଡି କାତା ତଲି କାଲ୍ପାଟିଏ ମାହାପୁରୁ ଅଣପୁଡି ବଲୁ ଝେହୁନାରି ତାଣାଡି ଆଞ୍ଜାମାରେସି ।

୩ ଇଦି ମାହାପୁରୁ ମାରଏଣାଡି କାତା, ମା ପ୍ରବୁ ଜୀସୁ କ୍ରୀସ୍ତ ମାଣସି ଆହୁଁ ଏଞ୍ଜାସି ଦାସୁଦ କୁଡାତା ଜାର୍ନା ଆଡେସି ।

୪ ସାମା ତାନି ଲାକପୁରୁଡି ସୁଦୁଜୀଞ୍ଜୁ ତାକି, କାଜା ହାକିଡି ନିଜ୍ଜାନା ଏଞ୍ଜାସି ବାଡୁୟୁ ତଲେ ଜୀସୁ ମାହାପୁରୁଡି ମାରଏସି ମସିହା* ଇଞ୍ଜି ଝେଜିଡେସି,

୫ କ୍ରୀସ୍ତ ତାକି, ମାହାପୁରୁ ନାଜେ ପାଣ୍ଡିଆହାମାନି ସୀସୁ ଲେହେଁ ହାଟାନା, ବାରେ କୁଡାଡି ଲକ୍ଷୁଡାଣା ନେହୁଁ ବଲୁ ଝେକହାଲି ପାରୁ ହାହାମାଞ୍ଜାନେସି, ଏନିକିହୁଁ ଏଞ୍ଜାରି କ୍ରୀସ୍ତ ଜୀସୁ ତାଣା ନାମାନା ତାଜେ ମାନୁଞ୍ଜି ଆହାନା ଡୁୟିନେରି ।

୬ ରମ୍ପ ଗାଡାତା ବାସାଆହାମାନି ଲକ୍ଷୁଡେରି, ମାରୁ ଜିକେଏ ଜୀସୁ କ୍ରୀସ୍ତଡି ଲକ୍ଷୁ ଆହାଲି ହାଡକି ଆହାମାଞ୍ଜେରି ।

୭ ରମ୍ପଡି ଆମିନି ଲକ୍ଷୁଣି ମାହାପୁରୁ ଜୀସୁ ନହାମାନେସି ଇଞ୍ଜି ତାନି ଲକ୍ଷୁ ଆହାଲିତାକି ହାଟାମାନେସି, ଏ ବାରେ ଲକ୍ଷୁଡାକି ନାନୁ ଇ ଆକୁ ରାଡିମାଲ୍, ମା ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସ୍ତ ତାଣାଡି ମିଜେ କାର୍ମାମେହନାୟି ଅଡେ ହିଡଡି ଆୟାପେ ।

* ୧:୪ କ୍ରୀସ୍ତ

ଜହରା କିନି ପ୍ରାଚୀନା

୮ ମୂଲ୍ୟ, ମୀ ନାମୁତି ନେହଁ ହାଡ଼ା ବାରେ ଦାରୁତିତା ଝେକିମାନେ, ଏଦାଆଁତାକି ନାନୁ ମୀ ବାରେଜାଣା ତାକି ଜୀସୁ ଜୀସୁ ତାଣାତି ନା ମାହାପୁରୁଇଁ ଜହରା କିହିମାଇଁ ।

୯ ନା ବାରେ ହିୟାଁ ଜୀସୁତଲେ ନାନୁ ଆମିନି ମାହାପୁରୁତି ସେବା କିହିମାଇଁ ଇଞ୍ଜାଁ ଆମିନି ମାହାପୁରୁତି ମୀରୁଏଣାତି ନେହଁ କାରୁ ଝେକିହିମାଇଁ, ଏ ମାହାପୁରୁ ନା ସାକି ।

୧୦ ପ୍ରାଚୀନା କିନାଟି ନାନୁ କାଲେଏ ମିଜେ ଅଣ୍ଟପାଇଁ ଇଞ୍ଜାଁ ମୀ ତାଣା ଖାହାଲି ନାଜେ ପାରୁ ହିୟାନି ମାହାପୁରୁ ତାଣା ବାତିମାଲିମାଇଁ ।

୧୧ ଇତିହଁ ନାନୁ ମିଜେ ଆଣ୍ଟାଲି ହାରେକା ମନ କିହିମାଇଁ, ଇଞ୍ଜାଁ ମିଜେ ର ଜୀସୁତି ବର ହିୟାଇଁ, ଏନିକଁ ମୀରୁ ତାରିଆହାନା ମାଞ୍ଜେରି ।

୧୨ ଇଦାଆଁ ତଲେ ମାର ରଅତଝି ରଅଣା ନାମୁତି ଆଡ଼ଝା କିହାଲି ଆଡ଼ିନାୟି ।

୧୩ ଏ ତାୟିୟାଁ ଅଡ଼େ ତାଜିସ୍ତାତେରି, ମୀ ତାଣା ଖାହାଲି ତାକି ନାନୁ ହାରେକା ଦେବା ଅଣ୍ଟପାମାଇଁ, ସାମା ହାରେକା ବାଦା ବେଟାଆଡ଼ାକି, ନୀର୍ସ ପାତେକା ଖାହାଲି ଆଡ଼ାଆତେର୍ସ । ଏଡ଼କା କୁଡ଼ାତି ଲକୁତାଣା ଜିକେଏ ବଲୁ ଝେକିହାନା ଏନିକିହଁ ପାଡ଼େୟି ବେଟାଆହାମାଇଁ, ମୀ ତାଣା ଜିକେଏ ଏଲେକିହାଲି ନା ଅଣ୍ଟପୁ ।*

୧୪ ଏନାଆଁତାକି ଇତିହଁ ବୁଦିଗାଟାରିଁ ଅଡ଼େ ପାଜାତାରିଃ ଜାପିତାରି ଅଡ଼େ ଜାପାଆତି ଲକୁ ବାରେ ଗତିତି ଲକୁତାକି ନା ଦାୟିପତି ମାନେ ।

୧୫ ଏଦାଆଁତାକି ରମ୍ ମାଗା ତାତେରି ମୀରୁ, ମୀ ତାଣା ଜିକେଏ ନେହଁ ବଲୁ ଝେକିହାଲି ନା ଅଣ୍ଟପୁ ।

ନେହଁ କାରୁତି ବାଡ଼ୁରୁ

୧୬ ଇତିହଁ ନାନୁ ନେହଁ କାରୁ ଝେକିହାଲି ଲାଜା ଆଅଁ, ଏଦି ନାମିମାନି ବାରେ ଲକୁତାକି ଗେଲ୍ପି ଆହାଲିତାକି ମାହାପୁରୁତି ବାଡ଼ୁରୁ, ମୂଲ୍ୟ ଜୀହୁଦି ଅଡ଼େ ତାୟୁ ଜୀହୁଦିଆଆତି ନାମିତି ଲକୁତାକି ।*

୧୭ ମାଣସି ଏନିକିହଁ ମାହାପୁରୁ ନକିତା ଦାମ୍ନୁଗାଟାସି ଇଞ୍ଜାଁ ତଞ୍ଜାଆନେସି, ଏ ଉପେୟି ଏଦାଆଁ ତୟି ଆହାମାନେ । ମୂଲୁଟିଏ ରାନି ପାତେକା ଗେଲ୍ପିଆନାଣି ବେଟାଆନି ଉପେୟି ନାମୁ । ଦାମ୍ନୁ ସାସ୍ତେରିତା ରାୟକି ଆହାମାନେ, “ଦାମ୍ନୁଗାଟାସି ନାମୁତଲେ ନୀତିନେସି ।”*

ପାପୁ ତାକି ମାହାପୁରୁତି କାରବି

୧୮ ଆମିନି ଲକୁ ବାରେ ଲାଗେଏ କାମାଟି ସାତାଇଁ ଆଜିମାନେରି, ଏଞ୍ଜାରି କପାଟି ଲାକପୁରୁତି ମାହାପୁରୁତି କାରବି ତଞ୍ଜା ଆହାମାନେ ।

୧୯ ଏନାଆଁତାକି ଇତିହଁ ମାହାପୁରୁତି କାତା ଏନାଆଁ ପୁନାୟି ମାଚେ, ଏଦାଆଁ ଏଞ୍ଜାରି ପୁଞ୍ଜାମାନେରି, ମାହାପୁରୁ ଏଞ୍ଜାରି ନକିତା ଏଦାଆଁ ଝେସାମାନେସି ।

୨୦ ମାହାପୁରୁ ଦାରୁତି ଗାଡ଼ିକିତି ତାଣାଟିଏ, ତାନି ତଞ୍ଜା ଆଆଗାଟି ଗୁଣ୍ଡୁୟାଁ, ତାନି ରାଆଗାଟି ବାଡ଼ୁରୁ ଅଡ଼େ ଲାକପୁରୁତି ଗୁଣ୍ଡୁ ନେହଁ କଁ ତଞ୍ଜା ଆହିମାନୁ; ତାନି ଗାଡ଼ିକିତାଆଁ ବାରେ ଏଞ୍ଜାଆଁ ମେସାଲି ଆଡ଼ିନାୟି । ଏଦାଆଁତାକି ଏଞ୍ଜାରି ପୁଞ୍ଜାହିଲଅମି ଇଞ୍ଜାଁ ଇଞ୍ଜାଲି ଆଡ଼ଅରି ।

୨୧ ଏଞ୍ଜାରି ମାହାପୁରୁଇଁ ପୁଞ୍ଜା ଜିକେଏ ଏଞ୍ଜାଣାଇଁ ଗାଞ୍ଜୁରମି କିଆତେରି କି ଏଞ୍ଜାଣାଇଁ ଜହରା କିଆତେରି । ସାମା ଏଞ୍ଜାରି ଅଣ୍ଟପୁ ବାରେ ଉଜେଏତି ଅଣ୍ଟପୁ ଅଡ଼େ ଏଞ୍ଜାରି ତେଲ୍ହାଆଗାଟି ମନ ଆନେରି ଆହାମାନେ ।*

୨୨ ଏଞ୍ଜାରି ଜାହାରାଇଁ ବୁଦିଗାଟାଟମି ଇଞ୍ଜାଁ ଇନେରି, ସାମା ସାତା ତଲେ ଏଞ୍ଜାରି ବୁଦି ହିଲ୍ଆ ଗାଟାରି;

୨୩ ଅଡ଼େ ନାସା ଆଆଗାଟି ମାହାପୁରୁତି ଗାଞ୍ଜୁରମିତି ନାସା ଆନି ମାଣସି, ସାରିଗଟା କତାୟାଁ ଗାଟି ଜଡ଼, ପଟାୟାଁ ଅଡ଼େ ରାୟକା କୁଡ଼ାତି ବମାୟାଁ କିହାନା ଏଞ୍ଜାଆଁତି ପୂଜା କିହିମାନେରି ।*

୨୪ ଏଦାଆଁତାକି ମାହାପୁରୁ ଏଞ୍ଜାରାଇଁ ହିୟାଁତି ଲାଗେଏତି ଜୁପକାତାକି ଏଞ୍ଜାରାଇଁ ଲାଗେଏତି ତାଣା ହେବୁପିତେସି, ଏନିକିହଁ ଏଞ୍ଜାରି ଆଜା ରଅସି ରଅଣି ତଲେ ଲାଜାଗାଟି କାମା କିହିମାନେରି ।

୨୫ ଏଞ୍ଜାରି ମାହାପୁରୁ କାତାତି ସାତା ପିସାନା ମିତିତି ବାସ୍ କିହିମାନେରି । ଗାଡ଼ିକିତି ମାହାପୁରୁଇଁ ପୂଜା କିଆନା, ଗାଡ଼ିଆଡ଼ି ଦିଶ୍ପୁ ପୂଜା କିହିମାନେରି; ଏ ଗାଡ଼ି କିତାଣାଇଁ କାଲ୍ଲକାଲ୍ଲତାକି ଜହରା । ଆମେନ୍ ।

* ୧:୧୩ କାମା ୧୯:୨୧ † ୧:୧୪ ଶ୍ରିକ ‡ ୧:୧୪ ବୁଦି ହିଲ୍ଆ ଗାଟାରି, * ୧:୧୭ ମାର୍କି ୮:୩୮ * ୧:୧୭ ଏବ୍ରୁ ୨:୪ * ୧:୨୧ ଏପିସି ୪:୧୭,୧୮ * ୧:୨୧ ଏପିସି ୪:୧୭,୧୮ * ୧:୨୩ ଝେ ମେରା ୪:୧୭-୧୮

୨୬ ଏଝାରି ଏଲେକିତାକି ମାହାପୁରୁ ଏଝାରାଇଁ ଲାଜାଗାଟି ପାପୁ କାମାତା ହେରୁପିତେସି, ଇତିହ^{୯୬} ଏଝାରି ତକ୍ତିସିକା ତକ୍ତାୟାଁ ତଲେ କୁଡାଲି ପିସାନା ଏଝି ତାମ୍ନୁ ତାମ୍ନୁ କିଆଗାଟି ଲାଜା କାମାୟାଁ କିତୁ

୨୭ ଏଲେକିହ^{୯୭} ଏ ଆବାୟାଁ ଜିକେଏ ଜାହାରା ତକ୍ତି ତଲେ କୁଡାଆନା ଜାହା ଜାହାରା ବିତ୍ତା ଲାଗେଏତି କାମା କିତେରି । ଆବା ଆବାୟାଁ ତଲେ ଲାଜା ଆନି କାମା କିତେରି, ଏଦାଆଁତାକି ଏଝାରି ଲାଗେଏ କାମାତି ତଣ୍ଡ ବେଟା ଆହମାନେରି ।

୨୮ ଅଡେ ଏନିକ^{୯୮} ଏଝାରି ମାହାପୁରୁତି ବୁଦିତି କୁହାଲିଏ, ଏଲେକିହ^{୯୯} ଏ ମାହାପୁରୁ କିଆଗାଟି କାମା କିହାଲି ଏଝାରାଇଁ ଲାଗେଏତି ଅଣ୍ଡପୁତା ହେରୁପିତେସି ।

୨୯ ଏଝାରି ଦାମ୍ନୁ ହିଲାଆଗାଟାୟି, ଲାଗେଏ ପରେଏ, କୁପକା ଅଡେ ଇରସା, ଲକୁଇଁ ପାୟିନାୟି, ଗଡ଼ହା କିନାୟି, ନାଡ଼ିକିନାୟି ଅଡେ ଲାଗେଏତି କାମା ନେଞ୍ଜାମାନେ;

୩୦ ଏଝାରି ଉଡୁପାତି, ନିନା କିନାରି, ମାହାପୁରୁଇଁ ଅପାଆଗାଟାୟି, ଲାଗେଏତି କାମା କିନାୟି, ଏଝାରି ଲାଗେଏ କାମା କିହାଲି ପାରୁ ପାରିନେରି: ଏଝାରି ତାଲି ତାଞ୍ଜିଇଁ ମାନି କିଆଗାଟାରି,

୩୧ ଏଝାରି ବୁଦି ହିଲାଆ ଗାଟାରି, ଜାହାରା ହାତିକାତା ଆହଅରି । ଇଞ୍ଜାଁ ଏଟକାତାରକି ଇଟାଣି କାର୍ମା ହିଲେଏ ।

୩୨ ଏଝାରି ପୁଞ୍ଜାମାନେରି, ମାହାପୁରୁତି ମେରା ଲେହେଁ ଇଲେତି ଲକୁ ହାନି ତଣ୍ଡ ପାଣ୍ଡନାୟି ମାନେ, ଇଦାଆଁ ପୁଞ୍ଜାହାଁ ଜିକେଏ ଏଝାରି ଏଲେକିହ^{୧୦୦} ଏ ଲାଗେଏତି କାମା କିହେମାନେରି, ଅଡେ ଏଲେତି କାମା କିହିମାନି ଲକୁତଲେ ରାହାଁତଲେ ଆଣ୍ଡିନେରି ।

୨

ମାହାପୁରୁତି ନୀହାଁୟି

୧ *ଏ ତାୟି ଅଡେ ତାଜି, ମୀମ୍ନୁ ଏନାଆଁ ଏଟକା ଲକୁଣି ନୀହାଁୟି କିହିମାଞ୍ଜେରି ? ମୀରୁ ଆମ୍ବାଆତେରି ଆଡ଼ିଜିକେଏ, ଇଲେ କିନାୟି ମିଞ୍ଜେ ତାକି ନେହେଁ ଆଏ, ଏଟକା ଲକୁଣି ଦହ ଦସାନା ମୀମ୍ନୁ ଏଲେତି କାମା କିହାନା ଏମ୍ବାଟି ମୀରୁଏ ଦହ କିହିମାଞ୍ଜେରି ।*

୨ ଆମିନି ଗାଟାରି ଇଲେତି କାମା କିନେରି, ମାହାପୁରୁ ଏଲେତି ଲକୁଣି ସାତା ତଲେ ନୀହାଁୟି କିନେସି, ଇଦାଆଁ ମାମ୍ନୁ ପୁଞ୍ଜାମାନମି ।

୩ ଏ ତାୟି ଅଡେ ତାଜି, ଆମିନି ଗାଟାରି ଲାଗେଏତି କାମା କିନେରି, ଏଝାରାଇଁ ନୀହାଁୟି କିହାନା, ମୀମ୍ନୁ ଏଲେତି କାମା କିହିମାଞ୍ଜେରି, ମୀରୁ ମାହାପୁରୁତି ନୀହାଁୟିଟି ଜାଣା ଆନାୟି ଇଞ୍ଜାଁ ଅଣ୍ଡପିମାଞ୍ଜେରି କି ?

୪ ଆଆତ^୫, ମାହାପୁରୁତି ହାରେକା କାର୍ମାମେହନାୟି ମୀ ହିୟାଁ ବାଦଲି କିନି ଝାକି ଅହାଲି ଅଣ୍ଡପିନେ, ଇଦାଆଁ ପୁନାଆନା ମୀରୁ କି ତାନି କାର୍ମାମେହନାଣି, ସାସା, ଅରହାନା ତୁୟିନି ଲେହେଁତି ଦନଇଁ ଅପିହିଲଅତେରି କି ?

୫ ସାମା ମୀରୁ ମୀ ଆଟ୍ଟା ଅଡେ ବାଦଲିଞ୍ଜି ଆଆଗାଟି ହିୟାଁ ଲେହେଁ, ଆମିନି ଦିନା ମାହାପୁରୁତି ନୀହାଁୟି ତଞ୍ଜାଆନେ, ଏ କାରୁବିତି ଦିନାତାକି ଜାହାରାତାକି କାରୁବି କୁଡ଼ି କିହିମାଞ୍ଜେରି;

୬ ଏଝାସି ବାରେ ଲକୁତାକି ତାମି କିହିମାନି କାମାତି ପାଡ଼େୟି ହୀନେସି:*

୭ ଆମିନି ଗାଟାରି ସାସାତଲେ ନେହ^୬ କାମା କିହାନା ଗାଝୁରମି, ମାନି ଇଞ୍ଜାଁ ହାଆଗାଟାଣି ପାରିନେରି, ଏଝାରାକି କାଲାକାଲାତି ଜୀଝୁ ହୀନେସି,

୮ ଆମ୍ବାଆରି ଝାରୁଇ ତାମଜେ ଅଣ୍ଡପିନେରି, ଇଞ୍ଜାଁ ସାତାତି ମାନଞ୍ଜି ଆଅରି, ସାମା ଲାଗେଏତାଣି ମାନଞ୍ଜି ଆନେରି; ଏଝାରାକି କାରୁବି ଅଡେ କପା ଝାନେ,

୯ ଆମ୍ବାଆରି ଲାଗେଏତି କାମା କିହିମାନେରି ଏଝାରାକି କାକୁଲି ଅଡେ କସୁତି ଦିନା ଝାହିମାନେ, ମୂଲୁଏ ଜୀହୁଦି ଲକୁତାକି ଇଞ୍ଜାଁ ତାୟୁ ଜୀହୁଦିଆତି ଲକୁତାକି ଆନେ ।

୧୦ ସାମା ମୂଲୁଏ ଜୀହୁଦି ଲକୁକି ଅଡେ ଜିକେଏ ଜୀହୁଦିଆତି ଲକୁତାକି, ନେହ^୭ କାମା କିହିମାନି ବାରେଜାଣା ତାକି ଗାଝୁରମି, ମାନି ଇଞ୍ଜାଁ ହିଡ଼ଡ଼ି ହିୟାନେସି ।

୧୧ ଇତିହ^୮ ମାହାପୁରୁ ତାଣା ପାରଡ଼ା ବାଟି କିନାୟି ହିଲେଏ ।*

* ୨:୧ ମାତି ୭:୧; ଲୁକ ୭:୩୭ * ୨:୧ ମାତି ୭:୧; ଲୁକ ୭:୩୭ * ୨:୬ ପାରୁ ୭୨:୧୨ * ୨:୧୧ ଝେ ମେରା ୧୦:୧୭

୧୨ ଜୀହୁଦିଆଆତି ଲକ୍ଷ୍ମୀକି ମସାତି ଫେରା ହିଲ୍ଲାଆନା ପାପୁ କିହାମାନେରି; ଏଞ୍ଜାରି ଜିକେଏ ମସାତି ଫେରା ହିଲ୍ଲାଆନା ନାସା ଆନେରି, ଅଡ଼େ ଏଚେକା ଜୀହୁଦି ଲକ୍ଷ୍ମୀକି ମସାତି ଫେରା ପୁଞ୍ଜାମାନାକି; ଏଞ୍ଜାରି ପାପୁ କିହାମାନେରି ଅଡ଼େ ଏ ଫେରା ତଲେ ନୀହାଁୟି କିଞ୍ଜିଆନେରି ।

୧୩ ଇତିହିଂ ଫେରାତି ଖେଞ୍ଜାନା ଲକ୍ଷ୍ମୀ ମାହାପୁରୁ ନକିତା ଦାମ୍ବୁଗାଟାରି ଆଅରି, ସାମା ଫେରାତି ମାନୁଞ୍ଜି ଆଡ଼ିସାରେ ଦାମ୍ବୁଗାଟାରି ଆନେରି ।

୧୪ ଜୀହୁଦିଆଆତି ଲକ୍ଷ୍ମୀକି ଫେରା ହିଲ୍ଲାଆତିହିଂ ଜିକେଏ ଏତିବେଲା ଏଞ୍ଜାରି ଫେରାତା ମାନି ଲେହେଁ କାମା କିନେରି, ଏତିବେଲା ଏଞ୍ଜାରି ଫେରା ବେଟା ଆଆତିହିଂ ଜିକେଏ ତାମଙ୍ଗେ ଫେରା ଲେହେଁ ଆନେ;

୧୫ ଏଞ୍ଜାରି କିହିମାନି କାମାଟି ଇଦି ନେହିଂ ତଲେ ତଞ୍ଜା ଆହିମାନେ, ଫେରାତି ମାନି ଏଞ୍ଜାରି ହିୟାଁତା ରାସ୍ତକି ଆହାମାନେ । ଇ କାତାତି ସାତା ଏଞ୍ଜାରି ଅଣ୍ଡପୁତା ଜିକେଏ ପାରମାଣା ସାତା ତଲେ ଅଣ୍ଡପିନାଟି ଅଣ୍ଡପିନି ଅଣ୍ଡପୁ ଏଞ୍ଜାରି କାତାତା ରାକ୍ତି ଆହିମାନେ, ସାତା ଅଣ୍ଡପୁ ଅଣ୍ଡପିନାଟି ଅଣ୍ଡପୁ ଏଞ୍ଜାରିଇଁ ନେହାଁରି କିନେ, ଲାଗେଏତି ଅଣ୍ଡପୁ ଅଣ୍ଡପିନାଟି ଦହୁ କିହିମାନେ ।

୧୬ ଏମିନି ଦିନା ମାହାପୁରୁ କ୍ରୀସ୍ତ ଜୀସୁ ତାଣ୍ଡାଟି ମାଣସିତି ତ୍ତୁରୁମାନି କାତା ବାରେ ନୀହାଁୟି କିନେସି, ଏ ଦିନା ନାନୁ ଖେକ୍‌ହିମାନି ନେହିଂ କାତୁ ଲେହେଁ ଇ ବାରେ ଆନେ ।

ଜୀହୁଦି ଲକ୍ଷ୍ମୀ ଅଡ଼େ ଫେରା

୧୭ ମୀରୁ ଜାହାରାଇଁ ଜୀହୁଦିତମି ଇଞ୍ଜାକତିମାଞ୍ଜେରି; ଫେରାତି ବାସ୍ତୁ ଇଟାମାଞ୍ଜେରି ଅଡ଼େ ମାହାପୁରୁ ତାଣ୍ଡା ବତପଣ କିହିମାଞ୍ଜେରି;

୧୮ ଅଡ଼େ ମସାତି ଫେରାଟି ଜାପାନା ଏଞ୍ଜାଣି ଅଣ୍ଡପୁ ପୁଞ୍ଜିମାଞ୍ଜେରି, ଇଞ୍ଜା ନେହାଁଣି ଲାଗେଏତାଣି ବାଟି କିହିମାଞ୍ଜେରି,

୧୯ ସାତେଏ ମୀରୁ ନେହିଂ କିହିଂ ପୁଞ୍ଜାମାଞ୍ଜେରି, ମୀରୁ କାଣ୍ଡାୟାଁଣି ଜିରୁ ତହୁନାତେରି, ଆନ୍ଦେରିତା ମାନି ଲକ୍ଷ୍ମୀକାକି ଉଜେଡ଼ି ଲେହେଁ,

୨୦ ବୁଦି ହିଲ୍ଲାଆ ଲକ୍ଷ୍ମୀଣି ଖେହୁନାତେରି, ପୁନାଆତି ଲକ୍ଷ୍ମୀଣି ଜାପୁନାତେରି । ମୀ ନାମ୍, ଫେରାଟି ମୀରୁ ସାତା ଅଡ଼େ ବୁଦି ଫେଡ଼ା ଆହାମାଞ୍ଜେରି ।

୨୧ ମୀରୁ ଏଟକାଟି ଲକ୍ଷ୍ମୀଣି ଜାପୁହି ମାଞ୍ଜେରି, ସାମା ଜାହାରାଇଁ ଏନାଆଁତାକି ଜାପୁହି ହିଲ୍ଲାଅତେରି ? ସରୁ କିଆପୁ ଇଞ୍ଜିଂ ଜାପୁହାନା ମୀରୁଏ ଏନାଆଁତାକି ସରୁ କିହିମାଞ୍ଜେରି ?

୨୨ ଦାରି କିଆପୁ ଇଞ୍ଜିଂ ଇଞ୍ଜାନା ମୀରୁଏ ଦାରି କିହିମାଞ୍ଜେରି ? ମୀରୁ ଫେଣକା ବମାୟାଁ ପୂଜା ଅପାଆନା ଦେଞ୍ଜୁଡ଼ିକାଟି ଦିଶସ୍ତୁ ମାଣ୍ଡାଟି ହିଲ୍ଲାଅତେରି କି ?

୨୩ ମୀରୁ ମାହାପୁରୁତି ଫେରା ବେଟା ଆହାମାନମି ଇଞ୍ଜିଂ ବତପଣ ଆହିମାଞ୍ଜେରି, ସାମା ଏଦାଆଁ ମାନି କିଆନା ମାହାପୁରୁଇଁ ଲାଜା ପାଣ୍ଡପି କିହିମାଞ୍ଜେରି କି ?

୨୪ ସାତ୍ସେରିତା ରାସ୍ତକି ଆହାମାନେ, “ମିଙ୍ଗେ ତାକି ଜୀହୁଦିଆଆତି ଲକ୍ଷ୍ମୀତାଣା ମାହାପୁରୁ ଦରୁ ନିନ୍ଦା ବେଟା ଆହିମାନେ ।”^୬

୨୫ ମୀରୁ ଫେରାତି ମାନି କିହିମାଟିସାରେ, ମୀ ତଲୁ ଦାପିଆନାୟି ଲାବା ମାନେ । ସାମା ଫେରାତି ମାନି କିଆସାରେ, ମୀ ତଲୁ ଦାପି ଆତାୟି ତଲୁ ଦାପିଆଆତି ଲକ୍ଷ୍ମୀତଲେ ସମାନା ।

୨୬ ର ଜୀହୁଦିଆଆତି ଲକ୍ଷ୍ମୀ ଫେରାତି ହୁକୁମିକା ମାନି କିତିସାରେ ମାହାପୁରୁ ଏଞ୍ଜାଣାଇଁ ତଲୁ ଦାପି ଆତାସି ଲେହେଁ ଇନଅସି କି ?

୨୭ ଏଦାଆଁତାକି ଆଜା ତଲେ ତଲୁ ଦାପିଆଆତି, ଆମିନି ଜୀହୁଦିଆଆତାରି ମସାତି ଫେରା ମାନି କିନେରି, ଆତିହିଂ ମସା ରାଟିତି ଫେରା ଅଡ଼େ ତଲୁ ଦାପି ଆଡ଼ିଜିକେଏ ଫେରା ମାନି କିହିହିଲ୍ଲାଅତେରି, ଏଞ୍ଜାରି ମିଙ୍ଗେ ବିଚାରା କିୟାନେରି ।

୨୮ ଖାବୁଇ ଆଜା ତଲେ ତଲୁ ଦାପି ଆହାନା ପାଜାମତା ଜୀହୁଦି ଇଞ୍ଜିହିଂ ତସାକତିମାନି ଲକ୍ଷ୍ମୀ ଜୀହୁଦି ଆଏ ।

୨୯ ଆମ୍ବାଆସି ହିୟାଁ ବିତା ଜୀହୁଦି, ଏଞ୍ଜାସି ସାତା ତଲେ ଜୀହୁଦି, ଅଜ୍ଜି ତଲେ ଆଏ, ଜୀହୁ ଅଡ଼େ ହିୟାଁ ତଲେ ଆମ୍ବାଆସି ତଲୁ ଦାପି ଆତାସି, ଏଦି ସାତା ତଲୁ ଦାପି ଆନାୟି । ଏଲେତି ଲକ୍ଷ୍ମୀ ମାଣ୍ଡସି ତାଣ୍ଡାଟି ମାନି ବେଟାଆସି, ସାମା ମାହାପୁରୁ ତାଣ୍ଡାଟି ମାନି ବେଟା ଆନେସି ।

^୬ ୨:୨୪ ଜିବା ୫୨:୫

୩

୧ ଆତିହ୍ ଜୀହୁଦିଆଆତି ଲକୁ କିହାଁ ଜୀହୁଦି ଲକୁକି ଏନାୟି ଗାତି ଲାବା ମାନେ ? ତଲୁ ଦାଃନାୟି ଏନ୍ତି ଲଡ଼ାମାନେ ?

୨ ହାରେକାତି, ମୂଲୁଏ ମାହାପୁରୁ ତାନି ନେହ୍ କାବୁ ଝେକହାଲି ଦାୟିପତି ଜୀହୁଦି ଲକୁକି ହେବପିତେସି ।

୩ ଆତିହ୍ ଏନାୟି ? ଜୀହୁଦିଜା ତାଣାଟି ଏତରଜାଣା ନାମାଆସାରେ, ଏଞ୍ଜାରି ମାନ୍ତି କିଆଗାଗାୟି ଏନାଆଁ ମାହାପୁରୁ ନାମୁତି ଉଜେଏ କିନେ ?

୪ ଏଲେଆହ୍ ଆଆପେ, ଲକୁ ବାରେଜାଣା ମିତିତାରି ଆତିହ୍ ଜିକେଏ ମାହାପୁରୁ ସାତା । ସାସ୍ତେରିତା ରାୟ୍ କି ଆହାମାନେ;

“ନୀ ବଲୁ ତଲେ ନୀନୁ ଦାମ୍ବୁ ଗାଟାତି ଇଞ୍ଜ୍ ଝେଜ୍ଜିଦି,
ନୀହାଁୟି ଆନ୍ତି ବେଲାତା ନୀନୁ ଜାଣା ଆନ୍ତି ।” *

୫ ନା ଲାଗେଏତି କାମା ମାହାପୁରୁତି ନେହ୍ କାମାତି ଦାମ୍ବୁମାଣା କିନେ, ଆତିହ୍ ମାରୁ ଏନାଆଁ ଇନାୟି ? ଆମିନି ମାହାପୁରୁ ଲାଗେଏତି କାମାତାକି ତଣ୍ଡ ହାନେସି, ଏଞ୍ଜାସି କି ଦାମ୍ବୁ ହିଲାଆଗାଗାସି ? ନୀନୁ ମାଣସିଲେହେଁ ଝେସିମାଲ୍ ।

୬ ଏଲେଆହ୍ ଆଏ । ମାହାପୁରୁ ଦାମ୍ବୁଗାଗାସି ଆଆତିହ୍, ଏଞ୍ଜାସି ଏନ୍ତିକିହ୍ ଦାରୁତିତି ନୀହାଁୟି କିନେସି ?

୭ ସାମା ନା ମିତି ତଲେ ମାହାପୁରୁତି ସାତାତାୟି ତାନି ଗାଝୁରମି ତାକି ହାରେକା ଗାତି ଆଡେ, ଆତିହ୍ ନୀନୁ ପାପୁ ଗାଟାତେଏଁ ଇଞ୍ଜ୍ ଏନାଆଁତାକି ନୀହାଁୟି କିଝି ଆଜ୍ଜ୍ ?

୮ ମାରୁ ଏନାଆଁତାକି ଏଲେଇନାଆୟି, “ଝାପୁ ମାରୁ ଲାଗେଏତି କାମା କିନ, ଆତିହ୍ ମାଜେତାକି ନେହେଁ ଆନେ ?” ନୀନୁ ଇଲେତି କାତା ଝେସିମାନାକି ଦାଝା କିହାନା ଏଚେକା ଲକୁ ନାଜେ ନିନ୍ଦା କିହିମାଞ୍ଜାନେରି, ଏଞ୍ଜାରି ଇଦାଆଁତାକି ଆମିନି ତଣ୍ଡ ପାଣ୍ଡନାୟି ମାନେ, ସାତାତତଲେ ବେଗାଆନେରି ।

ଦାମ୍ବୁଗାଗାସି ଆମ୍ବାଆସି ହିଲଅସି

୯ ଆତିହ୍ ଜୀହୁଦି ଲକୁ ଜୀହୁଦିଆଆତି ଲକୁ କିହାଁ ହାରେକା ନେହାଁରି ମାନେରି ? ଏଚେଲାଝା ଆଏ, ନୀନୁ ନକେଏ ଝେସାମାଞ୍ଜାଇଁ ଜୀହୁଦି ଅଡେ ଜୀହୁଦିଆଆତି ଲକୁ ପାପୁତି ବାଡ଼ୁରୁତା ମାନେରି,

୧୦ ଦାମ୍ବୁ ସାସ୍ତେରିତା ରାୟ୍ କି ଆହାମାନେ;

“ଦାମ୍ବୁଗାଗାସି ଆମ୍ବାଆସି ହିଲଅସି, ରଅସି ଜିକେଏ ହିଲଅସି, *

୧୧ ରଅସି ଜିକେଏ ବୁଦିଗାଗାସି ହିଲଅସି;

କି ମାହାପୁରୁଇଁ ପାରିନାସି ହିଲଅସି ।

୧୨ ଏଞ୍ଜାରି ବାରେଜାଣା ମାହାପୁରୁ ତାଣାଟିଏ ହେକ ହାଜାମାନେରି;

ଏଞ୍ଜାରି ବାରେଜାଣା ଲାଗେଏ ଜିରୁତା ହାଜାମାନେରି;

ଆମ୍ବାଆସି ଜିକେଏ ରଅସି ସାତାପାଣାତି କାମାକିନାସି ହିଲଅସି ।

୧୩ ଏଞ୍ଜାରି ହାଡ଼ା ଦେପିଆଡ଼ି ମାଡ଼ହା ମୁହନି ଟାୟୁ,

ଏଞ୍ଜାରି ଗୁଡ଼ିଟି ମିତି କାତା ହଡ଼ିମାନେ,

ଲୁଡ଼ା ଡ଼ଲ ଅଟୁ କାଟାମାନି ରାଟୁତି ବୀସାମାନେ । *

୧୪ ଏଞ୍ଜାରି ଗୁଡ଼ିତି କାତା କାମ୍ବେଲି ଗାଟାୟି ଇଞ୍ଜା ବାକା ତଲେ ନେଞ୍ଜାମାନେ । *

୧୫ ଏଞ୍ଜାରି ଇରହାଲି ଅଡେ ପାୟାଲି ଦେବୁଣିଏ ହନେରି । *

୧୬ ଏଞ୍ଜାରି ଆମ୍ବିୟାଝାକି ହାନେରି, ଏମ୍ବାଆଁ ନାସା ଇଞ୍ଜା ସାସି ବେଗାଆନେରି ।

୧୭ ଏଞ୍ଜାରି ହିଡ଼ଡ଼ିତି ଜିରୁ ପୁଞ୍ଜାହିଲଅସି,

୧୮ ମାହାପୁରୁଇଁ ଆଜିନାୟି ଏଞ୍ଜାରିତାଣା ହିଲେଏ ।” *

୧୯ ମାରୁ ପୁଞ୍ଜାମାନାୟି, ଫୋରା ମାନ୍ତି କିହିମାନେରି, ଏମ୍ବାତି ବାରେ ହୁକୁମିଇଁ ଏଞ୍ଜାରି ମାନ୍ତି କିନାୟିମାନେ । ମାହାପୁରୁ ଏତିବେଲା ବାରେ ଦାରୁତିତି ବିଚାରା କିନେସି, ଫୋରାତି ମାନ୍ତି କିଆଗାଟି ଲକୁ ଜାହାରାଇଁ ଦହ୍ ହିଲାଆ ଗାଟାତମି ଇଞ୍ଜ୍ ଇଞ୍ଜାଲି ଆଡ଼ଅସି ।

* ୩:୪ ପାରୁ ୫:୧୫ * ୩:୧୦ ପାରୁ ୧୪:୧-୩; ୫୩:୧-୩ * ୩:୧୩ ପାରୁ ୫:୯; ୧୪୦:୩ * ୩:୧୪ ପାରୁ ୧୦-୭ * ୩:୧୫ ଜିସା ୫:୭, ୮ * ୩:୧୮ ପାରୁ ୩୬:୧

୨୦ *ସାମା ଫେରା ତଲେ କିନି କାମା ମାନି କିହାଁ ଆମ୍ବାଆସି ଜିକେଏ ମାହାପୁରୁ ନକିତା ଦାମ୍ବୁଗାଟାସି ଆହାଲି ଆଡ଼ଅସି । ଇତିହାଁ ଫେରାଟି ମାଣସି ଖାଉଇ ପାପୁତି ପୁଞ୍ଜାଲି ଆଡ଼ିମାନେସି ।*

ନାମୁତଲେ ଦାମ୍ବୁଗାଟି ଲକ୍ଷୁ ଆନାୟି

୨୧ ମାହାପୁରୁ ମାଣସିଇଁ ତାନିତଲେ ନେହଁ କଁ ଆଣ୍ଟାଲି ତାକି ଫେରା ପିସ୍‌ପେ ଏନାଆଁ କିହାମାନେସି, ଏଡ଼ି ନୀର୍ବ ତଞ୍ଜା ଆହିମାନେ । ଏ କାତା ମସାତି ଫେରା ଇଞ୍ଜାଁ ମାହାପୁରୁ ଅଣ୍ଟପୁତି ବଲ୍ଲୁ ଝେହନାରି ଜିକେଏ ସାକି ହାହାମାନେରି ।

୨୨ *ଖାଉଇ ଜୀସୁ କ୍ରୀସ୍ତ ତାଣା ନାନିତାକି ଲକ୍ଷୁ ମାହାପୁରୁ ନକିତା ଦାମ୍ବୁଗାଟାରି ଆନେରି । ମାହାପୁରୁ ଆମ୍ବାଆରାଇଁ ଦାଉଡ଼ା ବାତି କିଆନା କ୍ରୀସ୍ତ ନାନିତି ବାରେ ଜାଣାକି ର ପାଉ ହାନେସି ।*

୨୩ ବାରେଜାଣା ପାପୁ କିହାମାନେରି ଅଡ଼େ ମାହାପୁରୁଟି ଗାଞ୍ଜୁରମିଟି ହେକ ଆହାମାନେରି ।

୨୪ ସାମା, ଏଞ୍ଜାରି ଉଜେଏ ମାହାପୁରୁଟି କାର୍ମାମେହନି ଦାନା ତଲେ କ୍ରୀସ୍ତ ଜୀସୁ ତାଣା ଆମିନି ଗେଲୁପି ଆନାୟି ମାନେ, ଏଦାଆଁ ତଲେ ଦାମ୍ବୁଗାଟାରି ଆନେରି ।

୨୫ ମାହାପୁରୁ ଜୀସୁଇଁ ଦାନା ହାତେସି, ଏନିକଁ ଏଞ୍ଜାଣି ହାକି, ଏଞ୍ଜାଣି ତାଣା ନାମାମାନି ଲକ୍ଷୁତାକି ପାପୁ ମେଣ୍ଡଜିନି ଉପେୟି ଆନେ । ମାହାପୁରୁ ଅରୁହାନା ଲକ୍ଷୁ କିହାମାନି ତଲିତି ପାପୁତି ତସାହିଲଅସି ।

୨୬ ସାମା ନୀର୍ବ ଏଞ୍ଜାସି ଜାହାରା ଦାମ୍ବୁ ଗାଟାଣି ତସାଲି ତାକି ପାପୁ ମ୍ଲେକ୍‌ନି ଫେରା କିହାମାନେସି । ଇଦାଆଁ ତଲେ ମାହାପୁରୁ ତସାମାନେସି, ଏଞ୍ଜାସି ତାମ୍‌ଏ ଦାମ୍ବୁଗାଟାସି ଇଞ୍ଜାଁ ଆମ୍ବାଆସି ଜୀସୁ ତାଣା ନାନିନେସି, ଏଞ୍ଜାସି ବାରେଜାଣାତି ଦାମ୍ବୁ ଗାଟାରିଲେହେଁ ଆବିନେସି ।

୨୭ ଆତିହଁ ଆମିନି କାତାତା ମାରୁ ବତପଣ ଆନାୟି ? ଆଏ, ଏଲେତି କାତା ଏନାୟି ହିଲେଏ । ବତପଣ ଆହାଲିତାକି ମା ତାଣା ଏନାୟି ମାନେ ? ମାରୁ ବାରେ ହୁକୁମି ମାନୁଞ୍ଜି ଆହିମାନାୟି ଇଞ୍ଜିହଁ କି ? ଆଏ, ଖାଉଇ ନାମ୍‌ଏ ମା ବତପଣ ଆନେ ।

୨୮ ମାରୁ ନେହଁ କଁ ତେଲହାଲି ଆଡ଼ିନାୟି, ରଅସି ଖାଉଇ ତାନି ନାମୁତଲେ ମାହାପୁରୁ ନକିତା ଦାମ୍ବୁଗାଟାସି ଇଞ୍ଜାଁ ଝେଜିନେସି, ଫେରାଟି ମାନି କିତିସାରେ ଆଏ ।

୨୯ ମାହାପୁରୁ ଖାଉଇ ଜୀହୁଦି ଲକ୍ଷୁଟି ମାହାପୁରୁକି ? ଏଞ୍ଜାସି ଜୀହୁଦିଆଆତି ଲକ୍ଷୁଟି ମାହାପୁରୁ ଆଏକି ? ସାତେଏ ଏଞ୍ଜାସି ବାରେ ଲକ୍ଷୁଟି ମାହାପୁରୁ ।

୩୦ ଏନାଆଁତାକି ଇତିହଁ, ମାହାପୁରୁ ରଅସିଏ, ଅଡ଼େ ଏଞ୍ଜାସି ଜୀହୁଦି ଇଞ୍ଜାଁ ଜୀହୁଦିଆଆତି ଲକ୍ଷୁଟି ନାମୁ ତାକି ଏଞ୍ଜାସି ଏଞ୍ଜାରାଇଁ ଦାମ୍ବୁ ଗାଟାରିଲେହେଁ ଆବିନେସି ।*

୩୧ ଆତିହଁ, ମାରୁ କି ନାମୁତଲେ ମସାତି ଫେରା ମ୍ଲେକ୍‌ହି ମାନାୟି ? ଏଡ଼ି ଏଚେଲା ଜିକେଏ ଆଆପେ, ସାମା ମାରୁ ନାମୁତଲେ ମସାତି ଫେରାଇଁ ଜାଣେ ତୀରି କିହିମାନାୟି ।

୪

ଅବ୍ରାହାମତି ମାଣକି

୧ ଆତିହଁ ଆଜା ତଲେ ମା ଆକୁ ଅବ୍ରାହାମ ଏନାଆଁ ବେଟାଆହାମାନେସି ଇଞ୍ଜିହଁ ମାରୁ ଏଲେଇନାୟି ?

୨ ଅବ୍ରାହାମ ତାନି ଜାହାରା କାମାଟି ମାହାପୁରୁ ତାଣା ଦାମ୍ବୁଗାଟାସି ଆହା ମାଟିହଁ ମା, ଏଞ୍ଜାଣାକି ବତପଣ କିନି କାତା ମାତେ । ସାମା ମାହାପୁରୁ ଖାକିଟି ଏଡ଼ି ଆହାହିଲଆତେ ।

୩ *ଦାମ୍ବୁ ସାତ୍‌ସୁରି ଲେହେଁ, “ଅବ୍ରାହାମ ମାହାପୁରୁଇଁ ନାନିତେସି, ଅଡ଼େ ଏ ନାମୁତାକି ମାହାପୁରୁ ଏଞ୍ଜାଣାଇଁ ଦାମ୍ବୁ ଗାଟାଣି ଲେହେଁ ଅପିତେସି ।”

୪ ଆମ୍ବାଆସି କାମା କିନେସି, ଏଞ୍ଜାଣାକି ତାନି କୁଲି ମୋଡ଼ାଆନେ, ଏଡ଼ି ଦାନା ହାନାୟି ଆହାଲି ଆତେଏ, ଏଡ଼ି କାମାଟି ପାଡ଼େୟି ଇଞ୍ଜାଁ ଇଣ୍‌ମି ଆନେ ।

୫ ସାମା ଆମ୍ବାଆସି ତାନି କାମାତା ଆସା କିଆନା, ଦାମ୍ବୁ ହିଲାଆଗାଟାଣାଇଁ ଏମିନି ମାହାପୁରୁ ଦାମ୍ବୁଗାଟାସି ଇଞ୍ଜାଁ ଆବିନେସି, ଏଞ୍ଜାଣି ତାଣା ନାନିନେସି, ଏଞ୍ଜାଣି ନକିତା ଏଞ୍ଜାଣି ନାମୁ ଦାମ୍ବୁଗାଟାୟି ଇଞ୍ଜାଁ ଝେଜିନେ ।

* ୩:୨୦ ଗାଲା ୨:୧୭ * ୩:୨୦ ପାରୁ ୧୪୩:୨; ଗାଲା ୨:୧୭ * ୩:୨୨ ଗାଲା ୨:୧୭ * ୩:୨୨ ଗାଲା ୨:୧୭ * ୩:୩୦ ଝେ ଫେରା ୬:୪; ଗାଲା ୩:୨୦ * ୪:୩ ମୂଲୁ ୧୫:୬; ଗାଲା ୩:୨

୨ ଆମିନି ଲକ୍ଷ୍ମୀଙ୍କ କାମା ଲଢ଼ାତି ସିନି କିଆନା ମାହାପୁରୁ ଏଞ୍ଜଣାଙ୍କ ଦାମ୍ଭୁଗାଟାସି ଇଞ୍ଜି ଆବିନେସି, ଏଞ୍ଜଣାଙ୍କ ନେହାସି ଇଞ୍ଜି ଦାଞ୍ଜୁଦ ଏଲେଇଞ୍ଜା ମାନେସି;

୨*ଆମ୍ବାଆରି ଦହ ମେଣ୍ଡିକି କିଞ୍ଚିଆହାମାନେ, ଆମ୍ବାଆରି ପାପୁ ମେଣ୍ଡିକି କିଞ୍ଚିଆହାମାନେ, ଏଞ୍ଜରାକି ନେହେଁ ।

୮ ପ୍ରବୁ ଆମ୍ବାଆରି ପାପୁ ଆହୁଅସି, ଏଞ୍ଜଣାକି ନେହେଁ !”

୯ ଇମ୍ବାଆଁ ଦାଞ୍ଜୁଦ ଆମ୍ବାଆରାଙ୍କ ନେହେଁ ଇଞ୍ଜି ଖେସାମାନେସି, ଏଞ୍ଜିରି କି ଖାରୁଇ ତଲୁ ଦାପି ଆଡି ଲକ୍ଷୁ ମାଚେରି ? କି, ତଲୁ ଦାପିଆଆଡି ଲକ୍ଷୁ ଜିକେଏ ନେହାଁରି ଆହାଲି ଆଡିନେରି । ମାର ଏଲେ ଇଞ୍ଜିମାନାୟି, “ଅବ୍ରାହାମ ନାମୁତଲେ ଦାମ୍ଭୁଗାଟାସି ଇଞ୍ଜି ଖେଜିତେସି ।”

୧୦ ଆଡିହ ଏଡି ଏଚେଲା ଆହାମାଚେ ? ଅବ୍ରାହାମ ତଲୁ ଦାପି ଆଡି ତାୟୁ କି, ତାନି ନକେଏ ? ତଲୁ ଦାପି ଆଆନକେଏ, ତାୟୁ ଆଏ ।

୧୧ ତଲୁ ଦାପି ଆଡି ନକେଏ ଅବ୍ରାହାମ ନାମୁ ତାକି ମାହାପୁରୁ ଏଞ୍ଜଣାଙ୍କ ଦାମ୍ଭୁ ଗାଟାଣା ଲେହେଁ ଆବା ମାଚେସି । ଇଦାଆଁ ପୁଣ୍ଡୁ କିହାଲିତାକି ର ସିନାଲେହେଁ ଅବ୍ରାହାମ ଇ ତଲୁ ଦାପିଆଡି ମେରା ବେଟାଆହା ମାଚେସି, ଇଡିହ, ଆମିନି ଗାଟାରି ତଲୁ ଦାପି ଆଆନା ଜିକେଏ ମାହାପୁରୁ ତାଣାଟି ଦାମ୍ଭୁଗାଟାସି ଇଞ୍ଜିହ ଆବିତାସି, ସୁଦୁ ମାଣ୍ଡକିଟି ଅବ୍ରାହାମ ଏଞ୍ଜିରି ତାଞ୍ଜି ।*

୧୨ ଆବା ଅବ୍ରାହାମ ତଲୁ ଦାପି ଆଡି ନକେଏଟିଏ ଆମିନି ନାମୁତି କାତା ତସାମାଚେସି, ତଲୁ ଦାପିଆଆଡି ଲକ୍ଷୁ ଜାହାରା ଜାଞ୍ଜୁତା ଏଲେତି ନାମୁ ତସାଲି ଆଡିସାରେ, ଅବ୍ରାହାମ ଏଞ୍ଜରାକି ଜିକେଏ ତାଞ୍ଜି ଆନେସି ।

ମାହାପୁରୁଟି ଆଞ୍ଜାମାନାଣି ନାମୁତଲେ ବେଟାଆନାୟି

୧୩ *ଅବ୍ରାହାମ ମେରାତି ମାନି କିହାମାନାକି ଆଏ । ଖାରୁଇ ତାନି ନାମୁ ତାକି ମାହାପୁରୁ ତାଣାଟି ଦାମ୍ଭୁଗାଟାସି ଇଞ୍ଜି ଖେଜାମାଚେସି ଇଞ୍ଜା ଏଦାଆଁତାକି ତାନି ମୀରକା ମାସକା ଦାରୁତି ଅଦିକାରା ବେଟାଆନେରି ଇଞ୍ଜି ମାହାପୁରୁ ଆଞ୍ଜାମାଚେସି ।*

୧୪ *ଆମ୍ବାଆରି ମେରାତି ମାନି କିନାରି, ଖାରୁଇ ଏଞ୍ଜିରି ମାହାପୁରୁଟି ଦାନା ବେଟାଆନେରି ଇଡିସାରେ, ମାଣ୍ଡସିତି ନାମୁ ଉଜେଏ, ମାହାପୁରୁ ଆଞ୍ଜାମାନାୟି ଜିକେଏ ଉଜେଏତାୟି ଆନେ ।*

୧୫ ଇଡିହ ମସାତି ମେରା ଉରିନି ତାଣାଟି ମାହାପୁରୁଟି କାରୁଟି ଗାଟାସି ଆନେସି, ସାମା ଆମ୍ବିୟା ମେରା ହିଲେଏ, ଏମ୍ବାଆଁ ମେରା ଉରିନି କାତା ହିଲେଏ ।

୧୬ *ଏଦାଆଁତାକି ମାହାପୁରୁଟି ଆଞ୍ଜାମାନାୟି ନାମୁ ଅଡେ କାର୍ମାତି ଲାକ ଇବୁକି ଆହାମାନେ । ଆମିନି ଗାଟାରି ମେରାତି ମାନି କିନେରି, ଖାରୁଇ ଏଞ୍ଜରାକିଦେହେଁ ମାହାପୁରୁଟି ଆଞ୍ଜାମାନାୟି ଆଏ । ଅବ୍ରାହାମ ଲେହେଁ ନାମିମାନି ବାରେ ଲକ୍ଷୁତାକି ଜିକେଏ ଆନେ, ଏନାଆଁତାକି ଇଡିହ ଅବ୍ରାହାମ ଏଞ୍ଜିରି ସୁଦୁ ମାଣ୍ଡକିଟି ତାଞ୍ଜି;*

୧୭ ଆମିନି ମାହାପୁରୁଙ୍କ ଅବ୍ରାହାମ ନାମିମାଚେସି, ଆମ୍ବାଆସି ହାଡ଼ାରାଙ୍କ ଖେଣ୍ଡେ ଜାଞ୍ଜୁ କିନେସି, ଅଡେ ହିଲାଆଗାଟି ଦିଶସୁତି ମାନି ଲେହେଁ ହାଡ଼ିନେସି, ଏ ମାହାପୁରୁ ନକିତା ଏଞ୍ଜିସି ମା ତାଞ୍ଜି ଆହାମାନେସି, ଇ କାତା ଦାମ୍ଭୁ ସାସ୍ତେରିତା ରାସକି ଆହାମାନେ, “ନିଜେ ହାରେକା କୁଡ଼ାତି ଲକ୍ଷୁଟି ତାଞ୍ଜି କିହାମାଞ୍ଜାନମି ।”*

୧୮ ଆସା କିନାୟି ଏନାୟି ହିଲାଆଡି ଜିକେଏ ଅବ୍ରାହାମ ନାମିତେସି ଇଞ୍ଜା ଆସା ଇଡିତେସି, ଏଦାଆଁତାକି “ହାରେକା କୁଡ଼ାତି ତାଞ୍ଜି” ଆଡେସି । ଦାମ୍ଭୁ ସାସ୍ତେରିତା ରାସକି ଆହାମାନେ, “ନୀ କୁଡ଼ା ହୁକାୟାଁ ଲେହେଁ ଏପାଆନେରି ।”*

୧୯ ଏଞ୍ଜଣାକି ଏରିବେଲା ପାସାକଡ଼ି ବାସା ଆହାମାତାକି ଏଞ୍ଜିସି ତାନି ଆଜାଡି ହାଡ଼ାୟି ଇଞ୍ଜା ସାରା ଅଡେ କକାରି ପଡ଼ାଁ ଆନି ଗାଟା ଜିକେଏ ହାଡ଼ାୟି ଇଞ୍ଜି ଅଣ୍ଡିପିତି ଜିକେଏ ନାମୁତା ଉଞ୍ଜା ଆଆଡେସି । *

୨୦ ଏଞ୍ଜିସି ତାନି ନାମୁ ପିହୁଆଡେସି, କି ମାହାପୁରୁ ଆଞ୍ଜାମାନାଣି ଆନାମାନା ଆଆଡେସି । ଏଞ୍ଜିସି ନାମୁତା ବାଡ଼ୁୟୁ ଆଡେସି ଇଞ୍ଜା ମାହାପୁରୁଙ୍କ ଜହରା କିଡେସି ।

୨୧ ମାହାପୁରୁ ଏନାଆଁ ଆଞ୍ଜାମାଚେସି, ଏଞ୍ଜିସି ଏଦାଆଁ ମାନି କିନେସି ଇଞ୍ଜି ଏଞ୍ଜଣାକି ଜାଣେ ନାମୁ ମାଚେ ।

୨୨ ଏଦାଆଁତାକି ତାନି ନାମୁତଲେ ଅବ୍ରାହାମ, “ମାହାପୁରୁ ତାଣାଟି ଦାମ୍ଭୁଗାଟାସି ଆହାମାଚେସି ।”*

* ୪:୨ ପାଠ ୩୨:୧,୨ * ୪:୧୧ ମୂଲ ୧୭:୧୦ * ୪:୧୩ ଗାଲା ୩:୨୯ * ୪:୧୩ ମୂଲ ୧୭:୪-୬; ୨୨:୧୭,୧୮; ଗାଲା ୩:୨୯ * ୪:୧୫ ଗାଲା ୩:୧୮ * ୪:୧୪ ଗାଲା ୩:୧୮ * ୪:୧୭ ଗାଲା ୩:୭ * ୪:୧୭ ଗାଲା ୩:୭ * ୪:୧୭ ମୂଲ ୧୭:୫ * ୪:୧୮ ମୂଲ ୧୫:୫ * ୪:୧୯ ମୂଲ ୧୭:୧୭ * ୪:୨୨ ମୂଲ ୧୫:୬

୨୩ “ଅବ୍ରାହାମ ଦାର୍ମଗାତାସି ଇଞ୍ଜିଁ ଖେଙ୍ଗାମାଟି” କାତା ୱାରୁଇ ଏଞ୍ଜାଣି ତାକିଏଦେଁ ରାସ୍‌କି ଆହାହିଲେଏ ।

୨୪ ସାମା ଈ କାତା ମାଙ୍ଗେତାକି ଜିକେଏ ରାସ୍‌କି ଆହାମାନେ; ଇଚିହଁ ଆମ୍ବାଆସି ମା ପ୍ରବୁ ଜୀସୁଇଁ ହାଡାରି ତାଣାଟି ନିକ୍‌ହାମାନେସି, ଏଞ୍ଜାଣି ତାଣା ମାର ନାମିମାନାୟି, ମାଙ୍ଗେତାକି ଜିକେଏ ଏଡି ଆନେ ।

୨୫ ଏ ପ୍ରବୁ ଜୀସୁ ମା ପାପୁତି ବାଦୁଲି ହାହାଲି ହେରପିଆହା ମାତେସି ଇଞ୍ଜିଁ ମାହାପୁରୁ ନକିତା ମାଙ୍ଗେ ଦାର୍ମୁ ଗାଗାତାୟି କିହାଲି ଖେଣ୍ଡେ ନିଜାତେସି ।*

୫

ମାହାପୁରୁ ନକିତା ନେହଁ ତଞ୍ଜା ଆନାୟି

୧ ନୀର୍ବ ନାମୁତଲେ ମାର ମାହାପୁରୁ ନକିତା ଦାର୍ମୁ ଗାଗାତାୟି ଆହାମାନାୟି ଇଞ୍ଜିଁ ପ୍ରବୁ ଜୀସୁ କ୍ରୀସ୍ତ ତାଣାଟି ମାହାପୁରୁ ତଲେ ମାର ହିଡ଼ି ତଲେ ମାନାୟି;

୨ ଏମିନି କାର୍ମାତା ମାର ମାଞ୍ଜାମାନାୟି, ଏମ୍ବାଟି ଏଞ୍ଜାଣି ତାଣାଟି ନାମୁତା ଜିକେଏ ମାନାୟି; ଇଞ୍ଜିଁ ମାର ମାହାପୁରୁଟି ଗାଞ୍ଜୁରମିତି ବାସ୍‌ତା ବତପଣ କିହିମାନାୟି ।

୩ ୱାରୁଇ ଏଡି ଆଏ, ବାରେ ଦୁକୁ କସ୍ତତା ଜିକେଏ ମାର ରାହଁ କିହିମାନାୟି, ଇଚିହଁ କସ୍ତି ସାସା ୱାନେ,

୪ ସାସାଟି ବାଡୁରୁ ମାଣ୍ଡକି ୱାନେ ଇଞ୍ଜିଁ ବାଡୁରୁ ମାଣ୍ଡକିଟି ବାସ୍‌ତା ୱାନେ ।

୫ ବାସ୍‌ତା ମାଙ୍ଗେ ହାଣି ଆହାଲି ହିୟେଏ, ଏନାଆଁତାକି ଇଚିହଁ ମାହାପୁରୁ ମାଙ୍ଗେ ସୁଦୁଜୀସୁ ହାହାନା ମା ହିୟାତା ତାନି ଜୀସୁ ନନାଣି ହାହାମାଞ୍ଜାନେସି ।

୬ ଏଚିରେଲାତା ମାର ଏନି ଉପେୟି ହିଲାଆଗାଗାତାୟି ମାଗାୟି, ଏଚିରେଲା ମାହାପୁରୁ ତାରି କିହାମାଟି ବେଲାତା କ୍ରୀସ୍ତ ପାପୁ ଲକ୍ଷୁତାକି ହାତେସି ।

୭ ଦାର୍ମୁଟି ଲକ୍ଷୁତାକି ଆମ୍ବାଆସି ଜିକେଏ ହାଅସି, ନେହଁ ଲକ୍ଷୁତାକି ଆମ୍ବାଆସି ଜୀସୁ ହାହାଲି ଅଣ୍ଡପିନେସି ।

୮ ସାମା ମାର ପାପୁଗାଟି ଲକ୍ଷୁ ମାଗାଟି ଜିକେଏ କ୍ରୀସ୍ତ ମା ତାକି ତାନି ଜୀସୁ ହାତେସି, ଇଦାଆଁ ତଲେ ମାହାପୁରୁ ମାଙ୍ଗେ ଏଚେକା ଜୀସୁନହଁ ମାଞ୍ଜାନେସି, ଏଦାଆଁ ତସାମାଞ୍ଜାନେସି ।

୯ ଏଦାଆଁତାକି ଈ କାତା ସାତା, ମାର ନୀର୍ବ ଏଞ୍ଜାଣି ନେତେରି ତଲେ ଦାର୍ମୁ ଗାଗାତାଓଁ ଆହାମାନାକି ଏଞ୍ଜାଣି ତାଣାଟି ମାହାପୁରୁଟି କପାଟି ଗେଲ୍‌ପି ଆହାଲି ଆଡିନାୟି ।

୧୦ ମାର ମାହାପୁରୁଟି ସାଡୁୟାଁ ମାଗାୟି, ସାମା ମାର ତାନି ମୀର୍‌ଏଣା ହାକିଟି ତାନିତଲେ ଆଣ୍ଡିତାୟି, ନୀର୍ବ ମାର ମାହାପୁରୁ ତଲେ ଆଣ୍ଡାମା କ୍ରୀସ୍ତଟି ଜୀସୁତଲେ ଗେଲ୍‌ପି ଆନାୟି ।

୧୧ ୱାରୁଇ ଏଚେକା ଆଏ, ସାମା ପ୍ରବୁ ଜୀସୁ କ୍ରୀସ୍ତଟି ତାକି ମାର ନୀର୍ବ ମାହାପୁରୁ ତଲେ ଆଣ୍ଡାମାନାୟି; ଏଞ୍ଜାଣି ତାଣାଟି ମାର ମାହାପୁରୁ ତାଣା ବତପଣ ଜିକେଏ ଆହାମାନାୟି ।

ଆଦମ ଅଡେ କ୍ରୀସ୍ତ

୧୨ ରଅଣି ତାଣାଟି ପାପୁ ଦାର୍‌ତିତା ୱାଡେ ଅଡେ ପାପୁ ତଲେ ହାକି ୱାଡେ, ବାରେଜାଣା ପାପୁ କିତାକି ହାକି ବାରେ ମାଣ୍ଡିତାକି ୱାଡେ, ଇଞ୍ଜିଁ ବାରେଜାଣା ପାପୁ କିତେରି ।*

୧୩ ମେରା ହୀପ୍‌କି ଆଡି ନକେଏ ଦାର୍‌ତିତା ପାପୁ ମାତେ; ସାମା ମେରା ହିଲାଆଟି ପାପୁଟି ଏକିକିଓଁ ଆହି ହିଲାଆତେ ।

୧୪ ଆଦମ ତାଣାଟିଏ ମସା ପାତେକା ଆମ୍ବାଆସି ଜିକେଏ ଆଦମ ଲେହେଁ ହୁକୁମି ମାନ୍ତି କିଆନା ପାପୁ କିହାହିଲାଆତେଁ ଜିକେଏ ବାରେଜାଣା ହାକିଟି ତୁଇ ମାତେରି; ଆମିନିଗାଗାସି ୱାନାୟି ମାତେ, ଆଦମ ଏଞ୍ଜାଣି ର ୱାଣା ।

୧୫ ସାମା ଦହ ଏନିକେଁ, ମାହାପୁରୁଟି କାର୍ମା ଜିକେଏ ଏଲେକେଁ, ଏଡି ଆଏ, ଇଚିହଁ ରଅଣି ଦହ ତାକି ହାରେକା ଲକ୍ଷୁଟି ହାକି ଆଡେ, ଆତିହଁ ମାହାପୁରୁଟି କାର୍ମା ଅଡେ ର ମାଣ୍ଡି ଇଚିହଁ ଜୀସୁ କ୍ରୀସ୍ତ ହାଟି କାର୍ମାଟି ଦାନା ହାରେକା ଲକ୍ଷୁତାକି ହାରେକା ଗାତି ଆଡେ ।

* ୪:୨୫ ଜିସା ୫୩:୪,୫ * ୫:୧୨ ମୁଲ୍ ୩:୭

୧୭ ର ମାଣସି ପାପୁ କିତାକି ଏନିକିଁ ପାଡ଼େୟି ଆଡେ, ଈ ଦାନାତି ପାଡ଼େୟି ଏଲେକିଁ ଆଏ, ଇଚିହିଁ ରଅଣି ତାକି ଏମିନି ନାହାଁୟି, ଏମ୍ବାତି ପାଡ଼େୟି ତଣ୍ଡ ଆଡେ, ସାମା ହାଡ଼େରକା ଲକ୍ଷୁତି ଦହ ତାକି ଏମିନି କାର୍ମାତି ଦାନା, ଏମ୍ବାତି ପାଡ଼େୟି ଦହ ହିଲ୍ଲଆଗାଗାୟି ଆଡେ ।

୧୮ ର ମାଣସିତି ପାପୁ ତାକି, ହାକି ସାଲ୍ଲୁଓ କିତେ; ସାମା ଅର ରଅସି ଇଚିହିଁ ଜୀସୁ କ୍ରୀସ୍ତ ଏନାଆଁ କିହାମାନେସି, ଏଡ଼ି ଏଚେକା କାଜାୟି । ଆମିନି ବାରେଜାଣା ମାହାପୁରୁତି ହାଡ଼େରକା କାର୍ମାମେହନାୟି ଉଜେଏ ଫେଡ଼ା ଆନାଣି ତଲେ ମାହାପୁରୁତି ନକିତା ଦାମ୍ବୁଗାଗାରି ଇଞ୍ଜିଁ ୱେଜିନେରି, ଏଝାରି କ୍ରୀସ୍ତ ତଲେ ଜୀଣାଆହ୍ୱାନା ନୀତିନେରି ।

୧୯ ରଅଣି ପାପୁ ଏନିକିହିଁ ବାରେ ମାଣସି କୁଡ଼ାଲ୍ ତଣ୍ଡ ବେଟା ଆଫ୍ରିକିତେ, ଏଲେକିହିଁଏ ରଅଣି ଦାମ୍ବୁତି କାମା ବାରେ ମାଣସି କୁଡ଼ା ତାକି ଗେଲ୍ପି ଆନାଣି ଇଞ୍ଜିଁ ରାଆଗାଟି ଜୀସୁ ତାତାହୀତେ ।

୨୦ ରଅସି ମାନି କିଆତାକି ଏନିକିହିଁ ହାଡ଼େରକା ଲକ୍ଷୁ ପାପୁ ଗାଗାରି ଆଡେରି, ଏଲେକିହିଁଏ ରଅଣି ମାନି କିନାଣି ତଲେ ବାରେଜାଣା ମାହାପୁରୁ ନକିତା ଦାମ୍ବୁଗାଗାରି ଆଡେରି ।

୨୧ ଇଦାଆଁ ପିସ୍ତେ ଫେରା ଜିକେଏ ଝାଡ଼େ, ଏନିକିଁ ଦହ ହାଡ଼େରକା ଗାତିଆନେ; ସାମା ଆମ୍ବିୟା ପାପୁ ପାତାଆଡ଼େ, ଏମ୍ବାଆଁ ମାହାପୁରୁତି କାର୍ମାମେହନାୟି ଜିକେଏ ହାଡ଼େରକା ପାତାଆଡ଼େ ।

୨୨ ଏନିକିହିଁ ପାପୁ ହାକି ତଲେ ସାଲ୍ଲୁଓ କିତେ, ଏଲେକିହିଁଏ ମାହାପୁରୁତି କାର୍ମାମେହନାୟି ଜୀସୁ କ୍ରୀସ୍ତ ତାଣାଟି ମାଜେ ଦାମ୍ବୁ ଗାଗାତାୟି କିହାଁ ରାଆଗାଟି ଜୀସୁ ହିୟାତେ ।



ପାପୁତି ହାକି କ୍ରୀସ୍ତ ତାଣାଟି ଜୀସୁ

୧ ଆତିହିଁ ମାର ଏନାଆଁ ଇନାୟି ? ମାହାପୁରୁତି କାର୍ମାମେହନାୟି ଏନିକିହିଁ ହାଡ଼େରକା ଆନେ, ଏଦାଆଁତାକି କି ପାପୁତେଏ ମାଞ୍ଜେମାନାୟି ?

୨ ଏଡ଼ି ଏଚେକା ଜିକେଏ ଆଆପେ । ପାପୁ ତାକି ମାର ହାହାମାନାୟି, ଏନିକିହିଁ ଏମ୍ବାଆଁ ଅଡ଼େ ମାର ନୀତିନାୟି ?

୩ ମାର ଏଚେକା ଲକ୍ଷୁତାୟି କ୍ରୀସ୍ତ ଜୀସୁ ତାଣା ବାପ୍ତିସ୍ତା* ଅହାମାନାୟି, ବାରେ ଜାଣାତାୟି ତାନି ହାକିତା ବାପ୍ତିସ୍ତା ଅହାମାନାୟି, ଇଦାଆଁ କି ମାରୁ ପୁଞ୍ଜାହିଲଅଡେରି ?

୪ ଏଦାଆଁତାକି ମାର ବାପ୍ତିସ୍ତାଃ ଅହାନା ହାକିତା ତାନିତଲେ ମୁସ୍ତପି ଅହାମାନାୟି, କ୍ରୀସ୍ତ ଏନିକିହିଁ ଆବାତି ଗାଝୁରମି ତଲେ ହାଡ଼ାରି ତାଣାଟି ୱେଣ୍ଡେ ନିଜିଡେସି, ମାର ଜିକେଏ ଏଲେକିହିଁଏ ପୁଃନି ଜୀସୁତି ମାଣ୍ଡକି ତଲେ ନୀତିନ ।^୧

୫ ଏନାଆଁତାକି ଇଚିହିଁ ମାର ଏଝାଣି ହାକିତା ଆଣ୍ଡାନା ଏଝାଣିତଲେ ରଣ୍ଡିଏ ଅହାମାନାୟି, ଆତିହିଁ ସାତେଏ ଏଝାସି ୱେଣ୍ଡେ ନିଜିତି ଲେହେଁ ମାର ଜିକେଏ ନିଜ୍ଜାନା ଏଝାଣିତଲେ ରଣ୍ଡିଏ ଆନାୟି ।

୬ ମାର ପୁଞ୍ଜାମାନାୟି, ପାପୁତି ହଲ୍ଲିୟାଜ୍ଜା ଆଆପ, ଇଦାଆଁତାକି ପାପୁତି ଆଜ୍ଜା ନାସା କିହାଲିତାକି ମା ପୁଃଜ ମାଣ୍ଡକି ତାନିତଲେ ପାସି ମୁଣ୍ଡାତା ହାହାମାନେ ।

୭ ଏନାଆଁତାକି ଇଚିହିଁ ମାଣସି ହାଡ଼ିସାରେ, ପାପୁତି ବାଡ଼ୁୟୁତି ଗେଲ୍ପି ଆନେସି ।

୮ ସାମା ମାର କ୍ରୀସ୍ତ ତଲେ ହାଡ଼ାକି, ତାନିତଲେ ମାର ଜିକେଏ ନୀତିନାୟି ଇଞ୍ଜିଁ ନାମାମାନାୟି ।

୯ ମାର ପୁଞ୍ଜାମାନାୟି, କ୍ରୀସ୍ତ ହାକିତି ନିଜ୍ଜାମାନାକି, ଏଝାସି ଅଡ଼େ ୱେଣ୍ଡେ ହାସ୍ତସିଦେଁ, ଏଝାଣାଲ୍ ଅଡ଼େ ହାକି ସାଲ୍ଲୁଓ କିହାଲି ଆଡେଏ ।

୧୦ ଏଝାସି ଆମିନି ହାକିତା ହାଡ଼େସି, ଏଦାଆଁ ତଲେ ପାପୁତି ବାଡ଼ୁୟୁତି ରଣ୍ଡିଏ ଦେବେଏ ଜୀଣା ଆଡେସି । ଅଡ଼େ ନାସି ଆମିନି ଜୀସୁତଲେ ନୀତାମାନେସି, ଏଡ଼ି ମାହାପୁରୁ ତଲେ ଆଣ୍ଡିତି ଜୀସୁ ।

୧୧ ଏଲେକିହିଁଏ ମାରୁ ଜିକେଏ ପାପୁତା ହାହାମାଞ୍ଜେରି ଇଞ୍ଜିଁ ଅଞ୍ଜାଦା । ସାମା କ୍ରୀସ୍ତ ଜୀସୁ ତାଣାଟି ଆଣ୍ଡାନା ମାହାପୁରୁ ତାକି ଜୀସୁ ଗାଗାତମି ଇଞ୍ଜିଁ ।

୧୨ ମୀ ହାକି ଆଜ୍ଜାତା ପାପୁ ସାଲ୍ଲୁଓ କିୟାଆପେ; ମାରୁ ଅଡ଼େ ଆଜ୍ଜାତି ଲାଗେଏତି ଅଣ୍ଡପୁ ତଲେ ତାକାଆଡ଼ୁ ।

* ୭:୩ ମୁଞ୍ଜନାୟି † ୭:୩ ମୁଞ୍ଜନାୟି ☆ ୭:୪ କଲସି ୭:୧୭ † ୭:୪ ମୁଞ୍ଜନାୟି ☆ ୭:୪ କଲସି ୭:୧୭

୧୩ ମୀ ଆଜ୍ଞା ଉଡ଼େଲିତ ଲାଗେବ କାମାତି କୁତି ଲେହେଁ ପାପୁ କାମାତା ହେରପାଆପୁ, ସାମା ହାଡ଼ାରି ତାଣାତି ନୀତାମାନି ଲେହେଁ ଜାହା ଜାହାରାଇଁ ମାହାପୁରୁ ନକିତା ହେରପା କତାପୁ, ଇଞ୍ଜା ଜାହା ଜାହାରା ଆଜ୍ଞା ଉଡ଼େଲିତ ଦାମ୍ବୁତି କୁତି ଲେହେଁ ମାହାପୁରୁ ନକିତା ହେରପାପୁ ।

୧୪ ପାପୁ ମିଜେ ସାଲୁଝି କିୟାଆପେ, ମୀରୁ ଅଡ଼େ ମସାତି ମେରା ତୁଇ ହିଲଅତେରି, ସାମା ମାହାପୁରୁତି କାମାତି ତୁଇ ମାଜେରି ।

ଦାମ୍ବୁତି ହଲିୟାଜ୍ଞା

୧୫ ଆତିହୁଁ ଏନାଆଁ ? ମୀରୁ ମସାତି ମେରା ତୁଇ ହିଲଆୟି, ସାମା ମାହାପୁରୁତି କାର୍ମାମେହ୍ନି ତୁଇ ମାନାୟି, ଇଦାଆଁତାକି କି ପାପୁ କିନାୟି ? ଏଲେଆହୁଁ ଏତେଲା ଜିକେଏ ଆଆପେ ।

୧୬ ମୀରୁ ସାତେଏ ପୁଞ୍ଜାମାଜେରି, ମୀରୁ ରଅଣି ହଲିୟାଜ୍ଞା ଆହାନା ଏଞ୍ଜାଣି କାତା ମାନୁଝି ଆଡ଼ିସାରେ, ଆତିହୁଁ ମୀରୁ ଏଞ୍ଜାଣି ହଲିୟାଜ୍ଞାତେରି, ପାପୁତି ହଲିୟାଜ୍ଞା ଆଡ଼ିସାରେ, ପାପୁ ମାଣକିତି ହାକି ଖାଡ଼ନ; ଦାମ୍ବୁତି ଜେତ ହାଡ଼ିସାରେ, ଜୀଝୁ ବେଟାଆଡ଼େରି ।

୧୭ ସାମା ମାହାପୁରୁଇଁ ଜହରା କିହିମାଇଁ, ମୀରୁ ର ଦିନା ପାପୁତି ହଲିୟାଜ୍ଞାତେରି ମାଚେରି, ମୀରୁ ନୀଏଁ ନେହୁଁ ବଲୁତି ଜାପୁନି ତାଣା ହେରପିଆହା ମାଜେରି, ଅଡ଼େ ହିୟାଁ ତଲେ ଏମ୍ବାତି ମାନି କିହିମାଜେରି ।

୧୮ ପାପୁତି ପିସପି ଆହାନା ଦାମ୍ବୁତି ହଲିୟାଜ୍ଞା ଆହାମାଜେରି ।

୧୯ ମୀ ଆଜ୍ଞାତି ବାଡ଼ୁୟୁ ହିଲଆକି ମାଣସିତି ହାଡ଼ାତଲେ ଝେସିମାଞ୍ଜାଇଁ; ମୀରୁ ଏନିକିହୁଁ ଲାଗେଏତି କାମାତାକି ଜାହାରା ଆଜ୍ଞା ଉଡ଼େଲିତ ପଲେଏତି ଇଞ୍ଜା ଦାମ୍ବୁ ହିଲଆତାଣା ହଲିୟାଜ୍ଞା ଲେହେଁ ହେରପାମାଚେରି, ଏଲେକିହୁଁ ଏ ନୀଏଁ ଜାହାରା ଆଜ୍ଞା ଉଡ଼େଲିତି ସୁଦୁଜୀଝୁ ତାକି ଦାମ୍ବୁତି ନକିତା ହଲିୟାଜ୍ଞା ଲେହେଁ ହେରପାପୁ ।

୨୦ ମୀରୁ ପାପୁତି ହଲିୟାଜ୍ଞା ମାଚାରି, ଦାମ୍ବୁତାକି ମେଲା ପିସପି ଆହାମାଚେରି ।

୨୧ ଆତିହୁଁ ନୀଏଁ ମିଜେ ଆମିନି କାମା କିହାଲିତାକି ଲାଜା ହଡ଼ିମାଞ୍ଜାନେ, ଏତିବେଲା ବାରେ କିହିମାଚେରି, ଏଡ଼ି ଏମ୍ବାତି ଏନାଆଁ ଲାବା ବେଟାଆଡ଼େରି ? ଏ ବାରେ କାମାତି ପାଡ଼େୟି ହାକି ।

୨୨ ସାମା ନୀଏଁ ମୀରୁ ପାପୁତି ପିସପି ଆହାନା ମାହାପୁରୁତି ହଲିୟାଜ୍ଞା ଆହାମାଜେରି । ଇଦାଆଁତି ଲାବା ଆହିମାନେ, ମାହାପୁରୁ ତାଣା ସୁଦୁଜୀଝୁ ତଲେ ହେରପି ଆନାୟି ଇଞ୍ଜା ରାଆଗାତି ଜୀଝୁ ବେଟାଆନାୟି ।

୨୩ ଏନାଆଁତାକି ଇତିହୁଁ ପାପୁତି କୁଲି ହାକି, ସାମା ମାହାପୁରୁତି କାର୍ମାମେହ୍ନି ଦାନା ମା ପ୍ରତୁ ଜୀଝୁ କ୍ରୀସୁ ତଲେ ଆଣ୍ଡିନି ତାଣା ରାଆଗାତି ଜୀଝୁ ମାନେ ।



ବୀହା ଆନି କାତା

୧ ତାୟି ତାଜିସ୍ମାତେରି, ନୀଏଁ ଏନାଆଁ ଝେସାଲି ଅଣପିମାଇଁ, ଏଦାଆଁ ମୀରୁ ତେଲୁହିଦେରି, ଏନାଆଁତାକି ଇତିହୁଁ ମୀରୁ ପୁଞ୍ଜାମାଜେରି, “ମେରା” ଏନାୟି । ମାଣସି ଖାଉଇ ତାନି ନୀତାମାନି ପାତେକା ମେରାତି ତୁଇ ତୁୟିନେସି ।

୨ ତତ୍ତ୍ୱା ନୀତାମାନି ପାତେକା ତାନି ତତ୍ତ୍ୱି ଏଞ୍ଜାଣିତଲେ ବୀହା ମେରା ତଲେ ଦସପି ଆହାନା ତୁୟିନେ । ସାମା ତତ୍ତ୍ୱା ହାଡ଼ିସାରେ, ଏଞ୍ଜାଣି ତତ୍ତ୍ୱି ଇ ମେରାତି ପିସପି ଆନେ ।

୩ ତତ୍ତ୍ୱା ନୀତା ମାନାଟିଏ, ତତ୍ତ୍ୱି ଅର ରଅଣାକି ବୀହା ଆଡ଼ିସାରେ, ଏଦାନି ଦାରେଣି ଇଞ୍ଜା ଇନେରି; ସାମା ତତ୍ତ୍ୱା ହାଡ଼ି ତାୟୁ ମେରାତି ପିସପି ଆନେ, ଅଡ଼େ ଏଡ଼ି ଅର ରଅଣାକି ବୀହା ଆଡ଼ିସାରେ, ଏଡ଼ି ଦାରେଣି ଆଏ ।

୪ ଇଦାଆଁତାକି ତାୟି ତାଜିସ୍ମାତେରି, କ୍ରୀସୁତି ଆଜ୍ଞା ତଲେ ମୀରୁ ଜିକେଏ ମେରାତାକି ହାହାମାଜେରି, ଏନିକିହୁଁ ମୀରୁ ଏଡ଼ିକାତାରି ତଲେ ଆଣ୍ଡିଦେରି, ଇତିହୁଁ ମା ମାହାପୁରୁ ତାକି ପାଡ଼େୟି ଆୟାଲି ଆମ୍ବାଆସି ହାଡ଼ାରି ତାଣାରି ନୀତାମାନେସି, ଏଞ୍ଜାଣିତଲେ ଆଣ୍ଡାଦୁ ।

୫ ଏଚରଦିନା ପାତେକା ମୀରୁ ଆଜ୍ଞାତି ମାଣକି ତଲେ ମାଚାୟି, ଏଚରଦିନା ପାତେକା ମସା ମେରାତି ପାପୁତି କୁପକା ମା ଆଜ୍ଞା ବିତ୍ତା ଜୀଝୁତି ହାଝି କିହାଲି କାମା କିହିମାଚେ ।

୬ ସାମା ଏନାଆଁତଲେ ଦସପି ଆହାମାଚାୟି, ଏମ୍ବାତି ହାହାନା ନୀଏଁ ମୀରୁ ମେରାତି ଅଦିକାରାତି ମୁକଲୁଝି ଆହାମାନାୟି; ମୀରୁ ଅଡ଼େ ତଲିତଲେହେଁ ରାସ୍ତକି ଆହାମାନି ମେରାତି ସେବା କିହି ହିଲଆୟି, ସୁଦୁଜୀଝୁ ତସାମାଞ୍ଜାନି ପୁଞ୍ଜିନି ଜିରୁତା ନୀଏଁ ତାକି ମାନାୟି ।

ଫେରା ଅଡ଼େ ପାପୁ

୯ ଆତିହୁଁ ଏନାଆଁ ଇନାୟି, ଫେରା ପାପୁ ଗାଗାୟି ? ଏଦି ଏଚେଲାଖା ଆଏ । ସାମା ପାପୁ ଏନାୟି, ଏଦାଆଁ ଫେରା ନାଜେ ଖେସା ମାଞ୍ଜାନେ, “ଏବକା ଲକ୍ଷ୍ମି ଦିଶସ୍ତୁ ଜୁପକା ଆଆଦୁ,” ଇ ହୁକୁମି ଫେରା ଖେସା ମାଞ୍ଜାଆତିହୁଁ ମା, ଜୁପକା ଏନାୟି, ନାନୁ ପୁନାଆତେଏଁମା ।*

୮ ସାମା ପାପୁ ପାରୁ ବେଟାଆହାନା ହୁକୁମି ତଲେ ନା ତାଣା ବାରେଲେହେଁତି ଜୁପକା କିନାଣି ହିୟାତେ, ଫେରା ପିସ୍ତପେ ପାପୁ ହାଡ଼ାୟି ।

୯ ର ଦିନା ନାନୁ ଫେରା ପୁନାଆନା ନୀତିମାଚେଏଁ, ସାମା ହୁକୁମି ଖାହାଲିଏ ପାପୁ ନୀତିତେ, ଇଞ୍ଜା ନାନୁ ହାଡ଼େଏଁ;

୧୦ ଆମିନି ଫେରା ଜୀସୁ ହାହାଲିତାକି ଚିକାଣା ତାୟି ମାଚେ, ଏଦି ନା ଜୀସୁତା ହାକି ଖାଡ଼େ ।

୧୧ ଇତିହୁଁ ପାପୁ ପାରୁ ବେଟାଆହାନା ହୁକୁମିଟି ନାଜେ ନୀତି କିୟାତେ ଇଞ୍ଜା ଏମ୍ବାଟି ନାଜେ ପାୟାତେ ।*

୧୨ ଫେରା ସୁଦୁଗାଗାୟି, ଏଦାଣି ହୁକୁମିକା ବାରେ ସୁଦୁ ଗାଗାଜ, ଦାମ୍ବୁଗାଗାୟି ଇଞ୍ଜା ନେହାୟି ।

୧୩ ଆତିହୁଁ, ଏନାୟି ନେହାୟି, ଏଦି କି ନାଜେ ହାଝି କିୟାତେ ? ଏଦି ଏଚେଲାଖା ଆଆପେ, ପାପୁଏ ଏଦାଆଁ କିଚେ, ନେହୁଁ ଫେରାତି ଲେମ୍ବାନା ପାପୁ ନାଜେ ହାଝି କିୟାତେ, ଏଦାଆଁ ତଲେ ପାପୁତି ସାତା ଖାଣା ତଞ୍ଜାଆଡ଼େ, ଏଦାଆଁତାକି ଫେରା ତଲେ ପାପୁ ହାଡ଼େକା ଆଜିହପେତାୟି ପୁଣିଆଡ଼େ ।

ମାଣସି ଆଜ୍ଞାତା ମାନି ଗଡ଼ହା

୧୪ ମସାତି ଫେରା ସୁଦୁଜୀସୁ ଗାଗାୟି, ଇଦାଆଁ ମାରୁ ପୁଞ୍ଜାମାନାୟି; ସାମା ନାନୁ ପାପୁତି ଆଜ୍ଞାତା କଡ଼ଝିଆଡ଼ି ହଚେଲେଏଣାତେଏଁ ।

୧୫ ନାନୁ ଏନାଆଁ କିହିମାଜ୍, ଏଦାଆଁ ନାନୁ ପୁଞ୍ଜିହିଲଅଁ; ଏନାଆଁ କିହାଲି ନା ଅଣପୁ, ଏଦାଆଁ ନାନୁ କିଅଁ; ସାମା ଏନାଆଁ ଅପଅଁ, ଏଦାଆଁ କିଇଁ ।*

୧୬ ସାମା ଏନାଆଁ ନାନୁ ଅଣପଅଁ, ଏଦାଆଁ କିତିସାରେ, ଆତିହୁଁ ମସାତି ଫେରା ନେହାୟି ଏଦାଆଁ ନାନୁ ଜଲିମାଜ୍ ।

୧୭ ଏଦାଆଁତାକି ଏ କାମା ସାତେଏ ନାନୁ କିଆନା ନା ବିତ୍ରାମାନି ପାପୁଏ ଏଦାଆଁ କିହିମାନେ ।

୧୮ ନାନୁ ପୁଞ୍ଜାମାଜ୍, ନା ବିତ୍ରା ଇତିହୁଁ ମାଣସି ମାଣକିତା ନେହାୟି ଏନାୟି ଜିକେଏ ହିଲେଏ, ଇତିହୁଁ ନେହୁଁ କାମା କିହାଲି ନାଜେ ଅଣପୁ ମାଟିହୁଁ ଜିକେଏ ଏଦାଆଁ କିହାଲି ଆଡ଼ଅଁ ।

୧୯ ଇତିହୁଁ ଏମିନି ନେହୁଁ କାମା କିହାଲି ନାନୁ ମନ କିଇଁ, ଏଦାଆଁ କିଅଁ, ସାମା ଏମିନି ଲାଗେଏତି କାମା କିହାଲି ନାନୁ ମନ କିଅଁ, ଏଦାଆଁ କିଇଁ ।

୨୦ ନାନୁ ଏନାଆଁ ଅଣସି ହିଲଅଁ, ଏଦାଆଁ କିହିମାଜ୍, ଆତିହୁଁ ଏଦାଆଁ ନାନୁ ଅଡ଼େ କିଅଁ, ସାମା ନା ତାଣା ବାସା କିହାମାନି ପାପୁ ଏଦାଆଁ କିନେ ।

୨୧ ଏଦାଆଁତାକି ନାନୁ ନେହୁଁ କାମା କିହାଲି ମନ କିହିମାଜ୍, ଏତିବେଲା ନା ତାଣା ଖାର୍ଜଲ ଲାଗେଏତାୟି ତଞ୍ଜା ଆହିମାନେ, ଇଦାଆଁ ଫେରାତା ମେସିମାଜ୍ ।

୨୨ ଇତିହୁଁ ହିୟାତା ଅଣପିନି ମାଣସିଲେହେଁ, ମାହାପୁରୁତି ଫେରା ମାନି କିହାଲି ନାଜେ ରାହାଁ,

୨୩ ସାମା ନାନୁ ନା ଆଜ୍ଞାତା ଅର ରଲେତି ଫେରା ତଞ୍ଜା ଆହିମାନେ, ଏଦି ନା ମନତି ଫେରା କପାଟି ଜୁକୁ କିହିମାନେ, ଅଡ଼େ ନା ଆଜ୍ଞାତା ଏମିନି ପାପୁତି ଫେରା ମାନେ, ନାଜେ ଏମ୍ବାଆଁ ଦସ୍ତପାନା ।

୨୪ ଆୟତା, କାର୍ମା କପଲ ହିଲାଆଗାଟି ମାଣସିତେଏଁ ନାନୁ ! ଇ ହାଝିକିନି ଆଜ୍ଞାଟି ନାଜେ ଆମ୍ବାଆସି ଗେଲ୍ପାନେସି ?

୨୫ ମା, ପ୍ରଭୁ ଜୀସୁ କ୍ରୀସ୍ତ ତାଣାଟି ଗେଲ୍ପି ଆହାମାନାକି ମାହାପୁରୁଜ୍ ଜହରା ଆପେ । ଏନାଆଁତାକି ଇତିହୁଁ ନାନୁଏ ନା ମନତଲେ ମାହାପୁରୁତି ଫେରାତି ହଲେଏଣାତେଏଁ, ସାମା ଆଜ୍ଞା ତଲେ ପାପୁ ଫେରାତି ହଲିୟା ଆହାମାନେ ।

୮

ସୁଦୁଗାଟି ଜୀସୁ

୯ ଆମିନି ଗାଗାରି କ୍ରୀସ୍ତ ଜୀସୁତଲେ ଆଣ୍ଡାମା ନୀତିମାନେରି, ଏଞ୍ଜାରାକି ନୀଏଁ ଏନି ତଣ୍ଡ ହିଲେଏ ।

* ୭:୭ ହାନାୟି ୨୦:୧୬; ୧୧ ଫେରା ୫:୨୧ * ୭:୧୧ ମୂଲୁ ୩:୧୩ * ୭:୧୫ ଗାଲା ୫:୧୭ * ୭:୧୫ ମୂଲୁ ୫:୧୭

୨ ଇତିହାସିମ୍ ଜୀବୁ ହିୟାନି ଜୀବୁତି ଦେରା କ୍ରୀସୁ ଜୀସୁ ତାଣା ଆଣ୍ଡାନା ମିଙ୍ଗେ ପାପୁ ଅଡେ ହାଝିକିନି ଦେରାଟି ମୁକଲଝି କିହାମାଞ୍ଜାନେ ।

୩ ମାଣସିତି ଆଙ୍ଗାତା ବାଡ଼ୁୟୁ ହିଲ୍ଲାଆକି ମସା ହାହାମାନି ଦେରା ଏନାଆଁ କିହାଲି ଆଡାଆତେ, ମାହାପୁରୁ ଏଦାଆଁ ତାନି ମୀରୁଏଣାଞ୍ ପାପୁଗାଟି ମାଣସିଲେହେଁ ପାପୁଞ୍ ନାସା କିହାଲି ପାଣ୍ଡାନା ଆଙ୍ଗାତି ପାପୁତି ତଣ୍ଡ ହାହାଲି କିଡେସି ।

୪ ଏଦାଆଁତାକି ମାରୁ ମାଣସିତି ମାଣକିତା ମାନାଆନା ସୁଦୁଜୀବୁତି ମାଣକିତା ମାଞ୍ଜାନା ଇଞ୍ଜା ଇଦାଆଁ ତଲେ ମାରୁ ଦେରାତି ପାଣ୍ଡାପାପୁ ମାନି କିହମାନାୟି ।

୫ ଆମିନି ଗାଗାରି ଆଙ୍ଗାତି ମାଣକି ତଲେ ନୀତିନାସି ଏଞ୍ଜାରି ଆଙ୍ଗାତି ମାଣକିତି କାତାତା ମନ ହାନେରି, ସାମା ଆମିନି ଗାଗାରି ସୁଦୁଜୀବୁତି ମାଣକି ତଲେ ନୀତିନେରି, ଏଞ୍ଜାରି ହିୟାଁ ସୁଦୁଜୀବୁତି କାତାତା ମନ ହାନେରି ।

୬ ଇତିହାସିମ୍ ଆଙ୍ଗାତି ମାଣକିତି ମନ ହାଝିକିନେ; ସାମା ସୁଦୁଜୀବୁତି ମାଣକିତି ମନ ଜୀବୁ ଇଞ୍ଜା ହିଡ଼ି ହିୟାନେ ।

୭ ଇତିହାସିମ୍ ଆଙ୍ଗାତି ମନତଲେ ନୀତିନାସି ମାହାପୁରୁ କପାଟି ସାତୁ ଆନେସି; ଇତିହାସିମ୍ ଏଞ୍ଜାସି ମାହାପୁରୁ ଦେରାତି ମାନି କିଅସି; ଇଞ୍ଜା ଏଞ୍ଜାସି ମାନୁଝି ଆହାଲି ଆଡ଼ଅସି ।

୮ ଆମିନି ଗାଗାରି ଆଙ୍ଗାତି ମାଣକି ତଲେ କାମା କିନେରି, ଏଞ୍ଜାରି ମାହାପୁରୁଞ୍ ରାହାଁ କିହାଲି ଆଡ଼ଅସି ।

୯ ମାହାପୁରୁତି ସୁଦୁଜୀବୁ ସାତା ତଲେ ମୀ ତାଣା ମାଟିସାରେ, ମୀରୁ ଅଡେ ଆଙ୍ଗାତି ମାଣକି ଲେହେଁ ନୀତଅତେରି, ସାମା ସୁଦୁଜୀବୁତି ହୁକୁମି ମାନି କିହମାଞ୍ଜେରି । କ୍ରୀସୁତି ଜୀବୁ ଆମ୍ବାଆରି ତାଣା ହିଲେଏ, ଏଞ୍ଜାସି ଏଚେଲା ଜିକେଏ ଏଞ୍ଜାଣି ଲକୁ ଆହାଲି ଆଡ଼ଅସି ।

୧୦ ସାମା କ୍ରୀସୁ ମୀ ତାଣା ମାଟିସାରେ, ମୀ ଆଙ୍ଗା ପାପୁ ତାକି ନାସା ଆହାଲି ହାଜିମାଟିହାଁ ଜିକେଏ, ସୁଦୁଜୀବୁ ମିଙ୍ଗେ ଜୀବୁ ହାୟାନେ, ଏନାଆଁତାକି ଇତିହାସିମ୍ ମାହାପୁରୁ ନକିତା ମୀରୁ ଦାମ୍ବାଗାଟାତେରି ଆହାମାଞ୍ଜେରି ।

୧୧ ଆମ୍ବାଆସି ହାଡ଼ାରି ତାଣାଟି ଜୀସୁଞ୍ ନିକହେସି, ଏଞ୍ଜାଣି ଜୀବୁ ମୀ ତାଣା ମାଟିସାରେ, ଆତିହାସିମ୍ ଆମ୍ବାଆସି ହାଡ଼ାରି ତାଣାଟି କ୍ରୀସୁ ଜୀସୁଞ୍ ନିକହେସି, ଏଞ୍ଜାସି ମୀ ତାଣା ମାନି ତାନି ଜୀବୁତଲେ ମୀ ହାଡ଼ି ଆଙ୍ଗାତି ଜିକେଏ ନୀଟନେସି ।

୧୨ ଏଦାଆଁତାକି, ତାୟି ତାଙ୍ଗିସ୍ଥାତେରି, ମାରୁ ରୀଣାଗାଟାତାୟି, ସାମା ଆଙ୍ଗାତି ମାଣକି ତଲେ ନୀତାଲି ଆଏ ।

୧୩ ଇତିହାସିମ୍ ଆଙ୍ଗାତି ମାଣକି ତଲେ ମୀରୁ ନୀତିଦେରି, ଆତିହାସିମ୍ ସାଡେଏ ହାଦେରି, ସାମା ସୁଦୁଜୀବୁତି ସାୟେମି ତଲେ ଆଙ୍ଗାତି କାମା ବାରେ ନାସା କିଦେରି, ଆତିହାସିମ୍ ନୀତିଦେରି ।

୧୪ ଆମିନି ଗାଗାରି ମାହାପୁରୁତି ସୁଦୁଜୀବୁ ତଲେ ତାକିନେରି, ଏଞ୍ଜାରି ମାହାପୁରୁତି ମୀରୁକା ।

୧୫ ଇତିହାସିମ୍ ମୀରୁ ଝେଣ୍ଡେ ଆଜାଲି ହଲ୍ଲିୟାଙ୍ଗାତି ଜୀବୁ ବେଟାଆହା ହିଲଅତେରି, ସାମା ମୀରୁଏଣାଟି ଜୀବୁ ବେଟାଆହାମାଞ୍ଜେରି; ଏମାଟି ମାରୁ “ଆବା ତାଞ୍ଜ” ଇଞ୍ଜାଁ ହାଟିମାନାୟି ।

୧୬ ମାରୁ ମାହାପୁରୁତି ମୀରୁକା ମାସ୍କା ଇଞ୍ଜାଁ ଏ ଜୀବୁଏ ମା ଜୀବୁତଲେ ଆଣ୍ଡାନା ସାକି ହାହିମାନେ ।

୧୭ ଏନାଆଁତାକି ଇତିହାସିମ୍ ମାରୁ ମାହାପୁରୁତି ମୀରୁକା ମାସ୍କାତାୟି, ତାନି ଲକୁତାକି ଲଡ଼ାମାନି ବରୁତି ବାଗା ପାଣ୍ଡନାୟି, ଇଞ୍ଜାଁ କ୍ରୀସୁ ତଲେ ଗାଞ୍ଜୁରମି ବେଟାଆହାଲି ମାରୁ ଜିକେଏ ଏଞ୍ଜାଣିତଲେ ଦୁକୁ କସୁ ପାଣ୍ଡନାୟି ମାନେ, ଆତିହାସିମ୍ ମାହାପୁରୁତି ବରୁତି ବାଗା ଅଡେ କ୍ରୀସୁ ତଲେ ବାଗାତା ଆଣ୍ଡାଲି ଆଡ଼ିନାୟି ।

ଝାହିମାନି ଗାଞ୍ଜୁରମି

୧୮ ଅଣ୍ଡାପାପୁ, ଆମିନି ଗାଞ୍ଜୁରମିତା ଝାହିମାନି ଦିନାତା ମାରୁ ଏଗାହାନାୟି, ଏଦାଆଁ କିହାଁ ନୀଏଁତି ଦୁକୁ କାକୁଲି ଇଟାୟି ଜିକେଏ ଆଏ, ଏତିବେଲାତା ମାହାପୁରୁ ତାନି ମୀରୁକା ମାସ୍କାଣି ତହୁନେସି ।

୧୯ ମାହାପୁରୁ ତାନି ମୀରୁକା ମାସ୍କାଣି ତଞ୍ଜାଆନାଣି ମେସାଲି ବାରେ ଗାଡ଼ି ଆଡ଼ାୟି କାପୁ କାଟାମାନେ ।

୨୦ ଏନାଆଁତାକି ଇତିହାସିମ୍ ଗାଡ଼ିଆଡ଼ାୟି ମାହାପୁରୁ ତାଣାଟି ବାକା ବେଟାଆହାନା ତାନି ଏଗାହାନି ଟାୟୁ ବାଣା ଆହାମାନେ । ଆଡ଼ିଜିକେଏ ତାନି ଆସା ମାନେ,

☆ ୮:୧୧ ଦକର ୩:୧୭ ☆ ୮:୧୫ ଗାଲା ୪:୫-୭ ☆ ୮:୧୫ ମାର୍କ ୧୪:୩୬; ଗାଲା ୪:୬

୨୧ ଅତ୍ତେ ଏଦି ବାର୍ସୁ ବେଟାଆଡେ, ଇଞ୍ଜା ଗାଡ଼ି ଆଡାୟି ତାନୁଏ ଜିକେଏ ମାହାପୁରୁତି ମୀରକା ଗାଝୁରମି ତାକି ପିସପି ଆହାଲିତାକି ନାସା ଆନି ହଲିୟାଟି ପିସପି ଆନେ

୨୨ ସାମା ନାଏଁ ପାତେକା ବାରେ ଦାରୁତି ଜାର୍ନା କିନି ବୀସା ତଲେ କସ୍ତ ପାଣ୍ଡିନି ଲେହେଁ କସ୍ତ ତାକି ତୃହିମାନେ ।

୨୩ *ସାମା ମାର ମୁଲୁତି ପାଡେଡୟି ଲେହେଁ ସୁଦୁଜୀଝୁତି ବେଟାଆହାମାନାୟି, ଆତିହୁଁ ଜିକେଏ ମାର ମାହାପୁରୁତି ମୀରକା ଇତିହୁଁ ଜାହା ଜାହାରା ଆଙ୍ଗାଟି ବାରେଜାଣା ଗେଲ୍ପି ଆୟାଲିତାକି କାପୁ କାଡାନା ମା ହିୟାତା ତୃହି ମାନାୟି ।

୨୪ ଏନାଆଁତାକି ଇତିହୁଁ ବାର୍ସୁତି ମାର ଗେଲ୍ପି ଆହାମାନାୟି; ସାମା ଏନାୟି ତଞ୍ଜା ଆନାୟି, ଏଦାଆଁତାକି ବାର୍ସୁ ଇତିନାୟି ଏଦି ସାତାତି ବାର୍ସୁ ଆଏ, ଇତିହୁଁ ଏନାଆଁ ମେସିମାନାୟି ଏଦାଆଁତାକି ଏନାଆଁତାକି ବାର୍ସୁ ଇତିନାୟି ?

୨୫ ସାମା ମାର ଏନାଆଁ ମେସି ହିଲୀଆୟି ଏଦାଆଁତାକି ବାର୍ସୁ ଇତିନାୟି, ଆତିହୁଁ ମାଙ୍ଗେ ସାସାତଲେ କାପୁ କାଞ୍ଚିଆନାୟି ମାନେ ।

୨୬ ମାର ବାଡୁୟୁ ହିଲୀଆଗାଟାୟି, ସାମା ସୁଦୁଜୀଝୁ ମାଙ୍ଗ ସାୟେମି କିୟାନେ; ଏନିକିହୁଁ ପ୍ରାଡାନା କିନାୟି, ଏଦାଆଁ ମାର ପୁଞ୍ଜାହିଲୀଆୟି, ଏଦାଆଁତାକି ସୁଦୁଜୀଝୁ ଜଲିନି ହାଡାତଲେ ମା ତାକି ମାହାପୁରୁଇଁ ଗହାରା କିନେ;

୨୭ ଆମ୍ବାଆସି ମା ହିୟାଁ ବିତ୍ରା ମାନାଣି ପୁନାସି, ଏଞ୍ଜାସି ସୁଦୁଜୀଝୁତି ଅଣ୍ପୁ ଏନାୟି ଏଦାଆଁ ପୁନେସି, ଇତିହୁଁ ଏଞ୍ଜାସି ମାହାପୁରୁତି ଅଣ୍ପୁ ତଲେ ମାହାପୁରୁ ଲକ୍ତାକି ଗହାରା କିନେସି ।

୨୮ ମାର ପୁଞ୍ଜାମାନାୟି, ଆମିନି ଗାଟାରି ମାହାପୁରୁଇଁ ଜୀଝୁ ନନେନି ଇଞ୍ଜା ମାହାପୁରୁତି ଲତ୍ରା ତାକି ବାଟି କିଞ୍ଚି ଆହାମାନେନି, ଏଞ୍ଜାରିକି ବାରେ ନେହାୟି ଆନେ ।

୨୯ ଆମ୍ବାଆରାଇଁ ମାହାପୁରୁ ହାଟାମାନେସି, ଏଞ୍ଜାରିକି ତାନି ମୀରୁଏଣା ଝାଣା ଲେହେଁ ଆହାଲି ତଲିଟିଏ ତୀରି କିହାମାନେସି, ଆତିହୁଁ ମାହାପୁରୁତି ମୀରୁଏସି, ଏନିକିହୁଁ ଏଞ୍ଜାସି ହାରେକା ତାୟି ତାଙ୍ଗିୟା କିହାଁ ମୁଲୁ ଜାର୍ନା ଆଡାସି ଆନେସି ।

୩୦ ଆମ୍ବାଆରାଇଁ ନକେଏ ଆଟାମାଟେସି, ଏଞ୍ଜାରିକି ଏଞ୍ଜାସି ହାଟିତେସି, ଏଞ୍ଜାରି ମାହାପୁରୁ ନକିତା ଦାର୍ମୁଗାଟାରି ଇଞ୍ଜା ତଞ୍ଜି କିତେସି, ଅତ୍ତେ ଆମିନି ଗାଟାରିକି ଦାର୍ମୁଗାଟାରି ଇଞ୍ଜା ତଞ୍ଜି କିତେସି ଏଞ୍ଜାରିକି ଜିକେଏ ଏଞ୍ଜାସି ଗାଝୁରମି କିତେସି ।

ମାହାପୁରୁତି ଜୀଝୁନନାୟି

୩୧ ଆତିହୁଁ ଇ ବାରେତି ମେସାମା ମାର ଏନାଆଁ ଇନାୟି ? ମାହାପୁରୁ ମା ଝାକି ମାଟିସାରେ, ଆମ୍ବାଆସି ମା କପାତଲେ ନିଜିନେସି ?

୩୨ ଆମ୍ବାଆସି ତାନି ମୀରୁଏଣାଇଁ ଜିକେଏ ଗେଲ୍ପିଆତେସି, ସାମା ମା ବାରେତାକି ଏଞ୍ଜାଣାଇଁ ହେରୁପିତେସି, ଏଞ୍ଜାସି ଏନିକି ଏଞ୍ଜାଣିତଲେ ମାଙ୍ଗେ ଜିକେଏ ବାରେ କାର୍ମାତି ଦାନା ହିୟଅସିକି ?

୩୩ ମାହାପୁରୁ ହାଟାମାନି ଲକ୍ତା କପାତଲେ ଆମ୍ବାଆସି ଦହ ଦସାଲି ଆଡିନେସି ? ଏଞ୍ଜାରି ଦହ ହିଲୀଆ ଗାଟାରି ଇଞ୍ଜା ମାହାପୁରୁ ତାନୁଏ ଝେକହା ମାନେସି ।

୩୪ ଆମ୍ବାଆସି ତଣ୍ଡ ହୀନେସି ? କ୍ରୀସ୍ତ ଜୀଝୁ ହାଡାରି ତାଣାଟି ଝେଣ୍ଡେ ନିଜାନା ମାହାପୁରୁତି ଟିଶିନି ଟଟତା ମାଞ୍ଜାନା ମାଙ୍ଗେତାକି ଗହାରା କିହିମାନେସି ।

୩୫ ଆତିହୁଁ ଆମ୍ବାଆସି ମାଙ୍ଗେ କ୍ରୀସ୍ତତି ଜୀଝୁ ନନି ତାଣାଟି ଏଟ୍ଟକା କିୟାନେସି ? ଦୁକୁ, କସ୍ତ, କାକୁଲି କି କାଡାରା, ହାକି, ଏସ୍ତି, ସନି କି କାଣ୍ଡା, ଏନାୟି ଜିକେଏ ଏନାଆଁ କିହାଲି ଆଡେଏ ।

୩୬ ସାପ୍ତେରିତା ରାସ୍ତିକି ଆହାମାନେ;

“ମିଙ୍ଗେ ତାକି ମାମ୍ବୁ ରୁାରେଦିନା ହାକିତି ନକିତା, ହାହାଲି ହାଜିମାନି ମେଣ୍ଡା ଲେହେଁ ମାମ୍ବୁ ତୁଞ୍ଜା ଆହିମାନମି ।”

୩୭ ଆଡିଜିକେଏ ଆମ୍ବାଆସି ମାଙ୍ଗେ ଜୀଝୁ ନୟାତେସି, ଏଞ୍ଜାଣି ସାୟେମି ତଲେ ମାର ଇ ବାରେତି ଲାକ ଜୀଣା ଆହାମାନାୟି ।

* ୮:୨୩ ୨କର ୫:୨-୪

୩୮ ନାନୁ ସାତେଏ ନେହୁଁ କୁଁ ପୁଞ୍ଜାମାଇଁ ତାନି ଜୀଞ୍ଜୁ ନନ୍ଦି ତାଣାଟି ମାରୁ ଏଚେଲ୍ଲା ଜିକେଏ ଏବଂକା ଆଆୟି, ହାକି କି ଜୀଞ୍ଜୁ, ଲାକପୁରୁତି ଦୁତୁୟାଁ କି ସାଲୁଞ୍ଜି କିହିମାନାଇ କି ବାଡୁୟୁ ଗାଗାଇ, ନୀଏଁ କି ଖାନି ଦିନା କି ଏନି ବାଡୁୟୁ,

୩୯ ଲାକପୁରୁତି କାତା କି ତୁଇପୁରୁତି କାତା ଏନାୟି ଜିକେଏ; ବାରେ ଗାଡ଼ିଆଡ଼ି ଦିଶ୍ୱସୁ ପ୍ରବୁ କ୍ରୀସୁ ଜୀସୁ ତାଣାଟି ତଞ୍ଜାଆହାମାନି ମାହାପୁରୁତି ଜୀଞ୍ଜୁ ନନ୍ଦି ତାଣାଟି ମାଜେ ଏବଂକା କିୟାନେ ।



ମାହାପୁରୁ ଅଡ଼େ ତାନି ଲକୁ

୧ ନାନୁ କ୍ରୀସୁତି ଲକୁ ଆହାମାନାକି ସାତା ଖେସିମାଇଁ, ମିତି ଖେସିହିଲଅଁ । ସୁଦୁଜୀଞ୍ଜୁତି ସେଡ଼ନା ହାନାଣି ତଲେ ନା ଅଣପୁ ଛଦାଣିତି ସାକି ।

୨ ନାନୁ ଏଚେକା ଦୁକୁ ଅଡ଼େ କସ୍ତତଲେ ନା ହିୟାଁତା ଏଚେକା ବକୁ ଆହାମାନେ, ଛଦାଆଁ ନାଡ଼ିକିହାଁ ଖେସିହିଲଅଁ ।

୩ ନା ଜାହାରା କୁଡ଼ାତି ତାୟିୟାଁକି ନାନୁ କ୍ରୀସୁ ତାଣାଟି ଏବଂକା ଆହାନା ମାହାପୁରୁ ତାଣାଟି ବାକା ବେଟାଆହାଲି ନା ଅଣପୁ, ଇତିହୁଁ ଏଞ୍ଜାରି ମାହାପୁରୁତି ଲକୁ ।

୪ ଏନାଆଁତାକି ଇତିହୁଁ ଏଞ୍ଜାରି ଇସାୟେଲ ଲକୁ; ତାନି ମୀରକା ଲେହେଁ ଆବାନା ଏଞ୍ଜାରି ନକିତା ତାନି ଗାଞ୍ଜୁରମି ତସାମାଚେସି; ଏଞ୍ଜାରିତଲେ ରାକ୍ତିମାନା ଆହାନା ଏଞ୍ଜାରିକି ମେରା ହୀହାମାଚେସି, ଏଞ୍ଜାରି ସାତା ତଲେ ସେବା କିନାରି; ଏଞ୍ଜାରି ମାହାପୁରୁ ତାଣାଟି ଆଞ୍ଜାମାନାଣି ବେଟାଆହାମାନେରି;

୫ ଏଞ୍ଜାରି ବାରେଜାଣା ଝେଜାମାନି ଆକୁ ଆବାର୍ଯ୍ୟାତି ମୀରକା ଇଞ୍ଜା ମାଣସି ଖାଣାଟି କ୍ରୀସୁ ଏଞ୍ଜାରି ତାଣାଟି ଜାର୍ନା ଆହାମାଚେସି; ବାରେ ଅଦିକାରାଗାଟି ମାହାପୁରୁକି କାଲକାଲତାକି ଜହରା ଆପେ । ଆଡ଼େନ ।

୬ ମାହାପୁରୁତି ବକୁ ଉଜେଏ ଆହାମାନେ ଇଞ୍ଜା ନାନୁ ଖେସିହିଲଅଁ, ଇତିହୁଁ ଇସାୟେଲ କୁଡ଼ାତି ବାରେ ଲକୁ ମାହାପୁରୁତି ଲକୁ ଆଏ,

୭ ଅବାହାମ କୁଡ଼ାତି ବାରେ ଲକୁ ମାହାପୁରୁ ମୀରକା ମାସ୍କା ଏଡ଼ି ଆଏ; ମାହାପୁରୁ ଅବାହାମଇଁ ଝେସାମାଚେସି, “ଇସାହାକ ତାଣାଟି ନୀ କୁଡ଼ା ଝେଜାନେରି ।”

୮ ଛଦାଣି କାତା ଇଦି, ମାଣସି ମୀରକା ମାସ୍କା ମାହାପୁରୁ ମୀରକା ମାସ୍କା ଆହାଲି ଆଡ଼ଅରି, ମାହାପୁରୁତି ଆଞ୍ଜାମାନି ଲେହେଁ ଜାର୍ନା ଆହାମାନି ମୀରକା ମାସ୍କା ମାହାପୁରୁ ନକିତା ସାତା ମୀରକା ମାସ୍କା ଲେହେଁ ଆଡ଼େନି ।

୯ ମାହାପୁରୁ ଛଦାଆଁ ଆଞ୍ଜାମାଚେସି, “ଇ କାଲମିତା ମାମୁ ଝେଣ୍ଡେ ଖାନି, ଏତିବେଲାତା ସାରା ର ମୀରଏଣାଇଁ ଜାର୍ନା କିହାମାଣିନେ ।”

୧୦ ଅଡ଼େ ଖାରୁଇ ଏଚେକା ଆଏ, ରିବିକାନି ତାଣା ଜିକେଏ ଜାଣ୍ଡା ମୀରକା ର ତାଞ୍ଜି ଇସାହାକ ତାଣାଟି ଜାର୍ନା ଆହାମାଚେରି,

୧୧ ଏଞ୍ଜାରି ଜାର୍ନା ଆନି ନଚେଏ, ଅଡ଼େ ଏଞ୍ଜାରି ନେହାଁଣି ଲାଗେଏତାଣି କିନି ନଚେଏ, ଇଞ୍ଜାରି ବିତ୍ରାତି ରଅସି ମାହାପୁରୁ ଲଡ଼ା ତାକି ବାଟି କିଞ୍ଜିଆଡ଼େସି,

୧୨ ରିବିକାଇଁ ମାହାପୁରୁ ଏଲେଇଞ୍ଜାମାଚେସି, “କାଜା ତାୟି ଉଣା ତାୟିତି ସେବା କିନେସି ।” ମାହାପୁରୁ ଏଦାଆଁ ଝେସାମାଚେସି ଏଞ୍ଜାରି କାମା କିତି ତାଣାଟି ଆଏ, ଖାରୁଇ ମାହାପୁରୁ ଆଡ଼ିତାକି ଏଞ୍ଜାରି ହାଟୁକି ଆଡ଼େରି ।

୧୩ ସାଢ଼େସିରିତା ରାସ୍କି ଆହାମାନେ, “ନାନୁ ଜାକୁବଇଁ ଜୀଞ୍ଜୁ ନଡ଼େଏଁ, ସାମା ଏସାଞ୍ଜୁଇଁ ଅପାଆଡ଼େଏଁ ।”

୧୪ ଆଡ଼ିହୁଁ ଏନାଆଁ ଇନାୟି, ମାହାପୁରୁ ଲାଗେଏତି କାମାକିନାସି କି ? ଏଡ଼ି ଏଚେଲ୍ଲା ଜିକେଏ ଆଆପେ

୧୫ ଏଦାଆଁତାକି ମସାଇଁ ଏଲେଇଚେସି, “ଆମ୍ବାଆରାଇଁ ନା କାର୍ନା ଆନାୟି ମାନେ ଏଞ୍ଜାଣାଇଁ କାର୍ନା ଆଇଁ, ଆମ୍ବାଆରାଇଁ ସାୟେମି କିନାୟିମାନେ ଏଞ୍ଜାଣାଇଁ ନାନୁ ସାୟେମି କିଇଁ ।”

୧୬ ଏଦାଆଁତାକି ଆମ୍ବାଆସି ମନ୍ଦ କିନେସି, ଆଆଡ଼ିଆଁ ଆମ୍ବାଆସି ପାରିନାସି କି କିନାସି, ଏଞ୍ଜାରି ତାଣାଟି ଏନାୟି ଆହାଲି ଆଡ଼େଏ, ସାମା କାର୍ନାମେହୁନି ମାହାପୁରୁ ତାଣାଟି ଆଡ଼େନ ।

୧୭ ଦାର୍ମୁ ସାଢ଼େସିରିତା ରାସ୍କି ଆହାମାନି ଲେହେଁ, ମାହାପୁରୁ ମିସରତି ରାଜା ପାରୁଇଁ ଏଲେଇଚେସି, “ନୀ ତାଣାଟି ନା ବାଡୁୟୁ ତସାଲି ଇଞ୍ଜା ବାରେ ଦାରୁତିତା ନା ଗାଞ୍ଜୁରମି ତସାଲି ତାକି ନାନୁ ନିଜେ ରାଜା କିହାମାଞ୍ଜାଇଁ ।”

୧୮ ଏଦାଆଁତାକି ମାହାପୁରୁତି ଅଣ୍ଟାପୁ ଲେହେଁ ଆମ୍ବାଆରାଇଁ କାର୍ମା ମେହ୍ନେନେସି ଇଞ୍ଜା ଆମ୍ବାଆରାଇଁ ଆଟ୍ଟା ହିୟାଁ କିନେସି ।

ମାହାପୁରୁତି କାର୍ବି ଇଞ୍ଜା କାର୍ମାମେହ୍ନାୟି

୧୯ ଏମ୍ବାଟିଏ ନୀନୁ ନାଜେ ଏଲେଇଞ୍ଜାଦି, “ମାହାପୁରୁ ଏନାଆଁତାକି ଦହ୍ ଆହ୍ନେସି ? ଆମ୍ବାଆସି ମାହାପୁରୁତି କପାତଲେ ଏନାଆଁ କିହାଲି ଆଡ଼ିମାନେସି ?”

୨୦ ସାମା ଏ ସୟି, ନୀନୁ ଆମ୍ବାଆତି, ମାହାପୁରୁଇଁ ଖେଣ୍ଡେ ଖେସାଲି ନିଜେ ସାସା ମାନେକି, ଗାଡ଼ି ଆଡ଼ି ଆସ୍ତି ଗାଡ଼ି କିତାଣାଇଁ “ନାଜେ ଏନାଆଁତାକି ଇଲେକେଁ ଗାଡ଼ି କିୟାତି ଇଞ୍ଜା ଏଲେଇଞ୍ଜାଲି ଆଡ଼ିନେ କି ?”

୨୧ ର ଇରୁଆ ତେପୁଲାରି ଜାହାରା ଇତା ତଲେ ତୁକା କେପାଲି କୁମ୍ବେ ଏଣାକି ବାରେ ଅଦିକାରା ମାନେ, ରଣ୍ଡାଆଁ ବାରେ କାମାତି ଦିନାତା ଲେମ୍ବାଲି ଅଡ଼େ ରଣ୍ଡାଆଁ ରଜେଏ ଦିନାତା ଲେମ୍ବାଲି ତାକି ।

୨୨ ମାହାପୁରୁ ଜିକେଏ ଏଲେକେଁ କିହାମାନେସି, ତାନି କାର୍ବି ତସାଲି ଇଞ୍ଜା ବାଡ଼ୁୟୁତି ପୁଣ୍ଡି କିହାଲି ଅଣ୍ଡିମାଚେସି, ସାମା ଆମିନି ଗାଗାରି ଏଞ୍ଜାଣି କପାତଲେ ନାସା ଆନାୟି ମାଚେ, ଏଞ୍ଜାରି ତାକି ମାହାପୁରୁ ହାଡ଼ିରକା କାର୍ମା ଆହାନା ଅରୁହା ମାନେସି ।

୨୩ ଅଡ଼େ ଗାଞ୍ଜୁରମି ତାକି ତାନିତାଣାଟି ନକେଏ ଆହାମାନି ସାୟେମିତି ଲକୁ ମାର ଇତିହଁ, ମା ତାଣା ତାନି ଗାଞ୍ଜୁରମିତି ଦନ ତସାଲି କିହାମାନେସି, ଆତିହଁ ନୀନୁ ଏନାଆଁ ଇଞ୍ଜା ?

୨୪ ଏଦାଆଁତାକି ଏଞ୍ଜାରି ଖାରୁଇ ଜୀହୁଦି ଲକୁ ତାଣାଟି ମାଜେ ହାଟା ମାଞ୍ଜାଅସି, ସାମା ଜୀହୁଦିଆଆତି ଲକୁ ତାଣାଟି ଜିକେଏ ମାଜେ ହାଟାମାଞ୍ଜାନେସି,

୨୫ ଇ କାତାତି ହସେୟ ପତିତା ମାହାପୁରୁ ଖେସାମାନେସି;

“ଆମ୍ବାଆରି ମା ଲକୁ ହିଲାଆତେରି, ଏଞ୍ଜାରାଇଁ ‘ମା ଲକୁ’ ଲେହେଁ ହାଟା କଡ଼ିତମି; ଆମିନି କୁଡ଼ାତାରାଇଁ ଜୀହୁ ନହଁ ହିଲାଆତମି ଏଞ୍ଜାରାଇଁ ମା ‘ଜୀହୁତି ଲକୁ’ ଇତମି,

୨୬ ଆମିନି ଚାୟୁତା ଏଞ୍ଜାରାଇଁ ଖେସାମାଚମି, ‘ମୀରୁ ମା ଲକୁ ଆଏ’ ଏମ୍ବାଆଁ ଏଞ୍ଜାରି ଜୀହୁଗାଟି ମାହାପୁରୁତି ମୀରୁକା ଇଞ୍ଜାଁ ଖେଜିନେରି ।”

୨୭ ଇଞ୍ଜା ଇସାୟେଲ ଲକୁତି କାତା ଜିସାୟ କାଜା ଗିୟାଁତଲେ ଖେସାମାନେସି, “ଇସାୟେଲତି ଲକୁ ସାମ୍ବୁରୁତି ଏଜିକିହାଲି ଆଡ଼ାଆଗାଟି ବାଃଲି ଲେହେଁ ଆତିହଁ ଜିକେଏ, ଏଞ୍ଜାରି ବିତ୍ରାଟି ଏଚର ଜାଣାଦେଁ ଗେଲ୍ପି ଆନେରି;

୨୮ ଏନାଆଁତାକି ଇତିହଁ ପ୍ରବୁ ତବେ ଦାର୍ତତିତା ବାରେ ନୀହାୟି ବିଚାରା କିନେସି ।”

୨୯ ଏନିକିହଁ ଜିସାୟ ତଲିଏ ଅଡ଼େ ଖେସାମାଚେସି, “ବାରେ ବାଡ଼ୁୟୁ ଗାଟି ପ୍ରବୁ ଏଚେକା ମା କୁଡ଼ାତି ଲକୁଣି ଗେଲ୍ପିଆତିମାଁ, ସଦମ ଅଡ଼େ ଗମରାତି ଲକୁଲେହେଁ ମାଜେ ଜିକେଏ ଆୟାତେମା ।”

ପାଞ୍ଜୁଲ ଇସାୟେଲ ତାକି ପ୍ରାତାନା

୩୦ ଏଦାଆଁତାକି ଜୀହୁଦିଆଆତି ଲକୁତି କାତାତା ଇଲେ ଇଞ୍ଜାଲି ଆଡ଼ିନାୟି, ଏଞ୍ଜାରି ଦାମ୍ବୁଗାଗାରି ଆହାଲି ଅଣ୍ଡି ହିଲାଆତେରି, ସାମା ଏଞ୍ଜାରି ନାମୁ ତାକି ଦାମ୍ବୁଗାଗାରି ଆଡ଼େରି ।

୩୧ ସାମା ଇସାୟେଲ ଲକୁ ଦାମ୍ବୁଗାଗାରି ଆହାଲି ଅଣ୍ଡିପାନା ମେରା ତଲେ ଦାମ୍ବୁଗାଗାରି ଆହାଲି ଆଡ଼ାଆତେରି ।

୩୨ ଏନାଆଁତାକି ? ଇତିହଁ ଏଞ୍ଜାରି ନାମୁତଲେ ଏଦାଆଁ ପାରାଆନା, କାମା ତଲେ ପାରିମାଚେରି । ଏଦାଆଁତାକି ଏଞ୍ଜାରି ଆଜ୍ଞିମାନି ଖାଲିତା ପୁଟି କିହାନା ତରରିତେରି ।

୩୩ ସାସ୍ତେରିତା ରାୟ୍‌କି ଆହାମାନେ;

“ସିନିକିଦୁ, ମାମୁ ସିୟନତା ର ପୁଟିକିନି କଟା ଖାଲି

ଇଞ୍ଜା ଆଜ୍ଞିନି ପାକା ଖାଲି କେପାମାନମି,

ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଲାଜା ବେଟାଆଆସି ।”

୧୦

୧ ଏ ତାୟି ତାଜିସ୍ତାତେରି, ମା ଲକୁ ଏନିକିହଁ ଗେଲ୍ପି ଆନେରି, ଏଦି ନା ହିୟାଁତି ଅଣ୍ଟାପୁ, ଇଞ୍ଜା ଏଞ୍ଜାରି ତାକି ମାହାପୁରୁ ତାଣା ରଣ୍ଡିଏ ଅଣ୍ଟାପୁ ତଲେ ନା ପ୍ରାତାନା ।

୨ ଇତିହାସୀମାନଙ୍କୁ ଯେବା କିହାଲି ଏହାରାକି ହାରେକା ମନ ଅଡ଼େ ରାହାଁ ମାନେ, ଇଦାଆଁ ନାନୁ ଏହାରି
ଝାକିଟି ଝେସିମାଲ୍, ସାମା ଏ ମନ ଅଡ଼େ ରାହାଁ ବୁଦିଗାଟାୟି ଆଏ ।

୩ ମାହାପୁରୁ ହାତି ଦାମ୍ଭୁତି ଜିରୁ ପୁନାଆନା ଜାହାରା ତୀରି କିହାମାନି ଦାମ୍ଭୁତି ଜିରୁଟି ତାକାନା ମାହାପୁରୁ
ହାତି ଦାମ୍ଭୁତି ଜିରୁଟି ଆସିହିଲଅରି ।

୪ କ୍ରୀସ୍ତ ମୋରାତି ରାପୁନାସି, ଝାବରଇ ଏହାଣି ତାଣା ନାମିସାରେ ମାଣ୍ଡିସି ମାହାପୁରୁ ନକିତା ଦାମ୍ଭୁଗାଟାସି
ଆନେସି ।

ବାରେ ଜାଣାକି ଗେଲୁପି ଆନାୟି

୫ ମସା ରାତାମାନେସି, “ଆମିନି ମାଣ୍ଡିସି ମୋରା ମାନି କିହାନା ଦାମ୍ଭୁଗାଟାସି ଆନେସି, ଏହାସି ଏମ୍ବାଟି
ନାଡ଼ିନେସି ।”

୬ ସାମା ନାମ୍ଭୁତଲେ ଦାମ୍ଭୁ ଗାଟାଟାୟି ଆନାୟି ଇଞ୍ଜି ସାସ୍ତେରିତା ରାସ୍ତିକି ଆହାମାନେ, “କ୍ରୀସ୍ତଇ
ରେପୁହା ତାଗାଲି ତାକି ଆମ୍ବାଆସି ଲାକପୁରୁ ହାଜାଲି ଆଡ଼ିନେସି ?” ମୀରୁ ଈ କାତା ଏଲେଇନାଆଦୁ ।

୭ ଇଞ୍ଜା “କ୍ରୀସ୍ତଇ ହାଡ଼ାରି ତାଣାଟି ନିକହା ତାଗାଲି, ଆମ୍ବାଆସି ତାଡ଼େପୁରୁ ହାନେସି ? ଈ କାତା ଜିକେଏ
ମୀରୁ ଏଲେଇନାଆଦୁ ।”

୮ ଏନାଆଁତାକି ଇତିହାସୀ ସାସ୍ତେରିତା ରାସ୍ତିକି ଆହାମାନି ଲେହେଁ, “ମାହାପୁରୁଟି ବଲୁ ମୀ ତାଣା ମାନେ,
ଅଡ଼େ ମୀ ଗୁଡ଼ି ଇଞ୍ଜା ହିୟାଁତା ମାନେ, ଆମିନି ନାମ୍ଭୁଟି ବଲୁ ମାମ୍ଭୁ ଡୁଝକହି ମାନମି, ଏ ବଲୁ ।”

୯ ମୀରୁ ଜୀସ୍ତଇ ଗୁଡ଼ି ତଲେ ପ୍ରଭୁ ଇଞ୍ଜି ଜଲିଦେରି, ଇଞ୍ଜା ମାହାପୁରୁ ଏହାଣାଇଁ ହାଡ଼ାରି ତାଣାଟି
ନିକହାମାନେସି ଇଞ୍ଜି ହିୟାଁ ତଲେ ନାମିସାରେ, ଆଡ଼ିହେଁ ମୀରୁ ଗେଲୁପି ଆନେସି;

୧୦ ଇତିହାସୀ ଦାମ୍ଭୁଗାଟି ଲକ୍ଷୁ ଆହାଲି ମାଣ୍ଡିସି ହିୟାଁ ତଲେ ନାମିନେସି, ଇଞ୍ଜା ଗେଲୁପି ଆହାଲି ଗୁଡ଼ି
ତଲେ ଜଲିନେସି ।

୧୧ ଦାମ୍ଭୁ ସାସ୍ତେରିତା ରାସ୍ତିକି ଆହାମାନେ, “ଆମ୍ବାଆସି ଜିକେଏ ତାନି ତାଣା ନାମିନେସି, ଏହାସି ଲାଜା
ବେଟାଆଅସି ।”

୧୨ ଜୀହୁଦି ଇଞ୍ଜା ଜୀହୁଦିଆଆତାରି ବିତ୍ରା ପାରଡ଼ା ବାଟି କିନାୟି ହିଲେଏ; ବାରେଜାଣା ତାକି ରଣ୍ଡିଏ ପ୍ରଭୁ,
ଏତେକା ଲକ୍ଷୁ ଏହାଣି ତାଣା ପ୍ରାତାନା କିନେରି, ବାରେ ଜାଣାକି ଏ କାର୍ମାମୋହନାୟି ଆନେ ।

୧୩ “ଆମ୍ବାଆସି ପ୍ରଭୁ ଦରୁ ଆସାନା ପ୍ରାତାନା କିନେସି, ଏହାସି ଗେଲୁପି ଆନେସି ।”

୧୪ ସାମା ଆମ୍ବାଆରାଇଁ ନାମା ହିଲଅରି ଏନିକିହେଁ ଏହାରି ଏହାଣି ତାଣା ପ୍ରାତାନା କିନେରି ? ଇଞ୍ଜା
ଏହାଣି ନେହେଁ ବଲୁ ଝେନାଆନା ଏହାରି ଏନିକିହେଁ ନାମିନେରି ? ଝେକ୍ନାରି ଝେକ୍ନାଆସାରେ ଏ ବଲୁ
ଏହାରି ଏନିକିହେଁ ଝେନେରି ?

୧୫ ଅଡ଼େ ବଲୁ ଝେକ୍ନାଲି ତାକି ପାଣ୍ଡି ଆଆସାରେ ରଅସି ଏନିକିହେଁ ବଲୁ ଝେକ୍ନେସି ? ଈ କାତା
ସାସ୍ତେରିତା ରାସ୍ତିକି ଆହାମାନେ, “ଆମିନି ଗାଟାରି ନେହେଁ ବଲୁଟି କାରୁ ତାନେରି ଏହାରି କତାୟି ଏତେକା
ଅଜିତାଲ !”

୧୬ ସାମା ବାରେଜାଣା ଏ ନେହେଁ ବଲୁ ଆବା ହିଲଅରି, ଏଦାଆଁତାକି ଜିସାୟି ଏଲେଇଞ୍ଜି ମାନେସି, “ପ୍ରଭୁ
ମା ହାଡ଼ା ଝେଞ୍ଜାନା ଆମ୍ବାଆସି ନାମା ମାନେସି ?”

୧୭ ଏନିକିହେଁ ନାମ୍ଭୁ ଝେନି ତାଣାଟି ଝାଡ଼େ, ଅଡ଼େ ଝେନାୟି କ୍ରୀସ୍ତଟି ନେହେଁ ବଲୁଟି ।

୧୮ ସାମା ନାନୁ ଏଲେଇଇଁ, ଏହାରି ଏନାଆଁ ଏ ବଲୁ ଝେଞ୍ଜାହିଲଅରି କି ? ଝେଞ୍ଜାମାନେରି, ଏନାଆଁତାକି
ଇତିହାସୀ ସାସ୍ତେରିତା ରାସ୍ତିକି ଆହାମାନେ;
“ଏହାରି ହାଡ଼ା ବାରେ ଦାରୁଡ଼ିତା ଝେକ୍ନାମାନେ,

ଏହାରି କାତା ବାରେ ଦାରୁଡ଼ି ମୁରୁପୁଲି ପାତେକା ଝେକ୍ନାମାନେ ।”

୧୯ ଅଡ଼େ ର ଦେବା ନାନୁ ଝେଞ୍ଜାଲି ଅଣ୍ଡିପିମାଲ୍, ଇସ୍ରାୟେଲ ଲକ୍ଷୁ ଏଦାଆଁ ତେଲହାଲି ଆଡ଼ାଆତେରି କି ?
ହାରେକା ବାର୍ଯ୍ୟା ନକେଏ ମସା ଈ କାତା ଝେସାମାନେସି,

“ମା ଲକ୍ଷୁଣି କାରୁବି କିହାଲିତାକି ର ଉଣା କୁଡ଼ାଟି ଲେମ୍ବିନମି,

ଏଲେକିହେଁ ଏ ବୁଦି ହିଲଆଗାଟି କୁଡ଼ା ତଲେ ଏହାଣାଇଁ କାରୁବି କିଝି କିନମି ।”

୨୦ ଅଡ଼େ ଜିସାୟି ସାସ୍ତାତଲେ ଝେସାମାନେସି,

“ଆମିନି ଗାଟାରି ମାଜେ ପାରିମାଞ୍ଜାଆତେରି, ଏ ଲକ୍ଷୁ ମାଜେ ବେଟାଆୟାତେରି;

ଆମିନି ଗାଟାରି ମା କାତା ଝେଞ୍ଜିମାଞ୍ଜାଆତେରି, ଏହାରି ନକିତା ମାମ୍ଭୁ ଡୁଞ୍ଜାଆଡ଼ମି ।”

୨୧ ସାମା ଏଞ୍ଜାସି ଇସ୍ରାୟେଲ ଲକ୍ଷ୍ମି କାତା ସେସାମାନେସି, “ର ମାନି କିଆନା ନା କପାଟି ନିଜିନି କୁଡ଼ାତି ନାନୁ ସେଡ଼ା ତୁମ୍ବେ କେୟୁ ଦାସା ମାଇଁ ।”

୧୧

ଇସ୍ରାୟେଲ ଲକ୍ଷ୍ମି ମାହାପୁରୁତି କାର୍ମା

୧ ଅଡ଼େ ନାନୁ ସେଞ୍ଜାଲି ଆଡ଼ିଇଁ, ଆଡ଼ିହିଁ ମାହାପୁରୁ ତାନି ଲକ୍ଷ୍ମି ପିସାମାନେସି କି ? ଏଲେଆହିଁ ଏରେଲା ଜିକେଏ ଆଆପେ, ଏନାଆଁତାକି ଇଡ଼ିହିଁ ନାନୁ ଜିକେଏ ଅଗ୍ରାହାମତି କୁଡ଼ାତା ଜାନାଆଡ଼ି ବିନ୍ୟାମିନ୍ ଗତିତି ଇସ୍ରାୟେଲ ଲକ୍ଷ୍ମିତେଏଁ ।

୨ ମାହାପୁରୁ ତଲିଟିଏ ବାଟି କିହାଁ ହାଟାମାନି ତାନି ଲକ୍ଷ୍ମି ଏରେଲା ଜିକେଏ ପିସାହିଲଅସି, ମୀରୁ ଦାମ୍ବୁ ସାସ୍ତ୍ରିତା ପଡ଼ୁଡ଼ି ଆହାହିଲଅତେରି ? ଏନିକିହିଁ ଏଲିୟ ମାହାପୁରୁ ନକିତା ଇସ୍ରାୟେଲ ଲକ୍ଷ୍ମି କପାତଲେ କାତା ଜଲ୍ଲାମାରେସି,

୩ “ପୁରୁ ଏଞ୍ଜାରି ମାହାପୁରୁ ଅଣ୍ଡପୁତି ବଲୁ ସେହନାରାଇଁ ଏନିକିହିଁ ପାୟାମାନେରି ଇଞ୍ଜା ପୂଜା ପିଣ୍ଡାଣି ଡ଼ିକହାନା ନାସଡ଼ି କିହାମାନେରି, ଖାରଇ ନାନୁ ରଅତେଏଁ ଗେଲ୍ପି ଆହାମାଇଁ; ଏଞ୍ଜାରି ନା ଜୀଞ୍ଜୁ ଜିକେଏ ଅହାଲି ଅଣ୍ଡପିମାଞ୍ଜାନେରି ।”

୪ ଏଲିୟଇଁ ମାହାପୁରୁ ସେଣ୍ଡେ ଏନାଆଁ ଏଲେଇରେସି, “ନାଡ଼ିକିନି ବାଲ୍ ପେନ୍ନୁ, ପୁଡ଼ଲା ନକିତା ମେଣ୍ଡା କୁଡ଼ା ହିଲଅରି ଇଲେତି ସାତା ମାଣା ଲକ୍ଷ୍ମି ମାଜେତାକି ଇଟାମାନମି ।”

୫ ଏଲେକିହିଁ ଏ ନାଏଁ ଜିକେଏ କାର୍ମାମେସାମା ଆଟାମାରେସି, ଏଞ୍ଜାରି ବିଡ଼ାଟି ଏଚର ଜାଣାଦେଁ ମାନେରି ।

୬ ସାମା ତାନି କାର୍ମାମେହନି ତାଣାଟି ଆଡ଼ିହିଁ, ଏଡ଼ି କାମାଲଡ଼ା ତାକି ଆହାଲି ଆଡ଼େଏ; ଇଞ୍ଜା ତାନି କାର୍ମାମେହନାୟି ସାତା ତଲେ କାର୍ମାମେହନାୟି ଆଏ ।

୭ ଆଡ଼ିହିଁ ଏନାଆଁ ଆଡ଼େ ? ଇସ୍ରାୟେଲତି ଲକ୍ଷ୍ମି ଏନାଆଁ ପାରିମାରେରି, ଏଦାଆଁ ବେଟାଆଆତେରି; ଖାରଇ ମାହାପୁରୁ ଆଟାମାନି ଏଚରଜାଣା ଲକ୍ଷ୍ମି ଏଦାଆଁ ବେଟାଆଡ଼େରି, ଏଟକାତାରି ଆମ୍ବାଆରି ଜିକେଏ ମାହାପୁରୁ ହାଟାମାନାଣି ମନ୍ ହାଆତେରି ।

୮ ସାସ୍ତ୍ରିତା ରାୟକି ଆହାମାନେ, “ମାହାପୁରୁ ନାଞ୍ଜୁପାତେକା ଏଞ୍ଜାରାକି ଆଟ୍ଝା ଜୀଞ୍ଜୁ ହାହାମାନେସି, ଅଡ଼େ ଇଲେତି କାଣକା ହାହାମାନେସି, ଏନିକିହିଁ ଏଞ୍ଜାରି ମେସାଲି ଆଡ଼ି ହିଲଅରି, ଅଡ଼େ ଇଲେତି କାର୍ମା ହାହାମାନେସି ଏଞ୍ଜାରି ସେଞ୍ଜାଲି ଆଡ଼ିହିଲଅରି ।”

୯ ଏଞ୍ଜାରି କାତା ଦାଞ୍ଜୁଦ ରାଟାମାନେସି,

“ଏଞ୍ଜାରି ପାର୍ବୁତି ରାନ୍ଦା ତିନା ଉନାଟି ପାନ୍ଦାତା ରିପାରି,

ଏଞ୍ଜାରି ତରଗାନା ତଣ୍ଡ ବେଟାଆଡ଼େରି ।

୧୦ ଏଞ୍ଜାରି ଏନିକିହିଁ ମେସାଲି ଆଡ଼ଅରି, ଏଦାଆଁତାକି ଏଞ୍ଜାରି କାଣାୟାଁ ଆଡ଼େରି, କାଚଲଏ ଦୁକୁ କସ୍ତ ବେଟାଆହାନା ଏଞ୍ଜାରି ଟେଡେଲି ଚୁଡ଼ୁଞ୍ଜା ଆଡ଼େ ।”

୧୧ ନାନୁ ଏଲେ ଇଞ୍ଜିମାଇଁ, ଏଞ୍ଜାରି ନାସଡ଼ି ଆହାଲି ପୁଡ଼ି କିହା ମାନେରି କି ? ଆଏ ଏରେଲା ଜିକେଏ ଆଆପେ, ସାମା ଏଞ୍ଜାରି ପାପୁ କିତାକି, ଏଞ୍ଜାରାଇଁ କାର୍ବି କିହାଲିତାକି ଜାହୁଦିଆଆତାରି ନକିତା ଗେଲ୍ପିଆନି ଅଦିକାରା ମେଡ଼ାଆଡ଼େ ।

୧୨ ଜାହୁଦି ଲକ୍ଷ୍ମି ପାପୁ ଦାଡ଼ିତି ବାରେ ଲକ୍ଷ୍ମିତାକି ହାରେକା ବାଡ଼କୁ ଲେହେଁ ଆହାମାନେ, ଜାହୁଦି ଲକ୍ଷ୍ମି ରିତାକି ଜାହୁଦିଆଆତି ଲକ୍ଷ୍ମିତାକି ବର ହାରେଏ ଗାଡ଼ି ଲାବା କିହାମାନେରି, ଇଞ୍ଜା ବାରେ ଜାହୁଦି କୁଡ଼ା ଗେଲ୍ପି ଆଡ଼ିହିଁ ମା ଏମ୍ବାଟି ଏଚେକା ଗାଡ଼ି ବର ବେଟାଆଅରି !

ଜାହୁଦିଆଆତାରି ଗେଲ୍ପି ଆନାୟି

୧୩ ଜାହୁଦିଆଆତି ଲକ୍ଷ୍ମି ନାନୁ ଏଲେ ଇଞ୍ଜିମାଇଁ, ନାନୁ ଜାହୁଦିଆଆତି ଲକ୍ଷ୍ମିତାକି ପାଣ୍ଡୁ ଆହାମାନାକି ନା ସେବା କାମାତି ପାଣା ତାକି ନାନୁ ବଡ଼ପଣ ଆହିମାଇଁ ।

୧୪ ଏନିକିହିଁ ଆଡ଼େ ଜାହାରା କୁଡ଼ାତି ଲକ୍ଷ୍ମି ରାହାଁ କିଞ୍ଜିକହାନା ଏଞ୍ଜାରି ତାଣାଟି ଏଚର ଜାଣାଇଁ ଗେଲ୍ପାଲି ଆଡ଼ିଇଁ ।

୧୫ ଏନାଆଁତାକି ଇତିହାସ ଏଞ୍ଜାରି ପିସ୍‌ପିଆତାକି ଦାରୁତି ତଣେ ଆଡେ । ଆତିହାସ, ମାହାପୁରୁ ବାରେ ଜାହୁଦି କୁଡାତି ଆବିସାରେ, ଏନାଆଁତି ପାଡ଼େୟି ଏନାଆଁ ଆନେ ? ଏଦି ହାଡ଼ି ମାଣସି ଜୀଞ୍ଜୁ ବେଟାଆଡ଼ି ଲେହେଁ ।

୧୬ ରଗାଣି ରୁଟି ମାହାପୁରୁ ଦରୁତଲେ ହେରପି ଆହାମାତିହାସ, ବାରେ ରୁଟି ଜିକେଏ ହେରପି ଆହାମାନେ ଇଞ୍ଜୁ ଇନାୟି; ର ମାରୁନୁତି ହୀରୁ ହେରପି ଆହାମାତିହାସ, ଏନାଣି କମା କାନ୍ଦି ଜିକେଏ ହେରପି ଆହାମାନୁ ଇଞ୍ଜୁ ଅଣପିନାୟି ।

୧୭ ସାମା ଏଚେକା କମାୟାଁ ରାଡ଼ପି ଆଡୁ ଅଡେ ମୀରୁ ଜାଡାତି ଜୀତ ମାରୁନୁତି କମାୟାଁ ଆଡ଼ିଜିକେଏ ଏ ବିତ୍ତା ଦୁସ୍‌ପିଆଡେତି, ଅଡେ ଏଞ୍ଜାରିତଲେ ଜୀତ ମାରୁନୁତି ତାକିତି ରାସାତା ଆଣିତେରି ।

୧୮ ଆତିହାସ ଏ କମାୟାଁ କପାତଲେ ବତପଣ ଆଆଡୁ; ସାମା ମୀରୁ ବତପଣ କିଦେରି, ମୀରୁ ମାରୁନୁତି ତାକିତି ଆସା ହିଲଅଡେରି, ସାମା ତାକି ମିଜେ ଆସାମାଞ୍ଜାନେ, ଇଦାଆଁ ମୀରୁ ପୁଞ୍ଜା ଡୟାଡୁ ।

୧୯ ଆତିହାସ ମୀରୁ ଏଲେଇଞ୍ଜାଲି ଆଡ଼ିଦେରି, “ନାଜେ ଟାୟୁ ହାହାନା ଦୁରସାଲି ତାକି ଏ କମାଣି ରାଡ଼ପି ଆହାମାରୁ ।”

୨୦ ଏଦି ସାତା, ଏଞ୍ଜାରି ନାମାଆଲିଏ ରାଡ଼ପି ଆଡେତି, ମୀରୁ ଖାରୁଇ ନାମାଲିଏ ଏ ଟାୟୁ ଅଦିକାରା କିହାମାଞ୍ଜେରି, ସାମା ବତପଣ ଆଆନା ଆଜାଦୁ;

୨୧ ମାରୁନୁତା ଗାଲୁହାମାନି କମାୟାଁ ଲେହେଁ ଜୀହୁଦି ଲକୁଣି ମାହାପୁରୁ ତଣ୍ଡ ହୀଆନା ପିସାହିଲଅସି ଇତିସାରେ, ଏଞ୍ଜାସି ମିଜେ ଜିକେଏ ପିସୁଅସି ।

୨୨ ଇମ୍‌ଆଁ ସିନକିନି କାତା, ମାହାପୁରୁ ଏନିକିହାଁ କାର୍ମା ମେହନାସି ଇଞ୍ଜା କାରୁକି ଆନାସି; ଆମ୍‌ଆରି ପାପୁଡା ତରଗା ମାନେରି, ଏଞ୍ଜାରିଇଁ ଏଞ୍ଜାସି କାରୁକି ଆନେସି; ସାମା ଏଚେଦିନା ପାଡେକା ତାନି କାର୍ମାମେହନି ତାଣା ଡୟିଦେରି, ଏଚେଦିନା ମିଜେତାକି କାର୍ମା ମେସ୍‌ସାନାସି, ତାନି କାର୍ମାମେହନାଣି ଜାକ୍‌ହସାରେ; ମୀରୁ ଜିକେଏ ରାଡ଼ପି ଆଡେରି ।

୨୩ ଜୀହୁଦି ଲକୁ ଏଞ୍ଜାରି ନାମୁତି ପିହାଅରି, ଆତିହାସ ଏଞ୍ଜାରି ତଲିମାତି ଟାୟୁତା ଖେଣ୍ଡେ ତୀରି ଆନେରି । ମାହାପୁରୁ ଇଦାଆଁ କିହାଲି ଆଡ଼ିମାନେସି ।

୨୪ ଜୀହୁଦିଆଆତି ଲକୁ ଜାଡାତି ଜୀତ ମାରୁନୁତି ଗମାୟାଁ ଲେହେଁ । ଏଞ୍ଜି ରାଡ଼ପି ଆହାନା ଏମ୍‌ଗାତଇ ଆଆତି ଜିକେଏ ବାଡାତା ପାଡିକିହାମାନି ଜୀତ ମାରୁନୁ ତଲେ ଦୁସ୍‌ପି ଆହାମାନୁ । ଜୀହୁଦି କୁଡାତି ଲକୁ ବାଡାତା ପାଡିକିହାମାନି ଜୀତ ମାରୁନୁ ଲେହେଁ । ଇ ମାରୁନୁତି ରାଡ଼ପି ଆହାମାନି ଗମାଣି ଖେଣ୍ଡେ ମାରୁନୁ ତଲେ ଦୁରସାଲି ମାହାପୁରୁ ଆଡ଼ିନେସି ।

ବାରେ ଜାଣାକି ମାହାପୁରୁତି କାର୍ମାମେହନାୟି

୨୫ ଏ ତାୟି ତାଜିସ୍‌ପାଡେରି, ମୀରୁ ଏନିକିଁ ମିଜେତାକି ମୀରୁଏ ବୁଦିଗାଟାତମି ଇଞ୍ଜୁଁ ଅଣପଅଡେରି, ଇଦାଆଁତାକି ମୀରୁ ଇ ଡୁଗୁମାନି କାତାତି ପୁନାଆନା ମାଣ୍ଡେରି ଇଞ୍ଜୁଁ ନା ମନ ହିଲେଏ, ଇତିହାସ ଜୀହୁଦିଆଆତି ଲକୁ ବାରେ ହଡୁଆ ପାଡେକା ଇସ୍‌ପାୟେଲତି ଏଚେକା ଲକୁ ନାମାଆନା ଡୟିନେରି;

୨୬ ଇଲେଆହାଁ ବାରେ ଇସ୍‌ପାୟେଲ ଲକୁ ଗେଲ୍‌ପି ଆନେରି, ଏନିକିଁ ରାସ୍‌କି ଆହାମାନେ, “ଗେଲ୍‌ପି କିନାସି ସିୟନତି ଖାନେସି, ଜାକୁବ କୁଡାତା ମାନି ବାରେ ଲାଗେଏତାଣି ହେକ କିନେସି ।

୨୭ ଏତିବେଲା ନାନୁ ଏଞ୍ଜାରି ପାପୁ ବାରେ ହେକ କିଇଁ, ଏତିବେଲା ଏଞ୍ଜାରିତଲେ ଇ ରାଜିମାନା କିନମି ।”

୨୮ ନେହାଁ କାବୁତି ଆହାଁ ଆଜୀହୁଦି ଲକୁ ମିଜେତାକି ମାହାପୁରୁକି ସାଡୁୟାଁ ଆହାମାନେରି, ସାମା ମାହାପୁରୁ ଆଡାମାନି ଆକୁ ଆବାର୍ଯାଁ ତାକି ଏଞ୍ଜାରି ମାହାପୁରୁକି ଜୀଞ୍ଜୁ ନନାରି ଆହାମାନେରି ।

୨୯ ଇତିହାସ ମାହାପୁରୁ ଆଡାମାନାୟି ଅଡେ ତାନି କାର୍ମାତି ଦାନା ଏଚେଲାଖା ଉଜେଏ ଆଏ ।

୩୦ ଜୀହୁଦିଆଆତି ଲକୁତେରି ତଲି ମୀରୁ ମାହାପୁରୁଇଁ ମାନି କିହାହିଲଆଡେରି; ସାମା ନାଏଁ ଜୀହୁଦି ଲକୁ ମାନି କିଆତାକି ମାହାପୁରୁତି କାର୍ମାମେହନାଣି ବେଟାଆଡେତି,

୩୧ ଏଲେଆହାଁ ଏ ଏଞ୍ଜାରି ଜିକେଏ ନାଏଁ ମାନି କିହାହିଲଅରି, ଏନିକିହାଁ ମିଜେତାକି ତଞ୍ଜାଆହାମାନି କାର୍ମାମେହନାଣି ତଲେ ଏଞ୍ଜାରି ଜିକେଏ ନାଏଁ କାର୍ମାମେହନାଣି ବେଟାଆନେରି ।

୩୨ ଏନିକିତିହାଁ ମାହାପୁରୁ ବାରେ ଜାଣାଇଁ କାର୍ମା ମେସାଲି ତାକି ମାହାପୁରୁ ବାରେଜାଣାତି ମାନି କିଆରେଡୁ ହେରପା ମାନେସି ।

ମାହାପୁରୁକି ଗାଞ୍ଜୁରମି

୩୩ ଅହତା ! ମାହାପୁରୁତି ବୁଦି ଇଞ୍ଜା ପୁନି ବାଡ଼ୁୟୁ ଏଚେକା କାଜାୟି ! ତାନି ଅଶପୁତି ଆମ୍ବାଆସି ତେଲ୍‌ହି କିୟାନେସି ? ଇଞ୍ଜା ତାନି ଜିରୁତି ଆମ୍ବାଆସି ପୁଞ୍ଜାଲି ଆଡ଼ିମାନେସି ?

୩୪ ସାଢ଼େସ୍ତରତା ରାସ୍ତକି ଆହାମାନେ;

“ଆମ୍ବାଆସି ମାହାପୁରୁତି ଅଶପୁତା ମାନାଣି ତେଲ୍‌ହିନେସି ?

ଆମ୍ବାଆସି ଏଝାଣାଇଁ ଝେସାଲି ଆଡ଼ିନେସି ?

୩୫ ମାହାପୁରୁକି ଆମ୍ବାଆସି ଏଚେଲା ଏଦାଆଁ ହାହାମାନେସି,

ଏଦାଆଁତାକି ଏଝାଣାକି ଏଝାସି ଝେଣ୍ଡେ ହାନାୟି ମାନେ ?”

୩୬ *ବାରେ ଗାଡ଼ି ଆଡ଼ାୟି ତାନିତାଣାଟି, ତାନି କେୟୁତଲେ, ଅଡ଼େ ତାଙ୍ଗେତାକି ଆହାମାନେ; କାଲାକାଲା ତାକି ଏଝାଣାକି ଗାଞ୍ଜୁରମି ଆଢ଼େ ! ଆଢ଼େମ୍ ।

୧୨

କ୍ରୀସ୍ତ ତାଣା ପୁଃନି ଜୀଞ୍ଜୁ

୧ ଇଦାଆଁତାକି ତାୟି ତାଙ୍ଗିସ୍ତାତେରି, ମାଙ୍ଗେତାକି ମାହାପୁରୁତି ହାରେକା କାର୍ମାମେହନାଣି ତାକି ମିଙ୍ଗେ ନାନୁ ବାଡ଼ିମାଲିମାଞ୍ଜାଇଁ, ମୀରୁ ମୀ ଆଙ୍ଗାତି ଜୀଞ୍ଜୁ, ସୁଦୁ ତଲେ ଇଞ୍ଜା ମାହାପୁରୁ ଅପିନି ଲେହେଁତି ପୂଜା ହୀଦୁ, ଇଦିଏ ମାହାପୁରୁତି ସାତା ସେବା ।

୨ ମୀରୁ ଈ ଜୁଗୁତି ମାଣକିତା ମାନାଆଦୁ, ସାମା ଏନିକିହିଁ ମାହାପୁରୁତି ଅଶପୁ ଏନାୟି, ଇତିହିଁ ନେହାୟି, ଅପିନାୟି ଇଞ୍ଜା ଟିକଣାତାୟି ଏନାୟି, ଇଦାଆଁ ତାୟିପାରି କିହାନା ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ ହିୟାଁତି ପୁଃନି କିହାନା ବାଦ୍‌ଲି କିଦୁ ।

୩ ମାହାପୁରୁ ନାଙ୍ଗେ କାର୍ମାମେହନାଣି ହାହାମାଞ୍ଜାନାକି ବାରେଜାଣା ତେରି ମିଙ୍ଗେ ନାନୁ ଝେସିମାଞ୍ଜାଇଁ, ଆମ୍ବାଆତେରି ଜିକେଏ ମୀ ତାକି ମୀରୁ ଏନିକିହିଁ ଅଶପିନାୟି ମାନେ ଏଦାଆଁ କିହାଁ କାଜାତମି ଇଞ୍ଜୁ ଅଶପାଆଦୁ; ସାମା ମାହାପୁରୁ ଆମ୍ବାଆରାକି ଏଚେକା ନାନୁ ହାହାମାନେସି, ଏଲେକିହିଁଏ ବାରେଜାଣା ପୁଞ୍ଜାକଡ଼ିନି ଲେହେଁ ମୀ ତାକି ମୀରୁ ଅଶପା କତାଦୁ ।

୪ *ଇତିହିଁଏ ଏନିକିହିଁ ମୀ ଆଙ୍ଗାତା ହାରେକା ଆଙ୍ଗା ଅଡ଼େଲିକା ମୀନୁ, ସାମା ବାରେ ଆଙ୍ଗା ଉଡ଼େଲିକାତି କାମା ରଲେଏତାୟି ଆଏ ।

୫ ଏଲେଆହିଁଏ, ମୀରୁ ହାରେକା ଜାଣାତାୟି, ସାମା ବାରେଜାଣା କ୍ରୀସ୍ତ ତଲେ ଆଣ୍ଡାମାନାକି, ମୀରୁ ରଣିଏ ଆଙ୍ଗା ଇଞ୍ଜା ଆଙ୍ଗାତି ଆଙ୍ଗା ଉଡ଼େଲିକା ଲେହେଁ ମୀରୁ ରଅସି ରଅଣା ତଲେ ଆଣ୍ଡାମାନାୟି ।

୬ *ଏଦାଆଁତାକି ମାଙ୍ଗେ ମାହାପୁରୁ ହାହାମାଞ୍ଜାନି କାର୍ମାତଲେ ହାରେକା ଦାନା ବେଟା ଆହାମାନାୟି, ମୀରୁ ମାହାପୁରୁତି ବଲୁ ଝେକ୍‌ହାଲି ତାକି ବାଡ଼ୁୟୁ ବେଟା ଆହାମାନାୟି, ମୀରୁ ଆଡ଼଼ା ନାନୁତଲେ ଏ କାମା କିନାୟିମାନେ;

୭ ଏଦାଆଁ ସେବା କାମା କିହାଲି ବାଡ଼ୁୟୁ ବେଟାଆହାମାନାୟି, ଆତିହିଁଏ ମୀରୁ ସେବା କାମା କିନାୟିମାନେ; ଜାପୁହାଲି ବାଡ଼ୁୟୁ ବେଟାଆହାମାନାୟି, ଆତିହିଁଏ ଜାପୁନାୟି ମାନେ;

୮ ବାସ୍ତୁତି କାତା ଝେସାଲି ବାଡ଼ୁୟୁ ବେଟାଆହାମାଟିହିଁ, ବାସ୍ତୁତି କାତା ଝେସାସି; ଦାନା କିହାଲି ବାଡ଼ୁୟୁ ବେଟାଆହାମାନି ମାଣସି ରାହାଁତଲେ ଦାନା ହୀପେସି । ଏଡ଼କା ଲକୁତି କାମାତି ସିନିକିହାଲି ଅଦିକାରା ବେଟାଆହାମାଟିହିଁ ଝାହୁତଲେ କାମା କିନାୟିମାନେ; ଆମ୍ବାଆସି କାର୍ମା ମେହନାସି, ରାହାଁ ମନଡ଼ଲେ ସାୟେମି କିପାସି ।

୯ ଜୀଞ୍ଜୁନାୟି କୁଟୁ ହିଲାଆଗାଗାୟି ଆଢ଼େ; ଏନାୟି ଲାଗେଏତାୟି ଏଦାଆଁ ଅପାଆଦୁ; ଏନାୟି ନେହାୟି ଏଦାଆଁ ଆହଦୁ;

୧୦ କ୍ରୀସ୍ତ ନାମୁତି ତାୟି ତାଙ୍ଗି ଲେହେଁ ରଅତେରି ରଅଣାଇଁ ଜୀଞ୍ଜୁ ନଦୁ; ଇଞ୍ଜା ରଅତେରି ରଅଣାଇଁ ମାନି କିହାଲି ରାହାଁ ଆଦୁ;

୧୧ ରାହାଁତା ଉଣା ଆଆଦୁ; ସୁଦୁଜୀଞ୍ଜୁତା ପାରସାଡ଼ା ଆହାଁ ଡ଼ୟାଦୁ; ହିୟାଁ ଜୀଞ୍ଜୁ ହାହାନା ପ୍ରବୁଇଁ ସେବା କିଦୁ ।

୧୨ ବାସ୍ତୁ ଇଟାନା ରାହାଁ କିଦୁ; ଦୁକୁ କସ୍ତ ବେଲାତା ସାସା ଆହଦୁ; ଜମାଆନା ପ୍ରାତାନା କିଦୁ;

୧୩ ମାହାପୁରୁ ଲକ୍ଷ୍ମୀ ଲତାମାନାଣି ସାୟେମି କିଦୁ; ଇଜ ଖାନି ଗତାୟାଣି ସେବା କିଦୁ ।

୧୪ ଆମ୍ବାଆରି ମିଙ୍ଗେ ସାସ୍ତି ହିୟାନେରି, ଏଞ୍ଜାରି ନେହେତାକି ମାହାପୁରୁ ତାଣା ପ୍ରାତାନା କିଦୁ; ଏଞ୍ଜାରାକି ବର ହୀଦୁ; ବାକା ଇଟାଆଦୁ ।

୧୫ ଆମିନି ଗାଟାରି ରାହାଁ କିନେରି ଏଞ୍ଜାରିତଲେ ରାହାଁ କିଦୁ; ଆମ୍ବାଆରି ଡୀନେରି ଏଞ୍ଜାରିତଲେ ଡୀଦୁ ।

୧୬ ବାରେଜାଣା ରଣ୍ଡିଏ ଅଣ୍ଡପୁଅଣପାଦୁ, ଖାଉଇ କାଜାରି ତଲେ ତଣେ ଦହଆନା ଇତାରି ତଲେ ଜିକେଏ ଆଣ୍ଡି ଆହାନା ମାଣ୍ଡୁ । ମୀରୁ ମୀ ବୁଦିତଲେ ବୁଦିଗାଟାତମି ଇଞ୍ଜା କତାଆଦୁ ।

୧୭ ଆମ୍ବାଆସି ମିଙ୍ଗେ ଲାଗେଏ କିୟାତିହ, ଏଞ୍ଜାଣାଈଁ ଲାଗେଏ କିଆଦୁ; ବାରେ ଲକ୍ଷ୍ମୀ ନକିତା ଏନାୟି ନେହାୟି, ଏଦାଆଁ କିଦୁ ।

୧୮ ଆଡ଼ିତିହ ବାରେଜାଣା ତଲେ ହିଡ଼ି ତଲେ ନୀତାବାଡ଼କାଲି ତାକି ଏନି କିନାୟିମାନେ ଏଲେକିଦୁ ।

୧୯ ଏ ଜୀଞ୍ଜୁତି ତଣେସିଙ୍ଗା, ମୀରୁ ଆମ୍ବାଆରି କପାତି ବାଦୁଲି ଆଆଦୁ । ମାହାପୁରୁତି କପାତି ଲକ୍ଷ୍ମୀ ଆହାଲି ପିସାଡୁହୁଦୁ । ଏନାଆଁତାକି ଇତିହ ସାସ୍ତିରିତା ରାସ୍ତିକି ଆହାମାନେ, ପ୍ରବୁ ଏଲେଇଞ୍ଜା ମାନେସି, “ବାଦୁଲି ଅନାୟି ନା ଅଦିକାରା, ନାନୁ ତାମି କାମାତି ପାଡ଼େୟି ହୀଇଁ ।”

୨୦ ଅଡ଼େ ଜିକେଏ, “ମୀ ସାଡୁ ହାକି ଆହାମାଟିସାରେ, ଏଞ୍ଜାଣାକି ତିଞ୍ଜାଲି ହୀଦୁ; ଏଞ୍ଜାସି ଏସ୍ତି ଆହାମାଟିସାରେ ଗସାଲି ହୀଦୁ; ଇଲେ କିତିସାରେ ଏଞ୍ଜାଣିଲାକ ଡୀଞ୍ଜାମାନି ହିଡୁତି ରାଜାୟାଁ ଏକ୍‌ହି ମାଞ୍ଜେରି ।”

୨୧ ଲାଗେଏତି କାମା ତଲେ ଜୀଣା ଆଆନା, ନେହ କାମା ତଲେ ଲାଗେଏତି କାମାତି ଜୀଣା ଆଦୁ ।

୧୩

ସାଲ୍‌ଞ୍ଜି କିନାରାଈଁ ମାନି କିନାୟି

୧ ବାରେଜାଣା ସାଲ୍‌ଞ୍ଜି କିନାରାଈଁ ମାନି କିନାୟିମାନେ, ଏନାଆଁତାକି ଇତିହ ମାହାପୁରୁତି ହେଲ ଆଆତିହ ଆମ୍ବାଆସି ଜିକେଏ ସାଲ୍‌ଞ୍ଜି କିନି ପାଣା ବେଟାଆଅସି, ପାଣାତା ମାନି, ସାଲ୍‌ଞ୍ଜି କିନାରି ମାନେରି; ଏଞ୍ଜାରି ମାହାପୁରୁ ତାଣାଟି ଆଡ଼ି ଆହାମାନେରି ।

୨ ଏନାଆଁତାକି ଆମ୍ବାଆସି ପାଣାତା ମାନି ସାଲ୍‌ଞ୍ଜି କିନାରି କପାତଲେ ନିଜିନେସି, ଏଞ୍ଜାସି ମାହାପୁରୁ ନେରାତି କପାତଲେ ନିଜିନେସି; ଆମ୍ବାଆରି ଏଲେକିନେରି ଏଞ୍ଜାରି ତାମ୍‌ତାମ୍‌ଜେ ତଣ୍ଡ ବେଟାଆହାଲି ତାକି କିନେରି ।

୩ ଇତିହ ସାଲ୍‌ଞ୍ଜି କିନାରି ନେହ କାମାତାକି ଆଜିଗାଟାରି ଆସ୍, ସାମା ଲାଗେଏତି କାମାତାକି ଆଜିଗାଟାରି ଆନେରି । ସାଲ୍‌ଞ୍ଜି କିନାରାଈଁ ଆଜାଆନା ତୟାଲି ମନ ମାନେକି ? ଆତିହ ନେହ କାମା କିଦୁ, ଆତିହ ଏଞ୍ଜାରି ତାଣାଟି ନେହ ବେଟାଆଦେରି,

୪ ମୀ ନେହ ତାକି ଏଞ୍ଜାସି ମାହାପୁରୁତି ସେବା କାମା କିନାସି ଆହାମାନେସି । ସାମା ମୀରୁ ଲାଗେଏତି କାମା କିଦେରି, ଆତିହ ସାଲ୍‌ଞ୍ଜି କିନାଣାଈଁ ଆଜାଦୁ, ଏନାଆଁତାକି ଇତିହ ଏଞ୍ଜାସି ଉଜେଏ କାଣ୍ଡା ଆହାସି, ଏନିଈତିହ ଏଞ୍ଜାସି ମାହାପୁରୁତି ସେବା କିନାସି, ଇତିହ ଏଞ୍ଜାସି ତାନି କପାତଲେ ଲାଗେଏତି କାମା କିନାରାକି ତଣ୍ଡ ହାନାସି ।

୫ ଏନିଈତିହ, ଖାଉଇ କାରବିତି ଆଜିତାକି ଆସ୍, ସାମା ମା ହିୟାତା ମାନି ଅଣ୍ଡପୁ ପୁଞ୍ଜାହାଁ ସାଲ୍‌ଞ୍ଜି କିନାରି କାତା ମାନି କିନାୟିମାନେ ।

୬ ଇଦାଆଁତାକି ମୀରୁ ସିସ୍ତ ଜିକେଏ ହାହିମାଞ୍ଜେରି, ଏନାଆଁତାକି ଇତିହ ମାହାପୁରୁତି ସେବା କିନେରି ଲେହେଁ ଆହାନା ସାଲ୍‌ଞ୍ଜି କିନି କାମା ଜିକେଏ କିନେରି ।

୭ ଏଦାଆଁତାକି ଏଞ୍ଜାରି ଏନାଆଁ ବେଟାଆନାୟି ମାନେ, ଏଦାଆଁ ହୀଦୁ; ଆମ୍ବାଆରାକି ସିସ୍ତ ହାନାୟି ମାନେ ଏଞ୍ଜାଣାକି ସିସ୍ତ ହୀଦୁ; ଆମ୍ବାଆରାକି ଆସ୍‌ଲି ହାନାୟି ମାନେ ଏଞ୍ଜାଣାକି ଆସ୍‌ଲି ହୀଦୁ; ଆମ୍ବାଆରାଈଁ ଆଜିନାୟି ମାନେ ଏଞ୍ଜାଣାଈଁ ଆଜାଦୁ; ଆମ୍ବାଆରାଈଁ ମାନି କିନାୟିମାନେ ଏଞ୍ଜାଣାଈଁ ମାନି କିଦୁ ।

ରଅସି ରଅଣାଈଁ ଜୀଞ୍ଜୁନନାୟି

୮ ରଅତେରି ରଅଣାଈଁ ଜୀଞ୍ଜୁ ନଞ୍ଜିଆନି ପିସପେ ଅଡ଼େ ଏନଞ୍ଜା ଆମ୍ବାଆରି ତାଣା ଜିକେଏ ରୀଣା ଆଆଦୁ; ଏନାଆଁତାକି ଇତିହ ଆମ୍ବାଆସି ଏଟକାତାଣାଈଁ ଜୀଞ୍ଜୁ ନନେସି, ଏଞ୍ଜାସି ମସାତି ନେରା ମାନଞ୍ଜି ଆହିମାନେସି ।

୯ “ଦାରି କିଆଦୁ, ଲକ୍ଷ୍ମଣି ପାୟାଆଦୁ, ସରୁ କିଆଦୁ, ଏବଂକା ଲକ୍ଷ୍ମଣି ଦିଶସୁତି ଜୁପକା ଆଆଦୁ,” ଇ ବାରେ ହୁକୁମି ର ହୁକୁମିତା ମାନେ, “ପାଡ଼ିତି ଲକ୍ଷ୍ମଣି ମୀ ଜୀଝୁତି ଜୀଝୁ ନହାଁ କଡିନି ଲେହେଁ ଜୀଝୁନଦୁ ।”

୧୦ ଜୀଝୁନନାୟି ପାଡ଼ିତି ଲକ୍ଷ୍ମଣି ଲାଗେଏ କିଏ; ଏନିଇଚିହଁ ଜୀଝୁନନାୟି ମସାତି ମେରା ପୁରା କିନେ ।

୧୧ ଇଚିହଁ ଇଦାଚି ତେଃଏଲିନି ବେଲା ଏଦାତେୟିଏ, ଇଦାଆଁ ପୁଞ୍ଜା ନୀଏଁ ମୀରୁ ଇ ବାରେ କିଦୁ; ଇଚିହଁ ମୀରୁ ନାମିତି ଦିନାଚିଏ ଗେଲୁପି ଆନାୟି ତଲିତି କିହାଁ ହାରେକା ତାଗେ ୱାଡ଼େତୟିଏ ।

୧୨ ଆନେରି ହାଜିମାନେ, ଲାଲ୍ ଝେୟିମାନେ । ଏଦାଆଁତାକି ୱାଦୁ ମୀରୁ ଆନେରିଚି କାମା ବାରେ ପିସାନା ଉଜେଡ଼ିତା ଜୁଜୁ କିହାଲି ଚିକାଣାତି ସାଜୁ ତୁରନ ।

୧୩ କାଡ଼ୁ ଗୁସାହାଁ ମନକିତି ରାହାଁ, କାଡ଼ୁ ଗୁସାହାଁ ହଚିନାୟି, ମାନି ହିଲ୍ଲାଆଗାଗାୟି, ଲାଗେଏତି ମାଣ୍ଡକି, ତାହାରା, ଗଡ଼ହା କିନିତାଣା କାମାତା ଆଣ୍ଡୁଆନା ୱାଦୁ, ଉଜେଡ଼ିତି କାମାତା ମାନି ଲକ୍ଷ୍ମଣି ଲେହେଁ ନେହଁ ମାଣ୍ଡକି ତଲେ ମାନ ।

୧୪ ପ୍ରବୁ ଜୀସୁ ଜ୍ରୀସୁଇଁ ମୀରୁ ହିମ୍ବରିଲେହେଁ ପରୁଦୁ, ପାପୁ ଇଞ୍ଜା ଆଜାତି ଲାଗେଏତି ଅଣ୍ଡପୁ ତଲେ ରାହାଁ କିହାଲିତାକି ହିୟାତା ଅଣ୍ଡପାଆଦୁ ।

୧୪

ଏବଂକା ଲକ୍ଷ୍ମଣି ଦହ ଦହଆଦୁ

୧ ନାମୁତା ଆବଂଝା ହିଲ୍ଲାଆଗାଗାରାଇଁ ଆବାଦୁ, ସାମା ତାନି କାତାତି ଅଣ୍ଡପୁ ତାକି ତାନିତଲେ ବାଦ୍‌ହାରା କିଆଦୁ ।

୨ ବାରେ ତିଞ୍ଜାଲି ତାକି ରଅଣାକି ନାମୁ ମାନେ, ସାମା ଆମ୍ବାଆସି ନାମୁତା ଉଣା ମାନେସି ଏଝାସି ୱାବୁଇ ଜାମୁ କୁତା ତିନାପେସି ।

୩ ଆମ୍ବାଆସି ବାରେ ତିନେସି, ଏଝାସି ତିନାଆଗାଗାଣାଇଁ ହୀଣି କିଆପେସି; ଇଞ୍ଜା ତିନାଆଗାଗାସି ତିନାଣାଇଁ ନାହାଁୟି କିଆପେସି, ଏନିଇଚିହଁ ମାହାପୁରୁ ଏଝାଣାଇଁ ଆବା ମାନେସି ।

୪ ନୀନୁ ଆମ୍ବାଆତି ଅର ରଅଣି ହଲେଏଣାଇଁ ନାହାଁୟି କିହିମାଞ୍ଜି ? ଏଝାସି ତାନି ସାଝୁକାରି ତାଣା ତାରି ଆନେସି କି ତାରି ଆଅସି; ଏଝାଣାଇଁ ତାରିକିହାଁ ଇଟାଲି ପ୍ରବୁ କେୟୁତା ବାଡ଼ୁୟୁ ମାନେ ।

୫ ରଅସି ର ଦିନାତି କିହାଁ ଅର ଦିନାତି ହାରେକା ମାନି କିନେସି, ଅଡ଼େ ରଅସି ବାରେ ଦିନାତି ରଲେଏତାଇ ଇଞ୍ଜା ଅଣ୍ଡପିନେସି, ବାରେଜାଣା ତାନି ମନୁତା ତାରି କିହାନା ମାନୁଝି ଆପେସି ।

୬ ଆମ୍ବାଆସି ର ଦିନାତି ହାରେକା ନେହାୟି ଇଞ୍ଜା ଅଣ୍ଡପିମାନେସି, ମାହାପୁରୁତି ଗାଝୁରମି ତାକି ଏଲେଇଞ୍ଜି ଅଣ୍ଡପାପେସି । ଆମ୍ବାଆସି ବାରେ ତିନେସି, ମାହାପୁରୁ ଦରୁତଲେ ତିନେସି ଇଞ୍ଜା ମାହାପୁରୁଇଁ ଜହରା କିନେସି; ଆମ୍ବାଆସି ତିଞ୍ଜାଲି କୁନେସି, ଏଝାସି ମାହାପୁରୁ ଦରୁତଲେ କୁନେସି ଇଞ୍ଜା ମାହାପୁରୁଇଁ ଜହରା କିନେସି ।

୭ ଆମ୍ବାଆସି ତାଙ୍ଗେତାକି ନୀତଅସି, କି ଆମ୍ବାଆସି ତାଙ୍ଗେତାକି ହାଅସି ।

୮ ମୀରୁ ନୀତାମାନାୟି ଇଚିସାରେ, ପ୍ରବୁ ତାକି ନୀତାମାନାୟି ଇଞ୍ଜା ହାଡ଼ିସାରେ ପ୍ରବୁ ତାକି ହାନାୟି । ଏଦାଆଁତାକି ନୀତନାୟି କି ହାନାୟି ମୀରୁ ପ୍ରବୁତି ଲକ୍ଷ୍ମଣି ।

୯ ଏନାଆଁତାକି ଇଚିହଁ କ୍ରୀସୁ ହାହାନା ୱେଣ୍ଡେ ନିଜାମାନି ତାଣାଚି ନୀତାମାନାରି ଇଞ୍ଜା ହାଡ଼ାରି ବାରେଜାଣାତି ପ୍ରବୁ ଆହାମାନେସି ।

୧୦ ନୀନୁ ଏଦାଆଁତାକି ମୀ ତାୟିଇଁ ବେରଣି କିହିମାଞ୍ଜି ? ଏନାଆଁତାକି ମୀ ତାୟିଇଁ ହୀଣି କିହିମାଞ୍ଜି ? ମୀରୁ ବାରେଜାଣା ବେରଣି ଆହାଲି ମାହାପୁରୁ ନକିତା ନିନାୟି ।

୧୧ ଏନାଆଁତାକି ଇଚିହଁ ସାଡ଼ପୁରିତା ରାସ୍‌କି ଆହାମାନେ;

“ପ୍ରବୁ ୱେସିମାନେସି, ଇଚିହଁ ନୀନୁ ଜୀଝୁଗାଚି ମାହାପୁରୁ,

ବାରେଜାଣା ନା ନକିତା ମେଣ୍ଡା କୁତିନେରି,

ବାରେଜାଣା ନାଜେ ମାହାପୁରୁ ଇଞ୍ଜା ଜଲିନେରି ।”

୧୨ ମୀରୁ ବାରେଜାଣା ମାହାପୁରୁ ନକିତା ମୀରୁ କିତି କାମାତି ଲେକା ହୀନାୟି ।

ତାୟିଇଁ ପାପୁ କିଝି କିଆଦୁ

୧୪:୧ କଲସି ୨:୧୭ ୧୪:୧୦ ୨କର ୫:୧୦

୧୩ ଏଦାଆଁତାକି ରଅତେରି ରଅଣାଇଁ ବିଚାରା କିଆଦୁ: ଇଲେକିହିଁ ଏନାଆଁ ଜିକେଏ କିଆଦୁ, ଏନିକିଁ ମୀ ତାୟି ପୁଟି କିହାନା ପାପୁତି ପାନାତା ରିଅସି ।

୧୪ ପ୍ରଭୁ ଜୀସୁ ତାଣାଟି ପୁଞ୍ଜାନା ସାତା ତଲେ ଝେସିମାଞ୍ଜାଇଁ, ଏନି କାଦି ତାନୁଏ ଲାଗେଏତାୟି ଆଏ । ସାମା ଆମ୍ବାଆସି ଏନି କାଦିତି ଲାଗେଏତାୟି ଇଞ୍ଜିଁ ଅଣ୍ଡିନେସି, ଏଞ୍ଜାଣାକି ଏଡ଼ି ଲାଗେଏତାୟି ଆନେ ।

୧୫ ମୀରୁ ଏନି କାଦି ତିନି ତାଣାଟି ରୁ ତାୟି ଅଣ୍ଡିପୁତା କସ୍ତ ହାହିମାଞ୍ଜେରି, ଆତିହିଁ ଏଞ୍ଜାଣାଇଁ ମୀରୁ ଜୀଞ୍ଜନସ୍ତୁତା ତାକି ହିଲଅତେରି, ଆମିନି ତାୟି ତାକି କ୍ରୀସ୍ତ ହାଡ଼େସି, ଏ କାଦି ତାକି ଏଞ୍ଜାଣାଇଁ ଲାଗେଏ କିଆଦୁ ।

୧୬ ମୀରୁ ଏନାଆଁ ନେହାୟି ଇଞ୍ଜିଁ ଅଣ୍ଡିମାଞ୍ଜେରି, ଏଦାଆଁତାକି ମୀରୁ ଲାଗେଏତାତେରି ଆଆଦୁ:

୧୭ ମାହାପୁରୁତି ରାଜି ତିନାୟି ଉନାୟି ଆଏ । ସାମା ଏଡ଼ି ଦାମ୍, ହିଡ଼ି ଇଞ୍ଜାଁ ସୁଦୁଜୀଞ୍ଜୁ ହୀତି ରାହାଁଗାଗାୟି ।

୧୮ ଆମ୍ବାଆସି ଇଲେକିହିଁ କ୍ରୀସ୍ତୁତି ସେବା କିନେସି; ଏଞ୍ଜାସି ମାହାପୁରୁ ନକିତା ନେହାଁସି ଇଞ୍ଜାଁ ମାଣ୍ଡସିୟାଁ ନକିତି ତାୟିପାରିତା ଜାଣା ଆଡ଼ାସି ତଞ୍ଜାଆନେସି ।

୧୯ ଏଦାଆଁତାକି ଖାଦୁ, ଏନା ଏନାୟି ହିଡ଼ି ଗାଗାୟି, ଅଡ଼େ ଏନା ଏନାଆଁତଲେ ରଅସି ରଅଣାକି ବାସ୍ତୁ ହୀନେସି, ଏ ଦାରେତି ମୀରୁ ଅଣ୍ଡିନ

୨୦ ଏ ଉଜେଏତି କାଦି ତାକି ମାହାପୁରୁତି କାମାଇଁ ନାସଞ୍ଜି କିଆଦୁ, ବାରେଏ ସୁଦୁ କିଞ୍ଜିଆହାମାନେ, ସାମା ଏନି କାଦି ତିନି ତାଣାଟି ମୀରୁ ଏଡ଼ିକା ଲକ୍ଷଣି କସ୍ତ ହାହିମାଞ୍ଜେରି, ଆତିହିଁ ଏ କାଦି ତିନାଆଦୁ ।

୨୧ ମୀରୁ ଉଜ୍ଜା ତିନାୟି, ଅଞ୍ଜୁରି ରାସା ଗନ୍ଦି ତାଣାଟି ମୀ ତାୟିକି କସ୍ତ ଆହିମାଟିସାରେ ତିନି ଉନି ତାଣାଟି ହେକ ଆନାୟି ନେହେଁ ।

୨୨ ମୀ ଏମିନି ନାମୁ ମାନେ, ଏଦାଆଁ ମୀରୁ ମୀ ହିୟାତା ମାହାପୁରୁଇଁ ନକିତା ଇଟାଦୁ, ଆମ୍ବାଆସି ଏନାଆଁ ନେହାୟି ଇଞ୍ଜିଁ ଅଣ୍ଡିନେସି, ଏଞ୍ଜାସି ଏମ୍ବାଆଁ ତାଜେ ଦହଗାଟାସି କିଅସି, ଆତିହିଁ ଏଞ୍ଜାସି ନେହାଁସି ।

୨୩ ସାମା ଆମ୍ବାଆସି ଆନାମାନା ଆହାନା ରାନ୍ଦା ତିନେସି, ଏଞ୍ଜାସି ମାହାପୁରୁ ନକିତା ଦହଗାଟାସି ଆନେସି, ଇତିହିଁ ଏଞ୍ଜାସି ନାମୁତଲେ ତିଞ୍ଜା ହିଲଅସି; ଅଡ଼େ ଏନାୟି ନାମୁତଲେ ଆଏ, ଏଡ଼ି ପାପୁ ।

୧୫

ଏଡ଼ିକା ଲକ୍ଷଣି ରାହାଁ କିଦୁ

୧ ମୀରୁ ନାମୁତା ଆଡ଼ିଞ୍ଜା ଗାଟାତାୟି, ବାଡ଼ୁୟୁ ହିଲଆଗାଟି ଲକ୍ଷଣି ମୀରୁ ସାସା ହୀନାୟି ମାନେ, ଆମ୍ବାଆସି ଜିକେଏ ଜାହାରାଇଁ ରାହାଁ କିହାଲି ଅଣ୍ଡିପାଆପେସି ।

୨ ସାମା ଏଡ଼ିକା ଲକ୍ଷଣି ନେହେଁତାକି ଇଞ୍ଜାଁ ଏଞ୍ଜାରି ନାମୁତି ଆଡ଼ିଞ୍ଜା କିହାଲିତାକି ଏଞ୍ଜାରିଇଁ ରାହାଁତଲେ ଇତିନାୟି ମା କାମା ।

୩ କ୍ରୀସ୍ତୁ ଜିକେଏ ତାନି ସୁକୁ ତାକି ଏନାଆଁ କିହି ହିଲଆତେସି; ସାମା ସାସ୍ତେରିତା ରାସ୍ତିକି ଆହାମାନି ଲେହେଁ, “ମିଜେ ନିନ୍ଦା କିୟାତାରା ନିନ୍ଦା ନା ମୁହେଁ ଖାଡ଼େ ।”

୪ ସାସ୍ତେରିତି ଜାମ୍ପନାଇ ବାରେ ମା ନେହେଁତାକି ଲଡ଼ା ଆଦୁ । ବାସ୍ତୁ ତଲେ ତୀରିଆହାଁ ଡ଼ୟାଲି ତାକି ସାସ୍ତେରି ମାଜେ ସାସା ଇଞ୍ଜାଁ ରାହାଁ ହାହିମାଞ୍ଜାନେ ।

୫ ଆଡ଼ିଞ୍ଜା ଅଡ଼େ ଦୁକୁ ତୁକହାନି ମାହାପୁରୁ ମିଜେ କ୍ରୀସ୍ତ ଜୀସୁତି ମାଣ୍ଡିକି ତଲେ ବାରେତେରି ମିଜେ ରଣ୍ଡିଏ ମନ ଆହାଲି ହିୟାପେସି,

୬ ବାରେଜାଣା ଆଣ୍ଡି ଆହାନା ରଣ୍ଡିଏ ହିୟାଁ ରଣ୍ଡିଏ ଗୁତି ତଲେ ପ୍ରଭୁ ଜୀସୁ କ୍ରୀସ୍ତ ଆବା ମାହାପୁରୁତି ଜହରା କିତେରି ।

ଜୀହୁଦି ଇଞ୍ଜାଁ ଜୀହୁଦିଆଆତି ଲକ୍ଷଣିକି ନେହିଁ କାବୁ

୭ ମାହାପୁରୁତି ଗାଞ୍ଜୁରମି ତାକି କ୍ରୀସ୍ତ ଏନିକିହିଁ ମିଜେ ଆବା ମାଞ୍ଜାନେସି, ମୀରୁ ଜିକେଏ ଏଲେକିହିଁ ରଅତେରି ରଅଣାଇଁ ଆବାଦୁ ।

୮ ଇତିହିଁ ନାନୁ ଏଲେ ଇଞ୍ଜିମାଇଁ, କ୍ରୀସ୍ତ ମାହାପୁରୁତି ସାତା ତାକି ତଲୁ ଦାପି ଆଡ଼ି ଲକ୍ଷଣିକି ସେବା କିନାସି କିଞ୍ଜିଆହା ମାଚେସି, ଏନିକିଁ ଏଞ୍ଜାସି ଆକୁ ଆଦାୟାକି ଆଞ୍ଜାନା ହାହାମାନାଣି ତୀରି କିନେସି,

୯ ଅଡ଼େ ମାହାପୁରୁତି କାର୍ମାମେହନାଣି ତାକି ଜୀହୁଦିଆଆତି ଲକ୍ଷଣି ଜିକେଏ ଏଞ୍ଜାଣି ଗାଞ୍ଜୁରମି କିନେରି; ଇ କାତା ସାସ୍ତେରିତା ରାସ୍ତିକି ଆହାମାନେ;

“ଜଦାଆଁତାକି ଜୀହୁଦିଆଆତି ଲକ୍ଷ୍ମତାଣା ନୀ ଜହରା କିଇଁ,
ବାରେଦିନା ନୀ ପାରୁ ପାଡ଼ିଇଁ ।”

୧୦ ଅଡ଼େ ଜିକେଏ ଏଲେଇଞ୍ଜି ମାନେସି,
“ଜୀହୁଦିଆଆତି ଲକ୍ଷ୍ମ ମାହାପୁରୁତି ଲକ୍ଷ୍ମତଲେ ରାହାଁ କିଦୁ !”

୧୧ ଅଡ଼େ ଜିକେଏ,
“ଜୀହୁଦିଆଆତି ଲକ୍ଷ୍ମ ବାରେ ପୁରୁଇଁ ଜହରା କିଦୁ,
ଅଡ଼େ ବାରେ ଲକ୍ଷ୍ମ ଏଞ୍ଜାଣି ପାରୁ ପାଡ଼ାପେରି !”

୧୨ ଅଡ଼େ ଖେଣ୍ଡେ ଜିସାୟ ଖେସାମାନେସି,
“ଜିସି କୁଡ଼ାଟି ରଅସି ତଞ୍ଜାଆନେସି,
ଏଞ୍ଜାସି ଜୀହୁଦିଆଆତି ଲକ୍ଷ୍ମଣି ସାଲୁଞ୍ଜି କିନେସି
ଇଞ୍ଜା ଜୀହୁଦିଆଆତାରି ଏଞ୍ଜାଣି ତାଣା ବାସୁଁ ଇଟିନେରି ।”

୧୩ ବାରେ ବାସୁଁଗାଟି, ମାହାପୁରୁ ମୀ ନାମୁ ତାକି ମିଙ୍ଗେ ରାହାଁ ଇଞ୍ଜା ହିଡ଼ଡ଼ି ହିୟାପେସି । ଏନିକି
ସୁଦୁଜୀଞ୍ଜୁତି ବାଡ଼ୁୟୁ ତଲେ ମୀ ବାସୁଁ ପାତାଆନେ ।

ଜୀହୁଦିଆଆତି ଲକ୍ଷ୍ମତାଣା ପାଞ୍ଜୁଲତି ସେବା

୧୪ ତାୟି ତାଜିସ୍ତାତେରି, ମୀରୁ ବାରେ ନେହୁଁ ଗୁଣ୍ଡୁ ଏନିକିହୁଁ ବାରେ ବୁଦିତଲେ ଇଞ୍ଜା ରଅତେରି
ରଥଣାଇଁ ଜାପୁହାଲି ତାକି ଆଡ଼ିଦେରି ନା ନାମୁ ମାନେ ।

୧୫ ଆଡ଼ିଜିକେଏ ମାହାପୁରୁ ହାହାମାଞ୍ଜାନି କାର୍ମାତି ବାଡ଼ୁୟୁଟି ନାନୁ ମିଙ୍ଗେ ଅଣ୍ଡପି କିହାଲି ହାରେକା
ସାସାତଲେ ମୀ ତାଣା ଇ ଆକୁ ରାଡ଼ିମାଞ୍ଜାଇଁ ।

୧୬ ଏନାଆଁତାକି ଇଟିହୁଁ କ୍ରୀସ୍ତ ଜୀସୁତି ହଲେଏଣା ଲେହେଁ ଜୀହୁଦିଆଆତି ଲକ୍ଷ୍ମତାକି କାମା କିହାଲି
ମାହାପୁରୁ ନାଙ୍ଗେ ପାରୁ ହାହାମାଞ୍ଜାନେସି । ମାହାପୁରୁତି ନେହୁଁ କାବୁ ଖେକହାଲି ତାକି ନାନୁ ର,
ପୁଜେରାତି କାମା କିହିମାଇଁ । ଜୀହୁଦିଆଆତି ଲକ୍ଷ୍ମ ସୁଦୁଜୀଞ୍ଜୁ ତଲେ ହେରପିଆଡ଼ି ଲେହେଁ ମାହାପୁରୁ ତାଣା
ଆବିନାରି ଆଡ଼ପେରି, ଇଦି ନା ଅଣପୁ ।

୧୭ କ୍ରୀସ୍ତ ଜୀସୁତଲେ ଆଣ୍ଡାନା ମାହାପୁରୁ ତାକି ଇ ସେବା କାମା କିହାମାନାକି ନାନୁ ବତପଣ ଆହିମାଇଁ
।

୧୮ ଇଟିହୁଁ ଜୀହୁଦିଆଆତି ମାହାପୁରୁ ତାଣା ତାଗାଲି କ୍ରୀସ୍ତ ନା ତାଣାଟି ବଲୁତା ଅଡ଼େ କାମାତା
ଇଟିହୁଁ ହାରେକା ସିନାୟାଁ କାବାଆନି କାମାୟାଁ ତଲେ, ସୁଦୁଜୀଞ୍ଜୁତି ବାଡ଼ୁୟୁଟି ଏନା ଏନାଆଁ କିହାହଲଅସି,
ଇଲେତି ଏନି କାମା କିହାଲି ସାସା କିହିହଲଅଁ ।

୧୯ ସିନା ଅଡ଼େ କାବାଆନି କାମାତି ବାଡ଼ୁୟୁଟି ଅଡ଼େ ମାହାପୁରୁ ସୁଦୁଜୀଞ୍ଜୁତି ବାଡ଼ୁୟୁଟି ନା ତାଣାଟି
କିହାମାନେସି । ଏନିକି ନାନୁ ଜିରୁସାଲମ ଟଟ ସାରିଞ୍ଜାକି ଇଞ୍ଜା ଇଲୁରିକମ ପାତେକା କ୍ରୀସ୍ତତି ନେହୁଁ
କାବୁ ଖେକହାମାଇଁ ।

୨୦ ଆମିୟା ଲକ୍ଷ୍ମ କ୍ରୀସ୍ତତି କାତା ଖେଞ୍ଜାହିଲଅସି, ଏମ୍ବାଆଁ ଏଞ୍ଜାଣି ବଲୁ ଖେକହାଲି ନା ଅଣପୁ,
ଏନାଆଁତାକି ଇଟିହୁଁ ଏଡ଼କାତି ଲକ୍ଷ୍ମ କିହାମାନି ପୁନାଦି ଲାକ ଇଲୁ କିହାଲି ନାନୁ ଅଣ୍ଡପି ହିଲଅଁ ।

୨୧ ସାଡ଼େସିରତା ଏନିକିହୁଁ ରାସ୍ତକି ଆହାମାନେ;

“ଆମିନି ଗାଗାରି ଏଞ୍ଜାଣି ବଲୁ ବେଟାଆହା ହିଲଅସି,
ଏଞ୍ଜାରି ମେହନେରି; ଆମ୍ବାଆରି ଖେଞ୍ଜାହିଲଅସି, ଏଞ୍ଜାରି ତେଲୁହିନେରି ।”

ରମ୍ପତା ହାଜାଲି ପାଞ୍ଜୁଲତି ଅଣପୁ

୨୨ ହାରେକା ଦେବା ମୀ ତାଣା ଖାହାଲି ତାକି ନା ଅଣପୁ ଉଜେଏତାୟି ଆଡେ ।

୨୩ ସାମା ଇ ରାଜିତା ନା ସେବା କାମା ରାହାମାନେ ଅଡ଼େ ନା ଆସା, ମିଙ୍ଗେ ମେସାଲି ତାକି ନା ହାରେକା
ବାର୍ଯାତି ଅଣପୁ ନୀର୍ବ ପୁରା ଆନେ ।

୨୪ ନାନୁ ସ୍ତେନ ଦେସା ହାନିରେଲାତା ମୀ ତାଣା ଖାଈଁ; ଇଟିହୁଁ ଜିରୁତା ମୀ ତଲେ ତଲିଏ ଆଣ୍ଡାନା କାତା
ଆହାଁ ଏତରଦିନା ଡ଼ୟିତି ତାୟୁ ଏ ଟାୟୁତା ହାଜାଲି ଜିରୁତା ଇଟିଞ୍ଜାୟାଦେରି ଇଞ୍ଜୁ ଆସା କିହିମାଇଁ ।

୨୫ ନୀର୍ବ ମାହାପୁରୁ ଲକ୍ଷ୍ମତି ସେବା କିହାଲି ନାନୁ ଜିରୁସାଲମତା ହାଜିମାଇଁ ।

୨୭ ଜିରୁସାଲମତା ମାହାପୁରୁ ଲକ୍ଷ୍ମୀ ଆତ୍ମାଆରି ହିଲିଆ ଗାଗାରି ମାନେରି, ଏଞ୍ଜାରି ତାକି ମାକିଦନିୟା ଅଡ଼େ ଆକାୟାତି କୁଲମିକା ଆଣ୍ଡାଲି ତାବୁୟା କୁଡ଼ିକିହାଲି ତୀରି କିହାମାନେରି ।

୨୮ ହାଅ ଏଞ୍ଜାରି ଏଦାଆଁ ନେହେଁ ଅଣପା ମାନେରି ସାତା, ଆତିହଁ ଏଞ୍ଜାରି ଏଞ୍ଜାରିତାଣା ରାଣା ଜିକେଏ ଆହାମାନେରି; ଜାହୁଦିଆଆତାରି ଏଞ୍ଜାରି ଦାମ୍ପତି ଜୀଞ୍ଜୁତା ଆଣ୍ଡାମାନେରି ଇତିହଁ, ଏଞ୍ଜାରି ଦାମ୍ପତି କାମାତା ଜିକେଏ ସେବା କିହାଲି ରାଣା ଆହାମାନେରି ।

୨୯ ଜିରୁସାଲମତା ଏ ତାବୁୟା ଲକ୍ଷ୍ମୀ ହାହାନା ନା କାମା ରାପ୍‌ହି ତାୟୁ, ନାନୁ ସ୍ତେନ୍ ଦେସାତା ହାନାଟି ଏ ଜିରୁଟିଏ ମିଜେ ଚେତି ଖାଲ୍ ।

୩୦ ନାନୁ ପୁଞ୍ଜାମାଲ୍, କ୍ରୀସ୍ତ ତାଣାଟି ହାରେପୁରେ ବର ବେଟାଆହାନା ନାନୁ ମୀ ତାଣା ଖାଲ୍ ।

୩୧ ଜୀଞ୍ଜୁତି ତାୟି ତାଜି, ନାନୁ ମା ପ୍ରବୁ ଜୀସ୍ତ କ୍ରୀସ୍ତ ଦରୁତଲେ ଇଞ୍ଜା ସୁଦୁଜୀସ୍ତ ହାହାମାଞ୍ଜାନି ଜୀସ୍ତ ନନାଣି ତାକି ମିଜେ ବାତିମାଲିମାଞ୍ଜାଇ, ନାଜେ ତାକି ମାହାପୁରୁ ତାଣା ରଣ୍ଡିଏ ଅଣପୁ ତଲେ ପ୍ରାତାନା କିଦୁ ।

୩୨ ନାନୁ ଜାହୁଦା ଦେସାତି ନାମାଆତି ଲକ୍ଷ୍ମୀ ତାଣାଟି ଏନିକିହଁ ଗେଲପି ଆଲ୍ ଇଞ୍ଜା ଜିରୁସାଲମତା ନା ଏମିନି ସେବା କାମା, ଏନିଏଦାଆଁ ମାହାପୁରୁ ଲକ୍ଷ୍ମୀ ଅପିନେରି, ଏଦାଆଁତାକି ପ୍ରାତାନା କିହେମାଞ୍ଜୁ ।

୩୩ ମାହାପୁରୁ ଅଣପୁ ତଲେ, ନାନୁ ମୀ ତାଣା ହାରେକା ରାହାଁତଲେ ଖାଲ୍ ଇଞ୍ଜା ମୀ ତଲେ ଏତରଦିନା ପାତେକା ତୟାନା ନା ହିୟାତା ରାହାଁ ବେଟାଆଲ୍ ।

୩୪ ବାରେ ହିଡ଼ି ହିୟାନି ମାହାପୁରୁ ମୀ ତଲେ ମାଣ୍ଡେସି । ଆମେନ୍ ।



ପାଞ୍ଜୁଲତି ଜହରା

୧ କେକେୟା କୁଲମିତା ସେବା କାମା କିହିମାନି ମା ତାଜି ପୟିବିକ୍ ମୀ ତାଣା ପାଣ୍ଡିମାଞ୍ଜାଇ,

୨ ପ୍ରବୁତି ଦରୁତଲେ ଏଦାନି ଆବାଦୁ, ମାହାପୁରୁ ଲକ୍ଷ୍ମୀ ଲେହେଁ ଲେୟାଦୁ । ତାନି ଲଡ଼ାମାନି ଲେହେଁ ସାୟେମି କିଦୁ । ଏନି ନାଜେତାକି ଅଡ଼େ ହାରେକା ଲକ୍ଷ୍ମୀ ସାୟେମି ତଡ଼ୁ ।

୩ କ୍ରୀସ୍ତ ଜୀସ୍ତ ସେବା କାମାତା ନା ତଲେ କାମା କିହିମାନି ପ୍ରିସ୍ମିଲ୍ ଇଞ୍ଜା ଆକ୍‌ଞ୍ଜିଲାଇ ନା ଜହରା ଖେହ୍ନୁ ।

୪ ଏ ଲକ୍ଷ୍ମୀ ନା ତାକି ତାନି ଜୀଞ୍ଜୁତା କସ୍ତ ଆହାମାନେ । ଖାରେକା ନାନୁ ଆଏ, ବାରେ ଜାହୁଦିଆଆତି କୁଲମି ତାନି ତାଣା ଜହରା ।

୫ ଏ ଲକ୍ଷ୍ମୀ ଇଜ ରୁଣ୍ଡା ଅହିମାନି କୁଲମିତି ଲକ୍ଷ୍ମୀ ଜିକେଏ ନା ଜହରା ଖେସିମାଲ୍ । ନା ଜୀଞ୍ଜୁତି ତଡ଼ୁ ଏପାୟିନେତଇ ନା ଜହରା ଖେହ୍ନୁ । ଆସିୟା ଦେସାତି ଏଞ୍ଜାସି ରଅସି ମଲୁଲ୍ କ୍ରୀସ୍ତଇ ନାମିତାସି ।

୬ ମୀ ନେହେଁତାକି ଜମାଆନା କାମା କିହିମାନି ମରିୟମଇ ନା ଜହରା ।

୭ ଆୟନିକ ଇଞ୍ଜା ଜୁନିୟାଇ ନା ଜହରା । ଇ ରିଆରି ଜାହୁଦିୟା ନା ତଲେ କାୟିଦି ଇଲୁତା ମାତେରି । ନା ନବେଏ କ୍ରୀସ୍ତଇ ନାମା ମାତେରି ଇଞ୍ଜା ପାଣ୍ଡିଆତି ସୀସୁ ତାଣାଟି ଏଞ୍ଜାରି ପୁଣ୍ଡି ଆଡ଼ାରି ।

୮ ପ୍ରବୁ ତାଣା ନା ଜୀଞ୍ଜୁତି ତଡ଼ୁ ଆସିୟାତଇ ଜହରା ।

୯ କ୍ରୀସ୍ତତି ସେବା କାମାତା ନାଜେ ସାୟେମି କିହିମାଞ୍ଜାନି ଉର୍ବାନ ଇଞ୍ଜା ଜୀଞ୍ଜୁତି ତଡ଼ୁ ସ୍ତାକିୟଇ ଜିକେଏ ନା ଜହରା ।

୧୦ କ୍ରୀସ୍ତତି ମାନି ତଲେ କାମା କିନି ଆପେଲା ଇଞ୍ଜା ଆରିସ୍ତୁଲ କୁଟମିତି ବାରେ ଜାଣାଇ ନା ଜହରା ଖେହ୍ନୁ ।

୧୧ ନା କୁଡ଼ାତି ହେରଦିୟନ ଇଞ୍ଜା ନାକି ସ କୁଟମିତି କ୍ରୀସ୍ତତି ତାୟିୟାଣି ଜିକେଏ ନା ଜହରା ।

୧୨ ପ୍ରବୁତି ସେବା କାମାତା ମାନି ତ୍ରିପେନା ଇଞ୍ଜା ତ୍ରିପସାଇ ଇଞ୍ଜା ପ୍ରବୁ ତାକି ହାରେକା କାମା କିହିମାନି ଜୀଞ୍ଜୁତି ପସିୟଇ ନା ଜହରା ।

୧୩ ପ୍ରବୁ ଆଡ଼ାମାନି ରୁପସ ଇଞ୍ଜା ନା ତାଲି ଲେହେଁତି ତାନି ଇୟାନି ଜିକେଏ ନା ଜହରା ।

୧୪ ଅସ୍ତ୍ରକ୍ରିତ, ପ୍ଲେଗନ, ହର୍ମିସ, ପାତ୍ରବା, ହର୍ମିସ ଇଞ୍ଜା ଏଞ୍ଜାରିତଲେ ମାନି ବାରେ କ୍ରୀସ୍ତଇ ନାମିମାନି ତାୟି ତାଜିଇ ଜହରା ଖେହ୍ନୁ ।

୧୫ ପିଲଲଗ ଇଞ୍ଜା ଜୁଲିୟା, ନିରୁସ ଇଞ୍ଜା ତାନି ତାଜି ଅଡ଼େ ଅଲୁମ୍ପା ଅଡ଼େ ଏଞ୍ଜାରିତଲେ ମାନି ବାରେ ମାହାପୁରୁ ଲକ୍ଷ୍ମୀ ନା ଜହରା ଖେହ୍ନୁ ।

୧୭ ସୁଦ୍ଧ ହିୟାଁ ତଲେ ନଶ୍ୱି ଆହାନା ଜହରା ୱେହ୍‌ଦୁ । କ୍ରୀସ୍ତି ବାରେ କୁଲମିକା ମିଙ୍ଗେ ଜହରା କିହିମାଞ୍ଜାନୁ ।

ପାଞ୍ଜୁଲତି ରାନ୍ତି ବେଲାତି ବଲୁ

୧୭ ତାୟି ତାଜିସ୍ତାତେରି, ମୀରୁ ଆମିନି କାତା ଜାପାମାଞ୍ଜେରି, ଏ କାତାତି ପିସାନା ଗଚି ଗଚି କିନାସି ଅଡ଼େ ଲାଗେଏ କିୟାନେସି ଏଞ୍ଜାରାଇ ପୁଞ୍ଜା ତୁୟାୟୁ, ଏଞ୍ଜାରି ତାଣ୍ଡାଟି ଏଟକା ଆୟାଲି ନାନୁ ବାତିମାଲିମାଞ୍ଜାଇ ।

୧୮ ଇଚିହିଁ ଇଲେତି ଲକୁ ମା, ପ୍ରବୁ କ୍ରୀସ୍ତି ହଲିୟାଙ୍ଗା ଆଏ, ସାମା ତାମି ବାଣ୍ଡିତି ହଲିୟାଙ୍ଗା ଆହାମାନେରି, ଅଡ଼େ ସୁଞ୍ଜାଲା ହାତାତଲେ ଲକୁ ମନତି ନାଡ଼ି କିନେରି ।

୧୯ ନେହିଁ ବଲୁ ତାକି ମୀ ତୀରୁପୁ କାମା ବାରେ ଲକୁ ୱେଞ୍ଜାମାନେରି, ଈଦାଆଁତାକି ନାନୁ ହାଡ଼େକା ରାହାଁ । ନାନୁ ଅଣପିମାଇଁ, ମୀରୁ ସାତା କାତାତା ବୁଦି ଗାଟାତେରି ଆଦୁ ଇଞ୍ଜା ଉଜେଏତି କାତାତା ଆଣ୍ଡାଆଦୁ ।

୨୦ ଆତିହିଁ ହିଡ଼ି ହିୟାନି ମାହାପୁରୁ ତବେ ସୟତାନଇଁ ମୀ କର୍ତ୍ତା ତଇ କିନେସି । ମା ପ୍ରବୁ ଜୀସୁତି କାର୍ମାମେହ୍‌ନାୟି ମୀ ତଲେ ମାଣ୍ଡମ୍ବେ ।

୨୧ *ନା ତଲେ କାମା କିହିମାନି ତିମତି ଇଞ୍ଜା ମା ଜୀହୁଦି ତାୟିୟାଁ ଲୁକିୟ, ଜାସନ ଇଞ୍ଜା ସସିପାତ୍ର ମିଙ୍ଗେ ଜହରା କିହିମାଞ୍ଜାନେରି ।

୨୨ ଈ ଆକୁ ରାଟାମାନି ତତ୍‌ୟ, ପ୍ରବୁତି ଦରୁତଲେ ମିଙ୍ଗେ ଜହରା କିହିମାଞ୍ଜାଇଁ ।

୨୩ *ନାଙ୍ଗେ ଅଡ଼େ କୁଲମିତି ସେବା କିନି ଗାୟସ ମିଙ୍ଗେ ଜହରା କିହିମାଞ୍ଜାନେସି, ଅଡ଼େ ଈ ଗାଡ଼ାତି ଗୁମୁସ୍ତା ଏରାସ୍ତ ଇଞ୍ଜା ତାୟି କ୍ୱାର୍ତ ଜିକେଏ ମିଙ୍ଗେ ଜହରା କିହିମାଞ୍ଜାନେରି ।

୨୪ ପ୍ରବୁ ଜୀସୁତି କାର୍ମାମେହ୍‌ନାୟି ମୀ ବାରେ ଜାଣାକି ଆଡେ ।

ପ୍ରାତାନା ଇଞ୍ଜା ଜହରା ତଲେ ଆକୁ ରାପ୍‌ନାୟି

୨୫ ୱାଦୁ, ମାର ମାହାପୁରୁତି ଗାଞ୍ଜୁରମି କିନି । ନାନୁ ୱେକ୍‌ହାମାନି ଜୀସୁ କ୍ରୀସ୍ତି ନେହିଁ ବଲୁ ଇଞ୍ଜା ତଲି କାଲାଟିଏ ତୁଗୁମାନି ସାତା ଲେହେଁ ମୀ ନାମୁ ତୀରିକିହାଁ ଇଟାଲି ମାହାପୁରୁ ଆଡ଼ିନେସି ।

୨୬ ଏ ତୁଗୁମାନି ସାତା ମାହାପୁରୁ ଅଣପୁତି ବଲୁ ୱେହ୍‌ନାରି ସାସ୍ତେରିତା ରାୟ୍‌କି ଆହାମାନେ ଅଡ଼େ ଏଡ଼ି ନୀଏଁ କାଲାକାଲାତି ପ୍ରବୁ ମାହାପୁରୁ ତାଣ୍ଡାଟି ବାରେ କୁଡ଼ା ବିତ୍ରା ୱେପ୍‌କି ଆହ୍‌ମାନେ । ଈଦାଆଁ ତଲେ ବାରେଜାଣା ନାମାନା ମାହାପୁରୁଇଁ ମାନି କିହାଲି ଆଡ଼ିନେରି ।

୨୭ ବାରେ କାତା ପୁନି ମାହାପୁରୁ ପ୍ରବୁ ଜୀସୁ ତାଣ୍ଡା କାଲାକାଲା ତାକି ଗାଞ୍ଜୁରମି ବେଟାଆଡେସି । ଆମେନ୍ ।

☆ ୧୭:୨୧ କାମା ୧୭:୧୮ ☆ ୧୭:୨୩ କାମା ୧୯:୨୯; ୧କର ୧:୧୪; ୨ତିମ ୪:୨୦

କରନ୍ତି ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପ୍ରଥମ ପତ୍ର କରନ୍ତି କୁଲମିତାକି ପାଞ୍ଚଲ ରାଡ଼ାମାନି ର ଲମ୍ବର ଆକୁ ମୂକୁ ହାଡ଼ା

କରନ୍ତି କୁଲମିତି ର ଲମ୍ବର ଆକୁ ପାଣ୍ଡୁଆହାମାନି ପାଞ୍ଚଲ ତାଣାଟି ଜୀସୁ କ୍ରୀସ୍ତତି ଜାର୍ନାତି ୫୫ ବାର୍ଷା ଜେତ ରାସ୍ତିକି ଆହାମାତେ ୧:୧ । ପାଞ୍ଚଲ ତାଣାଟି ରାସ୍ତିକି ଆହାମାନି ଜଡ଼େକା ଆକା ବିଭ୍ରାତି ଛଦି ଆହିମାନେ ର ଲମ୍ବର ଆକୁ । ଏଞ୍ଜାସି ଏପିସିୟତା ମାଟିରେଲାତା ଛ ଆକୁ ରାଡ଼ା ମାଣ୍ଡିତେସି ୧୭:୫-୯ । ମାକିଦନିୟାଟି କରନ୍ତିତା ହାଜାଲି ମନ କିନି ନକେଏ ଛ ଆକୁ ରାଡ଼ାମାତେସି ।

ପାଞ୍ଚଲ ଛ ଆକୁତା କୁଲମି ଗତି ଗତି ଆନାୟି ଲାଗେଏତି କାମାତି ଜୁପକା ତଲେ ହାରେକା ପାପୁ କାମା ଆହିମାନାଣି କୁଲମିତି ଲକୁ ତାଣାଟି ଖେଞ୍ଜାନା ଖେଣ୍ଡେ ଖେସାଲି ମନ ହାହିମାନେସି । କରନ୍ତି ଗାଡ଼ା ଲାଗେଏ ପଲେଏ ପାପୁ କାମାୟା କିହିମାନାୟି ଖେଙ୍ଗାମାତେ । ଇଞ୍ଜା ଗାଡ଼ାତା ମାଟି କୁଲମି ହାରେକା କାଙ୍ଗାଲା ଆହିମାତେରି । ଏଦାଆଁ ଅଣପାନା ଏଞ୍ଜାରାକି ତିନା ଉନାଣି, ବୀହା ଆନାଣି ଅଡ଼େ କିନାଣି, ହାକି ଅଡ଼େ ଖେଣ୍ଡେ ନିଜିନାଣି, ଯାତା ଜୀସୁନନାୟି ଏନାୟି ଛ ବାରେ କାତା ଆକୁତା ରାଡ଼ାନା ତସାମାନେସି ୧୩ ।

ପତିତା ମାନାୟି

- ୧. ଜହରା କିହାନା ପୁଣ୍ଡିକିନାୟି । ୧:୧-୯
- ୨. କୁଲମିକା ଗତି ଆନି କାତା ଜାପୁନାୟି । ୧:୧୦-୪:୨୧
- ୩. ଲାଗେଏତି ପାପୁ କାମା ଅଡ଼େ ଦାଞ୍ଜାକିନି କାତା । ୫:୧-୭:୨୦
- ୪. ବୀହା, ପେଣ୍ଡାକା ବମାୟାଁତି ବଗୁ, ଜାରୁ ଆହାନା ପ୍ରାଡ଼ାନା, ସୁଦୁଜୀସୁତି ଦାନା, ଇଞ୍ଜା ଖେଣ୍ଡେ ନିଜିନି କାତା । ୭:୧-୧୫:୫୮
- ୫. ଲେମ୍ବିନି କାତା, ଜାହାରା ଅଣପୁ ଇଞ୍ଜା ରାପୁନାୟି । ୧୭

୧ ନାନୁ ପାଞ୍ଚଲ, ମାହାପୁରୁତି ମନତଲେ କ୍ରୀସ୍ତ ଜୀସୁ ତାଣାଟି ଆଡ଼ାନା ପାଣ୍ଡୁ ଆହାମାନାତେଏଁ, ଅଡ଼େ ମା ତାୟି ସସ୍ତିନା ତଲେ,

୨ *କରନ୍ତି ଗାଡ଼ାତା ମାନି ମାହାପୁରୁ କୁଲମିତାକି ଛ ଆକୁ ରାଟିମାନେରି; ଆନିନି ବାରେଜାଣା ଏଞ୍ଜାରିତାଣା, ପ୍ରବୁ ଜୀସୁ କ୍ରୀସ୍ତ ଦରୁତଲେ ପ୍ରାଡ଼ାନା କିହିମାନେରି, ଏଞ୍ଜାରିତଲେ କ୍ରୀସ୍ତ ଜୀସୁ ତାଣା ସୁଦୁ ଆହାନା ହାଟ୍‌କି ଆହାମାନି ମାହାପୁରୁ ଲକୁତେରି ମାରୁ ।

୩ ମିଜେଟାକି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଅଡ଼େ ହିଡ଼ି ଆପେ ।

କ୍ରୀସ୍ତ ତାଣାଟି ବର

୪ କ୍ରୀସ୍ତ ଜୀସୁ ତାଣାଟି ମିଜେ ହାହାମାଞ୍ଜାନି ମାହାପୁରୁତି ଆନିନି କାର୍ମାମେହନାୟି, ଏଦାଆଁତାକି ନାନୁ କାଟ୍‌ଲଏ ମିଜେଟାକି ମାହାପୁରୁଜି ଜହରା କିହିମାଲ୍,

୫ ଏନାଆଁତାକି ଛତିହଁ ଏଞ୍ଜାଣି ତାଣା ବାରେ କାତାତା, ହାରେକା କିହାଁ ବାରେଲେହେଁତି ଜାପୁନି ତାଣା ଅଡ଼େ ବାରେଲେହେଁତି ବୁଦିତା ମାରୁ ଗାତି ବାଡ଼କା ମାଞ୍ଜେରି;

୬ ଇଲେଆହଁ କ୍ରୀସ୍ତତି ସାକି ମୀ ତାଣା ତାରି ଆହାମାନେ ।

୭ ଇଦାଆଁତାକି ମାରୁ ମା ପ୍ରବୁ ଜୀସୁ କ୍ରୀସ୍ତତି ତଞ୍ଜା ଆହାଲିତାକି କାପୁ କାଡ଼ାନା ଏନି କାର୍ମାତି ଦାନାତା ଡ଼ାଣା ଆହାହିଲଅତେରି;

୮ ମା ପ୍ରବୁ ଜୀସୁ କ୍ରୀସ୍ତତି ଦିନାତା ଏନିକିଁ ମାରୁ ଦହ୍ ହିଲାଆଗାଗତେରି ଆଦେରି, ଇଦାଆଁତାକି ଏଞ୍ଜାସି ମିଜେ ରାନ୍ତି ଦିନା ପାତେକା ତାରିକିହା ଇଟାନେସି ।

୯ ମାହାପୁରୁ ନାମ୍‌ଗାଗାସି, ଆମ୍‌ଆରି ତାଣାଟି ମାରୁ ତାନି ମୀରଏସି ଜୀସୁ କ୍ରୀସ୍ତ, ମା ପ୍ରବୁ ତାଣା ଆଣ୍ଡିନାଣାକି ହାଟ୍‌କି ଆହାମାଞ୍ଜେରି ।

ନାନିତି କୁଲମି ବିଭ୍ରା ଗତି ଆନାୟି

* ୧:୨ କାମା ୧୮:୧

୧୦ ଏ ତାୟିୟାଁ ଅଡ଼େ ତାଜିୟାତେରି, ମା ପୁବୁ ଜୀସୁ କ୍ରୀସ୍ତ ଦରୁତଲେ ନାନୁ ମିଙ୍ଗେ ବାତିମାଲିମାଞ୍ଜାଇଁ, ଏନିକି ମୀରୁ ବାରେଜାଣା ତେରି ରଣ୍ଡିଏ କାତା ଜଲିଦେରି, ଅଡ଼େ ମୀ ବିତ୍ରା ଗତି ଆଅଡ଼େରି, ସାମା ମୀରୁ ରଣ୍ଡିଏ ମନ ରଣ୍ଡିଏ ଅଣ୍ଡପୁ ତଲେ କାଲୁଝି ଆଦୁ ।

୧୧ ଇତିହ, ଏ ନା ତାୟିୟାଁ ଅଡ଼େ ତାଜିୟାତେରି, କୁୟିତି କୁଟମିତି ମୀ କାତା ନା ତାଣା ଇଦି ତଞ୍ଜା ଆହାମାନେ, ମୀ ବିତ୍ରା ଗଡ଼ହା ମାନେ ।

୧୨ ନାନୁ ଖେସ୍ତାନି କାତା ଇଦି, ମୀ ବିତ୍ରାଟି ଆମ୍ବା ଆମ୍ବାଆରି ଏଲେଇନେରି, ନାନୁ ପାଞ୍ଜୁଲ ଝାକି ତାଡେଏଁ, ଇଞ୍ଜା ଆମ୍ବାଆରି ନାନୁ ଆପଲ ଝାକି ତାଡେଏଁ, ନାନୁ କେପା ଝାକି ତାଡେଏଁ ଅଡ଼େ ଏବେରଜାଣା ନାନୁ କ୍ରୀସ୍ତ ଝାକି ତାଡେଏଁ ଇଞ୍ଜା ମାନେରି ।

୧୩ କ୍ରୀସ୍ତ ବାଗା ଆହାମାନେସି କି ? ମିଙ୍ଗେତାକି ପାଞ୍ଜୁଲ କି ପାସି ମୁଣ୍ଡାତା ହାହାମାନେସି ? ଆଆଡ଼ ମୀରୁ କି ପାଞ୍ଜୁଲ ଦରୁତଲେ ବାପ୍ରିସ୍ତ* ଅହାମାଞ୍ଜେରି ?

୧୪ ଈଦାଆଁତାକି କ୍ରିସ୍ତ ଅଡ଼େ ଗାୟ ପିସ୍ତପେ ମୀ ବିତ୍ରା ଆମ୍ବାଆରାଇଁ ଜିକେଏ ବାପ୍ରିସ୍ତ† ହାହାହିଲଅଁ ଇଞ୍ଜା ନାନୁ ମାହାପୁରୁଇଁ ଜହରା କିହିମାଇଁ,

୧୫ ଏଡ଼େତା ମୀରୁ ନୀ ଦରୁତଲେ ବାପ୍ରିସ୍ତ* ଅହାମାଇଁ ଇଞ୍ଜା ଆମ୍ବାଆରି ଏଲେଇଞ୍ଜଅରି ।

୧୬ ଅଡ଼େ ସ୍ତ୍ରିପାନତି କୁଟମିଇଁ ଜିକେଏ ବାପ୍ରିସ୍ତ† ହାହାମାଇଁ; ଇଝାରି ପିସ୍ତପେ ନାନୁ ଅଡ଼େ ଆମ୍ବାଆରାଇଁ ବାପ୍ରିସ୍ତ* ହାହାମାଇଁ ଇଞ୍ଜା ନା ଅଣ୍ଡପୁତା ହିଲେଏ ।

୧୭ ଇତିହ କ୍ରୀସ୍ତ ନାଙ୍ଗେ ବାପ୍ରିସ୍ତ† ହାହାଲିତାକି ପାଣ୍ଡାମାଞ୍ଜଅସି, ସାମା ନେହ କାବୁ ଖେସାଲି ପାଣ୍ଡାମାଞ୍ଜାନେସି; ଏଦି ଜିକେଏ ବଲୁତି ରାହାଁ କିନି ତାଣା ଆଏ, ଏଡ଼େତା ପାଟେ କ୍ରୀସ୍ତତି ପାସିମୁଣ୍ଡା ଉଜେଏ ଆନେ ।

କ୍ରୀସ୍ତ ମାହାପୁରୁତି ବାଡ଼ୁୟୁ ଅଡ଼େ ବୁଦି

୧୮ ଇତିହ ନାସା ଆହାମାନି ଲକୁତାକି ପାସି ମୁଣ୍ଡାତି କାତା ଉଜେଏତାୟି, ସାମା ଗେଲ୍ପି ଆହିମାନି ମା ବାରେଜାଣା ତାକି ଏଦି ମାହାପୁରୁତି ବାଡ଼ୁୟୁ ।

୧୯ ଈଦାଆଁତାକି ରାସ୍ତକି ଆହାମାନେ, "ନାନୁ ବୁଦିଗାଟାରି ବୁଦି ନାସଝି କିଇଁ, ଅଡ଼େ ବୁଦିଗାଟାରି ବୁଦି ଅପଅଁ ।"

୨୦ ବୁଦିଗାଟାରି ଆସିୟା ? ମେରା ଜାପନାରି ଆସିୟା ? ଈ କୁଗୁତି କାତା କାଟଝିକିହାଁ ଖେହନାରି ଆସିୟା ? ମାହାପୁରୁ କି ଦାର୍ତତି ବୁଦିଇଁ ଉଜେଏତାୟି ଇଞ୍ଜା ଖେସାହିଲଅସି ?

୨୧ ଇତିହ ମାହାପୁରୁତି ବୁଦି ତଞ୍ଜାଆହାମାଟି ଜିକେଏ ଦାର୍ତତି ଜାହାରା ବୁଦିତଲେ ମାହାପୁରୁଇଁ ପୁନାଆତାକି ମାମ୍ବୁ ଖେକହାମାନି କାତା ଉଜେଏତାୟି, ଆଡ଼ିଜିକେଏ ନାମୁ ଗାଟାରାଇଁ ଗେଲ୍ପାଲିତାକି ମାହାପୁରୁ ଅଣ୍ଡପିଡେସି ।

୨୨ ଇତିହ ଜାହୁଦିଙ୍ଗା ସିନା ପାରିନେରି, ସାମା ଗ୍ରିକ୍ ଲକୁ ବୁଦିତି ପାରିନେରି ।

୨୩ ସାମା ମାମ୍ବୁ ପାସି ମୁଣ୍ଡାତା ହାଡ଼ି କ୍ରୀସ୍ତତି କାତା ଖେକହ ମାନମି, ଏଝାସି ଜାହୁଦି ଲକୁତାକି ସାବୁ ଲେହେତାସି ଅଡ଼େ ଜାହୁଦିଆଆତି ଲକୁତାକି ବୁଦି ହିଲାଆଲେହେଁ ।

୨୪ ସାମା ଜାହୁଦି ଆପାରି କି ଜାହୁଦିଆଆତାରି ଆପାରି, ଆମ୍ବାଆରି ହାଟୁକି ଆଡାରି, ଏଝାରାକି କ୍ରୀସ୍ତ ମାହାପୁରୁତି ବାଡ଼ୁୟୁ ଅଡ଼େ ମାହାପୁରୁତି ବୁଦି ଲେହେଁ ।

୨୫ ଇତିହ ମାହାପୁରୁତି ବୁଦି ହିଲାଆଗାଟାୟି ମାଣ୍ଡସିୟାଁତି ବୁଦି କିହାଁ ହାରେକା ବୁଦି, ଅଡ଼େ ମାହାପୁରୁତି ଆଡାଆ ଗାଟାୟି ମାଣ୍ଡସିୟାଁତି ବାଡ଼ୁୟୁ କିହାଁ ହାରେକା ବାଡ଼ୁୟୁ ଗାଟାୟି ।

୨୬ ଏ ତାୟିୟାଁ ଅଡ଼େ ତାଜିୟା ମିଙ୍ଗେ ହାଟାମାନି କାତା ଅଣ୍ଡପାଦୁ, ଦାର୍ତତି ଲକୁତି ଅଣ୍ଡପୁ ଲେହେଁ ହାରେକା ବୁଦିଗାଟାରି, ହାରେକା ବାଡ଼ୁୟୁ ଗାଟାରି, କି କାଜା କୁଡ଼ା ଗାଟାରି ହାଟୁକି ଆହାହିଲଅରି;

୨୭ ଏଦାଆଁତାକି ମାହାପୁରୁ ବୁଦି ଗାଟାରାଇଁ ଲାଜା କିହାଲିତାକି ଦାର୍ତତି ବୁଦି ହିଲାଆଗାଟାଣି ଆଡ଼ିଡେସି, ଅଡ଼େ ବାଡ଼ୁୟୁ ଗାଟାଣି ଲାଜା କିହାଲିତାକି ମାହାପୁରୁ ଦାର୍ତତି ବାଡ଼ୁୟୁ ହିଲାଆଗାଟାରାଇଁ ଆଡ଼ିଡେସି ।

* ୧:୧୨ କାମା ୧୮:୨୪ * ୧:୧୩ ମୁଞ୍ଜିନାୟି * ୧:୧୪ କାମା ୧୮:୮; କାମା ୧୯:୨୯; ରମି ୧୬:୨୩ † ୧:୧୪ ମୁଞ୍ଜିନାୟି ‡ ୧:୧୫ ମୁଞ୍ଜିନାୟି * ୧:୧୬ ୧କର ୧୬:୧୫ § ୧:୧୬ ମୁଞ୍ଜିନାୟି * ୧:୧୭ ମୁଞ୍ଜିନାୟି † ୧:୧୭ ମୁଞ୍ଜିନାୟି

୨୮ ଅଡ଼େ ଏନାୟି ଦାରୁତି ନକିତା ମାନି ଗାଟାୟି, ଏ ବାରେ ଉଜେଏ କିହାଲି, ମାହାପୁରୁ ଦାରୁତିତି ହାଣି, ଇଞ୍ଜା ଅପାଆଗାଟାଣି, ହାଅ, ମାନି ହିଲୀଆଗାଟାଣି ଆଡ଼ିତେସି ।

୨୯ ଅଡ଼େ ଏନାୟି ଦାରୁତି ନକିତା ମାନି ଗାଟାୟି, ଏ ବାରେତି ଉଜେଏ କିହାଲିତାକି ମାହାପୁରୁ ଦାରୁତିତି ଉଣା ଅଡ଼େ ଅପାଆଗାଟାଣି ହାଅ ଉଜେଏତାଣି ଆଡ଼ିତେସି ।

୩୦ ସାମା ଏଞ୍ଜାଣି ତାକି ମାରୁ କ୍ରାସ୍ ଜାସୁ ତାଣା ମାଞ୍ଜେରି, ଏଞ୍ଜାସି ମାହାପୁରୁ ତାଣାଟି ମାଞ୍ଜେତାକି ବୁଦି, ଇତିହୁଁ ଦାମ୍ବୁଗାଟାସି, ସୁଦୁଗାଟାସି ଅଡ଼େ ଗେଲପିନି ଲେହେଁ ଆହାମାନେସି ।

୩୧ ଇଦାଆଁତାକି, ଦାମ୍ବୁପତିତା ରାସ୍ତକି ଆହାମାନେ, “ଆମ୍ବାଆସି ବତପଣ ଆନେସି, ଏଞ୍ଜାସି ମାହାପୁରୁ ତାଣା ବତପଣ ଆପାସି ।”

୨

ପାସି ମୁଣ୍ଡାତା କ୍ରାସ୍ ହାଡ଼ି କାବୁ

୧ ଏଦାଆଁତାକି ଏ ତାୟିୟାଁ ଅଡ଼େ ତାଞ୍ଜିସ୍ତାତେରି, ଏଡ଼େତା ନାନୁ ମୀ ତାଣା ହାଜାମାତେସି, ଏତିବେଲା ମାହାପୁରୁତି ତ୍ତୁଗାମାନି ସାତା କାତାତି ଗାଡ଼ି ବୁଦି ଗାଟାରିଲେହେଁ ମୀ ତାଣା ଝେକହାମାତେସି ଏଲେକଁ ଆଏ ।

୨ ଇତିହୁଁ ଜାସୁ କ୍ରାସ୍, ଇତିହୁଁ ପାସି ମୁଣ୍ଡାତା ହାଡ଼ି ଜାସୁ କ୍ରାସ୍ ପିସ୍ପେ ମୀ ତାଣା ଅଡ଼େ ଏନାଆଁ ଜିକେଏ ପୁଞ୍ଜାଲି ଅଣ୍ଡାଆତେସି ।

୩ ଅଡ଼େ, ନାନୁ ବାଡ଼ୁୟି ହିଲୀଆନା, ଆଜି ଅଡ଼େ ତାରିତି ତାରିତିହୁଁ ମୀ ତାଣା ମାତେସି;

୪ ଇଦାଆଁତାକି ନା ଜାପୁନାୟି ଅଡ଼େ ଝେକନାୟି ମାଣ୍ଡସି ବୁଦିତି ନେହୁଁ ହାଡ଼ାଲେହେଁ ଆଆନା ମାହାପୁରୁତି ସୁଦୁଜାଞ୍ଜୁତି ବାଡ଼ୁୟି ତସ୍ପି ଆହାମାନେ ।

୫ ମୀ ନାନୁ ଏନିକଁ ମାଣ୍ଡସିୟାଁତି ବୁଦିତା ତାରି ଆଆନା ମାହାପୁରୁତି ବାଡ଼ୁୟିତା ତାରି ଆନେ ।

ମାହାପୁରୁତି ବୁଦି

୬ ଆଡ଼ିଜିକେଏ ମାମ୍ବୁ ସୁଦୁଜାଞ୍ଜୁତା ପାତାଆନି ବୁଦିଗାଟି ଲକ୍ଷ୍ମତାଣା ବୁଦିତିକାତା ଝେସିନେସି, ସାମା ଏଦି ଇ ଜୁଗୁତି ବୁଦି ଆଏ, ଅଡ଼େ ଇ ଜୁଗୁତି ଗାଡ଼େକା ତାକି ନାସା ଆନି ସାଲ୍‌ଝି କିନାରି ବାଡ଼ୁୟିତି ହାର୍‌ଝି କିନାରି ବୁଦି ଆଏ ।

୭ ସାମା ନାନୁ ତ୍ତୁଗାମାନି ଲେହେଁତି ମାହାପୁରୁତି ବୁଦିତିକାତା ଝେସିମାଜ୍, ଏ ତ୍ତୁଗାମାନି ମାହାପୁରୁ ବୁଦି ମା ଗାଞ୍ଜୁରମି ତାକି ଦାରୁତିତି ଗାଡ଼ି ଆଆ ନକେଏ ଆତାନା ଇଡ଼ିକି ଆହାମାତେ ।

୮ ଇ ଜୁଗୁତି ସାଲ୍‌ଝି କିନାରି ଜିକେଏ ଆମ୍ବାଆରି ଏଦାଆଁ ପୁଞ୍ଜାହିଲଅରି, ଏଦାଆଁତାକି ଇତିହୁଁ ଏଞ୍ଜାରି ଏଦାଆଁ ପୁଞ୍ଜାମାଟିହୁଁ ମା ଗାଞ୍ଜୁରମିଗାଟି ପ୍ରବୁଇଁ କୁସତା ପାୟାଆତେରିମା ।

୯ ସାମା ଏନିକିହୁଁ ଦାମ୍ବୁପତିତା ରାସ୍ତକି ଆହାମାନେ,

“କାନୁ ଏମିନାଣି ମେସା ହିଲେଏ, କିୟଁ ଏମିନାଣି ଝେଞ୍ଜା ହିଲେଏ,

ଅଡ଼େ ମାଣ୍ଡସିୟାଁ ହିୟାଁତା ଏମିନାଣି ଅଣ୍ଡାପା ହିଲଅରି,

ଏ ବାରେତି ମାହାପୁରୁ ତାଞ୍ଜେ ଜାଞ୍ଜୁ ନନାରାକି କିହାମାନେସି ।”

୧୦ ସାମା ମାହାପୁରୁ ମାଞ୍ଜେତାକି ସୁଦୁଜାଞ୍ଜୁ ତଲେ ବାରେ ତସାମାଞ୍ଜାନେସି; ଏନିକଁ ଏ ସୁଦୁଜାଞ୍ଜୁ ବାରେ କାତା, ହାଅ, ମାହାପୁରୁତି ତ୍ତୁଗାମାନି କାତା ଜିକେଏ ପାରିନେସି ।

୧୧ ମାଣ୍ଡସିତି କାତା ବାରେ ମାଣ୍ଡସି ତାଣା ମାନି ଜାଞ୍ଜୁ ପିସ୍ପେ ଅଡ଼େ ଆମ୍ବାଆସି ପୁନେସି ? ଏଲେକିହୁଁ ଏ ମାହାପୁରୁ କାତା ବାରେ ମାହାପୁରୁ ଜାଞ୍ଜୁ ପିସ୍ପେ ଆମ୍ବାଆସି ପୁନଅସି ।

୧୨ ଏନିକଁ ମାହାପୁରୁ ତାଣାଟି ମାଞ୍ଜେ କାର୍ମାମେହୁନି ତାଣାଟି ହାପିକି ଆହାମାନି କାତା ବାରେ ମାରୁ ପୁଞ୍ଜାଲି ଆଡ଼ିନାୟି, ଏଦାଆଁତାକି ମାରୁ ଦାରୁତିତି ଜାଞ୍ଜୁ ପୁଞ୍ଜାଆନା ମାହାପୁରୁତି ଜାଞ୍ଜୁ ବେଟା ଆହାମାନାୟି ।

୧୩ ଏ ବାରେ କାତା ଜିକେଏ ମାରୁ ମାଣ୍ଡସିତି ବୁଦିତି ଜାପାମାନି ବଲୁ ତଲେ ଝେସିହିଲୀଆୟି, ସାମା ସୁଦୁଜାଞ୍ଜୁତି କାତା ବାରେ ସୁଦୁଜାଞ୍ଜୁତି କାତାତଲେ ତେଲ୍‌ହି କିହାନା ସୁଦୁଜାଞ୍ଜୁ ତଲେ ଜାପାମାନି ବଲୁ ତଲେ ଝେସିମାନାୟି ।

* ୨:୩ କାମା ୧୮:୯

୧୪ ଯାମା ଦାରୁଡିତି ମାଣସି ମାହାପୁରୁତି ସୁଦୁଜୀଝୁତି କାତା ବାରେ ଅପଅସି, ଏନାଆଁତାକି ଇଚିହଁ ଏ ବାରେ ତାନି ନକିତା ଉଜେଏତାୟି, ଅଡ଼େ ଏଝାସି ଏ ବାରେତି ତେଲହାଲି ଆଡ଼ଅସି, ଇଚିହଁ ଏ ବାରେ ସୁଦୁଜୀଝୁ ତଲେ ନୀହାୟି କିଝିଆନେ ।

୧୫ ଯାମା ଆମ୍ବାଆରାକି ସୁଦୁଜୀଝୁ ମାନେ, ଏଝାସି ବାରେ କାତା ନେହଁକଁ ଅଣପିନେସି, ଆଡ଼ିଜିକେଏ ଆମ୍ବାଆସି ଏଝାଣାଇଁ ଅଣପଅସି ।

୧୬ ଏନାଆଁତାକି ଇଚିହଁ,

“ଆମ୍ବାଆସି ମାହାପୁରୁତି ଅଣ୍ଠପୁ ପୁଞ୍ଜାମାନେସି,

ଇଞ୍ଜା ଏଝାସି ଏଝାଣାଇଁ ଜାମ୍‌ହାଲି ଆଡ଼ିନେସି ?”

ଯାମା ମାମ୍‌କୁସୁତି ମନ୍‌ବେଟା ଆହାମାନମି ।

୩

କୁଲମିତା ଗଡ଼ହା

୧ ଏ ନା ତାୟିୟାଁ ଅଡ଼େ ତାଜିୟାତେରି ନାନୁ ସୁଦୁଜୀଝୁ ବେଟାଆହାମାନି ଲକୁଣି ଝେହ୍ନିଲେହେଁ ମିଜେ ଝେସାଲି ଆଡ଼ାଆତେଏଁ, ଯାମା ଆଜ୍ଞା ତଲେ ମାନି ଲକୁ ଅଡ଼େ କ୍ରୀସ୍ତ ତାଣା ନାମୁତି କକାରି ପଦାଁଣି ଝେହ୍ନିଲେହେଁ ମିଜେ ଝେସ୍ତାତେଏଁ ।

୨ ନାନୁ ମିଜେ ପାଲୁ ଉଡ଼ହାନା ଆଟ଼ଝା ରାନ୍ଦା ହିୟାଆତେଏଁ, ଏନାଆଁତାକି ଇଚିହଁ ଏଲେତି ରାନ୍ଦା ତିଞ୍ଜାଲି ଆଡ଼ିହିଲିଆତେରି, ଅଡ଼େ ନାଏଁ ଜିକେଏ ଆଡ଼ଅତେରି,

୩ ନାଏଁ ପାତେକା ମୀରୁ ଦାରୁଡିତି ନାମାଆତି ଲକୁ ମାଣକି ତଲେ ମାଞ୍ଜେରି, ଏନାଆଁତାକି ଇଚିହଁ ମୀ ବିତ୍ତା ତାହାରା ଅଡ଼େ ଗଡ଼ହା କିନାୟିମାନେ, ଏନାଆଁତାକି ମୀରୁ ଦାରୁଡିତି ନାମାଆତି ଲକୁତେରି ଆଏକି ଇଞ୍ଜା ମାଣସି ନୀତିନି ଲେହେଁ ନୀତି ହିଲଅତେରି ?

୪ ଏବେତା ରଅସି ଏଲେଇନେସି, “ନାନୁ ପାଝୁଲ ତାଣା ତାତେଏଁ” ଅଡ଼େ ରଅସି ଏଲେଇନେସି “ନାନୁ ଆପଲ ତାଣା ତାତେଏଁ” ଏଚେଟିଏ ମୀରୁ ଦାରୁଡିତି ନାମାଆତି ଲକୁତେରି ଆଏକି ?

୫ ଆପଲ ଆମ୍ବାଆସି ? ପାଝୁଲ ଆମ୍ବାଆସି ? ଏଝାରି ଝାଡ଼ଇ ସେବା କିନାରି, ଆମ୍ବାଆରି ତାଣାତି ବାରେତାକି ପ୍ରବୁ ଏନିକଁ ହାହାମାନେସି ଏଲେକଁ ମୀରୁ ନାମାମାଞ୍ଜେରି ।

୬ ନାନୁ ଉହାମାଇଁ, ଆପଲ ଏୟୁ ହାହାମାନେସି, ଯାମା ମାହାପୁରୁ ପାତି କିହାମାନେସି ।

୭ ଇଚିହଁ ଆମ୍ବାଆସି ଉହିନେସି ଇଞ୍ଜା ଆମ୍ବାଆସି ଏୟୁ ହାନେସି ଏଝାସି ଏନାସି ଆଏ, ଯାମା ଆମ୍ବାଆସି ପାତି କିନି ମାହାପୁରୁ ଏଝାସି କାଜାସି ।

୮ ଆମ୍ବାଆସି ଉହିନେସି ଅଡ଼େ ଆମ୍ବାଆସି ଏୟୁ ହାନେସି ଏଝାରି ରିଆରି ରଲେଏତାରି, ଯାମା ବାରେଜାଣା ତାନି କସ୍ତ ଲେକାତଲେ କୁଲି ବେଟାଆନେରି ।

୯ ଇଚିହଁ ମାମ୍‌ମାହାପୁରୁ ତଲେ ଆଣ୍ଡାନା କାମା କିନାତମି, ମୀରୁ ମାହାପୁରୁତି ତାସା ବୁମି ଅଡ଼େ ମାହାପୁରୁତି ଇଲୁ ।

୧୦ ନାଜେ ହୀପୁକି ଆହାମାଞ୍ଜାନି ମାହାପୁରୁତି କାର୍ମାତଲେ ନାନୁ ର ବୁଦିଗାଟି ଇଲୁ ଦହ୍ନି ଲକୁ ଲେହେଁ ପୁନାଦି କିହାମାଇଁ, ଅର ରଅସି ଏଦାଣି ଲାକ ଇଲୁ ଦସି ମାନେସି, ଯାମା ବାରେଜାଣା ତାନି ଲାକ ଏନିକଁ ଦସି ମାନେରି ଏନାଆଁତାକି ଜାଗ୍ରାତା ଆପେରି ।

୧୧ ଇଚିହଁ ଆମିନି ପୁନାଦି କିଝିଆହାମାନେ, ଏଦାଣି ପିସପେ ଏଟକାତି ପୁନାଦି ଆମ୍ବାଆସି କିହାଲି ଆଡ଼ଅସି, ଏ ପୁନାଦି ଜୀସୁ କ୍ରୀସ୍ତ ।

୧୨ ଯାମା ଆମ୍ବାଆସି ଏ ପୁନାଦି ଲାକ ବାଂଗାରା, ଝେଣ୍ଡି, ଗାଡ଼ି ଦାରାଗାଟି ଝାଲୁକା, ମାରୁକା, ଜାଡ଼ା, ଅଡ଼େ ଝିକା ତଲେ କିନେସି,

୧୩ ଆତିହଁ ଆମ୍ବାଆରି କାମା ଏନିଲେହେଁତାୟି ଏଦି ତଞ୍ଜାଆନେ, ଇଚିହଁ ଏ ନେଚୁ ଏଦି ତହ୍ନେ, ଏ ନେଚୁ ହିଚୁତଲେ ତଞ୍ଜାଆନେ, ଇଞ୍ଜା ବାରେଜାଣାତି କାମା ଏନିଲେହେଁତାୟି ଏ ହିଚୁ ତାୟିପାରି କିନେ ।

୧୪ ଆମ୍ବାଆସି ଏନିକଁ ଇଲୁ ଦସା ମାନେସି ଏଝାଣି କାମା ଏଲେକଁ ଡ଼ୟିତିହଁ ଏଝାସି ଏ ଦାନା ବେଟା ଆନେସି ।

☆ ୩:୨ ଏଡ଼ି ୫:୧୨, ୧୩ ☆ ୩:୪ ୧କର ୧:୧୨ ☆ ୩:୭ କାମା ୧୮:୪-୧୧; କାମା ୧୮:୨୪-୨୮

୧୫ ଇଞ୍ଜି ଆମ୍ବାଆରି କାମା ଖେହାହାନେ, ଏଞ୍ଜାଣିଞ୍ଜାୟି ନାସଞ୍ଜି ଆନେ, ଆଡ଼ିଜିକେଏ ଏଞ୍ଜାସି ଗେଲ୍ପି ଆନେସି, ସାମା ଏଦି ହିରୁ ବିତ୍ତାଟି ହରା ହାଟି ସମାନା ଆନେ ।

୧୬ *ମୀରୁ ପୁଞ୍ଜାହିଲଅତେରି କି ମୀରୁ ମାହାପୁରୁତି ଇଲୁତେରି, ଅଡ଼େ ମାହାପୁରୁତି ସୁଦୁଜୀଞ୍ଜୁ ମୀ ହିୟାତା ବାସା କିନେ ।

୧୭ ଆମ୍ବାଆସି ମାହାପୁରୁ ଲକୁଇଁ ନାସା କିନେସି, ମାହାପୁରୁ ଏଞ୍ଜାଣାଇଁ ନାସା କିନେସି, ଇତିହଁ ମାହାପୁରୁତି ଇଲୁ ଅଡ଼ହାୟି ଇଞ୍ଜା ମୀରୁଏ ଏଞ୍ଜାଣି ଇଲୁ ।

୧୮ ଆମ୍ବାଆସି ତାନୁଏ ତାଙ୍ଗେ ନାଡ଼ିକିହା କତାଆପେସି, ଆମିନି ଲକୁ ଇ ଦାରୁତିତା ବୁଦି ଗାଟାତେଏଁ ଇଞ୍ଜି ଅଣପିନେସି, ଆଡ଼ିହଁ ଏଞ୍ଜାସି ଏନିକଁ ବୁଦିଗାଟାସି ଆନେସି ଏଦାଆଁତାକି ଦାରୁତି ଲକୁତାଣା ବୁଦି ହିଲଆଗାଟି ଲକୁ ଲେହେଁ ଆପେସି ।

୧୯ ଇତିହଁ ଇ ଦାରୁତି ବୁଦି ମାହାପୁରୁ ନକିତା ବୁଦି ହିଲଆଗାଟାୟି, ଏଦାଆଁତାକି ରାସ୍‌କି ଆହାମାନେ, “ମାହାପୁରୁ ବୁଦି ଗାଟାରାଇଁ ତାମି ସୁତ୍ରମି ତଲେ ପାନ୍ଦାତା ଆହନେସି;”

୨୦ ଅଡ଼େ ରାସ୍‌କି ଆହାମାନେ “ବୁଦିଗାଟାରି ଅଣପୁ ବାରେ ଉଜେଏତାୟି ଇଞ୍ଜି ପ୍ରୁ ପୁଞ୍ଜାମାନେସି ।”

୨୧ ମାଣସି ତାଣା ଆମ୍ବାଆସି ବତପଣ ଆଆପେସି, ଇତିହଁ ବାରେ ମୀଦିଏ ।

୨୨ ପାଞ୍ଜଲ, ଇଞ୍ଜୁ କି ଆପଲ, ଇଞ୍ଜୁ କେପା*, ଇଞ୍ଜୁ ଅଡ଼େ ଦାରୁତି ଇଞ୍ଜୁ କି ଜୀଞ୍ଜୁ ଇଞ୍ଜୁ, କି ହାନାୟି ଆପେ, ନାର୍‌ସି ତାୟି ଆପେ, କି ତାୟି ତାୟି ଆପେ, ଏ ବାରେଏ ମୀଦି ।

୨୩ ସାମା ମୀରୁ କ୍ରୀସ୍ତତି ଲକୁତେରି ଅଡ଼େ କ୍ରୀସ୍ତ ମାହାପୁରୁ ତାଣାତାସି ।

୪

ଜୀସୁ ତାଣାଟି ପାଣ୍ଡି ଆହାମାନରି

୧ ଲକୁ ମାଙ୍ଗେ କ୍ରୀସ୍ତତି ସେବା କିନାରି, ଅଡ଼େ ମାହାପୁରୁତି ତ୍ତୁମାନି ଇଲୁତି ଗୁମୁସା ଇଞ୍ଜି ଅଣପାପେରି ।

୨ ଇଲେଆହଁ ଗୁମୁସା ବେଟାଆହାମାନି ମାଣସି ଜାହାରା ପ୍ରୁ ତାଣା ମାନି ଗାଟାସି ତଞ୍ଜା ଆପାସି ।

୩ ସାମା ମୀ ତାଣାଟି ଆପେ କି ଆମିନି ନାହାୟି କିନି ତାଣା ନାହାୟି କିଞ୍ଜି ଆନାୟି ନା ତାକି ଏଦି କାଜା କାତା ଆଏ, ଇଲେକଁ ନାନୁ ଜାହାରାଇଁ ନାହାୟି କିହା କତଅଁ ।

୪ ଇତିହଁ ନାନୁ ନା କ୍ରୀସ୍ତାଟି ଏଦାଆଁ ପୁଞ୍ଜାହିଲଅଁ, ଆଡ଼ିଜିକେଏ ନାନୁ ଇମ୍ବାଆଁ ଦହ ହିଲଆ ଗାଟାତେଏଁ ଇଞ୍ଜି ତଞ୍ଜା ଆହାହିଲଅଁ, ସାମା ଆମ୍ବାଆସି ନା ନାହାୟି କିୟାନେସି, ଏଞ୍ଜାସି ପ୍ରୁ ।

୫ ଏଦାଆଁତାକି, ତାରିକିତି ଦିନା ଖାଆ ନକେଏ ଇତିହଁ ପ୍ରୁ ଖାଆ ନକେଏ ମୀରୁ ଆମ୍ବାଆରାଇଁ ନାହାୟି କିଆଦୁ, ଏଞ୍ଜାସି ଆନେରିତା ତ୍ତୁମାନି ବାରେ ଉଜେଡ଼ିତା ତହନେସି, ଅଡ଼େ ହିୟାତି ଅଣପୁ ବାରେ ଏଞ୍ଜାସି ଖେହନେସି, ଏତିବେଲା ବାରେତାଣା ମାହାପୁରୁ ତାଣାଟି ଗାସ୍ତୁରି ବେଟାଆଡ଼େରି ।

୬ ଏ ତାୟିୟାଁ ଅଡ଼େ ତାଙ୍ଗିସ୍ତାତେରି, ନାନୁ ମୀରୁ ଜାପାଲି ତାକି ଇ ବାରେ କାତା ନାନୁ ନାଙ୍ଗେ ଅଡ଼େ ଆପଲଇଁ ତସାଁ ଖେସିମାଞ୍ଜାଇଁ, “ଇତିହଁ ଏନାୟି ରାସ୍‌କି ଆହାମାନେ ଏ କାତାଟି ଗାଣ୍ଡାଆଦୁ,” ଇଦାଆଁ ମୀରୁ ମୀ ତାଣାଟି ଜାପାଦୁ, ଅଡ଼େ ଏନିକଁ ମୀ ବିତ୍ତାଟି ଆମ୍ବାଆସି ରଅଣି ଖାକିଟି ଅଡ଼େ ରଅଣାଇଁ ଅପାଆନା ବତପଣ ଆଆଦୁ ।

୭ ମିଙ୍ଗେ ଆମ୍ବାଆସି କାଜାସି କିହାଁ ମାଞ୍ଜାନେସି ? ଅଡ଼େ ମୀରୁ ଏଦାଆଁ ଦାନା ଲେହେଁ ବେଟାଆହା ହିଲଅତେରି, ଇଲେକଁ ମୀଦି ଏନାୟି ମାନେ ? ସାମା ମୀରୁ ଏଦାଆଁ ଦାନା ଲେହେଁ ବେଟାଆହାମାଞ୍ଜେରି, ଆଡ଼ିହଁ ମୀରୁ ଦାନା ଆଏ ଇନି ଲେହେଁ ଏନାଆଁତାକି ବତପଣ ଆହାମାଞ୍ଜେରି ?

୮ ମୀ ବାରେ ଲତାମାନାଣି ବେଟାଆଡ଼େରିଏ କି ? ଇଚେକାଟିଏ ମୀରୁ ବାଡ଼କା ହାଚେରିଏ କି ? ମୀ ପିସ୍‌ପେ ମୀରୁ ରାଜା ଆହାମାଞ୍ଜେରି ? ହାଅ, ମୀରୁ ରାଜା ଆହାମାଟିହଁ ନେହଁ ଆଡ଼େମା, ଏନିକଁ ମୀମ୍ବୁ ଜିକେଏ ମୀ ତଲେ ସାଲୁଞ୍ଜି କିହାଲି ଆଡ଼ିତମିମା ।

୯ ଏନାଆଁତାକି ଇତିହଁ ନା ଅଣପୁତା ମୀରୁ ପାଣ୍ଡି ଆହାମାନାତାୟି, ମୀରୁ ମାହାପୁରୁତି ତଣ୍ଡା ହେରୁପି ଆହାମାନି ତାୟି ଲକୁ ସମାନା ତସାମାଞ୍ଜାନେସି, ଇତିହଁ ମୀମ୍ବୁ ଦାରୁତିତା, ମାହାପୁରୁତି ଦୂତୁୟାଁ ଇଞ୍ଜା ମାଣସିୟାଁ ନକିତା ଲାଜାକିଞ୍ଜି ଆନାତମି ଲେହେଁ ଆହାମାନମି ।

* ୩:୧୬ ୧କର ୬:୧୯; ୨କର ୬:୧୬ * ୩:୨୨ ପିତର

୧୦ ମାମୁ କ୍ରୀସ୍ତ ତାକି ବୁଦି ହିଲୀଆ ଗାଟାତମି, ସାମା ମୀରୁ କ୍ରୀସ୍ତ ତାକି ବୁଦି ଗାଟାତେରି; ମାମୁ ବାଡ଼ୁଲୁ ହିଲୀଆ ଗାଟାତମି, ସାମା ମୀରୁ ବାଡ଼ୁଲୁ ଗାଟାତେରି; ମୀରୁ ଗାଞ୍ଜୁରମି ବେଟା ଆନାତେରି, ସାମା ମାମୁ ଚୁବଟା ଆଆଗାଟାତମି ।

୧୧ ନୀର୍ବ ପାତେକା ମାମୁ ହାକି, ଅଡ଼େ ଏସ୍ତକି ଗାଟାତମି, ଗେଞ୍ଜିତି ହିମ୍ବରି ହୁଟାମାନମି, ଅଡ଼େ ମାଡ଼ା ବେଟାଆହି ମାନମି, ଇଞ୍ଜା ବାସାଗାମୁ ହିଲୀଆନା ରେଜିମାନମି ।

୧୨ *ମା କେୟୁତି ଖାହୁତି କାମା କିହିମାନମି, ଆମ୍ବାଆସି ବାକା ଇଟାସାରେ, ମାମୁ ଏଞ୍ଜାଋଇଁ ବର ହାହିମାନମି, ସାସି ହିୟାତିହିଁ ଜିକେଏ ଅରୁହିମାନମି ।

୧୩ ମାଜେ ଲାଜା କିୟାତିହିଁ ଜିକେଏ ମାମୁ ଆଣ୍ଡୁଆନି କାତା ଖେସିମାନମି; ନୀର୍ବ ପାତେକା ମାମୁ ଦାରୁତିତି ତୁକି ଜାଣୁ ଅଡ଼େ କିଟସି ରୁଡିତି ଲେହେଁ ଆହାମାନମି ।

୧୪ ନାନୁ ମିଜେ ଲାଜା ହାହାଲି ଇ ବାରେ କାତା ରାଡ଼ିମାଞ୍ଜାଅଁ, ସାମା ନା ଜୀଞ୍ଜୁତି ମୀରୁକା ଇଞ୍ଜି ଅଣ୍ଡପାନା ମିଜେ ସେଡ଼ନା ହାହାଲିତାକି ଇ ବାରେ କାତା ରାଡ଼ିମାଞ୍ଜାଇଁ ।

୧୫ ଇତିହିଁ କ୍ରୀସ୍ତ କାତା ମିଜେ ଜାପୁନାରି ଦସ ମାଣା ଲକୁ ଡ଼ୟିନେରି, ଆଡ଼ିଜିକେଏ ହାଡ଼େକା ତାଞ୍ଜିୟା ହିଲୀଅରି; ଇତିହିଁ କ୍ରୀସ୍ତ ଜୀସୁ ତାଣା ନାନୁ ମିଜେ ନେହିଁ କାଡ଼ୁତଲେ ମୀ ତାଞ୍ଜି ଲେହେଁ ଆହାମାଈ ।

୧୬ *ଏଦାଆଁତାକି ନାନୁ ମିଜେ ବାଡ଼ିମାଲିମାଞ୍ଜାଇଁ ନାନୁ କିହିମାନି ଲେହେଁ କିପୁ ।

୧୭ ଏଦାଆଁତାକି ନାନୁ ତିମତିଇଁ ମୀ ତାଣା ପାଣ୍ଡିମାଞ୍ଜାଇଁ, ଏଞ୍ଜାସି ମାହାପୁରୁ ତାଣା ନା ଜୀଞ୍ଜୁତି ନାମୁତି ମୀରୁଏସି; ଏନିକିଁ ନାନୁ ବାରେଞ୍ଜାକି ବାରେ କୁଲମିକାଣା ଜାପୁହି ମାଈ, ଏଲେକିଁ ଏଞ୍ଜାସି ମିଜେ ନା କ୍ରୀସ୍ତ ଲେ଼ୟିନାଣି ଅଣ୍ଡପି କିୟାନେସି ।

୧୮ ନାନୁ ମୀ ତାଣା ଖାହି ହିଲୀଅଁ ଇଞ୍ଜି ଅଣ୍ଡପାନା ଏତରଜାଣା ବତପଣ ଆହିମାଞ୍ଜେରି ।

୧୯ ସାମା ମାହାପୁରୁ ମନ କିତିହିଁ, ନାନୁ ମୀ ତାଣା ତବେ ଖାଡ଼ି; ଅଡ଼େ ଆମ୍ବାଆରି ବତପଣ ଆହିମାନେରି, ଏଞ୍ଜାରି କାତାତଲେ ଆଏ, ସାମା ବାଡ଼ୁଲୁତି ସିନିକଇଁ ।

୨୦ ଇତିହିଁ ମାହାପୁରୁତି ରାଜି ଖାରଇ ଜଲିନି କାତାତଲେ ଆଏ, ସାମା ବାଡ଼ୁଲୁ ତଲେ ତଞ୍ଜାଆନେ ।

୨୧ ମୀ ଅଣ୍ଡପୁ ଏନାୟି ? ନାନୁ ବାଡ଼ଗା ଆସାଁ ମୀ ତାଣା ଖାଈଁ କି ଜୀଞ୍ଜୁ ନନାଣି ଆସାନା ଇଞ୍ଜା ସୁଦୁ ସୁଞ୍ଜାଲ ଗାତି ଜୀଞ୍ଜୁ ଆସାଁ ଖାଈଁ ?

୫

କୁଲମି ବିଦ୍ବାମାନି ଲାଗେଏତାସି

୧ ସାତେଏ ଝେଙ୍ଗାମାନେ କି ମୀ ବିଦ୍ବା ଦାରିକାମା ମାନେ, ଅଡ଼େ ମୀ ତାଣା ଇଲେତି ଦାରିକାମା ମାନେ, ଅଡ଼େ ଇଲେତାସି ଜୀହୁଦିଆଆତାରି ତାଣା ଜିକେଏ ଆଏ, ଇଲେକିଁ ରଅସି ତାମି ଆବା ତକ୍ତିନି ଇଟାମାନେସି ।

୨ ଅଡ଼େ, ଆମ୍ବାଆସି ଇଲେତି କାମା କିହାମାନେସି, ଏଞ୍ଜାସି ଏନିକିଁ ମୀ ତାଣାଟି ହେକ କିଞ୍ଜିଆନେସି, ଏଦାଆଁତାକି ଦୁକୁଆହିଁ ଡ଼ୀଆନା ବତପଣ ଆହିମାଞ୍ଜେରି ?

୩ ସାମା ନାନୁ ଆଜା ତଲେ ହିଲୀଆତି ଜିକେଏ ଏମ୍ବାଆଁ ମାନିଲେହେଁ ମାଈ, ଆମ୍ବାଆସି ଇଲେତି କାମା କିହାମାନେସି, ନାନୁ ମାନି ଲେହେଁ ପ୍ରବୁ ଜୀସୁ ଦରୁତଲେ ଏଞ୍ଜାଣି ବିତାରା କିହା ରାହାମାଈ,

୪ ଇତିହିଁ ମୀରୁ ଅଡ଼େ ନା ପ୍ରବୁ ଜୀସୁ ବାଡ଼ୁଲୁ ତଲେ କୃତା ଆନାଟି ନା ଜୀଞ୍ଜୁ ଜିକେଏ ଏମ୍ବାଆଁ ଡ଼ୟିନେ ଇଞ୍ଜି ପୁଞ୍ଜାମାଈ,

୫ ଇଞ୍ଜା ଇଲେତି ଲକୁଈଁ ଆଜା ତଲେ ନାସା ଆହାଲି ସୟତାନ କେୟୁତା ହେରୁପିନାୟି ମାନେ, ଏନିକିଁ ପ୍ରବୁ ଜୀସୁତି ଦିନାତା ଏଞ୍ଜାଣି ଜୀଞ୍ଜୁ ଗେଲୁପି ଆହାଲି ଆଡ଼ିନେ ।

୬ *ମୀରୁ ଇଲେଆହିଁ ବତପଣ ଆନାୟି ନେହେଁ ଆଏ । ମୀରୁ ପୁଞ୍ଜାହିଲଅଡ଼େରି, “ଇତରା ପୁଲୀଏୟୁ ବିତିତା ମାନି ଗୁଣ୍ଡାତି ପୁଲୀ କିନେ ।”

୭ ମୀରୁ ପୁଲୀ ତିନାଆ ଲକୁଡ଼େରି, ଏଦାଆଁତାକି ଏନିକିଁ ମୀରୁ ପୁଞ୍ଜିନି ତୁକା ଆହାଲି ଆଡ଼ିଦେରି, ଏଦାଆଁତାକି ପୁଞ୍ଜଇ ପୁଲୀ ଏୟୁତି ହପୁହା ତୁହଦୁ; ଏନାଆଁତାକି ଇତିହିଁ ମା ପିସପିଆନି ପାବୁତି ମେଣ୍ଡା ତାଲୁ, ଇତିହିଁ କ୍ରୀସ୍ତ, ଜିକେଏ ପୂଜା କିଞ୍ଜିଆହାମାନେସି ।

୮ ଏଦାଆଁତାକି ଖାଦୁ, ମାର ପାପୁ ଅଡ଼େ ଲାଗେଏତି ପ୍ଲାଃଇ କାମାତି ରୁତି ପଞ୍ଜିକିନି ଗୁଣ୍ଡା ତଲେ ପାର୍ବୁ କିଆନା ତୀରି ଅଡ଼େ ସାତା ତଲେ ପୁଲ୍ୟାଏୟୁ ହିଲାଆ ରୁତିତି ପାର୍ବୁ କିନ ।

୯ ଦାରି କାମାକିନାରି ତଲେ ଆଣ୍ଡାଆଦୁ ଇଞ୍ଜି ନାନୁ ନା ଆକୁତା ରାମାମାରେଏ;

୧୦ ଈ ଦାରୁତିତି ଦାରିକାମା କି ଦନ ଜୁପକା, ଏଡ଼କାତାରି ଦିଶ୍‌ସୁ ସରୁ ଆନାରି, ପେଣକା ବମାୟା ପୂଜା କିନାରି ତଲେ ଆମ୍ବାଆସି ଏତେଲା ଆଣ୍ଡାଅସି, ଏଦି ଆଏ, ଏଲେଆଡ଼ିହୁ ଦାରୁତିତି ହଡ଼ା ହାନାୟିମାନେ;

୧୧ ଇତିହୁ ନା, ରାଡ଼ିନି ଅଣ୍ଡାପୁ ଇଦି ମାତେ, ଇତିହୁ ଆମିନି ଲକୁତି ତାୟି ଇଞ୍ଜି ଖେଜ୍‌ଜାନା, ଦାରିକାମା, ଦନ ଜୁପକା, ପେଣକା ବମାୟା ପୂଜା, ନିନ୍ଦା ଗାଟାରି, କାଡ଼ ରୁଡ଼ୁ, ଏଡ଼କାତାରି ଦିଶ୍‌ସୁତି ସରୁ ଆନେରି, ଆଡ଼ିହୁ ଏଲେତାରି ତଲେ କୁଡ଼ାଆଦୁ, ଅଡ଼େ ଏଞ୍ଜାରିତଲେ ରାନ୍ଦା ଜିକେଏ ତିନାଆଦୁ ।

୧୨ ପାଙ୍ଗାତି ଲକୁତି ନାହାୟି କିହାଲି ନାନୁ ଆମ୍ବାଆତେଏ ? ସାମା କୁଲମି ବିତ୍ତା ଆମ୍ବାଆରି ମାନେରି ଏଞ୍ଜାରି ବିଚାରା ମାରୁ କିଅତେରି କି ?

୧୩ ସାମା ଆମ୍ବାଆରି ପାଙ୍ଗାତା ମାନେରି ମାହାପୁରୁ ଏଞ୍ଜାରି ବିଚାରା କିନେସି । ଦାମ୍ବୁ ସାସ୍‌ସୁରିତା ରାସ୍‌କି ଆହାମାନେ, “ମୀ ତାଣାତି ଲାଗେଏତି ଲକୁଣି ଏଡ଼କା କିଦୁ ।”



କ୍ରୀସ୍ତାନା ତାୟିୟାଣି ଦାଞ୍ଜାକିନି ମେରା

୧ ମୀ ବିତ୍ତାତି ଆମ୍ବାଆରି କପାଟି କାତା ମାଟିସାରେ ଏଞ୍ଜାସି ନାହାୟି କିହାଲି ମାହାପୁରୁ ଲକୁତାଣା ହାଲାଆନା ଦାମ୍ବୁ ହିଲାଆଗାଟି ନାହାୟି କିନାଣି ତାଣା ଅହାଲି ଏନିକି ସାସା ମାନେ ?

୨ ମାହାପୁରୁ ଲକୁ ଈ ଦାରୁତିତି ନାହାୟି କିନେରି, ଈ କାତା କି ମୀରୁ ପୁଞ୍ଜାହିଲଅତେରି ? ଇଞ୍ଜା ଦାରୁତି ମୀ ତାଣା ନାହାୟି କିଞ୍ଜିଆନେ, ଆଡ଼ିହୁ ଈ ଇତି ଇତି କାତାତି ନାହାୟି କିୟାଲି ଆଡ଼ଅତେରି କି ?

୩ ମାର ଲାକପୁରୁତି ଦୁଡ଼ୁୟାଲି ଜିକେଏ ବିଚାରା କିନାୟି ଈ କାତା ମୀରୁ ପୁଞ୍ଜାହିଲଅତେରି କି ? ଆଡ଼ିହୁ ଦାରୁତିତି ଜାମଲିତି ଜିକେଏ ନାହାୟି କିନାୟି ମାଙ୍ଗେତାକି ଉସାସା ଆୟେଏ କି ?

୪ ମୀ ଜୀଞ୍ଜୁତି କାତା ଏନାୟି, ସାମା ନାହାୟି କିୟାଲି ଏନି ଦାରୁତିତି କାତା ମାଟିହୁ, ଏଦାଆଁ ନାହାୟି କିୟାଲି କୁଲମିତି ପୁନାଆ ଗାଟାରାଇଁ ନାହାୟି କିୟାଲି ହାଡ଼ିଦେରି କି ?

୫ ନାନୁ ମିଙ୍ଗେ ଲାଜା ହାହାଲିତାକି ଈଦାଆଁ ଖେସିମାଞ୍ଜାଇଁ । କ୍ରୀସ୍ତଇଁ ନାମାମାନି ତାୟିୟା ବିତ୍ତା ଆହିମାନି ଗଡ଼ହାତି ତୁକହାଲି, ଇଲେତି ର ରୁଦିଗାଟାସି ଜିକେଏ କୁଲମିତା ଆମ୍ବାଆସି ହିଲଅସି କି ?

୬ ସାମା ନାମୁଗାଟି ତାୟି ଅର ତାୟି କପାଟି ନାହାୟି ଲକୁତା ଦାଞ୍ଜା କିନେସି, ଏଦି ଜିକେଏ ନାମାଆଗାଟାରି ତାଣା !

୭ ସାମା ମୀ ମୀ ବିତ୍ତାତି କାତାତାକି କର୍ତ୍ତା ଦାଞ୍ଜା କିହିମାଞ୍ଜେରି, ଏମାଆଁ ସାତେଏ ଦହ ଗାଟାତେରି, ଏନାଆଁତାକି ଲାଗେଏତାଣି ଅରୁହି ହିଲଅତେରି ? ଏନାଆଁତାକି ନାସ୍‌ଞ୍ଜି ଆନାଣି ଅପିହିଲଅତେରି ?

୮ ସାମା ମୀରୁ ମୀରୁଏ ଲାଗେଏ ଅଡ଼େ ନାସା କିହିମାଞ୍ଜେରି, ଅଡ଼େ ଏଦାଆଁ ତାୟିୟାଣି କିହିମାଞ୍ଜେରି ।

୯ ଅଡ଼େ ଦାମ୍ବୁ ହିଲାଆ ଗାଟାରି ମାହାପୁରୁ ରାଜିତି ଅଦିକାରା ଆଅରି, ଈଦାଆଁ କି ମୀରୁ ପୁଞ୍ଜାହିଲଅତେରି ? ନାଡ଼ିକିଞ୍ଜି ଆଆଦୁ, ଦାରିକାମା, କି ପେଣକା ବମାୟା ପୂଜା କିନାରି, ଲାଗେଏତି କାମାକିନାରି, ଆବା ଆବାୟା ଦହ କିଞ୍ଜିଆନାରି,

୧୦ ସରୁ କିନାରି, ଦନ ଜୁପକା, କାଡ଼ ରୁଡ଼ୁ, ଲକୁଣି ନିନ୍ଦା କିନାରି, ଏଡ଼କାତାରି ଦିଶ୍‌ସୁ ମୀଞ୍ଜିନାରି, ଈଞ୍ଜାରି ମାହାପୁରୁ ରାଜିତା ଅଦିକାରା କିହାଲି ଆଡ଼ଅରି ।

୧୧ ଅଡ଼େ, ମୀ ବିତ୍ତା ଆମ୍ବା ଆମ୍ବାଆରି ଇଲେକି ମାତେରି; ସାମା ପ୍ରବୁ ଜୀସୁ କ୍ରୀସ୍ତ ଦରୁତଲେ ଇଞ୍ଜା ମାହାପୁରୁତି ସୁଡ଼ୁକୀଞ୍ଜୁ ତଲେ ମୀରୁ ନରୁଞ୍ଜି ଆହାମାଞ୍ଜେରି, ଇଞ୍ଜା ସୁଦୁଗାଟାତେରି ଆହାମା ତୀରିଗାଟାତେରି ଇଞ୍ଜି ଖେଜ୍‌ଜା ମାଞ୍ଜେରି ।

ମାହାପୁରୁତି ଗାଞ୍ଜୁରମି ତାକି ଆଙ୍ଗାତି ଲେମ୍ବିନାୟି

୧୨ *ଆମ୍ବାଆସି ଏଲେଇନେସି “ନାଙ୍ଗେ ବାରେ କାମା କିହାଲି ଅଦିକାରା ହାପୁକି ଆହାମାଞ୍ଜାନେ,” ସାତା କାତା, ସାମା ବାରେ କାମା ନିଙ୍ଗେତାକି ନେହାୟି ଆଏ, ନାଙ୍ଗେ ବାରେ କାମା କିହାଲି ହେଲ ମାନେ ସାମା ନାଙ୍ଗେ ଲକହାଲି ଆମ୍ବାଆରାକି ଏତେଲା ପାରୁ ହାଅି ।

☆ ୬:୧୨ ୧କର ୧୦:୨୩

୧୩ ଏଚରଜାଣା ଏଲେଜନେରି “ରାନ୍ଦା ବାଣ୍ଟି ତାକି ଇଞ୍ଜା ବାଣ୍ଟି ରାନ୍ଦା ତାକି ।” ସାମା ମାହାପୁରୁ ଇ ରିଣ୍ଡାଆତି ଜିକେଏ ମ୍ବେକନେସି । ଆଜା ଦାରି କାମାତାକି ଆଏ, ସାମା ପ୍ରବୁତି ସେବାତାକି, ଅଡ଼େ ପ୍ରବୁ ଆଜା ତାକି ।

୧୪ ମାହାପୁରୁ ପ୍ରବୁ ଜୀସୁଇଁ ହାକିଟି ନିକ୍‌ହେସି, ଇଞ୍ଜା ତାନି ବାଡ଼ୁୟୁ ତଲେ ମାଜେ ଜିକେଏ ନିକ୍‌ହାନେସି ।

୧୫ ମୀ ଆଜା କ୍ରୀସ୍ତତି ଆଜା ଲେହେଁ, ଇଦାଆଁ ପୁଞ୍ଜାହିଲଅତେରି କି ? ଆତିହେଁ ନାନୁ କ୍ରୀସ୍ତତି ର ଆଜା ଅହାନା ଦାରେଣି ଆଜା କିଇଁ ? ଏଦି ଏଚେଲା ଜିକେଏ ଆଆପେ ।

୧୬ ଅଡ଼େ ଆମ୍ବାଆସି ଦାରେଣି ତଲେ ଆଣ୍ଟିନେସି ଏଝାସି ଏଦାନିତଲେ ରଣ୍ଟିଏ ଆଜା ଆନେସି, ଇଦାଆଁ ମୀରୁ ପୁଞ୍ଜାହିଲଅତେରି ? ଏଦାଆଁତାକି ଦାମ୍ବୁପତିତା ରାସ୍‌କି ଆହାମାନେ “ଏ ତକ୍ତି ତକ୍ତା ରଣ୍ଟିଏ ଆଜା ଆନୁ ।”

୧୭ ସାମା ଆମ୍ବାଆସି ପ୍ରବୁ ତଲେ ଆଣ୍ଟିନେସି, ଏଝାସି ଏଝାଣିତଲେ ରଣ୍ଟିଏ ଜୀସୁ ଆନେସି ।

୧୮ ଦାରିକାମାଟି ହେକ ଆଦୁ, ମାଣସି ଏନି ପାପୁ କିନେସି, ଏଦି ଆଜାତି ଲାଗେଏ କିନେସି, ସାମା ଆମ୍ବାଆସି ଦାରିକାମା କିନେସି, ଏଝାସି ତାନି ଆଜା କପାଟି ପାପୁ କିହିମାନେସି ।

୧୯ *ମୀ ଆଜା ମାହାପୁରୁ ତାଣ୍ଡାଟି ବେଟାଆହାମାନି ମୀ ହିୟାଁ ବିତ୍ରା ସୁଦୁଜୀସୁ ବାସାଆନି ଦେଝୁଡ଼ି, ଇଦାଆଁ ମୀରୁ ପୁଞ୍ଜାହିଲଅତେରି କି ? ଅଡ଼େ ମୀରୁ ମୀରୁଏ ମିଆତେରି ଆଏ; ସାମା ମାହାପୁରୁତି ଲକୁତେରି ।

୨୦ ଇତିହେଁ ମୀରୁ ଗାତି ଦାରାତଲେ କଡ଼ଝି ଆହାମାଞ୍ଜେରି; ଏଦାଆଁତାକି ମୀ ଆଜା ତଲେ ମାହାପୁରୁତି ଗାଝୁରମି କିଦୁ ।

୭

ବୀହା ଆନି ମେର

୧ ମୀରୁ ମୀ ଆକୃତା ଆମିନି କାତା ରାଡ଼ା ମାଞ୍ଜେରି, ଏ ବାରେତାକି ନାନୁ ଝେସ୍‌ୟାନାୟି ଇଦି, “ଇୟନି ତୀଗାଆ ଗାଟାୟି ଆବାକି ନେହେଁ:”

୨ ସାମା ଦାରି କାମାତି ଆଜିତାକି ବାରେ ଆବାୟାଁକି ଜାହାରା ତକ୍ତି ମାଣ୍ଡେ, ଅଡ଼େ ଇୟସିକାକି ଜାହାରା ତକ୍ତା ମାଣ୍ଡେସି ।

୩ ତକ୍ତା, ତକ୍ତାନାକି ଏନାୟି ଲଡ଼ା ଏଦାଆଁ ହୀପାସି, ଇଞ୍ଜା ଏଲେକିହେଁ ଏ ତକ୍ତି ତକ୍ତାକି ତାନି ଲଡ଼ାମାନାଣି ହୀପେ, ଅଡ଼େ ତାମଜେ ଏନାୟି ଲଡ଼ାମାନାଣି ପୁରା କିନାୟିମାନେ ।

୪ ତକ୍ତି ତାନି ଆଜାତି ମୁହେଁ ଅଦିକାରା ହିଲେଏ, ସାମା ତକ୍ତାକି ମାନେ । ଏଲେକିହେଁ ଏ ତକ୍ତାକି ତାନି ଆଜାତି ମୁହେଁ ଅଦିକାରା ହିଲେଏ, ସାମା ତକ୍ତାନାକି ମାନେ ।

୫ ତାମ୍ବୁତାମି ତାଣ୍ଡାଟି ଏଟକା ଆହାନା ତୁୟାଆପୁ; ସାମା ପ୍ରାଡ଼ାନା କିହାଲି ଏଚରଦିନା ପାତେକା ରିଆତେରି ରଣ୍ଟିଏ ମନ ଆହାନା ଏଟକା ତୁୟାଲି ଆଡ଼ିଦେରି; ଅଡ଼େ ମୀ ଆଜାତି କୁପକାତାକି ତୁୟାଲି ଆଡ଼ାଆକି ସୟତାଏ ଏନିକେଁ ମିଜେ ତାୟିପାରି କିୟେଏ, ଏଦାଆଁତାକି ଝେଣ୍ଡେ ଆଣ୍ଡିଆଦୁ ।

୬ ସାମା ନାନୁ ହୁକୁମି ହୀନି ଲେହେଁ ଝେହୁଆନାହାଁ ଜାପୁନି ଲେହେଁ ଝେସିମାଇଁ ।

୭ ଆତିହେଁ ଜିକେଏ ଏନିକେଁ ବାରେ ଲକୁ ନାଟଲେହେଁକେଁ ଆନେରି, ଇଦି ନା ଅଣ୍ଡୁ । ସାମା ଆମ୍ବାଆସି ଇଲେତି ଦାନା, ଅଡ଼େ ଆମ୍ବାଆସି ଏଲେତି ଦାନା ମାହାପୁରୁ ତାଣ୍ଡାଟି ବେଟାଆହାମାନେରି ।

୮ ସାମା ନାନୁ ବୀହା ଆଆତି ଲକୁଇଁ ଇଞ୍ଜା ରାଣ୍ଡେଣିସିକାଣି ଝେସିମାଇଁ, ଏଝି ନାଟଲେହେଁକେଁ ତୁୟିତିହେଁ ଏଝାସିକାକି ନେହେଁ ।

୯ ସାମା ଏଝି ଆଜାତି ଲକ୍‌ହାଲି ଆଡ଼ିହିଲାଉ ଇତିହେଁ ଏଝି ବୀହା ଆପୁ; ଇତିହେଁ ଆଜା ଲାଗେଏତି କାମାତା ଝେନିକିହାଁ, ବୀହା ଆନାୟି ନେହେଁ ।

୧୦ *ସାମା ବୀହା ଆଡ଼ି ଲକୁଇଁ ନାନୁ ହୁକୁମି ହୀହିମାଇଁ, ନାନୁ ଆଏ ସାମା ପ୍ରବୁ ହୁକୁମି ହୀହିମାନେସି, ତକ୍ତି ତାନି ତକ୍ତା ତାଣ୍ଡାଟି ଏଟକା ଆଆପେ ।

୧୧ ସାମା ଏଦି ରଣ୍ଟିଏ ଏଟକା ଆନେ, ଆତିହେଁ ଏଦି ବୀହା ଆଆପେ, ଇଞ୍ଜା ତାନି ତକ୍ତାତଲେ ଅଡ଼େ ଆଣ୍ଡାପେ; ଅଡ଼େ ତକ୍ତା ତାନି ତକ୍ତିନି ହେଲ ହୀଆପେସି ।

୧୨ ଏଟକା ତାରାଇଁ ନାନୁ ଝେସିମାଇଁ, ମା ବିତ୍ରା ଆମ୍ବାଆସି ତକ୍ତି କ୍ରୀସ୍ତଇଁ ନାମାହିଲାଆତି ଜିକେଏ ତକ୍ତାତଲେ ତୁୟାଲି ମନ କିତିସାରେ, ଆତିହେଁ ଏ ତାୟି ଏ ତାଜିନି ହେଲ ହୀଆପେସି ।

୧୩ ଏଲେକିହ ଆମିନି ତକ୍ତି ମାହାପୁରୁଙ୍କ ନାମାଆତି ତକ୍ତାକି ବୀହା ଆହାମାନେ, ଇଞ୍ଜା ଏଡ଼ି ଏଞ୍ଜାଣିତଲେ ଡ଼ୟାଲି ମନ କିନେ, ଏଡ଼ି ତାନି ତକ୍ତାଙ୍କ ପିହୁଆପେ ।

୧୪ ଇତିହ ନାମାଆତି ତକ୍ତା ନାମିତି ତକ୍ତି ତାକି ମାହାପୁରୁ ତାଣାଟି ସୁରୁ ଆହାମାନେସି, ଅଡ଼େ ନାମାଆତି ତକ୍ତି ନାମିତି ତକ୍ତା ତାକି ମାହାପୁରୁ ତାଣାଟି ସୁରୁ ଆହାମାନେ; ଆଆତିହ ମୀ ମୀରୁକା ମାୟକା ଲାଗେଏ ଆଡ଼େରିମା, ସାମା ନୀର୍ଏ ଏଞ୍ଜାରି ସୁରୁଗାଗାରି ।

୧୫ ସାମା ନାମାଆ ଗାଟାସି କି ନାମାଆ ଗାଟାୟି ଏଟକା ଆହାଲି ମନ କିତିହ ତାନି ମନଲେହେ ଏଟକା ଆପାରି; ଇଲେତି ତାଣା ତାୟି କି ତାଜି ଦସପି ଆହାହିଲାର; ମାହାପୁରୁ ମିଜେ ହିଡ଼ଡ଼ି ତଲେ ମାଞ୍ଜାଲି ଆଡ଼ାମାଞ୍ଜାନେସି ।

୧୬ ନାନୁ ନାମିତି ତକ୍ତି ଆହାନା ନୀ ତକ୍ତାକି ଗେଲପିନାତି ଆଡ଼ି, ଇଦାଆଁ ପୁଞ୍ଜାହିଲଅତିକି ? ଇଞ୍ଜା ନାନୁ ନାମିତି ତକ୍ତା ଆହାନା ନୀ ତକ୍ତିନାକି ଗେଲପିନାତି ଆଡ଼ି, ଇଦାଆଁ ପୁଞ୍ଜାହିଲଅତିକି ?

ମାହାପୁରୁ ଆଡ଼ାମାନି ମାଣ୍ଡକି ଲେହେ ନୀତିନାୟି

୧୭ ଇତିହ ପୁରୁ ଆମ୍ବାଆରାକି ଏନିକ ଦାନା ହୀହାମାନେସି, ମାହାପୁରୁ ଆମ୍ବାଆରାଙ୍କ ଏନିକ ହାଟାମାନେସି, ଏଞ୍ଜାସି ଏଲେକ ତାକାପେସି, ନାନୁ ବାରେ କୁଲମିତି ଏଲେକିହ ଏ ହୁକୁମି ହାହିମାଙ୍କ ।

୧୮ ଆମ୍ବାଆସି ତଲୁ ଦାପିଆହାଁ ହାଟକି ଆହାମାନେସି ? ଏଞ୍ଜାସି ତଲୁ ଦାପି ଆଡ଼ି ସିନାତି ଡ଼କୁଆପେସି; ଆମ୍ବାଆସି ତଲୁ ଦାପି ଆଆନା ହାଟକି ଆହାମାନେସି ? ଏଞ୍ଜାସି ତଲୁ ଦାପି ଆଆପେସି ।

୧୯ ତଲୁ ଦାପି ଆନାୟି କି ଆଆଗାଟାୟି କାଜା କାତା ଆଏ, ସାମା ମାହାପୁରୁ ହୁକୁମି ମାନଡ଼ି ଆନାୟି କାଜା କାତା ।

୨୦ ବାରେ ଜାଣାଙ୍କ ଏନିକ ମାହାପୁରୁ ହାଟାମାନେସି ଏଲେକ ମାଣ୍ଡେସି ।

୨୧ ମୀରୁ ହଲିୟାଜା ଆହାମାଟାଟି ହାଟକି ଆହାମାଞ୍ଜେରି ? ଅଣପାଆଦୁ; ସାମା ଗେଲପିଆୟାଲି ଆଡ଼ିଦେରି ଆତିହ ଗେଲପି ଆୟାଲି ପାରୁ ପାରାଦୁ ।

୨୨ ଆମ୍ବାଆସି ହଲେଏସି ଆହାଁ ପୁରୁ ତାଣା ହାଟକି ଆହାମାନେସି, ଏଞ୍ଜାସି ପୁରୁତି ଗେଲପି ଆଡ଼ାସି; ଏଲେକିହ ଏ ଆମ୍ବାଆସି ଗେଲପିଆହାଁ ହାଟକି ଆହାମାନେସି ଏଞ୍ଜାସି କ୍ରାସୁତି ହଲେଏସି ।

୨୩ ମୀରୁ ହାରେକା ଦାରାତଲେ କଡ଼ଡ଼ି ଆହାମାଞ୍ଜେରି; ମାଣ୍ଡିୟାତି ହଲିୟାଜାତେରି ଆଆଦୁ ।

୨୪ ତାୟିୟାଁ ଅଡ଼େ ତାଜିୟାତେରି, ମାହାପୁରୁ ମିଜେ ହାଟାଟାଟି ମୀରୁ ଏନିକ ମୀତେରି ଏଲେକିହ ଏ ମାହାପୁରୁ ତଲେ ଡ଼ୟିନାୟି ମାନେ ।

ବୀହା ଆଆତି ଲକୁ ଇଞ୍ଜା ରାଣ୍ଡେଣିକା କାତା

୨୫ ଡ଼ାଆସିକା କାତା, ନାନୁ ପୁରୁ ତାଣାଟି ଏନି ହୁକୁମି ବେଟା ଆହାହିଲଅଁ; ସାମା ପୁରୁତି କାର୍ମାଟି ନାନୁଗାଟାସି ଆହାନା ନୀ ଅଣପୁତା ଝେସିମାଞ୍ଜାଙ୍କ ।

୨୬ ନାନୁ ଅଣପିମାଙ୍କ, ମାଣ୍ଡାସି ଏନିକ ମାନେସି, ନୀର୍ଏତି କସୁ ବାଦା ତାକି ଏଲେକିହ ଏ ମାନାୟି ନେହେଁ ।

୨୭ ନାନୁ ତକ୍ତି ତଲେ ଦସପି ଆହାମାଞ୍ଜି ? ଆତିହ ପିସପି ଆହାଲି ଅଣପାଆନି, ଇଞ୍ଜା ନାନୁ ତକ୍ତି ତାଣାଟି ପିସପି ଆହାମାଞ୍ଜି ? ଆତିହ ତକ୍ତିନି ଇଟାଲି ଅଣପାଆନି ।

୨୮ ସାମା ନାନୁ ବୀହା ଆହାମାଞ୍ଜି, ଆଡ଼ିଜିକେଏ ପାପୁ କିହାହିଲଅତି; ଅଡ଼େ ଡ଼ାଆପଦା ବୀହା ଆହାମାନେ, ଆଡ଼ିଜିକେଏ ଏଡ଼ି ପାପୁ କିହାହିଲେଏ, ଆଡ଼ିଜିକେଏ ଇଲେତି ଲକୁ ଆଜାତା ହାରେକା କସୁ ବେଟାଆନୁ, ଅଡ଼େ ମୀରୁ ଏମ୍ବାଟି ଏନିକ ଗେଲପି ଆଡ଼େରି ଇଦି ନା ଅଣପୁ ।

୨୯ ସାମା ଏ ତାୟିୟାଁ ଅଡ଼େ ତାଜିୟାତେରି ନା ଅଣପୁ ଇଦି, ଦିନା ତାଗେ ଏଦାତେୟିଏ, ଏଦାଆଁତାକି ଆମ୍ବାଆରାକି ତକ୍ତି ମାନେ, ଏଞ୍ଜାସି ତକ୍ତି ହିଲଆଲେହେଁ ମାଣ୍ଡେସି ।

୩୦ ଅଡ଼େ ଆମ୍ବାଆରି ଡ଼ାହି ମାନେରି, ଏଞ୍ଜାରି ଡ଼ାହି ହିଲଆ ଲକୁ ଲେହେଁ ଆଡ଼େରି; ଅଡ଼େ ଆମ୍ବାଆରି ରାହାଁ କିହିମାନେରି, ଏଞ୍ଜାରି ରାହାଁ କିହି ହିଲଆ ଲକୁ ଲେହେଁ ଆଡ଼େରି; ଇଞ୍ଜା ଆମ୍ବାଆରି କଡ଼ିନେରି ଏଞ୍ଜାରି ଅଦିକାରା ବେଟାଆଆତି ଲେହେଁ ଆଡ଼େରି;

୩୧ ଅଡ଼େ ଆମ୍ବାଆରି ଦାର୍ଡିତି ଦିଶପୁ ଲେମ୍ବିମାନେରି ଏଞ୍ଜାରି ଲେମ୍ବାଆଗାଟି ଲକୁ ଲେହେଁ ଆଡ଼େରି; ଏନାଆଁତାକି ଇତିହ ଇ ଦାର୍ଡିତି ଖାଣା ତିରିମୁହି ମାନେ ।

୩୨ ସାମା ମୀରୁ ଏନିକ ଅଣପଅତେରି ଏଡ଼ି ନା ଅଣପୁ, ଆମ୍ବାଆସି ବୀହା ଆଆତାସି ଏଞ୍ଜାସି ଏନିକ ପୁରୁଙ୍କ ରାହାଁ କିଞ୍ଜିକହାଲି ଖାଡ଼ଇ ପୁରୁତି କାମା ଅଣପିନେସି;

୩୩ ସାମା ଆମ୍ବାଆସି ବାହା ଆହାମାନେସି ଏଞ୍ଜାସି ଏନିକି ତାନି ତକ୍ତିନି ରାହାଁ ଗାଟାସି ଆନେସି, ଏଦାଆଁତାକି ଦାବ୍‌ତତି କାତା ଅଣ୍ଡିନେସି ଇଞ୍ଜାଁ ତାନି ମନ ବାଟା ଆନେ ।

୩୪ ବାହା ଆଆତି ଇୟାସିକା ଅଡେ ଡାଆସିକା ଆଜାଁ ଇଞ୍ଜାଁ ଜୀଞ୍ଜୁତା ସୁଦୁ ଆହାଲି ପୁବୁତି କାତା ଆସାନା ଅଣ୍ଡିନୁ; ସାମା ଆମ୍ବାଆସି ବାହା ଆହାମାନେ ଏଦି ଏନିକି ଜାହାରା ତକ୍ତାଇଁ ରାହାଁ କିୟାଲି ଆଡିନେ, ଏଦାଆଁତାକି ଦାବ୍‌ତତି କାତା ଅଣ୍ଡିନେ ।

୩୫ ଇ କାତା ନାନୁ ମୀ ନେହେଁତାକି ଝେସିମାଞ୍ଜାଇଁ, ମିଙ୍ଗେ କସ୍ତ ହାନି ମେରା ତଲେ ଦସ୍ତି ଆହାଲି ଝେସିମାଞ୍ଜାଇଁ, ସାମା ମୀରୁ ଏନିକି ମାନି କିହାଁ ରଣ୍ଡିଏ ମନତଲେ ପୁବୁ ତାଣା ତୁୟିଦେରି, ଏଦାଆଁତାକି ଝେସିମାଞ୍ଜାଇଁ ।

୩୬ ସାମା, ଆମ୍ବାଆସି ତାଙ୍ଗେତାକି ରୀସ୍‌ପଆଡି ମାଜ୍ଜାନି ଡାଆବେଲା ରାଡେୟିଏ ଇଞ୍ଜିଁ ଅଣ୍ଡିନେସି, ଅଡେ ଏଞ୍ଜାସି ମୁର୍ସାନା ମାଞ୍ଜାଲି ଆଡାଆସାରେ ଅଡେ ତାଙ୍ଗେ ଲଡାଆନେ ଆତିହଁ ତାନି ମନତା ଏନାୟି ମାନେ ଏଲେଆହଁ ବାହା ଆନାୟି ମାନେ, ଏଦାଆଁ ପାପୁ ହିଲେଏ, ଏଦାଆଁତାକି ଏଞ୍ଜିଁ ବାହା ଆପୁ ।

୩୭ ସାମା ଆମ୍ବାଆସି ହିୟାଁତା ତାରି ମାନେସି, ଅଡେ ବାହା ଆହାଲି ମନ କିଅସି ଇଞ୍ଜାଁ ଆମ୍ବାଆସି ତାନି ମନତି ଲକହାଲି ଆଡିନେସି ଅଡେ ଏଞ୍ଜାସି ତାନି ମନତା ଏନାଆଁ କିହାଲି ଅଣ୍ଡିନେସି ଆତିହଁ ଏଞ୍ଜାସି ତାଙ୍ଗେ ରୀସାମାନି ଡାଆ ପଦାଇଁ ବାହା ଆଆତଁ ନେହେଁ ।

୩୮ ଏଦାଆଁତାକି ଆମ୍ବାଆସି ତାଙ୍ଗେ ରୀସାମାନି ଡାଆ ମାଜ୍ଜାନି ବାହା କିନେସି ଏଞ୍ଜାସି ନେହଁ କିନେସି, ଅଡେ ଆମ୍ବାଆସି ବାହା ଆଅସି ଏଞ୍ଜାସି ଏଦାଆଁ କିହାଁ ହାରେକା ନେହଁ କିନେସି ।

୩୯ ବାହା ଆଡି ତକ୍ତି ତାନି ତକ୍ତା ଜୀଞ୍ଜୁ ମାନି ପାତେକା ଦସ୍ତି ଆହା ତୁୟିନେ; ସାମା ତକ୍ତା ହାଡିସାରେ ଏ ତକ୍ତି କ୍ରୀସ୍ତ ତାଣା ନାମାମାନି ଆମ୍ବାଆରାଇଁ ମନ ଏଞ୍ଜାଣାକି ବାହା ଆୟାଲି ଆଡିନେ ।

୪୦ ସାମା ନା ଅଣ୍ଡିପୁତା, ଏଦି ଏନିକି ମାନେ ଏଲେକିହଁ ଏ ତୁୟିତିହଁ ହାରେକା ରାହାଁତଲେ ତୁୟିନେ, ଇଦି ମାହାପୁରୁ ଜୀଞ୍ଜୁତି ହେଲ ଇଞ୍ଜିଁ ନାନୁ ଅଣ୍ଡିନାଲି ।

୮

ପେଣକା ବମାୟାକି ଡାକାମାନି ରାହାତି କାତା

୧ ପେଣକା ବମାୟାକି ଡାକାମାନି ବଗୁତି କାତା ନାନୁ ଝେହନାୟି ଇଦି, “ବାରେତାକି ବୁଦି ମାନେ” ଇଞ୍ଜିଁ ମୀରୁ ଝେସିମାଞ୍ଜେରି, ଏଦାଆଁ ମାମୁ ପୁଞ୍ଜାମାନମି । ବୁଦି ତାହାରା କିଞ୍ଜିକିୟାନେ, ସାମା ଜୀଞ୍ଜୁନାୟି କାଲ୍‌ଞ୍ଜି କିୟାନେ ।

୨ ଆମ୍ବାଆସି ଏନି କାତାତା ଜିକେଏ ନାନୁ ପୁଞ୍ଜାମାଇଁ ଇଞ୍ଜିଁ ଅଣ୍ଡିନେସି, ଆତିହଁ ଏଞ୍ଜାଣାକି ଏନିକି ପୁନାୟିମାନେ, ଏଞ୍ଜାସି ନାଏଁ ପାତେକା ଏଲେକି ପୁଞ୍ଜାହିଲଅସି ।

୩ ସାମା ଆମ୍ବାଆସି ମାହାପୁରୁଇଁ ଜୀଞ୍ଜୁ ନନେସି, ଏଞ୍ଜାଣାଇଁ ମାହାପୁରୁ ପୁଞ୍ଜାମାନେସି ।

୪ ଏଦାଆଁତାକି ପେଣକା ବମାୟାକି ଡାକାମାନି ବଗୁତି ତିନି କାତା ମାରୁ ପୁଞ୍ଜାମାନାୟି, ଦାବ୍‌ତତିତା ପେଣକା ଇଞ୍ଜିହଁ ଏନାଇ ହିଲାଡ, ଅଡେ ରଣ୍ଡିଏ ମାହାପୁରୁ ପିସ୍‌ପେ ଅଡେ ରଅସି ହିଲଅସି ।

୫ ଇତିହଁ ଲାକପୁରୁ ଆପେ କି ଦାବ୍‌ତତିତା ଆପେ, ଆମ୍ବାଆରାଇଁ ମାହାପୁରୁ ଇନେରି, ପେଣକା ମାତିହଁ ଜିକେଏ ସାତେଏ ହାରେକା “ପେଣକା” ଅଡେ ହାରେକା “ପୁବୁୟା” ମାନୁ,

୬ ଆଡିଜିକେଏ ମାଙ୍ଗେତାକି ରଣ୍ଡିଏ ମାହାପୁରୁ ଇତିହଁ ଏ ଆଦା ତାଣାତି ବାରେ ଗାଡି ଆହାମାନେ, ଇଞ୍ଜାଁ ମାରୁ ଏଞ୍ଜାଣି ତାକି ନୀତାମାନାୟି; ଇଞ୍ଜାଁ ରଣ୍ଡିଏ ପୁବୁ ଇତିହଁ ଜୀସୁ କ୍ରୀସ୍ତ, ଏଞ୍ଜାଣି ତାଣାତି ବାରେ ଗାଡି ଆହାମାନେ, ଅଡେ ମାରୁ ଏଞ୍ଜାଣି ତାଣାତି ନୀତାମାନାୟି ।

୭ ଆଡିଜିକେଏ ବାରେତାକି ଇ ବୁଦି ହିଲେଏ; ସାମା ଏଚେକା ଲକୁ ନାଏଁ ପାତେକା ପେଣକା ମାନୁ ଇଞ୍ଜିଁ ଅଣ୍ଡିନାୟି ପେଣକା ବମାୟାକି ଡାକାମାନି ବଗୁ ତିନେରି, ଇଞ୍ଜାଁ ଏଞ୍ଜାରି ଅଣ୍ଡିପୁତି ବାଡୁୟୁ ଉଣା ମାନାକି ଦହଗାଟାରି ଆନେରି ।

୮ ସାମା ତାନି ରାହା ମାଙ୍ଗେ ମାହାପୁରୁ ନକିତା ନେହଁ କି ଲାଗେଏ କିୟେଏ; ତିନାଆତିହଁ ମା ଏନାୟି ନସ୍ତ ଆଏ ଅଡେ ତିତି ସାରେ ମାଙ୍ଗେ ଏନି ଲାବା ଆଏ ।

୯ ସାମା ଜାଗ୍ରାତା, ନଲେ ମୀ ତାଣା ମାନି ଅଦିକାରା ନାମୁତା ବାଡୁୟୁ ହିଲାଆ ଗାଟାଟାକି କସ୍ତ ବାଦା ହାନାୟି ଆନେ ।

୧୦ ବୁଦି ଗାଗାତେରି ମୀରୁ, ମିଙ୍ଗେ ଆମ୍ବାଆସି ପେନ୍ନୁତି ଦେଝୁଡ଼ି ବନ୍ଧିତା କୁଗାମାନାଣି ମେସ୍ତାତିହଁ, ଏଞ୍ଜାସି ନାମୁତା ଉଣା ମାଟିହଁ, ତାନି ଅଣପୁତି ବାଡ଼ୁଲୁ ଉଣା ମାନାକି ପେଣକା ବମାୟାକି ଡାକାମାନି ବଗୁ ତିଞ୍ଜାଲି ସାସା ଆଅସି କି ?

୧୧ ଇଞ୍ଜା ଆମିନି ବାଡ଼ୁଲୁ ହିଲାଆ ନାମିତି ତାୟି କି ତାଜି ତାକି କ୍ରୀସୁ ହାଡେସି, ଏଞ୍ଜାସି ନୀ ଏ “ବୁଦି” ତଲେ ନାସା ଆହୁମାନେସି ।

୧୨ ଇଲେକିହଁ ମୀ ତାଣା ମାନି ନାମିତି ତାୟିୟାଁ କପାଟି ପାପୁ କିହାଁ ଇଞ୍ଜା ଏଞ୍ଜାରି ବାଡ଼ୁଲୁ ହିଲାଆ ଅଣପୁତି କସୁ ହୀହାନା ମୀ କ୍ରୀସୁତି କପାଟି ପାପୁ କିହିମାଞ୍ଜେରି ।

୧୩ ଇଦାଆଁତାକି ତିନି କାଦି ନା ତାୟିକି କସୁ ହନେ, ଆତିହଁ ନା ତାୟି ଏନିକଁ ନା ତାଣାଟି କସୁ ଆଅସି, ଏଦାଆଁତାକି ନାନୁ ଏରେଲା ଉଙ୍ଗା ତିନଅଁ ।



ପାଣ୍ଡୁଓ ଆଡ଼ାରି ଅଦିକାରା ଅଡ଼େ ଦାୟିପତି

୧ ନାନୁ ନା ମନତଲେ ମାଞ୍ଜାଲି ଆଡ଼ଅଁ ? ନାନୁ ର ପାଣ୍ଡୁଓ ଆଡ଼ାତେଏଁ ଆଏ ? ନାନୁ ଏନାଆଁ ମା ପ୍ରବୁ ଜୀସୁଇଁ ମେସାହିଲଅଁ ? ମୀରୁ କି ମାହାପୁରୁ ତାଣା ନା କିତି କାମାତି ପାଡ଼େୟି ଆଏ ?

୨ ନାନୁ ଏଟକାତାରି ତାଣା ପାଣ୍ଡୁଓ ଆହାହିଲାଆତି ଜିକେଏ, ମିଙ୍ଗେତାକି ନାନୁ ସାତେଏ ପାଣ୍ଡୁଓ ଆହାମାନାତେଏ, ଇତିହଁ ପ୍ରବୁ ତାଣା ମୀରୁ ନା ପାଣ୍ଡୁଓଆହାମାନି ପାଣାତା ଝେତାମାନି ବୁଟୁ ମୁଦା ଲେହେଁ ଆହାମାଞ୍ଜେରି ।

୩ ନାଙ୍ଗେ ନୀହାଁୟି କିୟାନାରିକି ନାନୁ ଝେଣ୍ଡେ ଝେସ୍ତାନି କାତା ଇଦି ।

୪ ନା କାମାତାକି ତିଞ୍ଜା ଉଣ୍ଡାଲି ମାଙ୍ଗେ ଅଦିକାରା ହିଲେଏ ?

୫ ଅର ପାଣ୍ଡୁଓ ଆହାମାନାରି ପ୍ରବୁତି ତାୟିୟାଁ ଅଡ଼େ କେପା* ଲେହେଁ କ୍ରୀସ୍ତାନା ତାଜିନି ବୀହା ଆହାଁ ଏ ଇୟାନି ତଲେ ରେଜାଲି ମାଙ୍ଗେ ଅଦିକାରା ହିଲେଏ କି ?

୬ ଅଡ଼େ ଜୀସୁତା ନୀତାଲିତାକି କାମାତି ପିସାଲି ନାଙ୍ଗେ ଅଡ଼େ ବର୍ନବାତି ଅଦିକାରା ହିଲେଏ କି ?

୭ ର ଲୁଲୁ କିନାସି ଲୁଲୁତା ମାନି ବେଲା ତାନୁଏ ତାଙ୍ଗେତାକି କାରୁଁ କିନେସିକି ? ଇଞ୍ଜା ଆମ୍ବାଆସି ଅଲୁରି ବାଡ଼ା କିହାଁ ଏମ୍ବାତି ପାଡ଼େୟି ତିନଅସି କି ? ଇଞ୍ଜା ର ଗଡ଼ ତ୍ରାନି ମାନ୍ଦାତି ପାଲୁ ଗହଅସି କି ?

୮ ନାନୁ ମାଣସି ଆହାଁ ଇ ବାରେ କାତା ଝେସିମାଞ୍ଜାଇଁ ? ଇଞ୍ଜା ସାଡ଼େସି ଜିକେଏ ଇ ବାରେ କାତା ଝେସିମାଞ୍ଜେଏ କି ?

୯ *ଇତିହଁ ମସାତି ମୋରାତା ଇଲେଇଞ୍ଜା ରାସ୍ତି ଆହାମାନେ, “ନପଁ ମାନି କଡ଼ିତି ଗୁଡିତା କତ୍ରା ଦହଆଦୁ,” ମାହାପୁରୁ ଝାଡ଼ଇ ଏ କଡ଼ିତି ଅଣ୍ଡିପିମାନେସି କି ?

୧୦ ଏଞ୍ଜାସି ଇଦାଆଁ ମାଙ୍ଗେତାକି ଝେସା ମାଞ୍ଜାଅସି ? ହାଅ, ମାଙ୍ଗେତାକି ଇଦି ରାସ୍ତି ଆହାମାନେ, ଏନାଆଁତାକି ଇତିହଁ ଆମ୍ବାଆସି ତାସା କିନେସି ଆସା ତଲେ ତାସା କିନାୟିମାନେ, ଅଡ଼େ ନପଁ ନାସି ଗାତି ବାଗା ବେଟାଆହାଲି କତ୍ରା ଦହନେସି ।

୧୧ ମାମୁ ମୁଙ୍ଗେତାକି ନେହଁ ଜୀସୁତି ବିତା ମାଟା ମାଟାମାନମି, ଅଡ଼େ ମୀ ତାଣାଟି ଇ ଦାବୁତିତି ତାସା ଦାଡ଼ିହଁ ଏଦି ଏନି କାଜା କାତା ଆଏକି ?

୧୨ ଏଟକା ଲକୁ ମୀ ତାଣାଟି ବାଗା ବେଟାଆହାଲି ଅଦିକାରା ମାଟିହଁ, ଏଦାଆଁ କିହାଁ ଆଗାଡ଼ା ବେଟାଆହାଲି ମା ଅଦିକାରା ହିଲେଏ କି ? ଆଡ଼ିଜିକେଏ ମାମୁଏ ଅଦିକାରା ଲେମ୍ବା ହିଲଅମି । ସାମା ଏନିକଁ ମାମୁ କ୍ରୀସୁତି ନେହଁ କାବୁ ଝେଜି କିନି କାମାତା ଏନି ବାଡ଼ା ଝାଆପେ ଇଞ୍ଜା ବାରେ ଅରହିମାନମି

୧୩ ଆମ୍ବାଆରି ଦେଝୁଡ଼ିତା ପୂଜା କିନାରି ଏଞ୍ଜାରି ଦେଝୁଡ଼ିତି ରାମା ବେଟାଆନେରି, ଇଞ୍ଜା ଆମ୍ବାଆରି ପୂଜା କିନାରି ପୂଜା କିହାଲି ପୂଜା ପିଣ୍ଡାତା ଇତିତି ବଗୁତି ବାଗା ବେଟାଆନେରି, ଇଞ୍ଜା ମୀରୁ ପୁଞ୍ଜାହିଲଅତେରି କି ?

୧୪ *ଏଲେକିହଁ ଏ ଆମ୍ବାଆରି ନେହଁ କାବୁତି ଝେକ୍‌ହି ମାନେରି, ଏଞ୍ଜାରି ନେହଁ କାବୁ ଝେକ୍‌ନି ତାଣାଟିଏ ନୀତିନେରି, ଇ କାତା ପ୍ରବୁ ଛୁକୁମି ହୀହାମାନେସି ।

* ୧:୫ ପିତର * ୧:୧୧ ୧ତିମ ୫:୧୮ * ୧:୧୪ ମାତି ୧୦:୧୦; ଲୁକ ୧୦:୭

୧୫ ସାମା ନାନୁ ଈ ବାରେ ଏନାଆଁଝା ଲେମ୍ବାହିଲଅଁ, ଅଡ଼େ ନାଜେତାକି ଏଲେ କିଝିଆପେ, ଏଦାଆଁତାକି ରାଡ଼ିମାଞ୍ଜଅଁ; ଇଚିହଁ ଆମ୍ବାଆରି ନା ନେହଁ ବତପଣତି ଉଜେଏ କିନି କିହଁ ନାନୁ ହାହାହାନାୟି ନେହେଁ ।

୧୬ ଇଚିହଁ ନାନୁ ନେହଁ କାବୁ ଝେକ୍‌କ୍‌କ୍‌କ୍‌, ଏମ୍ବାଆଁ ନା ବତପଣ ଆନାୟି ହିଲେଏ, ଏନାଆଁତାକି ଇଚିହଁ ଏଦାଆଁ କିହାଲି ହୁକୁମି ବେଗାଆହାମାଇଁ, ଇଞ୍ଜାଁ ନାନୁ ନେହଁ କାବୁ ଝେକ୍‌କ୍‌କ୍‌କ୍‌କ୍‌ ଇଚିହଁ ନାନୁ ଏବେକା ତଣ୍ଡ ବେଗାଆନାତେଏଁ ।

୧୭ ଇଚିହଁ ନାନୁ ଜାହାରା ମନତଲେ ଈ କାମା କିଇଁ, ଆତିହଁ ନାଜେତାକି ଦାନା ମାନେ; ସାମା ନାନୁ ନା ମନତଲେ କାମା କିଆତିହଁ ଜିକେଏ ମାହାପୁରୁ ନାଜେ ସେବାକିନି କାମାତି ବଜୁ ହେରପା ମାଞ୍ଜାନେସି ।

୧୮ ଆତିହଁ ନା ଦାନା ଏନାୟି ? ଏଡ଼ି ଇଦି ନାନୁ ନା ନେହଁ କାବୁତା ମାନି ଅଦିକାରା ଲେମ୍ବାଆନା ନେହଁ କାବୁ ଝେସି ଝେସି ଏ ନେହଁ କାବୁତି ଉଜେଏ ଝେକ୍‌କ୍‌କ୍‌ ।

୧୯ ନାନୁ ଆମ୍ବାଆରି ହଲେଏଣା ଆଆତି ଜିକେଏ, ଏନିକଁ ନାନୁ ହାରେକା ଗାତି ଲକୁଣି ବେଗାଆହାଲି ଆଡ଼ିଇଁ, ଏଦାଆଁତାକି ନାନୁ ଜାହାରାଇଁ ବାରେତି ହଲେଏସି କିତେଏଁ ।

୨୦ ଏନିକଁ ନାନୁ ଜୀହୁଦିୟାଁଣି କ୍ରୀସ୍ତ ତାକି ଜୀଣା ଆହାଲି ଆଡ଼ିଇଁ, ଏଦାଆଁତାକି ଜୀହୁଦି ଲକୁ ନକିତା ନାନୁ ଜୀହୁଦି ଲେହେଁ ଆହିମାଇଁ; ଏନିକଁ ମସାତି ମେରାତା ଦସପି ଆହାମାନାରାଇଁ ଜୀଣା ଆହାଲି ଆଡ଼ିଇଁ, ଏଦାଆଁତାକି ନାନୁ ମେରାତା ଦସପି ଆଆତି ଜିକେଏ ମେରାତା ଦସପି ଆଡ଼ି ଲକୁଲେହେଁ ଆଡ଼େଏଁ ।

୨୧ ଏନିକଁ ନାନୁ ମସାତି ମେରା ପୁନାଆତି ଏବକା କୁଡ଼ାତି ଲକୁଣି ବେଗାଆହାଲି ଆଡ଼ିଇଁ, ଇଦାଆଁତାକି ନାନୁ ମାହାପୁରୁତି ମେରାତା ହିଲାଆ ଲକୁ ଆଆନା କ୍ରୀସ୍ତତି ମେରା ମାନୁଝି ଆଡ଼ିଜିକେଏ ମସାତି ମେରାତା ହିଲାଆ ଲକୁ ନକିତା ମସାତି ମେରାତା ହିଲାଆ ଲକୁଲେହେଁ ଆଡ଼େଏଁ ।

୨୨ ଏନିକଁ ନାନୁ ବାଡ଼ୁୟୁ ହିଲାଆଗାଟାରାଇଁ ଜୀଣା ଆହାଲି ଆଡ଼ିଇଁ, ଏଦାଆଁତାକି ବାଡ଼ୁୟୁ ହିଲାଆ ଗାଟାରି ନକିତା ବାଡ଼ୁୟୁ ହିଲାଆଲେହେଁ ଆଡ଼େଏଁ; ଏନିକ୍‌କିହଁ ଜିକେଏ ନାନୁ ଏତର ଜାଣାଇ ଗେଲ୍‌ପାଲି ଆଡ଼ିଇଁ, ଇଦାଆଁତାକି ବାରେ ଲକୁ ଏନିଲେହେଁତାରି ନାନୁ ଏଞ୍ଜାରିଲେହେଁ ଆଡ଼େଏଁ ।

୨୩ ନାନୁ ଏନିକଁ ନେହଁ କାବୁତି ବରତା ଆଣ୍ଡାଲି ଆଡ଼ିଇଁ, ଏଦାଆଁତାକି ନାନୁ ନେହଁ କାବୁତାକି ବାରେ କିଇଁ ।

୨୪ ଆମ୍ବାଆରି କାହିନି ତାଣା ହଣନେରି ଏଞ୍ଜାରି ବାରେଜାଣା ହଣନେରି ସାତା, ସାମା ରଅସିଏ ଜୀଣା ଆହାଁ ଦାନା ବେଗା ଆନେସି, ଇଦାଆଁ ମୀରୁ ପୁଞ୍ଜାହିଲଅତେରି ? ମୀରୁ ଏନିକଁ ଦାନା ବେଗାଆଦେରି ଏଦାଆଁତାକି ଏଲେକଁ ହଣ୍ଡୁ ।

୨୫ ଆମ୍ବାଆସି ବାଡ଼ୁହାରା ତଲେ କାହିନି ତାଣା ଆଣ୍ଡିନେସି ଏଞ୍ଜାସି ବାରେ ନେହଁକଁ ଜାପିନେସି; ଏଞ୍ଜାରି ଗାଡ଼େକେଏ ନାସିଝି ଆନି ଟପେରି ବେଗାଆହାଲି କାହିମାନେରି; ସାମା ମୀରୁ ଏଚେଲାଞ୍ଜା ନାସା ଆଆଗାତି ଟପେରି ବେଗାଆହାଲି ଏଲେ କିନ ।

୨୬ ଏଦାଆଁତାକି ନାନୁ ହଡ଼ିମାଇଁ, ସାମା ଗୁରି ହିଲାଆ ତାଣା ଆଏ, ନାନୁ ମୁଟିତଲେ କୁଡ଼କି ଆନି କୁଡ଼ୁ କିହିମାଇଁ, ସାମା ଝାଉଇ ଗାଲିତି ଝେନି ଲକୁଲେହେଁ ଆଏ ।

୨୭ ଏବକା ଲକୁତାଣା ନେହଁ କାବୁ ଝେସିହଁ ନାନୁ ଏନିକଁ ଅପାଆ ଗାଟାତେଏଁ ଆଅଁ ଏଦାଆଁତାକି ନା ଆଜାତି କସ୍ତ ବାଦା ହୀହାନା ଲକ୍‌ହିମାଇଁ ।

୧୦

ପେଣକା ବମାୟାଁ ସେବାଟି ଜାଗ୍ରାତା କିନାୟି

୧ ଇଚିହଁ ଏ ତାୟିୟାଁ ଅଡ଼େ ତାଞ୍ଜିୟାତେରି ମା ଆକୁ ଆବାୟାଁ ବାରେ ଦୁନ୍ଦା ଡ଼ଇକା ମାଚେରି ।

୨ ଅଡ଼େ ବାରେଜାଣା ସାମଦୁରି ବିଦ୍ରାତି ହାଚେରି, ଇଞ୍ଜାଁ ବାରେଜାଣା ଦୁନ୍ଦା ଅଡ଼େ ସାମଦୁରିତା ମସା ତାଣାଟି ବାପ୍ପିସ୍ତ* ଅଡ଼େରି ।

୩ ଅଡ଼େ ଏଞ୍ଜାରି ବାରେଜାଣା ରଣ୍ଡିଏ ଜୀଞ୍ଜୁତି ରାନ୍ଦା ତିଚେରି ।

୪ ଅଡ଼େ ବାରେଜାଣା ରଣ୍ଡିଏ ମାହାପୁରୁ ହାତି ଜୀଞ୍ଜୁତି ଏୟୁ ଗସ୍ତେରି, ଇଚିହଁ ଏଞ୍ଜାରିତଲେ ହାଜିମାଟି ମାହାପୁରୁ ହାତି ଜୀଞ୍ଜୁତି ପାକା ଝାଲିତି ଏୟୁ ଗସ୍ତେରି ଏ ପାକା ଝାଲି କ୍ରୀସ୍ତ,

* ୧୦:୨ ମୁଞ୍ଜନାୟି

୫ ଆଡ଼ିଜିକେଏ ଏଝାରି ବିତ୍ରାଟି ହାରେକା ଲକ୍ଷ୍ମତାଣା ମାହାପୁରୁତି ରାହାଁ ହିଲାଆତେ, ଇଞ୍ଜା ଏଝାରି ଲକ୍ଷ୍ମ ହିଲାଆ ଟାୟାତା ହାହାହାରେରି, ଇ ବାରେ କାତା ମୀରୁ ପୁନାଆନା ମାଞ୍ଜୁ ଇଞ୍ଜା ନା ମନ ହିଲେଏ ।

୬ ଏଝାରି ଏନିକି ଲାଗେଏ ପଲେଏତାଣି ତାକି ଜୁପକା ଆହାମାରେରି, ଏଲେକି ମାରୁ ଏଲେତି ଜୁପକା ଆଆୟି, ଏଦାଣିତାକି ଇ ବାରେ କାତା ମାଙ୍ଗେତାକି ପୁଣ୍ଡିକିନାୟି ଆହାମାନେ ।

୭ ଏନିକି ଏଝାରି ବିତ୍ରାଟି ଏତରଜାଣା ପେଣ୍ଡାକା ପୂଜା କିନାରି ଆଡେରି, ଏଲେକି ମୀରୁ ପେଣ୍ଡାକା ପୂଜା କିନାରେରି ଆଆଦୁ; ଏନିକି ରାୟିକି ଆହାମାନେ, “ଲକ୍ଷ୍ମ ତିଞ୍ଜା ଉଣ୍ଡାଲି କୁରିତେରି, ଅଡେ ଏନିହାଁ ରାହାଁ କିହାଲି ନିଙ୍ଗତେରି ।”

୮ ଏନିକି ଏଝାରିତାଣା ଏତରଜାଣା ଦାରିକାମା କିହାନା ରଣ୍ଡିଏ ନେରୁ କଡେ ତାନି ମାଣା ଲକ୍ଷ୍ମ ହାଡେରି, ଏଲେକି ମାରୁ ଦାରିକାମା କିଆପ ।

୯ ଏନିକି ଏଝାରି ବିତ୍ରାଟି ଏତରଜାଣା ପ୍ରବୁଇଁ ତାୟିପାରି କିହାଁ ରାବୁ ତଲେ ହାଡେରି, ଏଲେକି ମାରୁ ପ୍ରବୁଇଁ ତାୟିପାରି କିଆପ ।

୧୦ ଏନିକି ଏଝାରି ବିତ୍ରାଟି ଏତରଜାଣା ବାଟା କିହାଲିଏ ନାୟାକିନି ଦୁରୁ କେୟୁଟି ହାଡେରି, ଏଲେକି ମୀରୁ ବାଟା କିଆଦୁ ।

୧୧ ଇ ବାରେ ପୁଣ୍ଡିକିନିଲେହେଁ ଏଝାରାକି ଆଡେ, ଅଡେ ଆମ୍ବାଆରି ବେଲାତା ଜୁଗୁରାନ୍ତି ଦିନା ଏଜିମାଞ୍ଜାନେ, ଏଲେକିହାଁ ମାରୁ ମା ସେଡନା ତାକି ଏ ବାରେ ରାୟିକି ଆହାମାନେ ।

୧୨ ଏଦାଆଁତାକି ଆମ୍ବାଆୟି ନାନୁ ତାରି ଗାଟାତେଏଁ ଇଞ୍ଜିହାଁ ଅଣ୍ଡିଏ ମାନାୟି, ଏଝାୟି ଏନିକି ତରଗଅସି, ଏଦାଆଁତାକି ଏଝାୟି ଜାଗ୍ରାତା ଆପାୟି ।

୧୩ ମାଣ୍ଡିତାକି ଏନିଲେହେଁତି ତାୟିପାରି କିନାୟି କସ୍ତାଗାୟି ଆଏ, ଏଦାଆଁ ପିସପେ ମିଙ୍ଗେତାକି ଏଟକାତି ତାୟିପାରି କିନାୟି ଆହା ହିଲେଏ, ସାମା ମାହାପୁରୁ ଟିକାଣାତାୟି, ଏଝାୟି ମିଙ୍ଗେ ଏନି ଆଡାଆଗାଟି ତାୟିପାରି କିହାଲି ହିୟଅସି, ସାମା ମୀରୁ ଏନିକି ଅରୁହାଲି ଆଡିଦେରି, ଏଦାଆଁତାକି ତାୟିପାରି କିଞ୍ଚନିଏ ଏଝାୟି ଗେଲ୍ପିନି ଜିରୁ ଜିକେଏ କେପିନେସି ।

୧୪ ଏ ନା ଜାସୁତି ତାୟିୟାଁ ଅଡେ ତାଞ୍ଜିୟାତେରି ପେଣ୍ଡାକା ବନାୟାଁ ପୂଜା କିନି ତାଣାଟି ଏଟକା ଆଦୁ ।

୧୫ ନାନୁ ବୁଦିଗାଟି ଲକ୍ଷ୍ମଣି ଝେହନିଲେହେଁ ଝେସିମାଞ୍ଜାଇଁ, ନାନୁ ଏନାଆଁ ଝେସିମାଞ୍ଜାଇଁ ଏଦାଆଁ ମୀରୁ ମୀରୁଏ ଅଣ୍ଡିପାଦୁ ।

୧୬ ଆମିନି ପ୍ରବୁତି ବଜି ସଲ୍ଲା ତାକି ଜହରା କିନାୟି, ଏଦି କ୍ରୀସ୍ତତି ନେତେରିତା ଆଣ୍ଡିହଲେଏ ? ଆମିନି ରୁଟି ମାରୁ ଡିକିହି ମାନାୟି ଏଦି କି କ୍ରୀସ୍ତତି ଆଙ୍ଗାତା ଆଣ୍ଡିହଲେଏ ?

୧୭ ଇତିହାଁ ରୁଟି ରଣ୍ଡିଏ ଆଡାକି ମାରୁ ହାରେକା ଆଡିଜିକେଏ ରଣ୍ଡିଏ ଆଙ୍ଗା ଲେହେଁ, ଏଦାଆଁତାକି ମାରୁ ବାରେଜାଣା ରଣ୍ଡିଏ ବାଟା ।

୧୮ ଆଙ୍ଗାତି ଜାନାଁ ତଲେ ଆମ୍ବାଆରି ଇସ୍ତାୟେଲ ଲକ୍ଷ୍ମ, ଏଝାରାଇଁ ସିନିକିଦୁ ଆମ୍ବାଆରି ପୂଜା କିତି ଉଙ୍ଗା ତିନେରି, ଏଝାରି ପୂଜା ପିଣ୍ଡାତି ପୂଜାତା ଆଣ୍ଡିହଲଅରି ?

୧୯ ଆଡିହାଁ ପେଣ୍ଡାକା ବନାୟାଁ ବଗୁ ଇଞ୍ଜିହାଁ ଏନାୟି ମାନେ, ଅଡେ ପେଣ୍ଡାକା ବନାୟାଁ ଇଞ୍ଜା ଏନାଲ ମାନୁ, ଏଦାଆଁ କି ନାନୁ ଝେସିମାଞ୍ଜାଇଁ ?

୨୦ ଆଏ, ସାମା ନାନୁ ଝେସିମାଞ୍ଜାଇଁ, ଏନାଆଁ ଜାହୁଦିଆଆତାରି ପୂଜା କିନେରି ଏ ବାରେ ଏଝାରି ମାହାପୁରୁ ତାକି ପୂଜା କିଆନା ବୁଡୁୟାଁ କିନେରି, ଅଡେ ମୀରୁ ବୁଡୁୟାଁ ତଲେ ଆଣ୍ଡାଦୁ, ଇଦି ନା ମନ ଅଣ୍ଡିପୁଟି ଆଏ ।

୨୧ ମୀରୁ ପ୍ରବୁ ବଜିତା ରାସା ଗହନିତାଣା ଅଡେ ବୁଡୁୟାଁ ଗହନିତାଣା ଗସାଲି ଆଡଅତେରି; ମୀରୁ ପ୍ରବୁତି ବଜି ଅଡେ ବୁଡୁ ବଜିତା ଆଣ୍ଡାଲି ଆଡଅତେରି ।

୨୨ ମାରୁ ଏନାଆଁ ପ୍ରବୁଇଁ କାରୁବି କିନାୟି ? ମାରୁ କି ଏଝାଣି କିହାଁ ଗାତି ବାଡୁୟୁ ଗାଟାତାୟି ?

୨୩ ବାରେ କିହାଲି ମାରୁ ଆଡିନାୟି, ସାମା ବାରେ ମା ତାକି ନେହାୟି ଆଏ, ବାରେ କିହାଲି ଆଡିନାୟି, ସାମା ବାରେ ମା ତାକି ଲାବାଗାଗାୟି ଆଏ ।

୨୪ ଆମ୍ବାଆୟି ଜାହାରାତାକି ଅଣ୍ଡାପାଆପେସି, ସାମା ବାରେଜାଣା ତାକି ନେହାଁଣି ଅଣ୍ଡାପାପେସି ।

୨୫ ମନତି ନେହାଁ କି ଇଟାଲି ହାଟା ବାଜାରାତା ପାଟୁପି ଆହିମାନି ଉଙ୍ଗା, ଆମ୍ବାଆରାଇଁ ଝେନାଆନା ଅଡେ ଇଟାଣି ଅଣ୍ଡାପାଆନା ତିଞ୍ଜୁ ।

☆ ୧୦:୧୨ ମାଟି ୨୬:୨୬-୨୮; ମାର୍କ ୧୪:୨୨-୨୪; ଲୁକ ୨୨:୧୯,୨୦

୨୭ ଦାମ୍ଭପୂର୍ବକ ଭାବରେ ଆହ୍ୱାନାଦେ: “ଇତିହାସ ଦ୍ୱାରା ଅତ୍ୟନ୍ତ ଏହାମାନଙ୍କୁ ମାନସିକ ଭାବରେ ମାହାପୁରୁଷାୟି ।”

୨୮ ନାମାଧାରୀ ମିତ୍ର ତିଷ୍ଠାନ୍ତି ହାତୀଦଳ, ଇଞ୍ଚା ମୀରୁ ହାତୀଲି ମନ କିତିସାରେ, ଅତ୍ୟନ୍ତ ଏହାମାନଙ୍କୁ ଏହାମାନଙ୍କୁ ତିଷ୍ଠାନ୍ତି ହାତୀଦଳରେ, ମୀ ଅଣ୍ଟାପୁ ତାକି ଇତାଣି ଖେନାଆନା ତିଷ୍ଠି ।

୨୯ ସାମା ଆଦ୍ୟାଧି ମିତ୍ର ଏଲେଇଞ୍ଚାନ୍ତେସି, ଇଦି ପେଶକା ବମାୟାକି ତାକି କିଞ୍ଚିଆହାମାନେ, ଆତିହାସ ଏଞ୍ଚାଣି ତାକି ଇଞ୍ଚା ମୀ ଅଣ୍ଟାପୁ ତାକି ତିନାଆଦୁ:

୩୦ ମୀ ଅଣ୍ଟାପୁ ତାକି ଇଞ୍ଚା ଖେସିମାଞ୍ଚିଆ, ସାମା ଏଞ୍ଚାଣି ଅଣ୍ଟାପୁ ତାକି । ଏହାମାନଙ୍କୁ ନା ମନତଲେ ମାନସି ଏବଂକା ଲକ୍ଷ୍ମୀ ନେହାଣି ଲାଗେଏତାଣି ପୁନାଣି ତଲେ ବିତାରା ଆନେ ?

୩୧ “ନାନୁ ମାହାପୁରୁଷ ଇହରା କିହାନା ଆମିନି ରାନ୍ଦା ତିଷ୍ଠିମାଲ୍, ଏ ରାନ୍ଦା ତାକି ନାଲେ ଏହାମାନଙ୍କୁ ତାକି ଲାଜାକିହା ଲାଜାନ୍ତେସି ?”

୩୨ ଏହାମାନଙ୍କୁ ମୀରୁ ତିଷ୍ଠି ଉଣ୍ଡି କି ଏହାମାନଙ୍କୁ କିଦୁ, ଏହାମାନଙ୍କୁ ମାହାପୁରୁଷ ଗାଞ୍ଜୁରମି ତାକି କିଦୁ ।

୩୩ ଜାହୁଦି ଆପେ, ଜାହୁଦିଆଆତାରି, ଇଞ୍ଚା ମାହାପୁରୁଷ କୁଲମିତି ଲକ୍ଷ୍ମୀ ଆପାରି, ଆଦ୍ୟାଆରାକି କସ୍ତ ହୀନାତେରି ଆଆଦୁ ।

୩୪ ଏନିକ୍ ନାନୁ ଜିକେଏ ଜାହାରାତାକି ଅଣ୍ଟାପୁଆନା ହାରେକା ଲକ୍ଷ୍ମୀ ଗେଲ୍ପି ଆୟାଲିତାକି ଏଞ୍ଚାଣି ନେହାଣି ଅଣ୍ଟାପୁମାଲ୍, ଅତ୍ୟନ୍ତ ବାରେ କାତାତା ବାରେ ଜାଣାଲ୍ ରାହାଁ କିୟାଲି ଅଣ୍ଟାପୁମାଲ୍ ।

୧୧

୧ ନାନୁ ଏନିକ୍ କ୍ରୀସ୍ତ କିତିଲେହେଁ କାମା କିହିମାଲ୍, ମୀରୁ ଜିକେଏ ନାନୁ କିହିମାନି ଲେହେଁ କିଦୁ ।

ପ୍ରାଚୀନା କିନାତି ତାୟ୍ ପ୍ରିକ୍ନାୟି

୨ ନାନୁ ମିତ୍ର ଗାଞ୍ଜୁରମି କିହିମାଞ୍ଚାଲ୍ ଏହାମାନଙ୍କୁ ଇତିହାସ ମୀରୁ ନାଲେ ବାରେବେଲ୍ଲା ଅଣ୍ଟାପୁମାଞ୍ଚାଦେରି ଅତ୍ୟନ୍ତ ନାନୁ ଆମିନି ମେରା ହାହାମାଞ୍ଚାଲ୍, ଏହାମାନଙ୍କୁ ବାରେ ମାନସି ଆହିମାଞ୍ଚେରି ।

୩ ସାମା କ୍ରୀସ୍ତ ବାରେ ଆବାୟା ତାୟ୍ ଫୁଲହେଁ ଅତ୍ୟନ୍ତ ଆବା ଇୟାନି ତାୟ୍ ଫୁଲହେଁ ଇଞ୍ଚା ମାହାପୁରୁଷ କ୍ରୀସ୍ତ ତାୟ୍ ଫୁଲହେଁ, ଇତାଆଁ ମୀରୁ ପୁଞ୍ଚୁ ଇଞ୍ଚା ନା ଅଣ୍ଟାପୁ ।

୪ ଆମିନି ଆବା ତାନି ତାୟ୍ ପ୍ରିକ୍ନାୟି ପ୍ରାଚୀନା କିନେସି, ତାୟ୍ ଆନି କାତା ଖେହ୍ନେସି, ଏଞ୍ଚାସି ତାନି ତାୟ୍ ତୁ ହାଣି ପାଣ୍ଡି କିନେସି ।

୫ ସାମା ଆମିନି ଆୟାତି ତାନି ତାୟ୍ ପ୍ରିକ୍ନାୟି ପ୍ରାଚୀନା କିନେ ଅତ୍ୟନ୍ତ ମାହାପୁରୁଷ ଅଣ୍ଟାପୁ ବଲ୍ଲୁ ଖେକ୍ନେ ଏଦି ତାନି ତାୟ୍ ତୁ ଲାଜା ପାଣ୍ଡି କିନେ ଇତିହାସ ତାନି ତାୟ୍ ହୁଣ୍ଡି ଆଡି ଇୟା ସମାନା ।

୬ ଇତିହାସ ତାୟ୍ ପ୍ରିକ୍ନାୟି ଆୟାତି ତାନି ତାୟ୍ ରାଣାୟା ରାତ୍ତହା କତାପେ; ଇତିହାସ ଇୟାନାକି ତାୟ୍ ରାତ୍ତନାୟି କି ହିଣ୍ଡାୟି ଲାଜାତି କାତା ଆତିହାସ ଏଦି ତାୟ୍ ପ୍ରିକ୍ନାୟି ।

୭ ଆବା ମାହାପୁରୁଷ ଖାଣା ଇଞ୍ଚା ଗାଞ୍ଜୁରମି ଲେହେଁ ଆତାକି ତାନି ତାୟ୍ ତୁ ପ୍ରିକ୍ନାୟି ଲଡ଼ା ହିଲେଏ, ସାମା ଇୟା ଆବାତି ଗାଞ୍ଜୁରମି ଲେହେଁ ।

୮ ଇତିହାସ ଆବା ଇୟାନି ତାଣାତି ଗାଡ଼ି ଆହାହିଲଅସି ସାମା ଇୟା ଆବା ତାଣାତି ଗାଡ଼ି ଆହାମାନେ ।

୯ ଅତ୍ୟନ୍ତ ଇୟା କି ଆବା ଗାଡ଼ି ଆହାହିଲଅସି ସାମା ଆବାକି ଇୟା ଗାଡ଼ି ଆହାମାନେ ।

୧୦ ଏହାମାନଙ୍କୁ ଦୁତ୍ତୟା ତାକି ତକ୍ତି ତାନି ତକ୍ତି ଅଦିକାରାତି ସିନାଲେହେଁ ତାୟ୍ ତୁ ପ୍ରିକ୍ନାୟି କତାପେ ।

୧୧ ଆଡିଜିକେଏ ପ୍ରବୁ ତାଣା ଆବା ତାଣାତି ଆୟାତି କାଜାୟି ଆଏ, ସାମା ଇୟା ତାଣାତି ଆବା କାଜାସି ଆଏ,

୧୨ ଇତିହାସ ଆୟାତି ଏନିକ୍ ଆବା ତାଣାତି ଗାଡ଼ି ଆହାମାନେ । ଏଲେକିହା ଏ ଆବା ଜିକେଏ ଇୟା ତାଣାତି ଗାଡ଼ି ଆହାମାନେସି, ସାମା ବାରେ ମାହାପୁରୁଷ ତାଣାତି ଗାଡ଼ି ଆହାମାନେ ।

୧୩ ମୀରୁ ମୀରୁଏ ବିତାରା କିହାଁ କତାଦୁ, ତାୟ୍ ପ୍ରିକ୍ନାୟି ମାହାପୁରୁଷ ନକିତା ପ୍ରାଚୀନା କିନାୟି ଇୟାନାକି ନେହେଁ କି ?

୧୪ ମାଣ୍ଡିକି ମାଣ୍ଡେ ଖେସିମାଞ୍ଚାନ୍ତେ ଆବା ଲାଦା ତାୟ୍ ରୁଣାଁ ଦିହନାୟି ତାଲେତାକି ଲାଜାତି କାତା ।

୧୫ ସାମା ଆୟାତି ଲାଦା ତାୟ୍ ରୁଣାୟାଁ ପିସି ସାରେ ତାଲେତାକି ଗାଞ୍ଜୁରମି ସମାନା, ଇତିହାସ ତାୟ୍ ପ୍ରିକ୍ନାୟି ଆୟାଲି ଇୟାନାକି ଲାଦା ତାୟ୍ ରୁଣାୟାଁ ହାପକି ଆହାମାନେ ।

★ ୧୧:୧ ୧କର ୪:୧୭; ପିଲିପି ୩:୧୭

୧୭ ସାମା ଆମ୍ବାଆସି ଏ କାତାତାକି ବାଦିବାଦା କିହାଲି ଅଣପିତିହଁ ଏଝାସି ପୁନାପେସି, ମାଙ୍ଗେ ଇଲେତି ମେରା ହିଲେଏ, ଇଞ୍ଜା ମାହାପୁରୁ କୁଲମିତା ଜିକେଏ ହିଲେଏ ।

ପ୍ରବୁତି ବକ୍ତି

୧୭ ସାମା ମୀ ଆଣ୍ଡି ଆନାୟି ନେହାୟି ଆଆନା ସାମା ଲାଗେଏ ପଲେଏତାୟି ଆହିମାନେ, ଏଦାଆଁତାକି ମିଙ୍ଗେ ନେହାତେରି ଇଞ୍ଜାଲି ଆଡାଆନା ଇ ହୁକୁମି ହାହାମାଞ୍ଜାଇ ।

୧୮ ଏନାଆଁତାକି ଇତିହଁ ନାନୁ ତଲିଏ ଝେଞ୍ଜିମାଇଁ, କୁଲମି ଲେହେଁ ରୁଣ୍ଡା ଆନାଟି, ମୀ ବିଡ୍ରା ଗତି ଗତି ଆହିମାଞ୍ଜେରି, ଇଞ୍ଜା ଇ କାତା ବିଡ୍ରା ଏଚେକା ସାତା ଇଞ୍ଜା ନାନୁ ନାମିମାଇଁ ।

୧୯ ଏନିକଁ ମୀ ବିଡ୍ରାଟି ଆମ୍ବାଆସି ସାତା ତାୟିପାରିତା ଜାଣା ଆଡାରି ଏ ତଞ୍ଜାଆନେରି, ଏଦାଣିତାକି ମୀ ବିଡ୍ରା ଗତି ଗତି ଆନାୟି ପିଟଞ୍ଜି ଆଏ ।

୨୦ ଏଚେତା ମୀରୁ କୁଲମିତା ରୁଣ୍ଡା ଆଦେରି, “ଏଦି ପ୍ରବୁତି ବକ୍ତି ଆଏ.”

୨୧ ଏନାଆଁତାକି ଇତିହଁ ବକ୍ତି ତିନାଟି, ରଥସି ଅଡେ ରଥଣାଇଁ କାଆନା ତାମି ରାନ୍ଦା ତିନେରି, ଏଦାଆଁତାକି ରଥସି ହାକିତି ମାନାଟି ଅଡେ ରଥସି ହଡ଼ାହାଁ ତୁୟିମାନେସି ।

୨୨ ଏନାଆଁ ମିଙ୍ଗେ ତିଞ୍ଜା ଉଣ୍ଡାଲି ଇଲ୍ଲକା ହିଲାତ ? ମୀରୁ ଏନାଆଁ ମାହାପୁରୁ କୁଲମିତି ମାନଞ୍ଜି ଆହି ହିଲଅଚେରି, ଅଡେ ଆମ୍ବାଆରାକି ହିଲାତ ଏଝାଚାଇଁ ଲାଜା କିହିମାଞ୍ଜେରି, ନାନୁ ମିଙ୍ଗେ ଏନାଆଁ ଝେସ୍ତାଇଁ ? ମିଙ୍ଗେ ଏନିକଁ ଗାଞ୍ଜୁରମି କିୟାଇଁ ? ଇଦାଆଁତାକି ମିଙ୍ଗେ ଗାଞ୍ଜୁରମି କିହିମାଞ୍ଜିଅଁ ।

୨୩ ଇତିହଁ ନାନୁ ପ୍ରବୁ ତାଣାଟି ବେଟାଆହାମାନି ଜାପୁନାଣି ମିଙ୍ଗେ ଜାପୁହି ମାଞ୍ଜାଇଁ, ଏଦି ଇଦି ପ୍ରବୁ ଜାସୁ ସାତୁୟାଁ କେୟୁତା ହେଦପିଆଡି ଲାଆଁୟାଁ ରୁଟି ଅହାନା, ମାହାପୁରୁଇଁ ଜହରା କିହାନା, ଏଦାଆଁ ତିକିହାନା ଏଲେଇଚେସି,

୨୪ ଇଦି ମିଙ୍ଗେତାକି ନା ଆଜା; ନାଙ୍ଗେ ଅଣ୍ଡପାଲିତାକି ଇଦାଆଁ କିପୁ ।

୨୫ ଏଲେକିହଁ ଏ ତିତି ତାୟୁ ଗହନି ସଲ୍ଲା ଅହାନା ଏଲେଇଚେସି, ଇ ସଲ୍ଲା ନା ନେତେରିତା ତାରିକିତି ପୁଞ୍ଜି ରାଜିମାନା; ମୀରୁ ଇ ସଲ୍ଲାଟି ଏଚର ଦେବା ଗହଦେରି ଏଚର ଦେବା ନାଙ୍ଗେ ଅଣ୍ଡପାଲିତାକି କିପୁ ।

୨୬ ଇତିହଁ ଏଚର ଦେବା ମୀରୁ ଇ ରୁଟି ତିଞ୍ଜେରି ଅଡେ ଇ ସଲ୍ଲାଟି ଗହଦେରି, ଏଚର ଦେବା ମୀରୁ ପ୍ରବୁତି ଖାନି ଦିନା ପାତେକା ତାନି ହାକିତି କାତୁ ଝେକ୍ଚଦେରି ।

୨୭ ଇତିହଁ ଆମ୍ବାଆସି ଜଗେ ଆଆନା ପ୍ରବୁ ବକ୍ତିତ ରୁଟି ତିନେସି ଅଡେ ଇ ସଲ୍ଲାଟି ଗହନେସି, ଏଝାସି ପ୍ରବୁତି ଆଜା ଅଡେ ନେତେରିତି ଦାୟି ଆନେସି ।

୨୮ ଏଦାଆଁତାକି ମାଣସି ତଲିଏ ତାନୁଏ ତାଙ୍ଗେ ତାୟିପାରି କିହାଁ କତାହାଁ ଇ ରୁଟି ତିଶ୍ଟେସି ଅଡେ ଇ ଗହନି ସଲ୍ଲାଟି ଗସ୍ପେସି ।

୨୯ ଇତିହଁ ଆମ୍ବାଆସି ପ୍ରବୁତି ଆଜାତ ଏନାୟି ଇଞ୍ଜା ଅଣ୍ଡପାଆନା ତିନେସି ଅଡେ ଗହନେସି ଏଝାସି ତାନି ମୁହେଁ ତଣ୍ଡ ବେଟାଆହାଲି ତିନେସି ଅଡେ ଗହନେସି ।

୩୦ ଏଦାଆଁତାକି ମୀ ବିଡ୍ରାଟି ହାଡେରକା ଲକୁ ବାଡୁୟୁ ହିଲାଆଗାଗତେରି ଇଞ୍ଜା ହାଡେରକା ଲକୁ ନମେରି ଗାଟାରି ଅଡେ ହାଡେରକା ଜାଣା ହାହା ହାଜାମାନେରି ।

୩୧ ସାମା ମାର ତଲିଏ ଜାହା ଜାହାଚାଇଁ ତାୟିପାରି କିତିହଁମା ମାହାପୁରୁ ମାଙ୍ଗେ ବିଚାରା କିୟାଆତେସିମା ।

୩୨ ଅଡେ ଦାରୁତି ତଲେ ଏନିକଁ ମାର ତଣ୍ଡ ପୁଞ୍ଜିଆୟି, ଏଦାଆଁତାକି ପ୍ରବୁତି ତାଣା ବିଚାରା କିଞ୍ଜି ଆହାଁ ସାସି ବେଟାଆହି ମାନାୟି ।

୩୩ ଏଦାଆଁତାକି ନା ତାୟିୟାଁ, ମୀରୁ ପ୍ରବୁତି ବକ୍ତି ତିଞ୍ଜାଲି ତାକି ରୁଣ୍ଡା ଆନାଟି ମୀରୁ ରଅତେରି ରଅଣାଇଁ କାପୁ ।

୩୪ ମୀରୁ ରୁଣ୍ଡା ଆନାୟି ଏନିକଁ ମାହାପୁରୁତି ତଣ୍ଡ ବେଟାଆହାଲି ଆଏ, ଏଦାଆଁତାକି ଆମ୍ବାଆସି ହାକି ଆହାମାନେସି ଏଝାସି ତାମି ଇଜ ତିନାପେସି, ଅଡେ ଆଗାଡା ଝେସ୍ତାନି କାତା ନାନୁ ଖାଡିସାରେ ତେଲ୍ଲହି କିୟାଇଁ ।



ସୁଦୁଜାଞ୍ଜୁତି ଦାନ

୧ ତାୟିୟାଁ ଅଡେ ତାଜିସ୍ତାତେରି ସୁଦୁଜାଞ୍ଜୁ ଦାନାତି କାତା ମୀରୁ ନେହଁକଁ ପୁଞ୍ଜି ଇଞ୍ଜା ନାନୁ ଅଣ୍ଡପମାଇଁ ।

୨ ମୀରୁ ପୁଞ୍ଜାମାଞ୍ଜେରି, ଏତିବେଲା ମୀରୁ ଜୀହୁଦିଆଆତାତେରି ମାତେରି, ଏବେତା ଏନିକି ସାଲୁଖି ଆହୁମାତେରି, ଏଲେକିହି ଏ ନାଡ଼ିକିଞ୍ଜି ଆହାନା ଜୀଞ୍ଜୁ ହିଲାଆଗାଟି ପେଣ୍ଡାକା ବମାୟାତି ଜେଡ ହାଜିମାତେରି ।

୩ ଏଦାଆଁତାକି ନାନୁ ମିଜା ଝେସିମାଞ୍ଜାଲ୍, ମାହାପୁରୁତି ସୁଦୁଜୀଞ୍ଜୁ ତଲେ ସାଲୁଖି ଆହାନା ଆମ୍ବାଆସି ଜିକେଏ ଜୀସୁଲ୍ ବାକା ଇଟାଲି ଆଡ଼ଅସି, ଅଡ଼େ ଆମ୍ବାଆସି ସୁଦୁଜୀଞ୍ଜୁ ପୁଞ୍ଜାଆତାସି ଜୀସୁଲ୍ ପ୍ରବୁ ଇଞ୍ଜି ଝେସାଲି ଆଡ଼ଅସି ।

୪ ସୁଦୁଜୀଞ୍ଜୁ ହାନି ଦାନା ଏବକା ଏବକାତାୟି ସାମା ଏ ରଣ୍ଡିଏ ସୁଦୁଜୀଞ୍ଜୁ ।

୫ ସେବା ଏବକା ଏବକାତାୟି ସାମା ପ୍ରବୁ ରଅସିଏ ।

୬ କାମା କିନି ବାଡ଼ୁୟୁ ଏବକା ଏବକାତାୟି ସାମା ମାହାପୁରୁ ରଅସିଏ, ଏଞ୍ଜାସି ବାରେ ତାଣା ବାରେ କାମା କିନେସି ।

୭ ସାମା ବାରେ ଜାଣାତାତି ସୁଦୁଜୀଞ୍ଜୁତି ଗୁଣ୍ଡୁ ତହୁନି ଦାନା ବାରେ ଲକ୍ଷୁତି ନେହେଁତାକି ହୀପୁକିଆନେ ।

୮ ରଅଣାକି ସୁଦୁଜୀଞ୍ଜୁ ତଲେ ବୁଦିତି କାତୁ ଝେସାଲି ହାନେ, ଅଡ଼େ ରଅଣାକି ଏ ସୁଦୁଜୀଞ୍ଜୁ ତଲେ ବୁଦିତିକାତା ଜାପୁହାଲି ହାନେ,

୯ ଅଡ଼େ ରଅଣାକି ଏ ସୁଦୁଜୀଞ୍ଜୁ ତଲେ ନାମାଲି, ଅଡ଼େ ରଅଣାକି ଏ ରଣ୍ଡିଏ ଜୀଞ୍ଜୁତି ଦାନା ତଲେ ରଗୁତି ନେହେଁ କିୟାଲି ବାଡ଼ୁୟୁ ହାନେ,

୧୦ ରଅଣାକି କାବାଆନି ବାଡ଼ୁୟୁତି କାମାୟା କିୟାଲି, ଅଡ଼େ ରଅଣାକି ମାହାପୁରୁ ଅଣପୁତି କାତା ଝେକହାଲି, ଅଡ଼େ ରଅଣାକି ଏବକା ଏବକାତି ଜୀଞ୍ଜୁୟାଲ୍ ପୁଞ୍ଜାଲି ଆଡ଼ିନି ବାଡ଼ୁୟୁ, ଅଡ଼େ ରଅଣାକି ପୁନାଆତି ପୁଞ୍ଜି ହାଡ଼ା ଜଲାଲି, ଅଡ଼େ ଏବକାତାରାକି ପୁନାଆତି ହାଡ଼ାତି ଅର୍ତ ପୁଣ୍ଡିକିନି ବାଡ଼ୁୟୁତି ଦାନା ହୀପୁକିଆନେ ।

୧୧ ସାମା ଏ ରଣ୍ଡିଏ ଜୀଞ୍ଜୁ ତାନି ମନ କିତିଲେହେଁ ବାରେଜାଣାତି ଏବକା ଏବକାତି ଦାନା ହୀହାନା ଇ ବାରେ କାମା କିହିମାନେ ।

ରଣ୍ଡିଏ ଆଜ୍ଞାତି ଆଜ୍ଞା ଉଡ଼େଲି

୧୨ ଇତିହି ଏନିକି ଆଜ୍ଞା ରଣ୍ଡିଏ, ଅଡ଼େ ଆଜ୍ଞାତି ଏବକା ଏବକା ବାଗାୟା ମାନୁ, ସାମା ଆଜ୍ଞାତି ବାଗାୟା ହାଡ଼େକା ଆଡ଼ିଜିକେଏ ରଣ୍ଡିଏ ଆଜ୍ଞା ଆନେ, ଏଲେକିହି ଏ କ୍ରୀସ୍ତ ।

୧୩ ଇତିହି ମାର ଜୀହୁଦି କି ଜୀହୁଦିଆଆତି ଜିକେଏ, ହଲେଏସି ଆପେସି ହଲେଏସି ଆଆପେସି, ବାରେତାୟି ରଣ୍ଡିଏ ଜୀଞ୍ଜୁତଲେ ରଣ୍ଡିଏ ଆଜ୍ଞା ଆହାଲି ବାପ୍ରିସ୍ତ* ଆହାମାନାୟି; ଅଡ଼େ ବାରେତାୟି ରଣ୍ଡିଏ ଜୀଞ୍ଜୁତଲେ ଗସି ମାନାୟି ।

୧୪ ଏଦାଆଁତାକି ଆଜ୍ଞା ରଣ୍ଡିଏ ବାଗା ଆଏ, ସାମା ଆଜ୍ଞାତି ଏବକା ଏବକା ବାଗାୟା ଆଣ୍ଡାନା ର ଆଜ୍ଞା ଆହାମାନେ ।

୧୫ କତା ଏଲେଇନେ ନାନୁ କେୟୁଡେଏଁ ଆଏ, ଏଡ଼ି ଆଜ୍ଞାତି ବାଗା ଆଏ, ଏଦାଆଁତାକି ଏଡ଼ି ଆଜ୍ଞାତି ବାଗା ଆଏ ଏଲେକି ଆଏ ।

୧୬ ଅଡ଼େ କିୟୁ ଏଲେଇନେ ନାନୁ କାନୁ ଆଏ, ଏଡ଼ି ଆଜ୍ଞାତି ବାଗା ଆଏ, ଏଦାଆଁତାକି ଏଡ଼ି ଆଜ୍ଞାତି ବାଗା ଆଏ ଏଲେକି ଆଏ ।

୧୭ ବାରେ ଆଜ୍ଞା କାଣକା ଆନୁ, ଆତିହି ଏନିକି ଝେନାୟି ? ବାରେ ଆଜ୍ଞା କୀକା ଆନୁ ଆତିହି ଆମ୍ବିଟି ମୁଞ୍ଜିନାୟି ?

୧୮ ସାମା ମାହାପୁରୁ ଆଜ୍ଞା ଉଡ଼େଲିଲ୍ ରଣ୍ଡା ରଣ୍ଡାୟା କିହି ତାନି ମନତଲେ ଆଜ୍ଞାତା ଆଡ଼ହାମାନେସି ।

୧୯ ଅଡ଼େ ଏ ବାରେ ଆଜ୍ଞାତି ରଣ୍ଡିଏ ବାଗା ଆଡ଼ିହି ମା ଆତିହି ଆଜ୍ଞା ଆମ୍ବିୟା ?

୨୦ ସାମା ସାତେଏ ଆଜ୍ଞାତି ବାଗାୟା ହାଡ଼େକା, ସାମା ଆଜ୍ଞା ରଣ୍ଡିଏ ।

୨୧ ନୀ ତାଣା ନାଜେ ଲଡ଼ା ହିଲେଏ ଇଞ୍ଜି କାନୁ କେୟୁଡି ଏଲେଇଞ୍ଜାଲି ଆଡ଼େଏ, ଇଞ୍ଜା ନୀ ତାଣା ନା ଲଡ଼ା ହିଲେଏ ଇଞ୍ଜି ତାୟା କୁଡାତି ଏଲେଇଞ୍ଜାଲି ଆଡ଼େଏ ।

୨୨ ଅବଞ୍ଚାକି ଆଜ୍ଞାତି ଆନିନି ଆଜ୍ଞା ଉଡ଼େଲି ବାଡ଼ୁୟୁ ହିଲାଆଗାଟାଲ ଇଞ୍ଜି ପୁତିହି ଜିକେଏ ଏଞ୍ଜି ବାରେ ଲଡ଼ାତା ମାନୁ;

* ୧୨:୪ ରନି ୧୨:୬-୮ * ୧୨:୧୨ ରନି ୧୨:୪,୫ * ୧୨:୧୩ ମୁଞ୍ଜିନାୟି

୨୩ ଅତ୍ତେ ଆଜ୍ଞାତି ଆମିନି ଆଜ୍ଞା ଉତ୍ତେଲି ଲତ୍ତାହିଲାଆ ଗାଟାଲ ଇଞ୍ଜି ଅଣ୍ଡପିନାୟି, ଏ ବାରେ ଆଜ୍ଞାତି ଆଜ୍ଞା ଉତ୍ତେଲିକାଇଁ ମାର ହାରେକା ଜାତ୍ତୁନୁ କିନାୟି; ଅତ୍ତେ ମା ଲତ୍ତାହିଲାଆ ଆଜ୍ଞା ଉତ୍ତେଲି ହାରେକା ନେହୁଁ ତଞ୍ଜିକିୟାନୁ.

୨୪ ସାମା ମା ଅଜ୍ଞିତି ଆଜ୍ଞା ଉତ୍ତେଲି ନେହୁଁକିଁ ତଞ୍ଜା ଆନାୟି ଲତ୍ତା ଆଏ,

୨୫ ସାମା ଏନିକିଁ ଆଜ୍ଞାତି ବିତ୍ତା ଗତ୍ତହା ଆଏ, ଇଞ୍ଜି ଆଜ୍ଞାତି ବାଗାୟିଁ ସାମାନା ତଲେ ବାରେଜାଣାତି ନେହୁଁଣି ଅଣ୍ଡପିନୁ । ଏଦାଆଁତାକି ଲତ୍ତାହିଲାଆ ଆଜ୍ଞାତି ହାରେକା ଅଜ୍ଞି କିହାନା ମାହାପୁରୁ ଜାତ୍ତୁ କିହାମାନେସି ।

୨୬ ଏଦାଆଁତାକି ର ଆଜ୍ଞା କସ୍ତ ବେଟାଆଡ଼ିସାରେ ବାରେ ଆଜ୍ଞା ତାନିତଲେ ବୁକୁ କିନୁ, ସାମା ର ଆଜ୍ଞା ଗାଞ୍ଜୁରମି ବେଟାଆଡ଼ିସାରେ ବାରେ ଆଜ୍ଞା ତାନିତଲେ ରାହୁଁ କିନୁ ।

୨୭ ଏଲେକିହୁଁଏ ମୀରୁ କ୍ରୀସ୍ତତି ଆଜ୍ଞାତି ବାଗାୟିଁତେରି, ଅତ୍ତେ ର ର ଲକୁ ର ର ଆଜ୍ଞାତି ବାଗାୟିଁ ଲେହେଁ ।

୨୮ *ଅତ୍ତେ ମାହାପୁରୁ କୁଲମିତା ତଲିଏ ପାଣ୍ଡୁ଼ି ଆଡାରାଇଁ, ଇଞ୍ଜି ତାୟୁ ମାହାପୁରୁ ଅଣ୍ଡପୁତି ବଲୁ ଝେହ୍ନାରାଇଁ, ତାୟୁ ଜାପୁନାରାଇଁ, ଏଲେକିହୁଁ ହାରେକା ଲକୁଣି ନିପୁହାମାନେସି; ଅତ୍ତେ କାବାଆନି କାମା କିନାରାଇଁ, ତାୟୁ ରଗଟି ନେହୁଁ କିନାରାଇଁ, ଇଞ୍ଜି ଲକୁଇଁ ସାଢ଼ୟିନି କିନାୟି, ସାଲୁ଼ି କିନାରି ବାଡ଼ୁରୁ ଅତ୍ତେ ଏଟ୍ଟକାତି ପୁନାଆତି ହାଡ଼ା ଜଲିନି ଦାନା ହାହାମାନେସି ।

୨୯ ବାରେଜାଣା କି ପାଣ୍ଡୁ଼ି ଆହାମାନାରି ? ବାରେଜାଣା କି ମାହାପୁରୁ ଅଣ୍ଡପୁତି ବଲୁ ଝେହ୍ନାରି ? ବାରେଜାଣା କି ଜାପୁନାରି ? ବାରେଜାଣା କି କାବାଆନି କାମାକିନାରି ?

୩୦ ବାରେଜାଣା କି ନେହୁଁକିନି ବାଡ଼ୁରୁତି ଦାନା ବେଟା ଆହାମାନାରି ? ବାରେ ଜାଣାକି ଏଟ୍ଟକା ହାଡ଼ାତଲେ ଜଲିନେରି ? ବାରେଜାଣା କି ଏଟ୍ଟକା ହାଡ଼ାତି ଅର୍ତ୍ତ ଝେହ୍ନେନେରି ?

୩୧ ସାମା ବାରେତେରି ନେହୁଁ ଦାନା ବେଟାଆହାଲି ଅଣ୍ଡପାଦୁ, ସାମା ଏ ବାରେକିହୁଁ ଅତ୍ତେ ହାରେକା ଆଗାଡ଼ା ମାନି ର ନେହୁଁ ଜିରୁ ତସିମାଞ୍ଜାଇଁ ।

୧୩

ଜାଞ୍ଜୁନନାୟି

୧ ଇତିହୁଁ ନାନୁ ମାଣସିୟାଁ ଅତ୍ତେ ଦୁତୁୟାଁ ହାଡ଼ାତଲେ ଜଲିଇଁ, ସାମା ନା ଜାଞ୍ଜୁନନାୟି ହିଲେଏ, ଆତିହୁଁ ନାନୁ ଚିଣି ଚିଣି ଆନି ଜିଣ୍ଡା ଅତ୍ତେ ଚାପୁଡ଼ି ଝେନି ହାଡ଼ାଲେହେଁ ତାତେଏଁ ।

୨ *ଇଚିହୁଁ ନାନୁ ମାହାପୁରୁ ଅଣ୍ଡପୁତି ବଲୁ ଝେହ୍ନି ବାଡ଼ୁରୁ ମାନେ, ଅତ୍ତେ ବାରେ ଡ଼ଗ୍ଗାମାନାଣି ଇଞ୍ଜି ବୁଦିତିକାତା ପୁନାତେଏଁ, ଅତ୍ତେ ହରୁଇଁ ଏଟ୍ଟକା ଗୁତି କିହାଲି ନାଙ୍ଗେ ହାରେକା ନାନୁ ମାତି ଜିକେଏ, ସାମା ନା ତାଣା ଜାଞ୍ଜୁନନାୟି ହିଲେଏ, ଆତିହୁଁ ନାନୁ ଏନାତେଏଁ ଆଏ ।

୩ ଇଚିହୁଁ ନାନୁ ହିଲାଆଗାଟି ଲକୁତାକି ତିଞ୍ଜାଲି ବାରେ ଦନ ହାଈଁ, ଅତ୍ତେ ନାନୁ ନା ଆଜ୍ଞାତି ଝେହାଲି ତାକି ହେରୁପିଇଁ, ସାମା ନା ତାଣା ଜାଞ୍ଜୁନନାୟି ହିଲେଏ ଇଚିହୁଁ ନାଦି ଏନି ଲାବା ଆଏ ।

୪ ଜାଞ୍ଜୁନନାୟି ଅରୁହିନାୟି, ଜାଞ୍ଜୁନନାୟି ନେହୁଁଣି ଅଣ୍ଡପିନାୟି, ତାହାରା କିଆଗାଟାୟି, ବତପଣ ଆଆଗାଟାୟି, ଆଜ୍ଞାରା କିଆଗାଟାୟି ।

୫ ଲାଗେଏ କିହୁଁ ଲେଢ଼େଏ, ଜାହାରା ତାକି ଅଣ୍ଡପେଏ, ବିରିବିରା ଆଏ, ଲାଗେଏ କିହାଲି ଅଣ୍ଡପୁତା ଇଚେଏ ।

୬ ଲାଗେଏତି କାମାତାକି ରାହୁଁ ଆଆଗାଟାୟି, ସାମା ସାତାତା ରାହୁଁ କିନାୟି;

୭ ଜାଞ୍ଜୁ ନନିତାଣା ବାରେ ଅରୁହିନାୟି, ବାରେ ତାଣା ନାନିନାୟି, ବାରେ ତାଣା ବାସୁଁ ହାନାୟି, ବାରେ କାତାତା ସାସା ଆହ୍ନାୟି ।

୮ ଜାଞ୍ଜୁନନାୟି ଏଚେଲା ରାଏ; ସାମା ମାହାପୁରୁ ଅଣ୍ଡପୁତି ବଲୁ ଝେକ୍‌ହା ମାନାୟି, ଦିନା ଖାଡ଼ିସାରେ ମିତି ଜିକେଏ ଆନେ; ଏଟ୍ଟକା ଏଟ୍ଟକା ଜଲିନି ହାଡ଼ା ମାତି ଜିକେଏ ଏଦି ର ଦିନା ସାପି ଆନେ; ବୁଦିତିକାତା ମାତି ଜିକେଏ ଏଦି ମେଣ୍ଡାଞ୍ଜାହାନେ ।

୯ ଇଚିହୁଁ ମାର ରଗାଣିଏ ପୁନାୟି ଅତ୍ତେ ମାହାପୁରୁ ଅଣ୍ଡପୁତି ବଲୁ ଇଚେକେଏ ଝେକ୍‌ହାଲି ଆଡ଼ିନାୟି ।

୧୦ ସାମା ପୁରା ଆନାୟି ଖାଡ଼ିହୁଁ ଉଜେଏତାୟି ମେଣ୍ଡାଞ୍ଜାହାନେ ।

* ୧୨:୨୮ ଏପିସି ୪:୧୧ ✪ ୧୩:୨ ମାତି ୧୭:୨୦; ୨୧:୨୧; ମାର୍କ ୧୧:୨୩

୧୧ ନାନୁ ଉଣା ମାଟିବେଲା ଉଣା କକାରି ଲେହେଁ ଜଲି ମାଟେଏଁ, ଉଣା କକାରି ଲେହେଁ ଅଣ୍ଡାପାଟେଏଁ, ଉଣା କକାରି ଲେହେଁ ପୁଞ୍ଜାମାଟେଏଁ; ନାନୁ ପାତାଆଡ଼ି ମାଣସି ଆୟାଲିଏ ନାନୁ ଉଣା କକାରି କାତା ପିସାତୁପୁଏଁ ।

୧୨ ଇଚିହଁ ନୀଏଁ ମାରୁ ତୁଗୁମାନି କାତା ଲେହେଁତି ଦାପେଣିତା ମେସିମାନାୟି, ସାମା ଏଟିବେଲା ମୁମୁ ମୁମୁତୁ ମେସସି ଆନାୟି; ନୀଏଁ ନାନୁ ଏନିକଁ ପୁଞ୍ଜାମାଲ୍, ସାମା ଏଟିବେଲା ନାଙ୍ଗେ ଏନିକଁ ପୁଞ୍ଜାମାଞ୍ଜାନେସି, ନାନୁ ଜିକେଏ ଏଲେକଁ ତାୟୁ ପୁଲ୍ ।

୧୩ ଏଦାଆଁତାକି ନାମିନାୟି, ଆସା କିନାୟି, ଜୀଞ୍ଜୁନନାୟି, ଇ ତାନିଗଟା କାଲେଏତାଇ, ସାମା ଇ ବିତ୍ରାଟି ଜୀଞ୍ଜୁନନାୟି ବାରେକିହାଁ କାଜାୟି ।

୧୪

ମାହାପୁରୁ ଜୀଞ୍ଜୁତି କାତା ପୁନାୟି

୧ ଜୀଞ୍ଜୁ ନନାଣି ପାରାଦୁ, ଅଡ଼େ ସୁଦୁଜୀଞ୍ଜୁତି ଦାନା ବେଟାଆହାଲି ବାରେତି କିହାଁ ଏନିକଁ ମାହାପୁରୁ ଅଣ୍ଡାପୁତି ବଲୁ ଝେକହାଲି ଆଡ଼ିଦେରି, ଇଦାଆଁତାକି ହାଡ଼େକା ଅଣ୍ଡାପାଦୁ ।

୨ ଇଚିହଁ ଆମ୍ବାଆସି ଏଟକା ଏଟକାତି ହାଡ଼ାତଲେ ଜଲିନେସି, ଏଞ୍ଜାସି ମାଣସିୟାଲ୍ ଜଲଅସି, ସାମା ମାହାପୁରୁଲ୍ ଜଲିନେସି, ଆମ୍ବାଆସି ଏଦାଆଁ ତେଲହଅସି, ସାମା ଏଞ୍ଜାସି ସୁଦୁଜୀଞ୍ଜୁ ବାଡ଼ୁଡ଼ୁଟି ତୁଗୁମାନାଣି ଝେହନେସି ।

୩ ସାମା ଆମ୍ବାଆସି ମାହାପୁରୁ ଅଣ୍ଡାପୁତି ବଲୁ ଝେହନେସି, ଏଞ୍ଜାସି ଲକୁଲ୍ ସାୟେମି କିହାନା, ସାମା ଅଡ଼େ ବାସୁତି କାତା ଝେହନେସି ।

୪ ଆମ୍ବାଆସି ଏଟକାତି ହାଡ଼ାତଲେ ଜଲିନେସି ଏଞ୍ଜାସି ଜାହାରା ନାମୁତା ପାତିକିହାଁ କତିନେସି, ସାମା ଆମ୍ବାଆସି ମାହାପୁରୁ ଅଣ୍ଡାପୁତି ବଲୁ ଝେକନେସି ଏଞ୍ଜାସି କୁଲମିଲ୍ ନାମୁତା ପାତିକିନେସି ।

୫ ମାରୁ ବାରେତେରି ଏଟକା ହାଡ଼ାତଲେ ଜଲାରୁ ଇଞ୍ଜଁ ନା ଅଣ୍ଡାପୁ, ସାମା ମାରୁ ମାହାପୁରୁ ଅଣ୍ଡାପୁତି ବଲୁ ଝେହଦୁ ଇଦି ହାଡ଼େକା ନା ଅଣ୍ଡାପୁ; ଆମ୍ବାଆସି ଏଟକା ଏଟକାତି ହାଡ଼ାତଲେ ଜଲିନେସି ଏଞ୍ଜାସି କୁଲମିତି ପାତିକିହାଲି ଏ କାତାତି ଅର୍ତ୍ତ ଝେହଅସି ଇଚିହଁ ଏଦାଣିକିହାଁ ଆମ୍ବାଆସି ମାହାପୁରୁ ଅଣ୍ଡାପୁତି ବଲୁ ଝେକନେସି ଏଞ୍ଜାସି କାଜାସି ।

୬ ଏଦାଆଁତାକି ତାୟିୟାତେରି ନାନୁ ମୀ ତାଣା ଖାହାନା ମାହାପୁରୁତି ଝେକହି ବଲୁ, ବୁଦିତିକାତା, ମାହାପୁରୁ ଅଣ୍ଡାପୁତି କାତା ଝେକନାଣି କି ଜାପୁନି କାତା ଝେହଆନା, ଏଟକା ଏଟକାତି ହାଡ଼ାତଲେ ଜଲିଲ୍, ଆତିହଁ ଏମ୍ବାଆଁ ନାନୁ ମୀ ଏନି ଲାଡ଼ା କିତେଏଁ ।

୭ ପାରୁଡ଼ି ଅଡ଼େ ସେରୁଜି ଲେହେଁତି ଜୀଞ୍ଜୁ ହିଲ୍ଲାଆଗାଟି ବାଜାୟା ଉକିତିହଁ ଜିକେଏ ଏମ୍ବାଆଁ ତାନି ତିସା ହଏ ଇଚିହଁ ପାରୁଡ଼ି ଏନିକଁ ତାହିମାନେ ସେରୁଜି ଏନିକଁ ତାହିମାନେ ଏଦାନି ତିସା ଏନିକଁ ପୁନେରି ?

୮ ଇଞ୍ଜା ତାଡ଼ି ଉକିନାସି ନେହଁ କଁ ଉକଅସି ଆତିହଁ ଆମ୍ବାଆସି ଜୁଦୁ ତାକି ତିୟାରା ଆନେସି ।

୯ ଏଲେକିହଁ ଏ ମାରୁ ଜିକେଏ ଏଟକା ହାଡ଼ାତଲେ ନେହଁ ତୀରିତଲେ ଜଲଅତେରି, ମାରୁ ଏଦାଆଁ ଜଲିତେରି ଏନିକଁ ପୁନେରି, ଇଚିହଁ ମାରୁ ଜଲିନାୟି ଗାଲିତି ଜଲିନିଲେହେଁ ଆନେ ।

୧୦ ଦାରୁଡ଼ିତା ହାଡ଼େକା ତିସା ମାନେ, ଅଡ଼େ ଆମିନି ତିସାତି ଅର୍ତ୍ତ ହିଲ୍ଲାଆଗାଟାଇ ଆଏ ।

୧୧ ସାମା ନାନୁ ଏ ଜଲିନି ହାଡ଼ା ତେଲହଅଁ ଆତିହଁ ଆମ୍ବାଆସି ଜଲିନେସି ନାନୁ ଏଞ୍ଜାଣାକି ପୁନାଆତାତେଏଁ ଲେହେଁ ଆଲ୍, ଅଡ଼େ ଏଞ୍ଜାସି ନା ତାଣାଟି ପୁନାଆତାସି ଲେହେଁ ଆନେସି ।

୧୨ ଏଲେକିହଁ ଏ ମାରୁ ଜିକେଏ ଜୀଞ୍ଜୁତି ଦାନା ବେଟାଆହାଲି ଅଣ୍ଡାପି ମାନାକି କୁଲମିତି ପାତିକିହାଲି ଗାତି ବେଟାଆହାଲି ଅଣ୍ଡାପାଦୁ ।

୧୩ ଆମ୍ବାଆସି ଏଟକାତି ହାଡ଼ାତଲେ ଜଲିନେସି, ଏଞ୍ଜାସି ଏନିକଁ ଏମ୍ବାତି ଅର୍ତ୍ତ ଝେସାଲି ଆଡ଼ିନେସି, ଏଦାଆଁତାକି ପ୍ରାଡ଼ାନା କିପେସି ।

୧୪ ଇଚିହଁ ନାନୁ ଏଟକା ହାଡ଼ାତଲେ ପ୍ରାଡ଼ାନା କିଲ୍, ଇଚିହଁ ନା ଜୀଞ୍ଜୁ ପ୍ରାଡ଼ାନା କିନେ, ସାମା ନା ଅଣ୍ଡାପୁ ଏମ୍ବାଟି ଏନି ଲାଡ଼ା ହିଲେଏ ।

୧୫ ଆତିହଂ ନାନୁ ଏନାଆଁ କିନାୟିମାନେ, ନାନୁ ସୁଦୁଜୀଝୁ ତଲେ ପ୍ରାଡାନା କିଇଁ; ଇଞ୍ଜା ବୁଦିତଲେ ଜିକେଏ ପ୍ରାଡାନା କିଇଁ; ସୁଦୁଜୀଝୁ ତଲେ ଜହରା ପାରୁ ପାଡିଇଁ, ଅଡେ ବୁଦିତଲେ ଜିକେଏ ଜହରା ପାରୁ ପାଡିଇଁ ।

୧୬ ନାନୁ ଖାଉଇ ସୁଦୁଜୀଝୁ ତଲେ ମାହାପୁରୁଇଁ ଜହରା କିଦି, ଏମ୍ପାଆଁ କୁଗାମାନାସି ପୁନାଆନା ଏନିକଂ ନୀ ପ୍ରାଡାନାତା ଡାୟୁ ଆମେନ୍ ଇନେସି ।

୧୭ ଇତିହଂ ନାନୁ ନେହଂ କଂ ମାହାପୁରୁଇଁ ଜହରା କିହମାଞ୍ଜି ସାତା, ସାମା ଏବଂକାତାସି ପାତାଆସିସି ।

୧୮ ନାନୁ ମୀ ବାରେକିହାଁ ହାଡରକା ଗାତି ଏବଂକାତି ହାଡାତଲେ ଜଲିଇଁ ଇଞ୍ଜା ନାନୁ ମାହାପୁରୁଇଁ ଜହରା କିହିମାଲି;

୧୯ ଆଡିଜିକେଏ ନାନୁ ଏନିକଂ ଏବଂକାତାରାଇଁ ଜାପୁହାଲି ଆଡିଇଁ, ଏଦାଆଁତାକି କୁଲମିତା ଦସ ମାଣା ଏବଂକାତି କାତାୟାଁ ଜଲିନି କିହାଁ ବୁଦିତଲେ ପାସାଗଟା କାତା ଷେହନାୟି ନେହେଁ ।

୨୦ ଏ ତାୟିୟାଁତେରି ବୁଦିତା ଉଣା କକାରି ଲେହେଁ ଆଆପୁ, ସାମା ଲାଗେଏ ପଲେଏ କାତାତାକି ଉଣା କକାରି ଲେହେଁ ଆପୁ, ସାମା ବୁଦିତା ଅଡେ ଅଣପୁତା ପାତାଆଡି ଲକୁଲେହେଁ ଆପୁ ।

୨୧ ମସା ମେରାତା ରାସ୍‌କି ଆହାମାନେ, “ପ୍ରବୁ ଏଲେ ଇଞ୍ଜିମାନେସି, ଏବଂକା ଦେସାତି ଜଲିମାନି ହାଡାତଲେ, ଏବଂକା ଲକୁତି ଗୁଡି ତଲେ ନାନୁ ଇ ଲକୁଣି ଜଲିଇଁ,

ଆଡିଜିକେଏ ଏଞ୍ଜାରି ନା କାତା ଷେନଅରି ।”

୨୨ ଏଦାଆଁତାକି ଏବଂକା ହାଡାତଲେ ଜଲିନାୟି ନାନୁ ଗାଟାରାକି ର ସିନାଲେହେଁ ଆଏ, ସାମା ନାମାଆ ଗାଟାରାକି ସିନା ସମାନା; ଅଡେ ଅରଞ୍ଜାକି ମାହାପୁରୁ ଅଣପୁତି ବଲୁ ଷେକନାୟି ନାମାଆ ଗାଟାରାକି ସିନାଲେହେଁ ଆଏ, ସାମା ନାମିନାରାକି ସିନା ସମାନା ।

୨୩ ଅଡେ ଜିକେଏ ବାରେ କୁଲମିତି ଲକୁ ରୁଣ୍ଡା ଆତିହଂ, ଇଞ୍ଜା ବାରେଜାଣା ଏବଂକା ଏବଂକା ହାଡାତଲେ ଜଲିନେରି, ଅଡେ ପୁନାଆତାରି କି ନାମାଆତାରି ଏମ୍ପାଆଁ ଖାନେରି, ଆତିହଂ ମିଜେ ବାୟା ଆଡାରି ଇଞ୍ଜା ଇନଅରି କି ?

୨୪ ସାମା ବାରେଜାଣା ମାହାପୁରୁ ଅଣପୁତି ବଲୁ ଷେକନେରି, ରଅସି ପୁନାଆତାସି କି ନାମାଆତାସି ଖାନେସି, ଆତିହଂ ଏଞ୍ଜାସି ନାନୁ ପାପୁ ଗାଟାତେଏଁ ଇଞ୍ଜା ପୁଞ୍ଜା କତିନେସି ଅଡେ ଏଞ୍ଜାସି ବାରେ ଲକୁତାଣା ଦହଗାଟାସି ଇଞ୍ଜା ବିଚାରା ଆନେସି ।

୨୫ ଅଡେ ତାନି ହିୟାଁତା ତୁଗୁମାନି ପାପୁତି ଅଣପୁ ବାରେ ତଞ୍ଜାଆନେ; ଇଞ୍ଜା ଏଞ୍ଜାସି ମୁନୁ କୁତାହାଁ ମାହାପୁରୁଇଁ ଜହରା କିନେସି, ଇଞ୍ଜା “ସାତେଏ ମାହାପୁରୁ ମୀ ତାଣା ମାନେସି ଇଞ୍ଜା ଇନେସି ।”

କୁଲମିତି ମେରା

୨୬ ଏଦାଆଁତାକି ଏ ତାୟିୟାଁ ଅଡେ ତାଜିସାତେରି, ଏନାଆଁ କିନାୟିମାନେ ? ମୀରୁ ରୁଣ୍ଡା ଆନାତି ଆମ୍ପାଆରି ର ପାରୁ, ଆମ୍ପାଆରି ର କାତା ଜାପୁନାୟି, ଆମ୍ପାଆରି ମାହାପୁରୁ ତସାମାନି ବଲୁ ଷେକନାୟି, ଆମ୍ପାଆରି ଏବଂକା ଏବଂକାତି ହାଡା ଜଲିନାୟି, ଆମ୍ପାଆରି ହାଡାତି ଅର୍ତ ପୁଣ୍ଡାକିନାୟି, ଇଲେକଂ ବାରେତାକି ଏନାୟି ଆଆତଂ ଏନାୟି ମାନେ, ଇ ବାରେ କୁଲମିତି ପାତିକିହାଲି କିଞ୍ଚିଆଡେ ।

୨୭ ଆମ୍ପାଆରି ଏବଂକା ହାଡାତଲେ ଜଲିନେରି ଇତିହଂ ରିଆରି ଆଆତଂ ତାନିଜାଣା ପାଲି କିହଂ ଜଲ୍ଲାପେରି ଅଡେ ରଅସି ତାନି ଅର୍ତ ଷେସପାସି ।

୨୮ ସାମା ଆମ୍ପାଆସି ଅର୍ତ ତେଲୁହି କିନାସି ହିଲଅସି ଇତିହଂ ଏଞ୍ଜାସି କୁଲମିତା ପାଲେଏ ମାଣ୍ଡମେସି, ଇଞ୍ଜା ତାନୁ ତାନି ହିୟାଁତା ମାହାପୁରୁଇଁ ଷେସପାସି ।

୨୯ ଅଡେ ରିଆରି କି ତାନି ଜାଣା ମାହାପୁରୁ ଅଣପୁତି ବଲୁ ଷେସପେରି, ଅଡେ ଏବଂକାତାରି ଷେସିମାନାଣି ନେହଂ କଂ ଷେଣ୍ଡାପାରି ।

୩୦ ସାମା ଏମ୍ପାଆଁ କୁଗାମାନାରି ବିତ୍ରା ଆମ୍ପାଆରାକି ମାହାପୁରୁତି ଏନି ବଲୁ ଖାଡିସାରେ ନକେଏ ଷେସିମାନାସି ପାଲେଏ ମାଣ୍ଡମେସି ।

୩୧ ଇତିହଂ ଏନିକଂ ବାରେଜାଣା ଜାପିନେରି, ଇଞ୍ଜା ବାରେଜାଣା ସେଡନା ଆନେରି, ଏଦାଆଁତାକି ରଅ ତେରି ମାହାପୁରୁ ଅଣପୁତି ବଲୁ ଷେସାଲି ଆଡିଦେରି ।

୩୨ ସାମା ମାହାପୁରୁତି ବଲୁ ଷେହନି ବାଡୁୟୁ ଷେହନାଣି ତାଣାଟି ଲପୁକି ଆନାୟି ମାନେ ।

୩୩ ଏନାଆଁତାକି ଇଚିହଁ ମାହାପୁରୁ ଗଡ଼ହା କିନି ମାହାପୁରୁ ଆଏ, ସାମା ହିତୁଡ଼ିତି ମାହାପୁରୁ । ଏନିକଁ ମାହାପୁରୁ ସୁଦୁ ଲକ୍ଷ୍ମି କୁଲମିତା ଆନେ ।

୩୪ ଏଲେକଁ ଇୟାସିକା କୁଲମିତା ପାଲେଏ ମାଣ୍ଡମ୍ବୁ ଇଚିହଁ କାତା ଜଲ୍ଲାଲି ଏଝି ହେଲ ବେଟା ଆହାହିଲାର, ମସା ମେରାତା ରାସ୍ତକି ଆହାମାନି ଲେହେଁ ଏଝି ମାନି ତଲେ ମାନାପୁ ।

୩୫ ସାମା ଇୟାସିକା ଏନାଆଁ ପୁଞ୍ଜାଲି ଅଣ୍ଡପିତିହଁ, ତାନି ଇଜ ତାନି ତକ୍ରାୟାଣି ଷ୍ଟେଣ୍ଡମ୍ବୁ ଇଚିହଁ କୁଲମିତା କାତା ଜଲ୍ଲିନାୟି ଇୟାନାକି ଲାଜାତି କାତା ।

୩୬ ମାହାପୁରୁତି ବଲୁ ମୀ ତାଣାଟି ହଟାମାନେ କି ? ଇଞ୍ଜା ଖାଉଲି ନିଜେତାକି ଖାହାମାନେ କି ?

୩୭ ଆମ୍ବାଆସି ନାନୁ ମାହାପୁରୁ ଅଣ୍ଡପୁତି ବଲୁ ଷ୍ଟେହନାତେଏଁ, ଇଞ୍ଜା ନେହଁ ଜୀବୁତି ଦାନା ବେଟାଆହାମାଲ୍ ଇଞ୍ଜାଁ ଅଣ୍ଡପିନେସି, ଆତିହଁ ନାନୁ ମିଞ୍ଚ ଏନା ଏନାଆଁ ରାଟିମାଞ୍ଜାଲ୍, ଏଦି ବାରେ ମାହାପୁରୁତି ହୁକୁମି ଏନାଆଁ ଏଞ୍ଚାସି ପୁନାପେସି ।

୩୮ ସାମା ଆମ୍ବାଆସି ତେଲହଅସି ଆତିହଁ ଏଞ୍ଚାସି ଏନାଆଁ ତେଲହଆନା ମାନାପେସି ।

୩୯ ଏନାଆଁତାକି ତାୟିୟା, ମାହାପୁରୁ ଅଣ୍ଡପୁତି ବଲୁ ଷ୍ଟେକହାଲି ଅଣ୍ଡପେମାଞ୍ଜୁ; ଇଞ୍ଜାଁ ଏଟକାତି ହାଡ଼ା ଜଲ୍ଲାଲି କାହିକିଆଦୁ ।

୪୦ ସାମା ବାରେ କାମା ନେହଁ ତଲେ ସୁସ୍ତି ତଲେ କିନାୟିମାନେ ।

୧୫

କ୍ରାସ୍ତ ହାକିଟି ନିଜ୍ଜିନାୟି

୧ ନା ତାୟିୟା ଅଡ଼େ ତାଜିସ୍ତାତେରି, ନାନୁ ମୀ ତାଣା ଆମିନି ନେହଁ କାବୁ ଷ୍ଟେକହାମାତେଏଁ, ଆମିନି କାବୁ ମୀରୁ ତୀରିତଲେ ଆସାମାତେରି ଆମିନି ତାଣା ତୀରିତଲେ ମାଞ୍ଜାମାଞ୍ଜେରି, ନାନୁ ଏନିକଁ ମୀ ତାଣା ଷ୍ଟେକହାମାତେଏଁ, ଏନାଆଁ ମିଜେ ଅଣ୍ଡପି କିହିମାଞ୍ଜାଲ୍ ।

୨ ମିଜେ ଷ୍ଟେକହା ମାଞ୍ଜାନି ନେହଁ କାବୁ ମୀରୁ ଜାଣେ ଆସା ମାଚିହଁ, ଇ ନେହଁ ବଲୁ ତାକି ମୀରୁ ଗେଲପି ଆହାମାଞ୍ଜେରି, ଆଆତଁ ମୀରୁ ଉଜେଏ ନାମୁ ଗାଟାତେରି ଆହାମାତେରି ।

୩ ଇଚିହଁ ନାନୁ ଆମିନି ଜାପୁନାଣି ବେଟା ଆହାମାତେଏଁ, ଏ ବିତ୍ରାଟି ଇ କାଜା କାତା ମିଜେ ହାହାମାଞ୍ଜାତେଏଁ, ଇଚିହଁ କ୍ରାସ୍ତ ଦାମ୍ବୁ ପତିତା ରାସ୍ତକି ଆହାମାନି ଲେହେଁ ମା ପାପୁ ତାକି ହାତେସି ।

୪ ଧୁସ୍ତପି ଆଡେସି, ଇଞ୍ଜାଁ ଦାମ୍ବୁ ପତିତା ରାସ୍ତକି ଆହାମାନି ଲେହେଁ; ତାନିଦିନା ତାୟୁ ହାକିଟି ଷ୍ଟେଣ୍ଡେ ନିଜ୍ଜିତେସି ।

୫ ଏଞ୍ଚାସି କେପା* ଅଡ଼େ ବାରଜାଣା ସାୟୁୟାଣି ତଞ୍ଜାଆଡେସି ।

୬ ତାୟୁ ରଣ୍ଡିଏ ଦେବା ପାସା ଖାଞ୍ଜାଟିଏ ଆଗାଡ଼ା ତାନି ଜେତ ହାନି ତାୟିୟାଲ୍ ତଞ୍ଜାଆଡେସି; ଏଞ୍ଚାରି ବିତ୍ରାଟି ହାରେକା ଲକୁ ନୀଞ୍ଜୁପାତେକା ନୀତାମାନେରି, ସାମା ଏତେକା ଲକୁ ହାହାମାନେରି ।

୭ ଏରେଟିଏ ଏଞ୍ଚାସି ଜାକୁବଲ୍ ଇଞ୍ଜାଁ ତାୟୁ ବାରେ ପାଣ୍ଡୁଡ଼ି ଆଡ଼ାରାଲ୍ ତଞ୍ଜାଆଡେସି ।

୮ ବାରେତି ତାୟୁ ଲେଞ୍ଜୁ ପୁରାଆଆନା ଜାନାଆଡ଼ି ଲେହେଁ ତାତେଏଁ ନାଜେ ଜିକେଏ ତଞ୍ଜା ଆୟାତେସି ।

୯ ଇଚିହଁ ମାହାପୁରୁତି କୁଲମିତି ଲକୁଲ୍ ସାସ୍ତି ହାହିମାତାକି ପାଣ୍ଡୁଡ଼ି ଆହାମାନାରି ତାଣା ବାରେକିହାଁ ନାନୁ ଉଣାତେଏଁ, ଇଞ୍ଜାଁ ପାଣ୍ଡୁଡ଼ିଆହାମାନି ଦରୁ ବେଟାଆହାଲି ପାଡ଼ା ଆଆଗାଟାତେଏଁ ।

୧୦ ସାମା ନାନୁ ଏନି ଆହାମାଲ୍, ଏଦି ମାହାପୁରୁ କାର୍ମାମେହନି ତାଣାଟି ଆହାମାନେ, ଇଞ୍ଜାଁ ନା ତାକି ତାନି କାର୍ମାମେହନାୟି ଉଜେଏ ଆହା ହିଲେଏ, ସାମା ନାନୁ ଏ ବାରେଜାଣା କିହାଁ ହାରେକା କାମା କିହାମାଲ୍, ଆଡ଼ିଜିକେଏ ନାନୁ ଆଏ, ସାମା ମାହାପୁରୁତି କାର୍ମାମେହନାୟି ଏନାଆଁ କିହାମାନେ ।

୧୧ ଏନାଆଁତାକି ନାନୁ ଆପେ କି ଏଞ୍ଚାରି ଆପେରି ଏଲେକିହଁ ମାମ୍ବୁ ଟୁଞ୍ଚିସିମାନମି ଅଡ଼େ ମୀରୁ ଜିକେଏ ଏଲେକିହଁ ନାମାମାଞ୍ଜେରି ।

ମାର ହାକିଟି ନିଜ୍ଜିନାୟି

୧୨ କ୍ରାସ୍ତ ହାକିଟି ନିଜ୍ଜାମାନେସି ଇଞ୍ଜାଁ ଇ କାବୁ ଷ୍ଟେସ୍ତପି ଆହିମାନେ, ଆତିହଁ ହାଡ଼ାରି ଷ୍ଟେଣ୍ଡେ ନିଜ୍ଜିନାୟି ହିଲେଏ ଇଞ୍ଜାଁ ଏନିକଁ ମୀ ବିତ୍ରାଟି ଏତରଜାଣା ଏଲେ ଇଞ୍ଜିମାନେରି ?

* ୧୫:୪ ମାତି ୧୨:୪୦; କାମା ୨:୨୪-୩୨ * ୧୫:୫ ଲୁକ ୨୪:୩୪; ମାତି ୨୮:୧୨,୧୭; ମାର୍କ ୧୨:୧୪; ଲୁକ ୨୪:୩୭; ଜହ ୨୦:୧୯
* ୧୫:୬ ପିତର * ୧୫:୮ କାମା ୯:୩-୭ * ୧୫:୯ କାମା ୮:୩

୧୩ ହାତୀରି ଖେଣ୍ଡେ ନିଜ୍ଞାନାୟି ହିଲେଏ, ଇତିହଂ କ୍ରୀସ୍ତ ଜିକେଏ ଖେଣ୍ଡେ ନିଜ୍ଞା ହିଲଅସି ।

୧୪ ଇର୍ଜା କ୍ରୀସ୍ତ ହାକିତି ଖେଣ୍ଡେ ନିଜ୍ଞା ହିଲଅସି, ମାମ୍ବୁ ଚୁଝକହିମାନାୟି ବାରେ ଉଜେଏତାୟି, ଅଡ଼େ ମୀ ନାମ୍ବୁ ଜିକେଏ ଉଜେଏତାୟି ।

୧୫ ଅଡ଼େ ମାମ୍ବୁ ମାହାପୁରୁତି ମିତି ଖେହ୍ନିଲେହେଁ ତଞ୍ଜାଆନେ, ଏନାଆଁତାକି ଇତିହଂ ମାମ୍ବୁ ମାହାପୁରୁ କପାଟି ଛ କାତା ସାକି ହାତମିମା କି କ୍ରୀସ୍ତୁଇଁ ନିକହାମାନେସି, ସାମା ହାତୀରି ନିଜ୍ଞଅରି, ଆତିହଂ ଏଞ୍ଜାସି କ୍ରୀସ୍ତୁଇଁ ଜିକେଏ ନିକହା ହିଲଅସି ।

୧୬ ଏଲେଆହଂ ହାତୀରି ନିଜ୍ଞାହିଲଅରି, ଆତିହଂ କ୍ରୀସ୍ତ ଜିକେଏ ନିଜ୍ଞା ହିଲଅସି ।

୧୭ ଇର୍ଜା କ୍ରୀସ୍ତ ନିଜ୍ଞା ହିଲଅସି ଇତିହଂ ମୀ ନାମ୍ବୁ ଜିକେଏ ଉଜେଏତାୟି ଆନେ, ଇର୍ଜା ମୀରୁ ନୀଏ ପାଡେକା ମୀ ପାପୁ ତଲେ ମାଞ୍ଜାମାଞ୍ଜେରି ।

୧୮ ଆତିହଂ ଆମ୍ବାଆରି କ୍ରୀସ୍ତ ତାଣା ନାମାମାଞ୍ଜାନା ହାହାମାନେରି, ଏଞ୍ଜାରି ଜିକେଏ ନାସା ଆହାମାନେରି ।

୧୯ ମାରୁ ଖାରଇ ଇ ଜୀଝୁତାକି କ୍ରୀସ୍ତୁଇଁ ଆସା କିହିମାନାୟି, ଆତିହଂ ମାରୁ ବାରେ ମାଣ୍ଡସିୟାଁ କିହାଁ କାମାଁ ହିଲଆଗାଗାତାୟି ।

୨୦ ସାମା ସାତାତଲେ କ୍ରୀସ୍ତ ହାଡ଼ି ଲକୁତି ମୂଲୁତି ପାଡ଼େୟି ଲେହେଁ ହାତୀରି ବିତ୍ରାଟି ଖେଣ୍ଡେ ନିଜ୍ଞାମାନେସି ।

୨୧ ଇତିହଂ ମାଣ୍ଡସି ତାଣାଟି ହାନାୟି ଖାହାମାନାକି ଅଡ଼େ ମାଣ୍ଡସି ତାଣାଟିଏ ହାତୀରି ବିତ୍ରାଟି ଖେଣ୍ଡେ ନିଜ୍ଞାମାୟି ଜିକେଏ ଖାହାମାନେ ।

୨୨ ଇତିହଂ ଆଦମ ତାଣାଟି ବାରେ ମାଣ୍ଡସିକି ହାକି ଖାଡ଼େ, ଏଲେକିହଂ ଏ କ୍ରୀସ୍ତ ତାଣାଟି ବାରେଜାଣା ଜୀଝୁ ବେଟାଆନେରି ।

୨୩ ସାମା ବାରେଜାଣା ତାମି ପାଲି ଏତିସାରେ ତଲିତି ପାଡ଼େୟି କ୍ରୀସ୍ତ, ତାମୁ କ୍ରୀସ୍ତତି ଖାନିଦିନାତି କାଟାମାନାରି ଖେଣ୍ଡେ ନିଜ୍ଞନେରି ।

୨୪ ଏରେଟିଏ ଜୁଗୁ ରାନି ଦିନା ଖାନେ, ଏତିବେଲାତା କ୍ରୀସ୍ତ ବାରେ କାଜାପାଣା, ବାରେ ଅଦିକାରା, ବାଡ଼ୁଲୁ ମ୍ବେକ୍‌ହି ତାମୁ ଆବା ମାହାପୁରୁକି ସାଲୁଝି କିନି ପାଣା ହେବପିନେସି ।

୨୫ ମାହାପୁରୁ ବାରେ ସାତୁୟାଁଇଁ ହାରୁଝି କିହାଁ କ୍ରୀସ୍ତତି କତାୟାଁ ଡ଼ଇ ଇଟାଆ ପାଡେକା ଏଞ୍ଜାସି ସାଲୁଝି କିନାୟିମାନେ ।

୨୬ ତାମୁତି ସାତୁ ସମାନା ହାକିତି ଜିକେଏ ମ୍ବେକ୍‌ନାୟି ମାନେ;

୨୭ ଏନାଆଁତାକି ଇତିହଂ ଦାମ୍ବୁପତିତା ରାସ୍‌କି ଆହାମାନେ, “ମାହାପୁରୁ ବାରେତି ତାନି କତାଁ ଡ଼ଇ ଲକ୍‌ନେସି,” ଇର୍ଜା ଏଡ଼େତା ଏଞ୍ଜାସି ଏଲେଇନେସି, “ବାରେ ଲକ୍‌ହାମାନେସି,” ଏଡ଼ି ସାତା କ୍ରୀସ୍ତ ବାରେ ତାନୁ ଲକ୍‌ହେସି, ଏ ବାରେ ତାଣା ତାନୁ ଆଣ୍ଡା ହାଲଅସି ।

୨୮ ଅଡ଼େ ବାରେତି କ୍ରୀସ୍ତ କତାୟାଁ ଡ଼ଇ ଲକ୍‌ହି ଜେଟ, ଆମ୍ବାଆସି ବାରେତି ତାନି ତାଣା ଲକ୍‌ହେସି, ମାରୁଏସି ଜିକେଏ ତାନି ଆବା ମାହାପୁରୁ ଡ଼ଇ ଡ଼ୟିନେସି; ଅଡ଼େ ମାହାପୁରୁ ବାରେତି ଲାକ ସାଲୁଝି କିନେସି ।

୨୯ ହାତୀରି ନିଜ୍ଞାଆସାରେ, ଆମ୍ବାଆରି ହାତୀରି ତାକି ବାପ୍ତିସ୍ତାଁ ଅନେରି, ଏଞ୍ଜାରି ଏନାଆଁ କିନେରି ? ଆତିହଂ ହାତୀରି ନିଜ୍ଞାଆସାରେ, ଏଞ୍ଜାରି ତାକି ଏନାଆଁତାକି ବାପ୍ତିସ୍ତ ଆନେରି ।

୩୦ ଅଡ଼େ ମାରୁ ଜିକେଏ ଏନାଆଁତାକି ବାରେବେଲା ତଣ୍ଡ ତଲେ ନାସା ଆନି ତାଣା ହାନାୟି ?

୩୧ ତାୟିୟାଁ ଅଡ଼େ ତାଜିସ୍ତାଡେରି, ମା ପ୍ରବୁ କ୍ରୀସ୍ତ ତାଣା ମିଜେତାକି ନାନ୍ତୁ ଆମିନି ବତପଣ ଆହିମାଇଁ, ଏମ୍ବାତି ମାନି କିହାଁ ଏଲେ ଇର୍ଜାମାଇଁ, ନାନ୍ତୁ ବାରେଦିନା ହାନିଲେହେଁତି କସ୍ତ ବେଟାଆହିମାଇଁ ।

୩୨ ଇତିହଂ ମାଣ୍ଡସିଇଁ ଅଣପିନି ଲେହେଁ ଏପିସିୟ ଗାଡ଼ାତା ନାନ୍ତୁ ଖାରଇ “ଜାଡ଼ା ଜନ୍ତୁୟାଁ” ତଲେ ଜୁଜୁ କିହାମାଇଁ, ଆତିହଂ ଏମ୍ବାଆଁ ନାଜେ “ଏଡ଼ି ଲାବା ?” ସାମା ହାତୀରି ନିଜ୍ଞଅରି, “ଆତିହଂ ଖାଦୁ ମାରୁ ତିନ ଉନ ଇତିହଂ ଝିଏ ମାରୁ ହାନାୟି ।”

୩୩ ମୀରୁ ନାଡ଼ି ଆଆଦୁ, “ଇତିହଂ ପଲୁଆ ଗାଟାରି ତଡ଼ୁ ଚୁନହଂ ଲକୁତି ଗୁଣ୍ଡୁ ନସ୍ତ କିନେ ।”

୩୪ ମୀରୁ ନେହଂ କଂ ଜାଗ୍ରାତା ଆଦୁ, ପାପୁ କିଆଦୁ, ଇତିହଂ ଆମ୍ବା ଆମ୍ବାଆରାକି ମାହାପୁରୁଇଁ ପୁନି ବୁଦି ହିଲେଏ; ନାନ୍ତୁ ମୀ ଲାଜା ତାକି ଛ କାତା ଖେସିମାଞ୍ଜାଇଁ ।

ହାକିତି ଖେଣ୍ଡେ ନିଜ୍ଞି ଆଜା

୩୫ ସାମା ଆମ୍ବାଆରି ଏଲେଇନେରି, “ହାଡ଼ାରି ଏନ୍ଦିକି ନିଜ୍ଜିନେରି ? ଏନ୍ଦିଲେହେଁତି ଆଜ୍ଞା ତଲେ ଏଞ୍ଜାରି ଖାଡ଼ନେରି ?”

୩୬ ବୁଦ୍ଧି ହିଲ୍ଲାଆ ଗାଟାତେରି, ମୀରୁ ଏନାଆଁ ମାଟିମାଖେରି ଏନ୍ଦି ହାଆସାରେ ଖେଣ୍ଡେ ଜୀଞ୍ଜୁଆହ୍ନା ଗଜା ଆଏ ।

୩୭ ଅଡ଼େ ଏମିନି ଆଜ୍ଞା ଆନେ ଏଦାଆଁ ମୀରୁ ମାଟିହିଲଅତେରି, ସାମା ଗହ୍ନିଆଁ ଆପୁ କି ଏନ୍ଦି ଆନାଁ ଆପେ, ଏନ୍ଦି ପାଡ଼େୟି ଲେହେଁ ।

୩୮ ସାମା ମାହାପୁରୁ ତାନି ଅଣ୍ଡପୁ ଲେହେଁ ଏଞ୍ଜାରାକି ଆଜ୍ଞା ହୀନେସି, ଅଡ଼େ ବାରେ ପାଡ଼େୟି ତାକି ତାନି ଆଜ୍ଞା ହୀନେସି ।

୩୯ ବାରେ ଆଜ୍ଞା ରଣ୍ଡିଏ ରଲେଏତି ଆଜ୍ଞା ଆଏ, ସାମା ମାଣ୍ଡିୟାକି ରଲେତି ଆଜ୍ଞା, ଜନ୍ତୁୟାକି ରଲେତି ଆଜ୍ଞା, ଅଡ଼େ ପଟାୟାକି ଅର ରଲେତି ଆଜ୍ଞା, ଅଡ଼େ ମୀଣ୍ଡାକି ତାକି ଅର ରଲେତି ଆଜ୍ଞା ।

୪୦ ଲାକପୁରୁକି ଆଜ୍ଞା ମାନେ, ଅଡ଼େ ଦାରୁତିକି ଆଜ୍ଞା ଜିକେଏ ମାନେ, ଲାକପୁରୁତି ଆଜ୍ଞା ରଲେତି ଅଜ୍ଞା, ଅଡ଼େ ଦାରୁତି ଆଜ୍ଞାତି ଅଜ୍ଞା ଅର ରଲେତାୟି ।

୪୧ ଖେଡ଼ାତି ଉଜେଡ଼ି ରଲେତାୟି, ଅଡ଼େ ଲେଞ୍ଜୁତି ଉଜେଡ଼ି ଅର ରଲେତାୟି, ଅଡ଼େ ହୁକାୟାତି ଉଜେଡ଼ି ରଲେତାୟି, ଇଞ୍ଜା ର ହୁକା ଟିଏ ଅର ହୁକାତି ଉଜେଡ଼ି ଅର ରଲେତାୟି ।

୪୨ ହାଡ଼ାରି ନିଜ୍ଜିନାୟି ଜିକେଏ ଏଲେତାୟିଏ, ନାସା ଆନିଲେହେଁ ମାଟ୍ଟକି ଆନେ, ସାମା ନାସା ଆଆଗାଟାୟି ଲେହେଁ ନିଜ୍ଜିନେ;

୪୩ ଲତ୍ତାହିଲ୍ଲାଆ ଗାଟାୟି ଲେହେଁ ମାଟ୍ଟକି ଆନେ ଏନ୍ଦି ଗାଞ୍ଜୁରମି ତଲେ ନିଜ୍ଜିନେ; ବାଡ଼ୁରୁ ହିଲ୍ଲାଆଗାଟାୟି ଲେହେଁ ମାଟ୍ଟକି ଆନେ, ବାଡ଼ୁରୁ ଗାଟାୟି ଆହ୍ନା ନିଜ୍ଜିନେ ।

୪୪ ଇରୁଆତି ଆଜ୍ଞା ତଲେ ମୁସ୍ତାଆନେ ଜୀଞ୍ଜୁତି ଆଜ୍ଞା ତଲେ ନିଜ୍ଜିନେ; ସାମା ଇରୁଆତି ଆଜ୍ଞା ମାନେ ଇତିହ୍ୟ ଜୀଞ୍ଜୁତି ଆଜ୍ଞା ଜିକେଏ ମାନେ ।

୪୫ ଦାମ୍ପୁପତିତା ରାସ୍ତକି ଆହ୍ନାମାନେ, ତଲିତି ମାଣ୍ଡିଏ ଆଦମ ଜୀଞ୍ଜୁତି ମାଣ୍ଡିଏ କିହ୍ୟ ଗାଡ଼ି ଆଡ଼େସି; ସାମା ତାୟୁତି ଆଦମ ପୂଣ୍ଡା ହୀନି ଜୀଞ୍ଜୁ ଆଡ଼େସି ।

୪୬ ସାମା ଜୀଞ୍ଜୁ ଗାଟାସି ନଡ଼କଏ ଆଏ, ଆଜ୍ଞା ତଲେତାସି ନଡ଼କଏ, ଅଡ଼େ ତାୟୁ ଜୀଞ୍ଜୁ ଗାଟାସି ଆଡ଼େସି ।

୪୭ ନଡ଼କଏତି ମାଣ୍ଡିଏ ଆଦମ ଦାରୁତିତି ମାନି ଇରୁଆ ତଲେ ଗାଡ଼ି ଆହ୍ନାମାତେସି, ଅଡ଼େ ତାୟୁତି ମାଣ୍ଡିଏ ଲାକପୁରୁଟି ଖାହାମାତେସି ।

୪୮ ଆମ୍ବାଆରି ଇରୁଆ ତଲେ ଗାଡ଼ି ଆହ୍ନାମାନେରି, ଏଞ୍ଜାରି ଇରୁଆଟି ଗାଡ଼ି ଆଡ଼ି ଏ ମାଣ୍ଡିଏଲେହେଁ, ଇଞ୍ଜା ଆମ୍ବାଆରି ଲାକପୁରୁଟାରି ଏଞ୍ଜାରି ଲାକପୁରୁଟି ଖାହାମାନି ଏ ମାଣ୍ଡିଏ ଲେହେଁତାରି ।

୪୯ ଅଡ଼େ ମାରୁ ଇରୁଆଟି ଗାଡ଼ି ଆହ୍ନାମାନି ଏ ମାଣ୍ଡିଏତି ଖାଣା ଆସାମାନାୟି, ଏଲେକିହ୍ୟ ଏ ଏ ଲାକପୁରୁତି ମାଣ୍ଡିଏତି ଖାଣା ଜିକେଏ ଆହ୍ନାୟି ।

୫୦ ତାୟୁୟା ଅଡ଼େ ତାଜ୍ଜିୟାତେରି ନାନୁ ଖେସିମାଞ୍ଜାଲ୍, ନେତେରି ଅଡ଼େ ଉଜ୍ଜା ମାହାପୁରୁତି ରାଜ୍ଜିତି ଅଦିକାରା କିହାଲି ଆଡ଼େଏ, ସାମା ହାନାୟି ହାଆଗାଟାଣି ଅଦିକାରା କିହାଲି ଆଡ଼େଏ ।

୫୧ *ମେହଦୁ ନାନୁ ମିଜେ ର ତରୁମାନି କାତା ଖେସିମାଞ୍ଜାଲ୍, ମାରୁ ବାରେ ଜାଣାତାୟି ହାଆୟି, ସାମା ମାରୁ ବାଦ୍ଲଞ୍ଜି ଆନାୟି,

୫୨ ଦେବୁଣିଏ, କାନୁ ମିଟି କିନିଲେହେଁ, ତାୟୁତି ତୀତ୍ରି ମହୁରି କାଜା ହାଡ଼ା ଖେଟିସାରେ ମାରୁ ବାରେତାୟି ଅର ଖାଣା ଆନାୟି; ଇତିହ୍ୟ କମ୍ପୁ ତୀନେ ଅଡ଼େ ହାଡ଼ାରି ନାସା ଆଆନା ନିଜ୍ଜିନେରି, ଅଡ଼େ ମାରୁ ବାଦ୍ଲଞ୍ଜି ଆନାୟି ।

୫୩ ଇତିହ୍ୟ ଇ ମେଣ୍ଡଜିନି ଆଜ୍ଞାତି ମେଣ୍ଡଜାଆଗାଟି ହିମ୍ବୁରି ପରୁନାୟି ମାନେ, ଅଡ଼େ ଇ ହାନି ଆଜ୍ଞାତି ହାଆଗାଟି ହିମ୍ବୁରି ପରୁନାୟି ମାନେ ।

୫୪ ସାମା ଇ ମେଣ୍ଡଜିନି ଆଜ୍ଞାତି ମେଣ୍ଡଜାଆଗାଟି ହିମ୍ବୁରି ଅଡ଼େ ହାନି ଆଜ୍ଞାତି ହାଆଗାଟି ହିମ୍ବୁରି ହୁଚିତି କେତ, ଇ ରାଟାମାନି ବଲ୍ଲୁ ସାତା ଆନେ; “ହାକି ନାସା ଆହ୍ନାମାନେ; ଜୀଣା ଆନାୟି ଆହ୍ନାମାନେ ।”

୫୫ “ଏ ହାକି ନୀ ଜୀଣା ଆନାୟି ଆମ୍ବିୟା ?

ଏ ହାକି ନୀ ନାସାକିନି ବାଡ଼ୁରୁ ଆମ୍ବିୟା ?”

୫୬ ହାକିତି ସାଡ଼ୁ ପାପୁ, ଅଡ଼େ ପାପୁତି ବାଡ଼ୁରୁ ମସାତି ମେରା;

୫୭ ସାମା ଏମିନି ମାହାପୁରୁ ମା ପ୍ରଭୁ ଜୀସୁ କ୍ରୀସ୍ତ ତାକି ମାଜେ ଜାଣି କିୟାଦେସି ଏଞ୍ଜାଣାକି ଜହର ଆଢ଼େପ ।
 ୫୮ ଏଦାଆଁତାକି ଏ ନା ଜୀସୁତି ତାୟିୟାଁ ଅଡ଼େ ତାଜିସ୍ତାତେରି, ପ୍ରଭୁତି ସେବାତା ମୀ କସ୍ତତଲେ କାମା କିନାୟି ଉଜେଏ ଆଏ, ଇଦାଆଁ ପୁଞ୍ଜାନା ପ୍ରଭୁତି କାମାତା ତୀରିଆହାଁ ବାଡ଼ୁୟୁ ତଲେ ସେବାତା ହାରେ ହାରେକା ଜାଡ଼ନୁ ଆଦୁ ।

୧୭

ମାହାପୁରୁତି ଲକ୍ଷ୍ମତାକି ଦାନା

୧ *ମାହାପୁରୁ ଲକ୍ଷ୍ମ ତାକି ତାରୁୟାଁ କୁଡ଼ିକିନି କାତା ନାନୁ ଏନିକିଁ ଗାଲାତିୟା କ୍ରୀସ୍ତାନା କୁଲମିତା ଖେସାମାଚେଏ, ମୀରୁ ଜିକେଏ ଏଲେକିଁ କିଦୁ ।
 ୨ ମୀରୁ ବେଟାଆହିମାନି ଲେହେଁ ବାରେ ଖାରାତି ମୂଲୁ ଦିନା ମୀରୁ ବାରେତେରି ମୀ ଆଡ଼ିନି ଲେହେଁ ମୀ ବିତ୍ତା ଏଚେକା ତାରୁୟାଁ କୁଡ଼ିକିହାଁ ଇଚାଦୁ, ଆତିହଁ ନାନୁ ଖାଡ଼ିସାରେ ମିଜେ ଅଡ଼େ ତାରୁୟାଁ ରାସାଲି ଲଡ଼ା ଆଏ ।
 ୩ ଅଡ଼େ ନାନୁ ଖାଡ଼ିଜେଚ, ମୀରୁ ଆମ୍ବାଆରାଇଁ ଜଗେ ଇଞ୍ଜିଁ ଆଚାମାଞ୍ଜେରି ନାନୁ ଏଞ୍ଜାରାକି ଆକୁ ରାଚାହାଁ ଜିରୁସାଲମତା ମୀ ଦାନା ଅହାଲି ପାଣ୍ଡିଇଁ;
 ୪ ସାମା ନାଜେ ଜିକେଏ ହାଜାଲି ଲଡ଼ାଆନେ ଇତିହଁ ଏଞ୍ଜାରି ନା ତଲେ ଖାଡ଼ପରି ।

କାମାତାକି ପାଞ୍ଜୁଲତି ଅଣ୍ଡପୁ

୫ *ସାମା ନାନୁ ମାକିଦନିୟା ହାତି ତାୟୁ ମୀ ତାଣା ଖାଇଁ, ଏଦାଆଁତାକି ଇତିହଁ ନାଜେ ମାକିଦନିୟାତି ହାନାୟି ମାନେ ।
 ୬ ଆଆତଁ ନାନୁ ଖାଡ଼ିସାରେ ଏଚରଦିନା ମୀ ତାଣା ତୁୟିଇଁ, ଇତିହଁ ପେନିବେଲା ହାଲୁଖେ ମାଞ୍ଜାଲି ଅଣ୍ଡପିମାଇଁ, ଏଚେତା ନାନୁ ଆମିନି ଗାୟୁତା ହାଇଁ, ଏମ୍ବାଆଁ ହାନାତି ମୀରୁ ନାଜେ ଇତିଞ୍ଜାୟାଦେରି ।
 ୭ ଇତିହଁ ନୀଏଁ ନାନୁ ହାନାତି ମୀ ତାଣା ଗାଡ଼େକା ତାକି ତଞ୍ଜାଆହାଲି ଅଣ୍ଡପି ହିଲଅଁ, ଇତିହଁ ପ୍ରଭୁ ନାଜେ ହେଲ ହିୟାତିହଁ, ନାନୁ ମୀ ତଲେ ଏଚରଦିନା ମାଞ୍ଜାଲି ଆସା କିହିମାଇଁ ।
 ୮ *ସାମା ନାନୁ ପେଡ଼ିକସ୍ତ ଦିନା ପାଚେକା ଏପିସିୟ ଗାଡ଼ାତା ତୁୟିଇଁ;
 ୯ ଇତିହଁ ପ୍ରଭୁତି କାମା କିହାଲି ଅସାରା ଦାରା ଦେପିଆହାମାନେ, ଆଆତଁ ଜିକେଏ ନାଜେ ଅପାଆଗାଗାରି ହାରେକା ମାନେରି ।
 ୧୦ *ତିମତି ମୀ ତାଣା ଖାଡ଼ିସାରେ ଏଞ୍ଜାସି ଏନିକିଁ ଆଜାଆନା ମୀ ତାଣା ତୁୟିନେସି, ଏଦାଆଁତାକି ମୀରୁ ଅଣ୍ଡପାଦୁ, ଇତିହଁ ନାନୁ ଏନିକିଁ ଏଞ୍ଜାସି ଜିକେଏ ଏଲେକିହଁ ଏ ପ୍ରଭୁତି କାମାକିନାସି ।
 ୧୧ ଏଦାଆଁତାକି ଆମ୍ବାଆତେରି ଏଞ୍ଜାଣାଇଁ ହୀଣି କିଆଦୁ, ସାମା ଏଞ୍ଜାସି ଏନିକିଁ ନା ତାଣା ଖାହାଲି ଆଡ଼ିମାନେସି, ଏଦାଆଁତାକି ଏଞ୍ଜାଣାଇଁ ହିଡ଼ଡ଼ି ଜୀସୁତଲେ ଜିରୁ ତସା ପାଣ୍ଡାଦୁ; ଏଦାଆଁତାକି ଇତିହଁ ଏଞ୍ଜାସି ତାୟିୟାଁ ତଲେ ଖାନେସି ଇଞ୍ଜିଁ ନାନୁ କାଡ଼ିମାଇଁ ।
 ୧୨ ସାମା ତାୟି ଆପଲ ତାକି ଖେସିମାଞ୍ଜାଇଁ, ନାନୁ ଏଚକାତି ତାୟିୟାଁ ତଲେ ମୀ ତାଣା ହାଜାଲି ଏଚେକା ବାଡ଼ିମାଲିଚେଏଁ, ସାମା ନୀଏଁ ଖାହାଲି ମନ କିଆତେସି, ସାମା ପାରୁ ସିନିକିହାନା ଏଞ୍ଜାସି ଖାନେସି ।

ଆକୁତି ରାନ୍ତି କାତା

୧୩ ମୀରୁ ଜାଗ୍ରାତା ଆହାଁ ନାମୁତା ତୀରିତଲେ ମାଞ୍ଜୁ, ଅଡ଼େ ସାସା ଗାଗାତେରି ଆହାନା ବାଡ଼ୁୟୁ ଆହୁଦୁ ।
 ୧୪ ମୀ ବାରେ କାମା ଜୀସୁ ନନାଣି ତଲେ ଆଡ଼େ ।
 ୧୫ *ଏ ତାୟିୟାଁ ଅଡ଼େ ତାଜିସ୍ତାତେରି ସ୍ତ୍ରୀପାନ ଇଲୁ କୁଚମି ଆକାୟାତି ମୂଲୁଏ ନାମିତାରି; ଅଡ଼େ ମାହାପୁରୁ ଲକ୍ଷ୍ମଣି ସେବା କିନି କାମାତାକି ହେରପା କତାମାନେରି ଏଦାଆଁ ମୀରୁ ପୁଞ୍ଜାମାଞ୍ଜେରି ।
 ୧୬ ମୀରୁ ଏଲେତି ଲକ୍ଷ୍ମତି ଅଡ଼େ ତାମିତଲେ ଆଣ୍ଡାନା ଖାହୁତଲେ କାମା କିହିମାନାରାଇଁ ମାନି କିଦୁ, ଏଦାଆଁତାକି ନାନୁ ମିଙ୍ଗ ବାଡ଼ିମାଲିମାଞ୍ଜାଇଁ ।
 ୧୭ ସ୍ତ୍ରୀପାନ, ପର୍ତ୍ତନାତ, ଅଡ଼େ ଆକାୟିକି ଖାଡ଼ାକି ନାନୁ ହାରେକା ରାହାଁ ଆହିମାଇଁ, ଇତିହଁ ମୀରୁ ହିଲାଆତାକି ନାଜେ ଏନାୟି ଲଡ଼ା ମାଚେ, ଏଞ୍ଜାରି ଏଦାଆଁ ହାହାମାଞ୍ଜାନେରି ।

* ୧୭:୧ ରମି ୧୫:୨୫,୨୬ * ୧୭:୫ କାମା ୧୯:୨୧ * ୧୭:୮ କାମା ୧୯:୮-୧୦ * ୧୭:୧୦ ୧କର ୪:୧୭ * ୧୭:୧୫ ୧କର ୧:୧୭

^{୧୮} ଇରିହ୍ ଏଞ୍ଜରୀ ମୀ ଜୀଞ୍ଜୁତି ଅଡ଼େ ନା ଜୀଞ୍ଜୁତି ରାହାଁ କିହାଁ ମାଞ୍ଜାନେରି; ଏଲେତି ଲକୁଇଁ ଜଡ଼େ ଇଞ୍ଜୁ ପୁଞ୍ଜାନା ମାନି କିଦୁ ।

^{୧୯} ଆସିୟା ଦେସାତା ମାନି କୁଲମିକା ମିଙ୍ଗେ ଜହରା କିହିମାଞ୍ଜାନେରି, ଆକ୍ଞିଲା ଅଡ଼େ ପ୍ରିସ୍ତିଲା ତାମି ଇଜ ରୁଣ୍ଡା ଆନି କୁଲମି ତଲେ ପ୍ରବୁ ତାଣା ମିଙ୍ଗେ ହାଡ଼ରକା ଜହରା କିହିମାଞ୍ଜାନେରି ।

^{୨୦} ଇମ୍ବାର୍ଥୀ ମାନି ବାରେ ତାୟିୟାଁ ଅଡ଼େ ତାଙ୍ଗିୟାଁ ମିଙ୍ଗେ ଜହରା କିହିମାଞ୍ଜାନେରି । ମୀରୁ ରଅତେରି ରଅଣାଇଁ ତାୟି ତାୟିୟାଁ ଲେହେଁ କ୍ରୀସ୍ତିତି ଜୀଞ୍ଜୁନହ୍ ପୁଦୁ ତଲେ ନଶ୍ଵି ଆହାନା ଜହରା କିହିଆଦୁ ।

^{୨୧} ନାଦୁ ପାଞ୍ଜୁଲତେର୍ଷଁ ନା କେୟୁରି ରାଡ଼ାହାଁ ରାହାଁ ତଲେ ଜହରା କିହିମାଞ୍ଜାଇଁ ।

^{୨୨} ଆଦାଆସି ମାହାପୁରୁଇଁ ଜୀଞ୍ଜୁ ନଅସି ଏଞ୍ଜସି ବାକା ବେଟାଆପେସି ! ମାରାନାତା ମା ପ୍ରବୁ ତବେ ଖାମ୍ବୁ !

^{୨୩} ପ୍ରବୁ ଜୀଞ୍ଜୁତି କାର୍ମାମେହ୍ନାୟି ମିଙ୍ଗେତାକି ଆୟାପେ;

^{୨୪} କ୍ରୀସ୍ତ ଜୀଞ୍ଜୁ ତାଣାଟି ନା ଜୀଞ୍ଜୁନନାୟି ମୀ ବାରେଜାଣା ତାକି ଆୟାପେ । ଆମେନ୍ ।

କରନ୍ତି ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ଦ୍ଵୀତୀୟ ପତ୍ର କରନ୍ତି କୁଲମିତାକି ପାଞ୍ଚଲ ରାଡ଼ାମାନି ରୀ ଲମ୍ବର ଆକୁ ମୁକୁ ହାଡ଼ା

କରନ୍ତି କୁଲମିତି ରୀ ଲମ୍ବର ଆକୁ ପାଣ୍ଡୁଆହାମାନି ପାଞ୍ଚଲ ତାଣ୍ଡାଟି ଜୀସୁ କ୍ରୀସ୍ତ ଜାର୍ନାତି ୫୫-୫୬ ବାର୍ଯା ତାମ୍ଭୁ ରାସ୍ତିକି ଆହାମାତେ ୧:୧ । ମା ତାଣ୍ଡା ମାନି କରନ୍ତି କୁଲମିତି ରାଡ଼ାମାନି ଆକୁ ବିତ୍ତାଟି ଇଦି ଆହିମାନେ ପାଞ୍ଚଲତି ରୀ ଲମ୍ବର ଆକୁ । ମୋରାପୁନାରି ନାମିମାନେରି ଇଦାଆଁ ନକେଏ ପାଞ୍ଚଲ କରନ୍ତି କୁଲମିତି ଦାକା ହାହାନା ରାଡ଼ାମାଚେସି ୨:୩-୪ ପଦ୍ଵତା ଏଞ୍ଜାସି ଝେସିମାନେସି ।

ପାଞ୍ଚଲ ମାକିଦନିୟାତା ମାନି ବେଲାତା କରନ୍ତିତି ରୀ ଲମ୍ବର ଆକୁ ରାଡ଼ାମାନେସି ୨:୧୩ । କରନ୍ତିତା ମାନି କୁଲମିତି କାତା ତିତସ ତାଣ୍ଡାଟି ନେହୁଁ କାତୁ ବେଟାଆହାନା ରାହାଁ ଆହିମାନେସି । ଈ ଆକୁତା ପୁଃନି ମୋରା ଅଣ୍ଠପୁଟି ଦାନା ହାନି କାତା ଜାପିନାୟି । ଈ ଆକୁତା ଜିରୁସାଲମତା ମାନି କ୍ରୀସ୍ତୁଜ୍ଞ ନାମାମାନି ଲକୁଜ୍ଞ ସାୟେମି କିହାଲି ଟାକାୟାଁ କୃଡ଼ିକିହାଲି ଝେସିମାନେସି ୮-୯ । ଅଡ଼େ ଜିକେଏ କୁଲମି ପାଞ୍ଚାଟି କଟେକା ମିତି ପାଣ୍ଡୁଆହାମାନାରି ଜାହାରାଜ୍ଞ କାଜାରି କିହାକତାଲି ପାଞ୍ଚଲ କପାଟି କୁଲମିତି ଏତରଜାଣା କାଜାରାଜ୍ଞ ନିନ୍ଦା କାତା ଝେସିମାନେରି । ଏଞ୍ଜାରି ପାଞ୍ଚଲତି ଅଦିକାରାତି ଆନାମାନା ଆହିମାନେରି । ଏମିନିଗାଟାଣି ରୀ ଲମ୍ବର କରନ୍ତି ଆକୁତି ରାନ୍ତିଞ୍ଜକି ଏଞ୍ଜାସି ର କ୍ରୀସ୍ତୁତି ଅଦିକାରା ତଲେ ପାଣ୍ଡୁଆ ତାଡ଼ାସି ଇଞ୍ଜୁଁ ଜାଣ୍ଡେତଲେ ଝେସିମାନେସି ।

ପଠିତା ମାନାୟି

- ୧. ପାଞ୍ଚଲ ଜହରା କିହାନା ଆକୁ ରାଡ଼ିନାୟି । ୧:୧-୭
- ୨. ପାଞ୍ଚଲ ତାନି ହାନି ଜିରୁତି ବାଦଲି କିନାୟି ଇଞ୍ଜୁଁ ଏଞ୍ଜାରି ତାଣ୍ଡାଟି ବେଟାଆହାମାନି କାତାତାକି ଝେଣ୍ଡେ ଝେହ୍ନାୟି । ୧:୮-୭:୧୬
- ୩. ଜିରୁସାଲମତି ନାମୁଗାଟି ତାୟିୟାଁକି ଦାନା କୃଡ଼ିକିହାଲି ଝେହ୍ନାୟି । ୮:୧-୯:୧୫
- ୪. ପାଞ୍ଚଲ ତାନି ପାଣ୍ଡୁଆହାମାନି ପାଣ୍ଡାଟି ଜାଣ୍ଡେ ଝେହ୍ନାୟି । ୧୦:୧-୧୩:୧୦
- ୫. ଆକୁତି ରାପ୍ତିନି କାତା । ୧୩:୧୧-୧୪

୧ ପାଞ୍ଚଲ ମାହାପୁରୁତି ଅଣ୍ଠପୁ ତଲେ କ୍ରୀସ୍ତ ଜୀସୁ ତାଣ୍ଡାଟି ପାଣ୍ଡୁଆହାମାନାତେଏଁ ଇଞ୍ଜୁଁ ମା ତାୟି ତିମତି କରନ୍ତି ଗାଡ଼ାତା ମାନି ମାହାପୁରୁତି କୁଲମି ଅଡ଼େ ଆକାୟା ଦେସାତା ମାନି ବାରେ ମାହାପୁରୁ ଲକୁତାକି ଆକୁ ରାଡ଼ିମାନମି ।

୨ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମୋହନାୟି ଇଞ୍ଜୁଁ ହିଡ଼ଡ଼ି ମିଲୋତାକି ଆୟାପେ ।

ପାଞ୍ଚଲ ମାହାପୁରୁଜ୍ଞ ଜହରା କିନାୟି

୩ ମା ପ୍ରବୁ ଜୀସୁ କ୍ରୀସ୍ତତି ଆବା ମାହାପୁରୁଜ୍ଞ ଜହରା, ଏଞ୍ଜାସି କାର୍ମାମୋହନି ଆବା ଅଡ଼େ ଦୁକୁ ତକୁନି ମାହାପୁରୁ ।

୪ ମାହାପୁରୁ ତାଣ୍ଡାଟି ଆମିନି ଦୁକୁ ତୁକ୍ନି ତାଣ୍ଡା ମାର ଦୁକୁ ତୁପକି ଆହିମାନାୟି, ଏ ଦୁକୁ ତୁକ୍ନାଣି ତଲେ ଏନିକିହୁଁ ବାରେ ଲେହେତି ଦୁକୁ ବେଟାଆହିମାନି ଲକୁଣି ଦୁକୁ ତୁକ୍ନାଲି ଆଡ଼ିନାୟି, ଇଦାଆଁତାକି ଏଞ୍ଜାସି ବାରେ ଦୁକୁତା ମାଜେ ଦୁକୁ ତୁକ୍ନାଣି ହାହାମାଞ୍ଜାନେସି

୫ ଇତିହୁଁ କ୍ରୀସ୍ତତି ତାକି ମାର ଏନିକିଁ ହାରେକା ଦୁକୁ କସ୍ତ ହାରେକା ବେଟାଆନାୟି, ଏଲେକିହୁଁ ଏ କ୍ରୀସ୍ତ ତାଣ୍ଡାଟି ମାହାପୁରୁତି ଦୁକୁ ତୁକ୍ନାୟି ହାରେକା ।

୬ ସାମା ମାମ୍ବୁ ଦୁକୁ କସ୍ତ ବେଟାଆଡ଼ିସାରେ ଏଦି ମୀ ତାକି ଦୁକୁ ତୁକ୍ନାୟି, ଅଡ଼େ ଗେଲପି ଆହାଲିତାକି; ଇଞ୍ଜୁଁ ମାମ୍ବୁ ଦୁକୁ ତୁପକି ଆଡ଼ିହୁଁ, ଏଦି ମୀ ଦୁକୁ ତୁକ୍ନାଲି ତାକି; ମାମ୍ବୁ ଏନିଲେହେତି ଦୁକୁ କସ୍ତ ବେଟାଆନମି ମୀରୁ ଏନିକିହୁଁ ସାସା ଅଡ଼େ କସ୍ତତଲେ ଦୁକୁ ବେଟାଆହି ମାଞ୍ଜେରି ମାମ୍ବୁ ଜିକେଏ ଏଲେକିହୁଁ ଏ ଦୁକୁ ତୁକ୍ନି କାମା କିହିମାନମି ।

୭ ଅଡ଼େ ମୀ ତାଣ୍ଡା ମା ବାସ୍ତୁ ହାରେକା ମାନେ । ମୀରୁ ମା ଦୁକୁ କସ୍ତ ପାଣ୍ଡିନିତାଣା ଏନିକିଁ ଆଣ୍ଡାମାଞ୍ଜେରି, ଏଲେକିହୁଁ ଏ ମାମ୍ବୁ ଦୁକୁ ତୁକ୍ନି ତାଣ୍ଡା ଆଣ୍ଡିଦେରି, ଇଞ୍ଜୁଁ ମାମ୍ବୁ ମୁଞ୍ଜାମାନମି ।

୮ *ଇତିହାସ ଏ ତାୟିୟା ଅଡ଼େ ତାଜିସ୍ତାତେରି, ଆସିୟା ରାଜିତା ମାଜେତାକି ଆହାମାନି ସାସ୍ତି ମୀରୁ ପୁନାଆନା ମାଞ୍ଜୁ ଇଞ୍ଜିହା ମାମ୍ନୁ ଅଣ୍ଡାପି ହିଲଅମି; ମାମ୍ନୁ ମା ବାଡ଼ୁରୁଟି ବେଟାଆହାମାନି ସାସ୍ତି ସହସ୍ତି ଆହାଲି ଆଡ଼ାଆରେରୁ ଆହାମାତମି, ଇଞ୍ଜା ମାମ୍ନୁ ନୀତାମାଞ୍ଜାଲି ଜିକେଏ ଆସା ପିସାମାତମି;

୯ ହାଅ, ମାଜେ ପାୟାଲି ହୁକୁମି ହାପକି ଆହାମାନେ ଇଞ୍ଜି ଅଣ୍ଡାପିମାତମି, ଏନିକି ମାମ୍ନୁ ମା ମୁହେଁ ବାସ୍ତି କିହାକତାଆନା ଏମିନି ମାହାପୁରୁ ହାକିଟି ନିକନେସି ଏଞ୍ଜାଣି ତାଣା ବାସ୍ତି କିନମି;

୧୦ ଏଞ୍ଜାସି ଆଜିହପେତି ହାକିଟି ମାଜେ ଗେଲ୍ପାତେସି ଅଡ଼େ ଗେଲ୍ପାତେସି, ଅଡ଼େ ତାୟୁ ଜିକେଏ ଗେଲ୍ପାତେସି ଇଞ୍ଜି ତାନିତାଣା ମା ଆସା ମାନେ;

୧୧ ମୀରୁ ଜିକେଏ ମା ତାକି ପ୍ରାତାନା କିହାଁ ମାଜେ ସାୟେମି କିହାମାଞ୍ଜାଦେରି, ଏନିକି ମାଜେ ଏମିନି କାର୍ମାତି ଦାନା ହାପକି ଆହାମାଞ୍ଜାନେ, ଏଦାଆଁତାକି ହାରେକା ଲକୁତି ଗୁଡିତି ମା ତାକି ହାରେକା ଜହରା କିଞ୍ଜିଆହିମାନେ ।

ପାଞ୍ଜୁଲ ତାନି ଅଣ୍ଡାପୁ ବାଦଲି କିନାୟି

୧୨ ବାରେକିହାଁ ଦାରତିତା ମୀ ତାକି ମାମ୍ନୁ ମାଣ୍ଡସିତି ବୁଦିତଲେ ତାକାଆନା ମାହାପୁରୁଟି କାର୍ମାଟି ତାନି ସୁରୁ ଅଡ଼େ ନାମୁତଲେ ତାକିମାତମି ଇଞ୍ଜି ମା ଅଣ୍ଡାପୁ ସାକି ହାହିମାଞ୍ଜାନେ, ଇଦି ମା ବତପଣାତି କାତା ।

୧୩ ଖାରୁଲ ମୀରୁ ଏନାଆଁ ପଡ଼ଞ୍ଜି ଆହାନା ତେଲ୍ପାଦେରି, ଏ ବାରେ ପିସପେ ମାମ୍ନୁ ମୁଜେ ଅଡ଼େ ଏନାଆଁ ରାଡ଼ିମାଞ୍ଜାଅମି,

୧୪ ଅଡ଼େ ମା ପ୍ରୁ ଜାସୁ କ୍ରାସ୍ତି ଦିନାତା ମାମ୍ନୁ ମା ତାକି ବତପଣା ତସାଲି ଆଡ଼ିନମି, ଅଡ଼େ ମୀରୁ ଜିକେଏ ମା ତାକି ବତପଣା ତସାଲି ଆଡ଼ିଦେରି, ମୀରୁ ନାଏଁ ଇରେକା ପୁଞ୍ଜାନା ବାରେ ପୁନାଆତି ଜିକେଏ ର ଦିନା ମୀରୁ ବାରେ ତାୟୁ ପାତେକା ପୁଞ୍ଜେରି ଇଞ୍ଜି ନା ଆସା ।

୧୫ ଇ କାତା ନେହାଁ କି ପୁଞ୍ଜାମାନାକି ମୁଲୁଏ ମୀ ତାଣା ଖାହାଲି ତାକି ନାଜେ ଅଣ୍ଡାପୁ ମାରେ, ଆତିହାଁ ମୀରୁ ରୀ ଦେବା ରାହାଁ ବେଟାଆଡ଼େରିମା

୧୬ *ମୀ ତାଣାଟି ମାକିଦନିୟାତା ହାଜାନା ଅଡ଼େ ଖେଣ୍ଡେ ମାକିଦନିୟାଟି ମୀ ତାଣା ଖାହାନା ମୀ ସାୟେମି ତଲେ ଜୀହୁଦା ଦେସାତା ହାଜାଲି ଆଡ଼ିଲ୍, ଏଦାଆଁତାକି ଏ ନାମୁଟି ତଲିଏ ମୀ ତାଣା ହାଜାଲି ମନ କିହାମାଚେଏଁ ।

୧୭ ଆତିହାଁ ଇଲେତି ଅଣ୍ଡାପୁ ଅଣ୍ଡାପିନାୟି ନାମୁ ଏନାଆଁ ଆନାମାନା ଆହାନା କିହାମାଚେଏଁ? ଇଞ୍ଜା ନାମୁ ଏନାଆଁ ତୀରିକିହା ଡ଼ୟିଲ୍, ଏଦି ଏନାଆଁ ଏଦାଆଁ ଦାରତିତି ଅଣ୍ଡାପୁ ତଲେ କିହିମାଲ୍, ଇଞ୍ଜା ନା କାତା “ହାଅ କି ଆଏ” ଇ ରୀ କାତା ରଣ୍ଡିଏ ଦେବା ହପୁଲ୍ କି ?

୧୮ ମାହାପୁରୁ ଟିକାଣାତାସି, ଏଦାଆଁତାକି ନା କାତା ମିଜେତାକି “ହାଅ କି ଆଏ” ଇନି ରୀ କାତା ଆଏ ।

୧୯ *ଇତିହାଁ କ୍ରାସ୍ତି ଜାସୁ ମାହାପୁରୁ ମୀରୁଏସି, ଆମ୍ବାଆସି ମା ତାଣାଟି ଇତିହାଁ ସିଲା, ତିମତି ଅଡ଼େ ନାମୁ ମୀ ତାଣା ଖେକହା ମାତମି, ଏଞ୍ଜାସି “ହାଅ” ଅଡ଼େ “ଆଏ” ଇନାସି ଆହାହିଲଅସି, ଇତିହାଁ ଏଞ୍ଜାଣି ତାଣା ହାଅ ଆହାମାନେ ।

୨୦ ଏନାଆଁତାକି ଇତିହାଁ ମାହାପୁରୁଟି ବାରେ ଆଞ୍ଜାମାନାୟି ଏଞ୍ଜାଣି ତାଣା “ହାଅ” ମାନେ; ଇଦାଆଁତାକି ଜାସୁ କ୍ରାସ୍ତି ତାଣାଟି ମାହାପୁରୁଲ୍ ଗାଞ୍ଜୁରି କିହାଲି ମାର “ଆମେନ୍, ଏଲେଆହାଁ ଆପେ” ଇନାୟି ।

୨୧ ତାନୁଏ ମାଜେ ଅଡ଼େ ମିଜେ କ୍ରାସ୍ତି ତାଣା ତୀରି କିହାମାଞ୍ଜାନେସି, ଇଞ୍ଜା ମାଜେ ବଡ଼ ହାହାମାଞ୍ଜାନେସି, ଏଞ୍ଜାସି ମାହାପୁରୁ;

୨୨ ଏଞ୍ଜାସି ତାନି ବୁରୁ ମୁଦ୍ରା ମାଜେ ଖେଟା ମାଞ୍ଜାନେସି, ଇଞ୍ଜା ଏଞ୍ଜାସି ମା ହିୟାଁ ବିତ୍ରା ସୁଦୁଜାସୁ ସିନାଲେହେଁ ହାହାମାଞ୍ଜାନେସି ।

୨୩ ସାମା ନାମୁ ମାହାପୁରୁଲ୍ ସାକି କିହାନା ନା ଜାସୁତି ମାନ୍ କିହିମାଲ୍, ନାମୁ ମିଜେ କାର୍ମା ଆହାନା କରକ୍ତିତା ଖେଣ୍ଡେ ହାଜାହିଲଅଁ ।

୨୪ ମୀ ନାମୁତି ମୁହେଁ ମା ଅଦିକାରା ମାନେ, ଏଲେକି ଆଏ, ସାମା ମୀ ରାହାଁତାକି ମୀ ସାୟେମି କିନାତମି ଆହାମାନମି, ଏଦାଆଁତାକି ନାମୁତା ତୀରିଆହାନା ମାଞ୍ଜୁ ।

୨

୧ ନାମୁ ମୀ ତାଣା ହାନାୟି ମିଜେତାକି ଅଡ଼େ ଖେଣ୍ଡେ କସ୍ତି ଆୟେଏ, ଇଦାଆଁ ମନତା ତୀରି କିଚେଏଁ ।

୨ ନାନୁ ମିଙ୍ଗେ ଦୁକୁ ହିୟାଇ, ଆତିହୁଁ ନାନୁ ଆମ୍ବାଆରାଇଁ ଦୁକୁ ହାଇ, ଏଞ୍ଜାଣି ପିସପେ ନାଙ୍ଗେ ଆମ୍ବାଆସି ରାହାଁ ହିୟାନେସି ?

୩ ଇଞ୍ଜା ନାନୁ ଆମ୍ବାଆରି ତାଣାଟି ରାହାଁ ପାଣନାୟି ମାନେ, ଏଞ୍ଜାରିତାଣା ନାନୁ ଖାହାନା ଏନିକିଁ ଦୁକୁ ବେଟାଆଅଁ, ଏଦାଆଁତାକି ନାନୁ ଈ କାତା ରାଡ଼ାମାଚେର୍ସି, ଏନାଆଁତାକି ଇତିହୁଁ ନା ରାହାଁତା ମୀ ରାହାଁ ଆନେ, ଏଡ଼ି ମୀ ବାରେତାକି ନା ଅଣପୁ ।

୪ ଇତିହୁଁ ହାରେକା କସୁ ଅଡ଼େ ହିୟାଁ କାଡ଼ାତାକି ହାରେକା ଦୁକୁ ତଲେ କାଣ୍ଡୁ, ଉକ୍‌ହିହୁଁ ମିଙ୍ଗେ ରାଡ଼ାମାଞ୍ଜାଚେର୍ସି; ଏନିକିଁ ମୀରୁ ଦୁକୁ ଆଦେରି, ଏଲେକିଁ ଆଏ, ସାମା ମିଙ୍ଗେତାକି ନା ଜାଝୁନନାୟି ହାରେକା ମାନେ, ଈ କାତା ମୀରୁ ଏନିକିଁ ପୁଞ୍ଜେରି ।

ମାଣସିତି ଦହ ମ୍ବେକନାୟି

୫ ସାମା ଆମ୍ବାଆସି ଦୁକୁ ହାହାମାନେସି, ଏଞ୍ଜାସି ନାଙ୍ଗେ ଦୁକୁ ହାହାମାଞ୍ଜସି, ସାମା ବାରେତେରି ମିଙ୍ଗେ ଦୁକୁ ହାହାମାଞ୍ଜାନେସି ନାନୁ ହାରେକା ଗାତିକିହୁଁ ଖେହୁଅଁ ।

୬ ମୀ ବିଡ଼ାଟି ହାରେକା ଲକୁ ତାଣାଟି ଏଞ୍ଜାସି ଏନି ତଣ୍ଡ ବେଟା ଆହାମାନେସି ଏଞ୍ଜାଣାକି ଏଚେକେଏ ସାରି ।

୭ ଏଦାଣିତାକି ଏଲେତି ଲକୁ ଏଡ଼େତା ହାରେକା ଦୁକୁତା ମେଦା ହାନେସି, ଏଦାଆଁତାକି ମୀରୁ ନୀଏଁ ଏଞ୍ଜାଣାଇଁ ପାପୁ ମ୍ବେକନାୟି ବାସୁ ହାନୁ ।

୮ ଇତିହୁଁ ଏଞ୍ଜାଣାଇଁ ଜାଝୁ ନନାଣି ତହୁଦୁ ଇଞ୍ଜୁଁ ବାତିମାଲିମାଞ୍ଜାଇଁ ।

୯ ଇତିହୁଁ ମୀରୁ ବାରେ କାତାଟି ମାନଞ୍ଜି ଆହିମାଞ୍ଜେରି, ଇଞ୍ଜୁଁ ମିଙ୍ଗେତାକି ଏମ୍ବାତି ପାରମାଣା ଏନିକିଁ ନାନୁ ବେଟାଆଇଁ, ଈ ବାରେତାକି ରାଡ଼ାମାଚେର୍ସି ।

୧୦ ଇଞ୍ଜା ମୀରୁ ଆମ୍ବାଆରି ଦହ ପିହୁଦେରି, ନାନୁ ଜିକେଏ ଏଞ୍ଜାଣି ଦହ ପିହୁଇଁ; ଇତିହୁଁ ନାନୁ ଏନାଆଁ ଦହ ପିସାମାଇଁ, ଇଞ୍ଜା ଏମିନି ଦହ ପିସାମାଇଁ, ଏଦାଆଁ କ୍ରୀସୁତି ନକିତା ମୀ ତାକି ପିସାମାଇଁ ।

୧୧ ଏନିକିଁ ସୟତାନ ମାଙ୍ଗେ ଲାଗେଏ କିହାଲି ପାରୁ ବେଟାଆଏ, ଇତିହୁଁ ମାର ବାରେ ତାନି ଅଣପୁତି ପୁଞ୍ଜାମାନାୟି ।

ତ୍ରୟାତା ପାଝୁଲ ମନତା କସୁ ପାଞ୍ଜନାୟି

୧୨ ଅଡ଼େ କ୍ରୀସୁତି ନେହୁଁ କାତୁ ଝେକହାଲି ତାକି ନାନୁ ତ୍ରୟାତା ଖାଡ଼ି ତାୟୁ ପ୍ରବୁତି କାମା କିହାଲି ଦାରା ଦେପି ଆହାମାଟି ଜିକେଏ,

୧୩ ନାନୁ ନା ତାୟି ତିତସଇଁ ଏମ୍ବାଆଁ ମେହୁଆଲିଏ ନା ଜାଝୁ ହିଡ଼ି ଆଆତାକି ଏଞ୍ଜାରି ତାଣାଟି ହେଲ ବେଟାଆହାନା ମାକିଦନିୟାତା ହାଚେର୍ସି ।

କ୍ରୀସୁ ତାଣାଟି ଜାଣା ଆନାୟି

୧୪ ସାମା ମାହାପୁରୁଇଁ ଜହରା ଆପେ, ଏଞ୍ଜାସି ବାରେଡେଲା ମାଙ୍ଗେ ଅହାନା କ୍ରୀସୁ ତାଣା ଜାଣାଆଡ଼ି ଲେହେଁ ହାଜାମାନେସି, ଇଞ୍ଜା ବାରେ ଟାୟୁତା ତାନି ବୁଦି ଲେହେଁଟି ଗାନ୍ଦା ମା ତାଣାଟି ଝେକହିମାନେସି ।

୧୫ ଇତିହୁଁ ଗେଲପି ଆହିମାନି ଲକୁତାଣା ଇଞ୍ଜା ନାସା ଆହିମାନି ଲକୁତାଣା ମାର ମାହାପୁରୁ ନକିତା କ୍ରୀସୁତି ହାରେକା ନେହୁଁ ଗାନ୍ଦା ଲେହେଁ ଆହାମାନାୟି ।

୧୬ ରକଞ୍ଜାକି ଲକୁତାକି ହାକି ହୀନାୟି ଅଡ଼େ ରକଞ୍ଜାକି ଲକୁତାକି ଜାଝୁହୀନି ଲେହେଁଟି ନେହୁଁ ଗାନ୍ଦା ଲେହେଁ । ସାମା ଈ ବାରେ କାମା କିହାଲି ଆମ୍ବାଆସି ଆଡ଼ିନେସି ?

୧୭ ହାରେକା ଲକୁ ବାଡ଼କାଲି ତାକି ମାହାପୁରୁତି କାତୁ ଝେକହି ମାନେରି, ମାମ୍ବୁ ଏଞ୍ଜାରିଲେହେଁ କିହିଲିଲଅମି, ସାମା ତାରପୁତଲେ ମାହାପୁରୁତି ହୁକୁମି ତଲେ ତାନି ନକିତା ମାମ୍ବୁ କ୍ରୀସୁ ତାଣା ମାଞ୍ଜାନା କାତା ଜଲିମାନମି ।

୩

ପୁଞ୍ଜନି ମେରାତି ହଲିୟା

୧ ମାର କି ଜାହାରାଇଁ ବତପଣ କିହାଲି ମାଟୁହା ମାନାୟି ? ଆମ୍ବା ଆମ୍ବାଆରି ଲେହେଁ ଏନାଆଁ ମୀ ତାଣା ଆଆଡ଼ି ମୀ ତାଣାଟି ମା ତସପି ଆନାୟି ଲଡ଼ାମାନେ ?

☆ ୨:୧୨ କାମା ୨୦:୧

୨ ମାରୁତ ମା ହିୟାତା ରାସ୍ତକି ଆହାମାନାତେରି ଇଞ୍ଜା ବାରେଜାଣା ପୁଞ୍ଜାମାନାୟି ଅଡ଼େ ପଡ଼଼ି ଆହାମାନି ମା ଆକୁ ଲେହେଁ;

୩ ଅଡ଼େ, ମାରୁ ମା ସେବା କାମାତା ରାସ୍ତକି ଆହାମାନି କ୍ରୀସ୍ତତି ଆକୁ ଲେହେଁ, ଇଦି ତଞ୍ଜା ଆହିମାନେ; ଏଦି ସୀରା ତଲେ ରାସ୍ତକି ଆହାହିଲେଏ, ସାମା ଜୀସ୍ତତି ମାହାପୁରୁତି ସୁଦୁଜୀସ୍ତ ତଲେ ରାସ୍ତକି ଆହାମାନେ, ଖାଲି ପାଟାତା ଆଏ, ସାମା ଉୟୁଗାଟି ହିୟା ପାଟାତା ।

୪ କ୍ରୀସ୍ତ ତାଣାଟି, ମାହାପୁରୁ ନକିତା ବାସ୍ତୁ ଇଟାନା ମାଦି ଇଲେତି ଆଟ୍ଠା ନାମୁ ମାନେ ।

୫ ମାରୁ ମା ତାଣାଟି ଏନାଆଁ କିହାଲି ଆଡ଼ାଆୟି, ଏଲେକ ଆଏ, ସାମା ମାହାପୁରୁ ତାଣାଟି ଆଡ଼ିନି ବାଡ଼ୁରୁ ମାନେ;

୬ ଏଞ୍ଜାସି ମାଜେ ରାସ୍ତକି ଆହାମାନି ମେରାତି ସେବା କିନାରି କିହାମାଞ୍ଜଅସି, ସାମା ନେହଁ ଜୀସ୍ତତି ଇତିହଁ ପୁଞ୍ଜି ମେରାତି ସେବା କାମା କିହାଲି ବାଡ଼ୁରୁ ହାହାମାଞ୍ଜାନେସି; ଇତିହଁ ରାସ୍ତକି ଆହାମାନି ରାଜିମାନା ହାଞ୍ଜିକିନେ ସାମା ନେହଁ ଜୀସ୍ତ ନୀତିକିନାୟି ।

୭ ଅଡ଼େ ତୀସ୍ତି ଖାଲି ପାଟାତା ରାସ୍ତକି ଆହାମାନି ହାଞ୍ଜି କିନି ମସା ମେରାତି ସେବା କାମା ଇଲେତି ଗାଞ୍ଜୁରମି ତଞ୍ଜାଆହାମାତେ, ଇତିହଁ ଇସାୟେଲ ଲକୁ ମସା ମୁମୁଡ଼ୁ ନାସା ଆନି ଉଜେଡ଼ି ତାକି ଏଞ୍ଜାଣି ମୁମୁ ଡ଼ୁମାଲି ଆଡ଼ାଆତେରି,

୮ ଆତିହଁ ନେହଁ ଜୀସ୍ତତି ସେବା କାମା ଏତେକା ଗାତି ଗାଞ୍ଜୁରମି ଆଏକି ?

୯ ତଣ୍ଡ ଆଞ୍ଜିକିନି ସେବା କାମା ଗାଞ୍ଜୁରମି ଗାଟାୟି, ଆଡ଼ ଦାମୁତି ସେବା କାମା ଏଦାଆଁ କିହାଁ ଆଗାଡ଼ା ଗାଞ୍ଜୁରମି ଗାଟାୟି ଆନେ ।

୧୦ ଇତିହଁ ଆନିନି ଗାଟାୟି ଗାଞ୍ଜୁରମି ଗାଟାୟି ମାତେ, ଏଦି ଏଦାନି କିହାଁ ଆଗାଡ଼ା ଗାଞ୍ଜୁରମି ଆନି କିହାଁ ଗାଞ୍ଜୁରମି ହିଲିଆଗାଟାୟି ଆଡ଼େ ।

୧୧ ଗାଡ଼େକା ତାକି ନାସା ଆନାୟି ଗାଞ୍ଜୁରମି ବେଟାଆହଁ, କାଲକାଲି ତାକି ମାନାୟି ଏତେକା ଆଗାଡ଼ା ଗାଞ୍ଜୁରମି ତଞ୍ଜାଆନେ ।

୧୨ ଇତିହଁ ମାଜେ ଏଲେତି ବାସ୍ତୁ ମାନାକି ହାରେକା ସାସା ଆହାମାନମି ।

୧୩ ଅଡ଼େ ଇସାୟେଲ ଲକୁ ଏନିକି ଗାଡ଼େକା ତାକି ନାସାଆନି ଗାଞ୍ଜୁରମିତି ସିନିକିଅରି, ଏଦାଆଁତାକି ମସା ଏନିକି ତାନି ମୁମୁଡ଼ୁ ହିମ୍ବୁରି ପୁକହା କତିମାତେସି, ମାମୁ ଏଲେକି କିହିହିଲଅମି ।

୧୪ ସାମା ଏଞ୍ଜାରି ବୁଦିତି କାଣ୍ଡାକା ପଜୁଡ଼ି ଆହାମାନୁ, ଇତିହଁ ନୀଞ୍ଜୁପାତେକା ପୁଞ୍ଜି ରାଜିମାନା ପତି ପଡ଼଼ି ଆନାଟି ଏ ହିମ୍ବୁରି ପିଡ଼ୁଗିନାୟି ନୀର୍ଷ ପାତେକା ଡ଼ୟାମାନେ, ଇଞ୍ଜା କ୍ରୀସ୍ତ ତାଣାଟି ଏ ହିମ୍ବୁରି ଗୁଟା ଆହାମାନେ, ଏଦି ତଞ୍ଜା ଆହିହିଲେଏ ।

୧୫ ସାମା ନୀର୍ଷ ପାତେକା ମସାତି ମେରା ପଡ଼଼ି ଆନାଟି ଏଞ୍ଜାରି ହିୟାଁ ହିମ୍ବୁରି ପୁପକି ଆହାଁ ଡ଼ୟିନେ ।

୧୬ “ସାମା ଆମ୍ବାଆସି ଆଡ଼େସି ପ୍ରବୁ ଖାକି ଖେଣ୍ଡାଖାଡ଼ିହଁ ଏଞ୍ଜାଣି ପୁପକି ଆହାମାନି ହିମ୍ବୁରି ଗୁଟାଆନେ ।”

୧୭ “ପ୍ରବୁ” ଏ ଜୀସ୍ତ, ଇଞ୍ଜା ଏମ୍ବିୟା “ପ୍ରବୁତି ଜୀସ୍ତ” ମାନେ ଏମ୍ବାଆଁ ବାରେ ମେଲା ଆନାୟି ମାନେ ।

୧୮ ସାମା ମାରୁ ବାରେତାୟି ମୁମୁ ପୁକିଆନା ଦାପେଣିତା ମେହ୍ନି ଲେହେଁ ପ୍ରବୁତି ଗାଞ୍ଜୁରମି ମେସି ମେସିହଁ ଗାଞ୍ଜୁରମିତି ହାରେକା ଗାଞ୍ଜୁରମି ଆହାନା ତାନି ଏ ଖାଣା ତଲେ ବାଦଲି ଆହିମାନାୟି; ଇଞ୍ଜା ପ୍ରବୁ ଆମ୍ବାଆସିକି ଜୀସ୍ତ ଏଞ୍ଜାଣି ତାଣାଟି ଇ ବାରେ ଆହିମାନେ ।

୪

ଇରଥା ତୁକା ବିତ୍ତା ନେହଁ ଜୀସ୍ତତି ଦନ

୧ ମାରୁ ମାହାପୁରୁତି କାର୍ମା ବେଟାଆହାନା ଇ ସେବାକିନି ପାଣା ବେଟାଆହାମାନାକି ସାସା ହିଲିଆ ଲକୁଲେହେଁ ଆହାହିଲିଆୟି,

୨ ସାମା ମାମୁ ଲାଜା ଗାଟି ତଞ୍ଜା ଆଆଗାଟି ଲାଗେଏତି କାମା ପିସାମାନମି; ଇଞ୍ଜା ମାମୁ ନୀଡ଼ି କିଅମି ଅଡ଼େ ମାହାପୁରୁ କାତାଟି ମିତି କାଲହାନା ଖେସିହିଲଅମି, ମାହାପୁରୁ କାନୁତା ନେହଁ କାବୁତି ସାତା କିହଁ ଖେକହାନା ବାରେଜାଣାଟି ନେହଁ ଅଣ୍ଡୁପୁ ତାକି ନେହଁତମି ତଞ୍ଜା ଆହିମାନମି ।

୩ ଏନାଆଁତାକି ଇତିହଁ ମାରୁ ଖେକହାମାନି ନେହଁ କାବୁ ଡ଼ୁଗୁ ମାତିହଁ, ଏଦି ଖାବୁଇ ଜାଜା ମାନାରାକି ଡ଼ୁଗୁମାନେ ।

୪ ମାହାପୁରୁ ଖାଣ୍ଡା ଲେହେଁତି କ୍ରୀସ୍ତ ତାନି ଗାଞ୍ଜୁରମିଗାଟି ନେହୁଁ କାବୁଡି ଉଜେଡ଼ି ଏନିକିଁ ଇଲେତି ଲକ୍ଷ୍ମି ତଞ୍ଜା ଆଏ, ଏଦାଆଁତାକି ନାମାଆଗାଟାରି ବୁଦି ଦାର୍ତତି ପଲୁଆ ପେନୁ କାଣ୍ଡାୟାଁ କିହାମାନେ ।

୫ ମାମ୍ବୁ ମାଜେତାକି ଖେସକଡ଼ିହିଲଅମି, ସାମା କ୍ରୀସ୍ତଇଁ ପ୍ରବୁ ଇଞ୍ଜିଁ ଅଡ଼େ ଜୀସୁ କ୍ରୀସ୍ତ ତାକି ଜାହାରାଇଁ ମୀ ହଲିୟାଜାତମି ଇଞ୍ଜିଁ ଖେକ୍‌ହି ମାନମି,

୬ ଏନାଆଁତାକି ଇତିହୁଁ ଆମିନି ମାହାପୁରୁ ଏଲେଇଞ୍ଜାମାରେସି, “ଆନ୍ଦେରିତି ଉଜେଡ଼ି ତଞ୍ଜା ଆପେ,” ଏଞ୍ଜାସି କ୍ରୀସ୍ତତି ମୁମ୍ବୁତୁ ତଞ୍ଜା ଆହିମାନି ମାହାପୁରୁତି ଗାଞ୍ଜୁରମିଗାଟି ବୁଦିତି ଉଜେଡ଼ି ତସାଲି ତାକି ମା ହିୟାଁତି ଉଜେଡ଼ି କିହାମାନେସି ।

୭ ସାମା ମାର ଖାରୁଇ ଇରୁଆ ଡ଼କାତା ଇ ଲାକପୁରୁତି ଦନ ବେଟାଆହାମାନାୟି । ଇମ୍ବାଆଁ ପୁଣ୍ଡି ଆହିମାନେ ଇଲେତି ଲାକପୁରୁତି ବାଡ଼ୁୟୁ ମାଦି ଆଏ ସାମା ମାହାପୁରୁଖାୟି ।

୮ ମାମ୍ବୁ ବାରେଲେହେଁତି ଦୁକୁ କସ୍ତ ବେଟାଆହାମାନମି, ସାମା ମାମ୍ବୁ ସୁଣ୍ଡି ଆହି ହିଲଅମି । ଏଚେ ଏଚେଲା ଆତାଜାକା ଆଡ଼ି ଜିକେଏ ନାରାସା ଆହାହିଲଅମି ।

୯ ମାମ୍ବୁ ସୁସ୍ତ ବେଟା ଆହିମାନମି ସାମା ମାହାପୁରୁ ମାଜେ ଏଚେଲା ପିସାମାଞ୍ଜଅସି । ଏଚେ ଏଚେକା ମାଡ଼ା ବେଟାଆହି ମାନମି ସାମା ନାସା ଆହାହିଲଅମି ।

୧୦ ଜୀସୁତି ଜୀସୁ ଏନିକିଁ ମା ତାଣ୍ଡା ତଞ୍ଜାଆନେ, ଏଦାଆଁତାକି ମାର ବାରେ ବେଲା ମା ଆଜାତା ଜୀସୁତି ହାକି ଡ଼େକା ମାନାୟି ।

୧୧ ଇତିହୁଁ ଜୀସୁତି ଜୀସୁ ଏନିକିଁ ମା ହାନି ଆଜାତା ତଞ୍ଜାଆନେ, ଏଦାଆଁତାକି ମାର ନୀତାମାଟି ଜିକେଏ ବାରେବେଲା ଜୀସୁତି କସ୍ତ ହାକିତା ହେରୁପି ଆହିମାନାୟି ।

୧୨ ଇଲାଆହୁଁ ମା ତାଣ୍ଡା ହାକି, ଅଡ଼େ ମୀ ତାଣ୍ଡା ଜୀସୁ କାମା କିହାମାନେ ।

୧୩ ରାସ୍‌କି ଆହାମାନେ, “ନାନୁ ନାମିତାକି ଜଲିତେଏଁ ।” ମାର ଏ ନାମୁତି ଜୀସୁ ବେଟାଆହାମାନାୟି, ଇଞ୍ଜା ମାର ନାମାମାନାୟି ଏଦାଆଁତାକି ଖେକ୍‌ହି ଜିକେଏ ମାନାୟି ।

୧୪ ମାମ୍ବୁ ପୁଞ୍ଜାମାନମି, ମାହାପୁରୁ ପ୍ରବୁ ଜୀସୁଇଁ ହାକିତି ଖେଣ୍ଡେ ନିକହାମାନେସି । ଏ ମାହାପୁରୁ, ଜୀସୁତଲେ ମାଜେ ଜିକେଏ ନିକହାନେସି ଅଡ଼େ ମୀ ତଲେ ମାଜେ ତାନି ତାଗେ ଅୟାନେସି ।

୧୫ ମୀ ନେହେଁତାକି ଇ ବାରେ ଆହିମାନେ । ମାହାପୁରୁତି କାର୍ମାମେହନାୟି ଅଡ଼େ ହାଡ଼େ ଗାଡ଼ି ପାତାଆହାନା ଲକୁଣି ତାଗିଚେ, ଅଡ଼େ ହାଡ଼େକା ଲକୁ ରାହାଁ ଅଣ୍ଡପୁ ତଲେ ମାହାପୁରୁଇଁ ଗାଞ୍ଜୁରମି କିନେରି ।

ନାମୁତି ଜୀସୁ

୧୬ ଏଦାଆଁତାକି ମାମ୍ବୁ ଖ୍ରୀହା ହିଲଅମି, ସାମା ମା ଦାର୍ତତି ଆଜା ମେଣ୍ଡାକିତି ଜିକେଏ ମା ହିୟାଁ ବିତ୍ରାତି ଜୀସୁ ପୁଞ୍ଜନାୟି ଆହିମାନେ ।

୧୭ ଇତିହୁଁ ଇ ଗାଡ଼େକାତି କସ୍ତ ହାଡ଼େକା ଗାଡ଼ି ମାଜେ ତାକି କାଲାକାଲା ରାଆଗାଟି ଗାଞ୍ଜୁରମି ତାନେ;

୧୮ ମାର ତଞ୍ଜା ଆହିମାନାଣି ଗୁରି କିଆନା ତଞ୍ଜା ଆଆଗାଟାଣି ଗୁରି କିହାମାନାୟି; ଇତିହୁଁ ତଞ୍ଜା ଆହିମାନାୟି ଗାଡ଼େକା ତାକି, ସାମା ତଞ୍ଜା ଆଆଗାଟାୟି କାଲାକାଲାତାୟି ।

୫

୧ ମାର ପୁଞ୍ଜାମାନାୟି, ଆମିନି ଦାର୍ତତି ତୁମ୍ବୁ ଲେହେଁତି ଇଲୁତା ନୀଏଁ ମାର ବାସା କିହାମାନାୟି, ଏଦି ନସ୍ତ ଆଡ଼ିସାରେ ମାହାପୁରୁ ମାଜେ ଲାକପୁରୁ ର କାଲାକାଲାତି ଇଲୁ ମେଡ଼ି କିୟାନେସି । ଏଦି ମାଣ୍ଡି କେୟୁଡ଼ି କେପିତାୟି ଆଏ, ମାହାପୁରୁ ତାନୁଏ ଏଦାନି ଗାଡ଼ିକିତାସି ।

୨ ଇ ଦାର୍ତତି ଇଲୁତା ମାଞ୍ଜାନା ମାର ଲାକପୁରୁ ଇଲୁତି ହିମ୍ବୁରି ହୁଗାଲି ମନ କିହାନା ଡ଼ାହି ମାନାୟି ।

୩ ସାମା ଲାକପୁରୁତି ବାସା ଚାୟୁତା ହଡ଼ିସାରେ ମାର ଆଜା ହିଲାଆଗାଟାୟି ଆଆନା ନାଗଡ଼ା ତଞ୍ଜା ଆଆୟି ।

୪ ଇତିହୁଁ ମାର ଇ ଦାର୍ତତି ତୁମ୍ବୁତା ବାସା ଆହାନା ବଲୁଗାଟି ହିୟାଁ ତଲେ ଡ଼ାହି ମାନାୟି; ଇତିହୁଁ ମାର ଦାର୍ତତି ଆଜା ପିସାଲି ଅଣ୍ଡପିମାନାୟି ଏଦି ଆଏ, ସାମା ଜୀସୁ ଏନିକିଁ ଦାର୍ତତି ନାସାକିନେ, ଇଦାଆଁତାକି ଇ ହାନି ଆଜାତି ମୁହେଁ ଲାକପୁରୁତି ହିମ୍ବୁରି ହୁଗାଲି ମାର ମନ କିହାମାନାୟି ।

୫ ମାହାପୁରୁ ମାଜେ ଇ ବାଦଲୁଖି ଆନାଣି ତାକି ତିୟାରା କିହାଁ ମାଞ୍ଜାନେସି । ଅଡ଼େ ଇଦାଣି ତାର୍‌ପୁକିନାଣି ଲେହେଁ ତାନି ସୁଦୁଜୀସୁ ଏଞ୍ଜାସି ମାଜେ ହାହାମାଞ୍ଜାନେସି ।

୭ ଏଦାଆଁତାକି ମାମ୍ବୁ ବାରେବେଲା ସାସା ଆସାମାନମି । ମାମ୍ବୁ ପୁଞ୍ଜାମାନମି, ଏତରଦିନା ପାତେକା ଇ ଆଜ୍ଞାତା ବାସା କିହାମାନମି, ଏତରଦିନା ପାତେକା ପ୍ରବୁତି ଇଲୁଚି ହେକ ମାଞ୍ଜାନା ନୀତା ବାଡ଼କିମାନମି,

୧୦ ଏଦାଆଁତାକି ଇଚିହଁ ମାରୁ ତଞ୍ଜାଆହିମାନ ଦିଶସୁଲାଇ ଆଏ ସାମା ନାମ୍ବୁଲାଇ ନୀତା ବାଡ଼କିମାନାୟି ।

୧୧ ଏଦାଆଁତାକି ଇଚିହଁ ମାମ୍ବୁ ସାସା ଗାଗାତମି, ଇଞ୍ଜା ଇ ଆଜ୍ଞା ପିସାନା ପ୍ରବୁ ତଲେ ବାସା କିହାଲି ମାମ୍ବୁ ହାରେକା ରାହଁ ।

୧୨ ଏଦାଆଁତାକି ଇମାଆଁ ଜାହାରା ଇଲୁତା ମାଚିହଁ କି ହେକ ରାଜି ମାଚିହଁ ଜିକେଏ, ମାହାପୁରୁଇଁ ରାହଁ କିନାୟି ଏ ମା ରଣ୍ଡିଏ ଅଣପୁ ।

୧୩ ଇଚିହଁ ନେହେଁ ଆଡ଼ପ କି ଲାଗେଏ ଆଡ଼ପ, ବାରେଜାଣା ଜାହାରା ଆଜ୍ଞା ତଲେ କିତି କାମାତି ଲେକାତଲେ ପାଡ଼େୟି ବେଟାଆହାଲି ତାକି କ୍ରୀସୁତି ନୀହଁୟି କିନି ଚାୟୁ ନକିତା ବାରେତାୟି ମାଜେ ନିକା ହାଜାଲି ଆନେ ।

କ୍ରୀସୁ ତାଣାଟି ମାହାପୁରୁତି ତଡ଼େସିଜା ଆନାୟି

୧୪ ପ୍ରବୁଇଁ ଆଜିନାଣି ପୁଞ୍ଜାମାନାକି ମାମ୍ବୁ ମାଣସିୟାଁଇଁ ମାତଡ଼କିହି ମାନମି, ସାମା ମାମ୍ବୁ ମାହାପୁରୁ ନକିତା ତଞ୍ଜା ଆହାମାନମି ଇଞ୍ଜା ମୀ ଅଣପୁତା ଜିକେଏ ତଞ୍ଜା ଆହାମାନମି, ଇ କାତା ନାମ୍ବୁ ଆସା କିହିମାଈଁ ।

୧୫ ମାମ୍ବୁ ମୀ ତାଣା ଅଡ଼େ ବତପଣ ତସାଲି କିହିହିଲଅମି, ସାମା ଲକୁଚି ନେହଁ ଅଣପୁ ତାକି ବତପଣ ତହୁଆନା ଖାରଇ ଏଞ୍ଜାରି ଆଜ୍ଞାଟି ରାହଁତାକି ବତପଣ ତହୁନାରାଈଁ ମୀରୁ ଖେଣ୍ଡେ ଖେପୁଲି ଆଡ଼ିଦେରି, ଏଦାଆଁତାକି ମୀରୁ ମା ତାକି ବତପଣ ତସାଲି ଆଡ଼ିଦେରି ଇଞ୍ଜାଁ ଖେସିମାଞ୍ଜାନମି ।

୧୬ ମାମ୍ବୁ କି ବୁଦି ହିଲାଆ ଗାଗାତମି ? ଏଦି ମାହାପୁରୁ ତାକି ଆହାମାନେ ମାମ୍ବୁ କି ବୁଦିଗାଗାତମି ଆହାମାନମି ? ମା ନେହେଁ ମାଚିସାରେ, ମୀ ତାକି ଏଲେଆହଁ ମାନମି ।

୧୭ ଇଚିହଁ କ୍ରୀସୁତି ଜୀସୁ ନନି ତାଣାଟି ସାଲୁଖି ଆହିମାନାୟି, ଏଦାଆଁତାକି ମାରୁ ଇ କାତା ଅଣପିମାନାୟି, ରଅସି ବାରେଜାଣା ତାକି ହାହାମାନାକି ବାରେଜାଣା ଏ ହାକିତା ଆଣ୍ଡାମାନେରି ।

୧୮ ଏଞ୍ଜାସି ବାରେଜାଣା ତାକି ହାହାମାନାକି ଆମିନି ଗାଗାରି ନୀତାମାନେରି, ଏଞ୍ଜାରି ଅଡ଼େ ଜାହାରାତାକି ନୀତାଆନା ଏଞ୍ଜାଣି ତାକି ନୀତିନେରି, ଏଦାଆଁତାକି ଇଚିହଁ ଏଞ୍ଜାରି ତାକି ଏଞ୍ଜାସି ହାହାନା ଖେଣ୍ଡେ ନୀତାମାନେସି ।

୧୯ ଇଦାଆଁତାକି ମାମ୍ବୁ ଆମ୍ବାଆରାଇଁ ମାଣସି ଅଣପୁ ତଲେ ବିଚାରା କିହିଲଅମି । ଦିନା ମାତେ ଏଚିବେଲା ମାମ୍ବୁ କ୍ରୀସୁଇଁ ଜିକେଏ ମାଣସି ଅଣପୁ ତଲେ ଅଣପିମାଚମି, ସାମା ନୀଏଁ ମାମ୍ବୁ ଅଡ଼େ ଏଲେ କିହିହିଲଅମି ।

୨୦ ଇଦାଆଁତାକି ଆମ୍ବାଆସି କ୍ରୀସୁ ତାଣା ମାଚିସାରେ ଆଚିହଁ ଏଞ୍ଜାସି ପୁଞ୍ଜାସି ଆନେସି । ପାଣ୍ଡାଆୟି ବାରେ ମେଣ୍ଡାମାନେ, ମେହୁଦୁ ପୁଞ୍ଜାୟି ଆହା ଆନେ ।

୨୧ ଇ ବାରେ ମାହାପୁରୁ ତାଣାଟି ଆହାମାନେ, ଏଞ୍ଜାସି କ୍ରୀସୁ ତାଣାଟି ମାଜେ ତାନିତଲେ ଅଡ଼େ ଆଟ୍‌ହା ମାଞ୍ଜାନେସି ଇଞ୍ଜାଁ ତାନିତଲେ ସେବାକିନି ପାଣା ଆଟ୍‌ହାଲି ଏଞ୍ଜାସି ମାଜେ ଦାୟିପତି ହାହାମାଞ୍ଜାନେସି ।

୨୨ ଏ ଆଣ୍ଡିନି ବଲୁ ଇଦି, ମାହାପୁରୁ କ୍ରୀସୁ ତାଣା ଦାରୁତି ତାନିତଲେ ଆଟ୍‌ହାମାଚେସି; ଏଞ୍ଜାସି ଦାରୁତି ଲକୁଚି ଦହୁ ଆହୁଆନା ଏ ଆଣ୍ଡିନି ବଲୁଚି ମା ତାଣା ହେରପା ମାଞ୍ଜାନେସି ।

୨୩ ଏଦାଆଁତାକି ମାହାପୁରୁ ମା ଖାକିଟି ହାଟିମାଞ୍ଜାନାକି ମାରୁ କ୍ରୀସୁତି ଖାକିଟି ରାଜାତି କାବୁ ହେଖନାତାୟି ଆହାମାନାୟି; କ୍ରୀସୁ ତଲେ ମାରୁ ବାତିମାଲି ମାଞ୍ଜାନମି, ମାହାପୁରୁ ତଲେ ଅଡ଼େ ଆଣ୍ଡାପୁ ।

୨୪ ଇଚିହଁ କ୍ରୀସୁକି ଇଚାୟି ପାପୁ ହିଲାଆତି ଜିକେଏ, ମାହାପୁରୁ ତାଜେ ମା ତାକି ପାପୁ ଗାଗାଣିଲେହେଁ କିତେସି, ମାରୁ ଏନିକିଁ ତାନିତଲେ ଆଣ୍ଡାନା ମାହାପୁରୁତି ଦାମ୍‌ତା ଆଣ୍ଡାଲି ଆଡ଼ିନାୟି ।



୨୫ ମାହାପୁରୁ ତଲେ ଆଣ୍ଡୁଖି ଆହାନା କାମା କିହିମାନାକି ମାମ୍ବୁ ମୁଜେ ବାତିମାଲି ମାଞ୍ଜାନମି, ମୀ ଜୀସୁତା ମାହାପୁରୁତି କାର୍ମାମେହନାଣି ରଜେଏ କିଆପୁ ।

୨୬ ମାହାପୁରୁ ଏଲେଇଞ୍ଜା ମାନେସି,
“ମିଜେତାକି କାର୍ମା ମେସ୍ତାନି ଦିନା ଖାହାଲିଏ ନାନୁ ମୀ ଗହାରା ଖେଚେଏଁ,
ଗେଲୁପିନି ଦିନା ନାନୁ ମୀ ସାୟେମି ଆୟାତେଏଁ”
ମେହୁଦୁ ! ଇଦି ଆହିମାନେ ମାହାପୁରୁତି କାର୍ମାମେହନାଣି ବେଟାଆନି ବେଲା । ନୀଞ୍ଜୁ ଆହିମାନେ ଗେଲୁପିଆନି ଦିନା ।

୩ ଏନ୍ଦିକିଁ ମା ସେବା କାମା ନିନ୍ଦା ଆଏ, ଏଦାଆଁତାକି ମାମ୍ମୁ ଆମ୍ବାଆରି କାମାତା ବାଦା ହାଆଏ ଇଞ୍ଜିଁ ଅଣ୍ଡିମାନନି ।

୪ ଏଦାଆଁତାକି ମାମ୍ମୁ ବ୍ଲାରେବେଲା ମାହାପୁରୁତି ସେବା କିନାରା ଲେହେଁ ତସାକତିମାନନି, ସାମା ଆଟ୍ଟା ତଲେ ବାରେଲେହେଁତି ବାଦାତା, ହିଲାଆ ବେଲାତା କସ୍ତୁ ଅର୍ତ୍ତହମାନନି,

୫ ମାମ୍ମୁ ମାତା ବେଗାଆହାନା, କାୟିଦିତା, ଲକ୍ଷୁ ନକିତା ନିନ୍ଦା ବେଗାଆହାନା, ଇଞ୍ଜା ଖାହୁ କାମାତା, ଇଦା କିଆନା, ରାନ୍ଦା ତିନାଆନା ମାତନି,

୬ ସୁଦୁରି, ବୁଦିରି, ଅରୁହିନି ତାଣାଟି, କାର୍ମାମେହନି ତାଣାଟି, ସୁଦୁଜୀଞ୍ଜୁତା, କୁଚୁ ହିଲାଆନା ଜୀଞ୍ଜୁନନାୟି,

୭ ଅଡେ ସାତା ନେହଁ ବଲୁତା, ମାହାପୁରୁତି ବାଡ଼ୟୁ ତଲେ, ଚିଞ୍ଚି ଚେହି କେୟୁତି ବାମୁତି ସାନ୍ତୁ ତଲେ,

୮ ଗାଞ୍ଜୁରିନି ଅଡେ ଅପାଆ ତାଣା, ମାମ୍ମୁ ମୁନି ବେଗାଆହି ମାନନି ଇଞ୍ଜା ଲାଜା ବେଗାଆହି ମାନନି; ଇଞ୍ଜା ନାଡ଼ିକିଞ୍ଜି ଆହିମାନନି, ଆଡ଼ିଜିକେଏ ସାତା ଗାଟାତନି ।

୯ ପୁଣ୍ଡି ଆଆତି ଲକ୍ଷୁ ଲେହେଁ, ଆଡ଼ି ଜିକେଏ ନେହଁ ପୁଣ୍ଡିଆଡ଼ି ଲକ୍ଷୁ, ହାତାରି ଲେହେଁ ଆଡ଼ି ଜିକେଏ ମେହଦୁ ମାମ୍ମୁ ନୀତାମାନନି, ମାମ୍ମୁ ତ୍ରଣ୍ଡି ବେଗାଆହାମାନନି ସାମା ହାହା ହିଲଅନି,

୧୦ ମାମ୍ମୁ ଦୁକୁ ତଲେ ମାଟିହଁ ଜିକେଏ ବାରେବେଲା ରାହଁ ତଲେ ମାନନି, ମାମ୍ମୁ କାକୁଲି ଗାଟାତନି ଲେହେଁ, ସାମା ହାଡ଼େକା ଲକ୍ଷୁତାକି ବାଡ଼କା ମାନନି, ମାଜେ ଏନ୍ଦାୟି ହିଲାଆଲେହେଁ ସାମା ମାମ୍ମୁ ସାତାତଲେ ବାରେତି ଅଦିକାର ଗାଟାତନି; ଇ ବାରେତାଣା ମାମ୍ମୁ ମାହାପୁରୁତି ସେବା କିନାତନି ଲେହେଁ ଜାହାରାଇଁ ଜଡ଼େ ଗାଟାତନି ଇଞ୍ଜିଁ ତସାକତି ମାନନି ।

୧୧ କରନ୍ତିତା ମାନି ଜୀଞ୍ଜୁତି ତାୟିୟାଁ ଅଡେ ତାଜିସ୍ତାତେରି, କୁଚୁ ହିଲାଆଲେହେଁ ମିଜେ ବାରେ ଖେସା ମାଞ୍ଜାନନି । ମୀ ତାଣା ମା ହିୟାଁ ଦେତାମାନନି ।

୧୨ ମିଜେତାକି ମା ଜୀଞ୍ଜୁନନାୟି ଉଣା ଆହା ହିଲେଏ ସାମା ମା ତାକି ମୀ ଜୀଞ୍ଜୁନନାୟି ଉଣା ଆହାମାନେ ।

୧୩ ମିଜେ ନା ମୀରୁକା ମାସ୍କା ଇଞ୍ଜିଁ ଅଣ୍ଡାମାନା ଇ ବାରେ ଖେସିମାଞ୍ଜାଇଁ, ମାମ୍ମୁ ଜୀଞ୍ଜୁନହଁ ମାଞ୍ଜାନାକି ମୀ ହିୟାଁ ଦେପି ଆପେ ।

ଲାଗେଏ ତାଣାଟି ଜାଗାତା କିନାୟି

୧୪ ମୀରୁ ନାମାଆଗାଟାରି ତଲେ ରଲେଏତାତେରି ଆଡ଼ି ଲେହେଁ କାମା କିଆଦୁ, ଦାମୁଁ କାମାତା ଲାଗେଏତି କାମା ଏନ୍ଦିକିଁ ଆଣ୍ଡିନେ ? ଅଡେ ଆନ୍ଦେରି ତଲେ ଉଜେଡ଼ି ଏନ୍ଦିକିଁ ଆଣ୍ଡିନେ ?

୧୫ କ୍ରୀସ୍ତ ଇଞ୍ଜା ବିଲିୟାର୍ ଏନ୍ଦିକିଁ ଜାଚୁ ଆନେରି ? ନାମିତାରି ଇଞ୍ଜା ନାମାଆତାରି ଆମିନି କାତାତା ରଣ୍ଡିଏ ଆନେରି ?

୧୬ ମାହାପୁରୁତି ଇଲୁତା, ଏନ୍ଦିକିଁ ପେଣକାତି ପୁଜା ଆନେ ? ସାମା ମାର ନୀତାମାନି ମାହାପୁରୁତି ଇଲୁତାୟି, ଇତିହଁ ମାହାପୁରୁ ତାନୁଏ ଏଲେଇଞ୍ଜା ମାନେସି,

“ନା ଲକ୍ଷୁତଲେ ନାନୁ ବାସା କିଇଁ,
ଅଡେ ଏଞ୍ଜାରିତଲେ ମାଇଁ,
ନାନୁ ଏଞ୍ଜାରି ମାହାପୁରୁ ଆଇଁ,
ଅଡେ ଏଞ୍ଜାରି ନା ଲକ୍ଷୁ ଆନେରି ।”

୧୭ ଏଦାଆଁତାକି ପ୍ରବୁ ଏଲେଇଞ୍ଜି ମାନେସି,

“ମୀରୁ ଏଞ୍ଜାରି ତାଣାଟି ହଡ଼ା ଖାଦୁ,
ଏଞ୍ଜାରି ତାଣାଟି ଏଟ୍ଟା ଆଦୁ,
ଏନ୍ଦି ଲାଗେଏତି ଦିଶ୍ଟା ତାଗାଆଦୁ,
ଆଡ଼ିହଁ ନାନୁ ମିଜେ ଆବାଇଁ,

୧୮ ନାନୁ ମୀ ଆବା ଆଇଁ,
ଅଡେ ମୀରୁ ନା ମୀରୁକା ମାସ୍କାତେରି ଆଦେରି,
ବାରେକିହାଁ ବାଡ଼ୟୁଗାଟି ପ୍ରବୁ ଇଦାଆଁ ଖେସିମାଞ୍ଜାନେସି ।”

☆ ୬:୫ କାମା ୧୭:୨୩ ☆ ୬:୧୭ ୧କର ୩:୧୭; ୬:୧୯



୧ ଇଚିହଁ, ଏ ତାୟିୟା ଅଡ଼େ ତାଜିୟାତେରି, ଇ ବାରେ ଆଞ୍ଜାମାଗାଣି ମେଡ଼ା ଆହାମାନାକି ଖାଦୁ, ମାରୁ ମା ଆଜ୍ଞା ଅଡ଼େ ଜୀଞ୍ଜୁତି ଲାଗେବ ତାଣାଟି ଆଡ଼ହା କଡ଼ିନ, ଇଞ୍ଜା ମାହାପୁରୁଇଁ ଆଜାନା ସୁଦୁ ମାଣକିତା ନେହଁ ଆନ ।

ପାଞ୍ଜୁଲତି ରାହଁ

୨ ମୀ ହିୟାତା ମାଜେ ଗାୟୁ ହିୟାଦୁ, ମାମ୍ନୁ ଆମ୍ବାଆରାଇଁ ଲାଗେବ କିହାହିଲଅମି, ଆମ୍ବାଆରାଇଁ ନାସା କିହାହିଲଅମି କି ଆମ୍ବାଆରାଇଁ ବୁଡ଼ଞ୍ଜି କିହାହିଲଅମି ।

୩ ନାନୁ ମିଜେ ଦହ ଦସାଲି ଇଦାଆଁ ଝେସିମାଞ୍ଜଅଁ; ଇଚିହଁ ନାନୁ ତଲିଏ ଝେସାମାଞ୍ଜାଇଁ, ମୀରୁ ମା ହିୟାତା ଏଚେକା ଗାୟୁ ବେଗାଆହାମାନାକି ମାରୁ ହାଡ଼ିହଁ ରଣ୍ଡିଏ ତାଣା ହାନ, ନୀଡ଼ିତିହଁ ରଣ୍ଡିଏ ତାଣା ନୀଡ଼ିନ ।

୪ ମୀ ତାଣା ନାଜେ ହାରେକା ନାମ୍ନୁ ମାନେ, ମିଜେତାକି ନାଜେ ହାରେକା ବଡ଼ପଣ ହଡ଼ି ମାଞ୍ଜାନେ; ନାନୁ ଦୁକୁ ଦୁକହା ମାଇଁ, ମା ବାରେ କସୁତା ନାନୁ ସାସା ଆହାମାଇଁ, ଅଡ଼େ ନା ହିୟାତା ରାହଁ ହଡ଼ିମାଞ୍ଜାନେ ।

୫ *ମାକିଦନିୟାତା ଏଜାଲିଏ ଜିକେଏ ପାଞ୍ଜାତା ଗଡ଼ହା ବିତ୍ରା ଆଜି, ଇଲେତି କସୁ ବେଗାଆହାଲିଏ ମା ଆଜ୍ଞା ଜିକେଏ ଜମାଲି ପୁଞ୍ଜଆତେ ।

୬ ସାମା ହେଲା ଗାଗରାଇଁ ସାସା ହାନି ତିତସଇଁ ମାହାପୁରୁ ପାଣ୍ଡାନା ମାଜେ ସାସା ହିୟାତେସି ।

୭ ଖାରଇ ତାନି ଖାଡ଼ାକି ରାହଁ ଆଏ, ସାମା ଏଞ୍ଜାସି ମୀ ତାଣା ହାଜାନା ଏମିନି ସାସା ବେଗାଆହାମାନେସି । ଏମ୍ବାଟି ମାଜେ ସାସା ହିୟାତେସି, ଏଚେକା ନାଜେ ମେସାଲି ମୀରୁ ଅଣପିମାଞ୍ଜେରି, ଏଚେକା ମୀରୁ ଦୁକୁ କିହିମାଞ୍ଜେରି, ମୀରୁ ନା ତାଣା ବାସୁଁ ଇଗାଲି ଏଚେକା ତିୟାରା ଆହାମାଞ୍ଜେରି, ଏଦାଆଁତାକି ନାନୁ ନୀଏଁ ହାରେକା ରାହଁ ଆହିମାଇଁ ।

୮ ନାନୁ ନା ତଲିତି ଆକୁତା ମିଜେ ଦୁକୁ ହାହାମାଞ୍ଜାତିହଁ ଜିକେଏ ଏଦାଆଁତାକି ଦୁକୁ ଆଏ; ଏ ଆକୁ ଗାଡ଼େକା ତାକି ମିଜେ ଦୁକୁ ହାହା ମାଞ୍ଜାନାଣି ମେସାନା ନାନୁ ଦୁକୁ ଆଡ଼ିଜିକେଏ

୯ ନୀଏଁ ରାହଁ ଆହିମାଇଁ, ମୀରୁ ନୀଏଁ ଦୁକୁ ଆଡ଼େରି ଏଦାଆଁତାକି ଆଏ, ସାମା ମୀ ଦୁକୁ ମିଜେ ମନ ଝେଟ୍ପି କିତାକି ରାହଁ ଆହାମାଇଁ; ଇଚିହଁ ମା ତାଣାଟି ମୀଦି ଏଦାୟିଞ୍ଜା ବୁଡ଼ଞ୍ଜି ଆଆପେ, ଏଦାଆଁତାକି ମୀରୁ ମାହାପୁରୁ ତାଣାଟି ଦୁକୁ ବେଗା ଆହାମାଞ୍ଜେରି ।

୧୦ ମାହାପୁରୁ ତାଣାଟି ଖାନ୍ତି ଦୁକୁ ଗେଲପାଲିତାକି ମନ ଝେଟ୍ପି କିଞ୍ଜିକିନେ, ଏଦାଆଁତାକି ଅଣପିନାୟି ଲଡ଼ା ହିଲେଏ; ସାମା ଇ ଦାରୁଡ଼ିତି ଦୁକୁ ହାଞ୍ଜିକିନେ ।

୧୧ ମେହଦୁ ମାହାପୁରୁତି ମନଡ଼ଲେ ଆମିନି ଦୁକୁ ବେଗାଆଡ଼େରି, ଏଦି ମୀ ତାଣା ଏଚେକା ରାହଁଗାଗାୟି, ହାଅ, ମୀ ଦହ ହିଲାଆଗାଗାଣି ତସାମାନେ, ହାଅ ଏଚେକା ଅଣପୁ, ଏଚେକା ଆଜି, ଏଚେକା ମନ, ଏଚେକା ସେବା, ଲାଗେବତାଣି ତଣ୍ଡ ହାହାଲି ଏଚେକା ଅଣପୁ, ଏ ବାରେ ତାଣାଟି ମୀରୁ ଅଡ଼ହାତେରି ଇଞ୍ଜଁ ତଞ୍ଜା ଆହିମାଞ୍ଜେରି ।

୧୨ ଇଦାଆଁତାକି ନାନୁ ମୀ ତାଣା ଏ ଆକୁ ରାଡ଼ିତେଏଁ, ଆଡ଼ିହଁ ଜିକେଏ ଆମ୍ବାଆସି ଲାଗେବ କିହାମାନେସି, କି ଆମ୍ବାଆସି ଲାଗେବତାଣି ଅଡ଼ହା ମାନେସି, ଏଞ୍ଜାଣାକି ରାଡ଼ିତେଏଁ, ଏଦି ଆଏ, ସାମା ମାଜେ ତାକି ମୀ ରାହଁ ଏନିକିଁ ମାହାପୁରୁ ନକିତା ମୀ ତାଣା ସାତେଏ ଇଞ୍ଜଁ ତଞ୍ଜାଆନେ, ଏଦାଆଁତାକି ରାଡ଼ିତେଏଁ । ଇଚିହଁ, ମାମ୍ନୁ ସାସା ବେଗାଆହାମାନମି ।

୧୩ ଅଡ଼େ ମା ବାସୁଁତା ମାମ୍ନୁ ତିତସ ରାହଁତାକି ହାରେକା ରାହଁ ଆଡ଼ମି, ଇଚିହଁ ଏଞ୍ଜାଣି ଜୀଞ୍ଜୁ ମୀ ବାରେ ଜାଣା ତାଣାଟି ରାହଁ କିହାମାଞ୍ଜେରି ।

୧୪ ଆଡ଼ିହଁ ଏନି କାତା ତିତସ ତାଣା ମୀ ତାକି ନାନୁ ବଡ଼ପଣ କିହାମାଇଁ, ଆଡ଼ିଁ ଲାଜା ଆହାହିଲଅଁ, ସାମା ଏନିକିଁ ମାରୁ ବାରେ କାତାତା ମିଜେ ସାତା ଝେସାମାଞ୍ଜାତମି, ଏଲେକିହଁ ତିତସ ନକିତା ମା ବଡ଼ପଣ ଆନାୟି ଜିକେଏ ସାତା ଇଞ୍ଜଁ ପୁଣ୍ଡିଆହାମାନେ ।

୧୫ ଇଞ୍ଜା ମୀରୁ ଏନିକିଁ ଆଜି ଅଡ଼େ ତୀରୁରିହଁ ଏଞ୍ଜାଣାଇଁ ଆବାହାଁ ଏଞ୍ଜାଣି ତାଣା ବାରେଜାଣା ତେରି ମାନୁଞ୍ଜି ଆଡ଼େରି, ଏ ବାରେ ଅଣପାନା ମିଜେତାକି ତାନି ହିୟାତା ଜୀଞ୍ଜୁନନାୟି ହାରେକା ପାତା ଆଡ଼େ ।

୧୬ ନାନୁ ବାରେ ତାଣାଟି ମିଜେ ହାରେକା ନାମାଲି ଆଡ଼ାଇଁ ଏଦାଆଁତାକି ନାଜେ ହାରେକା ରାହଁ ହଡ଼ିମାଞ୍ଜାନେ ।

* ୭:୫ ୨କର ୨:୧୩



କ୍ରୀସ୍ତୀନା ଲକ୍ଷ୍ମୀ ଦାନା ହୀନାୟି

୧ ଏ. ମା. ତାୟିୟାଁ ଅଡ଼େ ତାଜିୟାତେରି, ମାକିଦନିୟା କୁଲମିକାଣା ମାହାପୁରୁ ହୀହାମାନି କାର୍ମାମେହନାଣି ବେଟାଆହାମାନେ, ଏଦାଆଁ ମାମୁ ମିଜେ ଝେସିମାଞ୍ଜାନମି;

୨ ଏଞ୍ଜାରି ବେଟାଆହାମାନି ହାରେକା କସ୍ତତଲେ ତାୟିପାରି କିଞ୍ଚି ଆହାମାନେରି; ଏଞ୍ଜାରି ହାରେକା ହାକି କାକୁଲି ଗାଗାରି ଇଚିହଁ ଜିକେଏ; ଜାହାରା ଅଣ୍ଡପୁ ତଲେ ତାମି ଦାନା ହୀନି ତାଣା ଏଞ୍ଜାରି ରାହାଁ ହାରେକା ମାଟେ ।

୩ ଏନାଆଁତାକି ଇଚିହଁ ନାନୁ ସାକି ହାହିମାଜ୍, ଏଞ୍ଜାରି ଆଡ଼ିନି ପାତେକା, ସାମା ଏଞ୍ଜାରି ଆଡ଼ିନି ବାଡ଼ୁଛୁ କିହାଁ ଜିକେଏ ହାରେକା ଗାଡ଼ି ଦାନା ହୀହାମାନେରି ।

୪ ଜୀହୁଦାତା ମାନି ମାହାପୁରୁ ଲକ୍ଷ୍ମି ସେବା କାମାତା ଆଣ୍ଡିଆନି କାର୍ମାମେହନାଣି ମେଡ଼ା ଆହାଲିତାକି ଏଞ୍ଜାରି ଜାହାରା ଅଣ୍ଡପୁ ତଲେ ବାଡ଼ିମାଲିହଁ ମାଜେ ହେଲ ରାସ୍ତାତେରି;

୫ ଏଞ୍ଜାରି ଝାରୁଇ ମା ଆସା କିହାମାନିଲେହେଁ କିହାହିଲାଆତେରି, ସାମା ମାହାପୁରୁ ମନତଲେ ସାଲ୍ଡି ଆହାନା ତଲିଏ ଜାହା ଜାହାରାଜ୍ ପ୍ରବୁ ତାଣା ଇଞ୍ଜା ମା ତାଣା ହେରୁପାତେରି ।

୬ ତିତସ ମୀ ତାଣା ଏ କାର୍ମାମେହନି କାମା ଏନିକଁ ମାଟୁହା ମାଟେସି, ଏଲେକିହଁ ଏ ଏଦାଆଁ ରାପୁହାଲି ଏଞ୍ଜାଣାଇଁ ସାସା ହୀତମି ।

୭ ମୀରୁ ବାରେ ତାଣାଟି ନକିତା ଆହାମାଞ୍ଜେରି, ଇଚିହଁ ନାମୁ, କହୁଗାଗାରି, ବୁଦି ଇଞ୍ଜା ବାରେଲେହେଁତି ରାହାଁ, ମିଜେତାକି ମା ଜୀହୁନନାୟି, ଏଲେକିହଁ ବାରେ କାତା ଏନିକଁ ମୀ ତାଣା ହାରେକା ତଞ୍ଜା ଆହିମାନେ, ଏଲେକିହଁ ଏ ଇ କାର୍ମାମେହନି କାମା ଜିକେଏ ମୀ ତାଣା ହାରେକା ତଞ୍ଜାଆପେ ।

୮ ନାନୁ ହୁକୁମି ହୀନି ଲେହେଁ ଝେସିମାଞ୍ଜାଅଁ, ସାମା ଅର ଲକ୍ଷ୍ମି ରାହାଁ ଆହାଲି ତସାନା ମୀ ଜୀହୁନନାୟି ସାତା କି ଆଏ ତାୟିପାରି କିହାଲି ଝେସିମାଞ୍ଜାଇଁ ।

୯ ଇଚିହଁ ମା ପ୍ରବୁ ଜୀସୁ କ୍ରୀସ୍ତୀ କାର୍ମାମେହନାଣି ମୀରୁ ପୁଞ୍ଜାମାଞ୍ଜେରି, ମୀରୁ ଏନିକଁ ଏଞ୍ଜାଣି ହିଲାଆଗାଟି ତାଣାଟି ଦନ ଗାଗାତେରି ଆଦେରି, ଏଦାଆଁତାକି ଏଞ୍ଜାସି ଦନଗାଗାସି ଆଡ଼ିଜିକେଏ ମୀ ତାକି ହିଲାଆଗାଗାସି ଆଡ଼େସି ।

୧୦ ଏଦାଆଁତାକି ନା ଅଣ୍ଡପୁ ଇଦି, ଏ ବାରେ ମିଜେତାକି ନେହେଁ, ଏନିକିହଁ ଡାଣ୍ଡୁସିଏ ମୀରୁ ମୁଲୁଏ କାମା ମାଟୁହେରି, ଏଡ଼ି ଆଏ, ସାମା ଏ କାମା କିୟାଲି ନକେଏ ଜିକେଏ ଅଣ୍ଡପାମାତେରି ।

୧୧ ନୀଏଁ ଏ କାମା ଜିକେଏ ରାପୁଡୁ, ମୀରୁ ଏ କାମା କିହାଲି ଏନିକଁ ଅଣ୍ଡପାମାତେରି, ଏଲେକିହଁ ରାହାଁତି ଅଣ୍ଡପୁ ତଲେ ଏ କାମା ରାଦେନ ।

୧୨ ଇଚିହଁ ହୀହାଲିତାକି ରାହାଁ ମାଟିହଁ ମାଣ୍ଡସି ତାନି ଆଡ଼ିନିଲେହେଁ ଏନାଆଁ ହୀନେସି, ମାହାପୁରୁ ନକିତା ନେହାୟି ଆନେ ।

୧୩ ଇଚିହଁ ଏଟକାତାରି ଏନିକଁ ସୁକୁ ବେଟାଆନେରି, ଇଞ୍ଜା ମୀରୁ କସ୍ତ ବେଟାଆପୁ, ଏଦାଆଁତାକି ନାନୁ ଇଦାଆଁ ଝେସିମାଞ୍ଜାଅଁ;

୧୪ ସାମା ସମାନା ଆହାଲିତାକି ନୀଏଁ ମୀ ବାଡ଼କୁ ତଲେ ଏଞ୍ଜାରି ଲଡ଼ା ମାନାଣି କିଞ୍ଚି ଆହିମାନେ, ଏନିକିହଁ ଏଞ୍ଜାରି ବାଡ଼କୁ ତଲେ ମୀ ହିଲାଆଗାଗାଣି ପୁରା କିଞ୍ଚିଆନେ, ଇଞ୍ଜା ଇଲେଆହଁ ସମାନା ତଞ୍ଜାଆନେ,

୧୫ ଦାମ୍ପତ୍ତିତା ଏନିକିହଁ ରାସ୍ତକି ଆହାମାନେ, “ଆମ୍ବାଆସି ହାରେକା କୁଡ଼ି କିତେସି, ଏଞ୍ଜାଣିଝାୟି ହାରାଆତେ, ଇଞ୍ଜା ଆମ୍ବାଆସି ଉଣା କୁଡ଼ି କିତେସି, ଏଞ୍ଜାଣାକି ଉଣା ଆଆତେ ।”

ତିତସ ଅଡ଼େ ତାନି ଆଡ଼ିହତାରି

୧୬ ମାହାପୁରୁକି ଜହରା ଆପେ, ଏଞ୍ଜାସି ମିଜେତାକି ତିତସ ହିୟାଁତା ରାହାଁ କିହାଲି ସମାନା ଅଣ୍ଡପିନି ମନ ହୀତେସି ।

୧୭ ଇଚିହଁ ଏଞ୍ଜାସି ଝାରୁଇ ମା ବାଡ଼ିମାଲିତାଣି ଅପିତେସି, ଏଡ଼ି ଆଏ, ସାମା ଏଞ୍ଜାସି ତାନୁଏ ହାରେକା ରାହାଁ ଆହାଁ ମୀ ତାଣା ଝାହାଲି ଏଞ୍ଜାସି ମନ କିହିମାନେସି ।

୧୮ ଏଞ୍ଜାଣିତଲେ ମାମୁ ଅର ତାୟିଜ୍ ପାଣ୍ଡିମାଞ୍ଜାନମି; ଏଞ୍ଜାସି ନେହଁ କାବୁ ଝେକ୍ନି କାମାତାକି ତାନି ଗାଧୁରମି ବାରେ କ୍ରୀସ୍ତୀନା କୁଲମିତା ଝେଜାମାନେ,

୧୯ ଖାରୁଇ ଏଦି ଆଏ, ସାମା ଏଝାସି ଜିକେଏ ମା ସେବା ତଲେ ଆହିମାନି ଈ କାର୍ମାମେହ୍ନି କାମା ତଲେ ପ୍ରବୁତି ଗାଝୁରମି ଇଞ୍ଜା ରାହାଁ ଅଣପୁ ତାକି ମା ତଲେ ତାକିନାସି ଆହାଲିତାକି କୁଲମିକା ତଲେ ଆତ୍ଵି ଆହାମାନେସି ।

୨୦ ମା ତଲେ କିହିମାନି ଈ ସେବା କାମା ଲେହେଁ ହାରେକା ଦାନାତି କାତାତା ଆମ୍ବାଆସି ଏନିକିହ୍ ମାଜେ ଦହ ଦସ୍ତାଆପେସି, ଏଦାଆଁତାକି ଜାଗ୍ରାତା ଆହିମାନମି;

୨୧ ଇତିହ୍ ଖାରୁଇ ପ୍ରବୁ କାନୁତାକି ଆଏ, ସାମା ଲକୁ କାନୁତାକି ଜିକେଏ ଏନାୟି ନେହାୟି, ଏଦାଆଁ ବାରେ କିହାଲି ଅଣପିମାନମି ।

୨୨ ଅଡେ, ମାମ୍ ମା ଅର ତାୟିଇଁ ଜିକେଏ ଏଝାରିତଲେ ପାଣ୍ଡିମାଞ୍ଜାନମି, ଏଝାଣାଇଁ ମାମ୍ ହାରେକା କାତାତା ହାରେକା ଦେବା ତାୟିପାରି କିହାଁ ରାହାଁତଲେ କାମାକିନାସି ଇଞ୍ଜା ନେହ୍ କି ପୁଞ୍ଜାମାନମି, ଇଞ୍ଜା ମୀ ତାଣା ଆତ୍ଵା ନାମ୍ କିହାଁ ମାନାକି ଏଝାସି ନୀଏଁ ହାରେକା ରାହାଁ ଆହାମାନେସି ।

୨୩ ତିତସ କାତା ଆମ୍ବାଆସି ଝେଞ୍ଜାତିହ୍, ଏଝାସି ନା ଆତ୍ଵିତାସି ଇଞ୍ଜା ମୀ ତାକି ନା ତଲେ କାମାକିନାସି; ଇଞ୍ଜା ମା ତାୟିୟାଁ କାତା ଝେଞ୍ଜାତିହ୍, ଏଝାରି କୁଲମିକା ତାଣାତି ପାଣ୍ଡି ଆହାମାନାରି, ଅଡେ କ୍ରାସ୍ତ ଗାଝୁରମି ଝେଞ୍ଜା କିହି ମାନାରି ।

୨୪ ଇତିହ୍ ମୀ ଜୀଝୁନନାୟି ଇଞ୍ଜା ମୀ କାତାତା ମା ବଡପଣତି ପାର୍ମାଣା କୁଲମିକା ନକିତା ଏଝାରାକି ତହ୍ପୁ ।



ହାକିଗାତି କ୍ରାସ୍ତାନା ଲକୁଣି ସାଝେମି

୧ ଜାହୁଦାତା ମାନି ମାହାପୁରୁ ଲକୁଇଁ ସାଝେମି କିନି କାତା ଅଡେ ମିଜେ ରାଗାଲି ଲଡ଼ା ଆଏ;

୨ ନାନୁ ପୁଞ୍ଜାମାଇଁ ମୀରୁ ବାରେବେଲା ସାଝେମି କିହାଲି ତିୟାରା ଆହାମାଞ୍ଜେରି ଇଞ୍ଜା ମାକିଦନିୟାତି ଲକୁ ତାଣା ମୀ ତାକି ନାନୁ ବଡପଣ ଆହିମାଇଁ । ନାନୁ ଝେସାମାଚେଏ, “ଆକାୟାତି ତାୟିୟାଁ ସାଝେମି କିହାଲି ହାତି ବାସାଟିଏ ତିୟାରା ଆହାମାନେରି ।” ମୀରୁ ଏଲେକିଁ ସାଝେମି କିନାୟି ଏଝାରି ବିତ୍ରାତି ହାରେକା ଲକୁଣି ଜାଗ୍ରାତା କିହାମାନେ ।

୩ ଆଡିଜିକେଏ ନାନୁ ତାୟିୟାଁଇଁ ପାଣ୍ଡିମାଞ୍ଜାଇଁ, ମୀ ତାକି ବଡପଣ ତହ୍ନାୟି ଏନିକିଁ ଉଜେଏ ଆଏ, ସାମା ନା କାତାଲେହେଁ ହାହାଲିତାକି ଜାଗ୍ରାତା ଆଦୁ,

୪ ଏଡେତା ଆପେ ନା ତଲେ ଆମିନି ଲକୁ ପାଚେ ମାକିଦନିୟାତି ଝାହାଁ ମୀ ଦାନା କୁଡି କିହା ହିଲାଆ ଗାଟାଣି ମେସିହ୍ ମୀରୁ ପାଣ୍ଡିନି ଲାଜା ପିସାନା ମାମ୍ ଲୁ ଆତ୍ଵା ନାମ୍ବୁତି କାତାତାକି ଲାଜା ବେଟାଆନମି

୫ ମୀରୁ ତଲିଏ ଆଞ୍ଜାମାତି ଦାନା ଏନିକିଁ ଗୁରୁମ୍ବୁ ଆହ୍ ହାନାୟି ଆଆନା ଜାହାରା ଅଣପୁ ତଲେ ଆନେ, ଏଦାଆଁତାକି ତଲିଏ ଏ ଦାନା କୁଡିକିହାଲି ତିୟାରା କିହାଲି ନବେଏ ମୀ ତାଣା ହାଜାଲିତାକି ନାନୁ ଏ ତାୟିୟାଁଣି ବାତିମାଲାଲି ଅଣପାମାଚେଏ ।

୬ ସାମା ଈ କାତା ସାତା, ଆମ୍ବାଆସି ରଚାଣି ବିଟା ମାଟିନେସି, ଏଝାସି ଇଚାଣି ତାସା ବେଟା ଆନେସି; ଅଡେ ଆମ୍ବାଆସି ଗାତି ବିଟା ମାଟିନେସି, ଏଝାସି ଗାତି ତାସା ବେଟାଆନେସି ।

୭ ବାରେଜାଣା ଜାହାରା ହିୟାଁ ଏନିକିଁ ଅଣପା ମାନେ, ଏଲେକିଁ କିପେରି, ମୁସ୍ କି ବାଲାମାତମି ତଲେ ଆଏ; ଏନାଆଁତାକି ଇତିହ୍ ମାହାପୁରୁ ଜାହାରା ଅଣପୁ ତଲେ ଦାନାହାନି ଲକୁଣି ଜୀଝୁ ନନେସି ।

୮ ଅଡେ, ବାରେ ଦିଶପୁ ବାରେବେଲା ହାରେପୁରେ ବେଟାଆହାଁ ମୀରୁ ଏନିକିଁ ବାରେ ନେହ୍ କାମାତାକି ହାରେକା ଇଞ୍ଜା ହାରେକା ଦାନା କିହାଲି ଆଡିଦେରି, ଏଦାଆଁତାକି ମାହାପୁରୁ ମିଜେ ବାରେଲେହେଁତ କାର୍ମା ହାରେପୁରେ ହାହାଲି ଆଡାନେସି ।

୯ ଦାମ୍ପପତିତା ରାସ୍ କି ଆହାମାନେ,

“ଏଝାସି କେୟୁ ଦେଚାନା ଦାନା ହାହାମାନେସି,

ଏଝାସି ହିଲାଆ ଗାଟାରାକି ହାରେପୁରେ ହାହାମାନେସି; ଏଞ୍ଜାଣି ଦାମ୍ପ ଏବେଲାଞ୍ଜା ରାଏ ।”

୧୦ ମାହାପୁରୁ ମାଟିନାଣାକି ବିଟା ଅଡେ ତିଞ୍ଜାଲି ରାନ୍ଦା ହାନେସି, ଏଝାସି ମାଗାଲିତାକି ମିଜେ ବିଟା ହିୟାନେସି ଇଞ୍ଜା ଏଦାଆଁ ପାତିକିନେସି, ଅଡେ ମୀ ଦାମ୍ପତି ପାଡେୟି ଗାତି କିନେସି ।

୧୧ ଏଲେକିଁ ମୀରୁ ବାରେ ଦିଶପୁଟା ବାଡକାନା ଜାହାରା ଅଣପୁ ତଲେ ଦାନା କିହାଲି ଆଡିଦେରି, ଇଞ୍ଜା ଏଦି ମା ତାଣାତି ମାହାପୁରୁଇଁ ଜହରା କିନାୟି ଆନେ ।

୧୨ ଇତିହାସ ଇ ଦାନା ହାନି ଯେବା କାମା ମାହାପୁରୁ ଲକ୍ଷ୍ମି ଲତ୍ତାମାନାଣି ପୁରା କିହିମାନେ, ଏଦି ଆଏ, ସାମା ଏଦାଆଁ ତଲେ ଜିକେଏ ମାହାପୁରୁତି କାମାତା ହାରେକା ଲକ୍ଷ୍ମି ରାହାଁତଲେ ଜହରା କିହିମାନେରି ।

୧୩ ଇତିହାସ ଇ ଯେବା କାମାତି ପାର୍ମାଣା ତାକି ଲକ୍ଷ୍ମି ମିଜେ ଆବିମାଞ୍ଜାନି କ୍ରୀସ୍ତତି ନେହଁ କାବୁତି ନାମ୍ନ, ଇଞ୍ଜା ମାହାପୁରୁତି ଲକ୍ଷ୍ମି ଅଡ଼େ ବାରେତାକି ମୀ ଆଣ୍ଡିନାୟି ତୀରୁପୁ ତାକି ମାହାପୁରୁତି ଗାଞ୍ଜୁରମି କିହିମାନେରି ।

୧୪ ମିଜେ ମାହାପୁରୁତି ହାରେପୁରେ କାର୍ମାମେହ୍ନାଣି ତାକି ଏଞ୍ଜାରି ଜିକେଏ ହାରେକା ରାହାଁତଲେ ପ୍ରାତାନାତା ମିଜେ ଅଣ୍ଡିମାଞ୍ଜାନେରି ।

୧୫ ମାହାପୁରୁତି ହାରେପୁରେ ଦାନା ତାକି ତାଜେ ଜହରା ଆପେ ।

୧୦

ପାଞ୍ଚଲ ତାନି ଯେବା କାମାତାକି ଖେଣ୍ଡେଖେହ୍ନାୟି

୧ ନାନୁ ପାଞ୍ଚଲତେଏଁ ମୀ ନକିତା ସାପି ଆହା ମାନାତେଏଁ ସାମା ହେକ ମାନାଟି ବାଡ଼ୁୟୁ ତହ୍ନାତେଏଁ, ନାନୁଏ କ୍ରୀସ୍ତତି ସୁଦୁଗାଟି ଅଣ୍ଡପୁ ତଲେ ମିଜେ ବାତିମାଲିହଁ ରାସିମାଞ୍ଜାଲି,

୨ ହାଅ ନାନୁ ପ୍ରାତାନା କିହିମାଲି, ମାର ମାଣ୍ଡସିତି ଅଣ୍ଡପୁ ତଲେ ତାକିମାନାୟି ଇଞ୍ଜା ଅଣ୍ଡିମାନାରି କପାଟି ବାଡ଼ୁୟୁ ତସାଲି ଅଣ୍ଡପାମାଲି, ଇଞ୍ଜା ନାନୁ ଖାଡ଼ିସାରେ ଏଲେତି ବାଡ଼ୁୟୁ ତସାଲି ଆଏ;

୩ ମାର ଇ ଦାର୍ତତିତା ଆଞ୍ଜା ତଲେ ନୀତାମାନାୟି ସାତା, ସାମା ମାର ଦାର୍ତତିତି ଅଣ୍ଡପୁ ତଲେ ଜୁକୁ କିହି ହିଲାଆୟି,

୪ ଇତିହାସ ମା ଜୁକୁତି ସାକୁ ଆଞ୍ଜାତି ଜୁତି ତଲେ ଆଏ, ସାମା କାଜା କଟା ଇଲୁ ମେକହାଲି ମାହାପୁରୁ ନକିତା ଏ ବାରେ ବାଡ଼ୁୟୁ ଆନେ;

୫ ମାମ୍ନ ମୁଟି ଅଣ୍ଡପୁ କାତା ବାରେ ଅଡ଼େ ମାହାପୁରୁତି ବୁଦି କପାଟି ନିଜିନି ବତପଣ ତହ୍ନି କାଜା କାତାତି ବାରେ ମେକନମି; ଅଡ଼େ ବାରେଲେହେତି ଅଣ୍ଡିମାଣି ଆସାନା କ୍ରୀସ୍ତତି ମାନ୍ତି ଆୟାଲି ଦସ୍ପି କିହିମାନମି ।

୬ ଏତିବେଲା ମାରୁ ବାରେ ଖାକିଟି ମାନୁଡ଼ି ଆଡ଼େରି, ଏତିବେଲା ମାମ୍ନ ମାନୁଡ଼ି ଆଆଗାଗାଣି ବାରେ ତଣ୍ଡ ହାନମି ।

୭ ମାରୁ ସାରିସୁଟ ପାଞ୍ଜାତା ତଞ୍ଜା ଆହିମାନାଣି ମେସିମାଞ୍ଜେରି । ଆମ୍ନାଆସି ଜାହାରାଇଁ କ୍ରୀସ୍ତତି ଲକ୍ଷ୍ମିତେଏଁ ଇଞ୍ଜା ନାମିନେସି, ଆତିହଁ ଏଞ୍ଜାସି ଏନିକଁ କ୍ରୀସ୍ତତି ଲକ୍ଷ୍ମି, ମାମ୍ନ ଜିକେଏ ଏଲେକଁ କ୍ରୀସ୍ତତି ଲକ୍ଷ୍ମି, ଇଦାଆଁ ତାନୁଏ ଅଣ୍ଡପାପେସି ।

୮ ଇତିହାସ ମା ଅଦିକାରା ତାକି ନାନୁ ଅଲ୍ପ ଗାତି ବତପଣ ତସି ଜିକେଏ ଲାଜା ଆର୍ପି; ମିଜେ ନାସଞ୍ଜି କିହାଲି ପ୍ରୁ ମାଜେ ଅଦିକାରା ହାଆନା ମିଜେ ତିୟାରା କିହାଲି ହାହାମାଞ୍ଜାନେସି ।

୯ ନା ରାଡ଼ିତି ଆକୁୟାଁ ତଲେ ନାନୁ ମିଜେ ଆଜିକିହି ମାଞ୍ଜାନେସି ଇଞ୍ଜା ଅଣ୍ଡପାଆଦୁ ।

୧୦ ଏତରଜାଣା ଏଲେଇନେରି, ପାଞ୍ଚଲ ତାନି ଆକୁ ରାଡ଼ିନାଟି ଅଦିକାରା ଅଡ଼େ କାଜା ବାଡ଼ୁୟୁ ଗାଟାଲ, ସାମା ମା ତଲେ ଆଞ୍ଜାତା ମାନାଟି ଏଞ୍ଜାସି ବାଡ଼ୁୟୁ ହିଲାଆଗାଗାସି ଅଡ଼େ ତାନି କାତା ବାରେ ଉଜେଏତାୟି ।

୧୧ ମାମ୍ନ ହେକ ମାଞ୍ଜାନା ଆକୁତା ରାଡ଼ିନି କାତା ଏନିଲେହେତାୟି, ମୀ ତଲେ ମାଞ୍ଜାନା କିନି କାମା ଜିକେଏ ଏଲେତାୟିଏ ଇଞ୍ଜା ଲକ୍ଷ୍ମି ଅଣ୍ଡପାପେରି ।

୧୨ ଇତିହାସ ଆମ୍ନାଆରି ଜାହାରାଇଁ ବତପଣ ତସା କତିନେରି, ଏଞ୍ଜାରି ତଲେ ମାଜେ ଲେକା କିହାଲି ଜିକେଏ ମା ସାସା ହିଲେଏ; ସାମା ଏଞ୍ଜାରି ତାମ୍ନୁତାନି ତାଣାଟି ଜାହାରାଇଁ ଲେକା କିହାନା ବୁଦି ହିଲାଆଗାଗାରି ତଞ୍ଜା ଆନେରି ।

୧୩ ସାମା ମାମ୍ନ ହାୟି ଗାଣ୍ଡା ହାଜାନା ବତପଣ ତହ୍ନିଆସି; ମାରୁ ଜିକେଏ ମାହାପୁରୁ ମାଜେ ହେର୍ପା ମାଞ୍ଜାନି କାମାଟି ହାୟି ବିଦ୍ରା ତାତେରି, ଏ ଲେକା ତଲେ ବତପଣ କିଦେରି ।

୧୪ ଇତିହାସ ମାରୁ ମା ହାୟି ବିଦ୍ରା ହିଲାଆତି ଲେହେଁ ମାମ୍ନୁହାୟି ଗାଣ୍ଡା ମାନମି, ଏଦି ଆଏ; ଏନିଇତିହାସ କ୍ରୀସ୍ତତି ନେହଁ କାବୁ ଖେକହିହଁ ମାମ୍ନୁମୀ ତାଣା ଜିକେଏ ତଲିଏ ଖାହାମାତମି;

୧୫ ମାହାପୁରୁ କିହିମାନମି ମା କାମାଟି ପାଞ୍ଜାତା ଏଟକା ଲକ୍ଷ୍ମି କାମାତା ବତପଣ କିହିହିଲଅମି, ସାମା ମାମ୍ନୁ ଆସା କିହିମାନମି ମାରୁ ନାମ୍ନୁତା ପାତା ଆନାଣିତଲେ ମୀ ତାଣାଟି ମା କାମା ଅଡ଼େ ହାରେକା ପାତା ଆନେ ।

୧୭ ମାମୁ ଅରୁ ରଅଣି ହାନ୍ଦି ବିଦ୍ରା ଏଞ୍ଜାସି ତଲିଏ କିହାମାନି କାମାତାକି ବତପଣ ତହୁଆନା, ମାମୁ ମୁମୀ ତାଣାଟି ଅରୁ ଦେସାତା ହାଜାନା ନେହୁଁ କାରୁ ଝେକହାଲି ଆଡ଼ିନମି ଇଞ୍ଜୁଁ ଆସା କିହିମାନମି ।

୧୭ ସାମା ଦାମ୍ଭୁପତିତା ରାୟକି ଆହାମାନେ, “ବତପଣ ତହୁନାସି ପ୍ରବୁ କିତି କାମାତାକି ବତପଣ ତସୁପେସି ।”

୧୮ ଜାହାରାଇଁ ନେହୁଁତେଏଁ ଇଞ୍ଜୁଁ ଅଣପିନାସି ଏଞ୍ଜାସି ତାୟିପାରିତା ଜାଣା ଆଡାସି ଆଏ, ସାମା ପ୍ରବୁ ଆମ୍ବାଆରାଇଁ ସାତା ନେହୁଁସି ଇଞ୍ଜୁଁ ଇନେସି ଏଞ୍ଜାସି ତାୟିପାରିତା ଜାଣା ଆଡାସି ।

୧୧

ପାଞ୍ଜୁଲ ଅଡ଼େ ମିଚି ଜାପନାରି

୧ ନାନୁ ବୁଦି ହିଲାଆ ଗାଟାତେଏଁ ଲେହେଁ ଇଚେକା ଝେସାଲି ନାଜେ ହେଲ ହିୟାତିହୁଁ ନେହେଁ ଇଞ୍ଜୁଁ ଅଣପିମାଇ, ମୀରୁ ନାଜେ ହେଲ ହିୟାଦେରି ।

୨ ମାହାପୁରୁ ତାକି ହାଚେକା ରାହୁଁତା ନାନୁ ମିଜେତାକି ହାଚେକା ରାହୁଁ, ଇଚିହୁଁ ନାନୁ ମିଜେ ସୁରୁ ତାଆ ମାଜ୍ଜାଲେହେଁ ର ତକ୍ତା ତାଣା ଇଚିହୁଁ କ୍ରୀସୁଇଁ ବାହା ଆୟାଲି କାତା ହାହାମାଇଁ ।

୩ ସାମା ରାବୁ ତାନି ସୁତ୍ରମି ତଲେ ହବାଇଁ ନାଡ଼ି କିଚେ, ଏଲେକିହୁଁ ଏଡ଼େତା ଆଡ଼େ ମୀ ମନ କ୍ରୀସୁ ତାଣା ମାନି ତୀରପୁତାୟି ଇଞ୍ଜୁଁ ସୁଦୁତା ମାନାୟି ନାସା ଆନେ, ଇଦାଆଁ ନାଜେ ଆଜି ହଡ଼ିମାଞ୍ଜାନେ ।

୪ ଇଚିହୁଁ ଆମିନି ଜୀସୁଇଁ ମାମୁ ଝେକଆତମି, ଇଲେକିହୁଁ ଏବକା ଜୀସୁଇଁ ଆମ୍ବାଆସି ଆଡ଼େ ଝାହୁଁ ଝେକନେସି, କି ଆମିନି ସୁଦୁଜୀଞ୍ଜୁ ମୀରୁ ବେଟାଆଆତେରି, ଇଲେକିହୁଁ ଏବକାତି ର ସୁଦୁଜୀଞ୍ଜୁ ବେଟାଆଦେରି, କି ଆମିନି ନେହୁଁ ବଲୁ ମୀରୁ ଆବାଆତେରି, ଇଲେକିହୁଁ ଏବକାତି ର ନେହୁଁ ବଲୁ ବେଟାଆଦେରି, ଏଲେଆଡ଼ିହୁଁ ମୀରୁ ଗାତି ଅରୁହିନାତେରି ।

୫ ଇଚିହୁଁ ଏ କାଜାପାଣା ଗାଟି “ପାଣ୍ଡୁଝି ଆଡାରି” ତାଣାଟି ନାନୁ ଏନିକିହୁଁ ଜିକେଏ ଉଣା ତାତେଏଁ ଆଏ ଇଞ୍ଜୁଁ ଅଣପିମାଇଁ ।

୬ ସାମା ନାନୁ କାତା ଜଲାଇଁ ପୁନାଆତି ଜିକେଏ ବୁଦିତା ଉଣାତେଏଁ ଆଏ; ସାତାତଲେ ମାମୁ ବାରେଲେହେଁତି ବାରେ କାତାତା ମିଜେତାକି ଇଦାଆଁ ଝେସୁତାମି ।

୭ ମୀରୁ ଏନିକିହୁଁ କାଜାତେରି ଆଦେରି, ଏଦାଆଁତାକି ନାନୁ ଜାହାରାଇଁ ଉଣା କିହାକତାନା ମୀ ତାଣା ଉଜେଏନେଏ ମାହାପୁରୁତି ନେହୁଁ କାରୁ ଝେକହାତେଏଁ; ଏଲେକିୟାଲିଏ ନାନୁ ଏନି ପାପୁ କିଚେଏଁ ।

୮ ମୀ ତାଣା କାମା କିହୁଁ ମିଜେ ସେବା କିୟାଲି ଏବକା କୁଲମିଚି ବର୍ତନ ବେଟାଆହୁଁ ଏଞ୍ଜାରି ତାଣାଟି ମୀଞ୍ଜା ଅହୁମାଚେଏଁ ।

୯ ମୀ ତାଣା ମାଚିଚେଲା ନାଜେ ଏନାଆଁ ହିଲାଆତି ଜିକେଏ ଆମ୍ବାଆରାକି ବାଦା ହାହାହିଲଅଁ; ମାକିଦନିୟାଟି ଝାଡ଼ି ତାୟିୟାଁ ନାଜେ ଲଡ଼ା ଆନାଣି ବାରେ ହିୟାତେରି, ମିଜେ ବଲୁ ହାଆଚେରୁଁ ନାନୁ ଜାଗ୍ରାତା ଆହାମାଚେଏଁ, ଅଡ଼େ ଜାଗ୍ରାତା ଆହୁଁ ତୁୟିଇଁ ।

୧୦ ନା ତାଣା ମାନି କ୍ରୀସୁତି ସାତାଇଁ ସାକି ଇଟାନା ଝେସିମାଇଁ, ଆକାୟା ଗାଡାୟିତି ନା ଇ ବତପଣତି ଆମ୍ବାଆସି ଜିକେଏ ସାପି କିହାଲି ଆଡ଼ଅରି ଏନାଆଁକି ?

୧୧ ନାନୁ ମିଜେ ଜୀଞ୍ଜୁନହୁଁ ମାଞ୍ଜାଆକି କି ? ମାହାପୁରୁ ପୁଞ୍ଜାମାନେସି ନାନୁ ମିଜେ ଜୀଞ୍ଜୁ ନହୁଁ ମାଞ୍ଜାଇଁ !

୧୨ ସାମା ବତପଣ ଆନିତାଣା ମା ଲେହେଁ ତଞ୍ଜାଆହାଲି ଆମିନି “ଉଜେଏତି ପାଣ୍ଡୁଝିଆଡାରି” ପାରୁ ପାରିମାନେରି ନାନୁ ଏନିକିହୁଁ ଏଞ୍ଜାରାକି ପାରୁ ହାଆଁ, ଇଦାଆଁତାକି ନାନୁ ଏନାଆଁ କିହିମାଇଁ, ଏଦାଆଁ କିହେମାଇଁ ।

୧୩ ଇଚିହୁଁ ଏଲେତି ଲକୁ ନାଡ଼ିକିନି ପାଣ୍ଡୁଝି ଆଡାରି, ଇଞ୍ଜୁଁ ଝାଣା ବାଦଲଞ୍ଜିକିହୁଁ କାମାକିନାରି, ଏଞ୍ଜାରି କ୍ରୀସୁତି ପାଣ୍ଡୁଝି ଆଡାରି ଝାଣା ଆହୁନେରି ।

୧୪ ଇଚିହୁଁ ଏଡ଼ି କାବାଆନି କାତା ଆଏ, ଇଚିହୁଁ ସୟତାନ ତାନୁଏ ଉଜେଡ଼ିତି ଦୁରୁତି ଝାଣା ଆହୁନେ !

୧୫ ଏଚେଟିଏ ତାନି ହଲିୟାଜା ଜିକେଏ ଦାମ୍ଭୁଗାଟାରି ଝାଣା ଆହୁନେରି, ଆଡିହୁଁ ଏଡ଼ି କାଜା କାତା ଆଏ; ରାନି ଦିନାତା ଏଞ୍ଜାରି ତାନି କିତି କାମା ତଲେ ତଣ୍ଡୁ ବେଟାଆନେରି ।

ପାଣ୍ଡୁଝିଆଡ଼ି ପାଣା ତାକି ପାଞ୍ଜୁଲ କସୁ ବେଟାଆନାୟି

୧୭ ନାନୁ ଅଡ଼େ ଝେସିମାଞ୍ଜାଇଁ, ଆମ୍ବାଆସି ନାଜେ ବୁଦି ହିଲାଆଗାଟାସି ଇଞ୍ଜି ଅଣପାଆପେସି; ସାମା ମାରୁ ଏଲେକି ଅଣପିଦେରି, ଆଡ଼ିଜିକେଏ ବୁଦିହିଲାଆଗାଟାସି ଲେହେଁ ନାଜେ ଆବାବୁ, ଏନିଇଚିହିଁ ନାନୁ ଜିକେଏ ଅଲପ ବତପଣ ତସାଲି ଆଡ଼ିଇଁ ।

୧୮ ନାଏଁ ନାନୁ ଏନାଆଁ ଝେସିମାଞ୍ଜି ପ୍ରବୁତି ଅଣପୁ ତଲେ ଝେସିମାଞ୍ଜିଅଁ, ସାମା ବୁଦି ହିଲାଆ ଗାଟାଡେଏଁ ଲେହେଁ ହାରେକା ସାସାତଲେ ବତପଣ ତସାନା ଝେସିମାଞ୍ଜାଇଁ ।

୧୯ ହାରେକା ଲକୁ ବାରିଡ଼ି ଲେହେଁ ବତପଣ ଆହିମାନାକି ନାନୁ ଜିକେଏ ବତପଣ ତହୁଇଁ ।

୨୦ ଇଚିହିଁ ମାରୁ ହାରେକା ବୁଦି ଗାଟାଡେରି ଇଞ୍ଜିହିଁ, ରାହାଁ ତଲେ ବୁଦି ହିଲାଆଗାଟାଗାଇଁ ଅର୍ହି ମାଞ୍ଜେରି ।

୨୧ ଆମ୍ବାଆସି ମିଜେ ହଲିୟାଙ୍ଗା କିହାନା ଇଟାନେସି, ମୀ ଦନ ମୀଞ୍ଜା ଆୟାନେସି; ମିଜେ ପାନ୍ଦାତା ମେଡ଼ହାଁ ଆସ୍ତାନେସି, ତାହାରା ଆୟାନେସି କି ମୀ ଗେପଲୀତା ସାପୁଡ଼ା ଝେଡାନେସି ଏ ବାରେ ଅର୍ହି ମାଞ୍ଜେରି ।

୨୨ ନାନୁ ଲାଜାତଲେ ଝେସିମାଞ୍ଜାଇଁ, ମାରୁ ବାଡ଼ୁୟୁ ହିଲାଆ ଗାଟାଟାୟି ଆହାମାନାୟି । ଆଡ଼ି ଜିକେଏ ଏନି କାତାତା ଆମ୍ବାଆସି ସାସା ଗାଟାସି, (ନାନୁ ବୁଦି ହିଲାଆନା ଝେସିମାଞ୍ଜାଇଁ) ନାନୁ ଜିକେଏ ସାସା ଗାଟାଡେଏଁ ।

୨୩ ଏଞ୍ଜାରି କି ଏବୁ ଲକୁ ? ଇଚିହିଁ ନାନୁ ଜିକେଏ ଏବୁ ଲକୁଡେଏଁ । ଏଞ୍ଜାରି ଇସ୍ତାୟେଲ ଲକୁ ? ଇଚିହିଁ ନାନୁ ଜିକେଏ ଇସ୍ତାୟେଲ ଲକୁଡେଏଁ । ଏଞ୍ଜାରି ଅବ୍ରାହାମତି କୁଡ଼ାଡାରି ? ଇଚିହିଁ ନାନୁ ଜିକେଏ ଅବ୍ରାହାମ କୁଡ଼ାଡାଡେଏଁ ।

୨୪ ଏଞ୍ଜାରି କି କ୍ରୀସ୍ତତି ସେବା କିନାରି ? ଇଚିହିଁ: (ନାନୁ ବାୟା ଆଡ଼ିଲେହେଁ ଏଲେଇଞ୍ଜିମାଞ୍ଜାଇଁ), ନାନୁ ଏଞ୍ଜାରି କିହାଁ ଆଗାଡ଼ା ନେହେଁ ସେବା କିନାଡେଏଁ, ନାନୁ ଏଞ୍ଜାରି କିହାଁ ଗାଡ଼ି ଖାହୁ କାମା କିହାମାଞ୍ଜାଇଁ, ହାରେକା କାୟିଦି ଇଲୁଡା ମାଚେଏଁ, ହାରେକା ଇର୍ଦନି ମାଡ଼ା ବେଟାଆହା ମାଚେଏଁ, ଅଲେ ଅଲେ ହାକିତା ହେର୍ଝା ମାଚେଏଁ ।

୨୫ ନାନୁ ଜାହୁଦି ଲକୁ ଡାଣାଟି ପାସା ଦେବା ଡାରିସି ନ ଗଟା ବେତି ବାଡ଼ୁଗା ମାଡ଼ା ବେଟାଆହାମାଞ୍ଜାଇଁ;

୨୬ ରମ୍ପତି ଲକୁ ଡାଣାଟି ଡାନି ପାଲି ସାଟୁଣି ଡୁରିତଲେ ନାଜେ ଇର୍ହାଡେରି, ର ପାଲି ନାଜେ ଖାଲକାତଲେ ଇର୍ହାଡେରି, ଡାନି ପାଲି ଜାଜା ଡୀତି ଡାଣାଟି ଗେଲହା ମାଞ୍ଜାଇଁ, ର ଲାଆଁ ର ମାଦେନା ସାମଦୁରିତି ଏୟୁଡା ମୁଞ୍ଜା ମାଚେଏଁ,

୨୭ ନାନୁ ହାରେକା ଦେବା ଜିରୁ ଡାକିନାଟି, କାତା ଆଜିନିଡାଣା, ସରକା ଡାଣାଟି, ନା କୁଡ଼ାଡ଼ି ଜାହୁଦି ଲକୁ ଡାଣାଟି, ଏଟକା କୁଡ଼ାଡ଼ି ଲକୁ ଡାଣାଟି, କାଜା ନାୟକାଡ଼ି ଆଜିତି, ଲକୁ ହିଲାଆ ଜାଡ଼ାଟି, କାଜା ସାମଦୁରିତି ଆଜିତି, ଅଡ଼େ ନାଡ଼ିକିନି ତଢେସିଙ୍ଗା ଆଜିତି ।

୨୮ ନାନୁ ହାରେକା କାମା କିହାନା କସ୍ତ ବେଟାଆହାମାଞ୍ଜାଇଁ, ଏତର ପାଲି ଲାଆଁୟାଁ ଇଦା କିଆନା ହାକି ଅଡ଼େ ଏସକିଚି ମାଚେଏଁ, ଏତର ପାଲି ଉପାସା ତଲେ, ପେନି ଇଞ୍ଜା ନାଗୁଡ଼ାଟି ମାଚେଏଁ ।

୨୯ ଏଲେଚି ବାରେ ବାଡ଼ା ପିସ୍ତପେ ନାଜେ ଅଡ଼େ ର କାଜା ବଜୁମାନେ, ଇଚିହିଁ ବାରେଦିନା କୁଲମିକା ଡାକି ନାନୁ ଅଣପିମାଞ୍ଜାଇଁ ।

୩୦ ଆମ୍ବାଆସି ବାଡ଼ୁୟୁ ହିଲାଆଗାଟାସି ଆଡ଼ିସାରେ ନାନୁ ଜିକେଏ ବାଡ଼ୁୟୁ ହିଲାଆ ଗାଟାଡେଏଁ ଆଏକି ? ଆମ୍ବାଆସି ପାପୁ କିଚିହିଁ ନାନୁ ହିୟାତା ଦୁକୁ ଆଅଁ କି ?

୩୧ ନା ବତପଣ ତସାଲି ଲଡ଼ା ଆଡ଼ିହିଁ, ନାନୁ ନା ଆଡ଼ାଆଗାଟାଟା ଡାକି ବତପଣ ତହୁଇଁ ।

୩୨ ନାନୁ ମିତି ଜଲି ହିଲଅଁ, ଏଦାଆଁ ପ୍ରବୁ ଜୀସୁ କ୍ରୀସ୍ତତି ମାହାପୁରୁ ଅଡ଼େ ଆବା ପୁଞ୍ଜାମାନେସି; ଏଞ୍ଜାସି କାଲାକାଲା ଡାକି ଜହରା ।

୩୩ ଦମେସକତା ହାରେଡା ରାଜାଡ଼ି ସାଲୁଞ୍ଜି କିନାସି ନାଜେ ଆସାଲି ଏ ଗାଡ଼ାଡ଼ି ଡାନି କାପୁ କାଃନି କସକାଣି ପାଣ୍ଡାନା କାପି କିହିମାଚେସି ।

୩୪ ଇଞ୍ଜା ର ଡାଲିତା କିଡ଼କିଡ଼ି କାଡ଼ି ଲାକଟି ନାଜେ ରେପହାଲିଏ ନାନୁ ଏଞ୍ଜାଣି କେୟୁଚି ଗେଲପିଆଡେଏଁ ।



ପାଞ୍ଜୁଲ ତଞ୍ଜାଆନାଣି ମେହନାୟି

୧୧ ବତପଣ କିନାୟି ନେହାୟି ଆଥାତି ଜିକେଏ ନାଜେ ବତପଣ କିନାୟିମାନେ, ନାନୁ ପ୍ରବୁତି ମେହନାଣି ଅଡେ ତଞ୍ଜାଆନାଣି ମିଜେ ଖେସ୍ତାଇଁ ।

୧୨ ନାନୁ ର କ୍ରୀସ୍ତାନା ଲକୁଇଁ ପୁଞ୍ଜାମାଇଁ, ଏଝାସି ସଦ ବାର୍ଯା ନକେଏ ଲାକପୁରୁତି ତାନି ପୁରୁ ପାତେକା ଅଝିଆଡେସି ଏଝାସି ଆଜା ତଲେ ମାଚେସି କି ଆଜା ହିଲାଆନା ମାଚେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି ।

୧୩ ହାଅ ନାନୁ ଏଲେତି ର ଲକୁଇଁ ପୁଞ୍ଜାମାଇଁ, ଏଝାସି ପାଚାଦିସତା ଅଝିଆଡେସି ଏଝାସି ଆଜା ତଲେ ମାନେସି କି ଆଜା ହିଲାଆନା ମାଚେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି ।

୧୪ ଏଝାସି ଲାକପୁରୁ ଅଝିଆଡେସି, ଅଡେ ଇଲେତି ହାଡା ଖେଚେସି, ଏଦାଆଁ ମାଣ୍ଡି ଜଲଲି ଆଡାଆଗାଟାୟି ଅଡେ ଗୁଡିତା ଅହାଲି ଆଡାଆଗାଟାୟି ।

୧୫ ଇଲେତି ର ଲକୁତାକି ନାନୁ ବତପଣ କିଇଁ, ସାମା ନା ତାକି ନାନୁ ନା ବାଡୁୟୁ ହିଲାଆଗାଟାଣି ପିସ୍ତପେ ଅଡେ ଏନାଆଁତାକିଞ୍ଜା ବତପଣ କିଅଁ ।

୧୬ ବତପଣ ତସାଲି ଅଣ୍ଡପିତିହଁ ଜିକେଏ, ନାନୁ ବୁଦି ହିଲାଆ ଗାଟାଚେଏଁ ଆଅଁ, ଇଚିହଁ ନାନୁ ସାତା କାତା ଖେହୁଇଁ, ସାମା ଲକୁ ନାଜେ ଏନିକଁ ମେସ୍ତାନେରି ଇଞ୍ଜା ନା ତାଣାଟି ଏନିକଁ କାତା ଖେନେରି, ନାଜେ ତଞ୍ଜା ଆହାମାନି କାତାତା ହାରେକା କାଜାୟି ଆହାମାନାକି ଏନିକଁ ନା କାତାତା ହାରେକା ଅଣ୍ଡପସି ଇଞ୍ଜା, ଇଦାଆଁତାକି ନାନୁ ସାପି ଆହାମାଇଁ ।

୧୭ ନାନୁ ଏନିକଁ ଗାଡି ବତପଣ କିଅଁ, ଇଦାଆଁତାକି ନା ଆଜାତା ର ସାସ୍ତି ହାପିକି ଆୟାଡେ, ନାଜେ ସାସ୍ତି ହାହାଲି ସୟତାନତି ଦୁତୁଇଁ ପାଣ୍ଡିଆଡେ, ଏନିକଁ ନାନୁ ଗାଡି ବତପଣ ଆଅଁ ।

୧୮ ଏ କସ୍ତ ନା ତାଣାଟି ହେକ ଆୟାଲି ତାନି ପାଲି ପ୍ରବୁଇଁ ବାଡିମାଲିହଁ ରାସ୍ତେସ୍ ।

୧୯ ଅଡେ ଏଝାସି ନାଜେ ଏଲେଇଞ୍ଜାନେସି, “ନା କାମାମେହନାୟି ନିଜେତାକି ହାରେପୁରେ,” ଇଚିହଁ ନୀ ବାଡୁୟୁ ହିଲାଆତାଣା ନା ବାଡୁୟୁ ହାରେ ଗାଡିଆହଁ ତଞ୍ଜାଆନେ, ଇଚିହଁ ଏନିକଁ କ୍ରୀସ୍ତତି ବାଡୁୟୁ ନା ତାଣା ତୁୟିନେ, ଏଦାଆଁତାକି ନା ବାଡୁୟୁ ହିଲାଆ ବେଲାତା ହାରେକା ରାହଁ ତଲେ ବତପଣ ତହୁଇଁ ।

୨୦ ଏଦାଆଁତାକି କ୍ରୀସ୍ତତି ତାକି ବାଡୁୟୁ ହିଲାଆଟି, ଲାଜା ପାଣ୍ଡନାଟି, ହାକି ବେଲାତା, ସାସ୍ତି ଖାନି ବେଲା, କସ୍ତା ନାନୁ ରାହଁଆଇଁ, ଇଚିହଁ ଏଚିବେଲା ବାଡୁୟୁ ହିଲାଆ ଗାଟାଚେଏଁ ଏଚିବେଲା ବାଡୁୟୁ ଗାଟାଚେଏଁ ।

କରିନ୍ତ ତାରାକି ପାଞ୍ଜୁଲ ଅଣ୍ଡପିନାୟି

୧୧ ନାନୁ ବୁଦି ହିଲାଆ ଗାଟାଚେଏଁ ଲେହେଁ ଆହାମାଇଁ, ମୀରୁ ନାଜେ ଏଲେକିଝି କିୟାଡେରି, ମୀରୁ ନାଜେ ନେହାସି ଇଞ୍ଜାନାୟି ମାଚେ; ନାନୁ ଏନାଚେଏଁ ଆଏ, ଆଡି ଜିକେଏ ଏ “କାଜା ପାଣ୍ଡି ଆହାମାନାଟି” କିହଁ ଉଣାଚେଏଁ ଆଏ ।

୧୨ ଆମ୍ବାଆସି ହାରେକା ସିନାୟି, କାବାଆନି କାମା, ଅଡେ ବାଡୁୟୁତି କାମା ପାଣ୍ଡି ଆହାମାନାଟି ସିନାୟିଲେହେଁ, ଏ ବାରେ ସାଚେଏ ମୀ ତାଣା ସାସାତଲେ କିଝିଆହାମାନେ ।

୧୩ ଇଚିହଁ ନାନୁ ମୀ ବଜୁ ଲେହେଁ ଆହାହିଲଅଁ, ଇ ରଣ୍ଡିଏ କାତା ପିସ୍ତପେ ଅର କୁଲମିତି ଲକୁ କିହଁ ମିଜେ ଅଡେ ଏନିକଁ ଉଣା ମେସାମାଞ୍ଜାଇଁ, ଏ ନା ଦହ ଆସ୍ତାଆନୁ ।

୧୪ ମେହଦୁ ମୀ ତାଣା ଖାହାଲି ନୀଏଁ ତଲେ ତାନି ପାଲି ତିୟାରା ଆହିମାଇଁ, ଅଡେ ନାନୁ ମିଜେ ଏନି ବଜୁ ହିୟଅଁ, ଇଚିହଁ ନାନୁ ମୀ ଦନ୍ ପାରାଆନା ମିଜେ ପାରିମାଞ୍ଜାଇଁ, ମୀରକା ମାସ୍ତକା ତାନି ଇୟା ଆବାକି କୁଡିକିର ସାମା ଇୟା ଆବା ଦେଁ ତାନି ମୀରକା ମାସ୍ତକାକି କୁଡିକିନାୟି ମାନେ ।

୧୫ ନାନୁ ମୀ ଜୀଞ୍ଜୁତାକି ହାରେକା ରାହଁତଲେ ହାଇଁ, ହାଅ ନା ଜୀଞ୍ଜୁ ଜିକେଏ ହାଇଁ, ନାନୁ ମିଜେ ହାରେକା ଜୀଞ୍ଜୁନହଁ ମାଞ୍ଜାତିହଁ ଏନାଆଁ ମୀରୁ ନାଜେ ଉଣା ଜୀଞ୍ଜୁନହଁ ମାଞ୍ଜାଦେରି ?

୧୬ ସାମା ନାନୁ ଜାହାରାଇଁ ମିଜେ ବଜୁ କିୟାଆଚେଏଁ, ସାମା ମୀ ବିତ୍ରାଟି ଆମ୍ବାଆରି ଏଲେଇଞ୍ଜାନେରି ନା, ସୁତରି ମାନାକି ମିଜେ ମିଚି ତଲେ ଆସ୍ତାଚେଏଁ ।

୧୭ ନାନୁ ମୀ ତାଣା ଆମ୍ବାଆରାଇଁ ପାଣ୍ଡାମାଞ୍ଜାଇଁ, ଏଝାସି ବିତ୍ରାଟି ରଅଣି ତଲେ ମୀ ତାଣାଟି ଏନି ଲାବା ବେଗାଆଡେଏଁ କି ?

୧୮ ନାନୁ ତିତସଇଁ ହାଜାଲି ବାଡିମାଲା ମାଚେଏଁ, ଇଞ୍ଜା ଏଝାଣିତଲେ ଅର ତାୟିଇଁ ମୀ ତାଣା ପାଣ୍ଡାଚେଏଁ । ତିତସ ମୀ ତାଣାଟି ଏନାଆଁ ଲାବା କିଚେସି ? ମାମ୍ବୁ କି ରଣ୍ଡିଏ ଜୀଞ୍ଜୁତଲେ ତାକିହିଲଅନି ? ମାମ୍ବୁ ଏନାଆଁ ରଣ୍ଡିଏ ପାଞ୍ଜୁଲିତା ତାକିହିଲଅନି ?

୧୯ ନୀର୍ବ ପାତେକା ମୀରୁ ଅଣ୍ଡପିମାଞ୍ଜେରି, ମାମ୍ବୁ ମୁମୀ ନକିତା ଜାହାରାଇଁ ନେହଁ କିହିମାନମି ? ମାହାପୁରୁ ନକିତା କ୍ରୀସ୍ତ ତି ସେବା କିନାତମି ଲେହେଁ ମାମ୍ବୁ କୁଜା ଜଲିମାନମି, ଇଞ୍ଜା ଏ ଜୀବୁତ ତାୟିୟା ବାରେ କାତା ମୀ ନେହେଁତାକି ଖେସିମାନମି ।

୨୦ ଇଚିହଁ ଏଡେତା ନାନୁ ମୀ ତାଣା ଖାଡ଼ିସାରେ, ମିଙ୍ଗେ ଏନିକଁ ମେସାଲି ମନ କିହିମାଇଁ ଏଲେକିହଁ ମିଙ୍ଗେ ମେସ୍ତାଆସାରେ, ଅଡେ ମୀରୁ ନାଙ୍ଗେ ଏନିକଁ ମେସାଲି ମନ କିହଁ ହିଲଅଡେରି ଏଲେକଁ ମେସ୍ତାଦେରି, ଏଦାଆଁତାକି ନାନୁ ଆଜିମାଇଁ; ଇଚିହଁ ମା ବିତ୍ରା ବାଡ଼ିବାଦା, ତାହାରା, କପା ଅଡେ ଗଟି ଗଟି ଆନାୟି, ରଅସି ରଆଣାଇଁ ନିନା କିନାୟି, ସାକ୍ତି କାତା ଜଲିନାୟି, ବଡପଣ ତସ୍ତି ଆହଁ ଗଡ଼ହା ଆନେ;

୨୧ ଇଞ୍ଜା ନାନୁ ଅଡେ ଖେଣ୍ଡେ ଖାଡ଼ିସାରେ ନା ମାହାପୁରୁ ମୀ ତାକି ନାଙ୍ଗେ ଅଡେ ଲାଜା କିଞ୍ଜିକିୟାନେସି, ଇଞ୍ଜା ମୀ ବିତ୍ରା ତଲିଏ ପାପୁ କିହାମାନାରି ତାମି ଲାଗେଏଡି କାମା, ଦାରିକାମା ଅଡେ ଦାରି କାମାତାକି ଜୁପକା ଆନାଣି ତାକି ନୀର୍ବ ପାତେକା ମନ ଖେବହା ହିଲଅରି ଏଞ୍ଜାରି ତାକି ନାନୁ ଦୁକୁଆହଁ ଡୀହାଲିଆନେ ।

୧୩

ଜାଗ୍ରାତା କିହଁ ଜହରା ତଲେ ଆକୁତି ରାପୁନାୟି

୧ ନୀର୍ବ ତଲେ ତାନି ପାଲି ନାନୁ ମୀ ତାଣା ଖାହିମାଇଁ, ଦାମ୍ବୁପତିତା ରାସ୍ତି ଆହାମାନେ, “ଆମିନି ଦହ୍ତି କାତା ନୀହଁୟି କିନାୟି ରିଆରି କି ତାନି ଜାଣା ସାକ୍ତିୟା ତଲେ ତୀରି କିଞ୍ଜିଆନେ”

୨ ଆମ୍ବୁଆରି ନକେଏ ପାପୁ କିହାମାରେରି ଏଞ୍ଜାରାଇଁ ଇଞ୍ଜା ବାରେଡି ଏନିକଁ ତଲି ରା ପାଲି ଖେସାମାଞ୍ଜାତେଏ, ନୀର୍ବ ହେକ ମାଞ୍ଜାନା ଏଲେକିହଁ ଏ ନକେଏ ଖେସିମାଞ୍ଜାଇଁ, ନାନୁ ଅଡେ ଖାଡ଼ିହଁ ଏଞ୍ଜାରାଇଁ ତଣ୍ଡ ହାଆନା ପିହ୍ଅଁ ।

୩ ଏନିକଁ କ୍ରୀସ୍ତ ନା ତାଣା ଜଲିମାଞ୍ଜାନେସି ମୀରୁ ଏଞ୍ଜାଣି ବାପୁମାଣା ପାରିମାଞ୍ଜେରି; ଏଞ୍ଜାସି ମିଙ୍ଗେତାକି ବାଡ଼ୁୟୁ ହିଲାଆଗାଗସି ଆଏ, ସାମା ମୀ ତାଣା ବାଡ଼ୁୟୁ ଗାଗାସି ଆନେସି,

୪ ଏଞ୍ଜାସି ବାଡ଼ୁୟୁ ହିଲାଆତାକି ପାସି ମୁଣ୍ଡାତା ଏପକି ଆଡେସି, ଆଡିକିକେଏ ମାହାପୁରୁ ବାଡ଼ୁୟୁଟି ଏଞ୍ଜାସି ନାତାମାନେସି । ମାମ୍ବୁ ଜିକେଏ ଏଲେକଁ ତାନି ତାଣା ବାଡ଼ୁୟୁ ହିଲାଆ ଗାଗାତମି, ସାମା ମାହାପୁରୁଟି ବାଡ଼ୁୟୁ ତାକି ମାମ୍ବୁ ମୁମୀ ତାଣା ଏଞ୍ଜାଣିତଲେ ନାତାମାନମି ।

୫ ମୀରୁ ନାମ୍ବୁତଲେ ମାଞ୍ଜେରିକି ଆଏ, ଏ କାତାତା ଜାହା ଜାହାରାଇଁ ତାୟିପାରି କିହାକତାକୁ ଇଞ୍ଜା ଅଣ୍ଡପାପୁ, କି ଜୀସୁ କ୍ରୀସ୍ତ ମୀ ତାଣା ମାନେସି, ଇଦାଆଁ କି ମୀରୁ ଜାହା ଜାହାରା କାତାତା ପୁଞ୍ଜାହିଲଅଡେରି ? ଏଲେଆହଁ ଆତିହଁ ମୀରୁ ତାୟିପାରି କିନି ତାଣା ଜାଣା ଆହା ହିଲଅଡେରି ।

୬ ସାମା ନାନୁ ବାସ୍ତ ଇମାନାଇଁ, ମାଡ଼ ତାୟିପାରି କିଞ୍ଜିଆହା ଜାଣା ଆହାମାନାୟି, ଇଦାଆଁ ମୀରୁ ପୁଞ୍ଜେରି ।

୭ ମୀରୁ ଏନିକଁ ଏନି ଲାଗେଏଡି କାମା କିଅଡେରି, ଇଦାଆଁତାକି ମାହାପୁରୁ ତାଣା ମାମ୍ବୁ ପ୍ରାତାନା କିହିମାନମି; ମାମ୍ବୁ ଏନିକଁ ତାୟିପାରି କିଞ୍ଜି ଆହଁ ଜାଣା ଆହାମାନି ଲେହେଁ ତଞ୍ଜାଆନମି, ଇଦାଆଁତାକି ପ୍ରାତାନା କିହିଲଅମି, ସାମା ମାମ୍ବୁ ତାୟିପାରି କିଞ୍ଜି ଆହଁ ଜାଣା ଆଆତିଲେହେଁ ତଞ୍ଜା ଆପ୍ତାତଁ ଜିକେଏ ଏନିକଁ ମୀରୁ ନେହଁ କାମା କିଦେରି, ଇଦାଆଁତାକି ପ୍ରାତାନା କିହିମାନମି ।

୮ ଇଚିହଁ ମାମ୍ବୁ ସାତା କପାଟି ଏନାଆଁ କିହାଲି ଆଡିହିଲଅମି, ସାମା ସାତା ଖାକିଟି ଦେହେଁ ବାରେ କିହାଲି ଆଡିନମି ।

୯ ଏଡିବେଲା ମାମ୍ବୁ ବାଡ଼ୁୟୁ ହିଲାଆ ଗାଗାତମି ଆନମି ସାମା ମୀରୁ ବାଡ଼ୁୟୁ ଗାଗାତେରି ଆଦେରି, ଏଡେତା ମାଙ୍ଗେ ରାହଁ ହତାନେ; ମୀରୁ ଏନିକଁ ବାରେ ଖାକିଟି ନେହଁତେରି ଆଦେରି ଏଦାଆଁତାକି ଜିକେଏ ପ୍ରାତାନା କିହେମାନମି ।

୧୦ ଏଦାଆଁତାକି ମୀ ତାଣାଟି ହେକ ମାଞ୍ଜାନା ନାନୁ ଇ ବାରେ ରାଡିମାଞ୍ଜାଇଁ, ଏନିକଁ ମୀ ତାଣା ଖାହାନା ପ୍ରବୁ ନାଙ୍ଗେ ମେକ୍ତହାଲି ହୀଆନା, ପାଡିକିହାଲି ହୀହାମାଞ୍ଜାନେସି, ଏ ଅଦିକାରା ଲେହେଁ ମୀ କପାଟି ନିଜାନା ବାଡ଼ୁୟୁ ତସାଲି ମିଙ୍ଗେ ଲଡା ଆଏ ।

୧୧ ତାୟିୟା ଅଡେ ତାଜିସ୍ତାତେରି, ରାହଁ କିପୁ, ନେହଁତେରି ଆପୁ, ରଅଡେରି ରଅଣାଇଁ ବାସ୍ତ ହାଞ୍ଜିଆପୁ, ରଣିଏ ମନ ଆପୁ, ହିଡ଼ଡି ତଲେ ବାସା ଆପୁ, ଅଡେ ହିଡ଼ଡି ଇଞ୍ଜା ଜୀବୁ ନନି ମାହାପୁରୁ ମୀ ତଲେ ତାୟିନେସି ।

^{୧୨} କ୍ରୀସ୍ତୀନା ତାୟିୟାଁ ଲେହେଁ ସୁଦୁଜୀଝୁ ନଝୁ ତଲେ ଜୀଝୁ ନଝିଆହାନା ମୀରୁ ମୀରୁଏ ରଅତେରି ରଅଣାଇଁ ନଶ୍ଟାନା ଜହରା କିଝିଆଦୁ ।

^{୧୩} ଇମ୍ପାଆଁ ମାନି ମାହାପୁରୁ ଲକୁ ମିଜେ ଜହରା ଝେସିମାଞ୍ଜାନେରି ।

^{୧୪} ପ୍ରବୁ ଜୀସୁ କ୍ରୀସ୍ତତି କାର୍ମାମେହ୍ନାୟି ମାହାପୁରୁତି ଜୀଝୁନନାୟି ଅଡେ ସୁଦୁଜୀଝୁ ତଲେ ଆଣ୍ଟିନାୟି ମୀ ବାରେତାକି ଆୟାପେ ।

ଗାଲାତିୟ ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପତ୍ର ଗାଲାତିୟ କୁଲମିତାକି ପାଞ୍ଚଲ ରାଡ଼ାମାନି ଆକୁ ମୁକୁ ହାଡ଼ା

ଗାଲାତିୟ ଆକୁ ପାଣ୍ଡୁଆହାମାନି ପାଞ୍ଚଲ ତାଣାଟି ରାସ୍‌କି ଆହାମାନେ ୧:୧ । ଇ ଆକୁ ଜୀସୁ କ୍ରୀସ୍ତ ଜାର୍ନାତି ତାମୁ ୪୮ ଟିଏ ୫୭ ବାର୍ଯା ବିଦ୍ରା ଗାଲାତିୟ କୁଲମିତି ନାମିତି ତାୟିୟାକି ରାସ୍‌କି ଆହାମାତେ । ଗାଲାତିୟ ଲକୁ ରମିୟ ଦେସାତି ଗାଲାତିୟ ଇନି ଟାମୁତା ବାସା କିହା ମାଣ୍ଡିନେରି । ପାଞ୍ଚଲ ଇ ଆକୁ ରାଟିତି ବେଲା ଆମ୍ବିୟା ମାତେସି ଇଦାଆଁ ବୁଦିଗାଟାରି ଜିକେଏ ପୁଞ୍ଜାହିଲଅରି । ସାମା ଏପିସିୟ ଆଆତ କରନ୍ତି ଇ ରୀ ଟାମୁତା ମାଞ୍ଜା ତୁୟିନେସି ଇଞ୍ଜି ଇନେରି ।

ପାଞ୍ଚଲ ଗାଲାତିୟ କୁଲମିତି ଜୀହୁଦି ଅଡ଼େ ଜୀହୁଦିଆଆତି କ୍ରୀସ୍ତାନା ଲକୁଣି ଟାମୁ ପୁଣ୍ଡି କିହାନା ଆକୁ ରାଡ଼ିମାନେସି । ଏଝାସି ମିତି ଜୀହୁଦି ତାଣାଟି ହେକ ଆହାଲି ରାଡ଼ାମାନେସି, କ୍ରୀସ୍ତାନା ଲକୁଣି ପୁଞ୍ଜା ଫେରାତି ଜୀହୁଦି ହୁକୁମିତି ମାନୁଡ଼ି ଆହାଲି ଅଡ଼େ ବାରେକିହାଁ ତଲୁ ଦାପିଆନି ଫେରା ଝେସିମାନେସି, କ୍ରୀସ୍ତାନା ଲକୁ ବିଦ୍ରା ଏତେକା ମାତେରି ଏମିନିଗାଟାରି ଜୀହୁଦି ଦାମୁତି ଆବିତାରି । ଏଝାରି ଜିକେଏ ପାଞ୍ଚଲତି ପାଣ୍ଡୁଆହାମାନି ଅଦିକାରାତି ଝେଞ୍ଜିମାତେରି । ପାଞ୍ଚଲ ଏତେକା ପୁସ୍‌ପନିକା ତଲେ ତାନି ପାଣ୍ଡୁଆହାମାନି କାତା ଝେସାନା ଏଝାରାଈଁ ମୁଦା କିହାମାତେସି ୧:୧୧; ୨:୧୪ ଅଡ଼େ ଜୀସୁ କ୍ରୀସ୍ତ ଇ ନାମିସାରେ ଗେଲୁପି ଆନାୟି ଇ କାତା ଝେସାନା ନେହଁ କାବୁତି ଗେଲୁପି ମାନେସି ୨:୧୭ । ମାଣ୍ଡିସି ଏନାଆଁ କିନେସି ଏମ୍ବାଟି ଆଏ ସାମା ମାହାପୁରୁତି କାର୍ମାଟି ଆନେ ।

ପତିତା ମାନାୟି

- ୧. ପାଞ୍ଚଲତି ଜହରା । ୧:୧-୫
- ୨. ପାଞ୍ଚଲତି ତଲିତି ଜୀସୁ ଅଡ଼େ ଜୀହୁଦି ଅଦିକାରା କାମା କିନାୟି । ୧:୬-୨:୨୧
- ୩. ଫେରାତି କାମା ଅଡ଼େ ମାହାପୁରୁ କାର୍ମାଟି ଗେଲୁପି ଆନାୟି । ୩:୧-୪:୩୧
- ୪. ନେହଁ କ୍ରୀସ୍ତାନା ଆହାନା ନାତାଲି ଝେହ୍ନାୟି । ୫:୧-୬:୧୦
- ୫. ପାଞ୍ଚଲ ଜହରା କିହାନା ଆକୁତି ରାପ୍‌ନାୟି । ୬:୧୧-୧୮

ପାଞ୍ଚଲତି ଜହରା

୧ ନାନୁ, ପାଣ୍ଡୁଆଡ଼ି ସୀସୁ ପାଞ୍ଚଲତେଏଁ, ପାଣ୍ଡୁ ଆହାଲିତାକି ନାନୁ ମାଣ୍ଡି ତାଣାଟି ଆଏ, ସାମା ଜୀସୁ କ୍ରୀସ୍ତ ତାଣାଟି ଇଞ୍ଜା ଆମିନି ଆବା ମାହାପୁରୁ ଏଝାଣାଈଁ ହାଡ଼ାରି ତାଣାଟି ନିକ୍‌ହାମାନେସି ଏଝାଣି ତାଣାଟି ବେଟାଆହାମାଈଁ,

- ୨ ନା ତଲେ ମାନି ନାମୁତି ବାରେ ତାୟି ତାଜିସ୍ତା ଗାଲାତିୟା କୁଲମିତି ଜହରା କିହିମାଞ୍ଜାନେରି ।
- ୩ ମା ଆବା ମାହାପୁରୁ ଇଞ୍ଜା ପ୍ରକୁ ଜୀସୁ କ୍ରୀସ୍ତ କାର୍ମାମେହ୍‌ନାଣି ଅଡ଼େ ହିଡ଼ି ଜୀସୁ ମିଜେ ହାୟାପେସି ।
- ୪ ନୀଏଁତି ଇ ପାପୁତି ଦାଡ଼ିତା ମାଜେ ଗେଲୁପାଲିତାକି, ମା ଆବା ମାହାପୁରୁତି ଅଣ୍ଡୁପିତି ମାନି କିହାନା, କ୍ରୀସ୍ତ ମା ପାପୁ ତାକି ଜାହାରାଈଁ ହେରପାକତିତେସି;
- ୫ କାଲାକାଲାତାକି ମାହାପୁରୁଈଁ ଗାଞ୍ଜୁରମି ଆପେ । ଆମେନ୍ ।

ରଣ୍ଡିଏ ନେହଁ କାବୁ

୨ କ୍ରୀସ୍ତିତି କାର୍ମାତଲେ ଆମ୍ବାଆସି ମିଜେ ହାଡ଼ା ମାଞ୍ଜାତେସି, ଏଝାଣାଈଁ ମୀରୁ ଗାଡ଼େକେଏ ପିସାନା ଏଟ୍‌କାତି ନେହଁ କାବୁତି ଆସାମାଞ୍ଜେରି, ଏଦାଣିତାକି ନାନୁ କାବା ଆହିମାଈଁ ।

୩ ସାତାତଲେ, “ଏଟ୍‌କାତି ନେହଁ କାବୁ” ଆଏ, ସାମା ଏତରଜାଣା ମିଜେ ତୀରି ମାଞ୍ଜାଲି ହୀଆନା, କ୍ରୀସ୍ତିତି ନେହଁ କାବୁତି କିଲିବିଲି କିହାଲି ଅଣ୍ଡିମାନେରି ।

୮ ସାମା ଆମିନି ନେହଁ କାବୁ ମାମୁ ମୁୀ ତାଣା ଝେକ୍‌ହା ମାତମି, ଇଞ୍ଜା ମାମୁ କି ଲାକପୁରୁତି ଦୁଡୁୟାଁ ଜିକେଏ ଏଦାଣି ପିସପେ ଏଟ୍‌କାତି ନେହଁ କାବୁ ଝେକ୍‌ନେସି, ଆତିହଁ ଏଝାସି ବାକା ବେଟାଆପେସି ।

୯ ଏନିକିଁ ମାମୁଁ ତୁଲିଏ ଖେସାମାନମି, ନୀର୍ଯ୍ୟଜିକେଏ ନାନୁ ଏଲେକିହିଁ ଏ ଅଡ଼େ ଖେଶେ ଖେସିମାଞ୍ଜାଇଁ, ଆମିନି ନେହିଁ କାବୁଇଁ ମୀରୁ ଆସାମାରେରି, ଏଦାଣି ପିସପେ ଆମିନି ଲକୁ ଏଟକାତି ନେହିଁ କାବୁ ମୀ ତାଣା ଖେକହାନେସି ଏଞ୍ଜାସି ବାକା ବେଟାଆଡ଼େପସି ।

୧୦ ନୀର୍ଯ୍ୟ ନାନୁ ମାଣସିୟାଁ ନକିତା କି ମାହାପୁରୁ ନକିତା ନେହିଁ ତଞ୍ଜାଆୟାଲି ଅଣପିମାଇଁ, ଏଡ଼ି ଏଚେଲ୍ଲା ଜିକେଏ ଆଏ । ଇତିହିଁ ମାଣସିୟାଁ ରାହାଁ କିହାଲି ଅଣପିମାଇଁ, ନାନୁ ନୀର୍ଯ୍ୟ ପାତେକା ମାଣସିୟାଁ ରାହାଁ କିଞ୍ଜିକିହାଲି ଅଣପି ମାଚିହିଁ ମା ନାନୁ କ୍ରୀସୁତି ହଚ୍ଚେଲଏଣାତେଏଁ ଆଆତେଏଁମା ।

ପାଞ୍ଜୁଲ ଏନିକିଁ ଆଡ଼ୁଞ୍ଜି ଆନାୟି

୧୧ ତାୟି ତାଜିସ୍ତାତେରି ଆମିନି ନେହିଁ କାବୁ ନା ତାଣାଟି ଖେସ୍ପି ଆହାମାନେ, ଏଦାଣି ମିଜେ ନାନୁ ଖେସିମାଞ୍ଜାଇଁ ଏଡ଼ି ମାଣସିୟାଁ ତାଣାଟି ଆଏ;

୧୨ ନାନୁ ଏଦାଆଁ ମାଣସି ତାଣାଟି ବେଟାଆହା ହିଲଅଁ କି ଜାପାହିଲଅଁ, ସାମା ଜାସୁ କ୍ରୀସୁ ତସାମାଞ୍ଜାନି ତାଣାଟି ବେଟାଆହାମାଇଁ ।

୧୩ *ନାନୁ ତଲି ଜୀହୁଦି ଦାମୁଁତା ମାଚିବେଲ୍ଲା ଏଡ଼ି ମାଣକିତା ମାଚେଏଁ ମୀରୁ ଖେଞ୍ଜାମାଞ୍ଜେରି, ନାନୁ ମାହାପୁରୁତି କୁଲମିତି ହାରେକା ସାସ୍ତି ହାହିମାଚେଏଁ, ଅଡ଼େ ଏଦାଆଁ ମେକ୍ତହାଲି ଅଣପିମାଚେଏଁ ।

୧୪ *ଅଡ଼େ ମା ଆକୁ ଆବାୟାଁ ପାଣାପାଚୁ ମେରା ତାକି ରାହାଁଟି ମାନି କିହାଁ ନା ତଲେତି ହାରେକା ଲକୁ ବିତ୍ରାଟି ଜୀହୁଦି ଦାମୁଁତି ହାରେକା ମାନି କିହିମାଚେଏଁ ।

୧୫ *ସାମା ମାହାପୁରୁ ନାନୁ ଜାର୍ନା ଆଆ ନକେଏ ତାନି କାର୍ନାମେହନାଣି ତଲେ ଆଚାନା ତାନି ସେବା କିହାଲି ହାଟାତେସି,

୧୬ ଅଡ଼େ ଜୀହୁଦିଆଆତି ଲକୁତାଣା ନେହିଁ କାବୁ ଖେକହାଲି ତାକି ଏଟିବେଲ୍ଲା ନାଜେ ଏଞ୍ଜାସି ତାନି ମୀରୁଏଣାଇଁ ତସାତେସି, ଏ କାତା ପୁଞ୍ଜାଲିତାକି ନାନୁ ଏଟକା ମାଣସି ତାଣା ହାଜା ହିଲ୍ଲାଆତେଏଁ ।

୧୭ ଇଲେକିହିଁ ନା ନକେଏ ଆମିନି ଗାଟାରି ପାଣୁଞ୍ଜିଆଡ଼ି ସାସୁ ଆହାମାଚେରି, ଏଞ୍ଜାରାଇଁ ଆଣ୍ଡାଲି ତାକି ଜିରୁସାଲମତା ଜିକେଏ ହାଜା ହିଲ୍ଲାଆତେଏଁ । ସାମା ନାନୁ ଦେବୁଣିଏ ଆରବ ଦେସାତା ହାଜାମାଚେଏଁ; ଅଡ଼େ ତାୟୁ ଦମେସକତା ଡେଶ୍ଟା ଖାଡ଼େଏଁ ।

୧୮ * ତାନି ବାର୍ଯା ହାଚି ତାୟୁ ନାନୁ ପିତରଇଁ ଆଣ୍ଡାଲି ତାକି ଜିରୁସାଲମତା ହାଚେଏଁ, ଇଞ୍ଜା ଏଞ୍ଜାଣିତଲେ ପନ୍ଦର ଦିନା ଏଦାଆଁ ମାଚେଏଁ ।

୧୯ ସାମା ପୁରୁତି ତାୟି ଜାକୁବ ପିସପେ ପାଣୁଞ୍ଜି ଆହାମାନାରି ବିତ୍ରା ଆସାଆରାଇଁ ମେହୁଆତେଏଁ ।

୨୦ ନାନୁ ମିଜେ ଏଦାଆଁ ରାଡ଼ିମାଞ୍ଜାଇଁ, ମାହାପୁରୁ ନକିତା ସାତା ଖେସିମାଞ୍ଜାଇଁ, ମିତି ଖେସିମାଞ୍ଜଅଁ ।

୨୧ ତାୟୁ ନାନୁ ସିରିୟା ଅଡ଼େ କିଲିକିୟାତି ହାରେକା ଟାୟାଣା ହାଚେଏଁ ।

୨୨ ଜୀହୁଦା ରାଜିତା ମାନି ନାମିତି କ୍ରୀସ୍ତାମା କୁଲମିତି ଲକୁ ନାଜେ ନେହିଁ କିଁ ପୁଞ୍ଜାମାଞ୍ଜାଆତେରି ।

୨୩ ଏଞ୍ଜାରି ଏଟକା ଲକୁ ତାଣାଟି ଖେଞ୍ଜାମାଚେରି, “ଆମିନି ମାଣସି ତଲି ମାଜେ ସାସ୍ତି ହାହି ମାଞ୍ଜାତେସି, ଇଞ୍ଜା ମା ନାମୁତି ମେକ୍ତହାଲି ଅଣପିମାଚେସି, ଏଞ୍ଜାସି ନୀର୍ଯ୍ୟ ନାମୁତି କାତା ଖେକହି ମାନେସି ।”

୨୪ ଇଞ୍ଜା ଏଞ୍ଜାରି ନା ତାକି ମାହାପୁରୁଇଁ ଗାଞ୍ଜୁରମି କିହିମାଚେରି ।

9

ପାଞ୍ଜୁଲ ଅଡ଼େ ପାଣୁଞ୍ଜି ଆଡ଼ି ସାସୁୟାଁ

୧* ସଦ ବାର୍ଯା ତାୟୁ ନାନୁ ବର୍ନବା ତଲେ ଜିରୁସାଲମତା ଅଡ଼େ ଖେଶେ ହାଚେଏଁ, ଇଞ୍ଜା ତିତସଇଁ ଜିକେଏ ନା ତଲେ ଅହାମାଚେଏଁ ।

୨ ନାନୁ ଏଦାଆଁ ହାନାୟିମାନେ ଇଞ୍ଜାଁ ମାହାପୁରୁ ତାଣାଟି ହୁକୁମି ବେଟାଆହାନା ହାଚେଏଁ; ଅଡ଼େ ନାନୁ ଏଟକା କୁଡାତି ଲକୁତାଣା ଆମିନି ନେହିଁ କାବୁ ଖେକହିମାଇଁ, ଏଦାଆଁ ଏଞ୍ଜାରାଇଁ ଖେସ୍ତେଏଁ, ସାମା ନା ତଲିତି ଅଡ଼େ ନୀର୍ଯ୍ୟତି କାମା ଉଜେଏ ଆଏ, ଏଦାଆଁତାକି ଆମିନି ଗାଟାରି ମାନି ବେଟାଆହାଲି ଜଚେ ନାନୁ ଏଞ୍ଜାରାଇଁ ଏଟକା କିହାନା ଖେସ୍ତେଏଁ ।

୩ ସାମା ନା ତଡ଼ ତ୍ରିତସ ଗ୍ରିକ୍ ଲକୁ ମାଚି ଜିକେଏ ଏଞ୍ଜାଣାଇଁ ତଲୁ ଦାପି କିହାଲି ବାଲ୍ଲାମାଚନି କିଞ୍ଜିଆହା ହିଲ୍ଲାଆତେ,

* ୧:୧୩ କାମା ଟ:୩: ୨୨:୪,୫; ୨୭:୯-୧୧ * ୧:୧୪ କାମା ୨୨:୩ * ୧:୧୫ କାମା ୯:୩-୬; ୨୨:୧-୧୦; ୨୭:୧୩-୧୮ * ୧:୧୮ କାମା ୯:୨୭-୩୦ * ୨:୧ କାମା ୧୧:୩୦; ୧୫:୨

୪ ଆଦିହଁ ଜିକେଏ ଏଚରଜାଣା ଲକ୍ଷୁ ଏଝାଣାଇଁ ତଲୁ ଦାପ୍ତି କିହାଲି ଅଣପିମାଚେରି । ଏଝାରି ନାମିତି ତାୟିୟାଁ ଇଞ୍ଜିଁ ତସା କତାନା ମେଣେଏ ପାରୁ ପାରିନି ଲେହେଁ ଜାତୁତା ଆଣ୍ଡାମାଚେରି । କ୍ରୀସ୍ତ ଜୀମୁତାଣା ଆଣ୍ଡିତାକି ମାରୁ ଆମିନି ମେଲା ବେଟାଆହାମାନାୟି, ଏଦାଆଁ ପୁଞ୍ଜାଲିତାକି ଏଝାରି ଅଣପୁ ମାଚେ, ମାଜେ ଏଝାରି ଅଚ୍ଚେ ଝେଣ୍ଡେ ମେରାତି ହଲିୟାଙ୍ଗା କିହାଲି ଅଣପିମାଚେରି ।

୫ ସାମା ନେହଁ କାରୁତି ସାତା ଏନିକଁ ମୀ ତାଣା ତାରିଆହାନା ତ୍ରିୟନେ, ଏଦାଆଁତାକି ମାମ୍ବୁ ଗୁଡ଼େକା ତାକି ଜିକେଏ ଏଝାରାକି ପାରୁ ହାହାହିଲାଆତମି ।

୬ ଆମ୍ବାଆରି ମାନ୍ଦିଗାଟାରି ଇଞ୍ଜିଁ ଝେଙ୍ଗା ମାଚେରି, ଏଝାରି ଏନିଲେହେଁତି ଲକ୍ଷୁ ମାଚେରି, ଏମ୍ବାଆଁ ନାଦି ଏନାୟି ହିଲେଏ; ମାହାପୁରୁ ଆମ୍ବାଆରି ପାରଡ଼ା ବାତି କିଏସି, ଏ ମାନ୍ଦିଗାଟାରି ନାଜେ ଏନି ପୁଞ୍ଜି ବଲୁ ଝେସାମାଞ୍ଜିଅରି ।

୭ ଏଚକା ଝାକି ଏଝାରି ପୁଞ୍ଜାଲି ଆଡ଼ିଚେରି, ପିତରଇଁ ଏନିକଁ ଜୀହୁଦି ଲକ୍ଷୁତାଣା ନେହଁ କାରୁ ଝେକ୍ନି କାମା ହେରପିତେସି ଏଲେକିହଁ ଏ ନାଜେ ଜିକେଏ ଜୀହୁଦିଆଆତି ଲକ୍ଷୁତାଣା ନେହଁ କାରୁ ଝେକ୍ନି ବଲୁ ହେରପା ମାଞ୍ଜାନେସି ।

୮ ଏନାଆଁତାକି ଇଚିହଁ ଜୀହୁଦି ଲକ୍ଷୁତାଣା ପାଣ୍ଡୁଝି ଆହାମାନାରି କାମା କିହାଲି ଏନିକିହଁ ପିତରକି ମାହାପୁରୁ ବାଡ଼ୁୟୁ ହାହାମାନେସି, ଏଲେକିହଁ ଏ ଜୀହୁଦିଆଆତି ଲକ୍ଷୁତାଣା ଏ କାମା କିହାଲି ନାଜେ ମାହାପୁରୁ ବାଡ଼ୁୟୁ ହାହାମାଞ୍ଜାନେସି ।

୯ ଅଚ୍ଚେ ଏଚିବେଲାତା ଏଝାରି ମାହାପୁରୁ ନାଜେ ହାହାମାଞ୍ଜାନି କାର୍ମାତି କାତା ପୁଚେରି, ଏଚିବେଲା କୁଲମିତି ମୁଣ୍ଡା ଲେହେଁତି କାଜାରି ଇଞ୍ଜିଁ ଝେଙ୍ଗାମାନେରି, ଜାକୁବ, ପିତର, ଅଚ୍ଚେ ଜହନ ନାଜେ ଇଞ୍ଜିଁ ବର୍ନବାଇଁ କାମାତା ଆଣ୍ଡାତମି ଇଞ୍ଜିଁ ଚିଠିନି କେମ୍ବୁ ଆସାନା ଆବାଚେରି, ଏନିକିହଁ ନାନୁ ଅଚ୍ଚେ ବର୍ନବା ଜୀହୁଦିଆଆତି ଲକ୍ଷୁତାଣା କାମା କିନି ଅଚ୍ଚେ ଏଝାରି ଜୀହୁଦି ଲକ୍ଷୁତାଣା କାମା କିନେରି ।

୧୦ ଏଝାରି ଝାରୁଇ ଇଚେକା ବାତିମାଲା ମାଞ୍ଜାଚେରି ମାମ୍ବୁ ଏଝାରି ଜାତୁତା ମାନ୍ଦି ହିଲାଆଗାଟାରାଇଁ ଅଣ୍ଡିପିନି; ଏ କାତାତା ନାନୁ ରାହାଁ ଆହାମାଚେଏଁ ।

ପାଞ୍ଜୁଲ ପିତରଇଁ ଲାଗିନାୟି

୧୧ ସାମା କେପା* ଏଚିବେଲା ଆନ୍ତ୍ରିୟକିୟାତା ଝାହାମାଚେସି, ନାନୁ ଏଝାଣାଇଁ ବାରେ ଲକ୍ଷୁ ନକିତା ଲାଗିଚେଏଁ, ଇଚିହଁ ଏଝାସି ଦହ କିହିମାଚେସି ।

୧୨ ଜାକୁବ ତାଣାଟି ଏଚରଜାଣା ଝାଆ ନଚେଏ ପିତର ଜୀହୁଦିଆଆତି ତାୟି ତାଜିସ୍ତା ତଲେ ତିଞ୍ଜିମାଚେସି, ସାମା ଏଝାରି ଝାହାଲିଏ, ଏଝାସି ଏ ତାୟି ତାଜିସ୍ତାଇଁ ଆଜାନା ଜୀହୁଦିଆଆତି ତାୟି ତାଜିସ୍ତାଇଁ ପିସାନା ଏଚକା ଆଚେସି ।

୧୩ ଇଞ୍ଜିଁ ଏଚରଜାଣା ଜୀହୁଦି ତାୟିୟାଁ ଜିକେଏ ପିତର ତଲେ ଆଣ୍ଡାମା ପୁଞ୍ଜି ପୁଞ୍ଜିହଁ ପୁନାଆତାରି ଲେହେଁ ନାଡ଼ିକିଝି ଆଚେରି, ଏଲେଆହଁ ବର୍ନବା ଜିକେଏ ଏଝାରି କାତା ଆସ୍ତେସି ।

୧୪ ଏଚିବେଲା ନାନୁ ମେସ୍ତେଏଁ, ଏଝାରି ନେହଁ କାରୁତି ସାତା ତଲେ ତାକିହିଲଅରି, ଏଚିବେଲାତା ନାନୁ ବାରେ ଲକ୍ଷୁ ନକିତା କେପାଇଁ ଏଲେଇଚେଏଁ, “ନାନୁ ଜୀହୁଦି ଆହାନା ଜୀହୁଦି ଲକ୍ଷୁ ଲେହେଁ ଲେମ୍ବାଆନାହାଁ ଜୀହୁଦିଆଆତି ଲକ୍ଷୁଲେହେଁ ନାତିମାଞ୍ଜି, ଆତିହଁ ନାନୁ ଏନିକିହଁ ଜୀହୁଦିଆଆତି ଲକ୍ଷୁଣି ଜୀହୁଦି ଲକ୍ଷୁଲେହେଁ ଲେମ୍ବାଲି ବାଲାମାତମି କିହିମାଞ୍ଜି ।”

ନାମୁତଲେ ଗେଲ୍ପି ଆନାୟି

୧୫ ସାଚେଏ ମାମ୍ବୁ ଜ୍ଞାନାଟିଏ ଜୀହୁଦି ଲକ୍ଷୁତମି, “ଜୀହୁଦିଆଆତି ଲକ୍ଷୁ ଲେହେଁ ପାପୁ ଗାଟାତମି ଆଏ ।”

୧୬ *ଆଡ଼ିଜିକେଏ ମେରାତି କାମା ତଲେ ମାଣସି ତୀରିଗାଟାସି ଆଆନା, ଜୀସୁ କ୍ରୀସ୍ତ ତାଣା ନାମାନା ତୀରିଗାଟାସି ଆନେସି, ଇଦାଆଁ ପୁଞ୍ଜାନା ମାମ୍ବୁ କ୍ରୀସ୍ତ କ୍ରୀସ୍ତ ତାଣା ନାମା ମାନମି, ଏନିକଁ ମେରାତି କାମା ତଲେ ତୀରିଗାଟାତମି ଆଆନା କ୍ରୀସ୍ତ ତାଣା ନାମାନା ତୀରିଗାଟାତମି ଆନମି; ଇଚିହଁ ମସାତି ମେରାତି କାମା ତଲେ ଆମିନି ମାଣସି ତୀରିଗାଟାସି ଆଅସି ।

୧୭ ସାମା କ୍ରୀସ୍ତ ତାଣାଟି ତୀରି ଗାଟାତାୟି ଆୟାଲି ଅଣପାନା ମାମ୍ବୁ ଜିକେଏ ପାପୁ ଗାଟାତମି ଇଞ୍ଜିହଁ ତଞ୍ଜା ଆଡ଼ମି, କ୍ରୀସ୍ତ ପାପୁତି ସେବା କିନାସି କି ? ଏଦି ଏଚେଲାଝା ଆଆପେ ।

* ୨:୧୧ ପିତର † ୨:୧୪ ପିତର ☆ ୨:୧୭ ରମି ୩:୨୦; ରମି ୩:୨୨

୧୮ ଇତିହାସ ନାନୁ ଏନି ଫେରାତି ମ୍ଲେକହାମାଲ୍ ଏ ବାରେତି ଅଡ଼େ ଖେଣ୍ଡେ ଗାଡ଼ି କିଲ୍, ଆତିହାସ ନାନୁଏ ଜାହାରାଲ୍ ଦହ ଗାଟାତେଏଁ ଇଞ୍ଜିଁ ତସାକତିମାଲ୍ ।

୧୯ ମାହାପୁରୁ ତାକି ନୀତାଲି ନାନୁ ଫେରାତି ଫେରାତାକି ପାସି ମୁଣ୍ଡାତା ହାହାମାଲ୍,

୨୦ ନାନୁ କ୍ରୀସ୍ତ ତଲେ ପାସି ମୁଣ୍ଡାତା ହାହାମାଲ୍; ନାନୁ ଅଡ଼େ ନୀତା ହିଲଅଁ, ସାମା କ୍ରୀସ୍ତ ନା ତାଣା ନୀତାମାନେସି; ଅଡ଼େ ନାନୁ ନୀଏଁ ଏନିନି ଆଞ୍ଜା ତଲେ ନୀତାମାଲ୍, ଏଡ଼ି ନାମୁତଲେ, ଇତିହାସ ମାହାପୁରୁତି ଏନିନି ମୀରଏସି ନାଞ୍ଜେ ଜୀଞ୍ଜୁନହାଁନା ନା ତାକି ତାନି ଜୀଞ୍ଜୁ ହାହାମାନେସି, ଏଞ୍ଜାଣି ତାଣା ନାମାନା ନୀତାମାଲ୍ ।

୨୧ ନାନୁ ମାହାପୁରୁ କାର୍ମାମେହନାଣି ଉଜେଏ କିହିହିଲଅଁ; ଇତିହାସ ଫେରା ତଲେ ମାଣସି ମାହାପୁରୁ ନକିତା ତୀରିଗାଟାସି ଆନେସି, ଆତିହାସ କ୍ରୀସ୍ତ ହାଡ଼ାୟି ଉଜେଏତାୟି ।

୩

ଫେରା ଆଆତେଁ ନାମ୍

୧ ଏ ବୁଦି ହିଲାଆଗାଟି ଗାଳାତିୟତି ଲକ୍ଷ୍ମତେରି ! ଆମ୍ବାଆସି ମିଜେ ମାଡ଼ି କିହାମାଞ୍ଜାନେସି ? ମୀ କାଣକା ନକିତା ଜୀସ୍ତ କ୍ରୀସ୍ତ ପାସି ମୁଣ୍ଡାତା ହାଡ଼ି କାତା ନେହାଁକିଁ ତଞ୍ଜାଆହିମାଞ୍ଜାତେ ।

୨ ନାନୁ ମୀ ତାଣାଟି ଇଚେକା ପୁଞ୍ଜାଲି ଅଣ୍ଡପିମାଲ୍; ମୀରୁ ମସା ଫେରା ତଲେ କାମା କିତାକି କି ନେହାଁ କାବୁ ଖେଞ୍ଜାନା ନାମିତାକି ସୁଦୁଜୀଞ୍ଜୁ ବେଟାଆହାମାଚେରି ?

୩ ମୀରୁ ଏନିଲେହେତି ବୁଦି ହିଲାଆଗାଟାଚେରି ? ମାହାପୁରୁତି ଜୀଞ୍ଜୁତଲେ ମାଟ୍‌ହାନା; ଆଞ୍ଜାତି ବାଡ଼ୁହୁ ତଲେ ରାପୁହାଲି ଅଣ୍ଡପିମାଞ୍ଜେରି ?

୪ ମୀରୁ କି ଉଜେଏ ଇଚେକା କସ୍ତ ବେଟାଆହାମାଞ୍ଜେରି ? ଏଡ଼ି ଏନାଆଁ ଉଜେଏତାୟି ?

୫ ଇତିହାସ ଆମ୍ବାଆସି ମିଜେ ଜୀଞ୍ଜୁ ହାହାମାଞ୍ଜାନେସି, ଅଡ଼େ ମୀ ତାଣା କାବାଆନି କାମା କିନେସି, ଏଞ୍ଜାସି ଫେରାତାକି କିନେସି କି ନାମୁତାକି ଖେଞ୍ଜାହାଁ କିନେସି ?

୬ ଅବ୍ରାହାମ କାତା ଅଣ୍ଡପାବୁ, ସାତ୍ସୁରିତା ରାସ୍‌କି ଆହାମାନେ, “ଏଞ୍ଜାସି ମାହାପୁରୁ ତାଣା ନାମିତେସି, ଇଞ୍ଜା ନାମାଲିଏ ତୀରିଗାଟାସି ଆଡେସି ।”

୭ ଇଦାଆଁତାକି ଆମ୍ବାଆରି ନାମିନେରି ଏଞ୍ଜାରିବେଁ ଅବ୍ରାହାମତି ମୀରୁକା ମାସ୍କା, ଇଦାଆଁ ମୀରୁ ପୁନାୟିମାନେ ।

୮ ଅଡ଼େ ମାହାପୁରୁ ଜାହୁଦିଆଆତାରାଲ୍ ନାମୁଟି ତୀରିଗାଟାରି କିନେସି, ଏଦାଆଁ ଦାମ୍ବୁ ପତିତା ନକେଏ ମେସାନା ଅବ୍ରାହାମ ତାଣା ନେହାଁ କାବୁ ଖେସାନା ଏଲେଇଚେସି; “ନୀ ତାଣାଟି ଦାଡ଼ିତି ବାରେ କୁଲୁତି ଲକ୍ଷ୍ମ ବର ବେଟାଆନେରି ।”

୯ ଅବ୍ରାହାମ ନାମିତେସି ଇଞ୍ଜା ବର ବେଟାଆଡେସି, ଏଲେକିହାଁଏ ଆମ୍ବାଆରି ନାମିନାରି ବାରେଜାଣା ଏଞ୍ଜାଣିଲେହେଁ ବର ବେଟାଆନେରି ।

୧୦ ଇତିହାସ ଏଚେକା ଲକ୍ଷ୍ମ ମସାତି ଫେରା ଆସାନା କାମା କିନେରି, ଏଞ୍ଜାରି ବାକା ବେଟାଆନେରି, ଦାମ୍ବୁପତିତା ରାସ୍‌କି ଆହାମାନେ, “ଆମ୍ବାଆସି ଫେରା ପତିତା ରାସ୍‌କି ଆହାମାନି ବାରେ କାତାତି ମାନୁଞ୍ଜି ଆଅସି ଏଞ୍ଜାସି ମାହାପୁରୁ ତାଣାଟି ବାକା ବେଟା ଆନେସି ।”

୧୧ ଫେରା ମାନୁଞ୍ଜି ଆହାନା ଆମ୍ବାଆସି ମାହାପୁରୁ ନକିତା ତୀରିଗାଟାସି ଆଅସି, ନେହାଁକିଁ ପୁଞ୍ଜାମାନାୟି, ରାସ୍‌କି ଆହାମାନେ, “ଇତିହାସ ତୀରିଗାଟାସି ନାମୁଟି ନାଡିନେସି ।”

୧୨ ଅଡ଼େ ନାମ୍ବୁ ଫେରାତି ମୁଲୁ କାତା ଆଏ; ଫେରାତି ମୁଲୁ ଆହାମାନେ “ଆମ୍ବାଆସି ବାରେ ହୁକୁମି ମାନୁଞ୍ଜି ଆନେସି, ଏମ୍ବାଟି ଏଞ୍ଜାସି ନାଡିନେସି ।”

୧୩ କ୍ରୀସ୍ତ ମା ତାକି ବାକା ବେଟାଆହାନା ଫେରାଟି ମାଞ୍ଜେ ଞ୍ଜାରି ବାକାଟି ପିସ୍‌ପି କିହାମାଞ୍ଜାନେସି; ଇତିହାସ ରାସ୍‌କି ଆହାମାନେ, “ଆମ୍ବାଆସି ପାସି ମୁଣ୍ଡାତା ଏପକି ଆନେସି ଏଞ୍ଜାସି ବାକା ଗାଟାସି ।”

୧୪ ମାହାପୁରୁ ଅବ୍ରାହାମଲ୍ ଆମିନି ବର ହାହାଲିତାକି ଆଞ୍ଜାମାଚେସି, ଜୀହୁଦିଆଆତି ଲକ୍ଷ୍ମ ଜିକେଏ ଏନିକିଁ ଏଦାଆଁ ବେଟାଆହାଲି ଆଡିନେରି, ଏଦାଆଁତାକି କ୍ରୀସ୍ତ ଇ କାମା କିହାମାନେସି, ଏଦାଆଁତାକି ମୀରୁ ଜିକେଏ ମାହାପୁରୁ ଖେସାମାନି ଲେହେଁ ନାମୁତଲେ ସୁଦୁଜୀଞ୍ଜୁ ବେଟାଆହାଲି ଆଡିନାୟି ।

ଫେରା ଅଡ଼େ ଆଞ୍ଜିନାୟି

୧୫ ଏ ତାୟି ତାଜିସ୍ତା, ନାନୁ ମାଣସିୟାଁ ଲେହେଁ ଝେସିମାଞ୍ଜାଇଁ; ରାଜ୍ଠିମାନା ମାଣସି ତାଣାଟି କିତି ଜିକେଏ, ରିଆରି ସନ୍ତକି କିହାନା ଏଦାଆଁ ତୀରି କିନେରି, ଏଚେତା ଏଦାନି ଆମ୍ବାଆସି ଏଚକା କିହାଲି ଆଡ଼ଅସି କି ଏମ୍ବାଆଁ ଏନାଆଁ କାଲହାଲି ଆଡ଼ଅସି ।

୧୬ ମାହାପୁରୁ ଆଞ୍ଜାମାନାୟି ଅବ୍ରାହାମ ଇଞ୍ଜାଁ ତାନି କୃତ୍ତା ତାକି ହୀପ୍ତକି ଆହାମାଚେ; ଏଞ୍ଜାସି ଏଲେଇଞ୍ଜା ହିଲଅସି, “କୃତ୍ତା ତାରାକି” ଏନିକ୍ ହାରେକା ଲକ୍ତୁତାକି ସାସ୍ତେରିତା ଝେସ୍ତିଲେହେଁ ଆଏ, ଇତିହ୍ ଏନିକ୍ ରଅଣି କାତା ଝେସ୍ତେସି, ନୀ “କୃତ୍ତା ତାକି” ଏଞ୍ଜାସି କ୍ରୀସ୍ତ ଜୀସୁ ।

୧୭ ନା ଅଣ୍ଡୁ ଇଦି, ମାହାପୁରୁ ଅବ୍ରାହାମ ତଲେ ର ରାଜ୍ଠିମାନା କିହାମାଚେସି, ଅଡ଼େ ଏଦାଆଁ ତୀରିକିହାଁ ଇଚାଲି ଆଞ୍ଜାମାଚେସି, ଆନିନି ମେରା ସାରି ଖାଞ୍ଜା କଡ଼େଦସ ବାସୀ ତାୟୁ ହୀପ୍ତକିଆଡ଼େ, ଏଦି ଏ ରାଜ୍ଠିମାନାତି ମାନି କିଆନା ମାହାପୁରୁତି ଆଞ୍ଜାମାନାଣି ଆଞ୍ଜାଲି ଆଡ଼େଏ ।

୧୮ *ମାହାପୁରୁତି ଆଞ୍ଜାମାନି ବର. ମେରା ମାନିକିନି ତାଣା ବାସ୍ କିନେ, ଆତିହ୍ ଏଦି ଅଡ଼େ ଆଞ୍ଜାମାନାୟି ଆଏ; ସାମା ମାହାପୁରୁ ଆଞ୍ଜାନା ଅବ୍ରାହାମକି ଏଦାଆଁ ହାହାମାନେସି ।

୧୯ ଆତିହ୍ ମେରା ଏନାଆଁତାକି ହୀପ୍ତକିଆଡ଼େ ? ମାଣସିତି ଲାଗେଏତି କାମା ତସାଲି ତାକି ହୀପ୍ତକିଆଡ଼େ, ଇଞ୍ଜାଁ ଅବ୍ରାହାମକି ଏନିନି କୃତ୍ତାତି ମେସାନା ମାହାପୁରୁ ଆଞ୍ଜାମାଚେସି, ଏଞ୍ଜାସି ଖାନ୍ତି ପାଡେକା ମେରା ଲଡ଼ା ମାଚେ, ର ମାଣସିତି ମାଦି ତଲେ ଲାକପୁରୁତି ଦୁତୁୟାଁ ସାୟେମିତି ମେରା ହୀପ୍ତକି ଆହାମାଚେ ।

୨୦ ସାମା ନୀଏଁ ମାଦିତି ମାଣସି ରଅସିଏ; ଅର ରଅସି ଆଏ, ସାମା ମାହାପୁରୁ ରଅସିଏ ।

ମେରାତି କାତା

୨୧ ଇତିହ୍ ମେରା ମାହାପୁରୁ ଆଞ୍ଜାମାନାଣି କପାଟି କାତା ଝେକନେ ? ଏଦି ଏଚେଲାଞ୍ଜା ଆଆପେ; ଇତିହ୍ ଲକ୍ତୁତାକି ଜୀସୁ ହାହାଲି ଆଡ଼ିନି ଇଲେତି ମେରା ହୀପ୍ତକି ଆହାମାଚିହ୍ ମା, ଆତିହ୍ ମେରା ସାଡେଏ ତୀରି ଗାଟାୟି ଆଡ଼େମା ।

୨୨ ସାମା ଦାମ୍ବୁ ସାସ୍ତେରିତା ରାସ୍ତକି ଆହାମାନେ, “ବାରେ ମାଣସି କୃତ୍ତା ପାପୁତି ବାଡ଼ୟୁତା ମାନେରି, ଏଦାଆଁତାକି ଏନିକ୍ ଜୀସୁ କ୍ରୀସ୍ତ ତାଣା ନାମିତି ପାଡ଼େୟି ଲେହେଁ ଆଞ୍ଜାମାନି ବର କ୍ରୀସ୍ତଇଁ ନାମିତି ଲକ୍ତୁ ବେଟାଆନେରି ।”

୨୩ ସାମା ଏ ନାମୁ ଖାନ୍ତି ନଚେଏ, ତଞ୍ଜାଆହାଲି ହାଜିମାନି ଏ ନାମୁତି ମେଡ଼ା ଆହାଲି, ମାର ମସା ମେରାତା ଦସ୍ପି ଆହିମାଚାୟି ।

୨୪ ଇଲେତି ନାମୁ ତାକି ମାର ଦାମ୍ବୁ ଗାଟାଚାୟି ଆହାଲିତାକି କ୍ରୀସ୍ତ ଖାନ୍ତି ଦିନା ପାଡେକା ମେରା ମାଜେ ଜାପୁହାନାୟି ଲେହେଁ ମାଚେ ।

୨୫ ସାମା ନୀଏଁ ଏ ନାମୁ ଖାହାଲିଏ, ମାର ଅଡ଼େ ମେରାତି ବାଡ଼ୟୁତା ହିଲାଆୟି ।

୨୬ ଇତିହ୍ ମୀରୁ ବାରେକାଣା ଜୀସୁ କ୍ରୀସ୍ତଇଁ ନାମିନି ତାଣାଟି ମାହାପୁରୁତି ମୀରକା ମାସ୍ତକା ଆହାମାଞ୍ଜେରି ।

୨୭ ଇଞ୍ଜାଁ ମୀରୁ ଏଚେକା ଲକ୍ତୁ କ୍ରୀସ୍ତ ଦରୁତି ବାପ୍ତିସ୍ତ* ବେଟାଆହାମାଞ୍ଜେରି, ନୀଏଁ ମୀରୁ ବାରେତେରି କ୍ରୀସ୍ତଇଁ ହିମ୍ବିଲେହେଁ ପର୍ହାମାଞ୍ଜେରି ।

୨୮ ଜୀହୁଦି ଆପେସି କି ଜୀହୁଦିଆଆତି ଲକ୍ତୁ ଆପେସି, ହଲେଏସି ଆପେସି କି ହଲେଏସି ଆଆତାସି ଆପେସି, ଆବା ଆପେସି କି ଇୟା ଆପେ; ମୀ ବିତ୍ତା ଏନି ପାର୍ଡ଼ା ହିଲେଏ, ମୀରୁ ବାରେ କ୍ରୀସ୍ତ ଜୀସୁ ତାଣା ଆଣ୍ଡାନା ରଣ୍ଡିଏ ଆହାମାଞ୍ଜେରି ।

୨୯ *ଅଡ଼େ ମୀରୁ କ୍ରୀସ୍ତତି ଲକ୍ତୁ, ଆତିହ୍ ମୀରୁ ଅବ୍ରାହାମତି କୃତ୍ତାଚେରି, ଆଞ୍ଜାମାନି ଲେହେଁ ଅଦିକାରା ଗାଟାଚେରି ଆହାମାଞ୍ଜେରି ।

୪

୧ ନାନୁ ଝେସିମାଞ୍ଜାଇଁ, ମୀରୁଏସି ଆବ୍ବାତି ବାରେ ଦନ୍ତତି ଅଦିକାରା ଗାଟାସି, ସାମା ବାରେତି ଅଦିକାରା ଗାଟାସି ଆଡ଼ିଜିକେଏ, ପାତାଆନି ପାଡେକା ହଲେଏସି ଲେହେଁ ଆନେସି ।

୨ ସାମା ଆବ୍ବାତି ତୀରି କିହାମାନି ଦିନା ପାଡେକା ଏଞ୍ଜାସି ତାଲି ତାଞ୍ଜି ଅଡ଼େ ଗୁମୁସ୍ତାତି କାତାତା ତୁୟିନେସି ।

* ୩:୧୮ ରନି ୪:୧୪ * ୩:୨୭ ମୁଞ୍ଜିନାୟି ☆ ୩:୨୯ ରନି ୪:୧୩

୩ ଏଲେକିହ ଏ ମାରୁ ଜିକେଏ ଏରିବେଲା ଦାମ୍ଭୂତା ପାଡ଼ାଆହା ହିଲାଆତାୟି, ଏରିବେଲା ଦାବ୍‌ତିତି ବାରେ ସାଲୁଡ଼ି କିନି ବାଡ଼ୁୟୁତା ହଲିୟା ମାଗାୟି ।

୪ ସାମା ଦିନା ପୁରା ଆୟାଲିଏ, ମାହାପୁରୁ ତାନି ତାଣାଟିଏ ତାନି ମୀରୁଏଣାକ୍ ପାଣ୍ଡାତେସି; ଏଞ୍ଜାସି ଇୟାନି ବାଣ୍ଡିଟି ଜାନା ଆହାନା ଜାହୁଦିୟାଁ ମେରା ତଲେ ନୀତିତେସି,

୫ ଏନିକିହ ଏଞ୍ଜାସି ମେରାତା ମାନି ଲକୁଣି ମୁଲୁ ହାହାନା ପିସିପି କିନେସି, ଅଡ଼େ ମାରୁ ମାହାପୁରୁତି ମୀରୁକା ମାସ୍କାକାତି ଅଦିକାରା ବେଟାଆନାୟି ।

୬ ଇଞ୍ଜା ମୀରୁ ମୀରୁକା ମାସ୍କାକାତେରି, ଅଡ଼େ ମାହାପୁରୁ ମୀ ହିୟାତା ଡ଼ୟାଲି ତାକି ତାନି ମୀରୁଏଣାତି ସୁଦୁଜାସୁ ପାଣ୍ଡାତେସି, ଏ ଜାସୁ ମୀ ତାଣା ମାଞ୍ଜାନା କାଜା ଗିୟାତଲେ “ଆଡ଼ା ତାଞ୍ଜି ଇଞ୍ଜା” ହାଡ଼ିମାନେ ।

୭ ଏଦାଆଁତାକି ମୀରୁ ଅଡ଼େ ହଲିୟାଜା ଆଏ, ସାମା ମୀରୁକା ମାସ୍କାକାତେରି, ମୀରୁ ତାନି ମୀରୁକା ମାସ୍କାକାତେରି ଆହାମାନାକି ମାହାପୁରୁ ତାନି ମୀରୁକା ମାସ୍କାକାକି ଏନାଆଁ ଇଟାମାନେସି ଏ ବାରେ ମିଜେ ହିୟାନେସି ।

ଗାଳାତିୟ ଲକୁତାକି ପାଞ୍ଚୁଲ ଅଣ୍ଡପିନାୟି

୮ ସାମା ମୀରୁ ନଡ଼କଏ ମାହାପୁରୁକ୍ ପୁଞ୍ଜାହିଲାଆତେରି, ଅଡ଼େ ଏମିନି ଗାଗଲ ସାତା ମାହାପୁରୁ ଆଏ, ଏଞ୍ଜାଆଁତି ହଲିୟାଜା ମାତେରି ।

୯ ସାମା ମୀରୁ ନୀଏଁ ମାହାପୁରୁକ୍ ପୁଚେରି; ଇଞ୍ଜା ମାହାପୁରୁ ମିଜେ ପୁଞ୍ଜାତେସି, ଆତିହ ଏ ମୀରୁ ଏନିକି ଏ ବାଡ଼ୁୟୁ ହିଲାଆଗାଗଲ ଅଡ଼େ ଏନାଆଁ ହିୟାଲି ଆଡ଼ାଆଗାଟି ଦାବ୍‌ତି ଝାକି ଝେଣ୍ଡେ ହାଜାଲି ଅଣ୍ଡପିମାଞ୍ଜେରି, ମୀରୁ ଏନାଆଁତାକି ଝେଣ୍ଡେ ଏ ବାରେତି ହଲିୟାଜା ଆୟାଲି ଅଣ୍ଡପିମାଞ୍ଜେରି ।

୧୦ ଦୁକୁତି କାତା, ମୀରୁ ତାରି କିହାମାନି ଦିନା, ଲେଞ୍ଜୁ, ପାରୁ ଅଡ଼େ ବାସା ମାନଞ୍ଜି ଆହିମାଞ୍ଜେରି ।

୧୧ ମିଜେତାକି ନାନୁ କିହାମାନି କାମା ଏଡ଼େତା ଉଜେଏ ଆନେ, ମୀ ତାକି ନାଜେ ହାଡ଼େକା ଆଜି ହଡ଼ିମାଞ୍ଜାନେ ।

୧୨ ଏ ତାୟି ତାଜାସାତେରି, ନାନୁ ମିଜା ବାଡ଼ିମାଲିମାଞ୍ଜାକ୍, ମୀରୁ ନାଲେହେଁ ଆଦୁ, ଇତିହ ଏ ନାନୁ ଜିକେଏ ମୀ ଲେହେଁ ଆହାମାକ୍, ମୀରୁ ନାଜେତାକି ଏନାଆଁ ଲାଗେଏ ପଲେଏ କିହାମାଞ୍ଜାଅତେରି ।

୧୩ ନାନୁ ତଲିଏ ମୀ ତାଣା ନେହ ଏକାଡ଼େ କହାମାଚେଏଁ ମୀରୁ ପୁଞ୍ଜାମାଞ୍ଜେରି ଏଡ଼େତା ନା ଆଜାତି ବାଦା ମାଞ୍ଜାନା ଝେକହାମାଚେଏଁ;

୧୪ ଅଡ଼େ ନା ଆଜାତି ବାଦା ମିଜେତାକି କସୁଗାଗାୟି ଆହିମାଚିହ ଏ ଜିକେଏ ମୀରୁ ନାଜେ ହୀଣି ତଲେ ଅପ୍‌ଅମି ଇଞ୍ଜା ମାଞ୍ଜାଅତେରି, ସାମା ମୀରୁ ମାହାପୁରୁତି ର ଦୁଡୁ ଲେହେଁ ଇତିହ ଏ କ୍ରାସୁ ଜାସୁକ୍ ଆବିନି ଲେହେଁ ନାଜେ ଆବାତେରି ।

୧୫ ମୀରୁ ଏଡ଼େକା ରାହାଁ ମାତେରି, ମୀ ଏ ରାହାଁ ଆମ୍ବିୟା ହାଚେ ? ଇତିହ ଏ ନାନୁ ମୀ କାତା ଆବୁଞ୍ଜା ତଲେ ଝେସାଲି ଆଡ଼ିକ୍, ଏ ବେଲାତା ମୀରୁ ଜାହାରା କାନୁ ପିଡ଼ହାନା ନାଜେ ହିୟାତେରିମା ।

୧୬ ସାମା ନୀଏଁ ନାନୁ ମିଜେ ସାତା ଝେସାଲିଏ, ମୀ ସାଡୁ ଆହାମାକ୍ କି ?

୧୭ ଏଞ୍ଜାରି ମୀ ନେହେଁ ତାକି ହାଡ଼େକା ରାହାଁ ଗାଗାରି ଇଞ୍ଜା ତଞ୍ଜାଆହାଲି ଅଣ୍ଡପିମାନେରି, ସାମା ତାମି ସାତା ଅଣ୍ଡପୁ ତଲେ ଆଏ, ଏଞ୍ଜାରି ରଣ୍ଡିଏ ଅଣ୍ଡପୁ, ଏନିକି ମୀରୁ ନା ତାଣାଟି ଏଡ଼କା ଆହାନା ଏଞ୍ଜାରି ଝାକି ରାହାଁ ଆଦେରି ।

୧୮ ଇତିହ ଏ ନାନୁ ମୀ ତାଣା ମାନି ବେଲାତା ଆଏ, ସାମା ବାରେ ବେଲାତା ନେହ ଏ କାମାତାକି ଅଣ୍ଡପିନାୟି ନେହେଁ ।

୧୯ ଏ ନା ଜାସୁତି ମୀରୁକା ମାସ୍କାକାତେରି, ଏଚେ ପାଡ଼େକା କ୍ରାସୁ ଲେହେଁ ଆଅଡ଼େରି, ଏଚେ ପାଡ଼େକା ନାନୁ ମୀ ତାକି ଜାନି କିନାଟି ଲୁଞ୍ଜିନି ବାସା ଲେହେଁତି କସୁ ବେଗାଆହିମାକ୍ ।

୨୦ ନାନୁ ଏନିକି ନୀଏଁ ମୀ ତାଣା ଝାହାନା ଅର ରଲେତି ହାଡ଼ା ଝେସାଲି ଆଡ଼ିତେଏଁମା, ଇଦି ନା ଅଣ୍ଡପୁ ମାଚେ; ଏନାଆଁତାକି ଇତିହ ଏ ନାନୁ ମୀ ତାକି ହାଡ଼େଏ ଅଣ୍ଡପିମାକ୍ ।

ହାଗାରୁ ଅଡ଼େ ସାଗାନି ପୁଣ୍ଡମିକିନାୟି

୨୧ ମସାତି ମେରାତା ମାଞ୍ଜାଲି ମନ କିହିମାଞ୍ଜେରି ମୀରୁ, ନାଜେ ଝେସାଦୁ, ମେରାତା ଏନାଆଁ ରାସ୍କି ଆହାମାନେ, ଏଦାଆଁ ମୀରୁ ଝେଞ୍ଜା ହିଲଅତେରି ?

* ୪:୫ ଭନି ୮:୧୫-୧୭

୨୭ ଇତିହାସ ରାସ୍ତାକୁ ଆହ୍ୱାନାଦେ, ଅବ୍ରାହାମଟି ରୀ ମୀର୍କା ମାଚେରି ରଥସି ହଢ଼ଲଣି ତାଣାଟି ଅଡ଼େ
ରଥସି ତାନି ତକ୍ରିନି ତାଣାଟି ଜାନି ଆହ୍ୱାନାଚେସି,

୨୮ ହଢ଼ଲଣି ମୀର୍କାସି ଆଜ୍ଞାଟି ଗୁଣ୍ଡତଲେ ଜାନି ଆଡ଼େସି, ସାମା ଆମିନିଗାଗାସି ତାନି ତକ୍ରିନି ମୀର୍କାସି
ମାହାପୁରୁ ଆଜ୍ଞାମାଟି ବାଡ଼ୁଟି ଜାନି ଆଡ଼େସି ।

୨୯ ଇଦାଆଁ ର ପୁଣ୍ଡସି କିନି କାତାଲେହେଁ ଝେସିମାନେ, ଇ ରୀ ଇୟାସିକା ରୀ ରାଜ୍ଜିମାନା ଲେହେଁତାଜ୍ଜ;
ଆମିନି ଗାଗାନି ମୀର୍କା ହଲିୟାଜ୍ଜା ଆୟାଲି ଜାନି ଆଡ଼େଚରି, ଏ ହାଗାର୍ ସିନୟ ହୁଟି ଝାହାମାନି
ରାଜ୍ଜିମାନା ଲେହେଁ ।

୩୦ ହାଗାର୍ ଆରବ ଦେସାତା ମାନି ସିନୟ ହରୁ ଲେହେଁ, ଏଦି ନୀସଁତି ଜିରୁସାଲମ ଗାଡ଼ା ଲେହେଁ ।
ହାଗାର୍ ଲେହେଁ ଜିରୁସାଲମ ଅଡ଼େ ଏଦାନି ସାଲ୍ଲୀ କିନାରି ନୀସଁ ହଲିୟାଜ୍ଜା ଆହ୍ୱାନାଚେରି ।

୩୧ ସାମା ଲାକପୁରୁ ମାନି ଜିରୁସାଲମ ହଢ଼ଲଣି ଆଆଗାଗାୟି, ଏଦି ମା ତାଲି

୩୨ ଏନାଆଁତାକି ଇତିହାସ ସାସ୍ତେରିତା ରାସ୍ତାକୁ ଆହ୍ୱାନାଦେ,
“ଆକେ ବାଢ଼ୁଣି, ଏଚେଲା ପଦି ପଦା ଜାନି କିଆଗାଟି ଇୟା, ରାହଁ କିମ୍ପୁ,
ଜାନି କିନି ବେଲାଟି ଲୁଞ୍ଜିନି ବୀସା ଏଚେଲା ପୁଞ୍ଜା ହିଲାଆତି ଜିକେଏ ନାନୁ କାଜା ଗିୟାଁତଲେ ରାହଁ
କିମ୍ପୁ;

ଇତିହାସ ତକ୍ତା ତଲେ ବାସା କିହିମାନି ଇୟାନି କିହଁ
ର ପିସି ଇୟାନି କକାରି ପଦାୟା ହାଚେକା ଜାଣି ଆଚେରି ଆନୁ ।”

୩୩ “ଏ ନା ତାୟି ତାଜ୍ଜିସ୍ତାତେରି, ମୀରୁ ଇସାହାକ ଲେହେଁ ଆଜ୍ଞାମାନି ମାହାପୁରୁଟି ମୀର୍କା ମାସ୍ତାଚେରି

୩୪ ସାମା ଆମ୍ବାଆସି ଆଜ୍ଞାଟି ଗୁଣ୍ଡ ତଲେ ଜାନି ଆଡ଼େସି, ଏଝାସି ଏନିକ୍ ଏଚିବେଲାତା ମାହାପୁରୁଟି
ସୁଦୁଜାସ୍ତୁଟି ଆଜ୍ଞାମାନି ତାଣାଟି ଆମ୍ବାଆସି ଜାନି ଆହ୍ୱାନାଚେସି, ଏଝାଣାଜ୍ଜ ସାସି ହାହାମାଚେସି
ଏଲେକିହଁ ଏ ନୀସଁ ଜିକେଏ ଆହିମାନେ ।

୩୫ ଦାମ୍ପୁ ପତି ଏନାଆଁ ଝେସିମାନେ ? ହଢ଼ଲଣି ଇୟା ଅଡ଼େ ଏଦାଣି ମୀର୍କାଣାଜ୍ଜ ପିହ୍ମୁ; ଇତିହାସ
ହଢ଼ଲଣି ମୀର୍କାସି ତାନି ବୀହା ତକ୍ରିନି ମୀର୍କାଣା ତଲେ ଅଦିକାରା ଗାଗାସି ଆୟାଲି ଆଡ଼େସି ।”

୩୬ ଏଦାଆଁତାକି ଏ ନା ତାୟି ତାଜ୍ଜିସ୍ତାତେରି, ମୀରୁ ହଢ଼ଲଣି ମୀର୍କା ମାସ୍ତା ଆଏ, ସାମା ବୀହା ତକ୍ରିନି
ମୀର୍କା ମାସ୍ତାଚାୟି ।

୫

କ୍ରୀସ୍ତ ତାଣା ମେଲା ଆନାୟି

୧ ମୀରୁ ମେଲା ଆହ୍ୱାନାଚାୟି, କ୍ରୀସ୍ତ ମାଜେ ମେଲା କିହାମାଜ୍ଜାଚେସି । ଇଦାଆଁତାକି ମୀରୁ ମେଲା
ଆଡ଼ିତାଣା ତାରିଆହଁ ମାଞ୍ଜୁ । ଅଡ଼େ ଝେଣ୍ଡେ ହଲିୟାଜ୍ଜା ଜୁଝେଡ଼ିତା ମୀରୁ ଜାହାରାଜ୍ଜ ହେବପାକତାଆଦୁ

୨ ନାନୁ ପାସ୍ତୁଲ ମିଜେ ଝେସିମାଜ୍ଜାଜ୍ଜ, ମୀରୁ ମୀ ତଲୁ ଦାପିଆନାଣି ମାନି କିତିସାଚେ, କ୍ରୀସ୍ତ ତାଣାଟି
ମାନି ଏନି ଲାବା ହିଲେଏ ।

୩ ନାନୁ ତଲୁ ଦାପି ଆହିମାନି ବାଚେ ଜାଣାଜ୍ଜ ଝେଣ୍ଡେ ଝେସିମାଜ୍ଜ, ଇତିହାସ ଏଝାସି ବାଚେ ମସାତି ମେଲା
ମାନୁଟି ଆନାୟି ମାନେ ।

୪ ମୀରୁ ଏଚେକା ଲକୁ ମେରାଟି ମାହାପୁରୁ କାନୁତା ତାରିଗାଗାଚେରି ଆୟାଲି ଅଣ୍ଡପିମାଜ୍ଜେରି, ମୀରୁ
କ୍ରୀସ୍ତ ତାଣାଟି ଏଟକା ଆହ୍ୱାନାଚେରି, ଇଞ୍ଜା ମାହାପୁରୁ କାର୍ମାମେହନି ତାଣାଟି ଗୁଗା ଆହ୍ୱାନାଚେରି ।

୫ ଇତିହାସ ମୀରୁ ମାହାପୁରୁଟି ଜାସ୍ତୁତଲେ ନାମୁ ତାକି ଦାମ୍ପୁଗାଟି ଲକୁ ଆନି ଆସାଜ୍ଜ କାଟିମାନାୟି ।

୬ ଇଦାଆଁତାକି ଜୀସୁ କ୍ରୀସ୍ତ ତାଣା ଆଣ୍ଡାନା ନୀତାମାଟିସାଚେ ତଲୁ ଦାପି ଆନାୟି କି ଦାପି ଆଆଗାଗାୟି
ଏନାୟି ହିଲେଏ, ସାମା ନାମୁତା ଅଜ୍ଜିକିହଁ ମାଜ୍ଜାନା ଜାସ୍ତୁ ନନାଣି ତଲେ କାମା କିନାୟି ।

୭ ମୀରୁତ ନେହଁକଁ ନକିତା ହାଜିମାଚେରି; ଆମ୍ବାଆସି, ମିଜେ ସାତାଟି ମାନୁଟି ଆଆଦୁ ଇଞ୍ଜ
ଆଜ୍ଞାଚେସି ?

୮ ମିଜେ ହାଗାମାଜ୍ଜାନି ମାହାପୁରୁ ତାଣାଟି ଇଦି ଆହା ହିଲେଏ ।

୯ କାତାତା ମାନେ, ଇଚାୟି ପୁଲା ତକାଟି ଗୁଣ୍ଡା ବାଚେ ପୁଲା କିନେ ।

☆ ୫:୯ ୧କର ୫:୭

୧୦ ମୀରୁ ଏବଂକାତି ଅଣପୁ ଅଣପଅତେରି, ଇଦାଆଁ ନାନୁ ମିଙ୍ଗେ ତାକି ପୁବୁ ତାଣା ହାରେକା ନାମିମାଈ; ସାମା ମିଙ୍ଗେ ଆମ୍ବାଆସି ନାଡ଼ି କିହାମାଞ୍ଜାନାସି ଏଞ୍ଜାସି ଆମ୍ବାଆସି ଆପେସି ମାହାପୁରୁ ଏଞ୍ଜାଣାକି ତଣ୍ଡ ହାନେସି ।

୧୧ ନା ତାୟି ତାଙ୍ଗିସ୍ତାତେରି, ନାନୁ ନାଏଁ ପାତେକା ତଲୁ ଦାଃନି ମେରା ୱେକ୍‌ହିମାଈ, ଆତିହିଁ ଏନାଆଁତାକି ନାଏଁ ପାତେକା ସାସ୍ତି ବେଟାଆହିମାଈ ? ନାନୁ ସାତେଏ ଏଲେକ୍‌ହିଁ ୱେକ୍‌ହିଁ, କୁସତା ହାଡ଼ି କ୍ରୀସ୍ତତି କାତା ୱେକ୍‌ନି ତାଣାଟି ନାଙ୍ଗେ ଏନି ବାଦା ଆଆତେମା ।

୧୨ ନାନୁ ଅଣପିମାଈ, ତଲୁ ଦାନାଣି ଏମିନିଗାଟାରି ମିଙ୍ଗେ ଏଲେକ୍‌ହିଁ କିଲିବିଲି କିହାମାଞ୍ଜାନେରି ଏଞ୍ଜାରି ପେକ୍‌ୟାଁ ଲେହେଁ ଆଡ଼ିହିଁ ନେହିଁ ଆଡେମା ।

୧୩ ଏ ତାୟି ତାଙ୍ଗିସ୍ତା, ମୀରୁ ମେଲା ଆହାଲିତାକି ହାଟ୍‌କି ଆହାମାଞ୍ଜେରି; ସାମା ଜାଗ୍ରାତା, ଆଙ୍ଗାତି ଜୁପକା କାମା କିହାଲି ମୀ ଆଙ୍ଗାତି ପାରୁ ବେଟାଆଡ଼ିସାରେ ଏ ମେଲାତି ଲେମ୍ବାଆଦୁ, ସାମା ରଅତେରି ରଅଣାଈ ଜୀଞ୍ଜୁ ନଞ୍ଜିଆହାନା ସେବା କିଦୁ ।

୧୪ ଇତିହିଁ ବାରେ ମେରା ଈ ରଣ୍ଡିଏ ହୁକୁମିତା ତାରି ଆନେ, “ନାନୁ ନୀ ଆବ୍‌ହିତାଣାଈ ନୀ ଜୀଞ୍ଜୁତି ଜୀଞ୍ଜୁନି ଲେହେଁ ଜୀଞ୍ଜୁନଦୁ ।”

୧୫ ମୀରୁ ରଅତେରି ରଅଣାଈ ବାଦା ହାହାନା ନସ୍ତ କିଞ୍ଚି ଆହିମାଞ୍ଜେରି, ଆତିହିଁ ଜାଗ୍ରାତା ଆଦୁ, ଏନିକ୍‌ହିଁ ମୀରୁ ରଅତେରି ରଅଣି ତାଣାଟି ନାସା ଆଅତେରି ।

ସୁଦୁଜୀଞ୍ଜୁ ଅଡ଼େ ମାଣସିତି ଗୁଣ୍ଡ

୧୬ ନା ଅଣପୁ ଈଦି, ମୀରୁ ସୁଦୁଜୀଞ୍ଜୁ ତଲେ ତାକାଦୁ, ଆତିହିଁ ମୀରୁ ଆଙ୍ଗାତି ଜୁପକା ତଲେ କାମା କିଅତେରି ।

୧୭ ଏମାଣସିତି ମାଣ୍ଡକି ସୁଦୁଜୀଞ୍ଜୁ ଅପେଏ । ଏଲେକିହିଁ ଏ ସୁଦୁଜୀଞ୍ଜୁ ମାଣସିତି ମାଣ୍ଡକିତି ଅପେଏ । ଏଞ୍ଜି ରିଣ୍ଡି ସାଡୁ ଲେହେଁ । ଇତିହିଁ ମୀରୁ ଏନାଆଁ କିୟାଲି ଅଣପିଦେରି ଏନାଆଁ କିୟାଲି ଆଡ଼ଅତେରି ।

୧୮ ସୁଦୁଜୀଞ୍ଜୁ ମିଙ୍ଗେ ସାଲଞ୍ଜି କିୟାନେ, ଆତିହିଁ ମୀରୁ ଅଡ଼େ ମସାତି ମେରା ତୁଇ ହିଲଅତେରି ।

୧୯ ଆଙ୍ଗାତି ଅଣପୁ ତଲେ କିନି କାମା ବାରେ ନେହିଁ କିଁ ପୁଞ୍ଜାମାଞ୍ଜେରି, ଏଞ୍ଜି ଦାରିକାମା, ଲାଗେଏ ପଲେଏ କାମା ।

୨୦ ଅଡ଼େ ଅପାଆଗାଟି କାମା, ପେଶକା ପୁଜା, ଲକୁଣି ପାୟିନାୟି, ଗୁଣି ଗାଡ଼ି, ସାଡୁ ଆନାୟି, ଗଡ଼ହା କିନାୟି, ଆଙ୍ଗାରା ଆନାୟି, କାର୍‌ବି ଆନାୟି, ଜାହାରାତାକି ଅଣପିନାୟି, ଗତି ଆହିଁ ବାଗା ଆନାୟି, ନାଡ଼ିକିହିଁ ବାଗା କିନାୟି, ତାହାରା ଆନାୟି,

୨୧ କାଡ଼ ଗୁହନାରି ତଲେ ଆଣ୍ଡାନା ରାହାଁ କିନାୟି ଇଲେତି ବାରେ କାମା କିନାୟି; ନାନୁ ତଲି ମିଙ୍ଗେ ଏନିକ୍‌ହିଁ ୱେସାମାଞ୍ଜାତେଏଁ, ଏଲେକିହିଁ ନଡ଼କଏ ଜାଗ୍ରାତା କିହିଁ ୱେସିମାଞ୍ଜାଈ, ଆମ୍ବାଆରି ଇଲେତି କାମା କିନେରି, ଏଞ୍ଜାରାକି ମାହାପୁରୁ ରାକିତା ଅଦିକାରା ହିଲେଏ ।

୨୨ ସାମା ସୁଦୁଜୀଞ୍ଜୁତି ପାଡ଼େୟି, ଜୀଞ୍ଜୁନନାୟି, ରାହାଁ ଆନାୟି, ହିଡ଼ି ଜୀଞ୍ଜୁତଲେ ମାନାୟି, ଅରୁହିନାୟି, ଲକୁଈଁ ସାୟେନି କିନାୟି, ସାତା ଗୁଣ୍ଡ, ମାନ୍ନିଗାଟି ଲକୁ, ନାମୁତଲେ ମାନାୟି,

୨୩ ଅଡ଼େ ଜାହାରାଈ ଲକୁନାୟି, ଈ ବାରେ ନକିତା ମସାତି ଏନି ମେରା ହିଲେଏ ।

୨୪ ଆମ୍ବାଆରି ଜୀପୁ କ୍ରୀସ୍ତ ତାଣା ମାନେରି, ଏଞ୍ଜାରି ତାମି ଆଙ୍ଗାତି ଅଣପୁ ଅଡ଼େ ଜୁପକା ବାରେ ମାଣସି ମାଣ୍ଡକିତି ପାସି ମୁଣ୍ଡାତା ଏକ୍‌ହାନା ହାଞ୍ଜି କିହାମାନେରି ।

୨୫ ମୀରୁ ସୁଦୁଜୀଞ୍ଜୁ ତଲେ ଜୀଞ୍ଜୁ ବେଟାଆହାମାନାୟି, ଆତିହିଁ ସୁଦୁଜୀଞ୍ଜୁ ତଲେ ନାଡ଼ିନ ।

୨୬ ମୀରୁ ବଡ଼ପଣ ଆହାନା ରଅତଞ୍ଜି ରଅଣାଈ ବିତିବିତା କିଆପ ଅଡ଼େ ମୀରୁ ରଅତାୟି, ରଅଣାଈ ତାହାରା ଆଆପ ।



ରଅସି ରଅଣି ବକୁ ଡେକିନାୟି

୧ ଏ ତାୟି ତାଙ୍ଗିସ୍ତା, ଆମ୍ବାଆସି ଏନି ଦହ କିହାମାନାଣି ପୁତିହିଁ, ସୁଦୁଜୀଞ୍ଜୁ ବେଟାଆହାମାଞ୍ଜେରି ମୀରୁ, ମୀରୁ ଟିକାଣା ତଲେ ଏଲେତି ଲକୁଣି ଏଲେତି କାମା ପିସାଲି ଜାପୁଦୁ, ଏଡ଼େତା ମୀରୁ ଜିକେଏ ପାନ୍ତାତା ହେରଞ୍ଜିଦେରି, ଏନାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ ।

☆ ୫:୧୭ ରମି ୭:୧୫-୨୩

୨ ରଥଚେରି ରଥଣି ବଳୁ ଡେକାଲି ସାଢ଼େମି କିଞ୍ଚିଆଦୁ; ଏଲେକିତିହିଁ ମୀରୁ କ୍ରୀସ୍ତତି ଫେରା ମାନୁଞ୍ଚି ଆଢ଼େବରି ।

୩ ଆମ୍ବାଆସି ଲାଗେଏ ଆହାନା ଜାହାରାଇଁ ନାନୁ କାଜାତେଏଁ ଇଞ୍ଚିଁ ଅଣପା କଡ଼ିନେସି ଏଞ୍ଚିସି ତାନୁଏ ତାଙ୍ଗେ ନାଡ଼ି କିହାକଡ଼ିମାନେସି ।

୪ ସାମା ବାରେଜାଣା ଜାହାରା କିଡ଼ି କାମାଡ଼ି ତାୟିପାରି କିପାସି, ଆତିହିଁ ଏଞ୍ଚିସି ଅର ଲକୁ କିଡ଼ି କାମାତାକି ଅଏ ସାମା ତାନୁଏ କିହାମାନାଣି ତାକି ବତପଣ କିଆପେସି ।

୫ ଏନିଇଚିହିଁ ବାରେଜାଣା ଜାହାରା ବଳୁ ଜାହାରାଏ ଡେକିନାୟି ମାନେ ।

୬ ସାମା ଆମ୍ବାଆସି ମାହାପୁରୁତି ବଳୁ ଜାପିନେସି, ଏଞ୍ଚିସି ତାଙ୍ଗେ ଜାପ୍ତନାଣାକି ତାନି ତାଣା ମାନି ବାରେକିହାଁ ନେହିଁ ବାଗା ହାପେସି ।

୭ ମୀରୁ ମିଙ୍ଗେ ନାଡ଼ିକିହା କଡ଼ାଆଦୁ; ଆମ୍ବାଆସି ମାହାପୁରୁଇଁ ନାଡ଼ି କିହାଲି ଆଡ଼ଅସି, ଇଚିହିଁ ମାଣ୍ଡସି ଏଦାଆଁ ମାଟିନେସି ଏଦାଆଁ ଦାଃଆନେସି ।

୮ ଆମ୍ବାଆସି ଆଙ୍ଗାଡ଼ି ଅଣପୁ ତାକି ମାଟିନେସି, ଏଞ୍ଚିସି ଆଙ୍ଗାଡ଼ି ହାଞ୍ଜିକିନି ପାଡ଼େୟି ଦାଃଆନେସି; ସାମା ଆମ୍ବାଆସି ଜୀଞ୍ଜୁତାକି ମାଟିନେସି ଜୀଞ୍ଜୁଟି ଗାଡ଼ିଆଡ଼ି କାଲ୍ଲକାଲ୍ଲାଡ଼ି ଜୀଞ୍ଜୁହୀନି ପାଡ଼େୟି ଦାଃଆନେସି ।

୯ ମୀରୁ ନେହିଁ କାମା କିହାଲି ଖାହାଆପ; ଇଚିହିଁ ଖାହୁ ଆଆନା କାମା କିଚିହିଁ ସମାନା ବେଲାତା ତାସା ଦାଃନାୟି ।

୧୦ ଏନିଇଚିହିଁ ମୀରୁ ପାରୁ ସିନିକିହାନା ବାରେତାକି ଇଚିହିଁ ବାରେକିହାଁ ରଣ୍ଡିଏ କୁଟମିତା ଆଣ୍ଡାମାନି ନାନୁ ଗାଟାରାଇଁ ନେହିଁ କିନାୟିମାନେ ।

ଜାଗ୍ରାତା କିହାଁ ଜହରା ତଲେ ଆକୁଡ଼ି ରାପ୍ତନାୟି

୧୧ ମେହ୍ଦୁ, ନାନୁ ଏନିକିଁ କାଜା କାଜା ଅଙ୍କରି ତଲେ ନା କେୟୁତଲେ ମୀ ତାଣା ରାଟାମାଞ୍ଜାଇଁ ।

୧୨ ଆମ୍ବାଆରି ଆଙ୍ଗାଡ଼ି କାମା ତଲେ ଝେଙ୍ଗାଲି ମନ କିନେରି, ଏଞ୍ଚିରି ମିଙ୍ଗେ ତଲୁ ଦାଃଆନାୟିମାନେ ଇଞ୍ଚିଁ ବାଲାମାତମି କିୟାନେରି, କ୍ରୀସ୍ତତି ପାସିମୁଣ୍ଡା ତାକି ଏନିକିଁ ନିନ୍ଦା ବେଟାଆଅରି ଖାଢ଼ଇ ଏଦାଣିତାକି ଏଲେକିନେରି ।

୧୩ ଇଚିହିଁ ଆମ୍ବାଆରି ତଲୁ ଦାଃନି ଫେରା ତଲେ ମାନେରି, ଏଞ୍ଚିରି ତାମ୍ବୁ କୁକେଏ ମସାଡ଼ି ଫେରା ମାନୁଞ୍ଚି ଆଅରି, ଇଞ୍ଚିଁ ଏଞ୍ଚିରି ଏନିକିଁ ମୀ ଆଙ୍ଗା ତାକି ବତପଣ କିହାଲି ଆଡ଼ିନେରି, ଏଦାଆଁତାକି ଏଞ୍ଚିରି ମିଙ୍ଗେ ତଲୁ ଦାପି କିଞ୍ଚିକିହାଲି ଅଣ୍ଡିନେରି ।

୧୪ ସାମା ନାନୁ ଖାଢ଼ଇ ମା ଜୀସୁ କ୍ରୀସ୍ତତି କୁସ ତାକି ବତପଣ ଆହିମାଇଁ; ଇଚିହିଁ ଏଞ୍ଚିଣି କୁସ ତାକି ଦାଢ଼ତି ନାଙ୍ଗେତାକି ହାହାମାନେ ଇଞ୍ଚିଁ ନାନୁ ଦାଢ଼ତି ତାକି ହାହାମାଇଁ ।

୧୫ ତଲୁ ଦାପି ଆନାୟି କି ଦାପି ଆଆଗାଟାୟି ଏନାୟି ହିଲେଏ, ସାମା ପୁଃନି ଗାଡ଼ି ଆନାୟି ଏଡ଼ି ବାରେ କିହାଁ ମୁଲୁତାୟି ।

୧୬ ଏଚେକା ଲକୁ ଇ ଫେରା ତଲେ ତାକିନେରି, ଏଞ୍ଚିରି ଲାକ ଅଡ଼େ ମାହାପୁରୁତି ଇସ୍ତାୟେଲ ଲକୁ ଲାକ ହିଡ଼ଡ଼ି ଅଡ଼େ କାମା ଆପେ ।

୧୭ ନୀଞ୍ଜୁଟିଏ ଆମ୍ବାଆସି ନାଙ୍ଗେ କସ୍ତ ହିୟାଆପେସି, ଇଚିହିଁ କ୍ରୀସ୍ତ ତାକି ବେଟାଆହାମାନି ଗାହାଁ ଗାରିୟାଁ ନା ଆଙ୍ଗାତା ମାନୁ ।

୧୮ ଏ ତାୟି ତାଙ୍ଗିସ୍ତା, ମା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାୟି ମୀ ଜୀଞ୍ଜୁତା ଡ଼ୟାପେ । ଆଢ଼େମନ୍ ।

ଏପିସୀୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର ଏପିସିୟ କୁଲମିତାକି ପାଞ୍ଚୁଲ ରାତ୍ନାମାନି ଆକୁ ମୂଲୁ ହାଡ଼ା

ଏପିସିୟ କୁଲମିତ ଆକୁ ପାଞ୍ଚୁଲ ରାତ୍ନାମାନେସି, ଜୀସୁ କ୍ରୀସ୍ତ ଜାର୍ନାଆଡ଼ି ୬୦ ବାର୍ଷୀ ତାୟୁ କଲସିୟ କୁଲମିତାକି ରାଡ଼ିତ ବେଲା ରାସ୍ତକି ଆହାମାତେ । ରାଡ଼ିନାସି ତାନୁଏ ପାଣ୍ଡୁଆହାମାନି ପାଞ୍ଚୁଲ ଇଞ୍ଜିମାନେସି ୧:୧ । କଲସିୟ ଆକୁତା ତାନି ଜହରା ହିଲାଆଡ଼ି ଜିକେଏ ବୁଦିଗାଟାରି ଏପିସିୟ ଆକୁ ପାଞ୍ଚୁଲ ରାତ୍ନାମାନେସି ଇଞ୍ଜି ଇନେରି । ଅଡ଼େ ବାରେ କୁଲମିକା ତାକି ଆକୁ ହାସ୍ତାଲି ରାସ୍ତକି ଆହାଡ଼ୟିନେ । ପାଞ୍ଚୁଲ ଇଦାଆଁ ଜିକେଏ ଖେସାମାନେସି ଇ ଆକୁ ରାଡ଼ିନି ବେଲାତା ଏଞ୍ଜାସି କାୟିଦିତା ମାତେସି ୩:୧-୪:୧ ଅଡ଼େ ୬:୨୦ । ପାଞ୍ଚୁଲ ତୁକିକଇଁ ଏପିସିୟ କୁଲମିତା ପାଣ୍ଡାମା ଏଞ୍ଜାଣି କେୟୁତା ଇ ଆକୁ ହାହାମାତେସି ୬:୨୧-୨୨ ।

ଏପିସିୟ ଏସିୟା ରାଜିତି ର କାଜା ଗାଡ଼ା ମାତେ । ଏପିସିୟ ଗାଡ଼ାତି ଗ୍ରିକ୍ ପେନୁ ଆଚେର୍ମି ଅଡ଼େ ଏଦାନି ଦେଞ୍ଜୁଡ଼ି ଖେଜିତାୟି ମାତେ, କାମା ୯:୨୩-୩୧ । ଏପିସିୟ କୁଲମି ନକେଏ ବାଡ଼ୟୁ ଗାଟାୟି ମାତେ ତାୟୁ ରିହାଲି ମାଟୁହେ ଖେ ବଲୁ ୨:୧-୭ ।

ପାଞ୍ଚୁଲ ତାନି ଆଦା ଆକୁତା ମାହାପୁରୁ ଏନିକଁ ତାନି ଲକୁଣି ଆଡ଼ିତେସି, ଅଡ଼େ ଏନିକଁ ଜୀସୁ ତାଣାଟି ପାପୁଟି ଗେଲ୍ପିତେସି ଏଦାଆଁ ଖେସିମାନେସି । ପାଞ୍ଚୁଲ କୁଲମିତ ଆଜା ତଲେ ତୁକହାନା କ୍ରୀସ୍ତ ଏଦାନି ତାୟୁଁ ଅଡ଼େ କନତି ମୂଲୁ ଖାଲି, କୁଲମି ର ତକ୍ତି ଲେହେଁ କ୍ରୀସ୍ତଏ ତକ୍ରା । ଆକୁତି ତାୟୁ ବାଗାତା ପାଞ୍ଚୁଲ ପତ୍ରଞ୍ଜି ଆନାରଇଁ କ୍ରୀସ୍ତ ତାଣା ରଣିଏ ଆହାଁ ଆଣ୍ଡାମାନି ଲକୁ ଲେହେଁ ନୀତାଲି ବାତିମାଲି ମାନେସି ।

ପତିତା ମାନାୟି

- ୧. ପାଞ୍ଚୁଲ ଜହରା କିହାନା ପୁଣ୍ଡାସି କିହା କଡ଼ିନାୟି । ୧:୧-୨
- ୨. କ୍ରୀସ୍ତ ତଲେ କୁଲମିତ ତୁକନାୟି । ୧:୩-୩:୨୧
- ୩. କ୍ରୀସ୍ତ ତାଣା ଏନିକଁ ନୀତିନାୟି । ୪:୧-୬:୨୦
- ୪. ଜହରା କିହାନା ଆକୁତି ରାପୁନାୟି । ୬:୨୧-୨୪

୧ *ପାଞ୍ଚୁଲ, ମାହାପୁରୁତି ଅଣପୁ ତଲେ କ୍ରୀସ୍ତ ଜୀସୁତି ପାଣ୍ଡି ଆହାମାନାତେସି, ଏପିସିୟତା ମାନି ମାହାପୁରୁ ଲକୁ ଇଞ୍ଜାଁ କ୍ରୀସ୍ତ ଜୀସୁ ତାଣା ନାମୁତା ମାନି ଲକୁତାକି ଇ ଆକୁ ରାଡ଼ିମାଇଁ ।

୨ ମା ଆଦା ମାହାପୁରୁ ଇଞ୍ଜାଁ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାନେହନାୟି ଅଡ଼େ ହିଡ଼ି ଜୀସୁ ନିଜେତାକି ଆୟାପେ ।

ସୁଦୁଜୀସୁତି ବର ପାଣ୍ଡନାୟି

୩ ମା ପ୍ରବୁ ଜୀସୁ କ୍ରୀସ୍ତ ମାହାପୁରୁ ଅଡ଼େ ଆବାଇଁ ଜହରା ଆପେ । ଏଞ୍ଜାସି କ୍ରୀସ୍ତ ତାଣା ମାଜେ ବାରେ ଜୀସୁତି ବର ତଲେ ଲାକପୁରୁ ବର ହାହାମାଞ୍ଜାନେସି ।

୪ ମାରୁ ଏନିକଁ ମାହାପୁରୁ ନକିତା ସୁଦୁ ଅଡ଼େ ଦହ ହିଲାଆଗାଗାତାୟି ଆନାୟି ଏଦାଆଁତାକି ଏଞ୍ଜାସି ଦାରୁତି ଗାଡ଼ି ଆଆ ନକେଏ ତାନି ତାଣା ମାଜେ ଆତାମାଞ୍ଜାତେସି ।

୫ ଅଡ଼େ ଏଞ୍ଜାସି ମାଜେ କ୍ରୀସ୍ତ ଜୀସୁ ତାଣାଟି ତାଜେତାକି ମୀରକା ମାସ୍କା କିୟାଲି ତାନୁଏ ତଲିଏ ତାରି କିତେସି; ଇଦି ଏଞ୍ଜାଣି ରାହାଁ ଅଡ଼େ ଅଣପୁ ।

୬ ମାହାପୁରୁତି କାର୍ମାନେହନାଣି ତାକି ଇଞ୍ଜାଁ ତାନି ମୀରଏଣାଇଁ ଉଜେଏ ବେଟାଆଡ଼ି ଦାନା ଲେହେଁ ବେଟାଆହାମାନାକି, ମାରୁ ମାହାପୁରୁଇଁ ଜହରା କିହିମାନାୟି ।

୭ *କ୍ରୀସ୍ତ ହାଡ଼ି ତାଣାଟି ମାରୁ ଗେଲ୍ପି ଆହାମାନାୟି, ଇତିହଁ ମା ବାରେ ପାପୁ ମେଣ୍ଡାମାନେ, ମାହାପୁରୁତି କାର୍ମା ଏତେକା କାଜାୟି ।

୮ ଏଞ୍ଜାସି ଏ କାର୍ମାନେହନାଣି ବାରେ ବୁଦି ଅଡ଼େ ଅଣପୁ ମାଜେ ହାରେକା ହାହାମାଞ୍ଜାନେସି ।

୯ ନକେଏ ଅଣପାମାନି ତାନି କାର୍ମାତଲେ ଏଞ୍ଜାସି ମାଜେ ତାନି ଅଣପୁ ତଲେ ତୁହାମାନି ଅଣପୁତି ତସାମାଞ୍ଜାନେସି ।

* ୧:୧ କାମା ୧୮:୧୯-୨୧; ୧୯:୧ * ୧:୭ କଲସି ୧:୧୪

୧୦ ଏନିକ୍ କାଲାତି ତାନି ଅଣ୍ଡୁ ତଲେ ଲାକପୁରୁ କି ଦାଉତିତା ମାନାଣି ବାରେ ଏଝାସି ତାଙ୍ଗେତାକି କ୍ରାସ୍ତ ତାଣା ରଣ୍ଡେଏ କିନେସି ।

୧୧ ମାରୁ ଜିକେଏ ଏଝାଣି ତାଣା ଅଦିକାରା ଲେହେଁ ଆହାମାନାୟି, ଇଚିହଁ ଏମିନି ମାହାପୁରୁ ତାନି ମନତି ଅଣ୍ଡୁ ତଲେ ବାରେ କାତା ତାରି କିନେସି, ଇଞ୍ଜାଁ ଏଝାସି ତଲିଟିଏ ମନତା ତାରି କିହାମାଟିଲେହେଁ ମାରୁ ନକେଏ ଆଡ଼ୁଞ୍ଚି ଆଡାୟି

୧୨ ମାରୁ ଏନିକ୍ କ୍ରାସ୍ତ ତାଣା ନକେଏ ବାସୁଁ କିହା ମାଗାୟି, ମାରୁ ବାରେତାୟି ମାହାପୁରୁ ଗାଝୁରମିତି ଜହରା କିନାତାୟି ଆନ ।

୧୩ ଏଝାଣି ତାଣାଟି ମୀରୁ ଜିକେଏ ସାତା ବଲୁ ଇଚିହଁ ମିଙ୍ଗେ ଗେଲପାନି ନେହଁ କାବୁ ଝେଞ୍ଜାନା ନାମାହାଁ ଆଞ୍ଜାମାନି ସୁଦୁଜୀଝୁ ତଲେ ରୁଟୁ ମୁଦ୍ରା ଆହାମାଞ୍ଜେରି;

୧୪ ମାହାପୁରୁ ତାନି ଲକ୍ଷ୍ମତାକି ଏନାଆଁ ହାହାଲି ଆଞ୍ଜାମାନେସି ଏ ବାରେ ମାରୁ ବେଟାଆନାୟି ସୁଦୁଜୀଝୁ ତାନି ବାୟିଦା ଲେହେଁ । ମାହାପୁରୁ ତାନି ଲକ୍ଷ୍ମତାକି ଗେଲପି ଆନାଣି ହାନେସି ଇ ବାରେତାକି ମାହାପୁରୁତ ଗାଝୁରମି କିନ ।

ପାଝୁଲତି ପ୍ରାତାନା

୧୫ ଇଦାଆଁତାକି, ପ୍ରବୁ ଜୀସୁ ତାଣା ମୀ ନାମୁ ଇଞ୍ଜାଁ ବାରେ ମାହାପୁରୁ ଲକ୍ଷ୍ମତାକି ଜୀଝୁନନାୟି ମାନେ,

୧୬ ଏ କାତା ଝେଞ୍ଜାନା ମିଙ୍ଗେତାକି ନା ପ୍ରାତାନାତା ମାହାପୁରୁଇଁ ଜହରା କିହିମାଇଁ ।

୧୭ ମା ପ୍ରବୁ ଜୀସୁ କ୍ରାସ୍ତତି ମାହାପୁରୁ, ଗାଝୁରମିଗାଟି ଆବା, ଏଝାସି ମିଙ୍ଗେ ସୁଦୁଜୀଝୁତି ହିୟାନେସି ଏ ଜୀଝୁ ମିଙ୍ଗେ ବୁଦ ହିୟାନେ, ଅଡ଼େ ମାହାପୁରୁଇଁ ମୀ ତାଣା ତଞ୍ଜି କିୟାନେ, ଆତିହଁ ମୀରୁ ଏଝାଣାଇଁ ପୁଞ୍ଜେରି ।

୧୮ ଏମାଟିଏ ମୀ ହିୟାଁତି କାଣକା ଦେପି ଆଡ଼ିସାରେ, ତାନୁ ହାଟାମାଞ୍ଜାନି ବାସୁଁ ଏନାୟି, ମାହାପୁରୁ ଲକ୍ଷ୍ମତାଣା ତାନି ଅଦିକାରାତି ଗାଝୁରମିଗାଟି ଦନ ଏନାୟି,

୧୯ ତାନି ଲକ୍ଷ୍ମତାକି ତାନି ଆଞ୍ଜାମାନାୟି ହାରେକା କାଜା ବରୁ ଅଡ଼େ ନାମିମାନାତାୟି ମାରୁ, ତାନି ବାଡ଼ୁୟିତି କାମା କିନାତାୟି, ଇଞ୍ଜାଁ ମାଙ୍ଗେତାକି ତାନି ବାଡ଼ୁୟି ଏତେକା କାଜାୟି ଇ ବାରେ ପୁଞ୍ଜାଲି ଆଡ଼ିଦେରି;

୨୦ ଏ ବାଡ଼ୁୟି କ୍ରାସ୍ତ ତାଣା ତସାନା ଏଝାଣାଇଁ ହାଡ଼ାରି ତାଣାଟି ନିକହାନା ଲାକପୁରୁ ତାନି ଚିଠିନି ଚଟତା କୁଗି କିହାମାନେସି ।

୨୧ କ୍ରାସ୍ତ ଲାକପୁରୁ ବାରେ ସାଲୁଞ୍ଚି କିନାସି, କାଜାପାଣା, ବାଡ଼ୁୟି, ମୁସ୍ତାଦାରିୟାଁ ଲାକ ସାଲୁଞ୍ଚି କିନାସି, ଇ ଜୁଗୁତା ଅଡ଼େ ଏ ଜୁଗୁତା ଏତେକା ଦରୁକା ଝେଞ୍ଜା ମାନୁ, ଏ ବାରେତି ମୁହେଁ ଏଝାଣି ପାଣା କାଜାୟି ।

୨୨ ମାହାପୁରୁ ବାରେ କ୍ରାସ୍ତତି କତାୟାଁ ଡ଼ଇ ଇଚିତେସି, ଇଞ୍ଜାଁ ଏଝାଣାଇଁ ବାରେତି କିହାଁ କାଜାସି କିହାନା କ୍ରାସ୍ତାନା କୁଲମିକା ହେରପା ମାନେସି ।

୨୩ ଏ କୁଲମିକା କ୍ରାସ୍ତତି ଆଙ୍ଗା ଲେହେଁ, ଇଚିହଁ ଆପାଆସି ବାରେ କାମାଟି ବାରେ ତାଣା ପୁରା କିନେସି ।

୨

ହାକିଟି ଜୀଝୁ ପାଣନାୟି

୧ ମୀ ଦହ ଅଡ଼େ ପାପୁ ତାକି ତଲି ଜୀଝୁତା ହାହାମାରେରି,

୨ ଇଚିହଁ ଏମିନି ଜୀଝୁ ନୀର୍ଏ ଜିକେଏ କାତା ମାନୁଞ୍ଚି ଆଆଗାଟି ମୀରୁକା ତାଣା ଅଦିକାରା କିହାମାନେ, ଏ ଦାଉତିତି ମନତଲେ ମୀରୁ ଜିକେଏ ତଲି କାଲା ଏ ଜିରୁତା ତାକିହଁ ଦହ କିହାନା ପାପୁତାକି ହାହାମାରେରି ।

୩ ଏ କାତା ମାନୁଞ୍ଚି ଆଆଗାଟି ମୀରୁକା ତଲେ ମାରୁ ବାରେ ଏ ବେଲତା ମା ଆଙ୍ଗାଟି ମାଣକି ତଲେ ନୀତାନା ଆଙ୍ଗା ଅଡ଼େ ମନତି କାମା କିହିମାଗାୟି, ଇଞ୍ଜାଁ ଏଟକାତାରି ଲେହେଁ ମାରୁ ଜିକେଏ ମାହାପୁରୁ କପାଟି ଲକ୍ଷ୍ମ ମାଗାୟି ।

୪ ସାମା ମାହାପୁରୁ ହାରେକା କାମା ମେହନାସି; ଏଝାସି ମାଙ୍ଗେ ହାରେକା ଜୀଝୁ ନଝୁତା ଜୀଝୁ ନୟାଁତେସି,

୫ ଏତେକା ମାରୁ ପାପୁ ତାକି ହାହା ମାଗାୟି, ଇଞ୍ଜାଁ ମାଙ୍ଗେ କ୍ରାସ୍ତ ଜୀସୁ ତଲେ ନିକହାତେସି, ଅଡ଼େ ମାହାପୁରୁତ କାର୍ମାଟି ମୀରୁ ଗେଲପି ଆହାମାଞ୍ଜେରି ।

* ୧:୨୨ କଲସି ୧:୧୮

୨ ଇଞ୍ଜା ତାନି ତଲେ ମାଙ୍ଗେ ହାକିତି ନିକହାନା କ୍ରୀସ୍ତ ଜୀସୁ ତାଣା ଲାକପୁରୁ କୁରି କିହାମାଞ୍ଜାନେସି ।

୩ କ୍ରୀସ୍ତ ଜୀସୁ ତାଣା ମାଙ୍ଗେତାକି ଜୀଝୁନହାନା ଝାହିମାନି ଜୁଗୁତା ତାନି କାର୍ମାତି ହାରେକା ଦନ ତସାଲି ମାହାପୁରୁ ଇଦାଆଁ କିତେସି ।

୪ ଏନାଆଁତାକି ଇଚିହଁ ମୀରୁ ନାମିତାକି ମାହାପୁରୁତି କାର୍ମାତି ଗେଲ୍‌ପି ଆହାମାଞ୍ଜେରି; ଏଦି ମୀ ତାଣାଟି ଆହା ହିଲେଏ, ଏଦି ମାହାପୁରୁତି ଦାନା,

୫ ଏଦି ମୀରୁ କାମା କିତାକି ଆଏ, ଏଦାଆଁତାକି ଆମ୍ବାଆସି ବତପଣ କିଆପେସି ।

୬ ଇଚିହଁ ମୀରୁ ତାନି ତାଣାଟି ଗାଡ଼ି ଆହାମାନାୟି; ଆମିନି ନେହଁ କାମା କିଇଁ ଇଞ୍ଜା ମାହାପୁରୁ ତଲିଏ କିହାଲି ତାକି ତିୟାରା କିହାମାତେସି ଏ ବାରେ ମାନଝି ଆହାଲି କ୍ରୀସ୍ତ ଜୀସୁ ତାଣାଟି ଗାଡ଼ି ଆହାମାନେ ।

କ୍ରୀସ୍ତ ତାଣା ରଣିଏ ଆନାୟି

୭ ମୀରୁ ଏଚିବେଲା ତଲି ଆଙ୍ଗା ତଲେ ଜୀହୁଦିଆଆନା ମାରେରି ଅଡ଼େ ଆଙ୍ଗାଟି ଅଣପୁତା କେୟୁତଲେ ତଲୁ ଦାପି ଆଡ଼ି ଲକୁ ତାଣାଟି ତଲୁ ଦାପି ଆଆତାରି ଇଞ୍ଜା ଝେଙ୍ଗିମାରେରି ।

୮ ଏଚିବେଲା ମୀରୁ କ୍ରୀସ୍ତ ତାଣାଟି ହେକ ମାରେରି, ମୀରୁ ଏଟକା ଦେସାତାତେରି ମାରେରି, ଅଡ଼େ ମାହାପୁରୁତି ଆଡ଼ିତ ଇସ୍ରାୟେଲ କୃତାତା ଆଣ୍ଡାହିଲାଆତେରି, ମାହାପୁରୁ ତାନି ଲକୁତାକି କିହାମାନି ରାଜିମାନାତା ମୀ ଏନି ବାଟା ହିଲାଆତେ, ମାହାପୁରୁ ଅଡ଼େ ବାସୁ ହିଲାଆ ଲକୁ ଲେହେଁ ଦାଡ଼ିତା ବାସା କିହାମାରେରି ।

୯ ନଡକଏ ମୀରୁ ହେକ ମାରେରି, ସାମା ନୀଏଁ ମୀରୁ କ୍ରୀସ୍ତ ଜୀସୁ ତାଣାଟି ତାନି ନେତେରି ତଲେ ତାଗେ ଆହାମାଞ୍ଜେରି ।

୧୦ ଏନାଆଁତାକି ଇଚିହଁ ଏଝାସି ମା ହିଡ଼ଡ଼ି, ଏଝାସି ସାତୁ ଲେହେଁ ପାଡ଼ି କାତିନି କାତିତି ତିକହାନା ବାରେତି କାଲହା ମାନେସି,

୧୧ ଜୀହୁଦି ଲକୁତି ପାଣାପାଠୁ ହୁକୁମିତି ମୋରାତି ତାନି ଆଙ୍ଗାଟି ହେକ କିହାମାନେସି, ଏନିକଁ ଏଝାସି ହିଡ଼ଡ଼ି ହୀହାନା ଜୀହୁଦି ଅଡ଼େ ଜୀହୁଦିଆଆତି କୃତାତାରାଇଁ ତାନି ତାଣା ର ପୁଝିନି ଲକୁଲେହେଁ ଗାଡ଼ି କିନେସି ।

୧୨ ଅଡ଼େ କୁସତା ହାହାନା ଜୀହୁଦି ଅଡ଼େ ଜୀହୁଦିଆଆତାରି ସାତୁତି ନାସା କିହାନା ଏଦାଣି ତଲେ ରିଆରାଇଁ ରଣିଏ ଆଙ୍ଗା ଲେହେଁ ଗାଡ଼ିକିହାନା ମାହାପୁରୁ ତଲେ ଆଣ୍ଡିକିୟାନେସି ।

୧୩ ଅଡ଼େ ହେକ ମାଟି ଜୀହୁଦିଆଆତି ଲକୁଣି ଅଡ଼େ ତାନି ତାଗେ ମାନି ଜୀହୁଦି ଲକୁ ଇ ରିଆରି ତାଣା ଏଝାସି ଝାହାନା ହିଡ଼ଡ଼ିତି ନେହଁ କାତୁ ଝେକହେସି;

୧୪ ଏନାଆଁତାକି ଇଚିହଁ କ୍ରୀସ୍ତତି ତାକି ବାରେ ଜୀହୁଦିୟାଁ ଅଡ଼େ ଜୀହୁଦିଆଆତି ଲକୁ ରଣିଏ ସୁଦୁଜୀଝୁତି ଲାକପୁରୁ ଆବା ତାଣା ହାଜାଲି ଜିରୁ ବେଟାଆହାମାନାୟି ।

୧୫ ଏଦାଆଁତାକି ମୀରୁ ଏଟକା ଦେସାତାତେରି ଇ ଦେସାତାତେରି ଆଏ, ସାମା ମାହାପୁରୁ ଲକୁତଲେ ଆଣ୍ଡାନା ଏଝାରି ଦେସାତି ଲକୁ, ଅଡ଼େ ମାହାପୁରୁ ଇଲୁ କୁଟମିତେରି ।

୧୬ ମୀରୁ ପାଣ୍ଡୁଝି ଆହାମାନାରି ଅଡ଼େ ମାହାପୁରୁ ଅଣପୁତି ବଲୁ ଝେହନାରି ଇଟାମାନି ପୁନାଦି ମୁହେଁ ଇଟକି ଆହାମାଞ୍ଜେରି, କ୍ରୀସ୍ତ ଜୀସୁ ତାନୁଏ, ଏ କନତି ମୁଲୁ ଝାଲି ।

୧୭ ଏଝାଣି ତାଣା ବାରେ ଇଲୁତି ବାରେ କାତିୟାଁ ଦୂର୍ସାନା ପ୍ରବୁ ତାଣା ର ସୁଦୁ ଆଞ୍ଜାମାନି ମାହାପୁରୁ ଇଲୁ ଲେହେଁ ପାଡ଼ାଆହିମାନେ ।

୧୮ ଏଝାଣି ତାଣା ମୀରୁ ଜିକେଏ ମା ତଲେ ଆଣ୍ଡାନା ସୁଦୁଜୀଝୁତି ମାହାପୁରୁ ବାସାଆନି ଇଲୁ ଲେହେଁ ଦସପି ଆହାମାଞ୍ଜେରି ।

୩

ଏଟକା ଲକୁତାଣା ପାଝୁଲତି କାମା

୧ ଇଦାଆଁତାକି ମୀ ଲେହେଁତି ଜୀହୁଦିଆଆତି ଲକୁତାକି କ୍ରୀସ୍ତ ଜୀସୁ ତାକି ଦସପି ଆହାମାନି ପାଝୁଲତେଏଁ ।

୨ ମିଙ୍ଗେତାକି ନାଙ୍ଗେ ହୀହାମାଞ୍ଜାନି ମାହାପୁରୁତି କାର୍ମାଟି ସେବାକିନି କାମାତି କାତା ମୀରୁ ଝେଞ୍ଜାମାଞ୍ଜେରି,

୩ ଅଡ଼େ ତୁଗ୍ନାମାନି କାତା ମାହାପୁରୁ ତାନୁଏ ତସାନା ପୁଣ୍ୟି କିୟାତେସି, ଏନିକିଁ ନାନୁ ତଲି ଏ ବାରେ କାତା ଇଚାଣି ରାଡ଼ାମାଇଁ;

୪ *ମୀରୁ ଏଦାଆଁ ପଡ଼ୁ଼ି ଆହ୍ନାନା କ୍ରୀସ୍ତତି ତୁଗ୍ନାମାନି କାତା ନାନୁ ଏନାଆଁ ତେଲହାମାଇଁ ଏଦାଆଁ ମୀରୁ ତେଲହାଲି ଆଡ଼ିଦେରି,

୫ ତଲି କାଲ୍ଲୀତା ମାଣ୍ଡିୟାଁ ତାଣା ତଞ୍ଜା ଆହାହିଲିଆତେ, ଏ ତୁଗ୍ନାମାନାୟି ନୀଏଁ ସୁଦୁଜୀସୁତି ତାନି ସୁଦୁତି ପାଣ୍ଡୁ଼ି ଆହାମାନାରି ଅଡ଼େ ମାହାପୁରୁ ଅଣ୍ଡୁତି ବଲ୍ଲୁ ଝେହ୍ନାରି ତାଣା ଏନିକିଁ ତଞ୍ଜା ଆହାମାନେ,

୬ ଏ ତୁଗ୍ନାମାନି କାତା ଇଦି ନେହଁ କାବୁ ତାଣାଟି ଜୀହୁଦିୟାଁ ମାହାପୁରୁତି ବର ବେଟାଆନ୍ତି ଲେହେଁ, ଏଟକା କୁଡ଼ାତାରି ଜିକେଏ ବାରେଜାଣା ଆଣ୍ଡାନା ର ଆଜ୍ଞା ଲେହେଁ ଆହ୍ନାନା କ୍ରୀସ୍ତ ଜୀସୁ ତାଣାଟି ମାହାପୁରୁ ଆଞ୍ଜାମାନାଣି ବାରେ ବେଟାଆନ୍ଦେରି ।

୭ ମାହାପୁରୁତି କାମା କିନି ବାଡ଼ୁୟୁ ତଲେ ନାଜେ ଏମିନି କାର୍ମାତି ଦାନା ହାହାମାଞ୍ଜାନେସି ଏଦାଆଁତାକି ଏ ନେହଁ କାବୁତି ଝେକନାତେଏଁ ଆହାମାଇଁ ।

୮ ମାହାପୁରୁ ଲକ୍ଷୁ ବିତ୍ରାଟି ନାନୁ ବାରେତି କିହାଁ ଉଣାତେଏଁ ମାଟି ଜିକେଏ ଏଟକା କୁଡ଼ାତି ଲକ୍ଷୁତାଣା ଏଜିକିହାଲି ଆଡ଼ାଆଗାଟି କ୍ରୀସ୍ତତି କାର୍ମାତି ନେହଁ କାବୁ ଝେକହାଲି ମାହାପୁରୁ ପାରୁ ହାହାମାଞ୍ଜାନେସି,

୯ ଅଡ଼େ ବାରେ ଗାଡ଼ିକିତି ମାହାପୁରୁ ତାଣା ତଲି କାଲ୍ଲୀଟିଏଁ ତୁଗ୍ନାମାନି କାତାତାକି ଏଞ୍ଜାଣି ଅଣ୍ଡୁ ଏନାୟି ଏଦାଆଁ ଉଜେଡ଼ିତା ତସାଲି ତାକି ମାହାପୁରୁତି କାର୍ମା ମୋଡ଼ା ଆହାମାଞ୍ଜାନେ,

୧୦ ଏନିକିହଁ ନୀଏଁ କ୍ରୀସ୍ତାନା କୁଲ୍ଲମିତି କାମାଟି ଲାକପୁରୁତି ସାଲ୍ଲୁ କିନାରି ବାଡ଼ୁୟୁ ଗାଟି ମାହାପୁରୁତି ବୁଦି ନେହଁ କିଁ ପୁଞ୍ଜାଲି ଆଡ଼ିନେରି,

୧୧ ମାହାପୁରୁ ତାନି କାଲ୍ଲୀକାଲ୍ଲୀତି ଅଣ୍ଡୁ ଲେହେଁ ମା ପ୍ରବୁ କ୍ରୀସ୍ତ ଜୀସୁ ତାଣାଟି ବାରେ କିହାମାନେସି ।

୧୨ ଏ ପ୍ରବୁ ତାଣା ନାମାମାନାକି ମାରୁ ଏଞ୍ଜାଣି ତାଣା ସାସାଟି ଆଜାଆନା ମାହାପୁରୁ ତାଣା ହାଜାଲି ସାସା ବେଟାଆହାମାନାୟି ।

୧୩ ଏଦାଆଁତାକି ନାନୁ ମିଜେ ବାଡ଼ିମାଲିମାଞ୍ଜାଇଁ, ମିଜେତାକି ନାନୁ ବେଟାଆହାମାନି ଦୁକୁ କସ୍ତ ତାକି ସାସା ପିହ୍‌ଆଦୁ, ସାତେଏ ଏଡ଼ି ମୀ ଗାଞ୍ଜୁରମି ତାକି ଆହାମାନେ ।

କ୍ରୀସ୍ତତି ଜୀଞ୍ଜନନାୟି

୧୪ ଏଦାଆଁତାକି ଆମିନି ଆବା ତାଣାଟି ଲାକପୁରୁ ଅଡ଼େ ଦାରତିତି ବାରେ କୁଟମି, ତାନି କୁଡ଼ାତି ଦରୁ ବେଟାଆହାମାନେ,

୧୫ ଏ ମାହାପୁରୁ ଆବା ନକିତା ମେଣ୍ଡାକୁତାନା ପ୍ରାତାନା କିହିମାଇଁ ।

୧୬ ଏନିକିଁ ଏଞ୍ଜାସି ତାନି ଗାଞ୍ଜୁରମିଗାଟି ଦନ ତାନି ସୁଦୁଜୀସୁ ତଲେ ମିଜେ ମୀ ଅଣ୍ଡୁତା ତାରି ମାଣ୍ଡି ଆହାଲି ବାଡ଼ୁୟୁ ହିୟାନେସି,

୧୭ ମୀ ନାମୁତଲେ କ୍ରୀସ୍ତ ମୀ ହିୟାଁତା ବାସା କିନେସି, ଏନିକିଁ ମୀ ଜୀସୁ ନଖୁତା ପୁନାଦି ଅଡ଼େ ଆଟ୍‌ଞ୍ଜା ତଲେ ତାରିଆହାମାନା ଏଜିକିହାଲି ଆଡ଼ାଆଗାଟି କ୍ରୀସ୍ତତି ଜୀସୁ ନଖୁ,

୧୮ ଏଦାଆଁ ପୁଞ୍ଜୁ ଇଞ୍ଜାଁ ବାରେ ମାହାପୁରୁ ଲକ୍ଷୁତଲେ ଏମ୍ବାତି ଅସାରା ଅଡ଼େ ଲାମ୍ବା ପାଡ଼ଣି ଅଡ଼େ ଗାଡ଼ୁୟୁତି ପୁଞ୍ଜାଲି ବାଡ଼ୁୟୁ ବେଟାଆଡ଼ି ।

୧୯ ହାଅ ମୀରୁ ଏନିକିଁ କ୍ରୀସ୍ତତି ଜୀସୁ ନନାଣି ପୁଞ୍ଜେରି ଆତିହଁ ଜିକେଏ ଏଦାଆଁ ନେହଁ କିଁ ପୁଞ୍ଜାଲି ଆଏ, ଅଡ଼େ ଏଲେକିହଁ ମାହାପୁରୁତି ଗୁଣୁତଲେ ପାଡ଼ାଆଦୁ ।

୨୦ ଆମିନି ମାହାପୁରୁ ମା ହିୟାଁତା କାମା କିହିମାନି ତାନି ବାଡ଼ୁୟୁ ତଲେ ମାରୁ ରାହ୍‌ନାଣି ଅଡ଼େ ଅଣ୍ଡିନାଣି କିହାଁ ହାରେକା ଆଗାଡ଼ା ହିୟାଲି ଆଡ଼ାନେସି,

୨୧ କୁଲ୍ଲମିଟି ଅଡ଼େ କ୍ରୀସ୍ତ ଜୀସୁ ତାଣାଟି ଏ ମାହାପୁରୁତି ଗାଞ୍ଜୁରମି କାଲ୍ଲୀକାଲ୍ଲୀତାକି ମାଣ୍ଡେ । ଆମେନ

୪

ରଣ୍ଡିଏ ଆଜ୍ଞା

୧ ପ୍ରବୁତି ସେବାତାକି ନାନୁ କାୟିଦିତା ମାଇଁ, ମିଜେ ବାଡ଼ିମାଲିମାଞ୍ଜାଇଁ, ଏନିକିଁ ନୀତାବାଡ଼କାଲି ତାକି ମାହାପୁରୁ ମିଜେ ହାଡ଼ାମାଞ୍ଜାନେସି, ଏଲେତି ମାଣ୍ଡିକି ତଲେ ମାଞ୍ଜୁ ।

* ୩:୪ କଲସି ୧:୨୨,୨୭

୨ *ଇଚିହ^{୧୧} ବାରେଲେହେଁତି ଉଣା ଗାଟାତେରି, ସୁଦୁ ସୁଖାଲା, ହାରେକା ଅରୁହିନାତେରି ଅଡ଼େ ଜାଝୁନହାନା ରଅତେରି ରଅଣାଇ ଅରୁହିନାତେରି ଆଦୁ;

୩ ମାରୁ ବାରେଜାଣା ତେରି ହିଡ଼ଡ଼ିତି ଡ଼ରିତଲେ ଦସପି ଆହାନା ସୁଦୁଜୀଝୁ ବାଡ଼ୁରୁତି ରଣିଏ ଲେହେଁ ଆହାଲିତାକି ଜାଡ଼ୁନୁ ଆଦୁ ।

୪ ଆଜ୍ଞା ରଣିଏ, ସୁଦୁଜୀଝୁ ଜିକେଏ ରଣିଏ, ଏନିକ^{୧୨} ମାରୁ ମୀ ହାଟାମାନି ରଣିଏ ବାସୁଁ ତଲେ ହାଟୁକି ଆହାମାଞ୍ଜେରି;

୫ ପ୍ରବୁ ରଅସିଏ, ନାମୁ ରଣିଏ ଅଡ଼େ ବାପ୍ପିସ୍ତ* ଜିକେଏ ରଣିଏ,

୬ ବାରେ ମାଣସିୟାଁତି ରଣିଏ ମାହାପୁରୁ ଅଡ଼େ ତାଞ୍ଜି; ଏଝାସି ବାରେତି ମୁହେଁ, ବାରେତି ବିଦ୍ରା ଇଞ୍ଜା ବାରେତି ହିୟାଁତା ମାନେସି ।

୭ ସାମା କ୍ରୀସ୍ତତି ଦାନା ଏଚେକା ବେଟାଆନାୟି ମାନେ ଏଚେକା ମାଜେ ବାରେଜାଣା ତାକି ମାହାପୁରୁତି କାର୍ମାମେହନାୟି ହୀପୁକି ଆହାମାଞ୍ଜାନେ ।

୮ ବାସୁଁ ସାପ୍ପେରିତା ରାସୁକି ଆହାମାନେ,

“ଏଝାସି ଲାକ ହାଜାନା, ହାରେକା ଦସପି ଆହାମାନାରାଇଁ ତାନିତଲେ ଅଡ଼େସି;

ଅଡ଼େ ମାଣସିୟାଁକି ଏଟୁକା ଏଟୁକାତି ବର ହାଡ଼େସି ।”

୯ “ଏଝାସି ଲାକ ହାଡ଼େସି” ଇତିସାରେ ଏନାୟି ? ଏଲେଇଚିସାରେ ମୁଲୁଏ ଏଝାସି ଦାର୍ଡିତି ଡ଼ଇ ପାଡେକା ରେଟା ଝାହାମାଡ଼େସି ।

୧୦ ଆମ୍ବାଆସି ଡ଼ଇପୁରୁ ଝାହାମାଡ଼େସି, ବାରେ ଦାର୍ଡିଇଁ ତାନୁ ମାଞ୍ଜାନା ବାରେ ପୁରା କିହାଲିତାକି ଏଝାସି ଅଡ଼େ ଝେଣ୍ଡେ ଲାକପୁରୁ ହାଡ଼େସି,

୧୧ ଏଝାସି ଲକ୍ଷୁତାକି ହାରେକା ଦାନା ହାଡ଼େସି; ଆମ୍ବାଆରାଇଁ ପାଣ୍ଡୁଝି ଆଡ଼ାରି ଆହାଲି, ଆମ୍ବାଆରାଇଁ ମାହାପୁରୁ ଅଣ୍ଡପୁତି ବଲୁ ଝେକନାରି ଆହାଲି, ଆମ୍ବାଆରାଇଁ ନେହ^{୧୩} କାବୁ ଝେକନାରି ଆହାଲି, ଅଡ଼େ ଏଚର ଜାଣାଇଁ କୁଲମି ଜାଡ଼ୁନୁ କିନାରି ଅଡ଼େ ଜାପ୍ନାରି ଆହାଲି ଦାନା ହାହାମାନେସି,

୧୨ ଏନିକ^{୧୪} ମାହାପୁରୁ ଲକ୍ଷୁତି ସେବା କାମାତାକି ତାରି ଆହାଲି ଆଡ଼ିନେ ଇଞ୍ଜା କ୍ରୀସ୍ତତି ଆଜ୍ଞା ପାତାଆହାଲି ଆଡ଼ିନେ

୧୩ ଏନିକ^{୧୫} ମାରୁ ବାରେଜାଣା ନାମୁତା ଅଡ଼େ ମାହାପୁରୁତି ମୀରଏଣା କାତାତି ବୁଦିତା ରଣିଏ ଆହାଲି ଆଡ଼ିନାୟି, ଇଚିହ^{୧୬} କ୍ରୀସ୍ତ ଲେହେଁ ଆହାନା ପାତାଆଡ଼ି ଲକ୍ଷୁ ଲେହେଁ ଆନାୟି,

୧୪ ଗାଲି ଝାନାଟି ଅଡ଼େ ଏୟୁ ଉଣ୍ଡାତା ଦାଜ୍ଞିମାନି କକାରି ପଦାୟାଁ ଲେହେଁ ମାରୁ ଇତାଲା ଆତାଲା ଆଆପ । ଏଟୁକା ଲକ୍ଷୁଣି ଜିରୁ ବାଣି କିହିମାନି ନାଡ଼ିକିନି ଅଣ୍ଡପୁତି ଜାପ୍ନି ତାଣ୍ଡା ମାରୁ ତରୁଗାଆପ ।

୧୫ ସାମା ସାତାତି ଆସାନା ତାୟ^{୧୭} ଚୁଲହେଁତି କ୍ରୀସ୍ତ ଏଝାଣି ତାକି ବାରେ ଜୀଝୁ ନଝୁତା ପାତାଆନ ।

୧୬ *ଏଝାସି ତାଣ୍ଡାଟି ବାରେ ଆଜ୍ଞା ବାରେ ହାନ୍ତୁଲିକା ସାୟେମି ତଲେ ଅଡ଼େ ବାରେ ଆଜ୍ଞାଟି କାମା କିନି ବାଡ଼ୁୟୁ ତଲେ ଦୁରଞ୍ଜି ଆହାନା ଜୀଝୁ ନଝୁତା ତାମି ନେହେଁତାକି ଜାହାରାଇଁ ପାତି କିହିମାନୁ ।

କ୍ରୀସ୍ତ ତାଣ୍ଡା ପୁଠନି ଜୀଝୁ

୧୭ ପ୍ରବୁ ଦରୁତଲେ, ନାନୁ ମିଜେ ଜାଗ୍ରାତା କିହାଁ ଝେସିମାଞ୍ଜାଇଁ, ନାମାଆତାରି ଏନିକ^{୧୮} ତାମି ମନତା ଉଜେଏତି ଅଣ୍ଡପୁ ତଲେ ନୀତିନେରି ମାରୁ ଏଲେକ^{୧୯} ନୀତାଆଦୁ,

୧୮ ଏଝାରି ତାମି ତାଣ୍ଡା ମାନି ମୁର୍ତ୍ତୁ ତାକି ଜାହା ଜାହାରା ମନ ଅଟୁଝା ମାନାକି ଏଝାରି ମାହାପୁରୁ ହାହାମାନି ଜୀଝୁତି ବୁଦି ଆନ୍ଦେରି ଆହାମାନେ, ଅଡ଼େ ମାହାପୁରୁ ତାଣ୍ଡାଟି ଏଟୁକା ଆହାମାନେରି;

୧୯ ଏଝାରି ଆଟୁଝା ଆହାନା ଦନ ଜୁପକା ଆହାନା ବାରେ ଲାଗେଏତି କାମା କିହାଲି ଜାହାରାଇଁ ହେରପା କତାମାନେରି ।

୨୦ ସାମା ମାରୁ କ୍ରୀସ୍ତଇଁ ଏଲେକିହ^{୨୦} ଜାପାହିଲଅତେରି ।

୨୧ ମାରୁ ତାନି କାତା ସାତାତଲେ ଝେଞ୍ଜାମାଞ୍ଜେରି, ଅଡ଼େ ଜୀସୁ ତାଣ୍ଡା ମାନି ସାତାତି ତାନିତଲେ ମାଞ୍ଜାନା ଜାପାମାଞ୍ଜେରି,

୨୨ *ଇଚିହ^{୨୧}, ମାରୁ ମୀ ନକେଏତି ମାଣ୍ଡକିତା ନାଡ଼ିକିନି ରାହାଁତା ହାରେ ହାରେକା ଲାଗେଏ ଆହିମାଡ଼େ ।

୨୩ ମୀ ମନତା ପୁଠନି ଗୁଣୁ ଆହାନା ।

* ୪:୨ କଲସି ୩:୧୨,୧୩ * ୪:୫ ମୁଞ୍ଜନାୟି * ୪:୧୭ କଲସି ୨:୧୯ * ୪:୨୨ କଲସି ୩:୯

୨୪ ଏମିନି ପୁଅନି ଗୁଣ୍ଠି ମାହାପୁରୁତି ଖାଣା ତଲେ ଦାମ୍ଭୁ ଅଡ଼େ ସାତାତି ସୁଦୁତା ଗାଡ଼ି ଆହାମାଞ୍ଜେରି, ଏଦାଆଁ ପରହାଲି ଜାପାମାଞ୍ଜେରି ।

୨୫ ଈଦାଆଁତାକି ମିଚିଡ଼ି ପିସାନା ମୀରୁ ବାରେଜାଣା ତେରି ନାମିଡ଼ି ତାୟିୟାଁ ତଲେ ସାତା କାତା ଝେସ୍ପି ଆଦୁ, ଇଚିହଁ ମାରୁ ରଣ୍ଡିଏ ଆଜ୍ଞାତାୟି ।

୨୬ କାର୍ବି ଆଦୁ, ସାମା ପାପୁ କିଆଦୁ; ଝେଡ଼ା ହାଲାଆ ନଚକଏ କାର୍ବି ପିହ୍ଦୁ;

୨୭ ଅଡ଼େ ସୟତାନକି ଟାୟୁ ହାଆଦୁ ।

୨୮ ସରୁ ଅଡ଼େ ସରୁ କିଆପେସି, ଇଚିହଁ ହିଲାଆ ଗାଗାରାକି ହାହାଲିତାକି ଏନିକିହଁ ତାନି ତାଣା ଏନାୟି ତୁୟିନେ, ଈଦାଆଁତାକି ତାନି କେୟୁତଲେ ନେହଁ କାମା କିହାନା କସ୍ତ କିପେସି ।

୨୯ ମୀ ଗୁଡ଼ିଚି ଏନି ଲାଗେଏଡ଼ି କାତା ହାଆପେ, ମୀ ଲଡ଼ାମାନି ଲେହେଁ ନେହଁ କାତା ହସ୍ପେ ଏନିକି ଏଡ଼ି ଝେନାରାକି ନେହାୟି ଆନେ ।

୩୦ ମାହାପୁରୁତି ସୁଦୁଜାସୁ ତଲେ ମିଙ୍ଗେ ଗେଲ୍ପିନି ଦିନାତାକି ବୁରୁ ମୁଦ୍ରା କିଝି ଆହାମାଞ୍ଜେରି ଏଦାଣି ଦୁକୁ ହାଆଦୁ ।

୩୧ ବାରେଲେହେଁତି କୁଟୁ ଅଣପୁ, କାର୍ବି, କପା, ଗଡ଼ହା ଅଡ଼େ ନିନ୍ଦା, ଇଞ୍ଜା ବାରେଲେହେଁତି ଅପାଆଗାଗାୟି ମୀ ତାଣାଟି ହେକ ଆପେ ।

୩୨ ଅଡ଼େ, ରଅତେରି ରଅଣାଜ୍ଞ କାମା ଅଣ୍ଡପାଦୁ, ହିଡ଼ି ହିୟାଁ, ଅଡ଼େ ମାହାପୁରୁ କ୍ରୀସ୍ତ ତାଣା ମିଙ୍ଗେ ଏନିକିହଁ ଦହ ପିସ୍ତାନେସି, ଏଲେକିହଁ ରଅତେରି ରଅଣି ଦହ ପିହ୍ଦୁ ।



ଉଜେଡ଼ିତା ନୀତିନାୟି

୧ ମୀରୁ ମାହାପୁରୁତି ଜୀସୁତି ମୀରୁକା ମାସ୍କାତେରି ଆହାମାନାକି, ମାହାପୁରୁ ଲେହେଁ ଆଦୁ;

୨ କ୍ରୀସ୍ତ ଏନିକିହଁ ମିଙ୍ଗେ ଜୀସୁ ନୟାତେସି, ଅଡ଼େ ମା ତାକି ମାହାପୁରୁ ତାକି ଗାନ୍ଦାଗାଟି ନେହଁ ପୂଜାଲେହେଁ ଜାହାରାଜ୍ଞ ହେରପାକଡ଼ିତେସି, ମୀ ଜୀସୁତା ଜିକେଏ ଏଲେକିହଁ ଜୀସୁ ନଝିଆହାନା ନୀତାଦୁ ।

୩ ସାମା ଦାରିକାମା, ବାରେଲେହେଁତି ଲାଗେଏଡ଼ି କାମା କି ଜୁପକା, ଈ ବାରେ ମୀ ତାଣା ଟାୟୁ ବେଟା ଆଆପେ; ଏଡ଼ି ମାହାପୁରୁ ଲକୁତାଣା ନେହାୟି ଆଏ;

୪ ଅଡ଼େ ଏନାୟି ଆଆଗାଗାୟି, ଅଜ୍ଞାଆତି କାତା, ଲାଗେଏଡ଼ି କାତା, ଲକୁଣି ଲାଜା କିହାଁ କାକ୍ନାୟି ମୀ ବିଡ଼ା ତଞ୍ଜା ଆଆପେ, ସାମା ବାରେ କାତାତାକି ମାହାପୁରୁଜ୍ଞ ଜହରା କିଦୁ ।

୫ ଇଚିହଁ ମୀରୁ ସାତେଏ ପୁଞ୍ଜାମାଞ୍ଜେରି, ଏମିନି ଦାରି କାମାକିନାସି କି ଲାଗେଏଡ଼ି କାମାକିନାସି କି ହାରେକା ଜୁପକା ଆନାସି ଏଝାସି ପେଣ୍ଡକା ବମାୟାତି ପୂଜା କିନାସି, ଏଲେତି ଲକୁକି କ୍ରୀସ୍ତ ଅଡ଼େ ମାହାପୁରୁତି ରାଡ଼ିତା ଅଦିକାରା ହିଲେଏ ।

୬ ଆଦାଆସି ମିଙ୍ଗେ ଉଜେଏଡ଼ି କାତା ଝେସାନା ନାଡ଼ି କିୟାଆପେସି, ଏନାଆଁତାକି ଇଚିହଁ ଈ ବାରେ ଲାଗେଏଡ଼ି କାମାତାକି କାତା ମାନଝି ଆଆଗାଟି ମୀରୁକା ମୁହେଁ ମାହାପୁରୁତି କାର୍ବି ଝାନେ ।

୭ ଈଦାଆଁତାକି, ମୀରୁ ଏଝାରିତଲେ ଏଝାରିଲେହେଁ ଆଆଦୁ;

୮ ଏନାଆଁତାକି ଇଚିହଁ ମୀରୁ ତଲି ଆନ୍ଦେରି ଲେହେଁ ମାତେରି, ସାମା ନୀଏଁ ପ୍ରବୁତି ଲକୁ ଆତାକି ଉଜେଡ଼ି ଲେହେଁ ଆହାମାଞ୍ଜେରି: ଉଜେଡ଼ିତି ମୀରୁକା ଲେହେଁ ତାକାଦୁ,

୯ ଇଚିହଁ ବାରେଲେହେଁତି ନେହାୟି, ଦାମ୍ଭୁଗାଟାୟି ଅଡ଼େ ସାତା ଉଜେଡ଼ିତି ପାଡ଼ିୟି ଲେହେଁ,

୧୦ ପ୍ରବୁକି ଏନାୟି ନେହେଁ, ଏଲେତି କାମା କିହାଲି ଜାପାଦୁ;

୧୧ ଲକୁ ଆନ୍ଦେରିତା ଆମିନି ବାରେ ଲାଗେଏଡ଼ି କାମା କିହମାନେରି, ଏ ବାରେ କାମାତା ଆଣ୍ଡାଆଦୁ, ଇଞ୍ଜା ଏଝାରି ବାରେ କାମାତି ଦହ ତହ୍ଦୁ ।

୧୨ ଏନାଆଁତାକି ଇଚିହଁ ଏଝାରି ଏନାଆଁ ତୁଗ୍ଠାନା କିନେରି, ଏ ବାରେ କାତା ଝେହ୍ନାୟି ଜିକେଏ ଲାଜାତି କାତା,

୧୩ ସାମା ବାରେ ଲାଗେଏଡ଼ି କାମା ଉଜେଡ଼ି ତଲେ ତସ୍ପିଆନେ, ଏନାୟି ବାରେ ତଞ୍ଜାଆନେ ଏଡ଼ି ବାରେ ଉଜେଡ଼ି ।

୧୪ ଏଦାଆଁତାକି ରାସ୍କି ଆହାମାନେ,

“ଇଦା କିହାମାନାତେରି, ନିଙ୍ଗାଦୁ,

ହାଡ଼ାରି ତାଣାଟି ନିଙ୍ଗାଦୁ,

ଅଡ଼େ କ୍ରୀସ୍ତ ମିଜେ ଉଜେଡ଼ି ହିୟାନେସି ।”

୧୫ ଇତିହାସ ବୁଦି ହିଲାଆ ଗାଟାରିଲେହେଁ ଆଆନା ବୁଦି ମାନାରି ଲେହେଁ ମୀ ନୀତିନାଣି ତାକି ଜାଗ୍ରାତା ଆଦୁ, ବୁଦି ହିଲାଆଗାଟାତେରି ଲେହେଁ ଆଆନା ବୁଦି ଗାଟାତେରି ଲେହେଁ ଆଦୁ ।

୧୬ * ପାଗାଟି ନେହୁଁ କିଁ ଲେମ୍ବାଦୁ, ଏନାଆଁତାକି ଇତିହାସ କାଲା ଲାଗେଏତାୟି ।

୧୭ ଏଦାଆଁତାକି, ବୁଦି ହିଲାଆ ଗାଟାରିଲେହେଁ ଆଆନା ପ୍ରବୃତ୍ତି ଅଣ୍ଟୁ ଏନାୟି ଏଦାଆଁ ତେଲହାଦୁ ।

୧୮ ଅଡ଼େ କାଡ଼ ଗୁସାନା ହଡ଼ାଆଦୁ, ଏନାଆଁତାକି ଇତିହାସ ଏଡ଼ି ମିଜେ ନାୟା କିୟାନ୍ତୁ; ସାମା ପାଟୁ, ସୁଦୁଜାଝୁଟି ଜହରା କିହୁଁ ରଅତେରି ରଅଣାଇଁ ବାସୁ ହାଦୁ,

୧୯ *ଅଡ଼େ ମୀ ହିୟାଁ ମାହାପୁରୁ ତାକି ସୁଦୁଜାଝୁ ତଲେ ଜହରା ପାଟୁ ପାଡ଼ାଦୁ ।

୨୦ ବାଟେରେଲା ବାରେ କାତାତାକି ପ୍ରବୃତ୍ତି ଜୀସୁ କ୍ରୀସ୍ତତି ଦରୁତଲେ ଆଦା ମାହାପୁରୁଇଁ ଜହରା କିଦୁ ।

ତକ୍ତି ଅଡ଼େ ତକ୍ତା

୨୧ ଅଡ଼େ କ୍ରୀସ୍ତଇଁ ଆଜାନା ରଅତେରି ରଅଣାଇଁ ମାନି କିଦୁ ।

୨୨ *ଏ ଆୟାସିକା ମୀରୁ ଏନିକିଁ କ୍ରୀସ୍ତଇଁ ମାନି କିହିମାନି ଲେହେଁ ମୀରୁ ମୀ ତକ୍ତାୟାଣି ମାନି କିଦୁ,

୨୩ ଇତିହାସ କ୍ରୀସ୍ତ ଏନିକିଁ କୁଲମିତି ତାୟାଁ ଲେହେଁ, ତକ୍ତା ଜିକେଏ ଏଲେକିଁ ତକ୍ତିନି ତାୟାଁ ଲେହେଁତାସି, ଇଞ୍ଜାଁ କ୍ରୀସ୍ତ ତାନି ଆଜା ଲେହେଁତି କୁଲମିତି ଗେଲୁପିନେସି ।

୨୪ ହାଅ, କୁଲମି ଏନିକିହୁଁ କ୍ରୀସ୍ତଇଁ ମାନି କିନେ, ଏଲେକିହୁଁ ତକ୍ତିସିକା ଜିକେଏ ବାରେ କାତାତା ତାନି ତକ୍ତାୟାଣି ମାନି କିଦୁ ।

୨୫ *ଏ ତକ୍ତାୟାଁତେରି, କ୍ରୀସ୍ତ ଏନିକିଁ କୁଲମିତି ଜୀଝୁ ନଡ଼େସି, ମୀରୁ ଜିକେଏ ଏଲେକିହୁଁ ମୀ ତକ୍ତିସିକାଣି ଜୀଝୁନଦୁ; ଇତିହାସ ଏଝାସି ଏଦାନାକି ତାନି ଜୀଝୁ ହାତେସି,

୨୬ ଏଝାସି କୁଲମିତି ବଲୁ ଅଡ଼େ ଏୟୁତଲେ ନରହାନା ମାହାପୁରୁ ତାକି ସୁଦୁ କିହାନା ହେରୁପିତେସି,

୨୭ ଏନିକିଁ କୁଲମି ଗାହାଁଗାରି, ଅଡ଼େ ଦହ ହିଲାଆଗାଟାୟି ଆହାନା ସୁଦୁ ଗାଟାୟି ଆନେ, ଅଡ଼େ ଏଲେକିହୁଁ ଏ ଗାଝୁରମି ତଲେ ମାହାପୁରୁ ତାନି ତାଣା ଅନେସି ।

୨୮ ଏଲେକିହୁଁ ତକ୍ତାୟାଁ ଜିକେଏ ତାନି ତକ୍ତିସିକାଣି ଜାହାରା ଆଜା ଲେହେଁ ଜୀଝୁନନାୟି ମାନେ, ଆମ୍ବାଆସି ଜାହାରା ତକ୍ତିନି ଜୀଝୁ ନନେସି, ଏଝାସି ଜାହାରାଇଁ ଜୀଝୁ ନନେସି;

୨୯ ଆମ୍ବାଆସି ଜିକେଏ ଜାହାରା ଆଜାତି ନାନୁ ଅପର୍ଆଁ ଇଞ୍ଜାଁ ଇନଅସି, ସାମା ତାନି ଆଜା ତାକି ତିନେସି ତନେସି ଅଡ଼େ ଜାଡ଼ନ୍ତୁ ଇତିନେସି, କ୍ରୀସ୍ତ ଜିକେଏ କୁଲମିତାକି ଏଲେକିହୁଁ କିନେସି,

୩୦ ଏନାଆଁତାକି ଇତିହାସ ମୀରୁ ତାନି ଆଜାତି ଆଜା ଉଡ଼େଲି ତାୟି ।

୩୧ ଦାମ୍ଭୁପତିତା ରାସ୍ତିକି ଆହାମାନେ, “ଇଦାଣି ତାକି ଆଟାଟି ତାଲି ତାଞ୍ଜିଇଁ ପିସାନା ଜାହାରା ତକ୍ତି ତାଣା ଆଣ୍ଡିନେସି, ଅଡ଼େ ଏ ରିଆରି ରଣିଏ ଆଜା ଆନେରି ।”

୩୨ ଇ ଦାମ୍ଭୁ ସାସ୍ତେରିତା ରାସ୍ତିକି ଆହାମାନି ତାଣା ହାରେକା ତ୍ତୁମାନି କାତା ମାନେ, ସାମା ନାନୁ କ୍ରୀସ୍ତ ଅଡ଼େ କୁଲମିତି କାତା ସେସିମାଞ୍ଜାଇଁ ।

୩୩ ଏନାୟି ଆପେ, ମୀରୁ ବାରେଜାଣା ଜାହାରା ତକ୍ତିଇଁ ଜାହାରା ଜୀଝୁ ଲେହେଁ ଜୀଝୁନଦୁ, ଇଞ୍ଜାଁ ତକ୍ତି ଜିକେଏ ଜାହାରା ତକ୍ତାଇଁ ମାନି କିନାୟିମାନେ ।



ତାଲି ତାଞ୍ଜି ଅଡ଼େ କକାରି ପଦାଁ

୧୦ କକାରି ପଦାୟାଁତେରି, ପ୍ରବୃତ୍ତି ତାକି ମୀ ତାଲି ତାଞ୍ଜି କାତା ମାନଝି ଆଦୁ; ଇତିହାସ ଏଡ଼ି ମିଜେ ତାକି ନେହାୟି ।

୧୧ “ମୀ ତାଲି ତାଞ୍ଜିଇଁ ମାନି କିଦୁ, ଇଦି ମାହାପୁରୁ ଆଞ୍ଜାମାନି ର କାଜା ହୁକୁମି,

୧୨ ଏନିକିହୁଁ ମିଜେ ନେହୁଁ ଆନେ, ଇଞ୍ଜାଁ ମୀରୁ ଦାବୁତିତା ହାରେକା ଦିନା ନୀତିଦେରି ।”

* ୫:୧୭ କଲସି ୪:୫ * ୫:୧୯ କଲସି ୩:୧୭,୧୭ * ୫:୨୨ କଲସି ୩:୧୮; ୧ପିତ ୩:୧ * ୫:୨୫ କଲସି ୩:୧୯; ୧ପିତ ୩:୭
* ୬:୧ କଲସି ୩:୨୦

୪ *ତାଲି ତାଞ୍ଜି ଡେରି, ମୀ କକାରି ପଦାଁଣି କପା କିଆଦୁ, ସାମା ଏଝାରାଇଁ ପ୍ରବୁତି କାତା ଜାପଦୁ ଅଡ଼େ ସେଡ଼ନା ତଲେ ପହିକିଦୁ ।

ହଲିୟା ଅଡ଼େ ସାଝୁକାରି

୫ *ଏ ହଲିୟାଙ୍ଗାଡେରି, ମୀରୁ ଏନିକିଁ କ୍ରୀସ୍ତଇଁ ମାନୁଞ୍ଜି ଆହିମାଞ୍ଜେରି, ଏଲେକିହିଁ ଆଜି ଅଡ଼େ ତାରୁଗିହିଁ ତୀରି ହିୟାଁ ତଲେ ମୀ ଦାରୁଡିତି ସାଝୁକାରିୟାଁ କାତା ଆହଦୁ;

୬ ମାଣସିଇଁ ରାହାଁ କିନିଲେହେଁ ତାମି ନକିତା ଏଦାଆଁ କିଆଦୁ, ସାମା କ୍ରୀସ୍ତତି ହଲିୟା ଲେହେଁ ହିୟାଁ ତଲେ ମାହାପୁରୁତି ଅଣ୍ଡାପୁ ତାରିକିଦୁ ।

୭ ଝାରଇ ମାଣସିୟାଁତି ସେବା କିହିମାନମି ଇଞ୍ଜିଁ ଅଣ୍ଡାପାମା ପ୍ରବୁତି ସେବା କିନିଲେହେଁ ରାହାଁତଲେ ଏଦାଆଁ କିଦୁ,

୮ ଇଦାଆଁ ପୁଞ୍ଜାନା, ଏଝାସି କଡିତି ହଲେଏସି ଆଡେସି କି ହଲେଏସି ଆଆପେସି ପ୍ରବୁ ବାରେ ଲକ୍ଷୁକି ଏଝାରି ନେହିଁ କାମାତାକି ଏଝାରି ଏନାଆଁ ବେଟାଆନାୟି ମାନେ ଏଦାଆଁ ହାନେସି ।

୯ *ଏ ସାଝୁକାରିୟାଁଡେରି, ହଲିୟାଙ୍ଗାଣି ଲାଗେଏ ତଲେ ଲେମ୍ବାଆଦୁ କି ଏଝାରାଇଁ ଆଜିକିଆଦୁ; ମୀରୁ ଅଡ଼େ ମୀ ହଲିୟାଙ୍ଗା ବାରେଜାଣା ଡେରି ଲାକପୁରୁତି ପ୍ରବୁତି ହଲିୟାଙ୍ଗାଡେରି; ଏଝାସି ବାରେଜାଣାତି ପାରୁଡ଼ା ବାଟି କିଆନା ବିଚାରା କିନେସି ।

ମାହାପୁରୁତି ଜୁଜୁକିନି ଜୁତି

୧୦ ତାୟୁତି କାତା ଇଦି, ପ୍ରବୁ ତାଣାଟି ବାଡ଼ୟୁ ବେଟାଆହାନା ଏଝାଣି ବାଡ଼ୟୁଟି ବାଡ଼ୟୁ ଗାଟାଡେରି ଆଦୁ

୧୧ ମୀରୁ ଏନିକିଁ ସୟତାନତି ବାରେ ପଲ୍ଲଆ କାମାଟି ଜୀଣା ଆୟାଲି ଆଡ଼ିଦେରି, ଏଦାଆଁତାକି ମାହାପୁରୁ ହୀହାମାଞ୍ଜାନି ଜୁଜୁକିନି ଜୁତି ବାରେ ତୁରଦୁ ।

୧୨ ଇତିହିଁ ମା ଜୁଜୁ ଦାରୁଡିତାରି କପାଟି ଆଏ, ସାମା ଲାକପୁରୁତି କାଜାପାଣା କପାଟି, ସାଲୁଞ୍ଜି କିନାରି କପାଟି ଇଆନ୍ଦେରିତି ପାଣାଗାଗାରି କପାଟି ଅଡ଼େ ହାଗୁ ପାକାତି ପଲ୍ଲଆ ଜୀଝୁୟାଁ କପାଟି ଜୁଜୁ କିହିମାନାୟି

୧୩ ଏଦାଆଁତାକି ନୀଏଁ ମାହାପୁରୁ ହୀହାମାଞ୍ଜାନି ଜୁଜୁକିନି ଜୁତିତି ତୁରଦୁ, ଆତିହିଁ ଲାଗେଏତି ବେଲାତା ମୀରୁ ସାତୁ ନକିତା ନିଚାଲି ଆଡ଼ିଦେରି ଇଞ୍ଜାଁ ରାନ୍ତି ପାଡେକା ଜୁଜୁକିହିଁ ତୀରିଆହାଁ ତୁୟାଲି ଆଡ଼ିଦେରି ।

୧୪ ଇତିହିଁ, ସାତାତି ଜାଟି ଟେଡେଲିତା ରୁପାକତାହାଁ, ଦାମ୍ପୁତି ବକ ପାଟା ଲେହେଁ ତୁରଦୁ,

୧୫ ହିଡ଼ଡ଼ି ହାନି ନେହିଁ କାବୁତାକି ଅଜିକିଞ୍ଜି ଆହାମାନି ସେପୁୟାଁ କତାଣା ତୁରହାନା ତାଂଟା ଆହାମାଞ୍ଜୁ;

୧୬ ବାରେବେଲା ନାମୁତି ଆଡୁ ପାଟା ଆସାମାଞ୍ଜୁ, ଏଦାଣି ତଲେ ମୀରୁ ସୟତାନତି ବାରେ ଡ଼ାଞ୍ଜିମାନି ଆପକାତି ହିରୁ ବାରେ ତୁପହାଲି ଆଡ଼ିଦେରି ।

୧୭ ଅଡ଼େ, ଗେଲପିନି ଟଫେରି ତାୟୁଁ ତୁା ତୁରଦୁ ଅଡ଼େ ସୁଦୁଜୀଝୁତି ହିୟାତି ମାହାପୁରୁତି ବଲୁତି କାଣ୍ଡା ଆହଦୁ;

୧୮ ବାରେଲେହେଁତି ପ୍ରାତାନା ଅଡ଼େ ବାଡିମାଲିନି ତାଣା ବାରେବେଲା ସୁଦୁଜୀଝୁ ସାଝେମି ତଲେ ପ୍ରାତାନା କିଦୁ, ଇଞ୍ଜାଁ ବାରେ ମାହାପୁରୁ ଲକ୍ଷୁତାକି କାପୁ କାଟାନା ପ୍ରାତାନା କିହେମାଞ୍ଜୁ ।

୧୯ ଅଡ଼େ, ନାଜେତାକି ଜିକେଏ ପ୍ରାତାନା କିଦୁ, ଏନିକିଁ ନେହିଁ କାବୁତାକି ଦୁତୁ ସମାନା ନାନୁ, ନାଜେ ଏଡ଼ଗୁମାନାଣି ପୁଣ୍ଡି କିହାଲି ସାସାତଲେ ବଲୁ ଝେସାଲି ମାହାପୁରୁ ନା ଗୁଡିତା ନେହିଁ କାବୁ ହିୟାନେସି

୨୦ ଅଡ଼େ ନାନୁ ଏନିକିଁ ଏମାତି ସାତା କାତା ସାସାତଲେ ଝେସାଲି ଆଡ଼ିଇଁ ।

ଜହରା ଝେସାହାଁ ଆକୃତି ରାପ୍ତନାୟି

୨୧ *ନା କାତା, ଇତିହିଁ ନାନୁ ଏନିକିଁ ମାଇଁ, ଇଦାଆଁ ମୀରୁ ଜିକେଏ ଏନିକିଁ ପୁଞ୍ଜାଲି ଆଡ଼ିଦେରି, ଇଦାଣି ତାକି ନା ଜୀଝୁତି ତାୟି ଅଡ଼େ କ୍ରୀସ୍ତତି କାମାତା ନାମୁତି ହଲେଏସି ତୁକିକ, ନା ବାରେ କାତା ଏଝାସି ଝେସାନେସି;

୨୨ ଏ ବାରେ କାତା ଝେସାଲି ନାନୁ ଏଝାଣାଇଁ ମୀ ତାଣା ପାଣ୍ଡାଡେଏଁ, ଏନିକିଁ ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି ଅଡ଼େ ମୀ ହିୟାଁ ଏଝାଣି ତାଣାଟି ରାହାଁ ଆନେ ।

* ୭:୪ କଲସି ୩:୨୧ * ୭:୫ କଲସି ୩:୨୨-୨୫ * ୭:୯ କଲସି ୪:୧; କଲସି ୩:୨୫ * ୭:୨୧ କାମା ୨୦:୪; ୨ତିମ ୪:୨୨
* ୭:୨୧ କଲସି ୪:୨୮

୨୩ ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତଇଁ ନାମିତି ତାୟି ତାଜିସ୍ତାକି ହିଡ଼ଡ଼ି, ଜୀସୁନନାୟି ଅଡ଼େ ନାମୁ ହିୟାପେସି ।

୨୪ ଏଚେକା ଲକୁ ମା ପ୍ରବୁ ଜୀସୁ କ୍ରୀସ୍ତଇଁ କାଚେଲଏ ଜୀସୁ ନଚେନରି, ମାହାପୁରୁତି କାର୍ମାମେହନାୟି ଏ ବାରେତାକି ଆଡ଼େ ।

ପିଲିପୀୟ ମଣ୍ଡଳୀ ନିକଟକୁ ପାଉଲଙ୍କ ପତ୍ନୀ ପିଲିପି କୁଲମିତାକି ପାସ୍କୁଲ ରାଡ଼ାମାନି ଆକୁ ମୂକୁ ହାଡ଼ା

ପିଲିପି ଜୀସୁ କ୍ରୀସ୍ତ ଜାର୍ନାଆଡ଼ି ୬୧ ବାର୍ଷୀ ତାୟୁ ପାସ୍କୁଲ ପିଲିପି କୁଲମିତି ନାମିତି ତାୟିୟାଁ ତାଣା ଆକୁ ରାଡ଼ିମାନେସି । ପାସ୍କୁଲ ରମ୍ପତି କାୟିଦିତା ମାତାଟି ଈ ଆକୁ ରାଡ଼ା ତୁୟିନେସି୧:୧୩ । ପିଲିପି ଗାଡ଼ା ବିତ୍ତା ଆହାମାନି କୁଲମିତାକି ଈ ଆକୁ ରାୟିକି ଆହାମାତେ । ମାର ପାଣ୍ଡୁଆହାମାନି ପତିତା ଜିକେଏ ପିଲିପି ଆକୁତି କାତା ଇଚାଣି ପୁଞ୍ଜାଲି ଆଡ଼ିନାୟି । ପିଲିପି ମାକିଦନିୟାତି ରାଜିତି କାଜା ଗାଡ଼ା ମାତେ । ଇଦି ମାକିଦନିୟାତା ଆଡ଼ି ମୂଲୁ କୁଲମି ମାତେ । ପାସ୍କୁଲ ଅଡ଼େଡ଼ ସିଲା ଆଣ୍ଡ଼ିଆହାମାନା ଈ କୁଲମି ମାଟୁହା ମାତେରି । ଅଡ଼େ ଏମାଆଁ ମାତାଟି ର ଲାଆଁୟାଁ ତାକି କାୟିଦିତା ଇଡ଼କି ଆହାମାତେରି କାମା ୧୨ ।

ପାସ୍କୁଲ ଈ ଆକୁ ରାଗାଲି ହାରେକା କାତା ତୁୟିନେ । ଏଞ୍ଜାସି କାୟିଦିତା ମାନି କାତା ଝେଞ୍ଜାନା ଲକୁ ଦାନା କୁଡ଼ି କିହାନା ପାଣ୍ଡାମାତାକି କୁଲମିତି ଜହରା କିହାଲିତାକି ଆକୁ ରାଡ଼ିମାନେସି ୪:୧୦-୧୯ । ଏଞ୍ଜାସି ତାନି କାୟିଦିତା ମାନି କାତା ଝେସାନା କୁଲମିତା ତିମତି ଅଡ଼େ ଏପାପୁଦିତାଈ ହେଡ଼ପି ମାନେସି, ନାମିତି ତାୟିୟାଁ ଏନିକି ଏଞ୍ଜାରାଇଁ ମାନି ତଲେ ଆବିନେରି ଅଡ଼େ ଏଞ୍ଜାରି ନକିକିହା ଅନାଣି କାତା ମାନି କିନେରି୨:୧୯-୩୦ ।

ପତିତା ମାନାୟି

- ୧. ପିଲିପି କୁଲମିତି ପାସ୍କୁଲତି ଜହରା । ୧:୧-୨
- ୨. ପାସ୍କୁଲତି ମାଣ୍ଡକି ଅଡ଼େ ଏଞ୍ଜାଣି ଅଣ୍ଡପୁ । ୧:୩-୨:୩୦
- ୩. ନାମିତି ତାୟିୟାଁ କ୍ରୀସ୍ତ ତାଣା ମାଞ୍ଜା ନୀତାଲି ଝେହନାୟି । ୩:୧-୪:୯
- ୪. ପାସ୍କୁଲ ଦାନା ତାକି ପିଲିପି କୁଲମିତା ଜହରା ଝେହନାୟି । ୪:୧୦-୨୩

ପାସ୍କୁଲତି ଜହରା ଅଡ଼େ ପ୍ରାଡ଼ାନା

- ୧ *ପାସ୍କୁଲ ଅଡ଼େ ତିମତି, କ୍ରୀସ୍ତ ଜୀସୁତି ରୀ ହଲିୟାଙ୍ଗା, ପିଲିପି ଗାଡ଼ାତା ମାନି କ୍ରୀସ୍ତ ଜୀସୁ ତାଣା ତୁୟାମାନି ମାହାପୁରୁ ଲକୁ ଅଡ଼େ କୁଲମିତି କାଜାରି, ଇଞ୍ଜାଁ କୁଲମିତି ସେବା କିନାରାକି ଈ ଆକୁ ରାୟିକି ଆହାମାନେ ।
- ୨ ମା ଆଡ଼ା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଇଞ୍ଜାଁ ହିଡ଼ଡ଼ି ଜୀସୁ ମିଙ୍ଗେତାକି ଆୟାପେ ।

ପାସ୍କୁଲତି ପ୍ରାଡ଼ାନା

- ୩ ନାନୁ ମିଙ୍ଗେ ଏଚର ଦେବା ଅଣ୍ଡପି ମାଞ୍ଜାଇଁ, ଏଚର ଦେବା ନା ମାହାପୁରୁଈ ଜହରା କିହିମାଇଁ ।
- ୪ ନାନୁ ବାରେଦିନା ମିଙ୍ଗେତାକି ପ୍ରାଡ଼ାନା କିନାଟି ନାନୁ ହାରେକା ରାହାଁତଲେ ପ୍ରାଡ଼ାନା କିହିମାଇଁ,
- ୫ ଏନାଆଁତାକି ଇତିହିଁ ମୀ ମୂଲୁ ଦିନାଟିଏ ନୀର୍ଏ ପାତେକା ନେହିଁ କାତୁ ଝେକିହାଲି ମୀରୁ ନାଙ୍ଗେ ପାୟେମି କିହିମାଞ୍ଜାଦେରି,
- ୬ ଏଦାଆଁତାକି ନାନୁ ଈ କାତାଟି ସାତା ଇଞ୍ଜାଁ ଅଣ୍ଡପିମାଇଁ, ଆମିନି ପ୍ରବୁ ମୀ ତାଣା ଈ ନେହିଁ କାମା ମାଟୁହାମାନେସି, କ୍ରୀସ୍ତ ଜୀସୁତି ଝେଣ୍ଡାଞ୍ଜାନ୍ତି ଦିନା ରାନ୍ତି ପାତେକା ଏଞ୍ଜାସି ଏଦାଆଁ କିନେସି ।
- ୭ ଅଡ଼େ ମୀ ବାରେତାକି ନା ଇଲେତି ଅଣ୍ଡପିନାୟି ମାନେ, ମୀରୁ ବାରେ ଏନିକିଁ ନା ତଲେ ନେହିଁ କାତୁ ଝେକି କାୟିଦିତା ଆଣ୍ଡିମାଞ୍ଜାଦେରି, ଅଡ଼େ ଏମାତି ସାତା ପାର୍ମାଣା ତସାଲି ନା ତଲେ ଆଣ୍ଡାମାଞ୍ଜାଦେରି, ଏଦାଆଁତାକି ନାନୁ ନା ହିୟାଁତା ମିଙ୍ଗେ ଆବାମାଞ୍ଜାଇଁ ।
- ୮ ମୀ ବାରେଜାଣା ତାକି ହାରେକା ଜୀସୁ ନନାଣି କ୍ରୀସ୍ତ ଜୀସୁ ତାଣାଟି ବେତାଆହାମାଇଁ ଇଞ୍ଜାଁ ଏତିରେଲାତା ନାନୁ ଝେହଇଁ, ଏଦି ସାତା, ଏଦାଆଁତାକି ମାହାପୁରୁ ନା ସାକି ।
- ୯ ଅଡ଼େ, ନା ପ୍ରାଡ଼ାନା କିନାୟି ଇଦି, ମୀ ଜୀସୁନନାୟି, ନେହିଁ ବୁଦି ପୁନାୟି, ଅଡ଼େ ବାରେ ନେହିଁ ଅଣ୍ଡପୁ ହାରେ ହାରେକା ପାତା ଆପେ,
- ୧୦ ଏନିକିହିଁ ମୀରୁ ଏନାୟି ନେହାୟି ଏଦାଆଁ ଆଡ଼ାଲି ଆଡ଼ିଦେରି, ଆତିହିଁ ମୀରୁ କ୍ରୀସ୍ତତି ଝାନ୍ତି ଦିନାତା ସୁଦୁ ଗାଟାତେରି ଆଦେରି, ଅଡ଼େ ନିନ୍ଦା ଗାଟାତେରି ଆପଡେରି,

* ୧:୧ କାମା ୧୭:୧୨

୧୧ ମାହାପୁରୁତ ଗାଝୁରମି ଇଞ୍ଜା ନେହଁ ଝେହ୍ନାଣି ତାକି ମୀ ଜୀଝୁ ଜୀସୁ କ୍ରୀସୁ ହୀହାମାନି ବାରେ ନେହଁ ଗୁଣୁ ବେଟାଆନେ ।

କ୍ରୀସୁ ତାଣା ନୀଡିନାୟି

୧୨ ତାୟି ତାଙ୍ଗିସାତେରି, ନାଙ୍ଗେତାକି ଏନା ଏନାୟି ଆହାମାଞ୍ଜାନେ, ଏ ବାରେ ନେହଁ କାରୁ ପାତାଆହାଲି ତାକି ଆହାମାନେ, ଇଦାଆଁ ନାନୁ ମିଙ୍ଗେ ପୁଣ୍ଡି କିହାଲି ଅଣ୍ଡିମାଙ୍ଗ;

୧୩ ଇଚିହଁ ନାନୁ କାୟିଦିତା ମାଗାୟି କ୍ରୀସୁ ତାକି, ଏଦି ରାଜା ଇଲୁତା କାଝିଆନି ବାରେ କସ୍କା ଇଞ୍ଜା ଏଟ୍ଟକାତି ବାରେଜାଣା ନକିତା ତଞ୍ଜାଆତେ;

୧୪ ଅଡେ ଜିକେଏ ହାରେକା ତାୟି ତାଙ୍ଗିସା ନାନୁ କାୟିଦିତା ମାନାକି, ମାହାପୁରୁ ତାଣା ବାର୍ସୁ ଇଟାନା ଆଜାଆନା ମାହାପୁରୁତି କାରୁ ଝେକହାଲି ହାରେକା ସାସା ଗାଟାରି ଆହାମାନେରି ।

୧୫ ଆମା ଆମାଆରି ତାହାରା ଅଡେ ଗଡ଼ହା ତାକି କ୍ରୀସୁତି କାତା ଝେକହ ମାନେରି ସାତା, ସାମା ଆମା ଆମାଆରି ସାତା ତଲେ କିହିମାନେରି;

୧୬ ନାଙ୍ଗେ ନେହଁ କାରୁତି ସାକି ଆହାଲିତାକି ମାହାପୁରୁ ଆଡ଼ାମାଞ୍ଜାତେସି, ଏଦାଆଁ ପୁଞ୍ଜାନା ସାତା ଜୀଝୁ ନନାଣି ତାକି ଏଦାଆଁ କିନେରି,

୧୭ ଏଟ୍ଟକାତାରି ମାନି ତଲେ କ୍ରୀସୁତି ବଲୁ ଝେହ୍ନାଆନା ଜାହାରା ଲାଡ଼ା ତାକି କିହିମାନେରି । ନାନୁ କାୟିଦିତା ମାନାଟି ନା ହିୟାତା ହାରେକା କସୁ ହାହାଲି ଏଝାରି ଏଦାଆଁ କିହିମାନେରି ।

୧୮ ବାଦା ହଲେଏ ? ତାହାରା ତଲେ ଆପେ କି ନେହେଁ ତଲେ ଆପେ କ୍ରୀସୁ ସାତେଏ ଝେଙ୍ଗିମାନେସି, ଏଦାଆଁତାକି ନାନୁ ରାହାଁ କିହିମାଙ୍ଗ, ଅଡେ ଜିକେଏ ରାହାଁ କିହିମାଙ୍ଗ ।

୧୯ ଇଚିହଁ ନାନୁ ପୁଞ୍ଜାମାଙ୍ଗ, ମୀ ପ୍ରାତାନା ଇଞ୍ଜା ଜୀସୁ କ୍ରୀସୁତି ସୁଦୁଜୀଝୁତି ସାରେମି ତଲେ ନା ଗେଲ୍ପିନାୟି ଆନେ,

୨୦ ଏଦାଆଁତାକି ନା ରଣ୍ଡିଏ ଆସା ଅଡେ ବାର୍ସୁ ମାନେ, ନାନୁ ଏଦି କାତାତା ଜିକେଏ ଲାଜା ଆଆଁ, ସାମା କାଲେଏ ଏନିକଁ ଆହିମାଟେସଁ, ନୀସଁ ଜିକେଏ ଏଲେକଁ ହାରେକା ବାଡ଼ୁଲୁ ତଲେ ହାଡ଼ିହଁ କି ଜୀଝୁ ମାଟିହଁ, କ୍ରୀସୁଲୁ ନା ଆଙ୍ଗା ତଲେ ଗାଝୁରମି କିଲ୍ ।

୨୧ ଇଚିହଁ ନା ନୀତାମାନାୟି ଝାରଇ କ୍ରୀସୁ, ଏଦାଆଁତାକି ନାନୁ ହାନାୟି ନାଙ୍ଗେତାକି ଲାଡ଼ା ।

୨୨ ସାମା ନାନୁ ଆଙ୍ଗା ତଲେ ନୀତା ମାଞ୍ଜାନା ହାରେକା ପାଡ଼େୟି ଆୟାଲି ଆଡ଼ିଲ୍, ଆତିହଁ ନୀତାମାନାଣି କି ହାନାଣି ବାଟି କିଲ୍ ନାନୁ ପୁଞ୍ଜାଲି ଆଡ଼ିହିଲଅଁ ।

୨୩ ନାନୁ ରୀ ଝାକି ରେସକି ଆହିମାଙ୍ଗ; ଈ ଜୀଝୁତି ପିସାନା କ୍ରୀସୁ ତଲେ ମାଞ୍ଜାଲି ଅଣ୍ଡିମାଙ୍ଗ, ଏଦି ହାରେକା ନେହାୟି;

୨୪ ସାମା ନାନୁ ଆଙ୍ଗା ତଲେ ମାନାୟି ମିଙ୍ଗେତାକି ହାରେକା ଲଡ଼ାମାନେ ।

୨୫ ନାନୁ ନେହଁ କଁ ପୁଞ୍ଜାମାଙ୍ଗ, ନାନୁ ତୟିଲ୍, ହାଅ ମୀ ନାନୁ ଅଡେ ରାହାଁତି ପାଡ଼ିକିହାଲି ମୀ ବାରେ ତଲେ ତୟିଲ୍,

୨୬ ଏନିକଁ ମୀ ବିଡ଼ା ନା ଝେଣ୍ଡା ଝାଡ଼ାକି ନା ତାଣାଟି କ୍ରୀସୁ ଜୀସୁ ତାଣା ମୀ ବଡ଼ପଣ ଗାଡ଼ିଆନେ ।

୨୭ ନା ଅଣ୍ଡିପୁ ଇଦି, କ୍ରୀସୁତି ନେହଁ କାରୁତି ଜିଗେତି ଲକ୍ଷୁ ଲେହେଁ ନୀତାପୁ, ଏନିକଁ ନାନୁ ମୀ ତାଣା ଝାହାନା କି ହେକ ମାଞ୍ଜାନା ମୀ କାତା ଝେଞ୍ଜାହାଁ ପୁଞ୍ଜାଲି ଆଡ଼ିଲ୍, ମୀରୁ ବାରେତେରି ରଣ୍ଡିଏ ଜୀଝୁ ରଣ୍ଡିଏ ଅଣ୍ଡିପୁ ତଲେ ତୀରିଆହାନା ନେହଁ କାରୁତି ନାନୁ ତାକି ଜୁଜୁ କିହିମାଞ୍ଜେରି,

୨୮ ଇଞ୍ଜା ମିଙ୍ଗେ କସୁ ନିମା ହାହିମାଞ୍ଜାନି ସାଡ଼ୁୟାଲ୍ ଏତେଲାଝା ଆଜାଆଡୁ; ଏଦି ଏଝାରି ନାସା ଆନାୟି, ସାମା ମିଙ୍ଗେତାକି ଗେଲ୍ପିନାୟି ମାହାପୁରୁ ହାହାମାନି ର ସିନା;

୨୯ ଇଚିହଁ କ୍ରୀସୁ ତାଣା ଝାରଇ ନାମାଲି ତାକି ମୀରୁ ପାରୁ ମେଡ଼ା ଆହାମାଞ୍ଜେରି, ଏଦି ଆଏ, ସାମା ଏଝାଣି ତାକି ଦୁକୁ ବେଟାଆହାଲି ଜିକେଏ କାର୍ମା ମେଡ଼ା ଆହାମାଞ୍ଜାନେ;

୩୦ ଅଡେ ନାନୁ ଏନିକଁ ଜୁଜୁ କିହିମାଟାଣି ମେସାମାଞ୍ଜାତେରି, ଇଞ୍ଜା ନୀସଁ ଜିକେଏ କିହିମାନେସି ଇଞ୍ଜା ଝେଞ୍ଜିମାଞ୍ଜେରି, ଏଲେକିହଁ ମୀରୁ ଜିକେଏ ଜୁଜୁ କିଦୁ ।

9

କ୍ରୀସୁତି ମାଣିକି ଅଡେ କାଜାପାଣା

☆ ୧:୧୩ କାମା ୨୮:୩୦ ☆ ୧:୩୦ କାମା ୧୭:୧୯-୪୦

୧ କ୍ରୀସ୍ତ ତଲେ ମାନାକି ମୀରୁ ଜୀଞ୍ଜୁତା ବାସ୍ତୁଁ ବେଟାଆହାମାଞ୍ଜେରି, ଅଡ଼େ ତାନି ଜୀଞ୍ଜୁନନାୟି ମିଜେ
ସାସା ହାହିମାଞ୍ଜାନେ । ମୀରୁ ସୁଦୁଜୀଞ୍ଜୁତା ଆଣ୍ଡିମାଞ୍ଜେରି ପୁଞ୍ଜିମାଞ୍ଜେରି ଅଡ଼େ ରଅତେରି ରଅଣାକି ମୀ
ଜୀଞ୍ଜୁନନାୟି ଅଡ଼େ କାର୍ମାମେହନାୟି ମାନେ,

୨ ନାନୁ ମିଜେ ବାଡ଼ିମାଲିମାଞ୍ଜାଇଁ ମୀରୁ ରଣ୍ଡିଏ ଅଣ୍ଡପୁ ତଲେ, ରଣ୍ଡିଏ ଜୀଞ୍ଜୁ ନନାଣି ତଲେ, ରଣ୍ଡିଏ ହିୟାଁ,
ରଣ୍ଡିଏ ଅଣ୍ଡପୁ ଆହାନା ନାଜେ ରାହାଁ କିୟାଦୁ,

୩ ମୀରୁ ମିଜେତାକି ନେହାଁଣି ଦୁପକା ଇଞ୍ଜା ହାରେକା ବଡ଼ପଣ ତସାଲି ଏନାଆଁ କିଆଦୁ, ସାମା ସୁଦୁ ହିୟାଁ
ଗାଟେରି ଆହାନା ଏଡ଼କା ଲକୁଇଁ ନା କିହାଁ କାଜାସି ଇଞ୍ଜା ଅଣ୍ଡପାଦୁ;

୪ ମୀରୁ ବାରେତେରି ଖାଉଇ ମିଜେତାକି ନେହାଁ ଆନାଣି ଅଣ୍ଡପାଆନା ଏଡ଼କା ଲକୁତି ନେହାଁଣି
ଜିକେଏ ଅଣ୍ଡପାଦୁ ।

୫ କ୍ରୀସ୍ତ ଜୀଞ୍ଜୁତି ଏନିଲେହେଁତି ଅଣ୍ଡପୁ ମାତେ ମୀ ଅଣ୍ଡପୁ ଜିକେଏ ଏଲେତାୟିଏ ଆପେ;

୬ ଏଞ୍ଜାସି ମାହାପୁରୁ ଆଡ଼ିହେଁ ଜିକେଏ,

ମାହାପୁରୁ ତଲେ ସମାନା ଆହେଁ ମାଞ୍ଜାଲି ଅଣ୍ଡପାଆନା ତାନି ଏ ଅଦିକାରା ପିସ୍ତେସି,

୭ ସାମା ଏଞ୍ଜାସି ମାଣ୍ଡସି ଖାଣା ଆହାନା ହରେଲଏସି ଲେହେଁ ଆଡ଼େସି ।

ମାଣ୍ଡସିଲେହେଁ ଆହାନା ମାଣ୍ଡସି ଖାଣା ତଲେ ତଞ୍ଜାଆଡ଼େସି;

୮ ଏଞ୍ଜାସି ମାଣ୍ଡସିଲେହେଁ ତଞ୍ଜାଆହାନା ହାନି ପାତେକା, ହାଅ, ପାସି ମୁଣ୍ଡାତା ଲେପିଆହାଁ ହାନି ପାତେକା
ହୁକୁମି ମାନୁଡ଼ି ଆଡ଼େସି ଇଞ୍ଜା ତାନୁଏ ତାଜେ ଉଣା କିହା କଡ଼ିତେସି ।

୯ ଏଡ଼ଆଡ଼ିକାକି ମାହାପୁରୁ ଏଞ୍ଜାଣାଇଁ ବାରେକିହାଁ କାଜାସି କିହାମାନେସି,
ଇଞ୍ଜା ବାରେ ଦରୁକା କିହାଁ କାଜା ଦରୁ ଏଞ୍ଜାଣାକି ହାହାମାନେସି,

୧୦ ଏନିକେଁ ଲାକପୁରୁ ଅଡ଼େ ଦାରୁଡିତା ଅଡ଼େ ଦାରୁଡିତି ଦୁଇ ମାନାଈ;
ଏ ବାରେ ଜୀସୁ ଦରୁତା ମେଣ୍ଡାକୁତାନା ଜହରା କିମୁ,

୧୧ ଅଡ଼େ ଆବା ମାହାପୁରୁତି ଗାଞ୍ଜୁରମି ତାକି ବାରେଜାଣା ତାନି ଗୁଡି ତଲେ ଜୀସୁ କ୍ରୀସ୍ତ ପ୍ରବୁ ଇଞ୍ଜା
ଜଲିନେରି ।

ଦାରୁଡିତା ଉଜେଡ଼ି ଲେହେଁ ଡ଼ାଞ୍ଜାଦୁ

୧୨ ନା ଜୀଞ୍ଜୁତି ତଣ୍ଡେସିଜା, ମୀରୁ ବାରେବେଲା ନାଜେ ମାନୁଡ଼ି ଆହିମାଞ୍ଜାଦେରି, ଇଡ଼ିହେଁ ନା ନକିତା
କିନିଲେହେଁ ଆଏ, ସାମା ନାଏଁ ନା ହିଲାଆ ବେଲାତା ହାରେକା ଆଜିତଲେ ତୀରୁଗିହେଁ ମୀରୁ ଗେଲ୍ପି
ଆହାଲି ତାଲି କାମା କିମୁ

୧୩ ଇଡ଼ିହେଁ ମିଜେ ତାନି କାମା କିହାଲିତାକି ଇତା ଅଡ଼େ ବାଡ଼ୁଲୁ କିହାଲିତାକି ମାହାପୁରୁ ତାନୁଏ ମୀ
ତାଣା କାରେଲଏ କାମା କିହିମାନେସି ।

୧୪ ମୁରୁ ମୁରୁ ଅଡ଼େ ବାଡ଼ିବାଦା ଆଆନା ମୀ ବାରେ କାମା କିମୁ,

୧୫ ଏଲେକିଡ଼ିହେଁ ମୀରୁ ଦହ ହିଲାଆଗାଟାତେରି ଅଡ଼େ ସୁଦୁ ଗାଟାତେରି ଆହାନା, ଈ ଲାଗେଏତାଣି
ତଲେ ନାଡ଼ିକିନି ଲକୁ ବିଡ଼ା ମାହାପୁରୁତି ଦହ ହିଲାଆଗାଟି ମୀରୁକା ମାସୁକାତେରି ଆଦେରି; ଏଞ୍ଜାରିତାଣା
ମୀରୁ ଜୀଞ୍ଜୁତି ବଲୁ ଆସାନା ଦାରୁଡିତି ଉଜେଡ଼ି ଲେହେଁ ମୀରୁ ତଞ୍ଜା ଆହିମାଞ୍ଜେରି;

୧୬ ଏମ୍ପାଟି ନାନୁ ଉଜେଏ ହଡ଼ି ହିଲଅଁ କି ଉଜେଏ କାମା କିହିହିଲଅଁ, ଏ ବାରେତାକି କ୍ରୀସ୍ତତି ଦିନାତା
ବଡ଼ପଣ କିହାଲି ଆଡ଼ିଇଁ ।

୧୭ ନା ନେତେରି ମୀ ନାମୁ ତାକି ସେବାତା ଗସାଲି ପୂଜା ହାନି ନେତେରିଲେହେଁ ଡ଼ାଞ୍ଜାଲି ଆହିମାନେ,
ଆଡ଼ିହେଁ ନାନୁ ରାହାଁ ଆହିମାଇଁ, ଅଡ଼େ ମୀ ତଲେ ଆଣ୍ଡାନା ରାହାଁ କିହିମାଇଁ,

୧୮ ଅଡ଼େ ଏଲେକିହେଁ ମୀରୁ ରାହାଁ କିମୁ ଇଞ୍ଜା ନା ତଲେ ରାହାଁ କିମୁ ।

ତିମତି ଅଡ଼େ ଏପାପୁଡ଼ିତ

୧୯ ସାମା ନାନୁ ତିମତିଇଁ ତବେ ପାଣ୍ଡାଇଁ ଇଞ୍ଜା ପ୍ରବୁ ଜୀସୁ ତାଣା ଆସା କିହାମାଇଁ, ଏନିକେଁ ମୀ କାତା
ଝେଞ୍ଜାନା ନାନୁ ଜିକେଏ ରାହାଁ ଆଇଁ ।

୨୦ ଏଞ୍ଜାସି ରଅସିଏ ନା ଲେହେଁତି ଅଣ୍ଡପୁ ଗାଟାସି ଇଞ୍ଜା ଏଞ୍ଜାସି ସାତେଏ ମିଜେତାକି ଅଣ୍ଡପି ମାଞ୍ଜାନେସି
।

୨୧ ଇଡ଼ିହେଁ ବାରେଜାଣା ଜୀସୁ କ୍ରୀସ୍ତତି ସେବା କିହାଲି ଅଣ୍ଡପାଆନା, ଖାଉଇ ତାନି ନେହାଁଣି ପାରାଲି
ଅଣ୍ଡପିନେରି ।

୨୨ ତିମତି ତାୟିପାରି କିନିତାଣା ଜାଣା ଆହାମାନାସି ଏଦାଆଁ ମାରୁ ପୁଞ୍ଜାମାଞ୍ଜେରି; ମାରୁଏସି ଆବାତି ସେବା କିନିଲେହେଁ, ଏଞ୍ଜାସି ନେହଁ କାରୁ ଝେକ୍‌କିନି କାମାତା ନା ତଲେ ସେବା କିହାମାଚେସି ।

୨୩ ଇଚିହଁ ନାଙ୍ଗେତାକି ଏନାୟି ଆନେ, ଏଦାଆଁ ପୁଟିସାରେ ଏଞ୍ଜାଣାଈଁ ମୀ ତାଣା ପାଣ୍ଡାଈଁ ଇଞ୍ଜଁ ଆସା କିହିମାଈଁ;

୨୪ ପ୍ରବୁ ତାଣା ବାସୁଁ କିହିମାଈଁ ନାନୁ ଜିକେଏ ମୀ ତାଣା ତବେ ଖାଈଁ ।

୨୫ ସାମା ନାନୁ ନା ତାୟି, ନା ତଲେ କାମାକିନାସି, ନା ଝାକିତି ଜୁକୁ କିନାସି, ଇଞ୍ଜାଁ ନା ଲତ୍ତାମାନାଣି ସାୟେନି କିହାଲି ମୀ ତାଣାଟି ପାଣ୍ଡାଈଁଆହାମାନି ସେବାକିନି ଏପାପ୍ରଦିତାଈଁ ମୀ ତାଣା ପାଣ୍ଡାଈଁ ଅଣ୍ଡିପିମାଈଁ;

୨୬ ଇଚିହଁ ଏଞ୍ଜାସି ବାରେତେରି ମିଙ୍ଗେ ମେସାଲି ହାରେକା ଅଣ୍ଡିପିମାନେସି, ଅଡେ ଏଞ୍ଜାସି ଆଡ଼ିହିଲଅସି ଇଞ୍ଜଁ ଝେଚାକି ହାରେକା କିଲିବିଲି ଆହିମାନେସି;

୨୭ ହାଅ, ଏଞ୍ଜାସି ହାନ୍ତିଲେହେଁ ଆହାମାଚେସି, ସାମା ମାହାପୁରୁ ଏଞ୍ଜାଣାଈଁ କାର୍ମା ମେସେସି, ଏଞ୍ଜାଣାଈଁଦେହେଁ ଆଏ ସାମା ଏନିକଁ ନାଙ୍ଗେ ଦୁକୁ ଲାକ ଦୁକୁ ଝାଏ ଏଦାଆଁତାକି ନାଙ୍ଗେ ଜିକେଏ କାର୍ମା ଆୟାତେସି ।

୨୮ ଏଦାଆଁତାକି ମାରୁ ଏଞ୍ଜାଣାଈଁ ଝେଣ୍ଡେ ମେସାମା ରାହାଁ ଆଡେରି ଇଞ୍ଜାଁ ନା ଦୁକୁ ଏନିକଁ ଉଣା ଆନେ, ଏଦାଆଁତାକି ନାନୁ ଏଞ୍ଜାଣାଈଁ ପାଣ୍ଡାଈଁ ହାରେକା ଜାଡୁନୁ ଆଡେସଁ ।

୨୯ ଏଦାଆଁତାକି ମାରୁ ଏଞ୍ଜାଣାଈଁ ପ୍ରବୁତି ଦରୁତଲେ ହାରେକା ରାହାଁତଲେ ଆବାଦୁ, ଇଞ୍ଜାଁ ଇଲେତି ଗୁଣ୍ଡାଟି ଲକୁଣି ମାନି କିଦୁ;

୩୦ ଏନାଆଁତାକି ଇଚିହଁ ମାରୁ ନାଙ୍ଗେ ଏନିନି ସାୟେନି କିହାଲି ଆଡାଆତାଣି, ଏଦାଆଁ କିହାଲି ଏଞ୍ଜାସି କ୍ରୀସୁତି କାମାତା ତାନି ଜୀସୁତି ବାଡା ହାହାନା ହାନ୍ତିଲେହେଁ ଆହାମାଚେସି ।

୩

ସାତା ତାରିଗାଗାୟି

୧ ନା ତାୟି ଅଡେ ତାଜିୟାତେରି, ବାରେତି ତାୟୁ ପ୍ରବୁ ତାଣା ରାହାଁ କିଦୁ, ରଲେଏତି କାତା ଅଲେ ଅଲେ ରାତାଲି ନାଙ୍ଗେତାକି ଝାହୁ ହଡ଼ିମାଞ୍ଜେଏ, ସାମା ଏ ବାରେ ମୀ ନେହେଁତାକି ଲତ୍ତାମାନେ ।

୨ ଲାଗେଏ ପଲେଏ କାମାକିନାରି ତାଣାଟି, ନେସକାଟି ଜାଗ୍ରାତା, ଏ ତଲୁ ଦାଝିଆନାରି ତାଣାଟି ଜାଗ୍ରାତା;

୩ ଏନାଆଁତାକି ଇଚିହଁ ମାରୁ ସାତେଏ ତଲୁ ଦାପି ଆହାମାନାତାୟି, ଇଚିହଁ ମାରୁ ସୁଦୁଜୀସୁତି ସାୟେନି ବେଗାଆହାନା ମାହାପୁରୁଈଁ ସେବା କିହିମାନାୟି, ଇଞ୍ଜାଁ ଆଜାତି ଲତ୍ତା ଆନି ମେରା ବାସୁଁ କିଆନା କ୍ରୀସୁ ଜୀସୁ ତାଣା ବତପଣ ଆନି ।

୪ ନାନୁ ଆଜାତି ପାଣାପାରୁତା ଜିକେଏ ବାସୁଁ ଇଗାଲି ଆଡ଼ିତେସଁମା; ଅଡେ ଆମ୍ବାଆସି ଆଜାତି ମେରାତା ବାସୁଁ ଇଗାଲି ଆଡ଼ିତେସଁମା ଇଞ୍ଜଁ ଅଣ୍ଡିପିନେସି, ଆତିହଁ ନାନୁ ଏଞ୍ଜାଣି ଆଗାଡା ଆଡ଼ିଈଁ;

୫ ନାନୁ ଜାର୍ନା ଆହାଁ ଆଡାଦିନା ଆହାଲିଏ ତଲୁ ଦାପି ଆଡାତେସଁ, ଇଞ୍ଜାଁ ଇସାୟେଲ ଲକୁତି ବିନ୍ୟାମିନ୍ କୁଡାତା ଜାର୍ନା ଆଡାତେସଁ, ମା ଆକୁ ଆବାୟାଁ ର ଏବ୍ରିୟ ଲକୁ ମାଚେରି, ମେରା ମାନୁଝି ଆନି ତାଣାଟି ନାନୁ ର ପାରୁସି ଲକୁତେସଁ,

୬ ହାରେକା ରାହାଁତଲେ ନାନୁ କ୍ରୀସୁନା କୁଲମିତି ସାସି ହାନାତେଏ, ଇଞ୍ଜାଁ ମସାତି ମେରାତି ଦାମୁତା ନାନୁ ଦହ ହିଲାଆଗାଟତେସଁ ତଞ୍ଜା ଆହିମାଚେସଁ ।

୭ ସାମା ଏନାୟି ନାଙ୍ଗେତାକି ଲାଡା ମାଚେ, ଏ ବାରେତି ନାନୁ କ୍ରୀସୁତି କସିନି ଉଜେଏତାୟି ଇଞ୍ଜଁ ଅଣ୍ଡିପିମାଈଁ ।

୮ ନାନୁ ନା ପ୍ରବୁ ଜୀସୁ କ୍ରୀସୁତି ବୁଦି ହାରେକା ଦାରାଗାଗାୟି ଇଞ୍ଜଁ ପୁଞ୍ଜାନା ଏଚକାତାଣି ଉଜେଏତାୟି ଇଞ୍ଜଁ ପିସାତୁସେସଁ; ଏଞ୍ଜାଣି କସିନି ବାରେ ହିଲାଆଗାଗାଣି ଅରୁହିତେସଁ ଅଡେ ଏ ବାରେ ତୁକଁ ଗମୁଁ ଲେହେଁ ଆଡେସଁ, ଏନିକଁ ନାନୁ କ୍ରୀସୁଈଁ ମେଡାଆଈଁ, ଇଞ୍ଜାଁ ତାନି ଲକୁ ଇଞ୍ଜଁ ତଞ୍ଜା ଆଈଁ ।

୯ ଅଡେ ମସାତି ମେରା ମାନୁଝି ଆହାଁ ତାରିଗାଗାଣି ମେଡା ଆଆନା, ଏନିକଁ ନାନୁ କ୍ରୀସୁ ତାଣା ନାମିନି ତାଣାଟି ମାହାପୁରୁ ହାହାମାଞ୍ଜାନି ନାମୁତି ତାରିଗାଗାଣି ମେଡାଆଈଁ,

୧୦ ଏନିକଁ ନାନୁ ଏଞ୍ଜାଣାଈଁ ତାନି ଝେଣ୍ଡେ ନିଜିତି ବାଡୁୟୁ ଇଞ୍ଜାଁ ଏଞ୍ଜାଣି ହାକିତା ଏଞ୍ଜାଣିଲେହେଁ ଦୁକୁ କସୁତା ଆଣ୍ଡିନାଣି ପୁଞ୍ଜାଲି ଆଡ଼ିଈଁ,

୩:୫ ରନି ୧୧:୧; କାମା ୨୩:୭; ୨୭:୫ ୩:୭ କାମା ୮:୩; ୨୨:୪; ୨୭:୯-୧୧

୧୧ ଏଦାଣିତାକି ହାତାରି ତାଣାଟି ନାଜେ ନିକହାନେସି ଇଞ୍ଜି ଆସା କିହିମାଇଁ ।

ଗୁରି ଇଟାମାନି ଚାୟୁତା ହଣନାୟି

୧୨ ନାନୁ ନାଏଁ ଏ ବାରେ ବେଟାଆହାମାଇଁ ଇଞ୍ଜି ନେହାଁତେଏଁ ଆହାମାଇଁ, ଏଦି ଆଏ, ସାମା କ୍ରୀସ୍ତ ଜୀସୁ ତାଣାଟି ଆତ୍ମି ଆହାମାନାକି ଏଦାଆଁ ଆସାଲି ହଟିମାଇଁ ।

୧୩ ନା ତାୟି ଅଡେ ତାଜିସ୍ତା ନାନୁ ନାଏଁ ପାତେକା ଆସାମାଇଁ ଇଞ୍ଜି ଅଣପି ହିଲଅଁ, ସାମା ନାନୁ ର କାମା କିହିମାଇଁ, ଇତିହଁ ତାୟୁ ମାନି ବାରେ କାତା ହେକ କିହାନା ନକିତା ମାନାଣି ମେସାନା ହଟିମାଇଁ,

୧୪ କ୍ରୀସ୍ତ ଜୀସୁ ସାୟେମି ତଲେ ଏମିନି ଲାକପୁରୁତି ବେଟାଆହାଲି ତାକି ମାହାପୁରୁ ନାଜେ ହାଟାମାଞ୍ଜାନେସି ଏ ଦାନା ବେଟାଆହାଲି ତାକି ଗୁରି କିହାମାନି ଚାୟୁ ଖାକି ଜୀସୁ ତୁସାନା ହଟିମାଇଁ ।

୧୫ ଏଦାଆଁତାକି ଖାପୁ, ମାର ଏଚେକା ଲକୁ ଟିକାଣା ଗାଟାତାୟି, ଇଲେତି ମନତଲେ ଅଣପିନ, ସାମା ଏ ବାରେ କାତାତାକି ମୀ ଏଟକାତି ଅଣପୁ ମାଟିହଁ, ଆତିହଁ ଇଦାଆଁ ଜିକେଏ ମାହାପୁରୁ ମୀ ନକିତା ପୁଣ୍ଡି କିୟାନେସି;

୧୬ ନୀଞ୍ଜୁପାତେକା ମାର ଏମିନି ମେରା ମାନୁଡି ଆହାନା ଖାହାମାନାୟି, ଏଲେକିହଁ ଏ ନକିତା ହାଜାଅନ ।

୧୭ ତାୟି ତାଜିସ୍ତା ମୀରୁ ବାରେ ଆଣୁଡି ଆହାନା ନା ଲେହେଁକି ତାକାପୁ, ଇଞ୍ଜି ମା ତାଣା ଏମିନି ତାରିଗାଟାଣି ମେସିମାଞ୍ଜେରି ଇଞ୍ଜି ଆମିନି ଗାଟାରି ଏଲେକିହଁ ତାକିନେରି ଏଞ୍ଜିରାଇଁ ସିନକିପୁ ।

୧୮ ଇତିହଁ ହାରେକା ଇଲେକି ମାନେରି, ଆମ୍ବାଆରି ମାଣକିତି କାତା ଅଲେ ଅଲେ ମିଜେ ଖେସାମାଞ୍ଜାଇଁ, ଇଞ୍ଜି ନାଏଁ ଜିକେଏ ମିଜେ ଦାହି ଦାହି ହେସିମାଞ୍ଜାଇଁ, ଏଞ୍ଜିରି ବାରେ କ୍ରୀସ୍ତତି ପାସି ମୁଣ୍ଡାତି ସାତୁ ଆହାମାନେରି;

୧୯ ଏଞ୍ଜିରି ବାରେ ନକିତା ନାସା ଆନାରି, ଆଜାତି ଅଣପୁ ଏଞ୍ଜିରି ମାହାପୁରୁ, ଏନାୟି ଲାଜାଗାଟାୟି ଏଦାଆଁତାକି ଏଞ୍ଜିରି ବଡପଣ କିନେରି, ଇଞ୍ଜି ଦାରୁତି ତାଣି ବାରେ ଅଣପେ ମାନେରି ।

୨୦ ମାର ବାରେ ଲାକପୁରୁତି ଲକୁତାୟି, ଇଞ୍ଜି ଏମ୍ବାଟି ଜିକେଏ ମାଜେ ଗେଲପାନି ପ୍ରୁ ଜୀସୁ କ୍ରୀସ୍ତତି ଖେଣ୍ଡେ ଖାନାଣି କାଟିମାନମି;

୨୧ ଏଞ୍ଜିସି ତାନି ଏମିନି କାମା କିନି ବାଡ଼ୁୟୁତି ବାରେତି ତାନି ତାଣା ଇଟାଲି ଆଡ଼ିମାନେସି, ଏମ୍ବାଟି ମା ବାଡ଼ୁୟୁ ହିଲାଆଗାଟି ଆଜାତି ତୀରି ମୁପହାନା ତାନି ଗାଞ୍ଜୁରିମାଗାଟି ଆଜା ଲେହେଁ କିୟାନେସି ।

୪

ହୁକୁମି ହାନାୟି

୧ ଏଦାଆଁତାକି ଏ ନା ଜୀସୁତି ତାୟି ତାଜିସ୍ତା । ମିଜେତାକି ନାଜେ ଏଚେକା ରାହାଁତି ଚପେରି ଲେହେଁ । ନାନୁ ଜାପହାତି ଲେହେଁ ପ୍ରୁ ତାଣା ତୀରିଆହାଁ ନାତାବାଡ଼କାପୁ ।

୨ ପ୍ରୁ ତାଣା ରଣ୍ଡିଏ ଅଣପୁ ତଲେ ମାଞ୍ଜାଲି ଇୟଦିୟା ଅଡେ ସୁନ୍ଦକୁ ରିଣ୍ଡାସିକାଣି ବାଟିମାଲିମାଇଁ ।

୩ ନା କାମାତା ଆଣ୍ଡାନା ମାନି ତଲେ କାମା କିନାତି, ନିଜେ ଜିକେଏ ବାଟିମାଲିମାଞ୍ଜାଇଁ ଇ ରୀ ତାଜିସ୍ତାଣି ସାୟେମି କିମ୍, ଏନାଆଁତାକି ଇତିହଁ କ୍ଲେମେନ୍ସ ଅଡେ ନା ତଲେ କାମାକିନାରି ତଲେ ନେହଁ କାତୁ ଖେକହାଲି ନା ତଲେ କାମା କିହାମାନୁ; ଇଞ୍ଜି ନା ତଲେ କାମା କିହାମାନାରି ଦରୁକା ଜୀସୁତି ପତିତା ରାସ୍ତିକି ଆହାମାନୁ ।

୪ ପ୍ରୁ ତାଣା ଆଣ୍ଡାନା କାଲେଏ ରାହାଁ କିପୁ, ଅଡେ ଖେଣ୍ଡେ ଖେସିମାଞ୍ଜାଇଁ ରାହାଁ କିପୁ ।

୫ ବାରେ ଲକୁ ନକିତା ମୀ ସୁତୁ ସୁଖାଲା ଅଣପୁ ତଞ୍ଜା ଆପେ । ପ୍ରୁ ଖାନାୟି ତାଗେ ଖାଡେୟିଏ ।

୬ ଏନାଆଁତାକି ଜିକେଏ ଅଣପାଆପୁ, ସାମା ବାରେତାକି ପ୍ରାତାନା ଇଞ୍ଜି ଜହରା ତଲେ ମୀ ଲଡ଼ାମାନାଣି ମାହାପୁରୁ ନକିତା ଖେହ୍ଦୁ ।

୭ ଏଚେଟିଏ ତେଲହାଲି ଆଡ଼ାଆଗାଟି ମାହାପୁରୁତି ହିଡ଼ତି ମୀ ହିୟାଁ ଅଡେ ଅଣପୁତା କ୍ରୀସ୍ତ ଜୀସୁ ସାୟେମି ତଲେ ଗେଲପାନା ଇଟାନେସି ।

୮ ଏ ତାୟି ତାଜିସ୍ତା, ଏନାୟି ନେହାୟି, ଏନାୟି ସାତା, ଏନାୟି ଲଡ଼ା ମାନାୟି, ଏନାୟି ଟିକାଣାତାୟି, ଏନା ଏନାୟି ଅତିତାୟି, ଏନାୟି ଜୀସୁନନାୟି, ଏନାୟି ମନ କିତି ରାନ୍ଦା, ଏନାୟି ଜୀସୁତା ନେହାୟି, ଏନାୟି ସାତା ଗୁଣୁ ମାନେ ଏ ବାରେ କାତା ଅଣପେମାଞ୍ଜୁ ।

* ୩:୧୭ ଡକର ୪:୧୬; ୧୧:୧

୯ ମୀରୁ ନା ତାଣାଟି ଏନାଆଁ ଜାପାମାଞ୍ଜେରି, ଝେଞ୍ଜାମାଞ୍ଜେରି, ଇଞ୍ଜାଁ ନା ତାଣାଟି ମେସାମାଞ୍ଜେରି ଏ ବାରେ କିଦୁ; ଏନାଆଁ ହିଡ଼ଡ଼ି ହିୟାନି ମାହାପୁରୁ ମୀ ତଲେ ସାୟେମି ଆୟାନେସି ।

ଦାନା ତାକି ଜହରା

୧୦ ବାରେଡି ତାୟୁ ନା ତାକି ମୀ ଅଣ୍ଡପୁ ତଞ୍ଜା ଆହାମାନେ, ଏଦାଆଁତାକି ପୁବୁ ତାଣା ରାହାଁ କିହିମାଞ୍ଜ; ସାତେଏ ନା ତାକି ମୀ ଅଣ୍ଡପୁ ମାରେ, ସାମା ପାରୁ ମୋଡ଼ା ଆହି ହିଲାଆତେରି ।

୧୧ ନାଞ୍ଜେ ଏନାୟି ଉଣା ମାନାକି ଝେସିମାଞ୍ଜାଆଁ, ଏନାଆଁତାକି ଇଚିହିଁ ନାନୁ ଏନିଆହିଁ ମାଚିହିଁ ଜିକେଏ ରାହାଁତଲେ ମାଞ୍ଜାଲି ଜାପାମାଞ୍ଜ ।

୧୨ ନାନୁ ହିଲାଆ ବେଲାତା ବାଡ଼କାଲି ଇଞ୍ଜାଁ ହାରେପୁରେ ମାନି ବେଲାତା ଜିକେଏ ବାଡ଼କାଲି ପୁଞ୍ଜାମାଞ୍ଜ, ବାରେବେଲା ବାରେଝାକି ରାହାଁତଲେ ମାଞ୍ଜାଲି, ବାଣ୍ଡି ପାଞ୍ଜେ ତିଞ୍ଜାନା ଅଡ଼େ ହାକିଟି ଜିକେଏ ମାଞ୍ଜାଲି, ଇଞ୍ଜାଁ ହାରେକା ବେଟାଆହାମାନାଣି ଲେୟାଲି ଇଞ୍ଜାଁ ହିଲାଆ ବେଲାତା ନୀତାଲି ଜିକେଏ ଜାପାମାଞ୍ଜ ।

୧୩ ନାଞ୍ଜେ ବାଡ଼ୟୁ ହିୟାନି କ୍ରୀସ୍ତ ତାଣାଟି ବାରେ କିହାଲି ଆଡ଼ିଞ୍ଜ ।

୧୪ ଆଡ଼ିଜିକେଏ ମୀରୁ ନା କସ୍ତତା ଆଣ୍ଡାମାନାକି ନେହିଁ କାମା କିହାମାଞ୍ଜେରି ।

୧୫ ପିଲିପିୟ ଲକୁଡେରି, ମୀରୁ ଜିକେଏ ପୁଞ୍ଜାମାଞ୍ଜେରି, ନେହିଁ କାବୁ ଝେକହାଲି ମାଟୁହି ବେଲାତା ଏଡେତା ନାନୁ ମାକିଦନିୟାଟି ହାଟାଟି ଏଟିବେଲା ମୀ ପିସ୍ତପେ ଏମିନି କୁଲମି ନା ତଲେ ଆଣ୍ଡାନା ନା ତାଣାଟି ହୀନାଣି ଅନାଣି ଲେକା ଇଟାହିଲାଆତେରି ।

୧୬ ଇଚିହିଁ ନାନୁ ତେସଲନିକିତା ମାଚିବେଲାତା ଜିକେଏ ମୀରୁ ନା ଲଡ଼ା ମାଚାଣି ମେସାନା ହାରେକା ଦେବା ଦାନା ପାଣ୍ଡାତେରି ।

୧୭ ନାନୁ ନା ତାଣାଟି ଦାନା ଅହାଲି ଅଣ୍ଡପି ହିଲଅଁ, ସାମା ଏମିନି ପାଡ଼େୟିଟି ମୀ ଲେକା ହାରେ ହାରେକା ପାଡ଼ାଆହିମାନେ, ଏଦାଆଁତି ନାନୁ ମେସାଲି ଅଣ୍ଡପିମାଞ୍ଜ ।

୧୮ ନାନୁ ବାରେ ବେଟାଆହାମାଞ୍ଜ, ଇଞ୍ଜାଁ ନାଞ୍ଜେ ହାରେପୁରେ ମାନେ; ମୀ ତାଣାଟି ପାଣ୍ଡାମାଞ୍ଜାନାଣି ବାରେ ଏପାପୁଡିତ ତାଣାଟି ବେଟାଆହାମାଞ୍ଜ, ଏ ବାରେ ନାଞ୍ଜେତାକି ସାରି; ଏ ବାରେ ମାହାପୁରୁ ନକିତା ହେରପାନା ହୁଡିମାନି ଗାନ୍ଦାଗାଟି ଦୁପଣି ଲେହେଁତାୟି ।

୧୯ ଅଡ଼େ ନା ମାହାପୁରୁ କ୍ରୀସ୍ତ ଜୀସୁ ତାଣା ତାନି ଗାଞ୍ଜୁରମି ଦନଡି ମୀ ଲଡ଼ାମାନାଣି ହିୟାନେସି ।

୨୦ ମା ଆବା ମାହାପୁରୁକି କାଲାକାଲାତାକି ଗାଞ୍ଜୁରମି ଆପେ । ଆମେନ ।

ଜହରା କିହାନା ଆକୁଡି ରାପୁନାୟି

୨୧ କ୍ରୀସ୍ତ ଜୀସୁ ଦରୁତଲେ ବାରେ ମାହାପୁରୁ ଲକୁଞ୍ଜ ଜହରା ଝେହଦୁ, ନା ତଲେ ଇ ଟାୟୁତା ମାନି ତାୟି ତାଜିୟା ମିଙ୍ଗେ ଜହରା ପାଣ୍ଡିମାଞ୍ଜାନେରି ।

୨୨ ବାରେ ମାହାପୁରୁ ଲକୁ ଇଚିହିଁ ବାରେକିହାଁ କାୟିସର ଲକୁତା ମାନାରି ଏଞ୍ଜାରି ମିଙ୍ଗେ ଜହରା ପାଣ୍ଡିମାଞ୍ଜାନେରି ।

୨୩ ପୁବୁ ଜୀସୁ କ୍ରୀସ୍ତଟି କାର୍ମାମେହନାୟି ମୀ ବାରେ ଜୀଞ୍ଜୁତା ମାଣ୍ଡମେ ।

କଲସିୟ ମଣ୍ଡଳୀ ନିକଟକୁ ପାଉଳଙ୍କ ପତ୍ର କଲସିୟ କୁଲମିତାକି ପାଞ୍ଚୁଲ ରାଫାମାନି ଆକୁ ମୁକୁ ହାଡ଼ା

କଲସିୟ ଆକୁ ଆହିମାନେ ପାଞ୍ଚୁଲ ତାଣାଟି ରାଟିତି ଆକୁ ୧:୧ । ପାଞ୍ଚୁଲ ଜୀସୁ କ୍ରୀସ୍ତ ଜାର୍ନାଆଡ଼ି ୬୦ ବାର୍ଷୀ ତାୟୁ ଏଝାସି ରମ୍ ଗାଡ଼ାତି କାୟିଦିତା ମାଗାଟି ଇ ଆକୁ ରାଫାମାନେସି । କଲସିୟ ଆକୁ ତଲେ ଏପିସିୟ ଅଡ଼େ ପିଲିପିୟ ଆକୁତି କାୟିଦିତି ଆକୁ ଇନେରି । ଇଟିହୁଁ ପାଞ୍ଚୁଲ କାୟିଦିତା ମାଗାଟି ଇ ଆକୁ ରାଫାମାରେସି । ଏଝାସି କଲସିୟ ଗାଡ଼ାତା ମାନି କୁଲମିତାକି ଇ ଆକୁ ରାଫାମାରେସି । ପାଞ୍ଚୁଲ ଇ କୁଲମିତି ମାଟ୍‌ହା ହିଲାଆତେସି ୨:୧ ଯାମା ଝେସିମାନେ, ହାରେକା ଏମ୍‌ଗାତି ଦାୟିପତି ମାନି କାତା ଏଝାସି ଝେସିମାନେସି । ଏପାପ୍‌ସ୍ ଇ କୁଲମି କିହାମାରେସି ଇଟିହୁଁ ଏଝାସି କଲସିୟତାସି ମାରେସି ।

ପାଞ୍ଚୁଲ କଲସିୟ କୁଲମିତି ଏତେକା ମିତି ଜାପ୍‌ନାରି କାତାତାକି ଅଣ୍‌ପିମାରେସି । ଏଝାସି ଇ କାତାତାକି ହାରେକା ଗାଡ଼ିକିହୁଁ ରାଫାମାନେସି । ଇମ୍‌ଗାଆଁ ର ଗତି ଜୀହୁଦି କ୍ରୀସ୍ତାନା ଆମିନି ଗାଟାରି ଜୀହୁଦିଆଆତି କ୍ରୀସ୍ତାନା ଲକୁଇଁ ପ୍ଲୁଃଇ ମେରାତି ଜୀହୁଦି ପାଣାପାୟୁ, ଇଟିହୁଁ ତଲୁ ଦାପିଆନି ମେରା ମାନୁଝି ଆହାଲି ବାଲାମାତମି କିହାଲି ଅଣ୍‌ପିମାରେସି । ପାଞ୍ଚୁଲ ବାରେକିହାଁ ଲଡ଼ାହିଲାଆ କ୍ରୀସ୍ତାନା ଲକୁତି କାତା ରାଫିମାନେସି, ରଅସି ଆମ୍‌ଗାଆସି ଜିକେଏ ଆଡ଼େସି କ୍ରୀସ୍ତତି ପିସ୍‌ପେ ମାହାପୁରୁ ତାଣା ନେହାସି ଆହାଲି ଆଡ଼ଅସି ୧:୧୫-୨୦ ଅଡ଼େ ମାଣ୍‌ସି ବାଡ଼ିବାଡ଼ା ତଲେ ଜାପ୍‌ନି କାତା ଉଜେଏତାୟି ୨:୮ ।

ପତିତା ମାନାୟି

- ୧. ଜହରା କିହାନା ଆକୁତି ମାଟ୍‌ନାୟି । ୧:୧-୨
- ୨. କ୍ରୀସ୍ତତି କାଜାପାଣା ଅଡ଼େ ମିତି ଜାପ୍‌ନାରି ଝେଣ୍‌ଣେ ଜଲିନାୟି । ୧:୩-୩:୪
- ୩. ନେହୁଁ କ୍ରୀସ୍ତାନା ଲକୁ ଆହାନା ନୀତାଲି ଝେହ୍‌ନାୟି । ୩:୫-୪:୬
- ୪. ଆକୁତି ଏଟ୍‌କା କୁଲମିତା ପଡ଼ଝି ଆହାଲି ଇଞ୍ଜା ଜହରା ତଲେ ଆକୁତି ରାପ୍‌ନାୟି । ୪:୭-୧୮

୧ ପାଞ୍ଚୁଲ, ମାହାପୁରୁତି ଅଣ୍‌ପୁ ତଲେ କ୍ରୀସ୍ତ ଜୀସୁତି ପାଣ୍‌ଝିଆହାମାନି ସୀସୁ ଅଡ଼େ ମା ତାୟି ତିମତି ।
୨ କଲସିୟତା ମାନି ମାହାପୁରୁତି ଲକୁ ଇଞ୍ଜା କ୍ରୀସ୍ତ ତାଣା ନାମାମାନି ତାୟି ତାଜିପ୍‌ସାକି ଆକୁ ରାଟିମାନମି; ମା ଆବା ମାହାପୁରୁ ତାଣାଟି କାର୍ନାମେହ୍‌ନାୟି ଅଡ଼େ ହିଡ଼ି ଜୀସୁ ମିଜେଟାକି ଆୟାପେ ।

ଜହରା ପ୍ରାତାନା

- ୩ ମାମ୍‌ ମିଜେଟାକି ପ୍ରାତାନା କିହାନା ମା ପ୍ରବୁ ଜୀସୁ କ୍ରୀସ୍ତତି ଆବା ମାହାପୁରୁଇଁ କାଲେଏ ଜହରା କିହିମାନମି;
- ୪ ଏନାଆଁତାକି ଇଟିହୁଁ ମାମ୍‌ କ୍ରୀସ୍ତ ଜୀସୁ ତାଣା ମୀ ନାମ୍‌ ଅଡ଼େ ମାହାପୁରୁ ଲକୁଣି ଜୀସୁନହାଁ ମାନାଣି ଝେଞ୍ଜାମାନମି ।
- ୫ ଏଟିବେଲା ନେହୁଁ କାବୁତି ସାତା ବଲୁ ମୀ ତାଣା ମୁଲୁଏ ଝାଡେ, ମୀରୁ ଏଦାନି ତାଣାଟି ହାପକିଆତି ବାସ୍‌ତି କାତା ଝେତେରି । ମୀରୁ ଏନାଆଁ ବାସ୍‌ କିଦେରି, ଏନାୟି ମୀ ତାକି ଲାକପୁରୁ ଇଟିକି ଆହାମାନେ, ଏନାଆଁ ମୀ ନାମ୍‌ ଅଡ଼େ ଜୀସୁନହାୟି ତ୍‌ୟାମାନେ ।
- ୬ ଏ ନେହୁଁ କାବୁ ମୀ ତାଣା ଝାହାମାନେ, ଇଞ୍ଜା, ଏଦି ଏନିକିଁ ବାରେ ଦାଡ଼ିତା ପାଡ଼େୟି କାମ୍‌ନା ଅଡ଼େ ପାତାଆହିମାନେ, ମୀରୁ ଆମିନି ଦିନା ଏଦାଆଁ ଝେଞ୍ଜାନା ସାତା ତଲେ ମାହାପୁରୁତି କାର୍ନା ମେଡ଼ାଆଡେରି, ଏ ଦିନାଟିଏ ମୀ ତାଣା ଜିକେଏ ଏଲେ ଆହିମାନେ ।
- ୭ *ମା ତଲେ କାମା କିନି ଜୀସୁତି ତାୟି ଏପାପ୍‌ ତାଣାଟି ମାହାପୁରୁତି କାର୍ନାମେହ୍‌ନି କାତା ଜାପ୍‌ମାଞ୍ଜେରି; ଏଝାସି ମିଜେଟାକି କ୍ରୀସ୍ତତି ର ମାନି ତଲେ ସେବା କାମାକିନାସି;
- ୮ ଏଝାସି ସୁଦୁଜୀସୁ ତଲେ ମିଜେଟା ହୀହାମାଞ୍ଜାନି ଜୀସୁ ନଝିଆନି କାତା ମାଜେ ଝେସାମାଞ୍ଜାନେସି ।
- ୯ ଇଦାଆଁତାକି ମୀ କାତା ଝେଟି ଦିନାଟିଏ ମାମ୍‌ କାଲେଏ ମୀ ତାକି ପ୍ରାତାନା କିହିମାନମି । ମୀରୁ ବାରେ ସୁଦୁଜୀସୁତି ବୁଦି ଅଡ଼େ ତେଲହିନି ବାଡ଼ୁ ତଲେ ମାହାପୁରୁତି ବାରେ ଅଣ୍‌ପୁ ଏନିକିହୁଁ ମୀରୁ ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ ତାକି ପ୍ରାତାନା କିହିମାନମି ।

☆ ୧:୭ କଲସି ୪:୧୨; ପିଲିମ ୧:୨୩

୧୦ ବାରେ ଜୀଞ୍ଜିତ ବୁଦିତା ପ୍ରବୃତ୍ତ ବାରେ ତାଣା ରାହାଁ କିୟାଲି ତାନି ଜଗେତି ମାଣ୍ଡକି ତଲେ ତାକାଦୁ, ଇତିହ୍ମଂ ମାହାପୁରୁତି ବୁଦିତା ପାତାଆହାନା ନେହ୍ କାମାତି ପାଡ଼େୟି ଆୟାଦୁ ।

୧୧ ଇଞ୍ଜାଁ ବାରେ କାମାତା ସାସାତଲେ ଅର୍ହାଲି ତାକି ତାନି ଗାଞ୍ଜୁରମି ଇଞ୍ଜାଁ କାଜାପାଣା ତଲେ ବାରେ ବାଡ଼ୁରୁତି ବାଡ଼ୁୟ ଗାଟାତେରି ଆଦୁ,

୧୨ ଇଞ୍ଜାଁ ଆମିନି ଆବା ମାହାପୁରୁ ଲକ୍ଷୁଣି ଉଜେଡ଼ି ରାଜିତା ଆଣ୍ଡାଲି ତାକି ଜଗେ କିହାନା ଅଦିକାରା ହାହାମାଞ୍ଜାନେସି, ଏଦାଆଁତାକି ଏଞ୍ଜାଣାଇଁ ରାହାଁତଲେ ଜହରା କିଦୁ ।

୧୩ ଏଞ୍ଜାସି ମାଜେ ଆନେରିତି ବାଡ଼ୁରୁତି ପିସ୍ପି କିୟାତେସି ଅଡ଼େ ତାନି ଜୀଞ୍ଜିତ ମୀରୁଏଣାତି ରାଜିତା ମାଜେ ତାତାତେସି ।

୧୪ *ଏ ମୀରୁଏଣି ତାଣାଟି ମାର ଗେଲ୍ପି ଆହାମାନାୟି ଇତିହ୍ମଂ ମା ପାପୁ ବାରେ ମ୍ପେପ୍ପକି ଆହାମାନେ ।

କ୍ରୀସ୍ତ ଅଡ଼େ ତାନି କାମା

୧୫ କ୍ରୀସ୍ତ ତଞ୍ଜା ଆଆଗାଟି ମାହାପୁରୁତି ତଞ୍ଜାଆନ୍ତି ଖାଣା ଗାଟାସି, ଏଞ୍ଜାସି ନଡ଼କଏ ଜାର୍ନାଆଡ଼ି ମୀରୁଏସି, ଇଞ୍ଜାଁ ବାରେ ଗାଡ଼ି ଆଡ଼ି କିହାଁ କାଜାସି,

୧୬ ତଞ୍ଜା ଆନାୟି ଅଡ଼େ ତଞ୍ଜା ଆଆଗାଟାୟି ଲାକପୁରୁ ଅଡ଼େ ଦାରୁତିତା ବାରେ ଏଞ୍ଜାଣି ତାଣାଟି ଗାଡ଼ି ଆହାମାନେ, ସିଂଗାସାଣି କି କାଜାପାଣା କି ଅଦିକାରା କି ସାଲ୍ଝି କିନାୟି ବାରେ ଏଞ୍ଜାଣି ତାଣାଟି ଇଞ୍ଜାଁ ଏଞ୍ଜାଣି ତାକି ଗାଡ଼ି ଆହାମାନେ;

୧୭ ବାରେ ଗାଡ଼ି ଆଡ଼ି ନଡ଼କଏ କ୍ରୀସ୍ତ ମାତେସି, ଇଞ୍ଜାଁ ଏଞ୍ଜାଣି ତାଣା ଆଣ୍ଡାମାନାକି ବାରେ ଗାଡ଼ିଆଡ଼ାଇ ତାମ୍ନୁ ମାନି ଚାୟୁତା ମାନୁ ।

୧୮ *କ୍ରୀସ୍ତ କୁଲମି ଲେହେଁତି ଆଜ୍ଞାତି ତାୟ୍ ଚୁଲହେଁତାସି, ଏ ଆଜ୍ଞାତି ଜୀଞ୍ଜୁ ବାଡ଼ୁୟୁ । ବାରେ ତାଣା ନକିତା ଆହାଲି ତାକି ଏଞ୍ଜାସି ହାତାରି ତାଣାଟି ନଡ଼କଏ ନିଜ୍ଞାମାନେସି ।

୧୯ ଏନାଆଁତାକି ଇତିହ୍ମଂ ମାହାପୁରୁତି ଅଣ୍ଡାପୁ ଲେହେଁ ମୀରୁଏସି ତାନ୍ସୁଏ ମାହାପୁରୁତି ବାରେ ମାଣ୍ଡକି ଆସା କତାମାନେସି,

୨୦ *ଅଡ଼େ ତାନି ମୀରୁଏଣା କୁସତି ନେତେରି* ତଲେ ଏଞ୍ଜାସି ହିଡ଼ଡ଼ି ତୀରି କିହାନା ଏଞ୍ଜାଣି ତାଣାଟି ତାନିତଲେ ବାରେ ଲକ୍ଷୁଣି କାଲ୍ନେସି, ହାଅ ଏଞ୍ଜାଣି ତାଣାଟି ଦାରୁତିତା ଅଡ଼େ ଲାକପୁରୁ ମାନାଣି ବାରେ କାଲ୍ଝି କିନେସି ।

୨୧ ଅଡ଼େ ନଡ଼କଏ ର ବେଲ୍ଲତା ମନତା ଲାଗେଏତି କାମା କିହାନା ମୀରୁ ମାହାପୁରୁ ତାଣାଟି ଏଟ୍ଟକା ଅଡ଼େ ହେକ ମାତେରି ଇଞ୍ଜାଁ ମନତା ତାନି ସାଡ଼ୁ ମାତେରି,

୨୨ ସାମା ନୀର୍ସି ମାହାପୁରୁ ମିଜେ ଜିକେଏ ତାନି ନକିତା ସୁଦୁ ଗାଟାତେରି, ନିନ୍ଦା ଅଡ଼େ ଦହ ହିଲ୍ଲାଆଗାଟାତେରି କିହାଲି ତାନି ମୀରୁଏଣା ଆଜ୍ଞାତି ହାକି ତଲେ ମିଜ୍ଞା ତାନିତଲେ କାଲ୍ହା ମାଞ୍ଜାନେସି;

୨୩ ମୀରୁ ର ତୀରୁପୁ ଆବଞ୍ଜା ପୁନାଦି ଲାକ ତୟାଦୁ ଅଡ଼େ ନେହ୍ କାବୁ ଝେନି ବେଲ୍ଲତା ଏମିନି ବାସ୍ତୁ ଇଟାମାତେରି ଏମ୍ପାଟି ଇତାଲା ଆତାଲା ଆଆଦୁ, ଆଡ଼ିହ୍ମଂ ସାତେଏ ଏମ୍ପାଟି ପାଡ଼େୟି ବେଟାଆଦେରି; ଏ ନେହ୍ କାବୁ ମୀରୁତ ଝେଞ୍ଜାମାଞ୍ଜେରି; ଏଦି ହାଗୁପାକା ତୁଲ ମାନି ବାରେ ଗାଡ଼ି ଆଡ଼ିତାଣା ଏ ନେହ୍ କାବୁ ଝେଜ୍ଞାମାନେ ଅଡ଼େ ନାନୁ ପାଞ୍ଜୁଲ ଏମ୍ପାଟି ନାମୁତି ହଲେଏଣାତେସି ।

କୁଲମିତା ପାଞ୍ଜୁଲିତି କାମା

୨୪ ନାନୁ ମିଜେତାକି ଆମିନି ଦୁକୁ କସ୍ତ ବେଟାଆହି ମାଇଁ, ଏମ୍ପାଆଁ ନାନୁ ନୀର୍ସି ରାହାଁ କିହିମାଇଁ, ଇଞ୍ଜାଁ କ୍ରୀସ୍ତ ଦୁକୁ କସ୍ତ ଏନାୟି ତୟାମାନେ ଏଦାଆଁ ନାନୁ କୁଲମିତାକି ଆଜ୍ଞା ତଲେ ଦୁକୁ କସ୍ତ ଅର୍ହାନା ରାପୁହାଲି ସାୟେମି କିହିମାଇଁ ।

୨୫ ମାହାପୁରୁ ନାଜେ ସେବାକିନି କାମା ହେରପା ମାଞ୍ଜାନେସି, ଏଲେଆହ୍ମଂ ଏ ଏ କୁଲମିତି ନାନୁ ର ସେବା କିନାତେସି ଆହାମାଇଁ, ଏନିକିଁ ନାନୁ ମାହାପୁରୁତି ବଲ୍ଲୁ ତାରିତଲେ ଝେକ୍ଲ୍,

୨୬ ଏ ନେହ୍ କାବୁ ର ତ୍ତୁନାମାନି କାତା ତଲି କାଲା ଅଡ଼େ ଆକୁ ଆବାୟାଁ ତାଣାଟି ତ୍ତୁନାମାତେ, ସାମା ନୀର୍ସି ତାନି ଲକ୍ଷୁତାଣା ତସାମାନେସି ।

* ୧:୧୪ ଏପିସି ୧:୭ * ୧:୧୮ ଏପିସି ୧:୨୨,୨୩ * ୧:୨୦ ଏପିସି ୨:୧୭ * ୧:୨୦ ନେତେରି ଇତିହ୍ମଂ ମୀରୁଏଣା ହାକି

୨୭ ଜୀହୁଦିଆଆତି ଲକ୍ଷ୍ମତାଣା ଏ ଡଗ୍ଲାମାନି ଗାଝୁରମିଗାଟି ଦନ ଏନାୟି ଏଦାଆଁ ମାହାପୁରୁ ତାନି ଲକ୍ଷ୍ମତାଣା ତସାଲି ଅଣ୍ଠପିତେସି; ଏ ଡଗ୍ଲାମାନାୟି ଇଦି, ମୀ ତାଣା କ୍ରୀସ୍ତ ଏଝାସି ଗାଝୁରମି ଅଡେ ବାସ୍ତୁ ଲେହେଁତାସି;

୨୮ ମାମ୍ବୁ ଏ କ୍ରୀସ୍ତଇଁ ଝେକ୍‌ହି ମାନମି, ଇଞ୍ଜା ବାରେଜାଣାତି ସେଡନା ଇଞ୍ଜା ବାରେ ବୁଦିତଲେ ଜାପୁହି ମାନମି, ମାମ୍ବୁ ଏନିକ୍ ମାହାପୁରୁ ନକିତା ତୀରପୁତି ଲକ୍ଷ୍ମ ଲେହେଁ ତାତାଲି ଆଡିନମି;

୨୯ ଏଦାଆଁ କିହାଲିତାକି ନା ତାଣା କାମା କିହମାନି କ୍ରୀସ୍ତ ହାହିମାଞ୍ଜାନି କାଜା ବାଡ଼ୁଡୁତି ଲେମ୍ବୁମାନା ନାନୁ ଜୀଝୁ ତୁସାନା କାମା କିହମାଇଁ ।

୨

୧ ମୀ ତାକି ଲାଝୁଦିକିୟାତି ଲକ୍ଷ୍ମ ଅଡେ ନାଜେ ସାତେଏ ପୁଞ୍ଜାମାଞ୍ଜଅରି, ଏ ବାରେଜାଣା ତାକି ନାନୁ ଏତେକା ଜୀଝୁ ତୁସାନା କାମା କିହାମାଇଁ, ଇ ବାରେ ମୀରୁ ପୁଞ୍ଜ ଇଞ୍ଜ ନାନୁ ଅଣ୍ଠପିମାଇଁ;

୨ ନା ଅଣ୍ଠପୁ ଇଦି, ଏନିକ୍ ଏଝାରି ହିୟାଁ ରାହାଁ ଆନେ, ଇଞ୍ଜା ଏଝାରି ସାତା ବୁଦିତି ବାରେ ଦନ ବେଟାଆହାଲି ତାକି, ଇତିହ ମାହାପୁରୁତି ଡଗ୍ଲାମାନାୟି କ୍ରୀସ୍ତ, ଏଝାଣାଇଁ ପୁଞ୍ଜାଲିତାକି ରଅସି ରଅଣି ତଲେ ଜୀଝୁ ନଝି ଆନେରି ।

୩ ଜୀସ୍ତୁ କ୍ରୀସ୍ତ କୁଟିକାଡି ଏନାୟି ମାହାପୁରୁତି ବୁଦି ଅଡେ ପୁନାଣି ଡଗ୍ଲାମାନି ବାରେ ଦନ ଦେନେସି ।

୪ ମିଜେ ଆମ୍ବାଆସି ନାଡ଼ିକିନି ଲେହେଁତି ମିତି କାତା ଝେସାନା ନାଡ଼ି କିୟାଆପେସି, ଏଦାଆଁତାକି ନାନୁ ଇଦାଆଁ ଝେସିମାଞ୍ଜାଇଁ ।

୫ ଇତିହ ନାନୁ ଆଜ୍ଞା ତଲେ ହିଲାଆତି ଜିକେଏ ନା ଜୀଝୁତଲେ ମୀ ତାଣା ମାଞ୍ଜାମାଇଁ, ଇଞ୍ଜା ମୀ ନେହ କ ଜାରୁ ଆନାଣି ଅଡେ କ୍ରୀସ୍ତ ତାଣା ତୀରପୁତଲେ ନାମାମାନାଣି ମେସାନା ରାହାଁ ଆହିମାଇଁ ।

କ୍ରୀସ୍ତ ତାଣା ଜୀଝୁ

୬ ଇତିହ ମୀରୁ କ୍ରୀସ୍ତ ଜୀସ୍ତୁଇଁ ପ୍ରବୁ ଇଞ୍ଜ ଏନିକ୍ ନାମାମାଞ୍ଜେରି, ଏଲେକିହ ଏ ଏଝାଣି ତାଣା ମାଞ୍ଜାନା ନୀତାପୁ;

୭ ଏଝାଣି ତାଣା ଜାଣେ ଡୟାପୁ, ମୀ ଜୀଝୁତି ତୀରିକିପୁ ଇଞ୍ଜା ମୀରୁ ଜାପାମାନି ନାମୁତା ଏଝାଣି ତାଣା ବାଡ଼ୁରୁ ବେଟାଆପୁ । ମୀ ହିୟାଁ ଜହରା କିନାୟି ଆପେ ।

୮ ସିନିକିପୁ, ଏଡେତା ଆମ୍ବାଆସି କ୍ରୀସ୍ତତି ଜାପୁନାୟି ଲାଗେଏତି ମାଣସିତି ପାଣାପାଟୁ ଅଡେ ଦାରୁତିତି ମୁଲୁ ଜାପୁନି ପାଞ୍ଜି ସିନି କିନାୟି ଅଡେ ଉଜେଏତି ନାଡ଼ିକିନି ତାଣାଟି ମିଜେ କାୟିଦି କିହା ଅୟାନେ;

୯ ଇତିହ କ୍ରୀସ୍ତ ତାଣା ମାହାପୁରୁତି ଗୁଣ୍ଡ ମାଣସି ଝାଣା ଆହାନା ବାସା ଆନେ ।

୧୦ ଏଝାସି ବାରେ ସାଲୁଝି କିନାରି ଇଞ୍ଜା ଅଦିକାରା ବେଟାଆଡାରି ତାୟି ଚୁଲହେଁ, ଇଞ୍ଜା ଏଝାଣି ତାଣା ମାଞ୍ଜାନା ମୀରୁ ବାଡ଼ୁରୁ ବେଟାଆହା ମାଞ୍ଜେରି ।

୧୧ କ୍ରୀସ୍ତ ତଲେ ଆଣ୍ଡିତି ଜୀଝୁଏ ମୀ ତଲୁ ଦାପି ଆଡି ଲେହେଁତାୟି । ଏ ତଲୁ ଦାପି ଆଡାୟି ମାଣସି କିତାୟି ଆଏ, ଏଦି କ୍ରୀସ୍ତ ତାଣାଟି ଆହାମାନେ । ଏଦି ମାଣସିଇଁ ପାପୁ ଆଜ୍ଞାଟି ଗେଲୁପି କିନେ ।

୧୨ ମୀରୁ ଏଟିବେଲା ବାପ୍ରିସ୍ତ* ବେଟାଆଡେଟି ଏଟିବେଲା ମୀରୁ କ୍ରୀସ୍ତ ତଲେ ମୁସ୍‌ପିଆଡେଟି, ଇଞ୍ଜା ଆମିନି ମାହାପୁରୁ କ୍ରୀସ୍ତଇଁ ହାଡାରି ତାଣାଟି ନିକହେସି, ଏଝାଣି କାମା କିନି ବାଡ଼ୁଡୁତି ନାମାଲିଏ ଏ ଡେଲାତା ଏଝାସି ମିଜେ କ୍ରୀସ୍ତ ତଲେ ନିକହାଡେସି ।

୧୩ ମୀରୁ ଆଜ୍ଞାତା ପାପୁ ଗାଟାତେରି ଜୀହୁଦି ଆଆମାଟାଟି ହାହାମାତେରି, ମିଜେ ଜିକେଏ ମାହାପୁରୁ ତାନିତଲେ ମିଜେ ଜୀଝୁ କିହାଁ ମାଞ୍ଜାନେସି, ମାହାପୁରୁ ମା ବାରେତି ପାପୁ ମ୍ବେକ୍‌ହା ମାଞ୍ଜାନେସି;

୧୪ ଏଝାସି ମେରାତା ମା କପାଟି ଆମିନି ଦହ ଦହୁନି ଆକୁ ମାଚେ, ଏଦାଆଁ ଏଝାସି ମ୍ବେକ୍‌ହାନା ପାସି ମୁଣ୍ଡାତା କୁଟିୟାଁ ଝେଟାନା ମା ତାଣାଟି ହେକ କିହାମାନେସି;

୧୫ ଅଡେ ଏ ପାସିମୁଣ୍ଡା ଲାକ କ୍ରୀସ୍ତ ବାରେଲେହେଁତି ବାଡ଼ୁରୁ ଇଞ୍ଜା ସାଲୁଝି କିନାଆଁ ତାଣାଟି ଜାହାରାଇଁ ପିସ୍‌ପି କିହାକତାମାନେସି ଇଞ୍ଜା ଏଝାଆଁତି ଦସ୍‌ପାନା ତାନୁ ଜୀଣାଆହାନା ହାନିବେଲାତା ବାରେ ଲକ୍ଷ୍ମ ନକିତା ଏଝାଆଁତି ଲାଜା ବେଟାଆଡ଼ି କିହାମାନେସି ।

୧୬ ଏଦାଆଁତାକି ମୀ ତନାୟି, ଉନାୟି, ପାଗୁତାକି କୁଟି ଲେଞ୍ଜୁ ପାରୁ କି ଜମିନି ଦିନାତି ଆମ୍ବାଆସି ମିଜେ ବିଚାରା କିୟାଆପେସି ।

* ୨:୧୭ ରମି ୨:୪ * ୨:୧୭ ମୁଞ୍ଜନାୟି * ୨:୧୩ ଏପିସି ୨:୧-୫ * ୨:୧୪ ଏପିସି ୨:୧୫ * ୨:୧୭ ରମି ୧୪:୧-୭

୧୭ ଏ ବାରେ ୱାହିମାନି ଦିନାତା ଆହାଲି ହାଜିମାନି ସାୟ୍ ଲେହେ; ସାମା ଏମ୍ବାତି ସାତା କାତା କ୍ରୀସ୍ତ ।

୧୮ ଇଞ୍ଜା ଆମ୍ବାଆସି ଜାହାରା ଉଣା ଆହାନା ଦୁତୁୟା ସେବାତା ରାହା ଆହାନା ସେୟାଣା ହାପାନା ମେସାମାନାଆ ପାରାନା ଅଡ଼େ ଦାର୍ତତି ଅଣ୍ଡୁ ତଲେ ଉଜେଏ ବତପଣ ଆହାନା ଆମ୍ବାଆସି ତାୟ୍ ଲେହେତି କ୍ରୀସ୍ତ, ଏଞ୍ଜାଣାଜ୍ ଆହ୍‌ଆନା ମାହାପୁରୁ ବରୁତି ଏଟ୍‌କା କିୟାଆପେସି ।

୧୯ ଏଞ୍ଜାଣି ତାଣ୍ଡାଟି ବାରେ ଆଜା ହାନ୍ତୁଲିକା ଅଡ଼େ ଇଣ୍ଡାୟାଟି ନେହ୍ ଆହାନା ରଣ୍ଡି ରଣ୍ଡାଣି ତଲେ କାଲ୍‌ଝି ଆହାନା ମାହାପୁରୁ ହୀତି ପାଡ଼ଣିତା ପାତାଆହ୍‌ମାନୁ ।

କ୍ରୀସ୍ତ ତଲେ ହାନାୟି ଅଡ଼େ ନୀତିନାୟି

୨୦ ମୀରୁ କ୍ରୀସ୍ତ ତଲେ ହାହାମାଞ୍ଜେରି ଅଡ଼େ ଈ ଦାର୍ତତିତା ସାଲ୍‌ଝି କିହିମାନି ବାଡ଼ୁୟିଟି ଗେଲ୍‌ପି ଆହାମାଞ୍ଜେରି । ଆତିହ୍ ମୀରୁ ଏନାଆଁତାକି ଦାର୍ତତିତ ଲକୁ ଅଣ୍ଡୁ ତଲେ ନୀତିମାଞ୍ଜେରି ? ଏନାଆଁତାକି ମୀରୁ ଇଲେତି ମେରା ବାରେ ମାନି କିହିମାଞ୍ଜେରି,

୨୧ ଆତିହ୍ “ମାଣ୍ଡି ଜାପୁହିମାନି ମେରା ଆହ୍‌ଆଦୁ, ଏଦାଆଁ ତିନାଆଦୁ, ଏଦାଆଁ ତୀଗାଆଦୁ ଦାର୍ତତିତ ଲକୁ ଲେହେ ଇଲେତି ପାଣାପାପୁ ଏନାଆଁତାକି ମାନିଅି ଆହିମାଞ୍ଜେରି ?”

୨୨ ଏ ବାରେ ଆସ୍ତି ଗାଡ଼େକା ତାଇ । ଇଝି ଲେମ୍ବିସାରେ ଉଜେଏତାଇ ଆନୁ ।

୨୩ ଏଲେତି ଜାପୁନାୟି ଜାହାରା ଅଣ୍ଡୁପୁଟି ସେବା କିନାୟି, ଜାହାରାଇଁ ଉଣା କିନାୟି ଇଞ୍ଜା ଆଜାତି ହାରେକା କସ୍ତ ହୀହାନା ବୁଦିତି ବରୁ ବେଟାଆହାମାଇଁ ସାମା ଏଦି ଉଜେଏତାୟି ଏଦାଆଁ ତଲେ ଆଜାତି ଅଣ୍ଡୁ ରାହା ଆନେ ।

୩

୧ ମୀରୁ କ୍ରୀସ୍ତ ତଲେ ହାକିଟି ନିଜା ମାଞ୍ଜେରି, ଆତିହ୍ ମାହାପୁରୁତି ଚିଠିନି ଚଟତା କୁଗାମାନି କ୍ରୀସ୍ତତି ଆମିନି ବାସାଗାୟ୍, ଏ ଲାକପୁରୁ ମାନାଣି ପାରାବୁ ।

୨ ଦାର୍ତତିତା ମାନି ବାରେ କାତାତି ଅଣ୍ଡପାଆନା, ଲାକପୁରୁ ମାନାଣି ବାରେ ଅଣ୍ଡପାଦୁ ।

୩ ଏନାଆଁତାକି ଇତିହ୍ ମୀରୁ ହାହାମାଞ୍ଜେରି, ଅଡ଼େ ମୀ ଜୀଝୁ ମାହାପୁରୁ ତାଣା କ୍ରୀସ୍ତ ତଲେ ତୁଗ୍‌ମାନେ ।

୪ ମା ଜୀଝୁ ଲେହେତିସି କ୍ରୀସ୍ତ, ଏଚିବେଲା ଏଞ୍ଜାସି ତଞ୍ଜାଆନେସି, ଏଚିବେଲା ମୀରୁ ଜିକେଏ ଗାଝୁରମିତି ଏଞ୍ଜାଣିତଲେ ଆଣ୍ଡାମା ତଞ୍ଜା ଆଡ଼େରି ।

ପୁଃଈ ଜୀଝୁ ଅଡ଼େ ପୁଃନି ଜୀଝୁ

୫ ଏଦାଆଁତାକି ମୀ ଦାର୍ତତିତ ଲାଗେଏ ପଲେଏ ତାଣାଟି ଇତିହ୍ ବାରିକାମା, ସୁଦୁ ଆଆତି କାମା, ଲାଗେଏତି ଜୁପ୍‌କା, ପେଣ୍‌କା ପୁନା କିନାୟି, ଜୁପ୍‌କା ଆନାୟି, ଈ ବାରେତାକି ହାଝି କିହାଁ କତାଦୁ;

୬ ଈ ବାରେ କାମାତା ଆଣ୍ଡା ମାଞ୍ଜାନା ଆମ୍ବାଆରି ମାହାପୁରୁଇଁ ମାନି କିଅରି, ଏଞ୍ଜାରାକି ମାହାପୁରୁତି କପା ଖାନେ;

୭ ତଲି ମୀରୁ ଜିକେଏ ଇଲେତି ପାପୁ କାମାତା ମାଞ୍ଜାନା ଏଲେକିହ୍ ନୀତିମାଚେରି ।

୮ ସାମା ନାଏଁ ମୀରୁ ଜିକେଏ ଈ ବାରେ କାତା ଇତିହ୍, କପା, କାର୍‌ବି, ଇର୍‌ସା ଇଞ୍ଜା ମୀ ଗୁତିଟି ନିନ୍ଦା କାତା ଅଡ଼େ ଅପାଆଗାଟି ହାଡ଼ା ଜଲ୍‌ମାଆଦୁ ।

୯ ଏମା ବିତ୍ରା ମିତି କାତା ୱେସ୍‌ସି ଆଆଦୁ; ଏନାଆଁତାକି ଇତିହ୍ ମୀରୁ ବାରେ ପୁଃଈ ଗୁଣୁ ମାଣ୍ଡକି ପିସାମାଞ୍ଜେରି,

୧୦ ଏଅଡ଼େ ଏଲେତି ବାରେ କାମା ପିସାମା ପୁଃନି ଗୁଣୁ ପର୍‌ହାମାଞ୍ଜେରି; ଏ ପୁଃନି ଗୁଣୁ ମାଞ୍ଜେ ଗାଡ଼ିକିତାଣି ୱାଣା ତଲେ ବାରେ ବୁଦି ବେଟାଆହାଲି ତାକି ପୁଃନି ଗାଡ଼ି ଆହାମାଞ୍ଜେରି ।

୧୧ ଏଚେଟିଏ ଜୀହୁଦି ଲକୁ ଅଡ଼େ ଜୀହୁଦିଆଆତି ଲକୁ, ତଲୁ ଦାପିଆଡ଼ାରି କି ଦାପି ଆଆଡ଼ାରି, ଏଟ୍‌କା ରାକ୍ତିତାରି, ସୁଡ଼ିୟାତାରି, ହଲେଏସି, ହଲେଏସି ଆଆତାସି, ଈ ବାରେତି ବିତ୍ରା ଏନି ପାର୍‌ଡ଼ା ହିଲେଏ, ସାମା କ୍ରୀସ୍ତ ବାରେତାକି ମାନେସି, ଇଞ୍ଜା ଏଞ୍ଜାସି ବାରେ ତାଣା ବାସା କିନେସି ।

୧୨ ଏମୀରୁ ମାହାପୁରୁତି ଲକୁଡେରି; ଏଞ୍ଜାସି ମିଜେ ଜୀଝୁନହାଁନା ତାଜେତାକି ଆଚାମାଞ୍ଜାନେସି । ଏଦାଆଁତାକି ମୀରୁ ହିଡ଼ଡ଼ି ହିୟାଁ, କାର୍‌ମାନେହ୍‌ନାଣି, ଉଣା ଆନାୟି, ସୁଦୁ ସୁଞ୍ଜାଲା ମାଣ୍ଡକି ଅଡ଼େ ଅର୍‌ହିନାଣି ପରଦୁ ।

୧୩ ଏମା ବିତ୍ରା କସ୍ତ ଅର୍‌ହି ଆଦୁ, ରଅସି ରଅଣି କପାଟି ଏନି କାତା ଜଲ୍‌ଲିନାୟି ମାଟିସାରେ ମୀରୁ ରଅଡେରି

ରଥଣି ଦହ ମ୍ଲେକ୍‌ହୁ; ପ୍ରବୁ ଏନିକ୍‌ଫି ମୀ ଦହ ମ୍ଲେକ୍‌ହା ମାଞ୍ଜାନେସି, ମୀରୁ ଜିକେଏ ଏଲେକିହିଁଏ କିଦୁ ।
୧୪ ଅଡ଼େ ଈ ବାରେ ଗୁଣ୍ଡତଲେ ଜୀଞ୍ଜୁନନାୟି ମୀ ବିତ୍ରା ମାଣ୍ଡମ୍ବେ, ଇଚିହିଁ ଜୀଞ୍ଜୁନନାୟି ବାରେ ଗୁଣ୍ଡତି ରୁଣ୍ଡି କିନେ ।

୧୫ କ୍ରୀସ୍ତ ହିୟାତି ହିଡ଼ଡ଼ି ମୀ ହିୟାତି ସାଲୁଡ଼ି କିପେ । ଇଚିହିଁ ଈ ହିଡ଼ଡ଼ି ତାକି ମାହାପୁରୁ ମିଙ୍ଗେ ରହେଁଏ ରଣ୍ଡିଏ ଆଙ୍ଗା ଆହାଲି ହାଡ଼ାମାଞ୍ଜାନେସି ଅଡ଼େ ବାରେବେଲା ମୀରୁ ମାହାପୁରୁଇଁ ଜହରା କିଦୁ

୧୬ କ୍ରୀସ୍ତତି ବଲୁ ହାରେକା ମୀ ହିୟାତା ତୟାପେ; ବୁଦିତଲେ ମୀରୁ ରଥଡେରି ରଥଣାଇଁ ହାରେପୁରେ ଜାପୁହାନା ସେଡ଼ନା ହୀପକିଆଦୁ, ଇଞ୍ଜି ମୀ ସୁଦୁଜୀଞ୍ଜୁ ତଲେ ମାହାପୁରୁଇଁ ଜହରା କିହିଁ ହିୟା ତଲେ ପାରୁ ପାଡ଼ାଦୁ ।

୧୭ ଅଡ଼େ ମୀରୁ କାତାତାକି କାମାତା ଏନାଆଁ କିଦେରି, ଇଚିହିଁ ଏ ବାରେ ପ୍ରବୁ ଜୀସୁ ଦରୁତଲେ କିହାନା ଏଞ୍ଜାଣି ଦରୁତଲେ ଆବା ମାହାପୁରୁଇଁ ଜହରା କିଦୁ ।

ପୁଃନି ଜୀଞ୍ଜୁତା ଆଣ୍ଡିନାୟି

୧୮ ଏ ତକ୍ତିସିକାତେରି, ମୀରୁ ମୀ ତକ୍ରାୟାଣି ମାନି କିଦୁ, ଏନାଆଁତାକି ଇଚିହିଁ ମୀରୁ ପ୍ରବୁ ତାଣା ଆଣ୍ଡାମାନାକି ଏଲେ କିନାୟିମାନେ ।

୧୯ ଏ ତକ୍ରାୟାଣିତେରି, ମୀରୁ ମୀ ତକ୍ତିସିକାଣି ଜୀଞ୍ଜୁନଦୁ, ଏଞ୍ଜାସିକାଣି ହଲେଣିସିକା ଲେହେଁ ଲେମ୍ବାନା ଦୁକୁ ହୀଆଦୁ ।

୨୦ ଏ କକାରି ପଦାୟାଣିତେରି, ବାରେ କାତାତା ତାଲି ତାଞ୍ଜିତି କାତା ମାନୁଡ଼ି ଆଦୁ, ଏନାଆଁତାକି ଇଚିହିଁ ଈଦି ମାହାପୁରୁ ନକିତା ରାହାଁତି ଲେମ୍ବିନାୟି ।

୨୧ ଏ ତାଲି ତାଞ୍ଜିତେରି, ମୀ କକାରି ପଦାଣି କାରୁବି କିଆଦୁ, ଏନିକ୍‌ଫି ଏଞ୍ଜାରି ନୀରାସା ଆଥରି ।

୨୨ ଏ ହଲିୟାଙ୍ଗାତେରି, ମାଣ୍ଡସିଇଁ ରାହାଁ କିନିଲେହେଁ ଦାରୁଡିତି ସାଞ୍ଜୁକାରିୟା ନକିତା ଏ କାମା କିଆଦୁ, ସାମା ମାହାପୁରୁଇଁ ଆଜାନା ହିୟାତି ସୁଦୁ ମାଣକି ତଲେ ବାରେ କାମାତା ଏଞ୍ଜାରେଇଁ ମାନୁଡ଼ି ଆଦୁ ।

୨୩ ମୀରୁ ଏନି କାମା କିତି ଜିକେଏ ପ୍ରବୁକି କିନିଲେହେଁ ହିୟା ତଲେ କିଦୁ, ମାଣ୍ଡସିୟାଁ ତାକି କିନିଲେହେଁ କିଆଦୁ;

୨୪ ପ୍ରବୁ ତାନି ଲକୁତାକି ଇଟାମାନି ଦାନା ମିଙ୍ଗେ ହିୟାନେସି ଇଞ୍ଜି ପୁଞ୍ଜାମାଞ୍ଜୁ, ଏନାଆଁତାକି ଇଚିହିଁ କ୍ରୀସ୍ତଏ ମୀ ସାତା ପ୍ରବୁ ଆମ୍ବାଆରି ସେବା କିହିମାଞ୍ଜେରି ।

୨୫ ଇଚିହିଁ ଆମ୍ବାଆସି ଲାଗେଏ କାମା କିନେସି ଏଞ୍ଜାସି ଲାଗେଏ କାମାତି ପାଡ଼େୟି ବେଟାଆଡ଼େସି, ଇଚିହିଁ ମାହାପୁରୁ ଲକୁତି ପାରୁଡ଼ା ବାତି କିଆନା ନାହାଁୟି କିନେସି ।

୪

୧ ଏ ସାଞ୍ଜୁକାରିୟାତେରି ଲାକପୁରୁ ମୀ ସାଞ୍ଜୁକାରି ମାନେସି ଇଞ୍ଜି ପୁଞ୍ଜାନା ମୀ ହଲିୟାଙ୍ଗାଇଁ ଜୀଞ୍ଜୁନହାଁନା ନେହିଁକି ଲେମ୍ବାଦୁ ।

ଜାପୁନାୟି

୨ କାଡ଼େଲଏ ପ୍ରାତାନାତା ରଣ୍ଡିଏ ଅଣ୍ଡପୁ ତଲେ ମାଞ୍ଜୁ, ଅଡ଼େ ମାହାପୁରୁଇଁ ଜହରା କିହିଁ ଏମ୍ବାଆଁ ଜାଗ୍ରାତା ମାଞ୍ଜୁ;

୩ ମାଙ୍ଗେତାକି ଜିକେଏ ପ୍ରାତାନା କିଦୁ, ଏନିକ୍‌ଫି ନେହିଁ କାରୁତି କାତା ଝେକ୍‌ହାଲି ମାହାପୁରୁ ମାଙ୍ଗେତାକି ଦାରା ଦେତାନେସି । କ୍ରୀସ୍ତତି ଆମିନି ତ୍ତୁଗ୍ଲାମାନି କାତାତାକି ନାନୁ ନୀଏଁ କାୟିବି ଲକୁତା ମାଞ୍ଜୁ ।

୪ ନାନୁ ଝେକ୍‌କନାତି ନେହିଁକି ପୁଣ୍ଡିକିନିଲେହେଁ ଝେକ୍‌ହାଲି ଆଡ଼ିଇଁ ଇଞ୍ଜି ନାଙ୍ଗେତାକି ପ୍ରାତାନା କିଦୁ ।

୫ ପାଗାତି ନେହିଁକି ଲେମ୍ବାନା ନାମାଆତି ଲକୁ ତାଣା ବୁଦିତି ମାଣକି ତଲେ ଲେମ୍ବାଦୁ ।

୬ ମୀ ବଲୁ କାଲେଏ ନେହାୟି, ଅଡ଼େ, ଅଣ୍ଡପିନାୟି, ଅଡ଼େ ହୀରୁ ଲେହେଁ ମୀରୁ ଏନିକ୍‌ଫି ବାରେଜାଣାତି ସାତା କାତା ଝେସାଲି ଆଡ଼ିଦେରି ଏ କାତା ମୀରୁ ପୁନାୟିମାନେ ।

ରାନି ଜହରା

* ୩:୧୭ ଏପିସି ୫:୧୯,୨୦ * ୩:୧୮ ଏପିସି ୫:୨୨; ଏପିତ ୩:୧ * ୩:୧୯ ଏପିସି ୫:୨୫; ଏପିତ ୩:୭ * ୩:୨୦ ଏପିସି ୬:୧
* ୩:୨୧ ଏପିସି ୬:୪ * ୩:୨୨ ଏପିସି ୬:୫-୮ * ୩:୨୫ ଏପିସି ୬:୯ * ୪:୧ ଏପିସି ୬:୯ * ୪:୫ ଏପିସି ୫:୧୨

୭ ✠ ପ୍ରଭୃତି କାମାତା ନା ତଲେ ନାମୁଚି ସେବା କାମା କିନି ଜୀଞ୍ଜୁତି ତାୟି ତୁକିକ, ନା ବାରେ କାତା ମିଙ୍ଗେ ୱେସ୍ତାନେସି;

୮ ଏଦାଆଁତାକି ନାନୁ ଏଞ୍ଜାଣାଇଁ ମୀ ତାଣା ପାଣ୍ଡାତେସ୍, ଏନିକ୍ ମୀରୁ ମା ବାରେ କାତା ପୁଞ୍ଜାଲି ଆଡିଦେରି, ଇଞ୍ଜା ମୀ ବାରେତି ହିୟା ଏଞ୍ଜାଣି ତାଣାଟି ରାହାଁ ବେଟାଆନେ ।

୯ ✠ ଏଞ୍ଜାଣିତଲେ ନାନୁ ନାମୁଚା ଜୀଞ୍ଜୁତି ତାୟି ଅନିସିମଇଁ ପାଣ୍ଡାତେସ୍, ଏଞ୍ଜାସି ମୀ ବିତ୍ରାଟି ରଅସି, ଏଞ୍ଜାରି ଇମ୍ପାଆଁ ଆହିମାନି ବାରେ କାତା ମିଙ୍ଗେ ୱେସ୍ତାନେରି ।

୧୦ ✠ ନା, ତଲେ କାୟିଦିତା ମାନି ଆରିସ୍ତାକି ଅଡେ ବର୍ନବା କୁଟମିତି ତାୟି ମାର୍କ ଏଞ୍ଜାରି କାତା ମୀରୁ ହୁକୁମି ବେଟାଆହାମାଞ୍ଜେରି; ମାର୍କ ମୀ ତାଣା ଖାଡିସାରେ, ଏଞ୍ଜାଣାଇଁ ଆବାଦୁ, ଏଞ୍ଜାରି ମିଙ୍ଗେ ଜହରା ୱେସି ମାଞ୍ଜାନେରି,

୧୧ ଅଡେ କୁସ୍ତ ଦରୁତି ୱେଜିତି ଜୀସୁ ମିଙ୍ଗେ ଜହରା ୱେସିମାଞ୍ଜାନେସି, କ୍ରୀସ୍ତ ଦାମ୍ପତି ଆବାମାନି ଇ ତାନିଜାଣା ଜୀହୁଦି ବିତ୍ରାଟି ମାହାପୁରୁ ରାଜିତାକି ନା ତଲେ କାମାକିନାରି, ଏଞ୍ଜାରି ନାଙ୍ଗେ ହାଡେରକା ସାୟେନି କିହାମାଞ୍ଜାନେରି ।

୧୨ ✠ ଏପାପ୍ପା ମୀ ବିତ୍ରାଟି ରଅସି, ଏଞ୍ଜାସି ମିଙ୍ଗେ ଜହରା କିହିମାଞ୍ଜାନେସି, ଏଞ୍ଜାସି କ୍ରୀସ୍ତ ଜୀସୁତି ର ହରେଲଏସି ଇଞ୍ଜା ତାନୁ ପ୍ରାତାନା କିନାଟି ବାରେବେଲା ମିଙ୍ଗେ ତାକି ପ୍ରାତାନା କିହିମାନେସି, ଏନିକ୍ ମୀରୁ ନାମୁଚା ନେହାଁତେରି ଆହାନା ମାହାପୁରୁତି ବୁଦି ଅଡେ ଅଣପୁତି ତାରେ ପୁଞ୍ଜାନା ଖୀତାଆନା ମାଞ୍ଜେରି ।

୧୩ ଇତିହ୍ ଏଞ୍ଜାସି ମିଙ୍ଗେତାକି ଇଞ୍ଜା, ଲାଞ୍ଜୁଦିକିୟା ଅଡେ ହିଏରାପଲିତା ମାନାରି ତାକି ହାଡେରକା କସ୍ତ ବେଟାଆହ୍ କାମା କିହାମାନେସି, ଏଞ୍ଜାଣି ତାକି ନାନୁ ଇ ସାକି ହାହିମାଞ୍ଜାଇଁ ।

୧୪ ✠ ମା ଜୀଞ୍ଜୁତି ତାଙ୍କାଦର ଲୁକ ଅଡେ ଦିମା, ମିଙ୍ଗେ ଜହରା ୱେସିମାଞ୍ଜାନେରି ।

୧୫ ଲାଞ୍ଜୁଦିକିୟାତା ମାନି ତାୟି ତାଜିସ୍ତା, ତାଜି ନୁମ୍ପା ଅଡେ ତାନି ଇଲୁତା ମାନି କୁଲମିତି ମା ଜହରା ୱେହ୍ଦୁ ।

୧୬ ଅଡେ ମୀ ତାଣା ଇ ଆକୁ ପଡ଼଼ି ଆଡି ତାୟି ଲାଞ୍ଜୁଦିକିୟା କୁଲମିତା ଜିକେଏ ଏନିକ୍ ପଡ଼଼ି ଆନେରି, ଇଞ୍ଜା ଲାଞ୍ଜୁଦିକିୟାଟି ଆମିନି ଆକୁ ଖାନ୍ଦେ ଏଦାଆଁ ମୀରୁ ଜିକେଏ ପଡ଼଼ି ଆଡେରି ଏଦାଆଁତାକି ଜାଗ୍ରାତା ଆଦୁ ।

୧୭ ✠ ଆକ୍ ପପଇଁ ୱେହ୍ଦୁ, “ନୀନୁ ଆମିନି ପ୍ରଭୃତି ସେବା କିନି ପାଣା ବେଟାଆହାମାଞ୍ଜି ଏଦାଆଁ ରାପୁହାଲି ଜାଗ୍ରାତା ମାନାମ୍ପୁ ।”

୧୮ ନାନୁ ପାଞ୍ଜୁଲ, ନା କେୟୁତଲେ ଇ ଜହରା ରାଡିମାଇଁ, ନା କାୟିଦିତା ମାନାଣି ଅଣପାଦୁ ! ମାହାପୁରୁତି କାର୍ମାମେହ୍ନାୟି ମୀ ବାରେତାକି ଆୟାପେ ।

✠ ୪:୭ କାମା ୨୦:୪; ୨ତିମ ୪:୧୨ ✠ ୪:୭ ଏପିସି ୬:୧୧,୨୨ ✠ ୪:୯ ପିଲିମ ୧:୧୦-୧୨ ✠ ୪:୧୦ କାମା ୧୯:୨୯; ୨୭:୨; ପିଲିମ ୧:୨୪; କାମା ୧୨:୧୨,୨୫; ୧୩:୧୩; ୧୫:୩୭-୩୯ ✠ ୪:୧୨ କଲସି ୧:୭; ପିଲିମ ୧:୨୩ ✠ ୪:୧୪ ୨ତିମ ୪:୧୧; ପିଲିମ ୧:୨୪; ୨ତିମ ୪:୧୦; ପିଲିମ ୧:୨୪ ✠ ୪:୧୭ ପିଲିମ ୧:୨

କୁଲମିକି ପାଞ୍ଚଲ ରାଡ଼ାମାନି ରୀ ଲମ୍ବର ଆକୁ ତେସଲନିକି କୁଲମିତାକି ପାଞ୍ଚଲ ରାଡ଼ାମାନି ରୀ ଲମ୍ବର ଆକୁ ମୂଲୁ ହାଡ଼ା

ତେସଲନିକି ରୀ ଲମ୍ବର ଆକୁ ପାଞ୍ଚଲ ତାଣ୍ଡାଟି ରାସ୍ତିକି ଆହାମାନେ ୧:୧ । ତେସଲନିକି ମୂଲୁ ଆକୁ ରାଡ଼ିତି ଏଚରଦିନା ତାୟୁ ଇତିହାସ କ୍ରୀସ୍ତ ଜାର୍ନାଆଡ଼ି ୫୧ ବାର୍ଷୀ ତାୟୁ ଇ ଆକୁ ରାସ୍ତିକି ଆହାମାନେ । ଏତିବେଲାତା ପାଞ୍ଚଲ କରନ୍ତି କୁଲମିତା ମାଚେସି କାମା ୧୭:୧-୧୦ ।

ତେସଲନିକିତା ମାନି କ୍ରୀସ୍ତୀନା ଲକୁ କ୍ରୀସ୍ତ ଖେଣ୍ଡେ ଖାନ୍ତି କାତାତି ନେହଁ କିଁ ପୁନାଆନା ତାମି ଅଣପୁତା କିଲିବିଲି ଆହିମାଚେରି । ଏଝାରି ତାମ୍ବୁ କିଞ୍ଚିତି କାମା ପିସାନା ନିସ୍ତା ଆଡେରି ଇଞ୍ଜା ଅର କ୍ରୀସ୍ତୀନା ଲକୁ ଏଝାରାଇଁ ସାଢ଼େମି କିହିମାଚେରି ।

ଏଚରଜାଣା କ୍ରୀସ୍ତ ଖେଣ୍ଡା ଖାନ୍ତି ଆଜିମାଚେରି, ଇ କାତା ପୁଞ୍ଜାନା ପାଞ୍ଚଲ ଇ ରୀ ଲମ୍ବର ଆକୁ ରାଡ଼ିମାନେସି, ଇତିହାସ କ୍ରୀସ୍ତ ଖାଆ ନକେଏ ହାଚରକା ଲାଗେଏ ପଲେଏ ଆହିମାଚେ, ଇଞ୍ଜା ଏଝାରାଇଁ ବାଡ଼ିମାଲିହଁ ରାଡ଼ିମାନେସି । ମାରୁ ନାମୁତା ପାତାଆହାନା ମାଞ୍ଜେମାଞ୍ଜୁ, ଦୁକୁ କସ୍ତ ବେଟାଆହାଲି ଅରହାଦୁ, ନା ଆଚ୍ଚିତାରି ଝାହୁ ତଲେ କାମା କିତିଲେହେଁ ମାରୁ ଜିକେଏ ନାମୁତି କାମା କିଦୁ ଇଞ୍ଜା ଏଝାରାଇଁ ବାଡ଼ିମାଲିହଁ ରାଡ଼ିମାନେସି ।

ପତିତା ମାନାସି

- ୧. ପାଞ୍ଚଲ ତାଙ୍ଗେ ଅଡ଼େ ତାନି ଆଚ୍ଚିତାରାଇଁ ପୁଣ୍ଡିକିନାସି । ୧:୧-୨
- ୨. ତେସଲନିକି କୁଲମିତାକି ଜହରା ଅଡ଼େ ପ୍ରାଡ଼ାନା । ୧:୩-୧୨
- ୩. ରାଡ଼ି ଦିନାତି କାତା । ୨:୧-୧୭
- ୪. ଏଝାରି ନିସ୍ତା କପାଟି ଅଡ଼େ କାମା କିହାଲି ଖେହ୍ନାସି । ୩:୧-୧୫
- ୫. କୁଲମିତି ଜହରା କିହାନା ଆକୁତି ରାପୁନାସି । ୩:୧୬-୧୮

୧*ପାଞ୍ଚଲ, ସିଲା ଅଡ଼େ ତିମତି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡା ମାନି ତେସଲନିକିତି କୁଲମିକି ଆକୁ ରାଡ଼ିମାନମି ।

୨ ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ନାମେହ୍ନାସି ଅଡ଼େ ହିଡ଼ି ଜୀସୁ ମିଙ୍ଗେତାକି ଆୟାପେ ।

ଜୀସୁ ଖେଣ୍ଡେ ଖାନ୍ତି ଅଡ଼େ ନାହାଁସି କିନାସି

୩ ଏ ମା ତାୟୁଆଁ ଅଡ଼େ ତାଙ୍ଗିସ୍ତାଚେରି ମୀ ତାକି ମାମ୍ବୁ ବାରେଦିନା ମାହାପୁରୁଇଁ ଜହରା କିନାସି ଲଡ଼ାମାନେ, ଏଲେଆନାସି ନେହେଁ, ମୀ ନାମୁ ଅଡ଼େ ରଅଚେରି ରଅଣାଇଁ ଜୀସୁନନାସି ଦିନମି ତାକି ଦିନମି ପାତାଆହିମାନେ ।

୪ ଏଚେଟିଏ ମାରୁ ଆମିନି ବାରେ ସାସ୍ତି ଇଞ୍ଜା କସ୍ତ ବେଟା ଆହାମାଞ୍ଜେରି, ଏମ୍ବାଟି ମାରୁ ଅରହାନା ନାମୁତଲେ ମାଞ୍ଜେ ମାଞ୍ଜେରି, ଏଦାଆଁତାକି ମାମ୍ବୁ ମାହାପୁରୁ କୁଲମିକାଣା ମିଙ୍ଗେ ତାକି ବଡ଼ପଣ ଆହିମାନମି ।

୫ ମାହାପୁରୁତି ଆମିନି ରାଜିତି ତାକି ଦୁକୁ ବେଟାଆହି ମାଞ୍ଜେରି, ଏଦିଏମ୍ବାଆଁ ଜଗେ ଇଞ୍ଜା ତଞ୍ଜାଆହାଲି ଇଦିଏ ମାହାପୁରୁତି ନେହଁ ନାହାଁସିତି ପାର୍ମାଣା ।

୬ ଏତିବେଲା ମିଙ୍ଗେ କସ୍ତ ହାହିମାଞ୍ଜାତି ଲକୁକି ବାଦୁଲି ଲେହେଁ କସ୍ତ ହାନାସି ଇଞ୍ଜା କସ୍ତ ବେଟାଆହି ମାଞ୍ଜେରି ମାରୁ, ମିଙ୍ଗେ ମା ତଲେ ଜମିକିୟାନମି, ଇଦିଏ ମାହାପୁରୁ ନକିତା ନେହଁ କାତା;

୭ ଇତିହାସ ପ୍ରବୁ ଜୀସୁ ଏତିବେଲା ଜାହାରା ବାଡ଼ୁଲୁ ଗାଟି ଦୁତୁୟାଁ ତଲେ ତାଞ୍ଜି ମାନି ହିଚୁ ଗୁଦଝା ତଲେ ଲାକପୁରୁତି ତଞ୍ଜାଆନେସି ।

୮ ଆମ୍ବାଆରି ମାହାପୁରୁଇଁ ପୁଞ୍ଜାହିଲଅରି, ଅଡ଼େ ମା ପ୍ରବୁ ଜୀସୁ କ୍ରୀସ୍ତତି ନେହଁ କାକୁ ମାନୁଷି ଆଅରି, ଏଝାରାଇଁ ଏଝାସି ଏତିବେଲା ତଣ୍ଡ ହାନେସି ।

* ୧:୧ କାମା ୧୭:୧

୯ ଇତିହାସ, ଆମିନି ଦିନା ଏଝାସି ଜାହାରା ଦାମ୍ଭୁଗାଟାରି ତଲେ ଗାଝୁରମି ବେଟାଆହାଲି ଇଞ୍ଜା ନାମାମାନି ମାହାପୁରୁ ଲକୁ ତାଣାଟି କାବାଆନି ସିନାଲେହେ ଆହାଲି ଖାନ୍ଦେସି । ଇତିହାସ ମାରୁ ମାମୁ ହୁଆମାଞ୍ଜାନି ସାକିତି ନାମାମାଞ୍ଜେରି ।

୧୦ ଏ ଦିନା ଏଝାରି ତଣ୍ଡ ବେଟାଆନ୍ଦେରି, ଇତିହାସ ପ୍ରବୁତି ତାଗେଟି ଇଞ୍ଜା ତାନି ବାଡ଼ୁରୁଗାଟି ଗାଝୁରମିଟି ହେକ ହାଜାନା କାଲ୍ଲକାଲ୍ଲା ତାକି ନାସା ଆନ୍ଦେରି ।

୧୧ ଏଦାଆଁତାକି ମା ମାହାପୁରୁ ଏନିକି ମିଙ୍ଗେ ହାଟାମାଞ୍ଜାନି ଜଟେ ଇଞ୍ଜାନ୍ଦେସି, ଏଦାଆଁତାକି ମାମୁ ଜିକେଏ ବାରେବେଲା ମିଙ୍ଗେତାକି ପ୍ରାତାନା କିହିମାନମି; ଏନିକି ନାମୁତି ବାରେ କାମା ନେହୁ କିହାଲି ଆଡ଼ିଦେରି ।

୧୨ ଏଲେଆଡ଼ିହୁ ମା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତତି କାର୍ମାମେହୁନାଣି ଲେହେ ପ୍ରବୁ ଜୀସୁତି ଦରୁ ମୀ ତାଣା ଗାଝୁରମି ଆନ୍ଦେ, ଅଡ଼େ ମାରୁ ତାନିତାଣାଟି ଗାଝୁରମି ବେଟାଆଡ଼େରି ।

୨

ଲାଗେଏତି ମାଣସି

୧ ତାୟିୟା ଅଡ଼େ ତାଜିସ୍ତାତେରି, ପ୍ରବୁ ଜୀସୁ କ୍ରୀସ୍ତ ଖେଣ୍ଡେ ଖାନାଣି ଅଡ଼େ ମାରୁ ତାନିତଲେ କୁଡ଼ା ଆନାଣି ତାକି ମିଙ୍ଗେ ବାଡ଼ିମାଲି ମାଞ୍ଜାନମି ।

୨ ପ୍ରବୁତି ଦିନା ଏଗାଞ୍ଜାଡ଼େୟିଏ ଇଞ୍ଜିହୁ ମୀ ଏନି ଜୀସୁ କି ବଲୁ କି ମା ତାଣାଟି ରାସ୍ତକି ଆହାମାନେ ଇଞ୍ଜା ଅଣ୍ଡାପାନା ଆମିନି ଆକୁ ତଲେ ଗାଡ଼େକେଏ ଗୁରା ଆଆବୁ କି କିଲିବିଲି ଆଆବୁ ।

୩ ଆମ୍ବାଆସି ଏନିକିହୁ ଜିକେଏ ମିଙ୍ଗେ ନାଡ଼ି କିୟାଆପେସି, ଏନାଆଁତାକି ଇତିହାସ ମୁଲୁଏ ଦାମ୍ଭୁ ବିତ୍ତା ଗଡ଼ହା ଆନ୍ଦେ, ଅଡ଼େ ନାସାକିନି ଦାମ୍ଭୁ ହିଲ୍ଲଆ ମାଣସି ତଞ୍ଜା ଆନାୟି ମାନେ, ଆଆତ ପ୍ରବୁତି ଦିନା ଖାଏ ।

୪ ଇଝାସି ଏ ଦାମ୍ଭୁ ହିଲ୍ଲଆଗାଟି ମାଣସି ପୁଜା ବେଟାଆହିମାନି ପେଣ୍ଡକା କି ମାହାପୁରୁ କପାଟି ନିଜିନ୍ଦେସି ଅଡ଼େ ବାରେତି କିହା ଜାହାରାଈ ହାରେକା ଗାଝୁରମି କିହାକଡ଼ିନ୍ଦେସି, ଇଲେକିହୁ ମାହାପୁରୁତି ଇଲୁତା ଜିକେଏ କୁଗାନା ଏଝାସି ନାନୁ ମାହାପୁରୁତେଏ ଇନ୍ଦେସି ।

୫ ମାରୁ ଏଦାଆଁ ଅଣ୍ଡାସି ହିଲ୍ଲଅଡ଼େରି କି ? ନାନୁ ମୀ ତଲେ ମାଟିବେଲା ମିଙ୍ଗେ ଈ ବାରେ କାତା ଖେସାମାଞ୍ଜାତେଏ ।

୬ ତାରିକିହା ମାନି ଦିନା ଏଝାସି ତଞ୍ଜାଆନ୍ଦେସି, ଆଡ଼ିଜିକେଏ ତାନୁ ଖାନାଣି ଏନାୟି ଆଜିମାନେ ଏଦାଆଁ ମୀରୁ ପୁଞ୍ଜାମାଞ୍ଜେରି ।

୭ ଏ ପାପୁତା ତୁଗ୍ଗାମାନି ବାଡ଼ୁରୁ ନାଏଁ ଜିକେଏ କାମା କିହିମାନେ, ସାମା ଏନାୟି ଆନାୟି ମାନେ ଏ ଆକ୍ଫା ମାନାସି ଗୁରା ଆଆପାତେକା ଖାଏ ।

୮ ଏତିବେଲା ଲାଗେଏତି ଜୀସୁଗାଟି ମାଣସି ତଞ୍ଜାଆନ୍ଦେସି, ଏଝାଣାଈ ପ୍ରବୁ ଜୀସୁ ଗୁଡ଼ିଟି ହନି ଉକଅଡ଼ି ତଲେ ପାୟିନ୍ଦେସି ଇଞ୍ଜା ତାନୁ ଖେଣ୍ଡେ ଖାନାଟି ତଞ୍ଜାଆନି ଉଜେଡ଼ି ତଲେ ନାସା କିନ୍ଦେସି ।

୯ ସୟତାନତି ବାଡ଼ୁରୁ ହାପକି ଆହାମାନି ଲେହେ ବାରେଲେହେତି ମିତିତି ବାଡ଼ୁରୁ, ସିନା ଇଞ୍ଜା କାବାଆନି କାମା, ଅଡ଼େ ନାସା ଆହିମାନି ଲକୁତାଣା ବାରେଲେହେତି ଦାମ୍ଭୁ ନାଡ଼ି କିନାଆଁ ତଲେ ଲାଗେଏତି ମାଣସି ଖାନ୍ଦେସି,

୧୦ ଇଞ୍ଜା ନାସା ଆନାରାଇଁ ବାରେଲେହେତି ଲାଗେଏ ଗାଟି ନାଡ଼ିକିନି କାମା କିନ୍ଦେସି, ଏନାଆଁତାକି ଇତିହାସ ଗେଲ୍ପିଆୟାଲି ସାତାତି ଜୀସୁ ନଆନା ଅପାଆଗାଟାରି ନାସା ଆନ୍ଦେରି ।

୧୧ ଇଦାଆଁତାକି ଏଝାରି ଏନିକି ମିତିତାଣି ନାମିନ୍ଦେରି, ଏଦାଆଁତାକି ମାହାପୁରୁ ଏଝାରିତାଣା ନାଡ଼ିକିନି ବାଡ଼ୁରୁ ପାଣ୍ଡାମାଞ୍ଜାନ୍ଦେସି ।

୧୨ ଏନିକିହୁ ଆମ୍ବାଆସି ସାତାତି ନାମାଆନା ଦାମ୍ଭୁ ହିଲ୍ଲଆଗାଟି ତାଣା ରାହାଁ ଆହାମାନେରି, ଏଝାରି ବାରେଜାଣା ତଣ୍ଡ ବେଟାଆନ୍ଦେରି ।

ଗେଲ୍ପିଆୟାଲି ହାଟୁକି ଆହାମାଞ୍ଜେରି

୧୩ ମା ପ୍ରବୁତି ଜୀସୁତି ତାୟିୟା ଅଡ଼େ ତାଜିସ୍ତାତେରି, ମିଙ୍ଗେତାକି ବାରେଦିନା ମାହାପୁରୁଈ ଜହରା କିନାୟି ମା କାମା, ଏନାଆଁତାକି ଇତିହାସ ମାହାପୁରୁ ଜୀସୁତି ସୁଦୁ ଇଞ୍ଜା ସାତାତି ନାମୁତଲେ ଗେଲ୍ପି ଆହାଲି ମିଙ୍ଗେ ମୁଲୁତି ପାଡ଼େୟିଲେଁ ବାଟି କିହାମାଞ୍ଜାନ୍ଦେସି ।

୧୪ ଏଦାଆଁତାକି ଜିକେଏ ଏଝାସି, ମାମ୍ମୁ ଝେକହାମାନି ନେହଁ କାତୁତଲେ ମା ପ୍ରବୁ ଜୀସୁ କ୍ରୀସ୍ତତି ଗାଝୁରମି ବେଟାଆହାଲି ମିଜେ ହାଟାମାଞ୍ଜାନେସି ।

୧୫ ଏଲେଆହଁ ଏ ଏ ମା ତାୟିୟାଁ ଅଡେ ତାଜିୟାତେରି ତୀରିଆହଁ ମାଞ୍ଜୁ, ଅଡେ ମାମ୍ମୁ ଝେସ୍ତାତି ବଲୁ କି ଆକୁ ତଲେ ମୀରୁ ଏନାଆଁ ଜାପାମାଞ୍ଜେରି, ଏଦାଆଁ ଜାଣ୍ଡେ ଆର୍ଯା ମାଞ୍ଜୁ ।

୧୬ ମା ପ୍ରବୁ ଜୀସୁ କ୍ରୀସ୍ତ ତାନୁଏ ଅଡେ ମା ଆବା ମାହାପୁରୁ ଅଡେ ମାଜେ ଜୀଝୁନହଁନା ତାନି କାର୍ମାଟି କାଲ୍ଲକାଲ୍ଲତି ସାସା ଅଡେ ନେହଁ ବାର୍ସୁ ହାହାମାଞ୍ଜାନେସି ।

୧୭ ଏଝାସି ତାନୁଏ ମୀ ହିୟାଁ ସୁସି ହାହାଁ ମିଜେ ବାରେଲେହେଁତି ନେହଁ କାମା ଇଞ୍ଜାଁ ବଲୁତା ତାରିକିୟାପେସି ।

୩

ମା ତାକି ପ୍ରାତାନା କିଦୁ

୧ ବାରେତି ତାମ୍ମୁ, ଏ ମା ତାୟିୟାଁ ଅଡେ ତାଜିୟାତେରି ମାଜେ ତାକି ପ୍ରାତାନା କିଦୁ, ଏନିକଁ ପ୍ରବୁତି ନେହଁ ବଲୁ ମୀ ତାଣା ଆଡି ଲେହେଁ ବାରେଖାକି ଝେଜ୍ଜା ହାଜାନା ଗାଝୁରମି ପାଣ୍ଡନେ,

୨ ଅଡେ ଏନିକଁ ମାମ୍ମୁ ବୁଦି ହିଲାଆ ଗାଟାରି ଅଡେ ଦହ୍‌ଗାଟାରି ତାଣାଟି ଗେଲପି ଆନମି, ଏନାଆଁତାକି ଇଚିହଁ ବାରେ ତାଣା ନେହଁ ବଲୁ ନାମା ହିଲଅରି ।

୩ ସାମା ପ୍ରବୁ ଟିକାଣାତାସି, ଏଝାସି ମିଜେ ତୀରି କିହାନା ଲାଗେଏ ପଲେଏ ତାଣାଟି ଗେଲପାନେସି ।

୪ ମାମ୍ମୁ ମିଜେ ଏନିକଁ ହୁକୁମି ହାହିମାଞ୍ଜାନମି, ଏ ବାରେ ମୀରୁ କିହିମାଞ୍ଜେରି, ଅଡେ କିଦେରି, ଇଦି ମୀ ତାକି ପ୍ରବୁ ତାଣା ମା ଆଡ଼ଝା ନାମୁ ମାନେ ।

୫ ଅଡେ ପ୍ରବୁ ମୀ ହିୟାଁତି ମାହାପୁରୁତି ଜୀଝୁ ନନାଣି ଇଞ୍ଜାଁ କ୍ରୀସ୍ତତି ସାସା ବେଟାଆହାଲି ସାୟେମି କିୟାପେସି ।

ବାରେଜାଣା କାମା କିନାୟିମାନେ

୬ ଏ ମା ତାୟିୟାଁ ଅଡେ ତାଜିୟାତେରି, ମାମ୍ମୁ ପ୍ରବୁ ଜୀସୁ କ୍ରୀସ୍ତତି ଦରୁତଲେ ମାମ୍ମୁ ମିଜେ ଇ ହୁକୁମି ହାହିମାଞ୍ଜାନମି, ଆମିନି ତାୟି ମା ତାଣାଟି ଜାପାମାନିଲେହେଁ ମାଣ୍ଡକିତା ମାନାଆନା ନିସ୍ତା ତଲେ ନୀତିନେସି, ଏଝାଣି ତାଣାଟି ଜାହା ଜାହାରାଇଁ ଏଡ଼କା କିଦୁ ।

୭ ଇଚିହଁ ମାମ୍ମୁ ଏନିକଁ କିହି ମାତମି ଏଲେକଁ ମୀରୁଝା କିନାୟିମାନେ, ଏଦାଆଁ ମୀରୁ ମୀରୁଏ ନେହଁକଁ ପୁଞ୍ଜାମାଞ୍ଜେରି, ଏନିକଁ ମାମ୍ମୁ ମୀ ତାଣା ନିସ୍ତା ତଲେ ନୀତି ହିଲାଆତମି ।

୮ ମାମ୍ମୁ ଉଜେଏ ଆମ୍ବାଆରି ରାନ୍ଦା ତିଞ୍ଜି ହିଲାଆତମି, ସାମା ମିଜେ ବଲୁ ଆଆପେଖା ଇଞ୍ଜାଁ ଲାଆଁ ମାଦେନା ଝାହୁରାଡ଼ା ଅଡେ କସ୍ତତଲେ କାମା କିହି ମାତମି;

୯ ମୀ ତାଣାଟି ଏନାଆଁ ବେଟାଆହାଲି ମା ଅଦିକାରା ହିଲେଏ, ଏଡି ଆଏ, ସାମା ଏନିକଁ ମୀରୁ, ମାମ୍ମୁ କିହିମାଟିଲେହେଁ କିଦେରି; ଇଦାଆଁତାକି ମାମ୍ମୁ ମୀ ନକିତା ଜାହାରାଇଁ ନେହଁ ମାଣ୍ଡକି ତସାଲି ତାକି ଏଲେକିତମି ।

୧୦ ଇଚିହଁ ମୀ ତଲେ ମାମ୍ମୁ ମାଟାଟି ମିଜେ ଇ ହୁକୁମି ହିୟାତମି, “ଆମ୍ବାଆସି କାମା କିହାଲି ମନ କିଅସି, ଏଝାସି ରାନ୍ଦା ଜିକେଏ ତିନାଆପେସି ।”

୧୧ ଇଚିହଁ ମୀ ତାଣା ଏଡେକା ଲକୁ ନିସ୍ତା ତଲେ ନୀତିମାଞ୍ଜେରି ଇଞ୍ଜାଁ ଏଝାରି ଏନି କାମା କିଆନା ଉଜେ ଉଜେଏ ଏଡ଼କା ଲକୁତି କାତା ଅଣ୍ଡିମାନେରି, ଇଞ୍ଜାଁ ମାମ୍ମୁ ଝେଞ୍ଜାମାନମି ।

୧୨ ଇଲେତାରାଇଁ ନେହଁ ଆହଁ ନୀତାଲି ଅଡେ ତାମି ରାନ୍ଦା ତାମ୍ମୁ ନେହଁ ଅଣ୍ଡପୁ ତଲେ କାମା କିହାଲି, ମାମ୍ମୁ ଜୀସୁ କ୍ରୀସ୍ତ ଦରୁତଲେ ସେଡନା ଅଡେ ହୁକୁମି ହାହିମାଞ୍ଜାନମି ।

୧୩ ସାମା ଏ ମା ତାୟିୟାଁ ଅଡେ ତାଜିୟାତେରି ମୀରୁ ନେହଁ କାମା କିୟାଲି ଏଡେଲାଝା ଝାହାଆଦୁ ।

୧୪ ଇ ଆକୁତା ମାମ୍ମୁ ରାଟାମାନାଣି ଆମ୍ବାଆସି ମାନଝି ଆଅସି, ଏଝାଣାଇଁ ଗୁରି କିଦୁ, ଅଡେ ଏଝାସି ଏନିକଁ ଲାଜା ବେଟା ଆନେସି, ଏଦାଣିତାକି ଏଝାଣିତଲେ ଆଣ୍ଡାଆଦୁ;

୧୫ ଆଡିଜିକେଏ ଏଝାଣାଇଁ ସାତୁ ଲେହେଁ ମେହ୍‌ଆଦୁ, ସାମା ଏଝାଣାଇଁ ତାୟିଲେହେଁ ମେସାନା ସେଡନା ହାଦୁ ।

ଆକୁତି ରାପ୍‌ନି କାତା

^{୧୬} ହିତ୍ତୁଡ଼ି ଜୀବୁହାନି ପ୍ରବୁ ତାନୁଏ, ବାରେବେଲା ଅଡ଼େ ବାରେ ଖାକିଟି ମିଙ୍ଗେ ହିତ୍ତୁ ହିୟାପେସି । ପ୍ରବୁ ମୀ ବାରେଜାଣା ତଲେ ମାନାପେସି ।

^{୧୭} ନାନୁ ପାଞ୍ଜୁଲତେଏଁ, ନା କେୟୁତଲେ ରାଚାନା ଜୀବୁଡ଼ି ଜହରା କିହିମାଞ୍ଜାଇଁ; ନା ବାରେ ଆକୁତା ନା ସିନା ହାନି ଲେହେଁ ରାଡ଼ିମାଞ୍ଜାଇଁ, ନା ରାଡ଼ିନାୟି ଏଲେତାୟି ।

^{୧୮} ମା ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ବାରେତେରି ମିଙ୍ଗେ ଆୟାପେ ।

ତୀମଥୁକ ନିକଟକୁ ପାଉଲଙ୍କ ପ୍ରଥମ ପତ୍ର ତିମତି ତାଣା ପାଞ୍ଚଲ ରାଡ଼ାମାନି ର ଲମ୍ବର ଆକୁ ମୁକୁ ହାଡ଼ା

ମୁକୁ ପତି ତିମତି ର ଲମ୍ବର ଆକୁ, ପାଣ୍ଡୁଆତି ପାଞ୍ଚଲ ତାଣାଟି ତାନି ସୀସୁ ତିମତିକି ରାସ୍ତିକ ଆହାମାନେ । ଜୀସୁ କ୍ରୀସ୍ତ ଜାର୍ନାଆତି ୭୧-୭୪ ବାର୍ଯା ତାୟୁ ର ଲମ୍ବର ତିମତି ରାସ୍ତିକ ଆହାମାନେ । ଇଦି ପାଞ୍ଚଲତି ଜୀସୁ ରାନି ବେଲୀତା ରାସ୍ତିକ ଆହାମାନେ । ପାଞ୍ଚଲ ତିମତି ତଲେ ହାରେକା ଜୀସୁ ମାରେସି, ଏଞ୍ଜାସି ହାରେକା ଦେବା ତିମତିକି ମାର୍ଦ୍ଦସି ଇଞ୍ଜି ଇଞ୍ଜା ମାନେସି ପିଲପି ୨:୨୨; ୧ତିମ ୧:୨, ୧:୧୮ ।

ଇଦି ପାଞ୍ଚଲ ରାଡ଼ାମାନି ସାରିଗଟା ଆକୁ ବିତ୍ରାଟି କୁଲମିତି ପିସାନା ର ମାଣସିକ୍ ଖେସିମାନେ । ଅଡ଼େ ତାନିଗଟା ଆକୁ ତିମତି ରା ଲମ୍ବର ଆକୁ, ତିତସ, ଅଡ଼େ ପିଲମନ । ର ଲମ୍ବର ତିମତିତା କୁଲମିତି ହାରେକା ପ୍ରାଡ଼ାନା କିନି ମୋରାତି କାତା ୨:୧-୧୫, କୁଲମିତି କାଜା ଲକୁତି ଜଗେତି କାତା ୩:୧-୧୩ଅଡ଼େ ମିତି ଜୀପୁନାରି କାତାତା ଜାଗ୍ରାତା କିନି କାତା ରାସ୍ତିକ ଆହାମାନେ ୧:୩-୧୧; ୪:୧-୫; ୬:୨-୫ । ପାଞ୍ଚଲ ତିମତିକି ଏନିକିହି କୁଲମିତି ନେହି ସାଲୁଖି କିନାସି ଆହାଲି ଜୀପୁହି ମାରେସି ଏ କାତା ରାସ୍ତିକ ଆହାମାନେ ।

ତିମତି ର ଲମ୍ବର ଆକୁତା ହାରେକା ପାଣା ପାପୁୟା ମାନୁ, ଏଞ୍ଜି କୁଲମିତି ସାଲୁଖି କିନାରାଇଁ ନୀଞ୍ଜୁ ଓଏତି କୁଲମିକାଣି ନେହି କି ଜାଡ଼ନୁ କିହାଲି ସାୟେମି କିନୁ ।

ପତିତା ମାନାସି

- ୧. ପାଞ୍ଚଲ ତିମତିକି ଜହରା କିହାଁ ମାଡ଼ନାସି । ୧:୧-୨
- ୨. ପାଞ୍ଚଲ ତିମତିକି ମିତି ଜୀପୁନାରି କାତାତା ଜାଗ୍ରାତା କିନାସି । ୧:୩-୧୧
- ୩. ପାଞ୍ଚଲ କ୍ରୀସ୍ତ ତାକି ଏତେକା ନେହି ତସାମାନେସି ଏଦାଆଁ ଖେସାନା ଆକୁତି ରାଡ଼ିନାସି । ୧:୧୨-୧୯
- ୪. ପାଞ୍ଚଲ ତିମତିକି ପ୍ରାଡ଼ାନାତି ପାଣାପାପୁ ଅଡ଼େ ସାଲୁଖି କିନାରି କାତା ଜୀପୁହାମାନେସି । ୨-୩
- ୫. ପାଞ୍ଚଲ ତିମତିକି ଏତେକା ତାୟୁତି କାତା ଖେସାନା ଆକୁ ରାଡ଼ିନାଣି ରାପୁନାସି । ୪-୬

୧ ନାନୁ ପାଞ୍ଚଲ, ମା ଗେଲ୍ପାନି ମାହାପୁରୁ ଅଡ଼େ ବାର୍ଯୁ ହାନି କ୍ରୀସ୍ତ ଜୀସୁ ହୁକୁମି ତଲେ ପାଣ୍ଡୁ ଆହାମାନାତେସି ।

୨ ନାନୁତା ନା ଦାମୁତି ଜୀସୁତି ମାର୍ଦ୍ଦଶାତି ତିମତି; ଆବା ମାହାପୁରୁ ମା ପ୍ରବୁ ଜୀସୁ କ୍ରୀସ୍ତ ତାଣାଟି ଜୀସୁନନାସି କାର୍ମାମୋହନାସି ଅଡ଼େ ହିଡ଼ି ନିଜେତାକି ଆୟାପେ ।

ମିତି ଜୀପୁନାରି ତାଣାଟି ଜାଗ୍ରାତା

୩ ନାନୁ ମାକିଦନିୟାତା ହାଜିମାଗାଟି ମିଜେ ଖେସାମାଞ୍ଜାତି ଲେହେଁ, ନାନୁ ଏପିସିୟ ଗାଡ଼ାତା ତୟାମୁ ଏମ୍ବାଆଁ ଏତରଜାଣା ଲାଗେଏତି କାତା ଜୀପୁହିମାନେରି ଏମ୍ବାଟି ଏଞ୍ଜାରାଇଁ କାହି କିମୁ,

୪ କହୁୟାଁ ଇଞ୍ଜା ରାଆଗାଟି ଆକୁ ଆବାର୍ଯା ଦରକାଣି ଆହୁଆପେରି ଇଞ୍ଜି ଏଞ୍ଜାରାଇଁ ଖେହ୍ମୁ, ଏ ବାରେ ନାନୁ ତାକି ମାହାପୁରୁତି କାମାତାକି ଆଆନା ସାମା ବାଦିବାଦା କିଞ୍ଜିନେ ।

୫ ପୁଦୁ ହିୟାଁ, ନେହି ଅଣପୁ ଅଡ଼େ କୁଟୁ ହିଲୀଆ ନାନୁଟି ହିଡ଼ିମାନି ଜୀସୁ ନନାଣି ଜାଗ୍ରାତା କିହାଲିତାକି ନାନୁ ଇ ହୁକୁମି ହାସିମାଞ୍ଜା ।

୬ ଏତରଜାଣା ଇ ବାରେ କାତାଟି ବାଣା ଆହାନା ଉଜେଏତି କାତା ଆସାନା ଏଟକା ଜିରୁ ହାଜିମାନେରି;

୭ ଏଞ୍ଜାରି ମୋରା ଜୀପୁନାତମି ଇଞ୍ଜି ଅଣପିନେରି, ସାମା ଏଞ୍ଜାରି ଏନାଆଁ ଖେହ୍ନେରି, ଅଡ଼େ ଏନାଆଁ ଜାଣେନାଜା ଜୀପୁନେରି, ଏଦାଆଁ ତାମୁସୁ ତେଲୁହଅସି ।

୮ ମାନୁ ପୁଞ୍ଜାମାନମି; ମୋରାତି ନେହି କି ଲେମ୍ବିସାରେ, ଏଦି ନେହେଁ ।

୯ ସାମା ମୋରା ଦାମୁଗାଟି ଲକୁତାକି କିଞ୍ଜିଆଆନା, ଜାହାରା ମନ, ଅଡ଼େ ମାନୁଞ୍ଜି ଆଆଗାଗାରି, ଦାମୁ ହିଲୀଆ ଗାଗାରି, ଅଡ଼େ ପାପୁ ଗାଗାରି, ଲାଗେଏତାରି, ଦାମୁତି ନାମାଆଗାଗାରି, ତାଲି ତାଞ୍ଜିକି ପାୟିନାରି, ଲକୁଣି ପାୟିନାରି,

* ୧:୨ କାମା ୧୭:୧

୧୦ ଦାରି କିନାରି, ଆବା ଆବାୟା ଦହ କିଞ୍ଚିଆନାରି, ଲକ୍ଷ୍ମଣି ପାର୍ବନାରି, ମିତି ସାକି ହୀନାରି, ଅଡ଼େ ମିତି କାତାତାକି ପାର୍ବନାଣା କିନାରାକି, ଅଡ଼େ ଆମ୍ବାଆରି ନେହଁ ଜାପ୍ପନାଣି, ତାକି ନିଜ୍ଜନେରି, ଏଦାଆଁତାକି ମେରା ମାନୁଞ୍ଚି ଆଆଗାଗାରାକି ହୀପ୍ପକି ଆହାମାନେ,

୧୧ ଛଦି ନା ତାଣା ହେରୁପି ଆହାମାନାୟି ହାଡ଼େକା ନେହେଁ ମାହାପୁରୁତି ଗାଞ୍ଜୁରମିଗାତି ନେହଁ କାବୁତି ଜାପ୍ପନି ଲେହେଁ ଆନେ ।

ମାହାପୁରୁତି କାର୍ମା ତାକି ଜହରା

୧୨ ନାଜେ କାମାତା ବାଡ଼ୁୟୁ ହୀହାମାଞ୍ଜାନି ମା ପୁରୁ କ୍ରୀସୁ ଜୀସୁଇଁ ଜହରା କିହିମାଇଁ, ଏନାଆଁତାକି ଛତିହଁ ନାଜେ ଏଞ୍ଚାସି ମାନିଗାଗାତି ଇଞ୍ଜୁଁ ଅଣ୍ଡାପାନା ସେବା କାମା ହେରୁପା ମାଞ୍ଜାନେସି ।

୧୩ *ଆଡ଼ିଜିକେଏ ତଲି ନାନୁ ଜୀସୁଇଁ ନିନ୍ଦା କିନାତେସଁ, ତଣ୍ଡୁ ହୀନାତେସଁ, ଅଡ଼େ ଲାଗେଏ କିନାତେସଁ ମାତେସଁ; ସାମା ନାନୁ ନାମା ହିଲାଆତାକି ବୁଦି ହିଲାଆଲେହେଁ ଏଦାଆଁ କିହିମାତେସଁ ଇଞ୍ଜୁଁ କାର୍ମା ବେଗାଆଡ଼େସଁ;

୧୪ ଅଡ଼େ ମା ପୁରୁତି କାର୍ମା କ୍ରୀସୁ ଜୀସୁ ତାଣାତି ନାନୁ ଅଡ଼େ ଜୀଞ୍ଜୁ ନନି ତାଣାତି ନାଜେତାକି ହାଡ଼େକା ଆୟାତେ ।

୧୫ ପାପୁ ଗାଟାରାଇଁ ଗେଲ୍ପାଲିତାକି କ୍ରୀସୁ ଜୀସୁ ଦାରଡ଼ିତା ଝାଡ଼େସି, ଛ ବଲ୍ଲୁ ସାତା ଅଡ଼େ ବାରେଞ୍ଚାକି ଆବିନାୟି ଅଡ଼େ ନାନିନାୟି; ଏ ପାପୁ ଗାଟାରି ବିଦ୍ରାତି ନାନୁ ବାରେକିହାଁ କାଜା ପାପୁ ଗାଟାତେସଁ

୧୬ ଆଡ଼ିଜିକେଏ ଆମିନି ଗାଟାରି ଝାହୁମାନି ଦିନାତା କାଲାକାଲାତି ଜୀଞ୍ଜୁ ବେଗାଆହାଲି ଜୀସୁ କ୍ରୀସୁ ତାଣା ନାନିନେରି, ଏଞ୍ଚାରି ନକିତା ତସ୍ପି ଆହାଲି ନାନୁ ର କାଜା ପାପୁ ଗାଟାତେସଁ, ନା ତାଣା ଏଞ୍ଚାସି ଏନିକିଁ ତାନି କାଲେଏତି ଅରୁହିନାୟି ତହୁନେସି ଏଦାଆଁତାକି ନାନୁ କାର୍ମା ବେଗା ଆଡ଼େସଁ ।

୧୭ ଏବେଲାଞ୍ଚା ନାସା ଆଆଗାଗାୟି ଇଞ୍ଜାଁ ତଞ୍ଜାଆଆଗାତି ରଣ୍ଡିଏ ମାହାପୁରୁ ଆମ୍ବାଆସି କାଲାକାଲାତି ରାଜା ଏଞ୍ଚାଣାକି ମାନି ଅଡ଼େ ଗାଞ୍ଜୁରମି କାଲାକାଲା ତାକି ଆପେ । ଆନେମ୍ ।

୧୮ ତିମତି, ନା ମୀରୁଏଣାତି, ନିଜେତାକି ତଲି ଝେସିମାଞ୍ଜାତି ଲେହେଁ ନାନୁ ନିଜେ ଛ ହୁକୁମି ହୀହିମାଞ୍ଜାଇଁ, ଏନିକିଁ ନାନୁ ଛ ବାରେ କାତାତଲେ ନେହଁ ଜୁଜୁ କିହାଲି ଆଡ଼ିଦି ।

୧୯ ଦାମ୍ପୁ ଅଡ଼େ ନାମୁ ନେହଁ ଅଣ୍ଡୁ ଆହୁମ୍; ଏଦାଆଁ ପିସା ମାନାକି ଏତରଜାଣାତି ନାନୁ ଲେହେଁତି ଜାଜା ତୀହା ହାଜାମାନେ,

୨୦ ଏଞ୍ଚାରି ବିଦ୍ରାତି ହୁମାନାୟି, ଅଡ଼େ ଆଲେକଜାଣ୍ଡାର ମାନେରି, ଏଦାଆଁତାକି ନାନୁ ଏଞ୍ଚାରାଇଁ ସୟତାନ କେୟୁତା ହେରୁପିତେସଁ, ଏନିକିଁ ଛ ରିଆରି ପାଣା ବେଗାଆହାନା ମାହାପୁରୁଇଁ ନିନ୍ଦା କିଅରି ।

9

କୁଲମିତା ପାଣାପାବୁ

୧ ଛଦାଆଁତାକି ନା ବାଡ଼ିମାଲିନାୟି ମାହାପୁରୁଇଁ ଜହରା କିନି ବେଲାତା, ଦେସାତି ପାଣାଗାଗାରି,

୨ ଏଦାଆଁତାକି ବାରେ ଲକ୍ଷ୍ମଣାକି ରାଜାୟାଁ ସାଲ୍ଲୁଞ୍ଚି କିନାରି, ବାରେତାକି ପ୍ରାତାନା, ଗହାରା ଅଡ଼େ ଜହରା କିଦୁ, ମାର ଏନିକିଁ ମାହାପୁରୁ ଆଜିତଲେ କିଲିବିଲି ଆଆନା ଡ଼ୟିନାୟି ଅଡ଼େ ଏଟ୍ଟକା ଲକ୍ଷ୍ମ ତାଣା ନେହଁ ମାଣ୍ଡକି ମାଞ୍ଜାନା ସୁକୁ ଅଡ଼େ ହିଡ଼ଡ଼ ତଲେ ନୀତାଲି ଆଡ଼ିନାୟି ।

୩ ଇଲେତି ପ୍ରାତାନା ମା ଗେଲ୍ପାପାନି ମାହାପୁରୁ ନକିତା ଲଡ଼ା ଆନାୟି ଅଡ଼େ ଅପିନାୟି ଆନେ ।

୪ ବାରେଜାଣା ଏନିକିଁ ଗେଲ୍ପାଆନାଣି ଅଡ଼େ ସାତାତି ବୁଦି ବେଗାଆନେରି ଇଞ୍ଜୁଁ ଏଞ୍ଚାସି ଅଣ୍ଡପି ମାନେସି ।

୫ ଛତିହଁ ରଣ୍ଡିଏ ମାହାପୁରୁ ମାନେସି, ଅଡ଼େ ମାହାପୁରୁ ଇଞ୍ଜାଁ ମାଣ୍ଡିୟାଁ, ମାଦିତି ମାଣ୍ଡିୟାଁ ରଅସିଏ ମାନେସି, ଏଞ୍ଚାସି ଜୀସୁ କ୍ରୀସୁ, ର ମାଣ୍ଡିୟାଁ ।

୬ ଏଞ୍ଚାସି ମାଣ୍ଡିୟାଁ ଗେଲ୍ପାଲିତାକି ତାନୁଏ ହେରୁପି ଆଡ଼େସି, ଛଦାଆଁତାକି ସମାନା ବେଲାତା ତଞ୍ଜାଆହାନା, ମାହାପୁରୁ ବାରେ ମାଣ୍ଡିୟାଁଇଁ ଗେଲ୍ପାଲି ଅଣ୍ଡପି ମାନେସି ଛଦାଆଁ ସାକି ହୀହାମାନେସି ।

୭ *ଏଦାଆଁତାକି ନାନୁ ର ନେହଁ କାବୁ ଝେକ୍ନାତେସଁ, ପାଣ୍ଡି ଆହାମାନାତେସଁ, ଇଞ୍ଜାଁ ନାମୁ ଅଡ଼େ ସାତାତା ଏଟ୍ଟକା କୁଡ଼ାତି ଲକ୍ଷ୍ମ ତାଣା ଜାପ୍ପନାତେସଁ ଆୟାଲି ମାହାପୁରୁ ନାଜେ ଆଗାମାଞ୍ଜାତେସି, ନାନୁ ସାତା ଝେସିମାଞ୍ଜାଇଁ ନାନୁ ମିତି ଝେସିମାଞ୍ଜାଅଁ ।

୮ ଏଦାଆଁତାକି ନା ଅଣ୍ଟାପୁ ବାରେକାଣା ଆବାୟାଁ କୃତା ଆନାଟି, ସୁଦୁ ଅଣ୍ଟାପୁ ତଲେ କେୟା ପେରହାନା, କପା ଇଞ୍ଜା ତାହାରା ଆଆନା, ପ୍ରାଡାନା କିପାରି ।

୯ ଏଲେକିହିଁ ଏ ଇୟାସିକା ଜିକେଏ ଚାୟାଁ ଅଢ଼ି କିହାନା, ଅଡ଼େ ବାଂଗାରା ସାଜୁ ତୁରଆନା, କି ଦାରାଗାଟି ହିମ୍ବରିକା ତଲେ ତାମ୍ବୁ ଡ୍ରାମ୍ବଙ୍ଗେ ଅଢ଼ି କିହାକତାଆନା, ମାନି ଅଡ଼େ ନେହଁ ବୁଦିତଲେ ଉଣା ଦାରାଟି ହିମ୍ବରିକା ହୁଗାନା,

୧୦ ଦାମ୍ବୁଗାଟି ଇୟାସିକା ରାହାଁ ଅଣ୍ଟାପୁଟି ନେହଁ କାମାତି ଅଜୁତା ତାମ୍ବୁ ଡ୍ରାମ୍ବଙ୍ଗେ ଅଢ଼ି କିହା କତାପୁ ।

୧୧ ଇୟାସିକା ପାଲେଏ ମାଞ୍ଜାନା ସୁଦୁଗାଟି ଅଣ୍ଟାପୁ ତଲେ ଜାପାପୁ ।

୧୨ ନାନୁ ଇୟାସିକାଣି ଜାପୁହାଲି କି ଆବାୟାଁ ମୁହେଁ ସାଲୁଝି କିହାଲି ହେଲ ହାହି ହିଲଅଁ, ସାମା ଏଢ଼ି ପାଲେଏ ମାନାପୁ ।

୧୩ ଏନିଇତିହିଁ ମାହାପୁରୁ ନକେଏ ଆଦମଇଁ ଗାଡ଼ିକିତେସି ଅଡ଼େ ତାୟୁ ହବାଇଁ

୧୪ ଅଡ଼େ ଆଦମ ନାଡ଼ିକିଝି ଆହା ହିଲାଆତେସି, ସାମା ଇୟା ନାଡ଼ିକିଝି ଆହାନା ମାହାପୁରୁଟି ମେରାଟି ଦହ ଗାଗାୟି ଆଡେ;

୧୫ ସାମା ଇୟାସିକା ତାମ୍ବଙ୍ଗେ ଉଣା କିହାଁ କତାନା ନାମୁତଲେ ଜୀଝୁ ନଝିଆହାନା, ସୁଦୁଜୀଝୁ ତଲେ ମାଞ୍ଜାନା କକାରି ପଦାଁ ଜାନି କିହାନା ଗେଲପି ଆନୁ ।

୩

କୁଲମିତି କାଜାରି

୧ ଇ କାତା ସାତା, ଆମ୍ବାଆସି କ୍ରୀସ୍ତାନା କୁଲମିତା ଜାଡ଼ନୁ କିନି ପାଣା ବେଟାଆହାଲି ଅଣ୍ଟାପାଟିସାରେ, ଏଝାସି ନେହଁ କାମା କଇଁ ଇଞ୍ଜାଁ ଅଣ୍ଟାପିନେସି ।

୨ ଇଦାଆଁତାକି କୁଲମିତି କାଜାସି ଦହ ହିଲାଆଗାଟାସି ଆନାୟି ମାନେ, ରଣ୍ଡିଏ ତକ୍ତୁନି ତକ୍ରା, ଚିକାଣାତାସି, ନେହଁ ଅଣ୍ଟାପୁ ଗାଟାସି, ପୁନାଆତି ଗତାୟାଁଣି ସେବା କିନାସି, ଅଡ଼େ ନେହଁ କିଁ ଜାପୁନାସି ଆନାୟି ମାନେ ।

୩ ଅଡ଼େ କାଡ଼ ଗୁହନାସି କି ଗଡ଼ହା କିନାସି ଆଆନା, ସୁଦୁ ସୁଝାଲା, କପା ଇଟାଆଗାଟାସି, ଅଡ଼େ ଦନ ଜୁପକା ଗାଟାସି ଆଆୟି ମାନେ,

୪ ଏଝାସି ତାନି ଇଲୁ କୁଟମିତି ନେହଁ କିଁ ସାଲୁଝି କିନାସି, ଅଡ଼େ କକାରି ପଦାଁଣି ତୀରପୁତଲେ ଜାଡ଼ନୁ କିନାୟିମାନେ ।

୫ ଆମ୍ବାଆସି ତାନି ଇଲୁ କୁଟମିତି ନେହଁ କିଁ ଜାଡ଼ନୁ କିହାଲି ଆଡ଼ଅସି, ଏଝାସି ଏନିକିଁ ମାହାପୁରୁ କୁଲମିତି ଜାଡ଼ନୁ କିନେସି ?

୬ ଏଝାସି ପୁଝନି ନାମିତାସି ଆଆୟି ମାନେ, ଇଚିହିଁ ଏଡ଼େତା ପାଟେ ନାନୁ କାଜାତେଏଁ ଇଞ୍ଜାଁ ବଡ଼ପଣ ଆହାନା, ସୟତାନ ତଣ୍ଡ ପାଣିଲେହେଁ ତଣ୍ଡ ବେଟା ଆଡ଼ନେସି ।

୭ ଅଡ଼େ ଏଝାସି ନାମାଆଗାଟାଟି ତାଣ୍ଡାଟି ଜିକେଏ ମାନି ବେଟାଆନାୟି ମାନେ, ଆଆତ କିଁ ଲାଜା ବେଟାଆହାନା ସୟତାନ ପାନ୍ଦାତା ହେରନେସି ।

କୁଲମିତି ସାୟେମି କିନାରି

୮ ଏଲେକିହିଁ ଏ କୁଲମିତି ସେବା କିନାରି ନେହଁ ଅଣ୍ଟାପୁ ତଲେ ନାମୁତା ତୁଗୁମାନାଣି ଆସାନା ତାରିତଲେ ମାଞ୍ଜାନା ନାଡ଼ି କିନାସି ଆଆପେସି,

୯ କାଡ଼ ଗୁସିହିଁ ତୁୟିନାସି, ଉଜେଏତି ଦନତି ଜୁପକା ଆଆୟି ମାନେ

୧୦ ଏଝାରି ସେବା ପାଣା ପୁଝଆ ନକେଏ ଏଝାରି ତାୟିପାରି କିଝିଆପାରି, ଅଡ଼େ ଏଝାରିତାଣା ଏନି ଦହ ତଞ୍ଜା ଆଆତିହିଁ, କୁଲମିତି ସାୟେମି କିନାରି ଆଡ଼ପରି ।

୧୧ ଏଲେକିହିଁ ଏ ଏଝାରି ତକ୍ତୁସିକା ଜିକେଏ ନେହଁ ଗୁଣୁ ଗାଟାଇ* ଆହାନା ସାକ୍ତି ହିଲାଆଗାଟାଇ ଆହାନା ତୀରପୁ, ପାଲେଏ ମାଞ୍ଜାନା ବାରେ କାମା ଚିକାଣା ତଲେ କିପୁ ।

୧୨ ସେବା କିନାରି ରଣ୍ଡିଏ ତକ୍ତୁଟି ତକ୍ରା ଆଡ଼ପରି, ଅଡ଼େ ଏଝାସି ତାନି କକାରି ପଦାୟାଁଣି ଅଡ଼େ ତାନି ଇଲୁ କୁଟମିତି ନେହଁ କିଁ ସାଲୁଝି କିପେରି ।

* ୨:୯ ୧ପିତ ୩:୩ * ୩:୧୧ ଇୟାସିକା ସେବା କିନାଜ † ୩:୧୨ ରଣ୍ଡିଏ ବାହା ତକ୍ତୁ

୧୩ ଇତିହାସ ଆମିନି ଗାଗାରି ନେହୁକ ସେବା କାମା କିହାମାନେରି, ଏଞ୍ଜାରି କୁଲମିତା ମାନିଗାଗାରି ଇଞ୍ଜା ଝେଜିନେରି ଅଡ଼େ କ୍ରୀସ୍ତ ଜୀସୁ ତାଣା ନାମୁତା ହାରେକା ସାସା ବେଗାଆନେରି ।

ତୁରୀୟାମାନି କାଜା କାତା

୧୪ ଇ ଆକୁ ରାଡ଼ିନି ବେଲତା, ନାନୁ ନୀ ତାଣା ତବେ ଝାହାଲି ଆସା କିହିମାଜ୍;

୧୫ ସାମା ନା ଝାନାୟି ଝେଡ଼ା ଆତିହାସ, ମାହାପୁରୁ ଇଲୁ କୁଟମିତା ଇତିହାସ ସାତାତି ମୁଣ୍ଡା ଅଡ଼େ ପୁନାଦି ଲେହେଁ ଜୀସୁତି ମାହାପୁରୁ କୁଲମିତା, ଏନି ମାଣ୍ଡକିତା ମାନାୟି ମାନେ, ଏଦାଆଁ ନୀନୁ ଏନିକ ସୁଞ୍ଜାଲି ଆଡ଼ିଦି, ଇଦାଆଁତାକି ଇ ବାରେ କାତା ନାନୁ ରାଡ଼ିମାଞ୍ଜାଲ୍ ।

୧୬ ମାହାପୁରୁତି ଦାମୁତି ବାରେ କାତା ହାରେକା କାଜାୟି, ଇଦାଆଁ ବାରେ ଲକୁ ଝେକ୍ନେରି । ଏଦି ଇଦି, କ୍ରୀସ୍ତ ମାଣ୍ଡସି ଝାଣା ଆହାନା ତଞ୍ଜାଆଡେସି, ସୁଦୁଜୀସୁତା ଦାମୁଗାଗାସି ଇଞ୍ଜା ଝେଜିତେସି, ଦୂତୁୟା ତଲେ ତଞ୍ଜାଆଡେସି, ଏଡ଼କା ଲକୁତାଣା ଝେଜିତେସି, ଦାରୁତିତା ନାମୁଗାଗାସି ଆଡେସି, ଇଞ୍ଜା ମାହାପୁରୁ ଗାଝୁରମି ତଲେ ଲାକପୁରୁ ଅଞ୍ଜିଆଡେସି ।



ମିତି ଜାପୁନାରି

୧ ସୁଦୁଜୀସୁ ତୀରିତଲେ ଝେସିମାଞ୍ଜାନେ, ଜୁଗୁ ରାନ୍ତି ବେଲତା ଏତେକା ଲକୁ ଲାଗେଏତି ନାଡ଼ିକିନି ଜାପୁନି ତାଣାଟି କୁଲମିତି ନାମୁତି ହେକ ଆନେରି,

୨ ଏଞ୍ଜାରି ଏତରଜାଣା ନାଡ଼ିକିନାରି, ଏଞ୍ଜାରି ଅଣ୍ଡପୁ ହାତାୟି,

୩ ଏଞ୍ଜାରି ବାହା କିନାୟି ଅଡ଼େ ଏନି ଏନି କାଦି ତିନାୟି ଇଞ୍ଜା ନେହେଁଆଏ ଇଞ୍ଜିମାନେରି । ସାମା ଆମିନି କ୍ରୀସ୍ତଇ ନାମିତି ଲକୁ ସାତାତି ପୁଞ୍ଜାମାନେରି, ଏଞ୍ଜାରି ମାହାପୁରୁ ଗାଡ଼ିକିତି ବାରେ କାଦି ତାକି ଏଞ୍ଜାଣାଲ୍ ଜହରା କିହାନା ଏଦି ନେହାୟି ଇଞ୍ଜା ତିଞ୍ଜାଲି ଆଡ଼ିନେରି ।

୪ ଇତିହାସ ମାହାପୁରୁ ଗାଡ଼ିକିତି ଆସ୍ତି ବାରେ ନେହାୟି, ଇଞ୍ଜା ମାହାପୁରୁଇଁ ଜହରା କିତିସାରେ ଏନାୟି ଜିକେଏ ତିନାଆଗାଗାୟି ଆଏ ।

୫ ଏନାଆଁତାକି ଇତିହାସ ମାହାପୁରୁତି ବଲୁ ଅଡ଼େ ପ୍ରାତାନା ତଲେ ଏଦାଆଁ ସୁଦୁ କିଞ୍ଜିଆନେ ।

ଜୀସୁ କ୍ରୀସ୍ତତି ନେହୁ ସେବା କିନାସି

୬ ଇ ବାରେ କାତା ମୀରୁ ତାୟି ତାଜିଇଁ ଜାପୁହିସାରେ କ୍ରୀସ୍ତ ଜୀସୁତି ର ନେହୁ ସେବା କିନାତି ଆଡେରି, ଇଞ୍ଜା ମୀରୁ ଆମିନି ନାମୁ ଅଡ଼େ ନେହୁ କାତା ଆସାମାଞ୍ଜେରି, ଏଲେତି ବଲୁ ତଲେ ପାତା ଆଡେରି;

୭ ସାମା ଉଜେଏ ଝେହୁନି କାତାୟି ଝେନାଆନି, ମାହାପୁରୁଇଁ ଆଜାନା ନୀତାମାଞ୍ଜାଲି ଜାପାମୁ,

୮ ଇତିହାସ ଆଜାତି ପାତି କିନାୟି ଗାଡ଼େକା ତାକି ଲାବା ଆନେ, ସାମା ମାହାପୁରୁଇଁ ଆଜିନାୟି ଇ କାଲ୍ମାତା ଅଡ଼େ ଝାହାମାନି କାଲ୍ମାତି ଜୀସୁତାକି ମାହାପୁରୁ ଆଞ୍ଜାମାନି ଲାବାଗାଗାୟି ଆନେ ।

୯ ଇ କାତା ନାନିନାୟି ଅଡ଼େ ବାରେ ଲକୁ ଅପିନାୟି ।

୧୦ ଇଦାଆଁ ତାକି ମୀରୁ ମନ୍ ହାହାନା ଝାହୁ ତଲେ ଜୀସୁ ତୁସାନା କାମା କିହିମାନାୟି, ଏନାଆଁତାକି ଇତିହାସ ଆମିନି ଜୀସୁଗାଟି ମାହାପୁରୁ ବାରେ ମାଣ୍ଡସିଇଁ ଇତିହାସ ନାନିନାରାଇଁ ଗେଲ୍ପିନାସି, ତାନି ତାଣା ମା ବାସ୍ତୁ ମାନେ ।

୧୧ ନୀନୁ ଇ ବାରେ କାତା ହୁକୁମି ହାହାନା ଜାପୁମୁ ।

୧୨ ନୀ ଦାମଗଣା ବେଲାତି ଆପାଆସି ହାଣି କିୟାଆପେସି, ସାମା ନୀ କାତାତା, ନୀ ଲେମ୍ବିନି ତାଣା, ନୀ ଜୀସୁ ନନ୍ତି ତାଣା, ନୀ ନାମୁତା, ଇଞ୍ଜା ନୀ ସୁଦୁତା, ନାନିନାରାକି ନୀନୁ ନେହୁ ତହୁନାତି ଆମୁ ।

୧୩ ନାନୁ ନୀ ତାଣା ଝାଆ ପାତେକା ନୀନୁ ଦାମୁ ପତିଇଁ ପଡ଼ଞ୍ଜି ଆହାନା, ମାହାପୁରୁ କାତା ଝେକମୁ, ଇଞ୍ଜା ଜାପୁନି ତାଣା ମନ୍ ହାହାନା ମାନାମୁ ।

୧୪ ମାହାପୁରୁ ବଲୁ ଝେକହା ମାଞ୍ଜାନି କୁଲମିତି କାଜାରି ନୀ ତାୟି ତୁା କେସ୍ତା ଇତାନା ନିଜେ କାର୍ମାତି ଦାନା ହାହାମାଞ୍ଜାନେରି, ଏଦାଆଁ ହେଲା କିଆନି ।

୧୫ ନୀ ପାତା ଆହିମାନାୟି ଏନିକି ବାରେ ଲକୁ ନକିତା ତଞ୍ଜାଆନେ, ଏଦାଆଁତାକି ଛ ବାରେ କାତାତା ମନ ହୀହାନା ଏ ବାରେ କିହେମାନାମୁ ।

୧୬ ନିଙ୍ଗ ତାକି ଅଡେ ନୀ ଜାପୁନାଣି ତାକି ଜାଗ୍ରାତା ଆପୁ, ଛ ବାରେ କାମା କିହି ମାନାମୁ, ଇଚିହି ଏଦାଆଁ କିତିସାରେ ନୀନୁ ନୀ ଗେଲ୍ପିନାଣି ଅଡେ ନୀ କାତା ଝେଞ୍ଜି ମାନାରାଜି ଜିକେଏ ଗେଲ୍ପିଦି ।

୫

ନାମିନି ଲକୁତି ଦାୟପତି

୧ ବୁଡହା ଲକୁଣି ଲାଗାଆନି, ସାମା ଏଝାଣାଇଁ ଆଡା ଇଞ୍ଜି ଅଣ୍ପାମା ଲେମ୍ବାମୁ; ଅଡେ ଦାଂଗଣା କକାରାଇଁ ତାୟିଲେହେଁ ମେହ୍ମୁ,

୨ ବୁଡହି ଇୟାସିକାଣି ତାଲି ଇଞ୍ଜିହି ଅଡେ ଡାଆସିକାଣି ସୁଦୁ ମନତଲେ ତାଜିସ୍ତା ଇଞ୍ଜିହି ଅଣ୍ପାମା ଏଲେକି ସିନିକିମୁ ।

୩ ଏନାଆଁ ହିଲାଆଗାଟି ରାଣ୍ଡେଣି ଇୟାସିକାଣି ମାନି କିମୁ ।

୪ ସାମା ଆମିନି ରାଣ୍ଡେଣି ଇୟା କି ମୀରକା ମାସ୍ତାକି ତାଙ୍ଗା ମୀରକା ମାସ୍ତାକା ମାଚିହି, ଏଝି ନକେଏ ତାମି ଇଲୁ କୁଟମି ତାରାଇଁ ମାନି କିହାଲି ଲକ୍ନାୟି ମାନେ, ତାଲି ତାଞ୍ଜାଇଁ ନେହି କିହାଲି ଜାପାପୁ; ଏନିଇଚିହି ଇଦି ମାହାପୁରୁ ନକିତା ନେହାୟି ।

୫ ଆମିନି ରାଣ୍ଡେଣି ଇୟା ରଣ୍ଡିଏ ମାନେ ଅଡେ ଆମ୍ବାଆରି ଜାଡୁନୁ ଅନାରି ହିଲଅରି ଏଝି ମାହାପୁରୁ ତାଣା ବାସ୍ତୁ ଇଗାନା ଲାଆଁ ମାଦେନା ବାଡିମାଲିହି କାଲେଏ ପ୍ରାଡାନା କିପୁ;

୬ ସାମା ଆମ୍ବାଆୟି ଆଙ୍ଗାଟି ରାହାଁତା ମୁଞ୍ଜାନା ଡୁୟିନି ରାଣ୍ଡେଣିସିକା ଏଝି ଜାଝୁତଲେ ମାଚିହି ଜିକେଏ ହାଡି ଲେହେଁତାଇ ।

୭ ଏଝି ଏନିକି ଦହ ହିଲାଆଗାଟାଇ ଆନୁ, ଇଦାଆଁତାକି ଛ ବାରେ କାତା ଜିକେଏ ଜାପୁମୁ ।

୮ ସାମା ଆମ୍ବାଆସି ତାନି ପାଡିତି ଲକୁ ଅଡେ ତାମି ଇଲୁ କୁଟମିତି ଲକୁଣି କେଟଅସି, ଏଝାସି ନାମୁତି କାତାଇଁ ଆବାହିଲଅସି, ଇଞ୍ଜି ଏଝାସି ନାମାଆଗାଟାଣି କିହାଁ ହାଟେରକା ଲାଗେଏ ଆନେସି ।

୯ ଆମିନି ରାଣ୍ଡେଣି ତାନିକଡି ବାସାଟିଏ ଉଣା ଆଏ, ଅଡେ ରଣ୍ଡିଏ ତଞ୍ଜାଇଁ ବାହା ଆହାମାନେ, ଏଝାସିକା ଦରୁ ରାଡାମୁ,

୧୦ ଅଡେ ନେହି କାମାତାକି ଝେଙ୍ଗାମାନେ, ଅଡେ ଏଦି ମୀରକା ମାସ୍ତାକାଣି ପହିପାତି କିହାନା, ପାଡିତି ଗତାୟାଣି ସେବା କିହିମାନେ, ମାହାପୁରୁ ଲକୁତି କଡାୟାଁ ନରହା ମାନେ, ଦୁକୁ ଗାଗରାଇଁ ଦୁକୁ ତୁକ୍ତୁହିମାନେ, ଅଡେ ବାରେ ନେହି କାମା କିହାଲି ରାହାଁ ଆହିମାନେ, ଆତିହି ଏଦାନି ଦରୁ ରାଣ୍ଡେଣିସିକା ଆକୁତା ରାସ୍ତାକି ଆପେ ।

୧୧ ସାମା ଡାଆ ରାଣ୍ଡେଣିସିକା ଦରୁ ରାଡାଆନି, ଇଚିହି ଏଝି ଆଙ୍ଗାଟି ରାହାଁତା ଜୁପକା ଆହାନା କ୍ରୀସ୍ତ ତାଣାଟି ଏଟକା ଆହାନା ବାହା ଆୟାଲି ମନ କିମୁ;

୧୨ ଏଝି ତାମି ତଲିତି ଆଞ୍ଜାମାଟାଣି ମାନି କିହାହିଲାଆକି, ତଣ୍ଡ ଗାଗରାଇ ଆନୁ,

୧୩ ଅଡେ ଜିକେଏ ଏଝି ଇଲୁତାକି ଇଲୁ ରେଜିହି ନିସ୍ତା ଆହାଲି ଜାପୁନୁ, ଅଡେ ଝାଞ୍ଜ ନିସ୍ତା ଆଏ, ସାମା ଲାଗେଏ ପଲେଏତି ପୁସ୍ତପନିକା, ଅଡେ ସାକ୍ତି ଜଲ୍ଲାଲି ଜାପାମା ଉଜେ ଉଜେଏତି ଲଡାହିଲାଆ କାତାୟାଁ ବାସ୍ତୁ ଆନୁ ।

୧୪ ଇଦାଆଁତାକି ନା ଅଣ୍ପାପୁ ଡାଆ ରାଣ୍ଡେଣିସିକା ବାହା ଆପୁ, କକାରି ପଦାଁ ଆପୁ, ଇଲୁ କୁଟମିତି ଲେମ୍ବାପୁ, ଇଞ୍ଜି ନିନ୍ଦା କିହାଲି ସାତୁୟାଁକି ଏନି ପାରୁ ହାଆପୁ;

୧୫ ଇଚିହି ନାଏଁ ଜିକେଏ ଆମ୍ବା ଆମ୍ବାଆୟି କ୍ରୀସ୍ତ ତାଣାଟି ହେକ ଆହାନା ସୟତାନତି ଜେଟ ହାଜାମାନୁ ।

୧୬ ଅଡେ ଆମିନି ନାମାମାନି ଇୟାସିକା ଇଜ ରାଣ୍ଡେଣିସିକା ମାଚିହି, ଆତିହି ଏଝି ଏଝାସିକା ଜାଡୁନୁ ଅପୁ, ଅଡେ କୁଲମିତାକି ବଜୁ କିଆପୁ, ଏନିକି କୁଲମି ଏନାଆଁ ହିଲାଆଗାଟି ରାଣ୍ଡେଣିସିକାଣି ଜାଡୁନୁ ଅନେ ।

୧୭ ଆମିନି ପ୍ରାଟିନାଙ୍ଗା କୁଲମିତି ନେହିକି ଜାଡୁନୁ କିନେରି, ବାରେକିହାଁ ଆମିନି ଗାଗାରି ବଲୁ ଝେକହାଲି, ଅଡେ ଜାପୁହାଲି ଝାହୁ ତଲେ କାମା କିନେରି, ଏଝାରି ରୀ ଗୁଣୁ ମାନି ବେଟାଆନି ଜଟେ ।

୧୮ *ଦାମ୍ଭ୍ୟ ପତିତା ରାସ୍ତା ଆହାମାନେ, “ନପୁଂସି କଞ୍ଚି ମୂଢ଼ିତା କଞ୍ଚା ଦହୁଆନି” ଅର୍ଥେ “କାମାକିନୀସି ତାନି କାମାତି ପାଠ୍ୟେ ଦେବୀଆନାୟି ମାନେ ।”

୧୯ ରିଆରି କି ତାନି ଜାଣା ସାକ୍ଷ୍ୟା ହିଲୀଆନା ଆମିନି ପ୍ରାଚିନା କପାତି ଏନି କାତା ଖେସ୍ତାତିହୁ ଆହୁଆନି ।

୨୦ ଆମିନି ଗାଗାରି ଦହୁ କିନେରି, ଏଞ୍ଜାରାଇଁ ବାରେ ଲକୁ ନକିତା ଲାଗାମୁ, ଏନିକି ଏଦାଆଁ ମେସାନା ଏଟକାତି ଲକୁ ଆଜିନେରି ।

୨୧ ନାନୁ ମାହାପୁରୁ, ନକିତା ଅର୍ଥେ କ୍ରୀସୁ ଜୀସୁ ନକିତା ଅର୍ଥେ ମାହାପୁରୁ ଆଚିତି ଦୂତୁୟାଁ ନକିତା ଜାଣେ ହୁକୁମି ହାହିମାଞ୍ଜାଇଁ ନାନୁ ତଲିତିଲେହେଁ ଆଆନା ଇ ବାରେ ମାନୁଷି ଆମୁ, ଅର୍ଥେ ଆମ୍ବାଆରାଇଁ ପାଠ୍ୟା କିଆନା ଇ ବାରେ କାମା କିମୁ ।

୨୨ ଦାଗା ଆହାନା କେମୁ ଇଗାହାଁ ମାହାପୁରୁତି ସେବା କାମାତାକି ଆମ୍ବାଆରାଇଁ ଜିକେଏ ଆବୁଆନି । ଏଟକା ଲକୁତି ପାପୁତା ଜାହାରାଇଁ ଆବୁଆନି । ନାନୁ ଜାହାରାଇଁ ସୁଦୁ କିହାକତାମୁ ।

୨୩ ନୀବାଣ୍ଡି ଆଗି ହିଲୀଆକି ଅର୍ଥେ ନୀଆଜ୍ଞାତା ଅଲେ ଅଲେ ରଟା ଆହିମାନାକି ଖାରଇ ଏମୁ ଗହୁଆନି ଅଲୁରି ରାସା ଇତରା ଲାକା ଗହୁମୁ ।

୨୪ ଏତରଜାଣାତି ପାପୁ ନୀହାୟି କିଆ ନକେଏ, ତଞ୍ଜାଆନେ, ଅର୍ଥେ ଏତରଜାଣାତି ପାପୁ ତାମୁ ତଞ୍ଜାଆନେ ।

୨୫ ଏଲେକିହୁଁ ଏ ସାତା କାମା ତଲିଏ ତଞ୍ଜାଆନେ, ଅର୍ଥେ ଏନା ଏନାୟି ତଞ୍ଜା ଆଏ, ଏଦି ତୁଗୁନା ତୁୟାଲି ଆର୍ତ୍ତେଏ ।



୧ ଏମିନି ଲକୁ ହଲିୟାଜ୍ଞା ହୁଖେଡ଼ିତା ହେରୁଖାମାନେରି, ଏଞ୍ଜାରି ତାନି ସାଧୁକାରିୟାଁଲ୍ ନେହୁଁକିଁ ମାନ୍ତି ବେଗୀଆନାରି ଇଞ୍ଜୁଁ ଅଣ୍ଡପାପେରି, ଏନିକିଁ ମାହାପୁରୁ ଦରୁ ଅର୍ଥେ ଜାପୁନି ତାଣାଟି ନିନ୍ଦା ଆଏ ।

୨ ଅର୍ଥେ ଆମିନି ଗାଗାରି ସାଧୁକାରିୟାଁ କ୍ରୀସ୍ତାନା ଆହାମାନେରି, ଏଞ୍ଜାରି ଏଞ୍ଜାରାଇଁ ମା ତାୟି ଇଞ୍ଜୁଁ ଅଣ୍ଡପାନା ହାଣି କିଆପେରି, ସାମା ହାରେକା ଜାତୁନୁ ତଲେ ଏଞ୍ଜାରି ସେବା କିପାରି, ଇତିହୁଁ ଆମିନି ଗାଗାରି କାମା ତଲେ ଲାବା ବେଗୀଆନେରି, ଏଞ୍ଜାରି ନାମିନାରି ଅର୍ଥେ ମା ଜାସୁ ନନାରି, ଇ ବାରେ କାତା ଜାପୁହାନା ଖେହୁମୁ ।

ମିତି ଜାପୁନାୟି ଅର୍ଥେ ସାତା ଦନ

୩ ଆମ୍ବାଆସି ଅର ରେଲତି କାତା ଜାପୁହାନା ମା ପ୍ରବୁ ଜୀସୁ କ୍ରୀସ୍ତତି ନେହୁଁ ବଲୁ ଅର୍ଥେ ମାହାପୁରୁ ଆଜିନି କାତାତି ଜାପୁନାଣି ଆହୁଅସି,

୪ ଆତିହୁଁ ଏଞ୍ଜାସି ଲାଗେଏତି ବଡ଼ପଣ ଗାଗାସି, ବୁଦି ହିଲୀଆଗାଗାସି, ବାଦିବାଦା, ଅର୍ଥେ ଗଡ଼ହା କିନିତାଣା ମୁଞ୍ଜାମାନେସି; ଏମ୍ବାଟିଏ ତାହାରା, ଗଡ଼ହା, ରଅଣାଇଁ ଉଜେଏ ନିନ୍ଦା କିନାୟି, ଲାଗେଏ ଆନାମାନା ଆନାୟି ହନେ,

୫ ଇଞ୍ଜା ବୁଦି ହିଲୀଆ ଗାଗାରି ଅର୍ଥେ ସାତାତି ପିସା ମାନାରି ବିଦ୍ଵା କାଲେଏ ବାଦିବାଦା ହନେ, ଇତିହୁଁ ମାହାପୁରୁଲ୍ ଆଜିନାୟି ଏଦି ଲାବା ବେଗୀଆନି ଜିରୁ ଇଞ୍ଜୁଁ ଏଞ୍ଜାରି ଅଣ୍ଡପନେରି ।

୬ ମାହାପୁରୁଲ୍ ଆଜାନା, ନୀତିନାୟି ନେହେଁ ଆଡ଼ିସାରେ ସାତେଏ ଏଦି ଲାବାଗାଗାସି;

୭ ଏନାଆଁତାକି ଇତିହୁଁ ମାର ଦାର୍ତ୍ତତା ଏନାଆଁ ତାଗା ହିଲୀଆୟି, ଅର୍ଥେ ଇ ଦାର୍ତ୍ତତି ଏନାଆଁ ଅହାଲି ଆଡ଼ାଆୟି;

୮ ଇଦାଆଁତାକି ବାଣ୍ଡିତି କାଦି ଆଜ୍ଞା ତାକି ହିମ୍ବୁରିକା ମାଟିହୁଁ ଇଚେକେଏ ସାରି ।

୯ ସାମା ଆମ୍ବାଆରି ଗାତି ବାଡ଼କାଲି ଅଣ୍ଡପନେରି, ଏଞ୍ଜାରି ତାୟିପାରି କିନି ତାଣା ଅର୍ଥେ ପାନ୍ଦାତା ହେରୁଖାନା, ଅର୍ଥେ ବୁଦି ହିଲୀଆଗାଗି ନାୟାକିନି ଅଣ୍ଡପୁତି ପାନ୍ଦାତା ହେରୁନେରି, ଇ ବାରେ ମାଣସିଲ୍ ବୁଡ଼ଞ୍ଜି ଆନିଞ୍ଜାକି ଅର୍ଥେ ନାସା ଆନିଞ୍ଜାକି ଅନେ ।

୧୦ ଏନାଆଁତାକି ଇତିହୁଁ ଦନତି ଜୁପକା ବାରେ ଲାଗେଏତି ମୂଲୁ; ଆମ୍ବା ଆମ୍ବାଆରି ଏନାଆଁ ଜୁପକା ଆହାନା ଦାମ୍ଭୁତି ନାମୁ ପିସାନା ଜିରୁ ବାଣା ଆହାମାନେରି, ଇଞ୍ଜା ହାରେକା ଦୁକୁ ତଲେ ତାନି ହିୟାତା ଦୁକୁ କିହାମାନେରି ।

ପାଞ୍ଜୁଲତି ରାପୁନି କାତା

୧୧ ସାମା ଏ ତିମଠି ନୀନୁ ର ମାହାପୁରୁ ଲକ୍ଷ୍ମି, ନୀନୁ ଇ ବାରେ ତାଣାଟି ହେକ ଆହାନା ଦାମ୍ଭ ଗାଟାତି, ମାହାପୁରୁଇ ଆଜିନାୟି, ନାମିନାୟି, ଜୀଝୁନନାୟି, ସାସା, ଅର୍ଦ୍ଧନାୟି, ଇ ବାରେ ନେହଁ ଗୁଣୁତା ତାକାମ୍ଭ ।

୧୨ ନାମୁତି ନେହଁ ଜୁକ୍ଷୁତା ଜୀଝୁ ତୁସାନା ଜୁକ୍ଷୁ କିମ୍ଭ, କାଲାକାଲାତି ଜୀଝୁ ଆସାନା ଇଟାମ୍ଭ: ଏଦାଆଁତାକି ନୀନୁ ହାଟ୍ଟକି ଆହାମାଞ୍ଜି ଅଡେ ହାରେକା ସାକିୟା ନକିତା ନେହଁ ସାକି ହାହାମାଞ୍ଜି ।

୧୩ ବାରେତି ଜୀଝୁହୀନି ମାହାପୁରୁ ନକିତା, ଅଡେ ପନ୍ତିୟ ପିଲାତ ନକିତା ନେହଁ ସାକି ହୀନି କ୍ରୀସ୍ତ ଜୀସୁ ନକିତା ନାନୁ ନିଜେ ହୁକୁମି ହାହିମାଞ୍ଜାଇ,

୧୪ ନାନୁ ମା ପ୍ରବୁ ଜୀସୁ କ୍ରୀସ୍ତତି ଖାନି ଦିନା ପାତେକା ଦାମ୍ଭୁତି ମେରା ମାନୁଝି ଆହାନା ଏନି ପାପୁ ଅଡେ ନିନ୍ଦା ହିଲାଆଗାଟାତି ଆହାଁ ତୁୟାମ୍ଭ ।

୧୫ ଏଝାସି ହାରେକା ନେହାଁସି, ରଥସିଏ ବାରେକିହାଁ କାଜା ସାଲୁଝି କିନାସି, ଏଝାସିଏ ରାଜା କିହାଁ ରାଜା ଅଡେ ପ୍ରବୁ କିହାଁ ପ୍ରବୁ,

୧୬ ଏଝାସିଏ ରଥସି ହାଆଗାଟାସି ଅଡେ ମେସାଲି ଆଡାଆଗାଟି ଉଜେଡିତା ମାନେସି, ଏତେଲାଝା ଏଝାଣାଇ ଆମ୍ଭାଆସି ମେସାହିଲଅସି କି ମେସାଲି ଆଡାଅସି, ଏଝାସି ତାରିକିତି ଦିନାତା ଏଦାଆଁ ତହୁନେସି; କାଲାକାଲାତାକି ତାନି ସାମ୍ଭୁନି ଅଡେ କାଜାପାଣା ତଞ୍ଜା ଆପେ । ଆମ୍ଭେମନ୍ ।

୧୭ ଆମିନି ଗାଟାରି ଇ ଜୁଗୁତା ବାଡକିତାରି, ଏଝାରି ଏନିକି ଆଲାରା ଆପରି ଅଡେ କାବଲଏ ତୁୟାଆ ଦନ ଲାକ ବାସ୍ତୁ ଇଟଅରି, ସାମା ଆମିନି ମାହାପୁରୁ ଏ ବାରେ ଲେମ୍ବାଲି ତାକି ମାଜେ ଲଡାମାନାଣି ହିୟାନେସି, ଏଝାଣି ତାଣା ବାସ୍ତୁ ଇଟିନେରି,

୧୮ ଅଡେ ଏଟକା ଲକ୍ଷ୍ମି ସାୟେମି କିହାନା ନେହଁ କାମା ତଲେ ବାଡକୁ ଗାଟାରି ଆନେରି ଅଡେ କେୟୁ ଦେତାନା ଅଡେ ରାହାଁଟି ଦାନା ହାହାଲି ଅଣପିନେରି, ଏଦାଆଁତାକି ଏଝାରାଇଁ ହୁକୁମି ହୀମ୍ଭ:

୧୯ ଇଲେ କିତିସାରେ ଏଝାରି ତାମି ଝାହିମାନି ଜୀଝୁତାକି ନେହଁ ପୁନାଦି କିହାମାନେରି, ଏନିକି ଏଝାରି ସାତା ଜୀଝୁ ବେଟାଆନେରି ।

୨୦ ଏ ତିମଠି, ନିଜେ ଏନା ଏନାୟି ହୀପୁକି ଆହାମାଞ୍ଜାନେ, ଏଦାଆଁ ଜାଡୁକୁ କିହାଁ ଇଟାମ୍ଭ: ଉଜେଏତି କାତାୟାଁ ଅଡେ ସାତା କାତାତି ବୁଦିତାଣି ବାସ୍ତୁ ଆନାରି ତାଣାଟି ହେକ ଆମ୍ଭ:

୨୧ ଆମ୍ଭା ଆମ୍ଭାଆରି ଏଦାଆଁ ପୁଞ୍ଜାନା ମାନୁଝି ଆଆନା ନାମୁତି ଜିରୁ ବାଣା ଆହାମାନେରି । କାର୍ମାନେହନାୟି ନୀ ତଲେ ମାଣମ୍ଭେ ।

ତୀମଥ୍ୟଙ୍କ ନିକଟକୁ ପାଉଲଙ୍କ ଦ୍ଵୀତିୟ ପତ୍ର ତିମତି ତାଣା ପାଞ୍ଚୁଲ ରାଟାମାନି ରୀ ଲମ୍ବର ଆକୁ ମୂଲୁ ହାଡ଼ା

୨ତମ ଆକୁ ପାଞ୍ଚୁଲ ତାଣାଟି ତାନି ସୀସୁ ତିମତି ତାଣା ରାଟାମାନି ଆକୁ । ତିମତି ରୀ ଲମ୍ବର ଆକୁ ପାଞ୍ଚୁଲତି ବାରେତି କିହାଁ ତାୟୁ ରାଟିତି ଆକୁ । ଇଦି ପାଞ୍ଚୁଲତି ଜୀଞ୍ଜୁ ରାନି ବେଲାତା ରାସ୍ତିକି ଆହାମାଣସିନେ । ଏତିବେଲାତା ଏଞ୍ଜାସି ରମ୍ ଗାଡ଼ାତି କାୟିଦି ଇଲୁତା ମାରେସି ୧:୧୭ ପାଞ୍ଚୁଲ ତିମତି ତଲେ ହାଡ଼େକା ଜାଟୁ ମାରେ, ଅଡ଼େ ବାରେବେଲା ଏଞ୍ଜାଣାଇଁ ମୀରଏଣା ଲେହେଁ ରାଟିମାନେସି ପିଲିପି ୨:୨୨; ୧ତିମ ୧:୨; ୧:୧୮ ।

ଇଦି ପାଞ୍ଚୁଲ ରାଟାମାନି ସାର୍ଗଗା ଆକୁ ବିଦ୍ଵାଟି କୁଲମିତି ପିସାନା ର ମାଣସିକ ରାଟିମାନେସି । ଅଡ଼େ ଏଟକାତି ତାନିଗଗା ଆକୁ ତିମତି ମୂଲୁ ଆକୁ, ତିତସ, ଅଡ଼େ ପିଲିମନ । ତିମତି ରୀ ଲମ୍ବର ଆକୁ ରାଟିତି ବେଲାତା ରମ୍ ଗାଡ଼ାତା ସାଲୁଞ୍ଜି କିନାରି ହାଡ଼େକା ସାସ୍ତି ହାହିମାରେରି । ଇଲେତି ସାସ୍ତି ଆହିମାତାକି ପାଞ୍ଚୁଲ କାୟିଦିତା ତୟାମାରେସି । ମୂଲୁତି ଆକୁ ଲେହେଁ ପାଞ୍ଚୁଲ ତିମତିଇଁମିତି ଜାପ୍ତନାରି ତାଣାଟି ଜାଗ୍ରାତା ଆହାଲି ଖେସିମାନେସି । ୧ତିମ ୧:୧୭-୧୮ ପାଞ୍ଚୁଲ ତିମତିଇଁ ଏଲେଇଞ୍ଜି ମାନେସି ତାୟୁ ହାଡ଼େକା କସ୍ତିତି ଦିନା ମାନେ ୩:୧ ।

ପତିତା ମାନାସି

- ୧. ପାଞ୍ଚୁଲ ତିମତିଇଁ ଜହରା କିହାନା ମାଟ୍ଟନାୟି ଅଡ଼େ ଏଞ୍ଜାଣାଇଁ ସାସା ହୀନାୟି । ୧:୧-୧୮
- ୨. ପାଞ୍ଚୁଲ ତିମତିଇଁ କସ୍ତି ଅରୁହାଲି ସାସା ହାହିମାନେସି । ୨:୧-୧୩
- ୩. ତିମତିଇଁ ଏରେକା କାତା ଖେହ୍ନାୟି । ୨:୧୪-୨୭
- ୪. ରାନି ଦିନାତା ଗଟଞ୍ଜି ଆନାଆଁ ଅଡ଼େ ସାତା ଜିରୁ ବାଟି କିହାଲି ଜାଗ୍ରାତା କିନାୟି । ୩:୧-୪:୮
- ୫. ପାଞ୍ଚୁଲ ତିମତିଇଁ ଏରେକା ଅଣପୁତି କାତା ଖେସାନା ଆକୁତି ରାପ୍ତନାୟି । ୪:୯-୨୨

୧ ନାନୁ ପାଞ୍ଚୁଲ, ଜ୍ରୀସ୍ତ ଜୀସୁ ତାଣା ମାନି ଜୀଞ୍ଜୁତି ଆଞ୍ଜାମାନି ଲେହେଁ, ମାହାପୁରୁ ଅଣପୁ ତଲେ ଜ୍ରୀସ୍ତ ଜୀସୁତି ର ପାଣ୍ଡୁଞ୍ଜି ଆହାମାନାତେଏଁ ।

୨*ତିମତି, ନା ଜୀଞ୍ଜୁତି ମୀରଏଣାଟି ଆଟା ମାହାପୁରୁ ଜ୍ରୀସ୍ତ ଜୀସୁ ତାଣାଟି କାର୍ମାମେହ୍ନାୟି ଅଡ଼େ ହିଡ଼ଡ଼ି ଜୀଞ୍ଜୁ ନିଜେତାକି ଆୟାପେ ।

ମାହାପୁରୁଇଁ ଜହରା ଅଡ଼େ ବାର୍ସୁ ହୀନାୟି

୩ ମା ତଲିତି ଆକୁ ଆବାୟାଁ ଲେହେଁ ନାନୁ ସୁବୁ ଅଣପୁ ତଲେ ମାହାପୁରୁଇଁ ସେବା କିହିମାଇଁ, ନାନୁ ଏ ମାହାପୁରୁ ତାଣା ଲାଆଁ ମାଦେନା ପ୍ରାତାନାତା ନୀ ଦରୁ ରାଟାହାଁ ମାହାପୁରୁଇଁ ଜହରା କିହିମାଇଁ;

୪ ଏନିକିଁ ନା ରାହାଁ ଗାତିଆନେ, ଇଦିଆଁତାକି ନୀ କାଣ୍ଡୁ ଅଣପାମା ନିଜେ ମେସାଲି ତାକି ହାଡ଼େକା ମନ କିହିମାଇଁ;

୫*ଇତିହଁ ଆମିନି କୁଟୁ ହିଲାଆଗାଟି ନାମ୍, ମୀ ବାୟି ଲୟି ଅଡ଼େ ମୀ ଇୟା ଇଞ୍ଜୁନିକି ତାଣା ମାରେ, ଅଡ଼େ ନୀ ତାଣା ଜିକେଏ ମାନେ ଇଞ୍ଜିହଁ ନା ହାଡ଼େକା ନାମ୍, ନୀ କୁଟୁ ହିଲାଆ ନାମୁତି କାତା ନାନୁ କାଟୁ ବେଟାଆହାମାଇଁ ।

୬ ନାନୁ ନୀ ଲାକ କେୟୁ ଇଟାତି ବେଲାତା ନାନୁ ମାହାପୁରୁ ତାଣାଟି ଆମିନି ବର ବେଟାଆଡ଼ି ଏଦାଆଁ ଜାଡ଼ନୁ କିହାଁ ଇଟାଲି ନାନୁ ନିଜେ ଅଣପି କିହିମାଞ୍ଜାଇଁ ।

୭ ଇତିହଁ ମାହାପୁରୁ ମାଜେ ଆଜିନି ଜୀଞ୍ଜୁ ହାହାମାଞ୍ଜଅସି, ସାମା ବାଡ଼ୁୟୁ, ଜୀଞ୍ଜୁ ନନାଣି, ଅଡ଼େ ନେହଁ ଅଣପି କିନି ଜୀଞ୍ଜୁ ହାହାମାଞ୍ଜାନେସି ।

୮ ଏଦାଆଁତାକି ମାର ପ୍ରୁ କାତାତା ସାକି ହାହାଲି ଅଡ଼େ ନାନୁ ପ୍ରବୁତି ତାକି କାୟିଦି ଇଲୁତା ଦସ୍ତି ଆହାମାଇଁ ନା, ତାକି ଲାଜା ଆଆନି, ସାମା ମାହାପୁରୁ ହାହାମାଞ୍ଜାନି ବାଡ଼ୁୟୁ ତଲେ ନେହଁ କାଟୁ ଝେକ୍‌ହାଲି ବେଟାଆହାମାନି କସ୍ତିତି ସହଞ୍ଜି ଆମ୍ ।

* ୧:୨ କାମା ୧୭:୧ * ୧:୫ କାମା ୧୭:୧

୯ ଏଝାସି ମାଜେ ଗେଲ୍‌ପା ମାଞ୍ଜାନେସି, ଅଡ଼େ ନା ନେହଁ ଲକ୍ଷ୍ମତେରି ଇଞ୍ଜିହଁ ହାଟ୍‌ମାଞ୍ଜାନେସି; ଅଡ଼େ ମା କିହାମାନି କାମା ଲେହେଁ କିହାଁ ମାଞ୍ଜଅସି, ସାମା ତାନି ଅଣପୁ ତଲେ ତାନୁ କାର୍ମା ମେସ୍ତାନି ଲେହେଁ କିହାଁ ମାଞ୍ଜାନେସି; ଏ କାର୍ମା ତଲି କାଲା ନକେଏ କ୍ରୀସ୍ତ ଜୀସୁ ତାଣାଟି ମାଜେ ହାଞ୍ଜି ଆହାମାତେ,

୧୦ ସାମା ନୀର୍ଯ୍ୟା ମା ଗେଲ୍‌ପାନି କ୍ରୀସ୍ତ ଜୀସୁ ଦାରୁତିତା ଝାହାମାନାକି ମାଜେ ତସାମାଞ୍ଜାନେସି; ଏଝାସି ହାକିତି ମ୍ଲେକ୍‌ହା ମାନେସି; ଅଡ଼େ ତାନି ନେହଁ କାବୁତଲେ ଜୀସୁ ଅଡ଼େ ହାଆଗାଟାଣି ଉଜେଡ଼ିତା ତସାମାନେସି ।

୧୧ ଇ ନେହଁ କାବୁ ଝେକ୍‌ହାନା ତେଲ୍‌ହିକିହାଲି ମାହାପୁରୁ ନାଜେ ର ପାଣ୍ଡୁଆଡ଼ି ସୀସୁ ଇଞ୍ଜା ଜାପୁନାସି ଲେହେଁ ହେରପା ମାଞ୍ଜାନେସି ।

୧୨ ଏଦାଆଁତାକି ନାନୁ ଇ ବାରେ ଦୁକୁ ବେଟା ଆହିମାଜ୍; ଆଡ଼ିଜିକେଏ ନାନୁ ଆଜା ହିଲଅଁ, ଇତିହଁ ନାନୁ ଆମ୍ବାଆରି ତାଣା ନାମାମାଜ୍, ଏଝାଣାଜ୍ ପୁଞ୍ଜାମାଜ୍, ଅଡ଼େ ନାନୁ ତାନି କେୟୁତା ଏନାଆଁ ହେରପାମାଜ୍, ବିଚାରା ଦିନା ଝାନି ପାତେକା ଏଦାଆଁ ଏଝାସି ଜାତୁନୁ ତଲେ ଇଗାଲି ଆଡ଼ିମାନେସି, ଇଦାଆଁ ନାନୁ ତାରପୁତଲେ ନାମିମାଜ୍ ।

୧୩ ନା ତାଣାଟି ଆମିନି ନେହଁ ବଲୁ ଝେଞ୍ଜାମାଞ୍ଜି, କ୍ରୀସ୍ତ ଜୀସୁ ତାଣାଟି ନାନୁ ଇଞ୍ଜା ଜୀସୁ ନନାଣି ଏଦାଆଁ ନେହଁ କଁ ଆସା ମାନାମୁ ।

୧୪ ଆମିନି ନେହଁ କାତାତି ଦାୟିପତି ମିଜେ ହୀପୁକି ଆହାମାଞ୍ଜାନେ, ମା ତାଣା ବାସା କିହିମାନି ସୁଦୁଜୀସୁତି ବାଡ଼ୁୟୁ ତଲେ ଏ ବାରେଡି ଜାତୁନୁ କିହା ଇଗାମୁ ।

୧୫ ନାନୁ ପୁଞ୍ଜାମାଞ୍ଜି, ପୁଗେଲ ଅଡ଼େ ହର୍ମାଗେନା ତଲେ ଆସିୟାତି ବାରେ ଲକ୍ଷ୍ମ ନାଜେ ପିସା ମାଞ୍ଜାନେରି ।

୧୬ ଅନସିପର କୁଟମିତି ପ୍ରଭୁ କାର୍ମା ମେସପେସି, ଏନାଆଁତାକି ଇତିହଁ ଏଝାରି ଅଲେ ଅଲେ ଝାହାନା ନା ଦୁକୁ ଡୁକ୍‌ହାତେରି, ଇତିହଁ ନାନୁ କାୟିଦି ଇଲୁତା ମାଟିହଁ ଜିକେଏ ଲାଜା ଆହାହିଲଅରି,

୧୭ ରମ୍ ନା ଗାଡ଼ାତା ଏଜାଲିଏ ଏଝାସି ନାଜେ ପାରାନା ନା ତାଣା ଝାତେସି,

୧୮ ରାନ୍ତି ଦିନାତା ଏନିକଁ ମାହାପୁରୁ ତାଣାଟି କାର୍ମା ବେଟାଆନେସି, ଏଲେକଁ ମାହାପୁରୁ ଏଝାଣାକି କାର୍ମା ଆପେସି, ଅଡ଼େ ଏଝାସି ଏପିସିୟ ଗାଡ଼ାତା ନାଜେ ଏନିକଁ ସେବା କିହାମାଞ୍ଜାନେସି, ଏଦାଆଁ ନାନୁ ନେହଁ କଁ ପୁଞ୍ଜାମାଞ୍ଜି ।

୨

କ୍ରୀସ୍ତ ଜୀସୁତି ନେହଁ ଜୁଜୁ କିନାସି

୯ ଏଦାଆଁତାକି ଏ ନା ଜୀସୁତି ମୀରୁଏଣାଟି, କ୍ରୀସ୍ତ ଜୀସୁତଲେ ଆଣ୍ଡିତାକି ତାନି କାର୍ମାମେହନି ତାଣାଟି ଆମିନି ବାଡ଼ୁୟୁ ମେଡ଼ା ଆନେ ଏମ୍ବାଆଁ ମୀରୁ ବାଡ଼ୁୟୁ ଗାଟାତେରି ଆଦୁ,

୧୦ ଅଡ଼େ ହାରେକା ସାକିୟାଁ ନକିତା ଆମିନି ବାରେ କାତା ନା ତାଣାଟି ନାନୁ ଝେଞ୍ଜାମାଞ୍ଜି, ଅଡ଼େ ଏମିନିଗାଟାରି ଏବ୍‌କା ଲକ୍ଷ୍ମଣି ଜିକେଏ ଜାପୁହାଲି ଆଡ଼ିନାରି, ଏଲେଡି ନାମୁଗାଟି ଲକ୍ଷ୍ମ ନକିତା ଇ ବାରେ ହେରପାମୁ ।

୧୧ ନାନୁ କ୍ରୀସ୍ତ ଜୀସୁତି ର ନେହଁ ଜୁଜୁ କିନାତି ଲେହେଁ ଏଝାଣି ତାକି କସ୍ତ ଅରହାମୁ ।

୧୨ ଆମ୍ବାଆସି ଜୁଜୁକିନି କାମାତା ମାଞ୍ଜାନା, ଦାରୁତିତି ଏବ୍‌କା କାମାତା ହେରପି ଆଅସି, ଏନିକଁ ଏଝାସି ତାନି ମୁହେଁଡି କାଜାଣାଜ୍ ରାହାଁ କିନେସି ।

୧୩ ଅଡ଼େ ଆମ୍ବାଆସି କାବୁ ତାକି ବାଡ଼ୁହାରା ଆନେସି, ଏଝାସି ମେରା ତଲେ କାହାଆସାରେ ଜୀଣା ଆଅସି ।

୧୪ ଆମିନି ତାସା କାମାକିନାସି ଝାବୁ ତଲେ କିନାସି, ଏଝାସି କାମାତି ମୁଲୁଡି ବାଗା ବେଟାଆନାୟି ମାନେ ।

୧୫ ନାନୁ ଏନାଆଁ ଝେସିମାଞ୍ଜାଜ୍, ଏଦାଆଁ ଅଣପାମୁ; ଇତିହଁ ପ୍ରଭୁ ନିଜେ ବାରେ ପୁଞ୍ଜାଲି ବୁଦି ହିୟାନେସି ।

୧୬ ନା ତାଣାଟି ଝେସିଆହାମାନି ନେହଁ କାବୁ ଲେହେଁ ହାଡ଼ାରି ତାଣାଟି ନିଜିତାଣି ଅଡ଼େ ଦାସୁଦ କୁଡ଼ାତା ଜାର୍ଣା ଆହାମାନି ଜୀସୁ କ୍ରୀସ୍ତଜ୍ ଅଣପାମୁ ।

୧୭ ଇ ନେହଁ କାବୁତାକି ନାନୁ ଦହ୍‌ଗାଟି ଲକ୍ଷ୍ମ ଲେହେଁ କାୟିଦି ଇଲୁତା ଦସପିଆନି ପାତେକା କସ୍ତ ବେଟା ଆହିମାଜ୍; ସାମା ମାହାପୁରୁତି ବଲୁ ଦସପି ଆହା ହିଲେଏ ।

✧ ୧:୧୧ ୧ତମ ୨:୭

୧୦ ଇଦାଆଁତାକି ମାହାପୁରୁ ଆଚାର୍ଯ୍ୟାନି ଲକ୍ଷ୍ମ ଜିକେଏ ଏନିକି କାଲ୍ୟାକାଲ୍ୟାତି ଗାଧୁରମି ତଲେ କ୍ରୀସ୍ତ ଜୀସୁ ହାହାମାନି ଗେଲ୍ପି ଆନାଣି ବେଟାଆନେରି, ଏଦାଆଁତାକି ନାନୁ ଏଞ୍ଜିରି ତାକି ଇ ବାରେ ସାସାତଲେ କସ୍ତୁ ଅରୁହିମାଲ୍ ।

୧୧ ଇ କାତା ସାତା

“ମାରୁ କ୍ରୀସ୍ତ ତଲେ ହାହାମାନାୟି,
ଅଡେ ଏଞ୍ଜିରିତଲେ ଜିକେଏ ନୀତିନାୟି;

୧୨ ଅଡେ ମାରୁ ସାସାଆର୍ଯ୍ୟା କସ୍ତୁ ଅରୁହିନାୟି,
ଆତିହ୍ ଏଞ୍ଜିରିତଲେ ଜିକେଏ ସାଲ୍ଫି କିନାୟି;

ମାରୁ ଏଞ୍ଜିରିତଲେ ପୁଞ୍ଜାହିଲଅମି ଇନାୟି,
ଆତିହ୍ ଏଞ୍ଜିରି ଜିକେଏ ମାଜେ ପୁଞ୍ଜାହିଲଅଁ ଇଞ୍ଜାନେସି;

୧୩ ଏଡେତା ମାରୁ ନାମାଆ ଗାଟାତାୟି ଆନାୟି,
ଆତିଜିକେଏ ଏଞ୍ଜିରି ବାରେବେଲା ଟିକାଣାତାସି,
ଇତିହ୍ ଏଞ୍ଜିରି ଜାହାରାଲ୍ ଆଏ ଇଞ୍ଜାଲି ଆଡୁଅସି ।”

ନାମୁତି କାମାକିନାସି

୧୪ ନୀନୁ ବାରେ ନାମୁ ଗାଟାରାଲ୍ ଇ ବାରେ କାତା ମାହାପୁରୁ ଅଣସି କିମ୍ବୁ, ସାପ୍ତେରିତି କାତା ଉଜେଏ ବାଦିବାଦା ଆନି ତାଣାଟି ଜାଗ୍ରାତା କିମ୍ବୁ, ଇଲେତି ବାଦିବାଦା ଆମ୍ବାଆରାଲ୍ ନେହ୍ କିଏ, ସାମା ଆମ୍ବାଆରି ଏମ୍ବାଆଁ ମନ ହାନେରି ଏଞ୍ଜିରି ନାସା ଆନେରି ।

୧୫ ସାତା ବଲ୍ଫୁ ଟିକାଣା ତଲେ ଲେମ୍ବାନା, ଆମିନି କାମାକିନାସି କାମାତା ଏନିକି ଲାଜା ଆଅସି, ଏଞ୍ଜିରିତଲେହ୍ ମାହାପୁରୁ ନକିତା ଜାହାରାଲ୍ ତାୟିପାରିତା ଜୀଣା ଆହାମାନି ଲେହ୍ ତସାଲି ଜାଡୁ କିମ୍ବୁ ।

୧୬ ସାମା ଲାଗେଏତି ଉଜେଏତି କାତାୟି ବାସ୍ ଆନି ତାଣାଟି ହେକ ଡୟାଦୁ; ଇତିହ୍ ଆମ୍ବାଆରି ଏଲେତି କାମା କିନେରି, ଏଞ୍ଜିରି ଲାଗେଏତି କାମାତା ହାରେକା ପାତା ଆନେରି,

୧୭ ଅଡେ ଏଞ୍ଜିରି କାତା ସୀରୁନି ଗାହ୍ ଲେହ୍ତାୟି; ଏଞ୍ଜିରି ବିଦ୍ରାତି ହୁମନାୟି, ଅଡେ ପିଲିତ, ଇ ରିଆରି ମାନେରି ।

୧୮ ଏଞ୍ଜିରି ହାହାନା ଖେଣ୍ଡେ ନିଜିତାୟିଏ ଇଞ୍ଜି ସାତାତି ପିସାମାନେରି, ଅଡେ ଏଚରଜାଣାତି ତାମି ନାମୁତି ତାରି ମ୍ବୁହ୍ ମାନେରି ।

୧୯ ଆତିଜିକେଏ, ମାହାପୁରୁ କେପିତି ପୁନାଦି ଆଟ୍ଠା ଆହାନା ଡୟାମାନେ, ଅଡେ ଏ ଖାଲିତା ଇ ବୁବୁ ମୁଦା ଆହାମାନେ, “ପ୍ରବୁ ତାମି ଲକ୍ଷ୍ମି ପୁଞ୍ଜାମାନେସି” ଅଡେ, “ଆମ୍ବାଆସି ପ୍ରବୁତି ଦରୁ ଆହନାସି, ଏଞ୍ଜିରି ଲାଗେଏ ତାଣାଟି ହେକ ମାଣମ୍ବେସି ।”

୨୦ ର କାଜା ଇଜ ଖାରୁଇ ବାଂଗାରା ଖେଣ୍ଡିତି ଡକା ମାଣ୍ଡି ମାନୁ, ଏଚେକା ଆଏ, ଅଡେ ମାରୁକା ଇଞ୍ଜା ଇଡିଆତି ଡକା ମାଣ୍ଡି ଜିକେଏ ମାନୁ; କଚେକା ଡକା ମାଣ୍ଡି କାଜା କାଜା କାମାତାକି ମାନୁ, ଅଡେ କଚେକା ଉଜେଏ ଦିନା ଲେମ୍ବାଲି ତାକି ମାନୁ ।

୨୧ ଇଦାଆଁତାକି ଆମ୍ବାଆସି ଏ ବାରେ ତାଣାଟି ଜାହାରାଲ୍ ଅଟ୍ଠା କତିନେସି, ଏଞ୍ଜିରି ହେବ୍ପି ଆହାନା, ସାଧୁକାରି କାମାତା ପାଡାଆନେସି, ଏଞ୍ଜିରି ବାରେ ନେହ୍ କାମାତାକି ଆଡା ଇଟାମାନି ମାନିଗାଟି ଡକା ମାଣ୍ଡି ଲେହ୍ ଆନେସି ।

୨୨ ସାମା ନୀନୁ ଦାଂଗଣା ବେଲା ଲାଗେଏତି ଜୁପକାଟି ହେକ ଆମ୍ବୁ, ଆମ୍ବାଆରି ସୁବୁ ହିୟାଁ ତଲେ ପ୍ରବୁ ତାଣା ପ୍ରାତାନା କିନେରି, ଏଞ୍ଜିରିତଲେ ଦାମ୍ବୁ, ନାମ୍ବୁ, ଜୀସୁ ନନାଣି, ଅଡେ ହିଡୁଡି କାସ୍ତୁ ଜେତ ହାଲମ୍ବୁ ।

୨୩ ବୁଦି ହିଲାଆ ମୁକ୍ତୁ ଗାଟାରି ବାଦିବାଦା ଗଡୁହା କିନେ, ଇଦାଆଁ ପୁଞ୍ଜାନା ଏ ବାରେ ତାଣାଟି ହେକ ଆମ୍ବୁ ।

୨୪ ମାହାପୁରୁତି ହଲେଏସି ଗଡୁହା କିନାୟି ନେହ୍ ଆଏ, ସାମା ବାରେଜାଣାତି ହିଡୁଡି ହାଡା ଜାପୁନାସି, ଅଡେ ଅରୁହିନାସି ଇଞ୍ଜା । ନା କପାଟି ନିଜିନି ଲକ୍ଷ୍ମି ହିଡୁଡି ହାଡାତଲେ ଜାପୁନାସି ଆନାୟି ମାନେ,

୨୫ ଅଡେ ଗଡୁହା ଗାଟାରାଲ୍ ସୁବୁ ସୁଖାଲା ତଲେ ଲେମ୍ବିନାସି ଆନାୟି ମାନେ, ଆତିହ୍ ଏଞ୍ଜିରି ସାତାତି ବୁଦି ପୁଞ୍ଜାଲି, ମାହାପୁରୁ ଏଞ୍ଜିରାଲ୍ ମନ ଖେଟ୍ଟିନି ଅଣପୁ ହାନେସି,

୨୬ ଅଡେ, ଆମିନି ସୟତାନ ଏଞ୍ଜିରାଲ୍ ତାମି ଅଣପୁ ତଲେ କିହାଲି ଦସ୍ପାମାନେ, ଏମ୍ବାଟି ଏଞ୍ଜିରି ସେଡନା ଆହାନା ଏ ପାଡାଟି ଗେଲ୍ପି ଆନେରି ।

୩

ରାଜି ଦିନାତି କାତା

୧ ସାମା ଛଦାଆଁ ପୁଞ୍ଜାମାଞ୍ଜୁ, ରାଜି ଦିନାତା ନାସା ଆଜି ଦିନା ଖାନେ;

୨ ଇତିହଂ ଲକ୍ଷ୍ମ ତାମ୍ବୁ ଜାହାବାଇଁ ଅଣ୍ଡା କତିନେରି, ଦନ ଜୁପକା, ଜାଞ୍ଜୁତା ବଡ଼ପଣ, ଆଜାରା, ନିନ୍ଦା କିନେରି, ତାଲି ତାଞ୍ଜି କାତା ଆହୁଅରି,

୩ ରାହାଁ ଆଆଗାଗାରି, ଦାମ୍ବୁ ହିଲାଆ ଗାଗାରି, ଜାଞ୍ଜୁ ନଆଗାଗାରି, ଆଣ୍ଡୁ ଆନାୟି ହିଲାଆ ଗାଗାରି, ଲାଗେଏ କାତା ଖେସାନା ଲକ୍ଷ୍ମି ନାଡ଼ିକିନାରି, ଦେବୁଣିଏ କପା ଆନାରି, ବାଡ଼ୁୟୁ ତସାନା ଆଜି କିନାରି, ନେହଂ କାତାତି ଅପାଆଗାଗାରି ଆନେରି;

୪ ଅଡ଼େ ଏଞ୍ଜାରି ହାରୁ ଦାଞ୍ଜୁଆନାରି, ତାୟୁ ଏସୁକି ଅଣ୍ଡାଆ ଗାଗାରି, ବଡ଼ପଣ ଗାଗାରି ଆନେରି, ଅଡ଼େ ମାହାପୁରୁ ଜାଞ୍ଜୁ ନନାରି ଆଆନା ଦାରୁତିତି ରାହାଁତି ଜାଞ୍ଜୁ ନନାରି ଆନେରି;

୫ ଏଞ୍ଜାରି ମାହାପୁରୁତି ଆଜିନି ମେରା ଆହୁନେରି ସାମା ଏସୁତି ବାଡ଼ୁୟୁତି ଆସାଲି କୁନେରି; ଇଲେତି ଲକ୍ଷ୍ମ ତାଣ୍ଡାଟି ହେକ ମାନାମୁ ।

୬ ଇତିହଂ ଇଞ୍ଜାରି ତାଣ୍ଡା ଇଲେତି ଲକ୍ଷ୍ମ ମାନେରି, ଏମିନିଗାଗାରି ଇଲକା ତାକି ଇଲକା ହଡ଼ିହଂ ପାପୁତି ବଜୁତା ଅଡ଼େ ତାମି ମନତି ଜୁପକା ଗାଟି ଅଣ୍ଡାପୁ ତଲେ ତାକିନି ବୁଦି ହିଲାଆଗାଟି ଇୟାସିକାଣି ତାମି ତାଣ୍ଡା ଇତିନେରି;

୭ ଇ ଇୟାସିକା କାଟେଲଏ ଜାପିମାଟି ଜିକେଏ, ଏଚେଲା ସାତାତି ପୁଞ୍ଜାଲି ଆଡ଼ାଉ ।

୮ ଏନିକଂ ଜନିସି ଅଡ଼େ ଜାମ୍ବୁ_ସ ମସା କପାଟି ନିଜାମାଚେରି, ଏଲେକିହଂ ଏଞ୍ଜାରି ଜିକେଏ ସାତାତି ଆଜିନେରି, ଏଞ୍ଜାରି ତାୟୁ ଲାଗେଏ ଆହାମାନେ ଅଡ଼େ ଏଞ୍ଜାରି ଦାମ୍ବୁତି ନାମୁ ଉଜେଏ ଆହାମାନେ ।

୯ ସାମା ଏଞ୍ଜାରି ଅଡ଼େ ହାରେକା ଆଗାଡ଼ା ହାଲଅରି; ଇତିହଂ ଏ ରିଆରି ଏଞ୍ଜାରି ବୁଦି ହିଲାଆଗାଗାରି ଇଞ୍ଜୁ ର ଦିନା ବାରେଜାଣା ପୁନେରି, ଜନିସି ଅଡ଼େ ଜାମ୍ବୁ_ସ ଜାଞ୍ଜୁତା ଏନାୟି ଗଟି ଆହାମାନେ, ଏଞ୍ଜାରି ଜାଞ୍ଜୁତା ଏଦିଏ ଆନେ ।

ରାଜିବେଲାତି କାତା

୧୦ ସାମା ନାନୁ ନା ଜାପୁନାଣି, ମାଣ୍ଡକି, ନା ଅଣ୍ଡାପୁ, ନା ନାମୁ, କସୁ ଅରୁହିନାଣି, ଜାଞ୍ଜୁ ନନାଣି, ଅରୁହିନାୟି,

୧୧ *ସାସ୍ତି ବେଟା ଆଡ଼ାଣି, ଦୁକୁ କସୁ ବେଟା ଆଡ଼ାଣି, ଛ ବାରେ ଆସାମାଞ୍ଜି; ଆଡ଼ିୟକିୟା, ଇକନିୟ, ଅଡ଼େ ଲୁସ୍ତାତା, ନା ତାକି ଏଲେକିହଂ ଏ ନିନ୍ଦା କସୁ ଆହାମାନେ; ଏଦାଆଁ ନାନୁ ଅରୁହା ମାଚେଏ, ଅଡ଼େ ପୁରୁ ନାଜେ ଏ ବାରେତି ଗେଲୁଦା ମାଞ୍ଜାତେସି ।

୧୨ ସାତେଏ ଆମିନି ଗାଗାରି କ୍ରାସୁ ଜାସୁ ତାଣ୍ଡାଟି ଦାମ୍ବୁ ଜାଞ୍ଜୁ ନୀତାଲି ଅଣ୍ଡାପିନେରି, ଏଞ୍ଜାରି ନିନ୍ଦା ବେଟାଆନେରି ।

୧୩ ସାମା ଲାଗେଏତି କାମାକିନାରି ଅଡ଼େ ନାଡ଼ିକିନାରି ନାଡ଼ି ଆହାନା ହାରେକା ଲାଗେଏତି କାମା କିନେରି ।

୧୪ ସାମା ନାନୁ ଏନା ଏନାଆଁ ଜାପାମାଞ୍ଜି, ଅଡ଼େ ଆମିନି କାତା ବାରେ ସାତେଏ ନାମାମାଞ୍ଜି, ଏ ବାରେ ତାଣ୍ଡା ତାରିତଲେ ମାନାମୁ, ଇତିହଂ ନାନୁ ପୁଞ୍ଜିମାଞ୍ଜି, ଆମିନି ଗାଗାରି ତାଣ୍ଡାଟି ଏ ବାରେ ଜାପାମାଞ୍ଜି;

୧୫ ଅଡ଼େ ଆମିନି ଦାମ୍ବୁ ସାସ୍ତେରି କ୍ରାସୁ ଜାସୁ ତାଣ୍ଡା ନାମୁଟି ନିଜେ ଗେଲପିକିନି ବୁଦି ହିୟାଲି ଆଡ଼ାନେ, ଏଦାଆଁ ନାନୁ ଉଣା ଖେଡ଼ାଟିଏ ପୁଞ୍ଜାମାଞ୍ଜି ।

୧୬ ବାରେ ଦାମ୍ବୁ ସାସ୍ତେରିତା ରାସୁକି ଆହାମାନି ବାରେ ବଲୁ ମାହାପୁରୁ ଜଳିତାୟି, ଅଡ଼େ ଜାପୁନାୟି, ଲାଗିନାୟି, ତାରିକିନାୟି, ଅଡ଼େ ଦାମ୍ବୁତା ନୀତାଲି ସାୟେମି କିନାୟି,

୧୭ ଏନିକଂ ମାହାପୁରୁତି ଲକ୍ଷ୍ମ ତାୟୁ ଆହାନା ବାରେ ନେହଂ କାମାତା ଜଗେ ଗାଗାରି ଆନେରି ।

୪

୧ ନାନୁ ମାହାପୁରୁ ନକିତା, ଅଡ଼େ ଆମିନି କ୍ରାସୁ ହାଡ଼ାରାଇଁ ଇଞ୍ଜା ନୀତାମାନାରାଇଁ ନୀହାୟି କିହାଲି ହାଜିମାନେସି, ତାନି ଖେଣ୍ଡେ ଖାନାଣି ଅଡ଼େ ରାଜିତି ମାନି କିହାନା ହୁକୁମି ହାହିମାଞ୍ଜାଇଁ,

୨ ମାହାପୁରୁ ବଲୁ ଖେକମ୍, ନେହଂ ବେଲାତା କି ଲାଗେଏତି ବେଲାତା ବଲୁ ଖେକହାଲି ତିୟାରା ଆହା ମାନାମୁ, ନାନୁ ବାରେ କସୁ ଅରୁହାନା ଜାପୁହିହଂ ଲାଗାମୁ, ଅଡ଼େ ଦାକା ହାହାନା ସାସା ବାସୁ ହାମୁ ।

* ୩:୧୧ କାମା ୧୩:୧୪-୫୨; କାମା ୧୪:୧-୭; କାମା ୧୪:୮-୨୦

୩ ଇତିହାସ ଦିନା ଖାନେ, ଏତିବେଲା ଲକ୍ଷ୍ମ ନେହାଁ ଜାପୁନାଣି ଖେଞ୍ଜାଲି ଅପଅରି, ସାମା ତାମି କୀର୍କା ତାକି ସୁଦୁ ସୁଖାଲା ହାଡ଼ା ଖେଞ୍ଜାଲି ମନ ହୀନେରି ଇଞ୍ଜା କାତା ଜୁପକାତାକି ଲାଗେଏତାଣି ଜାପୁନାରାଇଁ କୁଡ଼ି କିନେରି ।

୪ ଅଡ଼େ ସାତା କାତାତି ଖେଞ୍ଜାଲି କୁହାନା ଅଣ୍ଠାପାନା ଖେହ୍ନି ପୁସ୍ପପନିକାଣି ମନ ହୀନେରି ।

୫ ସାମା ନାନୁ ବାରେ ତାଣା ସେଡ଼ନା ଆମ୍ବୁ କସ୍ତତି ଅରହାମ୍ବୁ ମାହାପୁରୁତି ନେହାଁ କାବୁ ଖେକ୍ମୁ କାମା ପୁରା କିମ୍ବୁ ଅଡ଼େ ନୀ ସେବା କାମା ରାପୁମ୍ବୁ ।

୬ ଇତିହାସ ନୀର୍ବ ଜିକେଏ ନା ଜୀଝୁ ଗସାଲି ତାକି ଖାକ୍‌ହିମାନି ଲେହେଁ ହେରପି ଆହିମାନେ, ନା ହାନ୍ତି ଦିନା ଏଗାଝାଡ଼େୟିଏ ।

୭ ନାନୁ ନେହାଁ ଜୁଜୁତା ଜୀଝୁ ତୁସାନା ଜୁଜୁ କିହିମାଇଁ, ନାଜୋତାକି କେପାମାନି ପାଡ଼େରି ରାଝେତାକି ହଟାମାଇଁ, ନାନୁ ନାମୁତି ଜାଣେ ଆସାମାଇଁ;

୮ ନାଜୋତାକି ଦାମୁତି ଚଢ଼େରି ଇଟ୍‌କି ଆହାମାନେ, ଏଦାଆଁ ଏ କାଜା ନୀହାଁୟି ଦିନାତା ନୀହାଁୟି କିନି ପ୍ରବୁ ନାଜୋ ହିୟାନେସି, ଖାଉଇ ନାଜୋ ଆଏ, ତାନି ଖେଣ୍ଡା ଖାନାଣି ନେହାଁ ମନତଲେ କାଡ଼ାମାନି ବାରେଜାଣା ତାକି ଜୀଝୁନହାଁନା ହୀନେସି ।

ତାନି କାତା ଖେହ୍ନାୟି

୯ ତବେ ନା ତାଣା ଖାହାଲି ଜାଗ୍ରାତା ଆମ୍ବୁ;

୧୦ *ଇତିହାସ ଦିନା ନାଜୋ ପିସାହାଁ ନୀର୍ବତି ଦାରୁତିତି ଜୀଝୁନହାଁନା ତେସଲନିକିତା ହାଜାମାନେସି, କ୍ଷେସ୍‌କେସ୍‌ ଗାଲାତିୟାତା ଅଡ଼େ ତିତସ ଦଲମତିୟାତା ହାଜାମାନେରି ।

୧୧ *ଅଡ଼େ ଲୁକ ରଅସିଏ ନା ତଲେ ମାନେସି । ମାର୍କଇଁ ନୀ ତଲେ ତାତିହାଁ ଖାମ୍ବୁ, ଇତିହାସ ନା ସେବା କାମାତା ସାୟେମି କିୟାନେସି ।

୧୨ *ନାନୁ ତୁକିକଇଁ ଏପିସିୟତା ପାଣ୍ଡା ମାଇଁ ।

୧୩ *ତୁୟାତା କାର୍ପି ତାଣା ଆମିନି ଉସିମି ସକା ପିସା ଖାହାମାଇଁ, ନାନୁ ଖାନାଟି ସକା ଅଡ଼େ ପତିୟାଁ ବାରେକିହାଁ ତଲୁ ପତିୟାଁ ତାତିହାଁ ଖାମ୍ବୁ ।

୧୪ *ପିତାତା ବେବାରାଗାଟି ଆଲେକଜାଣ୍ଡାର ନାଜୋ ହାରେକା କସ୍ତ ହୀହାମାଞ୍ଜାନେସି; ପ୍ରବୁ ଏଝାଣାଇଁ ତାନୁ କିତି କାମା ଲେହେଁ ପାଡ଼େୟି ହୀନେସି;

୧୫ ନାନୁ ଜିକେଏ ଏଝାଣି ତାଣାଟି ଜାଗ୍ରାତା ଆହା ମାନାମ୍ବୁ, ଇତିହାସ ଏଝାସି ମାରୁ ଖେକ୍‌ନି କାତା କପାଟି ନିଜାମା କାହି କିହିମାଞ୍ଜାଡ଼େସି ।

୧୬ ତଲି ମୁଲୁ ନାଜୋ ନୀହାଁୟି କିୟାତାଟି ଆମ୍ବାଆରି ନା ଖାକିଟି ଆଆଡ଼େରି, ସାମା ବାରେଜାଣା ନାଜୋ ପିସାଡ଼େରି, ଏଦାଆଁ ମାହାପୁରୁ ଏଝାରି କପାଟି ଦହ କିଆପେସି ।

୧୭ ସାମା ପ୍ରବୁ ନା ତଲେ ମାଞ୍ଜାନା ନାଜୋ ବାଡ଼ୁୟି କିୟାଡ଼େସି, ଅଡ଼େ ନାନୁ ସିହ୍‌କ୍ଷାଣି ଗୁତିଟି ଗେଲ୍‌ପିଆଡ଼େସି, ଏନିକି ନା ତାଣାଟି ନେହାଁ କାବୁ ବାରେ ତାଣା ଖେଜିନେ ଅଡ଼େ ଜୀହୁପିଆଆତି ଲକ୍ଷ୍ମ ବାରେଜାଣା ଏଦାଆଁ ଖେଞ୍ଜାଲି ଆଡ଼ିନେରି;

୧୮ ପ୍ରବୁ ନାଜୋ ବାରେ ଲାଗେଏ କାମାଟି ଗେଲ୍‌ପାନେସି, ଅଡ଼େ ନାଜୋ ଗେଲ୍‌ପାନା ତାନି ଲାକପୁରୁ ରାଜିତା ଆୟାନେସି; ଏଝାଣି ଗାଝୁରମି କାଲାକାଲା ତାକି ଆଡ଼େ ! ଆମେନ ।

ରାନିବେଲାତି ଜହରା

୧୯ *ପ୍ରସିଲ୍‌ଲା ଅଡ଼େ ଆକ୍‌ଝିଲା ଇଞ୍ଜା ଅନସିପର ଇଲୁ କୁଟନିକି ନା ଜହରା ଖେହ୍ମୁ ।

୨୦ *ଏରାସ୍ତ କରଡ଼ି ଗାଡ଼ାତା ତୟା ମାନେସି, ସାମା ତ୍ରପିମ ଆଡ଼ିହିଲାଆକି ନାନୁ ଏଝାଣାଇଁ ମିଲିତତା ପିସା ଖାଡ଼େସି ।

୨୧ ନାନୁ ପେନିବେଲା ଖାଆ ନକେଏ ଖାଡ଼ିହାଁ ନେହାଁ ଆଡ଼େମା । ଇୟୁବୁଲ, ପୁଦେନସ୍, ଲିନ, ଲାଝୁଦିୟା, ଅଡ଼େ ବାରେ କ୍ରୀସ୍ତାନା ତାୟିୟାଁ ନିଜୋ ଜହରା ଖେସିମାଞ୍ଜାନେରି ।

୨୨ ପ୍ରବୁ ନୀ ଜୀଝୁତା ମାଣ୍ଡେସି, ମାହାପୁରୁତି କାର୍ମୀମେହ୍‌ନାୟି ମୀ ବାରେତାକି ଆୟାପେ ।

* ୪:୧୦ କଲସି ୪:୧୫; ପିଲିମ ୧:୨୪; ୨କର ୮:୨୩; ଗାଲା ୨:୩; ତିତସ ୧:୪ * ୪:୧୧ କଲସି ୪:୧୫; ପିଲିମ ୧:୨୪; କାମା ୧୨:୧୨, ୨୫; ୧୩:୧୩; ୧୫:୩୭-୩୯; କଲସି ୪:୧୦; ପିଲିମ ୧:୨୪ * ୪:୧୨ କାମା ୨୦:୪; ଏପିସି ୬:୨୧, ୨୨; କଲସି ୪:୭, ୮ * ୪:୧୩ କାମା ୨୦:୬ * ୪:୧୪ ଚିପି ୧:୨୦; ରିନି ୨:୬ * ୪:୧୯ କାମା ୧୮:୨; ୨ତମ ୧:୧୭, ୧୭ * ୪:୨୦ କାମା ୧୯:୨୨; ରିନି ୧୬:୨୩; କାମା ୨୦:୪; ୨୧:୨୯

ତୀତସକ ନିକଟକୁ ପାଉଲକ ପତ୍ର ତିତସ ତାଣ୍ଡା ପାଞ୍ଚଲ ରାତାମାନି ଆକୁ ମୁକୁ ହାଡ଼ା

ପାଞ୍ଚଲକି ସାରିଗଟା ଆକୁ ବିତ୍ତା ତିତସ ଆକୁ କୁଲମି ପିସପେ ର ମାଣସିତି ଖେସିମାନେ, ଏଟକାତି ତାନିଗଟା ଆହିମାନୁ, ତିମତି ମୁକୁ ଆକୁ, ତିମତି ରା ଲମ୍ବର ଆକୁ ଅଡେ ପିଲମନ । ଇ ଆକୁ କ୍ରୀସ୍ତ ଜାର୍ନାଆତି ୬୩ ଟିଏ ୬୫ ବିତ୍ତା ରାସକି ଆହାମାନେ ।

ତିତସ ଏଟକା କୁଡ଼ାତାସି ଆହାନା କ୍ରୀସ୍ତାନା ଆହାମାତି ର ଦାଂଗଣେଏସି ମାଚେସି, ଏଞ୍ଜାସି ମାହାପୁରୁ କାତା ଖେହ୍ନି ପାଞ୍ଚଲ ତଲେତାସି । କ୍ରିତିତା ମାନି ମାହାପୁରୁ କୁଲମି ସାଲଞ୍ଜି କିହାଲି ପାଞ୍ଚଲ ଏଞ୍ଜାଣାଇ ଏମ୍ବାଆଁ ପିସାନା ଇ ଆକୁ ପାଣ୍ଡାମା ତାନିଗଟା ନେହୁଁକ ଅଣ୍ପାଲି ରାଟିମାନେସି । ର କାତା ଇତି କ୍ରିତିତା ମାନାରି ବିତ୍ତାଟି ହାରେକା ଲକୁ ଲାଗେଏ ପଲେଏ ଅଣ୍ପୁ ଗାଟାରି ମାଟକି ଏନିଲେହେତି ଅଣ୍ପୁ ଗାଟାରେଇଁ କୁଲମିତି କାଜାରି କିହାନା ଇତିନାୟି ମାନେ । ଅର କାତା ଇତି ବୁଡ଼ହାୟିଇଁ, ବୁଡ଼ହସିକାଣି, ତାଆସିକାଣି, ଦାଂଗଣାୟିଣି, ହଲିୟାକାଣି ଏନିକ ଗତି ଗତି କିହାନା ଜାପୁହାଲି ଆନେ । ତାୟୁତି କାତା ଇତି କ୍ରୀସ୍ତାନା ଆହାମାନାରି ଏନିକ ନୀତିନାୟି ମାନେ । ଏଞ୍ଜାରି ଜୀସୁ ନନାରି ଅଡେ ସୁଦୁଗାଟାରି ଆପେରି, ଲାଗେଏତି କାତାୟି ପିସପେରି, ଗଡ଼ହା କିଞ୍ଜି କିହାନା କୁଲମିତି ଗତି ଗତି କିଆପେରି ।

ପତିତା ମାନାୟି

- ୧. କୁଲମିତା ଦାମ୍ବୁଗାଟାରେଇଁ ଆଟାଲି ଖେହ୍ନନାୟି । ୧:୧-୧୬
- ୨. ଦାମ୍ବୁ ଜୀସୁତଲେ ନୀତାଲି ଅଡେ ଜାପୁହାଲି ଖେହ୍ନନାୟି । ୨:୧-୩:୧୧
- ୩. ତାୟୁତି କାତା ଅଡେ ଜହରା ତଲେ ଆକୁତି ରାପୁନାୟି । ୩:୧୨-୧୫

୧ ପାଞ୍ଚଲ, ମାହାପୁରୁତି ହଲେଏଣାଚେଏଁ ଇଞ୍ଜାଁ ଜୀସୁ କ୍ରୀସ୍ତ ତାଣ୍ଡାଟି ପାଣ୍ଡୁଞ୍ଜି ଆହାମାନାଚେଏଁ ।

ମାହାପୁରୁ ଆତାମାନି ଲକୁତି ନାମୁ ପାତିକିହାଲି ଅଡେ କାଲ୍ଲକାଲ୍ଲାତି ଜୀସୁ ଦେଡ଼ାଆନି ଆସାତି ଦାମ୍ବୁତି ନାମୁତା ସାତାତି ଜାଗ୍ରାତା କିହାଲିତାକି ନାମୁ ପାଣ୍ଡୁଞ୍ଜି ଆହାମାଇଁ ।

୨ କାଲ୍ଲକାଲ୍ଲାତି ଜୀସୁତି ଆସା ହାହାଲିତାକି, ଏମିନି ମାହାପୁରୁ ଆଞ୍ଜାମାଚେସି, ଏଞ୍ଜାସି ଏଚେଲ୍ଲା ମିତି ଇଲ୍ଲାଆଗାଟାସି ।

୩ ଏ କାଲ୍ଲକାଲ୍ଲାତି ଜୀସୁ ସାତା ମାହାପୁରୁ, ହାରେକା କାଲ୍ଲା ନକେଏ ଆଞ୍ଜାନା ସମାନା ବେଲ୍ଲାତା ତାନି ବଲ୍ଲୁ ଖେକ୍ନି ତାଣ୍ଡାଟି ତସାମାନେସି; ଏ ବଲ୍ଲୁ ଖେକ୍ନି ବଲ୍ଲୁ ମା ଗେଲ୍ପାନି ମାହାପୁରୁ ହୁକୁମି ତଲେ ନା ତାଣ୍ଡା ହେରପି ଆହାମାଞ୍ଜାନେ ।

୪ ନାମୁ ସମାନା ନାମିତାସି ଅଡେ ନାମୁତା ନା ଜୀସୁତି ମାଟ୍ଟେସି ତିତସ ତାଣ୍ଡା ଇ ଆକୁ ରାଟିମାଇଁ । ଆବା ମାହାପୁରୁ ଅଡେ ମାଜେ ଗେଲ୍ପାନି କ୍ରୀସ୍ତ ଜୀସୁ ମିଜେ କାର୍ମା ଅଡେ ହିଡ଼ଡ଼ି ହିୟାପେସି ।

କ୍ରିତିତା ତିତସ କାମା କିନାୟି

୫ ନାମୁ ଖେସ୍ତାତିଲେହେଁ ରାଆତି କାମାତି ରାପୁହାଲି ତାକି, ଅଡେ ବାରେ ଗାଡ଼ାତା ପ୍ରାଚିନାକାଣି କାମା ହେରପାଲି ତାକି ନାମୁ କ୍ରିତିତା ନିଜେ ପିସା ଝାୟାଚେଏଁ;

୬ ଆମ୍ବାଆସି ଦହ୍ ହିଲ୍ଲାଆଗାଟାସି, ରଣ୍ଡିଏ ଡକ୍ରିନି* ଡକ୍ରିଆ, ଆମ୍ବାଆରି ମାଟ୍ଟକା ମାସ୍ତକା ନାମିତାରି, ଅଡେ ଲାଗେଏ ପଲେଏତି କାମା କିଅରିକି ମାନ୍ତୁଞ୍ଜି ଆଆଗାଟି କାମା କିଅରି ଏଞ୍ଜାରେଇଁ ଆତାହାଁ ପ୍ରାଚିନା କିମୁ ।

୭ ଇତିହୁଁ କାଜାସି, ମାହାପୁରୁତି ଗୁମ୍ବୁସ୍ତା ଆହାଁ ଦହ୍ ହିଲ୍ଲାଆଗାଟାସି ଆନାୟି ମାନେ; ଏଞ୍ଜାସି ଜାହାରା ମନଡଲେ କିନାସି କି ଦେବୁଣିଏ କାଟ୍ଟି ଆନାସି କି କାଡ଼ ଗୁହନାସି କି ଗଡ଼ହା କିନାସି କି ଦନ୍ ଜୁପକା ଗାଟାସି ଆଆନା,

୮ ଏଞ୍ଜାସି ଗଟାୟିଣି ଆକ୍ତା କିନାସି, ଏନାୟି ନେହାୟି ଏଦାଆଁ ଜୀସୁ ନନାସି, ଜାହାରାଇଁ ଲକ୍ନାସି, ଦାମ୍ବୁଗାଟାସି, ସୁଦୁଗାଟାସି, ଇଞ୍ଜାଁ ମେରା ମାନ୍ତୁଞ୍ଜି ଆନାସି ଆପେସି ।

* ୧:୪ ୨କର ୮:୩; ଗାଲ ୨:୩; ୨ତିମ ୪:୧୦ ✨ ୧:୬ ୧ତିମ ୩:୨-୬ * ୧:୬ ରଣ୍ଡିଏ ବାହା ଡକ୍ରି

୯ ଅଡ଼େ ଏନିକ୍ ଏଞ୍ଜାସି ଲକ୍ଷ୍ମୀକାକି ନେହାଁଣି ଜାପୁହାନା ରାହାଁ ହାହାଲି ଇଞ୍ଜା ମାହାପୁରୁ କାତା କପାଟି
ଝେହ୍ନାରାଇଁ ଲାଗାଲି ଆଡ଼ିନେସି, ଇଦାଆଁତାକି ଜାପାମାନି ନାମିନି ବଲୁ ଜାଣେ ଆସାଁ ମାଞ୍ଜୁ ।

୧୦ ଇତିହାଁ ହାରେକା ନାମାଆଗାଟି ଲକ୍ଷ୍ମୀ, ଉଜେଏତି କାତାତଲେ ନାଡ଼ିକିନାରି ମାନେରି, ହାରେକା
ଜାହୁଦି କ୍ରୀସ୍ତାନା ଲକ୍ଷ୍ମୀ ବିଦ୍ରାଟି ମାନେରି ।

୧୧ ଲାଗେଏତି କାତାଟି ଏଞ୍ଜାରି ଗୁଡ଼ି ମୁଦା କିନାୟିମାନେ, ଏନାଆଁତାକି ଇତିହାଁ ଏଞ୍ଜାରି ଦନ୍
ଜୁପକାତାକି ଲାଗେଏତି କାତା ଜାପୁହାହାଁ ର ର ଇଲୁ କୁଟମିତି ମାହାପୁରୁ ଜିରୁ ବାଣି କିନେରି ।

୧୨ ଏଞ୍ଜାରି ବିଦ୍ରାଟି ରଅସି ଏଞ୍ଜାରି ମାହାପୁରୁ ଅଣ୍ଟପୁଡ଼ି ବଲୁ ଝେହ୍ନାସି ଏଲେ ଇଞ୍ଜାମାନେସି, କ୍ରୀତିତା
ବାସା ଆହାମାନାରି ବାରେବେଲା ମିତି ଝେହ୍ନାରି, ଜନ୍ମ ସମାନା ଅଡ଼େ ନିସ୍ତା ଇଞ୍ଜା ଚିଣ୍ଡିକାସୁୟାଁ ।

୧୩ ଇ କାତା ସାତା । ଏଦାଆଁତାକି ଏଞ୍ଜାରାଇଁ ଗାତି ଦାକା ହାହାଁ ଲାଗାମୁ, ଏନିକ୍ ଏଞ୍ଜାରି ନାମୁତା ପାଡ଼ା
ଆନେରି ।

୧୪ ସାତାତି ପିସାମାନି ଲକ୍ଷ୍ମୀତି ମେରା, ଜାହୁଦି ଲକ୍ଷ୍ମୀତି କହୁୟାଁ, ମନ ହାଅରି ଏଦାଆଁତାକି ଏଞ୍ଜାରାଇଁ
ଜାପୁମୁ ।

୧୫ ଅଡ଼େ ଆଡ଼ି ଲକ୍ଷ୍ମୀକାକି ବାରେଏ ଅତିନେ, ସାମା ପଲୁଆ ଗାଟାରାକି, ମାହାପୁରୁଇଁ ନାମାଆ ଗାଟାରାକି
ଏନାୟି ଜିକେଏ ଅଡେଏ, ଇତିହାଁ ଏଞ୍ଜାରି ମନ ଅଡ଼େ ଅଣ୍ଟପୁ ବାରେ ପଲୁଆଗାଟାୟି ।

୧୬ ଏଞ୍ଜାରି ମାହାପୁରୁଇଁ ପୁଞ୍ଜାମାନମି ଇଞ୍ଜାଁ ଜଲିନେରି, ସାମା ଏଞ୍ଜାରି କାମା ତଲେ ମାହାପୁରୁଇଁ
ପୁନାଆତି ଲେହେଁ ଆନେରି, ଏଞ୍ଜାରି ଅପାଆଗାଟାରି, ଅଡ଼େ କାତା ଆହାଆଗାଟାରି ବାରେ ନେହାଁ କାମାତା
ପାଡ଼ାଆଅରି ।

୨

ନେହାଁ ଦାମୁ ଜାପୁନାୟି

- ୯ ମା ଦାମୁତି କାତାୟାଁ ନେହାଁକ୍ ଜାପୁମୁ ।
- ୧ ବୁଡ଼ହା ଆବାୟାଁଇଁ ତଟେ ଆୟାଲି, ନେହାଁ ଅଣ୍ଟପୁ ନେହାଁ ବୁଦି, ଅଡ଼େ ନାମୁ, ଜୀଞ୍ଜୁନନାୟି, ଇଞ୍ଜା
ଅରୁହିନି ତାଣା ବାଡ଼ୁୟାଁ ଆୟାଲି;
- ୩ ଅଡ଼େ ବୁଡ଼ହା ଇୟାସିକାଣି ଜିକେଏ ଏଲେକିହାଁଏ ସାକ୍ତି ଗାଟାଇ ଇଞ୍ଜା କାଡ଼ୁ ଗହନାଇ ଆଆନା
ସୁଜୀଞ୍ଜୁ ତଲେ ନୀତାନା ନେହାଁ କାତା ଜାପୁହାଲି ବାତିମାଲିହାଁ ଝେହ୍ନୁମୁ;
- ୪ ଏଦାଆଁତାକି ତାଆ ଆୟାସିକା ତାମି ତକ୍ରାୟାଁଣି, ମୀରୁକା ମାସ୍ତକାଣି ଜୀଞ୍ଜୁ ନହାଁ,
- ୫ ଜାହାରାଇଁ ସାପି ଆୟାଲି, ଅଡ଼ହା କତାନା, ଇଲୁତି ନେହାଁକ୍ ଲେମ୍ବାଲି, ନେହାଁ ଗୁଣ୍ଡୁ, ଇଞ୍ଜା
ଜାହାରା ତକ୍ରାୟାଁ କାତା ମାନୁଷି ଆୟାଲି, ଜାପୁମୁ, ଏନିକ୍ ମାହାପୁରୁତି ବଲୁ ନିନ୍ଦାଆଏ ।
- ୬ ଏଲେକିହାଁଏ ଦାଂଗଣାୟାଁଣି ବାରେ କାତାତା ନେହାଁ ବୁଦି ଆହାଲି ରାହାଁ କିଞ୍ଜି କିମୁ;
- ୭ ନୀ ବାରେ ମାଣକିତା ସାତା କାମାତି ନେହାଁ ଗୁଣ୍ଡୁ ତହ୍ମୁ, ଜାପୁନି ତାଣା ଆଡ଼ଞ୍ଜା ଅଡ଼େ ମାନିଗାଟି
ମାଣ୍ଡସି ଆହାନା ନେହାଁ ହାଡ଼ା ତଲେ ଝେହ୍ନୁମୁ ।
- ୮ ଏନିକ୍ ମିଜେ ଲାଗେଏ କିହାଲି ଅଣ୍ଟପିମାନି ଲକ୍ଷ୍ମୀ ମିଜେ ଝେଣ୍ଡେ ଝେସାଲି ଆଡ଼ାଆନା ଲାଜା
ବେଟାଆନେରି ।
- ୯ ହଲିୟାଜା ତାମି ସାଞ୍ଜୁକାରି କାତା ମାନୁଷି ଆହା ତୟାପେରି, ଅଡ଼େ ବାରେ କାମାତା ସାଞ୍ଜୁକାରିଇଁ ରାହାଁ
କିନାରି ଆପେରି, ଏଞ୍ଜାରି ଝେଣ୍ଡେ ଜଲୁଆପେରି,
- ୧୦ ଏନାଆଁ ସରୁ କିଆନା ନେହାଁ ନାମୁତଲେ ଚିକାଣା କାମା ତସ୍ପାରି, ଆତିହାଁ ମାଜେ ଗେଲ୍ପାନି
ମାହାପୁରୁତି ଦାମୁ ଜାପୁନାଣି ନେହାଁୟି ଇଞ୍ଜାଁ ଝେଜି କିନେରି ।
- ୧୧ ଇତିହାଁ ବାରେ ମାଣ୍ଡସି କୃତାଇଁ ଗେଲ୍ପାଲି ମାହାପୁରୁତି କାର୍ମାମେହନାଣି ତସାମାନେସି,
- ୧୨ ଅଡ଼େ ମାର ଏନିକ୍ ଲାଗେଏତି ଦାମୁ, ଦାରତିତି ଜୁପକା ପିସାମା ଇ ନାଏତି ଜୁଗୁତା ନେହାଁ ବୁଦି,
ଦାମୁ ଅଡ଼େ ମାହାପୁରୁତି ଆଜିତଲେ ନୀତିନ,
- ୧୩ ଅଡ଼େ ଏ ରାହାଁତି ବାସୁ ମା କାଜା ମାହାପୁରୁ ଗେଲ୍ପାନି କ୍ରୀସ୍ତ ଜୀସୁତି ଗାଞ୍ଜୁନମି ତଞ୍ଜାଆନାଣି
କାଚିହାଁ ତୟନ, ଇଦାଆଁତାକି ମାଜେ ଜାପୁହା ମାଞ୍ଜାନେ ।

୧୪ *ଏ କ୍ରୀସ୍ତ ଜୀସୁ ମା ବାରେ ଲାଗେଏ ପଚଲେଏ ତାଣ୍ଡାଟି ଗେଲ୍‌ପି କିୟାଲି ଅଡ଼େ ତାଜେତାକି ସାତା କାମାତାକି ରାହାଁଟି ତାନି ଲକ୍ଷ୍ମି ଲେହେଁ ଅଡ଼ହାଲି ତାନୁଏ ମା ତାକି ହେର୍‌ପି ଆଡ଼େସି ।

୧୫ ଈ ବାରେ କାତା ଜଲିହଁ ବାରେ ଅଦିକାରା ତଲେ ସାସା ହୀମ୍, ଅଡ଼େ ଦାକା ହୀମ୍ । ଏନିକଁ ଆମ୍ବାଆରି ନିଜେ ହୀଣି କିୟାଆପେରି ।

୩

କ୍ରୀସ୍ତାନା ଲକ୍ଷ୍ମି କାମା ଇଞ୍ଜା ଗୁଣ୍ଡ

୧ ଦେସାତି ସାଲ୍‌ଞ୍ଜି କିନାରି ଅଦିକାରା ବେଟାଆହା ମାନାରି ତୁଜ ମାଞ୍ଜାନା, ଏଞ୍ଜାରାଲ୍ ମାନି କିହାନା, ଅଡ଼େ ବାରେ ନେହଁ କାମା କିହାଲି ଜାଗ୍ରାତା ଆଦୁ,

୨ ଆମ୍ବାଆରାଲ୍ ନିନ୍ଦା କିଆନା, ଆମ୍ବାଆରି କପାଟି କାମା କିଆନା, ବାରେ ଲକ୍ଷ୍ମି ନକିତା ଉଣା ଆହାଲି, ସୁଦୁ ସୁଞ୍ଜାଲା ତସାଲି ବାରେ ଲକ୍ଷ୍ମି ନକିତା ଅଣପି କିମ୍ ।

୩ ଇତିହଁ ମାରୁ ଜିକେଏ ନକେଏ ବୁଦିହିଲାଆ ଗାଗାତାୟି, କାତା ଆହୁଆ ଗାଗାତାୟି, ଲାଗେଏତି ଜିରୁଟି ହାଜିମାଗାୟି, ଏନି ଏନି ଜୁପକା ଅଡ଼େ ସୁକ୍ଷ୍ମ ଦୁକ୍ଷ୍ମ ହଲିୟା ମାଗାୟି, ତାହାରା ଅଡ଼େ ତାହାରା ତଲେ ମାଗାୟି ଇଞ୍ଜା ଅପୁଞ୍ଜି ଆଆଗାଟି ଲକ୍ଷ୍ମି ଆହା ଅପୁଞ୍ଜି ଆହି ହିଲାଆତାୟି ।

୪ ସାମା ଏଟିବେଲା ମାଜେ ଗେଲ୍‌ପାନି ମାହାପୁରୁତି କାର୍ମା ଅଡ଼େ ମାଣସି ଜାତି ତାକି ତାନି ଜୀଞ୍ଜୁନନାୟି ତଞ୍ଜାଆଡେ,

୫ ଏଟିବେଲା ଏଞ୍ଜାସି ମା କିତି ଦାମ୍ କାମାତାକି ଆଏ, ସାମା ତାନି କାର୍ମାତଲେ ପୁଞ୍ଜି ଜୀନାତି ଏୟୁତଲେ ନରହାନା, ତାନି ସୁଦୁଜୀଞ୍ଜୁ ତଲେ ପୁଞ୍ଜି ଗାଡ଼ିକିହାଁ ଗେଲ୍‌ପାମାଞ୍ଜାନେସି,

୬ ଏ ନେହଁ ଜୀଞ୍ଜୁଟି ମାଜେ ଗେଲ୍‌ପାନି ଜୀସୁ କ୍ରୀସ୍ତ ତାଣ୍ଡାଟି ହାଡ଼େପୁରେ ମା ଲାକ ହୀୟାଡେସି,

୭ ଏନିକଁ ମାରୁ ତାନି କାର୍ମାମେହନାଣି ତଲେ ଦାମ୍ ଗାଗାତାୟି ଆହାନା ବାର୍ସୁ ତଲେ କାଲ୍‌କାଲ୍‌କାଟି ଜୀଞ୍ଜୁଟି ଅଦିକାରା ଆନାୟି ।

୮ ଈ କାତା ସାତା ଆନେ । ଅଡ଼େ ଏନିକଁ ମାହାପୁରୁଲ୍ ନାମାନାରି ବାରେ ନେହଁ କାମାତି ଅଣ୍ଡିପିହଁ କିନେରି, ଏଦାଆଁତାକି ଈ ବାରେ ଜାଣ୍ଡେତଲେ ଜାପ୍‌ମ୍ ଇଞ୍ଜା ନା ଅଣ୍ଡିପୁ, ଈ ବାରେ ଲକ୍ଷ୍ମିତାକି ନେହାୟି ଇଞ୍ଜା ଅଜିତାୟି ।

୯ ସାମା ଲେନିପନିଏ ବାଦିବାଦା କାତା ଜଲିନି ତାଣ୍ଡାଟି, ଆକୁ ଆବାୟାଁ ଦରକା ତାକି, ଗଡ଼ହା ଅଡ଼େ ମେରାତାକି ଗଡ଼ହାଟି ହେକ ମାନାମ୍, ଇତିହଁ ଏ ବାରେ ଲାବା ହିଲାଆ ଉଜେଏତାଇ ।

୧୦ ଜିରୁ ବାଣି କିନି ଲକ୍ଷ୍ମିଲ୍, ର ଦେବା ରୀ ଦେବା ଦାକା ହୀହାଁ ଜାଗ୍ରାତା କିଦୁ, ଅଡ଼େ ତାୟୁ ଏଞ୍ଜାଣି ତାଣ୍ଡାଟି ହେକ ଆଦୁ;

୧୧ ଇଲେଟି ଲକ୍ଷ୍ମି ତାନି ଜିରୁ ବାଣାଆହା ମାନେରି, ଇଞ୍ଜା ପାପୁ କିହାଁ ଜାହାରାଟି ଦହ କିନେରି, ଈଦାଆଁ ମାରୁ ପୁଞ୍ଜାମାଞ୍ଜେରି ।

ରାନି ବେଲାତା ଜାପ୍‌ନାୟି

୧୨ *ଏଟିବେଲା ନାନୁ ମୀ ତାଣ୍ଡା ଆତ ମା କି ତୁକିକଲ୍ ପାଣ୍ଡାଲ୍, ଏଟିବେଲା ନିକପଲିତା ନା ତାଣ୍ଡା ଖାହାଲି ଜାଡ଼ନୁ ଆମ୍, ଇତିହଁ ପେନିଞ୍ଜେଡ଼ା ରାଞ୍ଜେ ଏମ୍ବାଆଁ ମାଞ୍ଜାଲି ଅଣ୍ଡାପାମାଲ୍ ।

୧୩ ଅକିଲା ଜିନା, ଅଡ଼େ ଅପଲକି ଏନାୟି ଲଡ଼ାମାନେ ଏଦାଆଁ ହୀହାନା ଜିରୁ ତହମ୍, ଏନିକଁ ଏଞ୍ଜାରି ଜିରୁତା ଏଞ୍ଜାରାକି ଏନାୟି ଲଡ଼ା ଆଆପେ ।

୧୪ ମା ଲକ୍ଷ୍ମି ଜିକେଏ ଲଡ଼ାମାନି ତୀରପୁ କାମାତା ଲେମ୍‌ଞ୍ଜି ଆହାଲି ଜାପ୍‌ନାୟି ମାନେ, ଏନିକଁ ଏଞ୍ଜାରି ପାଡ଼େୟି ହିଲାଆ ଗାଗାରିଲେହେଁ ଆଅରି ।

୧୫ ନା ତଲେ ମାନି ବାରେଜାଣା ନିଜ ଜହରା କିହିମାଞ୍ଜାନେରି । ନାମୁତା ଆମ୍ବାଆରି ମାଜେ ଜୀଞ୍ଜୁ ନହିମାଞ୍ଜାନେରି ଏଞ୍ଜାରାଲ୍ ଜହରା କିଦୁ, ଅଡ଼େ ମାହାପୁରୁତି କାର୍ମାମେହନାୟି ମୀ ବାରେତାକି ଆଡ଼େ ।

ପିଲିମନଙ୍କ ନିକଟକୁ ପାଉଲଙ୍କ ପତ୍ର ପିଲିମନ ତାଣ୍ଡା ପାଖୁଲ ରାଡ଼ାମାନି ଆକୁ ମୂକୁ ହାଡ଼ା

ପିଲିମନ ଆକୁ ପାଖୁଲ ତାଣ୍ଡାଟି ରାସ୍ତିକି ଆହ୍ୱାନାନେ ୧:୧ । ପାଖୁଲ ରମ୍ ଗାଡ଼ାଟି କାୟିଦି ଇଲୁତା ମାଗାଟି ଇ ଆକୁ ରାଡ଼ାମାନେସି । ଏଞ୍ଜାସି ରମ୍ ଗାଡ଼ାତା ମାଚେସି କ୍ରୀସ୍ତ ଜାର୍ନାଆଡ଼ି ୬୧ ବାର୍ଯା ତାୟୁ ଇ ଆକୁ ରାଡ଼ା ତୁୟିନେସି । ଏଟିବେଲାତା କଲସିୟ କୁଲମିତାକି ରାଡ଼ା ତୁୟିନେସି । ଏଞ୍ଜାସି ଇ ଆକୁ ପିଲିମନ ଇନି ର ମାଣ୍ଡସିକ ରାଡ଼ିମାନେସି । ପିଲିମନ କୁଲମିତ କାଜାସି ଅଡ଼େ ହଲ୍ଲିୟାଜାଟି ସାଖୁକାରି ମାଚେସି । ଏଞ୍ଜାରି ବିତ୍ରାଟି ଅନସିମ ଇନି ର ହଲ୍ଲେସସି ମାଚେସି ଏଞ୍ଜାସି ପିଲିମନ ତାଣ୍ଡାଟି ହଟାତୁସା ମାଚେସି ଏଞ୍ଜାସି ପାଖୁଲ ତାଣ୍ଡାଟି କ୍ରୀସ୍ତାନା ଆହ୍ୱାନାଚେସି । ରମିୟ ଲକୁଟି ମେରା ତଲେ ଅନସିମଇଁ ହାନି ତଣ୍ଡ ହାନାୟି ମାଚେ ।

ଅନସିମଇଁ କାର୍ମାମେସାନା ଏଞ୍ଜାଣାଇଁ ହଲ୍ଲେସସି ଲେହେଁ ଆଏ ସାମା କ୍ରୀସ୍ତାନା ତାୟିଲେହେଁ ୱେଣ୍ଡେ ଆବାମୁ ଇଞ୍ଜିଁ ପିଲିମନଇଁ ବାତିମାଲିହଁ ଇ ଆକୁ ରାଡ଼ିମାନେସି ୧:୧୩-୧୪ ।

ପତିବା ମାନାୟି

- ୧. ପିଲିମନଇଁ ଜହରା ୱେହ୍ନାୟି । ୧:୧-୩
- ୨. ଅନସିମଇଁ କ୍ରୀସ୍ତାନା ତାୟିଲେହେଁ ଆବାଲି ଏଲେଇନାୟି । ୧:୪-୨୧
- ୩. ଆକୁଟି ରାମ୍ନି କାତା । ୧:୨୨-୨୫

୧ ନାନୁ ପାଖୁଲ, ଜୀସୁ କ୍ରୀସ୍ତ ତାକି ଦସ୍ପି ଆହ୍ୱାନାନାଚେସି, ତାୟି ତିମତି, ମା ତଲେ କାମା କିହିମାନି ଜୀସୁଟି ପିଲିମନ,

୨ ଅଡ଼େ ତାଜି ଅପ୍ପିୟା ଇଞ୍ଜା ମା ତଲେ ଜୁଜୁକିନି ଆକଁ ପ୍ପ ଇଞ୍ଜା ମୀ ଇଜ ମାନି କୁଲମିତାକି ଆକୁ ରାଡ଼ାମାଇଁ;

୩ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହ୍ନାୟି ଅଡ଼େ ହିଡ଼ି ମିଜେତାକି ଆୟାପେ ।

ପିଲିମନ ଜୀସୁନନାୟି ଅଡ଼େ ନାନିନାୟି

- ୪ ନାନୁ ନା ପ୍ରାତାନାତା ମୀ ଦରୁ ଆସାନା କାଲେସ ନା ମାହାପୁରୁଇଁ ଜହରା କିହିମାଇଁ,
- ୫ ପ୍ରବୁ ଜୀସୁ କ୍ରୀସ୍ତ ଇଞ୍ଜା ବାରେ ମାହାପୁରୁ ଲକୁତାକି ମୀ ଜୀସୁନନାୟି ଅଡ଼େ ନାନୁଟି କାତା ୱେଞ୍ଜାନା
- ୬ ଏଲେକିହଁ ଏ ମୀ ନାନୁତଲେ ଆଣ୍ଡି ଆନାୟି, ମାଜେ ହାପ୍ତିଆଡ଼ି ବାରେ ନେହଁ କାତାଟି ପୁନାଣି ତଲେ କ୍ରୀସ୍ତ ତାଣ୍ଡା କାମା ଆନେ ।
- ୭ ଏନାଆଁତାକି ଇରିହଁ, ଏ ନା ତାୟି, ମାହାପୁରୁ ଲକୁଟି ହିୟାଁ ମୀ ତାଣ୍ଡା ସୁସି ମେଡ଼ା ଆହ୍ୱାନାନାକି ନାନୁ ମୀ ଜୀସୁ ନନି ତାଣ୍ଡା ରାହଁ ଅଡ଼େ ସାସା ବେଗା ଆହିମାଇଁ ।

ଅନସିମ ତାକି ବାତିମାଲିନାୟି

୮ ଆଡିହଁ ଏନାୟି ନେହାୟି, ଏ କାବୁତାକି ନିଜେ ହୁକୁମି ହାହାଲି କ୍ରୀସ୍ତଟି ହଲ୍ଲେସଣା ଲେହେଁ ଆଡ଼ିଜିକେସ ନାଜେ ହାରେ ପୁରେ ସାସା ମାନେ,

୯ ଆଡ଼ିଜିକେସ ନାନୁ ବୁଡ଼ହା ପାଖୁଲ ଜୀସୁ ନନାଣି ତାକି ନିଜେ ବାତିମାଲିମାଞ୍ଜାଇଁ, କ୍ରୀସ୍ତ ଜୀସୁ ତାକି ନାସିଁ ନାନୁ ଦସ୍ପି ଆହ୍ୱାନାଇଁ,

୧୦ ନାନୁ ଇଲେକଁ ଦସ୍ପି ଆହ୍ୱାନାନାଟି ନା ମୀରୁସସି ଅନସିମ ତାକି ନିଜେ ବାତିମାଲିମାଞ୍ଜାଇଁ;

୧୧ ଏଞ୍ଜାସି ନଜେସ ନିଜେ ଅଡ଼େ ନାଜେତାକି ଲଡ଼ା ହାଆଗାଗାସି ମାଚେସି, ସାମା ନାସିଁ ନିଜେତାକି ଅଡ଼େ ନାଜେତାକି ଜିକେସ ଲଡ଼ା ଗାଗାସି ଆହ୍ୱାନାନେସି ।

୧୨ ନାନୁ ଏଞ୍ଜାଣାଇଁ ନୀ ତାଣ୍ଡା ୱେଣ୍ଡେ ପାଣ୍ଡିମାଞ୍ଜାଇଁ, ଏଞ୍ଜାସି ନା ହିୟାଁ ମାନେ ।

୧୩ ନେହଁ କାବୁତାକି ନାନୁ କାୟିଦିତା ମାଞ୍ଜାନା ଏଞ୍ଜାଣାଇଁ ନୀ କିନି ଜାତୁନୁ ନାଜେ କିହାଲି ତାକି ତାଗେ ଇଟାଲି ଅଣ୍ଡିମାଚେସି,

୫ ୧:୨ କଲସି ୪:୧୭ ୬ ୧:୧୦ କଲସି ୪:୯

୧୪ ସାମା ନାନୁ ରାଜି ଆଆପାତେକା ନାନୁ ଏନାଆଁ କିହାଲି ଅଣପାଆତେଏଁ, ଏନିକ୍ ନୀ ନେହ୍ କାମା ନୀ ମନତଲେ କିନିଲେହେଁ ଆଆନା ନେହ୍ ଅଣ୍ଟୁ ତଲେ ଆଚ୍ଚନ ।

୧୫ ଆତିହ୍ ଇଦି ଆହାଲି ଆଡିନେ, ଏନିକ୍ ନାନୁ ଏଝାଣାଛ୍ ହଚ୍ଲଏଣା ଲେହେଁ ମେହ୍ଆନା ସାମା ହଚ୍ଲଏଣା କିହ୍ କାଜାସି ଲେହେଁ, ଇଚିହ୍ ଜୀଝୁତି ତାୟିଲେହେଁ କାଚ୍ଲଏତାକି ବେଟାଆଦି, ଏଦାଆଁତାକି ଏଝାସି ଏଚରଦିନା ତାକି ଏଚ୍ଚକା ଆହାମାଚେସି;

୧୬ ସାମା ଏଝାସି ଝାରଇ ହଚ୍ଲଏସି ଆଏ, ନୀଏଁ ଏଝାସି ଜୀଝୁତି ତାୟି, ଇଚିହ୍ ଆଜ୍ଜା ତଲେ ଅଡେ ମାହାପୁରୁ ତାଣା ନିଜେତାକି ଏଚେକା ଜୀଝୁ ନନ୍ଦାସି ଆଅସି ।

୧୭ ଏଦାଆଁତାକି, ନାନୁ ନାଜେ ନା ତଡୁତୁସି ଇଞ୍ଜ୍ ଅଣ୍ଟି ମାଞ୍ଜାସାରେ, ଆତିହ୍ ନାଜେ ଆବାତି ଲେହେଁ ଏଝାଣାଛ୍ ଆବାମୁ ।

୧୮ ଇଚିହ୍ ନିଜେତାକି ଏନି ଲାଗେଏ କିହାମାଞ୍ଜାତ୍ କି ନୀ ତାଣା ରୀଣା ଆହା ମାଞ୍ଜାତିହ୍, ଏଦାଆଁ ନା ଦନ୍ତତା ରାଡାମୁ ।

୧୯ ନାନୁ ପାଝୁଲତେଏଁ, ନା କେହ୍ତଲେ ଇଦାଆଁ ରାଡିମାଛ୍, ନାନୁ ଏଦାଆଁ ଝେଚ୍ଚହାଛ୍ । ନାନୁଏ ନା ତାଣା ରୀଣା ମାଞ୍ଜି, ଇ କାତା ଅଡେ ନାନୁ ଝେସାଲି ଅଣ୍ଟି ହିଲଅଁ ।

୨୦ ହାଅ, ତାୟି, ପ୍ରବୁ ତାଣା ଆଣ୍ଡିତ୍ ନୀ ତାଣାଚି ନା ଲାବା ଆୟାନେ, କ୍ରୀସ୍ତତି ତାଣା ନା ଜୀଝୁତା ବାସ୍ତ୍ ହିୟାମୁ ।

୨୧ ନାନୁ ନା ଝେସ୍ତାତିଲେହେଁ କିଦି ଇଞ୍ଜ୍ ନାମୁ ମାନାକି ନାନୁ ଇ ଆକୁ ରାଡିମାଛ୍; ସାତେଏ ନାନୁ ପୁଞ୍ଜାମାଛ୍, ନାନୁ ଏଚେକା ଝେସିମାଞ୍ଜାଛ୍, ନାନୁ ଏଦାଣିକିହ୍ ଆଗାଡା ଜିକେଏ କିଦି ।

୨୨ ଇଦାଆଁ ତଲେ ନା ତୁୟିନି ଇଲୁ ଜିକେଏ କିହାନା ଇଚାମୁ, ଇଚିହ୍ ମୀ ପ୍ରାଡାନା ତଲେ ମୀରୁ ନାଜେ ଝେଣ୍ଡେ ବେଟା ଆୟାଦେରି, ଇଦାଆଁ ନାନୁ ଆସା କିହମାଛ୍ ।

ରାଜିବେଲାତି ଜହରା

୨୩ *କ୍ରୀସ୍ତ ଜୀସୁ ତାକି ନା ତଲେ କାୟିଦି ଇଲୁତା ମାନି ଏପାପ୍ରା

୨୪ *ଇଞ୍ଜ୍ ନା ତଲେ କାମା କିହମାନି ମାର୍କ, ଆରିସ୍ତାର୍କ, ଦିମା ଅଡେ ଲୁକ ନିଜେ ଜହରା କିହିମାଞ୍ଜାନେରି ।

୨୫ ମା ପ୍ରବୁ ଜୀସୁ କ୍ରୀସ୍ତତି କାର୍ମାମେହ୍ନାୟି ନେହ୍ ଜୀଝୁ ମୀ ତଲେ ମାଣ୍ଡେ ।

* ୧:୨୩ କଲସି ୧:୭; ୪:୧୨ * ୧:୨୪ କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; କାମା ୧୯:୨୯; ୨୭:୨; କଲସି ୪:୧୦; କଲସି ୪:୧୪; ୨ତିମ ୪:୧୦; କଲସି ୪:୧୪; ୨ତିମ ୪:୧୧

ହିବୁମାନଙ୍କୁ ଲିଖିତ ପତ୍ର ଏବି ଲକ୍ଷ୍ମଣଙ୍କ ରାଡ଼ିତି ଆକୁ ମୂଳୁ ହାଡ଼ା

ଏବି ପତି ର ରାହାଁ ହାନି ପତି । ପୁଃଈ ଫେରାତି ହାରେକା ମାହାପୁରୁ ଅଣପୁତି ବଲୁୟାଁ ପୁଃଠାଲ ଆହାମାନି କାତା ଇମ୍ପାଆଁ ମେସାଲି ଆଡ଼ିମାନାୟି । ଇ ପତି ର ନେହଁ କାତାତି ଖେହ୍ନି ପତି । ଇମ୍ପାଆଁ ତାନିକଡ଼ିଟିଏ ହାରେକା ପୁଃଈ ଫେରାତି କାତାୟାଁ ରାସ୍ତି ଆହାମାନୁ । ଜୀସୁ କ୍ରୀସୁ ଏନିକଁ ମାହାପୁରୁ ଅଣପୁତି ବଲୁ ଅଡ଼େ ଜୀହୁଦି ପୂଜେରାଜା କାମା ପୁରା କିତେସି ଇମ୍ପାଆଁ ମାର ମେସାଲି ଆଡ଼ିମାନାୟି ।

ଇଦାଆଁତାକି ଇ ପତି ଜୀହୁଦି କ୍ରୀସ୍ତାନା ଲକ୍ଷ୍ମଣି ସାସା ଅଡ଼େ ବାସୁଁ ହାନି ପତି । ଏବି ପତି ଖେସିମାନେ, ଜୀସୁ ଏନିକଁ ଫେରାତି ପୁରା କିତେସି, ଏନିକଁ ପୂଜେରାଜା ଅଡ଼େ ଖେଣ୍ଡେ ପୂଜା ହାହାଲି ଲଡ଼ା ହିଲେଏ । ଜୀସୁ କ୍ରୀସୁ ବାରେ କାଲେଏତାକି ରଣିଏ ଦେବା ପାପୁତି ପୂଜା ହାତେସି । ନୀର୍ସତି ଜୁଗୁତି କ୍ରୀସ୍ତାନା ଲକ୍ଷ୍ମଣି ଏବି ପତି ସାସା ଅଡ଼େ ବାସୁଁ ତସିମାନେ । କ୍ରୀସୁ ମାଜେ ମାହାପୁରୁ ତାଣା ବାସୁଁ କିଖିକିହାଲି ଆଡ଼ାମାଞ୍ଜନେସି । ଅଡ଼େ ଏଞ୍ଜାଣି ତାଣା ବାସୁଁ ଇଚାନା ତାକିନ ୧୨:୨ ।

ଏବି ପତି ଆମ୍ପାଆସି ରାଡ଼ାମାନେସି ପୁଣ୍ଡି ଆହା ହିଲେଏ, ସାମା ବୁଦିଗାଗାରି ଏଲେ ଇଞ୍ଜିମାନେରି ପାଣ୍ଡିଆହାମାନି ପାଞ୍ଜୁଲ, ଲୁକ, ଆଥାତଁ ବର୍ନବା ଆହାଡ଼ୟିନେରି । ଇଦାନି ରାଡ଼ିତି କାଲିମି ଜିକେଏ ପୁନାଆତାୟି, ସାମା ହାରେକା ଲକ୍ଷ୍ମଣ ଏଲେଇନେରି ଇଦି ଜୀସୁ କ୍ରୀସୁ ଜାର୍ନାଆତି ୭୦ ବାର୍ସା ତାୟୁ ରାସ୍ତିକି ଆହାମାନେ । ଇତିହଁ ଜିରୁସାଲମ ଲକ୍ଷ୍ମଣ କ୍ରୀସୁ ଜାର୍ନାଆତି ୭୦ ବାର୍ସା ତାୟୁ ନାସା ଆଡେ ସାମା ଇ ଆକୁତି ରାଡ଼ିନାସି ଇଦି ନାସା ଆଥାତିଲେହେଁ ରାଡ଼ିମାନେସି । ଏବି ପତି ରମ୍ ଗାଡ଼ାତା ରାସ୍ତିକି ଆହାମାଚେ ୧୩:୨୪ ଅଡ଼େ ହାରେକା କୁଲମିକାଣା ବାଟିକିଞ୍ଜି ଆହାମାଚେ ।

ପତିବା ମାନାୟି

- ୧. ଜୀସୁ କ୍ରୀସୁ ମାହାପୁରୁ ଅଣପୁତି ବଲୁ ଖେହ୍ନାସି ଅଡ଼େ ଦୁତୁୟାଁ କିହାଁ ଜିକେଏ କାଜାସି । ୧:୧-୪:୧୩
- ୨. ଜିରୁସାଲମତା ସେବା କିହମାନି ପୂଜେରାଜା କିହାଁ ଜିକେଏ ଜୀସୁ କାଜାସି । ୪:୧୪-୭:୨୮
- ୩. ମାହାପୁରୁ ମସାକି ଫେରା ହାହାନା ତାନି ଲକ୍ଷ୍ମଣତଲେ କିହାମାତି ରାଡ଼ିମାନା କିହାଁ ଜୀସୁତି ସେବା କାମା କାଜାୟି । ୮:୧-୧୦:୩୧
- ୪. ଜୀସୁଇ ବାରେ ତାଣା କାଜାସି କିହାନା ଖେସାମାନେସି । ୧୦:୩୨-୧୩:୧୭
- ୫. ସାସା ଅଡ଼େ ବାସୁଁତି କାତା ଖେସାନା ଜହରା ତଲେ ଆକୁତି ରାପୁନାୟି । ୧୩:୧୮-୨୫

ମୀର୍ସଣା ତାଣାଟି ମାହାପୁରୁତି ବଲୁ

୧ ମାହାପୁରୁ ତଲି କାଲ୍ଲାତା ଏଟକା ଏଟକା ଚାୟୁତା ଅଡ଼େ ଏଟକା ଏଟକାତି ମାହାପୁରୁ ଅଣପୁତି ବଲୁ ଖେହ୍ନାରି ତାଣାଟି ମା ଆକୁ ଆବାୟାଣି କାତା ଖେସାମାଚେସି,

୨ ସାମା ଇ ରାନ୍ତି ଦେଲ୍ଲାତା ମୀର୍ସଣା ତାଣାଟି ମାଜେ କାତା ଖେସାମାଞ୍ଜନେସି । ଏଞ୍ଜାଣାଲଁ ଏଞ୍ଜାସି ବାରେତି ମୁହେଁ କାଜାସି କିହାଁ ଆଚାମାନେସି, ଏଞ୍ଜାଣି ତାଣାଟି ହାଗୁପାକା ଦାରୁତି ବାରେ ଗାଡ଼ିକିତେସି;

୩ ଏ ମୀର୍ସଣି ତାନି ଡ଼ାଞ୍ଜିମାନି ଗାଞ୍ଜୁରମିତି ଉଜେଡ଼ି ଅଡ଼େ ଏଞ୍ଜାଣି ଖାଣା ମାନେ, ଏଞ୍ଜାସି ତାନି ବାଡ଼ୁରୁ ଗାଟି ବଲୁ ତଲେ ବାରେ ଦାରୁତିତି ସାଲ୍ଖି କିନେସି, ଇଞ୍ଜା ମା ପାପୁ ବାରେ ମ୍ପେକ୍ସି ତାୟୁ ଲାକପୁରୁତି ବାଡ଼ୁରୁ ଗାଟି ମାହାପୁରୁତି ଚିଃନି ଚଟତା କୁଗାମାନେସି ।

ମାହାପୁରୁ ମୀର୍ସଣି ବାରେକିହାଁ କାଜାସି

୪ ମୀର୍ସଣି ଏନିକଁ ଲାକପୁରୁତି ଦୁତୁୟାଁ କିହାଁ ହାରେକା କାଜା ଦରୁତି ଅଦିକାରା ବେଟାଆହା ମାନେସି, ଏଲେକିହଁ ଏ ଏଞ୍ଜାସି ଏଞ୍ଜାସିକା କିହାଁ ହାରେକା କାଜାସି ଆହାମାନେସି ।

୫ ଇତିହଁ ମାହାପୁରୁ ଦୁତୁୟାଁ ବିତ୍ରାଟି ଆମ୍ପାଆରାଲଁ ଏଚେଲା ଏଲେଇଞ୍ଜା ହିଲଅସି,

“ନାନୁ ନା ମୀର୍ସଣାଟି,

ନୀଞ୍ଜୁଟିଏ ନାନୁ ନୀ ତାଞ୍ଜିତେଏଁ”

ଅଡ଼େ ଜିକେଏ ମାହାପୁରୁ ଏଲେଇଚେସି,

“ନାନୁ ମୀ ଆବାତେଏଁ ଆହାମାଇଁ,

ଅଡ଼େ ନାନୁ ନା ମୀରୁଏଣାତି ଆଦି ।”

୭ ଅଡ଼େ ମାହାପୁରୁ ତାନି ପାଣ୍ଡା ମୀରୁଏଣାଇଁ ଅଡ଼େ ଖେଣ୍ଡେ ଦାରୁତିତା ପାଣ୍ଡାତେସି, ଏ ବେଲ୍ଲତି ସିନିକିହାନା ଏଲେଇନେସି, “ମାହାପୁରୁତି ବାରେ ଦୁଡୁୟାଁ ଏଞ୍ଜାଣାଇଁ ଜହରା କିପେରି ।”

୮ ର ଖାକିଟି ମାହାପୁରୁ ଦୁଡୁୟାଁ କାତା ଏଲେଇଞ୍ଜି ମାନେସି,

“ମାହାପୁରୁ ତାନି ଦୁଡୁୟାଁଇଁ ଗାଲି ଲେହେଁତି ଜୀଝୁ ହାନେସି,

ଅଡ଼େ ତାନି ସେବା କିନାରାଇଁ ହିଚୁ ଗୁଦ୍‌ଝା ଲେହେଁ କିନେସି ।”

୯ ଅରଞ୍ଜକି ମାହାପୁରୁ ତାନି ମୀରୁଏଣା ତାକି ଏଲେଇଞ୍ଜି ମାନେସି,

“ଏ ମାହାପୁରୁ ନୀ ସିଂଗାସାଣି କାଲ୍ଲକାଲ୍ଲା ତାକି ତ୍ତୟିନେ,

ଅଡ଼େ ନାନୁ ସାଲ୍‌ଝି କିନାୟି ନୀହାୟି ତଲେ ଆନେ ।

୧୦ ନାନୁ ଦାମ୍‌ ଗାଟାଣାଇଁ ଜୀଝୁ ନହୁଁ ମାଞ୍ଜି

ଅଡ଼େ ଦାମ୍‌ ହିଲ୍ଲୀଆଗାଟାରାଇଁ ଅପାହିଲଅତି,

ଏଦାଆଁତାକି ମାହାପୁରୁ ନୀ ମାହାପୁରୁ ନିଜେ ଆଟାନେସି,

ମୀ ତଣେସିଞ୍ଜା କିହାଁ ନିଜେ ହାରେକା ରାହାଁତି ନିହୁଁ ଖାକ୍‌ହାନା ନିଜେ ଆଟାନେସି ।”

୧୧ ଏଞ୍ଜାସି ଅଡ଼େ ଖେସିମାନେସି,

“ଏ ପୁରୁ, ନାନୁ ମୁଲୁଏ ଦାରୁତିତି ପୁନାଦି ଗାଡ଼ିକିତି,

ଅଡ଼େ ହାଗୁପାକା ବାରେ ନୀ କେୟୁତଲେ କେପିତି ।”

୧୨ “ଏ ବାରେ ର ଦିନା ମେଣ୍ଡାକାହାନେ, ସାମା ନାନୁ କାଲେଏ ତ୍ତୟିଦି;

ଅଡ଼େ ଏ ବାରେ ପ୍ଲାଝଇ ହିମ୍‌ରିକା ଲେହେଁ ଗେଞ୍ଜା ହାନୁ

୧୩ ଅଡ଼େ, ନାନୁ ହିମ୍‌ରି ଲେହେଁ, ହାଅ, ହିମ୍‌ରି ଲେହେଁ ମୁଦାକିଦି

ଅଡ଼େ ଏଞ୍ଜି ବାରେ ହିମ୍‌ରିକା ଲେହେଁ ବାଦଲି ଆନୁ;

ସାମା ନାନୁ ବାରେବେଲା ଏଞ୍ଜାତିଏ,

ଅଡ଼େ ନୀ ଜୀଝୁ ଏତେଲାଞ୍ଜା ରାଏ ।”

୧୪ ମାହାପୁରୁ ତାନି ଦୁଡୁୟାଁଇଁ ଏତେଲାଞ୍ଜା ଏଲେଇଞ୍ଜା ହିଲଅସି,

“ନାନୁ ନୀ ସାଡୁୟାଁଣି ନୀ କଡାୟାଁ ତ୍ତଇ ଇଟାଆ ପାତେକା

ନାନୁ ନୀ ଚିଝନି ଚଟତା କୁଗାମାନାମୁ ।”

୧୫ ଆତିହୁଁ ଲାକପୁରୁତି ଦୁଡୁୟାଁ ଆମ୍‌ଆରି ? ଏଞ୍ଜାରି ଆହିମାନେରି ମାହାପୁରୁତି ସେବା କିନାରି ମାଣ୍‌ସିୟାଁଇଁ ସାୟେନି କିହାନା ଗେଲ୍‌ପାଲିତାକି ମାହାପୁରୁ ତାଣାଟି ପାଣ୍ଡାସିଆତି ଜୀଝୁୟାଁ ।

୨

ଗେଲ୍‌ପିନାୟି

୧ ଏଦାଆଁତାକି, ମାର ଖେଞ୍ଜାମାନି କାତାତି ହାରେକା ଖେଞ୍ଜାଲି ମନ ହାନାୟି ମାନେ, ଆଆତୁଁ ମାର ଏଡ଼େତା ଜିରୁ ବାଣ୍ଡାସି ଆଆୟି ।

୨ ଇତିହୁଁ ନକେଏ ଲାକପୁରୁତି ଦୁଡୁୟାଁ ତାଣାଟି ଏଲେଇଞ୍ଜା ମାନେସି, ଏଦି ସାତା ଇଞ୍ଜୁଁ ତାରିଆହାଁ ମାନେ, ଅଡ଼େ ଆମ୍‌ଆରି କାତା ଆହୁଆନା ମାନଞ୍ଜି ଆହାହିଲଅରି, ଏଞ୍ଜାରି ତାମ୍‌ ବେଗାଆନି ତଣ୍ଡ ବେଗାଆହାମାନେରି ।

୩ ଆତିହୁଁ ଇଲେତି ଗେଲ୍‌ପିନାୟିଇଁ ହେଲା କିତିହୁଁ ମାର ଏନିକୁଁ ଗେଲ୍‌ହିନାୟି ? ଏଦି ନକେଏ ପୁରୁ ତାଣାଟି ଖେସିପି ଆହାଁ ଖେଞ୍ଜାମାନି ଲାକୁ ତାଣାଟି ମା ତାଣା ଖେସିପିଆହାମାନାୟି ସାତା ଆହାମାନେ;

୪ ଏଦାଆଁତାକି ମାହାପୁରୁ ଜିକେଏ ତାନି ମନତଲେ ହାରେକା ସିନାୟାଁ ଅଡ଼େ କାବାଆନି କାମାୟାଁ ଇଞ୍ଜା, ବାଡ଼ୁଗାଟି କାମାୟାଁ ଅଡ଼େ ସୁଦୁଜୀଝୁତି ଏଟକା ଏଟକାତି ଦାନା ହାହାନା ସାକି ହାହାମାନେସି ।

ଜାମୁ ମାଣ୍‌ସି ଖାଣା ଆତେସି

୫ ମାହାପୁରୁ ଆମିନି ପୁଝନି ଦାରୁତିତି ଗାଡ଼ି କିନେସି, ଅଡ଼େ ଆମିନି ଦାରୁତିତି କାତା ମାମୁ ଚୁଝସିମାଞ୍ଜାନମି, ଏଦାନି ଅଦିକାରା କିହାଲି ଏଞ୍ଜାସି ଲାକପୁରୁତି ଦୁଡୁୟାଁ କେୟୁତା ହେରୁପା ହିଲଅସି ।

୬ ସାମା ରଅସି ର ଚାୟୁତା ସାକି ହାହାମାନେସି;

“ଏ ମାହାପୁରୁ, ମାଣସି ଆତ୍ମାଆସି, ନାନୁ ଏଞ୍ଜାଣାଇଁ ଅଣପିମାଞ୍ଜି ?

ମାଣସି ମୀରୁଏସି ଆତ୍ମାଆସି ନାନୁ ଏଞ୍ଜାଣି ଜାତୁନୁ ଅହିମାଞ୍ଜି ?

୭ ନାନୁ ଏଞ୍ଜାଣାଇଁ ଲାକପୁରୁତି ଦୂତୁୟାଁ କିହାଁ ରଚାଣି ଉଣା କିହାମାଞ୍ଜି;

ନାନୁ ଏଞ୍ଜାଣାଇଁ ଗାଞ୍ଜୁରମି ଅଡ଼େ ମାନିତି ଟପେରି ତୁରଞ୍ଜି କିହାମାଞ୍ଜି,

୮ ନାନୁ ବାରେ ଏଞ୍ଜାଣି କତାୟାଁ ଡ଼ଇ ଇଟାମାଞ୍ଜି ।”

ସାତେଏ ମାହାପୁରୁ “ବାରେତି” ଇତିହୁଁ ଏନାଆଁଞ୍ଜା ପିହୁଆନା ବାରେତି ତାନି କତାଁ ଡ଼ଇ ଇଟାମାନେସି; ଆଡ଼ିଜିକେଏ ମାରୁ ନୀର୍ଏ ପାତେକା ବାରେ ତାନି ଡ଼ଇ ଆହାମାନାଣି ମେସି ହିଲାଆୟି ସାତା ।

୯ ମାରୁ ମେସିମାନାୟି ଲାକପୁରୁତି ଦୂତୁୟାଁ କିହାଁ “ଇଚାନି ଉଣା” କିଞ୍ଜିଆହା ମାତେସି, ଏଞ୍ଜାଣାଇଁ ଇତିହୁଁ ଜୀସୁଇଁ ହାକିତି ଦୁକୁ ବେଟା ଆହାମାନାକି ଗାଞ୍ଜୁରମି ଅଡ଼େ ମାନିତି ଟପେରି ତୁରହା ମାନାଣି ମେସିମାନାୟି, ଏନିକିଁ ମାହାପୁରୁତି କାର୍ମାଟି ବାରେ ମାଣସିୟାଁ ତାକି ଏଞ୍ଜାସି ହାକିତି ଖାଣ୍ଡା ମାନେସି ।

୧୦ ଇତିହୁଁ ଆତ୍ମାଆରି ତାକି ଇଞ୍ଜାଁ ଆମିନି ଗାଟାଣା ତାଣ୍ଡାଟି ବାରେ ଗାଡ଼ି ଆହାମାନେ, ହାରେକା ମୀରୁକାଣି ଜୀସୁତି ଗାଞ୍ଜୁରମି ପାଣସି କିହାଲି, ଜୀସୁ ଦୁକୁ କସ୍ତ ବେଟାଆହାନା ଏଞ୍ଜାରାଇଁ ଗେଲପିନି ଜିରୁତା ଅନେସି ।

୧୧ ଆତ୍ମାଆସି ପାପୁଟି ସୁଦୁ କିନେସି ଅଡ଼େ ଆତ୍ମାଆରି ସୁଦୁ ଅନେରି, ଏଞ୍ଜାରି ବାରେ ରଣ୍ଡିଏ ତାଞ୍ଜିତି ମୀରୁକା; ଏଦାଆଁତାକି ଏଞ୍ଜାରାଇଁ ଜୀସୁ ତାୟି ତାଞ୍ଜି ଇଞ୍ଜାଲି ଲାଜା ଆଅସି,

୧୨ ଏଞ୍ଜାସି ମାହାପୁରୁଇଁ ଏଲେଇଞ୍ଜି ମାନେସି,

“ନାନୁ ନା ତାୟି ତାଞ୍ଜିସ୍ତା ନକିତା ନୀ ବାରେ କାମା ଝେକଇଁ, ବାରେ କୁଲମି ନକିତା ନୀ ଜହରା ପାରୁ ପାଟିଇଁ ।”

୧୩ ଅଡ଼େ ଝେଣ୍ଡେ ଏଲେଇଞ୍ଜି ମାନେସି, “ନାନୁ ଏଞ୍ଜାଣି ତାଣ୍ଡା ନା ନାମୁ ତୀରି କିଇଁ ।” ଅଡ଼େ ସିନିକିଦୁ “ମାହାପୁରୁ ନାଜେ ହାହାମାଞ୍ଜାନି ମୀରୁକା ମାୟ୍‌କା ନା ତଲେ ମାନେରି ।”

୧୪ ଏନାଆଁତାକି ଇତିହୁଁ ମୀରୁକା ଉଞ୍ଜା ଅଡ଼େ ନେତେରିତି ଆଜ୍ଞାତା ଆଣ୍ଡାମାନାକି କ୍ରୀସ୍ତ ଜିକେଏ ଏଲେକିହୁଁ ଏ ମାଣସି ଖାଣ୍ଡା ଆଡ଼େସି, ଏନିକିଁ ତାନି ହାକିତି ସୟତାନଇଁ ନାସା କିନେସି; ଇତିହୁଁ ହାକି ସୟତାନତି ଅଦିକାରାତା ମାତେ ।

୧୫ ଇଞ୍ଜାଁ ହାକିତି ଆଜିତଲେ ଆତ୍ମାଆରି କାଲେଏତାକି ହଲିୟାଜା ଆହାନା ଦସ୍‌ସି ଆହାମାତେରି, ଏଞ୍ଜାସି ଏଞ୍ଜାରାଇଁ ଗେଲପିନେସି ।

୧୬ ଇତିହୁଁ ଏଞ୍ଜାସି ସାତେଏ ଲାକପୁରୁତି ଦୂତୁୟାଁଣି ସାୟେମି କିଆନା ଅଗ୍ରାହାମତି ମୀରୁକାଣି ସାୟେମି କିହିମାନେସି ।

୧୭ ଏଦାଆଁତାକି ଏଞ୍ଜାସି ବାରେ ଖାକିତି ତାନି ତାୟିୟାଁ ଲେହେଁ ଆନାୟି ମାତେ, ଏନିକିଁ ଏଞ୍ଜାସି ବାରେ ଲକୁତି ପାପୁତି ବାଦୁଲି ପୂଜା ହାହାଲିତାକି ମାହାପୁରୁତି ସେବା କାମାତା ର କାର୍ମାମେହନି ଅଡ଼େ ନାମୁତି କାଜା ପୂଜେରା ଆନେସି ।

୧୮ ଇତିହୁଁ ଏଞ୍ଜାସି ତାନୁ ତାୟିପାରି କିଞ୍ଜି ଆହାଁ ଦୁକୁ ବେଟାଆହା ମାନାକି ତାୟିପାରି କିଞ୍ଜି ଆହିମାନି ଲକୁଣି ସାୟେମି ଆହାଲି ଆଡ଼ିମାନେସି ।

୩

ଜୀସୁ ମସା କିହାଁ କାଜାସି

୧ ଏଦାଆଁତାକି ଏ ନା ସୁଦୁଗାଟି ତାୟିୟାଁ ଅଡ଼େ ତାଞ୍ଜିସ୍ତା ମୀରୁ ଆମିନି ମାହାପୁରୁତି ହାଟୁକି ଆହାମାନି ତାଣ୍ଡା ଆଣ୍ଡାମାନାତେରି ମା ନାମୁତଲେ ପାଣ୍ଡିଆହାମାନି କାଜା ପୂଜେରା ଜୀସୁତି କାତା ଅଣପାଦୁ;

୨ ମସା ଏନିକିଁ ମାହାପୁରୁ ଇଲୁତା ମାନିତଲେ କାମା କିହାମାତେସି, ଜୀସୁ ଜିକେଏ ଏଲେକିହୁଁ ତାଜେ ଆଟାମାନି ମାହାପୁରୁ ନକିତା ମାନି ଗାଟାସି ଆଡ଼େସି ।

୩ ଇଲୁ କିହାଁ ଇଲୁ କେପିତାସି ଏନିକିଁ ମାନି ବେଟା ଆନେସି, ଏଲେକିହୁଁ ଏ ମସା କିହାଁ ଜୀସୁ ହାରେକା ଗାଞ୍ଜୁରମିତି ଜଟେ ଆହାମାନେସି ।

୪ ଇତିହୁଁ ବାରେ ଇଲୁକା ଆତ୍ମାଆରି ଆଆଡ଼ିଁ ଆତ୍ମାଆରି ତାଣ୍ଡାଟି କେପଞ୍ଜି ଆନୁ, ସାମା ମାହାପୁରୁ ବାରେତି ଗାଡ଼ି କିନାସି ।

୫ ମସା ମାହାପୁରୁ ଇଲୁତା ହଲେଏସି ଲେହେଁ ନାମୁତଲେ ସେବା କାମା କିହାମାତେସି, ଇଞ୍ଜାଁ ଏମିନି କାତା ମାହାପୁରୁ ତାୟି ଝେସାଲି ମନ କିହାମାତେସି ଏ କାତେଏ ଇଦି ।

୭ ସାମା ଜୀସୁ କ୍ରୀସ୍ତ ତାନି ଆବା ଇଲୁଚି ମୁହେଁ ମୀରୁଏଣା ଲେହେଁ ମାନି ଗାଟାସି; ଇଞ୍ଜି ମାର ମା ସାସାତଲେ ଆଞ୍ଜାମାନାଣି ବେଟାଆନାୟି ଇଞ୍ଜି ମା ବାସୁଚି ତାୟୁ ପାତେକା ଜାଣ୍ଡେ ଆସା ତୁୟିନ, ଆତିହ ମାର ଜିକେଏ ଏଞ୍ଜାଣି ଇଲୁ ଲେହେଁ ଆନାୟି ।

ମାହାପୁରୁ ଲକ୍ଷ୍ମୀତାକି ଜମିନାୟି

୭ ଏଦାଆଁତାକି ସୁଦୁଜୀସୁ ଝେସିମାନିଲେହେଁ,
 “ନୀଞ୍ଜୁ ମୀରୁ ଏଞ୍ଜାଣି ହାଡ଼ା ଝେଞ୍ଜେରି,
 ିଆତିହ ମୀ ଆକୁ ଆବାୟାଁ ଲେହେଁ ମୀ ହିୟାଁତି ଆଟ୍ଝା କିଆଦୁ, ଲକ୍ଷ୍ମ ହିଲୀଆ ବାଟାତା ଏ ଦିନା
 ଏଞ୍ଜାରି ମାହାପୁରୁଇଁ ତାୟିପାରି କିହାନା
 ଏଞ୍ଜାଣି କପାଟି ନିଙ୍ଗାମାଚେରି,
 ଏ ବାଟାତା ମୀ ଆକୁ ଆବାୟାଁ ନାଙ୍ଗେ ତାୟିପାରି କିହାଁ ନାଙ୍ଗେ ମେସ୍ତାତେରି,
 ଅଡ଼େ ରୀ କଡ଼ି ବାସାଁ ପାତେକା ମା କାମା ସିନିକିତେରି ।
 ୧୦ ଇଦାଆଁତାକି ନାନୁ ଇ କୁଡ଼ାତି ଲକ୍ଷ୍ମଇଁ କାରୁବି ଆହାନା ଏଲେଇଚେଏଁ,
 ଏଞ୍ଜାରି ବାରେଚେଲା ହିୟାଁତା ମାନି ହିଲୀଆ ଗାଟାରି,
 ଏଞ୍ଜାରି ନା ଜିରୁ ପୁଞ୍ଜାହିଲଅରି ।”
 ୧୧ ଇଦାଆଁତାକି ନାନୁ ନା କପାଟି ପାରମାଣା କିଚେଏଁ,
 ନାନୁ ଆମିନି ଦେସାତା ଏଞ୍ଜାରିଇଁ ଜମାଲି ହୀଚେଏଁମା ଏ ଦେସାତା ଏଞ୍ଜାରି ଏଚେଲାଞ୍ଜା ହଡ଼ାଲି
 ଆଡ଼ଅରି ।”

୧୨ ଏ ତାୟି ତାଙ୍ଗିସା, ଜାଗ୍ରାତା, ପାପୁ ଅଡ଼େ ନାମାଆଗାଟି ହିୟାଁ ମୀ ଆମ୍ବାଆରି ତାଣା ହିଲେଏ, ଏନିକ ମୀରୁ ଜୀସୁଗାଟି ମାହାପୁରୁ ତାଣାଟି ହେକ ଆଅତେରି ।

୧୩ ସାମା ଏଚେତା ପାପୁ ତଲେ ନାଡ଼ିକିଞ୍ଜି ଆହାନା ମୀ ବିତ୍ରାଟି ଆମ୍ବାଆରି ହିୟାଁ ଆଟ୍ଝା ଆଏ,
 ଇଦାଆଁତାକି ନୀଞ୍ଜୁ ଦିନା ମାନାଟିଏ ବାରେଦିନା ରଅତେରି ରଅଣାଇଁ ବାସୁଚି କାତା ଜଲାନା ସାୟେମି କିଦୁ;
 ୧୪ ଇତିହ ନଚେଏ ମୀ ଆମିନି ନାମୁ ମାଚେ, ଏଦାଆଁ ତାୟୁ ପାତେକା ଜାଣ୍ଡେ ଆସା ତୁୟିନାୟି ଆତିହ
 କ୍ରୀସ୍ତ ତାଣା ଆଣ୍ଡାନା ତୁୟିନାୟି ।

୧୫ ଦାମ୍ବୁ ସାସ୍ତେରିତା ରାସ୍ତକି ଆହାମାନେ,
 “ନୀଞ୍ଜୁ ମାହାପୁରୁଚି ହାଡ଼ା ଝେଚିସାରେ,
 ଏନିକ କାରୁବି କିଞ୍ଜିକିନି ଚାୟୁତା ଆହାମାଚେ,
 ଏଲେକିହ ମୀ ଆକୁ ଆବାୟାଁ ଲେହେଁ ହିୟାଁତି ଆଟ୍ଝା କିଆଦୁ !”

୧୬ ଆତିହ ଆମ୍ବାଆରି ମାହାପୁରୁଚି ହାଡ଼ା ଝେଞ୍ଜାନା ଏଞ୍ଜାଣାଇଁ କାକ୍ତି କିହାମାଚେରି, ମସା ତାଣାଟି ଆମିନି ଗାଟାରି ମିସର ଦେସାଟି ହଡ଼ା ଞ୍ଜାହାମାଚେରି, ଏଞ୍ଜାରି ବାରେ ଆଏକି ?

୧୭ ଅଡ଼େ ଆମ୍ବାଆରି ମୁହେଁ ରୀ କଡ଼ି ବାସାଁ ପାତେକା ଏଞ୍ଜାସି କାରୁବି ଆହାମାଚେସି, ଆମ୍ବାଆରି ପାପୁ କିହାମାଚେରି, ଆମ୍ବାଆରି ମଡ଼ା ଲକ୍ଷ୍ମ ତୁୟାଆ ବାଟାତା ରିହାମାଚେ, ଏଞ୍ଜାରି ଆଏକି ?

୧୮ ମାହାପୁରୁ ଏଚିଚେଲା ପାରମାଣା କିହାନା ଏଲେଇଞ୍ଜାମାଚେସି, ଏଞ୍ଜାରି ଏଚେଲାଞ୍ଜା ମାହାପୁରୁଚି ଜମିନି ତାଣା ହଡ଼ଅରି, ଏଚିଚେଲା ଏଞ୍ଜାସି ଆମ୍ବାଆରି କାତା ଏଲେଇଞ୍ଜାମାଚେସି ? ଆମ୍ବାଆରି କାତା ମାନୁଞ୍ଜି ଆହା ହିଲୀଆଚେରି, ଏଞ୍ଜାରି ତାକି ଏ କାତା ଏଲେଇଞ୍ଜାମାଚେସି ।

୧୯ ଇଲେକିହ ନାନୁ ମେସିମାଇଁ, ଏଞ୍ଜାରି ନାମାଆତାକି ଏ ଆଞ୍ଜାମାନି କିଣାନ ଦେସାତା ହଡ଼ାଲି ଆଡ଼ାଆଚେରି ।

୪

୧ ଏଦାଆଁତାକି ଖାଦୁ ମାର ଜାଗ୍ରାତା ଆନ, ଏଚେତା ତାନି ଜମିନି ତାଣା ହଡ଼ାଲି ଆଞ୍ଜାମାଟି ଜିକେଏ ମୀ ତାଣାଟି ଆମ୍ବା ଆମ୍ବାଆରି ଏମ୍ବାଟି ଏଚ୍ଚକ ଆନିଲେହେଁ ତଞ୍ଜା ଆହିମାନେରି ।

୨ ଇତିହ ଏଞ୍ଜାରି ନକିତା ଏନିକ, ମା ନକିତା ଜିକେଏ ଏଲେକିହ ଏ ନେହ କାବୁ ଝେପୁକି ଆହାମାଚେ, ସାମା ଝେନାରି ନାମୁଟି ଝେଞ୍ଜାମାନି କାତା ଆହୁଆଲିଏ, ଏଦି ଏଞ୍ଜାରି ତାକି ଲାଡ଼ା ଆଆତେ ।

୩ ଅଡ଼େ ମା ବିତ୍ରାଟି ଆମ୍ବାଆରି ନାମିନେରି, ଖାରଇ ଏଞ୍ଜାରି ମାହାପୁରୁ ଆଞ୍ଜାମାନି ଜମିନି ଦେସାତା ହାଜାଲି ଆଡ଼ିନେରି, ଏନିକ ଏଞ୍ଜାସି ଝେସାମାନେସି,

“ଏଦାଆଁତାକି ନାନୁ ନା କପା ତାକି ପାର୍ଯ୍ୟାଣା କିତେଏଁ,

ଏଞ୍ଜାରି ମା ଜମିନି ଖାରାତା ହତଅରି ।”

ଦାରୁତି ଗାଡ଼ିକିତି ବେଲାଟିଏ ବାରେ କାମା ରାହାମାତେ ।

୪ ଇତିହଂ ଜମିନି ଦିନାତି କାତାତି ଏଞ୍ଜାରି ର ଟାୟୁତା ଇଲେକିହଂ ଝେସାମାନେସି; “ମାହାପୁରୁ ସାଡ଼ା ଦିନାତା ତାନି ବାରେ କାମା ରାପୁହାନା ଜମିତେସି;”

୫ ଅଡ଼େ ଇ ବାରେ କାତା ମାହାପୁରୁ ଝେଣ୍ଡେ ଏଲେଇଞ୍ଜା ମାନେସି, “ଏଞ୍ଜାରି ମା ଜମିନି ତାଣା ହଡ଼ାଲି ଆଡ଼ଅରି ।”

୬ ଆମିନି ଗାଟାରି ମୂଲୁଏ ନେହଂ କାବୁ ଝେଞ୍ଜାମାତେରି, ଏଞ୍ଜାରି ମାହାପୁରୁ କାତା ମାନଞ୍ଜି ଆଆତାକି ଏ ଜମିନି* ତାଣା ହାଜାଲି ଆଡ଼ାଆତେରି, ନୀଏଁ ଏ ଜମିନାଣି† ଏଟକାତାରି ବେଟାଆହାମାନେରି ।

୭ ଅଡ଼େ ର ଦିନା, ଇତିହଂ “ନୀଞ୍ଜୁ ଦିନା” ଆଟାନା, ଇଚେକା କାଲା ତାୟୁ ଦାଞ୍ଜୁଦତି ସାଝେରିତା ଏଲେଇଞ୍ଜା ମାନେସି, ଏନିକଂ ନକେଏ ଝେସପି ଆହାମାନେ,

“ନୀଞ୍ଜୁ ମୀରୁ ଏଞ୍ଜାଣି ହାଡ଼ା ଝେଞ୍ଜେରି,

ଜାହାରା ହିୟାଁ ଆଟୁଞ୍ଜା କିଆଦୁ ।”

୮ ଇତିହଂ ଜିହସୁୟ ଏଞ୍ଜାରାକି ଜମାଲି ହାତିହଂ ମା, ଆତିହଂ ମାହାପୁରୁ ଅର ଜମିନି ଦିନାତି କାତା ଜଳାଆତେସିମା ।

୯ ଏଲେକିହଂ ଇ କାତା ସାତା ମାହାପୁରୁ ତାନି ବାରେ କାମାଟି ଜମିତି ଲେହେଁ ତାନି ଲକୁତାକି ଜମିନି ଦିନା ତାରି କିଞ୍ଜିଆହାମାନେ ।

୧୦ ଇଦାଆଁତାକି ମାହାପୁରୁ ତାନି କାମାଟି ଏନିକଂ ଜମିତେସି, ଆମ୍ବାଆସି ମାହାପୁରୁତି ଜମିନି ଦେସାତା ହଡ଼ା ମାନେସି, ଏଲେକିହଂ ଏ ଏଞ୍ଜାସି ଜିକେଏ ତାନି କାମାଟି ଜମିନାଣି ଦୋଡ଼ା ଆହାମାନେସି ।

୧୧ ଇଦାଆଁତାକି ମା ବିତ୍ରାଟି ଆମ୍ବାଆସି ଏନିକଂ ନାମାଆତାକି ଏ ଲକୁତି ଲେହେଁ ଏ ଜମିନି ତାଣା ହଡ଼ାନା ଡ଼ୟସି, ଇଦାଆଁତାକି ଆଡ଼ିନି ପାତେକା ଜାଡ଼ୁ ଆନ ।

୧୨ ଇତିହଂ ମାହାପୁରୁତି ବଲୁ ଜୀଞ୍ଜୁଗାୟି ଅଡ଼େ କାମା କିନାୟି ଇଞ୍ଜା ରିକଞ୍ଜାକି ଦାରାଗାଟି ଖାହୁନି କାଣ୍ଡା କିହାଁ ହାରେକା ଖାସ୍ତାୟି, ଅଡ଼େ ହିୟାଁ ଅଡ଼େ ଜୀଞ୍ଜୁ ଇଞ୍ଜା ହାୟୁଲି ଅଡ଼େ ଡ଼ୁମକାତି ନିଜେଡ଼ି ପାତେକା ହଡ଼ାଲି ଆଡ଼ିନେ । ଏ ବଲୁ ମାଣସିତି ଡ଼ୁଗୁମାନି ଅଣପୁତି ବାରେ ନହାୟି କିନାୟି ।

୧୩ ମାହାପୁରୁ ନକିତା ଏନାୟିଞ୍ଜା ତଞ୍ଜା ଆଆଗାଟାୟି ଆଏ, ସାମା ଗାଡ଼ି କିହାମାନି ମାହାପୁରୁ ନକିତା ମାଙ୍ଗେ ଲେକା ହାନାୟି ମାନେ, ଏଞ୍ଜାଣି ନକିତା ବାରେ ଦେପି ଆଡ଼ାୟି ଅଡ଼େ ପୁକିଆତାୟି ।

ଜୀସୁ କାଜା ପୁଜେରା

୧୪ ଏଦାଆଁତାକି ଲାକପୁରୁଟି ହାଜାମାନେସି, ଆମ୍ବାଆସି ମାହାପୁରୁ ମୀରୁଏସି ଜୀସୁ ଏଞ୍ଜାସି ମା କାଜା ପୁଜେରା ଆହାମାନାକି, ଖାଦୁ ମାର ମା ନାମୁତି ଜାଣେତଲେ ଆହୁନ ।

୧୫ ଆମ୍ବାଆସି ମା ଦହୁ ପୁଞ୍ଜାଲି ଆଡ଼ିନେସି, ଏଲେତି କାଜା ପୁଜେରା ଏଞ୍ଜାସି ଆଏ । ସାମା ମା କାଜା ପୁଜେରା, ମା ଲେହେଁ ବାରେଖାକି ତାୟିପାରି ଆହାମାତେସି, ଆଡ଼ିଜିକେଏ ଏଞ୍ଜାସି ପାପୁ କିହାହିଲାଆତେସି

୧୬ ଏଦାଆଁତାକି ଖାଦୁ, କାର୍ମା ଦୋଡ଼ା ଆହାଲିତାକି ଅଡ଼େ, ଏ ବେଲାତେଏ ସାୟେମି କିନାଣି କାର୍ମାମେହୁନାଣି ବେଟାଆହାଲି ତାକି ମାର ସାସାତଲେ କାର୍ମାମେହୁନି ସିଂଗାସାଣି ନକିତା ହାନ ।

୫

୧ ଇତିହଂ ବାରେ କାଜା ପୁଜେରାଞ୍ଜା ଜାହାରା ଲକୁ ତାଣାଟି ଆଟୁଞ୍ଜି ଆନେରି, ଏଞ୍ଜାସି ଏଞ୍ଜାରି ଖାକିତି ପାପୁ ମେକହାଲି ପୂଜା ଅଡ଼େ ଦାନା ହେରପାନା ମାହାପୁରୁତି ସେବା କିନେସି ।

୨ ଏଞ୍ଜାସି ବୁଦି ହିଲିଆ ଗାଟାରି ଅଡ଼େ ନାଡ଼ିକିଞ୍ଜି ଆହିମାନି ଲକୁଣି ଅରହିନାଣି ତସାଲି ଆଡ଼ିନାସି, ଇତିହଂ ଏଞ୍ଜାସି ତାନୁଏ ଜିକେଏ ବାଡ଼ୁୟୁ ହିଲିଆଗାଟାସି;

୩ ଅଡ଼େ ଖାରଇ ଏଟକା ଲକୁତି ପାପୁ ତାକି ଏଞ୍ଜାସି ପୂଜା କିହାଲି ଆନେ ଏଡ଼ି ଆଏ ସାମା ତାନି ପାପୁ ତାକି ଜିକେଏ ତାନୁ ପୂଜା କିହାଲି ଆନେ ।

୪ ଅଡ଼େ ଆମ୍ବାଆରି ଇ କାଜା ପୁଜେରା ପାଣାଟି ତାମ୍ବୁ ଅହାକତାଲି ଆଡ଼ଅରି, ସାମା ହାରେଣ ଏନିକଂ ଆଟୁଞ୍ଜି ଆହାମାତେସି, ଏଲେକିହଂ ଏ ମାହାପୁରୁ ତାଣାଟି ଏଞ୍ଜାସି ଆଟୁଞ୍ଜି ଆନାୟି ମାନେ ।

* ୪:୭ ଆଞ୍ଜାମାନି ଦେସା କିଶାନ † ୪:୭ ଆଞ୍ଜାମାନି ଦେସା କିଶାନ

୫ ଏଲେକିହି ଏ କ୍ରୀସ୍ତ ଜିକେଏ କାଜା ପୂଜେରା ପାଣ୍ଡାତି ଗାଝୁରମି ତାନୁଏ ପାରା ହିଲାଆତେସି, ସାମା ମାହାପୁରୁ ଏଝାଣାକି ଏ ଗାଝୁରମି ପାଣ୍ଡା ହୀହାମାଚେସି, ଇଚିହି ଏଝାସି ଏଝାଣାଇଁ ଏଲେଇଞ୍ଜାମାଚେସି, “ନୀନୁ ନା ମୀରଏଣାତି;

ନୀଞ୍ଜୁ ନୀନୁ ନୀ ତାଞ୍ଜି ଆହାମାଇଁ ।”

୬ ଏଲେକିହି ଏ ଅଡେ ର ତାଣ୍ଡା ଜିକେଏ ଏଲେଇଞ୍ଜି ମାନେସି,

“ନୀନୁ ମଲ୍ଲକିସେଦକ ଲେହେଁ କାଲେଏତି ପୂଜେରା ଆଡ଼ି ।”

୭ *ଆମ୍ବାଆସି ଏଝାଣାଇଁ ହାକିଚି ନୀଟୁହାଲି ଆଡ଼ିମାନେସି, ଏଝାସି ତାନି ଆଜ୍ଞା ତଲେ ନୀତା ମାଚାତି, ମାହାପୁରୁ ନକିତା ହାରେକା ଡାହି ଡାହି ଅଡେ କାଣ୍ଡୁ ତୁଲେ ପ୍ରାତାନା ଅଡେ ବାତିମାଲିହିଁ ହେର୍ପା ମାଚେସି, ଇଞ୍ଜା ତାନୁଏ ଜାହାରାଇଁ ଉଣା କିହାକତିନାସି ଅଡେ ତୀରିତାସି ମାଚାକି ମାହାପୁରୁ ଏଝାଣି ରାସ୍ତାଣି ଝେଚେସି,

୮ ଏଝାସି ମାହାପୁରୁ ମୀରଏସି ଆଡ଼ିଜିକେଏ ଦୁକୁତି ଅର୍ହାନା ମାନୁଞ୍ଜି ଆହାଲି ଜାପିତେସି ।

୯ ଇଲେଆହିଁ ତୀରିଆହାଁ ତାନି ହୁକୁମି ମାନୁଞ୍ଜି ଆନାରାକି କାଲେଏ ଗେଲ୍ଲପିନାସି ଆନେସି;

୧୦ ଏଦାଆଁତାକି ଏଝାସି ମାହାପୁରୁ ତାଣ୍ଡାତି ମଲ୍ଲକିସେଦକତି ମେରାଲେହେଁ କାଜା ପୂଜେରା ଇଞ୍ଜୁ ଅଦିକାରା ବେଟା ଆଡେସି ।

ନୀନୁ ଉଣାଆନି କାତା

୧୧ ଜୀସୁ କ୍ରୀସ୍ତତି କାତା ମାଜେ ହାରେକା ଝେହ୍ନାୟି ମାନେ, ସାମା ମିଜେ ତେଲ୍ଲହି କିୟାଲି ହାରେକା କସ୍ତ, ଇଚିହିଁ ମୀ ଜୀସୁତା ଝେନାୟି ହାରେ ଉଣା ବାଡ଼ୁୟୁ ମାନେ ।

୧୨ ଇଚିହିଁ ଇଚେ ଦିନା ବିତ୍ରା ମୀରୁ ଜାପୁନାଚେରି ଆନାୟି ମାଚେ, ଆଡ଼ିଜିକେଏ ମାହାପୁରୁତି ବଲ୍ଲୁ ଏଟକା ଲକୁ ଜାପୁହାଲି ତାକି ମିଜେ ଲଡ଼ା ଆହିମାଞ୍ଜାନେ; ଝାଜିତି ରାନ୍ଦା ଲଡ଼ା କିଆନା ପାଲୁ ମିଜେତାକି ଲଡ଼ା ଆହିମାଞ୍ଜାନେ ।

୧୩ ଆମ୍ବାଆସି ପାଲୁ ଗହନାସି ଏଝାସି ନେହାଁଣି ଲାଗେଏତି କାତା ପୁଞ୍ଜାଲି ଆଡ଼ଅସି, ଇଚିହିଁ ଏଝାସି ଉଣା କକାସି ।

୧୪ ସାମା ପାତାଆଡ଼ି ଲକୁ, ଇଚିହିଁ ଆମ୍ବାଆରି ବୁଦିତଲେ ନେହାଁଣି ଲାଗେଏତାଣି ଆଡ଼ାଲି ଆଡ଼ିନେରି, ଏଝାରାକି ଝାଜିତି ରାନ୍ଦା ଲଡ଼ାମାନେ ।



୧ ଏଦାଆଁତାକି ଝାଦୁ ମାର କ୍ରୀସ୍ତତି ମୁଲୁଏ ଜାପିତି କାତା ପିସାନା, ତୀରିତଲେ ପାତାଆହାନା, ହାହାମାନି କାମାଚି ମନ ଝେଟ୍ଟହାନା, ମାହାପୁରୁ ତାଣ୍ଡା ନାମିନ,

୨ ବାପୁସ୍ତତି* କାତା ଜାପୁନାୟି, ତାୟୁଁ ତୁା କେୟୁ ଇଚିନାଣି, ହାଡ଼ାରି ଝେଣ୍ଡେ ନିଜ୍ଜିନାୟି, କାଲେଏତି ତଣ୍ଡୁତି ପୁନାଦି ଝେଣ୍ଡେ କିନାୟିମାନେ ।

୩ ନୀର୍ଏ ମାର ନକିତା ହାନାୟିମାନେ, ହାଅ, ମାହାପୁରୁତି ହେଲ ଆଡ଼ିସାରେ ମାର ଇଦାଆଁ କିନ ।

୪ ଆମିନି ଗାଟାରି ନାମୁତି ଉଣା କିହାମାନେରି, ଏଝାରି ଅଣପାନା ଝେଣ୍ଡା ଝାହାଲି ଆଡ଼ିନେରିକି ? ଏଝାରି ମାହାପୁରୁ ଉଜେଡ଼ିତା ବାସା କିହିମାଚେରି, ଲାକପୁରୁତି ଦାନାତି ଝାଣ୍ଡାନା, ସୁଦୁଜୀସୁତା ଆଣ୍ଡାମାଚେରି,

୫ ମାହାପୁରୁତି ନେହିଁ ବଲ୍ଲୁ ଇଞ୍ଜା ଝାହିମାନି ଜୁଗୁତି ବାଡ଼ୁୟୁତି ଡାକନାଣି ଏଝାରି ଝାଣ୍ଡା ମାନେରି,

୬ ଏଝାରି ସାତାତି ପିସାନା ଲାଗେଏ ଆନେରି, ଆତିହିଁ ମନତି ବାଦଲି କିଝିକିହାଲି ଅଡେ ଝେଣ୍ଡେ ଏଝାରାଇଁ ପୁଝିନି କିଝିକିହାଲି ଆଡ଼ାଆୟି, ଏଦାଆଁତାକି ଏଝାରି ତାମି ନାସା ଆହାଲିତାକି ମାହାପୁରୁ ମୀରଏଣାଇଁ ପାସି ମୁଣ୍ଡାତା ଏକ୍ହାନା ଲକୁ ନକିତା ଏଝାଣାଇଁ ଲାଜା କିହିମାନେରି ।

୭ ଇଚିହିଁ ଆମିନି ବୁମି ପିୟୁ ରିନି ଏୟୁ ଗହନେ ଇଞ୍ଜା ଆମିନି ତାସା କିନାରାକି ଲଡ଼ା ଆନି ଆନା କାମ୍ବି କିନେ, ଏ ବୁମିତି ମାହାପୁରୁ ବର ହାନେସି ।

୮ ସାମା ଏମ୍ବାଆଁ ହାପୁକା ଅଡେ ଜାଡ଼ା ନେୟୁଁନେ, ଆତିହିଁ ଏଡ଼ି ଏନି ଲାବା ଆଏ, ଏଡ଼ି ମାହାପୁରୁତି ବାକା ବେଟାଆନେ, ଅଡେ ତାୟୁ ହିଚୁତା ଡ଼ାଞ୍ଜାହାନେ ।

୯ ସାମା ଏ ଜୀସୁତି ତାୟିୟା, ମାମୁ ଲୁଲେକିଁ କାତା ଝେସି ଜିକେଏ ମୀ ତାଣ୍ଡା ମା ହାରେକା ନାମୁ ମାନେ; ମୀରୁ ଗେଲ୍ପିଆହାଲି ମାହାପୁରୁତି ବର ବେଟାଆହାମାଞ୍ଜେରି ।

* ୫:୨ ମାତି ୨୭:୩୬-୪୭; ମାର୍କି ୧୪:୩୨-୪୨; ଲୁକ ୨୨:୩୯-୪୭ * ୬:୨ ମୁଞ୍ଜିନାୟି

୧୦ ଇତିହାସ ମାହାପୁରୁ ମୀ କାମା, ଅଡ଼େ ମାହାପୁରୁ ଲକ୍ଷ୍ମଣ ସେବା କିହିମାନାଣି ଅଡ଼େ ନୀର୍ଘ ଜିକେଏ କିହିମାନାଣି ଅଡ଼େ ତାନି ଦରୁ ତାକି ମୀରୁ ଆମିନି ଜୀଝୁନହୁ ମାଞ୍ଜେରି, ଏଦାଆଁ ମାହାପୁରୁ ବାଣ୍ଟି ଆନେସି ଇଲେତି ଦାମ୍ନୁ ହିଲାଆଗାଗାସି ଏଝାସି ଆଏ ।

୧୧ ସାମା ମାଦି ରଣ୍ଡିଏ ଅଣପୁ, ମୀରୁ ତାୟୁ ପାତେକା ମାଞ୍ଜେତାକି ମୀ ଜୀଝୁନନାୟି କାଲେଏ ଡ଼ୟାପେ ଆତିହୁ ମୀ ବାରେ ଆସା ପୁରା ଆନେ ।

୧୨ ଏନିକ ମୀରୁ ନିସ୍ତା ଆଥାନା ଆମ୍ବାଆରି ନାମୁ ଅଡ଼େ ସାସାତଲେ ଆଞ୍ଜାମାନାଣି ଅଦିକାରା କିହିମାନେରି ଏଝାରିଲେହେ ଆଦୁ ।

ମାହାପୁରୁତି ଆଞ୍ଜନାୟି ସାତା ଆନେ

୧୩ ଇତିହାସ ମାହାପୁରୁ ଏତିବେଲା ଅରାହାମଇଁ ଆଞ୍ଜାମାଚେସି, ଏତିବେଲା ଏଝାସି ତାନି ଆଞ୍ଜାମାନାଣି ମାନୁଞ୍ଜି ଆହାଲି ପାରମାଣା କିହାମାଚେସି, ଏଝାଣି କିହାଁ ଆମ୍ବାଆସି କାଜାସି ହିଲାଆକି ଏଝାସି ତାନି ଦରୁତଲେ ପାରମାଣା କିହାଁ ଏଲେଇଞ୍ଜାମାଚେସି,

୧୪ ଏଝାସି ଏଲେଇଚେସି, “ନାନୁ ନିଞ୍ଜେ ସାତେଏ ବରୁ ହିୟାଇଁ ଅଡ଼େ ନୀ କୃତାତି ହାରେକା ପାତିକିଇଁ ।”

୧୫ ଅଡ଼େ ଇଲାଆହୁଁ ହାରେକା ଅରହାନା ଅରାହାମ ଆଞ୍ଜାମାନାଣି କାଟାମାଚାକି ଏଦାଆଁ ମେଡ଼ା ଆହାମାଚେସି ।

୧୬ ମାଣସିୟାଁ ଏଝାରି କିହାଁ କାଜା ଦରୁତଲେ ପାରମାଣା କିନେରି, ଅଡ଼େ କାତା ତାରି କିହାଲି ଏଝାରି ବାରେ ଗଡ଼ହା ପାରମାଣା ତଲେ ତାରି ଆନେ ।

୧୭ ମାହାପୁରୁ ଆମ୍ବାଆରାଇଁ ଇ ବାରେ ହାଇଁ ଇଞ୍ଜା ଆଞ୍ଜାମାଚେସି, ଏ ଆଞ୍ଜାମାନାଣି ମାନୁଞ୍ଜି ଆହାଲି ତାନି ଆଞ୍ଜାମାନାଣି ତାକି ପାରମାଣା କିହାମାଚେସି ।

୧୮ ଏନିକ ଆମିନି ରୀ ବାଦଲି ଆଥାଗାଟି କାତାତି ମାହାପୁରୁ ମିତି ଝେସାଲି ଆଡ଼ଅସି, ଏଦାଣି ତଲେ ନକିତି ବାସୁତି ଆସାଲି ତାକି ବାସା ଚାୟୁତା ମାରୁ ହଟି ମାନାୟି, ଇଞ୍ଜା ମାରୁ ବାଡ଼ୟୁତି ରାଞ୍ଜା ବେଟାଆନାୟି ।

୧୯ ଏୟୁ ଜାଜା ଦହୁନି ଲହୁ ମୁଣ୍ଡାଲେହେଁ, ଏ ବାସୁ ମା ଜୀଝୁତି ଗେଲପି କିନାୟି ଅଡ଼େ ଆକ୍ତିନାୟି, ଏଦି ମାହାପୁରୁ ଇଲୁତି ଏଟକା କିନି ହିମ୍ବୁରି ଲେତାମାନି ଚାୟୁତା ହତାନା ଆଟ୍ଠା ଅଡ଼େ ତାରି ଆହାମାନେ,

୨୦ ଅଡ଼େ, ଜୀସୁ ଏ ଚାୟୁତା ମଲ୍ଲକିସେଦକ ଲେହେଁ କାଲାକାଲାତି କାଜା ପୂଜେରା ଆହାନା ମା ନକିତା ତାକିନି ଲେହେଁ ହଡ଼ାମାଚେସି ।



ମଲ୍ଲକିସେଦକତି ପୂଜେରା ପାଣା

୧ ଇ ମଲ୍ଲକିସେଦକ ସାଲେମ ଦେସାତି ରାଜା ଅଡ଼େ ବାରେକିହାଁ କାଜା ମାହାପୁରୁତି ପୂଜେରା ମାଚେସି । ଅରାହାମ ଅଡ଼େ ତାନି ତଡ଼ଟୁାରି, ସାରି ଜାଣା ରାଜାୟାଁ ତଲେ ଜୁଜୁତା ଜାଣା ଆହାଁ ଝେଣ୍ଡେ ଝାହିମାଟି ବେଲାତା ମଲ୍ଲକିସେଦକ ଅରାହାମଇଁ ବେଟାଆହାନା ବରୁ ହୀଚେସି;

୨ ଅରାହାମ ଜିକେଏ ଏଝାଣାକି ଜୁଜୁତା ଜୀଣାଆହାମାଟି ଆସ୍ତିତି ଦସ ବାଟାଟି ର ବାଟା ହୀହାମାଚେସି । ମଲ୍ଲକିସେଦକ, ଇତିହୁଁ “ଦାମ୍ନୁତି ରାଜା” ଅଡ଼େ ସାଲେମତି ରାଜା, ଇତିହୁଁ “ହିଡ଼ିତି ରାଜା ।”

୩ ଏଝାଣି ତାଲି ତାଞ୍ଜି ଆକୁ ଆବାୟାଁ ଦରୁକା କି ଏଝାଣି ଜାନ୍ନା ଦିନା କି ଜୀଝୁତି ରାଡ଼ି ଦିନା ଆମ୍ବିୟାଝା ରାସ୍ତି ଆହାହିଲେଏ; ଏଝାସି ମାହାପୁରୁ ମୀରୁଏସି ଲେହେଁ କାଲା କାଲାକି ପୂଜେରା ଆହାମାଚେସି ।

୪ ଅଣପାରି କିପୁ, ମଲ୍ଲକିସେଦକ ଏଚେକା କାଜାସି ମାଚେସି, ଆକୁ ଅରାହାମ ଜୁଜୁତା ଜୀଣାଆହାନା ତାଗାଟି ଆସ୍ତିତି ହାରେକା ନେହୁଁ ଆସ୍ତିତି ଦସ ବାଟାଟି ର ବାଟା ଏଝାଣାକି ହୀହାମାଚେସି ।

୫ ଲେବି କୃତାତି ମୀରୁକା ବିତ୍ରାଟି ଆମିନି ଗାଟାଟି ପୂଜେରା ପାଣା ବେଟାଆନେରି, ଏଝାରି ମସାତି ମୋରାଲେହେଁ ଇସାୟେଲ ଲକ୍ଷ୍ମ ତାଣାଟି ଇତିହୁଁ ତାନି ତାୟିୟାଁ ତାଣାଟି ଦସ ବାଟାଟି ର ବାଟା ବେଟାଆହାଲି ହେଲ ବେଟା ଆହାମାନେରି, ଏଝାରି ଅରାହାମ ଆଞ୍ଜାଟି ଜାନ୍ନା ଆଡ଼ିଜିକେଏ ତାନି ଲକ୍ଷ୍ମ ତାଣାଟି ଦସ ବାଟାଟି ର ବାଟା ଅନେରି;

୬ ମଲ୍ଲକିସେଦକ ଲେବି କୃତାତାସି ଆଏ, ଆଆତି ଜିକେଏ ଏଝାସି ଅରାହାମ ତାଣାଟି ଦସ ବାଟାଟି ର ବାଟା ଅଡ଼େସି, ଇଞ୍ଜା ମାହାପୁରୁ ଆଞ୍ଜାମାନାଣି ବେଟାଆନାକି ବରୁ ହୀଚେସି ।

୭ ବରୁ ହୀନାସି ବରୁ ବେଟାଆନାଣି କିହାଁ କାଜାସି, ବାରେଜାଣା ଇଦାଆଁ ପୁଞ୍ଜାମାଞ୍ଜେରି ।

୮ ଇଲେକିହୂଁ ହାନ୍ତି ମାଣସିୟାଁ ଦସ ବାଗାଟି ର ବାଗା ଅହିମାନେରି ଏଞ୍ଜାରି ଜିକେଏ ର ଦିନା ହାନ୍ଦେରି, ସାମା ଏଚିବେଲାତା ଆମ୍ବାଆସି ଅବ୍ରାହାମତି ଦସ ବାଗାଟି ର ବାଗା ଅହିମାଚେସି ଏଞ୍ଜାଣି କାତା ସାକି ହାପୁକି ଆହିମାନେ, ଏଞ୍ଜାସି ହାହା ହିଲଅସି ।

୯ ମାର ଏଲେଇଞ୍ଜାଲି ଆଡ଼ିନାୟି, ଦସ ବାଗାଟି ର ବାଗା ଅହିମାନି ଲେବି ତାନୁ ଜିକେଏ ଅବ୍ରାହାମ ତାଣାଟି ଦସ ବାଗାଟି ର ବାଗା ହାହାମାନେସି ।

୧୦ ଏନାଆଁତାକି ଇଚିହୂଁ ଅବ୍ରାହାମଇଁ ମଲ୍ଲକିସେଦକ ଆଣ୍ଡିତାଟି ଲେବି ଏଚିବେଲାତା ଜାନ୍ନା ଆହା ହିଲ୍ଲାଆଚେସି ସାମା ଲେବି ଏଞ୍ଜାଣି ଆଞ୍ଜା ବିତ୍ରା ମାଚେସି ।

୧୧ ଈ ଲେବିୟ ଲକ୍ଷୁତି ପୂଜେରା ପାଣା ତଲେ ଇସ୍ରାୟେଲ କୁଡ଼ାତି ଲକ୍ଷୁ ତାକି ମସାତି ମେରା ହାପୁକି ଆହାମାଚେ । ଅଡ଼େ ଲେବି ଲକ୍ଷୁତି କାମା ନେହୂଁ କିହାଲି ଆଡ଼ିତିହୁଁମା, ହାରଣତି ଅଦିକାରାଗାଟି ଈ ଲେବି ପୂଜେରାଞ୍ଜା ପିସାନା ମଲ୍ଲକିସେଦକ ଅଦିକାରା ଲେହେଁ ଅର କୁଡ଼ାତି ପୂଜେରା ଲଡ଼ା ହିଲ୍ଲାଆଚେ ।

୧୨ ଇଚିହୂଁ ପୂଜେରା ପାଣା ବାଦଲି ଆନେ, ଆତିହୂଁ ମସା ମେରା ଜିକେଏ ବାଦଲି ଆନାୟି ମାନେ ।

୧୩ ଇଚିହୂଁ ଆମ୍ବାଆରି ତାକି ଈ ବାରେ ଖେସ୍ପି ଆହାମାନେ, ଏଞ୍ଜାସି ଅର କୁଡ଼ାତି ଲକ୍ଷୁ ମାଚେସି, ଆମିନି କୁଡ଼ାତାରି ଆମ୍ବାଆସି ଏଚେଲାଞ୍ଜା ପୂଜା ପିଣ୍ଡାତି ସେବା କାମା କିହାଲି ଆଣ୍ଡାହିଲଅସି ।

୧୪ ଇଚିହୂଁ ଇଦି ସାତା ମା ପ୍ରବୁ ଜୀହୁଦା କୁଡ଼ାଟି ଜାନ୍ନା ଆହାମାନେସି ଇଞ୍ଜା ମସା ଈ କୁଡ଼ାତି ପୂଜେରା ପାଣା ତାକି ଏନାଆଁ ଖେସାହିଲଅସି ।

ମଲ୍ଲକିସେଦକ ଲେହେଁ ଅଡ଼େ ର ପୂଜେରା

୧୫ ଅଡ଼େ ଇଦି ଇମ୍ବାଟି ଜିକେଏ ନେହୂଁ କୂଁ ପୁନାୟି, ମଲ୍ଲକିସେଦକ ଲେହେଁ ଅଡ଼େ ର ପୂଜେରା ହରାମାନେସି ।

୧୬ ଏଞ୍ଜାସି ଆଞ୍ଜା ତଲେତି ମସା ମେରାଟି ପୂଜେରା ଆହାହିଲଅସି ସାମା ରାଆଗାଟି ଜୀଞ୍ଜୁତି ବାଡ଼ୁଡୁଟି ପୂଜେରା ପାଣା ମେଡ଼ା ଆହାମାନେସି ।

୧୭ ଇଚିହୂଁ ଦାମ୍ବୁପତିତା ଏଞ୍ଜାଣି ତାକି ଇଲେକୂଁ ଦାମ୍ବୁ ସାସ୍ତେରିତା ସାକି ହାପୁକି ଆହାମାନେ; “ନୀନୁ ମଲ୍ଲକିସେଦକ ଲେହେଁ କାଲ୍ଲାକାଲ୍ଲାତି ପୂଜେରା ଆଦି ।”

୧୮ ଇମ୍ବାଆଁ ତଲିତି ହୁକୁମି ବାଡ଼ୁୟୁ ହିଲ୍ଲାଆଗାଟାୟି, ଉଜେଏତାୟି ଲାକା ଏଦି ମେଣ୍ଡାଞ୍ଜା ହାଜାମାନେ ।

୧୯ ଏନାଆଁତାକି ଇଚିହୂଁ ମସାତି ମେରା ଏନାଆଁଞ୍ଜା ତାରି କିହାଲି ଆଡ଼ାଆଚେ । ଅରଞ୍ଜାକି ବାରେକିହୁଁ ହାରେକା ନେହୂଁ ବାସୁଁ ହରାମାନେ, ଏ ବାସୁଁଟି ମାର ମାହାପୁରୁ ତାଗେ ହାଜାଲି ଆଡ଼ିନାୟି ।

୨୦ ମା ତାକି ମାହାପୁରୁଟି ପାର୍ମାଣା ହାରେକା ମାନେ । ହାରଣ କୁଡ଼ାତି ପୂଜେରା ପାଣାତା ଆବୁଞ୍ଜି ଆଡ଼ାଟି ଇଲେତି ଏନି ପାର୍ମାଣା ହାପୁକି ଆହାହିଲ୍ଲାଆଚେ ।

୨୧ ସାମା କ୍ରୀସୁ ପୂଜେରା ଆନି ବେଲାତା ମାହାପୁରୁ ପାର୍ମାଣା କିହାନା ଏଞ୍ଜାଣାଇଁ ଏଲେଇଞ୍ଜାମାଚେସି, “ପ୍ରବୁ ର ପାର୍ମାଣା କିହାମାନେସି,

ଏଞ୍ଜାସି ତାନି ଅଣପୁତି ବାଦଲି କିସି,

ନୀନୁ କାଲ୍ଲାକାଲ୍ଲାତି ପୂଜେରା ଆଦି ।”

୨୨ ପ୍ରବୁ ଇଲେକୂଁ ପାର୍ମାଣା କିହାମାନାକି ଜୀସୁ ଅଡ଼େ ର ହାରେକା ନେହୂଁ ରାଜିମାନା କିନାସି ଆହାମାନେସି ।

୨୩ ପ୍ଲାଞ୍ଜ ଡାଣା ଜିକେଏ ଏଟ୍ଟକା ପୂଜେରାଞ୍ଜା ହାନ୍ଦାରି ଆହାମାନାକି ଏଞ୍ଜାରି ହାଡ଼ି ତାୟୁ ଏଟ୍ଟକାତାରି ପୂଜେରା ପାଣା ବେଟାଆନେରି ଏଦାଆଁତାକି ଏଞ୍ଜାରି ହାରେକା ।

୨୪ ସାମା ଜୀସୁ କାଲ୍ଲାକାଲ୍ଲା ନୀତାମାନାକି, ଏଚେଲାଞ୍ଜା ବାଦଲି ଆଆ ପୂଜେରା ପାଣା ବେଟାଆହାମାନେସି ।

୨୫ ଏଦାଆଁତାକି ଏଞ୍ଜାଣି ତାଣାଟି ଆମିନି ଗାଗାରି ମାହାପୁରୁ ତାଗେ ହାନେରି, ଏଞ୍ଜାରାକି ଏଞ୍ଜାସି ହାରେପୁରେ ନୀଏଁ ଅଡ଼େ କାଟ୍ଟେଏ ଗେଲ୍ପାଲି ଆଡ଼ିମାନେସି, ଏନାଆଁତାକି ଇଚିହୂଁ ଏଞ୍ଜାରି ତାକି ମାହାପୁରୁ ତାଣା ଗହାରା କିହାଲି ଏଞ୍ଜାସି କାଟ୍ଟେଏ ନୀତାମାନେସି ।

୨୬ ଏନାଆଁତାକି ଇଚିହୂଁ ଇଲେତି କାଜା ପୂଜେରା ମା ତାକି ନେହୁଁସି, ଆମ୍ବାଆସି ସୁଦୁଗାଗାସି, ଦହୁ ହିଲ୍ଲାଆଗାଗାସି, ଲାଗେଏତି ସିନା ହିଲ୍ଲାଆଗାଗାସି ପାପୁ ଗାଟାରି ତାଣାଟି ଏଟ୍ଟକା ଆହାମାନାସି, ଲାକପୁରୁ ଅଞ୍ଜିଆଚେସି ।

୨୭ ଏ କାଜା ପୂଜେରା ଲେହେଁ ବାରେଦିନା ନକେଏ ତାନି ପାପୁ ତାକି ଅଡ଼େ ତାୟୁ ଲକୁତାକି ବାରେଦିନା ପୂଜା ହୀହାଲି ଲଡ଼ା ହିଲେଏ, ଇଚିହଁ ତାଙ୍ଗେ ପୂଜା ହୀତାକି ଏଞ୍ଜାସି ରଣ୍ଡିଏ ପାଲି ଇଦାଆଁ କିହାମାନେସି ।

୨୮ ଏନାଆଁତାକି ଇଚିହଁ ମସାତି ମେରା ବାଡ଼ୁୟୁ ହିଲୀଆଗାଟି ମାଣସିଇଁ କାଜା ପୂଜେରା ପାଣାତା ଆଡ଼ିନେ, ସାମା ଆମିନି ପାରମାଣାତି ବଲୁ ମସାତି ମେରା ଜେଡ଼ ଆହାମାଚେ, ଏଦି କାଲ୍ଲୀକାଲ୍ଲୀ ତାକି ତୀରିଗାଟି ମୀର୍ଏଣାଇଁ ଆଡ଼ିମାନେ ।

୮

ଜୀସୁ ମା କାଜା ପୂଜେରା

୧ ମାମୁ ଏନାଆଁ ଖେସିମାଞ୍ଜାନମି ଏମ୍ପାତି କାଜା କାତା ଇଦି, ମାଙ୍ଗେତାକି ଇଲେତି ର କାଜା ପୂଜେରା ମାନେସି, ଏଞ୍ଜାସି ଲାକପୁରୁ କାଜା ଗାଞ୍ଜୁରମିଗାଟି ମାହାପୁରୁ ସିଂଗାସାଣିତି ଚିଠନି ଚଟତା କୁଗାମାନେସି ।

୨ ଏଞ୍ଜାସି ବାରେତି କିହାଁ ସୁଦୁ ଗାୟୁତା ଇଞ୍ଜା ଆମିନି ସାତା ତୁମୁ ଇଲୁ ମାଣସି କେୟୁଟି କେପି ଆଆନା ପୁରୁ ତାଣାଟି ତୀରି ଆହାମାନେ ଏମ୍ପାତି ସେବା କାମା କିନେସି ।

୩ ଇଚିହଁ ବାରେ କାଜା ପୂଜେରାଙ୍ଗା ଦାନା ଅଡ଼େ ଜନ୍ତତି ଡାକାହାଁ ପୂଜା କିହାଲି ଆଡ଼ୁଓ ଆହାମାନେରି, ଇଦାଆଁତାକି ଇ କାଜା ପୂଜେରାକି ଜିକେଏ ପୂଜା ହେରପାଲି ତାକି ଲଡ଼ାମାନେ ।

୪ ଜୀସୁ କ୍ରୀସୁ ଦାରତିତା ମାଚିହଁ ମା, ପୂଜେରା ଜିକେଏ ଆୟାଲି ଆଡ଼ାଆତେସିମା, ଏନାଆଁତାକି ଇଚିହଁ ଜୀହୁଦି ଲକୁତି ମେରା ଲେହେଁ ଦାନା ହେରପିନେରି ଇଲେତି ପୂଜେରାଙ୍ଗା ଏମ୍ପାଆଁ ମାନେରି;

୫ ପୂଜେରାଙ୍ଗା ଆମ୍ପାଆରି ସେବା କିନେରି, ଏଦି ଲାକପୁରୁତି କାତା ପୁଣ୍ଡିକିନିଲେହେଁ ସାୟୁଁ ସମାନା, ମସା ଏଚିବେଲ୍ଲା ପୂଜା କିହାଲିତାକି ର ତୁମୁ କେପିନି ବେଲ୍ଲାତା ଏଞ୍ଜାଣାଇଁ ମାହାପୁରୁ ଏଲେଇଞ୍ଜାମାଚେସି, “ଜାଗ୍ରାତା, ହରୁତା ନିଙ୍ଗେ ଆମିନି ହୁକୁମି ତସ୍ପି ଆହାମାଞ୍ଜାତେ, ଏଲେକିହଁ ଏ ବାରେ କେପାମୁ ।”

୬ ସାମା ନୀର୍ବି ଜୀସୁକି ଆମିନି ପୂଜେରା କାମା ହୀପୁକି ଆହାମାନେ, ଏଦି ଏଟକାତି ପୂଜେରାଙ୍ଗା କାମା କିହାଁ କାଜାୟି । ଏଲେକିହଁ ଏ ମାହାପୁରୁ ଅଡ଼େ ମାଣସିୟାଁ ମାଦି ଏଞ୍ଜାସି ଆମିନି ରାଜିମାନା କିହାମାନେସି ଏଦି କାଜାୟି, ଇଚିହଁ ଇ ମେରାତା ହାରେକା କାଜା କାତା ହୀହାଲି ଆଞ୍ଜାମାନାୟି ମାନେ ।

୭ ଇଚିହଁ ତଲିତି ରାଜିମାନା ଏନି ଦହ ହିଲୀଆତିହଁ ମା, ତାୟୁ ଅଡ଼େ ଅର ରାଜିମାନା ଲଡ଼ା ଆଆତେମା ।

୮ ସାମା ମାହାପୁରୁ ତାନି ଲକୁଇଁ ଦହ ଦସାନା ଏଞ୍ଜାରାଇଁ ଏଲେଇଞ୍ଜି ମାନେସି, “ପୁରୁ ଏଲେଇଞ୍ଜି ମାନେସି, ମେହଦୁ ର ଦିନା ଖାହିମାନେ,

ଏଚିବେଲ୍ଲା ନାନୁ ଇସାୟେଲ କୃତା ଅଡ଼େ ଜୀହୁଦା କୃତା ତଲେ ର ପୁଠନି ରାଜିମାନା ତୀରି କିଇଁ;

୯ ଆମିନି କାଲ୍ଲୀତା ନାନୁ ଏଞ୍ଜାରି ଆକୁୟାଁଣି କେସା ଆସାନା ମିସର ଦେସାଟି ହପୁହା ତଚାମାଚେସି, ଏ ବେଲ୍ଲାତା ଏଞ୍ଜାରିତଲେ ନାନୁ ଆମିନି ରାଜିମାନା କିହାମାଚେସି, ଇ ରାଜିମାନା ଏଲେକିହଁ ଆଏ;

ଇଞ୍ଜା ଏଞ୍ଜାରି ନା ରାଜିମାନାତା ତୀରି ଆହଁ ମାନାଆତେରି, ଇଞ୍ଜା ନାନୁ ଏଞ୍ଜାରାଇଁ ମନ ହୀଆତେସି, ପୁରୁ ଇ କାତା ଏଲେ ଇଞ୍ଜିମାନେସି ।

୧୦ ପୁରୁ ଏଲେଇଞ୍ଜି ମାନେସି, ତାୟୁ ନାନୁ ଇସାୟେଲ କୃତା ତଲେ ଇ ରାଜିମାନା କିଇଁ, ଏଦି ଇଦି,

ନାନୁ ଏଞ୍ଜାରି ମନତା ନା ମେରା ହୀଇଁ, ଏଞ୍ଜାରି ହିୟାତା ଏ ବାରେ ରାଡ଼ିଇଁ,

ଅଡ଼େ ଏଞ୍ଜାରି ମାହାପୁରୁ ନାନୁ ଆଇଁ, ଅଡ଼େ ଏଞ୍ଜାରି ନା ଲକୁ ଆନେରି ।

୧୧ ମାହାପୁରୁଇଁ ପୁଞ୍ଜୁ ଇଞ୍ଜି ଏଞ୍ଜାରି ବିଡ୍ରାଟି ରଅସିଞ୍ଜା ତାମି କୃତାତି ଗାଡ୍ରାତାରାଇଁ ଖେହଅସି, ଇଞ୍ଜା ତାମି ତାୟିୟାଁଇଁ କି ପାଡ଼ିତାରାଇଁ ଜାପୁଅରି,

ଏନାଆଁତାକି ଇଚିହଁ ଉଣାଟିଏ କାଜାରି ପାତେକା ଏଞ୍ଜାରି ବାରେଜାଣା ନାଙ୍ଗେ ପୁଞ୍ଜାମାନେରି ।

୧୨ ନାନୁ କାର୍ମାମେସାନା ଏଞ୍ଜାରି ବାରେ ପାପୁ ମ୍ପେକ୍ଲଇଁ, ଅଡ଼େ ଏଞ୍ଜାରି ଲାଗେଏ କିନାଣି ଏଚେଲ୍ଲାଞ୍ଜା ଅଣପଅଁ ।”

୧୩ ମାହାପୁରୁ ର ପୁଠନି ରାଜିମାନା କିତାକି ତଲିତି ରାଜିମାନାଈଁ ପୁଠଇ ରାଜିମାନା କିହାମାନେସି; ଇଞ୍ଜା ଅଡ଼େ ଆମିନି ପୁଠଆୟି ଲଡ଼ା ହୀଆଗାଗାୟି ଆହାମାନେ, ଏଦି ଗାଡ଼େକେଏ ମେଣ୍ଡିଙ୍ଗିନେ ।



ଦାର୍ତ୍ତ ଅଡ଼େ ଲାକପୁରୁତି ପ୍ରାଡ଼ାନା

୧ ସାତେଏ ଏ ତଲିତି ରାଜିମାନା ଜିକେଏ ପ୍ରାଡ଼ାନା କିନି ମେରା ଅଡ଼େ ର ଦାର୍ତ୍ତତି ସୁଦୁ ଚାୟୁ କିଞ୍ଚି ଆହାମାଚେ ।

୨ ଏଦି ର ତୁମ୍ଭ ତଲେ କେପିତି ଇଲୁ ଆହାମାଚେ, ଏମ୍ବାତି ତଲିତି ବାକ୍ରା ଇଞ୍ଜି ଇନେରି ଏମ୍ବାଆଁ ର ଦୀଞ୍ଚି ସଡ଼ା, ର ପିଣ୍ଡା ଅଡ଼େ ମାହାପୁରୁକି ହେରପାମାନି ରୁଚି ମାଚେ, ଏଦାନି ସୁଦୁ ଚାୟୁ ଇନେରି ।

୩ ଏମ୍ବାଆଁ ଲେଚାମାତି ଗାଡ଼ିନି ରୀ ହିମ୍ବରକା ଡାୟୁଝାକି ଆମିନି ତୁମ୍ଭ ମାଚେ, ଏଦାଆଁ ହାରେକା ସୁଦୁ ବାକ୍ରା ଇଞ୍ଜି ଇନେରି;

୪ ଏମ୍ବାଆଁ ବାଂଗାରା ତଲେ ଝାରି କିହାମାତି ଦୁପଣି ହୃତିନି ର ପିଣ୍ଡା ଅଡ଼େ ବାଂଗାରା ତଲେ ଝାରି କିହାମାତି ରାଜିମାନା ପେଡ଼ା ମାଚେ । ଏ ରାଜିମାନା ପେଡ଼ାତା ମାନା ଇଚ୍ଚି ଆହାମାତି ର ବାଂଗାରା ମୁତା ଅଡ଼େ ହାରଣାଝାୟି ଆକୁ ଗାଲୁହାମାତି ବାଡ଼ଗା ଇଞ୍ଜା ରାଜିମାନା ରାୟୁକି ଆହାମାତି ରିଣ୍ଡି ଝାଲି ପାଚାୟାଁ ମାଚୁ,

୫ ରାଜିମାନା ପେଡ଼ା ଲାକ ମାହାପୁରୁ ନକିତା ନିଚାମାନି ଲେହେଁ ଗାଝୁରିମିଗାତି ଜଡ଼େକା କିରୁବ ଦୁତୁୟାଁତି ବମା ମାଚୁ, ଏଞ୍ଚି ପାପୁ ମେଣ୍ଡାକି କିନି ଚାୟୁତି ପୁକ୍ତହାମାଚୁ; ଏଞ୍ଚି ପାପୁ ମ୍ବେକ୍ତନି ଚାୟୁ ଲାକ ମାଚାୟାଁ ପୁକ୍ତହାମାଚୁ, ଏ ବାରେତି କାତା ନୀର୍ବ ନେହଁ କି ଝେସାଲି ଲଡ଼ା ହିଲେଏ ।

୬ ଏମ୍ବାଆଁ ଇଲେତି ମେରା ମାନେ; ପୂଜେରାଞ୍ଜା ଦିନାଚାକି ଦିନା ତୁମ୍ଭତି ତଲିତି ବାକ୍ରା ବିତ୍ରା ଡାମି ସେବା କାମା କିନେରି,

୭ ସାମା ଡାୟୁତି ବିତ୍ରା ବାକ୍ରାତା ଝାରଇ କାଜା ପୂଜେରା ବାସୀ ଡାକି ରଣ୍ଡିଏ ଦେବା ହଡ଼ନେସି, ତାନି ପାପୁ ଇଞ୍ଜା ଲକ୍ଷୁତି ପୁନାଆତି ପାପୁ ଡାକି ମାହାପୁରୁକି ପୂଜା ହେରପାଲି ଏଝାସି ନେତେରି ଅହାନା ହାରେକା ସୁଦୁ ଚାୟୁତା ହଡ଼ନେସି ।

୮ ଇଦାଆଁଡାକି ସୁଦୁଜୀଝୁ ମାଜେ ଜାପୁହି ମାଞ୍ଜାନେ, ନକିତି ସୁଦୁ ତୁମ୍ଭ ମାନି ପାତେକା ହାରେକା ସୁଦୁ ଚାୟୁତା ହଡ଼ାଲି ଜିରୁ ତଞ୍ଜାଆହାଁ ହିଲେଏ ।

୯ ଇ ତଲିତି ବାକ୍ରା ନୀର୍ବ କାଲା ଡାକି ପୁଣ୍ଡି କିଞ୍ଚିକିନି ସିନା, ଅଡ଼େ ଏଲେକିହଁ ଏ ଦାନା ଅଡ଼େ ପୂଜା ଇ ବାରେ ହାପୁକିଆନେ, ସାମା ଇ ବାରେ ସେବା କିନାରାଇଁ ନେହଁ ଅଣପୁତି ଦାନା ହାହାଲି ଆଡ଼େଏ;

୧୦ ଇଚିହଁ ଏ ବାରେ ଝାରଇ ତିନାଣି ଉନାଣି ଅଡ଼େ ଅବହାଲି ଡାକି ଆଞ୍ଜା ଡାକି କିନି କାମାୟାଁ ସାମା ମାହାପୁରୁତି ପୁଞ୍ଜି ମେରା ଆନି ପାତେକା ଇଦି ବାରେ ଲଡ଼ାଗାଚାୟି ଆହାମାଚେ ।

୧୧ ସାମା କ୍ରୀସୁ ନୀର୍ବ ନେହଁ କାମାତି କାଜା ପୂଜେରା ସମାନା ଆହାନା ଝାହାମାନେସି, ଇଞ୍ଜା ଏମିନି ତୁମ୍ଭ ଇଲୁତା ଏଝାସି ତାନି ସେବା କାମା କିହାମାନେସି, ଇ ଇଲୁ ଦାର୍ତ୍ତତା ମାନି ତୁମ୍ଭ ଇଲୁ କିହାଁ ହାରେକା କାଜାୟି ଅଡ଼େ ନେହାୟି, ଏଦି ମାଣ୍ଡି କେୟୁତଲେ କେପାଆତି ତୁମ୍ଭ ଇଲୁ, ଏଦି ତଞ୍ଜାଆହାମାନି ଦାର୍ତ୍ତ ବିତ୍ରା ହିଲାଆଚେ ।

୧୨ କ୍ରୀସୁ ଗରି କି ବାଚା କଡ଼ିତି ନେତେରି ତଲେ ଆଏ, ସାମା ଜାହାରା ନେତେରି ତଲେ ରଣ୍ଡିଏ ଦେବା ସୁଦୁ ଚାୟୁତା ହଡ଼ାନା କାଲାକାଲାଡାକି ଗେଲ୍ପି ଆନାଣି କିହାମାନେସି ।

୧୩ ଆମ୍ବାଆରି ପାଣ୍ଡାପାଚୁ ମାନଞ୍ଚି ଆଆନା ପାପୁ କିନେରି, ଏଝାରି ପଲୁଆ ଗାଗାରି ଲାକ ଗରି ଅଡ଼େ ବାଚା କଡ଼ିତି ନେତେରି ଡାଞ୍ଜାନା ହୃତିତି ଦାର୍ତ୍ତୁ ତଲେ ଏଝାରି ଆଞ୍ଜାତି ବାରେ ପାପୁ ସୁଦୁ କିହାମାଚେରି,

୧୪ ଇଦି ସାତା ଆହାମାନେ, ଇଚିହଁ କ୍ରୀସୁତି ନେତେରି ସାତା ଆଏ, କି କାଲେଏତି ଜୀଝୁତି ସାୟେମି ତଲେ ଏଝାସି ଜାହାରାଇଁ ମାହାପୁରୁ ନକିତା ର ଦହ ହିଲାଆ ପୂଜାଲେହେଁ ହେରପିଡେସି, ତାନି ନେତେରି ଏଚେକା ଗାତି ନୀତାମାନି ମାହାପୁରୁଇଁ ସେବା କିହାଲି, ହାଞ୍ଚି କିନି କାମାତି ମା ଜୀଝୁତି ଅଣପୁତି ସୁଦୁ କିନେ !

୧୫ ଇଦାଆଁଡାକି କ୍ରୀସୁଏ ପୁଞ୍ଜି ରାଜିମାନାତି ମାଦିତାସି ଆହାମାନେସି, ଏନିକିଁ ମୁଲୁତି ରାଜିମାନାତି ପାପୁ ମ୍ବେକ୍ତହାଲି ଡାକି ହାହାମାନାକି ମାହାପୁରୁ ହାଚାମାନି ଲକ୍ଷୁ କାଲାକାଲାତି ଅଦିକାରା ଆହାଲି ଆଞ୍ଜାମାନି ଗେଲ୍ପି ଆନାଣି ବେଚାଆନେରି ।

୧୬ ଇଚିହଁ ରାଜିମାନା କିଞ୍ଚି ଆହାମାତି ରାଜିମାନା ଆହାମାନି ମାଣ୍ଡିସିତି ହାନ୍ତି ପାର୍ମାଣା ଲଡ଼ାମାନେ ।

୧୭ ଇଞ୍ଜା ହାଡ଼ିସାରେ ରାଜିମାନା କିହାମାନାୟି ବାଡ଼ୟୁ ଆନେ, ଇଚିହଁ ରାଜିମାନା କିହାମାନାସି ନୀତାମାନି ପାତେକା ଏଦି ଏଚେଲା ଜିକେଏ କାମାତା ଝାଏ ।

୧୮ ଏଦାଆଁଡାକି ତଲିତି ରାଜିମାନା ଜିକେଏ ନେତେରି ହିଲାଆନା ତାନି ଆହାହିଲାଆଚେ ।

୧୯ ତଲିଏ ମସା ମୋରାତି ହୁକୁମି ଲକୁତାଣା ଝେକ୍‌ହେସି, ତାୟୁ ଏଝାସି କଡ଼ି ଅଡ଼େ ଗରିତି ନେତେରି ଏୟୁତଲେ ଆବ୍‌ହାନା ଏସବ ଜାତାତି ଆକା ଅଡ଼େ ନେତେରି ଝାଣାଗାଟି ମେଣ୍ଟା ବାଣାୟାଁ ତଲେ ମୋରା ପତି ଅଡ଼େ ବାରେ ଲକୁ ଲାକ ଡ଼ାଞ୍ଜିତେସି ।

୨୦ ଏଝାସି ଏଲେଇଚେସି, “ଏମିନି ରାଜିମାନା ମାନୁଝି ଆହାଲି ମାହାପୁରୁ ମିଙ୍ଗେ ହୁକୁମି ହାହାମାଞ୍ଜାନେସି, ଈ ନେତେରି ଏ ରାଜିମାନାତି ତସିମାନେ ।”

୨୧ ଅଡ଼େ ଜିକେଏ ଏଲେକିହ୍ ଏଝାସି ତୁମ୍ଭୁ ଇଲୁ ଅଡ଼େ ମାହାପୁରୁ ସେବାତାକି ବାରେ ଲଡ଼ାମାନି ଦିଶସୁ ଲାକ ଜିକେଏ ନେତେରି ଡ଼ାଞ୍ଜିତେସି ।

୨୨ ସାତେଏ ମସାତି ମୋରା ତଲେ ବାରେ ନେତେରି ତଲେ ଅବ୍‌ହି କିଝିଆନ୍, ଅଡ଼େ ନେତେରି ଝାକ୍‌ହାନା ପାପୁ ମେଣ୍ଟାଜେଏ ।

କ୍ରୀସ୍ତ ହାକିତି ପାପୁ ମେଣ୍ଟାଜେନେ

୨୩ ଏଦାଆଁତାକି ଲାକପୁରୁ କେପିତି ବାରେ ଦିଶସୁ ପୁଣ୍ଡିକିନିଲେହେଁ ପୂଜା ତଲେ ଅବ୍‌ଝି ଆନାୟି ମାତେ; ସାମା ଲାକପୁରୁ କେପିତି ବାରେ ଦିଶସୁ ଈ କାଜା ପୂଜା ତଲେ ଅବ୍‌ନାୟି ମାନେ ।

୨୪ ଏନାୟି ମାଣସିୟାଁ କେୟୁଟି କେପାଆତାୟି ଇଲେତି ସୁଦୁ ଚାୟୁତା କ୍ରୀସ୍ତ ହାଜାମାନେସି, ଇଦି ସାତା କାତା, ଏଝାସି ଲାକପୁରୁ ହାଜାମାନେସି, ଏମ୍ବାଆଁ ଏଝାସି ମା ଝାକିଟି ନୀଏଁ ମାହାପୁରୁ ନକିତା ମାନେସି ।

୨୫ ଜୀହୁଦିୟାଁ କାଜା ପୂଜେରାଜା ଏନିକ୍ ବାର୍ଯା ତାକି ବାର୍ଯା ଏବ୍‌କା ଲକୁ ତାକି ପୂଜା ହାନି ନେତେରି ଅହାନା ସୁଦୁ ଚାୟୁତା ହଡ଼ନେରି, ଏଲେକିହ୍ କ୍ରୀସ୍ତ ଅଲେ ଅଲେ ତାଜେଁ ପୂଜା କିହାଲି ଏଦି ଏମ୍ବାଆଁ ହାଜାହିଲଅତି ।

୨୬ ଆତିହ୍ ଦାରୁତି ଗାଡ଼ିଆଡ଼ି ବେଲାଟିଏ ଅଲେ ଅଲେ ତାଜେଁ ହାହାଲି ଆଡ଼େମା; ସାମା ନୀଏଁ ଏଝାସି ଜୁଗୁ ରାନି ବେଲାତା ତାନ୍‌ଏ ପୂଜାଲେହେଁ ହେବ୍‌ପାକତାମାନାକି ପାପୁ ହେକ କିୟାଲି ତଞ୍ଜା ଆହାମାନେସି ।

୨୭ ବାରେ ଲକୁତାକି ଏନିକ୍ ରଣିଏ ଦେବା ହାନାୟି, ଅଡ଼େ ଏଦାନି ତାୟୁ ନୀହାଁୟି ମାନେ ।

୨୮ ଏଲେକିହ୍ କ୍ରୀସ୍ତ ଜିକେଏ ହାବେରକା ଲକୁତି ପାପୁ ଡ଼େକା ଅହାଲି ରଣିଏ ଦେବା ପୂଜା ଆହାଲି ହେବ୍‌ପାକତିତେସି, ଅଡ଼େ ଝେଣ୍ଟେ ପାପୁତି ତାକି ଆଏ, ସାମା ଆମିନି ଗାଟାରି ଏଝାଣାଜ୍ କାରାମାନେରି, ଏଝାରାଜ୍ ଗେଲ୍‌ପାଲିତାକି ତଞ୍ଜାଆନ୍‌ସି ।

୧୦

୧ ଇତିହ୍ ମସାତି ମୋରା ଝାହିମାନି ଦିନାତି ନେହ୍ ସାୟୁଁଲେହେଁ ଆହାନା ଏ ବାରେତି ଝାଣା ଆଆତାକି ପୂଜେରାଜା ବାର୍ଯା ତାକି ବାର୍ଯା ଏ ରଣିଏ ରଡ଼ଲତି ପୂଜା କିହିମାନାକି ପ୍ରାତାନା କିନାରାଜ୍ ଏଚେଲାଝା ତୀରି କିହାଲି ଆଡ଼ଅରି ।

୨ ଏଲେକିହ୍ ମାହାପୁରୁତି ସେବା କିନାରି ସାତେଏ ପାପୁଟି ନରୁଝି ଆଡ଼ିହ୍ ମା, ଆତିହ୍ ଏଝାରି ଅଡ଼େ ଜାହାରା ପାପୁ ଗାଟାତମି ଇଞ୍ ଅଣପାଆତେରିମା, ଅଡ଼େ ବାରେ ପୂଜା କିନାୟି ହୁଜିତେମା ।

୩ ସାମା ଏଲେକ୍ ଆଆନା ବାର୍ଯା ତାକି ବାର୍ଯା ପୂଜା କିହିମାନାକି ମାଣସିଜ୍ ତାନି ପାପୁତି ଅଣପି କିଝିଆହିମାନେ ।

୪ ଇତିହ୍ ବାଟା କଡ଼ିତି ନେତେରି ଆଡ଼େ କି ଗରିତି ନେତେରି ଆଡ଼େ ଏଦି ଏଚେଲାଝା ମା ପାପୁ ମେଣ୍ଟାହାଲି ଆଡ଼େଏ ।

୫ କ୍ରୀସ୍ତ ଦାରୁତିତା ଝାହାନା ଏଲେଇଞ୍ଜାମାତେସି, “ନୀନୁ ପୂଜା ଅଡ଼େ ଦାନା ହାନାଣି ରାହାଁ ଆଆତି,

ସାମା ନୀନୁ ନାଜେତାକି ର ଆଜା କେପିତି;

୬ ପାପୁତି ମେଣ୍ଟାହାଲି ନୀନୁ ହିଚୁତା ହୁଡ଼ିନି ପୂଜା ଅଡ଼େ ଜଡ଼ ଡ଼ାକିନାଣି ରାହାଁ ଆଆତି ।

୭ ଏଚିବେଲା ନୀନୁ ଏଲେଇଚେଏଁ, ମାହାପୁରୁ, ନୀନୁ ଇମ୍ବାଆଁ ମାଜ୍, ନୀ ଅଣପୁତି କାମା କିହାଲି,

ଏନିକିହ୍ ସାସ୍ତେରିତା ନା କାତା ରାସ୍‌କି ଆହାମାନେ ।”

୮ ଏଝାସି ତଲିଏ ଝେସ୍ତେସି, “ନୀନୁ ମାଣସିତି ପାପୁ ମେଣ୍ଟାହାଲି ପୂଜା କିନାଣି, ଦାନା ଇଞ୍ଜା ଜଡ଼ିତି ହିଚୁତା ହୁଡ଼ିନାଣି ଅପିହିଲଅତି; ଏ ବାରେ ନିଙ୍ଗେ ରାହାଁ କିୟାଲି ଆଡ଼େଏ ।” ଈ ବାରେ ପୂଜା ମୋରାଲେହେଁ କିଝି ଆହାମାତି ଜିକେଏ,

୯ ଅଡ଼େ ଜିକେଏ ଏଞ୍ଜାସି ଏଲେଇଚେସି, “ମାହାପୁରୁ ମେହ୍ନୁ, ନାନୁ ନୀ ମନଲେହେଁ କାମା କିହାଲି ଖାହାମାଲ୍” ଏଦାଆଁତାକି ମାହାପୁରୁ ଈ ବାରେ ପୂଜା ଅପାଆନା, ଏଦାଣି ପିସାନା କ୍ରାସୁତି ପୂଜା ଅପିତେସି ।

୧୦ ଜାସୁ କ୍ରାସୁ ରଣ୍ଡିଏ ଦେବା କାଲାକାଲାତାକି ତାନି ଆଜାତି ହେର୍ପାନା ମାହାପୁରୁତି ମନତଲେ କାମା କିହାଲିଏ, ତାନି ଏ ପୂଜାଟି, ମାର ବାରେ ଜାଣାତାୟି ପାପୁଟି ଗେଲ୍ପି ଆହାନା ସୁଦୁ ଗାଟାତାୟି ଆହାମାନାୟି ।

୧୧ ଅଡ଼େ ଜିକେଏ ବାରେ ଜାହୁତି ପୂଜେରାଜା ବାରେଦିନା ସେବା କାମା କିହାଲି ଅଲେ ଅଲେ ରଲେଏତି ପୂଜା ହାହାଲି ନିନେରି; ଈ ବାରେ ଏଚେଲା ପାପୁ ଗ୍ଲୋକ୍‌ହାଲି ଆଡେଏ ।

୧୨ ସାମା କ୍ରାସୁ ପାପୁ ତାକି ରଣ୍ଡିଏ ଦେବା ତାଜେ ପୂଜା ଅହାଲି ହେର୍ପାକତିତି ତାୟୁ କାଲେଏତାକି ମାହାପୁରୁ ଚିଃନି ଚଟତା କୁଗିତେସି;

୧୩ ମାହାପୁରୁ ତାନି ସାତୁୟିଲ୍ ଏଞ୍ଜାଣି କତାୟି ତୁଇ ଇଟାଆ ପାତେକା ଏଞ୍ଜାସି ଏମାଆଁ କାଟିମାନେସି ।

୧୪ ଇଚିହ୍ ଖାଉଇ ରଣ୍ଡିଏ ପୂଜା ହାତି ତାଣାଟି ଏଞ୍ଜାସି ପାପୁଟି ସୁଦୁ ଆହାମାନି ଲକୁଇଁ କାଲେଏ ତାକି ତାନି କିହାମାନେସି ।

୧୫ ସୁଦୁଜାସୁ ଜିକେଏ ମାଜେ ସାକି ହାହାନା ଖେସିମାଞ୍ଜାନେ ।

୧୬ ଇଚିହ୍ ପ୍ରବୁ ଈ କାତା ଏଲେଇଞ୍ଜି ମାନେସି,

“ଏ ଖାନି ଦିନା ନାନୁ ଏଞ୍ଜାରିତଲେ ଆମିନି ପୁଃନି ରାକ୍ତିମାନା କିଇଁ, ଏଦି ଈଦି, ନାନୁ ଏଞ୍ଜାରି ହିୟିତା ମସାତି ମୋରା ହାଇଁ, ଇଞ୍ଜା ଏଞ୍ଜାରି ମନତା ଏ ବାରେ ରାଟିଇଁ ।”

୧୭ ଅଡ଼େ ଏଞ୍ଜାସି ଏଲେଇଞ୍ଜି ମାନେସି, “ନାନୁ ଏଞ୍ଜାରି ପାପୁ ଅଡ଼େ ଲାଗେଏତି କାମାୟି ଏଚେଲାଖା ଖେଣ୍ଡେ ଅଣପଅଁ ।”

୧୮ ଇଦାଆଁତାକି ବାରେ ପାପୁ ଦହ୍ ମେଣ୍ଡିସାରେ ଅଡ଼େ ଏଚେଲାଖା ପୂଜା ହାହାଲି ଲଡାଏ ।

ମାହାପୁରୁ ତାଗେ ହାନାୟି

୧୯ ଏଦାଆଁତାକି ଏ ତାୟିୟି ଅଡ଼େ ତାଜିସ୍ତା, ଜାସୁତି ହାହାମାନାକି ମାର ସୁଦୁ ଚାୟୁତା ହଡାଲି କାଜା ଅଦିକାରା ବେଟା ଆହାମାନାୟି,

୨୦ ଏଞ୍ଜାସି ଲେଟାମାନି ତାନି ଆଜା ଲେହେଁତି ଚାଟିନି ହିମ୍ବରି ତଲେ ମାଜେତାକି ର ପୁଃନି ଇଞ୍ଜା ନୀତିନି ଜିରୁ ଦେଟାମାନେସି ।

୨୧ ମାହାପୁରୁ ଇଲୁ ନୀସଁ ମା କାଜା ପୂଜେରା ତାଣା ମାନେ,

୨୨ ଏଦାଆଁତାକି ଖାଦୁ, ମାର ସୁଦୁ ହିୟି ଅଡ଼େ ଆଡ଼ାଖା ନାମୁଟି ମାହାପୁରୁ ନକିତା ହାନ; ଇଚିହ୍ ମାର ନୀସଁ ପାପୁ ଅଣ୍ପୁଟି ଅଡ଼ି ଆହାମାନାୟି ଅଡ଼େ ମା ଆଜା କ୍ରାସୁତି ନେତେରି ତଲେ ନରୁଞ୍ଜି ଆହାମାନେ ।

୨୩ ମାର ଖେକହାମାନି ଆସା ବାସୁତି ବାଡ଼ୁ ତଲେ ଆହନ, ଏନାଆଁତାକି ଇଚିହ୍ ମାହାପୁରୁ ଆଞ୍ଜାମାନେସି, ଏଞ୍ଜାସି ଚିକାଣାତାସି;

୨୪ ଅଡ଼େ ଜାସୁ ନଞ୍ଜି ଆହାଲି ଇଞ୍ଜା ନେହ୍ କାମା କିଞ୍ଜି କିହାଲିତାକି ରଅତାୟି ରଅଣାଇଁ ସାୟିନି କିହାଲି ମନ ହାନ,

୨୫ ଅଡ଼େ ଆମ୍ବା ଆମ୍ବାଆରି ମାହାପୁରୁ କୁଲମି ପ୍ରାତାନାତା ରୁଣ୍ଡା ଆହାଲି ହେଲା ଆନେରି, ମାର ଏଲେକ୍ କିଆପ; ସାମା ରଅତାୟି ରଅଣାଇଁ ବାସୁ ହାଞ୍ଜିଆନ, ଏନାଆଁତାକି ଇଚିହ୍ ପ୍ରବୁ ଖାନି ଦିନା ତାଗେ ଖାହିମାନେ ଇଞ୍ଜା ମେସିମାନାୟି ।

୨୬ ମା ନକିତା ସାତା ତଞ୍ଜା ଆଡ଼ି ଜେଟ ମାର ପୁଞ୍ଜି ପୁଞ୍ଜିହ୍ ପାପୁ କିହମାନାୟି, ଆଚିହ୍ ଏନି ପୂଜା ପାପୁଟି ଗେଲ୍ପାଲି ଆଡେଏ,

୨୭ ଆଚିହ୍ ମାର ଖାହିମାନି କାଜା ନୀହାୟି ନକିତା ମାହାପୁରୁଅପାଆଗାଟି ଲକୁ ତାକି ମାନି ହିଚୁତା ନାସା ଆନାଣି ଆଜାନା ତୁୟିନି ପିସପେ ମାଡ଼ି ଅଡ଼େ ଏଟକା ଏନି ତଣ୍ଡୁ ହିଲେଏ ।

୨୮ ଆମ୍ବାଆସି ମସା ମୋରାତି ମାନୁଞ୍ଜି ଆଆସାରେ, ଏଞ୍ଜାସି କାର୍ମା ମେସପି ଆଆନା ରିଆରି କି ତାନି ଜାଣା ସାକି ତଲେ ଦହ୍‌ଗାଟାସି ଇଞ୍ଜା ପୁଞ୍ଜାନା, ଏଞ୍ଜାଣାଇଁ କାର୍ମା ମେହ୍‌ଆନା ହାନି ତଣ୍ଡୁ ହାଞ୍ଜିଆନେ ।

୨୯ ଇଞ୍ଜା ଅଣପାଦୁ ଆମ୍ବାଆସି ମାହାପୁରୁ ମାରଏଣାଇଁ କଡ଼ା ତୁଇ ଖିସାମାନେସି, ପୁଃନି ରାକ୍ତିମାନାତି ଆମିନି ନେତେରି ତଲେ ଏଞ୍ଜାସି ସୁଦୁ ଆହାମାନେସି, ଏଞ୍ଜାଣାଇଁ ତଣ୍ଡା ଇଞ୍ଜା ଅଣପାମାନେସି ଅଡ଼େ କାର୍ମା ହାନି ଜାସୁତି ଅପାହିଲଅସି, ଏଞ୍ଜାସି ଏଚେକା ହାରେଏ ତଣ୍ଡୁ ବେଟାଆଅସି !

୩୦ ଇତିହାସିଂ ମାର ପୁଞ୍ଜାମାନାୟି, “ବାଦୁଲି ଅନାୟି ନା ଅଦିକାରା, ନାନୁ ତାମି କାମାତି ପାଡ଼େୟି ହୀଇଁ” ଆମ୍ବାଆସି ଇ କାତା ଏଲେଇଞ୍ଜା ମାନେସି, ଏଞ୍ଜାଣାଇଁ ନାନୁ ପୁଞ୍ଜାମାଇଁ, ଅଡ଼େ ଜିକେଏ “ପ୍ରବୁ ତାନି ଲକୁଇଁ ନାହାୟି କିନେସି ।”

୩୧ ନୀତାମାନି ମାହାପୁରୁ କେୟୁତା ହେରୁଡ଼ିନାୟି ଏଡ଼ି ହାରେକା ଆଜିହପେତାୟି ।

୩୨ ସାମା ଉଜେଡ଼ି ମେସ୍ତି ତାୟୁ ଏଡ଼ିବେଲୀତା ମୀରୁ ହାରେକା ଦୁକୁ କସ୍ତ ବେଟାଆହାନା ହାରୁଡ଼ି ଆହାହିଲଅତେରି, ମୀରୁ ଏ ତଲି କାଲୀତି ଅଣ୍ଡପାଦୁ; ସାମା ମୀରୁ ଏବେଲୀଞ୍ଜା ହାରୁଡ଼ି ଆହା ହୀଲଅତେରି ।

୩୩ ରକଞ୍ଜାକି ଅପାଆ ଗାଟାତେରି ଅଡ଼େ କସ୍ତତା ଲାଜା କିଞ୍ଜିଆହିମାରେରି, ଅରୁଞ୍ଜାକି ଏଲେକିହାସିଂ ଏ ମାହାପୁରୁ ଲେମ୍ବିମାନି ଲକୁତଲେ ଆଣ୍ଡିମାରେରି ।

୩୪ ଇତିହାସିଂ ମୀରୁ କାୟିଦି ଗାଟାରି ତଲେ ଆଣ୍ଡାନା ଦୁକୁ ବେଟା ଆହାମାରେରି, ଅଡ଼େ ମିଙ୍ଗେ ମୀ ହାରେକା ନେହାଁ କାଲେଏଡ଼ି ବାଡ଼କୁ ମାନେ, ଇଦାଆଁ ପୁଞ୍ଜାନା ରାହାତଲେ ମୀ ଦନ ମାଣ୍ଡତା ଅନାଣି ମୀରୁ ଅରୁହିମାରେରି ।

୩୫ ଇଦାଆଁତାକି ମୀରୁ, ମୀ ସାସା ପିହାଆଦୁ ଇତିହାସିଂ ଏମ୍ବାଟି ହାରେକା ଦାନା ମାନେ ।

୩୬ ମାହାପୁରୁତି ଅଣ୍ଡପୁ ପୁରା କିହାନା ଏଞ୍ଜାସି ଆଞ୍ଜାମାନାଣି ବେଟାଆହାଲି ଆଡ଼ିଦେରି, ଏଦାଆଁତାକି ମୀରୁ ସାସା ଆସାନା ତୟାଦୁ ।

୩୭ ଇତିହାସିଂ ଦାମ୍ବୁପତିତା ରାସ୍ତକି ଆହାମାନେ,

“ଇତିହାସିଂ ହାରେକା ଉଣା ବେଲା ମାନେ,
ଆମ୍ବାଆସି ଞ୍ଜାନାୟି ମାନେ, ଏଞ୍ଜାସି ଞ୍ଜାନେସି;
ଅଡ଼େ ଏଞ୍ଜାସି ଝେଡ଼ା କିଅସି ।

୩୮ ନା ଦାମ୍ବୁତି ମାଣସି ନାମୁତଲେ ନୀତିନାସି,
ସାମା ଆମ୍ବାଆସି ନା ତାଣାଟି ଗୁଟା ଆନେସି,
ଆତିହାସିଂ ଏଞ୍ଜାଣି ତାଣା ନା ଜୀଞ୍ଜୁ ରାହାଁ ଆଏ ।”

୩୯ ସାମା ଆମ୍ବାଆରି ନାସା ଆହାଲି ଝେଣ୍ଡେ ଗୁଟା ଆନେରି, ମାମ୍ବୁଏଞ୍ଜାରି ଗତିତି ଲକୁ ଆଏ, ସାମା ଆମ୍ବାଆରି ଜୀଞ୍ଜୁତି ଗେଲ୍ପି ଆହାଲି ନାନିନେରି, ମାମ୍ବୁଏଞ୍ଜାରି ଗତିତି ଲକୁତମି ।

୧୧

ନାମ୍ବୁ

୧ ନାମ୍ବୁ ଇତିହାସିଂ ଆସା କିହିମାନାଣି ବାରେ ସାତେଏ ବେଟାଆନାୟି, ଇଞ୍ଜା ତଞ୍ଜାଆଆଗାଟାୟି ସାତେଏ ମାନେ ଇଞ୍ଜାପୁନାୟିଏ ନାମ୍ବୁ ।

୨ ତଲିତି ମା ଆକୁୟାଁ ମାହାପୁରୁଇଁ ନାମାଲିଏ ମାହାପୁରୁ ତାଣା ଝେଜିତେରି ।

୩ ମୀରୁ ନାମ୍ବୁଟି ପୁନାୟି, ବାରେ ଦାରୁତି ମାହାପୁରୁତି ବଲୁ ତଲେ ଗାଡ଼ି ଆଡ଼େ, ଅଡ଼େ ଏନାୟିଞ୍ଜା ତଞ୍ଜା ଆଆଗାଟି ତାଣାଟି ତଞ୍ଜା ଆନାୟି ଗାଡ଼ି ଆହା ହିଲେଏ ।

୪ ନାମ୍ବୁଟି ହେବଲ ମାହାପୁରୁ ନକିତା କୟିନ କିହାଁ ନେହାଁ ପୁନା ହେରୁପିତେସି ଇଞ୍ଜାଁ ଏଦାଣି ତଲେ ଏଞ୍ଜାସି ଦାମ୍ବୁଗାଟାସି ଆଡ଼େସି; ମାହାପୁରୁ ତାନୁଏ ତାନି ଦାନାତାକି ସାକି ହୀତେସି, ଅଡ଼େ ଏଞ୍ଜାସି ହାଡ଼ି ଜିକେଏ ନାଞ୍ଜୁପାତେକା ନାମ୍ବୁଟି କାତା ଆହିମାନେସି ।

୫ ନାମ୍ବୁଟି ହନକ ହାଆନା ମାହାପୁରୁ ତାଣା ଅଞ୍ଜିଆଡ଼େସି ଇଞ୍ଜାଁ ମେଣ୍ଡଜିତେସି; ଅଡ଼େ ଏଞ୍ଜାସି ତଞ୍ଜା ଆଆଡ଼େସି, ଇତିହାସିଂ ମାହାପୁରୁ ଏଞ୍ଜାଣାଇଁ ଅହାନା ମେଣ୍ଡଜିକିତେସି, ଏଞ୍ଜାସି ମାହାପୁରୁତି ରାହାଁ ଗାଟାସି, ମେଣ୍ଡଜିନି ନକେଏ ଏଞ୍ଜାସି ଏ କାତା ଝେଞ୍ଜାମାରେସି;

୬ ଅଡ଼େ ନାମ୍ବୁ ହିଲଆନା ଆମ୍ବାଆସି ମାହାପୁରୁଇଁ ରାହାଁ କିହାଲି ଆଡ଼ଅସି, ଇତିହାସିଂ ମାହାପୁରୁ ସାତେଏ ମାନେସି ଇଞ୍ଜାଁ, ଅଡ଼େ ଏଞ୍ଜାସି ତାଙ୍ଗେ ପାରିନାରାଇଁ ତାନି କିତି କାମାତି ପାଡ଼େୟି ହୀନେସି, ଇଦାଆଁ ଏଞ୍ଜାଣି ତାଣା ଞ୍ଜାନି ଲକୁ ନାନିନାୟିମାନେ ।

୭ ନାମ୍ବୁଟି ନହା ଏ ବେଲା ପାତେକା ତଞ୍ଜା ଆଆଗାଟି କାତାତାକି ହୁକୁମି ବେଟାଆହାନା ଆଜିତଲେ ତାନି କୁଟମି ଗେଲ୍ପାଲିତାକି ର ଜାଜା କେପିତେସି, ଇଞ୍ଜାଁ ଏ ନାମ୍ବୁତଲେ ଏଞ୍ଜାସି ଦାରୁତିତି ଦହ କିହାନା ନାମ୍ବୁତଲେ ମାହାପୁରୁ ନକିତା ଦାମ୍ବୁଗାଟାସି ଆଡ଼େସି ।

୧୧:୩ ଜହ ୧:୩

୮ ନାମୁଚି ଅବ୍ରାହାମ ମାହାପୁରୁ ତାଣାଟି ହାଟୁକି ଆହାଲିଏ, ଆମିନି ଦେସା ଏଞ୍ଜାସି ବେଟାଆହାଲି ହାଜିମାଚେସି, କାତା ମାନୁଞ୍ଜି ଆହାନା ଏମାଆଁ ହାଜାଲି ହଡ଼େସି, ଏଞ୍ଜାସି ଏମ୍ବିୟା ହାଜିମାନେସି, ଏଦାଆଁ ଏଞ୍ଜାସି ପୁନାଆନା ଜିକେଏ ହଡ଼ାହାଚେସି ।

୯ ନାମୁଚି ଏଞ୍ଜାସି ଏଟୁକା ଦେସାତାରିଲେହେଁ ଆଞ୍ଜାମାନି ଦେସାତା ବାସା କିଚେସି, ଏଞ୍ଜାସି ତୁମୁତା ବାସା କିଚେସି ଅଡ଼େ ଏଞ୍ଜାଣିଲେହେଁ ମାହାପୁରୁ ଆଞ୍ଜାଲିଏ ଇସାହାକ ଅଡ଼େ ଜାକୁବ ଜିକେଏ ତୁମୁ ଇଲୁତା ବାସା କିଚେସି ।

୧୦ ଇଚିହଁ ଆମିନି ଗାଡ଼ା କାଚଲଏ ତାକି ପୁନାଦି ଲେହେଁ ଅଡ଼େ ମାହାପୁରୁ ତାନୁଏ କେପାମାନେସି, ଅବ୍ରାହାମ ଏ ଗାଡ଼ା ବେଟାଆହାଲି କାଡ଼ାମାଚେସି ।

୧୧ ନାମୁଚଲେ ସାରା ବାଞ୍ଜେଣି ଆହାଁ ତାନୁଏ ଜିକେଏ ଆଞ୍ଜାମାନାଣାଲ୍ ଦୂତି ବୁଡ଼ୁହି ଆହାମାଚି ଜିକେଏ ପୁରାମାସା ଆହାଲି ବାଡ଼ୁୟୁ ବେଟାଆଡ଼େ;

୧୨ ଅବ୍ରାହାମ ଦୂତି ବୁଡ଼ୁହା ଆହାମାଚି ଜିକେଏ ଏଞ୍ଜାଣି ତାଣାଟି ହାରୁତି ହୁକାୟାଁ ଅଡ଼େ ସାମୁରୁଚି ବାଞ୍ଜି ଲେହେଁ ଏଜିକିହାଲି ଆଡ଼ାଆଗାଟି ର ହାରେକା କୁଡ଼ା ଜାର୍ନା ଆଡ଼େସି ।

୧୩ ଏ ବାରେକାଣା ମାହାପୁରୁଲ୍ ନାମାହାଁ ହାଡ଼େସି; ଏଞ୍ଜାସି ମାହାପୁରୁ ଆଞ୍ଜାମାଚାଣି ପୁଞ୍ଜାଆତି ଜିକେଏ ହେକଟି ଏ ବାରେ ମେସାନା ରାହାଁ ଆଡ଼େସି ଇଞ୍ଜା ଦାବୁଚିତା ମାମୁ ଦୁନାଦେସା ଅଡ଼େ ବାସା କିହାମାନି ଇଞ୍ଜା ଜଲିଚେସି ।

୧୪ ଇଚିହଁ ଆମିନି ଗାଗାରି ଇଲେଚି କାତା ଜଲିନେରି, ଏଞ୍ଜାସି ତାମି ଅଡ଼େ ର ଦେସା ପାରିମାନେରି ଇଞ୍ଜା ଖେସିମାନେରି ।

୧୫ ଏଞ୍ଜାସି ଆମିନି ଦେସା ପିସା ଖାହାମାଚେସି, ଏ ଦେସାତି ଅଡ଼େ ଅଣ୍ଡି ହିଲାଆଚେସି । ଏଞ୍ଜାସି ଅଣ୍ଡିପିଚିହଁ ମା ଏ ଦେସାତା ଖେଣ୍ଡେ ହାଜାଲି ଆଡ଼ିଚେସିମା ।

୧୬ ସାମା ଏଞ୍ଜାସି ର ହାରେକା ନେହାଁଣି ଇଚିହଁ ଲାକପୁରୁ ଦେସାତି ଅଣ୍ଡିପିମାଚେସି; ଏଦାଆଁତାକି ମାହାପୁରୁଲ୍ ଏଞ୍ଜାସି ମା ମାହାପୁରୁ ଇଞ୍ଜା ଖେଜି କିହାଲି ଲାଜା ଆହା ହିଲାଆଚେସି, ଇଚିହଁ ଏଞ୍ଜାସି ଏଞ୍ଜାସି ତାକି ର ଗାଡ଼ା ତାମି କିହାମାନେସି ।

୧୭ ନାମୁଚଲେ ଅବ୍ରାହାମ ତାୟିପାରି କିଞ୍ଜିଆହାଁ ଇସାହାକଲ୍ ପୂଜା କିହାଲି ହେରୁପିଚେସି, ଆମିନି ମାଣ୍ଡି ଆଞ୍ଜାମାଚାଣି ମେଡ଼ା ଆହାମାଚେସି, ଆମୁଆରାଲ୍ ଏଲେଇଞ୍ଜାମାଚେସି,

୧୮ “ଇସାହାକ ତାଣାଟି ନୀ କୁଡ଼ା ଖେଜିନେରି, ଏ ମାଣ୍ଡି ତାନି ରଣ୍ଡିଏ ମୀରୁଏଣାଲ୍ ତାକିନି ପୂଜା ହାହାଲି ହାଜିମାଚେସି ।”

୧୯ ଇସାହାକଲ୍ ମାହାପୁରୁ ହାଡ଼ାରି ତାଣାଟି ଜିକେଏ ନିକ୍‌ହାଲି ଆଡ଼ିମାନେସି ଇଞ୍ଜା ଅଣ୍ଡାପାମାଚେସି, ଇଞ୍ଜା ଅବ୍ରାହାମ ସାଚେଏ ଇସାହାକଲ୍ ହାକିଟି ଖେଣ୍ଡେ ବେଟାଆଡ଼େସି ।

୨୦ ନାମୁଚଲେ ଇସାହାକ ଖାହିନି ଦିନାତା ନେହଁ ଆପେ ଇଞ୍ଜା ଅଣ୍ଡାପାନା ଜାକୁବ ଅଡ଼େ ଏସାଞ୍ଜୁଲ୍ ବର ହାଚେସି ।

୨୧ ନାମୁଚଲେ ଜାକୁବ ହାନି ବେଲାତା ଜସେପତି ରୀ ମୀରୁକାଣି ବର ହାଚେସି, ଇଞ୍ଜା ତାନି କୁତା ବାଡ଼ୁଗାତା ଗେଣ୍ଡାମା ମାହାପୁରୁଲ୍ ଜହରା କିଚେସି ।

୨୨ ଜସେପ ହାନି ବେଲାତା ନାମୁଚଲେ ଇସାୟେଲ ଲକୁ ମିସର ଦେସାତି ହଡ଼ାହାନି କାତା ଖେସେସି । ଇଞ୍ଜା ତାନି ପେଡ଼କା ତୁମ୍‌କା ତାକି ହୁକୁମି ହାଚେସି ।

୨୩ ନାମୁଚଲେ ମସାତି ତାଲି ତାଞ୍ଜି ଏଞ୍ଜାଣି ଜାର୍ନାଆଡ଼ି ଦିନାଟିଏ ଏଞ୍ଜାଣାଲ୍ ର ଅଜିତି କକାସି ଇଞ୍ଜା ମେସାନା ରାଜା ହୁକୁମି ଆଜାଆନା ତାନି ଲେଞ୍ଜୁ ପାଚେକା ଏଞ୍ଜାଣାଲ୍ ତୁକୁହାନା ଇଟାମାଚୁ ।

୨୪ ମସା ନାମୁଚଲେ ପାତାଆଡ଼ି ତାୟୁ ପାର ରାଜା ମାଜ୍ଜାତି ମୀରୁଏସି ଇଞ୍ଜା ଖେଜାଲି କୁଚେସି ।

୨୫ ଗାଡ଼େକା ତାକି ପାପୁ ତଲେ ରାହାଁ ବେଟାଆନାଣି କିହାଁ ମାହାପୁରୁ ଲକୁତଲେ ଦୁକୁ କସୁ ଅରୁହିନାୟି ନେହାୟି ଇଞ୍ଜା ଅପିଚେସି ।

୨୬ ମିସର ବାରେ ଦେସାତି ଦନ କିହାଁ ଜୁାସୁତି ନିନ୍ଦା ବେଟାଆନାୟି ବାରେକିହାଁ କାଜା ଦନ ଇଞ୍ଜା ଅଣ୍ଡିପିଚେସି, ଇଚିହଁ ଏଞ୍ଜାସି ଖାନି ଦିନାଣା ବେଟାଆନି ଦନତି ସିନିକିଚେସି ।

୨୭ ମସା ନାମୁଚଲେ ରାଜା କପାତି ଆଜାଆନା ମିସର ଦେସା ପିସାହାଚେସି, ଇଞ୍ଜା ଆମୁଆସି ମେହୁଆଗାଟି ମାହାପୁରୁଲ୍ ମେସିଲେହେଁ ଅରୁହାନା ଡ଼ୟିଚେସି ।

୨୮ ନାମୁଚଲେ ଏଞ୍ଜାସି ପିସିଆନି ପାରୁତି ଅଡ଼େ ନେଚେରି ତାଞ୍ଜିନି ମେଡ଼ା ମାନୁଞ୍ଜି ଆଡ଼େସି, ଏନିକଁ ପାଣ୍ଡା ମୀରୁକାଣି ପାୟିନାସି ଇସାୟେଲ ମୀରୁକାଣି ଡ଼ାଗେଏ ।

୨୯ ଇସ୍ରାୟେଲ ଲକ୍ଷ୍ମ ନାମୁତଲେ ଖାୟିତି ବୁମିତା ତାକିନି ଲେହେଁ ସୁପ ସାମଦୁରି ଗାଣ୍ଡତେରି, ସାମା ମିସର ଦେସାତାରି ଏଲେକି ଗାଣ୍ଡତାଲି ଅଣ୍ଡପାନା ସାମଦୁରିତା ମୁଞ୍ଜାନା ହାଡେତରି ।

୩୦ ଇସ୍ରାୟେଲ ଲକ୍ଷ୍ମ ନାମୁତଲେ ସାତା ଦିନା ପାତେକା ଜିରିହ ଗାଡ଼ାତି କଟା ସାରିସୁଟୁ ରେତିତାୟୁ ବିଡ଼ହାହାତେ ।

୩୧ ନାମୁତଲେ ରାହାବ୍ ଦାରେଣି ଦେସା ସିନିକିହାଲି ମେଣେଏ ଖାହାମାଚାରାଇଁ ଟାୟୁ ହୀତାକି ମାହାପୁରୁଇଁ ମାନୁଞ୍ଜି ଆଆଗାଚାରି ତଲେ ନାସା ଆଆନା ହିଡ଼ି ବେଟାଆଡେ ।

୩୨ ଅଡେ ଆଗାଡ଼ା ଏନାଆଁ ଖେସ୍ତାଇଁ, ଗିଦିୟନ, ବାରକ୍, ସାମ୍ବନ୍, ଜିପ୍ତହ, ଦାସୁଦ, ସାମୁୟେଲ ଅଡେ ମାହାପୁରୁ ଅଣ୍ଡପୁତି ବଲୁ ଖେହନାରି କାତା ମିଙ୍ଗେ ଖେସାଲି ବେଲ ହାଲେଏ ।

୩୩ ନାମୁତଲେ ଏଞ୍ଜାରି ହାରେକା ରାଜିୟାଣି ଜୁଜୁ କିହାନା ଜୀଣା ଆଡେତରି, ଦାମୁକାମା କିତେରି, ମାହାପୁରୁ ଆଞ୍ଜାମାନାଣି ବେଟାଆଡେତରି, ସିହଁ କୁଞ୍ଜନିୟା ଗୁତି ମୁଦା କିତେରି ।

୩୪ ଏଞ୍ଜାରି ଆଜିହପେତି ତାଞ୍ଜିନି ହିବୁ ତୁପହେରି, ଚୂଣିନି ତାଣାଟି ପିସପିଆଡେତରି, ଏଞ୍ଜାରି ବାଡ଼ୁୟୁ ହିଲିଆ ବେଲୀତା ବାଡ଼ୁୟୁ ବେଟାଆଡେତରି, ଜୁଜୁତା ଜୀଣା ଆଡେତରି, ଅଡେ ମାହାପୁରୁଇଁ ନାମାଆତାରି ଜୁଜୁକିନି କସକାଣି ଜୀଣାଆହାନା ପେରହାତୁସ୍ତେରି ।

୩୫ ନାମୁତି ଆୟସିକା ତାମି ଲକ୍ଷ୍ମ ବିତାରି ହାଡ଼ାରାଇଁ ନିପୁକି ଆହାନା ଖେଣ୍ଡେ ବେଟାଆଡ଼ୁ; ଏଚରଜାଣା ଖେଣ୍ଡେ ନିଙ୍ଗନାଣି ମେଡ଼ା ଆହାଲିତାକି ଗେଲପି ଆହାଲି ମନ କିଆନା ଆଜିହପେତି କସ ବେଟାଆଡେତରି ।

୩୬ ଏଚର ଜାଣାଇଁ ନିଦା କିହାନା କାକହେରି, ଏଚର ଜାଣାଇଁ ସାଡ଼ିଣି ତୁରି ତଲେ ଖେଡେରି, ଏଚର ଜାଣାଇଁ ହିକିୟା ତଲେ ଦସାନା କାୟିତି ଇଲୁ ତାଣାଟି ତାୟିପାରି କିଞ୍ଚି ଆଡେତରି ।

୩୭ ଆମାଆରି ଖାଲକାତଲେ ପାୟୁଞ୍ଚି ଆଡେତରି, ଆମାଆରି କରତ ତଲେ ରା ଗାଣ୍ଡୁ, କିହଁ ରାଡପିଆଡେତରି, ଇଞ୍ଜା କାଣ୍ଡାତଲେ ପାୟୁଞ୍ଚି ଆଡେତରି, ଆମା ଆମାଆରି ମେଣ୍ଡା ଅଡେ ଗରି ତଲକା, ହୁତାନା ରାହାକୁଟା ବେଟାଆଆନା କସ, ଲାଗି ବେଟାଆହଁ ଇତାଲୀ ଆତାଲୀ ରେଚେରି ।

୩୮ ଏଞ୍ଜାରି ଦେସାଟି ଲକ୍ଷ୍ମ ହିଲିଆ ତାଣା, ହରକାଣା, ପାୟୁୟାଣା ଅଡେ ଗାଣ୍ଡାଣା ବାସା କିତେରି; ଦାର୍ଡତିତି ଏଞ୍ଜାରାକି ନାତାଲି ଜଡ଼ି ହିଲିଆଆତେ ।

୩୯ ଏଞ୍ଜାରି ନାମୁତଲେ ଇ ବାରେ ନେହଁ ଖେଙ୍ଗାମାଟି ଜିକେଏ ଆଞ୍ଜାମାଚାଣି ବେଟାଆଆଡେରି,

୪୦ ଇତିହଁ ମାହାପୁରୁ ମାଙ୍ଗେତାକି ହାରେକା ନେହଁଣି କିହଁ ଇଟାମାନେସି, ଏନିକି ଏଞ୍ଜାରି ମା ତଲେ ଏନିକି ତାରି ଆନେରି ଇଞ୍ଜା ମାହାପୁରୁତି ଅଣ୍ଡପୁ ମାତେ ।

୧୨

ମାହାପୁରୁ ମା ଆଡ଼ା

୧ ଇଦାଆଁତାକି ଇଚେକା କାଜା ହାଗୁଲେହେଁ ସାକି ହୀହାମାନାରି ମା ସାରିସୁଟୁ ମାନାକି, ଖାଦୁ ମାର ବାରେତି ବଜୁ ଅଡେ ଆଞ୍ଜାମାଞ୍ଜାନି ପାପୁ ପିସାନା ନାମୁତା ନକିନାସି ଅଡେ ତାରିକିନି ଜୀସୁଇଁ ସିନିକିହାନା ସାସାତଲେ ମା ନକିତା ତାରିଆହାମାନି ଟାୟୁତା ହଣନ ।

୨ ମା ନାମୁ ତାକି ନକିନାସି ଅଡେ ନାମୁତା ବାସୁକିନି ଜୀସୁଇଁ ମାର ସିନିକିନି । ଏଞ୍ଜାସି ନକିତା ମାନି ରାହଁ ବେଟାଆହାଲି ପାସି ମୁଣ୍ଡାତା ଲାଜା ବେଟାଆହାନା ହାନି ପାତେକା ଅରୁହେତେସି ଇଞ୍ଜା ଏଞ୍ଜାସି ନାସି ମାହାପୁରୁ ସିଂଗାସାଣି ଚିଞ୍ଚନି ଚଟତା କୁଗାମାନେସି ।

୩ ମାରୁ ଏନିକି ମୀ ମନତା ଖାହୁ ଖାହୁଅତେରି; ଇଦାଆଁତାକି ପାପୁ ଗାଚାରି ତାଣାଟି ତାନି କପାଟି ଏଚେକା କସ ଅରୁହେତେସି, ଏଞ୍ଜାଣି କାତା ମାରୁ ଅଣ୍ଡପାଦୁ ।

୪ ମାରୁ ପାପୁ କପାଟି ଜୁଜୁ କିହାନା ନାସି ପାତେକା ମୀ ନେତେରି ହାନି ପାତେକା ଆଞ୍ଜା ହିଲଅତେରି ।

୫ ମାହାପୁରୁ ମିଙ୍ଗେ ମାରକାତେରି ଲେହେଁ ଖେସାମାଞ୍ଜାନି, ସାସାହାନି କାତା ବାଣାଆଡେରି କି ?

“ଏ ନା ମୀରୁଏଣାଟି, ପ୍ରବୁ ସାଲୁଞ୍ଚି କିୟାନାଣି ଉଜେଏତାୟି ଇଞ୍ଜା ଇନାଆନି, ଆଆତ ଏଞ୍ଜାଣି ତାଣାଟି ଦାକା ବେଟାଆଡ଼ିସାରେ ସାସା ପିହୁଆନି;

୬ ଏନାଆଁତାକି ଇତିହଁ ପ୍ରବୁ ଆମାଆରାଇଁ ଜୀସୁ ନନେସି, ଏଞ୍ଜାଣାଇଁ ଜାଗାତା କିହଁ ଜାପନେସି ଅଡେ ଆନିନି ମୀରୁଏଣାଇଁ ଆବିନେସି, ଏଞ୍ଜାଣାଇଁ ସାସୁ ହୀନେସି

୭ ନେହାଁତେରି ଆହାଲି କସ୍ତୁ ଅର୍ହୁ ମାଞ୍ଜେରି, ମାହାପୁରୁ ମିଙ୍ଗେ ମୀରକା ଲେହେଁ ଲେମ୍ବିମାଞ୍ଜାନେସି, ଇଚିହଁ ଆବା ଆମ୍ବାଆରାଇଁ ତଣ୍ଡ ହାଅସି ଇଲେତି ମୀରଏସି ଆମ୍ବାଆସି ମାନେସି ?

୮ ସାମା ଆମିନି ତଣ୍ଡତା ବାରେ ଆଣ୍ଡିନେରି, ଇଞ୍ଜା ମୀରୁ ଏମ୍ବାଆଁ ଆଣ୍ଡାଆତାତେରି, ଆତିହଁ ମୀରୁ ମୀରକା ଆଆନା ଦାଢ଼ରେଣି ମୀରକା ଆଢ଼େରି ।

୯ ଅଢ଼େ ଜିକେଏ, ମା ଦାଢ଼ତିତି ତାଞ୍ଜିୟାଁ ମାଙ୍ଗେ ସାସ୍ତି ହାୟାତି ଜିକେଏ ଏଞ୍ଜାରାଇଁ ମୀର ମାନି କିତାସି, ଆତିହଁ ମା ଲାକପୁରୁତି ଆବାଇଁ ଏରେ ହାଢ଼େରକା ମାନିଞ୍ଜି ଆହାନା ଜୀଞ୍ଜୁ ବେଟା ଆଆସି ?

୧୦ ମା ଦାଢ଼ତିତି ତାଞ୍ଜିୟାଁ ତାନି ଅଣ୍ଡପୁତା ନେହଁ ଆନିଲେହେଁ ମାଙ୍ଗେ ଗାଢ଼େକା ଦିନତାକି ସାସ୍ତି ହିୟାତେରି; ସାମା ମୀର ଏନିକଁ ମାହାପୁରୁତି ସୁଦୁତା ଆଣ୍ଡାଲି ଆଡ଼ିନାସି, ଇଦାଆଁତାକି ମାହାପୁରୁ ମା ନେହଁ ତାକି ମାଙ୍ଗେ ତଣ୍ଡ ହିୟାନେସି ।

୧୧ ମୀର ସାସ୍ତି ବେଟାଆନାସି ରାହାଁଗାଗାସି ଆଆନା ଦୁକୁ ଗାଗାସି ଆଢ଼େ, ଆଡ଼ିଜିକେଏ ଆମିନି ଗାଗାରି ଏମ୍ବାତି ଜାପାମାନେରି, ତାୟୁ ଏଞ୍ଜାରାକି ହିଡ଼ଡ଼ିତି ପାଢ଼େୟି ଲେହେଁ ଦାମ୍ବୁତି ପାଢ଼େୟି ବେଟାଆଢ଼େରି ।

ଝେହ୍ନାସି ଇଞ୍ଜା ଜାଗ୍ରାତା କିନାସି

୧୨ ଇଦାଆଁତାକି ମୀରୁ ବାଡ଼ୟୁ ହିଲାଆ କେସ୍ତା ପେର୍ଦୁ ଅଢ଼େ ବାଡ଼ୟୁ ହିଲାଆ ମେଣ୍ଡାୟାଁ ବାଡ଼ୟୁ କିଦୁ ।

୧୩ ସଲ୍ଲକେ ଜିରୁତା ତାକାଦୁ; ଆତିହଁ, ମୀ ସଟା ଆଡ଼ି କତା ଆଡ଼ାଆଗାଗାସି ଆଆନା ନେହଁ ଆଢ଼େ

୧୪ ବାରେଜାଣା ତଲେ ହିଡ଼ଡ଼ି ତଲେ ମାଞ୍ଜାଲି ଅଣ୍ଡପାଦୁ, ଅଢ଼େ ସୁଦୁଗାଗାସି ଆଆନା ଆମ୍ବାଆସି ପ୍ରବୁଇଁ ମେସାଲି ଆଡ଼ଅସି, ଏମ୍ବାଆଁ ତୀରେତଲେ ସିନିକଦୁ ।

୧୫ ଏଢ଼େତା ଆମ୍ବାଆସି ମାହାପୁରୁତି କାର୍ମାମେହ୍ନି ତାଣ୍ଡାଟି ନସ୍ତୁ ଆଢ଼େସି ଇଞ୍ଜା ଏନି କାମ୍ବେଲି ତାକି ନେୟାଁନା ପାତା ଆହାଁ ମିଙ୍ଗେ ନସ୍ତୁ କିୟାନେ ଅଢ଼େ ଏମ୍ବାଟି ହାଢ଼େରକା ପଲ୍ଲଆ ଗାଗାରି ଆଢ଼େରି;

୧୬ ଏସାଞ୍ଜୁ ଲେହେଁ ଆମ୍ବାଆସି ଦାଢ଼ିଗାଗାସି କି ଦାମ୍ବୁ ହିଲାଆଗାଗାଣି ଲେହେଁ ଆଆପେସି; ଏଞ୍ଜାସି ର ଅଲିତି ରାନ୍ଦା ତାକି ତାନି କାଜା ମୀରଏଣି ପାଣା ପାଢ଼େଟା ମାତେସି ।

୧୭ ମୀରୁ ଏଦାଆଁ ପୁଞ୍ଜାମାଞ୍ଜେରି, ତାୟୁ ଏଞ୍ଜାସି ଆବା ତାଣ୍ଡାଟି ବର ବେଟାଆହାଲି ଅଣ୍ଡପିତିହଁ ଜିକେଏ ବେଟାଆହାଲି ଆଡ଼ାଆତେସି, ଅଢ଼େ ମନ ଝେହ୍ନାଲି ତାକି କାଣ୍ଡୁ ବକ୍‌ହିହଁ ପାରାଲି ଅଣ୍ଡପିତେସି ଆଡ଼ିଜିକେଏ ଏଦାଆଁ କିହାଲି ପାରୁ ବେଟାଆଆତେସି ।

୧୮ ଇସ୍ତାୟେଲତି ଲକୁ ଲେହେଁ ମୀରୁ ସିୟନ ହରୁତା ଡ଼ୀଞ୍ଜିମାଟି ହିରୁ, କିଚିକିଟି ଆନ୍ଦେରି, ରୁଞ୍ଜାଗାଲି,

୧୯ ତାଡ଼ି ଉକିନି ହାଡ଼ା ଇଞ୍ଜା କାତା ଝେହ୍ନି ହାଡ଼ା ତାଗେ ଝାଆତେ, ଝେନାରି ଏହାଡ଼ା ଝେଞ୍ଜାନା ଏନିକଁ ଏଞ୍ଜାରାକି ଅଢ଼େ ଏନି କାତା ଝେସ୍ପି ଆଏ, ଇଦାଆଁ ବାଡ଼ିମାଲ୍ଲା ମାତେରି;

୨୦ “ଇଚିହଁ ଏନି ଜଡ଼ ଜିକେଏ ଏ ହରୁତି ଡାରିନେ, ଆତିହଁ ଏଦାନି ଝାଲକାତଲେ ଇରହାନା ପାୟିଞ୍ଜିଆଢ଼େ ।” ଇ ଆମିନି ହୁକୁମି ହାପକି ଆହାମାତେ, ଏଦାଆଁ ଏଞ୍ଜାରି ଅର୍ହାଲି ଆଡ଼ାଆତେରି;

୨୧ ଏଦି ଆଜିହପେ ତଞ୍ଜା ଆହିମାଚାକି ମସା ଜିକେଏ ଏଲେଇତେସି, “ନାନ୍ତୁ ଜିକେଏ ଆଜିତାକି ତାର୍‌ଗିମାଇଁ ।”

୨୨ ସାମା ମୀରୁ ସିୟନ ହରୁ ଅଢ଼େ ନୀତାମାନି ମାହାପୁରୁତି ଗାଡ଼ା, ଇଚିହଁ ଲାକପୁରୁତି ଜିରୁସାଲମତା, ହାଢ଼େରକା ଦୁଡ଼ୟାଁ ଝାହାମାତେରି ଏମ୍ବାଆଁ ଝାହାମାଞ୍ଜେରି ।

୨୩ ଅଢ଼େ ଏ ପାଣ୍ଡାଞ୍ଜା ମୀରକାତି କୁଲମି ଆମ୍ବାଆରି ଦରୁ ଲାକପୁରୁ ରାସ୍ତିକି ଆହାମାନେ ଅଢ଼େ ବାରେତି ନାହାୟି କିନି ମାହାପୁରୁ ନକିତା ତୀରିକିଞ୍ଜି ଆହାମାନି ଦାମ୍ବୁତି ଜୀଞ୍ଜୁୟାଁ ।

୨୪ ପୁଞ୍ଜି ରାଜିମାନା ମାଦିତି ଜାସ୍ତୁ, ଇଞ୍ଜା ଆମିନି ଡ଼ାଞ୍ଜାମାନି ତାନି ନେତେରି, ହେବଲ ନେତେରି କିହାଁ ହାଢ଼େରକା ନେହଁ, ଏ ନେତେରି ତାଗେ ଝାହାମାଞ୍ଜେରି ।

୨୫ ହେଣ୍ଡୁ ଆମ୍ବାଆସି କାତା ଝେସିମାଞ୍ଜାନେସି ଏଦାଆଁ ଝେନଅମି ଇନାଆଦୁ, ଇଚିହଁ ଆମ୍ବାଆସି ଦାଢ଼ତିତା ହୁକୁମି ହାତେସି, ଏଞ୍ଜାଣାଇଁ ତାକି ଗେଲପି ଆଆତେରି, ଆତିହଁ ଆମ୍ବାଆସି ଲାକପୁରୁତି ହୁକୁମି ହାହିମାଞ୍ଜାନେସି, ଏଞ୍ଜାଣି ତାଣ୍ଡାଟି ଏଟକା ହାଚିସାରେ ମୀର ଗେଲପିଆଆସି, ଇଦି ଏରେକା ସାତା ଆଏ ?

୨୬ ଏଚିବେଲ୍ଲା ଏଞ୍ଜାଣି ହାଡ଼ା ଦାଢ଼ତିଇଁ ଝାଟ୍‌ହେ, ସାମା ନାଏଁ ଏଞ୍ଜାସି ପାର୍‌ମାଣା କିହାଁ ଝେସାମାଞ୍ଜାନେସି, “ନାନ୍ତୁ ଅଢ଼େ ଝେଣ୍ଡେ ଝାରଇ ଦାଢ଼ତିଇଁ ଝାଟ୍‌ଇଁ, ଏଦି ଆଏ ସାମା ହାଗୁ ପାକାଇଁ ଜିକେଏ ଝାଟ୍‌ଇଁ ।”

୨୭ ଅଢ଼େ ଝେଣ୍ଡେ ଇଞ୍ଜା ଇନି ତାଣ୍ଡାଟି ଇଦାଆଁ ପୁଞ୍ଜିମାନାସି, ଆଟ୍‌ଞ୍ଜା ଗାଗାସି ଡ଼ୟାଲି ତାକି ଝାଡ଼ିନାସି, ଇଚିହଁ ଗାଡ଼ି ଆହାମାନାସି ବାରେ ତିରି ମୀଣନେ ।

୨୮ ଇଦାଆଁତାକି ଖାଦୁ ଖାତାଆଗାଟି ରାଜିତି ବେଟାଆହାନା ମାର ଏ କାମାଟି ପିହଆପ ଇଞ୍ଜା ରାହାଁତଲେ ଆଜି ଅଡେ ମାନିଟି ମାହାପୁରୁ ରାହାଁ ଆନିଲେହେଁ ଜହରା କିନ ।

୨୯ ଏନାଆଁତାକି ଇଚିହଁ ମା ମାହାପୁରୁ ନାସାକିନି ହିରୁ ଲେହେଁତାପି ।

୧୩

ମାହାପୁରୁଇଁ ରାହାଁ କିନାୟି

୧ କ୍ରାସ୍ତାନା ତାୟିୟାଁ ଅଡେ ତାଙ୍ଗିସ୍ତା ରଅତେରି ରଅଥାଇଁ ଜୀଝୁ ନଝୁ ।

୨ ପୁନାଆତି ଗତାୟାଁଣି ସେବା କିହାଲି ବାଣା ଆଆଦୁ, ଇଚିହଁ ଏଲେକିତାକି ଏଚରଜାଣା ପୁନାଆନା ଲାକପୁରୁତି ଦୁତୁୟାଁଣି ସେବା କିହାମାନେରି ।

୩ କାୟିଦିତା ମାନାରାଇଁ ମୀରୁ ଏଞ୍ଜାରିତଲେ କାୟିଦିତା ମାନି ଲେହେଁ ଅଣ୍ଡପାଦୁ ଇଞ୍ଜା ଆଙ୍ଗା ତଲେ ମାନାକି ଦୁକୁ କସ୍ତ ବେଟାଆହିମାନାରି ତଲେ ସମାନା ଦୁକୁ କସ୍ତ ବେଟାଆହାଲି ଅଣ୍ଡପାଦୁ ।

୪ ବୀହା ବାରେ ଲକୁ ନକିତା ନେହାୟି ଆପେ, ଇଞ୍ଜା ତକ୍ତି ଅଡେ ତକ୍ତା ମାନି ତଲେ ତୟାପୁ, ଏନାଆଁତାକି ଇଚିହଁ ମାହାପୁରୁ ଲାଗେଏତି କାମା ଅଡେ ଦାରିକାମା କିନାରାଇଁ ନୀହାୟି କିନେସି ।

୫ ତାକିନି ତାକୁତା ଦନ ଜୁପକା ଆଆଦୁ, ମିଙ୍ଗେ ଏନାୟି ମାନେ, ଏମାଆଁ ରାହାଁତଲେ ମାଞ୍ଜୁ, ଇଚିହଁ ମାହାପୁରୁ ଏଲେଇଞ୍ଜା ମାନେସି, “ନାନୁ ନିଙ୍ଗେ ଏଚେଲାଖା ପିସ୍ତା, ନାନୁ ନିଙ୍ଗେ ଏଚେଲାଖା ବାଣାଆୟିଅଁ ।”

୬ ଇଦାଆଁତାକି ମାର ସାସାତଲେ ଏଲେଇଞ୍ଜାଲି ଆଡିନାୟି,

“ପୁରୁ ନା ସାଡେମି ଆନାସି,

ନାନୁ ଇଚାଣି ଆଜଅଁ,

ମାଣ୍ଡି ନାଙ୍ଗେ ଏନାଆଁ କିହାଲି ଆଡାନେସି ?”

୭ ଆମିନି ଗାଟାରି ମିଙ୍ଗେ ମାହାପୁରୁତି ବଲୁ ଝେସାମାଞ୍ଜାତେରି, ମୀରୁ ଏଲେତି କାଜାରାଇଁ ମାନି କିଦୁ; ଏଞ୍ଜାରି ଏନିକିଁ ନୀତାମାଚେରି ଇଞ୍ଜା ହାଡେରି, ଏନାଆଁ ଅଣ୍ଡପାନା ଏଞ୍ଜାରି ନାମିତି ଲେହେଁ ମୀରୁ ଜିକେଏ ନାମାଦୁ ।

୮ ଜୀସୁ କ୍ରୀସ୍ତ ରେଝଏନି, ନୀଞ୍ଜୁ ଅଡେ କାଲେଏ ତାକି ସମାନା ତୁୟିନେସି ।

୯ ଏଟକା ଅଡେ ଅର ରଲେତି ଜାପୁନି ତାଣା କିଲବିଲି ଆଆଦୁ, ଇଚିହଁ ତିନି ରାନ୍ଦାତା ଆଏ, ସାମା ମାହାପୁରୁ କାମାଟି ହିୟାଁ ତୀରି ଆନାୟି ନେହେଁ; ଆମିନି ଗାଟାରି ତିନି ରାନ୍ଦାତି ଫେରା ମାନଞ୍ଜି ଆନେରି, ଏଞ୍ଜାରାକି ଏନି ଲାବା ଆଏ ।

୧୦ ମା ଇଲେତି ର ପୂଜାପିଣ୍ଡା ମାନେ, ଆମିନି ପୂଜା ପିଣ୍ଡାତି ଦିଶସୁଇଁ ତୁମ୍ବୁ ଇଲୁତା ସେବାକିନି ପୂଜେରାଙ୍ଗା ତିଞ୍ଜାଲି ଅଦିକାରା ହିଲେଏ ।

୧୧ ଇଚିହଁ ଜୀହୁଦିୟାଁତି କାଜା ପୂଜେରା ପାପୁ ତାକି ହେରୁପାମାନି ଜନ୍ତୁତି ନେତେରି ସୁଦୁ ଚାୟୁତା ଅନେସି; ସାମା ଏ ଜନ୍ତୁତି ଆଙ୍ଗା ବାରେ ସାମାଣ୍ଡା ପାଙ୍ଗାତା ତାଚାହାଁ ହୁଡ଼ଞ୍ଜିଆନେ ।

୧୨ ଇଦାଆଁତାକି ଜୀସୁ ଜିକେଏ ତାନି ନେତେରି ତଲେ ଏନିକିଁ ଲକୁଣି ସୁଦୁ କିନେସି, ଇଦାଆଁତାକି ଗାଡ଼ା ପାଙ୍ଗାତା ହାଡେସି ।

୧୩ ଇଦାଆଁତାକି ଖାଦୁ, ମାରୁ ଜିକେଏ ଏଞ୍ଜାଣିଲେହେଁ ନିନ୍ଦା ଅରହାନା ଗାଡ଼ା ପାଙ୍ଗାତା ଏଞ୍ଜାଣି ତାଣା ହାନ ।

୧୪ ଏନାଆଁତାକି ଇଚିହଁ ଇମାଆଁ ବାରେ ଦିନାତାକି ମାଙ୍ଗେ ତୁୟିନି ଗାଡ଼ା ହିଲେଏ, ସାମା ମାରୁ ତାୟୁ ଖାହିମାନି ଗାଡ଼ାତି ବେଟାଆହାଲି ପାରିମାନାୟି ।

୧୫ ଇଦାଆଁତାକି ଖାଦୁ, ମାରୁ ଜୀସୁ ତାଣାଟି ମାହାପୁରୁଇଁ ଜହରାତି ପୂଜା କିନ, ଇଚିହଁ ତାନି ଦରୁ ଜଲିମାନି ଗୁଡିତି ବାରେଦିନା ହେରୁପିନ ।

୧୬ ଏଟକା ତାରାଇଁ ସାଡେମି କିହାଲି ବାଣା ଆଆଦୁ, ଇଚିହଁ ଇଲେତି ପୂଜା କାମାତା ମାହାପୁରୁ ରାହାଁ ଆନେସି ।

୧୭ ମୀ କାଜାରାଇଁ ମାନଞ୍ଜି ଆହାନା ଏଞ୍ଜାରାଇଁ ମାନି କିଦୁ, ଇଚିହଁ ଆମିନି ଗାଟାରି ମାହାପୁରୁକି ଲେକା ହୀନାୟି ମାନେ, ଏଞ୍ଜାରିଲେହେଁ ଏଞ୍ଜାରି ମୀ ଜୀଝୁତି କାଟିମାନେରି, ଏନିକିଁ ଏଞ୍ଜାରି ଏନାଆଁ ଦୁକୁ ତଲେ କିଆନା ରାହାଁତଲେ କିହାଲି ଆଡିନେରି; ଦୁକୁ ତଲେ କିତିସାରେ ମିଙ୍ଗେ ଏନି ଲାବା ହିଲେଏ ।

୧୮ ମାଙ୍ଗେତାକି ପ୍ରାତାନା କିଦୁ, ଇଚିହଁ ମା ନାମୁ ମାନେ, ମା ଅଣ୍ଡପୁ ନେହାୟି ଆପେ, ଅଡେ ବାରେ କାମାତା ନେହଁ ମାଣ୍ଡକି ଆହାଲି ମାମୁ ଅଣ୍ଡପିମାନମି ।

୧୯ ଅଡ଼େ ନାନୁ ମୀ ତାଣା ଏନିକ୍ ତବେ ୱାୟାଲି ଆଡ଼ିଲ୍, ଏଦାଆଁତାକି ମାହାପୁରୁ ତାଣା ପ୍ରାତାନା କିହାଲି ନାନୁ ମିଙ୍ଗେ ହାରେକା ବାତିମାଲିମାଞ୍ଜାଇଁ ।

ରାନି ପ୍ରାତାନା

୨୦ ଆମିନି ହିଡ଼ଡ଼ି ହିୟାନି ମାହାପୁରୁ କାଲାକାଲା ହିୟାନି ରାଜିମାନାତି ନେତେରି ତାକି, କାଜା ମେଣ୍ଡା ଗଡ଼ୁ ଲୁଚିହିଁ ମା ପ୍ରବୁ ଜୀସୁଇଁ ହାଡ଼ାରି ତାଣାଟି ନୀଟ୍‌ହା ମାନେସି;

୨୧ ଏଞ୍ଜାଣି ନକ୍ତିତା ଏନାୟି ନେହାୟି, ଏଦାଆଁ ଏଞ୍ଜାସି ମା ହିୟାଁତା ଜୀସୁ କ୍ରୀସ୍ତ ତାଣାଟି ରାପ୍‌ହାନା ତାନି ମନଲେହେଁ କିହାଲି ମିଙ୍ଗେ ବାରେ ନେହିଁ କାମା କିୟାପେସି । ଏଞ୍ଜାଣାକି କାଲାକାଲାତି ଗାଞ୍ଜୁରମି ଆପେ ! ଆମେନ୍ ।

ଆକୁତି ରାନି କାତା

୨୨ ଏ ତାୟି ତାଙ୍ଗିସ୍ତା, ନାନୁ ମିଙ୍ଗେ ବାତିମାଲିମାଞ୍ଜାଇଁ, ଈ ଜାଗ୍ରାତା କିଞ୍ଜିକିନି କାତା ସାସା ଇଟାନା ମନ ହୀଦୁ, ଇଞ୍ଜା ନାନୁ ରାହାଁ କିହାଲି ଈ ଉଣା ଆକୁ ମିଙ୍ଗେ ରାଡ଼ାମାଇଁ ।

୨୩ ମା ତାୟି ତିମତି କାୟିଦିତି ତବେ ପିସପି ଆହାମାନେସି ଇଞ୍ଜୁଁ ପୁଞ୍ଜେରି, ଏଞ୍ଜାସି ତବେ ୱାଡ଼ିସାରେ ଏଞ୍ଜାଣିତଲେ ନାନୁ ମୀ ତାଣା ଦେତିଞ୍ଜାହାଲି ୱାଲ୍ ।

୨୪ ମୀ ବାରେ କାଜାରାଇଁ ଅଡ଼େ ମାହାପୁରୁ ଲକ୍ଷୁଇଁ ଜହରା ୱେହ୍‌ଦୁ । ଏମିନି ତାୟିୟାଁ ଇଟାଲି ଦେସାଟି ୱାହାମାନେରି, ଏଞ୍ଜାରି ମିଙ୍ଗେ ଜହରା ୱେସିମାଞ୍ଜାନେରି ।

୨୫ ମାହାପୁରୁତି କାର୍ନାମେହ୍‌ନାୟି ବାରେତେରି ମିଙ୍ଗେତାକି ଆୟାପେ ।

ଯାକୁବଙ୍କ ପତ୍ନୀ ଜାକୁବ ରାଜାମାନି ଆକୁ ମୂଲୁ ହାତୀ

ଇ ଜାକୁବ ପତି ଜାକୁବ ଇନାସି ରାଜାମାନେସି । ଏଝାସି ଜୀସୁ କ୍ରୀସ୍ତ ତାୟି ଆହାମାଣ୍ଡିନେସି, ଏମ୍ବାଆସିକି କୁଲମିତି ସାଲୁଝି କିନାସି ଅଡେ ଜିରୁସାଲମତା ବେରଣି କିନାସି ମାରେସି କାମା ୧୫:୧୩ । ପାଞ୍ଜୁଲ ଗାଲା ୨:୯ ଜାକୁବଇଁ କୁଲମିତି “ତୁଡିୟା ମୁଣ୍ଡା” ଇଞ୍ଜାମାନେସି । ଜୀସୁ କ୍ରୀସ୍ତ ଜାର୍ନାଆଡି ୫୦ ବାର୍ଷା ତାୟୁ ଇ ଜାକୁବ ପତି ରାସୁକି ଆହାମାନେ ଇଞ୍ଜୁ ବୁଦିଗାଟାରି ଏଲେ ଇଞ୍ଜାମାନେରି । ଜାକୁବ ଜିରୁସାଲମତି କୁଲମି ସାଲୁଝି କିନାସି ମାଟିବେଲାତା ଇ ପତିଇଁ ରାଜାମାନେସି ।

ଜାକୁବ ତାନି ପତିତା “ଇତାଲା ଆତାଲା ଦେସାଣା ରାଞ୍ଜାଣା ବିଚାଣା ଆହାମାନି ବାର୍ ଗଟା କୁଲୁ ଲକୁ” କାତା ରାଜାମାନେସି ୧:୧ । ଜାକୁବ ଝେହ୍ନି କାତା ବାରେ କ୍ରୀସ୍ତାନା ଲକୁକି ଲଡ଼ାମାନେ ସାମା “ବାର୍ ଗଟା କୁଲୁ ଲକୁ” ଇତିସାରେ ଜୀହୁଦି କ୍ରୀସ୍ତାନା ଲକୁ । ଏନାଆଁତାକି ଇତିହୁଁ ଇ ପତି ପଡ଼ଝିଆନି ବାରେ ଲକୁତାକି ହାରେକା କାତା ଏପହାଲି ତାକି ରାସୁକି ଆହାମାନେ । ଜାକୁବ ନାମୁ ଅଡେ କାମାତି କାତା ଝେସାମାନେସି । କାମାତା ସାତା ନାମୁ ତଞ୍ଜାଆନେ ୨:୧୭ । ଏଝାସି ବାଡ଼କୁ ଗାଟି ଲକୁତି ପାର୍ଡ଼ା ବାଟି କିନାଣି ୨:୧-୪ ଅଡେ ମାର ଏନାଆଁ ଜଲିନାୟି ଜାଡ଼ନୁ ତଲେ ଜଲଲି ଝେସାମାନେସି ୩:୧-୧୨

ପତିତା ମାନାୟି

- ୧. ଜାକୁବ ତାନି ପତି ପଡ଼ଝି ଆନାରାଇଁ ଜହରା କିନାୟି । ୧:୧
- ୨. କ୍ରୀସ୍ତାନା ଲକୁଣି କସ୍ତ ବେଲାତା ସୁସ୍ତି ତଲେ ମାଞ୍ଜାଲି ଝେହ୍ନାୟି । ୧:୨-୨୭
- ୩. କାମା ତଲେ ନାମୁତି ତହ୍ନାୟି ମାନେ । ୨:୧-୨୭
- ୪. ଜଲିନି ବଲୁୟାତି ବାଡ଼ୟୁ । ୩:୧-୧୨
- ୫. ମାହାପୁରୁତି ବୁଦି ଦାର୍ଡିତି ବୁଦି କିହାଁ ହାରେକା ପାର୍ଡ଼ା ମାନେ । ୩:୧୩-୪:୧୦
- ୬. ବଡପଣ ଆନି କାତା । ୪:୧୧-୫:୬
- ୭. ଜାକୁବ ରାନି ବେଲାତା ନେହେତାକି ଜାପିନି କାତା ରାଟିନାୟି । ୫:୭-୨୦

୧ *ନାମୁ ଜାକୁବ, ମାହାପୁରୁ ଅଡେ ପ୍ରବୁ ଜୀସୁ କ୍ରୀସ୍ତ ହଲେଏସି, ଦାର୍ଡିତା ଇତାଲା ଆତାଲା ଆହାମାନି ମାହାପୁରୁ ଲକୁଇଁ ଜହରା ।

ନାମୁତି ତାୟିପାରି କିନାୟି

୨ ଏ ନା ତାୟିୟାଁ ଅଡେ ତାଜିସ୍ତା, ମୀରୁ ଏତିବେଲା ତାୟିପାରି କିନି ତାଣା ତାୟିପାରି କିଞ୍ଚିଆଦେରି, ଏତିବେଲା ଏଡି ହାରେକା ରାହାଁତି କାତା ଇଞ୍ଜୁ ଅଣପାଦୁ;

୩ ତାୟିପାରି କିନାଣି ଜୀଣା ଆନି ନାମୁ ଏଡି ଅର୍ହାଲି ହାୟାନେ, ଇଦାଆଁ ପୁଞ୍ଜାମାଞ୍ଜେରି ।

୪ ଅଡେ, ମୀରୁ ଏନିକ୍ ଏନି ଗୁଣୁତା ଉଣା ଆଆନା ନେହୁଁ ତାରି ଅଡେ ସୁଦୁ ଗାଟାତେରି ଆଦୁ, ଏନାଆଁତାକି ଅରୁହିନାୟି ହାରେପୁରେ କାମା କିନେ ।

୫ ସାମା ମୀ ବିଡ଼ା ଆମ୍ବାଆରାକି ବୁଦି ଉଣା ମାଟିସାରି, ଆମିନି ମାହାପୁରୁ ଦହୁ ଆହୁଆନା ବାରେତାକି ହାରେପୁରେ କେୟୁ ଦେଗାନା ଦାନା କିନେସି, ଏଞ୍ଜାଣି ତାଣା ପ୍ରାତାନା କିପାସି, ଏମ୍ବାଟିଏ ଏଞ୍ଜାଣାକି ହାପୁକିଆନେ ।

୬ ସାମା ଏଞ୍ଜାସି ଇଚାଣି ଆନାମାନା ଆଆନା ନାମୁତଲେ ପ୍ରାତାନା କିପାସି, ଇତିହୁଁ ଆମ୍ବାଆସି ଆନାମାନା ଆନେସି, ଏଞ୍ଜାସି ଗାଲି ତଲେ ଇତାଲା ଆତାଲା ଆହିମାନି ସାମୁରୁତି ତାରି ଆଆଗାଟି ଏୟୁ ଉଣା ଲେହେତାସି ।

୭ ଏଲେତି ଲକୁ ପ୍ରବୁ ତାଣାଟି ଏନାଆଁ ବେଗାଆଇଁ ଇଞ୍ଜୁ ଆସା କିଆପେସି;

୮ ଏଞ୍ଜାସି ରୀ ମନ ଗାଟାସି, ଇଞ୍ଜୁ ତାନି ବାରେ କାମାତା ତାରି ଆଆଗାଟାସି ।

ବାଡ଼କୁ ଗାଟାସି ଅଡେ ବାଡ଼କୁ ହିଲାଆଗାଟାସି

୯ ବାଡ଼କୁ ହିଲାଆଗାଟି ତାୟି ତାନି କାଜାପାଣା ତାକି ରାହାଁ କିପାସି,

* ୧:୧ ମାଟି ୧୩:୫୫; ମାର୍କି ୬:୩; କାମା ୧୫:୧୩; ଗାଲା ୧:୧୯

୧୦ ବାବୁକୁ ଗାଟାସି ତାନି ଉଣା ଆହିମାନାଣି ତାକି ବଡ଼ପଣ କିପେସି, ଏଦାଆଁତାକି ଇତିହାସ ବାବୁକୁ ଗାଟାସି ଜାଡ଼ାଡ଼ି ପୁରୁବଣ୍ଡା ଲେହେଁ ତୁଲ୍ଲା ହାନେସି ।

୧୧ ଏନିକି ହେଡ଼ା ଲାଜ୍ଜ ହଡ଼ାସାରେ ଜାଡ଼ା ଏନିକି ହେଡ଼ା ହାନେ ଅଡ଼େ ଏଦାନି ପୂଜା ତୁଲ୍ଲିନୁ ଇଞ୍ଜା ତାନି ଅଜୁତି ଖାଣା ମେଣ୍ଡାହାନେ, ଏଲେକିହାସ ବାବୁକୁ ଗାଟାସି ଜିକେଏ ତାନି ବାରେ କାମାତା ଖାଡ଼ିନେସି ।

ତାୟିପାରି ଅଡ଼େ ଜୁପକା ତହ୍ନାୟି

୧୨ ଆମିନି ଗାଟାସି ତାୟିପାରି କିନାଣି ଅରୁହନେସି ଏଞ୍ଜାଣାକି ନେହେଁ, ଇତିହାସ ମାହାପୁରୁ ତାନୁ ଜୀଞ୍ଜୁ ନନି ଲକ୍ଷ୍ମଣି ଆମିନି ଜୀଞ୍ଜୁଗାଟି ଟପେରି ହାହାଲି ଆଞ୍ଜାମାନେସି, ତାୟିପାରି କିତାଣି ଜାଣାଆଡ଼ି ଜେଟ ଏ ଲକ୍ଷ୍ମ ଏ ଆଞ୍ଜାମାନି ଟପେରି ବେଟା ଆନେସି ।

୧୩ ଆମ୍ବାଆସି ତାୟିପାରି କିଞ୍ଜି ଆଡ଼ିସାରେ, “ନା ଇ ତାୟିପାରି କିଞ୍ଜି ଆନାୟି ମାହାପୁରୁ ତାଣାଟି ଆହିମାନେ” ଇଞ୍ଜିହାସ ଇନାଆପେସି, ଇତିହାସ ମାହାପୁରୁ ଲାଗେଏଡ଼ି ପାନ୍ଦାଟି ତାୟିପାରି କିଞ୍ଜି ଆସିସି, ଅଡ଼େ ଏଞ୍ଜାସି ତାନୁଏ ଆମ୍ବାଆରାଈଁ ତାୟିପାରି କିଅସି ।

୧୪ ସାମା ମାଣସି ତାନି ଲାଗେଏଡ଼ି କାମା ତଲେ ଜୁପକା ଅଡ଼େ ନାଡ଼ିକିଞ୍ଜି ଆହାନା ତାୟିପାରି କିଞ୍ଜିଆନେସି;

୧୫ ଅଡ଼େ ତାୟି ଲାଗେଏଡ଼ି କାମା ପୁରାମାସା ଆହାନା ପାପୁଡ଼ି ଜାନି କିନେ, ଇଞ୍ଜା ପାପୁ ଗାଟି ପାତାଆହାନା ହାକିଡ଼ି ଜାନି କିନେ ।

୧୬ ଏ ନା ଜୀଞ୍ଜୁଡ଼ି ତାୟିୟାଁ ଅଡ଼େ ତାଜିସ୍ତା ମୀରୁ ନାଡ଼ି ଆଆବୁ ।

୧୭ ବାରେ ନେହା ଦାନା ଅଡ଼େ ବାରେ ଡାରିଡ଼ି ବର ଲାକଟି; ଇତିହାସ ଉଜେଡ଼ି ଗାଡ଼ିକିଡ଼ି ଆବା ତାଣାଟି ଖାଡ଼େ, ଆମ୍ବାଆରି ତାଣା ଏନି ବାଦଲି ଆନାୟି କି ଇତାୟିଖା ସାୟି କିହାନା ଆନେରି ଆନାୟି ହିଲେଏ ।

୧୮ ମୀରୁ ଏନିକି ତାନି ଗାଡ଼ି ଆଡ଼ି ତାଣାଟି ରଲେଏଡ଼ି ର ମୁଲୁଡ଼ି ପାଡ଼େୟି ଲେହେଁ ଆନାୟି, ଏଦାଆଁତାକି ଏଞ୍ଜାସି ତାନି ଅଣପୁ ତଲେ ସାତା ବଲୁ ତଲେ ମାଜେ ଗାଡ଼ି କିୟାଡ଼େସି ।

ଝେନାୟି ଅଡ଼େ କାମା କିନାୟି

୧୯ ଏ ନା ଜୀଞ୍ଜୁଡ଼ି ତାୟିୟାଁ ଅଡ଼େ ତାଜିସ୍ତା, ମୀରୁ ଇଦାଆଁ ପୁଞ୍ଜାମାଞ୍ଜେରି, ମୀରୁ ବାରେଡ଼େରି ଝେଞ୍ଜାଲି ଜାଗାତା ଆବୁ, ଇଞ୍ଜା ଝେସାଲି ଦାଗା ଆଆବୁ ଅଡ଼େ ଦେବୁଣିଏ କପା ଆଆବୁ,

୨୦ ଇତିହାସ ମାଣସିଡ଼ି କପା ମାହାପୁରୁଡ଼ି ନକିତା ଦାମ୍ବୁ କିହାଲି ଆଡ଼େଏ ।

୨୧ ଏଦାଆଁତାକି, ମୀରୁ ବାରେ ପଲୁଆ ଗାଟାଣି ଅଡ଼େ ବାରେ ଲାଗେଏଡ଼ି ପିସାଡ଼ୁହୁଦୁ, ଆମିନି ମାହାପୁରୁ ହିୟାଡ଼ି ବଲୁ, ମୀ ଜୀଞ୍ଜୁଡ଼ି ଗେଲୁପାଲିତାକି ଆଡ଼ିନେ, ଏଦାଆଁ ସୁଦୁଗାଟି ଅଣପୁ ତଲେ ଆହୁଦୁ ।

୨୨ ସାମା ମୀରୁ ଏଞ୍ଜାଣି ବଲୁ ଝେନାଡ଼େରି ଆହାଁ ଜାହାରାଈଁ ନାଡ଼ି କିହାକତାଆନା, ବଲୁଡ଼ି କାମା କିନାଡ଼େରି ଆବୁ ।

୨୩ ଇତିହାସ ଆମିନିଗାଟାସି ବଲୁଡ଼ି କାମା କିନି ଲକ୍ଷ୍ମ ଆଆନା ଖାଉଇ ଝେନି ଲକ୍ଷ୍ମ ଆନେସି, ଆତିହାସ ଏଞ୍ଜାସି ଦାପେରିଡ଼ା ତାନୁଏ ତାନି ମୁସୁ ସୁନିକିହା କଡ଼ିମାନି ମାଣସି ଲେହେଁତାସି,

୨୪ ଏଡ଼େତା ଏଞ୍ଜାସି ତାଜେ ସିନିକିଡ଼ି ଜେଟ ହାଜାନା, ଏଞ୍ଜାସି ଏମ୍ବାଟି ହଡ଼ା ହାଟି ତାୟି ଏନିଲେହେଁଡ଼ି ମାଣସି ଦେବୁଣିଏ ବାଣାଆନେସି ।

୨୫ ସାମା ଆମ୍ବାଆସି ଡାଉପୁ ଇତିହାସ ଗେଲୁପାଲି ଆଡ଼ିନି ନେହାଁ ମୋରାଡ଼ି ସିନିକିହାନା ମୋରାଡ଼ି କାମା କିନେସି, ଅଡ଼େ ଆଜିତାକି ଝେନି ଲକ୍ଷ୍ମ ଆଆନା କାମାକିନାସି ଆନେସି, ଏଞ୍ଜାସି ତାନି କାମାତା ନେହାଁସି ।

୨୬ ଇତିହାସ ଆମ୍ବାଆସି ଜାହାରାଈଁ ଡାରି ଗାଟାଡ଼େଏଁ ଇଞ୍ଜାଁ ଅଣପା କଡ଼ିନେସି, ଇଞ୍ଜା ତାନି ଝେନିଡ଼ି ଲକ୍ଷ୍ମ ଆନା ତାନୁ ତାନି ହିୟାଁଡ଼ି ନାଡ଼ି କିନେସି, ଇତିହାସ ତାନି ଦାମ୍ବୁକାମା କିନାୟି ଉଜେଏତାୟି ।

୨୭ ତାଲି ତାଞ୍ଜି ହିଲୁଆ କକାରି ପଦାଣି ଅଡ଼େ ରାଣ୍ଡେଣି ଇୟାସିକାଣି ତାମି ଦୁକୁ କାକୁଲି ବେଲାତା ସାୟିନି କିନାୟି ଅଡ଼େ ଦାଉଡ଼ିତା ମାନି ବାରେ ଲାଗେଏଡ଼ି କାମାଟି ଗେଲୁପା କଡ଼ିନାୟି, ଇଦି ମା ମାହାପୁରୁ ଅଡ଼େ ଆବା ନକିତା ନେହାୟି ଅଡ଼େ ସୁଦୁ ଦାମ୍ବୁଡ଼ି କାମା ।

୧ ଏ ନା ତାୟିୟା ଅଡ଼େ ତାଜିସ୍ତା, ମା ଗାଝୁରମିଗାଟି ପ୍ରବୁ ଜାସୁ କ୍ରୀସ୍ତ ତାଣା ନାମା ମାନାତେରି ମାଣସିୟାତି ମୁମ୍ ଚୁମସାନା ଲେମ୍ବାଆଦୁ ।

୨ ଇତିହିଁ ରଅସି ବାଂଗାରା ମୁଦି ଅଡ଼େ ଦାରାଗାଟି ନେହିଁ ଅଜ୍ଜିତି ହିମ୍ବୁରି ହୁତାନା କୁଟମି କୁଡ଼ା ଆହାମାନି ତାଣା ଖାନେସି, ଅଡ଼େ ର ହିଲ୍ଲାଆଗାଟାସି ଗେଞ୍ଜାମାନି ମାହିଁତି ହିମ୍ବୁରି ହୁତାନା ଖାନେସି,

୩ ଅଡ଼େ, ମାରୁ ଦାରାଗାଟି ଅଜ୍ଜିତି ହିମ୍ବୁରି ହୁଟିତି ଲକୁଇଁ ମାନି କିହାଁ ଏଲେଇଞ୍ଜେରି, “ଇମ୍ବାଆଁ ନେହିଁ ଚାୟୁତା କୁଗାମୁ” ଅଡ଼େ ହିଲ୍ଲାଆଗାଟାଣାଇଁ ଏଲେଇଞ୍ଜେରି “ଏମ୍ବାଆଁ ନିଗାମାନାମୁ, ଆଆଡ଼” ନା କତାୟିଁ ତୁଇକା କୁଗାମୁ.”

୪ ଆଆଡ଼” ମାରୁ ମୀ ବିତ୍ରା କାଜା ଲକୁ ଉଣା ଲକୁ ପାବଡ଼ା ବାଟି କିଞ୍ଚି ଆହାଁ ଏଟକା ଏଟକା କିହାଁ ଲାଗେଏତି ନାହିଁୟି କିହିମାଞ୍ଜେରି ।

୫ ଏ ନା ଜୀଝୁତି ତାୟିୟାଁ ଅଡ଼େ ତାଜିସ୍ତା, ଝେଞ୍ଜୁ, ମାହାପୁରୁ ଛ ଦାବଡ଼ିତା ବାଡ଼କୁ ହିଲ୍ଲାଆଗାଟାରାଇଁ ତାନି ନାମୁତା ଦନ ଗାଟାରି ଆହାଲି, ଅଡ଼େ ତାନି ଜୀଝୁନହିଁ ମାନାରାଇଁ ଆମିନି ରାଜି ହାହାଲି ଆଞ୍ଜାମାନେସି, ଏମ୍ବାତି ଅଦିକାରା କିହାଲି ଆଡ଼ା ହିଲଅସି ?

୬ ସାମା ମାରୁ କାକୁଲି ଗାଟାଟାଇଁ ଅପିହିଲଅଡେରି । ବାଡ଼କୁ ଗାଟାରି ମୀ ମୁହେଁ ରାଜି କିୟଅରି କି ? ଅଡ଼େ ମିଙ୍ଗେ ନାହିଁୟି ପାଞ୍ଜାତା ରେଜା ଅୟଅରି କି ?

୭ ଆମିନି କାଜା ଦରୁତଲେ ଝେଞ୍ଜା ମାଞ୍ଜେରି, ଏନାଆଁ ଏଞ୍ଜାରି ଏ ଦରୁତି ନିନ୍ଦା କିଅରି ।

୮ ମାରୁ ମୀ ପାଡ଼ିତି ଲକୁଣି ମୀ ଜୀଝୁତି ଜୀଝୁ ନନ୍ତି ଲେହେଁ ଜୀଝୁନଦୁ, ସାସ୍ତେରିତା ରାସ୍ତକି ଆହାମାନି ମାହାପୁରୁ ରାଜିତି ମେରା ସାତେଏ ମାନଞ୍ଚି ଆଦେରି, ଆତିହିଁ ମାରୁ ନେହିଁ କିହିମାଞ୍ଜେରି,

୯ ସାମା ଲକୁ ମୁମ୍ବୁତି ମେସାନା ଲେମ୍ବିମାଞ୍ଜେରି, ଆତିହିଁ ମାରୁ ପାପୁ କିହିମାଞ୍ଜେରି, ଅଡ଼େ ଏ ମେରା ତଲେ ଦହ ଗାଟାତେରି ଇଞ୍ଜୁଁ ତଞ୍ଜା ଆହିମାଞ୍ଜେରି ।

୧୦ ଆମ୍ବାଆସି ବାରେ ମସାତି ମେରା ମାନଞ୍ଚି ଆହାଁ ରଣିଏ ମେରାତି ଉରିନେସି, ଇତିହିଁ ଏଞ୍ଜାସି ବାରେ ମେରାତି ଦହ ତଲେ ତଣ୍ଡି ବେଟା ଆନେସି ।

୧୧ ଆମିନି ମାହାପୁରୁ ଦାରିକାମା କିଆଦୁ ଇଞ୍ଜୁଁ ଝେସା ମାଟାସି, ଏଞ୍ଜାସି ଲକୁଣି ପାୟାଆଦୁ ଇଞ୍ଜୁଁ ଜିକେଏ ଝେସାମାନେସି, ମାରୁ ଦାରିକାମା କିଆନା ଲକୁଣି ପାୟିଦେରି ଇତିହିଁ ମେରାତି ଉରିନାତେରି ଆଦେରି ।

୧୨ ଗେଲପିଆଡ଼ି ମସାତି ମେରାତି ମାରୁ ନାହିଁୟି କିଞ୍ଚିଆଦେରି, ଇଦାଆଁ ପୁଞ୍ଜାନା ଏଲେତି କାତା ଜଲ୍ଲାଦୁ ଇଞ୍ଜାଁ କାମା କିଦୁ ।

୧୩ ଇତିହିଁ ଆମ୍ବାଆସି କାମା ମେହଅସି ମାହାପୁରୁ ଏଞ୍ଜାଣାଇଁ କାମା ମେହଆନା ନାହିଁୟି କିନେସି, ସାମା କାର୍ମାମେହନାୟି ନାହିଁୟିତା ଜୀଣା ଆନେସି ।

ନାମୁ ଅଡ଼େ କାମା

୧୪ ଏ ନା ତାୟିୟାଁ ଅଡ଼େ ତାଜିସ୍ତା, ଆମ୍ବାଆସି ନାଙ୍ଗେ ନାମୁ ମାନେ ଇଞ୍ଜୁଁ ଇନେସି, ସାମା ଏଞ୍ଜାଣି କାମା ହିଲେଏ, ଆଡ଼” ଏଦି ଏନି ଲାବା ? ଇଲେତି ନାମୁ ଆମ୍ବାଆରାଇଁ ଗେଲପାଲି ଆଡ଼ିନେ କି ?

୧୫ ଏରିବେଲା ର ତାୟି କି ତାଜିନାକି ହୁତାଲି ହିମ୍ବୁରି କି ତିଞ୍ଜାଲି ରାମା ହିଲ୍ଲାଆତିହିଁ,

୧୬ ଇଞ୍ଜାଁ ମୀ ବିତ୍ରାତି ଆମ୍ବାଆତେରି ତାନି ଆଞ୍ଜାତି ଲଡ଼ାମାନାଣି ହାଆନା, “ମାହାପୁରୁ ନିଙ୍ଗେ ବରୁ ହିୟାପେସି, ବାଣି ପାଞ୍ଜାଆଁ ହିଡ଼ଡ଼ିତି ନେହିଁ କି ହାଲାମୁ” ଇଞ୍ଜୁଁ ଇତିହିଁ ଏଦି ଏନି ଲାବା ?

୧୭ ଏଲେକିହିଁଏ, କାମା ହିଲ୍ଲାଆସାରେ ନାମୁ ହାଡ଼ାୟି ।

୧୮ ସାମା ଆମ୍ବାଆସି ଏଲେଇନେସି, “ରଅଣି ନାମୁ ମାନେ ଅଡ଼େ ରଅଣି କାମା ମାନେ;” କାମା ହିଲ୍ଲାଆନା ନୀ ନାମୁ ତସ୍ତାମୁ, ଅଡ଼େ ନାମୁ କାମା ତଲେ ନା ନାମୁତି ତସ୍ତାଇଁ ।

୧୯ ମାହାପୁରୁ ରଅସିଏ, ଇଦାଆଁ ମାରୁ ନାମିମାଞ୍ଜେରି; ଏଦି ନେହିଁ କାତା, ବୁତୁୟାଁ ଜିକେଏ ନାମାହାଁ ଆଜିତାକି ତାବୁରିମାମୁ ।

୨୦ ସାମା ଏ ବୁଦି ହିଲ୍ଲାଆଗାଟାତେରି, କାମା ହିଲ୍ଲାଆନା ନାମୁ ଉଜେଏତାୟି, ଇଦାଆଁ ପୁଞ୍ଜି ହିଲଅତେରି ?

୨୧ ମା ଆକୁ ଅଗ୍ରାହାମ, ପୂଜାପିଣ୍ଡା ଲାକ ତାନି ମୀରଏଣା ଇସାହାକଇଁ ପୂଜା କିହିମାଗାଟି କାମା ତଲେ ଦାମ୍ବାଗାଟାସି ଇଞ୍ଜୁଁ ଝେଞ୍ଜା ହିଲ୍ଲାଆତେସି ?

୨୨ ମାରୁ ମେସିମାଞ୍ଜେରି, ଅଗ୍ରାହାମତି ନାମୁ ତାନି କାମାତା ତଞ୍ଜାଆଡ଼େ, ଅଡ଼େ କାମା ତଲେ ନାମୁ ପୁରାଆଡ଼େ;

୨୩ ଏଚେଟିଏ ସାପ୍ତେରିତି ଇ ବଲୁ ସାତା ଆଡେ, ଅବ୍ରାହାମ ମାହାପୁରୁ ତାଣା ନାମିତେସି, ଅଡେ ତାଜେତାକି ଏଦି ଦାମ୍ବୁଗାଟାସି ଇଞ୍ଜିଁ ଝେଜିତେସି, ଇଞ୍ଜାଁ ଏଝାସି ମାହାପୁରୁତି ତଟେଏସି ଇଞ୍ଜିଁ ଝେଜିତେସି ।

୨୪ ଇଚିହଁ ମାଣସି ଝାରଇ ନାମୁଟି ଆଏ, ସାମା ତାନି କାମାଟି ଦାମ୍ବୁଗାଟାସି ଆନେସି ଇଞ୍ଜିଁ ମୀରୁ ପୁଞ୍ଜିମାଞ୍ଜେରି ।

୨୫ ଏଲେକିହଁଏ ଦାରେଣି ରାହାବ୍ ଦାମ୍ବୁଗାଟାସି ଇଞ୍ଜିଁ ଝେଜାମାଟେ, ଏଦି ପାରୁ ପାରାଲି ମେଣେଏ ଝାହାମାଟାରାଇଁ ତାନି ଇଜ ଅହାନା ଇଚିତେ ଇଞ୍ଜାଁ ଏଟକା ଜିରୁଟି ପାଣ୍ଡାଲି ସାୟେମି କିହାମାଟେ ।

୨୬ ଇଚିହଁ ଜୀଝୁ ହିଲାଆସାରେ ଆଜା ହାଡ଼ି ମାଡ଼ହା, ଏଲେକିହଁଏ କାମା ହିଲାଆସାରେ ନାମୁ ଜିକେଏ ହାଡ଼ାୟି ।

୩

ଝେନ୍ଦରିତି ଲକ୍‌ନାୟି

୧ ଏ ନା ତାୟିୟାଁ ଅଡେ ତାଜିସ୍ତା, ମୀରୁ ହାରେକା ଜାପ୍‌ନାତେରି ଆଆଦୁ; ଜାପ୍‌ନାତାୟି ମାର, ମାର ଅର ଲକୁ କିହାଁ ହାରେକା ତଣ୍ଡ ପାଣ୍ଡାୟି ଇଦାଆଁ ପୁଞ୍ଜାମାଞ୍ଜୁ ।

୨ ଇଚିହଁ ମାର ଏଦି ଏଦି କାମାତା ପୁଟି କିହିମାନାୟି, ସାମା ଆମ୍ବାଆସି ମାହାପୁରୁ ବଲୁତା ପିଟଝି ଆଅସି, ଆଚିହଁ ଏଝାସି ନେହଁ ମାଣସି, ଅଡେ ଏଝାସି ତାନି ବାରେ ଆଜାତି ତାମୁଏ ଲକ୍‌ହାଲି ଆଡ଼ିମାନେସି ।

୩ ମାର ଗଡ଼ାୟିଣି ଲକ୍‌ହାଲି ତାକି ତାନି ଗୁଡିତା ବାକେରି କାଟିକିହିମାନାୟି, ଅଡେ ଏଦାନିତଲେ ମାର ତାନି ବାରେ ଆଜାତି ଝେଟ୍‌ହ ମାନାୟି ।

୪ ଏମୁ ଜାଜାତି କାତା ଜିକେଏ ଅଣପାଦୁ, ଏଦି ଏଚେକା କାଜାୟି ଅଡେ କାଜା ଗାଲି ତଲେ ତାକିତଁ ଜିକେଏ, ଜାଜାତି ତାମୁଝାକି ମାନି ର ଉଣା ମାରା ତଲେ ତାକିନେ, ଏ ମାରା ଆହନାସି ଆମ୍ବିୟାଝାକି ମନ କିନେସି ଏନିକା ହାନେ ।

୫ ଏଲେକିହଁଏ ଝେନ୍ଦରି ଜିକେଏ ଆଜାତି ର ଉଣା ବାଗା ଆଚିହଁ ଜିକେଏ, ଏଦି କାଜା ବତପଣତି କାତା ଜଲ୍‌ଲାଲି ଆଡ଼ିନେ । ମେହ୍‌ରୁ ର ଉଣା ହିରୁ ପୁୟାଁ ତଲେ ଏଚେ କାଜା ଜାଡ଼ା ଝେହାହାନେ ।

୬ ଝେନ୍ଦରି ଜିକେଏ ହିରୁ ଲେହେଁତାୟି; ଏଦି ମା ଆଜା ବିତ୍ରା ବାରେ ଲାଗେଏ ପଲେଏ ତାଣାଟି ସାଲ୍‌ଝି ଆହିମାନେ, ଏଦି ବାରେ ଆଜାତି ଲାଗେଏ କିନେ, ଅଡେ ତାମୁ ନର୍କଟି ହଡ଼ିମାନି ହିରୁତଲେ ଡ଼ାଞ୍ଜାନା ଗାଡ଼ି ଆହାମାନି ଦାରୁତି ହୁଡିନେ ।

୭ ଇଞ୍ଜାଁ ବାରେ ଲେହେଁତି ଜନ୍ତୁ ଜିଝେଡ଼ି, ପଗା କାଟି, ବାଣ୍ଡିତଲେ ତାକିନାଇ, ଅଡେ ଏମୁତି ଜନ୍ତୁ, ମାଣସି ଏ ବାରେ ଜନ୍ତୁୟାଁ ଲକ୍‌ହାଲି ଆଡ଼ିମାନେସି ।

୮ ସାମା ଝେନ୍ଦରିତି ଆମ୍ବାଆସି ଲକ୍‌ହାନା ସାପି କିହାଲି ଆଡ଼ଅସି, ଏଦି ପଲ୍‌ଆ ଗାଟାୟି ଇଞ୍ଜାଁ ଲଜାଆ ଗାଟାୟି, ଅଡେ ଏଦିଏମ୍ବାଆଁ ହାନ୍ତିମାନି ବାସା ମାନେ ।

୯ ଝେନ୍ଦରି ତଲେ ପ୍ରବୁ ଆବାଇଁ ଜହରା କିହିମାନାୟି, ଇଞ୍ଜାଁ ଏ ଝେନ୍ଦରି ତଲେ ମାହାପୁରୁ ଲେହେଁ ଗାଡ଼ି ଆଡ଼ି ମାଣସିଇଁ ବାକା ଇଚି ମାନାୟି;

୧୦ ଏ ରଣ୍ଡିଏ ଗୁଡିତି ଜହରା କିନାୟି ଅଡେ ବାକା ହାନି କାତା ହଡ଼ିମାନେ ଏ ନା ତାୟିୟାଁ ଅଡେ ତାଜିସ୍ତା ଏଲେଆନାୟି ନେହେଁ ଆଏ ।

୧୧ ର ଜାରଣାଟି ଡ଼ାକ୍‌ନି ଅଡେ କାମ୍ବେଲି ଏମୁ ହନୁ କି ?

୧୨ ଏ ନା ତାୟିୟାଁ ଅଡେ ତାଜିସ୍ତା, ତୟା ମାରୁନୁତା ଜୀତ ପାଡେୟି ଅଡେ ଅଜୁରି ମାଡ଼ାତା ତୟା ପାଡେୟି ଆୟାଲି ଆଡ଼ିନେ କି ? ଏଲେକିହଁଏ ହାରୁ ଜାରଣା ଡ଼ାକ୍‌ନି ଏମୁହୀହାଲି ଆଡେଏ ।

ମାହାପୁରୁ ତାଣାଟି ଝାନ୍ତି ବୁଦି

୧୩ ମୀ ବିତ୍ରା ବୁଦିଗାଟାସି ଅଡେ ତେଲ୍‌ହିନାସି ଆମ୍ବାଆସି ମାନେସି ? ଏଝାସି ବୁଦିଗାଟାସି ଲେହେଁ ଉଣା ଆହାନା ଇଞ୍ଜାଁ ସୁବୁଗାଟାସି ଆହାନା ତାନି ନେହଁ ମାଣକି ତଲେ କାମା ତପ୍‌ପେସି ।

୧୪ ସାମା ମୀ ହିୟାଁତା ଗାଡ଼ି ତାହାରା, କପା ଅଡେ ଝାରଇ ଜାହାରାତାକି ଅଣ୍ଡିନାୟି ମାନେ, ଆଚିହଁ ସାତାତି କପାଟି ବତପଣ ଆଆଦୁ ଅଡେ ମିତି ଜଲ୍‌ଆଦୁ ।

୧୫ ଇଲେଡି ବୁଦି ମାହାପୁରୁ ତାଣ୍ଡାଟି ଖାଏ, ଏଦି ଇ ଦାବୁତିତାୟି, ମାଣସିତି ଅଣପୁ ଗାଟାୟି ଅଡ଼େ ଲାଗେଏ ପଡ଼େଏତି ବୁଡ଼ୁୟାଁ ଖାୟି ।

୧୬ ଇଚିହଁ ଆମିନି ତାଣ୍ଡା ତାହାରା ଅଡ଼େ ଜାହାରାତାକି ଅଣପିନାୟି ମାନେ, ଏ ଚାୟୁତା ବାରେଲେହେଡ଼ି ଲାଗେଏତି କାମା ମାନେ ।

୧୭ ସାମା ଲାକଡ଼ି ଖାନ୍ତି ବୁଦି, ତଲିଏ ସୁଦୁଗାଟାୟି, ତାୟୁ ହିଡ଼ଡ଼ି ଜାଝୁଗାଟାୟି ଅଡ଼େ ସୁଦୁ ସୁଖାଲା, ମାନୁଖି ଆନାୟି, କାର୍ମାମେହନାୟି ଅଡ଼େ ନେହଁ ପାଡ଼େୟିକା ତଲେ ନେଞ୍ଜାମାନାୟି, ଆନାମାନା ଆଆଗାଟାୟି ଅଡ଼େ କୁଟୁ ହିଲାଆଗାଟାୟି ।

୧୮ ଅଡ଼େ ହିଡ଼ଡ଼ି ହାନି ଲକ୍ଷୁ ତାଣ୍ଡାଟି ହିଡ଼ଡ଼ିତି ବିଚା ମାଟୁଖିଆନେ, ଦାମ୍ଭୁଗାଟି ପାଡ଼େୟି ଦାପି ଆନେ ।

୪

ଦାରୁତି ତଲେ ତଟଣ ଦହନାୟି

୧ ମୀ ତାଣ୍ଡା ମାତାଗଡ଼ି ଅଡ଼େ ଗଡ଼ହା ଆମ୍ବିଟି ଖାହିମାନେ ? ଏଡ଼ି ମୀ ତାଣ୍ଡା ମାନି ସୁକୁତି ଅଣପୁତି ଖାହିମାନୁ ଏଡ଼ି ବାରେବେଲା ବାରେ ବେଲା ଗଡ଼ହା କିଞ୍ଜିକିହିମାନୁ ।

୨ ମୀରୁ ଏନାଆଁ ବେଟାଆହାଲି ଅଣପା ମାଞ୍ଜେରି, ଏଦାଆଁ ବେଟା ଆଆସାରେ ଲକ୍ଷୁଣି ପାୟାଲି ଅଣପା ମାଞ୍ଜେରି, ଏନାଆଁ ବେଟାଆହାଲି ହାରେକା ଜୁପକା ଆନେ ଏଦାଆଁ ବେଟା ଆଆସାରେ ଗଡ଼ହା ଅଡ଼େ ମାତାଗଡ଼ି କିହିମାଞ୍ଜେରି, ଏନାଆଁତାକି ଇଚିହଁ ମୀରୁ ମାହାପୁରୁଇଁ ରାସି ହିଲଅତେରି;

୩ ମୀରୁ ରାସିମାଞ୍ଜେରି ସାମା ବେଟାଆହି ହିଲଅତେରି, ଏନାଆଁତାକି ଇଚିହଁ ମୀରୁ ମୀ ଆଜାତି ଜୁପକାଟି ଲେମ୍ବାଲି ତାକି ପାପୁ କାମା କିହାଲି ରାସିମାଞ୍ଜେରି ।

୪ ଏ ଦାରେଣିସିକାତେରି, ମୀରୁ ପୁଞ୍ଜାହିଲଅତେରି ? ଦାରୁତିତି ତଟଣ ଆନାସି ଏଞ୍ଜାସି ମାହାପୁରୁତି ସାଡୁ, ଇଚିହଁ ଆମ୍ବାଆସି ଇ ଦାରୁତିତି ତଟଣ ଆହାଲି ଅଣପିନେସି; ଏଞ୍ଜାସି ତାଙ୍ଗେ ମାହାପୁରୁତି ସାଡୁ ।

୫ ମୀରୁ ଏନାଆଁ ଦାମ୍ଭୁ ପତିତା ରାସ୍ତିକି ଆହାମାନି ବଲୁ ଉଜେଏ ଇଞ୍ଜୁଁ ଅଣପିମାଞ୍ଜେରି କି, “ମାହାପୁରୁ ଆମିନି ଜୀଝୁତି ମା ତାଣ୍ଡା ବାସା ଆହାଲି ହାହାମାଞ୍ଜାନେସି, ଏଞ୍ଜାସି ମାଙ୍ଗେ ବାରେ ଖାକିଟି ସାଲୁଖି କିହାଲି ଅଣପିମାନେସି ।”

୬ ସାମା ମାହାପୁରୁ ହାରେକା କାର୍ମାମେହନାଣି ହିୟାନେସି; ଏଦାଆଁତାକି ସାଡ଼େପିତା ରାସ୍ତିକି ଆହାମାନେ, “ମାହାପୁରୁ ଆଜ୍ଞାରା ଆନାରି କପାଟି ନିଜିନେସି, ସାମା ଜାହାରାଇଁ ଉଣା କିହା କତାମାନାରାଇଁ କାର୍ମା ମେହନେସି, ମାହାପୁରୁତି କାର୍ମା ହାରେକା ବାଡ଼ୁୟୁ ଗାଟାୟି ।”

୭ ଏଦାଆଁତାକି ମୀରୁ ମାହାପୁରୁ ତାଣ୍ଡା ହେରେପା କତାପୁ; ଅଡ଼େ ସୟତାନଇଁ ଆବାଆପୁ, ଆତିହଁ ଏଦି ମୀ ତାଣ୍ଡାଟି ହେକ ହାନେ ।

୮ ମାହାପୁରୁ ତାଗେ ଖାଦୁ ଆତିହଁ ଏଞ୍ଜାସି ମୀ ତାଗେ ଖାନେସି, ଏ ପାପୁ ଗାଟାତେରି, ମୀ କେୟାଣି ନେହଁ କିଁ ନରପୁ, ଅଡ଼େ ରା ଅଣପୁ ଗାଟାତେରି, ମୀ ହିୟାତି ଅବହା କତାପୁ ।

୯ ହିୟାଁ କାଡ଼ି କିହାଁ ବୁକୁ ତଲେ ଡାବୁ; ମୀ କାକନାୟି ଡାକିତା ଅଡ଼େ ମୀ ରାହାଁ ବୁକୁତା ତାରି ମିପେ ।

୧୦ ପ୍ରବୁ ନକିତା ମୀରୁ ମିଙ୍ଗେ ଉଣା କିହାକତାପୁ, ଏଚେଟିଏ ଏଞ୍ଜାସି ମିଙ୍ଗେ କାଜା ଲକ୍ଷୁ କିୟାନେସି ।

ଏଡ଼କା ଲକ୍ଷୁଣି ନାହାଁୟି କିଆପୁ

୧୧ ଏ ତାୟି ତାଜିସ୍ତା, ମୀରୁ ରଅତେରି ରଅଣା କପାଟି ନିନ୍ଦା କାତା ଜଲୁଆପୁ; ଆମ୍ବାଆସି ତାୟି କପାଟି ନିନ୍ଦା କାତା ଜଲିନେସି କି ନାହାଁୟି କିନେସି, ଏଞ୍ଜାସି ମସା ମେରା କପାଟି ଜଲିମାନେସି, ଇଞ୍ଜାଁ ଏମ୍ବାତି ନାହାଁୟି କିହିମାନେସି । ସାମା ମୀରୁ ମସା ମେରାତି ନାହାଁୟି କିଦେରି, ଇଚିହଁ ମୀରୁ ମସା ମେରାତି ମାନୁଖି ଆନାତେରି ଆଆନା ଏମ୍ବାତି ନାହାଁୟି କିନାତେରି ।

୧୨ ମାହାପୁରୁ ରଅସିଏ ମେରା ହାନାସି ଅଡ଼େ ନାହାଁୟି କିନାସି, ଏଞ୍ଜାସି ଗେଲପାଲି ଅଡ଼େ ନାସା କିହାଲି ଆଡ଼ିମାନେସି; ସାମା ନୀନୁ ଆମ୍ବାଆତି, ନୀ ଆବହତାଣାଇଁ ନାହାଁୟି କିହିମାଞ୍ଜି ?

ବତପଣ କିଆପୁ

୧୩ ନୀଏଁ ମେହପୁ, ଆମ୍ବାଆତେରି ଏଲେ ଇଞ୍ଜିମାଞ୍ଜେରି, “ନୀଞ୍ଜୁ କି ଖିଏ ମାମୁଏ ଗାଡ଼ାତା ହାନମି ଇଞ୍ଜାଁ ଏମ୍ବାଆଁ ରି ବାସାଁ ପାତେକା ତୟାନା ବେବାରା କିହାଁ ଗାତି ଲାବା କିନମି;”

୧୪ ସାମା ଖିଏ ଏନାୟି ଆନେ, ଏଦାଆଁ ମୀରୁ ପୁଞ୍ଜାହିଲଅତେରି, ମୀ ଜୀଝୁ ଏନିକଁ ଗାଡ଼େକା ତଞ୍ଜାଆହାନା ଗାଡ଼େକା ମେଣଙ୍ଗାହାନି ଉକଅଡ଼ି, ମୀରୁ ଏଲେତାତେରି ।

୧୫ ଇଦାଆଁତାକି ମୀରୁ ଏଲେଇନାୟି ମାନେ, “ପ୍ରବୁତି ଅଣ୍ଠୁ ଆଡ଼ିସାରେ ମାର ଜୀଝୁତଲେ ନୀତା ମାଞ୍ଜାନା ଇଦାଆଁ କିନ ଆଆତେ ଏଦାଆଁ କିନ ।”

୧୬ ସାମା ମୀରୁ ନୀର୍ବ ମୀ ବତପଣ ତସାକତିମାଞ୍ଜେରି; ଇଲେତି ବତପଣ ଲାଗେଏତାୟି ।

୧୭ ହିୟାଁତା ଇଟାଦୁ ଏନାଆଁତାକି ଇତିହ, ଆମ୍ବାଆସି ନେହ କାମା କିହାଲି ପୁଞ୍ଜାନା କିଅସି ଏଝାସି ପାପୁ କିନେସି ।



ବାବୁକୁ ଗାଗାରାଇଁ ଜାଗ୍ରାତା କିନାୟି

୧ ଏ ବାବୁକୁ ଗାଗାତେରି ନା ଜାତା ଖେଞ୍ଜୁ, କସ୍ତତି ଦିନା ଖାହିମାନେ ଏଦାଆଁତାକି ଦୁକୁଆହୁଁ ଡୀଦୁ ଇଞ୍ଜା କାନ୍ତିକାର୍ମା ଆଦୁ ।

୨ *ମୀ ବାରେ ଦନ ସୀରହା ହାଚେୟିଏ, ଅଡ଼େ ମୀ ହିମ୍ବିକାଇଁ ଲୀମ୍ବୁ ତ୍ରିଚେୟିଏ,

୩ ଅଡ଼େ ମୀ ବାଗାଗା ଇଞ୍ଜା ଖେଣ୍ଡି କିରଞ୍ଜୁ ଆଡେୟିଏ; ଏଚେଟିଏ ଏ କିରଞ୍ଜୁ ମୀ କପାଟି ସାକି ହାହାନା ହିରୁ ଲେହେଁ ମୀ ଆଞ୍ଜା ଜିକେଏ ନାସା କିୟାନେ, ଇ ରାନ୍ତି ବେଲାତା ମିଜେତାକି ଦନ କୂଡ଼ି କିହାମାଞ୍ଜେରି ।

୪ ହେଣ୍ଡୁ ! ମୀ ଗୁଡ଼ିୟାତି ତାସା ଦାଝଆନାରାକି ନାଡ଼ିକିହାନା ଆମିନି କୂଲି ହାହା ହିଲଅତେରି, ଏଡ଼ି ଗାଡ଼ି କାଲ୍ଲୁଡ଼ି ଆହିମାନେ, ଅଡ଼େ ତାସାତି ଦାଝଆନାରି ଡୀନାୟି ବାରେ ବାଡ଼ୁୟୁତି ପ୍ରବୁତି କିୟୁଁ ତୁ। ଏଗା ହାଚେୟିଏ ।

୫ ମୀରୁ ଦାବତତି ସୁକୁ ଅଡ଼େ ରାହାଁତା ନୀତାମାଞ୍ଜେରି, ମୀରୁ ହାକିତି ଦିନାତାକି ଜାହାରାଇଁ ଆଞ୍ଜା କିହାମାଞ୍ଜେରି ।

୬ ମୀରୁ ଦହ ହିଲାଆଗାଗାରାଇଁ ଦହ କିହାନା ପାୟିମାଞ୍ଜେରି; ଏଝାସି ମିଜେ ଖେଣ୍ଡେ ଏନାଆଁ କିୟଅସି ।

ସାସାତଲେ ପ୍ରାଡାନା କିନାୟି

୭ ଏଦାଆଁତାକି ଏ ତାୟି ତାଜିସ୍ତା, ପ୍ରବୁତି ଖାନ୍ତି ଦିନା ପାତେକା ସାସାତଲେ କାଚାନା ମାଞ୍ଜୁ, ର ତାସା କିନାସି ଏନିକେଁ ତାନି ବୁମିତି ପାଡ଼େୟି ବେଟାଆହାଲି ତାକି ମୂଲୁତି ପିୟୁ ଅଡ଼େ ତାୟୁତି ପିୟୁ ରିନି ଦିନା ପାତେକା ସାସାତଲେ କାପୁ କାଚାନା ତୁୟିନେସି ।

୮ ମୀରୁ ଜିକେଏ ଏଲେକେଁ ସାସାତଲେ ମାଞ୍ଜାନା ମୀ ହିୟାଁତି ସୂସି କିଦୁ, ଇତିହୁଁ ପ୍ରବୁତି ଖାନ୍ତି ଦିନା ତାଗେ ଖାଡ଼େୟିଏ ।

୯ ଏ ତାୟି ତାଜିସ୍ତା, ମୀରୁ ଏନିକେଁ ନାହାଁୟି କିଞ୍ଜି ଆଅତେରି, ଏଦାଆଁତାକି ରଅତେରି ରଅଣା କପାଟି ଏନି କାତା ଜଳାଆଦୁ, ସିନିକିଦୁ, ନାହାଁୟି କିନାସି ଦୁଖେରିତା ନିତାମାନେସି ।

୧୦ ଏ ତାୟି ତାଜିସ୍ତା, ଆମିନି ମାହାପୁରୁ ଅଣ୍ଠପୁତି ବଲୁ ଖେହ୍ନାରି ପ୍ରବୁ ଦରୁଟି କାତା ଖେସାମାଚେରି, ଏଞ୍ଜାରାଇଁ ମୀରୁ ଅଣ୍ଠପାଦୁ, ଦୁକୁ କସ୍ତ ବେଟାଆନାଟି ସାସା ଅଡ଼େ ଅରହାଲି ଜିରୁ ତସାମାଞ୍ଜାନେରି ।

୧୧ ମେହ୍ନଦୁ ଆମ୍ବାଆରି କସ୍ତ ଅରହା ମାଚେରି, ମାମ୍ବୁ ଏଞ୍ଜାରାଇଁ ନେହାଁରି ଇଞ୍ଜାଁ ଇନମି, ମୀରୁ ଆୟୁବତି ଅରହିନାଣି ଖେଞ୍ଜାମାଞ୍ଜେରି, ଅଡ଼େ ପ୍ରବୁ ତାୟୁତି କାମା ମେସାନା ପୁଞ୍ଜାମାଞ୍ଜେରି, ଏଝାସି କାର୍ମା ମେହ୍ନାସି ଅଡ଼େ ଜୀଝୁ ନନାସି ।

୧୨ *ଏ ନା ତାୟି ତାଜିସ୍ତାଚେରି, ମୀରୁ ପାରମାଣା କିଝୁଏ କିଆଦୁ, ଲାକପୁରୁତି ଦରୁତଲେ ପାରମାଣା କି ଦାରୁତିତି ଦରୁତି ପାରମାଣା କି ଏଟକାତି ଏନି ଦରୁ ଆସାନା ପାରମାଣା କିଆଦୁ, ସାମା ମୀଦି ହାଅ ଇନି କାତା ହାଅ ଆପେ ଇଞ୍ଜାଁ ଆଏ ଇନି କାତା ଆଏ ଆପେ, ଏନିକେଁ ମୀରୁ ନାହାଁୟି ଦିନାତା ତଣ୍ଡ ଗାଗାତେରି ଆଅତେରି ।

୧୩ ମୀ ବିଡ୍ରାଟି ଆମ୍ବାଆସି ଦୁକୁ କିହିମାନେସି ? ଆତିହୁଁ ଏଝାସି ପ୍ରାଡାନା କିପାସି, ଆମ୍ବାଆସି ରାହାଁଟି ମାନେସି ? ଇତିହୁଁ ଏଝାସି ଜହରା ପାରୁ ପାଚାପେସି ।

୧୪ *ଆମ୍ବାଆସି ମୀ ବିଡ୍ରାଟି ଆଡାଆ ଗାଗାସି ମାଚିହୁଁ ଏଝାସି କୁଲମିତି ପ୍ରାଚିନାଙ୍ଗାଣି ହାଚାପେସି; ଇଞ୍ଜାଁ ଏଞ୍ଜାରି ପ୍ରବୁତି ଦରୁତଲେ ନିୟୁଁ ଖାକ୍‌ହାନା ଏଞ୍ଜାଣି ତାକି ପ୍ରାଡାନା କିପାରି ।

୧୫ ଏ ନାମ୍ବାଗାଟି ପ୍ରାଡାନା ରଗା ଗାଗାଣାଇଁ ନେହୁଁ କିନେ, ଇଞ୍ଜାଁ ପ୍ରବୁ ଏଞ୍ଜାଣାଇଁ ନିକନେସି, ଇଞ୍ଜାଁ ଏଝାସି ପାପୁ କିହାମାଚିହୁଁ, ଆତିହୁଁ ଏଞ୍ଜାଣି ପାପୁ ମେଣ୍ଡାକି କିଞ୍ଜିଆଡେନ ।

* ୫:୨ ମାଟି ୬:୧୯ * ୫:୧୨ ମାଟି ୫:୩୪-୩୭ * ୫:୧୪ ମାର୍କ ୬:୧୩

୧୬ ଏଦାଆଁତାକି ମୀରୁ ରଅତେରି ରଅଣା ନକିତା ମୀ ପାପୁ ଝେକ୍‌ପୁ, ଅଡ଼େ ନେହିଁ ଆହାଲିତାକି ରଅତେରି ରଅଣି ତାକି ପ୍ରାତାନା କିପୁ, ଆତିହିଁ ମୀରୁ ନେହିଁ ଆଡ଼େରି, ଏଦାଆଁତାକି ଇତିହିଁ ଦାମ୍ବୁ ଗାଗାଣି ପ୍ରାତାନା ହାଡ଼େକା କାଜା କାମା କିହାଲି ଆଡ଼ିନେ ।

୧୭ ଏଲିୟ ଜିକେଏ ମା, ଲେହେତି ଦୁକୁ ସୁକୁ ଗାଟି ମାଣସି; ଏଝାସି ପିୟୁ ଆଆପେ ଇଞ୍ଜି ରଣିଏ ମନତଲେ ପ୍ରାତାନା କିତେସି, ଅଡ଼େ ତାନି ବାସା ସ ଲେଞ୍ଜୁ ପାତେକା ଏ ବୂମିତା ପିୟୁ ଆଆପେ ।

୧୮ ଇଞ୍ଜା ଏଝାସି ଅଡ଼େ ଝେଣ୍ଡେ ପ୍ରାତାନା କିହାଲିଏ ହାଗୁଟି ପିୟୁ ରୀତେ, ଅଡ଼େ ବୂମିତା ଆର୍ନା କାମିତେ ।

୧୯ ଏ ନା ତାୟିୟା ଅଡ଼େ ତାଜିୟା, ମୀ ବିତ୍ରାଟି ଆମ୍ବାଆସି ସାତା ଜିରୁତି ବାଣା ଆତିହିଁ ଅଡ଼େ ଆମ୍ବାଆସି ଏଝାଣାଇଁ ଝେଣ୍ଡେ ଝେଟ୍‌ହା ତାନେସି,

୨୦ *ଆତିହିଁ ଆମ୍ବାଆସି ପାପୁ ଗାଗାଣାଇଁ ତାନି ପଲ୍‌ଆ ଜିରୁଟି ଝେଟ୍‌ହା ତାନେସି, ଏଝାସି ଏଝାଣି ଜାଝୁତି ହାକିଟି ଗେଲ୍‌ପିନେସି, ଇଞ୍ଜା ହାଡ଼େକା ପାପୁତି ମ୍ପେପକି କିନେସି, ଇଦାଆଁ ମୀରୁ ପୁଞ୍ଜୁ ।

ପିତରଙ୍କ ପ୍ରଥମ ପତ୍ର ପିତର ରାଡ଼ାମାନି ର ଲମ୍ବର ଆକୁ ମୂକୁ ହାଡ଼ା

ପିତର ର ଲମ୍ବର ଆକୁ ପାଣ୍ଡୁଆଡ଼ି ପିତର ରାଡ଼ାମାତେସି । ପିତର ଏଝାସି ଆମ୍ବାଆସି ଅଡ଼େ ଆମ୍ବାଆରାକି ତାନି ଆକୁ ରାଡ଼ିମାତେସି ଏ କାତା ଝେସାନା ତାନି ଆକୁ ରାଡ଼ାଲି ମାଟ୍‌ହେସି । ଏଝାସି ଆମ୍ବାଆରାକି ପୁଣ୍ଡି ମେସ୍‌ପି ଆଆଡି ଲକୁ ଇଞ୍ଜିଁ ଇଚେସି ଏ ବାରେ କ୍ରୀସ୍ତୁକି ନାମିତି ଲକୁଣି ଆକୁତା ଝେକ୍‌ହେସି ୧:୧; ୧:୧୭; ୨:୧୧ । ଏଝାସି ତାନି ଆକୁତି ପତ୍ରଝି ଆନାରାଇଁ ଏଲେକିହିଁ ଝେସ୍‌ସେସି ଏନାଆଁତାକି ଇତିହିଁ ଏଝାରି ହାଡ଼େକା ଦେବା ଇତାଲା ଆତାଲା ଦେସାଣା ହଣ୍ଡି ଆହାମାତେରି । ଇତିହିଁ ଇ ଆକୁ ଏଚର ବାଗା ପାଝୁଲ ଏପିସିୟ କୁଲମିକି ରାଡ଼ାମାନି ଆକୁ ଲେହେଁତାୟି, ହାରେକା ଲକୁ ନାମିମାନେରି ଏପିସିୟତି ତାୟି ର ଲମ୍ବର ପିତର ପତି ଜୀସୁ କ୍ରୀସ୍ତୁ ଜାନାଆଡ଼ି ୬୫ ବାର୍ଯା ତାୟି ରାସ୍‌କି ଆହାମାତେ । ପିତର ଇ ଆକୁତି ରମିତି ରାଡ଼ିତେସି, ଆମିନିଗାଗାଣି ଏଝାସି ବାବିଲନ ଇଚେସି ୫:୧୩ ।

ମିଙ୍ଗେ ରାହାଁ କିହିଁ ଅଡ଼େ ସାକି ହାହିଁ ଇଦି ଏ ମାହାପୁରୁତି ସାତା କାର୍ମାମେହନାୟି ଇଞ୍ଜିଁ ପିତର ଝେସାନା ଇ ଆକୁତି ରାଡ଼ିତେସି ୫:୧୨; ୧ପିତ୍ର ୨:୧୧-୩:୭; ଏପିସି ୫:୧୮-୬:୯ ଅଡ଼େ କଲସିୟା ୩:୧୮-୪:୬ ହାରେକା ରଲେଏତି କାତା ରାସ୍‌କି ଆହାମାନେ । ଇ ବାରେ ତାନିଗଟା ଆକୁତା ଇକୁ କୁଟମିତା ଆଣ୍ଡି ଆହାନା ତୁୟିନାୟି ଅଡ଼େ କାଜା ଲକୁତି ମାନଝି ଆହାନା ତୁୟାଲି ଜାପୁଝି ଆହାମାନେ । ଏଚିବେଲାତା ସାସ୍ତି ଝାନେ ତାରିଆହାନା ମାଞ୍ଜାଲି ଏଝାସି କ୍ରୀସ୍ତୁକି ନାମିତି ଲକୁଣି ସାସା ହାହିମାନେସି ଏନାଆଁତାକି ଇତିହିଁ କୁଗୁ ରାନ୍ତି ଦିନା ତାଗେ ଝାଡ଼େୟିଏ ୪:୧ ।

ପତିତା ମାନାୟି

- ୧. ପିତର ତାଙ୍ଗେ ଝେକ୍‌ହା କତିନାୟି ଅଡ଼େ ତାନି ଆକୁତି ପତ୍ରଝି ଆନାରାଇଁ ଝେହନାୟି । ୧:୧-୨
- ୨. ଗେଲପି ଆନାୟି ବାରେ ଲକୁତାଣା ଏଜାମାନାକି ଅଡ଼େ ତାନି ଜୀସୁ ଏନାୟି ଇଞ୍ଜିଁ ପୁଞ୍ଜାମାନାକି ଏଝାସି ମାହାପୁରୁକି ଜହରା କିନାୟି । ୧:୩-୨:୧୦
- ୩. କ୍ରୀସ୍ତୁକି ନାମିତି ଲକୁ ଏନିକିହିଁ ଇ ଦାବୁଡିତା ନାତିନାୟି ଅଡ଼େ ଏନିକିହିଁ କି ତକ୍ତା ଅଡ଼େ ତକ୍ତି ଇଞ୍ଜିଁ ସାଝୁକାରି ଅଡ଼େ ହଲେଏସି ନେହିଁ କିଁ ତୁୟିନେରି ଏ କାତା ଏଝାସି ଜାପୁନାୟି । ୨:୧୧-୪:୧୧
- ୪. ପିତର ଏଝାରାକି ସାସ୍ତି ଝାଡ଼ିସାରେ ତାରିଆହାନା ତୁୟାଲି ସାସା ହାନାୟି । ୪:୧୨-୫:୧୧
- ୫. ପିତର ତାନି ଆକୁ ରାପୁନାୟି । ୫:୧୨-୧୪

୧ ନାନ୍ତୁ, ପିତର, କ୍ରୀସ୍ତୁ ଜୀସୁ ତାଣାଟି ପାଣ୍ଡୁଆହାମାନି ସାସ୍ତି, ପତ୍ର, ଗାଲାତିୟା, କାପାଦକିୟା, ଆସିୟା ଅଡ଼େ ବେତନିୟାଁ ରାଡ଼ିତା ଇତାଲା ଆତାଲା ବାସାଆହାମାନି ମାହାପୁରୁ ଆଡ଼ାମାନି ଲକୁତାକି ଆକୁ ରାଡ଼ିମାଲି.

୨ ଆବା ମାହାପୁରୁତି ତଲିତି ବୁଦିତଲେ ସୁଦୁଜୀସୁ ତଲେ ସୁଦୁ ଆହା ମାନି ଗାଗାତେରି ଅଡ଼େ ଜୀସୁ କ୍ରୀସ୍ତୁତି ନେତେରି ତାଞ୍ଜିଝି କିହାକତାଲି ଆଡ଼ି ଆହାମାନେରି । ମିଙ୍ଗେତାକି ମାହାପୁରୁତି କାର୍ମାମେହନାୟି ଇଞ୍ଜିଁ ହିଡ଼ି ଆପେ ।

ଜୀସୁତି ବାର୍ଯା

୩ ମା ପୁରୁ ଜୀସୁ କ୍ରୀସ୍ତୁତି ଆବା ଅଡ଼େ ମାହାପୁରୁକି ଜହରା; ଇତିହିଁ ଏଝାସି ତାନି କାର୍ମାଟି ଜୀସୁ କ୍ରୀସ୍ତୁକି ହାକିରି ନିକ୍‌ହାନା ମାଙ୍ଗେ ପୁଃନି ଜୀସୁ ହାହାମାଞ୍ଜାନେସି, ଏଦି ମାଙ୍ଗେତାକି ନାତିନି ବାର୍ଯା ହାହାମାଞ୍ଜାନେ,

୪ ଏଦାଆଁତାକି ମାହାପୁରୁ ତାନି ଲକୁତାକି ଆମିନି ଦାରାଗାଟି ବର ଇଟାମାନେସି, ଏଦାଆଁ ବେଟାଆହାଲି ମାର କାପୁ କାଟାମାନାୟି, ଏଝାସି ଲାକପୁରୁ ମିଙ୍ଗେତାକି ଏଦାଆଁ ଜାଡ଼ୁ ତଲେ ଇଟାମାନେସି, ଏଦାଆଁ ଏଦି ନସ୍ତୁ ଆଏ କି ଝାଡ଼େଏ ।

୫ ଆମିନି ଗେଲପିନାୟି ରାନ୍ତି ଦିନାତା ତଞ୍ଜାଆହାଲି କିଝିଆହାମାନେ, ଏଦାଆଁ ବେଟାଆହାଲି ତାକି ମୀରୁ ମାହାପୁରୁତି ବାଡ଼ୁତା ନାମୁତଲେ ଜାଗ୍ରାତା କିଝି ଆହାମାଞ୍ଜେରି ।

୨ ଏଦାଆଁତାକି ମୀରୁ ରାହାଁ କିଦୁ, ଆଡ଼ିଜିକେଏ ନୀଏଁ ଗାଡ଼େକା ତାକି ହାରେକା ତାୟିପାରି କିନି ତାଣାଟି ଦୁକୁ କସ୍ତ ବେଟାଆନାୟି ମିଜେତାକି ଲଡ଼ାଆନେ,

୩ ଏନିକିଁ ଗାଡ଼େକା ନସ୍ତ ଆନି ବାଂଗାରା ହିଡ଼ୁତା ହୁଡ଼ିନି କିହାଁ ହାରେକା ଦାରା ମୀ ତାୟିପାରି କିଞ୍ଜିଆଡ଼ି ନାମ୍, ଏଡ଼ି ଜୀସୁ କ୍ରୀସ୍ତ ତଞ୍ଜାଆନି ବେଲାତା ମାନି ତଲେ ଜହରାତି, ଗାଞ୍ଜୁରମି ଅଡ଼େ ମାନି ବେଟାଆନାୟି ।

୪ ନୀଏଁ ମୀରୁ ଏଞ୍ଜାଣାଇଁ ମେସା ହିଲାଆଡ଼ି ଜିକେଏ ଜୀଞ୍ଜୁନହଁ ମାଞ୍ଜେରି, ଇଞ୍ଜାଁ ନୀଏଁ ମେହୁଆଡ଼ି ଜିକେଏ ତାନି ତାଣା ନାମାହାଁ ଷ୍ଟେସାଲି ଆଡ଼ାଆରେଟୁ ଗାଞ୍ଜୁରମିତି ରାହାଁତା

୫ ରାହାଁ ଆହାନା ଏ ନାମୁତି ପାଡ଼େୟି ଲେହେଁ ମୀ ଜୀଞ୍ଜୁତି ଗେଲ୍ପିନାଣି ବେଟାଆହାମାଞ୍ଜେରି ।

୬ ଇ ଗେଲ୍ପିନି କାତା ମାହାପୁରୁ ଅଣପୁତି ବଲୁ ଷ୍ଟେହନାରି ମନ ହାହାନା ପାରିହଁ ସିନିକିତେରି, ଆମ୍ବାଆରି ଏନିନି କାମାମେହନାୟି ମିଜେ ଆନାୟି ମାଚେ, ଏ ତାୟୁତି କାତା ଷ୍ଟେସାହାଁ ତସାମାଚେରି,

୭ କ୍ରୀସ୍ତତି ଦୁକୁ ବେଟାଆନାଣି ଇଞ୍ଜାଁ ଅଡ଼େ ତାୟୁତି ଗାଞ୍ଜୁରମି ବେଟାଆନାଣି ନକେଏ ପାର୍ମାଣା ହାନାସି ଇଞ୍ଜାଁ ଏଞ୍ଜାରିତାଣା ମାନି କ୍ରୀସ୍ତତି ଜୀଞ୍ଜୁ ଏ ବାରେ ଏତିବେଲା ଖାନେ ଅଡ଼େ ଏନିକିଁ ଖାନେ ଏଞ୍ଜାରି ପୁଞ୍ଜାଲି ନକେଏ ଅଣପାମାଚେରି ।

୮ ଏଞ୍ଜାରି ଏ ବାରେ କାତା ତାନି ତାକି ସେବା କିଆନା ମୀ ଲାବା ତାକି ସେବା କିହିମାଚେରି, ଇଦି ଏଞ୍ଜାରିତାଣା ତଞ୍ଜା ଆହାମାଚେ, ଇଞ୍ଜାଁ ଏ ବାରେ କାତା ଲାକପୁରୁତି ପାଣ୍ଡୁଆହାମାନି ସୁଦୁଜୀଞ୍ଜୁତି ବାଡ଼ୁଡ଼ୁ ତଲେ ମୀ ନକିତା ନେହଁ କାଡ଼ୁ ଷ୍ଟେହନାରି ତାଣାଟି ନୀଏଁ ମିଜେ ଷ୍ଟେସ୍ପି ଆହିମାଞ୍ଜାନେ; ଏ ବାରେ କାତା ଦୁଡ଼ୁୟାଁ ଜିକେଏ ପୁଞ୍ଜାଲି ଅଣପି ମାନେରି ।

ସୁଦୁଜୀଞ୍ଜୁ ତଲେ ମାଞ୍ଜାଲି ହାଟ୍‌କି ଆନାୟି

୯ ନେହଁ କାମା କିହାଲି ତିୟାରା ଆଦୁ । କାପୁ କାଟାନା ଜୀସୁ କ୍ରୀସ୍ତ ତଞ୍ଜା ଆନି ବେଲାତା ଆନିନି ବଡ଼ ମିଜେ ହାପକି ଆୟାନେ, ଏଦାଆଁତାକି ତୀରେତଲେ ବାର୍ସୁ ଇଟାଦୁ ।

୧୦ ମାହାପୁରୁଇଁ ମାନି କିଦୁ, ମୀରୁ ତଲି ପୁଞ୍ଜାହିଲାଆଡ଼ି ବେଲାତା ଆନିନି ଲାଗେଏ ପଲେଏତି ଜୁପକା ତଲେ ମାଚେରି ନୀଏଁ ଏଲେଆଆଦୁ ।

୧୧ ସାମା ମିଜେ ହାଟାମାଞ୍ଜାନି ମାହାପୁରୁ ଏନିକିଁ ସୁଦୁଗାଟାସି ମୀରୁ ଜିକେଏ ଏଲେକିଁ ମୀ ବାରେ ମାଣକିତା ସୁଦୁ ଗାଟାଚେରି ଆଦୁ ।

୧୨ ଦାମ୍ପୁପତିତା ରାସ୍‌କି ଆହାମାନେ, “ମୀରୁ ସୁଦୁ ଗାଟାଚେରି ଆଦୁ, ଏଦାଆଁତାକି ଇତିହଁ ନାନୁ ସୁଦୁ ଗାଟାଚେସି ।”

୧୩ ଅଡ଼େ ଆମ୍ବାଆରି ମ୍ମସ୍ତ ଫେହୁଆନା ବାରେ ଲକୁଡ଼ି ଏଞ୍ଜାରି କାମା କିହାମାନିଲେହେଁ ନୀହାଁୟି କିନେସି, ଏଞ୍ଜାଣି ତାଣା ପ୍ରାତାନା କିନାଟି ଆବା ଇଞ୍ଜାଁ ହାଡ଼ିତିହଁ, ମୀରୁ ଇ ଦାଡ଼ିତା ବାସାଆହାମାନି ପାଡେକା ମାନି ତଲେ ଏଞ୍ଜାଣାଇଁ ଆଜାନା ମାଞ୍ଜୁ;

୧୪ ଇତିହଁ ମୀରୁ ପୁଞ୍ଜାମାଞ୍ଜେରି ମୀ ଆକୁ ଆବାୟାଁ ତାଣାଟି ବେଟାଆହାମାନି ଉଜେଏତି ମାଣକି ତଲେ ନୀଡିନି ତାଣାଟି ମୀରୁ ଷ୍ଟେଣ୍ଡି କି ବାଂଗାରା ଲେହେଁତି ନାସା ଆନି ଆସି ତଲେ ପିସ୍ପି ଆହାହିଲଅଡେରି,

୧୫ ସାମା ଏନି ସିନା ଅଡ଼େ ଦହ ହିଲାଆଗାଟି ମେଣ୍ଡା ତାଲୁ ଲେହେଁତି କ୍ରୀସ୍ତତି ଗାତି ଦାରାଗାଟି ନେଡେରି ତଲେ ପିସ୍ପି ଆହାମାଞ୍ଜେରି ।

୧୬ ଦାରୁତି ଗାଡ଼ିଆଡ଼ି ନକେଏ ମାହାପୁରୁ ଏଞ୍ଜାଣାଇଁ ଆଡ଼ିଡେସି ଇଞ୍ଜାଁ ଇ ରାନି ଜୁଗୁତା ଏଞ୍ଜାସି ମିଜେତାକି ତଞ୍ଜା ଆହାମାଞ୍ଜାନେସି;

୧୭ ଆନିନି ମାହାପୁରୁ ଏଞ୍ଜାଣାଇଁ ହାକିତି ନିକହାନା ଗାଞ୍ଜୁରମି ହାହାମାନେସି, ଏଞ୍ଜାଣି ତାଣାଟି ମୀରୁ ଏ ମାହାପୁରୁଇଁ ନାମିମାଞ୍ଜେରି, ଇଦାଆଁତାକି ମୀ ବାରେ ନାମୁ ଅଡ଼େ ବାର୍ସୁ ମାହାପୁରୁ ତାଣା ଆଡ଼ଞ୍ଜା ଆହାମାନେ ।

୧୮ ନୀଏଁ ମୀରୁ ସାତାତି ମାନୁଞ୍ଜି ଆହାନା କୁଟୁ ହିଲାଆ ତାୟିଇଁ ଜୀଞ୍ଜୁ ନହାଲି ତାକି ମୀ ହିୟାଁତି ଅଡ଼ହା କତାମାନାକି ମୀ ବାରେ ହିୟାଁ ତଲେ ମୀରୁ ରଣ୍ଡିଏ ମନତଲେ ରଅଡେରି ରଅଣାଇଁ ଜୀଞ୍ଜୁନଦୁ ।

୧୯ ଇତିହଁ ମୀରୁ ନାସା ଆନି ପାଡ଼େୟିତି ଆଏ, ସାମା ଏଡେଲା ନାସା ଆଆଗାଟି ପାଡ଼େୟିତି, ଇତିହଁ ମାହାପୁରୁତି ଜୀଞ୍ଜୁ ଅଡ଼େ ବାରେବେଲା ଡ଼ୟିନି ବଲୁ ତଲେ ଷ୍ଟେଣ୍ଡେ ଜାର୍ନା ଆହାମାଞ୍ଜେରି ।

୨୦ ଦାମ୍ପୁ ସାଡ଼େସିତା ରାସ୍‌କି ଆହାମାନେ, “ଇତିହଁ ଦାଡ଼ିତି ବାରେ ଲକୁ ଗାକିଁ ଜାଡ଼ା ଲେହେଁଡାରି,

ଏଞ୍ଜର ଅଳ୍ପ ବାରେ ଜାଡ଼ାତି ପୂଜା ଲେହେଁତାୟି ।
ଗାକ ଜାଡ଼ା ଖାୟାହାରେ ଇଞ୍ଜା ପୂଜା ବାରେ ତୁଲ୍ୟାହାନ୍ ।

୨୫ ସାମା ମାହାପୁରୁତି ବଲ୍ଲୁ କାଲ୍ଲକାଲ୍ଲତାକି ତ୍ଵୟିନେ ।” ଇଦି ଏ ନେହଁ କାହୁତି ବଲ୍ଲୁ, ଆମିନି ଗାଟାୟି ମା ତାଣା ଖେପ୍ତିକ ଆହାମାରେ ।

୨

ଜୀଞ୍ଜୁତି ଖାଲି ଅଡ଼େ ସୁଦୁଗାଟି କୃଡ଼ା

୧ ଇତିହଁ ପ୍ରବୁ କାର୍ମା ମେହନାସି ଇଞ୍ଜା ମୀରୁ ନୀର୍ବ ପୁଞ୍ଜିମାନାକି, ଇଞ୍ଜା ବାରେ ଲାଗେଏ ପଲେଏତାଣି, ନାଡ଼ି କିନାଣି, କୁଟୁ, ଲକୁଣି ତାହାରା ଇଞ୍ଜା ଲକୁଣି ନିନ୍ଦା କାତା ଜଲ୍ଲିନାଣି ପିହ୍ଦୁ,

୨ ପୁଞ୍ଜି ଜାନୀଆଡ଼ି କୃଗି କକାରି ପଦ୍ମଲେହେଁ ଏନାଆଁ ଆଣ୍ଡାଆତି ପାଲୁ ଗସାଲି ଅଣ୍ଡପିଦେରି, ଆତିହଁ ମୀରୁ ପାତାଆହାନା ଗେଲ୍ପି ଆଦେରି ।

୩ ଦାମ୍ବୁପତିତା ରାସ୍ତିକ ଆହାମାନେ, “ମାହାପୁରୁ ଏତେକା କାର୍ମା ମେହନାସି, ଏଦାଆଁ ମୀରୁ ପୁଞ୍ଜାମାଞ୍ଜେରି ।”

୪ ଜୀଞ୍ଜୁଗାଟି ଖାଲି ଲେହେଁତି ପ୍ରବୁ, ଏଞ୍ଜାଣାଇଁ ମାଣ୍ଡସିୟାଁ ତାଣାଟି ଅପାଆତେରି ସାତା, ସାମା ମାହାପୁରୁ ତାଣା ଆଡ଼ଞ୍ଜି ଆହାନା ଗାତି ଦାରାଗାଟାସି ଆଡେସି ।

୫ ତାନି ତାଣା ଖାହାନା ମୀରୁ ଜିକେଏ ଜୀସୁ କ୍ରୀସ୍ତ ତାଣାଟି ମାହାପୁରୁ ନକ୍ତିତା ନେହଁ ଜୀଞ୍ଜୁତି ପୂଜା ହାହାଲିତାକି ସୁଦୁଗାଟି ପୂଜେରାଜା ଲେହେଁ ଆହାଲିତାକି ଜୀଞ୍ଜୁତି ଖାଲି ଲେହେଁ ଆହାନା ର ପ୍ରାଡ଼ାନା ଇଲୁ ଲେହେଁ ଆଦୁ ।

୬ ଇତିହଁ ଦାମ୍ବୁ ପତିତା ରାସ୍ତିକ ଆହାମାନେ;

“ନାଦୁ ସିୟନତା ର ଆଡ଼ଞ୍ଜି ଆହାମାନି

ଅଡ଼େ ଦାରାଗାଟି କନତି ମୂଲୁ ଖାଲି କିହାମାଇଁ

ଇଞ୍ଜା ଆମ୍ବାଆସି ଏଞ୍ଜାଣି ତାଣା ନାନିନେସି ଏଞ୍ଜାସି ଏତେଲାଖା ଲାଜା ବେଟାଆଅସି ।”

୭ ମୀରୁ ପ୍ରବୁଇଁ ନାନିମାଞ୍ଜେରି, ମୀରୁ ଏ ଦାରାଗାଟି ତାଣା ଆଣ୍ଡାମାଞ୍ଜେରି, ସାମା ଆମ୍ବାଆସି ନାମଅରି,

“ଇଲୁ କେପିନାରି ଆମିନି ଖାଲିତି ଅପାଆତେରି,

ଏଦି ଏଞ୍ଜାରାକି ଇଲୁ କନତି ମୂଲୁ ଖାଲି ଆଡେ ।”

୮ ଅଡ଼େ ଦାମ୍ବୁପତିତା ରାସ୍ତିକ ଆହାମାନେ,

“ଏ ଖାଲିତା ହାରେକା ଲକୁ ପୁଟି କିନେରି,

ଏ ପାକା ଖାଲି ଏଞ୍ଜାରାଇଁ ତ୍ଵଇ ତର୍ସଗି କିନାୟି ଆନେ;”

ମାହାପୁରୁ ବଲ୍ଲୁ ଆହୁଆତାକି ଏଞ୍ଜାରି ଏମ୍ବାଆଁ ବାଦା ବେଟାଆନେରି ଇଞ୍ଜା ଏଦାଆଁତାକି ଏଞ୍ଜାରି ମାହାପୁରୁ ତାଣାଟି ଆଡ଼ଞ୍ଜି ଆହାମାରେ ।

୯ ସାମା ଆମ୍ବାଆସି ମିଜେ ଆନ୍ଦେରିତି ତାନି କାବାଆନି ଉଜେଡ଼ିତା ହାଟାମାଞ୍ଜାନେସି, ମୀରୁ ଏନିକଁ ଏଞ୍ଜାଣି ଗୁଣ୍ଡ ପାଡ଼ିଦେରି, ଏଦାଆଁତାକି ମୀରୁ ମାହାପୁରୁ ଆଟାମାଞ୍ଜାନି କୃଡ଼ାତେରି, ରାଜାତି ସେବାକିନି ପୂଜେରାଜା, ମାହାପୁରୁ ସେବାତାକି ଏଟକା ଆହାମାନି ସୁଦୁ କୃଡ଼ାତେରି, ଇଞ୍ଜା ମାହାପୁରୁତି ଲକୁଡେରି ଆହାମାଞ୍ଜେରି ।

୧୦ “ତଲି ମୀରୁ ମାହାପୁରୁତି ଲକୁ ଆହା ହିଲ୍ଲାଆତେରି, ସାମା ନୀର୍ବ ମୀରୁ ମାହାପୁରୁତି ଲକୁ ଆହାମାଞ୍ଜେରି, ତଲି ମୀରୁ ମାହାପୁରୁତି କାର୍ମା ବେଟାଆହା ହିଲ୍ଲାଆତେରି, ସାମା ନୀର୍ବ ତାନି କାର୍ମାଆନାଣି ବେଟାଆହାମାଞ୍ଜେରି ।”

ମାହାପୁରୁତି ହଲିୟାଜା

୧୧ ଏ ଜୀଞ୍ଜୁତି ତାୟି ତାଜିମ୍ବା, ନାଦୁ ମିଜେ ଇ ଦାଡ଼ିତା ଏଟକା ଦେସାତାତେରି ଇଞ୍ଜା ହେକ ଦେସାଟି ଖାହାମାନାତେରି ଇଞ୍ଜା ଅଣ୍ଡପାନା ବାଡ଼ିମାଲିମାଞ୍ଜାଇଁ, ମୀରୁ ମୀ ଆଜାପତି ଜୁପକାଟି ହେକ ଆଦୁ, ଏଞ୍ଜି ମୀ ଜୀଞ୍ଜୁ କପାଟି ଜୁଜୁ କିହେମାନ୍ ।

୧୨ ମୀରୁ ଜୀହୁଦିଆଆତି ଲକୁତାଣା ମୀ ମାଣକି ଦହ୍ ହିଲ୍ଲାଆଗାଟାୟି ଆଡେ, ଏନିକଁ ଏଞ୍ଜାରି ନୀର୍ବ ମିଜେ ପାପୁ ଦହ୍ ଗାଟାତେରି ଇଞ୍ଜା ନିନ୍ଦା କିୟାନେରି, ତାୟୁ କ୍ରୀସ୍ତ ଖାନି ଦିନାତା ମୀ ନେହଁ କାମା ମେସାନା ମାହାପୁରୁଇଁ ଜହରା କିନେରି ।

୧୩ ପ୍ରବୃତ୍ତି ତାକି ବାତିମାଲିମାଞ୍ଜାଇଁ, ମୀ ମୁହେଁ ସାଲୁଝି କିନାରାଇଁ ମାନୁଝି ଆପୁ ।

୧୪ ବାରେଡି କିହାଁ କାଜା ରାଜା ଆଠପସି, ଲାଗେଏ ପଲେଏତାରାଇଁ ତଣ୍ଡ ହୀହାଲି ଅଡ଼େ ନେହଁ କାମା କିନାରାଇଁ ରାହାଁ କିହାଲିତାକି ତାନିତାଣାଟି ପାଣ୍ଡୁଝିଆହାମାନି ସାଲୁଝି କିନାସି ଆଠପସି, ଏଝାରାଇଁ ମାନି କିଦୁ ।

୧୫ ଇତିହଁ ମୀରୁ ନେହଁ କାମା କିହାଁ ବୁଦି ହିଲାଆ ଉଜେଏତି କାତା ଝେହନାରାଇଁ ସାପି କିଦୁ, ଏଡ଼ି ମାହାପୁରୁତି ଅଣପୁ ।

୧୬ ମୀରୁ ମେଲା ମାନାତେରି ଆଡ଼ିଜିକେଏ ଏ ମେଲା ଆହାମାନି ତାଣାଟି ଲାଗେଏ ପଲେଏ ଲେମ୍ପାଆପୁ, ସାମା ମାହାପୁରୁତି ହଲିୟା ଆହାନା ନେହଁ କାମା କିଦୁ ।

୧୭ ବାରେ ଲକ୍ଷ୍ମାଇଁ ଆବାଦୁ, କ୍ରୀସ୍ତାନା ତାୟି ତାଜିଇଁ ଜୀଝୁନଦୁ, ମାହାପୁରୁଇଁ ଆଜାଦୁ, ରାଜାଇଁ ମାନି କିଦୁ ।

କ୍ରୀସ୍ତ କସ୍ତତି ଜାପିନାୟି

୧୮ ହଲିୟାଙ୍ଗାତେରି ମୀରୁ ଆଜିତଲେ ମୀ ସାଝୁକାରିୟାଁଇଁ ମାନୁଝି ଆପୁ, ଝାରଇଁ ନେହାଁରାଇଁ ଅଡ଼େ କାର୍ମା ମେହନାରାଇଁ ଆଏ, ସାମା ଲାଗେଏତି ସାଝୁକାରିୟାଁଇଁ ଜିକେଏ ଏଲେକଁ ମାନୁଝିଆପୁ ।

୧୯ ଇତିହଁ ଆମ୍ବାଆସି ମାହାପୁରୁଇଁ ନାମିତାକି ଲାଗେଏତାଣି ତାକି ଦୁକୁ କସ୍ତ ବେଗାଆହାନା ଅରୁହିନେସି, ଆତିହଁ ଏଡ଼ି ରାହାଁଟି କାତା ।

୨୦ ମୀରୁ ମୀ ଦହ୍ ତାକି ତଣ୍ଡ ବେଗାଆଠେରି, ଏମ୍ବାଆଁ ଏଡ଼ି ଲାବା ? ସାମା ନେହଁ କାମାତାକି କସ୍ତ ଅରୁହିତିହଁ, ମାହାପୁରୁ ମିଙ୍ଗେ ବର ହିୟାନେସି ।

୨୧ ମାହାପୁରୁ ତାଣା ବାରେତାକି ହାଟକିଆହା ମାଞ୍ଜେରି, ଇତିହଁ ମୀରୁ ଏଡ଼ିକଁ କ୍ରୀସ୍ତତି ପାଝୁଲି ତଲେ ତାକିଦେରି ଏଦାଆଁତାକି ଏଝାସି ଜିକେଏ ମିଙ୍ଗେତାକି ଦୁକୁ କସ୍ତ ଅରୁହାନା, ମିଙ୍ଗେତାକି ଏଲେଆହାଲି ତସାମାଞ୍ଜାନେସି;

୨୨ ଏଝାସି ଏଡ଼ି ପାପୁ ଦହ୍ କିହାହିଲାଆତେସି କି ଏଝାଣି ଗୁଡିଟି ମିତି କାତା ଏତେଲାଝା ହଟାହିଲାଆତେ ।

୨୩ ଏଝାସି ନିନ୍ଦା ବେଗାଆହି ମାଗାଟି ଝେଣ୍ଡେ ନିନ୍ଦା କିଆତେସି; ଦୁକୁ କସ୍ତ ବେଗାଆହି ମାଗାଟି ଝେଣ୍ଡେ କସ୍ତ ହିୟାଇଁ ଇଞ୍ଜଁ ଆଜି ତସାନା ଝେହ୍ଆତେସି, ସାମା ସାତା ନୀହାଁୟି କିନି ମାହାପୁରୁ ତାଣା ତାନି ବାରେଡି ହେରୁପିତେସି ।

୨୪ ମାର ଏଡ଼ିକଁ ପାପୁ ତାକି ହାହାନା, ଦାମୁତାକି ଜୀଝୁତଲେ ନୀତିନାୟି, ଏଦାଆଁତାକି ଏଝାସି ପାସି ମୁଣ୍ଡା ଲାକ ତାନି ଆଙ୍ଗା ତଲେ ମା ବାରେ ପାପୁ ତେକା ଅଡ଼େସି, ଏଝାଣି ରାହାଁଟି ମୀରୁ ନେହଁ ଆହାମାଞ୍ଜେରି ।

୨୫ ଇତିହଁ ମୀରୁ ଜିରୁ ବାଣାଆହାମାନି ମେଣ୍ଡାୟାଁ ଲେହେଁ ଆହାମାରେରି, ସାମା ନୀର୍ବଁ ମୀରୁ ଜୀଝୁତି ଗଡ଼ ଲୁଲମିତି କାଜାଣା ଜେତ ଜେତ ତାକାଲି ମୀରୁ ଝେଣ୍ଡା ଝାହାମାଞ୍ଜେରି ।

୩

ତକ୍ତି ତକ୍ତାତି କାତା

୧ ଏଲେକିହଁ ଏ ଏ ତକ୍ତିସିକାତେରି, ମୀରୁ ମୀ ତକ୍ତାୟାଁଇଁ ମାନୁଝିଆପୁ, ଏଡ଼ିକିହଁ ଏଝାରି ବିତ୍ରାଟି ଆମ୍ବା ଆମ୍ବାଆରି ମାହାପୁରୁ କାତା ନାମାଆତି ଜିକେଏ ମୀ ନେହଁ ମାଣ୍ଡିକି ମେସାନା, ମୀରୁ ଝେହ୍ଆନା ଜିକେଏ ମାହାପୁରୁ ତାଣା ନାମାଲି ଆଡ଼ିନେରି ।

୨ ଏଡ଼ିକଁ ଏଝାରି ବିତ୍ରାଟି ଆମ୍ବା ଆମ୍ବାଆରି ବଲୁଡି ମାନୁଝି ଆଆତି ଜିକେଏ ମୀ ମାହାପୁରୁତି ଆଜି ଅଡ଼େ ମାଣ୍ଡିକି ମେସାନା କାତା ଝେନାଆନା ଜାହାରା ତକ୍ତିନି ସୁଦୁଗାଟି ମାଣ୍ଡିକି ମେସାନା ନାମିନେରି ।

୩ ଏତାୟଁ ବାଣାୟାଁ ହାରେକା ଅଡ଼ିକିହଁ କିଣହା କଡାନା, ବାଂଗାରା ତୁରହାନା, ଅଡ଼ିତି ହିମ୍ବରକା ହୁଡିନାୟି, ଝାରଇଁ ଇ ବାରେ ତଲେ ମୀ ଆଙ୍ଗାଟି ଅଡ଼ି କିହାକତାଆପୁ,

୪ ମୀ ହିୟାତା ଏମିନି ହିଦଡ଼ି ଜୀଝୁତି ଗୁଣୁ ମାହାପୁରୁ ନକିତା ହାରେକା ଦାରାଗାଟାୟି, ଏଡ଼ିଏ ମୀ ନାସା ଆଆଗାଟି ଅକୁ ଆପେ

୫ ଏଦାଆଁତାକି ଇତିହଁ ତଲି କାଲାତି ସୁଦୁଗାଟି ଇୟାସିକା ଜିକେଏ ମାହାପୁରୁ ତାଣା ବାସୁଁ ଇଗାନା ତାମି ତକ୍ତାୟାଁଇଁ ମାନିକିହାଁ ଜାହାରାଇଁ ଅଡ଼ିକିହା କତିମାଡୁ ।

* ୩:୧ ଏପିସି ୫:୨୨; କଲସି ୩:୧୮ * ୩:୩ ୧ପିମ ୨:୯

୨ ଏଲେକିହ^{୯୧} ଏ ସାରା ଜିକେଏ ଅବାହାମଇଁ ମାନୁଞ୍ଚି ଆହାଁ ଏଞ୍ଜାଣାଇଁ ନା ପ୍ରବୁ ଇଞ୍ଜିମାତେ; ମୀରୁ ଜିକେଏ ନୀର୍ଏ ଏନାଆଁ ଆଜାଆନା ନେହ^{୯୨} କାମା କିତିହ^{୯୩} ଏଦାଣି ମାସ୍‌କାତେରି ଆଦେରି ।

୩ *ତକ୍ରୟାତେରି, ଏଲେକିହ^{୯୪} ଏ ମୀ ତକ୍ରସିକାଣି ମୀ କିହାଁ ବାଡ଼ୁଡ଼ା ଉଣାଗାଟାଇ ଇଞ୍ଜ^{୯୫} ପୁଞ୍ଜାନା ଏଞ୍ଜାସିକାଇଁ ମାନି କିଦୁ, ଇଞ୍ଜାଁ ଏଞ୍ଜାସିକା ତଲେ ଆଣ୍ଡାନା ବୁଦିତଲେ ଡୟାଦୁ, ଏଞ୍ଚି ଜିକେଏ ମୀ ତଲେ ମାହାପୁରୁ ତାଣା କାଲାକାଲା ଜୀଞ୍ଜୁତି କାର୍ମାତି ଦାନା ବେଟାଆନୁ, ଏନିକ^{୯୬} ମୀ ପ୍ରାତାନା କିନିତାଣା ବାଡ଼ା ଖାଏ ।

ନେହ^{୯୭} କାମାତାକି କସ୍ତ ପାଣ୍ଡନାୟି

୮ ଡାୟୁତି କାତା ଇଦି, ମୀରୁ ବାରେଜାଣା ତେରି ରଣ୍ଡିଏ ଅଣ୍ଡପୁ ତଲେ ବାରେତି ସୁକୁ ଦୁକୁତା ଆଣ୍ଡୁଞ୍ଚି ଆନାୟି, ତାୟି ତାଜିଇଁ ଜୀଞ୍ଜୁନନାୟି, ନେହ^{୯୮} ହିୟାଁ ଅଡ଼େ ଜାହାରାଇଁ ଉଣା କିହାକତାଦୁ ।

୯ ଲକୁ ମିଙ୍ଗେ ଲାଗେଏ କିୟାତିହ^{୯୯} ଜିକେଏ ଏଞ୍ଜାରାଇଁ ଖେଣ୍ଡେ ଲାଗେଏ କିଆଦୁ, ନିନ୍ଦା କିୟାତିହ^{୧୦୦} ଖେଣ୍ଡେ ନିନ୍ଦା କିଆଦୁ, ସାମା ଏଞ୍ଜାରାଇଁ ବର ହାପୁ, ଏନାଆଁତାକି ଇତିହ^{୧୦୧} ଏଲେକିହାଲି ମାହାପୁରୁ ମିଙ୍ଗେ ଆତାନା ହାଟାମାଞ୍ଜାନେସି ।

୧୦ ଦାର୍ମ୍ ସାଡ଼ସ୍ତରିତା ରାସ୍‌କି ଆହାମାନି ଲେହେଁ

“ଆମ୍ବାଆସି ଜୀଞ୍ଜୁତା ସୁକୁ ତଲେ ଡୟାଲି ଇଞ୍ଜାଁ ରାହାଁତି ଦିନାୟାଁ ମେସାଲି ଅଣ୍ଡପିନେସି,

ଏଞ୍ଜାସି ଲାଗେଏ ପଲେଏ କାତାୟାଁ ତାନି ଖେନ୍‌ରିତି ଜଲାଆପେସି,

ଅଡ଼େ ମିତି କାତାୟାଁ ତାନି ଗୁଡ଼ିତି ଏଟେଲାଞ୍ଜା ହଆପୁ ।

୧୧ ଏଞ୍ଜାସି ଲାଗେଏ ପଲେଏ ତାଣାଟି ହେକ ଆହାନା ନେହ^{୧୦୨} କାମା କିପେସି, ଇଞ୍ଜାଁ ତାନି ବାରେ ହିୟାଁ ତଲେ ହିଡ଼ଡ଼ି ଜୀଞ୍ଜୁ ପାରାନା ଏ ଜିରୁଟି ତକାପେସି ।

୧୨ ଏନାଆଁତାକି ଇତିହ^{୧୦୩} ଦାର୍ମ୍ ଗାଟାରାକି ପ୍ରବୁତି କାନୁ ମାନେ,

ଇଞ୍ଜାଁ ଏଞ୍ଜାରି ପ୍ରାତାନାତି କୀର୍କା ଅଡ଼ାହାଁ ଖେନେସି,

ସାମା ପାପୁ ଗାଟାରି କପାଟି ପ୍ରବୁ ନିଙ୍ଗିନେସି ।”

୧୩ ମୀରୁ ନେହ^{୧୦୪} କାମାତାକି ରାହାଁ ଗାଟାତେରି ଆଦେରି, ଆତିହ^{୧୦୫} ଆମ୍ବାଆସି ମିଙ୍ଗେ ଲାଗେଏ କିୟାଲି ଆଡ଼ାନେସି ?

୧୪ *ସାମା ନେହ^{୧୦୬} କାମା କିହାନା କସ୍ତ ବେଟାଆଡ଼ି ଜିକେଏ, ଏଦି ମୀ ତାକି ନେହେଁ, ଆମ୍ବାଆସି ମିଙ୍ଗେ ଆଜି କିୟାତିହ^{୧୦୭} ଆଜିତାକି ଆତାଜାକା ଆଆଦୁ;

୧୫ ସାମା କ୍ରୀସ୍ତଇଁ ପ୍ରବୁ ଇଞ୍ଜ^{୧୦୮} ମୀ ହିୟାଁତା ସୁକୁ ତଲେ ମାନି କିଦୁ, ଆମ୍ବାଆସି ଏଟେଲାଞ୍ଜା ମୀ ତାଣା ମାନି ବାସୁତି କାତା ପୁଞ୍ଜାଲି ଖେଞ୍ଜାତିହ^{୧୦୯}, ଏଞ୍ଜାଣାଇଁ ଖେଣ୍ଡେ ଖେସାଲି ମୀ ଅଣ୍ଡପୁ ତଲେ ଡିୟାରା ଆହାମାଞ୍ଜୁ,

୧୬ ସାମା ଖେନ୍‌ନାଟି ସୁକୁ ଅଡ଼େ ମାନିଗାଟି ଅଣ୍ଡପୁ ତଲେ ଆଜାଆନା ନେହ^{୧୧୦} ବୁଦିତି ଖେନ୍‌ଦୁ, ମୀରୁ କ୍ରୀସ୍ତ ତାଣା ଆଣ୍ଡାନା ନେହ^{୧୧୧} ମାଣ୍ଡକି ମିଙ୍ଗେ ନିନ୍ଦା କିହାନା ଦହ ଦହନାରି ଏମ୍ବେଏ ଲାଜା ପାଣ୍ଡପେରି ଇଞ୍ଜ^{୧୧୨} ମୀରୁ ତାରିତି ଅଣ୍ଡପୁ ତଲେ ମାଞ୍ଜୁ ।

୧୭ ଏନାଆଁତାକି ଇତିହ^{୧୧୩} ଲାଗେଏ ପଲେଏ କାମାତାକି ଦୁକୁ ବେଟାଆଡ଼ି କିହାଁ ମାହାପୁରୁ ଇଚା ଆତିହ^{୧୧୪}, ନେହ^{୧୧୫} କାମାତାକି ଦୁକୁ ବେଟାଆନାୟି ନେହେଁ ।

୧୮ କ୍ରୀସ୍ତ ମିଙ୍ଗେ ମାହାପୁରୁ ତାଣା ତାଗାଲି ତାକି ଏଞ୍ଜାସି ଦାର୍ମ୍‌ଗାଟାସି ଆହାନା ଦାର୍ମ୍ ହିଲାଆ ଗାଟାରି ତାକି ପାପୁ ତାକି ରଣ୍ଡିଏ ଦେବା ହାଡ଼େସି, ଏଞ୍ଜାସି ଆଜା ତଲେ ହାଡ଼େସି ସାତା, ସାମା ଜୀଞ୍ଜୁତଲେ ନୀତିତେସି,

୧୯ ଏମ୍ବାଟିଏ ଏଞ୍ଜାସି ସୁକୁଜୀଞ୍ଜୁ ତଲେ ମାଞ୍ଜାନା ଦସ୍‌ପି ଆହାମାଟି ଜୀଞ୍ଜୁୟାଁ ତାଣା ହାଜାନା ମାହାପୁରୁ ବଲୁ ଖେକହେସି;

୨୦ ତଲି କାଲାତା ନହ ଜାଜା କେପିତି ବେଲା, ମାହାପୁରୁ ସାସାତଲେ କାଟିମାଟେସି, ଆଡ଼ିଜିକେଏ ଏଞ୍ଜାଣାଇଁ ମାନୁଞ୍ଚି ଆଦାତେରି, ଏ ଜାଜାତା ହାଡ଼େକା ଲକୁ ଆଏ, ଆଟା ଜାଣା ହଡ଼ାନା ଏୟୁଡ଼ି ଗେଲ୍‌ପି ଆଡ଼େରି;

୨୧ ଏ ଏୟୁ ଇ କାଲାତି ବାପ୍ତିସ୍ତ* ଇତିହ^{୧୧୬} ଏଦି ମା ଆଜାଟି ମାଟି ନରନାୟି ଆଏ, ସାମା ମାହାପୁରୁ ତାଣା ନେହ^{୧୧୭} ଅଣ୍ଡପୁ ବେଟାଆହାଲି ପ୍ରାତାନା କିନାୟି, ଇଞ୍ଜାଁ କ୍ରୀସ୍ତ କ୍ରୀସ୍ତ ହାକିଟି ନିଙ୍ଗିତାକି ଗେଲ୍‌ପି ଆନାୟି ।

୨୨ ଏ ଜୀସ୍ତ କ୍ରୀସ୍ତ ଲାକପୁରୁ ହାଜାନା ମାହାପୁରୁଟି ଚିଃନି ଚଟତା କୁଗାମାନେସି, ଏମ୍ବାଆଁ ଦୁରୁୟାଁ, ପାଣା ବେଟାଆଆତାରି ଅଡ଼େ ବାଡ଼ୁଡ଼ା ଗାଟାରି, ଏଞ୍ଜାଣାଇଁ ମାନୁଞ୍ଚି ଆହାନା ତାନି ଡ଼ଇ ମାନେରି ।

* ୩:୨ ଏପିସି ୫:୨୫; କଲସି ୩:୯୯ * ୩:୧୪ ମାଟି ୫:୧୦ * ୩:୨୧ ମୁଞ୍ଜାନାୟି

୪

ମାହାପୁରୁ ତାକି ନୀତିନାୟି

୧୧ କ୍ରୀସ୍ତ ଆଜ୍ଞା ତଲେ ଦୁକ୍ତ କସ୍ତ ବେଟାଆହା ମାନାକି ମୀରୁ ଜିକେଏ ଏଲେକିହିଁ ଏ ଏଞ୍ଜାଣି ଲେହେଁତି ଅଣ୍ଡପୁ ତଲେ ଜାହାରାଇଁ ତିୟାରା କିହାକତାଦୁ, ଏନାଆଁତାକି ଇଚିହିଁ ଆମ୍ବାଆସି କ୍ରୀସ୍ତ ତାକି ଆଜ୍ଞାତା ଦୁକ୍ତ କସ୍ତ ବେଟା ଆହାମାନେସି, ଏଞ୍ଜାସି ପାପୁଚି ହେକ ଆହାମାନେସି.

୧୨ ଏନିକିଁ ମୀରୁ ଦାରତିତା ନୀତାମାନି ପାତେକା ପାପୁଗାଟି ମାଣ୍ଡିତି ଲାଗେଏ ଜୁପକାତି ଅଣ୍ଡପୁ ତଲେ ନୀତାଆନା ମାହାପୁରୁତି ଅଣ୍ଡପୁ ଲେହେଁ ନୀତାଦୁ ।

୧୩ ହାରେକା ଦିନା ମୀରୁ ନାମାଆଗାଟାରି ଇଚା ତଲେ କାମା କିହାଁ ମୀରୁ ଏତେ କାଲା ଲାଗେଏ ପଲେଏ କାମାତା, ଲାଗେଏତି ଜୁପକା, କାଡୁ ରୁତୁ ଅନାୟି, କାଡୁ ଗ୍ରାସାନା ରାହାଁ କିନାୟି, କାଡୁ ଗ୍ରାସାନା ହଚିନାୟି, ଇଞ୍ଜାଁ ଅପାଆଗାଟି ପ୍ରେଣକା ବମାୟାଁଣି ପୂଜା କିହିମାରେରି.

୧୪ ମୀରୁ ନୀର୍ଏ ଏଞ୍ଜାରିତଲେ ଏ ବାରେ ଲାଗେଏ ପଲେଏ କାମାତା ରାହାଁତଲେ ଆଣ୍ଡିହିଲଅତେରି, ଏଦାଆଁତାକି ଏଞ୍ଜାରି ଅତାଜାକା ଆହାନା ମିଙ୍ଗେ ହାରେକା ନିନ୍ଦା କିୟାନେରି ।

୧୫ ସାମା ଆମିନି ମାହାପୁରୁ ନୀତାମାନାରାଇଁ ଅଡେ ହାଡାରାଇଁ ନୀହାଁୟି କିହାଲି ହାଜିମାନେସି, ଏ ମାହାପୁରୁ ନକିତା ଏଞ୍ଜାରି ତାମି ବାରେ କିତି କାମାତି ଲେକା ହାନାୟି ମାନେ ।

୧୬ ଏଦାଆଁତାକି ହାଡାରି ତାଣା ଜିକେଏ ମାହାପୁରୁତି ନେହିଁ କାବୁ ଝେସପିଆଡେ, ଏନିକିଁ ଏଞ୍ଜାରି ମାଣ୍ଡିୟାଁ ଲେହେଁ ଆଜ୍ଞା ତଲେ ନୀହାଁୟି କିଞ୍ଜି ଆତିହିଁ ଜିକେଏ ମାହାପୁରୁ ଲେହେଁ ଜୀଞ୍ଜୁତଲେ ନୀତିନେରି ।

ମାହାପୁରୁତି ଦାନା ଅଡେ ନେହିଁ ଗୁମ୍ବସା

୧୭ ଏ ବାରେତି ରାନ୍ଦି ଦିନା ତାଗେ ଖାଡେୟିଏ, ଏଦାଆଁତାକି ମୀରୁ ନେହିଁ ବୁଦି ଗାଟାତେରି ଆଦୁ, ଇଞ୍ଜାଁ ମାହାପୁରୁ ତାଣା ପ୍ରାତାନା କିୟାଲି ତାକି ଜାଗ୍ରାତା ଆହାନା ମାଞ୍ଜୁ ।

୧୮ ବାରେତି କିହାଁ ମୀରୁ ରଅତେରି ରଅଣାଇଁ ହାରେକା ଜୀଞ୍ଜୁନଦୁ, ଏନାଆଁତାକି ଇଚିହିଁ ଏଲେତି ଜୀଞ୍ଜୁନନାୟି ହାରେକା ପାପୁଚି ପ୍ଳିକ୍ନେ ।

୧୯ ଗୁରୁମୁରୁ ଆଆନା ରଅତେରି ରଅଣାଇଁ ଗତାୟାଁ ଲେହେଁକି ସେବା କିଦୁ ।

୨୦ ବାରେଜାଣା ତେରି ଏନିକିଁ ମାହାପୁରୁ କାର୍ମାତି ଦାନା ବେଟାଆହାମାଞ୍ଜେରି, ଏଲେକିହିଁ ଏ ମୀରୁ ମାହାପୁରୁ ମେରାତି ନେହିଁ ଗୁମ୍ବସାୟାଁ ଲେହେଁ ଆହାନା ଏ ବାରେ ଦାନା ତଲେ ରଅତେରି ରଅଣାଇଁ ସେବା କିଞ୍ଜିଆଦୁ ।

୨୧ ଆମ୍ବାଆସି ଝେକ୍ନେସି ମାହାପୁରୁତି ନେହିଁ କାବୁ ଝେକ୍ନାସି ଲେହେଁ ଝେକ୍ନେସି; ଇଞ୍ଜାଁ ଆମ୍ବାଆସି ସେବା କିନେସି ମାହାପୁରୁ ତାଣାଟି ବାଡୁମ୍ବୁ ବେଟାଆହାମାନି ଲେହେଁ ସେବା କିପାସି । ଏନିକିଁ ଜୀସୁ କ୍ରୀସ୍ତ ତାଣାଟି ମାହାପୁରୁ ଗାଞ୍ଜୁରମି ବେଟା ଆନେସି; ଇଞ୍ଜାଁ କାଲାକାଲାତି ଗାଞ୍ଜୁରମି ଅଡେ କାଜାପାଣା ଏଞ୍ଜାଣିଞ୍ଜାୟି । ଆଡେମନ ।

କ୍ରୀସ୍ତାନା ଲକ୍ଷ୍ମି ଦୁକ୍ତ କସ୍ତ

୨୨ ଏ ନା ଜୀଞ୍ଜୁତି ତଡେସିଙ୍ଗାତେରି, ନୀର୍ଏ ମିଙ୍ଗେ ହିଚୁତା ତାୟିପାରି କିନି ଲେହେଁ ହାରେକା ଦୁକ୍ତ କସ୍ତ ଖାହାମାନେ, ଏଦି ମାଙ୍ଗେ ଖାନାୟି ହିଲଆତେ ଇଞ୍ଜାଁ ଅଣ୍ଡପାଆଦୁ ।

୨୩ ସାମା କ୍ରୀସ୍ତ ଦୁକ୍ତ କସ୍ତତା ମୀରୁ ଏତେକା ଆଣ୍ଡାମାଞ୍ଜେରି ଏତେକେଏ ରାହାଁ ଆଦୁ, ଏନିକିଁ ଏଞ୍ଜାଣି ଗାଞ୍ଜୁରମି ତଞ୍ଜାଆନ୍ଦି ବେଲତା ଜିକେଏ ମୀରୁ କାଜା ରାହାଁତା ରାହାଁ ଆଦେରି ।

୨୪ ସାମା ମୀରୁ କ୍ରୀସ୍ତ ଦରୁ ତାକି ନିନ୍ଦା ବେଟାଆଦେରି ଆତିହିଁ ମୀରୁ ନେହାଁତେରି, ଇଚିହିଁ ଗାଞ୍ଜୁରମିଗାଟି ଜୀଞ୍ଜୁ, ଇଚିହିଁ ମାହାପୁରୁତି ଜୀଞ୍ଜୁ ମୀ ତାଣା ତୁୟାମାନେ ।

୨୫ ଏଦାଆଁତାକି ମୀ ବିତାଟି ଲକ୍ଷ୍ମି ପାୟିନାରି, ସରୁ କିନାରି, ଦହ କାମା କିହାନା, ଲକ୍ଷ୍ମି ସାକ୍ତି କାତା ଜଲିନାରି ଆହାନା ସାସ୍ତି ବେଟାଆଡେରି ।

୨୬ ସାମା ଆମ୍ବାଆସି କ୍ରୀସ୍ତାନା ଲକ୍ଷ୍ମି ଆହାମାନାକି ସାସ୍ତି ବେଟା ଆନେସି, ଆତିହିଁ ଏଞ୍ଜାସି ଲାଜା ଆଆପେସି, ସାମା ଇ କ୍ରୀସ୍ତ ଦରୁ ତାକି ମାହାପୁରୁଇଁ ଜହରା କିପେସି ।

୧୭ ଇତିହାସ ମାହାପୁରୁ ଇଲୁଟିଏ ନୀହାୟି କିଓ୍ଵି ଆହାଁ ବିଚାରା କିନି ଦିନା ଖାନେ; ଇତିହାସ ମାହାପୁରୁ ନକେଏ ମାଜେ ନୀହାୟି କିୟାତିହାସ, ଆତିହାସ ତାନି ନେହା କାତୁ ମାନୁଓ୍ଵି ଆହାହିଲଅରି ଏଞ୍ଜାରି ତାୟୁତି ଡଣ୍ଡ ଏଚେକା ଆଜିହପେତାୟି ଆଏ !

୧୮ ସାସ୍ତେରିତା ରାସ୍ତକି ଆହାମାନେ,

“ଦାମ୍ଭୁଗାଗାସି କସ୍ତତଲେ ଗେଲପି ଆନେସି,

ଆତିହାସ ଦାମ୍ଭୁ ହିଲଆ ଗାଗାରି ଅଡେ ପାପୁଗାଟି ଲକୁ ଏନିକିହା ମୁମ୍ଭୁ ହୁହୁନେରି ?”

୧୯ ଇତିହାସ ଆମ୍ବାଆରି ମାହାପୁରୁତି ଅଣପୁ ଲେହେଁ ଦୁକୁ କସ୍ତ ବେଟାଆନେରି, ଏଞ୍ଜାରି ନେହା କାମା କିହାନା ଏଞ୍ଜାଣି ତାଣା ହାରେପୁରେ ବାସ୍ତୁ କିପାରି, ଆତିହାସ ଏଞ୍ଜାରାଇଁ ଗାଡ଼କିତି ମାହାପୁରୁ ବାରେବେଲା ତାନି ଆଞ୍ଜାମାନି କାମା ଲେହେଁ କିନେସି ।



ମାହାପୁରୁତି ମେଣ୍ଡାୟି

୧ ଇତିହାସ ନାନୁ ମୀ ତଲେତି ର କୁଲମିତି ପ୍ରାତିନାତେଏଁ, ଅଡେ କ୍ଷାପ୍ତି ଦୁକୁ ବେଟାଆହାମାନି ତାଣାତି ସାକି ଇଞ୍ଜା ଖାହିମାନି ଗାଞ୍ଜୁରମିତା ଆଣ୍ଡିନାତେଏଁ ନାନୁ, ମୀ ତାଣା ମାନି ପ୍ରାତିନାଜାଣି ବାତିମାଲିମାଇଁ,

୨ *ମୀ ତାଣା ମାନି ମେଣ୍ଡାୟିଣି ଜାଡ଼ନୁ କିଦୁ ମାହାପୁରୁ ମିଜେ ହେରପାମାଞ୍ଜାନି ମାନ୍ଦାତି ପହିକିଦୁ, ଗୁତାଗୁତା କିନାକି ଆଏ, ସାମା ରାହାଁ ଅଣପୁ ତଲେ ମାହାପୁରୁ ଅଣପୁତି ଲେହେଁ ଜାଡ଼ନୁ କିଦୁ, ଖାଡ଼ଇ ତାବୁୟା ବେଟାଆନି ଆସା ତାକି ଆଏ, ସାମା ସାତା ସେବାକିନି ଅଣପୁ ତଲେ କାମା କିଦୁ ।

୩ ଅଡେ ଆମ୍ବାଆରି ଦାୟିପତି ମୀ କେୟୁତା ହାପକି ଆହାମାଞ୍ଜାନେ, ଏଞ୍ଜାରି ମୁହେଁ ସାଲୁଓ୍ଵି କିନାତେରି ଆଆନା ଏ ମାନ୍ଦାତି ମାନି ଗାଗାତେରି ଆହାନା କିଦୁ ।

୪ ଏଚେଟିଏ “କାଜା ଗଡ଼” ତଞ୍ଜାଆନି ଦିନାତା ମୀରୁ ଗାଞ୍ଜୁରମିତି ଏଚେଲା ଖାଡ଼ାଆଗାଟି ଟପେରି ବେଟାଆଦେରି । ତାନି ଉଜେଡ଼ି ଏଚେଲା ଖାଡ଼େଏ ।

୫ ଏ ଦା*ଗଣାୟିତେରି, ଏଲେକିହାସ ଏ ମୀରୁ ଜିକେଏ ମୀ ପ୍ରାତିନାଜାଣି ମାନୁଓ୍ଵି ଆଦୁ, ମୀରୁ ବାରେଜାଣା ତେରି ରଅତେରି ରଅଣି ନକିତା ସୁଦୁଗାଟି ଅଣପୁତି ହିମ୍ଭୁରି ଲେହେଁ ପରୁଦୁ, ଦାମ୍ଭୁ ସାସ୍ତେରିତା ରାସ୍ତକି ଆହାମାନେ, “ଇତିହାସ ମାହାପୁରୁ ତାହାରା ଗାଗାରି କପାଟି ନିଜାମା ସୁଦୁ ଗାଗାରାଇଁ କାର୍ମା ମେହନେସି ।”

୬ *ମାହାପୁରୁତି ବାଡ଼ୟୁଗାଟି କେୟୁ ତଜ ମୀରୁ ମିଜେ ଉଣା କିହାକତାଦୁ, ଏନିକିହାସ ଏଞ୍ଜାସି ତାୟୁ ସମାନା ଦିନାତା ମିଜେ କାଜାତେରି କିୟାନେସି;

୭ ମୀ ଅଣପୁତି ବଜୁ ବାରେ ମାହାପୁରୁ ତାଣା ହେରପାଦୁ ଇତିହାସ ଏଞ୍ଜାସି ମିଜେତାକି ଅଣପିନେସି ।

୮ ସେଡ଼ନା ଆହାନା ଜାଗାତା ମାଞ୍ଜୁ, ଏନାଆଁତାକି ଇତିହାସ ଆମ୍ବାଆରାଇଁ ଗୁହଇଁ ଇଞ୍ଜା ମୀ ସାତୁ ସୟତାନ ତୁକିମାନି ସିହୁଞ୍ଜା୪ନି ଲେହେଁ ପାରିହାସ ରେଜିମାନେସି ।

୯ ମୀରୁ ନାମୁତା ତାରି ମାଞ୍ଜାନା ସୟତାନଇଁ ପେରୁଦୁ, ଏନାଆଁତାକି ଇତିହାସ ଇ ଦାବୁତିତା ମାନି ମୀ ନାମିତି ତାୟିୟାକି ଇଲେତି ଦୁକୁ କସ୍ତ ଆହିମାନେ ।

୧୦ କ୍ରୀସ୍ତ ତଲେ ଆଣ୍ଡାନା ତାନି କାଲାକାଲାତି ଗାଞ୍ଜୁରମିତା ଆଣ୍ଡାଲି କାର୍ମାମେହନି ମାହାପୁରୁ ମିଜେ ହାଟାମାଞ୍ଜାନେସି, ମୀ ଗାଡ଼େକାଟି ଦୁକୁ କସ୍ତ ବେଟାଆଡ଼ି ତାୟୁ ଏଞ୍ଜାସି ତାନୁଏ ମିଜେ ତାରି ଆଟ୍ଠା, ବାଡ଼ୟୁ, ଅଡେ ଏଚେଲା ଗୁତା ଆଆଗାଟି ବାସ୍ତୁ ମିଜେ ହିୟାନେସି ।

୧୧ ବାରେ ବାଡ଼ୟୁ ଜୁଗୁ ଜୁଗୁତାକି ଏଞ୍ଜାଣିଖାୟି । ଆନେନ୍ ।

ରାନିବେଲାତି ଜହରା

୧୨ *ସିଲାଇଁ ନାମୁତି ତାୟିଲେହେଁ ନାନୁ ଜୀଞ୍ଜୁନହୁଁନା ତାନିତାଣାଟି ନାନୁ ଇ ଉଣା ଆକୁ ରାଟାମାଇଁ । ମାହାପୁରୁତି ସାତା କାର୍ମାଟି ସାକି ହୀହାନା ମିଜେ ରାହାଁ କିୟାନାୟି ନା କାମା । ଏ କାର୍ମା ମେହନିତାଣା ଆଟ୍ଠାତିଲେ ମାଞ୍ଜୁ ।

୧୩ *ମାହାପୁରୁ ତାକି ଆଟ୍ଠା ଆହାମାନି ବାବିଲନତା ମାନି କୁଲମି ଅଡେ ନା ଦାମ୍ଭୁତି ମୀରୁଏସି ମାର୍କ ଜିକେଏ ମିଜେ ଜହରା କିହିମାଞ୍ଜାନେରି ।

* ୫:୨ ଜହ ୨୧:୧୫-୧୭ ☆ ୫:୨ ମାତି ୨୩:୧୨; ଲୁକ ୧୪:୧୧; ୧୮:୧୪ ☆ ୫:୧୨ କାମା ୧୫:୨୨, ୪୦ ☆ ୫:୧୩ କାମା ୧୨:୧୨, ୨୫; ୧୩:୧୩; ୧୫:୩୭-୩୯; କଲସି ୪:୧୦; ପିଲିମ ୧:୨୪

୧୫ କ୍ରୀଷ୍ଣାମା ଲକ୍ଷ୍ମୀ ଲେଖି ଜୀବନହୀନା ଜହରା କିମ୍ପୁ । କ୍ରୀଷ୍ଣା ତାଣା ମାନି ଲକ୍ଷ୍ମୀ ହିତୁଡ଼ି ଆପେ ।

ପିତର ଲିଖିତ ଦ୍ଵୀତିୟ ପତ୍ର ପିତର ରାତ୍ନାମାନି ରୀ ଲମ୍ବର ଆକୃ ମୁକ୍ତ ହାତୀ

ପିତର ରୀ ଲମ୍ବର ଆକୃତି ପାଣ୍ଡିଆଡ଼ି ପିତର ରାତ୍ନାମାନେସି, ସାମା ହାରେକା ବୁଦ୍ଧିଗାଗାରି ନୀଏଁ ଓଏ ଇଦି ସାତା ଇଞ୍ଜି ନାମିହିଲଅରି । ଇଦାଆଁ ପିତର ତାଣ୍ଡାଟି ଆଦାଆସି ଆପେ ରାତ୍ନାମାଣ୍ଡିନେସି । ରାତ୍ନାମାନସି ଏଲେଇଞ୍ଜି ମାନେସି, ଏଞ୍ଜାସି ଜୀସୁ ଇ ଦାରତିତା ନୀତାମାତାଣି ଅଡେ ମୁସୁବାଦଲି ଆହାମାତାଣି ତାନୁଏ ମେସାମାତେସି ୧:୧୭-୧୮ । ଇ ଆକୃତି ପିତର ରାତ୍ନାମାଟିସାରେ ଏଞ୍ଜାସି ରମ୍ପତା ମାଞ୍ଜାନା ତାନୁ ହାଡ଼ି ନକେଏ ଜୀସୁ କ୍ରୀସ୍ତ ଜାର୍ନାଆଡ଼ି ୨୫-୨୯ ବାର୍ଯା ତାୟୁ ରାତ୍ନାମାତେସି । ପିତର ରୀ ଲମ୍ବର ଆକୃତି ତାୟୁ ପିତର ରାଡ଼ିତି କାଲ୍ଲିମି ଝେସାନା ଏଲେଇତେସି ଇଦି ରୀ ପାଲିତି ଆକୃ ୩:୧ । ଏଞ୍ଜାସି ଇ ଆକୃତା ବାରେ କ୍ରୀସ୍ତାନା ଲକ୍ଷୁତି ଦରୁ ଝେକହେସି ।

କ୍ରୀସ୍ତଇଁ ନାମିତି ଲକ୍ଷୁ ନେହଁ କଁ ନୀତାବାଡ଼କାଲି ସାସା ହାହାଲି ଅଡେ ମିତିତାଣି ଜାପ୍ନାରି ତାଣ୍ଡାଟି ଜାଗ୍ରାତା କିହାଲି ଇ ଆକୃ ପିତର ରାତ୍ନାମାନେସି ୨ ପାର୍ବୁ । ପିତର ଏଞ୍ଜାରଇଁ ଜୀସୁ ତବେ ଝାହାହିଲଅସି ଇଞ୍ଜିମାନି ଲକ୍ଷୁ କାତା ଆହୁଆନୁ ଇଞ୍ଜିଁ ସାସା ହାତେସି । ଏଞ୍ଜାସି ତସାନା ଝେସେସି ମାହାପୁରୁ ନିସ୍ତା ଆହୁଁ କାମାକିନାସି ଆଏ ସାମା ଏଞ୍ଜାସି ବାରେଜାଣାଟି ଗେଲ୍ପି ଆହାଲି ଅଣ୍ଡିପିମାନେସି ୨ପିତ ୩:୮-୯ । ଏଦାଆଁତାକି ନେହଁ ମାଣ୍ଡକିତି ଜୀଞ୍ଜୁତଲେ ନୀତିନାୟି ମାନେ ୩:୧୪ ।

ପତିତା ମାନାୟି

- ୧. ପିତର ତାଙ୍ଗେ ଝେକହା କଡ଼ିନାୟି ଅଡେ ତାନି ଆକୃତି ପତ୍ରଞ୍ଜି ଆନାରାଇଁ ଝେହନାୟି । ୧:୧-୨
- ୨. ଏଞ୍ଜାସି ଏଞ୍ଜାରଇଁ ନେହଁ କଁ ନୀତାବାଡ଼କାଲି ଅଣ୍ଡି କିହିମାନେସି ଏନାଆଁତାକି ଇଡିହଁ ମାହାପୁରୁ ମାଙ୍ଗେ ବାଡ଼ୁୟୁ ହାହାମାଞ୍ଜାନେସି । ୧:୩-୨୧
- ୩. ଏଞ୍ଜାସି ମିତି ଜାପ୍ନାରି ତାଣ୍ଡାଟି ଜାଗ୍ରାତା ଆହାଲି ଝେସାମାନେସି ଅଡେ ଜୁଗୁ ରାନ୍ଦି ଦିନାତା ଏଞ୍ଜାରଇଁ ଏନାଆଁ ଆନେ ଇଞ୍ଜିଁ ଝେସାମାନେସି । ୨:୧-୨୨
- ୪. କ୍ରୀସ୍ତଇଁ ନାମିତି ଲକ୍ଷୁଣି ଜୀସୁ ଝେଣ୍ଡେ ଝାନ୍ଦି ଦିନା ପାତେକା ନେହଁ ଜୀଞ୍ଜୁତଲେ ତିୟାରା ଆହା ମାଞ୍ଜାଲି ସାସା ହାହାନା, ପିତର ତାନି ଆକୃ ରାପ୍ନାୟି । ୩:୧-୧୭

୧ ସିମନ ପିତର, ର ହଲେଏସି ଅଡେ ପାଣ୍ଡି ଆହାମାନାସି, ମା ମାହାପୁରୁ ଅଡେ ଗେଲ୍ପାନି ଜୀସୁ କ୍ରୀସ୍ତ ଦାମ୍ପୁତାକି ଆମିନି ଗାଗାରି ମା ଲେହେଁ ହାରେକା ଦାରାଗାଟି ନାମୁ ବେଟା ଆହାମାନେରି, ଏଞ୍ଜାରିତାଣା ଆକୃ ରାଡ଼ିମାଇଁ ।

୨ ମାହାପୁରୁ ଅଡେ ମା ପ୍ରବୁ ଜୀସୁତି ବୁଦ୍ଧିତଲେ ମିଙ୍ଗେତାକି କାର୍ମାମେହନାୟି ଅଡେ ହିଡ଼ି ଜୀଞ୍ଜୁ ହାରେକା ଗାତି ଆୟାପେ ।

ମାହାପୁରୁ ହାଡ଼ିନାୟି ଅଡେ ଆଡ଼ିନାୟି

୩ ଆଦାଆସି ତାନି ଗାଞ୍ଜୁରମି ଅଡେ ନେହଁ ଗୁଣୁତଲେ ମାଙ୍ଗେ ହାତ୍ନାମାଞ୍ଜାନେସି, ମାହାପୁରୁ ତାନି ବୁଦ୍ଧିତଲେ ଲାକପୁରୁତି ବାଡ଼ୁୟୁତି ମାଙ୍ଗେ ଜୀଞ୍ଜୁ ଅଡେ ଦାମ୍ପୁତି ଜିରୁ ତାକି ବାରେ ଲଡ଼ାମାନାଣି ହାହାମାଞ୍ଜାନେସି ।

୪ ଏଦାଆଁ ତଲେ ଏଞ୍ଜାସି ମାଙ୍ଗେ ଗାତି ଦାରା ଅଡେ ହାରେକା ଲଡ଼ାଗାଟି ଆଞ୍ଜାମାନି ଦାନା ହାହାମାଞ୍ଜାନେସି, ଏନିକଁ ଏ ବାରେ ତଲେ ମୀରୁ ଲାଗେଏଡି ଅଣ୍ଡପୁତା ଆହିମାନି ଆମିନି ନାସା ଆନି ଦାରୁତିତା ମାଞ୍ଜେରି, ଏମାଟି ଗେଲ୍ପି ଆହାନା ଲାକପୁରୁତି ଗୁଣୁତଲେ ଆଣ୍ଡାଦୁ ।

୫ ଇଦାଆଁତାକି ମୀରୁ ହାରେକା ଜାଡ଼ନୁତି ନାମୁତଲେ ନେହଁ ଗୁଣୁ, ଅଡେ ସାତା ଗୁଣୁତଲେ ବୁଦି,

୬ ବୁଦିତଲେ ଆଜ୍ଞାତି ଲକ୍ଷୁନାୟି, ଆଜ୍ଞାତି ଲକ୍ଷୁନାଣି ତଲେ ସାସା, ସାସାତଲେ ଦାମ୍ପୁତି କାମା କିନାୟି,

୭ ଦାମ୍ପୁତି କାମାକିନାଣି ତଲେ ତାୟିୟାଁଇଁ ଜୀଞ୍ଜୁନାୟି, ତାୟିୟାଁଇଁ ଜୀଞ୍ଜୁ ନନାଣି ତଲେ ବାରେ ଲକ୍ଷୁଇଁ ଜୀଞ୍ଜୁ ନନାଣି ଆଡ଼ଦୁ ।

୮ ଇ ନେହଁ ଗୁଣୁୟାଁ ମିଙ୍ଗେ ଲଡ଼ାମାନେ; ଇ ବାରେ ମୀରୁ ବେଟାଆହାମାନି ପ୍ରବୁ ଜୀସୁ କ୍ରୀସ୍ତ ବୁଦି ମିଙ୍ଗେ ପାରସାତା ଅଡେ ବାରେ ମେଡ଼ି କିହାମାଞ୍ଜାନେ ।

୯ ଯାମା ଈ ବାରେ ଗୁଣ୍ଡ ଆମ୍ବାଆରି ତାଣା ହିଲେଏ, ଏଞ୍ଜାସି ହେକ ମେସାଲି ଆଡ଼ାଆ କାଣା ଆହ୍ମାମାନେସି, ଅଡ଼େ ତାନି ନଟ୍‌କଏ କିତି ବାରେ ପାପୁଡ଼ି ନଟ୍‌ଞ୍ଜି ଆଡ଼ାଣି ଏଞ୍ଜାସି ବାଣ୍ଡି ଆହ୍ମାମାନେସି ।

୧୦ ଈଦାଆଁତାକି, ଏ ତାୟି ତାଜିସ୍ତା, ମାହାପୁରୁ ମିଙ୍ଗେ ଆଡ଼ାନା ହାଡ଼ାମାଞ୍ଜାନାଣି ଅଡ଼େ ମନ୍‌ଡ଼ି ଅଣପୁ ତୀରି କିହାଲି ହାଡ଼େକା ଜାଡ଼ନୁ ଗାଟାତେରି ଆଦୁ; ଇଲେ କିତିସାରେ ମୀରୁ ଏଚେଲା ଜିକେଏ ମୀ ନାମୁତା ଉଣା ଆଅତେରି ।

୧୧ ଇଞ୍ଜା ଇଲେକିହୁଏ ମା ପ୍ରବୁ ଅଡ଼େ ଗେଲୁପାନି ଜୀସୁ କ୍ରୀସ୍ତତି କାଲ୍‌କାଲ୍‌କାତି ରାଜିତା ରାହୁଁତଲେ ହାଜାଲି ମିଙ୍ଗେ ହୀପକି ଆୟାନେ ।

୧୨ ଈଦାଆଁତାକି ମୀରୁ ଈ ବାରେ କାତା ପୁଞ୍ଜାମାଞ୍ଜେରି ଅଡ଼େ ମୀରୁ ବେଟାଆହ୍ମାମାନି ସାତାତା ନେହୁଁକିଁ ତୀରି ଆହ୍ମାମାଞ୍ଜେରି, ଆଡ଼ିଜିକେଏ ନାନୁ ଈ ବାରେ କାତା କାଲେଏ ମିଙ୍ଗେ ଅଣ୍ଡି କିଞ୍ଜିକିହାଲି ଜାଗୁତା ତୁୟିଲ୍ ।

୧୩ ନାନୁ ନୀତାମାନି ପାତେକା ଈ ବାରେ କାତା ତାକି ମିଙ୍ଗେ ସେଡ଼ନା କିହାଲି ନାନୁ କିନାୟି ମାନେ ଇଞ୍ଜା ଅଣ୍ଡିପିମାଲ୍ ।

୧୪ ମା ପ୍ରବୁ ଜୀସୁ କ୍ରୀସ୍ତ ନାଙ୍ଗେ ଏନିକିଁ ଖେସାମାଞ୍ଜାନେସି, ଏଲେକିହୁଏ ନାଙ୍ଗେ ଦାପେ ଈ ନା ଆଙ୍ଗା ଲେହେତି ତୁମୁ ପିସାଲି ଆନେ,

୧୫ ଅଡ଼େ ନା ହାଡ଼ି ତାୟି ଜିକେଏ ମୀରୁ ଏନିକିଁ ଈ ବାରେ କାତା କାଲେଏ ଅଣ୍ଡିପୁତା ଇତିଦେରି, ଈଦାଆଁତାକି ନାନୁ ଅଣ୍ଡିପିମାଲ୍ ।

କ୍ରୀସ୍ତତି ଗାଞ୍ଜୁରମି ମେସ୍ତାରି ସାକି

୧୬ ଇତିହୁଏ ମାମ୍ନୁ ଏଚିବେଲା ମା ପ୍ରବୁ ଜୀସୁ କ୍ରୀସ୍ତତି ବାଡ଼ୁଲୁ ଅଡ଼େ ଖାହିମାନି କାତା ମିଙ୍ଗେ ପୁଣ୍ଡି କିୟାତମି, ଏଚିବେଲା ଏନି ସୁତୁମି ତଲେ କେପିତି ପୁସ୍ତପନିକା ଆସା ହିଲାଆତମି, ସାମା ତାନି ଗାଞ୍ଜୁରମିତି କାଣ୍‌କା ତଲେ ମେସ୍ତା ସାକିୟା ଆହ୍ମାମାଟମି ।

୧୭ ଏଚିବେଲା କାଜା ଗାଞ୍ଜୁରମିତି ଏଞ୍ଜାଣାକି ଈ ହାଡ଼ା ଖାଡ଼େ, ଏଚିବେଲା ମାମ୍ନୁ ଏମ୍ବାଆଁମାଟମି, “ଇଞ୍ଜାସି ନା ଜୀସୁତି ମୀରୁଏସି ଇଞ୍ଜାଣି ତାଣେଏ ନା ହାରେକା ରାହୁଁ ମାନେ !” ଏଚିବେଲା ଏଞ୍ଜାସି ଆବା ମାହାପୁରୁ ତାଣାଟି ସାମ୍ବୁ ମି ଅଡ଼େ ଗାଞ୍ଜୁରମି ବେଟାଆଡ଼େସି;

୧୮ ମାମ୍ନୁ ତାନିତଲେ ଏ ସୁଦୁ ହରୁ ଲାକ ମାଚିବେଲାତା ମାମ୍ନୁ ସାଗୁ ଲାକଟି ଖେଜିତି ଈ ହାଡ଼ା ଖେଞ୍ଜାମାନମି ।

୧୯ ଏମ୍ବାଆଁ ମାହାପୁରୁ ଅଣ୍ଡିପୁତି ବଲୁ ଖେକନାରି ଖେକହାମାଚି ମାହାପୁରୁ ଅଣ୍ଡିପୁତି ବଲୁ ମାଙ୍ଗେତାକି ହାଡ଼େକା ଆଡ଼ୁଞ୍ଜା ଆଡ଼େ; ମୀରୁ ଏଦାଆଁ ଆନେରିତା ତୀଞ୍ଜାମାନି ଦୀର୍ଘ ଲେହେତି ଅଣ୍ଡିପାନା ଲାଆଁ ଖେୟାଆ ପାତେକା ମୀ ହିୟାତା ଖେୟାଜାରା ହୁକା ହଆ ପାତେକା ଏଦାଣି ମନ୍ ହାଡ଼ିହୁଏ ନେହେଁ ଆନେ ।

୨୦ ମୀରୁ ବାରେତି କିହାଁ ତଲିଏ ଈଦାଆଁ ପୁଞ୍ଜୁ, ଦାମ୍ନୁ ପତିତା ରାସ୍‌କି ଆହ୍ମାମାନି ମାହାପୁରୁ ବଲୁତି ଜାହାରା ବୁଦିତଲେ ତେଲହାଲି ଆଡ଼ାଆୟି ।

୨୧ ଇତିହୁଏ ଆମିନି ମାହାପୁରୁ ଅଣ୍ଡିପୁତି ବଲୁ ଖେହନାରି ଖାବୁକ ତାମ୍ନୁ ମାଣ୍ଡିସି ଅଣ୍ଡିପୁତି ଆମ୍ବାଆସି ଜିକେଏ ଖେକହା ହିଲଅରି, ସାମା ମାହାପୁରୁ ପାଣ୍ଡିତି ମାଣ୍ଡିସିୟା ସୁଦୁଜାଞ୍ଜୁତି ସାଲ୍‌ଞ୍ଜି ଆହ୍ମାନା ଏଞ୍ଜାରି ଅଣ୍ଡିପୁତି ବଲୁ ଖେସାମାଚେରି ।

୨

ମିତି ଜାପୁନାରି

୯ ଯାମା ଲକୁ ତାଣାଟି ମିତି ମାହାପୁରୁ ବଲୁ ଖେହନାରି ହଡ଼େରି; ଏଲେକିହୁଏ ମୀ ବିତାତି ମିତି ଜାପୁନାରି ହଡ଼େରି; ଏଞ୍ଜାରି ନାସା ଆନିଲେହେତି ନାଡ଼ିକିନି ଅଣ୍ଡିପୁ, ତୁଗୁନା ଖେକହାନା ଏଞ୍ଜାରାଲ୍ କତାମାନି ପ୍ରବୁଲ୍ ଜିକେଏ ପୁଞ୍ଜାହିଲଅମି ଇନେରି, ଅଡ଼େ ଜାହାରାଲ୍ ଦେବୁଣିଏ ନାସା କିୟାନେରି ।

୨ ଅଡ଼େ ହାଡ଼େକା ଲକୁ ଏଞ୍ଜାରି ଲାଗେଏ କାମାତି ଜ୍ଞେତ ହାନେରି, ଇଞ୍ଜା ଇଞ୍ଜାରି ତାକି ସାତାତି ଜିରୁ ନିନ୍ଦା ବେଟାଆନେ ।

୯:୧୭ ମାଚି ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫

୩ ଏଞ୍ଜାରି ଦନ୍ ଜୁପକାତାକି ମିତି ଜାପୁହାନା ମୀ ତାଣାଟି ତାବୁୟାଁ ଲାବା ବେଟାଆହାଲି ଅଣ୍ଠପିନେରି, ଏଞ୍ଜାରି ତଣ୍ଡ ତଲି କାଲ୍ମାଟିଏ ଆହିମାନେ ଅଡେ ହାରେକା ଦିନାଟିଏ ମାହାପୁରୁ ଏଞ୍ଜାରାଇଁ ବିଚାରା କିହାମାନେସି, ଏଞ୍ଜାରି ନାସା ଆନାୟି ଖାଡେୟିଏ ।

୪ ଇତିହଂ ମାହାପୁରୁ ପାପୁ କିତି ଦୃତୁୟାଁଇଁ ପିହୁଆନା ହିବୁ ଗାଡୁରୁତା ମେଡହା ମାନେସି, ଏମ୍ମାଆଁ ଏଞ୍ଜାସିକା ନାହାଁୟି ଆନି ଦିନା ପାଡେକା ଆନେରି ଗାଡୁରୁତା ଇଟାମାନେସି ।

୫ ମାହାପୁରୁ ପୁଃଈ ଡାବୁଡିତି ଜିକେଏ ପିସାହିଲଅସି, ସାମା ଦାମ୍ବୁ କାତା ଝେହ୍ନି ନହୁ ଇଞ୍ଜା ତାନିତଲେ ସାଡା ଜାଣାଇଁ ଗେଲ୍ପପାନା ପାପୁତି ଦାବୁଡିତି ଏରୁତଲେ ବାଡୁଝି କିଡେସି;

୬ ଏଞ୍ଜାସି ସଦମ ଅଡେ ଗମରା ଗାଡୁତି ଦାବୁମ୍ବୁ ପୁସୁହାନା ନାସା କିହାଲି ତଣ୍ଡତି ହୁକୁମି ହୀଡେସି ଅଡେ ଏଞ୍ଜାରାଇଁ ତାମୁ କାଲ୍ମାତି ଦାମ୍ବୁ ହିଲ୍ମାଆଗାଗାରି ପୁଣ୍ଡିକିନିଲେହେଁ କିଡେସି ।

୭ ଅଡେ ପାପୁ ଦହଗାଟି ଲକୁତି ଲାଗେଏ ପଲେଏ କାମାଟି ହେକ ଆହାମାନି ଦାମ୍ବୁଗାଟି ଲଟଇଁ ମାହାପୁରୁ ଗେଲ୍ପିଡେସି,

୮ ଏ ଦାମ୍ବୁଗାଗାସି ଏଞ୍ଜାରିତଲେ ବାସା କିହାଁ ଏଞ୍ଜାରି ଲାଗେଏତି କାମା ମେସା ଅଡେ ଝେଞ୍ଜାନା ଦିନମି ତାକି ଦିନମି ଦାମ୍ବୁଗାଗାସି ଆହାନା ହାରେକା ଦୁକୁ ବେଟାଆହିମାଚେସି ।

୯ ଇଲେକିହଂ ଏ ପ୍ରବୁ ଦାମ୍ବୁଗାଗାଗାଈଁ ତାୟିପାରି କିନି ତାଣାଟି ଗେଲ୍ପପାଲି ଇତିହଂ ଦାମ୍ବୁ ହିଲ୍ମାଆଗାଗାଗାଈଁ, ଆମ୍ମାଆରି ଆଜ୍ଞାତି ଲାଗେଏତି କାମାତା ସାଲ୍ଝି ଆହାନା ପ୍ରବୁଇଁ ମାନି କିଅରି, ଏଞ୍ଜାରାଇଁ ବିଚାରା ଦିନାତି ତଣ୍ଡ ତାକି ଇଟାଲି ପୁଞ୍ଜାମାନେସି ।

୧୦ ଇତିହଂ ଆମ୍ମାଆରି ମାହାପୁରୁତି ଅଦିକାରାତି ହୀଣି କିହାନା ଜାହାରା ଆଜ୍ଞାତି ଜୁପକାତା ତୁୟିମାନେରି, ଏଞ୍ଜାରି ଏ କାଜା ନାହାଁୟି ଦିନା ପାଡେକା ଏନିକଂ ତଣ୍ଡ ହୀହାନା ଇଟାଲି ଆନେ । ଏ ମିତି ଜାପୁନାରି ଆଜାଆ ଗାଗାରି, ଏଞ୍ଜାରି ଲାକପୁରୁ ଗାବୁରେ ମାଗାଗାଈଁ ମାନି କିଆନା ଏଞ୍ଜାରାଇଁ ଲାଜା କିହିମାଞ୍ଜେରି ।

୧୧ ଆଡିଜିକେଏ ହାରେକା ବାଡୁରୁ ଅଡେ କାଜାପାଣା ବେଟାଆହାମାନି ଦୃତୁୟାଁ ପ୍ରବୁ ନକିତା ଏଞ୍ଜାରି କପାଟି ନିଜ୍ଞାନା ନିଯାକିହଂ ବିଚାରା କିଅରି ।

୧୨ ସାମା ଇଞ୍ଜାରି ବୁଦି ହିଲ୍ମାଆ ଜନ୍ତୁ ଲେହେଁତାରି, ଏଞ୍ଜାରିଲେହେଁ ଈ ମିତି ଜାପୁନାରି ଜିକେଏ, ଏନାଆଁ ଏଞ୍ଜାରି ପୁଞ୍ଜାଲି ଆଡଅରି ଏଦାଆଁ ଏଞ୍ଜାରି ନିଯା କିନେରି, ସାମା ଏଞ୍ଜାସି ଜାଡାଡି ଜନ୍ତୁ ଲେହେଁ ନାସା ଆନେରି,

୧୩ ଏଞ୍ଜାରି ଲାଗେଏତି କାମା କିହାମାଟିସାରେ ଲାଗେଏ କମାତି ପାଡେୟି ବେଟାଆନେରି । ଏନାୟି ଏଞ୍ଜାରି ଆଜ୍ଞା ତାକି ନେହେଁ ହରେନ, ଏଦାଆଁ ଏଞ୍ଜାରି ମାଦେନା କିହାନା ରାହାଁ ବେଟାଆନେରି । ଏଞ୍ଜାରି ଜାହାରା ନାଡି କିଝିଆନି କାମାତା ରାହାଁ କିହଂ ମୀ ତଲେ ତିଞ୍ଜାଲି କୁଡା ଆନେରି ।

୧୪ ଏଞ୍ଜାରି କାଣ୍ଡକା ଦାରି କାମାତା ନେଞ୍ଜା ତୁୟିନେ, ପାପୁ ପିସାଲି ମନ୍ କିଅରି, ଏଞ୍ଜାରି ତିକିତାକାଗାଟି ହାରେକା ଲକୁଇଁ ଜୁପକା ତହୁନେରି, ଏଞ୍ଜାରି ହିୟାଁ ଦନ୍ତତି ଜୁପକାତା ତୁୟିନେ, ଏଞ୍ଜାରି ବାରେ ବାକା ବେଟାଆନାରି ।

୧୫ ଆମ୍ମାଆସି ଲାଗେଏତି ବାଡକୁ ଜୁପକାତି ଜୀଞ୍ଜୁ ନନ୍ ବିୟରା ମୀରଏସି ବିଲିୟମତି ଜେଟ ଜେଟ ହାଚେରି ଅଡେ ସାତା ଜିରୁ ପିସାନା ଲାଗେଏ ଜିରୁ ହାଚେରି ।

୧୬ ସାମା ଏଞ୍ଜାସି ତାନି କିତି ଦହତାକି ଲାଗି ବେଟାଆଡେସି, ଇଞ୍ଜା ର ଜଲ୍ଲାଲି ଆଆଗାଟି ଗାଡୁଦେ ମାଣ୍ଠସି ହାଡାତଲେ ଜଲ୍ଲାହାଁ ମାହାପୁରୁ ଅଣ୍ଠପୁତି ବଲ୍ଲୁ ଝେହ୍ନି ତାଣାଟିଏ ସାପି କିଡେ ।

୧୭ ଈ ମିତି ଜାପୁନାରି ଏରୁ ଝାୟିତି ଜାବୁଣା ଲେହେଁତାରି ଅଡେ କାଜା ଗାଲିତା ଉସିନି ହାବୁ ଲେହେଁତାରି, ମାହାପୁରୁ ଏଞ୍ଜାରାକି ହାରେଏ ଆନେରିଗାଟି ଟାମୁ ଇଟାମାନେସି ।

୧୮ ଇତିହଂ ଏଞ୍ଜାରି ଉଜେଏତି ବଡପଣାଟି ତାହାରା କାତାୟାଁ ଝେହ୍ନେନେରି ଇଞ୍ଜା ନାଡିକିନି ମାଣ୍ଡକିଗାଟି ଲକୁ ତାଣାଟି ଗେଲ୍ପି ଆହାମାନି ଲକୁଣି, ତାନି ଆଜ୍ଞାତି ଜୁପକାଟି କାମା କିହାନା ପାନ୍ନାତା ମେଡନେରି;

୧୯ ଏଞ୍ଜାରି ଏଞ୍ଜାରାଇଁ ମେଲ୍ମା ଆହାନା ମାଞ୍ଜାଲି ଆଡୁଦେରି ଇଞ୍ଜା ଆଞ୍ଜନେରି, ସାମା ଏଞ୍ଜାରି ତାମ୍ବୁସୁ ନାସା କିଝିକିନି କାମାତି ହଲିୟାଜା ଆନେରି; ଏନାଆଁତାକି ଇତିହଂ ଆମ୍ମାଆସି ଆମ୍ମାଆରି ତାଣା ହାବୁଝି ଆନେସି ଏଞ୍ଜାସି ଏମ୍ମାତି ହଲେଏସି ଆନେସି ।

୨୦ ଇତିହଂ ଏଞ୍ଜାରି ପ୍ରବୁ ଅଡେ ଗେଲ୍ପିନି ଜୀସୁ କ୍ରୀସ୍ତତି ବୁଦିତଲେ ଦାବୁଡିତି ଲାଗେଏତି ତାଣାଟି ଗେଲ୍ପି ଆହାନା ଝେଣ୍ଡେ ଏମ୍ମାତି ପାନ୍ନାତା ଦସ୍ପି ଆହାନା ହାବୁଝି ଆନେରି, ଆଡିହଂ ଏଞ୍ଜାରାକି ତଲିତି ତଣ୍ଡ କିହାଁ ତାମୁଡି ତଣ୍ଡ ହାରେକା କସୁଗାଗାୟି ଆନେ ।

୨୧ ଇତିହାସ ଦାମ୍ଭିତ ଜିରୁ ପୁଞ୍ଜାନା ଏଝାରାକି ହେରପି ଆହାମାନି ସୁଦୁ ହୁକୁମି ପିହ୍ନି କିହାଁ ଏଦାଆଁ ଏଚେଲାଝା ପୁଞ୍ଜାହିଲାଆତିହାସ ନେହଁ ଆଚେମା ।

୨୨ “ନେହୁଡ଼ି ତାନୁ କାକ୍‌ଝାନା ଝେଣ୍ଡେ ତିଞ୍ଜାଲି ଇଞ୍ଜାଁ ନରୁଝି ଆହାମାନି ପାଜି ଅଡ଼େ ଝେଣ୍ଡେ ଲାଦିତା ତେରମ୍ପାଲି ହାନେ” ଏଝାରାକି ଏ ଝେକ୍‌ହାମାନି ସାତା କାତା ଏଝାରାକି ଆହାମାନେ ।

୩

ପ୍ରବୁ ଝେଣ୍ଡେ ଝାନି ଦିନା

୧ ଏ ଜୀଝୁତି ତାୟି ତାଜିସ୍ତା, ନାନୁ ନୀର୍ଦ୍ଦିମୀ ତାଣା ଇ ରୀ ଲମ୍ବର ଆକୁ ରାଟିମାଈଁ, ଇଦାଆଁତାକି ଇ ରୀ ଆକୁତା ନାନୁ ମିଙ୍ଗେ ଏ ବାରେ ଅଣପି କିହାନା ମୀ ସୁଦୁ ମନତି ପାତିକିହାଲି ଅଣପିମାଈଁ ।

୨ ମୀରୁ ଏନିକି ସୁଦୁଗାଟି ମାହାପୁରୁ ଅଣପୁତି ବଲୁ ଝେହ୍‌ନାରି ତାଣାଟି ତଲି କାଲାତା ଝେସାମାନି ବାରେ ବଲୁ ଇଞ୍ଜାଁ ପାଣ୍ଡୁଝି ଆହାମାନାରି ତାଣାଟି ଝେସପିଆହାମାନି ପ୍ରବୁ ଇଞ୍ଜାଁ ଗେଲ୍‌ପାନାଣା ହୁକୁମି ଅଣପୁତା ଇଚାଦୁ ।

୩ ତଲିଏ ମୀରୁ ଇ କାତା ପୁଞ୍ଜ, ଇ ରାନ୍ତି ବେଲାତା ଏଚରଜାଣା ତାମି ଲାଗେଏ ପଲେଏ କାମା ତଲେ ତାକିନେରି; ଏଝାରି ମିଙ୍ଗେ ଲାଜା କିୟାନେରି ।

୪ ଏ ଲାଜା କିୟାନାରି ଝାହାନା ଏଝାରି ମିଙ୍ଗେ ଲାଜାକିହଁ ଏଲେଇଞ୍ଜାନେରି “ଜୀସୁ ଝେଣ୍ଡେ ଝାକ୍ ଇଞ୍ଜାଁ ଝେସାମାଞ୍ଜାତେସି ଆତିହଁ ଏଝାସି ଏଚେଲା ଝାନ୍‌ନେସି ? ଇତିହଁ ମା ଆକୁ ଆଦାୟାଁ ହାଡ଼ି ଦିନାଟିଏ ନୀର୍ଦ୍ଦି ପାଚେକା ବାରେ ଦାରତିତି ଗାଡ଼ି ଆଡ଼ି ଦିନାଟିଏ ଏନିକିଁ ମାଚେ, ଏଲେକିହଁ ଏ ନୀର୍ଦ୍ଦି ଜିକେଏ ଡ଼ୟାମାନେ !”

୫ ଏଝାରି ପୁଞ୍ଜା ପୁଞ୍ଜାନା ବାଣ୍ଡି ଆନ୍‌ନେରି, ତଲି କାଲାତା ମାହାପୁରୁ ହୁକୁମି ହାତେସି ଅଡ଼େ ହାଗୁପାକା ଅଡ଼େ ଦାରତି ଗାଡ଼ି ଆଡ଼େ ଅଡ଼େ ଦାରତି ଏମୁ ତାଣାଟି ଏମୁ ଗୁରତାନା ଗାଡ଼ି ଆଡ଼େ ।

୬ ଅଡ଼େ, ଏଝାଣି ତାଣାଟି ଏ ତଲି କାଲାତି ଦାରତି ଏମୁତଲେ ନାସା ଆଡ଼େ;

୭ ସାମା ନୀର୍ଦ୍ଦି ହାଗୁପାକା ଅଡ଼େ ଦାରତି ଏ ମାହାପୁରୁତି ବଲୁ ତଲେ ଲାଗେଏ ପଲେଏତି ଲକୁତି ନୀହାଁୟି ଅଡ଼େ ନାସାତି ଦିନା ପାଚେକା କୁଡ଼ି ଆହାନା ହିରୁତା ହୃତାଲି ଇଟ୍‌କି ଆହାମାନେ ।

୮ ସାମା ଏ ଜୀଝୁତି ତାୟି ତାଜିସ୍ତା, ମାହାପୁରୁ ନକିତା ର ଦିନା ର ମାଣା ବାସା ସମାନା ଅଡ଼େ ର ମାଣା ବାସା ର ଦିନା ସମାନା; ଇ କାତାତି ଏଚେଲା ବାଣା ଆଆଦୁ ।

୯ ହାଚେକା ଲକୁ ପ୍ରବୁ ଝେଣ୍ଡେ ଝାନି ଦିନା ମାନେୟିଏ ଇଞ୍ଜାଁ ଅଣପିନେରି, ସାମା ପ୍ରବୁ ତାନୁ ଏଲେଇଞ୍ଜା ମାନାଣି ଏଚେଲାଝା ଝେଡ଼ା କିସି; ଏନିକିଁ ଆମ୍ବାଆରି ନାସା ଆଅରି, ସାମା ବାରେଜାଣା ମନ ଝେଟ୍‌ହା କତିନେରି; ଇଦାଆଁ ଅଣପାନା ଏଝାସି ମୀ ତାକି କାମା ମେସି ମାଞ୍ଜାନେସି ।

୧୦ ଏମାହାପୁରୁ ଝାନି ଦିନା ର ସରୁ ଝାନି ଲେହେଁ ଝାନେ, ଏ ଦିନା ହାଗୁପାକା କାଜା ହାଡ଼ାତଲେ ମେଣ୍ଡାଝାହାନେ, ଅଡ଼େ ଦାରତିତା ମାନି ବାରେ ଦିଶସୁ ଗାତି ଝେସାନା ରୁୟାହାନୁ, ଇଞ୍ଜାଁ ଦାରତି ଅଡ଼େ ଏମ୍ବାଆଁ ମାନି ଆସି ବାରେ ହିରୁତା ଡ଼ାଞ୍ଜାହାନେ ।

୧୧ ଇ ବାରେ ଇଲେଆହଁ ମେଣ୍ଡାଝାହାନାକି, ମାହାପୁରୁତି ବିଚାରା ଦିନାତା ହାଗୁପାକା ଡ଼ାଞ୍ଜାହାଁ ମେଣ୍ଡାଝାହାନେ ଅଡ଼େ ଦାରତିତି ବାରେ ଦିଶସୁ ହାଚେକା ଝେସାନା ରୁୟାହାନେ,

୧୨ ପ୍ରବୁ ଝାନି ଦିନା କାପୁ କାଚାଡ଼ୟିନି ଲକୁ, ଏଦି ଏନିକିଁ ତବେ ଝାନେ, ଇଦାଆଁତାକି ମୀରୁ ଜାଗ୍ରାତା ଆଦୁ, ଏ ଦିନା ହାଗୁଲାକ ମାନି ଝେଡ଼ା ଲେଞ୍ଜୁ ହୁକାୟାଁ ଝେସାହାନାକି ଝିରୁଲାହାନୁ ।

୧୩ ଏମାହାପୁରୁ ଆଞ୍ଜାମାନି ଲେହେଁ ର ପୁଞ୍ଜି ହାଗୁପାକା ଅଡ଼େ ପୁଞ୍ଜି ଦାରତିକି କାଚାମାନାୟି, ଆମିନି ଗାଟାୟି ଦାମ୍ଭିତଲେ ବାସାଆନ୍ତି ଟାମୁ ଆନେ ।

୧୪ ଇଦାଆଁତାକି ଏ ଜୀଝୁତି ତାୟି ତାଜିସ୍ତା, ମୀରୁ ଇ ବାରେ କାଟିମାନିକି ମାହାପୁରୁ ନକିତା ଏନିକିଁ ପାପୁ ହିଲାଆଗାଟାଚେରି ଅଡ଼େ ଦହ୍ ହିଲାଆଗାଟାଚେରି ଆହାଁ ହିଡ଼ି ତଲେ ମାନାଚେରି ଆହଁ ତଞ୍ଜା ଆଡ଼େରି, ଏଦାଆଁତାକି ଜାଡ଼ନୁ ତଲେ ମାଞ୍ଜୁ;

୧୫ ଅଡ଼େ, ମା ପ୍ରବୁତି ହାଚେକା ଅରୁହିନାୟି ଗେଲ୍‌ପାନାୟି ଇଞ୍ଜାଁ ଅଣପାଦୁ, ମା ଜୀଝୁତି ତାୟି ପାଞ୍ଜୁଲ ଜିକେଏ ମାହାପୁରୁ ହାହାମାନି ବୁଦିତଲେ ମିଙ୍ଗେତାକି ଏଲେକିଁ ରାଟା ମାଞ୍ଜାନେସି ।

୫ ୩:୩ ଜାହୁତା ୧:୧୮ ୬ ୩:୧୦ ମାତି ୨୪:୪୩; ଲୁକ ୧୨:୩୯; ୧ତେସ ୫:୨; ଝେ ବଲୁ ୧୬:୧୫ ୭ ୩:୧୩ ଝେ ବଲୁ ୨୧:୧

^{୧୭} ଏହାସି ତାନି ରାତ୍ନାମାନି ବାରେ ଆକ୍ରୁତା ଇ ବାରେ କାତା ରାତ୍ନାନା ଏଲେକ୍ସି ଝେସାମାନେସି; ଏ ବାରେ ଆକ୍ରୁତା ଏଚେକା କାତା ମାନେ, ଏମିନିଗାଟାଣି ତେଲହାଲି ଆଡ଼ାଆୟି, ଇଞ୍ଜା ପୁନାଆଗାଟି ଇତାଲା ଆତାଲା ଅଣ୍ଟପୁଗାଟି ଲକ୍ଷୁ, ତାମ୍ବୁ ନାସା ଆୟାଲି ଏବ୍‌କାତି ସାଢ଼େସ୍‌ରିତା ଏନିକ୍ସି ରାସ୍‌କି ଆହାମାନେ, ଏ ବାରେ ତାଣା ଜିକେଏ ଏଲେକ୍ସି ଉଜେଏତି କାତା ଝେହ୍‌ନେରି ।

^{୧୭} ସାମା ଜୀହ୍‌ତି ତାୟି ତାଜିସ୍‌ତେରି, ମୀରୁ ଇଦାଆଁ ବାରେ ତଲିଟିଏ ପୁଞ୍ଜାମାଞ୍ଜେରି, ଏଦାଆଁତାକି ଜାଗ୍ରାତା, ଏନିକ୍ସି କିଲିବିଲି କିନି ଲକ୍ଷୁ ତାଣାଟି ନାଡ଼ି କିଞ୍ଜି ଆଥାନା ମୀରୁ ଆବ୍‌ଞ୍ଜା ନାମୁତା ଉଣା ଆଅତେରି ।

^{୧୮} ସାମା ମା ପ୍ରବୁ ଅଡ଼େ ଗେଲ୍‌ପାନି ଜୀସୁ କ୍ରୀସ୍‌ତି କାର୍ମା ଅଡ଼େ ବୁଦିତା ପାତାଆଦୁ । ଏହାଣାକି ନୀଏଁ ଅଡ଼େ କାଲାକାଲାତାକି ଗାଞ୍ଜୁରମି ଆଢ଼େ । ଆଢ଼େନ ।

ଯୋହନଙ୍କ ପ୍ରଥମ ପତ୍ର ଜହନ ରାତ୍ନାମାନି ର ଲମ୍ବର ଆକୁ ମୂଲ୍ୟ ହାତୀ

ଜହନ ରାତ୍ନି ର ଲମ୍ବର ଆକୁତି ଜୀମୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଷୀ ତାମ୍ଭୁ ପାଣ୍ଡୁଓଆହାମାନି ଜହନ ରାତ୍ନାମାନେସି । ଜହନ ଜାହାରାଇଁ ଇ ଆକୁତି ରାତ୍ନାମାଇଁ ଇଞ୍ଜିଁ ୱେସି ହିଲଅସି, ସାମା ଜହନ ତଲିତି ଆକୁତା ଏଞ୍ଜାସି ଜୀମୁ କ୍ରୀସ୍ତି ନୀତାମାଚାଣି ଅଡେ ହାହାନା ୱେଣ୍ଡେ ନିଜିତାଣି କାନୁ ତଲେ ମେସାମାନମି ଇଞ୍ଜିଁ ସାକି ହୀହିମାନେସି ୧:୧-୩ । ଜହନତି ର ଲମ୍ବର ପତି ଅଡେ ଜହନ ରାତ୍ନି ନେହଁ କାକୁତି କାତା ରଣ୍ଡିଏ ସମାନା ଲେହେଁ ଆହିମାନେ । ଏତିବେଲାତା ଏଞ୍ଜାସି ଏପିସିୟ ଗାଡ଼ାତା ମାଚେସି ଏମ୍ବାଆଁ ଏଞ୍ଜାସି ଜହନ ରାତ୍ନି ନେହଁ କାକୁ ଅଡେ ଜହନ ର ଲମ୍ବର ଆକୁ, ଜହନ ରା ଲମ୍ବର ଆକୁ, ତାନି ଲମ୍ବର ଆକୁ ରାତ୍ନାମାଚେସି ଇଞ୍ଜିଁ ନାମିମାନେରି ।

ବୁଦିଗାଟାତମି ଇଞ୍ଜାକତିମାନି ର ରାତିତି ଲକୁ ତାଣାଟି କୁଲମି କସ୍ତ ବେଗଆହି ମାଚାଟି ଜହନ କ୍ରୀସ୍ତାନା ଲକୁକି ଇ ଆକୁ ରାତ୍ନାମାଚେସି । ଏଞ୍ଜାସି ନାମୁ ଜୀମୁ ସାଚେଏ ମାହାପୁରୁ ମାଚେସି ସାମା ଦାରୁତିତା ମାତିବେଲାତା ଏଞ୍ଜାସି ଉଜା ଅଡେ ନେତେରିତି ମାଣସି ହିଲଆଚେସି । ଜହନ ଜୀମୁ କ୍ରୀସ୍ତାଇଁ କାନୁ ତଲେ ମେସାମାନି ସାକି ଅଡେ ତାନି କେମ୍ଭୁ ଏଞ୍ଜାଣାଇଁ ତୀଗାମାନାକି ଏଞ୍ଜାସି ଇଦାଆଁ ରାତ୍ନାମାନେସି, ୧:୧-୩ । ଜହନ ଇ ଆକୁତି ରାତ୍ନି କାତା ଆହିମାନେ ତାନି ରାହୁଁତି ହାଡେରପୁରେ କିନାସି ୧ଜହ ୧:୪ ଅଡେ ନାମୁ ଗାଟାରାଇଁ ପାପୁ ପିସାଲି ତାକି ୧ଜହ ୨:୧ ଅଡେ ମିତି ଜାପୁନାରି ତାଣାଟି ନାମୁ ଗାଟାରାଇଁ ଗେଲପାଲି ୧ଜହ ୨:୨୬ ନାମୁ ଗାଟାରାଇଁ ଗେଲପି ଆହାମାଞ୍ଜେରି ଇଞ୍ଜାଲି ୫:୧୩ ।

ପତିତା ମାନାସି

- ୧. ଆକୁତି ପୁଣ୍ଡିକିନାସି ଅଡେ ରାତ୍ନିମାନି କାତା ୱେହନାସି । ୧:୧-୪
- ୨. ମାହାପୁରୁ ଏନିକଁ ଉଜେଡ଼ି ଅଡେ ଜୀମୁ ଲେହେଁ ନୀତାଲି ୱେସାମାନେସି । ୧:୫-୩:୧୦
- ୩. ରଅସି ରଅଣାଇଁ ଜୀମୁ ନନାଣି ୱେଣ୍ଡେ ଅଣ୍ଡି କିନାସି । ୩:୧୧-୫:୧୨
- ୪. ଆକୁତି ରାପୁନାସି । ୫:୧୩-୨୧

ଜୀମୁତି ବଲୁ

୧ *ମୂଲ୍ୟ ଆମ୍ବାଆସି ମାଚେସି, ମାମୁ ଏଞ୍ଜାଣି ବଲୁ ୱେଞ୍ଜାମାନମି, ଆମ୍ବାଆରାଇଁ ମା କାନୁ ତଲେ ମେସାମାନମି, ଆମ୍ବାଆରାଇଁ ନେହିକଁ ସିନିକିହା ମାନମି ଅଡେ ମା କେସ୍ତାତଲେ ତୀଗାମାନମି, ଏ ଜୀମୁଲେହେତି ବଲୁତି କାତା ୱେସିମାଞ୍ଜାନମି ।

୨ *ଏ ଜୀମୁ ତଞ୍ଜାଆଡେ, ଇଞ୍ଜା ମାମୁ ମେସ୍ତମି ଅଡେ ସାକି ହୀହିମାଞ୍ଜାନମି; ଆମିନି କାଲ୍ଲକାଲ୍ଲତି ସୁଦୁଜୀମୁ ଆବା ତଲେ ମାଚେ, ଅଡେ ମା ତାଣା ତଞ୍ଜାଆଡେସି ଏଞ୍ଜାଣି କାତା ମିଜେ ୱେସିମାଞ୍ଜାନମି ।

୩ ମାମୁ ଏନାଆଁ ମେସାମାନମି ଅଡେ ୱେଞ୍ଜାମାନମି, ଏଦାଆଁ ମିଜେ ଜିକେଏ ୱେସିମାଞ୍ଜାନମି, ଏନିକଁ ମୀରୁ ଜିକେଏ ମା ତଲେ ଆଣ୍ଡାଲି ଆଡାଦେରି; ଅଡେ ମା ଆଣ୍ଡାମାନାସି ଆବା ଅଡେ ତାନି ମୀରୁଏଣା ଜୀମୁ କ୍ରୀସ୍ତ ତଲେ ମାନେ ।

୪ ମା ରାହୁଁ ଏନିକଁ ହାରେ ପୁରେ ଆନେ ଇଦାଣିତାକି ଇ ବାରେ ମାମୁ ରାତ୍ନିମାଞ୍ଜାନମି ।

ମାହାପୁରୁ ଉଜେଡ଼ି

୫ ମାମୁ ଏଞ୍ଜାଣି ତାଣାଟି ଆମିନି କାକୁ ୱେଞ୍ଜାମାନମି, ଅଡେ ୱେସିମାଞ୍ଜାନମି, ଏ କାକୁ ଇଦି, ମାହାପୁରୁ ଉଜେଡ଼ି, ତାନି ତାଣା ଆନ୍ଦେରି ହିଲ୍ଲୁଏ ହିଲେଏ ।

୬ ମାମୁ ଆନ୍ଦେରିତା ମାଞ୍ଜାନା ମାହାପୁରୁ ତଲେ ଆଣ୍ଡୁଓଆହା ମାନାସି ଇଞ୍ଜିଁ ୱେସିହଁ, ମାରୁ ମିତି ୱେହନାଚାସି, ଅଡେ ମାରୁ ସାତା ତଲେ ତାକିହିଲଆସି ।

୭ ସାମା ଏଞ୍ଜାସି ଏନିକଁ ଉଜେଡ଼ିତା ବାସା ଆହାମାନେସି, ମାରୁ ଜିକେଏ ଏଲେକିହଁ ଏ ଉଜେଡ଼ିତା ତାକିନାସି, ଆତିହଁ ମାରୁ ରଅସି ରଅଣି ତଲେ ଆଣ୍ଡୁଓଆହାସି ମାନେ, ଅଡେ ତାନି ମୀରୁଏଣା ଜୀମୁ ନେତେରି ମା ବାରେ ପାପୁତି ନରୁହାନେ ।

* ୧:୧ ଜହ ୧:୧ * ୧:୨ ଜହ ୧:୨୪

୮ ମା ତାଣା ପାପୁ ହିଲେଏ ଇଞ୍ଜିଁ ଖେହ୍ନାୟି, ଆତିହ୍ ମାର ମାଲେଏ ନାଡ଼ି କିହାକତିମାନାୟି, ଅଡ଼େ ମା ତାଣା ସାତା ହିଲେଏ ।

୯ ସାମା ମାମୁ ପାପୁ କିହାମାନନି ଇଞ୍ଜିଁ ମାହାପୁରୁ ନକିତା ଖେହ୍ନାୟି, ଆତିହ୍ ଏଝାସି ମା ପାପୁ ବାରେ ମ୍ବେକହାଲି ଅଡ଼େ ବାରେ ଲାଗେଏ ପଲେଏ ତାଣାଟି ଅଡ଼ହାଲି ନାନୁ ଅଡ଼େ ତାରିଗାଟାସି ।

୧୦ ମାର ପାପୁ କିହା ହିଲାଆୟି ଇଞ୍ଜିଁ ଇନାୟି, ଆତିହ୍ ମାର ମାହାପୁରୁଇଁ ମିତି ଗାଟାସି କିହମାନାୟି, ଅଡ଼େ ତାନି ବଲୁ ମା ତାଣା ହିଲେଏ ।

୨

କ୍ରୀସ୍ତ ଗେଲ୍ପାମାସି

୧ ଏ ନା ମାରକା ମାସ୍କାତେରି ମାରୁ ଏନିକ୍ ପାପୁ କିଅତେରି, ଇଦାଆଁତାକି ଇ ବାରେ ମା ତାଣା ରାଡ଼ିମାଞ୍ଜାଇଁ । ସାମା ଆମ୍ବାଆସି ପାପୁ କିନେସି, ଆତିହ୍ ମା ଝାକି ଆହାନା ଆବା ତାଣା ବାତିମାଲିନାସି ରଅସି ମାନେସି, ଏଝାସି ଦାମ୍ବୁଗାଟି ଜୀସ୍ତ କ୍ରୀସ୍ତ ।

୨ କ୍ରୀସ୍ତ ମା ପାପୁ ତାକି, ଝାବରଇ ମା ପାପୁ ତାକି ଆଏ, ସାମା ଦାବ୍‌ଡିତି ବାରେ ଲକୁତି ପାପୁ ତାକି ଡାକିତି ପୂଜାଲେହେଁ ଆଡ଼େସି ।

୩ ମାର ମାହାପୁରୁତି ହୁକୁମି ମାନୁଝି ଆନାୟି, ଆତିହ୍ ଏଦାଟି ପୁଞ୍ଜାଲି ଆଡ଼ିନାୟି, ଏଝାଣାଇଁ ସାତାତଲେ ପୁଞ୍ଜାମାନାୟି ।

୪ ତାନି ହୁକୁମି ମାନୁଝି ଆଆନା ଆମ୍ବାଆସି ନାନୁ ଏଝାଣାଇଁ ପୁଞ୍ଜାମାଇଁ ଇଞ୍ଜିଁ ଜଲିନେସି, ଏଝାସି ମିତି ଗାଟାସି ଏଝାଣି ତାଣା ସାତା ହିଲେଏ ।

୫ ସାମା ଆମ୍ବାଆସି ତାନି ହୁକୁମି ମାନୁଝି ଆନେସି, ଏଝାଣି ତାଣା ମାହାପୁରୁତି ସାତା ଜୀଝୁନନାୟି ପୁରା ଆହାମାନେ, ଏଦାଟିଏ ମାର ପୁଞ୍ଜାଲି ଆଡ଼ିନାୟି ମାର ମାହାପୁରୁ ତାଣା ମାନାୟି ।

୬ ଆମ୍ବାଆସି ନାନୁ ମାହାପୁରୁ ତଲେ ଡ଼ୟିଇଁ ଇଞ୍ଜିଁ ଇନେସି, ଏଝାସି ଜୀସ୍ତ କ୍ରୀସ୍ତ ନୀତା ମାତିଲେହେଁ ନୀତିନାୟି ମାନେ ।

ପୁଞ୍ଜି ହୁକୁମି

୭ ଏ ନା ଜୀଝୁତି ତଣେସିଙ୍ଗାତେରି ନାନୁ ମା ତାଣା ଏନି ପୁଞ୍ଜି ହୁକୁମି ରାଡ଼ିମାଞ୍ଜାଅଁ, ସାମା ତଲିଟିଏ ଆମିନି ପୁଞ୍ଜଇ ହୁକୁମି ବେଟା ଆହାମାଞ୍ଜେରି, ଏଦାଆଁ ରାଡ଼ିମାଞ୍ଜାଇଁ; ମାରୁ ଆମିନି ବଲୁ ଖେଞ୍ଜାମାଞ୍ଜେରି, ଏଦିଏ ପୁଞ୍ଜଇ ହୁକୁମି ।

୮ ଅଡ଼େ ନାନୁ ନୀଏଁ ମିଙ୍ଗେ ପୁଞ୍ଜି ହୁକୁମି ଲେହେଁ ରାଡ଼ିମାଞ୍ଜାଇଁ, ଇତିହ୍ ଏଡ଼ି କ୍ରୀସ୍ତ ତାଣା ଅଡ଼େ ମା ତାଣା ଜିକେଏ ସାତା ଇଞ୍ଜିଁ ତଞ୍ଜାଆନେ, ଇତିହ୍ ଆନେରି ଗୁଟା ଆହିମାନେ ଅଡ଼େ ସାତା ଉଜେଡ଼ି ତଞ୍ଜାଆଡେୟିଏ ।

୯ ଆମ୍ବାଆସି ତାନି ତାୟି ତାଜିଇଁ ଅପାଆନା ନାନୁ ଉଜେଡ଼ିତା ମାଇଁ ଇଞ୍ଜିଁ ଇନେସି ଏଝାସି ନୀଏଁ ପାଡେକା ଆନେରିତା ମାଞ୍ଜାମାନେସି ।

୧୦ ଆମ୍ବାଆସି ତାନି ତାୟି ତାଜିଇଁ ଜୀଝୁ ନନେସି ଏଝାସି ଉଜେଡ଼ିତା ମାଞ୍ଜାମାନେସି, ଇଞ୍ଜା ଏଝାଣି ତାଣା ପୁଟି କିନାୟି ଏନାୟି ହିଲେଏ ।

୧୧ ସାମା ଆମ୍ବାଆସି ତାନି ତାୟିଇଁ ଅପିହିଲଅସି ଏଝାସି ଆନେରିତା ମାନେସି, ଅଡ଼େ ଆନେରିତା ତାକି ତାକିହ୍ ଆମ୍ବିୟାଝାକି ହାଜିମାନେସି, ଏଦାଆଁ ପୁନଅସି, ଇତିହ୍ ଆନେରି ତାନି କାଣ୍‌କାଣି କାଞା କିହାମାନେ ।

୧୨ ଜୀଝୁତି କକାରି ପଦାଁତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ, ଏନାଆଁତାକି ଇତିହ୍ କ୍ରୀସ୍ତ ଦରୁତଲେ ମା ପାପୁ ବାରେ ମେଣ୍ଡାମାନେ ।

୧୩ ତାଞ୍ଜିଁତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ, ଏନାଆଁତାକି ଇତିହ୍ ଆମ୍ବାଆସି ମୁଲୁଟିଏ ମାନେସି, ଏଝାଣାଇଁ ମାରୁ ପୁଞ୍ଜାମାଞ୍ଜେରି, ଏ ତାଆ ଦାଂଗଣାୟାତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ, ଇତିହ୍ ମାରୁ ବାରେ ଲାଗେଏ ପଲେଏ ତାଣାଟି ଜୀଣା ଆହାମାଞ୍ଜେରି ।

୧୪ କକାରି ପଦାଁତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ ଏନାଆଁତାକି ଇତିହ୍ ମାରୁ ଆବା ମାହାପୁରୁଇଁ ପୁଞ୍ଜାମାଞ୍ଜେରି, ଏ ଆବାୟାତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ ଏନାଆଁତାକି ଇତିହ୍ ଆମ୍ବାଆସି ମୁଲୁଟିଏ ମାନେସି ଏ କ୍ରୀସ୍ତଇଁ ପୁଞ୍ଜାମାଞ୍ଜେରି, ଏ ତାଆ ଦାଂଗଣାୟାତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ ଏନାଆଁତାକି

☆ ୨:୨ କହ ୧୩:୩୪

ଇତିହାସ ମାତ୍ର ବାହୁଲ୍ୟ ଗାତାରେ, ଅତ୍ତେ ମାହାପୁରୁଷି ବଲୁ ମୀ ତାଣା ମାନେ ଅତ୍ତେ ମାତ୍ର ଲାଗେଏ ପଲେଏତାଣି ଜାଣା ଆହାମାଞ୍ଜେରି ।

ଦାରୁତି ଜୀଝୁ ନଆଦୁ

୧୫ ଦାରୁତି ଅତ୍ତେ ଏମାଆଁ ମାନାଣି ବାରେତି ଜୀଝୁ ନଆଦୁ, ଆମାଆସି ଦାରୁତି ଜୀଝୁ ନନେସି, ଏଞ୍ଜାଣି ତାଣା ମାହାପୁରୁ ଆବାତି ଜୀଝୁନନାୟି ହିଲେଏ ।

୧୬ ଇତିହାସ ଆଜାତି ଜୁପକା, କାନୁତି ଜୁପକା, ଅତ୍ତେ ଦନୁତି ବତପଣ, ଦାରୁତିତା ମାନାୟି ଈ ବାରେ ମାହାପୁରୁ ଆବା ତାଣାଟି ଝାହାହିଲେଏ ସାମା ଦାରୁତିଟି ଗାଡ଼ି ଆହାମାନେ ।

୧୭ ଦାରୁତି ଅତ୍ତେ ଏମାଆଁ ମାନି ଜୁପକା କାଲେଏ ତାକି ଆଏ, ସାମା ଆମାଆସି ମାହାପୁରୁଟି ଇଗାଡ଼ି ମାନୁଞ୍ଜି ଆନେସି ଏଞ୍ଜାସି କାଲେଏ ତାକି ତୀରି ଆନେସି ।

କ୍ରାସୁତି ସାତୁ

୧୮ ଜୀଝୁତି କକାରି ପଦାଁତେରି ରାନ୍ତି କାଲା ଏଗାଞ୍ଜାତେୟିଏ, ନାଡ଼ିକିନି କ୍ରାସୁ ଞ୍ଜାନେସି ଇଞ୍ଜୁ ମାତ୍ର ଏନିକି ଞ୍ଜେଞ୍ଜାମାତେରି, ଏଲେକିହାଏ ନୀର୍ଯ୍ୟ ଜିକେଏ ହାରେକା ନାଡ଼ିକିନି କ୍ରାସୁୟା ନିଞ୍ଜିତେରିଏ; ଇଦାଆଁତାକି ମାତ୍ର ପୁଞ୍ଜାମାନାୟି ଜୁକୁ ରାନ୍ତି କାଲା ଏଦାତେୟିଏ ।

୧୯ ଏଞ୍ଜାରି ମା ବଡ଼ାଟି ହତେରି, ସାମା ମା ଗଡ଼ିଟି ଲକୁ ହିଲାଆତେରି; ଏଞ୍ଜାରି ମା ଗଡ଼ିଟି ଲକୁ ଆଡ଼ିହା ମା, ଏଞ୍ଜାରି ମା ତଲେ ତୁୟିତେରିମା; ସାମା ବାରେ ମା ଗଡ଼ିଟି ଲକୁ ଆଏ, ଇଦି ଏନିକି ତଞ୍ଜାଆନେ, ଇଦାଆଁତାକି ଏଞ୍ଜାରି ହତାହାତେରି ।

୨୦ ସାମା ମାତ୍ର ଏ ସୁଦୁ ଗାଗାଣା ତାଣାଟି ବର ବେଗାଆହାମାନାକି ମାତ୍ର ବାରେତେରି ବୁଦି ବେଗାଆହାମାଞ୍ଜେରି ।

୨୧ ମାତ୍ର ସାତାତି ପୁଞ୍ଜାହିଲାଆକି ନାନୁ ମିଞ୍ଜେ ରାଡ଼ିମାଞ୍ଜାଇଁ ଏଦି ଆଏ, ସାମା ମାତ୍ର ସାତାତି ପୁଞ୍ଜାମାନାକି ଅତ୍ତେ ସାତାତି ଏତେଲାଞ୍ଜା ମିତି ହଏ ଇଞ୍ଜୁ ମାତ୍ର ପୁଞ୍ଜାମାନାକି ନାନୁ ମିଞ୍ଜେ ରାଡ଼ିମାଞ୍ଜାଇଁ ।

୨୨ ଜୀଝୁଇଁ କ୍ରାସୁ ଆଏ ଇଞ୍ଜୁ ଆମାଆସି ଞ୍ଜେହନେସି, ଏଞ୍ଜାଣି ତାଣାଟିଏ ମିତି ଞ୍ଜେହନାସି ଆମାଆସି ? ଅତ୍ତେ ଆମାଆସି ଆବା ଅତ୍ତେ ମୀରଏଣାଇଁ ଇ ରିଆରାଇଁ ଜିକେଏ ଅପଅସି ଏଞ୍ଜାସିଏ ନାଡ଼ିକିନି କ୍ରାସୁ ।

୨୩ ଆମାଆସି ମୀରଏଣାଇଁ ଅପଅସି ଏଞ୍ଜାସି ଆବାଇଁ ବେଗାଆହାହିଲଅସି, ଆମାଆସି ମୀରଏଣାଇଁ ଆବିନେସି, ଏଞ୍ଜାସି ଆବାଇଁ ଜିକେଏ ବେଗାଆହାମାନେସି ।

୨୪ ମାତ୍ର ତଲିଟିଏ ଏନାଆଁ ଞ୍ଜେଞ୍ଜାମାଞ୍ଜେରି, ଏଦି ମୀ ତାଣା ତୁୟାପେ, ମାତ୍ର ତଲିଟିଏ ଏନାଆଁ ଞ୍ଜେଞ୍ଜାମାଞ୍ଜେରି, ଏଦି ମୀ ତାଣା ତୁୟିତିହା, ଆତିହା ମାତ୍ର ଜିକେଏ କାଲେଏ ଆବା ଅତ୍ତେ ମୀରଏଣା ଜୀଝୁ ତାଣା ତୁୟିଦେରି ।

୨୫ ଅତ୍ତେ କ୍ରାସୁ ମାଞ୍ଜେ ଏନାଆଁ ଆଞ୍ଜାମାଞ୍ଜାନେସି ଏଦି କାଲାକାଲାତି ଜୀଝୁ ।

୨୬ ଆମାଆସି ମିଞ୍ଜେ ନାଡ଼ି କିୟାଲି ଅଣ୍ଡାପନେରି, ଏଞ୍ଜାରି ତାଣାଟି ଜାଗ୍ରାତା ଆହାଲି ନାନୁ ମୀ ତାଣା ଇ ବାରେ ରାଡ଼ିମାଞ୍ଜାଇଁ ।

୨୭ ସାମା ମାତ୍ର ଏଞ୍ଜାଣି ତାଣାଟି ଆମିନି ସୁଦୁଜୀଝୁତି ବର ବେଗାଆହାମାଞ୍ଜେରି, ଏଦି ମୀ ତାଣା ତୁୟାମାନେ, ଇଞ୍ଜୁ ଆମାଆସି ମିଞ୍ଜେ ଜାପୁହାନେସି, ଏଦି ମିଞ୍ଜେତାକି ଲଡ଼ା ହିଲେଏ, ସାମା ଏଞ୍ଜାଣି ତାଣାଟି ଆମିନି ବର ବେଗାଆହାମାଞ୍ଜେରି ଏଦି ମିଞ୍ଜେ ଆମିନି କାତା ଜାପୁହାନେ, ଏଦି ସାତା, ମିତି ଆଏ; ଇଦାଆଁତାକି ଏ ଜାପୁନାଣି ତଲେ ଏଞ୍ଜାଣି ତାଣା ତୁୟାଦୁ ।

୨୮ ନା ଜୀଝୁତି ମୀରକା ମାସକାତେରି, କ୍ରାସୁ ତଲେ ଆଣ୍ଡାନା ତୁୟାଦୁ, ଏନିକି ଏଞ୍ଜାସି ଏତିବେଲା ତଞ୍ଜାଆନେସି, ଏତିବେଲା ତାନୁ ଞ୍ଜାନାଟି ତାନି ନକିତା ମାତ୍ର ଲାଜା ଆଆନା ସାମା ମେଡ଼ାଆନାୟି ।

୨୯ କ୍ରାସୁ ଦାମୁଗାଗାସି, ଇଦାଆଁ ପୁନାୟିମାନେ, ଆତିହା ମାତ୍ର ଆମାଆସି ଦାମୁକାମା କିନେସି, ଏଞ୍ଜାସି ଏଞ୍ଜାଣି ତାଣାଟି ଜାନା ଆହାମାନେସି, ଇଦାଆଁ ଜିକେଏ ପୁଞ୍ଜୁ ।



୧୧ *ମେହକୁ ଆବା ମାଙ୍ଗେ ଏନିକ୍ ଜୀଝୁ ନନାଣି ହାହାମାଞ୍ଜାନେସି, ମାର ମାହାପୁରୁତି ମୀରକା ମାସ୍କା ଇଞ୍ଜୁ ଖେଜିନାୟି, ଅଡ଼େ ମାର ଏଲେକିହ୍ ଏ ଆହାମାନାୟି । ଇଦାଆଁତାକି ଦାରୁତି ମାଙ୍ଗେ ପୁଞ୍ଜାମାଞ୍ଜେଏ, ଇଚିହ୍ ଏଦି ଏଞ୍ଜାଣାଇଁ ଜିକେଏ ପୁଞ୍ଜା ହିଲାଆତେ ।

୧୨ ଏ ନା ଜୀଝୁତି ତଢେସିକା, ନୀର୍ଏ ମାର ମାହାପୁରୁତି ମୀରକା ମାସ୍କାତାୟି, ଅଡ଼େ ତାୟୁ ଏନି ଆନାୟି, ଏଦି ନୀର୍ଏ ପାତେକା ତଞ୍ଜା ଆହା ହିଲେଏ, ମାର ପୁଞ୍ଜାମାନାୟି, କ୍ରୀସ୍ତ ଏଚିବେଲା ତଞ୍ଜାଆନେସି, ଏଚିବେଲା ମାର ଜିକେଏ ଏଲେକିହ୍ ଏ ଆନାୟି, ଇଚିହ୍ ଏଞ୍ଜାସି ଏନିଲେହେକି ମାର ଏଲେକିହ୍ ଏ ଏଞ୍ଜାଣାଇଁ ମେହନାୟି ।

୧୩ ଅଡ଼େ ଆମ୍ବାଆସି ଜିକେଏ କ୍ରୀସ୍ତ ଜୀସ୍ତ ତାଣା ଇ ବାର୍ସୁ ଇଟାମାନାସି, ଏଞ୍ଜାସି ଏନିକ୍ ସୁଦୁଗାଟାସି, ଏଞ୍ଜାସି ଏଲେକିହ୍ ଏ ତାଙ୍ଗେ ଅଟହା କଡିନେସି ।

୧୪ ଆମ୍ବାଆସି ପାପୁ କିନେସି, ଏଞ୍ଜାସି ମାହାପୁରୁତି ହୁକୁମି ଉରିନାସି, ଏନିଇଚିହ୍ ହୁକୁମି ଉରିନାୟିଏ ପାପୁ ।

*ମାର ପୁଞ୍ଜାମାନାୟି, କ୍ରୀସ୍ତ ପାପୁ ତେକା ଅହାଲି ଖାଡ଼େସି, ଇଞ୍ଜା ଏଞ୍ଜାଣି ତାଣା ପାପୁ ହିଲେଏ ।

୧୬ ଆମ୍ବାଆସି କ୍ରୀସ୍ତ ତାଣା ତୟିନେସି, ଏଞ୍ଜାସି ପାପୁ କିଅସି; ସାମା ଆମ୍ବାଆସି ପାପୁ କିନେସି, ଏଞ୍ଜାସି କ୍ରୀସ୍ତଇଁ ମେସାହିଲଅସି କି ଏଞ୍ଜାଣାଇଁ ପୁଞ୍ଜାହିଲଅସି ।

୧୭ ନା ଜୀଝୁତି କକାରି ପଦାଁତେରି ଆମ୍ବାଆରି ମିଙ୍ଗେ ନାଡ଼ି କିୟାଆପେରି; ଆମ୍ବାଆସି ଦାର୍ମକାମା କିନେସି, କ୍ରୀସ୍ତ ଏନିକ୍ ଦାର୍ମଗାଟାସି, ଏଞ୍ଜାସି ଜିକେଏ ଏଲେକ୍ ଦାର୍ମଗାଟାସି ଆନେସି;

୧୮ ଆମ୍ବାଆସି ପାପୁ କିନେସି, ଏଞ୍ଜାସି ସୟତାନତି ଜାର୍ନା ଆଡାସି, ଇଚିହ୍ ସୟତାନ ତଲିଟିଏ ପାପୁ କିହ୍ ଖାହିମାନେ, ସୟତାନତି କାମା ନାସା କିୟାଲି ମାହାପୁରୁ ମୀରଏସି ଖାଡ଼େସି ।

୧୯ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଞ୍ଜାସି ପାପୁ ଅଡ଼େ ଖେଣ୍ଡେ କିଅସି, ଇଚିହ୍ ମାହାପୁରୁତି ଗୁଣ୍ଡୁ ଏଞ୍ଜାଣି ତାଣା ମାନେ, ଅଡ଼େ ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନାକି ପାପୁ କିହାଲି ଆଡ଼ଅସି ।

୨୦ ଆମ୍ବାଆରି ମାହାପୁରୁତି ମୀରକା ମାସ୍କା ଅଡ଼େ ଆମ୍ବାଆରି ସୟତାନତି ମୀରକା ମାସ୍କା, ଏଦି ତଞ୍ଜାଆନେ; ଆମ୍ବାଆସି ଦାର୍ମକାମା କିଅସି, ଇଞ୍ଜା ତାୟି ତାଜିଇଁ ଜୀଝୁ ନଅସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାହିଲଅସି ।

ରଅସି ରଅଣାଇଁ ଜୀଝୁନନାୟି

୧୧ *ଇଚିହ୍ ରଅସି ରଅଣାଇଁ ଜୀଝୁନନାୟି ମାନେ ଇ ହାଡ଼ା ମୁକୁଟିଏ ଖେଞ୍ଜା ମାଞ୍ଜେରି;

୧୨ ପାପୁତି ମୀରଏସି କୟିନ, ଏଞ୍ଜାଣିଲେହେଁଆଆଦୁ, ଏଞ୍ଜାସି ତାନି ତାୟି ହେବଲଇଁ ପାୟିତେସି; କୟିନ ଏଞ୍ଜାଣାଇଁ ଏନାଆଁତାକି ପାୟିତେସି ? ଇଚିହ୍ ତାନି କାମା ପାପୁ ଗାଟାୟି, ଅଡ଼େ ହେବଲତି କାମା ଦାର୍ମଗାଟାୟି ମାତେ ।

୧୩ ନା ତାୟି ତାଜିସ୍ତାତେରି ଦାରୁତି ଲକୁ ମିଙ୍ଗେ ଅପାଆତ୍ ଜିକେଏ ମୀରୁ କାବା ଆଆଦୁ ।

୧୪ *ମାର ପୁଞ୍ଜାମାନାୟି, ମାର ହାକିତି ଜୀଣାଆହାନା ଜୀଝୁ ବେଟାଆହାମାନାୟି, ଇଚିହ୍ ମାର ତାୟି ତାଜିସ୍ତାଣି ଜୀଝୁନହ୍ ମାନାୟି, ଆମ୍ବାଆସି ଜୀଝୁ ନଅସି, ଏଞ୍ଜାସି ହାହାଲି ମାନେସି ।

୧୫ ଆମ୍ବାଆସି ଜାହାରା କ୍ରୀସ୍ତାନା ତାୟି ତାଜିଇଁ ଅପଅସି, ଏଞ୍ଜାସି ଲକୁଣି ପାୟିନାସି; ଅଡ଼େ ଲକୁଣି ପାୟିନାରି ତାଣା କାଲାକାଲାତି ଜୀଝୁ ତୟେଏ, ଇଦାଆଁ ମୀରୁ ପୁଞ୍ଜାମାଞ୍ଜେରି ।

୧୬ ଜୀସ୍ତ କ୍ରୀସ୍ତ ମା ତାକି ଜୀଝୁ ହାତାକି ମାର ଜୀଝୁନନାୟି ଏନାୟି ଇଞ୍ଜୁ ପୁଞ୍ଜାମାନାୟି; ଅଡ଼େ ତାୟି ତାଜି ତାକି ମା ଜୀଝୁ ଜିକେଏ ହୀନାୟି ମାନେ ।

୧୭ ସାମା ଆମ୍ବାଆସି ଦାରୁତିତା ଦନ ଗାଟାସି ଆହାନା ତାନି ତାୟିତି ଲଡ଼ାମାନାଣି ମେସାନା ଜିକେଏ ଏଞ୍ଜାଣାଇଁ କାର୍ନା ମେହଅସି ଇଚିସାରେ, ତାନି ହିୟାତା ମାହାପୁରୁତି ଜୀଝୁନନାୟି ମାନେ ଇଞ୍ଜୁ ଏନିକ୍ ଏଲେଇନାୟି ?

୧୮ ନା ମୀରକା ମାସ୍କା ଖାଦୁ, ମାର ଜଲା ଜକଡ଼ି ତଲେ ଜୀଝୁ ନଆନା କାମା ଅଡ଼େ ସାତା ତଲେ ଜୀଝୁ ନନାଣି ତହ୍ନାୟି ମାନେ ।

୧୯ ଏଲେ କିତିସାରେ ମାର ସାତାତି ମୀରୁକା ମାସୁକାତାୟି ଇଦାଆଁ ପୁଞ୍ଜାମାନାୟି, ଅଡ଼େ ଏନ୍ଦି କାତା ମା ହିୟାଁ ମାଜେ ଦହ କିୟାନେ, ଏ କାତାତା ଏଞ୍ଜାଣି ନକିତା ମା ହିୟାଁ ସୁସ୍ତି କିୟାଲି ଆଡ଼ିନାୟି;

୨୦ ଏମିନି କାମାତା ମା ହିୟାଁ ମାଜେ ଦହ ଦସ୍ତାନେ, ଏମ୍ବାଟି ଏଞ୍ଜାଣି ନକିତା ଏ କାତାତାକି ମା ହିୟାଁତି ସୁସ୍ତି କିହାଲି ଆଡ଼ିନାୟି; ଇଚିହଁ ମାହାପୁରୁ ମା ହିୟାଁତିଏ କାଜାସି, ଏଞ୍ଜାସି ବାରେ ପୁନେସି ।

୨୧ ନା ଜୀଝୁତି ଚଢ଼େସିଙ୍ଗା ମା ହିୟାଁ ମାଜେ ଦହ ଦସ୍ତାଆତିହଁ, ଆତିହଁ ମାରୁ ମାହାପୁରୁ ନକିତା ସାସାତଲେ ନିତାଲି ଆଡ଼ିନାୟି ।

୨୨ ଅଡ଼େ ମାରୁ ଏନାଆଁ ରୀହୁନାୟି, ଏ ବାରେ ଏଞ୍ଜାଣି ତାଣାଟି ବେଟାଆହି ମାନାୟି, ଇଚିହଁ ମାରୁ ତାନି ହୁକୁମି ମାନୁଞ୍ଜି ଆହିମାନାୟି, ଅଡ଼େ ତାନି ନକିତା ଏନାୟି ନେହାୟି ଏଦାଆଁ କିହିମାନାୟି ।

୨୩ *ତାନି ହୁକୁମି ହୀହାମାନିଲେହେଁ, ମାରୁ ତାନି ମୀରୁଏସି ଜୀସୁ କ୍ରୀସୁ ଦରୁତଲେ ନାମିନାୟି ଅଡ଼େ ତାନି ହୀତି ହୁକୁମି ତଲେ ରଅତାୟି ରଅଣାଲ୍ ଜୀଝୁନନାୟି ।

୨୪ ଆମ୍ବାଆସି ମାହାପୁରୁତି ହୁକୁମି ମାନୁଞ୍ଜି ଆନେସି, ଏଞ୍ଜାସି ମାହାପୁରୁ ତଲେ ଡ଼ୟିନେସି, ଅଡ଼େ ମାହାପୁରୁ ଏଞ୍ଜାଣି ତାଣା ଡ଼ୟିନେସି; ଇଞ୍ଜା ମାହାପୁରୁ ମା ତାଣା ଡ଼ୟିନେସି, ଇଦାଆଁ ମାରୁ ତାନି ହୀହାମାଞ୍ଜାନି ଜୀଝୁତଲେ ପୁଞ୍ଜାମାନାୟି ।

୪

ସାତା ମାହାପୁରୁତି ଜୀଝୁ ଅଡ଼େ ମିତି ଜୀଝୁ

୧ ନା ଜୀଝୁତି ତାୟି ତାଜିସ୍ତା, ବାରେ ଜୀଝୁୟାଲ୍ ନାମାଆଦୁ, ସାମା ଏଞ୍ଜାରି ବେଟାଆହାମାନି ଜୀଝୁୟାଁ ମାହାପୁରୁ ତାଣାଟି ଖାହାମାନୁ କି ଆଏ ଇଦାଆଁ ନେହଁ କଁ ତାୟିପାରି କିଦୁ, ଏନାଆଁତାକି ଇଚିହଁ ଦାରୁତିତା ହାରେକା ମିତି ମାହାପୁରୁ ବଲୁ ଖେହନାରି ହଟାମାନେରି ।

୨ ଇଲେ କିତିହଁ ମୀରୁ ମାହାପୁରୁତି ଜୀଝୁତି ପୁଞ୍ଜାଲି ଆଡ଼ିଦେରି, କ୍ରୀସୁ ଜୀସୁ ମାଣସି ଆଜ୍ଞା ଖାଣା ତଲେ ଖାହାମାନେସି, ଇଦାଆଁ ଆମିନି ଜୀଝୁ ଜଲିନେ, ଏଦି ମାହାପୁରୁ ତାଣାଟି ଖାହାମାନେ ।

୩ ଅଡ଼େ ଆମିନି ଜୀଝୁ ଜୀସୁଲ୍ ନାନୁ ପୁଞ୍ଜାହିଲଅଁ ଇଞ୍ଜଁ ଜଲିନେ, ଏଦି ମାହାପୁରୁ ତାଣାଟି ଖାହାହିଲେଏ; ସାମା ଏଦି ନାଡ଼ିକିନି କ୍ରୀସୁତି ଜୀଝୁ, ଆମିନି ଜୀଝୁତି ଖାନି କାତା ମୀରୁ ଖେଞ୍ଜାମାଞ୍ଜେରି, ଇଞ୍ଜା ଏଦି ନାଏଁ ଜିକେଏ ଦାରୁତିତା ଖାଡ଼େୟିଏ ।

୪ ଜୀଝୁତି କକାରି ପଦାଁତେରି, ମୀରୁ ମାହାପୁରୁ ତାଣାଟି ଜାର୍ନା ଆଡ଼ାତେରି, ଅଡ଼େ ମୀରୁ ନାଡ଼ିକିନି ବଲୁ ଖେହନାରାଲ୍ ଜୀଣା ଆହାମାଞ୍ଜେରି, ଇଚିହଁ ମୀ ତାଣା ଆମ୍ବାଆସି ମାନେସି, ଏଞ୍ଜାସି, ଦାରୁତିତା ଆମ୍ବାଆସି ମାନେସି ଏଞ୍ଜାଣି କିହାଁ କାଜାସି ।

୫ ନାଡ଼ିକିନାରି ଦାରୁତିତି ଖାହାମାନେରି, ଇଦାଆଁତାକି ଏଞ୍ଜାରି ଦାରୁତିତି କାତା ଖେହନେରି, ଅଡ଼େ ଦାରୁତିତାରି ଏଞ୍ଜାରି କାତା ଖେନେରି ।

୬ ସାମା ମାରୁ ମାହାପୁରୁ ତାଣାଟି ଜାର୍ନା ଆହାମାନାୟି; ଆମ୍ବାଆସି ମାହାପୁରୁଲ୍ ପୁନେସି, ଏଞ୍ଜାସି ମା କାତା ଖେନେସି; ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାହିଲଅସି, ଏଞ୍ଜାସି ମା କାତା ଖେନଅସି, ଏମ୍ବାଟି ସାତାତି ଜୀଝୁ ଅଡ଼େ ନାଡ଼ିକିନି ଜୀଝୁ ପୁଞ୍ଜାଲି ଆଡ଼ିନାୟି ।

ଜୀଝୁ ନଞ୍ଜିଆନାୟି

୭ ନା ଜୀଝୁତି ଚଢ଼େସିଙ୍ଗା, ରଅତେରି ରଅଣାଲ୍ ଜୀଝୁନଦୁ, ଇଚିହଁ ଜୀଝୁନନାୟି ମାହାପୁରୁ ତାଣାଟି ଖାନେ, ଆମ୍ବାଆସି ଜୀଝୁ ନନେସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି, ଇଞ୍ଜା ଏଞ୍ଜାସି ମାହାପୁରୁଲ୍ ପୁଞ୍ଜାମାନେସି ।

୮ ଆମ୍ବାଆସି ଜୀଝୁ ନଅସି, ଏଞ୍ଜାସି ମାହାପୁରୁଲ୍ ପୁନଅସି, ଏନାଆଁତାକି ଇଚିହଁ ମାହାପୁରୁ ଜୀଝୁ ନନାସି ।

୯ ଇମ୍ବାଆଁ ମାହାପୁରୁତି ଜୀଝୁନନାୟି ତଞ୍ଜା ଆହାମାନେ, ଏଞ୍ଜାସି ତାନି ରଣ୍ଡିଏ ମୀରୁଏଣାଲ୍ ଦାରୁତିତା ପାଣ୍ଡାତେସି, ଏନିକଁ ମାରୁ ଏଞ୍ଜାଣି ତାଣାଟି କାଲାକାଲାତି ଜୀଝୁ ବେଟାଆନାୟି ।

୧୦ ମାରୁ, ମାହାପୁରୁଲ୍ ଜୀଝୁ ନଡ଼ାୟି, ଏଦି ଆଏ, ସାମା ଏଞ୍ଜାସି ମାଜେ ଜୀଝୁ ନୟାତେସି, ଇଞ୍ଜା ତାନି ମୀରୁଏଣାଲ୍ ମା ପାପୁ ତାକି ପୂଜା ଆହାଲି ପାଣ୍ଡାତେସି; ଏଦି ଏମ୍ବାଟିଏ ଜୀଝୁନନାୟି ତଞ୍ଜା ଆହି ମାନେ ।

* ୩:୨୩ ୯୩:୩୪; ୧୫:୧୨,୧୭

୧୧ ନା ଜୀବୁତି ତଟେସିଙ୍ଗା, ମାହାପୁରୁ ମାଙ୍ଗେ ଏନିକିଁ ଜୀବୁ ନହୁଁ ମାଞ୍ଜାନେସି, ମାରୁ ଜିକେଏ ରଅତାୟି ରଅଣାଇଁ ଜୀବୁ ନଝୁଆନାୟି ମାନେ ।

୧୨ ଆମ୍ବାଆସି ଏବେଲାଖା ମାହାପୁରୁଇଁ ମେସାହିଲଅସି; ସାମା ମାରୁ ରଅତାୟି ରଅଣାଇଁ ଜୀବୁନଝୁଆନ, ଆତିହୁଁ ମାହାପୁରୁ ମା ତାଣା ମାନେସି, ଅଡ଼େ ତାନି ଜୀବୁନନ୍ଦାୟି ମା ତାଣା ମାନେ ।

୧୩ ମାରୁ ମାହାପୁରୁ ତାଣା ମାନାୟି ଅଡ଼େ ଏଞ୍ଜାସି ମା ତାଣା ମାନେସି, ଇଦାଆଁ ମାରୁ ପୁଞ୍ଜାମାନାୟି, ଇତିହୁଁ ଏଞ୍ଜାସି ମାଙ୍ଗେ ତାନି ଜୀବୁ ହାହାମାଞ୍ଜାନେସି ।

୧୪ ମାହାପୁରୁ ଆବା ତାନି ମାରୁଏଣାଇଁ ଦାରୁତି ଲକୁଣି ଗେଲପିନାସି ଆହାଲିତାକି ପାଣ୍ଡାତେସି, ଇଦାଆଁ ମାରୁ ମେସାମାନାୟି ଅଡ଼େ ସାକି ହାହି ମାନାୟି ।

୧୫ ଆମ୍ବାଆସି ଜୀବୁଇଁ ମାହାପୁରୁତି ମାରୁଏସି ଇଞ୍ଜୁଁ ଝେକନେସି, ମାହାପୁରୁ ଏଞ୍ଜାଣି ତାଣା ମାନେସି, ଅଡ଼େ ଏଞ୍ଜାସି ମାହାପୁରୁ ତାଣା ମାନେସି ।

୧୬ ଅଡ଼େ ମାଙ୍ଗେତାକି ମାହାପୁରୁତି ଆମିନି ଜୀବୁନନ୍ଦାୟି ମାନେ, ଏଦାଆଁ ମାରୁ ପୁଞ୍ଜାମାନାୟି ଅଡ଼େ ନାମାମାନାୟି । ମାହାପୁରୁ ଜୀବୁ ନନ୍ଦାସି; ଆମ୍ବାଆସି ଜୀବୁ ନହୁଁ ମାନେସି ଏଞ୍ଜାସି ମାହାପୁରୁ ତାଣା ମାନେସି ଅଡ଼େ ମାହାପୁରୁ ଏଞ୍ଜାଣି ତାଣା ତୁୟିନେସି ।

୧୭ ଦାମୁତି ଜୀବୁତା ନୀତାମାନାକି ମାହାପୁରୁତି ଜୀବୁନନ୍ଦାୟି ମା ତାଣା ତାରି ଆହାମାନେ, ମାରୁ ନାହାୟି ଦିନାତା ସାସା ବେଟାଆନାୟି, ଇତିହୁଁ କ୍ରୀସୁ ଏନିକିଁ ମାନେସି, ମାରୁ ଜିକେଏ ଇ ଦାରୁତିତା ଏଲେକିହୁଁ ଏ ମାନାୟି ।

୧୮ ଜୀବୁ ନନି ତାଣା ଆଜି ତୁୟେଏ, ସାମା ସାତା ଜୀବୁନନ୍ଦାୟି ଆଜିତି ହେକ କିନେ, ଇତିହୁଁ ଆଜି ତଣ୍ଡ ବେଟାଆନାଣି ତଲେ ଆଣ୍ଡାମାନେ, ଇଞ୍ଜା ଆମ୍ବାଆସି ଆଜିନେସି ଏଞ୍ଜାସି ଜୀବୁ ନନି ତାଣା ତାରିତାସି ଆଏ ।

୧୯ ମାହାପୁରୁ ତଲିଏ ମାଙ୍ଗେ ଜୀବୁ ନନ୍ଦାତାକି ମାରୁ ଜୀବୁ ନହୁଁମାନାୟି ।

୨୦ ଆମ୍ବାଆସି ନାନୁ ମାହାପୁରୁଇଁ ଜୀବୁ ନହୁଁ ମାଇଁ ଇଞ୍ଜାନା, ଏଞ୍ଜାସି ତାନି ନାମିତି ତାୟି ତାଙ୍ଗିଇଁ ଅପଅସି, ଆତିହୁଁ ଏଞ୍ଜାସି ମିତି ଝେହୁନାସି, ଇତିହୁଁ ଆମିନି ତାୟିଇଁ ମେସାମାନେସି, ଏଞ୍ଜାଣାଇଁ ଜୀବୁ ନଅସି, ଇତିହୁଁ ଆମିନି ମାହାପୁରୁଇଁ ମେସାହିଲଅସି, ଏଞ୍ଜାଣାଇଁ ଜୀବୁ ନହାଲି ଆଡ଼ଅସି ।

୨୧ ଆମ୍ବାଆସି ମାହାପୁରୁଇଁ ଜୀବୁ ନନେସି, ଏଞ୍ଜାସି ତାନି ତାୟିଇଁ ଜିକେଏ ଜୀବୁ ନପେସି, ଇ ହୁକୁମି ମାମ୍ବୁ କ୍ରୀସୁ ତାଣାଟି ବେଟା ଆହାମାନମି ।

୫

ଦାରୁତିତା ଜୀଣା ଆନାୟି

୧ ଆମ୍ବାଆସି ଜୀବୁଇଁ କ୍ରୀସୁ ଇଞ୍ଜୁଁ ନାମିନେସି, ଏଞ୍ଜାସି ମାହାପୁରୁ ତାଣାଟି ଜାନ୍ନା ଆହାମାନେସି; ଆମ୍ବାଆସି ଜାନ୍ନାକିତି ଆବାଇଁ ଜୀବୁ ନନେସି, ଏଞ୍ଜାସି ତାନିତାଣାଟି ଜାନ୍ନା ଆହାମାନି ଲକୁଣି ଜିକେଏ ଜୀବୁ ନନେସି ।

୨ ମାରୁ ଏତିବେଲା ମାହାପୁରୁଇଁ ଜୀବୁନନ୍ଦାୟି ଅଡ଼େ ତାନି ହୁକୁମି ମାନଝି ଆନାୟି, ଏତିବେଲା ଏଦାଆଁ ତଲେ ମାରୁ ମାହାପୁରୁତି ମାରୁକା ମାୟୁକାଇଁ ଜୀବୁ ନହୁଁମାନାୟି ଇଞ୍ଜୁଁ ପୁଞ୍ଜାଲି ଆଡ଼ିନାୟି ।

୩ ମାହାପୁରୁଇଁ ଜୀବୁନନ୍ଦାୟି ମା ତାଣା ମାନେ, ଇତିହୁଁ ମାରୁ ଏଞ୍ଜାଣି ହୁକୁମି ମାନଝି ଆନ, ଏଞ୍ଜାଣି ହୁକୁମି ମାନଝି ଆନାୟି ହାରେକା କସୁ ଆଏ

୪ ଆମ୍ବାଆସି ମାହାପୁରୁ ତାଣାଟି ଜାନ୍ନା ଆହାମାନେସି, ଏଞ୍ଜାସି ଦାରୁତିତା ଜୀଣାଆନେସି, ଅଡ଼େ ଏନାଆଁ ଦାରୁତିତା ଜୀଣା ଆହାମାନେସି, ଏଦି ମା ନାମୁ ।

୫ ଜୀବୁ ମାହାପୁରୁ ମାରୁଏସି, ଇଦାଆଁ ଆମ୍ବାଆସି ନାମିନେସି, ଏଞ୍ଜାଣି ପିସ୍‌ପେ ଆମ୍ବାଆସି ଦାରୁତିତା ଜୀଣା ଆନେସି ?

ଜୀବୁ କ୍ରୀସୁ ତାକି ସାକି

୬ ଜୀବୁ କ୍ରୀସୁ ଏୟୁ ଅଡ଼େ ନେତେରିଟି ଖାହାମାତେସି, ଖାରୁଇ ଏୟୁତଲେ ଆଏ, ସାମା ଏୟୁ ଅଡ଼େ ନେତେରି ଇ ରା କୁଡ଼ା ତଲେ ଖାହାମାତେସି; ଅଡ଼େ ସୁଦୁଜୀବୁ ଜିକେଏ ଏମ୍ବାତି ସାକି ହାହିମାନେ, ଇତିହୁଁ ଜୀବୁଏ ସାତା ।

୭ ଇ ତାନି ଜାଣା ସାକି ମାନୁ ।

୫:୩ ଲହ ୧୪:୧୫

୮ ସୁଦୃଢ଼ାଞ୍ଜୁ, ଏଠୁ ଅଡ଼େ ନେତେରି ଏଢ଼ି ରଣ୍ଡିଏ ସାକି ହାହିମାନୁ ।

୯ ମାରୁ ଲକ୍ଷ୍ମ ହାତି ସାକି ନାନିନାୟି, ଆତିହୁଁ ମାହାପୁରୁ ହାତି ସାକି ଏଦାଣିକିହାଁ ହାରେକା କାଜାୟି, ଅଡ଼େ ମାହାପୁରୁତି ସାକି ଇଦି, ଏଞ୍ଜାସି ତାନି ମୀରୁଏଣା ଖାକିଟି ସାକି ହାହାମାନେସି ।

୧୦ ଆମ୍ବାଆସି ମାହାପୁରୁ ମୀରୁଏଣା ତାଣା ନାନିନେସି, ଏଞ୍ଜାସି ତାନି ହିୟାଁତା ଇ ସାକି ବେଗାଆହାମାନେସି; ଅଡ଼େ ଆମ୍ବାଆସି ମାହାପୁରୁତି ସାକି ନାନାସି, ଏଞ୍ଜାସି ମାହାପୁରୁଇଁ ମିତି ଗାଟାସି କିହାମାନେସି, ଇତିହୁଁ ମାହାପୁରୁ ତାନି ମୀରୁଏଣା ଖାକିଟି ଆମିନି ସାକି ହାହାମାନେସି, ଏମ୍ବାଆଁ ଏଞ୍ଜାସି ନାମାହିଲଅସି ।

୧୧ ଏ ସାକି ଇଦି, ମାହାପୁରୁ ମାଜେ ରାଆଗାଟି ଜୀଞ୍ଜୁ ହାହାମାଞ୍ଜାନେସି, ଅଡ଼େ, ଏ ଜୀଞ୍ଜୁ ତାନି ମୀରୁଏଣା ତାଣା ମାନେ ।

୧୨ ଆମ୍ବାଆସି ମାହାପୁରୁ ମୀରୁଏଣାଇଁ ବେଗାଆହାମାନେସି, ଏଞ୍ଜାସି ଜୀଞ୍ଜୁ ବେଗାଆହାମାନେସି; ଆମ୍ବାଆସି ମାହାପୁରୁ ମୀରୁଏଣାଇଁ ବେଗାଆହାହିଲଅସି, ଏଞ୍ଜାସି ଜୀଞ୍ଜୁ ଜିକେଏ ବେଗାଆହାହିଲଅସି ।

ରାଆଗାଟି ଜୀଞ୍ଜୁ

୧୩ ମୀରୁ ମାହାପୁରୁ ମୀରୁଏଣା ଦରୁ ନାମାମାଞ୍ଜେରି, ମୀରୁ ଏନିକିଁ ପୁଞ୍ଜାମାଞ୍ଜେରି, ରାଆଗାଟି ଜୀଞ୍ଜୁ ବେଗା ଆହାମାଞ୍ଜେରି, ଇଦାଆଁତାକି ନାନୁ ମିଜେ ଇ ବାରେ ରାତାମାଞ୍ଜାଇଁ ।

୧୪ ଇଞ୍ଜାଁ ମାରୁ ମାହାପୁରୁ ଅଣପୁତି ଲେହେଁ ପ୍ରାତାନା କିନାୟି, ଆତିହୁଁ ଏଞ୍ଜାସି ମା ପ୍ରାତାନା ଖେଞ୍ଜାନେସି, ଇଞ୍ଜୁଁ ମାହାପୁରୁ ତାଣା ମା ବାର୍ଣ୍ଣୁ ମାନେ ।

୧୫ ଅଡ଼େ ମାରୁ ଏଞ୍ଜାଣି ତାଣା ଏନାଆଁ ପ୍ରାତାନା କିନାୟି, ଏଦାଆଁ ଏଞ୍ଜାସି ଖେଞ୍ଜାନେସି ଇଞ୍ଜୁଁ ମାରୁ ପୁଞ୍ଜାମାନାୟି, ଆତିହୁଁ ଏଞ୍ଜାଣି ତାଣା ମାରୁ ଏନାଆଁ ପ୍ରାତାନା କିହିମାନାୟି, ଏ ବାରେ ବେଗାଆହାମାନାୟି, ଇଦାଆଁ ଜିକେଏ ପୁଞ୍ଜାମାନାୟି ।

୧୬ ମୀ ନାମିତି ତାୟି କି ତାଜିଇଁ ପାପୁ କିହିମାନାଣି ମେହୁଦେରି ଇତିସାରେ, ଅଡ଼େ ଏ ପାପୁ ହାଢ଼ି କିନାୟି ଆଏ, ଏ ତାୟି ତାଜି ତାକି ମାହାପୁରୁ ତାଣା ପ୍ରାତାନା କିଦୁ, ଅଡ଼େ ମାହାପୁରୁ ଏନିକିଁ ହାନିହୁଗେତି ପାପୁ କିହାହିଲାଆ ଲକ୍ଷ୍ମଣି ଜୀଞ୍ଜୁ ହାନେସି, ଏଲେକିହୁଁ ଏ ଏଞ୍ଜାରାକି ଜିକେଏ ଜୀଞ୍ଜୁ ହାନେସି, ହାନିହୁଗେତି ପାପୁ ମାନେ ଇଞ୍ଜୁଁ ଏଞ୍ଜାରି ତାକି ପ୍ରାତାନା କିହାଲି ଖେସିହିଲଅଁ ।

୧୭ ବାରେ ଲାଗେଏତି କାମା ପାପୁ, ସାମା ବାରେ ପାପୁ ହାଢ଼ି କିଏ ।

୧୮ ଆମ୍ବାଆସି ମାହାପୁରୁ ତାଣାଟି ଜାନାଁ ଆହାମାନାସି, ଏଞ୍ଜାସି ପାପୁ କିଅସି, ଏନାଆଁତାକି ଇତିହୁଁ ଏଞ୍ଜାସି ମାହାପୁରୁ ତାଣାଟି ଜାନାଁ ଆହାଁ ଜାହାରାଇଁ ଗେଲୁପା କଡ଼ିନେସି, ଅଡ଼େ ପାପୁତି ଜୀଞ୍ଜୁ ଏଞ୍ଜାଣାଇଁ ତୀଗେଏ, ଇଦାଆଁ ମାରୁ ପୁଞ୍ଜାମାନାୟି ।

୧୯ ମାରୁ ମାହାପୁରୁ ତାଣାଟି ଜାନାଁ ଆହାମାନାତାୟି ଇଞ୍ଜାଁ ବାରେ ଦାରୁତିଇଁ ସୟତାନ ଲକ୍ଷ୍ମଣାମାନେ, ଇଦାଆଁ ମାରୁ ପୁଞ୍ଜାମାନାୟି ।

୨୦ ମାରୁ ପୁଞ୍ଜାମାନାୟି, ମାହାପୁରୁ ମୀରୁଏସି ଖାହାମାନେସି, ଇଞ୍ଜାଁ ଏଞ୍ଜାସି ମାଜେ ସାତାତାଣାଇଁ ପୁଞ୍ଜାଲି ବୁଦି ହାହାମାଞ୍ଜାନେସି; ଅଡ଼େ ମାରୁ ଏ ସାତାଗାଟାଣି ତାଣା, ଇତିହୁଁ ତାନି ମୀରୁଏସି ଜୀସୁ କ୍ରୀସୁ ତାଣା ନୀତାମାନାୟି, ଏଞ୍ଜାସି ସାତା ମାହାପୁରୁ ଅଡ଼େ ରାଆଗାଟି ଜୀଞ୍ଜୁ ଗାଟାସି ।

୨୧ ନା ଜୀଞ୍ଜୁତି ମୀରୁକା ମାସକାତେରି ପେଣକା ବମାୟାଁ ତାଣାଟି ମୀରୁ ହେକ ଆହାମା ମାଞ୍ଜୁ ।

ଯୋହନଙ୍କ ଦ୍ଵାରିତ୍ଵ ପତ୍ର ଜହନ ରାଜାମାନି ରୀ ଲମ୍ବର ଆକୁ ମୁକୁ ହାଡ଼ା

ରୀ ଲମ୍ବର ଜହନ ଆକୁତି ଜୀସୁ କ୍ରୀସ୍ତ ଜାନୀଆଡ଼ି ୫୦ ଟିଏ ୧୦୦ ବାର୍ଷୀ ତ୍ରାୟ ପାଣ୍ଡୁଆହାମାନି ଜହନ ତାଣ୍ଡାଟି ରାସୁକି ଆହାମାନେ । ଜହନ ଜାହାରାଇଁ ଆକୁ ରାଜିତାସି ଇଞ୍ଜିଁ ଝେହ୍‌ଆନା କୁଲମିତି ପ୍ରାଚିନାତେର୍ଷି ଇଞ୍ଜିଁ ଝେସିମାନେସି । ଜହନ ରୀ ଲମ୍ବର ଆକୁତି ଜହନ ରାଜିତି ନେହଁ କାବୁତଲେ ସମାନା ମାନେ । ଇ ପତିତା ଜୀସୁ ଏନିକଁ ରଅସି ରଥଣାଇଁ ଜୀସୁ ନନି କାତା ଝେସାମାତେସି, ଜୀସୁତି ହୁକୁମିତି ହାରେକା ମାନି କିହିମାନେସି । ଏଲେକିହଁଏ ଜୀସୁତି ହୁକୁମି ମାନଞ୍ଜି ଆନାସି ଆହିମାନେ ଏଞ୍ଜାଣାଇଁ ଜୀସୁନନାସି ଜହ ୧:୫-୬; ଜହ ୧୫:୯-୧୦ ।

ଏଚିବେଲତା ଏଞ୍ଜାସି ଏପିସିୟ ଗାଡ଼ାତା ମାତେସି ଏମ୍ବାଆଁ ଏଞ୍ଜାସି ଜହନ ରାଜିତି ନେହଁ କାକୁ ଅଡେ ଜହନ ମୁକୁ ଆକୁ, ଜହନତି ରୀ ଲମ୍ବର, ଅଡେ ଜହନ ତାନି ଲମ୍ବର ଆକୁ ରାଜାମାତେସି ଇଞ୍ଜିଁ ଲକୁ ନାମିମାନେରି । ଜହନ ଇ ଆକୁତା ଆଚାମାନି ଇୟା ଅଡେ ତାନି ମୀରକା ମାସ୍କା ଇଞ୍ଜିଁ କୁଲମିତି ରାଜିମାନେସି । ଜହନ ଇ ଆକୁ ରାଜିତି କାତା ଆହିମାନେ ନାମୁତା ମାନି ଲକୁଣି ସାସା ହୀନାସି ଅଡେ ମିତି କାତା ଝେହ୍‌ନାରି ତାଣ୍ଡାଟି ଜାଗ୍ରାତା କିହାଲି ରାଜାମାନେସି ।

ପତିତା ମାନାସି

- ୧. ଜହନ ଆକୁ ପଡ଼ଞ୍ଜି ଆନାରାଇଁ ଜହରା କିନାସି । ୧:୧-୩
- ୨. କୁଲମିତି ସାସା ହୀହାନା ମାହାପୁରୁତି କାଜା ହୁକୁମିତି ଅଣ୍ଡି କିନାସି । ୧:୪-୬
- ୩. ମିତି ଜାପୁନାରି ତାଣ୍ଡାଟି ଜାଗ୍ରାତା କିନାସି । ୧:୭-୧୧
- ୪. କୁଲମିତି ନାମୁଗାଟି ଲକୁଣି ଜହରା କିହାନା ଆକୁତି ରାପୁନାସି । ୧:୧୨-୧୩

୧ ନାନୁ, କୁଲମିତି ପ୍ରାଚିନାତେର୍ଷି, ମାହାପୁରୁ ଆଚାମାନି ଇୟା ଅଡେ ତାନି ମୀରକା ମାସ୍କାକି ଇ ଆକୁ ରାଜିମାଇଁ, ନାନୁ ଏଞ୍ଜାଣାଇଁ ସାତା ଜୀସୁ ନହଁ ମାଇଁ, ଅଡେ ଝାରଇ ନାନୁ ଆଏ, ସାମା ସାତାତି ପୁଞ୍ଜାମାନି ବାରେଜାଣା ଜୀସୁନହଁ ମାଞ୍ଜାନେରି ।

୨ ଆନିନି ସାତା ମା ହିୟାତା ତୟାମାନେ ଅଡେ କାଲକାଲତାକି ମା ତାଣ୍ଡା ତୟିନେ ।

୩ ଆବା ମାହାପୁରୁ ଅଡେ ତାନି ମୀରଏଣା ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହ୍‌ନାସି, ହିଡ଼ି ଜୀସୁ ହୀହାନା, ସାତା ଅଡେ ଜୀସୁ ନଞ୍ଜିଆହାନା ତୟିଦେରି ।

ସାତା ଅଡେ ଜୀସୁନନାସି

୪ ନୀ ମୀରକା ମାସ୍କା ବିତ୍ରାଟି ଏଚରଜାଣା ଆବା ତାଣ୍ଡାଟି ମାଙ୍ଗେ ହୀହାମାଞ୍ଜାନି ହୁକୁମି ଲେହେଁ ସାତାତି ତାକିନି ତାକୁ ମେସାନା ନାନୁ ହାରେକା ରାହାଁ ଆହିମାଇଁ ।

୫ ଏଏ ଜୀସୁତି ଇୟା ନାନୁ ନୀର୍ଷି ନିଙ୍ଗେ ର ପୁଃନି ହୁକୁମି ରାଜିମାଞ୍ଜାଇଁ ଏଦି ଆଏ, ସାମା ତଲିଟିଏ ବେଟାଆହାମାନି ହୁକୁମି ରାଜାନା ବାତିମାଲିମାଞ୍ଜାଇଁ, ମାର ରଅତାସି ରଥଣାଇଁ ଜୀସୁନନାସି ମାନେ ।

୬ ମାର ତାନି ହୁକୁମି ମାନଞ୍ଜି ଆହାନା ମାଞ୍ଜେ ମାନାସି, ଇଦିଏ ଜୀସୁ ନନି କାତା, ମୀରୁ ତଲିଟିଏ ଏନାଆଁ ଝେଞ୍ଜାମାଞ୍ଜେରି, ଏଲେଆହଁଏ ମାଞ୍ଜୁ, ଇଦି ଏ ହୁକୁମି ।

୭ ନାନୁ ଝେସିମାଇଁ, ଇଚିହଁ ଆନିନି ଗାଟାରି ଜୀସୁ କ୍ରୀସ୍ତ ମାଣସି ଝାଣା ତଲେ ଝାହାହିଲଅସି ଇଞ୍ଜିଁ ଇନେରି, ଇଲେତି ହାରେକା ନାଡ଼ିକନାରି ଦାର୍ତତିତା ହଡ଼ା ଝାହାମାନେରି, ଇଲେତି ଲକୁ ନାଡ଼ିକନାରି ଅଡେ ନାଡ଼ିକିନି କ୍ରୀସ୍ତ ।

୮ ସାମା ମୀ ତାକି ମାମୁ କିହାମାନି କାମାତି ପାଡେଡ଼ିସି ବାରେ ଜାକ୍‌ଆନା ଏନିକଁ ଏମ୍ବାଟି ହାରେ ପୁରେ ବର ବେଟାଆଦେରି ଏଦାଆତାକି ଜାଗ୍ରାତା ଆଦୁ ।

୯ ଆମ୍ବାଆସି କ୍ରୀସ୍ତ ଜାପୁହା ମାନାଣି କିହାଁ ଆଗାଡ଼ା ଗାଣ୍ଡନେସି, ଏଞ୍ଜାସି ମାହାପୁରୁଇଁ ବେଟାଆହାହିଲଅସି; ଆମ୍ବାଆସି କ୍ରୀସ୍ତ ଜାପୁହା ମାନାଣି ତଲେ ତୟିନେସି, ଏଞ୍ଜାସି ଆବା ଅଡେ ମୀରଏସି ଇ ରିଆରାଇଁ ଜିକେଏ ବେଟାଆହାମାନେସି ।

☆ ୧:୫ ଜହ ୧୩:୩୪; ୧୫:୧୨,୧୭

^{୧୦} ଆତ୍ମାଆସି ଇଲେକ୍ ଜାତୁନାଣି ଆସାନା ମୀ ତାଣା ଖାଅସି, ଏଝାଣାକ୍ ମୀ ଇଜ ହାଟାଆତୁ, ଇଞ୍ଜା ନେହ୍ ମାଞ୍ଜି କି ଜିକେଏ ଇନାଆତୁ;

^{୧୧} ଏନାଆତାକି ଇଚିହ୍ ଆତ୍ମାଆସି ଏଝାଣାକ୍ ନେହ୍ ମାଞ୍ଜି କି ଇନେସି, ଏଝାସି ତାନି ଲାଗେଏତି କାମାତା ଆଶ୍ୱିନାସି ଆନେସି ।

ଆକୃତି ରାଜି କାତା

^{୧୨} ନାନୁ ମିଙ୍ଗେ ହାରେକା କାତା ରାଜିନାସି ମାନେ, ସାମା ଆକୃତା ଇଞ୍ଜା ସୀରା ତଲେ ରାତାଲି ଅଣ୍ଡି ହିଲଅି; ମୀ ତାଣା ଖାହାନା ମୁମ୍ ଚୁମେସି ଆହାନା ଗୁତି ତଲେ ଜଲ୍ଲକି ଆୟାଲି ଆସା କିହିମାକ୍, ଏନିକ୍ ମୀ ରାହା ହାରେକା ଆନେ ।

^{୧୩} ମାହାପୁରୁ ଆତାମାନି ନୀ ତାଜିନି ମୀରକା ମାସ୍କା ମିଙ୍ଗେ ଜହରା କିହିମାଞ୍ଜାନେରି । ଆନେନ୍ ।

ଯୋହନଙ୍କ ତୃତୀୟ ପତ୍ର ଜହନ ରାତ୍ନାମାନି ତାନି ଲମ୍ବର ଆକୁ ମୂକୁ ହାତା

ଜହନତି ତାନି ଲମ୍ବର ଆକୁ ଜାସୁ କ୍ରୀସ୍ତ ଜାନୀଆଡ଼ି ୫୦ ଟିଏ ୧୦୦ ବାର୍ଯା ତାୟୁ ପାଣ୍ଡୁଆହାମାନି ଜହନ ତାଣାଟି ରାସୁକି ଆହାମାନେ । ଜହନ ଜାହାରାଇଁ ଆକୁ ରାଡ଼ିତାସି ଇଞ୍ଜିଁ ଝେହୁଆନା କୁଲମିତି ପ୍ରାଚିନାତେଏଁ ଇଞ୍ଜିଁ ଝେସିମାନେସି ୧:୧; ୨ଜହ ୧:୧ । ଇମ୍ବାଆଁ ପୁଞ୍ଜାଲି ଆହିମାନେ ଏଝାସି ଏପିସିୟ ଗାଡ଼ାତା ମାଟିବେଲାତା ଜହନ ରାଡ଼ିତି ନେହୁଁ କାତୁତଲେ ତାନିଗଟା ଆକୁ ଜିକେଏ ରାତ୍ନାମାନେସି ଇ ନାମ୍ନୁ, ଇଟିହୁଁ ଜହନତି ତଲିତି ଆକୁ, ରୀ ଲମ୍ବର ଜହନ, ଅଡ଼େ ତାନି ଲମ୍ବର ଜହନ । ଜହନ ଗାୟସ ଦରୁ ଇନି ର ନାମ୍ନୁଗାଟି ତାୟିକି ଇ ଆକୁ ରାତ୍ନାମାନେସି ।

ଏଝାସି ଗାୟସଇଁ ର ତଟେଏସି ଇଞ୍ଜାନା ଏ ରାଜିତା ରେଜିମାନି କ୍ରୀସ୍ତାନା ତାୟିୟାଁଇଁ ଜାସୁ ନହାଲି ହୁକୁମି ହାହିମାନେସି ।

ପତିତା ମାନାୟି

- ୧. ଜହନ ଜାହାରାଇଁ ଝେସାକତିନାୟି । ୧:୧
- ୨. ଗାୟସଇଁ ସାସା ହାହାନା ରେଜିମାନି କ୍ରୀସ୍ତାନା ତାୟିୟାଁଇଁ ଆବାନା ଜାସୁ ନହାଲି ଝେହୁନାୟି । ୧:୨-
- ୩. ତାୟତ୍ରେପିସ୍ ଅଡ଼େ ତିମିଟ୍ରିଅସ୍ କାତା ଝେହୁନାୟି । ୧:୯-୧୨
- ୪. ଆକୁତି ରାପ୍ନାୟି । ୧:୧୩-୧୪

୧ *ନାନୁ, କୁଲମିତି ପ୍ରାଚିନା ଜହନତେଏଁ, ନାନୁ ସାତା ତଲେ ଜାସୁ ନହୁଁମାନି ନା ଜାସୁତି ଗାୟସଇଁ ଜହରା ପାଣ୍ଡାନା ଇ ଆକୁ ରାଡ଼ିମାଇଁ ।

୨ ଏ ନା ଜାସୁତି ତଟେ ନାନୁ ଜାସୁତା ଏନିକିଁ ନେହୁଁ ଆହୁଁମାଞ୍ଜି ଏଲେକିହୁଁ ନାନୁ ବାରେ ଝାକିତି ନୀ ନେହେଁ ଆଡ଼େ ଅଡ଼େ ନୀ ଆଞ୍ଜା ଜିକେଏ ନେହୁଁ ମାଣ୍ଡେ ଇଞ୍ଜିଁ ନାନୁ ପ୍ରାତ୍ନା କିହିମାଇଁ ।

୩ ନାନୁ ବାରେଦିନା ସାତା ତଲେ ତୁୟିମାଞ୍ଜି, ଏଲେକିହୁଁଏ ଏତରଜାଣା ନାମିତି ତାୟିୟାଁ ଝାହାନା, ନାନୁ ତାରିତଲେ ସାତାତା ନୀତାମାନାଣି ସାକି ହିୟାଲିଏ ନାନୁ ହାରେକା ରାହାଁ ଆଡ଼େଏଁ ।

୪ ନା ମୀରକା ମାସକା ସାତା ଅଡ଼େ ସାତା ତଲେ ନୀତାମାନାଣି ଝେଞ୍ଜାନା, ଏତେକା ରାହାଁ ଆହିମାଇଁ, ଏଦାଣିକିହାଁ ଆଗାଡ଼ା ନାଜେ ଅଡ଼େ ଏନି ରାହାଁ ହିଲେଏ ।

ଗାୟସ କିତି କାମାତାକି ଜହରା

୫ ଏ ନା ଜାସୁତି ତଟେ ନାନୁ କ୍ରୀସ୍ତାନା ତାୟିୟାଁ ତାକି ଅଡ଼େ ଏଟକା ଦେସାତି କ୍ରୀସ୍ତାନା ତାୟିୟାଁ ତାକି ନାମ୍ନୁ ଅଡ଼େ ଟିକାଣା ତଲେ ସେବା କାମା କିହିମାଞ୍ଜି ।

୬ ଏଝାରି ଇମ୍ବାଆଁ ମା କୁଲମିତା ନୀ ଜାସୁ ନଡ଼ି କାତା ଝେସିମାନେରି; ନାନୁ ଏଝାରାଇଁ ମାହାପୁରୁତି ରାହାଁ ଆନିଲେହେଁ ତାନି ଜିରୁ ତାକି ଲତ୍ତାମାନାଣି ହାହାନା ସାୟେମି କିମ୍ନୁ ।

୭ ଏନାଆଁତାକି ଇଟିହୁଁ ଏଝାରି ନାମାଆଗାଟାରି ତାଣାଟି ଏନାଆଁ ରାହୁଆନା କ୍ରୀସ୍ତତି ସେବା କାମାତାକି ହତାମାନେରି ।

୮ ଏଦାଆଁତାକି ମାରୁ ଏନିକିଁ ଏଝାରାଇଁ ସାୟେମି କିହାନା ସାତାତି ତସାଲି ଏଝାରି ସେବା କାମାତା ଆଣ୍ଡିନାୟି ମା କାମା ।

ଦିୟତ୍ତପା ଅଡ଼େ ଦିମତ୍ରିୟ

୯ ନାନୁ କୁଲମିତାକି ର ଇଗାଣି ଆକୁ ରାଡ଼ିତେଏଁ, ସାମା ଦିୟତ୍ତପା କୁଲମିତି କାଜାସି ଆହାଲି ଅଣ୍ଡପାନା, ନା କାତା ଝେଞ୍ଜାହିଲଅସି ।

୧୦ ନାନୁ ଝାଡ଼ିସାରେ ଏଝାସି କିହାମାନି ବାରେ ଲାଗେଏତି କାମା ଝେହୁଇଁ, ଏଝାସି ଏନିକିଁ ମା କପାଟି ଲାଗେଏତି କାତା ଝେସାନା ମାଜେ ନିଦାକିହୁଁ ମିତି କାତା ଝେସିମାନେସି, ଝାଡ଼ଇ ଏତେକେଏ ଆଏ, ସାମା କ୍ରୀସ୍ତାନା ତାୟିୟାଁ ଝାଡ଼ିହୁଁ ଅପିହିଲଅସି କି ଆମ୍ବାଆରାଇଁ ଅପାଲି ହାହି ହିଲଅସି, ଅଡ଼େ ଆମ୍ବାଆରି ଆବିନାରି ଏଝାରାଇଁ କୁଲମିତି ହପ୍ତହାଲି ଅଣ୍ଡପାନେସି ।

* ୧:୧ କାମା ୧୯:୨୯; ରନି ୧୭:୨୩; ୧କର ୧:୧୪

୧୧ ଏ ନା ଜାଣୁଛି ତଟେତି, ନୀନୁ ଲାଗେଏ ପଟେଲଏତାଣି ଆହୁଆନା, ସାମା ନେହୁଁ କାମାତି ଆହୁମୁ, ଆମ୍ବାଆସି ନେହୁଁ କାମା କିନେସି ଏଝାସି ମାହାପୁରୁ ତାଣାତି ଜାନ୍ନା ଆହୁମାନେସି; ଆମ୍ବାଆସି ଲାଗେଏ ପଟେଲଏ କାମା କିନେସି ଏଝାସି ମାହାପୁରୁଙ୍କୁ ପୁଞ୍ଜାହିଲଅସି ।

୧୨ ବାରେଜାଣା ଦିମିତ୍ରିୟଙ୍କୁ ନେହୁଁସି ଇନେରି, ଏଝାସି କିହାମାନି ସାତା ନେହୁଁ କାମା ଜିକେଏ ଏଦାଆଁ ତସିମାନେ, ମାମୁ ଜିକେଏ ଏଦାଆଁ ସାକି ହାହିମାନମି, ଇଞ୍ଜା ମାମୁ ଝେହୁନି କାତା ସାତା ଇଞ୍ଜା ନୀନୁ ପୁଞ୍ଜାମାଞ୍ଜି ।

ଜହରା ତଲେ ଆକୁ ରାପୁନାୟି

୧୩ ନୀନୁ ନିଜେ ହାରେକା କାତା ଝେସ୍ତାନାୟିମାନେ ସାମା ଏଦାଆଁ ଆକୁତା ସୀରା କାଡ଼ିତଲେ ରାଚାଲି ଅଣ୍ଡି ହିଲଅଁ ।

୧୪ ମାର ମୁମୁ ମେସ୍ପି ଆହାନା ଜଲକି ଆୟାଲି ଆଡ଼ିନାୟି ଇଞ୍ଜା ଆସା କିହିମାଙ୍କୁ ।

୧୫ ମିଜେତାକି ହିଡ଼ଡ଼ି ଆୟାପେ, ତଟେସିଜା ମିଜେତାକି ଜହରା ପାଣ୍ଡିମାଞ୍ଜାନେରି, ବାରେଜାଣାତି ଦରୁ ଆସାନା ଜହରା ଝେହୁମୁ ।

ଯିହୁଦାକ ପତ୍ର ଜାହୁଦା ରାଜାମାନି ଆକୁ ମୁକୁ ହାଡ଼ା

ରାଜାମାନି ଜାହୁଦା ଦରୁତଲେ ଇ ପତିଇଁ ଜାହୁଦା ଆକୁ ଇନେରି । ଜାହୁଦା ଜାହାରାଇଁ ଜାକୁବ ତାୟି ଇଞ୍ଜିଁ ଖେସାମାନେସି, ଜାକୁବ ଜାସୁକି ତାୟି ମାଚେସି, ଏଦାଆଁତାକି ଜାହୁଦା ଜିକେଏ ଜାସୁକି ତାୟି ଆନେସି ୧ । ଇ ଆକୁ ଆମିନି କୁଲମିତାକି ରାସୁକି ଆହାମାଚେ ଇଞ୍ଜିଁ ମାର ନେହୁଁକିଁ ପୁଞ୍ଜାହଲ୍ଲାଆୟି ଅଡେ ଇମାଆଁ ହାରେକା ପୁଞ୍ଜାହଲ୍ଲା ମୋରାତି କାତା ମାନୁ, ଜାହୁଦା ଆକୁତି ଜାହୁଦି ଲକୁ ପଡ଼଼ି ଆନାରି ମାଚେରି । ଆତିହୁଁ ଜିକେଏ, ଏଞ୍ଜାସି ମାହାପୁରୁ ଆବା “ହାଟାମାନି ଲକୁ, ଜାହୁନହାମାନି ଲକୁ, ଅଡେ ଜାସୁ କ୍ରାସୁକି ତାରି କିହାମାନି ଲକୁତି” କାତା ଖେସାମାନେସି ୧ । ଇ ଆକୁ ଜାସୁ କ୍ରାସୁ ଜାର୍ନାଆଡ଼ି ୬୦ ବାସା ତାୟି ରାସୁକି ଆହାମାଚେ ।

ମିତି ଜାପୁନାରି ତାଣାଟି ହେକ ମାଞ୍ଜାଲି ବାରେ ଇ ପତି ରାଜାମାଚେସି ଜାହୁଦା ୪ । ଏଞ୍ଜାସି ପୁଞ୍ଜାହଲ୍ଲା ମୋରାତା ଗଟ଼ି ଆଡ଼ି କାତା ଆଟହାମାନେସି ଅଡେ ତାନି ରୁଜୁବାଡ଼ିତି ଆଟ଼ାଞ୍ଜା କିହାମାନେସି । ଇ ଆକୁତା ପିତରତି ରା ଲମ୍ବର ଆକୁତା ମାନି ନାଡ଼ି କିନାଣି ଜାପୁନାରି କାତା ଜାହୁଦା ୪; ୨ପିତ ୨:୧ ଅଡେ ଜିକେଏ ଦୁଡୁୟାଁ, ସଦମ ଅଡେ ଗମରାତି କାତା ରାଜାମାନେସି ।

ପତିବା ମାନାୟି

- ୧. ଜାହୁଦା ତାନି ପତି ପଡ଼଼ି ଆନାରାଇଁ ଜହରା କିନାୟି । ୧-୨
- ୨. ଏଞ୍ଜାସି ମିତି ଜାପୁନାରି କାତା ଖେହନାୟି । ୩-୪
- ୩. ପୁଞ୍ଜାହଲ୍ଲା ମୋରାତି କାତା ଅଡେ ଲକୁତି କାତା ଖେହନାୟି । ୫-୧୬
- ୪. ଏଞ୍ଜାସି ଏଞ୍ଜାରାଇଁ ଏନାଆଁ କିନାୟିମାନେ ଇଞ୍ଜିଁ ଖେହନାୟି । ୧୭-୨୩
- ୫. ମାହାପୁରୁଇଁ ଜହରା କିହାନା ଆକୁ ରାପୁନାୟି । ୨୪-୨୫

୧ ନାନୁ ଜାହୁଦାଚେସି, କ୍ରାସୁ ଜାସୁତି ହଟ୍ଟଲଏସି ଅଡେ ଜାକୁବତି ତାୟି, ଆବା ମାହାପୁରୁ ଆବା ମାନାଚେରି ଅଡେ ତାନି ଜାହୁ ନନାଚେରି ଇଞ୍ଜାଁ ଜାସୁ କ୍ରାସୁ ତାକି ଆଡ଼଼ି ଆହାମାନାଚେରି ମିଙ୍ଗେତାକି ଇ ଆକୁ ରାଜିମାଞ୍ଜାଇଁ ।

୨ ମିଙ୍ଗେତାକି ମାହାପୁରୁତି କାର୍ମାମେହନାୟି ଅଡେ ହିଡ଼ି ଜାହୁ ଇଞ୍ଜାଁ ଜାହୁନନାୟି ହାରେପୁରେ ଆୟାପେ ।

ମିତି ଜାପୁନାରି

୩ ଏ ନା ଜାହୁତି ତଣେସିଙ୍ଗା ମାର ବାରେ ଜାଣାତାୟି ଏମିନି ଗେଲପି ଆନି ତାଣା ଆଣ୍ଡାମାନାୟି, ଏ କାତା ମିଙ୍ଗେ ତାକି ରାଜାଲି ଅଣପିମାଚେସି । ସାମା ମାହାପୁରୁ ତାନି ଲକୁଣି କାଲ୍ଲାକାଲ୍ଲାତାକି ହାହାମାନି ନାପୁ ଝାକିଟି ଜୁଜୁ କିହାଲି ମିଙ୍ଗେ ରାହାଁ କିଞ୍ଜି କିୟାଲି ଲଡ଼ାମାନେ ଇଞ୍ଜିଁ ଅଣପିଚେସି ।

୪ ଏନାଆଁତାକି ଇତିହୁଁ ଏଚରଜାଣା ମାହାପୁରୁଇଁ ମାନଞ୍ଜି ଆଆଗାଟାରି ମେଣେଏ ମୀ ବିତ୍ତା ଝାହାମାନେରି, ଏଞ୍ଜାରି ମାହାପୁରୁ କାର୍ମାମେହନି କାତା ତିରିମ୍ବୁପହାନା ତାମ୍ବୁ ଟାମ୍ବୁ ଅଣପିତି ଲେହେଁ ଲାଗେଏ ପଟ୍ଟଲଏତି କାମା କିହିମାନେରି, ଅଡେ ଜାସୁ କ୍ରାସୁ ରଅସିଏ କାଜାସି ଅଡେ ପ୍ରବୁ, ଏଞ୍ଜାରି ଏଞ୍ଜାଣାଇଁ ଅପୁଅରି, ଏଞ୍ଜାରି ବେଟାଆନି ତଣ୍ଡତି କାତା ତଲି କାଲ୍ଲାଟିଏ ଦାମ୍ବୁପତିତା ରାସୁକି ଆହାମାନେ ।

୫ ପ୍ରବୁ ତଲିଏ ଏଚରଜାଣା ତାନି ଲକୁଣି ମିସର ଦେସାଟି ପିସପି କିଚେସି, ସାମା ଏଞ୍ଜାରି ବିତ୍ତାଟି ନାମାଆଗାଟାରାଇଁ ନାସା କିଚେସି, ଇତିହୁଁ ବାରେ କାତା ପୁଞ୍ଜାମାଟି ଜିକେଏ ମିଙ୍ଗେ ଅଡେ ଖେଣ୍ଡେ ଅଣପି କିଞ୍ଜି କିୟାଲି ଅଣପିମାଇଁ ।

୬ ଅଡେ ଏମିନି ଦୁଡୁୟାଁ ମାହାପୁରୁ ହାହାମାଟି ପାଣା ପିସାନା ତାନି ବାସାଆନି ଟାୟୁ ପିସୁ, ମାହାପୁରୁ ଏ ଦୁଡୁୟାଁଇଁ ନାହାଁୟି କିନି ଦିନା ପାଚେକା ଆନ୍ଦେରି ଟାୟୁତା କାଲ୍ଲାକାଲ୍ଲା ତାକି ହିକଣିୟାଁ ତଲେ ଦସା ଇଟାମାନେସି ।

୭ ଏଲେକିହୁଁ ଏ ସଦମ ଅଡେ ଗମରା ଅଡେ ତାନି ସାରିସୁଟୁ ମାଟି ଗାଡ଼ାୟାଁତାରି, ଦାରିକାମା ଅଡେ ତାନି ବିତ୍ତା ଲାଗେଏ ଅଡେ ଅପାଆଗାଟି ଲାଜା ଆନି କାମା କିଚେରି, ଏଦାଆଁତାକି କାଲ୍ଲାକାଲ୍ଲା ତାକି

ଦ୍ଵାଞ୍ଜିମାନି ହିରୁତା ସାସ୍ତି ବେଟାଆଡ଼େରି, ମା ବାରେଜାଣା ତାକି ଜାଗ୍ରତା କିଞ୍ଚିକିନି କାତା ଲେହେଁତାୟି ଇଞ୍ଜି ମୀରୁ ଅଣ୍ଟପାଦୁ ।

୮ ଏଲେକିହ ଏ ହାପାନା ହେଣନାରି ଜିକେଏ, ଅପାଆଗାଟି କାମା ତଲେ ତାନି ଆଜ୍ଞାତି ଲାଗେଏ କିହିମାନେରି, ଅଡ଼େ ମାହାପୁରୁତି ଅଦିକାରାତି ଅପାଆନା ଲାକପୁରୁତି ଦୁତୁୟାଈ ନିନ୍ଦା କିହିମାନେରି ।

୯୫ ଯାମା ବାରେକିହା କାଜା ଦୁତୁ ମିକାୟେଲ ମସାତି ମାଡ଼ହା ତାକି ସୟତାନ ତଲେ ବାଡ଼ିବାଦା ଆଡ଼ାତି ନିନ୍ଦା କିହାନା ଏଦାନି ବିଚାରା କିହାଲି ସାସା କିଆନା, ଖାରୁଇ ଏତେକା ଏଲେଇତେ, “ପୁରୁ ନିଙ୍ଗେ ଦାକା ହିୟାପେସି ।”

୧୦ ସାମା ଇ ଲକୁ ତାମୁ ପୁନାଆଗାଟାଣି ବାରେ ନିନ୍ଦା କିନେରି, ଇଞ୍ଜା ବୁଦି ହିଲାଆଗାଟି ଜନ୍ତୁ ଲେହେଁ ତାମୁଧୁ ତାନି ଆଜ୍ଞାତି ଅଣ୍ଟପୁ ତଲେ ପୁଞ୍ଜାମାନି ତାଣ୍ଡାଟି ନାସା ଆନେରି ।

୧୧ ଆୟତା, ଏଞ୍ଜାରି ତଣ୍ଡ ବେଟାଆନାରି, ଇତିହ ଏଞ୍ଜାରି କୟିନ ଜିରୁତା ହାଜାମାନେରି, ତାବୁୟା ଜୁପକାତାକି ଏଞ୍ଜାରି ବିଲିୟମ ଦହ କିତିଲେହେଁ ଦହ କିହାମାନେରି, ଏଞ୍ଜାରି କରହ ଲେହେଁ ହଆଗାଟି ଗଡ଼ହା କିହାନା ଏଞ୍ଜାଣିଲେହେଁ ନାସା ଆନେରି ।

୧୨ ଏଞ୍ଜାରି ଲାଜା ଆଆନା ମୀ ତଲେ ତିଞ୍ଜା ଉଣ୍ଡାନା ମୀ ରାହୁଁତି ବଜିତା ଆଣ୍ଡାନା ମାହୁଁତି ଗାରି ଲେହେଁତାରି, ଏଞ୍ଜାରି ଖାରୁଇ ଜାହାରା ତାକି ଅଣପିନେରି, ଏଞ୍ଜାରି ଗାଲି ଖେନି ପିୟୁ ରାଆଗାଟି ଦୁନ୍ଦା ଲେହେଁତାରି, ଏଞ୍ଜାରି ତାକି ମେଗାନା ପେନିବେଲା ପାଡ଼େୟି ଆୟାଆଗାଟି ଖାୟିତି ମାରୁରୁ ଲେହେଁତାରି ।

୧୩ ଏଞ୍ଜାରି ସାମୁଦ୍ଵରି ଖାଡ଼ିସାରି ହନି ମାଡ଼ିଗାଟି ପମ୍ବୁଲି ଲେହେଁ ଏଞ୍ଜାରି ଲାଜାଗାଟି କାମାୟା ତଞ୍ଜାଆନେ, ଏଞ୍ଜାରି ତାନି ଗାୟୁ ପିସାନା ଇତାଲା ଆତାଲା ରେନି ହୁକାୟା ଲେହେଁତାରି, ଏଞ୍ଜାରାକି ମାହାପୁରୁ କାଲେଏତାକି ଆନ୍ଦେରିଗାଟି ଗାୟୁ ତିୟାରି କିହାଁ ଇଟାମାନେସି ।

୧୪ ଆଦମ ଟିଏ ସାଡ଼ା ଲମ୍ବୁରି ମାଣସି ହନକ, ଜିକେଏ ତାୟୁ ଆନି କାତା ଏଞ୍ଜାରି ତାକି ଖେକହା ମାତେସି, “ମେହମ୍ବୁ ପୁରୁ ତାନି ମାଣା ମାଣା ସୁଦୁଗାଟି ଦୁତୁୟାଁ ତଲେ ଖାନେସି ।”

୧୫ ମେହମ୍ବୁ ପୁରୁ ନାହାଁୟି କିୟାଲି ଖାନେସି, ଏଞ୍ଜାସି ଦାମ୍ବୁ ହିଲାଆଗାଟାରାଇଁ ତାନି ପଲୁଆ କାମାତାକି ଅଡ଼େ ଏଞ୍ଜାରି ମାହାପୁରୁଇଁ ମାନୁଡ଼ି ଆଆନା ଏଞ୍ଜାଣି କପାଟି ଖେସ୍ତି ଅପାଆଗାଟି କାତାତାକି ଏଞ୍ଜାରାଇଁ ଦହଗାଟାରି କିହାନା ତଣ୍ଡ ହାନେସି ।

୧୬ ଇ ଲକୁ ବାରେବେଲା ତାମୁ ତାମୁଧୁ ଏତେକା ବେଟାଆଡ଼ି ଜିକେଏ ରାହୁଁ ଆଅରି । ଏଞ୍ଜାରି ଖାରୁଇ ତାନି ଲାଗେଏ ପଲେଏତି ଅଣ୍ଟପୁ ତଲେ ସାଲୁଡ଼ି ଆନେରି; ଏଞ୍ଜାରି ବଡ଼ପଣା ତସାନା କାଜା କାତା ଖେହନେରି, ଅଡ଼େ ଲାବା ବେଟାଆହାଲି ଜୁପକା ତସାନା ଲକୁ ନକିତା ଅଜିତି କାତା ଖେହନେରି ।

ଜାଗ୍ରତା ଅଡ଼େ ଜାପୁନି କାତା

୧୭ ସାମା ଏ ନା ଜାହୁତି ତଡ଼େସିଜା ମା ପୁରୁ ଜୀସୁ କ୍ରୀସ୍ତତି ପାଣ୍ଡି ଆହାମାନାରି ତଲିଟିଏ ଏନିନି ବାରେ କାତା ଖେସାମାନାଣି ବାରେ ଅଣ୍ଟପାଦୁ ।

୧୮ ଏଞ୍ଜାରି ଏନିକି ମିଙ୍ଗେ ଖେସାମାଞ୍ଜାତେରି ରାନି ବେଲା ମାହାପୁରୁଇଁ ମାନୁଡ଼ି ଆହାନା ତାନି ଅଣ୍ଟପୁ ତଲେ ମାଞ୍ଜାନା ନିନ୍ଦା କାତା ଖେହନାରି ହନେରି ଇଞ୍ଜା ଲାଜା କିହାନା ଏଲେଇଞ୍ଜାନେରି ।

୧୯ ଏଞ୍ଜାରି ଗଡ଼ହା କିଞ୍ଚି କିହାଁ ଜାତୁ ଡିକନେରି, ଅଡ଼େ ଆଜ୍ଞାତି ଅଣ୍ଟପୁଟି ସାଲୁଡ଼ି ଆହାନା, ମାହାପୁରୁତି ନେହ ଜୀସୁ ବେଟାଆଆଡ଼ାରି ।

୨୦ ସାମା ଏ ତଡ଼େସିଜା ମୀରୁ ମୀ ତାରିଗାଟି ନାମୁଗାଟି ଦାମ୍ବୁତି ଇଲୁ ପାଡ଼ିକିହାଁ କତାଦୁ, ଅଡ଼େ ସୁଦୁଜୀସୁ ତଲେ ପ୍ରାଡ଼ାନା କିଦୁ ।

୨୧ ମା ପୁରୁ ଜୀସୁ କ୍ରୀସ୍ତତି କାର୍ମାଟି କାଲାକାଲାତି ଜୀସୁ ହିୟାନେସି, ମୀରୁ ଏଦାଆଁ ବେଟାଆହାଲି କାଡ଼ାନା ମାହାପୁରୁ ଜୀସୁନହ ମାଞ୍ଜାନି ତାଣା ମାଞ୍ଜେମାଞ୍ଜୁ ।

୨୨ ଆନାମାନା ଆନି ଲକୁଣି କାର୍ମାମେସାନା ନାମୁତା ପାଡ଼ିକିଦୁ ।

୨୩ ଏବକା ତାରାଇଁ ହିରୁତି ଡେଞ୍ଚିତି ଲେହେଁ ଗେଲପାଦୁ, ଆଜ୍ଞାତି ପାପୁ କାମାତା ମାହାମାନି ହିପୁରିକା ଅପାଆଦୁ, ଏତର ଲକୁଣି କାର୍ମା ମେସ୍ତ୍ରନି ଜିକେଏ ଏଞ୍ଜାରାଇଁ ଆଜିନାୟି ମାନେ ।

ଜହରାତି ପାଦୁ

୨୪ ଆମ୍ବାଆସି ମିଙ୍ଗେ ପୁଟିକିନି ତାଣ୍ଡାଟି ଗେଲପାଲି ଆଡ଼ାନେସି, ଅଡ଼େ ତାନି ଗାଧୁରମିତି ହାରେକା ରାହୁଁତଲେ ନକିତା ତାଗାଲି, ମାଙ୍ଗେ ଦହ ହିଲାଆଗାଟି ଲକୁ ଲେହେଁ କିହାଲି ଆଡ଼ାନେସି ।

୧:୯ ଖେ ବଲୁ ୧୨:୭

୨୫ ଏ ମା ପ୍ରଭୁ ଜୀବୁ କ୍ରୀସ୍ତ ଡାକି ମା ଗେଲ୍‌ପାନି ମାହାପୁରୁ ରଅସିଏ, ଗାଝୁରମି, କାଜାପାଣା, ବାଡ଼ୁରୁ ଅଡ଼େ ସାଲ୍‌ଖି କିନାୟି କାଚେଲଏତାୟି, ନୀଏ, ଅଡ଼େ ଜୁଗୁ ଜୁଗୁତାକି ଏଝାଣିଝାୟି । ଆଚେନ ।

ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଜହନଇଁ ତସାହାଁ ଝେକ୍‌ହି ବଲ୍ଲୁ ମୂଲୁ ହାଡ଼ା

ଝେକ୍‌ହି ବଲ୍ଲୁ ପୁଃନି ମେରାତି ରାଡ଼ି ପତି । ଇଦି ଜିକେଏ ଜହନ ତାଣାଟି ଜୀସୁ ଜ୍ରୀସୁ ଜାର୍ନାଆତି ୯୫ ବାର୍ଯା ତାମୁ ରାସ୍‌କି ଆହାମାତେ ୧:୧ । ଏଝାସି ଜହନତି ନେହଁ କାବୁତଲେ ତାନିଗଟା ଆକୁ ପତିୟାଁ ରାଡ଼ାମାତେସି ଏଝି ୧ଜହ, ୨ଜହ ଅଡ଼େ ୩ଜହ । ଜହନ ଆମିନି ଗାଟାଣାଇଁ ଜୀସୁ ହାରେକା ଜୀସୁ ନହଁ ମାତେସି । ଜହନ ଏମୁ ମାଦିମାନି ବୁମିତି ପାଟ୍‌ମସ୍ ଚାମୁଡ଼ା ମାନି ବେଲାତା ଇ ଝେକ୍‌ହି ବଲ୍ଲୁ ରାଡ଼ାମାତେସି, ଇତିହଁ ଜୀସୁ ଜ୍ରୀସୁତି ନେହଁ କାବୁତାକି ଏଝାଣାଇଁ ଏମାଆଁ ଅଝିଆହାମାତେ ଜହ ୧୩:୨୩ ।

ଜୀସୁ ଝେଣ୍ଡା ଖାନ୍ତି ଦିନା ତାଗେ ଖାହି ମାନାକି ଜୀସୁ ଜ୍ରୀସୁ ତାଣା ନାମୁତଲେ ମାଞ୍ଜାଲି ପଡ଼ଝି ଆନାରାକି ସାସା ଅଡ଼େ ଆସା ହାହାଲିତାକି ଇ ଝେକ୍‌ହି ବଲ୍ଲୁ ରାଡ଼ିତେସି ୧:୩; ୨୨:୭ । ଏଝାସି ବାରେ ନାମିତି ଲକୁ ଅଡ଼େ ବାରେକହାଁ ସାଡ଼ାଗଟା କୁଲମିତାକି ରାଡ଼ିମାନେସି ୨-୩ । ଜହନ ତାନି ରାଡ଼ିନି ତାଣା ମାହାପୁରୁ ଅଣପୁତି ବଲ୍ଲୁ୧:୩ ଅଡ଼େ ତାନି ମେସାମାନି ହାରେକା ସିନାୟାଁତି କାତା ରାଡ଼ିମାନେସି । ଇ ପତିତି ଏତେକା ତାଣା ପୁଃଈ ପତି ତଲେ ସମାନା ମାନାଣି, ଜିକ ୬:୧-୮ ମେସାଲି ଆଡ଼ିନାୟି । ସାଡ଼ାଗଟା ତୀତ୍ରି ଅଡ଼େ ସାଡ଼ାଗଟା ଗିନାୟାଁ ଏମିନି ଗାଟାଲ ମାହାପୁରୁ ମିସରତି ଲକୁଣି ଡ଼ଣ୍ଡ ହାହାଲିତାକି କସୁୟାଁ ପାଣ୍ଡାମାନେସି ହାନାୟି ୭-୯ ।

ଝେକ୍‌ହି ବଲ୍ଲୁ ରାନ୍ତି ବେଲାତି କାତା ଝେସିମାନେ, ଜୀସୁ ତାମୁ ଜୀଣା ଆନେସି ଅଡ଼େ ଆମିନି ଗାଟାରି ଏଝାଣି ତାଣା ବାର୍ଯୁ ଇତିନେରି ଏଝାରି ବାରେବେଲା ଏଝାଣିତଲେ ଡ଼ୟିନେରି । ଇ ପତି ନିଜେ ଜାଗ୍ରାତା କିୟାପେ ଅଡ଼େ ଆସା ହିୟାପେ, ଇତିହଁ ଜୀସୁ ତବେ ଝେଣ୍ଡା ଖାହିମାନେସି ।

ପତିତା ମାନାୟି

- ୧. ଜହନ ତାଜେ ପୁଣ୍ଡିକିନାୟି ଅଡ଼େ ତାମୁଡ଼ି କାତା ମେହନାୟି । ୧:୧-୨୦
- ୨. ସାଡ଼ାଗଟା କୁଲମିକାକି ଜୀସୁ ଜ୍ରୀସୁ ତାଣାଟି ଜହନତି କାବୁ । ୨:୧-୩:୨୨
- ୩. ସାଡ଼ାଗଟା ବୁଚୁ ମୁଦ୍ରା ଅଡ଼େ ସାଡ଼ାଗଟା ତୀତ୍ରି । ୪:୧-୧୧:୧୯
- ୪. ମାରକା ଅଡ଼େ ସାଡ଼ାଗଟା ତାକାଗାଟି ରାଚୁ ତଲେ ଜୁଜୁ । ୧୨:୧-୧୪:୨୦
- ୫. ସାଡ଼ାଗଟା କପାଗାଟି ଗିନାୟାଁ । ୧୫:୧-୧୭:୧୮
- ୬. ମାହାପୁରୁ ଲାକପୁରୁ ତାନି ସାବୁଇଁ ଜୀଣା ଆନାୟି । ୧୭:୧-୨୦:୧୫
- ୭. ପୁଃନି ଲାକପୁରୁ ଅଡ଼େ ପୁଃନି ଦାଡ଼ତି । ୨୧:୧-୨୨:୨୧

୧ ଜୀସୁ ଜ୍ରୀସୁତି ଝେକ୍‌ହି ବଲ୍ଲୁ: ଝେଡ଼ା ଆଆନା ଏନାୟି ଗଟଝି ଆନେ ଏଦାଆଁ ବାରେ ଏଝାସି ଏନିକଁ ତାନି ହଲିୟାଜାଣି ଝେହନେସି, ଏଦାଆଁତାକି ମାହାପୁରୁ ଇଦାଆଁ ଜୀସୁ ନକିତା ହେବପିତେସି, ଅଡ଼େ ଏଝାସି ତାନି ଦୁଚୁଇଁ ପାଣ୍ଡାନା ତାନି ହଲିୟା ଜହନଇଁ ଏଦାଆଁ ଝେସ୍ତେସି ।

୨ ଏ ଜହନ ମାହାପୁରୁତି ବଲ୍ଲୁ ଅଡ଼େ ଜୀସୁ ଜ୍ରୀସୁତି ସାକି କାତା ଇତିହଁ ଏଝାସି ଏନାଆଁ ମେସ୍ତେସି ଏ ବାରେ କାତାତି ସାକି ହାହିମାନେସି ।

୩ ଆମ୍ବାଆସି ଇ ପତି ପଡ଼ଝି ଆନେସି ଇଞ୍ଜା ମାହାପୁରୁତି ବଲ୍ଲୁ ଝେଞ୍ଜାନା, ଇ ପତିତା ରାସ୍‌କି ଆହାମାନାଣି ବାରେ ମାନୁଝି ଆନାରି ନେହାଁରି, ଏନାଆଁତାକି ଇତିହଁ ଇ ବାରେ ଗଟଝି ଆନ୍ତି କାଲ୍ଲିନି ତାଗେ ଖାଡ଼େୟିଏ ।

ସାଡ଼ାଗଟା କୁଲମିକି ଜହରା କିନାୟି

୪ *ନାନୁ ଜହନତେଏଁ, ଆସିୟାତା ମାନି ସାଡ଼ାଗଟା କୁଲମିକାଣି ଜହରା ଝେସାନା ରାଡ଼ିମାଞ୍ଜାଇଁ, ମାହାପୁରୁତି କାର୍ମାମେହନାୟି ଅଡ଼େ ହିଡ଼ତି ଜୀସୁ ମିଜେ ଆୟାପେ, ନୀଏଁ ଆମ୍ବାଆସି ମାନେସି ତଲି ମାଗାସି ଅଡ଼େ ଜିକେଏ ତାମୁ ଦିନା ଖାନ୍ନେସି, ଅଡ଼େ ତାନି ରାକ୍ତିତି ସିଂଗାସାଣି ନକିତା ନିଚାମାନି ସାଡ଼ାଗଟା ଜୀସୁୟାଁ ତାଣାଟି,

* ୧:୪ ଝେକ୍‌ହି ବଲ୍ଲୁ ୪:୫

୫ ଜୀସୁ କ୍ରୀସ୍ତ ନାମୁତ ସାତା ସାକି ହାନାସି, ହାତାରି ବିତ୍ରାଟି ତଲିଏ ନିଜିତାସି, ଜାର୍ନା ଆଡାସି, ଅଡେ ଦାର୍ତତି ରାଜାୟାଣି ସାଲୁଝି କିନାସି । ଏଝାସି ମାଜେ ଜୀସୁ ନହାଂମାଞ୍ଜାନେସି, ଅଡେ ତାନି ନେତେରିଟି ମାଜେ ପାପୁଟି ଗେଲପାତେସି ।

୬ *ଅଡେ ମାଜେ ର ରାଜାତି କୁଲ୍ଲେହେଁ କିହାନା ଆବା ମାହାପୁରୁ ନକିତା ପୂଜେରା ଲେହେଁ ଆଡାମାଞ୍ଜାନେସି, ତାନି ଗାଝୁରମି କାଜାପାଣା କାଲାକାଲା ତାକି ଆଡେ । ଆଡେମନ୍ ।

୭ *ମେହେଦୁ ଏଝାସି ଦୁୟା ତଲେ ଝାହିମାନେସି, ଏତେଟିଏ ବାରେ କାଣକା ଏଝାଣାଇଁ ମେହେଦୁ, ଅଡେ ଏଝାଣାଇଁ ଗୁଲକହା ମାତାରି ଜିକେଏ ମେହେନେସି, ଦାର୍ତତିବାରି ବାରେ କୂଡା ଏଝାସି ଝାହିମାନାକି ଡାନେରି ଏଡି ସାତା ଆନେ । ଆଡେମନ୍ ।

୮ ବାରେ ବାଡୁୟୁ ଗାଟି ପ୍ରୁ ମାହାପୁରୁ ଝେସିମାନେସି, ନାନୁ ମାଟନାତେଏଁ ଅଡେ ରାପୁନାତେଏଁ, ଆମ୍ବାଆସି ନୀଏଁ ମାନେସି ତଲିଏ ମାତେସି ଅଡେ ତାୟୁ ଦିନା ଝାନାସି ନାନୁ ଏଝାତେଏଁ ।

କ୍ରୀସ୍ତୁଇଁ ମେହନାୟି

୯ ନାନୁ ଜହନତେଏଁ, ମୀ ତାୟିତେଏଁ, ଜୀସୁତ ସାସୁ ଆହାଁ ତାନି ରାଜି ଲକୁତାକି ଝାହିମାନି କସୁ ଅରୁହାଲି ନାନୁ ମୀ ତଲେତି ର ମାଣସିତେଏଁ । ଜୀସୁ ତସାମାନି ସାତା ଇଞ୍ଜା ମାହାପୁରୁତି ବଲ୍ଲୁ ଝେସିମାତାକି ନାଜେ ପାଡ଼ମସ ସାମଦୁରି ମାଦି ମାନି ଟାୟୁତା ପାଣ୍ଡାମାଞ୍ଜାତେରି ।

୧୦ ପ୍ରୁତ ଦିନାତା ସୁଦୁଜୀସୁ ନା ଲାକ ରେବାଝାଡେ, ଅଡେ ନାନୁ ତାୟୁ ଝାକିଟି ତୀତ୍ରି ମହୁରି ଲେହେଁତି କାଜା ଗିୟାଁତଲେ ଏଲେ ଇଞ୍ଜିମାଟି ର ହାଡା ଝେତେଏଁ ।

୧୧ ନାନୁ ମେସିମାନାଣି ରାଡାମୁ ଅଡେ ଇ ପତିତି ଇ ସାଡାଗାଟା କ୍ରୀସ୍ତାନା କୁଲମି ଇତିହୁଁ ଏପିସି, ସ୍ପର୍ନା, ପର୍ଗମ, ତୁୟାତିରା, ସାଦ, ପିଲାଦେଲପିୟା ଅଡେ ଲାଝୁଦିକିୟାତି କୁଲମିତା ପାଣ୍ଡାମୁ ।

୧୨ ଆମ୍ବାଆସି ନା ତଲେ କାତା ଆହିମାନେସି, ଇଦାଆଁ ମେସାଲି ଝେଣ୍ଡେ ସିନିକିତେଏଁ, ଇଞ୍ଜା ସାଡାଗଟା ବାଂଗାରା ଦୀଝିୟାଁ,

୧୩ ଇଞ୍ଜା ଏ ଦୀଝିୟାଁ ମାଦିଏ ମାଣସି ମୀରୁଏଣା ଲେହେଁ ର ମାଣସି; ଏଝାଣି ପାଞ୍ଚଆନାୟାଁ ପାତେକା ହିମୁରି ପିକହା ମାତେ ଅଡେ ବକତା ବାଂଗାରା ପାଡାତି ତ୍ରି ରୁପାମାତେ;

୧୪ ଏଝାଣି ତାୟୁଁ ବାଣାୟାଁ ଅପହି ଲୁଲୁ ଅଡେ ପେଣ୍ଡି ମାତୁ ଲେହେଁ ଦବଲା, ଅଡେ ଏଝାଣି କାଣକା ହିତୁ ଲେହେଁ ଡାଞ୍ଜି ମାତୁ ।

୧୫ ତାନି ପାଞ୍ଚଆନାୟାଁ ହଲୁତା ହୁତିତି ପିତାଡା ମିସିମାନି ଲେହେଁ ମିଣସି ମାତୁ, ଅଡେ ତାନି ଗିୟାଁ ଲଦ ଲଦ ଇଞ୍ଜା ରିହିମାନି ଏୟୁତି ହାଡା ଲେହେଁତାୟି ।

୧୬ ତାନି ଚିଝିନି କେୟୁତା ସାଡାଗଟା ହୁକାୟାଁ ମାତୁ, ତାନି ଗୁତିତି ରିକଝାକି ଦାଡାଗାଟି କାଣ୍ଡା ହଡେ, ତାନି ମୁମୁ ମୁାଦେନା ବେଲା ଡାଞ୍ଜିମାନି କାରା ଲେହେଁ ଉଜେଡି ଗାଟାୟି ।

୧୭ *ନାନୁ ଏଝାଣାଇଁ ମେସପିନିଏ ହାଡିଲେହେଁ ତାନି କତାୟାଁ ତୁଇ ରାତେଏଁ, ଏମ୍ବାଟିଏ ଏଝାସି ନା ଲାକ ତାନି ଚିଝିନି କେୟୁ ଇଟାନା ଇଲେ ଇଞ୍ଜାତେସି, ଆଜାଆନି ନାନୁ ମାଟନାତେଏଁ ଅଡେ ରାପୁନାତେଏଁ ।

୧୮ ଆଜାଆଦୁ ନାନୁ ନୀତା ମାନାତେଏଁ ହାଡାତେଏଁ, ନାନୁ କାଲା କାଲେଏତାକି ନୀତାମାଇଁ, ହାନାୟି ଅଡେ ହାଡାରି ରାଜିତି କୁଟିକାଡି ନା କେୟୁତା ମାନେ ।

୧୯ ଇତିହୁଁ ନାନୁ ଏନାଆଁ ମେସାମାଞ୍ଜି, ଅଡେ ଏନାୟି ନୀଏଁ ଆହିମାନେ ଇଞ୍ଜା ଇଦାଣି କେତ ଏନାୟି ଆନେ ଇ ବାରେ ରାଡା ଇଟାମୁ ।

୨୦ ନା ଚିଝିନି କେୟୁତା ମେସାମାନି ସାଡାଗଟା ହୁକାୟାଁ ଅଡେ ସାଡାଗଟା ବାଂଗାରା ଦୀଝି ସଡାୟାଁତି ତୁୟାମାନି କାତା ଇଦି, ସାଡାଗଟା ହୁକାୟାଁ ସାଡାଗଟା କୁଲମିତି ଦୁତୁୟାଁ, ଅଡେ ସାଡାଗଟା ବାଂଗାରା ଦୀଝି ସଡାୟାଁ ସାଡାଗଟା କୁଲମିକା ।

୨

ଏପିସି କୁଲମିତାକି କାରୁ

୧ “ଏପିସି କୁଲମିତି ଦୁତୁ ଡାଣା ରାଡାମୁ, ଆମ୍ବାଆସି ଚିଝିନି କେୟୁତା ସାଡାଗଟା ହୁକାୟାଁ ଆସାମାନେସି ଅଡେ ସାଡାଗଟା ବାଂଗାରା ଦୀଝି ସଡାୟାଁ ମାଦି ରେଜିମାନେସି,

* ୧:୬ ଝେ ବଲ୍ଲ ୫:୧୦ * ୧:୭ ମାଟି ୨୪:୩୦; ମାର୍କି ୧୩:୨୬; ଲୁକ ୨୧:୨୭; ୧ତେସ ୪:୧୭; ଜହ ୧୯:୩୪, ୩୭; ମାଟି ୨୪:୩୦ * ୧:୧୨ ଝେ ବଲ୍ଲ ୨:୮; ୨୨:୧୩

୨ ଏଞ୍ଜେଲ୍ ଏଲେଇଞ୍ଜି ମାନେସି, ନୀନୁ କିହାମାନି କାମା ନାନୁ ପୁଞ୍ଜାମାଇଁ, ନୀନୁ ଏନିକ୍ ଖାହୁତଲେ କାମା କିହମାଞ୍ଜି, ଅଡ଼େ ଏରେକା ଅରହିମାଞ୍ଜି ଏଦାଆଁ ପୁଞ୍ଜାମାଇଁ, ନୀନୁ ଲାଗେଏ ପଲେଏ କାମା କିନାରାଇଁ ଅପିହିଲଅତି, ଅଡ଼େ ପାଣ୍ଡିଆଆନା ମାନୁ ପାଣ୍ଡିଆହାମାନି ଇଞ୍ଜି ଝେସା କତିନେରି, ନୀନୁ ତାୟିପାରି କିହାଁ ଏଞ୍ଜାରି ମିତି କାତା ଝେହନାରି ଇଞ୍ଜି ପୁଞ୍ଜାମାଞ୍ଜି ।

୩ ନା ଦରୁ ତାକି ଦୁକୁ କସ୍ ଅରହିମାଞ୍ଜି ଇଞ୍ଜାଁ ଖାହାହିଲଅତି ଇଦାଆଁ ଜିକେଏ ନାନୁ ପୁଞ୍ଜାମାଇଁ ।

୪ ଆତିହ୍ ଜିକେଏ ନୀ କପାଟି ନା ଇ କାତା ମାନେ, ତଲି ଜୀଝୁନହ୍ ମାଞ୍ଜାତିଲେହେଁ ନୀଏଁ ଜୀଝୁନହ୍ ମାଞ୍ଜାଅତି ।

୫ ଅଡ଼େ ନୀନୁ ଏନିକ୍ ଡ଼ଇ ତରଗା ମାଞ୍ଜି ଏଦାଆଁ ଅଣ୍ଡାପାନା ନୀ ପାପୁ ପିସାହାଁ ମନ ଝେଟ୍ଟୁ ଅଡ଼େ ତଲିତିଲେହେଁ ସାତା କାମା କିମ୍ପୁ, ଆଆତ୍ ଏଡ଼େତା ନୀନୁ ହିୟାଁ ଝେଟ୍ଟୁଅତି, ନାନୁ ନୀ ତାଣା ତବେ ଝାହାନା ନୀ ଦୀଝିଁ ନୀ ତାଣାଟି ଏଟକା ଗୁଟିକିୟାଇଁ ।

୬ ଆଡ଼ିଜିକେଏ ନୀ ତାଣା ର ନେହ୍ ଗୁଣୁ ମାନେ ନାନୁ ଏନିକ୍ ନିକଲାଇତାରି ବାରେ କାମା ଅପିହିଲଅଁ ଏଲେକ୍ ନୀନୁଞ୍ଜା ଅପିହିଲଅତି ।”

୭*“କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆରି କୀକାଁ ମାନୁ ଏଦାଆଁ ଝେଣ୍ଡାମ୍ବାସି । ଆମ୍ବାଆସି ଜାଣା ଆନେସି, ଏଞ୍ଜାଣାଇଁ ନାନୁ ମାହାପୁରୁ ରାଜିତା ମାନି ଜୀଝୁଗାଟି ମାରୁନୁତି ପାଡ଼େୟି ତିଞ୍ଜାଲି ହାଇଁ ।”

ସ୍ପର୍ନା କୁଲମିତାକି କାରୁ

୮*“ସ୍ପର୍ନା କୁଲମିତି ଦୁହୁ ତାଣା ରାଟାମ୍ପୁ, ଆମ୍ବାଆସି ତଲିତାସି ଅଡ଼େ ତାୟୁତାସି, ଆମ୍ବାଆସି ହାହାମାରେସି ଅଡ଼େ ଝେଣ୍ଡେ ନୀତିଡେସି, ଏଞ୍ଜାସି ଏଲେଇଞ୍ଜି ମାନେସି ।

୯ ନାନୁ ନୀ ବାରେ କସ୍ ଅଡ଼େ ହାକି କାକୁଲି ପୁଞ୍ଜାମାଇଁ, ସାମା ନାନୁ ବାଡ଼କୁ ଗାଗାଟି ଅଡ଼େ ଆମ୍ବାଆରି ଜୀହୁଦି ଲକୁ ଆଆନା ମାନୁ ଜୀହୁଦି ଲକୁତମି ଇଞ୍ଜି ଇନେରି, ଏଞ୍ଜାରି ସୟତାନ ଗତିତାରି ଏଞ୍ଜାରି ନିନ୍ଦା ଜିକେଏ ନାନୁ ପୁଞ୍ଜାମାଇଁ ।

୧୦ ମୀରୁ ଏନିକ୍ ଦୁକୁ ବେଟାଆହାଲି ହାକି ମାଞ୍ଜେରି, ଏ ବାରେ ଆଜାଆଦୁ; ମେହ୍ଦୁ ମିଙ୍ଗେ ତାୟିପାରି କିହାଲି ସୟତାନ ମୀ ବିତ୍ରାଟି ଆମ୍ବା ଆମ୍ବାଆରାଇଁ କାୟିଦିତା ଇତିନେ, ଅଡ଼େ ମୀରୁ ଦସ ଦିନା କସ୍ ବେଟାଆଦେରି । ମୀରୁ ହାନି ପାଡେକା ନୀମୁତଲେ ମାଞ୍ଜୁ, ଆତିହ୍ ନାନୁ ମିଙ୍ଗେ ଜୀଝୁତି ଟପେରି ହିୟାଇଁ ।”

୧୧*“କୁଲମିତି ସୁଦୁଜୀଝୁ ଏନାଆଁ ଝେସିମାନେ, ଝେଞ୍ଜାଲି କୀକାଁ ମାଟିସାରେ ଝେଣ୍ଡାମ୍ବାସି, ଆମ୍ବାଆସି ଜାଣା ଆନେସି ଏଞ୍ଜାଣାଇଁ ଅର ଦେବାତି ହାକି ତଲେ ନସ୍ କିହାଲି ଆଡେଏ ।”

ପର୍ଗମ କୁଲମିତାକି କାରୁ

୧୨ “ପର୍ଗମ କୁଲମିତି ଦୁହୁ ତାଣା ରାଟାମ୍ପୁ, ଆମିନି ଗାଟାଣି ତାଣା ରିକଞ୍ଜାକି ଦାରା ଗାଟି କାଣ୍ଡା ମାନେ ଏଞ୍ଜାସି ଏଲେଇଞ୍ଜି ମାନେସି ।

୧୩ ଆମିନି ତାଣା ସୟତାନତି ସିଂଗାସାଣି, ଏମ୍ବାଆଁ ନୀନୁ ବାସା କିହମାଞ୍ଜି, ଇଦାଆଁ ନାନୁ ପୁଞ୍ଜାମାଇଁ, ଆତିହ୍ ଜିକେଏ ନୀନୁ ନା ଦରୁତି ଆଡ଼ଞ୍ଜା ତଲେ ଆସାମାଞ୍ଜି, ଅଡ଼େ ନା ସାକି ଆଡ଼ିପା ଏଟିବେଲା ମୀ ତାଣା ସୟତାନତି ବାସା ଟାୟୁତା ପାୟୁଡ଼ି ଆହାମାରେସି, ମୀରୁ ନା ତାଣା ନାମାମାନାକି ଏଟିବେଲାତା ଜିକେଏ ନାଙ୍ଗେ ପୁଞ୍ଜାହିଲଅଁ ଇଞ୍ଜାଆତି ।

୧୪ ଆଡ଼ିଜିକେଏ ନୀ କପାଟି ର କାତା ମାନେ, ଇତିହ୍ ଆମିନି ବିଲିୟମ ପେଣ୍ଡାକା ବମାୟାକି ଡାକାମାନି ବଗୁ ତିନି ତାଣାଟି ପାପୁ ଅଡ଼େ ଦାରିକାମା କିଞ୍ଜିକିନି ପାନ୍ଦା ମେଡ଼ହାଲି ଇସ୍ପାୟେଲ ମୀରକା ବାଲାକଇଁ ଜାପୁହା ମାରେସି, ଏଲେତି କାମା କିନି ଲକୁ ମୀ ବିତ୍ରାଟି ଏଚରଜାଣା ତାକିନାରି ମାନେରି ।

୧୫ ଏଲେକିହ୍ ଏ ନିକଲାଇଁ ଜାପୁମାଣି ଆସାମାନି ଲକୁ ମୀ ବିତ୍ରା ମାନେରି ।

୧୬ ଏଦାଆଁତାକି ମୀ ପାପୁ ପିସାହାଁ ହିୟାଁ ଝେଟ୍ଟୁ ଆଆତ୍ ନାନୁ ମୀ ତାଣା ତବେ ଝାହାନା ନା ଗୁତିତି ହନି କାଣ୍ଡାତଲେ ଏଞ୍ଜାରି କପାଟି ଲୁକୁ କଇଁ ।”

୧୭*“କୁଲମିକାଣି ସୁଦୁଜୀଝୁ ଏନାଆଁ ଝେସିମାନେସି ଆମ୍ବାଆରି କୀକାଁ ମାନୁ ଏଦାଆଁ ଝେଣ୍ଡାମ୍ବାସି । ଆମ୍ବାଆସି ଜାଣା ଆନେସି ଏଞ୍ଜାଣାକି ଡ଼ଗୁମାନି ମାନା ତିଞ୍ଜାଲି ହାଇଁ ଅଡ଼େ ଏଞ୍ଜାରି ବିତ୍ରାଟି ବାରେଜାଣାଟି

ପୁଅନି ଦରୁ ରାଘବି ଆହାମାନି ର ଦବଲ୍ଲା ଖାଲି ହାଈ, ଏ ପୁଅନି ଦରୁ ଏନାୟି ଖାଲି ଆନାଣି ପିସ୍‌ପେ ଆମ୍ବାଆସି ପୁନଅସି ।”

ତୁୟାତିରା କୁଲମିତାକି କାବୁ

୧୮ “ତୁୟାତିରା କୁଲମିତି ଦୁତୁ ତାଣା ଇଲେଇଞ୍ଜି ରାତାମ୍ବୁ, ମାହାପୁରୁ ଆମିନି ମୀରୁଏଣା କାଣକା ତାଞ୍ଜିମାନି ହିତୁ ଲେହେଁ ଇଞ୍ଜା ପାଠଆନା କତାୟାଁ ମୁସିମାନି ପିତାଡ଼ା ଲେହେଁ ଏଞ୍ଜାସି ଏଦାଆଁ ଏଲେଇଞ୍ଜି ମାନେସି ।

୧୯ ନାନୁ ନୀ କାମା, ଜୀଝୁ ନନାଣି, ନାମୁତଲେ ସେବା କିନାଣି, ଅତୁହିନାଣି ପୁଞ୍ଜାମାଈ, ଅଡ଼େ ନୀ ତଲିତି କାମା କିହାଁ ନାଏଁ ହାରେକା ଗାଡ଼ି କାମା କିହିମାଞ୍ଜି, ଇଦାଆଁ ଜିକେଏ ପୁଞ୍ଜାମାଈ ।

୨୦ ଆଡ଼ିଜିକେଏ ନୀ କପାଟି ର ଇତି କାତା ମାନେ, ଜିଜେବଲ୍ଲ ଦରୁଗାଟି ଆମିନି ଇୟା ଜାହାରାଈ ମାହାପୁରୁ ଅଣପୁତି ବଲ୍ଲ ଝେକନାତେଏଁ ଇଞ୍ଜି ଝେସାକତାନା, ନା ସେବା କିନାରାଈ ଦାରିକାମା ଅଡ଼େ ପେଣକା ବମାୟାକି ତାକାମାନି ବଗୁ ତିଞ୍ଜାଲି ଜାପୁହାନା ଲାଗେଏ କିଞ୍ଜି କିହାମାନେ, ମୀରୁ ଏଦାଣି ଅତୁହି ମାଞ୍ଜେରି ।

୨୧ ନାନୁ ଏଦାନାକି ତାନି ପାପୁ କାମା ପିସାନା ମନ ଝେବହାଲି ହାତି ଜିକେଏ, ତାନି ଦାରିକାମା ପିସାଲି ମନ କିଆଡ଼େ ।

୨୨ ଇଦାଆଁତାକି ନାନୁ ଏଦାନି ମାତୁ ହୁଞ୍ଜିକିଈ, ଅଡ଼େ ଆମିନି ଗାଗାରି ଏଦାନିତଲେ ଦାରିକାମା କିନେରି, ଏଞ୍ଜାରି ତାନି ପାପୁ କାମାଟି ହିୟାଁ ଝେବୁଆତୁଁ ନାନୁ ଏଞ୍ଜାରାଈ ଆଜିହପେତି ସାସ୍ତି ହାଈ ।

୨୩ ଅଡ଼େ ନାନୁ ତାନି ମୀରୁକା ମାସ୍‌କାଈ ହାକି ତଲେ ନାସାକିଈ, ଏତେଟିଏ ନାନୁ ବାରେ ଲକୁତି ହିୟାଁ ଅଡ଼େ ମନତି ଅଣପୁତି ପୁନାତେଏଁ, ଅଡ଼େ ବାରେଜାଣାକି ତାନି କାମାଟି ପାଡ଼େୟି ହାନାତେଏଁ ଇଞ୍ଜି ବାରେ କୁଲମିକା ପୁଞ୍ଜାମୁ ।”

୨୪ “ସାମା ମୀରୁ ତୁୟାତିରାତି ଏଚରଜାଣା ମାନାତେରି ଏ ଲାଗେଏତି ଜାପୁନାଣି ଆସା ହିଲଅତେରି, ଇଞ୍ଜା ଏବକାତାରି ଏନାଆଁ ସୟତାନତି ତୁଗୁମାନି କାତା ଇଞ୍ଜି ଇନେରି, ଏଦାଆଁ ମୀରୁ ଜାପାହିଲଅତେରି, ନାନୁ ଏଞ୍ଜାରି ଲାକ ଏନି ପୁଅନି ବଲ୍ଲ ହାଆଁ ।

୨୫ ଇତିହଁ ମୀ ତାଣା ଏନାୟି ମାନେ ଏଦାଆଁ ନା ଝାନି ଦିନା ପାତେକା ତୀରିତଲେ ଆସାମାଞ୍ଜୁ ।”

୨୬ ଆମ୍ବାଆସି ଜାଣା ଆନେସି, ଅଡ଼େ ତାୟୁ ପାତେକା ନା କାମା କିନେସି, ନାନୁ ଏନିକିହଁ ନା ଆବା ତାଣାଟି ଅଦିକାରା ବେଗାଆହାମାଈ, ଏଲେକିହଁ ଏ ଏଞ୍ଜାଣାକି ଏ ଦେସାତି ଅଦିକାରା ହାଈ ।

୨୭ ଏଞ୍ଜାସି ବାରେ କୃତାତି ଲକୁଣି ଲହ ବାଡ଼ଗା ତଲେ ସାଲୁଞ୍ଜି କିନେସି ଅଡ଼େ ଇରୁଆ ତୁକାୟାଁ ଲେହେଁ କୁରୁକୁଟା କିନେସି ।

୨୮ ଅଡ଼େ ନାନୁ ଏଞ୍ଜାରାକି ଝେୟାଜାରା ହୁକା ଜିକେଏ ହାଈ ।

୨୯ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆରାକି କାର୍କା ମାନୁ ଏଦାଆଁ ଝେଣ୍ଡମ୍ବସି ।”

୩

ସାଦଁ କୁଲମିକି କାବୁ

୧ “ସାଦଁ କୁଲମିତି ଦୁତୁ ତାଣା ରାତାମ୍ବୁ, ଆମ୍ବାଆସି ମାହାପୁରୁତି ସାଡ଼ାଗଟା ଜୀଝୁୟାଁ ଅଡ଼େ ସାଡ଼ାଗଟା ହୁକାୟାଁ ଆସାମାନେସି ଏଞ୍ଜାସି ଏଲେଇଞ୍ଜି ମାନେସି, ନାନୁ ମୀ କାମା ବାରେ ପୁଞ୍ଜାମାଈ ମୀରୁ ଦରୁ ତାକି ଜୀଝୁ ଗାଟାତେରି, ସାମା ସାତା ତଲେ ହାଡ଼ାତେରି ।

୨ ଜାଗ୍ରାତା ଆଦୁ ଅଡ଼େ ମୀ ତାଣା ଏନାୟି ମାନେ ଏ ବାରେ ତୁଗୁନି ନକେଏ ଏଞ୍ଜାଆଁ ବାଡ଼ୁୟୁ କିଦୁ, ଇତିହଁ ନାନୁ ମୀ ବାରେ କାମା ନା ମାହାପୁରୁ ନକିତା ଦହ ହିଲଆଗାଗାୟି ତଞ୍ଜା ଆହା ହିଲେଏ ।

୩ ଏଦାଆଁତାକି ମୀରୁ ଏନିକଁ ଜାପାମାଞ୍ଜେରି ଅଡ଼େ ଝେଞ୍ଜାମାଞ୍ଜି ଏଦାଣି ଅଣପୋନା ମାନୁଞ୍ଜି ଆଦୁ ଇଞ୍ଜା ପାପୁତି ହିୟାଁ ଝେବୁଦୁ; ମୀରୁ ଜାଗ୍ରାତା ଆଆତିହଁ ନାନୁ ସରୁଲେହେଁ ମୀ ତାଣା ଝାଈ, ଏଦାଣି ଏନିଜିକେଏ ମୀରୁ ପୁଞ୍ଜାଲି ଆଡ଼ଅତେରି ।

୪ ସାମା ସାଦଁତା ମୀ ବିତ୍ରା ଏଚରଜାଣା ମାନେରି, ଏଞ୍ଜାରି ତାନି ହିମ୍ବୁରିକା ମାହଁ କିହାଁ ହିଲଅରି, ଏଞ୍ଜାରି ଅପ୍‌ନି ହିମ୍ବୁରିକା ହୁତାନା ନା ତଲେ ତାକିନେରି, ଏନାଆଁତାକି ଇତିହଁ ଏଞ୍ଜାରି ପାଡ଼ା ଆଡ଼ାରି ।

* ୩:୩ ମାତି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲ ୧୬:୧୫

୫ *ଆତ୍ମାଆରି ଜୀଣା ଆନେସି ଏଝାରି ଏଲେତି ଅପନି ହିମ୍ବିରିକା ହୁଚିନେରି, ଅଡ଼େ ନାନୁ ଏଝାରି ଦରୁ ଜୀଝୁଗାଟି ପତିତି ଏଚେଲାଝା ମ୍ବେକ୍‌ଅଁ, ଇଞ୍ଜା ନାନୁ ନା ଆବା ଅଡ଼େ ତାନି ଦୁରୁୟାଁ ନକିତା ନା ତଲେତାରି ଇଞ୍ଜିହଁ ଏଝାରି ଦରୁ ଝେକ୍‌କଇଁ ।”

୬ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେସି ଆତ୍ମାଆରି କୀର୍କା ମାନୁ ଏଦାଆଁ ଝେଣ୍‌ମାସି ।”

ପିଲାଦେଲ୍‌ପିୟା କୁଲମିତାକି କାବୁ

୭ “ପିଲାଦେଲ୍‌ପିୟା କୁଲମିତି ଦୁରୁ ତାଣା ରାଡ଼ାମ୍ବୁ, ଆତ୍ମାଆସି ସୁଦୁଗାଟାସି ଅଡ଼େ ସାତାତାସି ଆନିନିଗାଟାଣି କେୟୁତା ଦାଝୁଦତି କୁଟିକାଡ଼ି ମାନେ, ଏଝାସି ଦାରା ଦେତିସାରେ ଆତ୍ମାଆସି ସୁଣ୍ଡାଲି ଆଡ଼ଅସି, ଅଡ଼େ ଦାରା ସୁଣ୍ଡିସାରେ ଆତ୍ମାଆସି ଦେଚାଲି ଆଡ଼ଅସି,

୮ ଏଝାସି ଏଲେଇଞ୍ଜି ମାନେସି ନାନୁ ମୀ କାମା ପୁଞ୍ଜାମାଇଁ, ସିନିକିଦୁ ନାନୁ ମୀ ନକିତା ର ଦାରା ଦେଚାମାଇଁ, ଏଦାଆଁ ଆତ୍ମାଆସି ସୁଣ୍ଡାଲି ଆଡ଼ଅସି, ଇଚିହଁ ମୀ ବାଡ଼ୟୁ ଉଣା ମାଟି ଜିକେଏ ନା ଜାପୁନାଣି ମୀରୁ ମାନୁଝି ଆହାମାଞ୍ଜେରି, ଇଞ୍ଜାଁ ନା ଦରୁ ଏଚେଲା ପୁଞ୍ଜାହିଲଅମି ଇଞ୍ଜିଁ ଇଞ୍ଜାହିଲଅତେରି ।

୯ ମେହ୍‌ଦୁ ଆତ୍ମାଆରି ଜୀହୁଦି ଲକୁ ଆଏ, ସାମା ମିତି ତଲେ ଜୀହୁଦି ଲକୁତମି ଇଞ୍ଜିଁ ଇଞ୍ଜିମାନେରି ଇଲେତି ସୟତାନ ଗଚିତି ଲକୁଣି ନାନୁ ମୀ କତାଣା ଜହରା କିଝି କିୟାଇଁ, ଇଞ୍ଜାଁ ନାନୁ ମିଙ୍ଗେ ଜୀଝୁନହଁ ମାଞ୍ଜାଇଁ ଇଞ୍ଜିଁ ଏଝାରି ପୁଞ୍ଜାଲି ଆଡ଼ିନେରି ।

୧୦ ନା ହୁକୁମି ଲେହେଁ ସାସା ଆସାନା ମାଞ୍ଜେରି, ଇଦାଆଁତାକି ଦାରୁତି ଲକୁଣି ତାୟିପାରି କିହାଲି ବାରେ ଦାରୁତିତା ଆନିନି ତାୟିପାରି କିନି ଦିନା ଝାନେ, ଏମାଟି ନାନୁ ଜିକେଏ ମିଙ୍ଗେ ଗେଲ୍‌ପାଇଁ ।

୧୧ ନାନୁ ତବେ ଝାହ୍‌ମାଙ୍ଗି ମୀ ଜାଣାଆଡ଼ି ଚଢ଼େରି ଏନିକଁ ଆତ୍ମାଆସି ମାଞ୍ଜା ଅୟଅସି ଏଦାଆଁତାକି ମୀ ତାଣା ଏନାୟି ମାନେ ଏଦାଆଁ ତାଂଟା ତଲେ ଆସାଁ ତୟାଦୁ ।

୧୨ *ଆତ୍ମାଆସି ଜୀଣା ଆନେସି ନାନୁ ଏଝାଣାଇଁ ନା ମାହାପୁରୁ ଲକୁତି ମୁଣ୍ଡାଲେହେଁ କିଇଁ, ଏଝାସି ଏମାଟି ପାଙ୍ଗାତା ହାଲଅସି, ନାନୁ ନା ମାହାପୁରୁତି ଦରୁ ଅଡ଼େ ଲାକପୁରୁତି ଝାହାମାନି ପୁଞ୍ଜି ଜିରୁସାଲମ ମା ମାହାପୁରୁତି ଗାଡ଼ାତି ଦରୁ ଇଞ୍ଜାଁ ନା ପୁଞ୍ଜି ଦରୁ ତାନି ଲାକ ରାଡ଼ିକି ।”

୧୩ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେସି, ଆତ୍ମାଆରି କୀର୍କା ମାନୁ ଏଦାଆଁ ଝେଣ୍‌ମାସି ।”

ଲାଝୁଦିକିୟା କୁଲମିକି କାବୁ

୧୪ “ଲାଝୁଦିକିୟା କୁଲମିତି ଦୁରୁ ତାଣା ରାଡ଼ାମ୍ବୁ, ଆତ୍ମାଆସି ସାତା ଇଞ୍ଜାଁ ନାନୁଗାଟାସି ଅଡ଼େ ସାତା ସାକି ହୀନେସି, ଅଡ଼େ ଆତ୍ମାଆସି ମାହାପୁରୁ ଗାଡ଼ିକିତାଣି ମୁଲୁଏ ଗାଡ଼ିକିତାସି ଏଝାସି ଏଲେଇଞ୍ଜି ମାନେସି ।

୧୫ ନାନୁ ମୀ କାମା ପୁଞ୍ଜାମାଇଁ, ମୀରୁ ହିଡ଼ଡ଼ି ଆଏ କି ଉସମି ଜିକେଏ ଆଏ, ମୀରୁ ହିଡ଼ଡ଼ି କି ଉସମି ଆହାମାଟି ନେହଁ ଆଡ଼େମା ।

୧୬ ସାମା ମୀରୁ ହିଡ଼ଡ଼ି କି ଉସମି ଆଆନା କାଝିନି ଆହାମାନାକି ନାନୁ ମିଙ୍ଗେ ନା ଗୁତିଚି ହୁପାଲି ହାଜିମାଇଁ ।

୧୭ ନାନୁ ଏଲେ ଇଞ୍ଜିମାଞ୍ଜି, ‘ନାନୁ ବାଡ଼କୁ ଗାଟାତେଏଁ ନାଙ୍ଗେ ହାରେକା ଦନ ମାନେ; ନାଙ୍ଗେ ଏନାୟି ଲଡ଼ା ହିଲେଏ ।’ ସାମା ନାନୁ କାର୍ମା କାକୁଲି ଗାଟାତି ଅଡ଼େ ସାୟେମି ହିଲଆଗାଟାଟି, ହାକି ଗାଟାଟି, କାଣା ଅଡ଼େ ନାଗଡ଼ା ଗାଟାଟି, ଇଦାଆଁ ପୁଞ୍ଜାହିଲଅତି;

୧୮ ଇଦାଆଁତାକି ନାନୁ ନିଙ୍ଗେ ଇ କାତା ଝେସିମାଞ୍ଜାଇଁ ନାନୁ ବାଡ଼କୁ ଗାଟାଟି ଆହାଲିତାକି ହିରୁତା ହୁତିଚି ବାଂଗାରା ଅଡ଼େ ନୀ ନାଗଡ଼ାତି ଲାଜା ଏନିକିହଁ ତଞ୍ଜା ଆଏ ଇଦାଆଁତାକି ହୁଗାଲି ଦବଲା ହିମ୍ବିରି ଇଞ୍ଜାଁ କାଣିକା ମେସାଲି ତାକି କାଣିକାଣାଁ ରୁବାକତିନାଣି ନା ତାଣାଟି କତାମ୍ବୁ ।

୧୯ *ନାନୁ ଏଚେକା ଲକୁଣି ଜୀଝୁ ନିକଁ ଏଝାରାଇଁ ଦାକା ଅଡ଼େ ତଣ୍ଡ ହୀଇଁ ଏଦାଣିତାକି ରାହାଁ ଆହାଁ ମନ ଝେଟ୍‌ହା କତାମ୍ବୁ ।

୨୦ ମେହ୍‌ଦୁ ନାନୁ ଦୁଝେରି ତାକିତା ନିଚାନା ଦାରା ଝେଟିମାଇଁ ଆତ୍ମାଆସି ନା ଗିୟାଁ ଝେଞ୍ଜାନା ଦାରା ଦେନେସି ଆଡ଼ିଁ ନାନୁ ବିତ୍ତା ହଡ଼ାନା ତାନି ତାଣା ହାଇଁ ଅଡ଼େ ନାନୁ ଏଝାଣିତଲେ ରାନ୍ଦା ତିଇଁ ଅଡ଼େ ଏଝାସି ନା ତଲେ ରାନ୍ଦା ତିନେସି ।

୨୧ ନାନୁ ଏନିକିହଁ ଜୀଣାଆହାନା ନା ଆବା ତଲେ ସିଂଗାସାଣିତା କୁଗାମାଇଁ ଏଲେକିହଁ ଏ ଆତ୍ମାଆସି ଜୀଣା ଆନେସି ନାନୁ ଏଝାଣାଇଁ ନା ତଲେ ନା ସିଂଗାସାଣିତା କୁଗାଲି ହାଇଁ ।”

* ୩:୫ ଝେ ବଲ୍ଲ ୨୦:୧୨; ମାଟି ୧୦:୩୨; ଲୁକ ୧୨:୮ ✦ ୩:୧୨ ଝେ ବଲ୍ଲ ୨୧:୨ ✦ ୩:୧୯ ଏଲ୍ ୧୨:୬

୨୨ “ସୁଦୁଜୀଝୁ କୁଲମିକାଣି ଏନାଆଁ ଝେସିମାନେ, ଆମ୍ବାଆରି କାର୍କା ମାନୁ ଏଦାଆଁ ଝେଣ୍ମାସି ।”

୪

ଲାକପୁରୁ ପ୍ରାଡାନା

୧ ଏଚେଟିଏ ନାନୁ ମେସ୍ତେସ୍, ମେହଦୁ ଲାକପୁରୁଟି ର ଦାରା ଦେପିଆହାମାନେ; ଅଡେ ତୀତ୍ରି ମହୁରି ହାଡାଲେହେଁ ନା ତଲେ ନକେଏ ଜଲିମାଗାଣି ଝେଞ୍ଜା ମାଚେସ୍, ଏଡି ଏଲେଇଞ୍ଜାଚେ “ଇମ୍ବାଆଁ ନିଙ୍ଗା ଖାମ୍ବୁ, ଏନାୟି ଇଦାଆଁ ଡାମ୍ବୁ ଗଚ୍ଠି ଆନେ ଏ ବାରେ ନିଙ୍ଗେ ନାନୁ ତସ୍ତାଇଁ ।”

୨ ଏ ଦେବୁଣିଏ ସୁଦୁଜୀଝୁ ନାଙ୍ଗେ ଲକହାଚେ, ମେହଦୁ ଲାକପୁରୁ ର ସିଂଗାସାଣି ମାଚେ, ଇଞ୍ଜାଁ ସିଂଗାସାଣି ଲାକ ରଅସି କୁଗାମାନେସି ।

୩ କୁଗାମାନାଣି ଖାଣା ହୀରା ଅଡେ ମାଣିକ୍ୟ ଇନି ଦାରାଗାଟି ଖାଲି ଲେହେଁ, ଅଡେ ସିଂଗାସାଣିଟି ମରକତ ଇନି ଦାରା ଗାଟି ଖାଲକା ଲେହେଁ ସାରିସୁରୁ ର ଦାରଣକି ଗୁରଚାମାଚେ ।

୪ ଅଡେ ସିଂଗାସାଣି ସାରିସୁରୁ କଡେ ସାରିଗଟା ସିଂଗାସାଣି ମାନୁ, ଅଡେ ସିଂଗାସାଣିୟାଁ ଲାକ କଡେ ସାରି ଜାଣା ପ୍ରାଟିନାଙ୍ଗା କୁଗାମାନେରି, ଏଞ୍ଜାରି ଦବଲା ହିମ୍ବରିକା ହୁଚାମାନେରି ଇଞ୍ଜାଁ ଏଞ୍ଜାରି ତାୟଁ ତୁ ବାଂଗାରା ଚପେରି ।

୫ *ସିଂଗାସାଣିଟି ବିଲିବାଲା ମିହୁନାୟି ଅଡେ ହାଗୁ ଗୁଣିନି ହାଡା ହଚେ, ଅଡେ ସିଂଗାସାଣି ନକିତା ହିଚୁଗାଟି ସାଡାଗଟା ଦୀଞ୍ଜାୟି ଡାଞ୍ଜିମାଚୁ, ଇ ସାଡାଗଟା ହିଚୁ ବନାୟାଁ ମାହାପୁରୁଟି ସୁଦୁଜୀଝୁୟାଁ

୬ ସିଂଗାସାଣି ନକିତା ଦାପେଣିଲେହେଁ ର ନେହଁ ସାମ୍ବୁରି ତଞ୍ଜାଆହିମାଚେ, ସିଂଗାସାଣି ସାରିସୁରୁଟି ମାଦିଏ ସାରିଗଟା ଜନ୍ତୁ ଜିଝେଡିକା, ଏଞ୍ଜାସିକା ନକିତା ଅଡେ ଡାୟୁଡା କାଣକା ମାନୁ ।

୭ ନକିତି ଜନ୍ତୁ ସିହଁ କାଞ୍ଜାଆନି ଲେହେଁ, ଅଡେ ରୀ ଲମ୍ବର ଜନ୍ତୁ ବାଟା କଡି ଲେହେଁ, ତାନି ଲମ୍ବର ଜନ୍ତୁଟି ମ୍ବମ୍ବୁମାଣସିଟି ମ୍ବମ୍ବୁ ଚୁଲହେଁ, ଅଡେ ସାରି ଲମ୍ବର ଜନ୍ତୁ ଲାକ ଉମ୍ବିମାନି ଲେଡ଼ ଚୁଲହେଁ ତଞ୍ଜାଆହିମାଚେ ।

୮ ବାରେ ଜନ୍ତୁୟାଁକି ସ ଗଟା ମାରାୟାଁ ଏ ମାରାୟାଁ ବିଡ୍ରା ଅଡେ ପାଙ୍ଗାତା କାଣକା ମାନୁ ଏଞ୍ଜି ଲାଆଁ ମାଦେନା ଜମାଆନା ଏଲେଇଞ୍ଜା ମାନୁ ।

“ସୁଦୁ, ସୁଦୁ, ସୁଦୁ, ବାରେ ବାଡ଼ୁୟୁଗାଟି ମାହାପୁରୁ,

ଆମ୍ବାଆସି ତଲିଏ ମାଚେସି ନୀସଁ ମାନେସି ଅଡେ କାଲେଏ ମାନେସି, ଏ ପ୍ରବୁ ।”

୯ ଜନ୍ତୁୟାଁ ଏଟିବେଲା ଏ ସିଂଗାସାଣିତା କୁଗାମାନି କାଲାକାଲାଟି ଜୀଝୁଗାଟି ମାଣସିଇଁ ଗାଝୁରମି ସାମ୍ବୁନି ଅଡେ ଜହରା କିନେରି ।

୧୦ ଏଟିବେଲା କଡେ ସାରି ଜାଣା ପ୍ରାଟିନାଙ୍ଗା ସିଂଗାସାଣିତା କୁଗାମାନି ମାଣସିଇଁ ମେଣ୍ଡାକୁତାନା କାଲେଏ ନୀତାମାନି ମାଣସିଇଁ ଜହରା କିଡେରି, ଇଞ୍ଜାଁ ସିଂଗାସାଣି ନକିତା ତାନି ଚପେରିକା ଇଚାନା ଏଲେଇଚେରି ।

୧୧ ମା ପ୍ରବୁ ଅଡେ ମାହାପୁରୁ ।

ନାନୁ ଗାଝୁରମି ସାମ୍ବୁନି ଅଡେ ବାଡ଼ୁୟୁ ବେଗାଆହାଲି ଜଗେ ଗାଗାଟି ।

ଏନାଆଁତାକି ଇତିହଁ ନାନୁ ବାରେ ଗାଡ଼ିକିହା ମାଞ୍ଜି ।

ଅଡେ ନୀ ଅଣପୁ ତଲେ ବାରେ ଗାଡ଼ି ଆହାମାନୁ, ଅଡେ ଜୀଝୁତଲେ ନୀତାମାନୁ ।

୫

ରୁପିନି ପତି ଅଡେ ମେଣ୍ଡା ତାଲୁ

୧ ନାନୁ ସିଂଗାସାଣିତା କୁଗାମାନାଣି ଚିଃନି କେୟୁତା ର ପୁଞ୍ଜଇ ପତି ମେସ୍ତେସ୍, ଏଡି ରିକଞ୍ଜାକି ରାସ୍କି ଆହାମାଚେ ଇଞ୍ଜାଁ ସାଡାଗଟା ସାଲି ଝେପି ଆହାମାଚେ ।

୨ ଅଡେ ନାନୁ ବାଡ଼ୁୟୁ ଗାଟି ର ଲାକପୁରୁଟି ଦୁଡୁଇଁ ମେସ୍ତେସ୍, ଏଞ୍ଜାସି କାଜା ଗିୟାଁତଲେ ଏଲେଇଚେସି, ଆମ୍ବାଆସି ଇ ସାଲି ହୁକହାନା ପତିଟି ଦେଚାଲି ପାଡାଆନେସି ।

୩ ସାମା ପତିଟି ଦେଚାଲି, ଏମ୍ବାଆଁ ଏନାୟି ରାସ୍କି ଆହାମାନେ, ସିନିକିହାଲି ଲାକପୁରୁ, ଦାରୁଡିତା ଅଡେ ତାଡେପୁରୁତା ଆମ୍ବାଆସି ସାସା କିଆଡେସି ।

୪ ଏ ପତିଟି ଦେଚାଲି କି ଏଦାଆଁ ସିନିକିହାଲି ଆମ୍ବାଆସି ସାସା କିଆଲିଏ ନାନୁ ହାରେକା ଡୀଡେସ୍ ।

* ୪:୫ ଝେ ବଲ୍ଲୁ ୮:୫; ୧୧:୧୯; ୧୭:୧୮; ଝେ ବଲ୍ଲୁ ୧:୪

୫ ଏମାଟିଏ ପ୍ରାଚିନାଙ୍ଗା ବିଦ୍ରାଟି ରଅଧି ନାଙ୍ଗେ ସାସା ହୀହାନା ଏଲେଇଞ୍ଜାତେସି, “ତୀଆନି, ସିନିକିମ୍ବୁ ଜୀହୁଦା ଗଟିତ ଦାଞ୍ଜୁଦ କୁଡ଼ାତି ସିହ୍ ଜୀଣା ଆହାମାନେସି; ଏଞ୍ଜାସି ଇ ପତିତି ସାଡ଼ାଗଟା ସାଲି ଦେଗାଲି ଅଡ଼େ ଏ ରୁପିତି ପତି ଏକହାଲି ପାଡ଼ା ଆହାମାନେସି ।”

୬ ଏଚେଟିଏ ନାନୁ ସିନିକିତେଏଁ ସିଂଗାସାଣି, ଅଡ଼େ ପ୍ରାଚିନାଙ୍ଗା ମାଦିଏ ସାରିଗଟା ଜନ୍ତ ତଲେ ର ଫେଣ୍ଡା ତାଲୁ ନିଗାମାନାଣି ମେସ୍ତେଏଁ, ଏ ଫେଣ୍ଡା ତାଲୁ ପାୟୁଝି ଆଡ଼ି ଲେହେଁ ତଞ୍ଜାଆହିମାଚେ, ଏଦାନାକି ସାଡ଼ାଗଟା କମକା ଅଡ଼େ ସାଡ଼ାଗଟା କାଣକା ମାରୁ, ଏ କାଣକା ଦାର୍ତତି ବାରେଞ୍ଜାକି ପାୟୁଝି ଆହାମାଟି ମାହାପୁରୁତି ସାଡ଼ାଗଟା ସୁଦୁଜୀଞ୍ଜୁୟି ।

୭ ଫେଣ୍ଡା ତାଲୁ ସିଂଗାସାଣିତା କୁଗାମାନାଣି ତାଗେ ହାଜାନା ଏଞ୍ଜାଣି ଚିଝନି କେୟୁଟି ଏ ରୁପିତି ପତି ଅଡ଼େସି ।

୮ ଏ ପତି ଅହାଲିଏ ସାରିଗଟା ଜନ୍ତ ଅଡ଼େ କଡ଼େ ସାରି ଜାଣା ପ୍ରାଚିନାଙ୍ଗା ଏ ଫେଣ୍ଡା ତାଲୁ ନକିଡ଼ା ମୁନୁ କୁଡ଼ାହାଁ ଜହରା କିତେରି, ଏ ବାରେଜାଣା ତାକି ର ର ସେବଲି ଅଡ଼େ ମାହାପୁରୁ ଲକୁ ପ୍ରାଡ଼ାନାତି ଦୁପା ଦୁପୁଣି ନେଞ୍ଜାମାନି ର ବାଂଗାରା ଗିନା ମାଚେ ।

୯ ଏଞ୍ଜାରି ର ପୁଝନି ପାରୁ ପାଡ଼ିମାଚେରି;

“ନାନୁ ଏ ରୁପିତି ପତି ଅହାଲି ଅଡ଼େ ଏମାଟି ସାଲି ଦେଗାଲି ପାଡ଼ା ଆନାଟି,

ନାନୁ ପାୟୁଝିଆହାମାଟି, ନୀ ନେତେରିଟି ବାରେ ଗଟି, ବାରେ ହାଡ଼ା, ଦେସା,

ଅଡ଼େ ବାରେ କୁଡ଼ାତି ଲକୁଇଁ ମାହାପୁରୁ ତାକି କଡ଼ାମାଞ୍ଜି,

୧୦ *ନାନୁ ଏଞ୍ଜାରାଇଁ ରାଜାୟାଁ କୁଡ଼ା ଅଡ଼େ ମାହାପୁରୁ ସେବା କିୟାଲି ପୂଜେରାଙ୍ଗା କିହାମାଞ୍ଜି ।

ଏଞ୍ଜାରି ଦାର୍ତତି ସାଲୁଝି କିନେରି ।”

୧୧ ଏମାଟିଏ ନାନୁ ସିନିକିତେଏଁ, ସିଂଗାସାଣି, ଜନ୍ତୁୟାଁ ଅଡ଼େ ପ୍ରାଚିନାଙ୍ଗା ସାରିସୁଟୁ ହାରେକା ଦୁଡୁୟାଁତି ହାଡ଼ା ଝେଚେଏଁ, ଏଝି ମାଣା ମାଣା ଅଡ଼େ ଲାକେ ଲାକେ ଜାଣା ନିଗାମାରୁ ।

୧୨ ଏଝି କାଜା ଗିୟାଁତଲେ ପାଡ଼ିମାରୁ;

“ପାୟୁଝି ଆହାମାନି ଫେଣ୍ଡା ତାଲୁଦେଁ, କାଜାପାଣା, ଦନ, ବୁଦି, ବପୁ, ସାମ୍ବୁ_ମି, ଗାଞ୍ଜୁରମି,

ଜହରା ବେଗାଆହାଲି ପାଡ଼ାଆନେସି ।”

୧୩ ଅଡ଼େ ନାନୁ ଲାକପୁରୁ, ଦାର୍ତତି, ତାଡ଼େପୁରୁ ଅଡ଼େ ସାମ୍ବୁରିତା ମାନି ବାରେ ଜୀଞ୍ଜୁ ଗାଗାଇ ଇଞ୍ଜା ଦାର୍ତତିତା ମାନି ବାରେ ଜୀଞ୍ଜୁ ଗାଗାଇ ପାରୁ ପାଡ଼ିମାନାଣି ଝେଚେଏଁ । ଏଝି ପାଡ଼ିମାରୁ;

“ସିଂଗାସାଣିତା କୁଗାମାନି ମାଣସିଇଁ ଇଞ୍ଜା ତାନି ଫେଣ୍ଡା ତାଲୁଇଁ ଜହରା କିପୁ;

ତାନି ସାମ୍ବୁ_ମି, ଗାଞ୍ଜୁରମି ଅଡ଼େ ବାଡ଼ୁୟୁ କାଲ୍ଲାକାଲ୍ଲାତାୟି ।”

୧୪ ଏଚେଟିଏ ସାରିଗଟା ଜନ୍ତ ପାଲି ଆସାନା ଏଲେଇଚୁ, “ଆନେମ୍” ଅଡ଼େ ପ୍ରାଚିନାଙ୍ଗା ମୁନୁ କୁଡ଼ାହାଁ ଜହରା କିତେରି ।



ସାଡ଼ା ଗଟା ସାଲିୟାଁ

୧ ଅଡ଼େ ନାନୁ ଫେଣ୍ଡା ତାଲୁଇଁ ସାଡ଼ାଗଟା ସାଲିୟାଁ ବିଦ୍ରାଟି ର ଲମ୍ବର ସାଲି ଦେତାଣି ମେସ୍ତେଏଁ, ଅଡ଼େ ସାରିଗଟା ଜନ୍ତ ବିଦ୍ରାଟି ର ଜନ୍ତ ହାଗୁ ଗୁଣି ହାଡ଼ାତଲେ ହାଡ଼ିମାଚାଣି ଝେଚେଏଁ “ଞ୍ଜାମ୍ବୁ !”

୨ ଏମାଟିଏ ନାନୁ ସିନିକିତେଏଁ ଅଡ଼େ ର ଦବ୍ଲା ଗଡ଼ା ଇଞ୍ଜା ତାନି ଲାକ ହଡ଼ାମାଚାଣି କେୟୁଡ଼ା ର ଆମ୍ବୁ ଆସାମାଚେସି, ଅଡ଼େ ଏଞ୍ଜାଣାକି ର ଗଠେପରି ହୀପକିଆଡ଼େ, ଅଡ଼େ ଏଞ୍ଜାସି ଜୀଣା ଆହାଁ ଜୀଣା ଆୟାଲି ହଡ଼ାହାଚେସି ।

୩ ଫେଣ୍ଡା ତାଲୁ ଏଟିବେଲା ରୀ ଲମ୍ବର ସାଲି ଦେତେସି, ଏଟିବେଲା ଅଡ଼େ ରୀ ଲମ୍ବର ଜନ୍ତ ଏଲେଇଗାଣି ଝେଚେଏଁ “ଞ୍ଜାମ୍ବୁ.”

୪ ଏମାଟିଏ ଅଡ଼େ ର ଗଡ଼ା ହଡ଼ା ଖାଡ଼େ, ଏଦି ନେତେରି ଖାଣାଗାଗାୟି; ଲକୁ ଏନିକିଁ ତାମ୍ବୁ ତାମ୍ବୁ ସ୍ତାୟୁଝି ଆନେରି, ଏଦାଆଁତାକି ଦାର୍ତତି ହିଡ଼ି ହେକ କିହାଲି ତାନି ଲାକ ହଡ଼ାମାନାଣାକି ବାଡ଼ୁୟୁ ହୀପକିଆଡ଼େ ଅଡ଼େ ଏଞ୍ଜାଣାକି କାଜା କାଣ୍ଡା ହୀପକିଆଡ଼େ ।

* ୫:୧୦ ଝେ ବଲ୍ଲ ୧:୬

୫ ମେଣ୍ଡା ତାଲୁ ଏତିବେଲା ତାନି ଲମ୍ବର ସାଲି ଦେତେସି, ଏତିବେଲା ତାନି ଲମ୍ବର ଜନ୍ତ ଏଲେଇଞ୍ଜିମାନାଣି ଝେଚେଏ, “ଝାହଁ ସିନିକିମୁ” ଏମ୍ବାଟିଏ ନାନୁ ସିନିକିତେଏ, ମେହୁଦୁ ର କାଡ଼ିନି ଗଡ଼ା; ଅଡ଼େ ଏମ୍ବାଆଁ ହଡ଼ାମାନାଣି କେୟୁତା ର କେଜି ତୁକନାୟି ମାଚେ ।

୬ ଅଡ଼େ ନାନୁ, ସାରିଗଟା ଜନ୍ତୁଟି ଗୁଡ଼ିଟି ହଡ଼ି ଲେହେଁତି ର ହାଡ଼ା ଝେଚେଏ; “ର ଟାକା ତାକି ର କେଜି ଗହଁ ଅଡ଼େ ତାନି କେଜି କାଝିଆ ଜନାୟି ମେଡ଼ା ଆନୁ ସାମା ମାରୁ ଜାତ ମାରୁନୁତି ନିୟୁଁ ଅଡ଼େ ଅଲ୍ଲୁରି ରାସା ନସ୍ତ କିଆଦୁ ।”

୭ ମେଣ୍ଡା ତାଲୁ ଏତିବେଲା ସାରି ଲମ୍ବର ସାଲି ଦେତେସି, ଇଞ୍ଜା ନାନୁ ସାରି ଲମ୍ବର ଜନ୍ତ ଏଲେ ଇଞ୍ଜିମାନାଣି ଝେଚେଏ, “ଝାମୁ !”

୮ ଏମ୍ବାଟିଏ ନାନୁ ସିନିକିତେଏ ଦାରମ୍ବୁ ଝାଣାଗାଟି ଗଡ଼ା, ତାନି ଲାକ ହଡ଼ାମାନାଣି ଦରୁ ହାକି, ଏଝାଣି ଜେତ ଜେତ ଦାରୁତି ହାଜିମାଚେ, ଏଝାରାକି ଦାରୁତିତି ସାରି ବାଗା ବିତ୍ରା ର ବାଗା ମୁହେଁ କାଣ୍ଡା, ହାକି, ରଗ ଅଡ଼େ ଜାଡ଼ାତି ଜନ୍ତୁ ଜିଝେଡ଼ିକା ତଲେ ପାୟାଲି ବାଡ଼ୁୟୁ ହାପୁକିଆଡେ ।

୯ ମେଣ୍ଡା ତାଲୁ ଏତିବେଲା ପାସା ଲମ୍ବର ସାଲି ଦେତେସି, ଏତିବେଲା ଆମିନି ଲକୁ ମାହାପୁରୁତି ବଲ୍ଲ ତାକି ଅଡ଼େ ଏଝାରାକି ହାପୁକି ଆହାମାନି ସାକି ତାକି ହାହାମାଚେରି, ଏଝାରି ଜୀଝୁୟି ନାନୁ ପୁଜାପିଣ୍ଡା ତୁଇ ମେସ୍ତେଏ ।

୧୦ ଏଝାରି କାଜା ଗିୟାତଲେ ହାରିହଁ ଏଲେ ଇଞ୍ଜିମାଚେରି, “ସୁଦୁ ଅଡ଼େ ସାତା ପ୍ରବୁ, ନୀନୁ ଏଚରଦିନା ପାତେକା ଦାରୁତିତି ଲକୁଇଁ ନୀହାୟି କିଆନା ମାଜେ ପାୟାଲି ତାକି ଏଝାରାକି ତଣ୍ଡ ହାଆନା ପିହୁଦି ?”

୧୧ ଏଚେଟିଏ ଏ ବାରେଜାଣା ତାକି ଦବ୍ଲା ହିମ୍ବିକା ହାପୁକିଆଡେ, ଇଞ୍ଜା ଏଝାରି ତଲେତି ତାୟିୟା ସେବା କିନାରି ଏଚରଜାଣା ପାୟୁଡ଼ି ଆନି କାତା ପାୟୁଡ଼ି ଆଆପାତେକା ଏଝାରାକି ଅଡ଼େ ଏଚରଦିନା ଜମାଲି ଝେସ୍ତିଆଡେ ।

୧୨ ମେଣ୍ଡା ତାଲୁ ସ ଲମ୍ବର ସାଲି ଦେତିମାଚାଟି ନାନୁ ମେସ୍ତେଏ; ଦେବୁଣିଏ ଆଜିହଡ଼େପତି ବୁମି ଝାଡ଼ିତେ । ଝେଡ଼ା କାଡ଼ିନି ଝାଣା ହିମ୍ବିରି ଲେହେଁ ଆଡେ, ଅଡ଼େ ଲେଞ୍ଜୁ ନେତେରି ଝାଣା ଆଡେ ।

୧୩ କାଜା ଗାଲି ଏନିକଁ ମାରୁନୁଇଁ ଝାଡ଼ହସାରେ ହିଇଲି ତୟା ପାଡ଼େୟିକା ତରଗିନି ଲେହେଁ ହାଗୁଲାକତି ହୁକାୟି ଦାରୁତିତା ତରଗା ହାରୁ ।

୧୪ ହାଗୁପାକା ତଲୁ ପତି ରୁପୁଡ଼ି ଆଡି ଲେହେଁ ରୁପୁଡ଼ିଆହଁ ମେଣ୍ଡାଜାହାଚେ । ଅଡ଼େ ହରକା ଇଞ୍ଜା ସାମଦୁରି ବିତ୍ରାମାନି ଇଚି ଇଚି ଦେସାୟି ତାନି ଟାୟୁଟି ଗୁଟା ଆହାହାରୁ ।

୧୫ ଅଡ଼େ ଦାରୁତିତି ରାଜାୟି, ସାଲୁଡ଼ି କିନାରି, ଜୁଜୁକିନି କାଜାରି, ଦନ ଗାଗାରି, ବାଡ଼ୁୟୁ ଗାଗାରି, ହଲିୟାଜା ଅଡ଼େ ହଲିୟାଜା ଆଆତାରି ଏଝାରି ବାରେଜାଣା ପାଝୁଟା ଇଞ୍ଜା ହରକାତି କାଜା ଝାଲୁକା ପାରୁଡ଼ା ତୁଇ ହାଜାନା ତୁଗୁିତେରି ।

୧୬ ଅଡ଼େ ଏଝାରି ହରକା ଇଞ୍ଜା ଝାଲୁକାଣି ହାଡ଼ିହଁ ଏଲେଇଚେରି, “ମା ମୁହେଁ ତରଗାନା ସିଂଗାସାଣିତା କୁଗାମାନାଣି ତାଣାଟି ଅଡ଼େ ମେଣ୍ଡା ତାଲୁ କପାଟି ! ମାଜେ ତୁକୁହାମୁ ।

୧୭ ଇଚିହଁ ଏଝାରାକି ଆଜିହଡ଼େପତି କପାଟି ଦିନା ଏଦାତେୟିଏ, ଇଞ୍ଜା ଏମ୍ବାଆଁ ଆମ୍ବାଆସି ନିଗାଲି ଆଡ଼ିନେସି ?”

୭

ଇସ୍ରାୟେଲତି ୧୪୪,୦୦୦ ଲକୁ

୧ ଏଚେଟିଏ ନାନୁ ଦାରୁତିତି ସାରି କନତା ସାରିଗଟା ଦୁତୁୟିଇଁ ନିଚାମାନାଣି ମେସ୍ତେଏ, ଅଡ଼େ ଦାରୁତିତି ସାରିଝାକିତି ଗାଲି ଆଜ୍ଞାମାନେରି, ଏଚେଟିଏ ଦାରୁତି ସାମଦୁରି ଅଡ଼େ ଆମିନି ମାରୁନୁ ମୁହେଁ ଗାଲି ଝାଆପେଝା ଇଞ୍ଜୁଁ ଗାଲିତି ଆଜ୍ଞାମାନେରି ।

୨ ଅଡ଼େ ନାନୁ ର ଦୁତୁଇଁ ଝେଡ଼ା ହପୁଝାକିଟି ହଡ଼ାଝାଡ଼ାଣି ମେସ୍ତେଏ, ଏଦାନି କେୟୁତା ଜୀଝୁତି ମାହାପୁରୁତି ବୁଟୁ ମୁଦ୍ରା ମାଚେ, ଏ ଦୁତୁ ଦାରୁତି ଅଡ଼େ ସାମଦୁରି ନସ୍ତ କିହାଲିତାକି ସାରିଗଟା ଦୁତୁକି ଅଦିକାରା ହାହାମାଚେ, ଏଦି କାଜା ଗିୟାତଲେ ହାଡ଼ାନା ଏଲେଇଚେ,

୩ “ମାମୁ ମାହାପୁରୁତି ସେବା କିନାରି ମୁଞ୍ଜୁତା ବୁଟୁ ମୁଦ୍ରା ନାବଗାଆ ପାତେକା ମାରୁ ଦାରୁତି, ସାମଦୁରି, କି ମାରୁକାଣି ନସ୍ତ କିଆଦୁ ।”

୫ ୭:୧୨ ଝେ ବଲ୍ଲ ୧୧:୧୩; ୧୭:୧୮; ମାତି ୨୪:୨୯; ମାର୍କ ୧୩:୨୪,୨୫; ଲୁକ ୨୧:୨୫ ୬ ୭:୧୨ ଲୁକ ୨୩:୩୦

୪ ଏଚେଟିଏ ମୁଞ୍ଚୁତା ବୁଟୁ ମୁଦ୍ରା ନାବଗାନା କଡ଼ିତାରି ୧୪୪,୦୦୦ ଲକ୍ଷୁ ମାଚେରି ଇଞ୍ଜିଁ ନାନୁ ଝେଚେଏଁ ଏଞ୍ଜାରି ଇସ୍ରାୟେଲତି ବାର କୁଡ଼ାତି ଲକ୍ଷୁ ମାଚେରି ।

୫ ଜାହୁଦା କୁଡ଼ାତି ବାର ମାଣା ଲକ୍ଷୁ ବୁଟୁ ମୁଦ୍ରା କିହାମାନେସି, ରୁବେନ୍ କୁଡ଼ାତି ବାର ମାଣା, ଗାଦ କୁଡ଼ାତି ବାର ମାଣା,

୬ ଆସେର କୁଡ଼ାତି ବାର ମାଣା, ନପ୍ତାଲି କୁଡ଼ାତି ବାର ମାଣା, ମନସି କୁଡ଼ାତି ବାର ମାଣା,

୭ ସିମିୟନ କୁଡ଼ାତି ବାର ମାଣା, ଲେବି କୁଡ଼ାତି ବାର ମାଣା, ଇସାକାର କୁଡ଼ାତି ବାର ମାଣା,

୮ ସୁବୁଲୁନ୍ କୁଡ଼ାତି ବାର ମାଣା, ଜସେପ କୁଡ଼ାତି ବାର ମାଣା, ବିନ୍ୟାମିନ୍ କୁଡ଼ାତି ବାର ମାଣା ଲକ୍ଷୁ ବୁଟୁ ମୁଦ୍ରା କିହାମାନେସି ।

ଗାତି ମାନ୍ଦା ଲକ୍ଷୁ

୯ ଏଚେଟିଏ ନାନୁ ସିନିକିଚେଏଁ ମେହଦୁ ବାରେ ଜାଡ଼ି, ବାରେ କୁଡ଼ା, ବାରେ ଦେସା, ବାରେ ହାଡ଼ା, ଏଜିକିହାଲି ଆଡ଼ାଆଗାରି ର ମାନ୍ଦା ଲକ୍ଷୁ ଅଜିତି ଦବଲ୍ଲା ହିମ୍ବରିକା ହୁଚାମାନି କାଜୁରି ମାଗାୟାଁ କେୟୁତା ଆସାନା ସିଂଗାସାଣି ଅଡ଼େ ମେଣ୍ଡା ତାଲୁ ନକିତା ନିଚାମାନେରି ।

୧୦ ଏଞ୍ଜାରି କାକା ଗିୟାଁତଲେ ଏଲେଇଚେରି, “ଝାରୁଇ ସିଂଗାସାଣିତା କୁଗାମାନି ମାହାପୁରୁ ଅଡ଼େ ମେଣ୍ଡା ତାଲୁ ମାଙ୍ଗେ ଗେଲ୍ଲପାନାସି ।”

୧୧ ସିଂଗାସାଣି, ପ୍ରାଚିନାଙ୍ଗା ଅଡ଼େ ବାରେ ସାରିଗଟା ଜନ୍ତ ସାରିସୁଟୁ ଲାକପୁରୁତି ଦୁଟୁୟାଁ ନିଚାମାନେରି, ଅଡ଼େ ସିଂଗାସାଣି ନକିତା ମୁନ୍ତୁ କୁତାନା ମାହାପୁରୁଇଁ ଜହରା କିହାନା,

୧୨ ଏଲେଇଚେରି, “ଆଡ଼େମନ୍ ନେହାୟି, ଗାଞ୍ଜୁରମି, ବୁଦି, ଜହରା, ସାମ୍ବୁମି, ଅଦିକାରା ଅଡ଼େ ବାଡ଼ୁୟୁ, କାଲାକାଲା ତାକି ମା ମାହାପୁରୁଝାୟି ! ଆଡ଼େମନ୍ ।”

୧୩ ଅଡ଼େ ପ୍ରାଚିନାଙ୍ଗା ବିତ୍ରାଟି ରଅସି ନାଙ୍ଗେ ଝେଞ୍ଜାଚେସି, “ଦବଲ୍ଲା ହିମ୍ବରିକା ହୁଚାମାନି ଇ ଲକ୍ଷୁ ଆମ୍ବାଆରି ? ଅଡ଼େ ଏଞ୍ଜାରି ଏମ୍ବିଟି ଝାହାମାନେରି ?”

୧୪ ନାନୁ ଏଞ୍ଜାଣାଇଁ ଏଲେଇଚେଏଁ, “ଏ ନା ପ୍ରବୁ ନୀନୁଏ ଏଦାଆଁ ପୁଞ୍ଜାମାଞ୍ଜି” ଏମ୍ବାଟିଏ ଏଞ୍ଜାସି ଏଲେଇଞ୍ଜାଚେସି, “ଇଞ୍ଜାରି ଆଜିହପେତି ସାସ୍ତି ଅରୁହାନା ହଡ଼ା ଝାହାମାନେରି, ଇଞ୍ଜାଁ ମେଣ୍ଡା ତାଲୁତି ନେଚେରି ତଲେ ଏଞ୍ଜାରି ତାମି ହିମ୍ବରିକା ରାଚାନା ଦବଲ୍ଲା କିହାମାନେରି ।

୧୫ ଏଦାଆଁତାକି ଏଞ୍ଜାରି ମାହାପୁରୁ ଇଲୁତି ସିଂଗାସାଣି ନକିତା ନିଚାନା ଲାଆଁ ମାଦେନା ଏଞ୍ଜାଣି ଜହରା କିନେରି, ଇଞ୍ଜାଁ ସିଂଗାସାଣିତା କୁଗାମାନାସି ଏଞ୍ଜାରାକି ବାସାଟାୟୁ ହାମେସି ।

୧୬ ଏଞ୍ଜାରାକି ଏଚେଲାଝା ହାକି କି ଏସକି ଆଏ; ଇଞ୍ଜାଁ କାରା କି ଏନି ଝେହନାୟି ତୀଗାଲି ଆଚେଏ ।

୧୭ ଇଚିହଁ ସିଂଗାସାଣି ମାଦିତି ମେଣ୍ଡା ତାଲୁ ଏଞ୍ଜାରି ମେଣ୍ଡା ଗଡ଼ୁଆନେସି । ଅଡ଼େ ଜୀଞ୍ଜୁହାନି ଏୟୁ ହିଚିମାନି ତାଣା ଏଞ୍ଜାରାଇଁ ତାକିକିହା ଅନେସି, ଅଡ଼େ ମାହାପୁରୁ ଏଞ୍ଜାରି କାନୁତି ବାରେ କାଣ୍ଡୁଁ ଜେଜାତୁହନେସି ।”

୮

ସାଡ଼ା ଲମ୍ବର ସାଲି

୯ ମେଣ୍ଡା ତାଲୁ ଏଚିବେଲା ସାଡ଼ା ଲମ୍ବର ସାଲି ଦେତି ଦେବୁଣିଏ ଲାକପୁରୁ ଆଦା ଗଂଟା ପାଚେକା ସାପିଆଡେ ।

୧୦ ଏମ୍ବାଟିଏ ନାନୁ ମାହାପୁରୁ ନକିତା ନିଚାମାନି ସାଡ଼ା ଜାଣା ଦୁଟୁୟାଁଇଁ ମେସ୍ତେଏଁ, ଏଞ୍ଜାରାକି ସାଡ଼ାଗଟା ତାଡ଼ି ମହୁରି ହାପକି ଆଡୁ ।

୧୧ ଏମ୍ବାଟିଏ ଅଡ଼େ ର ଦୁଟୁ ଝାହାଁ ପିଣ୍ଡା ନକିତା ନିଚେ, ଏଦାନି କେୟୁତା ବାଂଗାରା ଦୁପୁଣି ସାଡ଼ଝା ମାଚେ, ଅଡ଼େ ସିଂଗାସାଣି ନକିତି ବାଂଗାରା ପୂଜାପିଣ୍ଡା ଲାକ ବାରେ ମାହାପୁରୁ ଲକ୍ଷୁତି ପ୍ରାଡ଼ାନା ତଲେ ହେରପାଲି ତାକି ହାଚେକା ଦୁପୁଣି ହାପକିଆଡେ ।

୧୨ ଏମ୍ବାଟିଏ ଲାକପୁରୁ ଦୁଟୁ କେୟୁତି ଦୁପୁଣି ବୟଁଁ ମାହାପୁରୁ ଲକ୍ଷୁତି ପ୍ରାଡ଼ାନା ତଲେ ଆଣ୍ଡାନା ମାହାପୁରୁ ନକିତା ଏଗାଚେ ।

୧୩ ତାୟୁ ଏ ଦୁଟୁ ଦୁପୁଣି ସାଡ଼ଝାତା ପୂଜା ପିଣ୍ଡାତି ହିଚୁତଲେ ନେଞ୍ଜିକିହାନା ଦାରୁତି ଲାକ ଡ଼ାଞ୍ଜିଚେ, ଏମ୍ବାଟି ହାଗୁ ଗୁଣିଚେ ବିଜା ରିନି ହାଡ଼ା ଝେଜିଚେ ଇଞ୍ଜାଁ ବୁମି ଝୀତିଚେ ।

୫ ୨:୧୪ ମାତି ୨୪:୨୧; ମାର୍କ ୧୩:୧୯

ତୀତ୍ରି ଉକିନାୟି

୭ ଏଚିବେଲା ସାଡ଼ା ଜାଣା ତୀତ୍ରି ଆସାମାନି ଦୁତୁୟାଁ ସାଡ଼ା ଜାଣା ତୀତ୍ରି ଉକାଲି ତିୟାରା ଆଚେତି ।

୮ ର ଲମ୍ବର ଦୁତୁ ତାନି ତୀତ୍ରି ଉକିଚେ ଏଚେଟିଏ ନେଚେରି ତଲେ ଆଜ୍ଞିୟାଁ ଅଡ଼େ ହିଚୁ ଆଣ୍ଡ଼ି ଆହାଁ ଦାର୍ତ୍ତି ଲାକ ରିଚୁ, ଇଜ୍ଞା ବାରେ ମାରୁନୁ ମାଡ଼ା, ହିଇଲି ଜାଡ଼ା ତଲେ ଦାର୍ତ୍ତିତି ତାନି ବାଗାଟି ର ବାଗା ବାରେ ଝେହା ହାଚେ ।

୯ ଏଚେଟିଏ ରା ଲମ୍ବର ଦୁତୁ ତାନି ତୀତ୍ରି ଉକିନି ଦେବୁଣିଏ ଡ଼ାଞ୍ଜିମାନି ର କାଜା ହରୁ ଲେହେଁତାୟି ସାମ୍ବଦୁରି ଲାକ ରାଚେ ଇଜ୍ଞା ସାମ୍ବଦୁରିତି ଏୟୁ ତାନି ବାଗାଟି ର ବାଗା ନେଚେରି ଆହାହାଚୁ ।

୧୦ ସାମ୍ବଦୁରିତା ମାନି ତାନି ବାଗାଟି ର ବାଗା ଜୀଝୁ ଗାଗାଜ ହାହାହାଚୁ, ଅଡ଼େ ସାମ୍ବଦୁରିତା ମାନି ଜାଜାୟାଁ ତାନି ବାଗାଟି ର ବାଗା ଜାଜାୟାଁ ବିଡ଼ହାହାଚୁ ।

୧୧ ତାନି ଲମ୍ବର ଦୁତୁ ତୀତ୍ରି ଉକିଚେସି, ଇଜ୍ଞା ଦେବୁଣିଏ ହିଚୁ ବଦାଲେହେଁ ଡ଼ାଞ୍ଜିମାନି ର କାଜା ହୁକା ହାଗୁଟି ତାନି ବାଗା କାଡ଼ା ଅଡ଼େ ଉସାଣାଁ ରାଚେ ।

୧୨ ଏ ହୁକାତି ଦରୁ “କାମ୍ବେଲି” ଏଚେଟିଏ ତାନି ବାଗାଟିଏ ର ବାଗା ଏୟୁ କାମ୍ବେଲି ଆଚୁ, ଇଜ୍ଞା ହାରେକା ଲକୁ ଏୟୁ ଗସାନା ହାଚେତି, ଇଚିହଁ ଏଞ୍ଜି କାମ୍ବେଲି କିଞ୍ଜି ଆହାମାଚୁ ।

୧୩ ସାରି ଲମ୍ବର ଦୁତୁ ତୀତ୍ରି ଉକିଚେସି ଇଜ୍ଞା ଝେଡ଼ା, ଲେଞ୍ଜୁ, ହୁକାୟାଁତି ବାରେ ତାନି ବାଗାଟି ର ବାଗା ନସ୍ତୁ ଆଚୁ, ଇଜ୍ଞା ତାନି ବାଗାଟି ର ବାଗା ଉଜେଡ଼ି ଉଣା ଆଚେ, ଇଜ୍ଞା ଲାଆଁୟାଁ ମାଦେନା ତାନି ବାଗାଟି ର ବାଗା ଉଜେଡ଼ି ଉଣା ଆଚେ ।

୧୪ ତାୟୁ ନାନୁ ମେସ୍ତେସ୍, ହାଗୁଟି ମାଦି ଉମ୍ବିମାନି ର ଲେଡ଼ ଜାଜା ହାଡ଼ାତଲେ ଏଲେଇଞ୍ଜିମାଗାଣି ଝେଚେସ୍, ଆହା ! ଦାର୍ତ୍ତିତା ବାସା ଆହାମାନି ଲକୁ ଆଜିହଫେପତି ଡ଼ଣ୍ଡ ବେଟାଆନାରି, ଇଚିହଁ ଅଡ଼େ ତାନି ଜାଣା ଦୁତୁୟାଁ ତୀତ୍ରି ଉକାଲି ହାଜିମାନେରି ।

୯

୧ ଏଚେଟିଏ ପାସା ଲମ୍ବର ଦୁତୁ ତୀତ୍ରି ଉକିଚେସି ନାନୁ ର ହୁକା ହାଗୁଟି ଦାର୍ତ୍ତିତା ରିତାଣି ମେସ୍ତେସ୍, ଏଞ୍ଜାଣାକି ତାଡ଼େପୁରୁତି କୁଚିକାଡ଼ି ହାପକି ଆହାମାଚେ ।

୨ ଏଞ୍ଜାସି ଏ ତାଡ଼େପୁରୁ ଗାଡ଼ୁୟୁ ଦେଗାଲିଏ ଏମ୍ବାଟି କାଜା ହଲୁଡା ହନିଲେହେଁ ବୟଁ ହଡ଼ାଞ୍ଜାଚେ, ଇଜ୍ଞା ଏ ହିଚୁ ଗାଡ଼ୁୟୁତି ବୟଁ ତାକି ଝେଡ଼ା ଇଜ୍ଞା ହାଗୁ ଆନେରି ଆଚେ ।

୩ ଏ ବୟଁଟି ଗପ୍‌ଏରିକା ହଡ଼ାନା ଦାର୍ତ୍ତିତା ଞ୍ଜାଚୁ, ଏଞ୍ଜାସିକାକି ଦାର୍ତ୍ତିତି କାଚାକୁପିତା ମାନି ବାସାତି ବାଡ଼ୁୟୁ ହାପକିଆଚେ ।

୪ ଏଞ୍ଜି ଦାର୍ତ୍ତିତି ମାରୁକା ଗଚା ଜାଡ଼ାତି ନସ୍ତୁ କିଆନା, ଆମ୍ବାଆରି ମୁଞ୍ଜୁତା ମାହାପୁରୁତି ବୁଚୁ ମୁତ୍ରା ହିଲାଆଚେ ଏଞ୍ଜାରାଇଁ କସ୍ତୁ ହାହାଲି ଏଲେଇଶ୍ଚି ଆଚେ ।

୫ ଏଞ୍ଜାରାଇଁ ପାୟାଆନା ପାସା ଲେଞ୍ଜୁ ତାକି କସ୍ତୁ ହାହାଲି ଗପ୍‌ଏରିକାକି ଅଦିକାରା ହାପକିଆଚେ, କାଚାକୁପି କାଚିଚେ ଇଚିସାରେ ଏନିକି ବାସା ଆନେ ଏ କସ୍ତୁ ଏଲେତାୟି ।

୬ ଏଚିବେଲା ଲକୁ ହାହାଲି ଅଶ୍ଚିପନେରି ସାମା ହାଅରି, ଏଞ୍ଜାରି ହାହାଲି ଅଶ୍ଚିପନେରି, ସାମା ହାକି ଏଞ୍ଜାରି ତାଣାଟି ହଟାଚୁହନେ ।

୭ ଏ ଗପ୍‌ଏରିକା ଜୁଜୁତା ହାଜାଲି ତିୟାରା ଆହାମାନି ଗଡ଼ାୟାଁ ଲେହେଁ ତଞ୍ଜାଆହିମାଚୁ, ଏଞ୍ଜାସିକା ତାକାଣା ବାଂଗାରା ଚଫେରି ଲେହେଁ ପିଡ଼ଗି ଆହାମାଚେ, ଏଞ୍ଜାସିକା ମୁମ୍ବୁ ମାଣ୍ଡିସି ମୁମ୍ବୁ ଚୁଲେହେଁ ମାଚେ ।

୮ ଇୟାସିକା ତାୟୁଁ ବାଣାୟାଁ ଲେହେଁ ଏଞ୍ଜାସିକା ବାଣାୟାଁ, ସିହଁ କ୍ଷାଞ୍ଜିତି ପାଲୁକା ଲେହେଁତି ତାନି ପାଲୁକା ମାଚୁ ।

୯ ତାନି ବକତା ଲହ ପାଟା ଲେହେଁତି ପାଟା, ତାନି ମାରାୟାଁ ଞ୍ଜାତିମାନି ହାଡ଼ା ଜୁଜୁ ତାକି ଗଡ଼ାୟାଁ ରାତାୟାଁଣି ରେଜା ଅହିମାନି ଲେହେଁତି ହାଡ଼ା ।

୧୦ କାଚାକୁପିତି ଲେଂଗୁଣି ଇଜ୍ଞା ବାସା ସୁଜା ଲେହେଁ ଏଞ୍ଜାସିକାକି ଲେଂଗୁଣି ଅଡ଼େ ବାସା ସୁଜା ମାଚେ, ପାସା ଲେଞ୍ଜୁ ତାକି ମାଣ୍ଡିସିୟାଁସି ସାସି ହିୟାଲି ଏଞ୍ଜାସିକା ଲେଂଗୁଣିକାଣା ବାଡ଼ୁୟୁ ବେଟାଆହାମାଚୁ ।

୧୧ ଏଞ୍ଜାସିକା ମୁହେଁ ର ରାଜା ସାଲୁଞ୍ଜି କିହିମାନେସି, ଏଞ୍ଜାସି ତାଡ଼େପୁରୁ ଗାଡ଼ୁୟୁତି ଦୁତୁ, ଏତାନି ଦରୁ ଏଡ଼ି ହାଡ଼ାତଲେ ଆବାଦନ୍ ଅଡ଼େ ଗ୍ରିକ୍ ହାଡ଼ାତଲେ ଅପ୍‌ଲିୟନ୍ ଇଚିସାରେ “ନାସା କିନାଜ ।”

୧୨ ତଲିତି ଆଜିହଫେପତି ଡ଼ଣ୍ଡ ଉଣା ଆଚେ ଅଡ଼େ ଜଡ଼େକା ଆଜିହଫେପତି ଡ଼ଣ୍ଡାଁ ଞ୍ଜାହିମାଚୁ ।

୧୩ ସ ଲମ୍ବର ଦୂରୁ ତୀବ୍ର ଉକିତେସି, ଇଞ୍ଜା ନାନୁ ମାହାପୁରୁ ନକିତି ବାଂଗରା ପୂଜା ପିଣ୍ଡାତି ସାରିଗଟା କମ୍ପକା ବିଦ୍ରାତି ର ହାଡ଼ା ଝେଚେଏ ।

୧୪ ଏଦି ତୀବ୍ର ଆସାମାନି ସ ଲମ୍ବର ଦୂରୁଇଁ ଏଲେଇଚେ, “ପରାତ୍ କାଜା କାତାତା ଦସପି ଆହାମାନି ସାରି ଜାଣା ଦୂରୁୟାଁଇଁ ପିସପି କିମ୍ପୁ ।”

୧୫ ଏମ୍ପାଟିଏ ମାଣ୍ଡସିୟାଁଇଁ ତାନି ବାଗାଟି ର ବାଗା ଲକୁଇଁ ପାୟାଲି ତାକି ତିୟାରା ଆହାମାନି ଆମିନି ସାରି ଜାଣା ଦୂରୁୟାଁଇଁ ଏ ଦିନା, ଲେଞ୍ଜୁ ଅଡ଼େ ବାସା କିଞ୍ଚି ଆହାମାଚେ ଏଞ୍ଜାରାଇଁ ପିସପି କିଞ୍ଚିଆଡ଼େ ।

୧୬ ଗଡ଼ାୟାଁ ଲାକ କୁଗାନା ଜୁଜୁ କିନାରି ରା କଟି ମାଚେରି ନାନୁ ଝେଚେଏ ।

୧୭ ଅଡ଼େ ନାନୁ ଗଡ଼ା ଇଞ୍ଜା ଏମ୍ପାଆଁ ହଡ଼ାମାନାରାଇଁ ମେସ୍ପେସି, ଏଞ୍ଜାରି ବକ ପାଟା ହିରୁ ଅଡ଼େ ନାଲି, ହୀଲେରି ଖାଣା; ଗଡ଼ାୟାଁତି ତାକାଁ ପିହୁଁକ୍ଵାଠନି ତାକାଁ ଲେହେଁ, ଇଞ୍ଜା ଏଞ୍ଜାସିକା ଗୁତିଟି ହିରୁ, ବୟଁ, ଅଡ଼େ ଗାନ୍ଦାଗୁଣ୍ଡା ହଡ଼ିମାଚେ ।

୧୮ ଏଞ୍ଜାସିକା ଗୁତିଟି ହିରୁ, ବୟଁ, ଅଡ଼େ ଗାନ୍ଦାଗୁଣ୍ଡା ଲେହେଁ ଈ ତାନିଗଟା ତଣ୍ଡୟାଁ ହିରୁ, ଈ ତଣ୍ଡୟାଁତି ମାଣ୍ଡସିୟାଁ ତାନି ବାଗାଟି ର ବାଗା ପାୟାସି ଆଡ଼େଚି ।

୧୯ ଏନାଆଁତାକି ଇଚିହଁ ଗଡ଼ାୟାଁତି ବାଡ଼ୁୟୁ ତାନି ଗୁତି ଅଡ଼େ ଲେଂଗୁଣିତା ମାଚେ, ଇଚିହଁ ଏଞ୍ଜାସିକା ଲେଂଗୁଣିକା ତାୟଁ ଗ୍ରାତି ରାଚୁ ଲେହେଁ ମାଚାକି ତାନି ଲେଂଗୁଣିକା ତଲେ ଲକୁଣି ନସ୍ତ କିହିମାଚୁ ।

୨୦ ଆମିନି ଲକୁ ଈ କସ୍ତତଲେ ପାୟାସି ଆହା ହିଲିଆଚେଚି, ଏଞ୍ଜାରି ତାନି କେୟୁତଲେ କିତି କାମାତାକି ମନ୍ ଝେଚପି କିଆଚେଚି, ଇଚିହଁ ଦୂରୁୟାଁଣି ପୂଜା, ଅଡ଼େ ମେସାଲି, ଝେଞ୍ଜାଲି, ତାକାଲି ଆଡ଼ାଆଗାଟି ବାଂଗରା, ଝେଣ୍ଡି, ପିତାଡ଼ା, ଖାଲକା ଅଡ଼େ ମାରୁକା ତଲେ କେପିତି ପେଣ୍ଡକା ବମାୟାଁଣି ପୂଜା କିହାଲି ପିହୁଆଚେଚି ।

୨୧ ଅଡ଼େ ଏଞ୍ଜାରି ଲକୁଣି ପାୟାସି, ଗୁଣି ଗାଡ଼ୁଡ଼ି, ଦାରିକାମା, ଅଡ଼େ ସରୁ କାମା କିନିତାଣାଟି ମନ୍ ଝେଚୁଆଚେଚି ।

୧୦

ଲାକପୁରୁତି ଦୂରୁ ଅଡ଼େ ରୁପିତି ଉଞ୍ଜା ପତି

୧ ଏଚେଟିଏ ନାନୁ ର ବାଡ଼ୁୟୁଗାଟି ଦୂରୁଇଁ ଲାକପୁରୁତି ରେଚା ଖାହିମାଚାଣି ମେସ୍ପେସି, ଏଦାନି ସାରିସୁରୁ ଦୁୟା ଇଞ୍ଜା ତାନି ତାୟଁ ଲାକ ଦାରୁଣକି ଅଡ଼େ ତାନି ମୁମ୍ପୁ ଝେଡ଼ା ଲେହେଁ ଅଡ଼େ ତାନି କଡ଼ାୟାଁ ହିରୁ ମୁଣ୍ଡାଲେହେଁ ତଞ୍ଜାଆହିମାଚୁ;

୨ ତାନି କେୟୁତା ଦେପି ଆହାମାନି ର ଉଞ୍ଜା ତଲୁ ପତି, ଏଦି ତାନି ଚିଠନି କଡ଼ା ସାମ୍ପଦୁରିତା ଅଡ଼େ ଚେଡ଼ି କଡ଼ା ଦାରୁତିତା ଇଟାମାଚେ;

୩ ପିହୁଁକ୍ଵାଠନି ଗାଜଁ ନିଲେହେଁ କାଜା ହାଡ଼ାତଲେ ହାଡ଼ିଚେ, ଏଦି ହାଡ଼ାଲିଏ ଏଲେକିହଁ ଏ ସାଡ଼ାଗଟା ହାଗୁ ଗୁଣ୍ଡନାଜ ତାନି ହାଡ଼ା ଝେଜି କିଚୁ ।

୪ ଏ ସାଡ଼ାଗଟା ହାଗୁ ଗୁଣ୍ଡନାଜ ଝେସାଲିଏ ନାନୁ ରାଚିଇଁ ଇଞ୍ଜା ତିୟାରା ଆଡ଼େଏ, ଏଚେଟିଏ ନା ତାକି ହାଗୁଟି ଈ ହାଡ଼ା ଝେଚେଏ, “ଏ ସାଡ଼ାଗଟା ହାଗୁ ଗୁଣ୍ଡନିତାଣାଟି ଏନାଆଁ ଝେଞ୍ଜାମାଞ୍ଜି ଏଦାଆଁ ରାଡ଼ାଆନା ତକୁହା ଇଟାମୁ ।”

୫ ଏଚେଟିଏ ଆମିନି ଦୂରୁଇଁ ସାମ୍ପଦୁରି ଅଡ଼େ ଦାରୁତି ଲାକ ନିଚାମାଚାଣି ନାନୁ ମେସାମାଚେଏ, ଏଞ୍ଜାସି ତାନି ଚିଠନି କେୟୁ ଲାକପୁରୁ ଝାକି ଦାସାନା

୬ ଆମ୍ପାଆସି ଲାକପୁରୁ, ଦାରୁତି, ସାମ୍ପଦୁରି, ଅଡ଼େ ଏମ୍ପାଆଁ ମାନାଣି ବାରେ ଗାଡ଼ି କିହାମାନେସି, ଏ କାଲେଏ ତାକି ନୀତାମାନାଣି ଦରୁତି ପାରୁମାଣା କିହାନା ଏଲେଇଚେସି, “ଅଡ଼େ ଝେଡ଼ା ଆଏଦେଁ”

୭ ଏଚିବେଲାତା ସାଡ଼ା ଲମ୍ବର ଦୂରୁ ତୀବ୍ର ଉକିନେ, ମାହାପୁରୁ ଅଣ୍ଡପୁତି ବଲ୍ଲୁ ଝେକନାରି ଅଡ଼େ ତାନି ସେବା କିନାରାଇଁ ନେହଁ କାଚୁ ଝେସାମାଚେସି, ଏଚିବେଲା ମାହାପୁରୁ ତାନି ତରୁମାନି ଅଣ୍ଡପୁ ପୁରା କିନେସି ।

୮ ଇଞ୍ଜା ନାନୁ ଲାକପୁରୁଟି ଆମିନି ହାଡ଼ା ଝେଞ୍ଜା ମାଚେଏ, ଅଡ଼େ ଝେଣ୍ଡେ ନା ତାକି ଏଲେଇଞ୍ଜି ଝେଜିଚେ, “ହାଲମୁ, ସାମ୍ପଦୁରି ଅଡ଼େ ଦାରୁତି ଲାକ ନିଚାମାନି ଦୂରୁ କେୟୁତା ଆମିନି ତଲୁ ପତି ଦେପିଆହାମାନେ ଏଦାଆଁ ଅମୁ ।”

୯ ଏଚେଟିଏ ନାନୁ ଏ ଦୂତୁ ତାଗେ ହାଜାହାଁ ଏ ଉଣା ତଲ୍ଲ ପତିତି ରୀସ୍ତେଏଁ, ଏଝାସି ନାଜେ ଏଲେଇଞ୍ଜାତେସି, “ଇଦାଆଁ ଅହାଁ ତିନାମୁ; ଈଦି ନୀ ବାଣ୍ଡିତି କାମ୍ବେଲି କିୟାନେ ସାମା ନୀ ଗୁତି ତାକି କିରୟାଁ ଲେହେଁ ଆନେ ।”

୧୦ ଏଚେଟିଏ ନାନୁ ଦୂତୁ କେୟୁଟି ଏ ଉଣା ତଲ୍ଲ ପତି ଅହାଁ ତିଚେଏଁ, ଏଦି ନା ଗୁତି ତାକି କିରୟାଁ ଲେହେଁ ଆଡେ, ସାମା ଏଦାଆଁ ତିତି ତାୟୁ ନା ବାଣ୍ଡି କାମ୍ବେଲି ଆହାହାଚେ ।

୧୧ ଏଚେଟିଏ ନାଜେ ଏଲେଇଞ୍ଜି ଝେସ୍ତାତେସି ହାଡେରକା ଗତି, କୃଡା, ହାଡା ଗାଗାରି ଅଡେ ରାଜାୟାଁ କପାରି ତାୟୁ ଏନାୟି ଗଚଝି ଆନେ ଏଦାଆଁ ନାନୁ ଅଡେ ଝେଶ୍ଟେ ଝେହନାୟି ମାନେ ।

୧୧

ରିଆରି ସାକି ହାନାରି

୧ ଏଚେଟିଏ ନାଜେ ଲାଡିନି ଲେହେଁତି ର ବାଡ଼ଗା ହାପକିଆତେ, ରଅସି ନାଜେ ଏଲେଇଞ୍ଜାତେସି, “ହାଲାନୁ, ମାହାପୁରୁ ଦେଝୁଡ଼ି, ପୂଜାପିଣ୍ଡା ଲାଡ଼ାମୁ ଅଡେ ଆମ୍ବାଆରି ଏମ୍ବାଆଁ ପ୍ରାଡାନା କିନେରି ଏଝାରାଇଁ ଏଜିକିମ୍ ।

୨ *ସାମା ଦେଝୁଡ଼ି ପାଞ୍ଜାତି ଆଂଗେଣିତି ପିହମୁ ଏଦାଆଁ ଲାଡ଼ାଆନି, ଇଚିହଁ ଏଦି ଜାହୁଦିଆଆତାରାକି ହାପକି ଆହାମାନେ, ଏଝାରି ରୀ କଡ଼ି ରୀ ଲେଞ୍ଜୁ ପାତେକା ମାହାପୁରୁ ସୁଦୁ ଗାଡ଼ାତି କଡାତଲେ ଝିସାନା ଦୂଡ଼ି କିନେରି ।

୩ ଅଡେ ନାନୁ ନା ରୀ ସାକିୟାଁଇଁ ପାଣ୍ଡିଇଁ ଏଝାରି ବାସ୍ତାୟାଁ ପରହାନା ୧,୨୬୦ ଦିନା ପାତେକା ମାହାପୁରୁ ଅଣ୍ପୁତି ବଲ୍ଲ ଝେକନେରି ।”

୪ ଏଝାରି ଦାରତିତି ପ୍ରବୁତି ନକିତା ନିଚାମାନି ରୀ ଜୀତ ମାରକା ଅଡେ ରୀ ଦୀଝଁ ସଡ଼ାୟାଁ ଲେହେଁତାରି ।

୫ ଆମ୍ବାଆସି ଏଝାରାଇଁ ନସ୍ତୁ କିହାଲି ଅଣ୍ପିନେସି, ଆତିହଁ ଏଝାରି ଗୁଡିଚି ହିଡୁ ହଡ଼ାହାଁ ଏଝାରି ସାଡ଼ୁୟାଁଇଁ ନାସାକିନେ, ଆମ୍ବାଆସି ଏଝାରାଇଁ ନସ୍ତୁ କିହାଲି ଅଣ୍ପିପିତହଁ, ଏଝାସି ନାସା ଆନେସି ।

୬ ଏଝାରି ମାହାପୁରୁ ବଲ୍ଲ ଝେକନାଚି ଏନିକଁ ପିୟୁ ଆଏ ଏଦାଆଁତାକି ହାଗୁଡ଼ି ସୁଣ୍ଡାଲି ଅଦିକାରା ହାପକି ଆହାମାନେ, ଏଚର ଦେବା ଏଝାରି ମନ ଆନେ ଏଚର ଦେବା ଏଝାରି ଏୟୁଣି ନେତେରି ମିୟୁହାଲି ଅଡେ ଦାରତିତି ଏନି ଇତି ଏଲେତି ମରୁଡ଼ି ତଲେ ଡଣ୍ଡ ହାହାଲି ଏଝାରାକି ଅଦିକାରା ମାନେ ।

୭ *ଏଝାରି ସାକି ହାହାଲି ରାଡ଼ି ତାୟୁ ତାଡେପୁରୁ ଗାଡ଼ୁୟୁଚି ର ଜଡ଼ ହଡ଼ାଝାହାନା, ଏଝାରିତଲେ ଜୁଜୁ କିନେ ।

୮ ଏମ୍ବାତି ଏମିନି କାଜା ଗାଡ଼ା ସୁଦୁଜୀଝୁ ତଲେ ସଦମ ଅଡେ ମିସର ଇଞ୍ଜିଁ ଇନେରି, ଏମିନିତାଣା ତାମି ପ୍ରୁ ଜିକେଏ ପାସିତା ହାହାମାଚେସି, ଏ କାଜା ଗାଡ଼ାତି ଆଂଗେଣିତା ଏଝାରି ମାଡ଼ହାୟାଁ ଡ଼ୟିନୁ ।

୯ ଅଡେ ବାରେ ଦେସା ଗତି, ହାଡ଼ା, ଇଞ୍ଜାଁ କୁଲୁତି ଲକୁ ତାନିଦିନା ଆଦା ପାତେକା ଏଝାରି ମାଡ଼ହାୟାଁଇଁ ମେହନେରି ଅଡେ ଏ ମାଡ଼ହାୟାଁଇଁ ମୁସାଲି ହେଲ ହାଅରି ।

୧୦ ଏଚେଟିଏ ଦାରତିତା ବାସା ଆହାମାନାରି ଏଝାରି ହାଡ଼ି କାକୁ ଝେଞ୍ଜାନା ତିଞ୍ଜି ଉଣ୍ଡିହଁ ରାହାଁ କିନେରି, ଅଡେ ରଅସି ରଅଣାକି ରାହାଁତଲେ ବେଟୁ ହାପକି ଆନେରି, ଇଚିହଁ ଇ ରୀ ମାହାପୁରୁ ଅଣ୍ପୁତି ବଲ୍ଲ ଝେହନାରି ଦାରତିତି ଲକୁଣି କସ୍ତୁ ହାହିମାଚେରି ।

୧୧ ତାନିଦିନା ଆଦା ତାୟୁ ମାହାପୁରୁ ତାଣାଚି ଜୀଝୁଡ଼ି ଗାଲି ଝାହାଁ ଏଝାରି ଆଜାତା ହଚେ, ଏଚେଟିଏ ଏଝାରି କଡ଼ାଣି ବାଡ଼ୁୟୁ କିହାନା ନିଚେରି, ଅଡେ ଆମ୍ବାଆରି ଇ କାମାତି ମେସ୍ତେରି ଏଝାରି ଆଜାହାଚେରି ।

୧୨ ଏଚେଟିଏ ଏଝାରି ଲାକପୁରୁଚି ର କାଜା ହାଡ଼ାତଲେ ଏ ରିଆରାକି ଏଲେ ଇଞ୍ଜିମାଗାଣି ଝେଚେରି, “ଇଦାଆଁ ଝାଦୁ” ଏଚେଟିଏ ଏଝାରି ତାମି ସାଡ଼ୁୟାଁ ଏଝାରାଇଁ ମେସ୍ତନିଏ ଦୁନ୍ଦା ତଲେ ଲାକପୁରୁ ହାଚେରି ।

୧୩ *ଏ ଦେବୁଣିଏ ରୁମି ହାଡେରକା ଝୀତିଡେ ଅଡେ ଗାଡ଼ାତି ଦସ ବାଗାଚି ର ବାଗା ନାସା ଆଡେ, ଅଡେ ୭,୦୦୦ ଲକୁ ହାଡେଚି, ଇଞ୍ଜାଁ ଏଚେକା ଲକୁ ନୀତାମାଚେରି ଆଜିତାକି ଲାକପୁରୁଚି ମାହାପୁରୁଇଁ ଗାଝୁରମି କିଚେରି ।

୧୪ ରୀ ଲମ୍ବର ଆଜିହପେତି ଡଣ୍ଡ ରାଡେ, ସାମା ତାନି ଲମ୍ବର ଆଜିହପେତି ଡଣ୍ଡ ତବେ ଝାହିମାନେ ।

ସାତା ଲମ୍ବର ତୀଡ଼ି ମହୁରି

* ୧୧:୨ ଲକ ୨୧:୨୪ * ୧୧:୭ ଝେ ବଲ୍ଲ ୧୩:୫-୭; ୧୭:୮ * ୧୧:୧୩ ଝେ ବଲ୍ଲ ୭:୧୨; ୧୭:୧୮

୧୫ ତାହୁଁ ଯାତା ଲମ୍ବର ଦୂରୁ ତୀବ୍ର ଭବିତେସି ଇର୍ଷା ଲାକପୁରୁ କାଜା ହାତାତଲେ ଇ ହାତା ଝେଙ୍କିତେ, “ମା ପୁରୁ ଅଡେ ଏଞ୍ଜାଣି ମସିହା ଦାରୁତି ସାଲୁଝି କିନି ଅଦିକାରା ନୀର୍ବ୍ୟ ତାନି କେୟୁତା ଅହାମାନେସି, ଏଞ୍ଜାସି କାଟଲେଏ ତାକି ରାଜି କିନେସି ।”

୧୬ ଏଚେଟିଏ ମାହାପୁରୁ ନକିତା ଜାହା ଜାହାରା ସିଂଗାସାଣିତା କୁଗାମାନି କଡେ ସାରି ଜାଣା ପ୍ରାତିନାଜା ମୁନୁ କୁତାହାଁ ମାହାପୁରୁଇ ଜହରା କିହାଁ,

୧୭ ଏଲେଇଚେରି,
“ପୁରୁ, ବାରେକିହାଁ ବାଡୁୟୁଗାଟି ମାହାପୁରୁ, ନୀନୁ ନୀର୍ବ୍ୟ ଅଡେ ତଲିତାତି,
ମାମୁ ନିଜେ ଜହରା କିହିମାଞ୍ଜାନମି;

ଏନାଆଁତାକି ଇଚିହଁ ନୀନୁ ନୀ କାଜା ବାଡୁୟୁ ତଲେ ସାଲୁଝି କିୟାଲି ଅଦିକାରା ନୀଞ୍ଜୁଟିଏ ଅହାମାଞ୍ଜି

୧୮ ଜାହୁଦିଆଆତାରି କାରୁବି ଆହାମାଚେରି,
ସାମା ନୀର୍ବ୍ୟ ନୀ କପା ଆଜି ଦିନା ଖାଡେ,
ଇର୍ଷା ହାତାରି ନୀର୍ବ୍ୟ ନାହାଁୟି କିଝିଆନେରି,

ଇର୍ଷା ନୀ ହଲିୟାଜା ମାହାପୁରୁ ଅଣପୁତି ବଲ୍ଲୁ ଝେଙ୍କନାରି,
ମାହାପୁରୁ ଲକୁ, ଅଡେ ନୀ ଦରୁତି ଆଜିନି କାଜାରି ଇଚାରି ବାରେ ଲକୁ ଦାନା ବେଟାଆନେରି,
ଅଡେ ଆମ୍ବାଆରି ଦାରୁତିତି ନାସା କିନେରି ଏଞ୍ଜାରି ଜିକେଏ ନାସା ଆନେରି ।”

୧୯ ଏଚେଟିଏ ଲାକପୁରୁ ମାନି ମାହାପୁରୁତି ଇଲୁତି ଦାରା ଦେପିଆଡେ, ଅଡେ ତାନି ଇଲୁତା ମାନି ରାଜିମାନାତି ପେଡ଼ା ତଞ୍ଜାଆଡେ, ଅଡେ ବିଲିବାଲା ମୁହନାୟି, ହାଫେରକା ରିୟାଁ, ହାଗୁ ଗୁଣିନି ହାତା, ଇର୍ଷା ବୁଦି ଖାତିତେ ଅଡେ ହାଫେରକା ଆଜିୟାଁ ରିତୁ ।

୧୨

ଆୟାଟି ଅଡେ ରାତୁ

୧ ତାହୁଁ କାବାଆନି ଲେହେଁତି ସିନା ହାଗୁତା ତଞ୍ଜାଆଡେ, ର ଆୟାଟି ଲେଞ୍ଜୁ ଲାକ ନିଚାମାଚେ ଅଡେ ଝେଡ଼ାତି ଭଜେଡ଼ି ପରହାମାଚେ । ଏଦାଣି ତାୟୁଁ ତୁ ବାରଗଟା ହୁକାୟାଁଗାଟି ଟପେରି ମାଚେ ।

୨ ଏଦି ପୁରା ମାସା ଆହାନା ଜାନି କିନି ବେଲାତା ଲୁଞ୍ଜିନି ବୀସା ତାକି କସୁ ବେଟାଆହିମାଚେ ।

୩ ଏଚିବେଲା ହାଗୁ ଲାକ କାବାଆନି ର ସିନା ତଞ୍ଜାଆଡେ, ଏମ୍ବାଆଁ ପାଟୁ ଖାଣାଗାଟି କାଜା ରାତୁ ଏ ରାତୁକି ସାଡ଼ାଗଟା ତାକାଁ, ଇର୍ଷା ଦସଗଟା କମ୍‌କା, ଅଡେ ତାକାଁ ଲାକ ସାଡ଼ାଗଟା ଟପେରିକା ମାତୁ ।

୪ ତାନି ଲେଂଗୁଣି ତଲେ ହାଗୁତି ତାନି ବାଗା ହୁକାୟାଁଣି ଦାରୁତି ଲାକ ମେଡ଼ହେ, ଇର୍ଷା ଏ ରାତୁ, ଜାନି କିନି ଦେବୁଣିଏ ଇୟାନି ତାଲୁତି ଗୁସାଲି ଏଦାନି ନକିତା ନିଚେ ।

୫ ଆମ୍ବାଆସି ବାରେ କୁଡ଼ାତି ଲକୁଣି ଲହୁ ବାଡ଼ଗା ତଲେ ସାଲୁଝି କିନେସି ଇଲେତି ର କକାଣି ତାଲୁଇଁ ଏ ଇୟା ଜାନି କିଚେ, ଅଡେ କକାଣି ତାଲୁଇଁ ମାହାପୁରୁ ଇର୍ଷା ତାନି ସିଂଗାସାଣି ନକିତା ପେଡ଼ହା ଅଝିଆଡେ ।

୬ ଅଡେ ଏ ଇୟା ଲକୁ ହିଲାଆ ବାଟାତା ହଚେ, ଏମ୍ବାଆଁ ୧,୨୭୦ ଦିନା ପାତେକା ପହିକିଝି ଆୟାଲି ମାହାପୁରୁ ତାଣାଟି ଏମ୍ବାଆଁ ଏଦାନାକି ର ଟାୟୁ କେପି ଆହାମାଚେ ।

୭ ଏମ୍ବାଟିଏ ଲାକପୁରୁ ଜୁଜୁ ଆଡେ, ମିକାୟେଲ ଅଡେ ତାନି ଦୁତୁୟାଁ ଏ ରାତୁ ତଲେ ଜୁଜୁ କିତୁ, ଏଚେଟିଏ ଏ ରାତୁ ଅଡେ ତାନି ଦୁତୁୟାଁ ଜିକେଏ ଜୁଜୁ କିତୁ ।

୮ ସାମା ରାତୁ ଇର୍ଷା ତାନି ଦୁତୁୟାଁ ଜାଣା ଆହାଲି ଆଡ଼ାଆତୁ, ଇର୍ଷା ଲାକପୁରୁ ଏଝି ଟାୟୁ ବେଟାଆଆତୁ ।

୯ ଏଚିବେଲା ଦାରୁତିତି ନାଡ଼ିକିନି ପଲୁଆ ପେନୁ ଇର୍ଷା ସୟତାନ ଦରୁଟି ଝେଙ୍କିତି କାଜା ରାତୁ ଏ ପୁାଝଇ ନାଗା, ଏଦି ତାନି ଦୁତୁୟାଁ ତଲେ ଦାରୁତିତା ମେଡ଼ପି ଆଡେ ।

୧୦ ଏଚେଟିଏ ଲାକପୁରୁଟି ଏଲେଇଞ୍ଜି ର କାଜା ହାତା ଝେଚେର୍ବ, ନୀର୍ବ୍ୟ ମାହାପୁରୁ ତାଣାଟି ଗେଲୁପିନାୟି ଏଗାଖାଡେ, ତାନି ରାଜି ଅଡେ ବାଡୁୟୁ ଇର୍ଷା କ୍ରୀସୁତି ଅଦିକାରା ଖାହାମାନେ, ଇଚିହଁ ଆମିନି ସାତୁ ମା, ତାୟି ତାଜିୟା କପାଟି ନିଜାମା ଲାଆଁ ମାଦେନା ମାହାପୁରୁ ନକିତା ଦାଞ୍ଜା କିହିମାଚେ, ଏଦି ଲାକପୁରୁଟି ଦାରୁତିତା ମେଡ଼ପି ଆହାମାଚେ ।

☆ ୧୧:୧୯ ଝେ ବଲ୍ଲୁ ୮:୫; ୧୬:୧୮; ଝେ ବଲ୍ଲୁ ୧୬:୨୧ ☆ ୧୨:୭ ଜାହୁଦା ୧:୯ ☆ ୧୨:୯ ଲୁକ ୧୦:୧୮

୧୧ ଏଞ୍ଜରୀ ମେଣ୍ଡା ତାଲୁତି ନେତେରି ତଲେ ଅଡ଼େ ଝେକହାମାନି ସାତା କାତାତଲେ ଜାଣା ଆହାମାନେରି ଇଞ୍ଜା ଏଞ୍ଜରୀ ହାହାଲିତାକି ଜିକେଏ ତାମି ଜୀଝୁଇଁ ଜୀଝୁ ନହାଁ ହିଲାଆତେରି ।

୧୨ ଏଦାଆଁତାକି ଏ ଲାକପୁରୁ ଅଡ଼େ ଏମ୍ବାଆଁ ବାସା ଆହାମାନାତେରି ରାହାଁ ଆନୁ, ସାମା ଦାରୁତି ଅଡ଼େ ସାମଦୁରି ମୀରୁ ତଣ୍ଡ ବେଟା ଆନାତେରି ଏନାଆଁତାକି ଇତିହଁ ତାନି ବେଲା ହାରେକା ଉଣା ମାନେ ଇଞ୍ଜୁ ପୁଞ୍ଜାନା ପଲ୍ଲଆ ପେନୁ ସୟତାନ ହାରେକା କପାତଲେ ମୀ ତାଣା ରେତା ଖାହାମାନେ ।

୧୩ ରାତୁ ଜାହାରାଇଁ ଦାରୁତିତା ମେଡ଼ିଏ ଆହାମାନାଣି ମେସାନ ଏ କକାଣି ତାଲୁଇଁ ଜାନ କିତି ଇୟାନି ଜେତ ଜେତ ପେରୁହା ଅଡ଼େ ।

୧୪ ଏଚେଟିଏ ଏ ଇୟା ରାତୁ ଗୁଡିଟି ଏନିକଁ ଗେଲପିଆହାଁ ତାନି ବାସା ସ ଲେଞ୍ଜୁ ପାତେକା ପହିକିଞ୍ଜି ଆନେ, ଏଦାଆଁତାକି ଲକୁ ହିଲାଆ ବାଟାତି ତାନି ଟାୟୁତା ଉମ୍ବାହାଜାଲି ଲେଡ଼ତୁ ରୀ ମାରାୟାଁ ହୀପକି ଆତୁ ।

୧୫ ଏଚେଟିଏ ଏ ଇୟାନି ଅଞ୍ଜି କିୟାଲି ରାତୁ ତାନି ଗୁଡିଟି ର କାଜା କାତା ଏନୁ ହପୁହେ ।
୧୬ ସାମା ଏ ଇୟାନି ସାୟେମି କିହାଲି ଦାରୁତି ତାନି ଗୁଡିଟି ଦେତାନା ରାତୁ ଗୁଡିଟି ହଡ଼ି କାତା ଏୟୁଣି ଗୁସ୍ତେ ।

୧୭ ଏଚେଟିଏ ରାତୁ ଏ ଇୟାନି ହାରେକା କପା ଆହାଁ ତାନି କୁଡାତାରି ଏଚେକା ଲକୁ ମାହାପୁରୁତି ହୁକୁମି ମାନଞ୍ଜି ଆହାଁ ଜୀସୁତି କାତା ଝେସିମାନେରି, ଏଞ୍ଜାରିତଲେ ଜୁଜୁ କିହାଲି ହାଚେ ।

୧୮ ଇଞ୍ଜା ରାତୁ ସାମଦୁରି ଗାରୁତି ବାଃଲିତା ନିଚେ ।

୧୩

ରୀ ଜନ୍ମୟାଁ

୧ ଏଚେଟିଏ ନାନୁ ସାମଦୁରି ମାଦିଟି ହପାଞ୍ଜାହିମାନି ର ଜନ୍ମ ମେସ୍ତେସଁ, ଏଦାନାକି ଦସଗଟା କମ୍ପକା ଅଡ଼େ ସାତାଗଟା ତାକାଁ, ତାନି କମ୍ପକାଣା ଦସଗଟା ଟପେରିକା ଇଞ୍ଜା ତାକାଁ ଲାକ ମାହାପୁରୁ ନିୟାକିନି ର ଦରୁକା ମାରୁ ।

୨ ଏ ଜନ୍ମ ତାରିରେଞ୍ଜାଣା କ୍ଷୁଃନି ଲେହେଁ ତଞ୍ଜାଆହିମାଚେ, ତାନି କତାୟାଁ ଅଃଅଡ଼ି କତାୟାଁ ଲେହେଁ ଇଞ୍ଜା ଗୁଡି ସିହକ୍ଷୁଃନି ଗୁଡି ଲେହେଁ ଏ କାଜା ରାତୁ ଜନ୍ମକି ତାନି ବାଡ଼ୟୁ, ସିଂଗାସାଣି, ଅଡ଼େ ବାରେ ଅଦିକାରା ହୀଚେ ।

୩ ଏ ଜନ୍ମତି ତାୟୁଁ ତୁ ଆମିନି ହାନିଲେହେଁଟି ଗାହାଁ ତଞ୍ଜାଆହିମାଚେ, ସାମା ଏ ଗାହାଁ ନେହଁ ଆଡ଼େ, ଅଡ଼େ ଦାରୁତିତା ମାନାରି ବାରେ କାବା ଆହାଁ ତାନି ଜେତ ହାଚେରି ।

୪ ଅଡ଼େ କାଜା ରାତୁ ଜନ୍ମକି ତାନି ଅଦିକାରା ହୀତାକି ଏଞ୍ଜାରି ରାତୁଇଁ ଜହରା କିଚେରି, ଏଞ୍ଜାରି ଏ ଜନ୍ମଇଁ ଜିକେଏ ଜହରା କିହାଁ ଏଲେଇଚେରି, “ଆମ୍ବାଆସି ଈ ଜନ୍ମ ଲେହେଁ ଆନେସି ଅଡ଼େ ଆମ୍ବାଆସି ଏଦାଣି ତଲେ ଜୁଜୁ କିହାଁ ଜାଣା ଆନେସି ।”

୫ ଏଦାନାକି ଆଞ୍ଜାରା ଅଡ଼େ ମାହାପୁରୁ ନିୟାତି କାତା ଝେସାଲି ଗୁଡି ହୀଞ୍ଜିଆଡ଼େ, ଅଡ଼େ ରୀ କଡ଼ି ରୀ ଲେଞ୍ଜୁ ପାତେକା ସାଲଞ୍ଜି କିୟାଲି ଅଦିକାରା ହୀପକିଆଡ଼େ ।

୬ ଏମ୍ବାଟିଏ ଏଡ଼ି ତାନି ଗୁଡି ଏକହାନା ମାହାପୁରୁ ନିୟା କାତା ଜଲାନା, ମାହାପୁରୁ ଦରୁ, ମାହାପୁରୁ ବାସାଆନି ଟାୟୁ, ଅଡ଼େ ଲାକପୁରୁ ବାସା ଆହାମାନାରାଇଁ, ବାରେତି ନିୟା କିଚେ ।

୭ ବାରେ ମାହାପୁରୁ ଲକୁଇଁ ଜୁଜୁ କିହାଁ ଜାଣା ଆହାଲି ଅଦିକାରା ହୀଞ୍ଜିଆହାମାଚେ, ଅଡ଼େ ବାରେ ଗତି, କୁଡା, ହାଡା, ଦେସା, ଲାକ ଅଦିକାରା ହୀଞ୍ଜିଆହାମାଚେ ।

୮ ଆମ୍ବାଆସି ଦରୁ ଦାରୁତିତି ଗାଡ଼ି ଆଆ ନକେଏ ପୂଜା ମେଣ୍ଡା ତାଲୁତି ଜୀଝୁଗାଟି ପତିତା ରାସ୍ତିକି ଆହାହିଲେଏ, ଦାରୁତିତା ବାସା କିହାମାନି ଏ ବାରେ ଲକୁ ଏ ଜନ୍ମଇଁ ଜହରା କିନେରି ।

୯ “ଆମ୍ବାଆରାକି କାର୍ଜା ମାନୁ ଏଞ୍ଜାସି ଝେଣ୍ଡାସାସି !

୧୦ ଆମ୍ବାଆସି ଦସାହାଁ ଅନେସି, ଏଞ୍ଜାସି ଏଲେକିହଁ ଏ ଦସ୍ତି ଆନେସି, ଆମ୍ବାଆସି କାଣ୍ଡାତଲେ ପାୟିନେସି, ଆତିହଁ ଏଞ୍ଜାସି ଏଲେଆହଁ ଏ କାଣ୍ଡାତଲେ ପାୟି ଆନେସି, ଏତିବେଲାତା ମାହାପୁରୁ ଲକୁତାକି ନାମୁ ଅଡ଼େ ଅରୁହିନାୟି ଲଡ଼ାମାନେ ।”

୧୧ ଏଚେଟିଏ ନାନୁ ର ଜନ୍ମଇଁ ବୁମି ବିତ୍ରାଟି ହପାଞ୍ଜାତାଣି ମେସ୍ତେସଁ, ମେଣ୍ଡା ତାଲୁ ଲେହେଁ ଜଡ଼େକା କମ୍ପକା, ଅଡ଼େ ଏଡ଼ି ରାତୁ ଲେହେଁ କାତା ଆହିମାଚେ ।

☆ ୧୩:୧ ଝେ ବଲ୍ଲ ୧୭:୩,୭-୧୨

୧୨ ଏ ଜନ୍ମ ନକେଏତି ଜନ୍ମ ନକିତା ତାନି ବାଡ଼ୁୟୁ ତସାନା ଏମିନି ନକେଏତି ଜନ୍ମକି ହାନିଲେହେଁତି ଗାହଁ ମାଡ଼ାମାରେ, ଏଦାନି ଜହରା କିହାଲି ଦାରୁତି ଅଡ଼େ ଏମାଆଁ ବାସା ଆହାମାନାରାଇଁ ବାଲ୍ୟମାତମି କିନେ ।

୧୩ ଏ ଜନ୍ମ କାବାଆନି କାମାୟାଁ କିନେ, ଏଦି ବାରେ ଲକୁ ନକିତା ହାଗୁଟି ଦାରୁତିତା ହିତୁ ରିଝିକିନେ ।

୧୪ ଇଞ୍ଜାଁ ଏ ତଲିତି ଜନ୍ମ ନକିତା ଆମିନି କାବାଆନି କାମା କିହାଲି ଅଦିକାରା ବେଟାଆହାମାରେ, ଏମାଟି ଦାରୁତିତା ବାସାଆହାମାନି ଲକୁଣି ନାଡ଼ିକହାଁ, ଆମିନି ଜନ୍ମ କାଣ୍ଡାତଲେ ଗାହଁ ଆହାମାଟି ଜିକେଏ ନୀଡ଼ିତେ, ଏଦାନି ର ଦମା କିହାଲି ଏଞ୍ଜାରାଇଁ ଏଲେଇନେ ।

୧୫ ଏ ଜନ୍ମତି ବମା ଏନିକିଁ ଜଲ୍ଲାଇ ଆଡ଼ିନେ ଅଡ଼େ ଏରେକା ଲକୁ ଜନ୍ମତି ବମାଟି ଜହରା କିଅରି, ଏଞ୍ଜାରି ଏନିକିଁ ପାୟୁଝି ଆନେରି, ଏଦାଆଁତାକି ତାୟୁତି ଜନ୍ମକି ତଲିତି ଜନ୍ମତି ବମାକି ଜାଧୁ ହାହାଲି ଅଦିକାରା ହାପୁକିଆଡ଼େ ।

୧୬ ଅଡ଼େ ଏ ଜନ୍ମ ଉଣା, କାଜାରି, ବାଡ଼କୁ ଗାଗାରାଇଁ, ହାକି ଗାଗାରାଇଁ, ହଲିୟାଙ୍ଗା, ହଲିୟାଙ୍ଗା ଆଆଡ଼ାରାଇଁ, ବାରେଜାଣାତି ତାନି ଚିଝନି କେୟୁତା ଆଆଡ଼ିଁ ମୁଞ୍ଚୁଡ଼ା ର ସିନା ଇଟା କତାଲି ବାଲ୍ୟମାତମି କିନେ ।

୧୭ ଅଡ଼େ ଏ ସିନା ଇଚିହଁ ଜନ୍ମତି ଦରୁ ଆଆଡ଼ିଁ ତାନି ଦରୁତି ଲମ୍ବର ଇଟା କତାଆତି ଲକୁଣି ଏନାଆଁ କତାଲି କି ପାର୍ଚାଲି ହାଏ ।

୧୮ ଏ ବାରେତାକି ବୁଦି ଲଡ଼ାମାନେ, ଆମ୍ବାଆରାକି ବୁଦି ମାନେ ଏଞ୍ଜାସି ଏ ଜନ୍ମତି ଲମ୍ବର ଏଜିକିପାସି, ଏନାଆଁତାକି ଇଚିହଁ ଏଦି ର ମାଣ୍ଡସିତି ଲମ୍ବର ଅଡ଼େ ଏ ଲମ୍ବର ଆହାମାନେ ସ ଖାଞ୍ଜା ତାନିକଡ଼ି ସ ।

୧୪

ମେଣ୍ଡା ତାଲୁ ଅଡ଼େ ତାନି ଲକୁ

୧*ଏରେଟିଏ ନାନୁ ସିନିକିହାଁ ମେସ୍ତେସ୍, ଅଡ଼େ ମେଣ୍ଡା ତାଲୁ ସିୟନ ହରୁତା ନିଟାମାନେ, ଅଡ଼େ ଆମ୍ବାଆରି ମୁଞ୍ଚୁଡ଼ା ମେଣ୍ଡା ତାଲୁ ଇଞ୍ଜାଁ ତାନି ଆବାତି ଦରୁ ରାସ୍‌କି ଆହାମାରେ ଇଲେତି ଲକୁ ସାଡ଼ାକଡ଼ି ସାରି ମାଣା ଲକୁ ତାନିତଲେ ନିଟାମାଗାଣି ମେସ୍ତେସ୍ ।

୨ ଅଡ଼େ ଲାକପୁରୁଟି ଲଦ ଲଦ ଆହି ରିନି ଏୟୁ ଇଞ୍ଜାଁ ହାଗୁ ଗୁଣିନିଲେହେଁତି ର କାଜା ହାଡ଼ା ଝେରେସ୍, ଆମିନି ହାଡ଼ା ନାନୁ ଝେରେସ୍ ଏଦି ସେରଙ୍ଗି ଡ଼ିଡ଼ିହାମାନାରି ହାଡ଼ାଲେହେଁ ଝେଙ୍ଗିମାରେ ।

୩ ସିଂଗାସାଣି ସାରିଗଟା ଜନ୍ମ ଅଡ଼େ ପ୍ରାଚିନାଙ୍ଗା ନକିତା ର ପୁଝନି ପାତୁ ପାଡ଼ିମାରେରି, ଅଡ଼େ ଦାରୁତିକି କଡ଼ି ଆହାମାନି ସାଡ଼ାକଡ଼ି ସାରି ମାଣା ଲକୁ ପିସପେ ଆମ୍ବାଆରି ଏ ପାତୁ ପାଡ଼ାଲି ଆଡ଼ାଆଡ଼େରି । ବାରେ ମାଣ୍ଡସି କୁଡ଼ା ବିଡ଼ାଟି ଖାରଇ ଏଞ୍ଜାରିଦେଁ ଗେଲ୍‌ପି ଆହାମାରେରି ।

୪ ଏଞ୍ଜାରି ଇୟାସିକା ତଲେ କାଲ୍‌ହାନା ତାମ୍ବୁ ଜାହାରାଇଁ ଦହ କିହାଁ କତା ହିଲାଆଡ଼େରି, ଇଚିହଁ ଏଞ୍ଜାରି ଅଡ଼ହାରି, ମେଣ୍ଡା ତାଲୁ ଆମ୍ବିୟାଞ୍ଜାକି ହାନେ ଏଞ୍ଜାରି ତାନି ଜେନ ହାନେରି, ଏଞ୍ଜାରି ମାହାପୁରୁତି ମେଣ୍ଡା ତାଲୁତି ତଲିତି ପାଡ଼େୟି ସମାନା ମାଣ୍ଡସିୟାଁ ବିଡ଼ାଟି ଗେଲ୍‌ପି ଆହାମାନେ ମେଣ୍ଡା ତାଲୁ ନକିତା ହେରପିଆହାମାନେରି ।

* ଏଞ୍ଜାରି ଗୁଡ଼ିତା ଏଦି ମିତି ଜଲ୍ଲିନାୟି ହିଲେଏ, ଏଞ୍ଜାରି ଦହ ହିଲାଆ ଗାଗାରି ।

ତାନି ଜାଣା ଦୁତୁ

୨ ଏରେଟିଏ ନାନୁ ହାଗୁଡ଼ି ମାଦି ଉମ୍ବିମାନି ର ଦୁତୁଇଁ ମେସ୍ତେସ୍, ଏଦି ଦାରୁତିତା ବାସାଆହାମାନି ବାରେ ଗଟି, କୁଡ଼ା, ହାଡ଼ା ଅଡ଼େ ଦେସାତି ଲକୁତାଣା ଝେକ୍‌ହାଲି କାଲ୍‌କାଲ୍‌ ତାକି ଡ଼ୟିନି ନେହଁ କାତୁ ଝେକ୍‌ହି ମାନେସି ।

୩ ଏଦି କାଜା ଗିୟାଁତଲେ ଏଲେଇତେ “ମାହାପୁରୁଇଁ ଆଜାଦୁ ଅଡ଼େ ଏଞ୍ଜାଣାଇଁ ଗାଧୁରମି ହାପୁ, ଇଚିହଁ ମାଣ୍ଡସିତି ନାହାଁୟି କିନି ଦିନା ଏଗାଞ୍ଜାଡ଼େ, ଅଡ଼େ ଆମ୍ବାଆସି ହାଗୁ, ଦାରୁତି, ସାମଦୁରି ଇଞ୍ଜାଁ ଜାବଣା ଏୟୁତି ଗାଡ଼ିକିହା ମାନେସି, ଏଞ୍ଜାଣାଇଁ ଜହରା କିଦୁ ।”

୮*ତାନି ତାୟୁ ଅଡ଼େ ର ଦୁତୁ ଇଚିହଁ ରୀ ଲମ୍ବର ଦୁତୁ ଝାହାନା ଏଲେଇତେ, “ଆମିନି କାଜା ଗାଡ଼ା ବାବିଲନ ବାରେ କୁଡ଼ାତି ଲକୁଇଁ ତାନି ଦାରିକାମା କିଝିକିନି କାଡ଼ୁ ଉଡ଼ହାନା ହଡ଼ିକିହାମାରେ, ଏଦି ରିହା ହାଜାମାନେ ।”

* ୧୪:୧ ଝେ ବଲ୍ଲୁ ୭:୩ * ୧୪:୮ ଝେ ବଲ୍ଲୁ ୧୮:୨

୯ ଏଦାଣି ତାମ୍ଭୁ ଅଡ଼େ ର ଦୁଡୁ ଇଚିହିଁ ତାନି ଲମ୍ବର ଦୁଡୁ ଖାହାନା କାଜା ଗିୟାଁତଲେ ଏଲେଇଚେ, “ଆମ୍ବାଆସି ଏ ଜନ୍ତୁ ଅଡ଼େ ତାନି କିହାମାନି ବମାତି ଜହରା କିନେସି ଅଡ଼େ ମୁଞ୍ଜୁତା କି କେୟୁତା ତାନି ସିନା ଇଚା କଡିନେସି,

୧୦ ଏଝାସି ମାହାପୁରୁତି କପାଗାଟି ସଲ୍ଲାତା ଖାକ୍‌ହାମାନି ହାରେକା କାରୁବିତି କାଡୁ ଗୁହନେସି, ଆମ୍ବାଆରି ଈ କାମା କିନେରି ଏଝାରି ବାରେ ମେଣ୍ଡା ତାଲୁ ଅଡ଼େ ସୁଦୁ ଲାକପୁରୁତି ଦୁଡୁୟାଁ ନକିତା ହିରୁ ଅଡ଼େ ଗାନ୍ଦାଗାଟି ଗୁଣ୍ଡା ତଲେ କସ୍ତ ବେଟା ଆନେସି ।

୧୧ ଇଲେତି ଲକୁଣି କସ୍ତ ହାନି ହିରୁ ବୟାଁ କାଲ୍ଲାକାଲ୍ଲା ତାକି ହଟେମାନେ, ଆମିନି ଗାଟାରି ଜନ୍ତୁ ଅଡ଼େ ବମାତି ଜହରା କିନେରି ଅଡ଼େ ତାନି ଦରୁ ଇଞ୍ଜାଁ ସିନା ବେଟା ଆହାମାନେରି, ଏଝାରି ଲାଆଁ ମାବେନା ଜମାଲି ବେଟାଆଅରି ।”

୧୨ ଇମ୍ବାଆଁ ମାହାପୁରୁ ଲକୁ ଇଚିହିଁ ମାହାପୁରୁତି ହୁକୁମି ମାନଝିଆନେରି, ଇଞ୍ଜାଁ ଜାସୁଇଁ ନାମିନେରି, ଏଝାରାକି ଅରୁହିନାୟି ଲଡ଼ାମାନେ ।

୧୩ ଇଞ୍ଜାଁ ଲାକପୁରୁତି ଈ ହାତା ଝେଚେଏଁ, ଈ କାତା ରାଟାମ୍, “ନୀଏଁ ଆମ୍ବାଆରି ମାହାପୁରୁ ତାଣା ମାଞ୍ଜାନା ହାନେରି, ଏଝାରି ନେହେଁ ।” ଅଡ଼େ ନାନୁ ଝେଚେଏଁ ସୁଦୁଜାଞ୍ଜୁ ଝେସିମାଞ୍ଜାନେ, “ଏଝାରି ତାମି କାମାତି ଝାହୁଟି ଜମିନେରି, ଇଚିହିଁ ଏଝାରି କାମାତି ପାଡ଼େୟି ଏଝାରିତଲେ ଡ଼ୟିନେ ।”

ତାସା ଦାନାୟି

୧୪ ଅଡ଼େ ନାନୁ ମେସ୍ତେଏଁ, ଇଚାୟି ଦବଲ୍ଲା ହାଗୁ ଇଞ୍ଜାଁ ଏଦାଣି ଲାକ କୁଗାମାନେସି ର ମାଣ୍ଡସି ମୀରୁଏସି ଲେହେଁତାସି; ତାନି ତାୟାଁ ତୁ ବାଂଗାରା ଟପେରି, ଇଞ୍ଜାଁ କେୟୁତା ର ଝାହୁନି କଟାଡ଼େଲି ।

୧୫ ଏମ୍ବାଟିଏ ମାହାପୁରୁତି ଇଲୁଟି ର ଦୁଡୁ ଖାହାନା ହାଗୁତା କୁଗାମାନାଣାଈଁ କାଜା ଗିୟାଁତଲେ ଏଲେଇଚେ, “ନୀ କଟାଡ଼େଲି ଆସାନା ତାସା ଦାମ୍ । ଦାରୁତିତି ତାସା ଦାଝିନି କାଟୁ ଏଗାଝାଡ଼େୟି ।”

୧୬ ଇଦାଆଁ ଝେଞ୍ଜାନା ହାଗୁତା କୁଗାମାନି ମାଣ୍ଡସି ତାନି କଟାଡ଼େଲି ଅଗିତେସି ଇଞ୍ଜାଁ ଦାରୁତିତି ତାସା ବାରେ କୁଡ଼ିକଝିଆଡ଼େ ।

୧୭ ଏଦାଆଁ ତାମ୍ଭୁ ଲାକପୁରୁତି ମାହାପୁରୁ ଇଲୁଟି ଅଡ଼େ ର ଦୁଡୁ ହଟାଝାଡ଼େସି, ଏ ଦୁଡୁକି କେୟୁତା ଜିକେଏ ଝାହୁନି କଟାଡ଼େଲି ମାଚେ ।

୧୮ ଅଡ଼େ ପୂଜା ପିଣ୍ଡାତି ହିରୁ ଅଦିକାରାତା ମାନି ର ଦୁଡୁ କଟାଡ଼େଲି ଆସାମାନି ଅରୁ ଦୁଡୁଇଁ କାଜା ଗିୟାଁତଲେ ଏଲେଇଚେ, “କଟାଡ଼େଲି ଅଗାନା ଦାରୁତିତି ଅଞ୍ଜୁରି ବାଡ଼ାଟି ଅଞ୍ଜୁରିକା ବାରେ ଡ଼ଡ଼ହା ଡୁହମ୍; ଏଝି ବାରେ କାମ୍ବାମାନୁ ।”

୧୯ ଏମ୍ବାଟିଏ ଦୁଡୁ ଦାରୁତିତା ତାନି କଟାଡ଼େଲି ଅଗାନା ଅଞ୍ଜୁରି ମାଡ଼ାୟାଁଟି ଅଞ୍ଜୁରି ଡ଼ଡ଼ହେ ଇଞ୍ଜାଁ ଏଝି ମାହାପୁରୁ କାରୁବିତି ଅଞ୍ଜୁରି ପୀଡ଼ିକିନି ଦନିତା ମେଡ଼ହେ ।

୨୦ ଗାଡ଼ାତି ପାଞ୍ଜାତା ମାନି ଏ ଦନିତା ଅଞ୍ଜୁରି ପୀଡ଼ିକଝିଆଡ଼େ ଇଞ୍ଜାଁ ଏମ୍ବାଟି ଗଡ଼ାୟାଁ ବାକେରି ପାତେକା ନିଞ୍ଜାନା ତାନି ଝାଞ୍ଜା କିଲମିଟର ହେକ ପାତେକା ଇଞ୍ଜାଁ ରୀ ମିଟର ଲାକ ପାତେକା ନେତେରି ଝାଞ୍ଜିତେ ।

୧୫

ସାଡ଼ାଗଟା ରଗ କିନି ସାଡ଼ାଗଟା ଦୁଡୁୟାଁ

୧ ଏମ୍ବାଟିଏ ନାନୁ ହାଗୁତା ଅଡ଼େ ର କାବାଆନି ଲେହେଁତି ସିନା ମେସ୍ତେଏଁ, ସାଡ଼ାଗଟା ଦୁଡୁୟାଁ ସାଡ଼ାଗଟା ରଗାୟାଁ ତାନି କେୟୁତା ଆସାନା ତଞ୍ଜାଆଡୁ, ଏ ରଗାୟାଁ ମାହାପୁରୁତି କପା ତହୁନାୟି ରାନ୍ଦାୟି ମାଚେ ।

୨ ଅଡ଼େ ନାନୁ ମେସ୍ତେଏଁ, ହିରୁ କାଲ୍ଲହିତି ଦାପେଣି ଲେହେଁତି ସାମ୍ବୁରି, ଆମ୍ବାଆରି ଜନ୍ତୁ, ଏଦାନି ବମା ଇଞ୍ଜାଁ ଏଦାନି ଦରୁତି ଲମ୍ବରତି ଜୀଣା ଆଡ଼ାରି, ଏଝାରି ମାହାପୁରୁ ହାହାମାନି ସେରୁଞ୍ଜି ଆସାନା ଗାଲୁ ଲେହେଁତି ସାମ୍ବୁରି ଗିରୁତା ନିଗମାଚେରି ।

୩ ଏଝାରି ମାହାପୁରୁ ହାତି ରାମଗଂଗା ଝେଟିହିଁ ମାହାପୁରୁତି ସେବାକିନି ମସାତି ପାଚୁ ଇଞ୍ଜାଁ ମେଣ୍ଡା ତାଲୁତି ପାଚୁ ପାଟିହିଁ ଏଲେ ଇଞ୍ଜାଁ ମାନେରି,

“ବାରେତି କିହାଁ ବାଡ଼ୁୟୁ ଗାଟି ପ୍ରବୁ ମାହାପୁରୁତି,
ନୀ କାମା ଏଚେକା କାଜାୟି ଅଡ଼େ କାବା ଆନାୟି,
ବାରେ ଲକୁତି ରାଜାତି,

☆ ୧୪:୨୦ ଝେ ବଲ୍ଲୁ ୧୯:୧୫

ନୀ କାମାତି ଜିରୁ ବାରେ ନୀହାଁୟି ଗାଗାୟି ଇଞ୍ଜା ସାତାତାୟି ।

୪ ପ୍ରବୁ ! ନିଜେ ଆମ୍ବାଆସି ଆଜାଆ ଗାଗାସି ମାନେସି ?

ଆମ୍ବାଆସି ନୀ ଗାଞ୍ଜୁରମି ଝେଙ୍କଆଗାଗାସି ମାନେସି ?

ଇଚିହଁ ନୀନୁ ରଅତିଏ ସୁଦୁ ଗାଗାତି;

ବାରେ କୃତାତି ଲକୁ ଖାହାନା ନୀ ପୂଜା କିନେରି,

ଏନାଆଁତାକି ଇଚିହଁ ନୀ ଦାମ୍ବୁଗାଟି ନୀହାଁୟିତି କାମାୟି ବାରେଜାଣା ମେସାମାନେରି ।”

୫ ଏପାଟିଏ ନାନୁ ମେସେସୁଏ, ଲାକପୁରୁତି ସାକି ହାନି ତୁମ୍ବୁ ଦେଝୁଡ଼ିତି ଦାରା ଦେପିଆଡେ

୬ ସାତାଗଗା କସୁୟି ଆସାମାନି ସାତାଗଗା ଦୁତୁୟି ଲାକପୁରୁତି ଦେଝୁଡ଼ିତି ହଡ଼ାଞ୍ଜା; ଏଝି ଅପହି ମୁହୁନି ହିମ୍ବୁରିକା ହୁଗାମାତୁ ଇଞ୍ଜା ଏଞ୍ଜାସିକା ବକ ସାରିସୁରୁ ବାଂଗାରା ପାଟା ଦସାମାତୁ ।

୭ ସାରିଗଗା ଜନ୍ତୁୟି ବିଦ୍ରାତି ର ଜନ୍ତୁ କାଲେଏତାକି ନୀତାମାନି ମାହାପୁରୁ କପାତଲେ ନେଞ୍ଜାମାନି ସାତାଗଗା ବାଂଗାରା ଗିନାୟି ଏ ସାତାଗଗା ଦୁତୁୟିକି ହାତେ ।

୮ ମାହାପୁରୁତି ଗାଞ୍ଜୁରମି ଅଡେ ତାନି ବାଡ଼ୁୟିତି ହଡ଼ିମାନି ବୟଁ ଦେଝୁଡ଼ିତା ନେଞ୍ଜାହାଚେ; ସାତାଗଗା ଦୁତୁୟି ତାଗାମାନି ସାତାଗଗା ରଗାୟି ରାଆ ପାତେକା ଏ ଦେଝୁଡ଼ି ବିଦ୍ରା ଆମ୍ବାଆସି ହଡ଼ାଲି ଆଡ଼ାଆତେସି ।

୧୭

ମାହାପୁରୁ କପାତି ସାତାଗଗା ଗିନାୟି

୧ ଏଚେଟିଏ ନାନୁ ଝେଚେସୁଏ, ଦେଝୁଡ଼ିତି ରଅସି କାଜା ଗିୟିତଲେ ଏ ସାତାଗଗା ଦୁତୁୟିଲ୍ଲି ଝେସିମାଚେସି, “ହାଜୁ, ସାତାଗଗା ଗିନାୟିଣା ନେଞ୍ଜାମାନି ମାହାପୁରୁତି କପାତି ଦାରୁତି ଲାକ ଖାକୁଦୁ !”

୨ ଏଚେଟିଏ ମୁଲୁତି ଦୁତୁ ହାଜାନା ତାନି ଗିନାତା ଏନାୟି ମାଚେ, ଦାରୁତି ଲାକ ଖାକୁହେ; ଦେବୁଣିଏ ଆମ୍ବାଆରି ତାଣା ଜନ୍ତୁତି ସିନା ମାଚେ, ଇଞ୍ଜା ତାନି ବମାତି ପୂଜା କିହାମାଚେରି, ଏଞ୍ଜାରି ଆଜାମା ହାରେକା କସୁଗାଟି ବସା ପଟ୍ଟକା ହତୁ ।

୩ ଏଚେଟିଏ ରୀ ଲମ୍ବର ଦୁତୁ ତାନି ଗିନାତାଣି ସାମ୍ବୁରି ଲାକ ଖାକୁହେ; ଇଞ୍ଜା ସାମ୍ବୁରିତି ଏୟୁ ହାତି ଲକୁତି ନେତେରିଲେହେ ଆତୁ, ଇଞ୍ଜା ସାମ୍ବୁରିତା ମାତି ବାରେ ଜନ୍ତୁୟି ହାହାହାତୁ ।

୪ ତାନି ଲମ୍ବର ଦୁତୁ ତାନି ଗିନାତା ଏନାୟି ମାଚେ, କାତା ଇଞ୍ଜା ଉସା ଏୟୁ ଲାକ ଖାକୁହେ; ଇଞ୍ଜା ଏ ଏୟୁ ବାରେ ନେତେରି ମିଣିହା ହାତୁ ।

୫ ଏତିବେଲ୍ଲାତା ନାନୁ ଝେଚେସୁଏ, ଏୟୁ ଲାକ ଅଦିକାରା ବେଗାଆହାମାନି ଦୁତୁ ଏଲେଇଞ୍ଜିମାଚେ, “ନାନୁ ସୁଦୁ ଗାଗାତି, ନୀସୁ ମାନାତି ଅଡେ ତଲିଏ ମାଗାତି; ନାନୁ ତୀରପୁତଲେ ନୀହାଁୟି କିହାମାଞ୍ଜି ।

୬ ଏଞ୍ଜାରି ମାହାପୁରୁ ଲକୁଇଁ ଇଞ୍ଜା ମାହାପୁରୁ ଅଣ୍ଡୁପୁତି ବଲ୍ଲୁ ଝେହୁନାରି ଆମିନି ନେତେରି ବକହାମାଚେରି, ଏଦାଆଁ ମୀରୁ ଏଞ୍ଜାରାଇଁ ଉଟହାମାଞ୍ଜି । ଏଞ୍ଜାରି ଏନାଆଁ ବେଗାଆନାଣି ବେଗାଆହାମାନେରି ।”

୭ ଏଚେଟିଏ ପୂଜା ପିଗାଟି ର ହାତା ଝେଚେସୁଏ, ବାରେତି କିହାଁ ବାଡ଼ୁୟିଗାଟି ମାହାପୁରୁ ପ୍ରବୁ ! ନୀ ନୀହାଁୟି ବାରେ ସାତା ଅଡେ ଚିକାଣାତାୟି ।

୮ ସାରି ଲମ୍ବର ଦୁତୁ ତାନି ଗିନାତା ମାଗାଣି ଝେଡ଼ା ଲାକ ଖାକୁହେ, ଏଦାଆଁତାକି ଝେଡ଼ା ହାରେକା ଡ଼ାଞ୍ଜାନା ଲକୁଣି ହୁଡ଼ିତେ ।

୯ ଏତିବେଲା ଲକୁ କଣତା ହାତି କାରାତା ଝେହାହାଚେରି, ଅଡେ ଈ ସାସି ଲାକ ଅଦିକାରା ମାନି ମାହାପୁରୁ ଦରୁତି ନିନାକିତେରି । ସାମା ହିୟି ବାଦ୍‌ଲି କିହାଁ ଏଞ୍ଜାଣି ଗାଞ୍ଜୁରମି କିଆତେରି ।

୧୦ ପାସା ଲମ୍ବର ଦୁତୁ ତାନି ଗିନାତା ମାଗାଣି ଜନ୍ତୁତି ସିଂଗାସାଣି ଲାକ ଖାକୁହେ । ଜନ୍ତୁତି ରାଜିତା ଆନ୍ଦେରି ଆହାହାଚେ, ଇଞ୍ଜା ଲକୁ କସୁତଲେ ତାନି ଝେନ୍ଦରିକା କାଟା କଡ଼ିତେରି ।

୧୧ ଅଡେ ଏଞ୍ଜାରି ଆଜାଟି ରାଣାରାକା ତାକି ଇଞ୍ଜା ପକାୟି ବସା ତାକି ଲାକପୁରୁତି ମାହାପୁରୁଇଁ ବାକା ଇଚିତେରି । ସାମା ତାନି ଲାଗେଏତି କାମାଟି ମନ୍ ଝେଟ୍‌ଆତେରି ।

୧୨ ସ ଲମ୍ବର ଦୁତୁ ତାନି ଗିନାତା ମାଗାଣି ପରାଡ଼ କାଜା କାତା ଲାକ ଖାକୁହେ, ଏ କାତାତି ଏୟୁ ଖାୟାହାତୁ, ଝେଡ଼ା ହପୁ ଖାକିଟି ଖାହିମାନି ରାଜାୟିକି ଜିରୁ ପାରୁଲିଆଡେ ।

୧୩ ଏଚେଟିଏ ନାନୁ ମେସେସୁଏ, ପାନାୟିଲେହେ ତଞ୍ଜାଆହିମାନି ତାନିଗଗା ଲାଗେଏତି ଜୀଞ୍ଜୁୟି । ଏଝି ରାତୁ ଗୁଡ଼ିତି, ଜନ୍ତୁତି ଗୁଡ଼ିତି, ମିତି ବଲ୍ଲୁ ଝେହୁନାରି ଗୁଡ଼ିତି ହଡ଼ାଞ୍ଜାହିମାତୁ ।

୧୪ ଏ ଲାଗେଏତି ଜୀଝୁଗାଟି ବୁଡୁୟାଁ କାବାଆନି କାମା କିହାଲି ଆଡ଼ିନୁ, ଏଝି ବାଡ଼ୁୟୁ ଗାଟି ମାହାପୁରୁତି ଦିନାତା ଜୁଜୁ କିହାଲିତାକି ଦାରୁତିତି ରାଜାୟାଣି କୁଡ଼ିକିହାଲି ହାଡ଼ାହାଡ଼ୁ ।

୧୫ *ଝେଝୁ ! ନାନୁ ସରୁଲେହେଁ ଝାକୁଁ, ଆମ୍ବାଆସି ଜାଗ୍ରାତା ଆହୁଁ ସରୁ ତାଣାଟି ଜାହାରା ହିମ୍ବରିକା ଡ଼କୁହାଲି ଆଡ଼ିମାନେସି, ଏଝାସି ନେହେଁ । ଏଝାସି ନାଗୁଡ଼ା ଆହୁଁ ରେଅସି, ଅଡ଼େ ଏଝାସି ଲାଜା ବେଟାଆଅସି ।”

୧୬ ପଲ୍ଲଆ ଜୀଝୁୟାଁ ଏ ବେଲାତା ଦାରୁତିତି ରାଜାୟାଣି ଆମିନି ଟାୟୁତା କୁଡ଼ିକିତୁ ଏଡ଼ି ହାଡ଼ାତଲେ ଏଦାନି ଦରୁ ଆମାଗାତେନ ।

୧୭ ସାତା ଲମ୍ବର ଦୁଡୁ ତାନି ଗିନାତା ମାଗାଣି ଗାଲି ଲାକ ଝାକୁହେ, ଏରେଟିଏ ଦେଝୁଡ଼ିତି ସିଂଗାସାଣିଟି ର କାଜା ହାଡ଼ା ଝେଜିଡ଼େ, “ଇଦାଆଁ କିଝିଆଡ଼େ !”

୧୮ *ଦେବୁଣିଏ ବିଲିବାଲା ଆହୁଁ ମୁସ୍ତେ ଇଞ୍ଜା ହାଗୁ ଗୁଣିନି ହାଡ଼ା ଆଡ଼େ, ଇଞ୍ଜା ହାରେକା ବୁମି ଝାଡ଼ିଡ଼େ, ଇଟିହୁଁ ଦାରୁତିତା ମାଣସିୟାଁ ଗାଡ଼ିଆଡ଼ି ଦିନାଟିଏ ଏରେଲାଝା ଇଲେତି ବୁମି ଝାଡ଼ାହିଲାଆଡ଼େ, ଇଦି ବାରେକିହୁଁ ଆଜିହପେତି ବୁମି ଝାଡ଼ିନାୟି ମାରେ ।

୧୯ ଏମାଟିଏ ଏ କାଜା ଗାଡ଼ା ତାନି ବାଗା ତଲେ ବାଗା ଆଡ଼େ ଅଡ଼େ ଦାରୁତିତି ବାରେ ଗାଡ଼ାୟାଁ ବିଡ଼ହାହାଡ଼ୁ, ଅଡ଼େ କାଜା ଗାଡ଼ା ବାବିଲନତି ମାହାପୁରୁ ବାଣା ଆହା ହିଲାଆଡ଼େସି, ଏଝାସି ତାନି ଗହ୍ନି ସଲାଟି ତାନି ହାରେକା କପାଗାଟି କାଡ଼ୁ ଏଝାଣାକ୍ ଉଟ୍ଟହେସି ।

୨୦ *ସାମ୍ବଦୁରି ମାଦି ମାନି ଦେସାୟାଁ ମେଣ୍ଡାଙ୍ଗାହାଡ଼ୁ ଇଞ୍ଜା ହରୁକା ବାରେ ଡ଼ଗୁା ହାଡ଼ୁ ।

୨୧ *ରା କଡ଼ି ଦସ କେଜି ବଜୁଗାଟି ଆଡ଼ିୟାଁ ହାଗୁ ଲାକଟି ମାଣସିୟାଁ ଲାକ ରିଡୁ, ଲକୁ ଇ ମରଡ଼ି ତାକି ମାହାପୁରୁଇଁ ନିନାକିଡ଼େରି ।

୧୭

ଝେଜିତି ଦାରେଣି

୧ ଏମାଟିଏ ସାଡ଼ାଗଟା ଗିନାୟାଁ ଆସାମାନି ଦୁଡୁ ବିଡ଼ାଟି ରଣି ନା ତାଗେ ଝାହାନା ଏଲେଇଞ୍ଜାଡ଼େ, “ଇଦାଆଁ ଝାମୁ ହାରେକା କାଡ଼ା ଦାରି ଗାଡ଼ି ଆହାମାନି ଦାରେଣି ଲେହେଁତି କାଜା ଗାଡ଼ା ଏନି ସାସୁ ବେଟାଆନେ ଏଦାଆଁ ତସାକ୍ ।

୨ ଦାରୁତିତି ରାଜାୟାଁ ଏ ଦାରେଣି ତଲେ ଦାରିକାମା କିହାମାନେରି, ଇଞ୍ଜା ଦାରୁତିତା ବାସା ଆହାମାନାରି ବାରେ ଦାରି କାମାଲେହେଁତି କାଡ଼ୁ ଚୁସାହୁଁ ହଟାମାନେରି ।”

୩ *ଏରିବେଲାତା ସୁଡୁଜୀଝୁ ନା ତାଣା ଝାଡ଼େ ଇଞ୍ଜା ଏ ଦୁଡୁ ନାଜେ ବାଃଲି ବୁମିତା ଅୟାଡ଼େ । ଏମାଆଁ ନାନୁ ମେସ୍ତେସି, ର ପାରୁ ଝାଣାଗାଟି ଜନ୍ତ ଲାକ ର ଇୟା କୁଗାମାରେ । ଏ ଜନ୍ତୁଟି ଆଜାମା ମାହାପୁରୁ ନିନାକିନି ଦରୁକା ରାସୁକି ଆହାମାରୁ, ଅଡ଼େ ଏଦାନାକି ସାଡ଼ାଗଟା ତାକ୍ ଇଞ୍ଜା ଦସଗଟା କମ୍ବକା ମାରୁ ।

୪ ଏ ଇୟା ହେୟାଁ ଲେହେଁତି ଝାଣା ଅଡ଼େ ପାରୁ ଝାଣାଗାଟି ହିମ୍ବରି ହୁଟାମାରେ, ଇଞ୍ଜା ଏଦି ବାଂଗାରା ଅଡ଼େ ଗାଡ଼ି ଦାରାଗାଟି ମଣି, ମୁକ୍ତା ତଲେ ସାକୁ ଆହାମାରେ, ତାନି ନାଡ଼ିକିନି ପାଡ଼େୟିକା ଲେହେଁ ଅପାଆଗାଟି ଦିଶସୁ ଇଞ୍ଜା ଦାରିକାମା କିନି ଲାଗେଏତି କାମା ତଲେ ନେଞ୍ଜାମାନି ର ବାଂଗାରା ଗିନା ଏଦି ଆସାମାରେ ।

୫ ଏଦାନି ମୁଞ୍ଜୁତା ଡ଼ଗୁାମାନି ର ଦରୁ ରାସୁକି ଆହାମାରେ, “କାଜା ଗାଡ଼ା ବାବିଲନ ଦାରୁତିତି ବାରେ ଦାରି ଇଞ୍ଜା ଅପାଆଗାଟି କାମାଟି ତାଲି ।”

୬ ନାନୁ ଅଡ଼େ ମେସ୍ତେସି, ଏ ଆୟାଟି ମାହାପୁରୁ ଲକୁ ଇଞ୍ଜା ଜୀସୁ ତାଣା ମାନି ତଲେ ମାଞ୍ଜା ସାକି ହାହାନା ହାହାମାନି ଲକୁତି ନେଡ଼େରି ଗସାନା ହଟାମାରେ । ନାନୁ ଏଦାନି ମେସାନା ହାରେକା କାବା ଆଡ଼େସି ।

୭ ଅଡ଼େ ଦୁଡୁ ନାଜେ ଏଲେଇଞ୍ଜାଡ଼େ, “ଏନାଆଁତାକି କାବା ଆହିମାଞ୍ଜି ? ନାନୁ ଏ ଆୟାଟି ଅଡ଼େ ସାତା ଗଟା ତାକ୍ ଇଞ୍ଜା ଦସଗଟା କମ୍ବକା ଗାଟି ଏଦାଣି ଡ଼େକାମାନି ଜନ୍ତୁଟି ଡ଼ଗୁାମାନି କାତା ନାନୁ ନିଜେ ଝେସିମାଞ୍ଜାଇଁ, ଝେନାମୁ ।

୮ *ଜନ୍ତୁ ର ଦିନା ନୀତାମାରେ; ନୀସି ଅଡ଼େ ନୀତାହିଲେଏ, ସାମା ତବେ ତାଡ଼େପୁରୁଟି ନିଜା ଝାଡ଼େ ଇଞ୍ଜା ଅର ଦେବା ନାସା ଆନେ । ଦାରୁତି ଗାଡ଼ି ଆଡ଼ି ନକେଏ ଆମ୍ବାଆରି ଦରୁ ଜୀଝୁତି ପତିତା ରାସୁକି

* ୧୭:୧୫ ମାଟି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲ ୩:୩ * ୧୭:୧୮ ଝେ ବଲ୍ଲ ୮:୫; ୧୧:୧୩,୧୯ * ୧୭:୨୦ ଝେ ବଲ୍ଲ ୬:୧୪
* ୧୭:୨୧ ଝେ ବଲ୍ଲ ୧୧:୧୯ * ୧୭:୩ ଝେ ବଲ୍ଲ ୧୩:୧ * ୧୭:୮ ଝେ ବଲ୍ଲ ୧୧:୭

ଆହାହିଲେଏ, ଦାରୁଡିତା ବାସାଆହାମାନି ବାରେ ଲକ୍ଷ୍ମ ଜନ୍ମଇଁ ମେସାଁ କାବାଆନେରି । ଏଦି ର ଦିନା ନୀତାମାରେ, ନୀର୍ଦ୍ଦ ଅଡ଼େ ହିଲେଏ, ସାମା ଅଡ଼େ ର ଦେବା ତଞ୍ଜାଆନେ ।”

୯ “ଇ ବାରେ କାତା ତେଲହାଲି ତାକି ବୁଦି ଲଡ଼ାମାନେ । ଜନ୍ମତି ସାଡ଼ାଗଟା ତାକାଁ ସାତେଏ ସାଡ଼ାଗଟା ହର୍କା, ଆମିନି ଲାକ ଆୟାତି କୁଗାମାନେ । ଏଝି ଜିକେଏ ସାଡ଼ା ଜାଣା ରାଜାୟାଁ ଲେହେଁ ।

୧୦ ଏଝାରି ବିଭ୍ରାଟି ପାସାଜାଣା ମେଣ୍ଡା ହାଜାମାନେରି, ନୀର୍ଦ୍ଦ ରଅସି ମାନେସି, ଅଡ଼େ ରଅସି ନୀର୍ଦ୍ଦ ପାତେକା ଖାହାହିଲଅସି, ଏଝାସି ଖାଡ଼ିସାରେ ଗାଡ଼େକା ତାକିଏ ସାଲୁଝି କିନେସି ।

୧୧ ଅଡ଼େ ଆମିନି ଜନ୍ମ ର ଦିନା ନୀତାମାରେ, ଏଦି ଆଡ଼ା ଲମ୍ବର ରାଜା, ଏ ବାରେ ରାଜାୟାଁ ବିଭ୍ରାଟି ରଅସି ଇଞ୍ଜାଁ ଏଝାସି ଜିକେଏ ତବେ ନାସା ଆନେସି ।”

୧୨ “ମୀରୁ ମେସାମାନି ଦସଗଟା କମକା, ଦସ ଜାଣା ରାଜାୟାଁ ଲେହେଁ, ଏଝାରି ନୀର୍ଦ୍ଦ ପାତେକା ସାଲୁଝି କିହାହିଲଅରି । ସାମା ଜନ୍ମ ତଲେ ସାଲୁଝି କିହାଲିତାକି ର ଗଟା ତାକି ଏଝାରାକି ବାଡ଼ୁରୁ ହୀପକିଆନେ ।

୧୩ ଏଝାରି ରଣିଏ ଅଣପୁ ତଲେ ମାଞ୍ଜାନା ତାମି ବାଡ଼ୁରୁ ଅଡ଼େ ଅଦିକାରା ଏ ଜନ୍ମକି ହୀନେରି ।

୧୪ ଏଝାରି ମେଣ୍ଡା ତାଲୁ ତଲେ ଜୁଜୁ କିନେରି, ଅଡ଼େ ମେଣ୍ଡା ତାଲୁ ଏଝାରାଇଁ ଜୀଣା ଆନେ, ଇଚିହଁ ଏଝାସି ପ୍ରବୁ କିହାଁ ପ୍ରବୁ ଅଡ଼େ ରାଜା କିହାଁ ରାଜା, ଅଡ଼େ ଆମିନି ଗାଟାରି ଏଝାଣିତଲେ ମାନେରି ଏ ହାଡ଼ାମାନାରି, ଆଡ଼ାମାନାରି ଅଡ଼େ ନାମୁଗାଟାରି ଜିକେଏ ଜୀଣା ଆନେରି ।”

୧୫ ଦୁତୁ ନାଜେ ଅଡ଼େ ଏଲେଇଞ୍ଜାତେ, “ନୀନୁ ଆମିନି ଏମୁଣି ମେସି, ଆମିନି ଲାକ ଏ ଦାରେଣି କୁଗାମାନେ, ଏଦି ଆହମାନେ ଏଟକା ଏଟକାତି ଦେସା, କୁଡ଼ା, ଗତି ଇଞ୍ଜାଁ ହାଡ଼ାଗାଟି କୁଲମି ।

୧୬ ନୀନୁ ମେସାମାନି ଦସଗଟା କମକା ଇଞ୍ଜାଁ ଏ ଜନ୍ମ, ଦାରେଣିନି ଅପାତ; ଏଝି ଏଦାନି ତାଣାଟି ବାରେ ପିସପିକିହା ଅହମାନା ନାଗଡ଼ା କିହାନା ପିହନୁ । ଏଝି ଏଦାନି ଉଞ୍ଜା ତିଞ୍ଜାନା ହିରୁତା ହୁତାନା ନାସା କିନୁ ।

୧୭ ଏନାଆଁତାକି ଇଚିହଁ, ମାହାପୁରୁ ତାନୁ ଅଣପାମାନାଣି କିହାଲିତାକି ଏଝାଆଁତାକି ଇ ଅଣପୁ ହାହାମାନେସି । ଏଝି ରଣିଏ ମନ ଆହମାନା କାମା କିନୁ ଇଞ୍ଜାଁ ମାହାପୁରୁତି ବଲ୍ଲୁ ସାତାତଲେ ଆଆପାତେକା ରାଜିତି ସାଲୁଝି କିନି ବଲ୍ଲୁ ଏ ଜନ୍ମ କେୟୁତା ପିସାହାନେସି ।”

୧୮ “ଇଞ୍ଜାଁ ଆମିନି ଆୟାତି ମେସି, ଏଦି ଆହମାନେ, ଦାରୁଡିତି ରାଜାୟାଁଣି ସାଲୁଝି କିହମାନି ଏ କାଜା ଗାଡ଼ା ।”

୧୮

ବାବିଲନ ନାସା ଆନାୟି

୧ ଏବେଟିଏ ନୀନୁ ଅଡ଼େ ର ଦୁତୁଇଁ ଲାକପୁରୁଟି ରେଟା ଖାହିମାଗାଣି ମେସେସି; ଏଝି କାଜା ଅଦିକାରା ଗାଟାୟି, ତାନି ଗାଝୁରମି ତାକି ଦାରୁଡି ବାରେ ଉଜେଡ଼ି ଆହାହାଚେ ।

୨ ଏଦି କାଜା ହାଡ଼ାତଲେ କାଲୁଝି ଆହଁ ଏଲେଇଚେ, “କାଜା ଗାଡ଼ା ବାବିଲନ ମେଣ୍ଡାଜିତେ ! ଏଦି ବାରେ ମେଣ୍ଡାଜିତେ ! ଏଦି ବୁତୁୟାଁ ବାସାଗାୟୁ ଅଡ଼େ ପଲୁଆ ଜୀଝୁୟାଁ ଅଡ଼େ ପଲୁଆ କାମାୟାଁ, ଇଞ୍ଜାଁ ଅପାଆଗାଟି ପଟାୟାଁତି ବାସାଗାୟୁ ଆହାମାନେ ।

୩ ଇଚିହଁ ବାରେ ଜାଡ଼ିତାରି ତାନି ଦାଡ଼ି କାମାଲେହେଁତି କାଡ଼ୁ ଗୁସାମାନେରି, ଦାରୁଡିତି ରାଜାୟାଁ ତାନିତଲେ ଦାରିକାମା କିହାମାନେରି, ଅଡ଼େ ଦାରୁଡିତି ବେବାରା ଗାଟାରି ତାନି ଜୁପକାଟି ବାଡ଼କୁ ଗାଟାରି ଆହାମାନେରି ।”

୪ ଏବେଟିଏ ନୀନୁ ଲାକପୁରୁଟି ଅଡ଼େ ର ହାଡ଼ା ଏଲେ ଇଞ୍ଜାମାନାଣି ଝେରେଏଁ,
“ଏ ମା ଲକ୍ଷ୍ମତେରି ! ଏଦାଆଁତାକି ଏଦାନି ତାଣାଟି ହଡ଼ା ଝାଡ଼ୁ !

ମୀରୁ ଏନିକଁ ଏଦାନି ପାପୁତା ଆଣୁଅଡ଼େରି;
ଇଞ୍ଜାଁ ତାନି ଡ଼ଣୁଡ଼ି ବାଗା ବେଟାଆଅଡ଼େରି;

୫ ଏନାଆଁତାକି ଇଚିହଁ ଏଦାନି ପାପୁ ବାରେ ଲାକପୁରୁ ପାତେକା ଏଜାମାନେ,
ଅଡ଼େ ଏଦି କିହାମାନି ଲାଗେଏଡ଼ି କାମା ମାହାପୁରୁ ମନତା ଅଣପାମାନେସି ।

୬ ଏଦି ମିଜେ ଏନି କିହାମାଞ୍ଜାନେ ଏଲେକଁ ମୀରୁ ଏଦାନାକି କିପୁ;
ତାନି କିହାମାନାଣି କିହାଁ ରା ଗୁଣୁ ଝେଟୁଦୁ,
ଏଦି ଆମିନି ସଲ୍ଲାତା କାଡ଼ୁ ଆହମାନେ,
ଏମାଆଁ ରା ଗୁଣୁ କାଡ଼ୁ ତାନି ସଲ୍ଲାତା ଆବୁଦୁ ।

☆ ୧୮:୭ ଝେ ବଲ୍ଲୁ ୧୪:୮

୭ ଏଦି ଏଚେକା ତାନି ଗାଧୁରମି କିହାମାନେ ଅଡ଼େ ବଡ଼ପଣ ତଲେ ମାଞ୍ଜାମାନେ,

ଏଲେକ ଏଦାନାକି ଦୁକୁ କସ୍ତ ହୀଦୁ;

ଏନାଆଁତାକି ଇଚିହ ଏଦି ଜାହାରାଇଁ ମନତା ଝେସା କଡ଼ିମାନେ,

‘ନାନୁ ରାଣି ଆହାଁ କୁଗାମାଇଁ,

ନାନୁ ରାଣ୍ଠେଣିତେଏଁ ଆଏ,

ନାଜେ ଏଚେଲାଖା ଦୁକୁ କିହାଲି ଆଏ ।’

୮ ଇଦାଣିତାକି ର ଦିନା ବିତ୍ରା ତଣ୍ଡ ପାଣ୍ଡନେ,

ଇଚିହ ହାକି, ଡାକି, ଅଡ଼େ କାରୁଧୁ ଆନେ,

ଅଡ଼େ ଏଦି ହିଚୁତା ଝେହାହାନେ,

ଇଚିହ ଏଦାନି ନାହାଁୟି କିନାସି ପ୍ରବୁ ମାହାପୁରୁ ବାରେ ବାଡ଼ୁ ଗାଟାସି ।”

୯ ଦାରୁତିତ ବାରେ ରାଜାୟାଁ ତାନିତଲେ ଦାରିକାମା କିହାନା ରାହାଁତି ନୀତାମାନେରି, ଏଞ୍ଜାରି ଏଦାନି ହୁଡ଼ିମାନି ହିଚୁ ବୟଁ ମେହନେରି, ଇଞ୍ଜାଁ ଏଦାନି ତାକି ଦୁକୁ ଆହାଁ ଡ଼ାନେରି;

୧୦ ଏଞ୍ଜାରି ଏଦାନି କାକୁଲିତି ଆଜିତାକି ହେକ ନିଗାନା ଏଲେଇନେରି, “ଆୟଡ଼ା, ଆୟଡ଼ା, କାଜା ଗାଡ଼ା, ବାଡ଼ୁ ଗାଟା ଗାଡ଼ା ବାବିଲନ ନୀନୁ ବାକା ପଣ୍ଡନାତି, ଇଚିହ ରଣ୍ଡିଏ ଗଂଟା ବିତ୍ରା ନୀ ତଣ୍ଡ ଖାଡ଼େ !”

୧୧ ଅଡ଼େ ଦାରୁତିତ ବେବାରା ଗାଟାରି ଏଦାନି ତାକି ଦୁକୁ ଆହାଁ ଡ଼ାନେରି, ଏନାଆଁତାକି ଇଚିହ ଆମ୍ବାଆରି ଏଞ୍ଜାରି ପାରୁନି ଦିଶସୁ କଡ଼ଅରି,

୧୨ ଇଚିହ ବାଂଗାରା, ଝେଣ୍ଡି, ଦାରା ଗାଟି ମଣି ଅଡ଼େ ମୁନ୍ତାୟାଁ, ସିଲକୁ ହିମ୍ବରକା, ହେୟାଁ ଖାଣାଗାଟି ହିମ୍ବରକା, ପାରୁ ହିମ୍ବରକା, ଏଚକା ଏଚକାତି ଅଜିତି ହିମ୍ବରକା, ଚନ୍ଦନ ଇଞ୍ଜାଁ ଏଦାନି ଲେହେଁତି ଗାନ୍ଧା ଗାଟି ମାରୁକା, ହାତି ପାଲକା, ଦାରା ଗାଟି ଝେସକା, ପିତାଡ଼ା, ଲହ, ଅଜିତି ତସୁପା ଖାଲକାତଲେ କେପିତି ବାରେ ଆସି ।

୧୩ ଡାକ୍ତନି ସାଲି, ଗାନ୍ଧାଗାଟି ଆସି, ଦୁପଣି, ଗାନ୍ଧାଗାଟି ରୁବିନି ନିୟୁଁ, ଗାନ୍ଧାଗାଟି ଦୁପଣି, କାଡୁ ନିୟୁଁ, ଗୁଣ୍ଡା, ଗହଁ, କଡ଼ିୟାଁ, ମେଣ୍ଡାୟାଁ, ଗଡ଼ାୟାଁ, ରାତାୟାଁ, କଡ଼ାମାନି ହଲିୟାଜା, ଅଡ଼େ ମାଣସିୟାତି ଜାଣ୍ଡି ।

୧୪ “ନୀ ଜାଧୁତି ଜୁପକା ଗାଟି ଅଣ୍ଡପୁତି ପାଡ଼େୟିକା ନୀ ତାଣ୍ଡାଟି ମେଣ୍ଡାଣା ହାରୁ, ଅଡ଼େ ବାରେ ଡାକ୍ତନାୟି, ରାହାଁତି ବାରେ ନୀ ତାଣ୍ଡାଟି ଏଚକା କିଞ୍ଚି ଆହାଁ ନାସା ଆହାମାନେ, ଅଡ଼େ ଏଚେଲାଖା ଏ ବାରେ ମେଡ଼ା ଆୟେଏ !”

୧୫ ଇ ବାରେ ଦିଶସୁତି ବେବାରା କିନାରି ଏ କାଜା ଗାଡ଼ା ତଲେ ବାଡ଼ୁ ଗାଟାରି ଆହାମାଚେରି, ଏଞ୍ଜାରି ଏଦାନି କସ୍ତତି ଆଜିତାକି ହେକ ନିଗାନା ଦୁକୁ ତଲେ ଡ଼ାହ ଏଲେଇନେରି ।

୧୬ “ଆୟଡ଼ା ! କାଜା ଗାଡ଼ାତି ! ନିଜେତାକି ଏଚେକା ଆଜିହପେତି କସ୍ତ ଖାଡ଼େ, ନୀନୁ ଅଜିତି ହିମ୍ବରକା, ହେୟାଁ ଖାଣାଗାଟି ହିମ୍ବରକା, ପାରୁ ହିମ୍ବରକା ହୁତାମାଟି, ଅଡ଼େ ବାଂଗାରା, ଦାରାଗାଟି ମଣି ଇଞ୍ଜାଁ ମୁନ୍ତାୟାଁ ତଲେ ମିଣସି ମାଟି ସାଜୁୟାଁ ତୁରହାମାଟି !

୧୭ ଇଚିହ ରଣ୍ଡିଏ ଗଂଟା ବିତ୍ରା ଏ ବାରେ ଦନ ମେଣ୍ଡାଣାହାଚେ ।

ଏୟ ଜାଜାୟାଁ ସାଲୁଞ୍ଚି କିନାରି ଏମ୍ବାଆଁ କୁଗାମାନାରି ତଂଗାଁୟାଁ ସାଲୁଞ୍ଚି କିନାରି ଇଞ୍ଜାଁ ସାମ୍ବଦୁରିତା ଇତାଲା ଆତାଲା ରେଜିହ ବେବାରା କିନାରି ହେକ ନିଗାନା,

୧୮ ଏ ଗାଡ଼ାତି ହୁଡ଼ିମାନି ହିଚୁ ବୟଁ ମେସାନା କାଜା ଗାନ୍ଧାତଲେ ଏଲେଇନେରି, ଇ କାଜା ଗାଡ଼ା ଲେହେଁ ଆମିନି ଗାଡ଼ାମାନେ ।

୧୯ ଏଞ୍ଜାରି ତାମି ତାକାଁ ଲାକ ଦୁଡ଼ି ଡ଼ାଞ୍ଜା କଡ଼ାନା ଦୁକୁ ତଲେ ଡ଼ାହି ଡ଼ାହି ଏଲେଇଚେରି, ଆୟଡ଼ା ଏ କାଜା ଗାଡ଼ାତି, ନିଜେ ଏଚେକା ଆଜିହପେତି ତଣ୍ଡ ଆଡ଼େ, ନୀ ବାଡ଼ୁ ତଲେ ସାମ୍ବଦୁରିତି ଜାଜାଣା ରେଜିହ ବାଡ଼କା ମାଚେରି, ନୀଏଁ ରଣ୍ଡିଏ ଗଂଟା ବିତ୍ରା ଏ ବାରେ ମେଣ୍ଡାଣାହାଚେ !”

୨୦ ଲାକପୁରୁ, ମାହାପୁରୁ ଲକୁ, ପାଣ୍ଡୁଞ୍ଚି ଆହାମାନାଚେରି, ମାହାପୁରୁ ଅଣ୍ଡପୁତି ବଲ୍ଲ ଝେହନାଚେରି ! ମୀରୁ ଏଦାନି ନାସା ଆନାଣି ତାକି ରାହାଁ ଆଦୁ, ଏନାଆଁତାକି ଇଚିହ ମାହାପୁରୁ ମିଜେ କିହା ମାଞ୍ଜାନାଣି ତାକି ବାଦୁଲି ଅହାମାନେସି ।

୨୧ ଏଚେଟିଏ ତାୟୁ ର କାଜା ଦୁଡୁ, ର ଜେତାଖାଲି ଲେହେଁତି ର ଖାଲି ସାମ୍ବଦୁରି ଲାକ ମେଡ଼ହାନା ଏଲେଇଚେ, “ଇଲେକ କାଜା ଗାଡ଼ା ବାବିଲନ ମେଡ଼ପି ଆନେ, ଅଡ଼େ ଏଦି ଏଚେଲାଖା ତଞ୍ଜା ଆଏ ।

୨୨ ସେବକ୍ଷିୟାଁ ଅଡ଼େ ପାଡ଼ିନାରି ହାଡ଼ା, ପୀରୁଡ଼ି ଉକିନାରି, ତୀବ୍ରି ଉକିନାରି ହାଡ଼ା ଏରେଲାଖା ଏଦାନି ତାଣା ଝେଙ୍ଗେଏ, ନେହଁ ନେହଁ ସାଜୁ ଇଞ୍ଜାଁ ଏବକାତି ଆସ୍ତି କେପିନାରି ନୀ ତାଣା ତଞ୍ଜା ଆଅରି, ଅଡ଼େ ଜେତାଖାଲୁକା ତଲେ ନୁୟଁ ନାୟି ଏରେଲାଖା ହାଡ଼ା ଝେଙ୍ଗେଏ ।

୨୩ ଦୀର୍ଘିୟାତି ଉଜେଡ଼ି ନୀ ତାଣା ଏରେଲାଖା ଡ଼ାଞ୍ଜେଏ, ବୀହା ଆନି ମାୟୁକା ଅଡ଼େ ବୀହା ଆନି କକାରି ହାଡ଼ା ନୀ ତାଣା ଏରେଲାଖା ଝେଙ୍ଗେଏ, ଏନାଆଁତାକି ଇଚିହଁ ନୀ ତାଣା ବେବାରା କିନାରି ଦାରୁଡ଼ିତା କାଜାରି ମାରେରି, ଅଡ଼େ ନୀ ମାୟାମନ୍ତରତା ବାରେ କୃଡ଼ାତି ଲକ୍ଷୁ ମୁଞ୍ଜା ହାଜାମାରେରି !”

୨୪ ଗାଡ଼ାତା ମାହାପୁରୁ ଅଣ୍ଟପୁତି ବଲ୍ଲୁ ଝେହନାରି, ମାହାପୁରୁ ଲକ୍ଷୁ, ଇଞ୍ଜାଁ ଦାବ୍ତିତା ପାୟୁଝିଆହାମାନି ଲକ୍ଷୁତି ନେତେରି ଏଦାନି ତାଣା ତଞ୍ଜାଆହାମାରେ ।

୧୯

୧ ଏରେଟିଏ ଲାକପୁରୁ ର କାଜା ମାୟା ଲକ୍ଷୁତି ହାଡ଼ାଲେହେଁତି ର କାଜା ହାଡ଼ା ଏଲେଇଞ୍ଜିମାଚାଣି ଝେରେଏ, “ହାଲେଲୁୟା ! ଗେଲୁପିନି, ଗାଝୁରମି ଅଡ଼େ କାଜାପାଣା ମା ମାହାପୁରୁଖାୟି ।

୨ ଇଚିହଁ ଏଝାଣି ନାହାଁୟି ସାତା ଅଡ଼େ ନେହାୟି, ଆମିନି କାଜା ଦାରେଣି ତାନି ଦାରିକାମା ତଲେ ଦାରୁଡ଼ିତି ଲକ୍ଷୁଣି ପଲୁଆ କିହାମାରେ, ମାହାପୁରୁ ଏଦାନି ତଣ୍ଡ ହାହାନା ତାନି ହଲ୍ଲିୟାଙ୍ଗାଣି ପାୟିତି ନେତେରିତି ବାଦୁଲି ଅଡ଼େସି ।”

୩ ଅଡ଼େ ଏଝାରି ରୀ ପାଲି ଏଲେଇଚେରି “ହାଲେଲୁୟା ! ଏ ଗାଡ଼ା ଝେହିମାନି ବୟଁ କାଲାକାଲାତାକି ହଡ଼େମାନେ ।”

୪ ଏରେଟିଏ କଡ଼େ ସାରି ଜାଣା ପ୍ରାତିନାଙ୍ଗା ଅଡ଼େ ସାରିଗଟା ଜଡ଼ୟାଁ ମୁନୁ କୁତାନା ସିଂଗାସାଣିତା କୁଗାମାନି ମାହାପୁରୁଇଁ ଜହରା କିହାନା ଏଲେଇରୁ, “ଆମେନ୍ ହାଲେଲୁୟା !”

ମେଣ୍ଡା ତାଲୁତି ବୀହା ବଜି

୫ ଏଚିବେଲ୍ଲା ସିଂଗାସାଣିତି ର ହାଡ଼ା ହଡ଼ାନା ଝେଙ୍ଗିତେ, “ଏ ମାହାପୁରୁତି ହଲ୍ଲିୟାଙ୍ଗାତେରି, ଏଝାଣାଇଁ ଆଜିନି କାଜାରି ଇଚାରି ବାରେଜାଣା ତେରି ମୀରୁ ମାହାପୁରୁଇଁ ଜହରା କିଦୁ ।”

୬ ଅଡ଼େ ନାନୁ କାଜା ମାୟା ଲକ୍ଷୁ ଲେହେଁତି ହାଡ଼ା, ଲଦ ଲଦ ରିହିମାନି ଏରୁ ଲେହେଁତି ହାଡ଼ା, ଅଡ଼େ ହାଗୁ ଗୁଣ୍ଡିହିମାନି କାଜା ହାଡ଼ାଲେହେଁ ଏଲେଇଞ୍ଜି ଝେସିମାନାଣି ଝେରେଏ, “ହାଲେଲୁୟା ! ଇଚିହଁ ପ୍ରୁ ମା ବାଡ଼ୁଗାଟି ମାହାପୁରୁ ରାଜା ଆହାନା ପାଣା ବେଟା ଆହାମାନେସି ।

୭ ଖାଦୁ ମୀର ରାହାଁ ଆନି, ଇଞ୍ଜାଁ ଏଝାଣି ଗାଝୁରମି ତାକି ଏଝାଣାଇଁ ଜହରା କିନି, ଏନାଆଁତାକି ଇଚିହଁ ମେଣ୍ଡା ତାଲୁତି ବୀହା ଆନି ଦିନା ଏଦାତେସିଏ, ଇଞ୍ଜାଁ ଏଝାସି ବୀହା ଆନି ମାଙ୍ଗା ତିୟାରା ଆହାମାନେ ।

୮ ଏଦାନାକି ମିହୁନି ଅଡ଼େ ଅପିନି ହିମ୍ବରି ହୁଚାଲି ହାପୁକି ଆଡୁ;” ଏ ଦବଲ୍ଲା ହିମ୍ବରି ଇଚିହଁ ମାହାପୁରୁ ଲକ୍ଷୁତି ଦାମ୍ବୁ କାମାୟାଁ ।

୯ ଏଚିବେଲ୍ଲା ଦୁଡୁ ନାଙ୍ଗେ ଏଲେଇଞ୍ଜାତେ, “ରାଡ଼ାମ୍, ଆମିନି ଗାଟାରି ମେଣ୍ଡା ତାଲୁତି ବୀହା ବଜିତା ହାଡ଼କି ଆହାମାନେରି, ଏଝାରାକି ନେହେଁ ।” ଅଡ଼େ ଏଦି ନାଙ୍ଗେ ଏଲେଇଞ୍ଜାତେ, “ଇ ବାରେ ମାହାପୁରୁତି ସାତା ବଲ୍ଲୁ ।”

୧୦ ଏରେଟିଏ ନାନୁ ଏଦାନି ଜହରା କିହାଲି ତାନି କଡ଼ାୟାଁ ଡ଼କ ରାତେଏ, ଏରେଟିଏ ଏଦି ନାଙ୍ଗେ ଏଲେଇଞ୍ଜାତେ, ଜାଗାତା, ଇଲେ କିଆନି, ନାନୁ ଜୀସୁ ଅଡ଼େ ମୀ ସାକି ଇଞ୍ଜାଁ ମୀ ତାୟିୟାଁ ତଲେ ର ହଲେଏଣା ଲେହେଁ; ନାନୁ ମାହାପୁରୁଇଁ ଜହରା କିମ୍, ଜୀସୁତି ସାକି ଏଦି ସାତା, ମାହାପୁରୁ ବଲ୍ଲୁ ଝେହନାରି ଜୀଝୁ ।

ଦବଲ୍ଲା ଗଡ଼ା ମୁହେଁ କୁଗାମାନାସି

୧୧ ଏରେଟିଏ ନାନୁ ଲାକପୁରୁତି ଦେପିଆହାମାନାଣି ମେସ୍ତେଏ, ଏମ୍ବାଆଁ ର ଦବଲ୍ଲା ଝାଣାଗାଟି ଗଡ଼ା ମାରେ, ଏମ୍ବାଆଁ ହଡ଼ାମାନାଣି ଦରୁ ନାମାତାୟି ଅଡ଼େ ସାତାତାୟି; ଏଝାସି ନେହଁ କଁ ନାହାଁୟି କିନେସି, ଅଡ଼େ ଜୁଜୁ କିନେସି ।

୧୨ ଏଝାଣି କାଣକା ହିରୁ ଗୁଦଝା ଲେହେଁତାଇ, ତାନି ତାୟଁ ଡ଼ା ହାରେକା ଟପେରିକା, ଅଡ଼େ ଏଝାଣି ର ଦରୁ ରାସ୍ତକି ଆହାମାନେ, ଏ ଦରୁ ଏଝାଣି ଦିସପେ ଆମ୍ବାଆରି ପୁନଅରି ।

୧୩ ଏଝାସି ନେତେରିତା ଉଡ଼ହା ମାନି ର ହିମ୍ବରି ହୁଚାମାନେସି, ଇଞ୍ଜାଁ ଏଝାଣି ଦରୁ “ମାହାପୁରୁତି ବଲ୍ଲୁ ।”

୧୪ ଲାକପୁରୁତି ଜୁଜୁ କିନାରି ଅପ୍ତ ଦବଲା ହିମ୍ବରକା ହୁଚାନା ଦବଲା ଖାଣା ଗଡ଼ାୟାଁ ଲାକ କୁଗାନା ତାନି ଜେତ ହାଚେ ।

୧୫ ଏଝାଣି ଗୁଡ଼ି ଖାସ୍ତି କାଣ୍ଡା ହୁନେ, ଏ କାଣ୍ଡାତଲେ ବାରେ ଦେସାତି ଲକୁଇଁ ଟୁଣନେସି; ଏଝାସି ଏଝାରାଇଁ ଲହ ବାଡ଼ଗା ତଲେ ସାଲୁଝି କିନେସି, ଅଡ଼େ ଏଝାସି ତାନୁଏ ବାରେ ବାଡ଼ମୁଗାଟି ମାହାପୁରୁ କାଜା କପା ଲେହେତି ଅଜୁରି ପାଡ଼େୟିକା ପାଟିନି ଗାଡ଼ମୁତା ମାନି ପାଡ଼େୟିକା ଝିହନେସି ।

୧୬ ଏଝାଣି ହିମ୍ବରତା ଅଡ଼େ ଏଝାଣି କୁଦଗୁତା ଇ ଦରୁ ରାସ୍ତକି ଆହାମାନେ, “ରାଜା କିହାଁ ରାଜା ଅଡ଼େ ପ୍ରବୁ କିହାଁ ପ୍ରବୁ ।”

୧୭ ଏଚେଟିଏ ନାନୁ ର ଦୁଡୁଇଁ ଝେଡ଼ା ଲାକ ନିଚାମାନାଣି ମେସେସ୍; ଏଦି ହାଗୁଡ଼ି ମାଦି ଉମ୍ବିମାନି ବାରେ ପଚାୟାଁଣି କାଜା ହାଡ଼ାତଲେ ହାଡ଼ାନା ଏଲେଇଚେ, “ଝାଦୁ ମାହାପୁରୁତି କାଜା ବଜିତା କୁଡ଼ା ଆଦୁ !

୧୮ ଏନିକିଁ ମୀରୁ ରାଜାୟାଁ, ଜୁଜୁ ତାକି କାଜାରି, ବାଡ଼ମୁ ଗାଟାରି, ଗଡ଼ାୟାଁ ଅଡ଼େ ଗଡ଼ା ଲାକ କୁଗାମାନାରି, କତାମାନି ହଲିୟାଙ୍ଗା, ହଲିୟାଙ୍ଗା ଆଆତାରି, କାଜାରି ଅଡ଼େ ଇଚାରି ବାରେତି ଉଙ୍ଗା ତିଝେରି !”

୧୯ ତାୟୁ ନାନୁ ଜନ୍ତତି ଅଡ଼େ ଦାରତିତି ରାଜାୟାଁଣି ଅଡ଼େ ଏଝାରି ଜୁଜୁ କିନାରାଇଁ, ଏଝାରି ଗଡ଼ାୟାଁ ଲାକ କୁଗାମାନାରି ଇଞ୍ଜାଁ ଏଝାରି ଜୁଜୁ କିନାରି କପାଟି ଜୁଜୁ କିହାଲି କୁଡ଼ା ଆହାମାନାଣି ମେସେସ୍ ।

୨୦ ଏ ଜୁଜୁତା ଜନ୍ତ ଅଡ଼େ ଏଦାନି ନକିତା କାବାଆନି କାମା କିହିମାନି ଏ ନାଡ଼ିକିନି କ୍ରୀସ୍ତଇଁ ଆସାନା ଦସ୍ପିଆଚେ । ଆମିନି ଲକୁତାଣା ଏ ଜନ୍ତତି ସିନା ମାଚେ ଇଞ୍ଜାଁ ଆମ୍ବାଆରି ଏଦାନି ବମାତି ପୂଜା କିହିମାଚେରି, ଜନ୍ତ ତାନି କାବାଆନି କାମା ତଲେ ଏଝାରାଇଁ ନାଡ଼ି କିହିମାଚେ । ଜନ୍ତ ଇଞ୍ଜାଁ ନାଡ଼ିକିନି କ୍ରୀସ୍ତଇଁ ଡ଼ାଞ୍ଜିମାନି ହିଡୁତା ଜୀଝୁତଲେ ମେଡ଼ପିଆଚେ ।

୨୧ ଅଡ଼େ ଏଚେକା ଡ଼ୟିତି ଲକୁ ଗଡ଼ା ଲାକ କୁଗାମାନାଣି ଗୁଡ଼ିଟି ହଡ଼ିମାନି କାଣ୍ଡାତଲେ ପାୟୁଝିଆଡ଼େରି; ଏଚେଟିଏ ବାରେ ପଚାୟାଁ ଏଝାରି ଉଙ୍ଗା ତିଞ୍ଜାନା ବାଣ୍ଡି ପାଞ୍ଜିତୁ ।

୨୦

ର ମାଣା ବାର୍ଯାତି ରାଜି କିନାୟି

୧ ଏଚେଟିଏ ନାନୁ ର ଦୁଡୁଇଁ ଲାକପୁରୁତି ରେଟା ଝାହିମାଚାଣି ମେସେସ୍, ଏଦାନି କେୟୁତା ତାଡ଼େପୁରୁ ଗାଡ଼ମୁଡ଼ି କୁଚିକାଡ଼ି ଅଡ଼େ ର କାଜା ହିକଣି ମାଚୁ ।

୨ ଏଦି କାଜା ରାଚୁତି, ଏ ପ୍ଲାଈଇ ନାଗା, ଇଚିହଁ ଦିୟାବଲ ଅଡ଼େ ସୟତାନତି ଆସାନା ର ମାଣା ବାର୍ଯା ପାଚେକା ଦସ୍ପା ଇଚିଚେ ।

୩ ଅଡ଼େ ଏଦାନି ତାଡ଼େପୁରୁ ଗାଡ଼ମୁତା ମେଡ଼ହାନା ଗାଡ଼ମୁଡ଼ି ଦୁଝେରି ସୁଣ୍ଡାନା ଏଦାନି ଲାକ ହାକିତି ସାଲି ଝେଚେ, ଇଞ୍ଜାଁ ଏନିକିଁ ଏଦି ର ମାଣା ବାର୍ଯା ରାଆ ପାଚେକା ଦେସାତି ଲକୁଣି ନାଡ଼ି କିହାଲି ଆଡ଼େଏ; ଅଡ଼େ ତାୟୁ ଗାଡ଼େକା ତାକି ପିସ୍ପି କିୟାଲି ଆଚେ ।

୪ ଏଚେଟିଏ ନାନୁ ଏଚରଗଟା ସିଂଗାସାଣିୟାଁ ମେସେସ୍, ଏ ବାରେ ଲାକ ଏଚରଜାଣା କୁଚିଚେରି, ଏଝାରାକି ନାହାଁୟି କିହାଲି ଅଦିକାରା ହୀପ୍ତିଆଡ଼େ, ଅଡ଼େ ଜୀସ୍ତୁତି କାତା ଇଞ୍ଜାଁ ମାହାପୁରୁତି ବଲ୍ଲୁ ତାକି ଆମ୍ବାଆରି ତାକାଁ ଦାପି ଆହାମାଚୁ, ଇଞ୍ଜାଁ ଆମ୍ବାଆରି ଏ ଜନ୍ତ ଅଡ଼େ ତାନି ବମାତି ଜହରା କିହାଁ ହିଲାଆଚେରି ଅଡ଼େ ତାନି ସିନାତି ମୁଞ୍ଜୁତା କି କେୟୁତା ବେଟାଆହା ହିଲାଆଚେରି, ଏଝାରି ଜୀଝୁୟାଁ ମେସେସ୍; ଏଝାରି ଝେଣ୍ଡେ ନୀତାନା କ୍ରୀସ୍ତ ତଲେ ର ମାଣା ବାର୍ଯା ପାଚେକା ସାଲୁଝି କିଚେରି ।

୫ ଅଡ଼େ ଏଚେକା ହାଡ଼ି ଲକୁ ଏ ର ମାଣା ବାର୍ଯା ରାଆ ପାଚେକା ନୀତାଆଚେରି, ଇଦିଏ ତଲିତି ହାକିତି ନିଜିନାୟି ।

୬ ଆମ୍ବାଆରି ମୂଲୁ ଝେଣ୍ଡେ ନିଜିନି ତାଣା ଆଣ୍ଡିନେରି ଏଝାରି ନେହେଁ, ଅଡ଼େ ଏଝାରି ସୁଦୁଗାଟାରି; ଅଡ଼େ ଏଝାରି ମୁହେଁ ତାୟୁତି ହାକିତି ଏନି ଅଦିକାରା ହିଲେଏ, ସାମା ଏଝାରି ମାହାପୁରୁ ଅଡ଼େ କ୍ରୀସ୍ତତି ପୂଜେରାଙ୍ଗା ଆହାନା ଏଝାଣିତଲେ ର ମାଣା ବାର୍ଯା ପାଚେକା ସାଲୁଝି କିନେରି ।

ସୟତାନତି ହାଚିଆନାୟି

୭ ଏ ର ମାଣା ବାର୍ଯା ରାଡ଼ିସାଚେ ସୟତାନ ଦସ୍ପି ଆହାମାତି ଇଲୁଚି ପିସ୍ପି ଆଚେ ।

☆ ୧୯:୧୫ ଝେ ବଲ୍ଲ ୧୪:୨୦

୮ ଏବେଟିଏ ସୟତାନ ଦାରୁତିତି ସାରିସୁରୁ ମାନି ଦେସାତାରାଇଁ ଇଚିହଁ ସାମ୍ବୁରିତି ବାଞ୍ଚି ସମାନା ହାରେକା ଗର୍ ଅଡ଼େ ମେଗର୍ ଏଞ୍ଜାରାଇଁ ନାଡ଼ିକିହାନା ଜୁଜୁ ତାକି କୁଡ଼ିକିହାଲି ହଚାହାନେ ।

୯ ଏଞ୍ଜାରି ଦାରୁତିତି ସାରିସୁରୁ ହାଜାନା ମାହାପୁରୁ ଲକୁ ବାସାଆନି ତାଣା ଅଡ଼େ ମାହାପୁରୁ ଜାଝୁ ନହାଁମାନି କାଜା ଗାଡ଼ାତା ମୁଚିତେରି, ଏଚିବେଲ୍ଲା ଲାକପୁରୁଟି ହିରୁ ରିହାନା ଏଞ୍ଜାରାଇଁ ନାସା କିତେ ।

୧୦ ଆମିନି ସୟତାନ ଏଞ୍ଜାରାଇଁ ନାଡ଼ି କିହାମାଚେ, ଏଦାନି ହିରୁ ଅଡ଼େ ଗାନ୍ଦାଗୁଣ୍ଡା ତଲେ ଡ଼ାଞ୍ଜିମାନି ଗାଡ଼ୁୟୁତା ମେଡ଼ପିଆଡ଼େ, ଏମ୍ବାଆଁ ଏ ଜଡ଼ ଇଞ୍ଜା ମାହାପୁରୁ ବଲ୍ଲୁ ମିଚି ଝେହନାସି ଜିକେଏ ମାନେସି; ଅଡ଼େ ଏଞ୍ଜାରି ଏମ୍ବାଆଁ ଲାଆଁ ମାଦେନା କାଲାକାଲା ତାକି ଡ଼ଣ୍ଡ ବେଗାଆନେରି ।

ରାନି କାଲାତି ନୀହାଁୟି

୧୧ ଏବେଟିଏ ନାନୁ ର କାଜା ଦବ୍‌ଲା ସିଂଗାସାଣି ଇଞ୍ଜା ଏମ୍ବାଆଁ ରଅସି କୁଗାମାନାଣି ମେସ୍ତେସ୍; ଏଞ୍ଜାଣି ନକିଚି ଦାରୁତି ଅଡ଼େ ହାଗୁପାକା ହଗାଡ଼ୁସୁ ଏଞ୍ଜାସିକାକି ଅଡ଼େ ଗାୟୁ ମେଡ଼ା ଆଥାତେ ।

୧୨ ଅଡ଼େ ନାନୁ ଇଗାରି କାଜାରି ବାରେ ହାଡ଼ାରାଇଁ ସିଂଗାସାଣି ନକିତା ନିଗାମାନାଣି ମେସ୍ତେସ୍, ଅଡ଼େ ପତିୟାଁ ବାରେ ଦେପିଆଡ଼ୁ; ତାୟୁ ଜାଝୁପତି ଇଞ୍ଜୁଁ ଅଡ଼େ ର ପତି ଦେପିଆଡ଼େ; ଏ ପତିଣାଁ ରାସ୍‌କି ଆହାମାନି ଲେହେଁ ହାଡ଼ାରି ତାମି କିଚି କାମା ଲେହେଁ ନୀହାଁୟି କିଝି ଆଡ଼େରି ।

୧୩ ସାମ୍ବୁରି ତାନିତାଣାଟି ହାଡ଼ାରାଇଁ ହେରପିତେ, ଇଞ୍ଜାଁ ହାକି ଅଡ଼େ ତାଡ଼େପୁରୁ ତାନି ତାଣା ହାଡ଼ାରାଇଁ ହେରପିତେ; ଇଞ୍ଜାଁ ଏଞ୍ଜାରି ବାରେ ତାମି କିଚି କାମା ଲେହେଁ ନୀହାଁୟି କିଝି ଆଡ଼େରି ।

୧୪ ଏବେଟିଏ ହାକି ଅଡ଼େ ତାଡ଼େପୁରୁଟି* ହିରୁତଲେ ଡ଼ାଞ୍ଜିମାନି ଗାଡ଼ୁୟୁତା ମେଡ଼ପିଆଡ଼େ, ଇ ତାୟୁତି ହାକି ଇଚିହଁ ହିରୁ ଗାଡ଼ୁୟୁ ।

୧୫ ଆମ୍ବାଆରି ଦରୁ ଜାଝୁତି ପତିତା ରାସ୍‌କି ଆହା ହିଲାଆତେ ଏଞ୍ଜାରାଇଁ ଡ଼ାଞ୍ଜିମାନି ହିରୁ ଗାଡ଼ୁୟୁତା ମେଡ଼ପିଆଡ଼େ ।

୨୧

ପୁଃନି ହାଗୁପାକା ଅଡ଼େ ପୁଃନି ଦାରୁତି

୧ ଏମ୍ବାଟିଏ ନାନୁ ର ପୁଃନି ହାଗୁପାକା ଅଡ଼େ ପୁଃନି ଦାରୁତି ମେସ୍ତେସ୍, ଇଚିହଁ ତଲିତି ହାଗୁପାକା ଅଡ଼େ ତଲିତି ଦାରୁତି ମେଶାଙ୍ଗା ହାଜାମାଚେ, ଇଞ୍ଜାଁ ସାମ୍ବୁରି ଅଡ଼େ ହିଲାଆତେ ।

୨* ଅଡ଼େ ନାନୁ ସୁବୁ ଗାଡ଼ା ଇଚିହଁ ପୁଃନି ଜିରୁସାଲମତା ତାନି ବୀହା ଆନି ତକ୍ରାଇଁ ବେଗାଆୟାଲି ତିୟାରା ଆହାମାନି ଡ଼ାଆ ମାଙ୍ଗାଲେହେଁ ଲାକପୁରୁଟି ମାହାପୁରୁ ତାଣାଟି ରେଗାଞ୍ଜାହି ମାଗାଣି ମେସ୍ତେସ୍ ।

୩ ଅଡ଼େ ନାନୁ ସିଂଗାସାଣିଟି ର କାଜା ହାଡ଼ା ଏଲେ ଇଞ୍ଜିମାଗାଣି ଝେଚେସ୍, “ମେହ୍‌କୁ ମାଣ୍ଡିୟାଁ ତାଣା ମାହାପୁରୁଟି ବାସାଗାୟୁ ମାନେ, ଏଞ୍ଜାସି ଏଞ୍ଜାରିତଲେ ବାସା ଆନେସି, ଇଞ୍ଜାଁ ଏଞ୍ଜାରି ଏଞ୍ଜାଣି ଲକୁ ଆନେରି,

୪ ଅଡ଼େ ମାହାପୁରୁ ତାନୁଏ ଏଞ୍ଜାରିତଲେ ଡ଼ୟିନେସି, ଇଞ୍ଜାଁ ଏଞ୍ଜାରି କାନୁଚି ବାରେ କାଣ୍ଡୁ... ଜେଜାଡ଼ୁହନେସି; ଏମ୍ବାଆଁ ହାକି ଅଡ଼େ ଖାଏ; ଦୁକୁ, ଡ଼ାକି, ଇଞ୍ଜାଁ ବୀସା ଅଡ଼େ ଡ଼ୟେଏ; ଇଚିହଁ ପୁଃଆୟି ବାରେ ମେଶାଙ୍ଗା ହାଜାମାନେ ।”

୫ ଏବେଟିଏ ସିଂଗାସାଣିତା କୁଗାମାନାସି ଏଲେଇଚେସି, “ମେହ୍‌କୁ ନାନୁ ବାରେ ପୁଃନି କିହିମାଇଁ!” ଅଡ଼େ ଏଞ୍ଜାସି ଏଲେଇଞ୍ଜାଚେସି, “ରାଡ଼ାମ୍ବା, ଏନାଆଁତାକି ଇଚିହଁ ଇ ବାରେ କାତା ସାତାତାୟି ଅଡ଼େ ନାମୁଗାଗାୟି ।”

୬ ଏଞ୍ଜାସି ନାଙ୍ଗେ ଅଡ଼େ ଏଲେଇଞ୍ଜାଚେସି, “ବାରେ ରାଡ଼େୟିଏ, ନାନୁ ଆଲ୍‌ପା ଅଡ଼େ ଅମେଗା, ମାଟ୍‌ନାଚେସ୍ ଅଡ଼େ ରାପୁନାଚେସ୍, ଆମ୍ବାଆସି ଏସ୍‌କି ଗାଗାସି ଏଞ୍ଜାଣାକି ଜାଝୁହାନି ଜା଼ଗାଟି ତାୟୁୟାଁ ହୀଆନା ଏୟୁ ଗସାଲି ହାଲି ।

୭ ଆମ୍ବାଆସି ଜାଣା ଆନେସି, ଏଞ୍ଜାସି ଇ ବାରେତି ଅଦିକାରା ଆନେସି; ନାନୁ ଏଞ୍ଜାଣି ମାହାପୁରୁ ଆଇଁ, ଇଞ୍ଜାଁ ଏଞ୍ଜାସି ନା ମାନ୍‌ଏସି ଆନେସି ।

୮ ସାମା ଆମ୍ବାଆରି ଆଜିନାରି, ନାମୁ ହିଲାଆ ଗାଟାରି, ଅପାଆଗାଟି କାମାକିନାରି, ଲକୁଣି ପାୟିନାରି, ଦାରି କିନାରି, ଗୁଣି ଗାଡ଼ୁ କିନାରି, ପେଶାକା ବମାୟାଁ ପୁଜା କିନାରି, ଏଞ୍ଜାରି ଅଡ଼େ ବାରେ ମିଚି କାତା ଝେହନାରି, ହିରୁ ଅଡ଼େ ଗାନ୍ଦାଗୁଣ୍ଡା ତଲେ ଡ଼ାଞ୍ଜିମାନି ଗାଡ଼ୁୟୁତା ଗାୟୁ ବେଗାଆନେରି, ଏଡ଼ି ତାୟୁତି ହାକି ।”

* ୨୦:୧୪ ହାଡ଼ାରି ମାନି ଦେସାତି ☆ ୨୧:୧ ୨ପିତ ୩:୧୩ ☆ ୨୧:୨ ଝେଙ୍କହି ବଲ୍ଲୁ ୩:୧୨

ପୁଃନି ଜିରୁସାଲମ

୯ ଏବେଟିଏ ସାତାଗଟା ଦୂତୁୟାଁ ତାୟୁତି ସାତାଗଟା ତଣ୍ଡୟାଁଲ୍ ଆସାମାନି ସାତାଗଟା ଗିନାୟାଁଣା ସାତାଗଟା ଦୂତୁୟାଁ ବିତ୍ତାଚି ର ଦୂତୁ ନା ତାଣା ଖାହାନା ଏଲେଇଞ୍ଜାତେ, “ଇମ୍ପାଆଁ ଖାମ୍ପୁ, ବାହା ଆହିମାନି ତାଆମାଜା ଇଚିହ” ଫେଣ୍ଡା ତାଲୁତି ତକ୍ତିନି ନିଙ୍ଗ ତସ୍ତାଲ୍ ।”

୧୦ ଏବେଟିଏ ଏ ଦୂତୁ ନାଜେ ସୁଦୁଜୀଞ୍ଜୁ ବାତୁୟୁତି ର କାଜାୟି ଅଡେ ପାତାଆଡି ହରୁତା ଅହାନା ଏ ସୁଦୁ ଗାଡ଼ା ଜିରୁସାଲମତି ତସ୍ତାତେ, ଏଦି ଲାକପୁରୁଟି ଇଚିହ” ଫାହାପୁରୁ ତାଣାଟି ରେଟା ଖାହିମାଟେ,

୧୧ ଅଡେ ଏଦି ଫାହାପୁରୁଟି ଗାଞ୍ଜୁରମି ତଲେ ମ୍ପିସିମାଟେ, ଏଦାନି ଉଜେଡ଼ି ହାଓରକା ଦାରାଗାଟି ମଣି ଅଡେ ଝେଡ଼ାତି ଅପ୍ପିନି ଦାପେଣିଲେହେଁ ।

୧୨ ଏଦାନି ସାରିସୁଟୁ ର କାଜାୟି ଅଡେ ପାତାଆଡି କଟା ମାନେ, ଏମ୍ପାଆଁ ବାରଗଟା ଦୁଝେରିକା, ଏ ଦୁଝେରିକାଣା ବାରଜାଣା ଦୂତୁୟାଁ ଇଞ୍ଜାଁ ଦୁଝେରିକା ଲାକ ଇସ୍ରାୟେଲ ମୀରକାତି ବାର କୁଡ଼ାତି ଦରୁକା ରାସ୍ତକି ଆହାମାନେ ।

୧୩ ଝେଡ଼ା ହପୁଞ୍ଜକି ତାନିଗଟା ଦୁଝେରିକା, ଟିଃନିଞ୍ଜକି ତାନିଗଟା ଦୁଝେରିକା, ଟେବୁଞ୍ଜକି ତାନିଗଟା ଦୁଝେରିକା, ଅଡେ ଝେଡ଼ା କୁଡ଼ନି ଞ୍ଜକି ତାନିଗଟା ଦୁଝେରିକା ।

୧୪ ଏ ଗାଡ଼ାତି କଟା ବାରଗଟା ପୁନାଦିକା ଇଟକି ଆହାମାନୁ, ଏ ଖାଲୁକା ଲାକ ଫେଣ୍ଡା ତାଲୁ ତାଣାଟି ବାରଜାଣା ପାଣ୍ଡୁଞ୍ଜି ଆହାମାନାରି ବାରଗଟା ଦରୁକା ରାସ୍ତକି ଆହାମାନୁ

୧୫ ନା ତଲେ କାତା ଆହିମାଟି ଦୂତୁତି କେୟୁତା ଗାଡ଼ାତି, ଇଞ୍ଜାଁ ଏମ୍ପାତି ଦୁଝେରିକା ଅଡେ ସାରିସୁଟୁତି କଟା ଲାଟାଲି ର ବାଂଗାରା ବାଡ଼ଗା ମାଟେ ।

୧୬ ଏ ଗାଡ଼ା ସାରି କନ, ତାନି ଲାମ୍ପା ଅଡେ ଅସାରା ରଣ୍ଡିଏ ସମାନା; ଏଞ୍ଜାସି ଏ ଗାଡ଼ାତି ଏ ବାଡ଼ଗା ତଲେ ଲାଟାଲିଏ ବାର ମାଣା ବାଡ଼ଗା ଆଡେ; ଏମ୍ପାତି ଲାମ୍ପା ଅସାରା ଅଡେ ପାଡ଼ଣି ଜିକେଏ ସମାନା ଆଡେ ।

୧୭ ଅଡେ ତାୟୁ ଏଦି ଗାଡ଼ାତି ସାରିସୁଟୁ କଟା ଲାଟାଲିଏ ଏଦି ମାଣସିତି ଲେକାତଲେ ସାଡ଼ାକଡ଼ି ସାରି ହାଡ଼ା ଆଡେ, ଦୂତୁ ଏ ଲେକାତଲେ ଲାଟି ମାଟେ ।

୧୮ ଏ ସାରିସୁଟୁତି କଟା ଝେଡ଼ାତି ଅପ୍ପିନି ଦାପେଣି ଲେହେଁତି ମଣି ତଲେ କେପି ଆହାମାନେ, ଅଡେ ଗାଡ଼ା ଅପ୍ପିନି ଦାପେଣି ଲେହେଁତି ସୁଦୁ ବାଂଗାରା ତଲେ କେପି ଆହାମାନେ ।

୧୯ ଗାଡ଼ାତି ସାରିସୁଟୁ କଟାତି ପୁନାଦି ଏଟକା ଏଟକାତି ହାରେ ଦାରାଗାଟି ମଣି ଖାଲୁକାତଲେ ଅଜ୍ଜିକିଞ୍ଜି ଆହାମାନେ, ତଲିତି ପୁନାଦି ଜାସପର, ରୀ ଲମ୍ବର ପୁନାଦି ନିଲକାତ୍ରମଣି, ତାନି ଲମ୍ବର ପୁନାଦି ବଦୁଜ୍ୟମଣି, ସାରି ଲମ୍ବର ପୁନାଦି ମରକତମଣି,

୨୦ ପାସା ଲମ୍ବର ପୁନାଦି ପଲକମଣି, ସ ଲମ୍ବର ପୁନାଦି ମାଣିକ୍ୟ ମଣି, ସାତା ଲମ୍ବର ପୁନାଦି ପୁସପରାଟମଣି, ଆଟା ଲମ୍ବର ପୁନାଦି ପିରଜମଣି, ନ ଲମ୍ବର ପୁନାଦି ଗମେସଦକ ମଣି, ଦସ ଲମ୍ବର ପୁନାଦି ଇସୁନିୟମଣି, ଏଗାର ଲମ୍ବର ପୁନାଦି ଦାରଣକି ଖାଣାଗାଟି ମଣି, ବାର ଲମ୍ବର ପୁନାଦି ନେହ” ଗାନ୍ଦାଗାଟି ମଣି ମାଟେ ।

୨୧ ବାର ଗଟା ଦୁଝେରିକାଣାଁ ବାରଗଟା ମୁକ୍ତାୟାଁ, ର ଦୁଝେରିତି ର ମୁକ୍ତା ତଲେ କେପି ଆହାମାନୁ; ଅଡେ ଗାଡ଼ାତି ଆଂଗେଣିକା ନେହ” ଦାପେଣି ଲେହେଁତି ସୁଦୁ ବାଂଗାରା ତଲେ ଆହାମାନୁ ।

୨୨ ନାନୁ ଏ ଗାଡ଼ାତା ଏନି ଡେଞ୍ଜୁଡ଼ି ଜିକେଏ ମେହୁଆଡେଏଁ, ଇଚିହ” ପ୍ରବୁ ବାରେ ବାଡ଼ୁୟୁ ଗାଟି ଫାହାପୁରୁ ଅଡେ ଫେଣ୍ଡା ତାଲୁଏ ଏମ୍ପାତି ଡେଞ୍ଜୁଡ଼ି ସମାନା ।

୨୩ ଉଜେଡ଼ି ତାକି ଏମ୍ପାଆଁ ଝେଡ଼ା କି ଲେଞ୍ଜୁଡ଼ି ଲଡ଼ା ଆଏ, ଇଚିହ” ଫାହାପୁରୁଟି ଗାଞ୍ଜୁରମିଏ ଏମ୍ପାଆଁ ଉଜେଡ଼ି କିନେ, ଅଡେ ଫେଣ୍ଡା ତାଲୁ ଏମ୍ପାତି ଦୀଞ୍ଜି ସମାନା ।

୨୪ ଏମ୍ପାତି ଉଜେଡ଼ି ତଲେ ବାରେ ଦାରୁଡ଼ିତି ଲକୁ ତାକିନେରି, ଅଡେ ଦାରୁଡ଼ିତି ରାଜାୟାଁ ତାନି ହାଓରକା ଦନ ଏ ଗାଡ଼ା ବିତ୍ତା ତାନେରି ।

୨୫ ଏମ୍ପାତି ଦୁଝେରିକା ମାଦେନା ବେଲା ଦେପି ଆହାଁ ଡ଼ୟିନୁ; ଏଞ୍ଜି ଏବେଲା ଜିକେଏ ସୁଣ୍ଡକି ଆଡ଼, ଇଚିହ” ଏ ଟାୟୁତା ଲାଆଁୟାଁ ଇନାୟି ହିଲେଏ ।

୨୬ ବାରେ କୁଡ଼ାତି ଲକୁ ତାନି ଗାଞ୍ଜୁରମି ଅଡେ ହାଓରକା ଦନ ଏ ଗାଡ଼ାତା ତାନେରି ।

୨୭ ଏନି ପଲୁଆ ଗାଟାରି କି ଅପାଆଗାଟି କାମାକିନାରି, ମିତି ଜଲ୍ଲିନାରି ଆମ୍ପାଆରି ଏମ୍ପାଆଁ ହଡ଼ାଲି ଆଡ଼ଅରି; ସାମା ଆମ୍ପାଆରି ଦରୁ ଫେଣ୍ଡା ତାଲୁତି ଜାଞ୍ଜୁତି ପତିତା ରାସ୍ତକି ଆହାମାନେ, ଏଞ୍ଜାରି ହଡ଼ାଲି ଆଡ଼ିନେରି ।

୨୨

୧ ତାମ୍ଭୁ ଦୂତୁ ନାଙ୍ଗେ ଜାଝୁହାନି ଏମୁତି ର କାତା ତସ୍ତାତେସି, ଏଦି ଅପନି ଦାପେଣିଲେହେଁ ଉଜେଡ଼ି, ଅଡ଼େ ମାହାପୁରୁ ଇଞ୍ଜା ମେଣ୍ଡା ତାଲୁତି ସିଂଗାସାଣିଟି ହଡ଼ାନା ଗାଡ଼ାତି ଜିରୁ ମାଦିଟି ହାଜିମାନେ ।

୨ ଏ କାତାତି ରିକଞ୍ଜାକି ବାରୁ ଦେବା ପାଡ଼େୟି ଆୟିନି ଜୀଝୁତି ମାରୁନୁ ମାନେ, ଏମ୍ବାଆଁ ଲେଞ୍ଜୁ ତାକି ଲେଞ୍ଜୁ ପାଡ଼େୟି ଆୟିନେ, ଇଞ୍ଜା ଏ ମାରୁନୁତି ଆକା ବାରେ କୁଡ଼ାତାରାଇଁ ରଗିଟି ନେହଁ କିନାଇ ।

୩ ଏମ୍ବାଆଁ ଏଦି ବାକା ତୁୟେଏ, ମାହାପୁରୁ ଅଡ଼େ ମେଣ୍ଡା ତାଲୁତି ସିଂଗାସାଣି ଗାଡ଼ା ମାଦିଏ ତୁୟିନେ, ଇଞ୍ଜା ଏଝାଣି ହଲିୟାଙ୍ଗା ଏଝାଣି ସେବା କିନେରି ।

୪ ଏଝାରି ତାନି ମୁମ୍ବୁ ଟୁମହନେରି, ଇଞ୍ଜା ତାନି ଦରୁ ଏଝାରି ମୁଞ୍ଜୁତା ରାଟିନେସି ।

୫ ଏମ୍ବାଆଁ ଲାଆଁୟା ଆଏ, ଏଝାରାକି ଦୀଝି କି ଝେଡ଼ାତି ଉଜେଡ଼ି ଲଡ଼ା ଆଏ, ଇଟିହଁ ପ୍ରବୁ ମାହାପୁରୁ ଏଝାରି ମୁହେଁ ଉଜେଡ଼ି ଲେହେଁ ଆନେସି, ଇଞ୍ଜା ଏଝାରି କାଲାକାଲା ତାକି ରାଜି କିନେରି ।

ଜାସୁ ଝେଣ୍ଡା ଝାନାୟି

୬ ଏବେଟିଏ ଦୂତୁ ନାଙ୍ଗେ ଏଲେଇଚେସି, “ଇ ବଲ୍ଲୁ ସାତା ଇଞ୍ଜା ନାମୁଗାଟାୟି; ଏନାୟି ଗାଡ଼େକେଏ ଗଟଝି ଆନେ, ଏ ବାରେ ତାନି ସେବା କିନାରାଇଁ ତସାଲି ତାକି, ପ୍ରବୁ, ମାହାପୁରୁ ଅଣପୁତି ବଲ୍ଲୁ ଝେହନାରି ଜୀଝୁୟାଁତି ମାହାପୁରୁ, ତାନି ଦୂତୁଇଁ ପାଣ୍ଡାମାଞ୍ଜାନେସି ।”

୭ “ମେହମୁ ନାନୁ ତବେ ଝାଞ୍ଜିମାଇଁ; ଆମ୍ବାଆସି ଇ ପତିତି ବଲ୍ଲୁତି ମାନଝି ଆନେସି ଏଝାସି ନେହେଁ ।”

୮ ନାନୁ ଜହନତେସି, ଇ ବାରେ ଝେଟି ମେସି ତାମ୍ଭୁ ଆନିନି ଦୂତୁ ନାଙ୍ଗେ ଏ ବାରେ ତସ୍ତାତେ, ନାନୁ ଏଦାନି ଜହରା କିହାଲି ତାନି ପାଝଆନା କଡ଼ାଣା ରାତେସି ।

୯ ସାମା ଏଦି ନାଙ୍ଗେ ଏଲେଇଞ୍ଜାତେ, “ଜାଗ୍ରାତା ଏଲେକିଆନି, ନାନୁ ଜିକେଏ ନୀ ତଲେ ମାହାପୁରୁ ଅଣପୁତି ବଲ୍ଲୁ ଝେହନି ନୀ ତାୟିୟାଁ ତଲେ, ଅଡ଼େ ଇ ପତିତା ରାସ୍‌କି ଆହାମାନି ବଲ୍ଲୁତି ବାରେ ମାନଝି ଆନାରି ତଲେ ର ହଲେଏଣା ଲେହେଁ; ମାହାପୁରୁଇଁ ଜହରା କିମୁ ।”

୧୦ ଅଡ଼େ ଏଦି ନାଙ୍ଗେ ଏଲେଇଞ୍ଜାତେ, “ନାନୁ ଇ ପତିତି ତାମ୍ଭୁ ଗଟଝି ଆନି ବଲ୍ଲୁତି ସାଲି କିଆନି, ଏନାଆଁତାକି ଇଟିହଁ କାଲିନି ଏଦାତେୟିଏ ।

୧୧ ଆମ୍ବାଆସି ଦାମ୍ବୁ ହିଲାଆଗାଟାସି, ଏଝାସି ଅଡ଼େ ଦାମ୍ବୁ ହିଲାଆ କାମା କିପାସି, ଆମ୍ବାଆସି ଲାଗେଏ କାମା କିନେସି, ଏଝାସି ଅଡ଼େ ଲାଗେଏ କାମା କିପାସି, ଆମ୍ବାଆସି ଦାମ୍ବୁଗାଟାସି, ଏଝାସି ଅଡ଼େ ଦାମ୍ବୁଗାଟାସି ଆପେସି, ଆମ୍ବାଆସି ସୁଦୁଗାଟାସି, ଏଝାସି ଅଡ଼େ ସୁଦୁ ଆପେସି ।”

୧୨ “ମେହମୁ, ନାନୁ ତବେ ଝାଞ୍ଜିମାଇଁ, ବାରେଜାଣା ତାକି ତାନି କାମାଟି ଲେକାତଲେ ପାଡ଼େୟି ହାହାଲି ନା ଦାନା ନା ଡାଣା ମାନେ ।

୧୩ ନାନୁ ଆଲ୍‌ପା ଅଡ଼େ ଅମେଗାତେସି, ନକିତାତେସି ଇଞ୍ଜା ତାମ୍ଭୁତାତେସି, ମୁଲୁତାତେସି ଅଡ଼େ ରାପୁନାତେସି ।”

୧୪ ଜୀଝୁତି ମାରୁନୁତି ଅଦିକାରା ଆୟାଲି ଅଡ଼େ ଦୁଝେରିଟି ଗାଡ଼ାତା ହଡ଼ାଲି ତାକି ଆମ୍ବାଆରି ତାନି ହିମ୍ବୁରିକା ରାଡ଼ାମାନେରି ଏଝାରି ନେହେଁ ।

୧୫ ସାମା ରେଜିମାନି ନେସକା ଲେହେଁତାରି, ଗୁଣି ଗାରଡ଼ି କିନାରି, ଦାରିକାମା କିନାରି, ଲକୁଣି ପାୟିନାରି, ପେଣକା ବମାୟାଣି ପୁଜା କିନାରି, ମିତିକାତାତି ଜୀଝୁ ନନାରି, ମିତି କାମାଟି କିହାଲି ରାହାଁ ଆନାରି ବାରେ ପାଙ୍ଗାତା ତୁୟିନେରି ।

୧୬ “ନାନୁ ଜୀଝୁତେସି, ମାହାପୁରୁ କୁଲମିକା ତାକି ମିଙ୍ଗେ ଇ କାତା ଝେସାଲି ନା ଦୂତୁଇଁ ପାଣ୍ଡାମାଞ୍ଜାଇଁ, ନାନୁଏ ଦାଝୁଦତି ମୁଲୁ ଅଡ଼େ କୁଡ଼ାତାତେସି; ଏ ଉଜେଡ଼ିତି ଝେୟାଜାରା ହୁକାତେସି ।”

୧୭ ସୁଦୁଜୀଝୁ ଅଡ଼େ ବାହା ଆନି ତାଆ ମାଙ୍ଗା ଏଲେଇନେ, “ଝାମୁ !”

ଆମ୍ବାଆସି ଝେନେସି ଏଝାସି ଏଲେଇଣାମ୍ବାସି, “ଝାମୁ !”

ଏସ୍‌କି ଗାଟାସି, ଝାପାସି, ଆମ୍ବାଆସି ମନ କିନେସି; ଏଝାସି ଜୀଝୁହାନି ଏମୁ ଉଜେଏ ଗସ୍‌ପେସି ।

ରାନ୍ତି କାତା

୧୮ ଆମ୍ବାଆରି ଇ ପତିତା ମାନି ତାମ୍ଭୁ ଗଟଝି ଆନି କାତାତି ଝେନେରି, ନାନୁ ଏଝାରାଇଁ ଜାଗ୍ରାତା କିହଁ ଝେସିମାଇଁ, ଆମ୍ବାଆସି ଇ ପତିତା ଏନାଆଁ ଆନେସି, ଆତିହଁ ମାହାପୁରୁ ଇ ପତିତା ରାସ୍‌କି ଆହାମାନି ତଣ୍ଡାୟାଁ ଏଝାଣାକି ହାନେସି;

☆ ୨୨:୧୩ ଝେ ବଲ୍ଲୁ ୧:୮; ଝେ ବଲ୍ଲୁ ୧:୧୭; ୨:୮

^{୧୯} ଅଡ଼ଡ଼ ଆମ୍ବାଆସି ଇ ପତିତି ବଲ୍ଲୁତି ମ୍ଲେକ୍ନେସି, ଆତିହ୍ମ ମାହାପୁରୁ ଇ ପତିତା ରାସ୍‌କି ଆହ୍ମାମାନି ଜାସ୍ତୁତି ମାର୍‌ନୁ, ଅଡ଼ଡ଼ ସୁଦୁ ଗାଡ଼ାତି ତାନି ବାଗା ମ୍ଲେକ୍ନେସି ।

^{୨୦} ଆମ୍ବାଆସି ଇ ବାରେତାକି ସାକି ହାହିମାନେସି, ଏଝାସି ଏଲେଇଞ୍ଜି ମାନେସି, ସାତା, “ନାନୁ ତବେ ଝାହିମାଇଁ ।” ଆଡ଼ମନ୍ । ପ୍ରବୁ ଜୀସୁ ଝାମ୍ ।

^{୨୧} ପ୍ରବୁ ଜୀସୁତି କାର୍ମାମେହ୍ନାୟି ବାରେତାୟି ମାଜେ ଆୟାପେ । ଆଡ଼ମନ୍ ।